





BIBLIOTECA NAZ.  
Vittorio Emanuele III  
XXX  
G  
20  
NAPOLI









XXX

g

90











THEOPHILI  
BONETI

*D. Med. Nec non Serenissimo quondam Principi Henrico ab Aurelia,  
Longaville Duci, &c. à Consiliis Medicis.*

SEPULCHRETUM

SIVE

ANATOMIA PRACTICA,

Ex

CADAVERIBUS MORBO DENATIS.

*Proponens*

HISTORIAS ET OBSERVATIONES OMNIUM  
penè humani Corporis affectuum, ipsorumq; Causas reconditas revelans.

*Quo Nomine tam PATHOLOGIAE Genuinae, quàm NOSOCOMIAE Orthodoxae fundatrix,  
imo MEDICINAE VETERIS ac NOVAE Promptuarium dici meretur.*

Cum INDICIBVS necessariis.

OPVS OMNIUM MEDICINAE ET ANATOMIAE CULTORUM  
votis hactenus expetitum, summoque labore decerptum ac congestum.

Tomus Secundus.

*Continens affectus imi Ventris, Et reliqui corporis.*



GENEVAE,

Sumptibus Leonardi Chouët.

M. DC. LXXIX.







# ANATOMIÆ PRACTICÆ SIVE

## DE ABDITIS MORBORVM CAUSIS

Per Cadaverum Dissectionem revelatis,

LIBER TERTIVS.

### DE AFFECTIBVS IMI VENTRIS.

SECTIO I.

#### DE INAPPETENTIA.

##### OBSERVATIO I.

*Anorexia inducta ab orificio ventriculi superiore ulcerato, Humoribus corruptis in cavitate ejusdem.*

**I**UVENIS cum convivio interfuisset, eadem nocte dolore stomachi correptus fuit, inde sequitur vomitus, Anorexia, mors : In ventriculi orificio superiori ulcus erat magnum, ventriculus humoribus corruptis, fœtidis & atrabilaris refertus erat. *Vide lib. 1. sect. 1. observ. 14.*

##### SCHOLIA.

**I**Nappetentia ut plurimum fit ab humoribus dulcibus, crudis, aquosis, serosis, biliosis, aut aliter viciosis, ventriculi orificium & tunicas imbuentibus, hisque vel in ventriculo genitis, vel à vasis hepatis, lienis, pancreatis, mesenterii &c. in ventriculum influentibus, particulas acres, fermentaceas, quæ famem inducunt, (*vide Scholia ad observationem 1. sect. 2.*) destruentibus : Interdum a solis vaporibus biliosis aut aliter viciatis, videlicet in ventriculum elatis, sive hepate calidiore, sive à vermibus contentis in intestinis, sive ab utero, sive à toto corpore, ut per febres accidit : Nihil aliud autem censetur esse Anorexia, quam prostrata ciborum omnium appetentia, ex defectu suctionis sensus in orificio ventriculi superiore ortum ducens : Defectum suctionis inferre aiunt, alimenti in corpore abundantiam ; crassos & lentos humores, sive ex cibis in ventriculo genitos, sive aliunde affluentes : cibos pingues ac viscidos : intemperiem tam calidam quam frigidam : obstructionem vasorum lacteorum : consuetam evacuationem, ut mensium

vel hæmorrhoidum suppressam, aut consuetum intermissum exercitium : cerebri demum & nervorum vitia, in quibus scilicet facultas animalis vel concidit vel depravata est, ut in apoplexia, lethargo &c. paralyti etiam, propter obstructionem nervorum à sexto pari prodeuntium : *Franciscus* verò *Sylvius* in Praxi sua medica, vult hujus symptomatis causam frequentiore & graviores, esse salivam viscidiores & pinguiorem, adeoque ad promovendam alimentorum in ventriculo reliquiarum fermentationem plane ineptam ; quinimo pituitam in tenui intestino similem producentem, à qua succi pancreatici aciditas blanda obtunditur, cujus halitus acidiusculi & grati, ad superius orificium ventriculi appellentes, famem solent excitare : Aliam etiam causam esse Bilem pinguiorem, ab intestino tenui ad ventriculum assurgentem, atque tum alimentorum reliquias, tum salivam corruptentem, & sic gratam ipsarum aciditatem obtundendo, appetitum prosternentem.

##### OBSERVATIO II.

*Apositia ob ventriculum humore plenum viridi.*

**I**UVENIS mulier (*de qua lib. 1. Tit. de Paralyti*) conquerebatur de ventriculi ardore, siti, Appetitus edendi prostratione, alvi difficultate &c. Illi vesica bilis bile crassa ac nigra turgida erat : ventriculus humore plenus viridi ; colon intestinum, ubi ventriculo annexum est valde laxum : reliquis in locis, ad crassum intestinum usque, fecibus crassis duris infarctum :

PPP

OBSERV.



## OBSERVATIO III.

*Inappetentia à vitio fibrarum ventriculi & parvitate nimia Lienis.*

**M**ulier Romana 35. annor. per plures annos inappetentiam passa, cum tussi sicca & spirandi difficultate, cum frustra variorum Medicorum auxilia tentasset, moritur; Dissectoque ejus cadavere, ventriculi omnes fibræ nigræ duræque repertæ sunt: Tres vero pulmonum lobi adeo indurati, ut potius tophos lapideos quam carnem omnibus videntibus ementirentur: Lien ovi gallinacæ magnitudinem non excedebat. *Ex P. Sphereri observationibus.*

## OBSERVATIO IV.

*Inappetentia à ventriculi depressione per magnum Hepar.*

**F**ilia sexennis post lentam Tabem, doloribus hypochondriorum & Inappetentia, seu prostrato ciborum desiderio, viribus fracta expiravit; In dissectione cadavere Hepar universum fere occupabat abdomen, ventriculumque adeo ad inferiora depresserat, ut quasi ab œsophago videretur separatus: Pulmo sinister consumptus Tabi dederat occasionem, Pondere igitur Hepatis incrementis propter impeditam circulationem, depressus ventriculus, cibos vitæ necessarios respuit. *Thom. Bartholinus cent. 4. observ. 71.*

## OBSERVATIO V.

*Inappetentia à corrugatione, ulcere fistuloso, aliisque vitiis ventriculi.*

**C**ur nonnulli pauxillam quantitatem cibi assumere possint, causam videre visus sum, in vigili arcis Dessaviensis: Hic quidem munus suum obibat, sed aliquot annos conquestus erat de cibi fastidio & vomitu, ut fere solo potu se sustentare cogeretur, moriebatur tandem:

Aperto cadavere abdomen humore aquoso repletum reperiebamus: Deinde omentum putridum, ut ad tactum statim divelleretur: Præterea fellis vesiculam secundum quendam ramum ruptam: Quin & corrugatio aderat, seu concrefcentia quasi membranarum scirrholes: foramen quoque ventriculi verus, quemadmodum ex lateribus nigris, crustosis & inveteratis patebat, conspiciebatur; cui & ulcus fistulosum jungebatur: tandem etiam ventriculi capacitas admodum exigua, & vix cum nucis juglandis magnitudine conferenda, occurrebat, quibus sane factum fuit ut nihil fere comederit: omnesque cibos ingestos statim rejecerit: Quemadmodum saniei ratione ex ulcere, omentum & vesicula fellis computruerunt, & ob foramen portio potus ad abdomen delata fuit: Miror vero, cum foramen vetus appareret, cur non major aquæ copia ibi reperta fuerit? forsan *vena ventriculi avida*, cum parum alias alimenti assumerent, avide potum statim suxerant & ad mesaraicas detulerant. *Phil. Salmuth. centur. 1. observ. 43.*

## OBSERVATIO VI.

*Inappetentia à viscerum omnium corruptione.*

**V**lcere ventriculi visus fuit quidam cerevisiæ coctor laborare, & quidem interioris partis: huic non modo ventriculus male affectus erat, sed omnia viscera interiora corrupta ac foetidissima: Multo tempore hic pallidus admodum fuerat, & mali in facie coloris: circa digitorum articulos tumores habebat; delectabatur cerevisia forti & medicata: Contigit huic ut ventriculo pure ac crudis humoribus repleto, *cibum potumque non solum averfaretur*, sed conatus ne transmittere quidem potuerit: Profuit serapium acetosum, cujus uno aut altero cochleari sumpto, mox pituitam crudam, copioso pure permixtam vomuit: quod cum aliquoties deinde faceret, & vomitus tandem non amplius succederet, ad sanitatem se rediisse sibi persuadens, alia remedia admittere recusavit: Supervenit paulo post digiti unius sinistri pedis sphacelus; qui cum arte Chirurgi constitisset, mox dextrum pedem gangræna occupavit, & velociter progrediens, brevi supra talos pervenit: Hoc tempore cum de vitæ periculo admoneretur, respondit se nulla corporis parte dolore, neque unquam antea doluisse: Ita absque dolore, paucissimis post diebus, sub initium Julii, è vita migravit, tertio videlicet mense ex quo pus vomuisset.

Hujus omnia viscera, quæ aperto corpore in conspectum venere, corruptissima fuere, multo pone consistente pure: quorum tantus foetor, adeoque gravis ac molestus, ut diutius

tius hæere non fuerit possibile : multo minus singulas partes lustrare : Et tam foetidum corpus necesse fuerit mox sepulturæ committere : Videtur hic *interna viscera sensu destituta habuisse*, contra plane quam nonnulli alii, quibus sensu prædita sunt. *Dodonæus observ. 27.*

## S C H O L I A.

**[** *Interna viscera sensu destituta &c.* ] Corruptis forte nervis sensum illis impertientibus : Alias viscera interna obtuso sensu prædita sunt, Et 1°. Hepati exiguum attribuit *Galenus* 4. de usu part. cap. 15. *Glisson* Anat. Hepat. cap. 30. frequenti lecinorum excarnatione edoctus, testatur nullum extare nervuli cuspulpiam, extra capsulam communem, in ejus parenchymate vestigium : Ideo *Riolanus* deferens in *Galenus* sententiam abit, quod fieri non possit ut pars mere similis, nervisque omnibus destituta, sensu acerrimo fruatur : At dolores Hepatis, inquit *Riolanus*, sunt acutissimi : Dictum vero oportuit quibus indicibus ipsi constiterit dolores ejusmodi ad Hepar, non autem ad partes vicinas pertinuisse : In ejus quidem inflammatione adest dolor quidam gravativus in dextro latere, acutum autem dolorem in hoc morbo contingere medicinam facientibus nondum compertum : & si forte aliquando dolores solito acerbiores persentiantur, possunt sane verisimiliter partibus vicinis condolentibus adscribi : nimirum hepatis ligamenti, aut diaphragmatis parti illi, cui hepar, mediante loco suspensorio, a cæcæ annectitur : aut peritonæo nothas costas in dextro hypochondrio investienti ; aut denique ipsi tunicæ & vasis Hepa-

tis : 2°. Lien paucos nervos concessos docent veteres, ne hoc viscus fiat admodum sensibile : plures vero ostendit *Glissonius*, in eo non sensui aut motui inservire, est enim illi sensus hebes, & motus spontaneus plane nullus, sed in alium usum, alimentalis nempe succi eductionem ; 3. Renum parenchymati quoque sensus obtusus est : 4. Mesenterium exili sensu donatum esse, ac sine dolore inflammari, contendit *Fernelius*, solumque gravitatis habere sensum : 5. nervorum plures surculi ad Pulmonum mittuntur membranam, parenchyma vero non ingrediuntur :

**[** *Vena ventriculi avida &c.* ] A satietate quoque & repletionem illarum Inappetentiam oriri notat *Platerus* Prax. lib. 1. cap. 22. Ob sanguinis scilicet in venis mesaraicis, & præsertim in ventriculum dispersi redundantiam, ob quam cum nulla vel exigua fiat succio, appetentia quoque vel nulla vel pauca existit : Et præsertim quod ventriculus sanguine plenus, eoque veluti saturatus, novum succum minime appetat : Sicuti in plethoricis, & otio deditis, cum tardius substat corporis fiat dissolutio, tardior quoque fiat absumpti restitutio, ut tardius minusque esuriant contingit.

## OBSERVATIO VII.

*Inappetentia diuturna ab adipe copioso adnato circa fundum internæ superficiei ventriculi.*

**O**bservavit *Vesalius* lib. 5. Anatom. cap. 3. In ventriculis hominum obeforum, nonnunquam reperiri adipem utrinque copiosum, sed levem & lubricum in sinistro latere, circa fundum internæ superficiei adnatum, ob quem sæpe Inappetentia diuturniore tales homines laborant : Non secus ac si alius *quidam dulcis humor* eidem inhaereret.

## S C H O L I A.

**[** *Utidam dulcis humor &c.* ] *Senclorius* meth. vitand. Error. lib. 7. cap. 3. saporis dulcis in humoribus duo statuit genera, unum suave, quale in lacte, butyro, pinguedine, cui virtus oppilativa : alterum nauseabundum, saporem liquiritiæ referens & sacchari, adeo penetrantis dulcedinis, ut omnia salia & amara, huic saponi associata dulcissima sentiantur : Hujus nauseabundi dulcis, *Avicennam* sequutus, causam statuit putredinem phlegmatis : Ad id quod objicitur putredine pituitam saliam fieri, non dulcem ? Respondet pituitam acidam vel ponticam, sua frigida adeo obtundere & moderari quemlibet intensum calorem, ut à putredine, vel alia causa calefaciente fiat dulcis & non salia, omnia enim dulcia à calore

moderato fiunt : Idem saporem dulcem varias humorum misturas indicare censet, ut modo chylus dulcedinem acquirat ob perfectam alterationem primæ coctionis ; modo ob dulces ichores sanguineos à venis extramissos : Nauseosæ dulcedinis exemplum affert de Medico, qui tam immoderatam perpetuo in ore sentiebat, ut nihil inveniretur adeo amarum quod statim in ore ipsius non dulcesceret, quæ causa fuit insignis languoris virium, à quo in discrimen vitæ adductus fuisset, nisi olei vitrioli usu obviam ivisset : Putavit is à viscerum calore, & à putredine pituitæ, qua corpus erat refectum, ejusmodi nauseabundam dulcedinem contractam fuisse : Quæ forte causam à *Vesalio* enarratam habuit.

## OBSERVATIO VIII.

*Apositia ob ventriculum laxiorem, in quo globuli deprehensi, Lienem scirrhosum,*

**R**usticus cui in toto color plumbeus, cum hypochondrii sinistri duritie, fastidio ciborum omnimodo laborabat : In ventriculo laxiore globulos, ut nuces avellanas, & præduros offendo, etsi per menses nihil solidi sumpserat : ( An ideo quod aliquod fermentum Lien per vascula, quibus stomacho connectitur, denegaverat ? ) *Vide tit. de Lumborum dolore.*



## OBSERVATIO IX.

*Inappetentia producta à diversis ventriculi affectibus.*

§. 1. **V**ir Nobilis nephriticus cum Appetitu prostrato tandem è vivis excessit: Omentum illi erat prærenue, Ventriculi substantia tenuis, interior illius tunica diversicolor, In cavitate liquoris fæculenti cochlearia circiter tria. *Vide tit. de Lumborum dolore.*

§. 2. Cuidam Inappetentia & fastidia ciborum: Fundum ventriculi in ejus cadavere & pylorus erant syderata: Totus ventriculus putris & laceratus est minimo fere digitorum contractu. *Vide tit. de ventris dolore.*

§. 3. Jac. Gallus conqueritur de ventriculi dolore, dejecta Appetentia &c. Ventriculi faciei extima erat vermiculata, interna corrupta & putris, humor qui in eo erat nigricabat. *Vide tit. de vomitu.*

§. 4. Mulier conquerebatur de ventriculi dolore, Apositia, In fundo ventriculi inventi lapilli copiosissimi. *Vide tit. de ventriculi dolore.*

§. 5. Virgo brevi morbo sublata: ante obitum Aposita & febre continua prehensa fuit: Jecur defunctæ nonnihil plus solito nigricans & ventriculus perexiguus, bile porracea intinctus reperiuntur. *Vide lib. 2. tit. de Phthisi.*

§. 6. Domicellæ cum ventris cruciatibus summa fuit Inappetentia; stomachus totum abdomen implebat, In cujus fundo copia materiei putidæ, & in loco Lienis, ubi multa ramenta fæcesque ejus. *Vide tit. de ventris dolore.*

§. 7. Mulier per plures annos Inappetentiam passa est, ventriculi omnes fibræ nigræ duræque repertæ: Lien ovi gallinacæ magnitudinem non excedebat. *Vide lib. 2. tit. de Dyspnæa.*

## S C H O L I A.

**L**ien ovi gallinacæ &c.] Si ex plurimorum sententia, Appetentia excitatur ab humore melancholico à Liene in ventriculum transmissio, qui acidavi & adstrictione tunicam internam ventriculi corrugat &

vellicat, estque illi instar acetarii ad excitandam appetentiam, collige hinc Lien tantæ parvitatæ sufficientem quantitatem ejulmodi succi adparare non potuisse quæ Famem inducere potuerit.

## OBSERVATIO X.

*Inappetentia inducenda à diversis Hepatis aut Lienis affectibus.*

§. 1. **F**ilia sexennis prostrato Appetitu & fracta viribus expiravit: Illi Hepar universum fere occupabat abdomen, ventriculumque adeo ad inferiora depresserat ut quasi ab œsophogo videretur separatus. *Vide lib. 2. tit. de Phthisi.*

§. 2. Quidam conquestus de molesto hypochondrii dextri dolore & edendi appetitus amissione: Inventa est vomica sinistæ parti Hepatis connata, satis magna atque aperta, reliqua satis sana. *Vide tit. de Hypochondr. tumore.*

§. 3. Nobilis in melancholiam incidit, (lib. 1. tit. de melancholia) Tandem cibum & potum cœpit averfari, quos tamen citra appetentiam admisit. Hujus Hepar colore undique nigrius quam secundum naturam apparuit: sed tamen minus quam pulmonis sphaculo correpti substantia.

§. 4. Famulus N. per annum hypochondrii dextri dolore conficiebatur, cum cibi Fastidio: Hepar repertum durum, magnum, albicans circa stomachum: Gibba parte prope costas nothas, nigrum, plumbeum. *Vide l. 4. tit. de Febris.*

§. 5. Matronæ molam gerenti Appetitus prostratus erat: Hepar undique abscessibus putridis scatere deprehensum est. *Vide tit. de Graviditate falsa.*

§. 6. Nob. N. tussi laboravit, & tumore infra cartilaginem xiphoidem: supervenit cachexia, Appetitus dejectio &c. Hepar erat grandius & colore livido: In superna parte versus diaphragma, abscessus sese obtulit plenus vesicis, & materia putrida circumdatus, qui corruptit Hepar & erosit usque ad cystin felleam. *Vide lib. 4. tit. de Tumoribus.*

§. 7. Sæpe Jecur animadversum tuberculis & abscessibus instar furunculorum obsideri, quorum non aliud signum fuit quam Febris cum siti & cibi fastidio. *Fernelius Patholog. lib. 6. cap. 4.*

§. 8. Vir aliquot septimanis conquestus est de Appetitu cibi & potus plane prostrato: Repertus est Lien prima facie integer, interior substantia instar amurcæ: *Vide tit. de Hypochondr. dolore.*



## OBSERVATIO XI.

*Inappetentia ab intestinis Sphacelatis.*

**V**Iduus quidam literatus, quadragenario major, melancholicæ, & dum viveret, valedudinariæ constitutionis, m. februario anni 1670. solito plus conquestus est de Ructibus austeris, Inappetentia & dolore ventriculi, necnon renum & dorsi: Subsequentæ dehinc sunt *obstructiones alvi*, noctes inquietæ & sæpe insomnes, doloresque obscuri, gravativi circa Illia, iique in sinistro latere supra ventriculum quasi ascendentes: febris apparuit nulla, major tamen nonnunquam sub vesperam quam interdiu, Lumborum dorsique incallescencia: urinæ pallidiores plerumque & crassiores deprehensæ, cum sedimento copioso, nonnunquam Tartaro rubeo, sæpius albo, mucoso: Pulsus in dies debiliior, ab initio tardior, versus interitum celerior; supervenit his omnibus vomitus sanguinis nigricantis, in grumos majores tenacissimos maximam partem concreti, qui cum intra triduum copiosior aliquoties rediisset, ægro, exhausto virium thesauro, leipothymias frequentiores, ipsam denique mortem accersivit.

In aperto corporis mortui abdomine atque thorace, sequentia, ad partem affectam, causasque morbi & mortis imprimis facientia, occurrerunt notatu digna. 1. Pinguedo quidem sat multa sub cute per totum corpus diffusa. 2. Musculi vero abdominis & thoracis excarnes. 3. Cor nihilominus obesum satis, duriusculum, compactum, bene constitutum, sanguine vacuum. 4. Pulmones, quoad colorem quidem à naturali statu parum differentes, flaccidi tamen & exangues, horumque lobus dexter inferior versus dorsum thoraci annexus. 5. In ventriculo nullus sanguis, tunicæ bene constitutæ: 6. Lien justæ figuræ, magnitudinis & coloris. 7. Mesenterium non glandulosum, sed una cum pancreate naturaliter constitutum. 8. Hepar admodum magnum, totum obvolvens ventriculum, admodum pallidum, totum licet sanguine vacuum, ponderans tamen libras med. iij. & uncias viij. 9. Vena portæ versus Hepar sanguine exhausta. 10. Intestina in sinistro latere fuere bene constituta: quæ vero in dextro, livida, nigricantia, sphacellata, vasaque mesaraica in intestina desinentia sanguine nigricante turgida. 11. Intestini coli pars superior in sinistro latere supra ventriculum inflata, qua vero deorsum vergit, incisum, sanguine concreto, feculento, nigerrimo, instar picis, quale vomitu rejerat æger, admodum repletum. 12. Renes pallidi & flaccidi, inque dextro horum materia multa Tartarea, & circa infundibulum calculus instar fabæ minoris. 13. In sinistro vero major & albicans calculus, pondere scrupulorum v. figura & magnitudine cordis avium oblongiore tornata, multæ materiæ seroso lacteæ, quæ una cum plurimis particulis tartareis, instar calcis, per totam renis substantiam dispersa erat, quasi innatans. *Ex observationibus D. Friderici Orthlobii, Medici Vratislaviensis.*

## S C H O L I A.

**M**irum quod viscera Lienis, Pancreatis, Hepatis cum suo felle, ventriculique in hoc corpore omnia deprehensa fuerint sana & naturaliter constituta, cum tamen ægrotus, per totum vitæ spatium pallidus & tristis incesse, solitariamque & sedentariam vitam amaverit, omniumque Medicorum consultorum sententia hypochondriacus audiverit: Nec minus mirum intestina illius fuisse sphacellata, sine præviis doloribus abdominis, sine prævia febre manifesta: Conjectura est sanguinem melancholicum acido austero;

inhabilem quidem ineptumque fuisse ad concipiendum subitam & magnam fermentationem & exestuationem febrilem, nihilominus tamen, forte ab errore dietæ excalescentis, intra morbi decursum commisso, in tantum irritari, exaltari, & commoveri potuisse, ut per vasa mesaraica (hæc enim versus intestina repleta, versus Hepar inanita apparuere) ad intestina successive confluerit, hisque sphacelum, misello vero mortem intulerit.

## OBSERVATIO XII.

*Apositia orta à vitio coli intestini, facibus aut vitiosis humoribus referti.*

**I**N Thomæ Gualteri cadavere conspeximus manifeste vasa per omentum decurrentia; ex gastrica vena fundo ventriculi inserta, & ab ejus venæ origine multa etiam vasa colo inserta: Unde ex autopsia colligi poterat quam facilis & quam opportuna, validaque esset inter colon & ventriculum sympathia; quod attestatur prostratus appetitus dum feces in colo restagnant, & per eorum vasorum commercium vapores in ventriculum prorumpunt. *Otho Heurnius observ. 13.*

## S C H O L I A.

**I**n *colæ & ventriculi sympathia*] Quam observavit *Ramus* in Encheiridio; Notandum aut feces

propè jecur & ventriculum in elatiore & ampliore coli parte coacervari: At vero cum corpus sit perspirabile,



spirabile, si quando pigra fuerit alvus, à stercoris fetore foetore languere ventriculum, Inappetentiam sequi, ipsum cerebrum oppleri: Quare alvus colluen-

da, quo sentina illa exhauiatur: Notum illud Hippocratis, Ventris seguities, & valorum impuritas, omnium confusio.

## OBSERVATIO XIII.

*Apositia, Oris amaror, à bile in ductibus choledochis redundante, Vesicula ea turgente, Hepate male constituto.*

**J.** Spœrlin (*vide tit. de Paralyfi lib. 1.*) Sæpe omnem cibum, inprimis *carnes fastidivit*; sæpe nec vinum sapuit, non raro amarore omnia imbuta videbantur: Hepar erat debito mollius, pallidum & fere cruoris expers: Bilis in ductibus cholidochis vitellina redundavit, pressoque parenchymate copiose profluxit; vesicula foris albicans simili bile flava implebatur, continens calculum nucis moschatæ magnitudine.

## S C H O L I A.

**C**arnes fastidivit, Hepar mollius &c.] Corruptæ hepatis substantiæ, aut corruptionis incipientis (cujus mollities & pallor indicia dant) hæc signa affert Author Encheridii Med. Practici, Vires imbecillimas, febrem lentam, totius corporis extenuationem, *ingens carnis fastidium* & summum vini oprimi, ejusdemque meracioris desiderium (cujus fastidium obrepit ob bilis copiam in os usque obrepentem, atque amarorem patientem) præterea ex oris foetore

& animi deliquiis: Originem adscribit biliosæ saniei per jecoris carnem effusæ, nec opportuno tempore expurgatæ, unde putret, ejusque pariter carnem labefactat & tandem corrumpit: In incipiente corruptione uritur iis quæ refrigerando & corroborando jecoris obstructions solvunt, & bilem detrahunt: Confirmato morbo à refrigerantibus abstinere, quia tunc caloris summa adest imbecillitas, unde hydrops, alvi profluvium, leucæria.

## OBSERVATIO XIV.

*Anorexia à vitio Hepatis subputridi, Lienis, &c.*

**A**gers Chirurgus diu de Inappetentia conquestus est cum dolore hypochondrii sinistri: In defuncto inveni hepatis colorem omnino mutatum, qui luteus erat vel lutulentus, substantia mollis, laxa & putrida: Vesica fellis turgida, Lien pallidus & fere ejusdem cum hepate coloris, substantia semiputrida: Utrumque hoc viscus proxime & arcte ventriculo annexum; ventriculi quoque interior tunica corrosa: Mercurio vitæ sæpe usus fuerat. *Vide tit. de Hypochond. dolore.*

## S C H O L I A.

**M**ercurio vitæ sæpe usus fuerat] Quem Mercurium vitæ æternæ dici potius debere vult *Fabritius Hildanus* Epistola ad Doringium; allato exemplo *Marrone Solodutensis* ab ejus usu eodem die extractæ, Et alterius *Bernensis*, à trium granorum exhibi-

tione in tantum discrimen vitæ adductæ, ut vir restituta sit: Mercurio enim, tum vivo tum male preparato, vis maligna & erodens adest, visceribus omnibus infensa.

## OBSERVATIO XV.

*Inappetentia, Bradypepsia, aliique affectus, Pancreatis vitio adscripti, ab Hepate affecto oriundi.*

**N**uper, scil. 16. Novembris anno 1667. in Nosocomio publice secui cadaver Juvenculæ 24. annorum, quæ per integrum triennium ibidem decubuerat, modo per multos menses gravissimis *menstruorum fluxibus*, modo *colicis torminibus*, modo *diarrhæis*, Inappetentia, Bradypepsia, tandem *Anasarca*, eaque evicta, sub finem vitæ longa *Tussi* cum aliquo purulento sputo detenta, in quo cadavere Pancreas (in quo uno dictorum malorum causam nos inventuros sibi certo persuaserant illi studiosi, qui antea *Leydæ Sylvii* institutionibus usi fuerant) optime sanum & prorsus illæsum invenimus, Hepate graviter affecto, non rubro, at sublivido colore tincto, & Pulmone multis ulcusculis obsito. *De Diemerbrak Anatom. lib. 1. cap. 9.*

## APPENDIX.

*De usu Pancreatis ejusque succi, atque ostenditur plurimis quidem morbis dare originem, perperam tamen multos ipsi adscribi, à vitiis aliarum partium deducendos.*

**D**E officio hujus visceris cum omnes opiniones prorsus conjecturales animadvertentem, nec ullis rationibus aut experimentis fulciri, post multa tentamina anatomica, comperi cum in vivorum, tum in recentiorum strangulorum brutorum sectionibus, è Ductu Pancreatico



Pancreatico manifestum quendam liquorem, sublimpidum & quasi salivofum, nonnihil austerum ac leviter subacidum (præter experientiam illi omnem aciditatem denegat *Needham*) ac interdum quasi subsalsum quid admistum habentem (in canibus morbofis eundem etiam nonnunquam foetentem ac pravi saporis observavimus) effluere in duodenum intestinum, idque interdum copia non contemnenda: Nulla vero chylifera vasa in hoc viscus extensa, ut nec unquam chylum in eo reperiri, Sed peculiarem humorem ex sanguinis arteriosi in illud delati serosa atque subsalsa parte, admistis paucis spiritibus animalibus per minimos nervulos allatis excoqui, eumque ad intestinum duodenum effluentem, & una cum effluente bile, alimentis in ventriculo coctis, ac per pylorum in intestina jam elabentibus, mox admistum in istis alimentis suscitare peculiarem effervescentiam, quæ utiles chylosæ particulæ ab inutilibus separantur, attenuantur, & ad maiorem fusionem deductæ (hanc ejus operationem ostendit diversitas substantiæ alimentorum in ventriculo coctorum, & adhuc contentorum, ab eorum quæ jam in intestina influxerunt: Illa quippe viscida & crassiora sunt, coloresque assumptorum varios obtinent: hæc contra sunt multo fluidiora, minus viscida & magis albicantia) simul aptæ reddantur ut motu intestinalium peristaltico per interiorem mucosam eorum substantiam in vasa lactea impelli queant, reliquis crassioribus paulatim ad crassa intestina defluentibus, ut in iis asserventur usque ad excretionis tempus: Fit autem ista effervescentia propter Bilis sal volatile oleumque sulphureum, concurrans cum succi Pancreatici aciditate, sicut in Chimia ex talium concursu similes effervescentias fieri videmus.

His ita pensius consideratis, mihi certum feci Pancreas non esse viscus adeo inutile aut parvi momenti, ut à multis describitur, & Liquorem, seu succum in eo excoctum, non esse tam paucum ut vix observari possit, neque etiam excrementitium esse, sicut multi putarunt, sed esse succum mediocris quantitatis, & ratione suæ subacidulæ qualitatis specificæ, maxime necessarium ad faciendum, una cum affluente eique admistæ bile, alimentorum coctorum, è ventriculo jam elapsorum, novam in intestinis effervescentiam, per eamque utilium ab inutilibus separationem: Atque hinc ex Pancreate bene valente magnam sanitatis partem dependere; male autem valente plurimos morbos, hætenus solis lienis, hepatis, mesenterii aliarumve partium vitiis assignatos, non minus quam ab aliis modo dictis partibus procedere: Et facile jam animadverti posse ab ejus succo vitioso, scil. aut nimis copioso, aut nimis acri affluente (præcipue si etiam bilis copiosior & acrior simul concurrat) nimiam & pravam fieri in intestinis effervescentiam, vomituum acidorum, rugituum, flatuum, tensionum, diarrhœæ, dysentericæ, colicæ passionis (quæ tamen pleraque mala à vitiosa bile sola etiam induci posse certum est) aliorumque similium morborum causam: Vel ab eodem nimis paucò, vel nimis miti & insulso affluente, valde exiguam fieri effervescentiam, obstructionum, atrophicæ, alvi durioris &c. causam: Vel interdum ab eo nimis falso vel acido, sursum versus ventriculum assurgente, famem caninam, nauseam, vomitum, ructus acidos &c. Versus intestina descendente, magna tormina, erosiones, alvi fluxus &c. Versus caput vero, una cum sanguine ascendente, epilepticas convulsiones, & quasi hystericas passiones: Versus stomachum aut cor, palpitationes cordis & leipothymias, pulsuumque summam inæqualitatem & debilitatem &c. excitari. Atque sic pro varia vitiositate hujus succi varios produci affectus, quales etiam in ægris hypochondriacis varii conspiciuntur, quorum magna pars vitiis hujus succi merito adscribenda videtur: Quæ vitia ipsi maxime imprimuntur, aut per pravam diætam, multorumque salforum, acidorum, fumo siccatorum, acrium aliorumque similium usum: aut per pravas coctiones aliorum viscerum, præcipue Lienis, quia scil. his de causis, propter vitiosum sanguinis fermentum plurimæ sanguinis particulæ in corde minus spirituosæ redduntur, atque subacidæ vel subsalsæ, & ad coagulationem pronæ remanentes, sicque ad hoc viscus per arterias delatæ, in eo nec satis subigi, nec in fermentum alimentis coctis ad intestina jam elabentibus conveniens, mutari potuerunt.

Sed notandum *Regnerum de Graaf* hac in parte nonnihil peccare, *Clariss. Franciscum de le Boë Sylvium* sequutus, ab hac una inventa morborum causa, fere omnium morborum origines & causas deducere nititur, quippe diarrhœas, dysenterias, colicos dolores, epilepsias, syncopes, hystericas suffocationes, menstruum fluxus, febres, & nescio quos non alios ab hac una sola causa produci existimat: haud aliter ac si nulli alii vitiosi humores, aliarum partium vitiis geniti, tales morbos unquam producerent: Cum tamen ægrotorum mortuorum cadaverum sectio millies doceat tales morbos sæpe integro ac pene illæso pancreate, aliarumque partium vitiò fuisse inductos: Multoties enim coram multis spectatoribus demonstravimus, integro pancreate diarrhœas, dysenterias & colicas affectio-



nes, vitio hepatis & bilis, ut & epilepsias vitio cerebri & meningum, aut ab auris foetente ulcere fuisse inductas: febres quoque plurimas, à vitiosis humoribus per aliorum viscerum aut partium aliquarum intemperiem, pravam coctionem, inflammationem, corruptionem ulcerationem &c. genitis suscitatas: item hysterica gravissima & lethalia symptomata, vitio testium præter naturam tumidorum, & virulentum, flavum aut lividum succum, virulentos halitus versus superiores partes expirantem, continentium fuisse excitata: eademque in multis viventibus sola vitiosa seminis excretionem fuisse evacuata, nullis insonti Pancreati remediis adhibitis.

## OBSERVATIO XVI.

*Apositia à scirrho Pancreatis & Glandularum mesenterii orta.*

**P**uella (*tit. de Phthisi l. 2.*) cibum nullum appetebat, vomebat &c. Illi Pancreas induratum erat omni ex parte, & plane scirrhosum: Glandulæ mesentericæ hinc inde scirrhosæ &c.

## S C H O L I A.

**P**ancreas induratum ] Fastidii ciborum in ægrotis causam deducit *Franc. Sylvius* à vitiosis halitibus in tenui intestino, ex vitiosa, propter viciatos, simul vel seorsim, Bilem, Pituitam & Succum Pancreaticum, effervescentia productis, atque ad ventriculum & os assurgentibus, Famem notabiliter minuentibus. Hinc si humor in Pancreatis glandulis conglomeratis præparandus, vitiosus conficiatur, quia illæ indurescant, vel paucior generetur, mirum ne sit appetentiam ea de causa minui.

## OBSERVATIO XVII.

*Apositia exorta à variis vitiis & complicatis partium naturalium.*

§. 1. **M**atronæ (*vide tit. de ventriculi dolore*) ventriculi dolore laboranti, succedit febris, Apopsia &c. Ventriculus erat inanis: Pancreas magnum & scirrhosum, Ren sinister colliquatus omnino.

## S C H O L I A.

**R**en sinister colliquatus ] Interdum Apopsia nascitur ex sympathia Renum cum ventriculo: inde ortum habet, quod diligenter notandum, ubi suspicio Renis affecti. *Riolanus Enchir. lib. 3. cap. 28.*

§. 2. Celsissima N. (*de qua tit. de ventris dolore*) conquerebatur de Anorexia, dyspepsia &c. Jecur erat exangue & decolor, mesenterium scirrhosum: In ventriculo aliquæ corrosionis & inflammationis notæ &c.

§. 3. Quidam nullum cibum Appetebat: Omentum illi plane putrefactum inventum est, ventriculo reliquisque visceribus salvis. *Vide tit. de concoctione lesa.*

§. 4. Mercator (*tit. de urina per alium locum excreta*) cum lumborum dolore, urinæ ardore, Alimentorum fastidio laboravit, Dextrum latus renis erat expers: Sinister pure ac steatomate infectus: Juxta vesicam carcinoma.

§. 5. Domina N. sensim emacruit, omne genus alimentorum fastidians. Hepar repertum exsuccum & mali coloris: Uterus corruptus & quasi gangræna affectus. *Vide lib. 4. tit. de Febribus.*

§. 6. Seren. N. Inappetens fuit per totum morbum: Intestina omnia flatibus erant distenta: Jecur refertum materia alba: In thorace aquæ libræ 5. Pulmones erant muco & sanie obsessi. *Vide lib. 4. tit. de Febribus.*

§. 7. Scotus hypochondriorum dolore, nausea, vomitu, siti, Anorexia, &c. laborabat: Hepatis lobus orificio ventriculi posteriori erat affixus, nigricans ab inflammatione: Cum Pyloro induruerant pancreas & mesenterium &c. *Vide tit. de ventris dolore.*

§. 8. Ill. N. Appetitus fuit dejectus cum siti &c. In stomacho duo ulcera reperta: Hepar durum & quasi coctum, Splen putridus &c. *Vide tit. de Ischuria.*

§. 9. Viro cuidam post nimium meri potum dejectus ciborum appetitus &c. Lien erat quadruplo auctior, durior, nigra amurca distentus: Intestina superiora lividiuscula, Hepar justo durius. *Vide lib. 2. tit. de Dyspnæa.*

§. 10. Johannes N. post varios affectus cordis & thoracis, incidit quoque in Anorexiam: Omentum in defuncto inventum putridum, Jecur magnum, plurima pituita refertum, Lien & Ventriculus parvi, Vesicula fellis exigua: In pancreate omnia dura. *Vide lib. 2. tit. de Palpitatione cordis.*



# ANATOMIÆ PRACTICÆ

## LIBRI TERTII

### SECTIO II.

#### De Fame præter naturali.

##### OBSERVATIO I.

*Appetitus inexplebilis in quodam cui ventriculus ingentis magnitudinis, cruore ad medium repletus.*



**A**PRIUS 19. anni 1674. aperui virum 45. annorum, macilentum omnino, qui jam per annum integrum, & quod excurrit, ægrotaverat: Expectatio adfuit modo sanguinea, modo purulenta, sine notabili, & vix ulla spirandi difficultate: Sæpius vomitus aderat cruentus: *Appetitus tentabatur inexplebili*, cum motu materiæ ex ventriculo versus lumbos, unde *animal quod in ventre detineri*, varie mobile, sibi persuaferat, quod *quamprimum alimentum assumptum* esset, illico id sibi *sumeret*.

In aperto cadavere inveniebam Pulmonem sinistram undique pleuræ adnatum, hinc inde purulentum, grandinosumve: Hepar quoque variis locis valde induratum: Ventriculus erat ingentis magnitudinis, flatu distentus, cruore ad medium repletus; crusta intima variis locis aberat, quibus etiam vasa pressa sanguinem manifeste effundebant: Acidum inversus spirabat nidorem: Credo sanguinis extravasati fermentationi & famem & inflationem hic adscribi posse. *Gerardus Blasius observat. Anatom. p. 122.*

##### SCHOLIA.

**A**ppetitus inexplebilis] Quid sit Fames nemo non ab experientia aliquando noscere didicit, est scilicet Appetitus cibi: Sed quid Appetitum istum inducat, ejusque causa sit, de eo est dissidium: Antiquitus Famem ab inanitarum partium tractione seu suctione fieri putarunt, easque nutrimento egentes ex venis, has ex hepate, hepar ex ventriculo, sentiente facultate præditi, sugere, eaque suctione molestiam illam, quam Famem appellamus, induci tradiderunt: Quæ opinio hodie merito exploditur, partim quod secundum hanc plethorici nunquam forent famelici; partim quod non detur talis tractio, nec talis à partibus inanitis ab hepate per venas fieri possit, propter valvularum impedimenta: Alii, cum acida famem excitare animadverterent, judicarunt eam induci ab acidis succis à Liene per vas venosum breve ad ventriculum delatis: Hanc opinionem hodierna curiosior Anatomie omnino pellumdedit, demonstrans in vivis animalibus sanguinem per illud vas breve à ventriculo quidem versus Lienem descendere, atque in sanum splenicum effundi, nihil vero ductu contrario à Liene ad ventriculum ferri, multi cum Regio, statim Famem oriri ex morsu inaniti ventriculi, ab acerbis & calidis quibusdam succis, per arterias in ventriculum, seu ejus tunicas continue impulsis, qui post expulsionem chyli non inveniunt quod corroderent, ventriculum pungunt, quo nervus sextæ conjugationis certo modo in eo motus, imaginationem cibi sumendi excitat, in morsu istius remedium: Verum hanc sententiam illud evincit, quod sanguis arteriosus, propter sulphurearum particularam prædominium, non sit ullo modo acer, sed omnino mollis, mitis, dulcis, ita ut neque in ventriculi, ne-

que in aliarum partium, quantumvis acute sentientium tunicis ullam corrosionem, aut molestam puncturam faciat vel facere possit: Præterea hinc sequeretur, quo plus hujusmodi arteriosi sanguinis ad ventriculum inanitum pelleretur, eo majorem futuram famem, atque contrarium liquet in febribus ardentibus: Adde quod iis qui sani per biduum jejunaunt, amplius nulla fames sit, cum tamen ventriculus sit maxime inanitus, & sanguis per arterias continue in tunicas ejus influat: Si adiecta corrosione excitetur fames, quare in talibus non contingit illa famelica corrosio?

Alii denique, quorum sententiæ subscribendum censemus, judicant Famem fieri à particulis acerbis fermentaceis, genitis ex deglutito salivali succo, aliisque quibuscumque subfalsis acidisque ingestis, ventriculi tunicis adherentibus, ab eoque ad aliquam aciditatem perductis, vel ab expulso chylo in eo residuis, interiori rugosæ membranæ ( præcipue circa ostium superius ) affixis, eique molestam vellicationem inferentibus, qua per nervos sextæ conjugationis cerebro communicata, excitatur imaginatio cibi sumendi, ad molestam corrosionem demulcendam:

Acrimonia his fermentaceis particulis à ventriculo imprimitur, cum in succis, qui interiori tunica adherent, sulphureæ particulæ obtunduntur, & talis à ventriculi conveniente calore liquantur ad statum fusionis, sicque specifico modo aciescunt: Quo etiam plurimum facere potest succus Pancreaticus subacidus, in duodenum intestinum infusus, si vel ipse met versus ventriculum affurgat, vel acidus vapores aut halitus ex intestino ad eum transmittat.

Hic objicitur, si hæc de causa fiat Fames, ergo repleto



repleto ventriculo, cum jam coctio & fermentatio in cibis fit, maxima erit fames, quia in coctione illa multo plures excitantur particule acidæ & fermentacæ, quæ ventriculum magis vellicabunt, quam pauciores illæ antedictæ? Negatur, plures quidem erunt particule fermentacæ, id est, dissolutæ, sed non fermentacæ, id est, dissolventes: Exemplum habemus in pane fermentato, cujus tamen singulæ partes non valent ad fermentandum aliam farinaceam massam, quia non amplius acidæ, sed, ut ex saporis dulcedine liquet, sulphureæ particule in eo prædominantur, & quo usque in dissolutis particulis prædominium sulphurearum persistit, eo usque non possunt fieri acidæ aut fermentacæ (sulphur enim dulce est) ut liquet in febribus, in quibus hanc ob causam acidæ copiosius exhibentur, ut sulphurea vis edomari, & sic fermentacea conveniens qualitas restitui possit: Nam cum sulphurearum dominium salutarum acidarum particularum vi superatur, tunc aciditas fermentacea introducit; ac proinde repleto, & cibos coquente ventriculo, non sunt plures acidæ, acres & corrodescentes particule, & si quæ sunt, illæ ab admixto copioso liquore ita infringuntur, ut nullam molestant vellicationem ventriculo inferre possint, acque hinc etiam fames eo tempore major esse non potest, sed potius cessat: Verum ubi chylus, cum eoque dissolutæ sulphureæ, salis permixtæ particule, ad intestina effluerunt, tunc quod residuum interiori tunice ventriculi adhæret, aut cum salivali succo isthuc defertur, redundantia particularum sulphurearum magna ex parte liberatum, calore ventriculi accescit, & sic iterum vellicat novamque Famem inducit, quæ rursus cessat ubi per ingestos cibos & potus illa aciditas fuerit attemperata, ejusque acrimonia mitigata.

Quod si vero hi fermentacei succi non tantum moderari ventriculo iniunt, verum etiam lienis, pancreatis, aliarumve partium vitio nimis acres & copiosissimi in corpore generentur, & à capite, aut inferioribus quibuscunque partibus tanta copia ad ventriculum adfluant, ut ab ingestis cibis & potibus eorum acrimonia satis infingi & attemperari nequeat, tunc fit Fames præternaturalis, quam Caninam vocamus, in qua ægri identidem cibos ingestos, una cum acerrimis succis, instar succi citri (ut ipsi se testantur) acidis evomunt, & præ vellicante acrimonia, ob magnam humoris tenacitatem in ventriculo remanente, mox iterum famelici sunt & comedunt. Si vero fermentacæ particule sint vitiosæ, aut crassiores & tardi motus, tunc longiore tempore opus habent ad sui exaltationem & famis excitationem: quod imprimis contingit, cum acidi spiritus in toto corpore, atque hinc etiam in saliva & illo mucoso humore; qui interiori tunice ventriculi adhæret, pauciores insunt:

Interdum etiam contingit Famem subito prosternei vel imminui, cum amara bilis nimis copiosa in ventriculum ascendit, (hoc frequenter contingit in hominibus biliosis, in ictero, in febribus variis &c.) in eoque sui admixtione, tam fermentaceas alimentorum reliquias, post expulsum chylum in ventriculo remanentes, quam eodem adfluentem salivam corrumpit: In alvi fluxu fermenti vitiosi certum indicium est.

Hæ autem Famem excitantes fermentacæ particule, ut ex antedictis patet, acidæ vel tubacidæ sunt, eademque existunt quæ coctionem ventriculi promovere, & ingesta alimenta fermentant ac dissolvunt: Hæc de causa etiam fit, quod acida modice

sumpta famem excitent & ventriculi coctionem meliorem faciant: Hujus rei experimentum, (præter quotidianam experientiam quam in nobis ipsis percipimus) habemus in nostris navis, qui longo itinere ad Indos navigant, cum enim diu crassis aurisque cibis in navibus usi sunt, hincque debilem appetitum & coctiones omnino languidas habent, ac ictericam cachexiam contraxerunt, tandem quamprimum ad Insulas aut Regiones appulerunt, in quibus ipsis copia limonum sit, mox ab aciditate succi istius fructus appetitus, omnesque languentes coctiones in iis sulcantur, & sic ad pristinam sanitatem brevi redeunt:

Acidæ igitur sunt fermentacæ istæ particule à quibus Fames excitatur, quæ si in ventriculo defecerint, tunc fames languet, & chylicatio non perficitur, sed cibi crudi incoctique rejiciuntur, tales quales sunt assumpti: iis rursus in ventriculo genitis, coctiones redeunt, & appetitus restituitur: Unde Hippocrit. 6. aphor. 10. dicit. *In lingua levitatis intestinorum, si ructus acidus fiat, qui prius non erat, bonum est signum:*

Quomodo autem fermentacæ particule subacidulam istam acrimoniam nanciscantur paulo ante dictum, scilicet per convenientem calorem talis particulas ad statum fusionis liquantem. Dico convenientem, quoniam sicut ab admixto fermento panis in loco tepido bene, in frigido ægre, in clibano fervente nihil prorsus fermentatur, ita etiam aciditas hæc non nisi à moderato ventriculi calore excitatur, & postea in actum majorem suscitatur, à nimis pauro non producit, à nimis magno discutitur, ipsi fermentum futuri liquores consumuntur. Hinc in pituitosi hominibus, intemperie ventriculi frigida prædictis, fames languet coctioque debilis est: in biliosis, calidave ventriculi intemperie donatis tollitur. Atque hinc etiam non sequitur, *Quo major est ventriculi calor, eo major erit fames. & fortior ac melior coctio:* contrarium enim liquet in cauto & ventriculi inflammatione: Igitur non calor, sed Fermentum (quod in aliis acris, in aliis minus existit) est causa proxima Famis & coctionis ventriculi; calor vero moderatus est causa materiam disponens ut inde gignatur Fermentum, idque fermentum exaltans & in actum promovens. *Diemerbroek Anat. lib. 1. cap. 6.*

Unde animal aliquod &c.] Causam Proximam Famis naturalis ponit Galenus, & multi cum eo, *Suctionem vitæ, Remotam, defectum alimenti, 1. de sympt. causis cap. 7. Andr. Laurentius* ad hujus loci illustrationem notandum censet, *Quod ad appetitum animale quique necessario concurrunt symptomata, quæ hoc ordine sese consequuntur: 1°. necessarium est exhaustum partium, deinde earundem succis & tractus: exhausta enim particula trahunt à vicinis, hæc ab aliis consumuntur donec ad aliquod extremum perventum fuerit; extremum hoc ventriculi est orificium superius, ubi cessat tractus: Ex tractu tertium sequitur symptoma, divulsio oris ventriculi, ex divulsione sensus, ex sensu appetitus: Hæc tria, quantumvis egregiam veritatis speciem præferat, multorumque patrociniū hæcenus invenerit, non leves tamen difficultates constat rem accuratius peritulatoro: 1°. enim 5°. symptomata in appetitu animali concurrere debent; Si in appetitu symptomata concurrunt, homo esuriens non amplius erit sanus, si symptoma omne est p. n. & morbi toboles, sic semper in statu præter naturali erit constitutus: Appetitus est actio i. n. ideoque opus non est ut à causis p. n. instituat: Galeni causas ut jam ordine tangamus, priusquam fiat Appetitus, evacuationem alimentorum*



alimenti partem sub cute fieri, actionemque ibi incipere necesse est, quæ molestat partes alias, donec ad ventriculum perveniat eundemque morore quodam afficiat: Sed si evacuatio sanguinis, in peripheria corporis absumpti, causa appetitus remota, quare idem sanguis profusus venæ sectione appetitum non excitat? imo quo laetior cruor venæ sectione effunderetur, eo major appetitus debebat lucrescere, quem tamen exinde potius inde prostrerni conspiciamus: Simili ratione quaecumque hæmorrhagiam fames sequi deberet: In morbis chronicis quanta sub cute emaciata evacuatio, quanta totius corporis extenuatio? quare autem venæ tum temporis non sugunt? Imo non posset fieri appetitus nisi venis majoribus plane depletis: Porci aliaque bruta saginata nullum amplius appetitum habere debebant, quum sub cute in illis nulla amplius fiat nutrimenti evacuatio & consumptio: Si sugentes venæ maiorem parerent in ventriculo, eundem in aliis quoque partibus efficerent: Mirum enim alias esset famelicæ venas continua suctione solum enecare ventriculum, quum prius cordis vel hepatis fores pro erogando viarico quoque puliare debuissent. Demum in ambientem aërem digeruntur extremitates corporis nostri, & ab ea continentur, ab aëris proculdubio calore agente in humidum nostrum, Quocirca tempore æstivo appetitus debebat esse major, minor brumali, imo in summa aëris frigiditate nullus, contrarium tamen patet, ut & ex Hippocr. 1. aphor. 15.

Descendamus ad ipsum ventriculum, quid ibi suctione præstare queat contemplaturi: Venæ sorbillantes si macerant ventriculum, quo in tractu macerabunt? an forsitan in ostiolo hospitum cibum excipientes? at stolidi erit natura venam sorbere iubens ea in parte ubi saturari non poterat, aquam in pumice

quæsituram: Ab anserina simplicitate non procul abest credens venarum suctionem in orificio ventriculi superiore fieri, quippe cum nullus ibi perficiatur chylus, nullæque adsint pro attrahendo chylo venæ: In penetralibus ergo vel parietibus ventriculi suction instituitur; hanc vero ibi non fieri ostendunt venæ lacteæ ab Asellio demonstratæ: Ponamus vero venas sugere vel in ventriculo vel in intestinis, sed probandum istam suctionem molestiam pro fame & siti excitanda sensibilem creare: Infans fortiter sugens matris mammas nullam molestiam nullumque affert dolorem: Venulæ autem minutulæ levis suction qualem exhibebit molestiam? Quod etiam *corrugantur* ventriculi appetitum evenire quidam credunt, dubium evadit ex eo quod quo magis jejune venter, eo magis quoque appetentia eat pessum: Hinc Scythæ, ex Erasistrato, jejunaturi stomachum & intestinorum regionem de indultia fasciis atqueioribus stringebant ad eludendum appetitus stimulum: Tandem venas depleri in extremitatibus saltum, quum arteriæ solum sanguinem ad partes cum interioribus tum exteriores pro nutrimento deducant; Et licet particula sanguinis arteriosi consumatur, facili tamen negotio ista potest restaurari sanguinis è corde & vena cava affluxu: nec opus ut ob levem defectum venæ istam defectum ventriculi implorent, imprimis in obæsis & plethoricis corporibus: Fames & appetitus p. n. auctus ad veram appetitus naturalis causam nos potest deducere; is enim omnium consensu fit ab humore melancholico, vel acro, continuo os ventriculi stimulante: Sed si humor p. n. magnum facit appetitum, quare non etiam humor naturalis moderatum & naturalem?

*Morbim Medicina Physiolog. cap. 9. Vide plura ibidem.*

## APPENDIX.

### *De Canina Fame ex Lumbricis alimentum assumptum depascentibus.*

**A** Nimal aliquod alimentum assumptum sibi sumeret, ] Mulier quædam cum multa & immodica assumeret, omniaque concoqueret, & nunquam saturari se diceret, rationem vero in stomacho experiretur, & capite doloret, pulverem sumpsit ex hiera, hinc vermem projecit qui longitudine 12. cubitos & plures habere putaretur: atque tunc immoderata & furiosa Appetentia conquievit: Innotuit igitur non Bulimum, sed bestiam fuisse quæ ad cibum sumendum compelleret omniaque consumeret. *Trallianus l. 7. c. 4.* Scribit *Nicolas* capite de Bulimia, quod novit Florentiæ mulierem, quæ propter vermes plures, quos habebat congregatos in ventre, non stabat hora una inter comestionem & comestionem: quæ si aliquando dimittebat cibum, vehementer cruciabatur: idcirco pluribus vicibus surgebat ad sumendum, finaliter sumptis pilulis de colocynthida multa phlegmata emisit, & vermes ultra centum, & cessavit ab ea appetitus ille. *M. Donatus h. mir. med. lib. 4. cap. 2.*

## OBSERVATIO II.

### *Fames extraordinaria insigni Hepatis mole adscripta.*

§. 1. **N** Ostra ætate grandævam fœminam vidit parens, quæ ne ad momentum quidem absque ingestione ciborum & potuum vivere potuit, quin licet anxia supra modum exiliret, & tanquam injecto laqueo strangulabunda quamprimum videretur: Hoc illi vitium fere à pueris cum ætate habuit incrementum: creditum est multis aut anguem aut simile quippiam in corpore latere. Tentatis variis, nihil omnes Medici profecere: Sed una duntaxat ratio fuit referenda in hepatis molem vel, ut uno verbo dicam, monstrosam idiosyncrasiam:

Nam aucta pinguedine supra modum, & calore suffocato, apertus est venter, detraheturque adipis libræ propemodum 20. Inventum est Hepar integrius, turgidum sanguine spirituque



spirituque, sed impensius rubens ac mole ineffabili, ut sola scil. magnitudine membra spiritalia & conterminas partes opprimeret. *C. Gemma Cosmocris. lib. I. cap. 6.*

## S C H O L I A.

**M**ole ineffabili] Fit hoc sæpius cum ille formator spiritus in distribuenda seminis materia rhythmū non observat, unde & major attractionis vis, & calor innatus non æqua membrorum portione in animantibus adolescens, quandam tyrannidis speciem in repub.

facit: Ac illud sequi necesse est, dum una pars amplius rapit; altera, quæ debilior est, vim fortioris minime sustinens, paulatim opprimi parvas & magnas, donec & ipsum caput, dissoluta œconomia totius, minorumque partium præsidio destitutum contabelcat. *Idem ibidem.*

§. 2. Anno 1672. mense Januario, jubente prætore Urbano, cultro anatomico, Geneva, expositum est cadaver uxoris aurifabri, nomine Rival; quæ veneno interempta credita est, quia maritus pridie decesserat; at dissimili morbo, hic enim post melancholicas affectiones Catalepticus obiit; Illam gravidam peripneumonia extinxit: Hujus Hepar insolitæ erat magnitudinis, probe constitutum, utrique hypochondrio coextensum; quod contemplatus, sciscitatus sum à consanguineis adstitibus num per valetudinem edax esset? quod trepide negarunt: Postridie autem rei veritas innotuit per defunctæ amicam, quæ à me quæsit num aliquam insuetæ edacitatis causam in corpore deprehenderim? *Argentarius comm. in artem parvam p. 609.* experientia compertum esse ait, illos maxime esse edaces quibus Hepar magnum: firmat Excell. *Th. Bartholinus* in Anatomie, grandius esse asserens in timidioribus naturis, timidis & gulosis.

§. 3. Filiolus N. nimia Appetentia laborabat, cum secretionem per alvum superflua, monstrosa Hepatis erat magnitudo, necnon Lienis, Glandulæ per totum mesenterium scirrhosæ &c. *Vide tit. de Diarhœa.*

## OBSERVATIO III.

*Fames intensa à stomachi & intestinorum vitiata figura, anfractibus carentium.*

**F**irminus Chaudonus voracitate erat Erisictonæa, cui causam præbuit, quod nec stomachi nec intestinorum ullam habebat figuram proportionatam, præter œsophagum, qui se inferebat amplæ capacitati, maximæ cucurbitæ fundo simillimæ, quæ ad latus dextrum, sub magno Hepatis lobo, prope cystin felleam, in volucrum faciebat, sursum tendens, retinendo diutius alimento, nec enim pylorus ullus erat: *unicum* deinde à pylori loco ad anum intestinum erat, sine ullo anfractu: cumque aliorum intestina quatuordecim æquent ulnas, hujus vix ad quatuor spiritui accedebant in forma literæ S. sed crassitie erant immani: Mesenterium etiam ingens erat, mesaraicis refertissimum: vixit annos 40. *B. Cabrollius observ. 10. Riolanus Anthropol. lib. 2. c. 12.*

## S C H O L I A.

**G**Yrorum in intestinis hic ab Anatomicis assignatur usus, 1. ne alimentum statim elaboratur nondum perfecta concoctione: 2. ne nondum absoluta chyli anadosi si statim elaboraretur, aliud mox alimentum assumere cogamur, sicque ob voracitatem à rebus agendis distrahamur: hinc animalia quo rectiores ductus habent à ventriculo ad anum, eo gulosiora sunt; quo convolutiores eo continentiora. Ad productionem intensæ illius famis conferte potuit vasorum mesaraicorum ingens numerus citam chyli anadosin promovens.

*Unicum à pylori loco ad anum intestinum erat*] Eadem pene intestinorum conformatio animali in Lithuania & Moschovia nascenti, cui à Voracitate Gulonis nomen inditum: Id invento cadavere tantum volat ut extendatur & infletur tympani instar: itaque angu-

stiam aliquam inter arbores ingreditur, & per vim seipsum intrudit, ac ventrem premens stringensque exonerat, ut violenter ingesta violentius egerat, sic extenuatum rursus ad cadaver properat & rursus impletur, ita ut vicissim de cadavere quantum potest devoret & excernat, donec totum absumpserit: Animal id olim à P. Pavio sectum, in quo, præter admirabilem cum humano corpore similitudinem, hoc insigne reperit, quod cum intestina, tam humana quam brutorum, partim intenuia & crassa, partim in sex partes dividantur, in hoc bruto nihil tale apparuit, sed intestinum ab exortu usque ad exitum, undique sibi simile figura inventum, nec formam ullo pacto mutari: quæ causa est quod hoc brutum ingesta compressu abdominis egere possit: quum & cæco careat intestino & reliqua recta sint.

## OBSERVATIO IV.

*Fames & edacitas summa à putri Liene.*

§. 1. **D**E iis quibus putris & vitiosus erat Lien & edacitas summa, patet exemplo Caroli d'Herville & Formagei, cui utrique putris erat Lien, & edacissimi erant: *Gul. Ballonius Epid. & Ephemer. l. I. p. 61.*

## S C H O L I A.

**M**elancholicos passim edaces esse censuit Galen. quod à corpore Lienis refluat, per vas venosum

in ventrem ipsum, succus melancholicus acidiusculus, proritandæ appetentiæ accommodatus: Sed & alia



Alia ratio reddi potest, Cancrofa dispositio in Lienem, ut quibus Lien putris est & corruptus: duabus enim de causis isti sunt edaces, tum quod Lien labo-

rans & infirmus non defacet corpus à succo melancholico, tum quod instar cancri depascatur alimentum. *Idem ibidem.*

§. 2. Johannes N. valde famelicus erat & ciborum appetens, vix Famem satiabat: Mortui putris & semilacer inventus est Lien; & in magnam molem excreverat. *Vide lib. 4. tit. de Febris.*

## OBSERVATIO V.

*Anatome Viri voracis, in cujus ventriculo aqua nigra copia inventa est.*

Cum post mortem aperiretur ventriculus cujusdam ex ordine Equestri, inventa est magna copia aquæ nigrae instar atramenti scriptorii: Ideo Eques iste admodum avide solitus fuit vorare, quod Appetitus aciditate succi in orificio ventriculi stimularetur. *Libavimus in Cista Medica Hornungi.*

## SCHOLIA.

Succi Melancholici, cum aquis, receptaculum Lienem esse, utur in optime constitutis nativis, etiam hæmatopoi si inserviat, non est fabulosum: Non ita dudum obiit quidam qui ante mortem aliquoties vomuit nigram, quasi fuligine mistam, aquam; hæc unde nili ex Liene in ventriculum effusa? Succus

nimirum melancholicus dilutus aquis, quas ex ventriculo & hepate assumpserat, Lien cum face sanguinis regurgitavit, restagnavitque in ventriculum, Solutum autem esse acidus seu aluminosus.

*Idem ibidem.* Vide Scholia ad observationem 1.

## OBSERVATIO VI.

*Hominis voracis anatome, in cujus ventriculum bilis deferebatur.*

Remex Vesalii, cui bilis ad ventriculum deferebatur, homo in vita, commilitonum suorum testimonio, erat voracissimus, fortiorisque ventriculi, non facile nauseæ in procellis maris obnoxil. *Gothofr. Moebius in Fundamentis Physiolog. cap. 17.*

## SCHOLIA.

Cum natura bilem cum chylo in intestinis, & interdum in ipso ventriculo misceat, necessario utrumque aliquem in chylicatione præstabit; Non desunt authorum testimonia de hac Bilis virtute: *Manducant* in sua Anatome quoque attestatur, quod de clara bilis ad stomachum pro corroboranda virtute digestiva veniat; *Idem lib. de Anatomia vivorum. Galeno attributo, idem corroboratur. Cystis fellea habet tres meatus, unus dirigitur ad fundum stomachi, quo transmittitur cholera in ipsum stomachum propter digestionem confortandam: Lupi*

ideo deprehenduntur voracissimi: confirmat Remex Vesalii: Porus choledochus licet raro ad ventriculum abeat, vesicula tamen fellea contactu suo cum ventriculo nonnihil communicat, quem & ea ratione calefacere potest. *Idem ibidem.* Si ad concoctionis facilitatem conducit Bilis, eadem & ad Appetitum cientiendum valebit, cum hic inanitionem ventriculi sequatur, quæ quo citius concoctionem in eo factam sequitur, eo promptius Fames præsto est. *Vide observ. 128. sect. 7.*

## OBSERVATIO VII.

*Anatome puellæ famelicæ, in qua Splenica vena insigni magnitudine prædita reperta est.*

Puella (de qua libro secundo, tit. de Phthisi.) variis affectibus conflictata, Appetitu tamen continuo & comedendi aviditate donata fuit, quod provenisse apud me non est dubium quod Lien illi plane erat sanus, Splenica etiam vena maxima: Lien enim cum crassiore chyli partem sine ullo impedimento ex venis mesaraicis continuo traheret, Et proinde humores acidos copiose ad ventriculum transmitteret, facile immodica Appetentia consequi potuit. *Hildanus cent. 6. observat. 74.*

## SCHOLIA.

Lien plane sanus) Si ex observatione multorum, quibus imbecillis Lien aut putris, ii voraces sunt, quomodo si sanus est eundem effectum pariet? Aliam vero rationem in puella supradicta afferre licet, anadofia scil. chyli impeditam, ob pancreatis scirrhum, & mesaraicarum vasorum obstructionem, unde frustaneum famelicarum partium & alimento fraudatum desiderium.

Constat præterea, ut notat *Lower Tract. de motu cordis cap. 5.* Lienem nihil ad ventriculum immediate transferre, sed aliunde atque ex ipso sanguine pendendum esse fermentum hoc, quod ingesta omnia in

cremorem lacteum dissolvit: Cujus quoque id non leve est argumentum, quod melancholia hypochondriaca affecti, humore salino in ventriculum deposito, magna Boulimia sæpissime tenentur: & quamdiu appetitus iste durat, ab omni dolore corporis immunes sunt: humore vero acri isto & fetido, metastasi quasi facta, in alias corporis partes deposito, cruciatus & spalmi ciantur: interea etiam ut ventriculi appetitus omnis & digestio propter defectum ejus penitus flaccescat, quod hypochondriacis fere omnibus solenne est, atque malæ sanguinis diathesi potius quam Lienis vitio proxime imputari debet.

Qq9

APPEN-



## DE LIENIS VSV.

*Lienem ad excitandum appetitum nihil conferre, exemplo Canis ostenditur, qui eo per sectionem privatus, ut ante famelicus fuit.*

**H**ominem sine Liene vivere posse testantur historię, *Laurentius* Anat. lib. 6. cap. 25. ait suo tempore Lutetię dissectum fuisse juvenem, alias optime constitutum, qui liene carere inventus sit: *Kerkringius* Observat. Anat. xi. asserit se duos infantes disseccasse, quibus hæc pars defuerit: *Fioravanti* affert historiam Græcæ mulieris, cui reapse Lienem exsecuerit, unciarum xxxij. pondo, ex ejus corpore eductum facta incisione lateris sinistri, spatio xxiv. dierum sanatam: Ab aliis Anatomicis historię veritas confirmatur per similia experimenta, in diuersis animalibus tentata, nulla subsequuta valetudinis aut functionum læsione: Sed ne dubitandi ansa superfit, placuit varia ea de re tentare experimenta, tum privata, tum in conventibus nostris, è quibus unicum adducam à ducentis comprobatum testibus oculatis: Hæc operatio in cane si instituenda, infra costas latere sinistro fiat sectio, quatuor digitos longa, cavendo ne lædantur intestina: Inquirendus demum Lien, lenitèrque è corpore extrahendus: hinc filo vasa singula constringenda sunt, partibus vicinis illum connectentia & ligatura rescanda, hocque pacto, citra guttæ sanguinis effusionem, separabitur: Tandem intestina introrsum reprimenda sunt & quæcunque partes per aperturam simul cum Liene egressæ: Curis postea accuratè consuenda cum peritoneo, intactis omento, ventriculo, intestinis, aliisque partibus.

A nobis observatum Operatione hac eo modo, ad summum intra horæ quadrantem, peracta, canem non majus ab ea quam à simplici vulnere detrimentum percepisse, adulatum fuisse notos, & paucò elapso tempore edisse.

Accurata vero addita observatione quid demum contingeret, experti fuimus canes post ablatum lienem, appetitu solito intensiori pollere, plura ingerere, alacriores esse, habitiores fieri & frequentius lotium effundere.

Ejusmodi observationes abunde probant Lieni ordinarios usus perperam assignatos esse, Nam 1°. si illius non alia functio sit quam ut sanguinem à limo & fæce melancholica detecer, quod statuit *Galenus*, crassior ille & terrestrior appareret ablato Liene, quod experientię repugnat: 2. Si Lien sanguinem conficeret, ut placet *Aristoteli*, manifesta corporis imminutio, debilitati totius juncta, ablationi ejus succedere deberet, quod tamen non accidit: 3. Si idem ventriculo acidum succum, excitando appetitui congruum, vel concoctioni alimentorum inservientem suppeditaret, quod plerique *Avicennam* & *Riolanum* sequuti tradunt, animantia Liene destituta à cibo abhorreere deberent, sublata vero alimentorum in ventriculo concoctione, perire: Tandem si Lien tenuando sanguini conduceret, plurimorumque spirituum ex hoc productioni, quod placet *Clar. Franc. Sylvio*, sanguis post ablatum Lienem tenacior & crassior foret, corpus gravius, hebetiores sensus, & functiones singulæ minus vegetæ, quibus contradicit Experientia: In contrariam porro venio sententiam, Lienem nempe condensare sanguinem eique consistentiam quandam conferre, in eum finem ne rapidior sit illius per vasa excursus, aut subtilior is æquo fiat: Hæc vero sunt conjecturæ fundamenta, Bilis amara, in jecore genita, tantam tenuitatem sanguini conciliat, ut in enormi caloris & motus excessu constitutus videretur, nisi à natura alterius humoris, eum fixandi & coercendi vi præditi, admittance cautum esset: A nulla autem parte, præterquam à Liene, effectus is expectandus est; omnibus enim in confesso est serosi humoris, acidi & mordicantis, illum originem esse, in sanguine post filtrationem per ejus substantiam reperiendi: Quantum enim sapor amarus caloris corporis exuberantis indicium est, tantum aciditas frigoris, in corpore, quod occupat, supponit, cujus est proprietas: Hinc constat experientia amara à Medicis in usum duci ad purgationem, & proinde calefactionem corporis, vice versa eosdem acidis ad refrigerium totius uti: Notum est oleum Tartari animali infestum esse, in ejus venas infusum, inducta sanguini fermentatione & nimia attenuatione; Ex opposito acidum vitrioli, spiritum coagulando, & figendo cruorem in venis, idem occidere: Ea de causâ biliosi agiliores cæteris & calidiores sunt; melancholici autem segniores & frigidiores: Hinc liquet Lienem inspissationi sanguinis potius quam ejusdem attenuationi destinatum esse: Certum est chamæleontem, lacertam, omnèque avium genus quod Splene destitutum est, calere magis, subtilique magis sanguine donari iis animalibus quibus illud viscus concessum est.

Proprium est rationem reddere ex hac hypothesi eorum quæ observata sunt in animalibus



bus quibus Lien exemptus est: Sanguis enim ea temperatione destitutus, necesse est ut in gyrum citius agatur tenuiorque evadat: Sanguinis autem tenuitati, ut præcipuè causæ, adscribenda corporum agilitas, spirituum mobilitas, edacitas, ac tandem ut ab assumpto uberius solito alimento corpus pinguescat: id quod contingere animadvertimus cum ex crasso aëre in tenuiorem sit transitus, Ea tandem sanguinis subtilitas, cui Splen crassitiem non indidit, forte causa est frequentioris mictionis in animalibus liene spoliatis: Tenuis enim sanguis in serum facilius solvitur, renes facilius subit & trajicit, uberioremque proinde vesicæ materiem suppeditat. *Ex Ephemer. Eruditorum Aug. 1. 1672.*

## OBSERVATIO VIII.

*Fames extraordinaria imputata magnitudini Ventriculi & Lienis, Ac trium intestinorum absentia.*

**C**UIdam Illustr. Baronissæ ambo Pulmonis lobi, scil. superior atque inferior sinistri lateris defuerunt, quia natura defecit in eorum productione: Ventriculus magnus adfuit, cui à Liene vas breve amplum sine valvulis communicabatur: Lien erat ponderis lbvjß. Intestina tantum tria apparuerunt. Jejunum, Colon amplum solitoque crassius, & Rectum: Horum longitudo non xiv. ulnarum Patavinarum, secundum *Spigelium*, sed tantum trium visebatur: Natura ergo cum defecit in producendis medio pulmone, parvo hepate & brevibus intestinis, supplevit defectum in Liene: Hæc Domina fuit multi & crassi cibi, non bis sed sæpius in die comedendo, quasi lupino fuisset donata intestino: *Antonius de Pozzis in miscell. Curiosis anni iv.*

## OBSERVATIO IX.

*Fames insatiabilis à Pediculorum caterva in ventriculo, alimentum absummentium.*

**P**Uer Ictero laborans non Galbulam quæsit, ut eam fixis aspiciens oculis ab Auriginè liberaretur, solo obtutu: non ad calcinata ingeniosissimi Helmontii alkalia provocavit, ut debellarent Arquatum: non ad appositoria Sylvii confugit apozemata, aut accuratam medendi invocavit methodum, ut viscerum humores pituitosi, bilem in suo motu impediētes, incisi profligarentur, sed in sordidissimis pediculis solatium se juvenitum ratus, septem vel novem devoravit: Disparer sensim morbus, unde & sibi & puero gratulabantur parentes; verum citato gradu approperebantibus gravioribus ipso morbo symptomatibus, stultæ lætitiæ suæ graves dederunt pœnas: Pediculis enim sugillatus insidiosus hic hospes, simulata tantum fuga delituit aliquantulum, ut postea ceu alter Pharo surgeret contumacior: Successit quippe invicem huius mali pallor infernus, Appetitus nimius, imo caninus, ut jurares huic quinquaginta Ægeonis fuisse ventres, insignis quoque accessit *Atrophia*, unde mors.

Cum autem ventriculus defuncti cadaveris, quod jam tum ariditatem mentiebatur, permissu parentum, novaculæ cedebat in prædam, obtulit se monstrosæ magnitudinis inusitata pediculorum in unum conglobatorum colonia, qui in hanc civitatem receptis, infelici fidere, sed recto latere natalibus, numerosissimæ suæ multitudinis originem debuerunt.

## S C H O L I A.

**S**I quid contra Ictericum valent pediculi, quos in consilium sæpe adhibent anus Medicæ, nec dissuadente *Zacuto*, expediunt certe omne illud negotium facile suo volatili, qui præstat ut & inimicæ amoliantur obstructions, & corporibus nostris alacrius se moveant liquores: Verum me iudice, & nausea & periculo vacuum nobis exhiberent hæc bestiolæ medicamen, modo ad rigidissimum vulcani tribunal pro-

tractæ excuterentur diligentissime, ut salia quæ in se possident volatilia, Chemiæ penderent. *Georgius Hænnæ in Actis med. Th. Batbolm annor. 1674. 75. & 76. pag. 168.*

*Pediculorum colonia*) *Brugelium*, Professor Medicus Lovaniensis, narrante *Hænnæ* de morbis capitis c. 8. in humano cadavere postquam aperuisset ventriculum, vesicas ei affixas deprehendit pedunculorum plenas.

## OBSERVATIO X.

*Voraces & bibones amplo ventriculo non semper præditi sunt.*

**M**AGNITUDO ventriculi variat pro varietate ætatis & magnitudinis corporis, cujus proportioni respondere debet, quamvis hæc non sit perpetua regula; nam varios dissecui proceros, quibus ventriculus erat parvus: varios quoque brevioris staturæ, magno ventriculo donatos: Gulosi, voraces, magnique biberones magnos plerumque solent

Qq q 2 habere



habere ventriculos : Verum neque illa quoque regula caret exceptione , memini enim *Falkoburgium*, Anatomicum Leydensem, dissecuisse cadaver hominis proceri ac validi, qui in vita maximus fuerat potator ac strenuus helluo, comestor etiam haud exiguus, & semper optime sanus, usque dum tandem funesto hunc vitæ finem imponeret, in quo vidimus ventriculum adeo parvum, ut vix ad dimidiam ordinarii virilis ventriculi magnitudinem accederet, sed tripla crassitie ordinarios aliorum ventriculos superabat. *Diemerbroeck Anatom. lib. 1. cap. 6.*

## S C H O L I A.

**V**ix ad dimidiam ordinarii virilis ventriculi) Communiter feminis quam maribus minor est, ut utero crescenti locus detur, minores enim plurimum sunt ipsæ feminæ, nec vitis tamen gulosiores, ut credit *Aristoteles*, in eadem nempe magnitudinis ratione & sanitatis, quin calore concoquente & digerente illis cedunt : Et in gulosis & potatoribus major est, ita ut cum turgent quasi nudas tactu deprehendantur : Dilatam ad umbilicum usque pervenire vult *Columbus*, &

cam copia nimia turgent, etiam longius progredi censeret *Arbangelus* : ac contractus & corrugatus in sobrie viventibus crassus est & sub hepate occultatur. Cognoscitur autem magnitudo ventriculi : 1. Ex magnitudine oris, qui enim oris sunt magni, & voraces, sed insimul audaces & magnanimi. 2. Si à cartilagine ensiformi usque ad umbilicum longius est spatium quam faciei vel pectoris : *Baribolus Anat. Reformat. lib. 1. cap. 8.*

## OBSERVATIO XI.

*Cujusdam summe famelici Oesophagus in thorace insigniter dilatatus repertus est.*

**D**E duplicitate stomachi quæ propono, cum frequentius occurrant, si non omni modo, saltem aliquo, admirationem haud adeo movent, eo quod non ita pridem videre contigit in dissecto corpore alio viri alicujus, toto ætatis tempore valde *Famelici*, alias bene sani. Oesophagus hic, in thorace, intra cor & diaphragma insigniter dilatatus, singularem quasi ventriculum constituebat, utroque enim extremo angustia maxima notabatur, ubi nempe gula hæc dilatari incipiebat, & ubi iterum ad statum debitum accedere : Rugosa etiam hæc cavitas intus observabatur, materia ex albo flavescente, eaque lenta satis obducta : Ab hoc ventriculo, per orificium, uti diximus, summe angustum, transitus erat ad duorum transversorum digitorum distantiam, in ventriculum verum, qui naturalis omnino constitutionis erat, sive substantiam spectes, sive locum aliæve. *G. Blasius observat. Anat. p. 120.*

## OBSERVATIO XII.

*Boulimia & Fames canina infarctum mesenterii ejusque abscessus sequuta.*

**S**æpe in Indiis ægri citra manifestam causam tabescunt : adest tamen Boulimus ac Appetentia canina ; Hoc malum sæpe causam habet in venis mesaraicis, vel in ipsa mesenterii substantia, quæ sæpe insignem abscessum patitur. *Bontius Medic. Indorum Observ. x. vide lib. 2. sect. 7. Observ. 134.*

## S C H O L I A.

**B**oulimus ac appetentia canina) Hæc duo nomina interdum confunduntur & pro uno eodemque usurpantur : *Galeno 1.º de causis symptom. cap. 7.* Boulimos est vehemens Esuritio, ex indigentia simul, imbecillitate, & refrigeratione oris ventriculata : Symptoma illi est male affecti oris ventriculi, quo primum quidem ægri expleri cibis nequeant, paulo vero post destituuntur appetitu, animo linquntur, viribus deficiunt, exolvuntur, decolores sunt, torquentur stomacho, refrigerantur corde & extremis partibus, pulsusque habent admodum obscuros : Fames vero canina dicitur, quando post nimium assumptum alimentum vomitus coniequitur, & ita ægri canum more afficiuntur, qui cibos voraciter assumptos vomitu excludunt : Quibusdam tamen alvi fluxus potius quam vomitus accidit, natura copiam illam alimenti, quam ventriculus concoquere non potest,

per alvum detrudente : (*Bontius l. c.* leienteriam sæpe comitem esse testatur) In Boulimia vero vomitus non adesse volunt, Quidam insatiabili edendi desiderio tenentur, absente tamen vomitu & alvi fluxu, cibum quamquam copiosum, probe coquentes, & nisi mox alium sumant, male se habentes : vide exemplum apud *Somnerium* : Qui Fames causas à *Galeno* adductas non admittunt, inanitionem scil. partium, hinc sequentem tractionem & luctionem ad os usque ventriculi pertingentem, (*vide observat. l. in Scholii*) Hermeticos sequuntur, stupendi hujus appetitus causam spiritui cuidam dissolventi in corpore genito, innata proprietate quicquid cibi ingeritur, citissime absorbenti & dissolventi, ut legitimus & status alimenti assumendi terminus expectari nequeat. *Vide Rivinum pract. lib. 9. cap. 1.*

## OBSERV.

## OBSERVATIO XIII.

*Ductus Pancreaticus duplex in viro Famelico repertus.*

VIII. Febru. 1676. in viro 40. annorum, præter alia notatu digna, etiam occurrebat Ductus Pancreaticus duplex, distincto loco intestino connexus, ramulis quaqueversum per pancreatis substantiam se diffundens: Famelicus omni tempore, dum in vivis erat, fuerat defunctus, ventris intumescentiis atque cruciatibus mire vexatus. *G. Blasius Observ. med. xv.*

## S C H O L I A.

Naturalem famem augere potest in sanis succus Pancreaticus, ad tenue intestinum delatus, & post alimentorum secretionem depulsionemque absolutam, in confluentem bilem duntaxat, & pituitam intestinale agens, atque halitus acidulculos & gratos in ventriculum propellens: In ægis auctæ

Famis causam petendam puto à succo acidior in corpore abundante, ac præsertim ex Pancreate ad intestinum delato, ad inde halitus solito acidiores ad ventriculum amandante, qui famis sensum intendunt, & post detrita deorsum alimenta eandem mox renovent & potentius urgeant. *Fr. Sylvius Prax. lib. 1. cap. 2.*

## OBSERVATIO XIV.

*Fames canina à Colo intestino vitrea viscida pituita referto.*

Valde observabilis est sympathia quæ ventriculo & colo intercedit, Nam fœcibus in colo restagnantibus exilit teter vapor in ventriculum, in ejus superiori orificio appetitum destruens, si quidem vapores sint calidi: At si existant frigidi, eum depravant in appetitum caninum: Quod rara & memorabili historia à *Gemma Frisio* in *Cosmocriticis* comprobatur, Narrat fuisse mulierem quæ noctu & interdium, singulis fere horis comedere cogebatur, & ni faceret, in leiporhymiam trahebatur: Vulgus fabulabatur ipsi aliquando Lutram per os irrepsisse in ventriculum, ibique hæere vivam: Sed post mortem aperto cadavere, Colon intestinum valde distentum deprehensum est, totumque vitrea viscida pituita flatuosa repletum, unde frigidi acerbi vapores in stomachum insilientes adeo molesti morbi causa extiterant. *O. Heurnius observat. xxv.*

## OBSERVATIO XV.

*Pica in muliere, cui Colon crassis flatibus distentum repertum est.*

Mulier diu colico dolore excruciatæ & Pica Sive malacia vexata fuit, quam nisi subinde crudis piscibus piscibus comestis placare poterat.

Post mortem Colon ejus dissectum crassis flatibus distentum inventum est, quibus commotis cogebatur crudos pisces vorare, ideoque vulgo exultimabatur Lutram in ventre habere. *Sebastianus Eckerti notis ad praxin Dodonæi, cap. de Pica.*

## OBSERVATIO XVI.

*Pica à ventriculo σφαλαϊδης exorta.*

Neptis D. Valetori historia est commemorabilis, Splenis corpus vesicæ incumbere deprehensum est, & satis contumaciter adhærebat: Olim fœdis coloribus laboraverat, nec non tumorem passa fuerat, quem aniculæ vocant *le carreau*: Valde cacochyma erat, carbones illi in delitiis fuerunt: κακόχρως erat, furtim compressa est, Tumorem tantum ventris esse credebant, secta in malleolo vena, data medicamenta, utrum ad legitimum pariendi tempus gestavit; æger fuit partus, ipso enitendi tempore extincta est.

Aperto cadavere, repertus ventriculus σφαλαϊδης: Lienis locus naturalis erat vacuus; circa regionem vesicæ latebat lien; putabatur à suo loco dilapsus laxatis ligamentis. *Balloonius Epidem. lib. ij. p. 227.*

## S C H O L I A.

Carbones illi in delitiis fuerunt ) Depravata Famis, quam Picam & malaciam appellant, causa hæc. Etiam à nomine satis bene descripta nobis videtur cum interea affectus ille admirabilis existat, utpote cujus tanta vis est, præcipue inter vires & mulieres (hæc quippe frequentius quam viri ea insistant) ut modo facinam modo cretam, modo carbonem modo, absque

das alias res appetant & magna copia comedant: Hujus tanti mali causa vulgo ita videntur esse depravati humores in ventriculo contenti, qui pro diversa singulorum natura, alii in eo excitant peculiarem famem ad hanc, alii ad illam peculiarem, sive bonam ab sive absurdam rem, alii ad res pravas similes, alii ad dissimiles;



miles, quatenus scil. pro vitiositatis diversitate diversimode vellicant & movent fibrillas nervorum ventriculi, ex quarum speciali motu cerebro communicato, mox in cerebro talis fit motus, quo specialis appetitus excitatur ad hanc illamve rem: *Franc. de le Boe Sylvium* Prax. lib. 1. cap. 2. hanc rem explicaturus, dicit malicie causam esse vitiosum ventriculi fermentum, corruptum scil. vel ab assumptis vitiosis alimentis, medicamentis aut venenis; vel à morbis multifariis, præsertim fœmineis, totum sanguinem, hinc salivam, ac denique ventriculi fermentum inquinantibus, & pravam istam dispositionem illi conciliantibus: Verum si hæc speciosa ratio valeat, ex ea, quæso deducatur etiam quare talis appetitus determinatus ad res alienas, fiat quoque in iis quibus nulli vitiosi humores in ventriculo subsistunt (quamvis prævios humores interdum adesse posse negare nolum) sicut in praxi nonnunquam comperi id factum fuisse? Quare in homine, nihil vitii in fermento aut ventriculo habente, ex sola picturæ alicujus attentæ inspectione, modo piscium, modo fructuum, aliarumve rerum etiam absurdarum fervidus appetitus nonnunquam excitatus fuerit: eodem modo licet ex nudæ Veneris inspecta pictura venerum desiderium excitatur? quænam vel qualis possit esse alicujus humoris natura vel qualitas adeo mirabilis, qua ita potest movere fibrillas nervorum & cerebri, ut ratione specialis illius motus, excitari queat appetitus ad lapidem molarem, carbonem, fistulas tabacarias, aliæque res absurdissimas, quas neque ut molestæ vellicationis remedium, neque ut res necessarias appeti posse quilibet satis videt: Hæc igitur aliam causam agnoscunt, & aliunde procedunt, scil. ex solius imaginationis errore, hincque educto pravo judicio, ex mala cerebri dispositione, spirituūque pravo motu orto, non vero ex humorum in ventriculo subsistentium vitio: Pravi enim humores, pro majore minoreve vellicationis intentione, possunt quidem in ventriculo famem abolere, imminuere, aut nimiam facere, sed non possunt illam dirigere ad peculiare aliquas res, eaque sæpe absurdas, appetendum: Famem enim est naturalis quidam instinctus, quo natura simpliciter incitat ad alimentorum assumptionem, in molestæ vellicationis remedium, sed non speciatim ad hæc vel illa alimenta vel ad has aut illas, & sæpe absurdas, res: Quod autem homines sani famelici modo pisces, modo carnes, modo fructus, modo allata, modo elixa &c. desiderant, hoc non procedit à peculiari aliqua vellicatione, aut naturali appetitu ventriculi, sed ab appetitu animali, quo judicant modo hos, modo illos cibos, modo dulces, modo salios, modo acidos, graviore, vel sanitati magis convenientes futuros, atque hinc etiam interdum majore cum appetitu desiderant vinum absinthie, halesce crudas pluresque res per se ingratas, quam alias longe gratiores & meliores: Cum autem electio vel rejectio alicujus rei aut cibi, dependeat à judicio, & judicium peragatur in cerebro, non verò in ventriculo, certe alicujus determinatæ rei appetitus causa non est querenda in ventriculo sed in cerebro; quod si male se habeat (læsum scil. à pravis humoribus aut vaporibus ex saburra aliqua circa uterum, lienum, pancreas, aliæve partes restagnante, sursum elatis, eique communicatis) facile contingunt absurde cogitationes, ex quibus depravatum sequitur judicium (res nota est in melancholicis, qui multoties circa unam solam rem, sæpe ab ipsis cogitatam, delirant, de reliquis satis bene judicantes) atque ita ejus vitio

seu errore, res prave seu absurde multoties, tanquam saluberrimæ & optimæ, vel saltem ut gratissimæ appetuntur, de quibus Pica laborantes sæpe cogitant: Quantum enim crebra alicujus rei intenta cogitatio talem depravatum appetitum accendat, & quantum in eo valeat, liquet in mulieribus gravidis, quæ multoties tam servide appetentes sunt, ut in illis rebus, quas appetunt, potiri nequeant sæpe earundem rerum notas fœtibus suis imprimant; quæ impressio non potest dici procedere à ventriculi pravis humoribus, sed à cerebro, quatenus crebra earum rerum cogitatio, cum judicio bonitatis, in eo peragitur, & per spiritus animales earum ideæ ex eo ad fœtum deferuntur, eique imprimuntur: Præterea ægri pica laborantes non appetunt semper unam eandemque rem, sed modo hæc modo illam, prout modo de hac, modo de illa magis cogitant, quod profecto unum alicui pravo humori in ventriculo hærenti non potest imputari, quippe diversarum rerum appetitus à diversis humoribus procedere deberet: Ad hæc pica infestari solent ægri cum esuriunt, & tunc illico avidissime eas res appetunt de quibus antea sæpe cogitant, si ve bonæ si ve absurde fuerint, easque non noxias aut pravas, sed bonas & gratissimas fore judicant: quorum tamen alicujus appetitum multoties stragemate quodam præveni, injungendo scilicet domesticis ut coram talibus ægris nullam facerent mentionem istarum rerum quas tam avide appetebant, earumque etiam picturas ex domo amoverent, & interim tacite cibos bonos sæpius de die offerrent, sicque impedirent ne unquam elurirent, tali enim modo in variis per feci quod medicamentis aut rationibus perficere non potueram.

Una hic superest objectio, si ventriculi vitio non fieret Pica, ægri ab alienis assumptis male valerent, neque talia in ventriculo digererent, atqui è contra plurimi hac de causa nullum incommodum patiuntur, proculdubio quia in ventriculo sunt tales succi pravi, qui illas res absurdas dissolvere atque digerere possunt, quas proinde speciatim, in specialis vellicationis remedium videtur postulasse ventriculus: Hujus objectionis efficacia facile divellitur, si consideretur non absolute verum esse quod ægri nullum incommodum à rebus abiundis comestis percipiant, sed illud duntaxat in paucioribus, nec nisi prima aut secunda tertiave vice verum esse, postea vero eos inde satis graviter lædi, atque viscerum obstructions, hydropem, ipsorum aliamve pravam cachexiam contrahere: Causa vero quod in principio à talibus rebus non manifeste læduntur, duplex est: 1°. Quod in ista avida comestione, spiritus animales per nervos sextæ paris valde copiosi ad ventriculum fluant (sicut in cogitatione de re venerea copiosi feruntur ad partes genitales) accedente etiam sanguine arterioso copiosiore: quam efficaciter autem hi spiritus in nutritione operentur, & quantum ad coctionem ventriculi faciant, si solito copiosiores influxerunt, liquet in illis ventris mancipiis, qui dies noctesque in cunctis curanda occupati sunt, & de ventriculo infarciendo fere semper cogitant: hi enim propter copiosos spiritus ad ventriculum determinatos, multo feliciores habent ventriculi coctiones, quam alii qui communis literarum studiis occupati, spiritus alio avocatos habent, hincque frequenter cruditatibus laborant, ac vix levissimos cibos bene digerunt. 2°. Quod Pica laborantes sint plerumque nonnihil melancholici, vel tales saltem quibus acres fermentacci succi solito copiosiores & aciores in liene, pancreate & ventriculo

culo generantur, unde etiam cum incipiunt eiurire, acius eluriant, & res qualibet ingestas longe facilius quam alii digerunt, imo quam illi ipsi aliis temporibus ( sic mulierem gravidam novi quæ cæsa avidissime desiderans, una vice quinque sexve libras: aliam quæ xxx. placentas: aliam quæ sex haleces sal-saras crudas comedit, & bene digessit, cum alioqui aliis temporibus minime essent edaces, ac ne quartam, imo vix sextam eorum rerum partem edere aut digerere potuissent ) & hujus ratione fit quod tunc cibos copiosos, vel etiam res absurdas, triticum, crudos pisces, carbones, cætam &c. duræ digestionis aliquot vicibus mediocriter bene digerant, vel saltem talia ipsis è ventriculo sine noxa effluant, verum si diutius in talium usu procedant, deficiente tandem acio-

re illo succo, adeo affliguntur ventriculus & reliqua viscera, ut eorum coctiones plane interturbentur ac depraventur, & copiosi pravi luoci, pessimam cacochymiam, variorum morborum causam generantes, fulcitantur: Atque ex his omnibus manifeste liquere puto Picam, seu alienatum rerum appetitum, non produci proxime à depravatis aliquibus humoribus, in ventriculo genitis aut hæremibus, sed à cerebri aliquo vitio. *Diemerbrækus Anatom. lib. 1. cap. 6.*

*Putabatur Lien à suo loco dilapsus*) Lien laxaris suis ligamenti pondere suo devolvitur interdum in hypogastrium, vel iidem ruptis: Apparet sub specie molæ, vel scirrhosi uteri in mulieribus: in viris specie tumoris glandulosi instar steatomatis in mesenterio latentis.

## OBSERVATIO XVII.

*Appetitus corruptus in puero, cui callus repertus inter venas mesaraicas.*

**P**errus N. filium habuit, qui 8. anno calculos ruderæque comedat: Repertus est callus inter venas mesaraicas. *Vide tit. de Diarrhæa.*

## OBSERVATIO XVIII.

*Anatome viri ob inediam extincti, in quo vena mesaraica aliæque minores obliterate sunt, cum sanguinis in toto defectu.*

§. 1. **A**nno 1656. in theatro Anatomico publice à nobis observatum & demonstratum est, in viro qui ob cordolium aliquod vitæ pertæsus se ipsum fame & siti extinxerat: quippe corpore alioqui sanus existens, aliquot septimanis nihil omnino edere, ac ne guttam quidem bibere voluerat.

In hoc subjecto nullæ venæ mesaraicæ, intercostales, aliæque minores conspici poterant, propterea quod inanitæ essent, atque ex ipsa vena cava vix trium cochlearium mensura sanguis effluxit, & arteria magna vacua omnino inventa sit.

§. 2. Similiter anno 1660. hominem quendam, ob summam ac diuturnam inappetentiam longa inedia emaciatum, & tandem mortuum publice dissecuimus, in eoque venas & arterias mirabiliter inanitas invenimus, ita ut ex vena cava vix duo cochlearia sanguinis effluerent, ex arteria aorta nihil: *Diemerbræk Anatom. lib. 2.*

## SCHOLIA.

**S***ic ipsum fame extinxerat*) Per inediam homines duplici modo extingui possunt, primò cum corpus cacochymum est, & multi quidem sed pravi sanguinis copia redundat in vasis: In talibus enim necesse est per convenientia alimenta novos & bonos succos identidem cordi suppeditari, ut refocillari continue possit; quod si per inediam non fiat, tunc sanguine ferventiore, acriore, aliòve modo corruptiore evadente, cor à pravis humoribus obrui & mori, etsi multum sanguinis in vasis super sit: hæcque etiam de causa, scil. ob pravam sanguinis qualitatem, qua ad cordis refocillationem & partium nutritionem

ineptus sit, phthisici moriuntur etsi sanguinis copia super sit: non enim ad vitam sustentandam sola quantitas, sed etiam bona qualitas sanguinis requiritur: *Secundo*, cum in bene constitutis corporibus per longam inediam absumitur: quamvis enim in iis qui inedia moriuntur, aliquis sanguis in venis super sit, apparet tamen illum nimis paucum esse, quam ut omnium partium nutritioni sufficienter interire possit, atque hinc debilitatis omnibus partibus & visceribus homo extinguitur: Quod autem in tali casu paucus sanguis super sit, *probat aliæ exempla. Idem.*



## ANATOMIÆ PRACTICÆ

## LIBRI TERTII.

## SECTIO III.

## De SITI MORBOSA.

## OBSERVATIO I.

*Sitis diversos ventriculi affectus sequuta.*

Mulier ex Hepatis & vesicæ bilis obstructione in tertianam incidit, hinc in colicam, paralyfin &c. conquerebatur de ventriculi ardore, Siti &c. Reperi Jecur nimis magnum & obstructum, vesicam bilis bile crassa ac nigra turgidam: Ventriculum humore plenum viridi atque extensum &c. *Vide l. 1. tit. de Paralyfi.*

## S C H O L I A.

**V**entriculum humore plenum viridi) Auctam Sitim deducendam censet *Frans. Sylvius de le Boë Prax.* lib. 1. cap. 1. à Bile acriore in tenue intestinum delata, ibidemque cum confluyente succo Pancreatico ita effervecente, ut inde halitus salii, non vero amari ad ventriculum & fauces eleventur, atque ariditatis sentum ibidem producant: Hæc eadem Bilis acrior, ejusve halitus salii si per vasa lactea penetrant ad cor, (idem dicendum cenet de bile eadem per Ductum hepaticum eo delata) & sanguinem salugine sua nimium inficiant, nil obstat salivam tunc simul reddi plus minus saliam vel acrem, Sitimque minus temperantem, quin augmentem: Sitis quoque auctæ causam subinde existere humorem salium à capite ad fauces depluentem, atque ibidem ariditatis & Sitis

sentum producentem, aut inde ad ventriculum quoque delapsum & ibidem, aut in tenui intestino, halitibus salis materiam prominentem, à quibus itidem Sitis major excitetur.

*Ventriculum*) Ventriculi tunicam nerveam interiorem, ejusve fibras, potissime ad tensionem facere statuit Accuratissimus *Willis* Pharmac. rat. sect. 1. c. 2. quibus inanitis Fames excitetur, atque præ siccitate aut saliedine corrugatis; ab aromaticis aut potulentis vinosis ingestis, exalesactis Sitis inducatur: Si quando humores acres, aut acidi has stimulent, aut vellicent, Cardialgia: hisdem ab alimentosis succo grato saturatis, ventriculo complacentiam, & toti præterea corpori refectio-nem impertiant.

§. 2. In cadavere mulieris anno 1625. Janu. 18. in valetudinario mortuæ nullius visceris aderat vitium, solus humor serosus à nimio potu Hydropis causa deprehendebatur, quem largius ingesserat ob insignem Æstum ab ulcere ventriculi, cujus fundus cum pyloro erat exulceratus. *Rhodius cent. iiij. Observat. 4.*

§. 3. D. N. de febrili æstu cum intensa Siti conquerebatur: Ventriculi fundus parte interna nigricabat; pars externa livebat, necnon Coli pars vicina & Lien. *Vide tit. de ventriculi dolore.*

§. 4. Empyematico, qui paracentesim recusaverat, pus ab apostemate in pleura emanans diaphragma corrosit, hinc in viscera imi ventris descendens, ventriculi & intestinorum tunicas exteriores corrosit: Illi febricula, Sitis &c. *vide tit. de Dyspnæa lib. 2.*

§. 5. Mulieri in magnam molem venter excrevit, cum Siti implacabili, Ex abdomine mortuæ eductæ aquæ libræ xc. quas è ventriculo mire extenso prodiisse ostendebant superstites vesiculæ: *vide tit. de ventris tumore.*

§. 6. Juvenis mulier, ( *de qua tit. de Paralyfi* ) conquerebatur de ventriculi ardore, Siti, &c. Illius ventriculus plenus erat humore viridi & extensus: Vesica bilis bile crassa & nigra turgida.

§. 7. Sereniss. Princeps Jecur exhibuit durum & exangue, ut cui 3xxj. sanguinis paucis diebus extractæ fuerint, subsequente Siti intolerabili: Ventriculi interiorum tunicam marcor quidam saniosus arroserat: *vide tit. de Febris.*

§. 8. Anatome eorum qui febre maligna extincti sunt, docet ventriculum cum intestinis inflammari, unde ingens illa Sitis, faucium ardor &c. *vide tit. de Febris.*

§. 9. Juvenis Monachus febre continua laborans Siti inextinguibili tenebatur: In fundo ventriculi vestigium simile ab impresso cauterio actuali repertum cum eschara: *vide tit. de Febris.*

OBSERV.

*Sitis immensa ab inflammatione fundi ventriculi in gangranam desinente, &c.*

**A**udi mirum calum tibi nec lectum forsan, nec auditum prius unquam. J. Carolus, Dom. S. Jesseni filius duodecennis, rari & excarnis habitus, a biennio febribus ex affecto & tumido liene oriundis, nunc quartanis, tunc Tertianis correptus, raro ab his immunis fuit: Per menseri quasi ante mortem parcius edere, ac vehementius, noctu præsertim, Sitire visus est, Urinæ sanorum, prout ista fert ætas, simillimæ extiterunt. Imperabantur varia ad sitim fallendam excogitata, sed frustra omnia. Ecce enim cum biduo ante obitum visitarem, ipsemet cum matula obviam ipsi procedens, facie jam tum præ hesternâ conspiciebatur mire collapsa, oculis concavis & circulo sublivido cinctis. Miratus tam subitam faciei mutationem, interrogavi ecquid male haberet? Ille vero nihil præter intolerabilem sitim accusavit: Pulsus naturali paulo erat celerior, urina prioribus non absimilis, extrema frigidiuscula potius quam calida: consternabar non parum, maligni enim aliquid subesse ratus (quandoquidem pestis hinc inde grassabatur gravius) bezoartica ordinavi, juxtaque internum æstum restringentia præscripsi, sed incassum omnia, una enim *Sitis* totam complebat morbi fabulam, quæ tam erat inextinguibilis, ut poculo vix dum ab ore remoto protinus clamaret, Potum, Potum. Quia itaque præ nimio potu ventriculus distendebatur, vomitus quandoque infestabant, sed nihil præter assumpta reddebatur, eaque non alterata: Interrogatus nunquid ardorem aliquem circa ventriculi regionem perferiret? Fundi locum ostendit: Vehementem itaque isthic inflammationem subesse conjeci, quam præter locum affectum ardore continuo afflictum, ac sitim inextinguibilem, Febris mihi antehac nunquam observata, Lypiria abunde monstrabat; Quid sit? Tercio à decubitus initio die, circa meridiem obiit, postquam prædictis symptomatibus totus enervatus, ac phrenesi quadam correptus paucis ante obitum horis fuisset: Manu ventriculi regioni admota pulsationis quendam sensum conspicue deprehendi: Prædixi si post obitum cadaver aperiretur, singulare quid circa ventriculi fundum nos inventuros esse: Annuerunt itaque, cum ut tam repentinæ atque inexpectatæ mortis causam cognoscerent, tum ut suspitione infectionis domum suam liberarent.

Res mira, cadaver tam erat emaciatum, ut vivum quasi dicere potuisses sceleton, cute paucissima intertexta carne, obductum. Postquam pectus initio contempleremur, pulmo sinister apparuit lividus, ad gangranam jam tendens: ubi inferior venter dissecaretur, cutisque primum cum musculis excarnibus amoveretur, sub Peritonæo, qua Lien situs est, nondum dissecto, nigri quid subesse deprehendimus: Eo disrupto, Lien suburgidus in conspectum prodiit, ac pone Lienem, in ipso ventriculi fundo, Gangræna tam gravis, ut ipsamet ventriculi substantia in attrum ac foetidissimum succum protinus diffunderet: Omentum fere absumptum: Intestina a flatibus & potu turgida. Mesaraicæ turgebant & ipsæ, simulque ex colore livido gangrænæ judicabantur vicinæ. *Michael Doringius Epist. xcv. cent. 1. ad Sennertum.*

SCHOLIA

**Q**Uærit *Doringius* 1. An ex Siti illa diuturna præcedente tale quid suspicari quis potuerit. 2. Nunquid gangræna illa præcaveri forte voluerit? 3. quibus remediis? 4. Quæ causa ipsam excitaverit? 5. Quomodo labes tam cito, & Pulmonibus sursum, & mesaraicis deorsum communicata sit? 6. An febris, quam subesse Pulsus fere unicus coarguit, vera Leypiria fuerit. 7. Quomodo pulsatio admota manu deprehendi potuerit, cum arteriæ ventriculo insertæ admodum exiles sint? Respondet *Sennertus* ad 1. Sitis illa diuturna præcedens, inflammationem quidem arguere potuit, sed reliqua omnia significare non potuit? Ad 2. & 3. Gangrænâ illam incurabilem fuisse puto, si enim externa nonnisi difficulter curatur, quid de interna speres? Ad 4. Cautam fuisse putat putredinem & corruptionem humorum, qui aliquot jam annis in Liene cumulari fuerant. Ad 5. Ob *Ætippo*, illam vaporibus putridis Lieni & Mesaraicis facile malum communicari potuisse. Ad 6. Febrim illam Leypiriam fuisse non dubitat. Ad 7. Pulsationem arteriatam non in ventriculo fuisse putat, sed in Liene, qui

eam sat magnas & copiosas habet itaque ipse non toto in hypochondriacis eam deprehendit etiam circa febrim.

*Intolerabilem sitim accusavit; Lypiria abunde monstrabat, &c.* Leypiria febris ex ardentium genere est quorum pathognomonicum est perpetuo sitire: Et quanquam *Galenus* comm. ad p. 22. sect. 2. Epid. dicat in Causâ alias sitim adesse, alias non: adesse si in toto corpore focus sit febris, aut si pars quædam focus sit quæ necessario sitim accersat: Non adesse, si pars aliqua laboret & focus sit qui sitim necessario non afferat, Est tamen alius locus apud eundem, comm. ad p. 34. l. 5. Epid. aliud quam ante edocens, *Æstare*, ut & perpetuo sitire, est ardenti febri peculiare *Hippocrates*, ait *Gal.* ardentem febrim assidue sitis cognoscit & caloris exurentis, ut phreniticin assiduo delirio: Et tamen *Hipp.* p. 34. ejusd. sect. narrat de febr. ardentibus, in quibus ægerant soporosi, & non multâ sitiebant; nec enim febris valde acuta erat, idem 3. Epid. 5. p. 14. narrat in quadam constitutione in ardentibus febribus & phrenitidibus, alios sitibundos fuisse alios non, Ad



quem locum Gal. Potuissent aliqui non scire, vel ob facultatis potum appetentis offensam, vel quia maligna humiditas illis ad ventrem non confluxerat, omnibus enim putrida quaedam humiditas fuit collecta, sed non pari portione nec æque prava: Alii sitibundi erant, quia confluxerat humor vitiosus in ventrem: nam cum bilis vel pituita salsa ventriculi tunicas imbibit, sitis inextinguibilis excitatur, cum quia os ventriculi nondum ab humore ita læsum erat ut facultas corrupta foret, Tamen omnino, saltem ut plurimum, sitis intolerabilis est comes ardentis febris, nisi focus sit particularis, & in ea parte quæ inflammata & erysipelatis modo affecta sitim non provocet: In ipso vero Casu si quæ sitis adesse debet, non adsit, his de

causis id fieri potest, vel quia, ut dictum, focus non est in parte quæ sitim afferat, vel quia mens læsa est, vel quia facultas naturalis portionis appetens in ventriculo residens extincta est: adde descensum pituitæ dulcis tonsillas & fauces irrigantis, aut cum putens humiditas in ventrem non influxit: aut cum lingua nigra exustaque torus stomachus, cui illa continua est, eo pene modo affectus sit, arentibus iis partibus, & supra modum siccatis, non percipitur sensus indigentiae, quia nervus linguae subiectus non est dispositus eo modo quo debet: In prædicto puero inexhaustam fuisse sitim non mirum, cum parres quæ illam maxime excitant, phlegmone tentata fuerint, Pulmones sc. & ventriculus.

## OBSERVATIO III.

*Sitis à Pulmonibus nigris, tumidis, Hepate nigro sanguine consperso, Cysti felle destituta, &c.*

**I**ntimus S. C. M. Consiliarius ardenti febre ab erysipelate pulmonum extinctus, Sitim adeo intolerabilem patiebatur ut *nullo potu ea sedari* potuerit: Cadavere dissecto, pulmo niger adeoque tumidus sese obtulit, ut naturali suo hospitio restitui non potuerit. Hepar magnum plurimo nigroque sanguine conspersum, cum cysti fellea omni bile destituta, (alio traducta, scil. ad pulmones, & vasa majora. In utroque rene duo magni calculi, &c. *Vide historiam lib. 4. tit. De Febris.*

## SCHOLIA.

**N**ullo potu sedari) Hermetici Sitim immodicam & præternaturalem, à spiritibus quibusdam sitibundis, ex impuritatibus sulphureis genitis, exoriri contendunt, qui non simplici refrigeratione & humectatione, sed spiritibus aliis sibi analogis satiari volunt;

quemadmodum videmus in febrium accessibus sitim immensam multo aquæ potum parum inhiberi, quæ tamen spiritibus acidis, vinioli, sulphuris, talis, & similibus, cum longe minori aquæ quantitate permixta, facilius cedat. *Riverius Prax. med. lib. 2. c. 4.*

## OBSERVATIO IV.

*Sitis ab Erysipelate Pulmonum & Hepatis incendio.*

**M**elchior du Fresnoy, annos 4. natus, febre corripitur continua, Sitis aderat quæ expleri non poterat, magnum in Pulmonibus incendium conjectum est, &c. Aperto cadavere nihil p. n. in Pulmone contentum inventum est, Una pars Pulmonis veluti stipula ardente deflagraverat: Lobus unus Pulmonis vivebat, Hepar quoque veluti deflagraverat. *Ballonius conj. 27. lib. 1.*

## SCHOLIA.

**S**itis quæ expleri non poterat) Vide Scholia ad historiam dictam tit. de Febris.

*Una pars Pulmonis deflagraverat*) Vide Scholia ad dictum locum, ubi de Erysipelate Pulmonum.

*Magnum in Pulmonibus incendium*) Ardua est questio de Potu in pulmones transuso, cujus exiguum per tubulum Asperæ arteriæ, & tanquam juxta parietem illabi *Hippocr. lib. de corde docet*, quoniam epiglottis, operculum exactum, ne transmiserit quidem ampliorum potum: Eidem *Galenus lib. 8. de Placit. cap. 15.* suffragatur: neque enim per mediam fistulam influere, sed per asperæ arteriæ tunicam irroratione quadam aspergi, neque ullum omnino dum delabitur lentum efficere testatur. His præmissis, expendant mecum qui iudicio pollent, numnam probabilis sit hæc conjectura, quod Lymphatica Iugularia (quæ asperæ arteriæ cavitas par non sit, aut non patitur ob molestiam quam inde percipit) ad hoc munus hand inepte concurrant? Bibere expetimus, quando Sitis ingens fauces nostras urget, tandiu donec guttur quasi imbri permaduerit, ut aliquid in pulmones refrigerandos abeat, nec unico haustu contenti sumus: Rationem utique est Sitim, quæ est frigidi & humidi appetitus, non

à solo ventriculo sed à Pulmonibus quoque progigni. Hinc quibus aut calidiores contingere, aut præ æstu, aut nimio motu in cantu & vociferationibus incaluerint pulmones, bibacissimi sunt. Ne de medicamentis pectoralibus, dicam, decoctis, syrupis, eclegmaris & cæteris bechicis, quibus impasta materia lubricari & expelli debet, quod retroacta per tussim sputamina uberrime evincunt, nil proficientia si in ventriculum subito præcipitentur: Sic qui citissima egent instigatione modico vini haustu citissime reficiuntur, quod non eveniret nisi vinum, juxta Euripidem, penetrans pulmonum mearus, multo prædictum spiritu, actum est gula in glandulas, & porro in Ductus aquosos Iugulares posset permeare. Estque adeo huc accertendus aphor. Hippocr. q. 2. *Facile est potum refici quam cibum*. Præterea non semel audiavi ex nutribus lactantibus, se reapse inter hauriendum percepisse quomodo potus ad humeros deflueret: Quin quod plurima adsint exempla, multos qui vel inter currendum, vel statim post cursum potitarunt, è vestigio exanimatos fuisse, dum frigidus potus ad ipsam cordis arcem affectus viam, narivum calorem, aliquin à ventilatione pulmonum pene exhaustum, momento suffocavit: In quibus

quibus casibus frustra poros ignotos, aut alia quærimus diverticula: Magnum habet argumentum quod hi ductus, quos Natura ad recipiendum humidum perquam artificiose figuravit, altiori situ,

oesophago incumbentem, utrumque asperæ arteriæ latus cingunt sepiuntque. *Jac. Henricus Pauli Anatom. Anatomia Bilfiana cap. 8. ubi de Lymphaticis jugularibus.*

## OBSERVATIO V.

*Sitis p. n. excitata à diversis vitiis partium vitalium & naturalium.*

§. 1. **S** Coto dolor erat hypochondriorum & ventris, nausea, vomitus, Sitis, febris, &c. Hepatis lobus orificio ventriculi posteriori erat affixus, nigricans ab inflammatione, Pulmones purulento ichore pleni. *Vide tit. de ventris dolore.*

§. 2. Puer 7. ann. febre tentatus cum doloribus ventris, Siti inextinguibili, &c. Hepar erat in parte concava lividum, Cystis quintuplo quam par est tumidior, Pulmones exusti, aridi, &c. *Vide tit. de Febribus lib. 4.*

§. 3. Melchior N. febre correptus continua, cum vomitu, dolore lateris, Siti quæ expleri non poterat. Unapars pulmonis velut stipula ardente deflagraverat, ut & Hepar. *Vide tit. de Febribus lib. 4.*

§. 4. Puellulæ Cachecticæ Sitis erat & potus cupiditas ingens, Abdomen scatebat materia serosa multa, cærulea, fœtida, Pulmones intus & extra corrupti. *Vide tit. de Cachexia.*

§. 5. Adolescens dysentericus febre correptus est cum Siti: Oesophagus interior ad os ventriculi superius, & ad medium thoracem, niger, corruptus, Pulmones alterati. *Vide tit. de Dysenteria.*

§. 6. Illustri N. appetitus dejectus, Sitis intensa: Hepar repertum magnum, durum & quasi coctum: Splen putridus, Pulmones ab inflammatione nigri. *Vide tit. de Ischuria.*

§. 7. In Nob. febre ardente extincto Pulmo niger repertus, adeoque tumidus ut naturali suo hospitio reddi non potuerit, In utroque rene duo magni calculi, Hic Siti intolerabili premebatur. *Vide tit. de Febribus.*

§. 8. Virgo febre maligna prehensa Siti inextinguibili premebatur. Thoracis cavitas dextra erat aqua subnigra & putrida plena; Pulmo ejus lateris corruptus ac niger, ventriculus mira copia fæcum & flatuum distentus. *Vide lib. 4. tit. de Febribus.*

§. 9. Dom. N. Vomitu vexatus cum Siti intensa, Cava hepatis pars scirrhusa erat & inflammata, Pulmones etiam juxta costas: Ventriculus pure repletus cum levi ulceratione internæ tunicæ. *Vide lib. 4. tit. de Febribus.*

§. 10. Ill. Dominæ continui ventriculi dolores cum immensa Siti, Ventriculus erat siccitate contractus, plenus materia cruda, quasi ovi putridi, Interius illi accreverat lapis durus, Pulmones arefacti, purulentæ. *Vide ibidem.*

## OBSERVATIO VI.

*Sitis excitata à variis aut complicatis affectibus partium naturalium.*

§. 1. **I** Oh. Agers diu conquestus de dolore hypochondris sinistri cum dejecta appetentia & Siti: Ventriculi interior tunica reperta omnino corrosa, Hepatis & Lienis substantia corrupta. *Vide tit. de Hypochond. dolore.*

§. 2. Sæpe Jecur animadversum tuberculis & abscessibus obsessum, quorum non aliud signum fuit quam mediocris febris cum Siti & cibi fastidio. *Fernelius path. lib. 6. c. 4.*

§. 3. Filius N. novem annorum Siti continua vexabatur. Hepar habebat immensæ magnitudinis, Extremis partibus tostum, nigrum, durum. *Vide tit. de mictione difficili.*

§. 4. Famulus N. per annum dolore hypochondrii dextri conficiebatur, cum cibi fastidio Sitique inexhausta. Hepar repertum durum, albicans circa ventriculum; Gibba parte prope costas nothas nigrum, plumbeum, &c. *Vide tit. de Febribus.*

§. 5. In Johannæ Pfeiffer, morbis complicatis confectæ, cadavere, Hepar interius aridum & velut semicoctum erat, quod arguebat maximam calidam intemperiem adfuisse: hinc Sitis inexhausta quæ à teneris affecta fuit. *Hildanus cent. 6. Observ. 74.*

§. 6. Quidam conquestus est de molesto hypochondrii dextri dolore, cum oris ariditate, potus majori desiderio quam cibi: Inventæ est vomica in Sima jecoris parte, satis magna atque aperta. *Vide tit. de Hypochond. dolore.*

§. 7. Puellus lac matris avidissime sugebat, adeo ut non sufficeret, In gibbo Hepatis inflammatio aderat, & in infioriore parte splenis, stomacho undique humor atrabilaris adhærebat. *Vide tit. de ventris dolore.*

§. 8. Scitis cadaveribus eorum quibus in Febribus Sitis insignis adfuit & denegatus potus,



porus, Venter, Cor Pulmones & reliqua viscera tanquam exusta apparere. *Vide tit. de Febris.*

§. 9. Rever. &c. (de quo lib. 1. Tit. de Soporosis affectibus) quilethargicus obiit, perpetuo dum viveret incredibili Siti torquebatur. Illi meatus bilis duodeno insertus, admodum latus erat, utriculi instar inflatus, calculis undiquaque refertus.

§. 10. Quidam diu sensit graves lateris dextri dolores, post Siti immodica pressus Hydrops successit. Sola vesica fellea in vitio fuit, quæ sine bile novem lapides continebat. *Vide tit. de Hypochondr. dolore.*

§. 11. Fœminam dysentericam (vide tit. de dysenteria) Sitis urgebat intolerabilis: Intestina duodenum & jejunum repletissima erant bile.

§. 12. Juveni dolor fixus in hypochondrio sinistro, in regione coli, cum ardore, Siti, &c. Inventus est abscessus in mesenterio & colo, ea potissimum parte quæ fundo ventriculi substernitur. *Vide tit. de ventris dolore.*

§. 13. Nob. N. stranguriâ detentus in febrem incidit cum Siti inextinguibili: In rene sinistro aderat abscessus suppuratus, jecur, vesicam, intestina inflammatio erysipelacea tenuerat. *Vide tit. de urinâ p. n.*

§. 14. Uxor N. Siti clamosa cum ventris mole laborabat: Jecur putridum inventum: Inter peritonæum & intestina numerosæ vesicæ. *Vide tit. de ventris tumore.*

§. 15. Observavi Lienem rubentem & aridum in quodam qui Siti immoderata angebatur & ardente febre correptus erat. *Vide tit. de Febris lib. 4.*

§. 16. N. corpusculum apertum, cujus Ren dexter rugosus, parte anteriore subniger, intus habens abscessum pure mucoso cruentoque plenum, Extrus alium abscessum. *Vide tit. de mictione difficili.*

§. 17. Juvenis dolore renum oppressus est, insolenter illum vexarunt Sitis, &c. In utroque renum cavo vermes crassi, albi, vivi inventi, &c. *Vide Tit. de Lumborum dolore.*

§. 18. Joh. N. ren sinister lapide angulos obtusos habente obsessus est, Sinister justo minor & pene collapsus, Febris erat, æstus & Sitis. *Vide tit. de Diabete.*

§. 19. Vidua, dolore dorsi & ingente Siti vexata tandem fit Ascitica. Lien calculis plenus conspicitur. In Rene dextro quadrangularis lapis. Uterus totus cartilagineus. *Vide tit. de ventris tumore.*

§. 20. Matrona ventriculi dolore correpta est: accedit Sitis omnino in exhausta. Pancreas erat maximum & scirrhosum, Ren sinister colliquatus omnino: Venter inanis. *Vide tit. de ventriculi dolore.*

## OBSERVATIO VII.

## Sitis molesta ob varios partium vitalium affectus.

§. 1. Iuvenis diu mœstus subito occubuit, ante tamen molestissimam Sitem perpeffus: Omnia recte se habere deprehensa, præter cordis sinus, qui pituita vitrea repletierant. *Vide lib. 2. tit. de morte subita.*

§. 2. Illustr. Dominæ N. pericardium cordi adhæsisse, humoréque vacuum repertum est. Æstuans perpetuo aërem captabat frigidum, Siti molesta torquebatur. *Vide lib. 2. tit. de Dyspnœa.*

§. 3. Quidam acuta febre prehensus est cum Siti ingenti, anxietate, dyspnœa, Sectio à morte palam fecit adfuisse pericardii inflammationem. *Vide lib. 2. tit. de Pectoris dolore.*

§. 4. Nob. febre acuta detinebatur, ingensque Sitis consequebatur. Inventus est in membranis intersepientibus Tumor inflammatorius, sat notabilis magnitudinis. *Vide lib. 2. tit. de Pectoris dolore.*

§. 5. Agricola plaustrî fœno onusti ruinam in se passus, pectoris dolore corripitur, ardente febre, Siti magna. Pericardium in defuncto pure copioso scatebat, cui velut immersum erat cor, Pulmo ejusdem labis particeps. *Vide tit. de Pectoris dolore lib. 2.*

§. 6. Juvenis (de quo Tit. de Phrenitide) ex Erysipelate in tibia medicamentis percussus, passus est dyspnœam & Sitem intensam, ob quam linguam extra os perpetuo exsertam habebat: Illi Pleuræ pars dextra, necnon pulmonum lobi antici & postici, pustulis miliaribus obsita deprehenduntur.

§. 7. Uxori N. dyspnœa, febris levis, sed tamen Sitis perpetua. Illi thoracis dextri spatium aquæ magna vi erat distentum. Pulmones retorridi & multo purulento tabo prægnantes. *Vide tit. de Dyspnœa lib. 2.*

§. 8. Puella ægre ambulabat, & cum difficultate ascendebat, tum magna Siti premebat

tur. Cavitate thoracis aperta, evaporabat fœtor insignis: Dextrum tantum ejus latus erat integrum: In tertia circiter sinistri parte aderat cystis plena liquore cremori simili, ad quantitatem trium pintarum. *Vide lib. 2. tit. de Pectoris dolore.*

§. 9. Uxor D.N. nata patre Pulmonico, quæta est de linguæ rubore & siccitate, juncta siti insigni, &c. Pars sinistra pulmonis magna sui parte tabuerat: Purulenta materia continetur illa thoracis parte. *Vide lib. 2. Tit. de Phthisi.*

## OBSERVATIO VIII.

*Sitis ab incendio viscerum vitalium quæ marcida reperta, absumpto humore Pericardii.*

**A**Rdente Sirio Juvenis in causum incidit cum lingua nigra, Siti clamosa, viscerum ardore & nimio caumate pressus, &c. In ejus sectione inventum est cordis involucrum rugosum, & cordis ipsa substantia marcida, absumpto fere omni humore qui in pericardio continetur, ab assante calore fere absumpto: *Vide lib. de Febris. Zacutus Prax. adm. lib. 1. Observat. 142.*

## S C H O L I A.

**I**N causum cum Siti clamosa) Galenus ad part. 54. sect. 5. duo perpetua sunt: Hippocr. (ait idem) ardentem febrem assiduitate Sitis cognoscit & caloris exurentis, ut Phrenitum delirio assiduo.

## OBSERVATIO IX.

*Sitis absentia in iis quorum ossa solida, medulla carent.*

**C**oncretis quosdam ossibus, ac sine medullis vivere accepimus: Signum eorum esse nec Sitim sentire, nec sudorem emittere. *Plinius lib. 7. Natur. histor. cap. 18.*

## ANATOMIÆ PRACTICÆ

## LIBRI TERTII

## SECTIO IV.

## De DEGLVTITIONE LÆSA.

## OBSERVATIO I.

*Deglutitio læsa ob convulsionem Oesophagi, pendentem à materia viscida initio nervorum incumbente.*

**M**ILES cum per integram noctem ebrius in solo decubisset, evigilans opisthotono correptus est, nihilque Deglutire poterat: Cadavere aperto, vitalia & naturalia organa integra erant: Cerebri autem ventriculi erant repleti materia viscida; vitello ovorum simili, quæ incumbens initio nervorum sæva symptomata in subjectis partibus excitabat. *Vide lib. 1. sect. 13. Observ. 15.*

## S C H O L I A.

**O**PISTHOTONO correptus) Oesophagi tunica media juxta G. Hofmannum, musculus est, idcircoque paralyti & convulsionibus obnoxia. Oesophagi vero anatomie hic proferenda, ut quomodo Deglutitio secundum naturam perficiatur, innotescat, hinc quibus affectibus p. n. obnoxia; ex Willisi Pharmac. rationalis sect. v. cap. 2. Oesophagus, inquit, tres habet tunicas, Harum interior in intima superficie quoddam quasi velum habet, fibris seu villis tenuissimis constans, quod totam ejus cavitatem velut lanugine quadam investit: Reliqua hujus tunicæ substantia tota nerva

est, fibris varii generis & diversimode contextis donata: Porro hæc membrana illi quæ palatum, os, fauces & labiat tegit, continuatur: insuper illa ad ventriculum usque descendens, os ejus circumcirca, & inferius spatio trium digitorum oris latera intus obducit: Pars ea proculdubio ad sensationem maxime exquisita facit, hinc enim post grata comesta & deglutita, grata jucunditatis affectio usque ad ventriculi ingressum comitatur, quin & ab ingratis comestis irritatione hic facta, nausea sæpe ac vomitus succedunt: Porro hujus tunicæ altior in ventriculum insertio, inti-

R. K.

mouit



num ac ciliissimum illud inter stomachum & gulam commercium facit, ita ut si pars alterutra in vomitionem cieatur, mox altera in *expulsionem* adducatur: cumque eadem tunica palatum aliisque oris partes investiat, etiam hæc cum illis circa vomitionem mutuo consensu afficiuntur.

2. Proxima Gula tunica carnosæ admodum & crassa est, velut si esset musculus perforatus: Hujus tunicæ fibræ carneæ, juxta *Stenonem*, spirales sunt atque duplicis ordinis, quæ se mutuo intercussant, & binas velut cochleas oppositas constituunt. Hinc videtur totus Oesophagus duobus musculis constare, qui quatuor parallelogrammos cum fibris oppositis, & se invicem decussantibus efficiunt, &c. Tertia & extrema Oesophagi tunica, huic & ventriculo communis, atque à diaphragmate oriunda, tenuissima, & fibris tantum membranaceis & perquam cæcibus existit.

Quoad usus & officia harum partium spectat, dicimus in genere tunicam interiorem potissimum ad sensus, mediam ad motus munia præstanda, atque tertiam, ut totius integumentum sit, componi: 1<sup>o</sup> igitur quod Oesophagi tunica interior crassa villosa obducatur, hoc ita fieri videtur ad comedationem, quæ pro vita tuenda necessaria est, magis invitandam, nempe ut, dum alimenta grata deglutiantur, in toto oesophagi transitu à villis istis arripi, hisque diutius adherere & jucunditatis sensum imprimere queant: Hæc autem tunica fibris nerveis tantum intertexta est, quarum præcipuum munus est sensibilibus appulsus suscipere, eoque mox primo sensorio tradere, proinde ut juxta complacentiæ aut displicentiæ affectus ibidem excitatos, deglutitionis aut reiectionis motus continerentur aut de novo excitentur.

Hic autem inquirendum, annon hæc Tunica prorsus nervea, siquidem fibris ita numerosis & variis intertextis, etiam motui cuiuspiam inserviat? Quippe cum Oesophagum ejusque partes inter Deglutientium, expiendum, evomendum, oscitandum, aliisque affectiones diversimode moveri constet: porro cum alia viscera membranacea, & imprimis ventriculus & intestina, in varios spasmos, inflationes & distensiones passim agantur, explicare oportet à quibus Fibris, & quo ritu affectis, istiusmodi variae sive actiones sive passionis obeantur?

In peculiari autem Tractatu ostendimus Quod & Quomodo omnis contractionis motus à fibris tantum carneis perficiatur, videlicet, Hæc spirituum (qui à fibris tendinosis, profiliunt) incursibus subito influxu ac intumescitæ mox abbreviantur, proindeque partes appensas versus se corripunt. Cæterum vero cum & plane constet quoddam partes nerveas, ac imprimis viscera concava, non solum contrahi, sed expandi, multum inflari, inque majorem capacitatem ampliari, quod certe per contractionis motum fieri nequit; cumque insuper liquido pateat spiritus animales intra fibras nerveas, haud minus quam intra carneas moveri, inque iis non tantum blande scaturire, sed interdum valde irritatos aut explosos impetuosius exilire, His inquam præmissis non dubitamus statuere, spiritus animales intra fibras nerveas sive membranaceas scaturientes, non modo sensationes, quæ proprium illorum munus sunt, sed & motus quosdam locales, scilicet expansiones sive inflationes efficere. Quippe dum spiritus animales in explosiones acti, & intigniter rarefacti, has fibras (quæ secus ac carneæ non certis ordinibus, sed quaquaversum dispositæ, plurimum attenuari, inque majores expansiones dilendi & dilatari possint)

impetuosius subeunt, necesse est viscus ex iis constans ubique inflari, ejusque latera quaquaversum explicata, summeque attenuata in majorem capacitatem ampliari. Profecto ex instituto naturæ quoadque ad hunc modum fieri convenit, nimirum ut dum partes, quas membranae constituunt, subeunt aut invehiunt, hoc ritu expanduntur, humores superflui aut molesti eidem affixi, aut adherentes excuti & ablegari possint. In hunc finem & hac ratione Pandiculationes, Oscitationes, & quosdam alios inflationis aut distensionis motus excitari putamus: Quapropter si quidem in *oscitatione* Oesophagi ductum nobis vel invitis ampliari, & quasi à vento quodam inflati & expandi sentimus, concludere licebit exinde hunc affectum oriri, quatenus Gula tunica interior, propter humiditatem nimiam (quæ aggravatur) discutendam, à spirituum explosione quadam expanditur & ampliatur. Porro hunc Oscitationis motum (quia indecorus videtur) dum inhibere nitimur, mox Tunicæ exterioris fibræ carneæ in contractionem cidentur, quo fit ut inter oppositos hosce expansionis & contractionis nixus, in oesophagi tunicis quoddam quasi colluctatio, quam facile percipimus, oriatur. Quo ritu spiritus animales in Affectibus convulsivis viscera membranacea valde intuent ac attollant, ac, ut vivi animalis exilitiones mentiantur, intumesciunt, à nobis alibi dictum, Porro cum à pharmaco incongruo, aut veneno, ventriculi aut intestinorum distensiones & inflationes horrendæ, & non raro totius abdominis intumescentiæ subitanæ & immanes contingant, ita fieri solet in quantum spiritus animales summe irritati, inque impetus explosivos adacti, fibras membranaceas omnes simul incutunt, & quoad ultimum extendunt, proinde ut viscus ab iis contextum mox totum inflatur & quantum fieri potest amplietur: Verum de diverticulo hoc de motu membranaceo regressi, Oesophagi tunicæ alterius usum consideremus.

Exterior Gula tunica, carnosæ admodum & crassa, si quidem duobus fibrarum carnearum ordinibus, qui oblique ascendunt & descendunt, seque mutuo decussant, constat, duplex quasi musculus censeri debet: Cumque unus fibrarum duplicatarum ordo sic descendens Deglutitioni inserviat, alter proculdubio ascendens Expulsionis & vomitionis opera perficit: Novi quidam ob Paralyin in hac Oesophagi tunica carneâ excitatam, Deglutitionis magnâ difficultate laborasse, aliosque ob fibras penitus resolutas fame interisse. Porro suspicari fas sit, ob fibras nerveas tunicæ interioris, dum spiritus in iis exploduntur, & inflatas nimis & distensas, Præfocationis sensum & veluti globi cuiusdam ascensum in Hystericis evenire. 3. De Tunica Oesophagi extrema, non est ut multa dicatur, hæc enim fibris tenuissimis & membranaceis constans, fere tantum pro visceris hujus integumento esse videtur.

Ex hac Gula constructione latæ Deglutitionis causas venari licet, quæ aut Depravatur aut Diminuitur aut Aufertur, *Depravatur*, aut ratione objecti improporionari deglutiendi, Aut ratione modi Deglutiendi, scil. cum quæ ore recipiuntur per nates viam inveniunt. Id quod triplici de causa contingit 1. ob intigne palati ulcus, tunc enim ingestus cibus ulceris foramen subit, & accedente inspiratione alimentum in nates defertur: 2. ob ulcus aut erosionem operculi: hæc enim particula erosa cibi, præsertim liquidiores, aliqua ex parte asperam arteriam ingrediuntur, hinc excitata tussis ingesta per nates excluduntur. 3<sup>am</sup> causam attingit *Galenus* 5. de locis angustiam

angustiam scil. circa principium oesophagi, a qua imminuitur etiamnum & auferitur aliquando Deglutitio. Imminuitur autem vel auferitur, ob Gulæ vitia considerata ut est via, aut ut est organum. Quatenus via est, Angustia obnoxia est aut Occlusioni, vel propter Errorem externum, os, nucleum, crassam pituitam, &c. vel propter Morbum, tumorem, carnem adnatam, coalescentiam ex ulcere; compressionem factam à tumidis partibus adjacentibus. Quatenus organum consideratur, vel animale vel naturale; ut animale, ratione musculorum laryngis, qui deglutioni inserviunt, quatenus laryngem attollunt, qua elevata gula deprimitur, & cibus superiora occupans infra detruditur, 2. quia tunica Oesophagi me-

dia, quæ muscularis est, afficitur quoad fibras suas carneas. Hæc & prædicti musculi laryngis officio non funguntur, paralyti, spasmio aut tumore affecta: Gula si perpenditur ut organum naturale, prædicta est facultate attractrice & expultrice: utraque imbecilla fit ab aliqua intemperie, aut impeditur ab ulcere, ab infectione (cui obnoxia est tunica intima, ubi crusta villosa, qua obducitur, secedit, unde ejus usus perit) inflammatione, tumoribus frigidis. Vitiatur & Deglutitio ob insignem ventriculi inappetentiam, quo in casu attractrix silet. Gulæ enim & ventriculo, palato item & ori communis est hæc tunica, unde unius partis affectiones in alteram facile transtiliunt.

## OBSERVATIO II.

*Deglutitio læsa à Tuberculo fauces occupante.*

**A**dolescenti tuberculum ad palati forulum enatum est, quod tandem totas hominis fauces opplens, alimenti potusque transitum &c. impedit. Præsectum tuberculum in mortuo ostracinum intro repertum est, cum aliquo particulæ conformatu, &c. *Vide lib. 2. Tit. de Suffocatione.*

## OBSERVATIO III.

*Deglutitio læsa ob molem carneam circa exortum asperæ arteriæ innatam & oesophagum.*

**I**N Puella hæctica dissecta, circa exortum asperæ arteriæ, ex pulmonis substantia, moles steatomatum carne permixta, ovi magnitudinem excedens, inventa est, quæ tam asperæ arteriæ quam oesophago adhærescebat, hinc Deglutiendi difficultas. *Vide lib. 2. tit. de Phthisi.*

## OBSERVATIO IV.

*Deglutitio læsa ab adipis copia gulæ & tracheæ adnatæ.*

**N**obili N. tracheæ arteriæ & gulæ tantum adipis indurati adhæsit, ut paucos dies ante obitum cibos assumere nequiverit, solo potu sustentatus. *Vide lib. 2. tit. de Dyspnœa.*

## APPENDIX.

*Deglutitio læsa ob pruni osculum subsistens in sinu quodam Tonsillæ insculpto, viam cibi potusque arētans.*

**T**onsillæ vulgo Amygdala dictæ, læxæ & spongiosæ sunt, ac Sinus habent varios, unum amplum & ovalem in os apertum (hic in bobus digiti minoris apicem facile admittit) pluresque parvos, quibus humiditatem salivalem cerebri suscipiunt, eaque laryngem, fauces, linguam & oesophagum continue humectant ac lubricant, Fallopius bene notat interdum magni sinus interioris aperturam ulcusculum æmulari, & nonnunquam pro tali ab imperitis Chirurgis tractari, nempe quoties ejus osculum, ab humorum copioso in glandulam decubitu, nimium dehiscit. Quantum autem interdum dehiscat, vidi in rustica quadam, quæ famelica comederat pruna Damascena cocta, & propter in edendo festinationem, nescio quo casu, lapillus unius pruni majusculi ingressus est aperturam dicti magni sinus, unde glandula mox intumuit, adeoque cibi potusque viam præclusit, ut sequentibus quatuor diebus ægra nec cibi nec potus quicquam deglutire potuerit, atque hinc meum consilium tunc implorare coacta fuerit: Depressa lingua glandulam admodum tumidam in dextro latere, sed minime inflammata, ejusque ante dictam aperturam præter solitum valde dehiscentem conspexi, sed pruni lapillum non vidi: mox pauxillum decocti hordei cum syrupo de althea mixtum mulieri sorbendum dedi, & foris pollicem meum regioni glandulæ istius tumidæ imposui, eamque fortiter pressi, & tunc jussi ut mulier magno impetu contentum ore liquorem deglutire niteretur. Prima vice resilit liquor per nares, sed secunda vice, ob compressionem, quæ foris per pollicem, & intus per retractam versus posteriora linguam fiebat, lapillus & glandula exsiliit in os, ægraque illico rursus cibos potusque deglutire potuit.



Similis fere casus à me visus fuit in cive Ultrajectino, cui frustulum crustulæ duræ casei in antedicti sinus aperturam illapsum fuit, totamque deglutitionem protinus impedivit, verum hujus curatio non tam prompte successit, sed aliquot dierum molestiam nobis exhibuit. *De Diemerbroeck Anatom. lib. 2. cap. 16.*

## OBSERVATIO V.

*Deglutitio laesa ob Columellæ & Tonsillarum absentiam.*

**V**Xor Johannis G. G. uno partu & filium & filiam mense Febr. anno 1620. Dresdæ enitur: Filia quidem optime constituta, atque omnibus membris perfecta erat, Filius vero *Columellæ & Tonsillis destituebatur*, unde & lac quod sugubat, per nares partim reddebat, Non diu superstes fuit, sed xxi. saltem ætatis diem attigit. *Ph. Salmuth cent. iii. Observ. vi.*

## S C H O L I A.

**C**olumellæ destituebatur) Hic usus illi adscribitur ab Anatomicis, ne ex ore potus in rates remeet: ideo binis musculis exiguis suspensa est, qui eam antrotrorsum & retrorsum movent in deglutitione: Quoad Tonsillas, inter varios usus illis adscriptos, hic numeratus, ut humectent linguam, fauces, laryngem & oesophagum, continent enim naturaliter humorem quasi mucilaginem, & lubricandis partibus maxime accommodum, faucibus scil. partibusque vicinis & præsertim Oesophago, Hinc collige à de-

fectu istarum glandularum, humorem quoque illum, quem naturaliter continent, absuisse, ac proinde difficultatem in deglutiendo sequutam esse. Ob id mihi Filia semestris cui ad obitum usque maxima hausti lactis portio in nares inferebatur. In inspiratione vero sibilus quidam perpetuo circa isthmum percipiebatur, à defectu columellæ. Cultro anatomico exponere, quo accuratius causæ innotescerent, vetuit amor paternus.

## OBSERVATIO VI.

*Deglutitio laesa ob Epiglottidem induratum.*

**E**piglotidem adeo quandoque induratum deprehendi, ut non solum loquelæ abolitionem inferat, verum etiam *nonnisi frustra magna deglutire* ægrum posse efficiat; Potus, & omnia quæ cochleari exhibentur, Trachæam intrant, rigidior ab Epiglottide non satis clausam: Malum hoc incurabile habetur. *P. Barbette Anat. Pract. lib. 1. cap. 4.*

## S C H O L I A.

**N**onnisi frustra magna deglutire) Contingit quoque solida facile, liquida vix degluti, cum glandulæ gulæ extrinsecus appositæ intumescunt, quod solida comprimendo viam vi sibi faciant, liquidiora autem fungosam glandium substantiam mugis impleant:

Item convulsis musculis hyoideis, quia tunc fursum erigitur larynx, unde remeat in os cibos liquidus, solidus pondere delabitur, tremulo anxioque quodam motu. *Vide Scholia ad Observat. xxiv. ubi alia ratio adducitur.*

## OBSERVATIO VII.

*Deglutitio laesa ob oesophagum callosum & compressum à materia crassa ambiente.*

**P**etrus Balen, studiosus, annorum 24. natura tenui valetudine, catarrhis, dentium dolori & gutturis angustiae obnoxius. Is anno 1624. cœpit esse querelus de rigida colli durtie: fuerat hyems asperrima, & ille caput contra brumalem injuriam indurare voluerat, in musæo studens detecto capite & fenestris apertis, alvus ei erat adstricta. Is tumor sensim increvit, adeo ut tandem in Maio ad tantam durtiem & tumorem totum ei collum adduceretur, ut nihil amplius fere deglutire posset: rigeant muscoli mastoidei, totumque collum instar saxina viscida materia, quæ etiam adeo oesophagum comprimebat, ut nihil tandem, ne quidem liquidum etiam deglutire posset; Varia emollientia fuere applicata, etiam instrumentum per oesophagum immissum, sed cum magno doloris tormento, quia latera oesophagi valde connivebant, angustata & compressa ab incubitu crassæ ejus materiæ. Tandem ad pepasum materia devenit, & foris ad jugulum versus latus sinistrum ruptum est apostema, unde ingens materiæ copia profluxit: liberius tunc incepit deglutire, sed febris cum apprehendit continua, nam maxima materiæ copia ei in thoracem defluxit, ibique computruit, & febrem putridam continuam accendit, quæ viribus omnibus exhaustis eum sustulit anno 1624. Junii 20. Vox ei & mens integra ad ipsum usque momentum quo animam efflabat: Biduo ante mortem, per foramen apostematis, in jugulo etiam prodibat aliquid potulentæ materiæ cum biberet, nam oesophagus erat exesus à materiæ putrilagine: sed arteria aspera erat integra & intacta, nam vox & respiratio sine dolore libere procedebant.

Sectio

Señto cadavere, muscoli colli omnes erant corrupti, ut & oesophagus, idque digiti longitudine, infra cartilaginem scutiformem incipiendo & deorsum cundo; Luridus, lividus, nigerque erat omnium partium color, excepta arteria aspera, quæ erat integra. Plurimum materiæ crassæ, amurcosæ, & subcineritio colere prædix hærebat circa musculos & oesophagum, oesophagusque ibi, ubi color mutaverat, valde connivebat à materiæ compressione, & calli duritiem contrahere inceperat; vehementer ea materia fœtebat.

Deglutitionem igitur impedit, tum angustia oesophagi à materiæ compressione, tum ejus callosa consistentia, quæ se contrahere, & cibum apprehendere non poterat. Oesophagus supra & infra, ubi occalescere desinebat, erat liber & apertus. *O. Henricum Observatio xxx.*

## OBSERVATIO VIII.

*Deglutitio laesa ob Oesophagum cartilagineum redditum & dorsi spinæ accretum.*

**F**œminia diu difficultate deglutiendi præpedita Medicum adivit, qui ipsi consuluit stylum ex osse balenæ confectum, longum flexilemque in ventriculum intrudere: circa claviculas obstaculum aliquod invenit, quod stylus nullomodo superare potuit; Medicus illam pro deplorata habuit, post paucos menses obiit fame enecta.

In dissecto cadavere, totus Oesophagus à clavicularum regione ad ipsum stomachum inventus est pura puta cartilago: neque erat pervius nisi cavitate valde minuta, vix seram porcinam admittente, eaque labyrinthia, sed integra substantia cartilaginea solidus: Accrevit etiam dorsi spinæ, eodem modo atque cum ossibus coalescunt cartilaginee naturales: In inferiore abdomine Lien & Hepar una agglutinabantur, utrumque viscus solito majus, licet reliqua omnia valde emaciata conspiciebantur; Cystis fellea lapillis in ipsius figuram effigiatis plena. *Henricus Sampsonius in Miscellan. Curiosis anni 1613. Observ. 170.*

## S C H O L I A.

**S**tylum ex osse balenæ, &c.) In Anglia nuper inventus usus bacilli flexilis ex penna balenæ cum alligatis scopis, quo per gulam demisso, & sursum deorsum moto, ad vomitum concitatur repletus ventriculus: Aliis penna antierina has vices supplet. Quidam Medicus incurvo syphone utebatur in omnibus carat. rheumatibus, quo velut incantamento non solum à capite defluentes humores excipere, sed & in profundo corporis ventriculo impactos elicere: Figuram depingit *Roussin* Epist. med. 47. improbens quod subvertat stomachum, & nausea cibi fastidium oriat, & quamquam crudum expurget humorem, eidem generando novam suppeditet materiam: At hæc incommoda vitabuntur si finita ciborum concoctione & distributione dextre instrumentum ingeratur. Illius beneficio quidam in extremis constitutus imminens fatum evasit, referente *Willis* Pharmac. rat. sect. 2. cap. 1. Vir robustus, æt., & alias satis sanus, à longo tempore vomitu

crebro laborans comesta quæque sapius, etsi non semper, mox rejicere solebat. Tandem victis omnibus remediis, morbus in eum statum devenit ut valde esuriens comederet ille donec oesophagus ad Gulam usque impleteretur, dein nihilo in ventriculum illabente, ingesta quæque cruda regereret: Cum pharmacis minime juvantibus pie fame summe elanguesceret, & propediem interire periclitaretur, instrumentum ei instar virgulæ, è penna cetacea, cum spongiæ fibula apici ejus affixa parabam: hoc ægrotans statim à cibo & potu assumptis, gutturi, unaque oesophago immittens, alimenta secus restagnatura, in ventriculum, orificio ejus reterato, detrudebat: atque hujus ope per xvi annos pabulum quotidie sumpsit, eademque adhuc machina utitur, & etiamnum vivit valètique, secus inedia periturus: Proculdubio in hoc casu os stomachi sive à tumore sive à paralyti semper oclusum nihil, nisi violenter reteretur, in ventriculum admittit.

## OBSERVATIO IX.

*Deglutitio laesa ob obturatum Oesophagum à cartilagine ab ipso enata.*

**M**ercator Hippolitanus, consistentis ætatis, sesqui anno de deglutitionis difficultate, mucronata sub cartilagine, dolore gravativo in dies augescente, languore, ac totius corporis contabescencia, nullo in faucibus tumore vel dolore apparente conquestus, quum externis atque ad fata vitanda, quamplurimis tam internis quam externis, à diversis Apollinis filiis tractu temporis sibi præscriptis, ac incassum adhibitis remediis, corpore ob deglutitionis impossibilitatem, sanguine ac spiritibus destituto, marasmo de violenta exspirare cogitur.

Cadavere dissecto, tribus ab ore ventriculi digitis, oesophagus à cartilagine annuliformi, exiguo foramine prædita, ab ipso oesophago enata, obturatus repertus fuit. *Nicol. Gul. Beckers in miscell. cur. anni iv. Observ. 67.*



## OBSERVATIO X.

*Deglutitio laesa ob Thymum, glandulam, corruptis humoribus infarctam.*

**T**hymum novi, ex quorundam lue venerea infestatorum cadaverum sectionibus id doctus, instar spongiae ab excrementitiis corruptis humoribus intumescere: Unde ægre cibum potumque deglutientes, sæpe per foramina nasi in nares eos excernunt. *Vide lib. I. sect. 21. Observat. 4.*

## OBSERVATIO XI.

*Deglutitio laesa ob strumas orificium stomachi obsidentes.*

**J**uveni strumæ gulam asperamque arteriam premebant, ut nec potus nec ipsi aëri transitus esset. Ex repertæ sunt in orificio stomachi, pulmonibus, &c. *Vide lib. 4. tit. de Tumoribus.*

## OBSERVATIO XII.

*Deglutitio difficilis ob carunculam Gula innatam.*

**O**esophagi ulcere ex lue Venerea sanato caruncula suborta solidorum ac liquidorum Deglutationem cum dolore difficilem reddidit: Æger diu vitam trahens tandem ad plures penetravit. *Ioh. Rhodius cent. ii. Observat. 46.*

## OBSERVATIO XIII.

*Deglutitio difficilis ob Oesophagum divisum.*

**I**n infante v. annorum, x. April. 1670. Oesophagum invenimus maxima parte divisum, à costa nempe prima, superiore, ad sextam, sic ut materiæ deglutiendæ duplex hic daretur via: Ductus tamen hic, ut erat in principio simplex, sic iterum ubi ventriculo vicinus: Simile quid in infante recens nato jam ante annotaveram. *G. Blasius Part. 4. Observat. Medic. viii.*

## OBSERVATIO XIV.

*Deglutitio abolita ob summam Oesophagi angustiam.*

**A**dolescentulo octenni per febrem ardentem abolita deglutitio ab Oesophagi angustia, quæ tanta, præsentæ *Ioh. Prevotio*, ut Gula, cadavere aperto, aquam non admitteret. *Ioh. Rhodius centur. 2. Observ. 48.*

## S C H O L I A.

**P**er febrem ardentem ) Jugulum & collum sua habent vasa lymphatica, quorum usus est ad irrigandam asperam arteriam, cujus cartilagine ab affluente aëris reciprocatione facile exsiccantur. Hoc in febribus ardentibus, & angina, ob calidam intempe-

riem absumpto humore unctuosissimo, quo ex tunica perfunduntur, non tantum molesta sit Deglutitio, sed etiam ipsa vox stridula seu clangosa evadit, & spiritus difficillimè trahitur, nullo existente in thorace vel pulmonibus vitio.

## OBSERVATIO XV.

*Deglutitio abolita ab Oesophagi inflammatione, post devoratum ossiculum.*

**J**uveni cuidam cum inter coenandum ossiculum in gula remansisset, & tota nocte, ut illud rejicere posset, occupatus fuisset, sequenti die circa vespertinam ad me venit, Catheterem incurvatum elementer in oesophagum immisi, & ea qua potui diligentia exploravi quonam in loco infixum posset esse ossiculum, sed nihil præternaturale invenire potui, præter angustiam quandam oesophagi, è regione laryngis, & ea quidem in parte ubi de dolore, non tamen pungitivo, sed obtuso conquerebatur. Immitto itaque instrumentum meum ad res extraneas ex gutture extrahendas, cum sua spongia annexa, sed absque fructu quoque: nihil enim præter angustiam quandam oesophagi (quam ego  
ob exco-

ob excoriationem ab officulo factam, & affluxum humorum evenisse non dubito) reperire potui: quare ipsi significavi nihil amplius instrumentis tentandum esse, ne locus affectus magis magisque irritaretur, pessimæque symptomata excitarentur, Cum itaque curationem, (cujus fit mentio centur. 1. observ. 32.) instituere vellem, barbitonforem accedit, qui ad aliquot vices instrumentis in guttur immisis malum adeo exacerbavit, ut aucto dolore tandem nihil amplius deglutire posset, quare iterum octava die in consilium vocor; Tum collum undique durum, tensum & supra modum usque ad ipsum pectus tumefactum inveni; dolor erat maximus, respiratio difficilis, pulsus celer & debilis, nec guttulam quidem jusculi deglutire potuit, quare ipsum in periculo esse adstantibus significavi: Interim tamen ut dolor reliquæque symptomata mitigarentur, omnes nervos intendi: Collum & pectus oleo liliorum & amygdal. dulcium inunxi: Cataplasma & facculos emollientes & anodynos applicui: decoctum etiam ex radic. & folliis altheæ, malvæ, flor. chamom. lilior. & meliloti cum paucis melle ex cochleari lambendum dedi: Sed omnia frustra, sequenti enim die placide obiit.

Post obitum inciso collo, Oesophagum cum vicinis partibus, sed eo præsertim loco ubi officulum infixum fuerat, plane sphacelatum, cum maximo fœtore invenimus; officulum vero nusquam, imo nec in ipso ventriculo: Pulmones ob præcedentem inflammationem lividi erant, & ventriculus plane vacuus: Officulum vero illud prima nocte & antequam ad me veniret, in maximis istis conatibus, quos immisso digito in gulam sibi excitaverat, per superiora rejectum, aut ad ventriculum & intestina delapsum fuisse. *Fabritius Hildanus cent. v. observ. 35.*

## OBSERVATIO XVI.

*Deglutitio impedita ob Tumorem lateri asperæ arteriæ adnatum, Oesophagum per filamenta intus enata obstructum, Et Glandulas ejus exteriores tumidas.*

**I**Nter Oesophagum ac asperam arteriam insinuat se nonnunquam durus & exitialis quidam tumor, modo foris conspicuus, modo vero intus delitescens: Primum autem coarctat, sed mox occludit gulam, & quidem tam strictè, ut denegato omni alimentis transitu certo pessundet hominem: Causam autem agnoscit, vel pituitam vel succum melancholicum: Et prout, sive hic sive ille humor uberius redundet, pro eo etiam augetur imminuiturve discrimen, in quod præcipitat ægros: Pituitosum tumorem ut interdum, sic nunquam domabis illum ab atra bile, præsertim si occupet mollem asperæ arteriæ partem: Cujus flexiles membranæ ut pone facile deprimuntur, sic ante resistunt potenter huic tumori cartilaginei illi annuli, quos instar scuti nobilissimæ huic fistulæ præposuit sollicitè natura. Signa ejus sunt, Gulæ angustia, spiritus difficilis, gutturis fervor, sputa salsa ac perennis salivæ secretus: Ipsa autem pars affecta, digito depressa, ostendit tumorem magis latum quam elatum, qui quanto delitescit penitius, tanto magis coarctat gulam tum asperam arteriam, adeo ut interdum nec detur spiritui exitus, nec alimentis conveniens in ventriculum ingressus.

Viduz cujusdam naupegi succrevit paulatim, ex destillatione, humilis ac latus tumor, insidens firmiter lateri asperæ arteriæ, paulum supra jugulum: Hinc impediri evidenter spiritus, & tantopere Deglutitio, ut circa summum tumoris incrementum, vix quicquam amplius transmiserit gula; nisi forte exiguas aliquas lactis vaccini guttulas; quarum ope nequaquam ubi restaurarentur debitè vires, majoris opis indigæ, emarcuit necessario corpus, & excessit ipsa non invita è vita.

Dissecto autem cadavere, offendimus hunc tumorem ad instar carcinomatis, colore lividum, & radicibus diffusum per quamcunque colli partem, potissimum verò circa gulam, præmendo eam tamarctè, ut ex complicatis ipsius tunicis excreverent intus varia filamenta, obturantia intricata sua textura, usque eo perviam hanc fistulam, ut ne ferreum quidem specillum per eam licuerit nobis transmittere: *Intumuerant* adhuc à perenni pituitæ cursu, tam vehementer *glandule*, in medio thorace, *gulæ extrinsecus appositæ*, ut nemo miraretur amplius mulierem hanc incidisse, non modo in summas angustias, verum in famem inexpugnabilem & inevitabilem mortem. Sed excessit omnem admirationem arteria cervicalis, tam ampla & lata, ut in se facillime recepisset duos digitos, sed interim plane vacua & omni humore destituta. Calor quippe arteriæ, à carcinomate impressus, attraxerat eo plus sanguinis quam ipsa fuit recipiendo: unde verisimile est tunicas ipsius præter consuetudinem fuisse distentas: at humorem attractum absorpsit deinde tam valide idem



incendium in dies increfcens, ut arteria integre inanità, induceretur inde inevitabilis illa moriendi neceffitas, quam rectius videtur innuere Auctor lib. de corde, afferens, *Vafa cordis eſſe fontes humana natura, & flumina quibus totum corpus irrigatur; hac vitam conferre, ſed ſi exſiccantur, hominem perire. Nic. Tulpinus lib. 1. cap. xlii.*

## S C H O L I A.

**P**er viam hanc ſiſſulam) Peculiarem deglutiendi difficultatis cauſam adnotavit *Platerus* obi. lib. 1. Gulam ſcil. humiliore ſede anguſtam factam, quam curavit in quodam cui anni ſpatio cibos paulo ſolidiores deglucienti, ii in media, ut dicebat, via ſubſiſtebant; atque angebant donec potu eos deorſum pelleret, immunis alias à quolibet affectu: Uius autem eſt hoc linctum, *℞. ol. amygd. d. rec. butyr. rec. an. ʒi. mucilag. ſem. lini extr. cum aq. violar. ʒij. medullæ ſem. cucurb. & melon. an. ʒi. penidiar. ʒj. m.* Frequenter bibit lac caprinum, cui butyri rec. & penidiarum portio addita: Inuncta ſunt latera colli oleo amygd. butyr. rec. & axungia gallinæ.

*Internumerant Glandula Gula exterius appoſita*) Ad Oeſophagi humectationem varix glandulæ ipſi aditant, ſuperius ſcilicet ad linguæ laryngiſque latera duæ con-

ſillæ, humorem ad leniendam interiorem cavitatem ſuppeditantes: Exterius cum humectare traduntur inferiores glandulæ duæ, in poſtica Oeſophagi parte, juxta quinam thoracis, vertebram ſixæ (coſcil. loco ubi Oeſophagus aortæ trunco cedens, ad dexteram nonnihil deſectii) ac multoties inter Oeſophagum & vertebras tantopere occultatæ, ut nonniſi diligentiore investigatione reperiamur: Nonnulli has glandulas, non tantum exterius Oeſophagum irrigares, verum etiam eundem ad faciliorem deglutionem, interius humectare credunt, Verum cum neque extrinſeca illa irrigatio neceſſaria ſit, neque à glandulis ullus tranſitus verſus interiorem Oeſophagum pro-

tendatur, ſatis patet illum non eſſe earum uſum.

*Diemerbroeck Anat. lib. 2.*

*cap. 16.*

## OBSERVATIO XVII.

*Deglutitio laſa ob adipem Gula & Tracheæ adnatum.*

**N**Ob. N. aperto cadavere, Tracheæ arteriæ & Gulæ tantum adipis (à pinguiſſimis haud dubie carnibus ſæpiuſcule ingeltis contracti) indurati adhaſit, ut non modo beneficium ſpirandi crebro deſideraverit, ſed paucos quoque dies ante obitum aſſumere nequiverit, ſolo potu ſuſtentatus: Et facile credo ſi diutius ſupervixiſſet illum inedia perituum fuiſſe. *Ex Joh. Fabri Obſervationibus. Vide l. 2. tit. de Dyſpnæa.*

## OBSERVATIO XVIII.

*Deglutitio laſa ob vitioſum chylum in ſtomacho contentum, Et pituitam aſperam arteriam implentem, Oeſophagum comprimentem.*

**V**Irgo ex labefactata hepatis hæmatofi mortua, dum ægrotaret non deglutiebat niſi ſumma difficultate. Poſt mortem ex Oeſophago teterrimus corruptus chylus exhibat, Et multa ſpumans pituita aſperam implens reperta, ex Pulmonibus corruptis exundans. *Otho Henrnius Obſervat. xvj.*

## OBSERVATIO XIX.

*Deglutitio laſa in Puella, ob vitium ventriculi & Pulmonum.*

**P**uella dum ægrotaret non deglutiebat niſi ſumma difficultate: Poſt mortem ex Oeſophago teterrimus corruptus chylus exhibat, & multa ſpumans pituita aſperam arteriam implebat, ex pulmonibus exundans: *vide tit. de Affectibus uterinis.*

## OBSERVATIO XX.

*Deglutitio laſa à cartilaginea duritie Sphincteris gula totiuſque Oeſophagi, Glandularum laryngi adſitarum miro incremento.*

**V**Xor Dom. Martini, corpore gracili, melancholica, vultu rubicundo, annos nata xxx. epilepticis inſultibus ſæpe tentata, geſtationis præſertim tempore, quo venæ in ſura ſtupendum in modum tumebant; Eduliis craſſi ſucci uſa, braſſica, ſuilla carne, fumo indurata &c. Tandem autumnno anni 1672. imbrifera tempeſtate angina correpta eſt, quæ neglecta omnem deglutiendi facultatem ademitt, ita ut nequicquam liquidi aut ſolidi permeare potuerit, tumore circa jugulum, imprimis ad platyſma myodes dextrum manifeſto: Potus omnis, cannula ore attractus, per nares reſiliebat cum ægrotæ aliquo ſolatio: Per ſex ſeptimanas chyſteribus nutrientibus ſuſtentata eſt: Sanæ mentis jam vivendi finem proximum conjectans, in ſuperius cubiculum à marito ſe deſerri voluit, appenſa

ibi

ibi lineæ cadaveri involvendo ante destinata, apprehensa : hinc in stratum relata quatuor liberos lugubri veste indui jussit accersito factore, consanguineisque advocatis ultimum vale dixit, atque inter preces exspiravit.

In aperto cadavere Gulæ spincterem musculum, sive Oesophageum, ab utroque scutiformis cartilaginis latere enatum, sese posterius per gulam extendentem, quo tanto facilius deglutitio perficiatur, in cartilagineam, oedemati haud absimilem substantiam degenerasse, transversimque totum oesophagum occupasse, ductum seu canalem per quem alimenta ad ventriculum deferuntur, nulla adstrictione, sed coalitione ita clausum fuisse, ut non oculis, nedum stylo ulli pervius fuerit : Glandulas deprehendimus superiores, ad laryngis latera positas, instar renis vitulini excrevisse : cui tamen præternaturali in magnitudine constitutioni peritus Medicus minime attendebat.

Sed quia principium illud Gulæ, quod proprie Pharynx dicitur, in cartilagineum oedema induruerat, an ab industrio Chirurgo Pharyngotomia, eo modo quo *Fontanus* Laryngotomiam institui vult, suscipi potuisset, Incertum remedium certæ morti præferendum esse à Te, vir peritissime, audiui & retinui, tuæque autoritate sola nixus pauca hæc quæ sivi, Vale. *Ex communicatione Excellentiss. & Nobiliss. Dom. Stoffelii Sereniss. Principum Wirtembergensium Præfecti moribus.*

## APPENDIX. I.

*Deglutitio læsa & depravata ab attenuata larynge & musculis vicinis exsiccatis.*

**D**E Laryngis cartilaginibus, utrum in omnibus, vel plerisque saltem, offæ fiant, vehementer dubito, quamvis non negem frequenter, vel aliquoties saltem hoc accidere : Observasse tamen in senibus quibusdam exsiccatis, & quasi excarnibus redditis, ut facillime inter comedendum aliquid asperæ incideret arteriæ.

Nuper senex sexagenario major tale quid passus potum admittere omnino nullum potuit, quod mox illaberetur magna ejus pars arteriæ asperæ : Cibum tamen propemodum sine offensa assumere potuit, præsertim qui non esset friabilis, sed cui lentoris aliquid inesset, atque ita paulatim consumptus est. *Observatio Osvaldi Gabelcheveri.*

## APPENDIX. II.

*Deglutitio Potus læsa ob arteriæ asperæ siccitatem & ligulæ constrictionem.*

**L**udovicus du Bex, cum febre quartana laboravisset diu, & ea quasi contabesceret, inter alia symptomata difficultas quædam potandi fuit : mirum hoc, appetebat cibos & bene deglutiebat, sed cum bibebat, secundo aut tertio haustu, tanta difficultas & molesta tussis contingebat ut ad nares resiliere potus, Causa cognitu difficilis, nil enim in faucibus tumens apparebat, nullus aderat dolor : Medicus quidam id referebat ad inflammationem ; Ego ad ligulæ quandam contractionem & asperæ arteriæ siccitatem, quæ efficeret ut non satis obsequeretur hauriendo liquori, ita ut in asperam arteriam de potu aliqua pars deflueret, id quod tussim & molestiam afferebat : Ille occurrit ægro admotis & assumptis, humectantibus & lenientibus, Et id profuit, cum enim pinguior factus est, illud cessavit symptoma. *Ballonius lib. 2. conf. 14.*

## OBSERVATIO XXI.

*Deglutitio læsa à Tuberculo ori ventriculi innato.*

**M**ulierem vidi gravidam cui tuberculo duro, eoque ingenti, ita os ventriculi obruebatur, ut quicquid indebatur, attacto ore ventriculi mox remearet atque redderetur : Sic adstantium omnium iudicio, nihil cibi potiusve bimestri tempore, vel conatu maximo ea voravit : Tandem morbo, desipientia, febréque confecta decessit, edito partu quem vitæ superstitem reliquit. *Fernelius cap. 1. lib. 6. Pathol.*

## OBSERVATIO XXII.

*Deglutitio læsa à scirrho ventriculi orificium obsidente.*

**§. I.** **A**nno 1570. vocatus sum ad mulierem quæ longo decubuerat tempore,angebatur transglutiendi difficultate maxima, & tanto gulæ ardore, ut præ eo nec dormire nec sitim sedare quiverit : Aucta gulæ angustia, vix quid liquidi in ventriculum



culum immisit : ventriculus ad vomitum excitatus , egerbat interim cibum , interim etiam pituitam cum bile crassa permixtam : Agra sciscitata num juxta ingressum gulæ in ventriculum , vel ventriculi orificium , quid tanquam clavum infixum , vel globulum persentisceret : sese toto octennio tale quid in ea regione percepisse , atque transglutiendi magna difficultate laborasse , similique morbo & patrem & sorores occubuisse affirmabat : Tandem nutrimento destituta , atque ad extremam perducta maciem extincta est.

Mortuam aperui , & inveni ad ventriculi orificium scirrhum pugni magnitudinem excedentem , substantiæ gulæ innatum , qui crassitie ac tumore suo angustabat atque obturabat œsophagi finem : Mesenterium visum fuit ex multis , iisque satis magnis scirrhis conflatum , sicut & Pancreas ; Omentum contractum , crassum , & ligno durius inventum : ventriculus inanis , hepar subalbidum scirrhisque refertum erat. Quamvis hæc mulier totum octennium hos scirrhos gestarat , atque transglutiendi difficultate in dies magis ad finem usque vitæ afflictæ fuerit , nihilo ferius , quod valde mirum , utcumque commode late ac hilariter vixit , liberos procreavit , habuit tamen semper macilentum corpus. *Cœter lib. Observat. Anat. & Chirurg.*

§. 2. Ut Nutritio fiat multa requiri certum est , nec solum alimenta concoqui , sed & ad concoctionis loca deferri : proin parentes esse vias per quas ad ejus officinas iter est : Œsophagus via est alimento ad ventriculum , chylicationis organum traducendo : hoc si quacunque de causa occluditur , atrophia hominem conficit.

Alutarius natione Germanus , habitatione Genevensis , nomine Abrahamus Colonna , plurimorum mensium decursu insigni & molesta Deglutiendi difficultate laboravit , quæ tandem adeo adaucta est , ut nihil in ventriculum cibi potusve descenderit , quin proxinus ingesta quævis , ubi orificium ventriculi superius attigerant , sursum remearent , Tæbe & morte subsequenter.

Dissecto cadavere , repertus durus & scirrhusus tumor orificio superiori ventriculi adnatus , adeo ut meatus omnino præcluderetur.

## OBSERVATIO XXIII.

*Depravata Deglutitio Potus , qui velut in cavum descendere videbatur , ob Pu'mones costis amexos , ex parte purulentos &c.*

JO. Tassinus Dolorem lateris querebatur : sæpe vox deficiebat , ac si aut pulmo confossus , aut perforatus , aut adhærens esset : Non poterat multum & assatim bibere , quia deficiebat spiritus : Aperto cadavere deprehensus est Pulmo adhærens tum in parte dextrâ tum in sinistra costarum &c. *Vide lib. 2. tit. de Lateris dolore.*

## S C H O L I A.

Potus velut in cavum &c. ) Inter signa extinctionis facultatum corpus regentium & nativi caloris istud est insigne , si cum bibit æger percipiatur potus descensus in ventrem & pectus , ac quati sonitus : quod contigit Dealcis uxori. 3. Epidem. Cydis filio & Chartadi , lib. 7. Epidem. Causam ejus accidentis ( quod vidisse se ait in multis moribundis *Vallesium* , nec vidisse se in ullo eorum qui supervixerint : certè in uno tantum eorum qui acute ægrotarent , & id acci-

dens acutæ febri supervenisset ) quod corruptis jam facultatibus naturalibus potus pondere & propria fluxilitate feratur , velut in obmortuum corpus , atque ob id sonitus edat : Accedit etiam alia causa , quod moribunda corpora flatum jam admittant intra naturales cavitates , qui sonum edit verberatus ingressu humoris , qui non fugitur paulatim à naturalibus instrumentis , sed propria natura decidit.

## OBSERVATIO XXIV.

*Deglutitio Potus læsa ob callum in porta arteria obortum.*

Callum cuidam in arteria magna , loco cordi proximo , natum observavimus : Difficile admodum fuit huic potum admittere , ut vix unciam simul bibere potuerit. *R. De-donauus Annot. ad cap. 30. Benivenii de Abditis.*

## S C H O L I A.

Œsophagus situs est sub aspera arteria , ubi spinæ adjacens primum recta descendit : ad quintam vero thoracis vertebra Aortæ cedens dextror-

sum vergit , mox sinistrorsum denuo Arteriam magnam conscendens diaphragma perforat : Atque in hoc concursu callus in aorta obortus compressione Œsophagi

Oesophagi angustiam & deglutiendi potus difficultatem induxit.

*Potum admittere*) Idem à glandulis Gulæ extrinsecus apposis contingere observavit *Riolanus* lib. 3. *Anthropogr.* cap. ultimo: Glandulæ, æu, aiperæ arteriæ canali substratæ, infra laryngem consunt, quæ

sæpe ita intumescunt ut *Potibus* & liquidioribus alimentis viam intercludant, non item solidioribus;

Solidiora enim iter sibi parant comprimendo:

liquidiora fungulam glandium

substantiam magis implent.

## OBSERVATIO XXV.

*Deglutitio laesa ob humorem foetidum in ventriculo contentum cum flatibus, Pylorum exulceratum, &c. connexum inibi cum Hepate.*

**V**ir sexagenario major per quatuor annos circa hypochondrium dextrum dolorem passus est, vomitum, singultum, ructus, non potuit solidos assumere cibos, sed iusculis saltem contentus fuit: Eo mortuo, facta in parte superna ventriculi sectione, à pyloro ad sinistrum orificium, foetidissimi prorumpunt flatus, & in cavitate repertum liquamen subcruentum & summe foetidum: præterea pylorus totus erat exulceratus &c. *Vide tit. de ventriculi dolore.*

## SCHOLIA.

**C**irca hypochondrium dextrum) Narrant morbum quendam esse Equis proprium, qui vocatur *Tiq*: fit cum id quod devoratum est & deglutitum vix os ventriculi præterlabi potest: imò sentum ponderis affert & dolorem aliquem inexplicabilem: Gulosus id accidit, & qui cibos vix præmansos statim de-

vorant: Visitur & id in his quibus Hepatis cavum videtur obtui multitudinem humorum, vixque primæ sunt obstructæ: Maximum remedium alvum sollicitare, & ventriculum diligenter evacuare.

*Ballonius Epidem. & Ephemer.*

lib. 2. pag. 212.

## OBSERVATIO XXVI.

*Deglutitio laesa ob Gulam ab intestinis compressam; 1. Hepatis partis cum ventriculo connexionem. 2. Ventriculi syderationem, cum pulmonum inflammatione, ab assumpto veneno. 3.*

§. 1. **E**briosus quidam pustulis in facie ubertim pullulantibus, hepar dolere visus est, cui accessit insignis intestinorum dolor & Gulæ molestia, ut cibum deglutire amplius nequiverit.

In dissecto cadavere Lien intumuerat, copia potulentorum distentus, & intestina ad eas angustias compresserat, ut transituros cibos admittete non potuerint. *Th. Bartholinus cent. 4. Observat. 47. & Epist. 14. cent. 4.*

§. 2. Vir patiebatur singultus, solidos cibos non potuit sumere sed tantum liquidos: Hepar ventriculo cava sui parte arcte connatum erat. *vide tit. de ventriculi dolore.*

§. 3. D. N. Vomitu, nausea, respirandi, Deglutiendi difficultate &c. prehenditur, cum cum guttaris dolore. Reperta ventriculi interna tunica omni ex parte livida & syderata: *vide tit. de vomitu.*



## ANATOMIÆ PRACTICÆ

## LIBRI TERTII.

## SECTIO V.

## DE SINGULTU ET RUMINATIONE.

## OBSERVATIO I.

*Singultus ab Hepate, Splene & Intestinis vitiatis.*

**H**ERMANNUS *Craferius*, qui Hippocr. quosdam libellos cum comment. Galeni, latine factos edidit, Is 23. Decembris placidissime expirans mortuus est, cum 16. ejusdem mensis die, antea rectissime valere visus, subito in *ὑπνασµὸν* & *λυγµὸν* ventriculi incidisset, quæ ad extremum vitæ articulum nullis medicamentis curari, vel saltem mitigari potuerunt: Erupit illi quarta die morbi sanguis ex naribus concretus: in urina ejusdem



eiusdem grūmi quidam observabantur, cum toto triduo præcedenti ejusdem suppressione laborasset: Sentit initio quoque circa Hepar vehementes dolores, perpetuo nigra dejecit.

Cum sectum esset post obitum cadaver, nihil fere aliud memorabile inventum est & mirandum, quam quod sinistro rene careret, cum dexter magnitudine binos explere videretur: Hepar circa *λάρυξ* extremos valde nigricans videbatur, Iridem & ren dexter: Splen quoque parvus, vehementer, ea parte qua alligatur, nigricabat: Intestina prorsus erant livida, propter contenta similia illis quæ per totum morbum dejecit: Ventriculus prorsus erat inanis: Cor flaccidissimum: In vesica lapillus fabæ magnitudine, vel pene forma & magnitudine lupini inventus. *Solenander sect. v. consil. xvi.*

## OBSERVATIO II.

*Singultus à Iecore inflammato ventriculum comprimente.*

**S**ecui quendam inflammatum in Jecore, qui habebat Singultum, & inveni *compressum ventriculum. Saxonia Panthei l. 3. c. 9.*

## SCHOLIA.

**Q**uando inflammatio Jecoris est magna & in parte gibba, triplex est causa, 1<sup>o</sup>. quia jecur inflammatum propter magnitudinem comprimit ventriculum, quod tamen non admittit *Galenus 7. aph. 17. 2.* Ob humorem aliquem biliosum à jecore ad os ventriculi transmissum: 3. Ob consensum nervorum sextæ conjugationis. *Idem ibidem.*

*Compressum ventriculum*) Qui singultus subjectum ab omnibus statuitur: *Franc. tamen Sylvius prax. lib. 1. cap. 21. Platerum* sequutus, proprium diaphragmatis, neququam ventriculi affectum judicat Singultum, cum voluntarius esse possit, & à plurimis omni tempore pro lubitu excitari queat: ceniens illa sui motus parte diaphragma affici qua inservit expirationi: quasque in aperto, brutis adhuc viventibus, abdomine, vi satis magna versus ventriculi regionem contrahi tactu non minus quam visu percipitur: Trahi tamen ut plurimum ad Singultum producendum, ab affecto prius ventriculo diaphragma in consensum non negat, & præsertim ab acerbis halitibus, vel flatibus, vel humoribus undecunque accedentibus & quacunque demum via ad membraneum diaphragmatis centrum penetrantibus, ipsumque pungendo vel rodendo ad convulsivum illum motum efficiendum irritantibus: Veram proinde Singultus causam putat quicquid ad violentiam, non tamen durantem, sed mox interruptam cessantemve, iterumque sæpenumero repetentem sui contractionem diaphragma cogere aptum est, sive illud in ventriculo reperitur (quo referenda medicamenta vel alimenta noxia & acris, venena potius dicenda) sive idem ex tenui intestino, à viciosa humorum confluentium effervescencia excitatum, humoris, halitus statuve forma eo assurgat, & superius ventriculi orificium ita rodendo præsertim afficiat, ut ipsum ambiens diaphragma simul afficiatur: sive idem in tho-

racis abdominisve cavitare conclusum immediate diaphragma mordicet, vel ad ipsum per vasa sua deferatur, ac in ejus substantia hærens partes ipsius sensiles rodar, vel quovis alio modo ad molestant illam convulsivamque sui contractionem solitariam & subinde continuo repetentem ipsum adigat. *Plateri* verò opinio *Sennerto* non arridet, quem vide: *Exc. Willii Pharmacopœæ Rat. sect. 1. cap. 2.* partim ventriculi, partim diaphragmatis affectum statuit, sed illius primario, Ventriculus, *inquit*, pariter ac Oesophagus, tribus constat Tunicis, una communi à diaphragmate orta, & duabus propriis, externa in eamque: Interior tota nervosa est, cujus fibræ potissimum ad sensationem, & forsitan quadantenus etiam ad motum faciunt: Hæ inanitate famem excitant, atque præ sititate aut fædine coniugata ab aromaticis &c. Sitim inducunt; Si humores acres stimulant, Cardialgia accietur: Denique in has fibras medicamina quæque imprimis: Quoad Tunicæ hujus motum, etli contractiones spontaneas ei prius denegemus, attramen satis manifeste patet eam frequenter distendi, inflari, intumescere, non solum a flatibus intra stomachi cavitatem genitis, sed longe sæpius à spiritibus fibrarum ipsarum incolis, qui si valde irritati, inque impetum explosivum adacti, istas simul omnes dum tumultuose & *abrupte* incurrunt, summe inflant & distendunt: Hinc Singultus oritur, ejusque reciprocationes, ob ventriculum per has fibras modo inflatum, & per diaphragmatis iustolen, modo depulsum, contingunt. Ad stipulatur *Rich. Loeper Tract. de corde cap. 2.* Singultus, *ait*, licet noxam atque occasionem ventriculo plerumque debeat, diaphragmatis tamen propriæ affectus est, & ideo pro lubitu nostro ipsam ejus imitari, aut spiritus retentione pro tempore cohibere possumus.

## APPENDIX.

*De Singultu ab inflammatione Hepatis, Et quomodo juvet Sternutatio.*

**A**n te biennium cum quidam Decurio ex præsidiariis nostris Hepatis inflammatione laboraret, diebus paucis ante mortem in Singultum vehementissimum incidit, ad quem convincendum cum varia à me adhiberentur, cum tamen tollere non licuit: duo vero præ primis aliquid auxilii afferre videbantur & Singultum ad mediam horam tollere, scil. manus frigidæ imponeret aquæ, jussi, hinc Singultus ad mediam defuit horam, Et cum Singultus rediret, cucurbitas meo jussu sine scarificatione ventri applicarent: iterum Singultus ad horæ quadrantem remisit: Cum vero hic Singultus ægrum rursus molestarer, ad Sternutamentum transii: Errhinum fortissimum in nares insufflatum est, verum nullam Sternutationem movit: Quare si ægri ad Sternutationem errhino, vel pulvere ptarmico compelli nequeunt,

nequeunt, pro infausto signo habeo : Naturæ consultiſſimi, ac arcanorum ruſpatores huius rei reddunt cauſam : Meo iudicio, quando ægri ad ſternutandum medicamento impelli nequeunt, certiſſimum indicium eſt facultates vitales & animales peccante materia ſuppreſſas eſſe, ita ut non valeant hoſtem ſuum ipſas prementem expellere, & jam ſuccumbere victasque dare manus : An vero in omni morbo pro infausto ſigno habendum ſit, non definiam ego : credo enim ut cuilibet morbo ſua ſingularis corpus occidendi methodus eſt, ſic quoque quilibet morbus ſua peculiaria & propria infausta ſigna habet : Sternutatio cui operi naturæ in macrocoſmo analoga ſit non immerito quis quæreret ? Terræ motum quodammodo refert, An vero in infantibus lumbricos ſemper indicet ? Mihi non ſit veriſimile, acres ichores ſæpius è capite depluunt, membranas ſumme ſenſiles irritantes, ſternutationem cauſantur : In oculorum affectibus corpore l. a. evacuato ſternutationem maxime utilem credo, & ſic eam admittit in curatione Guttæ ſerenæ Excel. Coſternus; præprimis vero probo in oculorum morbis pulverem naſalem Excell. Th. Bartholini &c. Joh. Ludovicus Hannemannus in Actis Medic. Bartholini anni 1673. obſerv. 28.

## OBSERVATIO III.

*Singultus à bile aduſta in ventriculi fundo contenta, Inflammatione viſcerum Reni ſiniſtro corrupto vicinorum &c.*

**S**ereniſſimus quidam Princeps febre ab inflammatione renis ſiniſtri prehenſus, (vide hiſtoriam lib. 4. tit. de Febris) gravi quoque ſingultu affectus fuit, in horas creſcente, nullis remediis cedente : Sectione corporis facta, Ren ſiniſter fœde computruebat : In ventriculi fundo, & inferiori oriſicio, innatabat pars non minima bilis aduſtæ : Cætera quoque viſcera haud leviter inflammata conſpiciebantur.

## OBSERVATIO IV.

*Singultus ab atra biliario humore in ventriculo contento.*

**F**erdinandus III. Roman. Imperator ante obitum, ex confluxu bilis & humoris melancholici (non tamen atræ bilis) Singultum quaſi continuum patiebatur : Ejus ventriculus, tametiſi pridie mortis ſex biliſi & melancholici humoris libras vomitu rejecerat, attamen ejuſdem excrementi libras duas in ſe continebat, cujus acrimonia fuit tanta, ut caſu aliquot guttulæ in argenteam pelvim deciduæ, acrimonia ſua non ſecus ac aqua vitriolata metalli nitorem macularit, Vide hiſtoriam Tit. de vomitu. ex Haſeri Herculis med. lib. 3. cap. 3.

## APPENDIX.

*Singultus à lactis acrimonia oriſicion ventriculi Infantis vellicante.*

**T**ertiam cauſam Convulſionis & Singultus ſi Hippocr. 6. aph. 39. addidiſſet, nempe Irritationem à materia acri & mordaci, oracula ſua complemento auxiſſet : Irritatur enim oriſicium ventriculi vellicatis nervis à ſexto pari propagatis, vel à flatu, vel à vaporibus calidi Hepatis, unde lethale prognosticum in Coacis deducit, vel à Tumore comprimente, qualem illi adſuiſſe ſuſpicio fuit, quem Patavii perpetua ſingultuendi moleſtia novimus, vel ab acrimonia lactis non ſuperflui, quæ infantes vexare nonnunquam ſolet : Cuius etiam non ita pridem exemplum habuimus : Filiola fratris mei Clar. Bartoli Bartholini, Profeſſoris Regii &c. 17. hebdomadas nata, ventriculi nauſea ſenſim oborta, forſan à lactis acrimonia, circa meridiem 25. Maji ſpaſmo ſiniſtræ manus, cum Singultu continuo, eadem materia nervos ſtomachicos irritante & conveliente, correpta fuit : Levior ille ſpaſmus ſubinde remiſit in manu, quia levior cauſa, ſed Singultus perſeveravit, ventriculo à materia vellicante ſe expedire non valente, ut nullas ſomno inducias concederet : Omnia fuere à me & D. Matthia Jacobæo adhibita, externa pariter & interna, ad abſtergendam inimicam ſtomacho materiam, ſed inhibere in tenellulo corpufculo nulla arte potuimus mortis coloritatem, quin 18. hora, Singultu perſeverante, elegantiffima anima exſpiraret. Bartholinus in Actis med. anni 1673. obſerv. 28.

## S C H O L I A.

**N**um Singultus ille Diaphragmati quoque assignandus potius quam oriſicio ventriculi ? Spasmus ſiniſtræ manus comes id indicare videtur, Quintum enim par nervorum ex cervice prodeuntium, inquit Excell. Bartholinus Anatom. Reſormata libell.

3. cap. 3. cum quarti & ſexti propaginibus faciunt nervos diaphragmatis inſignes : Et quintum cum prædictis partem retrorſum mittit, partem antorſum in muſculos caput inclinantes, brachiorum, ſcapularum & curſum.



## APPENDIX.

*Singultus Periodicus soli sanguinis missioni à brachio cedens.*

**V**ixit hic virgo annorum 24. quæ cætera sana, quotannis fere, statò plerumque tempore, Singultu affligitur tam pertinaci, ut periodum 14. dierum non raro absolvat, aliquando & ultra progrediatur, contemptis quæcunque etiam in adversum à variis Medicis tentata sunt medicamentis, tam continuo ut nullum interea horæ diurnæ minutum à singultando vacuum experiatur: Noctes solæ quietæ sunt & somni imperturbati: prima luce expergiscente ægra expergiscitur & singultus, totumque diem fastidita concussione inquietat: Tandem inventum est huic malo remedium: Illud ipsum est venæ sectio liberalior è vena brachii: Memini fluxisse etiam aliquando menstrua sic satis copiose durante malo, nec ideo singultum vel tantillum intercalasse: Sed cur sola brachii vena secta juvat? an flatulentum quiddam acri junctum vasa sanguinea *Diaphragmatis*, & per consensum nervos etiam perturbans, aperta venatam vicina, exitum inveniat: an alia in re hæcenus fere inaudita excogitari convenientior ratio possit, rerum medicarum consulti expendant. *Idem in Actis anni 1671. observ. 73.*

## OBSERVATIO V.

*Singultus ab Omento ventriculum deorsum trahente ortus.*

**V**idi Omentum p. n. in ea testis tunica cui peritonæum originem præbet, ita actum ut quatuor aut quinque librarum pondus penderet, & ventriculum ita deorsum ex sua sede distraheret, ut ventriculi deficiente munere variisque obortis Singultibus mortis occasionem dederit. *Vesalius Anat. l. 5. c. 4. vide tit. de Herniis.*

## S C H O L I A.

**H**erniæ intestinali, præsertim si jejunum intestinum prolapsum est, & in senibus, familiarem esse Singultum Practicis notum.

## OBSERVATIO VI.

*Singultus inflammationem, hinc syderationem pulmonum & intestinorum sequutus.*

**D**ominus de Bures, Singultiens, tussiens, febriens, ad tabem vergens interiit: Inventi illi sunt Pulmones purulenti, corrupti: Intestina livescebant quasi syderata parte superna; unde credibile fuit Singultus magnam occasionem illinc natam. *Vide l. 4. tit. de Febris.*

## S C H O L I A.

**A**d tabem vergens interiit] Quam noxius sit Singultus in Febris (quem diaphragmatis propriè affectum esse statuit *Rub. Lorry*) ostendit idem Tract. de corde cap. 2. pag. 97. Cum diaphragmatis circulo nervoso pericardium undique accretum, fieri non potest quin convulsione sua hoc in consensum trahat, adeoque motum cordis interrumpet: Et licet brevis hujusmodi affectio magnas cordi molestias non faciat, in febribus tamen malignis, ubi diutius & per plures forsitan horas & dies perseverat, cordis muscu-

lum adeo laceffit & defatigat, ut post hujusmodi irritationis cædium, nihil magis quam de cordis dolore & anxietate conquerantur: quin & pulsus plurimum intermittit: fieri enim aliter non potest quàm à partium istarum adhesionem, & alterius spasmo, mutua ipsorum opera impediatur: neque enim diaphragmatis toties & tam violenta systole corripi potest, quin cor secum simul trahat, adeoque antipræxi sua motum ejus durante paroxysmo multum pervertat.

## OBSERVATIO VII.

*Singultus excitatus à variis ventriculi, intestinorum aliarumve partium naturalium affectibus.*

§. 1. **S**tudiosus graves singultus & vomitus perpeffus est; In sinistro latere thoracis Omentum se prodit, sub quo latitabat ventriculus. *Vide tit. de vomitu.*

§. 2. Vir Vomitu, Singultu &c. infestabatur: Hepar ventriculo cava sui parte ventriculo arcte adhærebat: In hujus cavitate nihil vivi invenio, sed saltem liquorem subcruentum. *Vide tit. de ventriculi dolore.*

§. 3. Quidam punctim in pectore vulnetatur, ictu transeunte os sterni, superveniente febre ac Singultu: Inventi Pulmones & œsophagus læsi &c. *Vide lib. 4. tit. de vulneribus.*

§. 4. Militi gladius paulo infra cartilaginem xiphoidem intruditur, Singultus supervenit: Invenitur ventriculi orificium, & pars sinistra ejus, per vulnus ad thoracem delatum. *Vide lib. 4. tit. de vulneribus, & supra §. 1.*

§. 5. Mercator

§. 5. Mercator cultello foditur in abdomine, in regione epigastrii, sequitur Singultus, sed sine vomitu: Inventum fundum stomachi perfossam. *Vide ibidem.*

§. 6. Dom. N. Singultus, hinc totum corpus intumuit, detumesciente corpore repetiit Singultus cum febre: Intestina livebant, quasi syderata superna parte. *Vide lib. 4. tit. de Febris.*

§. 7. Quidam in hypochondrio dextro vulneratur, accidunt ventriculi subversiones & Singultus: Intestinum Colon torum dissectum per transversum & sphacelatum est re-  
pertum. *Vide lib. 4. tit. de vulneribus.*

§. 8. N. Vulneratur in nate sinistra, die 7. supervenit Singultus, Intestina inflata, magna putredine, livore, fextore infecta. Hepar intus & extra totum infectum. *Vide lib. 4. tit. de vulneribus.*

§. 9. Quidam cum febre acuta, Singultu, animi deliquio, &c. prehensus est: omnia viscera marcore confecta & abscessu putria inventa sunt. *Vide tit. de Febris.*

§. 10. Quidam cum diu laboravisset crebro Singultu, tandem circa hepatis regionem, quod morbi fomes creditum, tumor apparuit: Mortui hepar marasmo & cancri modo affectum visum est. *Ballonius consil. 38. lib. 2.*

§. 11. Quidam passus est ischuriam cui successit febris, Singultus continuus &c. Vesicae inferiorem partem gangraena invaserat, post inflammationem, nam pus copiose cum urina effluebat. *Vide tit. de Ischuria.*

## OBSERVATIO VIII.

*Singultus excitatus ab inflammatione vesicae urinariae, Renis dextri & appensi ureteris.*

Quidam ex alto delapsus (*vide historiam tit. de Ischuria*) postea vix unam & alteram gut-  
tam cruoris emitit, Vesica dilupta reperta est, Ren dexter cum appenso uretere in-  
flammatione affectus, quae fortassis inflammatio, tam renis quam vesicae, Singultum quo ve-  
xabatur per 15. ante obitum horas excitavit: Praeterea in pericardii tunicae media parte  
enchymoma apparuit effatu dignum &c.

## S C H O L I A.

**S**ingultum &c.] Ob consensum qui renibus cum  
ventriculo, cujus passio est, intercedit: Sed si in  
homine pericardium (secus ac in brutis) septo trans-  
verso perpetuo alligatur, (ut notat *Richardus Lorry*,  
Tract. de corde cap. 1.) etiam naturali connexionem;

Singultus vero ex plurimorum sententia Diaphrag-  
matis affectio est, quidam pericardii affectum, in  
quo insigne enchymoma, ad diaphragma  
pertingere potuit sicque Singultum  
parere?

## OBSERVATIO IX.

*Anatome viri Ruminantis, cujus oesophagus undiquaque carnosus repertus est.*

Vitio plane belluino humanis calamitatibus novitas pondus adiecit: Nimirum invito  
cibi à ventriculo non confecti in os retrocessu cum voluptate mandendi, à levi ex-  
pultricis motu irritata, ab asperiori & vix attrito ob ingluviem cibo: Causa tandem inno-  
tuit verior paucorum fato: Patavii Monachus cum voluptate cibos ruminavit, Medici  
brutorum more gemino ventriculo praeditum putabant.

Ipsa defuncto *Franciscus Placcenus* oesophagum reperit undiquaque carnosum instat  
musculi; reliquis universi corporis partibus se recte habentibus: Marcore interiisse no-  
tat Aquapendens capite de varietate ventriculi. *Johann. Rhodius cent. 2. observ. 59.* Notan-  
dum monachum istum duo habuisse cornua, affinem scilicet bestiis ruminantibus.

## OBSERVATIO X.

*Anatome alterius Ruminantis hominis, cui ventriculus erat ingens, & membrana  
interior admodum aspera.*

Vnus fuit Nobilis Patavinus; qui interrogatus de Ruminatione, num esset illi libera &  
respondit minime liberam esse, sed coactam: cogebatur enim ab assumpto cibo,  
circiter horam plus minusve, in os cibum attrahere & rursum mandere: Cogebatur au-  
tem ab insigni oblectatione qua ruminandi cibum tenebatur, idque sibi esse perpe-  
tuum omnibus temporibus passus est: Dicebat praeterea omnem cibum, sive solidum  
sive mollem se semper ruminare, & dum assumebat, deglutire statim absque ullo fere  
dentium officio, quamvis dentes sortitus esset in utraque maxilla ut alii homines, &



aliquanto latius ac gulam, propter quam causam literam S proferre ægre poterat : Item tibi videbatur intra os aliquid, quasi holum continere, quod expeditam illi loquutionem impediret : Ruminatioque ei, & motus maxillæ ad latera, longe facilius obrigerat ac cæteris : habebatque in usu bibendi vinum nigrum ac potens, abhorrebat vero album, præter malvaticum, cum ægrotabat nequaquam ruminabat, sed ab omni ruminatione tunc temporis cessabat, ut boves quoque faciunt cum ægrotant, quod tanquam signum certum boves ægrotare rustici habent.

Obiit, & aperto cadavere inventus est ventriculus insignis magnitudinis, & interna superficie valde asper : His omnibus addendum est, quod ejus Pater paulo supra frontem in capite cornusculum durissimum, crassitie digiti minimi, longitudine vero olivæ Hispanicæ habebat extuberans, substantia ungui persimile, Ex quo colligi potest parentis semen aliquam habuisse affinitatem cum cornigeris animalibus, neque mirum fuisse filium simile quid à parente contraxisse. *Hier. Fabricius ab Aquapendente Tractatu de varietate ventriculi.*

## S C H O L I A.

**R**uminantem hominem vidit *Phil. Salmon* cent. 1. observ. 100. *Johannes Faber* referente *P. Cassio* lib. 1. *Ernet. cap. 4. Greg. Horsium* lib. 4. tom. 2. observat. 9. Patrem & Filium ruminantes vidit. *Clar. Prætorius* auditoribus suis *Paravii* aliud recentius exemplum de *Genuens* quinquagenario, eodem vitio ab ineunte ætate usque in præsens tempus correpto, qui aliam rationem reddere nequit, nisi quod ipse adhuc infans, matre mortua, per biennium lac ex ubere vacæ calidum hauserit. *P. Aponensis* sect. 1. problem. 44. causam statuit fibras transversas in interiore gulæ tunica, quod alimentum ex ventre ad os retrocedat, quem explicat *Ioh. Emilianus Syntagn.* 1. de Ruminatione : De *Uutorum Mupurum* & *Hominum*, egit *Johannes Burger* Medicus *Schaffhusiano* *Helvetius*, cujus ratiocinium vide apud *Gregor. Horsium* loco cit. Meditatur de hoc commentarium *Eradi illius Dom. Joh. Conradus Peyer* Medicus *Schaffhusianus*, avide expectatum, expleturum quippe curiosorum animos.

De Ruminatione hæc habet *Illustr. Th. Baribolimus* in *Anatome Reformata* cap. de ventriculo, Quin du-

plex fuerit ventriculus in ruminante apud *Salmonibus* & alios dubitare non licet : In ruminantibus, cornigeris, & altera maxilla dentatis quatuor sunt, venter primus, reticulum, omasus & abomasus, de quibus *Aristoteles* ; Venter, & pars ejus reticulum, crudo cibo custodiendo dicantur : Omasus ab ore immutato tractu pabulum suscipit, si tenue sit ; si crassius, primus ruminatum ab hoc brevi mora in abomasum labitur : Ruminationem autem est cibi in ore repetita masticatio ad perfectiorem coctionem, unde alimentum optimum, & eo nomine inter pura erant ruminantia animalia *Judeis* : Fit ea, non ut quidam centent, quod cibis in primo ventriculo talem acquirat qualitatem, ut ille ventriculus ad expulsionem per superiora stimulet : nam sic in quovis ventriculi actiore motu, & in omnibus præter voluntatem fieret ruminatione : sed à ventriculi voluntaria actione dependet, quæ per membranam singularem quidvis pro arbitrio, & quovis tempore expellit : quemadmodum *Melitenis* ille bibo omnes liquores assumptos pro nutu rejiciebat, & alii fumum tabacci deglutitum reddunt.

## ANATOMIÆ PRACTICÆ

## LIBRI TERTII

## SECTIO VI.

## DE CONCOCTIONE LÆSA.

## OBSERVATIO I.

## §. 1. Concoctio Læsa à nimia attenuatione &amp; relaxatione tunicarum Ventriculi.



**V**ENTRICULI frequens est morbus in dilatatione & exolutione, tam in sanis quam in ægris corporibus; dum jusculis, & potu frigido & humido liberali, adeo dissolvitur ejus tonus ut fluor alvi inde sequatur, qui tribuitur corruptioni alimenti ab intemperie fervida ventriculi, vel obstructioni venarum mesaraicarum : Quod tamen symptoma sæpe referendum ad ventriculi laxitatem nimiam, morbum materix *Fernelii*, cui roborantibus & adstringentibus consulendum erat. Id observatur in apertionibus corporum post obitum, dum ventriculus adeo extenuatus & laxatus,prehenditur, ut caput infantis exciperet : Ideo morborum materix observatio ad praxim, valde

valde necessaria, qui adstringentibus & siccantibus, tam sumptis quam admotis percurantur; Quæ doctrina fuit methodicorum, dum laxum & adstrictum in morbis constituerunt. *Riolanus Encheir. Anat. lib. 2. cap. 23. Vide Rondeletium cap. de ventriculi debilitate.*

§. 2. Ventriculi imbecillitatem à nimia illius tenuitate proficisci, ad quam continua crapula supra modum sapius sæpiusque distentus, tandem reducitur, vesicæ alicujus instar, quam pueri premendo inflandoque dilatant & attenuant, sectione comperturn est: Unde malum ipsius organicum immedicabile, cum se recolligere, cibosque exacte amplecti non amplius possit, nascitur; perpetuæque fluctuationes sequuntur: *Platenus Præcl. Tom. 2. cap. 11. de cordis dolore.* Quo crassius rugosiusque ventriculi corpus, eo concoctionem feliciter procedere tum ex eo patet, quod eorum qui nullam concoctionis debilitatem passi sunt, sed vel morbo aliquo repentino sublato, vel supplicio affecti, sectioni adhibentur, ventriculi tales esse deprehendantur: Tum quod illis animantibus quæ durissima quævis conficiunt, sicuti cornutis quæ fœno pascuntur, avibusque præsertim; legumina lapillosque continuo devorantibus, ventriculi crassissimi, veluti tergora, & in avibus parenchymate constantes contigerint. *Idem in observationibus.*

§. 3. Ferdinando III. Roman. Imperatori, summa fuit ventriculi debilitas, à penuria caloris innati, qui flatus, borborygmos & abdominis murmura suscitavit, flatus non solum deorsum, sed & sursum violenter erumpentes, crebros causarunt Ructus: Huic ventriculi tunica, tam circa pylorum quam orificium superius, & per totam stomachi membranam, instar subtilioris chartæ erant extenuatæ, *Intra se continebat biliosi & melancholici humoris libras duas. Vide tit. de vomitu.*

## S C H O L I A.

**A** Penuria caloris innati] Actio ventriculi est Chylificatio, id est, ex alimentis peculiari coctione tum cum lacteum elicere, qui Chylus dicitur: *Paracelsus* scribit Archæum, cum suis mechanicis spiritibus, chylificationem in ventriculo perficere, per Archæum autem intelligit calidum innatum: Hanc etiam sententiam sequi videtur *Riolanus*, in notis ad *Epist. Walæi*. Sed tamen aliquam proprietatem umbrosam admittit aliis verbis, nam inter alia dicit, Causam refero ad varietatem calidi innati in modo substantiæ, id est, inquit, proprietatem calidi innati: Non quod calidum innatum per se differat in substantiâ, sed cum non possit consistere nisi in substantia extra se, etiam pro hujus substantiæ diversitate in singulis partibus diversimode operetur: Coquuntur autem in ventriculo alimenta per modum Fermentationis, licque liquefcunt, & chylus ex iis educitur:

Fermentatio autem duplex est, una qua misti particule sponte agitantur, incalefcunt ac rarefcunt, & per salini vinculi dissolutionem ita segregantur, ut spirituosiores evadant, maximaque rursus sui parte firmiter miscantur & mixtæ permaneant: sicut spirituosæ partes vini, per fermentationem suscitatur, ea peracta aqueis permixtæ manent: Altera (hæc non male effervescentia à multis appellatur) qua particule salis acidæ, magna parte cum aquea & tartarea aliqua materia effervescentes, per coagulationem concentrantur, adeoque ab aliis misti particulis separantur, ut cum iis non redeant ad exactam unionem seu unionem: Priore autem modo fit fermentatio in chylificatione: nos tamen in sequentibus cum vehementiore fermentationem designare volumus, Effervescentiæ voce utimur interdum.

Fit hæc Fermentatio cum alimentorum ingestorum particule salinæ, à ventriculi calore & acti admisto succo dissolvuntur, li quæcum & spirituosæ fiunt, sulphureæque particulas simul corrodunt & exagitant, atque sic à mixtionis stricto vinculo cum pugna quadam discedentes, per crassiorem massam, una cum spirituosis sulphureis simul agitis, subaccescentes atque actiores expanduntur & vibrantur, ac propter denegatum exitum missionemque crassioris materis nondum exacte solutam, iidem repercutiunt, illam

multipli motu pervadunt, ejusque minimas particulas ab invicem diducunt, expandunt, & ad faciliorem sui segregationem, alteriusque pultaceæ seu lactis suscipiendæ missionis formam, disponunt: Quæ vero particule hac fermentatione non satis dissolvi, & ad lacteam formam diduci queunt, feces sunt, quarum separatio à lacteo succo in intestinis peragitur.

Hæc Fermentativa coctio (quæ sine vehementi motu sursum deorsumque, aut tumultuosa per ventriculi cavitatem agitatione, qualis in aqua ad ignem ebulliente contingit, peragitur) adeo valida est, ut per eam cibi, licet durissimi, qui super igne culinatio vix totius diei coctione in lebece emollii queunt, paucis horis non tantum emolliantur, sed adeo etiam dissolvantur & liquantur, ut particule ab amica unionem dissecantur, atque ab invicem divellantur, liquorique ventriculo inhzrenti vel infuso committantur, pultaceam consistentiam, cremori pitæ non ablimilem, consequantur:

Verum quod hac coctione alimenta in chylum potius quam in bilem, sanguinem, aliumve humorem miscantur, illud à substantiæ ventriculi proprietate, seu specifico temperamento, ac peculiari conformatione, & hinc genito specifico fermento ac fermentationis modo procedit: sicut ab alia proprietate in hepate ac liene fermentum, in corde sanguis conficitur: Non autem fit à solis hoc particulis fermentaceis, quæ ingestis alimentis admiscantur, ut neque à moderato calore, sicut nonnulli putant: quoniam illæ quidem faciunt ad alimentorum dissolutionem, hic vero ad coctionem promovendam, & latentem potentiam in actum producendam, sed quod ex illa dissolutione ac coctione chylus potius quam alius humor generetur, hoc dependet à proprietate substantiæ, cujus ratione calor aliter operatur in ventriculo quam in corde, aliave quacunque parte, & in eo fermentum aliter disponit quam in aliis partibus: Eodem modo sicut ignis culinari aliter emolliit carnem quæ in aqua ebullit, aliter eam quæ in vitro assatur, aliter eam quæ in oleo figitur, aliter eam quæ in fœno coquitur, aliter eam quæ in aceto vel muna præparatur, idque propter diversitatem substantiarum, per quas & in quibus illa emolliitio peragitur, cum tamen sit unus idemque calor: Sic etiam calor nostri corporis



propter ventriculi propriam dispositionem, in eo aliter emollit ac dissolvit alimenta quam in aliis partibus, & in eo fermentum peculiari modo disponit, ita ut illud alimenta cruda ac primo ingesta aliter resolvat ac coquat, quam alia cocta & liquata alimenta in aliis partibus excoquantur: Ita ut hujus proprietatis ratione non possit in ventriculo bene valente & agente alius succus confici quam chylus albicans. *De Dumerbrak Anatom. lib. 1. cap. 6.*

Hujus alimentorum Fermentationis læsæ primariæ species sunt 1. Abolita vel Diminuta 2. Aucta 3. Depravata:

*Abolita* censetur alimentorum Fermentatio, quando ipsa sufficienti tempore in ventriculo contenta licet, cruda tamen, nec immutata, vel sursum vel deorsum iterum excernuntur: quemadmodum Diminuta, quando eadem tunc aliquantum quidem, minus tamen quam decebat, prodeunt immutata: Unde nihil vel parum nutrimenti, roborisque ab assumptis alimentis cedit agro:

*Aucta* vero dicenda alimentorum Fermentatio, quando citius quam decebat absolvitur ipsa; unde si consueto & naturali tempore moram necerent in ventriculo alimenta, nimium immutarentur, ut ne sic quidem convenientem corpori præberent nutrimenti materiam; quemadmodum panis massa solito nimium, vel diutius fermentata, panem exhibet acidiorum, minusque ideo laudabilem: In mediocritate namque consistit omne bonum, in extremis malum: Ubi notandum non valde noxiam esse Auctam alimentorum fermentationem, nisi perseveret diutius, quoniam ut plurimum alimenta sufficienter fermentata moram in ventriculo longam non faciunt, verum mox ad intestina propelluntur, ac ibidem in utilem chylum atque alvinas feces secernuntur &c. Vbi autem aliquandiu perennat Fermentatio aucta, nimium appetitur alimentorum, & quando cuncta optime cedunt, sensim plethora, hinc & habitus athleticus consequitur, qui nisi solvatur in tempore, in quantum periculum homines conjiciat, ex *Hippocr.* & experientia notum.

Depravatur alimentorum Fermentatio, quando eadem ita immutantur in ventriculo ut conveniens corpori tam contenti quam contento nutrimentum non præbeant, sed noxium, unde infinita prodeunt mala; postquam vitia primæ coctionis non emendantur in secunda; quod semper verum de coctione depravata: Inter depravata alimentorum fermentationis species varias, duæ vulgo numerantur primariæ, *Cruditatis* nomine notæ, *Nidoroſæ* puta & *Acidæ*: Aboleretur aut diminuitur alimentorum Fermentatio, nunc ipsorum *Alimentorum*, nunc *Fermenti culpa*, nunc propter *Humores vitiosos* ad ventriculum delatos: *Alimentorum* vitio id accidit, quando ipsa vel qualitate sua vitiosa Fermentationem plus minusve impediunt aut sistunt: Qualitas alimentorum vitiosa consistit frequenter in eorum pinguedine exuperante; quandoque in spiritu volatili præpostere nimiumque assumpto: quandoque in sale lixivo vel fixo, vel volatili copiosius idem usurpato, uno verbo in iis quæ spiritum acidum, ejusque operationem frequenter frangunt: unde incidi, atque ab invicem sufficienter segregari nequeunt partes alimentorum viscidiores, tantum potest ubique plurium rerum ad eundem effectum producendum requisitarum & concurrentium certa proportio & harmonia: Quo facit quoque porus quivis, potissimum aqueus copiosius inguigatur, & tum fermentum diluens, abluensque, tum cibos obluens ac in sui fermentatione impediens: Fermenti culpa di-

minuitur vel Aboleretur alimentorum fermentatio, tum propter ipsius Defectum, tum propter ipsius Inertiam: Deficit ventriculi Fermentum, quando non satis generatur, in Salivæ defectu continuave exspuitione, vel alio defertur per continuam potationem, ob quam ad intestina propellitur: Iners existit hoc Fermentum, quia justo pinguius, viscidius, vel aquosius producit, ob salivam similem, ex alimentis contimilibus diutius usurparis ortam, Ex quoque ab aëris externi æstu, aut vehementi corporis animæ exercitio spiritus animales exhauriente deducendam, & imprimis ubi alimentis spiritu volatili abundantibus non reficiuntur, reparanturve contumpti ac deficientes in corpore spiritus animales, ad Fermentationem alimentorum promovendam summe utiles: Vbi causas plures simul concutunt, gravius læditur Alimentorum prædicta Fermentatio, & viceversa.

Eandem Fermentationem diminueret, ac subinde Abolere possunt quædam, cum aut pro Alimentis medicamentisve male usurpata, & quoniam vel ipsum Fermentum enervant, vel Alimenta fermentationi inepta reddunt, hætenus pro venenis habenda, qualia sunt omnia quæ figendi vi excellenti sunt prædita: Alimentorum Fermentationem Diminueret, ac subinde Abolere possunt, Humores vitiosi & Bilioſi, præsertim oleositate peccantes, ad ventriculum allurgentes, atque aut fermentum ipsum corrumpentes ac enervantes, aut se alimentis immiscendo ipsorum fermentationem turbantes, impediens, sistentesve:

Augetur contra alimentorum Fermentatio, vel 1°. Fermenti solito & acidioris & validioris culpa: vel 2°. Alimentorum pro assumptis constitutione naturali facilius fermentabilem diutine usurpatorum vitio, vel 3°. Humoribus aciditate volatili præditorum, & ad ventriculum vel à capite delabentium, vel à Pancreate allurgentium causa: Fermentum & Saliva, ut & succus Pancreaticus, atque Humores à capite decedentes, Aciditatem suam volatilem auctam debent imprimis Alimentis volatili aciditate præditis, copiosius ac diutius assumptis, ut & condimentis similibus, vino aliive potui generoso ac spirituosissimo, subacido tamen, quale Mosellanum, aliquandiu copia non nimis excedente licet usurpatis: Idem promovet possunt ex parte mætor sollicitus, non tamen nimis gravis, & Aër serenus & subtilis, non vero multum æthiolus aut rigidus, ad Borealis tamen naturam quodammodo vergens.

Depravatur alimentorum Fermentatio in *Nidoroſam* cruditatem à Bile acriore & nimis volatili ad ventriculum allurgente, atque fermentationem non tantum impediens, ac insuper alterante ac corrumpente: Vnde *Ructus* excitantur, qui ventriculum distendant vel mordeant, & nunc ova fixa, nunc pisces ferentes, nunc alia redolentes attollantur: Quoties autem ventriculi distentio concutitur, aut difficilius erumpunt isti *Ructus*, toties pituitam viscidam simul peccare certum: *Acidam* cruditatem produciunt humores Acidi, & imprimis succus Pancreaticus, vel redundantia vel aciditatis intensio peccantes, & ad ventriculum delati, unde non tantum præcipitantur alimentorum solutio ac fermentatio, sed eadem insuper viciatur ac corrumpitur, elevatis eadem opera *Ructibus* acidis & nonnunquam valde moleſtis: Nec mirum aut novum eandem causam pro majore aut minore copia, vel intentiore aut remissione qualitate, functionem aliquam nunc secundum quantitatem, nunc secundum qualitatem plus minusve alterare atque mutare, imo lædere. *Franc. de la Boë Sylvius Præf. med. cap. 7. lib. 1.*

OBSERV.

## OBSERVATIO II.

*Concoctio læsa ob crustam densiorem intimæ ventriculi tunice adnatam.*

**C**eleberrimus *Iosephus Quercetanus* de concoctione læsa, atque ventriculi dolore gravativo pluribus mensibus ante obitum conquestus est: Causam adscribebat porcellorum lactentium nimio esui, qui illi in deliciis: hinc adnatam aiebat crustam, parietibus ventriculi tenaciter affixam, quam frustra usu spiritus vitrioli atterere & dissolvere conatus est:

Aperto defuncti cadavere, quod prædixerat oculis se exhibuit, crusta scilicet pinguis & densa, omnino qualem depinxerat, semidigiti crassitie intus undequaque ventriculum investiens, symptomatum & Viri Illustris mortis author. *Ex communicatione Nobilissimæ & Venerandæ Matronæ Dom. de Mouillepié &c. Filia dicti Quercetani unica Vxoris meæ avia.*

## S C H O L I A.

**C**rustam densiorem ] Naturaliter crusta ventriculi intus obteggit, post levem elixationem manifestissime apparens, distincta tamen ab ea quæ Gulam investit (ut pore levidensis & minus candida) similis videtur illi quæ linguam obteggit; Quippe tum hujus, tum ventriculi superficies, aspera & crustata esse debet, ut alimenti, tum libati tum deglutiti, particulæ parum in ea detineantur, & dein paulatim tunica nervosæ subtilitæ tradantur, quæ ab eorum nudo & immediato contactu nimis irritari & postea indurari periclitaretur: Hæc quoque aliis usibus intervit, chyli enim reliquæ inibi aggestæ, & ad acorem servatæ, in fermentum quoddam, & pro appetitu & pro digestionem requisitum evadunt: Cæterum hæc lanugo valorum, quæ tunica nervosæ densissime in-

runtur, ora ubique obteggit ac rotatur, necnon humores ab arteriis & nervis exudantes suscipit, dum interim venæ chylum, aliosve succos, in hac parte scattentes exugunt: Crusta hæc Villosa, in postica sive convexa ejus superficie, qua tunica nervosæ coheret, glandulis annulatis numerosissimis ubique confusa est, quæ proculdubio vasorum in tunica nervea desinentium ora contegunt, ac, uti videtur, humorem illis destinatum, aut ab iis depositum immediatus excipiunt & percolant: Velum hoc, sive crusta villosa, (filamentis rectis, tunica nervosæ perpendiculariter insertis constans, prout in panno serico qui dicitur *Velum*) per se tunica satis firma est, & ab aliis distincta apparet, ideoque haud improprie tunica Glandulosa dicatur. *Willi Pharmac. ration. sect. 1. cap. 2.*

## OBSERVATIO III.

*Anatome puellæ ventriculum imbecillum habentis, qui flatibus distentus repertus est.*

**P**uellam (de qua lib. 2. Tit. de Phibisi) ventriculum imbecillum habuisse arguit flatuum copia: à quatuor enim annis abdomen in modum tympani fuerat extensum, idque ob flatuum in intestinis retentorum copiam, qui illis adeo tenaciter inhærebant, ut purgatione quidem cederent, Et post mortem acie scalpelli perfossis intestinis vix efflarent: Nec solum intestina flatu extensa erant, sed & ipse quoque ventriculus. *Fabritius Hildanum cent. 6. observ. 74.*

## S C H O L I A.

**V**entriculum imbecillum ] Qui calorem præcipuum coctionis & digestionis in ventriculo peragendæ instrumentum esse statuunt, focum & fomitem satis uberem deducunt ex vasis sanguiferis quamplurimis ad ventriculum pertingentibus, partim summitati ejus, partim fundo insertis: Hæc vasa inrorium tendentia, & demum in propagines innumeras discerpta, in tunica intima nervea terminantur, cujus interiorem superficiem præ densitate punctorum, in quæ vasa desinunt, rubore inficiunt & quasi cruentant: In quantum vero circumcirca ventriculi, quasi leberis fundum & latera omnia, sanguis effervescent, quasi ignis accensus perpetuo detinetur, ut in hunc finem stagnum illud sanguinem ibi consutum esse vi-

deatur: *Willi Pharmac. ration. sect. 1. cap. 2.*

**Ventriculum extensus ]** Substantia conitar membrana, sa, dura & densa: Ventriculus, inquit *Hippocr. 4.* de morbis, res est valida & robusta, sicut pellis & corium, & plerique ex Lybiæ populis pellibus pecorum pro vestibus utuntur, ventriculis autem pro sacculis & utriculis, quare non inepte *Celsus* membranas ventriculi tergora nuncupavit: Talis substantia membranosa ventriculo concessa fuit, ut in ingluvie facile dilataretur & ad expulsionem chyli constringeretur: Sed nonnunquam adeo distenditur & attenuatur ut postea vix contrahi queat, pristinaque firmitatem recuperare:

*Vide observ. 1.*

## OBSERVATIO IV.

*Concoctio læsa ob Omentum putrefactum.*

**A**nno 1657. militaris quidam vir dum viveret, nil nisi ventriculum accusabat, quod nullum cibum appeteret Coqueretque; Cui ad confortandum ventriculum multa fuere adhibita, sed omnia incassum.

Dissecto cadavere Omentum plane putrefactum inventum est, ventriculo reliquisque visceribus salvis: Ex quo colligitur Omentum ad ventriculi coctionem non parum facere: *D. Valentini Andreæ Mollenbroccius in Miscellaneis curiosis anni 1670.*



## S C H O L I A.

**E**X quo colligitur ] Quod proditum à Galeno : hinc *Gladiator*, cui omentum ille abstulit, à frigore facile laedebatur, quare ventrem lanis semper obvolutum habebat : Iuvat vero & fovet calorem ventriculi ob adipis copiam, sed fundi, nam superior pars fovetur ab incumbente jecore : Est itaque Omentum ventri-

culo instat pulvinaris & coctionem promovet. Rarum est quod de juvene refert *Forestus*, & de aliis *Riolanus*, qui ablato Omento commodè tamen viscerum; forsitan ventriculi robore aliunde accersito,

*Bartholinus Anatom. Reform.*  
lib. 1. cap. 8.

## O B S E R V A T I O V.

*Concoctio laesa ob amplitudinem ventriculi nimiam, & affectionem hypochondriacam.*

**M**ulier *πολυπράγμων*, actiosa & negotiosa, unde animus inquietus, & qui non finit corpus refoveri, unde mirum non est si illa non pinguescat : Ceterum cum hæc hypochondriaca sit, mirum quoque quod niteat facies, quæ in aliis decolor & plumbea : Perpetuo quoque est querula, & medicorum aures querelis subinde novis fatigando, querendi fidem non facit, quia non facit dolendi, nec conquerendi satietas est : Adest volæ manuum siccitas, & squalor : Difficilis illi respiratio, qualis esse solet in iis qui cucurrerunt : Summa adest Inappetentia ; In hac muliere status generabatur ob inæqualem intemperiem ventriculi & hepatis, & ii distendebant ventriculum in dies : Ventriculus amplior & capacior non poterat comprehendere cibos, unde ructuum & flatuum perennitas generationis.

In mulieris hujus cadavere sanguis nigraverat. corque refrigerium vix accipiebat : hinc pulsus inæqualis & palpitationi similis : Ventriculus amplissimus erat, frigidiusculus, unde rebus calidis delectabatur, licet lingua sicca esset & calidius Hepar, sic ventriculus vix cibos coquebat. *Ballonius conf. 78. lib. 3.*

## S C H O L I A.

**M**ulier ] Observavit antiquitas mulierem raro fieri hypochondriacam, *ὅτι τὸ φλέγον*, sed ubi sit, deterius habere, quia id est alienius à temperamento frigido humido, quod muliebri est.

*Actiosa, negotiosa* ] Mirum est quod qui delicatiores, imo bene temperato cerebro, facilius & gravius afficiuntur : exhalatio terra facilius impressionem facit : stupidi & obtusioris ingenio non ita percelluntur : Sic prius hominum genus faciliore est ingenio quam fortuna & valetudine :

*Non finit corpus refoveri* ] Agra *πολυπράγμων* est, actiosa, negotiosa, unde animus inquietus, & qui non finit corpus refoveri : Est autem labor naturalis aut violentus : Naturalis, visus, auditus, vocis, curarum : anima in id quod videtur intenta, movetur & calefcit : calefacta evacuato humore siccatur : mirum ne est si illa non pinguescat :

*Cum hypochondriaca sit* ] Quæri potest quænam sit hæc dispositio sive intemperies *ἢ ὑποχονδριακή* ? *Rondeletius*, ex *Dioscoridis* plausibili opinione, putat id totum malum pendere à mala intemperie primarum venarum melaræ & etiam mesenterii : declarant signa hic non enumeranda, inter quæ est volæ manuum siccitas & squalor : at curis squalida labem vitiorumque ventris significat : Declarat curatio : valent medicamenta humectando refrigerandoque purgantia, syr. de pomis, violac. lac asinæ aut capræ, aquæ *ἀντισπασμωδική* ; Imo eis ulcera oriuntur & *ὑποχονδριακά* tumores, qui nonnisi pompholyge, plumbo, cerula & mercurio leniuntur, Et quod fit foris, idem domi & in vilceribus fieri debet, Sed impediunt flatus multi, qui in hypochondriis scatunt, & indicatione quadam contraria avertunt ab usu rerum humectantium & refrigerantium, quæ causam oppugnarent, Sic quod est primæ & radicalis affectionis remedium, augeat symptomata, ut fit in hydrope, & squalore, & hæctica vilcerum intemperie : Cum enim quæ flatum discutunt, calidiora tenuiorumque partium esse debeant, siccitatem squaloremque partium adaugent ; hinc non mirum si cantus sit flatuum proventus in hypochondri-

cis : imo *αἱ ὕπερ* flatuosa melancholia esse dicitur : quanquam hypochondriacis, & iis quibus æstuant viscera, quos *ὑπερμελίας* vocat *Hippocr.* non raro usu veniat ut cum calore acri abundant, non desinant esse flatuosi, imo in tympaniten fere post dolores alvinos diuturnos & vix placabiles incidant, Et iis non raro secari vena solet, secundum illud *Hippocr. ἀντιφλέγον φάρμακον* : Quæ causa impulit *Themistium*, ut credat atram bilem naturaliter frigidam refrigerare ventrem & jecur, partes nutritioni consecratas : atram autem bilem proprie non sumit, sed pro succo melancholico frigido : Magna autem pars melancholicorum, & deterior morbosiorque, per flavam bilem, aut succum melancholicum ustum, aut sanguinem generatur, unde cineri aut tartaro calcique talis humor similis est, quibus per adustionem calor acer est & mordax : unde melancholici tales sunt pilosi, abundant multo excremento fuliginoso, quia in iis sanguis & succus est acriusculus, & calidiores sunt arteriæ planæque fuligine : Quoniam vero *Themistius* videt multos effectus frigoris, causam putat frigidam, ac in magna hypochondriacorum parte calor est acer & mordax, hic est corruptor, & fructum non capit corpus, imo quo corpus calidius calore adventitio & febrili, calore naturali omnium bonorum authore, eo frigidius exiit : At omnis *ὑπερ* melancholiæ hypoch. consistit in intemperie sicca partium in hypochondriis contentarum, cum nonnulla caliditate sine affluxu, sed cum obstructione potius, à sanguinis & aliorum humorum crassitie : eam ob rem limaturam chalybis in hypochondriacis & decoloribus virginibus commendant.

*Non mirum si illa non pinguescat* ] *Themistius* rationem reddit cur melancholica corpora macra sint, ita enim ait, Affecta sunt corpora ut eo non fruantur alimentis quo velcuntur, & idem alimentum non subit partes nutriendas, & id genus corpora sunt infelicitibus lignis affimilia, quæ in regione arida & sterculosa nascuntur.

*Atram, quod niteat facies* ] Mirum revera cum in aliis

aliis decolor sit & plumbea : Illi autem contingit quod pueris cachecticis, quibus in cavo hepatis bilis recocta tanti mali author existit : ac vero splenica non est, bene colorata & inappetens, quod splenicis veris non evenit : Lienosi enim sunt voraces, tum ob acidum succum, tum etiam ob cancerosam lienis dispositionem.

*Perpetuo est querula* ] Aristot. Seneca & alii dicunt omne imbecillum querulum esse, cum autem duplex imbecillum sit, natura & valetudine, in primo genere est mulier, valetudinarii in secundo : hæc mulier in utroque hæret & laborat. At quætere oportet an jure dolendo queratur ? an infractione animi id contingat ? an quia melancholica est ? an melancholici perpetuo dolent ? Omne enim animans duce natura voluptatem querit, & dolorem, ut summum malum, fugit, dolorique remedium querit : In eo genere sunt melancholici ( præsertim si humor per assationem, aut suppressionem acrimulus est ) sive quod natura, sive quod valetudine imbecilli sunt, propterea quod queruli : Ideo Aristoteles ait perpetuo melancholicos medicinam appetere, id est, summis & assiduis voris remedia postulant, sive sint alimenta live medicamenta : imo major eorum pars est pharmacorum quam alimentorum appetentior : Ut ergo perpetuo dolent, sic perpetuo conqueruntur, sentiunt enim punctiones & lacerationes & in cute & in visceribus : Ideo *Arist.* dicebat corpus melancholicorum perpetuo pungi : revera, quod de elephantibus scribunt, inter signa quidem æquivoca, duo hæc notant, quod raro febricitent, & quod in cute punctiones sentiant : notanda hæc, Et revera hypochondriacum esse vere est habere gradum unum ad elephantem : *Rondeletius* ait hypochondriacos & melancholicos videri quidem careere febre, sed tamen febrile quadam specie febris quæ iis propria est : Sed unum observatione dignum, merus est major ipso periculo : symptomata sunt minora quam opinio ipsa concipiat, sed causa major est & efficacior quam opinio percipiat, imo est gradus ad elephantem.

*Difficilis illi respiratio* ] Difficultas hæc spirandi, quia creber & frequens est spiritus, nomine *τὸ καπνίζον*, apud quosdam veteres exprimitur, præsertim cum palpitacioni similis est : Cur id fiat non est facile explicare, nisi dicas, vel talem affectionem significare vim vitalem maximo incendio laborare : Vel quia, cum per altum cor celerissime vehementissimeque movetur, anima deficere tunc videatur, Et id veteres vocant *καπνίζω*, unde cum pulmo inflammatur, frequentia sunt animi deliquia *ἡ ἀλυσίς*. *Quæstio* nota, Cur virgines decolores tam male spirent, cum alii febricitantes ( si malum in pulmone ) id non patiantur ? Cur olim eam difficultatem spirandi non patiebatur ? Interna calens, fuligo magna, arteria calidior exustum quid procreat : corpus non ita spirans : bilis torrida, nitrum, sulphur dominatur, ut in vetere gallo : Si a calore, ætas defecta & inclinans remedio esse debet : Morbi calidi in senectute delinunt, inquit *Hippoc.*

*Summa adeß inappetentia* ] Hypochondriacorum major pars est pharmacorum quam alimentorum appetentior, quare ? quia defectam habent appetentiam, unde ? ab intemperie & affectione prava, quam *Galenus* in prognosticis eleganter vocat *ἀσθένει τῶ κοίτης*, id est, superioris oris ventriculi : temperata enim nature dulcia & appetunt & iis fruuntur : Intemperata imminutam habent appetentiam, & exotica in cibis qualitates desiderant, unde tales melancholici sicci sunt & frigidiore : Ceterum abhorrent a ci-

bis, nisi excedente qualitate præditis : Medicamenta purgantia appetunt, licet ab iis sæpe deterrime habeant, quia humores eorum aduruntur nec putrescunt putredine ordinaria, quæ humores exclusioni paratioris & obsequentiores reddit.

*Flatus generalatur &c.* ] Mulier hæc cum biliosa sit temperamento, cui tantopere flatuosa ? Idcirco non admodum flatuosa, quia in iis bilis abundat, non piqua, quæ in flatum resolvatur, & raro imbecillitate partium nutritioni servientium ( quæ una causa est generationis flatuum ) laborant, ait *Galen.* comm. ad aph. 6s. lib. 4. quæ opinio an vera sit, inquirendum : Vide Schol. 3.

*Ob inaequalem intemperiem &c.* ] Cujus causa difficilis est curatio, Si temperantia tantum adhibemus, malum non tollimus sed lenimus tantum : Si acria, & quæ humorem tollunt, irritamus : Idem contingit quod & in herpetibus & serpigine : glutinosa mollia remedia malum sovent, imo deterius faciunt : acria, causam evocando, non statim sanant sed irritant, ( locus pulcherrimus ab externis affectibus ad internos ) sanitatem enim ratione evacuationis, succum mordacem abluendo & detergendo, non ? *intemperantia* efficiunt : imo contemperantia aliquando mordicationem majorem efficiunt ex accidenti, ut si cortumpuntur, & una sovent aluntque cacochymiam : Sic videmus serpiginem, pioram, lebecem &c. à bile usta, piquitate talia, cutis vitilis, aquam salisam, litharg. sulphur, aquam aluminosam, nigis prodesse quam temperata & *immoderata*, quæ alunt soventque cacochymiam & acrimoniam :

*Sanguis nigrescat, atque vix refrigerium accipiat* ] Id exprimit *Hippoc.* 6. Epid. Sect. 6. part. 2. Quibus calidior vena est, id est arteria, multitudine sanguinis exustum procreat, & idem excernit : Exustum autem, *τὸ καπνίζον* vocat, a quo fuliginosum excrementum multum ; intemperies cordis & arteriarum, concurrente pulmonis calore & siccitate, tam celeris motus cordis ( præsertim per gressum ) causa est, & tum affectio hectica est : non sic in aliis febribus contingit, non enim moti ita anhelosi sunt : imo in corde ipso jam speciem aneurismatis subesse autumamus, spiritus & sanguine mirum in modum arterias distendente & dilatante.

*Sanguis nigrescat* ] Non abs re dicemus infra peperam in hypochondriacis calidis & siccis, dari medicamenta splenica, falsa lienis affecti opinione : minuitur enim hepar, siccatur, augetur intemperies sicca, educitur serum liquato sanguine, & defectu seri sanguis adurit : Et cum lien minor est justo, non rite defuscat sanguinem humore melancholico, quo fit ut in venis & arteriis ardeat, unde pici aut gargar lapidæ simillimus existit : Ideoque *Galenus* non vult detrahi sanguinem si in cerebro tantum affectio sit & nigrescat sanguis, si in toto corpore sanguis nigrior, audentius sanguinem mittit ; si non sit melancholicus, supprimatur, sic statuit eas distinctiones : Eandem ob caliditatem & siccitatem, hypochondriacis sunt ut plurimum *καπνίζοντες* *ἡ ἀλυσίς*, æstuantia enim fere habent viscera ; calida & sicca sunt temperie bilis acris genitrice :

*Calidius Hepar* ] Peccatur in hypochondriorum morbis, nam fere ad Lienem opera dirigitur, Et dum incidentia, *πυρρὰ*, attenuantia, cappareas, tamatis, cassutha, chamædrys, chamæpitya, flores spartii, imo radices calidiores præscribuntur, hepar siccatur primum, quia integris viribus traducitur ab iis medicamentis simplicibus, Et dum vulgus & Medicorum & hominum intendis per corticem samaricis & splenium



at plenam lienem minuire, minuit: imo forte fit ut perexiguus sit splen, quod malo est, nam satis amplum & validum esse oportet splenem ut hepatis sanguinem purget, alioqui mille incommoda sequentur: Ideo non est bonum minui lienem at plenius medicamentis, nam ubi minor non bene defecit sanguinem, hinc inappetentia & mille incommoda; sic narrant de Chameleonte, qui nec bibit nec comedit, solumque aëre nutritur, quod hic lienem non habet, semper

habet, semper tenem, qua vesiculis, auram recipiat. Quamquam questio est an medicamenta splenica integris viribus hepar perstruant, si id sit, non sit sine noxa hepatis: At aiunt non esse necesse, quia à vena porta sunt rami mesenterici, quorum unus ad splenem tendit: Melius faciunt qui in affectibus splenis & hypochondriacis ad buglossum, boraginem, cymphazam, succum pomorum confugiunt: alia vero sicant longo usu impendio magis.

## OBSERVATIO VI.

*Ventriculi concoctio laesa, & crebri Ructus, ob ulceratum Stomachum, Hepatis, & Lienis vitia.*

**I**llustr. N. vomebat bilem flavam cum tantis Ructibus ut de suffocatione metus esset: In stomacho duo ulcera reperta fuere, Totum quod ingestum erat, atrum colorem referebat: Hepar magnum, durum & quasi coctum, in duabus partibus sideratum, Splen parvis. *Vide tit. de Ischuria.*

## OBSERVATIO VII.

*Ructus frequentes ab atro humore in cavitate attenuati ventriculi conclusi, Pyloro scirrhus.*

**N**obil. Vir in convivio hausit vappam aut mustum invitus, Ab eo tempore pondus in stomachi sensit fundo: Ructus habuit foetidos &c. Ventriculus à flatibus admodum distentus apparuit, valdeque extenuatus, in cuius fundo atramento similis copiosa, corrupta & foetida materia continebatur: *Pylorus scirrhus arctissime concludebatur, Mesenterium quoque totum scirrhum &c. (Vide lib. 1. tit. de melancholia.)*

## S C H O L I A.

**P**ylorus scirrhus arctissime concludebatur] Pylori munus est, non tantum ventriculi contenta attrahere, & simul in magna copia ad intestina transmittere (quod quidem in cathari & diarrhoea frequenter facit) sed porius chylum satis confectum, in sinum suum excipere, aliquandiu continere, & dein paulatim, & per minutas portiones excernere; Enimvero huius antrum longum & capax, quidam in ventriculo recessus & diverticulum esse videntur, in quod maffa chylacea portio magis elaborata & perfecta recedat, & ibi manere queat, donec pars alia crudior, ut superius ingesta, in ventriculi fundo plus digeratur: Hinc est quod è cornellis saepe quod ingratum est brevi evomitur, cibis interim gravioribus in stomacho restantibus, videlicet quatenus in ventriculo plures quasi distincte cellulae sunt, in quas ingestorum alia ab aliis divertere & permanere possunt. *Willis Pharnac. tat. sect. 1. cap. 2.*

**Ventriculus vix cibos coquebat]** Non calor, sed fermentum (quod in aliis actius, in aliis minus existit) est causa proxima famis & *Cachexiae ventriculi*: Calor vero moderatus est causa materiam disponens ut inde gignatur fermentum, idque fermentum exaltans & in actum promovens: Cum autem haec ventriculi potestas fermentum illud (*vide Scholia ad observationem 1. Sectionis 2. de Feme p. n.*) condendi, cum eoque chylificandi, non nisi per convenientem seu moderatum calorem in actum promoveatur, dubitant nonnulli qualis, aut potius cujus sit ille calor actum hunc producent, an membranarum ventriculi, an partium circumjacentium, an humoris cujusdam, an vero spirituum: Certe ipsius caloris in divertis subjectis nulla

est diversitas per se, sed ratione quantitatis tantum, à subjecti cui inhæret diversitate; At operationum diversitas procedit à diversitate ipsarum rerum in quas & per quas calor agit: nam idem calor ceram emollic, lumen indurat, carnem in veru aut furno allat, in lebece ebullit, in limo equino putrefacit, in hypocausto ova fovet & excludit sine gallina: Ita etiam ad chylificationis actum producendum requiritur ut moderatus calor (qui non est nisi unus idemque) convenienter se habeat in ventriculo, id est, in ejus membranarum, humoribus & spiritibus, ilque etiam debito modo foveatur à calore partium circumjacentium, ita enim convenienter se habens, non potest non ventriculus taliter instructus in aptam materiam chylificandam convenienter agere, ex eaque chylum dissolvere & educere. *Diemerbroekius ibidem.*

**Ventriculus admodum distentus]** *Johann. Theodorus Struvenius* Epistola ad Tb. Bartholinum, cent. 4. Epist. 71. Ructus non ex imo ventre solum sed & medio prodire censet: Flatum, inquit, ex hypochondriis, in thoracem ascendendum mentio fit, quod est verissimum, his addo, uxori meae priori, quæ erat hypochondriaca, denique in peripneumoniam incidebat, 4. ante obitum septimanis, interdum mane, interdum vespere, ante & post cenam, molestissima obtingebat Eructatio, adeo ut ne recenti ructus pro vice, sine intermissione sufficerent: Hi ubi subsistebant, illa de anxietate vehementissima conquerabatur, interdum desipiebat plane, usque dum per discutientia iterum excrarentur: Sed manifeste observo flatum in thorace per asperam præteriam excurrentes incipio.

## OBSERV.

## OBSERVATIO VIII.

*Ventriculi Concoctio lasa ob deletas ejus rugas.*

§. 1. **D** Omina Illust. per multos annos affectibus spasmodicis obnoxia, mortua ventriculus exhibuit valde inflatum, ejusque tunicam interiorem sine plicis aut rugis, quod certe acciderat ob crebros vomitus, viscere hoc spasmis continuis fere affecto: Ob hanc rationem, scil. stomachi tono præfracto, alimenta nec bene appetere nec concoquere solebat. *Vide lib. 1. tit. de Convulsione.*

## S C H O L I A.

**A** *Dispositio plicæ aut rugæ* ] Ventriculus tribus constat tunicis, una communi, à diaphragmate orta, & duabus propriis, externa internaque: hæc in corporibus sanis multas habet rugas sive plicas, in ventriculi superficie concava eminentes, quæ videntur esse quasi rotidem sepimenta, sive sulci, quibus chyli portiones hic illic tenuiter dispersæ melius coctionis ergo ab invicem detineantur, ne simul in massam spissio-

rem confluerent: Plicæ istæ formantur, quatenus hæc tunica exteriore carne multo amplior est, quare ut ab ea contineatur, necesse habet in plicas sive rugas istas colligi: In bibonibus vero & gulosis; quibus à crebra & nimia ventriculi impletione tunica carnea plurimum extenditur, etiam interior illi coextensa rugas suas omnes amittens, plana & tenuis instar velicæ inflata evadit. *Willi Pharm. Ration. cap. 2. sect. 1.*

§. 2. Illustr. Comit. N. ventriculus magnus sine rugis repertus est, quia assatim comedit & multa: crapulæ autem deditis ventriculus ampliatur. *Vide tit. de Dyspnæa lib. 2.*

## OBSERVATIO IX.

*Concoctio lasa & Ructus frequentes ab inflatione ventriculi & intestinorum, nigro humore obliorum.*

**V** Ir melancholicus Ructibus infestabatur &c. Ventriculus & intestina inflata erant, nigricantia, intus atramento quasi sutorio oblinita: vasa mesenterica oblitterata. *Vide tit. de Scorbuto.*

## OBSERVATIO X.

*Ructus à ventriculo putri, hepatis annexo, emissi.*

**V** Ir patiebatur vomitum singultum, Ructus; Hepar ventriculo cava sui parte arcte connatum erat. In hujus cavitate nihil vivi, sed saltem liquamen subcruentum. *Vide tit. de ventriculi dolore.*

## OBSERVATIO XI.

*Ructus frequentes à vitio Ventriculi, Epiplois obstructi &c.*

**D** Om. N. flatus multos eructabat: Ventriculus lividus erat in fundo: Humores melancholici in omento accervabantur, & inde in ventriculum refluebant. *Vide tit. de vomitu.*

## OBSERVATIO XII.

*Concoctio lasa à ventriculi situ mutato.*

§. 1. **I** Nterdum ventriculus propendet usque ad umbilicum, ut observatum in cadaveribus, quod vitæ & coctioni multum incommodat. *Riolanus Encheir. Anat. & Pathol. lib. 2. cap. 23.*

§. 2. Observavit *Vesalius* Omentum in scrotum devolutum & auctum, ventriculum ex sua sede distraxisse, adeo ut munus ejus deficeret. *Vide tit. de Herniâ.*

§. 3. Studioso ob obstructions summa ventriculi fuit debilitas: Aperto thorace statim omentum se exhibuit, sub quo latitabat ventriculus. *Vide lib. 4. tit. de vulneribus.*

## OBSERVATIO XIII.

*Concoctio lasa ab inflammatione ventriculi, in quo nigricans materia reperta.*

**V** Xor N. vomituriēbat, Ructus emittebat, febricitabat, Deprehensus ventriculus ad fundum perforatus, In quo continebantur multa nigricantia, ita ut videretur humor melancholicus. *Vide tit. de ventris tumore.*



## ANATOMIÆ PRACTICÆ

## LIBRI TERTII

## SECTIO VII.

## DE VENTRICULI DOLORE.

## OBSERVATIO I.

*De Doloꝛe ventriculi ab ejusdem erosione à Bile & cysti confluyente, & liquore seroso acri è mesenterio prodeunte.*



EVERINVS FALCK quinquagenario proximus, ex Scorbuto mœrori animi permisto, febribus vagis aliquandiu tortus, *Appetitum* tandem penitus *sensu prostratum*, & dolores stomachi vicinarumque partium intensissimos: Advocati Medici alii atque alii, ut erat omnium amicus, præscribunt emetica, cathartica, stomachica, chalybeata varia, omnia incassum: quippe invalescebat quotidie malum, stomachus *Rejiciebat ingesta omnia*, quantacunque sollicitudine vel composita vel præparata, adeo ut excoriationem ventriculi in causa esse suspicarentur tandem medentes: Igitur cum sine fructu aliquoties decoctum Chinæ hausisset, curam lactis proponunt: Ille sequi facilis, ac omne, simul ac sorbuit simul rejecit, & rejecit non purum, sed in casei spissitudinem coactum: Tandem victus malo fatis concessit, postquam rogasset adstantes ut à morte in cadavere suo inquirerent quid demum illud esset unde tam diri cruciatus proficerentur:

In evisceratione ergo hæc notata, Tota interior ventriculi facies rubicunda & tantum non excoriata; Hepar ingens durissimum, & qua hæsit vesicula fellea, nigricans: In cysti fellea frustum oblongum coagulatae bilis & duriusculæ, ac, si diutius vixisset, in calculos haud dubie abituræ: Pars autem illa bilis, quæ fluida adhuc, omnia vicina *colore flavo tinxerat*, qui jam & faciem & corpus totum paulo ante mortem corripuerat: Lien grandis, durus, vasa sanguinea ab eo sparfa in exteriorem ventriculi tunicam, omnia tumida, sed nulla (ut nec vas breve) in cavum ventriculi penetrantia. In mesenterio, non procul à Pancreate, cavitas notabilis, liquore seroso distenta, unde haud dubie acidum illud emanavit quod tantopere stomacho inimicum erat, & proxima, quantum liquet, mortis causa: Pulmo locis pluribus costis adnatus: *Thom. Bartholinus in Actis Medicis, annor. 1674. 75. & 76. volum. 3. observ. 34.*

## SCHOLIA.

Ita quidem *Berribius* noster casum memorandum nitida penna expressit, historiam pertexnit, Curationi & apertioni una adfuit Celeberrimus Collega, mihiq; ex Diario suo concessit: Hinc vero liquet quantas turbas in corpore Bilis excitet, tot dolorum causas, quorum subinde rationes ignorant ægri pariter & medici: Illa ipsa bilis, uni & alii humores, ita non raro corpus afficiunt, ventriculumque infestant, ut crederes venenum esse assumptum; certe malignam qualitatem acquisiverunt, qua cruciatus incredibiles membranis cæterisque partibus sensibilibus imprimunt, & erodunt eas vellicantque miserum in modum: Ita etiam statuit meus olim in praxi antesigna-

nus, cujus nunquam sine veneratione recordor. *Joh. Dom. Sala*, Patavini Lycæi Princeps Medicus: Cum ejus consuetudine Patavii fuisset, oblata ipsi est historia juvenis derепente acerbissimis ventriculi torminibus correpti cum aliis symptomatibus, ex quibus oblit non sine veneni hauriti suspitione ob erodum ventriculum in apertione cadaveris observatum, & tumidum corpus: Suspiciatus est *D. Sala*, veteranus in arte medendi & ingenio singulari promptus, materiam in corpore potuisse generari veneno similem & corpus interficere quali à veneno sumpto infectum.

Historia juvenis hæc est, quam sequitur Magni *Sala* responsio.

## OBSERVATIO II.

*Ventriculi dolor subito exortus, à veneno illius substantiam excoriantem & corrodentem.*

NOBIL. Juvenis annorum 29. satis bene constitutus, temperaturæ ad humidum vergentis, in vivendi genere satis temperatus, jejunium quadragesimale religiose servans, bene valens, nulla præcedente causa externa, incidit repente in ventriculi intestinorumque

CRUCIATUS

*cruciatibus* vehementissimos, cum continuis, molestissimis *vomitibus* materierum cujuscunque generis, nec cibum nec potum continere poterat, cum *siti* & vehementissimo ardore: Nulla erat febris, sed *cordis oppressio*, & summa corporis *inquietudo*, *abvulsus adstricta*, ab injectis tamen solvebatur, licet dolores non remitterent: Ad doloris lenitionem exterius apposita nihil juvabant: vomitus molestus copiose materię perseverans ab usu Theriacę visus est aliquantulum levatus: Duobus diebus naturalibus in his vomitibus perseveravit, postea sua sponte sedatus est vomitus, quieverunt dolores, & potum desiderabat & detinebat, bene dormiebat, fatebatur se optime valere: Nulla unquam febris ipsum in his cruciatibus afflixit, sitis tamen ardens perseverabat; per tres alios dies in bono statu transegit. Altera die post, 4. horas a prandio, nullo errore in victu, nec in alia re non naturali commisso, repente corripitur vehementissimis Ventriculi Cruciatibus, & totum *abdomen tensum* & dolorosum evadit; se suffocari dicebat, cum *cordis deliquio* & desiderio vomendi, summa corporis jactatione & inquietudine, nec stare nec decumbere poterat: Tumor ventris crescebat, pulsus parvi, tardi, nulla febris, frigiditas extremorum, anxietas, deliquia, frigidi in fronte sudores: Hora sexta noctis ejusdem diei ex humanis discessit.

Statim totum corpus in immensam molem auctum est, ut monstrum potius quam humanum corpus videretur: Oculi, aures, & præcipue labia, ob magnitudinem summam valde erant deformia, cum variis lividitatibus: In dorso *musculi lumbarēs* videbantur fere *gangrenati*, nam ad levem contactum cutis difflebat. Tota *ventriculi substantia diffluens*, cum *rubore* & manifesta erosione in variis partibus, & præsertim in una, ubi tota substantia erosa videbatur, cum dolore livido.

## S C H O L I A.

## Responsio Ioh. Dominici Sale.

DEscripta historia ita mihi quidem videtur referre veneni perniciosissimi assumpti evidentem suspensionem, ut vix aliquod deficiat ex signis demonstrativis: Quid enim quæso aliud desideratur, nisi quod a suspecto aliquo nefario homine cibum aut potum acceperit: Quod in cibo aut potu extraneus aliquis sapor aut odor adfuerit, Et demum quod in ventriculo, aut intestinis, aut in excretis per vomitum materia ipsa venefica apparuisset, cum præsertim neque hoc simpliciter sit necessarium, clanculum enim venena propinquantur, atque permixta aliis cibis aut potibus, ex quibus obsecrari possunt venenorum sapores & odores, imo & liquida exhibentur & destillata: Generantur quidem in humano corpore ea quandoque excrementa, ita prava ut instar veneni interficiant, sed raro in corporibus, alioquin boni habitus, & nullis committis erroribus: rarius ita repente, ut ex aliis partibus, aut aliis accidentibus ager non prævideat: Generantur humores acres & erodeutes, sed vix in corporibus humidis & bene constitutis, sine aliqua causa manifesta, nec generantur sine febre: Originem habuerunt omnia symptomata narrata in ventriculo & intestinis sine erroribus, ubi cruciatus, rejecti cibi & potus, sitis, vomitus, ardor, cardialgia: Tractum subito cor in consensum, unde ipsius oppressio, summa inquietudo, absente febre deliquia, pulsus parvi & tardi, extremorum frigiditas, ipsi sudores frigidi & mors, quam retardasse Theriacę assumptionem est probabile, nisi forsan à Theriacę usu primo fere curatus, iterum ex novi veneni assumptione fuerit mortuus: Nocuisse primum venenum in ventriculo & intestinis ex his clarum est: nec obscurum est ibi prius nocere ubi prius recipitur & moratur: Ideo vix inventiuntur tam artificiose parata venena, ut illaeso ventriculo ad cor deferantur: Tanta autem fuit ventriculi lætio, ut erosionem & velut gangrenam excitaverit: Accedunt quæ post mortem visa sunt, aucta moles corporis in

immentum, oculorum, aurium & labiorum deformitas, lividitates in dorso, musculorum lumbarum & diffuenti cutis veluti gangræna, sed præ cæteris ventriculi substantia rubra, livida & erosa: Suspensiones hæc sunt, meo judicio, parum remotæ à certitudine: pauca enim sunt, & ea quidem minoris momenti, quæ addi solent signa ad assumpti veneni cognitionem: Non est tamen negandum certissimæ dignotionis quandam esse difficultatem.

## Responsio ejusdem ad secundam relationem.

Scripti alias in hoc argumento difficile quandoque esse artificii conjecturali certo omnino affirmare aliquem veneno assumpto esse mortuum, quia nimirum potuerit materia veneno similis in corpore generari, simili modo interficere, & post mortem similia signa præ se ferre: Augetur ex nova relatione difficultas, in qua scribitur hominem fuisse valetudinarium & mali habitus, fuisse apertum & consideratum ejus cadaver: Ex quibus omnibus videtur dici, posse eo facilius generari potuisse internum venenum, transmitti ad ventriculum, & in eo præludium aliquod inflammationis & superficialis erosionis effecisse, quæ deinde post mortem aucta sit (si sermo sit de erosione) aucta nimirum partium omnium corruptione: Interim tamen negari non potest maximam relinqui suspensionem, tum ex tot signorum sydycone, tum præsertim ex tam insigni ventriculi erosione, sicut aliquas posse afferri excusationes negari non potest, venenatos humores fuisse pessimos, partes omnes corporis, & imprimis ventriculum, substantiam habuisse, aut ab ortu, aut ex erroribus, corruptioni obnoxiam: atque ideo in mortuo, & forte multo antea sepulto cadavere & erosionem ventriculi, & alia signa in aliis partibus apparuerint, quæ forte paulo post mortem non apparuissent.



## OBSERVATIO III.

*Ventriculi ingens dolor ob ejus erosionem à veneno factam.*

**E**rosum fuisse ventriculum à veneno in *P. Ioh. Baptista Salice*, Logicæ Professore Patavino, nemo dubitavit: Inani enim post cœnam vomendi desiderio angebatur, doloribus ingentibus supra umbilicum, qui neque Theriaca exhibita remisissent: Post mortem corpus totum, in primis autem facies, abdomen & genitalia statim intumescere.

In cadavere, cum culter anatomicus intromitteretur, flatus cum strepitu exiit, ut à colico dolore suffocatum suspicaremur: Cæterum ventriculum erodum, maximisque foraminibus pertusum vidimus, una cum adjacente colo reliquisque intestinis variis in locis perforatis: Hinc etiam factum quod theriaca assumpta excrementis alvi permixta in capacitate abdominis diffuere cerneretur, omniæque intestina, tam exteriori facie quam interiore, sordibus essent inquinata: quod quoque impedimentum fuit ne ulterius in lustrando cadavere progredieremur. *Th. Bartholinus.*

## OBSERVATIO IV.

*Ventriculi dolor ab eo circa pylorum ab aqua sublimati cum lecore corroso.*

**M**onspessuli cum agerem, Præfectus morum filiorum Arimatii ex ulcere laborabat in cruce, Cum ergo Pharmacopæus purgans interdum attulisset, & alias ille aqua sublimati ad ulcus uteretur, puer sub auroram vasculum non discernens, aquam sublimati pro purgante exhibet: Magnam ille rosionem in oesophago statim persentire, necnon de errore offerendo medicamento dubitare: Erratum deprehenditur, puer aufugit, accersuntur Medici, exhibetur statim vomitorium, hinc lac, postea antidota, sed tertio die moritur, quod ad vomendum minus aptus totum, ut existimabat *Doriomannus*, non rejecisset. Aperto cadavere, ventriculus circa pylorum, itemque sima pars Hepatis arrosa valde & inflammata apparere. *Salmuth. centur. 1. observ. ix.*

## S C H O L I A.

**P**urgans attulisset) Vir, Nobilio ab assumpto purgante, ab imperito Medico exhibito, ad cui accelerandam operationem acris quædam & erodentia medicamenta fuerant permixta, tantus dolor ventriculi ortus est, ut trium hebdomadarum spatio per os,

nihil fere sine immensi loci exulcerati dolore assumere potuerit; & fame pene enecaretur: usus is tragacantho cum aqua flor. anthos misto, ejus fragrantia tenacitate ulcus consolidatum. *Bartholinus cent. vi. histor. 21.*

## OBSERVATIO V.

*Stomachi dolor ab excoriatione Oesophagi prope ventriculi orificium à vermibus inducta, Aquæ chrysulcæ potui imputata.*

**A**nno 1629. Juvenis à vicino 4. Febr. aquam vitæ petens Sole nondum orto, aquam chrysulcam accepit, non expectata candela quam accendebat matrona, petitam aquam ipsi datura: E phiala interim in officina reperta parum, ut dixit, aquæ chrysulcæ gustavit: Allata candela, matrona aliam querendam phialam dicens, hanc enim venenatam, & pro veterinario in equorum ulcera curanda, paratam aquam continere: Dum illa lagenam, aqua vitæ plenam, ex proxima tabernæ culinæ petit, Juvenis multum vomere cœpit, nam eodem die aliquot uncias aquæ vitæ optimæ, à qua jam semiebrius erat, deglutierat, multumque de stomachi dolore conquestus, in ipsa, ubi chrysulcam gustaverat, Pharmacopæi domo lecto se commisit: Vocatus mucilaginem primum seminum psyllii, cum crystalli montani præparati sesqui dragma exhibeo, quæ ardore ventriculi & dolore sopito, vomitivum propino, quo cum ventriculum omnino deplevisset, caponis jusculum cum crystallo & succo limonum recenti sorbendum dedi, unde in somnum lapsus placidum, ad meridiem dormivit: A meridie vocati alii Medici Chirurgique, quorum unus cum illum gonorrhœa laborantem maximæque penis carie pridie tractasset, nobis ejus rei indicium fecit: Tandem morbi sævitia artem superante xvi. die fatis concessit. Amici & æurbipositus villicus matronæ diem dicunt, cædis ipsam accusantes: Ego sequenti scripto ipsam in libertatem asserui.

Domini Judices, Qui sectioni interfuerunt cadaveris hujus dubii, Medici octo, Chirurgi duo supra viginti, omnes consenserunt quatuor qui sequuntur articulos verissimos esse, 1. In Pene magnam fuisse cariem, quæ totum ipsi abstulerit præputium, adeoque maximam glandis ipsius partem, cum plurimo pure ab illa adhuc stillante post mortem: Imo cum Chirurgus reliquias putridi penis leviter contrectaret, pene totum pube tenus avulsit, pavimentoque allisit, cum crassissimi rabi profluvio. 2. Parotidem sub aure sinistra maximam,

ximam,

ximam, quæ totam genam occupabat, summamque puris copiam, & forinsecus per sectam cutem, & intrinsecus in os & oesophagum effundentem. 3. Levem fuisse exterioris tunice oesophagi excoriationem, duobus supra orificium ventriculi digitis, latam & ipsam digitos duos, In ipso denique ventriculo particulas quasdam syderatas apparuisse, quæ primo attribuebantur aspectu porioni aquæ chrysulcæ. 4. Cor Pulmonem, Renes, Hepar, Vesicam, Intestina omnia integerrima omnisque læsionis expertia fuisse.

## S C H O L I A

**C**um Judicium inter sit scire quodnam trium horum pathematum miserum hunc ad mortem præcipitaret (nec enim extra hæc quicquam in suspicionem venire potest) Dico 1°. Aquæ chrysulcæ potæ non adscribendam mortem, quod his rationibus probo 1. Omne agens naturale prius agit in res sibi vicinas quàm in remotas, 7. Phyl. 2. Ergo defunctus si ab aqua læsus est, debuit primum lædi in labiis, lingua, tonsillis, oesophagi intio potius quàm in fine, omnes enim hæ partes & læsionis capaces & viciniore sunt, & aquam integriorem minùque retractis viribus senserunt: Atqui quotquot vivum mortuumque viderunt, in labiis, dictique partibus nullam læsionem observarunt: Imo multi Medicorum bibentem viderunt, comedentem, pharmacæ cibique sine difficultate deglutientem, quod sane si dictæ partes excoriatæ fuissent facere non potuissent: Semper enim sumpsit succum limonum cum emulsionibus, tactum insignite ferientibus, maxime in locis epidermide destitutis; & si in manu vel facie lacerata succum limonum nullus tulerit, quisnam in ore & palato, acutioris longe sensus partibus feret? Notandum facilem illam ingestionem ad ultimam vitæ durasse diem: 2. Omnium saniorum Doctorum unanimis est consensus Aquas fortes, Arsenicum, sublimatum, præpar. &c. aut statim occidere cum convulsionibus & torminibus horrendis, oculorum & oris diris contorsionibus &c. aut si mortis moram trahant, crytallo moniano cum dictis emulsionibus curari posse, maxime si statim à sumptione quis vomuerit, ut docet *Santes Ardoinnus* l. 2. c. 1. usque ad 7. asserens hujus secum opinionis esse *Rhasin*, *Alsharavium*, *Aponensem*, *Gilb. Anglicum* & alios: Idem scribunt *Forestus lib. 15. obs. 13. Ronsens Epist. 9. Matthiolus* aliique: Inde infero *Nicolaum* nullum signum veneno potati in vita habentem, non obiisse potu aquæ fortis, cum statim à sumptione & antidotum sumpserit & copiose vomuerit, venenique vis, si qua fuit, omnino reclusa fuerit, cum ad mortem usque libertine comederit biberitque: 3. *Nicolaus* per os egerit lumbricos vivos ipso primo die cum acutissimis ructibus: Dico ergo, & scio falsuros idem Medicos, id quod syderatum in oesophagi parte ventriculo tam vicina, & ventriculi summa apparebat tunica, non ab aqua forti, quæ superiores partes prius lædere debuisset, sed ab acuta vermium rosione manasse: Lumbrici enim sæpe non tantum excoriant intestina ventriculorumque, sed totum eorum corpus erodunt certoque necant. 4. Naturam gnaram necessitatis oesophagi & ventriculi in alendo corpore, cum sæpe excoriantur deglutitione acicularum, spinis pilicium, frustis vitrorum dentibus comminutorum, quod inter Germanos sæpe vidi, vinum sibi vitrumque simul propinantibus, qui cum totum vitrum dentibus suis molitum deglutissent, non ideo moriebantur, licet gulam, stomachum, ipsaque intestina excoriant, quia natura omnia illa tribus velavit tunicis vel membranis, ita ut duabus primis erosio, atque adeo omnino exesis, sola tertia deglutitioni sufficiat, nec mortem, nisi post multos

annos accersere possit: Ante aliquot annos *Leodii*, cum in convivio multi arsenicum, vice oryza farinæ edulio mixtum edissent, quidam qui minimum ederant biberantque statim sublato sunt; qui ventriculos saburrarant, à vomitu curati, cum multis post annis faris concessissent, invenimus in illorum ventriculis latiores & profundiores erosiones quàm in *Nicolaus*, in quo erant & parvæ & paucæ, & soli superesicii adherentes: Alia ergo in juvene xx. annum agente mortis querenda causa: 5. Nemo negat quin omnes veneno, cujuscunque tandem generis sit, morientes, in corde manifestum mortis indicium habeant; atqui omnes in hoc integerrimum se & sanissimum invenisse dicunt: Hic notandum quod si erosio oesophagi processisset à veneno aquæ fortis, cum vermes ipsum lacerasse constet, cor oesophago proximum veneni vim sustulisset ante alia membra remotiora. Dico ergo cacoehymiam universi corporis, copiamque vermium supra infraque excretam, qui validissimo homini necando sufficiens, juvenem è vivis sustulisse, aut certe, quod magis credo.

*Parotidem*: Hoc docet *Hipp. c. 4. §. 1. 1. Concr.* ubi dicit. *Omnis Parotis pestifera*, Constat inter omnes magnas Parotides (fuit autem hæc omnium maxima quas unquam vidi) semper esse mortiferas: Verum est parotides cuivis ætati accidere posse, maxime in chronicis febribus: cæterum qui parotides venereas, aut à gonorrhæa carieque virulenta pendentes patiuntur, millecuplo plus discriminis adeunt: Ut sciat is parotidem hanc à carie Venerea in visitatione observata pependisse, credite *Alex. Traiano Perronio* l. 2. c. 17. de morbo *Gall.* ubi ait multos quorum cariem Chirurgus aqua forti tetigerat, postridie habuisse tumores maximos in capite & partibus vicinis, quod verissimillimum est, cum in dies videamus eos qui gonorrhæa vel carie correpti sunt, statim pustulis majoribus in fronte tentari, quas vulgus apud nos vocat Rotarium aut Chapelletum, cujus causa est quod cum caput reliquo corpori incumbat instar cucurbitæ, ut loquitur *Hipp.* trahit ad se sordes inferne ad superiora delatas: Consensum genitalium cum capite hoc docet, quod quibus ante pubertatem auferuntur testes, nunquam ii barbam producant: Et si barbaris castratio contingat, barba non amplius crescat, imo ante producti pili sæpe decidui sunt: Si itaque tanta est communio pudendorum & capitis, certum est putredinem, quæ in pene *Nicolai* erat, maximam parotidem hanc immanem excitasse, malignam, virulentam & lethalem: Juvenes quidam in arte Medicæ parum veritati, dicent Tumore venereo extinctum debuisset hepatis læli vestigia quædam ostendere: Iis respondet supra dictus *Perronius*, aliique omnes *Asclepiadæ*, hoc non accidere nisi iis qui diu morbo venereo laborarunt: nam qui recenti premuntur, solæque carie, gonorrhæa, bubonibus atque alopecia instantur, modo bene curentur, integre sanitati restituntur; quod non fieret si Hepar sanguificationis officina vitium contraxisset, quo semel læso nunquā curantur, variisq; crurum brachiorumq; unguitibus



tibus consistantur, unde certiora quam ex ullis ephemeridibus signa mutandæ aëris temperici prælagiunt: Mantissæ loco adde, cum ex consensu Philosophorum, *Quod est causa causa, est etiam causa causæ*, Caries & gonorrhæa virulenta, Si parotidem lethalem ipsi

conceperint, mortem etiam inde sequutam: Parotis enim causa conjuncta, caries & gonorrhæa antecedens fuit: Aqua autem pota, vel potius gustata, nihil nocuit: His moti Judices ream absolverunt. *H. ab Her. Observ. xvi.*

OBSERVATIO V.

*Ventriculi dolor ab ulcere circa ejus superius orificium &c.*

**J**uvenis cum lauto convivio interfuisset, eadem nocte dolore stomachi correptus fuit: ab initio, & quidem per multos dies, non admodum gravis fuit iste dolor, paulatim tamen auctus est, ut de maximo cruciatu oris ventriculi, ventris & artuum conquereretur &c. Post menses 18. obiit.

Aperto cadavere, in infimo ventre omnia ritè se habebant, præter ventriculum, in cuius orificio superiori, & quidem ex parte anteriori, ubi ramus sextæ conjugationis nervorum ventriculo inseritur, ulcus erat magnum ac foetidum, quod in vacuum usque ventriculi penetrabat: Ventriculus præterea humoribus corruptis, foetidis & atrabilaris refertus erat: Externæ partes ob violentiam & diuturnitatem morbi plane extenuatæ erant. *Fabritius Hild. centur. ii. observat. xx.*

SCHOLIA.

**A**rbitrabantur parentes venenum ipsi datum fuisse, sed perperam: verisimilius enim est officulum aliquod acutissimum, rugæ alicui oris ventriculi

inhæsisse: nam si venenum sumptum fuisset, exulceratio potius in ipso fundo quam in ore ventriculi extitisset. *Idem centur. v. observat. 36.*

OBSERVATIO VI.

*Dolor ventriculi parte externa ulcerati.*

**E**xulcerari ventriculum non minus quàm alias corporis partes à ratione haud alienum est: Matrona annos 60. plus minus nata, ex ore spiritum foetentem multis emiserat annis: E naribus graveolens quoque mucus concretus subinde extrahebatur, virens aut omnino varii coloris: Dolor circa ventriculi regionem assiduus, non tamen valde molestus, ut quem lenire poterat sacculus in quem herbarum, semina & aromata quædam ventriculo commoda confuta erant: Mens & sensus ad extremum constiterunt: Longo morbo confecta è vita discessit.

Ventriculus ejus exterius ab omni parte superficie tenuis exulceratus extitit, Et quæ ipsum contingebant universa, non tamen alia, quàm qua ventriculo contigua erant, parte: Cerebri substantia integra, sed copioso admodum humori innatans; qui fomes esse potuit muci, qui sæpe in naribus concreverat. *Dodonaus observat. medic. cap. xxv.*

OBSERVATIO VII.

*Ventriculi dolor ab humore acri eum erodente.*

§. 1. **P**uellus ab immodico uvarum esu trium horarum spatio extinctus: Ventriculus perforatus copiosum ichorem viridem continebat, qui proculdubio erat bilis æruginea, cujus ingens erat acrimonia. *Rhodus cent. ij. Observ. 53.*

§. 2. Optimum est in cardiaca passione assumere cibum aut potum aquarum refrigerantium, cum spiritu chalcanthi, etiam initio accessionis, cum cibis & potibus tunc temporis non ut nutrimentum, sed ut medicamentum, ad biliosi humoris acrimoniam retundendam, propinetur; multoties enim tanquam ab igne corroditur ventriculus, Cardiacam patientibus miserrimis ægris, quod in sectione anatomica perspicuum fuit, præcipueque in juvenene quodam xx. circiter annorum, cui spatio xxiv. horarum mortuo, secto, inventa fuit interna ventriculi tunica absque mucositate, sicut ab igne corrosa. *Dom. Panarolus Pentec. i. obs. xx.*

OBSERVATIO VIII.

*Ventriculi tunica corrosa reperta sunt ab abusu Magisterii perlarum.*

**D**oisselius senior mihi narravit, Episcopum Uratislaviensem magisterium perlarum sæpe porrectum à Paracelsista bibisse, arque demortuo tunicas ventriculi nigras & corruptas apparuisse.

Eodem eventu usam esse Marchionis Johannis conjugem, in qua ventriculi tunicæ plane fuerint erosæ: Raro certe ullum vitrum, in quo asservatur, tam est firmum quin erodat & in cinerem convertat. *Crato in consil. & Epist. à Scholtzio collectis. Epist. 163.*

OBSERV.

## OBSERVATIO IX.

*Ventriculi dolor ab erosa inferiore ventriculi tunica ex usu spiritus vitrioli.*

**A**B immoderato spiritus vitrioli usu ventriculum & viscera erosa fuisse, Ronssæus, si recte meminii, alicubi annotavit: Simile quid ante annos non ita multos, in cadavere foeminae cujusdam observatum esse heri mihi referebatur; quippe frequentiore spiritus vitrioli usu interior ventriculi tunica consumpta fuerat. *Doringius in Epist. Sennerti centur. 1. Epist. 86.*

## OBSERVATIO X.

*Ventriculi dolor ab ejus Erysipelate.*

**D** Rubat Pharmacopæus peritissimus, obiit Genevæ anno 1654. de ventriculi æstu & dolore conquestus: Leipyria aderat febris, æstuantibus internis visceribus, cum extremorum frigore & siti intensa: multi venenum assumptum suspicabantur.

Eo mortuo & dissecto, ventriculi fundum parte interna nigricabat, tanquam ab igne ustulatum, inanis omnino, cum summa tunicarum tenuitate: Parte externa, qua lienem respicit, sine tumore livebat: Lien quoque ob viciniam nigricabat, & pars coli contigua, latere sinistro: unde prægressi Erysipelatis conjectura fuit.

## OBSERVATIO XI.

*Ventriculi dolor ab Apostemate in inferiore ejus ore & duodeno, cum sanguinis copia in capacitate.*

**A** Peruimus uxorem de *Chapelier*: agrotabat per multos jam menses, dolore ingenti circa ventriculi regionem & ventrem, & sæpius febri laborabat. Apostema in orificio inferiori ventriculi & duodeno invenimus: partes circumjacentes induratae erant: In ventriculi capacitate multum sanguinis aderat: folliculus fellis usque adeo turgebat ut vix possem manu amplecti: majorem nunquam vidi. *Ex observationibus Joh. Bauhini.*

## OBSERVATIO XII.

*Dolor circa scrobiculum cordis à ventriculi fundo inflammato, Omento gangrenoso &c.*

**I**N viro 24. annorum, sub finem anni præcedentis à me dissecto, Pericardium aqua limpidissima, saporis nullius, repletum adeo ut instar vesicæ alicujus distentum occurreret: Lien fere totus absumptus, sic ut nisi globuli quidam, variae magnitudinis, exterius nigricantes, intus rubicundi, se exhiberent: Omentum quoque totum nigricantis coloris ac si gangrænosum esset: Ventriculi fundum inflammatum eo loco ubi Omento dicto cohærebat: Continebat hic materiam flavam mucosamque, qualem etiam magna quantitate agonizans vomitu excreverat.

Conquestus fuerat plures per septimanas de dolore summo circa scrobiculum cordis, Vomituque valde molestante: Ulus fuerat, bene alias sanus, dum caleret maxime ex motu excedente, frigido potu, unde altero die delirare incepit, adeo ut ab aliis contineri debuerit: alias porci instar terræ foveis se abscondens, straminéque etiam summe impuro contegens: In inguine natura apertionem fecerat, per quam materia effluerat copiosa ad plures dies: Chirurgus foramen clauserat jam ante aliquot septimanas, unde in ventre aperto saniei fetidissimæ ingens copia collecta, imprimis loco Lieni vicino. *G. Blasius p. 124. Observat. Anatom.*

## OBSERVATIO XIII.

*Ventriculi dolor à Scirrho existente inter binas ejus tunicas.*

**V**Num quod ter observavi in ventriculo me vidisse noto, & est quod anno 1570. vidi in cadavere cujusdam Nobilis viri, scirrhum existentem inter alterutram tunicam, propriam Ventriculi magnitudinem & totam partem infimam ipsius obtinentem, Et chylus in hoc ventriculo per quandam angustam viam pertransibat ad colon intestinum, quod quidem munia ventriculi gerebat: Hic Nobilis vir insigni dolore ventriculi per multos annos afficiebatur: *Hippolitus Boscius de Facultate Anatomica Lect. 2. p. 21.*

§. 2. Vidi postea duos alios homines mortuos, itidem Scirrhis laborasse in ventriculo existentibus intra fundum ventriculi; qui Tumores Scirrhosi videbantur sapere pituitam crassam congestam, atque simul concretam, Et hi à dolore ventriculi vexabantur insigniter, unde mortui sunt. *Idem ibidem.*



## S C H O L I A.

**I**n *alterutra tunica*) Ventrículo tres assignat Tunicas *Willis*, unam communem à diaphragmate ortam, & duas proprias, externam internamque: Vasa sanguifera quamplurima præterea ad eum per-ringere demonstrat, partim ejus summitati, partim fundo ejus inserta: hæc vasa sanguinea intussum

tendentia, & demum in propagines innumeras discerpta, in tunica intima nervosa terminantur, cujus interiori superficiem, præ densitate punctorum, in qua vasa desinunt, rubore inficiunt & quasi cruentant: Per hæc vasa crassus cruor effusus, nec rite circulator, scirrhi generationi occasionem præbuit.

## A P P E N D I X.

*Ventriculi dolor à mola carnea in eo contenta.*

**R**erum novarum aliquid vacat audire, Panarole, quod observationum tuarum volumini intercludere valeas: Juvenis quidam, nomine Bonifacius Vallis coccia à Ceperano, annorum fere 37. complexionis melancholicæ, habitu corporis gracili, pilis nigris & hirsutis scatens, tempore Autumnali anno 1646. cum alias esset conquestus de copiosi sanguinis vomitu ad plures vices emanati, propter hæmorrhoidum retentionem, vexabatur tunc intensissimo ventriculi dolore, qui nec anodynis nec narcoticis sedari poterat medicaminibus; Ad causæ remotionem accitus me contuli vomitorio elleborato exhibito, & post unius heminae attri sanguinis retenti dejectionem, coadjuvante jam arte, Molam carneam, sive carunculam quandam damasceni magnitudine & figura subsequenter à stomacho rejecit.

Erat caro hæc otiosa informis, instar molæ descriptæ à *Galeno* 14. de usu part. habebat nihilominus quasdam rudes delineationes in rotunditate & in figura pruni, cum ejusdem pedicillo: erat duarum unciarum pondere, spongiosa, carnem hepatis colore & consistentia præ se ferens: In superficie erat dura, quemadmodum *Plinius* & *Aristot.* de mola annunt: & hoc nonnisi quia pellicula seu membrana forinsecus circumposita, mediam fere carunculam istam obvallabat; nam quod glutinosum & pingue superaret, assabatur à calido, & membrana seu tunica ita efficiebatur, ut docuit *Hippocr.* lib. de carnibus. *Observatio Antonii Vitagliani Ceperanensis ad Dom. Panarolum, Pentec. v. observat. xi.*

## S C H O L I A.

**C**ausas crederem fluxus hæmorrhoidales retentos & in stomachum regurgitantes, sicut in utero menses ex *Hippocr.* sententia lib. de sterilib. Stomachus enim & uterus ita pari modo alliciunt sanguinem ex *Galeno* lib. de sem. cap. 4. ut consimilia symptomata producere sint apta: Quare opus fuisset hic *Thoma Bartholino Dano*, Viro doctissimo, qui hanc molam & calamo pingere & sermone explicare potuisset in sua Anatomia reformata. *Idem ibidem.*

*Molam*) Affinis est affectus Verruca ventriculi, de qua *Avenzoar* lib. 1. tract. 15. cap. 3. *Thezir*: quam vidit in quodam qui non digerebat cibum, febricitabat febre inordinata, fortiter aliquando invalescente, & aliquando debilitabatur, & habebat solutionem non magnam, & illæ egestionem erant varii coloris, adeo ut non posset cognoscere causam suæ ægriitudinis, Cum

attigisset pulsum ejus, invenit ipsum inordinatum & magnum, unde cognovit quod apostema erat in membro multorum nervorum, & specialiter quia erat ferrinus, & debilitas virtutis patientis obviabat magnitudini ipsius pullus, quæ manifestabant verrucam esse in ipso stomacho, Et quia non erat multæ velocitatis Pullus, signum erat manifestum quod non erat de genere calidorum apostematum, Et cum posuisset manum super fundum stomachi, invenit duriciem ad quantitatem unius pomi, abique sensu doloris, fortiter autem compressa manu, sensit modicum doloris, atque ex iterata compressione fortius dolebat: Quadam autem die cum assellasset, dejecit quiddam rotundum, formam habens pomi cum una radice & solidū, & quoties postea assellabat, egerebat sanguinem in magna quantitate, In nona autem die mortuus est.

## O B S E R V A T I O XIV.

*Cardialgia à vermibus orificium ventriculi mordentibus.*

§. 1. **P**uer sexennis, Filius Domini Piaget, Apparitorum Præfecti, obiit Genevæ anno 1673. 29. Aprilis, morbi die quinta: Ante mensem morbillis, tunc temporis epidemicis defunctus fuerat: Tribus ante decubitum diebus ab insolatione & vehementiori exercitio, puer immorigerus sine febre manifesta incaluit. Cardialgia hinc prehenditur cum puitæ vomitu, & quinque lumbricorum exclusione vivorum, in quibus unus maximus & ruber, superstite tamen oris ventriculi dolore: maxima aderat anxietas & jectigatio, nam vix momento temporis eundem situm in lecto observabat, modo transversim modo oblique decumbens: Unde suspicio relictorum vermium, ostium ventriculi superius lancinantium: Præscripta quidem eos necantia & exturbantia, sed puellus sui juris omnia respuebat, solo aquæ potu toto triduo sustentatus: vix ad interrogata respondens, aliquando de dolore ventris conquestus.

Cadaver

Cadaver dissectioni à parentibus concessum, ac 1°. aperto abdomine, in ventriculo nihil præter duos vermes, repertum, inæqualis magnitudinis: Superiori orificio inusta erat macula ex rubro livescens, unguis minoris digiti magnitudine, orta à punctione majoris lumbrici, qui affixus parti continuæ anxietatis causa fuit: 2°. Intestina tenuia bile undique suffusa, qua de causa lumbrici ad superiora irreperunt, amarorem bilis fugientes: 3°. Reserato pectore; Pulmones, parte sinistra præsertim, lividi, grumos sanguinis atrii, concreti, per substantiam diffusi continentes: Circa dorsum, medio in parenchymate, sanguinis concreti massa, ovum magnitudine æquans continebatur; præcedente casu vel ictu, cum petulcus esset puer: Absuit tamen tussis, levis dyspnœa, nec tamen continua, febris maxima pridie ante obitum: Pulsus toto morbi decursu admodum inæqualis, modo elatus, magnus, modo parvus, intercisus: Ulcus Pulmonis, hinc phthisis, præ foribus erat, nisi cardialgia obitum maturasset.

§. 2. Ante tres annos ego vocatus ad puerum refertum vermibus, undecim annorum, cui pilulas exhibui: mane cum reverterer, erat mortuus.

Curavi aperiri ventriculum: inveni triginta tres vermes, omnes dodrantes, omnes vivos, ori ventriculi adeo tenaciter adherentes ut vix avelli possent. *H. Saxonia Praelectionum Præf. part. 2. cap. 7. §. iv.*

## OBSERVATIO XV.

*Ventriculi dolor à sanguine in eum affuso ob Portæ venæ rupturam, & cavæ partis Hepatis continui solutionem.*

Princeps quidam corpore obeso ætatæque annorum plus minus 54. nephriticis ac ventriculi doloribus diu multumque conflictatus, viribus jam debilitatis nigra dejiciebat, per complures dies, ac tandem, syncope oborta, intra dimidiæ horæ spatium expiravit.

Secundo corpore, ventriculus sanguine concreto semiplenus, Et in cavo jecoris manifesta continui solutio, venæque portæ disruptio est reperta. *Ex Thoma Mercurii observationibus.*

## S C H O L I A.

VT à sanguine ab Hepate in ventriculum effuso concitari potest hujus dolor, sic ab eodem intra illud coercito idem potest contingere: Sanguinis scilicet copia si turgeat hepar, ventriculi fiet compressio, hinc gravissimi doloris successio, præsertim sumpto cibo, ut nec assumptis nec admotis mitigari possit: memorabile ejus rei affert exemplum *Dorynnus* Apologiæ de Arthrit. lib. 3. cap. 1. de quodam Contulle Tricassino, qui ab importuno ventriculi dolore naturæ potius quam artis beneficio evasit: quum enim statim ab epulis eo graviter conflictaretur, ecce nec opinato, magna sanguinis per os rejectio, qua de repente dolor ereptus est: cui ut in posterum occurreret, quoties eo premebatur, toties misto sanguine eo liberabatur: Extat & historia apud *Hipp. 5. Epid. de viro quodam*, qui in vehementissimo dolore ventriculi nullis aliis remediis adjutus est quam phlebotomia.

*Ventriculus sanguine concreto &c.* A sanguine in ventriculo retento & corrupto gravissima citi symptomata ostendit *Zacharius* contul. 46. Exemplo infantis qui febris continua corripitur cum tenuium omnium hebetudine, inquietudine, implacitate, motibus convulsiis, nausea continua, extremorum frigore: causa admodum obscura erat, nisi procatactica innotuisset; duobus scilicet diebus ante primum morbi initium, lecta illi fuerat membrana qua lingua cum partibus subjectis colligatur: At vero hac in operatione cum pronus situs infanti datus non fuisset, multus sanguis in ventriculum influxit, qui finesta illa accidentia inducebat, à quibus liberatus exhibitio oleo amygdalino dulci, sic per vomitum sanguinis concreti purulentique copia educta.

## OBSERVATIO XVI.

*Ventriculi ardor à bile in ejus substantiam effusa, macula lutea se prodente*

Ventriculum à bile flava, ea sede qua vesicula bilis ventriculo substrata illum attingit, tingi macula lata lutea, ad interiora illius quoque penetrante commaculati, aliquoties observavi, Illisque præsertim quibus viventibus perpetui ventriculi ardores molesti erant, hoc accidisse notavi: Idem in sectione generosæ cujusdam invenimus, cujus ardoris ventriculi causam in bilis vesicula admodum bile referta, & ventriculo & duodeno intestino deprehendimus. *Platerus observat. lib. 2. p. 436. & 468.*

## S C H O L I A.

*Vesicula bilis*) Ejus symptomata magis elucet in partibus quæ compatiuntur ut in ventriculo, cum bilis vomitu rejicitur: In toto corpore, cum

bilis in habitum effunditur & iterum parit: vel cum in intestinis decurrit, & diarrhœam aut dysenteriam facit: *Kanun et el lû Kerdû*, ardorem circa ventriculum



cuhum observavit Hippocr. in aphor. quod est periculum ratione bilis effusæ intra membranas ventriculi, vel ratione partium vicinarum æstuantium & inflammatarum, Interdum Cystis fellea vicina tangit tingitque ventriculum, ac si titione ardenti uteretur: *Riolanus Encheir. l. 1. cap. 23.*

Si in ventriculi substantiam delata bilis eam imbuat, diuturnioris ardoris causa erit: Sicuti contingere potest quando ob contractum bilis vesiculæ, ventriculi regio illi incumbens & contigua inficitur, crocæque colore tingitur maculatque, ad interiora illius macula crocea quandoque penetrante; quod sectione in illis sic se habere quibus ardor ventriculi perpetuo fere molestus erat invenimus: Quod & illis potest accidere quibus copiosior in cysti fellis bilis colligitur, eaque diluta magis transsudat & vesiculâ perficit, vicinaque (sicuti sæpe spectavimus) intrus forisque inficit: Eoque citius in illis quibus ventriculus raro vacuus sed semper crapula distentus est: vel qui dum scribendo aliudve agendo, dum corpus inclinant, ventriculum ad bilis vesiculam validius premunt: eamque veluti exprimunt, quo tempore & tunc

maiores sunt ardores: *Platerus prax. l. 2. c. 11.* Ardor ventriculi, seu æstus, à simili proculdubio causa pronatum animadverti in Illust. Dom. de Molondins, Principi Neocomenti in Helvetia: fatigabat illum frequenter talis ardor, quem vocabat *Brûlement d'estomach*, molestus quamdiu chylicatio peragebatur: alimentum totum in spumeam & viscidam pituitam faceflebat, qua excreta, ab ejusmodi molestia liber erat, tum præsertim recidivante cum vel genio indulgeret, vel dubia mensa uteretur; aut lectioni vel scripturæ pertinacius incumberet: Liberationem sperabam à proveciori senectute, quod morbi *ardor*, conmutari, ex Hipp. 6. Epid. sect. 5. in senectute desinant concoctione, solutione rarefactione: Sed accedens febris continua ænymphis omnibus eum exolvit. Etatis beneficio ejusmodi æstus immunitatē ab ventriculi accepit Nobilis Gedeon des Bergeries, Genevensis, qui ad annum xl. ob viscerum fervorem facilis coctionis cibos corrumpebat, toti enim in spumeam humorem & glutinosum abibant: Jam sexagenario proximus saluberrimam vitam degit, cujus juvenus perpetuis querelis obnoxia fuit.

## OBSERVATIO XVII.

*Dolor ventriculi à veneno assumpto eum perforante.*

§. 1. **P**olemarchus à Medico suo venefico poculo inficitur: inexpugnabilis erat dormiendi appetitus: sexto post die mors; de ventriculo querebatur: In eo quibusdam maculis ventriculus erat aspersus: Medici, quibus cadaveris aperiendi cura erat, satis hoc argumenti afferre putabant: Oculatior unus jussit ventriculum ab aliis partibus defecari: prætendit apertum omnium oculis; perforatus minimis foraminibus miraculo quodam apparuit, Et hæc pertusio mortis causa fuerat. *Ballonius Paradigmate 144.*

§. 2. Reverendus N. hora quinta nocturna, cum ante binas cœnasset horas, doloribus ingentibus supra umbilicum torquetur, cum continuo, inani tamen vomendi desiderio: Accersitus qui in proxima camera habitabat, doloribus colicis à flatu infestari illum existimans, petroleo abdomen inunxit, linteisque calidis continuo fovet: Irritus tamen cum videretur labor, dolorisque accrescerent, theriacam etiam exhibet eodem successu frustra: neo; misere sic exagitatus totam noctem consumpsit ad horam dici xv. qua non sine veneni, in acetario capparum assumpti, suspitione moritur: Post mortem corpus univsum, imprimis facies, abdomen & genitalia flatu mirum in modum intumescunt.

Quum cadaver aperiretur, hora post mortem secunda, statim immisso cultello flatus cum strepitu exiit: Hinc ventriculus visus erosus, maximisque foraminibus pertusus, cum adjacente colo, reliquis quoque intestinis variis in locis perforatis: unde factum quod theriacam assumptam, excrementis alvi permixtam, in capacitate abdominis diffluentem viderimus, Et non minus exterior quam interior intestinorum facies, reliquaque abdominis viscera, sordibus essent inquinata. *Thomas Bartholinus cent. ij. histor. xvij.*

## S C H O L I A.

**I**nexpugnabilis dormiendi necessitas) Quamquam constat dari venena veterum inducentia & tandem lethum, ejusmodi tamen non fuisse Polemarcho exhibitum certum est, sed ex erodentium genere & leptomeria præditum, eo sine à venefico temperatum ne citius diffunderet, utque crimen in occulto esset;

cujus exhibitum minor vel nulla potuit esse suspicio, quod ab admixto narcotico, erodendi & vellicandi vis hebetior reddita, dolor manifestus non fuerit, donec extingueretur facultas narcotica, quæ tamen veneni vim lepticam destruere non potuit.

## OBSERVATIO XVIII.

*Ventriculi dolor ab adhaesione Hepatis putridi cum diaphragmate.*

**D**Om. Vigrieron per sex hebdomadas laboravit & de stomacho tantum querebatur: Sentiebat pondus quoddam, nec in latus alterutrum decumbere poterat: Vomebat sæpe.

Aperto cadavere Hepar superiore parte adhaerebat diaphragmati, Et id ipsum Hepar superiore parte putre erat & pulmones fere. *Ballonius Annot. in conf. 43. lib. 1.*

## S C H O L I A.

*Ventriculi dolor à compressione ejus ob cartilaginem xiphoidem induratum, & corrupto Hepate.*

**D** Bordier, qui annos duos pene integros alvinis symptomatis discruciatuſ est, & doloribus ad ventriculi regionem incredibilibus, mortuus est tandem: cum alvus diu ante fluxisset, dolores isti cessaverant, qui declarabant & collectionem tetri humoris & perennem generationem: venenum propinatum esse putabant.

Aperto cadavere, inventum est Hepar plane albicans & semipurie: *cartilago xiphoides induratas* valde & inferiore sui parte eminebat: Unde credibile aliquid contulisse ad istum excitandum dolorem: maxime dolores erant nocturni: nullis remediis allevatus est: Pridie quam moreretur per os excrevit atrabilarium sanguinem: Hic veritas aphor. 23. 4. deprehensa est; Quibus ex morbis acutis aut diuturnis, vel ex vulneribus, sive alio quovis modo extenuatis, atrabilis, sive uti sanguis niger infra exierit, postridie moriuntur. *Ballonius Epidem. lib. ij. p. 242.*

## S C H O L I A.

**C**artilago xiphoides induratas) Eadem frequentius, quam quidam Practici annotant, indebitè incurvatur, ab humoribus adfluentibus plus justo emollita: sicque mucrone ad interiora vergens, ventriculum premit, unde appetitus prostratus, assumptorum vomitus, imo ventriculi continuus dolor, totiusque corporis atrophia: Quod vitium anatomiz periti facillimè tactu deprehendunt, & interjecto paucarum horarum spatio incedunt morbo, quo alias ad annos plurimos homines miserrime divexantur: Ut vitium hoc emendes, solummodo cucurbitula ventrosa ampli oris, exterius curi, cui cartilago subjacet, applicetur, sicque illi affixa relinquatur, usque dum inspiratio impeditur, subito tunc removeatur, & carti-

lago dicta sepius primavice locum naturalem iterum occupabit, quod si non contigerit, repetat Chirurgus operationem semel aut bis, & præmissa illitione olei rosarum & myrtillorum empl. apponat adstringens per aliquot dies loco affecto detinendum. *P. Barbetæ Anat. Pract. lib. 1. cap. 4.* Eo affectu ante novem annos. Dom. P. Mercator Genevensis, gravissime per mensem & ultra affectus fuit, esculenta omnia & potulenta, simul ac ingesta erant, vomitu excludens, circa illum incassum iatagebant duo industrii Medici, accedens Chirurgus nomine Danel, à depressione dictæ cartilaginis malum oboriri censuit, is dextera manu intro vergentem cartilaginem in locum reduxit, hinc omnium symptomatum cessatio.

## OBSERVATIO XX.

*Ventriculi dolor à scirrhototum Pancreas, Mesenterii partem, Pylorum & Jejunum partem occupante.*

**D**ie 25. Januarii 1635. vocatus fui ad aurifabrum, qui à tribus mensibus laborabat dolore circa ventriculum acerbissimo & indefinente, ita ut præ dolore & vigiliis ad summam maciem perductus fuerit: Per dictum tempus à Medico ordinario præscripta fuere XII. aut XV. medicamenta purgantia, eaque blanda, aliæque non pauca remedia interna & externa: Tandem advocatis in consilium tribus aliis Medicis præscribitur vomitorium, quo assumpto nihil vomuit, eoque iterato, ventriculus exoneratus est, & satis copiose vomuit sine ullo doloris levamine: postea iteratur purgans & diæta sudorifica: Biduo post purgationem, ante usum decocti sudorifici, à quodam monitus æger me accersit circa vespèram, & morbi historiam exponit; Ego vero ut ostenderem saltem ad tempus dolorem sedari posse, præscribo pro ea nocte laudani gr. v. quibus dolor protinus cessavit, & tota nocte dormivit, cum tribus illis mensibus longior somnus non fuisset unius horæ: mane se curatum prædicabat: Rediit tamen dolor qui nullis remediis sedari potuit, nisi laudano aliquoties exhibito, idque ad breve tempus, donec æger marasmo confectus interiit.

Aperto cadavere, repertus est ingens scirrhus, totum pancreas & mesenterii partem occupans; tum etiam pylorum ac jejunii intestini principium ambiens: ita ut ductum illum, qui est à ventriculo ad intestina adeo angustaverit ut fere occlusus esset, & ventriculus materia esculenta ac potulenta plenus inventus fuerit: cum igitur alimentum non posset distribui, marcore consumptus est: Scirrhus ille non apparebat tactui, quia sub ventriculo & intestinis latitabat, Dolorem intensum efficiebat, quia pylorum & extremam ventriculi partem pyloro continuam attingebat. *Laz. Riverius centur. 1. Observ. xc.*

## S C H O L I A.

**D**olore acerbissimo & indefinente) Alias observati sunt ventriculi dolores periodici, qui sine febre alternis diebus recurrebant, ait *Th. Bartholinus cent. iii. observ. 50.* Idem notavit in filiola sua, quæ alternis noctibus inquieta, de ventriculo conquerebatur, quem soluta alvus vel lotium mitigabat, nullo calore præsentente. Post febrem in aliis similia ob-

servavit, per vices solitis paroxysmi diebus, solitaque febris hora redeunte & nausea, nullo amplius febrili calore infestante, quos abstergentibus medicinis, jussulis citiatis & acetosis perlanavit. Est quippe in febribus nonnullis ventriculus primario affectus ex observ. *Panaroli Pentec. 1. observ. 20.* *Pentec. 4. observ. 8.* *Riverii cent. 2. observ. 83.* *Helmontii tumul. pestis*



p. 85. Diemerbroeck lib. 4. de peste hist. 15. ut extinguitur non possit redire nisi interposita mora aliqua. Et a quamvis febre, ad se membranofum corpus

## OBSERVATIO XXI.

*Ventriculi dolor ab insertione pori cholidochi in ejus fundum.*

**V**entriculi dolore diu premebatur immaniter Faber lignarius, qui biliosi humoris vomitu mitescebat: hic post quatuor dies iterum recrudescerebat & eodem vomitu levabatur: Malum biennio rediit in orbem, remediis minime succumbens. A flatu esse subortum Medici inculcant, at calidis intus & extra adhibitis exasperatur. Sed cum excretum esset biliosum, & continuo oris pateretur amarorem, quæ omnia ex igneo hepatis calore scaturire omnes norunt, frigidis curatus, nempe venæ sectione, sero lactis, balneo & aliis convalescere non potuit: Ecce inflammatione ventriculi oppressus triduo extinctus est.

Dissecto & aperto corpore, & investigata origine mali impliciti, vas cholidochum ad ventriculi fundum implantatum inventum: Meatus ergo qui regurgitat in intestina bilem, natura sua ad imum ventriculi locum implantabatur, unde miser hic continuo, ob bilis suapte natura acris confluxum, tum dolore tum bilis vomitu conflictabatur. *ZACHARIAS PRÆMIUS admir. lib. ii. observ. 1.*

## S C H O L I A.

**B**iliosi humoris vomitu } Ex Hippocr. & Galeno, Biliosi alii sunt à natura, alii ex eventu: Natura biliosi tales sunt, vel temperamento vel habitu: Temperamento, ab intensa hepatis caliditate: Habitu i. e. conformatione tales dicuntur, quorum ita cōformata est cystis fellea, ut ejus meatus ad ventriculum aut jejunum usque intestinum porrigatur. Tales vocantur ab Hipp. lib. de vict. acut. *πικρὸν αἷμα, ὡς*, bilem vomitu aut dejectione excernentes: historiam ibi affert Galenus Pauli Rhetoris & Eudemii Philosophi: Ille tēperie pituitosius crebris vomitibus torquebatur, cum alvi adstrictione, Huic biliosæ dejectiones, vomitio bilis nulla. Alii Biliosi sunt ex eventu, i. e. ad-

scititio temperamento, qui bilem multam congerunt esu acrimæ & calidorum ciborum, meri potu, laboribus corpus conficiunt, &c.

*Vas cholidochum ad ventriculi fundum* Fallopius in observ. Anatom. negat se unquam vidisse meatum cholidochum ventriculo insertum, quanquam illud non impossibile credat. *Vesalius* lib. 5. cap. 8. de Hum. corp. Fabrica ejusmodi insertionem semel se vidisse ait in remige, cui hic meatus in duas propagines dissectus erat, quarum minor graciliore ventriculi fundo committebatur, qui tamen nullo unquam vomitu, ac ne nausea quidem in maximis procellis tentatus fuit.

## OBSERVATIO XXII.

*Ventriculi dolor à bile atra ex liene in ventriculum transfusa.*

**D** Girard Sexagenarius, Neocomensis Helvetius, immanibus ventriculi doloribus per aliquot annos vexatus fuit, qui *cerebra perforantis speciem referebant*, ut sæpe medellam à me per ventriculi sectionem obnixè petierit. Mitescebant illi exclusione *per vomitum bilis atra*, atramento simillimæ, quem indito in fauces digito ciebat. A Liene manare ejusmodi humorem, qui in ventriculum eum effunderet, indicavi, quanquam de illius dolore aut gravitate nulla unquam fuisset querela, Præscriptis inter alia remedia usum Electuarii Cathol. Nicol. aut Lenitivi, vel Cassiæ frequentem, quo deturbaretur humor genitus, priusquam in ventriculum conflueret aut congereretur. Paruit consilio per duos menses, atque immunis ab afflictione vixit: Tandem negotiorum causa Friburgensem dictionem appulit, atque in via sacrificulum quendam, Magicarum artium suspectum adiit, cujus consilio usus, in reditu lecto se commisit; me advocato veniam deprecatur quod alterius ope usus esset, sed malum adeo violenter recruduit, ut intra triduum devictus occubuerit.

Affines apertionem cadaveris petierunt, quam antequam Chirurgus aggrederebatur, asserui ventriculum omnis labis expertem deprehensum iri, formitem autem mali in Liene latitare, in quo Cancrofa adsit dispositio. Fidem fecit dissectio, Nam ventriculus integer repertus, manipulum nucleorum ceraforum pridie ingestorum continens, Lien autem nigricans & lividus, summa parte truncatus, quasi mordicus amputatus esset. Vir alias hilaris, consortiis & computationibus gaudens; maculis nigris conspurcata illi facies per sanitatem erat. Obiit anno 1660. mense Junio.

## S C H O L I A.

**T**erebri perforantis speciem referebant } Causæ istos dolores efficientes ab excretis præcipue innotebant: Sed & colligitur diagnosi humoris dolorem committentis ex tempore invasionis, incrementi aut cessationis doloris: Quibusdam enim ante cibum dolor exacerbatur, & hoc bilis dominium si-

gnificat, quæ jejunii tempore exagitur & in ventriculum attrahitur, aut magis intenditur & actior evadit. Aliis itatim ab assumpto cibo dolor commovetur, quia humores crudi & mordaces, qui antea quieti erant & ventriculi tunicis infixi, ab assumpto cibo commoventur; vel qui in fundo ventriculi hærebant sursum

sursum attolluntur & orificium ventriculi afficiunt; Aliis dum cibus concoquitur dolor exacerbatur, quia vapores acres & mordaces eleuantur ex materia morbifica, à calore aucto in ventriculo tempore concoctionis: Alii quatuor aut quinque horis a pastu, quia ex coctione depravata cibi corrumpuntur, & corrupti ventriculum vellicant. Quibusdam denique post somnum dolor exacerbatur, & ille fit à catarrho, fluente humore à cerebro per somnum, qui majori copia cumulat, dolorem in vigilia producit. Sedatur vero interdum dolor à cibo, quia ciborum benignitate humoris acrimonia demulcet. *Riverius de cat. lib. ix. cap. x.* Dolor qui sub quartam pomeridiam non repetit, indicat mesatri venas obstructas, & si semper quandam melancholia hypochondriacæ comitatur. Hinc annotavit *Fernellius* cap. de ventriculi symptomatis, sæpe jecoris, lienis & mesenterii vitia sympathia, integre sani ventriculi concoctionem perturbare: Ergo dum chylus aliqua ratione mitificatus rapitur à venis mesenterii, pars tenior à

calido jecore refugitur: cum crassiori parte phlegma illud mixtum subiens angusta viarum, & elaborationem vix recipiens, dolores excitat. *Ballonius cons. 26. lib. 1.*

*Vomitum bilis atra, &c.* ) An fuit Morbus Niger, de quo *Hipp. 2. de Morbis*, textu 162. quem sic describit, Nigrum vomit velut fæces, quandoque cruentum, quandoque velut vinum secundarium, &c. Et postquam vomuit, paululum melius se habere putat, & neque sine cibo esse, neque ampliore cibum ferre potest, verum ubi sine cibo manet, viscera sugunt & salivæ acidæ sunt: cum vero cibum accepit, gravitas in viceribus est, & pectus ac dorsum velut stilis pungi videtur, & dolor tenet latera, & febris debilis est, & caput dolet, & oculis non videt, & crura gravantur, & color niger est, & consumitur, *Hælemus Hipp.* Revera quadam ex iis adfuerunt, punctorius præsertim dorsi & pectoris dolor; jejuniæ intolerantia, oculorum caligo, vultus discoloratio, crebris ecchymomatibus, lentium magnitudine, scedatus, &c.

## OBSERVATIO XXIII.

*Ventriculi dolor ab atro succo in ejus fundo, qui velut contusus repertus est.*

**Q**uidam Germanus xviii. annorum usus antea beria, in Galliam venit, ubi crapulæ indulgens cœpit vertigine laborare, remove quæ sumebat, Dolere ad ventriculum; adhibito remedio cessavit vomitus & vertigo, melius habuit, sed post quartum aut quintum diem rediit malum, languit levi febricula, invasit leve delirium, unde facile redibat ad se, pulsus languidus: xiv. sudor multus, perturbatio, pulsus concidens, xv. in eo sudore mortuus.

Aperto inventum Epiploon putrefactum, hepar siccius, ventriculus inferior ad finem quasi contusus, nigro succo ex dimidio plenus. *Hollerius Libello observ. propriarum observ. 21.*

## SCHOLIA.

**N**igro succo ) Qui à Liene non deducendus cum Medicis antiquis, ostendit enim autopsia in sectis quibus vivorum animalium nihil à liene ad ventriculum, sed continue sanguinem à ventriculo ad ramum splenicum defluere, quippe ligatura vasis venoso brevi injecta, mox apparet intumescencia inter ventriculum & ligaturam, Detumescencia vero inter ligaturam & ramum splenicum, quod certum indicium est sanguinem à ventriculi nutritione residuum versus hepar deferri, eumque vix unquam pervenire ad lienem (ingressus enim vasis venosi in ramum spleni-

cum plerumque nonnihil distat à liene) neque ingredi lienem, sed in ramum splenicum effundi, per eumque recta ad portam deferri. *Diemerbræch Anat. l. 1. c. 6.*

*Ad finem quasi contusus* ) I unicam ventriculi intimam, live nerveam Willisio dictam, tunica villosa investit, quæ si post stomachi immersionem in aqua ferventi separaretur, dicta tunica, ob densissimas vasorum terminationes, quodam quasi reticulo sanguineo oblecta videretur. Eadem si ab acri aliquo succo absumatur, ramificationes dictæ vasorum manifestæ fiunt, imo reteratis oculis effusio cruoris contingit.

## OBSERVATIO XXIV.

*Ventriculi ardor ob humorem viridem in eo inclusum, & in fellis vesicula.*

**M**ulier in tertianam incidit, hinc in colicam, post paralytica facta conquerebatur de ventriculi ardore. Reperi Jecur magnum, obstructum: Vesicam bilis bile crassa ac nigra turgidam: ventriculum humore plenum viridi atque extensum. *Vide lib. 1. tit. de Paralyssi.*

## OBSERVATIO XXV.

*Ardore circa os Stomachi laborantis Venterculus maculis rubris confusus repertus est.*

**P**olonus, qui ex vulnere capitis mortuus est, ardorem maximum circa regionem oris ventriculi perpeffus est.

Secundo corpore inventæ sunt in superficie exteriori oris ventriculi maculæ rubræ, ac si morsus formicarum essent. *Solenander consil. 16. sect. 5.*

## SCHOLIA.

**A** vulnere capitis sæpe subsequi inflammationem & abscessum Jecoris videbitur lib. 4. tit. de vulneribus, ubi causæ adducuntur. Hic nūc solitaria

causæ præcesserit quæ ventriculo ejusmodi stigmata inuflerit, in consortium membranarum cerebri cum ventriculo referenda erit.



## OBSERVATIO XXVI.

*Ventriculi dolor inductus à vitiosis humoribus ejus cavitatem occupantibus.*

§. 1. **N**Ob. Vir. post haustum in convivio mustum, pondus in stomachi sensit fundo: Illius ventriculus à flatibus admodum erat distentus, in cujus fundo atramento similis materia continebatur. *Vide lib. 1. tit. de melancholia.*

§. 2. Juvenis mulier conquerebatur de ventriculi ardore, siti: Illius vesica fellis bile crassa ac nigraturgida erat. Ventriculus humore plenus viridi & extensus. *Vide lib. 1. tit. de Paralyfi.*

§. 3. Ferdinandus Imperator Ardorem in stomacho sentiebat. Ventriculus, etsi pridie morbi, sex biliosi & melancholici humoris libras rejecerat, ejus tamen duas adhuc continebat: Cholidochi ramus ventriculo inferebatur. *Vide tit. de Vomitu.*

§. 4. Joh. le Mire (*vide lib. 2. tit. de Lateris dolore*) conquerebatur de dolore fixo ac pungente ad nothas costas, qui die sequenti ad orificium ventriculi pertinebat. Abscessus erat pulmonis ad notas costas descendens, E quo cum pus decurreret, attingeretque orificium ventriculi, dolor in eo sentiebatur ac si in cavitate foret.

§. 5. Sartor Ventriculi dolore laborabat, maxime à sumpto cibo. Hepatis majoris lobi dextri forte sexta pars in ipso erat ventriculo. In hoc materia nigerrima ad mensuram unam. *Vide tit. de vomitu.*

## OBSERVATIO XXVII.

*Ventriculi dolor à variis ventriculi affectibus productus.*

§. 1. **J**acobus N. dolebat superius orificium ventriculi, Ubi sensum quandam ponderis habebat: Jecur & Lienem putuisse credebant; quæ sine vitio reperta sunt; at ventriculus erat corruptus, in tota sua natura putris. *Vide tit. de vomitu.*

§. 2. Matronæ dolor erat circa ventriculi regionem assiduus, non tamen valde molestus, ut quem lenire poterat sacculus ex aromaticis conflatus: ventriculus exterius ab omni parte superficie tenuis exulceratus extitit. *Vide lib. 1. tit. de oris affectibus.*

§. 3. Domicella toto novennio ingesto potu torquebatur cum ventris cruciatibus: Stomachus tam longus & latus erat ut totum abdomen impleret. *Vide tit. de ventris dolore.*

§. 4. Quidam cum quid ederet biberetve, ponderis sensationem habebat in ventriculo: fundus & pylorus syderati erant, gibbus livebat, totus erat putris. *Vide tit. de ventris dolore.*

§. 5. Camillus N. de dolore circa fundum ventriculi conquerebatur. Ima ejus regio, juxta os infernum, tunicam habuit exterioriorem exesam. *Vide tit. de vomitu.*

## OBSERVATIO XXVIII.

*Ventriculi dolor à materia nigra, lutulenta inclusa.*

**D** Masse aurifaber Castrensis multos annos cum facie valde macilenta transiegit: vox ejus rauca, dolor circa stomachi regionem, tussis frequens & febris lenta aderant, tandem anno circiter 50. obiit.

Vidi cadaveris dissectionem, & observavi in ventriculo materiam nigram lutulentam, sanguinis nigri corrupti colorem æmulantem, copiose cumulatam, Quæ certe causa & morbi & symptomatum ejus fuerat; Erat enim abscessus in ventriculo: Abscessuum autem materiz, nunc mel, nunc lutum, nunc ova, nunc alia innumera referunt: Sic quidam ab hydrocele mortuus scrotum quasi sepo plenum: Et alius in femoris ulcere quasi caseum habuerunt. *P. Borellus cent. 1. observ. liv.*

## S C H O L I A.

**O**rificium ventriculi apostematibus & exulcerationibus obnoxium esse testatur *Cacilius Folinus* apud *Th. Bartholinum* cent. 1. Epist. 62. Carnolas, ait, & glandulosas partes quam maxime apostematibus atque exulcerationibus esse subjectas nemo sanæ mentis negabit. Ideo nec mirum si pluries orificia ventriculi similibus teneantur morbis, quibus ita miserum agri cruciantur, ut tandem post diurnos & nocturnos dolores sapissime vitam cum morte commutent.

## OBSERVATIO XXIX.

§. 1. *Ventriculi dolor à lapidibus in cavitate ejus contentis.*

**N**onnulla congelantur in ventriculo & lapidis formam induunt: & duo meo tempore excisi sunt quorum ventriculis inerat lapis, ovi ferme gallinæ magnitudine, quorum alterum

alterum vidi, defunctum tamen, ac cum divideretur: Hi ambo intolerabilibus ventriculi doloribus mortem obierant: *Cardanus contrad. 9. lib. 2. tract. 5.*

§. 2. Cæsari Tabernæ, cum diu cruciatus ventriculi doloribus dissectus fuisset, post mortem inventus lapis in ventriculo ovi magnitudine. *Idem lib. 2. de subtilitate.*

§. 3. Vidua Tanneri semper conquesta est de dolore stomachi, & multa tentata, sed frustra, tandem obiit:

Secundo cadavere, inventi in ventriculo novem lapides, crassissimæ pituitæ immersos; æquantur pondus  $\text{z}iv. \text{s}$ . ut Chirurgus mihi dixit: Cum ego viderem, habebant pondus  $\text{z}ijj.$  &  $\text{z}ij$ . Maximus habebat figuram trigonam, reliqui erant rotundi, accedentes ad figuram ovalem. *Ex observ. Joh. Hefsi.*

§. 4. Marcus Albertus Cretenfis, 50. annos natus, olim miles strenuus, tandem ad summam pauperiem adactus, incidit in crudelissimum ventriculi dolorem, ita ut nullo modo comedere, nec tantillum alimenti admittere potuerit, nam ubi aliquid alimenti in ventriculo habebat, quietem nullam habere poterat, sed magnis comprehensionibus perinde erat affectus, ac si suffocari vellent, ita ut solo vini potu per biennium fere integrum sustentatus fuerit, incredibiles sustinens dolores.

Eo defuncto cadaver aperui, ventriculum valde parvum, rugosum, extrinsecus plicis refertum atque veluti contractum dissectui, in quo lapidem instar ovi reperi, non rotundum, aliquomodo asperum, durissimum tamen & cinerei coloris, ponderis  $\text{z}iv$ . *Ex observ. Georgii Garnerii.*

§. 5. Vocatus ut præessem apertioni Anatomicae mulieris, ad explorandam incognitam diuturni morbi & mortis causam: Conquerebatur illa, annor. 40. de continuo ventriculi dolore, tumore, nausea, inappetentia: Fuit à nonnullis pro Tympanitica curata, Alii existimantes ipsam gravidam, à medicamentis omnino abstinuerunt:

Aperto abdomine & ventriculo, in fundo ejusdem lapilli sunt inventi, nullo coherentes vinculo, sed granorum pomi granati instar sese mutuo amplectentes, tam copiosi ut binas volæ manus implerent: horum aliquot asservavi, sed temporis successu facti sunt friabiles, & tandem in salem luteum resoluti: Hinc facile erat colligere ex bile conereta, Tartareum quid æmulante, ortos esse calculos, si quidem bilem in vesicula, tanquam proprio receptaculo, in calculos concretam esse sæpius compertum est. *Haserius Herculis med. lib. 3. cap. 1.*

§. 6. Habeo ex certa relatione viri fide digni, quod in tractu quodam Poloniæ noverit virum quendam nonagenarium, in pago habitantem, qui affirmabat se à 30. vitæ anno usque ad senam ætatem, singulis diebus, horis matutinis, haultum aquæ frigida scaturientis ebibisse, nullaque notabili ægritudine ab illo tempore unquam fuisse infestatum, certoque sibi persuasisse potum istius aquæ ipsius tum sanitatis, tum vitæ longævitatæ causam haud minimam extitisse, donec tandem paucis ante mortem diebus acerbum dolorem circa ventriculi regionem percepisset; In ejus post obitum dissecti fundo calculus, nucis avellanæ magnitudinis repertus est, reliquis visceribus omnibus optime constitutis. *Simon Schulzius in miscellan. curiosis anni 1673. observ. 86.*

## S C H O L I A.

**L**aur. Schulzius, cum Patavii degeret, audit ab Excell. Conasco mancipium in tritimi per vomitum ejectione lapidem magnum, durissimum, oblongum, Et ob id ab omnibus, quibus antea cruciabatur, stomachi doloribus fuisse liberatum.

## O B S E R V A T I O XXX.

*Ventriculi dolor à siccitate aut tumore ejus membranarum.*

§. 1. **D**um ventriculi substantia adeo est arcta à siccitate aut Tumore membranarum, non potest satis dilatari ad suscipiendos cibos, ideoque ab assumpto cibo, licet pauco, dolitat: *Riolanus Encheir. l. 2. c. 23.*

§. 2. Quod scirrhusi tumores fiant in ventriculo, nos vidimus indistinctis, ut Florentiæ in muliere e domo Puccina. *Leonardus Tacchinus In 9. Rhafis cap. 46. part. 2.*

## S C H O L I A.

**V**entriculus secundum suas tunicas, sive internam sive externam, pati potest tumores p. n. ex supervacua materiæ affluxu: Si sanguis sit, oritur phlegmone, Ex aliis humoribus alii Tumores fieri possunt: Cur ergo auctores solius phlegmones meminere? & sub ea erysipelas comprehendere? Schir-

rosos tumores vidimus in dissectis: alii raro accidunt, quia in membranas duras non facile confluere potest crassus & viscidus humor, præsertim in internas, nam aliquando in externa consistere datur & sine dolore: *Idem.*

*Tacchinus.*

Vuu

O B S E R V.



## OBSERVATIO XXXI.

*Ventriculi dolor à materia cruda inclufa cum lapide accreto, Hepatis duritie.*

**I**lli Domina obnoxia fuit Lienis uterique obftructionibus, una cum continuis ventriculi doloribus: Ventriculus erat ficcitate contractus, magnitudine ovi anserini, plenus materia cruda, quasi ovi putridi: Interius accreverat lapis durus, grifeus, crassus pollicem: Hepar magnum, durum, densum. *Vide lib. 4. tit. de Febris.*

## OBSERVATIO XXXII.

*Dolor circa Cartilaginem xiphoidem, à calculis in ventriculo & vesica fellea.*

**R**eligiosus septem vel circiter annos per intervalla miris modis conflictatur cum morbis &c. præter cæteros vero sæpius de dolore circa regionem cartilaginis ensiformis conquerebatur:

Hic tandem naturæ debitum solvens post mortem apertus fuit, ubi pectore aperto, Pulmones maculis nigris lividisque hinc inde dispersis, instar spermatis ranarum offendimus, quibus dissectis, sanguis spumofus & foetidus emanavit: Cor parvum atque flaccidum, ut & hepar, sine omni tamen læsione, sese ostenderant: Postmodum, ubi ad ventriculum deveni, scil. ad illum ipsum locum, de quo tam grandes, ac si telum ipsi inflictum fuisset, fuderat querelas, ex quo dissecto plus quam triginta calculos, nunc majores, nunc minores, fundo ac substantiæ ventriculi pertinacissime adhærentes extraxi: In Hepate & in Renibus vesiculas nonnullas aqua plenas offendimus, quibus disruptis aqua profluxit fusca, foveam post se relinquens, causticam dixisses. *Joh. Bilgerus apud Gr. Horstium Tom. I. p. m. 142.*

## OBSERVATIO XXXIII.

*À Calculis in vesica fellea contentis.*

**N** Adolescens in Italiam studiorum causa proficiscitur, Indeque domum reversus queri sensim de stomachi & hypochondrii dextri torsionibus, necnon de nauseæ molestia cœpit: Erat enim *ἀρεστός* & alvo semper adstrictiore; quæ symptomata somno ipsum privabant, unde & membrorum corporis lassitudinem, & mœrorem & melancholicas affectiones, tabem quoque sequi necesse fuit: quibus malis miser tantisper infestabatur, donec & dolore & mœstitia leniter emarcesceret: multa remedia frustra adhibita, quod ægritudinis rationem recte videret nemo: Multi *φάρμακα* hausisse arbitrabantur: Tandem multitudine malorum fractus anno æt. 29. obiit.

Corpus defuncti sectum, membris intus salvis atque integris, corde saltem modice tabido fuit: ubi vero fellis vesica aperta, intus 22. calculi, quasi sublutei, magnitudine dispareres reperti fuere, quorum minimi pisces minutis, maximi modicis fabis responderent: Omnes quinque, septem, octo aut plurium etiam angulorum. *Keutmannus lib. de Calculis.*

## OBSERVATIO XXXIV.

*Ventriculi dolor ob Hepar illi adnatum, & materiam nigram in illo contentum.*

**S**artor ventriculi dolore laborabat, maxime à sumpto cibo: Hepatis majoris lobi dextri, forte sexta pars, in ipso erat ventriculo, ita ut superior & exterior ventriculi pars Hepati esset extrinsecus adnata. In ipso autem ventriculo continebatur ad mensuram unam materia nigerrima, pultis instar. *Vide tit. de vomitu.*

## OBSERVATIO XXXV.

*Stomachi dolor ob massam pilularum in ventriculo relictam.*

**E**quit Torquato de imbecillitate stomachi conquerenti, & quod tenebricosum quid oculis objiceretur, homini scil. occupato publicis muniis, consuluerunt ut quotidie pilulam ex aloë ante pastum deglutiret: A dolore stomachi interiit.

Ferunt repertam in alvo integram massam pilularum, nam & frequentiam medicamenti natura elusit, & forte cum pilulam caperet genio indulgit, ut medicamentum impotens fuerit. *Ballonius Paradigmate 110.*

## S C H O L I A.

**V**alent. Andreas Mollenbroccius in miscell. curiosis anni 1671. observat. 92. refert quendam Erfurtensem civem, Pilulas aure annum sumptas, auto adhuc obductas vomitu rejecisse: Forte

Fortè ob debilius ventriculi fermentum quod eas dissolvere non potuit: Alias Eruditissimus *Waleus* in sua man. p. 51. ut Pilulæ dissolvantur cibum subie-

moniacum, ob lentorem, cuius ratione aliquando adherent nec possunt repelli: Qua de causa clysteribus indi vetat *Rondeletius*, narrans historiam Gubernatoris Monspeliensis, qui obiit ab injecto clystere quem illæ ingrediebantur.

## OBSERVATIO XXXVI.

*Ventriculi dolor à lacertis & serpentibus quibus hospitantibus.*

**A**Nno 1551 pervenit ad nos historia Viennæ impressa huiusmodi: Hac æstate circa diem D. Margaritæ, in Hungaria prope pagum Ziciam, juxta Theysam fluvium, accidit ut in multorum hominum corporibus serpentes & lacertæ naturalibus similes nascerentur; Unde sævissimi dolores oborti tandem eos enecarunt, ita ut circiter tria hominum millia periisse ferantur: Quibusdam humi ad solem jacentibus serpentes & lacertæ per os aliquatenus emerferunt, sed mox se iterum abdiderunt in ventrem: Nobili cuidam puellæ diris cruciatibus mortuæ, cum venter incidereetur, serpentes duo prodierunt. *Gesnerus histor. animal. lib. 2. cap. de Lacertis.*

## OBSERVATIO XXXVII.

*Ventriculi dolor à zinziberis libra una in ventriculo restitane.*

**P**Rinceps quidam Ecclesiasticus, cum aquam quandam, in sua ditioe scaturientem, cui plurimum in variis affectibus sanandis vulgus tribuebat, diu bibisset, atque ventriculum sic refrigerando, imbecillitatem inde contraxisset, ut eam emendaret zinziber conditum sæpe assatim comedit.

Sed invalescente morbo, cum moreretur, atque corpus illius aperiretur, in ventriculo ejus zinziberis libram unam invenerunt medici, qui hoc mihi narrarunt. *Platerus observ. lib. 2. p. m. 435.*

## S C H O L I A.

**A**Lias z. z. eodem teste, imbecillitatem ventriculi emendavit, præscribente Erasmo, in quodam, qui ea laborans, post triennem quartanam, singulis ma-

tutinis, per 30. annos, duas radices magnas z. z. leviter masticatas deglutivit.

## OBSERVATIO XXXVIII.

*Ventriculi dolor à vesiculis pediculis plenis illi affixis.*

**B**Rugelius Professor Lovaniensis in humano secto cadavere, postquam aperuisset ventriculum, vesiculas ei affixas deprehendit pediculorum plenas. *J. Heurnius de morbu capitis cap. 7.*

## OBSERVATIO XXXIX.

*Ventriculi dolor & pondus à lapide in jejuno intestino contento.*

**O**Rificio stomachi, ut dentibus bolare tartarum, rubricæ fabrilis simile adhæret, à quo tartaro ventriculi concoquens vis perditur, atque stomachus male apertus concoquit, foetensque dolet; adeo ut tartarum sæpissime in stomacho coaguletur, ceu in anatomia lapides repertos vidi, à quibus stomacho insolentes morbi à *dyspepsia* scilicet & dolore, una cum vomitu & *lienteria* accidunt; ex quibus frigida putredini, ardenti, quotidianæ febris, alvique obstructioni causa præbetur: Tale egomet ipse in Fabro aliquo ferrario, longo qui tempore juxta Rhenum laboraverat, ægrotante comperi: Is enim lapidis molaris instar in stomacho suo jacere eundemque premere, querebatur, cui multiplicia consilia medicorum, ac supervacaneorum medicamentorum receptio nihil profuerant, multo minus *genninas suas sedes habere* potuit:

Eundem tandem defunctum, morbi causam comperiendi sciendique cupidine, Chirurgum dissecare jussi, ac in Intestino Jejuno magnum candescentem lapidem reperi, qui intestinum juxta orificium stomachi totum obstruxerat, ut nihil permeare potuerit, qui lapis in hodiernum usque diem præsens mihi reservatur, Eumque quem miser ægrotus in corpore ac stomacho habuit, Medicorum nemo scivit, nedum intellexit, quare tanto minus curare ii potuerunt. *Schneiderus l. 3. de catarrhis c. 7. ex Johanne Henen.*

## S C H O L I A.

**C**alculorum ventriculi & intestinorum multi meminerunt: *Aljmerus* narrat apud Seren. Po-

meraniæ Principem lapidem aservari magnitudine ovi gallinacei magni, superficie glabri, colore bezo-

Vuu z

articum



articulum æmulante, à muliere rejectum, in cuius intestino concreverat: D. Desgrand-Près apud Riverrum, novit virum Nob. qui quoties alvum exonerat, calculos inæquales, fastigiatos, cineritios, cum excrementis dejecit jam à plurimis annis: Vincenzius Alfarius Crucius observavit exeuntem ex ano lapidem, qui ob duritiem in excundo scaphium fregit: Lapidescit materia illa in intestinis, quemadmodum in abscessibus, ex Galeno lib. 13. meth. & 2. ad Glauco. Aut sicut in articulis, ex ejusdem Galeni sententia, quia est crassa & terrea, ex 4. de simpl. medic. Facult. Cumque requiratur ista crassities ad hoc ut generetur lapis, ex lib. de Renum affect. ob siccitatem & frigiditatem constans, ita simul requiritur mucus ut coalescat in unum, quemadmodum

in lapide vesicæ videmus: Si arridet opinio, suscipe, secus, & meo judicio, verius sentit D. D. Bartholinus: Mulier septuagenaria tres per secessum excrevit mole avellanæ calculos, quales observantur in vesica biliaria, leviores, forma triangulari: Observante D. Christ. Tinctorio Med. Professore, qui recte suspicatur per ductum cholidochum ad intestina venisse facta erolione: nam mulier multum conquesta fuit de dextri lateris dolore protenso ad intestina: Erosionis vero id indicium habet, quod cum calculis excreverit materiam cruentam & purulentam: quanquam & sola ductus cholidochi dilatatione, quod alias vidi, protrudi possint. *Schneiderus ib. ubi plura.*

## OBSERVATIO XL.

*Circa Ventriculi regionem dolor pertimax, à ferreis instrumentis in eo contentis.*

**N**oricus quidam D. Montano retulit, ægrum quendam intolerabiles dolores circa ventriculi regionem ad mortem usque passum esse: postquam vero diem suum obiit, ac corpus apertum fuit, omnis generis instrumenta in ipsa ventriculi capacitate reperta fuisse: *Ex observ. Laur. Scholtzii.*

## S C H O L I A.

**P**ræstigia Dæmonum hæc sapere haud dubium est, nec enim qua via ventriculum subierint demonstratur: Similia per os excludi, quæ tamen in ventriculo non præextiterint, opinio est, Cacodæmonis arte imponi spectatoribus, ut credant talia revera ventris recondita fuisse: *Ab Heers* tamen

observat. Medicat. 8. refert puellam, aciculam ore rejecisse, ligulas, quas ante exclusionem apprehensis manu faucibus, tactu in ascensu deprehenderit, vi creptas, quanquam arctissime cohibere conatus fuerit.

## OBSERVATIO XLI.

*Ventriculi æstus & dolor à nimio usu spiritus vini, post obitum flammæ specie erumpenti.*

§. 1. **F**lammam in ventriculo ex nimio spiritus vini haustu excitari, nec à ratione nec experientia alienum: Lugduni ad confluentem Araris & Rhodani, quum mulieris cujusdam cadaver, causam mortis investigaturi medici referassent, ingens ex ventriculo prorupit flamma universum ventriculi ambitum occupans, mox tamen extincta. Ad *Ren. Moræum* Scholæ Parisiensis decus scripta fuit hæc hystoria: Causa flammæ credebatur spiritus vini largius à muliere ista sorptus: vel calidior Theriacæ aqua, quam Medicis suadentibus ægra sumpserat.

§. 2. Polonum Equitemsumptis duobus ardentis vini cyathis flammam evomuisse, exindeque combustum Adolphus Vorstius mihi narravit. Similem casum Senatui Academico Hafniensi propositum meminimus. *Th. Bartholinus hist. 70. centur. 1.*

## OBSERVATIO XLII.

*Ventriculi dolor à pure ex apostemate Pleuræ in eum illabente, ejusque tunicas & intestinorum corrumpente.*

**E**mpyematici cadaver dissecai qui lateris apertionem recusavit: Pus ab apostemate in pleura & musculis intercostalibus excitato, intusque disrupto emanans, loci affecti & pulmonis contrigui partem sphacelo affecerat, indeque diaphragma corrodens, & foramine in dextro ejus latere facto, in viscera imi ventris descenderat, ibidemque toto ductu ventriculi & intestinorum tunicæ exteriores, in quas materia purulenta deciderat, corrosæ & discolores apparebant, Huic ventriculi molestia continua & crebra subversio adfuit. *Willis Pharm. rat. p. 2. sect. 1. cap. 9.*

## OBSERVATIO XLIII.

*Cardialgia à bile è cysti &c. transmissa; 1. 2. A ventriculi substantia excessa. 3. Ulcere in orificio ventriculi. 4. Vomica in Hepate. 5.*

§. 1. **N**obilis mulier febre putrida & hæctica prehensa fuit cum Cardialgia: Vesicula fellis bile instar picis splendens plena erat: Lien sanguine nigro oblitus: Vasa mesaraica

mesaraica atro sanguine turgabant, venæ inde ad ventriculum missæ varicosæ. *Vide l. 4. tit. de Febribus.*

§. 2. In ventriculo netricis biliosa quædam erat superfluitas, quæ orificium acrimonia vellicaverat, unde querelæ de rosione cordis. *Vide tit. de Partu difficili.*

§. 3. Quædam continuo Cardialgio, cum vomitu vexata, fuit: Substantia ventriculi circa medium exesa inventa est ad latitudinem majoris lili, cum signis gangrænz. *Vide tit. de ventris dolore.*

§. 4. Juvenis ( *de quo tit. de cap. dolore* ) cum convivio interfuisset, eadem nocte dolore stomachi correptus fuit, quem sequutus maximus cruciatus oris ventriculi &c. In ventriculi orificio superiori, ulcus erat magnum ac fœtidum, in vacuum usque ventriculi penetrans, ubi ramus 6. conjugationis inseritur &c.

§. 5. Cuidam aderat febris, dyspnœa, vomitus biliosus cum Cardialgia: Vomica aderat in hepate cum maxima puris coacervatione. *Vide lib. 2. tit. de Lateris dolore.*

## OBSERVATIO XLIV.

*Pulsatio circa ventriculum, ab aneurismate celiacæ arteriæ.*

**A** Nnæ N. cum febre Pulsatio vehemens supra ventriculum acciderat: Cœliaca arteria sese obtulit ita dilatata ut compressum pugnum admitteret. *Vide l. 4. tit. de Febr.*

## OBSERVATIO XLV.

*Cardialgia ob acumen cordis maximi, à cibo sumpto os ventriculi comprimentis.*

**I** Lustr. Colonellus annorum 54. temperamenti sanguinei, hydrope ascite detentus, cum gravissimo oris ventriculi dolore paulo ab assumpto cibo, & respirandi difficultate: post curam 14. mensium morbo victus naturæ debitum persolvit: Latuere in abdomine 16. mensura citrinæ aquæ, in thorace quatuor: causa fuit hepar durum atque scirrhum: Doloris vero ventriculi à cibo, per annum perdurantis, origo fuit acumen cordis, quod à cibo sumpto comprimebat os ventriculi, unaque impedito diaphragmatis motu, difficultas anhelitus ingruerat: Cor namque bovino majus fuit, totam thoracis capacitatem replens, atque extenuatos flaccidosque compressione reddens Pulmones: Num cor à nativitate magnum nactus fuerit, an vero in morbo excreverit, dignam otiosis relinquo speculationem, siquidem ante morbum nec dolore, nec difficultate anhelitus, nec deliquiis fuit laceffitus, In sinistro cordis ventriculo inventi sunt duo Polypi duri, carnosissimi atque lati, ad quorum motum versus arteriam magnam sequebatur pulsus interceptio, graviaque cordis symptomata. *Antonius de Poëxis observ. 31. miscell. cur. anni 4.*

## OBSERVATIO XLVI.

*Stomachi oppressio producta ab hydrope pectoris.*

**V** Idua N. hydrope pulmonis laborabat, quo interiit: Cum dyspnœa de oppressione stomachi conquerebatur, Sed id tantum per consensum fiebat, omnes membranæ putruerant. *Vide lib. 2. tit. de Dyspnœa.*

## OBSERVATIO XLVII.

*Epigastrii dolor, Rugitus ob Intestini Duodeni laxitatem & amplitudinem præternaturalem.*

**V** Eslingius refert, & Anatomicæ sectiones quotidianæ docent, intestinum Duodenum nonnunquam laxitate & amplitudine insigni præditum reperiri, atque tunc majori ventriculo quasi minorem adjunctum videri, quæ Laxitas ipsi contingit à succis fermentaceis acrioribus & vitiosis in illud delabentibus, hincque validis inductis fermentaceis effervescentiis, à quibus non solummodo ipsum valde distenditur, verum etiam molesti rugitus, magni dolores, lancinationes, summæque anxietates in viventibus oriuntur: *De Diemerbræk Anatom. lib. 1. cap. 7.*

## OBSERVATIO XLVIII.

*Ventriculi dolor ab humoribus acris & flatibus in eo contentis, pro verme habitis, Pyloro exulcerato, connexionione cum Hepate &c.*

**V** Ir dealbator, sexagenario major, macer & pallidus, à 40. annis circa hypochondrium dextrum varios sensit dolores, passus quoque vomitus, singultus, ructus: non potuit solidos assumere cibos, sed jusculis saltem contentus fuit: aromata aciora, ut &

Vuu 3

dulcia



dulcia omnia valde lædebant eum, acida vero, modo grata, modo molesta erant: Vario-  
rum hominum imploravit opem, & primo quidem, ut solent plebei, agyrtarum, circum-  
forancorum &c. tandem etiam Medicorum: A plerisque præter purgantia valida nihil  
accipiebat, hinc malum in dies magis magisque ingravescebat, Inprimis conquerebatur  
de verme vivo in ventriculo hospitante, & per intervalla per œsophagum unguibus uncis  
& cauda mobili sursum reptante, cum summa cordis anxietate, sæpe superveniente leipo-  
thymia: dicebat tamen se posse ascensum vermis interdum impedire, si scilicet manibus pe-  
ctus comprimeret: tunc enim decideret iterum in ventriculum: imprimebat sibi vermem  
istum sub idea Lacertæ bicipitis, cum corpore ovali & cauda tortuosa, ejusque figuram tri-  
bus ante mortem diebus in charta rudi carbone delineabat, petens simul atque obsecrans  
ut corpus in commodum aliorum post mortem aperiretur. Die 12. April. 1671. ultimum  
obiit diem:

Altero die me confero, invenio ibi non cadaver sed sceleton: aperto abdomine & tho-  
race, primo invenio Hepar aspectu quidem sanum, sed concava sui parte cum ventriculo  
in regione pylori, ad latitudinem duorum digitorum arctissime connexum atque concre-  
tum, quod non potui à ventriculo separate quin ejus læsa fuisset substantia: factò itaque in  
ventriculo foramine, cum strepitu & sibilo fœtidissimi prorumpabant flatus: Porro inje-  
ctis tam supra ventriculi sinistrum, quam infra dextrum orificium ligaturis, totum excin-  
do, & facta in ejus dorso, seu parte superna à pyloro ad sinistrum orificium transversa se-  
ctione, nihil in ejus cavitate vivi invenio, sed saltem liquamen subcruentum & summe fœ-  
tidum: Præterea ille durior circulus, quibusdam *sphindeler pylori dictus*, totus erat exulcera-  
tus, & variis excrescentiis atris, lividis, glandulosis, & maxime fœtidis obsessus, quæ om-  
nem præcluserant exitum alimentis à ventriculo ad intestina: vix enim tenuis stylus pene-  
trabat ad duodenum: Vesicula fells solito erat major, turgebatque bile: Pancreas erat  
siccum & duriusculum: Intestina omnia inflata & linania, imprimis tamen illa condupli-  
catio intestini coli, lienem intra & renem sinistrum, maximopere flatibus erant distenta, ut  
& intestinum cœcum ad pugni magnitudinem: Lien nigricabat, ejusque vasa erant vari-  
cosa; Pulmones quoties acie cultelli vulnerabantur, fundebant *liquorem lacti simillimum*,  
succedente paulò post sanguine satis rubicundo: Omnis aberat exulceratio: Pericardium  
aqua copiosa satis distentum: In renibus & vesica nihil observavi. Quæritur: Quidnam  
sub idea Lacertæ fefellerit ægrum? Nos conjicimus flatus fuisse. *L. Augustinus Herman-  
nus Med. Erfurtensis in Miscellan. Curiosis anni 1671. observ. 173.*

## S C H O L I A.

**S** *sphindeler pylori exulceratus*] Diaphragma præ-  
terlapi nervi à sexta conjugatione, tam sinister  
quam dexter, inseruntur in os ventriculi sinistrum:  
Sed hoc non contenti spatio, se conferunt etiam ad  
orificium dextrum, pylorum dictum, idemque non  
minori artificio, reticulato coronant plexu: Hinc  
pylori etiam dolores acuti crebri, ab acris corruptis-  
que vel cibus, vel excrementis exorti, molestias

ingentes pariunt, quæ tamen communis vi consue-  
tudinis sinistro solent adscribi orificio: facit orifi-  
ciorum vicinias ut unius pro alterius haberi queant  
affectus: Dolorum similitudo, ut hi mentiri queant  
illos: Nervorum utrobique æqualis multitudo ori-  
ficiorum ipsorum *conjunctas*, parem dignitatem.

*Roskinkius Dissertationum Anatom.  
lib. 4. cap. 38.*

## OBSERVATIO XLVIII.

*Ventriculi dolentis anatome qui perforatus repertus est.*

**A** Nno 1654. in aperto ad exenterationem pro sepultura cadavere Dom. Land Com-  
mendatoris ab Elckershausen &c. quamprimum intestina, illis & omnibus visceribus  
adhuc omnino integris, & à cultro sectorio intactis, sunt detecta & denudata, illorum su-  
perficiei externæ, cum liquidiori quadam amurca innatabant, & se in conspectum dabant  
pelliculæ crebriores, quasi exultæ, prunorum coctorum, quæ pridie sub noctem comederat  
moribundus: id quod mihi non immerito ansam penitus indagandi, undenam putamina  
hæc hic conspici possent, ventriculo & intestinis adhuc solidis & illatis, Et en rimanti,  
magnitudine nucis avellanæ, & cui facile pollicis extremum intrudi poterat, fœtidissima  
scatens amurca, foramen ipsius ventriculi, in sede elatiori, sub sterni ipso, nimirum eo loco  
ubi memini hunc Dominum, cætera omnino adhuc bene valentem, semper conqueri me  
audivisse, de continuo, non quidem adeo magno, sed tamen satis molesto aliquo dolore,  
à bene multis retro annis se affligente. *D. Georgius Abrahamus Merolin Med. Noribergensis in  
Miscellaneis curiosis anni 1671. observ. 229.*

## S C H O L I A.

**A** Regentibus naturalis nonnullis quod impossi-  
bile esset hominem cum foramine in ventricu-

lo vivere potuisse: necnon me cavillantibus qui hoc  
allere non erubescerem, respondi hoc ipsum illud  
esse

esse unde præter cætera obicit æger, nec opus esse credere illum cum hoc foramine diu supervixisse, Sed simul ulcus istud seu apostema; forsan longo tempore ibi, cum tot annorum molestia hærens, & à dicta amurca tum demum erosum, in foramen hoc dehisceret, simul ægrum exspirasse: Quam opinio-

nem postmodum etiam confirmavit *Helmoni*, dum in illius *Ignoto hospite morb.* forte fortuna evoluta, inter alia hujus argumenti plura scriptum inveni, *Partium internarum mortificationem obitu diem non multis passibus anticipare.*  
*Idem ibidem.*

## OBSERVATIO XLIX.

*Ventriculi dolor compressibus à Pancreate scirrroso, cum Renis sinistro omnimoda purulentia.*

**O**Rnatissimam matronam, Claramundam Serimentiam, uxorem Viri Rever. & Clariss. Dom. Petri Mussardi, Pastoris Ecclesiæ Reformatæ Lugdunensis Gallorum, per plures annos vehementes ventris & lumborum dolores reciproci male habuerunt sinistro latere: 11. Maji anni 1670. *Ædes D. Romano* sacras lintre vecta dum peteret, ingenti Ventriculi dolore subito correpta fuit, quem ingens consequuta est nausea & insignis per os humorum saburræ exclusio, molesta tum in reditu, tum postquam domum redux facta est: huic succedere illico febris, ciborum fastidium, anxietas, pertinaces vigilie, sine dolorum levamine, non eadem vehementia urgentium: 23. die, præmissis aliquot enematibus, portionibus lenientibus & mediocri sanguinis emissionem, discessit febris resurgentibus utcumque postratis viribus, adeo ut die 27. in publicum prodierit amicam intimam invisura; Ea autem ipsa die sub vesperam denuo adoriuntur ventriculi dolores, vomitusque iterum acriter urgent: hinc exhibendi postridie cathartici omissa sententia, cujus vicem supplavit injectus clyster, exiguo subsequente levamine: 28. Maji sopita, sed vehementior resurgit febris, cum doloris circa regionem ventriculi duplo incremento, siti inexhausta, anxietudine, tussicula sicca ac creberrimis animi defectionibus: quæ symptomatum congeries ad novam, horis matutinis, sanguinis educationem impulit, qui ad uncias circiter, octo magno impetu erupit: Vacuationem hanc solatium, sed fugax & momentaneum excepit: nam circa horam tertiam vespertinam ejusdem dici, regionis epigastricæ dolor subito & magna vehementia erumpit, accedente dyspnœa, hinc stertore, aponia, & ad quartam vespertinam, morte, irritis omnibus remediis, accurata licet sedulitate exhibitis & adhibitis:

Repentinum illud nec expectatum fatum, ad causæ explorationem per cadaveris apertionem nos impulit, quæ postridie peracta est à *Mag. Massonneau* Chirurgo Lugdunensi peritissimo, coram Clarissimis Dom. D. *Carolo Sponio*, Facultatis Vice-Decano & *Bernardino Inradellio*, ac *Mag. Iacobo Regnaud* sagacissimo Pharmacopœo: Dissectio autem statim exhibuit Epiploon integrum, probe constitutum, maximæ amplitudinis, intestina omnia obvolvens, ad os usque pubis protensum, ventriculi fundo, secundum coli intestini longitudinem, firmiter connexum: Jecur bene constitutum, quanquam ad pallorem vergeret: Ventriculus exhaustus erat & inanis, nec non cystis choledochos: Splen integer decentis magnitudinis & formæ: Pancreas autem molem naturalem multo superabat, durum & undique scirrhum: Ren dexter, qui naturæ lege sinistro inferior esse debuerat, superiorem obtinuit sedem, labis tamen omnino expers, intus & foris: Sinister autem in colliquantum abierat, parenchymate plane destitutus, superstiribus solum aliquot fragmentis, acinis malorum granatorum similibus; Vesica urinaria omnino vacua, puris tamen aliquid circa orificium aspersi habens: adeo autem erat contracta, & uteri corpori adnata, ut ab invicem divellere vix licuerit: Salvi erant pulmones undique, à quavis cum partibus vicinis connexione liberi: Capiti pepercimus: Atque hæc maxime notatu digna in ea anatomia nobis conspicua fuisse.

Hinc colligere licet duos affectus complicatos ægram exercuisse, Priorem quidem, præternaturalem illam Pancreatis constitutionem; Posteriores, absolutam propriæ renis sinistri substantiæ destructionem & corruptionem; qui conjuncti cæteris symptomatis originem præbuerunt: Porro, etsi Renis illius functio omnino abolita esset, mictio tamen naturaliter processit, quod alter officio fungeretur, alterius vicem supplens: Ultimam vero morbi catastrophem quod attinet, adscribenda illa videtur tetris & cadaveris indolem sapientibus vaporibus, ad superiora elatis, partes nobiles infestantibus, subsidio Pancreatis solito præterea destitutis: Vapores, inquam, è rene putrido & corrupto manantes, calorem nativum omnino pessunderunt ac extinxerunt; vimque nectari vivifico partium, quarum dominatu regitur natura, intulerunt; *Dabam Lugduni pridie calendas Junii anno 1670. Car. Sponius Vice-Decanus Facultatis Medicæ Lugdunensis.*



**V** *Omnium, aposthia, anxietas &c.* ] Ventriculi affecti symptomata, Reni sinistro consentientis: *Renes inquit Moëbius Fundam. Med. Physiol. p. 358.* laborantes in consensum trahunt ventriculum, vomitum, nauseam, anoræxiam & aposthiam excitantes: Consensus autem Ventriculi cum renibus beneficio nervorum accidit: Renes enim utrinque à sexti paris ramo stomachico, qui partim in membranam eorum propriam disseminantur, partim cavum subeunt ac substantiam perreptant nervos accipiunt.

*Ventriculi dolores* ] A duplici causa excitati; eo scilicet in angustias coacto & compresso à scirrholi Pancreatis mole, illius fundo posteriore parte substrati: unde facilis *diapnoë*; concurrentibus maleficis vaporibus è rene suscitatis, junctisque operis illi vim inferentibus.

*Febre insensu* ] Cui ansam dedit phlegmone obfessus Ren sinister, hinc abscessus & suppuratum successit.

*Sinister colliquatus omnino* ] Abscessus & ulcera in renibus non tantum sunt in parte externa sed & interna, sæpius enim, ait *Riolanus*, intra membranam adiposam colligitur materia quæ generat abscessum, tanquam steatomata in ipso adipe creata, quæ comprimunt Renes: Ex intemperie autem calida nascitur inflammatio, inde abscessus, tandem ulcus partis substantiam depascens.

*Circa orificium vesicæ nonnihil puris* ] De conditione urinatum hic silentium, quæ proculdubio sub exitum fuere purulenta, quandoquidem puris aliquid circa ostium vesicæ hæsit: Abscessus enim partem renis internam obtrinebat, adeo ut aliorum delectere non potuerit: Si partem anteriorem habuisset inter duas peritonæi tunicas, Renes concludentes, effusum fuisset.

*Incolantes fuere Pulmones* ] Hinc collige dyspnœam prægressam Pulmonum affectui imputandam non esse, sed Renibus ut supra dictum, vel tumido pancreati.

*Renis facti defectum supplens* ] *Beverovicium*, cumque sequutus *Loesselius*, tradunt uno Rene obstructo alterum quoque ferriari, nullamque expurgari urinam: Consentit *Riolanus*, aitque hoc heu propter fraternitatem & confortium ex affluxu malignæ auræ ab uno ad alterum transcurrentis, vel refluxu sanie: Hoc quidem interdum evenire solet, sed non semper, ut ex præsentis casu apparet: Quando enim alter Ren, vel grandiore calculo obstructus, vel ex ulcere plane consumptus est, nihilominus urina per alterum profluit: Simile videmus in aliis partibus geminis, ut in oculis, læso enim uno, alter nihilominus videt: Sic & altero Pulmonum lobo corrupto alter respirationem adhuc promover: Per consensum tamen facile alter ab altero læditur.

*Inopportuni Vigilii* ] Vigilæ febris & doloris indivulsi tere comites sunt; sed & eas, Pancreate affecto, citra alterius cuiusdam partis affectum, per semestrum pertinaces fuisse constat exemplo, lib. 1. Tit. de Vigilii allato.

*Ingentes dolores modo ventris modo Lumborum* ]

Unde constituitur Colica Nephritica dicta: Renes lumbis contigui sunt & adherentes per suam membranosam adiposam; quare iis laborantibus hi coarctantur: Dolore autem differuntur Renes, & quidem interdum tam vehementi, ut exitaliter hominem torqueant, vel (ut habet *Forestus*) mala habitudinis causa, aut ictu, vel lapsu, vel vulnere, aut incluso spiritu, aut innato calculo, vel arenis aggregatis, aut abscessu, ut in casu præsentis: *Galenus* addit ex superfluentibus quandoque fieri humoribus, oppilando, sive calidis, sive frigidis: Quia vero Ren similiter colo nonnihil adheret, hinc fit ut dolores nephritici ex flatuum & excrementorum copia in colo restagnante exacerbentur, & vel colon per consensum simul doleat, vel dolor colicus non semper accurate à dolore nephritico distingui queat.

*Accedente dyspnœa* ] Ab affectu renum calculo laborantium ortam dyspnœam annotatum est lib. 2. Tit. de Respiratione læta: Quæ & assignari potest compresso diaphragmati à pancreate tumidiore & indurato.

*Epiploon maxima amplitudinis* ] In nonnullis ad umbilicum desinit, in aliis sepe ad umbilicum protenditur, & aliquando usque ad os pubis ubi inieritur: Et quando intercedit fundum vesicæ & uteri, os uteri comprimere & mulieribus sterilitas asseri putatur: *Clar. Bartholin. Anat. Reform. lib. 1. cap. 8.* Scilicet in iis quæ supra modum habitæ sunt & quibus omentum pinguedine infarctum: *Clar. autem Matronæ* huc utique quidem demissum sed absque superfluo adipe; ut ori uteri nulla injuria allata sit; prolem enim habuit:

*Pancreas durum &c.* ] *Fr. Sylvius de le Boë Practic. lib. 1. c. 5. 4. & 5.* existimat vel raro vel nunquam in universum deficere Succum Pancreatici motum per suos ductus ad tenue intestinum, quod eveniet cumtaxat, (si eveniat) ex Ductu maximo, mediique obstructione à pituita glutinosissima circa ipsius orificium hærente, ibidemque coagulata & impacta: quæ vix permanebit aliquandiu ibidem, quin à succo perpetuo accedente mox iterum solvatur, aut in præsens vitæ periculum conjiciatur ager: Cui annon inde mors inexpectata superveniat subinde, quis prudens negabit, aut observatione accurata in mortuorum cadavere, hocque Ductu in antecessum facta temere asseverabit? Men iam certe visum mihi aliquando glutinosam copiosamque in hoc ductu hærentem adherentemque pituitam, nec facile inde cedentem ac removendam: *Hætenus Sylvius.* Quæ optime huc quadrant: Durities enim illa Pancreatis per totum parenchyma scirrholi, pertinacia & magnitudini obstructionis ab ejusmodi pituita ascribenda.

*Splen integer, Pancreas durum* ] Pancreas Lienæ affecto; *Highmore* iudice, vix aut nunquam integrum evadit, plerumque enim simul obstruuntur vel scirrholo afficiuntur: *Riolanus Antropog. l. 2. c. 16.* Ideo Pancreas, quum morbis lienis similes affectus incurrat, Lienem vicarium appellat: An Lienis affectus in Pancreas committant, non vicissim?

## OBSERVATIO L.

*Ventriculi dolor ab hujus connexionione, antè cum epigastrio; postè cum pancreate, Repleto eodem materia nigra, Intestinorum à flatibus distensione & inflammatione &c.*

**I**N vetulæ demortuæ corpore considerabilia fuere sequentia 1. Omentum undique non solum ossi pubis adhærebat, sed & llium, adeo ut non nisi violentia separari potuerit, putridum

putridum omnino. 2. ventriculus antèrius firmiter corpore crasso, albo durioreque intercedente, adhærebat epigastrio, ad palmæ spatium: posterius Pancreati, adeo quidem ut nullibi separari sine dissectione potuerit: 3. Idem plurimum continebat materiæ nigre sanguineæ, liquidæ concretæve, similiter ac intestinum ipsum: 4. Intestina omnia statu summe distenta, valde rubicunda, & ex inflammatione gangrenata. *Gerardus Blasius obs. medic. 2. parte 4.*

## OBSERVATIO LI.

*Ventriculi dolor genitus à variis Hepatis, Cystis felleæ, Pancreatis &c. affectibus.*

§. 1. **C** Artharina N. subinde dolores circa ventriculi regionem patiebatur, cum duritie & pondere dextri lateris: Hepar solito grandius maximam partem ventriculi premebat. *Vide tit. de Hypochond. dolore.*

§. 2. Matronæ Jecur erat mole admodum magnum ac ponderosum, qua stomachum cooperiit & depressit ad dolorem, & ut cibi multum ferre non posset. *Vide tit. de ventris tumore.*

§. 3. Vir Nob. dolore hypochondrii dextri diu afflictus fuit, cum ventriculi ac diaphragmatis compressionem, Hepar magnum erat, cum multis abscessibus, infarctum: Pancreas ingentis molis: *Vide lib. 2. tit. de Dyspnæa.*

§. 4. In cadavere puellæ Ictericæ vesica fellea, ejusque meatus in duodenum, bona mesenterii pars fuit plane ossea: hinc recedente in ventriculum bile, assumpto cibo dolor vehemens, materiæ commotione cruciabar. *Rhodus cent. 3. obs. 3.*

§. 5. Vir quidam quotidianæ vomitioni biliosæ obnoxius, hac repente suppressa, ventriculi vehemens dolor prehendit, Post obitum deprehensa est bilis sincera, eaque prassina circumjecoris cava, libræ pondo, membranæ coercita. *Vide lib. 1. tit. de Paralyysi.*

## S C H O L I A.

**V**entriculi vehemens dolor &c.] De ventriculi dolore à coercita circa hepar bile commemorabilis est locus apud Hippocratem 4. de morbis v. 7. *Postquam comedit & bibit homo aliquid amari, quodque biliosum ac leve est, copiosior etiam sit bilis in hepate, & statim doli hepar, quod pueri cor vocant:* Non pueros modo, sed etiam Medicos nostri temporis, ait *Martianus*, nomine inlignes in hoc eodem deceptos novi, qui hepatis dolores ex bile provenientes, quales sunt de quibus hic tractatur, tanquam ad ventriculum spectantes, calidis curare usque ad ægri interitum non desistunt: Erroris autem occasionem præbet situs, qui (quoniam hepar secundum lobum superiorem ventriculo su-

perpositum est) utriusque visceris unus & idem est, ita ut partis affectæ cognitio ex loci inspectione haberi non possit: Probabile tamen est dolores ad ventriculi regionem sub costis affligentes, si in anteriori tantum parte consistunt, ad hepar potius quam ad ventriculum pertinere, quandoquidem dolores ventriculi, modo anteriores partes, modo posteriores, modo latera utrinque, & aliquando cinguli instat prædictas omnes partes infestare solent, Idque sæpius in praxi ipsemet observavi: Et ratio est, quia ventriculi capacitas late ad partes præfatas se extendit, ita ut humores in ea contenti, modo has modo illas partes invadant. *Vide historiam Dom. de Bontgeon, Sæcl. 8. hujus libri observat. 37.*

§. 6. *Illustr. Thuanus* (vide histor. Tit. de ventris doloribus) conquerebatur de dolore colico cum sensu ponderis ad regionem stomachi, dum staret erectus vel ambularet; hypochondria vero ei nec tumeant, nec dolebant, etiam duriter attrectata vel percussa:

Aperto cadavere deprehensum Jecur induratum, rotundum instar sphæræ, factum & transfixum gypsea pituita sebum referente: Pancreas vero amplitudine sua & pondere ipsum Hepar æquabat, totum scirrhusum, multis globulis specie ovi columbini differtum, &c. *Riolanus Anthopogr. lib. 2. cap. 16.*

## S C H O L I A.

**H**ypochondria nec tumeant nec dolebant] Cum Pancreas à ventriculo tegatur, Tumores illius difficillime tactu deprehendi possunt, Et hæc causa est cur eorum mentio à Præcicis nulla fiat: Et qui eos observarunt, post obitum tantum & dissectis cadaveribus deprehenderunt; Non exigua tamen eorum conjectura haberi potest ex iis quæ in *Illustr. Thuanus* annotata, Si nempe ponderis & gravitatis sensus in regione ventriculi percipiatur, & nullus tumor nullaue durities in hypochondriis appareant; alia tamen obstructionum latentium indicia adsint, qualia in Hepatis, Lienis, ac Mesenterii ob-

structionibus proponuntur: Quibus etiam signis addi possunt dolor & alia symptomata ventriculi propter viciniam patientis; respiratio difficilis ob diaphragmatis compressionem: Quibus signis alias conjecimus *D. Andeyerium*, in Senar. Gratiopolitano Præsidem, scirrhum habere in Pancreate, eumque etiam tactu deprehendere potuimus, manu ad latera ventriculi versus medium adacta, cum esset valde macilentus, & duritiem in ea parte animadvertimus quæ digitis compressa dolorem ipsi non mediocrem inferebat. *Riverius Præcos l. 13. c. 14. Vide histor. dicti D. Andeyerii cent. 3. obs. 81.*



## ANATOMIÆ PRACTICÆ

## LIBRI TERTII

## SECTIO VIII.

## DE VOMITU ET NAVSEA.

## OBSERVATIO I.

*Vomitus & nausea frequens excitatur cum serofus humor, aut abscessus, aut bilis constans suffusio Tunicam ventriculi extimam laceffit.*



**S**I serofus humor, aut abscessus, aut bilis constans suffusio in partibus vicinis aut contiguis accidat, in quantum hæc Tunica (extima, quæ prorsus nervea est) propterea multum ac crebro irritatur, in stomacho nausea fere continua; Inappetentia & frequens Vomitus excitatur, prout in pluribus post obitum dissectis observavi. *Willis Pharmac. Ration. cap. I.*

## S C H O L I A.

**I**N quantum hæc Tunica &c.] Ventriculus tribus constat Tunicis, una comuni à diaphragmate orta, & duabus propriis, externa internaque: Hæc interior tota nervosa est, interiorum ventriculi cavitatem constituens: Fibre ejus potissimum ad sensationem, & forsan quadantenus etiam ad motum faciunt: At etiam contractiones spontaneas ei prorsus denegemus, attamen satis manifeste liquet eam frequenter distendi, inflari, intumescere, inque majorem capacitatem ampliari: Proxima Tunica, quæ & propria, & per totum carnosa, libris omnino carnis constat, tantum motibus, iisque solum contractivis obeundis inservire videtur: Reverta totum ventriculi corpus membrana sive panniculo carnoso hoc, qui ipsum diversimode pro variis, quæ occurrunt, usibus & officiis contrahat & componat, integritur: Quandoquidem enim stomachus circa chylosificationis opus, & medicamentorum operationes in varios gestus alterari & modificari debet, id propter hæc tunica multiplices fibrarum morticium ordines, nunquam satis admirandos continet: Hujus fibræ ab uno orificio ad alterum excurrentes, stomachi fundum ac latera in tota eorum longitudine circundant, & juxta varium protensionis ambitum, breviores aut longiores, necnon magis rectæ vel obliquæ existunt: Porro in quibusdam locis, vid. prope orificia, & circa stomachi fundum & fines, multo crassiores sunt quam in medio, revera ut ibidem quadantenus carneæ & motrices videantur: Membranæ hujus fibræ nerveæ (pariter ac in plerisque musculis observare licet) fibras carneas immediate substratas ad rectos angulos secant, utpote quas non tantum obtegere, sed viere ac intra ordines suos singulariter, ne dissiliant, continere debent: Itaque hæc Tunica separata & amota, subtrus ad rectos angulos jacet fibrarum carnearum series, quæ ventriculi fundum & latera quoad profunditatem cingentes in plano superiori, quod orificiorum interitium est, inque ipsis orificiis terminantur: Proculdubio harum munus est, dum contrahuntur, ventriculi fundum & latera sursum ducere, & proinde

cavitatem ejus plurimum arctare, adeo ut contenta superius lata, per hoc aut illud orificium eliminari possint: ut vero istius motus exteriorius versus hoc vel illud orificium determinate fiat, & materies stomacho inclusa, per vomitum aut secessum amandanda foras conveyatur, altera fibrarum serie opus est, quæ respectu priorum transversæ, stomachi extremitatum unam, scil. lævam vel dextram, versus alteram ducant: adeo ut dum utriusque generis fibræ coagunt, stomachus, quoad omnes dimensiones suas contractus, & sursum latus, contenta sua per orificium, ad quod pro data occasione inclinatur, ejiciat: Tunica Nervea penitus ablata, carneæ, sive mediæ superficies interior fibrosa in conspectum venit, in qua fibrarum carnearum ramificationis ordo notabilis est, quæ pone os ventriculi oriri, & sinistram ejus oram cingere vise, antrosum versus stomachi regionem dextram feruntur: Harum manipulus insignis in ventriculi jugo sive summitate utrinque lineis rectis procedens, Pylori antrum ingreditur, ejusque cavitatis longitudinem spatium obducens, in ipso orificio terminatur: reliquæ autem hujus ordinis fibræ, utrinque per stomachi latera oblique, & prorsum versus fundum ejus tendunt, ibidemque conveniunt: Priorum munus videtur orificium alterutrum versus alterum pro egestionem per inferiora, & superiora respective faciendâ adducere; nam eadem fibræ, juxta quod ipsimus ab hoc vel illo ipsarum sine incipit, ad dextram vel lævam trahunt, prout in Tractatu de motu musculorum ostendimus: Si quando contractio juxta Pylorum incipit, dum illic ventriculi fundus & latera per fibras alias, tum interiores tum exteriores colliguntur, etiam os ejus per has rectas versus Pylorum inclinatur, propterea & stomachi contenta quæque ad intestina transmittantur: Sin vero contractio ab alteris fibrarum istarum finibus, juxta os ventriculi inchoetur, dum illuc fundus, & latera ejus, per fibras alias contrahuntur, etiam Pylorus pro vomitu acciendâ versus ipsum simul adducitur: Quod ad reliquas hujus ordinis fibras obliquas spectat,

peccat, dum spafmo à dextris ipsarum finibus incipiente, deorsum illæ & oblique contrahuntur, motu suo ventriculi cameram sinistram, versus fundum & pylorum pro cibis, dum coquantur, strictius comprimendis, atque illuc devolvendis inclinant: E contrario item, spafmo à finibus sinistris inchoato, illæ sursum & oblique contractæ, ventriculi fundum & cameram dextram versus os ejus pro vomitu excitando corripui faciunt: Iuxta utrasque harum contractiones, fibræ carneæ exteriores, Tunicae mediæ superficiem convexam constituentes, in actione conspirant, adeoque ventriculi cavitatem plus coarctant, & pro evacuatione superne vel inferne molienda aptius componunt: Quapropter secundum quod irritatione hic aut illic facta, contractio juxta Pylorum vel os ventriculi incipit, tota ventriculi capacitas simul collecta, sursum lata, atque huc vel illuc inclinata, egestionem supernam vel infernam molitur: Utraque hujus tunicae superficies, in iisque distinctas fibrarum motricium series, vide in Tabulis: Motuum contractivorum quos hæc ventriculi Tunica Carnosa peragit, species singulas recensere hujus loci non est: Interim annotamus motuum, quos ea obire solet, instinctus live impulsus diversimode communicari, videl. imprimis ac potissime à tunica nervea substrata, quæ prout à ventriculi contentis varie afficitur, mox illam, retentionis aut expulsiõis gratia, in hujus aut illius-

modi contractiones ciet: Cæterum Nervi huic tunicae carneæ inserti, ei varios motuum instinctus, ab *ἐνσπλά* partibus vicinis aut remotis, supernis aut infernis deferunt: hinc à phantasia, appetitu, imo à plerisque, sive animæ sive quarumlibet corporis partium, affectibus, ventriculus sæpe perturbatur & diversimode commovetur.

3. Tunica Ventriculi externa, ei cum Oesophago communis, cujusmodi substantiæ ac texturæ fuerit modo innuimus, Quoad ad usum spectat, hæc totius ventriculi integumentum existens, Tunicae substratæ fibras carneas investit, easque fibris tenuis viat, ac velut viminibus simul colligat: Membranae hujus fibræ in quibusdam locis crassiores sunt, ut quando ventriculus supra modum saginatur, plurimum distendi possint: Hæc parum motui, sentioni tamen quadantenus inservire videntur, quamquam & hujus perexiguus tantum usus fuerit, utpote quia nihil exterius objectum, aut ore assumptum huic occurrere potest: Quod si terosus humor &c. (vide Textum) Tunicae hujus usus præcipuus est, quod totius ventriculi integumentum existens, membranae substratæ carneas fibras investit, vasorum ramificationes sustentat, quinimo ad ventriculi robur ejusque calorem conservandum inservit: Porro non improbabile est in quibusdam locis hujus fibras nerveas, respectu fibrarum carnearum subjacentium, loco tendinum esse. *Idem ibidem.*

## OBSERVATIO II.

*Vomitus ab ulcerato superiore ore ventriculi.*

§. 1. **J**uvenis cum convivio interfuisset, eadem nocte dolore stomachi correptus fuit, cum vomitu omnium ingestorum: In ventriculi orificio superiore ulcus erat magnum: Ventriculus humoribus corruptis, foetidis & atrabilariis refertus erat: *Vide lib. 1. tit. de cap. dolore.*

§. 2. Juvenis sorbens jusculum, dolore ventriculi fuit affectus, quem comitatus est Vomitus: Creditum id à veneno fuisse, sed perperam: Verisimilius enim est ossiculum aliquod acutissimum rugæ alicui oris ventriculi inhæsisse, quod apparuit post obitum, Aperto enim cadavere ulcus in ore ventriculi repertum fuit. *Hildanus cent. 5. observ. 36.*

## S C H O L I A.

**V** *Lenus erat magnum*] Excitatur ulcus in ventriculo vel à causis internis, humoribus acerbis, post apostemata: vel ab externis, medicamentis, venenis, vulneribus &c. Locum quod attinet, si exterior ventriculi tunica afficiatur, multo difficilius est curatio quam si intima, quia à medicamentis non attingitur: demum quando abscessum sequitur,

quia eo disrupto sanies effunditur in capacitatem abdominis, ubi aqua hydropicorum colligitur, quia non patet exitus, Rursum, quod obsidet os ventriculi, deterius est, quia hæc pars est crimiis sensus, quæque in se non retinet medicamenta quæ disfluunt, nec hærent.

## OBSERVATIO III.

*Vomitus tenuis & crassius humoris diuturnus, à Fistula stomachi excitatus.*

**I**llustris. Persona sæpius à cibis, à prandio æque ac cœna, noctu quoque, nunc tenuiorem nunc crassiorem humorem evomere consueverat: Caput dolebat ac erat grave: Plurimis visum erat tantam vim pituitæ de cerebro venire: Varia igitur remedia diligenter parata fuerant, novissime etiam setaceum, At frustra.

Defuncto corpore inciso, fistula stomachi, Aulicis ministris inspectantibus, adinventiebatur. *C. V. Schneiderus lib. de Catarrhis special. p. 439.*

## S C H O L I A.

**T** *Antam vim pituitæ de cerebro venire*] An datur vomitus vel diarrhœa cerebialis, vide infra Tit. de Diarrhœa, ex eodem, & fusius capite de Catarrho stomachi, quem à massa sanguinea deducit. *Etiā setaceum*] Cauterio verticem etiam qui-

dam inurunt: quod præsidium quam triste est remedium, tam est supervacaneum, quæcunque diarrhœa (aut vomitus) hominem exerceat: Eo non curantur ægri sed macerantur, & quidem communi inveteratoque errore illius opinionis: Cerebrum quotidie



quotidie liquore pituitæ se complere, istumque aliquando in stomachum evomere: Atque si cerebri humores hac via defluerent, eum cursum cauteria bregmatis inhibere haud possent: nam talem humorem (ita vulgaris fert opinio) emittunt venæ cerebri intus, quas ea cauteria haud tangunt, nec exinanire queunt nec stringere: Sed quidam, inquit, eo remedii genere perlati fuerunt, præsto sunt testes? Adversus hoc tibi respondeo, non testes sunt sed assertores plane inanes: Illi agri diarrhæam quidem passi fuerunt, minime illam cognomento cerebralem: atque hi reliquis remediis ad diarrhæam apicis curati fuerunt, cauteriis vero vexati: &c.

*Nunc tenuiorem nunc crassiorem*] Ab emetico fortiori exhibitio, quando stomachus evomere incipit 1°. ejicitur illud quod in cavitate ejus fluctuat,

dein quicquid viscosi phlegmatis villis ejus adhæret, aut in plicis reconditur: Si vellicatio perleveret, serosi humores arteriarum & nervorum osculis exprimentur: Dein spatio duodeno ejusque ductibus communicato, bilis & succus pancreaticus, è meatibus extorti, inque ventriculum suffusi egrediuntur: hinc biliosa plerumque ultimo rejiciuntur; & tunc non raro mera bilis copiose evomitur: quod si ita contingat, qualibet excretionis vice, tormina paulo infra ventriculum, in latere dextro excitata, sursum perreptant, quæ proculdubio sunt à bile in duodenum expulsa, & istinc ob motum intestini convulsivum ac invertum intra pylorum suffusa: Si irritatio necdum cessat, arteriæ (osculis ipsarum summe irritatis) humores è tota massa sanguinea vomitu excernendos profundunt. *Willis Pharmacop. rat. sect. 2. cap. 1.*

## OBSERVATIO IV.

*Vomitus ob internam ventriculi tunicam exrosam.*

**C** Amillus Facinus temperamento bilioso præditus, annor. 59. Tertianæ febre laboravit, qua extincta, male coloratus cum manifesto lienis tumore, atque hepatis obstructione remansit, & ita valetudinarius, inordinato vitæ regimine usus, rursus in febrem incidit, ad malum habitum corporis deductus, in cujus invasione paroxysmi evomere cœpit; Sicque tertia die post cibi assumptionem, per horas tres vel quatuor, cibum & potum maxima pituitæ copia permixtum evomit, quod & singula quaque die fecit donec occubuit: nec minus ad trium librarum pondus pituitæ evomebat qualibet vice; multoties ad quinque ascendebat librarum pondus; quo tempore nunquam per inferiora quicquam excrevit, etsi clysteres acres, & mites quoque injecti fuerint, ac per superiora medicamenta solventia sumpserit, quæ tamen evomit: Interim de dolore circa fundum ventriculi conquerabatur, sicque ad quartum usque diem bis quotidie evomendo perseverans vitam cum morte commutavit.

Cadaver à nobis dissectum, in ima ventriculi regione, juxta os infernum, pyloron dicunt, tunicam internam exrosam animadvertimus, quod mali causam fuisse non dubitavimus. *Marcellus Donatus histor. mirab. lib. 4. cap. 3.*

## S C H O L I A.

**C** Um in isto ægro plurima pituita in universi corporis venis reperiretur, cumque corpus ex cibis ingestis nutrirî nequiret, factum puro quod natura, quæ semper de animalis salute sollicita est, hujus pituitæ partem singulis diebus à venis ad hepar ipsum & ventriculum derivavit, uti probe concocta & in sanguinem conversa alimentum animali suppeditaret; quod fieri cum nequiret, una cum cibo tanquam onus aggravans extrudebatur cum cibariis per vomitum: Quod vero ita se res habuerit, mira brevi tempore corporeæ molis consumptio arguit: Abrasionem vero illam in ventriculo repperam ex veneno propinato provenisse filius contendebat, id argumentis etiam non levibus externis conjiciens:

Nos ab humoribus erodentibus & acerbis factam fuisse credehamus, memineram enim apud *Galenum* legisse *lib. de atra bile cap. 3.* quibus corporis partibus pura impermixtaque adhæserit atra bilis, eas prorsus exedendo ulcerare, quod & saltem acremque pituitam efficere posse testatur idem *Galenus 6. Epidem. comm. 3. part. 18.* Quod pariter ex bile provenire posse testis est *Hippocr. 3. Epid. 3. comm. 3.* Quinimo humores istos omnes mala qualitate, venenata atque maligna præditos, ad partem aliquam delatos, non solum exedere & ulcerare, sed etiam brevissimo tempore mortificare posse, suadet ratio & experimenta plurima commonstrant. *Idem.*

## OBSERVATIO V.

*Vomitus ob erosionem ventriculi fundi, ab assumpto Arsenico, parietibus ejus affixo.*

**C** Aptivus quidam subito per noctem Vomitu tentatur duodecies vel circiter; decies quoque per alvum excrevit, Jubeor mane ipsum invisere, stertentem offendo & animam agentem. Sacerdote igitur potius quam medico opus esse significo quidem, at intra quadrantem horæ expirabat: A meridie cadaver rursus inspicere jubeor, quod à tergo lividum plane erat, imprimisque pudenda nigra prorsus: Astantes apoplexia extinctum clamabant, quibus tamen demonstrabam colorem istum lividum non sufficere ad apoplexiam demonstrandam, neque vomitus aut dejectiones tam frequentes symptomata esse apoplexiæ.

Aperitur

Aperitur itaque postridie, & in ventriculo reperiuntur arsenici albi frustula circiter duodecim, quæ ipsis ventriculi tunicis tam arcte inhærebant, ut vix evelli possent. Erosio quoque fundi ventriculi aderat, sed non penetrans, cum inflammatione: ita ut venæ sanguine inflammato turgentes valde essent conspicuæ: Hujus ventriculi tunicæ tam erant exiles, sive vi veneni, sive aliam ob causam, ut viderentur æquare folia papaveris. *Phil. Salmuth. cent. 1. Observat. x.*

## SCHOLIA.

**V**omitus tentatur duodecies vel circiter.) Ab emetico fortiori exhibitio, ait *Willis Pharmac. ration. Sect. 2. cap. 1.* quando Stomachus evomere incipit, primo ejicitur illud quod in cavitate ejus fluctuat: dein quicquid viscosi phlegmatis villis ejus adhæret, aut in plicis reconditur: Si vellicatio perseveret, serosi humores arteriolarum & nervorum osculis exprimuntur: dein spasmu duodeno, ejusque ductibus, communicato, bilis & succus pancreaticus & meatibus extorti, inque ventriculum suffusi egeruntur: hinc biliosa plerumque ultimo rejiciuntur, & tunc non raro mera bilis copiose evomitur: quod si ita contingat, qualibet excretionis vice tormina paulo infra umbilicum, in latere dextro excitata sursum perreptant: quæ proculdubio sunt à bile in duodenum expulsa, & lithinc ob motum intestini convulsivum ac inversum, intra pylorum suffusa: Si irritatio necdum cessat, arteriæ (osculis ipsarum summe irritatis) humores à tota massa sanguinea excernendos profundunt, Ex hac vomitionis historia conjicere licebit quomodo & qua ratione pharmaceuticum Emeticum operetur.

*Ipsis ventriculi tunicis inhærebant*) Emeticum ventriculo immersum, cumque humore isthic contento sese immiscens, sui que tincturam imprimens, à crusta villosa superficiem internam obducente paulatim suscipitur. Inde fibræ nervæ tunicam internam contexentes, & hanc crustam sustinentes, tincturam istam virulentam sensim imbibunt, quæ cum aliquatenus saturantur, ob succi incongruitatem, corrugari & multum inquietari incipiunt: hinc fibræ carneæ superstratæ, propter molestiam à nervis conceptam irritatæ, spasmos primo leviores hic illic spasmus ineunt, unde nausea & stomachi perturbatio; mox vero eorum ordinis utriusque interioris omnium, spiritus incolæ summe exardescunt, & simul explodi contractiones validissimas & emeticas, quo molestum illud fibræ nervæ excussum vomitu ejiciatur, peragunt, Cumque hoc ritu fibræ istæ suc-

co-medicamentoso, quem imbiberant, liberantur, paululum cessat vomendi nixus, donec tincturæ virulentæ, quam subinde à crusta villosa hauriunt, novo penu rursus imbutæ in parem molestiam & irritationem Emeticam urgeantur: Atque ita aliquoties repetit vomendi impetus, usque dum tincturæ venenatæ materies, etiam à crusta villosa abstergetur, & demum tota foras ejiciatur, proinde ut tunicæ interioris fibræ nervæ virus illius non amplius imbibant. At vero non ideo semper Vomitionem finire contingit, quin pharmaco licet penitus rejecto, nulloque ejus contagio superstite, sæpe tamen spiritus isti stomachici, nimis lacerati, furorem suum ægre dimittunt, adeo ut a succo quocunque alio (quem fibræ nervæ imbiberint) irritentur, inque spasmos Emeticos agantur, quin & crebra interdum vice eos repetant: Quare tunc, ut Vomitus cesset, nihil omnino potius, sive alimentosi sive cardiaci ventriculo ingeratur: atqui fotu caido externe adhibito, somno indulgeatur. *Idem.*

*Ita ut vena sanguine inflammato turgentes*) Eo allecto à vi & calore veneni ac crebris ventriculi succussionibus; Porro nonnunquam humores alii è vasis expressi, ac præsertim bilis è meatu choledochi in ventriculum suffusa, non tantum vomitorio vires addunt, sed operatione ejus finita, stomachum ultra lacerare & in contractiones excretorias urgere perstant: quinimo fibræ hujus nervæ, flavum istud virus tinctura emetica haud minus molestum imbibentes, spasmos excitant, & supra pharmaci vires crebros vomendi impetus propter molesti istius exclusionem continuant: Ob hanc rationem, quando bilis exundat, si quidem à levi occasione illa in stomachum accersitur, sæpissime à pharmaco minori vomitus immittitur, cum horrendis symptomatibus excitatur, cujus interdum sedanda gratia enema leniens, quo bilis turgescens verius inferiora sollicitetur, exhibere convenit. *Idem.*

## OBSERVATIO VI.

*Anatome femina ex usu hellebori albi, cum enormi Vomitu mortua, Cujus ventriculus aqua turgens repertus, Intus corrosus & maculosus, intestina flatibus distenta, &c.*

**A**Nte aliquod tempus, Senatus-consulto jussus, aperui cadaver Barbaræ Tannemannæ, cui à rizotoma quadam, Elizabetha Knechthi, propinatum radicum Ellebori albi infusum: vix hauserat venenum istud misella, cum toto illo die creberrime Vomuerat, tandemque horrendis agitata convulsionibus occumberet.

Defunctæ ventriculus aqua plurima turgebat, Intestina flatibus omnia distendebantur, uti hydropicorum, Interne corrosio in ventriculo & insignis macula nigricans apparuit: Omentum corruptum erat & lacerum. Thorax aqua repletus. Pulmones turgidi, spumei, nigricantes: cætera bene se habuerunt. *Ex literis Joh. de Muralto Medici & Chirurgi Tiguri. & communicatione Nobil. D. Joh. Conradi Peyer, Med. Schaphusani.*

## SCHOLIA.

**V**ix hauserat venenum) Nonnulli helleborum album è numero medicamentorum relegandum censent: Author lib. 1. de Plantis cap. 3. hominibus venenum esse ait. Averroës inter venena refert, *Alex.*

*Aphrodisiam* veratro coturnices, homini veneno, velci ait. *Galen. 6. Epid. comm. 5. c. 35.* scribit plurimos in Doride & Thessalia, ex esu coturnicum, quæ elleboro ibi vescerentur, nervorum distensionibus cor-

Xxx reptos



repros fuisse. Contra illud certum Hippocr. & antiquis usitatissimum fuisse, & Plinium plerosque studiorum gratia, ad pervidenda acrius quæ commentabantur, sapientius sumptisse tradit. Sic vero compone dissidium, dicendo cum Galeno 6. Epid. 6. r. 5. venena alia esse simpliciter talia, semper noxia; quædam Medicæ artis ope utilia evadere, quo in genere esse hellebotum.

*Creberrime vomuerat, agitata convulsionibus, &c.*) Elleborus vel non præparatus, vel largius sumptus violentam supra & infra excretionem, ingentisque ventriculi & intestinorum cruciatus ac tormina, linguæque excitat: præfocationem, respirationis difficultatem, mentis turbationem, subitam virium prostrationem, cordis palpitationem, leiporhymiam, corporisque totius tremorem infert, agrique tandem

vel suffocari vel convulsi moriuntur, Sennertus.

*Toto die creberrime vomuerat*) Vomitus a pharmaco illata vehementior evadit, ac diutius persistit, quia spiritus animales supramodum excitati & excandescentes, inordinationes suas haud facile aut statim remittunt, quin illi crebra vice explosi, spasmos emeticos vehementes eient & sæpius repetunt. Porro impetus iste explosivus in ventriculo incensus, non raro in spiritus partium vicinarum incolas, & exinde in alios, & denum aliquando in totam eorum systasin propagatur, in tantum ut vomitioni tormina & spasmi in visceribus, postea in præcordiis, & denique in toto corpore cum manifesto vitæ discrimine succedant. Willis Pharmac. rat. sect. 2. cap. 3. ubi immodica à pharmaco excitata vomitionis ratio curandi traditur.

## OBSERVATIO VII.

*Puella Anatome ob vomitum enormem extinctæ, à propinato veneno, ventriculo stigmata inuente, & bilem ad duodenum alliciente.*

**H**Aud ita pridem Rumlingæ, præsentis utroque Poliatri nostri, D. D. Schüchzero, & M. Abrahamo Hegio, Puellam dissecui, immani cum vomitu intra triduum commortuam: Illi antea prorsus sanæ & pulchræ, sed pauperculæ, ac gregem vaccarum pascendi, obviam factus non infimæ sortis vir juvenis, datâ arthâ matrimonium è vestigio promiserat: Quare puella sic repente fato sublata, suspicio in hominem istum illati stupri, atque propinati inde veneni nata, Adeo ut defunctæ cadaver, jussu Superiorum, intus & in cute perlustrari curaretur.

Corpus omne elegans erat extrinsecus, rite conformatum, citra maculam ullam aut livorem: Abdomen neque tumidum, neque distentum, Interiora omnia sana, præterquam ventriculus, in quo copiosissima è duodeno suffusa bilis, aqua aut sero multo diluta, absque ullo cibo, redundavit: Etiam si prius integro triduo ejusdem plurimum colluviei vomitu rejecisset. Hæc vasculo mundo excepta, pulvisculum in fundo arenosum deposuit, quo media circiter cochlearis pars impleri potuisset: Juxta orificium sinistrum, atra quinque stigmata oblonga videbantur inusta, Partes genitales deprehendimus illibatas, In hepatis autem vesicula magnum luxuriantis ac essetæ bilis proventum. Reserato pectore, cor omnino integrum videbatur, cujus tamen ventriculo dextro massa coagulati sive chyli, sive sanguinis inerat. Pulmo sanus erat, sed alicubi costis adnatus. Ex literis D. Joh. de Muralto M.D. Tigurini ad Nobil. Joh. Jacobum Peyer Schafusanum Med.

## OBSERVATIO VIII.

*Vomitus lethalis succedens Gillæ assumptioni, à qua perforatus ventriculus.*

**V**Ix mihi lacrymis tempero, cum cogito quendam mihi amicum Chymicæ, &c. peritum, ut stomachum halecibus salis ac cerevisia tenui saburratum depleret, Gillam à se præparatam sumpsisse, eodem die animam cum Vomitu infano exspuisse.

Cum sectioni cadaveris præessem, ventriculum tribus locis tantum non perforatum, ad latitudinem Daleri Philippici inveni: Restabat tenuissima exterior tunica, cui Gillæ adhaerebat, & ipsum exesura, nisi egressa anima calor naturalis miserum destituisset: Totum ventriculi corpus adustum purpureo colore omnium in se oculos avertibat, animosque à Gillæ aliisque id genus pestibus avertibat. Res accidit anno 1608. H. ab Heers de Acidulis Spadanis c. iv.

## S C H O L I A.

**G**illæ) Vitriolum suppeditat duo celeberrima Emerica Gillam, Paracelsi nuncupatam, & Sal, quæ tuta habentur dummodo rite præparata. De

præparatione & usu utriusque Vide Willis Pharmacop. Ration. sect. 2. cap. 2.

## OBSERVATIO IX.

*Vomitus lethalis post sumptum purgans, nullo noxæ vestigio in corpore deprehenso.*

**I**thotomus sibi nimium quid tribuens, & ultra professionem confidens, facculum purgantem ex foliis sennæ, agarico, &c. confecit, vinumque affudit, quod ipse biberet cum aliis duobus purgandi causa: facta noctis maceratione, in aurora ipse primus infusus dicitur tres haustus bibisse in publico diversorio, moxque incepisse vomere, & superveniente singultu expirasse dimidia hora à sumptione: Reliqui duo viso eventu potionem damnarunt.

A morte

A morte nil visum est maculatum in corpore, aut quod venenum posset arguere, & fuit tamen in homine alias sano, qui vellet purgationem phlebotomiae præmittere. *Andreas Libavius in Cista medica Hornungi Epist. 76.*

## S C H O L I A.

**M**ors forte contigit à nimia vellicatione nervorum qui in vasa choledocha, duodenum & pylorum desleclunt: De horum nervorum munere audiendus *Willis c. 27.* Anat. cerebri, E nervorum turma Hepar cuncte, quidam in pancreas, alii in vasa choledocha, duodenum & pylorum desleclunt, iisdemque densas propaginum series inferunt: Horum inunus videtur esse partium utatarum ductus excretorios convellere, & propter humorum turgescenlium evacuationes per occasionem faciendis succutere. Porro his fibris sursum elatis, cum plures aliæ ab utroque nervo stomachico dimissæ uniuntur, ratio patet cur à vellicatione circa ventriculum facta, bilis flavæ cysti felleæ in duodenum emulgeretur, quæ propter ejusdem intestini spasmodum exinde in ventriculum sublata, vomitu rejicitur: quippe nervi stomachici, sive à pharmaco, sive ab alia re molesta ad evacuationem superius faciendam irritati, proindeque sursum retracti, una nervos ad hepar & vasa choledocha pertinentes, utpote ipsis alligatos, adducunt, ac in spasmi superioris consensum trahunt: hinc accidit quod non tantum stomachus primo laceratis spasmo suo bilem ad se trahat, ac in proprium sinum prolecliat, verum & bilis sponte turgescens, adeoque in duodenum suffusa, quatenus intestini hujus nervos irritat, ac deinde eorum con-

sensu ventriculi vasa nervæa irritando, vomitionem cholicam non raro inducit.

*Et superveniente Singultu, &c.*) Convulsi ventriculi indice. Quomodo Vomitoria ventriculum afficiant, tradit *Idem Pharmac. Rat. sect. 2. cap. 1.* Emetica stibiata, aliæque fortiora stomacho ingesta haud statim (nisi in nauseabundis) irritare, aut molestiæ sensum inferre solent, postea vero nausea & perturbatio quædam sentitur, dein stomachi contractio & ascensus, cum orificii ejus apertura & oesophagi versus guttur exilitione succedunt, vomitu mox subsequente: Vomitionis initio ventriculus tantum sursum contrahi & non immaniter lacerari videtur: postea hujus spasmi vehementiores fiunt & se latius explicant; adeo ut duodenum motu inverso contractiones suas sursum dirigat, & contenta quæque in stomachum (quibus irritatio Emetica intenditur) suffundat: Si irritatio adhuc amplius intendatur, non tantum Spasmi, ac sæpe distensiones & intumescenliæ, ac imprimis periculosior ventriculi convulsio, scil. *Singultus* succedit: quinimo ob spiritus animales in tota systasi perturbatos, & quandoque dissipatos nimis excitatos, leiporhythmia crebæ, sudores frigidi, & non raro membrorum, aut totius corporis spasmi lethales eveniunt.

## OBSERVATIO X.

*Vomitus, Nausea, ab assumpto Veneno corrodente, inflammationem in ventriculo & duodeno, hinc syderationem excitante, &c.*

**N**os subsignati D. Medicus & Magistri Chirurghi, jubente Prætorè Urbano, visitavimus defunctum Dominum Franciscum Flammerdingium Francofurtensem, tam per morbi decursum quam ab ipsius obitu: Ratum ergo facimus nos die Lunæ, V. mensis Augusti 1672. reperisse dictum Dominum inquietudinibus miris vexatum, moribus convulsivis affectum, cum Vomitibus, nausea, respirandi & deglutiendi difficultate, ac gutturalis dolore; ad quæ symptomata sequuta est mors, die Martis subsequente circa V<sup>m</sup>. vespertinam.

Unde commoti consanguinei & affines, cadaver aperiri desiderarunt, quod jubente eodem Prætorè præstitum, Ac 1. reperta ventriculi tunica interna omni ex parte livida & syderata, insignibus maculis comperfa quibusdam in locis, à præcedente inflammatione, quæ diffusa erat ad duodenum, in quo illius manifestissimæ notæ, ac ad reliqua etiamnum intestina: 2. In Pulmonibus deprehensa inflammatio ad livorem tendens. Cæteræ partes rite constitutæ apparuerunt.

Colligimus ergo, tum ex magnitudine & vehementia symptomatum, veneni indolem referentium; tum ex morte subita; tum ex syderatione & livore, tam ventriculi, intestinorum, quam Pulmonum, absente febre, mortis causam referendam ad venenum haustum, idque à genere corrodentium, cujus substantia in ventriculum admissa est, non vapor solum, aut aliter: Signavimus Genevæ 7. Augusti 1672. *Joannes Bonetus D. Medicus, Ludovicus Noel Senior Chirurgus. F. Sabonrin Mag. Chirurgus, Benjamin Noel M. Chirurgus & Visitator mortuorum.*

## S C H O L I A.

**R**eperta ventriculi tunica interna, &c.) Man cum fuit examen, Ventriculus enim eximi debuit, disseclari & explicari ad apertam lucem: Procul enim dubio deprehensæ fuissent prædictæ maculae foraminibus pervix, à veneni vehementiæ inductis, quod usu evenire solet ab assumpto corrodendi vi prædicto veneno.

*Livore tam ventriculi, &c.*) Notat *Riolanus Anthop. lib. 2. cap. 15.* fundum ventriculi potissimum parte sinistra foris & intus nigrescere, quod vehè à plene derivatæ inter duas proprias ventriculi tunicas sanguinem suum effundant, unde in multis subito extinctis falsa veneni suspicio orta sit.

Xxx 2

OBSERV.

## OBSERVATIO XI.

*Vomitus ob Ventriculi Gangrenam & Syderationem.*

**I**acobus Gallus annos 50. natus, melancholici temperamenti, cum olim biliosus fuisset, conqueritur de dolore ad umbilicum: Solennis illi erat excretio cujusdam materię purulentę per anum, quod in recti intestini extremo penę ulcusculum ibi conceptum putaretur: Duodecim penę annos post illatam vim recto intestino, eo fluore recreatus est aliquantum: restitit ille, at non eodem modo perseverabat: Doloris illius ad umbilicum desidentis causam referre poteramus ad illam suppressionem: clysteribus medicamentis- que est allevatus, Non ita paulo post dejecta appetentia, Vomitiones, languor, partium extimarum quędam levis prefrigeratio, tamen incedebat, Et liquida & esculenta Vomitu rejiciebat: veneno infectum putabant: ac revera, pręterquam quod manifesta leipothy- mia non prehensus est, assumpti veneni argumenta erant pleraque: tamen cum ea suspi- cione liberavimus, quod nullam de foris occasionem pręcessisse videremus: Per dies x l. pene perseveravit vomitio illa, quod mirum fuit, nec ulla ratione allevari potuit: digito indicabat sedem affectam, nempe superius orificium ventriculi & pylori regionem, sen- sum quendam ponderis habebat: In horas marcescebat, facies concidebat, & totus venter collapsus est, pręsertim qua parte subjacet ventriculus: Quidam, ut aliquid af- ferre viderentur, Jecur & lienem putruisse dicebant, alii ad mesenterium obstructio- nibus plenum confugiebant, Er illud commune Medicorum asyllum est, sine quo vix rem- luctumve facere possint, sed id non sine magna ægrotantium clade & Medicorum op- probrio: quasi verò in illis duabus partibus solum omnium morborum causa existat: ad syrupum de cichorio solennem confugitum est, sed omnia frustra. Tamen qui paulo accuratius rem inspicerent, cum viderent tamdiu perseverare vomitionem, dolorem ad ventriculum non admodum urgentem, nihil profici foru, litu, delectu ciborum, balneo quoque ipso, necessario pylori vias obstructas collegere: Satis apte quidem, sed unde obstructio? an à scirrho an ab inflammatione? si ab inflammatione, cur febris non erat acuta, & cur non perimebat intra paucos dies?

Interiit tandem plane emaciatus, ac si sphacelatum corpus esset. Aperto cadavere, illud utrumque viscus, Lien & Epar, quod fomitem malorum falso judicabant, satis erat integrum; quanquam forte intemperie quadam, malęque diathesi utrumque affectum erat, non ita tamen ut inde mortis occasio nasceretur. Ventriculi facies extima erat ver- miculata, pylorus talis & pene restrictus: facies interna corrupta & putris, & statim la- ceratus est ventriculus, adeo (quod mirum fuit) in tota sua natura erat putris & cadavero- sus, humor qui in eo erat nigricabat: gangręna & syderatio erat ventriculi, quod nun- quam fere contigit. *G. Ballonius conf. xliii. lib. 1.*

## S C H O L I A.

**M**irum cum tam male affectus esset ventricu- lus, & ejus vis deperdita, quomodo tamen ejus vis expultrix in cirando Vomitu vigeret. Vo- mitio illa plane erat contra naturam, non à fa- cultate excretrice vegeta, sed à retentrice deper- dita, agente superiore orificio ventriculi, obtu- rata pylori via, hinc residua vi quantalacunque in ea parte, statim remeabat id quod in ventriculum injectum erat. Quęstio esse potest, unde illa sy- deratio ventriculi? an ab inflammatione, an à ve- neno, an ab alia qualitate? si ab inflammatione, fe- brem adesse oportuit, quod pręsertim ea pars inflam- maretur quę locum maximum in corpore obti- neret. Ille cum genio indulisset & vinis genero- sissimis usus esset, credibile ventriculum tandem vitium aliquod concepisse, sive per se, sive per refluxum materię ab hepate, aut occasione sup-

pressę illius materię quę solemnı evacuatione e- vacuabatur; Ita enim ventriculus, ut & alia pars, potest in tota sua substantia affici & corrumpi, ut & partes alię. Accedit quod phlogosis quędam potuit oriri in pyloro, & ejus contagione affici ventriculus, citra tamen febrem continuam arden- tem: quod contingit in melancholia hypochon- driaca laborantibus, in quibus Pylorus phlogosi detinetur citra manifestam febrem: quod est no- tandum. Quod autem verisimile sit in ventriculo, & partibus ei vicinis, illam phlogosin conceptam fuisse, satis indicavit refrigeratio partium extima- rum, quę xxv. dies perseveravit, & quin- que diebus antequam ē vlvīs excede- ret febris apparuit in omnibus partibus. *Idem.*



## OBSERVATIO XII.

*Vomitus ab angustia & contractione ventriculi cum Hepatis duritie, Superflite assumpto croco metallorum.*

**P**uellæ v. annorum, cum à Paracellista exhibitus fuisset crocus metallorum, paulo post symptomatibus gravissimis correpta fuit, Vomitu nimirum vehementissimo, cum alvi dejectione & concussionibus fortissimis totius corporis, tandemq; mors quoq; sequuta est.

Aperto cadavere ventriculus adeo angustus, & in se contractus fuit, ut magnitudinem ovi vix excedere repertus fuerit. Hepar, veluti si in aqua ferventissima maceratum fuisset, induratum, & vesica fellea præter modum tumida, sanguine citrino repleta erat, Intestina à croco isto (qui in ventriculo ita contracto adhuc latitabat) tineta & infecta fuerunt.

*Fab. Hildanus cent. 4. Observ. 51.*

## S C H O L I A.

**C**rocus metallorum) Medicamentis Chymicis, ex mercurio & Antimonio paratis, caute utendum monet inter ceteros *Fab. Hildanus* Epist. ad Mich. Doringium, Neque indifferenter, ut faciunt Empirici, omnibus & in omnibus morbis exhibenda esse; deinde diligentissime ac fideliter, ab expertissimo & fidelissimo artifice præparari jubet, ne in exhibitione quicquam peccetur. Infeciliter exhiberi Antimoni exemplum huic affine affert ibidem *D. Persaldus*,

aut, præter Medicorum consilium bolum ex Antimonio sumpsit, hinc parum abstulit quin animam eadem die una cum excrementis evomeret, tam vehemens & impetuosa per superiora simul & inferiora sequuta est operatio. Sequenti nocte doloribus maximis & brachiorum & crurum, simul & convulsionibus &c. correptus fuit, paucisq; post diebus animam Deo reddidit: Vide plura infelicitis successus loco citato.

## OBSERVATIO XIII.

*A frequentia Vomitus, & Purgantibus crebro exhibitis, ventriculi inflatio reperta est.*

**I**llust. Dominæ, spasmodicis affectibus obnoxia, ventriculus vomitu continuo laceratus, nec alimenta nec medicamenta retinebat, &c. Illi intestina & ventriculus satis sana, integra enim & bene colorata apparebant, erant tamen inanita & quasi inflata, ut pote quæ in perpetuas fere evacuationes, supra aut infra habitas sollicitata fuerint. Ventriculus valde inflatus erat, ejusque tunica interior absque plicis aut rugis plana evaserat, quod certe acciderat ob crebros vomitus, viscere hoc spalinis continuis fere affecto. *Vide histor. lib. 1. Tit. de spasmodicis affectibus, ex Willisio.*

## S C H O L I A.

**T**unica interior) Ventriculus tribus constat tunicis, una communi à diaphragmate orta, & duabus propriis, externa internaque. Hæc tota nervosa est, ac in superficie interna substantia villosa, seu filamentis rectis, tunica ipsi perpendiculariter insertis (prout in panno serico qui velutus dicitur) ubique obducitur: Velum hoc, per se tunica satis firma, & ab aliis distincta apparet. Hæc amota occurrit ipsa Tunica Nervea, fibris varii generis & diversimode intextis constans, per cujus telam raram vasa sanguifera innumera & ramificatione densissima producuntur; Hæc tunica interiorem ventriculi cavitatem constituit, cujus fibræ potissime ad sensationem, & forsitan quadantenus etiam ad motum faciunt: In has medicamina quæque imprimis agunt, & juxta impressionem sensibilem iis inflicta, operatio hujus aut illiutimodi succedit.

*Ventriculus valde inflatus erat, &c.)* Quoad Tunicæ hujus motum, etli contractiones spontaneas ei prorsus denegemus, attamen satis manifesto liquet eam frequenter distendi, inflari, intumescere, inque majorem capacitatem ampliari: quod ita fieri contingit, non solum à flatibus intra stomachi cavitatem genitis, sed longe sæpius à spiritibus fibrarum ipsarum incolis, qui si valde irritati, inque impetum explosivum adacti, istas simul omnes dum tumultuose & ad præteritum incurrunt, summe inflant & distendunt, proinde totam membranam, quasi vesicam inflatam intumesciunt: Nam si fibræ illæ nervæ omnes essent cavae & tubulatae, nilque ventus subito insufflato-

tur, necesse foret vas quod contineant illico distendi & dilatare: Pariter habet quando spiritus, velut oestro perciti, in eas impetuosius irruunt. Propter hujusmodi causam conjunctam, & efficiendi rationem, Ventriculus in paroxysmis hystericiis, & colicis, & non raro in affectione hypochondriaca, intumescere solet. Hinc etiam Singultus oritur, ejusque reciproca-tiones ob ventriculum per has fibras modo inflatum, & per diaphragmatis systolen, modo depulsum, contingunt. Denique pharmaca deleteria & venena, quatenus spiritus valde stimulant, inque has fibras furiose concitant, ventriculi aliorumque viscerum distentiones, & inflationes sæpe horrendas inducunt, atque ob similem fere rationem Tympanitem oriri statuimus. *Willis Pharm. Ration. sect. 1. cap. 2.*

*Tunica absque plicis aut rugis, &c.)* Interior hæc tunica in corporibus sanis multas habet rugas sive plicas, in ventriculi superficie concava eminentes, quæ videntur esse quasi toridem sepimenta, sive sulci, quibus chyli portiones hic illic tenuiter disperis, melius coctionis ergo ab invicem detineantur, ne simul in massam spissiore confluere. Plicæ istæ formantur, quatenus hæc tunica exteriori carnea multo amplior est, quare ut ab ea contineatur, necesse habet in plicas, sive rugas istas colligi. In bibonibus vero & gulosis, quibus à crebra & nimia ventriculi impletionem tunica carnea plurimum extenditur, etiam interior illi coextensa, rugas suas omnes amittens, plana & tenuis instar vesicæ inflatæ evadit. *De ceteris Tunicis Vide Ibid.*

## OBSERVATIO XIV.

*Vomitus à ventriculo perforato.*

**N**Ob. Joh. Gaspar à Miltiz, &c. cum sputo sanguinis sine phthisi & hectica laborasset, atque in patriam remissus esset, summo labore curatur. Sed in morbum relapsus eundem, variis symptomatibus conflictatur, & inter alia Vomitu quoque continuo: Licet vero varia ad illum compescendum exhiberentur, morbo tamen succumbit.

Cadavere aperto, abdomen quoque aqua repletum, & ventriculus circa orificium perforatus deprehensus fuit: An huic rei causam præbuit Tussis illa ferina qua dies & noctes molestabatur? An ratione pulmonis corrupti evenit? *Ph. Salmuth cent. i. obs. 2.*

## OBSERVATIO XV.

*Vomitus ab abscessu circa fundum ventriculi.*

**Q**uidam annos natus xl. obstructione alvi sæpe laboravit, cui per os medicamenta exhibita parum profuerunt, clysteres vero contulerunt. In dies tamen & alvus minus satisfecit officio, ac Vomitus nutrimenti semicocti in maxima copia aucti sunt, donec tandem atrophia corpus omnino contabesceret: melius vero semper se habuit quando solio aquæ dulcis tepido infedit.

Post mortem repertus ingens abscessus, ex eo genere qui steatomatici dicuntur, ad magnitudinem anserini ovi, qui satis durus fuit redditus. *Ex observat. Ioachimi Camerarii Medici Noribergensis.*

## OBSERVATIO XVI.

*Vomitus à gemino ventriculi steatmate.*

**I**oh. Prevotius in cadavere quodam vidit steatoma parti internæ orificiū superioris ventriculi, magnitudine ovi adnatum, quo propendente Vomitus continue infestabat. Alterum digiti longitudine, ad sinistram quoque orificium, ejusdem mali causam. *Ioh. Rhodius observ. 63. centur. 4.*

## OBSERVATIO XVII.

*Vomitus ob Pylorum occalescentem, cartilagineum redditum.*

§. 1. **A**Ntonius Brunus, cum emanducatum cibum breviori quam par erat temporis spatio containeret, & ita ut erat incoctum rejiceret, omnibus medicamentis, quæ stomachi vitiis adhiberi possunt, diligentissime foras est: Verum cum ea nihil omnino proficerent, & corpore ob inopiam alimenti jam absumpto, vix pellis & ossa superessent, gradatim tandem ad mortem deductus est.

Quare defuncti cadavere publicæ utilitatis causa inciso, inventum est hominis ventriculum ita junctis oris ad imam ejus partem occaluisse, ut cum nihil inde ad inferiora transmittere potuerit, necessario mors subsequuta sit. *Benivenius cap. 36. de abditis.*

§. 2. Romæ quendam aperuit *Petrus Servius*, Eruditus Medicus, qui Vomitu continuo vexatus fuerat, ut quævis assumpta statim rejecerit.

In dissecto cadavere Pylorus callum visus est obduxisse. *Thomas Bartholinus centur. 6. observ. 47. Et spicilegio 1. de vasis lymphat. cap. 5.*

§. 3. In ventriculo hominis anno integro assidua Vomitione vexari observavit *Hyginus Thalassius*, Author fictus, in Responsione contra *Riolanum* cap. 4. ita coaluisse & occaluisse pylorum, ut cartilagineus videretur, & vix novacula divideretur.

## S C H O L I A.

**H**inc nihil in statu communi chylosi succi stat quibus pylorus obstructus fuit: Vide exempla per poros ventriculi, sed omne per pylorum ad intestina elabi, illorum atrophia demon-

strat quibus pylorus obstructus fuit: Vide exempla ex *Riverio* cent. 1. observ. 90. *Benivenio* observ. 36. *Hippol. Bosco* Lect. 1. de Facult. Anat. p. 211. & alia.

§. 4. Sibi, & aliis Medicis Delphensibus, visam historiam nobis narravit *Ioh. Vander Meer*, Medicus Delphensis, de muliere quadam quæ Delphis circiter per semi annum male habebat, & alimenta assumpta post aliquot horas, primo bene cocta, postea valde fortentia Evomebat, cui alvi dejectiones paulatim magis magisque imminuebantur, ita ut primis septimanis bis terve, postea semel in semel in septimana, tandem vix quatuor septimanarum spatio semel alvum dejiceret, & satis pauca excerneret, atque hinc vires paulatim

latim magis magisque imminuebantur, totumque corpus ad extremam maciem deducebatur, usque dum tandem mors morbum finiret.

In cujus aperto cavere Pylorus cartilagineus inventus est, adeoque angustus ut majorem duntaxat aciculam transmitteret. *De Diemerbræck Anatom. lib. I. cap. 5.*

## S C H O L I A.

**I**Nde constat Pylorum non subito nec diu totum obstructum, sed paulatim angustatum, sicque chyli transitum paulatim imminutum, hincque defectu sufficientis alimenti vires paulatim dejectas & paulatim corpus emaciarum; cum etiam ex raris alvi dejectionibus, & ex eo quod pylorus transitum aciculæ majoris permitteret, liquet dictæ ægræ nunquam penitus occlusum fuisse pylorum. *Idem.*

## OBSERVATIO XVIII.

*Vomitus à Pylori scirrho.*

**S**Ecabatur quidam Lutetiæ cui durities erat circa pyloron: Et ego quoque secui quendam, qui cum continuis affligeretur Vomitibus, & cibos assumptos rejicere statim cogeretur, & idcirco tanquam hypochondriacus curaretur, Secto cadavere pyloron scirrhosum omnino reperiēbam, ut transitum chylo interclusum fuisse facile constaret.

His admonitus, Nob. à Bilan hypochondriaco, graviterque eodem symptomate confictato, periculum prædixi, quemadmodum etiam intra tres septimanas fuit extinctus: Revomebant vero semper cibum ingestum, & præterea quiddam subnigrum, quod pro melancholico succo, ad ventriculum pro appetitu excitando mitti consuevit habebam: Qui postmodum per pyloron ad intestina, sicuti & cibus, transire non potuit. Diocles certe affectionis hypochondriacæ subjectum, pyloron potius statuit quam venas Mesaræi. *Ph. Salmuth Obser. xx. cent. I.*

## OBSERVATIO XIX.

*Vomitus excitatus ob Pylorum materia Steatomatosa oppletum.*

**R**usticum novit *Ioh. Theod. Schenckius Exercit. 7. l. I. sect. 2. c. 33.* cui venter binis à pastu horis subito in magnam molem extendebatur, neque aliud sibi quam succedens tandem cum nausea Vomitus pro remedio erat.

Atrophia vero mortuus, ostendit Pylorum à materia steatomatosa oppletum, exili in medio relicto foramine, per quod vix creditu possibile conjiciebatur vel liquida transire potuisse.

## OBSERVATIO XX.

*Vomitus continuus ob Pylorum tuberculis scirrhosis obsessum.*

**J**uvenis Illustris diu Cachecticus, ac Vomitu crebro, & dein per plures menses quotidiano & fere continuo laborans, demum viribus summe attritis mortem obiit.

Cadavere aperto, deprehendi Pylorum Tuberculis scirrhosis, valde teneris & sensibilibus circumcirca obsitum, quæ hiatus ejus pene occludebant, adeo ut Chylus nodorum interstitiis impactus summe putresceret, totumque proinde viscus sensu molestissimo, & spasmò fere continuo afficeretur.

## S C H O L I A.

**V**omitu crebro &c.) Si quando quispiam vomitu afficiatur, in se perlenit fundum ventriculi sursum contrahi, atque orificium superius aperiri, Pyloro interim (uti videtur) occluso aut introsum deducto, simulque totum Oesophagi ductum motu inverso, scil. ab imo ad summum, velut cochleatione quadam committi, ut contenta quæque usque superius protrusa demum per os egerantur: Hujusmodi partium istarum motus proculdubio perficiuntur per fibras carneas median ventriculi tunicam pertextentes. Nam advertimus in hac binos distinctos fibrarum carnearum live motricum ordines, quæ stomachum quoad dimensiones suas omnes cingunt, atque simul contractæ fundum & latera ejus una colligunt, sursum ducunt, & versus hoc vel illud orificium inclinant, propterea ut contenta quæque modo hoc modo illud ejiciantur:

Quoad fibras interiores, quæ cæterarum omnium contractiones ad hanc vel istam evacuationem determinant, si irritatione leviori circa stomachi fundum aut latera alicubi facta, spasmus juxta pylorum incipiat, atque fibræ motrices internæ in finibus suis dextris prius ac potius contrahantur, tota ventriculi compages illuc contracta, laburam suam ad intestina sursum ducit: Sin vero irritatio vehemens & valde lacerans in quavis stomachi parte excitata, facile compesci aut versus intestina transferri nequeat, spasmus juxta fibrarum interiorum fines sinistros incipiens, & versus os ventriculi ducens, illuc totam stomachi capacitatem summe coarctatam, corripit facit; adeo ut Pyloro intus deducto, vel occluso, atque ventriculo aperto, contenta quæque superius ejiciantur: Eadem fibræ carneæ, prout spiritus animales varie protrati, ex his vel illis ten-



dinibus prius in illatum fines, dextros aut sinistros, profliliunt, ibidemque spasmos inchoant, respective ad secessum aut vomitum moliendum determinantur: Porro, dum ad egestionem supernam ventriculus predicto modo disponitur, etiam Oesophagus propter eadem contenta ejus sursum effertenda in actione conspirat: Quippe cum in tunica hujus carnea fibrarum motricium binos ordines duplicatos, quarum alie oblique ascendentes, alieque descendentes sese omnes mutuo decussant, notaverimus, priorum munus esse videtur, ut illae in nixu vomitivo feratim contractae, gulam pone saburram egerendam usque occludant, eamque adeo in oris hiatum propelli faciant.

*Totum viscus spasmo fere continuo &c.*) Vomitus igitur, si quidem stomachi motus violentus, & sapissime involuntarius fuerit, haud immerito *Convulsivus* dicitur, quem insuper à spirituum animalium, qui istas fibras carneas possident, explosione, sive magna quadam expansione procedere statuiamus, (juxta spasmiologiam nostram.) Enimvero spiritus isti summe irritati, & proinde statim elastici, primo è tendinibus prope orificium sinistrum constitii, & deinde mox ex illis in fibras carneas impetuose irruunt, eaque summe instant ac abbreviant, adeo ut Tunica istius partibus omnibus ad se invicem propius adductis, tota stomachi cavitas coarctata, & simul complicata, adeoque sursum versus sinistrum orificium contracta, contenta quaeque, velut emboli impulsu, superius per vomitum excernenda propellat: In pleiisque aliis spasmodum generibus motus convulsivus versus eundem terminum ac naturalis peragi solet, Vomitus autem videtur affectio stomachi actioni ordinariae & naturali contraria, aut saltem opposita; Hujus enim solennis & fere constans gestus est, quoad totum, aut partes ejus, deorsum aut versus pylorum contrahi, tali namque motu & tendentia ejus opus est, quo alimenta degluti, in ventriculi fundum descendere, ibidemque arctius comprimere, de latere in latus devolvere, in chylum digerere, ac demum ad intestina transmitti queant: Itaque propter hos usus fibrae motrices utriusque ordinis, blandis spirituum incurribus inflatae, ventriculum ad eum modum, quem naturae instinctus suggerit, facile componunt: Quinimo si irritatio quapiam stomachi fibris nerveis acciderit, donec noxa levior & facile mobilis fuerit, contractio expulsiva versus pylorum potius quam gulam instituetur: In vomitu autem fibrarum motricium spasmus ab alteris eorum finibus, vid. sinistris incipiens, & statim violentus & impetuosior factus, totam stomachi cavitatem simul collectam, & valde coarctatam, versus sinistrum orificium contrahi & illac evacuare cogit: Cujus ratio est, quoniam si quid valde incongruum, ac naturae intestum stomacho inderit, illud non ordinaria via per longas intestinorum ambages, ut tandem per anum expellatur, circumferri, verum exitu propiore rejici, & è vestigio, ac mora sua labem incurabilem afferat, excerni debet: Porro, cum aliis partibus à ventriculo distitis, molestia magna inferatur, ne dum natura circa eas occupatur, stomachus (ubi primus vitae fomes est) noxiam aliquod suscipiat, in majorem ejus tutelam saepenumero vomitus per contentum excitatur: Adeo summa Divini conditoris providentia cautum est, ut pro certiore corporis humani, tanquam arcis custodia, quoties hostis externus ingruat, aut inter proprias accolae seditio exorietur, illico extra primos aditus, scil. ventriculi por-

ticum, hospites quicumque tanquam personae suspectae ejiciantur: Itaque vomitionis causa proxima, live conjuncta est, Spirituum animalium, Ventriculi tunicae carnea initorum, subita & vehemens explosio, qua quidem illi plurimum irritati, proindeque expansi & rarefacti, cum è fibris tendinosis omnibus, tum prius & praecipue ex illis quae prope os ventriculi constitae sunt, in fibras carneas impetuose profliliunt, eaque adeo repente instant ac abbreviant, propterea ut stomachi latera & fundus ad se invicem propius adducta, simulque versus orificium sinistrum sursum correpta, contenta quaeque in Oesophagi ductum ejiciant, unde (cum & hujus contractio ab imo ad summum è vestigio succedat) per oris hiatum egeruntur.

Spiritus isti ejusmodi explosiones emeticas incunt, quia summe irritantur: qua ratione id fiat in tractatu de Affectibus convulsivis ostendimus; nimirum illi, cum natura valde elastica praediti sint, à quolibet *spasmo*, immo interdum sua sponte ob copulam heterogeneam exiliunt, & seic. quaquaversus impetuose proripiunt: Porro, cum noxa stomachi fibris carneis intigitur, spasmus excitatus, in his versus pylorum, in aliis versus os ventriculi promptius fertur, proindeque aut vomitus aut purgatio succedit.

*Adeo ut chylus impatiens summe putrescere &c.*) Quod ad vomitionis causas remotiores spectat, hujus census erunt quaecunque spiritus stomachi fibris carneis inlitos, multum aut graviter irritant: Quod si quidem pluribus modis fieri contingit, eos ad certa quaedam capita reducemus: Atque imprimis huc referri debent objecta improporcionata, ventriculi tunicae alteri, interiori ac nerveae, seu potius spiritibus ejus incolis, admodum: haec enim vellicata, saepe alteram superstratam in spasmos emeticos ciunt: Irritamenta ista sunt vel ore ingesta, scil. Alimenta incongrua, Pharmaca, aut Toxica, vel materies in ventriculo genita, vel denique è longinquo per arterias aut nervos illuc delata: Aut 2<sup>o</sup>. Spiritus fibrarum stomachi carnearum incolae irritantur, propter molestiam quandam spiritibus aliis, hic illis procul distitis inflicta, & inde per fibrarum aut nervorum ductus ventriculo communicata: Vomitus priori modo excitata dicitur propria ventriculi affectio, atque haec posterior, per consensum fieri: Horum omnium instantias quaedam notabimus: afferemus. 1<sup>o</sup>. Igitur irritatio ventriculi tunicae interiori facta, praeter alia quacunque causa vomitionem ciunt: Etenim haec pars nervea & valde sensibilis, ab omnibus ventriculi contentis impressiones suscipit; & juxta quod haec jucunda aut molesta fuerint, tunica carnea superstrata ad complexionis vel excrctionis motus stimulat: & quoad posteriores hosce, prout objectum improporcionatum plus aut minus naturae molestum est, aut Vomitus aut Purgatio accedit: Porro in hac stomachi tunica peculiare quoddam Sensorium, Sive tactus sive gustus, à quovis alio in toto corpore distinctum collocari videtur: Quippe cum pharmaca, aut alimenta quaedam, uti Scribium, Mercurius vitae, flores Antimonii, ova piscis Barbi, cum multis aliis ore masticata, nullam tenui exhibent molestiam, illa stomacho immersa tunicam hanc quam immaniter irritant & brevi spasmos gravissimos ciunt: Porro si quis alimentum per acipathiam incongrui porriunculam, vel inficius inglutierit, illud quam minimum licet, aliisque cibis obvolutum, & velut larva objectum, à stomacho dignoscitur, & tanquam esset hostis clandestino ingressus



Ingressus, impetu protinus concitato foras projicitur: Irritamenta emetica ore ingesta sunt vel Pharmaca, vel Venena; posteriora effectum producunt, quatenus naturæ plurimum infestæ spiritus stomachicos primo contactu percillant, & velut in furorem adigunt: Vel 3°. Alimenta, de quibus satis vulgo notum est ea si in qualitate manifesta aut occulta, vel quantitate vel assumendi modo delinquant, stomacho inproportionata evadere, proindeque non raro vomitum ciere. Secundo, Materies Emerica nonnunquam in ventriculo generatur, nempe cum assumptorum nulla sit culpa, quandoque chylus, aut ventriculi succus fermentativus in humorem acidum, austerum aut amarum, aut alias infestum; proindeque irritativum degenerat, prout in cholecticis & hypochondriacis passim evenire solet. 3°. Nec minus frequenter humor irritativus in ventriculum aliunde suffunditur, præterquam enim quod Bilis ac (uti nonnulli opinantur) succus Pancreaticus, modo singularim, modo simul congressa & mutuo effervescencia in ventriculum exantlatæ, fibras ejus in spasmos vomitivos ciunt. Insuper materies heterogenea per arterias huc translata, vomitus sæpe inhumanes concitat: ita in paroxysmis & crisi febrium, & præsertim in peste & variolis sæpissime contingit: Interdum massa sanguinea turgescens recementa ista, si quidem per *diaphragma* expellere nequit, per arteriæ celiacæ ramos ventriculi & intestinorum cavitatibus ingerit, adeo ut horum tunica insigniter vellicata vomitiones horrendas simulque affectus dysentericos patiantur. Nec tantum per arterias, sed quandoque etiam per nervos materies vomitiva descendere videtur, Hinc colicam sæpe oriri clarissime ostendimus: Quinimo in multis (qui pathematis spasmodicis obnoxii fuerunt) observavi, post cephalalgiam cum torpore & vertigine, diathesin vomitivam successivè, ut absque notabili stomachi impuritate, quotidie ingesta vomitu redderent: Materia ita per arterias vel nervos stomachi tunica suffusa, modo laxa & facile dissipabilis, brevi tursus excutitur, adeo ut affectio cito pertranseat: modo fixior &que pertinacius adhærens, imo nonnunquam in *Tumores varii generis* concretescens, diathesin vomitivam diuturnam & non facile curabilem inducit.

Hæc de vomitu, cujus causa materialis, sive irritativa alicubi circa stomachi superficiem internam consistit, & nudo contactu fibras nerveas afficiens, spiritus fibrarum carnearum incolas in Explosiones emeticas ciunt, Restant plures aliæ vomitionum species, in quibus irritatio fit in aliis locis, & mox stomachus per consensum in spasmos concitatur; Quippe inter hoc viscus & pleraque alias partes, cum tanta sit necessitudo & mutua dependentia, frequenter accidit ob spiritus quosdam animales alicubi valde perturbatos, mox spiritus alios ventriculi hospites, aut fibrarum continuitate aut nervorum commineatu, pariter affici, inque explosiones vomitivas adigi. Hujusmodi vomitionis sympathicæ loca sunt vel propinquiora, sc. utraque stomachi orificia, cum duodeno & œsophago: vel remotiora, scil. *Extrapares* & meninges, nec non Lien, Renes, Vreteres, Mesenterium, Uterus, forsan & alia abdominis viscera, in quorum uno vel sinu pluribus, spasmus excitatus, & exinde per nervorum ductus stomacho communicatus, fibras ejus carneas in contractionem emeticas ciunt: Pariter in capite, cum spiritus animales valde perturbentur, horum inordinatio mox alios ventriculi hospites per consensum afficit, inque similes *æmæliæ* concitat.

*Deprehendi Pylorum &c.*) Utraque stomachi orificia, sive ostia, cum ob multiplices nervorum insertiones valde sensilia sunt, facile irritantur: p. o. indeque modo introsum, modo extrosum deducta, variæque expansa vel occlusa, spasmos extretorios in toto ventriculo, aut sursum aut deorsum tendentes excitant: Nullus fere in seipso quin perentiat humores aut acidos aut amaros in stomacho fluctuantes, & orificium sinistrum mordicantes, nauseam & vomitionem ciere: Nec minus à bile in Pyloro regurgitante idem effectus produciur: In Pyloro autem *Helmonium* statuit appetitus aliorumque pathematum necesse naturalium officinam esse, Porro ab hujus indignatione & obstinata occlusionem Vomitiones horrendas procedere: Quamquam his minime assentiamur, attamen propter hæc ostia nimis obsterata Vomitus aliæque stomachi affectiones malas oriri historia citata & alia docent. *Willis Pharmac.*

*Ration. sect. 2. cap. 1.*

## OBSERVATIO XXI.

*Vomitus ab occluso per nummum argenteum deglutitum Pyloro.*

Fata sæpe vitam invenire, qua hominem enecent, minime prævisam mortalibus, docuit Amstelodami infortunium puellæ quinque annorum; Ea inter ludendum anno 1667. nummum argenteum exiguum, assem, sive stuferum, ut vocant, valentem, qui septem colligatas in fascem sagittas, provinciarum Belgii unitarum insigne præ se fert, deglutierat, inde altero tertioque die nullum sentiebat incommodum, quarto de dolore ventris cœpit queri, locumque doloris manu designabat in sinistro latere, circa inferiorem partem ventriculi: augescente in dies dolore appetitus perit, & quicquid ciborum sumit, rursus ejicitur, vires intra paucos dies collabuntur: Ego xx. die mensis Decembris advocatus (xiii. nummus fuit deglutitus) catharticum medicamentum exhibui: quod statim per vomitum reddidit: itaque nec inferne nec superne se prodente nummulo, id quod erat suspicatus, cum in pylori hæerere orificio, fatalem pronuntiavi parentibus sententiam, & quo certius sententiæ meæ veritatem explorarent, author fui ut vita functam puellam mihi secandam permitterent; addicunt, & 23. die istius mensis circa vespæram misera exstinguitur, satis præter opinionem meam placido fato.

Altero die causam mortis ostensurus parentibus, eam disseco, & ecce nummus circulo isti, qui pylorum undique cingens coarctat, non secus ac cooperculum ollæ incumbens, omnem alimento ad intestina transitum prohibebat; Reperi ergo intestina vacua omnino, cæterum

cæterum sana: nummumque ex parte interiorè ventriculi, jam accrescente illic pinguiore quadam materia firmatum, ex parte intestinorum obseſſum quibusdam, qui facile diluebantur, vaporibus. *Th. Kerckringius observat. Anatom. I.*

## OBSERVATIO XXII.

*Vomitum puerorum à nimia lactis copia, Pylori angustiam nativam non pertransiente.*

**S**Citur & ridetur ab omnibus illa simia, animalis alias sagacis, stoliditas, quæ catulos suos præ nimio affectu tam arctè pectori suo apprimat, ut exprimat animam: Haud multo sapientiores pleræque matres, quæ filios suos nutriendo necant & lactando matant: Anatome illas, si sapere vellent, doceret quam factò in uno, dum pia esse volunt, sceleratae existant: Oblati enim mihi sæpiſſime sunt ex iis quibus lac nimia copia fuerat exhibitum, febris continua brevi tempore extincta, quorum dum mortis immaturæ causam indagabam, omnes ita obesos & pinguedine obseſſos inveni, ut vix scirem quo cultum anatomicum adigerem: qui pueri dum sugentes perpetuo Vomere, lætabantur stolidæ matres, vulgatum illud suum identidem occinentes, *Pueri qui vomunt, crescunt*, vere illud quidem, lac enim ut alimenti maximi est, ita facile, quando majori copia suppeditatur, quam ut calor nativus illud convertere possit in perfectam carnis substantiam, in pinguedinem abit; quæ non minus periculosum infantibus dat statum, quam adultis athletica corporis habitudo, quæ dum eadem quotidie gravatur copia, necessario in eadem incidunt incommoda pueri, in quæ ex nimia crapula adulti: Quis vitæ diuturnitatem promitteret ei qui ita se ingurgitaret quotidie, ut ter quaterve singulis diebus remitteretur vomitu quæ assumpsisset? Quid, an in tenera ista ætate crapula hæc non est multo pestilentior? nec enim calor isti tam copioso alimento digerendo sufficiens est: nec retentrix facultas satis valida, nec expultrix accommodata: Nam ut hoc etiam ex anatomica curiositate addam, Puerorum pylorus tam arcto sigillo à natura munitur, ut si infles, eum siccare possis, quamvis inferne non occludas: quæ naturæ dispositio non videtur apta ad tantum lactis per eum dimittendum, ideoque regurgitat & infantem enecat. *Th. Kerckringius observat. Anat. xl.*

## OBSERVATIO XXIII.

*Vomitum nigricantium humorum ob Pylorum exactè clausum.*

**P**ropter Pylori pertinacem clausuram humor alimentarius fit æruginosus, unde Vomitus periculosus sequitur, imo lethalis fit: quippe *Helmontio* narrante, Sectum quoddam cadaver alicujus Vomiturientis nigricantia, præter pylorum exactè clausum, nullum aliud vitium repertum est. *Ossev. Grembs Arb. r. & int. lib. ij. cap. 1. §. 3.*

## S C H O L I A.

**P**ylori clausura) Pylori occlusioni aliquando assignatur causa vomitus quæ à duodeni compressione contingit, observante *Riolano* Encheir. cap. 17. lib. 2. Hujus obscura est, ait, detectio, nam verius spinam investigandum cum principio jejuni,

cum diaphragmate. Istæ positio & intextura diligenter notanda, quia sæpe obstructionis & vomitus alimenti causa est sine vitio pylori, atque bilis fluens per meatum cholidochum exitu prohibita, regurgitat in ventriculum.

## OBSERVATIO XXIV.

*Vomitum bilis coercitus Tertianam febrem, hinc paralyſin, post mortem invehit, ob illius in cavo Jecoris retentionem.*

**Q**uidam quotidie bilem vomebat: hæc cessat vomitio, post tertiana corripitur: hæc soluta resolvuntur partes omnes sub capite; Aperto mortui cadavere bilis prassina reperitur in cavo Jecoris &c. *Fernelius cap. x. lib. de Febris.*

## S C H O L I A.

**B**ilem tamen hoc ævo nonnulli pro excremento omnino inutili non habent, imo insignes illi dotes allignant: Inter cæteros audiendus *D. Joh. Georgius Volcamer, Medicus Noribergensis, qui in Miscellaneis curiosis anni 1671. observat. 224.* de hujus usu hæc habet: Quidam annorum xxxi. post quandam excandescentiam fastidium carniū, ita ut ne intueri quidem eas potuerit, incurrit, limpida

prius aquæ, dein ciborum etiam omnium subsequuto vomitu: Medicus calculum subesse ratus, ordinato balneo efficere nihil potuit, nisi quod potius, cum virium omnium prostratione, brachiorum pedumque extrema purpurei coloris tinctura fecit deformari: Vomitus continuo se associavit crebra narium hæmorrhagia, quæ neque venæ sectione neque aliis tolli potuit: & quamvis interea redeunte aliquanti



aliquali ciborum quorumvis, exceptis carnibus, appetitu, vomitus cessarent, post triduum omnia assumpta alimenta immutata, retenta singulorum forma denuo per vomitum regurgitarunt: quando diutino tempore vomuit æger, nocturno profluvium ventris expertus est, & aquosa deiecit: hinc fame quasi canina torquebatur, usque dum qualicumque frueretur cibo, unde sedata fame obdormivit: Mensibus aliquot tali cum cruciatu peractis, cum vomitu per nates ad 24. horas uberrime sanguinem reddidit, nihil proficientibus vel venæ sectione, vel omnis generis topicis, unde nimia coniectura virium iactura: Quæ deinde cum vomitu revertebantur narium profluvia, non fuere sanguinis, sed feri cum cruore misti: Ad nos portato ægro, exercitatus licet Medicus alius consultus, cum per sudorem motum hunc non naturalem compescere conaretur, nullis diaphoreticis, nullius ope balnei elicere illum potuit: Accedebant horripilationes de die, noctu vero totius corporis æstus increvit, supervenientibus etiam delirio, acerbisque articulorum doloribus: Tandem ego ad curam accitus cum acetosa saltem, non amarulenta evomi animadvertentem, observatis & aliis circumstantiis, inferius ventriculi orificium frequenti vomitione nimis fuisse debilitatum asserui, per quod omnis illa bilis ex poro choledochi in duodenum subinde scaturiens (quæ alias cum acido salino, quod Pancreas per ductum eructat, pro fermento massæ alimentari ex Pyloro paulatim egredienti interviit) crebro vomitu fuerit penitus ejecta, nihilque ejus superesset: Jam verò per vomitum acidum illud salinum quod restat, donec & illud cum vitæ termino deimeret, vomeretur: Quicquid proinde pro roborando stomacho, quicquid pro bile denuo reficienda suscepimus laboris, natura licet interdum conatibus nostris per unum vel alterum diem nonnihil ablandiente, nihilominus præternaturalis illius motus vehementia in illo lethali vomitu omnes nostros elusit conatus, usque dum injuriæ impetuosi hujus affectus, in dies incrementa capientis, non amplius ferenda sufficiens æger, animam tandem Deo reddidit.

Hinc, qui Bilem pro excremento prorsus inutiles habent, naturam imprudentiæ mihi arguere videntur, utpote quæ illam ad intestinorum & chylicationis principium ordinavit, & propinquiora ad eam removendam ex corpore loca habuisset, ut ne recto per porum cholidochum tramite alimentari ex ventriculo egredienti massæ se jungeret: Anne autem dicam apud Helmontianos merebitur ille qui bilem pro Alkali, succum verò Pancreaticum acido salinum, pro acido substituet? Hæc duo sicut in oleo Tartari, aceto ex destillatione remanenti affuso videmus, fermentum constituunt: Talem vero assumptæ alimentaris massæ in ventriculo effervescentiam contingere, ubi potius quiesce isti digestionis necessaria opus est, non est verosimile: Annon magis in longis intestinorum anfractibus eam commodiorem habitura locum, & opportunam magis occasionem, ubi flatibus exinde prodeuntibus liber à pyloro transitus denegatur, credendum est? Ibi enim separatus per fermentationem chylus à vasis, quæ tenuibus adherent intestinis, lacteis aborbetur, & ad Receptaculum in lumbis delitescens transfertur: Quod si autem per inferius ventriculi orificium flatuosi quid transierit, eructabitur: Ructus hic, si fuerit nidorosus, siue acidus, abundantiam bilis vel succi pancreatici arguet: alterutrum verò corruptio, vel in quantitate aut qualitate excessus qualicum-

que, unde fermentatio proba impeditur, quid possit in morbis excitandis, indaganti non impervium futurum est.

Quæ autem in Observatione de infelici Bilis per vomitum rejectione audentius pronuntiavi (sic idem Clar. Volcemer Ann. ad dictam observationem) dum Bilem non saltem excrementum corporis esse, sed magis necessariam tot usibus in facultate naturali promovendis, nemo mihi vitio vertet: hætenus enim videre non potui unde in ventriculo fermentum suum ducat originem; pars enim prorsus membranacea, nil nisi crassitie à vesica discrepans; interius insuper aliquo lentore obducitur, ut assumptam alimentarem massam promptius exprimere possit, quam visciditatem acor fermenti subinde in eo generari absumeret: Hanc toties abradi observavi vi acriore purgantium, manifesto periculo ipsi stomacho insidiantium: Accedit, si cibus fermentationem in ventriculo admitteret, ardor stomachi exoriretur, quod usu frequentissimum apud illos qui varietate nimia cibi potulque delectari solent: Quin ipsi stomachus pro promocondo naturæ interservit, ut paulatim massam aliquandiu digestam exprimat, ne continuo cibum appetere cogeretur animal: Sic & ipsi ventriculus vulnere non lethaliter afficitur, & quamvis venulæ quædam lactæ ipsi adhaereant, non tam pro deferendo quam adferendo ipsi chylo interservient: Bilem vero summam, quæ est in fermentatione necessitatem quis non videt? Sedem paulo ante pylori egressum sub Hepate habet, ut in promovendis jam digestis alimentis ei ancilletur, ut succo pancreatico per porum cholidochum juncta fermentum contribuat; ut ope effervescentiæ illius purum illud, chylotum quod est, separaretur ab impuro, fecibus scilicet sentim ad intestina crassa prolabantibus: In longis hæc tenuium intestinorum anfractibus, quibus vena lactæ annectuntur, fermentatio locum commodiorem invenit, quæ tribus quasi claustris coercita superne, ne flatibus inde emergentibus liberior exitus pateat: In Gula, orificio ventriculi superiore, & inferiore, ne continuis ructibus ansam porrigeret: Hæc quoque intestina post interitum animalis semper inflata à fermento quodam inibi relicto observantur, collapso licet & compresso stomacho: Longæ eorundem ambages in diuturniorem fermentationis moram & circulationem faciunt, unde conveniens massæ separatio: Hæc in intestinis separatio si fuerit abolita, quod in pleis que febribus ardentibus præcipue uti venire solet, boli isti ex stomacho subinde expressi nullam subeunt alterationem, sed paulatim exsiccantur & prodeunt rotundiformia excrementa, *orbicula dicta*, alvus continuo adstricta fecibus transiitum denegat: redeunte paulatim fermentatione, flatu oriri solent, qui deinceps prodromi continentur fecum prope diem subsequendum: Si depravatur, acidum biliotum correspondebit, inde diarrhoea; vel si bilis aut succus acidus corrumpitur, dysenteria, icterus, & alii morbi inde suum ortum ducunt: Sed hæc omnia interea pro paradoxo haberi poterunt &c.

*Bilem vomebat*) Etsi materia Vomitu rejecta mera sit bilis, existimat tamen Excell. Willw Phatm. Ration p. m. 47. eam vomitionis causam primariam non esse, sed eam à vasis choledochis, propter spasmus prius inductum exantari Sic si octavi paris truncus, ejusque propaggines & rami inferiores, in abdominis peculiaribus visceribus distributi, in spasmos irritantur, alias haud infrequenter propaggines,

des, quantumlibet intactas, pariles concipere anomalies, & aliis ipsas visceribus, ac imprimis ventriculo motus convulsivos impertire. Hoc manifestum

esse, *ut*, de vomitu qui in paroxysmis nephriticis, affectibus colicis, & hystericis ita dictis, passim excutatur.

## OBSERVATIO XXV.

*Vomitus vitio anadoseos inductus in affectione hypochondriaca laborantibus, ob Pylori angustiam.*

**Q**uidam vomitum patiebatur cum ventristormine, Sed totum id de quo agitur hypochondriacum est: Accusatur semper ventriculus licet innocens & vicinæ lege patiens: Dioclea pylori phlogosis intelligitur, chylus aduritur; talis sanguis, at natura adustionem abhorret, elixationem admittit; hinc marcor, squalor, tabes: Nuper octo vidi ægotantes simili morbo afflictos; alimento sumpto gravis erat ventriculus, coctio talis qualis, in anadosi dolor; corpus differebatur (verbo Terentiano) dolore, noctu quies & induciæ; die sequenti redundatio stomachi: assumptorum Vomitus alios per menses tres, alios per quatuor exercuere: pars ægrorum emarcuit, tabuit collapsus aquiliculus, mors: Pars, at cujus minore virium dispendio morbus productus erat, afflictæ quidem & lecto & morbo, Vomitus periodicus ut in celiacis; Ventriculus quidem facit officium; Pylorus obstructus & mesaræon, aut oppilativa, aut attenuativa obstructione (ut loquuntur veteres Practici) per collapsum vasorum & viarum, & hæc fatalis filum vitæ præcidit: Id fit in opticis nervis, unde perfecta cæcitas illæso oculo: In apertis cadaveribus eorum quos sua fors peremerat, alias inventa Pylori inflammatio, obstructionis & angustię causa: In aliis glandularum mesenterii durities, impendio magis & quasi callus mesenterii, aut quidam sphacelus: ut mirum non fuerit si ventriculus alimentum appetiverit, quoad poruerit coxerit res ingestas, sed vitio anadoseos, & ob vitium labemque mesenterii omnia rejectantur vomitu, licet chylus naturæ gratiam receperit. *Ballemius consilio lxxiv. lib. iij.*

## OBSERVATIO XXVI.

*Vomitus creber in quodam qui ventriculum duplicem habebat.*

**I**N dissecto cadavere 35. annorum, creberrimis Vomitibus diu vexato, invenimus ventriculum duplicem, ita ut Prior, qui oesophago continuus, ab altero, qui intestinis, manifeste distingueretur: Ille, minor altero, ast crassioris substantiæ, infinitis plicis, iisque insignibus, interius exasperatus, Hic vero iis omnino destituebatur, tenuis valde conditionis: In illo fibræ carnosæ plurimæ occurrebant varii generis: In hac vix ullæ, saltem haud adeo observabiles: Locus ille, ubi duæ hæc cavitates à se invicem separabantur, interius valde angustus erat, sic ut vix digitum minimum reciperet: substantia ipsa hic crassa, duræque admodum, mollioris quasi cartilaginis speciem referens: Et hanc angustiam frequentioris vomitus in hoc ægotante causam fuisse conjicio. *Gerardus Blasius p. 4. Observat. med. ix.*

## OBSERVATIO XXVII.

*Vomitus ob ventriculum in cavitationem thoracis depulsum.*

**H**enricus Buscherhovius Livonus, cum melancholia tentationibusque variis vexaretur, proprio gladio se confodit, infra 4. costam in thoracem adacto, & sub nona costa in tergo exeunte: quod vulnus tamen intra duos menses sanatum est: verum accidit ut post menses aliquot iterum de absurdis cogitationibus conquereretur, & postea primo aquam & quicquid cibi assumpsisset, post viridia, tandem nigra quater, eaque magna copia rejiceret vomitu, cum Sudoribus frigidis & leipothymia, ac deinde post ultimum vomitum exspiraret.

Corpus apertum est, deprehensumque vulnus per Pulmones & diaphragma penetrasse, & quidem diaphragma transossium fuisse in nerveo circulo: Pulmonis nihil fere reperi- tum est in sinistro latere confosso, cum proculdubio cum pure exierit, exigua portiuncula aderat costis adnata: ventriculus totus ascenderat in sinistrum thoracis latus, & cor cum capsula de sede sua depulerat in dextrum latus, ubi & vivus ille jubebat observari cordis pulsus: cor arefactum erat, copiosa aqua citrina in capsula: omentum & pancreas: totum etiam fere circa ventriculum computruerat. *Sennertus Instit. lib. 2. part. 2. capite 13.*

§. 2. Filius



§. 2. Filius D. N. 24. annos natus temperamento melancholicus, febre tertiana diuturna, nunc simplici, nunc duplici per totam fere ætatem laboraverat: In mense vero Septembri, licet à paroxysmis febribus liberatus esset, non satis tamen prospera valetudine frueretur, ab Empirico quodam antimoniū sumpsit, forte male præparatum, à quo vehementissimi vomendi conatus excitati sunt, absque ullo effectu, ita ut conatus ille irritus continuo affligens eum intra septem vel octo horas ad extrema redegerit, & circa vesperam de medio sustulerit.

Aperto cadavere, inventus est ventriculus in parte thoracis dextra, variis humoribus repletus: quiquidem situs præternaturalis, effecit proculdubio ut sese sufficienter dilatare ac subvertere nequiverit ad vomitum efficiendum, costarum ambitu oppressus.

## S C H O L I A.

**H**unc situm ab ortu contractum fuisse testatur pulmonis carentia in illa thoracis parte, cum unicus illius lobus in sinistra appareret: Mirum autem est hunc juvenem in toto vitæ decursu spirandi difficultate non fuisse oppressum, & omnes corporis functiones ante morbum prædictum commode exercuisse, militiam enim exercuerat, & febres prædictas in bello contraxerat. *Lazar. Riverius cent. 4. obs. 67.*

§. 3. Studiosus ante decendium obstructions quasdam senserat, ex quibus summa ventriculi debilitas, ob denegatam excrementorum ejectionem & varia symptomata, graves singultus & infiniti propemodum Vomitus exorti, quibus ita viribus fuit fractus ut in lectum conjiceretur: Remedia effectu caruerant, quod nihil contineret ventriculus: Noctæ tandem proximum diem Solis antecedente Vomitus sic affligerunt, ut per os & nares materia cruenta certatim eruperit, ipsūque præcluso penitus exitu, suffocaverit.

Abdomine aperto, quum moles pinguedinis tres transversos digitos ei instraret, impedimento esset, quo minus ad consuetam ventriculi sedem, quæ est sub diaphragmate inter hepar & lienem, pervenire liceret, placuit prius aperire thoracem: vix remotum erat sternum, ubi in sinistro latere corpus quoddam glandulosum se nobis in conspectum daret, quod primo quidem intuitu pro pulmone depravato habebatur, sed mox omentum esse, ac sub eo latitare ventriculum, cunctis obtuforescentibus deprehensum est: Ad pleniorē hujus præternaturalis ventriculi situs cognitionem, sejungebantur intestina à mesenterio, cum quibus ita comparatum erat, Duodenum cum portiuncula substrati pancreatis è thorace proveniens, per peculiare foramen (in sinistro itidem latere, amplum & nerveo circulo circumscriptum) diaphragma perreptabat, cūque reliquis intestinis continuatum erat usque ad colon, quod ex abdomine per dictum foramen in thoracem transiens, ibidem cum omento, cui firmiter erat annexum, ventriculi fundum in duas quasi partes dividebat, ac rursus miro anfractu deorsum tendens, atque eadem via, ex eodem diaphragmatis rediens foramine, intestinum rectum, longum satis ac gracile, & conspicuis rectis transversisque præditum fibris constituebat: Hepar insolite crassitiei ac magnitudinis, ut scilicet spatium deficienti ventriculo expleret, diaphragmati erat annexum: Ipse autem ventriculus in thorace, cætera liber, inferiori parte ligamentis aliquot membranosis diaphragmati & pleuræ circa costas spurias adhærebat, superiori claviculas fere attingebat, sinistrumque latus plane occupaverat, ita ut vix minimæ sinistri pulmonis particulæ locus superesset: Cor vero de sede sua in dextrum latus depulerat, & dexter Pulmo cordi cedens, sub eodem spinæ dorsii adiacebat: Oesophagus ad diaphragma progrediens os ventriculi nonnihil deprimebat, ut non longe à pyloro dissideret: Ex secto demum ventriculo cum annexis partibus, Lienem, qui principio nullibi apparebat, in propria capsula, quam duplicatura diaphragmatis in sinistro latere formaverat, invenimus, sanum alias sed lividum & exilem, ac per vas breve ventriculo connexum, Diaphragma totum erat carnosum; postremo etiam liberum materię ex ventriculo patere exitum, eandemque ex intestinis, ob hiatum relaxati pylori pleno impetu remeare posse advertimus, qui cum incideretur, ingens vis scaturientis materię exinde profluxit, unde ab opere desistendum fuit. *Th. Bartholinus cent. vj. observat. lv.*

## OBSERVATIO XXVIII.

*Vomitus ob sursum compulsū ventriculum ab immāni Renis sinistri tumore.*

**H**onesta mulier abscessum in rene sinistro per plures annos gestavit, tam immanem ut totam abdominis capacitatem impleret coæquaretque, sursum visceribus ven-

Y y y                      triculo



triculo & intestinis revulsis & coarctatis in pectus, ita ut nihil fere cibi continere posset. Pendebat autem ille abscessus libras xiv. *Carolus Piso de morbis à sera sect. 2. part. 2. cap. 7.*

## OBSERVATIO XXIX.

*Vomitus ob compressum ventriculum ab intestinis flatibus & fecibus distentis.*

**T**ONsor quidam ex dextro hypochondrio efferri sibi quiddam conquerebatur, quod in sinistro conquiesceret, quo super ventriculi fundo transeunte, cibi potusque portio regurgitans, subito per os exiliebat, veluti lagena aliqua coriacea compressa, ejus quod in ea continetur cum impetu pars quædam rejicitur: multorum imperitorum Medicorum opera usus, vehementia medicamenta, ac violentissimas purgationes sustinuerat, sed cum hujuscemodi remediis malum non cederet, tandem defecit.

Hujus intestinum colon, à dextro in sinistrum, & qua parte ventriculi fundo incumbit, flatu omnino distentum erat, & ab omnibus excrementis vacuum, reliqua intestina plena fecibus: ex quorum superioribus dum feces descenderent, impetu quodam violento per eum distentum ferebatur, ventriculi fundo compresso, unde factum est ut cibi potusque portio ad os subito regurgitaret. *Dodonæus observat. cap. 37.*

## OBSERVATIO XXX.

*Vomitus ab Ileo intestino juxta Cæcum contracto.*

**N**. Lapsus ex equo supra saxum, exinde conquestus est de tolerabili quidem inguinis dextri dolore, nec non Vomitu omnium assumptorum quartano: hunc dolorem & vomitum per trimestre parvi fecit, & lanii officio functurus frequenter equitavit: At consumptione corporis, quod antea valde carnosum & pingue, observata, adiit Empiricum, qui dedit pulvèrem per inferiora valde purgantem: æger tamen post omne triduum materiam acidam, & mixturæ cinerum ac cremoris hordei similem evomuit, alternisq; diebus solida & cineritii coloris excrementa per alvum reddidit: Ob totius marcorem & virium debilitatem lecto affixus meum petiit consilium: Huic cum alvus alternis diebus responderet, præscripti saltem medicamenta ventriculum interne & externe roborantia. His nihil conferentibus, Vomitus continuans suspicionem movit Intestinum ileum morbo quodam organico affectum fore.

Post obitum patientis diligenter in locum affectum inquirens, partem intestini, quæ cæco intestino proxima est, inveni adeo contractam, ut cavitate sua vix digitum pueri auricularem admitteret: Dicta Ilei pars, ob solam contractionem angustior, longitudinem decem digitorum transversorum adæquavit, reliquum vero intestini bene compositum aut satis dilatatum comparuit. *Joh. Scultetus Observat. lxi. Armament. Chirurgici.*

## SCHOLIA.

**D**uplex hic orta quæstio, Quæ nimirum hujus contractionis causa extiterit? Et an patientis remediis per alvum infusis ab hoc contractionis malo præservari & liberari potuerit? Respondi, Intestinum saxo contusum, citra inflammationem, intumuisse primo, vomitumque excitaſſe, Ex resolutum tumore demum fibras suas (cum jam natura motui peristaltico esset assucta) contraxiſſe; non aliter ac

ventriculus paucissima assumens, vesica calculo irritata, & uterus fœtu excluso paulatim contrahi solet: Infusis à principio discutientibus à contractione intestini æger bene quidem præservari potuisse, non tamen à facta dilatantibus liberari; quia injecta enemata, ob calculi valvulam, ad locum dilatandum non perveniſſent.

## OBSERVATIO XXXI. ■

*Vomitus materiæ chylosæ, à cohesionem reduplicati intestini Ilei, bubonocelen sequuta.*

**M**ulier sexagenaria, cujus domicilium in vico *du Bonle*, Genevæ, gibbosa in lumbis, dissecta fuit à mag. Bailly, Chirurgo Genevensi peritissimo anno 1676. 14. mensis Novembris: præsentibus DD. Theop. Boneto, Pompeio Diodati, Clerico & du Commun: Biennio ante obitum eductus illi fuerat vesica per lithotomiam, ab eodem Chirurgo, lapis ovianserini magnitudinem æquans: Bubonocelen in dextro inguine illi ex intervallis molesta erat, quam manibus ipsa repellebat, Tandem sex ante mortem hebdomadis nullavine ipsa industria Chirurgi reponi potuit, unde Vomitus ad interitum usque durans, materiz chylosæ, pituitosæ & alimentorum, cum alvi insigni adstrictione: Injectis clysteribus

*omnibus* tantum deiciebantur : Falsæ pleuritidi sæpe obnoxia erat & pectoris doloribus : Respiratio difficilis erat & aliquot ante excessum hebdomadis , stertorosa & anxiosa : Tandem marcore confecta obiit , nam sceleron erat pelle obductum.

Ante dissectionem consideranda fuere exteriora : Abdominis spatium à mucronata cartilagine vix erat sesquipedale : Ossa ilium , ischium & pubis ultra abdomen ad duodecim transversorum digitorum altitudinem assurgebant : Gibbositas erat insignis ad lumbos , latere dextro , sive *σκολίωσις* ; quam præcesserat casus : Unguibus pollicis utriusque pedis adnata erant cornicula nigra ; inflexa , ad longitudinem minimi digiti , arietinis similia , quæ nulla fere vi abscesserunt ; Aperto dein abdomine 1. Peritonæum lacerum apparuit , cuius particulæ ileo intestino arte cohærebant , ut citra divulsionem separari non potuerint : 2. Hepar intra costas omnino latitabat , adeo ut hæc illud excederent , ad hypochondrium usque sinistrum exporrectum , Per membranosos nexus diaphragmati ubique fere cohærebat. 3. Ventriculus omnia intestina cooperiebat , ad pubem usque devolutus , laxus , albicans , similis membranæ pergamenæ madidæ , extensus absque ullis rugis intus & foras apparuit , cuius vasa turgebant ; aderat & macula nigra in superficie exteriori , denarii magnitudine ; Intus continebat materiam chylosam , corruptam & foetidissimam , inibi coercitam , à quo tempore hernia retrocedere non potuit , unde Vomitus continuus , sua autem copia , quæ decem libras civiles excedebat , & pondere ventriculum usque ad ima abdominis depresso : 4. Pancreas scirrhosum , semicorruptum , 5. Mesenterium , in summa viscerum corruptela , nec non & 6. Lien , sat integrè : 7. Cystis fellea magna , semiplena : 8. Jejunum intestinum ad trium digitorum latitudinem complicatum erat & cohærens , quod dissectum stercus durum exhibuit , cavitatem omnino opplens , ut nequicquam elabi vel illabi posset , & hinc repetenda causa Vomitus , adstrictæ alvi & dolorum ventris acriter urgentium. 9. Intestinum cæcum ob abscessum præcedentem crepuerat , unde scybala in cavum abdominis egressa erant ; prope spinam dorsii , è regione illius reperta : 10. Cavitas Spigelii amplissima erat , in quam intrusâ manu facile erat explorare cuniculos & anfractus , colluviei vitiosorum humorum latebras ; de qua vide *Riellanum in Anthropogr.* 11. Ren dexter naturalis erat , cavitas tamen in venterem hians , ampla , ut quæ digitum medium exciperet : 12. Sinister pene consumptus , vix nuglem juglandem æquans , cuius superstes sola membrana , sed sat crassa , à quo cuticula levi digitorum attractu abscedebat : hinc verisimile est præcessisse abscessum , ob quem parenchyma in saniem effusum fuerit ; Cavitas autem cui inseritur venter , adeo ampla , ut duos digitos conjunctos admitteret : atque in eo originem habuit calculus insignis , è vesica eductus : 13. vesica erat parva , nihil p. n. continens , inanis tamen : 14. Uterus contractus , parvus , quamvis peperisset ; cartilagineæ duritiei , quam novacula sine hebetudine dividere non potuit ; cavitas vix pisi capax. 15. Pelvis excipiens concava , profunda : 16. Spina dorsii mire inflexa , contorta , ad interiora compulsâ ; cuius ultima vertebra à prima lumborum , citra tamen medullæ læsionem , notabiliter discesserat : In medio ventre , 17. Pulmones exterius nigricantes , tuberosi & maculati erant , colubri pellem referentes , exsuccis & scirrhis repleti ; In extrema tamen superficie ab impresso digito foveam retinentes. Diaphragmati undique per fibras densas erat adnatus : lobus dexter costis adhærebat : 18. Ad extremum lobi sinistri , appensa erat vesica flatu turgida , magnitudine nucis juglandis , sed oblongiusculæ , tenuis , piscium vesicis omnino similis : 19. Mediastini cavitas ampla erat , mire diducta , proculdubio à flatibus expansa , unde pectoris doloribus crebro tentabatur. 20. Multa quoque spatia inania inter costas & pleuram deprehendebantur , flatuum inibi conclusorum soboles , hinc pleuritidi spurie obnoxia erat. 21. In pericardio paucissimus humor , cuius apex septo affixum erat : 22. Cor non multum strigosum & corrugatum , quam causæ inanientes adessent efficaces : 23. Paucissimus cruor in vasis tam imi quam mediis ventris : 24. Quia collum extraordinarie tumebat , aperiri iussi , in quo deprehensa bronchoneale , quæ dissecta ostendit glandulam oblongam , primo intuitu musculosam carnem referentem , sed ad motus propius oculis granulata erat , humoris omnino expers , ovi anserini magnitudine , sed longiusculi , in latere dextro , sed minor in sinistro.

## OBSERVATIO XXXII.

*Vomitus à relaxata valvula Ilei intestini extremo inserta.*

**I**N muliere hydropica , præ nimio madore , uti reliqua extra , sic quoque acquiseverat valvula intestinalis tantam molliem , ut vix potuerit manibus tractari , nedum illud officium corpori facere cui ipsam destinaverat sollicita ac provida natura. *N. Tulpianus l. 3. obs. med. c. 21.*

Yyy 2

SCHOLIA.

## SCHOLIA.

**E**st hæc Valvula non tantum ( ut videtur indicare exterior apparatus ) annulus villosus , absolvens integrum circulum , qui animatus instar orificii ventriculi , urgente necessitate sese aperit vel claudit : Sed talis potius circulus , ex quo dependet membrana lata duos digitos , & ita conformata ut præter animæ vim , cuicumque viventi parti insit , etiam figuræ beneficio apta sit occludere Ilei intestini ingressum , ante quem pendet instar cortinæ vel veli alicujus laxioris : cujus similitudinis ergo vocatur propterea , haud inconcinne , à Varolio Ilei operculum , quasi regens & operiens ipsius orificium , Anat. l. 3. c. 3. Si quid enim excrementorum ab Ileo affluit , tollit se concedens illis liberum transitum , at cessante affluxu concidit illico , impediens expressè ne quid revertatur iterù à colo aut cæco ad ileum : plane ad instar nostratum cataractarum , quarum repagula sponte non minus aperiuntur quam clauduntur : quarumque bipatentes janue ita conformantur ut tantum pateant refluxui cedendo , quantum renitantur fluxui obliuctando : Imo quo quid validius hanc valvulam premit , eo reprimat ipsa po-

tentius , tam arcte subinde occlusa ut ne tenuissimum quidem transmiserit spiritum : nisi forte robur ac stabilitatem ipsius , vel à morbo vel ab humida aliqua intemperie succescat , velut id a nobis observatum in prædicta hydropica : Inferior valvulæ hujus pars ( vide integram & accuratam descriptionem capite citato ) fluctuat libere , quo se expeditius cum attollat , tum deprimat , in quo consistit totum officium quod corpori humano præstat volubilis hæc pars : cujus adducto freno nisi coerceretur quotidiana stercoreis regurgitatio , erumperet necessario quolibet momento per os abominanda ventris cloaca , conipureta indefinenter illa parte , qua divinitatis suæ semina aliis communicat anima rationalis : quippe ita à natura comparatum est , ut licet à superioribus partibus oriantur intestina tenuia , descendant tamen propterea non recta deorsum , sed expellant excrementa sua sursum ob sinuosa intestinorum volumina , præcipue vero circa locum hujus valvulæ , line cujus impedimento reverteretur stercus facile ad os ; gravia namque natura sua feruntur deorsum , maxime in via lubrica ac declivi. *Idem ibidem.*

## OBSERVATIO XXXIII.

*Vomitus excitatus à vitiosa conformatione Pori choledochi , Ventriculo ab Epiploo non cooperto.*

**P**uellæ ventriculi fundus transversum palmum infra costas spurias demersus erat , nullo pomenti fotu gaudens , unde ad Vomitum concitabatur : Meatus Choledochus in plures ramulos divisus multum bilis ob angustiam regurgitare fecerat. *Vide sis. de Cholera.*

## OBSERVATIO XXXIV.

*Vomitus excitatus à vitiosa Pori choledochi insertione.*

**S**ecundo Comitem Aufimondianum , offendimus Porum choledochum , alias in ecphysin se exonerantem , proxyme pylorum egressum habuisse , ita ut non minus ventriculo quam intestinis bilem transmitteret : Quæ causa illi fuit quod sæpius nausearet vomereque. *Barth. Cabrollius Observat. Anatom. 6.*

## SCHOLIA.

**C**ur sæpius nausearet vomereque ) Quia nempe *πυλῶδης* : Triplices sunt *πυλῶδης* , *ἀν* , *ἄν* , *ἄν* & *ἄν* : *ἄν* quibus bilis in fundum ventriculi

influxit : *ἄν* , quibus in intestina , *ἄν* , quibus in habitum , ut in lètericis.

## OBSERVATIO XXXV.

*Vomitus bilis à ruptione Vesicæ fellis.*

**A**ccidit aliquando ruptio vesicæ fellis , ut observatum est hoc sæculo in Nobili quodam , qui diuturno bilis vomitu vexatus est , Causâque , nempe ruptio vesicæ fellis , post obitum , sectione satis patuit. *G. Bertinus Med. lib. 12. cap. 14.*

## OBSERVATIO XXXVI.

*Vomitus ciborum à calculis in vesica fellea & meatu cholidochi.*

§. I. **B**ononiz Præcos Medicinæ ordinarius Professor quidam , nomine Beatus , habuit matrem Sexagenariam , quæ cum diutissime regio morbo laborasset , & continuo ciborum Vomitu excruciatâ fuisset , tandem mortua est.

In ejus vesica fellea multi reperti sunt calculi , Et in meatu à vesica bilis ad duodenum , magnus , qui cum moatum undequaque obstruxerat.

SCHOLIA.



## S C H O L I A.

Unde hac via obturata, natura bilem in ventriculo exoneravit; ventriculus perpetua acrimonia stimulatus, omnia per vomitum rejecit: Fecerunt Medici qui voluerunt *πυλιν* fuisse, At cum nonnisi in hoc tantum morbo vomitu infestata fuerit, existimo proprium meatum minime à vesica

felica in ventriculum immisum, sed potius per inscrutabiles vias (ut in his qui hepatis vesicæque felis magna laborant obstructione) quotidie bilem flavam in ventriculum profundi. *Volcherus*  
*Ceter libello observat.*  
*Anat. & Chirurg.*

§. 2. Conjux cujusdam Illustrissimi viri cum studeret variis remediis consulere sterilitati, nihil effecit, sed potius valetudinem gravius afflixit, atque in Vomitu bilioso qui illi fuit permolestus & quasi continuus, incidit: Tandem in magnis frigoribus longinquum iter suscipere coacta, pleuritide correpta obiit.

Aperto corpore, reperta vesicula fellis intus extensa, plane obstructa, propter lapides, numero decem, satis grandes, referentes exacte figuram glandis faginæ: Apparet bilem in ventriculum regurgitasse, ac istius vomitus causam fuisse. *Ex observat. Joachimi Camerarii.*

## OBSERVATIO XXXVII.

*Vomitus ob Hepatis partem concavam abscessu tentatam, Putredine in convexa.*

Anno 1660. Generosus Dom. de Bourgeou, Nobilis in Valle Equestrium, sub Ditione Bernensium, Vomitu pertinaci diu fuit vexatus: Affectus fuit oppugnatus remediis calidis & roborantibus, quasi causa esset intemperies frigida & humida, cum apertio cadaveris aliam subesse causam docuerit.

Nam Hepar parte convexa tumidum putredineque sicca affectum inventum est, omnino simile fimo equino radiis solis diu exposito, friabile & ad manuum contactum in minimas particulas dissiliens: In parte concava repertus abscessus, pugni magnitudine pure refertus, Unde tanta ventriculi angustia excitabatur, ut quævis ingesta, quamvis paucissima, protinus remearent.

## OBSERVATIO XXXVIII.

*Vomitus ab adhæsu locoris putridi cum diaphragmate.*

Dominus Vigneron per sex hebdomadas laboravit, & de stomacho tantum conquerabatur: Sentiebat pondus quoddam & Vomebat sæpe.

Aperto cadavere, Hepar superiore parte adhærebat diaphragmati, Et idipsum hepar putre erat. *Ballonius consil. 43. lib. 1. in Annotat.*

## S C H O L I A.

Excell. Thomas Bartholinus in Dubiis de Læcibus Thoracicis capite xv. Vomitum illum contigisse existimat, quia omnis chylo præclusa erat via ad thoracicas venas.

## OBSERVATIO XXXIX.

*Vomitus lactis in infante, ab Hepatis ulcere excitatus.*

Hepati infantis bimuli, fervidioris crasis, innascitur ulcus ex acriorum *δυσβροχίων* oriundum, quod ichorem in ventriculum regurgitabat, quem ventriculus quamprimum excipiebat, Emomuit, Infans vero qui lac maternum & vaccinum ante erodentis liquoris accessum optime concoxerat, postmodum ejusdem coagulum, ad magnitudinem pistorum conglobatum, & ad duritiem fere toporum percoctum, per secessum deposuit: butyrosam ejus substantiam puri commixtam per superiora repurgatam conspexi. *Bennettus Theatri Tabidorum Exerc. 26.*

## OBSERVATIO XL.

*Vomitus puris ab Hepatis abscessu manantis.*

Vir quidam Lutetia anno 1587. cum hepatis abscessu diu laborasset, & puris magnam copiam Vomitu rejecisset, tandem extinctus.

Cujus corpore aperto repertæ fuere venæ usque ad tibiā pure refertæ, & sinister testiculus putridus. *Ex observat. Gaspari Bambini.*

## S C H O L I A.

**V**Enē pure referta ) Ab hepatis abscessu illuc traducto : Observatum & vulneribus capitis abscessum hepatis succedere, & puris in eo colle-

ctionem, quod à capite derivari & manare volunt: Vide *Marchetti* Observat.

## OBSERVATIO XLI.

*Vomitus ab extraordinaria hepatis & ventriculi mole.*

**S**erenissimus Ernestus Archidux Austriae, variis affectibus tentatus, inter ceteros Vomitu, nausea, dolore ad venteres, cum mictu laborioso & strangurioso: judicatus fuit nephritide laborare, cujus non obscura signa aderant: quare propinatum est à Medicis, oxymel cum contemperante syrupo, quo hausto per aliquot dies, exclusus calculus, à quo dolor abfuit & meiendi difficultas, sed non vomitus, qui ad fatum perstitit.

Defuncti corpus cum dissecaretur: in conspectum venire pulmo, cor, pleura ac septum transversum vi retracta, ac in angustum coacta hepatis mole, & ventriculi septum quasi superantia, &c. Vide *tit. de Dysuria*.

## OBSERVATIO XLII.

*Vomitus ob Hepatis gangranam.*

**N**obiliis quidam Romanus coepit primo maximam sanguinis quantitatem sine tussi, cum multa pituita per os rejicere (exercebat autem artem distillatoriam & continue igni assistebat) Hanc sanguinis rejectionem subsequutus est cibi & potus appetitus valde insignis (erat autem stomacho valde sensili) cibum tamen crudum, cum multa pituita vitrea post octo horas ab assumptione, aliquando per os, aliquando per alvum rejecit: urina toto morbi tempore, & tribus adhuc ante mortem horis, laudatissima: Medici in consilium adhibiti, quia sanguinis rejectio statim eo die cessaverat, de ea non multum solliciti, curam ad ventriculum converterunt, existimantes ejusdem frigiditatem hanc appetentiam causare, quare eum roborarunt, & medicamenta calida simulque adstringentia praescripserunt, à quibus omnino nihil adjutus fuit, Tandem misere spiritum trahens obiit.

Secto cadavere, Jecur gangraena penitus corruptum & putrefactum repertum: suspicabantur nonnulli calore venam in Hepate disruptam, quod frequenter igni adstitisset: admirabantur tamen, quomodo jecore tam insigniter laeso urinae bonae apparuissent. *Ieremias Martius observat. vij.*

## S C H O L I A.

**M**aximam sanguinis quantitatem ) Imo Hepatis substantiam vomitu rejectam vidisse se adserit *Phil. Salmuth* centur. 1. observat. 67. post illius inflammationem: Aderat hypochondrii dextri tensio & durities, cum febre ardente, aliisque signis pathognomonicis visceris istius inflammationem demonstrantia: Cumque ad vias urinarias vacuare animus esset (quia in gibba parte affectus subsistere videbatur) oxymel diureticum exhibuit, ad cujus usum frequentiore in rumpebatur abscessus; unde vomitus aborti materiae purulentae, fetidae,

sanguine admisto: imo ipsa hepatis substantia, itemque valis ad sensum parentibus, rejiciebat, sequente postridie morte: Obstitit illi quidam Medicus, negans ægrum inflammatione hepatis laborasse, quod circa locum illum non valde doluisset: Sed erronee, cum Hepar paucissimis, & fere nullis nervis donatum obtruse sentiat, ac fere tantum ratione distensionis tunicarum.

*Jecore tam insigniter laeso urinae bonae*) Hoc mirum non videbitur iis qui cordi sanguificandi munus adscribunt, Hepati id officii denegantes.

## OBSERVATIO XLIII.

*Vomitus variis Hepatis lesiones sequutus, cum aliis aliarum partium affectibus.*

§. 1. **D**Om. N. de stomacho querebatur & vomebat saepe, Hepar superiore parte (quod putre) adhærebat diaphragmati. Vide *tit. de ventriculi dolore*.

§. 2. **V**etula extenuata obiit, cujus Hepar omnino putridum: Scirrhus intestino colo & fundo ventriculi tenaciter adhærebat: Hæc frequenter vomebat. Vide *tit. de Hypochondriorum tumore*.

§. 3. **C**atharina N. de doloribus dextri lateris conquesta, quoties noctu supina dormiret, toties largissimas sanguinis eruptiones è faucibus experiebatur: Hepar solito grandius

dus in sima parte habebat maculam albam, duram, totum parenchyma penetrans: Dissecti per medium vasa cuncta hiabant. *Vide tit. de Hypochond. dolore.*

§. 4. Duobus Jecur vulneratum, qui quotidie bilem evomebant, ut post eorum mortem videre licuit. *Vide lib. 4. tit. de vulneribus.*

§. 5. Andreas N. in dextro hypochondrio punctim vulneratur, hinc vomitus biliosus: Non tantum Hepatis substantia, Sed & cavæ truncus erat vulneratus. *Vide ibidem.*

§. 6. Civis N. paulatim in Cachexiam incidit, ac paulo post Nausea continua Vomitusque bilioso correptus est: Hepar fere totum erat corruptum, vacua fellis vesica, choledochus præter modum laxus & apertus: Intestina cræceo colore tincta. *Vide tit. de ventris dolore.*

§. 7. Clerico vomitiones assiduæ rerum variarum, ventris dolor: Ad regionem hepatis reperta sanies purulenta, Colon erat velut nigrescens, Epiploon totum putre. *Vide tit. de ventris dolore.*

§. 8. Vir melancholicus, scorbuticus, subito sanguinem vomuit, cum dejectionibus nigris. Ventriculus & intestina inflata, nigricantia, interius atramento quasi sutorio oblinita: Jecur scirrhusum, per totum tuberosum. *Vide tit. de Scorbuto.*

§. 9. Virgo Cachectica diarrhœa unâque frequenti materiæ porraceæ vomitu laborabat. Jecur fuit male coloratum; vesicula fellea liquore nigricante & frustulis sabulosis referta. Ductus hepaticus liquorem ex livido flavescentem exspuebat. *Vide tit. de cachexia.*

§. 10. Memini Clar. Medicum Franc. Poirotium phlegmones erysipelatodes hepatis, decimo tandem mense vehementia fractum, morte jam instante Evomuisse non sine summis cruciatibus, & intolerabili cardiogmo, meræ bilis porraceæ libras iiij. aut iv. Et in ejus cadavere, hepar scirrhusum, atroque virore totum luridum fuisse repertum. *Carolus Piso de morbis à Sero sect. iv. cap. i.*

## OBSERVATIO XLIV.

*Vomitum ob Hepar ventriculo adnatum, & materiam nigram in hoc contentam.*

**S** Artor quidam annor. circiter 30. cum ab anno ætatis 12. fere valerudinarius fuisset, per intervalla certa Vomitionibus biliosis divexatus, torminibus (ita ut colicum dolorem non solum ego sed & alii existimarent) constipatione alvi summa, dolore ventriculi, præsertim post sumptum cibum, (valde enim vorax erat) corpore macilento, facie ut plurimum flavescente, plurimorum consilio usus, meo etiam per annos tres, qui me monente anno 83. ad thermas Plumbarias se contulit, post quarum usum pene annum commode habuit. Mensibus tribus ante mortem sanguinem purum copiosissimum per vomitum rejecit: Dein rursus consuetis torminibus correptus, accedente vomitu materiæ nigrae, ut qui per multos dies rejecit singulo mane ad dimidiam mensuram, & tantundem vesperti aquæ nigerrimæ: Ischuria etiam postremo morbo laboravit, Alvus cum potenter esset constipata, clysteriis ipsum uti volui, qui similem materiam eduxere, frequentibus etiam leipothymiis divexabatur: Vomitu remittente, sensim venter intumescere cepit, plus minus dies 8. ante mortem.

Post mortem apertus à me fuit, In abdominis capacitate copiosa aqua nigra reperta, similis ei quæ per vomitum fuerat rejecta. Hepatis majoris lobi dextri, forte sexta pars, in ipso erat ventriculo, ita ut superior & exterior ventriculi pars hepati esset extrinsecus adnata, sic etiam inferior & posterior ventriculi pars, quæ dorsum spectat, ipsi Hepati accreverat; ita ut Hepatis ea pars ad latitudinem duorum circiter digitorum in ipso ventriculo esset, & à duabus ventriculi partibus contineretur: Superior tamen ventriculi pars à statu naturali non recesserat, nec adeo firmiter hepati adhærebat, sed inferior ab ipso hepatis parenchymate, absque hepatis dilaceratione separari non potuit. hepatis vero pars ea quæ à ventriculo continebatur, foveam quandam acquisiverat, ita ut substantia ea hepatis cartilaginis instar dura fuerit; In ipso autem ventriculo continebatur, ad mensuram unam, materia nigerrima pultis instar: Hepatis reliqua pars satis commode habebat, splen item, reliquaque viscera in abdomine contenta, sana erant. In thorace ipsius magnam aquæ rubentis copiam reperi: Credo ego naturalem fuisse illam accretionem & in utero materno acquisitam: Mater enim ipsius dum utero gestaret corpore semper inclinato sedit, netricis munere fungens. *Observatio Gaspar. Bauhini.*



## OBSERVATIO XLV.

*Vomitus ob ventriculum parte superiore scirrhum, lividum in fundo, Epiploon scirrhum, crassum, &c.*

**D**ie 15. Octobr. 1638. Dom. Enguarran, temperamento melancholico & adusto præditus, incidit in Vomitum contumacissimum sine causa manifesta, quo multa pituitosa, viscida, & mucilaginosa exercebat cum multo conatu: flatus etiam multos eructabat ab assumpto juscule: Ab aliis Medicis multa incassum usurpata fuere remedia per duos menses; Et lac exhibitum, quia suspicio erat ulceris ventriculi: Theriaca etiam frequenter, ob veneni assumpti metum: Ego vocatus invenio hypochondria valde tensa, præcipue sinistrum, pullum satis firmum, licet æger admodum esset debilis quoad vires animales. Conjeci humores fluere ab hypochondriis, & vomitum illum esse speciem affectionis hypochondriacæ: vesperi ipsi exhibentur laudani gr. ij. & tota nocte non vomuit, sed placide quievit. Sequenti die missus sanguis ad 3vi. valde adustus, vomuit bis aut ter ea die: præscriptus fuit fons emolliens & aperiens pro hypochondriis; 3. die datus pulvis ex rheo, myrobal. citr. spodio & mastiche, quem revomit, nec postmodum uti voluit remediis.

Post mensem interiit, & aperto cadavere inventum est Epiploon crassum, rubrum, scirrhum & contractum, ut hepar prima fronte referret, ejusque crassitiem adæquaret: ventriculus lividus in fundo, tenuis; parte vero superiori scirrhus, intestina livida; lien bene se habebat. Humores melancholici in omento acervabantur & inde in ventriculum refluebant. *Laz. Riverius cent. ij. observ. xlviii.*

## OBSERVATIO XLVI.

*Vomitus à flacciditate & extenuatione orificii ventriculi, cum Lienis scirrhu Hepate vitato, &c.*

**I**N Anatomia Sereniss. Principis Apoplectici 4. Aprilis 1652. observata sunt sequentia; Cutis per universum corpus ab humoribus serosis distenta: Epidermis separatu facilis, vesicis multis prægnans & turgida, muscoli lividi & nigricantes, Abdomen totum flatibus tumidum: Ventriculus laxatus, extenuatus & extensus in tantum, ut nullum extiterit fibrarum vestigium, tunicarumve discrimen: Orificium superius flaccidum plane, ob quas causas tantam nauseam & Vomitum passus est, Hepar coloris plumbei totumque ichorosum: Vesicula bilis grandior, uncis duabus bilis referta: Lien atro carbone nigrior & durus plus justo: Cor minus atque coloris fusci. Arteria venosa & aorta nigro humore, (qualem Princeps in lingua & faucibus per aliquot tempus magna cum difficultate habuerat) repleta; Pulmones flaccidi & purulenti: Cerebrum magnum & grande, sero & pituita plusquam refertum, maxime in ventriculis.

De nigra illa materia, atramento non absimili futorio, quaeritur unde oriunda: Ego Lienis fœces judico, à quibus non raro vomitus atros expertus sum. *I. Daniel Horstius Observ. Anatom. iij.*

## OBSERVATIO XLVII.

*Vomitus pituitæ, bilis & melancholiæ, à tenuitate membranarum ventriculi, poro choledochi, vasis brevis obstructione & Hepatis, Pancreatis duritiæ, &c. choledochi pori in ventriculum insertionem.*

**F**atalis morbi quo *Ferdinandus* iij. Romanorum Imperator, &c. 2. Aprilis anni 1651. est extinctus *Relatio.* Ferdinandus III. Græcii anno 1608. die 13. Julii natus, quamvis ingenii vires summo Principe dignas, attamen infirmam nactus est corporis, præsertim pedum, constitutionem, plerisque Austriæ Archiducibus familiarem; Quoquidem factum est ut crebris artuum doloribus, h. e. chiragra & podagra à quinquennio adeo enervatus, ac tandem usu pedum omnino privatus, vitam sedentariam ducere cogeretur, & quidem tendines utrumque genu investientes penitus contracti fuerint, nec rectos ullo modo in rectum extendere, vel iisdem insistere potuerit: hoc ipso insuper citra omnem corporis motum, quo calor ventilari, ciborum concoctiones promoveri, humores superflui liquefieri: & phlegma ad ventriculi fundum demitti debuissent, magnam cruditarum colluviam contraxit, quæ subinde ventriculum irritans, Vomitu fuit rejecta, vel ad secundæ coctionis viscera præcipitata, contumaces, jecoris præsertim, lienis & mesenterii obstructions induxit: Et cum vitium primæ coctionis non emendetur in secundâ, copiosa humo-

rum collectione calor viscerum obrutus, adeoque his devincendis impar, flatus, borborygmos & abdominis murmura suscitavit, qui non solum deorsum, sed etiam sursum violenter erumpentes, crebros causarunt ructus. Frustrata hoc modo utraque concoctione, sanguis corpori alendo admodum ineptus fuit genitus, cujus sex crassior, propter splenici & mesenterici rami opilationem, per vas breve in lienem ingredi prohibita, partim deorsum ad venas hæmorrhoidales profluens, in illarum exitu hyperfarcoses, & fistulam perpetua sanie madentem produxit, partim per supernum ventriculi orificium in illius cavitatem protrusa, vel insuper ob choledochi obstructionem ad intestina delabi prohibitum, in ventriculum regurgitavit, vel subtiliori sui parte in habitum corporis diffusa, faciem potissimum pallidam & colore subfusco infecit. His omnibus corporis indispositionibus accesserunt assidua & gravissima animi cura, quæ modicum sanguinem ad cor attrahabant & spiritus insitos dissipabant, caloremque nativum sensim exstinguebant: Ea de causa jam à tribus annis non fuimus ausi venam aperire, ne subito omni humido, vitæque thesauro evacuato, appropinquantes vitam terminum abbreviarem: Observavimus enim, & potissimum in reditu à Bohemia in Austriam, etiam optima victus ratione, è cibis optimi succi & facillime coctionis instituta, paulatim non tam corporis quam ingenii vires magis magisque debilitari, somnolentum & fessum reddi, ut nisi summa urgeret Consiliarios interpellantes audiendi necessitas, interdum præ totius corporis lassitudine, lecto decumbere cogeretur: Caloris denique exiguitatem demonstrabant nobis urinæ tenues, assumpto potu duplo aut triplo copiosiores; aliquot etiam septimanis lactescentes & penitus inodora, omni salsedine feri carentes; postea subito ob filii nativitatem, à gaudio concepto, residuo nimirum calore resuscitato, melius colorata, sed absque omni eozoremate vel sedimento, ut pote quibus nihil humorum, coctione & separatione nondum inchoata, nec falsum sanguinis excrementum urinæ permiscebatur. Tandem cum 8<sup>o</sup>. Martii à venatione demum rediisset, pejus habere coepit, ac x. ejusdem mensis humoris melancholici faciem, copioso phlegmati permixtam, (uti præteritis annis aliquoties) vomitu rejecit, simulque hæmorrhoidum fluxus, ut & ibidem fistula, saniem profundere cessavit & exaruit, Vomitus item nullis, antea sæpius expertis remediis, potuit inhiberi. Accessit ad humorum anacatharsin etiam bilis in ventriculum effusio, quæ acrimonia sua ardorem in stomacho causabat, & superius orificium rodendo ad vomitum cogebat, quem suo more digitis in fauces immixtis procurabat, è cuius evacuatione per breve temporis spatium se melius habere referebat, donec nova bilis & humoris melancholici (non tamen atræ bilis) in ventriculum fieret regurgitatio, quæ membranas vellicando Singultum quasi continuum excitabat, & ardore suo ad novum vomitum urgebat: & licet remedia, alias sibi efficacissima, promptissime intus & foris admitteret, eorundemque usu per horam unam aut alteram vires recipere videretur, nihilominus paulo post ob nativi caloris decrementum, sensibus externis paulatim deficientibus, in deterius relabatur: Ultimo igitur Martii, post copiosum humorum vomitum, se ad imminentem vitam terminum disposuit, & Exemologesi expiatus, Viatico salutis etiam ritè suscepto, Paschatis Dominicam inter continuas preces quietam transegit: Sacro demum oleo unctus, die 2. April. anno scil. climaterico, quem aliquoties sibi fatalem prænuntiabat, omnis febris ac doloris expers, post quartam horam matutinam, caloris nativi defectu, sub ipsa ante lectum sacrificantis Præbyteri benedictione, placidissime animam Deo reddens exspiravit.

Sequenti aurora corpus exanime, balsamicis linimentis condiendum, adstantibus aliquot pientissime defuncti Cæsaris Consiliariis, fuit evisceratum. In quo cerebrum, cæterum penitus salvum, præter humorem aquosum, qui duræ meningi copiosius infusus somnolentiam ultimis mensibus ei causavit. Dextrum genu discissum calcis tophos, sinister talus acre serum in se continebat, utriusque pedis motum impediens. Tendines adeo contracti & rigidi ut in rectum extendi non potuerint: De reliquo, suræ quasi excarnes, prout etiam brachia, nutrimento destituta, fuerunt ad maciem extenuata: Ventriculus, tametsi pridie mortis sex biliosi & melancholici humoris libras vomitu rejecerat, attamen ejusdem excrementi (puta corrupti & ad ventriculum sanguinis affluentis, unde in venis nullus sanguis reliquus) libras duas in se continebat, cujus acrimonia fuit tanta, ut casu aliquot guttulæ in argenteam pelvim deciduæ, acrimonia sua, non secus ac aqua vitriolata, metalli nitorem alieno colore macularit: Cæterum ventriculi tunica, tam circa pylorum quam orificium superius, & per totam stomachi membranam, instar subtilioris chartæ erant extenuata: Vas breve ante lienis ingressum sua sæpe obstructum. Lien admodum parvus, & per totum intus & extra rubicundus. Pancreas nigerrimum & quasi induratum. Hepar in dextro lobo jam scirrhum. In cysti fellea nec una quidem fellis guttula,

quamvis

quamvis diligenter inspecta: Choledochus ad intestina directus, induratus & obstructus: alter ventriculo insertus, ut & Vas breve peramplius. Pulmo totus utriusque humoris melancholici & biliosi tinctura denigratus, dextra parte membranæ costas succingenti agglutinatus, musculis intercostalibus jam corruptis ac digito prementi pervius, Cor vero & reliqua nullo vitio laborabant. Unum est notabile, quod omnes demirati sunt, Tametsi nulla præcesserit per triennium venæ sectio vel alia sanguinis vacuatio (præter eam cruoris partem quam hæmorrhoides stillabant) quantumvis Portæ & cavæ venarum truncus studiose disseccari jusserimus, intus tamen & in vasis, & ipsius cordis sinibus, ne quidem libram dimidiam sanguinis potuimus exhaurire. Adeo ut omnium Heroum memoria dignissimus Imperator, ex defectu convenientis chyli, & caloris innati paupertate, congruam sanguinis nutriendo corpori & vitæ sustentandæ quantitatem conficere non potuerit, ideoque horum defectu præmature nimium obire debuerit. *Hæserunt Herculi Medici lib. ii. j. cap. ii. j.*

## OBSERVATIO XLVIII.

*Vomitus excitatus ob Vas breve singularis conformationis.*

**V** Ir sinistri lateris dolore diu cruciatus, Vas breve varium habebat, nam quatuor venæ amplæ, ex ramo splenico tumido prope lienem productæ, in ipso ventriculo longius productæ sanguine scatebant, hinc Vomitus nigræ materię. *Vide sis. de Hypoch. dolore.*

## OBSERVATIO XLIX.

*Vomitus à bile atra è cysti, venis mesaraicis & liene ad ventriculum missa.*

**V** Idua febre putrida & hectica prehensa est, cum Vomitu post cibum sumptum fere continuo: Vesica fellis bile atra erat plena: Lien putris sanguine nigerrimo oblitus, Venæ mesaraicæ sanguine atro turgentes, venæ ex illis ventriculum implicantes latæ & varicosæ erant. *Vide sis. de Febris.*

## OBSERVATIO L.

*Nausea, Vomitus à bile sincera circa Iecoris cava latente.*

**V** Ir quidam (*Tit. de Paralyfi lib. i.*) quotidianæ Vomitioni biliosæ fuerat obnoxius, &c. Deprehensa est post obitum bilis sincera, eaque prassina, circum jecoris cava, libræ pondo membranæ cœrcita. Ea vomitione suppressa, ventriculi dolorprehendit cum Nausea, &c.

## OBSERVATIO LI.

*Vomitus, cum assidua nausea, à colluvie materiæ purulentæ inter mesenterii tunicas.*

§. 1. **Q**uidam intemperantissimus Nausea continua laborabat, & crebro Vomitu, Inventa in cadavere collectio materiæ purulentæ ac foetidæ inter duas mesenterii tunicas. *Vide lib. i. tit. de melancholia.*

## S C H O L I A.

**T**Anta plerumque supervacuatorum est humorum colluvies, ut destinatis à natura receptaculis tota excipi haud possit: Ac tum non parva superfluentis portio in vicinas quoque sedes illabitur, maxime quidem in pancreas & in mesenterium, quæ torius corporis veluti sentina sunt. Quibus ergo assidua ingluvies magnus sit utriusque bilis & pituitæ proventus, eas tempestive non expurgatas natura valens ac robusta plerumque in pancreas & in mesen-

terium, ignobiles sedes, deponit, idque fere è jecore & liene, per eos venæ portæ ramos qui non in intestina, sed in ipsum mesenterium & pancreas desinunt & obliterantur, &c. (aut potius per ramos arteriæ celiacæ & mesentericæ) Ego hoc affirmo & profiteor cholæræ, melancholiæ, diarrhœæ, dysentericæ (*adde vomitui*) cachexiæ, atrophiciæ, &c. latentium denique morborum causas me in his plerumque sedibus animadvertisse. *Fernelius Patholog. lib. vi. cap. 6.*

§. 2. Uxor Dom. D. N. (*Vide histor. lib. 4. tit. de Febris*) diuturno Vomitu, & nausea vexata fuit, tandem tabida interiit: Mortua & dissecta mesenterium dissolutum & pene consumptum apparuit ab insigni abscessu, quo disrupto insignis collectio materiæ purulentæ in abdomine deprehensa.

OBSERV.



## OBSERVATIO LII.

*Vomitus ob Tumorem circa radicem Mesenterii exortum.*

**B**enjamin N. ex lapsu ab equo circa regionem lumborum contusionem passus est, hinc frequens Vomitus: Circa mesenterii exortum ingens apparuit Tumor, qui intestina in latus dextrum detruferat. *Vide lib. 2. tit. de Phthisi.*

## OBSERVATIO LIII.

*§. 1. Vomitus ob Pancreas scirrhosum.*

**P**ancreas aliquando in scirrhum & cartilaginem duritiem facessit, ut Mantuz in filio Marchionis cujusdam. *Ab eo si comprimitur* vas breve, humor melancholicus in ventriculum & intestina reineat: Hinc Vomitus & dejectio nigra. Ex eo quoque gangræna, ut in famulo mensarii Bononienfis. *Ioh. Rhodius cent. ij. Observ. 97.*

## S C H O L I A.

**A**b eo si comprimitur, &c.) Observabis etiam ut Pancreas venam Portam intra se comprehendit, utque superstratum est duodeno intestino, quod non datur intueri nisi remoto ac digitis evulso Pancreate. Inde cognoscas causam Vomitionis alimenti indigesti, vel perfecte cocti, quod intestinum arctum, ac veluti constrictum, subire ac permeare non potest. *Riolanus Antropogr. lib. 2. cap. 14.*

§. 2. Vetula quædam Vomitum quotidianum post prandium & cœnam patiens, in atrophiam incidens, tandem mortua est.

Scito cadavere Pancreas ita durum inventum fuit ut lapidem æmularetur. Ob hanc causam vomitus oboriebatur: cum enim Pancreas sit ventriculi pulvinar, ventriculus concoctionem ob ipsius duritiem celebrare non poterat, sed indignatum omne quod accipiebat, rejiciebat. *Dom. Panarolus Observ. 44.*

## OBSERVATIO LIV.

*Vomitus à corruptione & sphacelo Pancreatis.*

**S**artor quidam nihil retinebat assumptorum alimentorum potuumve: Evomebat verò continuo pituitam vel lympham quandam crassam: usus sum propter affectus violentiam, urgentemque necessitatem, omnis generis medicamentis, tam internis quam externis, sed evanido eventu, brevi enim periit.

Aperto cadavere reperi Pancreas totum corruptum, imo sphacelatum. *P. Barhette Prax. lib. iv. cap. ij.*

## S C H O L I A.

**V**omitus in priori exemplo causa fuit ventriculi compressio à duritie Pancreatis, Hic vitiosus succus ab eo in ventriculum transfusus, ad excretionem irritans.

## OBSERVATIO LV.

*Vomitus à Pancreate cancro affecto excitatus, Renes corrumpente.*

**C**hirurgus (de quo tit. de Lumborum dolore) renum & dorsi doloribus afflictus fuit cum Vomitu gravissimo, hinc calculosus ab omnibus judicatus. Pancreas putridum erat, corruptum, cancro affectum, qui ulterius serpendo ambos quoque renes corrumpit. *Vide tit. de Lumborum dolore.*

## OBSERVATIO LVI.

*Vomitus à variis ventriculi affectibus productus.*

§. 1. **J**uvenis sub imam sterni sedem gladio perfoditur, hinc Vomitus eorum quæ in ventriculo erant, sed cruenti nihil, Gibbum cavumque hepatis, & ventriculus, juxta pylorum perforata erant. *Vide lib. 4. tit. de Vulneribus.*

§. 2. **I**ll. N. Vomitum habuit per triduum, Stomachus interna superficie repertus putridus & inflammatus: ventriculus ubi hepate & liene tegitur, non aliter ac si combustus esset, tinctus. *Vide tit. de Hypoch. tumore.*

§. 3. Quidam in hypochondrio dextro gladio lato vulneratur: multa cruenta Vomuit & per alvum deiecit. Vulnus in ventriculi fundo maximum erat. *Vide lib. 4. tit. de vulner.*

§. 4. Secui senem potui nimio vini & cerevisiæ assuetum, à stomachi sphacelo cum Vomitu quotidiano extinctum. *Vide tit. de Palpit. cordis lib. 2.*

§. 5. Domicella continuo cardiogmo cum Vomitu vexata fuit, Substantia ventriculi circa medium excisa inventa est, ad latitudinem majoris lilii. *Vide tit. de ventris dolore.*

§. 6. Quidam

§. 6. Cuidam fastidia ciborum & vomitiones assidua: Fundus ventriculi & pylorus syderatus, Torus ventriculus putris & lacerus. *Vide ibidem.*

§. 7. Uxor N. Vomituriebat, Ructus emittebat: Deprehensus ventriculus ad fundum perforatus, à prægressa inflammatione. *Vide tit. de ventris tumore.*

§. 8. Illustri N. in ventriculo tuberculum disruptum est. Habuit hæc symptomata, exolutionem, Vomitionem, &c. *Vide lib. 2. tit. de Syncope.*

§. 9. Gravidæ tuberculum durum, ingens, os ventriculi ita obturabat ut statim remearet quicquid indebatur. *Vide tit. de Deglutione lesa.*

§. 10. Faber lignarius à Vomitione molesta liberari non potuit: Aperto cadavere semilaceratus ventriculus & putredine corruptus. *Ballonius Paradigm. 174.*

§. 11. Mulier cum liquidi quid in ventriculum immitteret, Vomitu statim excludebatur: Inventus ad ventriculi orificium scirrhus pugni magnitudine. *Vide tit. de Deglutione lesa.*

§. 12. Narravit mihi Chirurgus se ut Vomitus causam in peste cognosceret, aliquando cadaver Peste enectum, cum vomitu emortuum dissecurisse, & in ventriculo invenisse locum qui nigricabat instar carbunculi. *Vide tit. de Febris.*

§. 13. Vidi abscessus prægrandes in parte inferiore ventriculi usque ad pylorum, qui induratus instar cartilaginis pugni, seu manus complicata molem æquabat, & per duos menses continuo Vomitu usque ad mortem ægros fatigarunt. *Riolanus lib. 2. Anthropol. c. 20.*

§. 14. Quidam diu conquestus est de cibi fastidio & Vomitu: Aderat corrugatio quædam scirrhus membranarum ventriculi: foramen quoque in eo vetus conspiciebatur, cum ulcere fistuloso, Ejus quoque capacitas admodum exigua, &c. *Vide tit. de Inappetentia.*

§. 15. Vir quidam quotidie mane & vesperi, post prandium & cœnam, Vomitus patiebatur, in atrophiam tandem transiens post sex menses occubuit.

Seçto corpore in stomacho, interne circa Pylorum, herpetem inveni, unde quotidianus Vomitus, postmodum atrophie & mortis causa oriebatur. *Dominicus Panarolus Pentecoste 1. Observat. 43.*

§. 16. Per febrem ardentem quidam omnia removebat: In ventriculo pustula plurimæ conspiciebantur. *Vide lib. 4. tit. de Febris.*

§. 17. Rever. N. Doloribus ingentibus supra umbilicum torquetur, cum continuo & inani Vomendi desiderio: Ventriculus visus erosus, &c. *Vide tit. de Ventriculi dolore.*

#### OBSERVATIO LVII.

##### *Vomitus à complicatis ventriculi & partium vicinarum affectibus excitatus.*

§. 1. **A** Natome eorum qui febre maligna extincti sunt, docet ventriculum cum visceribus inflammari, unde ingens sitis, Vomitus. *Vide lib. 4. tit. de Febris.*

§. 2. Mulier in febrem malignam incidit cum vomitu bilioso, Hepar parum erat inflammatum: ventriculi tunica interior inflammata, intestinum Ileum in medio gangrenosum, &c. *Vide tit. de Febris.*

§. 3. Vir passus est dolorem circa hypochondrium dextrum & Vomitus. Hepar cava sui parte cum ventriculo ex parte coaluerat. In hujus cavo liquamen putre, &c. *Vide tit. de ventriculi dolore.*

§. 4. Quidam crapula indulgens Vertigine laboravit & Vomitu assumptorum. Epiploon habuit putrefactum, Ventriculus inferior ad finem quasi contusus, nigro succo ex dimidio plenus. *Vide lib. 3. tit. de Ventriculi dolore.*

§. 5. Scotus nausea, & Vomitu bilis affligebatur, cum doloribus ventris, &c. Hepatis lobus orificio ventriculi posteriori erat affixus & diaphragmati, à præcedente inflammatione: cum pyloro induruerunt pancreas & abdomen, &c. *Vide tit. de ventris dolore.*

§. 6. Puellus 4. ætatis die Vomitu cum alvi fluore correptus est. In gibbo hepatis insignis erat inflammatio, & stomacho undiq; humor atrabilis adhærebat. *Vide tit. de ventris dolore.*

§. 7. Dom. N. Vomitus per aliquot menses fuit afflictus: Epiploon erat corruptum & mesenterium, Putris Lien, Cava Epatis pars inflammata, Pulmo, qua costas attingit, inflammatione tentatus, Pancreas putre, Ventriculus pure plenus, & in fundo pituita crassa ac viscida, unde pertinacia Vomitus: Interna tunica leviter ulcerata. *Vide tit. de Febris.*

§. 8. Ill. Vomebat in copia flavam bilem, In stomacho duo ulcera reperta fuere, Hepar durum, quasi coctum, Splen putris. *Vide tit. de Ischuria.*

§. 9. In cadavere foeminino à Clar. D. Schaët, non ita pridem dissecto, hæc observata meoq; penicillo depicta. 1. Peritonæum intestinis ubiq; fere adhærescens; parte qua adhæsit innumeris scatens tuberculis, qualia in detracto pernæ corio apparent. 2. Omenti nullum vestigium. 3. Intestina ipsa invicem coalita, ut à manu Professoris ægre vi divellerentur, coloris subfusci

subfusci, quasi semel cocta, innumeris tuberculis minoribus hinc inde sparsa. 4. Tubercula majora, magnitudine nucis avellanæ, in intestinis omnibus, præcipue Recto, conspicua, tumoribus hæmorrhoidum, qui in extremitate ani solent protuberare, non dissimilia: 5. Intestina Ileæ inflammata: 6. Corpus ventriculo incumbens, altera parte sanum, altera putridum, fædoque ulcere, juxta orificium inferius ventriculum excavans, cui adhæsit firmiter, quemadmodum & peritonæo; Hinc forsan misera hæc muliercula, dum vixit, omnia ore assumpta mox rejecit, quod in ventriculo à mole incumbente compressa hospitari nequiverint. 7. Hydrops pectoris. 8. Hydrops abdominis, in cujus cavitate tres fere pintæ. 9. Lien parte inferiore putridus. 10. Hepar scirrhosum, diaphragmati adnatum. 11. Calculi in folliculo fellis. 12. Ren dexter naturali major, sinister naturali multo minor. *Observatio Oligeri Jacobæ, In Actis med. Excell. Th. Bartholini ann. 1674. 75. & 76. p. 105.*

## OBSERVATIO LVIII.

*Vomitus variarum & plurium partium affectus sequutus.*

§. 1. **J** Arminius variis affectibus implicatus, incidit quoque in anorexiam cum crebro Vomitu, Jecore indurato &c. Inventum omentum putridum, Jecur magnum pituita plurima refertum: Lien, ventriculus, vesica fellea parvitatibus insolitæ: Calculus erat in rene dextro. *Vide lib. 2. tit. de Palpis cordis.*

§. 2. Matrona (*vide tit. de ventriculi dolore*) ventriculi dolore correpta fuit cum vehementibus in vomitum conatibus: Ventriculus inanis erat: Pancreas magnitudinem naturalem excedebat, per totum scirrhosus: Ren sinister colliguatus omnino erat.

§. 3. Domicella novennio cruciatibus ventris tortæ est, & sub finem Vomitus acidis, nigris. Stomachus totum abdomen implebat, in cujus fundo materiæ putidæ ingens copia: Lienis nullum vestigium, in cujus loco multa ramenta & fæces: Ren sinister calculis plenus. *Vide tit. de ventris dolore.*

§. 4. Puella (*Vide lib. 2. Tit. de Tabæ*) cibum nullum appetebat, crebro vomebat &c. Illi pancreas induratum erat omni ex parte & plane scirrhosus: Glandulæ mesenterii hinc inde scirrhosæ &c.

## OBSERVATIO LIX.

*Vomitus sequutus varias Intestinorum affectus.*

§. 1. **P**uellus dysenteria correptus, ultimo die quæcunque assumebat, Revomebat, crassa intestina tumebant, atque ac si inflammata fuissent livebant. *Vide tit. de Dysenteria.*

§. 2. Fœmina Evomebat sæpe viridia variaque cum nausea: assumpta mox revomebat: Intestinum duodenum omni pituita privatum erat, cujus absentia continui Vomitus causa fuit, cum minimam acrimoniam è vestigio potuerit sentire. *Vide tit. de ventris dolore.*

§. 3. Intestini tenuis, parte quavis coarctati ingressus in partem proximam, alvinis fœcibus transitum intercludit, & ascensum ad ventriculum promovet. *Vide tit. de ventris dolore.*

§. 4. Puerum vidi fœces alvinas per os reddentem, cujus intestina volvulo erant impedita & invicem implicata. *Th. Bartholinus centur. 4. histor. 47.*

De Vomitu volvulo laborantium, vide Titulo de ventris dolore.

§. 5. Tonsor cibi potusque portionem per os rejiciebat: Hujus colon à dextro in sinistrum, qua parte ventriculo incumbit, flatu erat distentum: reliqua intestina fœcibus plena. *Vide tit. de ventris dolore.*

§. 6. Homo tres septimanas afflictus complicatis morbis, hepatici fluxus, lienteria, diarrhoeæ, cum acuta febre & Vomitu omnium ingestorum. Ileon comperiebatur conversum à capite ad calcem; infra nodum illum, intestina omnia erant livida: Pancreas summe durum, &c. *Vide tit. de Diarrhoea.*

§. 7. Doctor N. vidit Duodenum intestinum undique repletum stercore: Si quid æger sumeret, statim vomebat. *Vide tit. de Alvo adstricta.*

§. 8. Puellus octo dierum excrementa subinde per os rejiciebat: Intestinum rectum intus coaluerat, exteriori foramine libero. *Vide tit. de Alvo adstricta.*

## OBSERVATIO LX.

*Vomitus causam habens in Renibus calculo, arenulis &c. obsessis*

§. 1. **J**ohannes N. sibi Vomitum molestum esse conqueritur, cum gravitate in lumbis & quatríduana ischuria: Renis dexteri cavitas sabulo conspersa erat: Ureteris pelvi calculus

Z z z



calculus insertus erat. *Vide tit. de Ischuria.*

§. 2. Vir crebris dolorum, Vomitus, cruentæ mictionis paroxysmis obnoxius vixit. Viscera omnia, exceptis renibus, maxime sana apparebant: Renes calculis, sabulo obstructi &c. *Vide tit. de Ischuria.*

§. 3. Generosus N. nephriticus, crebris Vomitibus infestabatur: Ventriculus, qui tot vomitibus ludibrium debuerat, mediocriter habebat, sub renis sinistri membrana calculus aderat ovi gallinacei magnitudine; In utroque plures minores. *Vide tit. de Lumborum dolore, & ibidem plura alia exempla.*

§. 4. Filiola Damifellæ du Buy II. febris die interiit, repertus lapis in Renibus, Vomebat frequenter.

#### SCHOLIA.

**C**um vomunt sæpe & contorquent corpus pueri, loco non consistentes, de Nephritide conjectura esse debet: Ex fomenta ad renes applicabis:

Quod notandum, ut prudentia Medici infantium inbecillitati & infantia, ut ita dicam, humaniter succurrat, *Ballonius Epidem. lib. 2. pag. 246.*

§. 5. Vir Rever. dolores frequentes in ilio sinistro passus, cum excretionem arenularum & vomitu pituitæ à cibo: In rene calculus aderat longitudinis pollicis: Tota renis substantia absumpta. *Vide tit. de urinis p. n.*

§. 6. Vir Nob. nephriticus erat cum vomitione crebra, fuerunt inventi renes consumpti. *Vide tit. de Lumborum dolore.*

§. 7. *Clar. Sperling* cum lumborum dolore vomitu defatigabatur: In renibus aderant calculi insolentis figuræ & molis. *Vide ibid.*

§. 8. D. Bucretium Nausea & dolor circa renum regionem afflixit: Ventriculus & intestina flatu turgida: In dextro rene calculus insignis magnitudinis, In sinistro vesica aqua limpida plena &c. *Vide tit. de ventris dolore.*

#### SCHOLIA.

**S**ympathiam Renum cum ventriculo deducit *Riolanus Antropogr. lib. 2. cap. 26.* à vitio nervorum quos Renes à stomachico accipiunt: In superiore, *sic*, parte Renis magnam Glandulam, ab *Eustachio* primum descriptam invenies; quam appositam puro ad firmandum divisionem retiformis plexus nervorum, qui à costali, & portione stomachici inter duos renes efformatur, Inde sympathia

Renum cum ventriculo, ita ut laborantibus Renibus Vomitus frequentius accidat quam aliis affectis, quæ nervos, ut Renes à stomachico accipiunt: Illicque prava diarrheæ affectis, ventriculæ patientibus, *similia* æque fatigant, lum ac si hepar ipsum esset in vitio, rationem renchymatis carnei, in quo relidet facultas, cujus pars præcipua est appetentia.

#### OBSERVATIO LXI.

##### *Vomitus per consensum à cerebro madido excitatus.*

**P**uella tussi infestata fuit, postea motibus convulsivis: dum hi urgerent, Vomitione crebra afficiebatur.

Defunctæ viscera omnia ventris inferioris satis sana & facta inveni: Ventriculus licet inani vomitione crebro laceffit, nihil præter liquorem nuper ore ingestum continebat: At cerebri substantia prorsus madida, & humore aquoso supra modum irrigata videbatur &c. *Vide lib. 1. Tit. de Spasmodicis affectibus ex Willisio.*

#### SCHOLIA.

**P**ræter causas in quibus irritatio in ipso ventriculo, aut in appendice ejus habetur, quandoque accidit stomachum, ex se satis sanum & intem, partium aliarum longe distitarum culpas luere, quod non fibrarum continuitate, sed nervorum commœtu & commercio peragitur: Quippe horum ductu, cum spiritus animales in uno loco perturbantur, alii procul degentes similem *anxiæ* concipiunt atque spasmos incunt: hinc à vulnere aut plaga graviore capiti inflicta, quatenus spiritus intra *oxyphalos* per-

turbati, nervorum paris octavi commœtu, alios ventriculi hospites in partes *anxiæ* concitant, vomitio frequenter succedit: Propter eandem rationem nonnulli in navigio aut curru vecti, vomitu immani tentantur: Cujus symptomatis causa haudquaquam est (uti quidam asserunt) humorum agitatio, at vero spiritus animales cerebrum incolentes, in motus inordinatos coacti, nervorum principia tumultuose subeunt, eorumque ductu contractiones viscerum emeticas cient. *Idem Pharmac. Ration. sect. 2. cap. 1.*

#### OBSERVATIO LXII.

##### *Vomitus vitio cerebri excitatus, in quo abscessus serosus.*

**P**uella 12. annos nata, maximo dolore fixo verticis laboravit per quatuor menses: Erat sine febre, sed omnia alimenta rejiciebat: Dum rete mirabile demonstrare vellet

Chirurgus

Chirurgus, digitis abscessum rupit, natibus & infundibulo cerebri inhaerentem; ex quo statim aqua clarissima ad libras duas exivit.

## OBSERVATIO LXIII.

*Anatome viri fumo Tabaci abutentis, indeque Vomitu continuo fatigati, cujus caput & ventriculus sine labe inventa sunt.*

**S** Erenis. Dux Bavariz cujusdam Consilarii sui Tabaco abutentis, & Vomitu continuo tandem extincti caput per anatomiam explorari mandavit, quod una cum cerebro & membranis sartum rectum, sine omni noxa inventum est: Nihilominus pro causa *continui vomitus* & mortis, statui potuit abusus Tabaci, vi cujus nimium pituitæ ad ventriculum transit, quæ vel copia & frigiditate *eum tandem* enervavit, vel malam qualitatem & corruptelam per moram inducens, vicina membra, & ipsum adeo ventriculum in commune malum traxit. *Wolf. Haferus Herculis med. lib. 1. cap. 5.*

## S C H O L I A.

**V**entriculum tandem enervavit ] Vomitionis crebre & Habitualis, sæpenumero causa est non tam materies ventriculum irritans, quam fibrarum ejus nervearum debilitas & nimia in irritationes propensio, in quantum scilicet illæ teneræ admodum, aut infirmæ, neque ingesta concoquere, nec eorum onus sive gravamen sustinere valent, quin à quolibet iis incumbente mox irritantur, & proinde quod molestum est expellendi gratia, fibras carneas in spasmos emeticos cient.

Hujusmodi affectionis duo sunt præcipui casus, videlicet aut stomachi debilitas fibris ipsis insita à passionibus inordinatis, uti crapula, potationibus ac immodicis, vinorum aut aquarum ardentibus, & vomitione crebra (*crebro pituita aut saliva decubim, vi Tabaci è cerebro elicta & glandulis vicinis*) aliisque in victu erroribus contrahitur: quatenus nempe fibræ istæ supra modum distentæ, aut nimis excoactæ, ac velut assatæ, spiritus animales in satis uberi copia admittere aut continere

nequeant: Vel 2<sup>o</sup>. Fibræ istæ, quanquam per se ritè habentes, tamen propter nervos alicubi obstructos, debito spirituum affluxu destituuntur, proindeque languidæ & flaccidæ, ingesta quæque haud tolerant, quin statim aggravatæ per vomitum ejici cogunt: Ita novi plures, sine ulla ventriculi impuritate, aut languore ab inordinationibus contracto, visceris istius quadam quasi paralyti affectos appetitu caruisse, atque vomitioni assidue obnoxios fuisse:

In priori affectu ejusmodi remedia indicantur, quæ fibras nimis distentas & tenues stypticitate sua contrahant, ac in sparium brevius contrahi faciant, necnon quæ mucositate suo pergrato spiritus illos copiosius allectent & languidos refocillent. 2<sup>o</sup>. In posteriori, ventriculi scilicet debilitate sive resolutione propter nervos alicubi obstructos excitata, remedia antiparalytica cum stomachicis adjunctis præcipui erunt usus. *Willis Pharmacop. Ration. sect. 2. cap. 3.*

## OBSERVATIO LXIV.

*Vomitus à Pulmonis sinistri corruptione concitatus, & Oesophago in vicinia perforato.*

**V** Ir maximis in dorso doloribus diu multumque divexatus, tandem nigra vomuit: de 3. vel 4. die vomitus repetens, interdum tres mensuras id quod exiit adæquabat &c. Cadavere aperto, infima corporis regio omni labe carebat: At sinister Pulmo totus corruptus erat: Lobus ille spinæ dorsii firmiter adhæsit, atque per Oesophagum ruptum liquorem illum nigricantem in ventriculum egressus: &c. *Vide lib. 2. tit. de Dorsii dolore, ex Volkamero in miscell. curiosis anni 1671.*

## S C H O L I A.

**P**er Oesophagum ruptum ] Non minus frequenter ob irritamentum supra orificium sinistrum, ac infra Pylorum in vicinia habita, spasmus excitatus, & fibrarum continuitate in ventriculum propagatus contractiones ibidem emeticas ciet: Cum inter deglutiendum alimenta in Oesophagi ductu ob paralytin vel obstructionem hærent, & fibras nerveas stimulant, mox carneæ sursum contractæ etiam ventriculum in spasmum consensum rapiunt: Similis effectus à Palato aut Uvula irritato passim

succedit: Hinc à cibo potuve ingratis, fere tantum ore libatis, etiam à pluma gutturi indita, sæpe vomendi nixus aut vomitio cietur.

*Pulmo totus corruptus erat &c.* ] Propter eandem etiam rationem in phthisi tussim vehementem quandoque vomitus comitatur aut sequitur, scilicet ob vellicationem sive concussionem ejusdem tunicz, quæ pariter Gulam & summitatem Trachææ obducit: *Willis Pharmac. Ration. sect. 2. cap. 1.*

## OBSERVATIO LXV.

*Vomitus ortus ob ingentem vomicam in Pulmone.*

**S**Tertor suppuratum Pulmonem cum multitudine puris non sepe sequitur : Vidimus mulierem Arelate, quæ quibusdam ante mortem annis Vomitu solebat per intervalla rejicere magnam puris copiam, cum defectione animi, vocis privatione & gravibus aliis symptomatis, quibus levabatur à vomitu.

Mortua & dissecta, vomica ingens in Pulmone reperta est, cum tamen stertor non apparuisset, non enim fit, nisi in bronchiis, aëris conceptaculis, materia ferveat. *Iacotius comment. 1. ad aphor. 18. lib. 1. Coacor. Hippocr.*

## OBSERVATIO LXVI.

*Vomitus ab Erysipellate Pulmonum excitatus, & Hepatis.*

**M**Elchior N. febre corripitur continua cum tussi inani, Vomitionibus frequentibus &c. Aperto cadavere, una pars pulmonis veluti stipula ardente deflagraverat: Hepar quoque veluti deflagraverat. *Vide sis. de Febris.*

## OBSERVATIO LXVII.

*Vomitus puris & pituitæ à viscerum omnium corruptione.*

**C**erevisiæ coctor ulcere ventriculi visus fuit laborare &c. mox pituitam crudam copioso pure permixtam Vomuit : 3<sup>o</sup>. mense, ex quo pus vomuisset, è vira migravit:

Hujus omnia viscera corruptissima fuere, multo pone consistente pure &c. *Vide histor. Tit. de Inappetentia.*

## OBSERVATIO LXVIII.

*In canis, Nausea & mictione cruenta laborantis, vesica orificio & interiore cavitate glandula reperta : In Liene tubercula, & Renibus pustula.*

**C**Anis erat ejus habitus, qualis ad capiendos lepores adsuescit, sed multo minoris, ut ideo in gynæceo aleretur, Is sæpissime & ad quemvis motum vomituriebat, sed nihil nisi mucum quandoque expuebat : crebroque cruenta mingebat, collo insuper tumefacto & strumoso apparente.

Fastidia hæc cum ferre amplius tæderet, imo & in causas istorum symptomatum inquirere luberet, animal vivum dissecabatur, ubi postice arteriæ asperæ utrinque duæ glandulæ, ovi gallinacei minoris magnitudine adnatæ comparebant : In vesicæ autem orificio, ipsaque interiore cavitate, tales quoque glandulæ accreverant, quæ omnes cruento & fæculento quodam succo refertæ erant, quod profecto nemo vivente adhuc animali conjecisset : Lien quoque tuberculis quibusdam cruentis intus aspersus erat, & renes paucis pustulis, unde nutritionis errorem præsumo. *Iohannes Dolani in miscellan. cur. ann. 1674. 75. & 76. p. 94.*

## APPENDIX.

*De Calculis vomitu rejectis & materia arenosa.*

**V**omitu Calculus rejectos fuisse testis olim fuit *Brassavolus* : Szvissima nephritide D. Desgraprès apud *Riverium*, in observat. communic. per quadriennium laboravit, ac vix calculos arenasque emingere cessaverat, cum in cruciatus crudelissimos incidit lateris sinistri, sub costis circa lienem, dolor brevi spatio circumscriptus ad ventrem & umbilicum non porrigebatur, Ren tantum sinister alternatim compatiebatur, ventriculus maxime sinistrorsum, præcipue cum vomitus instaret; &c. Accessit vomitus frequens, qui cum & laboriosus inter cætera symptomata maxime infestaret, quem angor & gravis cardialgia præcedebat, venit in animum explorare cujus conditionis esset materia illa quæ tam abunde etiam jejuno ventriculo rejectabatur; Erat certe quoad colorem è rubro nigricans, pultis consistentia crassa tenaxque, in qua dum bacillo agitur multi calculi cineritii & subflavi, quales per urinam primo excreverat, inventi sunt, non semel tantum, sed quoties vomeret multo conatu & labore, vel quoties talis dolor repeteret; Anno postremo 1645. dolores mitiores sensim facti fuere, Ren parum doluit, sed magis lien & ventriculus, seu pars sinistra, de more solito, at longiori intervallo.



## S C H O L I A.

**E**X quibus agnovit mineram calculorum primo & ultimo in Liene & ejus vasis delituisse, & per vas breve (quod ex usu aquarum acidularum, deinde per vomitus parentius factum est) in ventriculum cum humoris atrabilarii magna copia, sui portionem amandasse, quæ primo ad renes tantummodo propellebatur: Sed rectius *Barbotinus* & *Glissonius* judicant, nam credunt de vesica fellis mate-

riam sabulosam ad ventriculum venire, quæ concrefcens adaugeri posse videtur: Aut arteriæ materiam calculi in renes moverunt, & eam in massam sanguineam relexerunt venæ, ac mox de ea arteriæ in Lienem intulerunt: Aut arteriæ sponte in illud viscus, non in renes effuderunt. *Schneiderus lib. 3. de Catarrh. c. 7. De generatione Arenularum in vasis & massa sanguinea, vide l. 4. tit. de Febr. ex eodem.*

## OBSERVATIO LXIX.

*Nausea à semine corrupto, in cavitate vasis in penem id deferentis coercito.*

**Q**uidam coitui addictissimus, tandem sibi castitatem rigide servandam proposuit: Post menses sex Nausea corripitur, tandem epilepsia extinguitur. Nullum vitium in stomacho, cerebro &c. inventum, præterquam in cavitate vasis semen in penem deferentis, quæ semine in virorem mutato oppleta visa est. (*Tit. de Epilepsia lib. I.*)

## OBSERVATIO LXX.

*Vomitus sanguinis ob Hepar scirrhis ex parte obsessum, Cystim felleam bile turgidam, hinc vasa majora sanguine exhausta.*

**C**um D. Andreas Herrenschild Gymnasii Ulm. Metaphysices Professor, naturæ sanguineo melancholicæ, quosdam balneantes in Thermis Dalsingensibus visitasset, & vini largiore haustu se exhilarans, & vesperi tardius domum repetens celeri gradu, ne clausis portis urbe excluderetur, eò contendens, insigni aëris æstu, vini copiosiore potu, & corporis validiore motu massa sanguinea incallescens, in Sanguinis vomitum exundantem incidit ad mortem usque perseverantem.

Ipso vita functo, cadavere resecrato interiora viscera ita deprehensa disposita: Hepar in gibbosa parte passim scirrhis obsessum, coloris lividioris repertum: Vesicula fellea subiecta grandior solito, & copioso humore bilioso conferta apparuit: Lien sat magnus coloris sanguinei, sine ulla labe conspicuus: Illud autem unice mihi erat admirationi, In tota vena cava & arteria magna, in lumbis recumbentibus, nequicquam sanguinis repertum, in aliis etiam vasis nihil, præter quasdam mucilagines tantillo cruore imburas observatum: Ni ego *αἰσχροῦ* vix mihi persuaderi passus fuisset id possibile, naturam ad eam extremam redactam ut totalem massam sanguineam, velut suum thesaurum, dimittat, ea penitus privata ac dispoliata; & ita tam ex venoso quam arterioso genere sanguis evacuatus ut nihil reliqui manserit: è venis crassior & nigrior, per intestina ac secessum exitum quæsit, ex arteriis autem rubicundior ac floridus, ceu levior, sursum contendens, ad ventriculi regionem delatus, per Vas Breve arteriosum vomitu redditus: Etsi vena coronaria in ventriculo nonnihil turgidior visa, ut exin sanguinem regurgitasse conjectura captanda.

## S C H O L I A.

**C**um non modo venosus, Sed & arteriosus sanguis vomitu rejectus, id rationi haud absonum: quin potius cum quintuplo plures arteriæ a splenico ramo (prout *Adr. Spigelius* tradit) prodeuntes, imprimis gastrica & vas breve arteriolum, & ad ventriculum pertinentes, comperiantur, plausibilis videtur exin tantam sanguinis rubidi ac floridi copiam in ægro illo promanasse: Haud absonum rem illustrare exemplo de Cardinali Cibone, (de quo observ. 73.) cujus ventriculo compresso Lien turgescerebat; è contrario hoc compresso copiosius sanguis ad illum confluit & per vas breve effusus: cum illi ægro obrigerit Hepar scirrhis, proin ineptum ad sanguinis laudabilis generationem; etsi Lien colore sanguineo præditus ut vicarius in sanguine elaborando valeat, nec is inculpatus genitus,

quin serosior, fortassis etiam biliosior seu acrior, tum sua tenuitate fluxilis redditus, tum acredine stimulans naturam (accedentibus externis causis) ab ea molestia se liberandam, nec desinens laceffere, dum totalis excretio facta, concurrente etiam imbecillitate retentricis, omnia temere disfluere permittentis, & fuga vacui. *Augustinus Thonerus lib. 3. observ. p. m. 140.*

Læso ex contusione aliqua Hepate sequi posse, per vomitum aut alvum, sanguinis ejectionem, quod nimirum Potus Biliarius (magno ægri commodo) partem aliquam sanguinis, hepar opprimentis, in se recipiat & ad intestina deducat, unde, vel motu peristaltico invertio, tursum, vel eodem regulariter se habente, deorsum feratur existimas  
*Glisson. Anatom. Hepatis.*

*Vomitus sanguinis à Liene corrupto, in ventriculū faculentias extrudente excitatus.*

**A**Nno C. 1677. 18. Maji mensis, cultro Anatomico expositum est cadaver D. N. annos nati 25. post invaletudinem 27. mensium denati : Initium fuit enormis sanguinis Vomitus, cujus una vice unoque impetu libras circiter sex & ultra effudit ; hinc quanquam robustus & ætate florens pene ad exitium deductus : Cardiacis recreato exinde puncturæ hypochondrii sinistri molestæ fuere, quibus accessere ingentes & immanes pectoris laterisque sinistri, ad dorsum usque diffusi dolores, quos nulla arte mitigare licuit : Exacto bimestri recurrit vomitus, æqualisque sanguinis copię excretio, à qua vires penè attritæ : Curæ commissus fuit *Titius*, qui Lienem in culpa esse recte suspicatus, eo scopos & remedia direxit : Interim morbo hicprehenditur, cujus succedaneus fuit *Sempronius*, qui Lienem vitio omni absolvit, Renemque sinistrum symptomatum omnium authorem accusat, ureterem, juxta insertionem, à calculo obstructum asserens : ex prægresso vomitu, & urinis tartaream faculentiam in fundo exhibentibus, indicia & indicationes sumens, diuretica præscribit, lithonriptica, semicupia, litus, & quæcunque obstructas vias urinas referare valebant, sed irritō successu, imo ægri damno & imminente majoris mali periculo, vomitus scil. sanguinis revocandi : nulla tamen adfuit urinx interceptio, familiaris unico etiam reni obstructo. Interim *Titius* sanitati restituitur, cujus curam expetie æger, Ille propositi tenax prioribus scopis inhæret, Lienemque iterum oppugnat, quod ejus affecti constarent indicia, nihil eorum quæ obstructionibus aperiendis, eidemque roborando conducunt prætermittens : chalybeata præsertim in usum ducens, ex quibus maximum auxilium expertus fuerat æger, imo restitutionis valetudinis spem conceperat : Hinc, nescio cujus instinctu, Acidulas Brevenatenses in Ditione Neocomensi, Burgundiæ Comitatus finitimas adiit, quarum potus parum contulit, ob visceri labem altius impressam quam ut ab illis elui posset, atque ab illarum reditu paulo post fatis concessit.

Post obitum, quia circa partem affectam & morbi indolem in diversa abierant Medici, dum *Sempronius* Renem sinistrum, *Titius* Lienem morbi sedem fuisse contendit, cadaveris apertionem optant & urgent consanguinei, quæ paucis post horis instituta est : Adhibita ergo abdomini novacula, Jecur se obtulit insignis molis, quod discissum seri flavi libras duas & amplius emisit, cujus tamen expers omnino fuit ventris cavitas : Ad Lienem ubi perventum, Vaser Chirurgus Renem sinistrum manibus continere se dixit, (Medici enim à Lazaro fatente secesserant) Tum *Titius*, qui à partibus Lienis stabat

plutima dixit

In lævum conversus, at illi dextra jacebat  
bellua,

Interim suppositum Renem, (Lienem) dissecat Chirurgus, qui externa facie integritatis notas præferebat, interius autem nihil nisi putrilaginem exhibuit, ad minimum digitorum contactum in particulas dissiliens : Hinc *Sempronius* de reportata victoria triumphum agit, dolum non animadvertens, atque rem se acu tetigisse exclamat, oculatiorem se in rimandis occultis morborum causis non dari, sagacitatem innatam hac in re non defuisse, diaphanum sibi fuisse ægri corpus ac viscera quasi in propatulo, multaque alia jactabundus effudit, donec Chirurgus continendi risus impotens, & in cachinnum erumpens, Splenem se dissecuisset falsus sit ; Post erumpens, qui ante vapulaverat *Titius*, mutuis quoque verberibus adversarium perstringit,

Cædimus inque vicem præbemus terga sagittis

Effugium tamen *Sempronio* an defuit, quanquam Chirurgo cæterisque adstantibus ludibrium merito deberet ?

Dic aliquem sodes, dic Quintiliane colorem,  
hæremus, dic ipse

Subjecta Lienī Coli pars, ab illius vicinia & contactu, livorem contraxerat, quem conspicatus *Sempronius* litem dirimit, neutri litigantium victoriam concedi voluit ; Ibi morbi sedem & mineram quærendam asseruit : At quo jure videant eruditi, cum exinde neque ratio vomitus sanguinis, neque cæterorum symptomatum elici ulla vi queat : Ad cæteras vero partes regressu facto, Ren sinister, totius tragediæ parens, (si *Sempronio* fides) nihil præternaturale exhibuit : ureteres in exortu & progressu omnis obstructionis & impediementi immunes : Thorace aperto, cavitas ejus sero referta visa est : Pulmones omnino putridi, quanquam libera toto morbi decursu fuerit respiratio : Humor pericardio innatus omnino decrat : Pectoris & sinistri lateris doloris, diu ægro molesti, causa à seri acrimonia

monia

monia, partibus sensu eximio præditis molesti, accersenda videtur; Aut à pure è pulmonibus putridis exudante: quanquam & in partes venire queat sanies tenuis, à liene corrupto decisa, pectoris claustra invadens; Hinc hypochondriaci, quibus Lien plurimum injurius est, de similibus doloribus queruli sunt.

## OBSERVATIO LXXII.

*Vomitus sanguinis à Putri Liene manantis, sanguini concreto simili.*

**V**iro cuidam qui à frequenti Vomitu sanguinis Asciticus factus est, Lien sanguini concreto similis repertus est, substantiæ soliditatem haud retinens, facile in partes solvabatur. *Dodonæus cap. 26. observat.*

## S C H O L I A.

**G**alenus 5. 5. de loc. aff. sanguinem è Jecore aut Liene quandoque per vomitum è ventriculo rejici testatur: contingit autem non modo Jecore aut Liene male affectis, sed & mensibus suppressis sæpenumero hoc modo expurgari: A quocunque autem viscere, sive qua parte in ventriculum influat, semper cum molestia, violentia, magna virium prostratione ac *anædymia* evacuatur, sic ut nulla sanguinis detrahendi, quod nonnulli præcipiunt, occasio relinquatur: Diversiones, veluti brachiorum ac crurum frictiones adhiberi possunt, sed unice laborandum ut vires conserventur & lapix reparentur, nam frequenter in ipsa vomitione, & citissime quidem, æger deficit, præsertim si ex jecinore effertur; Veluti cuidam accidit, qui postquam longo tempore ex jecinore male habuisset, sanguinis violentia superveniente vomitione mox sublevatus

est: Quibus vero ex Liene sanguis funditur, raro in prima vomitione deficiunt, sed vel recurrente ac subinde sæpius vomitione, vel ex ascite pereunt: ab hac autem neminem servatum novimus: Multos autem ex liene sanguinem vomitione rejicientes, pallentes hi fuere, & sæpenumero in sinistro hothum hypochondrio tumidus iplen manifeste sentiebatur, sed ante vomitionem: nam à vomitione, exonerato jam iplene, subsederat tumor nec deprehendi poterat: Plerique horum 3. aut 4. vomitione, vel etiam frequentiore (multis inter singulas mensibus ut plurimum intermediis) perierunt: alii post crebras vomitiones in ascitem lapsi, tandem & mortui sunt: Unum aut alterum nostro consilio post unicam vomitionem servatum novimus, & quidem frequenti absynthii quoquomodo usu. *Idem ibidem: Vide historiam Tabellionis, Scholiis ad observat.*

## OBSERVATIO LXXIII.

*Vomitus sanguinis à vase Brevi eximia amplitudinis in ventriculum hiante.*

**S. I.** **I**N quodam Nobil. Senatore, qui rejectione sanguinis per superiora & inferiora à Liene prodeuntis interiit, deprehendi vas Breve minimi digiti magnitudine latum, & in ventriculum adaperitum, *Riolanus Anthropol. lib. 2. cap. 15.*

## S C H O L I A.

**V**as Breve] Hoc vas dari negat *Emilius Parisanus* lib. 4. de subtil. microcolim. exercit. 2. Adstruunt *Varolius, Riolanus, Rolfinkius* & alii, per hoc commercium inter Lienem & Ventriculum statuentes: *Richardus Louver Anglus*, Tractatu de corde cap. 5. vasa utrique communia accurate scrutatus, de illis sic statuit, A Veteribus plerisque, ait, & quibuidam etiam Neotericis, apud quos sacra in omnibus veterum est authoritas, passim statuitur per Vas breve commercium quoddam dari inter Lienem & Ventriculum, atque ab illo viscere ventriculum menstruum acidum mutuari, quod facultatem ejus concoctricem constituat: Cui opinioni licet circulatio sanguinis satis aperte reclamet, cum tamen ex ipsa fabrica, & conformatione vasorum quæ lieni cum ventriculo communia sunt, magis elucescet, & quo nemo ignarus hac in re amplius molestus sit, eorum hic descriptionem plene absolvam. Vasa itaque ad Lienem & Ventriculum, præter nervos & lymphaductus, nulla nisi venæ & arteriæ pertingunt, Et 1. quod ad Arteriam Cœliacam spectat, illa ex Aorta paulo supra arteriam mesentericam exoritur, unico trunco, qui mox dividitur in plures ramos, quorum 1. hepatis, pancreatici & intestino duodeno totus impeditur. 2. ubique per totam ventriculi superiorem regionem disseminatur. 3. verò, omnium maximus, in duas propagines dividitur, quarum prior versus sinistram Lienis partem procedit, sed ubi lieni appropinquat, diffusa quali in bi-

vium, furculum unum in ventriculi fundum exporrigit, alium in Lienem reflectit: Secunda vero hujus rami propago, paulo ulterius prosecta prope alteram Lienis partem, simul in quatuor furculos dividitur, quorum duo in Lienem, reliqui in ventriculum huc illuc quaquaversum explicantur: Si autem alterutri horum ramo majori atramentum, vel lac è siphone injiciatur, clare videbitur postquam liquor ad commune istud bivium vel quadrivium pervenerit, in Lienem & Ventriculum simul & semel deferri: adeo ut si circulatio sanguinis idipsum non suaderet, clare tamen pateat nihil per has arterias à Liene in ventriculum, aut vice versa, deferri posse, cum sanguis aliunde simul in utrumque projiciatur. Venas autem splenicas hoc non posse præstare circulatio sanguinis multo magis probat, verum ut hoc quoque clarius adhuc ex ipsorum conformatione appareat, Venas Lienares, earumque divaricationes, quæ liquorem suum cum venis à ventriculo redeuntibus communicant, breviter explicabimus.

Uti igitur omnes arteriæ, quæ sanguinem in hepatis, pancreas, duodenum, ventriculum totum, lienem & omentum deferunt, unico trunco ex aorta oriuntur, ita pariter venæ omnes quæ ab omnibus istis partibus proveniunt, & sanguinem ab illis reducant, in unum truncum cocuntes in venam Portam terminantur: Venæ itaque illæ quæ inter ventriculum & Lienem brevibus furculis sibi invicem



deo occurrant, & ideo *Vas Breve* appellantur, nihil aliud sunt quam rami venarum à ventriculi fundo descendentes, quibus in medio fere spatio alii à Liene provenientes obvii fiunt, & melioris conductus gratia simul juncti in unum truncum coeunt, qui sanguinem ab utroque redeuntem, & jam commixtum, versus Portam convehit, adeo ut sanguis à ventriculo reductus, alteri à Liene obviam factus, & in unum truncum exceprus, sit quasi duo rivuli minores in unum fluvium confluentes, & versus communem utrinque oceani gremium simul properantes: Eodem modo fit in aliis venis quæ inter dextram sive anticam lienis partem, & ventriculi fundum dextrum commercium quoddam facere videntur: Nimirum duæ venæ utrinque prodeuntes in medio inter utrumque spatio, quasi plateæ plures in com-

munem arcam excurrentes, & postea in unum truncum coalescentes in venam Portam terminantur: Quod autem nihil per *Vas breve*, sive venas itas à Liene in ventriculum deponitur, præter circulationem sanguinis, valvularum etiam structura satis probat, Quippe in isto venarum à liene & ventriculo provenientium congressu valvulæ adsunt, quæ refluxum sanguinis in ventriculum aut lienem utrinque impediunt: nam si truncus rami splenici infra congressum istum ligetur, & sanguinem à venis splenicis in venas hypogastricas urgere tentaveris, statim venæ citra valvulas intumescunt, & disrumpuntur potius quam aliquid sanguinis transmittant, prout cuilibet promptum & facile erit in animali majore experiri, in quo valæ hæc ampliora existunt.

§. 2. Cardinali Cibo vena quæ à liene ad os ventriculi tendit, insignis erat magnitudinis, quæ cum primum ob anastomosin vel fracturam referata est, illico ventriculus sanguine repletus fuit, Et non modo ventriculus, sed intestina omnia: licet dum adhuc viveret in morbo ipso libras aliquot tum per vomitum rejecisset, tum per secessum dejecisset: Quam sectionem dum ego summa diligentia peragerem, ob subjecti dignitatem, & ob morbi raritatem, aderat A. Musa Brassavolus &c. *Columbus lib. 15. Anat. Ioan. Valverdu l. 6. Anat. c. 5.*

#### SCHOLIA.

**S**ECTO cadavere statim unde defluxisset sanguis visum fuit, quia dum comprimebatur splenis regio, ad orificium ventriculi sanguis restagnabat: quare admoniti Medici a splene ad ventriculum mitti propagines venarum, utigantes tum supernam tum infernam partem, invenerunt à splene lato sanguinem fuisse perfusum: *Sanctorum Meth. vii. Error. lib. 3. cap. 13.*

Hinc facile fuit invenire vomitus illius vehementissimi causam propriam; Tum etiam quomodo sanguis potuisset revelii in contrarium, scilicet per hæmorrhoidas, non per cubitum, ut rudiores Medici affecto splene facere solent, secando salvatellam, perinde quasi ea à splene penderet. *Idem.*

*Per vomitum rejecisset* } Tabellio quidam in oppido Boudri Dicionis Neocomensis in Helvetia, annorum 45. sanguinem concretum & nigricantem uno impetu vomitu exclusit, ad libras circiter qua-

tuor: Postridie (15. Junii 1660.) accitus, *Idem* invenio, de dolore circa ventriculi regionem conquerentem, nausea & cardialgia comitibus & splenis dolori & gravitati per intervalla fuerat obnoxius: Ventriculum sanguine, à liene transmissa, repletum judicavi, & poscam tepidam illico exhibui, à qua totidem libræ sanguinis, partim liquidi partim concreti rejectæ: Corroborante exhibito ad refocillationem virium, & præscripto clystere, ad educationem sanguinis in intestinis contenti, postridie bolum ex conserva rosarum & rheo pulverato præscribo, qui copiam adhuc sanguinis concreti *Idem* eduxit; Ad prophylaxin admotionem hirudinum venis podicis suadeo, lenes ex rhabarbaro purgationes, & chalybeatorum usum: quibus remediis per triennium usus, immunis à vomitu vixit:

neglectis per semestre, eo redeunte extinctus est.

§. 3. Notum ex Anatome maximum ramum venæ portæ in lienem demitti, à quo venæ multæ ad superiorem ventriculi regionem deducuntur, & ad inferiorem, fundum videlicet: sed majores & latiores multo: Per has naturaliter melancholia in ventriculum eructat, & propter status & sanguinis copiam ita distenduntur ex venæ, ut ad digiti medii crassitudinem perveniant, quod in aliquibus post mortem visum est: Sunt hæc multo majores venis intestinorum. *Rondeletius apud Scholium conf. 123.*

#### SCHOLIA.

**L**ien est velut officina sanguinis, vel saltem receptaculum sanguinis atrii à natura institutum: Majorem consensum habet cum ventriculo quam hepar per vasa dicta: Hinc sanguis qui ab hepate fluit, frequentius per partem inferiorem elabitur quam per vomitionem: contra qui à splene fluit, per partem superiorem & vomitionem frequentius

quam per intestina purgatur: Venæ siquidem à splene ad ventriculum sunt breviores & non minus latæ: Quantum ad curationem & prognosticum attinet, parum differunt cum fluit vel ab hepate vel à splene: Aegre morbus curatur & frequenter recrudescit: tandem vel mors vel hydrops succedit.

*Idem ibidem.*

#### OBSERVATIO LXXIV.

*Sanguinis & Puris Vomitus ex Pancreate ut plurimum procedit:*

**A**liquando sanguis vi sursum effunditur ab intestinis per Vomitus, quem suspicor Ego, si non semper, saltem ex Pancreate prodire, propter vas aliquod in ipso a succo acriore apertum: atque ipsum, conturbante tunc simul effervescentia cum bile vitiosa, sursum propelli ad ventriculum, ut evomatur, dum plerumque pars aliqua descendit ad inferiora,

inferiora, ut per alvum excernatur: Curavi ante annos circiter 20. Nautæ viduam, ex summo animi mœrore contracto, in dolorem lumborum gravem ac diuturnum, hinc & puris Vomitus ac dejectionem spontaneam prolapsam, & à vocatis Medicis pro incurabili relictam, vini tamen saccharati, calefactique per vices assumpti ope paulatim restitutam: Post septennium vero iterum ex mœrore animi grandi in dolorem lumborum similem ac vehementem deductam: Conjectans proinde ex superioris affectus narratione latere in loco affecto Pus, ex prævia inflammatione productum ac collectum, bis exhibui ei vomitorium Antimoniale, & quidem, si recte memini, Sapam vomitoriam: Cujus ope excrevit primo die per vomitum puris satis bene cocti plus quam Pintam, sive uncias viginti: per alvum vero ejus bonam quantitatem: uno autem alterove die interposito, iterati vomitorii beneficio, denuo puris aliquam, minorem tamen quam prius partem sursum deorsumque evacuavit, atque paucis exhibitis cardiacis, & putredini resistentibus medicamentis, brevi perfectæ sanitati est restituta: Ex Pancreate Pus illud idcirco prodiisse putavi, quod illius litui responderet locus affectus, Quodque non semel post mortem in Pancreate offenderim pus majore minoreve copia collectum, nunquam vero in ulla alia parte, à qua via pateret ad intestina: Eadem vero ratio facit, ut sanguinis vomitus non à Liene, non ab Hepate, non à Mesenterio, sed à solo Pancreate, salvis tamen aliorum judiciis vel observationibus, conjectem ac censeam deducendum. *Fr. Sylvius Prax. med. cap. 15. §. 11. 12. 13. & 14.*

## APPENDIX.

*Vomitus aqueus ex arteriarum capillamentis in cavum ventriculi hiantibus & serum infundentibus procedit.*

**J**acobus Spœrlin (cujus vide historiam lib. 1. tit. de Apopl.) crebro mane jejuno stomacho aquea, quandoque meram bilem non sine violentia evomit: Ejusmodi vomitus matutinus aqueus, non fuit superstes quippiam ex hesternæ cœnæ, potulenta enim citissime distribuuntur, & quæ evomit non potulenta sapiebant: Ergo potius soboles feri redundantis in massa sanguinea fuit: An vero aqueum hoc ex capite per vias occultas, aut ex membranarum pituitosis anterioribus aut posterioribus: Num vero ex osculis ductuum salivarium effusum, ad fauces delapsum, & hinc per gulam ad ventriculum defluerit? dubito, cum non meminerim ullum unquam conquestum fuisse de catarrhis fauces petentibus, atque ad crebram deglutitionem stimulantibus, sine qua nihil ad ventriculum, vel omnino quantitate paucum pervenit; Verisimilius videtur à copioso feri penu sanguini admixto, ex arteriarum capillamentis, in cavum ventriculi hiantibus, largius liquorem effusum fuisse: nam omnibus se naturaliter habentibus, continuo liquorem aliquem in cavum ventriculi exstillare sæpius experimento didici; Si enim vel centies linteo sicco ventriculi cavum detergi, protinus leviter aliam ob causam versus, atque duriusculè attrectatus, intus rursus ventriculus maduit, aqua, non ex vasis lymphaticis, quibus quoque dotatus est, cum à ventriculo contenta sua avehant, sed ex arteriis quæ advehunt, exsudante: Nervos liquorem adportare nunc amplius dubito, postquam cognovi illos etiam in ventriculo, omni canaliculorum forma amissa in membranas expandi, vel fibris densis uniri. *I. Jac. Wepferus Dissertat. de Apopl. p. 380.*

## OBSERVATIO LXXV.

*Vomitus sanguinis à Pulmonibus emissi.*

**§. 1.** **V**idi nuper quendam Virum qui copiose sanguinem evomit, tandem obiit: Aperto in corpore deprehendimus exsucci pulmones, ita luridos ac si corium exsiccatum videres: *Ioh. Heurnius comm. ad aphor. 37. sect. 7.*

## S C H O L I A.

**V**omitus proprie est symptoma ventriculi excludentis per os quæ ejus in capacitate continentur: Interdum tamen sumitur pro eo quod à *pulmonibus* ejicitur sursum, sive ex ventriculo, sive ex thorace aut pulmonibus effluat, ut constat ex variis *Hippoc.* locis; Sic in Coacis prænot. cap. 17. coaca i. *Qui sanguinem vomunt spumantem, omnique dolore carent sub diaphragmate, à Pulmone vomunt.* id est, interprete *Dureto*, plena, quod ajunt, profundum manu.

**§. 2.** Dom. *Fr. Sylvius* aperuit feminam quæ cum vomitu sanguineo animam effuderat: ab 18. mensibus menstrua purgatione caruerat: Ex dextro lobo aperto sanguis profluebat copiosus, itagnans ibidem propter obstructions; hæc causa asthmatis & vomitus sanguinei. *Vide lib. 2. tit. de Phthisi.*

ANATO-

# ANATOMIÆ PRACTICÆ

## LIBRI TERTII

### SECTIO IX.

## DE CHOLERA MORBO.

### OBSERVATIO I.

*Anatome puellæ à Cholera morbo extinctæ, in qua vitiosus ventriculi situs, Omento non cooperti, cum vitiosa Coli conformatione, & Pori biliaris, necnon Lienis.*



PUELLA 20. annorum Cholera obiit: cadaver ab *Adr. Falkenburgio* sectum: Vasa mammaria diligentius inquirenti nusquam apparuere: In abdomine multa immutata: Ventriculi fundus transversum palmum infra costas spurias demersus, nullo omenti fottu gaudebat, unde ventriculus imbecillis tanta vehementia viventem puellam ad vomitum concitavit, ut revocato omni ad caput sanguine, post mortem rubeus faciei color persistit: qua etiam vehementia ruptis viscerum vinculis ventriculus cum intestinis fuit depressus: Omentum infra ventriculum ad os ischii pro-  
tendebatur; Intestinum colon profundius, multis alias gyris & circumvolutionibus distinctum, hic levi inflexione serræ dentes æmulabatur: In intestinis verò vermiculus rubicundus latitans, corpus vere cacochymicum notabat: Lien dupla magnitudine tumidus, à solita figura in globum oblongum mutatus videbatur: Meatus cholidochus in plurimos ramulos divisus multum bilis, ob angustiam, regurgitare fecerat; unde molestus ille & lethalis biliosarum humiditatum vomitus concitatus. *Th. Bartholinus cent. 2. histor. 81.*

### OBSERVATIO II.

*In cholera extinctis Iecur aridum inventum, turgens vesicula, porus biliaris dilatatus &c.*

VIdi in iis qui cholera morbo intra 4. dies extincti sunt, bile totius corporis fusque deque vacuata, aridum & exsuccum jecur, atque in ejus cavo *turgentem valde vesiculam*, qua compressa non stillabat nec fluebat bilis: At vero canalis ab Hepate ad intestinum recta productus, latitudine minimi digiti dilatatus erat: Inde cognovi bilem ab Hepate recta ferri in intestinum, Et bilis collectionem, ad vitam necessariam, usque ad ultimum vitæ spiritum conservari: *Riolanus Anthropogr. lib. 2. cap. 20. p. 212.*

### SCHOLIA.

**T***urgentem valde vesiculam*] Vesiculam felleam, suapte natura & integra sanitate, semper moderate plenam adstruit *Glisson* Anat. Hepar. cap. 20. propos. 1. Repletionis istius perpetuæ causas refert 1°. in anulum fibrosum cervicem ejus adeo coarctantem ut nihil effluere possit, 2. in ejus tunicas, quæ tanti constrictioni faciendæ, qua latera earum

sefe contingant invicem, impares sunt: Vacuam tamen eam, ac omnino bile exhaustam reperiri concedit, at à causa omnino præternaturali, scil. vel à compressione aliqua violenta; vel ob insignem anuli illius laxitatem: Totalem illam bilis effusionem repentinam mortem subsequi credit.

### OBSERVATIO III.

*Copiosa bilis in folliculo reperitur eorum quos cholera interficit, pauca vel nulla in ventriculo.*

§. 1. **I**lla bilis quæ in Cholera, & infantium multorum diarrhœis copiosa ejicitur, est acris & plerumque æruginosa, seu viridis, eamque talem in apertis hujusmodi ægrorum cadaveribus semper admodum copiosa à me inventa fuit in folliculo fellis, & paucissima vel nulla in ventriculo, Quod certum indicium est eam effervescentem ex ventriculo erumpere in intestina & ventriculum, non vero in hoc generari: *De Diemerbræk Anat. l. 1. c. 5.*

SCHO.



## S C H O L I A.

**B**ilem, Cholerae causam, in ventriculo generari quidam contendunt, at longissime abeunt à vero: Nam in morboſo ſtatu poſſunt quidem in ventriculo humores variis modis corrumpi, multique pravi colligi, nunquam tamen bilis in eo generari, & quæ in Cholera morbo ſurſum deorſumque copioſa erumpit, illa non eſt genita in ventriculo, ſed in hepate, & collecta ſeu coacervata in folliculo fellis, poro bilario aliisque vicinis locis, à quibus tandem acriter fermentans & efferveſcens, cum indigni impetu erumpit in duodenum inteſtinum, ex eoque mox, partim ſurſum per ventriculum, partim deorſum per reliqua inteſtina proturbatur: Hoc ex eo ſatis liquet, quia Cholera plerumque ex improviſo invadit, nullis præcedentibus ventriculi male affecti, aut bilis in eo generatæ aut collectæ ſignis: sæpe bene canantibus, nec ullum incommodum in appetitu aut coctione perſentientibus, media nocte in ſomno, aliis de die repente oboritur, nullo præcedente ſui præſagio: quod certe non poſſet non præcedere ſi in ventriculo tam copioſa bilis, tanti mali cauſa generaretur, vel genita & collecta fuiſſet: Neque etiam ratio ſuadet credere naturam ad unum eundemque officium (ut ad bilis generationem) peragendum, varia ac diverſa organa conſtruxiſſe: utitur enim illa ad quemlibet finem obtinendum unius generis medio, atque ſic ſolus ventriculus chyliſicat, ſolum cor ſanguificat &c. Non valet hic eſugium quod inferitur, Bilis in ventriculo genita non eſt bilis naturalis, ſed præternaturalis, Reſpondeo illam bilem quæ in cholera (quam bilem in ventriculo generari tradunt) & infantium multorum diar-

rhœis copioſa eſcitur, eſſe acrem, & plerumque æruginolaſ ſeu viridem, eamque talem in apertis hujutmodi ægrotum eadaveribus ſemper reperi, (*vide Textum*) In infantibus tali diarrhœa bilioſa viridi mortuis, sæpe folliculum fellis viridiſſima bile repletum, ad ovi gallinacei majoris magnitudinem intumuiſſe deprehendi: Ita ut in qua parte naturalem, in ea etiam præternaturalem bilem gigni certum ſit, ſcilicet in hepate: At dicat quis, impoſſibile eſt tantam bilis viridis copiam in hepate tam ſubito generari, aut alibi in eo colligi poſſe, quanta ſolet in cholera paucis horis ſurſum deorſumque excerni (interdum enim ſpatio 24. horarum multæ libræ exturbantur, iſque aliquot maculæ replentur) ac proinde neceſſarium eſt ventriculum bilem generare: Reſpondeo, hæc bilis ad omnimodam folliculi fellis repletionem collecta, plerumque extreme viridis & maxime acris eſt, cumque hæc fermentans erumpit in inteſtina & ventriculum, tunc partes illas moleſtiſſime vellicat, & iſtarum medicamentis purgantibus, ſerolos aliosque varios humores undequaque ad inteſtina profluere facit, qui omnes à pauca bile viridi, inteſtinis & ventriculo inſuſa, viridi colore tinguntur, & ſic virides exturbantur; quæ affluentium humorum copia cum nonnunquam admodum magna ſit, ex iſto viridi colore judicant imperitiores nonniſi meram bilem tanta copia expelli, cum ſint alii humores bile tincti: Quod autem viridis illa bilis tantam tincturam faciat, hoc ſcio ab experientia, nam cum illius ex folliculo educatæ ſemicochleari, integram libram aquæ, multis ſpectantibus viridi colore tinxit. *Idem ibidem.*

§. 2. Ejusmodi cysitis biliaræ intumeſcentiam à bile viridi, ſaturati coloris, vidi anno 1677. menſe Auguſto in puero decenni, Filio Dom. Bruyere mercatoris Lugdunenſis, quem extinxit Febris leipyrria ab inflammatione hepatis, cujus extremi lobi omnino nigricabant, præcedente cholera morbo: Cysitis fellea ovum gallinaceum magnitudine exæquabat, bile viridi, coloris olivaris, turgida, eadem diſtenti pori choledochi; qua etiamnum oblita erat tota pars hepatis cava, præ viſciditate & lentore ibi ſubſiſtens.

## S C H O L I A.

**R**olanus Encheir. Anat. lib. 2. cap. 23. cholerae humidæ cauſam phlogoſi ventriculi adſcribit, ſedandæ refrigerantibus & adſtringentibus remediis, tam ſumptis quam admotis; uno parca venæ ſectione, etiam deficienti pulſu, ad averſendum periculum gangrænæ ex ſuffocato calore ventriculi:

Ille vero in eodem errore verſatur, bilem in ventriculo generari exiſtimans, phlogoſi æſtuate, quæ in hepate potius quaerenda, illiusque parte ſuna, à qua ventriculus vicinæ lege compatitur, cujus læſionis adſunt ſymptomata, ſed tantum ſympathetica, ob exceptam bilem ab æſtuate, jecore tranſmiſſam.

## OBSERVATIO IV.

*Excretio ſuſque deque commota à ſumpto arſenico.*

**Q**uidam ſubito vomitu tentatur, & decies per alvum excrevit: In ventriculo reperiuntur Arſenici albi fruſtula, ejus tunicis impacta. *Vide ſuſ. de vomitu.*

## OBSERVATIO V.

*Cholera ſubito funeſta, ob inſertionem pori choledochi proxime pylorum.*

**S**ecundo Comitum Aufumondianum, offendimus porum cholidochum, alias in ecphyſin ſe exonerantem, proxime pylorum egreſſum habuiſſe, ita ut non minus ventriculo quam inteſtinis bilem tranſmitteret; Hinc cauſa cur ſæpius naſcearet, vomeretque & alvo eſſet duriori, Natura enim nativo ſuo clyſmate orba, cum nihil expultricem irritaret, deſidebat, unde ſubito cholera diem finiit. *Barthol. Cabrollius obſervat. Anat. 6.*

## ANATOMIÆ PRACTICÆ

## LIBRI TERTII

## SECTIO X.

## DE ALVI PROFLUVIIS INCRVENTIS.

## OBSERVATIO I.

*Lienteria, Boulimia comes, ob mesenterii vitium.*

**S**æpe in Indiis sine manifesta causa ægri tabescunt, febris nulla vel saltem lentissima se huic malo jungente, sine magno sensu doloris; gravitas tantum, quædam sentitur circa umbilicum ac hypochondria: Hoc malum præter obstructionem viscerum sæpe causam latentem habet in venis mesaraicis, vel in ipsa mesenterii substantia, quæ sæpe insignem abscessum patitur, quod in dissectione cadaveribus non semel observavi: Imo reperi aliquando totum mesenterium absumptum, attamen intestina cohærebant, ac potius inter se confundebantur, at nullo ordine, tenuibus pelluculis seu membranulis adnatis: Notabile in hoc malo est plerumque adesse *βούλιμον* ac appetentiam caninam, cui se *Lienteria*, seu lævitas intestinorum conjungit, unde cibi nihil aut parum immutati & incocti per alvum ejiciuntur: *Boninus Medic. Indorum l. 3. cap. 12.*

## S C H O L I A.

**L**ienteria] *Fernelio* iudice *Patholog. lib. 6. c. 10.* potius Cæliaca affectio est, Ejus *ait*, causa non erudititas est, non imbecilla ventriculi concoctio, sed chyli imperfecta malaque distributio, quam mesenterii, lienis, aut jecoris obstructio, vel trahentis facultatis imbecillitas, vel alimentorum maximeque fructuum fugacium & potus immoderata copia peperit: hæc enim distribui tota nequit, sed maxima ex parte in abdomine subsistit: Ab his causis multa congeritur illuvies, quæ sensum in tenuioribus intestinis aucta, vel in ventriculo, vel in mesenterio, vel circum viscera, tempore corrumpitur.

*Cibi nihil aut parum immutati*] Ex iis quæ exeunt Profluviorum differentia statui debent: Quum ab alvo continenter cruda desluunt, aquosa nempe diluta, humentia, colore subalbida vel cinerea, graveolentia, idque solo ventris rugitu vel murmure, nullo manifesto torminum dolorisve sensu, aut Lienteria aut Coeliaca est affectio: Si enim lævia & æqualia sui que similia, & quasi chyli aut cremoris specie profluunt, Cæliaca, Sin vero inæqualia & dissimilia, in quibus cibi nec obtriti, nec confecti substantia aperte cognoscitur, Lienteria est. *Idem ibidem.*

*Cibi incocti*] Nullum unquam putum putum Chylum egestum fuisse in fluxu Cæliaco cenet *Excell. Wepferus*; Sic ille in *Thoma Burnet* Thesaur. Tomo 1<sup>o</sup>. pag. 307. Affectum hunc dico fluxum cæliacum, quia longo tempore & quotidie aliquot vicibus alvum exonerare æger cogitur, fæces quandoque cineritæ sunt, habitus emaciatus & vires aliquomodo labascunt: Quævis alia diarrhœa, sive seriosa sive biliosa non tam diu durasset, aut gravio-rem noxam intulisset: Nec obstat sententiæ meæ quod nunquam putus putus chylus egestus fuerit;

Existimo enim id quoque nunquam ab ullo Practico in fluxu cæliaco observatum fuisse, quicquid alii dicant, qui ex libris solummodo Medici sunt: nam quando chylus v. g. in jejunio aut portione ilei non prompte abripitur, fæcibus immixtus manet, unde nequaquam vero chyli colore vitii occurrit, imo sordibus confusus aliquandiu permanens, à sua integritate degenerat, corrumpitur, acrior redditur, unde non mirum si bilem alliciat, simulque succum pancreaticum, unde quoque fæces varium colorem induunt, nec tamen Lientericus fluxus nuncupandus, cum crudorum ciborum nulla sit egestio.

*Sæpe causam habet in venis mesaraicis*] Laudatissimus *Wepferus* ibidem Fluxus Cæliaci saburram in mesenterii venis latere negat: In venis enim sanguiferis, *ait*, humores stagnare advertatur sanguinis motui perpetuo, quod citra inflammationem, aut subsequentem gangrænam fieri non possit, & ab illis ad intestina humorum refluxum prohibeant valvulæ: Et cum abunde chylus in distributione impeditus sufficiat ad profluvium hujus & copiam & frequentiam, non opus est ut humorem ex arteriis accersamus.

*Gravitas tantum quædam*] Cæliacæ affectionis hæc affert signa *Fernelius* l. c. Quum prædicta illuvies sua copia gravis esse cœperit, vel sponte infra, interdumque supra prorumpit, vel a natura lacerata propellitur, nonnunquam levissimo clysteris medicamentive irritamento exit: Pulsus frequens & celer existit, tanquam febris affligeret, & dejectionis leviusculæ animi defectiones obrepunt: Ante eruptionem abdomen distenditur, venterque prominere, hisque succedens spontanea perturbatio Cæliaca est affectio: Vacuo humore omni supervacuo.

supervacuo profluvium sponte conquiescit, interdum eodem quo coeperat die, interdum postero aut tertio: Signa, causas, prognosin & indicationes curativas exemplo eleganter perstringit *Ballonius Epid. & Ephem. lib. 2. p. 218.* Serva Stephanus Color ait, Cœliaca mihi visâ est ex iis signis quæ proponit *Fernelius*, Et hic locus sicce non est prætereundus, quoniam in controversiam venit sæpe, Et Medici frustra nituntur suppressere: falsa opinione febris ducuntur & ad phlebotomiam veniunt: Denique non satis accurate distinguunt *πρωϊακὴ & λεϊπτερίω*, Ista autem serva ita erat affecta, primum dolor insignis ad os ventriculi: putabant illam ea in parte percussam, sed frustra, Jactatio erat assidua, dormiendi impotentia: quotidie excernebatur copia ingens materiei albicantis, veluti pulcrulam referentis: Non Leienteria erat, sed erat excretio Cœliaca, Etenim ventriculus suo satisfecerat officio, sed *ἀνάσσει* erat impedita, Et in hoc jacet discrimen inter leienteriam & cœliacam affectionem. Febris repente adoritur, tum ob vigilias perpetuas & labores, tum ob motum materiei tam fixæ,

cujus vapor cor feriens non potest non febriculam quandam excitare. Et in hoc affectu, si maxime alias, oportet cunctari, & vires sustinere, ut tanto morbo sufficiant. Talis affectio sæpe observatur, ac sæpe Medici quid facto opus sit ignorant.

*Per alvum ejicitur* ] Multis minima occasione alvus solvitur & talia excernunt qualia assumpserunt, unde ventriculi frigiditatem & debilitatem arguunt. Affectus tamen is Leienteria non est, qui 2. acut. *manis* dicitur ab *Hippocr.* Oriturque à lactium & mesenterii venarum angustia: Nam cum multis scilicet obruant cibis, aut sine ordine, aut liquidioribus, facile effluunt, & ob lævitatem intestinorum, sericopiam, mesaraicorum conniventiam, facile alvus assumpta reddit: præterea horariorum fructuum usus & acetariorum ad id plurimum facit: Adde quod cum abundant maxima ex parte calore acri, major alimenti pars corrumpitur, cum enim coctio elixationi similis sit, ea non fit à calore sicco & squalido, sed à temperato, ait *Galenus*.

*Gul. Ballonius Epid. & Ephem.*

*lib. 2. pag. 133.*

## OBSERVATIO II.

*Post Dysenterias graves cicatrix sæpe in intestinis relinquitur chyli distributionem impediens, unde Leienteria vel Diarrhœa chylosa.*

**C**hylus à fecibus alvinis secretus motu intestinorum peristaltico non tantum propellitur deorsum, verum exprimitur quoque percolaturque vi eadem per crustam ipsorum carneam & spongiosam in lacteas venas: Læditur hæc chyli percolatio, & plus minus impeditur aut minuitur in fluxu alvi chyloso, quando vel 1. obducta sunt obturatæve panni hujus carnei officia humore pituitoso, viscido, Vel 2. Abrasa est hinc inde eadem crusta carnea, & illi subjecta intestini pars cicatrice obducta; oclusis simul ad lacteas venas tendentibus poris, *Quemadmodum id nonnumquam evenit post alvi fluxum Dysentericos graves, in tenui intestino excitatos imprimis, Sicuti non semel post mortem in cadaverum sectione observavi.* Soler autem hoc malum consequi aliqualis, & aliquando notabilis corporis marcor & macies ad vitæ finem perdurans, nec obælis quoque ventribus parcens. *Fr. Sylvius Præcox lib. 1. cap. 16.*

## APPENDIX.

*A dysenteria gravi Diarrhœa superstes ob erosos villos quibus retentrix fulcitur.*

Intestinorum tormina, quod Græci Dysenteriam vocant, exulcerare intestina intus consueverunt, indeque descendunt cruenta & mucosa excrementa: Cumque id malum diutius inveterascit, aut hominem tollit, aut, quod forsitan deterius est, nusquam sanescit, Nam & nos Julianum quendam novimus, qui cum post 40. dies, quibus hoc morbo vexatus est, sublatis jam doloribus, ac deieciendi cupiditate ejus alvus impendio liquidior permanisset, & sæpius quam par fuerat ferretur, nullis unquam auxiliis curari potuit, quin semper quoad vixit & impetum ventris inhibere nequiret, & ubicunque deieciendi cupiditas hominem urgeret, ibidem excrementa deponeret, erosus scilicet ex præcedentibus torminibus atque consumptis villis, quibus vis ipsa retinendi fulcitur. *Benivenius de Abditis cap. xcv.*

## OBSERVATIO III.

*Leienteria sæpe sequitur ingentem abdominis abscessum, aut pulmonum vomicam, aut pectoris renumque suppurationem.*

**A**liarum partium consensu Leienteria fit, quum ab illis vitium aliquod in ventriculum incidit. Sic pituita è cerebro procumbens, quia refrigerat & emollit, & bilis è jecore profusa ventriculum proritans crudos cibos necdum plane coctos in alvum præcipitat, Sic sæpe animadvertimus ingentem abdominis abscessum, & Pulmonum vomicam, & pectoris renumque suppurationem, tetro malignoque odore in cor & in ventriculum effuso, gravem periculosamque Leienteriam peperisse, qualem in iis quoque cernimus qui diuturno morbo confecti jam morti sunt proximi. *Fernelius Pathol. l. 6. c. 10.*



## S C H O L I A.

**L**entertia dicitur intestinorum laxitas, qua quæ per alvum defluunt, alimentis tum substantia tum colore finitima sunt, Causam habet non distributionis impedimentum, sed concoctionis primæ imbecillitatem, ob quem cibus crudus, nihilque mutatus delabitur: sive quod imbecillior ventriculus eum non conficit, sive quod laxior ille non arcte continet dum integre coquatur, Ventriculus autem imbecillior redditur proprio robore dissoluto, idque bifariam, vel suo, vel extero, seu aliarum partium vitio atque sympathia. Propria illius vitia hæc sunt, refrigeratio, cujusmodi est ab immoderato frigida potu, præsertim quum corpus exaestuât. Laxitas seu emollitio, qualem inducunt aquæ repida, olei, butyri, adipis, prunorum, malvæ atque similibus usus immoderatio. Aliena qualitas inulta, qualem fungorum, cucumerum, melonum & fructuum maligna qualitate putrescentium intempestivus esus, multoque efficacius hautum venenum induxit, quemadmodum & perversa cæli constitutio quæ popularem sæpe lenteriam promovit. Aliarum partium consensu fit, quum ab illis vitium aliquod in ventriculo incidit. *Idem.*

Jam meæ curæ commissam habeo Clariss. Marro-nam, Dom. Saladin, Anglam, viduam Domini Fleurnois, sexagenariam, raræ texturæ & constitutionis debilis, diarrhœæ à multis annis obnoxiam, hinc ob *propterea* intestinorum *afflictum* in Lenteriam mense Augusto anni 1678. anni tempestate ferventissima incidit. Assumpta quævis quasi per infundibulum præcipiti lapsu excludebantur, hinc celer marasmus, qui eam ad fauces orci intra triduum deduxit: Facies illi fuit Hippocratica, marmoreum, cum livore, extremorum frigus, integumentorum tamen impatientium, comite liri, (ab exhausto deducenda, non ab incendio aut phlogosi interiorum partium) pulsus vix conspicuus, interdum asphyxin, paucis, omnino deplorata: Cardiacorum tamen usu, opiatarum roborantium, cataplasmatum ex mica panis tosta, vino rubro austero infusa, cydoniorum condit. pulpa, sorborum, pulv. menthæ, &c. succorum tortivorum carniū, gelatarum cornu cervi, Eboris, ad se rediit, ut jam calor micet, pulsus digitos manifestè feriat, bene ad oblata se habeat, ea contineat, urinas effundere incipiat, spemque convalescentiæ præbeat; Atque in eam quadret quod ait de muliere quadam Hippocr. in Epidem. *Quin-guies morua est.*

*Bilis è jecore profusa*] Causæ lenteriæ & cæliacæ affectionis ad tria capita reduci possunt, Frigidam ventriculi & intestinorum intemperiem; Retentricis debilitatem, gravis morbi prolem, Earum

démque partium ab acris humoribus morsum & vellicationem, qui ad excretionem præmaturam sollicitant: Sic vesica urinaria à lotii acrimonia vellion-ta, frequenti micturitione laborat, unde stranguria. Galenus 6. sect. aph. 1. ab acris illis humoribus fieri in ventriculo aut ulcerosam dispositionem, comodo quo aphthæ in ore puerorum oriuntur. Acres illi humores proles sunt vitii & *viscerum* *blasphemata* *exortum*: Huc pertinet Lenteriarum descriptio de quibus Hippocr. lib. 2. Prorrh. versu 196.

*Levitates intestinorum assidue quidem & multo tempore perseverantes, ac omnium horis & cum stre-pitu & sine hoc exturbata, & similiter noctu & interdum affligentes, si quod excernitur valde crudum est, aut nigrum & leve ac mali odoris, ea quidem omnes male sunt, nam & sirim exhibent, neque portionem per urinam reddunt, quod in vesicam non descendat, os exulcerant & elaium suciei ruborem, ejusque cuncta vitia omni colorum genere distincta (Ephelidas vocant) excisant, simulque ventrem quasi fermentatum sordidum, ac rugosum efficiunt, ex quibus aut cibum capere, aut deambulare ad res obeundas nequeunt. Morbus hic seniores gravissime infestat, quin & viros vehementer affligit, ceteras vero etates multo minus: ac qui cum etates, quas ab hoc morbo male affici dicimus, non attingit, & paucissima signa habet que mala esse scripta sunt, is securissime constitutus est.*

Ex his quidem excretionum diversitatibus, ait *Marianus* pag. m. 411. quæ in hoc affectu referuntur, patet Lenteriæ essentiam in ciborum omnimodâ impermutatione non consistere, ita ut crudi penitus, nulla in iis permutatione facta deiciantur, quandoquidem aliquando nigra & graveolentia rejiciuntur, quæ sitim inducunt, os exulcerant, & ruborem in facie elevant: Ex quo conjicere licet sæpe Lenteriam in ciborum corruptione consistere, propter quam assumpti cibi descendunt priusquam convenientem coctionem subeant, eo quod per eam aciores facti naturam incitant ad eorum expulsionem. Qua propter essentia hujus affectionis in eo consistit quod cibi inconcocti descendunt, quatenus in ipsis excretis ciborum assumptorum vestigia apparent, sive modo ob caloris ventriculi excessum cum humiditate non concoquantur, Sive à calore immodico, aliave causa corrumpantur ante quam naturalem permutationem ad coctionem acquirant: quoquo enim modo prædicta eveniant, semper Lenteria dicenda est: Ex his vero quæ in textu referuntur, patet Lenteriam ex corruptione longe deteriorem esse ea quæ ob caloris defectum evenit.

## OBSERVATIO IV.

## §. 1. Fluxus Cæliacus excitatus à Pancreatis, Lienis vitio, Glandulis mesenterii tumidis, duriusculis, &amp; aliis ejusdem vitii.

**M**iles Scorus in India Orientali, atque imprimis in longo maritimo itinere huc redux, diu pravis cibus usus fuerat, atque hinc tandem morbo languens, & Cæliaco fluxu cum ventris torminibus, appetitu tamen ciborum mediocriter constante, laborans anno 1657. mense Augusto ad Nosocomium nostrum delatus est, in quo cum per tres quatuorve menses commoratus fuisset, ac in Cæliaco fluxu curando omnia frustra tentata essent, tandem totus emaciatus obiit.

Cadavere aperto, sese obtulit Lien nimis magnus, durus & ater, ut & Pancreas nimis tumidum, durum cinereique coloris. Invenimus item Mesenterii innumeras glandulas, quæ in sanis vix videri possunt, mirum in modum turgidas & duriusculas esse, ita ut multæ quidem fæx magnitudinem, sed plurimæ ad magnitudinem avellanæ, pauciores ad nucis moschatæ

moschatæ magnitudinem accederent : In iis autem dissectis nihil aliud quam candida quædam crema, in caseosam substantiam indurata, repertum fuit. *De Diemerbroeck Anatom. lib. 1. cap. 8.*

§. 2. Puella paupercula undecim annorum, postquam simili etiam alvi fluxu, cum ventris dolore & extrema emaciatione obiisset, ex petitione Parentum (qui ipsam fascino aut diabolicis artibus occisam esse, atque ex murmuribus & sibilis antea in ejus abdomine inauditis, serpentes, bufones, aliæve similia fœda animalia in ventre ejus latere sibi certo persuaserant) coram pluribus demortuæ cadaver aperui mense Novembri 1656.

In hoc, ut in priore subjecto, innumeras mesenterii glandulas admodum tumidas & diursculas invenimus, quarum multæ habebant avellanæ magnitudinem, aliquæ paulo majorem. Color externus alius erat albicans, alius variegatus instar marmoris ex albo nigricantis. Intus in iis continebatur chylus lactens albidissimus, in casei formam ac duritiem concretus, Lien & Pancreas justam magnitudinem nonnihil excedebant. *Idem.*

§. 3. Nobiliss. puellus Danus, Nicolaus Rets nominatus, ætatis septem octovæ annorum, qui *magna atrophia cum ventris torminibus* multis mensibus confectus, tandem totus emaciatum vitam finivit mense Junio annis 1662. Ego imploratus ut in demortuo causam mortis, parentibus transcribendam inquirerem, cadaver aperui, in eoque hepar, lienem, cor, pulmones, renes, ventriculum & intestina bene constituta demonstravi, solo Pancreate nonnihil tumido ac male colorato existente : sed in Mesenterio certa mortis causa à nobis inventa fuit, quippe innumeræ mesenterii glandulæ mirum in modum intumuerant, cum singulari duritie, plurimæ ad avellanæ, aliæ ad paulo majorem, multæ ad fabæ magnitudinem, omnes candidi coloris erant, in iisque continebatur crema candida, in casei siccioris duritiem concreta, quæ chyli lactei transitum impediens, dictæ atrophie atque hinc mortis causa fuerat. *Idem.*

## S C H O L I A.

**E**X quibus satis paret frequenter Cæliacum fluxum & atrophiam ab harum Glandularum obstructione produci : Adhæc non esse illarum cum usum quem ipsis Anatomici communiter adscribunt, scil. fulcire venas & arterias per mesenterium delatas, sed in iis, ut in omnibus glandulis, gigni aliquid subaciduli fermentacei liquoris, chylo lacteo admiscendi, & sic illas inservire vasis lacteis, atque hinc propter earum obstructionem, aliâve pravam constitutionem (qualis plerumque a vitioso fermento, quod chylo in intestino duodeno admiscetur, inducitur) sæpe magnam pravorum humorum colluviem, lentarum febrium, variorumque contumacium ac diuturnarum affectuum causam, inter mesenterii membranas coacervari. *Idem.*

*Mesenterii Glandula, &c.* ] Glandulas habet mesenterium plurimas exiguas & molles, membranis interjectas, in earumque medio unam magnam, quas omnes ad chyli attenuationem majoremque perfectionem plurimum conferre, manifeste constat. Per illas quippe decurrunt vasa Lactea innumera, & chylum (ad majorem perfectionem glandulosi liquoris levi aliqua sub acidula qualitate imbuendum) in eas affundunt, quæ vasa ex iis tandem in media magna Glandula, (quam hodie *Mesenterii Pancreas* vocant) pleraque concurrunt, indeque recto ac brevi ductu feruntur ad Receptaculum chyli, in quod succum lacteum deponunt. Rem ita se habere docent experientia & autopsia, Nam si hæc glandulæ aliqua de causa vel obstruantur, vel liquor in iis genitus, & lacteo succo necessario admiscendus, nimis acidam acedinem quacunque de causa conquiverit, tunc lacteus chylus in iis subsistens coagulatur in casei formam, ab ejusque copioso inflexu multum intumescunt, atque sic chylo subsequenti transitus omnino præcluditur,

unde tales homines, quibus hoc contingit, *cæliaco fluxu*, (propter impeditam chyli distributionem) & ventris dolore torquentur, atque ob denegatum alimentum transitum atrophia consumuntur, & paulatim usque ad mortem emaciantur, Quod tria allata exempla demonstrant. *Idem.*

*Glandulis mesenterii tumidis* ] Diarrhææ, Leienterix, Cæliacæ passionis, in Glandularum plexibus intestinalibus causam statuit Nobiliss. Dom. *Joh. Conradus Peyer*, Tractatu eruditissimo de iis edito. Diarrhææ, ait cap. 8. ex iisdem Glandularum plexibus, tanquam fontibus præcipue scaturire videntur : Cum videlicet massa sanguinea sero, sive sensum sive cumulate adgesto, turgens, aut incendio febrili colliquata ac effervescens, sarcinam suam (ob particularum crassitiem aut visciditatem per glandulas subcutaneas distillari ineptam) in Plexus intestinales deponit, atque per glandulosas eorum papillas, seu tubulos & canales, confertim exonerat : qua oneris mole excussa, valetudinem antea parellam sæpe contingit *evaporare* emergere. Cum vero sanguinis fermentatio viralis, aut repente injectis veluti compedibus sustinatur, aut lento chronicorum morborum fato ita sensim refrigerata torpescit, ut cruoris massa, labefactato mixtionis vinculo in principia sua aut elementa analysi spontanea secedat, hinc evenit ut sanguinis serum, per glandularum istarum papillas sine obstaculo, ac velut sua sponte destillans, *Diarrhæas* quoque, sed imminentis plerumque lethi nuncias procreet, Atque hujusmodi alvi fluxus phthilicis emaciatiss, & febre maligna correptis raro non esse solet exitio :

Nonnunquam etiam memoraras Plexuum intestinalium Glandulas, seri nimis visciidi, aut ab acido succo (victus culpa in intestinis genito) coagu-

lari infarctu obstrui, vel aliis modis in tumores & scirrhos verti, contingere potest. Hincque suos ex parte natales ducere videtur *Cælica affectio*; quando videlicet chylicatione ob defectum liquoris fermentativi è Glandulis intestinorum subministrantibus prostrata, alimentorum liquorem nondum ad chyli perfectionem usque elaboratum excernitur. Haud itecus ac in *Leienteria* sit ciborum, prout assumpti fuerunt dejectio, quando ventriculi glandulis eodem modo obstructis aut induratis, fontes liquoris menstrui ad alimentorum solutionem requisiti, occludantur, ut nulla plane instituat digestio. Atque Pathologia hujus veritatem confirmare videtur ipsa horum affectuum *dependere*, quippe quæ felicissime procedit exhibitis alkalibus, ut vocant, acidum illud coagulum absorbendo, *Glandulas* obstructione liberantibus. Cujus generis sunt tum volatilia, ut spiritus salis Armoniaci, C.C.&c. tum fixiora, ut varia ex Tartaro & Marte combinata medicamenta, ac imprimis etiam Antimonium diaphor. Martiatum, nec non Decocta ex radicibus & herbis traumaticis concinnata. Quæ etiam à veteribus eodem interdum sanationis eventu, at dispari plane ratiocinio ac proposito in usum vocata legimus, Hi namque Celiacam passionem ab Intestinorum laxitate, & facultatis retentivæ inbecillitate ortum ducere rati, sumpto ab adstringentibus & reborantibus, ut pote contrariis, auxilio, curationem strictam adgressi sunt: Quam adstringendi intentionem aut potestatem in illis si nos quoque conciperemus medicamentis, verendum esset maxime ne obstructionis obex è Glandulis intestinorum removendus, adstringentium ictu altius impingeretur: Certe purgantia, quæ à plurimis in hoc affectu commendantur, ne statim in principiis, sero nondum in calefactas moleculas compacto exhibeantur, ut è Glandularum papillis adhuc emulgere possit, morbum magis pertinacem quam sanabilem reddere solent: quia nempe irritationis stimulo ferum in dictas Glandulas intempestive allicitur, quod, via exitus denegata, in majorem stagnando molem scirrhos procudere natum est, unde Intestinorum obstructiones, tormina aliæque mala oriri possunt.

Harum autem Glandularum Intestinalium hanc dat *Hyppocras* Nobilissim. Juvenis, loco citato cap. 1. Tenuia perfectiorum animalium intestina accuratius perlustranti, crebra hinc inde variis intervallis *Corpusculorum Glandulorum agmina* sive *plexus* se produnt, diversæ magnitudinis atque fi-

guræ: 1°. enim exigui in intestinorum principio; dein grandiores in ipsorum progressu, demum maximi in eorundem exitu conspiciuntur. Est & ubi ingens intestini tractus, hujusmodi Plexu glanduloso dense ac velut racematim confectus adparet. Idque circa ilei extremitatem fere perpetuum est, cui Glandulæ hæc adeo videntur domesticæ ac necessariæ, ut quamvis cætera subinde intestina, tamen hoc iis nunquam destituatur. Imo sicubi in Duodeno atque Jejunio desint, in ileo defectus ille suppletur. Horum vero Plexuum facies modo in orbem concinnata, modo in ovi aut olivæ oblongam, aliæve angulosam ac magis anomalam disposita figuram cernitur. Intra singulorum autem Plexuum sphaeram sive ambitum, glandulæ nunc plures nunc pauciores subsistunt. Aliquando decem tantum manipulatim, sæpe xx. xl. aut plures catervatim junguntur, interdum multitudine pene innumerabili, in quendam quasi exercitum concurrunt, atque insignem Intestini tractum obfident.

Ipsarum porro Glandularum ea est structura & politus ratio, ut basibus suis intima, vel interdum mediæ intestini tunice insistentes, non raro per exteriorem forinsecus transpareant, sicque citra dissectionem intestinorum, oculo iisdem propius admoto conspici queant. Apicibus autem suis, tanquam exiguis papillis, inter crustæ villos, in ipsam intestini cavitatem prospiciunt: Apices isti, porulis sive pusillis foraminulis insigniti, dum supposito digito premuntur humorem, plerumque viscidum, exsulant, Quoad vero substantiæ compagem, Glandulæ hæc in quibusdam molles & velut pulposæ sunt, proinde ut mucos intestinali incautius deteriso, ipsarum sæpe glandularum vestigia apicesque deleantur. In aliis systasis paulo compactior notatur, vel iteratæ deterisionis vim impune sustinens: Magnitudo quoque Glandularum pro animalium mole ac ætate variat, plerumque milii, aut raphani semen æquant: Color tam plexuum quam Glandularum iis contentarum nunc pallidus, nunc aliquantum rubicundus adparet, interdum plane candicans, Et liquor glandularum papillis expressus etiam albore quodam imbutus cernitur: Vasa denique sanguifera, nempe arteriarum venarumque capillamenta, hisce Glandularum Plexibus copiose intextuntur: quibus necessarios in usus dubium non est: nervulorum filamenta sociari, quamlibet visum præcillitate fere subterfugiant, &c.

Plexus istos in duorum virorum cadaveribus evidentissime conspeximus, Eorum alterum Ascites, alterum quoddam ventriculi & Intestinorum malum extinxerat: Et quidem dissectis intestinis, prima plexuum vestigia statim in Duodeno apparuerunt: nimirum quinque aut septem glandulæ miliares, junctim una positæ, quendam veluti racemum, totidem acinis constantem, exprimere videbantur. Per Jejuni districtum nullus integer Plexus occurrit, sed in spatioso Ileii sinu plures continebantur, quorum ultra xv. numeravimus, extrémaque Ileii portio, palmam unam & dimidiam longa, meris Glandulis impleto ingentem junctis, constare videbatur. Hos & Plexus in Puella octenni, agmine numeroso, & magnitudine conspicua demonstravi, quanquam alicubi glandularum papillæ, ex intestinorum morbo, vim passæ viderentur.

Qui vero Glandulis istis usus assignandus? Nostra fert sententia, Ab iisdem liquorem chylicationi inservientem, intra cavitatem intestinorum exitillari: quod 1°. confirmare videntur glandulosæ plexuum istorum papillæ, quæ præterquam quod foraminulis excretoris pervix sunt, etiam nonnihil prouberan-

tes conspiciuntur, hæcque sua phasi fidem faciunt aliquid potius ex illis in cavum intestinorum emulgeri, quam ut ipsæ quippiam ab Intestinis auferant. 2. Experimentum constat papillarum istarum apices, linteo molli blande desiccatos, & supposito digito nonnihil compressos, denuo guttulis, velut roscidis pennasdescere



permadescere: Præterea observare est animalia crasso & duro pabulo victitantia (ad cujus elaborationem fortiore & copiosiore liquore fermentativo opus est) plexibus istiusmodi pluribus, & numerosiori glandularum caterva stipatis instructa esse, haud levi argumento aliquid inde suppeditari, quod solidiorum ciborum massæ penitus dissolvendæ conferat.

Cuinam vero materiæ liquor iste natales suos debet? Non videtur huius liquoris materia aliunde suppeditari quam ab Arteriis & Nervis, præter isthac enim nulla alia vala aut comæatus viæ supersunt: nec chyli lymphæque ductus huc quicquam conferre valent: quemadmodum ergo duæ sunt comæatus viæ, ita ex duplici liquorem hunc materia constari verosimile est, una nempe ab arteriis, altera è nervis suggesta. Quoad arterias, videntur ille pro symbolo suo serum quoddam subviscidum & glutinosum conferre: è Nervulis autem spiritum nitro aëreum, juxta sententiam Clariss. D. D. Majovv. deponi arbitror; cujus cum ea sit indoles ut ocyus Euro cuncta pervadat, nimia ejus mobilitas optime serosi istius laticis visciditate involvi, providèque hoc pacto ad chyli elaborationem determinari videtur: Ex hoc itaque *spiritus nitro aërei cum laticis seroso connubio, probabile est dictarum glandularum liquorem emergere.* Qui cum particulis nitro-aëreis, itque ad summam puritatem evectis imprægnatus sit, jure *Fermentativum* audire potest. Atque ita hæc se habere indicis haud obscuris me demonstraturum confido: Etenim observare est homines subinde statim à pastu levi quoddam honore percuti, ac interdum etiam quoad extrema frigescere, insuper ad actiones quasvis aut meditationes arduas ineptos esse. Quorum symptomatum aliam vix erit in promptu rationem assignare, quam quod tunc temporis natura, de sumpti cibi digestionem sollicita, omnem fere sanguinis arteriosi impetum, & spirituum animalium copias, neglectis partibus exterioribus, in arterias celiacas & mesentericas, plexus item nervorum stomachicos mesentericosque disponat: Unde fit ut sanguine & spiritibus non amplius tanta copia per universum diffusis, extrema frigescent, ac corporis ambitus, tantillæ molestiæ sensu, leviter inhorrescat: Pariter obvium est illos qui mox à pastu diu multumque sive rerum arduarum meditationi, sive literis incumbunt, de gravitate ventriculi, *Stomachia* & intestinorum difficultate conqueri: in quantum scilicet spiritus animales, animæ corporeæ instinctu, ad ventriculum & intestinorum glandulas determinati, ex istis partibus in cerebrum animæ superioris jussu revocantur: hinc istius erroris poena universum sæpe corpus mulctatur. Quare ex his omnino concludere licet Spiritus animales nitro aëreos, & sanguinem arteriolum, in ventriculum & intestina, cibis recentibus ingestis facta copiosius quam dum inania sunt fluere: idque haud alio fine quam ut glandulis istis liquor fermentativus, ad chylicationem in intestinis perfici-

ciendam requisitus, qua par est copia subministratur.

Quod vero ad huius Liquoris *Diversionem* attinet, etsi difficile sit explicatu quo Liquor iste fermentativus (ex sero arterioso & spiritu nervorum nitro aëreo combinatus) sapore gaudeat, quoniam seorsim colligi, ac coram tribunali gustus examinari nequit: insuper in defunctis spiritus ille nitro-aëreus, à quo vis præcipua pendet, jam avolarit, Tamen si quid conjectura assequi datum est, nullam in eo insignem acrimoniam, nedum aciditatem stygiam, adeo nonnullis decantatam, concipere possumus, ut pote quam intestina sine labe atque doloris sensu tunice ipsorum nervæ infligendo, haud perferre possent. Quare potius arbitrari fas sit liquorem istum, ratione inclusi spiritus nitro aërei, mobilissimi & penetrantissimi, quam salium aridorum corrosivorumque vi ericacem esse: Enimvero ea est particularum nitro aërearum indoles, ut massæ ciborum, etiam compactiorum, assatim ingestæ, compagem eorum prompte pervadere, atque perrupto vinculo sulphureo salino, totam massam in chylum redigere valeant.

Pro duplici autem materiæ, è qua liquor dictarum Glandularum constatur, respectu, etiam geminus potissimum usus assignandus esse videtur, quorum qui partem nitro-aëream sive spirituosam concernit, efficacissimus est & jure princeps habetur, Serum enim arteriosum ei tantum vehiculi simulque vinculi loco associatum, officio viliori destinatur: nempe de munere utriusque ita statuendum breviter arbitror: Quamprimum intestina ciborum in ventriculo dissolutorum massâ impleant, protinus glandularum istarum papillæ, liquore fermentativo tunc plurimum turgentes, & motu intestinorum peristaltico compressæ, humorem, quem continent, per foraminula excretoria copiose protrudunt: quo facto, spiritus nitro aëreus è vehiculo suo & compedibus erumpens, alimenti massam pervadit, particulisque in ea sulphureo salinas odoritur, hinc bello veluti indicto, quodam fermentationis motu tamdiu invicem pugnatur, donec crassæ portiones quoad minima comminutæ, & nonnihil etiam volatilissimæ, chylum absolutissimum, iploque vitalitatis charactere imprægnatum constituent. Interim videtur vehiculum subviscidum, intestinorum partibus adhærescendo, muniminis aut propugnaculi vicem explere; cavendo scilicet ne salium & sulphurum, cum spiritu nitro aëreo debellantium spiculis, nervæ intestinorum fibræ compunctæ aut vellitæ doleant: Atque ita hæc se habere inde fit vero simile, quoniam semper mucis intestinalis copia circa plexus glandulosos invenitur, imo in ilei extremo contenta, jam aliqualem faciem consistentiam nacta, hujusmodi mucosubviscido penitus obducta ac incrustata vidimus.

*Vide plura l. 5.*

#### OBSERVATIO V.

*Diarrhæa Chylosa, cum atrophia, ob Lactearum mesentericarum obstructionem, Hepatis & Lienis scirrhum, &c.*

**F**iliolus Dom. Caroli à Pilug, annum nactus cum dimidio, febris inordinata, nimia appetentia, secretionem per alvum superflua, cum materia alba permixtione, & subsequenti macie insigni, diu & per aliquot menses vexatus, ita ut, omni diligentia licet adhibita, æger vix ossibus hæreret; vix præter animam residui quicquam haberet, vivæ mortis imago esset, &

delicatum adhuc animam ob morbi vehementiam tandem efflaret. Parentes cum nutrissent certas ob causas mutassent, semper suspicati sunt (licet Medici fundamentalibus rationibus illis aliud persuadere conarentur) morbum infantis per fascinum introductum esse.

Ut igitur ancipiti cura amplius non distraherentur, extinctus filius aciei cultri anatomici subiciebatur. Dissecto cadaveris abdomine, ecce monstruosa illico Hepatis, pro ætatis ratione, apparuit magnitudo, quæ vix in adulto offenditur. Totam enim abdominis cavitatem occupabat, & substantia ejus præterea scirrhusa reperiebatur: Vesicula fellea erat insignis, indicis longitudinem æquans: Lienis similis ut Hepatis erat constitutio, punctulis enim tartareis perduris undique erat refertum. Glandulæ per totum mesenterium dispersæ scirrhusæ inveniebatur, causæque mortis manifestè conspiciebantur. *G. Theophilus Bierlingius Miscellan. Curios. ann. 1671. Observ. 152.*

## S C H O L I A.

**L**icet in specie & proprie Diarrhœa illum ventris fluxum designet quo humores sinceriores defluant, sine sanguine & chylo: hic tamen illam vocem cum M. Sebizio in speculo Medic. part. 4. lect. 2. c. 15. generaliter sumimus, ita ut in genere denotet quodvis alvi profluvium, à quacunque materia proveniat, à quocunque loco, & quocunque etiam modo illud fiat: Diversi humores in diarrhœa evacuari solent, unde etiam diversis nominibus salutarur: dicitur enim diarrhœa biliosa, melancholica, pituitosa, serosa, sanguinea, colloquativa; puerorum dentitionum, verminantium, ut & Chylosa, quæ licet ad Celiacam affectionem soleat referri, quia tamen plerumque, & præprimis hoc in casu, non merus & purus chylus, sed excrementis mixtus evacuabatur, non immerito Diarrhœæ Chylosæ titulus ipsi potest imponi. Hujus Celiacæ affectionis, sive potius Diarrhœæ chylosæ causam Fernelius alique venarum Mesaraicarum, Lienis aut Hepatis obstructioni adscribunt: Pecquetus rectius Lactearum mesaraicarum (quas detexit Asellius) quin & Thoracici illius ductus, à se primo inventi, statuit obturationem, Verba ejus ita sonant in nova de Thoracis Lacteis dissert. Anat. experim. 1. p. 109. *Chylosa diarrhœa, qua scilicet mixtus cum recrementis excernitur chylus, oriri potest (sicut Riolanus pater in peculiari medendi methodo cap. 48. sapienter indicat) ex obstructo mesenterio: nam licet sanissimum Hepar congruentissimum accendat ad optimam chylosin, aut chymosin potius, calorem ventriculo, si tamen vel obstructum fuerit mesenterium, vel humoris viscositas, intimam intestinorum tunicam lubricans, obstruat veris lactearum infundibula, certum est prohibitum ingredi chylum, pariter sacrosanctum iri cum ciborum facibus, id ipsum necesse est obstructis Thoracis lacteis, contingere, Et paulo post, Quod si multiplex fuerit Lactearum obstructio, & adversus aperientium remedium vim pertinax, atrophiam sequi necesse est, interditi alimenti penuria, unde nec reparantur sanguinis impense, nec corporis tabescentis substantia reparatur.* Prædictas obstructions ob lactis potissimum impuritates & viscositatem ortas fuisse arbitror, quæ in exilibus illis canalibus lacteis ad caseosam duritiem & quasi coagulationem tetendit, hincque ex obturatione horum vasorum chylus ad receptaculum, & sic deinceps consequenter ad massam sanguineam interceptus fuit, tam maciem quam chyli necessario per alvum una cum recrementis fluxum excitans: symptomata, fames nimirum, sine dubio ob defectum nutritionis in partibus, quæ sui restorationem desiderarunt, nec propter obstructionem recederunt, oriebatur: Putamus enim, salvo aliorum indicio, naturalem appetitum excitari à bono ventriculi temperamento & anima,

omnium actionum nostri corporis gubernatrice, quæ defectum materiæ nutritivæ percipit, & ita per appetitum illam postulat: Ab experientia omnium rerum magistra informari sumus, post morbos majorem plerumque percipi appetitum, ob virium debilitatem, quas natura recreare iterum tentat. Illi qui exercitiis gaudent, & laboribus mechanicis exercentur, majori fame & appetitu vexantur quam qui otio & quieti dediti sunt, eandem ob causam: Vermes in intestinis stabulantes absumunt chylum, hinc nulla vel pauca partium nutritio, & per consequens major appetitus: Igitur cum Ferdin. Roderico p. 64. exclamamus *Fames certissima indigentia & absoluta coctionis primi ingesti cibi certissimum signum*: Spiritus acidi & acres appetitum quidem excitat: si autem quantitate peccent: destruunt appetitum, cum ventriculi temperamentum evertat: in iusta autem dosi assumpti, vel ante vel cum cibis, appetitum adaugent: ratio, quia ante cibos assumpti reliquias in ventriculo contentas dissolvunt, ut defectus eo melius percipiatur: cum cibis autem ingesti, pars concoctionis existunt, cibos citius dissolvunt, concoctionem, augendo fermentum, accelerant, & ita per accidens appetitus & sensus absumptionis causa existunt. Distinguendum igitur inter causam coctionis & causam appetitus, quam animam salutamus. *Febris inordinata*, alterum symptoma, à viicetum & vasorum obstructione, ut & tartari copia istas obstructions generantis, inæqualiter effumantis quasi & ebullientis, calidiorumque vapores in totum corpus mittentis, originem trahat. *Idem ibidem.*

*Glandula per totum mesenterium scirrhusa*) Quamquam vitium fuerit Hepatis & Lienis, rectè tamè causa mortis in mesenterium obstructum rejicitur, quod sæpe longorum latentiumque morborum sedes est, ut frustra quandoque ad lienem aut hepar mali prima labes & origo referatur, Et ne cui mirum videatur si ad mesenterium recurrendum sit, quod non sit credibile ab uno Hepate tantam colluviem provenire, habemus nobis suffragantem Galenum, qui cap. ult. lib. 3. de loc. agnoscit quasdam mesenterii affectiones, à quibus qui ægotarent, Mesaraici appellarentur. Quidam veterum cum perfectè confectum in ventriculo cremorem animadverterent, & talem ferè dejici, nec à mesaraicis suctum devectumque, ut fieri solet, falsò mali causam mesenterio attribuentes, sic laborantes mesaraicos vocabant, sed male, & ideo hoc Galenus redarguit: Nam cum attractrix Hepatis languet, nil per mesaraicas attrahitur ab Hepate, ideo accusari non debet mesenterium sed Hepar ipsum: Contra tamen asserri potest, Cum chylus mixticatus excernitur, nec ad Hepar devehitur, an ideo attracticis Hepatis id vitio sit? Nunquid sæpe fluorem



rem alvi videmus obstructo mēsarzo, facultatibus Hepatis etiamnum integris? Non sequitur ergo ideo convinci posse Hepar laborare cum chylosa deji-  
ciuntur, verum quidem illud cum facultas attra-  
hendi Hepatis agra est, attractionem per mēsarai-  
cas, tanquam per manus officiales non fieri, non  
obstructa vix ratione, sed partis principis, mē-  
sarzi ministerio urentis vicio: Et veteres, qui mē-  
sarāicos appellabant illos, non abs re fecerunt;  
Sic & Galenus & veteres illi culpa non vacant:  
si quidem & chylosa deji-  
ciuntur, solo vicio mē-  
sarzi non deducuntur: aliquando ipsius Hepatis  
vicio, cum mēsarum incolume sit: Præterea mē-  
sarum pars est naturalis: omni parti naturali suæ  
actionis vis est, & per protopathiam laborat:  
hinc fieri potest ut etiam laborante Hepate mēsa-  
rion suum officium faciat, Et contra incolume po-  
test esse Hepar, læso mēsarzo: Nec est quod quis  
parum interesse dicat sit ne affectum mēsarum an  
Hepar, cum chylosa deji-  
ciuntur, nam magna par-  
tium est ainitas, & unius affectio facile in aliam  
redundat: Nos autem contra sentimus, si quidem si  
in mēsentio aut tumor & obstructio sit, cujus oc-  
casione chylus ad portas non devehatur, alia ratio-  
ne curandum erit, quam si Hepatis sola attracticis  
infirmitas in causa sit; Et nos vidimus chylosas de-  
jectiones non affecto Hepate aliquo insigni vicio,  
sed sublatis multis quæ mēsarion occupabant ob-  
structionibus, tandem cessavit chylosa dejectio: Sic  
non sequitur, Chylosa dejectio est, necessario ita-  
que viciū Hepatis convincitur, Sic in uno sensu  
vera opinio Galeni; in altero veterum opinio exci-

pienda: Porro si velis discernere an inflammatio &  
erysipelas mēsarion occupet, sciendum tunc non  
solum excerni talia, qualia in Hepatis imbecil-  
late, cum ad se cibum non trahit excernun-  
tur, sed præterea saniosum quid: Sic cum Hepar  
non inflammatum est, & si cum chylosis excernen-  
tis saniosum quid excernitur, ad mēsentium hoc  
referendum: Cæterum incredibile dictu est qualia  
excernantur dum mēsentium per intestina con-  
gestam in se colluviem deponit. *Ballonius cons. 53. l. 1.*

*Cum materia alba permixtione*) Quam chylo-  
sam indicat *Bierlingius*: Sed notandum aliquando  
in excrementis per alvum secedentibus mucagi-  
nem quandam excerni, puri similem, quæ tamē  
verum pus non est; qualis sæpe cum urinis excerni-  
tur, puriforme sedimentum referens: quæ excretio  
contingit illis quibus longæ & maximæ fuerunt mē-  
sentii obstructions, & longus morbus: nam hu-  
mores qui pepalum admittere non potuerunt, tan-  
dem in mucorem versi sunt, qui pus referat: Quod  
& observavimus in nutrice quadam, quæ ex longo  
morbo incidit in fluxum alvi perennem, cruentum,  
multum: tandem secedebat alvus reddens aliquid  
pulti simile, cum præcederent dolores alvini coli-  
cis similes crudelissimi, cum inappetentia esset, tum-  
mus marcor, præterea acerbissimus dolor ad regio-  
nem ventriculi & totius abdominis; & qui minime  
blandissimoque digitorum pressu exasperarentur;  
Quod notat *Hipp.* in Coacis, Hepar dolentes, os  
ventriculi dolentes, torporosi, rigorem habentes, al-  
vum turbatam, tenues, cibum averantes; purulen-  
ta per alvum excernunt. *Ballonius lib. 1. consil. 25.*

## OBSERVATIO VI.

*Diarrhœa, Lienteria, Hepaticus fluxus cum febre vehementi, ab omnimoda  
conversione Ilei intestini, gangræna cum aliis infecti, Pancreatis  
duritie, Splenis & Hepatis vitio &c.*

**H**omo tres septimanas afflictus complicatis morbis, Hepatici fluxus, Lienteriæ &  
Diarrhœæ biliosæ, comitatis acutissima febre, curæ commissus fuit quatuor Medi-  
corum, quorum consilio plebotomiam, catharsin & clysterem sustinuit, quantum ei  
conducere judicabant, sed tandem ita in peius morbus ejus degenerabat, ut motu, ser-  
mone & sensu æger privaretur, & evomeret quæcunque ore hauserat, quare desperan-  
tes, idque declarantes coram pluribus viris celebribus, consentiebant in *Experimentum  
Transfusionis*, à necessariis ægroti propositum, tanquam ultimum refugium, omnino no-  
lentibus refugere rem probabilem quæ à morte redimeret Virum morti proximum: Dom.  
*Dionysius & Emmercy* rogabantur ut hujus operationis curam gererent: Illi vero confide-  
rantes ægri statum deploratum, omnino renuebant tentamen illud aggredi, allegantes  
Transfusionem non posse restaurare partes solidas, vel mederi gangræna, qua verisimile  
erat intestina ejus esse affecta, debuisse eam adhiberi citius, eoque ipso tempore quando  
Æger passus fuerat ingentes sanguinis evacuationes: Sed iis omnibus nihil obstantibus, ob-  
nix rogabantur ut desiderio ipsorum satisfacerent & non sinerent amicum eorum mori  
antequam adhibita remedia quævis possibilia: Illi itaque hac instantia solliciti, honore & sa-  
lute sua asserta per declarationem supra memoratam Medicorum, & consensum eorum in  
tentamen hujus Experimenti, transfundebant in venas ejus exiguam quantitatem sanguinis  
Vitulini, idque tempore matutino, quo facta, licet æger jam pateretur lethargiam & convul-  
siones, & debili depressoque admodum pulsu gauderet, ecce tamen inexpectatum even-  
tum; Pulsus ejus in momento elevabatur & vegetior fiebat, convulsiones ejus desinebant,  
vivide ipse contemplabatur adstantes, colloquebatur apposite in diversis linguis cum is qui  
ipsum alloquebatur, & profundo placidoque somno obruebatur: Experrectus post tres qua-  
drantes horæ, hauriebat aliquot juscula in dici istius partem reliquam, nihil evomens, nec  
ventrem exonerans, cum tamen per tres priores dies nihil potuerit ore assumere, neque  
refectus fuerit vel minima intermissione profluvii ventris sui ab initio morbi ipso: Cum



hæc conditio ægri perseverasset xxiv. horas, robur ejus denuo diminuebatur, pulsus remittebatur & profluvium ventris redibat; Tum amici illius Transfusionis reiterationem urgebant, qua tandem proximo mane peracta, æger revera recuperabat nonnihil vigoris, sed haud diuturni, nam etiamsi tunc optime jusculum suum assumpserat, sine vomitu, profluvium tamen ventris persistebat, & circa meridiem magis in peius declinabat, donec circa quintam horam vespertinam moreretur sine ulla convulsionum observatione.

Cadavere ejus dissecto, Ileon ejus comperiebatur conversum à capite ad calcem, & infra nodum illum ad Anum intestina omnia erant livida, gangræna corrupta & extreme foetida: Pancreas ejus summe durum erat, & ita obstructum ut *succo Pancreatico non fuerit liber transitus qua se diffunderet in intestina*: Splen ejus admodum crassus erat, & Hepat grande & alicubi lividum: Cor valde siccum & quasi tostum: Reperta vena, qua Transfusio fuerat facta, à sectione in brachio usque ad cor, nihil penitus sanguinis ostendebatur, uti nec in aliis venis, nec in ventriculis cordis, quandoquidem exiguum illud sanguinis infusi fuerat imbibitum à carne ejus inflammata & arida.

## S C H O L I A.

**E**xperimentum Transfusionis &c.) Chæirurgia aliter Insufatoria vocatur: Experimentum autem id licet fuerit conceptum in aliis regionibus, notorium tamen est primo omnium fuisse editum in lucem in Anglia, ubi quidam viri ingeniosi Regiæ Societatis, primum illud emisere abhinc aliquot annis (ut apparet ex eorum ephemeridibus) & Anatomicus ille peritissimus Dom. *Louvers* in praxin deduxit, tum inventionem methodi Operationis, tum felici exsecutione ejusdem: qua in remox cum consequuta sunt varia fausta Tentamina, facta manu periti Doctoris *Edmundi King* & aliorum.

Ab illis sequenti modo peractum fuit, Præparata agni arteria carotide, inieruimus tubulum argenteum in calamos, qua sanguis proflueret in patinam, sic spatio fere unius minuti, 12. circiter unciaz sanguinis agni profluebant in parinam, quo instrueremur aliqua ratione in quantitate sanguinis mox transtundendi in hominem, Quo facto, cum aggredieremur præparationem venæ in viri brachio, vena videbatur ratione illius tubuli, quem inferere proposueramus, justo tenuior, adeoque alio usi sumus tertia circiter parte tenuiore, ab extremitate tenui: Deinde venam incidimus, methodo ante edita num 28. (vide infra) quam methodum observavimus sine ulla alteratione, Et secta vena in brachio viri, non minori facilitate quam qua communis modus venæ sectionis perficitur, inde emisimus sex septemve uncias sanguinis; deinceps infiximus tubulum nostrum argenteum in dictam incisionem, & inseruimus calamos inter duos tubulos, ad derivandum sanguinem arterialem ex agno in venam viri: Sed sanguis ille unius fere minuti spatium in tubulis & calamis moratus fuerat antequam in brachium irumperet, deinde libere manabat in viri venam, spatio minimum duorum minutorum, ita ut sentiremus tactu pullum in dicta vena juxta extremitatem tubuli argentei, quanquam patiens dicebat se non sentire calorem sanguinis (quem patiens alius in Gallia sensisse fertur) quod optimo jure imputetur longitudini tubulorum, per quos sanguis manabat, eo ipso tantum à colore suo remittens, ut ejus temperamentum sanguini venali quam optime responderet, &c. Vir ille peracta hæc operatione non minus quam durante illa bene se habuit, & exhibuit Relationem sua manu subscriptam, magis extollens beneficii illius magnitudinem, quod se per Experimentum illud recepisse autumat, quam nobis hæcenus æstimare licet: Post tres quatuorve dies hujus Experimenti repetitionem instantissime

petiit; verum nos rectius judicavimus operationem illam longius paulo differre.

*Methodus vero præparanda vena in homine hæc est, à Domino D. Egmundo King. proposita*: Instrumenta sunt tantum *Fistula argentea* & *Obrutamentum argenteum*, cujus una extremitas obtusa, & altera plana, ut eo melius tractari queat, & jam adhibita sunt cum felici successu in Brutis: Methodus breviter descripta hæc est. Postquam arteria est præparata in Agno, capra &c. fiat Ligatura in brachio &c. hominis, (satis valida, quæ turgidam reddat venam) eo in loco ubi intendis inferere minorem extremitatem *Fistulæ argenteæ*, quæ ita est adaptanda ut *Obrutamentum argenteum*, intrusum in fistulam, vergat nonnihil extremitate obtusa ultra alteram extremitatem *Fistulæ* illius: Hoc facto, divide cutem partis eo modo quo solet fieri in sectione *Transitus*, exacte è regione venæ secandæ: Tum seca venam subtili scalpro Chirurgico, aut, si vena appareat egregie elevata (imprimis si tenuis sit cutis) poteris utramque secare, si volueris, secundum modum phlebotomiæ usitatum: Quo facto, pulset assistens digito suo, aut aliter venam, paulo infra orificium, ne sanguis ascendat: Hoc posito servato, inserte obtusam extremitatem *fistulæ* iursum in venam, insertam tene cum cute arcte inter digitum tuum & pollicem, deinde extrahe ex fistula *obrutamentum*, & in fere Tubum, per quem sanguis arteriæ est transfundendus ex animali emittente, cætera fac secundum methodum hujus Experimenti notissimam

Multa contra hanc Transfusionem obijciuntur, Sed hoc non minimi est ponderis; Quidam scilicet autumant magnam esse differentiam inter carnem qua vescimur, & sanguinem transfusum immediate in venas: *Illam* magnam subire alterationem *hunc* minime, Auctor replicat Trium primariorum digestionum alimenti, Primam contactam in stomacho non esse magni momenti aliarum respectu, confectarum ex chylo & sanguine, in corde, hepate omnibusque partibus nutrimenti capacibus: Quam rem illustrat dicens, sicut concoctio quæ fit ex lucis terræ, in radice & corde stipitis arboris, non tantum confert ad productionem hujus illiusve fructus, quantum ultima filtratio quæ conficitur ex illis succis in tenuibus fibris turculorum: Ita etiam omnes illas digestiones creditas fieri in stomacho & corde, vel hepate animalium, non tantum confert ad conciliandum particulis alimenti illas figuras, quas requirunt ad conversionem in substantiam humanam, quantum diversitatem *Pororum* qui eas ultimo omnium

nium effrangat & dispergunt in ossa, cartilagine car-nem aliasque partes, in quibus antiqui ob hanc ra-tionem admittebant, tot differentes Assimilantes fa-cultates: Nunc, inquit, licet sanguis recens infusus nō subeat primam concoctionem, confectam in stoma-cho, subire tamen duas alias complures circulatio-nes cum nativo sanguine perficiendo, adeoque ni-hil absurdi ob stare quominus transformetur in sub-stantiam humanam, &c.

Neque solum sanguis transfunditur in venas ho-minum, sed & alii liquores, Alterationis & Pur-gationis gratia; Affert Experimenta Doctor Fabri-tius in Epistola Gedano missa, in qua civitate Me-dicinam facit: Quandoquidem magno desiderio tenebamur experiendi quales effectus secum ferret Chirurgia infusionis liquorum in venas humanas, tribus idoneis subjectis semet in Xenodochio nostro offerentibus, commodum duximus in itis tentami-na istius rei instituire; Sed considerato medicamen-ta Alterantia spem exiguam præbere manifestæ ope-rationis, convenientius & magis conspicuum Ex-perimentum in Laxativis fore existimavimus: quare infudimus per syphonem duas circiter drachmas ejulinodi medicinæ in venam medianam brachii dex-teri: Inter patientes erat miles validus & robustus, periculose infectus morbo Gallico, & sufferens hor-rendas exostoses ossium in brachiis suis: Ille li-quore cathartico infuso conquerebatur de ingenti-bus doloribus in cubitis suis, valvulæque brachii ejus adeo sensibilibus tuebant ut cogere mur leni compressione digiti stringere tumorem illum versus humeros ægri: Quatuor circiter post horas medici-na operari incipiebat, non cum grandi molestia, & in operatione persistebat proxima die sequente, adeo ut quinque sedes post infusionem habuerit, easque non leves: Sine illis aliis remediis adhibitis exosto-ses illæ abibant, neque morbi supra memorati ulla reliqua sunt vestigia. Alia duo Tentamina instituta fuerunt in altero sexu: mulier xxxv. & ancilla virgo xx. annorum horrendum in modum affligebantur Epilepsia, ut parum boni de cura illarum sperare daretur: Ambæ illæ subibant hanc operationem, qua in venas earum infundimus laxativum medica-mentum, dissolutum in spiritu Antiepileptico: Pri-ma harum aliquot horis post Injectionem lenes ha-bebat sedes, & postridie illius diei Epilepticæ con-vulsiones subinde redibant, sed multo lenius, tandem omnino evanescere: Altera autem, nempe ancilla, eo die quatuor habuit sedes, & aliquot postridie, sed æri se committens, & frigus contrahens, nec obser-vans dietam, semetipsam perdidit. Notatu dignum est omnibus commune fuisse, vomere mox post in-fusionem, idque violenter & frequenter: Ex Actis Philosophicæ Anglicæ Societatis. Regia anni 1667. pag. 246. 257. 264. & 269. ubi Plura.

D. Fabricius (Medicus Dantiscanus) concessa venia tentandi Experimentum in quibusdam extre-me infectis lue Venerea, venam secuit & sanguini infudit quædam medicamenta, quo experimento in duobus tentato, alter convalescebat, alter morie-batur: Idem mense sequenti repetiit Experimentum infundendo medicamenta alterantia in venas dex-teriorum brachiorum trium ægrorum, quorum unus erat Arthritide contortus membrisque tractus, Se-cundus extreme Apoplecticus, Tercius Plica Poloni-ca ad extremum invalecente laborabat: Hujus ex-perimenti successus talis fuit, Arthritide ægri po-stridie satis bene habuit, & brevi post operi accinge-batur, proficiens se curatum: Apoplecticus nullum

exinde sensit paroxysmum, Et plurima ulcera ex Pli-ca exorta sanata sunt, & hi ambo potuerunt opera sua exercere: Hæc experimenta facta in Nolodo-chio Dantiscano anno 1668. Ibidem pag. 279. Ejus usum transfert & Excell. I. Daniel Major (qui amplo volumine de ea scripsit, Inventionisque glo-ria adscribitur) ad virium restorationem, ubi cæ-tera prælidia incassum adhibita sunt; Sic in Prodro-mo §. 11. Deliberavi mecum, ait, annon medicatio-nis scopo in Chirurgia, adhibere talem aliquam Fistulam conveniat, qua patientibus quibuldam ægris, inforti quandoque proximis, atque cum reli-qua auxilia pleræque, quamvis canonica, imprimis Pharmaceutica, incassum sunt adhibita, Aperitivus aliquis liquor, exquisitæ subtilitatis, & balsamica virtutis, in venam prius sectam, unde modicum sanguinis eductum sit, insufflari per tubulum au-reum vel argenteum possit, spiritu oris adhibito, vel intrudi in eandem & adigi, ope manus comprimen-tis, tanquam in clystere veliculam; medicamine li-quido repletam, & latiori fistulæ parti affabre con-nexam. Quicunque, addit §. 18. necessariam inter-dum intelligit, penes agonizantes, intercepti sudor-is restitutionem, per prælidia communia despera-tam; Invento meo necessitudinem omnem non de-rogabit.

Conditiones autem & Requisita ad Administra-tionem hæc requirit, (1.) ut Medicus in qualem-cunque eventum auctoritate publica præsumatur. (2.) ut remedia quædam Canonica fructuaneo suc-cessu adhibita fuerint: (3.) Ut brachium vel Pes an-te phlebotomen linteis calidis contricetur, vel vino calido, aut aqua sambuci, cum spiritu vini cam-phorato foveatur. (4.) Ut Ligatura brachii à Chi-rurgo duplex fiat, sed successive. (5.) Ut venæ sectæ foramen digito statim comprimatur, & sic aliquam-diu clausum constet, donec Instrumentum Intuso-rium applicatum sit, ne interim multum sanguinis extiller: Aut (6.) si forte plusculum ejus profluat, ne tamen ultra 3ij. aut 3ss. emanet: Nam (7.) tantun-dem liquoris fere in velicam intuslandum fuerit. (8.) Ut trajectio liquoris non unico dextræ impetu, veliculam exprimentis, sed moderate fiat: (9.) Ut transitus illiusdem adjuvetur utcumque, successiva compressione brachii a loco sectionis sursum utque ad axillam: Nec non (10.) ut partibus oppositis ventosæ quædam applicentur, quarum utilitas alio-quin in revellendis variarum partium hæmorrhagiis nimis non satis prædicanda est. (11.) Ut æger ad-mittendæ v.s. non admodum inassuetus sit. Imprimis (xij.) ut pullus utcumque adhuc constet.

Hinc §. 22. in variolis, morbillis, febribus ma-lignis aliis & Exanthematicis, ac in illo Pestium ge-nere quo sanguis a venenoio miasmate non tam li-quarus quam congelatus mortem infert, Chirur-giam Intusoriam posse suscipi, ægrumque sic eripit ex manibus Parcarum existimat.

Ad illustrationem huc afferenda quæ de Chirur-gia Intusoria habet Scientissimus, G. Schottus lib. xi. mirab. miscell. c. 21. p. 891. Non ita pridem, ait, à magno quodam Principe intellexi experientia de-prehensum in Anglia: Hominum aliorumque ani-malium corpora purgari posse pharmaco purgativo, per apertam phlebotomicam lanceola venam infuso in hunc modum: Velicam vel utrem implent pur-gativo liquore; collo ejus fistulam subtilem ita ac-commodant ut per eam expressus è velica liquor transire queat: Venam in brachio, aut crure, aut quovis alio membro apertam: Fistulam in apertam

venam



venam intrudunt, vesicam comprimunt, & per fistulam contentum liquorem venæ infundunt, venam tandem diligenter claudunt: Post horas aliquot per secessum emittuntur Sordes non secus ac si per os in stomachum purgatio fuisset suscepta: Experimentum fieri curavit paucis ab hinc annis Princeps, quem dixi, in cane, certissimo successu: Alteri cani eadem arte intra venas curavit infundi vinum Hispanicum, quo infuso canis primum in saltus & tripudia effundebatur, tum ebriorum more titubabat, demum procumbens in somnum solvebatur donec crapulam edormisset.

De Eadem ad Clar. J. D. Majorem scribit Clar. J. Jac. Sachs. Quid Circulatio sanguinis, inquit, momenti habeat apprimè docet Experimentalis Collegii in Anglia solertissima industria & Experientia, quæ invenit purgantia, abique ulla oris admotione, beneficio sanguinis circulari vires suas exferere: Id experimentum oculus testis, Generosus quidam Comes mihi narravit oretenus, qui illud coram Principe Palatino, Ruperto, exerceri conspexerat: Modum talem aperuit: Paratur ex ossiculis femorum alaudarum, canalis aut fistula, ad modum fistularum quæ in injiciendis clysteribus vesicæ bovinæ adaptantur: Liquor purgans, aut, pro libitu, alio modo alterans, vesicæ parvæ, præcipue ex carpione pisce, inditur; hinc vena in manu aut brachio, aut crure cum parvo foramine inciditur: E fistula dicta, vesicæque, foramini intrusa liquor infunditur, vesicam ne sanguis exiliat comprimendo: Injecto liquore foramen clauditur & ligatur: sic intra horam sanguis, liquore purgante imprægnatur, cordi ope circulationis vires communicat, & Purgatio feliciter instituitur.

*Transfusionis Experimentum, emisso sanguine ex cane scabioso in sanum.*

Hoc fuit effectum per M. Thomam Coxe: Acquisivit canem villaticum hybridum, vetulum, totum scabiosum, mediocris staturæ, & postquam eum cibavit aliquot horas ramentis casei & lacte, præparavit venam Jugularem, quemadmodum solet præparari arteria carotis Animalis emittentis, non in alium sane finem quam ut experimento definiret infectionem sanguinis Recipientis: Tum obduxit collo canis ligaturam in tantum firmiter contractam, quantum ipsi permittebat timor ipsum lædendi, quo sanguis Venalis, qui tardius movetur & effluit quam Arterialis, majore cum impetu effunderetur: Hoc facto accepit juvenem Canem sagacem coturnicem, atque præparavit ejus venam jugularem ut præparatur in animali recipiente, sic ut pars venæ ad cor vergens reciperet sanguinem canis scabioli, Et pars ejus ad caput tendens emitteret proprium sanguinem in patinam: Utrisque sic præparatis & collatis rite, laxavit nodos ductiles, & frequenti compressione colli ( præter ligaturam quam fecerat) ob lentum cursum sanguinis Venalis ex animali emittente, transfudi circiter 14. vel 16. sanguinis animalis infecti uncias, in venas canis sani, quantum conicere licebat per quantitatem sanguinis effusi in patinam ex animali Recipiente: supponendo animal recipiens emittere circiter tantum sanguinis quantum suppleat animal emittens: Experimentum hoc nulla omnino consequeretur alteratio in Cane sano, Sed scabiosus spatio decem vel 14. dierum elapso perfecte sanitati restituebatur: Qui effectus non sine ratione probabili

expectari poterat ex notabili illa evacuatione sanguinis, quem emittebat, Et forsitan Experimentum illud citissimum & præsentissimum, seu remedium certissimum fuerit contra ejus generis morbum quo canis ille infectus erat, tam in hominibus quam brutis. D. Edmund. King, in Actis Regiæ Societatis Anglica anni 1667. pag. 75.

*Relatio quorundam Experimentorum Infusionis Liquorum in venas Animalium, factorum per D. Fracassatum Doctorem in Academia Pisana.*

Facta infusione Aquæ fortis dilutæ in Jugularem & cruralem venam Canis, Animal extemplo moriebatur: Eoque secto omnis sanguis in valis erat fixus, sed haud ita in intestinis, Observabatur etiam magna vasa crepuisse, forte molimine naturæ, ut in plerisque omnibus Apoplexia mortuis vasa Pulmonum rupta inveniantur. Circa quod Experimentum Author has suas producit animadversiones, 1°. Apoplexiam, cum sæpe originem trahat ex simili coagulatione sanguinis ( prout compertum fuit ex sectione personarum illo morbo mortuarum ) forsitan curari posse opportuna infusione Dissolventis alicujus in venas: 2°. Probabile esse illud secretum, quo Dom. de Bils dissecuit animalia sine ulla effusione sanguinis, consistere in tali quadam infusione.

2. Postea infusus fuit in alium Canem Spiritus Vitrioli, quod experimentum non tam cito prodebat effectum suum, Animal enim lamentabatur aliquandiu & spumabat more Epilepticorum, vehementique & citata respiratione aërem trahebat; Observantique pectus ejus, facile liquere poterat Canem multum pati; quo tandem mortuo, reperimus sanguinem ejus fixum in venis, & glutinum instar fuliginis.

3. Tum infusum fuit in alium canem Oleum sulphuris, Ille vero non moriebatur, quanquam Infusio illa in eum diversis vicibus fuerit reiterata, Et vulnere clauso, canis dimissus, per singulos cellæ angulos discurrens quærebat quod ederet, cumque quædam ossa invenisset, mira aviditate cepit occupata rodere, quali liquor ei excitasset grandem appetitum.

4. Alius Canis, in cujus venas infusum fuit oleum Tartari, non tant felicem passus est successum: Post multas enim lamentationes, simul totus turgidus moriebatur: Cum sectus esset, Spectatores mirabantur sanguinem ejus non esse coagulatum, sed e contrario solito fluidiorem & floridiorem: Quo ipso videtur innui nimiam sanguinis Fluiditatem, non minus quam coagulationem mortem inferre.

*Confirmatio memoratorum Experimentorum per Clar. Robertum Boyle Medicum Anglum.*

Mentionem faciam Experimenti mihi facti ex instituto in sanguine adhuc calido, recens ex animali emisso, scil. Injecta pauca Aqua fortis, vel Oleo Vitrioli, seu Spiritu Salis ( utratissimis menstruis acidis ) in sanguinem, Illum non tantum statim perdere purum suum colorem, & nancisci luteum, sed & in momento coagulari, cum tamen subtilis spiritus urinæ, abundans sale volatili, cujus generis est Spiritus Salis Armoniaci, commixtus calido sanguini, eum non tantum non coagulet, sed nec ejus colorem corrumpat, quin potius floridiorem solito efficiat, fluidum conservet & à putrefactione diu arceat: Ex hoc Experimento ostenditur amicitia volatiliu spirituum cum sanguine.

*Methodus*



*Methodus observata in Transfusionē sanguinis  
ex uno animali in aliud, quam primus D. D.  
Lowverus Oxonii in praxim deduxit.*

Primo accipienda est Arteria Carotis canis, vel cujuscunque alterius animalis, cujus sanguis in alterius vel ejusdem speciei animalis corpus transfundendus est; Illa à nervo octava lumbi separanda & ad unum circiter digitum nuda exponenda: Deinde in superiori Arteriæ parte firma ligatura facienda, quæ minime laxanda sit ad digitum animum interius, nempe versus cor: alia adhuc ligatura opus est cum nodo ductili, quæ & constringi & laxari possit prout opus fuerit: His duobus nodis confectis, sub Arteria inter utramque ligaturam duo fila trajicienda, & arteria secanda, eique exigua penna immittenda, & Arteria supra caulem, obturamento exiguo claudendum, duobus illis filis firmissime liganda; postea ad seique digiti longitudinem alterius canis vena Jugularis detegenda, & nodi ductiles in utraque extremitate faciendi, inter quos duos digitos infra venam duo fila, eo modo quo in arteria factum, trajiciantur: Hoc facto fiat venæ incisio, & simul duo caules inferendi, alter in partem inferiorem, ad recipiendum sanguinem alterius canis, cumque ad cor derivandum, alter in partem superiorem venæ Jugularis, à capite procedentem, per quem sanguis secundi canis emanare possit & promanare in patinas: Hi duo caules hac ratione constituti obturentur aliquo obturamento, donec eos aperiendi opportunitas adsit: His omnibus ita preparatis, canes, alter quidem ad alterius latus convenienter sunt alligandi, ita ut immitti possint caules in singulos alios: Quoniam colla canum tam prope admoveri nequeunt quin duo tresve alii caules prioribus duobus inferendi sint, quo sanguis unius ad alium deferri queat; postea caulis ille qui in venam Jugularem primi canis descendit, aperiendus est, & alter etiam qui ex secundi canis arteria procedit, atque ita duobus tribusve caulibus invicem insertis, prout opus fuerit, caules illi inferendi: Hoc facto nodi ductiles laxentur, & illico sanguis cum impetu transfunderetur per caules, perinde ac per arteriam aliquam; & eodem tempore quo sanguis in canem defluit, referendus quoque est alter caulis, qui a parte superiori venæ ejus jugularis descendit, (facta prius ligatura circa collum, aut saltem digitis altera venâ Jugulari compressa) eodemque tempore sanguis in patinas emittendus (non quidem continue, sed prout vires id permittere possent judicabuntur) donec alter canis clamitare, infirmari, convulsionem pati incipiat, & denique lateri incumbens moriatur: Tum vero duo caules venæ Jugularis ex cane eximendi, & nodo ductili arcte constricto, abscindatur vena (id quod bene fieri poterit absque ullo malo cani inferendo, quoniam venarum Jugularium una sufficit deferendo sanguini ex capite paribusque superioribus, propter latam anastomosis, in qua duæ illæ venæ Jugulares versus laryngem coeunt) Quo facto pellis rursus consuenda & canis dimittendus, qui de mensa profiliet, se succuriet, & quasi nihil mali perpeffus fuerit, aufugiet. *Ibidem in Aliis 1666. pag. 382. D. Egmundus King*, faciliorem & tutiorem modum invenit, scilicet per venas, ita ut neutrius vena secetur: *Vide Acta anni 1667. p. 72.*

Anno 1667. Majj 8. Bononiæ habitum fuit hoc Experimentum, Aperta fuit arteria carotis Agni, & sanguis fuit permixtus emanare quamdiu potui in

dextrum ramum Jugularis venæ alterius agni, ex quo ante exhaustum fuerat tantum sanguinis quantum indicabatur posse suppleri ex agno ejusdem magnitudinis, cujus sanguis usque ad mortem emittendus fuerat: Postea duæ ligaturæ fuere factæ proximè invicem, in vena Agni qui receperat sanguinem, & hæc vena inter duas ligaturas totaliter secta fuit, ut videretur quid inde accideret: Hoc facto agnus solutus fuit, qui sine ullo indicio infirmitatis circumambulabat & sequebatur eos qui fecerant operationem: Post id diu vixit, & vulnere sanato crevit instar aliorum agnorum: Sed 5. Janu. 1668. mortuus est, & stomachus ejus repertus fuit plenus corrupto alimento: Collo dissecto, ut videretur quid evasisset ex vena totaliter perfecta, inventum fuit eam semet junxisse proximo musculo per quasdam fibras, & superiorem partem istius venæ communicare cum inferiore ope ramusculi, qui aliqua ratione suppleret defectum totius trunci.

Aliud experimentum factum fuit 20. die Majj, transfundendo sanguinem Agni in venas canis Hispanioli, mediocris quantitatē inter alios ejusdem generis, ætatis 13. annorum, qui supra tres annos penitus surdus fuerat, ita ut ad maximum quemque sonitum nullum præberet indicium auditus: Parum obambulabat, & adeo debilis erat ut non posset pedes suos erigere, & non nisi traheret corpus suum antrosum: Post Transfusionem in eo exercitum remansit ad sparium unius horæ in mensa ubi adhuc erat alligatus, sed postea desiliens abiit quantum suos heros: post duos dies foras abibat, perque plateas vagabatur, nec amplius trahebatur pedem suum, ut ante fecerat: Appetitus quoque ad cibum rediit & plus avidiusque edit: sed quod magis mirum, ab eo tempore præbebat indicia auditus sui, rediens aliquando ad vocem iuorum herorum: Die 13. Junii fuit ferme penitus liberatus à sua surditate, & apparuit infinites magis jucundus, quam ante operationem, Tandem 20. die ejusdem mensis prorsus recuperavit auditum suum, attamen ita ut vocatus retro iret, quasi vocans procul abstulisset: Sed id non semper evenit, interea semper vocatus audiebat. *Ex Italicis Ephemeribus Eruditorum.*

*Vi Succo Pancreatico non fuerit liber transitu)* Juxta Clar. Franc. Sylvii Doctrinam, Vix in universum succi Pancreatici motus ad tenue intestinum inhibetur (quod contingit à ductus ejus maximi medullæ insigni obstructione, à pituita glutinosissima circa ipsius orificium hærente, ibidemque coagulata & impacta) quin à succo perpetuo accedente mox iterum solvatur, aut in præsens vitæ periculum conjiciatur æger, Cui an non inde mors inexpectata superveniet subinde, quis prudens negabit, aut observatione accurata in mortuorum cadavere, hocque ductu in antecessum facta temere asseverabit? Memini certe (addit vir Clar.) visam mihi aliquando glutinosam copiosamque in hoc Ductu hærentem adhærentemque pituitam, nec facile inde cedentem ac removendam: *Vide cap. 30. §. 62. & seq.*

*Qua se diffunderet in intestina)* Succus Pancreaticus facilius & ocyus movetur, ubi solito aquosior erit & fluidior, cujus causa erit multus potus aqueus & diureticus, qualem præbent salia volatilia & acidulæ multæ: unde deducendi forsitan inter alios effectus ipsarum mirabiles: Alvi quoque fluxus tam frequens, ut plurimum Aegris conveniens, raro noxius; quatenus properant non tantum per renes ad vesicam, verum per Pancreas quoque

quoque tenue intestinum : Nec tantum fluidiorem præstant succum Pancreaticum ; sed ipsum reddunt quoque minus acidum vel austerum ; frequentissimum segnioris & adstrictæ alvi causam,

quocirca & diluantur facile alvi excrementa , & ad descensum præcipitatur magis solito ipsa bilis. *Idem* cap. 54. §. 8.

## OBSERVATIO XII.

*Fluxus ventris æruginosus à vitiosa Hepatis & Lienis constitutione &c.*

**A**Nno 1629. Septembris v. dissecuimus cadaver militis cujusdam Germani , qui ferme per annum integrum languerat *fluxu ventris æruginoso* , tussi sicca & insigni dyspnœa &c.

Mortuo eo *Omentum* , ac *mesenterium* fuit repertum *ferme absumptum* , ita ut intestina sibi invicem adnata ; vel potius nullo ordine inter se confusa essent , parvulis villis hinc inde enatis ; Lien erat contractus in minimam pilæ magnitudinem , ita ut renes subjecti longe majores essent : *Iecur tam variis erat coloris* , luridi , pallidi flavi ac viridis , ut miraculo spectantibus nobis esset : *Cystis fellis* longe major solito repleta ac *distensa* erat *bile æruginosa* : *Ventriculus ac intestina erosa* , insignem quoque hujus humoris copiam retinuerant : Præterea è vitalibus dexter lobus pulmonis costis & diaphragmatis erat adnatus , ut invicem continui viderentur.

## S C H O L I A.

**V**ideant Lectores num mirum sit difficiles hic esse curationes , cum tot simul mala conturrant , quod non uno hoc in subjecto sed plurimis reperi : Et hoc præstat nimis porus maledicti Arac , ex Oryza & olothuriis confecti : Et quoniam dicunt scriptores physici leporem maximum ( qui , ut & Sapia , de holothuriis sunt genere ) venenosa ac peculiari qualitate pulmonem erodere , lubens in sententiam descendendo omnes istas immundities eandem tabificam vim habere. *Jacobus Bontius Medicina Indor. libro tertio , observat. 7.*

*Fluxu ventris æruginoso* ) Præter irritationem ab alimenti fecibus , intestini inductam , qua fibræ carneæ , tunicam mediam contextentes , in Vermicationes crebras & fere continuas acciuntur , insuper accedunt stimuli quidam alii , & varia incitamenta , quæ pro data occasione contractiones excretorias intendunt aut accelerant , & non raro in convulsivas adigunt , ita ut Alvus contenta sua confectum & impetuose , & quasi à cathartico proritata ejicere cogatur : Sunt autem intus haec alvi irritamenta , imprimis Alimenta incongrua aut immodica , Chyli degeneris corruptelæ , Sanguinis & Succi Nervei recrementa , copiosa , vel acris è glandulis aliisque viscerum emunctoriis , & præcipue è cysti fellis atque ductu Pancreatis exudantia : quinimo serositates aut superflui humores , vel incongrui è cruore & Nervoso genere , vel habitu corporis intus restagnantes : De præcipuis horum speciem dicamus : Alimenta , si quando inter coquendum pervertuntur aut subigi nequeunt , non raro Diarrhœam excitant , uti in crapula , victu inordinato , ab incongruis comestis aliisque in diæta erroribus , aut fermenti stomachici depravationibus frequenter accidit : Quinimo ob apeptiam , quandoque item propter obstructions in mesenterio , aut ductu intestinali , à viscositate nimia Tunicæ glandulosæ aut vasorum osculis impacta , succi nutritii distributio impeditur , proindeque ingestorum materies fere tota in primis viis conibita , dejectiones crebriores & uberiores producit : 2. Recrementa sanguinis & succi Nervei in viscerum glandulis , Cysti fellis , Ductu pancreatico , aliis-

que forsan receptaculis congesta , si quando ob plenitudinem aut irrationem exundantia , in cavitates intestinorum affarim deponuntur , in quantum fibræ ibidem nerveas venicant , aut cum aliis succis effervescunt , sæpenumero Diarrhœam producunt : Videtur flava Bilis quoddam quasi catharticum naturale , quod è valis choledochis ubertim effluens , purgationem spontaneam movet. 3. Materies *æruosa* à regione adhuc remotiore , nempe aut à massa sanguinea , aut à liquore Nerveo ( usque emunctoriis , vel à toto corporis habitu , interdum ad intestina transmissa fibræ eorum carneas irritat , proindeque nerveas in spasmos excretorios citat : In prædictis enim partibus ac locis , ac imprimis in massa sanguinea , humores degeneres aut superflui turgescunt , cum per diaphoretin aut diuresin , nec facili nec satis amandari queant , sæpe metastasi introrsum facta , vasorum intestinalium osculis ubique confusissime delucentibus exadant , dejectiones crebras & aquosas inducentes : Quinimo ipse interdum cruor in crasi viriatus & ad coagulandum aptus , cum per minuta istæ vasa haud expedire circularur , frequenter in magna copia erumpit & Dysenteriam parit : *Willis Pharmac. Rat. sect. 3. cap. 1.*

*Cystis distensa bile æruginosa* ) Vulgo Bilem constitunt triplicem , *Alimentosam* , quæ excrementum non est , sed massæ sanguineæ in corde genitæ pars calidior & siccior , quæ dulcis est & sanguini mixta simul per totum corpus circularur pro partium calidiorum nutrimento : *Naturalem* , quæ & flava appellatur , generaturque ex naturæ lege in Hepate , e partibus recrementosis bilis alimentaris : Tenuior ejus pars cystide colligitur , crassior per Porum choledochum communem statim ad intestina relegatur : *Præternaturalem* , quæ non secundum naturæ legem , sed errore in corpore nostro , vel è cibis in ventriculo , vel è bile aliisque humoribus corruptis in valis & visceribus generatur : Ejus species sunt : *Vitellina* à vitellis ovorum quorum colorem emulatur , calidior est ; creditur à bile flava adusta generari , unde & retortiva appellatur : *Porracea* quod porri foliorum viriditatem æmuletur , qualis sæpe in infantibus per alvum excernitur : Est calida

calida & valde mordax, generaturque à cibis calidis, salis & corruptis. *Æruginosa*, ad æruginis colorem accedens, à vehementiore calore generatur: Harodes fit ex æruginosa magis adusta, seu humore melancholico biliali mixto. *Airam bilem* alii quidem huc non referunt, commode tamen eam ad hunc humorum præternaturalium centum trahimus: Nihil aliud hæc videtur esse quam excrementum sanguinis crassum nigricans, (melancholicus humor aliis dictus) mixtum cum parte bilis præternaturalis ulterius: Atta bilis corrupta, prout est admixta copiosior, habemus vel porraceam, vel æruginosam, vel statodem: Salia nitrosa, vitriolata, aluminosa, vel alia volatilia adjuncta, non parum ad colorum diversitatem facere videntur: Si in visceribus & vasis bilis cujusdam species generatur, bilis alimentaris corruptæ materiam simul exhibebit: In febribus ardentibus malignis cruor emissus sæpe præternaturalis bilis species diversas oculis objicit. *Mæbius Fundam. Physiologic. cap. 16. §. 9.*

*Omentum, Mesenterium serme absumptum*] A vitæ æruginosi humoris depalecentis & corrodentis partes in quibus moratur & quas pertransit: De hac, & affinis sic *Fernelius*, Gignuntur nonnunquam in venis atque jecinore, idque per morbos graves & ardentissimos, qui vehementi caloris incendio bilem vitellinam exiunt & in hæc genera deducunt, prorsus pernitiola quidem & exitialia.

*Ventriculus ac intestina erosa*] *Gal. cap. 4. lib. 1. de loc. Fluorum alvi* causam unam agnoscit, quandam *pupululæ Sybilæ* intestinorum, ut vocat, ab ipso in quodam animadvertam, qui exercebat cum sensu mordacitatis in superioribus intestinis (quod colligebat ex eo quod post mordicationem paulo longiore tempore desideret) idque ob læsum a pravo medicamento intestinum: Ac coniecit læsum esse ab eo medicamento intestinum, jamque in *pupululæ Sybilæ* pervenisse, idenque facere excrementa Jecoris recipere, eaque corrumpere: Hic locus plurimum conferet ad intelligendum qui fiat ut tantum profluvium perseveret: Est illa *Sybilæ* in causa, i. e. intestina vitata sunt, imbecilliorave reddita, ut humorum aliunde influentium impetum facile re-

cipiant, & humores à jecore manantes corrumpant, quod notandum, Nam aliquis quærat, Si à jecore excrementa manant, corrumpantur necne, nil interest, quod intrepidè negandum, Nam quæ à Jecore fluunt restantque, ea cum excrementa tantum sint, sed nihil mali præterea habeant, intestinum vicinum vitatum, & jam in *pupululæ Sybilæ* deveniens, corrumpit & propterea citatior alvus redditur: nam quæ in intestinis continentur, nisi acrimoniam quandam aliquomodo nata fuerint, ea diutius in iis restant, & alvo stimulum calcasque ad solvendum non adjuunt: *Ballonius consil. 53. lib. 1.* Hoc in ægro quanquam dubitatio esse potest quæ potissimum pars accusanda, Cum ventriculus & intestina erosa reperta sint, verisimile tamen est primam mali labem à jecore fuisse deducendam, inde in ventriculum & intestina transmissam, quæ ab acrimonia humoris in eo geniti erosa sint, impellatque hinc *pupululæ Sybilæ* fuerit: Unde Hepati generando mittendoque, & intestinum corrumpendo ob malam dispositionem, mutuas tradiderunt operas ad fluoris diuturnitatem.

*Jecur iam varii coloris &c.*] Esti recte *Riolano* Anthrop. 1. 2. c. 21. Vili sint tabidi post mortem disseci, quibus omnes carnes fuerant conjunctæ, integro Jecore, quod multi credebant eliquatum & exhaustum ex diuturno alvi profluvio: Sæpe tamen Diarrhææ illud causam esse ex hoc exemplo & aliis manifestum est: Laborat autem aut intemperie, aut solutione continui, aut tota substantia affectum est: Potest enim, sicut & reliquæ partes, affici nullo interim manifestato indicio affectionis, cum nec inæqualitas, nec tumor, nec renitens quid tactu deprehendatur: ideoque cum hæc abiant, saluum jecur non est pronuntiandum, ut ejus affectum alia arte venanda est cognitio. Sic *Galen. cap. 7. lib. 5. de loc. declarat* quomodo superficies corporis sepe colore auriginoso infecta deturpataque sit, cum nulla existat obstructio aut inflammatio, aut scirrhosus in hepate, sed, ait, secundum substantiam temperiei ipsius partis mutatur, ut sit temperamenti quædam alienatio, hinc *non recipit* visceris.

## OBSERVATIO VIII.

*Diarrhæa à vitio Ventriculi, Hepatis, Cystis fellis &c.*

**N**Ob. puella anni unius cum febre Diarrhæa correpta fuit: Ventriculus erat in sinistra parte nigricans & quasi putrefactus, viridi humore refertus, Hepar scirrhosum, vesicula bilis grandior, Intestinum rectum quasi nigricans. *Vide tit. de Febribus.*

## OBSERVATIO IX.

*Alvi fluxus æruginosus à bile simili in cysti fellea contenta.*

**I**N sectionibus cadaverum in nosocomio nostro mortuorum, sæpe bilem viridissimam, æruginosam & nigricantem, in ipso fellis folliculo, ante succi Pancreatici admistionem demonstravimus: Imo in Filiola Domini Vych, alvi fluxu æruginoso mortua, & post mortem coram pluribus Medicis à me aperta, folliculum felleum circiter ad ovi gallinacei magnitudinem tumidum, & æruginosa bile infarctum invenimus: Quod ipsum etiam in aliis quibusdam infantibus simul Diarrhææ extinctis observavimus, quibus Cholera morbus vitæ finem imposuerat. *De Diemerbrak Anat. lib. 1. cap. 3.*

## S C H O L I A.

**B**ilem viridissimam] Naturalis Color bilis flavus est, sapor amarus, ac tubacris, substantia fluida: Variis tamen de causis hæc tria in statu morbofo mutantur, prout scilicet sanguis bene vel male constitutus est, Et succus splenicus ad hepatis delatus magis minusve salus, acidus aut acris est, hinc enim

varie præternaturales bilis qualitates exurgunt, & febres, cholera, dysenteria, colici dolores, alique varii morbi oriuntur, quos quidam à solius succi pancreatici vitio oriri statuunt, sed repugnante experientia, nam sectiones cadaverum, talibus morbis extinctorum, sæpe docuerunt integro Pancreate



causam morbi & mortis in folliculo fellis, aliisque bilariis vasis latuisse, quamvis interdum etiam vitio Pancreatis eos morbos oriri posse negare nolumus: Hinc etiam coloris bilis variaz sunt mutationes, ut modo pallida, modo crocea, modo rubicunda, modo ætuginosa, modo nigricans evadat: *Regnerus de Graaf*, Succus splenici defluxum ad hepar non considerans, de his coloribus præternaturalibus aliam concepit opinionem, quippe putat illam colorum varietatem bili conferri, non in folliculo aliisque vasis bilariis, sed in intestino duodeno, idque per admissionem succi pancreatici, acidi & acris (hoc nonnunquam ita fieri posse negare nolumus, cum per acidorum admissionem sciamus bilem colorem mutare) haud aliter ac si in folliculo ipso nunquam alium quam naturalem flavum colorem obtineret, Verum contrarium apparet ex historia allata:

Quod autem varii à corpore geniti humores bili admitti, pro qualitarum diversitate magnam colorum varietatem introducant, liquet ex his experimentis quæ nuper sumplimus in bile Bovis: hæc mista cum rebus acidis, ut oleo vitrioli vel tartari, aut aceto nonnunquam effervecebat, moxque multum incrassescens subviridem colorem acquirebat;

Sed cum istis acidis in lagena concussa & agitata, subalbicantem colorem recipiebat: Mixta vero cum aqua cinnamomi simplici, tenuior magisque flava ac fluida fiebat: Cum ipsius vini mixta, mox ab eo rursus separabatur & inferius subsidebat: Aquæ simplici admitta, pauxilla bilis multum aquæ croceo colore tingebat. *Idem.*

*Bilem ante succi Pancreatici admissionem*] Dum fibræ nervæ & carnes tunicarum ventriculi, ob spiritus à tinctura cathartica irritatos adeo intensiores molestas acciuntur, etiam porus bilarius & pancreaticus vellicati & succissi, humores suos profundunt, ac in cavitates intestinorum velut exipuant: à quibus utrisque, & præsertim à *Bile* copiosius suffula, membranz haud minus quam ab ipso pharmaco irritatz, in excretiones majores crebrioresque urgentur: cumque adeo dejectiones humoris istius flavedine tingantur, dicitur vulgo, (licet falsò) bilem flavam à medicamento elici & peculiariter educi: Quod si humores è ductibus istis suffuli mutuo efferveunt, ac, uti quidam opinantur, (*Sylvius de le Boë*) cum insigni orgalino invicem colluctantur, propterea intra cavitates intestinorum perturbatio adhuc major, cum humorum & flarum turgentia concitabitur. *Willis Phar. rat. sect. 3. cap. 1.*

## OBSERVATIO X.

*Diarrhœa aqueo-bilioforum humorum à vitio Iecoris externe flaccido, intus duro & retorrido.*

**I**LL. Baro Ferdinandus ab Henaufen, cum inflammatorio Hepatis affectu, febrèque continua, tertium & intra annum recrudescente teneretur, toto morbi decursu aqua biliosa profuse reddidit:

In cadavere ejus inter alia cacopragiæ viscerum indicia, Jecur immuni tumore extuberans repertum: Cujus superficies quidem tota duos circiter transversos digitos vieta prorsus flaccidaque, & mollis prementi manui apparuit: Interiorius autem corpus ligni instar durum & retorridum prorsus. *Carolus Piso de morbis à Sero sect. 4. cap. 1.*

## S C H O L I A.

**I**N febribus fervente sive in toto, sive præcipue circa Hepar, sanguine, maxima portio serosi humoris longe lateque effervescens, porosque habitus occlusos ostendens, & maxime si ab ambiente repellatur, facile præ vernacula tenuitate despumat per portas viscerum in meentericos ramos, indeque in intestina, cum sanguis reliquis fervore concepto attenuatus, in poros parenchymatum viscerum subeat sponte sua, vel etiam attractus: Ejusque ichorosa portione cum sero distillante, crassamentum terrenum restitans, vicus reddat scirrhum & indomabilem duritiem relinquat. *Idem ibidem.*

*Febrèque continua*] Cur alvus liquida sit in causo, præsertim si focus in ventre sit, non autem si in Pulmone, quaeritur: primum ita *Galenus*, In fe-

bribus alvus liquida esse potest, tum ob ventris phlegmonem, tum ob colliquantem febrem: Hinc patet ob phlegmonem alvum liquidam esse posse: Item ad partem 17. 4. Acut. Quibus venter afficitur, & focus febris est, his corrupto cibo dejectiones liquidæ sunt: quibus Pulmo focus febris, contingit ut adstringatur interdum alvus: Si Jecur caui fomes est, aliquando alvus liquida, aliquando spyratodea excernit: Si solum phlegmonem patitur, alvus dura est; si cum phlegmone est inbecillitas, liquida dejiuntur, vitæ ad se alimentum nequeunt allicere, Sed ejusmodi dejectiones ab istis quæ ventre affecto eveniant, distinguuntur

✠ *αὐτὰρ δὲ Βαλίωνος cons. 31. lib. 2.*

## OBSERVATIO XI.

*Diarrhœa ab Hepate vomitis obsito & mesenterio syderato ex parte.*

**Q**uidam fluxu alvi laboravit, sexto post anno interiit, Multis vomitis obsessum erat Hepar, & pars Mesenterii syderata erat. *Hollerius cap. de alvi fluxibus.*

## OBSERVATIO XII.

*Diarrhœa ab Ascheromate in parte gibba Hepatis.*

**T**homas Wilson, annos 30. natus, diarrhœa laboraverat: Hujus cadaver dum secamus, hepatisque separationem à diaphragmate (cui late adnascabatur) molimur, nondum

nōndum aperto eo Tumor amplius, Atheroma dictus, comparuit: Situs erat in gibba hepatis parte, proxime polticam diaphragmatis regionem, juxta venam cavam, figuræ erat rotundæ, & pugno propemodum æqualis, à reliquo hepatis parenchymate liberatus: Pependit uncias quinque, drachmas sex & grana tredecim: tunica ejus cuti veræ crassitie erat comparabilis, materiæ duo genera in se complectebatur, utrumque crassum valde & minime fluidum: alterum gelatinæ instar translucidum: alterum vero cremori spisso aut albæ puliculæ persimile. Dicebatur homo *Diarrhæa* laborasse:

## S C H O L I A.

**D**iarrhœa ista frequens malum est quibus Hepar obstruitur: Certum profecto erat venam Portæ nāud expedite adeo, atque oportuit, sanguinem per Hepar traduxisse: quippe non modo Hepar ipsum plenius majusque solito apparebat, sed & pleræque venæ mesentericæ, intestinorum, ventriculi, & præsertim lienis, magnopere intumescere passimque ceu varicolæ conspiciebantur: Quibus abunde constitit sanguinem nonnisi difficulter è vena Portæ in Cavam rediisse: idque eo magis verisimile videbatur, quod non constaret hominem alio aliquo morbo laborasse, nihilque aliud incommodi sese offerret: licet ejus inquirendi gratia omnia hepatis vasa ab ipso parenchymate liberaverim: quapropter certum mihi videbatur tumorem hunc vix aliter Hepar offendisse quam quod præ magnitudine

sui idem comprimeret, cysti enim propria atque ampla continebatur, cui cum partes Hepatis proximæ necessario locum cederent, ab iisdem pariter vicinæ aliæ arctabantur: unde necessario factum est ut transcurtus sanguinis per hepar plurimum impeditur, adeoque non solum hepar ipsum, sed & omnes venæ portæ rami copioso sanguine distenderentur, quemadmodum in jam dicto corpore apparuit: Intercluso itaque hoc pacto libero sanguinis com meatu, necesse est humores in intestina regurgitent: Cui rei si segnem lymphæ per obstructum Hepar transitionem addas, facile Diarrhœæ jam memoratæ causam inveneris: eandemque si quis arte aliqua compescuisset, deteriora proculdubio symptomata induxisset *Fr. Glisson. Anatomia Hepatis cap. 9. Vide Velschium ad Epifagm. pag. 30.*

## OBSERVATIO XIII.

*Anatome infantis Diarrhœæ extincti, cujus cystis fellea humorem continebat nigro viridem, Hepar durum fuit, albicans etc.*

§. 1. **B**imulus Princeps, Serenissimæ cujusdam in Germania familiæ, Diarrhœa, atrophica, aliisque symptomatibus defunctus 26. Julii 1676. exenteratus: Hepar valde durum inventum, albicans, inusitatæ magnitudinis, pondere 17<sup>1</sup> unciarum: Inter hoc & intestinum duodenum, prope mesenterium, sanguis nigricans infarctus: Vesicula fellis quoque major justo, hepatis substantiæ ubique ita firmiter accreta, ut sine substantiæ hepatis læsione eximi non posset: In ipsa vesicula biliaria non flavus humor, sed materia quædam ex nigro viridis observata, qualis subinde copiosius per alvum secernebatur: Præterea hepar undique angustum, & arcte costis spuris & diaphragmati accretum, hinc facile colligi poterat qua ratione hepar in functione sanguinis vel depurandi vel distribuendi impediri potuerit: Ventriculus autem & intestina splendida, omnibus excrementis vacua, sed flatibus nonnihil distenta:

## S C H O L I A.

**C**um frater Seren. Princ. defuncti eodem affectu iisdemque symptomatibus detineretur, ut præcaveretur fatum imminens, jussu superiorum medicorum quidam Hatinenses hoc consilium conscripserunt: Mandato Clementissimo obsequuti, relationem nobis missam de S. P. & morbo & aperti corporis constitutione, qua decuit diligentia expendimus, & exinde intelleximus Beati Principis bimuli morbum, primario dependere ex humida frigidaque temperie Hepatis, cerebri (in quo plura cochlearia aquæ cruentæ inventa) & circumjacentium viscerum nativa indispositione, unde reliqua adducta sym-

ptomata fluxerunt: Et cum junior Princeps alter simili morbo tentetur, & verosimili suspitione similem viscerum interiorum constitutionem habeat; in hanc sententiam conspiramus, ut ante omnia curandi scopus dirigatur ad hepatis indispositionem, quæ impedit ne bilis & lymphæ separetur, & quidem leniter aperientibus, hincque partem roborantibus, tam allumpris quam admotis, pertinaciter insistendum; quibus rite peractis spe non dubia animamur symptomata sentim evanitura, quæ iumma est vororum nostrorum. *In Actus Medicus Thoma Bartholini Ann. 1674. 75. & 76.*

§. 2. In infantibus Diarrhœa biliosa viridi mortuis, sæpe folliculum fellis viridissima bile repletum, ad ovi gallinacei majoris magnitudinem intumuisse deprehendi, *De Diemerbrak Anatom. lib. 1. cap. 5.*

## OBSERVATIO XIV.

*Diarrhœa pertinax à Iecore Tuberculis & Abscessibus obfessa, aliisque ejusdem vitii.*

§. 1. **Q**uum ingens est inflammatio Jecoris, manifestæ & vehementes omnes notæ apparent, quum verbò exigua, obicuræ & exiles: Sæpe enim Jecur animadvertimus

H B b b x

Tuberculis

Tuberculis & Abscessibus instar furunculorum obsideri, nullo hypochondrii dolore, nullo tumore, nullo decubitu difficili: Febris solum inerat non admodum ardens, cum siti, cibi fastidio, cumque Alvi bilioso profluvio, in menses interdum multos perseverante, ut idcirco difficile id mali, quemadmodum & substantiæ corruptela ab intemperie calida, aut ab obstructione internosceretur. *Fernelius Patholog. lib. 6. cap. 14.*

§. 2. Affligebat Nob. Scotum tertiana duplex, comite Diarrhœa biliosa: Pars hepatis sima cærulea plane, qui color in ipsam substantiam alte penetraverat: Ut conicere hinc liceat bilem initio morbi fuisse valde æruginosam, adeoque vicina omnia fædo colore tinxisse: &c. *Vide lib. 4. tit. de Febris.*

§. 3. Famula febre lenta, siti continua & Fluxu colliquativo afflicta fuit. Tota substantia Hepatis corrupta & purulenta erat, membrana illæsa. *Vide tit. de Febris.*

§. 4. Adolescens peripneumonicus Diarrhœa superveniente obiit: Præter pulmones Hepar etiam erat inflammatum. *Rumlerus observ. 21.*

§. 5. Clar. Adr. Spigelius febre prehensus cum Bubone sub axilla sinistra & dolore hypochondrii dextri, cui successit Diarrhœa primo biliosa, mox & saniosa. Repertus abscessus in concava Jecoris parte. *Vide tit. de Febris.*

§. 6. Quidam laborabat dolore acerbo supra regionem Hepatis, cum vomitu, cardialgia, biliosa Diarrhœa, Vomica in hepate reperta est, cum maxima puris coacervatione. *Vide lib. 2. tit. de Laterum dolore.*

§. 7. Dom. N. Alvus diu fluxit cum doloribus ad ventriculi regionem: Inventum est Hepar plane albicans & semiputre. *Vide tit. de ventriculi dolore.*

§. 8. Virgo cachectica per tres menses ante vomitum diarrhœa laboravit. Jecur erat male coloratum, Vesica fellis liquore nigricante & frustulis sabulosis referta: Ductus hepaticus liquorem ex livido flavescentem exspuebat. *Vide tit. de Cachexia.*

*Anatome post Diarrhœam mortui, in quo repertus Tumor insignis musculis lumbaribus annexus.*

**J**uriconsultus Diarrhœa diuturna affectus, tabidus interiit: Repertus est Tumor pendulus, grandis, annexus lateris dextri musculis lumbaribus &c. *Vide lib. 2. tit. de Phthisi.*

#### OBSERVATIO XV.

*Tabidorum quorundam à diuturno alvi profluvio, Jecur integrum repertum.*

**H**epar propter teneritudinem & sanguineitatem, *ὅτι τὴν ἀπαλότητά καὶ τὴν ἐνυμώτητα*, absque doloribus esse non potest, & propter has causas dolores acutissimi & frequentissimi circa eum locum contingunt, suppurationesque ac tubercula plurima; Vidi tamen in Tabidis post mortem dissectis, quibus omnes carnes consumptæ fuerunt, Jecur integrum perstitisse, quod multi credebant eliquatum & exhaustum ex diuturno alvi profluvio. *Riolanus Anthropol. lib. 2. cap. 22.*

#### OBSERVATIO XVI.

*Lues ovibus & juvencis infesta à verminoso Hepate, Diarrhœam comitem aliquando habens.*

**A**n. 63. & 64. quibus mactatarum ovium, vitulorum & juvencarum Hepar, reliquis visceribus nullam p. nat. constitutionis faciem experimentibus, vermes Prosectoribus obtulisse, fidem fecit experientia, adeo ut nullius Hepar sanum lanuario se obtulerit. Vulgus hoc malum Hepar verminosum, alias hirudinosum appellavit, quod vermis hirudinem prima facie referre videatur: In gregibus hoc in Ducatu oviariis præcipuis quatuor, 3000. oves cum olim fuerant numeratæ, vix 40. tandem superfuisse relatum. Vitulorum quorundam, non omnium, Hepar fuit vitiosum; Anniculorum autem & biennium, fæcus fuit vermium, & è quibusdam innumeri vermes prodierunt: Armenta autem & boves annosi rarissime laborarunt, tum quia durior & siccior eorum constitutio putredinis jugum excussit, tum quia fœnum siccum toto anno devorant: Subiectum fuit Hepar, quod in nonnullis in insignem excreverat molem, idque solum; Raro cum Hepate Pulmo, in ovibus & juvencis fœturam illam concepit: Hepar subiectum fuit tum ratione parenchymaticæ substantiæ, tum ratione vasorum, venæ cavæ & portæ: quandoque & vesica fellea vermes habuit: Raro alias homines & bruta pro sectoribus vermes in hepate genitos exhibent: Inde Diarrhœa seu Cholera in brutis enata.



## S C H O L I A.

**M**ateria proxima ut omnium vermium accidentaria lege in animalibus genitorum, unanimi Physicorum iustitio, ita & horum fuit substantia corrupta, putrida, sive sanguis sit, sive hepatis portio corrupta sordidaque, omne autem putridum ex se & sua natura vermes generat, quod *Athan. Kircherus* experimentis irrefragabilibus comprobatur *serus. de Peste sect. 1. cap. 7.* Causa autem quæ putridam reddidit substantiam, vel Remota est, quæ cum malum sit commune, communem quoque esse censendum est: communes vero causæ præter ærem, cibum & potum, aliæ possunt esse nullæ: Aer quidem ratione (non substantiæ, quæ quia simplex est & tenuissima, mutari nescit) accidentium variis exhalationum è terra, aqua & rebus putridis effluviis & vermiculis infectus, corpus nostrum alterare & immutare potest, sed pulmonum substantiam, quam totam subit, cordisque regiam citius quam hepar invadit: Plurimorum autem brutorum Pulmones vitio rube caruerunt omni: *Aqua* accidentium variorum ratione spectata, cum varias in corpore distributa partes alluat, nocivis imprægnata qualitatibus ad ruinam disponere videtur partium compagem facilius: Aquam vase conclusam Solique expositam mox in vermes animari docet experientia: Sed ad *victum communem*, sive pabulum, idque adulteratum tum pluviarum frequentia, tum rubiginum vehementia confugere malo: frequentissimi anno 63. pluviarum recursus ante facti, quam suam rucolæ in segetem immitterent falcem, humidius brutis, sub dio commorantibus, dederunt nutrimentum: Qualis autem ratione qualitarum cibus, talis sanguis, & qualis sanguis, talis partium constitutio: Humiditas vero excedens latam putredini sterilitatem viam, cui auxiliares manus æstus insignis, pluviosum tempus excipiens ruit: Accessit frequens siderum saliva, ut loquitur *Plinius*, h. e. rois noxii illius plus: *Virgilius* 1. Georg. Rubiginem appellat, *mox & frumentis labor additus, ut mala fruges esset Rubigo*: sc. ut ferrum, rubigo, ita ros ille noxius lædit vegetantia: Noxio hoc rore juvenæ & oves largius læscunt, eam sine dubio hepatis labem contraxerunt: materiam illam multi dixerunt sulphuream, sed rectius fortan arsenicalem, & præter hanc sal causticum & adurens, ac mercurius reliqua principia uniens & nequens, ut habet *P. J. Faber* Panchym. l. 4. c. 45. Adeo pabulo inquinato si bruta vescantur, conceptæ virulentæ truculentiam non possunt non incurrere: depravatum enim alimentum depravat sanguinem, & hic viscera ad patiendum apta, pravitatisque ideam recipiendum prona: Sed cur hepar præprimis, non aliæ viscera malignæ putredinis

labem concipiunt? Id substantiæ rationi imputandum censemus, Ex *Gal.* 4. de usu Part. 12. sanguis est mediocriter condensatus, molis, insignis magnitudinis, dulcis, cal. & hum. temperamenti, atque hinc ex alimento humido & pravo, & ex hoc genito sanguine, quem omnium abundantius suscipit, facilius quam viscera reliqua *anxia* laborare & ad putredinem disponi potest: *Atrox fructus est Profluvium, quod biliosum reddit caustica & urens rubiginis facultas, sue qualitate characterem humoribus imprimens, inde Diarrhæa biliosa seu cholera in brutis nascitur*: Sed si nulla fermentationis lege humorum pravorum fiat separatio & excretio, majorem hepar sustinere tenetur molem: *Ventriculus*, cum malignitas alimenti involueris crassioribus conclusa lateat, illam cum alimento à se expellit, adeoque ita affici nequit. Cor quidem communicatum ab inferioribus chylum infectum admittit, sed impresso sanguinis characterem cito in arterias illum transmittit, omnemque à malignitate intentam injuriam calidi, quo abundat, spiritumque ope amolitur: *Lien*, arteriarum numerosa lobole instructus, spirituum vitalium ministerio pauper maligni hostis atrocitatem eludit: Hepar vero arteriis & spiritibus vitalibus non ita munitum, latum ingredienti & diutius hic conuoranti hosti concedit campum, qui fractas jam ante ab intemperie humida vires magis frangit, ut nec feliciter frangi munere, nec sanguinis per venas ad cor circulationem debito sibi modo undequaque promovere valeat: Subsistens ergo alicubi materia prava, putredinemque concipiens, ipsam deinceps hepatis substantiam inficit, & causa putredinem hepati inferens *proxima* audit: Sic affectum materiam vermium generationi uberem & aptam, locumque caloris suavitatis spuria lobolis exclusioni incongruam subministrat: Quid si ingreßum cum alimento venenum, soli hepati specifica qualitate contrarium fuerit? Non enim omnia venena cordis, sed alia visceri huic vel illi infesta sunt: Effi vero ovium quarundam pulmones heterogeneam illam vermium prolem exhibuerint, per consensum tamen raptò ad pulmones circulationis lege, sive sanguine verminoso, sive semini apparatu, ex hepate id fuisse subortum dixerim: Vermes, qui sunt sui multiplicativi, multiplicati dulcem hepatis & pulmonum substantiam depascuntur. *Joh. Christianus Frommannus* in *miscellan. cur. ann. 6. & 7. p. 250. Vermes &c.* In hepate humano vermes etiamnum deprehensi sunt: *Galenus Wierus* vidit in hydropica; *Emilius Campilongus* in puero variolis extincto: Vide suo loco.

## OBSERVATIO XVII.

*Diarrhæa ab Hepatis incendio inducta, quod friabile inventum est.*

**A**PERTO cadavere filiolarum Dom. Scaronii Consulis, quæ duos menses integros laboraverat & septicitaverat, Inventum Hepar incanduisse præ calore, ut esset friabile: Et cum nata pariente utroque sit valde bilioso, cystis fellis amplior omni opinione erat, pro rata singularum partium portione: Pulmones aliquantulum adhærebant, cæterum erant integri, quod mirum, cum humidissimo esset cerebro & multum ruffivisset: at credo ruffiendi inane hoc desiderium à fervore Hepatis fuisse: quod notandum, alioqui vix incolumes esse potuissent: Uterque ren lapidosus erat, trianguli erant lapides & inserti in substantiam renis: Alvus variis excrementis toto tempore fluxerat & *stercorosa*. Incuria mulierum, quæ accersere Medicos nolentes, in trivialibus suis remediis spem posuere, tæcite & clam totum intestinum rectum sideratum erat: In cerebro, pote humidore,

inventæ est aqua multa. In hoc peccasse videntur Medici, quod ætacula impediti venam non secuerint: Nunc scire oportet in pueris, etiam si assiduitas febris adsit, si de interno fervore constat, & caloris corruptentis dominatu, tuto venam aperiri. *Gustiel. Ballonius Epid. lib. 2. p. 140.*

## OBSERVATIO XVIII.

*Diarrhœa ab ulcerato ventriculi fundo.*

**V**Xor D. Poussépin Consiliarii Regii, hora 10. matutina conqueritur de importuno alvi fluore: suadeo ut decumbat, quia motus auget fluorem, & dejectiones reservet: Erant autem similes aquæ albæ, chylosæ quidem sed liquidæ: implebat magnam pelvim quoties deiciebat: Territus hoc symptomate, postulavi ut seniores in consilium vocarentur: præscripti sunt litus adstringentes, sacculi, julepi, expressum rhei pro die sequenti: dejectione frequenti & copiosa vires paulatim collabuntur: Ante mediam noctem interit, cum illa nihil minus quàm de morte cogitaret:

Ut explorarem causam mortis tam subitæ & inopinatæ, impetravi ut corpus dissecaretur: Inveni ventriculum in suo fundo ulceratum. *I. Riolanus part. meth. med. sect. 3. tract. 1.*

## OBSERVATIO XIX.

*Diarrhœa à Callo inter venas mesaraicas nato.*

**P**etrus Aldimarius filium habuit, qui cum octavum jam ageret annum, in corruptum incidit appetitum, quo calculos ruderaque comedens, in lentam tandem febriculam incidit, Indeque procedente tempore, & ventriculus non continere, & venter fluere cœpit: Adeoque duobus his malis vexatus est puer, ut paucis etiam diebus è vita excesserit:

Hujus nos cum emortuum corpus incidissemus, repertus callus inter venas mesaraicas, à quo cum venæ ipsæ obstruerentur omnes, ut ferri inde sanguis ultra non passeret, necesse fuit puerum è vita migrare. *Benivenius de abditis cap. 37.*

## OBSERVATIO XX.

*Diarrhœa ob Mesenterii glandulas tumidas, Hepar tabidum &c.*

**C**Atharina Marheligs, femina Leodiensis, 15. annos nata, post hæcticam Diarrhœæ vehementia sublata, ad interiorum examen ansam dedit. Viscera omnia flaccida, præcipue cor & pulmo: In dextro pulmonis lobo vomica: Intra pericardium verò, ubi membranæ mediastini cordis basi annectuntur, glandula Thymi nucis juglandis magnitudine solida densaque latebat: Reliquæ in mesenterio glandulæ majores solito, aliæ atheromatum materia plenæ, aliæ pure concreto, tam candicante quam ad nigrorem vergente: Plurima aqua pericardio inerat, cordi paucus sanguis: Renes flaccidi, ureteris utriusque extra renem exortus amplior, nihil tamen fabulosi in renibus aut vesica deprehendebatur: Omentum omni pinguedine expoliabatur, Hepar tabidum: Uterus minimus & durus: uterque testiculus gracilis: vasa colli & fundi tenuia, quæ necdum mensium fluxum passa fuerat. *Bartholinus cent. 3. observ. 99.*

## OBSERVATIO XXI.

*Diarrhœa à Pancreate scirrroso, Mesenterii vitio.*

§. 1. **M** Arcellus Sacchetti (*de quo lib. 1. tit. de Phthisi. observat. 98.*) inter alia symptomata, Diarrhœa laboravit: quæ omnia partim invexere gracile mesenterium atque omentum, partim scirrholes pancreas &c. *Severinus de abscess. pag. 273.*

## S C H O L I A.

**I** Ob. *Riolanus Anthropograph. cap. 15. lib. 2.* ait Pancreas multo humore inebriatum & scirrholes factum, truncum portæ constringere, affluxumque & anadosin chyli interrompere: quippe chylus in mesaraicis sanguinis rudimentum adeptus, cum non

possit ad Hepar permeare, rubefactus refluit ad intestina, unde corpus contrahescit genio suo defraudatum. *Fernelius pathol. lib. 6: c. 7.* Ex hoc fonte cholera, diarrhœa, dysenteria &c. originem deducit.

§. 2. Puellæ (*de qua lib. 2. tit. de Phthisi*) crebro vomebat & Diarrhœa gravi laborabat &c. Illi pancreas induratum erat, omni ex parte & plane scirrhosum: Glandulæ mesenterii hinc inde scirrhosæ.

## OBSERVATIO XXII.

*In viri Diarrhœa, fluxu sanguineo &c. affecti ductu Pancreatico calculi reperti.*

**N**obilis xxx. circiter annorum, melancholicus, catarrhis admodum obnoxius, vini ac fructuum horariorum intemperanti usu, incidit in vomitum & Diarrhœam, quibus per intervalla subsequeretur fluxus sanguineus, unde viribus ejus magis magisque deficientibus 10. die valetudinariam vitam cum morte commutavit.

Dissecto cadavere in Pancreate, circa exitum ductus pancreatici in intestina, septem vel octo calculos, majoris ciceris magnitudinem habentes reperi, anno 1667. *Regnerus de Graaf Tract. de succo Pancreatico, cap. 7. Ex communicat. D. Gaen. Chirurgi Parisiensis.*

## S C H O L I A.

**D**iarrhœam serosam fuisse verosimile est, ob vini & fructuum horariorum intempestivum usum: Ejusmodi autem frequenter oriri à succo Pancreatico seroso, subinde salivæ simili, statuit *Sylvius de le Boë Prax. lib. 1. cap. 13. §. 16.* Fluxum sanguineum idem adscribit copioso sero sanguini admixto vasa simul relaxante: Serosum autem fieri sanguinem ait tum à potu nimio aqueorum, tum ipsius vini ejusque spiritus, à quo tandem partium omnium firmitas infirmatur, & tonus penitus tollitur.

*Calculi reperti* ] Unde illorum origo dubium, si fides *Lindano Medic. Physiolog. cap. de arteriis*, habenda, Ductus Pancreatis arteria est, quanquam incertus cujus sit propago, aortæ ipsius an celiacæ ante emissam splenicam: Ab hac in illud vitæcusi sunt aliquando plurimi furculi pertexisse: Hoc statuto, si arteriæ & venæ sanguinem arenosum, seu tartareum vehunt, quod omnibus in confesso, & *Hippocrati* ipsi, qui mentium arenosorum meminit, quid vetat ad arterias per sanguinem delatas arenas in Pancreate coaluisse Calculos? Ingens nephriticus dolor, ait *Excell. Rolfinkius Dissert. Anatom. lib. 6. cap. 25.* alvo cessabat libera, & viginti dejectionibus se exonerante: mox recrudescere illa subsistente, fabulo cum urina excreto in tanta copia, ut decem renes illud una vice continere non potuerint: Sine dubio, addis, per arterias ad renes tartarum arenosum corrivatum, post ad intestina per mesentericas delatum fuit: Calculos autem in omnibus corporis glandulis generari credit idem de *Graaf*, etiam in glandu-

la Pineali, quos inibi observavit: In eodem ductu Pancreatico, ad ejus ostium, quatuor insignes inveni lapides, quadratos, nigros, tessellæ luforiæ figura & magnitudine, ad splendorem usque læves, in cadavere Nobil. Dom. *Alexandri de Harfy*, è quibus duo mihi supersunt, reliquis à gestatione attritis.

*Melancholicus* ] *Riolanus* anthrop. lib. 2. cap. 16. scribit se in multis natura sua & corporis habitu melancholicis, observasse Pancreas Hepatis molem æquasse, ut in lib. *Thuano*.

*Vomitum* ] Ob motum intestinorum peristalticum invertum & in sui consensum ventriculum trahentem: Incipit frequenter hæc motus inversio à loco insertionis utriusque ductus, Pancreatici & Biliarii, ob potentem ac violentam humorum acriorum in corpore existentiam, aut à nuper assumptis corruptorum atque irritatorum effervescentiam: Existentes in corpore humores acres, sunt bilis & succus Pancreaticus à naturali statu recedentes &c. assumpta præfatos humores corrumpentia sunt fructus horæi &c. *Sylvius de le Boë Prax. cap. 15. §. 4. &c.*

*Melancholicus* ] Violentæ animi aut corporis passionibus Diarrhœam frequenter inducunt, videlicet in quantum spiritus intra *εἰς πύλας*, aut principes quædam appendicis nervosæ partes confiti insignius perturbati, prorsus per nervorum aut propaginum nervearum ductus, inordinationem suam spiritibus intestinorum incolis tradentes, eos in spasmos *ἐκτρέφουσιν* cient. *Willis.*

## OBSERVATIO XXIII.

*Diarrhœa abscessum in ventre sequuta.*

**P**er frequentes anatomes in xenodochio sum assecutus, nasci interdum abscessus nobis reconditos, quorum materies diutissime velut inclusa membranulis renefetur, quos ipsæ humorum copia vel edax malignitas sibi efformat, inter diploides pleuræ, peritonæi, cujuscunque meningis alterius, ut evidenti exemplo patuit in cadavere D. N. cui ex percussione, dum juvenis esset, equinæ calcis in ventrem, locus factus est imbecillior; senectutis tempore fluxio nata, in diurni abscessus speciem transiit, ac suppurata demum erosio membranulis, è peritonæo in cavitatem abdominis decidit, unde paulatim putrefactis intestinis ac diarrhœa superveniente, decessit. *Gemma in casu mirabili de puella Lovaniensi.*

## S C H O L I A.

**A**bscessus nobis reconditos ] Vel præcedente inflammatione, vel absque ea: pletumque enim à vitiosis humoribus in peritonæo, omento, mesenterio præsertim, congestis ac putrescentibus sunt

abscessus, qui sensim sine febre oriuntur, aut gravi aliquo symptomate: Quibus disruptis, evacuatoque pure ulcus remanet, à quo pus manans putredinem intestinis inducit, hinc diarrhœam &c.

## OBSERVATIO XXIV.

*In quodam post diarrhœam extincto obstructa à calculis cystis fellea inventa.*

**V**idi in Episcopo Malleacensi, qui Diarrhœa biliosissima per tres septimanas perseverante sublatus est, intra vesiculam felleam arefactam tres lapillos durissimos: quum



tamen ad ultimum vitæ spiritum frequenti dejectione biliosissima vexatus fuerit : Nec aliunde fluebat biliosum excrementum quam per canalem bilarium ab hepate in intestinum directe protensum. *Riolanus Antrop. lib. 2. cap. 20. p. 215.*

## OBSERVATIO XXV.

*In Diarrhœa biliosa Pancreaticus ductus bile plenus inventus.*

**B**ile plenum Pancreatis canalem in Diarrhœa biliosa Venetiis vidit *J. Van Horne, Blasius ad cap. 4. Anatom. Veslingii.*

## S C H O L I A.

**V**eslingium usum hujus canalis, quandoquidem acrem quendam, tellique non dissimilem succum exhibet, ac excrementum tale, per coctionem ulteriorem à chilo separatum, allicere intra se, atque in duodenum intestinum expurgare : *Regnerus de Graef Tractatu de succo Pancreatico c. 2. §. 145.* Omnem bilem atram & ætuginosam ab eo succo Pancreatico deducit, quia nonnunquam vel acidum spirat, vel pelvi æneæ infusa ipsam corrodit atque manifestam effervescentiam excitat, quam nonnisi ab acido contingere posse censet. Eorumque lapsum arguit qui omnem bilem atram, vomitu alvæ dejectione prodeuntem, è folliculo fellis prodisse censent. Quod probat sequenti adducto experimento, in canis vivi sectione, *ait*, aperto intestino tenui,

reperi ex atro-virescentem liquorem; cujus rationem ut assequeretur, bilem in vesicula examinavi, & ordinatio, adeoque ex viridi flavescente colore prædictam ostendi eam in folliculo suo: succum pancreaticum autem falso acidum reperi, ut & limpidum: alimenta vero tunc in ventriculo tantum contenta adhuc satis cruda, & colorem ex albo cineritium habentia notavi: Ut proinde de vera humoris ex atro virescentis origine herem certior, bili ex vesicula sua eductæ spiritum vitrioli affudi, & simul illa duo in Solis æstu collocavi, unde similem colorem ex atro virescentem consequuta est: Hinc conclusi humorem prædictum, in tenui intestino reperi, ortum habuisse à bile eo effusa, & à succi Pancreatici, tunc falso acidi occursum colorem ejus ita mutantem.

## OBSERVATIO XXVI.

*Post Diarrhœam malignam ventriculi fundus maculis obsitus repertus, & Fistula tres in intestino recto.*

**Q**uidam cum longo tempore Diarrhœa vexatus esset, nec quicquam aliud quam aquam bibere auderet, is tum melius valere visus est: Si vero vel vinum vel cerevisiam biberet, statim alvus largiter solvebatur: Interim & vitro antimonii à Chirurgis exhibitio sæpe usus fuerat: Variis tentatis remediis, præsertim syrupis, statim pejus se habuit, imo postea à levi causa, vel cibo aliquo minus salubri, vehementer afflictus fuit: Is cum me convenisset, & consilium petiisset, spiritum ex Vitr. Mart. destillatum aliquoties exhibui, qui illi non parvam opem attulisse videbatur: Interim Pharmacopola illum accessit, & persuasit ut duas uncias mannæ ebiberet, fore ut statim sublevaretur, quod & me incerto fecit: Epota ea plusquam quinquagesies alvus soluta hominem eadem die sustulit.

Cadavere aperto, viscera omnia salva reperta sunt: Pulmonum tamen lobus dexter lividior: ventriculus autem in fundo plusquam ducentas & amplius maculas rubicundas discretas, instar petechiarum macularum habuit: In intestino recto fistulæ tres, de quibus ille jam per annum fere conquestus fuit, vanam operam Chirurgorum & Medicorum implorans. Suspicio annon maculæ illæ malignæ fuerint? nam intestina ita elota fuere, ut nec excrementi quicquam apparuerit, nec in ventriculo quicquam nisi duo vel tria cochlearia cerevisiæ cum pane, quam ante dimidiam horam quam moreretur, acceperat, reperi, & plane omnino naturaliter se habebant: An maculæ illæ in causa fuerint ut tam subito vel potius vel cibus contrarius ingestus in fermentationem ageretur, & natura stimuletur ad exclusionem? Nam quantum memini, nec cibum, nec cocta, nec chylum reddidit, sed acriores humores & liquida multa ejicere solitus erat. *J. Paterson Hain in miscellan. curiosis anni 1671. observ. 115.*

## OBSERVATIO XXVII.

*A Diarrhœa mortui anatome, cujus ventriculi fundus sideratus repertus, Colon varie affectum &c.*

**V**ltra annum Nobil. Vir de Rens, aulæ Archipincerna, male habuit, per sex tamen ultimos menses lecto affixus fuit: Initium morbus sumpsit ex prolapsu in lumbos, namque ab eo tempore dolores in regione lumbari sentire cœpit, ut tandem claudicaret: Exterius nullum contusionis vestigium notari poterat, dolor tamen quotidie crescebat: Accedebant tandem horrores febriles: Verum cum à medicamentorum usu abhorreret, molestias hæc vel deambulationibus, vel compositionibus, imprimis bono haustu vini

Rhenani

Rhenani pellebat, Olim aliquoties ischatico morbo laborarat, hinc consuetæ & expertæ sibi remedia adhibebat, à quibus aliquantulum, sed parum levabatur: Tandem accedebat Diarrhœa vehementissima, absque ullis tamen torminibus: exercebat multum sanguinis grumosi: Cum morbus invalesceret D. *Hermannum Conerdingium*, Archiatrum Guelficum, consulebat, qui remediis ex arte administratis id præstitit ut sanguinis effusio minor fieret: Sed mortuo Conerdingio dolores in intestino recto accedebant, quos cum explicaret, hæmorrhoidas internas affici nemo non judicabat: Huic fini hirudines ano applicatæ, unde etiam aliquod levamen: manebat interim Diarrhœa, nec sisti se patiebatur: Recrudescens vero postmodum doloribus, cum Chirurgus speculo dilatatum anum accuratius inspiceret, cognitum est totum intestinum rectum hinc inde carunculis instar glandularum obsideri, quæ attractæ sanguinem cum intensissimo dolore fundebant. Et licet aliquando remediis ex arte adhibitis tollerentur, nihilominus intra 24. horarum spatium regenerabantur: continua Diarrhœa non parum etiam curationem morabatur, nec tamen sisti poterat: Si sistebatur, insignes cordis angustie accedebant, ut necesse esset enemate immisso anum iterum stimulare, quo adhibito horror per bihorium durans sequebatur, redeunte postmodum Diarrhœa consuetæ: Tandem veniebat febris lenta & continua, cum dejectione virium & appetitus: Per tussim purulenta ejiciebantur, feces præter voluntatem prodibant; Urina cum difficultate exercebatur, ejusdemque sedimentum album erat instar cretæ: Ultimo, in dextra lumborum regione apostema generabatur, quo aperto materia prodibat inconcocta & fœtidissima, ut nemo adstantium illam ferendo esset: Tumor etiam crurum, & inflatio abdominis insignis, mortem præcedebant:

Sub finem anni 1669. dissectum est Nobil. viri cadaver: Cùm aperiretur, ingens copia flatuum prorumpebat, cæterum quæ sequuntur observata fuerunt. 1. Omentum, sanum licet & optimum, non tegebat omnia intestina, sed inter ventriculum & colon convolutum erat: 2. Intestina, præsertim crassa, summo opere à flatibus distenta, pellucida erant instar vitri: 3. In colo paucissimæ cellulæ observabantur. 4. Ventriculus in dextro latere situs erat: In fundo ejus gangræna observabatur; Substantia ejus tenacissima, tria quoque in ipso foramina observabantur exigua, ac si acuta fuissent: 5. In fine coli itidem aderat gangræna, & ibi loci latuerat ulcus, quod paulo ante obitum ruptum, uti ex rejecta materia observari poterat. 6. Hepatis color à naturali multum differebat: vesicula tamen fellis optime colorati copia referta erat. 7. In Liene initium scirrhi; 8. Pulmones mucos tenaci & albi coloris plane erant obducti, in sinistro latere plane purulenti: In dextro latere inflammati erant, sicut esse solent in iis qui pleuripneumonia correpti moriuntur. 9. Cor magnum erat & adiposum, fibræ tamen carneæ aderant, ut nondum desineret esse musculosum. *Alardus Hermannus Cummenus in miscellan. curiosis anni 1673. observ. 118.*

## OBSERVATIO XXVIII.

*Diarrhœa ob corruptionem Coli & Tenuium intestinorum, inflammationem sequutam  
Eadem omento non cooperta, Tumorem huic adnatum, &c.*

**A**Nno 1663. die 9. Julii Clar. *Sylvius* secuit Apolloniam Simons vetulam, quæ continuo alvi Fluxu per septem hebdomadas laboraverat, in sectione sequentia notabantur: Vena umbilicalis coaluerat cum peritonæo: Linea alba cartilaginea erat: In sinistro latere sub ventriculo Tumor magnus & rotundus, ovi anserini magnitudine reperiebatur, omento adnatus, qui dissectus continebat materiam variam, maxima quidem parte viscidam instar concretæ pinguedinis, aliqua gypseam, minima autem mellis instar fluidam & luteam: Omentum sursum erat retractum, ut intestina nuda conspicerentur: In intestino Colo nigredo apparebat, forte corruptionis signum, Intestina tenuia valde flaccida erant & coloris obscurioris, aliquibus in partibus magis rubebant, ubi forte fuit inflammatio: Intestinum tenue per fibrillas quasdam connatum erat intestino crasso, quod sibi nunquam observatum aiebat: Conjunctum quoque erat & crassum & tenue intestinum cum rene dextro: Intestinum tenue, quod sub mesenterio sinistrorsum ferebatur, profunde admodum fixum erat, & usque ad sinistram renem penetraverat: Folliculus fellis bile satis plenus erat sed pallidiore: Quicquid in intestinis tenuibus continebatur, à bile erat tinctum: Ductus Pancreatici in intestinum duplex erat insertio, altera communis cum insertionem ductus bilarii, altera tribus circiter digitis à priore distans: Uterus versus partem sinistram magis propendebat & dextra tuba longior erat: Minor erat uterus, nec major quam in puellis esse solet & satis mollis: Membranulis quasi quibusdam intertexta

erat

reat uteri substantia satis flaccida, per quam ductus quidam ferebantur hiantes, & stylum admittentes in ipsas tubas: Inflato vase in parte interna uteri, tota substantia tubarum attollebatur: Internum uteri orificium valde rubicundum erat & pituita viticida repletum: Lien pallidior erat, præsertim in parte postica, & satis grandis, cætera sanus, Pulmo quoque bene se habebat, sed per fibras variis in locis dextro lateri adhærebat, in sinistro liber erat: Hepar etiam laudabile erat: Tantillum aquæ subflavæ continebatur in sinistra thoracis cavitate: Pericardium flatu distentum & turgidum erat, quod sibi nunquam observatum aiebat: In ejus cavitate liquor spumofus continebatur satis copiosus, sapore sub-falso & subacido: Inter œsophagum & arteriam magnam, in sinistra parte, quærebat & inveniebat Ductum thoracicum ad latus venæ æϕύρῃ, prope ipsas vertebrae, qui satis grandis & elegans erat, color contentorum subrutilus erat: Immisso tubulo in ductum thoracicum, & inflato, dexter ventriculus cordis manifeste intumescerebat, & sanguis ex vasis erumpebat, & tota auricula dextra mire inde tumescebat: Valvula in ipso ductu reperiabatur, quæ impediēbat quo minus versus inferiora inflari posset ductus: Ubi ad regionem Lumborum deveniebat, ductus quasi contorquebatur in semicirculum: Ductus quidam minores, ex musculis venientes, inferebantur in ductum majorem, Dum persequeretur ductum, videbat plurima vasa è ductu deferri usque in Hepar, & minores aliquot ramos ad intestina. *Observatio Joh. Henr. Brechsfeld. Medici Dani, in Actis Medic. Bartholini anni 1673. observat. 17.*

## S C H O L I A.

**I**n intestino colo &c. ] Galenus primus meo iudicio Fluorum alvi causam unam agnoscit, s. de loc. cap. 4. quandam *πρωκτικὴν ὁρμήν* intestinorum, ut vocat, quam in quodam animadvertit qui exercebat cum sensu mordacitatis in superioribus intestinis (quod colligebat ex eo quod post mordicationem paulo longiore tempore desideret) idque ob læsum à pravo medicamento intestinum: Ac conjecit læsum esse ab eo medicamento intestinum, ac jam in *πρωκτικὴν ὁρμήν* pervenisse, propterea-que facile jecoris excrementa recipere, eaque corrumpere: Hic locus plurimum confert ad intelligendum, qui fiat ut tam diu profluvium perseveret, Est illa *ὁρμήν* *πρωκτικὴ* in causa, id est, intestina vi-

tiata sunt, imbecillioravé reddita, ut humorum aliunde influentium impetum facile recipiant, & humores à Jecore manantes corrumpant, quod notandum, Nam aliquis quærat, Si à jecore excrementa manant, corrumpantur necne, nil interest, quod negandum est intrepide, Nam quæ a Jecore nuunt & fluuntque, ea cum excrementa tantum sint, sed nil mali præterea habeant, intestinum vicinum viciatum, & jam in *πρωκτικὴν ὁρμήν* deveniens, corrumpit, ideoque citior alvus redditur: nam quæ in intestinis continentur, nisi acrimoniam quandam aliquomodo nata fuerint, ea diutius in iis resistant, & alvo stimulum calcarque ad solvendum non addunt. *Ballonius consil. lib. 1. cons. 53.*

## A P P E N D I X.

## De Diarrhææ causis, &amp; de Diarrhæa Cerebrali, aut Catarrhali, an detur?

§. 1. **N**ullus est Catarrhus stomachicus, nulla est Diarrhæa Cerebralis aut Catarrhalis: Cum vero adversus hanc Medici parent excogitentque remedia, hisce abjudicatis nunc nostra super hoc censio forte desiderabitur: oppido multæ fateor, & perquam variæ existunt Diarrhææ, Ex ramen ad unam omnes, etiam pituitosæ, ac illæ, si Diis placeat, Cerebrales, nasci possunt cerebro humorem haud exhibente: Dn. D. *Franc. de le Boë Sylvium* audire necesse est:

Simili plane modo fermentatorum in ventriculo alimentorum partem puriorem, fluidiorem, sanguinique producendo magis utilem, Chyli nomine notum opinamur secerni in intestinis ab eorundem parte impuriore, viscidiorē, hominique minus utili in alvinas fæces facessente, Ut autem cui hoc muneris adscribendum sit pateat, notandum, instituto accurato omnium, tam in brutis quam in hominibus, per anatomien observabilium examine, hætenus duos duntaxat animadversos loco huic usui conveniente ad intestina delatos liquores, Bilem & Succum Pancreaticum, quorum alterutri, vel utrisque, hanc chyli ab alvinis fæcibus secretionem omnino acceptam putamus referendam: Effunditur enim ut plurimum per communem ductum, sive exitum, uterque liquor præfatus in cavitatem intestinorum, & quidem quatuor circiter transversorum digitorum spatio sub Pyloro, unde commodissime præterlabentibus alimentis fermentalis admisceri potest ac debet uterque liquor: Pancreaticus succus, cum in peculiari vesica vel cavitate non asservetur, nec in suo Ductu à nobis aut aliis, quod sciamus, bene dispositis & sanis omnibus fuerit reperi- tus unquam, non dubitamus asseverare ipsum continuo per ductum suum deferri ad intestina, mutuato à Pancreate, in quo præparatur, Pancreatici, nomine: Bilis autem, utpote vesicula propria, hepatis cavo insita, conclusa, nec nisi in ægris effusa tota, innotuit jampridem omnibus: Hæc quoniam non è corpore, sed in corpus exoneratur, necessariam

utilemque



utilemque sui productionem & coacervationem ostendit : Effundi autem ad intestina in sano homine bilem suspicamur , quoties alimenta debite fermentata , è ventriculo propelluntur in ac per intestina , & quidem motu ipsorum peristaltico, in brutorum viventium sectionibus non semel oculis à nobis & aliis usurpato , tracto scil. in contentum folliculo bilario , utpote ab eadem causa, mora : Pancreaticum succum naturalem nihil, vel parum, à saliva differre putamus : Bilem autem , si quis terminis descriptam cupiat chymicis , & analysi chymicæ respondentibus , arbitramur ad ejus constitutionem concurrere multum salis lixiviosi retorridi , atque adeo subpinguis , accedente insuper paucio oleo , paucio spiritu volatili, paucaque aqua : Retorridum vocamus sale lixiviosum, qualem calcinatio aut reverberatio exhibet diutina : Salis autem lixiviosi in bile dominantis, ope fermentorum alimentorum , comes visciditas ab oleo copiosiore , cum acido spiritu paucio, terraque pauca permisto pendens , immutatur & frangitur , unde partes eorundem chylosæ à cæteris secedentes , ab allabente perpetuo succo pancreatico amplius diluuntur , dum bilis pars bona cum alvinis fecibus permanet , illasque & suo inficit colore , & nigroso imprægnat sale : Eandem visciditatem destruit spiritus acidus copiosior , aqua præsertim dilutus , & olei vim frangens ac obliterans : Secretus hic ab alvinis fecibus chylus , per carnem & spongiosam intestinorum crustam, veluti per pannum laneum, transcolatur quasi exprimiturque in venas lacteas, memorato intestinorum motu peristaltico, *Etrursia*, continetur naturaliter , & quidem semper , in intestinis tenuibus, ad quæ defertur bilis, humor pituitosus , quantum conicere valemus , partim ex continuo deglutitæ salivæ , partim ex assumptorum , partim ex succi Pancreatici reliquiis, post bilis admistionem ortus : *Hæcenus Sylvius.*

Non sum opinionis ambiguus ; sanguinem capitis cerebrique venis iugularibus internis ac externis ad cor reportari : Verum is, æque ac ille qui ab imo corpore manat, in cor evomitur, confunditur inibi , ac mox in pulmones missitur, ac rursus in cor, quo is ubi digreditur, ejus portio altera sursum pellitur , altera deorsum , micante Aorta : Hujus trunci descendens ramis ille sanguis in hepar , in liënem , in mesenterii venas , denique in intestina ferri potest : Si vero hic pituitam secum vehit, ac eam in intestina indit, non eam capitis aut cerebri pituitam possumus judicare : Est potius humor massæ sanguineæ, ac si qua spuma notatur, est spuma massæ sanguineæ , aut quidvis potius quam spuma cerebri : Ea quoque ab aëris hausti multitudine oriri potest : Arteriæ intestinis ex massa sanguinea invehunt victum, ejus reliquias in eandem reducant venæ : Istas vero arterias præter liquorem alimonie ministrare, etiam vitiosos humores in spatium intestinorum effundere jamdudum palam fecit *Spigelius* : Evenire autem potest ut Ductus Salivales plus humoris reddant , adhærente ad summa faucium pituita , seu bolo : Quare & homo cum autumat de cerebro venire : Hunc vero in stomachum detrudere cupiens sæpius glutit : quo fit ut redundans illa saliva simul devoretur, unde Diarrhœa potest incrementum accipere : Maxime autem viæ humorum, unde nascuntur Diarrhœæ, sunt Ductus Choledochus , meatus Pancreaticus, & intestinorum stomachique arteriæ, quibus omnes omnium Diarrhœarum humores inferri queunt : Quemadmodum enim ductus choledochus plus bilis quam oportet : plus illius mitioris humoris, quam convenit naturaliter, ille meatus Pancreaticus reddit, ita quævis humorum genera in intestina interdum effundere queunt Arteriæ : Si igitur alvus citra humorem album & spumofum excludit, haud cerebrosa, haud capitalis seu cephalica, haud Catarrhalis , sed massæ sanguineæ Diarrhœa est existimanda ; Quanquam eam & humor Pancreaticus augere poterit : Hæc sunt veræ viæ Diarrhœæ pituitosæ , veluti & Bilioæ , vitiato maxime Ductu choledochi : Nec paucus est humor quem Ductus salivales reddunt : Hic non cerebri est, sed massæ sanguineæ : Anicula ex lino ducit filum & saliva deficitur, petit potum, non queritur de sicco cerebro, cuncta massæ sanguinea est minuta. *C. Victor Schneiderus lib. de Catarrhis specialib. p. 358. & 360.*

§. 2. Intrinseca alvi irritamenta, sunt imprimis Alimenta incongrua aut immodica : Chyli degeneris corruptelæ : Sanguinis & succi nervei recrementa copiosa, vel acria è Glandulis , aliisque viscerum emunctoriis , & præcipue è Cysti fellea, atque Ductu Pancreatis exudantia : Quinimo Serositates , aut humores superflui, vel incongrui è Cruore & Nervoso genere, vel habitu corporis intus restagnantes : 1. Alimenta, si quando inter coquendum pervertuntur, aut subigi nequeunt, non raro Diarrhœam excitant, uti in crapula, victu inordinato, ab incongruis comestis, aliisque in dicta erroribus, aut fermenti stomachici depravationibus frequenter accidit : Quinimo propter aepsiam , quandoque item propter obstructions in mesenterio , aut ductu intestinali , à viscositate nimia Tunice glandulosæ , aut vasorum osculis impacta , succi nutritii distributio impeditur, proindeque

ingestorum materies fere tota in primis viis cohibita, dejectiones crebriores & uberiores producit: 2. *Recrementa sanguinis & Succi Nervosi* in viscerum glandulis, cysti fellea, ductu Pancreatis, aliisque forsan receptaculis congesta, si quando ob plenitudinem aut irritationem exundantia in cavitates intestinorum astitim deponuntur, in quantum fibras ibidem nerveas vellicant, aut cum aliis succis effervescent, sæpenumero Diarrhoeam producunt: Videtur flava bilis quoddam quasi catharticum naturale, quod è vasis choledochis ubertim effluens purgationem spontaneam mover: 3. *Materies* ~~excrementa~~ a regione adhuc remotiore, nempe aut à massa sanguinea, aut è liquore Nerveo, ejusque Emunctoriis, vel à toto corporis habitu, interdum ad intestina transmissa, fibras eorum nerveas irritat, proindeque carneas in spasmos excratorios ciet: In prædictis enim partibus ac locis, imprimis in massa sanguinea, humores degeneres aut superflui turgescunt, cum per diaphoresin aut diuresin nec facile nec satis amandari queant, sæpe metastasi introrsum facta, vasorum intestinalium osculis, ubique consitissime dehiscuntibus, exudant, dejectiones crebras & aquosas inducentes: Quinimo ipse interdum cruor in crasi vitiat, & ad coagulandum aptus, cum per minuta isthæc vasa haud expedite circulatur, frequenter in magna copia erumpit & Dysenteriam parit: Cæterum observare licet, quando pori exteriores à frigore suscepto constringuntur; aut tumores cutanei subito evanescent, alvi fluorem succedere: Novi plures ventris constipationi obnoxios, hoc tantum remedii genere curatos fuisse, nempe ut diluculo, & hora prius assueta citius lecto assurgerent; quantum enim *Σκνρον* solitæ adimitur, tantundem ad alvum lubricandam additur. *Willm Pharmacop. Ration. sect. 3. cap. 1.*

## OBSERVATIO XXIX.

*Peditus frequens à laxata coli valvula.*

Cum anno 1655. generosum & validum Equum, Jovem nomine deartuarem atque exossarem ad structuram sceleti equini; Ecce ex abdomine illius, machinis tormentariis suspensi & moribundi decussatim dissecto, sponte prorumpit intestinum stupendæ magnitudinis (æquabat enim crassitie sua truncum aut caudicem imum pyri aut mali ramose arboris, longitudine superabat ulnam integram cum dimidia nostratis Seelandicæ) quod cum lustro ac tracto accuratius, observo id cæcum esse intestinum: Idem cum esset dissectum, paucula ex eo excrementa liquida, tetram sævamque mephitim exhalantia emanabant, maxime vero tumidum id flatibus, & iis adeo distentum erat, æque ac recens bubula vesica flatu distenta esse assolet: Coli vero valvula laxata semper pedebat, ut stabularii testabantur: *Simon Pauli Quadripart. Botan. Classe 2. pag. m. 89. Titulo Malus Cydonia.*

## S C H O L I A.

Cum valvula coli omnino occluditur, Alvi excrementa ad coli valvulam diutius hærentia & spissescunt, illi multimode incommodant, illam vel omnimode occludendo: quale quid qui patiuntur, iliaca passione intercidunt: vel ne sponte sua occludatur prohibendo; quale quid qui patiuntur, pleno excrementis alvi cæco instrumento, coli val-

vula p. n. laxata semper pudunt, Nec tum flatus naturales, in coctione ventriculi & intestinorum geniti magis in cæcore servari possunt, quàm flatus in pila illa prægrandi pneumatica (Gallis un Balon) quando valvula scortea, non exquisitissime operculatur, foramenque illud per quod intruso tubulo inflatur.

## ANATOMIÆ PRACTICÆ

## LIBRI TERTII.

## SECTIO XI.

## DE DYSENTERIA.

## OBSERVATIO I.

*Dysenteria à bile viridi è Cysti manante, unde Ilei & Coli corruptio.*

**F**RAT fœmina 40. annorum, pinguis & optimi corporis habitus; quæ anno 20. Augusti Dysenterica obiit Amstelodami: Hæc ante tres septimanas inciderat in fluxum dysentericum, qui tum temporis epidemius erat; quæ reciebat in principio morbi erant nigra, subsequente tempore rubescere incipiebant, aliqua tamen intermissa albedine: dolebat ventrem, diverso tamen modo, nam vel dolor ad umbilicum hærebat, tuncque deprimebatur venter: vel si hic attolleretur, cinguli instar circa umbilicum movebatur: Sitis ipsam urgebat intolerabilis, quam quocunque volebat potu sedabat, spiritus vini & aquæ vitæ usu nunquam intermisso: Medicamentorum nihil sumere volebat præter decoctum aliquod alterans, & pilulas de Landano Amstelodamensium, ex quorum assumptione dolor sedabatur, & somnus, qui alias aberat, obrepebat: Cum dejiceret sentiebat dolorem circa anum insignem: Purgata fuit aliquoties tempore morbi, partim pulvere Rhabarbari solo, à quo nihil aut parum, sine levamine movebatur: partim cum rad. Jalappæ misto, à quo multum cum euphoria dejiciebat: Clyster etiam injectus est, à quo pessime habuit, neque etiam ferre poterat inunctiones, unde postmodum horum usus intermissus est: Tempore morbi ter sedatus fuit fluxus cum optima spe, sed cum pessimo uteretur victus regimine, recidivam passa tandem fati concessit.

Cadaver apertum hæcce dabat observanda 1. Omentum justæ quidem erat magnitudinis, sed sphacelatum, colore atrolivum. 2. Intestinum Duodenum & Jejunum repletissima erant bile, unde Sitis intolerabilis causa derivari poterat. 3. Ileon, quo ad Cœcum tendit, cubiti unius longitudine corruptum & sphacelatum erat: 4. Colon quatuor transversos digitos à Cœco sanum erat, post ad 8. digitos corruptum. 5. Folliculus fellis maximus erat & bile repletissimus: Bilis quæ in eo reperiebatur, viridis erat sicut gramini: Cætera optime erant constituta: In Intestino Recto nihil notari poterat, nec in aliis visceribus: Hepar, Lien, Pancreas sanissima erant. *Alardus Hermannus Cummeneus in Miscellaneis curiosis anni 1673. Observat. 116.*

## SCHOLIA.

**R**epletissima erant bile] Dubium non leve proponitur ab authoribus, quomodo bilis flava, interdum brevi temporis spatio dysenteriam faciat, cum tamen non raro bilis porracea & æruginosa simplicem faciat diarrhœam, ad longum tempus perdurantem, quæ tamen nunquam in dysenteriam degeneret, cum tamen non raro bilis porracea ex flava generetur ulteriori adustione, & proinde majorem habeat acrimoniam: Respondet *Mercaus*, cum humorum acrimonia requiritur lentor & visciditas, cujus ratione diutius morentur in intestinis, eaque magis corrodant: Et ita si flava bilis lentorem habeat, dysenteriam efficiet; contra vero si porracea & æruginosa fluxior sit, & minorem in intestinis moram faciat, simplicem producat diarrhœam. *Sennertus* hanc responsionem probabilem esse

dicat, eam tamen omnino dubium non solvete existimat, quod sæpe alvi fluxus dentur, in quibus visciditas & lentor cum acrimonia reperitur, & tamen Dysenteria non excitatur: contra vero visciditas & lentor sæpe non adest, in biliosis humoribus dysenteriam excitantibus, ideo censet humores qui Dysenteriam pariunt, peculiarem & occultam quandam qualicatem habere, ob quam peculiariter intestinis intenzi sunt, eaque exulcerant, sicut lepus marinus pulmonem, & cantharides vesicam exulcerant, non autem alias partes, Illam vero qualicatem malignam, & intestinis ut plurimum intentam, probat ex eo quod dysenteria plerumque contagiosa est, ita ut miasmata ex dejectionibus dysentericorum exhalantia sola intestina afficiant, in iis qui contagium recipiunt, non autem alias partes: Idem

C C c

-continet



contingit in aliis morbis epidemicis & contagiosis, in quibus venenum grassatur parti cuidam peculiari intentum: Sic dantur pleuritides, peripneumoniz & anginz pestilentes: Sic venenum canis rabidi soli cerebro intestinum est: Id apertius in medicamentis purgantibus, quæ peculiarem vim obtinent humores in corpore commovendi, & ad intestina propellendi: cum enim illa non solum ore sumpta, sed etiam umbilico admotæ, inno vapore ipsorum naribus admoto (adde & in per Chirurgiam inferioriam in vena ductis) alvum movere & purgare solent, verisimile est illa per poros cutis, & vatorum extremitates in venas & arterias penetrant, agitationem quandam & fermentationem in humoribus excitare, quæ vitiosi humores à bonis separantur, & si deinceps naturam stimulant ad intestina propelluntur, vi medicamenti ad ea loca expulsionem dirigente: Pati ratione, sed modo diverso, sudorifica ad cutem, & diuretica ad vesicam, insita vi humores propellunt: Ex quibus licet colligere contagium Dysentericum quocunque modo & loco intra corpus admissum, fermentationem quandam in humoribus excitare, & tibi similem dispositionem imprimere, quæ intestinis inimica, ad ea cursum humorum promovere, eaque labefactæ acque ulcerat; & illa demum tali dispositione infecta, humores & alimenta inficiunt, unde vera & propria dicta Dysenteria emergit. *Riverius pract. lib. 10. cap. 6.*

Tum temporis epidemicum) Dysenteriarum aliz sunt populares, aliz non, Populares aut sequuntur

vim cæli, i. e. aeris, & Efficientis vim sequuntur, Aut vim ipsius corporis, tanquam suscipientis causæ: Quæ non sunt Populares, peculiare tantum vitium sequuntur, & peculiaris excrementi suppressionem; aut vernaculam intestinorum imbecillitatem: Quæ sunt Populares; aut sequuntur, ut dictum, vim causæ efficientis, aut suscipientis, aut utriusque: Ex eo autem Populares & epidemicæ colliguntur, quod sub eadem specie morbi multi aut intereant aut graviter laborent: Cæterum, aut sunt Intestinales & mesentericæ, aut hepaticæ: Abiurdum enim est omnem Dysenteriam attribuerè Intestinis, ex eo quod *non dysenteria* nomen *non est* *derivetur*: Intestinales & mesentericæ sunt ex eo quod illæ in hepate, & in intestinis & in mesenterio primæ mali labes, sive cælitus impressa, sive à vicio ipsius excrementi manet: Hepaticæ, aut sunt criticæ, aut sunt *non criticæ*, aut *non* *non* *non*: Si sunt criticæ, prohibentur non sunt, sed humorum cursus transnandus est & moderandus: Si sunt *non* *non* *non*, facultatis sunt signum, & hæc sunt lethales, nisi legitima remedia adhibeantur: Cum vero sunt *non* *non* *non*, i. e. per expressionem quandam & excutionem, id eo modo contingit: Cava Hepatis sæpe abundant multo humore, coque *non* *non* *non*, & dum natura id nititur excutere, fiunt omnesiones, nausæ, & vomitus, & diarrhoea, & cæcæ chymia communicatur viciis & partibus aliis: Ergo si ut sunt morborum index, i. e. & morborum remedia varia sunt; pro ut variæ sunt Dysenteria, ita variare remedia oportet: *Balkius lib. 2. consil. 23.*

## OBSERVATIO II.

*Anatome Dysenterici, cujus intestina, ab initio coli ad finem recti, ulceribus & apostematibus obfessa erant.*

**P**Otest Dysenteria emanare à tumoribus p. n. in intestinis procreatis: Perit Filius meus Honoratus, novem annos natus, Dysenteria ab ulceribus orta, ex tumoribus intestinorum: Cum ejus locus nobis esset ambiguus, & symptomatum causæ penitus ignotæ, demortui corpus secundum curavimus.

Chirurgus invenit à principio coli ad finem usque recti, plusquam ducenta ulcera rotunda, mixta cum apostematibus: quorum ulcerum aliqua corroserant totum intestinum: Illis ulceribus interjacebant partes aliquæ intestinorum sanæ & integræ. *Jacobus Fontanus practica lib. 3. cap. 23.*

## OBSERVATIO III.

*Dysenterici intestina sphacelata, erosa & perforata reperta.*

**S. I.** **F**ilius viduæ N. assuetus bibere spiritum vini, patiebatur Dysenteriam summo cum dolore: rejiciebat sanguinem concretum pulcherrimi coloris, i. e. arteriosum, cumque sæpe ad librarum duarum pondus.

Aperto cadavere reperi intestina tenuia hac illac sphacelata, tunicas erosas & quatuor in locis perforatas. *P. Barbette prax. lib. 4. cap. 5.*

## S C H O L I A.

**D**ysenteriam summo cum dolore) Esti contradictionem involvat dicere Dysenteriam *non* *non* *non* sive indolentem, Ejus tamen meminit *Hippocr. 2. Epid. comm. 6. & 25.* ubi volvulum scribit rebiem solvere, & *non* *non* *non*: Qui locus difficultis; *Kallesi* vultum in conice suspicabatur: *Landerius* in selectis Dysenteria vocem late accipiendum jubet, ut per eam h. l. intelligatur diarrhoea, aliud-

ve alvi profluvium doloris expert: Nihilominus danti Dysenterias indolentes in pluribus ægris spectandas exhibuit Dysenteria Epidemica anno 1669. viciniam nostram exercens: Ægi aliquot pueri, vii mulieres, ab ipso invasionis momento ne de minimo quidem dolore conquerebantur; sanguinolenta tamen confestim egerentes; mirati sumus cum adstantibus novitatem rei, ægris aliis torminibus maximis

maximis afflictis, hos ne micam doloris præ se ferre: Et licet viderentur initius ægotare celsiusque evasuri, omnes tamen moriebantur, utut generosis juvari bezoarticis & ipecificis: hinc inquirentes causam, illam adscribendam visum fuit 1. malignitati majori, quæ in Dysenteria non finit dolorem semper obtinere primas, ut quæ pleno passu ad corruptionem inclinat: 2. Gangrenosæ intestinorum constitutioni: fingat enim quis, si illud dari non statuit, cauterium indolens, quod ob agendi ener-

giam sentiu omni partem cui applicatur exurit, pari ratione corrosivi humores in tantum quandoque pollere possunt, ut omnem sensum tristem excludant, intestinis statim quasi sphacelatis. 3. Mentem simul laborare interdum, & doloris lancinantis facies non sentiri in phreniide alibique conspicuum est: Jungi hæc potest causa, sed quæ non omne exhaustit punctum: *Joh. G. Wolf. Wedels*

*Miscellan. Curios. anni 1671.*

*observat. 43.*

§. 2. Dysenteria per plures annos grassata, imprimis post æstates impense calidas, immensum ægrotorum numerum nobis obtulit, inter alios Filiam, septem aut octo annos natam, Illustr. Marchionis de Lucinge, ex dysenteria mortuam, in oppido sex aut septem leucas Geneva distante, *Rumilli* dicto, quo cum accessissem, solusque prognostico locus esset, duobus post diebus mortuam aperiri visum fuit: Intestina nigriora apparebant, cum quibusdam ulcusculis, & interior tunica lacera villosum sericum nigrum repræsentabat, qua cruciatim velut dissecta, in pilos surgens horrebat: *D. Puerarius in Observat. ad Thoma Burnet Thesaurum lib. 4. pag. 405.*

## OBSERVATIO IV.

*Anatome Dysenterici, cujus intestina purulentis tuberculis scatentia deprehensa sunt,*

**P**urulentis his tuberculis scatebant Intestina mulieris Hafniensis primariæ, Dysenteria extinctæ: cui ne clyster quidem ob puris contranitentis copiam intrudi poterat. *Bartholinus cent. vi. hist. 2.*

## SCHOLIA.

**P**urulentis tuberculis) Quid sint hæc Tubercula, & de generatione Dysentericæ ex eorum ortu in intestinis, Consultendus Eruditissimus *I. Conradus Peyer*, Elegantissimo de *Glandulis intestinalium* libello cap. 9. Quoad dolorifica aut, Intestinalium pathemata, qualia sunt Dysenteria, Passio Iliaca & Colica, Tenesmus, ac idgenus alia istorum viscerum tormina, Quamvis eorum causas & sedes primarias, nec semper nec præcise in *Glandulosis intestinalium plexibus* constituendas, aut inde extorquendas esse contendamus, possunt tamen meo iudicio, imo solent per sæpe in iis velut minera quadam, feri paucæ quidem guttulæ, aut irritativo salium aut sulphurum heterogeneorum impetu potentissimæ, aut sponte succrescere, aut per traducem è massa sanguinea sentim vel intluxu repentino cumulari: Quibus ad turgescenciam adgestis, atque cum spiritu nervorum nitroæreo terrore decertantibus, varii generis cruciatus, sæpe ad cruoris profusionem utque Intestinis infliguntur: Et revera Dysenterias, præsertim epidemicas, haud alia ratione nasci verisimile est, quam quatenus *pituita purpurea* (indolis arsenicalis ac effera) communi aliquo vitio in massam sanguineam traductum, aut in ea genitum, ejusque sero viscidiori tanquam aprissimo domicilio inhaerens, inde in *Glandulas intestinalium* per arterias expellitur; Ubi sui juris factum tyrannide immani, tum irritando, tum corrodendo, in glandulas & nervorum fibras sævire incipit: unde spiritibus nitroæreis per nervos & sanguine sulphureotolino per arterias eo rapide allectis, ac invicem vehementissime excandescen-

bus crebris stipatis oriuntur, donec tandem (si mature succunatur) inflammationis lerna diutius grassante, fatalem tragædiæ finem gangrena imponat: Sæpe quin etiam durante illo contactu, intestinalium crustam, una cum *plexibus glandulosis* abicedere contingit, unde patefactis arteriolarum sinibus, ipse cruor cum *Plexibus* illis ac reliquis intestinalium contentis excernitur: Atque in hujus etiam affectus Therapeia utramque paginam absolunt alkalia diaphoreticis & alexipharmacis commixta: quibus paritæ acido corrosiva feri illius salia in glandulis infringuntur, paritæ venenati miasmatis reliquiæ, in massa sanguinea adhuc fluctuantes, cum sero pariter infecto ad glandulas subcutaneas (ut pote locum minus principem, nec adeo sensilem) eliminantur: quibus medicamentis si unum aut alterum laudari opiatæ granum subinde adjicere non reformidaveris, ut spirituum animalium ad intestina jugiter provenientium rabie nonnihil sedata, inflammationi augmentum prohibetur, sanationis haud infeliciter procedet negotium: Dysentericæ vero per contagium susceptæ ratio esse potest, quod volatiles miasmatis venenati exhalationes, sive per os, quod frequenter fieri solet, sive anum exceptæ, sese immediatius intestinalium tam tenuium quam etiam crassiorum Glandulis, atque tunica nervæ obiciant: ubi mox virulentia suæ telis in sanguinem, eo per arterias ad pellentem, & fibras nervorum evibratis, illum insigniter corrumpendo, hæcque potenter stimulando, symptomata dysentericæ, modo supra jam commemorato pariunt.

## OBSERVATIO V.

*Dysenterici corpus intestinorum vitiatum repertum est.*

**H**ieremias N. febre assidua laboravit; xi. die dysenteria à prava bile, xxiv. interit; Huic intestinorum corpus erat vitiatum: *Ballonius Epidem. lib. 2. pag. 245.*

## OBSERVATIO VI.

*Dysenterici intestina inflata, cum interioris tunica abrasione reperta sunt &c.*

**A**Nno 1624. aperui aliquot cadavera ex Dysenteria mortuorum; inter quæ corpus militis cujusdam è diuturna dysenteria vita functi: Et invenimus intestina vehementer inflata, ac eorum interiorem tunicam plane abrasam: Tum folliculus fellis, quod maxime in eo erat mirum, repletus ac distentus erat humore lento ac viscido albo, instar pultis ex amylo, Bilis autem ne vestigium relictum erat. *Bontius Medic. Indorum lib. 3. observat. 3.*

## S C H O L I A.

**I**nteriorem tunicam plane abrasam) Dysenterici ab intestinis expellunt modo cruorem mucosis permixtum, modo pingui, modo tamenta tunice interioris, modo quædam carnosæ: *Tulpius cap. 17. lib. 3. observ.* integram intestini recti membranam, ægro superstite, exeretam se vidisse asserit. In primo Dysentericæ gradu pinguedinem vacuari, qua interior intestinorum tunica oblinatur, multi asserunt, quod tamen esse absurdum ostendit Anatomæ, cum nulla intestinorum cavitatem obinvestiat pinguedo, sed extra ipsis saltem obducatur: Quod ad tamenta attinet, illa in secundo Dysentericæ gradu excerni dicuntur, eaque satis magna: An ea abrasio sit crustæ illius, quæ tunicam intestinorum internam obducit, dubium est, quia sic quatuor intestinorum tunice essent statuendæ, cum tres tantum ab Anatomicis, illis assignentur: At *Oculacius* *Willis* crustam eam villosam, quæ tunice nervæ tantum epiphylis habetur, membranam per se satis crassam & peculiarem existere asserit, atque propter innumeras, quibus superficies ejus exterior scætet, glandulas, proprie tu-

nica Glandulosam statuit: Hæc ergo Abrasæ, tamenta efficere potest, potius quam ipsa interna intestinorum tunica, à qua tamenta decidi probabile non est; Si enim aliarum partium ulcera contempleremur, saniem & pus ex iis excerni videmus, in quod partis substantia abit, non integram substantiam: Revera quidem in musculosis partibus, post magnos abscessus, membranose quædam partes, putredine diutius resistentes, à Chirurgis quandoque extrahuntur, ac intestinorum alia est conditio, quæ eam partium diversitatem non obtinent & tam molli carne prædita non sunt, sed ipsæ tunice eorum substantiam constituunt, unde non liquet cur una earum pars in pus abire & putrescere, alia salva relinqui, & inde longæ partes tunicarum secerni & à reliqua substantia abscedere queant: *Sennertus* pituitosos & viscidos humores diu in intestinis coactos, istorum formam æmulari, & tandem excerni, ex pluribus Medicorum observationibus ostendit, inter quas illustris quæ in vita *J. Hearnii* habetur, Vide plura apud eundem quæst. 3. lib. 3. part. 2. sect. 2.

c. 7. & *Fernelium Patholog. l. 6. c. 9.*

## OBSERVATIO VII.

*Pus in involucribus intestinorum Dysenterici coercitum repertum est.*

§. 1. **S**I sursum & deorsum obseratur intestinum, in involucribus eorum acervatur magna puris quantitas, quæ tandem interficit: Quod nos cujusdam corpore dissecto observavimus.

## S C H O L I A.

**I**n hujus morbi curatione duobus sæpius modis peccatur vulgo, celerius suppressa alvo & adstringentium usu, imposito pure in involucribus intestinorum: Suppressa intempestivè dysenteria vidi insanum factum: mulierem quoque cui in perpetuam vitam ita constricta alvus, ut septimo quoque die tantum excerneret, & inde ore & naribus graviter oleret: *Galenus de v. s. contra Erasistratum*

non paucos vidisse scribit qui dysenteria, varicibus, hæmorrhoidibus suppressis, in insaniam, apoplexiam, atrabilem, nephritidem, pleuritidem &c. inciderint: Nobilis quidam pictor in scabiem fœdam: corpore enim pleno materia fervida sursum fertur: alioqui ita resiccatur intestinum ut maneat perpetua alvi adstrictio. *Hollerius Scholio ad caput 45. lib. 1.*

§. 2. Libram unam unam vel alteram materię purulentæ in recto intestino cadaveris puellæ Lugdunensis inveni. *lob. de Lamoniére de fluxu Dysenterico cap. 7.*

OBSERV.



## OBSERVATIO VIII.

*Dysenterici pueri intestina crassa tumida, inflammata animadversa sunt.*

**P**uellus annorum iv. dysenteria correptus, quæ tunc popularis erat, excrementa excernebat per sedem cruenta, flava, tandem etiam nigra, quibus *mucus pellucidus, copiosus* adhærebat: ultimo die, 7. morbi, deficientibus viribus, quæcunque assumebat removebat magno conatu & clamore, idque interpolatis vicibus: circa medium noctis, cum in agone esset, similia excrementa flava & nigra, qualia per alvum dejecerat, evomens, mox exspiravit.

Corpusculum aperuimus, crassa intestina tumebant, atque, ac si inflammata fuissent, livebant, uti loca inflammata in viventibus rubra post mortem vivere solent: Ea intrinsecus ob summum fœtorem non licuit inspicere. *Platerus observat. lib. iij. pag. 875.*

## SCHOLIA.

**M***ucus pellucidus, copiosus*) Queritur apud auctores quidnam sit illud mucosum & album, quod magna copia plerumque in Dysenteria excernitur, cum sanguine, aliisque humoribus permixtum? Quidam putant esse pinguedinem intestinorum abrafam; alii mucum quo intestina obducantur, ad faciliorem transitum excrementorum: alii pituitam à cerebro aliisque partibus defluentem; alii pus ex ulceribus manans: Nos vero statuimus hanc mucosam substantiam nihil aliud esse quam intestinorum excrementum præternaturale: Intestina si quidem labefacta, & à naturali constitutione dejecta, proprium alimentum rite convertere nequeunt in suam substantiam, sed illud imperfecte assimilando, in mucosam illam substantiam commutant, quæ cum nutritioni illarum partium inepta sit, expellitur foras, pars demum nutritionis indigens novum attrahit alimentum, quod denuo cum perfecte transmutari non possit ob vitium partis, in substantiam illam heterogeneam & mucosam convertitur: cujus magnus est proventus, quoniam pars ad sui nutritionem continuo sanguinem attrahit à venis, qui in mucosam substantiam convertitur, atque adeo pars suo genio fraudata novum iterum attrahit sanguinem ad sui nutritionem, quam perpetuo intendit, qui cum propter depravatam homiostin in prædictam substantiam commutetur, magnus sit illius mucosi excrementi proventus: Idem in quamplurimis aliis partibus contingit, & præsertim in iis quæ magna & profunda ulcera patiuntur, pars siquidem ulcerata, cum ob pravam diathesin probe nutriti nequeat, sanguinem continuo

attrahit à venis, in purulentam substantiam commutatur, unde totum corpus sensim exhauritur, & tandem contabescit: Neque solum partibus ulceratis hoc vitium contingit, sed etiam aliis nullo ulcere aut abscessu affectis: ita ut licet excrementum prædictum puris naturam æmuletur, non sit tamen verum pus, quod nonnisi ex ulcere vel abscessu procedit: Id præcipue apparet in ophthalmia, in qua oculus simplici inflammatione affectus, copiosum excrementum puri simile continuo emittit, quod ex sola partis intemperie & depravata homiostin procedit: Idem contingit sæpe asthmaticis, & aliis qui pulmonum affectibus laborant, eorum enim pulmones male affecti proprium alimentum male concoquunt, & in excrementum pituitosum, atque interdum puri simile convertunt, quod per anacathartia expellitur: In iis tamen nullum ulcus est in pulmone, quod multi Medici, etiam periti, ita pronuntiant, conspecta illa materia puris speciem referente: *Riverius practica lib. 10. cap. 6. ex Sennerto: De causis hujus mucoris Vide infra Observ. xxvij. de Tenebris.*

Nota ex *Fernelio* 6. Pathol. cap. 10. interdum mucosam quandam sordem, subalbiam, & veluti limum fæcesque sanguinis melancholici, podicis venas exspuere, atque multo interdum tempore evectare, post diuturnos fere morbos melancholicos, duramque & laboriosam equitationem, quæ tamen pus non sit, nec ab intestinorum ulcere proveniat, multos tamen puris specie fecerit.

*Vide Sennertum lib. 3. part. 2.*

*seci. 2. cap. 7.*

## OBSERVATIO IX.

*Dysenterici intestina gangrena affecta fuere.*

**N**obilis quidam sexagenarius dysentericus, cum quinta die morbi obiisset, & venter ipsius à D. Claudio Chapuis Chirurgo aperiretur, intestina undique gangrenosa reperta fuere, proculdubio propter ingentem inflammationem. *Fabritius Hildanus lib. de Gangrena cap. iv.*

## SCHOLIA.

**P***ropter ingentem inflammationem*) Dysentericæ ab inflammatione ortæ curationem vide apud *Riverium* centur. iij. observat. ij. Quam agnovit ex febre & dolore qui ad levem ventris contactum excitabatur: Curationis momentum ponit in seda-

tione inflammationis illius, ad quam sequi ait, gangrenam, quæ ex assidua pravorum humorum illuvie, in partes inflammatas & ulceratas confluentes facile inducitur.

## OBSERVATIO X.

*Intestini ulcerati latera in dysenterico coaluere.*

**D**ysenteria laboranti, mutuo utriusque lateris ulcerati contactu intestina coaluere.  
*Vide tit. de Alvo adstricta.*

## OBSERVATIO XI.

*Dysenteria & variolis affecti intestina pustulosa erant.*

**I**lli quidam Comes juvenis, Variolis correptus, ob febris & Dysenteriae vehementiam, septimo die morbi mortuus est: Dissecto Jecur, Lien, Pulmones & Intestina, haud secus atque ipsa cutis, papulis manantibus scatebant. *i. Daniel Horstius Observat. Anat. ix.*

## S C H O L I A.

**D**ysenteria eruptioni variolarum succedens pessimum cenietur signum, ut & urina sanguinea, quæ humorum malignorum recursus ad interiora significant, imo & partes interiores, non secus ac habitum corporis, pustulis detineri.

## OBSERVATIO XII.

*Scrobiculi & cavitates in intestino recto, vestigia dysenteriae & reliqua.*

**J**uvenis (de quo Tract. de Soporosis Affect. lib. 1.) ab obitu apertus, in Recto intestino plurimos scrobiculos superficialios, dimidiati pisi capaces exhibuit, ac si non ita pridem dysenteriam passus esset, quæ tunc militibus epidemia fuit: Certe diarrhoeæ vestigia in indumentis inventa; cujus quoque indices fuerunt faeces intestina implentes: *i. Jacobus Wepferus Exercit. de Apoplexia p. 427.*

## OBSERVATIO XIII.

*Dysentericorum non intestina solum, sed aliae partes quandoque exulcerantur.*

§. 1. **V**idimus quendam qui cum torminibus diutius vexatus fuisset, ex iisdem denique in erodentia ipsorum intestinorum ulcera tum in talem, post ipsam mortem incidens, erosa intus viscera ostendebat: è quibus dum ita affectus supervixit, ut triennium non excesserit, continuo sanies effundebatur. *Benivenius cap. 96. de Abditis*

§. 2. Saepe latius quam ad intestina pervagatur affectio: adolescens annos natus xij. bilioso profluvio cum febre correptus, dejiciebat frequenter similia dysentericis, nigrum sanguinem: sitis, manus frigidae, vigilia, vini magna appetentia: nihil adjutus remediis, obiit die ix.

Apertus, Oesophago interiore ad os ventriculi superius & ad medium thoracem, nigro corrupto; Epiplois similiter corrupto; Pulmonibus alteratis, Recto intestino exulcerato: Dolor fuerat in sinistro latere, imo ventre & stomacho. *Hollerius ad c. 1. de morbis.*

## S C H O L I A.

**B**ilioso profluvio cum febre) Dysenteria est affectus in febribus continuis adeo frequens, ut quibusdam annis epidemius evadat, & peste non minor, plures interminat; In causa esse solet, non humor aliquis intus in visceribus productus, qui acrimonia sua intestina corrodit, ut nonnulli asserunt, sed miasma quoddam sanguini impressum, adeoque intus ipsi confusum, ut sub vaporis sinceri forma, à cruore divelli nequeat: quare intestina versus propulsam, arteriarum oscula replet, ulcuscula & sanguinis exudationes illic facit, veluti cum à sanguine febrili cutem versus efflorescente pustulae & phlegmones exterius erumpunt &c. *Willis lib. de Fe-*

*bribus cap. x.*

*Sitis, vigilia, vini magna appetentia &c.)* Inter symptomata dysenteriae consuetaria, familiaris est inappetentia, quam in vetusta malum pronuntiat *Hipp. aph. 3. l. 6.* At diorsino adhibito accipiendus Apostema dysenteriae accidens, aut morbi initio aut in progressu contingit: Si initio, non adeo verenda, quippe quæ contingat ob ichores ab hepate transmissos ad os ventriculi, ubi fluitantes inappetentiam afferre solent; At cum morbo affecto contingit, *visum*, mortificationem ventriculo per sympathiam advenisse indicio est; eoque sensu aphor. accipit *Galenus* in comm.

## OBSERVATIO XIV.

*Dysenteria ab intestinis apostematibus obsessis, ut & mesenterio.*

**A**ccuratissimus Falcoburgius Leidæ hominem evisceravit, quem Dysenteria abstulerat: In intestinis, colo praesertim & recto, apostemata hinc inde conspiciebantur, quorum quaedam rupta erant, & eo loci lacera intestina patebant: In mesenterio glandulae quamplures tumidae maturo pomo similes, quibus apertis tale pus foetidum exspuebatur, quale, in Dysenteria adhuc superstitie effluxerat. *Bartholinus cent. vj. histor. ij.*

OBSERV

## OBSERVATIO XV.

*Dysentericorum quorundam intestina tantum crassa sanguinem continere observata sunt.*

**I**N sectione quem plurimorum Dysentericorum, sanguis in intestinis tantum crassis observatus fuit, non in tenuibus. Ratio est quod humor corrodens in superioribus intestinis facillime fluit, unde non potest fieri excoriatio & corrosio, ut accidit in crassis, præcipueque in Colo, ubi ob anfractus & concamerationes maximopere stagnans, morbificus humor supra modum corrodit tunicas, unde mucus & sanguis effluit: Ideo clysteres abstergentes, aquasque thermales optimas existimarem, sicut optimas inveni, habita tamen causæ morbificæ ratione. *Domin. Panarolus Pentecoste 1. Observ. 9.*

## OBSERVATIO XVI.

*Gravem dysenteriam, absterfa crusta intestinorum carnea, sequitur cicatrix chyli distributionem impediens.*

**C**hylus à fecibus alvinis secretus, percolatur per crustam intestinorum carneam & spongiosam in lacteas venas. Læditur hæc percolatio quando abrasa est hinc inde ea crusta, & illi subjecta intestini pars cicatrice obducta, occlusis simul ad lacteas venas tendentibus poris, quemadmodum id nonnunquam evenit post alvi fluxus dysentericos graves, sicuti non semel post mortem in cadaverum sectione observavi. *Sylvius de le Boë Præceps lib. 1. cap. xvj.*

## S C H O L I A.

**N**on raro Dysenteria post se fluxum alvi Coliaco non absimilem relinquere solet, cujus ratio esse videtur, quod *Plexibus illi glandulosis*, dysenterici miasinatis acrimonia deralis, fermenti ad chylificationem necessarij proventus parciore evadat; quare pars cibi in chylum haud converti profuit,

donec Glandulis illis, una cum crustæ villosæ fragmento renatis, fermentativi liquoris fontis redintegrentur. *Ioh. Conradus Peyer Tractatu de Glandulis, intestin. De his Glandulis vide Observat. 4. Sect. 10. & supra.*

## OBSERVATIO XVII.

*Dysentericus ulceratum habuit ventriculum.*

**A**lteri febris, vomitio, ventris dolor, *Dejectiones pici & nigro sanguini similes*: xx. die mors. Secto corpore inventum ulcus ustulatum, in ambitu exesis tunicis omnibus ventriculi, qua parte declivis est ad pylorum. Huic procidit anus toto fere morbo. *Hollerius ad cap. 43. lib. 1. de morbis int.*

## S C H O L I A.

**D**ejectiones nigro sanguini similes] An atrabilariæ? Dysenteria autem quæ ab atra bile initium ducit funesta, ex *Hippocr. aphor. 4. 24.* loco vero funesta quod atræ bili tanta sit erodendi vis ut in transitu exulceret intestina, imo ipsum aunciat ventriculum.

*Procidit anus toto fere morbo*] Præ conatu & ir-

itationis vehementia, cum anus adeo propellitur ut partem intestini recti secum trahat, eamque à membrana mesenterii, quæ intestina suspensa retinet, non nihil avellat. Et si enim anus musculis donetur oppositis, exertum retrahentibus, ut tamen officio sunt impares si nimis procidat.

## OBSERVATIO XVIII.

*In Dysenterico Hepar sphacelatum inventum & Epiploon, pylorus & tenuia intestina inflammata.*

**D**uorum cadavera curiosius inspicere placuit, eorumque apertio subjecit oculis quod mens antea conceperat, & Doctores actuosæ Medicinæ non contemnendi nobis reliquerant, In uno repertum est Hepar sphacelatum, pariter & Epiploon cum inflammatione insigni pylori & tenuium intestinorum, propagata ad rectum usque gangræna correptum. 7. die hic æger triginta annorum, gracilis, & acrium humorum incineratione melancholicus, interiit Angusti fini: Ipsum visitavimus. 3. morbi die, reperimus cum febris continua, singulis diebus post meridiem ferociente, dejectiones sinceræ, mox nigræ cum summo dolore & calore fluebant, Sanguis paucus, modo permixtus modo impermixtus aderat, qui duobus diebus ante mortem omnino suppressus est: lingua scabra, glaciale extremorum frigus, & alia graviora symptomata biduo fere eandem præcesserunt. *Ioh. de Lamoniére de Fluxu Dysenterico cap. 1.*



## OBSERVATIO XIX.

*In Dysenterico Hepar siccum pallidumve fuit, cum abscessu prope cystin fellis, alio in mesenterio.*

**R**usticus Delphinus 40. annorum, post dysenteriam imprudenter ruri suppressam, doloribus ventris per septem hebdomadas continuis, & per breviora intervalla continue intensius exacerbatis, interiit mensis Decembris initio: Plurimum cadavera iustis rationibus moti nolimus aperire.

In illo Hepar siccum pallidumve conspicuum fuit, simul & abscessus cystidis fellis pugni magnitudinem æquantis, prope jecinoris cava pus eructans. Alius visus est etiam in mesenterio. *De Lamoniere de Fluxu Dysenterico cap. 1.*

## OBSERVATIO XX.

*A longis Dysenterius Diarrhœisque observata intestina ad summam tenuitatem redacta & resiccata.*

**J**oh. Matthæum Fabrum, amicum meum integerrimum, apud te, Vir de me meritissime, commendare non desistam: Is inter varias & doctas observationes, notatu hanc dignam asseruit, in longis diarrhœis, dysenteriusque, intestina instar arancarum tenuia reddita esse; quapropter in cura ejusmodi symptomatum tempus diligenter attendendum esse: In principio enim purgationem per rhabarbarum institui posse existimat; Si autem fluxio diu duraverit, à siccis ejusmodi purgantibus abstinendum existimat. Sed si forte Medicus indicatione illâ innixus curam sic velit absolvere, tamarindos, syrupum rosaceum laxativum in id sufficientem esse ajebat: alias siccitatem illam ulterius augeri, morbumque morbo addi cum vitæ periculo & dispendio. *Ex benevola Excell. & Nobiliss. Dom. Stofelii communicatione, Illustriss. Principum Wittebergensum Ephori: Anno 1670. in Ducatu Wittebergenfi, Epidemia fuit ejusmodi Dysenteria & Diarrhœa, In cadaveribus eorum qui ea lue sunt extincti, reperta intestina omnino sicca, iis omnino similia quæ lacunari appenduntur, ad lunicas conficiendas. Idem.*

## OBSERVATIO XXI.

*Dysenteria à vermibus excitata.*

**A**nno 1608. mense Augusto, nata est Dysenteria in puero Dom. Consiliarii du Perier, quæ per intervalla excitabatur, quam suspicabar à punctura vermium nasci, quorum quantitas admiranda fuit inventa in intestinis post dissectum ejus cadaver: Nec mirum cum viderim intestina reduplicata à vermibus. *Jacobus Fontanus practica lib. 3. cap. 25.*

## OBSERVATIO XXII.

*Dysentericorum ulcera ab usu Opiatorum magis putrida & sordidiora evadunt.*

**T**homas Minadons, Medicus Italus & Professor, se observasse asserit omnes Dysentericos, quibus ex consilio Medicorum Laudanum Opiatum oblatum, defunctos; post eorum usum ulcera magis putrida & sordidiora reddita, ex longiori mora materiæ purulentæ & noxiorum humorum: Idud admonitum maneat alta mente repositum pro cautela. *August. Thonerus lib. 3. observ. 10.*

## OBSERVATIO XXIII.

*Dysenteria à vomica in Hepate producta.*

**Q**uidam cum febre dolore supra regionem hepatis, diarrhœa biliosa, postmodum Dysenteria extinctus est. Vomica in Hepate cum maxima puris coacervatione inventa est. *Vide lib. 2. tit. de Lateris dolore.*

## OBSERVATIO XXIV.

*Dysenteria vitio Lienis duri, infarcti, &c. excitata.*

**A**ger hæmorrhagiæ narium obnoxius, dysentericus fit, &c. Totus Lien illi durus erat plumbei coloris, magnus, crassus, in quo materia copiosa, fæci vini rubri similis concludebatur. *Vide tit. de Hypochondr. tumore.*

SCHOLIA.

## S C H O L I A.

**D**E Dysenteria Lienosis superveniente Hippocr. aph. 45. lib. 6. *Qui lienosi a difficultate intestinum capiuntur, iis supervenientia longa dysenteria, hydrops aut lienteria supervenit & moriuntur.* Ubi notanda verborum Hippocr. proprietates: Quid enim sibi hoc vult, Qui lienosi a dylient. capiuntur, iis superveniente longa dysenteria? nam non potest supervenire si jam adit, debuitque dicere potius, Quibus Lienosis supervenit Dylient. eaque productior sit: Ita excusari Hippocr. potest ut verbum *dylient*

non sit hoc proprie usurpatum. Vel quoniam laudatur Dysenteria quæ supervenit Lienosis, si brevis sit, ut in Coacis animadvertit Hippocr. Cum produciatur debitumque tempus præterit, non jam amplius dysenteria splenica vocanda est, sed per propriam intestinorum affectionem fit, humoribus cuniculos agentibus & ultra progredientibus: proptereaque nova quodammodo dysenteria dici potest. *Ballonius conf. 53. lib. 1.*

## OBSERVATIO XXIV.

*Vixit Dysenteria in decem diebus extincta, Pericardium aqua expers repertum.*

**C**or motu continuo, & propria natura calidissimum, aquam obtinuit ut in ea assidue, veluti balneo temperatum madesceret, quo floridum & vegetum conservaretur: Unde quibus per arduas febres, vel in edias, vigiliis, & ingentes morrores exhausta est, Tabidi pereunt. Vidit *Iessenius à Iesson*, in febre ardenti aquam Pericardii consumptam. Vidi in cadavere Illustr. Cancellarii *Dom. de Sillery*, post obitum ad pollincturam exenterato, pericardium siccum, aqua illa per morbum dysenteria cum decem dierum exhausta, nec tamen cor torrefactum exaruerat, sed erat mollius & flaccidius quam par erat. *Riolanus Antropog. lib. 3. cap. 7.*

## OBSERVATIO XXV.

*Anatome Fluore hepatico laborantis in quo hepatis apostema, ejusque dissolutio reperta est.*

**S. I. M**iles Anglus cum inflammationem Hepatis primum passus esset, & frustra tentasset, *mus ea quibus opus erat*, dolor se remisit quidem, sed sedesit malum in Fluxum hepaticum, tumore qui ante erat in hypochondrio, plane evanescente. Cum hoc modo per sex ferme menses languisset, tandem ad extremam maciem ita perductus est, ut ipsissimum, qualis pingitur, mortem dixisset & sic miserrimam vitam cum morte permutavit.

Aperto corpore, invenimus loco Hepatis solam membranam ipsum investientem, satis crassam instar succi, cui adhuc portio saniei, loturæ carniū similis inerat, qualem tam longo tempore excreverat. *Bontius Medic. Indorum lib. 3. Observ. 9.*

## S C H O L I A.

**I**nflammationem Hepatis Indis obstructionem hepatis facillime incurrunt, cui adest tensiva in hypochondrio dextro gravitas, dolorque obtusus, ac quasi pondere premeus: diuicilis quoque adest respiratio, propter gravitatem visceris, diaphragma deorsum trahentis, cui, mediante ligamento suspensorio, annectitur: hæc infarctio si perseveret, humor hepar obstruens, dum non ventilatur, facillime putrescit, unde febris etiam oritur, ac ipsius hepatis inflammatio, cum dolore acuto ac pungente, febrisque augetur in ardorem transit, cum siti intolerabili, faciei rubedine, ac difficili, ob prædictas in obstructione causas, respiratione.

*Frustra tentasset ea quibus opus erat* Horum duorum affectuum cum quali invicem concatenati sint, & unus ex altero ferme nascatur, curâ conjungam, incipiendo ab obstructione, In qua primo observandum ne nimium calidis medicamentis in principio utamur, ne minutz istæ hepatis venæ, & capillares, ab exciccante calore magis obstruantur: Ergo temperate calidis, & per consequens leniter deobstruentibus, ac materiam peccantem incipientibus opus est, quæ familiaritatem quandam cum natura nostra habeant. Preparata jam morbi materia, eam medicamento non semel nec simul, sed iterato studebimus educere, Ejusmodi sunt tamarindi, castiæ pulpa, adjecto pulvere terebinthinæ coctæ. I. a. mixtum enim quam blande hæc sinui per alvum ac velicam morbilicam succum ejiciant: si paulo fortius desideres, adde iha-

barb. ʒj. misce cum supradictis in formam boli. Inflammationem porro in procinctu esse cum conpeteris ex febris augmento, & dolore vehementiore & magis pungente, statim venam secato copiose, pro viribus agri. Interim cibi & conservæ refrigerantes exhibendæ. Denique hypochondria, præteritum dextrum, inungendum est unguento quod hic conficiunt Indæ mulieres ex radice curcunæ, Santalii omnibus speciebus, addita caphura, & oleo rosaceo: Si (quod sæpe fieri solet) quis dolor in hepate & ligamenti sit intolerabilis, causa tantisper omiſsa, huic symptomati occurremus, quod fiet per extractum aureum croci, quo vel solo (ausim affirmare) ægros plurimos curavi, natura per quietem ad se redeunte, & virus per alvum, urinas ac sudores ejiciente.

Quod si Hepatis inflammatio non bene sanetur, vel pertinacius curæ resistat, consequitur admodum affectus miserabilis, Hepatis apostema, quo si parenchyma, seu substantia ipsa jecoris occupetur, jam incurabile est malum: Sed si pus hæreat inter membranam succingentem hoc viscus, & ipsius carnem (quod per sæpe hoc fit) unica salutis spes est in apostematis apertione, quæ hoc modo fieri debet. Primum in regione hepatis applicetur cauterium potentiale, ita ut eschara tantum penetret abdominis musculos, nec inficiatur peritonæum: Deinde parvo foramine per scalpellum in ipso secto, per id iunxitur instrumentum argenteum concavum, quali



utuntur in sectionibus lithotomi, dein satis late vulnus dilatarandum: Et tunc statim in conspectum se dabit membrana jecur ambiens, vehementer tumescens ab amurca intus latente. Ea pertusa saniosus humor, carniū loturæ similis effluet, qui quo minus foetet, eo major de cura spes est, Post hæc vulnus detergendum modice siccantibus, mundantibus, &c. Porro debili, ut fere semper, existente ægro, lapidi Bezoar non est parcendum. *Idem lib. 2. c. 7. & 8.*

*Influxum Hepaticum malum desit*] Quæcumque excretio per alvum sanguinis sit, Dyenterica vulgo appellatur, idque præsertim cum dolor ventriculi torsio aliqua percipitur; quæ tamen cum ulcere est, propriæ dysenteria dicitur. Aliæ autem sunt excretiones cruentæ, ut cum limus sanguinis excernitur, aut velut sanguinis fæx, aut cum lincerus plumes (adde, cum ipsa substantia Hepatis dissolvitur, ut in exemplo allato) eaque excretio affectum Hepar declarat Galeno: Nam ut tenue & saniosum, & recens mactatarum carniū loturæ simile evacuat, id hepaticum est, id est, declarat imbecillitatem jecoris sanguinem probum generare nequeuntis, cum autem fæci similis excretio sanguinis sit, quodammodo exallantis jecoris argumentum est: Et notandum est illud quod scribit Galenus, & quod nos experientia sæpe deprehendimus, aliquando liquidam tenuemque sanguinis esse excretionem, quam melancholica postea, fæculenta, nigra & atra consequatur: An atra, nigraque & adusta quodammodo intemperie frigida affecto Hepate excernitur? Nequaquam, Sed cum aliqui præcessit frigida intemperies, temporis progressu putrescit in imbecillo Hepate humor, à putredine febris lenta oritur, hinc adustio recoctioque humoris, quod notandum: nam sæpe hæc febris negligitur, hinc dejecta appetentia, proventus pravorum humorum: Et cum vident medici dejectam appetentiam, non moventur, quod male fit; id enim notum esse debet, si perseveraret intemperies illa frigida, quæ initio fuit, non ita deijci appetentiam, imo cibi augeri desiderium: quia autem ita deperditur appetentia, calidioris intemperiei, quæ successerit, debet esse argumentum, nam calidas intemperies nunquam comitatur ciborum appetitus,

potius cibi fastidium, &c. Itaque non falsa debet esse opinio prioris intemperiei frigida, sed signis venanda cognitio succedentis alterius intemperiei. *Ballonius cons. 53. lib. 1.*

*Tumore qui erat in Hypochondrio, &c.*] Inflammati Hepatis signa diligenter persequitur *Sennertus* cap. 4. sect. 1. p. 6. lib. 3. Idvero cavendum monet ne fallamur, & Hepar non inflammatum putemus si tumor in medio ventre appareat, quod quibusdam Hepar ad medium ventrem extendatur: Hepatis situm naturalem discite ab Anatomicis, *Glissonio* præsertim cap. 20. ejus Anatom. morborum vero & tumidi has ille notas tradit, Morbosum, aut, Hepar & universim intumescens interdum infra umbilicum pertingit: In tumoribus vero haud adeo magnis (modo toti hepati aliquomodo communes fuerint) durities aliqua & intumescencia infra nothas costas ad ventriculi scrobiculum, atque ultra sæpe ad ipsas lateris sinistri costas facile persentiscitur: Id autem omnibus ejusmodi tumoribus commune est, ut digitis compressi jecoris figuram aliquomodo præferant, eoque nomine à quibusdam appellantur Tumores circumscripti. Tumores quoque particulares in convexa hepatis parte, præsertim anteriore, digitorum attractione dignosci queunt, si modo hi inter loca tumentia, & æterni apicem costarum nothas dextri lateris molliter inferantur. Tumor ejusmodi in sinistra hepatis crepidine sæpe ad costarum extremam protenditur, minusque cautis facile pro lienis intumescencia imponit; Rem ipsam vero penitus advertens, haud difficulter tumores istos internoverit; qui enim ad hepatis pertinet, elatior est, ventriculi que regioni viciniore & eidem magis incumbens quam lienis tumor queat, nisi hic prægrandis fuerit, quo casu ipsemet sua sponte innoxescit, vel mole insolenti, vel distensione & pondere in latere sinistro, vel quod sinistrotium inferius descendat quam possit hepar: Tumores in concava posticæque hepatis parte tactu, haud distincte deprehenduntur, in istis tamen plenitudo aliqua hypochondrii dextri, digitorumque ibidem sub costis nothis impressio- ni resistentia quadam major solito occurrunt.

§. 2. Consul Parisiensis Hepatico profluvio bilioso sex annos vexatus est, & nullis remediis allevatus est. Eo mortuo inventus est tantum Hepatis locus & membrana, illius parenchymate consumpto & colliquefacto. *Ballonius lib. 1. consil. 53.*

§. 3. Cuidam ex dysenteria febris tertio die oborta, accessit Fluxus hepaticus: cum absque intermissione purum impermixtumque sanguinem, interdum loturæ carniū non absimilem excerneret, febrisque intenderetur. 7<sup>o</sup> morbi die interiit.

Sectio ostendit Jecur universum prope dissolutum. *Iordanus cap. 19. de Pestis phænomenis.*

#### SCHOLIA.

*Interdum loturæ carniū non absimilem, &c.*] Fluxus Hepaticus alius est exquisitus, in quo serosi & sanguinei humores, loturæ carniū similes excernuntur: Cujus causa est imbecillitas Hepatis & calidi innati in eo defectus, à causis dissipantibus vel suffocantibus: Alius spurius, à simplici intemperie ortum ducens, sine humidi primigenii vitio, à qua intemperie facultas non lædicitur, sed impeditur ab obiecto improporcionato, unde opus corrumpitur; ita ut loco puri sanguinis, impurus & corruptus gignatur, vel bonus in pravam degeneret: quod contingit vel ex permixtione bilis flavæ aut atræ, aut alterius materiæ impuræ; vel à longiori in hepate locis vicinis mora, ob quam crassior redditur, aut aduritur, aut interdum putrescit: potest & id vitio lienis, fa-

culentum sanguinem ad se non trahentis. Et in hoc fluxu variegata exeunt, sanguis interdum crassus, interdum niger, alias variis coloribus infectus: Præsertim in calu fluxum ab utraque causa manasse verumile est, Exquisitum quidem adfuisse, quia *exquisitus* prodiit, Spuriū, quia purus impermixtusque sanguis excretus est, ac Jecur universum prope dissolutum apparuit, colliquantum scilicet à vitiis illis humoribus, corruptionem & acridinem à putredine, vel aliunde natis.

*Jecur universum*] Quanquam sanguis loturæ carniū similis excretus sanguificatricis Jecoris lætæ argumentum videatur, *Th. Bartholinus* tamen in Dubiis de lacteis cap. 5. ex fluxu simili negat Hepatis & sanguificationis munus adscribendum esse, sed Cordi-

tujæ



ejus fluxus causam esse ait, quod Hepate frigido, extinctoque ejus calore necessario (quo indiget non tam ad sanguinis generationem, quam temperationem) non possit aut privatae nutritioni sufficere, aut publicae sanguinis transcolationi. Præterea, quum ex excretis maxime æstiment loci affecti certitudinem, nihil, meo judicio, pro Hepate efficient; In legitimo fluxu sanguis serosus, crudus & semicoctus excernitur, at ille ex corde per arterias huc expurgatur, non ex Hepate: Et quanquam ex Hepate venæ mesaraicæ ad mesenterium deferrent sanguinem, ut falso veteres opinati sunt, posset in hepate vitari sanguis ex obstructione vatorum lymphaticorum, seu impedita feri à sanguine separatione: vel salvo Hepate, Mesaraicus sanguis nimia feri mora insci. In spurio fluxu Hepat inculat nemo, sed si causas exponamus, non excludendum: sanguis enim, si illis credimus, acrimoniam & mordacitatem acquirit ob bilem admixtam, vel moram in hepate: utrumque obstructioni hepatis imputandum, unde nulla bilis à sanguine separatio: Ex invento, ait, nostro commodissima affectus hujus petitur enodatio. Nec ramen immutanda methodus, calidum enim innatum reficiendum, cujus primaria in corde sedes: hepar conservandum, quod ad sanguinis puritatem scilicet segregationem potest plurimum,

*Purum impermixtumque sanguinem* } Non quoties sanguis per inferiora educitur Dynteriam adesse suspicandum, Nam & mutuis ob copiam sanguinis ut excretio per anum, quæ dysenterica improprie vocatur. Vocant autem *αἱματώδη*: Item quibus sanguis habet admixtam bilem, aliquando aperit rotundique oscilla vasorum, unde flux sanguis. Hæc autem improprie quoque Dynteria vocatur, nullumque nomē reperit, nisi sub *τὸν ἰσχυρὸν αἱμῶνα* a nomine comprehendas. Quanquam hoc nomen ad eam evacuationem, quæ ob quantitatem contingit, accommodetur. *Galenus* autem indicare videtur de hunc & illam *αἱματώδη* appellari posse, hoc discriminis itatu-

to, quod una dicatur *αἱματώδη* ob sanguinis copiam, altera ob qualitatem. Quod autem ea quæ ob qualitatem fit *αἱματώδη* quoque dici possit, colligi potest ex comment. in aph. 65. 5. Nani dum *Hippocrates* narrat ea symptomata quæ contingunt iis quibus circum ulcera tumores sunt, & de repente evanescent, meminit dynteriz non proprie dictæ, sed quæ *αἱματώδη* vocatur. Nam ulcera aut partes anticæ corporis aut posticas occupant, tumoresque iis assident aut evanescent. Si in posticis, convulsiones sunt tumore disparente, aut tetani. Si in anticis, insania, dolor lateris acutus, suppuratum, difficultas intestinorum: Horum hæc demonstratio, quia posteriora nervosa, anteriora vero venosa ac arteriosa, idcirco alio loco dictum erat, *Mulieribus rigores ex lateribus magis & ad dorsum*, & aphor. 65. 5. Quod contingit & quia pars illa nervosa & frigida, & facile compassionis modo ad principium nervorum affectio fertur, & quia substantiæ mollioris est, facile alterationem suscipit. At partes interiores calidiores habent temperaturam, ait *Galenus*: Si itaque tumores, præsertim si *εἰς ἡμῶν* sint, evanescent in partibus anterioribus, dolor s lateris & dynteria sunt *αἱματώδη*, id sit per *αἱμῶνα*, cujus maxime habenda ratio in morbis, an eam dynteriam probabile est fieri à sanguinis tantum copia, an vero à sanguine multo, sed jam mala quantitate prædito? Si enim nondum contraxisset maiorem qualitatem, non tristitia illa symptomata ardent: Ergo creabile est illam dynteriam a qualitate & quantitate sanguinis contigisse. Sic ex eo loco patet dynteriam, a qualitate sanguinis factam, nullo in intestinis concepto ulcere, *αἱματώδη* dici posse, non eam quæ a sanguinis quantitate fit. Utitur enim *Galenus* voce *τὸν αἱμῶνα* *παρὰ φύσιν*: Præterea sæpe hepatici excernunt sanguinem nullo intestinorum ulcerato, tamen non dynteria propria, sed hepatica dicitur dynteria, & illa est de qua ante dictum, quam *Hippocr.* 1. Prostat. vocat *αἱματώδη* & *ἰσχυρὸν*. *Ballonius* conf. 33. lib. 11.

## OBSERVATIO XXVI.

*Sanguinis dejectio ob curvam gibbâque Hepatis partes cum ventriculo juxta pylorum gladio transfixas.*

§. 1. **J**uvenis sub imam sterni sedem gladio perfoditur, hinc vomitus eorum quæ in ventriculo erant, cruenti vero nihil evomit, licet diebus septem superviveret, sed per sedem ingentem concreti sanguinis copiam cum fecibus excrevit. Gibbum cavumque hepatis, & ventriculus juxta pylorum perforata erant. *Vide lib. 4. tit. de vulneribus.*

§. 2. **A**ndreas N. in dextro hypochondrio punctim vulneratus est, hinc vomitus & Dejectiones cruentæ: Non tantum hepatis substantia sed & venæ cavæ truncus erat vulneratus. *Vide lib. 4. tit. de Vulneribus.*

## OBSERVATIO XXVIII.

*Hepaticus fluxus à vitio lecoris, Pancreatis, Cordis, &c.*

**H**omo tres septimanas afflictus complicatis morbis, Hepatici fluxus, lienteriz, diarrhææ. Pancreas summe durum erat, Splen admodum crassus, Hepar grande & alicubi lividum, Cor quasi tostum. *Vide tit. de Diarrhæa.*

## OBSERVATIO XXIX.

*Tenesmus citra vitium recti intestini aut uteri, ortus à vitio tenuium intestinorum.*

**P**uellam (de qua tit. de Hystericiâ aff.) Tenesmus ad frequentissimas sedes, cum summo dolore, & initas compellebat. Tenuia intestina rubicunda erant, velut erysipelate quodam affecta. Uterus, Intestinum rectum nihil vitii præ se ferebant.

## S C H O L I A.

**T**enesmus est cum assidua desidendi cupiditas sollicitat, circa alias, secus ac in dysenteria, torsiones sed nihil præter mucosum quiddam, & subcruentum aut purulentum egeritur. Provenit ab ulcere intestini recti, quod causas habet easdem quas dysenteria, & quæcunque rectum intestinum irritare & exulcerare possunt. Mucum autem illum viscidum deducit Nobiliss. Dom. D. Peyer, tenacem, subcruentum, ac aliquando purulentum à *Glandulis Intestini recti lenticularibus*, quatenus illæ à sero acti (quale alias ulcera generate solet) in ipsas trans-

lato, aut ibidem producto, primo in tumorem adcolluntur. mox vero corruptæ in saniem abeunt, quæ denudatas intestini fibras assidue rodendo, atque spiritus è nervis ad animum copiose proritudo, crebrum pruriginosumque dejectiendi conatum efficit: Unde sanici istius momentum, sanguinis (è venulis arteriolisque artosis elapsi) striis cruentatum, cum mucò intestinali, è reliquis glandulis integris suppeditato excernitur. Cui molestiæ optime anodynis atque traumaticis, alkali scamentibus succurritur.

## OBSERVATIO XXX.

*Perpetuus dejectiendi conatus, ab affectibus vicinarum intestino recto partium.*

§. 1. **I**lustri Casaubono pectinis dolor fuit, ac grave ano incumbens pondus, ac inter menjendum exonerandæ alvi cupiditas: Vesicæ corpus adjunctam habebat *expon*, illa majorem, urina plenam. *Vide tit. de mictione difficili.*

§. 2. M. H. diu minxit urinam aquæ fontis similem, cum continuo egerendi conatu: E vesicæ fundo extractus lapis unciarum quinque & dimidiæ ponderis. *Vide tit. de mictione difficili.*

## S C H O L I A.

**E**gerendi conatu ] Inter signa latentis in vesica lapidis reponitur Tenesmus ac frequens desidendi cupiditas, ob consensum utriusque sphincteris,

Uno enim irritato alter in consensum trahitur, quandoquidem ramos ab uno eodemque recipiunt nervo.

§. 3. Nob. fœmina gravitatem circa pubem habuit & desidendi desiderium: In vesicæ collo magnus & durus aderat lapis: Uterus solito grandior impletus erat alba, dura & compacta materia. *Vide tit. de Hypogastrii dolore.*

§. 4. Mercator (de quo tit. de Urina alieno loco excreta) affligebatur lumborum dolore, urinæ acrimonia, perpetuo Dejectiendi conatu: Sordidum carcinoma ambiebat meatum descendantem à vesica in rectum intestinum, &c.

## S C H O L I A.

**R**ecensitis causis addit *Rondeletius* Pituitam saliam, vel lentam retentam circa sedem. Frigus externum partem illam constringens, Inflammationem adenarum, parastatatum: nam cum materia acris est & mordax, & rectum intestinum & penem simul afficit. Vermes intestini recti: Bilem acrem &

mordacem circa illam partem retentam. Fit & à tumore uteri, ut in gravidis, hæmorrhoidibus: consequitur etiam fœcum inviram & diuturnam retentionem, ab iis enim excretis, insignis superest sedis dolor, cum irritato desidendi desiderio, à diuturno, in cohibendis excrementis sphincteris conatu.

ANATOM.



# ANATOMIÆ PRACTICÆ

## LIBRI TERTII

### SECTIO XII.

#### De Excrementis alvi præter naturam Eorum per aliena loca & Involuntario exitu.

#### OBSERVATIO I.

*Variegatorum excrementorum dejectio ut plurimum visceris alicujus vitium sequitur.*

**I** VNT nonnunquam Fluxiones vitio alicujus Visceris, ut inflammatione Hepatis, tumore Lienis, &c. Memini me fluxum quendam diuturnum in multis observasse, in quo varia, opima, nigra, cærulea, viridia, satis corpulenta excernebantur: Ex quo alios evasisse, ut *Advocatum de la Vergne* & alios vidimus; alios interisse ut *Malicornium*, Peditatus ducem, Fabrum argentarium & alios. Omnibus fere vitium in visceribus & ulcus in postremo intestino. *D. Datichy*, post sextum annum quo eo morbo laboraverat, interiit, Obsesso hepate multis vomitis, syderata parte mesenterii. His qui convalescerunt, intervallis idem morbus rediit, vel dysenterica excrementa. *Hollerius ad cap. 41. lib. 1. de morbis internis.*

#### SCHOLIA.

**O**mnibus fere vitium in visceribus] *Hippocr.* lib. de Humoribus vers. 31. Signa tradit quibus excrementa ab interna alvo exciata, distinguantur ab iis quæ aliunde in ipsam confluunt, & primo tormentum adduxit, quod inferiore alvo patiente tardum est & molle, superiore vero affecto acutum est & vehemens. Demum de iis quæ in alvum non confluunt verba faciens, inquit talia esse non spumosa, naturam cruda, frigida, foetida, sicca, humida. Dixitque, non spumosa, quia spumosa dejectiones non ab alvi affectione aliqua producuntur, sed a distillatione à capite in ventrem, juxta aphor. 7. 3. Reliqua vero excrementorum genera in alvo generari posse ita notum est, ut in hoc confirmando tempus conterendum non sit: Hæc tamen ita alvi affectus propria non sunt, quin aliunde etiam confluere possint. Hæc vero protulit *Hippocr.* ut indicaret quociescunque diversa à prædictis deiciuntur, aliunde ad alvum confluisse, v. g. biliota, hæc enim alvi male affectus non sunt excretionem, sed ab hepate in alvum confluunt: Ut vero prætorum excrementorum excretionem ex alvo male habente distingueret ab ea quæ fit à confluxu eorundem ad ventrem, usus est *Hippocr.* hoc verbo *πρω* satis proprie, quasi declino, quæ enim generantur in alvo, per modum inclinationis exeunt: quæ vero aliunde, non item, quando ad eorum excretionem vis major concurrat. *Marianus comm. in lxx.*

Ad illustrationem hujus historię adducendum est consilium Excell. *Ballonii* simili in casu datum, quod extat lib. 1. consil. 53. Quidam, *ais*, annos jam decem nunquam excernit quicquam ab alvo nisi cum dolore cum umbilicum, aut paulo supra infusæ, & quæ secedunt corrupta sunt sanguinolentaque, diversi coloris, nec morbus remediis cedit: Decem ante annis dysenteriam, ut tunc Medicis vitium est, passus

est: ab eo tempore, nisi brevibus aliquot intervallis, dolores & excretionem, ut sic dicam *εργασίας* & *κρίσεις* non conquieverunt: Viso homine, nullo tam parum in arte versatus qui non colligat temperamento bilioto esse: emaciatus est, hepar illi ad calidiorem temperiem inclinans, totus venter ambitus (ut vocant) denique *σπυδαία* est; Sed sit ita, & fateamur quomodolibet temperiem ad aliud morbum conficere, propterea tamen non constat de sede ac specie morbi, quis sit, unde, qui tandiu manente ægro perseveret: an vitium lienis, an hepatis, an cerebri, an mesenterii; & si mesenterii, an ulcus sit an intemperies. Si ulcus, aut quid simile, quomodo tandiu superfuit, Cur non illa pars syderata vitiorumque temporis progressu: Denique mirum est qui fiat illa liquida satis excretio, *διυδαία*, gravæolens, tam multiplex (nam simul & cruenta, & stercoracea, & viridia, & flava excernuntur, quæ nunquam in bene affectis excernuntur) tandiu possit perseverare. Notum enim est illud *Galeni* ad aphor. 21. 4. *Cum excernuntur varia, si prava fuerint, deterius ægro esse quam si uniusmodi.* Et si varia sint ac prava, vel *απομακρυνόμενα* & *ευνόηματα* excernuntur, vel vi medicamenti purgantis. Cum *αβρυνόμενα* excernuntur, & excernendi finis non sit, sed lente ac pigro gressu, significatur varietas dispositionum maiarum in variis partibus: Ac quo plures afficiuntur, eo res ægrotum deteriores sunt: ut autem lentorem tarditatemque gressus explicet *Hippocr.* usus est participio *ταχέως*, quod non semel tantam excretionem, & *αβρυνόμενα* declarat, sed sensim ac sensim fieri: Sed cum artificio Medici, ad imitationem naturæ comparato, excretio sit talis materiæ prævæ ac multiplicis, tametsi hoc per se malum, ex eventu tamen bonum est, nam non perennem generationem, sed congeriem tantum accumulationemque designat, quod in

DDdd omnibus



omnibus morbis diligenter notandum.

Ac cum tandiu prava ista materia excernatur, sive nova generetur, ut necesse est, sive è sedibus partium incrimis illa, aut pars illius secedat, mirum quomodo id fiat, Hepaticum non est profluvium, sive rubrum intelligatur sive non, quod tanti momenti pars decem annos non possit ita laborare, non quod non auhiciatur tandem hepar, Cephalicum esse aliquis suspicetur, non ita tamen ut tota natura profluvii in descensu pituitæ à cerebro consistat, nec enim dolores illi ad umbilicum consistent, nec propterea cruentum excerneretur, nec tam varia ac putria, Sed ea ratione cephalicum esse potest, quatenus cum jam partes inferiores affectæ essent, ad diuturnitatem fovendam accessit capitis opera, mucosum humorem aut phlegma salium excernentis in alvum, Huc facit quod de nocte potius ad excernendum æger exciteretur, Ac veteres practici vitinxerunt profluvium stomachicum ab hepatico & cerebrali, quod illud interdum fatigat, hoc, i.e. à cerebro hepatæque, de nocte potius revire consuevit.

Id autem obiter annotare non est alienum, an necesse sit spumantes esse dejectiones si a capite occasio excretionis pendeat, juxta aphor. 3. lib. 7. qui falsus videtur in plerisque: nam in doloribus colicis excernuntur spumantia, & bubulo excremento similia, natantiaque præ contento spiritu in aqua, non propterea tamen colligere licet caput hanc suppeditare: Sic vium est recentioribus recte quidem in dynteris materia commota, calore æstuantem agitata, spumantia dejici: Sed aliis signis colligendum caput male habere, si grave, salivatio, ac præsertim mane & vespere, maxime si eam molestiam sentiant in ventriculo. Quanquam caput per se constituitur pituitæ sedes, quæ in ventriculum illabens profluvia longiora reddit. In spumantibus itaque dejectionibus rali non oportet. Etsi autem caput magnum habet momentum ad producenda profluvia, non est tamen temere incutandum nec medicamentis agitandum: *Galenus* autem primus fluorum alvi causam unam agnovit, *pdvanulus* *Sten* intestinum (de qua vide scholia ad obs. 28. tit. de Diarria) quod plurimum confert ad intelligendum id de quo laboramus, qui fit ut tandiu profluvium perseveret; Non itaque dubitatio fuit de illo ægro, quænam potissimum pars esset incusanda, Omnes ad Hepar recurrerant, At illud aut intemperie, aut solutione continui, aut tota substantia est affectum, Non abs te autem τῷ ἄλῃ *vicia* dico, non autem *vicia* *sp'ia*, quoniam pars illa, sicut & reliquæ partes auhiciuntur, nullo interim indicio manifestato affectionis, ut sit temperamenti quædam alienatio: Sed sic ita, aliqua obstructione aut tumore labore hepar, an propterea tactus fidem faciet? at affectus hepatis cognitionem alia arte venandam esse tradit *Galenus*: Æger autem nec inflammationem hepatis passus erat, nec tumor ullus, tamen incumbentes musculi pene exangues essent, percipiebatur. Sed calor qui in eo magnus est & acer, plurimum illum fluorem juvit, dispositis male jam intestinis, humores corrumpendo, & iis saltem acrimoniæ attribuendo: Probabilius vero est accusare intestina, in quibus inest *muuata* *Sten* illa, juvante hepate, nimium serolos acresque humores generante: qui si intestinum integrum esset, non ita citarent alvum. Sed hepar generando intendoque, intestinum & corrumpendo, ob malam dispositionem, mutuas tradunt operas ad

illum fluorem perpetuandum: Si vltium in illo absolute fuisset, vix tandiu homo superfuisset. Quanquam audivimus de Comule Pariliensi, qui hepatis profluvio biliolo sex annos vexatus est, & nullis remediis allevatus est. Quod autem huic nostro ægro intestinum male affectum sit, colligere possumus ex antecedentibus, nam aliquando dysenteria vera labgravit, & cum medicorum judicio ea male curata esset, ab eo tempore superfuisset restitque illud quodammodo dysentericam profluvium. Quanquam ad Mesaræon potest sæpe longi floris occasio referri. Nos enim sex mensium spatio fluorem patientes vidimus, qui non hepatica cephalicæque excernebant, sed mesenterica, ut sic loquebamur. *Ballonius lib. 1. conf. 53.* De fluore mesenterico vide plura ex eodem scholiis ad Observationem 5. section. x. de Diarria.

*Opima*] Pinguis, viscida, lenta: *Hippocr. 4. Epidem.* à Famula dysenterica electro sumia, subviscosa excreta esse ait. Erat, *explicante Vallesio.* secessus, lentus, crassus, albus, paniceps cujusdam exigui palloris, tale enim est Electrum seu Eucinum.

*Opima*] *Roslinkius* consult. iij. lib. viij. pro hypochondriaco, refert ab eo excerni pinguem materiam instar levi, vel sebaceam. Unde illa, ait, diquirendum, Nonnulli alimentis pinguibus assumptis, & in intestinis, imprimis in colo conglobatis, & appellu acris materiæ absterfis ea adhibebunt. Verum nec frequens, nec copiosa, nec diuturna, nec cum molestia juncta est hæc excretio: Nonnulli ex glandulis mesenterii excerni putabant, quæ nonnunquam intumescant in steatomata. Sed licet verum sit mesenterium esse sentinam totius corporis, variæque excrementa ibi coacervari queant, non liquet tamen quomodo in cavum intestinum perveniant. Probabilis est ea sententia fuisse colliquatorum ichorum illic coacervatorum concretionem. *Hautenius Roslinkius.* Probabilius est, quandoquidem constat Lympham, quæ primo ortu tenuis est, limpida & fluida, postmodum crassescit extravasata, & in gelatinam concrevit, tandem dura steatomatica fit, quod *Paulus Barbette* in practica animadvertit, lib. 2. cap. 4. materiam istam sebaceam a Lympha ortum duxisse. Ipsum etiam sanguinis serum, patinæ impositum, supposito igne leni crassescit, qua de causa *Barbatus* aliique alendi vim illi assignant. In coryza humor qui tenuissimus è naribus initio effluit, maturatione crassitiem adipiscitur, Quod è naso hyeme limpidum stillat, ætate in crustam abiit, interioribus naribus adhaerentem Ac ulcera ichores tenues fundunt, crustæ itidem eā velanti materiam suppeditantia.

*Varia*] Variis & monstrosis per alvum excretis accensendi Globuli membrana obducti, de quibus *Oethaus* apud *Schenckium*: Cum natus esset, inquit mihi Filius, isque ultra tres menses non fuisset progressus, incidit hic in gravissimos, eoque continuos dolores, quibus ita conficiebatur ut fere de salute esset desperatum. Huic cum tribus diebus continuus cassiam cum betonicæ syrupo mistam præbuissem, tandem excrevit globulos plurimos, intus putrida & saniosa materia repletos, exterius vero membrana quadam obductos, ac sic præter opinionem, Dei benignitate conatum nostrum juvante, sanitati restitutus est: *Hæc Oethaus. Vesicae* quoque & cystides invicem connexas, humorem, qualem

qualem atheromata continentés, magnitudine varias, quasdam ovo columbino æquales, majores minores, tanto numero ut capacem patinam implere collectæ potuissent, excretas scio ab Aromatopola Genevensi *Domino Savonarini*, anno 1662. Non per alvum, sed per os minutissimos globulos longo tempore exclusit Sator Genevensis, natione Germanus, cui nomen *Hem* anno 1670. qui ab assumpto generoso emetico, ab Italico Medico exhibito paucis post horis interiit, Horum globulorum & cystidum originem Excell. *Th. Baribolinus* Epistola 88. cent. 4. à mesenterio repetit, Quem autem locum *air*, in mesenterio occupant sacculi illi, vel quomodo abrumpi & excerni potuerint, Oedipo non Divo opus erit: Oedipus erit hoc in negotio Vir Nobiliss. & Eruditiss. Dom. *Joh. Conradus Peyer* lib. de *Glandulis Intestinalium*, quarum historiam vide Sectione x. Observat. 4. hujus libri. Ad extremum *air* coronidis loco, ut plenius quæ de Glandulis intestinalium toto hoc commentatio prodita sunt, illustrentur, illatque revera dari, & multis interdum variisque malis affici deinceps nemo sit qui ambigat, historiam unam aut alteram *Caruncularum* alvo excretarum subteximus: A viro Excell. D. D. *Joh. Rudolpho Burkardo*, Medic. professore in Acad. Basileensi Clariss. accepi, Puero cuidam se medicinam fecisse, qui prævis alvi torminibus carunculam subrubentem, & valis sanguiferis instructam, figura phaeoli, & magnitudine nucis moschatæ per anum excreverit, sicque integram sanitatem recuperaverit. Quid hoc *Caruncula* erat quam ejusmodi Glandula, ob serum in ea coagulatum, atque temporis tractu in carneam aliquam massam compactum, præternaturali magnitudine affecta? Hæc enim mole sua in cavitatem

intestini protuberans, cum viæ remotam non parvam interponeret, factum ut ab excrementis vi pertranscuntibus sensum, velut ex arbore pomum, decuteretur, à qua vellicatione tormina inprimis nata videntur: Tandem vero Glandula ista Torminum procreatrice penitus avulsa ac excreta, puellus integre convaluit: Huic genuinam habent observationem *Ephemerides Naturæ curiosorum in Germania* anno ij. p. 346. à Dn. *Ehrenfrid Hagedorn* profectam, de juvene, febre ~~quæ~~ tunc grassante cum hæmorrhagia narium, dyspnœa, leipthymia &c. correpto, cui datum post bezoartica laxativum, ex alvo diu obstructa *Glandulas duodecim* instar nucis myristicæ, catenatim sibi connexas deturbavit, ægro valetudini post paulo integre restituto: Hic quoque ratiocinium non est longius petendum: ut enim in puelli prioris intestinalis, unica tantum glandula tumore fuit corrupta, atque tormina non prius cessatura quam Glandula excerneretur, peperit. Ita probabile est in isto juvene integrum plexum è duodecim Glandulis invicem coherentibus compositum, augmenta præter naturam fuisse: Quapropter caruncularum istarum, seu totidem obicuum interpositione, alvus tamdiu oclusa fuit, donec eadem repagulis istis, vi pharmacorum & contentorum impetu solutis ac amotis, cum ægri salute recluderetur: Utrum vero Glandulæ hæc tumefactæ febri priores fuerint, atque symptomatibus ex ea natis ansam dederint. An demum à feri portione, prævio incendio febrili corrupta, plexibusque intestinalium glandulosis impacta, ac in iis veluti coagulati, in id magnitudinis aucta fuerint? id hoc loco determinare non est opus.

## OBSERVATIO II.

*Dejectio variegata à corruptione omnium viscerum.*

**C**uidam utrumque hypochondrium contentum, plurima per alvum deiciebat foetentia, porracea, nigra, &c. Omnia viscera marcore confecta & abscessu putrida inventa sunt. *Vide tit. de Febribus lib. 4.*

## S C H O L I A.

**P**lurima, porracea, nigra, &c.] Quæ Dejectiones deteriores sunt, variz an simplices? Videntur deteriores esse variz, quia multiplicium excrementorum redundantiam significant. Certe non potest hoc sine distinctione dici, Neutræ enim sunt simpliciter meliores. Sed dejectiones sinceræ sunt, quædam quia non habent manifestam alterius generis permissionem, aut tantum biliosæ: quædam, quia à suo etiam sero sunt depuratæ, ut quæ dicuntur biliosæ sinceræ, ut vitellinæ & æruginosæ: Variz sunt, aut ex tantum malis, ut ex simpliciter crudis & viliosis; aut ex pessimis, ut sunt opima, nigra, foetida & cruenta: Quæ variz & pessimæ sunt, omnium sane pessimæ, ut dicitur in Prognostico; & aphor. 21.4. Quæ variz ex tantum malis aut crudis, pejores sunt unica sincera non omnino pura, quia multitudinem excrementorum significant; sed minus malæ quæ in unica sincera secundo modo, quia talis admodum mala est, & viruperatur aphor. 7.7. ubi dicitur *meraca alvi egestiones mala* *Vallesius 2. Epid. sect. 2. p. 114.*

*Plurima deiciebat porracea, nigra, &c.]* Hippoc. citato loco excrementorum mutationes prodesse ait, nisi in priora mutantur, velut accidit in vomitibus qui sumpto in febribus medicamenta fiunt, & in meraciora desinunt, quia putrefactionem significant: ut autem in aphor. 14.2. dicitur, In alvi fluxionibus mutationes dejectionum juvant, nisi ad prava mutatio fiat. Id cum in spontanis fluxionibus verum sit, tum multo magis in iis quæ pharmaco accepto fiunt. Nam si quam significationem malam præstare potest dejectionum varietas, multorum & diversorum excrementorum hanc minuit pharmacum: Nam ne pravæ quidem & variz excretiones, quæ accepto pharmaco fiunt, adeo malæ sunt ut aphor. 21.4. dicitur. Si ergo varietas in pessimis, quia sponte facta, mala est, facta cū pharmaco est minus mala: varietas in minus malis, quæ ut causa prodest, & ut signum mala est, quam unica admodum sincera perseverans, cum pharmaco proderit multo magis quam sine illo, juxta aph. 7.7. ubi dicitur *meraca alvi egestiones mala*, In quam etiam sententiam, causam simul reddens, supra dicit mutationes

DDdd x excre-



excrementorum finire in unam speciem meracioris excrementi, grave est, quia significat putrefactionem, id est, magnam excrementorum corruptionem & magnam vim & firmitudinem causae corruptentis: Nam in quacunque actione naturali, cum omnes materiae partes in unam speciem trahuntur, magna effectricis causae potentia significatur. Nam cum ea est minor, diversa gignuntur secundum conditionem materiae. Igitur unicam talem dejectionem perseverare, deterius signum est quam mutationes fieri & non ita juvat, quia non tam fit natura corpus perpurgantem quam ob putrefactionem, quod Dexippo (& huic) contigit. *Vallesius ibid.*

Notandum autem quod monet *Walavi* in sua med. meth. colores excrementorum non natura esse in humoribus, sed illos à medicamentis provenire; quemadmodum etiam ab assumpto sulphure magis & praeter morem excrementa fiunt. Hinc explicatio aphor. 21. 4. peti potest, quia variegatorum spontanea dejectio plures partes in vicio esse significat, & plures affectiones contra naturam in corpore.

*Faetentia* ] Excrementa alvi foetida ob putredinem talia fieri notum est, idque duplici ratione, tum quia portio putridi humoris à venis ad alvum transmissi, ipsis excrementis admiscetur, indeque foetorem contrahunt; Et propter hanc causam in malignis febribus, quae ab humorum putredine vera ortum ducunt, alvi excretiones fiunt, tum quia ipsamet excrementa in alvo putrescunt: *Hippocr.* vero lib. 2. *Humoribus* vers. 33. signa tradit quibus foetor excrementorum in alvo putrefactorum distinguatur ab eo qui aliunde provenit, hoc est, à putredine humorum in venis itabulantium, Ubi primo loco proponit Siritim quae antea non adfuerit, sed in ipso eorum egressu compareat, nullaque praecesserit causa quae Siritim excitare potuerit, sive aestus, sive alia: cujus quidem signi ratio à causa factoris dependet, quae quoties à corruptione, seu putrefactione pendet ingestorum in alvo, hanc à calore circa ventrem aucto oriri necesse, quo posito sicut subsequi necesse est quae ante putrefactionem non aderat: Si vero foetor à putredine maligna venosum genus occupante oriatur, aut nulla adest sitis, aut ratione febris aderat prius quam putredo induceretur: per putredinem enim humores majorem aestum non acquirunt, ut sitis superveniat quae antea non adfuerit: quando oppositum observatur quotidie, videmus enim simplices febres, summum incendium praeseferentes, putredine accedente,

propter quam malignae evadunt, statim mitiores fieri, sicut sedari, aliūque & alia omnia accidentia remitti, quae à calore dependent: unde *Galenus* 5°. *Simpl.* huiusmodi febres calore non admodum utentes esse adnotavit: Quoniam vero febres rariò à principio putredinem hanc adjunctam habent, sed tantummodo morbi progressu, quando humores à febrili calore corrupti, propriis spiritibus privantur, naturaeque imperio destituti putrescunt, eorum instar qui è proprio receptaculo exeunt, inde fit ut in febribus Sitis urgeat plerumque antequam factor excrementorum appareat, qui malignae putredinis sic soboles. *Neque aestus*, subjungit *Hippocrates* neque alia causa adsit quae potuerit siritim inducere: ita enim Sitis erit signum factorem excrementorum ad inferiorem ventrem referendum esse, non ad malignam putredinem aut aliam causam. Huic signo aliud addidit, quo dictorum excrementorum factoris causa distingui poterit, videlicet urina, qualis secundum naturam esse solet: haec quippe in excretionem foetidorum à maligna putredine immutatur: in alvi putredine nequaquam. *Prosper Martianus* comm. in ciatum locum. Allatis autem causis, quae foetorem excrementis conciliant, aliam efficacissimam adijunge, ipsorum scilicet viscerum putredinem, eorumque substantiae corruptionem.

*Porracea, nigra* ] Dejectiones nigrae, cujusmodi est sanguis niger, quae ultro disfluunt, tum si cum febre, tum si sine febre calamitosa, ex quo plures dejectionum colores deteriores fuerint, eo calamitosius. *Hippocr.* aph. 21. 4. Nigrae, hoc est, interpreti *Hearnio*, dejectiones quibus humor melancholicus, niger & faeculentus deijcitur. Qui quoniam proprie substantiae corruptione in vicio est, nunquam concrevit extra propria conceptacula effusus, Calamitosa autem est dejectio, quod indomiti humoris speciem, & partium singulare vitium praeseferant, & fractas naturae vires arguant, ac retentricis facultatis ignaviam ostendant, visceris illius unde dimanant: ac pravam viscere qualitatem conceptam denuntiant: Adeo ut tollas licet humorem vitiosum, visceris tamen generantis illud malum elui nequit, unde perpetua generatio illius humoris, unde toto fere morbi tempore prodeunt. Et quo plures dejectionum colores, virides, lividi, cinerei, & dejectiones rufae, vitellinae, eo res aegri pejore sunt loco, nam plures partes in vicio sunt, ac plurium affectionum, quae contra naturam sunt in corpore, symptomata sunt, partium unde manant calamitatem arguunt, & partibus, per quas feruntur, calamitosae sunt.

## OBSERVATIO III.

*Dejectiones biliosae, liquidae ab inflammatione Iecoris in gangrenam desinente.*

**F** Amulus N. per annum dolore hypochondrii dextri conficiebatur cum febre, alvo modo adstricta modo admodum liquida, & plurima biliosa, liquationis instar egerens. Hepar erat durum, magnum, albicans circa ventriculum; gibba parte prope costas nothas nigrum, plumbeum, &c. *Vide tit. de Febribus.*

## S C H O L I A.

**L**iquida plurima biliosa ] Qui juxta Medosadae vicum accumbebat, tenuian, ulla bile tineta, aquosa, multa deiciebat, hypochondrium habebat tumidi cedens & gibbum: *Hippocr.* lib. 4. *Epid.* *Vallesius* in commen. hunc haud dubie laborasse morbo acuto ex pituitosis & aquosis, hisque satis sine-

ris: Omnia enim signa talium humorum semper fuisse, (ut hinc constet non omnes acutos morbos esse ex bile, sed frigidae etiam subjecto materiae posse etiam celerem alterationem accedere) nam habebat multam dejectionem per totum morbum (quod multitudinis est) tenuium: Quoniam vero duplicia excrementa



excrementa sunt in nobis, biliola & serosa addit aquosa, id est, minime biliola, sed *ἀνδροειδής*; id est aquosa: Hypochondrium autem quod illi erat tædium cedens & gibbum, i. e. molle & distentum quod aquosum (cum flatuosa forte) materie redundantiam significabat) huic durum fuit, ob Jecoris inflammationem, à quo multa genita bilis sero permixta. Quales dejectiones ab Hippocrate ibidem annotatæ, *Dejectiones*, ait, *aquosa cum sub dio exposita essent,*

*superne leves & tenues, valde similes bili isarodi, inferne vero subsidientiam habuerunt*, Significabat ait *Vallesius in comm.* hoc tenue & leve, flatidi simile, bilem cum aqua descendere; nimirum ut in urinis repositis separatur inferne subsidientia, & superne quiddam tenuissimæ telæ arenearum simile, læve & tenue, ita in plerisque dejectionibus aquosis. Refert vero id quod separabatur id quod in iis latitabat.

## OBSERVATIO IV.

*Dejectiones cineritiæ, fætidæ, à mesenterio omnino scirrroso ortæ.*

**N**Ob. Vir pondus in stomachi sentiebat fundo, ructus habebat fœtidos, flatus vagos murmurantes, Dejectiones cineritias, fætidæ, & sæpius diarrhœas æmulantes. Illius mesenterium totum scirrrosus & lapidosus quasi, In cuius venulis sanguis ater, serosus videbatur, &c. *Vide lib. 1. tit. de melancholia.*

## OBSERVATIO V.

*Chylosa dejectio à mesenterio scirrrosis tumoribus referto, &c.*

**P**Uella 14. ann. penitus extabefacta obiit, Excrementa quotidie bis terve liquida & chylo mista excernebat: Reperi mesenterium undique refertum tumoribus duris, atque steatomatibus, præcipue circa vasa & venas quæ ad portam protendunt: hinc chylus per mesenterium & portam ad Hepar pervenire & per reliquum corpus distribui non potuit. *Vide lib. 2. tit. de Phthisi.*

## OBSERVATIO VI.

*Fluxus varius Mesenterii abscessum sequutus.*

**A**Nno 1626. Julii 25. Franciscus Castellus, Patavinus Chirurgus dexterimus, ad senium vergens, temperamenti biliosi, anno superiore menses decem Fluxu hepatico implicitus, continuo succi cichorii & absynthii usu, cum mastiche & rhabarbaro restitutus, nunc initio saniosa, deinde biliosa & pituitosa con dolore viriumque debilitate reddidit: Fæces, præter eas quæ clysteribus evocatæ, nihil puris habebant: urinæ constitutio naturalis: *Pompeius Caimus* putabat esse Jecoris *ἀνδροειδής* sive infirmitatem, ex qua chylus ita crudus ad intestina remearet: *Ioannes Prevotius* credidit mesenterii abscessum esse: Nec absolum eo rupto, loco nempe interiore, nullam persensisse febrem, à qua, ut & à torminibus, plane immunis erat: Recte divinasse docuit eventus, quum paulo post is medio excessisset. *Ioh. Rhodius cent. 3. observat. 95.*

## SCHOLIA.

**M**enses decem fluxu Hepatico] *Benedicto Silvatico* oblata est mulier à decennio passâ tumorem in dextro hypochondrio, progressu temporis suppuratum, cum excretionē materie saniosæ, fætidæ, copiosæ, fere semper per alvum, quandoque etiam vomitum Tumorem illum præteritum centuit non potuisse esse hepatis, quia viscus princeps, sanguificationi destinatum, tandiu tumorem illum absque insigni labefactione calidi junati tolerare non potuisset, Addit quod febrem habuisset comitem, cum macie totius & menstruorum sup-

pressionem: Ideoque censet tumorem illum in mesenterio genitum fuisse, quod sæpius sit tæcina multorum excrementorum, atque obtuli sentius cum sit, diutinas tolerat affectiones, & in quo non raro suboriuntur apostemata suppurantia, qualia frequentissime ab eo fuerunt observata, quæ tandem subidebant per dejectiones purulentas, iterumque statutis temporibus recurrebant, & oblitescabant denuo per similes dejectiones, non raro cruentas, ita ut imposuerint quibuidam, illas pro dysentericis habentibus: *Vide consult. 87. cent. 2.*

## OBSERVATIO VII.

*Alvi profluvium albicans à vitio jecoris excitatum.*

§. 1. **P**uer Ictericus alvi profluvio albicante laboravit: vitiosum erat Hepar & velut *ἰκτερίδιον*. *Vide tit. de Ictero.*

§. 2. Fœmina si quando fæces deponeret, albidæ illæ erant: Hepar erat durum & folliculum fellis exhibebat in sese collapsum & fere totum consumptum. *Vide Tit. de alvo adstricta.*

## S C H O L I A.

**F**æces albæ, si simul alvus adstricta, obstructionem cystidis fellæ, vel ejus meatuum ostendunt, ex bilis defectu quæ fæces colore flavo vel rufo tingere solet, ac facultatem expultricem intestinorum lace- sere: Notandum autem obstructionem illam aut

meatum occlusionem, obsidere posse non modo du- ctus qui ad intestina tendunt, sed & eos qui in jeco- re ad cystin & meatus choledochos: Potest & fieri ut hepar debile vel non generet bilem, vel genitam non excernat.

## OBSERVATIO VIII.

*Tenuium & aqueorum Dejectio ob infarctum coli intestini.*

**I**oh. N. nihil nisi liquida assumebat, cum ventris dolore: quæ alvo excernebat aquea erant & velut filtrata, Colon fartum erat & omnino repletum nucleis cerasorum & prunorum. *Vide tit. de ventris dolore.*

## OBSERVATIO IX.

*Dejectio purulenta à pulmonibus & mesenterio.*

**R**ex Christianiss. Ludovicus XIII. fluxu purulento tabescens obiit. In eo deprehensus pulmo in purulentiam abjisse, hepar exsuccum, mesenterium & colon pure diffuens. *Lyonnetus de morbis hereditariis p. 79.*

## S C H O L I A.

**A**ffectus initium in abdomine fuit, at obscurum quomodo illius vitia ad pulmones fuerint tra- ducta: Communes viæ notæ, de alia *Ægyptia* an sit cogitandum nescire cogor: *Merteus* venter puris in tussientibus exsereatum ex inferioribus deducit, sed vias ignorat: In avibus res expedita, in quibus pervius commeatus inter thoracem & ventrem infi- mum patet. *Th. Bartholinus cent. 4. Epist. 99.*

*Fluxu tabescens obiit* ] Pulmonum & thoracis af-

fectionibus alvi dejectiones inutiliter ac nonnun- quam exitialiter succedunt: Tenuia scilicet transcolan- tur in ventrem, crassa intra thoracem hærent, & ta- culatate soluta morbo non soluto mors accedit: Quia à thorace in ventrem expedita via non est, & ea pars debilitatem omnium minime potest sustinere, quia indiget motu vehementi, & ob alterum non purga- tur, ob alterum facultate cito destituitur. *Vallesius 5. Epidem. p. m. 582.*

## OBSERVATIO X.

*Dejectio purulenta à mesenterii abscessibus producta.*

**L**ongæ molestæque ægritudinis in Nobilissimo Viro, nuper defuncto compendium fa- ciam. Abscessibus scatebat mesenterium à longo viscerum vitio, nativa dispositione, continuatis studiis, & obstructis hæmorrhoidibus: Continuo per alvum purulentam ma- teriam excrevit, subinde eandem per lotium, ut jurares renes esse offensos: semper ta- men fæces alvinæ puræ prodire, unde extra intestinum rectum, cujus sphincter dolebat, & exiguo foramine tuberculi patebat, sedem affectam suspicabamur. Nempe glandulæ mesenterii apostemata congesterant, quibus maturis ruptisque pus eructabatur: remitte- bant subinde dolores expurgato copiose pure, sed coacervata materia & ad suppuratio- nem maturante, dolores & febris in dies singulos oriebantur, ex Coi præsagio, tuncque pure ad librarum pondus prodeunte, levabatur, donec idem malum quasi per circulum re- diret: Tormina circa umbilicum, & ruptio quasi vesiculæ in abdomine ante sentiebantur quàm pus efflueret: Dolorum, puris, patientiæ ægri constantis nullus modus. Omnium remediorum successum pertinax malum & locus abstrusior frustrabatur, oneratis vexatis- que ita interioribus, natura tandem copia pressa puris exitum moliebat. Inter os sa- cerum & coxendicis, in musculis femoris, tuberculum ortum, quo aperto pus copiosum ef- fluxit: hinc pertingebant dolores ad scapulam ejusdem lateris sinistram, forsitan per lacteum thoracicum ex abdomine ad axillas protensum, &c. Puris effluvium demum cum vita ces- sarunt. *Th. Bartholinus centur. iv. histor. 96.*

## OBSERVATIO XI.

*Dejectiones purulente à putri Mesaræo manantes.*

**D** omina N. post excretionem biliosorum sequuta sunt purulenta, quæ à putri mesaræo manarunt. *Vide lib. 4. tit. de Febris.*

## S C H O L I A.

## S C H O L I A.

**P**urri Mesaræo] A prægressa vomica pus si erumpat in alvum, meliori loco sunt res ægri: Pus a-  
lio si eructetur, neque meatum aliquem excretioni idoneum reperiatur, hypochondriacus, aut colicæ similis affectus non raro oboritur: Sin vero in abdominis capacitatem, seu intermedium membranarum Mesenterii spatium eruperit, tunc fomitem putredinis extemplo concipit, membra vicina virore inficit, vel acredine erodit, nihil non corruptela sua polluit, & malorum gravissimorum, cum primis vero iphaceli author est. *Iacorum comm. ad aph. 9. Hippocr. lib. 3. coacar.* Purulenta autem in prædicto Dom. quamquam viam per alvum nacta sint, putre tamen Mesaræum fidem facit partem purulentie in cavitatem abdominis decubuisse: Sanies verò Mesenterii, juxta *Avicennam* lib. 3. fen. 14. tract. 3. cap. 11. discernitur ab illa quæ ab hepate defluit, eo quod hanc ad rubedinem vergere, sanguinemque corruptum indidem admixtum habere constat: Illam autem ad albedinem, vel citrinum inclinare colorem sensus arguat.

*A Mesaræo manarunt*] Pus per alvum interdum deijcitur, idque ex partibus vicinis, ut cavo hepatis, vel abscessu aliquo in mesenterio latente facile fieri potest: Hoc vero admiratione dignum est quod etiam à partibus remotis, ut artubus, materia per alvum evacuetur, id quod Comiti *Mansfeldiano*, tormento manuali ad sinistri cubiti articulum vulnerato accidisse refert *Paréus* lib. 10. cap. 12. Ægro enim diarrhœa supervenit, qua purulentam & foetidam sanie, à brachio & vulnere manantem redde-

bat; Idem etiam aliis duobus accidisse testatur lib. 16. cap. 49. Neque hoc impossibile est: Si enim in febris natura sponte sæpe, tum etiam medicamentis irritata, in aliis membris vitiosos humores, in vena cava passim latitantes, à bonis humoribus separare, eoque per ventrem evacuare potest, cur non etiam sanie à magnis vulneribus in proximas venas se infinuante per alvum expellere possit? *Sennerius præct. lib. 3. part. 2. sect. 2. cap. 7.* Humor autem transfusio, seu *αἱματισμός* *Galeno* ignota non est, quam lib. de *Pleniudine* cap. 11. crassus & glutinosus humoribus intra venas collectis non facile esse ait: Puri autem, tenuitatis & mobilitatis ratione liber est excusus in partes etiam difficilissimas: Eam autem transfusionem non à venis solum in arterias & vicissim fieri statuit sed ab iis in nervos, ut ab his in illas, 6. enim aphor. 26. *Sicuti* (ait) *in febre ardente translatio, sic in omni alia febre potest fieri, & omnino ex arteriis & venis ad nervos transfluxus humorum, sic et rursus ex nervis ad has.* Quod si ex nervis, etiam ab artubus, in loco remoto, mediante sanguinis circulatione, quæ ad habitum usque corporis pertingit, cui sunt arteriæ & venæ, harum autem (*Venarum*) munus est alimentum cutis & subjacentium partium, superfluum à nutritione, ad cavæ ramos majores, truncumque ipsum revehere; ac simul pus obvium, quod a natura secretum ad excretionum loca amandatur. *De puris excretionibus per alvum ex ulcere brachii vide Silvaricum cent. 2. consul. 89. De purulentis per alvum dejectionibus contulit Sennerium lib. 3. p. 2. sect. 2. c. 7.*

## OBSERVATIO XII.

*Purulenta Dejectio ab abscessu Pleuræ.*

**E**mpyematicus lateris apertionem recusavit: Pus ab apostemate in pleura & musculis intercostalibus, diaphragma corrosit, hinc intestinum rectum perforans, ventriculi & intestinorum tunicarum exteriorum ductum sequutum, una cum excrementis foras prodibat. *Vide lib. 2. tit. de Dyspnœa.*

## OBSERVATIO XIII.

*Puris dejectio à vomica in Hepate.*

**C**Uldam febris, dolor supra regionem hepatis, diarrhœa, dysenteria, tandem Puris graveolentis copiosa per alvum dejectio. Vomica in hepate, cum maxima puris coactione reperta est. *Vide lib. 2. tit. de Laterum dolore.*

## OBSERVATIO XIV.

*Puris per anum & vulvam excretio, ob fistulam in collo uteri ad anum pervenientem.*

**V**Xor N. pus per anum & collum matricis quandoque excrevit. Aperto collo matricis, comperi fistulas duas ad anum vergentes, ita ut excrementa tenuiora possent ad collum uteri pervenire. *Vide tit. de ventris tumore.*

## OBSERVATIO XV.

*Nigrorum dejectio à quodam facta cui Pancreas scirrhusum repertum est.*

**P**Ancreas aliquando in scirrhum abit: ab eo si comprimitur vas breve, humor melancholicus in ventriculum & intestina remeat: hinc Dejectio nigra, quod vidi ex filio N. *Vide tit. de Vomitu.*



## OBSERVATIO XIX.

*In Dysenterico Hepar siccum pallidumve fuit, cum abscessu prope cystin fellis, alio in mesenterio.*

**R**usticus Delphinus 40. annorum, post dysenteriam imprudenter ruri suppressam, doloribus ventris per septem hebdomadas continuus, & per breviora intervalla continue intensius exacerbatis, interiit mensis Decembris initio: Plurimum cadavera iustis rationibus moti nolimus aperire.

In illo Hepar siccum pallidumve conspicuum fuit, simul & abscessus cystidis fellis pugni magnitudinem æquantis, prope jecinoris cava pus eructans. Alius visus est etiam in mesenterio. *De Lamoniere de Fluxu Dysenterico cap. I.*

## OBSERVATIO XX.

*A longis Dysenteriis Diarrhæisque observata intestina ad summam tenuitatem redacta & resiccata.*

**J**oh. Matthæum Fabrum, amicum meum integerrimum, apud te, Vir de me meritissime, commendare non desistam: Is inter varias & doctas observationes, notatu hanc dignam asseruit, in longis diarrhæis, dysenteriisque, intestina instar araneorum tenuia reddita esse; quapropter in cura ejusmodi symptomatum tempus diligenter attendendum esse: In principio enim purgationem per rhabarbarum institui posse existimat; Si autem fluxio diu duraverit, à siccis ejusmodi purgantibus abstinendum existimat. Sed si forte Medicus indicatione illà innixus curam sic velit absolvere, tamarindos, syrupum rosaceum laxativum in id sufficientem esse aiebat: alias siccitatem illam ulterius augeri, morbumque morbo addi cum vitæ periculo & dispendio. *Ex benevola Excell. & Nobiliss. Dom. Sto. felii communicatione, Illustriss. Principum Wittebergenfium Ephori: Anno 1670. in Ducatu Wittebergenfi, Epidemia fuit ejusmodi Dysenteria & Diarrhœa, In cadaveribus eorum qui ea lue sunt extincti, reperta intestina omnino sicca, iis omnino similia quæ lacunari appenduntur, ad luncanicas conficiendas. Idem.*

## OBSERVATIO XXI.

*Dysenteria à vermibus excitata.*

**A**nno 1608. mense Augusto, nata est Dysenteria in puero Dom. Consilarii du Perier, quæ per intervalla excitabatur, quam suspicabar à punctura vermium nasci, quorum quantitas admiranda fuit inventa in intestinis post dissectum ejus cadaver: Nec mirum cum viderim intestina reduplicata à vermibus. *Jacobus Fontanus practica lib. 3. cap. 21.*

## OBSERVATIO XXII.

*Dysentericorum ulcera ab usu Opiatorum magis putrida & sordidiora evadunt.*

**T**homas Minadous, Medicus Italus & Professor, se observasse asserit omnes Dysentericos, quibus ex consilio Medicorum Laudanum Opiatum oblatum, defunctos; post eorum usum ulcera magis putrida & sordidiora reddita, ex longiori mora materiæ purulentæ & noxiorum humorum: Idud admonitum maneat alta mente repositum pro cautela. *August. Thonerus lib. 3. observ. 10.*

## OBSERVATIO XXIII.

*Dysenteria à vomica in Hepate producta.*

**Q**uidam cum febre dolore supra regionem hepatis, diarrhœa biliosa, postmodum Dysenteria extinctus est. Vomica in Hepate cum maxima puris coacervatione inventa est. *Vide lib. 2. tit. de Lateris dolore.*

## OBSERVATIO XXIV.

*Dysenteria vitio Lienis duri, infarcti, &c. excitata.*

**A**ger hæmorrhagiæ narium obnoxius, dysentericus fit, &c. Totus Lien illi durus erat plumbei coloris, magnus, crassus, in quo materia copiosa, feci vini rubri similis concludebatur. *Vide tit. de Hypochondr. tumore.*

SCHOLIA.

## S C H O L I A.

**D**E Dysenteria Lienosis superveniente Hippocr. aph. 45. lib. 6. *Qui lienosi a difficultate intestino- rum capiuntur, iis superveniente longa dysenteria, hydrops aut lienteria supervenit & moriuntur.* Ubi notanda verborum Hippocr. proprietates: Quid enim sibi hoc vult, Qui lienosi à dysent. capiuntur, iis superveniente longa dysenteria? nam non potest supervenire si jam adsit, debuitque dicere potius, Quibus Lienosis supervenit Dysent. eaque productior sit: Ita excusari Hippocr. potest ut verbum *capit*

non sit hoc proprie usurpatum. Vel quoniam laudatur Dysenteria quæ supervenit Lienolo, si brevis sit, ut in Coacis animadvertit Hippocr. Cum produci- tur debitumque tempus præterit, non jam amplius dysenteria splenica vocanda est, sed per propriam in- testinorum affectionem sit, humoribus cuniculos a- gentibus & ultra progredientibus: proptereaque nova quodammodo dysenteria dici potest. *Ballonius conf. 53. lib. 1.*

## OBSERVATIO XXIV.

*Vixit Dysenteria in decem diebus extincta, Pericardium aquæ expers repertum.*

**C**or motu continuo, & propria natura calidissimum, aquam obtinuit ut in ea assidue, ve- luti balneo temperatum madesceret, quo floridum & vegetum conservaretur: Unde quibus per arduas febres, vel in edias, vigilias, & ingentes mœrores exhausta est, Tabidi pereunt. Vidit *Iessenius à Iesson*, in febre ardenti aquam Pericardii consumptam. Vidi in cadavere Illustr. Cancellarii *Dom. de Sillery*, post obitum ad pollincturam exenterato, peri- cardium siccum, aqua illa per morbum dysenteria cum decem dierum exhausta, nec tamen cor correfactum exaruerat, sed erat mollius & flaccidius quam par erat. *Riolanus Antrop. pag. lib. 3. cap. 7.*

## OBSERVATIO XXV.

*Anatome Fluore hepatico laborantis in quo hepatis apostema, ejusque dissolutio reperta est.*

**S. 1.** **M**iles Anglus cum inflammationem Hepatis primum passus esset, & frustra tentasse- mus ea quibus opus erat, dolor se remisit quidem, sed sedesit malum in Fluxum he- paticum, tumore qui ante erat in hypochondrio, plane evanescente. Cum hoc modo per sex ferme menses languisset, tandem ad extremam maciem ita perductus est, ut ipsissimam, qualis pingitur, mortem dixisset & sic miserrimam vitam cum morte permutavit.

Aperto corpore, invenimus loco Hepatis solam membranam ipsum involventem, satis crassam instar succi, cui adhuc portio saniei, loturæ carniū similis inerat, qualem tam longo tempore excreverat. *Bonini Medic. Indorum lib. 3. Observ. 9.*

## S C H O L I A.

**I**nflammationem Hepatis ] Indi obstructionem hepatis facillime incurrunt, cui adest tensiva in hypochondrio dextro gravitas, dolorque obtusus, ac quasi pondere premeus: difficili quoque adest respiratio, propter gravitatem visceris, diaphragma deorsum trahentis, cui, mediante ligamento suspen- sorio, annectitur: hæc infarctio si perseveret, humor hepat obstruens, dum non ventilatur, facillime pu- trefcit, unde febris etiam oritur, ac ipsius hepatis in- flammatio, cum dolore acuto ac pungente, febrisque augescens in ardorem transit, cum sit intolerabili, faciei rubedine, ac difficili, ob prædictas in obstru- ctione causas, respiratione.

*Frustra tentassemus ea quibus opus erat*] Horū duo- rum affectuum cum quasi invicem concatenati sint, & unus ex altero ferme nascatur, curā jungam, inci- piendo ab obstructione, in qua primo observandum ne nimium calidis medicamentis in principio utamur, ne minutz istæ hepatis venæ, & capillares, ab exi- cante calore magis obstruantur: Ergo temperate calidis, & per consequens leniter deobstruentibus, ac materiam peccantem incipientibus opus est, quæ familiaritatem quandam cum natura nostra habeant. Præparata jam morbi materia, eam medicamento non semel nec simul, sed iterato studebimus educe- re, Ejusmodi sunt tamarini, cassia pulpa, adjecto pulvere terebinthinæ coctæ. Iam nunc enim quam blande hæc simul per alvum ac vetricam morbosam succum ejiciant: si paulo fortius delideres, adde tha-

barb. ʒj. misce cum supradictis in formam boli. In- flammationem porro in procinctu esse cum compe- reris ex febris augmento, & dolore vehementiore & magis pungente, statim venam secata copiose, pro viibus ægri. Interim cibi & conservæ refrigerantes exhibendæ. Denique hypochondria, præter- tim dextrum, inungendum est unguento quod hic conficiunt Indæ mulieres ex radice curcunæ, San- talii omnibus speciebus, addita caphura, & oleo ro- faceo: Si (quod sæpe fieri solet) quis dolor in he- pate & ligamenti sit intolerabilis, causa tantisper omitta, huic symptomati occurremus, quod fiet per extractum aureum croci, quo vel solo (ausim afir- mare) ægios plurimos curavi, natura per quietem ad se redeunte, & virus per alvum, urinas ac sudores ejiciente.

Quod si Hepatis inflammatio non bene sanetur, vel pertinacius curæ resistat, consequitur admodum affectus miserabilis, Hepatis apostema, quo si pa- renchyma, seu substantia ipsa jecotis occupetur, jam incurabile est malum: Sed si pus hæreat inter mem- branam succingentem hoc viscus, & ipsius carnem (quod per sæpe hoc fit) unica salutis spes est in apo- stematis apertione, quæ hoc modo fieri debet. Pri- mum in regione hepatis applicetur cauterium po- tentiale, ita ut eschara tantum penetret abdominis muculos, nec inficiatur peritonæum: Deinde parvo foramine per scalpellum in ipso secto, per id immi- tatur instrumentum argenteum concavum, quali

utuntur in sectionibus lithotomi, dein satis late vulnus dilatandum: Et tunc statim in conspectum se dabit membrana jecur ambiens, vehementer tumescens ab anurca intus larente. Ea pertusa saniosus humor, carniū loturæ similis effluet, qui quo minus foetet, eo major de cura spes est, Post hæc vulnus detergendum modice siccantibus, mundantibus, &c. Porro debili, ut fere semper, existente agro, lapidi Bezoar non est parcendum. *Idem lib. 2. c. 7. & 8.*

*Influxum Hepaticum malum desit*] Quæcumque excretio per alvum sanguinis fit, Dysenterica vulgo appellatur, idque præsertim cum dolor ventriculi torio aliqua percipitur; quæ tamen cum ulcere est, propriæ dysenteria dicitur. Aliæ autem sunt excretiones cruentæ, ut cum limus sanguinis excernitur, aut velut sanguinis fæx, aut cum sincerus plasma; (adde, cum ipsa substantia Hepatis dissolvitur, ut in exemplo allato) eaque excretio affectum Hepar declarat Galeno: Nam ut tenue & saniosum, & recens mactaratum carniū loturæ simile evacuat, id hepaticum est, id est, declarat imbecillitatem jecoris sanguinem probum generare nequeuntis, cum autem fæci similis excretio sanguinis fit, quodammodo exallantis jecoris argumentum est: Et notandum est illud quod scribit Galenus, & quod nos experientia sæpe deprehendimus, aliquando liquidam tenuemque sanguinis esse excretionem, quam melancholica postea, faculenta, nigra & atra consequatur: An atra, nigraque & adusta quodammodo intemperie frigida affecto Hepate excernitur? Nequaquam, Sed cum alioqui præcessit frigida intemperies, temporis progressu putrescit in imbecillo Hepate humor, à putredine febris lenta oritur, hinc adustio recoctioque humoris, quod notandum: nam sæpe hæc febris negligitur, hinc dejecta appetentia, proventus pravorum humorum: Et cum vident medici dejectam appetentiam, non moventur, quod male fit; id enim notum esse debet, si perseveraret intemperies illa frigida, quæ initio fuit, non ita dejecta appetentiam, imo cibi augeri desiderium: quia autem ita deperditur appetentia, calidioris intemperiei, quæ successerit, debet esse argumentum, nam calidas intemperies nunquam comitatur ciborum appetitus,

potius cibi fastidium, &c. Itaque non falsa debet esse opinio prioris intemperiei frigidae, sed signis venanda cognitio succedentis alterius intemperiei. *Ballonius consil. 53. lib. 1.*

*Tumore qui erat in Hypochondris, &c.*] Inflammati Hepatis signa diligenter persequitur *Sennertus* cap. 4. lect. 1. p. 6. lib. 3. Idvero cavendum monet ne fallamur, & Hepar non inflammatum putemus si tumor in medio ventre appareat, quod quibusdam Hepar ad medium ventrem extendatur: Hepatis situm naturalem discite ab Anatomicis, *Glissonio* præsertim cap. 20. ejus Anatom. morbosus vero & tumidus has ille notas tradit, Morbosum, *aut*, Hepar & universim intumescens interdum infra umbilicum pertingit: In tumoribus vero haud adeo magnis (modo toti hepatis aliquomodo communes fuerint) durities aliqua & intumescencia infra nothas costas ad ventriculi scrobiculum, atque ultra sæpe ad spurias lateris sinistri costas facile perferuntur: Id autem omnibus ejusmodi tumoribus commune est, ut digitis compressi jecoris figuram aliquomodo præstent, eoque nomine à quibusdam appellantur Tumores circumscripti. Tumores quoque particulares in convexa hepatis parte, præsertim anteriore, digitorum atrectatione dignosci queunt, si modo hi inter loca tumentia, & iterni apicem costarum nothas dextri lateris molliter inferantur. Tumor ejusmodi in sinistra hepatis crepidine sæpe ad costarum extremam protenditur, minisque cautis facile pro lienis intumescencia imponit; Rem ipsam vero penitus advertens, haud difficile tumores istos internoverit; qui enim ad hepar pertinet, elatior est, ventriculi que regioni vicinior & eidem magis incumbens quam lienis tumor queat, nisi hic prægrandis fuerit, quo casu ipsemet sua sponte innoteat, vel mole insolenti, vel distensione & pondere in latere sinistro, vel quod sinistrorium inferius descendat quam possit hepar: Tumores in concava posticæque hepatis parte tactu, haud distincte deprehenduntur, in istis tamen plenitudo aliqua hypochondrii dextri, digitorumque ibidem sub costis nothis impressioni renitentia quædam major solito occurrunt.

§. 2. Consul Parisiensis Hepatico profluvio bilioso sex annos vexatus est, & nullis remediis allevatus est. Eo mortuo inventus est tantum Hepatis locus & membrana, illius parenchymate consumpto & colliquefacto. *Ballonius lib. 1. consil. 53.*

§. 3. Cuidam ex dysenteria febris tertio die oborta, accessit Fluxus hepaticus: cum absque intermissione parum impermixtumque sanguinem, interdum loturæ carniū non absimilem excerneret, febrisque intenderetur. 7<sup>o</sup>. morbi die interiit.

Sectio ostendit Jecur universum prope dissolutum. *Jordanus cap. 19. de Pestis phænomenis.*

#### SCHOLIA.

*Interdum loturæ carniū non absimilem, &c.*] Fluxus Hepaticus alius est exquisitus, in quo seroli & sanguinei humores, loturæ carniū similes excernuntur: Cujus causa est imbecillitas Hepatis & calidi innati in eo defectus, à causis dissipantibus vel suffocantibus: Alius spurius, à simplici intemperie ortum ducens, sine humidi primigenii vitio, à qua intemperie facultas non læditur, sed impeditur ab obiecto improporcionado, unde opus corrumpitur; ita ut loco puri sanguinis, impurus & corruptus gignatur, vel bonus in pravam degeneret: quod contingit vel ex permixtione bilis flavæ aut atræ, aut alterius materię impuræ; vel à longiori in hepate locitæ vicinis moris, ob quam crassior redditur, aut aduritur, aut interdum putrescit: potest & id vitio lienis, fæ-

culentum sanguinem ad se non trahentis. Et in hoc fluxu variegata exiunt, sanguis interdum crassus, interdum niger, alias variis coloribus infectus: Præsertim in calu fluxum ab utraque causa mansisse verisimile est, Exquisitum quidem adfuisse, quia *serolum* & *spurium* prodiit, Spurium, quia purus impermixtusque sanguis excretus est, ac Jecur universum prope dissolutum apparuit, colliquatum scilicet à viciis illis humoribus, corruptionem & acridinem à putredine, vel aliunde nactis.

*Jecur universum*] Quanquam sanguis loturæ carniū similis excretus sanguificatricis Jecoris lætæ argumentum videatur, *Th. Bartholinus* tamen in De febribus de lacteis cap. 5. ex fluxu simili negat Hepatis & sanguificationis munus adscribendum esse, sed Cordis



cujus fluxus causam esse ait, quod Hepate frigido, extinctoque ejus calore necessario (quo indiget non tam ad sanguinis generationem, quam temperationem) non possit aut privata nutritioni sufficere, aut publicæ sanguinis translocationi. Præterea, quum ex excretis maxime æstiment loci affecti certitudinem, nihil, meo judicio, pro Hepate efficient; In legitimo fluxu sanguis serosus, crudus & semicoctus excernitur, at ille ex corde per arterias huc expurgatur, non ex Hepate: Et quanquam ex Hepate venæ mesaraicæ ad mesenterium deferrent sanguinem, ut falso veteres opinati sunt, posset in hepate vitari sanguis ex obstructione valorum lymphaticorum, seu impedita feri à sanguine separatione: vel salvo Hepate, Mesaraicus sanguis nimia feri mora infici. In spurio fluxu Hepar inculat nemo, sed si causas exponamus, non excludendum: sanguis enim, si illis credimus, acrimoniam & mordacitatem acquirit ob bilem admixtam, vel moram in hepate: utrumque obstructioni hepatis imputandum, unde nulla bilis à sanguine separatio: Ex invento, ait, nostro commodissima affectus hujus petitur enodatio. Nec tamen immutanda methodus, calidum enim innatum reficiendum, cujus primaria in corde sedes: hepar conservandum, quod ad sanguinis puritatem seuque segregationem potest plurimum,

*Purum impermixtumque sanguinem*] Non quoties sanguis per inferiora educitur Dyenteriam adesse suspicandum, Nam & mutuis ob copiam sanguinis sit excretio per alvum, quæ dysenterica improprie vocatur. Vocant autem *diarrhæam*: item quibus sanguis habet admixtam bilem, aliquando aperit rotundique oscilla vasorum, unde fluxit sanguis. Hæc autem improprie quoque Dyenteria vocatur, nullumque nomē reperit, nisi sub *hæmorrhoidibus*: *diarrhæa* à nomine comprehendas. Quanquam hoc nomen ad eam evacuationem, quæ ob quantitatem contingit, accommodetur. *Galenus* autem indicare videtur & hunc & illam *diarrhæam* appellari posse, hoc discriminis itaru-

to, quod una dicatur *diarrhæa* ob sanguinis copiam, altera ob qualitatem. Quod autem ea quæ ob qualitatem sit *diarrhæa* quoque dici possit, colligi potest ex comment. in aph. 65. 5. Nam dum *Hippocrates* narrat ea symptomata quæ contingunt iis quibus circum ulcera tumores sunt, & de repente evanescunt, meminit dysentericæ non proprie dictæ, sed quæ *diarrhæa* vocatur. Nam ulcera aut partes anticæ corporis aut posticæ occupant, tumoresque iis assident aut evanescunt. Si in posticis, convulsionones sunt tumore disparente, aut tetani. Si in anticis, insania, dolor lateris acutus, suppuratum, difficultas intestinorum: Horum hæc demonstratio, quia posteriora nervosa, anteriora vero venosa ac arteriosa, ideoque alio loco dictum erat, *Mulieribus rigor ex lumbis magis & ad dorsum*, &c. aphor. 65. 5. Quod contingit & quia pars illa nervosa & frigida, & facile compassionis modo ad principium nervorum affectio fertur, & quia substantiæ mollioris est, facile alterationem suscipit. At partes interiores calidiores habent temperaturam, ait *Galenus*: Si itaque tumores, præsertim si *ætiopes* sint, evanescant in partibus anterioribus, dolores lateris & dysenteria sunt *diarrhæa*, id sit per *ulcerationem*, cujus maxime habenda ratio in morbis, an eam dysenteriam probabile est fieri à sanguinis tantum copia, an vero à sanguine multo, seu jam maiora qualitate prædito? Si enim nondum contraxisset maiorem qualitatem, non tristitia illa symptomata antecet: Ergo credibile est illam dysenteriam a qualitate & quantitate sanguinis contigisse. Sic ex eo loco patet, dysenteriam, a qualitate sanguinis factam, nullo in intestinis conceptu ulcere, *diarrhæam* dici posse, non eam quæ a sanguinis quantitate sit. Utitur enim *Galenus* voce *diarrhæa* *posterioris*: Præterea sæpe hepatici excernunt sanguinem nullo intestinorum ulcerato, tamen non dysenteria propria, sed hepatica dicitur dysenteria, & illa est de qua ante dictum, quam *Hippocr.* 1. Prohibet. vocat *diarrhæam* *posterioris*. *Ballonius* cons. 33. lib. 13.

## OBSERVATIO XXVI.

*Sanguinis dejectio ob curvam gibbâque Hepatis partes cum ventriculo juxta pylorum gladio transfixas.*

§. 1. **J**uvenis sub imam sterni sedem gladio perfoditur, hinc vomitus eorum quæ in ventriculo erant, cruenti vero nihil evomuit, licet diebus septem superviveret, sed per sedem ingentem concreti sanguinis copiam cum fecibus excrevit. Gibbum cavumque hepatis, & ventriculus juxta pylorum perforata erant. *Vide lib. 4. tit. de vulneribus.*

§. 2. Andreas N. in dextro hypochondrio punctim vulneratus est, hinc vomitus & Dejectiones cruentæ: Non tantum hepatis substantia sed & venæ cavæ truncus erat vulneratus. *Vide lib. 4. tit. de Vulneribus.*

## OBSERVATIO XXVIII.

*Hepaticus fluxus à vitio lecoris, Pancreatis, Cordis, &c.*

**H**omo tres septimanas afflictus complicatis morbis, Hepatici fluxus, lientericæ, diarrhææ. Pancreas summe durum erat, Splen admodum crassus, Hepar grande & alibi lividum, Cor quasi tostum. *Vide tit. de Diarrhæa.*

## OBSERVATIO XXIX.

*Tenesmus citra vitium recti intestini aut uteri, ortus à vitio tenuium intestinorum.*

**P**uellam (de qua tit. de Hystericiis aff.) Tenesmus ad frequentissimas sedes, cum summo dolore, & initas compellebat. Tenuia intestina rubicunda erant, velut erysipelate quodam affectu. Uterus, Intestinum rectum nihil vitii præ se ferebant.

## S C H O L I A.

**T**enesmus est cum assidua desidendi cupiditas sollicitat, citra alias, secus ac in dysenteria, torsiones sed nihil præter mucosum quiddam, & subcruentum aut purulentum egeritur. Provenit ab ulcere intestini recti, quod causas habet easdem quas dysenteria, & quæcunque rectum intestinum irritare & exulcerare possunt. Mucum autem illum vilcidam deducit Nobiliss. Dom. D. Peyer, tenacem, subcruentum, ac aliquando purulentum à *Glandulis Intestini recti lenticularibus*, quatenus illæ à sero acri (quale alias ulcera generare solet) in ipsas trans-

lato, aut ibidem producto, primo in tumorem adcolluntur, mox vero corruptæ in saniem abeunt, quæ denudatas intestini fibras assidue rodendo, atque spiritus è nervis ad anum copiose præstitudo, et brum pruriginosumque dejiciendi conatum elicit: Unde sanici istius momentum, sanguinis (è venulis arteriosisque artosis elapsi) stilis cruentatum, cum mucos intestinali, è reliquis glandulis integris suppeditato excernitur. Cui molestia optime anodynis atque traumaticis, alkali scamentibus succurritur.

## OBSERVATIO XXX.

*Perpetuus dejiciendi conatus, ab affectibus vicinarum intestino recto partium.*

§. 1. **I**lustri Casaubono pectinis dolor fuit, ac grave ano incumbens pondus, ac inter mendum exoneranda alvi cupiditas: Vesicæ corpus adjunctam habebat *ex quom*, illa majorem, urina plenam. *Vide tit. de mitione difficili.*

§. 2. M. H. diu minxit urinam aquæ fontis similem, cum continuo egerendi conatu: E vesicæ fundo extractus lapis unciarum quinque & dimidii ponderis. *Vide tit. de mitione difficili.*

## S C H O L I A.

**E**gerendi conatu] Inter signa latentis in vesica lapidis reponitur Tenesmus ac frequens desidendi cupiditas, ob consensum utriusque sphincteris,

Uno enim irritato alter in consensum trahitur, quandoquidem ramos ab uno eodemque recipiunt nervo.

§. 3. Nob. scemina gravitatem circa pubem habuit & desidendi desiderium: In vesicæ collo magnus & durus aderat lapis: Uterus solito grandior impletus erat alba, dura & compacta materia. *Vide tit. de Hypogastrii dolore.*

§. 4. Mercator (de quo tit. de Urina alieno loco excreta) affligebatur lumborum dolore, urinæ acrimonia, perpetuo Dejiciendi conatu: Sordidum carcinoma ambiebat meatum descendente à vesica in rectum intestinum, &c.

## S C H O L I A.

**R**ecensitis causis addit *Rondeletius* Pituitam saliam, vel lentam retentam circa sedem. Frigus externum partem illam constringens, Inflammationem adenarum, parastatatum: nam cum materia acris est & mordax, & rectum intestinum & penem simul afficit. Vermes intestini recti: Bilem acrem &

mordacem circa illam partem retentam. Fit & à tumore uteri, ut in gravidis, hæmorrhoidibus: consequitur etiam sæcum inviram & diuturnam retentionem, ab iis enim excretis, insignis superest sedis dolor, cum irritato desidendi desiderio, à diuturno, in cohibendis excrementis sphincteris conatu.



## ANATOMIÆ PRACTICÆ

## LIBRI TERTII

## SECTIO XII.

De Excrementis alvi præter naturam Eorum per aliena  
loca & Involuntario exitu.

## OBSERVATIO I.

*Variegatorum excrementorum dejectio ut plurimum visceris alicujus vitium sequitur.*

**I** VNT nonnunquam Fluxiones vitio alicujus Visceris, ut inflammatione Hepa-  
tis, tumore Lienis, &c. Memini me fluxum quendam diuturnum in multis ob-  
servasse, in quo varia, opima, nigra, cærulea; viridia, satis corpulenta excerne-  
bantur: Ex quo alios evasisse, ut *Advocatum de la Vergne* & alios vidimus; alios  
interisse ut *Malicornium*, Peditatus ducem, Fabrum argentarium & alios. Omnibus fere  
vitium in visceribus & ulcus in postremo intestino. *D. Daticy*, post sexrum annum quo eo  
morbo laboraverat, interiit, Obsesso hepate multis vomitis, syderata parte mesenterii.  
His qui convalescerunt, intervallis idem morbus rediit, vel dysenterica excrementa. *Holle-  
rius ad cap. 41. lib. 1. de morbis internis.*

## SCHOLIA.

**O**mnibus fere vitium in visceribus] *Hippocr.* lib.  
de Humoribus vent. 31. Signa tradit quibus ex-  
crementa ab interna alvo excreta, distinguantur ab  
iis quæ aliunde in ipsam confluunt, & primo tor-  
men adduxit, quod interiore alvo patiente tardum  
est & molle, superiore vero affecto acutum est & ve-  
hemens. Demum de iis quæ in alvum non confluunt  
verba faciens, inquit talia esse non spumosa, naturam  
cruda, frigida, fetida, sicca, humida. Dixit quæ non  
spumosa, quia spumosa dejectiones non ab alvi affe-  
ctione aliqua producuntur, sed a destillatione à ca-  
pite in ventrem, juxta aphor. 7. 3. Reliqua vero ex-  
crementorum genera in alvo generari posse ita no-  
tum est, ut in hoc confirmando tempus contere-  
ndum non sit: Hæc tamen ita alvi affectæ propria non  
sunt, quin aliunde etiam confluere possint. Hæc ve-  
ro protulit *Hippocr.* ut indicaret quotiescunque di-  
versa à prædictis dejiuntur, aliunde ad alvum con-  
fluxisse, v. g. biliola, hæc enim alvi male affectæ non  
sunt excretiones, sed ab hepate in alvum confluunt:  
Ut vero præfatorum excrementorum excretionem  
ex alvo male habente distingueret ab ea quæ fit à  
confluxu eorundem ad ventrem, usus est *Hippocr.*  
hoc verbo *πρω* satis proprie, quasi declino, quæ  
enim generantur in alvo, per modum inclinationis  
exiunt: quæ vero aliunde, non item, quando ad co-  
rum excretionem vis major concurrat. *Marianus  
comm. in loc.*

Ad illustrationem hujus historię adducendum est  
consilium Excell. *Ballonii* simili in casu datum, quod  
erat lib. 1. contil. 53. Quidam, ait, annos jam decem  
nunquam excernit quicquam ab alvo nisi cum dolo-  
re circum umbilicum, aut paulo supra infraque, &  
quæ secedunt corrupta sunt sanguinolentaque, diver-  
si coloris, nec morbus remediis cedit: Decem ante  
annis dysenteriam, ut tunc Medicis visum est, passus

est: ab eo tempore, nisi brevibus aliquot intervallis,  
dolores & excretiones, ut sic dicam *σπασμὸς & μίξις*  
non conquieverunt: Viso homine, nemo tam parum  
in arte versatus qui non colligat temperamento bi-  
lioso esse: emaciatus est, hepar illi ad calidiorem  
temperiem inclinans, totus venter ambitus (ut vo-  
cant) denique *σπασμὸς* est; Sed sit ita, & fatea-  
mur ejusmodi temperiem ad aliud morbum con-  
ferte, propterea tamen non constat de sede ac specie  
morbi, quis sit, unde, qui tandiu manente ægro per-  
severet: an vitium lienis, an hepatis, an cerebri, an  
mesenterii; & si mesenterii, an ulcus sit an intempe-  
ries. Si ulcus, aut quid simile, quomodo tandiu  
superfuit, Cur non illa pars syderata vitiatæque  
temporis progressu: Denique mirum est qui fiat illa  
liquida satis excretio, *αἷμα*, graveolens, tam mul-  
tiplex (nam simul & cruenta, & stercoracea, & viri-  
dia, & flava excernuntur, quæ nunquam in bene  
affectis excernuntur) tandiu possit perseverare. No-  
tum enim est illud *Galeni* ad aphor. 21. 4. *Cum excer-  
nuntur varia, si prava fuerint, deterius ægris esse  
quam si uniusmodi.* Et si varia sint ac prava, vel *αἷμα  
καὶ σπασμὸς* excernuntur, vel vi medica-  
menti purgantis. Cum *αἷμα* excernuntur, &  
excernendi finis non fit, sed lente ac pigro gressu, si-  
gnificatur varietas dispositionum malarum in va-  
riis partibus: Ac quo plures afficiuntur, eo res æ-  
grotum deteriores sunt: ut autem lentorem tardita-  
temque gressus explicet *Hippocr.* usus est participio  
*ῥαῖστα*, quod non semel tantam excretionem, &  
*αἷμα* declarat, sed sensim ac sensim fieri: Sed cum  
artificio Medici, ad imitationem naturæ comparato,  
excretio sit talis materię pravi ac multiplicis, ta-  
meti hoc per se malum, ex eventu tamen bonum est,  
nam non perennem generationem, sed congeriem  
tantam accumulationemque designat, quod in

DDdd omnibus



omnibus morbis diligenter notandum.

Ac cum tandiu prava ista materia excernatur, sive nova generetur, ut necesse est, sive e sedibus partium intimis illa, aut pars illius secedat, mirum quomodo id fiat, Hepaticum non est profluvium, sive rubrum intelligatur sive non, quod tanti momenti pars decem annos non possit ita laborare, non quod non alicui tandem hepar, Cephalicum esse aliquis suspiceretur, non ita tamen ut tota natura profluvii in descensu pituita à cerebro consistat, nec enim dolores illi ad umbilicum consisterent, nec propterea cruentum excerneretur, nec tam varia ac putria, Sed ea ratione cephalicum esse potest, quatenus cum jam partes inferiores affectae essent, ad diuturnitatem fovendam accessit capitis opera, mucosum humorem aut phlegma salsum excernentis in alvum, Huc facit quod de nocte potius ad excernendum aeger exciteretur, Ac veteres practici distinxerunt profluvium stomacicum ab hepatico & cerebrati, quod illud interdum fatigat, hoc, i.e. à cerebro hepaticumque, de nocte potius favere consuecat.

Id autem obiter annotare non est alienum, an necesse sit spumantes esse dejectiones si à capite occasio excretionis pendeat, juxta aphor. 3. lib. 7. qui falsus videtur in plerisque: nam in doloribus colicis excernuntur spumantia, & bubulo excremento similia, natantiaque præ contento spiritu in aqua, non propterea tamen colligere licet caput hanc suppetitae: Sic vitium est recentioribus recte quidem in dysentericis materia commota, calore æstuantem agitata, spumantia dejici: Sed aliis signis colligendum caput male habere, si grave, salivatio, ac praesertim mane & vespere, maxime si eam molestiam sentiant in ventriculo. Quanquam caput per se constituitur pituita sedes, quae in ventriculum illabens profluvia longiora reddit. In spumantibus itaque dejectionibus talli non oportet. Etsi autem caput magnum habet momentam ad producenda profluvia, non est tamen temere incutiendum nec medicamentis agendum. *Galenus* autem primus fluorum alvi causam unam agnovit, *aduanus* *de* *Sto.* int. *Sto.* (de qua vide scholia ad obs. 28. tit. de Diarrhaea) quod plurimum confert ad intelligendum id de quo laboramus, qui fiat ut tandiu profluvium perleveret; Non itaque dubitatio fuit de illo aegro, quatenam potissimum pars esset incusanda, Omnes ad Hepar recurrerant, At illud aut intemperie, aut solutione conditum, aut tota substantia est affectum, Non abs te autem τὸ ὅλον ὁρίζω, dico, non autem τὰ μέρη, quoniam pars illa, sicut & reliquae partes afficiuntur, nullo interim indicio manifestato affectionis, ut sit temperamenti quaedam alienatio: Sed sit ita, aliqua obstructione aut tumore laboret hepar, an propterea tactus fidem faciet? at affectus hepatis cognitionem alia arte venandam esse tradit *Galenus*: Aeger autem nec inflammationem hepatis passus erat, nec tumor ullus, tamen incumbentes musculi pene exangues essent, percipiebatur. Sed calor qui in eo magnus est & acer, plurimum illum fluorem juvit, dispositis male jam intestinis, humores corrumpendo, & iis saltem acrimoniam attribuendo: Probabilius vero est accusare intestina, in quibus inest *aduanus* *de* *Sto.* illa, juvante hepate, nimium serolos acresque humores generante: qui si intestinum integrum esset, non ita citarent alvum. Sed hepar generando mittendoque, intestinum & corrumpendo, ob malam dispositionem, mutuas tradunt operas ad

illum fluorem perpetuandum: Si vitium in illo absolute fuisset, vix tandiu homo superstitisset. Quanquam audivimus de Comule Parisiensi, qui hepatis profluvio bilioso sex annos vexatus est, & nullis remediis allevatus est. Quod autem huic nostro aegro intestinum male affectum sit, colligere possumus ex antecedentibus, nam aliquando dysenteria vera laboravit, & cum medicorum judicio ea male curata esset, ab eo tempore superstitit restititque illud quodammodo dysentericum profluvium. Quanquam ad Mesenterion potest saepe longi fluoris occasio referri. Nos enim sex mensium spatium fluorem patientes vidimus, qui non hepatica cephalicaque excernebant, sed mesenterica, ut sic loquebamur. *Ballonius lib. 1. conf. 53.* De fluore mesenterico vide plura ex eodem scholiis ad Observationem 5. section. x. de Diarrhaea.

*Opima*] Pinguia, viscida, lenta: *Hippocr. 4. Epidem.* à Famula dysenterica eliecto similia, subvilcosa excreta esse ait. Erat, *explicante Vallesio*, secessus, lentus, crassus, albus, pariceps cujusdam exigui palloris, tale enim est Electrum seu Succinum.

*Opima*] *Rolsinkius* consulu. lib. viij. pro hypochondriaco, & recte ab eo excerni pinguem materiam instat tervi, vel sebaceam. Unde illa, ait, distinguendum, Nonnulli alimentis pinguibus assumptis, & in intestinis, imprimis in colo conglobatis, & appulsi acris materiae absteris ea adteribunt. Verum nec frequens, nec copiosa, nec diuturna, nec cum molestia juncta est hæc excretio: Nonnulli ex glandulis mesenterii excerni putabant, quæ nonnunquam intumescunt in steatomata. Sed licet verum sit mesenterium esse sentinam totius corporis, variaque excrementa ibi coacervari queant, non liquet tamen quomodo in cavum intestinorum perveniant. Probabilis est ea sententia fuisse colliquatorum ichorum illic coacervatorum concretionem. *Flaccenus Rolsinkius*. Probabilius est, quandoquidem constat Lympham, quæ primo ortu tenuis est, limpida & fluida, postmodum crassescit extravasata, & in gelatinam concrevit, tandem dura steatomatica fit, quod *Paulus Barbesse* in practica animadvertit, lib. 2. cap. 4. materiam istam sebaceam a Lympha ortum duxisse. Ipsum etiam sanguinis serum, patinae impositum, supposito igne leni crassescit, quæ de causa *Barbatus* aliique alendi vim illi assignant. In coryza humor qui tenuissimus è naribus initio effluit, maturatione crassitiem adipiscitur, Quod è nato hyeme limpidum stillat, ætate in crustam abiit, interioribus naribus adhaerentem. Ac ulcera ichores tenues fundunt, crusta itidem ea velanti materiam suppeditantia.

*Varia*] Variis & monitosis per alvum excretis accedendi *Globuli membrana obducti*, de quibus *Oethans* apud *Schenckium*: Cum natus esset, inquit mihi Filius, itaque ultra tres menses non fuisset progressus, incidit hic in gravissimos, colique continuos dolores, quibus ira conficiebatur ut fere de salute esset desperatum. Huic cum tribus diebus continuis cassiam cum betonica syrupo mistam præbuissem, tandem excrevit globulos plurimos, intus putrida & saniosa materia refertos, exterius vero membrana quadam obductos, ac sic præter opinionem, Dei benignitate conatum nostrum juvante, sanitati restitutus est: *Hæc Oethans. Vesicæ* quoque & *cystides* invicem connexas, humorem, qualem

qualem atheromata continentēs, magnitudine varias, quasdam ovo columbino æquales, majores minores, tanto numero ut capacem patinam implere collectæ potuissent, excretas scio ab Aromatopola Geneventi *Domino Savonarini*, anno 1662. Non per alvum, sed per os simillimos globulos longo tempore exclusit Sartor Geneventis, natione Germanus, cui nomen *Hem* anno 1670. qui ab assumpto generoso emetico, ab Italo Medicaſtro exhibitō paucis post horis interiit, Horum globulorum & cystidum originem Excell. *Th. Baribolinus* Epistola 88. cent. 4. à mesenterio repetit, Quem autem locum *ais*, in mesenterio occuparint taceuli illi, vel quomodo abrumpi & excerni potuerint, Oedipo non Davo opus erit: Oedipus erit hoc in negotio Vir Nobiliss. & Eruditiss. Dom. *Ioh. Conradus Peyer* lib. de *Glandulis Intestinorum*, quarum historiam vide Sectione x. Observat. 4. hujus libri. Ad extremum *ais* coronidis loco, ut plenius quæ de Glandulis intestinorum toto hoc commentatio prodita sunt, illustrentur, illatque revera dari, & multis interdum variisque malis affici deinceps nemo sit qui ambigat, historiam unam aut alteram *Caruncularum* alvo excretarum subteximus: A viro Excell. D. D. *Ioh. Rudolpho Burkardo*, Medic. professore in Acad. Basileensi Clariss. accepi, Pueri cuidam se medicinam fecisse, qui prævis alvi torminibus carunculam subrubentem, & vas sanguiferis instructam, figura phaeoli, & magnitudine nucis moschatæ per anum excreverit, sicque integram sanitatem recuperaverit. Quid hoc *CARNUNCULA* erat quam ejusmodi Glandula, ob serum in ea coagulatum, atque temporis tractu in carneam aliquam massam compactum, præternaturali magnitudine affecta? Hæc enim mole sua in cavitatem

intestini protuberans, cum viæ remotam non parvam interponeret, factum ut ab excrementis vi pertranscuntibus sentim, velut ex arbore pomum, decuteretur, à qua vellicatione tormina imprimis nata videntur: Tandem vero Glandula ista Torminum procreatrice penitus avulsa ac excreta, puellus integre convaleuit: Huic genuinam habent observationem *Ephemerides Naturæ curiosorum in Germania* anno ij. p. 346. à Dn. *Ehrenfrid Hagedorn* profectam, de juvene, febre *Andromachæ* tunc grassante cum hæmorrhagia narium, dyspnœa, leipthymia &c. correpto, cui datum post bezoartica laxativum, ex alvo diu obstructa *Glandulas duodecim* instar nucis myristicæ, catenatim sibi connexas deturbavit, ægro valetudini post paulo integræ restituto: Hic quoque ratiocinium non est longius petendum: ut enim in puelli prioris intestinis, unica tantum glandula tumore fuit corrupta, atque tormina non prius cessatura quam Glandula excerneretur, peperit. Ita probabile est in isto juvene integrum plexum è duodecim Glandulis invicem coherentibus compositum, augmenta præter naturam sumisist: Quapropter caruncularum istarum, seu totidem obicem interpositione, alvus tandiu oclusa fuit, donec eadem repagulis istis, vi pharmacorum & contentorum impetu solutis ac amoris, cum ægri salute recluderetur: Utrum vero Glandulæ hæc tumefactæ febris priores fuerint, atque symptomatibus ex ea naris ansam dederint. An demum à feri portione, prævio incendio febrili corrupta, plexibusque intestinorum glandulosis impacta, ac in iis veluti coagulati, in id magnitudinis auctæ fuerint? id hoc loco determinare non est opus.

## OBSERVATIO II.

*Dejectio variegata à corruptione omnium viscerum.*

**C**UIdam utrumque hypochondrium contentum, plurima per alvum dejiciebat fortentia, porracea, nigra, &c. Omnia viscera marcere confecta & abscessu putrida inventa sunt. *Vide sit. de Febris lib. 4.*

## S C H O L I A.

**P**Lurima, porracea, nigra, &c.] Quæ Dejectiones deteriores sunt, varix an simplices? Videntur deteriores esse varix, quia multiplicium excrementorum redundantiam significant. Certe non potest hoc sine distinctione dici, Neutræ enim sunt simpliciter meliores. Sed dejectiones sinceræ sunt, quædam quia non habent manifestam alterius generis permissionem, aut tantum biliosæ: quædam, quia à suo etiam sero sunt depuratæ, ut quæ dicuntur biliosæ sinceræ, ut vitellinæ & æruginosæ: Varix sunt, aut ex tantum malis, ut ex simpliciter crudis & viliosis; aut ex pessimis, ut sunt opima, nigra, fetida & cruenta: Quæ varix & pessima sunt, omnium sane pessimæ, ut dicitur in Prognostico; & aphor. 21.4. Quæ varix ex tantum malis aut crudis, pejores sunt unica sincera non omnino pura, quia multitudinem excrementorum significant; sed minus malæ quæ in unica sincera secundo modo, quia talis admodum mala est, & vituperatur aphor. 7. 7. ubi dicitur *merasa alvi egestiones mala* *Vallesius 2. Epid. sect. 2. p. 114.*

*Plurima dejiciebat porracea, nigra, &c.] Hippoc.* citato loco excrementorum *mutationes prodesse ais, nisi in priora mutantur, velut accidit in vomitibus qui sumpto in febribus medicamenta sunt, & in meraciora desinunt, quia putrefactionem significant:* ut autem in aphor. 14.2. dicitur, In alvi fluxionibus mutationes dejectionum juvant, nisi ad prava mutatio fiat. Id cum in spontis fluxionibus verum sit, tum multo magis in iis quæ pharmaco accepto sunt. Nam si quam significationem malam præstare potest dejectionum varietas, multorum & diversorum excrementorum, hanc minuit pharmacum: Nam ne pravæ quidem & varix excretiones, quæ accepto pharmaco sunt, adeo malæ sunt ut aphor. 21.4. dicitur. Si ergo varietas in pessimis, quia sponte facta, mala est, facta. cū pharmaco est minus mala: varietas in minus malis, quæ ut causa prodest, & ut signum mala est, quam unica admodum sincera perseverans, cum pharmaco proderit multo magis quam sine illo, juxta aph. 7. 7. ubi dicitur *merasa alvi egestiones mala*, In quam etiam sententiam, causam simul reddens, supra dicit mutationes

DDdd x excre-



excrementorum finire in unam speciem metactionis excrementi, grave est, quia significat putrefactionem, id est, magnam excrementorum corruptionem & magnam viam & firmitudinem causæ corrumpentis: Nam in quacunque actione naturali, cum omnes materiæ partes in unam speciem trahuntur, magna effectricis causæ potentia significatur. Nam cum ea est minor, diversa gignuntur secundum conditionem materiæ. Igitur unicam talem dejectionem perseverare, deterius signum est quam mutationes fieri & non ita juvat, quia non tam fit natura corpus perpurgante quam ob putrefactionem, quod Dexippo (& huic) contigit, *Vallesius ibid.*

Notandum autem quod monet *Walavi* in sua med. meth. colores excrementorum non natura esse in humoribus, sed illos à medicamentis provenire; quemadmodum etiam ab assumpto sulphure magis & præter morem excrementa fiunt. Hinc explicatio aphor. 21. 4. peri potest, quia variegatorum spontanea dejectio plures partes in vicio esse significat, & plures affectiones contra naturam in corpore.

**Fœrentia** ] Excrementa alvi fœtida ob putredinem talia fieri notum est, idque duplici ratione, tum quia portio putridi humoris à venis ad alvum transmissi, ipsis excrementis admiscetur, indeque fœtorem contrahunt; Et propter hanc causam in malignis febribus, quæ ab humorum putredine vera ortum ducunt, alvi excretiones fiunt, tum quia ipsamet excrementa in alvo putrescunt: *Hippocr.* vero lib. 2. *Humoribus vers.* 33. signa tradit quibus fœtor excrementorum in alvo putrefactorum distinguatur ab eo qui aliunde provenit, hoc est, à putredine humorum in venis itabulantium, Ubi primo loco proponit Sitem quæ antea non adfuerit, sed in ipso eorum egressu compareat, nullaque præcellerit causa quæ Sitem excitare potuerit, sive æstus, sive alia: cujus quidem signi ratio à causa fœtoris dependet, quæ quoties à corruptione, seu putrefactione pender ingestorum in alvo, hanc à calore circa ventrem adaugeto oriri necesse, quo posito sitim subsequi necesse est quæ ante putrefactionem non aderat: Si vero fœtor à putredine maligna venosum genus occupante oriatur, aut nulla adest sitis, aut ratione febris aderat prius quam putredo induceretur: per putredinem enim humores majorem æstum non acquirunt, ut sitis superveniat quæ antea non adfuerit: quando oppositum observatur quotidie, videmus enim simplices febres, summum incendium præ se ferentes, putredine accedente,

propter quam malignæ evadunt, statim mitiores fieri, sitim sedari, ætumque & alia omnia accidentia remitti, quæ à calore dependent: unde *Galenus* 5°. *Simpl.* hujusmodi febres calore non admodum utentes esse adnotavit: Quoniam vero febres raro à principio putredinem hanc adjunctam habent, sed tantummodo morbi progressu, quando humores à febrili calore corrupti, propriis spiritibus privantur, naturæque imperio destituti putrescunt, eorum instar qui è proprio receptaculo exeunt, inde fit ut in febribus Sitis urgeat plerumque antequam fœtor excrementorum appareat, qui malignæ putredinis sit soboles. *Neque æstus*, subjungit *Hippocrates neque alia causa adsit quæ potuerit sitim inducere*: ita enim Sitis erit signum fœtorem excrementorum ad inferiorem ventrem referendum esse, non ad malignam putredinem aut aliam causam. Huic signo aliud addidit, quo dictorum excrementorum fœtoris causa distingui poterit, videlicet vrina, qualis secundum naturam esse solet: hæc quippe in excretionem fœtidam à maligna putredine immutatur: in alvi putredine nequaquam. *Prosper Martianus comm. in citatum locum.* Atque autem causis, quæ fœtorem excrementis conciliant, aliam efficacissimam adjuget, ipsorum scilicet viscerum putredinem, eorumque substantiæ corruptionem.

**Porracea, nigra** ] Dejectiones nigre, cujusmodi est sanguis niger, quæ ultro distillant, tum si cum febre, tum si sine febre calamitosa, ex quo plures dejectionum colores deteriores fuerint, eo calamitosius. *Hippocr.* aph. 21. 4. Nigra, hoc est, interprete *Heurnio*, dejectiones quibus humor melancholicus, niger & feculentus dejectitur. Qui quoniam propriæ substantiæ corruptione in vicio est, nunquam concretis extra propria conceptacula effusus, Calamitosa autem est dejectio, quod indomiti humoris speciem, & partium singulare vitium præ se ferant, & fractas naturæ vires arguant, ac retentricis facultatis ignaviam ostendant, visceris illius unde dimanant: ac pravam viscere qualitatem conceptam denuntiant: Adeo ut tollas licet humorem vitiosum, visceris tamen generantis illud malum elui nequit, unde perennis generatio illius humoris, unde toto fere morbi tempore prodeunt. Et quo plures dejectionum colores, virides, lividi, cinerei, & dejectiones rufæ, vitellinæ, eo res ægri pejore sunt loco, nam plures partes in vicio sunt, ac plurium affectionum, quæ contra naturam sunt in corpore, symptomata sunt, partium unde manant calamitatem arguunt, & partibus, per quas feruntur, calamitosæ sunt.

## OBSERVATIO III.

*Dejectiones biliosa, liquida ab inflammatione Iecoris in gangrenam desinente.*

**F** Amulus N. per annum dolore hypochondrii dextri conficiebatur cum febre, alvo modo adstricta modo admodum liquida, & plurima biliosa, liquationis instar egerens. Hepar erat durum, magnum, albicans circa ventriculum; gibba parte prope costas nothas nigrum, plumbeum, &c. *Vide sit. de Febribus.*

## S C H O L I A.

**Liquida plurima biliosa** ] Qui juxta Medosadæ vicum accumbens, tenuian, ulla bile tincta, aquosa, multa deiciebat, hypochondrium habebat tumidum cedens & gibbum: *Hippocr.* lib. 4. *Epid.* *Vallesius* in comment. hunc haud dubie laborasse morbo acuto ex pituitosis & aquosis, hisque satis siccis

ris: Omnia enim signa talium humorum semper fuisse, (ut hinc constet non omnes acutos morbos esse ex bile, sed frigidæ etiam subjecto materiæ posse etiam celerem alterationem accedere) nam habebat multam dejectionem per totum morbum (quod multitudinis est) tenuium: Quoniam vero duplicia excrementa



excrementa sunt in nobis, biliola & serosa addit *αχολα*, id est, minime biliola, sed *ισχυρα*, id est, aquosa: Hypochondrium autem quod illi erat tæcui cedens & gibbum, i. e. molle & distentum quod aquosæ (cum flatuosa forte) materie redundantiam significabat) huic durum fuit, ob Jecoris inflammationem, à quo multa genita bilis sero permixta. Quales dejectiones ab Hippocrate ibidem annotatæ, *Dejectiones*, ait, *aquosæ cum sub dio expositæ essent,*

*superne leves & tennes, valde similes bili isatodi, inferne vero subsidentiæ habuerunt*, Significabat ait *Vallesius in comm.* hoc tenue & leve, flatidi simile, bilem cum aqua descendere; nimirum ut in urinis repositis separatur inferne subsidentiæ, & superne quiddam tenuissimæ telæ arenearum simile, læve & tenue, ita in plerisque dejectionibus aquosis. Refert vero id quod separabatur id quod in iis latitabat.

## OBSERVATIO IV.

*Dejectiones cineritiæ, fætidæ, à mesenterio omnino scirrroso ortæ.*

**N**Ob. Vir pondus in stomachi sentiebat fundo, ructus habebat fætidus, flatus vagos murmurantes, Dejectiones cineritiæ, fætidæ, & sæpius diarrhœas æmulantes. Illius mesenterium totum scirrrosus & lapidosus quasi, In cuius venulis sanguis ater, serosus videbatur, &c. *Vide lib. 1. tit. de melancholia.*

## OBSERVATIO V.

*Chylosa dejectio à mesenterio scirrrosis tumoribus referto, &c.*

**P**Uella 14. ann. penitus extabefacta obiit, Excrementa quotidie bis terve liquida & chylo mista excernebat: Reperi mesenterium undique refertum tumoribus duris, atque steatomatibus, præcipue circa vasa & venas quæ ad portam protendunt: hinc chylus per mesenterium & portam ad Hepar pervenire & per reliquum corpus distribui non potuit. *Vide lib. 2. tit. de Phthisi.*

## OBSERVATIO VI.

*Fluxus varius Mesenterii abscessum sequutus.*

**A**Nno 1626. Julii 25. Franciscus Castellus, Patavinus Chirurgus dexterrimus, ad senium vergens, temperamenti biliosi, anno superiore menses decem Fluxu hepatico implicitus, continuo succi cichorii & absynthii usu, cum mastiche & rhabarbaro restitutus, nunc initio saniosa, deinde biliosa & pituitosa con dolore viriumque debilitate reddidit: Fæces, præter eas quæ clysteribus evocata, nihil puris habebant: urinæ constitutio naturalis: *Pompeius Caimus* putabat esse Jecoris *ατονίαν* sive infirmitatem, ex qua chylus ita crudus ad intestina remearet: *Ioannes Prevotius* credidit mesenterii abscessum esse: Nec absconum eo rupto, loco nempe interiore, nullam persensisse febrem, à qua, ut & à torminibus, plane immunis erat: Recte divinasse docuit eventus, quum paulo post is medio excessisset. *Ioh. Rhodius cent. 3. observat. 95.*

## SCHOLIA.

**M**enses decem fluxu Hepatico] *Benedicto Silvarico* oblata est mulier à decennio passa tumorem in dextro hypochondrio, progressu temporis suppuratum, cum excretionem materie saniosæ, fætidæ, copiosæ, fere semper per alvum, quandoque etiam vomitum Tumorem illum præteritum censuit non potuisse esse hepatis, quia viscus princeps, sanguificationi destinatum, tandiu tumorem illum absque insigni labefactione calidi junati tolerare non potuisset, Addit quod febrem habuisset comitem, cum macie totius & menstruorum sup-

pressionem: Ideoque censet tumorem illum in mesenterio genitum fuisse, quod sæpius sit sentina multorum excrementorum, atque obtusi sensus cum sit, diutinas tolerat affectiones, & in quo non raro suboriuntur apostemata suppurantia, qualia frequentissime ab eo fuerunt observata, quæ tandem sublidebant per dejectiones purulentas, iterumque statutis temporibus recurrerant, & oblitescerant denuo per similes dejectiones, non raro cruentas, ita ut imposuerint quibuldam, illas pro dysentericis habentibus: *Vide consulti. 87. cent. 2.*

## OBSERVATIO VII.

*Alvi profluvium albicans à vitio jecoris excitatum.*

§. 1. **P**uer Ictericus alvi profluvio albicante laboravit: vitiosum erat Hepar & velut *ισχυρα*. *Vide tit. de Ictero.*

§. 2. Fœmina si quando fæces deponeret, albidæ illæ erant: Hepar erat durum & folliculum fellis exhibebat in sese collapsum & fere totum consumptum. *Vide Tit. de alvo adstricta.*

## S C H O L I A.

**P**urri Mesarce] A prægressa vomica pus si erumpat in alvum, meliori loco sunt res ægri: Pus alio si eructetur, neque mearum aliquem excretioni idoneum reperiat, hypochondriacus, aut colicæ similis affectus non raro oboritur: Sin vero in abdominis capacitatem, seu intermedium membranarum Mesenterii spatium eruperit, tunc fomitem putredinis extemplo concipit, membra vicina virore inficit, vel acredine erodit, nihil non corruptela sua polluit, & malorum gravissimorum, cum primis vero iphaceli author est. *Iacolino comm. ad aph. 9. Hippocr. lib. 3. coacar.* Purulenta autem in prædicto Dom. quamquam viam per alvum nacta sint, putre tamen Mesaræum fidem facit partem purulentæ in cavitatem abdominis decubuisse: Sanies verò Mesenterii, juxta *Avicennam* lib. 3. fen. 14. tract. 3. cap. 11. discernitur ab illa quæ ab hepate defluit, eo quod hanc ad rubedinem vergere, sanguinemque corruptum indidem admixtum habere constat: Illam autem ad albedinem, vel citrinum inclinare colorem sensus arguat.

*A Mesarce manans*] Pus per alvum interdum dejicitur, idque ex partibus vicinis, ut cavo hepatis, vel abscessu aliquo in mesenterio latente facile fieri potest: Hoc vero admiratione dignum est quod etiam à partibus remotis, ut artubus, materia per alvum evacuetur, id quod Comiti *Mansfeldiano*, tormento manuali ad sinistri cubiti articulum vulnerato accidisse refert *Paréus* lib. 10. cap. 12. Egro enim diarrhœa supervenit, qua purulentam & foetidam saniem, à brachio & vulnere manantem redde-

bat; Idem etiam aliis duobus accidisse testatur lib. 16. cap. 49. Neque hoc impossibile est: Si enim in febribus natura sponte sæpe, tum etiam medicamentis irritata, in aliis membris vitiosos humores, in vena cava passim latitantes, à bonis humoribus separare, eoque per ventrem evacuare potest, cur non etiam saniem à magnis vulneribus in proximas venas se infinuantem per alvum expellere possit? *Sennerius pract. lib. 3. part. 2. sect. 2. cap. 7.* Humorum autem transfusio, seu *ulazinnas* Galeno ignota non est, quam lib. de *Plenitudine* cap. 11. crassis & glutinosis humoribus intra venas collectis non facilem esse ait: Puri autem, tenuitatis & mobilitatis ratione liber est excursus in partes etiam difficilissimas: Eam autem transfusionem non à venis solum in arterias & vicissim fieri statuit sed ab iis in nervos, ut ab his in illas, 6. enim aphor. 26. *Sicuti (ait) in febre ardente translatio, sic in omni alia febre potest fieri, & omnino ex arteriis & venis ad nervos transfluxum humorum, sicut rursus ex nervis ad has.* Quod si ex nervis, etiam ab artubus, in loco remoto, mediante sanguinis circulatione, quæ ad habitum usque corporis pertingit, cui sunt arteriæ & venæ, harum autem (*venarum*) munus est alimentum cutis & subjacentium partium, superfluum à nutritione, ad cavæ ramos majores, truncumque ipsum revehere; ac simul pus obvium, quod à natura secretum ad excretionum loca amandatur. *De puris excretionem per alvum ex ulcere brachii vide Silvaticum cent. 2. consul. 89.* De purulentis per alvum dejectionibus consule *Sennerium* lib. 3. p. 2. sect. 2. c. 7.

## OBSERVATIO XII.

*Purulenta Dejectio ab abscessu Pleuræ.*

**E**mpyematicus lateris apertionem recusavit: Pus ab apostemate in pleura & musculis intercostalibus, diaphragma corrosit, hinc intestinum rectum perforans, ventriculi & intestinorum tunicarum exteriorum ductum sequutum, una cum excrementis foras prodibat. *Vide lib. 2. tit. de Dyspnœa.*

## OBSERVATIO XIII.

*Puris dejectio à vomica in Hepate.*

**C**uidam febris, dolor supra regionem hepatis, diarrhœa, dysenteria, tandem Puris graveolentis copiosa per alvum dejectio. Vomica in hepate, cum maxima puris coactione reperta est. *Vide lib. 2. tit. de Laterum dolore.*

## OBSERVATIO XIV.

*Puris per anum & vulvam excretio, ob fistulam in collo uteri ad anum pervenientem.*

**V**xor N. pus per anum & collum matricis quandoque excrevit. Aperto collo matricis, comperi fistulas duas ad anum vergentes, ita ut excrementa tenuiora possent ad collum uteri pervenire. *Vide tit. de ventris tumore.*

## OBSERVATIO XV.

*Nigrorum dejectio à quodam facta cui Pancreas scirrhusum repertum est.*

**P**ancreas aliquando in scirrhum abit: ab eo si comprimitur vas breve, humor melancholicus in ventriculum & intestina remeat: hinc Dejectio nigra, quod vidi ex filio N. *Vide tit. de Vomitu.*

## S C H O L I A.

**O**mnem atram & atuginosam bilem à succo Pancreatico acidiorē deducit *Reyn. de Graaf* Tractatu de eo succo, cap. 8. Quia nonnunquam *ait*, vel acidum spirant, vel pelvi atrox, aut matula stannæ infusa ipsam corroduunt atque manifestam effervescentiam excitant, quam nonnisi ab acidis contingere posse nemo non novit, qui Chymiam tantummodo à limine salutavit: Unde siuum cogentur fateri errorem qui omnem billem atram vomitu, aut alvi dejectione prodeuntem è fellis folliculo vel Liene produsse affirmarunt: Hæc omnia non parum confirmantur sequenti experimento aliquando à nobis in cane instituto, In cujus vivi sectione, aperto intestino duodeno, reperimus ex atro viscentem liquorem, qualem nobis veteres atram bilem descriperunt, cujus intimam cognitionem ut assequeremur, omnes vias per quas aliquid ad intestinum illud transferri posset sedulo examinavimus, Et cum præter Ductum biliarium, Pancreaticum & Ventriculum, nulla unquam viâ perceptibilis via assignata sit, per quam notabilis huiusmodi quantitas intestinis suppeditatur, iudicavimus in una ex illis ejus mineram delitescere, quapropter singulas illas vias examinavimus, Et in prima inveni Bilem naturaliter constitutam, hoc est ex viridi flavescentem: In secunda observavimus succum Pancreaticum instar aquæ stillatitiæ limpidissimum: In tertia alimenta semicruda, & colorem ex albo cineritium habentia notavimus: Cum itaque nec Hepar, nec Pancreas neque etiam Ventriculus Atram

illam Bilem ad intestinum hoc demandasset, suspicari cœpimus annon ex duorum vel trium illorum humorum sibi invicem promixtorum unione Atrabilis illa emergeret: De qua re ut certiores evaderemus, Bili è vesicula sua educta spiritum vitrioli affudimus, atque simul juncta in Solis æstu collocavimus, unde talis fere ex atro viscens liquor excitatus est, qualem primo in tenui intestino invenimus: Hinc conclusimus prædictum humorem, Atram bilem appellatum, non ex hac aut illa parte promanasse, sed in duodeno intestino genitum fuisse: quatenus scilicet bilis color naturalis ab acidioris succi Pancreatici concursu in atrum ad viridem flectentem immutatus fuit.

*Pancreas aliquando in scirrhum abit, ab eo si comprimitur*) Scirrham substantiam, lapidibus repletam, & ingentem molem si acquiriverit Pancreas, loco quo vasa sanguinea, ut quidam volunt, ne à vertebis vel aliis partibus lædantur, defendet, ipsa graviter comprimendo afficiet, & impediet sanguinis motum circularem, unde varix oriantur inflammationes, distensiones, obstructions, & alia quæ communem viscerum vitam impedire apta nata sunt: Præterea mole sua etiam ventriculum comprimendo, ab officio suo non parum impediret; Quando vero inflammatum aut apostematum est, eadem fere causabit incommoda ac reliqua viscera eodem modo infecta. *Idem de Graaf de Succo Pancreatico cap. 8.*

## OBSERVATIO XVI.

*Nigrorum, vel sanguinis dejectio, ab Hepate vel Liene transmissorum etc.*

§. 1. **H**ermannus N. sensit circa Hepar vehementes dolores, perpetuo Nigra deiecit. Hepar circa lobos extremos valde nigricans videbatur, Itidem & Ren dexter, Splen quodque vehementer ea parte qua alligatur, nigricabat, Intestina prorsus livida, propter contenta similia excretis. *Vide tit. de Singultu.*

§. 2. Quidam conquestus de doloribus sinistri hypochondrii, post excrevit cum alvi fecibus, & sine iis, sanguinis atræ copiam & frusta carniformia: Repertus est Lien extus integer, intus instar amureæ. *Vide tit. de Hypochond. dolore.*

§. 3. In quodam qui rejectione sanguinis per superiora & inferiora, à Liene prodeuntis interiit, deprehendi vas Breve minimi digiti magnitudine latum & in ventriculum adapertum. *Vide tit. de Vomitu.*

§. 4. Vir melancholicus, Scorbuticus, subito sanguinem vomuit, cum dejectionibus nigris, picis instar: Ventriculus & intestina atramento quasi sutorio oblinita, Jecur scirrhosum per totum tuberosum. *Vide tit. de Scorbuto.*

## S C H O L I A.

**A**ccidit ut plane nigra per alvum deiciantur: *Peirus Salins Diversim* tamen Monet Medicos ne semper ejusmodi dejectiones timeant, quod quædam ablique periculo fiant: Quibus vero notis distinguantur, has tradit, Si istæ excretiones contingant in morbis acutis, & materia educta non sit atrabilis, sed vere melancholicus humor, qui est fæx sanguinis, quandocunque eveniunt, omni carent discrimine, & ad bonum terminantur exonerata per has à gravi materia natura ipsa. Si enim splen præter naturam sese habeat, limosa hæc materia plurima accumulatur circa viscera, in venisque

illis communibus: & si abundantior colligitur, etiam in mesenterio & circa pancreas, quæ totius corporis veluti altera sentina est, aggregatur: quæ tandem cum gravis admodum fuerit, insurgente vi expultrice, natura ejus expulsionem tentat, hincque dejectiones fiunt nigerrimæ, quibus aliquando & simul connectitur ejusdem superfluitatis vomitus, ita ut species cholæræ videatur: Sin vitium accedat viscerum, ipsaque eorum substantia labefactata sit, nec solum *anaberruæ* humorum, perniciosæ sunt ejusmodi dejectiones.

OBSERV.



## OBSERVATIO XVII.

*Nigrorum dejectio à Venæ Portæ disruptione in cavo Jecoris.*

**P**rinceps post ventriculi dolores nigra deiecit : Ventriculus sanguine concreto erat semiplenus, Et in cavo Jecoris venæ Portæ disruptio reperta. *Vide tit. de Ventriculi dolore.*

## S C H O L I A.

**N***igra dejectis* ] Sanguinis scil. concreti partem qui in ventriculo repertus est : Nec enim à Jecore deducendus, si ex Harvéana circulatione Venæ Portæ & arteriæ ad hepar sanguinem perducunt : Ex hepate enim ad mesenterium pervenit nihil, nisi per novos ductus lymphaticos, vel per porum choledochum : Quicquid igitur excrementis alvi miscetur, nisi vel bilis sit vel aqua, ex arteriis mesentericis expurgatur, quæ à corde dependent ; Effusio sanguinis è Portæ disruptione, alibi quam in cavum abdominis fieri non potuit.

*Nigra* ] Nigræ dejectiones ( *juxta Sennertium Pract. lib. 3. pars. 2. sect. 2. cap. 7.* ) Sunt triplices, prima est ex sanguine, qui è venis excidens in grumos concrevit atque fit, quem *Hippocr. μέλας*

*αἷμα* vocat : 1°. est ex humore melancholico naturali, seu fæce illa sanguinis quæ circa lienem colligitur, & fusa liquaræque manat, nec in grumos concrevit : 2°. est ex bile atra, quæ colore nigra est, splendens atque acris : Primi generis dejectio non ita periculosa est, nisi fortan sanguis putrescat, atque veneni naturam induat, causa sit magna, unde illa sanguinis collectio provenit, ( qualis in Principe cui venæ Portæ disruptio facta est ) 2°. equidem sæpe fit cum ægri commodo, lienis tamen & vasorum splenicorum debilitatem arguit : Ideoque videndum an talis evacuatio fiat per crisin & à naturæ robore, an vero symptomatice : 3°. pessima est, utpote quæ acidit ab humore pessimo.

## OBSERVATIO XVIII.

*Sanguinis dejectio à corde & supernis partibus ad intestina transfusi.*

**P**uella colico dolore atroci afflicta, per biduum ante mortem copiam sanguinis nigerimi deiecit : In venis & cordis ventriculis nullus sanguis inventus est, quia natura extremo conatu totum ad intestina detruferat. *Vide tit. de ventris dolore.*

## OBSERVATIO XIX.

*Excretio stercoris ex abdomine per fistulam, vulnus sequutam.*

**C**apitaneus quidam in ventre vulneratus, stercus per fistulam, quæ sanato vulnere illic remanserat, multos annos incolumis alioquin & superstes excrevit : cujus causam investigans ex anatomicis observationibus, certis argumentis collegi intestinorum vulnera, si illis in locis ubi carnez musculorum abdominis portiones existunt, ventrem penetrent, agglutinati tunc mutuo utrinque & intestinorum & musculosæ carnis vulnerum in ambitu labiis, viam fieri posse per quam stercus extra corpus educatur, & in abdominis cavum excidere prohibeatur ; eaque vulnera licet consolidari nequeant, minime tamen esse lethalia : quod etsi rarum sit, tamen & in aliis partibus, ut vesica, accidere notum est. *Platerus observationum p. m. 880.*

## OBSERVATIO XX.

*Fæcum involuntarius excitus & ani prolapsus, à nimio cerebri & spinæ dorsalis madore.*

**J**ohannes N. (*Vide tit. de Phthisi lib. 2.*) incontinentia fæcum laboravit, cum intestini recti prolapsu : Caput erat illi naturali maius, adeo ut cranium p. n. extensum esset : Spinam dorsu, & nervos inde prodeuntes madidos adeo, ut & ipsa ossa flexilia essent &c.

## OBSERVATIO XXI.

*Fæces per vulvam excreta.*

**I**nterdum intestinum rectum p. n. clauso ano in vesicam terminatur, & simul cum urina fæces alvi per penem ( quod semel in puerulo recens nato vidimus ) vel per vulvam, ( quod itidem in puellula semestri conspeximus ) excernuntur. *Geshofredus Moebius Fundam. Medic. Physiolog. cap. xix.*

OBSERV.

## OBSERVATIO XXII.

*Tumor circa umbilicum disraptus, è quo stercora purulenta exierunt, ob vitium intestinalium tenuium corrosorum.*

**V**XOR N. dolebat circa umbilicum, ubi excitatus Tumor, è quo rupto egressum est pus cum stercoribus: Tenuia intestina inventa sunt à putredine corrosa. *Vide sit. de ventris dolore.*

## OBSERVATIO XXIII.

*Alvi excrementa cum urina reddita, ob laceratam vesicam à carnositate putri in recto intestino, è regione vesicæ.*

**S**ECTO cadavere Petri de Schardes, re Medica illustris, præter lapides renum prodigiosos repertos, etiam in recto intestino, è regione colli vesicæ, inventa est carnositas putris, quæ sua putrilagine vesicam ita laceraverat, ut intestinalium excrementa ante obitum una cum urina redderet ad miraculum usque. *Ferrandus Senior libello de Nephritide.*

## OBSERVATIO XXIV.

*Alvi faeces cum urina emissæ ob rectum intestinum vesicæ implantatum.*

§. 1. **L**APICIDÆ cujusdam Schaphusiani filius clauso ano natus est, qui diebus aliquot paucis, quibus supervixit, una cum urina stercus per penem excernebat.

Puelli cadavere dissecto, deprehensum fuit rectum intestinum, non ad nates ferri, sed vesicæ implantatum; quæ causa fuit cur cum urina alvi faeces excerneret. *Ex observatione Cosmæ Holstæchii Poliatræ Schaphusiani.*

§. 2. Matrona Geneuensis filium peperit qui clauso ano excrementa per ductum urinarium simul & urinam excernebat: Accersito itaque Medicorum & Chirurgorum Collegio, nullus in ea fuit opinione ut de ani incisione quicquam tentaretur: Tandem quum excrementa indurescerent, nec per ductum illum angustum amplius permeare possent, inflatus est venter, exorta est febris aliaque symptomata, ita ut xvij. ætatis die è vita discesserit.

Aperto cadavere inventum est intestinum rectum adnatum fundo vesicæ. *Fabritius Hild. centur. 1. observat. lxxv.*

## SCHOLIA.

**D**E ani incisione &c.) Quæ plane inutilis fuisset, & noxia, quandoquidem via insolita & alieno canali faeces expellebat natura. De ani non perforati apertione consulantur inter recentiores: *Sculietus Tabul. 14. figuris 20. & 21. I. Van Horns Michotechn. §. 15. & 31.*

§. 3. Puellus alvi excrementa per lotium transmisit: Extremitas recti intestini corpori vesicæ instar Vreterum inserta erat. *Vide sit. de Alvo suppressa.*

## OBSERVATIO XXV.

*Faecum per umbilicum exitus post ruptum Tumorem musculorum abdominis, ab ulcere Coli intestini.*

**A**DOLESCENS 12. annos natus, cacochymicus, tumore insigni duro & dolorifico musculorum rectorum abdominis ab umbilicum laborabat: Rupto tumore, excrementa hanc viam inire, ut per hebdomadas quatuor aut quinque, nihil per alvum egestum sit.

Ego ventrem dissecai, & 1. Inventa sunt excrementa in vacuo ventris sanguine suffusa, 2. In colo versus hypochondria sinistra ulcus oblongum & callosum &c. *Vide historiam integram cap. De Tumoribus ventris ex Fabritio Hild. centur. 1. Observ. §1.*

## OBSERVATIO III.

*Faeces per umbilicum excreta ab intestinis diversis locis perforatis.*

**V**IT quidam per umbilicum faeces reddebat, partem tamen etiam per alvum excernens: post alterum circiter mensem obiit: Chirurgus pulverem adstringentem inspererat foramini, ratus hoc pacto intestinum perforatum contractum iri.


Sed aperto cadavere tota ventris capacitas stercoribus repleta visa est: & intestina diversis locis perforata, apparuerunt, unde excrementa prodibant: Peritonæum quoque intestinis arctè alligatum, seu potius adnatum conspiciebatur. *G. H. Velschius observ. xlv.*

SCHOLIA

## SCHOLIA.

**I**n *Intestina diversis locis perforata*] Meliore eventu cuidam intestina erola, ita ut per foramina stercora exirent: jam prope desperato coaluerunt decocto eupatorii cannabini cum vino parato, & po. o & ulceribus insperso: *Idem ibidem*, Et nos anno 1658. coaluisse scirpus usu decocti traumatici mulieri pagi, Travers dicti, in ditione Neocomensi, cui lumbrici aliquot per inguen dextrum exierant: Quomodo autem faeces alvi per fistulam, à vulnere abdominis relictam, abique valetudinis dispendio expellantur, docet *Platerus* in Observationibus, Capitaneus, *inquit*, quidam in ventre vulneratus stercus per fistulam, quæ sanato

vulnere illic remanserat, multis annis incolumis alioquin & superstes exerevit: Cujus causam investigando, ex anatomicis observationibus certis argumentis colligo intestinorum vulnera, si illis in locis ubi carneæ musculorum abdominis portiones existunt ventrem penetrent, agglutinati tunc mutuo utrinque & intestinorum & musculosæ carnis vulnere in ambitum labiis, viam fieri posse per quam stercus extra corpus educatur, & in abdominis cavum excidere prohibeatur: eaque vulnera, licet consolidari nequeant, minimè tamen esse lethalia; quod licet rarum sit, tamen & in aliis partibus, ut velica, accidere suo loco dictum est.



## ANATOMIÆ PRÆCTICÆ

## LIBRI TERTII.

## SECTIO XIII.

## DE ADSTRICTIONE ALVI.

## OBSERVATIO I.

*Alvus adstricta ob multiplex intestinorum vitium 1. Eorum ariditatem & concidentiam. 2. Calculos in iis inclusos. 3. Carneæ excrescentias in crassis. 4. Sphacelum cum inflatione. 5. Excretricem eorum ablatam. 6. & 7. Constrictionem à callo. 8. Spasmodicum eorum affectum. 9.*

§. 1. **A**DOLESCENS per hebdomadas 4. aut 5. nihil per alvum egressit, ventre dissecto inventa excrementa in vacuo ventris intestinis suffusa; Intestina præter naturam sita, mire intertexta, In colo versus hypochondrium sinistrum, ulcus oblongum & callosum: Colon etiam mire distentum &c.

*Vide tit. de ventris tumore.*

§. 2. Cuidam intestina ab usu decocti columbini cum sassafras concidere. 1. *Rhodius cent. 2. Observ. 83.*

## SCHOLIA.

**A** Simili casua obstinatam alvum deprehendisse se Excell. *Bartholinus cent. 4. hist. 40. Monachum, ait*, novi, quotiens alvum exonerat adeo delassari ut cibo restaurant indigeat statim, nam extrema omnia imit morientis frigent, & artus va-

cillant: Olim hypochondriacus fuerat, & frequenti calidarum sulphurearumque aquarum usu vitium illud contraxerat, ut exsiccatas fibras corrugate credam intestina, & motum peristalticum impeditum, & angustiam meatus inductam.

§. 3. Crassior pituita in Cæci aut Coli intestini cellulis diutius coercita, nonnunquam concrevit in calculos & alvum cohibet: Quales sæpe vidimus instar nucis juglandis. *Fernelius Pathol. lib. 6. cap. 9.*

§. 4. Vir Illustris variis spasmi tentatus phthisicus obiit, Alvum continuo adstrictam habuit, Intestinis majoribus excrescentiæ quædam carneæ, instar auricularum muris adnascuntur: plurimæ ex utroque intestinorum, Coli & Recti latere &c. *Videlib. 1. sect. 13. observ. 1.*

§. 5. In hypochondriaco adfuerunt obstructions alvi: Intestina illi in latere dextro livida, nigricantia, sphacelata; Coli pars superior inflata, inferior sanguine concreto feculento plena. *Vide tit. de Inappetentia.*

§. 6. Quidam sutor per mensem aut ultra faeces alvi non excreverat, & multis clysteribus ac purgantibus frustra usurpatis tandem interiit.

Aperto cadavere, omnia intestina inventa sunt fecibus, aut alimentis, vel potulentis omnino repleta, instar sanguiculorum, vulgo *Bondins*, quod judicatum fuit à facultate intestino-



intestinatorum expultrice abolita provenisse. *Riverius ex communis. Sam. Formis. Obs. 18.*  
 §. 7. P. Blanc tensione dolorifica ventris cum febre afflictus, nihil per secessum rejiciens &c. Inventa sunt intestina crassa livida & semicorrupta, unumque ex iis perforatum, in abdomine vero multi humores foetidissimi &c. *Vide tit. de ventris doloribus.*

§. 8. Religiosa mulier intestinatorum doloribus multis jam mensibus urgebatur, & Alvus nil nisi ægre & durum, idque decimo tantum quoque die reddebat.

Mortuæ corpore inciso, inventa sunt intestina altiori callo constricta, adeoque iter angustum relinquebatur ut dejectiones ægre transmitti possent. *Beniv. de Abditis. c. 30.*

§. 9. *Inveneris* fractus acerbitate partim dolorum abdominis, partim vehementia convulsionum, tandem paralyticus obiit; Intestina, quanquam cruciatu per plures dies afflicta, atque immedicabili fere segnitie laborassent, tamen integra & inculpata fuerunt, Sed ubi ad caput ventum, serum multum inter cranium & meninges diffusum repertum, circa principium spinalis medullæ &c. *Vide tit. de Convulsione lib. 1.*

## OBSERVATIO II.

*Alvus cohibita obsecitatem viscerum & intestinorum, è quibus Duodenum stercore infarctum erat.*

**J**O. Pressius, Medicus Romanus, se in cadavere Capucini vidisse asserit Duodenum intestinum undique repletum stercore, coloris atrii, levi & durissimo; quod in plures partes divisum tubera ad unguem æmulabatur, sine tamen magno foetore; quod à caliditate maxima ortum habuisse credibile est: Pater ille cum prius juris, alteriusque rei cochlear fumeret, statim vomebat, & cum vomitu magnam pituitæ vitreæ quantitatem excernebat, absque eo quod ullus tumor, ullusve stomachi vicinarumque partium dolor adesset.

## SCHOLIA.

**I**D à quod eveniat conjectura assequi possumus: Inam cum Pater prius fere quotidie quintam torismarini essentiam fumeret, si quis diceret ex hoc ortum sumpsisse; forte veram morbi causam indicaret: medicamenta enim Chymica sicut aliquando mirabiles producant effectus, ita sæpe abique modo & mensura adhibita sunt tanquam gladius in manu pueri: Facile illa quinta essentia sicut hepar excalfacere, ita qualitate ignea humidum ventriculi abluere potuit. *Dom. Panarolus Penec. 1. obs. 29.*

*Quod à caliditate maxima*] Quæ diaphoresin nimiam inducit: Ab hac autem alvum adstringi ob-

servat *Willis*, adeo ut multis quibus vix officio fungebatur ea de causa, id consilii dederit ut mature de lecto surgerent, quod tepore diaphoresin liberiores procurat: In memetipso id expetiri haurit, cui sponte alvus horis matutinis commoveatur, at si forte ob negotiorum urgentiam naturæ debitum non exsolvam, atque vel ad horulam cohibeatur, vix deinceps tota die stimulum persentio, scybala & induratas feces ægre deiciens, quæ matutinis horis, & solitis, debita consistentia sunt: Ab exercitio scilicet liquidior excrementorum pars absorbetur, restibili crassiori & terrestri.

## OBSERVATIO III.

*Alvus immorigera ob vitium ventriculi & intestinorum inflatorum, nigricantium. 1. Ob Steatoma in fundo ventriculi. 2. Abscessum circa hujus fundum. 3. Situm ejus & colip. nat. 4.*

§. 1. **V**ir melancholicus alvum habebat adstrictiorem: Ventriculus illi & intestina inflata nec non nigricantia, interius atramento quasi sutorio oblinita. *Vide tit. de Scorbuto.*

§. 2. Quidam xl. annorum obstructione alvi sæpe laboravit, post mortem repertus ingens abscessus circa fundum ventriculi, ex eo genere qui Steatomatici dicuntur, ad magnitudinem anserini ovi, qui satis durus fuit redditus. *Ex Ioach. Camerarii. Observ.*

§. 3. Quidam obstructione alvi sæpe laboravit: Post mortem repertus ingens abscessus steatomicus circa fundum ventriculi. *Vide tit. de vomitu.*

§. 4. Studiosus ventriculi debilitatem passus est ob denegatam excrementorum ejectionem: Ventriculus in sinistro thoracis latere latitabat, cum parte coli &c. *Vide tit. de vomitu.*

## OBSERVATIO IV.

*Alvi adstrictio ob Pylorum cartilagineum redditum.*

**M**ulier (de qua tit. de vomitu.) per semannum alimenta assumpta evomebat, atque alvi dejectiones paulatim magis magisque imminuebantur, itaut tandem vix quatuor septimanarum spatio semel alvum dejiceret, In illa Pylorus cartilagineus inventus est, adeoque angustus ut majorem aciculam duntaxat transmitteret.

## SCHOLIA.

## S C H O L I A.

**Pylorus cartilagineus** ] *Bened. Sylvaticus* proposuit fuit casus virginis vestalis, cui alvi adstrictio adeo gravis, ut biennium cum diutius nihil alvus dejecerit, cum vomitu chyli ruditer confecti: Cuius affectus causam censet Pylori angustiam, sicque ratiocinatur consuk. 98. cent. 2. Supponam (*inquit*) tanquam certissimum, faeces non excerni per alvum quia non generantur; Non generari vero, quia chylus non recipitur in intestinis tenuibus, ubi tacta putrioris ejus partis suctione per venas melaraicas, quod superest excrementum crassum & terreste statutis temporibus per alvum excernitur: ac proinde quotiescunque chylus descendere non potest, nec fecum generationi suppetit materia: Hujus quoque rei causa, me iudice, est angustia Pylori, natura sua valde angusta, nunc vero potissimum ob decubitus humoris melancholici, crisi ritu in declinatione febris ad illam partem à natura transmissi, forte quia putredo obsidebat primas vias, prout fere semper in intermittentibus accidit: Ideoque dictum fuit ab *Hippocr.* quod à ventre superiore rigor, & ab inferiore febris: Quod autem illuc confluxerit, conpertum esse potest ex dolore pungitivo persistente, inflatione circa illam partem, & ex doloris intensione ad manu factam compressionem, & ex fissuris oblongis in superficie nigricantibus, in intima parte rubicandis, ex quibus sanguis niger emanare videtur, quæ aliquando sanantur, aliquando recurrunt: Hæc enim omnia in regione orificii interni apparen-

tia, luce clarius produnt humorem melancholicum crassum ad illud confluisse, ibique tumorem scirrhusum, vel saltem perfectam obstructionem produxisse, ac proinde ita coarctasse meatum illum, ut chylum transmittere non possit, qui propterea ventriculum gravans, irritata expultrice, per vomitum statutis temporibus egeratur: Quod si quaerat quispiam, quomodo nutrirî possit parens, impedita sanguificatione ob penuriam chyli per melaraicas ad jecur non permeantis? Dicendum quod portio aliqua tenuioris & magis halituosi chyli transmittatur per vias angustiores: Verum, qui halituosa illa materia tam diu nutrire possit, ac tantam sanguinis copiam subministrare, quæ mensium profluvio annum cum dimidio sufficiat? Equidem crediderim per venam gastricam majorem, & coronalem ejus ramum, cui cum pylorica consensus est, allici tantum posse chyli laudabilioris, quod per melaraicas jecori subministratum, sufficiat cum nutritioni tum periodico mensium fluxui: *Hactenus Sylvaticus*, At vero cum ex Anatome constet vasa sanguifera quam plurima ad ventriculum perungere, partim ventriculi summitati, partim fundo ejus inserta: Porro constet à comestis refectionem citissimam consequi, quæ per longas intestinorum, & variorum chyliferorum ambages fieri nequit, Quid verisimilius est quam venas intra ventriculi cavitatem confusissime dehiscen-tes, subtiliorem quandam chyli portionem excipere, & protinus cruori infundere? *Willis.*

## OBSERVATIO V.

*Alvus adstricta ab angustia Ilei intestini cartilaginei.*

**C**uidam ante annos 30. aut 60. ita alvus pigra erat, ut non solveretur nisi clysmate aut alia arte: Hujus rei causas varias machinabantur, sed cadaveris apertio rem aliter habere demonstravit, Nam intestinum jejunum ita angustum & cartilagineum est deprehensum, ut vix per illud chylus deflueret, itaque diu morabatur in eo, tum propter angustiam, tum propter impeditum motum peristalticum. *Ballonius Epid. lib. 1. pag. 58.*

## S C H O L I A.

**Impeditum motum peristalticum** ] Silentio prætereundum non est quod de motu intestinorum Peristaltico concepit Eruditissimus *Joh. Conradus Peyer* libello de *Glandulis intestinum* cap. 4. nempe Ipsi videntur contractiones fibrarum peristalticæ, non tantum à parte superiore versus interiorem constanti serie progredi, sed in statu quoque naturali (quoad intestina saltem tertia) motu reciproco nunc sursum nunc deorsum blande ferri, idque cum in finem, ut tum liquores fermentativi, agitatione hæc ciborum colliquamento penitus immiscantur, tum ut chyli in vasa lactea ~~expeditior~~ expediri succedat: Huncque de motu intestinum conceptum Ipsi probabilis ratio, ac deinceps ocularis suggestit inspectio, Etenim ut ciborum liquamen è ventriculo tenuibus intestinis infusum chyli naturam induat, mora aliqua sive mansione unius alteriusque horz opus est; Perinde ac Chimicorum Filii rem quampiam digestionis expositam aliquandiu relinquunt oportet: Moram vero hanc plane quietam esse, neque chyli genius, qui torpendo mox vitium contrahit, neque intestinum fert patientia: Proinde necesse est fibrarum carnearum corrugationes plectro citroque fieri, ut una eademque pars massa

modo sursum modo deorsum conjiciatur: Continuato enim impetu à summo ad imum si vergeret intestinum contractio, quam quæso proclivis esset nectaris chylosi cum stercoreibus continua excretio? Aut quomodoque immunitatem sibi ab afflictione cæliaca, vel ad unicam horam polliceri posset? Quibus facie conspectiore illustrandis, confert exemplum mulieris ab Excell. D. D. *Wepfero* Ipsi exhibitum: Illa miella, quam & præfens vidit, ex abdominis latere sinistro, paulo supra inguinis regionem, propendentem gestat magnam intestini portionem, duas, & quod excurrit, spithamas longam, quæ denudata tempore concoctionis, ope fibrarum circularium, modo superius, modo inferius sese constringere, atque materiam intus fluctuantem deorsum sursumque conjicere, manu admota, absque ægrotantis dolore vel torminibus explorabatur, Sed & in diversis generis brutorum vivi sectionibus, à Clariss. Viro variorum experimentorum gratia crebro administratis, notavit intestina abdomine dissecto in apicum exposita, corrugationes suas vermiculares, loco modo inferiore, modo superiore inchoatas, variis moribus reciprocare.

## OBSERVATIO VI.

*Alvus difficilis ob nodos in intestino Ileo. 1. Ejus prolapsus. 2. Partem eius gangrena affectam. 3. Ejus distensionem à stercore. 4. Apostema tenuium intestinorum. 5.*

§. 1. **N**uper ex dentitione difficili convulsa fatis cessit N. filiola, alias ab ortus sui vestibulo sana, præterquam quod in excernendis fecibus, etsi liquidis, summam pateteretur difficultatem, & talem quidem ut ex conatu nimio & respiratione retenta tota facies nigresceret.

Exenterationi traditum corpusculum, Inventa viscera omnia sana, præter Intestinum Ileum, in quo tres nodi una ferè spithama inter se distincti visendi erant; in horum quolibet magna portio hujus intestini, ipsi mesenterio non adhærens, abscondita latitabat: *Ex observation. D. Matth. Franc. Hertodi Medici Moravi in miscell. curios. anni 1670.*

## S C H O L I A.

**D**ifficilis hujus excretionis dubio procul unica causa, ob motum nimirum peristalticum intestinorum, ex varia eorundem fibrarum flexione quodammodo impeditum, qui alias ad excretionem necessario requiritur: Nec enim credibile hanc intestinorum actionem laesam à convulsione ortam esse, cum à mesenterio rupta intestina, & à mesaraicis

vasis extravasatus sanguis nullatenus appareret; neque ipsa intestina una cum mesenterio in nodis illis visis sese abscondiderint: Statuendum ergo potius ab ipsa statim conformatione hoc malum evenisse; & forte idipsum in alvo difficili frequentius cernere contingeret si in cadavera humana debacchari liceret.

§. 2. Jacobus Berthier in colicum dolorem incidit, Suppressa omnino alvus; Imus venter quasi syderatus apparuit, Prolapsus Ileum. *Tit. de ventris dolore.*

§. 3. Mulier nihil excrevit per alvum spatio novem dierum: Illi pars Ilei inferior tota coaluit, ut nihil pertransire potuerit, gangrænosa enim erat & putrida. *Vide lib. 4. tit. de Febribus.*

§. 4. Cuidam tumor inerat durus sub liene: aperto cadavere tumor visus est procedere usque ad fundum intestini Ilei; quo aperto faeces induratae exiere. *Vide lib. 4. tit. de Tumoribus.*

§. 5. Uxor Dom. N. conquerebatur de dolore in umbilico cum alvi adstrictione, &c. Tenuia intestina inventa putredine corrosa. *Vide tit. de ventris dolore.*

## OBSERVATIO VII.

*Alvus adstricta ob Cæcum intestinum cydoniato obturatum 1. Colon fecibus obstructum. 2.*

§. 1. **S**eptennis puella diarrhœa corripitur: à mulierculis large cydoniatum illi exhibetur: alvus inde omnino restitit: hinc tormina, dolor ventris, mors:

Aperto cadavere, cæcum intestinum adeo cydoniato obturatum deprehenditur, ut illac nihil pertransire posset. *Fernelius Patholog. lib. 6. cap. 9. Justus Laigneau lib. de sanguinis missione pag. 255. Vbi historia fusius describitur.*

## S C H O L I A.

**S**æpe in intestino Cæco tanta excrementorum sarcina excipitur, quæ cum concoqui nequeat, multum immoratur, & tumorem magnum infra umbilicum cum sensu molesto efficit, in abscessus sumi-

litudinem, qui aliquando peritos medicos fecellit, cum existimarent ipsum esse frigidum apostema, vel in mulieribus molam: *Sebastianus Nasius meth. med. parte 2. pag. 299.*

§. 2. Mulier in Colicam incidit, cum alvi difficultate, dolore illi sinistri gravi, quasi in-esset plumbi massa: Colon juxta ventriculum flatibus expansum erat; reliquis in locis ad crassum usque intestinum angustum, fecibus duris & crassis infarctum. *Vide lib. 1. tit. de Paralyfi.*

## OBSERVATIO VIII.

*Alvus obstructa ob colon pituita infarctum.*

**C**uidam gravis affectus Alvum prorsus cohibuit, qui tandem ventre supra modum intumescente decessit è vivis, Inventumque est colon usque adeo pituita infarctum ut solidum prorsus censeretur, nihilque omnino fecis in alvum delabi sineret. *Fernelius Pathol. lib. 6. cap. 9.*

S C H O L I A.



## S C H O L I A.

**I**nterdum crassa, lenta vereque gypsea pituita, quæ sensum copiosior collecta, firmitusque intestinis adhærescens, omnem eorum capacitatem replet: Supervacanea quidem pituita in cerebro, in ventriculo & in intestinis gigni consuevit, sed in cerebro tenuis & aquosa, in his vero crassa atque lenta: hæc enim peculiare est ventriculi & intestinorum excrementum, non fæx alvi, quippe quæ cibi excrementum est commune: Etenim quum illorum substantia frigida sit atque membranosa, crassum certe ac viscosum de se excrementum proferet, quale est pituita lenta: Hæc igitur secundum naturam gignitur concrevitque in intestinis: è quibus cernitur alias sponte facibus circumjecta descendere, alias clystere manifeste deduci, alias dyenteria vi corradi: Quum autem parcius ea vacuatur, sensim aucta caloris vi sic tandem crassescit, ut prorsus intestina obstruens quasi infarciat, fiatque latentium difficiliumque morborum causa: Caroli Quinti Imperatoris Legarus quidam dolore torquebatur, necnon tumore à dextro hypochondrio per ima ventriculi in sinistrum exprorecto: Huic quum sexennio toto remedii genus omne tanquam emolliendo scirrho adhiberetur fuisse, injecto tandem acriori clystere, durum ac firmum quippiam, medio ductu pertusum, pedis longitudine detractum est, quod ille intestini portionem esse metuebat, Sed quum repente levatus esse videretur, adhibito consilio, iterum ac tertio clystere prolatus est, rursusque simili evulsa materia, continuo pristinae valetudini est restitutus. *Idem ibidem.*

*Colon pituita infarctum*] Ob contentorum vitium quomodo alvus adstringatur, ostendit *Franc. Sylvius* Prax. lib. 1. cap. 2. Ad Alvum, *ait*, adstrictiorem revocamus, tam *segniorem contentorum propulsionem*, quam *variorem & parciorem ipsorum per anum expulsionem*: Segnius procedit contentorum propulsio, hinc & rarius eorundem expulsio per intestina, quando 2°. 3°. 4°. demum die tardiusve adhuc deponuntur alvi excrementa, quæ quotide semel saltem excerni oporteret: Evenit autem id, quoniam sunt *Contenta* & propulsa viscidiora, vel magis indurata exsecatave: Visciditatem suam debent contenta rebus non naturalibus (Alimentis similibus, piscibus, marinis præsertim, Aëri humido nebuloso & uliginoso; Vitæ desidii ac sine curis, accedente somno multo; Corporis quieti ac segnitiei; Animo meticuloso & ignavo, Tardæ plerorumque excrementorum excretioni:) Duritiam autem, tum alimentis similibus, ossibus & cartilagineis, tum Flatibus austeris, consistentiam contentis firmiorem conciliantibus: *Siccitatem* habent contenta, propter chylum copiosius elicatum, & quandoque propter potum pauciores, cum pane multo usurpatum: Parcius prodeunt Alvi excrementa, quia eorum pars aliqua secreta est, ac in lacteas venas propulsa, una cum chylo, vel alia & indecenti via excluduntur, tam in vomitu præternaturali ab intestinis ortum habente, quam in vulnere aut ulcere intestinorum notabili: Huic ultimæ causarum seriei à *Sylvio* *allata* accensenda est *ciborum parcitas*, aut pastuum intercapedo, de qua *Rallonius* Epidem. & Ephem. lib. 2. pag. 228. Ita meminisse Vitum Illustrem, Dom. *Jacobum Anjerranum*, *Genovæ* Præmum Consulem, *Henrico IV.* Galliarum Regi acceptissimum, Medicos aliquando convocasse ob adstrictiorem alvum, quæ exacto triduo aut quadriduo demum solveretur: Ex iis

unum ab Amanuensi clam accepisse Dominum suum paucissimo cibo contentum esse, vixque frugaliorem tota vita notum fuisse: Quamobrem ab ulteriori disquisitione destitum, cum ea causa satis efficax esset; à paucis scilicet cibo pauca superest *fæx*, Ex *Galen*i autem sententia expultricem hæc tria sollicitant, *Βερε, Σίτη, Ξυλον*:

A Continentium scilicet Intestinorum, seu fibrarum eorundem, tam rectarum quam circularium vitio quomodo alvus inobediens fiat, ostendit *Willis* Pharmacop. ration. lect. 1. c. 2. Quoad usum, *inquit*, (tum interioris nervosæ tunicæ, tum secundæ, si-ve mediæ, penitus carnosæ) earum spectat, cum intestinorum munus sit chylum & fæces à parte in partem promovere, adeoque prorsum urgendo, demum per totos ipsorum ductus trajicere: intus dum ipsa contracta & abbreviata, quoad cavitates coarctantur, subtiliorem chyli partem in vasa lactea & venas melaraicas exprimere, obvium est concipere quomodo prædictæ fibræ utrumque hoc penitus exequantur: quippe dum fibræ circulares luccessive live seriatim contractæ, intestini profunditatem coarctant, eodemque tempore longitudines inflatæ & intumescatæ ipsum amplius angustant, simulque decurtant, necesse erit vitcerum horum contenta pone compressa usque prorsum urgeri: Intestina autem crassa tunicas easdem ac gracilia obtinent, cumque in colo fæces recta accendant, fibris carnis robustioribus, quæ contractionis motum fortiores emittant, opus est: Hinc si inflammatio aut sphacellus circa coli initium contigerit, adeo ut fibræ carnosæ lætæ, contractiones pro facibus sursum elevandis obire nequeant, illæ verius ileon restagnantes Passionem iliacam incurabilem afficiunt, Porro in hoc intestino involucri ista concamerata, si-ve cavernæ adduntur, ut facibus alvi diutius detentis crebrius desidendi molesti tollatur:

In quibusdam vero coli tunica interior adeo valde tenera & sensibilis est, ut ab enemate, licet anodyno, injecto, spiritus statim excandescunt, ac intra fibras nerveas explosi, membranas summe inflent ac distendant, adeoque in toto abdomine maximas molestias excitent. Hactenus *Willis*: Unde collige, quæcunque causa fibrarum illarum tonum vitare potest; aut si eadem natura minus sensiles sint, hinc alvi dejectionem aboleri aut tardiores esse posse.

*Benedictus Silvaticus* consil. 97. cent. 2. pro Juvene cui alvus erat adstricta, causas sic rimatur, Affectus, *ait*, hic est symptoma in excretis p. n. retentis, dependens quidem *immediate* ab alio symptomate, actione scilicet læta, & intestinorum expultrice labefactata, cum fæcum excretio sit expultricis intestinorum, crassorum potissimum, munus: *mediate* tamen à morbosa corporis dispositione dependet, omnia enim symptomata sequuntur morbos, ut umbra corpus: Pollet quidem provenire ab externis erroribus, cibis scilicet copia vel qualitate, vel ordine assumendorum peccantibus, verum cum morbus octo annorum non fiat ab externis erroribus, ideo videndum est quales sint morboz corporis dispositiones: Quæ cum possint esse in mala compositione, vel intemperie: in mala quidem compositione, qualis est obstructio ipsorum intestinorum, vel poritellæ, per quem bilis ad intestina permeat ad irritandam expultricem, Vel compressio & angustia à tumoribus, aut scirrhosis, aut alterius generis partium

tium intestinis incumbendum, Nullius istorum indicium se prodit: Si enim esset obstructio in intestinis, non adeo levi negotio subducerentur faeces: Si vero in poro selleo, ictericus fieret patiens, faeces essent albicantes, quæ tamen quando egeruntur tenues sunt & flavi coloris, licet non semper: quando enim duræ sunt, nigricant: Alii vero tumores, vel cum materia, vel flatulenti, tensionem inducerent, duriciem & renixum, cum aliquo pondere in partibus inferioris ventris, quæ non observantur: Ut propterea omne vitium sit ad intemperiem referendum, quæ tamen vel est ventriculi, vel jecoris, vel intestinorum: In ventriculo quidem calida erit, cujus ratione pauca alimenta assumuntur, & assumpta assantur, & sunt causa adstrictionis: Verum crediderim quod patiens labores potius intemperie frigidior: appetit enim, non sinit, manifesto frigiditatis indicio, cum pituitæ proventu, quod ex tæcibus patet, quæ sunt viscida pituita veluti viscata: Igitur vel Jecoris vel Intestinorum fuerit: Qualis autem sit Jecoris intemperies, siccitatis alvi causa, exitimo esse utcumque frigidam cum siccitate, quatenus scilicet hujus ratione non generatur ea bilis copia, quæ ad intestina transmissa per porum selleum expultricem irritare possit, atque adeo facultatis intestinorum vitium proveniet ab errore externo, defectu nempe stimuli expultricem irritantis: Quod autem Jecur hujus ægri vergat potius ad frigidum, patet ex frigiditate totius corporis & siccitate, frigiditate extremorum, sitis defectu, nulla oris amaritudine, venaarum angustia & glabritie inferioris ventris: Non tamen adeo insignis est obstructio illa, quæ omnem intercipiat bilis in intestina transmissionem, ut propterea faeces sint flavi coloris, quando sunt humidae, cum vero sunt siccae, nigricantis: Non ergo hæc fuerit sola causa hujus adstrictionis alvi, quam censuerim potius esse intestinorum intemperiem; ita ut afficiatur facultas, non per errorem externum solum, sed per morbosam partis, cui inhaeret, affectionem, cum imprimis sint affectus diuturni, qui licet in principio possint esse per contentum, progressu tamen temporis fiunt essentialiter, Cujus autem generis sit hæc intemperies si queratur, non aliam dixerim quam illi contrariam quæ juvat expultricem, quod sit ab humida intemperie, cum caliditate præsertim: Ergo lædetur ab intemperie sicca intestinorum, cum frigiditate, præpollente tamen siccitate, & remissa frigiditate: Quod autem siccitas obtundat vim expultricis, palam est: quæcunque enim retentricis vim intendunt, expultricis remittunt, unius enim robur quod alterius est infringit: ut hoc nomine imbecillitas retentricis oris superni ventriculi sit causa vomitus, quia scilicet tunc validius agit expultrix, licet non valde irritata, quia non obnitiatur facultas retentrix: quare cum intendatur vis retentricis à siccitate, noxam ab ipsa ca-

piet expultrix, hinc fit quod styptica, frigida & sicca, sunt adstringentia, quia augent vim retentricis: Quod si siccitati jungatur frigiditas, augetur etiam magis vitium expultricis, quia tunc quoque hebetatur sensus tactus intestinorum, ratione potissimum frigiditatis, quæ torporem quandam inducit in sensum, quem & tollit omnino si valde excedat: Idcirco cum intestina patientis nostri sint frigida & sicca, nil mirum si alvum etiam habeat adstrictam, cum ob imbecillitatem expultricis, tum ob imminutum sensum irritamenti à facibus, quod sit ab intemperie frigida intestinorum, ob paucam bilem, & pituitam obtundentem sensum partis & acrimoniam bilis: Intemperies itaque ista, bilis defectus, & pituitæ præsentia, erunt causa siccitatis alvi in patiente nostro: Quod autem possint intestina hac intemperie laborare, patet ex præteritis erroribus, atque à juvantibus & lædentibus, refert enim se in hunc affectum incidisse post sudorem superfluum in balneo: hic enim exsiccavit magis intestina quam alias partes, quia cum sint membranosa, sunt etiam ex se sicca: Addit se juvari ab humectantibus, non autem ab aromatibus, quæ cum alias conferre deberent irritando, lædunt tamen dum augent siccitatem, quinimo juvantem præsens suscepit ab injectis clysteribus ex oleis calidis, adeo ut ab ipsorum usu alvus lubrica ipsi fuerit octo & pluribus diebus, absque aliis præiudiis, non aliam sane ob causam, quam quia ab ipsis corrigitur intemperies excedens intestinorum, cum frigida tum sicca: Quæri tamen potest, quæ ratione cum siccitate acelle possit pituitæ copia? nec ad rem est quod hujus non sit tanta copia quæ humectet omnia intestina, Non enim est tenuis & fluida, sed viscida & crassa, quæ propterea non sufficit iis humectandis: Si potro objicias, quod à frigiditate durentur faeces, Respondit in promptu est, id fieri ob longiorem in his moram, cujus ratione utcumque partes sint frigidae, ob viciniam tamen partium calidiorum absumuntur partes magis liquidæ, atque ita exsiccantur faeces: Facessit postremo negotium, cum usu leviorum humectantium, cum alvus facile subducatur, & sine molestia, à cassia tamen id succedat cum torminibus, cum syrupus rotat. solut. tam vel nihil vel leviter cieat? Hoc enim quia cassia est flatulenta, neque humiditate actuali pollet, nec ita facile dissolvit duriciem fecum, ut ipsas sine molestia & dolore educat, cum syrupus rotat sol. non hæreat in intestinis; ac proinde licet actualis sit ipsi humiditas, non agat tamen in faeces duratas, sed statim à natura deturbetur, antequam subducantur faeces, ut sit ab alimentis humidis, quia hæc permitta cum cibis ad intestina decumbunt, quæ propterea dum diutius ibi hærent, magis etiam humectant, atque alvum lubricam efficiunt.

## OBSERVATIO IX.

*Alvus adstricta ob crassi intestini partem annulo constrictam. 1. Coli putredinem. 2. Gangrænam. 3. Calculum adhaerentem. 4. Sphacelatum & Disruptum. 5. Scirrhum, Dilatationem. 6. & 7. Malam conformationem. 8. Putrefactionem. 9. & 10. Contorsionem & Dilatationem. 11. Scirrhum. 12.*

§. 1. **M**irum quod euidam per totam pene vitam contingit, Alvus nil pene reddebat nisi liquidum aut sollicitata pharmacis: nesciebatur quo id esset referendum.

Aperto



Aperto cadavere, repertum est in medio unius crassi intestini annulus crassus & durus, qui mediam pene intestini partem occupabat : Sic crassiora excrementa non poterant transmitti : *Ballonius Paradigm. 30.*

§. 2. Uxor N. incidit in dolorem in latere dextro, sub regione Hepatis, cum alvi adstrictione &c. Inventa in eo loco pars intestini Coli putrida & denigrata. *Vide tit. de ventris dolore.*

§. 3. Cuidam dolor ad imum ventrem implacabilis, venter perpetuo siccus : Colon repertum velut nigrefactum. *Vide tit. de ventris dolore.*

§. 4. Juvenis ex intervallis solum fæcalia excrementa deponebat, sicca, exusta, citra noxam ullam : Accessere ventris tormina cum stercoris suppressione. Inventus est calculus castaneæ magnitudine & forma, Colo intestino tenaciter adhærens. *Vide tit. de ventris dolore.*

§. 5. Matrona septem diebus nihil dejecerat ; Intestinum colon, non procul à recto, Sphacelatum, tunicasque disruptas vidi : *Vide tit. de ventris dolore.*

§. 6. Observatum in Dom. Zolin Medico & Advocato Gillot, cui Colon, qua parte vicinum est reni sinistro, collecta veluti cartilagine dura in scirrhum induruerat, interiore cavitate eo tumore intercepta ut nihil transcurreret : Parte dextra colon ad instar vesicæ dilatatum & extensum. *Vide tit. de ventris dolore.*

§. 7. Mulier 1<sup>o</sup>. tertiana notha, deinde colica, post paralyti fuit afflicta, cum alvi siccitate & dolore ilii sinistri tensivo &c. Inventum colon p. n. conformatum, nam ubi monocolus situs est, & ubi colon ventriculo annexum, colon fuit valde laxum flatibus expansum ; reliquis in locis ad crassum intestinum usque, angustum, fæcibus duris infarctum. *Vide lib. 1. tit. de Paralyti.*

§. 8. Uxor N. partui vicina, post comestionem fructuum horariorum & lactis, superhausto magno haustu cerevisiæ frigida, statim incidit in dolorem in latere sinistro sub regione Hepatis cum alvi adstrictione :

Secundo corpore 5<sup>o</sup>. post die mortuæ, inventa est in eo loco pars intestini coli putrida & denigrata. *Observatio D. D. I. Hesi.*

§. 9. Alius cum intemperantius cœnasset, incidit in dolorem ventris circa pubem acerrimum, cum sensu caloris & adstrictione alvi.

Secundo mortui corpore, invenimus colon circa illum locum plane putrefactum, ita ut etiam ad levem contactum plane rumpetur. *Idem ibidem.*

§. 10. Fœmina quædam uterum gerens, per omne tempus gestationis, neque minus ultimo mense, totas dies indefinenter à summo mane in multam noctem acu nebar, perpetuo sedens, in sese quasi contracta & incurvata, prono capite, ut solent acti intentæ : hinc in ventris tantam constipationem incidit, ut totis 10, 15, 20 etiam diebus, ne semel quidem alvum deiceret, Id quod illa parvi faciens neglexit, pergens quousque poterat tum sedendo tum nendo ; donec præ incredibili ventris tumore & dolore (quorum utrumque ex alvi fæcibus retentis contractum erat) sedere ulterius ac nere non posset : Decumbit tandem misera, tormina ventris ejusdemque tumor, indeque orta anxietas, crescunt in dies, ac in tantum augentur, ut res in extremo periculo videretur esse omnibus quotquot illam adibant : Suppositoriis & clysteribus ad alvum ciendam vel dolorem leniendum ne proficiebatur quidem tantillum : Clyster enim qualiscunque, vel quantuscunque injiceretur, in recto nonnihil tantum inhærebat, (ut res tandem patuit) intestino, paulo post regressus, nihil prorsus secum educebat ; Partus insuper labor, durantibus his ventris torminibus, illam occupat ; accersitaque obstetrice fœtus, etsi immaturior, vivus tamen editur sic rectè : At etiamsi fœtus egressus esset, ne tantillum quidem detumuit venter, sed idem, ne dieam major, & tumor atque rententia & dolor permanebant, ut res aspectu etiam terribilis esset adstantibus, existimantibus fore ut jam præ nimia tensione rumpetur venter : Quid multa ? diem suum ægra obit, ipsamet rogans ut sibi mortuæ aperiretur & inspiceretur venter, factum.

Ibi vero colon inventum (secto peritonæo & sublato omento) primum omnium è sede suo emotum sese oculis offerebat, totum gangranosum ; color ex cœruleo rugicans, qui color etiam per abdominis musculos, & cutim, nimia extensione extenuatam quidem illam, transparebat : Ea vero intestinum illud apparebat magnitudine, distentum scil. mero stercore, ut amplioris canthari, cui pueri etiam caput inferi posset, capacitatem referret : Reliqua verò intestina superiora omnia flutibus maxime turgabant, supra modum : hinc colon, ea parte qua in sinistro latere a rene descendit (urgentibus inde flatibus intestina elevantibus, hinc vero stercoris copia, extensione intestini secundum crassitiem seu



profunditatem, illud brevius reddente, quasque contrahente illud secundum longitudinem) è loco suo discesserat usque ad umbilici regionem; sub eo namque intra ductum rectorum muscutorum abdominis situm conspiciebatur, à ventriculo recta in medio descendens: Hinc absque dubio ipsius coli inferius, qua parte recto intestino continuatur, contorsione facta, tota via fœcibus & flatibus exituris, clysteribus vero intraturis in universum præclusa est: Tanta vero ex perforato colo fœtidissimarum fœcum illuvies effluebat, ac si jumentum aliquod mactasses. Atque hinc manifestum est quid gravidis conferat multa vira sedentaria neglectaque alvi dejectio, maxime vero ad ultimum usque gestationis mensem producta. *Ex observationibus Franc. Tidiceï Medic. Thoruniensis Borussii.*

## S C H O L I A.

**I**Ndeque orta anxietas] Fœces prope jecur & ventriculum in clariore & ampliore coli parte coæcervantur, cumque corpus sit perspirabile, si quando pigra fuerit alvus, stercoris tetra odore & opaca

mephiti languet ventriculus, appetitus prostermitur, cor ipsum effluminat & cerebrum oppletur & opprimitur. *Riolanus.*

§. 12. Vetula extenuata obiit: Scirrhus intestino colo & fundo ventriculi tenacissime adhærebat, hinc Egerendi difficultas. *Tit. de Hypochondriorum dolore.*

## O B S E R V A T I O X.

*Alvus adstricta ob Omenti eximiam crassitiem, intestina conglutinantis.*

**V**irgini cachecticæ per tres dies ante mortem alvus adstricta fuit &c. Omentum erat incrassatum & fere coriaceum cernebatur, quod omnia prope viscera sua latitudine adeo arcte complectebatur, ut intestina quasi conglutinata à se invicem ægre separari possent. *Vide Tit. de Cachexia.*

## S C H O L I A.

**O**mentum sua latitudine &c.] Quousque se demittat omentum in vivo corpore diiceptatur: *Blasius* cap. 3. in *Anat. Vestingii*, ait in omni subiecto cujus dissectioni interfuit, deprehendisse se omentum tantæ longitudinis ut manibus facile extendi deorsum usque ad ossa pubis possit. 2. In pluribus per se, sua natura, sponte fuisse extensum ad fundum usque uni ventris: Sua natura dicit, quod situs talis omnino naturalis ipsi sit, cum omnia intestina, tum inferiora tum superiora tegere debeat: *J.*

*van Horne* in anatome anno 1656. facta, omentum ad pubem arcte alligatum peritonæo ostendit, adeo ut cultro separate cogeretur, Aliquando utero arcto nexu unitur, quod vidit *Severinus*, ut & fundo uteri *Bartholinus*: Et quando intercedit fundum vesicæ & uteri, os uteri comprimi & mulieribus sterilitas asseri putatur. *Aphor. 46. 5.*

*Omentum erat incrassatum*] Omentum plane carnosum se vidisse ait *Bartholinus* *Anatom. Reformat. lib. 1. cap. 8.*

## O B S E R V A T I O XI.

*Alvi adstrictio ob coalitum laterum intestinorum. 1. Intestini recti. 2. 4. 9. Ilei 3. Ani occlusionem per membranam. 5. 14. Insertionem recti intestini in vesicam. 6. 12. Anum imperforatum. 7. 10. 11. 13. Rectum intestinum implicatum cum vesicâ & ejus collo. 8. Ob coalitum recti intestini supra anum apertum. 15. 16. Ob defectum recti intestini & podicis. 17. Ob ulcus recti intestini. 18. Ob idem constrictum à membraneo vinculo ac reduplicatum. 19.*

§. 1. **M**iliti cuidam dysenteria laboranti mutuo utriusque lateris ulcerati contactu intestina coaluere: venter suppressus tandem mortem accivit. *1. Rhodius cent. 2. observat. 82.*

§. 2. Nobil. N. jam in senio constitutus, alvi suppressionem incurrit, quam arcere tentarunt Medici medicamentis & clysteriis, quæ nihil per inferius educebant: exhibitum quoque oleum amygd. ad ʒvj. pondus, quod tamen nec ipsum quicquam eduxit per inferius: Ultimo loco ceream candelam per anum indidere, cujus portio ad cubitalem longitudinem intromissa, nitida, nullisque fœcibus deturpata extracta fuit, nulla tamen nec proinde excretionem sequuta: Aquæ thermæ quoque ex aquario propinatæ, quæ & ipsæ ad intra corpus detentæ nihil profecerunt: Quare ab 11. decubitus die extinctus, cum febris valida & indeficiens supervenisset.

Cadavere aperto, Intestinum Rectum, in parte superiori, ita per digiti transversæ longitudinem coaluisse ac coivisse repertum, ut vix tenuioris funiculi crassitudinem æquaret; utrinque in confinio intestini partibus in tumorem quendam velut glandulosum elevatis: Ex quo factum quo minus fœces in superioribus intestinis genitæ, per consuetam familiaremque

remque regionem naturæ detruderentur : quinimo nec thermalis aqua coangustatam partem potuit pertransire, sed in monoculo congregata reperta.

## S C H O L I A.

**I**ntestina quidem non solum ex flatuum repletionē, sed etiam ex acrimie humorum, frigidaque ac vitrea pituitæ redundantia, atque etiam ex intemperie iola dolere posse omnibus compertum est, quinimo & ulcera frequenter patiuntur, & apostemate corripuntur, atque etiam suppurantur, ut docet *Gal.* cap. 8. lib. 7. de loc. aff. At quod aliqua in parte ita arescant ut transitus per illa intercipiatur, rarum admodum est, nec antiqui scriptores, quod meminerrim, docuerunt, Sicuti itaque animalium intestina arte intorqueri scimus, fidibus parandis in lyra, testudinis aliorumque instrumentorum musicorum usum, Ita & aliquando ex ignea humoris alicujus caliditate ita archeti in corpore humano intestinum contingit, ut in chordæ seu funiculi formam redigatur, ut nec spiritus quidem transitum admittat: Quod vero in corpore humores ignei generari possint & adurentes, nulla probatione indiget, qui in intestinum aliquod prolabentes istud arescere possunt ut ex igne lora & membraneam paginam arescere, atque ad minimum redigi conspiciamus, Quod in prænarrato factum censeo, qui cum ex ætate ad venereos congressus minus aptus esset, frequenter ad excitandum veneris stimulum pharmacis quibuldam calidissimis utebatur: Quod vero in toto ægritudinis tractu nullus vomitus excitatus fuerit, causa fuit quod non intestina tenuia & superiora laborabant,

sed duntaxat inferiora crassioraq; unde quæ per os ingerebantur, liberum è ventriculo ad intestina, ad eam usque affectam partem transitum habebant, ita ut mesaraicarum venarum medio, ad Hepar delatum alimentum corporis nutritioni distributum inservire posset: fæces vero ex valida calida intemperie multum exsiccabantur, atque in variis intestinorum anfractibus collocabantur, in quibus non solum per dies, sed & per mensem, nulla insigni noxa suboriente retineri posse non semel observatum est. *Marc. Donatus hist. mirab. l. 4. c. 10.*

*Cum febris valida supervenisset* ] Febriculæ ad quamvis alvi dejectionem subsequens; alvo suppressa desinentis, meminit *Excell. Tb. Bartholinus* cent. 4. histor. 40. Mulier *ait* ægra querebatur quotiens alvum deponeret, in febrem incidisse: quoties vero per dies duos esset constricta, tanam se & incolumem vivere, materiam vero excretam nigram esse instar cerebinthi: Clysteribus educi jubebam materiam adustam, intestinorum valvulis arctius impactam, quam dum constrictis omnibus musculis, summoque nilu excernere satagebat, turbato corpore impuro, febricula facile sequebatur: Nisi forsitan ab hæmorrhoidibus cæcis, vel condylomatibus ania sphincter constrictus fuerit, ut duris excrementis transeuntibus excoriatio sit oborta, doloresque ingentes, quod non ita pridem in alio ægro observavi.

§. 3. Mulier robusta, sexagenaria, nihil excrevit per alvum spatio novem dierum: Aperto cadavere, inventa pars Ilei tota inferior coaluisse, ut nihil hac via pertransire potuerit. *Bartholinus centur. 6. observat. 38.*

§. 4. Filiolo Consulis cujusdam Thorunenſis clausus podex, sed sine ullo indicio, apertus est, nullis excrementis sed aliquot sanguinis guttis subsequutis puellæque postridie mortuo.

In cujus abdomine aperto inventum est intestinum rectum, longitudine novem digitorum transversorum, ad podicem usque firmissime & arctissime, ad funis modum quasi contortum, nullo plane meatu, aut hiatu conspicuo, reliquis visceribus secundum naturam constitutis. *Simon Schultzius observ. 2. miscell. curios. anni 1672.*

## S C H O L I A.

**Q**uamquam *Parvus* l. 16. c. 33. pueros ano imperforato natos natura minime vivaces, neque multos dies ejusmodi sectioni superstites esse posse statuat, refragantur tamen è veteribus *Ægineta*, *Nicolaus Florent.* *Albucasis*, *Haliabbas*, Inter recentiores *Mercurialis*, *Cardanus*, *Hildanus*, qui pueri clauso ano nati curationem proponit (vide §. 1.) cujus vita ad 8. annum usque protracta est. Et nos testamur quod anno 1662. Thorunium advenerit Nobilis quidam Polonus cum filiolo 4. dierum, sano & optime formato, præterquam quod ob podicem clausum excrementa egerere haud potuit, quia orificium ani carne & cute obductum fuit: Cui sectio à Chirurgo acuto scalpello forma crucis instituta est, ex eunte mox magna copia excrementorum nigrorum & foetissimi odoris, foramini imposito canaliculo argenteo, linimento anodyno inuncto, adhibitis postea secundum artem medicamentis delicantibus, & sic cicatrice facta curatio per D. G. optime successit: Infans hic per aliquot annos supervixit, neque quod *Hildanus* citato loco observavit, unquam de siccitate alvi conquestus est: Meminit quidem *Scultetus* *Armam.* observat. 77. alterius cujusdam operationis, si natura jam aliquale vestigium monstravit, posse illud cum ratione gentianæ magis

dilatari, sed curatio hæc dolorifica est & diutius protrahitur. *Idem.*

Intestini recti perfectæ & profundæ coalescentiæ, feliciter curatæ exemplum tradit *Clar. Daniel Ludovicus* in miscell. curiosis anni ejusdem observ. 257. Pellionis, *inquie*, filiulus, altero post partum die imperforato ano deprehenditur, instituta proin inspectione, & collecta hinc intima coalescentia pro deplorato habitus est: Cordatus tamen Chirurgus, facto prognostico, lancetta apertionem aggressus est, loco simulæ non tam oculis quam conjectura qualicunque concepto, puello interim quietissimo, imo conatum fere quendam egerendi adversus Chirurgi manum ostendente: Postquam ad articuli pene longitudinem lente sursum pergendo pervenerat, nil vero exiret destitutus, donec clapsis aliquot horis, rogantibus denuo parentibus, insertaque iterato lancetta (exigua semper cruentatione) sensim assensum ad finem coalitus, qui longitudine sua duos auricularis digiti articulos, in mediocri viro, facile æquavit, perveniretur, & excrementa nupè natis consuetæ cuspidi occurrerent, litris liquida: Unde inserta turunda prælonga meatus amplius dilatatus, indeque circumcirca usualibus medicamentis cicatrizatus est: infante bene ingente, egerente &c.

§ 5. Vidimus duos pueros ab utero matris natos naturalibus clausis: horum alteri caro quædam in ano alius increverat, adeo ut intestini exitus percipi nullomodo posset, quo factum ut paucis diebus vitam finierit: Alteri vero membrana quædam ipsius tantum ani ori apponebatur, sed ea acutiori scalpro præcisa, statim sanatus est puer. *Benivenius cap. de Abditis.*

## S C H O L I A.

**P**aulus lib. 6. cap. 30. Imperforatos curandi modum tradit: Ani clausi exemplum & curationem etiam describit *Fabryus Hildanus* centur. 1. observ. 43. Infantulus ait, natus est clauso ano, qui cum tali, usque ad sextum ætatis diem maneret, maximo angore & torminibus vexabatur, cum vitæ periculo: Venter enim inflatus intentusque erat, leipothymia & sudores frigidi aderant, anus obdus erat membrana præduta, in qua nullum fere indicium aut vestigium ani, præterquam macula nonnihil livida apparebat: Illic facta parva incisione,

ne sphincter læderetur, novacula linteis juxta aciem involuta, deinde immisso speculo ani, & quod reliquum dilatato, statim educta est excrementorum colluvies: hinc venter confestim subsedit, reliquæque symptomata remiserunt: in anum demum immissa est, per aliquot dies, fistula plumbea inuncta unguento quodam desiccante: hic facta cicatrice plenissime convaluit: Ad hanc operationem instrumentum peculiare tradit *J. van Horne microtechn. §. 31.*

pag. 175.

§ 6. Uxor nostratis cujusdam lapicidæ puellum est enixa, qui alvi excrementa per lorum transmisit, in satis magna copia, quod & color exeuntium & fœtor clarè testabantur: Inspecta regione ani, deprehendimus eo puerum carere: Tonsor quidam temerarius contendens tenuissima tantum membrana anum contegi, locum incidit, quo facto sanguis satis copiose effluxit; sed postridie misellus puer obiit.

Facta dissectione abdominis, cum ad vesicam, ex qua prodire stercus constabat, perventum, evidenter conspeximus extremitatem recti intestini, qua constare debuisset anus, corpori vesicæ instar ureterum, insertam, non autem per obliquum, uti ureteres, sed recta. *Ex observationibus Cosma Holstachii.*

§ 7. Anno 1580, abortivum puerum secuimus, cui colon & rectum intestinum fœcibus erat repletum, ano non perforato: *Ex observat. Caspari Bauhini.*

§ 8. Anno 1577. Clodiz natus puerulus cui natura anum ita denegavit ut nullum foris appareret vestigium: cumque jam per 10. dies vixisset, nihilque excerneret, neque per anum neque per virgam, haberetque abdomen valde inflatum ac tensum, perinde ac si brevi circa medium rupturam minaretur: tandem 12. hujus nativitatis die vocatus, cum ægeret fere animam, ratus pelliculam & cutim supernatam esse, causticum & ferrum, sed frustra admovi; nam sequenti die per os omnia quæ assumpserat alimenta, multaque excrementa corrupta & fœtida excrevit, & suffocatus sic obiit:

Facta dissectione, reperi intestina omnia fuisse integra, nullum finem eorum reperiens, sed ita cum vesica ejusque collo confusa & annexa, ut vix divelli & separari ab invicem potuerint: Musculus interea recti intestini totam implebat cavitatem, collum vesicæ comprimens & contundens, quod valde callosum reperi, ita ut nihilingere potuerit. *Ex observat. Georgii Garnerii Poliatri Ensisheimensis.*

§ 9. Vocatus ad natæ ante triduum puellæ alvum obstructam ciendam, nil præter fæcum siccitatem subesse autumans, lenientem ac stimulantem injicere nodulum molior: impulsui solidi quid resistere sentio, mox stylum lenticularem, aridarum fæcum extractioni aptum, indo, impello vehementius, & ecce sphincter, cui rectum inseritur, & vicina natium cutis connivet, extractus stylus, nec odoris nec excrementi quicquam secum evehit. Mox adstantes de membrana aut grumo intestinum intersepiente, aut laterum concretionem, reddo certiores: Hinc dubium potius quam nullum experiri statuo auxilium: & cum solvendum continuum, secante num, an urente rectius id fiat ferro delibero (potentiale in omnibus horreo) stat tandem, Distentis quousque licet natibus, ferro teliformi rem aggredior, succedit, solidiorem membranam abque hæmorrhagia transverbero, mox clysterem injicio, cujus pars major regurgitans, plura ibi latitare similia septa argumento erat; unde fatum tertio à sectionis die supervenit.

Aperto epigastrio, totum grandius, totum pallidum hepar scirrhus vicinum, cysti destitutum reperi: Ventriculus flaccidus coacti lactis momentum continebat: Intestina inanina prorsus, flatibus tantum turgida, vulnerata subsedere; Quod excrementa vehit rectum, bis lateribus concreverat, bis orbiculari intersepiebatur membrana: Quo in casu natura formatrix non extreme arguenda mihi videtur; ut enim aliquandiu saltem servaret, flatibus, qui cum soli alimenti fuere materies, tot parietibus exitum prohibuit, qui ut exturbarentur, bilis irritatione optime caruere. *Ex observat. Joh. Jessenii à Jessen Medici Vratislaviensis.*

§. 10. Quarto



§. 10. Quarto Decembris 1602. natus fuit puerulus, qui 8. ejusdem obiit: Is post partum, aliorum infantum more, bene & comedebat & supebat, interim tamen nihil nec per alvum nec per vesicam excrevit.

Hunc post mortem aperui, abdomen admodum turgibat, quo aperto, intestina omnia flatibus admodum distenta erant, præsertim rectum, quod præter flatum excrementis etiam liquidis plenum erat, & sacculi instar valde distentum: Hujus autem fecum retentionis causa erat occlusio extremitatis intestini, ita arcta ut ne vestigium quidem transitus apparuerit: foris quidem podex apparebat, absque tamen ad rectum intestinum via, J. R. Saltzmanus, observ. pag. 20.

§. 11. Aperui corpusculum cujusdam puelli, qui 8. post partum die obiit; Erat autem imperforatus quos ad alvum, unde etiam excrementa nulla deiecit: perparum etiam minxit & aliquot saltem guttulas, Primò autem ante apertionem abdomen admodum apparebat tumidum, & flatibus utris in modum distentum:

Dein aperto abdomine, omnia intestina ex rubore nigricabant, præter medium coli intestini, quod sinistro reni & toti lateri arcte alligatum erat, flavitie tinctum videbatur: intense autem rubere videbantur ob inflammationem, quam patiebantur ex nimia distensione, admodum enim flatibus turgabant & sanguine suffusa erant: Intestinum rectum, pugni instar amplum, flatibus & materia sanguinolenta nigricante, qualis in nuper natis primo excernitur, repletum, prope podicem occlusum erat, & ita quidem ut ne vestigium quidem transitus appareret: In hoc corpusculo demonstravi quomodo citra insigne periculum alvus aperiri potuisset, uti consulueram. Idem pag. 62.

§. 12. Ancilla quædam ex illicito concubitu 1670. Viennæ foetum masculum enixa est, vivum quidem, sed quod diutius in muliebris sinus latebris latuisset, paulò post exspirantem; Quem cum aliis examino, Anum desidero, loco cujus eminentia quædam callosa ad lineam usque scrotum dirimentem, protensa erat, contrectatisque à me digitis iis partibus, meconium per penem prodiit, unde statim conjectatum naturam viam pro alvinis excrementis per membrum affectasse: quæ ut melius pateret, abdomen aperio, &c. In jejuno & ileo nihil p. n. observatum, cæcum verò licet protensius, contractum tamen & vacuum: colon ab initio satis tenue, sed in progressu dilatatum, nec multis cellulis excavatum, versus rectum copiosissimo meconio turgescibat, ac tandem in rectum terminabatur, quod etiam eò loci, ubi alias etiam vesica locari solet, in appendicem vesicæ æmulam (hæc enim etiam in hoc foetu deficiebat) dilatabatur, ac tandem non per anum, sed antrorsum membrum virile pendulum, præputio suo munitum referens, extra corpus finiebatur: D. Laur. Wolffrigel in miscell. curiosis anni 1671. observ. 22.

§. 13. Nuperrime Uxor D. de Cugy, Præfecti munimentorum Armamentarii Parisiensis, edidit puellam cui anus occlusus erat: Nutrici rusticæ commissa fuit, ac 7. vel 8. dies transiit sine alvi exclusione, quæ de causa venter mirum in modum intumuit, ideoque in urbem reducta est: Vocatus Rabigofius, industrius Chirurgus, inquirens causam intumescentiæ ventris, quaerit à nutrice num alvus puellæ esset libera? Cui respondit à nativitate nequaquam illam exonerasse, Ideoque statim anum examinavit, quem occlusum reperit, ac parentibus significavit incisa membrana occludente aperiendum esse; illi autem rem in crastinum differri voluerunt, Cum vero res esset in præcipiti, puella non diu post obiit.

Aperito cadavere à dicto Rabigofio, reperta sunt intestina omnia repleta humore illò quem Meconium vocant, aliis fecibus commixto. Jacobus Guillemean Tract. de Educatione Infantum cap. 40.

§. 14. Infans masculus carebat podice in lucem editus, nihilque illic præter lineam, seu rugam & notam aliquam rotundam, ubi anus se aperire debuerat, apparebat: Præterea præputium illius omnino coaluerat, ita ut nec urinam reddere posset: Quod cum non animadvertissent quæ puerperæ ministrabant, infantem in alterum usque diem, quo jam animam agere incipiebat, non prius inspectum reliquerunt: Vocatus cum Chirurgo, cum prior advenissem, causamque quod nil excerneretprehendissem, arrepta forfice præputium leviter scidi, effluxitque pauca urina quæ vix testiculos illius madefaciat: Postea superveniens Chirurgus sectionem ubi nota podicis apparebat, fecit, verum cum nulla via ibi pateret, paulo humilior cutem scidit denuo, sed ne tunc quidem ano se aperiente, cum in agone mortis esset infans, cum reliquimus, qui hora una aut altera postea extinctus est:

Sequenti die viam illam sectione investigans, secto in longum inter fœmineo, nihil apparuit, donec profunde duos digitos per spongiosam carnem & adipem novacula adacta, membrana transversa se ostenderet, quam cum podici illic obductam cognoscerem, scalpello dissecai, moxque atra materia, qualem infantes modo nati cacare solent, copiosissime

fissime effluxit, una cum flatibus crepitibusque &c. *Platerus observat. lib. 3. pag. 601.*

§. 15. Rectum Intestinum aliquando foetui in utero; (res mira) prorsus ocludi contingit, cujus ego duo vidi exempla: Alterum apud Illustrem Comitem Ortenburgicum, qui in musæo suo suspensum habebat hoc intestinum instar vesicæ inflatum, Nepotis nimirum sui: Vixerat autem infans ille misellus (masculus enim fuerat) dies plus minus octo, & ventris excrementa subinde per os rejecerat; nescientibus tum aliis, tum ipsis etiam Medicis quænam esset hujus symptomatis causa: Intus enim Intestinum illud coaluerat, exteriori foramine libero satis & naturaliter se habente: frustra etiam clysteres & suppositoriola fuere adhibita, Nam ne flatibus quidem erat pervium, tantum abest ut inde aliquid egredi, aut quicquam in illud injici potuerit.

§. 16. Alterum exemplum vidi Heidelbergæ in præcipui cujusdam viri filiolo, cujus jam mortui corpusculum rogatus aperui, & intestinum rectum eodem plane modo, ut prius illud, affectum reperi. Idem etiam inflatum, & parte superiori colligatum asservari jussimus: Puerulus iste ultra quinque vel 6. dies puto non fuit superstes. *Johannes Poshino in Observation. in Columbi Anatomem.*

#### S C H O L I A.

**H**ujus miraculi causam cum ex me quæreret Generosus D. Comes, equidem diu multumque meditando invenire quæ mihi satisfaceret, nullam potui, Tandem in eam veni sententiam, ut illud ex Comitissæ prægnantis summa animi consternatione occasionem habuisse omnino existimarem, Quam enim illa una cum Marito Viennam vertens navi prægnans veheretur, contingit ut Gener. D. acutissimo morbo subito correptus intra paucas horas in cariss. conjugis amplexu exspiraret: Contrigerat etiam ut alterius infantis mater prægnans de-

scendendo per scalas caderet, & clunibus nudis per aliquot gradus delaberetur, ex quo casu, & magno animi terrore, illam intestini recti symphysis fuisse ortam mihi persuadeo:

In talibus autem cura aliqua tentari fortassis posset, nimirum si per fistulam argentam podici imponeretur, stylus ferreus ignitus immitteretur ad impedimentum illud perforandum &c. Hoc obiter adjicere volui ut ulterius cogitandi occasio- nem aliis præberem.

*Idem.*

§. 17. Puer ex pago Estuppe ad me die à nativitate secundo est delatus, in fletus fere continuos erumpens, qui unito ad coccygem perinæ ne vestigium quidem podicis habebat, unde procul omni dubio à meconio vel nigra materia, qualem modo nati infantes excernere solent, suppressa, insignes dolores excitabantur: Jussi præsentem Chirur- gum novacula profundius adacta aperire locum ubi constitutus podex esse debuisset, sed irritò successu, die enim sequenti mortuus est.

Cadaver ubi aperuissem, inveni non podicem solum, sed totum intestinum rectum deficere: Colon enim in extremitate omnino constrictum quasi fune circum ligatum erat, cui membranofum frustulum brevissimum cis ligaturam appendebat, ab hæsterno vulnere longe distitum, ita ut fatali necessitate, nulla juvandus arte mori debuerit infantulus. *Joh. Nicolaus Binnigerus centur. 2. observat. 81.*

§. 18. Anno 1672. obiit Genevæ quidam nomine la Grange, qui per 15. dies alvum non deposuit &c. Intestinum rectum instar literæ S reduplicatum inventum, & membraneo quodam vinculo ibidem constrictum, à processu peritonæi in scrotum descendente orto. *Vide tit. de ventris doloribus.*

§. 19. Vir Nobil. 27. annorum, malo hypochondriaco, & obstructionibus venarum mesaraicarum jamdudum obnoxius, interius in intestino recto mali moris ulcus habuit, idque fistulosum, alvi excrementis omnino transcursum denegans, Varia incassum tenta- ta, tandem ex quorundam Medicorum consilio globulum deglutit ex regulo antimonii, sed & hunc frustra, nam subsequēbatur tympanites & tandem mors, In cujus limine al- vus sponte sua reddebat excrementa puri admixta, quod arte adjuncta tandem recusaverat. *D. Georgius Christoph. Petri in miscell. curiosis anni 1671. observat. 77.*

#### OBSERVATIO XII.

*Alvi adstrictio ob Iecur durum & Cystis felleæ vitium. 1. Ob bilis defectum & lapidem in Cysti 2. 7. 8. Ob plures calculos in cysti. 3. 9. Ob glandulas meatum Cysticum prementes. 4. Ob vesicam obturatam. 5. Ob meatum biliarium obstructum. 6. 10. Ob vitio- sam pori biliaris insertionem. 10. Ob exhaustam bile Cystin. 11.*

§. 1. **F**œmina quædam, per septem vel octo annos, vix unquam sine medicamento feces deposuerat: vel si quando sponte sua, post ingentes conatus deponeret, albida illa erant: quibus vero medicina tulerat auxilium, iisdem & coloris sui tincturam & inspi-

& suspitionem dabat non satis bilem à sanguine separari ; augebant hanc pustulæ rubræ per totum corpus , sed maxime circa regionem Hepatis , cum insigni dolore diffusæ : Durities etiam hepatis se extrinsecus tactui objicebat : Tandem tabes cum febre hæctica miserimum tot miseriarum finem attulit.

Avebam ego tot morborum causam penitus scrutari , sed nihil impetrare potui quàm ut obiter Hepar inspicerem , quod contenderem ibi latere totius mali originem , & latebat : Nam ipsum erat durum , & folliculum fellis exhibebat *in sese collapsum* & fere totum consumptum : haud dubie causam tam difficilium initio secessum , postea , ex permistione bilis cum sanguine , dolorificarum pustularum originem. Interim concludendum nobis reliquit , quandoquidem permistio humorum importuna tantum corporibus creet incommodi , diligentem Medicis adhibendam curam , ut commoda semper fiat separatio , maxime bilis , cui separandæ , præter folliculum fellis , tot fabricata est natura sagax alia instrumenta. *Theod. Kerckringius observ. Anatom. 82.*

## S C H O L I A.

**F**olliculum fellis *in sese collapsum & fere consumptum* ] *Riolanus* quoque in *Encheiridio* Anatomico & Patholog. observavit hunc folliculum biliarium sæpe bile evacuata exarescere , superstitie duntaxat epatico ductu : Vasorum autem choledochorum obstructio si diutius dureret , ipsum Hepar afficitur , durum incurrens tumorem ; hinc à refluxu bilis in sanguineam massam , hæc conspurcat , & pustulæ per totum obortæ sunt & tandem tabes ægrum confecit.

*Si deponeret albida illa erant* ] Ex diversis ductibus felleis potest dari ratio quare interdum alvi dejectiones albicent , interdum simul cum urina flavescant : Nimirum quandoque porus choledochus ad intestina tendens obstruitur , hinc fæces alvi albicant ; Interdum aperto isto meatu , felleus hepaticus est clausus , & excrementa simul flavent. In ista scemina vitium in utroque meatu & ipsa Cystide fuit , quæ præ siccitate collapsa & vicia , bilem non excipiebant.

§. 2. Matrona per triennium asthmate periodico defenta , per aliquod tempus nunquam nisi clysteriis aut aquis laxativis sollicitata illi alvus suum fecit officium , ad omnia autem purgantia melius se habuit : Illius vesica fellea magna , aperta nihil continuit bilis , sed lapidem inclusum habuit magnum , inæqualem , pondere 4. drachmarum officinalium : Hinc conclusimus alvi constipationem ortam proculdubio fuisse à defectu bilis : *Carolus Raygerus in miscellan. curios. anni 4. observ. 11.*

§. 3. Adolescens conquerebatur de stomachi & hypochondrii dextri torsionibus cum Alvi adstrictione. In vesica fellis 22. calculi quasi sublutei reperti fuere : *Vide tit. de ventriculi dolore.*

§. 4. M. Fedler ann. 25. glandulæ repertæ circa vesicæ felleæ ductum ad intestina tendentem , cum comprimentes , ut mirum non sit alvum illi segnitorem fuisse. *Vide lib. 4. tit. de Febribus.*

§. 5. Infans variolis inficitur quibus suffocatus interiit , Illi vesica biliaria versus intestinum duodenum obturata , causam aperiebat obstinatæ alvi quam passus fuerat. *Vide lib. 4. Tit. de Febribus.*

§. 6. Sectus à D. Sylvio febricitans & Ictericus , in quo fellis folliculus grandis , distentus bile , hinc ægro ob ductus bilarii obstructionem diuturna fuit alvi constipatio. *Vide tit. de Ictero.*

§. 7. Illustr. & Rever. N. aliquibus ab annis difficultate excretionis fæcum laborabat &c. Huius lapis in vesica fellea ingens totam replens fuit repertus. Illi rubor maximus in genis &c. *Vide lib. 4. tit. de Febribus.*

## S C H O L I A.

**I**lli rubor maximus in genis ] Familiaris illis qui Pulmonum inflammatione detinentur , qua interiit Illustris ille : Sed & notat *Hippoc.* in Coacis coloris bonitatem *veteris stercoris* subsistentis signum esse.

§. 8. In Cysti fellea Sereniss. Ferdinandi Medices Magni Hetruriæ Ducis , sex adinventi fuere lapilli , forma rotundi & colore nigri : Cum præter mala alia ex ventris suppreSSIONE , & affectu simili volvulo obierit Gloriosiss. Princeps , non abs re erit si primariam causam tam sævi symptomatis referamus in prohibitum ex cystis obstructione à calculis facta , biliosi humoris ad intestina transitum. *Crucius de Quæsis centur. 3. pag. 211.*

§. 9. Adolescens diu alvo fuit adstrictiore ; Quo post obitum secto , fellis vesica aperta , intus 22. calculi , magnitudine dispares reperti fuere. *Kentmannus libello de Calculis.*

§. 10. Secundo Comitem Aufumondianum , duo raritate commendabilia offendimus : 1º. Porum choledochum , alias in ecphyfin se exonerantem , proxime pylorum exitum habuisse , ita ut non minus ventriculo quam intestinis bilem transmitteret : Quæ causa illi fuit



fuit cur sæpius nausearet vomeretque, & (quod sequitur) Alvo esset duriore: Natura enim nativo suo clymate, ceu rhabbarbo, orba, cum nihil expultricem irritaret, desiderabat unde subito cholera diem finit. 2°. &c. Barthol. Cabrollius observ. 6.

§. II. In quodam qui ex ventris dolore obiit, cum alvo continuo constipata, reperta vesica fellis omnino vacua, cholidochus præter modum laxus & apertus: Intestina, & præsertim tenuiora, undique tam flava ac si croco essent infecta &c. Vide tit. de ventris doloribus.

## S C H O L I A.

**I**n testina flava &c. ] Si bilis ad intestina confuit, ut sit illis quasi clyster naturalis qui exercetricem sollicitet, quomodo constipata fuit alvus, quæ potius laxa esse debuit? An ob vomitum continuum præcedentem, à quo motus peristalticus ad inferiora perversus fuit? An quia bilis substantiam ipsam in-

testinorum subiit, non cavo illorum continebatur, unde doloris pertinacia? An quia ventris dolores, à quorum diuturnitate interiit, erant spasmodici, unde expultrix ab officio cellarit? Vide Willis & Pisonem de ejusmodi doloribus,

## O B S E R V A T I O XIII.

*Alvi adstrictio ob glandulas mesenterii & imi ventris induratas. 1. Ob Iecur scirrhosum, vasorum mesaraicorum obstructionem. 2. Ob mesenterium scirrhosum intestina premens. 3. Ob glandulosos mesenterii tumores. 4.*

§. 1. **M**ercator inæqualem tumorem rotius imi ventris habuit, cum Alvo subinde adstricta: Omnes glandulae imi ventris, externæ & mesenterii induruerant: Cellulae coli scybalis frustisque cascorum infarctæ: Vide tit. de ventris tumore.

## S C H O L I A.

**O**mnēs Glandulae imi ventris ] Quomodo à vitio Glandularum Intestinalium pertinax fiat alvus, ostendit eruditiss. J. Conradus Peyer, libello elegantissimo de illis Glandulis cap. 10. Hactenus autem, ostentum est quomodo in variis alvi profluviis serum è Glandulis intestinalium, ceu fontibus, partim nimis copiose ut in Diarrhæa (vide sect. 10. observ. 4.) partim vehementer inquinatum, ut in Dysenteria, Coeliaca passione & Tenesino, (vide sect. 11. observ. 4.) scatatur: Nostrum dehinc erit, quod illidem fontibus penuria feri laborantibus aut exarescentibus, incommodi oriatur, recensere: Quemadmodum itaque in statu sanitatis omnibus se rite habentibus, moderatum feri subvilcidi in plexibus glandulosis proventum, necessaria quædam tributa, tam ad chyli elaborationem quam naturalem alvi lavorem conferre evidens est, Sic eodem vel penitus deficiente, vel parcius suggesto, utrumque desiderari beneficium nostra fert sententia: Et revera observare est homines temperie admodum calida & sicca præditos, neque alimenta assumpta rite concoquere, neque semper alvum ex voto lubricam habere: Quorum quidem symptomatum rationes vix aliunde commodius quam à feri istius paucitate derivare licebit: Quippe spiritus nitro-aërei, per nervos stomachicos meentericosque confertim advecti, atque ob vehiculi serosi in Glandulis defectum alimentorum massæ immediatus infusi (quatenus cum ejus sulphureis atque salinis particulis subrioribus impensè mox efflagrant) sæpe ciborum liquamen in nidorem addunt: Hinc est quod tali temperie præditi febres liquidis tantum, ac iis fere quibus parum insit sulphuris aut salis volatilis, delectentur: ab aromatum enim aliorumque id genus volatiliu usu noxam sentiunt, in quantum spiritibus nitro-aëreis, cum aromatum sale & sulphure subtili exarescentibus, fer-

vor primum intensus in ventriculo ac intestinis, postea & in massa sanguinea cietur: Adde quod è Glandulis intestinalibus parum aut nihil feri tunc expromitur, atque à venis lacteis quicquid madidi ciborum massæ inest, exacte absorbetur: hinc fecibus valde induratis alvum evadere difficiliorem quid mirum? Pariter quotidiano experientiae testimonio patet, in febribus ardentibus cibos solidiores, coctione perversa, morbo fomitem potius quam corpori alimentum præbere: Cujus ratio probabilis omnino hæc est, quod ex alimentis, imprimis autem carnibus assumptis, & cum spiritu nitro-aëreo torrentis instar per nervos in ventriculum & intestina ruente effervescentibus, chylus admodum fervidus generatur, cujus accessu febrile sanguinis incendium, velut ab admoeto stramine, flamma fovetur ac multiplicatur: Contra vero potulentis aquosis & frigidis assatum ingurgitatis, levamen sentitur, quia hæc nihil vel parum sulphuris ac salis continent, quo cum spiritus nitro-aëreus debellare possit: dein aquosus latex in massam sanguineam ubertim traductus, particulas ejus salino sulphureas interventu suo magis ab invicem disgregat, ut post hæc ita prompte in fervorem se mutuo exacuere non possint: Quia vero sanguinis massa humore aqueo recenter pertusa, aliquotam feri partem in glandulas intestinalium, ad exum siccum (ut Joh. Henricus lib. 1. meth. ad praxin non incongrue id appellat) constituendum, distribuit, sit ut fervore nonnihil adtemperato alvi juvenen sequatur: Ceterum eorum qui alvum à puero duriores obrinent, crassis intestinis Glandulas admodum paucas inesse probabile est; proinde deficiente ejusmodi muco, intestinalium parietes quasi exarescentes, excrementa descensu prohibent, eaque indurari faciunt. De Glandulis intestinalium vide sect. 10. observ. 4.

§. 2. Vir Nob. ictero laborans quotidianis alvi suppressionibus fuit vexatus: Huic Iecur scirrhosum induratum, venæ mesaraicæ obstructæ &c. Vide tit. de ventris tumore.

## S C H O L I A.

**I**Ecum scirrhum &c.] Quandoque ob Jecoris vitia adstringitur alvus, quandoque lubrica evadit: Caliditas ejus nimia, abhorrens humiditates superfluas, siccitatem infert, cum frigidas contrariam ob causam inducat lubricitatem: At vero eadem caliditas, dum bilis copiam gignit, iritat expultricem, antequam humiditas absumatur, ut ait, *Galenus* ad aphor. 20. 2. Frigiditas vero, bilis generationi contraria, prohibet irritamentum, atque ita causa siccitatis: Ita ut caliditas possit esse causa cum siccitatis tum humiditatis alvi, ut & frigidas: Ut

res paucis decernatur, dic utramque qualitatem, ubi valde excedit, causam esse lubricitatis: caliditatem quidem, ob copiosam bilis generationem: frigiditatem vero, dum omnino prohibet exsiccationem: Utramque vero remissam, vel moderatam potius, esse causam siccitatis: caliditatem quidem, ratione attractionis, nam attractio fit à jecore temperato, ex *Galeno* in citato comment. qui cum bilem non generet, non fit irritamentum: à levi item frigidityte, quæ licet minus attrahat, minorem tamen etiam bilis copiam generat.

§. 3. In muliere mesenterium totum, atque in hoc pancreas, tumore miro turgens animadvertimus: hinc intestinis incumbens alvum pigriorem effecit. *Vide tit. de ventris tumore.*

§. 4. In Anatome mesenterium propius intuentes, deprehendimus in eo tumores glandulosos, nucis magnitudine, hinc inde in diversis locis intestinorum mediæ sedi adeo conatos, ut intestina inde induruisse viderentur, &c. unde alvus illi constipabatur &c. *Vide tit. de Ventris doloribus.*

## O B S E R V A T I O XIV.

*Alvi adstrictio ob insignem Vteri tumorem. 1. Ob uterum materia extranea infarctum. 2. Ob Tumorem inter alvum ac vulvam latentem. 3. Ob lapidem inter intestinum & collum vesicæ jacentem. 4. Ob duos calculos in vesica urinaria, Et filamenta membranosa recti intestini cavitatem intertextentia. 5. Ob vesicam magnæ molis musculis adnatam. 6. Ob eandem lotio distentam. 7.*

§. 1. **V**Iduæ venter intumuit ut in prægnante, & Alvus semper segnis: Exemptus uterus ad libras lxxxvij. ponderavit. *Vide tit. de ventris tumore.*

§. 2. Excretio fæcum impeditur potissimum in foemellis ex utero laborantibus, quia ille tumidus intestinum rectum premit & intercludit: Apertum hac septimana cujusdam mortuæ abdomen vidi, in quo uterus tanta magnitudine intumuerat, ut intestina omnia supra ad diaphragma detrusa essent, & uterus omnibus partibus adnatus: continebat vero urnas tres cum dimidia humoris. *Ioh. Walaus meth. med. pag. 161.*

§. 3. Sutoris uxori excrevit lx. ætatis anno ingens tumor inter alvum ac vulvam, sed loco penitior quam ut eo vel penetrarent medicamenta pus moventia, vel ferrum abscessum aperiens: Unde factum ut in dies latius sese extendens, pervenerit tandem ad eam magnitudinem ut suppresserit ipsi juxta alvum ac vesicam: quarum partium cum non potuerit carere usu, carendum fuit vita.

## S C H O L I A.

**P**ericulosa uti sunt duriora tubera, inter gulam ac asperam arteriam se insinuantia, sic neque sine evidenti discrimine est ille tumor qui hæret maribus inter vesicam & intestinum rectum; Et foeminis inter easdem partes ac vulvam intermediam: præsertim si adultus nec matureseat mature, nec effundat

tempestive pus in se contentum: intercludit quippe sua mole exitum excrementis illac erupturis, impediendo rigide ne descendat alvus, profluat vulva, vel lotium deponat vesica, quæ impedimenta occidunt infallibiliter hominem. *Nic. Tulpinus Observ. lib. 10. lib. 3.*

§. 4. Vidi quendam Antuerpiensem in quo post dissectionem factam, inventus fuit magnus calculus inter rectum intestinum & collum vesicæ. *Cerhardus Bergensis lib. de calculo & arthritide p. 90.*

§. 5. Juveni à duobus calculis in vesica deprimebatur eo usque rectum intestinum, ut coarctatum produxerit plurima membranosa filamenta, intertextentia tam arcte interiorem ipsius fistulam, ut nihil excretorum potuerit amplius transmittere. *Nic. Tulpinus obs. l. 3. c. 2.*

§. 6. Filius N. febre affectus fuit cum urinæ retentione & fæcum: Vesicam invenimus maximæ molis musculis adnatam, urina aliisque excrementis plenam. *Vide l. 4. tit. de Febris.*

§. 7. Ager à septem diebus non excreverat, & pariter sex diebus urinam non reddiderat &c. Vesica ita erat urina distenta ut ex incisa plusquam libræ iv. effluerint: Judicatum facultatem excreticem ita sopitam fuisse ut clysterum quantumvis acrium vim non perferret &c. *Vide tit. de Ischuria.*

# ANATOMIÆ PRACTICÆ


## LIBRI TERTII.

### SECTIO XIV.

#### De Ventris dolore, Colico, Iliaco &c.

##### OBSERVATIO I.

*Colicus dolor à Flatibus intestina omnia distendentibus, cum humore pituitoso & bilioso iis adherente. 1. A Flatibus cum involutione & subingressu intestinorum. 2. A Flatibus retentis. 3. A Flatibus in Colo, facibus in reliquis intestinis. 4. A Flatibus cum Pyloro vix pervio, Duodeno & Recto quibusdam locis annexis. 5. A Flatibus colon ampliatum. 6. 7. 11. 12. Flatum vi intestina disrupta. 13. 14. 16. A Flatibus ventriculum una distendentibus. 15. A Flatibus cum intestinorum corruptione. 17. A Flatibus & facibus in colo 18.*

S. I.  NNO 1603. 26. Junii natus est mihi filiulus, in quo mox postquam in lucem editus est appetentia multo vehementior deprehensa quam pro ætate conveniebat, ita ut lac matris, quanquam abundans, non sufficeret: Causam existimo quod novem menses in utero non compleverit: 3<sup>o</sup>. die correptus fuit immodico urinæ fluore, ita quidem ut singulis diebus linreamina quater & quinquies mutare necesse fuerit: Et quamvis continuo fere ejularer, & exclamationes vehementes, nec pueris consuetas (quæ dolorem aliquem internorum viscerum subesse arguebant) effunderet, aviditate interim magna lac sugebat, nutriebatur quin etiam & crescebat, xiv. vero ætatis die vehementissimo dolore Colico, cum vomitu frequenti & (quod multo rarius) aliquo fluore correptus est: Excrementa prima die semiviridia, postea tamen crocea, biliosa & spumosa conspecta sunt: xv. die urina plane retenta fuit, ita ut ne guttulam quidem emitteret: Atque iis in doloribus continuisque clamoribus xvij. die è vita excessit, Frustra omnia remedia facta, flatus enim adeo tenaciter inhærebant intestinis, ut per totum tempus morbi ne semel quidem flatum crepitumve ventris emitteret.

Aperto cadavere, conspecta sunt 1<sup>o</sup>. intestina omnia (cæcum excipio) flatibus distenta, non secus ac lanii intestina quadrupedum, cum illa conservare student, inflare solent: nulla tamen aderat obstructio, aut retentio excrementorum in intestinis. 2. *Intestinis undique humor* partim pituitosus & viscidus, partim biliosus adhærebat. 3. In gibbo hepatis, ubi vena cava exoritur, insignis inflammatio cum nigredine inventa est: nunquid hæc causa retentionis urinæ esse potuit? Renes enim, vtereres & vesica (quæ omnino vacua) secundum naturam se habebant. 4. In inferiore parte splenis inflammatio quoque erat non exigua. 5. Stomacho undique humor atrabilis adhærebat: Nonne ille appetentiz p. n. causa fuit? *Fabritius Hildanus cent. iij. observ. lxxiv.*

##### SCHOLIA.

**A**ppetentia multo vehementior] Lactis sugendi aviditas à vehementia Sitis potius repetenda videtur, quam à famis magnitudine, Inflammatio enim cavæ partis hepatis, & inferioris partis lienis æstum induxit, (quo conferre potuit humor atrabilis ventriculo adhærens,) à quo liquidi desiderium immensum ortum, unde diabeticum quid successit.

*Intestinis undique humor*] Quæ humoris internam intestinorum faciem investientis origo sit, tradit Nobiliss. Dom. Ioh. Conradus Peyer, Tractatu de Glandulis Intestinalibus (de quibus scilicet. 10. obs. 4.) cap. 5. Quantum, ait, ad Glandulas intestinorum crassorum incolas (in cæco, colo & recto hominis

intestino obvias, quarum numerus est innumerus, formâ lenticulari) quamvis, quoad ipsarum usum in ea fuerim sententia illas excipiendis, ac velut imbibendis chyli in massa faculenta reliquiis destinatas esse, ea potissimum ratione motus, quoniam ad earum radicem per sepe *Humorem sub albidum* cui-dam velut capiz inclusum repeteram; Quia tamen hætenus nulla conspici licuit vasa, per quæ chylus ab iisdem exceptus in Receptaculum commune traduceretur (vasa enim lactea in has glandulas non pertingunt) contra vero magna semper *muci subviscidi*, omnium coli cellularum interiora conclavia, atque ipsius quoque Recti parietes oblinentis copia præsto sit, magis tandem mihi probabile videtur.



est, Glandulas istas, seu fontes ac scaturigines, mucagini huic expromendæ dicatas esse: Quamvis, enim harum Glandularum papillæ prima vice compressæ, humorem, quem in recessu continent, ægre dimittant, vitamen contrectationis paulo fortioris ac iteratæ, eundem largiter profundere non detredebunt: Proinde ut hic præcipuus earum usus esse videatur, Humorem subviscidum suppeditare, cuius ope cum intestina contra fecum duritiem, & acria atque sylvestria salium & sulphurum impuriorum spicula, velut lorica quadam, muniantur: tum ipsæ fecum particulæ, hoc quasi glutine coagmentatæ, sibi mutuo in debitam consistentiæ molem aptius adglomerentur: Quod vero spirituum nitro-aëreum concernit, videntur ejus quoque suppetiæ quædam, licet non tanta copia, quanta plexibus tenuium intestinorum suggeri; quorum munus sit, nuntias alimentis particulas (si quæ forte rudibus fecum in Colo immeris latent) ab excrementitiis

evolvendo, evolutisque lactearum osculis propinando, extremam chylicationis operi manum imponere: Quod si nihil amplius chylosi excrementorum massæ inest, ipse Spiritus facibus confusus excernitur, adeo ut recto possit consistere talo Hippocr. effatum etiam Excrementi spiritum esse.

[*Intestina flatibus distenta*] De hoc spiritum insuper notare lubet, Flammam (quibus una alterave cellula nunquam non impletur) proventum vix aliunde manifestius quam à spiritum nitro-aëro derivari posse: nempe quatenus ipse vi expansiva insigni præditus, cum excrementorum particulis sulphureo salinis, impurioribus ac effertis cocundo, illas tandem exagitat, donec quoad minima contritæ ac resolutæ, in exhalationum volumina commigrent, quæ inde per alvum subinde proruentia, ob particularum sulphurearum & nitro-aërearum, quodam velut torrente erumpentium agmen, instar pulveris pyrii admota flamma celestine deflagrant.

§. 2. Puer triennis, qui xxv. dies decubebat, ac ex lumbricis ægrotasse putabatur, dissectus fuit, Adaperto peritonæo Hepar (sicut ex tactu ante sectionem prædixeram) scirrhusum, majusque quam pro ætate, & sanguine nigricante plenum: Lien vero exilis ac quodammodo contractus: Intestina cuncta flatu turgida & lucida: Unam tenuis intestini partem intra se contractam ac convolutam, quasi in se infarctam, ut duritiem quandam, tanquam tumoris speciem, repræsentaret, vidimus: nam quod sesquipollicem longitudine æquabat, dum involutum esset, id leniter evolutum duos ferè palmos implebat: Extra Intestina aqua in peritonæi cavitate includebatur: Omentum penè absumptum: Ventriculus exiguus & veluti contractus: Vesicula fellea albescebat, Lumbrici nulli. *Henricus Smetius Miscellan. lib. x. pag. 579.*

§. 3. Anno 1591. aperui puerum circiter x. annorum: hic aliquot ante obitum annis continuo de dolore in sinistra abdominis parte, universoque ventre conquestus fuerat, variusque Medicus, hic Hepar, ille Lienem, tertius Renes in vicio esse dicebat: Reperi ventriculum admodum exiguum, adeo ut nullum ex omnibus intestinis esset quod non mole cum excederet; naturale autem hoc erat vitium primæ conformationis: Intestina autem omnia mirum in modum distenta, & velut inflata, quod ventriculus nunquam ritè concoquens, semiconcocta ad intestina transmitteret, quæ in flatu ibi conversa, continuis ferme colicis doloribus infestatum testabantur: Pancreatis corpus glandulosum reperi adeo durum & exsiccatum, ut primo tangens, ingentem me percipere calculum existimarem: Ren sinister huic plane & omnino pure consumptus erat: totus namque abscessibus scatebat, ita quidem ut simul ac vel digitis durius premerem, rupto abscessu purulenta emanaret substantia: eo autem dissecto; magna semiconcocti puris (nihil incruenti habens, copia effluxit. Præterea & ingentem inæqualem, in eodem rene, album deprehendi calculum, ex illuvie illa purulenta proculdubio natum: Oppositus Ren adeo exiguus erat, ut vix reperti posset, nec figuram obtinebat naturalem, nec substantiam, fungotus namque & flaccidus admodum tangenti occurrebat. *P. Parvius observ. 4.*

## S C H O L I A.

[*Intestina velut inflata*] Filia N. ventris tormina inquesta est, vomitiones assiduas, dolor nulli cessit remedio, dolore victa mortua est: Stylo abdomini immisso, admodum exiguo foramine flatus erupit

& totum abdomen resedit, An non viventi, metu repentinæ mortis, ista punctio fieri debuit & potuit? Audendum hercle desperatis in rebus. *Baltonius Paradigmat. 33.*

§. 4. Tonsor quidam in dextro hypochondrio effertis sibi quiddam conquerebatur, quod in sinistro conquiesceret, quo super ventriculi fundo transeunte, cibi potusque portio regurgitans, subito per os exiliebat, veluti lagena aliqua coriacea compressa, ejus quod in ea continetur cum impetu pars quædam rejicitur: Multorum imperitorum Medicorum opera usus, vehementia medicamenta, ac vehementissimas purgationes sustinuerat, sed cum hujuscemodi remediis malum non cederet, tandem defecit.

Hujus intestinum Colon, à dextro in sinistrum, & qua parte ventriculi fundo incumbit, flatu omnino distentum erat & ab omnibus excrementis vacuum: reliqua intestina facibus plena, ex quorum superioribus dum fæces descendunt, impetu quodam violento per distentum Colon ferebatur, ventriculi fundo compresso, unde factum est ut cibi potusque portio ad os subito regurgitaret. *Dodovius cap. 37. Observ. Medic.*

§. 5. Pueri nuper à me dissecti Intestina (quia ingentibus ejus tormentis obierat) omnia occurrunt vacua, & ita vento distenta, tanquam si vi quapiam externa exsiccarentur, inflata fuissent: atque acquisita per distensionem hanc mole & duritie, ita compresserant hepar, ut manifesta eorum sibi impressa gereret vestigia, ipsa autem vicissim tincta essent aurea flavedine, ex bile quam hepar coarctando è folliculo expresserant: Pylorus tam exiguo foramine erat pervius, ut flatum vix transmitteret; utrobique in duodeno & in recto loca quædam trium transversorum digitorum magnitudine vento vacua, ita considerant, ut parietes intestinorum sibi agglutinati viderentur, nec flatum transmitterent: *Th. Kerckringius observ. Anat. L.*

§. 6. Flatus in colo intestino plurimus gigni cumularique solet, in quo sæpius rugire vel murmurare obauditur, neque enim aliud natura condidit excipiendi flatus receptaculum, quem tamen prima ventriculi concoctio maxime progenuit: Itaque flatus in hoc intestino copiosior congestus, si propter obstructionem à duris resiccatisque fecibus, aliisve de causis erumpere nequit, intestinum vi distendit atque divellit, magno certe & immani cruciatu, magnoque sensu doloris: Cohibendi flatus consuetudine non paucos dissectione animadvertimus, quibus dilatatum Colon intestinum brachii amplitudinem adæquabat. *Fernelius Pathol. lib. vj. cap. x.*

## S C H O L I A.

**N**on aliud flatus receptaculum ] Cæcum intestinum flatum proprium receptaculum statuit *Simon Pauli vide inferius.*

§. 7. Nos etiam pluries vidimus, sed aliquando hanc magnitudinem in juvene, in quo vincula, seu fasciæ ipsius intestini relaxatæ, ad immensam molem colon crescere reliquerunt. *Panarolus Pentecoste iv. observ. xxvj.*

§. 8. Quidni materia pituitosa in halitus conversa, flatusque intestina distendentes accusari poterit, maxime cum tales intestinorum distensiones observentur in illorum cadaveribus qui gravissimos illos dolores experti fuerant, ut fidem superent; Sic in honesta Matrona *Dom. Bocard*, ex Iliaca passione Aquiani in Sabaudia defuncta, mirum tumida, distenta & dilatata ut cætera intestina, sic potissimum Colon observavimus, ut totum brachium facile capere potuerit.

§. 9. Sic in Nobilissima virgine *Filia Illustr. Comitissæ de Salenæve*, ex plurimis pulmonum abscessibus & vomitibus defuncta, quæ dolores gravissimos, vere Colicos passa fuerat, ita turgida intestina totum abdomen extendebant, ut vix in abdomine contineri potuerint, sed secto cadaveris peritonæo sponte & vi quadam foras eruperint, & præ tensione non solum turgida, sed etiam pellucida, ut in illis quæ à flatibus distenduntur conspecta sunt: *D. Puerarius in Observ. Selectis ad Thomæ Burnet Thesaurum p. 314.*

§. 10. Observatum in apertis cadaveribus dolores colicos intensissimos lethales, flatu intestinum distendente solo subortos: In quodam cum octiduo dolore immanissimo, vix defuncto, sedem affectam investigarem, circa Jejuni principium & membræum ostiarium circulum pluribus fecibus oblitum deprehendi, Indèque ut plurimum dolores colicos, tum in me ipso tum in aliis oriri judicavi: *Rolsinccius Dissertationum Anatomicarum lib. 1. cap. 13.*

§. 11. Serenissimus, N. colicis doloribus erat obnoxius: Intestina omnia, crassa & tenuia, flatibus distenta reperta sunt: *Vide lib. 4. tit. de Flatibus.*

§. 12. Mulier diu colico dolore excruciatæ fuit: Colon ejus dissectum crassis flatibus distentum repertum est. *Vide tit. de Fame p. n.*

§. 13. Corpulenta quædam mulier cum modo supra, modo infra umbilicum intolerabili præmeretur dolore, nec ullus hinc inde spiritus erumperet, adeo agitata est, ut scisso tandem intestino vitam finierit, quod nisi incisa pluribus non innotuisset: *Beneventinus de Abditis cap. 76.*

§. 14. Sed & rusticum novimus, qui cum post longiores torsiones, & ventris diuturnas inflationes diem obiisset, Et mortui incidèretur cadaver, longior in intestino fissura est inventa, ex qua etiam recentes uvæ, quas paulo ante comederat, prorupisse conspeximus. *Idem.*

§. 15. Anno 1655. Nob. cujusdam conjux cum filiolo unius anni, à colicis doloribus & flatibus per aliquot dies misere afflicto, Thorunium venit, consiliūque petiit à DD. G. Mochingero, Sed puellus ille paucarum horarum elapso spatio mortuus est: Tum præfatus D. Mochingerus D. Meisnerum & me, ut sectioni una cum illo interessemus rogavit.

Mirum sano dictu quantum Venter distentus erat, in quo nihil præter flatus & aliquid visci humoris conspiciebatur: Intestina autem omnia tam pellucida transparebant,

bant, ut etiam multis in locis compuncta statim conciderent; ne guttula quidem alicujus humoris in illis apparente, reliquis visceribus bene se habentibus. *Simile exemplum habet Benivenius cap. 81. Simon Scholzius in miscellan. curiosis anni 1671. obs. 86.*

§. 16. N. Dyspnœæ obnoxius, Coli dolore subito extinguitur, Intestina adeo flatibus intumescere, ut ventre aperto in adstantes profilirent. *Vide lib. 2. tit. de Dyspnœa.*

§. 17. Ill. Comes vulneratus in nate sinistra, dolores passus est ingentes, ut ventri pronus sæpicule incumberet: Intestina inflata putredine, livore, fœtore infecta, partesque ad pubem eadem labe notatæ. *Vide l. 4. tit. de vulneribus.*

§. 18. Juvenis mulier post tertianam notham incidit in Colicam passionem: Illius Colon p. n. conformatum erat, Si quidem ubi cœcum situm est, & ubi colon ventriculo annexum est, colon fuit valde laxum flatibusque distentum: Reliquis in locis, ad crassum intestinum usque, angustum, fœcibus crassis durisque, in globulos concretis infarctum. *Vide lib. 1. tit. de Paralyti.*

## S C H O L I A.

**P**ost tertianam notham } Fernelius pathol. lib. 6. cap. 10. meminit Colici doloris, diuturnis febribus aliisque morbis biliosis succedentis: ubi natura crisin noxiique humoris depulsionem in alvum movet, quum nuspian vacuandi viam promptam & expeditam nanciscatur, illam è venis & visceribus

in membranas sæpe avertit, ubi dolores exurgunt priore morbo graviore: Hujus colicæ curationem solus tradidit *Palmarius*, quem vide in *Encheiridio Medico practico* p. m. 247. Quæ in casu proposito affertur, aliam agnoscit causam, eamque indigenam.

## OBSERVATIO II.

*Colicus dolor à Fœcibus intestina omnia replentibus 1. 2. 3. A colo fœcibus infarctosis, & glandulis mesenterii induratis 4.*

§. 1. **Q**uosdam novi octavo demum aut decimo die alvum exonerantes, quorum excrementa dura & sicca sunt instar caprarum stercorum: Ii dolori colico capitisque valde obnoxii sunt, ob vapores ad cerebrum elatos, imo quandoque mors inde consequitur: Olim dissectui cadaver duodecennis pueri, cujus universa intestina fœcibus erant oppleta, admodum duris & siccis, quas ante obitum vomitu profundeabat, quæ causa fuit mortis quod auxilio tempestivo destitutus fuisset. *A. Paræus operum lib. 7. cap. 65.*

## S C H O L I A.

**Q**uibus duris fœcibus colon intestinum turgescit, & dura sunt alvo, capitis doloribus sunt opportuni: Non tamen hi excitantur (quæ vulgo affertur ratio) à fœtidis vaporibus ad caput exhalantibus (nam quo duriora sunt ea excrementa, eo vaporis fœtorisque magis expertia) sed quod pressa à colore vesica fellea, & immemor sui officii reddita, bilio-

sum recrementum ex hepatis vasis in sanguinis generatione non elicit purgatque; unde retentum in venis, & digestum per corpus, quamcunque partem imbecilliorē invenerit, (solet autem ut plurimum esse caput) eam afficit & labefactat: *Spigelius Anatom. lib. 8. cap. 13.*

§. 2. Diuturnior fœcum in intestinis mora, seu proprio ægri calidioris & siccioris, seu diætæ vitio contigerit, i. e. ciborum sicciorum, exercitiorum & laborum Sole sub ardenti, seu negotiorum magnitudine alio versa mente, Colicam invehit affectionem, cum capitis dolore, ex vaporum sursum elatorum copia; Memini olim à me dissectum cadaver pueri xij. annos nati, cui intestina multis velut cohibitarum duriorum & sicciorum fœcum nexibus erant implicata, cum ipsas paulo ante mortem redderet, quæ interitus causa extitit, cum remediis opportune exhibitis prævisum non fuisset. *Paræus operum l. 16. c. 38.*

§. 3. Filius D. de Villes (*Vide lib. 2. tit. de Phthisi.*) pridie ante obitum Colico dolore vehementi afflictus fuit: Illius Colon fœcibus admodum adustis refertum repertum est.

§. 4. Mercator de dolore in regione lumbari gravativo, sinistri hypochondrii obtuso, ac vinculo sub ventriculo transversali conquestus est: Omnes glandulæ imi ventris, internæ mesenterii, & externæ abdominis erant induratæ, imprimis quæ copiose regioni lumbari incumbunt: Cellulæ coli per transversum corporis scybalis infactæ erunt. *Tit. de ventris tumore.*

## OBSERVATIO III.

*Ventris dolor à pituita vitrea externa intestinorum tunica affixa.*

**P**uella quædam annos nata xiv. laborabat Colico dolore atrocissimo, cum ventris inflatione, qui neque clysteribus neque potionibus purgantibus, vel lumbricos enecantibus sedari poterat, sed tantum balneo tepido sopiebat, sed egressas



recurrebat, donec intra xx. dies ægram de medio sustulerit : Per bīdium ante mortem magnam sanguinis nigerrimi copiam per alvum excrevit.

Dissecto cadavere inventa est multa pituita vitrea, externæ intestinorum tunicæ adhærens, & per totam eorum longitudinem frustillatim dispersa; magnitudine varia, ut quædam frustula fabæ, alia avellanæ magnitudinem æquarent : In venis autem & cordis ventriculis nullus sanguis inventus est, quia natura extremo conatu totum ad intestina detruserat, qui in iis nigrescens, ut omni extravasato sanguinī contingit, ante obitum exclusus fuit : Ubi notanda est sedes materiæ colicum dolorem efficientis, ab authoribus non expressa, nempe externa intestinorum superficies. *Franc. Chomech. observ. 6. Riverio communicata.*

## S C H O L I A.

**Q**Uæ doloris causa fuerit proxima dubium, an pituitæ frigus, quale inducere vitrea apta nata est : an compressio & coarctatio eorum ab eadem extrus adhærente, hinc libero flatuum, fæcum & chyli commeatu negato : A quacunque demum causa ortus sit dolor, opem tulit balnei tepidus

calor, flatuum discussione, meatuum refectione, humoris frigidi temperatione, & fusione, membranarum intestinorum relaxatione. Dubium vero majus quomodo illuc pervenerit pituita, quæ in ventriculo & intestinis generationem habere statuitur.

## O B S E R V A T I O IV.

*Colicus dolor à pituita totum Coli ductum obsidente.*

**R**etulit mihi D. *Peucerus* in Italo quodam Colica consumpto dissecto, totum Colon fuisse pituita obductum, relicto saltē foramine digiti crassitie pro facibus transmittendis. *Phil. Salmuth. cent. 1. observ. 78.*

## O B S E R V A T I O V.

*Colicus dolor à Bile intra membranas Ilei conclusa 1. 2. A Bile circa Colon effusa; cum abscessu mesenterii. 3. A Bile cum lapide in cysti fellea lacera. 4. A Bile in Ileo & Colo. 5. A Bile ab hepate manante.*

**§. 1. E**X biliosis & acribus humoribus Colicam originem habere, si nimirum non in cavitatem sed per tunicas intestinorum movetur scribit *Sennertus*, Et si alio convertantur, & iterum & fibres ac convulsiones causare : Vidi in Infantis cadavere tenue intestinum Ileum croceo colore tinctum per ejus longitudinem : quæ tinctura fuit ab humore bilioso tunicis impacto & per longitudinem fuso, unde ingentes dolores illi fuere diurni, & sæpius recurrentes, quos ejulatu, inquietudine corporis, & torsione pedum significavit, qui nullo fotu abiere, & aucti veram colicam calidam, seu ex bile, fecerunt, & à quibus convulsiones diræ ac mors. *Hachstetterus Decade viij. casu iv.*

**§. 2.** Præter intestinorum phlegmonem illis aliquando accidentem, phlogosis alia seu fervor in illis non infrequenter oboritur, maxime tenuioribus, unde Iliacus quoque dolor potius quam colicus ( licet eum etiam sic communiter appellent ) sævus diuque durans, gravia quoque inferens symptomata, oboritur : Quando nimirum, ( sicut longa observatione cognovimus, signisque certis deprehenditur ) bilis non in intestinis retenta ( sicut in illorum obstructionibus, unde quoque dolores hosce quandoque nasci diximus ) sed in intestinorum substantiam se inferens, atque illa amplo sæpe spatio imbuens inficiensque, vellicat, rodit, uritque : Sicuti in ventriculo ardores illos diurnos simili modo interdum evenire, atque ex macula lutea post mortem sectione facta inventa nos deprehendisse illic docuimus; & hoc idem in intestinis accidere eadem experientia cognovimus : hinc pendet diurnitas & pertinacia doloris. *Platerus pract. l. 2. c. 13.*

**§. 3.** Mulierem prægnantem, quam ob continuantem dolorem crediderat obstetrix gemellos parituram, vidimus post obitum in mesenterio habuisse abscessum, disruptum à violentia partus : Et ex ejus diffuso pure intestina fuisse non tantum erosa sed vere siderata Colon autem tam libere bili flavæ innatus, ut non esset cochleari eam eximere. *Tulpius lib. ij. Observat. 37.*

## S C H O L I A.

**E**am bilis affluentiam frequentius hic loci quam animadvertant Anatomici, verisimile est eam transsudare paulatim per tunicas folliculi fellei, huic intestino quam aliis viciniore; quare male sibi com-

fulunt illi, qui præ nimio studio validius compri-  
munt Jecur : exprimit quippe prona hæc flexi corporis incurvatio bilem : quæ ut interdum pungit ac vellicat extimam, sic insinuat sese nonnunquam inter

inter utramque ipsius tunicam; excarnificans tam misere aegrum hac ratione obiectum, ut millies exoptet mori antequam eo felicitatis pervenerit: quam tristissimam catastrophem equidem aliquando meminisse juveni miserum in modum ab hac lanicno oppresso: Noli itaque, O Medice, accedere inconsideratè illorum sententiæ, qui solis calidis medentur cuique Colico dolori: necesse est turpiter interdum ipsos hallucinari: respice attente ad oblatus morbi causam, & tolle potius quam augeas inflammationem, ab effusa bile intestinis communicatam. *Idem.*

*In mesenterio habuisse abscessum*] Quamvis mesenterii abscessus frequenter occurrant, Cavendum tamen ne imponat Chyli receptaculum quod plerisque pro abcessu habitum fuit, ut monet *Cl. C.*

§. 4. *Ferrandus* anno Dom. 1564. secare fecit Illustr. de Montleon; Illustr. Joh. Chagnier, Dom. de Rupeposerli conjugem, & in folliculo fellis compertus est lapis niger, asper, magnitudinis unius nucis, cum suis nucamentis, qui suo pondere folliculum laceraverat, ut fel in capsam intestinorum manabat, unde omnes partes adjacentes erant maculae, una cum intestinorum externa superficie. *Lib. de Nephritide & Lithiasi* §. 30.

§. 5. *Fœminæ dysentericæ* venter dolebat diverso modo: Intestinum duodenum & jejunum repletissima erant bile: Ileum, cubiti unius longitudine corruptum, Colon ad octo digitos. *Vide tit. de Dysenteria.*

## S C H O L I A.

**I**leon; Colon &c.] Quæritur an dolor in superioribus tenuibusque intestinis sit major aut minor quam qui in crassioribus consistit? Primum ex anatome disci debet tenuium intestinorum tunicas rara ac tenui substantia constare, & intestina illa, quæ membranosa sunt, exquisitioris esse sensus quam sunt crassa, quippe quæ carnosæ sint magis: Si exquisitior in illis quam in his sit sensus, dolor qui in tristi sensatione consistit, major erit ac manifestior in tenuibus quam in crassis: Ac propterea *Galenus* cap. 3. de loc. aff. vehementissimos dolores in tenuibus intestinis periclitari dixit: contra tamen & rationem *Anatomes*, & communem sensum, & sententiam *Galenus*, locus alius stabit ab eodem *Galenus* scriptus, cujus hæc verba, [Ex doloribus ii qui vehementissimè sunt, haud abs re in crassis erunt intestinis: qui verò mitiores sunt, horum duorum alterum necesse est, aut quod à manifestiore minoreque causa sunt, aut quod non in crassis sed in tenuibus sunt intestinis]: Sed norandum institutum esse *Galenus* de coicis doloribus à materia crassa, frigida lentæque disputare: cum enim cumulanda crassa crudæque materiæ locus sit opportunus Colon intestinum, ideo & ratione loci, qui amplius est, distenditur valde, Et materiæ, quæ in eo congeri solet, cum in eo vehementissimi sint dolores, conjicimus in colo esse: Si manifestiores, aut in tenuibus sunt, utpote in quibus non solet illa pituita cumulari, Aut in colo sunt, sed à minore causa: Sed dicet aliquis: Si in tenui & crasso intestino eadem crassa materia ponatur, è qua dolor, an non crudelior dolor in tenui quam in crasso? Verum quidem esse videtur, sed in tenuibus intestinis non illa congeritur materia; hinc accomodatè *Galenus* 2. de loc. cap. 6. [Omnes, ait, & Medici & populares vehementissimos dolores ad colon referunt, & colicum vocant, verisimile videtur, nam non ut in viceribus lapide, quod impacto dolores oboriuntur,

*Theop. Bierling* in miscell. curios. anni 1671. *Observat.* 152. his verbis, Intermittere nequeo quin animi sensum aperiam, & causam explicem quæ per tot sæcula tot auctores decepit, nimirum ob imperfectam *Anatomes* adhuc cognitionem, & præcipue magnæ illius in centro mesenterii contentæ glandulæ, cujus usus & finis antequam à *Cl. Pecquero* consignaretur, multos auctores latuit, dum hi receptaculum istud chyli, post mortem adhuc repletum & dissectum, plerumque abscessum mesenterii fecere: Vix enim observationes reperies in quibus non aliquoties tales mesenterii abscessus recensentur: Non quidem mihi mens est mesenterii abscessus totaliter in dubium revocare, sed solummodo mihi persuasi multoties receptaculum chyli pro abscessu mesenterii habitum fuisse.

ita in tenuibus intestinis frigidi spiritus & humores retenti gravissimos dolores excitant: nam cum tenuium intestinorum tunica sit rara, diu hujusmodi causas, i. e. crassos humores continere non possunt: probabilis ergo eum crassum humorem in crasso intestino genitum, egredi nequeuntem, dolores hos movere, vehementes quidem, ob intemperantiam & corporum crassorum tensionem; longos quia difficile vacuatur,] Hoc ex loco *Galenus* patet, superiorem sententiam de gravitate doloris in crassis intestinis, intelligi de materia frigida, quæ & generationem peculiariter hic habet & manliorem: At tenuia intestina, quia à bile tanquam clystere naturali eluuntur, non generant, & si habeant, non diu retinent, ut placet *Galenus*: Non enim negare oportet quin si acres mordacisque humores in tenuibus intestinis retinerentur, aut crudeliores dolores, aut saltem pares excitarentur ac si eadem materia in crassis retineretur, sed peculiariter & crassæ materiæ crassa intestina sunt promptuarium: Ideo, ut annotat *Galenus* in tenuibus intestinis acerbissimi dolores sunt, (ut in ileo) aut cum inflammatio est, quæ obstruit intestinum ut nihil transeat, aut resiccatum omnino stercus: Quanquam contra id quod dicimus, in tenuibus intestinis non posse eam phlegmonem generari quæ intestini capacitatem ululatus impedit, asserti potest locus in quo *Galenus* docens asperæ arteriæ phlegmonem posse quidem spirandi difficultatem asserere, sed strangulationem non posse inducere, scribit in aph. 34. 4. [Impossibile est corporis multum tenuis inflammationem spatium effatu dignum replere] Tenuia intestina, per eundem *Galenus* 6. de loc. tunicam habent raram admodum: Ergo quamvis in ea concipiatur phlegmonem, non potest viam obstruere. *Ballonius* conf. 53. lib. 1.

§. 6. Civis quidam Aventicensis, cum quadam die propter violentum corporis motum in itinere supra modum incaluisse, & haustum frigida bibisset, febris correptus fuit; Cum autem Medicum nullum adhibuisset rationalem, paulatim in cachexiam incidit, ac paulo post nausea quadam continua & vomitu bilioso correptus fuit, ita quidem ut continuo cibum indigestum evomeret, Non diu post dolor ventris quoque exortus est, qui cum de die in diem accresceret, vomitus paulatim imminutus est, tandemque remisit, aucto ramen & vehementiore facto cruciatu intestinorum: Excruciavit ægrum dolor ventris per menses aliquot, adeoque vehemens fuit, ut dies noctesque ejulare coactus esset & alimenta respueret. Hinc vires paulatim mirum in modum prostratæ fuere: Ad instar sceleti fere extenuatus evasit, febricula continua aderat, alvumque continuo constipatam habebat.

Cadaver cum aperuissem, Hepar fere totum putrefactum reperi. Vesicula felle omnino erat vacua, & cholidochus præter modum laxus & apertus: Intestina, & imprimis tenuiora, undique tam flava erant ac si croco infecta fuissent: Renes similiter, & præsertim inferiores apices, eodem colore erant tincti. Eorum vero parenchyma ita erat lividum ut initium gangrenæ adfuisse argueret.

## S C H O L I A.

**M** Arteriam quandam biliosam, imprimis acrem & vellicantem, ex hepate gravissime affecto per cholidochum amplum & relaxatum continuo ad intestina defluxisse, ibique dolorem istum gravissimum excitasse verisimile est: Testis est color ille flavus: Ex quia intestinorum expultrix ex præcedente vomitu partim turbata partim quoque labefactata fuerat, sequuta est alvi constipatio & doloris vehementia,

propter retentam scilicet materiam acrem & vellicantem. *Fabritius Hild. cent. iv. Observ. xlv.*

*Intestina flava, &c.* ] Divisionem Colicæ in biliosam, pituitosam aut attrabiliariam eatenus admittit Excell. *Willis* quatenus juxta corporis affecti dispositiones symptomata variari faciunt dicti humores, non quod colicam per se excitent.

§. 7. Admirabilis est historia cujusdam Bordier, qui jam annum unum conqueritur de dolore quodam ad ventriculum terminoso: aliquando mitescit, aliquando maxime sævit, nec eum dormire sinit: nullis remediis levatus est: metumimus ne aliquando in hydropem siccum incidat, aut plane tabescat. *Ballonius Epidem. lib. ij. pag. 216.* Superius annotavimus de quodam nomine Bordier, cui colicus dolor per duos annos perseveravit. Hepar albicans deprehensum est, Sic serum nescio quod tetrum nascitur, quod istos excitat dolores. *Idem, ibidem pag. 253.*

## O B S E R V A T I O VI.

*Ventris dolor Colicus, corruptionem viscerum prope omnium naturalium sequutus, à Bile ortus.*

**M** Artzeus Rumplerus, constitutionis calidæ & siccæ, doloribus vagis in abdomine sæpe corripiebatur, quos tamen sibi familiari enemate dissipare consueverat: Idem hoc anno 1671. quem ætatis suæ 70. numeraverat, postquam per aliquot dies de doloribus infimi ventris, non tamen adeo gravibus ut decumberet, conquestus est: tandem die 27. Aprilis ex horto suo domum rediens, circa vesperam hora post quintam media, tamenormes passus est dolores, ut lecto suo committere se coactus fuerit: Adhibuit mox in subsidium enema consuetum, quod cum nihil levaminis ei attulisset, iterare jussit. Dum vero Pharmacopœus ejus præparationem molitur, urgentibus doloribus, iisque atrocissimis, me ad se invitat: Adsum, & ægrum, cujus extremitates omnino frigeabant, & qui totus copioso sudore frigido difflebat, de infixis in hypogastrio doloribus misere conquerentem audio, simul quoque arteriæ motum justo celeriores deprehendo: repetitur enema, quod plurima scybala educens aliquale levamen afferre videbatur: sed redeuntibus gravissimis doloribus, tertium enema, ex anodynis imprimis paratum, injici jubeo: simul quoque varia interna atque externa adhibeo. Siquidem interdum per aliquot intervalla remittere videbantur dolores, qui tamen postea atrociores redire: Et licet tandem ad ipsa quoque narcotica descenderim, eaque in desperato hoc malo satis copiose exhibuerim, simul quoque quartum enema applicare jusserim, ne tantilli tamen temporis inducias obtinere licuit: unde viribus plane prostratis, postquam ultima ante mortem hora, primum quidem subviridia, mox atra vomitu rejecit, tandem die 28. Aprilis, circa horam quartam matutinam plane obdormivit.

Quamvis autem Colica biliosa eum extinctum fuisse pronuntiaverim, attamen quia mox post mortem abdomen, alias attenuatum, in immensum crevis, suspicio apud consanguineos de veneno assumpto fuit orta, quæ nobis licentiam viscera scrutandi ultro concessit: Vo-

catur



catur igitur Chirurgus, qui ubi primum cœpit incidere abdomen, gravis erumpens fœtor magnam adesse corruptionem indicavit, Et merito, nam peritonæum cum omento adeo erant corrupta, ut ad levissimum contactum rumpèrent: Intestina, præsertim tenuia, cum colo, nigerrima apparebant: quorum istud flatibus, illa materia quadam sublutea, eaque crassioris consistentiæ repleta erant. Pancreas totum ulceribus nigrioribus obsitum fuit. Hepatis sima pars nigricans, gibba pallida visa; quarum ista steatoma, sesqui-pugni magnitudinem excedens continebat: Vesica biliaria liquore flavo turgebat. Lien pallidus, qua parte omento annectitur, plurima fovebat ulcera nigricantia: Ventriculus cum Vesica urinaria & ureteribus vacua & sanis similia observata: Renes sani nihil monstri alebant: Reliquas partes fœtor molestissimus lustrare prohibuit. *Georgius Segerus in Miscell. curiosis anni 1673. Observat. lxxxij.*

## S C H O L I A.

**A** *Abdomen in immensum crevit* ] Causam deducit *Clar. Willis*, ab humorum putredine & extrema mixtionis dissolutione, in qua particulæ activæ omnes manumissæ ab invicem discedunt, & avolantes quæque versus exitum quærant, & obstacula quæque, ac imprimis cavitatum parietes immaniter distendunt; quapropter uti cadavera non omnia ex æquo putrescunt, ita illorum ventres citius aut tardius, magis aut minus extumescunt; Attamen vita durante nulla fit in corpore animato putredo, aut particularum dissolutio, intumescencia (splachnicam illatura. *Vide Operis posthum. pag. m. 146.*

*De infixis in hypogastrio doloribus* ] De distinctione dolorum qui partes imi ventris afficiunt, hæc habet *Sebastianus Nasius meth. parte 2. p. 299.* Sæpe accidit in Doloribus, quod qui intestinis tribuntur, in illis non sint, sed in subditis partibus, nimirum in Pancreate, Omento, Mesenterio, & aliquando etiam in Peritonæo, quorum affectus ex exercetis cognosci nequeunt, excepta inflammatione: sed ex dolore, duritie, vel tumore: quæ signa cum implicita sint cum signis affectuum intestinorum, ideo solum cum signis negativis conjuncta vim significandi habent, & maxime signa affectuum pancreaticis & omenti, mesenterique in parte superiori, quæ ad hepatis & ventriculi regionem contendit. Peritonæum vero, quia est externum tegumentum super positum, facile tactui occurrit, & si quæ læsio in illo est, illico percipitur, 1º enim tactu durities, si quæ est, vel tensio percipitur, dolorque exacuitur, quæ omnia, si manus profundius comprimatur, potius mitescunt quam augeantur. Præterea affectus ille super totum ventrem superficialiter extenditur, etiam super regionem hepatis, ventriculi & lienis, absque notis affectuum harum partium; Et quia peritonæum pectori & diaphragmati alligatur, tussim excitat, ex qua ejus dolor exacuitur, & aliquando respirationem aliquantulum lædit: cum vero partes magis intus læduntur, nullum horum accidit nisi per accidens, cum scilicet ex elevatione vaporum angustia & difficilis respiratio sequitur: quare cum dolor, vel durities, vel tumor in profundo reconditur, nec ullæ sunt notæ affecti Hepatis, Lienis, Ventriculi, aut Intestinorum, quia munia exequuntur, hæc si accidunt circa regionem hepatis, affectus mesenterii indicant; sicut si ab umbilico ad imum ventrem circa ventriculum tale quid in profundo ejus sentiat: Si vero circa lienem & ventriculum, Pancreas affici suspicandum est, ex quo etiam difficultas respirandi sequitur, ob consensum diaphragmatis: At si adsit in regione inferiori ventriculi circa umbilicum, à quo etiam

tussis sicca excitetur, Omentum affectum esse indicatur, qui effectus licet profundus sit, late tamen diffusus conspicitur, ad differentiam affectus intestinorum, qui in ambitum angusta margine protenditur.

Ut autem hujusmodi affectus tactu deprehendantur, debet cutis ventris cum adipe plena manu excipi, & inde digitis intime tangendum est, Et si tumor, vel durities, aut sensus molestus in profundo sentiantur, quæ secundum longitudinem versus pubem disposita sint, in mesenterio & pancreate esse judicantur. Si secundum latitudinem æqualiter disposita, in Omento: Si vero in gyrum circumvolvuntur, in intestinis: *Sub his paribus sæpe in hypochondriacis tumores scirrhusi adeo duri concreverunt, ut ossi videantur, Et maxime in illa parte mesenterii, quæ spina adhaeret:* Si vero utrinque ubi è spina elabitur, tumores ejusmodi in eodem mesenterio producantur, sentiuntur magis tensi quam duri, & secundum longitudinem dispositi, qui ab imo pectore usque ad pubem excurrunt: sed ad umbilico sursum profundiores sunt: Hi cum corpus rectum stat, non sentiuntur à tangente, quia in posteriora retrahuntur: cum jacer, sentiuntur duobus digitis vel tribus, distantes à medio: Et si medio comprimuntur, stabiles conspiciuntur: cum vero ad latera tanguntur, manum fugiunt, & ad appositam refugiunt partem. Idem accidit si corpus in latus volvatur, quia decumbentibus intestinis, & mesenterii parte anteriori, posterior tensus prope spinam subsidet, unde tumor ille videtur ascendere in parte opposita, & qui erat in sinistra, tangitur in dextera: aliquando vero extenditur etiam ad partes anteriores mesenterii, & tunc tumor latus & durus fere universum ventrem inferiorem occupat, ita ut prægnantis tumor videatur: Cum tumor adest in sinistra parte ventris superioris, pulsatio circa ventriculum, usque ad umbilicum, arteriæ magnæ percipitur: Ex hujusmodi tumoribus sæpe ob contractionem percipitur dolor, seu potius attractio in imo ventre, circa os sacrum & pubem, necnon in imo pectore, & maxime versus spinam, & in mulieribus ob convolutionem ligamentorum uteri, dolores in ventre & circa renes, velur parturientium accidunt. *Hactenus Nasius*, qui in eo falli videtur quod affectus Pancreatis, &c. ex exercetis cognosci neget, cum per patentem ductum, illi ignotum, se in intestinum exoneret, unde susque deque humor illi proprius effunditur. Sic & mesenterium per vasa sua humores excernens, propriarum affectionum, nec solum phlegmones, indicia dat.

## OBSERVATIO VII.

*Colicus dolor à coli inflammatione, cum flatuum multitudine, 1. 2. 3. 4. Ab inflammatis intestinis, ventriculo, mesenterio, sensum, conjunctim, 5. Ab inflammatione tenuium intestinorum, ventriculi, ilei parte corrupta. 6. A viscerum & intestinorum inflammatione & putredine. 7. Ab inflammatis intestinis, ventriculo, mesenterio, omento, liene, &c. 8. A peritonæi & intestinorum phlegmone, 9. Ab inflammatione coli & mesenterii in abscessum defunente 10.*

§. 1. **H**omini cuidam, qui ex Colico diuturno, i. e. xx. dierum, dolore afflictus, & omni remedium genere nihil adjutus, decesserat:

Mox exsecto sic ample turgens inventum est intestinum, ut ocreas itinerarias magnitudine superasset: qua mesenterii complexus est, inflammatum totum, cætera parte cyaneum & pæne ad gangrænz modum emortuum. Distentum quidem mire facibus, sed maxime flatibus, quibus & omnes item intestinorum ductus extumesciebant, quamobrem fortasse suppressa lotia postremis vitæ diebus: Ad hæc iliorum vacuitas & mollitudo, contage viscerum nigrescentia utrinque & flaccida: Venter antequam infecaretur, hydropis in modum tumidus, qui ex subito flatu exsultu fragorem edidit, administro pungenti terificum. Sed hepatis flaccidum subnigrumque; aqua sub liene crocea multa, subque intestinis sanies crassa putidaque, qui putor etiam undequaque multus. *Severinus de Abscessus lib. 4. cap. 36. p. 276.*

§. 2. *Matthias Ortelius*, Mercator Antverpiensis, hydrope extinctus, sine Hepate & Liene inventus, At illi substantia omnium intestinorum carnosæ prorsus erat & multo solidior quam ipsa musculorum caro, ut soliditate cordis carni fere responderet; Hæc sane causa fuit quod toties inflammatione & abscessu intestinorum laboraret, facilius enim quod carnosum quam quod membranosum est inflammatur & ab abscessibus torquetur: nam carnosæ partis plus, membranosæ vero minus sanguinis & humores participant.

§. 3. Anno 1623. *Adr. Spigelius* monuit Senibus quandoque costam spuriam incurvescere, eaque Colon intestinum pungente inflammationem ac mortem sequutam, *Ioh. Rhodius cent. 2. observat. 78.*

§. 4. Cum plurimum à Coli inflammatione defunctorum cadavera aperui, reperi in omnibus cuncta intestina ad summum distenta & quasi à vento inflata. *Willis Pharmac. Ration. sect. 3. cap. 1.*

## S C H O L I A.

**A** *Vento inflata*] Quod proculdubio accidit, non quia flatu primo genitus viscera ista distenderat, sed cum membranæ à spiritibus valde irritatis, ac intra fibras ipsorum explosis plurimum distenderentur, idcirco ad vacuum implendum flatu isti secundario & per consequens progignebantur. Propter hanc causam Tympanitum oriri credimus: Quod itaque in Nephritide, Passionibus Colicæ, Hypochondriacæ, & Hystericæ flatuum proventus uberrimus esse solet, id non, uti vulgo fertur, morborum istorum causæ, sed tantum effectus sunt, nempe dum istorum paroxysmis membranarum affectiones *anæquales* superveniunt, atque viscera cava à spiritibus violentè explosis intumescunt, hinc statim ut spatium inane occupetur, humiditas quædam inclusa in vapores, à quibus flatu emergunt, resolvitur: Quamobrem cum partis affectæ distensio relaxatur, flatu ita extempore productus à membranæ contidentibus alio propellitur. *Idem.*

*Intestina flatibus distenta*] Præter Ventriculi & Intestinorum contenta liquida, aliud quoddam ex his resultat, scil. Flatu, qui cum intra eorum cavitates plusquam in alia totius corporis parte quavis aggeri solent, ad hunc modum produci videntur: Dum alimenta in visceribus subacta & digesta, à fermentis & calore ipsorum dissolvuntur, effluvia quam plurima decedunt, quæ si spatium liberum & apertum obtinerent, in auras migraura evaderent; verum

si membrana conclusa, & simul aggesta, vaporum congeriem, quasi ventum constituunt, qui intestina sæpe inflat ac distendit, & qua data via ruens, sæcum excretionem promovet: conclusus vero tormina, & non raro ventris inflationem creat: Flatu in visceribus ab alimentorum dissolutione emergentes, simili ritu gignuntur ac cum margaritæ, corallia aut alia concreta matraccio imposita, à menstruis suis dissolvuntur: à solutionibus enim factis, Vapores quam plurimi dimanant, qui si strictius coerceantur, vas continens distendi ac dissilire cogunt: pariter ab alimenti intra primas vias sive dissolutione sive coctione, aut fermentatione effluvia copiosa decedunt, quæ simul aggesta, ac intra membranas conclusa flatum efficiunt; cujus insuper proventui uberiori causæ quædam aliæ contribunt: Hoc etenim insigniter præstat succorum non rite miscibilium colluctatio & effervescencia: quippe dum humores adventitii, aut ingesta heterogenea, ac imprimis medicamenta, cum aliis intestinorum contentis fermentescunt, à mutua particularum refractione, corpuscula quamplurima decedunt in vaporem aggeruntur: Porro ab ipso sanguine ebulliente, cum halitus copiosi ubique decedunt, eorum pars quædam ex arteriis in viscerum cavitates erumpens, flatuum aggeriem ibi productam auget: Cæterum ad uberiore flatuum proventus faciunt viscerum extensiones & intumescencia convulsiva. Quippe dum membranæ, ob majores

maiores spirituum dispoſiones, & excuſus inordinatos plurimum diſtenduntur, cavitās interna ſicut veſica inflata multum ampliatur, proinde ut humoris incluſi portio, intra vacuum iſtud ſpatium, velut cucurbitam poſt flammam extinctam, in flatum rareſcat, qui poſtea quando membranæ tetanus remittit,

cum impetu erumpit, aut proximos ſubinde inteſtinorum anfractus tumultuoſe pervadit: Propter hanc rationem, quando inteſtini pars aliqua ex phlogiſi, aut humorum acrimie decubitu, extensionibus convulſivis obnoxia fuerit, etiam flatu continuo producti moleſti admodum evadunt. *Idem.*

§. 5. In omnibus quotquot unquam aperire potui, veram inflammationem conſpeximus, quæ modo Ileum, vel Jejuni inteſtini partem aliquam, modò vero Colon tantum occupavit: Vidi etiam quibus omnia inteſtina & ventriculus erant inflammata cum levi tenuiorum inteſtinorum inflammatione. *Adrianus Spigelius lib. iv. de Febre Semifterſiana c. 13.*

## S C H O L I A.

Cum natura humores vicioſos ad hanc corporis quaſi ſentinam à partibus nobilioribus depellare ſoleat, iidem nunc ſenſim cum ſæcibus alvi excernuntur, nunc varii alvi fluxus excitantur. Si vero via iſta ad inteſtina præcludatur, ut in ea vicioſi humores effundi non poſſint, hærent in meſenterio & vaſis meſaraicis, unde meſenterium, & plerumque etiam inteſtina, nunc hæc nunc illa, prout per hunc

vel illum rami meſentericum humores affluunt, inflammantur. Huc pertinet aphor. 27. 7. Ex diuturno partium quæ ad ventrem attinent dolore, ſuppuratio: hæc autem ad inflammationem ſequi ſolet. Ex eodem autem *Spigelio*, inteſtina ſimul cum meſenterio inflammari ſpecialim oſtendit febris hemitritæus, quam obſervavit inde originem trahere.

§. 6. Mag. Petrus Comparet, Genevenſis, Piſtor dulciarius, doloribus ventris per multos meſes afflictuſ fuit, tandem eorum atrocitate conſectus obiit: Quod cauſa obſcura eſſet, & de veneno exhibitò ſuſpicio apud parentes, poſtridie inſtituta ſectio, Cujus hæc eſt relatio.

Nos Subſignati D. Medicus & Magiſtri Chirurgi, facta diſſectione cadaveris Mag. P. Comparet, hæc in ejus abdomine ſingularia deprehendiſſe fidem facimus 1. Tunicam ventriculo cruſtoſam omnino inflammata & ſiderata: 2. tenuia inteſtina omnia nigra & livore affecta, craſſa autem tumida & flatibus turgida, nequaquam immutato colore naturali, Ilei autem partem ad digiti longitudinem corruptam. 4. Aquas abdominis cavo concludaſ, incipientis hydropiſ indicium: 5. Inflammationis initium juxta cervicem veſicæ. 6. Renem dextrum conſumptum, ſolo illius involucro ſuperſtite, vitiata figura naturali & magnitudine ejus imminuta. *Actum Geneva 27. Julii anno 1673. Joh. Bonetus, D. M. Benjamin Noël, Chirurgus & cadaverum Viſitator Iuratus. Petrus Sabourin Chirurgus.*

§. 7. Hieronymus Germanus Colicum dolorem pati putebatur; 4. die interiit, extimis ante frigentibus, languente pulſu, ſanguineis ſpectris ob oculos obverſantibus.

Huic interna in viſceribus & inteſtinis inflammatio & putrilago eſt deprehenſa. *Gul. Ballonius Parad. 84.*

§. 8. Plurimis dolores in ventre immanes, continui vel intermittentes affligerunt à facto abſceſſu in ventriculo, inteſtinis, meſenterio, omento, liene, &c. prægreſſa earum partium inflammatione. *Vide tit. de Febribus.*

§. 9. In Aſcrico facta paracenteſis: nocte quæ tertium præceſſit diem, de ingentibus inteſtinorum doloribus conquieſtus eſt; Peritonæum apparuit valde inflammatum ac rubescens. Inteſtina inflammatione ingenti correpta. *Vide tit. de ventris Tumore.*

§. 10. Illuſtrem juvenem temperationis bilioſæ & ſanguineæ, poſt luculentum pepõnunt uſum, & vini meracioris immoderationem, in meſe Auguſto dolore fixo in hypocondrio ſiniſtro, in regione coli, cum ardore, ſiti, vigiliis & febricula aſſidua, quem calida auxilia non ſolvunt ſed adaugenti, eſculentiſque & potulentis calidioribus adaugetur, ex diro dolore laborare qui ab affectu parte Colicus nuncupatur, ex inflammatione à ſanguine bilioſo genita; Indicio ſunt dolor fixus, febris aſſidua, ſitis & juvantia ac lædencia: Ampla enim & laxa cum ſit inteſtini Coli caro, anfractibusque multis ſinuoſa, varias ſane excipit materias, quarum exuperantia diſtorquetur dolorque ſit: Hæ autem materie ut plurimum ſunt flatu, craſſior humor aut lentus, aut pituiſoſus; interdum acer & bilioſus, qui inflammationem ſuccendit, ut in præſenti caſu: Ea autem parte afficitur quæ ventriculi fundo inſternitur, hinc ad ſiniſtrum hypocondrium contendens, lieni aſſiſtit.

Nobiliffima autem juvenis calidiſſimis medicamentis ab initio tractata, atque victus ratione calefaciente, cum ſemper in dies ſingulos in deterius laberetur, fuit etiam vena ſecta, neque ad refrigerantia auxilia unquam ventum eſt, aut ad aliam ſanguinis vacationem, prævalente ſenſ opinionione, ut ex flatibus dolor ſuboriretur, denique xxvii. die, dum ſenex locum affectum manibus contrectaret, maximo dolore concitato, ſtatim interiit.



Sectò eadavere, inventus est abscessus in Mesenterio & Colo, ea potissimum parte quæ fundo ventriculi substernitur. *Lelins à Fonte Consultatione xxxiv.*

## S C H O L I A.

**D** Olore fixo in hypochondrio sinistro, ] Colon intestinum circa renem sinistrum angustius est, ne splenem comprimat; quam quibus splen tumet, flatus vix erumpunt, nisi splen prematur: Et hæc

causa est cur hoc loco Colici cruciatus sint gravissimi; ubi abscessus genitos, & per cutem maturatos ac curatos vidit. *Baubin, Th. Anat. lib. 1. cap. 18.*

## O B S E R V A T I O VIII.

*Colicus dolor à Coli putredine 1. 2. A scirrho in Colo, ejusque dilatatione 3. Ob colon post vulnus in thoracem compulsum 4. 8. Ob vulnus Coli. 5. Ob Colon in scrotum devolutum. 6. Ob Colon cancro affectum. 7. Ob Colon à rene lapide pregnante compressum. 9. Ob Colon post vulnus diaphragmati annexum. 10. Ob globulos plurimos colo affixos. 11.*

§. 1. **V**xor N. gravida & jam partui vicina, cum intemperantius vixisset, in villa comedendo fructus horarios: & lac, rediit domum, & magnum haustum cerevisiæ frigida bibit, & statim incidit in dolorem in latege dextro, sub regione hepatis, cum alvi adstrictione: adhibita sunt clysteria & varia fomenta, nihilominus quinto die periit.

Sectò corpore, invenimus in eo loco partem intestini coli putridam & denigratam. *Ex. I. Hesi Medici Norici Observationibus.*

§. 2. *Meichnerus* etiam, cum intemperius cœnasset, incidit in dolorem ventris circa pubem acerrimum, cum sensu caloris & adstrictione alvi: præscripta sunt varia clysteria & fomenta, sed frustra, quarto enim die periit.

Sectò ejus corpore, invenimus colon circa illum locum plane putridum, ita ut etiam ad tactum levem rumperetur. *Idem.*

§. 3. Observatum est à nobis in D. Zolin Medico, & Advocato Gillot, cui Colon, qua parte vicinum est reni sinistro, collecta veluti cartagine dura, in scirrhum obduruerat, in teriore cavitate eo tumore intercepta, ut nihil transcurreret. Itaque neque clysteribus, neque medicamentis juvabatur etiam fortibus. Parte dextra Colon ad instar magnæ vesicæ dilatatum & extensum, medicamentis datis & portionibus plenum. Superjecti vicini que musculi abdominis & peritonæum saniosa. Post longa & multorum annorum tormina, è quibus tamen non decumbebat, sexto à quo decubuit die mortuus est, sine febre. Eodem die obiit N. interna inflammatione & putrilagine, Colico morbum similem inferente, extremis ante obitum die, qui fuit quartus, frigescentibus, languescente pulsu & sanguineis spectris ob oculos obversantibus. *Scholiagr. ad cap. 41. lib. 1. Hollerii de morbis inter Ballo- minis Parad. 83.*

§. 4. Francisco N. glans plumbea per sterni fines diaphragmatis partem carneam transfodit. Successit intestinorum dolor colico similis, Magna intestini coli pars, flatu turgida, per vulnus diaphragmatis in thoracem irrepsit. *Vide lib. 4. tit. de vulnere.*

§. 5. Quidam vulneratus in hypochondrio dextro, de vehementi abdominis dolore conqueritur. Intestinum Colon per transversum dissectum sphacelatumque repertum est. *Vide lib. 4. tit. de Vulneribus.*

§. 6. Colon plusquam pugni magnitudine in scroti parte dextra constrictum conspexi Parisiis, cum Domino *Bienaisio* Chirurgo Parisiensi, anno 1671. in Leonardo Drovino Limbolario. *Ioh. Henricus Lavaterus in Thesisibus inauguralibus §. v.*

§. 7. Anno 1622. aperui cadaver Nob. cujusdam Galli, qui atrocissimis intestini Coli doloribus consumptus obiit, & inveni intestinum Colum Cancro occulto affectum, cujus causa, meo judicio, fuit obstructio pori bilarii: hic enim ea parte, qua duodeno inseritur, lapillo pisum magnum adæquante adeo obstructus fuit, ut ne tantillum bilis per eum expurgari potuerit; hanc tamen bilis copiam natura, non ad universum corporis habitum, ut plerumque solet, sed ad colon deposuit, &c. *Vide Tit. de Ictero, §. ex, Ioh. Sculterius Arman. Chirurg. part. 2. Observ. xlvii.*

§. 8. In obsidione Rupellæ cuidam Nobili globulo sclopetario transfoditur pectus à costis mammæ sinistræ subjectis ad infimas nostras costas lateris dextri, præsertim qua parte sita est cartilago Xiphoides, hoc tamen vulnus curabile fuit. At anno post obortus dolor est intolerabilis Colico simillimus, qui nulli cessit remedio.

Eo extincto apertum cadaver, Inventum est diaphragma parte sua carnosâ perforatum superiore ictu: atque foramen illud aliqua ex parte obductum erat caruncula quæ circum accreverat:

accreverat: Tamen per reliquam rimulam Colon intestinum sensim subiverat thoracis regionem, deinde per attractionem quandam majore sui parte ingressum fuit: Idemque contigit quod tenui vulpeculæ apud *Horatium*, cum enim intumuit, egredi non potuit: Denique, ut fit Enterocoele in Scroto, ita Enterocoele facta est in Pulmonis capacitate. *Ballonius Paradigmate xi.*

§. 9. Novi quandam Matronam quam plures Medici Colico dolore laborare confirmabant. Ego autem prima visitatione ( quia pes stupebat & alia signa calculi aderant ) calculum esse judicavi: quod tamen alii multis argumentis falsum esse dicebant: atque ita ego ablegatus fui, ipsi verò in curatione permanserunt, continuèque calida & sicca administrant, donec vitam cum morte permutaret.

Dissecto corpore magnus lapis in rene inventus, atque ego meo honori restitutus. *Gerardus Bergenfis lib. de art. & renum morbis.*

## S C H O L I A.

**P**eriti artificis est nephriticum dolorem à colico distinguere, cum colon renibus affectis non vicinæ solum lege condoleat, sed & ob plexum nervorum renalem, cui alius à nervo intercostali, seu potius eo mediante, à spinali medulla accipit: In quantum ille plexus, ait *Willis*, Anat. cerebri c. 27. cum mesenterii maximo communicat, affectio colica & nephritica multum affines existunt, ut sæpe sit difficile eorum paroxysmos ab invicem distinguere. Colicus enim dolor interdum vagus est, late diffusus, modo hac modo illa parte gravius urgens, nunc hepatis nunc lienis, nunc ventriculi, nunc renum sedem occupans, alias supra, alias infra umbilicum torquens, sæpe latere sinistro maxime molestus, ratione angustia, ea in sede, primum à *Banhino* notata. Si enim excrementa suprema ac maxime capaci coli parte conglomerata & indurata, à flatibus per vim illuc impellantur, contingit ea nonnisi cum dolore permeare, hinc confusa diagnosi utriusque affectus. Se-

quentia tamen signa, si accurate ad examen revocentur, ab invicem eos discriminant. 1°. Colicus dolor fere vagus est, cinguli instar medium ventrem affligens, Nephriticus fixus est in rene, secundum ureteris ductum ad testem expansus: 2°. Ingestus cibus Colicum auget, ventriculi plenitudine colon opprimentem: Nephriticus inde mitescit, succi alimentarii parte ad tenes delata, unde doloris mulcebra: 3. In colico vomitus magis urget, alvusque adstrictior est, ob viciniam fundi ventriculi & coli, & intestina offensa sese constringunt quo à molestia se liberent: Id autem cæteris paribus intelligendum, intensus enim nephriticus dolor, majorem vomitum levè colico movebit. 4. In colico ab excretis sursum deorsumve majus solatium accedit quam in nephritico: 5. Discrimen dant urinæ, quæ crassiores initio in colico: rennes autem primo & limpidæ, in successu hypostasin exhibent, si nephritis adsit.

§. 10. *Dom. de la Grange*, Vir Ill. & strenuus æt. 47. in obsidione Crollana globulo sclopetico, abdomen paulo supra umbilicum penetrante, igitur; post mensem sanatus est integre; expugnato vero Buscodoco, colica passione diem obiit.

Cadavere à *D. Rumphio* aperto, intestina tanquam folle inflata apparent, partem verò coli superiorem ventriculo proximam, spithamæ longitudinem æquantem, ex violentia præcedentis ictus in diaphragmate, supra illud hæsisse, atque consolidatum fuisse repertum est: Mirum hominem toto biennio nullam ex hoc vulnere in naturalibus & vitalibus functionibus obeundis sensisse læsionem. *Observatio Samuelis Clossai Med. Metensis.*

§. 11. Singularis est observatio *Clar. D. D. Joh. Fabri*, qua colicam gravissimam & diuturnam, 233. mediocris magnitudinis solidissimorum calculorum excretionem per alvum, finitam ac sopitam fuisse testatur. Huic historię per epistolas communicatæ subjicit *Clar. B. Stieberus* Med. Rotemburgensis, quod in Nobilissimo sene septuagenario, doloribus intestinorum annuis exquisitis tandem jugulato, post mortem globulos ovum gallinaceum æquantes, quamplurimos, colo affixos, distinctos & plane inspissatos, per anatomiam invenit, in calculos proculdubio, si diutius vixisset, abituros. Hinc ergo verum esse didici quod *Holler* lib. 1. cap. 48. dicit, mulierem ex ano quinque lapides reddidisse, quod ipsi verisimile, quia pituita sæpe lentissima intestino adhæret, quæ dum satis non detergitur, con- crescere possit. *Greg. Horstius Tom. 2. lib. 4. Observ. 47.*

## S C H O L I A.

**C**alculorum excretionem per alvum ] Lapidum & Tophorum per alvum excretorum exempla congestit *Schenckius*. An vero localem in intestinis semper habeant generationem in dubium revocari potest. E vesica vero biliaria & poro cholodochi frequenter in intestina transmitti probabiliter credit *Glissonius* Anat. Hepatis c. 7. Plerumque ait, In ramuli pori biliaris parte aliqua, occurrit lapidea quedam substantia perforata, interiora vasis, in quo moratur, fistule instar offereit: Tempore circiter quadragesimæ aut Paschalis, imo antea, in recinoribus bovinis sæpe mihi visi sunt hujusmodi tubuli, tanta longitudine, ut,

(si modo integri eximi possissent) plurimas pori biliaris ramificationes continuata lapidea serie (coralli instar) retulerint: vasis autem iam firmiter agglutinatur, ut citra rupuram eorum, aut lapidis (sunt enim ambo friabiles admodum) separari inde agere queant. Sunt hi lapides iis qui in vesicula fellea reperiuntur, plane congeneres & figura solum discrepant. Novè complures qui lapidum hujusmodi fragmina ingenti quantitate per alvum eliserint: quorum locum gentilem hand alium fuisse existimem quam vasa biliaria, in quibus tubulus ejusmodi lapideus, forte natus, & frustillatim comminutus, per porum biliarium in

intestina delabi, indeque per alvum excerni poterit. In quam sententiam accedo libentius quod videam boves hyberno tempore (quando feno aut stramine pascuntur) lapidea huiusmodi materia plurimum congerere, adeo ut hepar eadem plane conferunt reperia-

tur: verna autem tempestate, quam primum novo gramine pascuntur, eandem variis inveniri, solvantur nempe & exturbantur hi lapides a recentis graminis succo, quod nisi per alvum fieri nullo modo potest.

## OBSERVATIO IX.

*Ventris dolor à Callo in intestinis oborto.*

**I**N cœnobio D. Donati, Religiosa mulier, quæ intestinorum doloribus multis jam mensibus urgebatur, & alvus nil nisi ægre & durum, idque decimo tantum quoque die reddebat, cumque nullis conferentibus auxiliis diu multumque hoc malo vexata tandem naturæ concesserit.

Mortuæ sunt inventa intestina altiore Callo constricta, adeoque iter angustum reddebatur ut dejectiones ægre transmitti possent. Hoc tamen nos malum, propterea quod alvum prementi nescio quod durum renitebatur, etiam ea vivente præferamus. *Beniventus de Abditis cap. 34.*

## OBSERVATIO X.

*Ventris dolor ab Ileï & Coli intestinorum coarctatione, & Ventriculi corrosione ac inflammatione levi.*

**C**ELSISSIMA Emilia à Nassau, conjugio Lusitanica Princeps, anno 1628. mensis Dec. 4. ex animi mœrore in corporis Languorem incidit: conquerebatur præterea de dolore ad fundum ventriculi, ad coli regionem, renum & lumborum, de flatibus in hypochondriis & ventriculo, anorexia, *Nausea*, vigilis molestis, pulsus citatione circa horis noctâ secundam sæpius recurrente, cum leipopsychiis frequentibus, nec non indubia febricula; lotia erant cruda, crassa, ventriculi imbecillitatem & cacochymix in primis viis copiam, aperte denotantia, cum diuturniore alvi pigritie. Enematis usu noctem sequentem quietiorem habuit, die sequenti aliud enema injectum, unde somnus trium horarum ei obtigit absque leipopsychiis prioribus; mane sine solitis torminibus reperta est, non tamen desierant dolor ille & lumborum cruciatus, licet mitiores essent. Post dierum aliquot inducias, recrudescentibus symptomatis, ad minuendam saburrâ humorum in primis viis contentorum, potionem levem catharticam exhibui, quam cum duabus post horis evomisset, non inde effatu digna dejectio est insequuta, nec magna symptomatum imminutio: febrile frigusculum, lingua arida, sine sitit tamen, dolores opprimentes, defectiunculae adhuc aderant: Diebus insequentibus dolores illi varii vario modo, ac non certo tempore invadebant & remittebant, & febricula illa quæ certum typum non servabat: Egria levata est interdum enematis aliquibus injectis, in quorum reiectione materia quædam longa & lenta, quæ vermis lati exuvias æmulabatur, deprehensa est, unde vermium excitata suspicione, intus & extra contra eos pugnatum, hinc vermes aliquot subrubros deiecit, & materias aliquas viscidas, & aliquot lumbricorum mortuorum ac fere absumptorum glomos, ex quo manifeste levata est: Rursus tamen bellum à vermibus, qui denuo ope clysmatum, &c. excludebantur, unde novum levamen & induciæ aliquæ: Redierunt tamen intestinorum dolores, qui prius enemate placabantur, quos sequuta virium quædam dissolutio: Sub Januarii 20. anni 1629. vires manifestè decidebant, doloresque adhuc vexabant, quibus mitigandis Laudani opiatum mitissimi grana iij sine successu exhibita. Perstabat quoque febricula, ac tandem in ipso febrilis paroxysmi vigore, ætatis suæ anno 60. Martii 16. obiit.

Corpus squalidum & extenuatum (si crura & femora œdematosa excipias) apertum, ostendit nobis Jecur exsangue & decolor; Lienem prætumidum; Mesenterium scirrhis & glandulosissimis tumoribus refertum, Intestina, Ileon & Colon mire coarctata, Pulmones inflammatos, Ventriculum non sine aliquibus corrosione & inflammationis notis, Quod ultimum nonnullorum oculatis plus justo yeneri exhibiti suspicionem aliquam iniecit. *Alexander Deodati Valetudinarii observ. I.*

## OBSERVATIO XI.

*Ventris dolor, circa umbilicum; succedente tumore & ulcere, ab apostemate tenuium intestinorum.*

**A**NNO 1564. uxor Dom. N. cachectica & mirum in modum à remediis abhorrens, cœpit per aliquot septimanas conqueri de dolore in umbilico, qui sensim crevit ut tandem esset



esset acerrimus cum adstrictione alvi: mulieres existimarunt esse suffocationem uteri, & varia applicaverunt: Vocatus *Wolffius* idem credens, fomentum pro utero præscripsit, & cucurbitulam umbilico imposuit aliquoties, tandem etiam ventrem clystere lenitivo aperiens ex lacte caprino, quod tamen nihil aut parum est operatum. Sequenti die cum videretur augeri dolor umbilici, apparuit tumor circa umbilicum, ita ut umbilicus videretur egredi, & manifesta signa suppurationis: Cúmque vocaretur Chirurgus qui contrectabat locum, & emplastrum maturaticum volebat imponere, sponte sua ruptum est apostema, & egressæ sunt tres libri puris mixti cum stercoribus, cum maximo fœtore, & ita misera mortua est.

Seçto corpore, tenuia intestina inventa fuerunt à putredine corrosa. *Ex observ. Joh. Hest. Medici Norici.*

## OBSERVATIO XL

*Ventris dolor à vermibus in intestinis.*

§. 1. **D**uas Virgines filias Notarii vidimus, quarum altera annum septimum, altera novum non excedebat, quæ intra semestꝛe spatium dolore acerbissimo ventris totius obiere, qui nullis remediorum generibus mitescere poterat, nempe injectis clysteribus, potionibus pituitam vacuantibus, flatus discurrentibus, denique vermes necantibus.

Itaque provectiore defuncta, cum cadaveris dissectio fieret, ut nobis abdita causa mortem accersens innotesceret, sunt inventi in inferiore ventre lumbrici, qui intestina, & præsertim colon perforaverunt. Exactis ab hinc sex mensibus, cum similibus coloribus altera interfecta fuisset, dissectione facta, non solum intestina exesa & vermibus transfixa vidimus, sed etiam cor & hepar ab iis corrosum & altè excavatum:

Quæ res non parvum stuporem adstantibus incussit, quærentibus, qui ab intestinis, quæque via ad Cor & Hepar pervenerint? Cúm in illis locis vix alimentum sibi familiare, neque materiam vermium generationi idoneam; quanquam ex putredine quadam ibi nata quispiam eos genitos existimaverit: Adde nec viam paratam, sed tot anfractibus ac circumvolutionibus impeditam habuerint: Quare nihil aliud quam naturæ opera mirari, causam scire non valentes, præscriptisque tum pulveribus ex scordio & dictamno albo, & unguentis vermes fugantibus necantibusque, reliquis quæ adhuc superstites erant puellis, horum generationem in posterum prohibuimus. *Laz. Riverius Observ. 14.*

## S C H O L I A.

**V**erminum dignotionem aliquando difficilem esse ostendit hoc exemplum, & allatum à *Sal-murho* cent. 1. observ. 26. de filiis *Bonaventura Typographi*, quorum plerique diem obiere cum magno ejulatu morbum trahentes. Inter alios puella tantis cruciatibus affecta fuerat, ut quantum vicinarum paritū ore apprehendere posset, præ dolore attoderet: In

varias causas symptoma istud fuit rejectum, Extincta vero illa, postridie in sandapila lumbrici reperiuntur ingentes, ore egressi, unde de morbo & symptomatis causis abunde constitit: Non immerito igitur magni quidam nominis Medici, monent in morbis puerorum vermes suspectos esse debere, cum etiam isti varias ob causas soleant esse familiares.

§. 2. *Christianus Sudi*, Gallus, pallefcebat & de ventris doloribus conquerebatur: cui præscribo quæ lumbricos excludant, quod ex pallore, ex nubilis sub utroque oculo ductibus, frictione narium, tenso abdomine conjicerem verminare puellum: Et quidem eo successu propinata ea pharmaca, ut prodirent tandem Lumbrici longi, tum per os tum per secessum: Nihilotamen confirmator sanitate puer, nam non ita multos post dies ex ægritudine decedit, me non parum sollicito cur ejecto hoste perijisset; Nata mox suspicio non exclusos lumbricos omnes, sed residere adhuc ferocissimum, cúmque fortassis intestinorum alicubi perforavisse, hinc labem & mortem sequutam.

Aperto corpore, plures adhuc vivi lumbrici in colo notati, Sed causa mortis in corde apparuit. *Vide historiam lib. 4. Tit. de casibus, l. 1. etibus, &c.*

§. 3. *Anatomia Illustr. Principis puellæ 26. mensium Junii 17. 1641. defunctæ*, hæc fuit, Ventriculus & Intestina muco & vermibus scatebant, Hepar magnum & floridum unius libræ: Splen bene habebat, Pulmo cavernulis penitus quasi cavatus: Cor nigro sanguine repletum, Cerebrum autem copiosissima sero. Circa os ethmoides vero aderant vermiculi & mucus.

## S C H O L I A.

**C**irca os Ethmoides vermiculi ] Patet hinc falli *Seb. Scarabæcium* in hist. 1. g. nis febris. p. 511. dum in viventibus negat vermes generari posse, nui in in-

testinis solis: E naribus prodeuntes videntur inter alios *Benavenium* & *Crucium*, &c. *I. D. Horilium Observ. Anat. 3.*

## OBSERVATIO XIII.

*Ventris dolor summus circa umbilica alia à Coli intestini Tumore vario.*

**V** Ir 50. circiter annorum, jam à 26. annis & amplius, de dolore summo circa umbilicalia conquestus, ultimis quæcunque assumebat vomitu reddebat: diebus aliquot ante obitum etiam fæces ipsas. Sæpius ita retrahi ad interiora observabatur umbilicus, ut etiam ovum cavitas relicta reciperet.

Inveniebamus Omentum consumptum; Cæcum cum principio coli in latere sinistro: Colon à sinistro osse Ilei oblique se extendebat versus hepar: hinc facto flexu ad os idem iterum descendebat. In hoc descensu ascensive duæ hæ partes ita erant coalitæ, ut non nisi cultro separari potuerint: Hic Colon ita erat extensum, ut ventriculi amplitudinem repræsentaret: Imo amplum admodum à dicto osse procedebat versus vertebrae lumbales, quibus arcte adharebat, summe coarctatum, & ita angustatum oblique progrediebatur versus hepar, ubi priorem amplitudinem recipiebat, extendens se versus lienem, renem sinistrum, ipsumque tandem anum, parce hic fæces aderant, ope variorum clysterum ex tabaco aliisque paratorum jam ante obitum educæ, Coarctata ipsa coli portio, spirituum & majorem longitudinem habens, vix digitum minimum recipiebat, interius non solum locis variis inflammata, sed & omnino gangrænata: mense Nov. 1674. instituta hæc dissectio: *Constat adeoque Iliaci affectus causam Intestini Ilei haud adeo quam coli inflammationem coarctationemve existere: imo in Ileo unquam Volvulum locum habere haud probabile.* Ger. Blasius *Observ. medic. V.*

## OBSERVATIO XIV.

*Colicus dolor à Calculis in intestinis.*

§. 1. **L** icet Galenus 6. de loc. aff. Colicū dolorem à Calculo non observavit, oculata tamē fide testari possum ipsos etiam in intestinis generari posse. Be. Silvatic. cent. vii. cent. iiij.

## S C H O L I A.

**C**onsultatio de ea doloris specie adducenda, ut causa, signa & curandi ratio pateat. Nob. Matrona auctor. xxx. temperamenti sanguinei cum bilis subdominio, mediocriter carnosa, 16. abhinc diebus conqueri cœpit de dolore in ilio sinistro, satis intenso, gravativo & fixo, cum adstrictione ventris, & vomitu materiæ crudæ & pituitosæ, urinis variis: Medicis præsidii lanata tandem x i v. post excretionem pituitæ viscidæ ejectæ, usu clysteris excrevit per alvum duos calculos tophaceos, inæquales, magnitudinis ovi columbini, retulitque se ante biennium Bergomi cum esset alium similem ejecisse: Cum morbum ostendat sanatio, non est difficile determinare quanam sit pars affecta, qualis affectus, & quæ causa: Licet enim in regione Ilii positus sit ren sinister, & intestinum colon, doloresque renales, & de quo jam agitur, convenire possint, nihilominus cum urinae non sint crudæ, ut in nephriticis, nec addit vomitus heterogeneæ materiæ, qualis comitatur nephritidem: atque cum alvus sit adstricta, quod in nephritide non adeo contingit. Calculique per alvum sint excreti, compertissimum est dolorem hunc Colicum fuisse, eūque à calculo in intestino genito, ubicunque enim adest materia disposita & agens, potest & debet fieri actio. Illa autem ut plurimum est pituitosa & viscida, Agens vero calor exsiccanis, & eandem in calculosam ac tophaceam convertens: quæ cum abundant potissimum intestina crassa, non raro per clysteres excreta, atque in iisdem calor non desideretur, licet non æstuosus, cum sint partes exsangues & membranosæ, hic tamen durius agens in prædictam materiam, intestinorum anfractibus conclusam, potest ipsam exsiccare ut in calculos coalecat: Si enim concreverint in cerebro na-

tura frigido & humido, in quo eos vidit *Brassavolus* 3. aphor. 26. & *Gemma* lib. 1. colinoc. In articulis item, ut in doloribus articularibus tophaceis, quid prohibet quominus generari possint etiam in intestinis, ut & in aliis plurimis partibus, pulmonibus, vesica lele, utero, præter renes & velicam quarum sunt proprii morbi? Quod oculata fide testatus est *A. Sainerius* tract. de calcul. pass. cap. 1. *Benivenius* 9. de Abd. *Brassavola* 4. aph. 59. qui refert se Ferrariæ mulierem Galliam vidisse quæ calculos quinq; anno excrevit, & *Scaliger* l. de subtil. Exerc. 108. n. 3. Deperata, ait, ab omnibus valetudine senem, summo dolore intestinorum divexatum, cum videremus catere febre, atque tumorem extate quempiam, quotidianis dejectionibus alvum exonerare, pondus in ipsis sentire intestinis, fœdali quadam conjectura lapidem subesse rari, enematæ ex bdellio & oleo nostro *Telino*, croceo malagmate, bulyro & quodam decocto infundis iussimus, tertio clysinare magna vi lapidum educta est. Ex quibus constat calculos dolorem intestinale producere, quem non necessatio comiteretur alvi adstrictio, & pro quorum curatione clysteribus sit opus. Cum itaq; calculus sit jam eductus, dolorq; sublatus, de præservatione agendum: Tria ergo peragenda 1. Intestina detergenda & a viscida pituita emundanda. 2. divertenda materia ad intestina fluens. 3. roborandus ventriculus, in quo hujusmodi materiæ proventus, &c.

Eos lapides generationem non in intestinis, sed in valis bilariis habere censet *Glisson Anat. Hepatis* c. 7. eo argumento inductus, quod viderit boves hybernæ tempore, quando feno aut stramine pascuntur, lapides hujusmodi materiæ plurimum congerere, adeo ut hepar eadem plane confertum reperitur. Vide plura Titulo de Ictero.

§. 2. Hos omnes superat tum rei magnitudine, tum fide probatissima Lapis, qui apud nos est asferini ovi magnitudine & formæ: Hunc in colo demortui cujusdam hominis dissecti Romæ in Valetudinario D. Jacobi Incurabiliū reperit *Nicolaus Larcheus. Severinus de Abscessibus* lib. 3. cap. 29.

## S C H O L I A.

**L**apis magnitudo ostendit localem in intestinis habuisse generationem, non in vasis bilariis quoniam capacitatem plurimum excedebat. Nec refert si dixeris inde primordia duxisse, augmentum autem intestinis habuisse, cum eadē accretionis & generationis principia sint; eadēque ratio ortus & incrementi videatur; Quia ratione convellitur sententia de vesicæ calculis, quorū rudimenta à renibus deducit.

§. 3. Sexagenarius quidam exquisitis cruciatibus intestinorum, omnia interna & externa præsidia eludentibus, misere per integrum annum conflictatur, tandēque dolorum atrocitate jugulatus est.

Hujus demortui intestina exempta, cum diligentius scrutarer, globulos, ovum gallinæcum adæquantes, colo affixos, plurimos & distinctos, plane inspissatos, sed nondum in calculum veros deprehendi: in calculos veros, proculdubio, si vira longius producta fuisset abituros. *Greg. Horstius lib. 4. observ. xlvij.*

§. 4. In Dom. du Peron erat lapis in intestinis perforatus, ut liquidiori materiæ via pateret. Aër sese in vacuum locum insinuavit: dolores implacabiles oriuntur & antecedentibus sæviores. *Ballonius conf. 24. lib. 2.*

§. 5. Juvenis excarnis, calidissimi temperamenti, gulæ deditus, ex intervallis solum fecalia excrementa deponebat, sicca, exusta, citra noxam ullam: Post longum temporis spatium quum dejiciebat, in imo ventris dolorem experiebatur immanem: uno die cum auctorem doloris lumbricum suspicaretur, alvinas feces aqua diluens, invenit quinque lapillos durissimos, quorum duo lentis, tres ciceris magnitudinem superabant, ad albicantem colorem declinantes: Cessantibus torminibus, post tres dies, iterum de ilium & ventris dolore queri coepit, qui iterum excretis sex calculis ex toto est mitigatus: Sed cum nullum præter dolorem sentiret incommodum, de salute parum sollicitus, eodem regimine biennio usus, cum excrementis commixtos calculos excernens, At uno die aucta affectione, sæviore oppressus ventris dolore, cohibita alvo, auxilia quærit, & clystere injecto, ingenti cum ilium dolore, per sedem expulit calculos tres rotundos, avellanarum instar, valde compactos, cineritii coloris, mucōque tenaci, unde concreverant, respersos: Convocatis tribus Medicis, multa intra trium mensium exequitur, at citra levamen ullum, nam hic carnifex morbus nullis cessit remediis, ex quo accidit ut malo exasperato in ventris dira tormina, cum stercoris suppressione incurreret, qui cum in horas exacerbaretur magis, & pluribus auxiliis, nec clysteribus emollientibus & vacuantibus succumberet, factum est ut ferocius sæviente dolore æger exanimis occubuerit.

Dissecto corpore, inventus est calculus castaneæ magnitudine & forma, Colo intestino tenaciter adhærens, qui anteactam tragediam excitaverat. *Zacutus Praxis admir. lib. iij. cap. cxxxij.*

## OBSERVATIO XV.

*Ventris dolori obnoxiiis intestina loco moventur, nec omentum omnia tegit.*

**C**Lar. Sylvius in Nosocomio Leydensi fœminam aperuit ex mœrore mortuam, anno 1664. in qua notavit Omentum non omnia intestina, quæ nonnihil loco mota erant, tegebat: Unde colligebat fœminam, dum in vivis fuit, sæpissime torminibus ventris, colicisque doloribus laborasse, &c. *Vide lib. 1. tit. de Melancholia.*

## OBSERVATIO XVI.

*Colicus dolor ob angustiam intestinorum ex nimia pinguedine. 1. A connexionione tenuium intestinalium. 2. Ob intestina invicem conglutinata. 3. 4. A cæci cum colo adhæione. 5. A tumore fungo Cæco adnato 6.*

§. 1. **Q**uidam sæpius reiterata colica divexabatur: ultimo in eam incidens deliquia patitur, & irritis remediis moritur. Omentum erat mera pinguedo scirrhusa. Pinguedo intestinorum majorem occupabat locum quam ipsamet intestina cum excrementis infarcta. Pancreas erat plane sphacelatum, quod contagio infecit vicinas partes. In velicula fellis erant quatuor lapilli majores, &c. *Vide lib. 2. tit. de morte repentina.*

§. 2. Uxor N. ingentibus doloribus ventris victa occubuit: Intestina tenuia, protuberantia omnia, arctissime connexa inter se, membranis & pinguedine cooperta reperta sunt. *Vide tit. de ventris Tumore.*

§. 3. Nobilis Patavinus, intestinis à dysenteria conglutinis, sævissimis coli doloribus excruciatu tanti mali causam ab interitu detexit. *Iohannis Rhodius cent. 2. Obser. 78.*

§. 4. Cantharina Sandra, uxoris *Rondeletii* soror, ægrotarat senior jam per multos menses, & tota contrabuerat Colicis discruciatu doloribus.



Cadaver sectum ut cruciatuum causa certior deprehenderetur, Observavimus intestina multis in locis mutuo connexa, spatio fere duorum digitorum, ex transverso : *loubertus in vita Rondeletii.*

§. 5. Auriga subito in curru expiravit. Longo tempore conquestus fuerat de abdominis doloribus ad jugulum ascendentibus, &c. Omentum invenimus putridum cum ingenti foetore : Hepar ingentis molis, ut utrumque hypochondrium fere impleverit, duriusculum : In abdomine inter membranas plerasque, hinc inde vesiculæ à flatu excitatæ : cæcum intestinum in sinistro hypochondrio colo adhærebat. *Vide lib. 2. tit. de morte subita.*

§. 6. Ante annos circiter xv. Ancilla Domini Pelissarii, Tribuni plebis Genevensis, boni habitus, vegeta & lepida, incidit in Iliacum dolorem atrocissimum, qui bidui spatio eam necavit. Aperto cadavere inventus Tumor fungosus, pugni magnitudine, cæco intestino adnatus, omnino putris, tanti foetoris ut ulterius in inquisitione progredi non licuerit : Graviditatis vero suspicio remota, virginitatis notis præsentibus. *Ex communicatione Magistri Benjamin Noël Chirurgi & cadaverum visitoris Jurati.*

## OBSERVATIO XVII.

*Ventris dolor, cum murmure & intestinorum agitationibus, à cerasorum & prunorum nucleis in intestino colo recentis.*

**J**oh. Veron, Textor ex gago Courselle prope Montbelg. annorum circiter xl. dies 25. Julii 1656. Montbelgardi decessit. Is autem à tribus annis nil nisi potulenta & liquida assumere valens, de dolore abdominis continuo querebatur, cujus causam serpentes & alia ibidem conclusa veneficio animalia, communi etiam opinione firmatus dicebat esse : mirandas enim intestinorum agitationes, & circumvolutiones frequentes cum murmure & sibilis sentiebat, imprimis cum vel tenue jusculum sumeret vel biberet. Quæ alvo excernebat aquea utique & velut filtrata erant toto triennio : Antequam cadaver paulo post mortem secaretur, Tumorem durum renitentem in hypogastrio licuit mihi observare.

Aperto abdomine, nuclei cerasorum ex colo intestino rupto, sphaceloso exeunt, ita distento ut instar chartæ duplicatæ duplicatum illud esset : Factum autem erat, & omnino repletum cerasorum & prunorum nucleis in sese valde compressis, & trium plus minusve librarum pondus æquantibus, qui alvinæ regionis excrementis, nisi tenuissimis & percolari aptis, meatum prorsus denegabant : Unde proculdubio murmur & sonora fluctuatio in inquietis intestinis marcidis, à descendentibus & resilientibus assumptis, nutritionis vitio, in plurimos flatus etiam convertendis, animalium conclusorum vocis speciem de se dabat. Superdictis nucleis ad quadraginta plumbeos bombardarum portatiliū globos, nescio quo consilio deglutitos (nec enim sub cura unquam fuerat mea) invenimus : Numeravimus enim & collegimus 35. fructu pruni sylvestris non multo minores, quosdam æquales (quos omnes ipse vidi, numeravi & tetigi) quinque ad minimum in subjectum stramen delapsis : Ex prunorum nucleis quidam à spaciolo intestino denigrati erant, aliis minime alteratis. Interrogata vidua, inventam mortis causam manifestam ignorans, annon recordaretur quo tempore maritus insignem cerasorum & prunorum copiam comedisset ? Triennium inde elapsum esse respondit, An ab illo sputari nucleos vidisset ? non vidisse ullos. Sic ex dissectione defuncti, præ macie sceleton fere referentis, apparuit quam male in veneficos & innocentes mortis causa referretur, *J. Nicol. Binningerus Centur. ij. observ. 20.*

## OBSERVATIO XVIII.

*Ventris dolor à deglutitis ferramentis, &c. intra intestina subsistentibus.*

**R**udolphus Durt fuit civis Basileensis satis dives in Suburbio Sancti Albani, ubi vidua cum tribus filiis adhuc degit, natura & temperamento melancholicus, habitu macilentus, viribus potens, quem ante quatuor annos mille passus vidi portare aqueductum ligneum nondum terebratum, olim maniacus : Vixit annos 56. Devoravit lignum, corium, ferrum, chalybem, anno ante obitum 30. clavos ferreos equinos : item cultros, ossa, filices, omnis generis insecta, lacertas, bufones. De illis dixit dulcedine palato sapere, de his propter amaritudinem esse ingratos : Porto amphibænas, serpentes, araneas & quævis obvia quantumvis absurda, venenata & dura, horumque quædam integra, quædam prius in ore contrita & masticata, Et inde lucrum quæsit & obtinuit, & ideo notissimus fuit tum civibus tum extraneis. Anno 1669. sub finem Novembris cepit ægrotare, & atrocis-

simos

finos dolores internos pati : Quatuor septimanis post ad ipsum vocatus, reperi Pleurítico simillimum, ex sanguine à faucibus cultro deglutito vulneratis delapso & putrescente, cum dolore lateris punctorio, tussi, difficili respiratione & febris continua : Adjunctus fuit etiam alius dolor æque severus Intestini coli, cum tumore molli in inguine dextro, quem credebar herniam esse ab onere : Tandem suborta diarrhœa biliosa, qua materiam, ovi vitello non absimilem copiose dejecit, viribus prostratis, postquam sic Inordinati & monstrosi appetitus & malitiosi pœnas luit, 3. Januarii 1670. vitam finivit.

Cum aliquando mecum cœnaret, petiit ut post mortem suum corpus aperiretur & inspiceretur : Commonefeci tempore mortis, cum quadam prudentia, annuit statim, & uxori ut hoc permetteret graviter interminatus est sicque omnibus volentibus post obitum fuit sectus : Sectionem administravit Clar. D. D. *Henricus Glaferus* Anatom. & Botan. Professor. Statim ab initio pus effluxit, mox interanea abdominis conspeximus omnia pure obducta delabente ex pectore & agglutinata : Pulmones toti erant putridi, purulenti & foetidi : In inguine dextro, in principio intestini coli, ingens fuit cumulus puris qui illum tumorem elevavit, collectus partim ex eo quod descendit, partim quod recens procreatum est & immediate à cultro hic infixio & hærente : Hoc enim pure absconditus erat culter, quem pure diffuso invenimus : Paulo inferius in ano repertus fuit alter culter cuspide acutiore & longiore : Docuit nos cadaveris apertio hominem neque Magum fuisse, neque ferrum concoqui posse. *Jacobus Rosinus in Miscell. curiosis anni 1672. observ. 179.*

*Eadem Observatio succinctius conscripta.*

Vir lv. circiter annos natus, macilentus, colore faciei ex fusco flavescente, ante paucos annos maniacus, inde quanquam affectus hic mitior evaserit, nunquam tamen perfectæ sanitati restitutus, non solum cultros dentibus contractos, sed & araneos, & lacertas, & bufones eadem temeritate masticavit ac devoravit : Tandem febre continua & cruciatu ventris ac diarrhœa correptus obiit.

In cadavere ejus Basileæ anno 1670. dissecto, reperta fuere duo cultri frustra, quæ juncta integrum perficiebant; alterum quidem in intestino cœco, alterum in ano : utrumque tamen integrum minime digestum : Tenuia intestina, pariter cum crassis, bile saturate flava admodum foetente scatebant, Cœcum præterea pure refertum erat.

Hic non tam mirari subit ferrum devoratum & non concoctum esse, quam venenata animalia frequenter aliquot annorum serie innoxie, aut saltem sine evidenti damno deglutita : Causa videtur peculiari fermento ventriculi & viscerum adscribenda, orto ex occulta crassi humoris atrabilarii : Notum quippe est quam mirabiles formas humor iste induat. *I. Rudolphus Burkardus ibidem observ. 178. Eandem habet I. N. Binningerus cent. 3. obs. 7.*

OBSERVATIO XIX.

*Ileus inflammationem intestinorum ut plurimum sequitur. 1. 9. Inflammatio circa coli initium præsertim contingit. 2. 3. Exemplum. 3. Inflammationem intestini ejus fissura sequuta. 4. Ab inflammatione cum ulceribus intestinorum. 5. Ad eam sequitur sphacelus intestinorum & omenti. 6. 7. 8.*

§. 1. **Q**uod spectat ad sanguinis aut feri intra intestinorum tunicas suffusiones, à quibus phlogosis, aut tumores dolorifici excitantur, revera ita fieri interdum concedimus, imo *auto-phlogia* novimus, exinde verò passionem non Colicam sed Iliacam excitatam fuisse observavimus : Quippe cum plures ab Ileo defunctos aperuerim, Intestini cujusdam inflammationem, ac sphacelum fere in omnibus, & morbi & mortis causam fuisse deprehendi, neque mirum hoc, quoniam in membrana tenera & maxime sensili, magna solutio continui spasmos & corrugationes dolorificas ita continuas & atroces ciebat, propterea ut intestini affecti motus peristalticus, quo feces alvi versus anum protruduntur, inhibeatur ac prorsus invertatur. *Willis Tract. de Anima Bruti. part. 2. cap. 13.*

§. 2. Intestina crassa tunicas easdem ac gracilia obtinent cūque in Colo feces recta ascendunt, fibris carnosius robustioribus, quæ contractionis motum fortiolem efficiant, opus est : Hinc si inflammatio, aut sphacelus (uti sæpius novi) circa coli initium contigerit, adeo ut fibræ carnosæ laxæ contractiones pro fecibus sursum elevandis obire nequeant, illæ versus Ileon restagnantes passionem Iliacam incurabilem inducunt : *Idem Pharmacopæia. sect. 1. cap. 2.*

§. 3. Mulier quædam dolorem Iliacum pati videbatur cum matricali commixtum, tandem quinquagenaria facta, æstivo tempore in hunc incidit dolorem, & trium dierum spatio



in volvulum desit affectum, unde in quarta mortua est: huic erat scirrhusus tumor in confinio intestini coli, qui erat repletus ossiculis multum acutis, & veluti intestinum pungentibus atque vellicantibus; quapropter observatione (obstructione) in intestino facta, & inflammatione suborta, flatibus repleta, dolore admodum intigni cum fecum rejectione correpta interiit. *Hippolitus Bosius de Facultate Anat. Lect. 2. p. 24.*

§. 4. Rusticum novimus. qui cum post longiores torsiones, & ventris diurnas inflammationes diem obiisset, & demortui incideretur corpus, longior in intestino fissura inventa est; ex qua etiam recentes uvas, quas paulo ante comederat, prorupisse conspeximus. *Benivenius cap. 76. de Abditis.*

§. 5. Anno 1668. Amstelodami vir quadragenarius moritur, hic ab aliquot jam annis, quasi tabe conficeretur, marcebat, & inter dubia vitæ morritque vora miseram trahebat animam: Tandem febris correptus fuit 14. ante fatalem sibi diem: post x. nihil excrementorum per inferiora deiecit, tertio *feces per os* fecundum in modum eiecit, quas triduo post anima sequebatur: Laborabat is omnium opinione volvulo, & revera is erat morbus, cui peritiores Medici, vel quod æger victus doloribus se convolvat sæpius, vel quod flatus in ventre quasi volvantur, etiam hoc nomen indi non abnuerunt; Nondum mihi hominem, vere miserando hoc morbo extinctum, secandi fuerat oblata occasio: hanc igitur non negligendam ratus, apud propinquos eam mihi impetravi veniam.

Ego inter secandum convolutionem intestinorum nullam, sed ea circa coli principium arctius compressa atque inflammata reperi: & ubi cauta lenique incisione ea aperueram, ulcus inveni, quod transitum ad inferiora fecibus negabat, & hinc quæ deorsum vergebant, vacua, quæ sursum, excrementis plena; quin ipse ventriculus iis infectus, fixum visu, grave odoratu spectaculum erat: Post inventam morbi causam, dum causæ causam indago, ecce tibi Pancreas se offert, quod ordinariam longitudinem media sui parte: latitudinem tribus transversis digitis, crassitudinem incredibili modo, pondus xiv. uncias excedebat: pendebat enim uncias xix. cum hominis quinque, equi xi. plerumque pendeat: Omni ex parte plenum erat scirrholis glandulis, ovum columbinum magnitudine ex æquantibus: Hac Pancreatis mole compressum Ileum, primo inflammatum, deinde exulceratum negaverat excrementis transitum. *Th. Kerckringius observ. Anatom. xliij.*

#### SCHOLIA.

**V**ENIO ad imaginariam, quæ vulgo obtinet, de convolutione Ilei opinionem, quæ si fieret, fieret necessario cum Ilei à mesenterio dilaceratione, ea autem quæ hinc sequeretur in corpore catastrophe, ob sanguinis, per cava ventris ruptis majoribus vasis effusionem, cum à nemine observetur, sit ut dubitem an satis magna attentione scrutatus sit *Riverius* cent. 3. obl. 86. & alii, qui dicunt anatomiam illi convolutioni patrocinari: neque enim detecta est unquam, ut credo, cultro anatomico ista convoluta intestinorum contorsio: Quam opinionem meam, ne temerariam aut injuriosam quispiam credat, audi quomodo *Riverius* errorem excusent: *Aperio, cadavere inventum est intestinum Ileum tribus complicationibus convolutum, & quasi compactum in unam massam, circa finem illius: tota autem ista intestini portio complicata, gangrana affecta erat, cum portione mesenterii sibi adjuncta: Aperio cadavere, A Chirurgo scil. aliquo, quantum arbitror, his enim vulgo datur id à Medicis negotii, Inventum est &c.* non addit, à se vel visum, vel accuratius examinatum: factor & cætera satis prohibebant hac curiositate: Ergo *inventum est*, referente puta Chirurgo, obiter hæc inspiciente, *Ileum tribus convolutionibus convolutum & quasi compactum in unam massam circa finem illius*: Compactum in unam massam apparuisse ex inflammatione, gangrana & ulcere facile imaginor, inde Chirurgus, vulgari præjudicio imbutus, hanc convolutionem esse pronuntiavit: Adeo ut nihil hic aliud visum fuisse existinem, quantum quidem ad convolutionem attinet, quam id quod nos in subjecto nostro, magna pertinacia contrarios qui afflabantur spiritus depugnantes, inve-

nimus: Meministi verò Lector *Riolanum* lib. 2. Anthrop. cap. 16. dicere se dum aperiret Ill. *Thuanii* corpus, se in eo Pancreas undique scirrhusum invenisse, quod magnitudine hepar æquaret; conferatur cum eo hoc nostrum, & quemadmodum videbis hoc illo multo admirabilius, ita fateberis latere sæpenumero in corpore morborum causas, quæ & ipsæ morbi sunt, quas ne suspicari quidem Medicus potest: frequentes autem ab Anatomicis qui eas invenerunt, observationes in lucem datæ id afferunt generi humano commodi, ut dum medicamenta ordinaria ad speratam sanitatem parum conferunt, Medicus mentem advertat ad hæc, ludibria dicam potius quàm ludos naturæ, quæ dum sic ludit, nobis illudit. *Idem.*

*Fæces per os tertio die deiecit*] *Galenus* xiii. meth. 17. observavit, quamvis causam ignoravit, clysteres per sedem intus ad jejunum ulque intestinum ascendere neutiquam posse: quod tamen ipsum de sanis tantum, itque quibus secundum naturam se habet valvula intelligendum, cum sæpenumero in dissectionibus à me observatum sit, valvulam Coli laxiorem quibusdam à morbo fuisse, ita ut aqua vel aer inflatus per Colon in Ileo pertransierint: Rarius tamen id contingit, nec nisi p. n. in iis qui Ileo & Colicis doloribus vexantur, quibus interdum clysteres ad ventriculum usque, una cum excrementis, sic ascendunt ut vomitu reddantur: Et in huiusmodi casibus valvulam hanc ruptam, aut male affectam fuisse credibile est, vel mucosæ pituitæque crassæ ita oblitæ (quod facilius mihi persuaserim) ut cæco ac colo quasi agglutinata aperiri haud quaquam possent: Atque hoc est quod idem *Galenus* de symptom.



matum caufis notavit, aliquibus clyfteres injecto fic afcendiffe ut vomitu rejecti fuerint, non fecus ac ræces, quæ per lethales voivulos nonnunquam evomuntur. *Spigelius Anatom. lib. 8. cap. 19.*

*Ioh. Daniel Major hiftoriæ Anatomies cap. 3.*  
§. 8. in fubjecto virili decollato, Coli valvulam ex-

hibens, flarum per follem in inteftinum rectum ad-egit, ut videret an dicta valvula obftaret, & tranfitum clyfterum ad inteftina tenuiora occludi doceret in corpore vivente, Sed liber patebat auræ inflatæ per inteftina à recto ufque ad duodenum tranfitus.

§. 6. Aperui olim corpora ex Iliaca paffione defunctorum in quibus Omentum & Inteftina tota Sphacelo tenebantur : Ex his fœtor graviffimus vetuit penitus morbi caufam indagare. *Fabritius Hildanus lib. de Gangrana cap. 4.*

§. 7. Clericus annos 22. natus horruit & inealuit : Nox implacida, Vomitiones affiduæ rerum variarum, deinde velut cineritiæ ac nigricantes : Dolor ad totum ventrem implacabilis : hypochondria *ἐνδόρνα* & diftenta : neutrum in latus decumbere potuit : febris affidua, jactationes ; ferre potuit phlebotomias, nec adjutus eft : venter perpetuo ficcus nonolvebatur : Volvuli magna erat fufpicio, 5<sup>o</sup>. die repente interiit : Vomendi finis non fuit : Incendium intus magnum : Mortuus valde è maligno intumuit.

Aperto cadavere, Colon erat velut *nigrefactum*, Epiploon totum putre, ad regionem Hepatis fanies purulenta : fœtebant adeo omnia ut viscera dimovere impoffibile fuerit. Audio halitum illi fœtentem fuiffe. *Ballonius lib. ij. Epidem. & Ephemer. pag. 193.*

§. 8. Novi ebriofum Jureconfultum, qui cum temperamento biliofiffimus effet, ideoque bile mota, quam clyfterem naturalem vocat Avicenna, his, ter in dies alvum deponeret ; demum ut docet *Hippocr. aph. 52. feët. 2.* cum fenefcenti adstringeretur, pituita nimirum bilem fuperante, & ætatis & quotidianæ ebrietatis vitio, erat enim fexagenario proximus, nec alvum tenfam ulla arte poffet deponere, naturæ penfum perfolvit, inteftinis immane quantum tumentibus, adeo ut viderem craffitie brachium adftantis, quod duabus vix capiebam fpirhamis, fuperaffe.

Dum mortui fieret anatome, ftatim mufculis abdominis & peritonæo feëtio, *inteftina fponfe crepuerunt*, anatomicumque & viciniore, tanta alvinarum fæcum mole obruerunt, ut vefte illorum nemo adftantium internofceret : Itaque omnibus fœtorem fugientibus, nihil ulterius obfervari potuit : Hoc rarum quod Colon inflammatum, & immane quantum tenfum ; loco fuo motum à Medicis judicabatur, adeo enim cætera premebat inteftina, ut alvo omnimode fuppreffa, decimo demum die Ileofus factus fato fuo funderetur.

Cum ad confilium biduo ante mortem vocarer, fuafi dari patienti argentum vivum, crebro per corium tranfitu perpurgatum, quod fæpe vidi fine noxa, momento citius, eductis fecum obviis fæcibus, per inteftina tranfiffe : A cujus ufu, ne frigore interanea læderet, ftatim clyfterem ex puro Cretico vino injiciebam, ficque aliquot coli nimia tensione morituros, cum Dei gratia fervavi : Sed alius Medicus Chymicus maluit hominem in certa morte relinquere, quam remedium, quod judicabat periculi pleniffimum, tentare : *Pilas alie* in hoc cafu *aureas*, argenteas, aut etiam, fi illæ defint, plumbeas præfcribunt, fed argentum vivum pilis omnibus expeditius, velocius inteftina percurrit perpurgatque. *Henr. ab Heers obferv. Medic. ij.*

## S C H O L I A.

**F**ebis affidua, ferre potuit phlebotomias ] Indicia phlegmones intefticorum : Sic notat *Riolanus* phlegmonem & gangranofin in parte aliqua Ilei produxiffe volvulum. Imo folam *Chriff. Guido Parisinus*, facultatis Medicæ Parifienfis Decanus, inflammatoriam difpofitionem Ilei caufam agnoscit : *Placerus* quoque hanc Convolvuli magis frequentem caufam adftruit, in quotumox extrinfecus cum veftigio aliquo lividitatis, quod obfervavimus deprehenditur : Hujus inflammationis caufa eft, *ais*, fanguis venarum mefaraicarum, extra venas in inteftinorum fubftantiam effufus, ob copiam vel tenuitatem eo defluens, frequentius ob dolorem insignem, qui præceffit, eo impulfus, aut ab alia inteftinorum læfione concitatus : Præter jam dictam, (*addis idem*) phlogofis ulia, feu fervor illis non infrequenter accidit, maxime tenuioribus, unde Iliacus quoque dolor, potius quam Colicus ( licet cum etiam fic communiter appellent ) ævus diuque durans, gravia quoque interens fymptomata, oritur ; quandoque nuntium ( ficut longa obfervatione co-

gnovimus, fignisque certis deprehenditur ) bilis, non in inteftinis retenta, ( ficuti in illorum obfturbationibus ) fed in inteftinorum fubftantiam fe inferens, atque illa amplo fæpe fpatio imbuens inficiensque, vellicat, rodit, uritque : Sicut in ventriculo ardores illos diuturnos tunili modo interdum evenire, atque ex macula lutea poft mortem feëtione facta evenire, atque ex macula lutea poft mortem feëtione facta inventa nos deprehendimus ; Et hoc idem in inteftinis accidere eadem experientia cognovimus : Quæ & caufa eft cum hoc fit, quod hærente illic bile diutius, vel continuo de novo affluente, dolores adeo pertinaces, diuturni, & qui, licet mitigentur, mox tamen redeant, accendant. *Præxeos lib. 2. cap. 13. de ventris dolore.*

*Nigrefactum* ] Binas hujus mali caufas obfervavit in demortuorum feëtione *Franc. de le Boe Sylvius*, alteram quidem inteftini Gangranam, ipsamque confiftentem Inteftini corrupti corrugationem & coarctationem tantam, ut fæcibus tranfitus deorfum omnis denegaretur, quin eadem ad regreffum fuffum,

lursum, adeoque per vomitum egestum miserandum coegerentur.

*Colon nigrescens*] Subjectum, sive pars affecta, plerumque sunt intestina tenuia, ex quibus tamen præcipue hoc in morbo intestinum Ileon laborat ac patitur: Interdum tamen & Colon subjectum esse posse, ostendit author Definitionum Galeno adscripta. *Volvulus est inflammatio intestinorum, quæ neque flatu, neque excrementa pertransire sinis, quin tormina valida doloresque excessivos exciet.* Colon autem in censu intestinorum habendum esse adeo certum est, ut Hippocrates in *libro* simpliciter id vocet 6. Epid. 4. 3. Huic etiam accidere inflammationem expressim docent quæ habet lib. de Affe. text. 22. *Volvulus fit quando conferum stercus comburitur, Et intestinum quippe hu conferus inobdurus inflammatur.*

*Intestina sponte crepuerunt*] Exemplum lugubre habui anno 1662. in Viri Reverendo D. Jac. Puri, Pastore Ecclesiæ Neocomensis in Helvetia: Omphalocoele ante aliquot annos laborabat, ac remedium à me morbo quaerit: negavi quicquam in malo inveterato tentandum, palliative curæ tantum locum esse & prophylaxi, ne affectus ulterius serperet: Paucis post diebus Agyra quidam Occitanus, nomine Chaumeras, se obtulit, integram salutem pollicitus: Fidem adhibet Pastor, eoque lubentius, quod in solarum Herniarum curationem incumbens, nullique

alii Chirurgi addictus, in ea numeris omnibus absolutum crederet: Patat ille cavum ex ferro albo instrumentum, instar scutellæ, quod vix dolenti loco admodum, phlegmonem in eo accersit, Vocatus postmodum, sublividum quid sub cute animadvertit, ac gangræne initia adstantibus prænuntio, desperataque salutis esse ægrum: Paucis post horis dum locum ungue scalpit Chirurgus, aperitur cutis, hincque tenuè intestinum, ex quo protinus affatim chylus exiit: Chirurgus, cui in parato erat acus filo transfixa, furee saragit, sed putre intestinum suturam non admittens, utrumque illius extremum filo constringit: Mors quarto post die consequitur, etsi vir integer & robustissimus de unione extremorum non desperaret.

*Pilus alii aureus, &c.*] Quidam ex regulo antimonii conflatas exhibent, quibus præter pondus inest quoque vis laxans: Sed cavendum ne jam deglutito globulo aureo, eoque non secedente, accedat exhibitio hydrargyri, hoc enim ab auro detinetur, ita ut neutrum permeet: quod contigit anno 1670. Pharmacopæo Genevensi D. Du Puis, cui Ileo laboranti, cum exhibitus esset sine successu aureus globulus, ad Mercurium quoque deventum, ita ut utrumque restitaret, magno imminente ab hydrargyro periculo: Tandem insufflato in anum Tabacitumo, magna vis fecum elicit, pauloque post & hydrargyrum & aurum prodire.

§. 9. Clariss. Guido Patinus inflammatoriam dispositionem Ilei intestini semper hunc producere morbum censet, adeoque plurimos evadere per Venæ sectionem, fatus tepidos, femicupium ex aqua tepida & enemata emollientia: Idem ante annos triginta in auriga cujusdam Archiepiscopi, ex volvulo de mortuo, totum hoc intestinum corruptum, nigrum & gangræna conspersum fuisse literis mihi indicavit. Blasius in Veslingii Anatom. c. 3. p. m. 46.

#### OBSERVATIO XX.

*Ileus à mutuo intestinorum subingressu, seu Intussusceptione.*

§. 1. **A** Nimadverti intestinorum tenuium mutuum ingressum spatio ampliore quam sit digiti longitudo, præsertim in nonnullis quos dolor Iliacus enecaverat. *Calumbus lib. 5. Anatom.*

§. 2. Aliquando intestinum in cavitatem intestini descendit, unde obstructio fecis & corruptio illius cum morte oritur, sicut in sectione Anatomica observavi, Juvenis enim quidam hoc morbo affectus sine ullo hydrargyri juvamine mortuus est: quod cum permeare non potuisset, prope obstructionem à me inventum fuit. *Dom. Panarolus Pentec. 1. observ. ultima.*

§. 3. Altera hujus mali causa post mortem à me deprehensa fuit, Intestini tenuis parte quavis coarctati ingressus in partem proximam, sed flatu solito magis expansam: Unde alvinis fecibus transitus omnis ad alvum præcludebatur, consequente mox earundem regressu & ascensu ad ventriculum, cum miserabili ipsarum evomitione.

#### SCHOLIA.

**I**udicavi modo dicto illum contigisse intestini tenuis in partem proximam ingressum, Et quidem nunc partis superioris in proximam inferiorem, nunc inferioris in superiorem, quoniam observaveram sæpius 1. Intestinum tenue variis in locis flatu distentum, atque in partibus proximis, tam superioribus quam inferioribus, ad notabilem longitudinem arcuissime contractum. 2. Ægros eisdem torminibus pressos corpus suum mire agitalle ac non raro subito inflexisse: Ista vero inflexione sæpius repetita contingere potuit ut subinde ob relaxatum in alterutro extremo intestinum, ulterius pressus flatu locum concederet opposito Intestini adhuc coarctati extre-

mo sese in satis sufficienter expansi intestini cavitatem insinuandi, succedente mox ejusdem intestini à propulso flatu liberati coarctatione satis violenta circa partem proximam insinuatam: Quoties autem pars intestini inferioris subit superiorem, toties aut sponte per assumpta alimenta, aut arte per pilulas plumbeas, aureasve deglutitas, curationis spes superest: Non item, quando pars intestini superior ingreditur inferiorem, quoniam sensum ulterius pergit pars conclusa, unde augetur magis magisque angustia, omniisque præcluditur contentis decursus, quocirca necessario certoque inde venit expectanda mors. *Franciscus de le Boë Sylvius Pract. l. 1. c. 15.*

§. 4. Diffecui quandam volvulo denatam, cujus superior intestini pars in inferiorem inferebatur. *Plempius fundam. Medicina cap. de mesenterio.*

§. 5. Intestini

§. 5. Intestini tenuis coarctati parti cujusvis ingressus in partem proximam, contingit juxta *Franc. Sylvium* Praxeos p. 183. quod intestinum tenue variis in locis flatibus distentum, atque in partibus proximis, tam superioribus quam inferioribus, ad notabilem longitudinem arctissime contractum sit: Quod vidi in Nosocomio Leydensi in cadavere viri, ut & in femina xl. annorum ab eodem dissecta: unde si ad dolorem levandum, vel aliam ob causam, abdomen prorsus vel comprimatur, vel antrosum inflectatur, facillime hic ingressus continget, idque vel partis inferioris in superiorem, vel superioris in inferiorem, Inflammatio autem contingit ob sanguinis in intestina effusionem, præsertim acrioris &c. Sic vidi vascula sanguinea ita tumescentia à sanguine in iis hærente, ut supra tenuium intestinorum tunica distenta egregie observarentur in dissectione illius foeminae: Inflammationis vero illius causam fuisse judicabantur carbonēs suppositi, quatenus immediate supra eum locum, trium scilicet digitorum transversorum spatium sub umbilico, in cute abdominis observata fuerant quamplurimæ maculae nigricantes: Quod autem à carbonibus suppositis ortum censebatur, ratio hæc est, quatenus è numero mendicarum erat, quæ hyeme semper multum ignis secum circumferunt, atque supponunt, moxque iterum auferunt, partesque omnes corporis aëri frigido exponunt: unde puto primò à nimio calore humiditatem sanguinis affluentis in tam exiguis vasculis aliquomodo dissipari, sic minus fluxilem reddi: Secundò à subito frigore stagnari atque incrassari: vascula quoque ab intenso illo igne aliquomodo corrugari posse credo. *Ioh. Von de Flammerdinge Dissutat. de Iliaco dolore.*

§. 6. Interdum revolvitur intestinum instar digiti cheirotecæ reduplicati, quod omnino obstruit viam intestini, inde vomitus intestinorum per partes superiores: Reduplicationem hanc omnino fictitiam dicit nominatus *Patinus*, quam nunquam videre potuit; At bis tervè eam in caveribus dissectis cum *Clariss. Joh. Walxo* videre contigit: *Blasius comm. in cap. 3. Anat. Veslingii cap. 3. p. 46.*

§. 7. Sub ipsa præteriti nuper anni 1676. auspicia, mulierem ex pago Vallis Leporinæ, Fauto, advenam, cui eadem exitus ex hac vita quæ adventus in hanc urbem (Schafusam) hora contingerat, in Xenodochio nostro dissecuimus, diros ante obitum ventris cruciatus, cordis anxietates, *dejectiones cruentas*, tandemque vomitus perpessam.

Patefacto abdomine Ileon alicubi plane constrictum, ac velut injecto laqueo strangulatum vidimus: Nimirum ejus portio, quatuor transversos digitos longa, plurimum contracta & angustata, intra proxime superioris cavitatem abscondita prorsus latebat, hacque sua *quæ* verum ejusmodi intro-susceptionem, qualis à *Clar. de le Boë Sylvio* *Idea Prax. Med. lib. 1. cap. 15.* describitur representare visa est. Intus vero non Intestina duntaxat, imprimis Ileon, sed & ventriculus multis quasi stigmatibus inflammatus erat.

§. 8. Post inde ac nuperius dissecui Puellam octennem, cujus Ileon tres-ejusmodi Intro-susceptiones distinctis intervallis spectandas exhibuit, una cum lumbricis alicubi velut conglomeratis, & mucaginè intus contenta valde biliosa & crocea, interiora quoque ventriculi incrustante: Unde judicatu omnino proclive fuit Puellam sine torminibus, & præcordiorum anxietate vitam non finivisse; quod & assertionem eorum qui curam ægræ habuerunt confirmatum. *Ioh. Conradus Peyer Tractatu de Glandulis intestinorum.*

## S C H O L I A.

**D**E Ileo plane constar horrendam eam & commutationem vere dictam affectionem, à vehementi spirituum animalium, fibras splanchnicas incoherentium, exandescencia oriri: ob quam illi contenta Intestinorum deorsum pellere non valentes, eadem magno cum impetu & via præpostera sursum projiciunt: Quæmadmodum autem remoræ descensu contenta prohibentes variæ esse possunt, ita non prorsus alienum à ratione esse arbitror asserere, Serum in plexibus glandulosis aliquando, crasi ejus vitia, indolem austeram, stypticam, acque tincturæ gallarum æmulam sortiri, proinde ut manipulus circulationis intestini fibrarum, ejusmodi tinctura imbutus, facta pertinaci constrictione, neque excrementitiorum ciborum parti, neque flatibus transire largiatur, Unde his in molem illic aggestis, ac perpetuo stimu-

lo ad excretionem stimulantibus, fecum ciborumque excretio per superiora, extremo naturæ conatu tentatur; Sæpe tamen in Ilei constrictione minus arcta nec diuturna, exhibitis quatuor pluribusve globulis ex Electo metall. antihæctico Poterii, (quos *Clar. D. D. Sæcra* in opere de Febre castrensi commendat) sanatio mature instituta feliciter succedit, in quantum insigni eorum penetrandi vi transitus via patentior redditur: Ubi vero eadem intestini constrictione pertinax valde, aut inveterata fuerit, proinde ut spiritibus animalibus cum sanguine arterioso tumultuose exardescantibus, inflammatio, febris, ac tandem gangræna oboriatur, spes salutis inde admodum in arcto relinquitur. *Idem. Peyer.*

Ventriculus multis quasi stigmatibus &c. ] Proinde ut hinc promptum fuerit Tincturam aliquam æccrimam,



sinam intestini fibras in pertinaces corrugationes adigentem, atque tandem maculas inurentem, concipere. *Idem.*

*Intussusceptionem*] Torminum genesin atque Intussusceptionis conceptionem, anni superioris æstate *Rana* jucundo adinodum & utili experimento oculis nostris exhibuerunt: Etenim intestina vivente amphibio lacessita diversis in locis pertinacissime mox se constringebant, contentis violenter sursum deorsumque (qua data porta) protrulis atque hinc inde in cumulos quasi congestis: unde quædam intestini portiones valde impletæ ac turgidæ, quædam

prorsus inanes & arctissime clausæ persisterunt, donec soluta fibrarum structura, inæatus liberior redderetur: Intestinis autem hinc inde se constringentibus, & sive chylum sive fæces sursum deorsumve proficientibus, factum ut illæ alicubi in molem adgestæ, parietes intestini plus debito ampliarent; quod in sacci morem dilatatum, inter se recipit constrictam inferioris intestini portionem, eamque sinu suo absconditam aliquam diu detinuit, donec fibris se denuo exporrigentibus, intestinum è latibulo alterius, velut è domuncula cochlea, in apicem præstinatæ sedem rediret. *Idem.*

§. 9. Saltatoribus, mimis, aliquando tenuia intestina intorquentur: Filiolus Dom. Petrel, Medici celeberrimi, volvulo interiit, In dissecto Ileum ita replicatum inveni, ut si chirothecæ digitus contraheretur. *Ioh. Riolanus Pract. p. m. 156.*

§. 10. Quam rarum sit Ductuum dari intussusceptionem, nulli non cadavera hominum curiosius dissectanti notum: In cystico bilario se eam invenisse in observatis tradit *Ioh. à Mekerem*: In infante non uno, postquam Iliaci interierint, me eam in Ileo intestino observasse scias velim; imo etiam in puero 14. annorum eam notare licuit, & quidem duplicem, si uno loco pars intestini inferior se inseruerit in superiorem, altero pars superior in inferiorem, *G. Blasius Observ. Med. p. 3. obs. 3.*

§. 11. Intestina, lumbricorum instar varie se moventia, intussusceptionem quandam incurrunt, imprimis ubi dolore atroci afficiuntur, & hoc modo excrementis transitus ad anum denegatur, hinc Ileos; Mediis ordinariis nihil efficientibus, cucurbitula magna sine scarificatione sæpius parti dolenti apponi potest, atque iterum auferri: Annon etiam præstaret facta dissectione muscutorum & peritonæi, digitis susceptum intestinum extrahere quam certæ morti ægrum committere? *Paulus Barbette Anatom. Pract. lib. 4. cap. 1.*

#### SCHOLIA.

**A**non præstaret &c.) Illustr. Baronissa à Lanti, prope Castilionem ad Sequanam in Burgundie Ducatu, Iliaco affectu laborans pro deplorata habebatur: Offert se juvenis Chirurgus, diu castra sequutus, qui salutem certam pollicetur, modo Nob. ægra sectioni in abdomine faciendæ se submittat; Concessam aggreditur Chirurgus, multique eductis & evolutis intestinis, antequam convolutio & contortuplicatio appareret, eam nactus explicat, & nodos

dissolvit, postmodum sedi restituit: Hinc gastro-raphia facta, vulnus felicissimo successu consolidavit, integræque valetudini Nobilem restituit: Quæ hospitale suo stipendium annuum constituit, cujus usura per triennium tantum frui licuit, supervixit enim Matrona. *Ex communicatione Viri Reverendi Dom. Pinault, Pastoris Ecclesiæ Genevensis, qui cum dicta Baronissa familiaritate junctus fuit.*

§. 12. Theodori Roulen puerum aliquoties invisi, qui dolore fixo & continuo sub regione Hepatis per annos aliquot laboraverat, Eo tandem ex gravissima Iliaca passione mortuo, vocatus sum ut causam præcedentis doloris inquirerem.

Aperto corpore, inveni intestinum Cæcum contractum, in intestinum Ileum se insinuasse, idque opplevisse, adeo ut nihil ex superioribus intestinis ad Colon permeare posset, inde Iliaca: Denique fisso Ileo, & exemplo Cæci, id ubique inflammatum & tumens inveni: Præterea scirrhus exulceratus, aut potius cancer exulceratus in ipsius Cæci intestini fundo conspiciebatur.

§. 13. Diversæ constituuntur causæ Iliacæ passionis: Præcipua autem est Ilei constrictio & coarctatio: Itaque hujus rei indagandæ causa diversa cadavera inspexi; & quamvis ut plurimum fœtor adeo reter erat, ut vix possent exquisitè omnia considerari, id tamen in omnibus hætenus observavi, principium & originem hujus morbi fuisse circa intestinum Cæcum: h. e. sacculum, qui in fine Ilei & coli principio conspicitur. Quare existimo valvulam (quæ Clar. *Bauhinus* in initio coli invenit) primum ex intestini Cæci inflammatione adeo contrahi & constringi, ut plane nihil excrementorum permeare possit, sicque accrescere inflammationem, ut tandem totum intestinum Ileum, imo & circumjacentes partes gangræna & sphacelo corripiantur: ut observavi in omnibus quos præter prædictum puerum hætenus dissectui. *Fabritius Hildanus centur. 1. observat. lxi.*

#### SCHOLIA.

**A**deo ut nihil ex superioribus intestinis &c.) Vulgaram sententiam, Ileum oriri à magna intestinorum obstructione vel coarctatione (tandem proxima causa & immediata) ob quam eorum oclusa via, nihil infra permeare possit, lo-

pugnat *Sennertus* hac ratione; Quod si intestina tenuia plane oclusa & coarctata essent (etenim in intestinis tenuibus ut plurimum Ilei causa consistit) reddi ratio non posset quomodo fæces & stercora, quæ in crassis congeriuntur, illuc impelli

impelli possent & vomitu excludi, Nec, item quomodo clysteres & glandes vomitu expellerentur si intestinorum via plane præclusa esset: Nota est historia à *Matthæo de Gradi* citata de puella, quæ Ileo laborans, cum omnimoda alvi adstrictione, fæces primo, hinc clysteres injectos, vomitu rejecit: Imo triduo post inditum longum suppositorium per intestina brevissimo tempore ad os irrepsit: atque etiam similiter secundum, quanquam filo femori alligatum, Et tertium quatuor filis fortibus contrictum. Et nos anno 1666. vidimus quendam Coriariū, nomine Lessire, annorum 40. virum robustissimum, cui Iliaca passio contigit ab inflammatione tenuium intestinorum, (quam peperat bilis commota, quod in carceres paucis ante diebus conjectus fuisset) tertio affectus die clysteres duos, ex decocto herbarum virentium paratos, & pridie injectos, vomitu exclusisse; morbi tamen vehementiam, incomparabili tolerantia & animi robore sustinuisse, postmodum morte succedente quæ morbi fuit quarta. Ex quibus liquet in Ileo viam intestinorum non semper ita oclulam esse, ut vulgò statuitur, sed aliam causam subesse, quam innuit *Galenus* 2. de Sympt. causis cap. 3. ut mirum sit Prædicorum aciem subterfugisse, motum scil. facultatis expultricis intestinorum inversum & præposterum, cum quæ per inferiora dejici debent, ad ventriculum repunt ac

vomitum pelluntur: Intestinis scil. motus inest naturalis, quo chylus & fæces ad inferiora sensim pelluntur, peristalticus dictus, qui per fibras orbiculares & transversas intestina contrahentes peragitur, similis lumbricorum motui, qui partes corporis successive movent: Pervertitur autem aliquando motus hic à causis p. n. ut intestinorum fibræ, quæ à superioribus motum debent ordiri versus inferiora, præpostere ad superiora contrahantur, ita ut quæ in intestinorum cavitate continentur, non ad alvum sed ventriculum tendant, unde emergit affectio Iliaca: Non absimile quid in vomitu evenit, Cum œsophagi fibræ à supernis versus ventriculum se contrahunt, deglutitio fit: cum inverso hoc ordine à parte inferiore ad superiorem motum inchoant, vomitus contingit: Læditur autem motus hic peristalticus naturalis, expultrice intestinorum vehementer laessita, ubi contenta p. n. ad alvum inferiorem trudere nequit, tunc motu præpostero superiora affectat: Irritantes autem causæ plures sunt, quarum frequentiores & præcipue ad obstructionem seu angustiam referuntur: Hujus causæ cognitio non parvi ad curationem momenti est, cum laxatis fibris (quod observavit de *Gradibus* in puella memorata, quam curavit jusculis pinguibus, quæ virtutem attracticem laxant, exhibitis) motus hic remittat, per adstringentia & roborantia augeatur.

§. 14. Puer triennis, qui 25. dies decubuerat, ac ex lumbricis ægrotasse putabatur, dissectus fuit: Huic intestina cuncta flatu turgida & lucida, unam tenuis intestini partem intra se contractam ac convolutam, quasi in se infarctam, ut duritiem quandam, tanquam tumoris speciem repræsentaret, vidimus: nam quod sesquipollicem longitudine æquabat dum involutum esset, id leniter evolutum, duos fere palmos implebat. *H. Smetius miscellan. lib. 10. pag. 579.*

§. 15. Puella 10. circiter annorum febre, tussi convulsiva aliisque affectibus afflicta, (vide lib. 4. tit. de Febr.) & enecata, à me dissecta fuit: Ejus ventrem inferiorem aperiens, Intestina tenuia pluribus in locis mutuo involvebantur: nempe partis unius superficies convexa in alterius concavam, tanquam in vaginam fuit intrusa & alte recondita; Quod quidem à viscerum motibus convulsivis omnino contigisse arbitror: Dum enim ob spasmodum vehementem, ab origine nervosa excitatum, fibræ oppositæ simul convulsæ, idem intestinum una in motus contrarios agerent, facile evenit ut intestini Ilei pars una sursum lata alterius deorsum raptæ cavitatem incurreret. *Thom. Willis Pathol. cerebri cap. 8.*

## OBSERVATIO XXI.

*Ileus ab implexis, involutis, intortis intestinis. 1. A connexis & convolutis instar funis. 2. Ab Ileo contortuplicato. 3. Ab Ileo tribus complicationibus complicato. 4. Ab Ileo diversis in locis convolutis. 5. Ab Ileo tribus nodis constricto. 6. Ab Ileo tribus nodis constricto. 7. Ab ejusdem constrictione. 8.*

§. 1. **P**uer XVII. annos natus, hydropicus, cum 14. dierum spatio excrementa alvi per os evomeret, nec per secessum quicquam egeret, exspiravit: In hoc cum post mortem rugitus ventris, & illius quædam palpitatio sentiretur, eoque nomine de sepe liendo ambigeretur, accersitus, cum ventrem aperirem, flatu tandem erumpebant: Verum intestina tantopere distenta erant, ut femoris crassitiem certis in locis adæquare viderentur, atque ex compressione disrumperentur, stercusque magno cum impetu profunderetur: Aliis verò locis adeo convoluta, intorta & implexa, ut nulla illic nec excrementis nec flatibus deorsum pateret via: Sed & vermibus vivis, oblongis, quamplurimis repleta erant, qui rursus aliis minoribus referti, inæquales illos motus effecerant. Præter hæc Hepar corruptum, arenulis, lapidibus infarctum, Lienem imminutum, Pulmones viriatis costisque affixos ostendebat, *Platerus observat. lib. 3. p. 657.*

§. 2. Intestina aliquando aliquomodo connectuntur, ut observavi, tanquam in fune madefacto, qui postmodum convolvitur: Et in hoc casu mirum in modum pila cum plumbea, tum argenti vivi portio prodest. *D. Panarolus Pentec. 1. observ. ult.*

HHhh

§. 3. Per

§. 3. Per Iliacam passionem *ελάσας* convolvi videntur intestina, Testisque mihi fuit D. *Tilemannus*, se vidisse aliquando in sectione anatomica ab Ileo mortui, Intestinum *Ileum contortuplicatum*, uti pannus à lotricibus convolutus. *Dietericus Latvei pag. 40.*

§. 4. Die 29. Januarii 1644. D. Patris laborare cœpit colico dolore vehementi ex intenso frigore concepto: vocatus Pharmacopœus injecit statim clysterem emollientem, carminantem & laxantem, quo fœces multas excrevit: dolore perseverante iteratus fuit idem clyster, adjectis oleis carminantibus, quem non rejecit, Dolore adhuc sæviēte, tertius postmodum injectus est, quem etiam retinuit: plurimis immixtis suppositoriis, clysterum portionem excrevit sine ulla materia fœculenta: Die 2. morbi vocatus, præscribo fotum emollientem & anodynum toti ventri admovendum, & clysterem ex fots decocto paratum, quem etiam diu retinuit, & exiguum illius portionem rejecit sine ulla materia: Nullus dolor aderat, neque ulla febris, vomitus autem per intervalla infestabat: Hinc conjicere licuit ægrum Iliaca affectione laborare, sed à qua causa fieret, valde dubitatum est in consultationibus pro tanto affectu convocatis: Inflammationem enim testari videbatur febris, quæ tertio die supervenit, sitis & linguæ ariditas: Sed quomodo inflammatio intestinorum adesse posset citra dolorem concipere non poteram: Videbatur potius fieri à fœcibus induratis, vel contorsione alicujus intestini: Multa remedia usurpata fuere, venæ sectio ter repetita, bis in brachio & semel in pede: julepi refrigerantes exhibiti, clysteres ex decocto Intestinorum vervecis omni hora injecti, fots emolliens continuo admotus toti ventri: usque ad septimum diem vomitus perseveravit, quo juscula & potulenta excernebat cum materia biliosa, pituitosa & stercorosa, nihil vero per alvum effluebat: circa finem septimæ diei alvus fluere cœpit, & fœces multas excrevit per intervalla, cessante prorsus vomitu: alvi fluxus continuavit per quinque dies, manente tamen febre & virium imbecillitate, liquida in fine dejiciebat, qualia ante vomere consueverat: die 13. morbi gravibus inquietudinibus affectus est, cum virium languore, quibus sensim deficientibus è medio sublatus est.

Aperto cadavere, inventum est intestinum Ileon tribus complicationibus convolutum & quasi compactum in unam massam circa finem illius: Tota autem illa intestini portio complicata, gangræna affecta erat, cum portione mesenterii sibi adjuncta: Intestina reliqua amplissima apparebant, ut brachii magnitudinem æquarent: Præterea intestinum gangræna affectum, perforatum erat supra complicationem: existimo à pondere materię contentę in superioribus intestinis fuisse disruptum, postquam sphacelo affectum est: Per illud foramen tota excrementorum illuvies in abdomen effluxerat, & mora sua partem ani anteriorem corruperat, in qua etiam foramen aliud apparuit, per quod excrementa effluebant per alvum, & obstructionis intestinorum apertionem mentiebantur: Unde patet alvi fluxum Ileo supervenientem posse interdum Medico imponere. *Lazarus Riverius centur. 3. observat. 26.*

#### SCHOLIA.

**O**bstructionis intestinorum apertionem ] Ilei characteristica sunt, vomitus & alvi adstrictio: Animadvertendum tamen quod si nihil per alvum dejiciatur, id contingere ubi affecta sunt crassiora intestina, quia tunc excrementis citius &

validius via præcluditur quam si tenuia, cum infra locum affectum subsideant fœces, quæ sponte aut arte educi possunt: Nihil ergo per inferiora dejici in Ileo, intelligendum de excrementis quæ locum superiorem, ubi inest angustia, occupant.

§. 5. Secui puellam quadrimam verminosam, quæ post Epilepsiam Ileosa facta, per os & vermes & alvina excrementa deposuit: Quærens causam, tandem in fine Ilei, quinque intestini complicationes inveni maximas, ita ut ad longitudinem mei digiti, in qualibet complicationum Ileum convolutum invenirem: quodque pessimum erat, hic inferne sursum repebat, alibi superne deorsum implicabatur: atque ita supernam ac infernam medicationem eluserat: Hujus sine dubio, putri vaporis, atque à vermibus elevato, originem suam debebat: *H. ab Heers observ. 24.*

§. 6. Pauperrimus quidam Walo morbo hoc: miserere mei dicto, summo cum dolore periit: Aperto cadavere, septem diversis in locis intestinum Ileon vidimus ita convolutum, ut cibus, potui, fœcibus omnem necesse fuerit denegari transitum. *P. Barbette Præcos lib. 4. cap. 7.*



## S C H O L I A.

**I**n *Intestinum Ileum* ita convolutum ut *cibus & facibus* negaretur *transiens*]. An hæc convolutio possibilis vide *supra* ad observat. ex *Kerekyingio* : In tenuibus autem intestinis excrementis transitus præcluditur, ob meatum illum angustiores, maxime

quo se in fine, juxta renem dextrum, in crasso intestino aperit : Si præsertim accedat nativa illius meatus angustia, vel adscititia ætate, calidiorum continuo usu, unde intestina aridiora fiunt & contrahuntur, aliisve causis.

§. 7. Catharinæ N. supervenerunt vomitus, qui cum fœtore nonnullas fæces intestinales explodebant : In Ileo tres nodi, singuli dimidii digiti longitudinem æquant, exhibebantur, qui erant duplicaturâ intestini in se retracti &c. *Vide tit. de Hypochondr. dolore.*

§. 8. Ilei quædam species est, quando Ileon, ut aspexi, ita arctatur quasi farcimen; (quod vulgo *lucanica* dicitur) cum inter unam & alteram *lucanicam* circumducitur filus : Hoc ad unguem inveni : Intestinum enim tam strictum erat ut non secus quam filo vinctum coherceretur ; Humor enim biliosus ob acrimoniam morbum hunc pepererat : *Panarolus Pentecoste* i. observat. ult.

## OBSERVATIO XXII.

*Ileus à compressione Jejunii intestini in hypochondrio dextro.*

**J**ejunum intestinum sæpe comprimitur, id quod primum ad longitudinem quatuor digitorum transversorum latitudinem sub costis spuris in hypochondrio dextro compressum vidi Tiguri cum Dom. Parente anno 1667. in Josia Binaschedlero de Horringens *Joh. Henric. Lavaterus Thesium Inaugur. V.*

## S C H O L I A.

**E**nnumerandi differentias quatuor potissimum agnoscio, 1. à subjecto, 2. à morbo, 3. ab efficientibus 4. ab accidentibus peto : A subjecto aliam intestinorum tenuium, aliam crassiorum statuo : Tenuiora chylum perficientia, quia mobilia, duodeno excepto, facile comprimuntur : Duodenum rarius, & nonnisi à vulneribus abdomini inflatis, Jejunum sæpe, Ilium sæpius, & indifferenter in partibus abdominis omnibus, superioribus, inferioribus & lateralibus, ob circumvolutionem, longitudinem ac commotionem variam : Crassa fæces colligentia, quia immobilia difficile constinguntur : Cæcum in latere, in quo situm est, dextro, idque potius in infantibus quam in junioribus, in quibus jam in processum vermicularem, longitudine vix quatuor digitorum transversorum latitudinem : Colon, in partibus abdominis variis, ob situm illius, Rectum quoque, non tamen à peritonæo, ut cætera, tam ob ejus situm rectum quam connexionem cum partibus adjacentibus firmam, sed à phleg-

mone ut plurimum comprimitur : Quæ intestini recti compressio, vel est totalis, qua totum à relaxatione ani musculorum levatorum, à tuberositate ilei oriundorum, intestinum prolapsum premitur : vel partialis, qua tunica tantum interna, à muci depavati, vel humoris alterius corrupti copia propulsa comprimitur, phlegmonem gangræna subsequente, quam tunicam internam sphacelatam, cum salute ægri, vidi abscissam Lugduni anno 1669. A morbo *islapomeisola* alia simplex, qua intestina sola implicantur, alia composita : sic frequenter omentum, rarius mesenterium, quod vidi *Sala*, teste *Bartholino* cent. 2. hist. 95. Ligamentum uteri latum, quoad extremum, reperiit *D. Bessier* Chirurgus Parisiensis ? Ab efficientibus *islapomeisola* alia est à causa externa fortuita ; alia ab interna antecedente : Ab accidentibus varie distribuitur, 1.º à quantitate, est parva, mediocris, magna 2.º à figura, alia est æqualis : 3.º loco, alia umbilici, alia inguinis &c. *Idem ibidem.*

## OBSERVATIO XXIII.

*Ileus à Cæco Intestino obstructo & coangustato à devorato cydoniato.*

**S**eptennis puella Diarrhœa correpta, quum per dies complures subalbidam ac putrem solidamque materiam indolenter alvo redderet, diurnitatis fluoris ejusmodi pertæsa, ejus avia consilium de cohibendo cum aliis mulierculis cœpit : In eam rem cydoniato larga manu exhibito, sic est ejus usu alvus repressa, ut eo die & sequenti nocte *nil omnino reddiderit* ; sed excitatis *savissimis ventris doloribus* & torsionibus, usque eo intumuerit, ut hydropica de repente evaluisse putaretur : Accitus Medicus, quid rei esset suspicatus, clysmatis primum lenibus, deinde etiam acrioribus identidem injectis, hærentem alvo materiam noxiam foras evocare ; fori dolores lenire tentat, sed id frustra : invalescentibus quippe doloribus immanibus, cum crebris animi deliquiis, tandem liquidioris *stercoris* vomitione intra biduum miserabiliter extincta est.

Aperto corpore, Cæcum intestinum coangustatum constrictumque, adeo obhærescente, &

HHhh 2

interiorem

interforemque ductum obturante cydoniato, deprehensum est, ut illac nullo modo prorsus quicquam posset pervadere: unde accidit ut acris illa & corrupta materia meatu prohibita, objectaque mora restagnans, inusitatum sibi viam in abdominis spatium patefecerit, paulo supra obstructum locum pereso perforatoque intestino, quo velut emissario & cuniculo acto excidens, abdominis totam capacitatem repleverat: Hinc acerbissimi dolorum morsus, hinc distensio, hinc animi defectiones, obortoque sædo vomitu crudelissima mors brevi consequuta: Hæc historia ad eos valebit, qui redundantem nocentemque humorem, undecunque is profluat, intempestive sistere atque coercere properant, maximo xgrotantium malo. *Fernelius Pathologia lib. 5. cap. 9.*

## S C H O L I A.

**C***Cæcum intestinum coangustatum.* ] Cæci intestini usus hæcenus oblitus: *Jessenius à Jessen* ingenue se illius usum ignorare taceat: *Hofmannus* sequutus *Vesalius* notæ gratia homini datum credit: Cur autem illa apophysis, præsertim in sue, sit maxime conspicua, meo arbitratu id usu venit quia voracissimum est animans, glandibus quernis, nucleis faginis, avellanis, nucibus, pilis, hordeo, omnibus flatulentis natura vesci solet: hinc cum concoctio quæ in abdomine, & in eo contentis visceribus mediante fermentatione absolvi debet, in illo animali voracissimo vix sine flatibus perfici potest; Natura, quæ nihil frustra facit, id studuit unice ut concoctio infimi ventris absolveretur accuratissime, appendiculam flatuum capacem, mediæ intestinorum seriei, seu fini tenuium, & initio crassorum alluendo, quo locus esset flatibus aut halibus exhalantibus, etiam dum naturali modo concoctio peragitur: Sic Chymici distillantes spiritum ligni Guaiaci, oppido penetrantem, &, ut sic dicam, flatulentum, cavent ne Recipiens distiliat, in lecto utrinque ea parte, qua luto Retortæ ad aptatur, tubulo, quo urgente necessitate dempro epistomio, spiritus portio seu per angustum emitti, & tenues, salvo recipiente, evanescere in auras possit: Hi ergo halitus tenuium intestinorum, ubi in Cæcum intestinum, seu sacculum recipiuntur, usque dum concoctio perfecta est, credibile est haud facile quenquam colica passione correptum iri, quæ nobis magis in dextra corporis parte quam in sinistra, cum ob situm cæci, tum ob valvulam coli intestini molesta esse solet: Cur autem voracissima Ibis (quam subdubito an ad Gruum speciem referre possis, in quorum uno dilecto duplex cæcum intestinum reperi, excrementis utrumque crassum, flatibus pauculis ex parte distentum, unum quodque longitudinem quadrantis ulnæ nostratis Scelandicæ cum dimidio superans; quem avariter vesci hordeo natura flatulento certo novimus) & quæ sædissimis cibis vescitur, Nili aqua alvum sibi proluit? dubio procul hoc facit quod ob pravam coctionem *Asiaticam* subinde torminibus ventris torquetur: Sane post *Galenum* & *Archangelum* ita ratiocinor, Nonne si quis castaneis, pilis, fabis similibusque solito frequentius vescatur, ille pedere tenetur, advertitque per intervalla rugitum & murmur, crepitum & peditum ventris præcedere? quod fieri arbitror ubi ex cæco intestino motu naturali & intestinis proprio, peristaltico dicto, in coli cellulas propelluntur flatus, geniti ex cibis maxime vero flatulentis, aliquandiu in cæco, seu sacco reservati: Salvis ergo aliorum punctis, concludo flatuum inter concoctionem, & præsertim ex flatulentis cibis genitorum, Cæcum intestinum naturale & necessarium esse receptaculum: Et si intestina mihi comparare liceat, certo respectu ad eos nobilissimum quantum

sunt viscerum, sciscam eundem cæcum intestinum præstare usum fini Ilei aut initio coli, quem auriculæ cordis cordi: Quæ ne quis mera figmenta rationis putet, ideo quia in cadaveribus Cæcum intestinum plerumque vacuum, imo etiam flatibus vix ac ne vix quidem naturaliter distentum reperitur, Respondeo vivo corpore permeabili & transpirabili ex *Hippocr.* decreto, omnia se aliter habere ac in cadavere: Nam ut longe crassiora sunt in vivo corpore omnia intestina, sic quoque hæc appendicula carnosior, ex vivis adhuc canibus protracta, vili est à Filio meo J. Henrico Pauli: Interim non insolens est, læve quid, lubricum, madens, mucosum, parte sui interna Cæcum intestinum continere, aut in eo pauculas guttulas sui generis excrementi, anonymi adhuc apud Anatomicos, reperi; quod statuo ex halitu, tenuia intestina, illorumque gyros permeantis chyli naturaliter procreatum esse, ut id loco convenienti, crassis intestinis colo & recto, vel in iis contentis excrementis, seu stimulo, aut novo quali fermento sit, clanguentibus jam bilis vesiculæ fellæ vitibus, & quicquid per pancreatis ductum excrementitiorum, (utillium licet) humorum limpidorum ac acidulorum in duodenum eructatur, quo fermentatio quasi nova ad valvulam coli ideo instituat, ne ad eam diutius hærentia alvi excrementa spissescant, illique multimode incommodent, valvulam coli vel omnimode ocludendo, quale quid qui patiuntur iliaca passione intercedunt: vel ne sponte sua ocludatur prohibendo; quale quid qui patiuntur, pleno excrementis alvi cæco intestino, coli valvula p. n. laxata semper pedunt: Atque prioris causæ aut morbi unicum illud, sed manifestum & inigne exemplum *Fernelius* nobis suppeditat &c. *Simon Pauli, Quadripart. Botan. class. 2. p. 89.*

**Cæcum intestinum** ] Locus est apud *Hippocras.* lib. 1. Epidem. quem quidam intelligunt de cæci intestini interceptione circum umbilicum, ob ruptionem peritonæi; *Pecdinum*, aut ruptiones, quæ circa pubem fiunt, ut plurimum flatum innoxia: quæ vero paulum supra umbilicum, in dextra parte sunt, hæc sunt dolorosæ, anxiosæ & æcipiuntur i. e. stercoris vomitum inducentes: Tumor est quidem exiguus, sed exitialis.

**Tandem liquidioris stercoris** ] Et si magna sit Colicæ & Volvuli cognatio, tamen etiam non parum differunt, colicæ enim natura præcipue in dolore consistit, & ad colicam satis est insignis intestinorum dolor, et si alia symptomata non adiunt: Ilei vero imprimis in defectu expulsionis per inferiora, & inverso naturæ ac facultatis expultricis in intestinis motu: Licet etiam vomitus in colica accidat, tamen non ita violentus est in Colica ut in Ileo; neque omnia alimenta, multo minus excrementa, per os rejiciuntur, id quod in Ileo accidit, in quo etiam clysters



clysterēs & glandes ano immiſſa ſuperiora verſus trahuntur & per os reſciuntur. *Sennertus.*

*Cœcum inreſtinum* ] An in tenuibus an vero in craſſis inreſtinis cauſa Ilei conſiſtat, alii aliter ſentiunt, Verior eſt ſententia plerumque in tenuibus conſultere, quæ ob venarum copiam & ſanguinis abundantiam facilius inflammantur, & natura ſua anguſtiora ſunt: Quandoque tamen etiam craſſis affectis hoc malum generari poteſt, cum cauſa omnes quæ Ileum producant etiam in craſſis reperi poſſint: De qua re prolixè agit *P. Salim Diverſus* de affectibus particul. cap. 11. *Idem.*

*Nil omnino reddiderit* ] *Galenus* commentar. aphor. 10. ſect. 7. aſſerit proprium & inſeparabile huius affectus ſignum eſſe nihil per inferiora deſcendere: *Hippocrates* tamen contrarium aſſerere videtur 3. Epidem. ſect. 2. tit. 7. in hiſtoria mulieris vulvuloſæ, quæ apud Tiſamenum habitabat, dicens, *Dejectiones tenues, crude, pauca*, Cui difficultati reſpondendum eſt, dejectiones qualdam emitti poſſe in principio morbi, ex facibus contentis infra in-

teſtinum affectum, quæ à natura vel arte excludi poſſunt per inferiora, antequam omnia inreſtina in conſenſum trahantur, & propriam naturalemque facultatem amittant: Poſtquam vero morbus confirmatus eſt, & motus omnium inreſtinorum periltalticus omnino inverſus, nihil amplius per inferiora emittitur. *Riverius.* Vide *Petrum Salim Diverſum* l. c.

*Sæciſſimis ventris doloribus* ] Propria & peculiaris paſſioni Iliacæ ſunt, dolor acutiſſimus, & ſarſiſſimus, inflatio & diſtenſio vehemens, tumor in epigaltrio eminens & durus, omnimoda alvi ſuppreſſio, ut nihil per inferiora deſcendat; Progrediente malo vomitus accedit enormis, primum bilis, pituitæ, & chylolæ materiæ, ac denique ſtercoris, vel porius materiæ ſtercori ſimilis, cibalis nempe, corruptæ ac fœtidæ, rariſſime enim feces projiciuntur: Brevi moriatis, ſudor frigidus copioſus, extremorum refrigeratio, cordis tremor & animi deliquium,

*Riverius.*

## OBSERVATIO XXIV.

*Ileus à coalitu & gangræna Ilei.* 1. *A flatu in eo cohibito, hinc fiſſo.* 2. *A gangræna in vicini-  
cia cœci, ob ligaturam in Herniotomia.* 3. *A materia lapidea obturante inreſtina juxta  
Cœcum.* 4. *A colo cancro affecto.* 5. *A colo prope Rectum ſphacelato & diſrupto.* 6. *A  
Colo exulcerato cum ſtercore retento.* 7. *A Tumore veſicali Recto inreſtino annexo.* 8.  
*A Recto inreſtino conſtricto & replicato.* 9. *Ab abſceſſu in inreſtinis.* 10.

§. 1. **I**N ſchedis ſuis annotavit *Caspar Bartholinus* mulierem Germanam Patavii, robuſtam & corpulentam, nonnihil pinguem, ſexagenariam, nihil excreviſſe per alvum ſpatio novem dierum, nec tamen clyſterem admittere voluiſſe: Incidiſſe tandem in febrem malignam cum vomitu bilioſo, & tranſacto biduo obiſſe:

Aperto cadavere, Pulmones fere putridos, Hepar parum ſcirrholum & inflammatum: Ventriculi tunicam interiorem inflammatam: Inreſtinum Ileum in medio gangræna obſeſſum & putridum, ut inopinato contactu diſruptum ſit: univerſam partem ſupra Ilei gangrænam, anteriore tunica inflammatam, ut ſupra modum venæ meſaraicæ eſſent turgidæ: Partem vero Ilei inferiorem totam coaluiſſe, ut nihil hac via pertranſire potuerit: *Th. Bartholinus* centur. 6. obſervat. 38.

§. 2. Tenuioris inreſtini morbo, quem Græci εἰλιόν vocant, urgeri commune eſt, ſed urgeri ſic ut vitam tollat, inauditum: Corpulenta quædam mulier, cum modo ſupra modo infra umbilicum intolerabili premeretur dolore, nec ullus hinc inde erumperet ſpiritus, adeo agitata eſt, ut ſciſſo tandem inreſtino vitam finierit, Quod niſi incifa mortua pluribus innotuiſſet, nescio an citra mendacii ſuſpicionem à me ſcribi potuiſſet. *Benivenius de abditis* cap. 76.

## SCHOLIA.

**S***ic ut vitam tollat* ] Eſt Ileus alius alio periculoſior ſit, exitialem tamen ut plurimum eſſe experientia conſtat, præſertim is cui accedit vomitus materiæ faculentæ, & ex his nullum ſalvari aſſerit

*Galenus* 6. de loc. cap. 2. Qui periculum effugiant, his vel cauſa fuit fœcum retentio, vel enterocœle, vel flatuſ, ſi exitum ſupra vel intra inveniat.

§. 3. Gallus agyrta Leodium venit lithotomum profeſſus herniarumque curam, filo aureo certillimam pollicitus: Huic cum plurimi ſe crederent, rogatus à patre adſtare vincturo epiploon filioli ſui, in ſcrotum delabens, Adſto, ſilum, non jam aureum, ſed ferreum, mercurio crudo oblitum, in inguen pueruli trimi agentis: Videris, inquam, altius & juſto & ſolito mihi adigere, Quæ tua ſunt, inquit, cura, ego quæ mea ſunt rite exſequar: interim ſilum, ejulante multum puero, valide torquet: ſed, quod commiſeratione digniſſimum inreſtinum Ileum, in viciniâ Cœci, una comprehendit, itaque vincit, ut negato per inferiora facibus exitu, per os ejectionis ſtercoribus, Ileoluſ factus puer, periltaltico inreſtinorum motu mutato, animulam inter mille tormenta, cum fœtore & cruciatu ejectionis, die à ligatione quinta: Mortui cadaver aperiens, inveni inreſtinum, qua parte ligatum fuerat, unoque ſupra infraque ligaturam digito, omnino gangræna infectum & jam putre:

HHhh 3

Hunc



Hunc postea Tutnoni similium scelerum pretium crucem tulisse accepimus. *Henricus ab Heers observat med. 22. p. m. 191.*

§. 4. Orphanus ex Iliaca passione expiravit : Inspecto corpore nullas vidi plicas nec volvulum, sed circa cœcum intestinum vidimus materiam induratum, lapidosam, intestinalia extendentem, & ita arcte adhaerentem ut Cheirurgus impossibile videretur extrahere. *Nic. Fontanus Respons. & curat. pag. 84.*

§. 5. Cancer etiam hoc idem causare potest, cujusmodi vidi in Fabro ferrario, qui cum in colo per plures menses cancerum passus fuisset, ex quo in transitu fœcum quotidie vehementi cruciabatur dolore, maximas persentiens punctiones, perinde ac si acubus perforaretur, tandem aucto cancro, ab eodemque obstructis intestinis, factus Iliacus, præcedentibus stercoris vomitibus, misere vita functus est. *P. Salius Diverfus de aff. partic. cap. 11.*

#### SCHOLIA.

**S**igna cancri præcessere, sc. punctiones, ad compressionem durities & inæqualitas ad tactum : dolor fere continuus, qui in transitu fœcum maxime

exacerbatur : diuturna fuit affectio, quæ tandem intestinum interclusit. *Idem.*

§. 6. Matrona sanguinea 50. annor. 7. integris diebus nihil dejecerat, purgans exhibitum vomitu rejectum, nihil quoque effecit enema, 7. die, & subsequenter varia assumpsit purgantia fortia, sed tristi eventu : morbi 21. die dicebat intestinum aliquod crepassse : 22. fatis cessit.

Dissecto cadavere nil quicquam vel circa ventriculum, vel in intestinis tenuibus poteram reperire quod morbi causam indicaret : Cum obstructicis præsentis ergo uterum explorarem, vidi intestinum Colon, non procul à Recto sphacelatum, tunicasque disruptas. *P. Barbette Præcos lib. 4. cap. 7.*

§. 7. Non multos post annos quandam secavi mulierem, quæ semper sana fuit tempore suæ vitæ : Sexagenaria tandem colico dolore affecta in volvulum incidit, sive in morbum *miserere mei* dictum :

Huic colon intestinum in suis anfractibus erat assato stercore repletum, ita ut lapidescere videretur : Et ab hoc stercore anfractus intestini Coli videbantur exulcerati : vixit hoc pacto octo dies, per os stercus excernendo. *Hippolitus Boscius de Facult. Anatomica sect. 2. pag. 24.*

§. 8. Ut quid in intestinis observavi dicam, anno 1580. in quadam muliere quinquagenaria defuncta, quæ per triginta annos passa fuerat dolorem, quasi diceres matricalem, reperi Tumorem veluti vesicam, non dico magnitudine tantum sed tunica, in qua erant pinguedo sæposa, & ossa veluti diceres mandibulæ, in quibus erant duo alveoli cum dentibus duobus, alter erat caninus, & alter masseterum, & videbantur ita lenia, ut diceres per multum temporis spatium ex usu in ore humano fuisse : circumquaque hæc ossa capilli multi oblongi, ad longitudinem magni palmi circumducebantur, involuti omnes ab hoc sæposo humore ; & quia tumor iste annexus erat recto intestino, ob id monialis hæc, post multos dies quibus passa fuit dolorem quo aliquoties vexabatur, per dies novem volvulo fuit correpta, à quo vitam cum morte commutavit. *Hippolitus Boscius de Facult. Anat. Lect. 2. p. 23.*

§. 9. Anno 1672. mense Septembri, quidam, vocatus *la Grange*, Genevæ obiit, cui alvus totos 15. dies adstricta fuit, hinc dolores ventris vehementes, succedente sub finem *notte peritura*.

Aperto cadavere intestinalia omnia, tam tenuia quam crassa, fecibus turgentia reperta sunt : Intestinum vero Rectum reduplicatum inventum, præterea membraneus annulus arcte id constringebat, enatus è proximo peritonæi processu, in scrotum abeunte : hinc adstrictionis alvi causa & remeantium sursum fœcum,

#### SCHOLIA.

**M**irum cur *Galenus* comm. in aphor. 44. lib. 6. dicat volvulum esse affectum tantum tenuium intestinalium, cum observatum sit rectum intestinum volvuli aliquando causam esse, aut saltem ma-

lum in eo esse : unde historia 9. sect. 2. lib. 3. Epidem. meminit crassorum intestinalium etiam volvulum esse affectum. *Jac. Thevart. Annot. 4. in cons. 31. lib. 1. Consil. Ballonii.*

§. 10. D. *Maignan* Medicus & Professor Regius in Mathematicis, volvulo Interiit, impetu magno *pituita multa* in intestina prolapsa, ibique collecta & putrefacta unde abscessus factus, hinc morbus. *Jac. Thevart. Annotat. 2. in cons. 31. G. Ballonii lib. 1.*

## S C H O L I A.

**P**ituita multa &c.] Nunquid à crassis & frigidis humoribus Iliaca passio nasci potest? Non videtur *Galeno*, ideo non vult admittere illum aphor. *Hippocr.* getmanum esse, Quibus ex stillicidio urinae Ileos supervenerit, septem diebus pereunt, nisi febre superveniente multa urina profluxerit: Nam si quæ materia committit Stranguriam, eadem Ileon committit, cogetur fateri Iliacam passionem à pituita falsa aut cruda nasci posse, quæ eadem & ad renes translata committit stranguriam, & revocata in intestinum, Iliacam passionem: &c. Fieri maxime potest ut stillicidium urinae contingat à raptu pituitæ falsæ acidæve ad Renes; quæ si forte, ut fere fit in morborum successione, in intestina regeatur, aut in iisdem restiter, paulo vegetiore calore in flatus

conversa, dolores vir tolerabiles excitabit: hinc in gyrum intestinum convolvitur, dissolvitur, intumescit, & ab acerbitate doloris ileos, rejectio omnium humorum per os, vitiato motu peristaltico: At quoniam febris, si modo sit analogos, materiam mitigat, paralytes tetanosque solvit, potest quoque materiam in intestinis contentam coquere, mitigare, hinc Ilei levatio: Ac ex iis colligere licet in Iliacis passionibus aliquando frigida maxime ex usu esse, & balnea, aliquando obesse plurimum, prodesse vero calida; Nam cum inflammatio est, non est dubium quin illa conveniant: Si humores frigidi, lenti, pituitosi, calida conveniunt, Et si febris immincat, non est prohibenda. *Ballonius*

*ibidem.*

## OBSERVATIO XXV.

*Ileus à Colo pituita infarcto.*

**C**aroli V. Imper. Legatus dolore torquebatur, necnon tumore à dextro hypochondrio per ima ventriculi in sinistrum exporrecto: huic cum sexennio toto tenuis diu genus omne, tanquam emolliendo scirrhus adhibitum fuisset, injecto tandem acriore clystere, durum ac firmum quippiam, medio ductu pertusum, pedis longitudine detractum est, quod ille intestini portionem esse metuebatur, sed quum repente levatus videretur, adhibito consilio iterum ac tertio clystere prolutus est, rursusque simili evulsa materia continuo est pristinae valetudini restitutus: Alteri cuidam simili, sed gravior affectus alvum prorsus cohibuit: qui tandem ventre supra modum intumesciente decessit è vivis: Inventumque est Colon intestinum usque adeo infarctum pituita concreta, ut solidum prorsus conferet, nihilque omnino facis in alvum dilabi sineret. *Fernelius Pathol. lib. 6. cap. 9.*

## S C H O L I A.

**E**X hoc exemplo *P. Salins Diversus* de affect. partic. cap. 11. deducit Ileon & in tenuibus & in crassis intestinis fieri posse. An autem à pituita induci possit dubius est *Galenus* initio comun. in aph. 44. sect. 6. quanquam sub finem eandem causam adstruat: Eam tamen veram esse testatur experientia: Cujus signa sunt febris absentia, saltem morbi ratione: dolorum vehementia, tum ratione intemperiei, tum ratione materiei genitæ: qui cum admodum urgeant, cito deducunt partes superiores in consensum, hincque cito superveniunt vomitus biliosi & pituitosi: Quod si non cedat morbus, etiam his stercoreis vomitus succedunt, tentantibus intestinis hoc à se expellere, nec potentibus hoc ad infe-

riores partes ob viam oclusam detrudere: unde tandem motu contra naturam concitato, ad superiora stercus ipsum violenter transmittitur: In his semper corpus friget, nec ad motus calefacientibus facile incallescit, & à dolore vexati Colico stare nequeunt: murmurant partes superiores, adsunt rugitus & flatus ascendentes, qui tamen dolorem leviores non faciunt: In his præcessere quæ pituitam aggregare & crudos humores cumulare potuerunt, sed præcipue ab externo frigore passi sunt: hæcque solet esse potentissima occasio, qua, & pituita in uno & eodem loco aggregatur, & qua intestina adstringuntur & magis connivent, frigidi enim est constipare.

## OBSERVATIO XXVI.

*Ileus à prolapsu intestinorum in scrotum.*

**J**oh. le Charron Volvulosus factus à prolapsu intestinorum in scrotum: Manus adhibita, Reposita intestina, restitutus: Sed postea excreta est à medicamento innumera humorum colluvies, prius mota sed non promota: Ille evasit quidem tunc; exactis aliquot post annis alio morbo interiit:

Aperto cadavere, observatum est mediam quandam partem intestinorum & mesenterii, rupto peritonæo, in scrotum amplissimum, & omni fide majus, prolapsam, ut etiam inde retrahi nequiret; Et ista prolapsio erat illi naturalis, intestinaque tanquam in loco nativo & augebantur in scroto, & nutriebantur. *G. Ballonius consil. medic. lib. 2. consilio 24.*

## S C H O L I A.

**H**umorum colluvies mota sed non promota] Id in volvulosis notandum est, licet periculum præcens vitæ sit, metuendum nisi sequatur multa excretio, & revocetur omnino motus humorum deorsum, qui sursum ferebantur, motu peristaltico inte-

stinorum vitiato aut impedito: maxime vero dandum rhabbarum, ut os ventriculi prius læsum ac infectum roboretur: *Mesnaus* observavit multa symptomata comitari solita eos, qui à volvulo liberati sunt, qui tamen à futuris malis omnino liberi non

sunt : Et quia totus venter inferior commotus est, non prius securitas conciliata erit quam sequatur alvi profluvium, aut sponte aut arte procuratum : Nec enim in isto morbo cani debet triumphus ante victoriam, unde mortui sunt incuria ista, de quibus medicus securus erat : Ne sese exponat aëri, neve in victu peccet, Et in locum vacuum, post vomitiones chylotas & itercoraceas, subit ambiens torminum magnorum author : Volvulo defunctos & jam convalescentes, tanquam puerperas curabis, post vitatum praesens periculum. *Idem ibidem.*

*Manus adhibita* ] Reponendi intestinum modum proponit *Samuel Formis* apud *Riverium* observ. 15. multos curavi, ait, tum viros tum feminas Enterocoele laborantes, quorum nonnullis à 3. aut 4. diebus intestinum extra peritonaeum exierat, ita ut etiam ad Iliacam passionem pervenerint : Mensam vel asserem satis latum juxta lectum ita dispono, ut una illius extremitas pavimentum attingat, altera vero lecto innitatur : deinde aegrum supra asserem, subjectis pulvinaribus, tali situ colloco, ut caput ad pavimentum, crura vero ad lectum vergant : mox linteis quadruplicatis, in aqua frigida maceratis, diu partem foveo, eam interim digitis leniter contrectando, & fori per mediam horam continuato, linteam multiplex ad triangularem formam elingo, & aqua frigida imbutum applico, superinducta ligatura contentiva; & sic intra paucas horas, ut plurimum, intestinum sponte reponitur : Quod si post primum fori & sequentem lintei applicationem, intestinum non reponatur, eandem operationem repeto bis in die, & 2. aut 3. applicatione affectus curatur. In quibusdam autem serius vocatus, cum intestinum esset inflammatum, ut praeter tumorem angustum ruptionis peritonaei foramen denuo ingredi non posset, dilato illo foramine per incisionem, tres aegros a proxima morte liberavi : 1°. Aegrum colloco, ut dictum supra, alligatis probe artubus, ne in operatione se commoveat. 2. lineam transversalem duco cum atamento, supra lineam strangulationis intestini, ubi est ruptura peritonaei : deinde alteram lineam duco perpendiculariter supra dictam secantem, juxta ipsum locum strangulationis & in medio ipsius : postmodum cutem duobus digitis utrinque adduco, secundum lineam transversalem, eamque novacula incido secundum perpendicularem, ita ut incisio sua longitudine duorum transversorum digitorum latitudinem aequet : postmodum muscoli, rupturam regentes, hamulis sensim elevantur, & scalpello separantur, donec productio peritonaei deregatur : itaque detecta hamulo elevatur, eodemque scalpello inciditur, & hoc modo intestinum reponitur : Quod si intestinum ab inflammatione aut flatibus ita intumuerit ut in abdomen protrudi nequeat, apertio jam facta amplificari poterit, immisso in vulnus cathetere cannulato, supra quod lithotomia fieri solet, & supra ipsum, abdomine forcipibus inciso in parte superiori, aut inferiori, prout a Chirurgus melius visum fuerit : In hac operatione hoc notatu dignissimum in muliere quadam observavi, quam praedicta operatione curavi, quod nimirum apertio abdomine intestinum, quod tredecim annis extra peritonaeum exierat, & in inguine perpetuum tumorem efficiebat, car-

nea veluti fascia congestum apparuit, quae dictum intestinum ambiebat, & a parte inferiori juxta ruptionem continuo accrescens, tandem intestinum in ea parte adeo coarctaverat, ut excrementa praeterlabi non possent, unde mulier in Iliacam passionem incidit, quae operationi locum dedit.

*Reposita intestina* ] In quo curationis cardo vertitur, irritus alias omnis labor : Sed hic desideratur aegri confessio, qui si praepudore morbum non detexerit, ipse sibi propriae necis author erit : Hic meae se commisit Vir Illustris Dom. *Boulenger*, Serenissimo Duci Longavillae &c. *Henrico ab Aurelia* à Secretis anno 1663. qui Enterocoele completa jampridem laborans, & ex pago, duabus horis Neocomo in Helvetia diluito, equo successorio vectus rediens : laxato perizomate, hinc via facta intestino, id in scrotum devolutum est, ubi à compressione inflammationem concepit, quam sequuta febricula, temperamento Viri & aetatis analogae, comite nausea, perpetua inanique vomendi desiderio, ac ventris dolore, cum anxietate, alvo adstricta, demum paucis post diebus totius *καταψύχον*, ut inarmoratus videretur : Pulsu ad lumen exili, tandem morte : Internam phlegmonem, sphacelum accersentem, toto morbi decursu suspicatus, quam provocasset hernia latens, clam & custode remoto, a Viro Illustri petentatus sum, num quid simile subesset, totum curationis cardinem in confessione consistere? Sexagenarius ille, nuptias ea aetate meditatus, qui haecenus celebs vixerat, veritus ne Puellae annos 16. natae tercentium milliaribus diluitae (cujus per nuntios erat procus,) infirmitas innotesceret, pertinaciter negavit quopiam vitio partes illas, quibus se virum credebat, laborare : At triduo à funere morbus innotuit, dum quidam e domesticis venale per urbem circumfert perizoma : Recentius prostat exemplum : Anno 1672. Aprilis calendis ad uxorem *Furnarii*, dicti à *Furno*, in Suburbio San Gervasiano, accersor, pusillae staturae sed vegetam & industriam : Alvus illi toto quatrinduo adstricta fuerat, hinc ventris torminta, quae lecto se tradere eam cogunt, multa ad alvum laxandam molior, topicis laxantibus, semicupis, suppositoriis, clysteribus, qui praeter scybala nihil excluderunt : Urgente crebro vomitu, primo biliosorum humorum, postea foetidorum, marito praesente ab illa quassii num in inguinum alterutro tumor aliquis, etiam minimus subesset? At illa firmiter inficiata est, ne forte bubonis venerei suspicio incideret, (ab ejus nota castitate aliena) ideoque unicus supererat scopus, ut libertas alvo restitueretur, fecum induratarum pertinaci emollitione, viarumque relaxatione, quod praesidiis iteratis frustra fuit tentatum : Tandem clinica mulier, cujus inter caetera clysteres subdere munus erat, tumorem in inguine deprehendit, ovum columbinum magnitudine aequantem, sed serius, collapsum enim virum, improstratarum multa erant indicia : quanquam introcessio & reductio intestini paulo ante obitum contigerit, neque diu postquam tumor animadversus : Adeo verum quod ait *Hippocrates*, non solum Medicum quod suum est partium exequi debere, sed & Aegrum, parendo & fideliter referendo, quae duo ejus officia, inquit commentator *Henricus*.

## OBSERVATIO XXVI.

*Iliaca passio à prolapsio intestino in inguen, cum imi ventris quasi syderatione.*

**J**Ac. Berthier post longas corporis agitationes & conatus, & usum rerum flatulentiarum, in colicum dolorem, ut putabant, incidit, sed Iliaca passio erat : aut saltem à torminibus crucia-



cruciatibusque conturbata convolutaque sursum deorsum intestina, tandem id mali intulerunt: *Circa inguen apparuit tumor*, intestini prolapsus erat: semel tantum cum prolapsus fuerat passus: tamen principio non putabat intestinum esse provolutum, sed tumorem testiculi: Quod ne cui mirum videatur, sciendum in eo conformando naturam sui oblitam fuisse: nam testiculus neuter in scroto erat, sed uterque intus conclusus erat: unus quidem apparebat tactui soli, & circa pectinem locatus erat, alter delitescere plane: sic tumorem tantum testiculi circum pectinem suspicabantur: At aliter res erat, & frequentes vomitiones, & suppressa omnino alvus prolapsionem intestini indicabant: dolor erat magnus circum umbilicum, qua situm est Ileon: Pars foementis & semicupis non est remollita, sed eorum usu an contingerit, nescio, intra triduum totus pecten inflammatus est, & aliquid acuminatum apparuit, ex quo pus saniosum & foetidissimum excretum est: dubitabant an id ab intestino rupto nasceretur, Et magna rupti intestini erat suspicio: quicquid sit devolutum erat intestinum à sede sua, quod tumor ad pectinem indicabat: *clysteribus tentata alvus* nil reddidit, longioribus balanis sollicitata, reddidit: Quæ materia rupto exiguo tumore excreta est, ea graveolebat admodum, *hinc faculenta materia magna fuit suspicio*: tamen speculo res explorata est, nec incisum intestinum compertum est, febris perleveravit, dolores frequentes, spuitiones, *vomitum*, sed non ita frequentes ut in aliis observavimus, sudores, *defectiones animi*: 6. die totus pecten inflammatus magis, erysipelatodes, *mors denique nono die*:

Aperto cadavere, imus venter *quasi sideratus* apparuit, prolapsus Ileon: G. Ballonius consil. 31. lib. 1.

## S C H O L I A.

**C**lysteribus tentata alvus &c.] *Mesmans* cap. de intest. morb. vult Colicam ac Iliacam passionem sæpe eodem modo fieri, dum scilicet materia collecta est in monoculo: ac dum agitur, nec excernitur, augeri dolores, hinc Colicam aut Iliacam passionem: imo. *ait*, clyster quia non pervenit secundum substantiam ad superiora intestina, sed secundum vim tantum, agitatur tantum materiam in superioribus intestinis contentam, sed non excernit, unde grandi conatu naturæ, quia per inferiora materia recedere non potest, & stercus & clyster per os rejicitur: *Idem ibidem*.

*Clysteribus*] Lib. de affectionibus *Hippoc.* locus est valde notandus de cura Volvuli: nam cum non admittuntur clysteres, vult fistulam ad venticuli extremitatem applicari, & ita intestina inflari, post dari clysteres: Quod forte non negligendum in tam periculoso morbo. *Jac. Thevart. Annot. 5. in id consil.*

*Faculenta materia &c.* Qui fieri potest ut in Iliaca passione stercus iteracum excernatur, quod *Galenus* tantum morituris contingere ait? Nam si Volvulus passio est intestinum superiorum, non licet, sed generatione & ortu, & in illis tantum chylus ac cremor sit, secretio autem in cæco demum fiat, præpedita via in intestinis superioribus, quomodo ab inferioribus crassioribus intestinis stercus ascendit, ac præsertim morituris, cum jam vires fatiscunt? Quæstio hæc ardua est: *Ballonius ibidem*. Causam refert *Sennerius* in intestinum motum naturalem peristalticum præposterum & inversum, cum facultas intestinum à causa aliqua præternaturali lacescit, diu enixa est feces & alias superfluitates per solitam viam expellere, sine frustrata, & expulsionis necessitati satisfacere satagens, aliam viam ingreditur, motumque præposterum inchoat.

*Vomitum*] Quidam sunt in ea opinione ut existiment nullum Volvulum, in quo frequentes sunt vomitiones, sanabilem esse, sed errant: nam primo quoque tempore viari motus intestinum peristalticus, quo viari vomitus & subversiones stomachi contingunt. *Ballonius ibidem*. Et nos anno 1657.

vidimus mulierem Neocomi quinquagenariam nomine Poncier, quæ bis ab Ileo evasit, quanquam merum stercus ore excluderet.

*Mors nono die*] Insanabilis erat morbus: Iliaca passione laborantes alii celerius alii tardius moriuntur: Quibus ab inflammatione malum ortum, intra quatuor dies moriuntur, ut *Dominæ de Mandoile* contigit, quæ intra quatuor dies perijt. *Idem*.

*Circa inguen apparuit tumor*] Cum quis Iliaca passione torquetur prolapsi ilei intestini suspicio oriri debet, quod in mulieribus & viris æque contingit: At in mulieribus circumspeditione magna opus est; id enim quod foras in illis eminet adeo sæpe est exiguum ut aliquando negligatur: hinc in illis quam in viris enterocæle periculosior est, & ab ea sæpe intereunt, quanquam tumor sæpe avellanæ magnitudinem non superet: at in viris sæpe capitis magnitudinem refert & non ita periculose laborant: An quod in mulieribus vere cæcum intestinum descendit & obstruitur, in viris autem alia intestina & præsertim Ileos? Vidi *Matronam* annor. 70. Neocomi Helvetiorum anno 1659. Iliaca passione laborantem, à descensu intestini in inguen: tumor vix fabæ magnitudinem æquabat, circumlitæ partes inflammatae erant, nullo molimine tumor intro repelli potuit; sævis cum torminibus interijt.

*Defectiones animi*] Cum leipothymia frequentes adsunt, arguunt quidam malum ab inflammatione esse, quam itatim gangræna consequatur: at non est necesse inde inferre à gangræna id consequi, si quidem facile communicatur id vitii ventriculo ob viciniam: Et ceter vapor eorum quæ excernuntur facile leipothymiam adducere potest; *Idem ibidem*. Cum autem prolapsus est intestinum, tametsi vires admodum debiles videantur ob infectos spiritus, oportet blandis medicamentis alvum solvere: Nobilis mulier id declaravit, quam repurgavimus postquam repositum intestinum fuit, tametsi omnes infusæ partes frigescerent: frustra enim ad cardiaca confugitur. *Idem Epidem.*

lib. 1. p. 25.

## OBSERVATIO XXVII.

*Ileus à mesenterii scirrho genitus.*

**O**bservavi Ileum ex scirrho mesenterii compressis intestinis. *Iohan. Riolanus medendi meth. sect. 3. tract. 1. cap. de ileo.*

## OBSERVATIO XXVIII.

*Ventris dolor ab apostemate in ore ventriculi inferiore & duodeno. 1. A materia putrida in fundo ventriculi dilatati. 2. A phlegmone ejus & corrosione. 3. 4. A syderatione fundi. 5. Ab ejus corrosione & materia putrida in peritoneo. 6.*

§. 1. **V**Xor N. dolebat circa regionem ventriculi & ventrem: Apostema in orificio inferiori ventriculi & duodeno inventum: Partes circumjacentes induratae erant. *Vide tit. de ventriculi dolore.*

§. 2. Anno 1626. obiit Domicella quæ toto novennio horrendis abdominis cruciatibus torra, cum sensu ardoris acerrimi, & sub finem vomitibus acidis, nigris, summaque inappetentia: Primo morbi semestri cum tractaretur à solo *Nollens*, ab eo ad consilium vocor, Vocavi te, inquit, causam sciscitaturus cur hæc matrona æque à calidis, puta vino Hispano, atque à frigidis, h. e. prisana lædatur: Respondi ventriculum pituita turgere, ideoque calida tenuiorem ejus partem in flatum solventia, diaphragmate, cum non exirent (nec enim ruetabatur) sursum elevato, molestiam afferre; frigida vero statim in pituitam, cui accedebant, transire, sicque aucto pondere ægram pejus habere: præparata, vomituque educta pituita.

§. 3. Anno 1622. aperui cadaver Monachi Paravini (qui doloribus colicis obiisse ferebatur) Et in causam mortis investigans, reperi non modo ventriculi fundum phlegmone correptum, sed etiam ad mediam usque tunicam corrosum.

## S C H O L I A.

**I**n tali curanda & erosione & inflammatione ventriculi, dixit *Exc. Spigelius*, quod nihil præstantius fuisset terra sigillata ore læpius sumpta, ut pote quæ ob visciditatem suam, erolis ventriculi tunicis tenaciter (non aliter ac ceratum diachalcitheos, inflammationi pedi applicitum) adhæreat, easque exsiccet; Hujus effati dignitatem postea summa cum admiratione bis expertus sum in enormibus ventriculi exerosione doloribus, qui neque assumptis neque applicitis ullis remediis sedari potuerunt, nisi terra sigillata, syrupo consolidæ majoris attemperata. *Scultetus Armatum, Chirurgici part. 2. obs. 59.*

*Qui colicis doloribus &c.* Ventriculi dolorem à Colico distinguere sic docent practici: Illius dolor

supra umbilicum semper consistit, & non raro ad spinam quoque inter scapulas pertingit, cum ad nonam vertebam ventriculus spinæ alligetur: 2<sup>o</sup>. per os assumptis lenitur facile, quod in colico non accidit: Non tamen hoc in casu adeo facilis fuit distinctio, quia ventriculi fundum afficeretur, quod colo superiacet: Aliis ergo conjecturis ventriculi læsio venanda fuit, nam colicus dolor ut plurimum mobilis est, vagus & magis diffusus, ob amplitudinem intestini; Ventriculi angustiore spatio coercetur, magisque fixus est: demum ex duratione affectus, expressioribusque affecti ventriculi notis, tam ex appetitu læsio quam concoctione desumendis: accedere debuit sanguinis aliqua exspuitio & ulcerosi doloris sensus.

§. 4. Cuidam febris, vomitio, ventris dolor, dejectiones pici & nigro sanguini similes, 20. die mors, Inventum est ulcus ustulatum in ambitu, excisis omnibus tunicis ventriculi, qua parte in pylorum declivis est: *Hollerius cap. de Dysenteria.*

§. 5. Fabro lignario à male curatis hæmorrhoidibus & vi sedi illata, rectum intestinum imbecillum redditur; cuidam rheumaticæ dispositioni obnoxius est, i. e. ex quibusdam intervallis sanies olida & putris illac manabat, Gulæ & abdomini serviebat, generosioris vini amantissimus, habitu macer, squallidus: cœpit non ita fluere ista proluvies, hinc dolores ad imum ventrem, jactationes, carentia somni, inappetentia, tum fastidia ciborum & vomitiones perpetuæ, tamen à medicamentis lenius habebat, & natura vim potius ferebat medicamenti quam alimentorum gratiam: cum quid ederat biberatvè, ponderis sensationem habebat in ventriculo, & veluti de obice objecto querebatur: Nulla arte vomitiones cessarunt, febris lenta: Tandem consumptio corporis, imo venter collapsus, partium extimarum perfrigeratio, mors:

Aperto cadavere gibbus livebat, fundus ventriculi & pylorus syderati: totus ventriculus putris & laceratus est, minimo fere digitorum contactu. *Ballonius Parad. §1.*

## S C H O L I A.

**S**anies olida & putris] Notat *Fernelius* Pathol. 1.6.c.10. interdum à podice sine dolore & sine sanguine prodire inucotas quasdam & subalbidasordes, quas falso nonnulli pro pure habent; Ille veluti limum faciemque sanguinis melancholici esse

putat, quam podicis venæ eructent interdum multo tempore, post diurnos fere morbos melancholicos, duramque & laboriosam equitationem: *Platerus* eandem ejusmodi materiæ generationem assignat quam albo fluori uterino, nam sicut mulieribus per

per venas menstruas, sic per hæmorrhoidales natura ab alba illa materia se liberat, quæ pus non est, sed impurus sanguis, talem iis in locis formam induens, cuius ad superiora recursus, vel ad originem, exitiosus esse potest, nedum noxius.

§. 6. Quidam doctus Jurisperitus pluribus annis conquestus fuit de doloribus circa umbilicum lancinantibus: consulti tum Medici, in colo vitium putantes ipsi medicinam faciebant: Tandem continuo cardiogmo, vomituque ad novem vel decem dies tortus, naturæ pensum persolvit.

Cadaver secantibus, substantia ventriculi circa medium excisa inventa est, ad latitudinem majoris lillii, cum signis circumcirca labia gangrænz, nullo tamen tumore conspicuo præsentē: Intestinis, jecori, pulmōni, cordi nihil deerat: lien tamen in vitio esse videbatur, quia ad Chirurgi tactum saniosi quid emittebat: Verisimile est ulceris initia à multis annis jacta, sive innatum tuberculum, sive acrior catarrhus, sive spinæ aut ossiculi deglutitio occasionem ei dederint, seu, quod magis credo, euphorbium ante multos menses, ab Empirico *Helmontio* ipsi propinatum, extimam stomachi tunicam, & pene secundam erosit, unde sudatiunculæ, vel alio modo chyli bona pars, & si quæ liquidiora ventriculo inerant, in peritonæum devolvebatur: hujus enim putris materiæ plusquam duodecim libræ inventæ: cæterum nonnisi paucis ante mortem diebus diapiesin illam contigisse putandum, cum omentum, quo nihil in corruptionem proclivius, colorem nullomodo mutaverit. *Heer Spadanarum observ. 26.*

## OBSERVATIO XXVIII.

*Colicus dolor ob intestina ad latus dextrum detrusa, à tumore vertebrae lumborum affixo.*

**N**Ob. Vallenger ex lapsu ab equo circa regionem lumborum contusionem passus est: Post biennium per vices circa locum contusum multum doluit, variaque sequuta sunt symptomata, nempe Dolor Colicus sæpe recurrens &c. Mortui intestina satis sana, nisi quod hæc flatibus distenta, & in latus dextrum propulsa: Circa mesenterii exortum ingens apparuit tumor, vertebrae lumborum fibrosa connexionē firmiter adhærebat, qui intestina in latus dextrum detruserat. *Warthon Adenogr. cap. 11.*

## OBSERVATIO XXIX.

*Ventris dolor ab acri ichore per membranas imi ventris sparso. 1. A vesiculis inter cutem & peritonæum conclusis. 2. A sero acri peritonæum circa umbilicum erodente. 3.*

§. 1. **N**obilis. & strenuus Eques, Johannes Vitus, Mareschallus à Pappenheim, &c. ægrotans morbo chronico per aliquot annos, ex ingentibus doloribus in abdomine, maxime in sinistro hypochondrio, morte jugulatur apud nos Augustæ, cum biduo ante modo rheda ad nos venisset: Cujus morbi initium à vomitu sanguinis fœculenti, eructati è venis mesaraicis, ut Cneulinus noster voluit, cum leipothymiis & corporis summa debilitate: Recidivam ante octo menses passus est vehementem, (crudelior enim semper posterior hostis est impressio) cum virium casu: ventriculi languor, inappetentia, rugitus, murmura, dolor hypochondriorum, atrophia, discoloratio, ac *malus habitus aderant*; quæ mala in consuetudinem abeuntia tolerantiam malorum causant, & imminens periculum occultant: Tandem post aliquot menses Augustam venit, sibi belle vivere visus, donarium D. Virginis ex voto dicatum ut solveret, in sacello prati Lyci quo veneratur: At prima nocte qua S. Stephani conventum intravit, dolor sinistram hypochondrium post primum somnum, circa regionem lienis, inquietavit vehementior, imo acerbissimus, qui mox totum abdomen occupavit, ac ad scrotum & jugulum sinistra pereptavit: Erant dolores vagi & discurrentes per latera, modo dextrum modo sinistram affligentes: Nausea medicamentorum nihil admisit: Externa anodyna inducias, pacem firmam dabant nullam: Sequenti die somnus levis, à prandio doloris acerbitas, vespera præscriptus anodynus clyster, qui altero mane demum duplicatus, circa meridiem deplevit corpus, & materiam crassam, pituitosam ac biliosam egressit, Vesperi mitiora videbantur omnia, solus pulsus sua debilitate, sudor frigidus & membra algida hoc negabant: Animus etiam nobilis, constans & erectus erat, qui ut consuevit hæc neglexit accidentia: sermo appositus, mens firma, discursus non inutilis adfuit per horam ad septimam usque vespertinam, prælibavit vinum, cœnatus est & somnum exoptavit, quo octava acquisito, ab ipso fratri traditur, & in Domino placide obdormivit, qui excitabat ad vitam æternam; factum hoc 27. Junii anno 1628.

Postero cadaver dissectum, & in causas tot malorum inquisitum: In cavo Thoracis aqua ichorosa, seu serum corruptum, biliosum ac fœtidum, non quidem copiosum fluitavit, sed quæ respirationem difficilem causare posset: Pulmonum corpus magnum & flaccidum, conspurcatum hinc inde lituris & maculis nigris ad extra, signum certissimum gangrænz; lobi magni facis, qui incisi putredinem sparsim eructabant, numero quatuor: Ex vasis

effluxit



effluxit sanguis ater: Cor magnum & integrum, quæ causa malorum tolerantia tantorum; Hepar magnum, coloris pallidi, cujus extrema mucida: Cystis fellis ipsi adnexa, oblonga, referens pyrum illud quod à virgine nomen habet, plena bilis, coloris obscuri, non crocci, quæ effluens ad nigredinem declinavit, filamentis quasi continuata: Ventriculus exiguus, inanis, corrugatus: Lien marcidus, ex levi tactu manus ruptus, parvus, rotundus: Renes magni & sani sine malo hospite: Intestina flatibus turgida, Mesenterium in sinistra parte luridis venarum ductibus maculatum, ejus humidum mucosum, referens pus foetidum, nec mirum, tota abdominis cavitas ichore purulento, foetido, sanioso ac vere viroso repleta fuit: Omentum putridum: Sanguis in magnis vasis paucissimus, crassus, ater: reliquum corporis emaciatum, caro musculorum & abdominis rabida & flaccida; pinguedo cutis pauca & justo sicciore: Quæ in hujus strenui Comitæ cadavere observavi.

## S C H O L I A.

**C**achexiam hanc humido radicali obfuisse docuit sectio, atrophica enim omnes partes laborabant: Nulla pars labe aliqua caruit, officialis dicta: Ventriculi exiguitas & contractio initia atrophie jecit, quia alimentum parcius assumendum fuit ob loci angustiam, & liquida facilius quam crassa digesta sunt: Potulentorum siquidem citior & facilior quam esculentorum est distributio: Hepatis color ater signum caloris, à quo sanguis acrior & biliosior, quod & copia in cysti fellis, iracundia & prostratus appetitus docuere: Cum itaque ob horum vitium nutritio bona non fuerit, discoloratio sequuta est: Dolorum ingentium, vehementium, lancinantium & vagantium, causa est biliosus ichor in abdomine conclusus, putridus, & foetidus: In thorace ichor innatans pulmonibus obfuit tum in respirando tum in corrumendo, hinc illa putredo & gangrenosa litura: Phthisis & hydrops thoracis non plane aberant, Lienis parvitas auxit mala omnia: Animam

in suo ergastulo calor prostratus, suffocatus ac putredine absumptus à doloribus acerbissimis, à saniosorum ac putridorum humorum inquinatio, dissipante & corrumpente calido, retinere nequivit: Cachexia hujus causa fuit vira inordinata, ingurgitatio vini fortissimi, ut in aula Principum honorantur hospites novi: quam potationem statim sequutus est vomitus sanguinis ac omnis morbus, ut cum gemitu conquestus: Tonus itaque omnium viscerum sic sublatus, putredines plurimæ, ac atrophie sequuta. *Hachstetterus Decade 10. casu 8.*

*Malus habitus aderant, In casu thoracis aqua ichorosa* ] Cachexia originem ducit, partim ab atonia hepatis in coctione deficientis: partim ab aliqua Lymphaticorum obstructione, qua aqua ad alias partes non ablegatur, sed sanguini permista, ubi ad partes pervenit vitiosa nutritionis causa

est. *Frid. Lepnerus Intrad. in medic.*

pag. 76.

§. 2. *Fœminæ venter intumuit, cum doloribus gravativis, tensivis & lancinativis: Abdomen à cute ad peritonæum, nulla musculorum carnea substantia interposita, vesiculis crebris aqua refertis scatebat. Vide tit. de ventris tumore.*

§. 3. In consilium vocatus fui ad puellam quandam septem annorum, quæ & consumpta & dolores patiebatur circa umbilicum: quam mulierculæ à lumbrico cui nomen indignant, rodi existimabant, eapropter fundulos tribus vicibus applicuerant, quos à lumbrico consumptos putabant: Cum vero rem penitus consideraret, putrefactos potius, ob foetorem ingratum, vidit quam à lumbrico voratos:

Tercio die puellæ defunctæ cadaver fuit apertum: secta cute peritonæum eodem in loco, quo dolores patiebatur vivens, à sero acri & bilioso erosum fuit conspectum, qui à lumbrico excitati putabantur. *Observatio Luca Byleri, Medici Augustani, apud Hachstetterum Decade 6. casu 6.*

## S C H O L I A.

**P**eritonæum erodente ] Mineram Colicam à peritonæo rejicit *Willis*, hoc fundamento nixus quod membrana hæc tenuis, ac vasis paucioribus & tantum exilibus donata sit; nec magnæ sit humorum affluxionis capax, neque ipsa ut convellatur, viscera substrata comprimendo aut contrahendo, in dolores

urgere posse videtur: Quia tamen densa, admissos humores cohibere potest, maxime in sua duplicitate: Ob nervos, quos accipit ab iis qui abdominis musculis portiguntur, sensu præditum est, ac acrimoniam humorum, in illud confluentium à vasis vicinis diaphragmaticis, inammariis & epigastricis, persensit.

## O B S E R V A T I O XXX.

*Ventris dolor ab ichore bilioso peritonæum & mesenterium rodente. 1. A mesenterio hydatidibus referto. 2. 3. A mesenterio tumore affecto, intestina premente. 4. Ab eodem computrescente. 5. Ab eodem scirrhuso, lapideo, cum Ileii ruptura. 6. Ab abscessu mesenterii. 7. 8. Ab ejus glandulis tumidis. 9. Ab eo pure scatente 10. 14. 15. A Glandulosis tumoribus. 11. A Tumoribus tunicatis. 12. 13. Post diuturnos dolores glandula arefacta 16. Ab insigni mesenterii incremento. 17.*

§. 1. **P**aupercula triennio multis doloribus in abdomine vexata est: Peritonæum repletum lacerum & erosum ab ichore bilioso: Duæ moles globosæ repertæ adhærentes mesenterio, cum pustulosis vesicis sero plenis. *Vide tit. de ventris tumore.*

§. 2. Uxor

§. 2. 3. Vxor N. altero poſt nuptias anno torquetur variis doloribus in imo ventre & hypochondriis: Loco glandularum meſenterii, veſicæ hinc inde illi adnatæ aqua plenæ reperiuntur: *Vide tit. de ventris tumore.*

§. 4. Benjamin N. ex lapſu ab equo circa regionem lumborum contuſionem paſſus eſt, inde dolor Colicus ſæpe recurrens: In mortuo ventriculus & inteſtina ſatis ſana, niſi quod hæc flatibus diſtenta & in latus dextrum propulſa: circa meſenterii autem exortum ingens apparuit tumor qui inteſtina detruſerat. *Vide lib. 2. Tit. de Phibiſi.*

§. 5. Auguſta Imperatrix doloribus ventris per plures dies torquebatur: Inteſtina naturaliter ſe habebant, ſed meſenterium fere totum computreſcens viſebatur. *Tit. de ventris tumore.*

§. 6. Aperui corpus cuiuſdam iuvenis 16. annorum, ubi primum aperto abdomine, in dextro latere, reperta fuit materia quædam, quæ vitella ovorum cocta & indurata aliqua ratione æmulabatur, cui aliquot grana pyrorum mixta erant; quod cum mirarer, & ulterius unde eo deveniſſet indagarem, inveni inteſtinum Ileum eo loci ruptum, ac per hanc rupturam hanc materiam exiſſe & collectam fuiſſe: Cum autem ulterius indagarem, inveni meſenterium omnino ſcirrhoſum, & lapidis inſtat durum: Fuit autem iuvenis ille diuturno morbo conſumptus, & ſæviſſimis interdum doloribus ventris vexatus: Putabat autem hæc ſibi accidiſſe ob minas à venefica quandam ipſi factas: Ea nocte cum cubitum irer & induſum exueret, ignis proſiliit, idque non ſemel ſed ſæpius, in præſentia ſui heri & aliorum, à quo tempore nunquam recte habuit, ſed ſemper & in menſem uſque quintum ægrotavit.

*Salzmannus Obſ. Anatom. pag. 67.*

§. 7. Iulianus quidam iuvenis, alvi torminibus vexabatur, inque dies magis magiſque dolor vim capiebat, tantumque aberat ut huiuſcemodi doloris cauſa abdita comprehendî poſſent, ut nunquam ullis præſidiis tolli aut ſaltem levare hoc malum potuerit: Omnia enim viſcera ſana videbantur, jecur, lien & inteſtina omnia nullam doloris notam oſtendebant, ſed urgente indies dolore tandem è vita diſceſſit.

Mortui corpore incifo, & ſanis omnibus inventis viſceribus, jubeo inteſtina amoveri, quæ dum gladio diſcindit miniſter, in abſceſſum magnum incurrit: quo præciſo, materia multa nigrior foetensque profluxit, encauſto ſutorio ſimilis: ex quo manifeſtam ejus mortis cauſam deprehendimus, atra enim bilis eo confluens huiuſmodi abſceſſum paulatim effecerat. *Benivenius de Abdiſis cap. xxxij.*

## S C H O L I A.

**D**oloris cauſa abdita ] Meſenterii abſceſſuum cognitio facilis videtur ſi ejus præceſſit inflammatio, cujus comes febris lenta, diuturnitas autem ſignum eſt abſceſſus ſuccedentis: Diſciliſ eſt cognitio ſi ille profunde jacent, ut contrectantium manus effugiant: Vt & ſi a pravis humoribus diu in meſenterio latentibus, ibique putredinem concipientibus

ortum ducant: ſi autem poſt mortem tantum innotescunt: Ejus generis fuit abſceſſus *Iuliani*, qui inteſtinis demum remotis in conſpectum venit; ab atra bile ortus, cujus acrimonia membranas meſenterii partes & inteſtinorum vellicans, ventris tormina peperit: Adnotandum tamen quosdam abſceſſus meſenterii indolentes fuiſſe.

§. 8. Puer x. ann. 3. Maij 1672. Atrophia extinctus: à longo tempore ventris laboraverat dolore, miſere educatus: venter totus ſcrophuloſus, adeo ut nec inteſtina, nec renes, imo nullam partem aliam diſcernere liceret, ita glandulæ omnes quotquot in meſenterio, circa inguina, lociſque aliis naturaliter obſervantur, & incrementum præternaturale, & indurationem indebitam aſſumpſerunt: Scrophularum harum variæ inſignis admodum magnitudinis, imprimis quæ veſicæ urinarie vicinæ inteſtinorumque medio interjectæ: Harum opera inteſtina ita coalita, ut nullo artificio ſeparari à ſe invicem, vel etiam à glandulis dictis potuerint: Imò omnes unam quaſi magnam glandulam referebant, quæ ab umbilico verſus ſpinam diſſecta, palmæ tranſverſæ profunditatem habebat: Materiam continebant diſſectæ variam, purulentam, fluxilem, aut pinguem conſiſtentem, albam, cineream nigricantem; imò quædam carnis ſpeciem exhibebant, quædam cartilaginofæ omnino: Nec tantum glandulæ ventris infimi præternaturalem ejuſmodi conſtitutionem inducant, verum & quotquot in thorace, circa collum, aut alias partes corporis notare licet, quæ nempe Conglobatarum ex numero haberi ſolent. *Gerardus Blaſius Obſervat. med. xij.*

§. 9. Vir quadragenario major jam per x annos conquerebatur de doloribus circa regionem ventris, qui quotidie magis magiſque ingraveſcentes; tandem hominem ematcidum, & quaſi tabe conſectum una cum vita deſeruerunt.

Ego ad inquirendum incogniti morbi originem admiſſus inveni binas meſenterii glandulas

glandulas (jam glandes dici poterant, in tantam enim increverant magnitudinem ut xv. penderent uncias) decussatim sibi mutuo incumbentes, quæ renem sinistrum ita compræsserant, ut pene totus in pus esset conversus, Glandulæ autem in substantia nullum contraxerant vitium, sola magnitudine peccantes: asservantur illæ curiosis oculis spectandæ inter Anatomix nostræ raritates. *Th. Kerekringius Observat. Anatom. xvij.*

§. 10. Hæc virgo peregre profecta, in dolores Colicis similes ac pro talibus habitos incidit, contra quos, cum nullum remedii genus valeret, miscella febre quotidie cum rigore insigni repetente, doloribus jam dictis associata, post paucos menses marasino consumpta est.

*Dissecto ventre*, ingens copia puris, quo tum mesenterium refertum ac quasi turgidum erat, erupit. Hoc natura per renes vacuare frustra tentaverat, urinis valde purulentis profluentibus; cum renes interim integri, omnique labe carentes conspicerentur, quos nonnulli ulceratos suspicabantur, idque non iminerito, cum puris mictus diuturnus, teste Galeno aph. 4. 75. renum aut vesicæ exulcerationem significet: verum doloris circa regionem renum absentia suspitioni huic non attestabatur. *Ex Observat. Thoma Mermanni Archiatræ Bavarici.*

§. 11. In Anatome mesenterium propius intuenti, deprehendimus in eo tumores glandulosos, albos, duros, nucis magnitudine, hinc inde in diversis locis intestinorum, mediæ sedi adeo connatos, ut intestina eo in loco sic intumuisse viderentur, atque indurata, quam duritiem in ventre, dum vivebat adhuc æger, prominentem tactui deprehendere potuit, præsertim quando excrementa dura & scybala in ea sede, ubi tumores hi angustiam in intestinis pariebant, diutius subsistebant, atque intestina amplius in tumorem elevabant, unde alvus illi constipabatur, Colicique dolores illum excruciabant, quibus tandem evictus occubuit. *Felix Platerus Observat. lib. 3. p. 697.*

§. 12. Nicolaus Dolmetsch Chirurgus, tempore hyberno iter faciens, & domum festinans, transit flumen gelidissimum, & abhinc conqueri cœpit primo de debilitate & tremore pedum, post de totius corporis consumptione, vehementissimis ischii & abdominis doloribus correpto, ad mitigandos infimi ventris cruciatus, præscripsi enemata lenientia & anodyna, quorum usu dolores abdominis aliquantulum remiserunt, Sed post iis quotidie incrementibus, patiens cum lumbricum longum & teretem excrevisset, variosque tumores circa umbilicum compressa manu percepisset, de vermibus suspicatus varia sumpsit remedia, sine successu: In consilium igitur vocavit repetitis vicibus Medicum Sturgardiæ, qui tamen præstantissimis remediis ægro nullam tulit opem. Re ita habente miserimus homo, (quia sibi proposuit nulla uti Medicina) quotidie quaterve duas lactis bubuli calidè hausit, eoque solo dolores usque ad mortem paulisper mitigare visus est. Intestina lacte turgida tumores in regione umbilicali tactu perceptibiles occultarunt, Ante obitum macilentissimus instanter petit ut se defuncto in causam atrocissimi doloris, quatuor jam menses infestanti, inquireretur.

Aperto cruciatim mortui abdomine, nil nisi mesenterium sex tumoribus tunicatis, & pugnum adæquantibus valde conspicuum vidi: intestina enim fere omnia subsidencia in lateribus latitarunt: Separatis à mesenterio intestinis, & tumoribus sigillatim scalpello incisis, profluxit ex omnibus materia cineritii coloris, foetida & adeo acris, ut omnes lumborum vertebrae multum corroderet, integro existente mesenterio.

#### S C H O L I A.

**L** *Umborum vertebrae*] Queritur quæ sit ratio quod pus duras porius quam molles partes exasperari? materia tumorum acris (qui lactis quotidie hausti beneficio ad suppurationem festinarunt) diu conclusa, ob supinum ægri decubitus, partem

tunicæ lumborum vertebrae proximam, & vertebrae ipsas multo facilius quam partem folliculi, mesenterio, multis glandulis & meatibus referto, substratam & acutè connexam corrodere potuit. *Scultetus Armatum Chirurg. Observ. 62.*

§. 13. Tormina abdominis non à flatu tantum, calculis, humoribusque inibi contentis oboriri est dicendum, sed sæpe ac sæpius à glandularum mesenterii, pancreaticisque abscessibus & apostematibus, quarum sævitie, post vehementissimos cruciatus infelissimi patientes ad commiserandum mortem vehuntur *Cæcilius Folius ad Th. Bartholinum in hujus Epist. cent. 1. Epist. 62.*

#### S C H O L I A.

**D** E hujusmodi Glandularum mesenterii tumoribus & affectibus lege *Wartomi Adenographiam c. XI.*

OBSEV



§. 14. Cadaver cuiusdam Colica enecti ante 20. annos seculi : totum abdomen pure impletum erat, toto Mesenterio abscessu quasi existente : Culpam mali adscripsi foementis emollientibus & calefacientibus, purgantibusque fortioribus. *I. Jac. Wepferus Miscell. cur. anni 1671. Observ. 39. in fine.*

## S C H O L I A.

**S** Pigelius de Hemitritæo, Mesenterii inflammationem in cadaveribus reperit, quam à præpostera sepe curandi methodo excitari nullus dubito:

Clariora omnia evaderent si per superstitionem cadavera secare crebrius liceret.

*Idem ibid.*

§. 15. In demortuis sepe in mesenterio ulcera sordida & abscessus deprehensi sunt, è quibus intestinis salvis, ventris tormina intolerabilia, & tandem mors; nunc dolores Colicis similes originem habuerunt. *Sennertus. Pract. lib. 3. p. v. Sect. ij. cap. ij.*

§. 16. Dominus Marescotius historiam commemoravit cuiusdam, qui post multos & longos dolores tandem in hydropem siccum lapsus est.

Illius aperto cadavere, glandule illæ multæ sunt quæ in mesenterio plane aruerant & tabuerant, unde nullum plane ex fructum alimento capere poterat. *Ballonius Epid. & Ephem. lib. 2. p. 216.*

## S C H O L I A.

**T** Andem in hydropem siccum ] Iuxta aphorismum XI. IV. Quibuscumque tormina, & circum umbilicum cruciatus, lumborumque dolor adest, qui non discutitur nec purgatione nec aliter, in hydropem siccum firmatur.

Glandule in mesenterio aruerant ] *Clar. Waribon Adenographia, cap. 11.* inter varia mesenterii pathernata recenset infirmam illius Tenacitatem vel Mollitiem & Laxitatem vitiosas, Vel in interiori vasorum ejus superficie nimiam Asperitatem aut Levitatem, Tenacitatem in chronicis præsertim morbis contingere ait, Cachexia, Hydropes, scorbutus, morbo Venereo: Mollitiem ac Laxitatem in hernia intestinali: Nimiam autem Asperitatem atque Levitatem frequenter contingere censet, quanquam non facile cognoscuntur: Credibile est, inquit, ubi asperitas ac squalor aliis partibus evenit, consimilem asperitatem atque squalorem vasis quoque mesenterii (adde & glandulis) evenire: Porro conjectat de asperitate vel levitate horum vasorum ex

assumptis excretis, Si enim alimenta in dies assumpta lubrica atque lævia fuerint, quoniam mesenterium pertranscunt, verisimile sit ea consimilem quoque lenitatem ejus vasis imprimere: Similiter si diætæ maximam partem ex cibis asperis, amaris, acribus, succique agrestis constiterit, fieri vix potest quin dictis vasis consimilem qualitatem impertiat: Ad eundem modum si excrementa alvi diutius retineantur, & tamen liquida excernantur, magnum judicium nimie asperitatis præbent: Etenim facultatem retentricem potenter roborat asperitas: Contra ubi solida excrementa facile lubricæque excernuntur, argumentum est consimili lubricitate ac levitate intestinali ac mesenterium affici. Signa quoque ex urina de his affectibus petit, quæ si equalis substantiæ appareat, sine atomis fluentibus, cum hypostasi æquali, levitatem vasorum inde arguit, Contra si substantiæ inæqualis sit, cum bullis magnis & permanentibus, ac hypostasi divulsa, nimiam iis in locis asperitatem designari vult.

§. 17. Sabellæ Roland venter iniumuerat cum dolore, Mesenterium totum, atque in eo Pancreas, tumore miro turgebat, cum infinitis tumoribus. *Vide tit. de ventris tumore.*

## OBSERVATIO XXXI.

Colici dolores habituales sedem habent in mesenterii plexibus nerveis: & spasmodici sunt ob materiem morbificam à cerebro in illos plexus transmissam.

**D** Omina Ill. per multos annos affectibus spasmodicis obnoxia, circa nonam gravidationis hebdomadam dolores acutos per plures dies in lumbis & juxta hypogastrium persensit, qui mihi Colici visi, &c. Abdomine aperto intestina & ventriculus integra apparebant, uterus insons, In mesenterio circa medium ejus, ubi dorso affigitur, atque majores nervorum plexus continet, substantia laxior, & quasi pluribus vesiculis inflata videbatur: hoc mesenterii loco, quia tumidior fuit, humorem aliquem doloris causam hospitari putaveram, aperiens vero deprehendi tantum membranas fuisse ab invicem solutas, nihil præter flatum continentes, qualis membranarum divisio proculdubio inducta fuerat à crebris spasmodis, &c. *Vide l. 1. Titulo de convulsionibus.*

## S C H O L I A.

**D** Olores qui mihi visi ] Licet morbo vrgente tota ventris regio perturbari solet, attamen ejus sedes primaria collocari debet ubi dolor potissimum infestat & pertinacius hæret. Hoc autem ex Medicorum plurimorum consensu alicubi in Colo intestino esse perhibetur: Quare *Celsus* dicit Colicam Intestini majoris affectum, quod etiam ratio nonnulli suadere videtur: nam sive mateties morbifica in cavitatibus intestinorum congeri, sive in membra-

nis illorum penitus defigi supponitur, certe in Colicis, pro receptaculis ejus extant cellulae, atque intestini hujus tunicae crassiores existunt, in quibus humor peccans altius impingi queat: Verumtamen hæc opinio (cui non facile assentimur) ex eo tantum in Medicorum scholis increbuisse videtur, quia passim observamus intestina à flatibus, à pharmaco, bile, aliisque forsan humoribus intra cavitates eorum contentis, irritata, dolores ac tormina inire, hinc ut

III 3 ob-

obvium fit inferre dolores Colicos tantummodo, ab intestinorum, ac imprimis Coli, contentis acrioribus & irritativis exoriri: quod tamen ita si haberet, proculdubio quæ ventrem solvunt, atque flatus & fæces copiose educunt, certissimum levamen afferrent, cujus contrarium sæpissime evenit, nempe à catharsi crebriori, aut violenta, morbum istum intendi. Hic tamen distinguere oportet de ventris torminibus, deinde doloribus pro colicis vulgo habitis, Isti nimirum aut mere occasionales à causa evidenti solitaria oriuntur, & sine prævia diathesi hominibus quibulvis passim contingunt, Ad hunc modum incongrua vel inassueta epota vel comesta pharmaca, frigoris contractio, &c. præsertim in iis qui teneræ sunt constitutionis, fibræque valde sensiles habent, dolores non raro excitant, At ejusmodi affectio non morbus, sed tantum symptoma, à causa manifesta excitatum censeri debet: Attamen præterea Colica ita proprie dicta non tantum à causa accidentali producta quibulvis contingit, sed homines nonnullos peculiari ritu prædispositos incessens, omnino à causa procacitætica sensum maturata dependet: morbi insultus graviores plerumque periodos suas habent, atque æris atque anni alterationes observant, Porro excitati remediis non facile cedunt, neque cito pertranseunt: dolores in quolibet paroxysmo eandem usque partem repetunt, & aliorum symptomatum pari ut plurimum syndrome stipantur.

*In Lumbis & circa hypogastrium*] Dolores Colici licet non eandem in omnibus sedem habeant, sed modo sub ventriculo, modo circa umbilicum, aut hypochondria, quandoque in hypogastrio, aut versus lumbos maxime desæviant, attamen quoties in eodem ægro repetunt, eundem sæpissime focum observant.

*Intestina integra apparebant*] Pro explicanda hujus morbi aetiology, non satis erit statuere Intestina, vel ab acrioribus suis contentis vellicari, vel à sanguine aliisve humoribus iustum suffusis, ac continuitatem solventibus irritari: Nam quoad prius, Summe improbable est Bilem vel Pituitam, vel succum Pancreaticum aliūve quemcumque humorem, aut simplicem, aut cum aliis effervescentem, dolores adeo atroces, fixos & diu perseverantes excitare posse: Præterquam enim quod intestina, propria mucagine oblinctæ, à contentis, licet acrioribus, non facile pungi aut exasperari solent, in tantum ut sedes aciores, quæ anum sæpe excoriant, intestinorum ductus parum aut minime divexent, Insuper hæc gravius irritata, quicquid molesti in ipsorum cavitate continetur, facile excutunt, atque sursum vel deorsum propellendo, cito eliminant, prout in Cholera morbo, aliisque affectibus dysentericis plane cernitur: neque ulla fere est saburra horum membranas stimulans, inque dolores ciens, quæ una aut altera purgatione foras exterminari non potest. Dein 2°. quod spectat ad Sanguinis aut Seris intra intestinorum tunicas suffusiones, à quibus phlogosis aut tumores dolorifici excitantur, revera ita fieri interdum concedimus, exinde vero passionem non Colicam, sed Iliacam excitatam fuisse observavimus. Quod autem nonnulli ejusmodi Bilem (quæ nonnunquam intar viridelli intense præstina reicitur) morbi causam materiale esse contendunt, ejusque copiam & in viscera exudationem dolores Colicos in intestini, excitare, Dico humorem istum circa paroxysmi initia in cysti fellea sine offensa quavis contineri, postea tamen, propter viscerum spasmos, exinde expressam, & quasi emulsum, in

ventriculum vomitu affectum exantlari; ibidem vero humori alteri, forsan acido, occurrens, colorem viridem, uno quandoque atrum (*prout olim observante anatomico comperimus habui*) acquirit: Atque hoc quidem ex eo patet, quod qui temperamenti frigidioris bilem minus progignunt, dum Colica laborant, flavi, aut viridis, parum aut nihil, vomitu reiciunt, at tamen doloribus hanc minus acerbis divexari solent.

*Affectibus spasmodicis obnoxia*] Cum itaque morbi Colici sit aliudinodum maceries sive minera, tum sedes & affluxionis viæ perquirendæ sunt: jure merito *Liquor nerveus* ejusque recrementa in suspitionem veniant: Eo magis quod passio isthæc cum aliis cerebri & Nervosi generis affectibus intimum adeo consensum habet: Cujus procatarxin quod spectat, in his duobus ea potissimum consistit, scilicet 1°. quatenus in Liquore nerveo recrementa plura congeruntur, Et 2°. quod ea potissimum à Nervis ad viscera imi ventris destinatis excepta, & ad mesenterium delata, mineras ibi morbidas constituunt. 1. Prius horum cerebri culpa ac vitio contingit, nempe quatenus hoc, juna cum Liquore nerveo, particulas heterogeneas, & regimini animali infestas intra fines suos admittit: præterea item quod hæc, aliæque recrementa ordinaria per ordinarias cloacas haud statim amandat: Qua propter materies incongrua, cum alias à cerebro ablegari nequit, in nervos paris vagi maxime patentes facillime irruit; Atque ob hanc rationem est quod feminæ, à quavis cerebri inordinatione diathetici hystericiam dictam frequenter contrahunt, nempe quatenus recrementa liquoris nervei, sive ea spasmodica & elastica, sive dolorifica & irritativa tantum fuerint, in par vagum deponi aptiora, symptomata convulsiva eque ac colica ita passim excitant. 2. Quod materies hæc, nervorum par vagum incurrens, in Mesenterio, aut aliis intra abdomen plexibus deponitur, ratio est quos in hos plexus nerveos conjugationis istius nervi plures & majores fere ultimo terminantur; Quamobrem si humoris nervei recrementa, hic quasi in imum subsidentia, nec per vasa quæpiam regeri, nec in cavitates intestinorum transire possunt, necesse erit eadem focos morbosos in hac parte struere.

*In mesenterio, &c.* Itaque pro affectus Colici seminio sive minera, humoris nervei recrementa quedam à cerebro per nervos decidua, inque Mesenterium aliosque abdominis plexus delapsa, ibidem congeri supponimus, quæ si crassiora, & magis viscosa fuerint quam ut per lymphæductus excipi & amandari, aut per vasorum propagines exiles in cavitates intestinorum exudare possint, in partibus illis stagnantia & sensim coacervata, tandem in plenitudinem irritativam assurgunt: Dein materies ista stagnatione plus degeneret & magis infesta evadens, occasionaliter, aut iponte turgeicens, vel forsan cum humore salino fixo è sanguine illuc suffuso effervescens, nervorum propagines fibræque nerveas, quibus mesenterium innumeri scæret, corrugationibus valde molestis & dolorificis torquebit, cujusmodi illorum affectio haud plane cessat, donec materies effervescens aut discussa, aut in cavitates intestinorum expressa, aut demum subacta fuerit.

*Atque majoris nervorum plexus continet*] Porro, in quantum è mesenterio, cujusque *Plexibus*, propagines fibræque nerveæ in ventriculi fundum, velicam, tasselam, ductus choledochos, intestina omnia, & quævis in cuncta fere totius abdominis viscera,

densissime



denſissime protendantur, ideoꝛco dum materies co-  
lica in mineris ſuis efferveſcens, tormina & crucia-  
tus ſape accerrimos ibidem ciet, una in partibus aliis  
plerisque aliis membranosis ſpaſmi & contractiones  
convulſivæ aut dolorificæ ubique excitantur. Hic  
ob meſenterium primario affectum ſub umbilico  
dolor acerbus, quaſi pali aſſixi, aut terebræ perfo-  
rantis ſpeciem præſe ferens, dein circuncirca in toto  
fere abdomine, propter inteſtina ſimul in diverſis lo-  
cis varie diducta aut retracta, dolores vagi huc illuc  
excitantur, atque ob fibrarum motus, tum in his tum  
in vaſis urinariis perturbatos, aut inverſos, alvus  
fere ſemper adſtricta eſt, & urinæ interdum ſuppreſ-  
ſio aut paucitas ſuccedit, Quinetiam, duodeno,  
veſica ſellea, cum ductibus ejus atque ventriculi  
fundo, ſpaſmo affectis, eorumque fibris tuſum tra-  
ctis, vomitio crebra, cum bilis flavæ aut pralinæ  
rejectione copioſa, durante paroxyſmo ſubinde  
inſeſtat.

*In meſenterio, ubi dolor affigitur*] In paroxyſmo  
Colico, doloribus ventris *Lumbares* atrociffimi, in  
imo dorſo ſævientes ſæpenumero adjunguntur, qui  
certe à nullius inteſtini irritatione oriri poſſunt;  
Attamen facile erit concipere eos à cauſa morifica  
in meſenterio conſita excitari, in quantum ſcil. nervi  
quidam inſignes lumbares meſenterii plexum ner-  
veum maximum ingrediuntur; hinc ut non tantum  
ſpaſmi dolorifici per conſenſum ab una parte in alte-  
ram trahantur, ſed probabile inſuper ſit etiam  
Dorſi & Lumborum recrementa quædam hoc tran-  
ſitu in meſenterium derivari, atque aliquatenus ob  
hanc rationem Scorbuticos ventris torminibus &  
fluori ita plurimum obnoxios fieri: materies ergo  
morifica, à capite per nervos in ventrem lapſa, ni-  
dos maxime idoneos in meſenterio reperiet; In quo  
ſcil. nervi plurimi & magni, eorumque plexus & di-  
ſtributiones valde inſignes habentur: Quare cum  
hæc pars valde ſenſilis, & humorum nervoſi generis  
aſſuſionibus plurimum obnoxia fuerit, Morbi colici

ſedes merito ſtatuitur.

*Affectibus ſpaſmodicis qui mihi Colici viſi*] Motuum quorundam in abdomine convulſivorum,  
qui vulgo Hyſterici dicuntur, cauſas ſæpenumero  
in plexibus meſentericis latere olim oftendimus,  
Porro, in iſdem locis dolores Colicos interdum  
nidos ſuos habere tunc aſſerimus, & ex obſervatio-  
ne Anatomica ſatis ratum fecimus: Attamen non  
eadem, ſed nonnihil diverſa materies eſt quæ utriq;  
ita diſparis affectus ſub eodem lare excitare ſolet, In  
paſſionibus dictis Hyſtericis, ſpiritus animales co-  
pula elatica onuſtos, ab invicem elidi, ſeu velut ex-  
plodi, proindeque corpora continentia in motis  
irregulares ſeu præternaturales invite rapere alibi  
declaravimus: In doloribus autem Colicis, iidem  
ſpiritus propter materiem iis inſeſtam & inpropor-  
tionatam irritati, proindeque ab invicem divulſi &  
diſtracti, fibras ſenſiles in corrugationes valde mo-  
leſtas agunt: quo ritu in doloribus Colicis hoc fiat  
paulo ſupra oſtenſum. *Willis Tractatus de Anima*  
*Brutor. parte 2. cap. 15.*

*Membranas ab invicem ſolutas*] Nam intra hoſce  
plexus nerveos pro mineris morbiſicis ſpatia ſatis  
idonea conceduntur, ut materies illic ſenſim deponi  
poſſit & manere, donec ad plenitudinem congeratur:  
deinde vero quia ſpūituum copias ingentes, ſupra  
quam in aliis quibuſcunque cellulis illic hoſpitari  
credimus, copula heterogenea iis accreſcens, in ex-  
ploſiones gravioreſ qualiſcomitem ſtruit, adeo ut  
ſpiritus intra hæc corpora exploſi, ea nonmodo in-  
ſeſtent & dilatent, verum de ſitu elevent & attollant  
(velut cum ædificium à pulvere pyrio ſubvertitur)  
quare partes ſupraſacentes ſubito in tumorem effe-  
runtur, atque appetitæ violenter huc illuc attollun-  
tur: Ad hunc modum atrocioꝛes circa præcordia &  
viſcera convulſionum paroxyſmos ſæpenumero  
excitari, præter argumenta ex ratione petita, *duroſia*  
præterea comprobant. *Idem Pathol. cerebri*  
*cap. x.*

## OBSERVATIO XXXII.

*Ventris dolor in pareſi deſinens, ſalvis inteſtinis, ab acri ſero è*  
*cerebro manante, ea in ſpaſmos ciente.*

§. 1. **I**acobus Spoerlin, (cujus hiſtoria extat lib. 2. tit. de Paralyſi) ſeptuagenarius, alvo  
ſuppreſſa protinus colica torquebatur, quam bis intra novem circiter annos Pare-  
ſis brachiorum ſequuta eſt, ob quam minimi & auriculares in manibus digiti incurvi per-  
maſerunt, &c.

Remora cranii olla, ac diſciſſa dura meninge plurimum ſeri ſubpallidi effluxit, quod in  
ſpatio inter utramque meningem continebatur: Hujus quoque plurimum in omnibus  
ventriculis repertum fuit: multum quoque reclinato pectore ex oſtio magno occipitis  
promanavit.

## SCHOLIA.

**B**ile dum vivebat ſenex iſte quoque abundabat,  
ſæpe frequenter os ipſi amaricabat, atque ali-  
quoties diarrhæa biliola magnam ejus copiam egeſ-  
ſerat: quam primum alvus ſupprimebatur Colica  
aſſigebatur, quod quoque bili tribuebat; An ante  
bilis in cavum inteſtinorum effuſa tormentorum  
colicorum cauſa ſit præcipua, jam multis annis  
dubitavi, an bilis acrimonia ſua villos inteſtinorum  
inſtar medicamenti purgantis vellicans potius ad  
dejectionem irritet; Novi plures quibus eſt diffi-  
cilior, qui quam primum bilis effluviū conſtipationi  
accedit, quod nonnullis 5°. aliis 7° die evenit, proxi-  
mus, ſcybala copioſa, mox liquida, biliola, ſpumea,

tandem mucoſa largiſſime egerunt, citra tormina  
moleſtiora: Colica verò hæc a purgantibus etiam  
mioribus exaſperatur, curatu difficilior redditur,  
pareſis, convulſiones & appopleſia accelerantur,  
& non raro ægri præpropere enecantur: Quiaſi  
non inſimi nominis Practicus, croci metallorum ali-  
quot grana in peria ligata, decocto pro clyſtere inſu-  
dit, quo injecto colicus terribili epilepſia corre-  
ptus ſibi fruſtulum linguæ morſu præcidit, diuque  
rigidus omni ſenſu & reſpiratione privatus jacuit:  
ab alio autem clyſtere, ex mero lacte cum pau-  
xillo buryi, ad mentem rediit ac ſenſim conva-  
luit. Soluta pertinaciſſima, huic morbo nimium  
familiari



familiari alvi suppressione, faeces excernuntur sapil-  
sime lutosa, cineritia, & quæ biliosa sint, nullo tamē  
cruore aut ramenti mucosis inquinata, quod neces-  
sario fieret si ab humore acro, diu intra cavitatem  
intestinarum contento originem traheret, prout  
quotidie in dysenteria evenire observamus, quamvis  
plerumque humoribus non tanta mora concedatur,  
quin potius crebris dejectionibus magno nisu con-  
tinuo propellantur. Animadverti in aliquot mo-  
nasteriis plures, temperamentis prorsus diversos, &  
quosdam minime biliosos, à colica ista crudeliter  
affectos fuisse, quæ merito adscribebatur vino, vel  
nimis austero, vel fumo extenuis sulphure, bismutho  
aliisque concinnatis & accensis imbuto: nam pro-  
pinato vinosalubriore, nullisque inquinamenti pro-  
pemodum venenatis adulterato, saniores vivebant,  
rariusque cruciatus istos postea perperiebantur:  
Quosdam Colica biliosa dicta affectos, nunc in dex-  
tro, nunc in sinistro epigastrio, nunc in hypogastrio  
pluries tetigi tumores rotundos & obliquos instar  
farciminum, nullam certam & fixam sedem obti-  
nentes, quos itidem à flatibus intra portionem inte-  
stini coercitis ortum ducere merito credidi: In  
pluribus umbilicus, dorsum versus retrahebatur. Iam  
tunc convulsivi quippiam intestina in hoc affectu  
pati, ac causam doloris extra intestina querendam

existinavi: qua in re me postea amplius confirma-  
vit. Exc. D. Willis in Pathol. nova cerebri: ipsa Paresis  
colicæ superveniens genus nervosum valde affligi  
indigitat: Præ cæteris colicos istos juvant quæ con-  
vulsa laxant & spasmus causam dissipant: Novi quen-  
dam aliquot annos sævissima tormina cum pauci sus-  
sistentē, solo decocti fassiafras potu per tres menses  
continuato, abstinendo a vino, & ejurando omnia  
medicamenta, impijnis purgantia, à quibus semper  
pejus habuit, integram valetudinem recuperasse, qua  
adhuc huiusmodi. Victor equidem bile abundabat, ve-  
rum quoque humoribus serosis acerbis scatebat, qui  
plexus nervolos mesenterii alluentes, profundiusque  
se insinuantes, vellicando spasmo intestina affecer-  
unt, & alvo pertinaciter oclusa, retentis flatibus &  
bile, atrocissima tormina excitarunt, quoniam quo-  
que ob dolores die noctuque excruciantes, vigiliis-  
que continuas simul aditus aquoso latici ad medul-  
losam substantiam, in cervice imprimis, paratus fuit,  
Paresis brachiorum post aliquandiu exantlata sym-  
ptomata sequuta fuit: In ultima senectæ rarius Coli-  
cam experiebatur, quamvis colluvies serosa non  
exhausta esset, nam occipienti contipationi mature  
medebatur oleo amygdali dulcium, aut butyro as-  
sumpto, & clystere anodyno infuso. *Joann. Jacob. Wepferus dissertat. de Apopl. p. 386.*

§. 2. Puellus Illustri familia natus Pleuriticus, ultimis vitæ diebus sævissima tormina  
patiebatur, quæ supervenientibus convulsionibus lethifera erant.

In cadavere vidi aliquot portiones intestini. Ilei præcipue, superne & inferne rectissime  
constrictas partesque intermedias flatibus distentas, quas vix ulla vi vel sursum vel deorsum  
pellere valui. *I. Iacobus Wepferus Dissert. de Apopl. p. 386.*

§. 3. Claudius Invenis fractus tandem partim acerbitate dolorum abdominis, xl. dies  
toros urgentium, nec ullam quietem concedentium: partim vehementia motuum con-  
vulsivorum, qui iis languescantibus succedere, animam cum reddidisset cælo, Cadaver  
ejus apertum, deprehendimusque intestina, quanquam cruciatu per tot dies acerbissimo  
fuissem afflicta, tamen integra & inculpara fuisse, nullamque causam tot dolorum fomitem  
in iis repertam, sed ubi ad caput ventum, &c. *Vide historiam integrum lib. I. section. 8. observat.*  
*13. ex C. Pisone.*

#### SCHOLIA.

**N**ostra sententia est dolores pro colicis aut ne-  
phriticis habitos, convulsionem veluti quan-  
dam sequi intestinarum, partiumque omnium quas  
inferior venter ambitu suo complectitur, inæquali-  
ter tacta & confertim, sed quæ sequatur divulsionem  
seu contractionem peritonæi, live nervorum sexti  
paris, vel in exortu proximo conterminoque iis par-  
tibus, vel in mediato & remoto, in principio scilicet,  
live capite ipso. Nam mihi annotatum dolores eos  
pro colicis habitos, modo quidem tertianarum fe-  
brium declinationi succedere, modo continentibus  
se se immisceri complicatque febribus, certe iis qua-  
rum aliquæ exacerbationes, sed obscuræ admodum,  
nec nisi valde attentis notabiles, eaque tardæ, per  
septenarios quippe, & quandoque quaternarios, ut  
jure illæ continentium & homotonarum numero  
accensendæ viderentur: Sedulo potro observavi  
ejusmodi dolores in iis, quæ salubriter terminantur  
febribus, superveniente vel sudore largo & in plethi-  
que, sed juvenibus, vel hæmorrhagia liberali quan-  
doque, vel denique commutatione cum paralyti so-  
lutos fuisse, aut etiam averios prorsus. In alijs vero  
medicamentorum caput expurgantiu frequenti usu,  
contra autem in febribus lethalijs observavi com-  
mutatos, partim cum epilepsia, partim cum lethar-  
go, denique cum delirio, paralyti & epilepsia succe-

dente verno tempore. Atqui non est omitendum  
sæpe tertianas febres commutari cum continuis, licet  
obscuris, quas fere comitantur ejusmodi dolores  
valde perveraces, qui permutantur pariter in com-  
memoratis capitis affectus, quod observavi in  
Claudio Iuvene, de quo supra in historia. Postremo  
cum colicis facile commutetur cum memoratis illis  
capitis gravibus affectibus, tum omnium frequen-  
tissime cum paralyti, Imo vero quaternarios obser-  
vavimus hoc anno 1617. iisdem doloribus ventris  
graviter exercitos. Quanquam autem eam doloris  
colici speciem à flatibus inductam sævis frequentem  
esse vltro fatear, tamen quos ante descripsimus dolo-  
res abdominis frequentissimos, & cum febre con-  
iunctos, ac pro colicis passim habitos, etsi prima  
specie iisdem affines, longè tamen diverios esse,  
aliamque à flatibus aut pituita vitrea, aut etiam  
Boreæ flatu causam habere, si attente pensitateque  
naturam conditionesque doloris, & concomitantia  
signa consideramus, profecto reperiemus, Licet  
namque convenient omnes dolores cum vere  
Colico in extensione & acerbitate doloris, par-  
tiumque diversarum adjacentium sympathia; in  
segnitie alvi nullis cedente medicamentis, in ructi-  
bus, in vomitu quoque, tamen non sola luminà in-  
testini, paræ coli, sed proprio circumscripta &  
ventriculo



ventriculo contigua dolet, sed modo hæc modo illa duntaxat abdominis pars, modo, & ut plurimum, univertum abdomen quantum quantum est, & diversis temporibus hæc vel illa regio dolere primum incipit, live æma, live media, umbilico aut lumbis respondens, live denique lateralis: Nec vero venter univertus distendi atrollique & intumescere, ac extare super costas, ilia & pubem, sed contra porius percipitur deprimi, subsidere in se, unaque cum umbilico introrsum retrorsumque revelli, vel umbilicus lumbis videatur esse quasi assurus, ut in ægro veluti extebrate effonnetur insignis cavitatis, haud absimilis equino præsepio, eaque circumscripta tenninis prædictis Denique, dolor, non tam distensivus secundum epigastri, latitudinem, quam lacerativus; secundum potius ventris longitudinem ac profunditatem, & quandoque perforans sentitur, ac si terebra pertunderet ut pars dolens, quæ potissimum est umbilicus, etli in quibusdam doloribus citra febrem, latus perterebrari tentiatur. Distensionem porro secundum longitudinem potius intestinorum fieri, quàm latitudinem, ut fit in colico dolore à flatu, hinc intelligere est, quod longanone secundum longitudinem ita sursum revellitur & distenditur, ut non solum exitu feces intercludat & flatus, sed aditu glandem vel syphonem clysteris prohibeat, ut nisi magna vi intus adigi possint. Ridicule enim operæ Pharmacopæorum, dum frustra inmittere tentant clysterem, causantur magnam vini flatuum syphonem ingressu interdicens. Et magis ridiculi Medici qui his credunt, cum per revulsionem potius sursum subsideat conniveatque cavitatis longanone, non per distensionem à flatibus: Confirmat id autem ructus familiaris hiis doloribus, qui satis docet motum peristalticum intestinorum, & flatus inclinationem sursum, ob interclusam penitus viam deorsum tendentem: facile enim est intelligere longanone secundum longitudinem distento, iursumque revulso, parietes ejus in se confidere, atque adeo cavitatem internam connivere. Itaque dolores hos pro Colicis habitos, non tam distensionem intestinorum secundum latitudinem, ab obstruente aliquo corpore & implente ventrem, præque copia divellente, quam convulsionem quandam seu distractionem secundum longitudinem consequi verosimile est: Nimirum cum dolor vehementissimus atque subitus, non tam intemperiei simplici nudæque tribui possit, ut solutio etiam subita satis insinuat, quam sensibili alicui solutionis continui speciei, cum præsertim nulla causa insigniter calefaciens aut refrigerans accusari possit, live externa live interna: Alia autem ex parte solutio cõtinui intestinis superveniens, sit vel exesiõ erosiove, vel vulnus seu divisio, vel ipsa divisiove: erosio nis porro, aut vulneris cum his doloribus coniuncti, nulla iusta suspicio esse potest, cum & causæ eiusmodi nullæ præsentis sint, & ex excipientis, etiam soluto dolore, nihil tale confici possit, Superest certe ut uni Divulsioni, tanquam causæ, dolores propositi referri debeant accepti, eique secundum longitudinem factæ, ut ex aditu interne occluso intelligere est: Nam qui sensus veluti perforationis percipitur, is sane meo iudicio non est à causâ perforante illatus, sed potius ab inæquali partium convulsione seu distractione, nam quia una magis quam alia divellitur introrsum ac retrahitur, atque maior dolor obsecrat minorem, inde certè quæ maxime convellitur, illa quasi perterebrari videtur, quod divisio adjacentium minor quodammodo obsecratur. Sed enim distendi possunt intestina vel per se, vel per sympa-

thiam, & ratione connexionis partium sibi adjacentium, aut certe adnatarum; & quævis distensio fieri potest, vel secundum eorum intestinorum contextum, facta scilicet per extremorum, seu finium distractionem, vel secundum partes: ex quibus priorem evidenter angustia totius ventris ferre nequit, longe impar intestinorum longitudini, corporis magnitudinem toties septies adæquant. Itaque non distenduntur intestina secundum longitudinem totam & per extrema, ita ut involutio contextus eorum dissolvatur, sed fit secundum partes, ita ut superiores quidem deorsum, anteriores autem retrorsum, inferioresque sursum revellantur & sæpe inæqualiter. Quoniam porro credibile vix est causam convellentem intestina ipsa universa afficere, & vero dolor fere lumbis inat urgetque maxime; atque alia ex parte non solum intestina afficiuntur, sed partes omnes toto ventre inferiore contentæ evidenter eo afficiuntur (Nam ventriculus & vesica fellis manifeste convelluntur, ut ex ructu fere assiduo & vomitu bilis colligere est: tum etiam vesica urinaria & uterus ipse, ut dolor ad pubem manifeste docet) Verosimile est dolores prædictos sequi affectum seu divulsionem, non tam intestinorum propriam, quam partis alicujus communis intestinis cum cæteris omnibus membris inferiore alvo contentis, cui consentiunt ratione connexionis intestinorum tunica propriæ, una sursum introrsumque revelluntur. Et forte etiam non improbabile dictum est viscera ipsa quodammodo convelli per convulsionem illius partis communis: nam id vinctum est in spirando, comes memoratorum dolorum, per revulsionem quandam viscerum sursum diaphragma prementium tacta insinuare videtur. Atqui certe peritonæum propagatum in mesenterium, ex anaromia omnium omnino viscerum, & partium inferiore alvo contentarum est commune vinculum, imo communis membrana, si quidem eas omnes invellit involuitque, & cingit undequaque, ipsa scilicet è lumbis exoritur, sed propagata & diffusa ad omnes omnino eas partes: Præterea nervi sextæ conjugationis, è thorace egressi, omnibus omnino partibus interioris ventris se communicant, & ad omnes propagines aliquot emittunt: Per sympathiam itaque, live propaginum nervi sexti paris, live peritonæi, convulsio omnium partium ventre inferiore conclusarum sequi potest: facile enim est intelligere contractis in se præter naturam, vel ramis sexti paris, vel peritonæo, adnatis his partes necessario quoque convelli contrahique in se. Hæc porro convulsio, live nervorum, live peritonæi, sine dubio fieri potest, vel in ipso exortu nervorum quidem è thorace, peritonæi autem è lumbis: vel in ipsa radice, seu principio primo, h. e. capite ipso, a quo scilicet primam originem repetunt. Interim tamen ultro fateor dolores hujus generis, non solum contractionem communis partis seu vinculi, membranae scilicet ac nervi prædicti, sequi posse, sed aliquas in ventre esse partes quæ eam contractionem violentam subire possunt, quæ trahat in sui consensum reliquas toto abdomine contentas partes: nimirum experientia me docuit, ureteres, meatus quippe angustos quidem, sed tunica forti ad modum constantes, quoties in enitendo excludendoque lapillo valde laborant, contrahere se sponte naturæ ita vehementer, ut univertum, quantum quantum est, peritonæum, cæteraque ei colligatas partes divellant contrahantque, non sine atroci dolore: cujus violentæ contractionis consequentis divulsionem ureterum cum dolor totius abdominis sit evidens argumentum, tum vero eam retractionem vehementem &



Violentam declarat manifeste testiculi respondentis ureteri retractio tanta, ut in abdomine recondi totus videatur. Atque cum convulsio illa primo à nobis repetita sit à nervis sexti septimive parium, vel à membranis exortis è lumbis, & disseminatis in mesenterium atque peritonæum, haud dubium est certe eas partes ab humoribus è capite decumbentibus suisque copia implentibus distendi convellique posse violenter, sed maxime nervosum genus: Etenim dolores propositi abdominis, partim febribus superveniunt, quantum focus in viscerum partiumque vicinarum vasis hæret, quæque febres mutationes tempestatum sequuntur, per quas serum in massa sanguinis fervorem concipere potest; non aliter atque aquea pars vini leviter ebullire, & alias hæc febres sudore copioso, vel profusa hæmorrhagia solvuntur, aut commutantur cum affectibus capitis gravissimis, paralyti, epilepsia, apoplexia, vel simplicibus vel mixtis & complicatis ejus generis affectibus: quorum affectuum capitis causam frequentem esse serosam in eo colluviem multis observationibus demonstramus: Partim autem iidem dolores sequuntur subitas & insignes temporum mutationes, sed eas quibus serum ex habitu introrsum & confestim detrudi consueverit, cuiusmodi sunt aquilonis austrinis succedentes; Et verò hos dolores urinæ copiosæ quidem, sed tenues & aqueæ prorsus sive præcedunt sive comitantur, Ex quibus verosimile est profecto, dolores quidem qui cum febre sunt conjuncti, suboriri, quia quod serum vi caloris febrilis, aut vitalis, sed ab ambiente, per mutationem constitutionis ejus commoti suscitariq; ebulliens, sub sudoris forma, vel urinæ assatim erupturum erat, id in caput clarum per vasa soporaria, ex eorum sinibus extremis exundat & effervescit, partim quidem extorsum, partim introrsum: Ac extorsum quidem secundum membranas, aut inter eas effusum irrumpit impetiturque vel principium nervorum spinalis medullæ, vel principium sexti septimive parium, atque alterutrum implet distenditque copia & fervore, & secum tum nervos appendicis, tum vero membranas pariter adnatas, Aut fervore deposito descendens & decurrens subitur in lumbis, atque nervos inferioris alvi, & maxime originem mesenterii & peritonei opprensus, corrugat contrahitque, & secum revellit distrahitque quæ sinibus adnascuntur membra, i. e. in quibus tandem terminantur & implantantur, intestina scilicet & reliqua in alvo contenta, eaque violenta contractione dolorem iis inurit: Introrsum autem & ad animam vergens, ut loquitur Hippocr. h. e. in ventriculos cerebri irrepens iterum, longe graviora soporiferaq; inducit symptomata & convulsiones universales, cum quibus dolores propositi solent commutari. Porro cum constitutum à nobis sit convulsorios ejusmodi intestinorum dolores cum febre conjunctos, sero vel etiam mucos in capite stagnanti & desidi, vel jam defluxo in lumbos esse tribuendos, certè affectus graves, Epilepsia & alii, qui colluviei serosæ, non diuviei sunt effectus, insinuant dolores prægressos abdominis, non depluvio feri in lumbos, sed colluviei potius ejus adhuc stagnantis in capite referri debere: Quod & confirmat resolutio brachiorum, quanquam decubitus feri sequitur, quippe hæc cum dolores ventris sedet, tum non aliter fit quam humore à capite ipso in nervos irrumpente, Est enim inopinabile serum nervorum in cavitatem gliscere, nisi principium cavitatis capiti conjunctum subeat, cum per transversa corpora membranosa solidaque in cavitatem ipsam ingredi non possit, quanquam madescere extrinsecus potest quique nervus

particularis ab humore inter membranas decurrente, propriam scilicet nervi & eam quam à particulari quoque membro accipit, sed tum resolutio perfecta non sequitur. Quoniam igitur dolores abdominis sedantur paralyti superveniente, Et paralyti ab humore occupante cerebrum tantum fieri potest, (perfectam intelligo paralytin) certe dolores abdominis non tam ab humore qui decurrerit in lumbos, quam ab eo qui ante delituerit probabile est fieri. Non negatim tamen interim fieri posse ut dolores iidem iterum post paralytin recurrant, sed id fieri aditruo duntaxat febre antea curata, iterum post unum aut alterum annum recurrente, Non inficias etiam iterum hujusmodi paralytin non semper perfectam succedere, & fieri cavitatem nervorum impleta, sed duntaxat sero duas inter membranas depluente, quod sane sensus superstes indicat latis ablato motu, quod observare mihi contigit. Atqui quanquam serum adhucnum nervorum principia oblidens, per eorum corrugationem potest longe distitas, sed tamen adnatas, convellere partes, quia tamen dolor vehemens sæpe lumbos, urget, verumque est illud, ubi dolor ibi morbus haud dubium sane esse potest partem feri è capite in lumbos secundum spinam depluere, atque convulsionem dolorumque membranoso generi è lumbis exorto ad totum ventrem attinenti inferre: Ut ut sit tamen de hac re, ad curationem parum refert, quia semper fontis feri ratio potissimum est habenda. Sed quaeret aliquis 1. Si principium distendatur nervorum seu membranorum, cur posticum, in quo illud latet, caput, alioqui acerrimi sensus, non dolet, una cum abdomine, perpetuo & quamdiu serum fervet, cum sensus integri vigeant, nec humor sensorium commune, ut in vehementi epilepsia invaleat? 2. Si impletur à sero fervente nervorum sexti paris principium, quomodo sensus vigeat in suis propaginibus implantatis partibus abdomine conclusis, cum sensu in principio intercepto ramos eo destitui necesse sit? An igitur quia ab assuetis non fit passio, nervorum initium à perpetuo aquæ, alias humoris lenis, contubernio, quanquam ab ea distenditur, non dolet? nam cum aqua à cerebro, metropoli humidi, scaturiens continenter alluens nervorum initium, hoc certe nullo negotio & sine dolore distendi aut contrahi per assuetudinem potest, quippe & præsertim cum ejus sensus ab aqua sive frigore sive humiditate necessario hebescat & prope obtundatur: Cujus signa sunt & quod in inferna & postica parte cerebri, quanquam secundum eam decurrant omnes fluxiones, tamen nullus unquam sentitur dolor, & hemicranie posticæ infrequentes sunt, nisi quando ab aqua magna vi collecta & fervente universales instant convulsiones, ut in hystericis vulgò habitis. Contra autem dolor in fine nervi, tam ob contractionem propriam, quam ob divulsionem substantiæ, cui nervus implantatur, quæ quia minime assueta est, ea certe dolorifica omnino esse debet, aut certe membranae externæ, quam à quaque parte nervi ipsi repetunt, quæ alioqui non sola aqua allui, ut interna nervi substantiæ & principio conjuncta. Ad alterum dubium, Non est forte inopinabile animale spiritum, sentientis animæ vectorem, per aquam in principio nervorum ferventem trajici, trajectoryque illustrare omnes nervi appendices, ad extremam usque fibræ parti insertam dolenti: Sed melius etiam responderi potest, Partes circa ventrem dolentes spiritum animale per nervos, qui ab ipsa spinali medulla & lumbis exoriuntur, admittere & excipere, diversos scilicet à propaginibus sexti septimive parium,



quorum affecta sunt principia. *Carolus Piso loco citato.*

*Sed ubi ad caput veniunt, &c.]* Vt Colicam ex humoris cerebrum & partes nervosas irrogantis vitio oboriri concedatur, attamen haud isto modo quem Clar. Piso designavit, parhemata isthac dolorifica excitari putamus. Quippe nec in Peritonæo morbi sedem, nec intra *ὀστέον* causam ejus primariam subsistere putamus: Nam quoad hunc, etiam materies morbifica in capite, juxta nervorum origines aggregata, quandoque in partibus longe distitis motus convulsivos, spasmos & stupores producat, attamen in dolore (qualis solet esse Colicus) valde atroci multo secus habet: Quippe ad hunc, qui semper à solutione continui procedit, excitandum requiritur ut causa dolorifica, sive objectum improporcionatum ipsi membro affecto, aut saltem ejus parti, aut portioni cuidam insigatur, Nec enim sufficit dicere Convulsionem à causa remota, ac inde dolorem à convulsione procedere: Quippe licet dolor saepe motus convulsivos, attamen hi istum per se saltem permagnum & diu perseverantem minime producant: Quapropter in dolore Colico materies fibras sensiles distrahens, & ab invicem divellens, proindeque in corrugationes dolorificas irritans, haud usque in cerebro commorari, verum exinde per ductus nerveos versus intestina descendens, alicubi in eorum vicinia, juxta partes dolentes con-

geri, & subinde, vel ob plenitudinem sponte turgescens, vel cum alio humore effervescens, morbi istius paroxysmos inferre videtur. Mineram vero Colicam à Peritonæo rejicimus, quia membrana hæc cum admodum tenuis, ac vasis paucioribus & tantum exilibus donata sit, nec magnæ humorum affluxionis capax, neque ipsa, ut convellatur, viscera substrata comprimendo aut contrahendo in dolores urgere posse videtur: Materies autem morbifica à capite per nervos in ventrem lapsa, nidos maxime idoneos in Mesenterio reperiet, in quo scilicet nervi plurimi & magni, eorumque plexus & distributiones, valde sensiles habentur. Quare cum pars hæc valde sensilis, & humorum nervosi generis affluxionibus plurimum obnoxia fuerit, Morbi colici sedes merito statuatur. *Willis Tract. de Anima Brui. part. 2. cap. 15.*

*Post febrem tertianam]* Dispositio Colica febribus intermittentibus diuturnis, & continuis male judicatis frequenter succedit, in quantum scilicet nervus liquor insigniter vitatus recrementa plura congerit, quæ in abdominis plexus, quasi receptacula magis patentia, alius deponuntur: Ob hanc rationem febris epidemica aliquando increbuit, cui Colica velut symptoma pathognomonicum adungebatur: Hinc Scorbutus diuturnus ac ingravescent, quatenus liquorem nerveum pervertit, etiam colicam accendit. *Idem ibidem.*

## OBSERVATIO XXXIII.

*Ventris dolor & ardor à causa in thorace latente.*

**A**Nnus 1589. fatalis fuit *Hieronymo Capivaccio*, cujus inferioribus apertis ventribus, quos ipse phlegmone laborare crediderat (solo contra naturam thorace constituto) naturaliter se habebat, Diaphragma enim ad latitudinem pollicis elatum, Venæ aterrimo conspicuæ sanguine: dexter Pulmo lividus: Pericardium usitato crassius, Cor ipsum tumentius.

Ubi varie de causis controvertentibus, illius placuit sententia quæ, Hipp. & Galeno præsidibus, hæmorrhoides à morbis præservare, supervenientes ab iisdem liberare, impeditas contrarium facere decidebat. Per annos enim aliquot suppressas mariscas non excitarat, unde qui continuo motu calet thorax imbecillior, in sui ut perniciosam melancholicum attraheret humorem effectum est. *Ex observationibus Lessenii à Lessen.*

## S C H O L I A.

**I**Nferioribus apertis ventribus quos phlegmone laborare crediderat] An ergo verum illud, *Vbi dolor ibi morbus*; Ubi Calor ibi morbus? Salva res erit si dixeris sanguinem qui *καρπώσις* ad hæmorrhoidales venas ferebatur, in vasis hypochondriorum & abdominis conclusum, aliquandiu citra concretionem latuisse, ibi phlogosin concepisse ac ardoris sensum intulisse. Eundem anadrome tacta in vitalem regionem, vasa pulmonum, pericardii, dia-

phragmatis & cordis implevisse, ubi dissecto cadavere deprehensus est. Omnino enim, inquit *Sennert. Pract. lib. 3. pag. 3. cap. 2.* pectoris cum hæmorrhoidali arteria magnus consensus est, quod truncus ex quo arteria oritur à corde descendens, in primo statim exortu intercostales ramos propagat; hinc hypochondriaci de pectoris doloribus conqueruntur, materia per dictos ductus in musculos thoracis effusa

## OBSERVATIO XXXIV.

*Ventris dolor à vitio in peritoneo, omento, mesenterio, intestinis, cystifellea &c.* 1. *A scirrho in pancreate, steatomatis in mesenterio.* 2. *Ab omento semi-corrupto, Intestinalium distensione.* 3. *A steatomatis venis pancreaticis & mesenterii adnatis.* 4. *A Pancreate dura & scirrhuso.*

§. 1. Puellus septennis doloribus intestinalium diu obnoxius fuit, & lumbricis laborare tredebatur: Peritonæum erat nigricans, putridum, Omentum & Mesenterium sine pinguedine, Intestina flatibus distenta, Ileon flavebat: cystis felle tumida, &c. *Vide sit. de Febris.*

§. 2. Vxor N. torminibus ventris fuit obnoxia, ac illi mesenterium steatomatis multis scatebat: Sub vena portæ, in ipso pancreate, scirrhus admodum magnus conspiciebatur. *Vide Tr. de Phthisi lib. 2.*

§. 3. juvenis



§. 3. Juvenis obambulans subito de doloribus ventris conqueritur & paulo post moritur: Aperto cadavere juventum est Omentum semih corruptum, Intestina mirum in modum distenta Iecur male coloratum, &c. *Vide lib. 2. tit. de morte subita.*

§. 4. Erant Monspeffuli studiorum gratia duo commilitones mei, qui singulis diebus vino muscatellino inebriabantur, unde mane viscera incensa refrigerare cupientes, singulis rursus diebus frigidam satis copiose ingurgitabant, ita ut ne per hyemem quidem ab aqua congelata abstinere: Horum alter paulo post obiit, alter vero Patavium venit, ubi sane paulo post cruciatibus & doloribus ventris intentissimis vexari per intervalla cepit, ut etiam protinus humi sese prosterneret, muscum perreptaret: unguibus terram scalperet, & sanguinem e digitis eliceret. Curatur à medicis præstantissimis tanquam hypochondriacus, neque frustra.

Viæus vero dolorum acerbitate, mortuus cum esset & apertus, venis mesenterii & pancreatis steatomata adnata reperta fuere, & quidem innumera, ita ut trium exiguorum ramorum tubercula viginti numerari, quæ omnia sebo simile quid continebant (minora quantitatis pisorum, majora uvarum grandiorum erant) Licet non dubitem si omnia aperire licuisset, aliam quoque materiam ibi contineri deprehensam fuisse. *Salmuth Censur. 1. Observat. vj.*

§. 5. Matrona diu passa est ingentes modo ventris, modo lumbrorum dolores: Pancreas habebat durum & scirrhum: Ren sinister colliquatus omnino repertus *Tit. de ventriculi dolore.*

## OBSERVATIO XXXV.

*Ventris dolor à lecore indurato; Pancreate maximo, scirrhus, glanduloso. 1. 2. Ab hepatis cum intestinorum inflammatione. 3. A steatome hepatis innato, bilis effluxum impediens. 4. Ab hepatis lobo posteriori orificio ventriculi affixo, diaphragmati & partibus circumfisis: Pancreatis induratione, mesenterii, Pylori, Glandularum mesenterii. 5. Ab inflammatione, hinc abscessu cavæ partis Iecoris. 6. Ab hepate magno premente subditas partes. 7.*

§. 1. **I**llustriss. Vir. Jacob Aug. Thuanus, quem omnes Medici ex habitu corporis, vultus & caractere, moribus & humoribus melancholicum judicassent: hunc habitum, sive corporis temperamentum, auxit & enutrivit mœror ingens ex obitu conjugis contractus, qui virum fortem per annum attrivit: Per quadriennium quo ei medicinam feci, conqueratur de colico dolore circa regionem stomachalem, dum stare erectus vel ambularet, at incurvus sedens, vel in lecto recumbens, cruribus leviter sublati, nullum aut exiguum dolorem percipiebat. Nec tuebant ei hypochondria, nec dolebant, etiam duriter attrita vel percussa: Tandem cum annum in ista miseria exegisset, dum melius spiraret & speraret de morbi eventu, repentina & inopina gangrænosus correptus, à pede dextro ad superiora celeriter reptante, ex decubitu serosi humoris crura & tibias instantis, cum diris cruciatibus intra sex horas expiravit.

Aperto cadavere, deprehendi Iecur induratum, rotundum instar corporis sphaerici, fixum & transfixum gypsea pituita, serum referente: Pancreas amplitudine sua & pondere Iecur ipsum æquabat, totum scirrhum, multis glandulis specie ovi columbini differtum, Lien adeo exilis & exiguus erat, ut vix unciam ponderasset. *Riolanus Anthropogr. lib. 2. cap. 16.*

## SCHOLIA.

**I**deo Pancreas in morbo ac melancholicis corporibus secundarium Lienem, sive Lienis vicarium viscus appellat Clar. Riolanus: quoniam ad Chylum, in vena Porta rubefactum, & hepar subeuntem defacandum, Lienis vicem supplet: quando vitium hoc viscus, ac suo frustratum officio, marcescit, & marcescit, quod in multis natura sua, & corporis habitu melancholicis observasse se ait, in quibus dum viverent, Lien nec tuebatur, nec dolebat, sed Pancreas molem Epatis æquabat, quod Thuanus exemplo confirmat & sequenti.

*Nec tuebant hypochondria nec dolebant* Cur non doleat sinistrum, in quo jacet Lien, hujus exiliaria describendum, Dextrum vero non dolebat, quia

scirrhus legitimo affectum erat: quanquam priusquam confirmaretur, & omnino obdurefceret, sensus expertus esse non potuerit. Cur vero non tueretur hypochondrium dextrum, causa videtur querenda in exiguitate Lienis, quod spatium Iecori amplum concedebatur, si contractum duritie sua & conformatione prode se debuit.

*Pancreas totum scirrhum, Lien vix unciam, &c.* Pancreas Liene affecto, ait *Highmorus*, vix aut nunquam integrum evaluit, plerumque enim simul obstruitur vel scirrhus afficitur: Forſan *Riolanus* in *Anthropogr.* l. 2. c. 16. ideo Pancreas, quum morbis Lienis similes effectus incurrat, Lienem vicarium appellat, Exemplum præbet *Illustriss. Thuanus*

*Phanum* : Imo constat Pancreas affectum gravissima symptomata , cū Lienem, proferre solere, ut vigilias contumaces, leipothymiam, convulsionem,

Epilepsiam, & in feminis passionem hysterica, qualia exempla notavit *Highmore* capite de Pancreate.

§. 2. Nuper in cadavere Heroinæ mulieris, Principis Luxemburgicæ, annos lxi natæ, offendi Pancreas scirrhosum & induratum instar cartilaginis, proptereaque Liene carebat, cujus vestigium unguis latitudine, sinistro latere ventriculi oppressum erat *Idem ibid.*

§. 3. Cadaver monachi me præsentē apertum, de quo suspicio inter Fratres oborta erat, à corivalibus oblatus veneni, quippe clystere communi injecto, statim de dolore Coli & partium vicinarum conquestus, ardorem acutissimum ad extremum usq; spiritum sustinuit.

Sed in aperto cadavere nullum veneni comparuit vestigium, Hepar vero inflammatum viscebatur gangrænaque correptum, quæ labes & vicina intestina infecerat, & dextrum hypochondrium nigerrimo colore totum occuparat: ventriculus sanus, nisi ea parte quæ epar respiciebat, ibi eodem modo nigricabat: Vetus igitur Monacho malum videbatur, quod per clysterem injectum inflammatis intestinis irritatum citam mortem attulit. *Th. Bartholinus obs. xcvj. centur. ij.*

Uxor N. intolerabili ventris cruciatu per intervalla exacerbari solito diu affligebatur, cujus nec causam satis assequi peterant exercitatissimi Medici, nec vehementiam ulla medicamenta mitigabant: unde iis fere contenta quæ cordis vires reficiunt, unicum levamentum fortissima compressione abdominis, qua Hepatis regio est, percipiebat, cujus gratia fasciis initio utebatur: has tamen sinistro latere, quanquam suppositis culcitris, diu perferre non poterat, quod eas, si juvare debuissent, arctissime constringi oporteret: Tam vero immanis illam interdum paroxysmus invadebat, ut quamvis esset modestissima matrona, doloris tamen crudelitate victa, in pavimento corpus volutarer, quo etiam vires quotidie imminutæ, & ipsa macie confecta tandem expiravit.

Cadavere dissecto, dictum mirum, nulla viscerum labes oculis observata, sed Hepatis cavo tumor adnatus conspiciebatur, ovum anserinum magnitudine æquans, qui proprio folliculo materiam adipi concretæ, seu glandulæ molliori similem continebat: verum scilicet Steatoma, quale in mesenterio & pancreate sæpius nasci solet, in viscere autem sanguineo, abscessibus ex inflammatione cæteroquin frequentius obnoxio, rarius observatur. *G. H. Velschius Episagm. Obs. liv.*

## S C H O L I A.

**Q**Uæ doloris in abdomine acutissimi causa? Nam multitudinem nervorum per tunicas hepatis dispersam, quam suo exemplo produxit *Ebnazar* l. 1. Tr. 13. c. 4. anatome redarguit: duos tantum exiguos à sexto pari derivatos ostendens, quorum causa nec letur extra ponderis molestiam quandam multum sentire creditur, nec in tuberculis illius & abscessibus dolorem ullum animadversum *Fernelius* memorat lib. 6. parth. c. 4. Nos bilem coniecimus, rumore vias obstruente aut comprimente, diutius vesicula retentam, ipsaque mora actiorem & malignam redditam, ingentes illos cruciatus genuisse, si quando copiosior ex intervallis in intestina effunderetur: Nec enim alia fortissimæ compressionis ratio videretur in abdomine fuisse, quam quod eruptionem illam nonnihil cohibere consuevisset. *Idem ibidem.* *Rolanus* tamen hæreditatem nervorum amplificavit, ulteriùsque quam par erat (scil. in ipsum Hepatis parenchyma) illorum fines produxit eoque nomine *Galeno* litem intendit, *Scribit*, inquit, *Galenus* 4. de us. part. c. 13. exiguum sensum epatis attributum fuisse, similem plantæ, ut discerneret utile ab inutili, Et alibi (3. de loc. c. 3. & 4.) nervulum vilius ne quidem in parenchyma Hepatis demergi, sed in membranam dispergi, ideoque solo gravitatis sensu frui, Attamen nervulos duos insignes venam Portam comitari vidi, & subire substantiam ipsam Epatis, cujus dolores sunt acutissimi, non tantum ex sensu membrana, sed etiam ipsius parenchymatis. Quibus constat velle cum nervos in Hepar, una cum porta ingredi: oportet itaque simul in communem capsulam recipiantur: Id autem sententiæ illius, quod vel nervorum eorum in parenchyma distributionem asserit, vel *Galenum* (quod Epar

obtusum solum sensus parriceps esse voluerit) erroris insinuat, male admodum patrocinator. Ego sane frequenti lecinorum excarnatione edoctus, id vere testari, possum nullum extare nervuli cujuscumque extra capsulam communem in hepatis parenchymate vestigium: Eosq; qui illam ingressi sunt, nusquam foras in parenchyma prorepere, verum omnes, vel in capsulæ ipsius substantiam, vel in pori biliaris tunicam terminari, ideoque *Riolanum* decedens, in *Galeni* sententiam plane abeo, fieri enim non potest ut pars merè similis, nervisque omnibus destituta, sensu acerrimo fruatur. At enim dolores Epatis, inquit ille, sunt acutissimi? Dicitur vetò oportuit quibus indiciis ipsi constiterit dolores ejusmodi ad hepar, non autem ad partes vicinas pertinuisse: vel saltem certiores nos fecisset quoniam morbos præcipue dolores illi committerentur, ut inde palam fieret num Epatis inessent necne: Dum autem indefinite rem exprimit, suspicio facile suboritur cum rei hujus minime gnarum in generalibus versari maluisse. In hepatis quidem inflammatione adest dolor quidam gravativus in dextro latere: acutum autem dolorem in hoc morbo contingere, medicinam facientibus nondum compertum: Et si forte aliquando dolores solito crebriores perferantur, pollunt sane verisimiliter partibus vicinis condolentibus attribui, nimirum hepatis ligamenti, aut diaphragmatis parti illi cui hepar (mediante suspensorio lato) arcte annectitur, aut peritonæo nothas costas in dextro hypochondrio investienti, aut denique ipsi tunicæ & vasis Epatis: quanquam haud parum dubito num dolor auus adeo possit tunicæ vasib; Epatis obvenire. Sæpe quidem comperi dolorem Colico non absimilem



leni letero præcedaneum esse atque cum interdum subtequi. Differt à Colica vulgari, quod ultra cartilaginem ensiformem, ad ipsius sterni fere medium, protendatur, imò vero ad ipsas claviculas nonnunquam pertingat, diffunditur etiam ad hypochondria, aliasque complures abdominis partes, omnibusque fere in locis dolor hic mordax ac lancinans perleitur: adest inquam dolor exquisitus nulla febre commixtus, & ad colicæ morem corpus arctè constringit. Licet autem obstructio Hepatis possit esse quadamtenus dolorum horum accuratissima causa, Hepar tamen eorum sedes esse non potest, quoniam ad loca ab eo longe distita exporriguntur: fortassis & colon interdum doloris hujus nonnihil particeps fuerit: Ventriculo autem præ cæteris partibus omnibus ægre est, uti & peritonæo, qui nothas costas obtegat, unde etiam crediderim membranas subtus sternum politas invadere: Sæpe mihi molestus fuit hic dolor, præsertim ab usu opii, imò vero aliquando epotis

duabus solum diacodii drachmis, iisdem malis dilaniabar: attamen vini albi frigidi amplius frequenter haustus opem mihi præsentaneam attulit: Medelam etiam huic ægritudini afferunt Enemata aliaque medicamenta letero convenientia: Num doloris hujus pars aliqua ipsi epati inhæreat, ego quidem ambigo: sin autem ita fuerit, mihi tamen certum est eam tunicæ ejus aut valis, quæ nervis prædita sunt, acceptam referendam esse, non autem parenchymati, quod iisdem destituitur. Nervi isti in Epate similiter atque arteria epatica distribuuntur, spargunt nempe exiles fibrillas in capsulam communem, obviasque pori bilarii radices: planeque ad capsulæ communis normam dividuntur, ut toto ductu prædictis jam valis interserviant. *Glisson Anat. Epatis cap. xxx. unde hæc asserre libuit ad illustrandam remanens dolorum horum: De Nervis autem Epaticis vide oculatissimum Th. Willis Anat. cerebri cap. xxvii. p. m. 281.*

§. 5. Scotus quidam Nobilis, juvenis robustus, annos agens 35. post labores militares atque equitationes diuturnas, casusque aliquos ex equo, modo in spinam dorsii, modo supra abdomen, frigora etiam perpeffus, diu & multum de valetudine conquestus, citra decubitarum tamen, donec tandem doloribus victus sese lectulo committere coactus, per sex menses misere afflictus est: Doloris sedes erat in hypochondriis, lumbis & toto abdomine, postea etiam in coxis, cum totius corporis prostratione & lassitudine: Nausea perpetua, vomitus frequens flavæ bilis, postea etiam atra, illarumque per alvum subinde excretio, febris quoque urgebat assidua, Pulsus durus, vibrans, urinæ biliosæ, sitis inexhausta, prostratus appetitus, vigilæ assiduæ: Supervenit postmodum tumor circa nothas costas sinistri lateris, versus os xiphoides usque prominens: quo paulatim & cum acerbissimo & punctorio dolore excrecente, tandem illa durities longe latèque ad totum stomachi fundum fuit diffusa, atque ita miserum exercuit ut dorso semper incumbere cogeretur, cum alioquin in neutrum latus posset corpus flectere: Sicque misere excarnificatus, tandem frequenter syncope prehensus fato concessit.

Dissecto cadavere, primum se obtulit Epatis lobus orificio ventriculi posteriori ita affixus, uti & diaphragmati nothisque illic costis, ut nonnisi frustulatim inde avelli, secarique potuerit portio hæc illius nigricans, ex inflammatione forte quæ præcesserat, cum reliquum Hepatis parenchyma rectè & bene se habuerit: Deinde cum pyloro induruerant totum pancreas & mesenterium inque molem supra modum latam, longam & crassam excreverant, multumque ponderantem, unde chyli transitus ad Hepar penitus erat interceptus, viaque hæc oclusa. Ex quo & credebamus factum ut dissecto cadavere nullus omnino sanguis è venis efflueret, etiam majoribus, ne arteriosus quidem, & qui in illis adhuc continebatur, erat paucus, niger, torridus, & nonnisi per grumos oblongos veluti concretus, ita ut ab iisdem vasis, atque etiam ex ipso corde digitis extrahipotuerit: In idem corpus scirrhum concreverat (quod pene fidem superat) venæ cavæ truncus, nulla eius cavitate conspicua, toto eo spatio quo à sima jecoris parte ad ejus divaricationem, circa os sacrum descendit: uti quoque alii adenæ & ipse adeps, qui fulciendis magnis vasis substernuntur, à media regione thoracis, secundum spinam dorsii, in tophos induruerant, omnibus iis partibus in unicum idemque corpus ita coagmentatis ut unicus scirrhus tumor concretus videretur: Durities autem erat ex albo flavescens, ex qua, cum contrectabatur, purulenta materia nunc crassior, uti ex steatomate: nunc tenuior, velut ex meliceride: nunc ichoris instar profluebat, atque in hanc materiam durities hæc hinc inde convertabatur: Præter has inevitabilis mortis causas, accedebat pulmonum vitium, qui quaquaversum multo purulento ichore repleti & distenti erant, illisque dissecis inde copiose diffuebat, adeo tunc flacida & collapsa reliqua esset Pulmonum substantia. *Platerus Observat. lib. 2. p. 471.*

§. 6. Narrabo morbi unius historiam, ut sitis deinceps cauti alieno exemplo: Adolescens quidam dolore simili colico cruciatur: Medici primæ notæ clysteribus, litu earminante sumpto & dato mithridatio illum percurant: Decimo die vocatus cum jam pacatiora viderentur omnia, in iisdem remediis persisto, jam per cubiculum deambulantem relinquebam, cum me discedentem clinica revocat, reversus inveni mortuum, os illi erat plenum pure, unde facile collegi, præter meam & Seniorum Medicorum opinionem, repente fuisse ruptum abscessum.

Dissecto

Dissecō cadavere, inveni circa cava Jecoris incredibilem puris quantitatem, tam putridi ut nemo assistentium foetorem potuerit tolerare.

## S C H O L I A.

**C**irca cava Jecoris ] Inflammatio partis cavæ mentitur colicum dolorem, ut gibbæ pleuriticum: Distinguitur vero phlegmone partis cavæ à dolore colico, 1°. quod hic raro febrem habeat conjunctam; 2°. quod perpetuo & vehementer singulant, Quibus enim Jecur parte cava est inflammatum, urgent inappetentia, sitis inexhausta, vomitus

sincera bilis. 3. Quod sub dolore colico alvus sit adstricta, diarrhœa vero solet consequi inflammationem partiscavæ, eaque ut plurimum lethalis. 4. quod clystere carminante dolor colicus ut plurimum demulceatur, qui intenditur inflammata jecoris parte cava. *J. Riolanus præl. sect. 3. Tract. 2.*

§. 8. Cadaver sectum, quoddam hepar usque adeo magnum habebat, ut infra umbilicum descenderet, totam anteriorem hypogastrii partem occupans. Dolebat æger anteriore ventris parte. *Vide lib. 2. tit. de Dyspnoea.*

## O B S E R V A T I O XXXVI.

*Ventris dolor à Pororum choledochorum siccitate. 1. A meatus cystici coalitu, ac bilis in cysti cohibitione. 2. Ob cystin lapillis refertam & hepatis vitium. 3. Ob calculum cysti impactum, in scemina quæ serpentem ventre gestare credebat. 4.*

§. 1. **P**orum choledochorum siccitas, qua instar chordæ corrugantur solidæ, bilis evacuationem in intestina impedit, inde sæpe colici dolores. Exemplum habet Argenterius lib. 4. aph. 62. *Vide tit. de Ictero.*

§. 2. Aprilis 18. 1669. dissecui puerum 8. mensium, qui primò partus tempore ejulatu horrendo, semper, dies noctesque durante, valde molestus omnibus, imprimis parentibus, fuerat: Adfuere sæpius Epileptici motus leviores. Tussis aderat continua, gravis, Excretiones alvi frequentes, erant materiæ spumosæ, nigricantes, vomitus assumptorum continuus.

Venter apertus, bilis liquidioris quantitatem magnam adeo exhibebat, ut etiam repleti ea dicere licuerit: vesica fellea excedentis erat magnitudinis, & hinc ex distensione ea præternaturali porosa admodum, adeo quidem ut etiam transsudationem bilis, per poros tunicarum in cavum ventris, manifesto observare possemus, cui & cumulatio bilis in cavo eodem, & color ille flavus, quo non tantum membranz vasæque vesicæ huic adsitæ, sed etiam intestina ipsa supra modum imbuta conspiciebantur, originem debent. *In ductu bilario cystico coalitio satis evidens occurrebat, propter quam & bilis descendere, & stylus per foramen, in duodeno notabile, intromissus ascendere prohibebatur. G. Blasius observat. Med. p. 2. observ. 4.*

## S C H O L I A.

**D**oloris vehementia ventriculo potuit adscribi, lesacit, ut interdum exutat, dum ibi bilis accenditur. *Riolanus Ench. Anat. l. 2. c. 25.*

§. 3. Socrus D. Passart frequenter colico dolore tenebatur, eoque valde crudeli: Ad hepar illum referebant; ea massa perpetuo videbatur, tandem incidit in febrem continuam: dolor totam partem dextram occupabat: A jecore id omnino esse autumabant: Nulla re juvari potuit, nono icterus extenuatus.

Aperto cadavere cystis fellis lapillis plena est reperta, Hepar albicans. *Ballonius Paradig. 197. Epidem. lib. 2. p. 253.*

§. 4. Mulier quædam ætatis 61. ann. vxor sutoris cujusdam Uracensis, & multis annis de atrocissimis, quos per intervalla sentiebat in abdomine, doloribus conquesta, cum quodam die maritum comitem habens, negotiorum causa proximum pagum peteret, inter eundem iisdem correpta doloribus, alvi exonerandæ gratia ad arborem multis virgultis circumseptam, non procul ripa fluvii stantem, consistere coacta fuit, Interea maritum viam prosequentem, subito magno clamore vocat, seque viperam per alvum rejecisse constanter affirmat, qui accurrens, facto strepitu inter virgulta, viperamque (quæ protuldu-bio ibidem loci delituerat, prout exitus historiarum docebit) in fluvium sese immergentem videns, mulieri postmodum majorem fidem habuit, præsertim cum jurato omnibus rem ita se habere affirmaret. Cum autem ventris tormina etiam post exclusam, uti opinabatur, viperam non remitterent, sed per intervalla iisdem ut antea passionibus recurrerent, aliam adhuc vivam viperæ prolem in ventre domicilium habere firmiter sibi persuasum habebat; hancque sarciminis instar sæpe per intestinorum contubernium circumgyrari aiebat, quam licet interdum manibus apprehenderet, statim tamen rursus iisdem se sub-



duceret, & evanesceret, nec ullis rationibus, ut contrarium statueret, flecti potuit: Affectus iste cum miseram (quod aliquoties vidi & observavi) invaderet, ambabus manibus ventrem comprimendo, pedibusque tremendo tanto clamore & ejulatu ædes replebat, ut etiam extra easdem in vicinia longe exaudiri potuerit: firmiter credendo dolorem hunc immanissimum, & lancinationem intestinorum à vipera veneno emissio excitari, fidemque adstantibus hoc ipso conciliabat majorem, dum diceret se sæpius vexari his tormentis cum esset jejuna, quamprimum autem lac tepidum hauriret, vel jusculum sorbillaret, aut panis frustulum comederet, venenatam in ipsius ventre hospitantem bestiam placari, doloremque exinde mitigari, præsertim cum sedato illo munia domestica rursus obire posset. Multi super hac re variis opinionibus distracti; quidam Uteri symptomata, alii Lienis affectum; nonnulli Colicam biliosam accusare solebant; Reliqui nescio quid morborum apparatus in abdomine delitescere arbitrati, singuli suo, tam Medici (à quibus passim consilia & auxilia emendicata & efflagitata fuere) quam Empirici, ut & alii in consilium adhibiti, viventes iudicio, non exclusis, ut sæpe fieri solet, ex hoc medicantium consortio aniculis, quæ malum Dæmoni & sagis adscribebant, Aliæ certo viperam adesse, quam sibilare & cantillare audirent, hariolabantur. Durante vero per xxx. annorum curriculum hoc atrocissimo affectu, multa, (quamvis etiam interdum inepta) à multis pro exturbando hoc peregrino, uti opinio ferebat, hospite, adhibita fuere remedia: sed tot assumptorum, quibus ferme enecta, pertæsa (cum etiam omni argentario destitueretur præsidio ægrota) rem totam Deo & naturæ commisit, nil quicquam medicaminis porro assumendo: Tandem sub finem vitæ *Hydrops* correpta fuit, unde dolorem pristinum jam in totum sopitum esse, nec quicquam viperæ motu se amplius persentire aiebat. Cum autem affectum *Hydropicum* naturalem, & interdum etiam curabilem ex foemina quadam (& me à Chirurgo per paracentesin in umbilico factam, eductisque duodecim circiter in hujus abdomine restagnantis laticis mensuris feliciter curata adhuc hospite) intelligeret, me rursus in consilium vocavit, ventrisque apertionem urgit: Renui propter virium imbecillitatem, & quod umbilicus ipsius non, uti præfatæ mulieris, aqua plenus tumeret; Itaque medicamentis hydrogogis, & vesicatoriis pedibus applicandis, nec non aliis rem moliendam & expediendam esse prædixi: Ultero citroque habito sic sermone, opinionemque confirmante Chirurgo, rem omnem meo arbitrio commisit: Hinc curationem medicamentis, affectum hunc proprie respicientibus, aggressus, ventrem successive omni aqua exoneravi, detumescens etiam, vesicatoriorum ope, pedibus; sed brevi ægrotae gaudio, quæ jam perfecte se curatam putabat & prædicebat: Recrudescens enim malo, abdominéque aquarum copia aucto, tandem exantlatis tot annis, incredibilibus dictu doloribus mortalitatem exuere coacta.

Facto sic dolorum vehementium & calamitatum ingentium fine, amicis & cognatis de certitudine hujus affectus solliciti, ut cadaver aperirem obnixè rogarunt, quod etiam pie defuncta, adhuc in vivis, me monendo ne intermitterem urgit: quorum precibus ne deesse viderer, cum & ipse summo desiderio causam tam diuturni & chronici affectus rescire tenerer, rem statim ministrantibus duobus Chirurgis expediui: Et cum venter aqua plenus tumesceret, eandem per canalem ad sex mensurarum complementum eduximus.

Postmodum aperto decenter cadavere, inspectisque visceribus, omnium primo *Pulmones* utrinque costis adherentes, totos purulentos & plenos tuberculis nigris & caruleis invenimus. *Hepar grande* & multis in locis durum apparebat. Vesicula fellis autem (hic latebat anguis in herba) hoc quem depictum vide *calculo*, infarcta erat, in cujus superiore ductu versus *Hepar*, supra dictum *calculus*, reliqui minores, tanquam proles matris alvo exclusa quiescebant. Etenim grandior *calculus* tam arcte & tenaciter vesiculæ bilis adhaerebat, ut vix digitorum meorum ope separari & detrahi potuerit. Perlustrato deinceps *Mesenterio*, hoc plane ab acrimonia bilis erosum, & ejusmodi *calculosa materia* (causa proculdubio *hydropsis*) refertum vidimus. Reliquis visceribus naturalis erat constitutio, neque in intestinorum contubernio vipera inventa, quamvis maxima pars adstantium hanc ibidem contentam crederet.

## S C H O L I A.

**I**taque *calculo* hoc à cystide felica à me exempto, ad oculum demonstrare adstantibus & amicis causam dolorum & mortis, non viperæ, sed primario huic, scilicet *calculo*, adscribendum ac imputandum esse:

neque ullam aliam me agnoscere posse nec velle: hoc pernotus fundamento, quia fellis vesicula obstructa a novo isto possessore, bilem nec recipere nec emitte-  
tere potuit: hinc natura aliam querendo viam hanc  
in



in mēfenterii substantiam deposuit, unde ingentes illos dolores & cruciatus subortos esse nullus dubito. Id quod etiam apparebat in muliere ista adhuc vivente (postquam dolores aliquando duraverunt) si per vomitum sese expurgaret, brevi sublevata est, dolore omni penitus remittente, donec nova bilis

generatio, eadem inferens symptomata, eundem quæreretur exitum. Similes ferme duas historias ex eadem causa, præter immanissimos Dolores cancrorū etiam partibus dispositionem, vide in *Sculteri Armani. Observ. 48. Joh. Frider. Hildenreichii in Misc. cur. ann. 6. 7. p. 322.*

## OBSERVATIO XXXVII.

*Anatome virginis diuturno Ventris Doloꝛe vexata, cujus intestina & mēfenterium corrupta reperta sunt, Lien ad imum usque hypogastrium devolutus.*

**V**irgo Nobilis jam multis nubilis annis, quippe quadragenaria, à prima pubertate pathematis melancholicis tentata fuit, eo per nativum temperamentum prona, fuscus enim illi vultus color, *μαλαστέξ*, &c. causam deducebant parentes à vespetilionis morfu, qui per patentes fenestras noctu irrepserat: Deinceps nunquam mentis compos fuit, siue conceptum morsus phantasma animam conturbarit, siue revera à vespetilione impetita fuerit, sed ædibus conclusa remansit: Duobus autem ante obitum annis, (qui contigit anno 1672. mense Junio desinente) Vidui cujusdam Nobilis amore per ulsa, demum in publicum prodiit, quanquam crebris ventris doloribus torqueretur, præ quorum vehementia, cum interno ardoris sensu, prona & incurva incedebat; Ab exhibito sibi veneno ortos esse pertinaciter asserbat, quæ de causa crebro & affatim à Parentibus exhibita theriaca & antidotus Orvierana: Mephitis illa perpetuo non ore solum sed & toto corpore exhalabat, purulenta extus fiebat, de perpetuo cordis dolore & hypochondriorum, præsertim sinistri gravitate querula, quæ mentis errori adscripta sunt, quamobrem de congruis auxiliis cogitatio non incidit: interim mero indulgebat, & plurimos cibosingerebar, hinc post pastus deliriorum intensio, ad verbera usque procedentium, domesticos enim pugnis impetebat, calcibus, &c. Tandem post cœnam solitam fortior ingruit cardialgia, vertigo, virium prostratio, & paucis post horis mors, tota autem die domum pervagata erat. Anxii Parentes præ subito & improvise interitu, cadaver aperiri jubent, quod circa horam noctis 11. à peritis Chirurgis Sabourin & Lamon, me presente præstitum.

Dissecto abdomine, Omenti nulla apparere vestigia, peritonæum ad superiora retractum erat putridum lacerum, Mesenterium similiter affectum, Intestina omnia à Pyloro ad Rectum, tabo & putrilagine inquinata, sphacelata: crassissimum pus illi Ileci intestini parci quæ umbilico subjacet, adhærebat. Lien nigricans illico se obrulit, latus & explicatus infra umbilicum, laxatis ejus vinculis, ad medium hypogastrium devolutus. Renes sani, sed pinguedine destituti, Testes omnino corrupti, dexter præsertim, sinistro minor. Jecur erat nigricans, in extremis lobis putridum, discissum mediocre vitium ostendens: Aqua multa abdomine conclusa, etsi non multum tumeret, bimestri autem ante obitum tumor tibiarum imarum animadversus. Cuti abdominis & pectoris pinguedo alba ad pollicis crassitiem inhærebat, quanquam depressus thorax mammillarum vestigia nulla exhiberet: Pulmones nigricantes pure intus & extra scatebant. Cor & pericardium salva. Cerebrum, quod mirum, integerrimum, quanquam mentis inveterata vitia ejus domicilium male constitutum persuaderent. Accuratius anatomen persequi immensus fœtor prohibuit.

## OBSERVATIO XXXVIII.

*Ventris dolor vitio hepatis, cystis fellæ excitatus, cum abscessu mēfenterii. 1. Ob Jecur inflammatum, Bilem in intestinis, Atram in ventriculo & liene, Pancreas vitiatum 2. A Liene miræ formæ & molis, in quo atra bilis, Lapidibus in Pancreatis canali, Vitio mēfenterii, cystis fellæ, hepatis. 3. A Liene intestina premente. 4. Ob Renes per peritonæum utero connexos. 5.*

§. 1. **R**usticus à suppressa intempestive dysenteria, ventris doloribus per septem hebdomadas vexatus fuit: Hepar siccum & pallidum erat; aderat abscessus cystidis fellis pugni magnitudinem æquans: alius in mēfenterio. *Vide tit. de Dysenteria.*

§. 2. Juvenis si decumbere conaretur, acerbos per sentiebat Dolores tum in Ventre tum in Lumbis, &c. Jecur habuit inflammatum, Bilem vitellinam in intestinis, Atram bilem in ventriculo, Omenti & Lienis venis; Pancreas turgidum pure & pituita. *Vide tit. de Febribus.*

KKkk 1

§. 3. Nob.

§. 3. Nob. N. asciticus (*Videtur de ventris tumore*) ventris crebra tormina passus est. Nullæ omenti reliquæ: Lien insolitæ figuræ & molis, intus atra bile infarctus: In extremitate ductus Pancreatis quatuor calculi. Hepatis membrana corrola: Mesenterium ex parte lacrum; Cystis fellea atro sanguine turgens, &c.

§. 4. Quidam Hepar dolere visus est, cui accessit insignis intestinorum dolor: Lien intumuerat copia potulentorum distentus & intestina premebat. *Vide ist. de Deglutitione lesa.*

§. 5. Matronæ (*de quæ sit de Gravidatione falsa*) dolores erant totius ventris continui, imprimis, vero lateris dextri, atque è regione renis sinistri, vehementes. Uterus in magnitudinem ingentem extensus, peritonæo à linea alba usque ad costas spurias & renem dextrum tenaciter adhærebat, hinc dolor dextri lateris, Ren sinister putris.

## OBSERVATIO XXXIX.

*Ventris & lumborum dolor ob coalitum orificiū cervicis uteri, sanguinis menstrui effluxum cohibentem.*

**N**Ob. mulier in primo anni matrimonio gravida facta, cum instaret partus tempus, & conatus pariendi sentiret, mox illis denuo cessantibus, post dies xiv. primum, cum magno labore & difficultate, infantem maturum grandem masculum, sed mortuum enixa est, & postea maximos cruciatus circa orificium cervicis uteri persentit, nec post puerperium mariti congressum ferre amplius potuit, sed statim, si quid ille tentare veller, sanguinem profundeabat, nec menstrua amplius postea habuit, atque ab eo tempore diversis accidentibus divexata fuit totum biennium, licet nihilominus circumiret, cibum caperet & bene colorata esset. Tandem vero doloribus evicta, corporeque admodum extenuata, medicorum operam undique perquirebat. Symptomata hæc erant, ut ad vespèram, circa horam tertiam à meridie, alias paulo serius, dolores intolerabiles ventris & lumborum sentiebat, venter rugitum edebat: Uterus durus & tumens tunc ex contactu deprehendebatur: Ipsa corpus mirum in modum torquendo, & hinc inde jaciendo, spinam yentre sursum elevato curvando, & clamoribus, convulsionibus laborare visa est, quæ ad medium noctis usque perseverabant: tandem obdormiens, manèque rursus excitata, cibum capiens, nihil mali ad consuetum paroxysmi horam usque sentiebat: Multis remediis frustra tentatis accersitus Medicus, cathetere immisso in vesicam an calculo laboraret voluit explorare, sed cum nihil inveniret, eam reliquit; Tandem ad me Basileam advecta est, & cum illa unicè continuo peteret se secari, non patere aditum ad uterum: idque ego, quia pessaria obstetrix intrudere non potuerat, suspicarer carnositatem aliquam forte illic natam, cervicis uteri orificium inspiciens, observavi illic penitus coavisse, cum omnibus locis pertentatis nullibi stylum intrudere potuerim: Causam itaque manifestam deprehendens totius mali, eam mox exposui: nec mirum esse retento sanguine & semine, tam sæva accidentia supervenisse, nec sanationis spem esse, nisi uteri hoc orificium, quod integrum erat, rursum aperiretur, docui. Et cum adhibito Lithotomo & Chirurgo, de sectione esset quæstio, illa eam nolebat admittere: Quamobrem cauterio indolente meo escharam induxi, qua sublata ductus aliquousque patebat, nondum tamen in cervicem uteri pertingebat. Itaque adhibita turunda ex radice Gentianæ viam dilatare tentabamus, Verum dum hæc aguntur, illa cruciatibus consuetis continuo divexata, accedente febre gravi, exspiravit.

Et cum aperirem totum abdomen, aqua cruenta nigra foetidissima repletum, sanguinis corrupti instar inveni, qui & intestinis adhærens, ac si cocto sanguine certis locis ea obducta essent, apparebant: Cervix uteri spissima ac veluti cartilaginosa, quæ transversus digiti crassitie coaluerat. Uterus alioquin integer, sed maximus, totusque, uti & cervix, sanguine putrido & foetido refertus. *Platerus lib. 1. observ. p. 260.*

## OBSERVATIO XL.

*Ventris dolor ab Apostemate Pancreas occupante.*

**A**Bscessus latitant nonnunquam in inuis corporis partibus, ob partis crassitiem incomparti, vel ob puris crassitiem. Vidi plurimos à fato sectos, qui perennibus querelis misere vixerant, quibus ingens apostema, saxeæ fere duritie, Pancreas occupaverat. *Heurnius comment. in aphor. 41. sect. 6.*

OBSERV.

## OBSERVATIO XLI.

*Ventris dolor à Pancreate ulcerato productus.*

**I**N Nobili foemina, quæ annos retro plures convulsionibus, epilepsia, & passione hysterica, laborabat, & tandem post colores & cruciatus exquisitos vitam cum morte commutavit. Emortuæ aperto corpore, solum Pancreas male affectum & exulceratum inveniebatur. *Highmori Disquisit. Anatom. lib. 1. parte 2.*

## S C H O L I A.

**A** Postema Pancreas occupaverat ] A succo Pancreatico valde acido & acri intestinorum doloris speciei cujusdam causam deducit Clar. *Fran. Sylvius* in Praxi, Qui quia de ejusmodi doloribus, juxta varias causas & eadem affectam, accuratissime agit, caput integrum huc asserere visum est utile: Distinguuntur *vis*, hi dolores omnes 1. ratione Intestinorum affectorum, dum alias Tenuia, alias urgentur Crassa: 2. ratione Modi, alii enim cum Ardoris, alii cum Frigoris sensu, Alii in eodem loco Fixi sunt, partem affectam quasi Perterebrantes. Alii Vagi & cum Lancinationibus per intervalla ut plurimum repetentibus, Pungentes, sive Eandem tunc partem identidem afficiant, sive Diversas petant: Alii Distendentes sunt & Sola Intestina vel Abdomen simul Expandentes: Alii Rodentes sunt aut Urentes: Alii cum Lacerationis, vel Contorsionis, vel Contusionis, vel Gravitaris, vel Pullationis, vel alio quovis molesto sensu ægros angunt. Quoties intestini tenuis pars superior ac ventriculo proxima, dextræ lumborum regioni superstrata, Mesenterioque substrata dolorem patitur, toties à loco affecto Lumbaris nominatur: In eodem autem loco fere omnes dolorum species pati solent ægri, nunc ardentem nunc algentem, &c. Intestini tenuis pars huic proxime, & in hypochondrio sinistro à lumbis mesenterioque liberius exurgens & assurgens, Lancinationibus frequenter ac distensionibus, cum notabili ac permanente quandoque Duritie affligitur, quamvis tunc Lienj, fere, licet perpetram adscribarur, contra quotidianam & manifestam ex variorum cadaverum sectione petitam experientiam: Qui reliquam intestini Tenuis partem occupat dolor, Iliacus ab intestino Ileo dici solet, observaturque itidem varius. In Crassi Intestini parte postrema (Recti) excitatur satis frequenter dolor, ob hæmorrhoides cæcas & inflammatas, Ardens, Pulsans, quandoque Lancinans; aut Rodens in Tenesmo. In reliqua parte, Colicus dicitur, Distinguuntur ab invicem Colicus & Iliacus imprimis secundum intestini utriusque situm. Hinc in abdominis ambitu ac circumferentia exortus dolor vere colicus dicendus, quamvis nonnulli eum tantum hoc beant nomine, qui partem abdominis superiorem anterioremque cinguli modo angit ac torquet, inscii quam sæpe ad umbilicum usque & quandoque usque ad vesicam insigni anfractu per medium abdomen volvatur Colon: Afficiuntur autem in omni dolore, vel in tunicis internis, secundum cavitatem, vel in externis secundum superficiem, &c. Ut singulis speciebus causas assignemus, existimamus 1. Dolorem ardentem habere ut plurimum ortum à Bile pinguiore cum Succo Pancreatico Acidior, vitiose ac potenter effervescente, sicut notum Spiritum vitrioli, oleo terebinthinæ affusum, effervescenciam excitare cum ingenti calore & ardore conjunctam. Aliquando eundem Ardentem dolorem produci putamus, Sanguine aut in valis intestinorum capillaribus stagnante, aut eisdem post distensionem summam ruptis Effuso &

Inflammationem pariente, accedente tunc manifesta circa partem affectam Pullatione, cujus ratione distinguitur à præcedenti specie. 2. Algentem dolorem, frigoreve gravi molestum, deducimus à succo Pancreatico valde Acido & Acri, cum Bile minus pingui, vel pauca, vel pituitosis humoribus simul obruta Effervescente, Sicut observamus spiritum vitrioli Sali volatili cuiusvis, non tamen Oleoso affusum, effervescenciam excitare cum notabili algore ac frigore copulatam. Spiritus Acidi operationem in frigore producendo multum à pituita promoveri docet Experientia. Aestus quidem à prædicta Effervescencia vitiosa pendens, imprimis ac fere tantum in regione Lumbari sentitur, ubi confluxus est Bilis & Succus Pancreatici: Frigus autem non raro in loco inde remotiore, vel primario urget, quando nempe multa pituita, eaque viscida obducta est pars intestini superior, quæ munix quidem contra molesti frigoris tenium partem quam tegit, non frangit autem aut impedit actionem Succus Pancreatici per se frigus parientis: enervat vero & obtundit oleosiratem & acrimoniam bilis, cui tanquam primariæ causæ Calor debetur, quoties pituita hæc ad exitum bilis occurrit copiosa vel viscida. Prout igitur intestinum tenue magis vel minus copiosa viscidave pituita est obductum, ita in loco prædictorum humorum, bilis succique pancreatici, confluxu, remotiore aut propiore, calor frigusve ex ipsorum Effervescencia vitiosa obortum sentitur. 3. Dolorem quasi partem Perterebrantem ac Fixum adscribo Succo Pancreatico multum acri, viscidæque pituitæ immixto, & vitreæ pituitæ nomine tunc noto. Perterebrationem autem Acrimoniam Acidæ, Fixitatem vero visciditatem comiri assigno. 4. Ubi non tantum Aciditatem acerrimam habet succus Pancreaticus, verum Austeritatem quoque, tunc mirus accedit Contorsionis sensus in parte affecta, qualis non raro in colico urget ac torquet. 5. A copiosa viscidave pituita præ cæteris humoribus peccante, Dolor cum gravitatis sensu excitari solet. 6. Ab eadem pituita viscida in Flatus rarefacta, & intestina sola, vel una cum abdomine distendente, Dolor Distendens oritur. Flatum materialis quidem causa est pituita viscida, Efficiens autem Bilis, tum acrimonia Salina, tum oleositate volatili peccans: quod præter alia probant quævis olea aromatica, ex seminibus præsertim elicita, guttis aliquot assumpta, & pituitam viscidam in ventriculo vel intestinis repperam mox in flatus solventia, eosdemque porro etiam discutientia: 7. A Succo Pancreatico Acidior, in vitiosa sui cum bile effervescencia dominium habente, excitari halitus Acres, atque intestina hinc inde pungentes, in iisdem Dolores producunt Lancinantes & Vagos. 8. A Bile acrimonia Salina peccante, atque cum Succo Pancreatico Humorem salium rodentem constituyente, Dolorem obscure Urentem ac Rodentem gigni autumo: quod vel coryza confirmat, in qua humor acido saltus à cerebro per nares distillans similem dolorem Rodentem causari solet.



lolet. 9. Contundens dolor videtur mihi ortum ducere à Pituita multa cum Succo Acido pauco juncta.  
10. Lacerans, & partem affectam sine dolore Rodens

dolor, debetur succo Acido puriori, nec à Bile multà Pituita temperato vel fracto.

## OBSERVATIO XLII.

*Ventris dolor productus ab humore ex ulcere Renis succenturiati manante, à quo Coli tunica quasi sphacelata evasit.*

**N**obilis xlv. annorum, temperamentum sanguineo bilioso, post diuturnam Colicam, eamque contumacissimam, generosissimamque remedia respicientem, mortuus à me apertus, ubi intestini Coli exteriorem tunicam absumptam & quasi sphacelatam inveni, ex illa parte qua Reni sinistro adiacebat: Ren vero sinister tantus erat ut figuram Lienis destruxerit, qui multis tunicis & membranis involutus erat, quibus resectis Ren verus in debita figura & situ inventus fuit: Ren vero succenturiatus tantus erat, ut totam quasi illam regionem à diaphragmate (quod una cum liene ex illa parte elevaverat altius) usque ad musculum psoas deorsum occupaverit: In hoc Rene succenturiato erat ulcus, ita quidem apertum, ut integro pugno transitus pateret: materia ex hoc ulcere rupto effluxa, erat aqua rubra, ac si bolo Armena tincta fuisset, ad lb. xij quasi, intus vero adhuc hærens erat densa & glutinosa valde, fuliginemque redolebat ad instar carbonum terræ, cum summa nausea & horrore: Hæc massa sine materia, jamdum effluxa, & particula abrupta, ponderabat libras duas & uncias tres. Notandum præterea est quod Nobili huic jam duo filii eodem putatio Colico morbo mortui fuerint. *Ex observationibus I. Georgii Greifselii Medic. Viennensis, in Miscell. Curiosis anno 1670.*

## S C H O L I A.

**R**ene Succenturiato: J Usus eorum hæcenus admodum obsecutus. De his sic sentit *Fridericus Lepnerus* *Introduct. ad Medic. pag. 92.* *Renēs Succenturiati, qui ab aliis dicuntur id officii genus habere ut aram bilem contineant, mihi quidem non alium in finem videntur conditi, quam ut sint diverticula sanguinis, ne nimia ejusdem copia obruantur renes:*

*Hunc usum eosdem obtinere demonstrant, & propinquitas loci, & vasa ex iisdem venis & arteriis emulgentibus, eo tendentia.* Mirum Renis illius succenturiati incrementum, ejusmodi usum comprobare videtur, qui destinatum sinistro reni alimentum redundans abioibere non valuit, quia ren dictus excessive quoque intumuit.

## OBSERVATIO XLIII.

*Ventris dolor & lumborum à monstrosa Vteri magnitudine.*

**M**ulier maxime conquerebatur de Ventris dolore & lumborum. Ingens aderat tumor rotundus, cum copiosa aqua, cavitatem implens: Uterum esse cognovi ex adherentibus illi testiculis, tubis, &c. *Vide tit. de ventris tumore.*

## OBSERVATIO XLIV.

*Ventris dolor diuturnus à Fœtu in Tuba uteri concepto.*

**D**ecem sunt anni jam elapsi quod Chirurgus Parisiis, in mortua muliere dissecta, pusillum fœtum optime conformatum in cornu dextro uteri invenit. Sed recens habemus exemplum de Lotrice linteorum cubiculi Reginæ, ab aliquot annis, in ejus corpore inventus Fœtus, pollicis longitudine & crassitie, bene conformatus, intra uteri cornua locatus, qui dolores adeo crudeles per quatuor menses excitavit, ut tandem vitam cum morte commutarit, mense graviditatis septimo: Id rescivi ab eruditissimis Doctoribus Parisiensibus, qui apertioni cadaveris interfuere, DD. *Petro Seguino*, Scholæ nostræ seniore, primario Reginæ Medico & P. *Tvelin* Medico ordinario Regis & Reginæ. Dum hæc excuderentur, rogatus D. *Tvelin* historiam à se descriptam mihi dedit, & fœtum quem adhuc servat, ostendit. Anno salutis 1638. die 8. mensis Maii. Ista lotrix diliculo violentis convulsionibus tentatur & distorquetur: accersitus D. *Tvelin* accessit, Imperatque venæ sectionem, ne ex illa violenta distensione vas aliquod rumperetur in isto corpore plethorico, Venæ sectio dilata fuit in adventum primarii Medici *Seguini*, inter moras expiravit.

Apertum fuit cadaver jussu D. *Tvelin*: discisso abdomine statim affluxit magna copia sanguinis effusi in capacitatem, per spongiam exhausto sanguine, perquirere partes genitales. In conspectum venit Tuba uteri supra modum tumefacta in sinistro latere, eaque aperta deprehensus fœtus bene conformatus, plusquam bimestris, involucre carneo obvolutus, quod secundinam

secundinam referebat. Istud prodigium Reginæ, totique aula Regiæ demonstravit. *I. Riolanus Anthropol. lib. 2. cap. 35.*

## OBSERVATIO XLV.

*Ventris dolor à sanguinis effusione in peritonæi spatium. 1. Ab effuso sanguine in abdomen post glaciei esum. 2. Post vulnus hypochondrii dextri. 3. A musculis abdominis sanguine suffusus. 4. A pure totum abdomen implente. 5. Ab effusione humorum ex intestino perforato & putrido. 6. Ab urina per abdomen effusa ex rupta vesica. 7.*

§. 1. **V**XOR N. postquam in sumptuoso epulo genio prius, deinde, remotis mensis, tripudio indulisset, oborto mox animi deliquio abunde vomuit, doloresque intra abdomen acerbissimi sunt subsequuti, ut paulo post expiraret.

Dissecto cadaveris ventre, peritonæi cavitas cruoris plena disruptam venam esse testabatur. *Henr. Smetius miscellan. lib. 10. pag. 525.*

§. 2. Vocatus olim fui ad matronam, cujus vultum cadaveris pallore fœdatum animadverti: hæc extremo languore affecta narravit mihi mane insignem diarrhoeam excitatam esse, in reditu autem è latrinis Dolorem in Ventre se percepisse non secus ac si quid interius disruptum fuisset, succedente ingenti æstu: ob insequutam debilitatem lecto se tradidisse, iterumque ad excretionem sollicitatam fuisse, at præ impotentia fæces ne effluerent continere non potuisse. Ab ancilla autem rescivi Dominam cœna præcedente, glaciei frustum, duorum pugnorum mole vorasse: Manu carpo admota, (etsi artis pulsum exploratricis parum perita sim) mortem præ foribus esse judicavi, pulsus enim aliquando se subducebat, aliquando, sed exilis resurgebat, non secus ac candela lumen ultimum vibrans: Dum Medicus, Chirurgus & Sacerdos accersuntur, vinum præbeo. Idea mali erat ignota. A duobus Medicis non infimæ notæ, quicquid è re erat præscribitur, sed syncope succedente revocare eam non licuit. Sanguinis missio quidem tentata, sed ex pertusa vena, non secus ac si ictus fuisset pannus laneus, ne guttula prodiit, quanquam bis feriisset Chirurgus. Mors circa meridiem contigit, à diarrhoea horis sex, à vorata glacie duodecim, sexta matutina.

Dominus *Marchand* cadaver aperuit, ac totum sanguinem in abdomen confluisse animadvertit, inter epiploon & intestina, quò remoto vas unde exierat inquiri, Id autem fuit crassiuscula vena, ligulæ aculeo similis, quatuor digitis infra majorem lobum hepatis, ad quatuor digitorum transversorum digitorum longitudinem abrupta & lacera, quod glaciei frigus præstitit, extensione vasis fracta. Nullus in toto cruor conspicuus, confluxerat enim omnino in abdomen, Molam præterea utero gestabat, seu membranam sanguine destitutam. *Lodoica Berghesia, seu Obstetricæ Gallicæ. Observ. Tomo V. cap. 48.*

§. 3. Quidam in hypochondrio dextro gladio lato vulneratur, hinc Dolores Ventris vehementes: Vulnus in ventriculi fundo maximum erat, E cujus vasis penitus discissis ingens sanguinis copia effluxit, cujus pars in spatio abdominis collecta dolores vehementes concitavit. *lib. 4. tit. de vulneribus.*

§. 4. Generosus N. vulneratus in nate sinistra, in Abdomine temporibus incertis miram quandam & quam exprimere nequit, molestiam persensit, quæ nec proprium ferebat contractum. In musculis observabantur ecchymomata, tot & tanta ut majores muscoli plerique putridi fuerint, maxime oblique ascendentes & transversi. Vasa mesenterica crassa biliosa materia turgebant, &c. *Vide lib. 4. tit. de vulneribus.*

§. 5. Susanna x. annos nata, à septennio ventris & hypochondriorum doloribus affluis est vexata: Tandem acuta superveniente febre, Ventris diris torminibus correpta, 5. die obiit.

Dissecto cadavere inventa est tota ventris cavitas foetidissimo & seroso pure referta; Omentum totum erat corruptum & pene absumptum hinc acerbissimi cruciatus. *Zacutus Med. Pr. lib. 2. observ. 18. ex D. Lud. Nonio Medico Antverpiensi. p. 377.*

§. 6. Die 15. Junii 1636. Petrus Blanc diuturno alvi fluxu laboraverat, unde valde debilis & macilentus evaserat, tandem 15. Julii murmur ingens percepit in abdomine, ex quo vomitus consecutus est, ac deinde tensio dolorifica cum febre eum valde afflixit: nihil per vomitum aut secessum omnino rejiciebat, & clysteres puros sine ullo excremento reddebat: Jussu imperiti Chirurgi sumpsit purgans, ex quo nihil dejecit, sed tensio & Dolor inde maxima sumpserunt incrementa. Vocatus ego 5. die morbi, invenio hominem valde debilem, facie Hippocratica, & extremorum frigiditate, mortem imminentem indicantibus, Valde anxius fui in hujus morbi diagnosi, & nihil aliud potui excogitare quam in-

gentem inflammationem, quæ tumore insigni intestina comprimeret & excrementorum transitum impediret.

Aperto cadavere, inventa sunt intestina crassa livida & semicorrupta, unumque ex his perforatum: in abdomine verò multi humores fœtidissimi: Ex quibus apparuit humores excrementitios, qui ad intestina confluere jamdiu solebant, & alvi fluxum efficere, tandem diutius moratos, ob facultatem expultricem debilitatam, intestina corrupisse, ac tandem pondere suo eam partem, in qua humores dicti morabantur, magis putrefactam aperuisse & impetu in abdomen irrupisse: hinc alimenta & clysterum partem per illud foramen ad cavum abdominis fuisse translata. *Læ. Riverius cent. 1j. observ. xvij.*

## OBSERVATIO XLV.

*Ventris Dolor ab urina per abdomen effusa, ob ruptam à calculis vesicam.*

**J**uvenis quidam miserandum in modum excarnificatus à duobus calculis, in vesica urinaria clanculum latitantibus: quippe ita absorpserat illos frequens vesicæ mucus, ut nequidem digitis eas explorare, nedum ferro convenienter excindere lithotomi: unde factum ut continuo suo attritu, non modo abraferint, verum integre consumpserint membraneas vesicæ tunicas, illæso solummodo, vel potius aliquatenus superstite musculo ipsius collo, quod cum non foret continendo lotio, diffudit se illud necessario per vicina intestina: excitans illic ut dolorem acrem, sic continuam meiendi difficultatem, & exitialem nervorum contractionem, sive ob exquisitum intestinorum sensum sive insignem retentæ urinæ acrimoniam, quæ certè tam acerbe pupugit laceratæ vesicæ oras, & accensas vicinarum partium tunicas, uti quoque lumborum nervos, ut præ insuperabili doloris cruciatu contraxerit non tantum extremam maciem, sed oppetierit quoque miserissimam mortem: Quæ tamen priusquam defungeretur, coactus fuit integrum annum sedendo transigere, & non heri atque hodie, sed continenter caput ita sublimè habere, ut nunquam id licuerit ipsi in pulvinar inclinare, quin dictum ac factum distraherentur vel omnes, vel certe illi nervi, qui aut caput versus scapulas trahunt, aut rectam & immobilem reddunt cervicem: quam priorem speciem ut *ὀρθότονος*, sic insequentem *πίπτονος* sive Rigorem vocant Medici: Quorum sane seivissimorum tormentorum crudelitatem tam impense perhorruit, ut fugerit cane peius & angue quælecunque decumbendi genus, malueritque perpetim configere cum ineluctabili dormiendi necessitate, quam tam acrem perpeti dolorem, & tantis molestiis redimere tam irrequietam fatiscientium membrorum quietem, quorum tamen securitati tandem consuluit mors: In cuius lucta contigit quidem succumbere, sed non decumbere, quod tamen fuit bis conatus, sed bis utique repulsus, cum ob indefatigabilem dolorem, tum ob atroces nervorum contractiones quæ certe intervenire tam frequenter, ut necesse habuerit parere inevitabili necessitati, & invisam vitam finire, si non sedendo saltem cedendo.

Inspectis post obitum cadaveris extris, vidimus duos insignes in vesica calculos, sed musco ac puri penitus immerfos, quam ut ipsorum durities potuerit à lithotomi digitis attingi, in quo tamen maximum illius artis momentum: Ipsa vero vesica adeo à calculis fuit attrita, & à pure tam fœde consumpta, ut urina destituta proprio receptaculo fluctuaverit libere per universa intestina: quorum sinitiosi anfractus acrius ubi vellicarentur: communicabant illico malum suum nervis à spinali medulla oriundis, & illi vicissim ipsi cerebro: cujus præternaturalis contractio incurvavit non semel tam vehementer hujus dorsi spinam, ut universum corpus videretur instar alicujus globi retrorsum conglomerari: deprimentibus interim duobus hisce calculis usque eo rectum intestinum, ut coarctatatum produxerit plurima membranosa filamenta, intertextentia tam arctè interiorem ipsius fistulam, ut nihil excretorum potuerit amplius transmittere: plane eadem ratione qua similia filamenta vidimus obstruxisse gulam à carcinomate obsessam. *Tulpius lib. 3. cap. 2.*

## OBSERVATIO XLVI.

*Ventris dolor post vehementem abdominis in terram al'isionem, inde sequuta Ileæ & Coli perforatio, & Mesenterii fissura.*

**C**um anno 1659. Sereniss. Principes Altenburgenses in Sylvis Hilperhusiis venatione Cervorum delectarentur, accidit ut Servum venatorium Cervus de improvviso impeteret, qui eum à tergo cornibus petens primo arbori (ad quam se receperat) impetuosè ac abdomine tenus illis, mox cornibus sublatum per aliquod spatium deportavit, donec



donec tandem miserum sibi que gravitate molestum onus super terga in terram projiceret: Lustrato undique corpore nullius noxę investigare licuit indicium, nisi quod sinistra narium cornu cervini apice ad mediocris pollicis profunditatem adaucta, vulnerata esset; unde conjectura facta est periculum enormius haud latere, modo ex terrore deficiens animus recrearetur & ad se rediret, quo sine vini haustus exhibitus, vulnus vero quoad licuit apre deligatum est: Interea quamprimum Coburgum deferretur, ubi omnia quibus videbatur opus esse administrata: imprimis vero post deligatum denuo vulnus Emplastrum supra totum abdomen, quod insigniter, & maxime circa umbilici confinia dolere continuis ejulationibus pronuntiabat, applicatum est, adhibitis simul internè quę resolvendo sanguini essent idonea & cor reficerent, nam adhuc iterum iterumque animo linquebatur, sudoribus faciem largiter irrorantibus, & siti ardentissima præcordia angente: Hęc rerum facies, utut gravius quidem malum latere facile minabatur, tam brevem tamen vitę moram restare vix quisquam adstantium sibi persuadere poterat, qui magis notam ægroto pusillanimitatem exprobrare quam ipsius misericordia teneri videbantur: Verum paucis abhinc horis, dum media nocte deliquia increbescerent, vita hominem reliquit.

Cadaver dissectioni destinatum est, ad quam se accingentes extrinsecus singulas corporis partes bene iterum perlustrarunt, nullius tamen læsionis indicium exitit, sed præter supra memoratum vulnus, dorsum solummodo, qua os sacrum vergit ad serotum usque & aliquam pubis partem, extravasatus & intra cutem coagulatus sanguis diverso solitòque liquore tinxerat: Jam abdomine tegumentis exuto peritonæum removendum erat, quod ubi prima incisione perforaretur, statim inde aqua cruenta, velut è syringa propulsa, profiliit altissime, cujus deinde tanta quantitas deprehensa est, ut totam cavitatem abdominis undiquaque inundaverit: hæc spongiis exhausta, intestina accuratius inspicere licuit, in quorum Ileo & Colo, quinque foramina rotunda grossum argenteum Missicum capientia; necnon in mesenterio, proxime ad intestinum rectum, fissura inventa est; alibi vero in eodem aliquot maculę lividę & semicorruptę, pariter grosso non minores, conspectę sunt: Reliqua viscera omnia facta recta: Quod vero intestina, præcipue Colon, quod tamen adeo crassum est, rumpi tam facile potuerint, non adeo mirum videri debet, modo cognitum reddatur quod homo dictus, tota nocte quę fatum præcesserat, & sequenti die dum ferę in stationem cogerentur, sub ardentioris Solis radiis versaretur, nimis multam quantitatem cerevisię ingurgitaverat, adeoque intestina summè repleverat & distenderat. *Ex observat. D. Henrici Vollgnad med. Vratislaviensis.*

## OBSERVATIO XLVII.

*Ventris rugitus & murmur ab humoribus & flatibus in duplicatura Omenti vagantibus.*

**R**ecipit vitiosos humores Omentum, & cavitas illa in sinistro hypochondrio sub diaphragmate, ex ventriculi, omenti, coli & viscerum connexu orta & exitum non habens, sed ita conclusa, ut aquam quoque & flatum continere possit, ab *Aquapendente* in structura Omenti descripta, nec *Hipp.* ignota, qui 7. aph. 54. Si inter ventriculum & septum transversum pituita concluditur, & dolorem affert, in alterutrum ventrem viam non habens, iis pervenas in vesicam versa pituita morbi fit solutio: Cavitate illa natura interdum simul utitur ad recipiendos superfluos humores, pituitosos, crassos, limosos, serosos & aquosos, melancholicos, atros flatúsque etiam, Et quidem ex tribus membris in illam cavitatem excrementa ista transmittuntur, Ex liene, hepate, ventriculo, *Ac sæpe in Anatomia observatum Marsupium & hanc omenti cavitatem, nunc aquoso nunc atro humore refertam fuisse.* Flatus etiam in ea contineri extra dubium est, ob quos, cum abdomen comprimitur, aut venter attollitur vel deprimitur, sonus manifestus percipitur, Novique studiosum qui quoties manu sinistram hypochondrium comprimit, manifestus sonus etiam ab adstantibus percipitur. *Sennertus Pract. lib. 3. p. 5. sect. 2. cap. 2.*

## S C H O L I A.

**S***æpe in Anatomia observatum &c.]* Ad lobum parvum Hepatis atroxum est Omentum, imo lobus iste totus duplicato includitur Omento, arque circa eum locum ab Omento magna cavitas verius interiorẽ Hepatis sedem efformatur, quę refert utrem, ubi possunt humores magna copia coaccuari; Fortan ibi sacculus constituendus, ab Anato-

miciis juxta Hepar deprehensus in multis morbo pereuntibus, & post obitum dissectis: In ista regione cava & concamerata ipsius Hepatis, exempto vel diltracto Epiploo, supra parvum lobum intra Hepar, magna deprehenditur *cavitas*, profunda instar cavernę, quę fere pertingit ad apicem jecoris, In hanc cavitatem intrusã manu canales quamplures, hac



hac & illac dispersos juvenies, qui digitum possunt admittere: Haud dubie in hac cavitate magnus humorum acervus colligi potest; Inde contumaces obstructions procreantur, si canalibus istis impactus & incuneatus fuerit humor: vel interdum Abcessus, si ad suppuratum perveniat: Ideoque veteres Medici, cum de cavis Jecoris partibus loquuntur, proculdubio istas cavitates intellexere: *Riolanus Anthropol. lib. 2. cap. 21.*

*Sonus manifestus percipitur*] Homines quamplurimi abdomen vicissim attollendo & comprimendo motum, imo strepitum effatu dignum excitant, qui non aliunde procedit quam ex flatibus intra duplicaturas Omenti conclusis, qui exufflatione elisi obstrepunt, & circum claustra fremunt: sic in equis succussis, & ilia ducentibus, aut saltu progredientibus, ventrem resonare obaudimus, ob flatum intra abdomen conclusos & obstrepentes: Nec aliunde causa *ἰσχυρῶς* repetenda, quam ex flatibus intra Omentum inclusis, artificioso ventris motu collitis: Videmus quibusdam virginibus, & mulieribus quibusdam splenicis, & jejunis & saturis,

ventrem inopportune resonare & obstrepere: inde manant fluctuationes & rugitus ventris, compressis & sublati hypochondriis, *ἰσχυρῶς*. 5. Epid. partic. 58. mentionem facit Polemarchi uxoris anginosæ, cui circa cor videbatur ipsi aliquid colligi, & respirabat velut ii qui submersi fuerunt respirant, & ex pectore substrepebat, velut *ἰσχυρῶς*. Sunt qui clauso ore loquuntur ex ventre, ac si loquerentur ex ore; ut *ἰσχυρῶς* dicuntur qui è pectore loquuntur: Quod accidit ratione cavitatis insignis, quæ major est in amplo pectore, intra duplicaturam mediastini: In eo spatio Epiptoi vidi interdum flatum tanta copia irrepsisse in laborioso partu, ex vehementi & longa contentione enitendi & emittendi flatum ( læpius cohibito spiritu ) ut abdomen per aliquot dies a partu remaneret mirabili modo distentum & elevatum, cum manifesta circumscriptio transversali juxta umbilicum; iique meteorismus abdominis, etiam rite fluentibus lochiis, arque superveniente fluore alvi, parum fuit imminutus, sed foribus duntaxat chalasticis & reiolventibus discutit potuit. *Riolanus Anthropol. lib. 2. cap. 13.*

## OBSERVATIO XLVIII.

*Ventris dolor pulsativus, ob Arteriae magnæ extraordinariam dilatationem, Ventriculum & intestina flatu turgida.*

**D**Om. *Bucetium* ægrotantem symptomata sequentia præcipue affligerunt, 1. Nausea. 2. Dolor subtus ventriculum & juxta umbilicum, pulsationes: 3. *Dolor & ardor intolerabilis circa regionem renum.* 4. Ardor quandoque in universo corpore, quandoque in plantis pedum molestissimus, 5. Vigilæ, 6. Circa Lunæ *παύση*, præsertim postremo decubitus mense, insultus Epileptici, quos ipse in tremore crurum præsentiebat: 7. Summus virium languor.

In cadavere hæc nobis visa sunt, 1. Abdomen sola cute & excarnibus prope musculis rectum. 2. Omentum omni pinguedine destitutum. 3. Ventriculus & intestina flatu turgida, atque instar vesicæ inflatæ transparentia, inter quæ tenuiora nonnullis maculis livescens interstincta. 4. Lien pro corporis magnitudine exiguus, forma ovali, sed depressa & in lobos quasi quatuor dextra sui parte dissectus: 5. Folliculus felleus magnus. 6. Hepar grandiusculum & satis coloratum, 7. Ren uterque quoad substantiam ipsam inculpabilis, secus quam ipsemet etiam *Bucetius* p. m. suspicabatur, dexter tamen ipsi infundibulo calculum, magnitudine radicem zinziberis fere æquantem, acutum & uni atque alteri interiori renis meatui peculiaribus protuberantiis tam firmiter impactum ( scrupulos iv. si recte memini, pependit ) continebat, ut nonnisi cum violentia & sonitu extraheretur: Sinister verò externa & superna sui parte, vesicam instar nucis juglandis grandioris, aqua limpidissima distentam, & dimidia parte renis substantiæ in hærentem; vreter quoque juxta infundibulum non parum sabuli nobis repræsentabat, 8. Vasa, venam intelligo cavam & arteriam magnam, erant prope tota exsanguia. 9. Arteria magna spinæ incumbens, tantæ amplitudinis erat ut pollicem sine ulla difficultate admitteret. Hæc sine dubio in causa fuit ut quandoque doloribus nephriticis nimis furentibus, & spiritibus sanguineque ad locum affectum impetuosius confluentibus, manu abdomini juxta umbilicum admota, pulsatio exquisitissime sentiretur, præsertim ( cum ex ante dictis patet ) tam abdominis muscoli quam subjacentes partes adeo fuerint extenuatæ: 10. Pulmones maculosi. 11. Cor grandiusculum, & tam copiosa pinguedine oblitum, quantam, mea opinione, è toto corpore per coctionem non prolecturus fuisset: Huic adscribo quod sufferendis tam diuturnis & exquisitis doloribus, parcissimo alias cibo ac potu utens, par fuit: Corenim perpetuo quasi ab ea humectatum, & spiritus refocillati sunt, ut pulvis ad extremum prope, satis rectè aliorum corporum respectu, constaret; Miraberis torrassis, idque non immeritò, pinguedinis circa Cor copiam, corpore alias tam emaciatò, & tum pectore quam abdomine hirsuto, quæ omnia caloris sunt indicia: hoc etiam singulare habuit, quod cum paucissimi esset somni, lacrymas tamen facillimè, vel post risum etiam profunderet, & nares sero ut plurimum stillantes circumferret: Cranium ape tum non fuit. *Michael Doringius ad Sennertum, cent. 1. Epist. xxv.*

## SCHOLIA.

**A**lder intolerabilis circa regionem renum] Qui sit quod in calculi motu calor intolerabilis percipiat? Cum calculus non tantum bili, sed & crassiori sero egressum intercludat, atque insuper membranosas partes lacinando graves & immanes nonnunquam dolores excitet, & sanguinem atque spiritus ad locum affectum accurrere faciat, adeoque totam massam sanguineam insigniter perturbet, quin ex æstuantibus humoribus & spiritibus febris symptomatice species exoriarur, fieri vix potest. *Idem. ib.*

## OBSERVATIO XLIX.

*Ventris saltus & palpitaciones à vermibus excitata.*

**N**on vulgare symptoma excitant quandoque vermes, Et sunt ventris inferioris & ventriculi saltus & palpitaciones involuntariæ: quod bis in duobus nobilissimis infantibus observavimus: quorum alter ætem ultimum obiit; alter vero nonnisi magna difficultate evasit: Hujus quoque symptomatis meminit *Duretus in scholiis Hollerii*, tradens rusticæ cuidam mulieri plures prodixisse, cum antea incredibili palpitatione & fluctuatione ventris laborasset. *Marc. Donatus histor. mir. lib. 4. cap. 26.*

## OBSERVATIO L.

*Ventris pulsatio circa umbilicum, à compressa arteria magna.*

**A**nno 1629. apertum fuit corpus cujusdam Batavienſis, qui per tres annos languerat miro ac incognito affectu: Nam si super umbilicum, aut circiter, quis manum imposuisset, pulsus qualis cordis ac arteriarum, tam vehemens sentiebatur, instar salientis infantis in matris utero, quæ jam partui vicina est, ita ut manum elevando repelleret. Equalem fuisse hunc pulsus cum arteriarum & cordis hoc modo deprehendi: Sinistram umbilico ægri imposui, dextra arteriam circa carpum tetigi, invenique in systoles & diastoles intervallo plane convenire: unde ego statim conjeci arteriam magnam laborare, quod & post mortem invenimus.

Nam vena cava repleta erat, loco sanguinis, adiposa materia; ac medullæ spinallæ admodum simili: quæ pondere suo arteriæ magnæ incumbens, dum illa è contra istud onus à se rejicere conaretur, hunc pulsus excitabat: Arteria magna duplo solito laxior erat, ac repleta sanguine nigro ac seroso: Cor etiam solito maius inventum est ac flaccidius, & spongiorum modo comprimebatur, tum uterque ejus ventriculus amplior ac etiam sanguine isto nigro repletus: Quis rogo non obstupescat taliter affectum tamdiu vitam potuisse ducere? Jecur erat vividi coloris ac consistentiæ, nisi quod communem mensuram ferme duplo excederet: Cystis, qua bilis continetur, etiam bovinam magnitudine æquabat, eratque intus reperta cholera ex nigra viridi, lenta ac tenaci, crassitudine syrupi crassioris aut potius extracti. *Boninus Medic. Indorum observ. viij.*

## SCHOLIA.

**R**olannus Anthrop. lib. 2. cap. 35. Palpitationem fisci ai, sed à corde diaphragmatis centrum nervum percutiente. quæ circa Xiphoidem in ventre percipitur, non ab arteria cœliaca, paulo infra micante, pro-

## OBSERVATIO LI.

*Arteriæ magnæ pulsatio manibus in abdomine deprehensa, & vertebrarum ipsarum corpus, ob retracta versus hypochondria intestina.*

**I**N Cardinali Campegio intestina omnia ad hypochondria redacta erant, propterea cavitas inferior abdominis destituta erat & spina detecta: Quamobrem Medico licebat abdomen attrectanti magnæ arteriæ motum persentire, & una cum illa durities percipiebatur: Illa vero durities nihil aliud erat quam vertebrarum corpora. *Columbus lib. xv. Anatom.*

## OBSERVATIO LII.

*Ventris Pulsatio ab aneurismate in abdomine.*

**I**N vetulæ cadavere aperto inventum est aneurisma in abdomine, in quod pugnum immittere potui & immisi: Notanda hic est summa naturæ providentia, quæ arteriæ disruptionem præcavens ex nimia dilatazione, tunicam illius adeo induraverat ut ossa appareret. *Fallopium lib. de Tumor. p. n. cap. 14.*

SCHOLIA.



## S C H O L I A.

**I**N hypochondriaca passione affectis pulsatio in sinistro hypochondrio nonnunquam percipitur, ab exagitaris humoribus fervidis iis locis, unde succitati vapores artularum systolen & diastolen augent, quæ pulsatio ab adstantibus, nedum ab ægris, imposita abdomini manu interdum percipitur: tum temporis præsertim manifesta, si causa aliqua protaractica accedat, ira, terror, meri potus & si-

miles; Accidit ejusmodi palpitatio in arteria cœliaca, quippe quæ insignior est: Quæ aliquando indefinens est, si morbus altas egit radices, unde curationis impossibilitas arguitur: subsequiturque interdum Aneurisma, cum ea arteria cœliaca, aut altera insignior, impense à sanguine fervidiori contento dilatatur.

## OBSERVATIO LIII.

*Ventris dolor interimens, nullis in interaneis labis relictis argumentis,  
à Cinnabari incautè per os ingressa.*

**P**ictor quidam Andegavensis annos natus xxx. firma ac laudabili corporis constitutione, anno 1557. manuum digitos graviores solito, torpidiores ægréque mobiles percipiens, paucis post diebus contrahi illos convellique sensit, atque sensim in dies magis ac magis aucta affectio est, dum incurvi illi pene inflexibiles manerent: Quin & carpum & brachia pervasit affectio, dum nervis tendonibusque infrigidatis, humoréque crasso imbutis, admodum torpida, convulsa graviæque redderentur: Haud multo post idem pedes vitium sensere, sublata incedendi potentia: in his tamen, ut neque in brachiis, neque in manibus, non admodum vehemens dolor affligebat; Misellus hic tot malis credo divexatus, aliud symptoma longe gravissimum ac crudelissimum incurrit: Dolor enim acerbissimus atque atrocissimus ventriculum atque hypochondrii utrumque occupare cœpit, sed *qui ad totum ventrem pertineret*, cui cum nec noctu nec interdiu intermittebat, clysteribus, foribus, balneis, ac aliis quibusdam remediorum generibus, sed frustra, levatio quæsitæ est: Unicum tantum in accessione inventum est solatium, tres quatuorve robustos homines ventri superpositos sustinere: compresso siquidem ventre paulo mitior cruciatus erat: Ubi sex octovæ dies, nonnunquam & xij. miser ille adeo fuerat discruciat, sensim abeunte dolore, languidus quidem ac pene moribundus cernebatur, sed qui statim restituta appetentia vires aliquas reciperet, dum alia rursus simili accessione correptus distineretur: xx. enim non amplius dies intermittebat: atque in accessionibus alvus ne validis quidem proritata medicamentis *quiddam demittere poterat*, quod si quando contingeret, nigrum omnino ac lividum stercus erat: Sed & in intermissionibus quæcunque purgantium medicamentorum vj. detrahebantur, atrabilia omnia ac splenis purgamenta judicari poterant: Alhibiti ad tanti mali expugnationem celeberrimi quique Medici, brachiorum & pedum resolutionem ad Cinnabrium, quo pictores non raro utuntur, referendum putaverunt: Cum enim penicillum ille sæpe digitis extergeret, iis inhaerens cinnabrium, ex hydrargyrio factitium, partium continuatione vim suam in cerebrum, cui, ut nervis, & tendonibus & membranis omnibus imprimis inimicum est, transmisit, in quo frigefacto puita multa tandem collecta est, quæ postea in tota brachia & pedes influens, eorum tendonibus & nervis symptomata, iis non dissimilia quæ unguento ex hydrargyro perunctis accidunt, excitavit, Et hæc sana fuit, me iudice, sententia.

In dissecto hujus corpore singula ad causæ investigationem inspicientes, Jecur, Lienem, Ventriculum & Renes naturalem constitutionem præ se ferre vidimus: Nulla in cysti fellis obstructio, nulla in mesenterio humoris vitiosi congestio; nihil denique in ulla alia parte notari potuit quod tantorum fuisset malorum causa. *Fernelius de Luis Venerea curat. c. 7.*

## S C H O L I A.

**I**N Doloris illius atrocis pervestiganda causa diu laboratum est, multæ habitæ concertationes, varia fuerunt Medicorum judicia: Alius frigidam vitreamque puitam intestinis firmitus inhaerentem quam ut facile posset detergeri, in status resolvi, doloréque colicum excitare contendebat: Alius bilem acrem, quam natura in intestina expurgare debuerat, inter abdominis membranas effusam, illique coërcitam, certis cruciatibus invalefcere, intumescere & quoquoersum furibunde moveri judicabat; atque in ipso motus impetu, tum distensione tum compunctione, membranarum cru-

delem illum dolorem excitare: Alii denique alias causas adstruebant: Etsi autem unusquisque posuit à se, & probabilibus conjecturis inventæ causæ remedia apposuit consentanea, nullus tamen potuit dolorem non dico tollere, sed ne aliqua ex parte quidem minuire, vel accessiones ejus breviores aut tardiores elicere: imo vero annos tres crudeliter excarnificatus, exsanguis tandem ac plane tabidus, vitam cum morte commutavit: Omnes autem longe aberamus à scopo, & tota, quod aiunt, via errabamus: Cum enim penicillum non digitis modo extergeret, sed etiam imprudens & incautus ore exlugeret,

exfugeret, verifimile eft ut à manuum digitis, partium continuatione cerebro totique generi nervolo, communicata fuit cinnabaris, ita ore acceptam ventriculum, inteflina, membranæque omnes interiores non humectaffe folum aut frigefeciffe, fed inexplicabili vitio & maligna quadam qualitate, quæ oculorum refugit obtutum, infeciffe, quæ tantorum dolorum caufa occulta fuerit: cui non tam purgantibus quam contraria erat antidoto fuccurrendum: Sicuti dolores his non diflimiles pulveris plumbei ufu concitatos, (vide hiftoriam ibidem) cum nullis purgationibus cedere viderentur, balneorum & lactis almini ufu curavimus: Ratum igitur fit argentum vivum, & plumbum, incomprehenfa fua qualitate venenata, inexplicabilia vitia partibus internis inurere, unde vix unquam expediri queat, nec intra corpus unquam fumi debere. *Idem ibidem.*

*Dolor qui ad totum ventrem pertinet &c.]* Ejusmodi dolorem, qui à parte primario affecta, velut à radice incipiens, in partes adjacentes fele expandit, vocat *Gal.* lib. 2. de loc. aff. c. 7. *νῦν ὁρίσεται*; fic fæpe in lienis hepatisque inflammatione dolor ad jugulum pettingit: *Hippocr.* in Prothet. 2. *αἰνῶν* *αἰνῶν*, cui fimile eft *αἰνῶν*: De hac voce *περί* *αἰνῶν* vide *Ballonius* in Definitionibus Medicis. De caufis vero ejusmodi dolorum confule *C. Pifonem* lib. de morbis ab illuvie ferofa & *Willis* lib. de morbis convulfivis.

*Alum. nil demittere poterat*) Convulforii quippe illi funt dolores, à quibus facultas inteflinorum *εὐστασις* in officio perturbatur, unde fubfiftentes fæces indurantur, exiccantur, & exclusioni ineptæ funt.

## APPENDIX.

*De Ventris Doloribus Scorbuticis, eorumque caufa, quæ partim eft Liquor Nervæus, partim Sanguineæ maffe recrementa.*

**D**olor ventris Scorbuto familiaris eft, nonnullos, in mitiori licet gradu, fere continuo affligens: Causam autem haud probabile eft oriri ab acri materia intra cavitates inteflinorum depofita; nec etiam ab humore quopiam fimplici, ut ut tetro; illorum tunicis impacto, hic etenim brevi difcutiatur aut in abfceffu tranfeat: porro ifte enematum aut purgantium ufu facile exterminetur: Revera atrociam ifthæc ventris tormina, non ob aliam caufam quam à falium (qui diverfæ funt indolis) fimul congregientium mutualucta & effervefcentia, quæ quidem fibræ nerveæ ab invicem divellantur, & quafi dilacerentur, provenire poffunt: Enimvero fupponere licet, *Succi nervæi* recrementa quædam acetofa, ftigmati vitriolici æmula, circa mefenterii plexus, à liæve iftius regionis partes nerveas copiofe aggefta, quibus dein à fanguine arteriofo effervefcente, colluvies ferofa, falis fixi & velut lixivialis particulis abunde referta, advenit, cùmque iis turgescens dolores velut lancinantes producit: Seminii morbidi prioris mineram, è capite nervorum ductu in imum ventrem descendere hinc arguere licet, in quantum Cephalalgia immanes, nec non vertigo & fcomia ejusmodi colicam fæpiſſime præcedunt, eique non raro fuccedunt: Porro è maffe fanguinea particulas falis fixi, quafi deliquium paffas, abunde fuppeditari hinc conftat, quoniam urgente hujus morbi paroxyſmo, ægrorum urinae coloris faturati, & fale plurimum refertæ, quafi lixiviales apparent, earumque fuperficies fæpenumero inftar caudæ pavonis diverfis coloribus variegatur: quamprimum vero morbus declinare incipit, urina melius habet, atque hunc convaleſcentiæ ſpes & ſigna defumi ſolent, Quod autem ventris affectio fæpe in Lumbos propagetur ratio eft, quoniam Nervæi lumbares & mefenterici intime communicant, ac pluribus in locis mutuo inofculantur: quare cum materies morbifica in horum ductibus fuperabundat, in vicinos illorum proceffus facile tranſit &c. *Willis Tract. de Scorbuto cap. iv.*

*Supplementum §. 2. Observationis 28. pag. 922.*

Melius à calidis habituram: Ille vero, me peregre profecto, ſolus ſuo arbitrio ægram rexit: quam, cum fati conceſſiſſet, ſecto cadavere, Pulmones inventi ægri, in parte tamen finiftra flaccidi, Cor parvum ſed labe carens: Stomachus tam longus & latus ut totum abdomen impleret, ideo ingeſto potu torquebatur: Jecur integrum, Lienis næcæne quidem veſtigium: Materiæ putridæ copia ingens tum in fundo ventriculi, tum in lienis loco, ubi multa ramenta fœcæſque lienis ſubſtantiam redolentia: Renum finifter calculis plenus magnis & longis, veſica & utero bene ſe habentibus. *H. ab. Heers, Obſervat. xxv.*

## ANATOMIÆ PRACTICÆ

## LIBRI TERTII

## SECTIO XV.

## DE HÆMORRHOIDIBUS.

## OBSERVATIO I.

*Hæmorrhoidum fluiori obnoxius ramum Portæ, sub recto intestino decurrentem, pollicis crassitiem superantem habuit.*

**R**AMUM venæ Portæ, quem sub recto intestino declivem ac mesenterio suffultum porrigi scripsimus, nonnunquam ad sæculenti sanguinis per ani venulas, sanguine interdum manantes, expurgationem plurimum conducere arbitror: Quandoquidem dum, aut ob lienis obstructionem, aut aliud quodcunque ipsius vitium, sæculentus sanguis non universus, vel nullus plane in lienem absorbitur, vel lien eundem ad ventriculum eructare nequit, hujus rami beneficio, certis quibusdam intervallis, uti mulierum menstruæ purgationes solent, per anum excerni credo: Rarius enim ex universo copore, hæmorrhoidum vitio laborantibus, ad venæ cavæ ramulos in sedem pertinentes, lutosum ejusmodi sanguinem regurgitare verisimile nobis videtur, dum veram venæ portæ distributionem perspectam habemus: Quippe ex hac coniectari est promptissimum, quod is sanguis à liene non attractus, aut ob meatuum obturationem non admissus, unde fluebat rursus regurgitet, atque sua gravitate per ramum ad intestinum rectum pertinentem, deorsum procumbat, ibique tantisper reservetur colligaturque, donec nimium turgentes venæ, osculis reſeratis, per anum manare illum sinant: Huic meæ sententiæ magnum robur adjecit is, quem hoc sanguinis defluxu per intervalla laborantem, non ita pridem reſecimus: Huic enim minor, sed durior lien fuit, & vena sub recto intestino excurrens pollicis quasi crassitiem superavit, eoque modo sanguine turgebat, quo jam parturientium animalium venas uterum amplexantes, insigniter amplas distentasque cernimus. *Vesalius lib. 3. cap. 5. de Fabr. corp. hum.*

## S C H O L I A.

**R**AMUM venæ Portæ &c.] Hæmorrhoidalis vena interna, tenore veteris doctrinæ, recti intestini oram extremam crasso sanguine sibi idoneo nutrit. Ea tamen natura non raro abutitur ad melancholici sanguinis expurgationem, & suppressa multorum malorum causa existit, ut monuit *Galen. 6. aph. 12.* Hæc omnia venæ hæmorrhoidali assignata officia, Harveus derivat in arterias vicinas: illi autem sanguini, a nutritione residuo, revchendi officium destinat. Sed vocatne in dubium hoc officium, quod vena hæc careat comite arteria? Non videtur, licet non communicet cum arteria *αφύ* circa originem, communicat tamen cum aliis arteriis in intestini recti ora, ab arteria hypogastrica oriundis: ab his dilatatum sanguinem superfluum revehit per jecur ad cor. 2. Non habet comitem arteriam in exortu statim, sed post medium mesenterica se ipsi sociat arteria, quacum ad oram intestini vadit. *Rolfinccius Dissertat. Anatom. lib. v. cap. xx.*

*Facilem sanguinis per ani venulas.]* Hæmorrhoidali arteria aperta solet sæpe natura sanguinem sæculentum deponere, quasi aliqua purgatione facta, quæ interdum viis etiam menstrua, & si inhibeat multorum malorum causa est, ut testatur *Gal.*

*aph. 15.* Non verò necesse est ut quemadmodum omnis affluxus humorum excrementitiorum per arterias celebratur, ita etiam effluxus contingat: Verisimile est, ait *Conringius* de sanguinis gener. & motu cap. 38. Eos qui secundum naturam sunt effluxus, apertis venarum orificiis fieri, eo quod solæ venæ videantur ad extrema partium hiare, arteriarum finibus per venas conjunctis: Confirmat sententiam à modo effluendi, non enim effluxio fit per saltum, quemadmodum effluit sanguis ex arteria vulnerata: *Higbormus* etiam has evacuationes per venas, mutato, aut saltem perturbato sanguinis cursu, fieri posse judicat lib. 1. part. 2. cap. 6. & quidem à locis vicinis, hepate, liene, pancreate, in magnis naturæ luctibus, medicamento irritante. Et quamvis contra motum sanguinis fiat naturalem, non tamen ideo hæc via statim explodenda: sæpiusque & alii motus naturæ necessitati cedunt, ut in vomitu. *Idem lib. 6. cap. 27.*

*Per ani venulas.]* Hæmorrhoides nihil aliud sunt quam Varices venarum ani: Varix vero est vena aperta, vel potius immodice dilatata: Dilatatur vena, vel quia sanguis est prætermodum crassus, vel ob vim illaram venis: quod fit ex clysteribus, suppositoriis



positoriis sæpius adhibitis: A sanguine crasso fit Varix in ano, quia sanguis ibi dispersus non bene circulari potest, unde a novo affluente sanguine propellitur, & sic venam dilatat: Quod autem in aliis partibus non sæpe contingat, est quia venæ Hæmorrhoidales omnium venarum paucissimas habeant anastomoses, unde longo ductu vehi debet

antequam possit circulari: A vi illara, ut sphincteri ani, vellicatio fit, unde humores illuc quasi trahuntur: Hæmorrhoides sunt internæ vel externæ: Internæ in ani capacitare, ubi cum ab humore affluente inflammatio, atque ita ulcus fit, fistula oritur. *Walsæ Medic. Pract. cap. 18.*

## OBSERVATIO II.

*In Hæmorrhoidibus periodicis obnoxio venæ Portæ ramus, sub coli intestini sine, & tota recti longitudine sanguine turgens adinadversus.*

**Q**uidam ordinatis vicibus, ut mulieres suis mensibus, sanguinis fluxu ex venis in anum pertinentibus vexari consueverat, Et cum ex nigro arquato, jecorisque mira durtie perisset, Num portæ rami, an cavæ hunc sanguinem evacuerent, judicaturus, illum dissecuri, atque venæ portæ ramum, sub coli intestini sine, & tota recti longitudine in mesenterio ductum, pollicis fere crassitiem æquare & sanguine turgere animadverti, conterminis venæ cavæ ramis nihil prorsus immutatis. *Vesalius l. 5. c. 15. de Hum. corp. Fabrica.*

## OBSERVATIO III.

*Hæmorrhoidum inflammatio ob mesaræum Gangræna vitiatum.*

**O**bit uxor Rondeletii intra paucos dies ex hæmorrhoidum inflammatione, quam maritum celare voluit: Dum affecta sedes investigatur, extrema Mesaræi pars à gangræna occupata occurrit. *Ioubertus in Vita Rondeletii.*

## OBSERVATIO IV.

*Hæmorrhoidalis fluor, & innoxius & copiosus, ab hæmorrhoidali ramo è medio Liene progrediente.*

**J**uveni (vide lib. 4. tit. de Vulner.) duo Lienes erant bellissimi, singulis suæ arteriæ venæque, Et quidem hæmorrhoidalis maxima, è medio liene progrediens: hinc quicquid erat humoris melancholici exercebatur, nec unquam per omnem vitam tristitiæ se multum dare visus, Jovis non Saturni pullus. *Cabrollius observ. Anatom. xv.*

## S C H O L I A.

**Q**uicquid erat humoris melancholici exercebatur } Ex sententia Clar. *Walsæ l. 5. c. 15.* inutiliter aperiantur venæ hæmorrhoidales ut per eas melancholia evacuetur, quia per eas melancholicus humor non excernitur: nam quamvis primo melancholi-

cus aliquis exit, tamen statim bonus arteriosus tantum sequitur, & proinde nihil magis proficit ac si alia vena fecetur: Adde quod apertæ hæ venæ non facile claudantur.



# ANATOMIÆ PRACTICÆ

## LIBRI TERTII.

## SECTIO XVI.

## De Hypochondriorum Tumore.

## OBSERVATIO I.

*Hypochondrii dextri Tumor à Jecoris magnitudine præternaturali.*

**I**N Rachitide, morbo puerili, Anglis familiari (de qua lib. 2. tit. de Gibbositate) dextrum hypochondrium intumescit totum tumore æquali, magno ac renitente, sic ut digitos sub nothas costas adigere non possis: Origo est à Jecore, persæpe non vitiatum, sed supra modum adauctum: sic ut cum in ventre satis non inveniatur spatium, versus superiora assurgat. *Glisson lib. de Rachitide.*

L L H.

S C H O L I A.

## S C H O L I A.

**P**laterum tumoris horum viscerum, imo & scirrhorum, causam materiale esse censet Succum quo hæc viscera aluntur, crassiorem quam par erat redditum: quod illi ob chylum & sanguinem, ex quibus generatur, vel permissionem crassioris alterius partis succi accidit, ut similem substantiam reponendo, tumores hosce in visceribus gignat: Neque enim ex pituita, vel bile, aut alio humore, visceris substantiam sic indurari, sed vasa ipsorum solum, uti in obstructionibus fit, obstrui posse.

*Iecore supra modum adaucto*) Magnitudo hepatis raro ob morbo imminuitur, sed sæpe grandescit magis: quippe aliorum parenchymatum more, quasi congestionem quadam nutritur: & materia nutritus eodem continuo suppeditatur, facillimeque obstructionibus obnoxium redditur: Nota

tanda enim est magna sanguinis (ejusque haud adeo puri) hepatis pertranseuntis quantitas: Nam sanguis omnis à tribus magnis arteriis, (nempe à cœliaca, à mesenterica superiore, atque item inferiore) protusus ad ventriculum, intestina, lienem, pancreas, & mesenterium reducitur, inmediate vena portæ in hepatis, & per illud in venam cavam diducitur; adeo ut nutrimento detitui vix possit, sed obstructionibus potius obnoxium fit, quæ partem aliquam nunquam imminuunt, sed eundem potius majorem ac pleniorum reddunt: Valeant itaque solidi illi Vromantes, qui ex sola urinarum inspectione

hepar sæpe ad fabæ parvitatem absumptum prædicant. *Glisson Anatom. hepatis cap. 7.*

## OBSERVATIO II.

*Hypochondrii dextri tumor, à parte gibba Hepatis p. n. conformata.*

**M**atronæ abdomen erat inæquali tumore sublatum, dextra sinistris tumidiora: Gibba pars Hepatis videbatur quasi simæ superstrata, & tanquam novum aliquod corpus seu substantia scirrhusa &c. *Vide tit. de ventris tumore.*

## S C H O L I A.

**H**epar in dextro hypochondrio situm est, convexa sui parte ventriculum, convexa vero diaphragma tangens: Hoc in medio fissuram habet, in quam vena umbilicalis inseritur, à qua in duas partes (lobos) dirigitur: Earum dextra dextrum hypochondrium totum occupat, ad renem ejusdem lateris pertingens, cui sæpe etiam incumbit: Sinistra brevior est, ad mucronatam cartilagineam extensa, quæ anteriorem ventriculi partem ac pylorum ambit; Situs hic, qui Hepatis naturalis est, non raro mutatur, sic tamen ut nullam quandoque ipsius, aut vicinorum viscerum actioni noxam inferat, interdum vero ut graviter ledat. Illum Nonnaturalem situm vocabimus, hunc Præternaturam: Nonnaturalis ergo situs quadruplici potissimum occasione contingit, dum vel Decumbimus, aut Sedemur, Ambulamur, aut Respiramus: In *Decubitu*, si quidem Supini incedamus, intra præcordia se recondit, & diaphragma premit, unde sicut obæsi difficiliter respirent decumbentes, cum septum transversum magna Hepatis mole nimium afficiatur: at si in alterutrum latus volvantur, à ventriculo vel abscedit, vel eidem circumvolvitur: abscedit quidem, si dextro innitatur: at amplectitur undique si sinistro: Hinc causam licet petere, quam propter in jecoris inflammatione ægri de Dolore in dextro hypochondrio conquerantur decumbentes in latere laevo: contra minus doleant jacentes in dextro: Trahitur enim cum ligamentum hepatis pendentis quasi, quod & ipsum cum sit inflammatum non potest non graves dolores excitare:

Patet autem ex his eos qui cubitum ituri primum in sinistro latere dormiunt, multo rectius ciborum concoctioni consulere, quam faciant si qui in dextro recumbunt: Hepar enim ventriculum undique ambiens mirum in modum chylicationem adjuvat, propriumque stomachi calorem fovet ac tuetur: In *Sedentibus* aut *Ambulantibus* ad umbilicum magis vergit. In *Respiratione* autem, quemadmodum & ceteris infirmi ventris viscera, dum diaphragma contrahitur & inspiratio contingit, superiora petit: Ex quo fit ut in cadaveribus jecur sub ipsius cartilaginibus, & in præcordiis reconditum semper inveniat cum expirando moriamur, & propterea simul cum diaphragmate ascendat: Præternaturalem quoque Situm I hepar interdum occupat, quod evenit ubi prægrandæ est & magnitudine laborat: Solet enim quibusdam in maximam molem accrescere ut utrumque hypochondrium impleat, quod plerumque nimium obæsis obrigisse vidimus: Observatum autem à me est hujusmodi voraces fuisse, quod propterea evenisse crediderim, quod eorum ventriculus plurimo calore sic circumdatus plus digerere conquaret: Nonnunquam ab insigni inflammatione sic tumet, ut notaverim naturali loco non contentum, & ventriculum & magnam tenuium intestinorum partem cooperuisse: Quod si umbilicalis vena laxetur rumpaturve, Jecur ad diaphragma sursum trahitur, cujus motus cum impediatur ob compressionem, fit ut una cum respiratione vita tollatur. *Adrianus Spigelius Anat. lib. 8. cap. 5.*

## OBSERVATIO III.

*Hypochondrii dextri Tumor, cum dolore, ob Hepar in insignem molem adauctum, ab occluso ulcere ab axilla dextra excitato, Et massam mesenterium occupantem.*

**V**XOR Joh. Keppleri, Textoris Vincensis, ætatis 45. annor. temperamenti biliosi, per aliquot mensium spatium sub dextra axilla, facta à natura quasi fontanella, ulcus aluit, ex quo materia quædam alba, cum flavedine permixta interdum copiose fluebat & ruebat: Hoc cum à Chirurgo (quod hujus pertæsa amplius ipsi exitum concedere noller) imprudenter nimis meo judicio, consolidatum esset, paulo post dolorem circa Hepatis regionem sentire cepit gravativum, cum ciborum fastidio, vomitu interdum bilioso, necnon

*siti*



sui qua premebatur, intensa, cum insigni tumore, quem digitis tangere licebat, dextri hypochondrii, ea potissimum parte qua Hepar ventriculum ambit: Ego in consilium vocatus, postquam prognostico ancipitis & exiguae spei me prae munivissem, artis praesidia arripui, remediisque tam internis quam externis curationem auspicatus sum, sed sine fructu & exiguo cum levamine: Nam symptomata in dies cum graviora fierent, dolores non remitterent, praepriis autem Tumor à topicis nec emolliari nec discuti posset, *lèternusque* totum corpus subito invaderet & occuparet, medicamentorum porro usum sibi salutarem fore dubitabat, proinde ab iisdem plane abstinuit, sola aqua confortativa, qua per vices ex cochleari utebatur, contenta: Interim in sella dextro latere versus terram declinato (à pondere & mole tumoris istius hanc miseram retrahente & ferme opprimente) dies noctesque sedens, crebris & reiteratis gemitibus blandam animae à corpore ἀνάλυσιν à Deo exoptavit, quam etiam ab ipso impetravit.

In Tumoris hujus ad aspectum & tactum protuberantis, causam cum inquirere animus esset, apertione cadaveris à marito & amicis, precibus & persuasionibus tandem extorſi. Cum itaque opus aggrederer, & circa parenchyma Hepatis, tumoris indagandi gratia occuparer, illud cum stupore & admiratione tam vastum ac mole ponderosum videntis adstantibus monstro, qui perterriti vix oculis fidem habebant. De pondere autem certior fieri volens, monebam Chirurgum ut extraheret, & totum scirrhosum repertum, pendebat libras xiv. civiles: Ceterum in mesenterio adhuc carnosa Excreſcentia, magnitudine caput infantis aequans, conspecta & detecta fuit: Reliqua viscera à nativa bonitate nihil defecerunt. *Ioh. Frider. Haldenreichius in miscell. cur. ann. 6. & 7. p. 321.*

## OBSERVATIO IV.

*Hypochondrii utriusque, praesertim dextri, Tumor ab Hepate tumido induratoque.*

**C**Anonicus insignem in Hypochondrio utroque, sed praesertim dextro, tumorem, febris vehementi conjunctum patiebatur. In dissecto cadavere, lx. die à recursu febris, praeter tumidum Hepar, induratum retorridumque, & pumicis instar hiulculum, ac poris distinctum, universus thorax aqua pura plenus inventus. *Car. Piſo de morbis à serosa illuvie cap. 7. sect. 3.*

## OBSERVATIO V.

*Tumor & Durities hypochondrii dextri ab insolita Hepatis magnitudine, Calculis involutis cysti referti &c.*

**A**Nno 1662. Illustriss. Baronissa à longo tempore de Tumore & duritie dextri hypochondrii conquerebatur, unde variis adhibitis remediis, nihilque proficientibus, tandem lètero correpta, intra aliquot dies fato cessit.

Aperto cadavere, Hepar repertum est magnitudinis insolitae, pondere aequantis circiter libras xij. quod discissum durum, flavum, & hinc inde calculis flavis respersum oculis pateſcebat; Dum ad vesicam fellis perventum esset, eadem humore bilioso vacua, sed loco ejus flavis arenulis referta deprehensa est: inter quas eminebant calculi duo rotundi, flavi, scabrosi, glandem sclopeti fere aequantes: praeter hos paulo minoris rotunditatis calculus, meatum hepaticum ad vesicam felleam tam arcte & scabrosè obſidebat, ut discisso meatu, difficulter erui posset. *Ex observat. Ioh. Jac. Bobrzenski Medici Pragensis.*

## S C H O L I A.

**E**X hac observatione colligitur 1°. vesicam felleam esse receptaculum humoris biliosi. 2°. Hepar continere materiam aptam pro humore bilioso deponendo in vesiculam. 3°. Si eandem deponere non potest ob obstructionem vesiculae felleae, eandem collocare in hepatis parenchyma, tandiu quamdiu

illud est capax extensionis. 4°. Ubi non est amplius capax, eandem iterum in massam sanguinis reinjicere & in habitum corporis propellere, ut ex hoc casu patet: Sequitur igitur ex his Bilem inesse prius sanguini quam in vesiculam felleam deponatur. *Idem.*

## OBSERVATIO VI.

*Jecoris extimas partes tumor aliquando obſidet, nullam ejus figuram servans aut circumscriptionem.*

**I**N Jecoris summa extimaeque parte, atque etiam ambiente membrana Tumores enascuntur, quos non semel tantum mihi cadavera disseccanti videre contigit, qui nullam Jecoris figuram aemulabantur aut circumscriptionem. *Zecchini consuls. xi.*



**Z**ecundo oblatus est casus de Tumore hypochondrii dextrum à duobus annis premente, cujus sedes erat ambigua, quam loco citato inquit: Tumoris, *ali*, hypochondrii dextri Ill. virum duobus ab hinc annis prementis, sedem in Jecore minime statuendam esse octo argumentis magnopere urgentibus colligis, quæ etiam id ipsum mihi quoque cumulatissime indicare videntur: Cæterum quoniam nonnulla occurrunt quæ opinionem hanc remorari possent, indagandæ veritatis gratia, hæc commemoranda esse operæ pretium duxi: Quod sic Tumor non solum tactui sed oculis etiam obuius pateat, Hepatis affecti suspensionem excludere non videtur, quoniam scribente *Galeno* 5. de locis cap. 6. phlegmones quæ in gibba hepatis parte consistunt, maxime si magnæ fuerint, facile à nobis vel solo tactu dignosci possunt: quæ vero in cavis partibus sunt, per ea quæ sequuntur symptomata magis quam per tactum cognoscuntur: Quare eo facilius hac in parte scirrhusi tumores eo evidentius percipi solo tactu poterunt, quo sua duritie magis renitentur, tactumque, quod dolore vacant, facilius sustineant, atque in corpore præsertim gracili: *Secundum* argumentum, Tumorem hunc in hepate non consistere, ex eo quod ventriculi regionem obsidere videatur, non admodum convincit, si quidem & Jecur ipsum ventriculum magna ex parte complectitur: *Ratio tertia*, à tumoris figura fere quadrangula, petita profecto satis urget, verum non vacat ambiguitate, nam licet jecur lunæ figuram proxime æmuletur, Ideoque secundum Arabum placita, hujus visceris tumores eandem circumferant fere figuram, ubi cumulatim æqualiterque hæc pars in tumorem attollatur, causa tamen morbifica, quam materialem appellant, inæqualiter huic parti firmiter hærens, tumorem varie figuratum, pro partium quas occupat varietate, suscitare potest: Quod animum meum non parum torquet, *quartum* est à te adductum argumentum, videlicet, si hepar ejus facultatis quæ sanguinem gignit instrumentum est, consequens est ut hoc viscere vitiato actio quoque ejus vitiatur, inde atrophia, cachexia, depravatus totius color & alia extarent, quæ hic non observantur, atque præsertim utina admodum vitiata deprehenderetur: Quibus argumentis illud responsum volo, nempe quod hepatis partem firmam, vel etiam gibbam, sed penitiorem, scirrhi confirmati occupantes, commemorata utique mala

tandem afferant, ut & *Galenus* ipse loco jam citato scriptum reliquit: Verum enimvero, si in summa tantum gibbæ partis superficie consistant tumores nondum confirmati, neque in scirrhum exquisitum commutari, tot malis non sollicitatur laborans: propterea in hoc patiente horum etiam malorum rudimenta quædam, ut ex colore mutato, & ex quadam non illi naturali macie constar, satis deprehenduntur: Spirandi autem difficultas, cujus prudenter *sexto* loco meministi, tumentis hepatis symptoma, non necessario quoscunque hepatis tumores consequitur, quemadmodum nec tussis, sed ingnes tantum, colique etiam qui causam, & superiorem hujus visceris partem altius opprimunt: Adde quod & *Patiens* in motu vehementiori obeundo aliquam etiam spirandi difficultatem experitur: Tumoris hujusce elevatio interdum, & major prominentia cum murmure quodam, *septimo* loco adducta hepatis illasi, pendere potest ex flatuum copia, ex intervallis in eadem parte in qua tumor consistit fluctuationum: Tandem quod prudenter affirmas scirrhusos hepatis tumores aliquandiu latere, postea non nisi temporis intervallo manifestiores evadere: hic autem de quo agimus, statim à principio tactui, levi etiam pressu, obuius erat, in hunc modum posse explicari puto, veram duntaxat esse instantiam adductam de scirrhis tumoribus, in cavis jecoris partibus constitutis, ut docet *Galenus* lib. 4. de totius morbi tempor. cap. 4. Amplius dubium satis esse potest, num statim atque Tumor hic, tum ægrosum Medici sensui innotescere cœpit, eo tempore erumpere cœperit, cum inter initia tales tumores præ sui interdum exiguitate vix deprehenduntur: his accedit quod duplex est modus quo gignuntur in visceribus, tum in aliis partibus potest scirrhus, videlicet vel ex pituitosorum aut melancholicorum humorum fluxione, statim inter initia tumorem efficiente; qui postea perseverante fluxione ipse quoque augetur, vel ex tumoris alterius calidi aut frigidi in scirrhum commutatione: Porro ut meum de sede affecta afferam sententiam, Tumorem hunc vel in medio spatio eorum musculorum qui per transversum incedunt, atque illorum qui oblique ab infernis sursum tendunt consistere non denegarem; vel quod verisimilius, in Jecoris summa extimaque, atque etiam ambientes

membranas &c. *Vide*

*Textum.*

#### OBSERVATIO VII.

##### *Hypochondrii dextri tumor ob Hepar vesicis purulentis obsitum.*

**J**uvenis quidam ad me venit cum tumore è directo regionis Hepatis, quem cum ad suppurationem tenderet, scalpello aperui: Celebrata sectione, mirum dictu, multæ vesicæ, gallinarum ova, seu, ut melius dicam, internos piscium globulos representantes apparuerunt, quæ aquoso humore repletæ, & integræ & fractæ quotidie cum parum modico egrediebantur, ita ut intra xv. dies & amplius, fere mille vesiculæ sint egressæ: Sed cum æger in deterius laberetur, mortuus est.

Sectio corpore, Hepar in convexa parte totum vesiculis, tam parvis quam magnis refertum erat: Reliqua vero viscera, ut in aliis, sine labe reperta fuere. *Dom. Panarolus Pat. etc. 2. Observat. 16.*

## S C H O L I A.

**M** *Utra vesica* ] Ex doctrina Marcelli Malpighii Jecoris omnis substantia lobulis contexta est, qui racemorum congeriem exhibent: quod ut pateat, à cocto jecore unguium ope exterior membrana leviter abradatur: Vasa autem in Jecore, medio involucri communi, à Glissonio observato, ita in ramos hinc inde disperguntur, ea proportionali via quam in pulmonibus intuemur. Ad singulas autem vasorum propagines, licet etiam exiles, lobuli appenduntur, conicam ut plurimum servantes figuram, non abfimilem à descripta in pulmonum divisione. Confinilem etiam passim in pancreate, ceterisque conglobatis glandulis observamus: Lobuli hi propria circum-ambiente membrana vestiuntur, & con-

tinuatis per transversum membranosis nexibus firmantur, ita ut intermedia spatia & simulæ, minimæ tamen, inter lobulorum latera emeant: Non autem in omnium animalium jecoribus similis est lobulorum figura, in piscibus trifolium refert: In aliis animalibus pilum: in felle sex, aliquando plura latera observantur: in homine idem ad amissum reperiri ait Clar. Malpighius, unde Mabius in humano hepate lapides testicularum figuram æmulantes vidit: qui procul dubio erant hepatis lobuli, concluso & concreto tartaro petrificati. Vesicæ autem in prædicto juvene nihil proculdubio fuerunt quam lobuli aquoso & purulento humore repleti, quales & in pulmonibus reperiuntur, & ab iis excluduntur.

## OBSERVATIO VIII.

*Hypochondrii dextri tumor & dolor, ab hepatis inflammatione in abscessum desinente. 1.*

*Ab apostemate hepatis 2.*

§. 1. **F** Amulus N. per annum dolore hypochondrii dextri conficiebatur, sequuta febre, &c. *Hepar repertum durum, magnum, albicans circa stomachum. In gibba parva, prope costas nothas nigrum, exustum ac plumbeum. Vide tit. de Febris.*

§. 2. Miles tumorem passus est in hypochondrio, qui evanuit, dolore usu remedium desinente: Inveni loco Hepatis solam membranam ipsum investientem. *Vide tit. de Dysenteria.*

## OBSERVATIO IX.

*Hypochondrii utriusque Tumor ob Lienem insignis magnitudinis, hepar ad angustias redigentem.*

**D** Om. N. hypochondrium utrumque diu tumidum habuit antequam hydropem incurreret: Lien illi insignis molis, quadratus, &c. Hepar in dextrum hypochondrium compellebat, & ad angustias redigebat, quamvis hoc naturalis esset magnitudinis. *Vide tit. de ventris Tumore.*

## OBSERVATIO X.

*Hypochondrii utriusque tumor à Jecoris & Lienis magnitudine extraordinaria.*

**P** Agana quædam jam pridem morbo detenta, sibi persuadebat foetum mortuum post partum alterius (qui tum post triduum mortuus) per menses xiv. in utero remansisse: Quod ipsam in ea opinione confirmaverat, erat in latere sinistro durities manifesta, oblonga, ac ex inferiori parte rotunda, caput infans representans, quæ ad ilia usque sese extendebat, comprehendens simul regionem umbilici, una cum lateris dextri nothis costis.

Hoc cadavere inciso, *tanta magnitudinis Hepar* inveni, ut lobus stomachum versus, sub costis sinistri lateris spurias transgrederetur: Splen quoque immensæ magnitudinis, durus, & in inferiori parte versus ilium, rotundus, sanguine adusto plenus, hepatis lobo adnatus: venæ ejus cum arteriis mediocris pollicis magnitudinem excedebant; vas vero breve exiguum & obstructum erat. *Fabritius Hildanus Cent. 2. Observ. xlv.*

## S C H O L I A.

**T** *Anta magnitudine Hepar* ] Est quidem Hepatis Tumor qui simplex & *hæc æmulo* dicitur, à scirrho non parum differens, Hic brevi tempore nascitur, minus renititur, & fere tantum ambientem membranam Hepatis occupat, plerumque & totum hypochondrium dextrum replet, nulla hepatis circumscripta figura apparente, & digiti manus sub extrema costarum infigi nequeunt: Oritur Tumor hic simplex interdum à flatu, interdum à cruditate tenui, quam vel immoderatus frigidæ potus, vel intempestivus fructuum usus, vel crapula satietasque nimia peperit, & sensum intert non gravitatis sed tensionis. Interdum à crasso & viciato est humore, quem hepar validum à se excludens, in membranam suam depo-

suit, quod sæpe post febres diuturnas accidit. *J. Langium lib. 1. Epist. accidere ait si alterantibus frigidis citra evacuationem æger usus fuerit, quæ materiam incrassant: Curatur autem medicamentis aperientibus & humores crassos incidentibus, purgantibus & flatus discutientibus, & fere ut scirrhus incipiens. Sennertus Pract. lib. 3. p. 6. sect. 4. cap. 5.*

*In inferiori parte versus ilium* ] Illuc usque aliquando devolvitur Lien, relaxatis ligamentis tenuibus quibus diaphragmati alligatus est, sique *gravior*: hoc quum accidit pedes & genua calent, nares & aures frigent, authore Hippocr. At in bene habito & florenti corpore, infra ultimam costam non descendit.



*Hypochondrii sinistri Tumor ob Lienem eximia magnitudinis & Renem Sinistram maximum.*

**C** *Asparus Schepsius D. Schepsii* apud Suidnicenses olim Medici, filius anno ætatis 27. anno 1621. denatus, statura procerus, habitu corporis macilentus, colore *subfuscus*, ad iram pronus, potationum studiosissimus, ex ejus lapsu ante plures annos gravissime concussus, & febribus cum Tertianis, tum Quartanis semel atque iterum infestatus, Tumore Lienis insigni & renis sinistri exulceratione ab aliquot annis correptus fuit; Ex itinere Gallico ante biennium quasi redux, cum ex Liene potissimum ventriculoque male haberet, consilium meum exposcere coepit. Postquam igitur de morbis prægressis, & vitæ genere antea ceterior fiebam, fratremque natu majorem ante quinquennium è scorbuto periculossimo decubuisse alias nossem, curam omnem eò imprimis direxi ut membra nutritioni inservientia roborarem; Lienis inveteratum affectum demulcerem; corpus ab excrementa humorum colluvie repurgarem; sanguinem defæcarem, viscerum intemperies corrigerem, Nec tamen Renis ulcus interim negligere; Etsi verò ista curandi ratio, viribus interpolatis, successu non caruit, genio tamen indulgendo mala postliminio revocavit, Urinæ purulentæ magnum inter emittendum ardorem excitarunt; Accessit cibi fastidium & crebri de mane bilis vomitus: noctes ut plurimum transactæ insomnes, corpus indies magis magisque emaciatum; Annus brevi complebitur quando ad testes, præcipue sinistram, defluxio scirrhusa decumbebat, quæ nullis emollientibus discutiendibusque tolli poterat: Semestre propemodum est cum perinæ tumore durus, dolorificus, latus, oblongus, resolutus & suppuratus eo usque contumax, donec post alia incassum adhibita, ab usu emplastri de Rhabarbaro cutis primum excoriaretur, mox etiam tota perumperetur; ac pus in eo contentum, quale in steatomatibus reperiri solet, in conspectum prodiret: Ulcus istud, tamen si mundificantibus probe tractaretur, sordibus tamen novis quotidie obductum fuit: himestre abiit quod urinæ inclaruerunt, nec pus secum amplius deduxerunt: una atque altera hebdomade post, circa renem sinistram graves initio dolores persentire, postea vero illic intumescere visus est: Tumor iste in tantum crevit, ut magnitudine panem, quales nunc grosso argenteo vix redimitur, æquaret. Is foris nullum nec suppurationis nec rupturæ indicium exhibebat. Frustra plurima adhibita, Interea vires vehementer detritæ: Abdomen quandoque à flatibus ita distentum ut Tympanitidis metum incuteret, sputationes & exsecrationes multiplicatæ, alvus etiam alias segnior per plusculos dies sponte reddita fluidior: vigilæ & inquietudines nocturnæ amplificatæ: Breviter, omnia in pejus ruebant. Tandem triduo ante obitum, cum decubiturus alvum prius exonerare vellet, quæ triduo non responderat, in sella, capite aperto, & reliquo corpore contra externum frigus non satis communito, paulo diutius commoratus, secuta nocte gravissimo catarrho prehensus fuit, periturus ex eo nisi cum tussi, tum scretu copiosissimum viscidissimumque phlegma rejecisset: Successit dolor pectoris ad pulmonem dextrum, & respirationis clangosæ summa difficultas, genæ rubore perfusæ, & sudoribus diaphoreticis vires residuæ ita tandem exhaustæ sunt, ut Dominico die proximo, post horam tertiam matutinam placide ex hac vita discederet.

Aperto abdomine, primo omnium notavimus intestina, quæ excepto ventriculo & colo, quæ circa renem sinistram inflectitur, & in rectum desinit, partim flatibus fuere distentissima, partim maculis livescentibus hinc inde interstincta: Colon ipsi reni sinistro per communem tunicam fuit adnatum, ut nonnisi incisione liberari potuerit; dextra parte idem intestinis cum rene commune fuit: *Omento*, maxime sinistram versus, *adhæserant excrecentia quadam* globosæ, magnitudine nucis juglandis mediocris, renum quidem externo aspectu, lienis vero substantiæ per medium dissectæ intus quam simillimæ: Lien autem, uti & Hepar, insignis fuere magnitudinis, qualia hætenus in nullo alio cadavere visa. Ille quidem quæ hypochondrio incubuit, crassior: quæ ad ventriculum deflexit, exiliior, oblongus alias, & eo qui è Dom. Bucretii cadavere (*vide cap. 5.*) exemptus sextuplo ad minimum major, substantiæ cum incideretur diffuentis, putredinis non obscuri indicis. Hoc vero extrinsecus striatum, cum exactissime in modum qualis scorbuticorum plerorumque sanguis superficie tenus post concretionem conspicitur: intrinsecus in vasis sanguine atro ac coagulato plenum, superne ipsi diaphragmati agglutinatum: Remotis partibus modo recensitis, Renes contemplati sumus: dexter totus quidem extra integer, iusto tamen quam decebat major: sinister admirandæ apparuit magnitudi-



gnitudinis, substantia sevo similibus: dissectus totus inventus est purulentus, cortice duos fere transversos digitos crasso exterius constans, interius copiosissimo pure subviridi, fluxili & impense ferrente oppletus. Ad Thoracem ubi perventum, Ecce ibi pulmo dexter latebat exiguus, sinistrum vix dimidio, quoad magnitudinem, æquans, colore nigricans, ad jugulum retractus, & pleuræ ad claviculam connexus. Sinister duplo erat grandior, subpallidus, & in superioris lobi apice inferiore, tuberculis quibusdam conspicuus, quæ dissecta tophaceam materiam commonstrabant. Pericardium admodum erat firmum, densum & amplum, Cor depressum & laxum: Accuratiorem anatomicam fætor detestandus non admittebat, *Michael Doringius ad D. Sennertum Epist. xxx.*

## S C H O L I A.

**P**ulmo ad jugulum retractus, &c.] Idem à Jacotio in pulmonico observatum, *Vide lib. 2. tit. de Respiratione lesa.*

*Colora subfuscus*] Non omnibus Lienosis fædus inest faciei color, quibusdam enim Lien valde durus est & magnus, nec tamen vultus decolor: tales extra periculum constituti sunt, quod exiguum sit vitium in parte non adeo nobili. Si verò accedit viscosus color, indicio est redundare excrementa, quæ in reliqua viscera & totum corpus deferantur; unde gravioris morbi metus imminet, quem deobstruentibus & purgantibus antevertere necesse est, antequam Lien, multitudinis non capax, in nobiliores partes se exoneret, aut in totum, unde febrium proventus, sic Anaxenor, (7. Epidem.) splenicus & pravi coloris erat, contigit illi tumor circa sinistrum femur, evanescens, hinc successit tumor circa ilius reginen, febris & mors.

*Omento adhaerant excrescentia quedam, &c.] De Omenti structura & usu nova prodidere Viri Clar. Fracassani & Malpighii.* Epiploon inspectum beneficio microscopii, apparet simile magno sacco, multis aliis saccis minoribus, adipis congeriem continentibus, referto, Sunt ibi plura vasa quæ possint

appellari Adiposa, quæque ex membrana illa exeunt, & per totum corpus expansa adipem eo deferunt, quemadmodum arteriæ per totum corpus Sanguinem devehunt: Ubique Adeps vel Pinguedo adest, adest simul copia sacculorum illorum, quibus pinguedo illa est inclusa: Inde fit ut in macilentis corporibus Adipis loco nihil præter cutem appareat.

Sacculorum illorum, vasorumque adiposorum structura satis commonstrat Adipem non fieri per accidens ex crassis vaporibus sanguinis, ut vulgata est sententia, Neque usus ejus præcipuus est fovere calorem naturalem, sed videtur potius conducere ad edulcendam Salium acrimoniam, quæ sunt in sanguine & sero: Et Revera homines macilenti, & quibus abscissum est Epiploon, plus sunt obnoxii Rheumatismis, Lienteriis, aliisque similibus morbis ex humorum acrimonia productis: Pingues autem non adeo morbis illis sunt subjecti, quando seri acrimonia commendatur per mixturam pinguedinis, quemadmodum lixivium acerrimum vires suas perdit quando oleum illi fuerit commixtum. *Observatio Fracassani & Malpighii Medic. Italor. In Actis Philosophicis Anglicæ societatis anni 1667. pag. 246.*

## OBSERVATIO XII.

*Hypochondrii sinistri Tumor à Liene, intra sanitatis limites, magno.*

**A**n te aliquot annos quendam magno Liene defunctum aperui, in quo, dum vivebat, eadem Tumoris ratio erat, Post mortem vero exsectus Lien, plane molis erat instar spongiæ madidæ: Ingrediebatur illum insignis magnitudinis arteria splenica, egrediebatur major vena, tunica admodum densa cooperiebatur. Parenchyma absolvebant fibræ mire inter se contextæ, & sanguis valde serosus cavernulas, ex mira fibrarum contextura enatas adimplens: Sanguinem hunc penitus non solum in hoc, sed hætenus in pluribus Lienibus, non magno labore detracta tunica elui posse didici: fibrarum iste contextus expressa aqua admodum contrahitur, & e.g. respectu splenis bubuli minima ejus portio apparet, aqua verò immersa protinus mire secundum omnes dimensiones dilatatur, instar spongiæ aqua prægnantis. Similem fibrarum contextum in hepate uterino humano, in uteri substantia partui vicinarum, & in reti mirabili bovino video; An sanguinem qualitate aliqua imbuat? an vero solum cursum ejus remoretur, vel aliud beneficium conferat? non definio. *I. Jac. Wepferus ad Thom. Bartholinum in hujus Ep. cent. iv. Ep. 13.*

## OBSERVATIO XIII.

*Hypochondrii sinistri Tumor à Liene impense magno.*

**I**lustriſſ. Comitissa Fuſtenberg, circa xxx. ætatis annum anno 1655. Viennæ post largiorem melonum usum, insuper epoto vino glaciato, cui tamen assueverat, incidit in febrem intermittentem, nullos certos typos observantem. Post aliquot septimanarum decursum febris evanuit, at remansit tumor in hypochondrio sinistro, indolens locoque mobilis: ludicabatur ejus generis tumor qualis post febres, imprimis anomalas, in hypochondrio dextro ab epota largius frigida deprehenditur, quem quibusdam in locis hepatis placentam vocant: atque hoc nomine tumor iste non magni fiebat, neque à Ill. ægra, neque à Medicis, imo penitus negligebatur. Biennio, à febre depulsa elapso, denuo concepit, nam aliquot prolium mater est: circa medium gestationis tempus diu maximo labore, singulis mane pituitosa copiosa



copiosè evomuit, quin etiam tum temporis menses imperuosè satis eruperant, ut omni ingenio suppressendi foetusque conservandus fuerit. Dum foetus in utero crevit, tumor sursum costas versus adauctus fuit, non sine dolore, qui sæpe tantus erat ut lectum petere cogeretur: quam primum recubuit, dolor protinus evanuit: Stato partus tempore, promptius ac unquam, puellam enixa est: Excliso foetu ac secundinis, tamen iste cum impetu quodam deorsum pubem versus ruebat, ut Illustr. Dom. veluterum prolapsum, vel peritonæi processibus laxatis, herniam intestinalem sibi obtigisse vereretur, Verum illa in lectum collocata, nihil tale, nec tunc nec hætenus animadversum fuit: Lochia ritè fluxerunt. Post puerperium aliquandiu menses inordinate & cum foetore emanarunt: Anno 1660. post dies caniculares thermas Helveticas adiit: Earum usu finito, mensium fluxus debitus rediit ac paulo post iterum concepit: verum nondum finito quarto mense, ob casum abortum passa est, Ab illo tempore sentit tumorem crescere, citra notabilem actionum læsionem, aut manifestum aliquod deterioris valetudinis indicium: Anno 1661. æstate acidulas Riplisavienses bibit, cum, ex Celsi sententia, ferrata Lienem imminuant, Earum potum commode pertulit, indeque spem integræ valetudinis concipiebat: verum nondum finito potandi tempore, cum gelidam fontanam æstuate corpore avidius bibisset, in colicam incidit, quæ tamen congruis adhibitis, utcunque exvissima fuerit, brevi sublata fuit: Ab illo tempore ad hanc usque diem sat bene se habuit, nullum vitium in actionibus notatu dignum observatur, habitus corporis est obæsus, facies rosea, cætera cutis candida, statura mediocris: Pridem crebro sanguinem tenuem ex utraque nare & fere quotidie exstillavit: Post usum spleneticorum hæmorrhagia rarior & parcior est: urinam copiosius & potum quantitate superantem, sed pallidiorem nunc emingit: Tumor quoque horum usu aliquantulum decrevit. Ejus facies, dum hæc scribo, talis est, sub costis nothiis in sinistro latere incipit, desinit prope os pubis: Si supina jaceat, lineam albam non transcendit, sed tamen proxime fere attingit, vacuum spatium inter costas & spinam Illi implet: Si dextrorsum corpus volutet, illuc prolabitur, imo manu facili labore eoque adigi potest, ejus terminos circa lineam albam, similes linguæ bubulæ, non semel tactu explorare potui: Ego tumorem hunc semper Lienem magnum credidi, ejus scil. affectum a scirrho penitus diversum, ut mecum *Dodonæus* sentit, tumor enim attractui mollis & quasi fungosus tangenti manul occurrit: Eoque libentius id existimo, quia ante aliquot annos vidi, &c. (*vide §. In Illustri igitur Domina, Spleneticas fibrarum cavernas admodum seroso sanguine impletas existimo: fibras vero arbitror tonum suum & robur, ob annuam p. n. expansionem tantum non perdidisse, atque ob hanc causam tanto tempore molem Lienis eandem permanere.* Exc. T. summopere rogatum velim quid de hoc affectu sentiat? Certus sum magnos Lienes Exc. T. notissimos, cum in oris illis vivat ubi frequentiores sunt quam in his regionibus, Humorem melancholicum multi accusant, at penes Ill. Dom. nulli hujus humoris effectus apparent, si molem splenis excipiam, quæ tamen æque ab aqua accidere potest: Deinde ex te quero, quid de diureticis in hoc morbo sentias, &c. *I. Jag. Wepferus in Epist. T. Bartholini cent. 4. Epist. 13. In miscellaneis vero curiosis ann. 1670. morbi historiam persequitur, obitum & anatomen tradit.*

Illustr. Comitissa Franc. Elizabetha de Fustenberg, Splenis ingentis mole jam diu divexata, anno 1668. mense Aprili, purgans assumpsit annuum ex Magist. Jalapæ, à quo septies alvus alias cum euphoria commota, hac vice ad. 4. dies infinitis vicibus corpus diseruciatum (iræ sanguinem commoventi causa adscripta) alvo ex parte tranquille reddita, venæ sectio instituta: à V. S. constipatio nata. Illustrissima verò cum scybala cum violentia ejicere conaretur, ruptionem in cerebro factam esse, & apoplexiam imminere frustra imaginata est, nam nullum motu defraudatum fuit membrum, copiose bibit aquam apoplecticam: sequitur vomitus per triduum durans, cum summa virium debilitate & perpetuo narium stillicidio: cui paucis post diebus succedit vertigo, Adstantes dum Illustr. per cubiculum ducere conantur, syncope accedit, ut inter gressum exspiraret.

Abdomine recluso, ingens Lienis moles oculos incurrit, longitudine æquavit quinque palmas transversas, latitudine quatuor, crassitie unam cum dimidia; pondere vi libras civiles valuit: figura Lienis secundum naturam oblonga est instar linguæ bovinæ, hic eminentiam palma largiorem inferius adnatam habuit, semicirculum referentem, & infra umbilicum dextrorsum progredientem. Interior ejus substantia picem saturato nigrore referebat: exterius ob crassiorem tunicam minus nigrescebat, tactu, ob crassam hanc tunicam, durus videbatur, ea excoriata, fungosus & mollior, foetor fere absuit omnis: Stomachum ubi attingit, interna superficie, putridus & inflammatus; Eloto piceo sanguine, sæpe repetita aquæ affusione, fibræ albæ & robustæ remansere: ventriculus in utroque latere, ubi hepate & liene

& liene tegitur; non aliter ac si combustus esset tinctus. Intus exulcerationem patiebatur; A levi inflatione ventriculus disrumpitur ad illam regionem quam Lien tegebat, ubi disrptionem examinavi, tenuem valde & levi tractu dissilientem ventriculum vidi, alibi à fortiore disrptione non volui disjungere: cerebrum ab omni labe erat immune: Acidulis Rippelsaurenibus usa per aliquot annos, vidit abdominis tumorem indies immolui.

## S C H O L I A.

**V**itium Illustr. Dominæ quod signasti, aliud esse non credo quàm Lienis magnitudinem excedentem, sive nativam sive asciticam. Nativam quum dico, nolo ea magnitudine natum Lienem, quia historiæ tuæ id repugnat, sed quod justo laxius ejus parenchyma fuerit prima origine, adeoque aptius ad imbibendas humiditates, quas vel morbus præcedens per *ulcerum* deposuit, vel sanguis arteriosus, quo lien abundat, plus æquo fluidior, vel denique lymphatica vasa subministrare potuerunt: His modis magni Lienes fiunt, & sine magno incommodo à plurimis geruntur. *M. Donatus* lib. 6. Hist. mir. c. 3. quandam mulierem scribit lienem adeo ingentem habuisse, ut universum abdominis spatium occuparet, quo tamen non obstante plures filios peperisse optime formatos. Vidi ego non pauca exempla, Uxor mea post quartanam magnum lienem recepit, qui etiam tactu deprehensus est sinistram abdominis partem universam occupare: angebat animo, & superveniente lètero omnia conclamata credidi, sed præter spem largis evacuationibus biliosi seri per vomitum, alvum & urinam succedentibus, brevi convaleuit, ut nec vola nec vestigium lienis exinde superfuerit: Fratri quoque non semel Lien intumuit, sed per vomitum largissimè cruenti seri detumuit: Quod si vero nimia mora fibræ lienis laxentur, ut collectum in spongioso parenchymate serum exprimi non possit, scirrhus incurabilis oritur, tunica externa etiam ita condensata ut corium bubulum crassitie æquet, quod in splenetico hic à me secto observavi. In alio Romæ vidi, à compressione tumidi Lienis constrictis intestinis, deglutiendi sublata facultatem: Ita obstructum lienem in verula exemit *Fioravanti*, postea Lienem innoxie excindi in homine vulnerato narrat *Ballonius* lib. 2. Ephem. & hic in canibus nos experti sumus. Humidi copiosi proventus hic recte cum

*Hippocr.* incusas, qui in hujusmodi hominibus sputo se prodit & hæmorrhagia: Revera serum ibidem p. n. cumulari deprehendit *Cotter* Observ. Anat. in suspensio, vesica cum duorum pugnorum magnitudine aqua plena lienis adhærebat: Quod deinde Lienosi nonnunquam secro sint ore, nec superfluo humore multum turgeant, hæc ratio est, quia serum à liene interceptitur & cumulatur, unde nec ad ductus salivales confluere potest, nec ad reliquas corporis partes, etsi frequentius eveniat ut & sputatores insignes sint scorbutici, & reliquo corpore sudore distillant. Ill. Dom. vestra lienem simili sero distendi indubie crede, & quia ab utero compressus sursum ascenderat, descenditque tumor ejus, spero prolapsu non esse aut utero annatum, quod observavit *Riol.* 2. Anthr. c. 23. De diureticis porro & emplastris quod scribis, non possum non in illorum delectu Tuum judicium laudare: Per lotium hujusmodi serum in liene congestum comode posse evacuari, natura monstrante viam didicimus: Apud *Heller.* c. 49. Religiosius lienis timore & gravitate hypochondrii affectus, urinis nigricantibus, atramento nigro simillimis, per 5. vel 6. dies erumpentibus, pristinam incolorem adeptus est: Medicus naturæ est imitator & tuto illam siquitur si assequi possit: laboramus enim defectu diureticorum, sine nausea, promptè & certò operantium: variis salibus, lixivis, decoctis, aquis, pulveribus hydropicorum aquas per vias urinæ aliquoties tentavi educere, sed non nisi semel in juvenula successit: Non semel vero per sudorem, sive Lacocico, sive unicornu nostro provocatum feliciter agros restitui, in quem proniores quoque sunt scorbutici: sed hic & ubique naturæ via petenda, ut illi insistant quam elegerit. En pl. ex cicuta Hildani magnificatio, & ejus continuatum usum dissuadere non possum. *Barthol. cent. 4. Epist. 14.*

## OBSERVATIO XIV.

*Hypochondrii sinistri tumor à Liene indurato.*

**M**ulieris vi morbi profligatæ dissectioni interfui, sublata vero fuerat diuturna viscerum obstructione: Lienem in cadavere defunctæ invenimus tantæ esse duritiei, ut vix cultro cederet, nisi magna vi intruso: Inter secandum non dissimilis audiebatur sonitus, quem in lignis spongiosis discissis animadvertimus, & si clarius loqui licet, & colore & duritie carnem fumo diutino induraram lien referebat, sive quod interceptis obstructisque vasis splenetici exaruerit, sive quod atro succo repletus nutritusque fuerit induratus. *T. Bartholinus cent. iv. observ. 60.*

## S C H O L I A.

**I**ncurabiles illi lienes spem Medicorum egrorumque fallunt; ubinde extremus & tumor & durities summa ad tactum offertur, Siquidem vero congestus in splene sanguis tenuior est, patentque venæ, curationem admittunt, nec sudorificis & laconico duritiem contumacem lienis emoliri vidi, & lètero succedente immixtum: de hæmorrhoidibus notum: nonnunquam per vas breve expurgatur largo sanguinis vomitu: Sed memoria dignus est quidam, qui splenis duritiem sæpe & moleste expeririabi maxime intumuit, vomitu sanguinis liberatus, induciaeque habet donec collecto sanguine fluido rursus turgeat: sen-

ferat nuperrime sinistri hypochondrii tensionem & duritiem, subiequebatur post paulo vomitus sanguinis, secundo tertioque die recurrens, ut tridui spatio libras plusquam sexdecim rejecerit, animaque purpurea in labiis hæretet: Exinde quanquam pro mortuo habitus sit, sublevata hypochondria & tardæ vires rediere. An purus putusque sanguis fuerit non aulim affirmare, cum in emaciato corpore vix sedecim in universum sanguinis libræ contineantur: mixti fuere ichores, pituita & alia ventriculi lienisque liquida excrementa, cæterum maximam partem cruor conficiebat.

## OBSERV:



## OBSERVATIO XV.

*Hypochondrii sinistri tumor à Liene indurato, male formato, & Reni sinistro annato.*

**P**uellus tumore sinistri hypochondrii laborabat, Eo extincto & aperto, Lien monstrose tribus appendicibus instructus, nigri coloris & induratus repertus, sinistro reni arctissime annatus, ut sine sectione digitis avelli non posset. *I. D. Horstius Observ. Anat. x. Vide tit. de Ventris Tumore.*

## OBSERVATIO XVI.

*Hypochondrii sinistri Tumor à Liene insignis magnitudinis.*

**A**nno 1657. profecui cadaver in quo Lienem invenimus quadratum ac durum, æquante capitis humani magnitudinem. *De Diemerbroeck Anat. lib. 1. c. 15.*

## S C H O L I A.

**M**agnitudo Lienis in homine diversa est pro corporum & constitutionum diversitate: plerumque longitudinem habet fere sex digitorum transversorum, latitudinem trium, crassitiem pollicis. In morbosis corporibus interdum enormem acquirit magnitudinem, ita ut ejus protuberantia extra costas sentiri & videri possit. Sic qui humiditas regiones incolunt, & aquas paludosas bibunt, magnos Lienes habere solent: *Lindanus* refert Frisiorum vulgus, quod pro potu quotidiano utitur lacte ebutyrato acido, plerumque magnos habere Lienes. *Aëtius* lib. 7. scribit hoc viscus in Lienosis nonnunquam sua longitudine usque ad inguen pervenire, & latitudine Jecur contingere: Interim quo viscus hoc majus est,

eo pejus degit homo, ejusque corpus magis extenuatur, quia ab eo non suppeditatur materia congrua ad fermentum conveniens, in hepate conficiendum, quo destitutus sanguis debito modo non attenuatur, sed acris, acidus, crassus, aliòve modo ad partium nutritionem inutilis relinquitur, atque hinc etiam Stomacacen, seu Scorbutum enalci primus tradidit Hippocr. 2. Protrh. *Gingivæ vitiatæ, & ora graveolentia sunt quibus splenes magni: quibus vero splenes magnos habentibus sanguis prurupit, nec os olet, horum tibi præva ulcera habent & cicatrices nigras.* *Spigelius* observavit eos qui amplas habent venas habere Lienes majores, atque ideo macilentos facilius quam pingues in tumidos Lienes incidere. *Idem.*

## OBSERVATIO XVII.

*Hypochondrii sinistri Tumor ob Lienem durum, magnum, interius putridum, & materia feci vini simili repletum.*

**XXVI.** Augusti 1670. deduxit me Clar. D. D. *Drelincurtius* ad Ægrum xxx. circiter annos natum, qui artem textoriam exercuerat, & plurimo lacte & caseo usus fuerat; laboraverat ille æger ultra annum febre 1. quidem tertiana, eaq; nunc simplici nunc duplici, postmodum quartana, demum erratica; quibus tot febrilibus insultibus ita attenuatus erat, ut faciem Hippocraticam vere nobis exhibuerit: Venter valde tumidus & durus erat, sentiebaturque durities in latere sinistro, à costis nothis ad latus dextrum tendens, ac infra umbilicum usque descendens: Contrectando vero hypochondrium sinistrum, ad latitudinem duorum triumve digitorum transversorum ab umbilico, Tumor longe durior percipiebatur: Sæpius hæmorrhagiam narium patiebatur, raro tamen sanguis è nare dextra emanabat, at ferme semper è sinistra: Quatriduo autem post, id est xxx. Augusti, venter detumuerat, eadem tamen aderat durities: laborabat autem dysenteria, & quotidie duodecies circiter alvum exonerabat, & ab eo tempore dolores diminuti fuerunt, excrementa vero foetidissima erant atque cruenta, & admista quædam intestinorum ramenta præ se ferebant. Dolor in extremitate ossis sacri infestabat: In dies augebatur debilitas, & præsertim maxime debilitabatur à Dysenteria, quare præscriptus fuit clyster ex lacte & vitellis ovorum, quo sæpius injecto dolor & dysenteria cessarunt, & excrementa naturalia ad finem usque vitæ suæ deposuit.

Nono septembris animam exhalavit, ac sequenti die à Clar. *Drelincurtio* cadaver ejus apertum fuit, me solo præsentem: In illo autem sequentia notatu digna vidimus: Lien non nisi mediante membranula quadam diaphragmati alligabatur, nec suo capite attingebat diaphragmati, neque ullibi alligatus erat; cauda autem ejus duos digitos transversos ultra costas nothas descendebat: Totus porro Lien durus erat atque plumbei coloris, magnus atque crassus, ponderis 3xliij. intus denique materia copiosissima, instar facis vini rubri concludebatur: Duplex polypus in corde, utriusque substantia mollis: qui in ventriculo dextro continebatur, longe crassior erat, uti assolet: Sanguis in arteriis contentus, plane serosus & fluidus: qui vero in venis, nigricans ac inspissatus erat. *I. Von de Flammerdinge Dissertatione de Tumoribus Lienis* §. xiv.

## SCHOLIA

## S C H O L I A.

**L**ien suo capite non attingebat diaphragma] Lien capite suo summo diaphragmati quandoque annexus est, quandoque vero non: quod utrumque mihi ipsi aliquoties videre contigit: licet viri egregii & celeberrimi ea de re inter se disceptent, quibusdam asserentibus lienem semper diaphragmati capite suo connecti, aliis vero contrarium profitentibus: *Idem ibidem.*

*Totus Lien durus erat &c. Inius materia instar facis vini rubri]* Causa tam efficiens quam materialis Lienem vel putridum & fæculentum, vel durum & scirrhosum reddens, gradu tantum differt: Causa enim efficiens mihi Acidum est, idque nunc debilius nunc fortius; nunc minori nunc majori copia, præcipue in acinis Lienis, sive glandulis lienalibus subsistens: Causa materialis, partes sanguinis, earque nunc minus nunc magis concretæ indurataeque: Causæ vero cur talis Aciditas in glandulis lienalibus reperitur, sequentes mihi esse videntur, 1. Sanguinis crassities, terrestritas aut viscositas 2. Spirituum defectus: Sanguinis crassities, terrestritas aut viscositas, efficiunt ut minus libere per acinos illos transcoleatur sanguis, qui copiosius ad illos affluit, & partes quædam stantur intra acinos, quæ stagnatione acedunt: Ob spirituum defectum sanguis minus fluxilis, crassior minusque temperatus existit, Et cum spiritus ubique sanguini permisceri debeant, & illud maxime in liene requiratur, ad quem multus sanguis deferretur, & quo proinde naturæ artifex multos nervos deduxit, ut copiosos spiritus advehant, non mirum si illis parciore copia accedentibus, sanguis adhuc crassior evadat, & partes subsistentes acedant, & cum quotidie acidiores evadant, sanguinem qui percolandus esset, univertum incrassent, qui poros acinorum, sive glandularum offerciens ac distendens, partem tantum fluxilem magis transfluere permittit, ac stagnatione diuturniore intra lienem in materiam putrem, & facis vini rubri haud ablimilem abit: quod si verò diutius malum perseveret, sanguis retrictior fit, & acidum fortius existat, febris accendatur fortior & corpus exsicceat, indurabitur lien & scirrhosus evadat, consumpta tandem humiditate sanguinis, & impedito novo ejus ad Lienem affluxu propter obstructionem: Acida autem sanguinem coagulare, id primum me docuerunt experimenta, quæ jam olim celebres Medici fecerunt in Anglia, quibus constat liquorem acidum, in brutorum viventium vasa sanguiduca injectum, necem brutis inferre, eamque vel citiorem vel tardioram, prout acidum vel efficacius vel inefficacius existit: In illorum quippe cadaveribus, dum adhuc tepent, seu, ut rectius dicam, statim atque spiritum duxerunt ultimum, causam mortis rimantes, nihil aliud deteximus quam sanguinem concretum coagulatumque in vena cava cum ascendente tum descendente, & in ventriculis cordis, potissimum autem in dextro, prout hisce meis, cum oculis tum manibus, non semel uidi contrèstare: Quibus certe experimentis, Clar. meus Promotor *Drelincurtius* lucem atque fidem plurimam nobis fecit, dum brutorum animantium sanguinem non unice coagulavit, sed & humanum, cujusvis fuerit ille & indolis & sexus & ætatis, concretum fecit: Quoniam autem ipsum defecerunt occasiones, quas olim Erasistratus atque Herophilus Romæ nacti sunt circa homines morti addictos, ut experimenta

sua faceret in viventium corpore, illa fecit nihilominus bene multa in eorundem sanguine, sed extra corpus educto, quæ professus est nequaquam fallacia fuisse, sed indubitatae fidei: Nullum si quidem reperit hæcenus sanguinem, è quovis vivente missum, sive sano sive morbofo, sive tenero sive adultiori, sive consistente sive declinante, masculo vel femineo, qui acidorum mixtura non fuerit alteratus in colore atque consistentia suis: 1. Itaque ut certior fieret de rerum eventu circa sanguinem virilem è sano extractum, aliquid alias omphacii, alias aceti, alias limonum succi, alias aceti destillati, alias spiritus vitrioli, alias olei vitrioli, alias spiritus salis, alias spiritus nitri vasculo, quo sanguis excipiendus erat, indidit, pro majori hujus vel illius copia & acredine temper observavit, nec unquam fefellit ipsum rerum exitus, sanguinem exinde evadere vel fulcū, vel nigricantem, vel nigerrimum; nec colore duntaxat a nativo longe declinantem, sed & consistentia maxime varium fuisse, sedulus illum notavit, fluidum quidem 1<sup>o</sup>. sed valde inspissatum & incrassatum, nam navalis picis liquidæ, aut facis vinaceæ fuscioris amulus erat, atque ubivis superficie plana & laevi; vel fluidum adhuc itidem, sed per grumos & globulos concretum, uti est oleum non omnino frigore duratum: vel demum univertè compactum atque coagulatum, uti caseus est firmior, idque semper citra terjullius gutturam, fortioribus enim acidiis serum omne una cum sanguine coit concrevisseque: At mitioribus non item, sed continuum permixtumque manet cum sanguine nigrescente inspissatoque: Adhuc autem illorum sanguine utus est qui plethoræ demende causa, anno vernante, venam sibi tundi curant, ut prout in hoc vel illud Chirurgorum vasculum, quo sanguis excipitur, hoc vel illud acidum, hac vel illa proportionem injectit, ita etiam varios nigredinis & coherentiæ gradus, animadvertit: Idem rursus ut in agris comprobaret, consimili methodo varios gradatim liquores acidos, vel ad cochlearia, vel guttulas aliquot, in vascula conjecit, quibus sanguis, e corpore febrili aliterve morbofo profluens sectione, exceptus est, & antequam agrotantis de cubiculo pedem referret, rudimenta non levia duplicis alterationis præfata contuitus est: Imo sciendi desiderium compulit ipsum in arterioso sanguine idem ut exploraret; Illius autem excipendi copia fuit Lutetix non denegata, eo quippe loci haud infrequentes repetire est Chirurgo industrios, qui temporariam arteriam, exterioris caroticae furculum, graviter & dextre secant, cum in cephalæa, tum in ophthalmia & oculi protuberantia & ejectione, vel dolore asperioribus, vel diuturnitate contumacioribus: Qualicumque enim de causa sanguis arteriosus ille fuit eductus, eandem prorsus atque venosus in vasculo alterationem unam & alteram subivit, Ne autem fucum nobis facere videretur, id reapse nobis comprobavit, 1. namque mihi experiri dedit, sanguinem virginis non menstruatæ exceptum vasculis tribus, quorum prius omphacio delibutum erat, alterum itioratum aceto, 3. tandem purissimum erat, unde contigit ut prioris sanguis nigricans & fæcutinus apparuerit, sed citra serum secretum à massa, Alterius sanguis nigrior, spissior & fæculentior erat, necnon grumis seu granulis sanguineis nigris totus scatebat,

M M m m

appri-

apprimeque mihi exhibuit sapam aliquam nigram granulatamque, sed citra serum innatans ulium: Tertii demum sanguis concreverat in offulam, quæ plurimo viridescente sero inundabatur, uti sæpe sæpius obtingit: Insuper his, toti Collegio suo Anatomico Virulum mactavit, dum axillaris arteriæ utriusque truncum incidit, & sanguinem arteriæ ab utraque rivulose profluentem multiplici vasculo excepit, in quorum unumquodque varia acida infuderat, quæ jucundo nobis spectaculo varietatem illam præ oculis posuerunt quam collegiis in Practicis nos docuerat: Cum primis autem mirati subit tantam illius sanguinis compactionem, quanta inerat illi sanguini quem spiritu nitri conspersio vase, ab arteria salientem exceperat: Tantis experimentis fultus, nullus veritus sum Clar. Viri sententiam amplecti, qua sum edoctus limosum, facinum atque lutolum lienalem evadere sanguinem, unaque crassum, fulcum, nigricantem, nigrum grumulosumque acidi feri cellulas intra lienales occursum, ubi hac sua limositate, facis crassioris æmula, meatus & iterula, naturæ alias pervia, opplet & obstruat, sicque obstructionum sit primum author, subinde vero tumoris durioris atque durioris, prout partes illæ terrenæ atque fæcæ magis magisque inspissantur induranturque, vel occurrit novi acidi fortioris quod illas potentius figit densatque, vel secessu tenuioris aquosiorisque partis, quæ terrestre itatem illam prius diluebat fluxilemque conservabat, In illam porro mentem eo lubentius descendendi, quod animadverterim facinum illum sanguinem

artum, in vasculis arte factum, penitus analogum esse alteri illi, quem propriis itidem hæc oculis meis observavi è lienibus educi morbois, tumidis nempe, putridis, cœnosis atque luxulentis: Eo rursus gratiori mente id artipui dogma, quod mihi lucidissimam faciem prætulit in perquirenda veterum melancholia atra, sive humore lienali atro atque morbifico, quem eo pacto non solum vidi sed & palpavi: Hinc itidem animum meum dubiis liberavi circa Chloroseos naturam, in virginibus potissimum illis, quas Montipellii vidi bene multas, ab usu limonum & acerariorum nimio in tanta incidisse symptomata: Acidum enim nimium sanguinem inspissat, & illum per consequens, qui menstruatus foret, ineptum reddit periodice ut effluat &c. *Idem ibidem.*

Quo clarius dicta percipiantur, quædam de Lienis Istructura addenda ex Viro Clariss. Lien inquit, capite suo summo diaphragmati quandoque annexus est, quandoque non: Arteriam sortitur ab arteriæ descendens trunco; Venam à vena portarum, Nervulos à sexti paris ramo costali, Vasa item Lymphatica multiplici propagine feruntur: Totus porro Lien ex membranarum congerie in cellulas varix magnitudinis atque figuræ varic distincta componitur: Glandulæ innumere, utæ bœrum æmulantes, substantiæ membranaceæ & cavitatem habentes, in spatiiis vacuis locatæ conspiciuntur, in quibus arteriarum nervorumque extremitates inferuntur. Plura vide apud

*Malpighium.*

#### OBSERVATIO XVIII.

##### *Hypochondrii sinistri Tumor ob subditum Lienem magnum, Sanguine seroso distentum.*

**A**Nte aliquot annos quendam Magno Liene defunctum aperuit doctrina conspicuus Clar. D. D. *Ioh. Jac. Wepferus*, Medicus Schafhusanus, In quo Lien plane mollis erat instar spongiæ madidæ: Ingrediebatur illum insignis magnitudinis arteria splenica, egrediebatur major vena: tunica admodum densa cooperiebatur; parenchyma absolvebant fibræ miræ inter se contextæ, & sanguis valde serosus cavernulas, ex mira fibrarum textura enatas, adimplens: Sanguinem istum penitus, non solum in hoc, sed antea in pluribus lienibus, exiguo labore, detracta tunica elui posse didicit Vir idem eruditus, & fibrarum contextum expressa aqua valde contrahi, ut respectu splenis v. g. bovini, minima ejus portio adpareat: aquæ vero immersam protinus mire secundum omnes dimensiones dilatari, spongiæ instar: Similemque fibrarum contextum in Hepate uterino humano, & in rete mirabili bovino se vidisse fidem facit Vir Clariss. Idem erit & Hepatis veri fatum, nisi fallunt me auguria: quod eapropter longa maceratione excluso cruore candicat, & levi opera, concreto ibidem sanguine excusso, vasorum suorum nudam texturam revelabit, ut sciat tandem se suo pede metiri, nec Cordis, solida carne prædicti, invadat imperium, ut sola separatione vel miscela sanguinis contentum quoque vivat. *Bartholinus Tract. de Hepatis exequiis pag. 28. de constitutione Hepatis. Vide Marc. Malpighii Tract. de Hepate.*

#### OBSERVATIO XIX.

##### *Hypochondrii sinistri Tumor à Lienis magnitudine & duritie.*

**L**atus sinistrum deciduo ex loco superiore lapsu afflixerat Th. Joannis, ex his fabris qui ligneam ædificiis adaptant materiam: Hic adhibitis quibusdam unctionibus & fomentis, cum dolorem graviores non perciperet, livorque qui in cute apparuerat, disparuisset, ab usu medicamentorum quidem abstinuit, sed palliatæ sanationis effectus postmodum sensit & incuriam in eo morte sua luit: Surrexit enim quasi ex insidiis hæctica febris, quæ diutius latentem sui causam celare non potuit, dum paulatim latus extrinsecus illæsum in tumorem assurgit, & duriori intus latenti, seseque paulatim dilatanti

lieni



Lienis amplius dat spatium, per quod suam, quor diebus majorem extenderet duritiem: Accedebat anhelandi difficultas, quam quidam rebantur alterius morbi sobolem:

Extinctus itaque & anatomicè examinatus, ostendit unicam tot malorum, quibus quindecim mensibus exagitatus miseram traxerat animam, causam fuisse læsum isto lapsu lienem, qui præter modum induruerat, & magnitudine diaphragma premens, anhelandi difficultatem induxerat: Reliqua viscera cuncta viscebantur & integra, nisi quod intestinis biliosa quædam circumfundeatur materia. An satius hic fuisset heroico Fioravanti uti remedio? &c. *Th. Kerckringius observat. Anatom. 33.*

## S C H O L I A.

**F**ioravanti uti remedio &c. ] De Lienis exsectione vide Clariss. *Bartholinum* centur. 4. histor. 52. ubi historia excili feliciter à Fioravanti.

## O B S E R V A T I O XX.

*Hypochondrii sinistri tensio ob Lienem scirrhosum, sede emotum.*

**I**N rustico renitentiam in sinistro hypochondrio, fere ad ossis Ilii spinam, deprehendo: Lien scirrhusus arcto coalitu sub membranam adiposam adhærebat Reni sinistro. *Vide tit. de Lumborum dolore.*

## O B S E R V A T I O XXI.

*Lien scirrhusus evadit ut plurimum quoad tunicam abdominis musculos spectantem, potius quam intra parenchyma.*

**V**Num circa scirrhosum Lienis affectum habeo, quod in multis cadaveribus observavi, & est quod superior tunica Lienis, versus abdominis musculos vergens, ita dura redditur, & colore livido donatur, ut scirrhus intra Lienis substantiam videatur, quod falsum esse manifeste patet, & multis Medicis præsentibus sæpe observavi in Anatome molienda. *Hippolitus Bosius de Facult. Anat. Lect. 2. p. 13.*

## O B S E R V A T I O XXII.

*Hypochondrii sinistri Tumor ob Renem seri copia repletum. 1. Ob renem insignis molis. 2. Ob factus ossa in utero latentia. 3. Ob molam ossis Ilii superiori extremitati connatam. 4. Ob abscessum stentomaticum sinistrae abdominis regionis. 5.*

§. 1. **A**Nte sex circiter septimanas accessit me Chirurgus, indicans monstrosum foetum pridie natum esse, &c. Cum corpusculum detegerem, vidi ingentem tumorem in abdominis regione sub hypochondrio sinistro, & facta disseccandi copia, adsumpsi mihi comitem Clariss. Dom. *Borrichium*, à quo rogatus cujusnam partis tumorem illum esse crederem? accusavi Lienem: Ille vero hepatis hoc vitium esse indicavit.

Aperto abdomine cum magna circumspeditione, invenimus Hepar mole sua naturalem quantitatem non excedere, ut nec ventriculum nec lienem: cumque intestina tenuia non statim apparent, credebamus primo intuitu naturam involucri membranoso eadem obvolvisse, & à reliquis abdominis visceribus separasse, sed cum eadem reperiremus detrusa versus os Ilium dextrum, in alias incidimus cogitationes: nam venis magnis per superficiem sparsis præditus erat tumor, & in ejus parte superiore, aliquid rubicundi, instar placentaë uterinaë apparebat: unde quanquam masculus esset foetus, sperabamus utrum hic nos inventuros, & in eo fortasse foetum; eoque magis quod in fine cerneremus particulam, qualis est ala vespertilionum cum tuba & teste in mulieribus: sed aperto tumore invenimus eum repletum fuisse copia seri ingenti: vonas examinando, deprehendimus eas è trunco cavæ statim sub hepate originem trahere, Tandemque deprehendimus renem dextrum in ejusmodi molem excrevisse, & tumorem illum efformasse, qui tamen Ren & à figura sua naturali, & à substantia plurimum discrepabat, nam crassissimæ membranæ erat admodum similis, Ureter quoque dexter plane erat impervius. *Ioh. van Horne in Epist. Barthol. cent. 3. Epist. 81.*

§. 2. Viduz N. nephriticæ sinistrum hypochondrium multum tumebat, quidam splenem intumuisse dicebant: Ren sinister in magnam molem undique incrèverat: *Vide tit. de Lumborum dolore.*

§. 3. Catharina N. gravida facta sine suspitione, Foetus partes molliores putrefactæ

MMmm x

per

per inferiora ejiciebantur, quæ pro sanie ex uteri ulcere manante habitæ: ossa, quæ remanserunt, lienis scirrhus. *Vide tit. de uteri morbis.*

§. 4. Virgo hic Coburgi fuit, florentis & ætatis & constitutionis, pinguioris naturæ, quæ sub onere in aquam de ponte decidit, & ut ego conjicio, casu casum sibi funestum sic acceleraverat; Accrescentis Lienis specie primum Chirurgus imposuit Tumor levis regionem Lienis occupans, cui majus in dies incrementum capienti remedia ille adhibuit, sed successus & ægram & medentem destituit; Affectus post semestre mihi à matre dijudicandus domi meæ committitur, sed quia fuerum ille naturæ ordinem nimium quantum superare mihi videbatur, ægræ præsentiam meam, quam expetere illa non fuerat ausa (ob suspicionem graviditatis, sponsa enim erat, & ideo à sponso in eandem suspicionem præter meritum rapta) ultro commodavi: Accessi, & circumstantiis omnibus bene expensis, in abdomine excrecentiam quandam, qualis etiam illa sit, sive molam quandam, non in utero, sed extra hunc latitare dixi, nullumque ulli medicinæ fore locum prædixi: menses interim ordinis sui fuerunt tenaces: præter appetitum prostratum, virium imbecillitatem, & circa dorsi medium dolorem, symptomata notata digna nulla infestarunt ægram, jam sedentem, jam decumbentem: viribus ita abdominis increscentis mole tandem prorsus detritis, debitum naturæ ægra solvit.

Aperto cadavere, pinguem quandam molem, in sinistro præcipue latere latitantem, & intestinis incubantem inveni sed ossis Ilii superiori extremitati, à qua resecabatur, connatam; Bilanci imposita 10. libras pondo civiles illa æquavit: Originem veram non deprehendi, quam tamen non in dicto osse, sed in elatiori sede fuisse, tuberculum ibi extus primo notatum indicavit: Tota massa fuit pinguedo, alienique nihil dissecta exhibuit: Circa mesenterii principium alia quædam pinguis portio (hinc ille in dorso dolor quondam) duarum præter propter librarum reperta, pinguem quandam materiam, puri consistentiæ ratione similem, nondumque compactam continuit, Ita sine dubio data per casum alicubi è vena quadam disrupta, materia, natura solers & nunquam oriosa, massam illam elaboravit, ad quam pinguior sanguinis pars, quæ partibus reliquis fuisset distribuenda, confluit. *I. Christianus Frommannus Med. Coburgensis in miscellaneis curiosis anni 1671. observ. 17.*

#### SCHOLIA.

**G**enerationis modum ejusmodi Tumorum, qui ab impetu in aliquam partem, citra aliam læsionem, oriuntur, explicat *Platerus Præceps lib. 3. cap. de Extuberantia*: Succus, *vis*, nutriendis singulis corporis partibus nutriendis idoneus, ex sanguine qui illis distribuitur, & apponitur assimilaturque generis, sicuti si modicus & laudatus est partium substantiam alendo, eam in sua mediocritate conservat, ita si quantitate vel qualitate peccet, pro horum ratione nunc generalem aliquam extumescentiam, nunc particulares aliquos tumores producit: quod dupliciter fit, vel genita alia veluti in partibus substantia, vel ea saltem adaucta, Genita veluti nova & superflua in partibus substantia, quæ illis vel innascitur, vel adnascitur, vel adhaerescit, Tumores diversos succus ille qui partes nutrit, producit, Idque quia vel luxuriat, & quantitate potius quam qualitate peccat; tunc enim præterquam quod partium substantiam conservat, superfluum quoque simul in iis gignit, parti quam alit nonnihil similem, & pro illius ratione, nunc mollem, nunc duram, vel etiam crassiotem: &c. In carnosissimis partibus succus nutriendis, carnosos tumores intus forisve producit, vel ob copiam quando exudat, vel alioquin abundat: Exudans è carne succus, ob cutis tunicarumque, quibus

obvolvitur, quibusque succus coërcetur, & venarum iuccum hunc deferentium oscula obliterantur, defectum accidit, ut si succus carni accrescat, novamque veluti carnem illi adhaerentem, & ab ea protuberantem gignat, varia sarcomata producantur & veluti in ulceribus carne impletis, necdum cicatrice obductis, succo ex ea expullulante, excrecentia carnis gignitur: Sic tunica narium, in illarum erosionibus, ulceribus, polypum; Si gingivæ eodem modo afficiuntur, Epulidem producit: Intrinsecus quoque tunicis carnosarum partium divulsis, succo extra ipsas se diffundente, Sarcomata gigni possunt. Sicuti ex contusione, per quam tantum illæ divelluntur, osculaque venarum nonnihil patefiunt, necdum gravior læsio fit, aut suppuratio vel exulceratio sequitur, sensim quandoque carnositates ejusmodi excrescunt relinquunturque: Abundantia hujus succi si accedat enarrata cause, eo citius ejusmodi sarcomata prodibunt; cui vel plethora occasionem dat, vel sanguinis ad partem aliquam sæpe repetita attractio à variis causis promota: Inter quas & impetus alii in partem aliquam, citra læsionem facti, iuccum tunc in partem allicientes, hoc possunt efficere: Quod ut in hac aliave parte fiat, partium dispositio apta ad recipiendum, plurimum adjuvat.

§. 5. Mercatoris Antverpiensis famulus 26. circiter annorum, duritie splenis affligi putabatur, & ramice simul carnosio testis sinistri: in quo curando omnis medicantium industria consumebatur:

Quo mortuo, & cadavere aperto, animadverti vastissimum abscessum, qui totam abdominis regionem sinistram, ab ipso diaphragmate ad inguen usque deorsum, adeoque ad umbilicum ipsum latè extensus adimpleverat: imo cuius haud exigua portio per inguen in scrotum descenderat, & Sarcocœles specie Medicos deluserat: Hujus abscessus

abscessus vastitati omnia ventris, illa in parte, viscera cesserant: intestina universa in dextram regionem compulsa jacebant: Dissecto autem tumoris monstroii utriculo, deprehenditur materia substantiæ cerebri simillima, tunica firma & peculiari vestita, absque fetore ullo, tantæ copię ut amplissimam paropsidem adimpleret: Posset non male ad steatomata referri. *Smetius miscellan. lib. 10. p. 523.*

## APPENDIX.

## De Tumore hypochondrii sinistri, Lieni adscripto, à pituita viscida intestino colo conclusa orto.

**V**iro quinquaginta circiter annos nato, & Tumorem in sinistro hypochondrio prægrandem, inæqualem durumque, brachiumque æquantem, ac dextroriam secundum frequentissimum coli situm protensum, atque Lieni ab aliis Medicis adscriptum, habenti, una cum aliis hypochondriacæ affectionis symptomatibus, ante annos 20. Amstelodami, sequens linimentum ac empl. toti superiori abdominis regioni applicandum præscripti, præter pilulas ex Gummi paratas: quorum ope paulatim emollitus ac maxima ex parte sublatus Tumor. *℞. ungu. alib. comp. ol. cappar. aa. ʒj. philosoph. ʒij. misc. f. Linimentum. ℞. G. Galbani, bdellii, ammoniac. aa. ʒss. thuris masc. myrrh. r. aa. ʒij. Opii Thebaic. ʒi. dissolvantur in aceto scyllis. iterumque inspissatis adde cera citr. colophon. aa. ʒiij. Balsam. Peruvian. ol. Phillos. aa. ʒj. ol. Terra ʒss. carvi stillat. ʒss. Terebinth. ven. q. s. misc. f. s. a. Emplastrum extendendum super alutam; eamque formatam prius secundum Tumoris amplitudinem, & figuram charta ei imposita & dissecta observandam: Eo Empl. feliciter usus sum, non semel enim ipsum in Flatuum & Tumorum inde ortorum discussione efficax comperi: ℞. G. Galbani aceto squill. ppti ʒij. vitrioli martis ad albedinem igne blando lente calcinati, massich. elect. aa. ʒj. castor. opt. myrrh. rub. aa. gr. 15. croci orient. ʒss. Trochis. albandal. ʒj. Resin. Gialapp. scammon. aa. ʒj. ol. cortic. git. 6. misc. f. pil. n. 50. inauranda: Harum Pilularum tres pluresve assumantur post cœnam in introitu lecti, aut mane stomacho vacuo quinque aut tot quot desiderabuntur: Pituitam vitream, antè correctam, blande educunt. *Franc. de le Boë Sylvius Prax. med. l. 1. c. 14.**

## OBSERVATIO XXIII.

## Hypochondrii dextri durities à Scirrho in fundo ventriculi &amp; colo intestino.

**V**etula illa quam aliquoties hic mecum invisisti plane extenuata obiit; Cadaver apertum, Inventum est Hepar omnino putridum, adeoque foetidum; ut nullus foetorem sufferre potuerit: Durities quam ipsemet non raro mecum in hypochondrio dextro palpasti, scirrhus erat, qui intestino colo & fundo ventriculi tenacissime adhærebat: Hinc vomitus continuus & egerendi difficultas. *Fabritius Hildanus, observ. 86. cent. 2.*

## OBSERVATIO XXIV.

## Hypochondrii dextri Tumor ob Vtero eo delato, cum dolore.

**I**nsignem tumorem in anu nostri gerontotrophii, juxta mecum videre Medici quamplurimi: Elevabat is latus dextrum, illo ipso loco quem Jecinori destinavit natura, cum tubere manifesto, & dolore satis vehementi: Imo cum tanta partis gravitate ac distensione, ut multi crediderint ipsum Jecinoris viscus in eam excrevisse molem.

Sed scalpellum post mortem cadaveris adhibitum, docuit luce clarius tumorem hunc non jecinori sed vulvæ adscribendum: relaxatis namque ligamentis, attraxerat illa *membrum* *bili vitellina* in se, ut inde distenta adæquaret caput pueri, vel bimi, vel trimi, innatans etiam eidem bili, quam instar alicujus gelatinæ per intestina vidimus ubertim effusam, *Tulpius lib. 3. cap. 31.*

## SCHOLIA.

**A**pposite *Aretæus lib. Acut. 2. cap. 40. In mediis* *libus mulierum vulva posita est, muliebri viscus, animalis ferme naturam adeptum: Movetur quippe per se, vel vertus ilia ac jecur, vel thoracem aut alia viscera; in quibus exeat sæpenumero infirmitas incommoda, defatigantia nonnunquam ingenia etiam acutissima: Sed prout variant ipsius morbi ac symptomata, pro eo etiā discrepat frequenter ipsius situs: modo uni loco rigide adstrictus, modo vero vagus: quæ discrimina producantur à ligamentis ipsius*

vel intensis vel remissis: quorum ope cum adligeretur vel sibus vel inguinibus, sequitur necessario ad illorum motum, vel sursum, vel deorsum, vel oblique trahi vagum ac errans hocce viscus: Vultis evidens fluctuantis hujus motus exemplum? considerate attentè formidabiles uteri suffocationes, sed potissimum insignem illum tumorem supra adductum.

*Tantum bilis vitellina &c.]* A cujus congelatae massæ lentore ut originem traxit morbus, duodecim annos ægram intestans, sic verisimile est, continuum ipsius



ipsum dolorem fuisse ex acti erosione bilis; quæ et primis mesenterio cuius membranas impense inflammaverat, uti quoque & vesicam pure repletam.

## OBSERVATIO XXV.

*Hypochondrii sinistri Tumor & marmor, ab humoribus & flatibus in ea Omenti cavitate conclusis quæ inibi sita est.*

Cum Omentum venas à Porra capiat, & quidem superior membrana utramque gastro epiploiden dextram & sinistram, inferior epiploidem dextram & posticam, arterias, totidem à cœliaco & mesenterico ramo, facile humores vitiosi omnis generis in id confluere possunt: Et cum Omentum iis tantum partibus adhærescat ad quos rami splenici surculi perveniunt, facile etiam à liene humores vitiosos & feculentos suscipere potest, & præcipue ea in parte Omenti humores vitiosi multi sæpe cumulantur, quæ est inter lienem, septum & ventriculum, & imprimis in cavitate illa Omenti in sinistro hypochondrio sub diaphragmate, ex ventriculi, omenti, coli & viscerum connexu orta & exitum non habens, sed ita conclusa ut aquam continere possit quam D. Salomon Albertus de Scorbuto §. 72. stagnare aqua vidit & postea etiam diligenter descripsit. Hier. Fabricius in historia Omenti: de qua accipiendus aphor. 54. 7. *Quibus inter ventriculum & septum transversum phlegma clauditur & dolorem affert, in alterutrum ventrem viam non habens, iis per renes in vesicam verso phlegmate morbi fit solutio*: Et non raro accidit ut humoribus, imo & flatibus in hisce locis cumularis Lien frustra accusetur, materia in Omento consistente, & sæpe abdomen in sinistra parte versus umbilicum in Tumorem attollente: Accidit etiam nonnullis ut dum ventrem comprimunt vel attollunt, aut moventur, sonum & strepitum quendam in ventre audiant, quod evenit ob humores & flatus in hac omenti cavitate conclusos, hosque nonnulli *eryaspudus* appellant. *Sennertus Pract. l. 3. p. 3. cap. 8.* Atque accidit sæpe ut Lien vel Colon vicinum eodem nomine incusetur, cum tamen iis salvis in ea cavitate humores vitiosi hæreant: ac pertinacissime in hac cavitate humores sæpe hærent, & frustra purgationibus tentantur, ac nonnisi fortioribus vomitoriis, vel thermarum ac acidularum usu evacuantur: *Idem ibidem parte 5. sect. 1. cap. 2.*

## ANATOMIÆ PRACTICÆ

## LIBRI TERTII

## SECTIO XVII.

## DE HYPOCHONDRIORVM DOLORE.

## OBSERVATIO I.

*Hypochondrii dextri dolor ab Hepatis phlegmone in Peripneumoniam desinente.*



GEMMINGER incidit in dolores capitis, inquietudinem, calores febriles, existimans esse reliquias vini fumantis, negligit opem medicam, indifferenter vino utens: Increcente morbo, nono die consuluerunt me: vena secanda erat, sed ob vires debilitatas alvi fluxu multorum dierum, cucurbitulas imperavi, detrahebant, substituerat alius, 14<sup>o</sup>. moritur: Dum viveret, taciturnus erat, frequentia hominum colloquia non affectabat, melancholicus, & per intervalla vertiginem inane jejunos patiebatur.

Aperto cadavere, *inveni quod prædixi*, Inflammationem Hepatis, cui peripneumonia supervenit: Hepar subrubens, interius flavescens, totum dextrum hypochondrium dextrum occupans, amplum ad stuporem, innatans bili, quæ causa fuit Doloris dextri lateris, paululum supra notas costas, & inde lividitas ab aure dextra ad infimas costas per medium dorsum exterius, in sinistro nulla comparente, animadversa est: cordis adhærebat dextro (*ventriculo*) vesicula justæ magnitudinis, continens in se sanguinem atrum: Pulmones parvi,

parvi, nigri & semiputridi : Meo iudicio, si natura morbum protraxisset, vel repentina suffocatio, vel ex scirrholo Hepate hydrops illi contigisset. *Ex observat. I. Frid. Traßelmanii.*

## S C H O L I A.

**I**nveni quod prædixi &c.] Sæpe in diagnosi Hepatis inflammationis errare contingit, sed hæc præcipua signa sunt 1. gravitas in dextro hypochondrio, quæ à repletionem & distensione Hepatis oritur; viscus enim amplum & compactum, si humore multo turgeat, grave evadit, cum molestia dum corpus à latere in latus devolvitur. 2. Dolor in uno, duobus, vel tribus locis perceptus; gravativus in Hepatis regione, Si inflammatio suspensoria ligamenta obsidet, tensivus est circa orthas costas, Imò ad jugulum usque perstringens per communicationem membranarum: Febris, magis vel minus acuta pro natura humoris peccantis, fere noctu ingravescent: 4. Dyspnœa, ob viciniam Hepatis & diaphragmatis, & hoc infra à gravitate illius depresso, & in motu impedito ab intumescencia: Hæc signa pathognomonica, Equivoca sunt Tussis sicca & molesta, pulsus durities, inæqualitas, cibi fastidium, sitis intensior, linguæ color primo ruber, deinde niger; Ictericus

totius color; urina rubra flammæa, acris; difficilis in latera decubitus, alvus adstricta.

*Inflammationem Hepatis*] Hepar vasa habet, arterias, venas, nervos, lymphæ ductus, venas lacteas: Arterias exiles à cœliaca, easque innumeras: Venas, ut *vena cava* radices, in duos veteres insignes ramos albicantes, in parte gibba cocuntes, & *Porta* succulos, triplo fere plures: Venæ hæc alias in interiore parenchymatis parte sunt valde tenues, ad obstructions proclives: Sanguis in hisce vasibus obstructis sublitens, & in motu suo versus cor turbatus, facile inflammationem parit: Ea de re notabilis est historia apud *Hildanum*, ubi Chirurgus narium hæmorrhagia magna laboranti, cucurbitulas magnas ad regionem hepatis affixit, sed successu infelici, hepatis enim inflammatio sequuta: Ideo *Hildanus* dicto exemplo permotus (quanquam *Galenus* 5<sup>o</sup>. meth. ad narium hæmorrhagiam eas affigi suadeant, topica potius quam eas adhibet.

## OBSERVATIO II.

*Hypochondrii dextri dolor ab Abscessibus in Iecore, Vomitis, Suppuratione.*

§. 1. **C**onquereretur quidam aliquot abhinc annis Patavii de febricula nullis remediis cedente: dolor tandem successit in hypochondrio dextro, tumorque Jecoris cum difficili respiratione: Existimabat nonnemo esse inflammationem jecoris, contra *Salla* noster esse Jecoris abscessum divinabat, qui se per venam cavam in thoracem expurgeret, unde difficilis respiratio & copia puris: Post paulo æger morti cessit.

In aperto cadavere ingens Abscessus in jecore inventus, unde prorsus computruerat, & totus venæ cavæ ramus superior illo pure repletus cernebatur, thoraxque humiditate ista abundabat: *Bartholinus cent. 4. observ. 18.*

## S C H O L I A.

**P**rorsus computruerat] Mirum in viventibus tam facile Hepar computrescere, cum in mortuis & elixatum diutissime asservetur: Hinc *Plinius* lib. 11. cap. 37. Jecur, ait, in mortuis vetustatis patiens, centum durare annos obsidionum exempla prodidere: Firmat *Riolanus* Anthropogr. lib. 3. cap. 19. qui vidisse se ait jecur humanum ab anno elixatum, quod sub scannis scholæ medicæ asservatum fuerat, nullo

modo corruptum & rancidum, cum odorem redolentem qui est in recens elixato: Facilis corruptionis in viventibus causam affert *Hippocrates* lib. de veteri medic. Hepar propter ténacitatem & sanguineitatem absque doloribus esse non potest, & propter has causas dolores acutissimi & frequentissimi circa eum locum contingunt, suppurationesque at tubercula plurima.

§. 2. Vir Sexagenarius ex vitæ incommodis, aëre pluvio & victus Inopia, in cacohymam totius constitutionem superiore autumno inciderat; inde obstructions viscerum febresque, quibuscum colluctatus, circa initium Februarii anno 1640. in nosodochium delatus est, sed jam in tantum increverat malum ut omnia quæ præscribebantur irrita essent: Sed præcipue de summo Doloze ad hypochondrium dextrum querulus semper erat ab affecto hepate, ut tum etiam facile conjicere erat, quia venter, & præcipue pedes, ordematoso tumore inflabantur: obiit in hoc statu 18. Februarii.

Aperto cadavere statim mortis causa apparuit, Hepar enim conclusum in se habebat foetidissimum abscessum, pure viridi, teterrimique odoris refertum; quod partim in abdominis capacitatem evacuatum erat, sed majore tamen sui portione adhuc intra cavitatem continebatur: Ejusdem puris teterrimi pars omento & mesenterio innatabat & utrumque nigro colore tinxerat: In abdomine alia satis bene erant constituta, nisi quod exteriores omnium partium membranæ eodem colore infectæ essent. *O. Heurnius obs. 22.*

§. 3. Non ita pridem in Collega nostro, qui abscessu in simo hepatis concepto febre lenta extabuit, id observavimus: Nam cum simum hepatis abscessu detineretur, dolores etiamnum sentiebat circum membranas hypochondrio dextro obtentas, unde hoc? Per cœcos ductus resudabat ichor acer à simo hepatis in gibbum, & ab hoc in vicinas membranas & in diaphragma ipsum, ibi dolores acerrimos concitans. *Ballonius lib. de convulsionibus.*

§. 4. Illustris Theodori de Mayerne, Britannicæ Regis Medici, uxor, hypochondrii dextri dolore cum febre subito correpta est: Octavo die ab invasione morbi obiit: Nephriticis doloribus toto octennio vexata fuerat.

Exenterato cadavere, exploratoque jecore, discissum id ingentem puris copiam ostendit, Ambo autem renes viriati: Dextri nihil præter membranam superstes erat, absumpto omnino parenchymate: Intra eam continebatur lapis uncie pondere, caniculam refertens, capite enim pedibusque quatuor cum trunco donatus erat: Eum ambiebant 60 calculi. *Ex communicatione D. D. Gedeonis Chabrei Medici Genev.*

§. 5. Uxor Dom. Miège Typographi Genevensis, annos nata 20. tertio à partu die, Mense Januario anno 1670. Pleuritide sinistri lateris corripitur; Toto graviditatis tempore de Hypochondrii dextri dolore conquesta fuerat: Ob doloris urgentiam, aperta fuit salvatella manus dextræ, ad motis simul ac semel internis femoribus cucurbitulis, ne retraherentur lochia; Sanguis è vena eductus in thrombum carniformem coit, quem dissolvere non potuit aqua calens; unde difficilis morbi argumentum depromptum est, ac concretionis indissolubilis sanguinis qui in latus confluxerat: Obit autem nona à partu die.

Dissecto me præsentem mortuæ abdomine, puris copia in eo reperta est, ab abscessu circa gibbum hepatis disrupto eo delati: Vesica felle materia purulenta referta erat: In thoracis parte, quam fatigaverat dolor, disrupti quoque abscessus notæ erant: Uterus inflammationis quoque reliquias ostendebat & gangræne imminentis notas, à violentiori secundinarum relictantium evulsione.

§. 6. Bononiæ secui quendam diuturno morbo undique absumptum, cuius Jecur ita putridum ac purulentum fuit, ut integre hepatis substantia vix quadrans restiterit: Lien solito major erat; forsan in jecoris tanta corruptela consummationeque *Jecoris vicem gessit*, Et totum corpus, quod ex cutis colore, aliisque humoris melancholici signis conjicere licuit, melancholico sanguine nutritum fuit.

Adjiciam hic historiam huic similem, notatu utilem, Apostematum Jecoris cognoscendorum gratia: Anno 1570. Noribergensis quidam natus annos 42. totus cholericus, levi tussi correptus, de molesto quoque *Hypochondrii dextri dolore*, edendi appetitus amissione, Totius corporis languore, æstu affatim & plerunque faciem manuumque palmas, pedumque post cibum plantas invadente, ac oris ariditate conqueri cœpit; Vi morbi crescente, viribus decrefcentibus, corpore extenuato, totius anni spatio post fuit coactus decumbere ac medicorum opem implorare: Usus est multis Medicis, meque tandem accersiri jussit: Invenimus inter cætera febrem erraticam quandam, atque tumorem durum tensivumque in Hepatis regione, ad medium ventris & umbilicum usque protensum; febris minime erat intensa & periodica, sed hecticæ similis, quæ incerto tempore subinde per totum corpus diffundebar æstum solito majorem, qui interdum prius, interdum tardius remisit: Magis potus quam cibi desiderio tenebatur, ut fere semper hominibus qui similibus affectibus, vel etiam Hepatis magnis obstructionibus, aut scirrhis, quibus calida intemperies accedit, usu venire solet: Tumor erat durus cum magna tensione & vehementi punctione, doloreque ulceroso conjunctus, quamvis neutri lateri incumbere potuerit, tamen facilius dextro, atque sinistro, ad quod quid ponderosi in corporis commotione perlabi sensit. Alvus erat difficilis, & cum clysteriis vel lenientibus pharmacis commovebatur, exhibant fæces pituitosæ & biliosæ corruptæque: Urina fuit subflava tenuis, cum paucis sedimento eoque divulso: Punctio, quæ ægro omnium molestissima erat, nullis unctionibus, emplastris, &c. remisit: Tandem Barbitonsor quidam, doloris mitigationem pollicitus, imposuit cataplasma anodynum, emolliens & suppurans, unde tumor crevit, efferebaturque magis ad umbilicum, & dilatabatur ita, ut quidam suspicati sint hunc morbum in hydropem terminaturum: Aliquot diebus post in illo dextro in conspectum venit tuber, quod barbitonsor existimavit ab apostemate inter musculos abdominis genito prodiisse, quare apertionem suasit: Ego cum nec undationem, nec alia suppurationis signa manifesta deprehenderem, conatui barbitonsoris restitui: Æger morbi molestiæ ac diuturnitatis perterritus, permisit sibi à barbitonsore lapidem causticum (ab incisione enim abhorrebat) apponi: Hic lapis triduo, maximo ægri dolore ac cruciatu, abdominis musculos ad peritonæum fere usque perrosit, & antequam abdomen penetraret, pus in folliculo collectum intus, folliculum rupit, atque per abdominis cavitatem, inter peritonæum & intestina dispersum est: Tumor desuit, durities evanuit: eodem die aliquot animi deliquiis correptus animam dedit.

Aperto corpore, invenimus vomicae similis parti hepatis (cujus non parum putrefecerat,)



rat, ) connatam, eamque satis magnam atque apertam : reliqua fuere satis sanæ. *Cotter libello observat. Anat. Chirurgic.*

## S C H O L I A.

**I**ecoris vicem gessit ] Lienem sanguinem conficere multis rationibus conficiunt *Varolius, Posthumus, Jessenius, Platerus, Bauhinus, Sennertus, Gaspar Bartholinus, & alii* : Sed condonandum isti seculo, quia ignoravit quæ posteris jam innoverunt, venæ enim lacteæ docent, detectæ ab *Asellio*, nullum chylum, seu crassum, seu tenuem, à mesaraicis venis trahi, aut usquam deferri, sed per la-

teas tantum ad Hepar, non Lienem, Adhæc ligatura in vivis monstrat nihil per mesaraicas ad Lienem deduci, sed contra à liene ad mesaraicas : Rationibus adductis id ex parte damus, fieri sanguinis quandam in Liene generationem, non ex chylo, cujus hic nulla via, sed ex sanguine arterioso à corde transmissio. *Tb. Bartholinus Anatom. reformat. lib. 1. cap. 16.*

§. 7. Juvenem publice dissecuri qui ex Jecoris suppuratione obierat : Huic simæ jecoris partis ea portio quæ in dextro est hypochondrio, incumbens reni dextro, sphacelo correpta erat, tota livida, ad nigredinem accedens apparebat illa portio ; intusque tanta puris albi & concocti continebatur copia, ut 20. libras pus effluens æquaret : Huic reni dexter quoque totus purulentus erat & plane consumptus, nihil præter membranam externam superstiti : Eidem diaphragma, qua parte in sinistro latere Jecori accumbit, magno foramine exesum erat, adeo capaci ut duos pugnos admitteret. *P. Parvum obs. 7.*

§. 8. Anno 1598. Danus studiosus apertus ex inflammatione Jecoris qui obierat :

Gibba Jecoris pars duobus locis ulcus ostendebat, penetrans ad Jecoris interiora, Jecoris parenchyma conglomeratum velut cernebatur, ac avulsum à membrana cingente, ita ut cavitas conspicua in jecore cerneretur, è qua dimidia urna puris foetidi se effundebat. *Idem observ. 27.*

§. 9. Miles Anglus inflammationem Hepatis passus, cum frustra tentata essent remedia, dolor remisit, sed desuit malum in fluxum hepaticum :

Aperto cadavere, invenimus loco Hepatis solam membranam ipsum vestientem, satis crassam, instar sacci, cui adhuc portio saniei, loturæ carniū similis inerat, qualem longo tempore excreverat. *Bontius observat. 9.*

§. 10. Matrona hydropica sæpius de lateris dextri dolore conquesta fuerat, nec in illud latus decumbere potuit : Illi ab obitu, in dextra parte, ad Hepatis regionem, membranae adnatus erat adscensus magnus, pute foetidissimo repletus : *Bartholinus centur. 4. historia 25.*

§. 11. Dom. de Lózieres, dolore hypochondrii dextri per plures annos conflictatus fuit : Aperto ejus cadavere, Hepar magnum, multis abscessibus refertum inventum est, & materia quadam indurata, vitellos ovorum colore referente repletum. *Cattierus observat. 9.*

§. 12. Ager temperamento bilioso, dolore acerbo circa regionem hepatis laborabat, pro pleurítico curatus ; Cujus secto cadavere vomica in hepate, cum maxima puris coactione inventa fuit. *Panarolus Pentecoste 1. observ. 37.*

§. 13. Ego visitavi Scipionem Oliverum, cujus Jecur inflammatum & putulentum statim judicavi : Alii vero febre maligna vexari crediderunt, ideo bezoartici illum tractarunt, quæ in hoc casu omnino irrita fuerunt : Ego putabam *secundum esse locum è regione* ut pus egredi posset, quod remedium cum fuerit derisum, die 17. obiit.

Post obitum jussi ut aperiretur cadaver, quem miser vivens digito ostendebat, summa torqueri afflictione : Invenimus Jecoris tunicam à parenchymate separatam, & inter illud spatium, quinque libras puris albi, sicuti prædixi. *Sanctorius comm. in partem 4. cap. 94. Artis parva Galeni.*

## S C H O L I A.

**H**ippocr. 7. aphor. 46. ait, Quibus purulentum jecur adurit, si purum pus effluat & album, salvos fieri : si subcruentum & foetidum ac fœculentum, perire : Nostrates omnes jecore purulentos deploratos judicant : Curatio autem non adeo est difficilis ut non possit cum aliqua salutis spe tentari, sed agri & adstantes eam non permittunt : Præterea Medici timentes ne pus subcruentum & foetidum inveniatur (quo casu certo pereunt) verentur ne mortis culpa ipsis adscribatur ; quod revera vel sæpiissime miseras medicorum operationes impedit solet. *Idem ibidem.*

*Secundum esse locum è regione* ] Paravii quidam deplorato Jecoris ulcere laboravit, homo robustus alias & nauticis laboribus addictus : Huic Medicus Venerus clarissimus H. S. præter reliquorum Medicorum consilia curavit abdominis partem in regione jecoris novacula aperiri, ut plurimum puris per vulnus efflueret : Unde postmodum bene curato vulnere homo superstes mansit, & triennio post salta- vit ac laboravit, nihil sentiens incommodi : *Capivaccius Pract. lib. 3. cap. 23.* Phlegmonem Jecoris feliciter curatam vidi anno 1668. in pedisequa Nobilissimæ Matronæ Dom. de Rozes, Grænanopolitana,



rana, cui post febrem continuam, icterum, apoplexiam insignem, hypochondrii dextri dolorem, cum gravitate, emerit tumor in regione Jecoris, cui pyroticum admoventi jussi, triduo post adacto in elicharam scalpello, pus copiosum album, erupit, hinc decocto traumatico &c. sanata: Chirurgus,

alias peritus, nomine *Sabotini* in musculis abscessum esse contendebat, quod omnem jecoris abscessum lethalem esse censeret; sed tumoris circumscriptio, atque enarrata symptomata aliud mihi persuadebant.

§. 14. Vidi Pistorem quendam, qui cum in itinere se fatigasset, ac in gramine dormivisset, querebatur de aliquo, at non valido dolore Hepatis: febricitabat non ardentem, interdum leipothymia tentabatur:

Cum obiisset, hepatis parenchyma, intacta ac integra membrana, in pus merum degeneraverat. *Heurnii comment. in aphor. 45. sect. 7.*

§. 15. Joh. Tassinus dolorem lateris querebatur & ad regionem Hepatis, iis locis pungentem se dolorem & lancinantem percipere ac sentire narrabat, 7. die interit: *Præter thoracica vitia* magna quoque puris materia transfluxerat in hepatis regionem, & ibi conclusa erat. *Ballonius lib. 2. conf. 6.*

§. 16. Vir 30. circiter annorum, ante triennium Tumore corripiebatur in inguine dextro, hic cultro Chirurgico apertus purulentam exhibebat materiam, cujus effluxus in hoc tempus durabat: Clariss. Medicus *Dortmond* (cujus curæ jam à longo tempore subiectus) quoties dum viveret æger latus dextrum imi ventris manu premebat, toties dolore afficiebatur gravissimo, imprimis ubi Hypochondrium attingebat, unde Hepatis abscessum adesse suspicari cœpit, imo in ultimum vitæ terminum constanter asserere haud dubitavit: Ex nullo levamen majus unquam percepisse ægrum Medicus idem referebat, quam ex Decocti Diuretici in Nosocomio usualis usu.

Decembris 26. 1671. defuncti cadaver examinavimus, & exhibuit se triplici loco collectio purulenta, materia omnino existente diversa: Primo enim offerebatur loco eo quo in inguine, circa marginem ossis Ilii exitum dicto tempore habuisse purulentum humorem diximus, materia granulosa, subrubra, notabili satis copia: occupabat hæc non solum spatium illud quod est inter peritonæum & partes ipsi impositas, quæ etiam ipsæ valde hic corruptæ, verum extendebat se hic factus sinus pure repletus, ad postica lumborum, terminum, uti explorare dabatur, in ipso osse sacro assumens: Loco huic continuus, exigua licet apertione, alter similiter pure, at aquoso magis, repletus, occupabat hic inania abdominis, ejus magnitudinis quam palma manus tegere vix licebat: Variæ hic notabantur perforationes ad imi ventris cavitatem penetrantes, per quas liquori purulento concedebatur destillatio in cavum dictum: apertiones has, quandoquidem valde exiles, non nisi tenuior materia transire potuit, copiosa hæc valde universam fere cavitatem replens: Colon intestinum arctissime huic purulentæ parti coharebat, sic ut non nisi cum puris effluxu notabili separari potuerint: Hisce sic notatis, Hepatis examen aggressi sumus, inveniebatur hoc maxima parte, ea nempe quæ dextro detinebatur hypochondrio, purulentum, adeo quidem ut parenchymatis bene constituti vix particula aliqua occurreret, nisi circa partem inferiorem acuminatam; suppuratio hæc in tantum se extenderat, ut loco eo, ubi diaphragmati jungebatur, Hepatis (arcta hæc connexio erat) sola tunica integra superesset, parenchymate omni in pus mutato: Eo loco ubi costarum spuriarum cartilaginibus vicinum Hepar, nexus firmissimus observabatur, quo solo pus bonæ notæ, valde consistens, largiter effluebat: Pars Hepatis sinistra, ultra ligamentum suspensorium umbilicale, bene satis se habebat: In visceribus aliis vix aliquid vitii occurrebat, nisi quod Pulmo sinister arcte coharebat lateri: Cordis ventriculus uterque corpus continebat album, lentum, crassum, quale solet esse quod Polypus cordis dici solet: Rarius, si unquam, notatis annumerari meretur, quod in utroque latere à subclaviis vasis, ad costam octavam descendens, venæ atque arteriæ inventæ fuerint, per costarum medium, loco septem aut octo digitorum transversorum latitudine à vertebrarum corpore, distante, cursu anfractuoso, variis hinc inde ramulis excurrentibus incedebant, similiter ac aliis locis ubique sibi vicinissimæ. *Gerardus Blasius observat. med. 10.*

§. 17. Dominus N. molestiam & pondus sentiebat in dextro hypochondrio: Jecur putridum habebat, infra quod abscessus pure refertus. *Vide tit. de Palpitatione cordis. lib. 2.*

§. 18. Cuidam aderat febris, dyspnœa, dolor acerbus supra regionem hepatis: Vomica in hepate, cum maxima puris coacervatione inventa est. *Vide lib. 2. tit. de Pectoris dolore.*

§. 19. Cla-

§. 19. Clariss. *Adrianus Spigelius* prehensus est febre, cum tensione & dolore Hypochondrii ad claviculam usque : Aderat abscessus in concava Jecoris parte. *Vide lib. 4. tit. de Febris.*

§. 20. Matronæ ad Hepatis regionem membranæ adnatus erat abscessus magnus, unde de dextri lateris dolore sæpe fuerat conquesta. *Vide tit. de ventris dolore.*

## OBSERVATIO III.

*Hypochondrii dextri dolor ab ulcere in gibba ejus parte excitato.*

**M**ulier dolore gravi in dextro hypochondrio torquebatur, color ejus quasi Ictero laborantis : corpus extenuabatur ; tumor pedum aut ventris successit nullus : urina rubicunda Jecoris phlegmonem præse ferebat, nec deerat febris. Cum dolor nullis remediis cederet, vitæ finem fecit.

In Jecoris convexa parte, magnum, amplum & profundum ulcus in conspectum venit, quod verisimiliter inflammationi successit : Fuere ipsi viscera, atque ipsum Jecur, sensu prædita, contra plane quam illi cui citra dolorem viscera computruerant. *Dodonæi c. 28.*

## S C H O L I A.

**M**agnum ulcus &c. ] Ulcus Hepatis inflammationi potissimum succedit, si illa ad suppurationem perducatur, pure scil. substantiam ejus excedente : Sed & ab alio succo acri & erodente excitari solet, præsertim bilioso per hepar diffuso, qui sensim putrescens, malignus & virulentus redditus, parenchyma illius corrumpit : Talis succus pravus & erodens, alimentorum vicio contrahi potest, quando illa corrupta sunt, aut erodente vi pollent : Sæpe ex lue venerea talis virulenta materia in hepate colligitur : Deprehensum etiam ulcus hepatis eo malignitatis processisse ut in gangrenam abiret, unde disrupta membrana puris magna copia in abdominis capacitatem effutum fuit, valde tærens, quo & omentum & peritonæum, sæpe etiam intestina corrupta fuere.

Dolore gravi torquebatur &c. ] Difficillima est diagnosi ulceris inflammationi non succedentis : præcipua vero signa sunt, 1. Dolor quidam ulcerosus in hypochondrio dextro perceptus : 2. lenta tabes ægrum conficit. 3. dejectiones purulentæ si ulcus cavum occupet : 4. cruenta interdum excretio, cum dolore intestinorum, dysenteria affini, ab humorum acrimonia ; à qua tamen gravitatis & punctationis sensu circa hepatis regionem distinguitur. 5. urina rubea si ulcus sit in parte gibba, abscentibus signis affectorum renium aut velicæ : 6. febris lenta in morbi progressu, typi experta, in hecticam transiens : 7. color faciei citrinus, quandoque comitibus phlyctænis, ab humorum adustione : 8. cibi fastidium & præsertim carnis : 9. fœtor animæ. 10. leipolychia frequens.

## OBSERVATIO IV.

*Hypochondrii dextri dolor ab Hepate obstructo, duro, tuberoso &c.*

**V**irgo 35. annorum sensit punctiones & dolores in regione Hepatis ; evomebat bilem corruptam præstinam &c. Mortuam secui, atque primo occurrit vena umbilicalis (quæ in omnibus adultis munus ligamenti obtinet) sanguinis copia turgida atque extensa, in quibusdam locis instar varicum tuberosa. Hepar justam habuit magnitudinem, sed erat album, tuberosum, inæquale durum & exangue &c. Coiter observas. *Anatom. & Chir. libello.*

## OBSERVATIO V.

*Ab Hepatis marasmo & cancroso affectione.*

**Q**uidam cum diu laboravisset, & omnium judicio Hepar in causa esset & morbi fomes, tandem circa regionem Hepatis tumor apparuit, cujus in apertione spem nonnullam collocaverunt : coëgerunt Medicos, qui tandem putaverunt è re fore si ea parte pyroticum applicaretur : non quod spes certa esset, sed quod certa desperatione incertum remedium multo satius foret : Aperta pars, sanies fluxit, melius habere visus est, Tandem interiit :

Hepar erat marasmo & canceri modo affectum. *Ballonius consil. 38. lib. 2.*

## S C H O L I A.

**N**os in consilium adhibiti ita ambiguo disputabamus : quærebat an inflammatio esset, an phlogosis ? si inflammatio, par erat pullum duriculum, ferrantem & vibrantem esse : nisi quis objiciat id non esse necesse nisi membranæ, aut venæ, aut arteriæ afficiantur : pulsus enim tunc talis est : Si inflammatur parenchyma, idque leviter, pul-

sus talis non est : ut inflammato stomacho, aut ubi cruditas est ; etiam præsentè inflammatione, durus pullus & vibrans non est : Generaliter omnes qui febre diuturna laborant, ut jam marcescant, pullum habent parvum, æqualem, frequentem, celerem, ut idiotis febrile non videantur, quod arteria pulpam digitorum non feriat : Et in Hepatis suppurato, non est



Est pulsus idem qui in aliarum partium suppurato cernitur, quia hepar arteriis penè caret: Scirrhum fit Hepar sæpius ex contumaci & inveterata partium obstructione: raro, vel nunquam, ex inflammatione, quod in viscere calido & humido omnis inflammatio in perniciosum abscessum degeneret: Hac est in opinione *Fernelius*, quæ an vera sit, vide:

Singultiebat sæpe, quærebatur an hic singultus à pressu esset aut refudatione? Causa apostematis Hepatis per affectionem propriam est: mala temperies ipsius Hepatis, quæ humores peiores reddit attrahitque, ut tamen non bene a natura partis regantur, Sic fit abscessus.

*Idem.*

#### OBSERVATIO VI.

*Hypochondrii dextri dolor, durities & pondus, ab Hepate iusto majori, scirrhus, maculato &c.*

**A**Nno 1662. in Xenodochio Altenburgensi mortua est Catharina illa Geileria, quæ annis retro quasi viginti Bufones non paucos, similisque his saburræ plurimam coluviam vomitu rejecerat, quemadmodum pluribus videre est in stupenda historia quam *D. D. Bartholinus* centur. 4. histor. 19. inseruit. Cum vero allegata historia, quæ illi ab anno 1647. usque ad annum 1648. contigerunt tantum referat, hic reliquum vitæ statum morbosum, fatum & anatomiam enarrare operæ prærium est: Permanerat ab illo tempore quasi semper in eodem statu, scilicet affligebatur continue pedum insigni tumore, unde non raro cutis findebatur ac serum exstillabat, macie reliquum corpus occupante, subinde atrocissimos dolores circa stomachi regionem perpetiebatur, ut crederet se ibi loci à vivo animali, veluti acutissimis unguibus lancinari; nullum tamen hæcenus anguem, sive animal, sive vermem, aut particulam horum vel vomitu vel secessu rejecit. De doloribus, duritie & pondere dextri lateris fere semper conquerebatur: quoties noctu supinâ dormiret, toties largissimas eruptiones sanguinis è faucibus experiebatur, aliquando citra sensum, ut hinc periculum suffocationis immineret: atque hæc præcipue ærumnis vexabatur, donec tandem supervenientibus vomitibus, qui cum fœtore molestissimo nonnullas fæces intestinales explodebant, diem suum misere obiret.

Ad sectionem disponimus cadaver, imo vero sceleton, sola cute indutum, ubi protinus duo apparent Tumores mediocrem nucem juglandem vix æquantes, quorum alter in sinistro latere in infimis lumbis; alter pubetenus eruperat, hic vero paulo ante obitum sponte sua crepans in ulcus degeneraverat: Aperto jam abdomine ventriculus & intestina primo lustrabantur: Ille quasi omnino vacuus erat, ac saltem duo cochlearia humoris limpidi continebat: Hæc dum à mesenterio omni pinguedine destituto separarentur, in Ileo ipso tres nodos singulos dimidii digiti longitudinem æquantes, & nonnulla intercapedine à se distantes, exhibebant, qui accuratius perlustrati, erant duplicaturæ intestini in se retracti, quæ licet levi tractu tensæ, non difficulter ex se recedebant: nihilominus quantum fieri potuit diligenter cavebatur ne duplicaturæ illæ, in separatione à mesenterio dissolverentur, sed potius in suo positu conservarentur, donec experiri liceret an aliquid per has stricturas transire posset: infusa ergo deinceps est aqua, & deprehensum illam quidem non penitus præcludi, verumtamen veluti guttatim saltem transmitti: Post hæc hi Nodi evaginabantur, & intestina omnia aqua eluebantur, cum qua perpauca, parva & dura excrementa, & quatuor lumbrici perexiles exturbabantur: Jam Hepati manus injiciebantur, quod solito nonnihil grandius maximam partem ventriculi premebat; In ejus media sima parte conspiciebatur macula alba, circumferentia Thalerum æquans, aspectu adipis cordi adnasci solitæ, tactu cartilagini molliori similis, quæ totum parenchyma penetrabat, & in cava parte amplius spatium occupabat: Hanc stipabant plures aliæ minores maculæ in utraque superficie, quarum internæ crebriores & latiores externis existerant: Dissectum per medium viscus, intrinsecus quasi totum per sui latitudinem album & durum apparebat: vasa cuncta hiabant, sed veluti in crucis formam conformata: pressa manu, liquorem album, crassum & veluti saniosum reddebant: Albedo vero illa versus utramvis extremitatem sensim remittebat, rubore naturali ita conservato: Ipsum parenchyma ad minimum 4. libras civiles penbebat: Cætera inquirere fœtor prohibuit. *D. Henrici Wolgnad Medici Vratislaviensis.*

OBSERV.

## OBSERVATIO VII.

*Hypochondrii dextri dolor à fissuris Iecori accidentibus, ob causas internas vel externas.*

**V**Idi aliquando in gibba quorundam Iecinorum parte rimas & hiatus maiusculos, qui forte à partium extremarum violentiore complicatione ortum duxerant: quemadmodum & panis frustum nimia incurvatione diffringitur: Rimis istis sive fissuris (quo tempore eas mihi videre contigit) natura medelam attulerat: non quidem facta agglutinatione, aut cicatrice, sed tenuis pelliculæ super inductione, qua utrumque fissuræ latus obdlexerat, manentibus tamen labris seiunctis, licet illa sese mutuo attingerent.

*Glisson Anat. Hepatis cap. XI.*

## S C H O L I A.

**P**artium Hepatis divisio à causis externis vix contingere potest citra abdominis penetracionem, nisi magna vis illata fuerit, atque hoc pacto vulneris nomen meretur: Fortasse vix aliqua externa, modo ingens fuerit, parenchyma hepatis (ob illius friabilitatem) lacerare ac dirumpere queat, illas interea (ob naturam illarum lentam ac sequacem) partibus exterioribus. Potest etiam divisio partium parenchymatis ab Inflatione, eaque interna proficisci, quamvis id raro contingat, (si aliquando evenerit) humorum in cavitatem illam influxio subito consequatur. Sunt huiusmodi Inflationis causæ præcipuæ, sanguis flatuosus & præpedita transpiratio: Obstructiones etiam cum materiæ affluxu divisionem interdum produxerint, si magnæ fuerint subitoque invaserint, facile continuitatis solutionem in eodem parenchymate induxerint: Nam si ingens obstructio adfuerit, necesse est prohibito vel impedito sanguinis transcurso tumorem enasci, atque cum plerumque in maiore obstructione maiorem: cumque pars hæc friabilis admodum sit atque extensioni inepta, facile sit ut partibus à tumore plus solito distentis parenchyma rimis dehiscat: Quemadmodum enim disruptio aliqua foris adveniens partes ab invicem divellit, ita pariter distensio à causa interna, (modo partes ultra quam extendi aptæ natæ sunt, vehementer distrahat) idem effecerit: Facta autem semel in parenchymate Hepatis vel minima rimula, materiæ novæ affluxus eandem facile in ampliorem hiatum dilataverit: Quod si obstructioni quoque inflammatio accesserit, idem malum multo potentius ingruet, si quidem materia cum impetu maiore affluit: Hoc pacto Apostemata ab initio fiunt, augentur,

ac denique rumpuntur, Obstructio nimirum humori affluenti remoram facit, qui propterea in tumorem excrescit: & hic eadem, facta circumquaque distensione, cavitatem aut rupturam efficit, quæ accedente nova materia perpetuo augetur, donec aperto abscessu pus effluat: Subita quoque obstructio, (licet tumorem alias forte haud ita magnum excitaverit) solutionem continuitatis in hoc parenchymate effecerit: Nam si rem quampiam pedetentim extenderis (accedente præsertim interea foris aliquo) ulterius multo dilatabitur quam si vim ei subito intuleris: Quoniam igitur repentina obstructio subito Tumorem efficit, partique confestim distenditur si subitaneus tumor incesserit, rapida huiusmodi distensio, vel eo nomine continuitatis solutionem induxerit, quam distensio major, sed & tardior non queat: Etenim si distensio lenta fuerit, & cunctanter invaserit, sanguis inibi impactus foris suo partem reddit dilatabilem, ut citra rupturæ periculum eadem fufius extendi possit: Quæ forte causa fuerit, cur Hepar sæpe absque insigni aliqua continuitatis solutione in immensam molem excrescat. *Idem ibidem.*

*Violentior complicatione.]* Apud Hippocrat. 6. Epidem. sect. 8. cuidam apex hepatis complicatus erat, qui ab eo concussus repente dolore liberatus: Est mirabilis certe casus, ait in commentis Vallesius, doluisse hepar complicato apice, & concussione explicatum ac dolore liberatum esse: Vellem autem diceret notas quibus complicatum apicem agnovit, & hepatis ita mutati positus symptomata: Non arbitror fuisse alia quam dolendi modum & ipsam ægroti phantasiam.

## OBSERVATIO VIII.

*Hypochondrii dextri pondus cum dolore, ob massam carneam vices hepatis supplantem.*

**V**irgo tympanitica ex mensium restrictione diuturna, viscerumque hac de causa tumoribus scirrhis excitatis, oppressa, ita male habuit ut præ dextri hypochondrii pondere, ingenti duritie ac tumore fatigata vix ambulare posset, quare vitio in vitium mutato, ut sæpe in hoc contumaci morbo evenire solet, resolutis viribus è vita discessit.

Dissecto corpore, inventa est massa carnea in regione hepatis, usque ad umbilicum extensa, quæ extracta xxxvi. libras ponderabat: Hepar nullo modo inventum: In substantia interna massæ, duo magni abscessus reperti. *Zacutus Praxis admir. lib. 2. Observat. 45.*

## S C H O L I A.

**T**umoribus scirrhis] Tumorum hepatis quaecumque communes causae sunt Affluxio materiae & Obstructio: Affluxionis causae communes sunt 1. Nimia materiae mobilitas. 2. Partis Mitterentis validior impulsio. 3. Recipientis expulsio tardior. Obstructionum causae admodum variae sunt, quas ad 3. genera reduximus, 1. est ineptior Partis permeabilitas 2. Materiae ad permeandum ineptitudo: 3. Est partis à plenitudine oppressio: Ineptia partis alicujus permeabilitas oritur à frigore, ab astringentibus, à nervorum vigore & tensitate aliquomodo nimis, à compressio-

ne, à ligatura, contusione, luxatione: Materia ad penetrandum inepta redditur ob ejus duritiem, copiam aut figuram: à frigore etiam & stupore sive qualitate narcotica, denique à crassitie & visciditate: Oppressio ob plenitudinem, evenit à victu pleniore, ab intermissis exercitiis, ab evacuationum quarundam suppressione, sive istae à natura, sive à consuetudine oriantur, sive aliter etiam proficua fuerint: Nempe causae tumorum evidentes ad horum generum aliquod referri possunt, antequam effectui alicui producendoidoneae fuerint. *Glisson Anatom. Hepatis cap. 7.*

## OBSERVATIO IX.

*Hypochondrii dextri dolor ob Hepar diaphragmati adnatum, &c.*

§. 1. **D**E Hepatis dolore Angulus quidam conquerebatur: In cadavere post mortem dissecto, *Hepar* maximum *diaphragmati* arctissime connexum apostemate laborabat: Sed in diaphragmatis carnosâ parte, qua hepati committebatur, os accreverat duriusculum externa cartilagine tectum. *Bartholinus cent. ij. Observat. 85.*

§. 2. Secui cadaver hominis qui perpetuo de insigni calore dextri hypochondrii queri solitus erat: Illi *Hepar* ipsum tota sua convexa superficie ad natum diaphragmati conspiciebatur, interveniente membrana quadam crassissima & firmissima, nata forte ex calore affante, in ejusmodi quasi crustam, externam superficiem hepatis. *Jac. Camericensis, in Epistolis Matthioli.*

## S C H O L I A.

**D**iaphragmati arctissime connexum] Est morbus Hepati peculiaris, qui motui ejus haud patum obest, consistitque in connexionibus illius cum nothis costis: dicitur autem *Adnascencia Hepatis*: Hujusmodi adhesio, non solum respirationi incommodat, sed & exercitia motusque Hepatis privatos imminuit, quibus ad varios humores secerandos, eisdemque in vicina loca derurbandos excitatur, quibusque fit ut obstructionibus, humorum

pravorum congestionibus, accretionique nimiae minus sit obnoxium: Quippe motus, ut cuilibet notum est, attenuat, excreticem stimulat, humorumque concretionem atque congeriem prohibet. *Franc. Glisson Anatom. Hepatis cap. 2.* Adhesio illa cum costis nothis, adhaerentiam cum diaphragmate secum quoque importat, quandoquidem hoc omnibus nothis costis, & duabus veris alligatum est.

## OBSERVATIO X.

*Hypochondrii dextri dolor ab Hepatis duritie & Vesicae felleae ruptura.*

**P**Ver xij annor. à Praeceptore iracundiore tractatur durius ob summa vitia, violentoque impetu in scamnum ab illo rejectus est: Cumque de hypochondrio dextro admodum quereretur, praesente manifesta Hepatis duritie, curatur à Medicis ac si ex illius inflammatione laboraret: Verum intra quatrimum postquam extinctus esset, jubeor à Ludi Rectore cadaver aperire.

Inciso itaque peritonæo, non tantum intestina sed & alia omnia felle tincta apparebant: *Hepar* praeterea instar silicis durum & exsanguis prorsus, ut & vix stylum admitteret, & ne una quidem sanguinis gutta emanaret: Cavum ergo illius perscrutando, vesiculam felleae violentia illa ruptam invenio. *Phil. Salmuth. cent. 1. Observat. iiij.*

## S C H O L I A.

**I**nciso peritonæo] Hoc affecto hypochondriacos dolores posse cieri certum est, Id enim cum toti ventri ante & retro coextensum sit, maximeque ejus amplitudinis pars sub hypochondriis latera dorsumque occupet, si id distentum tractumque supra mo-

dum à partibus quarum tunicis cohaeret velut avellitur, dolor inde in hisce locis punctioris si uno in loco tantum hoc fiat, vel veluti lacerans aut lancinans, gignitur, si amplior illius pars sic divellatur.

OBSERV.



OBSERVATIO XI.

*Hypochondrii dextri dolor ab Hepatis duritie, siccitate productus* 1. Magnitudine insigni. 2. Scirrhus cum magnitudine cystis fellea. 3. A tuberoso, duro. 4. Nigricante circa lobos extremos. 5. Insigni magnitudine ventriculum infra deprimente. 6. Cava parte ventriculo annexo. 7. Ob pus in hepar è thorace defluxum. 8. A vitio lecoris & subdita vesica. 9.

§. 1. **M**ulier in dextro hypochondrio Dolor & tumor : Hepar illi durum, siccum, tota substantia vitium fecerat. *Tit. de ventris dolore.*

§. 2. Filia Sexennis doloribus Hypochondriorum afflicta; fractis tandem viribus obiit. Illi Hepar universum fere occupabat abdomen. *Lib. 2. tit. de Phthisi.*

§. 3. Puellæ unius anni durities erat in dextro hypochondrio : Hepar inventum scirrhusum, decem unciarum : vesicula bilis grandior & nigra bile inflata. *Lib. 4. tit. de Febribus.*

§. 4. Virgo 35. ann. sentiebat punctiones & dolores in regione Hepatis, &c. Hepar erat album, tuberosum, durum, exangue, Ex gibbo nihil exiit sanguinis, ex Cavò parum. *Vide tit. de Febribus.*

§. 5. Hermanus N. circa hepar sensit dolores vehementes : Hepar circa lobos extremos valde nigricans videbatur. *Vide tit. de Singultu.*

§. 6. Filia Sexennis post lentam tabem doloribus hypochondriorum & inappetentia viribus fracta expiravit.

In dissectæ cadavere, Hepar fere universum occupabat abdomen ventriculumque adeo ad inferiora de presserat, ut quasi ab œsophago videretur separatus. *Th. Bartholinus hister lxxj. cent. iv.*

SCHOLIA.

**I**nappetentia ] Pondere Hepatis incrementis cibos vitæ necessarios respuit. *Idem.*  
Impeditam circulationem depressus ventriculus

§. 7. Vir circa hypochondrium dextrum varios sensit dolores : Hepar aspectu erat sanum, sed concava sui parte cum ventriculo arte connexum. *Vide tit. de ventriculi dolore.*

§. 8. I. Tassinus cum febre assidua dolorem lateris querebatur & ad regionem Hepatis : Circa gibbum diaphragmatis pars pulmonis tota in pus abierat, cuius pars transfluxerat in Hepatis regionem. *Vide lib. 2. tit. de Lateris dolore.*

§. 9. Puer conquestus erat de dolore hypochondrii dextri, postea fit asciticus : Iecur erat maximum, decolor, intus & extra durum : Cystis fellea atro turgebat sanguine. *Vide tit. de ventris dolore.*

OBSERVATIO XII.

*Hypochondrii dextri dolor cum duritie, ab Hepatis purulentia vulnus capitis sequuta.*

**G**allus quidam in capite graviter cum ossis depressione luculenta vulneratus, cum non sine vitæ periculo evasisset, post menses aliquot in morbum incidit : Vocatus ad eum, de affectus essentia ac symptomatis à Medico, qui curam ejus habebat, actum forte aberat nihil intellexi : Assistentes vero referebant Medicum capitis vulnere dudum perfuncto malum omne adscribere : Ego hominem ictericum, cum lenta febre, delirio & totius corporis atrophia conspiciens, alibi morbi causam latere suspicatus, ac lecoris regionem manu tractans duritiem cum dolore deprehendi, eamque sedem male affectam, cerebrum vero illatum esse pronuntiavi : Obiit vero ille eadem die.

In dissecto capite, nullum prorsus vitium aparuit : abdomine aperto, Hepatis substantia fere tota absumpta, ipsiusque loco putilago ac purulentia tanquam in sacco inclusa inventa est : urina hominis, pro ratione lethalis morbi, usque adeo vitiosa non erat : Quæ historia quam fallax sit conjectura ex solis urinis facta declarat. *Ex observat. Th. Mermanni Archiatri Bavarici.*

SCHOLIA.

**M**edicum capitis vulnere ] Vtrique error adscribi potest, Priori quidem, quod secundarii morbi rationem non habuerit : Posteriori quod ignoravit abscessus Hepatis vulnerebus capitis saepe succedere Ea autem metastasis à pluribus jam pridem fuit animadverta : Pignus lib. 4. chirurg. cap. 9. minima capitis vulnera interdum lethifera animadvertit, sed fere semper abscessus in jecore reperto;

NNnn 2 Balonini

*Ballonius* libello de convulsionibus, observatum aī in plerisque eorum qui a vulnere capitis insigni perierunt, abscēssum in concava lecoris parte habuisse. *P. M. Stægelius* notavit quoque omnes illos qui ex vulneribus capitis mortui sunt, conquestos ante obitum de dolore hēnis aut hepatis: atque in cadaveribus illorum semper invenit abscēssum hepatis, quem per transumptionem fieri arbitrabatur, quia tunc temporis vulnus plane siticum conspicitur, & inter lethalia signa certissimum putetur. *Pei. de Marchettis* observ. Chirurg. XV. aī se sæpius observasse quod quando in his vulneribus collum incipit dolere, parte potissimum postica & laterali, tunc materiam purulentam delabi ad thoracis & abdominis cavitatem, quæ longiori mora tum Pulmones, tum pleuram, aliquas nempe ipsorum partes erodit, ex

quibus multæ sanies emanat, quæ postmodum ad abdomen deliuit, cum jecoris & lienis labe, in quibus varias pustulas excitat, quibus disruptis, perinde ac ex pulmonibus & pleura, ita & ex his materia purulenta effluit: quanquam hujus observationis ignari existiment abscēssus obortos in his partibus, quorum ratione patientes moriuntur, non ex capitis vulnere, quod ex capite copiosum pus posse ad inferna viscera delabi non sibi persuadeant. At ipse in plerisque se observasse aī in mediam thoracis & abdominis cavitatem pure fuisse reſertam. Huc quadrat quod annotavit *Jacotus* comm. ad Coacas Hipp. p. 349. Dolores suræ intolerabiles in febre, nullis remediis cedentes, observatos fuisse prodūse ab Hepate putri & vomicoso, pus illuc transmittente. Vide lib. 4. tit. de vulneribus.

## OBSERVATIO XIII.

*Hypochondrii dextri dolor à lapillis & lapidibus in Hepate congestis.*

§. 1. **M**ulier dolore exorto circa Iecinoris partes, cum diu multumque angeretur, ideo plures Medicos consulisset, effugere tamen malum nullo præsidio potuit, Quare opem nostram una cum aliis experiri placuit, verum ut contingere in rebus dubiis solet, sententia non convenimus, cum pars Jecoris abscēssum, pars malum habitum judicasset: Nos vero vitium in membrana contegente inesse credebamus: at illa cum invalescente morbo paucis post diebus è vita migrasset, mortuæ corpus incidendum curavimus.

Et inventa sunt in Iecinoris membranulæ parte decliviori congesti lapilli, figura & colore diversi: alii enim rotundi, alii angulares, quadrati alii, prout positura & casus effecerat, maculis etiam rubeis, cœruleis albisque distincti: hi sua gravitate ex tunica sacculum longitudine palmi, latitudine vero duorum digitorum effecerant: *Benivenius* cap. 3. de abditis.

## S C H O L I A.

**L**apilli, &c.] In Hepate arenulas copiosas & calculos tophosque, non solum in hominibus sed & bestiis reliquis, præsertim cornutis, atque iis quæ sale admodum delectantur, sæpenumero nasci & sectio & quotidiana docet experientia: præter enim arenulas, nunc exacte rubras, nunc cinereas, nunc flavas, calculosque varie coloratos & effigatos, tophum coralloidem ramosum, album, cavum intrinsecus, & sanguine atro reſertum, ex Hepatis substantia secui. Quæ documento nobis sunt multis Hepatis obstructions duritiesque, quas cachexia hydropique sequuntur, non solum ab humoribus, sed & hujusmodi corporibus, quorum practici tamen non meminerunt, frequenter quoque proficisci: quæ tamen in molem aliquam adacta, cum à corporibus viventibus nec extrudi sponte, nec eximi ulla arte possint, abstrusa incognitaque nobis manent, una cum ægris sepeliuntur, cautæque sic ignoratur. *Ex Plat. Observat. lib. 2. cap. 12.*

*Dolore exorto circa jecinoris partes, &c.]* Notæ *Schenckius* ex *Laur. Scholtzio* Vratislaviæ fabrum ferrarium, per integrum fere annum dolore gravatovo circa regionem Hepatis ac ictericia laborantem, lapillum per annum excrevisse, qui, si humectaretur, chartas & lintheola flavo colore inficeret, quod indicium erat ipsum ex bile adusta genitum esse: Cumque forma vesicam ipsam fellis representaret, inquisitione dignum fuit per quasnam vias in intestina pervenerit.

*Sententia non convenimus]* Cognoscuntur calculi in hepate difficulter, & raro perfecte nisi post mortem in sectione cadaverum, suntque fere signa cum scirrho hepatis communia: Dolor tamen major est si calculus versus membranam tendat, eamque premat & vellicet, isque diuturnus.

*Invalescente morbo]* Curatu etiam difficilis est calculus in hepate, Et si quæ curationis spes superest, ea medicamenta quæ in scirrho hepatis & calculorum usurpantur, exhiberi possunt *Sennertus*.

§. 2. Tali Tartareo morbo Doctor M. Bolfacius affligebatur, ut totum à Tartaro Hepar obduratum esset, ubi malam concoctionem, atque male sufflatum faciei colorem, crebrasque pressiones ac punctiōnes dextri lateris, sub nothis costis sensit, breviq; leprosus factus esset nisi consiliis obtemperasset, ut illi, sine arrogantia hoc dictum voco, duas fere manus arena ac lapidibus plenas per urinam depuli, & quotidie, si mea medicamenta contra calculum usurpat, expurgantur Tales morbos prædictos (*Vide lib. 2. tit. de Tabæ de lapillis mesenterii venas obstruentibus*) ut male sufflatum colorem, dysenteriam, punctiōnes, febrem cum insolentibus mirisque accidentibus, quæ omnia adscribere molestum est, multos in Pomerania, quosdam in Borussia & Marchia offendi. Sæpe enim tanti lapides in hepate coagulati reperiuntur, ut vix credatur. *Johannes Heben lib. de morbis Tartareis.*

§. 3. Ut

## De Hypochondriorum Doloꝛe.

277

§. 3. Ut à Peucero accipio, tres lapides reperti fuerunt in Hepate Hier. Scribæ: Eorum unus præcipuæ magnitudinis, dimidiatum fere columbæ ovum adæquavit, totus angulosus, colore livido, ex phlegmate & humore melancholico conglutinator: Ita vero Epatis carni adhaferunt, ut panniculo lecur tegenti contigui essent, omnes modice solidi. *Kentmannus lib. de Calculis.*

§. 4. In Iecore & aliorum olim, & postremo Senatoris, inventos lapides attros vidimus, qui in aquam injecti intumescere: In remigis Hepate unum durissimum carnei caloris diluti. *Scaliger Exercit. 180. num. 3.*

§. 5. Lapidem amygdalæ nucis quantitate, in iecore Pandulphi Tyranni conjugis senis repertum scio, in quem interioribus illius causam reliciebant medici: *Matthiolus Epist. ad Jac. Comenianum.*

§. 6. Anno 1559. Fallopius in iecore suspensi quinque lapides, parum inter se distantes, magnitudinem cicercis æquantes reperit *Domin. Leonus Art. medendi lib. 5. cap. 6.*

§. 7. In quibusdam cadaveribus reperiebamus interdum lapideas quasdam durities in Iecinoris substantia concretas. *V. Trincavella cap. 6. l. 10. de rat. curandi.*

§. 8. Cuidam Parisiis extincto meminimus grandem, cum evisceraretur, lapidem è Iecinore excisum, quem ex phlegmatis aliqua, & aliqua melancholici humoris parte coagulatum fuisse lividus color indicabat. *Gasspar. Paucerus de Præstigiis medic. p. 310.*

§. 9. Dec. 10. 1647. in Nosocomio Lugduni Bat. observare licuit in Hepate humano Calculum nigricantem, durissimum silicis instar, cochleæ figuram habentem: inhærebat purulentæ materiæ ex inflammatione progressa hic productæ: Reliquum Epatis scirrhum omnino, imo variis locis, cartilaginofum quasi. *Gerardus Blasius observatiomedic. 19. pag. 6.*

§. 10. In quadam repertus calculus lobo Iecoris adnatus, ovi calumbini magnitudine, Nec tamen viva de illo latere querebatur *Heer observ. 1. p. 9.*

§. 11. Dom. quædam annor. 33. temperamenti sanguinei, gravida jamdum mense X. catarrho suffocativo repente extinguitur: & cum tempus, partus jamdum imminerebat, foetum excidi, extracto foetu matricem iterum componebam, matrisque cadaver consueve incipiebam, cum muscoli abdominis extracto foetu conscederant, tetigi massam quandam oblongam unius spithamæ, duram aliquo modo in dextro hypochondrio, quam cum etiam tangendam darem astantibus, omnes clamant esse alium foetum, putantes se pedem infantis tetigisse: Ego vero aliquid aliud esse prædicens, aperui factam futuram, incisionemque feci. & inveni in inferiori parte lobi Hepatis accretam cystidem longam unius palmi, duriusculam, parumper plenam & bene infarctam, quam à substantia Hepatis modeste liberavi, & absque ulla venula, aut alio canali intrante reperto, ad tabulam extraxi: Hujus membrana ita densa & fortis erat, ut forfice eam scindere vix potuerim, cultro vero minime, aut certe cum summa difficultate: cujus concavitas erat repleta humore aliquo glutinosissimo ex nigro splendente, & rubricante instar visci nigri quo capiuntur aves, qui humor tam glutinosus fuit, ut cum vix à cultro, à manu plane non, nisi ea sevo inuncta, uti fit cum terebinthina, abraderetur potuerim: In hujus humoris meditullio repertus fuit lapis paulo minor ovo gallinæ, qui per medium securi confractione, resplendebat ac si hitro plenus fuisset: cortex erat durior meditullio, alias insipidus & nullius odoris: Mirum est quod in illa parte nunquam ullum dolorem aut saltem gravitatem persenserit, licet de Calore Hepatis Domina hæc semper conquesta fuerit. Ex observat. D. I. Georgi Greisely Medici Viennensis.

### OBSERVATIO XIV.

#### *Hypochondrii dextri dolor à calculis in vesica fellea contentis.*

§. 1. **V**irgo Vestalis continuis sub dextro hypochondrio torminibus vexabatur, mors, omnia illæsa intestina, Ab Hepate pendeat folliculus fellis, ob pondus inclusi lapidis, in substratum intestinum incumbens: ac illud intestinum, in offenso fellis folliculo, lapis ille attriverat. *Ballonius Parad. 114. ex Longio Epistola 57. Tom. 19. Forestus lib. 19. observ. 17.*

§. 2. Adolescens queri sensim cœpit de stomachi & hypochondrii dextri doloribus: Magnitudine dolorum fractus decessit: Fellis vesica aperta, intus 22. calculi reperti. *Kentmannus lib. de Calculis.*

NNnn ;

§. 3



§. 3. Languidi certe solatii est pro matrona N. doloris gravativi, circa regionem Hepatis post usurpara competentia medicamenta durantis, & in tumorem notabilem abeuntis, causam in calculos vesicæ felleæ occultos convertere, propterea quod simile quid non ita pridem in Barone quodam, de consimili dolore in vita conquerente, post mortem fuerit inventum. *Bernardus Stieberus ad Gregorium Horstium Observ. 47. lib. 4.*

## S C H O L I A

**V**trum dolor talis lapillorum istorum pathognomonicum signum censei debeat, merito apud me dubium: Enim vero jam diu est cum Nobil. N. lentatabe extinctum secare: In hujus vesica

fellea lapilli plusquam ducem reperti sunt, lecorisque substantia plane exesa, de dolore vero gravativo dextri lateris nihil unquam conquestus est. *Idem ibidem.*

§. 4. Comes quidam septuagenarius, à multis annis quoties in lecto se convolveret, pondus magnum, molestum, & ex una in alteram partem delabens è regione Hepatis percipere poterat.

Huic post obitum lapides duo ingentis magnitudinis in vesica fellis reperti sunt. *Fabritius Hild. cent. 4. Observ. 44.*

§. 5. Duo lapides ingentis magnitudinis ex vesica fellis Comitum cujusdam extracti sunt: quoties in lecto sese convolveret, pondus magnum molestum, ex una in alteram partem delabens è regione hepatis percipiebat. *Vide tit. de tætero & de ventriculi dolore.*

§. 6. Multi rerum Medicinalium historici, etiam ad satietatem usque, lapillorum in vesica fellea inventorum fecerunt mentionem: propterea & meum esset acquiescere, nisi admodum rarus casus ad enarrandum me adegisset, Fuit magni nominis Vir Theologus Posnaniæ, qui per bene longum tempus sensit graves lateris dextri dolores, post siti immodica pressus, & potu opplerus nimio, factus est hydropicus: Medicus *Boroensis* ludibrium hocce Medicorum pro parte sua averuncandum præsumpsit, & quidem non parvo successu, dum aqua intercutem ea fere omnis per urinaria vasa deviabatur, & detumefactis abdomine & pedibus, spes, sed vana, restituendi patientis, florescebat, Infixa namque hujus mali spina localem istum dolorem non poterat mentiri, quin de novo pedes & abdomen longe majori tumore extensi, mortis celeriori gradu accelerantis, & ita misere anhelantem & suffocatum patientem cultro Medico exponendi, expirante anno 1671. causa fuissent.

Facta cadaveris apertione, nihil magis spectatores in admirationem rapuit, quam quod fere nullum membrum index tanti mali apparuerit: Tandem forex se prodit, Vesica fellea parum bilis, sed ejus in loco orbicularem, ex novem aliis figuræ triangularis, sibi invicem incumbentibus, faciliq; manu separabilibus lapillis, constantem lapidem, mole quam pondere grandiore, subnigricantis, subviridantis & splendentis coloris exhibuit: *Andreas Cnossellius in miscellan. curiosis anni 1672. Observat. 206*

§. 7. Iac. Spoerlin (*vide histori lib. 1. Tit. de Paralyti*) fere perpetuo dolore quodam compressivo & tensivo precordiorum conquerebatur.

Aperto imo ventre, Bilis in ductibus cholidochis vitellina redundavit, pressoque parenchymate Hepatis copiose profluxit: Vesicula foris albicans simili bile flava implebatur, simulque continuit calculum magnitudine nucis moschatæ, qui causa erat doloris à longo tempore circa præcordia gravantis & tensivi: *I. Iacobus Wepferus Exerc. de Apopl. p. 372. &c.*

## S C H O L I A

**V**esicula bile flava implebatur) Bilis propria cysti (inquit *Fernelius* Path. lib. 6. c. 5.) nonnunquam tempore exuperat, ut hanc in ingentem distendat magnitudinem: Ac tum lane infesta est gravitatis

pondere, pressu, dolore ac suffocatione, ructu, ardore, siti, iracundia, & si quando computrescat, febribus intermittentibus.

## OBSERVATIO XV.

*Hypochondrii sinistri dolor ab inflammatione Lienis, purulenti facti 1. Tensio ab illius & Hepatis inflammatione. 2.*

**P**hilippus Heiss. Chirurgus Augustanus, (à calculo vesicæ enectus, *Vide Tit. de hypogastrii doloribus*) triennio ante obitum febre affectus fuit, cum dolore in hypochondriis per septimanas duas, à quo semper pondus in eo loco sensit.

illi Lien ab extra compactus inventus, qui dissectos multum puris fudit, quod amplam cavitatem exederat: An vero tamdiu in tali viscere latere possit purulenta materia non disputo. *Herschetterus Casu v. Decade x.*

S C H O L I A.

**A** Quo semper pondus in eo loco sensu? Nervum obtinuit Lien: ut membrana sensum habeat & quia non ingreditur parenchyma, hinc fit ut obtuso admodum sensu sit praeditus: Neque enim

dolet ipse cum agri de ejus doloribus conqueruntur, sed partes sunt adjacentes quae lege consor- tiis ab ipso afficiuntur. *Spigelius Anat. lib. 8. cap. 14.*

§. 2. Filius N. in febrem incidit cum summa hypochondriorum tensione: Splenis & dex- tri Hepatis lobi inflammatio aderat. *Vide tit. de Febris.*

O B S E R V A T I O XVI.

*Hypochondrii sinistri pulsatio à Lienae densa crusta & cartilaginea incrustato.*

**V** Idimus in Eunuchis quodam Lienem tam densa ac dura cartilagine incrustatum, ut inde adimeretur instar crassioris alicujus corticis: Qualem cartilaginosis Lienis con- ditionem delineavit nobis vir sagacissimus *Realdus Columbus lib. xv. Tulpius observ. med. l. 2. cap. 28.*

§. 2. Similem membranae Lienis constitutionem observavimus in Viro Nobil. & Clariss. D. Alexandro de Harfy, cui à pueris Lien molestias multas intulit (*Vide historiam tit. de ventris tumore*) Ille enim, vastae molis, tam densa tunica involtebatur, ut novaculae aciem eluderet, coronati argentei crassitatem duplo superante, mere cartilaginea, omnino simili ventriculo galli Indici, Ad pulsationes & puncturas ab eo viscere illatas retunden- das, cum admodum esset celebre illud Empl. de cicuta, alias efficacissimum, nedum inde solatium percepit, ut deterior affectus evaserit, imo delirium successerit: à membranae sci- licet densitate vaporum diffusio cohibita, fermentatio atrae bilis ibi reconditae aucta, ac vaporum mentem percellentium ad cerebrum elevatio facta.

**T** *Vlpius* l. c. sub titulo *Lienis verberantis*, meminit cujusdam Nic. Fabri, ab atra bile vehementius afflicti, cujus historiam adducere è re est, quod ad illustrationem observationum allatarum conferat: Nihil in arte medica *rar*, notius quam lienem subinde pulsare, seu potius concitatas ipsius arterias: sed ipsum hoc viscus costas tam valide ferire, ut vapulan- tium sonitus è longinquo audiant, id certe novum: N. Fabri, ab atra bile vehementius afflicto, fecit non- nunquam induratus Lien tam vehementem impetum in costas circumpositas, ut ex virgентиore illo allitu non modo audiret ipsas, verum verberum sonitum perspicue exaudiret ab ipso remoti, & quidem tam distincte, ut numeraverint non semel distincta verbe- ra, & admota manu etiam coram tetigerint quoscun- que ferientis lienis ictus: quorum reciproci soni- tum memini satis distincte audivisse ultra xxx. pedes: Sed prout vel uberius vel parcius redundaret bilis atra, pro eo etiam vel intendebatur vel remittebat horum ictuum violentia: adeo ut evacuato con- venienter corpore nonnunquam integrè cessarent haec verbera, sed eo rursus impuro, increvere identi- dem utque eo, ut cogeretur aliquoties implorans opem medicam, antequam liberaretur à vicio alias ineluctabili: in cujus naturam libenter inquisivisse nisi cadaver negasset defuncti vidua: cogens, quo non ierit oculi, eo saltem ingenii penetrare acie: Excitari itaque fuere hi ictus, cum à motu atrae bilis, tum à spiritu sanguini arterioso incluso: quia duo acqui- siverunt tantum vitium, ob prohibitam transpiratio- nem, & adstrictum arteriarum spleneicarum obstru- tionem, ut potuerint non modo elevare, sed mo- vere satis commode grave ac induratum lienis corpus, Virtus quippe unita multum potest, exemplo sunt tonitru, tormenta bellica, castrea carbonibus im- posita, in quibus apparet quid valeat spiritus inclu-

sus, & quam vim producat materia à calore rarefa- cta: calor namque generat motum, cumque tanto potentior quanto ipsius coarctetur angustius, sicut id videre est in flamma quae ob calorem perpetim movetur: Neque minus in liquore fervente arde- ter lebes in quo ebullit: At verò ut caloris est ma- gis in quam agit ita attenuare, ut requiratur ampli- orem locum, nisi impediatur, sic dilatat in nobis omnia spiritus, nisi obstiterit circumpositi corporis densitas: à qua repulsi spiritus, ubi se non dis- fundit latius, relinquitur necessario, uti in prohibita flamma conspicuum, & excitans motum recipro- cum, concutit valido isto occursum quicquid admittit prohibere naturalem ipsius expansionem: quali certe motus genere credibile est concitatum fuisse huius atri lienem: viscus alias in homine suapte natura immobile ac quietum: Sed unde reciproci ictuum ordo? annon à motu cordis? cujus systole ac diastole ut corpori universo, sic communicantur potissimum illis arteriis quae circa lienem adeo sunt frequentes, quadruplo illis plures quam venae: Sed quid produ- xit sonum? nonne dura Lienis compages? durum namque renititur, dum mollia, ut dux spongiae, nul- lum edant sonitum: Si quidem itaque sonorus fuerit lien, induruit necessario extrema ipsius superficies, ejusque densitate coegit spiritum in arcum, & per reciproci ipsius motum fuit proculdubio eleva- tus, ac costis allisus cartilaginosis lienis ambitus, excitans agitatione hac illum sonum, quem juxta mecum audire plurimi.

*Ad pulsationes & puncturas.* Pro fomenti Lienosi confectione & dispensatione idonea, praeter arterias quae materiam adducunt, & venas quae ejusdem seg- mentatae portionem quandam continuo resorbent, etiam mukis nervis opus esse videtur, qui scilicet



fibrarum Lienis texturam convellendo, faciem aram in eo conquassare, ipsamque adeo a putredine & coagulatione vindicantem naturam acidam & fermentativam imbui faciunt: tum etiam quod Nervi isti vasa sanguifera modo contrahant & constringant, modo aperiant & dilaten, ut pro data occasione sanguinis facultatis modo uberius, modo parcius, ex arteriis in Lienem deponatur, etiam ut fermenti in Liene confecti plus aut minus, juxta passionum aut instinctus naturalis exigentias, cruori suffundatur. Nemo *hypochondriaci* quin abunde sentiat nervos splenicos quosdam motus perficere. Nam magnæ perturbationes istæ quæ in latere sinistro excitari solent, uti cum modo inflationes, modo partium interiorum constrictiones, ac interdum succussiones variæ, cum dolore vago hac illac excurrente percipiuntur, sunt tantum *spasmi* & *corrugationes* quibus *nervi splenici* passim afficiuntur: Nec tantum in Lienis procinctu Nervi ejus spasmo correpti tumultus eient, ac longe ulterius sæpe in ipsum cor, imo in totum corpus inordinationum suarum effectus transferunt: Novi *hypochondriacum*, cui statim à Liene perturbato, præcordia deorsum attracta immaniter comprimi & constringi viderentur, adeo ut ipse valde tristis ac animo dejectus, etiam de summa pectoris angustia & constrictione conquestus, sese usque moribundum putaverit: Cujusmodi affectionis causa proculdubio fuerit, quod cum fibræ plures, à *plexu lienari* exeuntes, fibris aliis ab ultima Paris vagi extremitate dimissis uniuntur, facile accidit ut priores spasmo affectæ coniuges suas, & per consequens ipsum Paris vagi truncum, à quo Nervi in præcordia mittuntur, una contrahant ac deorsum convellant: Certe

prædictorum utriusque generis nervorum, scilicet quorum hi lienem, illi præcordia recipiunt, *symplesi* elicitor, ut cordis tremor, oppressio, alique graves affectus Lienolis ita passim obveniant: porro in quantum sanguinis fermentatio à Liene dependet, juxta hujus influentiam iste circuitum suum, modo placide, modo perturbate agit: Dum Lieni nulla perturbatione agitato conquietere & vacare licet, sanguis etiam in hypochondriacis satis tranquille movetur: Sin autem commoveatur idem & excitetur (uti assoler in passione quavis, corporis motu violento, aut à pharmacis) statim Nervi ejus spasmo affecti iteratis contractionibus ipsum magis concutunt: adeo ut facultatis fermentativæ, sinu ejus excussæ, in sanguinem uberius resiliant, quæ laticem ejus mox turbidum & quasi limo inquinatum reddunt: ipsum tanta denique acrimonia & mordacitate asperant, ut cerebrum & cor veluti aculeis pungat inartæ: unde Splenicis præterquam quod ratio obscuratur, etiam animi affectus, præsertim tristitia, odium ac ira plurimum intenduntur. De *Nervis splenicis* adhuc alia conjectura adducimur, ut credamus istos, præter facultatis motivæ exercitia, tum proprium humorem Lieni instillare, qui istius visceris virtutem fermentativam promovet: tum etiam (quæ Nervi, prout ostensum, utraque via, scilicet prorsum & retrorsum spiritus ac interdum humores convehunt) eosdem Lieni implantatos, ab eo humorem acetosum, & quasi vitiosum, lape imbibere, à cuius acrimonia, ac insigni vellicatione in spasmos aguntur.

Willis Anat. cerebri

cap. 27.

#### OBSERVATIO XVII.

##### *Hypochondrii sinistri dolor & Tumor ab insolenti Lienis magnitudine.*

**V**IT Calebs, rufus, 30. ætatis annum supergressus, Sinistri lateris dolore & tumore multorum annorum decursu emaciatus, Ictericus haud videbatur ab similibus, ciborum erat appetens, sed urinæ laborabat difficultate: consilio plebeiorum amicorum potu liberaliori ægritudinem molestam depulsurus, sex cerevisiæ potas uno spiritu eduxit, unde nigra materiæ supervenit vomitus, quem æquo excipiebat animo & fidenti, ratus cognita hinc morbi causa, facilem Medicis patere viam ad curandi methodum: sed sensim trinnio elapso mortalitatem exiit: Ante fatalem halitum, ob sphincteris vesicæ resolutionem, urina ante parca copiose & sine difficultate efluxit.

Postridie mortis cadaver aperui, in quo vidi 1. Omentum exile, mesenterium pingue satis: Intestina tenuia flavo colore tincta omnia: Hepar à rubore naturaliparum desectens. 2. Vesica biliaria pallida, tunica crassiori: In aperta serum crudum, nulla bilis tinctura: plena quoque granis nigricantibus, lapillisque pisorum magnitudine, qui viam obstruxerant quominus bilis hac expurgaretur, adeoque in corpus universum repulerunt. 3. Lien insolite molis, longitudine duarum spithemarum, supra renem sinistram, ad os usque Ischii ejusque cavitatem extensus: pondus quatuor libras æquabat civiles: color varius: albicabat qua parte costas attingebat, tunica crassissima candida, corio bovino similis, ut levi opera manu separari à parenchymate potuerit & exsiccare: Exsiccata autem tunica, quam musæo asservo, glutem siccum per omnia refert: at illa parte quæ corpori obversa erat, membrana subtilior nigricabat: In ipsa substantia steatoma erat infarctum, adiposa materia constans, nucis magnitudine parenchyma reliquum satis sanum. *Columbus lib. XV. Anat.* quoque vidit lienes XX. libr. pondere, quos cartilago exterius obvolvebat. 4. Adhærebat lien firmissime diaphragmati, ut difficulter separari potuerit: uade spirandi difficultas, quam ambulatus fuerat expertus. 5. Vas breve varium, nam qua-

tuor



## De Hypochondrii Doloribus.

981

tuor venæ amplæ ex ramo splenico tumido, prope lienem productæ, in ipso ventriculo longius protensæ, sanguine scatebant: hinc vomitus ille niger plerisque spleneticis & huic homini familiaris. 6. Pancreas sanum: vicina huic erat glandula parenchymati Lienis similis, quam lacteam in sano fuisse credo. 7. In abdominis cavo feri cruenti portio quædam. 8. Renes utrinque nigricantes, intus nihil monstri alebant, dexter epati per peritonæum adnatus, sinister lieni eodem modo subjectus, in pelvi sinistri parum hærebat puris. 9. Reclinatis intestinis & retractis, investigatæ in alveo vesicam urinariam, primæ fronte vidimus nullam, at separata peritonæi duplicatura, prodiit post catarracta latens. 10. In thorace & pericardio moderata feri cruenti copia, Cor totum quasi adipe obsitum molliusculo, serum biliosum continente, Pulmones liberi quidem à costis, sed candicantes & exsucci. *Bartholinus cens. 1. hislor. lxxx.*

### OBSERVATIO XVIII.

#### *Hypochondrii sinistri dolor à Liene, in cava parte fissio ob ictum inflictum.*

**Q**uam incertus Medicis verus Lienis usus, tam certum ipsius vulnerati periculum, maxime si acies penetraret ad majores arterias: Sed quis vidit unquam molle hæc Lienis viscus medium diffindi ab ictu foris illato? videtur certe simile quid literis consignasse Aquapendens, de Empirico quodam percutiente malleo tam vehementer inducati lienis scirrhum, ut ipse rimas, & æger vapulans ageret animam: *Oper. Chirurg. cap. 52.* Sed loquitur de Liene indurato, cum nostra exempla, in medium adducenda: sint Lienes vere molles: quanto autem fragillus durum molli, tanto utique rarius erit observare Fissuram in Liene leni quam duro. Inter ludicra puerilia ictus fuit scipione, in regione Lienis, juvenis 14. annorum, cum insigni dolore ac tam frequenti animi deliquio, ut postridie ejus diei vitam cum morte commutaverit, licet foris nullum conspiceretur vulnus: quod etiam caruit Textor ille, quem à simili ictu inopinate vidit occisum Oudekerke, pagus mille passuum ab Amstelredamo distans.

Vidimus autem in utroque cadavere Lienem ut mollem, sic in gibba parte, in quam tamen ictum exceperat, illæsum: ut in cava contra evidenter fissum: vel potius ampla rima tantum dilaceratum, ut in illa facile duos occultasses digitos: Mirabantur certo quam plurimi cur rimas egerit, & non potius cesserit ictui molle ac pendulum hoc viscus. Sed quid non læderet penetrans baculi vis? imo quid resisteret pernicioso impetui? quem tam valide adegit verberans manus, ut ne ipse quidem aer innoxie sustinisset tam subitam ipsius vehementiam. *Nic. Tulpus lib. 2. observat. xxix.*

### SCHOLIA.

**M**ajores arterias] Quarum ratione subinde pulsar, adeoque aliquando vehementer ut costas feriens, vapulantium sonitus è longinquo auditus sit: quod memorabili historia confirmat idem *Tulpus* cap. 28. ejusdem libri. *Nicolaus Fabro, ac*, viro indultio, sed ab atra bile frequentius afflicto, fecit nonnunquam induratus lien tam vehementem impetum in costas circumpositas, ut ex urgentiore illo allisu non modo doleret ipse, verum verberum sonitum perspicue audirent etiam longissime ab ipso remoti: Et quidem tam distincte, ut numeraverint non semel singula verbera, & admodum manu etiam coram tetigerint quoscunque ferientis Lienis ictus: quorum reciprocum sonitum memini satis distincte audivisse, licet id temporis ab ipso recessissem ultra triginta pedes: Sed prout vel uberius vel parcius redundaret bilis atra, pro eo etiam vel intendebatur vel remittebat horum ictuum vehementia: adeo ut evacuato convenienter corpore nonnun-

quam integre cessarent hæc verbera, sed eo rursus impuro, increvere identidem usque eo ut cogeretur aliquoties implorata opem Medicam, antequam liberaretur à vitio alias ineluctabili: In cuius naturam libenter inquisivissem nisi cadaver denegasset defuncti vidua: Excitati itaque fuere hi ictus, cum à motu atræ bilis, tum à spiritu sanguine arterioso incluso: quæ duo acquirere tantum virium ob prohibitam transpirationem, & strictam arteriarum splenicarum obstructionem, ut potuit non modo elevare, sed movere satis commode grave ac induratum lienis corpus. Sed unde reciprocos ictuum ordo? annon à motu cordis? cuius systole ac diastole ut universo corpori, sic communicantur potissimum illis arteriis quæ circa lienem adeo sunt frequentes, ut *Spigelius* illic quadruplo plures esse quam venas dixerit. Sed quid produxit sonum? nonne dura lienis compages? durum namque renititur, dum mollia, ut dux spongiæ nullum edunt sonitum: si quidem

quidem itaque sonorus fuerit lien, induruit necessario extrema ipsius superficies, ejusque densitate coegit spiritum in arctum, & per reciprocum ipsius motum: fuit proculdubio elevatus ac costis allisus cartilagineus lienis ambitus: Extimum autem Lienis licet nequaquam hic licuerit videre, induratum vidimus tamen id haud diu post in eunuchoque quodam, tam densa ac dura cartilagine incrustatum, ut inde adimeretur instar crassioris alicujus corticis: Talem cartilaginei Lienis conditionem vidit *Columbus* lib. XV. Anat.

*Percutiente malleo*] Hanc scirrhusi Lienis diverberationem supersticiosam pronuntiavit *Carda-*

*nus* l. 8. de var. rerum c. 44. Ridendam & detestandam *Massaria* l. 3, pract. c. 17. Periculosam monuit *Riolanus* lib. 2. Enchir. Anat. c. 26. ob suppurationis metum: Celebravit licet *H. Saxonia* pract. pract. p. 2. c. 28. Eam tamen Eques quidam Melicensis passus est, hoc modo institutam, Extensio agro in mensa, chartaque munda lieni apposita, securis aptatur subtilissima acie praedita, quae totis viribus bis terve percuritur: ab ictu dolor maximus percipitur, & charta illaesa permanente, scirrhus in duas partes diffusus tactu sentitur, cujus hoc pacto incrementum putatur impediri.

## OBSERVATIO XIX.

*Hypochondrii sinistri dolor à Liene semiputrido & Hepate, ventriculo annexis.*

**A** Perui corpus I. Agers Chirurgi, qui diu conquestus fuit de imbecillitate totius corporis, praesertim vero de dolore hypochondris sinistris, cum dejecta appetentia & siti continua: Usus autem saepe erat mercurio fixo, sive vitæ, qui cum antimonio praeparatur.

Aperto abdomine, inveni Hepatis colorem omnino mutatum, erat autem color eius luteus vel lutulentus, substantia molli, laxa & putrida, in venis autem ejus sanguis erat nigricans, tenuis tamen, vesicula felle turgida & plena ac satis magna. Lien etiam pallidus erat, & fere ejusdem cum Hepate coloris: substantia similis i.e. semiputrida cum aliquot incisuris: Utrumque hoc viscus proxime arcte ventriculo alligatum fuit, ita ut vix separari potuerit; ita, ut etiam dum lienem separare conarer, prius rumperetur quam à ventriculo separaretur, cum vero ad separationem Hepatis devenissem, & parum & leniter processissem, mox & citra violentiam ventriculus ruptus erat & epati arcte connexus, ubi summa cum admiratione interiorum ventriculi tunicam omnino corrosam, ac si septicum sumpsisset, reperi, & ita quidem ut quasi in lacera veste frustra plurima dependerent, nigricantia, atque ita putridus erat ventriculus ut levissimo negotio disrumperetur, cum tamen alias tunicæ ejus sint robustissimæ, atque etiam summa violentia vix rumpantur, præterea omnia turgebant flatibus. In pericardio humor erat sat copiosus, at non sanguinolentus, verum clarus & instar aquæ pellucidus: In cordis basi, ab anteriori parte adhærebat corpusculum mucosum: Hanc ventriculi corrosionem ex usu dicti mercurii provenisse puto, quare cavendum ab ejusmodi medicamentis, crebriore praesertim usu. *I. R. Salzmannus Observat. Anat. pag. 59.*

## OBSERVATIO XX.

*Hypochondrii sinistri dolor à lapide in Liene incluso.*

**L**apidem in liene Nobilis foeminae reperi, castaneæ magnitudine, subalbidum, alabastrum mollitie, pondere unciarum duarum & semis & drachmæ unius, laminis ovorum putaminibus invicem crustatim involutis, similibus concretum, erat hæc foemina juvenis, formosa, quæ subinde plenilunii tempore gravissime ex sinistro latere ad triduum usque affligebatur, quo exacto dolor eo usque remittebat, donec novum plenilunii punctum instraret. *Turnebisferus in Examine urinarum.*

OBSERV.

## OBSERVATIO XXI.

*Hypochondrii sinistri dolor à Liene intus putrido, exterius  
integro & inculpato.*

**V** Ir quidam consultissimus quinquagenarius, aliquot septimanis conquestus est de appetitu cibi & potus plane prostrato, & doloribus sinistri hypochondrii: cui cum clyster emolliens esset injectus, excrevit primo cum excrementis, postea etiam sine iis, magnam sanguinis attri copiam, & multa frustra carniformia solida, castaneæ vel iuglandis magnitudine, nulla aqua solubilia: & tam multa, ut tres vel quatuor lienes ex iis potuerint componi: Duravit ea excretio tota ea die, secunda & tertia plane ea substitit: quarta iterum clyster emolliens & leniter abstergens applicatus, à quo iterum ter fæculentum sanguinem & adustos humores dejecit, sequentibus diebus excrementa plane naturalia fuerunt: Mortuus est XV. morbi die.

Corpore aperto, repertus est lien prima facie integer & salvus, dissecta autem ipsius membrana, quæ integra erat, tota lienis substantia effluxit instar amurcæ & fæcis sanguinæ, paululum færens, & adeo totaliter corrupta, ut ne fibræ quidem visceris apparerent: Præter hæc sub liene conspiciebatur corpus quoddam glandulosum, instar farciminis tenuioris, oblongum, lieni, ventriculo & duodeno annatum, quali videas pancreas dilatatum & extensum, pluribus vasis & ductibus donatum, durum, solidum & molle, Ipsum vero Pancreas nihilominus aderat, dorso firmiter annexum & vasis magnis substratum, ut solet. *Sennertus.*

## S C H O L I A.

**L**ien prima facie integer] Notatu dignum quod habet Clar. *Von Flammerdinge* Disputatione de tumoribus Lienis, habita sub præsidio Clarissimi *Drelincurii*, Existimari Lienes simpliciter obstructos & tumidos, qui sæpe putridi sunt & coenosi, quanquam eorum rara apud auctores sit mentio: *Ballonius* tamen duo exempla suppeditat: *Plantius* in vita *Fernelii*, hæc verba de causa mortis illius Viri eximii habet, *Causam interius ex*

*anatomie peruestigantes, è lienis inflammatione pernitiem mansisse iudicavimus, quum & valde tumidum & prorsus lividum ac virefcens id viscus esset, & scalpello dissectum magnam saniei, instar picis nigerrimæ copiam profuderit.* Retulit Vir Clar. *D. Drelincurius*, Parisiis à Medicis, ut & se ipso sæpius, in diligenti cadaverum dissectione, vilos fuisse lienes omnino putridos & coenosis, materiam fæci vini rubri proliis similem continentes.

## OBSERVATIO XXII.

*Hypochondrii sinistri dolor à Liene putri, magno 1. Magno, nigra  
sabburra distento. 2. Putrido. 3.*

§. 1. **I** Oh. N. dolor fuit fixus ad hypochondrium sinistrum: Putris & semilacer inventus Lien, & in magnam molem excreverat. *Vide tit. de Febris.*

§. 2. Viro potationibus nimis indulgenti, dolores hypochondriorum, maxime sinistri supervenerunt. Lien quadruplo auctior, durior, nigra amurca distentus. *Vide lib. 2. tit. de Dyspnoea.*

§. 3. Illustr. N. variis affectibus implicitus Dolorem quoque Lienis percipiebat, Totus ille post obitum putridus repertus est. *Vide tit. de Ischuria.*

## OBSERVATIO. XXIII.

*Intestini tenuis dolores falso Liene adscribi ostendit Anatome.*

**Q**uoties intestini tenui pars superior ac ventriculo proxima dextræ lumborum regioni superstrata, mesenterioque substrata, dolorem patitur, toties à loco affecto Lumbaris nominatur, intestini tenuis pars huic proxima, & in hypochondrio sinistro à lumbis mesenterioque liberius exurgens & assurgens, lancinationibus frequenter & distensionibus, cum notabili ac permanente quandoque duritie affligitur: quamvis tunc Liene ferè dicet perperam, illud malum & dolor vulgo adscribatur, & à Medicis nonnullis, præiudicio inveterato, contra manifestam ex cadaverum sectione multiplici petitam experientiam: Dolorem istum appellarem ego à loco affecto *hypochondriacum*: *Fr. Sylvius Pract. lib. 1. cap. 14.*

## S C H O L I A.



## SCHOLIA.

**L**icet perperam] Iacet quidē Hepar sub hypochondrio dextro, Lien in sinistro, sed notanda nimia quēdā Medicorū licentia, dum qualemcunq; morbū, in alterutro latere perceptū, continuo Transcribunt ad alterutrum horum viscerum, Cum tamen Medicos istiusmodi Hepaticos ac Spleneticos nosse conveniret, magni sæpe aut diuturni morbi nidum defixum latere in partibus abdominis minimis, quales sunt obstructio unius aut alterius rami vasorum mesenterii à calculis, à subidente feculentia chyli in suo ad cor transitu, aut alia re: scorbutica item interaneorum dispositio, scirrhi aut alii tumores glandularum, gangrænarum partium occultarum, &c. I. Daniel major histor. Anatomes, &c. pag. 9.

Vulgo adscribitur Lien, &c.] in quantum plexus nervosus Lienem respiciens (Vide Scholia ad observat. 16.) cum ventriculo, mesenterio, hepate ac

rene propinquius, cumque præcordiis, aliisque partibus longe distitis, remotius communicat, Hinc causa patet, quare non modo singula isthæc viscera & partes propter Lienis delicta plectuntur, verum & vice versa, cur Lien indispositus à morbo quovis, aut molestia, in qualibet, istarum partium excitata, perturbari solet: Adeo non prorsus de nihilo est, quod symptomata ubivis instantia, cum illorum causa ignoratur, passim Lieni adscribuntur: siquidem ipse non tantum proprias inordinationes aliis partibus affigat, verum insuper peculiare illarum noxas luit: Quod tamen perperam vaporibus hinc inde transmissis adscribitur, cum ejusmodi cujusque affectus ratio formalis in communicatione per nervos facta plerumque consistit.

Willis Anatom. cerebri  
cap. 27.

## OBSERVATIO XXIV.

*Hypochondrii utriusque dolor, maxime sinistri, à putri Liene & putri sanguine in sinistro hypoch.*

**I**O. Formaget dolores ad utrumque hypochondrium, ac præsertim ad sinistrum: solo manus appulsu dolebat: manifestus erat pulsus in Liene: nos aneurisma esse suspicabamur: Eodem die quo secta est vena exolutus est, diffuso affatim sanguine.

Putruerat Lien, & grumosi sanguinis sinistro in hypochondrio magna copia reperta est. Ballonius Paradigm. 14.

## SCHOLIA.

**D**iffuso affatim sanguine } Qui si per venam à Liene in ventriculum tendentem, aut per alvum fluxisset, nisi servari (quia putruerat Lien) saltem vita diutius protrahi potuisset. De hoc verum quod ait Hippocr. in coacis, Quibus præcordiorum dolores, oris ventriculi, hepatis, partium circa umbilicum, hi sanguine per alvum egesto servantur, non egesto moriuntur.

*Præsertim ad sinistrum*] Punctorius quidam dolor, sanis alioquin, subito in latere plerumque sinistro oboritur, quem Germani Lienis punitionem, cum à Liene illum prodire vulgus credat, vocant: Accidit præsertim post cibum sumptum, si tunc corpus validius equitatione vel motu violentiore agitur, apparente interdum tumore qualis in spasmo flatulento apparere solet, admodum pungens & lancinans, præsertim respiratione ducta, mirescens si venter stringatur, sponteque tandem remittens: qui peritonæi affecti causa evenit, cum illud ventri undique ante retroque expansum sit: Causa flatus sæpenumero existit, qui in intervalla peritonæi (quando illud distentum tractumque supra modum, à partibus quarum tuniois pertinaciter hæret, veluti avellitur)

cum musculis ipsis connexis, & spatia musculorum irumpens ab invicem divellendo, eos parit; eodem fere modo uti in pectore in pleuritide falsa, dolor punctorius succingentis tunicæ causa: confert autem plurimum valida musculorum abdominis attractio, per motus mox cibo factos, & præsertim qui per equitationem fiunt, dum in ephippio sedentes, pedibus in stapede innixi, conatu quodam cum spiritus retentione musculos abdominis stringunt: eadem ratione sicuti spasmus flatulentum in aliis corporis partibus accidere ostendimus: Ob quam & causam musculi in loco dolente elevati tumorem aliquem quandoque, qui tunc illic apparet, procreant, & si stringantur cingulo latera, ut in ipasmo, si contrariis nixu musculi retrahantur, dolor cessat vel mitigatur, Adeo ut hic dolor spasmici flatulenti species aliqua existat, nec alio quam ad effectum musculorum abdominis, & peritonæi ab invicem divulsorum, referri possit: Frequentius autem in latere sinistro quam dextro accidit, ventriculi causa in ea sede latentis, & quod in eo hypochondrio plures flatus colligantur. Platerus Pract. lib. 2. cap. 12.

## OBSERVATIO XXV.

*Hypochondriorum dolor ab inflammatione ventriculi ad suppurationem deducta.*

**D**N. Vxor (de qua Tit. de ventri Tumore) conquerebatur de hypochondriorum dolore, maxime de sinistro. Ea mortua apertus venter, ex quo ingens copia flatus erupit: inter intestina & peritonæum multus humor aderat; circa latus sinistrum apparuit pinguedo innatans, quæ suspicionem præbuit esse vel ex enematis vel ex iusculis: Rem inquilivimus, invenimus foramen circa mediam ventriculi partem ad fundum, hinc conclusum fuisse inflammationem ventriculi quæ suppurata esset, &c. Ex Observat. D. Joh. Bauhini.

OBSERV.

## OBSERVATIO XXVI.

*Hypochondrii dolor à ferramentis in ventriculo contentis &c.*

**I**N pago Fungenstal Sichstetensis Episcopatus ditionis agricola, quum crudelibus dolorum tormentis in altero hypochondriorum latere conficeretur, subito clavum ferreum sub illæsa cute manu apprehendit; quem Chirurgus novacula exscidebat nec tamen dolores cessarunt, sed in dies magis recrudescebant, Quare cum nec aliud doloris fore remedium miser quam mortem suspicaretur, arrepto cultello sibi guttur abscidit.

Qui demortui ventriculum inciderunt, in eo lignum teres & oblongum, quatuor ex chalybe cultros, partim instar ferræ dentatos, ac duo ferramenta aspera reperta fuerunt, quorum singula spithamæ longitudinem excedebant: aderat & capillorum instar globi involucrum: Certè non alia arte quam Dæmonis hæc ingesta &c. *Langius lib. 1. Epsl. 38.*

## S C H O L I A.

**A** Cacodæmone obsessos mira vomitu ejecisse quam ex iuno manarent, ori admoventi: Hos refert citatum exemplum ab *H. ab Heers.* observat. 8. p. m. 90.

## OBSERVATIO XXVII.

*Illic sinistri dolor gravativus à Colo duris fecibus obstructo. 1. A coli inflammatione. 2. A colo putrefacto. 3.*

**§. 1.** **M**ulier in colicam passionem incidit: Conquerebatur de alvi difficultate, dolore Illic sinistri tensivo gravique: Sentire enim dicebat se ibi pondus aliquod grave tanquam plumbi massam: Inveni Colon, juxta ventriculum, fl. tibus expansum: Reliquis in locis, ad crassum intestinum usque angustum, fecibus crassis durisque in globulos concretis infarctum. *Vide lib. 1. tit. de Paralyti.*

**§. 2.** Juveni dolor fixus in hypochondrio sinistro, in regione coli, cum ardore, si &c. Inventus est abscessus in mesenterio & colo, ea potissimum parte quæ fundo ventriculi substernitur. *Vide tit. de ventris dolore.*

**§. 3.** Matrona à conceptionis periodo, mense quinto, male cœpit habere & octavo mense periit: conquerebatur de magno sub Hepatis regione ardore: Inventum est Colon intestinum hac in parte denigratum & putrefactum: Idem hoc malum in duobus vel tribus aliis eodem modo afflictis deprehensum fuit. *Ceter in Observat. Anatom. & Chirurgicis.*

## OBSERVATIO XXVIII.

*Hypochondrii dextri dolor à contusione & inflammatione intestinorum, omenti, mesenterii circa originem, & musculorum psoadum &c.*

**D**uo famuli joco digladiantes, & segmentis asserum longioribus armorum loco usi, unus aromatarius alteri pistori in hypochondrii dextri lateris infimam sedem, coxendici proximam, segmen adeo violenter impegit, ut statim dolorem illic sentiret, qui adauctus in dies, in crus dextrum, quod ob id ægre movebat, quoque descendebat, sicque afflictus, febricitans, aliisque accedentibus symptomatibus extinctus est. Nul- lum signum lethale extrinsecus apparebat, nec in latere affecto, nec capite, ubi quoque, sed levius percussus erat.

Abdomine sectione aperto, thoracisque sede huic proxima, ut rectius omnia in conspectum venirent, primò intuitu intestina in latere læso, maculis quibusdam lividis & subflavis notata vidimus, omentumque intestinis instratum, simili colore vitiatum; uti & vesiculam fellis pene inanitam, coloreque felleo flavo portionem intestini, quæ illi proxime incumbit, admodum lata macula tinctam, uti & septi transversi sedem dextram, valde quoque flavam & lividam: Ex quibus tamen nihil certi, an hoc ex ictu in eo latere factò prodierit, aut morti occasionem præbuerit, conficere potuimus, donec convolutis intestinis, & depressis è dextro abdominis sinu in sinistrum, hepateque sursum elevato, mesenterii vasa, circa illius originem, ubi dorso adhæret, & in ambitu illius, & adhærente illi intestino penitus cruenta & veluti contusa, psoasque musculos, illi lateri succumbentes, simili modo affectos deprehendimus. *F. Platerus observ. lib. 2. p. 473.*

O O O O S C H O L I A.

## S C H O L I A.

**E**X quibus inflammationem in corporibus mortuis nec rubore nec tumore, ut in vivis, sed ex dictis indicibus se manifestantem, in hac abdominis sede, & contusionem aliquam enarratorum vasorum, & partium, ex ictu illo factam fuisse (modo non & erysipelas, illic ubi bilis effusa tingebar partes, fue-

rit) occasionemque huic dolori, in latere dextro, & in crure quoque, propter musculos pios dictos, ad femur descendentes, illudque moventes, sese offerentibus, mortique tandem, cum nullis remediis coercita fuerit, fortèque in abditis illis locis non potuisset occasionem præbuisse conjecimus. *Idem.*

## OBSERVATIO XXIX.

*Hypochondrii dextri dolor ab abscessu intra musculos abdominis & peritonæum contento.*

**Q**uidam 33. annos natus à rotis rhedæ bene onustæ circumrotatis super hypochondrio dextro fuit vehementer conquassatus, sine tamén costarum notharum fractura: diarrhœa & vigiliis ob cruciatus atque dolores comitantibus: Methodica curatione ab initio neglecta, febris symptomatice superveniente, tandem viribus collapsis, vitam cum morte commutavit: Ratione situs suspicio aderat partem affectam fuisse jecur: at vero post obitum longe aliter observatum fuit, nam ante corporis dissectionem tetigi hypochondrium, quod non erat durum sed admodum molle: ergo Hepar non fuisse primario læsum, inflammatum aut induratum conjectura assequi licuit.

Primo itaque incisis in forma crucis abdominis musculis, statim ex dextro latere materia purulenta copiose effluxit ad libram semis, sine ullo abscessu in jecore apparente: apostema enim intra abdominis musculos & peritonæum continebatur. 2. pars Omenti erat abscessui adnata, ita ut novacula illud separare necessum fuerit: 3. *Hepar vero situm obtinebat* sub mediotallo diaphragmatis, ad sinistram hypochondrium inclinans, & sterni costis nothis undiquaque beneficio membranarum annexum, quod digitis fuit separatum. 4. Magnitudo abscessus tanta erat ut pugnus grandior in eo abscondi potuerit, situ jecoris aliorum translato. 5. Ventriculus satis magnus situm obtinebat ad sinistram latus magis urgentem, ob abscessus grandioris præsentiam. *B. Langwedelius apud Barthol. cent. ij. observat. xlv.*

## S C H O L I A.

**H***epar situm obtinebat &c.* ] Ligamenta, quorum opera Hepar locum situmque debitum servat, sunt tria præcipuè, primum id diaphragmati alligat, diciturque suspensorium, quod ejus potissimum ope grave Hepatis pondus sustineatur ne deorsum ruat: Id non solum extimæ ejus membranæ affigitur, sed etiam parenchyma ejus penetrat: Secundum firmamentum hepatis est vena umbilicalis, in ligamentum mutata, & priori directè opponitur: 3. est quo cartilagini ensiformi adhæret, tenue, flaccidum, robustum tamen & latum: Sunt alia ejus firmamenta potius connexiones sive continuationes cum aliis partibus & vasis, quam ligamenta dixeris: Tam variis connexionibus stabilitum hepar, hæud facile sua sede deturbatur, estque totalis ejus dislocatio morbus fortasse inauditus: Nec sane video quomodo eadem (cum tot tantique momenti vasa necessario laceranda veniant) citra certam ne-

cem contingere possit: Prædicta tamen vincula hæud adeo arcta sunt quin aliqualem motus libertatem hepati concedant, 1<sup>o</sup>. enim in diversa corporis posita, Hepar quoque variis manifestè situm acquirit: 2. Est exiguus motus quo in expiratione & inspiratione sursum deorsumque ad diaphragmatis motum fertur. 3. Ventriculus flatu distensus Hepar sæpe sursum in diaphragma impellit, adeo ut respirationis libertatem impediatur: 4. Idem cibo potuque repletus situm hepatis aliquatenus variat, idemque sursum & in latus dextrum impingit, ut & Coli tenuium-ve intestinorum inflatio anteriorem Jecoris crepidinem attollit, simulque posticas ejusdem partes in spinam illidit. *Glisson Anat. Hepatis cap. 2.* Adde his abscessus & tumores vicinos alio impellentes, ut in præseni casu: *Barbette* in *Anat. Practica* ait ligamenta Hepatis suspensoria in tantum sæpe relaxari, ut id ad umbilici regionem descendat.

## OBSERVATIO XXX.

*Hypochondri dextri dolor ab enormi Renum magnitudine, Hepatis & Lienis. 1. Ab Hepate inflammato. Pancreate obstructo. 2. Ab Hepate infarcto, Pancreate magno. 3. Ab Hepate ventriculo affixo, Pancreate, Mesenterio induratis. 4. A Mesenterii abscessibus. 5. Præcordiorum æstus à tumore phlegmonoso circa umbilicum. 6. Præcordiorum collabentium sensus obrenes Jecori affixos. 7. Præcordiorum dolor à renum vitiis. 8. Sinistri dolor ob Renem in sedem lienis depulsum. 9. Dextri dolor à peritonæo & musculis vicinis à feri acrimonia commorosis. 10. A Pericardii & Cordis sinistra regione offensis redditus. 11. Dexteri dolor à pure intra thoracis cavitatem concluso. 12.*

**§.1.** **I**N Nosodochio curavi aperiendum corpus puellæ, quæ per multos dies conquesta erat in Hypochondrio dextro: Rejecerat tæniæ vermis longas partes sæpius purgata,



gata, additis vermes expellentibus, unde partes rejectæ fuerant.

In Thorace pulmonis sinistra pars extenuata, thoraci adhærens: In Abdomine copiosum serum, Renes amplissimi, magnitudine admodum excedentes: Hepar amplum: Lien nimis magnus & mali coloris: In intestinis copia vermis Tænix. *Ex observat. Joh. Bauhini.*

§. 2. Juvenis habuit Jecur inflammatum, Pancreas tumidum & extuberans, pure ac pituita infarctum, cujus contumax obstructio summæ præcordiorum angustias in singulis febris accessionibus excitavit. *Vide tit. de Febris.*

§. 3. Vir Nob. dolore hypochondrii dextri diu afflictus fuit, cum ventriculi & diaphragmatis compressione: Hepar magnum, multis abscessibus refertum repertum est, Pancreas admodum ingens &c. *Vide lib. 2. tit. de Dyspnæa.*

§. 4. Nob. dolor erat in hypochondriis, lumbis &c. Hepatis lobus orificio ventriculi posteriori erat affixus, à præcedente inflammatione: Cum pyloro induruerant pancreas & mesenterium &c. *Vide tit. de ventris dolore.*

§. 5. In Indiis ægri sæpe tabescunt, gravitatem tantum sentientes circa umbilicum & hypochondria: In iis mesenterii substantia sæpe insignem abscessum patitur. *Vide lib. 2. tit. de Phthisi.*

§. 6. Jac. N. quum acutissimo ense venter esset perforatus, paulo post extrema friguerent, Præcordia vero immensè incaluere: Intestina omnia erant confossa, Et ingens circa umbilicum tumor phlegmonosus. *Vide lib. 4. tit. de Vulneribus.*

§. 7. Quidam in magno æstu sitiens, mox ab hausto vino frigidior sensit præcordia quasi sibi collabi, In mortuo renes ambos jecori affixos vidi, & manu abstraxi mea. *Vide lib. 2. tit. de Phthisi.*

§. 8. Dissecui septuagenarium qui xx. amplius ante obitum annis de intolerabili laterum dolore, infra costas nothas conquestus fuerat, ac mucosam substantiam una cum urina reddiderat. Huic sinistri renis substantia carnea intus plane absumpta erat, in eoque hærebat calculus, duas habens radices: Dexter à calculo immunis, substantiam habens fluidam coloremque subfuscum. *Vide tit. de Urinæ non naturalibus.*

§. 9. Mercatori Bourlon dolores implacabiles ad regionem Lienis, & fere infra umbilicum pene: Tumor quidam percipiebatur, tandem interiit. Non credebant dolorem esse nephriticum & tamen erat, At situs doloris & partis decipiebat.

Aperto cadavere, inventus est Ren insignis loco dimotus, & ad regionem lienis, aut nativa, aut alia aliqua vi (si credere fas sit) detrusus. Sic imposuit valde Medicis.

Idem contigit Cardinali à Guiffa, curabant eum splenicum pro nephritico: Ren quadruplo major erat quam à natura esse deberet. *Ballonius Epidem. & Ephemer. lib. 2. pag. 220.*

## S C H O L I A.

**R**En loco dimotus] Quamvis Renes adipis glutine videantur tenaciter annexi lumbis, interdum tamen luxantur & anteriorum procumbunt: interdum in hypogastrium delabuntur, non sine viri detrimento: Hoc ita verum est ut nullo modo sit dubitandum: Id potissimum accidit, non tantum liquata pinguedine, qua sunt obvoluti, sed etiam ex pondere, ubi tam grandes sunt, ex tumore vel calculo in cavitate concluso, ut suis retinaculis in sua sede contineri nequeant, tuncque ibi aliquandiu subsistunt: sed tandem putrescunt & abscessum patiuntur. *Riolanus Encheir. Anat. lib. 2. cap. 28.*

Curabant eum Splenicum pro nephritico] Viscerum carnosorum sub hypochondriis latentium, Hepatis scilicet dextrum latus occupantis & ad anteriora atque protentum, Lienis in sinistro ventriculo substrati, Renum utrinque sub illis duobus visceribus una cum ureteribus, qui ab illis in lateribus oblique deorsum versus anteriora vergunt positorum, morbi

aliqui dolores procreant, qui in ejusmodi locis ubi hæc viscera sedem obtinent, latere dextro vel sinistro, ut in doloribus illis dictum, sese patet faciunt: Renisque dextri affectus ab Hepatis affectu hoc pacto in situ distinguitur, quod Hepate affecto dolor in latere magis dextro versus anteriora, ubi major est Hepatis portio, vel etiam juxta regionem foveæ cordis, ubi ventriculo incumbit, sentitur: Renis vero dextri dolor circa posteriora paulo humilior in dorso, eodem in loco fixus remanet: Sinistri vero Renis, qui elatior est dextro, affectus, à Lienis affectu, ex doloris situ non tam facile discernitur, cum Lien posteriorem magis sedem, Reni sinistro proximam, secus quam communis est opinio; qui in latere sinistro versus anteriora magis Lienis situm querunt, occupet, ita ut aliis indiciis quam ex doloris situ harum partium affectus sint distinguendi. *F. Platerus Prax. lib. 2. cap. 12.*

§. 10. Fœmina hydrope pectoris atque ascite periit: Dolor adfuit circa jecoris regionem fixior: Ibi nil præter levem exsionem circa phlegmonem adfuit: Sed peritonæum & abdominis muscoli, interiora versus, fuere ex parte inflammati, exesi, venulis sat conspicuis, ab acrimonia feri in abdomine bullientis, unde color ille circa Hepatis peripheriam. *Vide tit. de ventris Tumore.*

§. 11. Illustr. Schombergius à longo tempore dyspnœa laborabat, ad quam per intervalla accedebat acutissimus circa præcordia dolor, quo cum corripiebatur, sudore per totum diffusebat: Illi membrana, & carnea omnis pars quæ sinistram cordis regionem regit, tota ossa reperta est. *Vide lib. 2. tit. de Suffocatione.*

§. 12. Quendam ex Hepatis tumore laborare existimabam, cùmque dolor quotidie augeretur, & duraret longius, Hepar ipsum in pus conversum esse arbitrabar.

Post cadaveris autem apertionem, inveni hepar pene illæsum, Totam vero thoracis cavitatem pure plenissimam, ita ut de pulmonibus vix exigua portiuncula conspiceretur. Ex quo symptomatum utriusque affectionis tantam cognationem fuisse satis mirari non potui, *Observatio Abrah. Werneris Medici Witebergensis.*

## S C H O L I A.

**T**antam cognationem] Causam doloris alibi delitescere quam ubi dolor animadvertitur saepe contingit: Sic calculo vesica laborante pruritibus glandis molestus est: Hepati inflammato accedit juguli dolor: Utero affecto interior coxarum pars dolet: In *Capivaccio* causa doloris ventris in thorace reperta est, (*Vide sect. observat.*) In allato exem-

plo doloris causam reperire arduum est, cum nullo pus à thorace in jecur defluerit, ut in *Tafino* de quo supra. Verisimiliter consensus causa est in comunione membranarum, pleuræ scilicet & peritonæi, quarum quædam est continuatio, ut in cute univèrsum corpus amiciente.

## OBSERVATIO ULTIMA.

*Ilui dextro dolor ab osse femoris eroso & carioso.*

**V**ergebatur Rogeria, Corbinelli filia, in ilibus dextris dolore fere perpetuo: quare multis diverso tempore vocatis Medicis; cum unusquisque pro ingenio suo puellam curasset, & præsidia omnino nihil profecissent, è medio tandem sublata est.

Quare consilium fuit incidere corpus mortuæ, & inventum est os femoris erosum, maximamque ossis partem in pulverem redactam. *Benivenius cap. 79. de Abditis.*

## ANATOMIÆ PRACTICÆ

## LIBRI TERTII.

## SECTIO XVIII.

## DE ICTERO.

## OBSERVATIO I.

*Icteri causa consistit plerumque citra vesicam felleam, aut circa ipsam versus Hepar.*

**I**CTERICA affectio, ex communi plurimorum consensu, exoriri statuitur in quantum flava bilis, è venæ portæ finibus, in pori biliarii ductus non omnino, aut non satis excepta, in massam sanguineam restagnat, eamque virore suo (unde etiam cutis inficitur) inquinat; Obstructio ista multis modis & variis in locis contingere solet: Quandoque enim fit juxta extremos utriusque generis vasorum, scilicet venæ portæ & pori biliarii fines: quorum intercapedines, ob hepatis parenchyma intumefactum, aut alias vitiatum, nonnunquam comprimi & obrurari accidit; quapropter humor felleus è portæ vasis secretoriis, in vasa altera excretoria minime ductus, in sanguinem regurgitat: 2°. Humoris fellei transitus interdum in mediis pori biliarii ductibus intercipitur, in quantum scilicet horum cavitates materia, aut viscosa, aut sabulosa, & nonnunquam lapidea implentur; uti passim cernitur in jecinoribus jumentorum hyberno tempore dum foeno ac stramine vescuntur. 3. Ex observatione etiam

Anatomica



anatomica constat, Obstructionem Icteri causam nonnunquam in ipsa vesica fellea, aut in meatu cystico fieri, si quando enim illa lapidibus impleta bilem non recipit, aut hic ob-  
turbatus aut coalescens, bilis versus intestina descensum inhibet, humor iste, quam-  
vis à sanguine bene secretus, in massam ejus refluere cogitur, adeoque morbum regium  
parit.

## S C H O L I A.

**C**ontra receptissimam hanc opinionem, qua sta-  
uitur Icteri causam plerumque citra vesicam  
felleam, aut circa ipsam verius Hepar consistere,  
Clar. Sylvius (*vide caput sequens*) omnino ultra  
hanc, vid. in meatu cystico aut ductu communi  
eam collocat: Propositum nostrum non est deter-  
minare (postquam tot egregia recentiorum inge-  
nia res fatigavit) utrum bilis revera conficiatur in  
cysti fellea, vel an non à sanguine intra Hepar,  
(magnum secretionis organum) duntaxat sepatetur:  
fateor posteriorem hanc sententiam mihi potius ar-  
ridere: Et quidem hæc serio perpendenti, opinari  
ducor Icteri causam in eo potissimum consistere,  
quod bilis in Hepate secreta, ob vias obstructas  
non omnino, aut non satis ad vesicam felleam trans-  
feratur, quin necesse habeat in massam sanguineam  
regurgitare, interea tamen haud inficias inus affe-  
ctum hunc (etsi rarius) à meatu cystico, aut ductu  
communi obstructis interdum exoriri posse: Cæ-  
rum in morbificæ causæ partem, & fortan aliquan-  
do totum, etiam sanguinis virium accedere pura-  
mus, quando nimirum ob particulas ejus sulphu-  
reas, & salino fixas supra modum exaltatas, bilis  
in cruoris massa uberius ac ocysus progignitur,  
quam per ordinarias vias secerari, aut foris aman-  
dari queat: quare hæc à sanguine cum sero ubique  
decedens, partibus solidis artigitur, iisque tinctu-  
ram suam imprimat: Et proculdubio ob hanc ra-  
tionem est quod venena quædam, & imprimis vipe-  
rarum morsus, atque potus generosior diutius ulur-

patus, in corpore prius sano morbum Arquatum  
inducit, pro cuius therapeia interdum phleboto-  
mia, & medicamina sanguinem ad rectam crasin  
reducunt, plusquam deobstruentia prodesse so-  
lent: Porro ob hanc causam esse videtur, quod  
febris tertiana intermittens, ita frequenter in Icte-  
rum terminatur: quippe haud suspicari licet, post-  
quam in singulis paroxysmis tanta sanguinis & hu-  
morum agitatio, per frigus & æstum, eorumque  
tanta per sudorem aut vomitum agitatio contigerit,  
ductus Hepaticos quoquo modo obstrui posse: ac  
vero, sicuti paroxysmi febriles acciuntur in quan-  
tum sanguinis pars sulphurea nimis evecta, succum  
nutritium primo in materiam morbificam perva-  
rit, & dein accensa eandem absumit & exterminat:  
ita postea cum sal fixus demum in sanguine una cum  
sulphure exaltatur, ideoque bilis pura puta copiose  
progignitur, propter salis fixi vim restrictivam tan-  
guinis accensio febrilis cessat, ejusque loco dys-  
crasia Ictérica succedit: Quemadmodum autem  
sanguis ad dyscrasiam sulphureo salinam nimis eve-  
ctus, Ictericum quibusvis, utut minime prædispo-  
sitis accersit, ita in aliis quantumvis prædispositis,  
viasque bilarias obstructas habentibus, cruoris sul-  
phur nimis depressum morbi istius immunitatem  
parit: Enimvero cognovi plures cachecticos &  
phlegmaticos, tametsi hepatis quoad plurimos ejus  
ductus obstructione & induratione laborarint,

Ictero caruisse. *Willis Pharm. rat.*

pag. 20. sect. 2. cap. 1.

## OBSERVATIO II.

*In Ictericis non semper obstruitur Ductus aut Intestinalis aut Cysticus:*

*In iisdem solito acidior evadit sanguis.*

**O**bservavi in dissectione Ictericorum non semper obstructum esse Ductum aut In-  
testinalem aut Cysticum. *Fr. Sylvius Pract. lib. 1. cap. xlvj. §. 7.*

In cujusdam IctERICI mortui sectione memini me aliquando observare sanguinem so-  
lito acidiorum. *Idem. Ibidem. §. 61.*

## S C H O L I A.

**A**b obstructione Ductus intestinalis docent vul-  
go Bilem in descensu suo naturali plane impe-  
ditam ascendere vi ad Hepar, sicque ferri ad sangui-  
nem, mox cum ipso transferri ad corporis habitum  
& superficiem, ibidemque parere Ictericum: Quamvis  
autem existimem posse aliquando ab obstructione di-  
cta excitari Ictericum, non puto tamen sufficere istam  
obstructionem ad illum producendum, nisi novam  
mutationem subeat in suo præsertim Folliculo tunc  
subsistens Bilis: Id ut sentiam plurima me movent ex-  
perimenta tum Anatomica tum Practica: Observa-  
vi autem 1°. in Dissectione Ictericorum non semper  
obstructum esse Ductum aut intestinalem aut cysti-  
cum: 2. Non semper in Ictero pallere alvi excre-  
menta, licet solito essent minus tincta. 3. Non tan-  
tum à veneno peculiari, verum ab animi micore  
gravi & inexpectato, sæpe citius productum Ictericum  
quam ut quis aut aliis persuadere possit productum

tam subito, à quacunque demum causa, tunc præsen-  
te atque agente in ductibus bilariis, obstructionem:  
4. Curari, & quidem sæpe cito, à medicamentis quo-  
rum ope solutam, vel tam cito solutam obstructio-  
nem vix aliquis credat, nisi præjudicio præoccupatus:  
In hunc censum refero cum cannabis semine  
decoctum lac bubulum, cujus unius beneficio plures  
curavi: Saponem cum olivarum vel raparum oleo, vel  
balenarum pinguedine paratum, lacte solutum & as-  
sumptum: Observavi 5. infantes multos nasci cum  
Ictero, aut mox post partum ipsis erumpere Ictericum:  
Ex his observationibus cum pateat Ictericum posse  
produci absque ductus bilarii obstructione, queritur  
merito quænam vera sit, aut esse possit ejus causæ  
Hæc ut talitius & facilius eruatur, præmittam sym-  
ptomata Ictericum instantem aut præsentem indican-  
dia: Solet igitur Ictericum frequentius præcedere, ac  
initio etiam comitari Compressivus cordis dolor di-



ctus, & circa ventriculi regionem inferiorem maxime molestus, concurrentibus anxietatibus, atque obscuris in dextro hypochondrio, ubi & bilis folliculus & ejus ductus existit, lancinationibus: Alvi excrementa fere albescent, suntque coloris cineritii, nec à bile, ut alias diversimode tineta, quin segnius ad deiciendum agri sollicitantur: Mox urinae prodeunt obscure rubentes, atque immixta lintea colore croceo inficientes: Tandem in facie ac collo, & magis evidentet in adnata oculorum tunica, hinc per universam corporis cutim, color citrinus & flavus, quin aliquando ad viriditatem obscuram vergens exurgit, unde nunc flavus nunc niger vocatur Icterus: Ubi inclinatur, nonnunquam pruritus magnus sentitur in tota corporis superficie: Inter causas externas, non raro vidi ex spiritus vini, aliorumque potuum generosiorum abusu productum Icterum, & huic succedentem Ascitem, ut plurimum lethalem: Quibus omnibus rite expensis, censeo, siue locum habeat cujusvis ductus bilarii obstructio, siue talis obstructio fingi nequeat, Bilem tunc subire mutationem notabilem, propter quam moveatur & feratur impetuosius & copiosius versus sanguinem, cui tamen solito minus permisceatur, sed ipsi duntaxat confundatur, ideoque facilius ab eodem recedat, & non tantum cuti partibusque externis, verum musculis quoque atque visceribus se jungat, & illa colore suo inficiat & tingat: Bilis enim naturaliter se habens, tum in tenui intestino, tum etiam cordis ventriculo dextro, haud laxa tantum, sed intime admisceatur ac permisceatur concurrentibus humoribus, & ita quidem ut ab illis amplius separari nequeat: quæ unio fit ob ipsius effervescentiam in loco memorato utroque cum confluyente Acido junctam: Quoniam igitur desiderari videtur in Ictero, ista Bilis cum cæteris humoribus intima conjunctio, ac secundum aliquas sui partes commistio, ut & laudanda illa effervescencia, si non in totum, ex parte saltem impedita, videndum quo utriusque hujus effectus, quin & Icteri quoque causa innotescat, quid requiratur in bile ad effervescentiam utramque perficiendam, quidnamque illi advenire possit ut ipsam minuat vel tollat: Jam vero notum Effervescentiam omnem contingere inter Acidum & Salem lixivum, quodve de Sale lixivo participat, & in quantum de ipso participat: Quisquis autem Bilem examinaverit, & tam cum acidis liquoribus quam cum Salibus lixivis qualibuscunque confuderit, facile capiet Bilem concurrere ad excitandam effervescentiam ratione Salis lixivi, sed multis modis in ipsa multum temperati, ne fiat in corpore potens ac vehemens, adeoque nocens, quin blanda potius & naturæ amica Effervescencia: Quod si Salis lixivi rationem habeat in Effervescencia excitanda Bilis, ulterius pergendum, ac videndum qui affici queat ejus Sal, ut minus sit ad effervescendum aptus: Notum autem per experientiam, iterum Salem lixivum purissimum, adeoque acerrimum, esse ad effervescendum aptissimum: eundem contra quomodocunque obtusum, ad effervescendum reddi plus minusve ineptum: Obtundunt vero Salis lixivi acrimoniam plura & 1<sup>o</sup>. quidem omne Oleosum & pingue, quod testatur Sapo quivis: 2. Omne spirituosum volatile, quod testatur Tartari Sal, cum spiritu vini rectificatissimo volatile factum. 3. Omne terreum, quod testantur corallia, margaritæ, oculi cancri, creta & alia plura: Salis lixivi effervescentiam promovet, faciliatque aqua, si pauca ipsi jungatur: eandemque infringit & ostendit, si multa ei effundatur: Solus ignis ejusdem lixivi Sa-

lis acrimoniam acuit & auget: unde quo diutius illud urgetur ignis vi & flamma, eo redditur idem acius, & ad potenter ac vehementer effervescendum convenientius: Hæc omnia ut præsentî negotio accommodemus, atque doctrinæ de Ictero lucem optatam afferamus: Quisquis attente Bilem consideraverit, agnoscat facile non parum oleosi & pinguis ei secundum naturam esse admixtum: propter quod, utpote potentissimum ac efficacissimum, adeoque primarium acrimoniæ Salinæ retundens, nunquam & magna, durante sanitate, observatur bilis aut in corde aut in tenui intestino effervescencia: Eidem Bili admixtum esse Salis volatilîs aliquid, dignoscet quisquis non tantum nervos satis grandes viderit ad Hepar deductos, sed insuper ipsam cognoverit rebus quibuscunque facile admisceri: quod non fieret nisi ei permixtus esset notabili quantitate spiritus volatilîs: nam ob comitem oleositatem volatillem difficilior admisceatur rebus omnibus Sal lixivus, cui quoties junctus est spiritus volatilîs, toties aptior fit ad illam cum singulis commistionem absolvendam: Sed eo ipso redditur insuper Sal bilis temperatius, unde hactenus quoque blandior existit ejusdem in statu naturali effervescencia: In Bile aliquid reperitur Terre; non tamen tantum ac multi male putant, alias minus esset mobilis & fluida, minusve aliis se insinuans, quin etiam mobilia præstans, sicut id peculiariter patet in colorum materia, quæ à bile admixta redditur fluidior & ad pingendum aptior: ab admixta vero terra, etiam pauca, infringitur Bilis effervescencia, ne in statu sanitatis contingat potens acrisque: Ignis vero in humano corpore talis tantumque fingi nequit, à quo uri acriorque, fieri queat Bilis Sal lixivus, nequidem in statu recedente maxime à naturali: cum si quis rem rite examinaverit, primaria caloris intensioris in statu naturali, aut præter naturali, causa in corpore ipso existens sit à bile petenda deducendaque: Errant enim qui solum Ignem esse agens, & quidem universale putant, quod rebus omnibus naturalibus omnem afferat mutationem: Experimenta enim Chymica ostendunt infinitas mutationes occurrere quæ ab Igne deduci nequeant, & non paucas quæ Igni adversantur: Dixi autem caloris causam primariam in corpore existentem, siue Internam; quo distinguam ipsam ab Externa quavis, quam nil impedit posse aut ignem vulgarem, quovis pabulo sustentatum, esse, aut Solem, à quibus humores omnes, ac præcipue bilem, aciores fieri nulli non notum: Quoties proinde acior redditur in humano corpore bilis, & quidem acrimonia propria, & in Sale lixivo consistente, toties acrimonia illa querenda deducendaque ab externo igne nunc Solis, nunc Focis: Dixi acrimonia propria, quo distinguatur ab accidentali, quæ ipsi ex admixto acido acris contingit, quod bilem producit nunc æruginosam, nunc atram, prout nimirum magis vel minus acre acidum bili admisceatur, & compositum humorem constituit, uno licet Bilis nomine notum: Cum proinde inter ea quæ in corpore inveniuntur, atque inter causas internas referri possunt ac debent, nil occurrat quod Bilem possit reddere acriorem præter succum acidum, facile quoque patet cui adscribi debeat bilis incendium: His ita præmissis, querendum porro, cuiusnam præsertim debeat suam in Ictero se humoribus cæteris permiscendi ac intime unendi ineptitudinem Bilis? Hoc ut pateat, considerandum sæpenumero Icterus brevi temporis spatio excitari à Vipere morfu: cujus ve-

nerum



etiam, quoniam celeriter opus suum absolvere solet, valde mobile, adeoque subtile, quin naturæ volatilis & spirituosior omnino censendum: A spiritu valde volatili copiosius bili admisto, ipsaque spirituosior faciente, Icterus produci posse, confirmare videtur Icterus, ut sæpe vini generosioris, ac præsertim ejus spiritus, potatoribus, propter neglecta simul alia alimenta solidiora superveniens, ac imprimis quando aliquis animi moeror præcessit perennetque. Adeo ut non videatur mihi improbabile Bilem ad Icterus producendum reddi, nunc à veneno viperæ penetrantissimo & spirituosissimo brevi tempore, nunc à potu generosiore diutius usurpato, sed longiori tempore, nimium spirituosam, & ad convenienter cum acidis effervescentiam, hinc & humoribus cæteris se intine jungendum minus aptam. Sed dicat aliquis rei attentus, Si à veneno Viperæ, aut à potu generosiore ita immutari potest bilis, ut absque obstructione in ductibus bilariis existente, produci queat Icterus, non desinet saltem ad tenue intestinum deduci bilis, à qua licet minor ac debilius contingat ibidem cum succo Pancreatico effervescentia, quidni ab eadem saltem tinguntur alvi excrementa, ut alias fieri solet? Respondeo 1. in omni Ictero haud æque albicantia, ideoque minus flavo bilis colore tinctas occurrere feces: unde judico alias plus, alias minus bilis admisceri quoque in Ictero alvi excrementis, à quibus plus vel minus tinguntur. 2. In omni Ictero haud æque male affectam esse bilem: unde hætenus quoque magis vel minus ipsa excrementis alvi admisceri potest eademque tingere. 3. ut à bile rite tingantur alvi excrementa, desiderari præviam & sufficientem ejusdem cum succo Pancreatico effervescentiam, ob quam ejus partes diversæ ab invicem secedunt, ac tincturam habentes excrementis junguntur: 4. Si durante Ictero spirituosior & volatilius, ideoque fluidior & mobilior existat bilis, poterit eadem facilius penetrare ex hepatis glandulosis acinis per minimos suos ductus ad venæ cavæ radices, atque cum sanguine ad cor: maxime si ab eadem bile spirituosiore irritatus archius contrahatur, aut etiam aliquando obstruatur ductus bilarius intestinalis, quam ob rem factum ad hepar impetu, in eodem persistat bilis, neglecta ordinaria sua, licet ampla, versus intestinum tenue via: Potest namque fieri ut si non obstruatur in totum, angustetur saltem ductus bilarius intestinalis à pituita, imprimis post moerorem gravem viscosiore facta, ipsum quovis modo obducente: vel à bile spirituosiore facta, ideoque turgente, ac è suo folliculo effusa, irritetur idem Ductus ad sui contractionem arctiorem, propter quam ipsi transitus denegetur liber ad intestinum, atque adeo ipsa sursum ad Hepar feratur pene tota per Ductum Hepaticum, mox cum sanguine ad dextrum cordis ventriculum delata, cum descendente ac lymphatico sanguine solito minus effervescat, ideoque sanguinis massa toti magis confundatur quam permisceatur, mox ubique à sanguine recedens, partes quasvis colore suo inficiat & ad nutritionem naturalem minus aptas reddat, quocirca sensim succedat Ictero vel atrophia vel hydrops, nisi brevi curetur: Quamvis enim non putem requiri necessario ad Icterus producendum Bilarii ductus obstructionem, non video tamen cur non possit aliquando ipsa præbere ansam Ictero, dum sistendo Bilem naturali suo effluxu in tenue intestinum, causa est quod bilis ibidem moram nectens alteratur, & si ita loqui fas est, spiritualescat, tum accessu majore spiritus animalis, tum exaltatione atque attenuatione ulteriore partium ipsam constituentium: Hoc vel inde pa-

tere videtur quod multis, antequam Icterus patiantur, solet summa in dextro hypochondrio, ubi observatur intestinalis Ductus intertio in tenue intestinum, sentiri anxietas, præcedente nonnunquam moerore gravi, alimentorumve pituitosorum abusu: A moerore autem solent humores omnes reddi glutinosi ac viscosi, maxime in tenui intestino, & quidem ob succum pancreaticum idcirco factum aulteriore; undecunque autem pituita existat glutinosa & viscosa, eadem apta est nata in tenui intestino Ductus bilarii orificium obducere atque obstruere, sicque bilis descensum exitumque impedire, quapropter angustia excitabitur ibi loci à bile in notatam pituitam vim suam exerente, atque flatus, ex ipsa producente, dum pars reliqua in semetipsam agens attenuatur, spiritualescit & tandem Icterus excitat. Ex his videor mihi non improbabilem Icteri, absque bilarii Ductus obstructione necessaria, generandi modum & rationem invenisse, Auctam scilicet bilis tenuitatem & spirituositatem, ideoque ad rirè & satis effervescentiam ineptitudinem: quam idcirco in Bile notavi, quoniam observatur ipsa tunc sanguini non tam permisceri quam confundi. Videndum porro an symptomata Ictero familiaria, & superius notata, deduci queant à modo assignata ejus causa: denique an nota ejusdem curatio eidem quadret? Compressivi cordis doloris eadem causa est quam dixi paulo ante, esse Anxietatum circa ventriculi regionem inferiorem, in tenui intestino excitatarum. Pituita glutinosa ibidem coacervata, & in flatus ex parte deducta, continetque partes diducens, angens ac premens: Lancinationes in dextro hypochondrio adscribendæ humori acido & pancreatico, à bile parcius accedente minus fracto, adeoque puriori, noxamque suam potentius exerenti, partetque sensiles pungenti & lancinanti: Alvi excrementa solito sunt minus tincta, tum ob bilem parcius accedentem, tum ob eandem minus effervescentem, ideoque partes suas tingentes minus ad ipsa inficienda deferentem. Segnius ad dejectendum sollicitantur agri ob causam eandem, minusque acrem bilem: Urinæ obicure rubent, ob bilem copiosam & tinctura multa prægnantem ipsis admistam. In cure tota, sed in primis magis tenera, qualis est faciei, colli, manuum, quin carne universa, exoritur diversus color flavus ab eadem bile, ob auctam suam spirituositatem, partiumque suarum unionem intimiorem, minus quoque in corde effervescente, minus proinde sanguini se permiscente, quin potius ipsi duntaxat confusa, ideoque notatis partibus ubique, dum transluitum ipso, adhærente, atque colore suo flavo, nunc pallidior, nunc obicuriore, atque ad viriditatem quandoque vergente, ipsas inficiente: Inclinate Ictero sentitur in corporis superficie pruritus, propter effervescentiam ubique resuscitatam, & halitus subacres inde erumpentes, atque partes sensiles blande mordicantes. Fieri enim nequit quin postquam usu medicamentorum convenientium correctæ est, non tantum in suo folliculo, in quo multa est collecta, verum in universa quoque sanguinis massa, cui est confusa, quin partibus continentibus & solidis omnibus, quibus adhæret, bilis ubique ad occursum succi pancreatici & lymphæ, imo ipsius sanguinis solito acidioris (quod in ejusdem Ictericæ mortui sectione memini me observare) excitetur quam prius potentior effervescentia, & qua proinde halitus attollantur subacres, qui ad sensiles partes, ac præsertim curim delari, pruritus ibi pariant: Quæ modo dixi confirmabuntur amplius ex Icteri curatione, quæ in eo consistit ut 1. Remo-

riores causæ, animi mœror, alimentorum viscosorum, potuive generosioris abusus tollantur. 2. Mediæ causæ, pituita glutinosa, ductum bilarium obducens aut obstruens, quoties locum habet, aut venenum qualecunque bilem immutans & vicians, corri-

gantur ac emoveantur. 3. Causæ proximæ, Bilis corrupta & vitiata, nimium scilicet spirituosæ, & ad rite effervescendum ineptior facta emendetur, & ad intestinum iterum deducatur. 4. Color cutis sordidus scparetur & naturalis restituatur, &c. *Idem ibidem.*

## OBSERVATIO III.

*Ictericæ sectio à Clar. Sylvio anno 1664. administrata, In quo folliculus fellis solito major, ac bile turgens deprehensus, Hepar coloris ex flavo obscure virescentis, &c.*

**D**E querelis Martini Hanskenii; ex observationibus meis practicis, in Nosocomio notatis, hæc præmittenda duxi VIII. *Maii* conqueritur de doloribus utriusque hypochondrii, qui à motu ita augentur ut fere intolerabiles sint, quos etiam transversim in ventro cinguli instar sentit, Decumbens paulo melius habet: Per duos jam annos laboravit hoc affectu, sed initio adhuc ambulare potuit; Jam vero per septem hebdomadas in Nosocomio, & per 8. domi fere semper decubuit: conflictatur jam per annos 4. vel 5. cum variis morbis, tandem fit Ictericus. Præscripta illi sunt à Medico ordinario varia, à quibus nullum levamen sensit. Inter cætera & oleum juniperinum & Philonium, à quibus semper pejus habuit: ab assumpto alimento molestias majores sentit, 5. horis circiter post alimenta assumpta: hora 6. vespertina cœnat, & deinde per mediam fere noctem se hinc inde jactat, nec dormire potest, deinde obdormiscit, sed vix per semihoram continuam: Non assumpsit nisi juscula. Totus fere osseus, Alvus morigera est: quotidie dejicit, excrementa albicant. Vires animales quoad motum sunt valde debiles; Appetitus integer, etiam sapor, digestio male habet: Respiratio quandoque difficilior, imprimis à sumpto cibo: conqueritur de frigore præsertim in pedibus: N. 1°. *Ictero raro febris conjuncta est: 2. Non tantum superficies cutis, sed etiam ipsa caro Ictericorum flavet, quod ex cadaveribus dissectis patet.* D. Sylvius judicat acidum in eo nimis acre, propter dolores graves, appetitum integrum: Pituitam item viscidam abundare, propter diuturnitatem morbi & sensum doloris gravativi, quare sequentia præscripta. *℞. aq. cochl. menth. aa. ʒij. theriac. s. ʒss. laud. op. gr. ij. syr. cochl. ʒij. m.* 9. *Maii.* non est sine animi mœrore æger, propter uxorem & liberos: Heri non assumpsit, sed hodie aliquot cochlearia misturæ, unde id commodi habet quod dolor in hypochondriis non est tantus: Iteretur itaque mistura 10. *Maii* die præcedente nocte melius solito dormivit, & ille dolor qui instar cinguli abdomen afficiebat, magis ad interiora tendere videtur, dejicit commodè: Fæces paulo magis tinctæ ac antea fuerant. 12. *Maii* in pejus ruit ob defectum medicamentorum: Iteretur mistura die 8. præscripta, 15. *Maii* conqueritur de dolore magis interius quam exterius urgentibus: Sensit humorem in sinistro crure à genu ad pedem usque: Forsan in hydropem incidet, quod facile fieri potest, & sæpe fit. Sensit frigus & humorem per totum corpus distribui ab assumpto potu, quia potus cum parte pituita soluta per venas lacteas in corpus distribuitur. Iteretur mistura die 8. præscripta. NB. *Qui in hydropem incidentes multum bibunt, in iis plerumque hydrops se primum in abdomine manifestat, Qui vero sobrii sunt in potu, in iis plerumque in pedibus se primum manifestat.* 16. *Maii* non adsumimus Nosocomio. 17. levamen sentit, perget uti præscripto: 19. *Maii* proficit in melius; 20. die habuit paroxysmum febrilem. & quidem frigus circa 10. matutinam initium fecit. Conqueritur de debilitate genuum: Observat in ipsa febre quosdam dolores, præcipue circa articulos, qui simul ac in somnum incidit, caput perunt, & tunc quasi delirium sentit. Die 21. per totum corpus dolorem molestum sentit & debilis est, habet quod sumat: 22. Dolor per totum corpus auctus: Surrexerat circa meridiem, & frigus tunc sensit, nunc aliquem calorem habet, pulsus est frequentior. Appetitus prostratus, fauces siccæ *℞. rad. petros. fœnic. apii aa. ʒij. coq. in aq. pura, in colat. ʒxxv. dissolve syr. de ʒ. rad. ʒij. sal. prunell. ʒij. m.* 23. Die pulsus paulo melius habet, febricula levior: Præscripto uti perget. 28. die conqueritur de sapore salso, quem in decocto deprehendit; Lingua flava est quasi fissa; Aëstus, deglutitio & respiratio difficilis, Emaciatio. *℞. aq. petrosel. fœnic. aa. ʒij. syr. de ʒ. rad. ʒvi. ocul. cancr. ʒss. acet. stillat. ʒss. m.* 29. die paulo melius habet: Utetur præscripta heri mistura. 30. die iteretur mistura 28. *Maii* præscripta: 2. *Junii* iteretur mistura 20. *Maii* præscripta. *℞. Sacch. alch. ʒij. 6. die* paulo melius habet, Pulsus robustior, dejicit sponte, appetit varia, sed simul ac quædam ex istis quæ tantopere expetiverat comedit, nauseat eadem: De deglutitionis difficultate conqueritur: videntur prope gulam quædam pustulæ albicantes instar aphtharum. *℞. aq. pluv. q. s. adde paulum aceti & sacch. utetur sepius pro gargarismo: Iteretur mistura*



28. *Meli præscripta.* 9. *die* deglutitio adhuc difficilis : pulsus paulo robustior : habet quod sumat. 10. *die* pejus habet ac heri : pulsus paulo frequentior : in robore ac magnitudine vix judicatur : Respiratio difficilior, Sitis urget. Per 8. jam dies amarum in ore sentit saporem, imprimis vero hodie. *℞. aq. cichor. fœnic. aa. ʒj. syr. de ʒ. radic. ʒj. spir. sal. dulcis ʒj. m. N. Syr. ʒ. Salis d. radic. vim habet incidendi, solvendi piritam viscidam & ad appetitum.* 11. *die* de vigiliis conqueritur. Alimenta commodius appetit & consumit; alios in eodem statu. Habet medicamenta : 12. *die* iteretur mistura. 10. *Iunii* præscripta : adde laud. op. gr. ij. ob vigilias. Assumat vesperi dormiturus : 13. *die* commodius jam somnum sumit : habet medicamenta. 13. *Iun.* appetitus restituitur, Somnus mediocris, vires dejiuntur : 17. *die* eodem modo se habet. *℞. Sapon. ven. nuc. mosch. magnitudine, dissolve in lacte dulci, capiet quandoque cochleare.* 15. *die* iteretur mistura 10. *Iunii* præscripta : 20. *die* appetitus indies restituitur magis magisque, assumpta alimenta minus solito gravant : visus ante biennium obscurari coepit, & nunc in dies magis obscuratur. *die* 22. *Iun.* conqueritur adhuc de summa crurum debilitate : Appetitus permanet integer postquam spir. Olis dulci est usus, Somnus impeditus & vigilie fere continuæ, De visu obscurato valde conqueritur, videt tamen singula debito colore. *℞. aq. euphr. ʒij. fœnic. ʒj. syr. cochl. fœnic. aa. ʒss. Ω. ʒ. dule. ʒj. laud. Op. gr. ij. m. cochlearim sumat,* 25. *die* calor semper molestus. Videtur aliquanto clarius videre adstantes : putat felicius sese habiturum ab assumpta minori misturæ quantitate, cum à majori alvus semper adstrictior sit. Apperitus omnino restitutus, alimenta etiam recte sapiunt, carnes tamen non generantur. *℞. Sem. cannab. decoque in lacte dulci, capiat una vice ejus decocti ʒij.* 27. *die* melius se habet : heri male habuit à decocto cannab. sem. ob nimiam ejus assumptam copiam, cum loco ʒij. dimidiam pintam hauserit : habet adhuc quod sumat, 30. *die* status mediocris; non in pejus ruit, nec multum etiam proficit : Sedens vel decumbens ægre surgit : Habuit aliquot abhinc annis dolores in sinistra scapula & toto illo latere, ad inferiora usque qui nunc cessant. Iteretur mistura 23. *Iun.* præscripta. *Die 1. Julii* in dies magis magisque proficit, color faciei non amplius tam flavus, clarius etiam quam prius videre potest habet medicamenta : *die* 2. *Jul.* in dies melius habet ab assumpto decocto cum semine cannab. 3. *Jul.* in eodem est statu : *die* 4. proficit : Iteretur mistura 23. *Iun.* præscripta. *die* 7. proficit in omnibus, excepto motu corporis; iteretur mist. *Die* 8. in eodem statu, adde misturæ *die* 23. *Iun.* præscriptæ *Ol. mac. still. gutt. iij. die* 9. *Jul.* iteretur mistur. 23. *Iun.* præscripta, adde *ol. ol. mac. still. gutt. iij. die* 14. iteretur mistura 23. *Iunii* præscripta adde *ol. mac. still. gutt. iij.* ad discutiendos flatus : *die* 15. in eodem statu, ut & 16. *Die* 17. urina valde tincta, alias in eodem statu : *die* 18. excrementa albicantia sunt minusque mollia, Iteretur mistura 23. *Iun.* præscripta, adde *ol. mac. still. gutt. iij. die* 20. in eodem statu, habet medicamenta : *die* 22. iteretur mistura 23. præscripta, cum *gutt. iij. ol. macer.* *Die* 23. in eodem statu : Ad tumorem pedum, utetur decocto furfurum cum sale, pro lavacro pedum : *die* 28. in plerisque levamen sentit, solæ vires debiles, excrementa alvi adhuc albicant : pergit uti decocto cannab. cum lacte : Iteretur mistura 23. *Iun.* præscr. cum *ol. mac. gutt. iij.* *Die* 29. habet medicamenta : *Die* 1. *Aug.* iteretur mistura 23. *Iun.* cum *gutt. ol. mac.* *Die* 4. iteretur duplo mist. 23. *Iun.* præscripta, cum *ol. mac. gutt. 6.* utetur porro decocto sem. cann. cum lacte : Anno 1664. *die* 10. Nov. frequentante iterum Nosocomium Cl. *Sylvio*, invenimus eundem quod ad omnia symptomata iterum in statu pejore : omisit usum decocti semin. cannab. : Præterito mense cum exiret aliquando in publicum, capitis dolorem vertiginemque expertus est, & deinde etiam capillorum defluvium, Sanguis etiam præterito mensis tempore copiosus è naribus effluxit, sputumque sanguinolentum dejecit, quod sine dubio fluentis sanguinis parte in fauces decidente ita tinctum est : Somnus paucus, interceptus, alvi dejectio multa, Excrementa albicantia. Per tres dies levem habuit alvi fluxum cum torminibus : Parum sitit, appetitus cibi integer, bene assumit, sed gravatur ab assumptis, neque nutritur sed sensim fit macilentior : Tumor levis in pedibus, hydropis initia, ventris tamen tumor adhuc nullus est : Lancinationes in articulis inferioribus, ut in flexura genuum, &c. Sitis nulla. *℞. rad. galanga, enul. camp. aa. ʒss. sem. anis. fœnic. aa. ʒj. summit. absinth. abrotani, aa. man. ʒ. concisa & crasse contusa indantur sacculo, suspendanturque in pinta vini, De liquore biber mane. Inserviet medicamentum, ut ejus ope defectus bilis ad intestina non defluentis restituatur, sitque loco bilis ibidem : Die* 12. *Nov.* queritur de summo dolore lancinante, in dextro hypochondrio imprimis, quoties corpus dextrorsum intorquet : Plus dejecit quam ante, parum quidem singulis vicibus, detur sæpius : Assundetur iterum præscriptis speciebus vinum, continuabitque in usus ejus. *Die* 13. excrementa adhuc subalbida : hodie mane alacrior fuit quam nunc est, Hypochondrii dextri dolores adhuc sentit : Subinde quoque aquas circa ventriculum quasi fluitantes, unde metus est leipothymiz, hodie non tam frequenter dejecit : *Die* 14. habet medica



medicamenta: *die 17. Nov.* capitis doloribus continuo infestatur, lancinationibusque in dextro hypochondrio, unde respiratio quoque impeditur: Parum quiescit. Quotiescunque assumit vinum præscriptum, levi vertigine corripitur: Videtur medicamentum illud bilem nimis acrem reddere, abstinebit proinde per diem ab usu illius: *Die 19.* ante tres dies incidit in gravedinem & tussim: Excrementa nondum tincta: Subinde cardialgiam patitur, Capitis dolor ante gravior quam nunc: Quater deiecit: In hypochondriis adhuc malum perdurat; superiori anno gravedinem similem passus est. *℥. aq. beton. petrosel. fenic. aa. ʒi. theriac. s. ʒvi. laud. op. gr. iij. syr. de ʒ. radic. ʒi. m.* *Die 20.* assidens foco paroxysmum febrilem sensit, A mistura præscripta melius paulo habet *Die 21.* melius habet: perget uti medicamento, quod iteretur. *Die 15.* sensim magis debilitatur: Non potest jam tandiu extra lectum se sustentare. Heri vesperi iterum febrilem paroxysmum passus est, cum levi frigore per universum corpus, unde somnus magis interruptus fuit. Videtur Quartana, cum *die 24.* etiam senserit paroxysmum: Copiose hodie deiecit, retulitque excrementa jam magis tincta fuisse: Servabit cras illa: *Die 25. Nov.* sensim magis labefactatur: gravedine & tussi molesta jam ab octo diebus laborat, quæ augetur ab humoribus à capite in pectus descendentibus: Dolores in hypochondriis jam remissiores: Non habet medicamenta: Iteretur mistio 19 præscripta. Excrementa similia hesternis, & adhuc albicantia. *Die 26.* hac nocte quater liquida deiecit, nullo purgante sumpto: Color excrementorum manet cæruleus; Gravedo & tussis perstant: *die 27.* æger debilis est, pulsus simul; hac nocte & interdium quinquies deiecit & liquida: *die 28.* habet aliquantulum melius, bis tantum deiecit, obiit 1. Decembris.

*In sectione hac occurrebant,* Cutis universa flavescens, Aperto abdomine membranæ, & pinguedines imprimis, flavo colore infectæ, carnes non item, quæ solito magis tantum pallebant & flaccidæ erant. Penis glans tamen flavescebat, In abdom. insignis quantitas aquosi humoris, quæ in magna quantitate spectata rubra, in parva vero flava videbatur, eodem plane modo ac si croco tincta fuisset. Quæ in fundo erat aqua, rubicundior erat, & ad sanguinis colorem magis accedebat. Intra tunicas Omenti cruoris aliquantulum inveniebatur, qui copiosior in abdominis fundo occurrebat firmiter, & in longum instar Polypi concretus & cum liene cohærens: Omentum variis quasi glandulis interspersum, quas pinguedinem corruptam Cl. *Sylvius* judicabat. Lienis membrana tenerissima erat, ut & tota ejus substantia, quæ plane sanguinis concreti consistentiam habebat, fibræ tamen satis firmæ. In una ejus parte membrana ad notabilem latitudinem rupta erat, ita ut vasa ejus apparerent: Ex illa sine dubio sanguis profluxerat qui aquam illam in abdomine contentam adeo tinxit, quem mirum est non magis concretum & coagulatum fuisse.

Ventriculus cum intestinis flavens tumensque; Color hepatis ex flavo obscure virescebat: Pulmones lividi & cæteris intestinis flaviores. Costæ valde teneræ & nullo labore frangibiles & scissiles. Cl. *Sylvius* easdem aliquando ejusdem duritiei in aliquo qui aneurismate obierat, deprehendit: Folliculus fellis solito major ac bile turgens, colorisque albi, cum plerumque subviridi, videatur. Dexter ren valde exilis. Separatis ductibus bilariis, epatico nempe, cystico & intestinali facta que, proxime subligatura, in superiore epatici parte instituta, foramine, immixtus ope tubuli leniter flatus ad intestina sine impedimento penetravit, uti & immixtus humor cæruleus. Immixtus deinde ab intestino versus epar flatus etiam facile in folliculum fellis penetravit, nullo tamen modo potuit inde iterum exprimi: quod Cl. *Sylvius* jam antea notaverat: Dissecto per longitudinem intestinali ductu, apparuit in illo materia viscida. Ductus cysticus magis hians, sive inflexus versus epaticum quam versus intestinale. Bilis in folliculo contenta justo viscidior, colorisque diluti, ita ut immixtum linteum non magis tingat quam urina ictericorum. Immixtus in ductum Hepaticum flatus, observatus penetrare in ipsum etiam folliculum, ubi is epati annexus: Intestinum tenue non ita interius obductum pituita viscida erat, uti solet alias: Pericardium cum sua pinguedine flavescere impense. Liquor contentus paucus, flavus, subsalsus & parumper amaricans. Cranii exterior superficies flavens: Ossis frontis interior superficies colore flavo infecta, cæterorum non item. Dura meninx flavescens, ut & liquor sub ea conspicuus cujus sapor non erat notabilis. Tenuis meninx minus flava: Cerebri substantia satis alba: In ventriculis liquor satis copiosus, limpidus, subsalsus: Plexus choroides valde glandulosus: substantia infundibuli extrema in quam desinit, subrubra, quodammodo carni simile, quod sæpius observatur. *Matthias Paisenius in Miscell. cur. ann. 4. & 5. observ. 194.*

## OBSERVATIO IV.

*Icterus à Iecore indurato, lapillis referto.*

**M**Emini ego nonnullorum, qui ab Ictero in Asciten delapsi erant, Iecinora vidisse adeo dura, & lapillis adeo plena, ut novacula præscindi non potuerint. *Dodonæus ad cap. 3. Benivenii de abditis.*

## S C H O L I A.

**A** Simili causa productum fuisse Icterum judicavit *Plerus* in Nobili quodam Ictérico & cachectico, qui dolorem in regione Hepatis ex compressione sentiens, urinæque effundens copiosis, arenulis adeo rubicundis & cruentis refertis, ut & contractu lintea tingerent, ab iis malis ejusmodi excretionibus liberatus est.

## OBSERVATIO V.

*Icterus ab Hepate vitiato & subviridi.*

**R**eligiosus toto corpore subviridis referebat colorem qui Gallis *fucille morte*. In cadavere defuncti nulla obstructio aliave reperta fuit ejus causa, præter parenchyma Jecinoris concolor. *Ioh. Rhodius Centur. 3. observ. 21.*

## S C H O L I A.

**H**ujus forsan commatis urina viridis de qua *Actuarius cap. 8.* quam pravæ ejusdem corruptionis bilis exustionem significare tradit idem meth. med. cap. 13. Auriginem *Theophrastus de urinis cap. 6.* viscerum tumorem dolorumque cum aliquo periculo, aut certe corpus integrum non esse.

## OBSERVATIO VI.

*Icterus ab Hepatis vitio quod ὑποκίωσις erat.*

**C**omitis Chaulnei filius Ictericus factus est & mortis appetens: is annos natus 14. olim venustulus, lepidulus & bonæ indolis, facilis, postea vero illepidulus, morosus & subtristis, cervicosus. Ictericus factus repente: febricula, *alvi profluvium albicans*, foetens & corruptum, ita perseveravit per dies 15. medicamenta obstinate abhorruit: Cum nil tale cogitaretur, stridebat dentibus, ad interrogat non respondebat, mane vox querula & horribilis: tota die ἀπὸ τοῦ, convellebatur nocte, velut extaticus erat: vox inarticulata & ejulatus magnus, convulsiones, mors; Exspirando è naribus excrevit nescio quid subnigrum & subviride: Dubitabamus an id à cerebro esset, an recursus liquoris medicamenti quod datum erat ad os, & ab ore ad nares.

*In cerebro nihil commemorabile deprehensum est* quod mortis causa fuisset. Pulmo vitium insigne contraxerat: vitiosus erat *Epar*, & velut ὑποκίωσις: anno superiore ante mortem exanthematis fœdissimis laboraverat, & ab eo tempore non belle habuerat. *Galenus* simile quid annotavit in historia de eo qui repente phreniticus factus paulo post interiit: Non interiit, inquit, vi phrenitidis, sed ob dominatum humorum virulentorum qui sua malignitate vires, veneni adæquant. *Ballonius Epid. & Ephem. lib. 2. p. 244.*

## S C H O L I A.

**I**N Cerebro nihil commemorabile deprehensum ] Dentium stridor, vox querula & horribilis, aphonia, convulsiones, &c. læsi cerebri argumenta erant, Notandum verò (cum ea omnia symptomata spasmotica sint) ex *Willis*, in convulsione locum affectum, seu materię irritativę sedem, non solum esse systematis nervosi initium, sed aliquando ejus extremitates, aliquando medios nervorum processus, ac præcipue eorum plexus: Videantur quæ ex ejus pathologia cerebri adducta sunt *vis. de Convulsione lib. 1.*

*Alvi profluvium albicans* ] Cur aliquando excrementa in Ictero albicent, aliquando croceo colore tingantur, explicat *Riolanus Encheirid. Anatom. lib. 2. cap. 25.* Cum video, inquit, in Ictero flavissimo totam cutim suffusam bile, urinas tingere flavo colore lintea, dejectiones albicantes: In alio vero Ictero urinas flavas & dejectiones consimiles, id confirmat duplicem esse bilem, & diversos meatus ad ejus ex-

purgationem: In Ictero flavissimo, cum dejectionibus albicantibus, meatus bilarius Hepaticus est obstructus in cavis Hepatis: Quando in alio Ictero dejectiones sunt flavæ, vel quantitatem bilis denotant, cruentis per intestina & urinas, atque non est tanta obstructio, nec adeo pervicax ut in Ictero flavissimo, ideoque spes curationis breviter expectanda.

*Hepar velut ὑποκίωσις* ] Bilis omnino majorem in Hepate proventum esse quàm hactenus credebarur, felicissimo invento *Fr. Glissonii* innouit: quotquot enim rami venę portę per epar disperguntur, tot ramusculos ductum biliferorum ipsi accumbere libro de Hepate docuit, ipsique sensus id probant. Si itaque liberior bilis excretio per ductum & poros cholidochos impediatur, regurgitat illa in cavam, sanguini permiscetur, ac sero diluta minutissimos quosque meatus transit, ut Icterus comprobatur, in quo urina crocea cyadit, sudores non raro spædine lintea tingen-



res emergunt, ac albuginea oculorum tunica, alias densissima flavescit, ac proinde nullum dubium est interiora cerebri & cerebelli permeare, unde Ictericis spontanea lassitudo, capitis dolor & vertigo quandoque obvenit. *Wepferi Exercit. de Apoplexia p. 274.*

*Exanthematis fœdissimis laboraverat* ] Cum excretio illa non est *αἵματις*, restibilis virulentus humor in varios & perniciosos affectus fœcundus est, ac Pulmonibus præsertim bellum indicit. Anno 1673. mensibus Febuario, Martio & Aprili, vagari sunt

morbilli, sine sævis symptomatis & impune, ut videbatur, erumpentes; multi tamen, qui recte videbantur defuncti, gravissime laborarunt, peripneumonia præsertim & catarrhis in pulmones affecti sunt: hos inter filiola mea menses xv. nata 12. post morbillorum dissipationem die repente interiit, nulla morbi manifesti præsentia nota; ab interitu livebat dorsum, ob conceptam ea parte pulmonum phlegmonem hincque gangrænam: Quibus vel debilis fuit natura, vel materia non obsequens aut prona in peripheriam, iis lethaliter in pulmones decubuit.

## OBSERVATIO VII.

*Ictericæ intestina tumefacta apparuerunt & coloris citrini: Pericardium humore destitutum, Sanguis in cordis ventriculis concretus, & ipsius cordis substantia pravi coloris, &c.*

Cum N.N. Tonsor sanus degeret, cum amico affluentius pransus esset, A comestione nonnullis elapsis diebus sensim in Ictericam incidit, ac procedente tempore totum illi corpus virore defœdaturum est, hinc nulla cura adhibita in fatuitatem & dementiam lapsus est, ac tandem vitam cum morte commutavit.

Cadavere aperto, intestina tumefacta apparuerunt & coloris citrini: pericardium omni humore destitutum. Sanguis in cordis ventriculis congelatus, & ipsius cordis substantia pravi coloris, caput tumefactum: labia admodum grossa, Pulmones coloris citrini & secundum alas nigricantes, ac mediastino & pleuræ adhærentes. Lien mollis ac diffluens, & alia nonnulla signa attestantia veneni propinationem. *Zacchias Quest. Medico Legalium lib. 9. cons. 15.*

## S C H O L I A.

Quæsitum an ex propinato veneno, vel ex ingenito & intrinseco aliquo morbo occubuisse? Exhibitum venenum videtur, cum nulla signa ex antecedentibus, comitantibus aut subsequenter hic deesse videantur; Et primo urgentissima videtur præsumptio quæ ex antecedentibus desumitur, ac præsertim ex statu defuncti præcedente, cum immediate ante præsumptam veneni acceptionem optima sanitate frueretur, viciisque contaret: Vide *Galenum* locum 6. de loc. aff. cap. 5. Comitantia symptomata id suadent, quæ primo fuerunt perniciosissima, terribilia & exitalia, naturam illico prostrantia ac superantia, quæ non verisimile est accidere potuisse ex Ictericâ ab interna causa procedente, in qua præter immutatum colorem, non solent adesse talia. 2°. Si modum eventus symptomatum spectemus, ea non sensim & ordine quodam, ut in morbis ab interno veneno provenientius evenire solet, apparuerunt, sed cum impetu & confestim, abique ordine, quod in exhibitio veneno evenire solet, ut docet *Cardanus* lib. 2. de venenis cap. 2. Denique series symptomatum id docet, quia in veneno ingenito hæc symptomata nunquam sunt sine febre, Contra in veneno exhibitio, ut in casu nostro, in quo febris adesse non solet. His adde signa ex cadavere desumpta, quæ vix occurrunt in corpore naturali morbo extincto, quæ propinato veneno sunt familiaria. In contrariam partem afferri potest, quod si exhibitum esset venenum, illud fuit aut Corrodens, aut Putrefaciens, aut Inflamman, aut Congelans, aut Tabefaciens, ad quas species omnia venena reduci possunt. Non fuit Corrodens; nam neque ante, neque post, neque in ipsa assumptione quippiam apparuit quod pro signo talis veneni desumi possit. Non Putrefaciens, quia tali maxime patitur primo stomachus & jecur, quæ illata apparuerunt. Non Inflamman, quia non

modo nullus calor adfuit, sed & à febre fuit immunis æger: Congelantis nulla fuere signa, ut nec Tabefaciens. 2. Omnia Venena aut Præsentanea sunt, quæ subito, cum violentia aut paucorum dierum spatio operantur: aut Temporanea, quæ lentè, sensim & longo post tempore. Præsentaneum non fuit exhibitum, per plures enim dies, nempe per dies xx. nullum evidens symptoma, præter mutationem coloris passus est: deinceps symptomata sensim apparuerunt: Temporaneum non fuit 1. quia mors nimis propere videretur sequuta: at tale ad longum tempus opus suum retardat, & lentum est in operando: 2. quia ejusmodi omnia ex Tabefacientium numero sunt. 3. Cum posita causa præsentis & patiente prædisposito, necessario sequatur naturalis effectus, Si supponatur exhibitum venenum, causa in agendo maxime efficax, supponatur etiam patiens, quod careat impedimento ad resistendum, debuit necessario sequi veneni effectus, nempe aut naturæ succumbentia, aut illius pugna cum veneno, quorum neutrum fuit sequutum, nam patiens ab assumptione præsumpti veneni per plures dies incolumis fuit: ab interna ergo causa morbus ortus est. 4. nulla adfuere signa adesse solita in potionatis, notant enim D. D. omnes venena omnia esse mali odoris, aut fæporis: in assumptione nauseam, vomitum, gulæ ardorem, stomachi morsum excruciantia, at de talibus à pastu sumpto nunquam æger conquestus. 5. Accidentia veneno præbito supervenientia, cum impetu & vehementia ut plurimum irruunt, non tolerante natura vim improvisam veneni, sed repellere conante ac superare. Contra verò si ab ingenito veneno eveniant, nam ut plurimum sensim paulatimque, & ordine quodam servato succedunt, juxta aphor. 30. 2. Circa principia omnia debiliora, quia natura interno veneno ob moram in corpore veluti assuescit, hoc autem maxime ostendit venenum

non fuisse ingenitum: quod in hoc casu verificatur, nam Patiens sensum paulatimque flavescere cepit, nullo alio notabili apparente symptomate; in progressu, nullaque cura adhibita, alia symptomata sequuta, quæ tandem exace, bata mortem intulerunt: Cum tamen si Ictericia ab externo veneno venisset, contra evenire debuisset, ut primo alia symptomata notatu digna, ut vomitus indefinens, anxietates, dolores insignes, syncope, &c. dehinc Ictericia: & ratio est, quia ad effusionem bilis allevatur natura, humore noxio liberata: ideo potest repente, nec prægressis aliis symptomatis ingruere: at in propinato veneno nequaquam, quia primo & ante epar necesse est lædi stomachum & cor, hinc præcedere debent accidentia offensi stomachi & cordis. Cum ergo constet à propinato veneno non fuisse extinctum, à quo morbo interierit indagandum. Illum exprimit Hippocr. 3. de morb. num. 12. *Huiusmodi morbus Regius acutus est, & cito necat: color rotius malicorium refert, ex viridi pallescens, & quales lacerti virides, simileque ferre corpus est. In urina quod subsides velut eruum fulvum est, & febris & horror levis desinet, quandoque etiam vestes ferre non sustinet sed ab eis mordica-*

*tur & pungiunt, Jejunio mane viscera plerumque læcerantur, & si quis cum excites aut alloquatur, non patitur: hic fere intra dies 14. moritur, quos si effugeris, convalescit.* Eadem fere habet l. de int. affc. num. 38. ubi aliam speciem hujus lethalis morbi, sed longioris describit; quorum morborum signa si cum morbo quo extinctus est N. N. comparentur, similitudo deprehendetur: Hæc ergo causa fuit symptomatum, Ex effusione bilis ad totum corpus, partes omnes extetnæ sædum colorem contraxere, qui varius esse potest prout natura bilis inficientis, cujus varietas sunt species. Ex effusione vero bilis ad exteriora, cerebrum humescere ac refrigerari dictum, unde debile in omnibus operationibus redditur, præsertim retentrix: *Mala est ex morbo Regio satius, ait Hippocr. 1. Protr. n. 4. & in Coacis.* Debili reddita retentrix, pituita ad infernas partes, per venas, nervos & arterias lapsa, varios tumores in variis partibus excitavit, ut alias in his qui jam morbi proximi sunt evenire solet: Cætera quæ de puncturis & anxietudine in universo corpore habentur, & alia recensita, ab ipsa bilis effusione facta fuisse notissimum est, &c.

## OBSERVATIO VIII.

*Icterus à lapidibus in vesica fellea & calculis.*

§. 1. **D**Octor Rumoldus Van der Borch. Leopoldi Roman. Imperatoris Prothomedicus, ætatis ann. 64. Postquam annis quamplurimis atrocissimo ischiadico dolore cruciatus, asthma ac orthopnoea, ut nonnisi recta cervice spirare posset, defatigatus, auriginoso corripitur morbo: quorum morborum diversorumque symptomatum vehementia natura devicta, tandem fatis cessit.

Cadavere exenterato, præter bina in pulmonibus tubercula, 72. lapilli coloris flavo subnigri, fabarum minorum ac pisorum magnitudinem adæquantes in vesica fellea ac poris cholidochis reperti fuerunt. *Obs. Nicol. Gul. Beckers Medici Viennensis in Miscell. curios. anni 1670.*

§. 2. Calculus in cysti fellis plerumque concrevit niger, sed tamen levis, & qui aquæ immerfus innatat, neque, ut qui è renibus aut vesicis evellitur, subsidet in imo: Origo illi est à flava bile, quæ proprio receptaculo diutius coërcita, nec tempestive vacuata, nec novæ influxu renovata, mirum in modum obdurefcit: Id autem imprimis accidit cum uterque cystis ductus obstruitur. Hujus quidem neque manifestæ sunt notæ, neque gravia symptomata, quibus certo ac facile detegi possit: At suspectus iis esse debet quibus gravis & diurnus fuit Icterus. Decrepitus quidam senex, in iram mirè propensus, post decessum sine felle ac sine cysti inventus est in cujus sede ingens calculus concreverat. Quinetiam post diuturnum Icterum, oborto alvi profluvio, hujus naturæ innumeros calculos, instar pisi aut hordei, in plerisque exturbari deprehendimus. *Fernelius pathol. lib. 6. cap. 5.*

§. 3. Alias secui famulam senio & morbis confectam. Inveni in fellea vesica duos insignes lapides cæruleos quorum alter quasi ovi columbini magnitudinem æquabat: laborarat diu regio morbo, ac ultimo febri correpta occubuit. *Coiter libello observ. Anatom. & Chirurg.*

§. 4. Marcellum dissecui, qui multis annis Regio morbo laboraverat, ac subita morte interierat. Ejus Vesica innumeris lapillis plena reperta est, &c. *Vide histor. lib. 2. Sect. II. de morte subita? §. 36.*

§. 5. Bononiæ professor quidam nomine Beatus, habuit matrem sexagenariam, quæ cum diutissime Regio morbo laborasset, & continuo ciborum vomitu, tandem mortua est. In ejus vesica fellea multi reperti sunt calculi, &c. *Vide historiam tit. de vomitu.*

§. 6. Brigida N. Uxor, nulla remediorum adjuncta ope, Ictericia interiit. Huic dissectæ in vesica fellis inventi sunt lapides cærulei, splendidi, plurimi, angulosi, quorum  
PPpp superficies

superficies ita inter se cohærebant & conglobabantur, ut unus primus lapis visentibus judicatus fuerit: vesicam fellis ii adeo oppletam ac extensam detinebant, ut bilis nec recipi in ea nec permeare posset.

Similes, xviii. numero, nucis Ponticæ magnitudine in *Constantia Acclarolia & Elizabetha Capponia* reperti, neutram tamen arquatus morbus infecerat. *Ex observat. Nereti Neretii Med. Florentini.*

## S C H O L I A.

**N**eutram tamen arquatus morbus infecerat. ] *Sculietus* Armamentarii Chirurg. Observat. 48. ait se aperuisse cadaver cuiusdam Galli, qui atrocissimis intestini coli doloribus consumptus obiit, cui Colon cancro occulto affectum erat, ab obstructione pori bilarii, qua duodena inferitur, à lapillo pilum magnum æquante, ut hinc ne tantillum bilis expurgari potuerit, sed ad colon deposita fuerit, Item in cadavere Venetæ, quam Cancer uteri exulceratus è medio sustulit, reperisse se vesiculam felleam calculo instar crystalli pellucido repletam & distentam, ut nihil quic-

quam bilis recipere apta fuerit. Ex quibus historiis inferit quod ad obstructum porum bilarium & cysticum, non semper sequatur Ictericia, sed bilis quandoque expellatur vel ad intestina, vel uterum, vel aliam partem nobilem.

Sic anno 1672. mense Januario, Aurifabri (nunc Rival) uxor Peripneumonia extincta est, in cujus vesica fellea reperti 44. lapilli, quorum maximus fabam æquabat, reliqui pili & lentus erant magnitudine: Vultus tamen Ictero nequaquam scordatus fuit; transmissa nempe bile non ad habitum sed ad Pulmones.

§. 7. D. Luques Chirurgus mihi retulit se lapidem amygdalæ magnitudinis, è cystide fellea Ictero laborantis detraxisse: bilis autem loco suo, à lapide occupato, per totum corpus regurgitarat. *P. Borellus observ. iv. centur. 1.*

§. 8. Anno 1612. Colonia à D. D. Jo. Fabricio & H. Strapedio, lapides duo ingentis magnitudinis mihi exhibiti fuere, qui ex vesica fellis Comitis cuiusdam septuagenarii extracti sunt: unus oblongus, alter fere rotundus est, pro magnitudine tamen non adeo usque ponderosi sunt: major enim (qui ex una tantum parte excavatus est, ut tertiam fere partem minoris excipere possit, eumque à continua fricatione unius contra alterum ita excavatum fuisse certum est) drachmas xiv. minor verò drachmas quatuor & semis solummodo pendet, quandoquidem spongiosi sunt & per laminas concreti: sed ab initio multo ponderosiores, neque adeo duros fuisse assererat D. Fabricius. In majori rimæ hinc & inde (ut solent esse in limo cum à Sole exsiccatur) conspiciuntur. Color aliquibus in locis croceus, aliis vero in locis ad nigredinem vergit.

Prædictum Comitem per totam vitam robustum, neque morbis usque adeo obnoxium (nisi quod aliquando Ictericia laboraverat) tandemque circa annum lxx. febre continua maligna obisse referebat idem Fabricius. A multis annis quoties in lecto sese convolveret ex una parte in aliam, pondus magnum, molestum, & ex una in alteram partem delabens è regione Hepatis percipere poterat. *Fabricius Hildanus cent. i. v. observat. xlii.*

§. 9. Pater Sanctiorius Franciscanus sæpius rebelli, immani, importuna & frequenter renascente Ictericia corripiebatur: mortuo secto, lapides flavi, magni, in cysti fellea reperti fuere. *Dom. Panarolus Pentec. 5. observ. xxii.*

§. 10. Matrona prius *ἄσχυρος*, jam *ἀσχυρος*, quin & *κακὸς καὶ χλωρὸς* in toto habitu præferre cœpit, qui color bilem prædominantem, & inde productum Ictericum prodidit, cujus humoris quæ fuerit *δεινότης* hinc colligi potest, quod præter *κυστιώδης κόποι*, post punctiunculas molestas cutim passim in tubercula pili magnitudinis elevaret, velut ab apiculæ spiculo infixo compunctis contingit, quæ *ἐμφυσήματα* evanescencia subinde sedem mutabant, & cum inquiete maxima ægræ huc illuc vagabantur.

Variis præscriptis præsidiis nihil proficientibus, morbo tam diro succumbere coacta est: In aperto cadavere, viscera parum à statu naturali recedentia reperta sunt, excepto Hepate, quod decolor & durius fuit: Sed in vesicula fellea tres lapides castaneam æquantes, triquetra figura & nigri, gagatem referentes, cum pluribus aliis minoribus, & arenulis ambos ductus cholidochos distendentibus, de tantorum affectum causa antecedenti nobis omnem dubitationem exemerunt. *Alex. Deodati valetudinarij pagina 248.*

§. 11. Illustris Baro doloribus arthriticis diu multumque affectus in Ictericam incidit: adhibita varia sine successu: supervenit tandem & hydrops Ascites aliæque symptomata, quibus cum ultra semestre colluctatus, leniter exspiravit.



In defuncti cadavere inveni 1. Calculum in vesica fellis ejus magnitudinis ut totam fere cystin repletet : unde liquido constat obstructionem illam à calculo veram Ictericæ causam fuisse, nullisque remediis expugnari potuisse. 2. Hepar maxima quidem ex parte salvum, sed croceo colore tinctum conspiciebatur. 3. Cor, Pulmones, Lien, ventriculus, mesenterium & omentum naturaliter fuere constituta, 4. Intestina maculis nigris & livescentibus hinc inde distincta. 5. Renes flaccidi &c, quod notabile, adeo parvi ut magnitudinem nucis juglandis vix æquarent. *Balthazar Timaeus lib. 3. observ. 28.*

§. 12. Secui cadaver hominis qui diuturno morbo laboraverat & hydropicus postremo effectus erat. In eo reperi Hepar grande, colore nigricante & fere tali qualem in splene alias conspeximus, folliculus fellis plenissimus erat bile: *Hepatis vena* in parte ejus cava, priusquam in communem illum caudicem Portæ desinant, omnes obstructæ erant lapillis eas distendentibus, foris nigris intrus flaventibus, Porro & ille meatus qui ex folliculo fellis in intestinum desinebat, lapide ejusmodi obstructus erat. Hunc cum exemissemus, nihilominus tamen bilis effluxit, coaluerat enim foramen illud desuetudine bilem ad intestina mittendi.

Hanc istius meatus obstructionem ego causam fuisse video Ictericæ, qua hic homo ante hydropem longo tempore conflictatus fuerat, regurgitante ad totum ambitum venarum bile, quæ purgari per intestinum debuisset : nam meatus ille qui ex folliculo fellis in Hepar est, liberrimus erat. *Jacobus Camericensis Epist. ad Matthiolum.*

## S C H O L I A.

**H**epatis vena obstructa lapillis. ] De lapillis iis in venis repertis, quæ ex jecinoris cavitate interiori, in venæ Portæ caudicem desinunt, nulla mihi sese offert ratio quæ non consentiat id fieri in jecore posse facile, quænamadmodum in renibus, vesica & articulis : nam tamen id non dixerit Galenus, hoc tamen nihil obstat quo minus etiam in Jecore, ut in renibus, oriri calculi possint, quippe cum in Jecore eadem sit materia crassa glutinosa, calculis gignendis idonea, nec ibi calor deficiat, cujus vi lapidescat, nihil prohibet quin calculi ibi etiam fieri possint : Dicebat enim *Gal.* lib. de renum affect. dignotione, Lapidem in homine à calore generari, eoque vel vehementi vel tepido, Si crassa materia est ( ut ille inquit ) sufficere potest tepida & moderata caliditas, & quæ naturalis est ad firmandam & indurandam terræ modo hanc materiam, est enim crassities ad generandum lapidem singulariter accommodata. Sin tenuior est vehementiori, tunc plane indigebit caliditate sive naturali, sive p. n. qua durefcet in terram, Si quidem calor tenuis materiz partes dissolvit, atque ita ubi valuerit lapidem conformat, *Hæc ille* : Quibus palam est non esse p. n. si in jecore etiam lapilli gignantur, cum ibi non desit materialis causa, nec efficiens, nec instrumentalis, quibus si in eo generari possint, cum eo obstructo quandoque crassa, quandoque glutinosa, quan-

doq; ambo simul ibi hæreant excrementa, calor non deficiat, nec vasorum cavitas in qua calculi gignantur : nam si crassus glutinosusve succus, qui in renibus lapidescit, ex jecinore per venam cavam fertur in renes, nihil sane prohibet quominus in eo lapidescere possit ubi hæserit diutius. His itaque rationibus fretus crediderim ego lapides in jecore, ut in renibus frequentissime gigni : sed quoniam propter visceris insensibilitatem non excitant dolores, nec expelluntur extra corpus, nec videri possunt, nec tangi, ut qui in renibus & vesica fiunt, sed in occulto delitefcunt, in Medicorum considerationem non veniunt. Quo fit ut his ignoratis quandoque mirentur Medici, cur in iis morbis qui ex Jecoris infarctu veniunt, nihil penitus curare valeant ullo medicamentorum genere. Lapidem amygdalæ nucis quantitate in Aureliæ Petrucciæ jecinore, Pandulphi Tyranni conjugii repertum esse scio, in quem interitus illius causam rejiciebant Medici.

*Hydropicus postremo effectus erat* ] Hoc morbo cum hydropicus ille tuus diutius admodum laborasset, nec medicamentis expugnari potuisset morbus, nil mirum si lapillus in ejus felle fuerit inventus, qui ductum illum occluderet quo bilis in intestina deferri solet, quinetiam si post hæc coaluerit ductus, ubi ducendi munus cessavit. *Matthiolum Epistola Respons.*

§. 13. Nobilis Conradus à Reinberg, pituitosus & cacochymicus, obstructionibus viscerum, *Vlcere maligno* ad genu sinistrum, interdum etiam Ictericæ annis aliquot laboravit, ac tandem obiit ex febre.

In vesica fellis invenimus lapidem durissimum, ad nucis juglandis magnitudinem, anteriorius atrum, posterius croceum. *Fabritius Hildannus cent. 1. observ. 60.*

## S C H O L I A.

**V**lcere maligno ad genu ] *Scutellus Arnam. obs. 48.* ait se observasse obstructionem Lienis in quadam muliere incurabilem, quæ dum viveret per aliquot annos passa est ulcus in pede dolorificum, quod quotiescunq; sanabatur, toties febrem quartanam induxit, donec humor, cujus collectio prohiberi non potuit, per inustum femori tuniculum

quotidie evacuaretur, atque hac ratione febris quætanx, ut & Ulceris in pede exortus prohiberetur. Hujus ulceris ut fomes fuit in Liene, ita præcedens ortum debuit Jecoti, quod cum bile repurgari non posset, ob obsessam à lapide vesicam fellicam, ea in genu delata dolorificum in excravie ulcus.



§. 14. In felle etiam Tartarum reperitur, ac tanti etiam Lapides in vesica fellis reperiuntur qui totam eam replent: ut ego in quadragenario quodam, cui per septem annos Ictericam patienti nemo Medicorum auxilium ferre poterat, Defuncto tandem Lapidem magnitudine vesicæ fellis reperi, ac præsens mihi custoditur, Ea autem persona antea maxime iracunda ac violentissima erat: *Iohannes Henen lib. de morbu Tartaricis.*

§. 15. Fuit in Prussia Ducali, non procul Mesacco, quidam insignis conditionis Nobilis, nomine Sach, in cuius cystide fellea nonaginta novem lapides, pisorum magnitudinem æquantur inventi sunt. Is nominatus Dominus patiens Ictero nigro subactus cecidit. *Andreas Cnosselius in Miscell. curiosis anni 1673. observ. 206.*

§. 16. Halberstadii ante paucos annos in Pincernæ cujusdam, Ictero & Hydrope demortui cadavere, in fellea cystide plurimi deprehendebantur lapilli, causa istius affectus complicati lethalis. *Nabius in Fundam. Physiolog. cap. xvi.*

## S C H O L I A.

**D**E horum calculorum curatione agit *Franc. Sylvius* Prax. Med. lib. I. cap. 45. In calculos ætæ, concrevit & coagulatur bilis à Succo lapidescente quibusdam dicto, vel Lapidem faciente potius dicendo, quem ab acido austero vim suam obtinere suspicor, postquam ab acido subtili & acri solvuntur lapides calculique: Inter calculos biliosos dissolventia medicamenta, non dubito referre Graminis radices ac herbam vel destillatam, vel, quod præferrem, decoctam contusamve, succumve ex ipsa expressum, addito saccharo vel melle ad gratiam; postquam notum est multiplici experientia boves & oves, quibus hyeme alimentum est fœnum,

atque concrevit in ductu bilario lapidea vel calculosa crassa, ubi Maio mente iterum gramine utuntur viridi, sensim ab illo liberari affectu: certo argumento inesse viridi ac recenti gramini calculos dissolvendi vim, quæ perit quando idem in fœnum exsiccatum. Conducit quoque spiritus Nitri, quem proinde commendando similiter in hoc casu, & imprimis postquam cum spiritu vini factus est dulcis & blandus; quicquid ex vino, aliove potu qualicunque usurpavi poterit ad guttas x. xii. vel plures idque aliquoties in die: Concretionem novam impediunt Salia volatilia quævis, sed in primis oleosa, quippe quæ bilem puram præstant desiccantem; sicuti limum coctus experientia.

## OBSERVATIO IX.

*Constitutio Cystis felleæ in iis qui calculos in ea congerunt.*

**C**um difficile sit Calculos ex Bile ortos dignoscere, non mirum si eorundem curationes intricata videatur multis Medicis: Quoniam tamen isti calculi post obitum reperiuntur in fellis folliculo, reliqua bilis amurcam imitatur, sordibusque scatet ac fæcibus subsidentibus, qualem non semel vomitu excretam observavi, Existimarem in talibus metum esse ne aliqua Bilis pars concreveret in calculos, dum in tales fæces abit alia. Ideoque tunc usurpanda medicamenta hosce biliosos calculos solventia, ut & concretionem quamvis impediunt. *Franciscus Sylvius de le Boë praxeos lib. I. c. xlv. §. 12. & 13.*

## OBSERVATIO X.

*Ictericæ bilis cysti conclusa serosa & vix flava reperta est.*

**O**bservavimus in Ictericæ anno 1664. in Nosocomio Leydensi, à Clar. *Sylvio* dissecto, ejus Bilem, dum eam accuratius examinarem, plane serosam, & tam levi flavedine imbutam, ut immissa in eam lintea vix ulla flavedine tingerentur: atque in lingua non nisi exiguam admodum amaritudinis speciem exhiberet. *Regn. de Graaf. Traictat. de Succu Pancreatico cap. 8.*

## OBSERVATIO XI.

*Icterus ob occlusionem meatus fellæ ad intestina tendentis, à glandulis circumscriptis eum prementibus.*

**M**ichael Fedler (*vide tit. de Febris lib. 4.*) post quartanam in malum habitum incidit.

Aperto defuncti abdomine, circa Lienis arterias & ad portæ venam tendentes Glandulæ erant multæ, quæ comprimendo ductus angustabant: Hujusmodi aliquot glandulæ erant circa vesicæ fellis ductum ad intestina tendentem, eumque ita comprimebant ut vix aliquo conatu instrumentis tenuissimis esset transitus: adeo ut mirum non fuerit Ictericæ paulo ante mortem signa se in mutato corporis habitu obtulisse; & alvum inde segniorem redditam.

OBSERV.

## OBSERVATIO XIII.

*Icterus ortus ob obturatum meatum Vesicæ à carnea excrescentia.*

**I**N meatus vesicæ fellis oritur carnea excrescentia, quæ illum obturando iusanabilis Ictericæ est causa. *Nicolas sect. 5. cap. 2. artic. 3.*

## SCHOLIA.

**I**N meatu vesicæ ] Porus choledochus non solum è vesicula bilem hospitio excipit, sed & è meatu hepatico peculiari, qui in principio circa infertionem in porum communem lape digiti minoris magnitudinem æquat, valvula oblongiore donatus ne bilis regurgitare queat: Exinde intervenas portæ, per omnes hepatis partes abit in ramos & lunculos minimos, junctos anastomosibus cum omnibus venarum portæ furculis, ut bilem alimentalem

undiquaque exlugere, & in veram bilem mutare queat. Ex hisce diversis ductibus felleis potest dari ratio, quare interdum in Ictero alvi dejectiones sint albicantes, interdum cum urina simul flavescunt: Nimirum interdum Porus choledochus ad intestina tendens est obstructus, & tum albescunt excrementa: Interdum aperto isto meatus fellens hepaticus est clausus, & excrementa simul flavent. *Morbis Fundament. Physiolog. cap. xvj.*

## OBSERVATIO XIV.

*Icterus à Pori choledochi vitiosa figura.*

**I**N Firmino Chaudone, Ictericia extincto, reperimus Porum choledochum immani magnitudine ad Hepar, ad intestinum vero meatu capillari: hinc excrementum præcluso transitu jecur reperebat, ac inde per cavam in universum se corpus effundebat: quæ res flavitiei strigositæque causam dabat, etsi corpore omnibus aliis esset procerior. *Barthol. Cabrollini observ. x.*

## OBSERVATIO XV.

*Icterus ab obstructione Bilis meatuum per hepatis substantiam sparsorum.*

**S**Egregatio bilis in venis mesaraicis, cum in hepate fiat, illicque è venæ portæ ramis in Pori choledochi ramos transferatur, indeque illi adnatam vesiculam, ab obstructione horum bilis meatuum, per hepatis substantiam disperforum si non fiat, cum sero & sanguine in venam cavam translata, & per corpus distributa, illud tingit & discolorat: Quæ obstructio à chylo fieri potest, sanguine, sero vel pituita, si hæc, dum bilis fit in poros hosce distributio, simul illis se ingerant, illicque retenta crassescant, vel in arenulas topiosque convertantur, Cujusmodi quoque materia sectione in iis invenitur. *Platerus Præctica lib. 3. cap. 2.*

## OBSERVATIO XVI.

*Icterus ab ossæ constitutione Vesicæ felleæ ejusque meatus, cum parte mesenterii.*

**P**Uella quædam satis boni habitus, Ictero sædata diuturno, tandem post initum aperientium aliorumque præsidiorum usum, vita ipsam defecit.

In cadavere, præter vesicam felleam, ejusque meatum in duodenum intestinum, bona mesenterii pars fuit plane ossæ: Itaque recedente in ventriculum bile, assumpto cibo dolor vehemens materiæ commotione cruciabat. *Ioh. Rhodius cens. 2. observat. 96. & cens. ij. observat. 3.*

## SCHOLIA.

**R**Ecedente ad ventriculum bile ] In Ictericis dolores colicos aliquando contingere, quos ventriculi quidam esse censent, notat *Silvaticus Cent. 3. consulti. 4.* Si scilicet dolor est in parte dextra, quæ sola est doloris colici sedes ex *Mercato*, & cum sit extensio hypochondrii dextri; quæ si in sinistro se proferat, ventriculi est censenda, quod ejus fundus ad sinistra vergat: Licet vero interdum succedat flatuum supra infraque eruptio,

ac superveniat vomitus materiæ biliosæ & pituitosæ, quæ doloris ventriculi indicia esse possunt, facilius tamen consequuntur dolorem coli in illa parte affecti, ubi desinunt intestina tenuia & incipiunt crassa, colon imprimis, cujus ortus est in epigastrio dextro, unde sub fundum ventriculi ad sinistram partem diffunditur.



## OBSERVATIO XVII.

*Icterus à Pororum choledochorum siccitate.*

**C**ompressio pororum à vicinarum partium tumoribus, coli à flatibus distensione, bilis evacuationem in intestina impedit: Inde sæpe colici doloribus infestantibus Icteri de improvviso ingruunt, iis feriantibus recedunt. Pororum horum siccitas, qua instar chordæ corrugantur solidæ, impedire transitum bilis potest. Meminit talis exempli Argenterius lib. 4. aphor. 62. *Rolsinkius Epitomes cur. lib. 3. cap. 8.*

## S C H O L I A.

**C**oli à flatibus distensione] Et tamen ex Hippocr. sententia 5. aphor. 65. *Icterici non sunt admodum flatulenti*, Interprete enim Galeno, flatu ex pituitosa materia generantur, Et *anuræ*, à frigido & pituitoso humore, auriginosis, qui biliosi, sunt contrarii. Dic Auriginem fieri vel ex copia bilis in Jecore genitæ, ab ipsius fervore: vel ex angustia pori fellei, ipsam transmittentis ad intestina. Si Icterici sunt à copia bilis, non possunt esse flatulenti ex pituitæ copia in flatu faciente. At si Icterus oriatur ex sola meatu fellei angustia, Icterici possunt esse etiam flatulenti.

**Coli**] A Duodeni intestini extensione flatulenta, occluso orificio pori fellei, hincque bilis facta regurgitatione in jecur, & effusione in totum corpus (tunc præsertim evanescente cum pharmacorum

ope evacuetur materia in intestinis contenta) Icterus oboriri sæpius, idque in colicis doloribus observavit *Silvanicus cent. 3. consult. 4.*

**Colicis doloribus infestantibus, &c.**] Colico dolore cruciabarur D. N. cui mitigando sudoriferum sumpsit, quo bile ad exteriora provocato Icterus sibi advocavit inscius, Sedato ita intestinorum dolore, per biliosorum humorum ad extrema metastasin fædum cutis colorem blandis cholagogis facile delevi & extersi, Subinde & sponte, naturæ citrico motu bilis, colici doloris causa, ad externam cutem protruditur abscessu universali, cujus non pauca exempla memini. De viis legendus *Castrensis liber*, Quæ ex quibus, Adfui juveniculæ, cui instantibus mensibus, sed non prodentibus, Icterus toto corpore erupit. *Bartholinus cent. 5. diss. 62.*

## OBSERVATIO XVIII.

*Icterus exortus ob vesicam copiam bilis turgentem.*

**S**ectus à D. Sylvio febricitans & Ictericus, in quo folliculus fellei grandis, distentus bile, hinc agro ob ductus bilarii obstructionem diuturna fuerit alvi constipatio. *Bartholinus Epist. 97. cent. 3.*

## S C H O L I A.

**E**andem causam agnoscit *Platerus*, bilem scilicet tenaciorem factam & valde incrassatam, qualem ex auribus interdum expurgari videmus: cui si-

milem in vesica fellei sectione invenit: hæc, ait, si in angustias hujus vesiculæ perveniat, poroq; inhaereat, bilis descensum & expurgationem impedit.

## OBSERVATIO XIX.

*Icterus à cava Hepatis parte scirrhusa & inflammata. Pancreate putrefacto, &c.*

**D**om. N. vomitu, siti &c. in febre maligna affectus, sexta die fit Auriginosus: Cava Hepatis pars scirrhusa & inflammata erat, Pancreas putrefactum. *Vide iii. de Febribus.*

## S C H O L I A.

**Pancreas putrefactum**] Ad Icteri generationem Pancreas concurrere ostendit *Warthon Adenographia cap. 12.* Quibus, ait, hic humor pro more non excernitur, illi crassas flavasque urinas reddunt, quæ tamen meatu, per quos transeunt, minime vellicant aut erodunt: In Ictero flavo tales urinae redduntur, quas verisimile est à sola bile in venosum genus restagnante osiri non posse: Neque enim sincera bilis tantopere flavet: imo si meraca esset, nec leni humori commixta, sine meatuum dolore atque erosione excerni non posset: Existimamus ergo istiusmodi urinas ex mistis humoribus constare, & ex ipsa mistura intensam illam flavedinem contrahere, Videmus enim intestina, partes spermaticas, natura sua albas & pituitosas, ubi vesica biliaria eas immediate tangit,

saturatiore flavedine tingi quam ipsam vesicam biliariam aut humorem in ea contentum, unde patet flavedinem illam, non soli bili, sed alii remixto humori, ex parte saltem deberi, Nam credibile est bilem non omnem liquorem pari flavedine inspicere: Verum cum peculiari Pancreatis humore commixtam, protinus saturatam flavedinem inducere. Si vero singeram bilem cum urina miscueris, neutiquam exhibet: Argumento evidenti Ictericorum flavedinem à sola bilis redundantia non provenire, sed partim ab humoris hujus pancreatici commixtione: Notum est tincturam gallarum, si virriolum injeceris, nigro colore inhi, qui color in neutro eorum ante commixtionem reperiebatur: Similiter quamvis humor pancreaticus paleat, humorque bilis non intense flavet.

cum

cum tamen commiscerentur saturatam flavedinem producant : Hoc evidenter cernimus in iis quæ per alvum excernuntur : Etenim in sanis, quamdiu duæ, tum communis tum pancreaticæ apertæ sunt, suisque officiis funguntur, excrementa alvi crocea flavedine tinguntur : Ubi vero horum humorum alter in intestina non deponitur, excrementa alvi albescunt, aut argillaceo colore inficiuntur : Nam si bilis descensus supprimatur, alvus excrementa lubrica circa dolorem aut acrimoniam deponit : Sin vero bilis libere descendat, sed pancreaticus humor retineatur, excrementa sive liquida sive solida fuerint, non sine acrimonie sensu eliminantur : Si vero uterque meatus obstructus fuerit, Icterus flavus mox præ foribus est, citiusque quam in duobus prioribus casibus, per totum corpus diffunditur, tumque alvi excrementa ut plurimum supprimuntur, aut ægre prodeunt : nisi forte leintertia quoque accesserit, quæ facile Ictero conjungitur, quod uterque affectus ab obstructionibus originem ducat.

*Pancreas* ] Quis sit usus succi Pancreatici multi disquirunt : *Frid. Lepnerus* Introducitur in Medicinam pag. 40. illum bili commixtum chyli depurationi ac partium impurarum à puris secretioni destinatum esse censet. Intestinum duodenum aut, in fine Pori bilarii & simul Ductus pancreatici insertionem admittit, quorum, uterque aliquando in unum canalem definit : Ille bilem advehit, Hic vero pituitosum, & secundum quosdam, acidum humorem, non sine utili naturæ intentione : Confectus enim in ventriculo chylus, & crassioribus adhuc fecibus perfusus, in intestinis erat ab iisdem liberandus

atque perficiendus : ut hoc ipsum non commodiori ratione fieri poterat, quam concurrentibus contrariarum qualitarum humoribus, quorum concursu pugna excitatur, & terrestrioris crassiorisque substantiæ fit deturbatio atque separatio : Quod ipsum in commixtis contrariis humoribus manifestum. Sic aquæ absynthii, in qua sal absynthii est solutum, si affundas spiritum vitrioli, videbis excitatam qualitarum pugnam crassiorem substantiam in fundum præcipitari : Idem quoque evenit in natura, vina enim dum fermentantur, nonnulli qualitarum contrariarum pugna crassiorem substantiam separant. Contrarias qualitates in vino adesse non negabis, dulce enim & acidum tempore fermentationis gustu in iisdem percipies.

*Sexta die fit auriginosus* ]. Juxta aphor. 62. 4. Quibus in febribus morbus regius ante diem 7. accidit malum : opponitur authoritas ejusdem Hippocr. Ratio & Experientia : Hippocr. enim 4. de vict. Acut. In febre ait, biliosa morbus regius ante 7. diem nascitur, cum rigore morbum solvit, Sine rigore pestiferum. Contentit Ratio, Si enim die 3. 4. 5. contingant crises salutares, quidni Icterus criticus illis diebus continget ? Attulatur Experientia, cum sæpe Icteri salutares ante 7. visi : Sic ergo audiendus Hippocr. ut per diem septimum quisvis criticus intelligatur, qui *har. 2. 2. 2.* criticus nominatur : ut vere criticus censendus sit, quem materię concoctio præcessit. Pestiferus autem est Icterus qui inflammationem aut scirrhum jecoris sequitur, ut in allaro casu ; illam enim plexumque abicellus sequitur aut hydrops.

## OBSERVATIO XX.

*Icterus à Iecore magno, duro, viridi, Et molli ingentique Liene.*

**P**rosper Marcellus cum multis annis Regio morbo laborasset, & subito ex bilis in ventriculum miro confluxu exspirasset.

*Iecur inventum magnum, durum & viride, cum molli ingentique Liene. Vesalius l. 5. c. 9. de hum. corp. fabr.*

## SCHOLIA.

**Iecur magnum, cum ingenti Liene** ] Quanquam à multiplici causa Bilis per corpus diffundatur, in præsentis casu aliunde non provenit quam ab impedimento viarum quæ per Duodenum bilem transmittunt ad intestina, & expurgant per alvum : Quod quidem impedimentum duplex esse potest, Obstru-

ctio scil. pori fellei, Et ejusdem compressio à *Iecoris intumescencia*, Quod ex tactu colligo, qui in utroque hypochondrio duritiem prodit maxime conspicuam &c. Intumuerunt autem Jecur & Lien, ex humoribus crassis cum pituitosis tum biliosis copia generitis &c. *Silvaticus cent. 3. consult. 26.*

## OBSERVATIO XXI.

*Icterus Niger non semper fit à Lienis obstructione, quod in his affectibus Lien sæpe sanissimus reperitur.*

**Icterus niger** (de cujus natura valde controvertitur) fit vel à melanch. vel à bile magis adhuc assata : raro tamen hæc observatur, cum autem à Bile, magis viridis apparet : melancholia hæc non est naturalis, sed p. n. à prava ventriculi aut intestinorum concoctione : Sic videmus quosdam excrementa nigra deponere, prava concoctione aut inquinazione : Non vero oritur à Lienis obstructione, quod in his affectibus sæpe Lien sanissimus reperitur. Ex hac melanch. oritur Arquatus niger, dum per alvum non excernitur, unde per venas lacteas totumque corpus transfertur. *Walaus medic. Pract. cap. 18.*

## OBSERVATIO XXII.

*Ictericia à vitio hepatis subalbidi, abcessu tentati : Lienis maximi, Lapidibus referti.*

**Juvenis Anasarca** diu cum laborasset, subito incidit in Ictericitiam, deinde in hæmorrhagiam narium, postea vero in subitam mortem.

In hujus corpore apparuit Hepar subalbidum, cum in parenchymate magno abscessu : Lien supra modum magnus, lapidibus plenus albissimis. *Nic. Fontanus Resp. & curat. pag. 90.*

## S C H O L I A.

**H**Ydrops funestus affectus, in quo cum hepar scirrhum sit, & canalis fellis obstructus; bilis ad folliculum transire nequit, sed diffunditur per totum corpus, & morbus Regius repullulat? Et cum in hydrope viscera sint oblata, facultates velut exportuæ, hepar sanguinem retinere nequit, & hoc modo hic serosus per nates emittitur, qui vacuatus, effusis spiritibus corpori affert interitum: Audi *Fernelium* lib. 2, de venæ sectione cap. 4. Neque impe-

riorum more, si vel nates stillant sanguine, vel urinae rubicundæ sese offerunt, protinus imperanda Venæ sectio; etenim sanguis facile prorumpit, non ex plenitudine solum, quodque eam vacationem molitur natura, sed compluribus ex causis: quibus enim exesa sunt venarum oscula quibus etiam viscera, præsertimque Jecur imbecillum vel scirrhum evasit, iis sanguis sæpè fluit è paribus haud secus atque hydropicis. *Idem ibidem.*

## OBSERVATIO XXIII.

*Icterus ab abscessu Iecoris, Liene lapidibus pleno.*

**J**uvenis Anarsarca laborans subito incidit in Icterum: Hepar habuit subpallidum cum abscessu: Lienem supra modum magnum lapidibus albissimis plenum. *Nic. Fontanus Resp. pag. 90.*

## S C H O L I A.

**V**Troque viscere laborante, hepate scilicet & liene, tertia Icteri species, de qua *Argenterius* comm. in aph. 62. 4. exsurgit, Liene nimirum atrum humorem suppeditante, qui cum bilioſo, he-

patis vitio non separato, mixtus, mixtam ex utroque constituit Icteri speciem, quæ ob cognationem hepatis cum liene intercedentem, frequentior Nigro esse solet.

## OBSERVATIO XXIV.

*Ictericæ Anatome, in quo Jecur Scirrhum etc. Cystis sine felle, Lien & Pancreas scirrhosa etc.*

**N**E vacua ad Te redirent literæ D. Boneſe, placuit Observationem addere, in progressu operis Tui forsan profuturam. Ictero ab obstructis visceribus Vir quidam in urbe nostra, *Packius*, defœdatus diu anxiam vitam inter mortem & inediam traxit: Ventriculo enim debilitato omnia assumpta respuebat, vomitu statim rejecta, & quoties lacticia ingeriebantur, totiens in cascum concreta meabant ea via qua accesserant.

Cadaver defuncti xx. Februar. 1675. apertum à *Philippo Haeghars* Chirurgo Regio, præsentibus mecum Exercitatissimis Medicis D. *Henrico à Moirichen* & D. *Oloa Borrichio*, Interiora viscera musculosque ab effusa bile flaventes ostendebat: Hepar ingens scirrhum, ea parte qua renum regioni vicinior erat, rubens & quasi sphacelo correptum, quo loco quoque de doloribus conquestus fuerat: Vesicula fellis sine felle, sed amurea quadam plena & quasi argilla repleta, quæ in solidum corpus concreverat, forma & magnitudine nuclei majoris dactyli, quod sine dubio, si diutius vita superfuisset, in calculum calore degenerasset: Ventriculi cavitas universa rubicunda, venis distentis, unde & vomitus continuus, & nonnunquam cruoris sputum: Neque enim ex Liene vel Hepate alius ductus patens apparuit: Lien & Pancreas scirrhum. Cor grumis sanguinis plenum: Pulmones flaccidi & putridi, superiori parte costis adnati, præsertim in latere dextro: *Observatio mihi dicata ab Excell. Thoma Bartholino, in Aëlis Medicis annor. 1674. 1675. & 1676.*

## S C H O L I A.

**V**itam inter mortem & inediam traxit &c. ] Ab Amico communicata Observatio (in amicitiam enim pellicit, mutuaque offert Vir Illustris) Amici nuperæ factæ jacturæ memoriam reficit, a simili morbo, iisdemque prope stipato accidentibus interempti, summa præsertim, toto invalitudinis decursu (qui sex septimanarum fuit) anorexia, inedia pene omnimodam accensente: Parentare ex officio debeo Viro de me oprime merito, & Patrono singulari: Fuit is Nobilissimus & Excellentiss. *Marcus Roset* Genevensis Consul, qui a Senatu, ex-cunte anno 1676. ad Potentissimum & Invictissi-

mu Galliarum Regem Lutetiam Legatus (Cui ut & Magnatibus acceptissimus fuit) Munere dignissime functus, sordissimo Ictero correptus est: Illi se protinus vigilæ perennes & apostita comites junxerunt: Non is pedetentim sed momento invaluit, gravibus animi curis, acris & diætæ mutationi adscriptus: tamen causa altius me iudice deducenda est: Vir Illustris, optimæ alias constitutionis, quadratus & torosus, Pſycropſiæ diutius indulsit, vinum nive refrigeratum à mensis Maii initio ad exitum Novembris, bibens: Unde bilis, cujus ferax erat illius jecur, crassitiem adepta est, nec rite exclusæ est



est densatque meatus eam excludentes : Singulis demum fere annis ulcera herpetica crura afficiebant, quorum exsiccationi totus erat intentus, de causa generante nequaquam sollicitus, quam in visceribus, morborum germen habentibus, quaerebam: hinc fronticulorum in tibiis excitationem crebro urgebam, quo tenuis bilis, continuo genita, *est* fieret, nec in visceribus moraretur: Neglectum consilium Viro Illustri procaldubio exitio fuit; Cum

ratione ratus sum, si cadaver apertum fuisset, concavum Hepatis partem abscessu tentatam repertum in, aut insignem bilis *ova* in cysti, quæ sui præsentia ventriculi tonum omnino perverterat, facultatemque cibi appetitivam destruxerat, Nec enim sola *choledochi* meatuum obstructio adeo præceperat exitum asserere valuit, quod non expectantibus Medicis, alias sagacissimis & experientissimis accidit.

## OBSERVATIO XXV.

*Icterus ab Hepatis inflammatione, quam sequuta gangrena. 1. Ab ipsius suppuratione. 2. Ab ulcere in gibba parte. 3. A calculo in vesica fellea. 4. A calculis in cysti, Hepate grandi, duro flavo, calculoso. 5. A vitio Pancreatis, Hepatis, Vasis choledochis &c. 6. A calculis in cysti & meatu choledochi. 7. A cysti obstructa, Liene magno. 8. Ab Hepate scirrroso, arenoso. 9.*

§. 1. **F**Amulus N. per annum dolore hypochondrii dextri conficiebatur, facies & totum citrinum evasit: Hepar repertum durum magnum, albicans circa ventriculum, circa costas nothas nigrum, exustum ac plumbeum. *Vide tit. de Febris.*

§. 2. Ego Ictericum cum lenta febre &c. conspiciens, & regionem regionis tractans, duritiem cum dolore deprehendi: Hepatis substantia fere tota absumpta, ipsiusque loco purulenta animadversa. *Vide tit. de Hypochondr. dolore.*

§. 3. Mulier dolore gravi in dextro hypochondrio torquebatur, Color quasi Ictero laborantis: In Jecoris convexa parte magnum, amplum & profundus ulcus, quod inflammationi successit. *Vide tit. de Hypoch. tumore.*

§. 4. Ill. Baro arthriticus in Ictericam incidit, cui supervenit hydrops: Inventus calculus in vesica fellis Ictericæ causa. *Vide tit. de Ventr. tumore.*

§. 5. Illustr. N. diu de tumore hypochondrii dextri conquesta, Ictérica obiit: Hepar fuit magnitudinis insolitæ, durum, flavum, hinc inde calculis flavis respersum: Cystis fellea vacua bile, sed in ea calculi duo rotundi &c. *Vide tit. de Hypoch. tumore.*

§. 6. Mulier sexagenaria diu Regio morbo laboravit: In vesica fellea multi reperti lapilli, Et in meatu qui tendit ad duodenum, magnus cum undequaque obstruens, *Vide tit. de Vomitu.*

§. 7. Ferdinandus Imper. faciem habuit pallido & subfusco colore infectum, Vas breve ante lienis ingressum, sua fæce obstructum erat: Lien parvus, Pancreas nigerrimum, durum: Hepatis lobus dexter scirrhusus: Cystis fellea vacua: Choledochus ad intestina directus induratus, obstructus: alter ventriculo insertus, amplus. *Vide tit. de Vomitu.*

§. 8. Vir cælebs Ictérico haud videbatur absimilis, Hepar à rubore naturali parum deflecebat, Vesica biliaria pallida, In aperta serum crudum, nulla bilis tinctura, plena grumis nigricantibus & lapillis &c. Lien insolitæ molis. *Vide tit. de Hypoch. dolore.*

§. 9. Amedeus N. Ictericus fuit cum viscerum obstructionibus: In Hepate scirrroso apostemata exigua multa, Lien totus corruptus multos continebat calculos. *Vide tit. de Cachexia.*

## OBSERVATIO XXVI.

*Anatome Icterici, in quo Mesenterii venæ cruore flavo ac stercoreo scatentes repertæ sunt.*

**H**elmontius lib. de Schol. Humorist. passiva deceptione, Felle, famoso Icteri patratore, profligato, novum in theatrum producit, Virus nimirum excrementosum, seu cruorem flavum & stercoreum, sive stercus liquidum flavum, secundæ digestionis prolem, sursum p. n. raptum in venas & totum corpus dispersum: Quod in duobus cadaveribus dissectis, Ictero extinctis, manifeste se deprehendisse affirmat, in quibus nulla præsentis folliculi fellis obstructione, Mesenterii venæ cruore hocce flavo ac stercoreo scatuisse, qui autem urinæ & alvi sordibus permixtus nullam affricasset amaritiem, quum & ipse ea destituatur.

## OBSERVATIO XXVII.

*Icterus à vitio Lienis & vasorum ad eum tendentium angustia.*

**M**ichael N. quartana laborans in atrophiam incidit & Icterus : Lien triplo major erat, flaccidus, sanguine nigro insuccatus : Circa ejus arterias Glandulæ erant multæ, quæ comprimendo ductus angustabant. *Vide sit. de Febris.*

## S C H O L I A.

**I**cteri nigri origo (de quo *Hippocr.* 2. de morbis) communiter Lieni adscribitur, quod hic officio suo non satisfaciat; repurgando scilicet sanguinem à crasso, atro & melancholico humore, unde sanguis impurus ad partes deveniens, easdem tetro suo colore fœdat: Huic tamen persuasissimæ opinioni non assentitur *F. Plaerius* 1°. quia nulla vesicula, seu sinus, bili atræ naturaliter in Liene recipiendæ dicatus reperitur: 2°. quod nulla humoris hujus ad venam cavam fieri queat transmissio; asserens in Liene atram bilem non perquirendam, sed in portæ ramis cum humore congestum primo ad hepar, hinc in cavam transmitti: Rationes has amplectitur *Sennerius*, quia cum in nullo amplo receptaculo humor ater contineatur, sed sensim ut generatur evacuetur, non poterit æque ut flavus sic niger Icterus subito hominem invadere: Non tamen propter di-  
*ctas Plaerii rationes* immunis ab hoc vitio censendus est Lien: quamvis enim tantum humoris contineri in Liene nequeat, quantum ad hunc affectum subito producendum sufficit (quod ipsum continuus & circularis sanguinis motus prohibet) atamen vitio Lienis, ob imbecillitatem humoris sibi transmissum non bene coquentis, crudus ille, aquosus &

melancholicus humor sanguini communicari, statoque tempore ad cutim propelli poterit: Ejusmodi tetri coloris causam, morbotum & aquosum Lienis sanguinem esse discas è *Philosopho* scēt. 9. prob. 5. Indicium quoque erunt culpa Lienis Icterus nigrum genitum, mala splenicis familiaria hunc affectum præcedentia: Imo in iis qui Lienis vitio obnoxii sunt, talem nigricantem colorem, qualis in Ictericorum cute apparet, ipsum parenchyma Lienis recte ferre videbis: Possit autem ejusmodi aquosum humorem, partes terrestriores admixtas habentem, per aliquod temporis spatium in sanguine hospitari, donec irritata natura, vel à copia vel à qualitate humoris, evacuatio vel propulsio ad exteriora ejusdem fiat, commonstrant humores alii, cum scitoli tum pituitosi in sanguine è vena missi, magna satis copia apparentes: Minus negotium facessit secunda *Plaerii* ratio, quæ humorem atrum à Liene venæ cavæ communicari posse negat, quia nulla huic operi commoda sunt vasa: Cognitus enim in viventibus sanguinis motus, per ramum splenicum venæ portæ naturali ductu humorem à Liene, æque ac è melancolicis venis hepatis, & hinc venæ cavæ communicari posse demonstrat. *Frid. Lepnerus Introduct. in med. p. 88.*

## OBSERVATIO XXVIII.

*Icterus niger sequutus Iecoris insignem duritiem.*

**Q**uidam ordinatis vicibus, ut mulieres, sanguinis fluxum ex hæmorrhoidibus patiebatur, qui ex Atroto nigro & jecoris mira duritie periit. *Vide sit. de Hæmorrhoidum fluore.*

## S C H O L I A.

**U**T mulieres sanguinis fluxum ex hæmorrhoidibus patiebantur] Ut truncus venæ cavæ, arteriæque magnæ, sicut & aliarum venarum tunica ramulos quosdam venarum à partibus adjacentibus accipiunt, ita & porus choledochus à venis cysticis ramulos accipit: Nil igitur miri si ex suppressis hæmorrhoidibus Icterus aliquoties nascatur: Quanquam & ideo oriri possit, quod iis subsistentibus sanguis bile utraque remixtus in corpore restagnare, atque per circulationem sanguinis in habitum usque deferri queat: *Tb. Bartholinus cent. 5. histor. 62.* adfuisse se ait, juvenula, cui instantibus mensibus, sed non procedentibus, Icterus toto corpore erupit.  
*Iecoris mira duritie]* Vasorum choledochorum

obstructio si diutius durer, ipsum hepar afficitur, durum incurrens tumorem: Ex mente autem *Hippocrati*, Regio morbo laborantibus Iecur durum fieri malum 6. aphor. 42. Icteri autem causa non est sola vesicula obstructa, *Triplex est Icterus*, (ait *Zacutus*), *felleus, hepaticus & crinitus*: *Felleus* ex vitio vesiculæ, *Hepaticus* ex vitio hepatis, *Crinitus*, in morbis judicans, & non judicans ex vitio rotundi. Item quando vesicula & rami bilarii obstructi non attrahunt bilem: Hepar inflammatum, aut tumore alio laborans facile in consensum trahit vesiculam, comprimit meatus evacuationemque bilis impedit: *Möbius Fundament. Physiologic. cap. 16.*

## OBSERVATIO XXIX.

*Icterus niger ab Hépate scirrroso, Vesicula fellis vacua, Omento putrido.*

**A**nno 1657. Senator Erfurtensis cum per quinque menses Ictero nigro laborasset, & medicamentis nihil proficientibus, sensim viribus consumptis obiisset.

In ejus aperto cadavere inveni Hepar scirrhosum, lignique instar durum, ac tartareis assatisque quasi humoribus infarctum: Vesiculam felleam planè vacuum, Omentumque omnino putrefactum. *Ex observ. D. Valent. Andrea Mollenbroccii Medici Hala Saxonum in Miscell. curiosis anni 1670.*

OBSERV.



## OBSERVATIO XXX.

*Icterus niger à Lienis absentia prognatus.*

**V**Xoris cujusdam Nobilis viri cutis, atro colore tota ita fuit tincta atque fœdada, ut solummodo ejus aspectus omnibus horrorem incuteret: Hæc absque febris mœsta perpetuo, nam universa corporis superficies Æthiopis colore erat conspurcata: Medici causam judicârunt contumacem Lienis & mesenterii obstructionem ( licet nulla, aut saltem sensui conspicua reperiretur partium tensio ac durities ) à remediis deobstruentibus & nigrum humorem vacuantibus pejus habebat; Tandem accedente assidua leipphymia, & sequuta continua febris obiit.

Cadaver dissectum sine Liene inventum est, qui cum sit receptaculum melancholici succi; nihil mirum sive deficiente corpus totum redderetur nigrum 1. quia humore atro non attracto, hujusmodi humor per venas cum sanguine ferebatur; ex quo massa sanguinis infecta, corpus nigro colore fœdavit. *Zacutus Praxis admir. lib. 3. observ. 137. Ex communic. D. Gasparis à Costa Med. Rothomagensis.*

## OBSERVATIO XXXI.

*Icterus à parvitate Lienis, grandiore Vesica fellea, & obstructa.*

**H** Fab. Aquapendens Patavii dissecuit cadaver fœminæ Ictero nigro extinctæ, cuius jecur, uti & reliqua viscera, nil consideratu dignum offerebat: *sola cystis usitata grandior*, aspectu terrior è cinere concretos continebat globulos: quibus & venarum à cysti ad jejunum proficiscitur, infarcta, parvo & exiguo prorsus conspecto liene.

## SCHOLIA.

**Q**ui in theatro aderant Doctores de præsentis casu philosophabantur; dicebat tandem sententiam argutissimus Anatomicus, Jecur, Liene cunctante, sanguinis faciem per vas venosum Portæ trahere: utriusque excrementum vicinum fecellum amandasse, qui cum per ordinatas ecphyfes exonerare sese non posset, quod erat tetrum Jecoris incubi calore unitum, ac in lapillos coactum reliquum à vesicula non captum, cum sanguine ad venas & corporis habitum latum cutem fœdasse.

*Sola cystis usitata grandior &c.* Vesiculam felleis varia & prodigiosa continere, hincque varias morborum species exurgere ostendit *Vesalius* in examinatione observationum *Fallopii*: Longum sane esset, ait, ea quæ in quibusdam Tertiana & Quartana laborantibus, & dein suspensio aut capite plexis, In furiis & Mania obsessis, & Melancholia morbo ob-

sessis: Ex variis Februm ( quæ continuæ fuerant, & rigorum & sudorum inordinatos circuitus faciebant ) generibus extinctis: fœdo Ictero coque vario vexatis, malo Habitu diu pressis & Dyenteria cruciatis, subinde reperi modo commemorare, sive scilicet hic insignem bilis, nunc flavæ, nunc atramenti quo scribimus in modum atræ, sive albicans propemodum colorem ( qui ferè conterminas partes affecit ) sive fluidam, aut luti modo, aut unguenti cujusdam ex farinis, melle & ferebinthina-apparati, ritu consistentis, substantiam, sive calculorum effigies varias, sive bilis vesiculæ molem instar duorum pugnorum, ob contenta, tumidam, sive omnis bilis defectum recentem, quæ omnia me de hujus vesiculæ naturâ adhuc magis quam antea habent sollicitum:

## OBSERVATIO XXXII.

*Discoloratio à Vermium copia in intestinis.*

**V**ermibus intestina scatere frequenter, non tantum in ægris, verum etiam in sanis supplicio affectis sæpius deprehendi: Inter quos mendicus quidam, qui tamen dum viveret discoloratus erat, capite mulcratus, sectus supra viginti lumbricos intestinis inclusos gerebat. *Platerus observat. lib. 3. pag. 883.*

## OBSERVATIO XXXIII.

*IctERICI anatome, cujus interiora omnia membra, imprimis Hepar & Intestina, bile suffusa deprehensa sunt.*

**I**N Ictericorum cadaveribus dissectis, quia separari bilis non potuit, bilis colore omnia fœdantur. In *sfortia* Cardinale Romano, Ictericita defuncto, cum cadavere resecto, inquisitio interiorum membrorum facta, omnia, imprimis hepar & intestina, croceo colore totaliter infecta deprehensa. *Christoph. Guarinonius Consil. 215.*

## SCHOLIA.



## S C H O L I A.

**T** *Antummodo Lienis vitio oriri.*] Laudatus author plures occasiones, *conatophs*, citato loco adducit à quibus Scorbuto originem ducere videretur. 1. *air*, Quibusdam locis endemius existit, ut propter malignam aëris & vaporum, quibus stipatur, influentiam, una cum spiritu vitali, miasma morbi hunc hauriatur. 2. *ixpenumero* morbus iste febrilis diurnis, aliisque morbis chronicis succedit, illorumque effectus sive productum merito censetur. 3. Nonnunquam hereditario, & à parentibus scorbuticis per traducem propagatur. 4. Interdum vero contagio suscipitur. Quæ causæ massam sanguineam immediatius respiciunt, & morbum à latice ejus, sine magno primarum viarum vitio incipere ostendunt, sed & 5. Scorbuti rudimenta etiam intra coctionis viscera interdum concipi, atque illinc in sanguinem traduci ostendit, Vir Clariss. Si quando enim à longo tempore accidit è chylo vitiatum succum nutritium nonnisi incongruum, atque salium & sulphurum enormium particulis repletum massæ sanguineæ suppeditari, necesse erit hujus crasin tandem mutari, & juxta materiam, unde constat & quotidie suppletur, indolem perverti: Quare observare est qui cibis sale conditis fumoque induratis maxime vescuntur, atque vinum & aquas ardentes copiose bibunt, è quibus particule salinæ & sulphureæ in sanguinem rapiuntur, scorbuto plurimum obnoxiosos reperiri: Porro qui carne porcina, aut etiam piscium, licet recentium, ac imprimis testaceorum carnibus plurimum aluntur, si quidem hæc alimenta sulphuris & salis rancidorum (uti colligere est ex putrescentium insigni fetore) copiam præbent, facile in scorbuto, & quod majus est, quandoque in lepram proclives habentur: E contra in hunc morbum non ita prompte incidunt: qui lacticia, fructus crudos & immaturos, caseum recentem &c. comedentes, magnam pituitæ sabarram in ventriculo congerunt: Nec tantum è cibis pravis & dyspeptis succus scorbuto fovens producit, sed interdum alimenta satis idonea, viscerum culpa in materiam morbi hunc faciunt, Quod non semper *Heparis* aut *Lienis* vitio, prout nonnulli arbitrantur, accidit; his enim cum chylo nihil negotii est, verum ipse *stomachus* fermento extraneo præditus, ingesta quævis pervertit, inque pulcem modo acetosam, modo salinam aut vitriolicam mutat; Verisimile est etiam à *Pancreate*, aut ductu *choleodocho* succum incongruum chylo permisceri, ipsumque tinctura heterogenea imbueri: Nec vero inficias inus quin *Lien* & *Hepar* Scorbuto productioni non raro contribuant; licet eorum culpas non chylus sed ipse sanguis immediatius huius: Quando *Hepar* obstruitur, ut sanguinis recrementa adusta minus secernat, propterea hujus massa excrementior, atque salis & sulphuris particulis simul incoctis, nimis luxuriat, Quod spectat ad *Lienem*, haud proflus immerito est quod circa Scorbuto productionem tot querelæ in ipsum proferuntur: Cum enim hujus visceris status in his consistat, tum ut sanguinis faculentias atrabilarias, quæ sale fixo & terra constant, secernat & excipiat, tum ut easdem ulteriori coctione in fermentum sanguini remiscendum digerat; si quando *Lien* hisce muniis suis non recte defungitur, duplici respectu massa sanguinea inquinari solet, nempe, vel quia faculentia atrabilaria à Liene obstructo aut debilitato non omnino excipiuntur: vel quoniam exceptæ ibidem in fermentum inidoneum, & sanguinis corruptivum pervertuntur: massa sanguinea vel hoc vel isto modo

interdum male disponitur, & non raro propter hanc occasionem solitariam, aut aliarum causarum accessum in diathesin scorbuticam degenerat.

*Symptomata quamplurimum &c.*] Maxima symptomatum sarrago, affectus multiplices & diversi generis, quique interdum naturæ sunt oppositæ aut contrariæ Scorbuto accensentur, quorum recensio cum partium corporis distributione optime perficitur: Materialis vero hujus morbi causa haud in privato quodam loco, aut singulari minera continetur, sed cum per totum corpus, & singulas ejus partes tum intus tum extus diffundatur, colligere est miasma Scorbuticum vel in *Sanguine*, vel in succo *nervoso*, aut simul in *utrisque* fundari: Revera sanguini labem attingi, effervescentia ejus inordinata, macularum aut tuberculorum eruptiones, urina rubicunda & velut elixiviata plane testantur, quibus pari indicio conspirat diversimoda hujus morbi productio, quæ ut plurimum *massa sanguinea* depravationi succedit: Nec minus *Liquori Nervoso* vitium hæere declarant molestissimi dolores, tum intus in membranis, tum extus in musculo genere excitati, membrorum debilitates aut resolutiones, spasmi, vertigo & crebra spirituum animalium deliquia: Cum itaque humores ambo generales in vitio deprehendantur, videndum quis prior aut potior in culpa sit, *De urinisque vitiiis consule Viri Eruditissimi Tractatum c. 1.*

*Doloribus fere continuis*] A faculentis Scorbuto in nervorum corpora delapsis, etiam *Dolores*, qui frequentissimum hujus morbi symptomata habentur, aliquatenus procedunt: Attamen cum variis sint generis, etiam propter alias etiam causas oriuntur: Enimvero dolores scorbutici sunt, vel leviores, incerti ac cito transeuntes, qui interdum à flatu membranas distendente, quandoque etiam à materia salia vel acri, modo à sanguine, modo etiam à liquore nervoso in partes nerveas suffuso dependent: Cujusmodi materies quatenus fibris nerveis improporcionata, eas vellicat ac in corrugationes incitat, dolorifica evadit: In quantum vero eadem vel à sero affluente cito eluitur, vel à calore dissipatur, sensatio molesta à tali causa illata facilius dimovetur: Vel 2°. Dolores Scorbutici graviore sunt plurimum acuti, difficulter mobiles: Cujusmodi item vel sunt fixi & determinati ad particularem quandam locum, aut vagi, molestiam, utque gravissimam, ab uno loco subinde in alium transferentes, prout cernitur in arthritide vaga, scorbutica & rheumatismo: Interim dolores fixi & diu permanentes, in variis partibus, præcipue veto in ventre, lumbis, cruribus, sternis & capite excitari solent, *Willis capite 4. De doloribus ventris vide proxime.*

*Nec non Paralyti*] Affectus Paralytici, Item stupor & formicationis sensus scorbuto ingravescenti crebro superveniunt: Cujusmodi tamen symptomata ut plurimum non sunt valde fixa & permanentia, verum modo cessant aut remittunt, mox repetuntur aut intenduntur: Scorbutica Paralysis potissimum ob tria causarum genera excitari solet, quæ sc. modo conjunctim modo divisim hunc morbum producant: 1. Etenim membri debilitas aut resolutio contingit, quia succo nervoso depauperato, spirituum animalium, quibus membra quævis actuantur, penus sive copia sufficiens desideratur: Hinc valetudinariis, tanquam senio confectis, circa crura & pedes, aliasque interdum partes extremas, ad quas spirituum influxus haud satis ubertim pertingit, facultas locomotiva vacillat, postea forsitan cum major spirituum

affluxus membro affecto confertur, ac interim alibi deficit, morbus cessat aut alio transtertur. 2. Interdum Spiritus animales etsi copiose satis in partes suppeditantur, tamen particulis heterogeneis, & quasi narcoticis, cum succo nervoso illatis inficiuntur, ita ut quasi ligati & semiobrutum nixus explosivos vegete satis initum nequeant: hinc non solum impotentia facultatis motivæ, verum & sensitivæ depravatio quædam, scilicet stupor & fornicationis sensus oriuntur, quippe dum spiritus animales copula incongrua aggravantur, eorum irradiatio, haud aliter quam solis radiorum nebulosum aërem pertranscurrentium, nonnisi refractæ & impedite perficitur: 3. Licet Spiritus animales uberi satis copia dispendentur, sintque narcosi quadam immunes & liberi, sæpe tamen illorum vix obstruuntur, ut intra membra quædam commercia spirituum influentium & insistorum commode peragi nequeant, namque interdum accidit particulas crassiores & terrestres nervorum corpora cum succo irriguo subire, quæ dein alicubi circa plexus neryeos, aliosque anfractus penitus aggestæ, ductus in tantum infarciunt, ut spirituum in hoc aut illud membrum irradiatio prorsus inhibeatur: Ita novi in aliquibus manum aut pedem, quin & brachium aut femur, reliquo corpore valente, penitus resoluta evasisse. *Willis ibidem.*

*Et Convulsionibus*] Convulsiones præterea sæpe totius corporis, aut potius Convulsivi motus, & Epilepsia huic malo accidunt, vaporosa aut terrosa materia, quæ ab humore maligno, ac peculiari modo & specificè corrupto attollitur, ad caput elevata: quæ discussa sæpe quasdam inducias concedit, paulò post tamen iterum collecta & in caput elevata idem malum excitat: Et hi convulsivi motus plerumque cum febre conjuncti sunt, & eadem facilitate qua

prehendunt, remittunt, iterumque recurrunt: Et solent istas convulsiones præcedere, vel totius corporis concussio, vel tremor, vel paralytis, vel brachia & manus obrigescunt quasi, sed brevi tempore; & sæpe præter omnem rationem subito in alium morbum, cataphoram, paralytin, modo evanescentem, modo præter expectationem redeuntem transeunt: Quæ signa, imprimis vero urina turbida & crassa, huic malo propriæ, hanc convulsionem à convulsione ab antiquis descripta discernunt: *Engalenus de Scorbuto observat. 50. 54. 63. 69.*

*Tandem contrahens Phthisi interibat*] Qui hoc morbo diutius laborant, absque notabili pulmonum labe, aut phthiseos suspitione, sæpe in marasimum incidunt, ita ut carnes prorsus decendant, ac cutis valde flaccidens vix ossibus cohaereat: Cujus causa non tantum sanguinis à recta crasi degeneris culpæ attribui debet, namque hic utut depravatus, aliqualem succi nutritii portionem plerumque assimilat, partibusque enutriendis apponit: At vero si quidem *Liquor nervosus* etiam male habet, facultas nutritiva omnino inhibetur, quin hujus defectu aut vicio, nutrimentum à sanguine elaboratum prorsus infæcundum ac inutile exiit: Quo munere, circa nutritionem, uterque liquor, scilicet *Sanguineus* & *Nervosus* defunguntur, ut alibi ostensum; Ex hypothese ista, quam rationes satis probabiles auctoritate videntur, facile sequetur Atrophiam scorbuto familiarem à conjunctis utriusque facultatis nutritivæ anomaliis pendere: Quatenus enim sanguis alimantum nonnisi vitiosum suppediat, atque Liquor nervosus in eo actuando assimilandoque delinquit, necesse erit partes solidas victu suo, continuo

fraudatas emarcescere. *Willis ibidem cap. 5.*

§. 2. Vir Nob. nephriticus Scorbuto affectus fuit: In Pancreate nil anomali annotatum, nec in Hepate, Lien brevior ac rotundior solito, cæteroquin optime constitutus. *Vide sit. de Hypochondr. dolore.*

§. 3. Anatomica cadaveris Scorbuto extincti inspectio, Lienem hunc in finem studiose investigatum, sanum, integrum, & nulla vel obstructione, vel alia dispositione prava corruptum ostendit *Brenggerus Disputatione de Scorbuto Thesi 3.*

§. 4. Nobilis Bavarus annorum 36. corpulentus, lassitudine spontanea, maculis lividis, nigrescentibus, in ulcera degenerantibus, in cruribus ac brachiis affectus, quæ omnia longe ante gingivarum sanguinolentia & exulceratio præcesserat, ita ut non dubitandum quin Scorbuto confirmato laboraret; in quo post mortem Lien sat inculpata constitutionis, viscus sanguinem referens, inventus fuit. *Gr. Horstius Tomo 2. lib. 9. observ. 4.*

#### SCHOLIA.

**L**assitudine spontanea] Primum Scorbuti signum, quo sæpe morbi incipientis suspicio præberetur, Lassitudo spontanea est, cui accedunt impotentia ad motum, item crurum debilitas & velut gravitatis sensus: Hæc symptomata circa morbi initia oriri solita, à sanguinis potius quam *Liquoris nervosi* (qui vix adhuc inquinatur) vicio derivantur: Hoc autem duplici respectu fieri potest, scilicet primo quatenus sanguis impurius factus, & culentias terosas inter circulandum exiit, easque musculorum potis & mearibus insinuat, quibus infarciuntur illi & aggravantur, proinde ut spiritus impediti ac intercepti, explosiones suas loco motivas haud libere satis ac vegete incant; insuper partes, velut sarcina quadam onustæ, non uti prius facile & expedite moveantur. 2. A sanguine vitioso spiritus animalis copula explosiva nonnisi degener ac imbecillis accedit; propterea illi neque motus locales promptè ineunt, nec vegete perficiunt: In Scorbuto inveterato impotentiam ad motum, etiam

iam à succi nervosi depravatione, & spirituum inopia oriri credimus. *Th. Willis Tract. de Scorbuto cap. 3.*

*Maculis lividis*] Maculae in cruribus, aliisque partibus corporis erumpentes, Scorbuti signum pathognomonicum habentur, hæc quandoque latiores, diversicolores, modo citrinæ, modo obscuræ, purpureæ, lividæ aut nigrae apparent: Porro quibusdam *Exanthemata* varie extumescunt, scilicet modo lævia, modo cum cute aspera, & quasi crusta aut squamis obducta, in his aut istis membris, vel in toto corpore erumpunt: Inter *Maculas* & *Exanthemata*, si ve *innida* & *equalia*, si ve *aspera* faciunt, hoc discrimen in genere annotetur, nempe quod hæc materiam sanguini minus congruam continent, quare à massa ejus in circuitu secreta in cute desiguntur, nec tamen eadè prorsus à sanguine derelinquantur, quia sanguis pertransiens particulas subinde alias novasque apponit: quo fit ut materia extravasata à continuo sanguinis appulsu vel denuo resorbeatur, vel subtiliata



subtiliata foras exhalet (licet interdum partim hac, partim illa res agatur,) vel denique materies ista suppurata in abscessus transit: Porro *Exanthemata* cujusque fere generis, non tantum in Scorbuto, sed in plerisque aliis affectibus, imo si quando sanguis propter occasiones aliquas immodice ebullit, passim eveniunt: At vero *Maculae* sunt portiones à sanguine secretæ & ab eodem prorsus derelictæ, adeo ut nihil illis cum sanguine circulato deinceps commercii fuerit, quare nec in molem accrescunt, nec suppurantur, nec facile evaporant: *Maculae* citrinæ, aut obscuræ, videntur esse bilis flavæ aut atræ portiones quædam è sanguine in cutem suffusæ: Quoad stigmata vero nigra aut purpurea, advertere est eadem in nullis præterea affectibus, nisi in febre pestilentiali, lue venerea, & Scorbuto excitati: In peste & febribus malignis videntur esse sanguinis syderati, & velut *nupium* affecti, partes quædam rejectæ, quibus semper malignitas & contagium adjunguntur: In lue venerea & scorbuto, etsi non tanta malignitas reperitur, ut spiritus sanguinis valde mortificentur, ejusque liquor syderationes majores incat, tamen suspicari fas sit quod in utroque

morbo ingravescente, sanguis aliquatenus corrumpi & coagulari aptus, in grumos minores concrecat, Cujusmodi sanguinis concretiones, arteriarum osculis extrusæ, in cute defiguntur, & juxta quod portiones illæ majores aut minores fuerint, & cruoris plus aut minus corrupti participant, etiam maculae quoad magnitudinem & colorem insigniuntur: *Idem ibidem.*

*In ulcera degenerantibus*] Quandoque non solum *Maculae* in cutibus & brachiis apparent, sed & ulcera in iis excitantur, sicca fere, & neque pus neque saniem ex se fundentia: Ulcera autem hæc eos magis infestant qui temperamento bilioso sunt, De quo *Hippocrates* lib. de int. affect. *Quicumque, inquit, splenem habent magnum, si quidem biliosi sunt, hi mali coloris sunt & malis ulceribus sciantur*; Ulcera hæc, *Telephia* quibusdam appellata, maligna sunt & curata difficilia, ob humorem malignum & pravam, qui, quicumque sit, contumax est neque curationi facile cedit, & in Scorbuto peculiarem corruptionem ac pravitatem sortitus est: *Sen-*

*nerius Tract. de Scorbuto*  
cap. 4.

## OBSERVATIO II.

*Scorbutici Jecur scirrhosum deprehensum & tuberosum, Lien maximus, Vasa mesenterica oblitterata.*

**V**ir consistentis ætatis, constitutione corporis melancholicus, adeoque habitu corporis squalido strigosoque, alvum habens adstrictiorem, urinasque mingens biliosas, saturate more febrilentium rubentes, frequenterque corruptionis putredinalis notas exhibentes, ructibus ventriculi, sputatione cruenta, sanguinolentia gingivarum per annos aliquot afficitur, interim aliquoties alvi fluxu sanguinolento, semel etiam febre continua, præcunte tumore in sanguine, tandemque anno superiori intumescencia ventris atque pedum hydropica superveniente prehenditur. Quamquam autem convenientibus mediis, imprimisque curatione ad scorbutum appropriata, dicta symptomata lenirentur, ita ut per præcedentem æstatem optime sibi valere videretur, nihilominus brumali tempore appropinquante, recidiva signa sese ostendebant, donec sub finem anni 1627. subito vomitus sanguineus, cum dejectionibus nigris, picis instar, invaderet, quo symptomate per triduum continuante, viribus pædetentim consumptis, 29. Dec. naturæ debitum persolvit.

Abdomine aperto, mox ventriculus & intestina inflata, nec non nigricantia sese offerebant, interius atramento quasi futorio obnita: Renes & pulmones naturaliter sese habebant: Jecur totum scirrhosum ac tuberosum interius atque exterius erat, nec quicquam vasorum vel sanguinis exhibebat: Lien vero triplo major quam s. n. esse solet, optime sanus conspiciebatur: parenchyma Jecoris colore saturate rubeo, nec non substantia carnosa referens: Mesenterium satis glandulosum atque tuberosum & crassum occurrebat, vasis mesaraicis, ob sanguinis ad partes ventriculi atque intestinorum effusionem, oblitteratis. *G. Horstius Tamo 2. lib. 9. observ. 4.*

## S C H O L I A.

**V**ir consistentis ætatis, 30. ætatis annum superans, constitutione corporis melancholicus, cui corporis habitus squalidus atque strigosus; Ea propter accidit, quod nutritiva facultas alimento convenienti destituatur, utpote cum tota massa sanguinea qualitatem atrabilem induat in talibus, unde sequitur alvum adstrictior, quod bilis, excretionis stimulus, languente jecore non justo modo separatur ad intestina, sed potius in sanguine relinquatur & aduratur: Urina biliosa, dictam ob causam, sanguine more febrilentium rubens, non propter calorem febrilem, sed jecoris imbecillitate reddita, rubra sanie una cum sanguine emissa: frequenter putredinis notas exhibens, absque tamen siti, eo quod scorbutica sanguinis infectio concurreret, cujus proprium hoc

est ut interdum insignes putredinis notas in urinis exhibeat, absque tamen siti: Ructus aderant, sc. inanes, hypochondriacis familiares eo tempore quo digestio ventriculi solet absolvi: Spunitio cruenta, tam propter serosi sanguinis è gingivarum carne spongiola separationem, quod massæ sanguineæ serum cruentum, ob imbecillitatem jecoris ad ventriculum effunderetur, ac postea pædetentim ad fauces communicaretur: sic *Hippocr.* in Coacis multum sputum cruentum hepaticis statim lethale pronuntiat, quod contingere ait *Iacotius* venarum infirmitate, sanguinis prava qualitate & plenitudine ad vires: Interim aliquoties alvi fluxus cruentus dysenteriam representans invadit, qui fiebat sanguine crasso foetulentoque copiose per venarum extremitates in



intestinatorum cavitates effuso : quæ de causa non cum excrementis, sed leparatim & absque torminibus reddebatur, in quo talis fluxus sanguinolentus scorbuticorum ab aliis distinguitur : Semel etiam febre continua prehendiunt, quod massa sanguinea, quoad majora vasa quoque corruptionem indueret, unde sanguis venæ sectione emissus lividus, ad virorem inclinans, multoque sero livido dilutus conspiciatur : *præsentie tumore in inguine*, tanquam in emunctorii loco peccante materia crassiori collecta, vi naturæ versus exteriora superfluis propulsis, Tandemque *ventris intumescencia atque inflammatione pedum* affligitur, ea videlicet hydropis specie quæ ex parte Tympanitidem, ex parte Anasarcam referte videbatur : Subito vomitus sanguineus successit, facta recidiva, quem lethalem pronuntiat Hippocr. sect. 3. lib. 3. coacat. aph. 3. cum vitio hepatis vel venosi generis fiat : qua ratione 5. Epid. 37. Qui ad Dromum habitabat, nocte sanguinem multum vomens suffocatus fuit : *Iacovius* in coacis lib. 6. l. 2. aph. 1. sanguinem qui vomitione redditur, tum ab hepate tum à liene, tum ab utero esse posse statuit, quod ex his locis sanguis *diaprophæ* in venas, quæ in ventriculi membranis inferuntur, plerumque redundet : Gravior affectus redditur ubi cum sanguinis vomitu *dejectiones piceæ nigre* junguntur, hinc Hippoc. in Coacis, Ab hæmorrhagia nigrorum dejectio, malum, quia Lien non probe expurgat Jecur & sanguinem, unde cænoia illa materia diu retenta in hepate aut mesenterio, aliquando corumpitur mora & exquisita atra bilis. Mirum vero quod aperto cadavere *Renes omnino sani* deprehenderentur, cum tamen æger per multos annos de dolore dorsi conquereretur ? An quod adusta materia attrahibilis in mesenterio & splenicis venis pedetentim colligeretur, & malignitate sua nervosas partes, quibus spinæ dorsi melatæum annectitur, attingeret ? 2. Mirum cum *Jecur penitus scirrhusum* esset, quomodo tamdiu æger superesse potuerit ? An quia Lien fuit triplo major touro subitantiæque laudabilis, viscus sanguificationis referens, cujus ratione sanguificatio facta fuit à Liene loco Jecoris ? hinc ergo non mirum sanguinem productum fuisse minus laudabilem, quatenus alias Lien & vesicula fellea sanguificationem Jecoris, separando heterogenea, laudabiliorem faciunt : At ubi Lien solus sanguificat, idiplum non accidit, unde sanguis producitur impurus, 3. Mirum *cum verisimile sit Jecur longo temporis tractu scirrhusam istam naturam obtinuisse*, quod sanguineus vomitus cum dejectionibus nigris citius non prehendit ? An quia per semestrales ordinarias evacuationes, & venæ sectiones, tum etiam aliis intermediis, urgentibus symptomatibus, medicationibus massa sanguinea taliter qualiter fuit depurata, potissimum adhibita scorbuti cura appropriata ? 4. Mirum quod *Lienus constitutio sanguinea, magnitudine communem conformationem excedens, inventa fuerit in eo, qui Scorbutio confirmato 101 annis affectus fuerat, cum tamen Lien communiter subiectum scorbuti statuat* ? An quod Scorbutus interdum quoque salvo Liene fieri solet, cujus rei exemplum habet *Forestus* de quodam, cui jecur potius quam Lien affectum fuerit, in quo Liene salvo omentum totum fere putridum inventum fuerit ? An vero quod Lien officio suo defuerit a sanguificatione (quæ jecori scirrhuso denegabatur) peccantem materiam non discernendo, sed potius naturæ institutum, ob defectum jecoris, chyli partes laudabiliores attrahendo, sanguinemque salium ac tartareum relinquendo, quod ejus magni-

tudo, sanguineaque constitutio satis innuebant, cujus beneficio sanguis quidem genitus, sed ab excrementitia bile tenui crassaque rite depuratus non fuit, unde tota massa sanguinea salia tartareaque reddebatur : Non semper ergo locum habet thesis de Lienis in scorbuticis operatione depravata, cujus rei fidem facit exemplum observatum. 4. adductum, *Idem*.

*Constitutione corporis melancholici* ] Inter Scorbuti causas tristitiam ponimus, nam pallium oblectare est homines propter occasionem aliquam luctu ingenti percullos, & deinceps diu mæritos scorbuticos fieri : Quia ingens mælitia Animam infeliciorem immediate amiciens, binas ejus partes, nempe sensitivam & vitalem intus compellit, eorum systases à solitis expansionibus inhibens coarctat, ac in minus spatium contrahit, hinc spiritus animales à debita expansione præpediti, æconomiam suam remittunt, quare & sanguis minori ambitu circuitus suos repetens, circa cordis sinus agglomerari, ibidemque stagnare aptus est : hinc cum spiritus utriusque regiminis, sc. tum animalis tum vitalis præfides deprimuntur, & sanguis & succus nervosus secundum crases suas alterari incipiunt, & uterque vigorem suum sensim amittens à liquore generoso virtus acetosum & effæctum vergit : Insuper coctionis vitæta, solito spirituum influxu denegato, munia sua perpetuam obeunt, hinc à chylo minus recte cocto, aut inter coquendum depravato, succus nutritius nonnulli vitiosus, & fæculentiis refertus massæ sanguineæ infunditur, unde crasis ejus magis pervertitur inque diathesin scorbuticam facile transit. *Willis Tract. de Scorbutio c. 2.*

*Urinas mingens biliosas, saturatas venies &c.* ] In Scorbutio certiori quam in aliis affectibus diagnostici, matulam consulimus : Nam si absque Febre in Ictero urina intense rubicunda & quasi lixivialis apparer, illius morbi hoc signum indubitatum pronuntiamus : Enimvero dum latex serosus cum sale & sulphure solutus aliquandiu circularur, particule salinæ & sulphureæ eidem incoctæ, tincturam valde saturatam & velut lixivalem impertiunt, quod etiam talis urina contentis, quæ in lotio refrigerato ad fundum præcipitantur, plurimum abundat, particulis tucci nutritii degeneris cum sero abreptis, omnino debetur : Sed tamen utinam Scorbuticorum sæpe variant, aliquando namque illæ citrini coloris, cum cremore innatante, aut vitri parietibus affixo apparent ; unde sumitur indicium sanguinem particulis salinis plusquam sulphureis abundare : Equidem si talis urina ad ignem exhalet, residua salina in subdupla liquoris quantitate remanebit. *Idem cap. 3.*

*Ructibus ventriculi* ] Ructus, crebri vomitus, rugitus, nausæ & cardialgiæ Scorbuticos æque ac hypochondriacos fatigant : quæ quidem symptomata frequenter in hoc morbo accidunt, partim quia stomachi tonus labefactatur : ejusque fermentum vitiat, quo fit ut chyli male concocti reliquæ in partem austera, fassam, vitriolicam, aut alias degenerem facellat : Præterea tamen stomachus male habet, quoniam & sanguinis recrementa interiori stagnantia in sinum ejus suffunduntur. *Idem cap. 3.*

*Sputatio cruenta, Sanguinolentia gingivarum* ] Morbo ingravescenti supervenit sputatio copiosa, & plerumque Gingivarum sanguinolentia, dein earum flacciditas, ac tandem putrefactio, quam dentium erosio, vacillatio aut casus, cum oris tætere comitari solent ; Quorum ratio ut melius constet, advertendum est circa partes oris peculiare quoddam ductus, nempe *Salivales*, quibus seroli humores copiose excernuntur, constitui : Illi à variis glandulis, nempe

neque parotidibus, maxillaribus & sublingualibus exorti, maxima ex parte circa gingivas, aut prope ipsas terminantur: horum munus constans & ordinarium est salivam propter usus quosdam necessarios in cavitatem oris deponere: Præterea tamen observare est humores superfluos, quin & vitiosos, crassiores forsitan quam ut per sudores, urinam aliasve vias à sanguine secernantur, hac via foras amandari: Argentum vivum salibus lubatum, & deinde intus assumptum, aut corpori illitum, à salinis corporis nostri particulis minutissime dissolvitur, usque involutum penitissime immiscetur: hujusmodi salium & mercurii concretiones per omnes humores, inque omnes totius corporis partes diffusas, cum natura, si quidem molestiam pariunt, expellere nititur, illarum excretionem per hæc oris emunctoria optime, & quidem facillime molitur: Etenim sanguis, & forsitan aliquatenus liquor nervosus, recrementis istis mercurio-salinis onusti, eadem omnino excutere satagunt, quæ tamen cum crassiora fixioraque sunt quam ut per diaphoresin exhalent exsudentque, aut à renum termento præcipitata per urinam amandentur, illa interdum arteriarum oscula intestinis inserta perurpentia aliquatenus per alvum excluduntur: artamen istius phænomeni particulæ sero obvolutæ, promptissime in prædictis glandulis, aliisque ad os & gulam spectantibus depositæ, per salivationem uberius excitatam effluunt: quo effluxu gingivas aliasque oris partes ulcerari, atque dentes cum fæctore oris vacillare contingit: Cæterum hujusmodi Salivatio interdum sine mercurio, in febrium male judicatarum declinatione, criseos loco sponte succedit: atque humor excernendus non tantum apertioribus ductum salivalium foraminibus, sed & arteriarum osculis ubique confitis exsudans, crusta albicante oris cavitatem oblinat: Par equidem ratio symptomatum ejusmodi in Scorbuto accidentium reddi debet, quandoquidem enim in sanguine depravato salis ac sulphuris enormium recrementa plura & crassiora congeruntur, quam ut diaphoresi, vel per urinam aut sedem satis excerni possint, ad oris emunctoria, quibus falsiora sanguinis purgamenta excerni solent, deferuntur: salamenta ista sero diluta, non solum è vasis salivalibus exundantia, sputationem copiosam creant, sed etiam per arterias advecti, molles & spongiosas gingivarum carnes subeunt, quæ primo poris earum sanguine ichoroso oppleris intumescunt, postea tamen ichore falso à sanguine abscedente & continuo excreto, gingivarum caro, propter laudabilis sanguinis defectum, flaccescit, dentes pene nudatos relinquens: Porro à diuturno materiæ plane corrosivæ affluxu gingivarum caro corrumpitur, ut dentes stabilire nequeat, quin hi, alveolis dissolutis, laxantur, aut decidunt, atque ob particulas salino sulphureas, partim humoris excreti, partimque gingivarum putrescentium continuo exspiratas, fætor oris graveolens excitatur.

*Vomitus sanguineus, cum dejectionibus nigris &c.]* Nonnunquam affectus Dysenterici, item crebræ hæmorrhagiæ è naribus venis sedalibus, renibus, thorace, gingivis, aliisque locis scorbuto inveterato laborantibus succedunt. Cujusmodi symptomatum causa est, quod sanguis salior factus, proptereaque effervescente aptus, vasorum osculis facile erumpit: præcipue vero, quia cum partium solidarum tonus debilitetur, atque fibræ sint valde laxæ, vasorum ora sunt patentiora & discontinua, ita ut arteriarum extremitatibus in venarum oscula transitus non recta ducat, quin sanguis inter vasorum aperturas

interceptus, ibidemque stagnare & disfluere aptus, qua data via facile erumpit & se foras eripit. *Idem ibidem.*

*Semel Febre continua]* Non raro Febres Scorbuto conjunguntur, sicut & quandoque in Scorbuto degenerant: plurimæ enim febres quæ hic ægros infestant, omnes notas febrium à Græcis & Arabibus descriptas non obtinent, & proinde suspicionem non levem delatente scorbuto sæpe præbent: Sunt autem febres ex varii generis, quandoque lentæ & continuæ, quandoque intermittentes, sed quæ signis & notis intermittentium ab antiquis descriptarum destituuntur, nisi quod typum quandam referunt, quandoque nullum observant, & interdum bis de die, aliquando ter quaterve invadunt &c. *Sennertius Tract. de Scorbuto c. 4. ubi plura de ejusmodi febris.*

*Præeunte Tumore in inguine]* Rusticis & Nautis, ac qui simili vis victus ratione utuntur, tubercula dura in toto corpore erumpunt: nonnunquam & tumores magni & profundi, cum in inguine & glandulosis corporis partibus, tum alibi & in mediis musculorum spatiis, doloris quidem, dum ægri quiescunt, aut crus super scamno vel pulvinati reponunt, expertia, Inter eundem vero & cruribus pendentibus, graviter ægros excruciantia, tumores venereos amulantia, quæ a materia melancholica & tartarea, ut Chymici appellant, in ambitum corporis & natura detrusa, & his in locis hærente & indurata proveniunt: Octum enim habent hi Tumores ex humoribus Scorbuticis corruptis, dum tenuior pars humorum, à natura ad ambitum corporis depulso, discutitur, vel à calore febrili absumitur, crassa vero relinquitur: Discernuntur autem à venereis tumoribus, quod in his apertis materia pinguis, lardo similis, reperitur, quale nihil in tumoribus Scorbuticis apparet: Præterea Tumores Scorbutici sequuntur vitam tristem & calamitosam, venerei luxuriosam, ut scribit *Eugenius. Sennertius ibidem.*

*Intumescencia ventris hydropica atque pedum]* Interdum non solum crura, sed & si morbus protrahatur, venter intumescit, ubi simul Hepar & Lien (*ut in prædicto casu*) humoribus crassis ita infarciuntur, ut tumor manifestus & tensio in iis appareat: Id quod non mirum, nam cum colluvies humoris Scorbutici præcipue circa Lien & Hepar hæreat, cum à substantia, tum à vaporibus ejus facultas horum viscerum debilitatur, & prava inde in iis dispositio contrahitur, quam iterum alimentis elaborandis imprimunt: Unde vitiosorum humorum, præcipue serosorum colluvies cumulatur, & tandem ad crura descendit: Si materia sit copiosior, ut tota ab iis recipi non possit, quod reliquum est intra viscera hæret, & tum naturæ robore in abdomen protruditur, tum pondere suo eo ruit & ventrem in Tumorem attollit: *Idem ibidem, quem consule.*

*Alvum habens adstrictiorem]* Nonnunquam diarrhœa Scorbuticos infestat: Cujus causa plerumque est debilitas hepatis & venarum, quæ alimentum, uti debent, non attrahunt, quod in primis vis relictum corrumpitur, & cum aliis humoribus miscetur, atque ita per alvum excernitur: Ipse Lien sæpe causa hujus fluxus, ob humoris qui ab intestinis ad lienem ivit, ad intestina refluxum, (ut loquitur *Aristot. 3. de part. anim. c. 7.*) quibusdam alvus humida est: Cum enim Lien plurimum aquæ attrahat, eandem ad alvum quandoque remittit, unde fit alvus fluidior: Quod docet *Hippocr. 6. aphor. 43. 48.* Potest etiam huc facere serosi humoris copia, si accedat aliqua causa externa cum commovens: Alvus contra in Scorbu-

tici

ticis sæpe adstringitur, ut etiam in aliis melancholicis & hypochondriacis fieri solet, qui plerumque sunt alvi siccissimi: Causa est quod aqua illa humiditas; quibus feces dilui debent, alio, ad lienem scil. & renes, transfertur, & melancholici illi ac Scorbutici, quibus alvus sicciore est, aut plurimum mingunt, aut plurimum sudant: Quandoque tamen alvi illam pertinacem adstrictionem, provenire putamus ab intestinorum revulsione & retractione lussu facta: Quod vel ex eo patet, quod nullum præsentius hujus doloris & alvi adstrictæ est remedium, quam divulsionem & retractionem membranosi generis relaxare & potenter humectare. *Idem ibidem.*

*Cum dejectionibus nigris*] Sæpe fluxus alvi sanguinolenti accedunt, dysenteriam æmulantes, qui accidunt cum sanguine crassius & feculentus, in venis abundans, per extremitates earum in intestina desinentes, in ea effunditur, & hinc per alvum, non excrementis permixtus, sed ab his separatus, & fere plerumque sine omni dolore ac torminibus excerni-

tur; qua ratione a dysenteria differt, & alia etiam Scorbuti signa conjuncta habet. *Idem ibidem, ubi exemplum ejusmodi fluxus curari habetur.*

*Nihilominus recidiva signa sese ostendebant*] Malum hoc in principio fere curatu facile est, & idoneis medicamentis facile cedit, cum vitium saltem in humoribus consistat, nec prava aliqua dispositio visceribus communicata sit, & sæpe sola diæta, ac præcipue æris mutatio ad curationem sufficiat: Si vero radices agar, diuturnum malum est, & quod multa curatione indiget & vix unquam radices tollitur: Nam & humor melancholicus, à quo hic morbus ortum habet, natura sua contumax est ac tarde movetur, & morbos pertinaces ac diuturnos parit: & postquam humor Scorbuticus semel similem Hepati & Lieni dispositionem impressit, vix ea plane extirpari potest; atque ob eam vel singulis annis, vel longiore intervallo, pro victus ratione & aliis circumstantiis malum recurrit &c.

*Idem ibidem.*

### OBSERVATIO III.

*In Scorbuticorum & Hypochondriacorum penitioribus Lienis meatibus, & lateribus arteriæ splenicæ & celiacæ, materia multa tartarea & sabulosa adhærescens reperitur.*

**M**ateria sabulosa, cui serum vehiculi vices obit, in penitiores lienis meatus illapsa, & exinde arteriæ splenicæ ac celiacæ infusa, earundem lateribus, tartari more adhærescit & agglutinatur: Uti observationibus, per anatomicas Scorbuticorum & hypochondriacorum sectiones factas, compertum sæpenumero habuimus. *Gualterus Charleton Diatriba de Lithiasi. cap. 4. sect. 2.*

### SCHOLIA.

**H**Ac ratione commotus Vir Clar. colligit Calculos, tum renum tum aliarum partium, primordia sua Lienis vicio sæpenumero debere; feculentum & ichorosum, quem naturæ instituto allicit, chylum male conscientis, juxta *Aristot.* mentem qui Lienem *id est* *supra* nominat, & secundariū sanguificationis organum statuit: Hujus ergo, *ait*, officium est crassiorem chyli partem (comparativè ad illam quæ Hepati communicatur) potulenta materia magis dilutam allicere: Ubi autem quapiam de causa in opere deficit, accidit ut neque salis, fixis ac ichorosis suis impuritatibus spoliatur chylus, sed tartareo excremento prægnans jecori importetur, nec melancholici recrementi residuum toris relegatur, sed intus subsistens obstructionem importunam ramo splenico, vasi brevi, ut & arteriæ celiacæ invehat, eaq; tartaro delutet: Itaque Lien muneris nescius, in causa est ut primum in venis splenicis & mesaraicis, deinceps etiam in jecore, cæterisque membris sanguificationi famulantibus, chyli recrementa falsuginosis, vitriolatis, aluminosis qualitatibus referta redundent: Horum portionem dum expurgare tentat Lien, quod maxime terreum est, cum in ventriculi fundum mediante vase brevi refundit, tum hæmorrhoidalibus portæ ramis inspuit; Quod aqueum & instar lixivii falsum est, in arterias à ramo celiacæ implantatas exprimit & amandat, hinc in aortæ

truncum, mox in arterias emulgentes, inde in renum alveolos infunditur: Nec enim cum antiquis credidit serum à liene per ramum splenicum in Portæ furculos, & ex his ad cavæ radices, deinceps ad emulgentes deferri: probat ex eo quod qui vinum affatum hauriunt, vel acidulas, nullo fere intervallo emingunt. 2<sup>o</sup>. Quod in lienis affectibus urinæ sæpe nigre conspiciantur, & tandem ex materia sabulosa penitioribus lienis meatibus in hærente &c. Cum itaque serum mucileginosis, salis & tartareis excrementis prægnans, à liene, mediantibus arteriis celiacis, & aortæ trunco, renum sinibus ac parenchymati continuo ferme illabatur, & ibidem aliquandiu subsistat, & ratione salis, cujus abunde est particeps, coagulationis sit capax, vitiatam feculenti chymi elixationem in Liene ad calculi generationem facere censet: Argumento sit identitas succi ejus, qui in lienis fungola substantia induratus, tumorem scirrhosum, duritici fere lapideæ excitat, & ejus ex quo calculi concresecunt: Satis namque constat utrumque vi suapte, & natura tartarea tendere ad indurationem: Hinc est quod calculi quandoque in Liene reperiuntur, ratione interni ac nativi coagulationis principii geniti: Adde melancholicorum plerosque lithiasi esse obnoxios, Et vix calculosum reperiri qui de quopiam lienis vitio non conquatur.

### OBSERVATIO IV.

*Scorbuticus hepar vitiatum habuit.*

**R**aro fit quin Lien maxime afficiatur, quanquam in Domino Assendelfio, Hollandiæ Præside (ut nos conspeximus) hepar maxime affectum fuit: nam in dextro crure etiam plures maculas magisque variegatas habebat. *Forestus lib. 20. observ. 11.*



## S C H O L I A.

**S**ennertus Epist. 69. cent. 1. neque lienem neque hepar primario semper affici statuit; sed materiam Scorbuticam generari & cumulari in primis viis existimat: Ut & an observationes satis evincant lie-

nem saluum fuisse dubitat, quod impressiones ab occultis qualitatibus factæ, & malignæ Abscessus oculis in cadaveribus semper obvia non sint.

## OBSERVATIO V.

*In scorbutico deprehensum Omentum putridum, Mesenterium nigris varicibus obsitum, Pancreas induratis glandulis refertum, Hepar nigrum, scirrhosum, Lien longus, durior solito &c.*

**C**els. Princeps duobus annis ante mortem cœpit ab ore insigniter foetere, cum exco-riatione gingivarum & dentium notabili mobilitate: Aperto abdomine primo sese obtulit Omentum foetidissimum & putridum: Mesenterium nigris varicibus circumsep-  
tum, cum Pancreate induratis multis glandulis impervio: Hepar parvum, nigrum, scir-  
rhosum, Ventriculus atro humore plenus: Lien longus durior solito &c. (*Vide lib. 1. tit. de melancholia.*)

## OBSERVATIO VI.

*Scorbuticorum Omentum sæpe vitium contrahit, ut & Mesenterium.*

§. 1. **I**N Scorbuticis admodum friabile & nonnunquam lacerum evadit Omentum. M. Beale, generosus hypochondriacus & scorbuticus, ab aquis Tunbringensibus, quas incaustum hauserat, rediens subito diem suum clausit:

Cadavere aperto, Omentum nigricans, laceratum, friabile & fere putridum, & pinguedine destitutum inveniebam, plurimis quoque in locis infra umbilicum peritonæo adhærebat, venisque nigris & turgentibus, certis obstructionis indiciis, scatebat. *Warthon Adenographia cap. 2.*

§. 2. In illis qui ex Scorbuto obierunt, mesenteria ut plurimum friabilia maleque co-  
hærentia deprehendimus, ita ut levissimo negotio pars à parte divelli potuerit. *Idem ibidem.*

§. 3. Ipse in cadavere scorbuto extincti aperto, Omentum quidem totum fere putri-  
dum & corruptum: in Liene vero nihil quod, quantum ad sensum culpari posset, depre-  
hendi. *Sennertus Tract. de Scorbuto cap. 2. & l. 3. p. 3. c. 8. Pract.*

## S C H O L I A.

**F**ontem colluviei Scorbuticæ quod attinet, hanc nisi è contagio contrahatur, mesenterium & primas corporis vias, seu venæ Portæ ramos qui illas pereptant, sedes esse statuimus: etsi enim raro acci-  
dat ut sine lienis actione læta Scorbutus excutetur, & plerumque humorum vicinorum pravorum & corruptorum contactu & ipse afficiatur & labem contrahat, tamen quandoque salvus est: Sic in quodam Hollandiæ Præside Scorbuto laborante, magis Hepar quam Lienem affectum fuisse *Forestus lib. 20. obs. 11.* observavit: Etenim licet Lien sanus ac sal-  
vus sit, tamen si chylus sæculentus, salis ac tartareis excrementis & superfluitatibus scateat, Lien omnes illas nec attrahere nec elaborare potest, atque ita in agendo sine suo frustratur ob errorem externum: Si tamen Lien ipse debilis, vel obstructus, vel quo-  
cunque modo male constitutus sit, multo magis in agendo officio non satisfacit: potestque utrumque fieri, scilicet vel ut primo à crassis humoribus Lien obstruatur, eoque ob id officium non faciente, in

mesenterio & primis viis humores melancholici cumulentur: vel ut primo in venæ portæ ramis, ob alimentorum vitium, talis humores cumulentur, & deinde Lienem obstruant, vel debilitent, qui obstru-  
ctus vel debilitatus, ad copiam eorum in dictis lo-  
cis augendam facit, & ut humores virioli longè co-  
piosius quam antea cumulentur in causa est: ut ita sedes & fons primus colluviei Scorbuticæ ex victu contractæ, sit in mesenterio, omento & primis viis, locisque inter ventriculum, Hepar & Lienem me-  
diis, & utrique visceri vicinis. Etsi vero hæc locis primam originem debeat colluvies scorbutica, & in recenti morbo etiam iis fere contineatur: tamen si malum jam diu duraverit, & materia ista vitiosa copiosior sit, non solum hæc locis coercetur, sed per venas & arterias in totum corpus diffunditur: unde totum venosum genus, tam venas portæ quam cavæ complectens, sedes colluviei scorbuticæ

dici potest &c. *Idem ibidem.*

§. 4. In demortuis sæpe (cum in viventibus causa mali satis deprehendi non potuerit) In mesenterio ulcera sordida & abscessus deprehensi sunt, E quibus nunc febres acutæ, cum sanguinis nigerrimi vomitu & per alvum excretionem copiosa, cum animi deliquiis; nunc hepate, liene & intestinis salvis, ventris termina intolerabilia & tandem mors: nunc nau-  
sea, vomitus, melancholia, cachexia, atrophia; nunc dolores colicis similes, urinæ puru-  
lentæ; nunc perpetuæ vigiliæ, leipothymix, sudores frigidi, & alia mala originem ha-  
buerunt. *Sennertus ibidem cap. 2.*

## S C H O L I A.

**E** Quibus nunc febres &c.] Cum enim sentina ista corporis plena est, pars viciosorum humorum non pauca venæ cavae & arteriæ magnæ communicatur, per quarum ramos postea in totum corpus distribuitur, & prout constituta ac disposita est, ac in hanc vel illam partem à natura protruditur, nunc hoc nunc illud mali ac morbi genus excitat. *Idem ibidem.*

*In Mesenterio*] A Pancreate humore crasso & melancholico referto Scorbuti quoque causam, & comitis difficilis respirationis atque angustiae pectoris deducit *Riverius* Prax. lib. 12. cap. 6. & lib. 13. cap. 4. Exemplum affert cent. 3. observ. 85.

*Febres*] Erraticas febres, necnon subitaneas caloris ac frigoris in variis corporis partibus suffusiones Scorbutico inveterato supervenire tradit *Willis* cap. 3. Febres quidem, eo quod materia extranea saepe cum succo nutritio sanguini illata, quin etiam succus alibilis, degener factus, quatenus non rite cum sanguine miscibilis, effervescentias ejus temporaneas concitant: interea febris typum regularem observans, istam ob causam excitari solita Scorbuticis raro contingit, quia sanguis falsugineor, licet incendio febrili correptus, haud diu neque multum, saltem non æquabiliter deflagrat. Non tantum autem Febres Scorbuto accedere, sed & febres diuturnas Scorbuto ansam dare ostendit. *Idem* cap. 2. Etenim, ait *Vir Clar.* juxta hypothesein nostram à

crebra nimiaque sanguinis deflagratione, spiritus plurimum abstulantur, ut liquor pauperior & effectus evadat, quin & sulphuris purioris ingens copia deflagrando evaporat: Interea quod hujus reliquum est, sibi saltem adsciscens, ipsumque evehens, sanguinis crasin morbidam & plane scorbuticam inferre solet: Observare est, addit, à longiori febre, propter spiritum & sulphur nimis exhalantia, atque plurimum salis cum sulphure residuo diutius concoctum, sanguinem valde salum & quasi lixiviale evadere, ita quidem ut deinceps ægre, & vix circulationi peragenda satis in corde accendatur: Cujusmodi sanguinis dispositio non nisi longo tempore restauratur, & difficulter admodum à scorbutico incundo vindicatur.

*Ventris Tormina*] Dolor ventris Scorbuto adeo familiaris est, juxta idioma Germanicum, ut exinde nomen acceperit: Hoc symptoma nonnullos affectos, in mitiori licet gradu, fere continuo affligit, cui alvus modo soluta, modo summe adstricta adjungi solet; quorum ratio esse videtur, quod cum & sanguis & succus nervosus impuritatibus scatent, tum arteriæ tum nervi materiæ excrementitiæ copiam versus alvi cloacam deferunt, quæ circa menterii aut intestinorum tunicas delixæ, fibras nervas perpetuo vellicando, dolores constantes ciunt. *Willis ibidem. De ejusmodi doloribus vide susè Thom. de ventris doloribus.*

## OBSERVATIO VII.

*Scorbuticorum, urinas rubras fundentium, hepar aut cystis fellea varie in vitio fuisse.*

**C**um plurimum è Scorbuto defunctorum cadavera disseceui, quibus urina rubicunda extiterat, observavi hepar aut cystin felleam in culpa fuisse: In nonnullis fuit hepar prorsus exsanguis & exsuccum instar uberis vaccini: In aliis vesica biliaria erat vacua & inanis: In aliis lapidibus obsita: In aliis amurca minime amarescente repleta, in omnibus viscera hæc taliter affecta ut secretio bilis impediretur. *Th. Willis Tract. de urinis cap. 4. De causis ejusmodi urinarum vide tit. de urinis p. n.*

## OBSERVATIO VIII.

*Scorbutici laqueo suffocati constitutio corporis interna & externa.*

**I**N Theatrum nostrum Anatomicum, 19. Febr. illatum est cadaver Infanticidæ: Cadaver Scorbuticum videbatur, melancholicum & atrophiciæ proximum: In carcere quoque male tractatum: Pedum enim digiti pernionibus pleni, & pollex sinistri pedis gangræna affectus, quam suæ spontis natura à sana parte cœpit separare: Glandulæ in inguinibus duræ tumebant, bubonum instar, Et in dissectorum thoracis musculorum spatiis serum fluebat copiosum: Crura maculis livescens scorbuticis scatebant, quales in pulmonibus quoque nobis apparebant: Alioquin Pulmones spongiosi & flaccidi, marmorisque in morem variegati: pinguedo aut parca aut nulla in abdomine: Omentum putridum: Atrabilaria capsula sinistram digiti longitudine cavitatem habuit, quæ vel 12. pisa caperet, In aperto cranio, supra duram matrem, prope falcem, adnata erat excrescentia pisco major, cartilaginea, quæ in cranio vestigium sui impresserat: Inter duram matrem & piam, in verrice, lacuna spectabatur rotunda, digiti capacitate, sero plena: Ventriculi cerebri sani quidem sed sero scatentes. *Thom. Bartholinus histor. Anat. 53. cent. 1.*

## S C H O L I A.

**P**ollex sinistri pedis Gangræna affectus] Non solum ulcera scorbutica corripunt, sed & gravissimum malum quandoque accedit, mortificatio sc. & Gangræna vel unius vel plurium corporis partium, præcipue digitorum pedum: Incipit hoc malum plerumque circa pedis extremum cum nigris &

purpureis maculis, & lituris quasi, & hinc paulo post ulcus crustosum & gangrænosum, siccum neque fanicem, neque pus reddens apparet, digitusque unus vel alter pedis emori incipit, & linea rubræ ac purpureæ lituræ supra juncturam pedis, secundum tibiæ longitudinem apparent; Est vero hujus Gangræne

ac Sphaceli, à Gangræna & Sphacelo vulgo descriptis magna differentia: Est enim in utraque Gangræna pars emoriatur ac sensum omnem amittat, ac malum in dies latius serpat, tamen non paucis discrepant: Gangræna enim illa vulgo nota, fere ex causis manifestis & notis ortum habet, & in membro tali sphacelo emorruo foetidus ac aquosus humor effluit, membrum molle ac putridum redditur, & gravem ac cadaverosum de se fetorem emittit, multumque brevi tempore serpit & plerumque hominem cito jugulat: Gangræna vero Scorbatica fere sine causa manifesta invadit, & lente ac tarde serpit, ac nonnisi longo tempore hominem jugulat: pars

plane sicca est, nihilque effluit, & cum corrupta fetore aufertur, licet caro rubra offeratur, color tamen ille ruber paulò nigrior est, & sequenti die & ipsa plane emortua deprehenditur, nullus quoque fetor percipitur: Præterea ubi primo malum unum saltem pedem apprehendit, postea absque omni causa manifesta, in altero etiam crure & pede maculae ac liturae rubrae vel purpureae apparere incipiunt, & paulò etiam post illius pedis digitus unus vel alter lividus redditur & plane emoritur, tandemque homo plerumque Apoplexia vel Epilepsia accedente moritur. *Scennerius Tractatus de Scorbuto cap. 3.*

# ANATOMIÆ PRACTICÆ


## LIBRI TERTII

### SECTIO XX.

## DE CACHEXIA, ANASARCA, LEVCOPHLEGMATIA.

### OBSERVATIO I.

*Cachexia genita ob Iecoris vasa à sanguine retorrído obstructa. 1. Ob ejus vasa arenulis infarcta. 2. Ob ejus vitium hydatidibus se prodens. 3. Ab ejus duritie, tuberositate &c. 4.*

§. 1.  SANGVINE exsiccatò & veluti asso obstructions Cachexiæ causa fiunt, quem vasis in Hepate insertum induratumque & veluti incineratum vidimus: *Platerus Pract. lib. 3. cap. 2.*

### SCHOLIA.

**O**bstuctio & infarctus Hepatis venarum præcipuarum portæ & cavæ, quia proventui vitiosorum humorum, biliosorumque maxime, occasionem præbet, ob impeditum illorum à sanguine in secunda concoctione exactam reparatiopem, Cachexiæ causa fieri potest: In qua si sanguis impurus in corpus distribuat, color potius fædus quàm albidus apparet: Si ab obstuctione enarrata hepatis simul sequatur imbecillitas, tunc quia diminuta sit sanguinis elaboratio, Cachexia à crudo sanguine genita prodibit, in qua crudus succus corpus alens tumidum reddit: Si vero obstuctio tanta sit, ut per eam & sanguinis seu crudi seu cocti distributio in venam cavam non sufficienter perficiatur, aut sanguis adeo

vitiosus gignatur, ut corpus minus quam oportebat alere possit, id potius decrescet: Hujus autem obstructions causa est, vel chylus crassior ac viscosior, illic se affigens, ductibusque quibusdam hærens magis magisque condensatus, loca hæc obturans: vel idem crudus ob calorem, motum validiorem, balneum &c. in venas citius raptus & retentus: Quod etiam à sanguine exsiccatò & veluti asso similiter accidere potest, quem ejusmodi vasis in Hepate insertum induratumque & veluti incineratum, obstructions tales peperisse, & hepatum animalium inter epulandum penitiori inspectione aliquando sic evenire deprehendimus: A pituita quoque obstructions has præcipue gigni plerique statuunt. *Idem ibidem.*

§. 2. A seroto humore easdem obstructions in hepate fieri posse eadem observationes, in homine & animalibus factæ, nos docuerunt, qui arenulas quam plurimas exactè rubras, quas prius diu & frequenter per urinas aliqui excreverant, vasa hepatis certis in locis opplevisse aliquando invenimus, alias etiam in calculum vel tophum friabilem vel solidum concretas, quæ per vasa hæc aliquosque dispersa corallum album, nunc alias stirias tophaceas referebant: Quæ à feri terrestreitate, hisce vasorum angustis & finibus se affigente adhærenteque, ortum ducunt: *Idem ibidem.*

§. 3. Vesicæ tenuissimas, pellucidas, aqua distentas, pomi magnitudinem nonnunquam æquantes, Hepatis substantiæ accrevisse in Cachecticis sæpe inveni. *Ex Eiusdem Observ.*

§. 4. Virgo 35. annorum integro biennio ante mortem laboravit copiosissima narium hæmorrhagia, quæ nonnisi venæ sectione sisti potuit: paulò post incidit in Cachexiam & hydrops,



hydropis initium, tumefcentibus pedibus & ventre inferiore, remanente cachexia: Menfes fuere inordinati, aliquando non fluebant penitus, aliquando nimis erant copiosi, perduravit tamen hæmorrhagia, quæ alternis diebus crescebat; Sensit dolores & punctiones in regione Hepatis, Evomebat bilem corruptam, præstinam &c.

Mortuam secui &c. Hepar justam habuit magnitudinem, sed erat album, tuberosum, inæquale, durum & exangue, ut vix sanguinis guttula ex dissecto Hepate exierit, ex gibbo nihil, ex sima parte parum, &c. *Vide histor. integram cap. de febre maligna. Ceter libello observat. Anatom.*

## S C H O L I A.

**H**ic discussione dignum, Postquam Hepar, sanguinis officina & primum sanguificandi instrumentum, tam exangue extiterit, cum tantis obstructionibus, scirrhis tuberibusque, quomodo contigerit tanta hæmorrhagia, tam longo tempore, atque ea quantitate venæ post mortem repletæ inventæ sunt? Plausibilis est *Galeni* sententia 4. de usu part. cap. 17. & alibi, ubi docet, uti intestinis *χολώδης* à ventriculo, arteriis pulsandi vim à corde, sic & ventrum generi ab Hepate *αμαλώδης* facultatem impertiri, horum partibus suis fontibus vicinioribus maiorem, remotioribus vim minorem communicari: Hinc dico venæ Portæ ramos modicam quandam generandi sanguinis facultatem habere, non secus quam intestinis superioribus inest ciborum quædam facultas concoctrix, 2. Obscurum quomodo sanguis in tanta Hepatis obstructione duritieque potuerit ad venam cavam, & urina ad renes vesicamque

pervenire? 3. Hic observandam in gubernandis ad conservandis nostris corporibus inignem naturæ sagacitatem, quæ consuetis purgationum meatibus obstructis, alios nobis minime pericrutabiles parare novit: In præsentī tamen casu opior Hepar minime ad tam exquisitam obstructionem, ut sanguinem tenuem transmittere nequirit, pervenisse; imo frequentes hæmorrhagiæ narium (ut in omnibus quasi qui hepatis magna laborant obstructione, præcipue qui ex hac in hydropem incidunt contingit) demonstrant tenuem ac tantum crudum sanguinem per hepar, ad solidatum partium inutilem (parum enim vel nihil nutriuntur) transsudare: etenim sanguinis tenuitas atque acrimonia à sero & bile acquisita, hanc haud dubie narium hæmorrhagiam excitat: unde frustra Medici multi, hepatis obstructione relicta ac debilitate, per incrassationem sanguinis hæmorrhagiam auferre conantur. *Idem.*

## OBSERVATIO II.

*Cachexia vitio Hepatis quasi excocti inducta, cum sinistri pulmonis inflammatione & semiputredine. 1. Ab Hepate magno, ex parte corrupto, cum Pulmonum omnimoda putredine. 2. A vitio Hepatis, Pulmonum, Cystis meatu obstructo. 3. A multiplici vitio partium vitalium & naturalium. 4. 5. 6. 7. 8. Ab Hepate & Liene scirrhosis, cum calculo in dextro cordis ventriculo. 9. A mala constitutione Iecoris, Cystis felleæ, cum Omenti extraordinaria crassitie. 10. Ab Hepate fere putrido, Renum vitio.*

S. 1. **D.** Trenti cadaver apertum fuit, qui diuturno morbo Cachectico ad hydropem vergere videbatur: De eo contulerant consilia *Io. Dom. Sala & Benedictus Silvaticus*, quorum hic abscessum in Hepate, ille in Corde divinabat, quia plerumque in lentis ejusmodi morbis, ad Cachexiam vergentibus, Cordis aliquis solet esse abscessus, & Pulsus in hoc erat interreptus: Cor tamen in aperto cadavere nihil noxæ contraxerat, Hepar pallidum, quasi coctum, Lien vero rubicundus sani Hepatis instar: Pulmonum sinister inflammatus & fere putridus. *Th. Bartholinus observ. 67. centur. 3.*

## S C H O L I A.

**H**epar pallidum quasi coctum] Hepatis substantia secundum naturam mollis est, nuper concreto sanguini simillima, colore rubra; præter naturam constitutum alium colorem induit: Illius pallor & durities in hoc subiecto, corde salvo, veterem opinionem de vi sanguificatrice Jecoris fulcire videntur, quæ revera merito illi videtur adempta, cordi adscribenda, non nova sed vetustissima opinione, *Hippoc. sc. & Arist.* recepta: Etenim si nullus chylus ad Hepar feratur, quod ostendunt *Horne, Pecquetus* &c. nullam quoque ibi esse sanguificationem censendum est: Genuini autem, juxta *Clar. Mabium* Hepatis hi sunt usus, 1. Sanguinem ulterius coquit, & bilis alimentaris partem ita disponit ut in bilem naturalem veram mutari queat: Chylus quidem in corde fuit mutatus in sanguinem, qui licet jam ad nutriendum sit aptus, quædam tamen, ob parvam in corde moram, adhuc obtinet particulas, quæ in ipso per venas, arterias, nec non aliaviscera transcursum ul-

terius elaborari, & demum crebro per cor cursu perfici gaudent: Non parum hanc coctionem ad sanguinis perfectionem conferre Hepatis ostendunt morbi: Cor licet optime sit constitutum, suoque rite fungatur munere, Cachexia tamen, Anasarca, febres, inflammationes, erysipelata, aliique sanguinem cacochymicum arguentes affectus hominem affligunt Hepar si suo non fungatur officio, p. n. affectum: Vulgus antiqua experientia notum habet quod Hepar in brutis bene coloratum carnis bonitatem designet: Imo loci salubritatem è brutorum Jecoribus bene constitutis veteres judicasse testis est *Vitruvius*: Hinc non immerito *Philosophus*, licet cor pro sanguinis fonte agnoscat, hepar tamen insimul ad coctionem facere luculenter attestatur: *Vasa Lymphatica* ad Hepar, ex observatione *Excell. Bartholini*, ascendunt subinnuere videntur, quod in hac ulteriori sanguinis coctione & depuratione simul serum coquatur, & ad eam, quam habere debebat, perfectionem

nem deducatur : In sero sal volatile miræ efficaciz latet, quod natura singulari artificio è spiritibus acidis acerbisque, in cibo & potu latentibus, confectis, hepatis opera forsitan ad istud non parum conferente, Ab Hepate male affecto sæpe sequitur Aci-tes, ut creberrime hoc attestantur authorum obser- tiones : Ar quomodo morbus à feri vitio dependens Hepatis exhibit officina, nisi & ei peculiaris in sero coquendo cura esset demandata ? Si Hepar solum bilis esset cribrum, nonnisi Icterus febresque bilio- sa, partiumque inflammationes, non autem serosæ affectiones ex eo prodire deberent : Hepar itaque prurivit sal diu ambitione ad sanguificandi principatum, sed jam regio throno est depulsum : Jam ut omnium rerum sunt vices, tanti honoris facta fuit mutatio, Jecurque Cordis majestatem, ut spiritus vi- resque pro ministerio in sanguinis depuratione, bi- lisque generatione eo felicius expediendo accipere queat, submisit veneratur : Non tamen plane dam- natum est capitis, nec ei exsequias parare necesse ha- beamus, officii solum demandati immortalis est dies, aliudque offertur, quod licet non sit nobilissimum, non parum tamen momenti habet in valetudine promovenda conservandaque : Cor licet in sangui- ficando omnem moveat lapidem, non tamen id ad sanitatem sufficit, nisi & Hepar tuam rite exornet Spartam : Ab eo enim male affecto, quot hypo- chondriorum totiusque corporis calamitates ? In morborum causis non pauca jam sunt immutanda ; *Pecquero* interim immortales debentur gratiæ quod novis inventis Lacteis antiæ ad genuinum Hepatis officium indagandum dederit &c. *Mabius Fun- dum. Physiol. p. 295. &c.*

*Ille in corde divinabat &c.* ] Quod sanguificatio- nis organum primarium a plurimis statuitur ; Quoad *Galenii* & asseclarum opinionem de Hepati assigna- to officio, duplici ratione destructum inus, eaque cogente, Namque 1<sup>a</sup>. Chylus ad Hepar, ut vult *Ga- lenus*, non deferitur ; Vasa siquidem lactea, per me- senterium sparsa, in Receptaculum Pancreati *Afelli* subjacens, omnem suum liquorem effundunt, è quo immediate in Ductum thoracicum, ut ocularis docet inspectio, materia chyli tendit, nullis omnino du- ctibus, qui chylum ad hepar vehunt, vel per micro- scopium apparentibus : Vasa Lymphatica ab hepa-

te secundum latera venæ Portæ ad Pancreas tenden- tia, ab Highmore pro venis lacteis habita sunt, quæ tamen humorem a chylo divertunt, instar aquæ lim- pidum vehunt ; ita ut nunquam lacte turgidas has venas videre alicui contingerit : Motus humoris in iisdem, non quemadmodum *Afellius* & alii existima- runt, ad hepar sed ab hepate est. 2. Nulla dantur vasa per quæ chylus in sanguinem mutatus partibus distribui queat, vena si quidem Portæ, & ramus Ar- teriæ celiacæ, sanguinem in hepar, non ex hepate ad partes nutriendas deferunt : tuncus vero cavæ ex hepate ascendens sanguinem suum non partibus distribuit, sed in dextrum cordis ventriculum infert : quod abunde circulatio sanguinis, oculari itidem circulatione firmata, comprobatur : Cum itaque ne- que chylus ad hepar tendat, neque commoda ejus- dem in alimentum elaborati fieri queat distributio, manifestum maxime hepar non esse primum sangui- ficationis organum : Neque tamen omne in sangui- nis elaboratione munus illi denegandum, vel sola sanguinis vitia in cachexia, hydropæ, ictero & aliis affectibus probant : Confert igitur aliquid, sive suc- currit in coquendo hepar, ita tamen ut primus locus in sanguificatione relinquatur cordi : Quia autem ratione conferat aliquid, patebit si tum materiam coquendam, Tum ea quæ in coctione hac separan- tur excrementa, consideremus : Materia alia esse nequit quam sanguis per ramos venæ Portæ refluus, qui partibus alimentosis magisque elaboratis in membrorum nutritione absumptis, rudioribus reli- ctis, hepar ingreditur, ibidemque à calore ejusdem iteratam sustinet coctionem quo elaboratior cordi offeratur, idque aliqua oneris parte sublevetur : Cum vero in sanguinis, ut purior reddatur, coctione, utile ab inutili separari necessum sit, idem in hepatis coctione non potuit non evenire : Estque illud quod secernitur excrementitium duplex, Caudam autem & biliotum, Alterum frigidum & aquosum : Illud partim in vesicula fellis colligitur, partim per porum bilarium ad intestina ducitur : Hoc per vasa Lympha- tica ad Pancreas ablegatur : atque ita Hepar sangui- nem depurando, & ab excrementitiis partibus libe- rando, revera, ut ait Philosophus, cordi *ἡ δὲ ὀφεί- τοι τῷ ἡπατι τὸ τροφικόν*, sive succurrit ad coctionem ali- menti. *Frid. Lepnerus Interduct. ad medicin. p. 75.*

§. 2. Puellula sexennis, cum ante facie tumida, alba inflataque suspectæ fuisset valetudinis, tandem decumbere vere cœpit 5. Novembr. 1626. concurrentibus siti, calore, laterisque dextri sub costis veris dolore, itemque pedum intumescencia : urina turbida, cum hypo- stasi, excremento gallinarum simili : Die 6. Novembris, tametsi tumor ventris nondum esset conspicuus, ex facie tamen leucophlegmatica, pedibusque tumentibus, Hepatis la- befactionem, ipsumque hydropem ante portas esse prædixi : Die 9. Novembr. urge- bant inquietudo, tussis, compressio & dolor pectoris circa costas : Die 17. Novembris urina paulo rubicundior, citrina sed sabulosa, crassa ; Venter tumidus & valde transpa-rens ac lucidus : Regio Lienis dolens inuncta ol. de cappar. venter vero aqua vitæ cum spiritu juniperino : Die 18. Novembris inquietudo magna, ventris tumor auctus, Die 19. ex assellatione iterata detumefactus est ; Sitis & potus cupiditas ingens, febris lenta & comes : Die 21. debilitas magna, *latus sinistrum*, imo manus pesque tumida : dextrum ve- to extenuatum : Rejecit bis sreatu saniem cruentam & retorridam, quæ ex pulmonibus esse videbatur : Omnibus in pejus vergentibus, circa medium noctis expiravit.

Die 22. Novembris ad petitionem parentum, quibus Puellam hydropæ obiisse per- suaderi haud poterat, corpusculum apertum, prognostico à me præmissio, fidem fecit, Itaque à mucronata cartilagine facta ad pubem usque, & lateraliter incisione transver- sa, statim comparuit. 1. Hepar valde magnum, idq; ex parte corruptum, maculisq; infectum, è quo, tanquam è fonte, promanarat Hydropisis : 2. Abdomen scatebat materia serosa multa, colore coeruleo viridique infecta, quæ effundebatur cum fœtore. 3. Lienem integre, præter

præter opinionem sanus : 4. Eiusdem integritatis Ren uterque : 5. Intestina lucida, aquosaque humiditate repleta. *Aperto Thorace*, 6. Cor integre sanum. 7. Pulmones vero intus extraque corrupti, foetidique atque purulenti, unde Tussis, Febricula, Hæctica Laterisq; dolor punctorius. Siquidem ergo Pulmonibus atque Hepate lethaliter affectis causa morbi mortisque pateret, caput apertum non fuit. *I. Petr. Lotichius lib. 4. cap. 3. observat. 4.*

## S C H O L I A.

**C**um ante facie tumida] Qualitate peccans corporis nutritio & potest & tolet *Cachexia* vocari; in qua natus cutis, & imprimis Faciei color languescit, mutaturque in pallidum, & aliquando in flavum vel lividum & luridum; sicut in nonnullis in rubidum vel rubicundum, exurgentibus tunc fere simul in naso genisque varii generis pustulis: *Sylvius de le Boë Prax. lib. 1. cap. 39.*

*Concurrentibus siti, calore &c.]* Concurrit in plerisque Cachexiæ speciebus *Dyspnæa*, quæ augeatur magis quoties corpus movetur, imprimis concitatus & in ascensu: Quin tunc sæpius cordis palpitatio, arteriarumque circa jugulum temporaque pulsatio, viui quoque manifesta producitur: Accedit frequentex *universi corporis*, & *crurum* præsertim *Lassitudo*: Urget quoque non raro *pressans & angustis cordis dolor*, qui post assumpta alimenta solet intendi: Quin adeit ut plurimum *Febris lenta*, eaque vel continua vel intermittens, vel ex utraque composita: *Urina* sæpius cruda aqueæve prodeunt, rarius crassæ turbidæve, ni ab affectu alio comite, aut externa causa turbentur ac mutantur: Tandem *macrescit & contabescit* nonnullis corpus universum, sicut idem aliis sensum *turget ac tumet*, fitque à *seroso* quidem humore *Anasarca*, ut à *pituitoso* magisque viscoso *Leucophlegmatia*: Et ab utroque, priore saltem, quando abdomen cum cruribus tantum occupatur, *Ascites*. *Cachexia* omnis causa est sanguis qualitate vitiosa præditus, ob quam, licet aliquantum & aliquandiu nutrantur corporis partes, non nutriuntur tamen uti oportebat, sed pro qualitate peccantis varietate modis variis læditur ipsarum nutritio, unde plures quoque observantur *Cachexia differentia*, tum secundum *coloris* mutati, tum præsertim secundum symptomatum conjunctorum diversitatem distinguendæ: *Vitiatur sanguinis qualitas*, & ab humoribus naturalibus, ad sanguinis constitutionem in corde concurrentibus, sed qualitate vitiosa præditis, Et à Rebus non naturalibus dictis, aliquem ex notatis humoribus, ipsamque sanguinem vitiantibus, & ita corrumpentibus ut prava sequatur corporis Nutritio: *Humores Naturales* sanguini confundi soliti, & hætenus noti, sunt *Bilis* & *Glandularum conglobatarum*, cæterarumque corporis partium *Lympha*, ut & *Saliva*, *Succusque Pancreaticus*, una cum bile in tenui intestino juncti, atque *Liquorem* singularem lymphæ admiscendum componentes: Ipsique adeo *Spiritus animales* quovis modo sanguini redditi: quos omnes qualitate vitiosa tum affici, tum eandem sanguini communicare posse certum est: Quemadmodum vero varia Humorum vitia nonnunquam sensum ac sine sensu producuntur in corpore, ita eadem quandoque subito ac sensibiliter gignuntur à Rebus non naturalibus, aliisve venenorum nomine notandis, notabili excessu peccantibus, omniaque in corpore valide turbantibus aut corrumpentibus: Vitia ista frequentissima & manifestissima sunt *acrimonia* tum *acida*, tum *salsa muriatica*, tum aliquando *salsa lixiviosa*, & *viscositas* vel *fluiditas* nimia: *Memoratorum symptomatum ratio* facile patebit unicuique, cogitanti expendentique quoties sanguis undecunque tandem fuit factus vitiosus, & cachexiam producit,

toties humores nominatos omnes, cum ex sanguine ortum habeant, gigni quoque vitiosos, unde non tantum *alimentorum appetitus* uterque similiter vitiatur, sed ipsorum præterea *fermentatio*, quapropter *Anxietates* circa præcordia, *cordisque dolor pressans* sequuntur, tam ante quam post ipsorum assumptionem: Dum vero perperam fermentatorum alimentorum pars, vel massa tota per intestinum tenue propellitur, si confunduntur ipsi Succus Pancreaticus & Bilis pariter vitiosi, non tantum expectatum utilium inutiliumque partium secretionem corrumpunt, verum contingit quoque vitiosa horumcæ humorum effervescencia, quin non raro halitus statusve multifarii, ex illa vitiosa miscella excitati, non tantum descriptam modo *Anxietatem* augent, verum ad cordelati ejusdem *Palpitationem* producunt: atque ad pulmones translata *Dyspnæam* efficiunt, & quaque versum propulsi *Lassitudinem* pariunt notatam: Ex eodem humorum omnium vitio pendet *continua lentaque febris*, quatenus vitiose in dextro cordis ventriculo effervescientes, inter alia symptomata plura *Pulsus* quoque creant solito *frequentiores*, adeoque præter naturalem: Cum autem propter inquietudinem corpus stragulis tectum sæpius denudant ægri, facile contingit ut per Pancreatis vasa pituita delata ibidem coaguletur obstructionemque pariat, propter quam succus stagnans *Intermittens* febris multifaria causa existit: Illud autem fiet citius faciliusque si corpus sudore disfluat, porique cutis pateant, vel aer occurrat frigidior & asperior: *Cruda minusque tincla, crassæve* prodeunt *urina*, propter humores dictos aciores, intimius cum sanguine concrecentes, aqueosve abundantes, ac desideratam effervescenciam minuantes, adeo ut non sequatur requisita & utilis partium excrementitiarum, unaque cum urinis excrendarum *Secretio*, multoque minus *Excretio*: Quemadmodum autem partes omnes tunc male nutriuntur, ita *cutis faciei* acri & visui præ aliis omnibus exposita, noxæ lux signa promit, per colorem præ humorum maxime peccantium varietate varium: Quoties autem *Acrimonia* humorum concurrat, toties illa interne *Doloribus*, aut externe *pustulis* manifestatur: Quoties redundant simul copia humores vitiosi, toties variz *Hydropsis* species tandem succedunt; sin minus tandem *contabescit* paulatim universum corpus: Quæ in specie solet ob menstrua minus commode aut tempestive fluentia, accedere *Cachexia* illius ratio patebit *Praxeos lib. 3. cap. 3. Sylvius de le Boë Praxeos lib. 1. cap. 39.*

*Tandem decumbere capis.]* Si alibi certe in curatione observandum accurate aureum illud *Principis obsta, sero medicina paratur, cum mala per longas invaluere moras*. Nisi enim succurratur in tempore Cachexiæ, non raro ea sensum tam pertinax rebellisq; fit, ut sero tantum vel nunquam curari possit: Monendi proinde a Medicis ægri, ipsorumque parentes, quamprimum incipientis Cachexiæ signa te manifestat in colore faciei mutato, ne malum hoc, sicut est in proverbio, negligatur in herba, postquam & altas & eradicari difficiles mox agere solet radices, quas postmodum non nisi Herculeo labore superare licet. *Idem.*

*Facie tumida, pedum intumescencia &c.]* Quod ad



ad Tumores istos œdematosos attinet, dicimus contrariam contingere, aut in morbis longis, unde ægrotos insuflatos dicimus, infirmitate caloris naturalis: & hoc tantum ex eventu fit; aut tanquam *Morbis* est, aut tanquam *symptoma*: Symptoma, ut in hydrope, idque bifariam; aut affecto hepate primario, secundariove, unde verus nascitur hydrope; aut per colliquationem quandam carniū, & velut putrefactionem: hinc *Hippocr.* l. de affect. aut de morbis, aut, Hydrope, improprie dictum, fieri cum in morbis longis diu ægi impurgari manent, hinc corruptio carnis & tumores œdematosi: *Morbis* autem *Tumor* est, cum alius consequens non est, sed per se & primo actionem lædit; *Balloonius* consil. 70. lib. 1.

*Latus sinistrum tumidum dextrum extenuatum*] Cacopragia hepatis & tumoris author est & extenuationis: *Tumoris*, si in defectu sanguificationis consistat res, Extenuationis autem, si vitium in hu-

more sit: Quanquam *Hippocr.* 2. Prothet. observat in morbis lunestissimis contingere quandam Leucophlegmatiz speciem, ob malignam qualitatem & flatulentiam, quod in phthifico quodam à nobis visum est, cui totum corpus moribundo intumuit, ac facile disparuit: Sic & à pulmonibus, & ab hepate, & à liene extenuatio & tumor potest contingere: Quod de Liene annotavit *Hippocr.* lib. de locis in Hom, Quibus corpus extenuatur, Lien efflorescit & contra: Sed in huiusmodi tumoribus solum humorem agnoscere, non autem flatum quoque admistum, repugnat sensui: unde enim fluxus & refluxus tam subitus in hydrope, ut modo intumeant pedes, ventre deturgente, aut contra, nisi comes sit fluxus earum mutationum author? Sic aut inopia erit caloris naturalis, flatum discutere nequeuntis; aut dominatus caloris p. n. materiam phlegmaticam in ventum facile convertentis.

*Idem ibidem.*

§. 3. Nob. N. Tussi correptus, hinc tumore infra cartilaginem xiphoidem: Supervenit Cachexia &c. Hepar erat grandius & colore livido: In superiore parte, versus diaphragma, abscessus vesicis plenus: In pulmonibus adhuc major abscessus: Meatus felleus obstructus. *Vide lib. 4. tit. de Tumoribus.*

#### SCHOLIA.

**H**epar erat grandius] Hepar, si quidem colatorii, & juxta nonnullos, visceris mixtorii munus obit, raro aut nunquam atrophiz, aut extenuationi obnoxium reperitur, quin e contra, plures ob causas & occasiones, quoad molem augeri, & diversimodis ingestis, & concretionibus infarciri ac intumescere periclitatur: Hinc sanitatis ratio haud levis in hoc consistit, ut Jecur rite conformatum, sanguinem usque libere absque tributo, seu vestigali nimio sibi arrepto trajiciat; Profecto multa huic visceri, uti & Lieni, & quidem haud prorsus immerito vitia imputantur, sed præcipue & 1<sup>o</sup>. quod

Succum nutritium, aliis partibus destinatum, interceptans, proprio impetrit usui: Hoc passim cernitur in pueris Rachitide affectis, quin & multis aliis vicam desidem & otiosam agentibus 2. Quod sanguinis depravari tæculentias, & recrementa quæque oblata in recessus suos intimos facile nimis suscipit, eaque retinendo, non modo grandescit, sed quoad ductus suos obstruitur, unde Lepenuncio Icterus, Cachexia, aut hydrope; quin etiam tumores & concretiones varii generis

contrahit. *Willis Pharmac. rat.*

p. 2. sect. 2. cap. 2.

§. 4. Jac. Cobier post morbum acutum thoracis in Cachexiam incidit: Pulmo dextri lateris pleuræ adnatus fœde consumptus erat: Sinister aliquantulum corruptus: Cor exangue & pericardio firmiter annexum, viscera naturalia flaccida, pallida: *Lib. 2. tit. de Phthisi.*

§. 5. H. Pouble humicubare coactus, hinc Cachecticus, Cacochymus &c. Pulmones erant adnati pleuræ, mediastino, pericardio: Parenchyma lobi sinistri, integra cute, totum in'pus resolutum. Cor flaccidius: Hepar magnum, exangue, pallidum; Lien parvus, exsuccus, Renum parenchyma exangue &c. *Tis. de Phthisi. lib. 2.*

§. 6. Filia D. N. Cachexia fere consumpta obiit: Lien & Hepar scirrho laborabant: In capsula cordis humor putridus: Cor duplo majus: circa valvulas dextri ventriculi calculus ex tartaro. *Lib. 2. tit. de Syncope.*

#### SCHOLIA.

**I**n capsula cordis humor putridus &c.] *Frid. Lepnerus* Introduct. in Medicinam, p. 65. primas in opere sanguificationis partes cor tenere statuit, eo quod chylus universus ad id confluat, Tendunt, ait, vasa Lactea à peripheria mesenterii ad glandulam ejusdem majorem, Pancreas Assellii vocatam; ibidemque collecta lacteum suum laticem in subiectum glandulæ receptaculum, quod in brutis membranosum, in homine vero glandulosum, teste *Bartholino*, transfundunt: Id ita se habere factò experimentoprehendentes: Presso namque mesenterio, chylo-

que versus glandulam confluentem, lactei canaliculi chylum ulterius in receptaculum devehentes, tibi in conspectum venient: Atque si ulterius chyli ductum investigaveris, eundem non in Portæ truncum, vel hepar ipsum, sed per ductum thoracicum ad venam axillarem, & hinc in cordis dextrum ventriculum ferri videbis; missis simul in itinere ramulis ad venam sine pari, quæ, insito in receptaculum tubulo, sine difficultate aërem instatim admittit, ut & omnis humor ex ea versus cor migrat; certo indicio primas in opere sanguificationis partes tenere cor.

§. 7. Nob. N. discoloratio, atrophia ac malus habitus aderant: In thorace aderat serum corruptum: Pulmones magni, flaccidi: Hepar pallidum, cujus extrema mucida: Cystis plena bile obscura: Lien marcidus, fracidus, mesenterium semiputrum. *Vide tit. de Ventris dolore.*

§. 8. Uxori N. abdomen prætumidum: reliquum corpus totum Cachecticum &c. Hepar saxo durius erat, Pancreas cum glandulis mesenterii extenuatum: Pulmones submucidi: Cor exutum pinguedine, flaccidum. Pericardium ichthioso humore refertum. *Vide tit. de Ventris tumore.*

RRrr

§. 9. Mes-



§. 9. Mercatoris filia frequenter hæmorrhagiæ obnoxia, ac proinde Cachexia fere consumpta in febrim biliosam continuam incidit &c. Post mortem aperitur: Abdomen ichore fetido repletum: Omentum putrefactum, Lien atque Hepar scirrho laborabant, Cor duplo majus, bubulum referens, inveniuntur: Et circa valvulas dextri ventriculi Calculus ex tartaro coneretus, instar minoris castaneæ compressioris &c. *Greg. Horslius l. 4. observ. 48.*

§. 10. Ego vidi Omentum Carnosum, seu potius glandulosum semipollicari crassitie, à D. Wybard ad me allatum, è virgine cachectica, 19. annos nata exsectum: Illa per tres menses ante obitum diarrhœa lenta per vices recurrente, unaque frequenti materiz porraceæ vomitu laborabat: Pulsus languidus erat, urina pauca & incensa: abdomen circa regionem umbilicalem durisculum & subtumidum apparebat: decubitus in latus sinistrum moleste ferebat: paulò post tussicula, spirandi difficultate, febricula cum linguæ ariditate infestabatur; medicamentis deoppilativis exhibitis levamen aliquoties sentiebat: Sed omissis remediis & morbo subinde recrudescente, viribusque sensim fractis, macie demum confecta fati concessit: verum per dies tres ante mortem alvus adstricta, & urina per diem integram suppressa erat.

Aperto cadavere, Jecur male coloratum, & Vesicula fellea liquore nigricante & frustulis fabulosis referta deprehendebatur: Ductus quoque Hepaticus liquorem ex livido flavescens expuebat, & plurimis aliis partibus præter naturaliter se habentibus, *Omentum*, ut supra dixi, *incrassatum* & fere coriaceum cernebatur, quod omnia prope viscera sua latitudine adeo arctè complectebatur, ut intestina quasi conglutinata à se invicem ægre separari possent. *Warthon Adenographia cap. 12.*

## S C H O L I A.

**A**pparet ex historia hac, omnia hujus puellæ viscera obstructionibus pertinacibus obnoxia fuisse, Omentum vero ipsum prope occalluisse, simulque carnibus glandulosis loco pinguedinis fuisse infarctum: Utrum vero hæc Omenti vitia cæteris symptomatibus primam dederint ansam, an potius primo mensium inpressioni adscribenda fuerint, vixdum satis constat: Illud certum est eam ante obitum febre lenta correptam fuisse, quæ tum extenuationis tum ipsius mortis proxima causâ fuit. *Idem ib.*

*Omentum incrassatum &c.*] Difficulus humores vitiosi in Omenti venas & substantiam effusi evacuantur: Neque enim venarum illarum orificia in locum evacuationi convenientem dehiscunt, ut venæ metastæicæ: Et si vacuari debent, necesse est ut regurgitent ad loca per quæ sunt illapsæ, quod raro fit, cum expultrix hujus partis sit valde debilis: Ideoque non tolluntur humores ex Omento, nisi continuato thermarum vel acidularum potu. *Sennerius Pract. lib. 3. p. 3. cap. 8.*

§. 11. Civis N. Paulatim in Cachexiam incidit, Hepar fere totum putrefactum habuit: Vesica fellis vacua, Cholidochus præter modum latus & apertus: Renes flavo colore tincti, parenchyma eorum lividum. *Vide tit. de Ventr. dolore.*

## OBSERVATIO III.

*Cachexia à parvitate & duritie Lienis induceta.*

**M**agnitudo Lienis, quamvis raro minor fiat quàm secundum naturam requiritur, unde ejus actio manifeste offendatur, potest tamen aliquando id accidere, præsertim ubi universum corpus contabescat, sed neque tunc ferè Lienis parvitas attenditur, sive quod ita exiguus à natura fuerit Lien effectus, quemadmodum olim nos Barcinoniz observavimus in Jac. Antonellio, admodum Cachectico, quem cum repente Syncope rapuisset, ejusque cadaver dissecaretur, observavimus ejus Lienem columbacei ovi magnitudinem non excedere, sed adeo esse durum ac compactum, ut fere lapidis duritiem æmuleretur: cujusmodi viscus credidimus nos nimis exiguum, vel in prima corporis constitutione à natura fuisse effectum, & ex materia admodum densa & inepta ad extensionem, ac procedente tempore à calore naturali eandem materiam paulatim fuisse exsiccata & quasi in lapideam naturam conversam. *Videm Vidiu Junior decur. membratim lib. 10. cap. 10.*

## OBSERVATIO IV.

*Cachexia à renum calculorum vitio producta.*

**D**Om. de Claigni, Canonicus Parisiensis, velut Leucophlegmaticus erat, lapidosus mortuus est: An lapidosi ita fieri possunt? Ita, nam *Fernelius cap. 12. lib. 6. Pathol.* annoravit suppressionem & regurgitationem cujusdam materiei purulentæ à renibus ad venosum genus id genus symptomatis inducere potuisse. *Ballonius Epid. & Ephem. lib. 2. p. 243.* Revehunt venæ Emulgentes sanguinem à nutritu renum, quem arteriæ important, residuum in cavam: Hinc proculdubio in renum ulceribus, si quando obstructo vreteris capite pus cohibeatur, ut per urinas evacuari nequeat, id sensim una cum sero per venam emul-

emulgentem in cavam redundans, sanguinem totum, habitumque corporis inquinabat: *Highmorus in Anat.*

## S C H O L I A.

**I**dem asserit *Sennerius* Pract. l. 3. p. 5. sect. c. 2. observatione *ait*, dignum est Cachexiam etiam originem habuisse ex renum ulcere in calculosis, quando purulenta materia, propter ureterum obstructionem in renes regurgitans, & sanguinem inficiens totum corporis habitum inquinavit: hinc ad Ca-

chexiam inducendam faciunt omnia quaecunque, hepar imprimis, & habitum corporis retigerare & humectare possunt. Et in causa sunt, ut pro sanguine probo frigidus, impurus & multis excrementis, praecipue sero abundans generetur, siue ex causa interna sint siue externa.

## OBSERVATIO V.

*Cachexia ab Hydropse Pulmonum inducta.*

**F**uit Ingolstadtii vir Doctus qui, quod in cautior esset in victu, sensim in Cachexiam inciderat, quae Hypofarcam in propinquo esse denuntiabat.

Cujus demortui thoracem Medici cum aperuissent illum aqua sanguinolenta omnino plenum repererunt. *Observatio Jacobi Oethai, Praesidis Aischteitensis Medici.*

## S C H O L I A.

**I**dem à *Marc. Donato* observatum *Histor. mirab.* lib. 3. cap. 9. in duobus hydropse thoracis laborantibus, qui cum hinc inde se commoverent, aqua commota sonitum edebat, qualis in utre agitata ex-

citatur: quae in dies sensim & sensim per universum corpus disseminata est, ita ut primo abdomen & facies, mox coxae & crura in magnam molem excreverint.

## OBSERVATIO VI.

*Cachecticorum mesenterium vitiatum ut plurimum deprehenditur. 1. Materia purulenta inter duas ejus tunicas collecta reperta.*

§. 1. **I**n illis qui cachexia, hydropse &c. obierunt, mesenteria ut plurimum friabilia maleque cohaerentia deprehendimus, ita ut levissimo negotio pars à parte divelli poterit. *Wyrshon Adenogr. cap. 11.*

## S C H O L I A.

**Q**uia, ex quorundam sententia, quasi corporis sentina est, ad quam tota hujus colluvies confluit: Unde *Fernelius* se cholerae, melancholiae diathesae, dysenteriae, Cachexiae &c. causas ut plurimum in hisce sedibus invenisse scribit: Revera partes hae erroribus maxime obnoxiae sunt, & intalubris dicitur, frequentisque intemperantiae poenas luunt: Quin & à numerosis arteriis venisque, per tu-

nicas eorum distributis, frequenter male mulstantur: Praesertim cum hepar quoquo modo obstructum, aut aliter male se habens, non satis expedire sanguinem per venam Portae affluentem transmittit in Caxam, unde fit ut in venas mesaraicas regurgitet, easque facile reddat varicosas, aut etiam intra tunicas mesenterii sanguine titulo abscessus occasionem ministret &c. *Idem.*

§. 2. Quidam intemperantissimus in affectionem hypochondriacae non dissimilem incidit; tandem redditus est cacochymus & Cachecticus: In eo inventa collectio materiae purulentae ac foetidae inter duas mesenterii tunicas, & Hepar sua putredine infecerat. *Vide lib. 1. tit. de Melancholia.*

## OBSERVATIO VII.

*In Cachectico vitium Pancreatis deprehensum, Hepatis, Lienis, Vasorum mesaraicorum obstructio, Pericardii, Pulmonum lesio.*

**P**uellus Cachexia totius corporis correptus est, In defuncto nullum Pancreatis supererat vestigium: Mesaraicae venae glutinosa materia refertae: Lien monstruose tribus appendicibus instructus, niger, durus, Reni sinistro annatus: Hepar cocto similis: In eo & Liene foveae aqua plenae: Pericardium aqua foetida refertum, Pulmones ex parte una purulenti. *Vide tit. de Ventris tumore.*

## S C H O L I A.

**F**oveae aqua plena &c. ] Ab affectu vasorum serosorum, ex sententia *Olsi Rudbeckii*: Vasis huius serosis affectis, *ait*, cap. 9. *Exercit. de Dutibus hepaticis aquis*; p. n. humor aqueus in thoracem, abdomen & viscera effundi potest, aut Vesiculas elevare, propter horum vasorum vel subsidientiam, compressionem, obstructionem ab humore crasso, cal-

culo, vermibus, pure factam; vel per anastomosis, diatesin, diapedesin. Consentit *Clar. Charleion Exercit. Patbol. 9. §. 16.* Quando, *ait*, vel à succo Nutritio, cui vehiculi vicem praestat, in glandulis eo destinatis non rite separatur; vel etsi separatus, sanguini tamen non refunditur; tum in artubus & habitu corporis, quasi aggeribus factis redundat;



Anasarcam serosamve Cachexiam necessario inducit: Quum autem obstructis Lymphæ ductibus, alibi tantam in molem fuerit congestus, ut tenuissimas earum tunicas violentius distendendo forte distumpat, in partes vicinas quasi ex olla guttatim stillans inundabit &c. Quod si Lymphæ ductuum

membranulæ tenaciores fuerint, ita ut distensionem insignem absque dilaceratione ferant, tunc in vesiculas quasdam aqua turgidulas attolluntur: Earum autem inter binas valorum Lymphæ, tiorum valvulas efformantur.

## OBSERVATIO VIII.

*Cachectici cadaver exhibuit Lienem male constitutum, & Glandulas magnas comprimentes venam Portæ ejusque ramos, cum Pulmonum lésione.*

**M**ichaeli Fedler annorum 23. post quartanam xvj. mensium, aliquot diebus ante mortem, à corrupto viscerum tono pedes & crura tumescere cœperunt: Lien illi præter solitum triplo major erat, flaccidus & sanguine nigro ultra quam decet insuccatus: Circa autem ejus arterias, earumque ramos ad ventriculum, & ad Portæ venam tendentes, glandulæ erant multæ, quæ comprimendo ductus angustabant, & omnium medicamentorum vires illudebant: Ejusmodi quoque aliqua glandulæ erant circa felleæ vesicæ ductum ad intestina tendentem: Aderat & vitium in pulmonibus &c. *Vide histor. lib. 4. tit. de Febribus.*

## OBSERVATIO IX.

*Cachexia à Tumore scirrroso, suppurato, orto ab inferiore parte Pancreatis; Hepate, Liene, Pulmonibus, Renibus &c. vitatis.*

**A** Medeus Faber lignarius, 40. annos natus, biennio variis per intervalla morbis, Dolo-  
lore capitis, Ictero; viscerum obstructionibus, imo etiam Cachexia, postremum etiam dolore Ischiadico laboravit, tandemque aucta febris cum paraphrenitide extinctus est.

In cadavere hæc fuere observatione digna. 1. Omentum inflatum & corruptum. 2. Intestinum Colon præter consuetudinem arctum circa Ilia sinistra: 3. Inter collum vesicæ & intestinum rectum, tuberculum scirrhosum, unde sæpe dysuria & ischuria. 4. Sub musculo psoa sinistro, cui Ren incumbit, quique in cruris internam partem fertur, ingens atheroma, ultra duas libras puris crassioris continens: ibidemque tres aut quatuor lumborum vertebræ, ita carie affectæ ut earum frustula coram adstantibus extraxerim digitis & attriverim. 5. Intestina vermibus scatetia. 6. Tumor scirrrosus, suppuratus, & instar steatomatis, magnitudine duorum pugnorum, ortus ab inferiore parte pancreatis, intestinum duodenum circumdederat, sic ut peritonæo reclusus alterum quasi ventriculum mentiretur, Materia per ramos venæ portæ in ipsum pancreas desinentes, affluebat. 7. In Hepate scirrroso apostemata exigua multa. 8. Lien totus corruptus multos continebat calculos. 9. Pulmo inflammatus multis refertus glandulis. 10. In superficie sterni, ad clavicularum conjunctionem, atheroma ovi magnitudine: 11. Apostema sub alâ dextrâ, inter pleuram & costas, maximi pugni magnitudine, & graveolens, cujus purulenta materia, 4. 5. & 6. costam exederat: atque adeo non modo divulsæ erant costæ à vertebris, sed & summa parte, qua vertebris junguntur, usque adeo carie corruptæ ut facile eximi digitisque friari possent. 12. In cranio dura mater inflammata. 13. Inter meningas & cerebrum ichor multus. 14. Plexus choroides inflammatus. 15. Circa cerebri basin & cerebellum semilibra sanguinis & amplius è jugularibus internis affluerat. *Fabritius Hildanus cent. 1. Observatione 71.*

## S C H O L I A.

**C**olon arctum circa Ilia sinistra] Intestini coli angustiam naturalem in sinistra parte D. G. Baubini annotavit: hujus causa dolores colici in ea parte plurimum & oriuntur & exacerbantur: quippe angustia illa facile obstruitur ab excrementis, quæ in colo propter copiam filamentis obliquis (ut D. Rondenius diligenter annotavit) diu retinen-

tur, ideoque indurescunt. *Idem ibidem.*

Tumor scirrrosus &c.] Credibile est retentis nervorum excrementis materiam per ramos arteriæ cœliacæ, in ipsum pancreas desinentes affluisse: Venis vero non eandem satis expedire reducentibus, tumorem illum ingentem consequutum esse. *Varishon Adenographia cap. 12.*

## OBSERVATIO X.

*Cachexia à sero per totum diffuso, ob Glandulas Pancreatis & Mesenterii induratas, Iecur pallidius, & corporibus pituitosis in cordis ventriculis &c.*

**J**acob Spoerlin septuagenarius, Victor, in laboribus assiduus, ante plures annos ad carceres perpetuos condemnatus fuit, in quibus ultra 12. annos vixit, tandem libertati restitutus

tutus in Nosodochium receptus totus cachecticus erat, facies & labia pallebant, pedes edemate tumeabant, omnes artus languiebant,

Aperto mortui cadavere, Pancreas & Mesenterii glandulae duriusculae, sed non tumidiore erant; Ductus pancreatis vacuus: Hepar fuit legitima magnitudinis, debito mollius, pallidum & tantum non cruoris expertus, In cerebro plurimum serum, In cordis ventriculis corpora pituitosa parva. *Vide historiam lib. 2. tit. de Paralyfi.*

## S C H O L I A.

Serum seu vehiculum necessario sanguini, etiam in sanissimis permiscetur, cui accedit lymphab. Exc. D. Th. Bartholino primum detecta, ex artibus membranosis refluat, quam vasa ipsi petulanti concesso non solum in receptaculum chyli, sed etiam in venas axillares, & forte in alias quoque exonerant: Vidi enim in brutis lymphatica vasa ab uteri cornibus, tenuibus exordiis in ductus insignes excrefcentia, liquorem suum in venas majores hypogastricas, per ligamentum uteri membranosum diffusas aliquot in locis facile depotuisse, quem frustra digitis versus cornua repellere conabar, abortis notatis ob valvas liquoris regressum remorantes: Aliquore aqueo irrorari superficiem ossium, membranarum, ligamentorum, cartilaginum, etiam interstitia musculorum in animalibus recentibus manifeste videtur, imo semper et ventres omnes madidi repertiuntur, id quod non sine providentia naturae, nisi enim partium harum superficies udae aliquantulum fovent, ad actiones & usus destinatos inepta forent: Serum & Lympha copia & qualitatibus peccantia gravissimorum morborum causa sunt: Apud *Spoerlinum* serum & lympham redundarunt, non quod potulenta largius ingurgitasset, nam temperanter vixit: Neque etiam Renum culpa, quos quidam in serosa colluvie nimium & saepe satis temere culpantur, etiam tunc quando aegri copiose mingunt, nescio quam saluginosi emulsionem impeditam causantes, quamvis urina saluginem spiraret, atque feri percolatio solo appulsu citra attractionem fiat, ob peculiarem partis conformationem, qua sanguis retinetur, urinorum vero extruditur; Renes apud *Spoerlinum* ideo innoxios fuisse credo, quia optime conformati & molles undique erant, unica caruncula papillari excepta, cui lapilli fragmentum inhaererat, quod ob molem exiguum, ceteris salvis, non magnopere feri excretionem impedire valuit: Accumulationi feri primam ansam carcerem dedisse arbitror, consueverat enim a puero calorem exercitiis validioribus excitare, a quo lymphae & serum attenuabantur, atque ad feliciorum excretionum parabantur: Postquam otio obtorpuit, Lympha segnior facta intra glandulas per plures annos stagnavit, ac primum Cachexiam peperit, & quamvis postea libertate donatus ad solitos labores rediret, multumque serosi feliciter expelle-

retur, nihilominus tamen in glandulis vitiosa dispositio, tenuibus particulis propulsis, crassis alte porulis infixis, permansit, quae cum malum annosum & inveteratum esset, invalescente lento incemendabilis perstitit, & progressu temporis factum ut glandulae congloratae, quales sunt tuberculae, pancreaticae aliave, per ductus suos parum vel nihil excernerent, & proinde serum cumaretur, vel serum in ventres effusum non resorberent, ut intra illos necessario redundaret, nam manifeste in uno ventre pancreaticis & mesenterii glandulae duriores, & ductus Pancreaticus liquore vacui erant: In cerebro quoque glandulae plexus choroidei veluti cernosae & durae fuerunt: praeter aquam quae in medio & supremo ventre fluctuabat, in imo ventre quoque redundabat. *I. Jac. Wepferus Exercit. de Apopl. p. 382.*

*In cordis ventriculis corpora pituitosa &c.* Corpora pituitosa in ventriculis cordis reperta, non erant mucus demum post obitum concretus, qualis in superficie sanguinis v. s. emissi apud Cachecticos & febricitantes, postquam refriguit, alias videtur, qui saepe crassus & fere membranaceus instar tenacissimus est, non enim sanguinis superficiem corpora haec operiebant, insuper radicibus suis firmiter ventriculorum anfractibus connata & immersa erant: Generata fuerunt propter cordis debilitatem, ob quam fibris se non arate constringentibus, nec omnem sanguinem exprimantibus, quod alias corde robusto & sano exacte fiet: Debilitas cordis defectui spirituum vitalium & animalium deficienda erit, nam a febre lenta plurimum sanguinis & spirituum consumptum, ob inappetentiam deficiens non restitutum, nec cerebro sufficiens materia spirituum suppeditata fuit: Non memini unquam *Spoerlinum* de cordis palpitatione conquestum fuisse, quam tamen corpora pituitosa excitare solent, qui a longo tempore decubuit, & ob quietem sanguis placidius cor transit. *Idem ibidem. p. 390.*

*Glandula duriuscula &c.* Materiam aquae praebuit abunde serosa colluvies massae sanguineae: Cumulabatur proculdubio ob glandulas induratas aquosum non amplius resorbentes: Vix enim pancreatis, mesenterii, plexusque choroidei glandulis duriusculis, pericardii glandulae ab hoc vitio immunes esse poterunt, ob quod in pericardio plurimum aquae stagnavit. *Idem ibidem.*

## OBSERVATIO XI.

*In Cachecticae mulieris vesicula fellea, aquosus humor sero lacti persimilis, copiosus repertus est.*

Erat apud nos mulier Cachectica, in cuius vesica fellea deprehendimus humorem serosum pallidumque minime amarescentem, sed insipidum potius dulciisque proximum. *Glisson Anat. Hepatis cap. 39.*

## S C H O L I A.

Credebile sane est calorem vitalem in ea pauciorum fuisse quam ut adustionem efficiat: adeoque excrementum illud citra amaritudinem expurgatum esse: Utcunque indicio est serum necessario ad humoris fellei structuram conferre, ac vasa fellea

nonnunquam alium humorem, imo & sanguinem, si forte obvenerit, praeter bilem in intestina deferre. *Idem.*

*Dulci proximum* ] *Galenus Wierus*, referente *Hildano* centur. 1. observat. 60. narrat se invenisse

vermes in cystifellea : Si semper amarum humorem intra se contineret, quomodo hospitium vermibus præbere potuisset; quandoque felle nihil amarius,

cum & hominibus, & brutis, ipsis etiam plantis, teste Galeno, amara omnia adversissima sunt, & ad nutritionem inepta.

## OBSERVATIO XII.

*Cachexia laborantis thorax aqua plenus repertus.*

**V**ir annos 42. ab ineunte ætate parum firmæ valetudinis, decolor, capitis in pulmonem defluxionibus, sed iis nec falsis sed acribus, vehementer obnoxius, quum ad nativam corporis imbecillitatem accederet ratio victus negligentior & vita sedentaria, studiis occupata, mense Septembri anni 1560. primum in cachexiam cum œdemate pedum & difficili respiracione incidit: urinæ, quas prætenues, pallidas, & copiosissimas prius reddere solitus erat, paulatim imminutæ sunt: Difficultas spiritus, cum sensu ponderis, utrinque ad latera thoracis, supra costas spurias, sic paulatim ( præcipue si altior duceretur anhelitus) augeſcebat, & sub finem Decembris jam decumbere neque supinus neque in latera posset: Si in lecto se converteret, humoris aliquid in thorace fluctuare percipiebatur: ac propius admota aure, rei cuiuspiam leviter bullientis ceu stridor aliquis obaudiebatur, qui nec ægrum ipsum latebat; eo plane modo ut Hippocr. de Hydrope Pulmonis prodidit: Itaque dies & noctes tantum non residere surrecto thorace cogebatur: Tum sensim venter quoque in tumorem assurgebat, & tussis aspera, eaque sine stercore, & prorsus sicca, sive tenuantia sive inspissantia remedia tentarentur, infestabat: Porro ad quemvis corporis motum mire anhelitus crescebat angustia, ut æger protinus suffocari atque animo linqui videretur: Sub his pulsus, præsertim vesperi, lentam quandam febri- culam, Tum urinæ sedimen pulverem albicans ostendebant: neque appetentia cibi omnino dejecta erat, neque sitis magna: A medicamentis purgantibus plus visus est lædi quam juvari; Sectionem thoracis, in qua spes aliqua collocanda erat, magis fere quam mortem ipsam formidabat: Mense Martio, postremis aliquot morbi diebus, coepit cruenta quædam extussire.

Cæterum inciso corpore, nullum in pulmonibus ulcus deprehensum est: thorax vero universus aqua cruenta, quam quis haud inepte loturæ carnæum assimilasset, repletus fuit: venter inferior (ut asciticis solet) aqua flavescente suffundebatur: In dextro pulmone tres cernebantur lobi teretes, fastigiati, crassitie & longitudine digitum superantes: Hepar albicabat & duriusculum erat; reliqua viscera nihil ad oculum vitii ostendebant. *Schemmii ex Menxelijs observationibus.*

## S C H O L I A.

**I**n cachexiam cum œdemate pedum & difficili respiracione incidit] Asthma aliquando induci à refluxu feri ex visceribus imi ventris in thoracem ostensum titulo de Dyspnæa.

*Aqua cruenta*] *Αἷματις ἰσχυρὰ*, læsæ sanguificatricis facultatis opus: At hic verisimilius est

aquam talem colorem nactam esse à sanguine per *σπύρον* vel *σπύρον* effuso, & illi commisto, cum cruenta quædam ante obitum æger extussisset. Alias si à vicio *αἱματινῶς* eam tincturam habuisset, eandem & in abdomine induisset, quæ flavescentia deprehensa est.

## OBSERVATIO XIII.

*Anatome Cachectici pituitosi, in cuius Pericardio humor turbulentus, ad libras duas repertus.*

**A**Nno 1651. in cadavere Angli cuiusdam, pravis alimentis diu nutriti, atque in Cachexiam pituitosam delapsi, & sic tandem mortui, liquoris turbulenti, aquei coloris, ad minimum duas libras, in distento plurimumque laxato pericardio contentas, spectatoribus ostendimus.

## S C H O L I A.

**A**quei caloris] In morboſis corporibus huius humoris colorem magis aqueum, interdum urinæ, interdum aquæ turbulentæ omnino similem, copiam quoque multo maiorem invenimus.

*Ad minimum libras duas*] In nosocomio nostro multa occurrunt subiecta, in quibus istius liquoris semilibra, imo varia in quibus libra integra à me r-  
perta: Hunc autem semper comperi paucio- rem magisque rubicundum esse in hominibus calidi temperamenti,

in quibus vapores à corde exhalantes sunt tenues, pauci- que in pericardio condensantur, & qui condensantur, illi à valido cordis calore citius attenuantur, ac per pericardii poros facilius exhalant: Contra vero eundem copiosio- rem, magisque aquam ac pallentem, semper observavi in naturis frigidioribus, in quibus à pravo victu, morboſa constitutione, aliisve causis calor debilis evale- rat, unde crassiores à cordis substantia propulsi vapores, in peri-



pericardio majore copia condensati ac collecti, & defectu sufficientis caloris minus discussi fuerant: Hinc etiam scribit *Vesalius* cum in tru ienibus copiosorem esse quam viris; *Riolanus* in senibus uberio-rem observavit quam in juvenibus.

*Tandem morsui*) Hic liquor extrinsecus cor humectans & lubricum faciens, illius motum reddit faciliorem, nimiamque siccitatem prohibet: ejus vero diuturnior defectus, siccitatem & tabem non se-

mel induxit. Deficit autem per pericardii vulnus, exulcerationem aliamve continui solutionem, cordis ille sudor in eo condensatus effluit, nec in eo detinetur, Observatum tamen à Practicis, cum per vulnus pericardii elapsum, postea occluso vulnere fuisse regeneratum, & egros sanitati restitutos, Vide *Galenum*, *Cardanum*, *Benivenium*, *Salium*, &c. De *Diemerbroeck Anat. lib. 2. cap. 5.*

## OBSERVATIO XIV.

*Varia in Anasarca & Cachexia affectorum corporibus reperta; Abscessus in corde 1.  
Corpora fibrosa in majoribus vasis. 2. Abscessus steatomatici. 3.  
Vasa emulgentia mucro obsita. 4.*

§. 1. **P**lerumque in lentis morbis ad Cachexiam vergentibus, Cordis solet esse abscessus aliquis. *Th. Bartholinus observ. 67. cent. 3.*

§. 2. Corpora sive pituitosa, sive fibrosa sæpius in cadaveribus Cachecticorum, diuque & frequenter ex morbis decubuum inveni. Basileæ anno 1644. cum Clar. D. D. *Felice Platero*, foeminam ascite & Anasarca diu ægrotantem, tandemque fatis concedentem aperui. Invenimus cordis sinistrum ventriculum, & aortam arteriam, in quibus corpora hæc contenta erant, tantum non duplo fuisse majores naturalibus. *Joh. Jac. Wepferus Exercit. de Apoplexia p. 196. & 200.*

## SCHOLIA.

**D**E his corporibus juxta Clar. *Viri* mentem actum imprimis majores, hæc corpora dispergantur, non lib. 1. tit. de Apoplexia, Observat. 36. in Scholiis, æque tamen damnosa sint, nam quosdam diutius cum iis vixisse observarum est.

§. 3. Memini me in bovillo adipe offendisse sæpe abscessum cum cysti, glandis minoris magnitudine, in quo substantia quædam sebacea, vel caruncula quædam pallida, quasi testium caro corrupta: Per eam lapilli plurimi sparsim conjecti; In medio autem istorum amplior, mox gracilescens, sindebat in furculos, quorum vacuitatem complebat dicta caruncula. Simile porro vitium in hominibus alias vidimus ex Cachexia mortuis. *Severinus Zootomia Democr. parte 2. cap. 15.*

§. 4. In omni Anasarca, ab excrementorum copia nata, deprehensum semper fuisse in venis emulgentibus, ad renes usque, mucum, seu pituitam vitream Anatomicis observationibus nixius asseruit Vir fide dignus, Poliat. Heilbrunnensis, Dominus Schvartzius amicus p. m. desideratissimus. *Ex communicatione Excell. & Nobil. Dn. Stoffelii.*

## OBSERVATIO XV.

*Anasarca ab abscessu Iecoris genita, & Liene maximo lapidibus referta.*

**J**uvenis Anasarca diu cum laborasset, subito incidit in Ictericam, deinde in hæmorrhagiam narium post in subitam mortem. In hujus cadavere apparuit Hepar subalbidum, cum magno abscessu in parenchymate, Lien supra modum maximus, lapidibus albidissimis plenus. *Nic. Fontanus Respons. & curat. pag. 90.*

## OBSERVATIO XVI.

*Leucophlegmatia producta ab exiguo Liene, Iecore utcumque morbido, Vasorum quæ ad portam feruntur parvitate; Calculis in vesicula fellis, Renibus male constitutis, &c. Pulmonibus pleurae adnatis, Humore viscido in corde, Aqua in thorace.*

**S**exagenarius qui mendicando vitam sustentaverat, postea valetudinarius in Nosocomium delatus est, ubi per tres septimanas commoratus obiit. Ante sexcirciter menses ex victu pravo in Leucophlegmatiam inciderat, quæ paulatim in hydropem Ascitem & hydrocelen Scroti insignem degeneraverat: aderat insignis pedum tumor, appetitus dejectus cum perpetuo alvi profluvio, ex dejecto viscerum tono.

Cadavere aperro, hæc p. n. erant præcipua. In abdomine aqua reperta mediocri copia, multum enim natura aut per secessum aut per diadosin exoneraverat: *Hepar à naturali statu non multum aberat*, nisi quod paulo pallidius: Sed *Lien tam exiguus* ut dimidiam magnitudinem, quæ reni naturali est, vix haberet; similiter flaccidus valde & pallidus erat. Ipsiusque vasa, quæ ad Portæ truncum & ventriculi fundum feruntur, vix præ tenuitate conspicua: In folliculo fellis, (qui tamen mediocrem bilis quantitatem tepebat) tres erant calculi miræ constitutionis, unusquisque enim eorum mori fere figuram repræsentabat, nisi quod altius incisi erant, & partes ita sibi cohærebant ut uvæ rariore in uno racemo, cæterum leves, nigræ & friabiles, carbonis tenerioris instar. Renes à naturali magnitudine & situ ut non aberant, sic colore multum à naturali recesserant, nam lactis fere instar albicabant: In thoracis cavitate sinistra aquæ nonnilul inventum, quæ & in pericardio debito plus abundabat. Dextri autem lateris Pulmo passim partibus continentibus erat adnatus, totusque sædo ichore scatebat, cuius vitia etiam in sinistro apparebant, Cordis autem cavitas, ut & magna ejus vasa, *humore viscido, albo & tenacissimo infarcta* erant, adeo ut credibile talem & sanguinem in ipso fuisse. O. Heurnius observ. xix.

## S C H O L I A.

**H**epar à naturali statu, &c.] Anasarca causa vulgo refertur in Hepatis & venarum refrigerationem, ob quam Sanguis pituitosius & crudus gignitur: Clar. Willis causam efficientem constituit Sanguinis vitium, cui *quædam* officium juxta cum aliis assignat, non Hepati, Lien, Cordi, atque hujus morbi hanc pathologiam tradit. Anasarca, inquit, totius corporis potius quam imi ventris affectus (et si ad hydropis species referatur) sic describi potest, quod sit *Totius corporis exterioris, aut quarundam ejus partium, tumor albus, mollis, tactui cedens, & foveam à compressione relinquens, ab humore aquoso extravasato, atque tum intra musculorum interstitia, tum intra carniū, cutis, imo glandularum & membranarum poros aggesto procedens.* Distinct ab Ascite quoad formam externam & apparentiam, minime tamen quoad materiam morbosam, quæ in utroque affectu eadem: quatenus intra cavitates majores aut minores aggeritur, morbi appellationem diversam sortitur. Humor aquosus Anasarcam constituens, omnino aut magna ex parte a Sanguine procedit: iste nimium hæmatoseos defectu & vitio intra massam sanguineam jugi productus, ex arteriarum sinibus in majori copia profunditur, quam ut per venas & lymphæ ductus excipi & reduci, ac per renes & poros cutis aliæque serosi laticis emissaria amandari queat. Ex his sequitur morbi hujus causam *materialem* esse humorem aquosum, & *Efficientem* esse Sanguinem, qui scilicet aquas progignit inque locis affectis deponit. Uniusque istorum rationes, atque fiendi & efficiendi modos perpendemus, Et 1. de Anasarca causa Efficiente dicemus. 1. Sanguinis diathesis, seu potius fœtura hydropica, in his duobus consistit, scilicet primo quod ob hæmatoseos defectum aut vitium, succum nutritivum massæ suæ jugiter infusum non recte assimilatur, sed in humorem aqueum degenerare sinit: dein 2. quod propter mixtionem ejus nimis laxam, humorem istum ita degenerem, intra compagem suam, haud tam diu retinet donec per emunctoria aut emissaria idonea ablegari possit, quin ubique juxta arteriarum fines cum in vasorum intercapedines exiit, ibidemque relinquit: Utraque hæc sanguinis vitia paulo amplius perpendemus. Primo quoad prius, Sanguinem ipsum, & non cor aut hepar sanguificare, nuper ex quo partium istarum munia plane intelliguntur, fere apud omnes in confesso est: attamen quo ritu sanguis chylum sibi infusum assimilet, inque sanguinem recentem, in usus plures ac diversimodos impendendum convertit.

non ita facile patet. Quod autem nonnulli asserunt; hoc tantum exacta particularum comminutione & commixtione fieri, proindeque utriusque generis particulas simul confusas, intra angustiores hepatis & pulmonum ductus, velut cum pistillis subigi & pinilitari autuant, nobis certe minus verisimile videtur: quin è contra putem vitæ hæc secretionum potius quam nutritionis organa constitui: Hæmatoseos vero rationem omnino in hoc consistere, quod sanguinis veteris particule activæ, nempe salinæ & sulphuræ, cum spirituosæ in vigore positæ, illico in symbolas chymi infusi particulas, in statu adhuc inferiori existentes agunt, cæque exulscitant adeo & fermentant, ut exinde statim hæc crassiorum involucribus extricata, inque partem cum prioribus exaltationis aut perfectionis gradum evehantur, ipsique demum associata, ac insimul homogeneæ & similes factæ, eandem sanguinis naturam induant, particulis interim crassioribus & heterogeneis, à quibus exuntur & emergunt illuc alio ablegatis, tum vero sanguificatio, quemadmodum multi in vinum aut cerevisiam mutatio, omnino fermentatione peragitur, verum discriminis ratio est, quod vinum dolio inclusum usque in eadem massa integre permanens, quoad totam ejus compagem lente fermentatur, & nonnisi longo tempore perficitur: sanguis autem in perpetuo fluxu, & partium quarundam impendio, aliarumque repARATIONE constitutus, per partes usque recentes fermentatur, & de novo generatur. Profecto sanguis vetus erga chymum recentem, fere idem præstat ac fermentum è cerevisiæ veteris flore, aut facce, cerevisiæ novellæ adjectus, attamen modo quasi inverso, quia massa sanguinis ingens prius fermentata, chymi portiones exiguas continue infusas subito fermentat alteratque: in cerevisia vero liquor fermentans in quantitate perexigua, alterius massæ ingenti fermentandæ imponitur, quam nonnisi longo tempore ad maturitatem perducit: Post sanguinis rudimenta, ita per fermentationem jacta, complementum ejus & perfectum in sanguinem Assimilatio, per Accentionem acquiritur (quem revera accendi *videmus* ostendi.) Dum itaque tota sanguinis massa, ex cruore & chylo simul confectis constans, inter circulandum fermentatur; eadem insuper in portiones minutissimas divisa, per totos pulmones explicatur, ut ab aëre nitroso inspirato, secundum omnes suas partes successive accendatur, ita namque & flamma vitalis perennatur, porro & sanguinis particule omnes, velut ignem pallæ, defæcationes, ac inter

de inter se magis congruè evadunt: quin etiam inter efflagrandum adeo disponuntur, ut dum aliæ in spirituum, succi nervei, & partium solidarum nutrimenta abeunt, aliæque minus utiles in viscerum fermenta, aut recrementa secedunt, aliæ interim fixiores in massa sanguinea diutius permanent, ejusque compagem sustentant, & succum nutritivum fermentando sanguinem usque novum generant, donec ipsæ demum effectæ amendantur, & aliis dein adultis locum cedunt.

Ostenso ad hunc modum, quo ritu Hæmatosis per sanguinis tum fermentationem, tum accensionem, perfici debeat, facile erit concipere in quibus vitium ejus, diathesin hydropicam producat, consistit: videl. hæc oriri solet, si quando alterutra, aut simul utraque ex his conditio, ad sanguificationem requisita, aut deficiat aut pervertatur. Primo igitur hoc crebrius & potius contingit, quia sanguis in crasi sua depravatus, succum nutritivum sibi in infusum non rite fermentat, ut in sanguinem laudabilem mutetur: Si quando enim in massa sanguinea, sale ac sulphure cum spiritu depressis, particula aquosa cum terrestribus præpollent, uti functiones omnes tum vitales tum animales exinde languent & vacillant, ita imprimis ipsa hæmatosis deficit ac pervertitur. Etenim chyli succus sanguine commixtus, cum ab hujus particulis dissolvi ac fermentari nequit (liquorum aliorum ritu, quoties simul mixta *ζυμωσις* caret) in humorem æqueum forte acidum, aut pendulum, aut alias vitiosum abit, qui postea in dies coarctatus, & demum ad plenitudinem assurgens, sanguinem aggravat, ejusque calorem fere tantum non obruit, proinde ut necesse sit eum quoquo modo, & quâ data via protinus amandari, deinde vero quia secretionum officina (spirituum animalium peni propter diminutum influxum sanguinei: tributum languente) in functionibus suis deficiunt, serum exuberans ex arteriolarum oculis ubique in poros & vacuitates proximas, sive minores, sive majores deponitur, à cujus aggestione magna & diuturna, postquam pori omnes implentur, oritur iste totius corporis externi, aut quorundam ejus membrorum, habitus velut paludolus *Anasarca* dictus.

Secundo, nec tantum Fermentationis, verum & Accensionis sanguineæ defectus aut vitium, massæ interdum ejus diathesin hydropicam inducit, quod plane cernitur in quantum nonnulli, loca palustria aut maritima incolentes, sine ulla præterea causa aut occasione, nisi quod auram crassiores halitibus incongruis, à quibus nitrum abigitur aut obscuratur, præditam hauriunt, in hydropem incidunt: propterea namque sanguis, siquidem intra præcordia rite accendi, & efflagrando perfici nequit, degener factus, & quoad crasin vitiatus, chyli succum non rite dissolvit ac assimilatur, sed in laticeum aquosum perverti finit: Quanquam autem sanguis etiam hac ratione primo depravatus subinde vinum suam fermentativam amittit, ac ideo potius & immediatius hydropem accersit, attamen primum ejus vitium, ab aëre insalubri inspirato, & sanguinem non rite accendente ortum habuisse, inde constat, quia tales hydropici habitationem suam in loca aprica & montana transferentes, absque alia medicina convalescunt.

Hæc de Anasarcae causis proximis, ipsique morbo conjunctis, quæ nimirum sunt massæ sanguineæ, potissimum quoad fermentationem, & aliquatenus quoad accensionem ejus, depravatio, aut defectus, quæ posterior vix effectiva esse solet, nisi quando priorem superinducit. Quod vero spectat ad morbi

hujus causas remotiores & procatacticas, à quibus nempe affectio ejus *ἀσθενεια* (ut nihil amplius dicam de accensionis ejus defectu aut depravatione) oritur, dico has adeo multiplices & diversimodas existere, ut vix possibile existimem eas omnes particulatim recensere; plurimæ tamen, aut saltem præcipuæ, ad tria hæc capita reduci possunt: Nempe quoad quidem dyscrasia sanguinis *ἀσθενεια* exoritur, quatenus principia ejus activa, videl. sal. spiritus & sulphur. vim, sive virtutem suam *ζυμωτικήν* h. e. sanguineam minime exerunt, dico hoc fieri, vel 1<sup>o</sup>. quoniam particula istæ propter magna impendia nimis absumuntur: vel 2<sup>o</sup>. quia per refectiones idoneas & proportionatas non satis reparantur; vel 3<sup>o</sup>. quoniam à particulis aliis hebetioribus, aut heterogeneis, in massa sanguinea nimium aggestis, obruuntur aut obscurantur: Cujusque horum rationes & fiendi modos paululum expendamus. Primo, prius horum evidentissime cernitur in crebris aut immodicis hæmorrhagiis, & quibus sæpissime, plusquam ab alio quovis accidente aut occasione, plerique homines, quantumvis robusti, & constitutionis prius firmæ, illico ad hydropem inclinantur: Cujus ratio est, quod sanguis, particulis ejus nobilioribus in copia ingenti profusus, depauperatur adeo, ut postea succum chyli allatum, nec rite fermentare nec accendere possit: Porro idem interdum effectus, tardiori licet passu, à febribus, aliisque diuturnis ægreditudinibus, vel languoribus, succedit, quatenus nempe sanguis longa depressione laborans, extenuatur adeo & dissipatur demum ut aquosus & *ἀσθενεια* evadat. Secundo, sanguis nonnunquam ab indole genuina desciscens, in hydropicam vergit, quia propter alimentum, aut debito tenuius ei suppeditatum, particula activæ & sanguificæ intra massam ejus non satis reparantur: ita namque advertere est quoddam vino & potui lautiori assuetos, postea ad aquæ aut cerevitiæ tenuioris potum, & edulia tantum tamelica redactos, subito in hydropem incidisse: Communis observatio est, & sæpenumero satis vera, licet mali ominis, bibulos & potatores assiduos, si forsan in ore hoc vesano relicto, tandem sobrii ac abstinentes evadunt, multum periclitari, ne propter solitam sanguinis *ζυμωτικήν* depressam morbo isti obnoxii fiant. Caterum tertia causa, sive occasio ad morbum istum disponens, communissima & maxime notabilis in eo consistit, quod particula sanguinis activæ, aliis hebetioribus aut heterogeneis obvolvatur, vel ab invicem dissipatur, vim suam *ζυμωτικήν* amittunt vel exerere nequeunt: Talis vero eorum affectio cum à variis causis & accidentibus, ita potissimum ab his tribus, modo solitariis, modo simul unitis excitari solet, videl. 1. à non naturalibus immodice ingestis, 2. à naturalibus indebite retentis; vel 3. à præternaturalibus in corpore perperam genitis. Ad primam ex his classem errata in victu (à quibus uberrima semper istius morbi seges est) merito referimus. Etenim vulgaris hæc est prognosis, gulosos quovis & valde bibaces demum ab hydropem interituros, ad quem insuper inclinant, non modo crapula & comperationes immodicæ ac assiduæ, verum & comestiones nimis crebræ ac intempestivæ, quin & alimentorum absurdorum, aut dyspeptorum frequens ingestio: Quippe à victus ratione cujusque generis mala diutius usurpata, si quidem chyli succus nonnisi crudus sæpe, incongruus, & plerumque supra modum copiosus, massa sanguineæ infunditur, necesse erit primo cum aggravari, dein compage ejus laxata, particulas nobiliores ab invicem divulsas, ab aliis heterogeneis



rogensis ita obvolvi, aut retundi, ut à virtute sua fermentativa sive sanguifica impeditus desistat; proinde ut viscerum læsionibus etiam brevi in accessum datis, cachexia, & propediem hydrops (cujus semper illa prodroma est) insequuntur. Secundo in loco ponantur Evacuationes omnes assuetæ, aut solennes suppressæ: Satis notum est à fluxu menstruo, aut hæmorrhoidali diminuto, aut nullo, haud minus quam à nimio (propter sanguinis *superfluitatem* à particularum heterogeneitate impeditam) cachexiam non raro hydropicam excitari: Porro iidem sæpe effectus, & ob parem rationem à fontanellis occlusis, vel eruptionibus cutaneis subito percussis exoriri solet: Denique urina suppressa, & diaphoresis multum impedita, affectione immediata & necessaria sanguinem aquosiores reddunt ac ad hydropem inclinant. Satis frequens etiam de sanis observatio est, qui aliquandiu lecto abstinere coguntur, eorum pedes intumescere. Tertio præternaturalia intus in corpore genita; præsertim vero Tumores ac Humores, sanguinem sæpe in motu præpediunt, aut in crasi pervertunt, eique adeo diathesin hydropicam inducunt. Tumores alicubi circa viscera excitari, quatenus sanguinis circuitum obstruunt aut angustant, serum ejus illic extravasari & profundi faciunt, à cuius intra cavitatem aliquam aggestione, primo Ascites, & postea demum Anasarca, istius consequens, accidentur: Porro *Humores* diversimodi variis in locis geniti, atque in sanguinem traducti, massam ejus primo inquinant, & particulis heterogeneis inficiunt, à quibus ea demum infirmatur adeo, & in crasi læditur, ut chyli succum infusum (cum amplius fermentare & assimilare nequeat) in laticem hydropicum pervertat: Propter hanc rationem nihil usitatus est quam phthisicos, item ulceribus strumosis, cancerosis, imo quibusvis intra renes, mesenterium, intestina, aliæque in ventris viscera excitaris laborantes, postquam diu contrabuerunt, tandem hydropicos interire: Hæc de morbi hujus causa efficiente, proxima, item de remotionibus præcipuis, tum procataceticis, tum evidentibus: Quod vero ad causam materialem spectat, sensus patet hanc meram esse lympham, intra cutis aliarumque partium poros aggestam, quæ quidem à sanguine illic deposita (partim ejus latex serosus, partimque succus chylosus est) sed ab hæmatosi & corporis nutritione, quibus destinabatur, deficiens, recrementi instar, in spatia quævis vacua valis interjecta rejicitur: Quod autem materies hydropica, à sanguine & chylo procedens, nec cruenta, nec lactea, sed limpida existit, nihil mirum videatur, quoniam urina vel sanorum, post potum plenior, cruda pariter & aquosa redditur, ac proinde constat eam nihil à sanguine mutuari, verum quicquid coloris, aut consistentiæ crassioris ad massam ejus attulit, ibidem relinquere, Et quamvis in utriusque casus ætiologiam referri possit, urinam, quatenus per renes, & materiam hydropicam, quatenus per solidarum partium poros percolatur, ita humidam & aquosam evadere; attamen observa-

tione constat chyli partem aquosam, etiam dum sanguini confunditur, cum ipso non intime misceri, sed colore & consistentia spoliatam, sub forma lymphæ intra sanguinis poros manere: cuius certe indicium est quod sanguis à quocunque animali per phlebotomiam detructus, postquam in frigidat in partes secessit, laticem aquosum (qui sero & succo nutritio constat) plane limpidum, & à reliquo cuore separatum exhibet. *Pharmacop. rat. par. 2. sect. 2. cap. 5.*

*Lien tam exiguum, &c.* Lien minor, si alias s. n. constitutus sit, semper majori melior est; Laniis id notum, qui ex viscerum, præcipue hepatis & lienis parvitate carnis bonitatem dijudicant: *Salmon* cent. 1. Obs. 21. fœminam secuit, cui hepar maximum & lien tam parvus ut vix pollicem majorem æquaret, optima sanitate in vita fruente: *Aristot.* 3. de part. Anim. rationem reddit, Idcirco ait, in nonnullis à magnitudine deficit, quia parum excrementi gignitur, perexiguus est quasi notæ gratia. In sexagenario vero predicto Lien flaccidus & decolor vitio non caruit, quam rem ob officio sanguificationis vel defæcationis nonungebatur, ideoque in partes causa leucophlegmætrix venisse censendus. Imo Hepar (quod paulo pallidius) in consensum abiit læsionis Lienis, Id enim, asserente Clar. *Mabio* Fundam. Physiolog. p. 323. plurimas calamitates acceptas ferre potest Lien, hujusque vitio gravissimas obstructions, interperiem aliæque symptomata incurrit, sanguine crassiore nec satis ab eo cocto suppeditato: Imo rati Liene afflicto Hepar ob vicinitatem manet immune.

*Renes latis fere instar albicubant* Secundum naturam Renes colore obscure rubri sunt, rati intense rubent. Ren dexter albus fuit deprehensus à *Joh. Hesse* referente *Schenckio*, Renes, ait *Lindenius*, sunt aquæ ductus ad aquas à tota domo defluentes colligendum ac demittendum in velicam velut in cisternam. Hoc munere si non fungantur, reflux illæ aquæ totum domicilium inficiunt. Aberrant vero in opere præsertim ob intemperiem frigidam, quam hic adfuisse indicat color canalicans.

*In Thoracis cavitate sinistra, &c.* Observat. 12. extat exemplum Cachexiæ hypochondriacæ minantis à pectoris hydropæ ortæ. Hic si solus Cachexiam inducere potuit, quid mirum tot concurrentibus causis Leucophlegmatiam fuisse productam?

*Pulmo adnatus ichore scatebat, &c.* Quidam apud *Rhodium* Anasarca defunctus, Pulmones costis adherentes habuit, nullo alio præsentis vitio. Vide Obs. seq. Clar. *Sylvius de le Boë* Prax. lib. 1. cap. 24. §. 15. depravatæ Pulmonum nutritionis signa sumit partim ex læsâ respiratione, partim ex corporis reliqui cachexia. Fœdus vero ichor quo scatebant Pulmones vitiaæ concoctionis indicia dabat.

*Cordis vasa humore viscido, &c.* Ejusmodi corpora, sive pituitosa sive fibrosa, sæpius se in cadaveribus cachecticorum, diuque & frequentet ex morbis decubitorum invenisse se ait *Excell. Wepferus* Exercit. de Apoplexia pag. 196. de quibus pluribus in locis.

## OBSERVATIO XVII.

*Anasarca defuncti soli Pulmones in vitio fuere.*

**A**NNO 1625. Religiosi cujusdam Anasarca defuncti cadavere aperto Pulmones utrinque costis arcte adhærebant, Cætera omnia vitii expertia: *Johan. Rhodium Manxiffa* observat. x.

SCHOLIA:

## S C H O L I A.

**P**ulmones *coctis* adhaerebant, &c. ] An à solo Pulmonum vitio hydrops induci potest? Ita certe, si fides *Marcello Malpighio*, qui Pulmones à natura fabricatos esse cenet ad sanguinariæ molis miscellam, sanguinis, scil. chyli, lymphæ, quæ perfectior fiat propter innumeras illas vesiculas ex quibus constant, ut ita Pulmones sint cordis percolatorium instrumentum: qua percolatione male peracta, regurgitet lymphæ & iterum in habitum corporis, præsertim ob oclusas anastomoses vasorum pulmonariorum per ambientem eos membranam excurrentes: quod contingere necesse est ob adhæsum illius membranz cum pleura.

*Cætera vitii experientia* ] An vitium esse potuit in ipso corporis habitu, affluens pro sui nutritione alimentum corrumpente: quod in suo fonte & origine probum quidem, sed vitio ipsius habitus inquinatum? *Galenus* enim 1. de locis aff. Habitum actionum suarum vim propriam habere; ab hepate aut aliunde non mutuatitiam aut emendicaram auctor est. Si suam naturam propriam possidet, suum genium, suas facultates, suam sanitatem, quidni & suos morbos? Ex eodem tamen *Galenus* partes corporis extrinsecus à naturæ imbecillæ factæ sunt, quæ pro interioribus pœnas luant, quarum depositariæ sunt, transmissum onus excipientes. Minus quidem roboris obtinent, minùque vegetas facultates, habent tamen & quibus se tueantur à natura concessas, vel eo nomine necessarias quod externis pateant injuriis & internis.

*Anasarca defuncti* ] *Barbette* Anat. Practicæ lib. 2. part. 3. cap. 15. non omnem Anasarcam à vitio partium nobilium pendere existimat, sed vasorum tantum lymphaticorum, & medicamentis sanabi-

lem asserit: Sapissime, *ait*, evenit corpus humanum tumidum, turgidum & languidum evadere, & tunc Medici mericulofitas, nullis rationibus innitens, nonnunquam mala quædam prædicat: verum sudoriferis interne & externe adhibitis brevi temporis spatio commodissime curati possunt. Causa hujus mali originem non habet ex intemperie & debilitate illarum partium, quas veteres Nobiles appellarunt. Distingui etiam facillime ab hydrope possunt, quem partes dictæ inducant, licet enim ægrofantes valde tardi & lassi sint, nulla tamen cordis anxietate premuntur, liberrime & ex amplo pectore respirant, & abdomen non admodum intumescit. In facie & artubus materia aquea imprimis colligitur, & quod si digito comprimantur partes tumide, experientia docebit partes tantopere non esse repletas quam in vero hydrope: unde etiam inflationem hanc flatibus, veram causam ignorantes, adscribere solent: Vasa lymphatica compressa, rupta aut alio modo obstructa, sic ut naturalis lymphæ motus impediatur, malum hoc inducunt: *Hallenus Barbette*: Revera à simili causa induci posse Leucophlegmatiam, aut ab eorundem vasorum repletionem & *causam*, fidem facit hoc exemplum. Anno 1666. mense Junio, consilium à me petit Arcularius quidam nomine Bozon, vino deditissimus: Hic dementem totius capitis & artuum leucophlegmatico tumore corripitur, abdomine naturaliter constituto; egestati consulens, præscribo rad. Gialapæ ʒj cum cinam. ʒss. ex vino sumendam. Post subdorificum ex pulvere fol. cardui bened. cum vino quoque hauriendo, Intra triduum exhausto multo sero sanus factus est & ad officinam rediit.

## OBSERVATIO [XVIII.]

*Leucophlegmatia ab Hydrope pectoris cum Pulmonum vitio orta.*

**N**on immerito *Hippocrates* 2. Epid. Sect. 1. *Occasiones considerare jubet ex quibus laborare quis incipit, sive ex capitis, sive auris, sive lateris dolore.* Etiam si autem *Galenus* non uno loco asserat antecedentem causam neutiquam morbum gignere, nisi adsit præcedens dispositio, Id tamen certum est eam esse quarundam causarum externarum efficaciam, ut vel corporibus optime constitutis effectum imprimant citra apparatus morbificum. Exemplum nuperrimum suppeditavit exiens September anni 1678. Pueri duo, spectatæ familiæ, laudabilis constitutionis, unus decennis, alter quatuor annos natus, puerili affectu, capitis scil. scabrie, leviter infecti, à vetula inunguntur butyro, (ut asseruit) cocto & salito, alteri rei impermixto vix exacto biduo major natu leucophlegmaticus evadit toto corpore, accedit difficilis respiratio & sitis intensa citra rursim: Porrigitur illi prisana ex radice fœnic. & iridis recentis confecta, ex muliercularum consilio, ad alvum simulque lotium cienda, unde intendebatur sitis, Triduo, horis matutinis, ante obitum accersor: In parato erat Potio purgans, cujus exhibitioni annuo, ad serosi humoris educationem, quam puer effudit, vomitu se haustam exclusisse dicens: Ob affectus urgentiam mannâ in juscule dissolutam cum tartari cremore & pulvere mechoacannæ præscribo, cujus haustum vomitus illico sequutus, vix enim continebat ventriculus, in angustias reductus à subditorum viscerum tumore; abdomen quippe (sicut in hydropico) admodum erat distentum. Exhibitum tandem Morsulum ex Mechoacanna non respuit ventriculus, à quo plures & numerosæ dejectiones, quanquam venter ne hilum detumuerit. Paulo post suffocationis metus ingruit, respiratio fit *mutis*, atque ut equus cursu fatigatus ilia ducit Puer: Injecti clysteres (cui soli præsidio postmodum locus fuit, ob collapsas vires) ne momento morabantur, quanquam humorum copia & flatuum succederet. Alimentum, ne angustia major evaderet, exiguum & ex cochleari tantum dabatur, succus scil. ex coxa vervecina expressus, addito ovi vitello. Respiratione tandem difficiliore facta, aucto tumore ventris & totius habitus,

habitus, præsertim labii superioris, exacto tertio, à quo mihi commissus fuit, die interiit: Exenterationem concessere Parentes, quod frater ejus natu minor, toto corpore esset tumidus, quanquam ὁπδοσάδιος, iisdemque premeretur symptomatis, inter quæ impeditus in dorsum & latus sinistrum decubitus, cum ἀσφυξία, quod delitesceret arteria, nec se explicare illi liceret, obrutæ à madore carniū.

Reserato abdomine vastum Jecur se obtulit, Lienem altero extremo contingens, sed citra labem: Ventriculus exhibitum paulo ante obitum succum carnis continebat, cui lumbricus semivivus innatabat. Intestina flatibus, fæcibus & lumbricis turgebant: Lien naturalis erat, quanquam in plures lobulos discretus: Vesica lotio semiplena, quod paucissimum toto morbi decursu emisit: Renes fuere inculpati: Mesenterium glandulis destitutum videbatur, quanquam ansam tumori illarum, ob ἀδδσπαγίαν, dedisset puer voracissimus. In Pectore mortis & affectus causa se exhibuit; quod hydropes laborabat, sero enim eruento, latere præsertim dextro, erat refertum: Pulmones sinistri costis versus dorsum arcte affixi erant: Utrique vitriati, colore vario, viridi, nigro: dissecti ubi candicabant, purulentam materiam effundebant. Cor erat magnum quale adulti hominis: Aqua copiosa in Pericardio, Caput apertum non fuit quod causa mortis manifesta videretur.

## S C H O L I A.

**D**Ubium fuit, nec immerito, num pectoris hydrops, pulmonumque insigne vitium adscribenda esset, capitis inunctioni, An alterius causæ essent soboles hinc enim & inde erant argumenta; Puer ætate præcedente servida, aquam singulis momentis hauriebat, fructibus horæis sese explebat, famelicus enim erat, sic seri congestioni in pectore occasionem præbuit, in quod demersi pulmones labem & corruptionem conceperunt. Sed quomodo tam subito emerit affectus? puer enim ante decubitus, & morbi invasionem, cujus decursus octo dierum fuit, vegetus & hilaris erat: Seri quidem vasis inclusi in pectoris cavitatem & corporis habitum prompta potuit esse effusio, accedente autumnii inæqualitate: Sed fratris paulo post consequutum exitum, eodem tempore, eodem affectu, iisdemque plane stipato symptomatibus abrepti, ut communem causam, eamque efficaci vi præditam agnoscamus evincit, maxime cum nec ὁπδοσάδιος præcesserit, nec fructuum abusus, ut in defuncto, qui ea forsan ratione citius interemptus: Inunctum quippe utrique eodem tempore caput, penas biduo post natu majoris iuxeritum luente minore. An vero vetulæ fides habenda, quæ solo butyro salito, eoque impermixto, usam se esse constanter asseruit? Certe prohibita excrementorum, præsertim capitis, distillationis magna vis est ad ciendos morbos, maxime in pueris, quorum natura non tenuia tantum sed & crassiores sordes expuit; adeo ut Hippocr. lib. de morbo sacro, pueros qui achoribus instantur, ab eo immunes esse asserat: quare eorum cohibitio, atque inde retro facta repulsio, lethales affectus, nedum noxam, inferre potest. Sola enim pororum cutis obstructione, ac, ob misturam salis, capitis cutis roboratione, nocere potuit litus. An vero adeo præcipitis fati solitaria causa esse potuerit, merito in dubium revocatum est? quin accessisse hydragyrum, mulierculis nostratibus contra scabiem nimio opere familiare, creditum est: vetula enim ab ancilla butyrum expoposcit, ipsamet administra esse voluit, ut verisimile sit clam Mercurium, vel aliquod ipsius præparatum indidisse, alias fat illi fuisset usum butyri præcepisse: An vero mercurio hydropis Pectoris, Bulionum corruptelæ & Leucophlegmatæ generatio adscribenda? Sic certe, ut enim ὁπδοσάδιος ille & versipellis, quanquam arti-

ficio subactus, ac per varias transmutationes aliam induisse formam videatur, primaræ tamen meminerit huic protinus redditur: sic quoad effectus admodum varius est: Constat, ait *Marshallus comment. in Præf. lib. 6. Dioscoridis*, repetiri venena tanta humiditate exuberantia, ut homines interimere possint, ut pote quæ membra putrida ericiunt, sicut *Argentum vivum*, quod sua humiditate modum excedente insitum cordi natura humidum sæpe corrumpit, ut sæpe videmus in iis qui eo unguentis excepto se inungunt, ad lucem veneream extinguendam: In quibus præterquam quod semper gingivas, dentes, palatum, aliæque vicinas partes putredine afficit, sæpe etiam ubi uberius quam par sit inunctum fuerit, eos in perniciem ducit, quippe quod universo sanguini putredinem inferat. Idque extrinsecus duntaxat adhibitum, quanquam & id intus assumptum occidit, si modum quandam excesserit, &c. Si quidem præ nimia sui frigidityte vitales spiritus cordisque substantiam congelat, quod cuidam seplasiario, qui illud imprudenter hanierat, evenisse narrat *Conciliator*, Hactenus *Marshallus*. Ut hinc constet inde deduci posse cladem Pueris illatam: Nam si juxta Hippocr. doctrinam, cerebrum, quod frigidi & humidi metropolis est, solita, ob constipationem pororum, expuere non potuit excrementa (accedente hydragryri vi, cui vis fundendi & colliquandi eximia) an inde deducere aquarum in pectoris cavitatem & habitu corporis congeriem, cum hydropis originem à cerebro plerique repertant? Ut assentiamur facit absentia aquarum in abdomine, à quo arcessendus non est aquarum in pectus confluxus.

*Leucophlegmaticus, Pectus hydropes laborabat* Subita Analarcæ generatio in dictis Pueris non languificatricis facultatis erroris progenies esse videtur; lente enim & pederentim ab ea causa profecta se prodiit, Verisimilius adscribenda videtur lymphaticorum vasorum, quorum insignis numerus est in extremis partibus, præsertim artubus, apertioni: Sic ut & Hydrops pectoris ab eorundem vasorum vitio ortum trahere videtur, quandoquidem illorum ingens satellitium per pulmones exteriores dispositum est, adeo ut eadem causa hic & illic ea reserant, & ad effusionem impulerit, Cujus effectus Mercurius author esse potuit.



## OBSERVATIO XVIII.

*Leucophlegmatia plerumque sequitur excedentem corporis humiditatem. 1. Genita à Jecoris tumore satis magno. 2.*

§. 1. **N**Unquam Jecur molle udumque reperi, nisi in Hydrope Leucophlegmatia. *Christ. Guarinonius Consil. 378.*

§. 2. Quendam secui dyspnœa affectum ob cruda ab initio tubercula, Jecoris tumorem satis magnum habebat, ex quo Hydrops Leucophlegmatia. *Vide lib. 2. tit. de Dyspnœa.*

## OBSERVATIO XIX.

*Anasarca defuncti cerebrum aqnatore humore erat imbutum.*

**Q**uidam Aquæ intercutis morbo, cui nomen est Anasarca, moriebatur: huic nares sanguine serefcente sæpius fluebant: Inciso capite cerebrum non cruento sed aqnatore humore erat prolutum. *C. F. Schneiderus lib. 3. de Catarrhis cap. 1.*

## OBSERVATIO XX.

*Anasarca, Asciti juncta, ab Hepate scrofulis obsito, ut & Peritonæo, Omento & Intestinis cum inflammatione.*

**I**N cadavere fœminæ Anasarca laborantis, sequentia notanda erant: Ex abdomine aqua effluxit sub-flavi coloris in mediocri copta, odoris admodum fœtidi. Peritonæum, Omentum & Intestina parvis cirosulis durioribus inquinata, valdeque inflammata, mucosundiq; obsita: Hepar per totam substantiam cirosulis scatuit diversæ magnitudinis, quarum majores imperialem excedebant: hæ per incisionem aperta & extracta materiam continebant albicantem & quasi tophaceam. Lien parvus & subrotundus, colore tamen naturali. Pulmones lividi, lobusque dexter inflammatus, ex quo inciso sanguis stillabat nigricans. *Carolus Rayger. in Misc. cur. anni 4. observ. 3.*

## ANATOMIÆ PRACTICÆ

## LIBRI TERTII.

## SECTIO XXI.

## De Ventris Tumore, Hydrope.

## OBSERVATIO I.

*Hydropis Ascitis causa sæpe aliunde quam ab affectu Jecoris aut Lienis pendet, quæ sæpe in cadaveribus illesa deprehenduntur.*

§. 1. **A**SCITES, quoad materiem & rationem ejus formalem, vel sensuum simul plurium indicio manifeste dignoscitur, videl. Abdominis tumor est ab humore aquoso intra cavitatem ejus concluso: Aqua tumorem hunc efficiens interdum ad diluvium ingens, & quantitatem vix credibilem excrevit: Semel vidi doliolum xv. congiarum capax aquis fœmina ab hydrope defuncta ab abdomine excelsis impletum. Aquæ autem proventum quidam opinati sunt ab Hepate, alii à Liene male affectis in abdominis cavitatem descendere, adeoque viscus hoc aut illud viciatum semper Ascitis causam esse: Verumtamen secus habere plurimum ab hoc morbo defunctorum Anatomiz manifesto declarant: cum post ventrem inundatum Hepar & Lien sæpe inculpara reperiuntur: Et quidem hæ viscera haud quaquam illuviei cujusvis scatebræ videntur, utpote nullis, quibus aquæ congerantur, cavitatibus donata: quapropter Ascitis, tanquam stagni aut lacus, originem ab humoris cujusdam rivo, aut saltém depluvio derivare oportebit.

**H**umores intra ductus, aut vasa velut rivos scatescentes, sunt imprimis hi tres, vid. *sanguis; humor lacteus, & lymphæ*. Aquæ depluvium aut stillicidium fieri ne possit à *Liquore nervæ*, qui interdum è fibræ & membranæ lente & sensim exsudat: atque à *Vaporibus* intra corporis specum aut cavitatem aliquam condensatis, Utrum ex his modis Ascites potius ac sæpius oriatur, disquirendum. Et primo ad Sanguinem quod spectat, extra dubium habetur serum è massa ejus dissoluta nimis, deciduum, uti fluxiones & catarrhos variis generis, ita nonnunquam majores aquarum illuvies, scil. hydropticas excitare: quare cum Anasarca ab hac causa omnino procedat, cumque isti morbo haud statim sanato sæpenumero Ascites superveniat, inferre licebit utrumque affectum ab humore aquoso, arteriarum osculis ubique effuso induci. Porro non multum improbabile est sanguinis dissoluti serum, ex arteriæ celiacæ & mesentericæ finibus quibusdam apertis, in abdominis cavitatem primo & solitarie exudare, adeoque Ascitem absque Anasarca prævia inferre: ac ita præsertim si forsan accidar, tumores scirrhusos, ganglia, tubercula, aut aliusmodi concretiones præternaturales circa mesenterium, lienem, epat, uterum, aut alia quævis imi ventris viscera prius excitari, nam quandoquidem in istis locis sanguinis circulatio præpeditur, ut cruor per arterias evehctus quoquomodo reduci queat, pars serosa è consortio ejus extrusa, in cavitatem decidit: Enimvero ita fieri, experimento hoc à nobis facto evidentissime liquet, videl. *si in vivo animali venis jugularibus filo exceptis & ligatis sanguinis reditio inhihetur, tota capitis regio aqua intercutè & plane hydropica brevi intumescit*. Et quidem sæpius observavi, tumoribus privatis & circumscriptis alicubi in imo ventre excitatis, Ascitem supervenisse, quod certe ob rationem prædictam contigit: Quando sanguinis cursu præpedito pars ejus aquosa brevi extravasatur, humor iste non mere serosus est, sed insuper liquor nutritivus, solidis quibusque partibus alendis destinatus, in ventrem profunditur, quare dum hæc regio intumescit, membra extenuantur, & lymphæ ascite exempta, instar ovi albuminis à calore inspissatur & albecit.

2. Verisimile est etiam vasa lactea disrupta, humorem suum in abdominis cavitatem effundere. Profecto Clariss. *Sylvius* à tali causa morbum hunc sæpiissime progigni autumavit: Et quidem ex vasis lacteis, vel lymphicis, scilicet aut alteris aut simul utriusque, divitis aut apertis, aquæ aut chyli illuvium ventris imi viscera nonnunquam inundare, propt. suspicari fas est, ita sequens observatio id ipsum confirmare videtur: Nuper quidam Ictericus, ac interea temperatus, ac à potu (ad quem fuit minime premebatur) abstinens, ascitem in immentum brevi adauctum contraxit: Post medicamina incassum adhibita, paracentesis juxta *Sylvii* modum cum acu perforata tentatur: E foramine aqua non icterica, sed limpida & tenuis copiose effluit: unde liceat inferre humorem istum hydropicum non è massa sanguinea profluxisse, tunc enim coloratus fuisset, sed è vasis lymphaticis, aut lacteis in abdominis cavitatem exstillaſſe. Vasorum lacteorum & lymphicorum rationes, circa Ascitem progignendum, ut pote affines conjunximus, quia scilicet utraque vasa chylum, aut quod ei analogum est, ad commune receptaculum deferunt, & plurimi

utriusque generis rami, sive ductus, circa viscera imi ventris distribuuntur: interim non improbabile est vasis alterutrius vitium solitarium quandoque Ascitem producere.

Quoad alios Ascites generandi modos ab initio propositos, vix opinari ducor tale ventris diluvium ab humoris nervæ stillicidio, aut propter vapores illic condensatos facile exoriri posse, quanquam in Tympanitide forsan, ubi abdominis cavitas ampliatur, & transpiratio præpeditur, effluvia exhalare solita intrus coercita, in lympham vertantur, quapropter morbo isti Ascites fere semper conjunctus reperitur.

*Aqua tumorem hunc efficiens, &c.* Designatis ad hunc modum Ascitis causis immediatis, ut conjunctis, quæ nimirum videntur esse, vel humor aquosus è vasis sanguiferis, vel lymphæ aut chyli propriis utriusque ductibus effusus: inquirendum jam, circa morbi hujus causas remotiores, ob quas *venæ*, & quo ritu vasa cujusque generis affecta sarcinas suas in ventris cavitatem deponant. 1. Igitur quod sanguinis pars aquosa in aqualiculum exudat, aut ipse cruor, aut vasa continentia, aut simul utraque in culpa reperiuntur: Sanguinis vitium est, qui in crasi depravatus partes constitutivas intra compagem suam haud rite continet, quin ad dissolvendum aptus serositates suas à mixtione passim rejicit; quas vel toras per sudores aut urinam ablegat, vel intus relidere permittens, in carniū poros, aut in viscerum cavitates detrudit: Vasa sanguifera sub secunda ratione peccant, quod nempe illorum fines, sive oscula, aut nimis laxa, aut prorsus occlusa existunt: In priori statu circulationis sanguinæ filum haud integre & firme continuatur, sed cruoris pars tenuior & crudior abscedere apta, juxta arteriarum & venarum intercapedines, aut inosculationes effluere sinitur. Pariter è contra, cum vasorum quorundam osculis propter tumorem aut obstructionem penitus occlusis, sanguinis cursus præpeditur, huic ita coarctato ut transitus quoquomodo pateat, quod tenue & aquosum est extravasatur, inque loca vicina amandatur, prout supra ostendimus.

2. & 3. At vero Ascites solitarie incipiens, non raro ob vasa lactea aut lymphatica viciata exoritur: quare cum morbi istius, hujusmodi causam sæpenumero conjunctâ existere supponimus, inquirendū erit quor modis, & ob quas occasiones hæc vasa adeo aperiri aut dirumpi solent, ut liquor è suum in ventris cavitatem effundant: Primo igitur Lymphæ ductus quod spectat, vasa hæc diversimode in culpa esse possunt, potissimum vero, aut quod juxta origines suas obstructa, aut compressa, humorem non excipiant; aut circa medietates vel fines disrupta cum in aqualiculum profundant. Cujusque horum plures sunt causæ & efficiendi rationes: fieri enim potest ut materies viscosa principia eorum obstruat, tumores glandulosi, scirrhusi, alique præternaturales eos comprimant, nec non lymphæ exundantis diluvium ingens, quin etiam vehementes corporis motus, aut animi passionibus eos dirumpant. 2°. Vasa lactea, haud minus quam lymphica, discindi, adeoque liquorem suum in ventris cavitatem effundendo, hydropem ascitem excitare petulantur: & quidem pars ratione lædi solent, quatenus eorum ductus intermediū, aut fines, vel a chylo viscidioris iis impacto, aut pituita intestinali obstruuntur, vel à tumo-

moribus

moribus in mesenterio adnatis comprimuntur : nam proinde chylus vasorum initia subiens , & transitum non inveniens , imprimis ea plurimum distendit & postea dirumpit : Plures sunt causæ & occasiones propter quas humores crassiores & oppilativi in vasa lactea propelluntur , nam præter dietam irregularem , & plerumque ex cibis dyspeptis , malum hoc sæpe incurritur à potu nimio , aut exercitiis immoderatis statim à paltu habitis. Etiam à potu frigido , dum viscera summe ætuant : ita nempe vasorum ductus prius hilescentes subito constringuntur , & postea arctius , connivent , propterea ut chylus intra rivus suos coarctatos hærens , eos brevi penitus oppleat & obturet. *Willis Pharmac. Rari. part. 2. sect. 2. cap. 2.*

*Aqua præventum quidam opinati sunt ab hepate ]* Quia *Carolus Piso* , quem *Senerius* sequutus est , in veras hydropis causas , desecto *Galeno* , altius inquisivit , Illius sententia adducenda est : Statuit Ascitem generari ex materia serosa in potu & cibis humidioribus contenta , quæ ab aliqua causâ præternaturali in venis Portæ & Cavæ diutius retenta , & in totum corpus non distributa ( ut in statu naturali fieri consuevit ) in abdominis capacitatem effunditur : Retinetur autem humor ille serosus in venis , & ad totum corpus non distribuitur , ex læsa vel impedire facultate attractrice partium ad quas deferri solet , vel ob errorem externum. Partes autem præcipuæ , quæ primum serosam materiam attrahere solent , sunt hepar & lien. Illa enim viscera chylosam materiam ad se trahunt , in qua substantia humida & aquosa ciborum & potuum continetur : Tum etiam Lien potulentam materiam ad se trahit puram & impermixtam , ut docuit *Hippocr.* Et testatur experientia eos qui potui maxime indulgent , illius portionem effatu dignam emittere per urinas statim à paltu , quod fieri dicunt auctores peritissimi , à Liene aquosam illam materiam attrahente , ante quam ciborum concoctio in

stomacho sit perfecta. Læditur autem hepatis & lienis attractio à variis causis , præcipue ex defectu seu imbecillitate caloris innati : debilitatur autem hic à frigida vel calida intemperie , & à suffocatione. Frigida intemperies à nimio alimentorum refrigerantium usu , larga sanguinis evacuatione spiritus confestim exhauriente , vel quavis alia causâ excitata , cum per se calori adversa sit , etiam hepatis & lienis calorem obrundit , ejusque actiones lædit. Calida vero intemperies nativum calorem dissipat , unde ille debiliior factus , actiones hepatis & lienis minus feliciter exercet : Inducitur autem illa à febribus ardentibus , vini metacioris largo potu , ciborum calidorum & medicamentorum usu nimio. Denique debilitatur calor natus per suffocationem , quando sanguis nimia copia redundat in venis , præcipue impurus , qualis cumulari solet in mensium vel hæmorrhoidum suppressione : per illas si quidem evacuationes corporis impuritates expurgari solebant , quæ iisdem suppressis retentæ totam sanguinis massam inficiunt. Læditur etiam , vel impeditur prædictorum viscerum attractio ab obstructionibus , quæ liberum materiæ serosæ transitum intercipiunt : Sic scirrhum hepatis & lienis hydrops sequitur , non tantum quod illæ partes debilitatæ sanguinem laudabilem generare queant , sed præcipue quod totam illam materiam , quæ potu assumitur , attrahere non valeant , & ad alias partes transmittere. Post hepar & lienem serosam materiam ad venam cavam translatam attrahunt renes , & totum corpus à superflua illius copia liberant , ita ut si functio illorum cessaverit , maxima feri copia in venis retineatur , quæ in abdomen effusa hydropem ascitem brevi producit. Denique ob errorem externum feri distributio impeditur , quando aqua magna copia frigida hauritur , quæ non possit regi à natura & in venas sufficienter distribui.

§. 2. Docuit anatomica hydropicorum inspectio , hepar aut apostemate occupatum , aut inflammatione , aut scirrho , aut aliis laborasse : Observati tamen sunt hydropici salvo hepate , vitio aliarum partium , &c. Oculatam fidem in his assero , certius parhologix fundamentum , ut appareat in his affectibus lædi subinde hepar , subinde alias partes. *Th. Bartholinus in dubiis de Lacteis thoracis cap. ultimo.*

## S C H O L I A.

*Salvo hepate ]* Sanguificationis actionem læsam morborum matrem , hepatis assignarunt uno ore Medici , quia coquendi sanguinis crediderunt officinam , illique chylum omnem infundi , sive per mesentericas venas sive per lacteas : Hæc suppositio fuit per nostros ductus novos , corrui quoque quod fuit superstructum : Signa ipsa diagnostica , quibus actionem vitiatam in hepate discernunt , tam sunt generalia , ut toti venoso generi ipsique cordi possint esse propria , 1. ex alvi excrementis desumit *Galenus* lib. 5. loc. Aff. cap. 7. si aut carnis loturæ habeant similitudinem , aut sanguinea sint. Hujusmodi autem excrementa quum ab Hepate non prodeant , quo modo male affectum hepar indicabunt ? Ex hepate ad mesenterium pervenit nihil , nisi per novos ductus Lymphaticos , vel per porum cholidochum : Venæ portæ & arteriæ ad hepar sanguinem perducunt ex Hærvæana circulatione , Quicquid igitur excrementis alvi miscetur , nisi vel

bilis sit , vel aqua , ex arteriis mesentericis expurgatur , quæ à corde dependent , cujus idcirco vitia universum inficiunt corpus. Cor enim chylum vel trahit , vel per lacteas nullum recipit , hepar nihil , quia ductus nulli ad illud pertingunt per quos trahat. Taceo si vitium externum , sive à ventriculo , sive alia causâ eludat sanguificationem , tam cordis quam hepatis damno fieri. Alterum ab urinis signum in pari pono discrimine. Serum enim in renibus percolatum , cum arteriolo sanguine per arterias ex corde fluxit , quippe emulgentes venæ ex renibus superfluum sanguinem ad cor referunt , nec vel guttulam renes ab hepate accipiunt : Tertium signum à coloris in toto mutatione , cordis potius affecti præbet indicium , ex quo per arterias nutritius sanguis ad totum corpus distribuitur : Denique ex causis , quod divinant , eodem in corde diviens prodit : hoc enim calidi nativi focus , hic accenduntur febres , huc calida frigidaque largius



sumpta per thoracicas celeriter & via brevissima perveniunt. Igitur nullo indicio satis valido læsam in hepate sanguificationem assequuntur: Unde nec ab illius vitio tot effectus deducunt, hydropes, cachexias, atrophias, diarrheas, &c. nempe quod sanguificationis in eo spectat læsionem: Concedo & plane statuo hepar in huiusmodi affectibus sæpissime laborare, sed non quod ab hepate sanguificationis opus primario dependeat, aut ejus læsio: Sæpe vitio corripitur hepar in cordis passionibus: *Ballonius* 2. Epid. p. 140. refert aperto cadavere puellæ, quæ duos menses integros febricitaverat, inventum esse hepar incanduisse præ calore, ut esset friabile: Sunt hydropes multi aliarum partium, capitis, thoracis, uteri, &c. quos ex hepate advocare non est necesse.

Solus hydrops abdominis ad hepar refertur, nec is omnis, sed alius à liene, alius à renibus, alius à mesenterio. Quantum conjectura assequor, hepar ideo in hydrope veteres invocant, quod putaverunt sanguine hepatico omnes partes nutiri: At falsa jam illa suppositio, quia solus arteriosus ad partes nutriendas ex corde propellitur. Igitur quando hepar in hydrope laborat, neutiquam culpa referenda in frustratam illius sanguificationem, qua caret, sed in vitium sanguinis per arteriam celiacam & venam portæ illati, quod in corde vel alibi contraxit: vel in obstructionem hepatis, inflammationem aliosque affectus, quibus hepar occupatum non potest satis ex voto temperare sanguinem per dictas venas receptum. *Idem ibidem.*

## OBSERVATIO II.

*Hydrops Ascites à seroso humore subflavo citra vitium Epatis & Lienis, cum Peritonæi & intestinorum inflammatione.*

**I**N Ascitico quodam, ultra decem menses, institutam vidi paracentesin Lutetix Parisiorum, in Nosodochio *l'Hôtel Dieu* vocato, ab illius Chirurgo jurato, *Monsieur Petit*, sequenti modo & successu; Facta in umbilicum incisione, & immisso canali ferreo, binis transversis digitis longo, aquam extraxit prima vice ad libram unam, canaliculum immisso epistomio rite clausit: Ita primo die bis, altera ter, aqua in convenienti copia detracta: Nocte quæ tertium præcessit diem, de ingentibus intestinorum doloribus conquestus, & inquietus dormiens, recluso epistomio sibi ipsi aquam educere cœpit, quod cum rite loco suo reponere nequireret, fluxit aqua ad auroram usque & adventum Chirurgi: unde pessime se habuit, & unius vel alterius horæ interjecta mora vitam cum morte commutavit, juxta *Hippocr.* sect. 6. aphor. 27.

Apertum ejus cadaver talia exhibuit: Abdomen ante sectionem ita erat tumidum ac distentum ac si ne gutta humoris emissæ fuisset, quo incisione recta aperto, serosus humor subflavi coloris in magna quantitate effluxit, haceducta, & sectione ulterius continuata, inter peritonæum & musculos abdominis aqua apparebat nulla: peritonæum autem infra umbilicum conspiciebatur valde inflammatum ac rubescens, Supra vero, & circa situm hepatis, quasi gangrænosum, mucosa quadam viscidâque materia alba circumcirca obductum, cui insuper sanguis nigricans in grumos concretus adhæsit: *Intestina inflammatione ingenti*, quasi erysipelate erant correpta (unde forte isti cruciatus de quibus conquerebatur) similémque materiam mucosam adjunctam habebant: Hepar genuino præditum colore ac duritie, nec nisi circa vesicam felleam albicantius conspiciebatur. Lien à statu naturali non recesserat, nisi quod vicinam habuerat vesicam aqua plenam, quamvis tunc ruptam: Pulmones boni erant & naturales: vesica urinaria admodum parva, contracta omni-que urina destituta. *Carolus Rayger observ. 3. Miscell. curios. ann. 4.*

## S C H O L I A.

**L**icet Paracentesin omnes fere Medici commendent, mihi tamen salvo aliorum judicio videtur vel inutilis, vel non necessaria; Inutilis, si interna adsit prava viscerum constitutio, si jam hydrops nimium invaluit, si in fine adhibeatur, ut plerumque fieri solet debili jam existente ægroto, tum non raro vita cum aqua effluit: Non necessaria, si interna rite se habeant, & natura per se satis valida, aut medicamentis adjuncta, saburram aquosam per loca convenientia expellere possit. *Idem.* Vide *Walæum* m. m. p. m. 107.

*Intestina inflammatione ingenti, &c.* Alibi adnotatum Paracentesi inutiliter celebratæ, succedere partium interiorum phlegmonem aut erysipelas. Item ex *Rosfinccio*, Nullum hydropem curabilem esse quamvis sitis est adjuncta, quod ut plurimum in hydropicis dissectis inflammatio intestinorum deprehendatur.

*Hepar genuino præditum colore*] Censuit *Galenus* (quem sequuta Medicorum cohors) omnem Hydropem fieri ab Hepate frigidiore & hæmatosin non exacte perficiente, ita ut pro laudabili sanguine, multam aquam, pituitam aut statum generet. Quæ sententia ut de Anasarca verissima est, & omnium consensu receptissima, sic de Ascite & Tympanite à recentioribus non paucis controversitur: ideo quod in multorum hydropicorum dissectionibus hepar incolume & illatum deprehensum sit: Præterea *Hippocr.* 2. prorrh. diserte asserit hydropem fieri vel ab hepate, vel à parte inani: per partem vero inanem intelligit totum illud spatium quod à costis ad ilia extenditur, & partes in eo contentas: Idem *Hippocr.* 4. de morbis, & 1. de morbis mul. hydropem ex Liene describit: Quibus autoritatibus vulgo responderi solet, hepar perpetuo affici, primario vel secundario, ita ut nunquam hydrops contingat

tingat quin hæmatosis vitietur, & loco sanguinis laudabilis aquosus generetur: Verum duæ rationes hanc doctrinam acriter urgent, primâ delumpta est ab experientia supra proposita, quod nimirum si necessarium esset hepar perpetuo alicui, in disse- ctione cadaverum nunquam illatum reperiretur. 2. Quod si hepar sanguinem aquosum generaret, ille in totum corpus distribueretur, quemadmodum in anasarca sanguis pituitosus in omnes partes trans- fertur: neque sufficiens ratio reddi potest cur humor

serosus in hepate genitus in solum abdomen non in alias partes deferatur. *Riverius.* Quid præterea alii reponant videatur infra.

*Intestina inflammatione correpta* ] Hæmorrhoidi- bus internis non fluentibus interdum hydrops nasci- tur, materia quæ qualitate & copia peccat, resta- gnante ad Colon, quo inflammato dolor ac sitis, hinc aqua liberalior hausta, lætæ prima coctio- ne, quæ secunda non emendatur, per- turbatio ac hydrops.

## OBSERVATIO III.

*Ascites Cordis vitio genitus polypis duobus obsessi. 1. 2. 13. 14. Exesi cum distensione & ma- gnitudine pericardii. 3. 4. Extenuati. 5. Extraordinarie, magni, cum sanguine concre- to in ventriculis, præter nat. constitutis. 6. A calculo in corde, cum hepatis & lienis scir- rho. 7. 9. A vitio Cordis in quo substantia pituitosa, cum jecoris, lienis & renum vitio. 8. 11. Ob vitium Cordis pericardio destituti, cum aliis læsionibus, & hepatis corruptione. 10. Vitio Cordis, lienis hepatis, pancreatis, vasorum mesaraicorum obstructione. 12. Vitio Cor- dis & Pulmonum. 14. Cordis, hepatis, lienis, renum. 15. 16. A polypis in Corde, hepate scirrhuso. 17. A folliculo in Corde, pinguedine in dextro ventriculo. 18. A substantia pitui- tosa in dextro ventriculo. 19. Ab Excrescentia ramosa in utroque ventriculo. 20. A cor- poribus fibrosis in sinistro ventriculo & aorta, summe dilatatis. 21. A calculo vena arterialis principio adhærente. 22. Ascites & pectoris hydrops à polypis in Corde. 23.*

§. 1. **N**icolaus Sveiger, adolescens xvi. annorum, Basileæ probis natus parentibus, sed pauperculis, atque adeo viliori à generis victui & laboribus assuetus, timidus, ac eo temperamento quod veteres sanguineo pituitosum appellarent, præditus, spiritum à puero difficiliorem traherat, præsertim cursu exercitatus: Igitur anno ætatis xv. ingravescen- te spiritus difficultate inguinum dolorem sentit, tensivum pungentemque, incessu exaspe- ratum: Una & altera septimana post sequutus abdominis tumor, initio parvus & neglectus, In dies vero altius assurgens: Scrotum etiam ipsum jam intumescere, imò & femora quoque & pedes: quorum tumor cuti concolor impressa digitorum vestigia aliquandiu servarat: In summo quinetiam femore, prope scrotum, serum ex ipsis cutis poris largiter stillare: Suc- cessu temporis brachium itidem sinistrum intumescere visum est, iterumque sponte derumes- cere absque manifesta evacuatione: Vena abdominis cutaneæ ac epigastricæ, plurimo san- guine distentæ perpetuo surgebant, jamque insignes & valde conspicuæ evadebant: Umbi- licus antea reconditus, nunc ad transversæ altitudinem pollicis extrusus prominere ac pelluce- re. Denique ultimo mense aqua ex scroto, factis suapte cuniculis, effluere, sed nihil im- minuto hinc ventris tumore: Qui tantus quadrimestri spatio evaserat, ut præ immani ejus distensione æger nihil magis quam disruptionem metuerit. Toto morbi decursu Pulsus debilis & parvus erat, tremulus aliquando, ultimisque duobus mensibus intermit- tens, usque ad extremum plane myurus & formicans. Respiratio semper difficillima, cum maxima pectoris anxietate & inani tussi, negotii plurimum usque faceflebat; Appetitus fere dejectus erat, Lotium nunc parcius, nunc reddebatur copiosius, flavescens, turbidum quan- doque cum multo sedimento, aliquando lixivii instar filtrati pellucidum: Mingebat autem plerumque cum dolore & molestia, Nam genitale membrum simul tumebat, ac stringente frænulo intorquebatur: Sensuum omnium, & mentis etiam functiones, ad vitæ finem usque il- libatæ manserunt, moveri tamen corpus, propter immensum sarcinæ pondus, difficulter potuit, incessu jam inde à tribus mensibus plane abolito: Pleraque medicamenta incassum adhibebantur: Topicis autem imminens scroto & inguinibus gangræna summotâ fuit, Tan- dem vero tot tantisque miseriis fractus victusque adolescens, die 14. Maii 1674. expiravit.

Noctu cadaver ab Excell. Henrico Glasero, Anatomes tunc Professore, totâ viâ eo ad locum dissecabatur, me præsentem & auxiliatrices subinde manus præbente. Detracta primum ab- dominis cute, serum hanc inter & musculos observabatur, potissimum autem versus lum- bos, ubi & frequentes aderant hydatides, seu membranacei aqua scatentes folliculi: Se- rum etiam inter pubis cutem & musculorum abdominis tendines, nec non inter scrotum & propria testium involucria stagnabat: alicubi crebris membranulis interceptum, inque substantiam gelatinæ haud absimilem sic quodammodo densatum: Intra elitroïdem cry- troidemque tunicas nihil ejus inventum: Musculi abdominis à peritonæo facile separaban- tur, intercurrentibus aquis. Jam pascfacto abdomine, maxima feri viâ tanquam è fonte prorupit,

prorupit, quo non mensuræ duntaxat aliquot, sed etiamnum integra amphora impleta : nam colore referebat, quamvis degustatum neque tam acre, neque falsum sentiretur : Exhaustis aquis, infimi ventris viscera, præter omnem expectationem, haud multum corrupta vel vitata deprehendimus, Epiploon equidem labem, sed fere unice contraxerat : nam & omnispoliatum pinguedine ac insuper putridum erat, versus dorsum præcipue atque ventriculum : Peritonæi quoque interna superficies asperiuscula, porosa tamen, creberrimisque sanguineis vasis distincta & rubens apparuit : Hepar forinsecus attrorubicundum, intus *expallido flavescebat*, absque scirrhis tamen aliove vitio : Lien & Renes aliquantum flaccidi, cætera sani ac illæsi : Ventriculus & Intestina cum Pancreate, omnium calculo integra ac illibata judicabantur, excepto *mesenterio*; *cujus glandula* alicubi putrefacta in amurcam, levi digitorum attritu convertebantur : Thoraci potissimum inerat lerna malorum : Amoto enim sterne, *Pulmo dextri lateris pertinaciter* & pleuræ, & diaphragmati, & pericardio *adhasit*, ut inde nec manibus avelli, nec integre cultro separari potuerit : In sinistro latere liber à pleura erat, sed pericardio tamen ac septo transverso affixus : Hunc inundavit *aqua* subcruenta in *sinistro thoracis cavo*, ad uncias octo stagnans, Nullum in pulmonibus pus, sed crebri cruoris grumi, in ipsorum vasis contenti : *Pericardium* valde crassum penitusque carnosum apparuit, extrinsecus diaphragmati, uti solet, sed & pulmonibus, insueto nexu, adnatum ; intrinsecus autem superficiei Cordis undique adeo arcte adaptatum adglutinaturnve, ut multo demum negotio inde avelli separarique potuerit : Spatium itaque nullum pericardium & cor inter relinquebatur, in quo sese hoc libere motitaret : *Cor ipsum pallidum & flaccidum*, multoque cruore distentum erat, & *Polypo gemino*, quorum major sinistrum, minor dextrum ventriculum occupavit : Substantia utrique compacta, *alba, inque filamenta dutilis*, Pedes, sive processus eorum, sese tam in aortam quam in venam cavam & pulmonum vasa extendebant : Carunculæ denique & columnæ, quibus thalami cordis, & auriculæ intrinsecus cancellatæ, ac veluti fornicatæ alias esse solent, hic fere penitus detritæ atque oblitteratæ evanuerant, ut nonnisi pauca earum vestigia superessent : A cerebri examine nos temporis angustia exclusit, in quo tamen parum aut nihil adfuisse labis, constans sensuum & rationis integritas fidem facit. *Johannes Conradus Peyer Methodi Historiar. Anatomico Medic. cap. 6.*

## S C H O L I A.

**V**itio cordis] Hominem veteres Universi compendium dixerunt, nec extra oleas, cum plurimum omnino analogiæ seu affinitatis intersit : Ut autem sidera quoque adessent, Cor microcosmi Phœbum, sive Solem nuncuparunt : Siquidem ex hoc veluti fonte manantes spirituum sanguinisve rivi totum corpus irradiant, foveant, conservent ; Quemadmodum vero Sol in Macrocosmo nonnunquam sive adglomeratis circa eum maculis turbatus, sive nubium cortici involutus, sive aliis denique modis offuscatus nostro è conspectu eripitur, ita cor hominis suos quandoque manes, ac veluti eclipses pati ex recitata historia apparet : Enimvero adolescentis istius viralia ac spiritalia organa, omnium prima, imo forte statim ab utero laborasse verisimile est, ut pote in quibus præcipua maximaque labes fuit inventa : Quin difficilis etiam à puero spiritus de natio, quodam pulmonum impedimento coram testatur : Non equidem tamen adducor, ut credam, inde ab infantia eam cordis extrinsecus conformationem, qualem post mortem invenimus : secus ad xv. annos usque vita produci haud potuisset : est enim huc necessaria cordis libertas, unde & veterum plerique hominem affecto corde diu non posse esse superstitem bene tradiderunt : Errasse vero istos in eo quod à morbis organicis cor, propter substantiæ robur, prorsus immune crediderunt, vel hac conficitur historia : Est quidem, fateor, cordi, tanquam munitæ arci, validove musculo, quoddam roboris præsidium, Verum fortissima quoque mœnia sæpe vinci ab hostibus, quis nescit ? Neque igitur vibrationum constantia, neque spirituum & sanguinis concentrata vis aut efficacia, neque compactarum de-

nique fibrarum potestas, propulsandis omnibus à corde injuriis succiunt : suæ quippe sunt cordi venæ ac arteriæ, per quas, æque ac alias in partes, prævi humores interdum adducuntur : & quanto cordis moles est compactior, tanto semel innissi pororum angustis illi pertinacius hærent : Idem & aliorum hujus sæculi observationes confirmant : quas inter notatu digna est *Harvei*, de carne fungola cordis cono adnata, quam describit de generat. anim. Exerc. 52. *Louverm* etiam historiam de Pericardio fortiter cordi adhærente in Tract. de corde cap. 2. recensere Et Illustris *Wepferus*, se duos secuisse juvenes scribit, quorum utrique pericardium arctissime cordi accretum fuerit : In historiis Anatomicis *Th. Barbolini* affectorum iidem cordium passim aliquot extant : Ex quibus jam satis, ut opinor, manifesto liquet, haud usque adeo raras & infrequentes cordis affectiones esse : Sed & eadem opera hinc elucescit in hydrope sæpenumero Cor, salvo hepate ac Liene, primatio atque unice laborare, omnibus diluvii undis ex hoc fonte manantibus : Et sane in adolescente nostro, haud video cuinam visceri ascitis ortus adscribi possit aut debeat, præterquam cordi, nam in eo maxima labes fuit inventa.

*Vitiori victui assuetus, timidus, spirituum à puero difficiliorum trahens.*] Ergo nunc etiam statuimus Aiciti Cordis destructionem, huic pulmonum corruptionem prævisse : Ex pulmonibus quidem pravam ab ortu diarrheam, & præposteros adhæsisse nexus certum est : quibus crescentæ ætate auctis, respiratio utique difficilior reddebatur : Quippe stringentia pulmonem dextri lateris vincula, efflorescentem cum ætate sanguinem, angustatis viis, plurimum co-



robauerunt : Unde is circa præcordia retentus : nec pleno gurgite inde sese proripere aut expelli valens, difficilem spiritum, ac *timidum*, præter morem, adolefcentem fecit : Nam *audacia* à diffuso cum imperu sanguine in cerebrum & extimas corporis oras pender : Huc jam impurus crassiorque victus, qualis eorum esse solet quibus res angusta domi accedit : Ex eo namque suggestus chylus, sanguinem ponderosum tortuosumque reddendo, iter ejus & motum tetradine tardiores effecit : Quare &c.

*Pulmo dextri lateris perinaciter &c.* ] Quare oppressos tardigradi sanguinis mole pulmones, verisimile est parvas in extremitate rimas egisse hinc inde; è quibus transudans viscidum serum, aut etiam lympham, injectis veluti laqueis viscosis vicinam pleuram, contiguumque pericardium cum diaphragmate irretivit, atque seu glutine sensim adunavit : Quod eo quidem adhuc accidere facilius potuit, quo rarus sanguine pulmo utque pressius diaphragmati, pleura & pericardio accumbens, unionem naturavit : Id vero sinistro in latere quo minus eveniret, ratio forsitan est majus illic pulmonis robur : Nihil enim verius quam uni laterum imprimi posse nervos altero incolumi : Quibus minus bene consideratis, pulmonum cum pleura unionem plurimis naturalem esse, nec mali quicquam portendere, perpetam in Anatome sua asseruit *Diemerbroekius* : Sunt enim nativa aliquando illa vincula, non tamen vitii aut navitaturam exuunt : Quippe ex hoc veluti seminio, aut malo ovo, sapissime phthisis (nisi quis fatalis alius morbus intercurrat) excludatur.

*Pericardium &c.* ] De Pericardio nostra fert sententia, liquorem ejus inde prodire suam unde denominationem ab antiquo habuit ; Ex ipso videlicet Pericardio, nam alias hucusque vias indagare, etiam post inquisitionem diligentissimam, non potuimus : Ex dentatis autem vaporibus illum constari, usque nobis fuit suspectum, quia sæpenumero turbidum, crassum, tamque copiosum invenimus, ut fieri nequeat à vaporibus talem suppeditari : Qua in re contentientem *Lonverum*, exactum cordis scrutatorem, habemus. Exploratum quin etiam, optimum ignis ope inspissatum pericardii humorem coire ac densari, quod compositi è vapore minime contingit : Id vero crebra quoque experientia nobis innotuit, esse pericardii internam superficiem, ad instar foliorum hyperici vulgaris, innumeris foraminulis perviam : sed tunc demum conspicuis, quando supposito forinfecus digito pressa, minutulis passim aquæ guttulis sudant : Quæ cum ita sint, facile jam colligimus crassum in nostro adolefcente sanguinis serum angustos hos poros transire, ad restaurandum pericardii humorem, amplius nequivisse : quare hærens in angustis illud, & stagnando corruptum, pustulas primum excitasse videtur, analogas illis quæ, alias in cute sæpius, ex acri sanguine efflorescunt : quibus demum in ulcuscula conversis, manante illinc sanie seu ichore, pericardium cum corde coaluit, eum prope in modum quo exulceratas nonnunquam palpebras oculi bulbo accrescere accidit : Et illud quidem tanto facilius fieri potuit, quanto turgidi semper pulmones capsulam cordi pressius aptarunt, postea vero arrola jam, vi sanies, ipsa quoque cordis superficie, mixtus nutrimento sanguis profusus est, quo in fibras abeunte, pericardii moles insigniter aucta crevit, ut in unam veluti massam cum corde tandem converteretur : Quibus amplius illustrandis ac confirmandis, appositum, bruti quamvis, exemplum confert ; nimirum immolata feris in corde

vaccæ, sartoriam aciem, unciam unam cum semisse longam, invenimus dextro ventriculo transversum infixam, penetrante in ejus interiora cuspide : erat autem acus nigra prorsus, multaque ferrugine incrustata, ut certum sit diu illam vivente adhuc vaccæ isthic hæsisse : Pericardium vero undiquaque cum corde intimo nexu coaluerat, quod à sanguine & succo nutritio, è compuncti cordis & pericardii vulnere stillante factum fuisse evidentissimum arbitramur : De Pericardio iterum id tetigisse sufficiat, quod alii quidem ante me etiam notarunt, Erinnatio terrestri pericardium non esse, Cujus tamen subsidium tam necessarium putavit *Lonverum*, ut illud in omnibus, vel in minimis animalculis nunquam desisse crediderit : Sed & sine capsula cor in hominibus *Columbus*, atque *Brodbeckius*, uti ex *Barbolini* cent. 4. histor. 20. apparet, observarunt : Quanquam opinari fas sit pericardium aut pulmonibus, aut ipsi cordi potius, ita tunc adnatum p. n. hæsisse, ut distinctum videri non potuerit : Nam & in nostri adolefcentis cadavere, cor primo intuitu expers involucri putabatur, quod postmodum diligentior inquisitio adunatum detexit : Ut ut verò in brutis, anguilla, raja &c. suas ob rationes diversimode se habeant, homini tamen ad bene valendum necessaria est cordis capsula, sed ab omni nexu, præterquam cum diaphragmate, & superne cum vasis, libera, nec usquam cordi continua : secus devincto sic & mancipato corde, mala omnia, ipsamque mortem nasci, funestus hic docet eventus : quia enim cor pericardio, istud pulmonibus, hi diaphragmati, & in dextro latere pleurae vehementer adhæserunt, oppido hinc palam fit, quantopere cum in motu suo cor, tum in respiratione pulmones detrimenti ceperint : adeo ut jam unum alteri impedimento existens, in diversa, tanquam os à duobus canibus, distraheretur, quæ quidem inani contentione non potuit non malum augeri : Etenim vellicatis hac ratione, modo pulmonibus, modo pericardio & corde, serum & sanguis inde, tanquam ex reffricato vulnere, semper denuo emanans, inque fibras concretum, copulam usque majorem pertinaciorumque reddidit, Præterea &c.

*Cor pallidum & flaccidum &c.* ] Præterea ex hac jugi cordis se extricare satagentis læta, fractis fibrarum viribus, flacciditatem cum auscultis ejus contraxere ventriculi ; adeo ut eminentes intrinsecus columnæ & monticuli carnei, superstitionibus duntaxat paucis vestigiis, ferme penitus evanuerint : Cujusmodi obliterationem in quodam phthisico, sed ad hydropem vergente, alias observavi, cui cor adeo fuit extenuatum, ut sinistè ejus thalamus vix mediocri corium, dexter vero simplicem tunicam, parietum crassitie æquaret : Ita nimirum solers domitiliæ sui conservatrix natura, rem quampiam sentiens molestam, vel suis in actionibus interturbata, ad impedimentum è medio tollendum fibras omnes & nervos, quo potest uique constanter intendit.

*Pulsus debilis &c.* ] Rebus itaque sic stantibus, pulsus in corde alius cieri quam initio debilis & parvus, postea tremulus ac inæqualis, denique myurus nequivit : Parva enim duntaxat, negato dilatandi spatio, fiebat diastole ; in systole autem, renitente pulmone ac diaphragmate, tremor ex ancipiti læta : hic autem, qui cordis dilationem à rarefacto sanguine, non fibrarum facultate proficisci existimant, pervelim mihi tantisper explicet, quomodo in hoc adolefcente fieri potuerit diastole, cujus & sanguis torpidus ac segnis, & cor tot tantisque vin-

culis obrutum constrictumque fuit, nullum sane, ni victas dent manus, erit effugium. Pulsus etiam debilitandi &c.

*Polypo gemino*] Pulsus etiam debilitandi magna polyporum in corde fuit potestas, & concretis sanguinis fibris aliquandiu ante mortem genitorum: Hos unquam in viventibus dari negat contra *Tulpium* ac *Thom. Bartholinum Kerkringius* in spicil. *Anatom.* Observat. 73. exultimatque illos deum post mortem ex concreto sanguine fortuito nasci; fretus experimento injecti in venam canis vivi spiritus vitrioli: Verum enimvero quamvis certum sit sanguinem, ablata anima, in corde & vasis sæpenumero concretum grumescere, inque canibus affuso vitrioli spiritu coire: nondum tamen hinc evincitur in viventibus nunquam id contingere: Nam magnum est inter grumos & polypum discrimen: illi enim fibris paucis, ac laxè contuseque unitis instructi tubent; hic candicat, instar fere adipis, densata atque ordinata fibrarum serie ac robore pollens; Neque Polypi in omnibus defunctorum cordibus reperiuntur, etiam si sanguis & grumi adsint: Porro illi ipsi polypi, in canibus viventibus excitati, repentinè mortis causa potius quam effectus esse videntur: Qua etiam ratione humanus sanguis, quovis modo in acotem versus cordis oppressionem inferre potest: Et sane ex ingenti terrore, subitanea mentis consternatio ideo quosdam è medio tollit, quia sanguine in polypos abeunte, cor ita mox intricatur intarciturve, ut expedire se non valens à motu jam cesser, Nec varices, ex multorum sententia, sunt aliud quam venarum polypi: De his autem plura differendi amplior forsan alibi campus dabitur: In nostro generari adolefcente eo facilius polypi potuerit, quo impedita cordis systole, restitane in ejus thalamis perpetuo sanguine, magis magisque elanguit.

*Maxima pectoris anxietate & inani tussi*] Alter comes difficili respirationi individuus, præcordiorum fuit anxietas & tussis, tam ex angustia quam ligati diaphragmatis impedimento nata: Nam & alibi magna dyspnœa confecti adolefcentis pulmones undique pleuræ, diaphragmati, sterno & pericardio obleravimus: Simili quoque anxietate juvenis, teste *Excell. Wepfero* premebatur, qui nunquam nisi pronus in genua provolutus, & cubitis sustutus, dormire, imò respirare valuit: Est enim ad vitam prorsus necessaria uti cordis, ita pulmonum quoque libertas.

*Patefacto abdomine maxima feri vis*] Ultimus denique & fatalis morbus Atcites extitit, lætæ respirationis, & motus in corde ac sanguine languentis scetus: Neque enim certius ex ovo pullus, quam istis è principiis hydrops, excluditur: Quoniam igitur sanguinis massa, utque tantum in pulmonibus, præcordiis & majoribus vasis adglomerata hærens, in ambitum corporis & emunctoria sua tardius emicuit, eliminando insensibiliter, per cutaneas glandulas, sero retento vel restagnante, hydropis stamen sive diathesis jacta est, quam pituitosus sanguis natura facile admissam constanter retinuit: Quin chylus etiam, cum in corde & pulmonibus subigi ad debitam utque perfectionem nequireret, in pituitam abiit, non verum sanguinem; quo cum laxè tantum unita illa, ex hujus sinu iterum elabi facile potuit: Ergo aqua sic in majorem in dies molem aggesta, nec vasis sanguineis amplius coercenda, quia per habitum corporis iter non paruit, in cavum abdominis secessit: Ubi datis jam viis, brevi temporis spatio in immensum congesta est; excitato prius inguinum dolore, ob peritonæi & musculorum ab-

dominis illic adhærentium distensionem, mox totius imi ventris tumore: De viis per quas serum confluit, ambigui hæremus, utrum lymphica vasa an alia fuerint: Expeditissimum quidem a ruptis lymphæ vasis colluviem derivare, Veruntamen rarius hunc aperiri fontem nobis multa persuadent, de quibus, Volente Deo, alibi: Id solummodo nunc advertimus aquam istam in abdomine plurimum & sapore & colore à lymphâ discrepasse, ac ruptorum hujus valorum nulla uspiam vestigia apparuisse: Cæterum experimento alibi didicimus, aquam ex hydropici viri abdomine acu eductam, quantumvis spicci coloris esset, evaporante super prumas in scutella tenniore ejus parte, reliquam inglutinosum quoddam crassamentum tandem abivisse: Verum hoc nondum sufficiens arbitror pro lymphâ extravasata argumentum: Est enim evaporatione exhalantis multo major, quam concretæ in gelatinam humoris copia, & color à lymphâ alienus: quam negari non possit hanc animalibus nonnullis circa hepar flavescere: Interea ne nihil dicamus, aquam si non omnem, at magnam certe ejus partem è peritonæo destillasse arbitramur: Si quidem hoc porolum plurimisque sanguineis vasis distinctum fuerit: Quæ natura dilataste ac multiplicasse videtur, ut hic redundans serum cominode exantaret: Ita sæpenumero cor magna aquarum vi obrutum vidimus, ex ipso pericardio profecturum: Et qui inter utramque cerebri meningem liquo aliquando reperitur, nostro judicio ex dura matre est: Cæterum quia Omentum adolefcenti nostro, uti aliis omnibus hydropicis, quos hucosque dissecare nobis contigit, extenuatum putridumque fuit, non utique de nihilo esse videtur quod *Hippocrates* de aquis hydropicorum illinc scaturientibus pridem disseruit: Plura tamen experimenta prius facienda nobis restant, quam de his certi quid publice determinemus.

*Respiratio difficilissima*] Quantum autem respirationi, ante jam valde laboriosæ, obstacula nova hæc sarcina dederit, facile unusquisque intelliget, quem modo diaphragmatis structura & motus non fugit: Qua de re potissimum *Casparus Bartholinus* Th. filius, legi meretur: Adhæc transversis, facilitandæ respirationi inservientes abdominis muscoli, ab officio suo distenti cessarunt: Quare diaphragmatis, atque costarum motu in totum fere sic abolito, spiritus sive ær, exiguis portionibus tantum, sed creberrimo nisu, per solam asperam arteriam agebatur, constringentem sese ac vicissim dilatantem, ope fibrarum morricium, quas *Caspar Bartholinus* de diaphragmatis structura, cap. 2. lect. 2. addito iconisino, itemque *Th. Willis* exposuit: Imò aquæ pondus, compressis fortiter thoracis visceribus, istorum coalescentiam multum oppido firmavit & auxit, ut tot distincto cumulatque malis adolefcenti necessario peteundum fuerit.

*Aqua subcruenta in sinistro thoracis cavo*] Aquam in sinistra thoracis cavitate possemus equidem è laceratis superficialibus, pulmonum diaphragmatisque lymphæ vasis derivare, quam admixta una alteraque sanguinis gutta cruentam reddidit: Verum quia etiam pleuræ poris manare eam potuisse haud inaniter suspicamur; donec certius quid innoscat, hæc in medio nunc relinquamus.

*Scrotum intumescere imò & femora*] Scroti, femorum, & extremorum pedum tumor à sero partim sub cute, partim in musculorum interstitiis hærente, ac alibi in hydatidas congesto originem trahit: Quia enim sanguis ex arteriis in venas reducendus,

endus, diuturniorem in partibus moram neccens, lentissime promovebatur, ipsoque nimio sero imbutus ad nutritionem inidoneus erat, sarcinæ portio exundans in declivia hæc loca decubuit: In quibus restitans, atque membranulis intercepta, plenas liquore vesiculas, & alicubi gelatinæ haud dissimiles effecit: Cujulinodi plurimas in adolescentis phthisico hydropici anatome, universum ad intestinorum cellulas usque mesenterium occupantes, atque illius glandulas, & vasa omnia abscondentes, ut deregi difficulter potuerint, se vidisse *Ioh. Jacob. Harder* ad me scripsit.

Harum vesicularum generationem artificialis in bruto hydrops ad oculum commonstrat: Nam ligatis vivo cani jugularibus, ut deorsum sanguis pleno ferri gurgite nequireret, & sic aliquandiu dimisso, multas passim sub cute capitis, in membrana adiposa, atque musculorum intercarpedinibus congestas aquas, post *Louverum* ac *Willisium* etiam nos observavimus: Est & aliud hujus rei experimentum, quod norunt omnes qui circa viscerum dealbariones, ventriculi præprimis ac intestinorum, & liquorum, vel ceræ, in vasa injectiones, crebro versantur, nam vel maxime invitis sæpe accidit, ut adactum siphonis impetu in arterias fluidum, quia eadem celeritate capillares lubite venas nequit, uel harum trunci ligati iunt, intra membranarum anfractus duplicaturamve profundatur, ubi restagnans substantiam gelatinæ haud ab similem mentitur: In serorum aqua, non ex abdomine per peritonæi processum, ut putant, profluxit, sed ex ipsis sanguineis vasis: patuit hoc imprimis inde, quia exonerante se per cuniculos seroto, nihil imminutum abdomen est.

*Umbilicus antea reconditus* ] Umbilicus extumuit, vi aquarum protrusus: Doleo nos exactius tunc, festinante cultro, haud animadvertisse utrum aqua umbilicum distendens, eo perruptum dilatatumve peritonæum immediate exundaret, an per urachum, quem ab experientia nobis constat in terribus urinam vehere, & hydropicis nonnunquam denuo aperiri: Sæpe quin etiam loquentem audivi Celeberrimum *Wesperum* nostrum de viro, quem se nosse, & etiamnum vivere dicebat, pro lubitu ex umbilico ad distans atque cum saltu mingente.

*Vena abdominis surgebam* ] Propter stagnantem in illis sanguinem segniter promotum.

*Appetitus sero dejectus* ] Appetitus esse nullus potuit, quia nulla diaphoresis nec ingestorum dissipatio: Adhæc principia sanguinis activa adeo aqueis diluebantur, ut digerendis fuissent cibis imparia, hydropi fomitem potius quam corpori alimoniam præbitoris, unde & superiores artus atrophia correpti emaruerunt.

*Brachium sinistrum intumescere* ] Quod autem sinistrum brachium aliquando intumuerit, à seroso sanguine fiebat non itatim per subclavias, propter

angustatum iter resuente: postea vero relaxata non-nihil via, motoque sanguine, iterum detumuit.

*Lotium nunc parcius &c.* ] Urinæ mutationes à varia sanguinis constitutione pendent, Etenim siente ascite turbida minxit cum multo sedimento, quippe tunc omnia in sanguine turbata atque confusa erant, salinum sulphureumque principium nimio sero diluente: At vero depositis aquis, & Ascite jam consummato, sanguis (elabente mox benigniore sero) acrior factus ac incensius urinam paucam, ast acrem & lixivii instar coloratam reddidit.

*Sensuum omnium & mentis functiones* ] Mirum in adolescente nostro, æconomia vitali usque adeo destructa, & sanguine depravato, nihilominus animales spiritus bonos, atque ad sensuum internorum externorumque munia aptos, vel ad ultimum usque halitum generari potuisse: Siquidem inter cor cerebrumque tantam officii necessitudinem ponat *Louverius*, ut neutrum sine altero superesse posse existimet: Hæc autem absit ideo à me dici credantur, quasi istam commercii legem in dubium revocem, experimentis fortiter nixam, sed tantummodo ut ostendam admiratione non omnino carere, summu illum motus in corpore languorem nulla animo deliquia peperisse.

*Hepar ex pallido flavescere* ] Pallor in hepate cæterisque visceribus, à tincturæ purpureæ defectu est, Siquidem ipse sanguis nimio sero dilutus, nec in pulmonibus, ob interceptam nitro aëream symbolam rite efflorescens expalluerit: Cui accedit, quod superveniente hydropé, & sanguine in aquam colliquato, tinctura omnis è viscerum recessibus cuncta fuerit: Quemadmodum aqua, siphonis opé per arterias & venas aliquoties injecta, id facili experimento imitari licet, quo vel rubicundissimum jecur aut lien nigerrimus, maxime scilicet melancholici albescit.

*Mesenterio cujus Glandula &c.* ] Glandulas mesenterii atque Omentum ab iluvie demum, integro semestri in aqualiculo subsistente, corruptio invaluit: Enimvero inficias neuriquam inuis, sapienter ab harum glandularum præternaturali tumore hydropem primario exoriri, cujus rei evidentissima in aliis nostris de Hydropé historiis Anatomico Medicis exempla, siquidem ita Deo visum fuerit, publice aliquando proponemus: Ex dissectione illas in adolescente nostro ita fuisse corruptas patet, ut in amurcam levi digitorum attritu diffuissent: quod substantiæ istarum glandularum flacciditatem duntaxat arguit, inductam à circumfusa colluvie: Per illas tamen chylum nihilominus usque transivisse, fidem medicamenta faciunt, suas in sanguine vires, licet incassum exferentia: Neque enim *Sorvammendano* & venas lacteas, & nutritii chyli ex intestinis per eas ad commune receptaculum iter in dubium vocanti, hæcenus ad stipulati possumus:

*Idem cap. 6.*

§. 2. Virginem aliquando Basileæ, robustam prius & bene valentem, oborto repente Ascite inopinato mortuam, dissecuimus, in cujus solummodo corde, intaminatis reliquis visceribus omnibus, vitium latuerat. *Vide sit. de Morte subita.*

§. 3. Non possum silentio involvere insignem illam ab *Olao Borrichio*, in Act. Med. Hafnienisium *Th. Bartolini* Tomo 1. Observ. 89. traditam de *Valentino Boccato*, centurione triplici hydropé confecto, cujus pericardium ita ampliatum distentumque fuit, ut tres libras, & quod superat, acris turbidique liquoris, sinu suo complecteretur: Ipsum autem Cor non modo membrana propria spoliatum, acrimonia humoris eam absumentem, sed & ita profunde excusum, ut exterior ipsius substantia in lacinias & villos carnosos putrescentes abierit, reliqua interiore contracta, flaccida & marcescente.

§. 4. Quam



§. 4. Quamquidem historiam ideo etiam adducere placuit, quoniam illi haud absimilem anno 1673. Basileæ, in adolescente phthisico hydropico, cui nomen erat *Nicolaus Sotter*, ab *Henrico Glasero* b. m. dissecto, Pericardium illi triplo, imo quadruplo crassius quam pro naturæ norma, & aqua factum, loturæ carniū simili, Cor autem permagnum & inæquali superficie horridum: nam carnei velut lemnisci plurimi illud externe cingebant, in aqua pericardii natitantes, & branchias piscium quodammodo mentientes: quin & rubicundi erant, & à basi latiuscula in acutum apicem fastigiati, serie multiplici: Propriam cordis tunicam alicubi quidem corrosam, soluta fibrarum compage vidimus, sed alibi carunculæ istæ, tanquam excrescentiæ, integræ superficiæ adnatæ hærebant, aliquando semi-unciam altæ, totumque adeo cor fungi speciem exprimens visum est, quem cavernosum appellant, mensis multorum, etiam principum, expetitur. *Idem ibidem.*

§. 5. Obliterationem eminentium intrinsecus in cordis ventriculis columnarum & monticulorum carneorum, superstitibus duntaxat paucis vestigiis, adeo ut penitus ferme evanuerint, in quodam phthisico, sed ad hydropem vergente, ante hac etiam observavi: Cui cor adeo fuit extenuatum, ut sinistè ejus thalamus vix mediocri corium, dexter vero simplicem tunicam parietum crassitie æquaret. *Idem ibidem.*

§. 6. Anno 1673. 26. Octobris, publice dissecta est Basileæ à D. D. *Glasero*, Anatomiz Professore, Virgo hydropica, in qua non adeo magna viscerum atonia erat; solum enim Hepar pituitosis obstructionibus tentabatur: reliqua ventris imi viscera satis naturalia: Cor miræ magnitudinis erat, ferme duplo majus quam pro proportionem totius esse deberet; In cujus cavitatibus maxima copia sanguinis coagulati: In sinistro ventriculo valvulæ mitrales cartilagineæ erant, ut vix inflecti possent, quæ foramen in medio pro transitu sanguinis, vix indicis transcuntis magnitudinem relinquerent; unde maxima mortis causa peritur.

#### SCHOLI A.

**S**I quidem tota massa sanguinis non potuit brevi tempore circulari per angustum illud foramen; nam misera illa ( tanta copia sanguinis per dextrum ventriculum, per pulmonem deinde in sinistrum ventriculum transmissa ) ob angustiam nimiam corde suffocato, necessario obiit. Unde etiam pulmones toti erant rubri, & sanguine nigrescente coagulato perfusi: sanguis enim ante excalescens & commotus est in contentu ad curram, dum voluit transvehì ex pago Basileæ: Capsula præterea cordis tam arcte adnata erat diaphragmati, ut integer circulus albus, nervus debuerit divelli: Prope jugulum, secundum latera asperæ arteriæ, exterius multæ glandulæ p. n. nigro rubræ, hinc inde dispersæ inventæ sunt. *Ex communicatione D. D. Mangoli. Medici Basiliensis.*

*In cujus cavitatibus maxima copia sanguinis coagulati* Fontem & originem sanguinis Cor esse æconomia animalis adulti probat: Quamvis autem de chyli motu ad hepar opinio firmas egerit radices, eradicandam tamen eam esse experimenta hujus sæculi jubent: Observatum enim est chylum non in hepar, sed per ductum thoracicum in venam subclaviam, & hinc per venam cavam in dextrum cordis ventriculum tendere, ibidemque in sanguinem coqui; vicissimque egredi per arteriam pulmonalem, & medios pulmones permeando, à venæ pulmonalis ramulis, recipi & in sinistrum cordis ven-

triculum deferri, in quo ultimam suscipit perfectionem: Huic immediato chyli in cor ingressui, quidam Ductus thoracici angustiam opponunt, existimantes per vasa quædam chyli feram partem chyli ad hepar tendere, ita ut partem operam sustineant hepar & cor: neque enim omnem chylum posse per tantillum ductum ad cor deferri: Verum si hi homines experientiam consulissent, vidissent proculdubio vasa illa ad hepar tendentia non vehere chylum, sed alium, prorsus humorem, lymphaticum scilicet à *Bartholino* vocatum; & præterea motum humoris in illis vasis non esse ad hepar, sed ab hepate versus Receptaculum, Considerassent etiam chyli motum fieri successive & celeriter satis, ut chylus omnis commode per eundem Ductum ferri queat: Sed & adeo provida fuit natura in hoc negotio, ut ne copia permeantis chyli læderetur tenuior hic Ductus, mox à Receptaculo ramulos quosdam chylicos ad venam sine pari destinaverit, quæ chyli partem majorem, cum amplæ satis sit capacitatis, facillime cordi transmittat: ut taceam testimonium *Highmori*, qui chylum in vena sine pari vidit, sanguini nondum plane commixtum: Quivis ductum nostrum sequi, & inflare aërem per tubulum in chyli receptaculum poterit, Videbit tunc aërem inflatum mox subire venam sine pari, eandemque, propulso versus cor sanguine, turgescere aëre inflato. *Frid. Lepnerus Introduct. in Medic. p. 137.*

§. 7. Filia N. frequenter hæmorrhagiæ obnoxia, hinc cachectica, tandem Hydrops accedit: Abdomen ichore fetido erat repletum, hepar & lien scirrhus laborabant: In capsula Cordis humor putridus: circa valvulas dextri ventriculi calculus &c. *Vide sit. de Syncope.*

§. 8. Anno 1591. sæculi foeminam octogenariam hydropicam: Huic mirum in modum urgebat abdomen. Existimabantque è vulgo non pauci eam fascino laborasse: Simulac cutis separata esset, copiosa serosa materia in latere dextro emanavit, quæ præ nimia copia à natura eo deposita fuerat: Pertusis abdominis musculis protinus copiosa erupit aqua, quæ universum replebat abdominis spatium: Quin & in thorace omnia vitalia viscera aquosæ materiæ largiter innatabant, Ablata quoque calvaria ventriculi aqua repleti erant, affatimque cerebrum aquam profundeabat. Peritonæum huic cum Omento prorsus

prorsus absumptum cernere erat, nam simulac muscoli abdominis dissecti erant, cernere erat in inferna abdominis capacitate copiosa filamenta nervea, eodem fere modo uti in ventriculis cordis, ast copiosiora, hæc erant, & hinc inde vesiculas fecerant, quibus pertusis aqua effluebat: hæc corpora nil nisi reliquias peritonæi & omenti notabant: Omnia huic fere viscera non naturali erant statu, Vesica reperiebatur nusquam: Intestina omnia in unum conglomerata & veluti in globum acta, qui globus exterius undiquaque peculiari eaque satis crassa cingebatur membrana, uti videbatur ex excrementis aquosæ substantiæ nata: Jecur solito multo durius, nihil tamen lapidei intus continebat, nec ei color naturalis, ast albidus seu pallidus: Lien durus admodum, & solito multo major ponderosusque figuram mutarat suam, dum & in longitudine & latitudine accreverat: Renes solito multo flaccidiores, tum & versus dorsi vertebrae plus solito retracti: In Cordis dextro ventriculo substantiam quandam pituitosam viscidamque reperi, vitellum ovi colore & substantia referentem, ex pituita lenta & viscida ibi concretam: Aqua quæ effluxit vix duabus urnis capi poterat. *P. Parvius Observat. Anat. v.*

§. 9. Filius Parci Typographi adolescens, Asciticus factus est. Cum mortuum aperirem; Præter reliqua, Hepatis, Lienis, Renumque vitia, Asciticis consuecta, etiam in medio Cordis dissecto, ostribus articulis constans, cavumque & arenosa quadam materia repletum inveni. *Felix Platerus observ. lib. 3. pag. 636*

## S C H O L I A.

**H**epatis, Lienis, Renumque vitia consuecta] Quæ enumerat Prax. lib. 3. cap. 3. Serosus humor ascitem gignens, Si madore suo interiora viscera, hepar, lienem, renes, ventriculum, intestina nimium humectando, debilitet; vel salsedine, actimonia, quam ex commistione aliorum humorum, vel putredine aut corruptione, pluribus mensibus sæpe retenta concipit, adeo ut nauseosum vel cadaverosum, aut alioquin foetidum odorem spiraret, illa potius exsiccet, sicuti talia esse fere deprehenduntur: atque mesenterium, omentum, renumque involucrium, veluti arefacta, contracta, adipemque instar

glebatum illis adhaerentem, in quodam invenimus: Vel si easdem partes certis in locis aqua illa erodat, exulceret, vel etiam putredinem in illis inducat, aut corrumpat contaminetque, sicuti omentum plerumque flavum, putre & foetens in plerisque; præterquam quod retractum, uti diximus fuerat: & mesenterium quoque quibusdam in locis ejusmodi fuisse, in anatome hydropicorum invenimus: Quod si accidat, uti & si alia viscera simili modo ab hac aqua lædantur, graviora in partium naturalium functionum læsionibus symptomata superveniunt.

§. 10. & 11. Foemina quædam cum imprægnationis suspitione intumesceret, spe delusa in hydropem incidit, quo etiam juvenula adhuc laboravit, variis interea symptomatis exagitata, post triennii decubitum vitam finivit.

Suscepta sectione, apparuerunt sequentia notatu digna. 1. Exhausta colluvie aquarum, denudata fuere intestina & viscera infimi ventris omnia, exceptis renibus testibusque, *seuaceo adipe, steatomatis instar incrustata*, ut visum effugerent: 2. Ex adipis crassitie intestinorum cavitates, angustas in morem, coarctatae erant. 3. Stomachus cataphracta eadem vestitus se coarctare nequit. 4. Hepar diaphragmati mediante sevo illo arcte adhaerebat: parenchyma exangue, semiputridum, contractum ac subnigrum apparebat: 5. Thorax apertus, omni aqua destitutus erat: Pulmones vero undique costis ac diaphragmati adnati, & per superficiem externam grandinibus albis atque seuaceis, tanquam margaritis, confiti, plus tamen hic sanguinis quam in Jecore aut liene inventum. 6. Cor pericardio plane denudatum, quod & semel *Columbo* observatum. Dextra auricula, circa venæ arteriosæ orificium, aneurismatis modo, ultra juglandis magnitudinem erat, distenta: Sinister thalamus durior, crassior tumentiorque sanguinem grumosum, subnigrum ac paucum continebat, secus quam in dextro, qui adhuc purpureus erat: frustulum quoque adiposum, subluteum, molle ac lentum in duos ramos, tanquam digitos longiusculos abiens, inque truncorum cavitatem se insinuans, ipsis arteriæ venosæ aortæque ostiis arcte adhaerebat, eaque ocludendo sanguinis affluxum vel omnino impediverat vel plurimum retardaverat, hinc. 7. Arteriæ grumefactum eumque paucissimum sanguinem continebant: 8. Venæ succo pleniores, præcipue vena arteriosa & arteria venosa: venæ etiam cordis coronariæ ac superficiariæ sanguine adhuc turgēbant. *Th. Bartholinus cent. iv. histor. xx.*

§. 12. Nepos Georgii Illustriss. Hassiæ Principis hydropē anno 1655. vix. annum natus decessit. In examine viscerum *Cl. Horstius* sequentia notavit: 1. Cutis circa regionem ventriculi, umbilici & inguinum, maculis atro-purpureis, instar ecchymomatium picta erat. Ex abdomine, per sectionem umbilici leniter factam, humores serosi, biliosi, lurescentes & foetidi, instar aquæ per canaliculum ductæ ad libras medic. xx. prosiliebant: Quibus subductis, & aperto abdomine, Omentum penitus putrefactum notabatur: Intestina cum

ventr.

ventriculo aliquomodo inflata : Pancreas vero ita consumptum , ut ejus nullum fere vestigium animadvertere liceret : *Vena mesaraica glutinosa materia referta.* Lien moniliformis tribus appendicibus instructus , sinistroque reni arctissime annatus , ut sine sectione digitis avelli non posset : Renes ipsi satis grandes : Hepar sanguineo calore suo amisso , cineritium fere & qualis in cocto alias notatur , habebat , incisumque copiosum serum & copiosius quam Lien stillabat : In Hepate autem & Liene foveæ aqua plenæ apparebant : Bilis vesicula aureo colore coruscabat : Pericardium ejusdem coloris & fextoris aqua distentum erat , cui Cor innatabat : Ipsum Cor plane exsuccum & ne guttulam quidem sanguinis intra se continebat , quod in aliis etiam visceribus observabatur : nusquam enim sanguis notari poterat , etiam in venæ cavæ & arteriæ magnæ incisione , sed tantum aqua loturæ carnis non absimilis : Pulmones flaccidi & ex una parte purulenti. *Bartholinus cent. 3. observ. 81.*

## S C H O L I A.

**V***ena mesaraica glutinosa materia referta.* ] Dubitat apud *Horstium* observ. lib. 4. observ. 47. *Bilgerius* an revera obstructions venarum Mesaraicarum , ut Hepatis , de quibus somniant Medici , ab ullo Anatomicorum unquam sint repetæ ac observatæ ? A se obstructions nullas vilas sensibiles ac notabiles : Respondet *Horstius* , Etli frequentissime Mesenterii obstructionibus plurima symptomata communiter adscribantur , quæ tamen sæpius originem aliam habere possunt , Non tamen eas penitus

negandas esse , quamvis in hoc vel illo subjecto non occurrant : Nota est historia ad me perscripta per *Clar. Bauhinum* , ait , qui mesenterii glandulas intumescentes , totalem obstructionem inducentes , phthiseos causam fuisse refert. Imprimis , vero memorabilis est , inquit , historia nobiliss. cujusdam , qui ictero diuturno , tandemque hydropæ laborans , tantas habuit mesenterii obstructions , ut post mortem mesenterii vasa glutine quasi repleta viderentur.

§. 13. Neque in Anatome nova sunt hæc , Sed & mihi plus semel inventa in ventriculis Cordis vaginæ prælongæ productio : Testes mihi Rev. Neapolitani Patres N. qui à me dissecto in corde P. *Menenini* , ex Hydropæ mortui , viderunt *vaginula subflava concrementum* , quantum tota ascendens cava reciperet. *M. Andr. Severinus de Abscessibus pag. m. 277.*

## S C H O L I A.

**V***aginula subflava concrementum* ] Licet ut plurimum Polypus elongatis multiplicibus & oblongis pedibus cordis ventriculos , & adjacentium valorum cavitatem quasi repleat , varium tamen situm nanciscitur , & rudem etiam configurationem , interdum enim placentulæ instar ventriculorum medietatem occupat , & elongatis ramosis productionibus per venas & arterias , hinc inde excurrenti sanguini præbet spatium : Interdum tamen , ut in cadavere juvenis observavi , ita circa cordis columnas & carnosos lacertos hæret , & quasi radicibus implantatur , ut alterum ventriculolum intra cordis claustra efformatum dicas : Talem habet densitatem , & continuitatem , ut intra se receptum per foramen ab auriculâ sanguinem , vi circumstantis cordis ipsum immediate urgentis foras protrudat , quo casu etiam productæ per vasa Polypii appendices ita perforantur , ut valorum lateribus hærentes , sanguinis commeatum intra se admittant , quod etiam in cordis auriculis sæpe observatur.

*In ventriculis cordis* ] Hæc Polypii moles in dextro præcipue ventriculo amplior est ac in sinistro , ut

multoties observavi : Et *Bartholinus* in dextra auricula idem accidisse recitat : quod *Riolanus* confirmat Vide causas tit. de *Morte subita*.

*Subflava* ] Quin & color etiam non raro diversus observatur , nam ut plurimum Polypi in dextro cordis thalamo excitati color subalbidus est , laridi instar , seu excreti succi quem vulgo pituitam appellamus , & interdum rubra quædam , vel subnigra stigmata conspersa habet : In sinistro autem generis colorem ut plurimum atrium & densiorem obtinet substantiam.

*Concrementum* ] Morbosa hæc excrecentia suam quoque structuram habere videtur , etenim præ se fert congeriem superpositarum extensarumque pellicularum , quæ substantiæ modo nervosum corpus , cum aliquali tamen mucositate referunt . & si eadem laceretur , solvi videtur in oblonga & solida filamenta : hæc manifestiora redduntur in ejus appendicibus , quæ fasciculi instar in fibras quasi nerveas resolvuntur. *Vide plura §. 23.*

§. 14. S. Jonam juvenem defatigatum ex pedestri itinere , corripuit acutissimus lateris dolor , cum spiritu difficili & summa cordis palpitatione , sequuta febre hæctica & Hydropæ abdomen distendente : Inventum Cor flaccidum ac justo majus , aqua pericardii exuberans : Pulmo totus vitiatum cordique accretus , venæ ubique tumidæ , uti venter humidus aqua citrina repletus. *Tulpius observat. lib. 4. cap. 19.*

§. 15. Filius N. post cordis palpitationem Asciticus factus est : Cor relaxatis involucribus circa septum transversum descenderat : præter reliqua hepatis , lienis , renumque vitia asciticis consueta , etiam os in corde gerebat. *Vide lib. 2. tit. de Palpit. cordis.*

§. 16. Vincentinus (*Videtis. de Phthisi lib. 2. sect. 7. observat. 50.*) hydropæ pedum non abdominis laborabat : Cordis auricula dextra sanguine admodum distenta ; qui niger , crassus , grumosus : Pulmones lividi , sine sanguine : Serum copiosum in thoracis cavitate : Jecur lividum , scirrhum : Lien magnus , flaccidus : In rene dextro magnus calculus cum aliis minoribus.

§. 17. Illustr.



§. 17. Illustr. N. hydropoe ascite detentus obiit : latuere in abdomine 16. mensuræ citrinæ aquæ , In thorace quatuor , causa fuit Hepar durum atque scirrhum : In sinistro cordis ventriculo inventi duo Polypi. *Vide tit. de ventriculi dolore.*

§. 18. Anno 1627. Joh. Veslingius Rever. N. folliculum dextra cordis auricula eduxit, venulis ei ad nutritionem annexis, in quo nihil puris, licet id initio morbi excrevisset : dextro cordis ventriculo circa initium pinguedo adhærebat : *Iecur nulla infectum labe* : Itaque virum sustulit a solo Cordis vitio hydrops, quod ad sanguinis quidem generationem facit, etiam si de primaria ipsius officina cathedrarii contendant : *Aristoteli* vero partis primæ *Cæsar Cremoninus* nerveose vindicavit :

Pinguedinem quoque candelæ sebaceæ similem in sinistro cordis ventriculo vidit *Hippol. Boschi* lect. 1. de Facult. Anat. *Rhodius cent. 3. observ. 4.*

## S C H O L I A.

**I**ecur nulla infectum labe ] Nec tamen negandum iusmodi vero hydropoe ejus vices in sanguinis confectione supplet Cor , quod quia solum præstare nequit , Hepatis auxilio carens ; tandem & deficit in opere , unde homini exitium.

§. 19. Anno 1592. aperui gravidæ uterum quæ semestrem foetum utero gerebat : huic abdomen mirum in modum turgēbat, quod tamen ab utero non erat, verum omnia intestina & ventriculus mirum in modum flatibus distenta erant, adeo ut simul ac leviter solummodo tam ventriculum quam intestina pertudissem, magna vis flatuum exiret, ipsaque confestim subsiderent : Quod si huic injectus fuisset clyster, proculdubio vitam servasset.

Aperto thorace; in Cordis gravidæ dextro ventriculo substantiam quandam pituitosam viscidamque reperi, vitellum ovi colore & substantia referentem, ex pituita lenta & viscida ibi concretam reperi : Cutis in abdomine mirum in modum rugosa erat, innumerisque plicis prædita. *Pet. Parvius observat. 6.*

§. 20. Si dabitur sectio Hydropici vel Phthisici, diligenter Cordis ventriculos inspicias, aliquoties enim excrecentiam reperi ramosam per vasa in pulmones delatam : Curavi cum reperissem in utroque cordis ventriculo, delineari : altera in venam arteriosam, altera in magnam arteriam ferebatur. *Casspar Bahnius apud Gr. Horstium Opor. tome 1. p. m. 141.*

§. 21. Anno 1644. foeminam Ascite & Anasarca diu ægrotantem, tandemque fatis concedentem aperui : Invenimus Cordis sinistrum ventriculum & arteriam aortam, in quibus corpora fibrosa seu pituitosa contenta erant, tantum non duplo fuisse majores naturalibus, *I. Jac. Wepferus Dissert. de Apoplexia pag. 200.*

§. 22. *Petrus Marchetti* in foemina hydropoe defuncta, calculum offendit, venæ arterialis principio inhaerentem : hujus proculdubio rudimentum arenam, quam cum sanguine misam tradidit *Zacutus Prax. admit. l. 5. observ. 53. Rhodius cent. 3. observ. 4.*

§. 23. Polyporum generatio quibusdam in morbis contingit, ut iis in quibus glandulæ, & præcipue conglobatæ, ita duritie laborant, ut animalis œconomia harum ministerio privetur : ut in virgine novissime deprehendi, cui cum perpetuo defuissent menstruarum purgationes : ejus Pancreas, cæteræque minores per abdomen & thoracem dispersæ glandulæ, ex turgente concretaque materia insignes & duriores redditæ fuerant : In hujus Corde Polypi & aqua in cavitatibus mediæ & infimæ ventris copiose stagnabat.

Hic quoque exarabo mirabilem Polypi structuram & magnitudinem, Florentiæ in senæ sexagesimum quartum annum agente inopinate defuncto observatam, & à doctissimo *Viro Joh. Alphonso Borellio* mihi communicatam : In aorta prope cor, quæ in tumorem excreverat ad mensuram duorum pugnorum, Polypus consimilis magnitudinis repertus est, absque appendicibus & caudis : Ejus autem moles membranosis tunicis ad invicem superpositis absque continuitate confurgebat, quæ crassitie non superabant vulgarem chartam hœdinam : super his producebantur filamenta quædam alba, quæ foliorum fibras, seu vasa æmulabantur, quæ omnia ab albidiori trunco dependebant : Tunicarum Polypum efformantium color cinereus erat, cum rubicundis quibusdam maculis, ita ut tota hæc structura brassicam capitatam æmularetur, *Marcellus Malpighius lib. de structura viscerum cap. de Polypocordis.* Huc adducta est hæc historia, ad titulum de morte repentina pertinet, priori connexa, ut Polyporum generatio & ortus, qui pluribus morbis accidit innotesceret, quia serius dictus *Malpighii* tractatus ad manus pervenit.

**E**ius moles membranosis tunicis &c.] A quam materia excitetur Polypus obscurum adhuc video: Pluribus pinguedinis frustulum esse artit: alii autem pituitam in corde concretam credidere: alii crudum humorem à jecore cordi suppeditatum, qui declinante cordis calore, absumptis tenuibus partibus soliditatem acquirat: His cum non integre acquiescerem, sollicite inquirendam duxi Polypi materiam: quamplurima mente revolventi occurrere, inter quæ vi ignis concreta sanguinei feri substantia: quoniam tamen Polypi materia, ut sæpius sum expertus, calore non tota concrefcit in consistentem substantiam, eandem molem retinentem, sed excitatis bullis sero, & tandem flatu turgidis impense gracilefcit, & elixata admodum tenuis redditur, quod concrefcibili sero non accidit, aliena quærenda, è sanguine prognata duxi, & tandem pellica crusta, in suprema extracti & refrigerati sanguinis parte concrefcens, ultimo sese obtulit, ex cuius indagine (cum persimilia sint in utrisque phænomena) Polypi forte minera & productionis modus emerget: Scio varia de hac sanguinis crusta prolata fuisse, pro chyli enim portione apud plures est habita, mox pro nervo lucco: puriorem sanguinis partem credidere nonnulli, quæ dum sanguis superaffatur, ex rubra & tenera ejus parte in albam & tenacem excoquatur substantiam: Hæc non impugno, sed quæ mihi occurrere, licet levia, probabiliter enuntiabo: Video Clar. Viris, quibus pro Polypi generatione, vel chylus vel nervus succus aridet, hoc præcipue persuadere quia in utrisque est communis substantiæ modus, color continilis, assignatæ insuper materiæ, venis quibus continetur admittuntur: quare si philosophandi hæc semita mihi calcanda sit, copiosior & similiter forte occurret materia è sanguinis massa pro excitanda hac crusta, tota scil. concreti sanguinis moles, quæ rubra sanguinis portio, seu melancholia appellatur, hæc enim licet affusa purpura lipientes nostros oculos fallat, si multiplicibus tamen lotionibus aqua communi factis, rubicundæ istæ implicitæ particule deturbentur, totus concretus sanguis, qui impense rubescibat, vel nigrescebat, tractu temporis albescet, rubefacta aqua, quæ secum inficientes particulas rapit: Et si pulchrum exoptas spectaculum, microscopio hunc perlustra sanguinem, contexturam namque fibrosam, & quasi nervis fibris compaginatam rete videbis, in cujus exiguis excitatis spatiis & sinibus, veluti cellulis, rubicundus stagnat ichor, qui aqua deterfus, reticularem hanc implicationem relinquit, quæ nudis oculis mucosæ membranæ speciem exhibet: Hanc vero reticularem sanguinis portionem, cum innatante crusta eandem sortiri materiam, quin & naturam, probabiliter tibi indicabit diligens sanguineæ crustæ exploratio: etenim si concretus sanguis, cui copiose crusta alba & densa innatat, quæ tamen concrefcibili sero non turgat, sed quasi pellica, mollis & complicabilis sit, per longum scindatur, & per iteratas vices abluatur, in superiori ejus parte subalbidis pelliculis contextam crustam meatibus, & fere vesiculis perviam observabis, quæ diaphano, & minus gravi lucco implentur, & si ulterius hujus substantiæ prosequaris productionem, mox ubi concreta sanguinis moles rubescere incipit, in fibrillas divisam & laciniatam deorsum elongari repeties, & harum elegantis implicatione meatus & sinus excitari iterum videbis, qui coarctatis rubris atomis turgent & inficiuntur, & in quibusdam etiam grandioribus spatiis

subflavum serum coarctetur, vel cum rubro confunditur ichore: quare sensus iste nobis indicare videtur sanguineum hunc album & reticularem plexum totum concreti cruoris corpus firmare, & potiori ipsum donare corporatura, eamque discriminis radicem, quæ tantopere diversarum rerum imaginibus nos ludit, dependere à contento in minimis sinibus diverso inficiente ichore: in superiori namque superficie, ubi approximatis, intineque unitis albis illis sanguineis itaminibus minima vix sunt intercepra spatia, excitatæ extremæ crustæ color subalbidus, maximeque coacta consurgit tunica, ubi autem laxatis sensim porulis levioris feri subflavi portionem, vel quid simile admittit, laxior, facileque solutioni cedens subsequitur structura: tandem ampliores reddi meatus dum rubra substantia turgent, illico crustæ illa larva obliteratur, subsequente fibroso sanguinis elongata deorsum implicatione, quæ dum circa fundum vi superioris molis compressas rubras illas atomos continet, novum substantiæ modum & colorem exhibet, nam flacciditas ex laciniosis fibrarum ultimis productionibus subsequitur, & color ater addentatis contentis particulis excitatur, quæ melancholiæ speciei plures decipiunt, cum tamen mutato seu veluti purpura reddantur: Ex quo unum hoc monendum duxi, in crustæ interstitiis, quin & in toto fibroso sanguinis ambitu, interdum in quibusdam agritudinibus concrefcibile serum ibidem detentum inspissari, hincque cinereum & pallidum emergere colorem, eamque mucositatem, & substantiæ modum, qualem in concreto sero & ovi albumine observamus, Non raro elongatas quasdam appendices per totum sanguinem promi, quibus hinc inde minores striæ, reticulariter productæ appenduntur, quas interdum absque microscopio licet intueri: Dilutus autem hujusmodi sanguis multis aquæ asperfusionibus, excusso semiconcreto sero, conspicuum rete illud efformante, canaliculos fibrosa albaque sanguinis portione excavatos exhibet, quod in minimis superius expostis fibrosis implicationibus non accidit, etiamsi longo tempore abluantur, cum novi plexus majorq; perpetuo subsequatur albedo.

*Tunicarum Polypum efformantium color &c.*] Ut dictorum veritas elucescat, & proximius rem ipsam attingamus, Polypum in sinistro cordis ventriculo concretum, qui rubra ut plurimum habet stigmata, vel subnigro pollet colore, multa aqua ablue, emergentibus enim exiguis spatiolis, speciem sanguinis omnimodam præ se fert, interdum etiam exiguus cordis Polypus, ampliore sui parte crustam sanguinis albam æmulatur, reliquisque excrefcentis impense rubet; aliquando exteriores Polypi portiones albescunt, veluti extensa membrana, reliquum vero ita rubet, ut videatur sanguinis portio, quæ circum ambiente ventriculo vel valis, veluti cyatho detenta concreverit, ita ut dubitari etiam possit nonnunquam Polypum à portione totius sanguineæ massæ suscitari: ex continuo tamen pertranseuntis sanguinis impetu, veluti affusa aqua, relictis obstantibus albis fibris, rubras particulas rapit: In horum dilucidationem alia licebit in utrisque similia experiri: Sanguineæ igitur fibræ aqua dilutæ, vel dum sanguis exit è vena, in calente aqua receptæ, dum elixantur, gracilefcunt, & si superaffentur, in tenuem evadunt membranam, quod ad amissum in Polypo accidit: hæc item omnia oleo sulphuris affuso colorem rubiginosum acquirunt.

*In aorta prope cor*] Concrefcunt Polypi, & in ampliorem

Ampliores etiam moles exuberant, ut plurimum facilius in dextro cordis ventriculo, ac in sinistro ceterisque; venosis pulmonum & capitis vasculis, ubi non raro producuntur, fortasse quia redux sanguinis massae halitusosus & tenuibus, quales sunt praecipue sulphureae illae rubicundae particulae, ex perenni partium nutritione & transpiratione jam depauperatur; & dum chylo, aliisque à natura sanguinis adhuc alienis novissime confunditur, filamentosae albæ ejus particulae à dissimilium contiguitate praecipitatae, in amplis dextri ventriculi vel auriculæ sinibus, qui proximi occurrunt, ex ipsorum scabritie ex rimulis irretiuntur, unde praeterfluentibus similibus associatae, in ulteriorem molem extendi possunt, ut contingit in calculorum generatione in pelvi, vel in tartarorum in aquæ ductibus concretionem; ex affluente enim aqua alioquin clara, tartareæ quædam particulae tubulorum asperitate, vel superficium simili & mutuo contactu detentæ, cognatas praeterlabentes ita detinent, ut novus circum ductus tubus extendatur: unde nil mirum si Pulmones & caput etiam pervadere possint excitari Polypi; Sunt enim veluti novum circumductum vas, quod ideo excavatur, quia ex sanguinis motu æquali conservatur patulus, ut in aquæ ductibus accidit, & in *bitrio ipso poro* non raro observavi, cujus interioribus cellulosis lateribus tartareæ affunditur crusta, quæ in fistulam degenerat, aditumque pertranseunti bili permittit, & sicuti in lapidis bezahar, & conlimilium concretionem accidit, ut ex multis superpositis veluti laminis, tractu temporis coagmentatio subsequatur, ita Polyporum generationem contingere probabile est: nam extentis multiplicibus contate videntur pelliculis, inter quas ichor, & alia sanguinis portio quandoque mediat, & ex mutuo fibrarum contactu, & excurrentis sanguinis pressione, & ictu, ita ad invicem approximantur, ut in solidum corpus compingantur.

*Membranosis innicis ad invicem superpositis*] Ex allata historia patere potest Polypi productio ex superpositis membranis, quarum interstitia, si sanguis suo motu parula reddat, sejunctæ, foliorum instar permanent; Si autem unico canali per medium aperto recta pertranseat sanguis, vel exteriora Polypi suo impetu urgeat, concrevit veluti lapis: Scio quorundam placitum esse per Polypi tunicas interdum sanguinea propagari vasa, quod licet huc usque mihi videre non contigerit, adhuc tamen impossibile non censeo, nam ex sese insinuantibus sanguineis particulis, dum hinc inde fibrarum concretionem coercentur, tubuli efformari possunt, ut in colliquamento, ceterisque; carnis excrescentiis accidit: In aorta, exterius tamen, adest vena conspicua quæ ipsius tunicas minimis ramulis penetrat, quæ in bove prope cor praecipue patet: Exacata insuper observatione, (ni dicere velimus plantam in nobis interdum oriri & vegetare, ut quibusdam accidit animalibus, non deficientibus in sanguine plurium rerum consopitis seminibus) satis credendum albas illas fibras, à communi trunco ortas, fuisse prima Polypi staminia, cum Polyporum caudæ, quas observare potui, scilicet refertant nervorum fibrarum fasciculum, his enim ab invicem sejunctis, quia pertranseuntis sanguinis fibrosæ particulae agglomerari & hærete possunt, ideo foliis simillimæ extenduntur tunicae, quæ ex pertranseunte sanguine, & circumstante arteriæ aortæ continente tunica, talem configurationem & adaptationem sortitæ sunt: Nec levia hæc mirabitur, qui in assidua animalium sectione, naturæ industriam in morborum *Tumoribus*, æque ac in partium ducendis staminibusprehendit, cum fere eadem incedat

methodo: Ita memini ferream acum, extra gallinæ carnosum ventriculum erumpentem, bino membranoso, hocque valido involucre, inducta etiam pinguedine, munitam vidisse: & dubitare insuper possumus sola materię necessitate & motu hæc omnia contingere, nullo in animalis usum dirigente motore: Ita in quibusdam tumoribus, in pulmonibus, hepate & alibi excitatis, circumvolutiones, seu multiplices velicæ, quarum amplior minorem continet, & ita successive coagmentantur, conlimilium tumorum conglobatio ad polyposam naturam reduci potest, cum eadem probabiliter materia, & productionis ratio in utrisque consimilis sit, nam ex filamentorum implicatione, ex consueta naturæ lege, multiplices tunicae efformari possunt, inter quas si mediet non concretibilis, sed aquosus ichor, qualis in hujusmodi tumoribus abundat, solutæ undequaque tunicae permanere valent: Probabile enim est erumpentem extra meatum, & vascula propria sanguineam portionem, quia illico non eadem celeritate per novam viam motum prosequitur, stagnare; & una cum subsequenter novis particulis aliquantulum fixari, & ex impetu & obstantium partium pressione conglobari; interim tamen tenuiores & spirituosiores viam sibi facientes ulterius progrediuntur, albæque remanent fibrosæ particulae, excurrentibus nibris aliisque minus implicationi subiectis: & quoniam meatum ite de novo patulus sanguinem in venarum iurculos non tanta felicitate exonerat, ut incurrentem sanguinem ex circulari motu admittat, ideo nova fit congeries circa primum globulum, in qua fibræ pari ratione ex quiete implicitæ tunicam efformant, & quo magis intime sibi uniantur, serum exprimitur, ejusque portio velius interiora prosilit, & ita subsequenter sanguinis affluxu novæ iterum circumvolutiones fiunt, detentis albis fibrulis à conlimilibus jam in tunicis contextis: Hoc totum finiam potest sanguinis excreti & condensati indagine, etenim tota moles illa referte videtur reticularium tunicarum conglobationem, instar cape seie invicem continentium, quo magis coarctatis reticularibus illis spatii, rubris atomis, serotiaque sanguinis portione retentis, folioior redditur textura, ichor autem extra exprimitur, & ita temporis tractu conglobata fibrosi sanguinis moles durior & compactior redditur, cum membranarum instar densa subsequatur implicatio.

*Polyporum generatio quibusdam in morbis contingit*] In tentatis enim luc Venerea frequenter subortos Polypos cadaverum sectionibus edoctus testatur *Severinus*: Eisdem insignes in præcordiis eorum quos improvisus concussit Timor, In Apoplexia patiter in valis tum majoribus tum minoribus per cerebri meninges: In cardiaca Syncope, cujus symptomata apoplexiæ similia sunt: Pleuriticorum caudæ vera, non in præcordiis tantum, sed in hepate & venoio genere hujusmodi copiose continent, quod & Tabidis & quibusdam Asthmaticis familiare est: Sic febres, pestem, aliosque sævillimos morbos ex aeris & soli miasmate ortos, in quibus Polypus concrevit; ut hujusmodi defunctorum cadavera testantur.

*Polyporum generatio*] Ex his & similibus conjectari forte licet, Polypos excitari quotiescunque sanguinis massa non in totum debito gaudet fluore & compage, sed praecipitatis quibusdam albis scilicet particulis, quæ præ cæteris fortasse graviores sunt, vel saltem conglobatione & aggregatione tales reddi possunt, contexturæ quædam subsequuntur, quæ continentium partium, & reliqui sanguinis viribus, figuram & molem sortiantur, quas Polypus appellat.



placuit: etenim probabile est insignes hasce fibras  
sensibus obvias minimis capillamentis excitari, ut  
passim in diversarum rerum, & præcipue salium con-  
cretionibus observamus, quorum minoribus & minimis

moleculis eadem omnino inest figura, ut microscopii  
usu deprehenditur, quæ in conspicua mole ipsarum,  
aggregatione excitata nudis oculis attingatur. Vide plura l. c.

§. 24. Illustriss. Princeps Fridericus Tertius, Elector Palatinus ad Rhenum, quamvis  
obeso admodum corpore, vergenteque esset ætate, puta sexagenario major, rarissime ta-  
men ægrotabat, præterquam bis aut ter in anno ex *Catarrho tenui ad pectus fluente, & orthopneam cum suffocationis periculo*, ad breve tempus generante, quod post pauculos dies cessa-  
bat: Nonnunquam & cordis palpitatione vexabatur, rarius tamen, & quam contemne-  
bat, utpote vetus vitium nec adeo molestum: Tandem 5. Octobris 1576. à venatione  
reversus domum, asthmate suo corripiebatur, & hæmorrhoidum fluxu, ichore quodam  
instar loturæ carnis recens maciatæ succedente: 8°. ejusdem, *utrumque crura ab œdemate in-  
vadebatur*, tenso & subduro, quod ad femora ascendebat: accedebat, & Tumor planus asse-  
ris instar, durus in imo ventre, inter umbilicum & pubem, cum pulsu inæquali, inordi-  
nato & intermittente, tumescebat sensim totum abdomen: 12. die, ex male feriatorum  
quorundam consilio, acidulam Birkfeldianam, ut hydropem pelleret, Princeps senex,  
autumno jam adulto, tempestate frigida, morboque rigido gravatus, aquæ frigidæ mini-  
me assuetus, sed vinis generosissimis, moderate tamen semper, nunquam ad ebrietatem  
utens: acidulam, inquam, & quidem in otio, domi quietus, modiceque tantum (cum lar-  
gissime illam adjunctoque exercitio, quo citius in venas & per corpus distribueretur, perque  
urinas & sudores evacuetur, ingurgitari moris & necesse sit) bibere occœpit, & ad 20. us-  
que mensis diem continuabat: Quam cum nec sudores, nec urinas, nec alvum ciere vi-  
deret, puta propter dosim nimis modicam, & quidem in otio cubiculari, idcirco à 20.  
per dies aliquot, affatim largiterque illam hauriebat, persuasus ab illis aquæ potoribus hac  
via rem feliciter succeduram, adeoque erysipelati profuturam, quod cruri dextro 20. men-  
sis acciderat ac exulcerari cœperat, verum longe aliter accidit: Nam 24. die ab hora 2.  
pomeridiana ad 5. vespertinam, Principem frigus horridum occupabat, calore febrili subse-  
quente, qui in sudorem noctu solvebatur, cum summa virium prostratione: cum qua febri  
postridie pedis crurisque Erysipelas vehementer accrevit in noctem, toroque 25. die So-  
pore detinebatur: 26. Continuabat in Electore *Sopor & somnolentia*, ut eodem illo vespe-  
ri, paulò ante 4. horam, ex hac vita placidissime, dormienti similis, sed tamen ad inter-  
rogata annuens, decederet, anno ætatis 62. Notandum quod per totum hunc annum,  
dum filius ejus Dux Joh. Casimirus in Gallia belligeraretur, per varios de rebus Gallicis  
rumores; Paternus animus infinitis curis; molestiis & anxietatibus excruciatu fuerit.

Postridie obitus, dissecto ad exenterationem cadavere, abdominis cavitas aqua ple-  
na; Intestina flatu turgida apparent: Interior ventriculi tunica, circa stomachum, ver-  
sus dorsum subnigricans. Hepar, Lien, Renes, nihil mali habebant: In thorace, omnes  
Pulmonum lobi, intus atque extra, nigricabant, Sanguine quoque nigro turgebant, sub-  
stantia visceris æquabili, dextro tamen lobo pleuræ adnato: Cor in utroque suo sinu, sub-  
stantiam quandam continebat, oblongam, teretem, mollem, ex albo flavescentem, len-  
tam, medullæ ossium calefactæ persimilem, sed appendicibus aliquot præditam: in dex-  
tro quidem longam digitos septem, in sinistro tamen sinu minorem multo, crassitie digi-  
tali: Substantiam hanc talibus locis contentam, verosimile est inæqualium, inordinato-  
rum, intermittentium pulsum, fortassis etiam palpitationis cordis, qua sæpe laborabat,  
sicut in mercatore illo de quo alibi dictum, causam fuisse: Urinæ per totum morbi de-  
cursum crescebant, crassiusculæ quoque, attamen perspicuæ erant: Admiratione di-  
gnum est vultum exanimati hujus corporis, quod insepultum totos dies 16. servabatur;  
non flaccidum, non pallidum aut luridum, quales mortuorum facies esse solent, sed ple-  
num atque roseum fuisse & permansisse, qualis decumbenti & morienti fuerat. *Smetius  
miscell. lib. 10. p. 576.*

## S C H O L I A.

**C**atarrho tenui ad pectus fluente & orthopneam  
cum suffocationis periculo &c. Catarrhi hu-  
jus generatio referri potest ad substantiam illam  
concretam in sinibus cordis repertam, si fides ha-  
benda *Segero* apud *Thomam Bartholinum* centur. 2.  
Epist. 86. Ille refert *D. Kirstenium* plures observasse  
Polypos cordis, à quibus catarrhos suffocativos  
ideo oriri imprimis judicasse, quia omnes illi, in qui-  
bus polypos hos observavit, catarrho hocce extin-

cti sint: Credidit scilicet ejusmodi concretas inhi-  
bere ac plane sistere fluxum purpuræ alimentalis.

*Utrumque crura ab œdemate invadebatur* ] *Læsa  
ajualentia* à cordis vitio, cui primarias eo in opere  
tribuunt, potius quam Hepati, quod saluum fuit, ut  
& Renes & Lien:

*Sopor & Somnolentia* ] De Apoplexia succeden-  
te usui acidularum vide lib. 1. sect. 2. obs. 48. Et de  
Sopore post thesmarum usum sect. 3. §. 13.

## OBSERVATIO IV.

*Hydrops Ascites vitio Iecoris aridi exortus. 1. 6. Obstructi & nigricantis. 2. Maximi & duri. 3. Indurati, callosi, tuberculis obfiti. 4. Indurati & lapillis referti. 5. Scirrhusi, bile infecti. 7. Scirrhusi, lapillis referti, Glandularum mesenterii induratarum &c. 8. Enormis in magnitudine, scirrhusi, cui duo saxei tumores appensi, cum lapide in utero. 9. Exsuccis, retorridis, faculenta amara pleni. 10. Pituita obstructi, cum hydatidibus in substantia. 11. Pallidi, undique abdomini annexi. 12. Scirrhusi, magni, pallidi. 13. Flavescentis, cum insolita meatuum felleorum constitutione. 4. Tuberosi, scirrhusi, cum peritonæi & omenti putredine & hydropes pectoris. 15. Cancrosi & tumore affecti. 16. Abscessu affecti. 17. Ab insigni ejus tumore cum abscessu in musculis abdominis. 18. Vitio jecoris exusti cum anasarca. 19. Exusti, scirrhusi. 20. Duri subpallidi, interius granulosi. 21. Magni, ex parte corrupti. 22. Scirrhusi, tuberosi. 23. Lapidibus obstructi. 24. 25. Corrupti, arenosi, cum intestinorum dilatatione. 26. Flaccidi. 27. Scirrhusi. 28. Arenis referti. 29. Vermis in hepate & in poro choledochi, bilis aquea in cysti. 30. Indurati & vitiiati, cum Rene unico. 31. Corrupti, cum adnata Vtero verruca. 32. Ligentis ponderis post suppressionem mensium. 33.*

§. I. **M** Agister Philibertus Michaud Catapultarius, annos natus 35. circa finem Julii anni 1641. dum Calibone rediret siti inexplibili, itinere longo & æstu magno fatigatus, lacum inveniens totum corpus demersit in ipso, hausto Germanico & sitim, & astum, & itineris molestias per aliquod tempus tantum sedavit; ab hausta aquæ stagnantis immoderato iterum Siti primaria pressus, hospitio receptus meri libras tres iterum hausit, & paulò post viam pergens in altero hospitio totidem meri sumpsit: Domum reversus febre corripitur eaque continua, Siti primaria comitata: Dolor lateris sinistri sub mamma urget, triduum perseverans: Cubiti sinistri vena basilica tunditur ad 3viii; à celebrata phlebotomia Tumor totius ventris & inflatio apparuit: febris in pulsu non agnoscebatur, urinx toto morbi decursu rubræ & igneæ apparuerunt; Tunc temporis tantum accitus ad ægrum ut rebus consulerem, & ipsi medicinam facerem, utrumque hypochondrium durum & tensum deprehendi, sed dextrum potissimum: per octiduum remedia sumenda morbo contraria alternis tantum diebus, bene se habuit, ita ut ipsi vale non ultimum dixerim: nam genio indulgens & mero, iterum in hydropem incidit, cumque Ascitem, pro quo curando vocatus fuit nebulo quidam Pharmacopæus imperitus & ignarus, nomine Royés, qui sermonibus fumivendulis pristinam sanitatem promisit: Imaginatus specificum remedium, ægrum torfit sudorificis, existimans à silice sudorem prolicere, hæticus enim erat, umbilico tenuis: Iterum accitus ut ægri malis rebus consulerem, & errores gravissimos nebulonis corrigerem, deploratum hominem inveni, Venter enim in immensum creverat; scrotum aqua plenum, crura & tibiæ tumore oedematoso tentabantur, sitis non exigua, lingua nigricans & aspera cernebatur, utrumque viscus palpari non poterat: appetitus eduliorum omnium prævus, meri tantum avidus: His autem ita examinatis, & in consilium vocatis duobus aliis Medicis, & Chirurgo familiari, Jacobo Pilerino, artis perito; denunciato ægro, uxori & amicis prognostico, anceps & extremum propositum fuit remedium, Paracentesis scilicet, quàm quidem in umbilico faciendam censui, propter vitiatum utrumque viscus: quæ quidem me præsentem & præsidem citio, tuto & jucunde facta est, circa 9. matutinam: primo quoque impetu hausimus aquas ad uncias 25. quæ non limpida erant, sed naturam aquæ primo haustæ stagnantis redolebant: Nonnihil levaminis æger persensit: Iterum sub vespæram tantundem aquæ hausimus, ejusdem furfuris & farinæ, & sic ad septimum usque bis in die aquas evacuavimus: Venter sensim detumescebat, noctes non erant juges nec insomnes, spes salutis non exigua affulgebat: Tibiarum, crurum & scroti tumor & aquæ evanuerunt; nox ad septimum gravis: circa finem septimi, interiit: Supputatione facta intra sex dies, bis scil. in die, hausimus 168. uncias aquæ, naturam primæ haustæ redolentis:

Aperto cadavere venter medius satis laudabilis, tum in temperie, tum in situ, tum in conformatione apparuit: Hepar in imo ventre ita induratum erat, ut ligni naturam imitaretur: In Liene nonnihil immutatum apparebat: Syderatio omnia occupabat intestina: nihil novi in renibus: In capacitate ventris inferioris tantum aquæ reperiuntur quantum xvlij. cyathi mediocres continerent: Hoc notatu dignum, vij. ab

T T c. 3

operatione

operatione die, 7. Lunæ die, 7. mensis die interiit, ætatis 35. Maficoni degebat : *Observatio D. Pollet Medici Maficonensis.*

## S C H O L I A.

**H**epar ita induratum &c.] *Pecquetus* qui plane nullas hepati, (alienus à *Galeno*) in sanguificationis opere concessit partes, quia venas lacteas invenit nullas ad Hepar vergentes, ab hujus vitii hydrodis causas deducere non potest : Illiis *Th. Bartholinus*, qui venas lacteas in ipsum hepar inferi observavit, in sanguificationis opere operas inter se partiri cor & hepar censet :

*Ardua inquit, cap. 15. de Lacteis Thoracicus*, restat controversia, An omnis chylus per novos ductus thoracicos ad cor tendat : Ita quidem credit *Pecquetus* & alii, quia venas lacteas invenerunt nullas ad Hepar vergentes, adeoque deceptos hactenus omnes qui hepati cum *Galeno* sanguificationis opus concesserunt, quum *Aristoteles* potius verus sit, Cor solum sanguificare : Sed illi cum aliis Anatomicis & nobis ipsis sunt conciliandi, si fieri ullo modo potest, nec Hepati, tot sæculis opere sanguificationis gloriose defuncto, plane eamus exequias, meo iudicio inventa nova ambabus ulnis sunt excipienda, sed quantum veritas & natura permiserit, antiqua placita sine præganti ratione, nunquam sunt damnanda :

Si aliquid placata conjectura assequor, existimo operas inter se partiri Hepar & Cor, ut vel promiscuos humores alimentarios admittat uterque, vel diviso munere, hoc tenuem, illud crassum : Quicquid veritati naturæque magis videbitur consonum quivis eligat, quia certum est solas thoracicas partes non esse omni chylo vehendo, mihi suspiciones non leves videntur persuadere hepar chyli partem, quæ tardius in ventriculo concoquitur, & diuturniori coctione ad sanguinem indiget, ad se vel attrahere vel admittere pullam : Cor vero per *Pecquetianas* venas subtiliorem & tenuiorem chylum, ante totius in ventriculo perfectionem sorbere, ut cita mutatione ad sui corporisque restaurationem transformet : Sunt tamen quæ testentur ab utroque viscere & tenuem chylum & crassiorem, sive simul sive successive & per vices, sive sponte sua, sive urgente necessitate absorberi : Primo videmus ex hac classe Hepar non esse excludendum, quia

1. Venas lacteas mesenterii per pancreas, seu glandulam majorem, per portæ latera in ipsum hepar inferi *Aristoteles* plurimi observarunt, quibus minus deneganda fides quam *Pecqueto* : *Fallopium* observ. 3. de venis, quanquam lactearum venarum notitiam sæculi vitio non habuerit, invenit tamen in firma hepatis parte meatus quosdam minimos, qui desinunt & terminantur in Pancreas, & in glandulas illi proximas, qui succum quendam oleaginosum, album deferunt : *Asellius*, primus lactearum detector, intestionem postea earundem invenit in hepate : Post eum omnes qui sectionibus operam suam accommodarunt, idem observarunt, *Joh. Walens. Joh. van Horne, Highmorus, Wormius, Sperlingius, S. Pauli, Furensius* : Nemo autem hactenus intestionem in homine invenit, quanquam de illa dubitavit nemo : Nos tamen demonstravimus candicantes fibrillas simili succo ichoroso, cum porta hepatis concavum referentes : quæ fibrillæ membranarum esse nequeunt, quia 1. cavæ sunt. 2. humorem profundunt. 3. candidiori colore se quam fibræ membranarum manifestius produnt.

2. Hepate affecto in Hydrope, scirrhi, aliisque morbis, læditur sanguificatio : Ergo aliquid chyli in sano statu assumet concoquendi : Quanquam hy-

dropes incrementum non raro illaeso hepate, tamen scilicet hepate affectum in disiectis apparuit, & externus dextri hypochondrii tumor testatur, (Testatur & exemplum supra allatum, & alia huc adducenda) Et recte *C. Piss* monet in demortuorum hydropicorum dissectionibus, tumorem aliquem visceris alterutrius, fere unam esse Ascitis parentem : In hujusmodi vero hydrope superstitem vitam & sanguinis munia supplet cor, sed quia solum nequit hepatis auxilio destitutum, perit homo : Nec valet *Pecqueti* transcolatorium hepatis munus solum, quia succederet illud in morbis calidis, qui generantur ex sanguine calido, non segregata bilis, haudquaquam in frigidis morbis, quales ut plurimum sunt aquæ inter cutem, scirrhi &c.

3. Impedita hepatis sanguificatione, sine chyli aliqualis commixtu, quia universus chylus ad thoracem per novos ductus ituit, suffocatio sæpe oritur & orthopnea : Et sæpe quia omnis chylo præcluditur ad thoracicas vias, superfluum revolvunt : sic apud *Ballonium* l. 1. cont. 43. D. Vignerone de stomacho querebatur, sentiebatque pondus quoddam, & vomiebat sæpe, cui hepar superiorem parte adhaerebat diaphragmati, & id putre erat.

4. Hepar sanum sanguinem conficere debet, ubi Cor patitur, & venæ thoracicæ nihil deferunt chyli, sive vitio viarum obstructarum aut compressarum, sive vitio recipientis cordis, sive denique movementum pulmonum, diaphragmatis, musculorum aliarumque partium : Ita in homine viâmus, & canibus plurimis, hepar sine omni noxa, at pulmones viciatos, unde quidem in abdomine lactearum uberrimus proventus, sed flaccidæ thoracicæ sine manifesto succo lacteo. Hic igitur cordis vices supplevit hepar, quemadmodum sæpe cor hepate fuit suppetias male affecto, sed nisi utrumque viscus sanum sit, nunquam perfecta fit nutritio : Vidi hydropticas virginesque, duro & tumido hypochondrio dextro, laudabilem tamen menstrui sanguinis satis copiosi habuisse ex arteriis fluxum : Ita omento & mesenterio absumpto miles apud *Boninum* observ. Ind. 7. per annum integrum vixit, in quo certe per hepar nulla chyli distributio, forsitan per receptaculum, vel lacteas thoracicas œsophago & cavæ insertas.

5. Proportio esse debet vasorum lactearum ad vasa chylum recipientia, sive hepar sive cor, At nulla est ductuum lactearum Pancreatis & Thoracico-rum ad cor vel hepar proportio, si vel soli hi, vel illi chylum deferunt : Lactei meatus in thorace sic latis sunt exiles, & foraminula ad axillares quoque nimis exigua quam pro copia chyli transvehendi, & lactearum in abdomine : Pari pacto minores sunt lacteæ communes mesentericæ, quæ ex pancreate ad hepar serpunt, quam sunt in mesenterio toto : Igitur nec hac nec illac omnis chylus potest amandari, sed partim hac partim illac ; pars enim chyli ad cor per Receptaculum *Pecqueti*, & lacteos thoracicos labitur : pars ad hepar, vel immediate per lacteas *Asellii* ex Pancreate, vel mediate per portam, cavam, emulgentes.

6. Receptaculum in brutis unicum plerumque est & parvum, quum glandulæ & lacteæ sint copiosissimæ : In homine glandulæ lacteæ novæ mole exiles & cavitare vix conspicuæ.

7. Naturæ id familiare, & corporis nostri æconomiz minime adversum, ejusdem generis humiditates



tate per diversas vias derivare: Ita tenuiorem sanguinem per septum cordis ad sinistram ex dextro ventriculo transcolat, crassiorem & copiosiore per pulmones circular:

8. Aristoteles ipse, cordi addictissimus. 3. de part. animal. cap. 12. fatetur hepar post cor omnium viscerum esse *αἰματώτατον*.

§. 2. Secui cadaver hominis qui diuturno morbo laboraverat, Is autem & hydropicus postremo effectus erat: Resecto autem ventre, cum transissemus musculos abdominis; invenimus aquam illam citrinam vocatam, *intra peritonaeum & intestina*: Mox inde respeximus ad Hepar, tanquam in eo causam morbi manifestam visuri: Id reperimus grande, colore nigricante, & fere tali, qualem in Splene alias conspeximus &c. *Vide sequelam tit. de Ictero, lac. Camenicenus in Epistolis Matthioli.*

## S C H O L I A.

**I***ntra peritonaeum & intestina &c.*] Colligi ut plurimum in Ascite hydropicorum aquam inter peritonaeum & intestina, ut *Galenus* fatetur, cum libro *Medicis* inscripto, tum §. de loc. aff. mirum non est, sed magis mirum quod quidam hac de re dubitaverint; nam cum id manifeste asserat *Galenus*, ac etiam *Avicenna*, cur dubitare debuerint sane non video, sed eorum jam cessabit dubitatio ubi abs te audient sub peritonaeo aquam esse repertam:

*Hepar grande, colore nigricante &c.*] De Jecoris magnitudine & nigredine nihil mirandum est: Intumescit enim hoc viscus ab obstructionibus accedentibus: quippe obstruens humor, tenuiora visceris va-

sa primum implet & infarcit, auctus deinde in omnem ejus substantiam se diffundit, & eam posthac perinde ac vasa obstruit: Quod si rursus adhuc plenior multo cumuletur, in amplam molem jecur totum distendit & tumidum admodum reddit: Tumori si postea nigredo accedat, nil etiam mirum videri debet, cum ex infarctu crassescat sanguis, & visceris facultates omnes robur amittant: reddita enim imbecilli expultrice facultate, atra illa sanguinis excrementa, quae ad lienem transmitti postulabant, in ipso haerent jecinore, & ejus non solum permutant colorem, sed etiam substantiam: *Matthiolus Epistola responsi*

§. 3. Helluo qui quotidie inter potationes & comestiones vitam degebat, hydropicus periit, mirandum dictu, Hepar in tantam molem excreverat ut universam fere diaphragmatis cavitatem repleret, tam in dextra quam sinistra parte, totus durus & in magnitudine monstrosus. *Dom. Panarolus Pentec. 4. observ. 24.*

§. 4. Aperui corpus cujusdam Nob. Galli hydropo mortui, in quo omnia praeter Hepar sana erant, quod induratum admodum & quasi callosum, plurimisque tuberculis, seu glandulis undiquaque refertum erat: Lien quidem sanus, triplo tamen major quam alias esse solet. *I. R. Salzmannus observat. Anatom. pag. 37.*

§. 5. In vesica fellis subinde lapides reperiri contingit: verum laxiorem reddi membranam Jecoris, atque in ea calculos dependere ex rarissimis est: Jecur autem, vel unam ejus partem indurari frequentius accidit; Memini ego nonnullorum, qui ab Ictero in Ascitem delapsi erant, Jecinora vidisse adeo dura, & lapillis undequaque plena, ut novacula praescindi non potuerit. *Dodonaeus Annot. ad cap. 3. Benivenii de Abditis.*

## S C H O L I A.

**A***b Ictero in Ascitem &c.*] Totum Hepatis viscus, quod glandulosis acinis excitatur, ad hoc unum est fabricatum ut bilem separet, eamque in intestina medio biliario poro eliminet, Et licet aliqualis ejus portio in vesicam derivetur, ipsius tamen semita est ab hac in intestina: Bilis autem usus tantus est, ut ejus absentia ex Jecoris tumore, vel contumaci obstructione, ut in scirrho, Ictericitia accidit, prima vitetur coctio in cavitate intestinum peracta, indeque totius corporis oeconomia laesatur, & tandem interitus subsequitur: Succedit inter alios morbos ut plurimum Aicites, quem antecedere solet Ictericitia; ut firmat famosa illa *Dodonaei* observatio, qui jecinora eorum, qui ab Ictero in *Ascitem* delapsi erant, dura, lapillisque ubique plena, ut novacula praescindi non possent, reperit: excitatur autem in his plurimum hydrops, eo quia viciata sanguinis compositione & compage, hepatis glandulorum corpus eodem tempore tartaro, vel consimili succo primo infarcitur, dum hydrops deinde manifestatur, eodem sanguinis vitio, veluti communis causa excitatus: Vel tarius dubitare possumus aliquando bilis à jecore transmissione, particulas chyli, quae mox Acelliana vasa subitura sunt, non defaecari, attenuari, novaeque adaptationis variari, ita ut haec materia, do-

bita amissa forma, crudiore, minus fermentabilem & ad motum vegetum reddat sanguinem, Et inde etiam cribratam lympham minus cinnam; Quare viciata particularum sanguinis figura, probabile est sciosum sanguinis laticem novas sibi vias parare, veteres disrumpere, & tandem occurrentibus capacitatibus recolligi: ut passim ex diversis, incongruisque immixtis liquoribus in pulmonum & viscerum vasa videmus: Et in hujus confirmationem refertur possem sectiones hydropicorum, in quibus recollecta in abdomine, & aliis capacitatibus aqua, eandem omnino cum Ictero sanguinis naturam habet, & igni apposita, dum penes supremam partem concrevit, ovi naturam redolet, reliqua autem salum & aquosae substantiae proventum exhibet: In his etiam ut plurimum hepar scirrho vel contumaci obstructione insigniter laborat: Unde ex his omnibus suspicari possumus, bile à jecore transmissa in naturae itatu, non tantum praecipitari inopportunas particulas, sed motu novas excitari, recenti solutione, adaptione, cum sit plurimum observatio diversos successively gigni in chylo sapores: Probabile enim est triturato jam cibo, ab hepatis glandulis, & insuper à pancreatis dissimiles affundi succos, non diversa inquam ratione ac in ciborum conditura accidit, cum ex

acidis, dulcibus salisque amixtis substantiæ mo- *ghius de Structura viscerum, cap. ultim. Tract. de*  
 dus novusque sapor emergat: *Marcellus Malpi-* *Hepate.*

§. 6. Vir Nobiliss. per triennium circiter Ictero laborans, quotidianis alvi suppressionibus, bile stimulant per habitum corporis dispersa, vexatus, ætatis ann. 26. medicam implorat opem: Quibusdam remediis per menstruum spatium usurpatis, affectus Ictericus antiquum obtinebat, qua de causa naturæ negotium aliquandiu fuit commissum, donec autumnali tempore suspicionem haberet de malignitate quadam in exteris regionibus, tempore peregrinationis contracta, quam suspicionem augebant tubercula, verrucarum instar, in genubus, in extremitate ulnarum, & circa regionem ossis sacri in dorso copiose germinantia; quorum color ex albo flavescent, superficies lævis & consistentia dura percipiebatur: Cum autem ob induratum Jecur, quod tactus confirmabat, non tantum tenuis, (quam vesica biliaria separat,) sed etiam crassa bilis, quæ alias immediate per porum biliarium ad intestinum duodenum ablegatur, in sanguine remaneret, Idque tanto temporis spatio, protinus statui tuberculorum istorum materiam esse bilem crassiorem, cum sanguine tenaciori, quem partes tendinosæ pro nutrimento trahant, conjunctam; Hinc de ligni decocto cogitare cœpimus, utpote cujus beneficio mesenterii & Jecoris contumaces obstructions, incidendo, attenuando detergendo, & evacuando, procedente tempore corrigantur, non sine viscerum corroboracione, quam adstringens, amica qualitas, in cortice plurimum abundans, præstat: Ufu decocti, remittentibus hypochondriorum doloribus, color Ictericus etiam eo usque discussus fuit, ut extuberantiæ circa genua & alias partes emollirentur, & plurimum minuerentur: ita ut spes restitutionis affulgeret: Sed circa finem Novembris rescribit æger de novo colorem Ictericum totum corpus invasisse, qui balnei sudoriferi usu magis auctus est, invadente simul calore p. n. affligente, Protinus statuimus non à reliquiis in habitu corporis remanentibus, sed ex nova bilis effusione recidivam vehementem adesse, præsertim cum insuper etiam certiores fieremus ægrum genio per septimanas aliquot indulsisse: quocirca ad intemperiem calidam alterandam nos convertimus: At quanquam usurpatis remediis calor & sitis ad martium usque sequentem perseverarent: forte quod sanguis penitus à bile vicissim copiose genita, non per vias ordinarias secreta, fervens fieret, unde circa 1. Martii vehemens hæmorrhagia narium patientemprehendit, sanguine copiose, maximam partem bilioso, per intervalla non admodum magna usque in tertium diem profluente: Cum autem partim acrimonia sanguinis, partim retentricis imbecillitate symptoma hoc fieret, hoc emisit prognosticum, vel viribus resolutis ægrum brevi periturum, vel Hydropem subsequuturum: Revera parum vel nihil remediis adjuvantibus, Hydrops successit, pedetentim ichoribus biliosis, in cavitate ventris infimi collectis: Malumque radicum in mesenterio & vicinis partibus antiquum obtinebat, ita ut nec enemata, nec fortia purgantia quicquam educerent, nisi tantum ea quæ circa primas vias per congestionem quotidie ex primâ concoctione redundabant: hinc non mirum quod diuretica etiam efficacia nihil quicquam efficerent, interclusis scil. viis intermediis: Hinc semper omnia in pejus vergebant, non tantum abdomine, sed ipso quoque scroto pedibusque plurimum intumescens: Scroti tamen apertionem suavisimus, etsi restitutionem in integrum, ob viscerum corruptelam, impossibilem futuram crederemus: Ea igitur parte inferiore, in dextro latere, per scalpellum instituta, subsequutus est fluxus aquæ, instar loturæ carnis, ad mensuras duas: hinc status ingentes, dolor tensivus immanis & alia accidentia mox remittebant, ut æger orci faucibus ereptus sibi videretur: Quanquam vero ventris tumor hydropicus non remitteret, nihilominus vires aliquomodo vicissim colligebantur; appetitus ad cibum constans permanebat, cibos varii generis, laudabiles, illaudabiles, copiose æger ingerebat, necnon serum lactis caprini ad satietatem bibebat, & hoc modo laborans per Julium, Augustum, Septembrem, Octobrem, Novembrem & maximam partem Decembris vivebat, donec tandem sub finem anni 1626. subito vitam cum morte permutaret:

Ejus aperto abdomine, serosi humoris biliosi mensuræ Virtembergicæ decem extractæ fuerunt, ubi postea Jecur scirrhum & induratum in conspectum venit, necnon ex succum, instar ligni putredine consumpti: Lien verò mollior fuit, cujus beneficio sanguificationem, loco Jecoris, qualem cunque adhuc per istud temporis spatium factam fuisse, reor, adeo ut hæc lienis constitutio, non p. n. talis inventa fuerit. Venæ mesaraicæ quasi glutinosa materia repletæ, circa quas thrombi sanguinis concreti, quos ad ulnam unam & dimidiam extrahere licuit. *Greg. Horstius observ. 3. lib. 9.*

#### SCHOLIA.

**E**X dictis dubia quædam oriuntur, 1. Mirum tione sua præstiterint? An quod nihil aliud quam primarum viarum contenta tantum adquirentur, viis inter-

intermediis, à coagulata viscida tartarea materia penitus infarctis. 2. Mirum quod oprata operatione, post adhibitam ligni curam, succedente, brevi temporis spatio recidiva gravior, ex nova bilis effusione subsequuta fuerit? An quod Jecur scirrhum erat, adeoque Lien sanguinem multa bile scatentem producebat? 3. Mirum quod diuturna & copiosa hæmorrhagia toties recurrens levamen aliquod attulerit? An quia tota massa sanguinea deonerabatur hac ratione copiosissimæ bilis copia sibi permixta? 4. Mirum quomodo materia sanguinis, mesenterio penitus obstructo, nec etiam Jecore attrahente pervenerit ad Lienem sanguificantem? An quod, per vias proximiores, venas scilicet splenicæ, fundo ventriculi insertas transumeretur? 5. Mirum quomodo cor-

dis vires tandiu conservatæ fuerint, ipsa sanguificatione illaudabili existente? An quia chylicatio quoque vaporosa sua exhalatione cor recreat, utpote quæ respectu subjecti laborantis valida tatis fuerit. 6. Mirum quod icteri sectio minus periculosa sit quam abdominis? An quia remotior est hæc solutio continui à principio vitali: nec etiam immediate ex abdominis cavitate, sed transsudatione quasi, per musculorum abdominis carnosam atque membranousam substantiam serum superfluum hic transcolatur. 7. Mirum quod generosa medicamenta toties iterata nihil quicquam præstiterint? An ea propter quod confirmatus jecoris scirrhus, ejusdemque totalis induratio, cum infarctis omnino mesenterii valis post mortem deprehenderetur? *Idem.*

§. 7. Anno 1601. aperui Ch. Raphelengium: Aperto abdomine reperimus magnam se effundentis ac corruptæ flavæ aquæ copiam: Omentum absumptum, Jecur scirrhum ac induratum valde, & cujus parenchyma plane croceum: Vesicula bilis turgida, qua dissecta, ater ac cœnosus effluxit crassus faculentusque sanguis: Intestina, mesenterium, livido ac adusto colore tincta: Venæ mesaraicæ crassa obductæ membrana, adeo ut earum nulla conspici posset. *Pavim observ. 28.*

§. 8. Mulier gravida, etiam Hydrope laborans, paupercula, tumore scirrhus Hepatis præcedente, ad me venit consultandi causa, cum diu hoc malo laborasset, quare curationem irritam fore judicabam, quamvis ad solamen quædam remedia paratu facilia, sed frustra præscripserim, quæ tamen, cum pariendi tempus adesset, feliciter peperit prolem, at 14. die à partu obiit, Ventre autem matris post partum non detumescens, licet à partu utrunque purgaretur, tamen illam morituram prædiximus, & ita 14 die à partu è vita migravit.

Mortuæ autem corpus incidendum curavimus, eo quod obstetrix certo affirmabat secundum adhuc partum ob ventris molem, in utero hære, cum ego eandem ex scirrhus Hepatis, quem hydrops subsequutus fuisset, mortem incurrisse pronuntiabam, quod & incisionem mox indicaret, Incisione itaque peracta, præsentem obstetricem, integra cupa, qua mulieres pannum lavant, aquæ citrinæ è ventre fluxit, plus quam 20. heminas effluxisse conjecabam: Omentum vero plane erat absumptum & glandule Mesenterii indurata: Hepar verò non solum in scirrhum mutatum, sed in lapideam quasi duritiem conversum, nam sparsim in ipsa substantia hepatis fabæ instar lapilli concreverant; Uterus bene se habebat, unde divino quodam miraculo, & Dei providentia fœtus in utero ad maturitatem justo tempore pariendi est servatus, neque secundus inventus fœtus. *P. Forestus observ. 14. lib. 19.*

## S C H O L I A.

**L** Apideam quasi duritiem] Hinc *Car. Pise* sect. 4. lib. de morbis à sero cap. 3. Quisquis, *ait*, lethio dissectioni hydropicorum attenderit tacebitur una mecum ultro Tumorem aliquem visceris alterutrius ferè unam esse, certe frequentissimam, ascitis parentem: Quomodo autem ejusmodi duri tumores viscerum hydropem inducant, ostendit *Platerus* Prax. 13. cap. 3. A Tumore, *inquir*, duro, qualis est durities horum viscerum, qua ipsorum substantia vel tota interdum, vel major illius pars, vel aliqua saltem, induratur: vel tumor in ea collectus durus, in cava limavé Hepatis vel Lienis sede generatur, scirrhus dictus: vel alius durus tumor, qui in abscessum abire solet, ejusmodi fistulæ in illis, vel aliæ aperturæ, per quas serum in abdomen exstillat, frequenter prodeunt, cum ex duritie hac tunica horum viscerum facile crepet & findatur; & si tumor durus in abscessum convertatur, indeque in ulcus, viam hac ratione illi patefaciat; Quæ & causa est, quare durities illa, vel scirrhus, vel tumor durus in abscessum delinens, he-

patis vel lienis hydropem inducat; cum si citra hanc fistulam aut divisionem apertam, durities illa, aut scirrhus, aut tumor se offerant, obstruendo & aetando solum, icterum, vel cachexiam, aut atrophiam potius pariant, nec dum hydropem, donec tandem hæc læsio viscerum inde procedat, tumque Hydrops priores affectus sequitur, vel si statim hoc fiat, mox comitatur: unde & aliæ horum viscerum obstructions, cum substantiam ipsorum extrinsecus minime dividant, hydropis ascitis, si solæ sint, causæ minime fiunt: *Hactenus Platerus*: Expectior est via per vasa lymphatica, quæ ex Hepate quinque vel septem, ut plurimum, ramulis, in portæ amplexibus exeunt, quibus obstructis, quando liquor tenuis à partibus non separatur, oritur Anasarca vel Leucophlegmatia: vel quando impedito ad has transitu ad venas ire cogitur, Ascitem excitant: Vel cum ob tenuitatem tunice, a copia, vel liquoris acrimonia, vel incumbens gravioribus rumpuntur corrumpunturque, in cavitates vicinas, seu abdomen seu thoracem effluit aqua.

§. 9. Matriona Martini Biervvolffi Senatoris uxor, semper conquesta de difficili respiratione, abdominis mole, suppressis uteri purgamentis ante decennium, fit Ascitica: nil profuerunt medicamenta, moritur. Mortua exenteratur; 15. stossæ aquarum detrahuntur, inventumque Hepar 23. libras pendens, scirrhum: Præterea duos tumores saxeos dependentes à suspensorio hepatis, alter librabat 16. alter 12. pondo: In utero lapidem 6. librarum



4. librarum multis eminentiis lapideis, coloris fusci deprehendit dissector. *Tb. Bartholinus cent. 4. histor. 64.*

SCHOLIA.

**I**N *utero lapidem*] Apud *Hippocr.* lib. 5. Epidem. Larissæ, famula Dyseridis lapidem uretro gestavit, ab alia muliere manu eductum: Mihi quidem hoc non contigit videre, ait *Vallesius* in commentario, certior tamen factus sum non multis ante annis idem duabus mulieribus accidisse: altera erat virgo mo-

nialis; altera vidua: quæ quia venere non utebantur, (ut famula Dyseridis, quo temporis vehementi circumcincta dolore afficiebatur, à nixu facultatis expultricis ad extrudendum lapidem) habebant antea solum dolorem gravativum, ut ex lapide in renibus.

§. 10. In cadavere cujusdam mulieris invenimus Jecur aridum, atrum, exsuccum, & instar corrugati corii ita in se contractum, ut vix æquaret geminum pugnum: Quo novacula inciso, excernebatur inde adusta ac fæculenta amurca, similior atramento nigerrimo quam rubicundo sanguini: at loca citima tingeantur flava bilis (laboraverat quippe hydrope cum morbo regio) Sed cutis & muscoli, imo omnia abdominis viscera fuere usque eo à bilis colore, & aquæ madore immutata, ut nihil sani in ipsis apparuerit. Quæsitivimus quidem in deformi ac torrefacto hoc Jecinore satis curiose rimas illas, quas *Fernelius* credit nonnunquam apparere in hydropicorum Hepate: Sed quæsitus nequaquam invenimus: licet viscus hoc tam fuerit siccum, ut si ullibi, hic saltem in conspectum se dedissent: *Tulpius observ. lib. 2. cap. 36.*

SCHOLIA.

**S**ed quid dicemus de illis qui omnem aquam intercutem imputant infigidato Jecori, sive frigus illud sit positivum sive privativum, sequens intemperiem calidam, quæ coniumendo necessarium calidi innati pabulum efficit jecur frigidum? Quale certe frigoris genus difficulter imaginari est in Jecinore ita exulto, à terrore calore, ut etiam post mortem manerint in ipso eventissima ardentis incendii vestigia, sanguis videlicet ignitus, & ab ustione ita niger ut nihil discreparet ab atramento: possent hic certe plures rationes in medium afferri, sed quid verbis opus est ubi tam infallibilia sentium testimonia? Qui nisi sint veri ratio quoque falsa sit omnis. *Idem ibid.* Etsi vulgata sit sententia hydropem oriri ab intemperie Hepatis frigida, non omnes tamen assentiuntur: *Trallianus* hydropicos quosdam à refrigerantibus adjutos esse ait lib. 9. cap. 3. *Montanus* consil. 263. hydropico cuidam syr. acetosum præscribit &

humectantia cum referantibus obstructions: *Avic.* lib. 3. ter. 14. tr. 4. c. 13. ait Experientia tibi constare curatum esse hydropem ab intemperie calida refrigerantibus: *Cardanus* in aph. 12. lect. 1. hydropem ascitem & tympanitem oriri statuit ex intemperie hepatis calida & sicca; probatque à siti, quæ indicium est caliditatis & siccitatis: A juvantibus, u. u. sc. refrigerantium & humectantium: & nocentibus, cum ab aromatibus omnes ladanur: 3. quod refrigeratio hepatis magna fluxum urinae inducat, inappetentiam, cachexiam, alios morbos frigidos: 4. quod magnas sanguinis effusiones in vulneribus non sequatur hydropis sed potius ad fluxum hæmorrhoidum & mensium, ob corruptionem sanguinis: *Platerus* caliditatem jecoris arguit ex siti & urinarum rubore, & causis prægressis quæ plerumque sunt calidorum & aromatum vius, febres ardentes &c. Vide *Silvaticum* cent. 3. consil. 33.

§. 11. Anno 1673. 25. Maji à D. D. *Glasero* Anatomes Professore, Puer 12. annorum, mediocris staturæ, pilis flavis, colore faciei albicante, dissectus fuit, In imo ventre magnam aquarum copiam deprehendimus, ut sit in hydropicis: mesenterium, renes, lien, epiploon, pancreas, vesica nil vitii habebant; præter quod emaciata essent: Hepar obstructum, pituita alba in venis contenta, hydatides in profundo observabantur: Vesiculæ fellis tunica mire crassa erat, ut plane albicaret, habebat enim tergi cultri crassitiem, bilis naturalis: In scroto magna copia aquarum erat, inter testem & tunicam elitroidem: pauca vero inter scrotum & tunicam dictam; Medium ventrem aquis plenum deprehendimus, ut plus aquæ quam in imo reperiremus: Pulmo semiputridus multis aquis impletus, interdum pituita tenui, non adnatus, Capsula cordis omnino aqua plena, ut cor moveri amplius non posset: Cor extra tunicam propriam prominentias fibro-carneas rubras, ad capsulam sparsas, capsulæ annexas, instar fungorum, habebat; Ejus substantia flaccida admodum. Igitur ægrotabat dispositione ad phthisin, hydrope, hydrocele: Capsula præterea cordis tam arcte adnata erat diaphragmati, ut integer circulus, albus, nerveas deberet divelli. Prope jugulum, secundum latera asperæ arteriæ, exterius, multæ glandulæ p. n. nigro rubræ hinc inde dispersæ inventæ sunt. *Ex communicat. D. D. Mangolt, Medici Basiliensis. Clar.*

§. 12. Anno 1666. 10. Maji Nosocomio Leidensi inferebatur fœmina, quæ pepererat ante biennium, & ab eo tempore non passa erat fluxum menstruum: Sentiebat dolores in omnibus corporis partibus jam per bimestre subsistentes: Exvomebat sæpe viridia, variaque per alvum exercebat, liquida: nausea infestabatur & siti, potus tamen omnis displicebat: In somnum proclivis erat, hunc tamen non capiebat integrum, assumpta vomitu mox rejiciebat: Hæc mala omnia ex animi motore & indignatione ortum habebant, etenim spe matrimonii facta, stuprata est à juvene ante triennium, qui ipsam postmodum deseruit: Acido, quod hic primario peccabat, temperando, Dom. *Sylvius* sequentem describebat misturam cochleatim assumendam ℞. aq. pulegii, fœnic. aa. ʒj. aq. theriacal. simpl. ʒʒ. laud. opiat. gr. ij. Syr. artem. ʒʒ. Spir. vitr. ʒj. misc. 11. Maji vomitus non urgebat amplius, in somnum erat proclivis &

summo

summe debilis : Alia præscribatur mistura itidem cochleatim sumenda 2℥. aq. mentha, fenic. aa. ʒj. aq. cinnamom. ʒj. syr. menth. ʒss. misce : Verum hoc die hora 8. moriebatur.

Cadaver apertum hæc dabat 1. Ante apertionem plurimæ circa pectus maculae purpureæ notabantur. 2. In ventre rugæ conspiciebantur, partus prægressi signa. 3. Cutis non crassior erat cuticula : 4. Peritonæi membrana quocunq; in loco apprehendebatur, abscedebat & digitis adhærebat, cuius causam existimabat Dn. *Sylvius* acrimoniam humorum in abdomine : 5. Aperto abdomine aqua ad lb. 20. effluebat sapore subsalfo, colore, mirum, rubicundiore, loturam carniū superante. 6. Miræ membranarum sub musculis abdominis cernebantur convolutiones, sine dubio Omenti, cuius nulla supererant vestigia, reliquæ. 7. Intestina versus diaphragma propulsa & mire convoluta erant, ut vix quidpiam discerni posset. 8. Hisce superatis Hepar conspiciebatur colore pallido, undique abdomini annexum. 9. Ventriculus bene se habebat, rugæ quoq; bene erant constitutæ : 10. Intestinum duodenum omni pituita privatum erat, cuius absentiam continuam istius vomitus causam fuisse Clar. D. *Sylvius* sentiebat, cum minimam acrimoniam & vestigio potuerit sentire : 11. Intestina crusta quadam exterius erant circumdata, dorsi cultri crassitie, cuius causa videbatur D. *Sylvio* materia quædam alimenticia per erosa vasa cum sanguine effluens. 12. Figura Uteri bene erat constituta, magnitudine tamen parvus erat & deorsum propulsus : Hoc factum existimabat Dn. *Sylvius* ab obstetrice vi fœtum extrahente : Simile se vidisse addebat in fœmina Amstelodamensi, in qua uterus obstetricis culpa fuit inversus, hæc per 4. annos misere vixit. *Alardus Hermannus Cummernus in miscell. curiosis anni 1673. obs. 130.*

§. 13. Cadaver Matronæ Jan. 3. 1634. dissectum fuit, & in causam cachexiæ hydropicæ inquisitum, maxime ob tumorem ad tactum renitentem, aliquomodo oblongum, circa foveam illam, quam cordis vulgo, alii rectius Stomachi vocant, ad cartilaginem xiphoidem, in corporis interno, protuberantem ad latus sinistri hypochondrii, quem omnes Medici scirrhum vocavimus; at cuius partis sit nemo nostrum affirmare ausus : Abdomen erat inæquali tumore sublatum, dextra sinistris tumidiora, non renitente sed submolli, quia vestigia digitorum impressa remanserunt, pedes œdematosi, thorax tumens, aquæ sonus in cavo; quam, vulnuscule abdomini inflicto ad umbilicum, emittere placuit, cuius quantitas aestimata plurium librarum : Color seri urinæ similis, i. e. citrinus, quod omnia inundabat & replebat, omentum, mesenterium, viscera, imo cutim ipsam à carne separabat, pustulosis tuberculis quasi conclusum :

Remotis itaque omnibus obstaculis, venit in nostrum conspectum Jecur mole admodum magnum ac ponderosum, qua stomachum cooperiit & depressit ad dolorem, & ut cibi multum ferre non posset : Parte sinistra (quæ naturaliter alias attenuata, & quasi in acutum formata, angulum, & parte anteriore in ambitu tenuis) excreta in tumorem durum, crassum, torundum, albidum : Totius visceris magnitudo insueta fuit, ponderans libras 7. quartas 3. : Gibbæ color non fuit vere ruber, sed subpallidus, simæ plane albidus, intra tunnicam vestientem & parenchyma glandulæ aliquæ observabantur, non quidem tartareæ, sed ex steatomatum genere : Parenchyma tota sua natura degeneravit à pristino suo tenore, sima enim & cava pars p. n. dura, renitens, solida, colore albido, seu, ut uno & congruo nomine edam, scirrhusa moles, seu tumor scirrhusus, & acuro ferro dividendus esset, qui divisus non sanguinem, sed cruorem fudit : Gibba pars aliquid habuit de colore Hepatis, & videbatur sima quasi substrata gibbæ, tanquam novum aliquod corpus, seu substantia scirrhusa, dura & alba, à qua dependebat tumor oblongus instar pyri, qui dissectus glandulosam substantiam repræsentavit : *Ventriculus* parvus, paucum humorem putridum habens : *Intestina* spiritu turgida, humido vacua; *Lien* sanus & plenus sanguine, quasi officina solus sanguinis fuisset : *Renes* ambo sine vitio; In Thoracis cavo copia seri, *Pulmones* innatantes ei, corpore magni & aqua turgidi, lobi nonnulli maculis lividis conspersi ob affluxum seri, intrus sani, nisi quod ex dissectis sanguis arteriosus & serum separata fluxerint : Cordis magnitudo decens, pinguedine multa, capsula vacua; Vertebrae dorsi observavimus in cavo flexas, sex ita incurvas ut Græcorum c. aut Latinorum s. minus referrent.

## S C H O L I A.

**T**umorem, aut intumescentiam corporis hepatis, durities, renitentia, amplitudo & firmitas, color albus scirrhusum dicunt : qualis tumor non brevi tempore accrescit, maxime non præcedente morbo calido : Corpus itaq; Hepatis oppletum fuit sensim crasso, viscido sanguine, vel potius ucco nutriente duriora corpora, acquisivitque eam naturam quam habuit adpositam, i. e. duram & scirrhusam, excrevitque in molem magnam per totum corpus pa-

renchymatis, quia illud quod adpositum est non statim copiosum fuit, sed etiam per totum Hepar distributum : Nemo vero non novit quod ea quæ appositione augentur longius auctionis tempus requirant : Malo ego cum *Placero* sentire, quam cum aliis acculare melancholici humoris ubertatem, obstructions & infarctus visceris : An medicamenta siccantia quid causant, nolo affirmare, quia nil de illis certi : Totum parenchyma Hepatis à sua prima dispositione plane

plane degeneravit, ut nisi gibba exigua parte aliquid de carne parenchymatis monstraret: longo igitur tempore accrevit hepar in hanc molem, & ejus substantiam mutatam pronuntio, nec tam cito potuisse interimere, ob alvi beneficium perpetuum, ut *Sennertus ex Galeno* docet ad Glauco. 5. A scirrhuso

itaque Hepate cachexia, viridi coloris in facie perediti, hydrops ascites: Lienis tamen sanitas languificationis functionem administravit, sed morbum fecit chronicum: Sanis ambobus visceribus rubicundissimo colore facies tincta fuit: De *Gibbositate* vide lib. 2. *Hebsterus Decade 10. casu 10.*

§. 14. Noranda Felleorum vasorum rarissima quædam constitutio, quam mense Dec. 1668. vidimus in profectione corporis mulieris circiter 30. annorum, quæ Hydrops non gravi, partim Anasarca partim Ascite, longo tempore detenta tandem obierat: In hoc subiecto repertum fuit Hepar, non rubicundum, sed leviter flavescent, in reliquis visceribus vix aliqua flavedo observabilis erat: serosus humor nimia quantitate abdominis cavitatem replebat: Folliculus fellis omnino candidus intus forisque conspiciebatur, ut & ejus ductus versus ductum communem cholidochum excurrens, hicque tantam habebat amplitudinem, ut fere minimum digitum admitteret: In folliculo autem & ejus ductu nulla omnino bilis, sed candidus quidam succus, aliquantum viscidus, non magna copia continebatur: In communi ramen ductu cholidochi (qui est porus bilarius, usque ad intestina protensus) in intestinum duodenum exituriente, flava bilis modica quantitate continebatur, quam etiam in intestinum duodenum effluxisse, apertis intestino, mox flavus color repertus intus indicavit.

## S C H O L I A.

**H**inc magnum argumentum desumeret licet contra eos, qui statuunt ex hepate per porum bilarium nullam omnino bilem versus intestina defluere, sed partem bilis ex folliculo defluentis in duodenum intestinum eructari; partem per porum bilarium ascendere & ingredi hepar: quod sic non fieri ex dicta historia patet: Cum enim nulla bilis conti-

neretur in folliculo ejusque ductu, & interim bilis deferretur ad intestinum duodenum, illa ex nulla alia parte, quam ex ipso hepate per porum bilarium, ductumque communem cholidochum (in quibus bilis quoque inventa fuit) eo deferri potuit.

*De Diemerbræck Anat. lib. 1.*

*cap. 13.*

§. 15. Anno Dom. 1668. die 31. Martii dissectum fuit circa horam 7. matutinam à Chirurgo Massonneau, presentibus Dom. D. Petro Garnier, Collegii Medici Decano, Carolo & Jacobo Sponiis, Doctor. Medicis, cadaver honestissimæ Matronæ Mariæ Peyravidaux peritissimi quondam Pharmacopæi, hujusce civitatis, Mag. Joh. Moze, paucis post obitum horis, utpote qui contigerat pridie, hora 11. ante mediam noctem: Qua in dissectione varia observatu digna oculis manibusque se oggesserunt, quæ memoriæ causa hic consignare volui. 1. Cadaveris (abdominis præsertim) habitus excarnis admodum & ἀνίμω. 2. Peritonæum adeo molle ac putridum ut nullo fere negotio manibus, instar chartæ madidæ, lacerari puterit: 3. Aquæ citrinæ plusquam 40. libræ, in qua fluctuabant partes omnes in abdomine contentæ, in pelvim appositam defluxere: 4. *Epiplon amplissimum erat*, ab uno hypochondrio ad alterum pertinens, Lieni, fundo ventriculi ac Jecinoris cavo pertinaciter adnexum, cæterum putridum ac velut à foricibus arrosus. 5. Ventriculus admodum amplus ac turgidus. *figuram utriculi musci, ἀσπερ* quibusdam dicti, perbelle imitans. 6. Hepar insignis molis, atque adeo ponderis, totum colore ex viridi cineritio præditum, exsuccum, durum, ac scirrhusum, inæqualibus velut tuberculis totam superficiem asperantibus ac crispantibus. 7. Cystis fellis pene tota oblitterata. 8. Renes inculpati. 9. Lien prælongus, quoad partem internam satis bene constitutus, cæterum externa facie adipe obductus, atque ad hepar usque exporrectus. 10. In dextra thoracis cavitate plurimæ aquæ cruentæ mucilaginosæ, quæ cochleari ferreo haustæ magnam pelvim implevit; eaq; aqua exhausta, solum pulmonis caput superesse visum, sub clavicula conditum, reliquis ejusdem visceris partibus absumptis, aut in saniem versis: Diaphragma, qua jecori suprapstat, putridum ac gangrenosi affectum. 11. Cordis capsula feri omnis experta: Cordis autem universa superficies pinguedine sebosa obducta. 12. In sinistra pectoris cavitate Pulmo probe constitutus apparebat. *Ex communicatione Excell. & Clariss. D. Dom. Caroli Sponii, Medici Regii, Vice-Decani Facultatis Medicae Lugdun.*

## S C H O L I A.

**E***piploon amplissimum erat* In Omenti amplitudine quatuor partes sicut, figura, textura & usu differentes, quamvis inter se continuas observat, & appellationibus novis distinguit *Riolanus* Anthrop. l. 2. c. 13. quarum cognitio & discretio ad curationem morborum valde necessaria existit: 1. est *Intestinalis* dicta, pendula infra colon, intestinis supernatans, quæ distenta atque dilatata figuram marsupii occupari refert: pluribus venis intertexta est, adipe multo circumdatis, qui non est mediis venarum spatii

confuse & glomeratim interfusus, sed reticulatim dispositus supra venas ad robur venarum & membranarum; Illuvium Hepatis simulque Lienis excipit, dum regurgitat & ad eam partem amandatur: 2. *Omenti* portio & major, *Lienalis* dicta, jacet & consistit inter Lienem & ventriculum conglobata, adipe glomeratim appposito, nec ita artificiose appposito ut in portione pendula Omenti: Sordes Lienis excipit, si plenitudinem hypochondrii sinistri percipias, hinc aspectabili & conrectabili tumore Lienis plenitudo illa



illa non à Liene, sed ab ista parte tumefacta dependet, quod in praxi diligenter notandum 3. *Portio Epatica* nominatur, sese insinuat in cavitatem Hepatis, & intra se includit parvum Hepatis lobum, simulque comprehendit venę Portę truncum, parvo lobo instructum: Hęc portio paucis adipe constat & utris formam refert, impritates Hepatis excipit, & aqua ab Hepate transmittit in portionem Omenti pendulam: De secunda portione Omenti intelligendus est aphor. 55. lib. 7. De tertia portione sequens aphorismus. 4. *Portio Mesenterica* dicta, Colo & ventriculo subtena, inferne descendens ut unjatur mesenterio, consimilis est ipsi mesenterio, à quo videtur emanare, nisi quod glandulis careat, aut saltem paucas & exiles habeat: Cum mesenterio illuviem primę regionis excipit, & ab aliis partibus Omenti derivatas lordes trahit in verum mesenterium & intestina crassa quibus adherescit: Sed quo fine portionis hujus pendula Omenti sacculus, veluti marsupium, productus fuit? An ut instar utris crassam Lienis illuviem excipiat, quę in illas omenti venas transfertur, si quando redundet: Nec mirum si Omentum venis amplis & evidentibus conspersum fuerit, quum nullas aut raras, eatque exiles venulas in alio adipe vix queas deprehendere: Quare existimo impuritatem & illuviem Lienis in Omentum duplicatum, multis venis scatens, derivari & coarcevari: *Ventriculus aqua plenus in hydrope Lienis obsecratus*, nihil erat aliud quam Omenti du-

plicatura, seroso sanguine distenta: *Membrana sub ventriculo & Liene* exprorecta, in morbis diuturnioribus, & in vetustate incidentibus, humore distenta, à *Cuneo* deprehensa in mortuis, ipsam erat Omentum duplicatum: Quin etiam *Salomoni Albersio*, in Exercit. Anatomicis, & lib. de scorbuto, si liquorem spatium, quod versus spinam inter ventriculum & Lienem, & Colon inane interjacet, humoribus stagnare olim visum est, siue ferotior & aquotior ichor eo exsudaret, seu transpirans halitus condicione loci ad ingenium illic postea redierit, erat Omenti portio glomerata, jam dicta: Ideo aphor. 54. 7. pertinet ad eam partem Omenti, quę jacet & consistit inter Septum, Lienem & Ventriculum, ubi pituita multa cumulari potest, quod in multis morbis præbet occasionem Lienem affectum suspicandi & frustra acculandi: Inde plerumque dependent contumaces hypochondrii sinistra obstructions, quę post frequentes purgationes, aquarum Thermalium usu percurantur: Ideo citatus Aphor. magni est in Medicina momenti, Quibus inter ventriculum & Septum transversum pituita conditur & dolorem affert, ad alterutrum ventrem exitum non habens iis per venas ad vesicam versa pituita, morbi sic solutio.

*Figuram utriculi musci* Qui ex ventriculo porcino conficitur, humano non abumili, ideo comparatio instituenda ventriculi porcini cum humano.

§. 16. Vidua P. Auberti per multos menses decubuit assidua febre affecta: Percipiebatur Tumor in abdomine, versus umbilicum, ad dextram partem inclinans, isque durus, ita ut scirrhusus putaretur, & in musculis epigastrii situs, quia sub cute statim tangebatur: Non erat dolorificus nisi cum premeretur, aliquando dolores acres humerum dextrum occupabant, & latus ipsum, ut pleuritidem mentirentur: Existimabamus dolores istos provenire à materia serosa accerrima, quę in hepate fervidissimo generaretur: sanguis qui detrahebatur, erat ferventissimus & lividus: nullum levamen percepit unquam nisi à laudano, cujus ope dolores leniebantur: Cum dolore in coxagraui simul laboraret, & tumor in parte appareret, pars caustico & scalpello aperta, sed nullum pus effluxit. Post 15. dies ab apertione, venter antea tumidus magis intumuit, & hydropica facta est, ac tandem suffocata interiit.

Aperto cadavere inventum est Hepar tumoribus scirrhis & magna ex parte suppuratis refertum, in cujus extremo adnati erant duo tumores canerosi, usque ad umbilicum prominentes, & pugni magnitudinem æquantes, qui cum essent fere contigui, tumorem illum abdominis jam dictum representabant: neque in Hepate esse putabantur, quia non erant in loco Hepatis naturali, imo Hepar seorsim ab illis tumoribus tangebatur: sed durum & dolorificum, quia dicti tumores erant magis prominentes, quam reliqua Hepatis substantia: Totum illud Hepar pendebat viginti libras & amplius, *Laz. Riverius centur. y. observ. Lii.*

§. 17. Qua parte recti musculi ad sternum pertinent, puero cum abscessu in ventre tumor manifestus digito cedens obtigit, vocati fere omnes judicarunt abscessum in rectis musculis, alii in ventre, quia attenuato vehementer puero, & consumptis musculis, facile emerneret tumor. Paucissimi in Hepate, quod quibusdam Hepar totum ventrem ad partes sinistras prætendat: Aperto loco exiit pus virosum & graviter fetens, corrupto peritonæo: Abscessus sedes in parte Hepatis, quę illuc perveniebat. Quod magis apparuit mortuo & dissecto puero. *Hollerius lib. proprio observ. xxx.*

§. 18. A. 1735. 16. Februario vocatus sum ad filiam annos 14. natam, quam ante duos annos curaveram ab hydrope incipiente, à quo tempore valetudinariam vitam agebat: nunc vero à tribus septimanis decumbebat: invenio eam laborantem febre assidua cum alui fluxu moderato, quo multa pituitosa & cruda reiciebat: Refert præterea ventrem sibi iterum intumuisse, in eoque per vices dolorem quemdam punctorium percipere, tum etiam tibię per vices oedematosa apparent: De redeunte hydrope statim cogitabam, quod ut exactius explorarem, manum ventri admoveo, quem dum aliquantulum comprimere intenderem, illa statim obstitit, de dolore conquerens qui comprimendo ipsi inferebatur, Ego vero ratus in hydrope dolores hujusmodi non apparere, ventrem denudari iubeo, admodum lucerna, ut rem attentius indagarem: ventrem igitur inspicio colore naturali præditum, sed elevatum

& tumentem : dum utraque manu contrecto blande , invenio tumoris circumferentiam in umbitu umbilici , quinque digitorum latitudine , extra quam circumferentiam ægra contractum indolenter ferebat : in tumore vero etiam leviter compressa , plurimum dolebat , præcipue in sinistro latere duobus digitis ab umbilico , ubi ab initio morbi dolorem punctorium per vices percipiebat : præterea in ipso tumore fluctuationem quandam animadvertēbam ; ex quibus pronuntio abscessum latere inter peritonæum & musculos abdominis & jam factam esse suppurationem , ac statim Chirūrgum advocari jubeo , qui ejusdem protinus fuit sententiæ : Itaque quam primum aperiendum esse abscessum statuimus , ne si in cavitatem abdominis rumperetur , mortem præcipitem afferret : Admoveretur ergo causticum ei parti in qua dolorem pungitivum ab initio percipiebat , & tribus horis elapsis facta eschara immittitur ferrū ad latitudinem duorum digitorum , nullum tamen pus effluxit : at non ausus est Chirurgus ulterius phlebotomium immittere , ne forte peritonæum confoderetur , sicque materia ad cavitatem abdominis efflueret , immisit ergo turundam in foramen , & post quinque horas extracta turunda tantillum puris effluxit : postridie mane extracta iterum turunda magna puris copia emissā est , pus autem erat pravi coloris & odoris : nihilominus ægra in pejus ruebat , ita ut V<sup>o</sup>. ab apertione die interierit.

Aperto cadavere , *inveni sunt muscoli abdominis* in loco tumoris putredine affecti circa partem sinistram umbilicalem : in parte vero dextra hypogastrica intestina peritonæo adhærebant , & partes hujus loci etiam putrefactæ erant : Hepar colore flavissimo præditum adhærebat peritonæo undique , & mole sua mediam thoracis partem replebat , ut ipsi cordi esset omnino vicinum : Pure & putrilagine omnia erant referta ac terribilissimum odorem spirabant : summa præterea aderat macies in toto corpore , quod marasmo confectum videbatur , idque ob defectum Hepatis sanguinem non generantis. *Laz. Riverius centur. I. Observat. 92.*

## S C H O L I A.

**N**on solum abscessus abdominis ex chronico morbo , in corpore male affecto , lethales sunt , sed etiam ut plurimum ii qui febribus live continuis live intermittentibus succedunt , quos damnavit *Hipp.* in Coacis : Et vidit *D. Pachegnus* , Medicus Lunellensis , juvenem tertiana laborantem , cui cessarunt paroxysmi post septimam accessionem , factus tamen abscessus circa inguen , & apertus emisit pus laudabile in principio , sequentibus vero diebus prava successerunt symptomata , pus deterius apparuit , & eger interiit 20. die. Quem tamen abscessum ab initio lethalem judicare potuit , quod eo apparente seva symptomata etiam apparuerunt : at salutare abscessus allevationem symptomatum afferre debent : si contrarium fiat , decubitus materię in illam partem significat , non criticam expulsiōem. *Idem ibidem.*

*Hepar peritonæo adhærebat undique* ] Observavit *Platerus* Cap. de Extuberantia , ab aqua jam prius in hydropicis in abdomine collecta putrescente , si horum viscerum tunica erodatur , vel ulterius ipsorum substantia lædatur , sero tunc inde quoque transudante , aqua illius copiam in ventre augeri. Item ab eadem aqua , & hepatis & lienis tunicis , uti & peritonæo , eo in loco ubi illa huic adiacent , excisis , ita concrevisse , ut nec Hepar nec Lien à regione illa septici adnata erant , citra dilacerationem tunicarum avelli potuisse , unde forte quoque serum in cavitatem extudare potuit.

*Inveni muscoli abdominis, &c.* ] Inflammationem

musculorum abdominis ab inflammatione Mesenterii & Diaphragmatis sic distinguit *Riverius* Pract. l. 13. c. 2. Musculis abdominis inflammatis , tumor ac dolor secundum eorum ductum , figuram ac ductum protenditur : plerumque illi oblongi sunt , aut per totum ventrem diffusi , & partes externas magis occupantes , ut levi contactu statim percipiantur , & insigne dolorem ac febrem inferant Mesenterii inflammationis signa sunt febris languida , occulta , lenta , ablique siti & gravioribus symptomatis : anorexia , tensionis & gravitatis sensus subter ventriculum , citra magnam duritiem , & quæ nonnulli pressu dignoscitur , citra dolorem etiam , saltem effatu dignum , quia pars obruso sensu donata est , egestionem chylosæ , quas plerumque ichor tenuis conlequitur , sine ullo doloris sensu , modo , scorsim ac sincerus , modo facibus permixtus : Si simul Hepar , aut Lien , aut Intestina afficiantur , graviora sunt symptomata , cum peculiaribus signis partium affectarum : Speciatim intestina simul obideri ostendit febris hemitritæus , quam observavit *Spigelius* ab harum partium inflammatione oriri. *A Diaphragmatis tumoribus* , qui paucissimis hætenus medicis innotuerunt. In illis perpetuo insignis est respirandi difficultas , hypochondria revulsa , pulsus durus ac parvus , citra omnem tumoris in hypochondriis sensationem : Si sit à materia calidiore , febris acuta , dolor intensus , deliria & convulsionem sequuntur : Exemplum diaphragmatis inflammatis vide apud *Platerum* in observat. p. 170.

§. 20. Obiit Genevæ anno 1640. juvenis Vlmensis nomine Wolfgangus , qui quoti-mero nimium indulgeret , in Icterus primo , mox in Ascitem delapsus est : hypochondrium autem dextrum tumidum lapidis instar manui obnitebatur.

In dissecto cadavere , præter ingentem in abdomine aquarum colluviem , Iecur durissimum , scirrhosum & flavedine tinctum repertum est.

§. 21. Mulier



§. 21. Mulierem quandam Ascite laborantem Herbi poli mea manu vivam aperui, quæeducta paulatim magna aquæ copia, se plurimum sentiebat relevatam: Sed quia morbus iam ad summum pervenerat, & vires erant plane prostratæ, interjectis paucis diebus vitam cum morte placide commutavit.

Eam mortuam cum dissecarem, Hepar inveni (ut in pluribus aliis qui eodem morbi genere perjerant) omnino durum & colore subpallido, perinde ac si coctum fuisset: Ipsa vero hepatis substantia (quod admiratione dignum videtur) interius tota erat granulosa, granis nimirum quantitate pisorum ubique apparentibus. *Observatio Joh. Possii.*

§. 22. Puella cachectica Hepar habuit valde magnum, idque ex parte corruptum, maculisque infectum, è quo, tanquam è fonte, promanarat Hydropisis: Abdomen enim scatebat materia serosa multa, fœtida. *Vide tit. de cachexia.*

§. 23. Vir melancholicus, scorbuticus, Intumescencia ventris & pedum hydropica prehenditur. Iecur totum erat scirrhum, ac tuberosum, interius & exterius. *Vide tit. de scorbuto.*

§. 24. Quidam diuturno morbo laboravit & tandem Hydropicus factus est: Hepar erat grande, colore nigricante, Venæ in parte cava, priusquam in communem caudicem Portæ desinant, obstructæ erant lapillis. *Vide tit. de Ictero.*

§. 25. Nonnullorum qui ab Ictero in Asciten delapsi erant. Iecora fuere adeo dura, & lapillis adeo plena, ut novacula præscindi non potuerint. *Dodonæus.*

§. 26. Puer xvii annos natus Hydropicus obiit: Intestina adeo distenta erant ut femoris crassitiem certis in locis adæquarent: Epat corruptum, arenulis infarctum. *Vide tit. de ventris dolore.*

§. 27. Feria 4. Paschatos ann. 1660. ad Hydropicæ sectionem vocatus, deprehendi huius abdomen ad xiiij pedum peripheriam extensum: longitudo x. pedes æquabat, profunditatem numerantes, senos cum dimidio animadvertimus pedes, Hepate flaccido, quinque librarum mensuram superante, Liene parvo & optime se habente, corde vero & pulmonibus omnino flaccidis. *Joh. Scultetus in Miscell. cur. anni iv. Observ. 148.*

§. 28. Puer frequenti ficuum cibo scirrhum contraxit Hepatis: Illius extra in fœtida natabant aqua. *Vide tit. de Febribus.*

## S C H O L I A.

**F**requentii ficuum cibo] Quas tamen obstructiones jecoris tollere fama est, cum abstergentis sint facultatis. Dubium ergo est quomodo dulcia obstruere possint, quod experientia constat & in omnium ore est: attamen *Galenus* 5. de simp. med. facult. cap. 26. ait dulcia rarefacere & abstergere: Dicunt aliqui quod dulcia moderata, ut sunt pinguis, oppilent, non tamen immoderata, ut sunt saccharum, mel & similia, quia hæc habent virtutem absterli-

vam, Verum hæc responsio non satisfacit, quia dubium est de manifesta & immoderata dulcedine quæ in ficibus, in melle & similibus invenitur: Respondet *Avicenna* l. 1. Fen. 3. doct. 2. cap. 7. Dulcia omnia oppilare, quia rapiuntur à natura ante concoctionem: quare quamvis abstergant, contingit ut hæc quoque dulcia immoderate, per accidens inslent & oppilent. *Sanctorius meth. vir. Error. lib. 7. cap. 3.* Scirrhum autem. Obstructiones sequi notum est.

§. 29. Hepar viri ex Hydropo mortui aperui, & illud arena copiosa refertum inveni. *Ex Observat. Cyriaci Lucii Medici Ingolstadiensis.*

## S C H O L I A.

**H**epar, quod ex glandulis plurimis constare tradit *M. Malpighius*, communes cum iis morbos patitur: vasa enim, quæ glandularum ministerio inservire solent, in hepate insignia sunt, venæ, arteriæ nervi, propriumque vas excretorium, potius videlicet biliaris: Enati ergo morbi utriusque videntur communes & penitus similes. In Glandulis enim ex concretis succis,

ex tartarea, gypsea, & quandoque aquea excitari solent materia, ut passim in parotidibus, colli glandulis & aliis observamus, quod & in hepate contingere docent plurium observationes. *Malpighius l. c. p.*

23. De lapidibus & tartarea materia in

lecore reperta vide

*Schenckium*

§. 30. In puella quadam hydropo mortua Monspelii, duo vermes fuerunt inventi, quorum unus adhuc adhærebat poro choledochi. declivi, at alter penetrarat in Hepar: quos ego non in vesicula fellis genitos, sed ex intestinis per meatum illum expurgandæ bili destinatum ascendisse existimo: Cystis fellis aquea bile, vel aquoso potius humore quam felle referta in corpore hydropico, hinc etiam alterum vermen penuria alimenti ad hepar penetrasse verisimile est. *Wierus de præstig. Damonum l. 4. cap. 16. & Gal Wierus Epist. ad Hildanum cent. 1. obs. 54.*

## S C H O L I A.

**E**x defectu credo alimenti] Localem in hepatis lobulis vermes habere generationem credit *Marcellus Malpighius* lib. de structura viscerum Tit. de Hepate cap. 3. qui id ex plurimis glandulis coag-

mentatum dicit. Vermes autem in glandulis frequentius generari, præcipue canum conglobatis asserit: Vermes in hepate repertos tradunt *Banbinus*, *Montanus*, *Schenckius*.

§. 31. Mulier quædam hydropica interiit: sensim aqua in abdomine collecta est, sensim tumuit abdomen, menses suppressi erant, Suppressionis causa, partim ad dolorem animi, ob obitum liberorum conceptum referebatur, Sed gravida erat, febris assidua; urina paucæ, sed crassa & turbata, qualis in febribus putridis apparet, Dolor in dextro hypochondrio tumorque percipiebatur, & durities in regione Hepatis: Lumbos & renes dolebat; urina non



percolabatur, sed major feri pars in abdomen refundebatur, hinc hydrops.

Aperto cadavere hæc reperiuntur, pene xii aquæ libræ in abdomine contentæ, hæc aqua urinam colore, & consistentia referebat: Hepar durum, siccum, infinitis coloribus variegatum; Color erat cineritius multis locis, denique tota substantia vitium fecerat: Ren unus erat, sed magnitudine superabat duplo renem naturalem: Sinister erat, dexter nullus, sed species quædam involucri: credo quod nunquam fuerat, Mirum, sæpe nephriticos dolores passa lapides excreverat: nullus tamen vel in rene vel in vesica lapis inventus est: Sicci pulmones, febris erat assidua: tandem per duos dies æquæ reddita, interiit: duodecies purgata fuerat, incolumi tamen fœtu, i.e. vi medicamenti non excluso, *Ballonius Ephemer. & Epid. lib. 2. pag. 264.*

§. 32. Anno 1597. abdomen femine aperui hydropicæ, quæ grvida credebatur: huic magna aquæ flavæ ac fœtidæ effluxit copia: Iecur corruptum: hujus vtero exterius, circa fundum, adnata cernebatur excrecentia candida, magnitudine verrucæ, quæ dissecta nihil intus continebat, sed solida omni ex parte erat. *Pet. Pavvius Observat. xxiv.*

§. 33. Celestinus Celestini in muliere quadragenaria, quæ sæpius pepererat, modo ob suppressionem mensium grvida frustra habita, Hepar nuper invenit xl. librarum pondere. *Th. Bartholinus Epist. 1. cent. 3. ex Henrico à Moinichen.*

#### OBSERVATIO. V.

*Hydropici cystis fellea exhausta, lapillis referta, Intestina nigra quasi torrefacta. 1. Cystis muco & capillis referta. 2. Lapilli nigri in cysti. 3. 4. 5.*

**D**ocente Heurnio, p. 552. aqua in hypochondriis cohibita a motu prohibita, putrescit & corrumpitur, hinc calida & sicca redditur: Omnis enim putrefactio, in qua nulla sit partium secretio, necessario naturam igneam acquirit, ac proinde ascendentes vapores sitim invehunt, humiditatem roridam absumunt, præsertim oris ventriculi: Demum humor vasis conceptus ineptus est qui deinceps in aliam humiditatem roridam abeat. Aqua quidem innata ntia intestina madefacit, nequaquam autem humectat: Aqua enim situlas duas, quæ aquæ libras plusquam lx. continent, ab hydropica & simul quartana detenta muliere eduxi, mense Junio 1634. per umbilicum stylo pertusum, unde situla repleta; Aperto vero abdomine altera situla impleta fuit eadem aqua, magno cochleari exempta, inter viscera collecta; Intestinorum autem superficies omnino nigricabat, quæ quasi torrefacta erant, ante enim aliquot menses intensum calorem in visceribus persenserat, quem illico *Erysipelatis* nomine donavi, & remedia illi accommodata præscripsi: de qua *Erysipelatis* specie *Hippocr. aphor. 25. 6.* In corpore vero ne gutta sanguinis reperta, imo ne in corde & venis, ut nec fel in cysti, sed tantum pauca aqua limpida cum tribus lapillis, friabilibus, rutiantibus, moro non ab similibus, avellanæ magnitudine cum cortice, quorum unum medium cultro, malleo percusso, divisi, qui scintillans & fulvus fuit, partibus dissectis, saliva humectatis, facile coalescentibus, &c. Huic prius hydropem prædixeram ob venæ sectionis abusum, à qua jecur refrigeratum & debile redditum est. *David Laigneau de Sanguinis missione p. m. 411.*

#### SCHOLIA.

**E***rysipelatis* nomine, ] *Sanctorius* causas inquirens cur à paracentesi hydropicorum cita mors succedat: causam esse ait quod ab aquarum effluxu *erysipelas* in visceribus & intestinis oriatur. *Ballonius Epid. lib. 1. p. 203.* à viris fide dignis audisse se ait, qui id remedi iusurparunt, periculum ex eo non sequi quod fiat sectio, nec quod evacuetur aqua sapientia, aut quod rursus succrescat novus humor, sed quod

qua parte sectio facta est, *Erysipelas* facile & frequenter consequatur obdriaturque, deinde è vestigio sequatur gangræna & sphacelus: Cur ita hoc malum gliscat & adhærescat, nequeunt rationem reddere, nisi quod loco vacuaræ aquæ flatus nescio quis malignus surgat, & quod occurssu frigidi intestina, veteri colluvie delectari solita, facile nigrescant.

§. 2. Anno 1625. Staræ ætatis femine hydrope sublata, ductus vesiculæ felleus in duodenum ferebatur; Ipsa vero muco repleta, quatuor condebat lapillos angulares, virides & nigricantes. *Rhodius mantissa Observ. 28.*

§. 3. Hydropicæ cujusdam Monspeßuli ex monumento ereptæ cadaver aperui, & lapillos nigros in folliculo fellis reperi. *Ex observat. Joh. Bauchini.*

§. 5. In folliculo fellis, per inflammationes proximorum viscerum, aut obstructions diuturnas, lapides coaluisse deprehendimus: erant hi fere angulosi, exterius nigri, intus subflavi, fusci, ac sæpe coloris varii; Exemi ab uno hydropico solius fellis calculos 32. quorum minimus pisi communis magnitudini respondebat, maximus nucis avellanæ. *C. Gemma lib. 1. cap. 16. Cosmoerit.*

§. 5. Quidam diu sensit graves dextri lateris dolores, post siti pressus Hydropicus evasit. Sola vesica fellis in vicio fuit, quæ sine bile novem calculos continebat *Vide tit. de Hypochond. dolore.*

OBSERV.

## OBSERVATIO VI.

*Ventris tumor Asciticus vitio Iecoris duri, pustulis ubique referti. Lienis crassi, conglobati. 1. Iecoris & Lienis tumoribus scirrhis affectorum, Glandularum mesenterii tumidarum in Liēna. 2. Hepatis & Lienis durorum, siccorum. 3. Hepatis sanguinem adnationem habentis, Lienis intus vitiat. 4. Hepatis & Lienis pituita alba obducentum. 5. Ob scirrhum in vicinia utriusque. 6. Vitio Lienis monstroso conformati, Hepatis vitiat. 7. Hepatis duri, tumidi, Lienis pallidi, mollioris. 8. Hepatis & Lienis corruptorum. 9. Hydrops saepe consequitur corruptionem & putredinem utriusque. 10. Asciticus & Tympaniticus tumor ob utriusque visceris scirrhum. 11. Ascites cum graviditate à Iecore scirrhuso, Liēne quasi lapidosa. 12.*

§. 1. **C**onjux Ant. Leicht. cum ex valde inordinata victus ratione jam per septem hebdomadas hydropē laborasset, & variis remediis sine villo ordine exhibitis usa fuisset, in majorem tamen subinde molem venter excrevit cum tibiis & femoribus, ita ut majorem non viderim: Illa medicamentorum pertaxa nullo uti voluit: Cui 12. Aug. crura scarificari curavi, & aliquot vulnuscula fuerunt inflata, ex quibus egressus fuit primo sanguis serosus, deinde lucida & pura aqua satis copiose: Et quia etiam circa umbilicum vesicæ apparebant, ob id eas quoque aperiri curavi, ex quibus pariter aqua fluxit, quæ evacuata vulnuscula subsederunt, nec quicquam ulterius prodiit: Inde cum vesica satis lucida, instar fabæ majoris in ipso umbilico appareret, cum phlebotomo illam aperiri curavi, ex qua mox aqua flava exiit, non secus ac si vena aperta fuisset, quæ fuit salissima: Prima itaque vice mensuram dimidiam VVirttembergicam tantum eduxi: Post clausum vulnusculum de ardore intenso conquesta fuit, sic consequenter singulis diebus per quatuor vices fuit aquaeducta, ad minimum dimidiæ mensuræ quantitate: xvij. Aug. aqua non amplius effluxit, pedes tamen & abdomen admodum gracilia reddita fuerunt: facies vero cum toto corpore extenuata sunt: Cumque Chirurgus vulnus ampliare vellet, nihil præter paucillū serosi sanguinis eduxit, insignem tamen rotunditatem abdomen obtinuit, cum venis satis inflatis & conspicuis, & per triduum nullam amplius motionem fetus in corpore sensit, unde pro eiciendo fœtu potionem præscripsi. ℞. sol. rutæ, pulegis, salviæ, anathana p. j. ficus siccas num. iv. sem. anisi ꝑ. i. cinnam ꝑ. i. m. Per inferiora probatur sequens Pessar. ℞. Ammon opopan. rad. elleb. n. saxifrag. aristol. long. & rot. colocynth. ana q. S. f. Pæss. medii digiti longitudine, Terantur omnia, præter ammoniacum, quod cum aqua artem, dissolvatur, cum quo aggregentur cætera, ex quibus postea cum succo rutæ, vel decocto colocynth. fiat Pessar. cum filo, somni tempore iniiciendum in uterum: Cum potionem hanc bibere recusasset, post biduum denuo vocatus fui, & inveni ventrem rursus insigniter intumuisse, & fœtum putrescere, indeque oriri gangrænam, quæ totum abdomen cum insigni ardore infestabat; unde iratus quod consilio parere nolisset, nihil agere volui, cum tamen summopere rogaret, lac virginis præscripsi: xxij. Aug. cum fœtus per integrum diem in ostio uteri constitutus esset, nequaquam tamen in lucem prodire posset, illaque vehementissimis doloribus afficeretur, qui tamen statim recedebant, exhibui præscriptam potionem, à cuius usu intra mediam horam fœtum exiguum peperit; Paulo post correpta fuit insignibus torminibus matricis, cum motu ejusdem ad superiora, adeo ut existimaverit alium adesse fœtum, vel aliud quid p. n. Eandem ergo potionem recepit cum pessario, quod tamen licet sæpius fuerit injectum, in matrice permanere noluit, sed semper exiit: Ab illa hora non amplius consultus: Illa vero cum semper deterius haberet, nec quicquam solidi per plures dies, præter brodia, pruna viridia, lac & alia quibus delectabatur, admisisset, dissipato vitali robore, 27. Aug. sub noctem obiit, cum ultra septem septimanas hydropē laborasset.

Sequenti mane cadaver per tonsorem aperiri curavi, ubi primum ex abdomine effluxit copia maxima aquæ flavæ, fœtidissimæ ultra decem mensuras: Deinde prodierunt partes omenti putrefactæ & saniosæ, fœtidissimæ: Musculi omnes abdominis erant absorpti una cum peritonæo: Intestina fuerunt valde inflammata: Ventriculus, postquam apertus fuit, præter aquam fœtidam nihil in se continuit, cujus interna tunica erat sphacelata & nigerrima, unde factum est ut mortificato sensu ventriculi prorsus nihil comedere potuerit: Iecur vero erat admodum durum & papulis refertum, variolis non

ablimilibus, & pustulis quas *Hipp. videris* vocat: Tale erat per totam ejus substantiam Vesicula fellis bilem vitellinam, crassam & foetidam continebat: Lien erat admodum conglobatus & crassus: Vterus nonnihil contractus & pominum aurantium vix superabat, feréque urinale referebat per omnia, in quo Medici urinas dijudicare solent, In quo nihil aliud p.n. invenimus quam sanguinem nigrum, crassum & conglobatum: Pulmones erant paulo nigriores, nec admodum male affecti, Cor vero non erat male constitutum, expers omnis pinguedinis in cujus ventriculo sanguinem quoque crassionem invenimus: ob cujus robor factum esse puto quod tamdiu vitam producere potuerit: Moribunda usque ad usque ad extremum viræ spiritum satis bene omnia percepit quæ dicebantur, etiam ablata loquela, ita ut nutibus signa daret se omnia probe animadvertere. *Wolfgangus Gabelcheverus cent. 3. curat. 36.*

## S C H O L I A.

**C**irca umbilicum vesica apparebant] Interdum cum in hydropce venter amplius distendi nequit, umbilicus foras erumpit, & in tumorem attollitur distentus aquoto humore, quod Græci *ιδρύμαλον* appellant: Et tunc quidem per hunc lanceo filo transmissio, vel etiam eo scalpello aperto humor effluit, nullo subsequente fructu alio, quam quod æger à distensione ventris pauco tempore liberetur: Priusquam enim umbilicus erumpit, jam interna viscera corrupta & putrida sunt, proinde sanitas nec expectari nec sperari potest, Nam ex *Hippoc. 2.* Prognost. Is qui hydropce correptus est, & superstes esse volet, bonis visceribus præditus esse debet: Id quod ex colore & vivaci & bono, corporeque succulento cognosci potest. Salutem quoque haud parvam promittit ægrum facile respirare, neque diaphragma opprimi ab aliquo tumore, vel thoracem jam occupare aquam: Hinc *Hippocr.* dicit, Hydropem qui levatus remediis integer renascatur, desperatum esse, causa est, quia ex perenni materis generatione pendet, nec ægri finis visceribus præditi sunt: Unde *Gordonius* scribit, Quando circa hydropicum sunt remedia convenientia, & evacuantia & alterantia, & patiens sentit se alleviatum per tres dies, & iterum morbus revertitur, & ita frequenter contingit quod aliquoties alleviatur, & postea redit infra duos vel tres dies, talis nunquam curabitur: Ut autem convalescant ægri, detumescenti alvo fidendum non est, Testatur enim *Iacotius* se vidisse cui sub mortem, multis urinis prodeuntibus, & aqua in partes spiritales regurgitante, venter subito detumuerit, unde paulo post æger præfocatus interierit. Nisi ergo ægri

*ιδρύμαλον* sint, neque ustio neque sectio proderit, nisi quia aliquandiu symptomati occurrendo vitam producere possunt: Quod si viscera adhuc non admodum vitata sint, sectio abdominis, mea opinione, commodissime per medium umbilicum suscipi potest, Ad cujus rei illustrationem observationes quædam & rationes proferam: Narrat *Benivenius* hydropicum temerariam sibi & fortuitam libertatem comparasse, liberaliore aquæ haultu, unde detrepente umbilici unitas soluta est, ac tanto impetu aquæ effluerunt, ut venter omnino detumuerit. A *Laurentius* vidit hydropicam mulierem, cui sponte solutus est umbilicus, & maxima effluxit aquarum copia, unde vires pene exolutæ, quibus tamen recollectis D.G. convaleuit. *Lud. Villanovanus* ex umbilici compunctione rusticum perfecte sanatum vidit: Tuto igitur sectionem eam administrari posse experientia testatur: neque id dissuadet ratio, nam quo natura vergit, eo ducere oportet, ac sæpe per umbilicum vacationem eam molitur natura: Præterea hæc umbilici compunctio citra multarum partium solutionem fit: coeunt enim circa umbilicum quatuor vasa umbilicalia, quæ si dehiscunt, ut in hydropicis solent aquarum eo confluentium vi & impetu, sola cutis secunda erit, Hanc tamen aquam non confestim vacuare oportet, teste *Hippocr.* sed sensum paulatimque æger reficiendus cibus, potuque odorato, consulendo interim robori jecoris per interna & externa, Inter quæ confectio cyphoides, dialacca, diacurcuma, hepatis lupi, absinthium, troch. de rhabarb. magno cum successu exhibentur. *Idem ibid.*

§. 2. Anatomia Leznæ junioris patefecit nobis morbum quo detinebatur, Hæcticam scilicet cum Hydropce, eo quod sub apertione infimi ventris magna copia flavescentis feri tum effluerit, tum etiam adhuc in concavitate ventris imi remanserit: ex colore præterea & substantia Hepatis, (quod quidem cum cæteris visceribus canum extis admodum erat simile, uti vere ab *Aristotele* annotatum,) depromi poterat ejus intemperies, cui adjungebantur tumores schirrofi, seu tubercula hinc inde conspicua, qualibus & quidem majoribus nec Lien destituebatur, qui longitudinem spirhamæ æquabat, colore ex livido nigricans. In mesenterio glandula omnes intumefactæ ac strumosæ conspiciebantur, mole tamen ac duritie præpollebat Pancreas Asellianum, seu media mesenterii glandula: Vterus & Renes cum vesica naturaliter, in figura autem uti in canibus se habebant. In medio ventre Cor pericardio involutum & copioso sero innatans, substantia flaccidum, & magnitudine etiam bovinum longe superans, hydatide præterea ad magnitudinem avellanæ versus dextram auriculam affectum spectabatur. In Pulmonibus nihil p.n. observatum; In Capite omnia naturaliter se habebant, cranii tamen substantia adeo mollis ut cultro facile dividi posset: Collum afficiebatur struma, arterioso vase singulari sat conspicuo dotata, quod ex animadversione Authorum signum strumarum internarum erat, quales etiam in mesenterio comparebant: Caro musculosa itidem flaccida atque putredini obnoxia, exinde magis



magis comprobatur, quod hujus portione cani juniore famelico porrecta (alii enim eam fastidiebant) devoranda, is sequenti die vomitu & secessu meros vermes excreverit: Nec minor putredinosa ac morbida dispositio in ossibus colligenda, quæ pro parando scelero cocturæ commissa, vix ignis calorem experta, statim in mucaginem resolvebantur, *J. Jacobus Greifselius Observat. v. miscellan. curioforum anni 1671.*

## S C H O L I A.

**P** *Affectus morbum, &c.]* Causa morbose hujus dispositionis licet in propatulo sit, aer nimirum qui hisce feris in hac regione naturalis non est (meridionales enim regiones potissimum inhabitare solent) attamen non parum quoque hic facit victus ratio uberior ex carnibus crudis: Et licet quidem hæc victus ratio naturalis ipsis sit, has tamen carnes venatu parvas, & naturali adhuc suo calore constantes, una cum sanguine repentes in naturalibus suis locis vorant, hic loci veto inclusæ, & in umbra quasi semper degentes, intermissio omni exercitio quotidie ad satietatem infarctæ (famem enim per biduum aut triduum ferre posse testatur *Aristoteles* h. an. lib. 8. c. 5.) cibos non exacte concoquunt, inde magna crudorum humorum saburra, quæ in venis mesenterii, portæ ac splenis stabulans, obstructions, ac inde viscerum eventilatione prohibitam inducit, ex qua eorundem calida intemperies, quæ non tantum in toto temperamento substantificum pervertit, ac calorem hecticum producit, sed etiam crassiores ac tartareas humorum partes in visceribus subsistentes exsiccat,

ac tuberculis scirrhis occasione præbet: Ob eorundem intemperiem sitis etiam major excitatur, quam copioso potu allevare studeant, per quem massa sanguinea copioso sero diluitur, & cum hoc propter obstructions per vias solitas evacuari non possit, in lymphaticas circa hepar turgescens, eademque vasa ob lubricitatem distrumpens, in ventris cavitatem effluit, ibidemque tumorem ejusdem efficit, qualis in hydrope cernitur: Cordis ac carnis musculor. flacciditas, tum & ossium mollicies, ex eadem causa oriri videntur, quod nempe massa sanguinea serosior, serosum & aquosum ipsis suppeditaverit alimentum, tum quod calidum innatum a calore hecticico debilitatum, minus superfluitates dissipaverit muniaque sua objerit, ad hæc omnia accedit quies continua & aer inclusus, ambo ad debilitandum calorem naturalem putredinemque causandam quam aptissima *J. Georgius Greifselius M. Viennensis l.c.*

*Signum strumæ in internarum, &c.] Vide lib. 4. Tit. de Tumor. præter naturam.*

§. 2. Anno 1640. apertum est cadaver Juvenis 28. annor. quem sustulerat hydrops Ascites, enatus à frigore Hepatis positivo, quod ei impresserat *atoniam*, destructo temperamento & tono naturali: Erat Hepar insignis magnitudinis, in parenchymate densum & exangue: Parvus ejus lobus, qui in sima regione consistit, justo major erat: Tenuissima autem membrana qua tegitur, per substantiæ suæ porositatem, opportunitatem præbuerat effusionis aquæ in cavitatem abdominis: nam Hepar hydropicorum prægravatum, ut plurimum per eam viam evacuationem inchoat: concurrente etiam diapedesi omnium venarum intra abdomen contentarum: Unde magna aquæ copia abdominis cavitati innatabat, & thoracis etiam cavitatem impleverat, Et habitus corporis totumque genus musculosum etiam aqua erat prægravatum, Lien durus & siccus erat, majorque quam naturaliter oportebat: Vas breve, ex sima ejus parte ventriculo insertum, manifestius spectabatur: Et ex ramo splenico, ubi Lien inseritur, minor ramus procedebat, qui implantabatur capsulæ atrabiliaræ, ei redundantem melancholiam inportans, cum aliorum à liene extrudi non potest: Evidenter etiam conspiciebatur ex vase emulgente renis sinistri (quod hic valde erat amplum) venaproducta, quæ eidem capsulæ atrabiliaræ inferebatur: nam & per eam sæpe in hanc glandosam capsulam, veluti emunctorium renis, sanguis atrabiliaris reponitur: Cum autem diutius ibi hæret atra bilis maligna, interdum ulcus cancrosum producit, quod vicina depascens, & foras etiam proserpens, miserabilem quandoque mortem infert, quod commemorat *Levonclavius* in Annalibus Turcicis contigisse *Selimo* 1. Turcarum Imperatori. *¶ Heurnius Historia. xxv.*

## S C H O L I A.

**C** *Apsula atrabilaria]* Sic vocata ob usum à *Casp. Bartholino*, qui confirmari videtur ab infectione rami supradicti a Liene derivati, & ulcere cancroso inducto ab humore atrabilario inibi coarctato: quanquam assignatus usus in dubium vocetur à *Clariss. Warthone* Auenogr. cap. xiv. statuente mate-

riam plane excrementitiam eas non continere, sed utilem, eo quod in venas ea perpetuo recipiatur: Inutilis autem & excrementitia materia semper transmittatur ad aliqua emunctoria, ut foras à corpore eliminetur, *Vide citatum authorem.*

§. 4. In ancilla nubili hydropica cum eam aperirem, deprehendi Hepar una parte male affectum, fungum veluti adnatum habens, in quo instar concreti quid inerat, Lien quoque intrinsecus vitiosus: Abdomen & venæ sero impletæ *Platerus Observat. lib. iij. pag. 34.*

§. 5. In sectione aliquorum ex hydropi mortuorum, aperto abdomine, & maxima aquæ quantitate egressa, vidimus primo intuitu Hepar & Lienem candidissimum in superficie, quoniam pituita alba incrassata, albomen, ovi coctum representans, unde quaque hæc duo viscera eungebat, intacto pancreate, renibus, intestinis, & aliis omnibus partibus in amo ventre contentis. *Dominicus Panarolus Pentec. iv. Observat. xx.*

§. 6. Anno 1596. cadaver cujusdam quadragenarii, ascite extincti dissectui, in quo hæc annotatione digna fuere. 1. Partes musculosæ abdominis serolis humoribus repletæ erant. 2. Vacuum ventris aqua foetida adeo repletum fuit, ut intestina plane ei innatarent. 3. Intestinis omnibus, à pyloro usque ad rectum, undique, corpuscula alba, callosa & pingua magnitudinem pisi non excedentia, mediante tenuissimis fibrillis appendebant. 4. Intestenturio neque vena neque arteria ulla apparuit. 5. *Hepar durum inflatum* & colore pallido erat, parumque in se continebat sanguinis: renes ejusdem erant coloris. 6. Lien valde exiguus extenuatusque erat, idque illam ob causam quod scirrhus magnus circa vasa, cum illa quæ lienem ingrediuntur, tum quoque quæ ex illo prodeunt, intumuerat: Scirrhus autem ille obstaculo fuerat quod lien crassiores & sæculentiores partem sanguinis ad se ex venis mesaraicis non attraxerat. 7. Quia octiduo ante ipsius obitum, è regione lumborum, ruptus fuerat abscessus, multumque emanaverat purulentæ ac foetidæ materiæ, visum fuit inspicere partem illam: incisa itaque cute, subjecta caro ad vertebrae & homoplatas usque sphacelata & putrida reperta est: Interim tamen color in extrema parte cutis vix mutatus. *Fabr. Hildanus centur. sy. observat. Lij.*

§. 7. Puellus eusærcus, partu autem difficili in lucem editus, patre natus hypochondriorum malis non semel tentato, die nativitatis x<sup>o</sup>. ventris inflatione, alvi obstructione, cordis palpitationibus, crebris anhelationibus, tumoreque sinistri hypochondrii afficitur: Post bimestre melius habuit, præterquam quod excrementa numquam naturalia, semper viridia, tenacia & viscida rejecta, venterque inflatus mansit: Circa æquinoctium æstivum nephriticis dolores patitur cum excretionibus arenularum. Mense Decembri diarrhoea non levis virium dejectionem & atrophiam causabatur: Dejectiones erant viscidæ, nigrae, virides, Lien durus, venter inflatus & hypochondria tensa: Februario sequenti venter denuo magis magisque intumescibat, lienis tumor crescebat atque flatus augebantur: Post enemata tumor ventris auctus est, non obstante quod dejecta fuerit magna copia peccantis materiæ: In Aprili autem non tantum tumor abdominis in dies auctus est, sed & cachexia totius atque inflatio pedum, manuum & faciei non leviter apparuit, quibus malis averruncandis adhibita varia sed frustra, & adeo quidem ut Ascites ingens cum Tympanitide puellum occuparet, ut xxi. Junii naturæ debitum solverit.

In examine viscerum defuncti sequentiæ notata sunt, 1. Cutis circa regionem ventriculi, umbilici & inguinum maculis atro purpureis, instar ecchymomatum picta erat. 2. Ex abdomine, per sectionem umbilici leviter factam, humores biliosi, serosi, lutescentes & foetidi, instar aquæ per canaliculum ductæ, ad tres mensuras profusiebant. 3. Quibus subducis & aperto abdomine, Omentum penitus putrefactum notabatur. 4. Intestina cum ventriculo aliquomodo inflata. 5. Pancreas ita consumptum ut ejus nullum fere vestigiū animadvertere liceret. 6. Venæ mesaraicæ glutinosa materia repletæ. 7. Lien monstruosus, tribus appendicibus instructus, nigri coloris & induratus, sinistroque reni arctissime annatus, ut sine sectione digitis avelli non posset. 8. Renes ipsi satis grandes. 9. Hepar sanguineo suo colore amisso, cineritium fere, & qualis in cocto alias observatur, habebat, incisumque copiosum etiam serum & copiosius quam Lien stillabat, 10. In Hepate & Liene foveæ aqua plenæ apparebant, 11. Bilis in vesicula aureo colore coruscabat 12. Pericardium aqua ejusdem cum supradicta coloris & foetoris distentum erat, cui cor innatabat. 13. Ipsum Cor plane exsiccum ne guttulam quidem sanguinis intra se continebat, quod in aliis etiam visceribus observabatur: nullibi enim sanguis notari poterat, etiam in venæ Cavæ & arteriæ magnæ incisione, sed tantum aqua loturæ carnis non absimilis: 14. Pulmones flaccidi & ex parte una erant purulenti.

## S C H O L I A.

Vnde aquarum hæc colluvies in tenella hac ætate primam scaturiginem sumpserit, multos habuit sollicitos. Ast illam facile inveniet, qui internorum viscerum sive æconomie naturalis structuram & faciem examinat: meo quidem iudicio collectionis hujus culpa, si non omnis, certe potissima in Lienis

à primo ortu vitiosam dispositionem redundat, Lien enim sanguinis partem melancholicam à corde per celiacam recipit, innata vi fermentat & defæcat: hoc ubi præstitit, sanguinem depuratum, quantum ad sui nutritionem requirit, apponit, & quod relinquatur sanguinis purioris, mediante ramo splenico,



in portam & jecur, indeque per venarum anastomoses in cavam, tandemque in Cor reducit, ut spiritu & calore denuo instructus, omnibusque excrementis exutus, in aortam pro partium nutritione propellatur: Excrementa vero nunc ad mesaraicas, nunc ad hæmorrhoidas per alvum, nunc ad renes per urinam, nunc ad alias naturæ lege ordinatas vias promovet. Quando officio male, ut in hoc casu, fungitur, humor ille à sanguine negligenter secretus, in corpore cumulari & malorum letaniam introducit. Et quidem in propria Lienis substantia restagnans, obstructions parit, tumores, nec raro, partibus tenuioribus absumptis, scirrhum: Quod si insuper suo non contentus hospicio, per ramum splenicum una cum sanguine revertente, ad epar ruat, malum malo cumulat, hepatis crasin frangit, calorem debilitat, unde lienis tandem culpa & hepar vapulat, obstructionem & intemperiem vicini negligentia contrahit, suoque factis officio facere nequit circa sanguificationem, sive sanguinem ulterius non satis excoquendo, sive excrementa debito modo & mensura non separando, sive lympham vasibus obstructis in venas cogente: aquosus itaque serosus, frigidus sanguis cuditur, cui ferendo cum hepar non sit, in cavitatem destillat, vel viscus distumpendo aut erodendo, vel per membranarum poros transsudandos, ita extravasatus putrescit & fetorem induit: reliquus etiam sanguis aqua adulteratus, in partium nutrimentum non omnis cedere potest: aquosus enim non nutrit, hinc quod boni scilicet sanguinis quotidie, imo momentanee esugunt partes, eo gaudent videntque: at ubi bono jam absumpto, crudus, aquosus succedit, cessat nutritio, partes decrescunt, contabescunt, hocque eo citius fit quando leienteria se associat, & cibus crudus vix assumptus statim per alvum redditur: quæ præsent

ægro contigisse vidimus, non solum ob retenticiem debilem, sed & ob mesaraicarum obstructionem, quæ vicinis lacteis compressis, viam transituro chylo intercludebant: ubi tamen ipsas etiam lacteas ab omni obstructione non penitus absolverim, Aquæ foveæ in Epate & Liene apparebant, in illo tamen copiores, forte quod à Liene expeditius & facilius serosus humor, mediante rene annexo (uterque enim ita satis grandis ad ultimum vitæ usque halitum officium suum debite faciebat, urina quotidie ad votum fluente) subducebatur. Hepatis color pallidus, cineritius sanguinis defectum accusabat: Infiltratio ventriculi & intestinorum cruditatem coctionis sequebantur: Pancreas ad putredinem natura facile, non potuit non corrumpi, putridæ paludi innatans, ut & omentum. Pericardium aqua turgidum inventum, quod in dissectis phiblicotum cadaveribus non infrequens, ad tres sæpe uncias: Nec ipsi Pulmones satis sibi vigilare potuerunt, quin à transmissis acerbis foetidis humoribus labem & corruptionem tandem contraxerint: Sed in hac totius torporis æconomia perfractio, aqua pro sanguine, excrementum pro nutrimento surrogatum est, quod admirationem vix meretur: corde autem exsiccato & sine sanguine existente, qui vita superesse potuerit miratu dignius est: Si conjectura locus est, credimus postremis diebus Cor ex vaporibus, partim à chylo, partim medicamentis confortantibus, tum per lacteos ductus thoracicos, tum per peculiarem meatum oesophago implantatum communicatis, refecionem percepisse: talis autem refectio cum perpetua esse non posset, æger tandem hic velut leipthymia (quæ durante morbo sæpe tentabatur) sive ulla graviore commotione, nutrimento partium subtracto, intat lampadis trepidantis, expiravit. *Dan. Horslum observat. Anatom. x.*

§. 8. xvi. Nov. 1675. In puero 7. annorum, Hydropo extincto, Hepar inveniebam summe durum tumidumque. Lien itidem justam magnitudinem excedebat, pallidioris coloris, molliorque debiro. Vena ipsi duplex erat, quarum utraque principium ducebat ex vena Portæ tranco, evidenti satis distantia: Lienem accedentes variis ramulis cum intrabant, ventriculo etiam prospicientes. *G. Blasius p. 4. observ. med. xii.*

§. 9. Anna Jacobi Ribes vxor, ventris inferioris tumore insigni, ac pene incredibili, totis ac integris fere septem annis, sine ullo tamen domesticorum officiorum, ac rei familiaris suæ impedimento laborans, tandem eo ipso anno quo obiit, mente capta, puerulum perelegantem ac perfectum vitalemque peperit, permanente nihilominus insigni illo ventris tumore: Magna fuit inter Medicos dissensio, aliis molam, aliis hydropem, aliis aliud quid utero gestari indicantibus: Eo ipso autem anno quo obiit, diebus circiter xiv. ante obitum, menti pristinx restituta, tandem interiit.

Aperto à me post obitum ipsius ventre, tantam copiam aquæ putidissimæ & foetidæ, in ipsa capacitate abdominis inveni, ut integras duas omas nostratis mensuræ facile adæquare, si non superare potuisset: Consideratis itaque summo cum studio ac diligentia interni corporis visceribus, nihil aliud observare potui, quam Hepatis gibbam partem livido plane & nigro quodam colore infectam: Lienis viscus per medium dissectum, grumosi ac putrefacti sanguinis instar comparuit, solidiore ipsius substantia quasi colliquefacta: Cum enim ipsum leviter & molliter quidem cultro tractarem, adeo totus diffudit ac si solummodo congelatus sanguis fuisset, & nisi membranula ipsum circumcingens illaesa ac integra permansisset, proculdubio totus per se ipsum defluxisset. Hujus ægræ mater simili fere tumore ventris laboraverat, liberata copioso alvi fluxu, comestis ætate cerasis ad nauseam.

*Ex observationibus Melchioris Sebiæ.*

*Hydrops à corruptione & putredine Hepatis & Lienis sæpe inducitur.*

§. 10. Corruptio ac putredo horum viscerum, vel ex parte, vel omnimoda, qualem in hydropicis sæpissime vidimus, causa Hydropis non infrequens existit, quæ tumores, vel erosiones & ulcerationes, aut alias læsiones horum viscerum sequitur. *Platerus Prax. lib. 3. c. 3. p. 216.*

SCHOLIA



## S C H O L I A.

**A** *Ve aliam lationes, &c.* ] A læsa illorum viscerum circa superficiem substantia, serum in abdomen stillare variis de causis ostendit idem ibidem, 1<sup>o</sup> & potissimum, *ac* iis ulceratis, adeo ut ad superficiem ipsorum ulque ulcus penetret, ut contingit in cæteris ulceribus quæ semper madent: qualia viscera post inflammationes suppuratas, aliòve tumores in abscessus definientes, oborta relictæque, diu sæpe purulentas dejectiones moventia, tandem hydropem accersunt: Aliæ vero læsiones alias, & præsertim contusiones ab externis iniuriis factas sequuntur: Sicuti duos ab equo dejectos & in latus dextrum lapsos, prægressis aliquando hepatis læsi symptomatibus quibusdam, tandem hydropem correptos eoque extrin-

ctos fuisse novimus: A vulnere extrinsecus ad viscera hæc usque adacto ulcus relictum idem potest emicare: Sic & corruptio ac putredo horum viscerum, &c. Verum & ab aqua jam prius in hydropicis in abdomine collecta putrescente, si horum viscerum tunica erodatur, uel ulterius ipsorum substantia lædatur, sero tunc inde quoque transudante, aquæ illius copia in ventre augebitur: Observavimus quin etiam ab eadem aqua, & hepatis & lienis tunicis, uti & peritonæo eo in loco ubi illa huic adjacent, exesis ita concrevisse, ut nec hepar nec lien à regione illa sepi cui adnata erant, citra dilacerationem tunicatum avelli potuerint, unde forte quoque serum in cavitatem exiudare potuit.

§. 11. Fœminæ xl. annor. abdomen stupendum in modum ex Ascite tympanitica intrumuit: convenientia remedia in *River. contr.* l. xi. cap. vi. proposita (quorum ope plures ab hoc morbo liberavi) diligenter vsurpavit, sed malum cessare noluit: hinc ob metum suffocationis me aliquoties per omnia sacra rogavit, ut tumorem umbilici, vesiculæ ad instar pellucidum, compunctione curare vellem, Respondi nec hanc medendi methodum me magnificare, illamque incassum esse si viscera corrupta sint: Tandem precibus adstantium urgentissimis victus, cultello acuto vesicam aperui, & spatio xij. dierum, xvij. mensuras aquæ sensim eduxi: at xij. die cum accessissem, subitanea leipothymia ægrotam è medio sustulit, posteaquam observarim abdomen ex emissionem feri non multum detumuisse.

Hinc illud præsentem Matre & Sorore aperui: mox serum in tanta copia effluxit, ut xxx. mensuras superaret: insuper etiam intestina corrupta, Hepar & Lienem scirrhum reperi. *Bernardus Verzascha Observat. medic. iv.*

§. 12. Mulier Alcmariana ex Hydrope decumbebat, Sed hæc ipsa gravida simul, postquam peperisset, paucis deinde diebus à partu mortua est, ventre æque distento permanente: Hinc suborta opinio eorum qui artis Medicæ gnati non sunt, arborem in corpore adhuc permanuisse. Alii vero, ut & obstetrix, secundum partum adhuc in corpore subesse constanter pronuntiabant. Aliæ vero mulierculæ molam esse suspicabantur: aderat & Sacrificulus Empiricus qui vesiculas hepatis adhærere somniabat, ex quibus aqua in ventrem destillabat. Ego vero cum sustinerem neque secundum partum esse, neque molam, sed ventrem distentum esse hydropem, & cum precibus quibusdam divitis matronæ Vir eo perductus est, ut in uxore mortua fieret incisio, quam cum admisisset, effluxit è ventre tanta aquæ copia, ut octo congios Hollandicos pluresve vas cadaveri suppositum receperit.

Erant autem interna viscera, præsertim intestina fere omnia, præter uterum ac renes, Corrupta & livida, neque mola reperta: Peritonæum vero undique disruptum erat, ex aquæ mole ut arbitror: Omentum plane consumptum, ut ejus partes putridæ & disruptæ cernerentur: Hepar vero in scirrhum erat mutatum, ac Lienem quasi lapidosum conspeximus, *Forestus lib. 2. de Incert. urin. jud. p. 199.*

## OBSERVATIO VII.

*Hydrops sine vitio hepatis à Liene Putri. 1. Albido & exiguo. 2. 3. Tumido & indurato. 4. Monstrosa magnitudinis & forma, intus putri. 5. Ascites Lienis tumorem vel vitium plerumque consequitur. 6. A flaccido Liene, concreto sanguini simile quid continente 7. Scirrhis obfesso. 8. Apostemate infecto 9.*

§. 1. **A** Nno 1625. B. *Silvatico* lœ. *Zabarella* præsentibus, in cadavere Capucini Anasarca extincti, Iecur sine omni labe inventum, sed admodum ingens. Lien erat semiputris ac velut in saniem conversus: Sanguis crassus & adustus: laboravit igitur intemperie, non mutato colore substantia. qui ipsi naturalis erat: Cujus generis hydropem spurium, Iecore non primum affecto, sed ventriculo, in matrona anno 1626. observare licuit, quæ pristina valetudini restituta. *I. Rhodius centur. ij. Observat. iv.*

## S C H O L I A.

**N**on mutato colore Substantia ] Galeo tam certum est Hepar sanguificationis instrumentum, ut cum ejus lætæ signa ad sunt, nullo apparente in ejus regione tumoris doloris aut molestiæ sensu, in

eo statuat *καταπαλιν* fieri *εὖ*, aberrare scilicet statuit id in officio, quanquam causa nullis indicibus deprehendatur.

§. 2. Galli

§. 2. Galli sacerdotis Bononiæ, aqua Intercutem mortui, lienem albidum, sed exiguum adinveni, perinde ac Augustæ in muliere textrice. *Vesalius lib 5. c. 9. Anat.*

§. 3. Rusticus xxx. annorum a tribus mensibus hydrope laborans, in xenodochium adductus anno 1644. ac post aliquot dies vitam cum morte commutavit.

Dissecto cadavere ingens aquarum copia fluxit, Iecur optime constitutum & naturali temperie præditum invenimus: Lienem vero corruptum, & totam fere ipsius substantiam pici liquatæ similem, Unde patet non omnem hydropi speciem ex summa Hepatis imbecillitate aut intemperie perpetuo generari. *Riverius observ. commun. a. Sim. Iacoz. vj.*

§. 4. Anno 1595. Virum publice secui in Nosodochio Amsterodamensi: Lien huic adeo intumuerat ac induratus erat, ut tres libras lancæ libratus penderet: Pulmo ferme centum locis costis ac pleuræ arctissime annexus hærebat: Hydropticus objerat, fluctuabant namque, ac aquæ innatabant omnia quæ in abdomine erant, Erat aqua flavi coloris, fœtoris pessimi: *Pet. Pauvius Observ. xiiij.*

## SCHOLIA.

**H**inc fontem hydropis extra Iecur multi quarunt, in Liene plurimi: *Dodona 6. praxeos med. 66.* Lien tam frequens hydropis ascitici faber est, ut nullius ascitici corpus se apertum vidisse asserat, cujus Lien non fuerit tumidus & magnus, Hydropis ex Liene ortus describitur ab *Hippocr. 1. de morb. mul. sect. 3. v. 43.* ubi concludit Lienem aquosum fieri ab humiditate in proximum ventriculum attracta, qua postquam repletus est, distribuit per venas corpori, & maxime in omentum, & locos circa ventrem & crura, unde hydrops: Quem casum se vidisse in muliere norat *Martianus ad aph. 55. 7.* quæ ex solo lienis tumore doloroso hydroptica facta brevi tempore interierit: Inde patet (addit ibidem) in quanto errore versentur qui hydropem fieri non posse contendunt non compariante Hepate: ut itaque non sit quod ad sympathiam Hepatis semper confugas, quum etiam *Tinellus* testetur hydropem se vidisse vitio lienis genitum, saluo plane & illafo hepate, *consil. medic. 2. p. 17.* Et dari hydropem absque ægritudine Hepatis ostendunt *Collado Tom. 2. adversar. p. 181. & seq. Guariniomum* consulat medic. 236. p. 267. *Carduus* comm. 5. in lib. 1. de mulicbr. p. 219. *Platerius 3. Prax. 2. p. 89. Helmontius* in *Physiologia* p. 510. *Sennertius* de conti. chymic. H. Saxonia 3. *Panthei Medic. 32. Lipsius* de Hydrope p. 15. *Bauhinus 1. Theatr. Anat. 43. Job. Bilgerius* apud *Horslinum* tom 2. lib. 4. obs. 47. *Sennertius*, iterum lib. 3. pract. ubi ratione & exemplis, & ipsa denique autopsia hoc probat, quod in disputatione publica Viennæ habita anno 1655. negatum. Atque ut atopia, nullum hepatis vitium demonstrans excusaretur, oculi aciem contigere progredi non posse ut vitium deprehenderet assectum est.

*Non omnem hydropi speciem, &c.* ] Principale subjectum Iecur olim habitum, unicum venosi alimentarii sanguinis instrumentum, ea prærogativa nobilitatum a *Galene 5. de loc. aff. c. 7. & 2. progn. c. 1.* ubi etiam docet non esse necessarium ut initio semper afficiatur per essentiam, principio affectionis in ipso consistente, verum etiam posse per consensum aliarum partium affici: Imo nullum hydropem absque jecoris vitio, consensu & conspiratione oriri posse judicat. *Com* non solum Iecur sed & alias nominavit partes, Ita 2. progn. Incipiunt, *inquit* plerique hydropes, vel ab Ilibus seu inanibus locis, vel ab Hepate, & *scopus* nomine intelligit venas, per *ascitici*, lienem, mesenterium, uterum. Idem 4. de morbis, agnoscit hydropem quando lien aliquantulum ægrotans potum ex ventriculo trahit. Recentiores non semper Hepar in hydrope primario, *in via* in cadaveribus innixi, affici testati sunt: Nullo

sæpe in Iecore vitio hydrops observatur: Sæpe renes, mesenterium, abscessu, tumore laborare visa, jecore florido, Nonnunquam pallidius quidæ, ut pote aquis immeritum, observatum, æris autem contactu statim resloruit. Non inviti nos a Galenica recedimus sententia, Cordi ut in *disputat. de opere* *scopus* & *magistralis* supereminentiam & potestatem regiam adscribimus plenissimam, ita & illud affici in latio hoc opere inficias ire non possumus, imprimis tamen viscerum ministeria, quæ cordi famulantur accusamus, Tale est præprimis Iecur, solatorium & cribrum, bilisque leparatorium: Lien frigidatum & liccarum: Renes Ierosorum atomorum secretorium; Hæ partes dum debiles officio non satisfaciunt, acervatæque per renes & aquositates vesicam non effluunt, in cavo abdominis resistentes, vel in habitum corporis transfusæ, vel in status resolutæ, hydropem ejulque species constituunt. Causa immediata est partium chylicationi & sanguificationi destinatarum, tum principum tum ministrantium, imbecillitas seu *stas*: Chyficatio præcipue ventriculi & intestiuorum, si ob facultatem læsam à quacunq; intemperie, conformationis aut communi vitio, Et defectum fermenti falsi & acris, vel ob errorem externum lædatur: Si *scopus*: Cordis & arteriarum non succedat ad votum, serosæ aquæ à lymphaticis Bartholiniaris non separentur, aque renibus & ureteribus attrahantur, restitant in corpore, & in Ascite in cavum deponuntur abdominis: Vix sunt, non solum venæ Portæ, quæque eam comitantur arteriæ per omentum mesenteriumque dispersæ propagines, sed & ipsa lymphatica vasa: oneris enim pericæ aquas expellunt, sponte sua exitum illum affectantes: Expellunt autem per *scopus* vel *scopus*: *scopus* etiam præbet membranæ hepatis in *scopus* sæpe fatiscantis raritas: Ruptio aquæ ex lobo hepatis minimo, circa portas Iecoris, ubi tenuissima membrana, ab *Aqua pendente, Spigelio, Hofmanno* adserta, reprobat a *Riolano*: Renum & vesicæ, ureterum exulceratio & erosio, Dignæ sunt omnes hydropis nomine. *Guern. Rosinckii* *Epitomes meth. cogn. & cur. lib. 3. cap. 9. addit Bartholinus* *spicilegio de vasis Lymphaticis 2º c. 5. §. 10.* Si runpantur tunice ob fragilitatem, aquam in cavitatem thoracis aut abdominis expui: Sin tenaciores sint & robustiores, in vesiculas aqua turgidas attolli, hydatides vocatas: *Et cap. 7º. histor. de vasis lymphat.* Iis obstructis quando liquor tenuis à partibus non separatur, oritur

Anasarca vel Leucophlegmatia: vel quando impedito per has transitu, ad venas ire cogitur, Ascikidem excitant.

§. 5. Anno

§. 5. Anno 1673. exeunte æstate, ad æquinoxium usque autumnale assiduitate lumbrium molesta, febrium tertianarum, maxime duplicium, & erraticarum proventus fuit. Ex nonnisi exacta xl. die solutionem habuerunt: quæ breviori termino circumscriptæ sunt, nonnisi post iteratas *ὑποπροφασὶς* desierunt, Illarum scvitiem primus cum uxore, uno eodemq; impetu, ( febre duplici tertiana, ) expertus sum, nec meliori quam cæteri fato, accurantibus licet sagacissimis & experientissimis Medicis D.D. *le Clerc*, Senatore integerrimo, & *Alexandro Diodati*, Facultatis Med. Genevensis Decano: Hac Dei Gratia, illorumque cura defunctus, amicorum integerrimum eadem specie febris aggreditur Nob & Clariss. Dom. *Alexandrum de Harfy*, Iuriconsultum Clariss. ob eximias animi dotes plurimis, imo Principibus acceptissimum. Ætas illi ann. xlii, temperies calida & sicca, imo fervida, Squallida, vultus qualis lienosorum & *ὑπόχλωρος*; laborum patientissimus, in obsequium præsertim amicorum, quibus magis quam sibi natus: xv. ante invasionem febrilem diebus Genevam Lutetia magnis itineribus appulerat: Multas ærumnas clam concoxerat, & intentatam litem acriter defenderat: Dies integras sine alimento transigebat, prandii dispendium corna compensabat, cibos non ingerens sed ingurgitans, quos immanis excipiebat hians ventriculus, unde cruditatum uber proventus: Adstrictior illi semper alvus, nonnisi *πρὸς αἰάχλην* deliciens & *συνεπτόδης*. Familiares illi à prima adolescentia de Liene querelæ, Molesta & sæpe colica ventriculi, ab atro humore illinc derivato: Lenientibus assumptis & admotis mitescebat, maxime ab exclusione lotii, atramento colore & consistentia non absimilis: Augusti 17. Tertianæ duplex illum invasit, cui statim socium se addidit capitis dolor cum vigiliis, alias ipsi ingentis: Siquis obreperet somnus, qui brevis sed manifestus, stertore se prodens, pertinaciter se dormiisse inficiabatur: Urinæ toto morbi decursu rubicundæ fuerunt, rutilæ, flammæ, ignei caloris testes, vel passæ, fuscæ, lividæ, atræ, hypostasi tartarea, cinnabaris æmula, saturatæ: Multa saragente simul altero Medico, molitus sum ad febris depulsionem, varias à prima septimana ideas induentis, typique tunc expertis: Ægrescebat medendo Vir Clariss. ac morbus à remediis exacerbabatur, nedum mitescebat: Lien qui recte morbi focus iudicatus est, ab admotis usque adeo efferabatur, ut à quibuscunque etiam mitissimis abstinere necesse fuerit: Celebre emplastrum de Cicuta, alias efficacissimū, per bihorii moram tantos excivit tumultus, tam grave delirium, tantamq; virium prostrationē iuduxit, ut fato proximus iudicatus sit. Ac deinceps cum Liene tanquam Noli me tangere, transigendum fuit, sui que juris ut esset concedendum: Hinc suspicio oborta canerosam in eo subesse dispositionem, nec sefellit conjectura: Pulsus toto morbi decursu febrilis fuit, neque enim unquam integra apparuit *ἀνωρεξία*: ideo lentæ febris, quam foveret partis alicujus *ὑπερθεσ*, subiit opinatio, nec temeraria: Pro vario tamen febris & viriū tenore, modo longuidior modo celerior fuit: dissimilis per naturam in carpo dextro à sinistro, in hoc enim arteria fortius imo duplo micabat: nam dextri dirempra erat, cujus exilior ramus solitam inibat viam, major intet carpum & dorsum manus versus pollicem excurtebat, In singulis vero paroxysmis, dum is contrectabatur, *συνολαί* ac contractiunculæ manifestæ erant, quod sibi innatum esse assererat: Crebra ventris tormina adfuere, ab æstu & *ὑπερώσ* atræ bilis à liene in intestina effusæ: Iuxta mucronatam cartilagine, latere sinistro, eminebat tumor indolens, proximis partibus concolor, dimidii pomi mediocris sub cute delitescens formam exhibens, ab ægro antea aliquot annos animadvertus: Hypochondrium utrumque æque durum & tumens sed sine dolore: Cum jam febris, quæ modo tertiana, modo duplex quartana fuit, indole tamen quartana, acutorum morborum terminum excessisset, hydrops eminere cœpit, quem æger sibi jam pridem imminere prænuntiabat, sed tympanitem: Pluribus præsidiis illius adventus oppugnatus fuit, quem atterere non licuit, quod firmiore staret talo, causasque haberet altè defixas: quæ æger in solius porus ingesti, nec permeantis copiam reiiciebat, quanquam vis diuretica perpetuo illi fuerit conciliata; de viscerum enim integritate nullum ipsi unquam dubium, licet vitii & *καταστροφῆς* organorum, lienis præsertim, clara adessent indicia: Quinquies illi, sed avara manu missus sanguis, cujus detractioni pertinaciæ morbi maximam partem acceptam ferebat, at falso, cum & venæ sectioni affluctus esset, & morbi vis tale præsidium exposceret, phrenitis præsertim imminens, Semper rubens ille & floridus prodit, sive ex brachio sive ex ano educeretur: verum enim vero rubedo probitatis sanguinis non semper index est, acrimonia enim & falsedo, aliudve virium latens, illi colori associari potest: Ab admotis ani margini sanguisugis semel ater & saniosus eductus, quanquam non successerit *ὑποελα*: Exhibita *ὀππαζώζα* copiosum semper serum excluderunt: Inter hæc syrupus de chamno ad unciam unam ante cibum exhibitus, insignis fuit efficaciz, qui xl. & plures dejectiones



jectiones sine detrimento commovit : hinc hypochondriis tenus detumuit abdomen, sed brevi intervallo iterum se extulit : Idem syrupus drachmarum septem pondere, exacto quattriduo exhibitus, ne semel quidem alvum excitavit : Reliqua cathartica hydragogis remixta, bilem utramque, copiosamque pituitam eduxerunt, sed nec remittebat febris nec subsidebat venter : Paracentesin anxie expostulabat, quam à me non concessam ab aliis Medicis, nullo annuente, extorquere anpisus est : Apertionem scroti, Tetaceique intrusionem, quia id intumuerat insinuavi; at à semel admoto cataplasmate resolvente, brevi detumuit : Malleolorum scarificationem, imo abdominis, nec-non vesicatoriorum admotionem utilem judicavi, imo & Fonticulum tibie sinistræ inustum, quod ante morbum fluida ulcera diutius utiliter circumtulisset, Sed alterius Medici, clam se insinuantis, obstitit suasio : quo auctore, ubi pertundi solet abdomen, admotum pyroticum, sed adeo infelici eventu, ut ustionem sequuta sit illico febris intensior à *γυνία*, anxietas summa, & quarta post die mors : Alius enim ferrum impressum fuit : testis est aqua xij. ante obitum horis sponte exiliens per diapedesin : Eschara assis magnitudinem pene æquabat, qua decidua intra quartam horæ partem totæ aquarum colluvies, cum certa & cita ægri perniciæ exitum habuisset : Tandem exacto à morbi initio mense quinto, præeunte crurum & pedum tumore, excarnibus & exsuccis manentibus tibiis, exortoque in metatarsis erysipellate, delirio accedente, stercore & convulsionibus, fatis concessit amicus integerri-mus, meliori & diuturniori vita dignus, in perpetuum desideratissimus.

Mirum porro in tanta interiorum ariditate, Sitim, si paroxysmorum tempora excipias, intensiorem non fuisse, vel maxime quod hydrops mature sui adventus indicia dederit : Mirum quoque, ad interitum usque sat facilem fuisse respirationem, cum & pulmonum vitium adfuerit, hypochondriorum meteorismus à tumentibus visceribus, & insignis aquarum in imo ventre colluvies : Appetitum etiam fuisse vegetum, cui, contra Medicorum vota, indulgebat assumptis cibis noxiis æque ac innoxiiis, imo sitim accendentibus, farcimimbus ex sanguine porcino frixiis, stribilitis, artocreatis, aliisque pistoriis operibus : Alvi excrementa sponte prodeuntia à naturalibus non multum aberant : quæ si tantillum in alvo cæspitarent, *σπερματὰ* erant, caprillis similia, qualia toto vitæ decursu dejecit : Instante fato, & ex ruina triplicis œconomix se prodente, cum nec videret, nec audiret, atque in moribundorum statu ab *Hippocr. aph.* descripto constitutus esset, admotum ori panem dulciarium vino insuccatum, manu arripuit, deglutiit, reliquias gingivis & dentibus adherentes digitis abstergit : Oblatum insuper vinum avide superingessit, quod tamen in ventriculum penetrare non potuit, convulsivo motu affecto œsophago, unde superne remeabat cum suffocationis periculo.

Mortui priusquam exenteraretur cadaver, lateri dextro, qua parte institui solet paracentesis, adactus scalpellus, unde protinus effluxit limpidissima lympa, Rhenani vini colore, inodora, ad mensuras nostrates quatuor, seu libras medicinales xxiv. Hinc resecato abdomine, 1. nullæ Omenti reliquix deprehensæ, quod frequens in illis quos morbus diuturnus confecit, lacerum saltem & corruptum tunc se exhibet : 2. Lien protinus, sed miranda plane facie se obtulit, cunctos in sui admiratione pertrahens, à naturali quippe omnino abibat, live figuram, live substantiam, live magnitudinem, situm aut connexionem spectes, forma enim ad quadrilateram, seu rhomboidem accedebat ; summæ parti, angulorum superiori, proxime ad cartilagineam xiphoidem, epiphysiis, vel lobulus aderat, ovum gallinaceum mole æquans ; tumorem, de quo supra, constituens : Duorum pollicum ubique erat crassitie, librarum quinque civilium, cum aliquot unciis, pondere : Partibus vicinis undique, ante, retro, & lateralibus, robustis fibris cohærebat, non nisi forficibus divellendis : Partem ejus convexam tunica densissima, & cartilaginea investiebat, coronati argentei crassitiem excedens, novacula aciem eludens ; concavam autem nigricans membrana investiebat : Dissectum viscus putrilaginem meram, atramque bilem concretam exhibuit : Mole autem sua hepar in angustias redigebat, quod compressum & conglobatum, tumentis specie imponebat ; quanquam à naturali magnitudine non descisceret : quanquam 3. colore etsi lurido, friabilitate, ejus parenchyma ex sanguine farcimina referens, vitii notas proderet, membrana ubique destitutum, in superficie quasi à vermibus arrosam, parte præsertim concava : 4. Extremum Canalis Pancreatis tubulum occupabant quatuor lapides, tesserarum magnitudine & figura, exagoni, à mutua attritione lævigati & splendidi, gagati lapidi simillimi, nigerrimi, primo obtutu carbonum specie illudentes : ex his duos superstites asservo, priores levi compressione attriti : hos inter jacebat vermiculus vivus : 5. Cystis fellea atro succo scatebat. 6. Mesenterium, qua superiora spectat, lacerum erat & corruptum, cætera incolume, in quo conspicua quædam vasa lactea. 7. Colon intestinum flatibus turgidum, acu punctum statim subsedit. 8. Intestina gracilia juxta re-nem dextrum liventia, ad sphacelum vergentia : 9. Renes adipe omnino exuti ; dexter sinistro

XXxx

media

media parte minor: ima parte uterque nigricabat. 10. Prope Renem dextrum reperta glandula, castaneæ magnitudine, solida, nigricans, intus & extra: Renem succenturiatum credididem nisi à connexionione undique fuisset libera, nullis apparentibus fibrarum aut vasorum vestigiis: *Aperto Pectore 1°*. Pulmones quibusdam in locis candicantes, in aliis lividi apparuerunt: atro humore & sanie referti, cum corruptione ipsius substantiæ: 11. Vasa autem omnia, tum Cavi, tum Porta & Aorta, eorumque propagines, sanguine carebant, atrum tantum cruorem effundentia: Cordis ventriculi exhausti, in auriculis ater humor. 13. Cor parvum, compactum, quale generosis assignatur, etsi à longitudine morbi marcidum esse debuisset: Tertium ventrem, scil. caput, attingere venterunt Vidua & consanguinei.

*Relatio Anatomica dissectionis cadaveris Nobil. & Clariss. viri Alexandri de Harisy instituta 17. Iannarii 1674. Facta à Nobiliss. & Excell. Domino Stoffelio.*

1. **H** Abitus corporis ad summum erat extenuatus, vultus ex pallido nigricans & subflavus, *Hippocraticus*: Thoracis muscoli pene consumpti erant, costarum interstitia non replentes: hypogastrium & hypochondrium sinistrum in tumorem elata erant, quem tympaniticum multi judicabant, mollem tamen & candicantem: Umbilicus à naturali non recedebat; hypogastrium non adeo tumebat; femora, tibiae & pedes fere excarnia, paulo ante obitum intumescere, ac tumores erysipelatosi in anteriori tibiæ parte, ac in pedio, prope majorem digitum, ad coronati magnitudinem apparuerunt.

2. Foramine per scalpellum in musculo recto facto, quatuor digitis ad latera, & totidem infra umbilicum, exiit aqua subpallida, limpida, visciditatis & fætoris expers, ad quatuor mensuras Genevenses, seu libras civiles xxiv.

3. Ducta linea recta à sterni, secundum lineam albam, ad os usque pubis, eodem scalpello, nullus se obtulit adeps, sic facilis fuit apertio per forcipes: Omenti nullum adfuit vestigium, Omnis aqua intra peritonæum & intestina continebatur: aquæ residuum per siphum vitreum exhaustum fuit, duas iterum mensuras explens aut libras xij.

4. Abdominis musculis transversim incisis, eo facilius in conspectum venit splen scirrhusus, hypochondriis alligatus per fibras infinitas, venulas & arteriolas; substantia illius nigricabat, corrupta, unguibus facile cedens: Figura piscem Rhombum æmulabatur, quadrata, in latitudine & longitudine æqualis, si ab illo detraxisses lobum stomacho proximum, latitudinis duorum digitorum, trium longitudinis: Diameter semipedalis propemodum erat: Totam convexam faciem obtegebat cartilago aut membrana, crassitie dorsi cultri, dura, parenchymati firmiter affixa: Ejus concavitas convexa parte latior erat.

5. Lobo pertinaciter adeo duodeno cohærebat, ut non nisi cultro aut forfice inde divideretur; hinc enim & inde fibræ accreverant.

6. Proxime locum in quem Vesica Fellis, & Pancreatis canalis Wirsungianus, succum proprium eructant, quatuor deprehensi calculi, quorum maximus avellanam æquabat, tam nigrum & levem ut nemo non carbonem crediderit: Friabiles omnes erant, ac postridie intus fuscum colorem exhibuerunt: maximo adhærebat vermiculus albus & vivus, minimi sili longitudine, crassitie sili contorti.

7. Cystis fellis forficibus discissa atram bilem, sed paucam effudit.

8. Portæ venæ sanguis, atramentum nigrore referebat, vix unciarum duarum pondus æquant.

9. Exhausta ergo omnino lymphæ, & sanguine abdomine contentis, exhibuit se variegatum Jecur, quibusdam in locis candicans, in aliis nigricans, tuberosum & quasi aquæ calidæ immersum, tunica omnino exutum, digitis contrectatum in particulas dissiliens: Ex pluribus parvis lobis conflatum dixisses: Lienis magnitudine cedebat.

10. Intestinorum aquis, innatantium, à naturali statu non magnus erat recessus, ut nec ventriculi, cujus stomachus & pylorus adipe aliquo donabantur: Vacuus erat ventriculus, quam pridie tres panes biscoctos comedisset: Venæ lacteæ eminebant, quarum una, reni proxima, anserinæ pennæ crassitie similis erat: Turgebat statibus colon, cujus inferior tunica, quæ parte ventriculo subternitur, rubebat, corruptioni proxima: Mesenterium parte superna à corruptela visum effugiebat: Circa renem dextrum deprehensa glandula, nucis juglandis mole, substantia renibus similis, rotunda: Livebant cætera intestina: Reni dextro vicinum gangræna attigerat ad 5. aut 6. digitorum transversorum longitudinem, contrectatum in partes dissiliens.

11. Renes pinguedine plane spoliati, cæterum substantia à naturali non multum dissimili, hoc uno excepto quod dexter sinistrum magnitudine multum superaret, ac parte inferiore intestinum spectante ad gangrænam vergeret: Nulla obstructio eorum pelvim, neque emulgentia vasa, neque vtereres obsidebat, neque vesicam, statu omnino naturali donatam.

12. Reserato per novaculam Thorace, ducta à summo ad imum linea, & duabus obliquis ad cartilagine quæ latera sterni connectunt, Deprehensi pulmones partim candicantes, quasi abscessu terati, partim nigri, gangræna affecti & corrupti, phlegmate & atroximo sanguine infarcti.

13. Cor

13. Cor minimū fuit, cuius ventriculis sanguis pene omnino destituerat, qui paucus superstes fuit nequaquam concreverat: Ventriculi dextri paries tenuissimus erat, ut sinistri crassissimus.

14. Cava & aortæ sanguis aterquoque fuit & paucissimus.

Et hæc in magnis illis duabus cavitatibus conspicua fuerunt, Tertia intacta fuit, prohibentibus Vidua & affinibus, quibus satis fuit morbi & mortis causam, de qua multi varia, in apertum venisse: Penuria quippe probi sanguinis obitus obtrigit, à corruptela Splenis & Jecoris: Contigisse forte reor, ut in juventute à casu aliquo labes illi fuerit iniusta, ac calor nati robusti ope, natura, vitium correctura, concretum sanguinem in fibras abire permiserit, quæ hypochondriis affixæ fuerunt: Vel splen tumore aliquo obsessus, qui in abscessum abierit, circa hypochondrium, quod in potestate fuerit præstiterit, Testis est ejus membrana candida & dura: Lobo exteriori Omentum irritabat, inflammationem in eo peperit, & intensos eodem tempore dolores: Vasa sua lymphatica deplevit, unde abdominis cavitas lymphæ omnino referta fuit, à qua in tumorem elatum fuit: hinc quoque vicinæ partes in corruptelam abierunt: Sanguis per circulationem in pulmones illapsus, inde in cor, phlogosin induxit, hinc duplicis Tertianæ origo: Hinc deficiente ad alimoniam sanguine, tabes totius obtrigit; quod proculdubio incaluit itinere Lucretia per ætatis æstum instituto: superueniente animi excandescencia æstus sanguinis subsequutus & febris: Epiploon & intestina ab aquis labem passa sunt: Quoad Renem dextrum, vicinumque illi intestinum, præter itineris molestias, decubitus ad inflammationis ortum plurimum contulit & gangrænæ: Neque hæc omnia febris sobolem esse, illud mihi indicio est, quod urina à morbi primordiis ad exitum usque similis semper fuerit, crassa nempe, turbida, rubicunda, sedimento tartareo, aut bolari, cinnabari simili, donata: Hæc circa mortis causas sentio, cuius causam nemo expugnare potuit: nullum quippe remedium splenis vitium in naturalem dispositionem traducere satis validum erat: Verisimile quoque si quatrduo ante obitum paracentesis fuisset instituta, lethum inter manus Chirurgorum præ foribus futurum fuisse. Limpida enim ea aqua balsamo quodam, aut facultate quadam erat prædita, à qua viscerum corruptorum tonus quodammodo fovebatur, calorque ac siccitas temperabatur: qua per apertionem educta, dominium obtinuisset atrabilarius sanguis, pici nigrore & crassitie non absimilis, unde spirituum vitalium in corde defectus protinus contigisset. Sed hæc iudicio D. Boneti commito, cuius sententiam expecto &c. Genevæ 18. Januar. 1674.

## S C H O L I A.

**F**ebre prehensū fuit] Erraticarum & Quartanarum febrium una eademque statuitur origo (cum illarum in has facilis sit transmutatio) humor scilicet melancholicus, à quo deducenda febris qua prehensū Vir Nobil. cuius decessus, etiam per sanitatem, plurima extitere indicia, ac speciatim ex intervallis recurrentis humoris atrii per urinas excretio præcedentibus doloribus, in ventris: Sed & mores, & temperamentum, & vultus & alia annuebant: Ac nisi vis animi rectrix in ducendum superior fuisset, quæ hanc sub jugum redigebat, maniaci affectus apparuissent, cum cause præsto essent, cancræta scilicet lienis hæc admitti illius humoris progenitrix: Quæ vero postmodum successit febris, adulto scilicet & proVecto jam hydrope, typi omnino expers, rigoribus aliquando interiecta, aliam me iudice habuit originem; atque symptomaticam credo, ab inflammatione variarum in ventris partium, in quibus non gangrænæ rudimenta solum sed vestigia apparuerunt, quæ phlegmones ut plurimum soboles est: Ac manu-ducente ex. Spigelio, qui semitertianarum causam quærit in mesenterii inflammatione, censeo hinc repetendam causam, & intestinorum gracilium prope renum dextrum necroscos manifestæ, & mesenterii partis superioris corruptionis; nec non Renum ima parte livoris, item pulmonum putredinis, quas antecessit inflammatio, qua vigente febriles intus apparuerunt, ut quoties paroxysmus febrilis jam oborto hydrope adveniret, toties phlegmone aliquam dictarum partium invaserit: Imo adnotat Clariss. Rosinccius in Consult. Med. ubi hydropis comes fuit febris, toties intestinorum corruptionem deprehensam.

**Dormisse se negabat]** Humor melancholicus (cassidus & siccus, ideoque ad omnem procreationem ineptus) ea est indoles ut quæ inde proveniunt insomnia, vigilantibus pro reapse contingentibus habeantur, adeo expressa sunt, & alte, etiam soluto somno, memoria infixa: Testantur sagarum insomnia, quæ omnes prope melancholicæ sunt, ac mira & impossibilia narrant sibi contigisse, quamquam observatum & constat eas alto somno oppressas fuisse, quo tempore peregrinationes mentiuntur.

**Urina rubicunda &c.]** Non solum ab admisto plurimo sale & tartaro, sed & ab adulto & imperfecto sanguine cum sero à corpore elabente, hinc tabes totius, quamquam alimentum plurimum allumeret æger: Revera discrepabant ab urinis cruentis, quales profundunt quibus vas aliquod quomodo-cunque reclusum, in quibus sanguis sub propria forma subsidet: præsertim vero in casu æstus viscerum, hepatis præsertim & splenis, sanguinis materiam, priusquam formam indueret, retorquebat & in cineres redigebat, unde nutritionis ansa præcipiebatur.

**Lien ab adnotis efferebatur]** Causa pendet & à natura humoris in ipso contenti, & peculiari ejus structura: Humor erat vere atrabilarius, qualis cancrætas affectiones inducit, quas attingere vetat Hippocr. aph. 38. sect. 6. Ad excandescenciam vero excitandam, concurrebat singularis illa lienis tunica externa, densissima & cartilaginea, quam penetrabat vis admotorum, sufficiens ad tumultum ciendum, excitata humore & meteorismo humoris, non item ad illius sedationem, temperationemque ac vaporum inde excitaturum exclusionem & discussionem, & hinc pariente illa tunica: Adde quod cum



in omnibus propemodum vasis, similis humor delibesceret; initio in splenicis vasis fermentationis ducto, propagatio in toto sequuta sit, non per solum vaporum hinc inde diffusionem, sed & per totius massæ ebullitionem.

*Crebra ventris tormina*] A dicta humoris atrabilarii effusione tum in intestina, tum mesenterii & omenti membranas, partes eas percellente, lancinante, distente: nam præter insignem acrimoniam, flatibus quoque uberem materiam suggerit; testis hydrops tympanites ad *Sennerti* mentem, ab humore atrabilario ortum ducens, & hypochondriaca affectio *quædam* *æter* *hæx* *dicta*.

*Sanguis semper rubens & floridus prodit &c.*] Mirum uideri possit quod redundante in vasis internis atro & exusto sanguine, floridus & ruber vena aperta educus sit: At vero constat sæpe dissimilem contineri sanguinem in corpore, ut alius in interioribus, alius in habitusimo alium educi tusa cephalica, alium basilica.

*Hypochondria tumida remanserunt*] De liene obscura non est ratio, qui non modo sinistrum hypochondrium totum occupabat, sed & ad ventriculi regionem se porrigebat: De hepate vero, cum illo minor esset, quomodo tumorem hypochondrii dexteri produxerit, causam assignare difficile esset nisi lienis moles perpenderetur, qui ad regionem jecoris usque delatus, illud in angustias cogebar & premebat, ut inde præcordium dextrum tumeret.

*Pituitam copiosam eduxerunt*] Cujus nullæ reliquæ nec vestigia neque in ventriculo neque in intestinis deprehensa: Adde quod ægri temperamentum ejus generationi & collectioni plane repugnare videbatur: Sed observatione dignum quod statuit *Clar. Hofmannus* Init. Anatom. lib. 3. cap. 28. Ventriculum, quacunque demum intemperie laboret, sive calida sive frigida, pituitam, seu phlegma semper gignere: favetque illi sententiæ experientia; Arque exemplum pronuper suppeditavit Vir Excell. & Nobiliss. Dom. de Mommolin, Serenissimi Ducis Longavillæ Cancellarius, cujus frater Nobil. ejusdem Principis in Ditione Neocomensi Quæstor, colicis doloribus per aliquot fatigatus fuit menses, eorum autem origo à plurimi Medicis à pituitæ adscripta fuit, quod illam copiose tum sponte tum medicamento- rum ope excerneret: forte tunc temporis Neocomi degebat Nob. Dom. *Akakia* pronepos Celebr. Doct. *Akakia* Medici & Professoris Parisiensis, cujus commentaria egregia extant in plurimos *Galeni* libros: Ille perspecta ægri temperie & corporis habitu, qui macilentus erat & strigolus, alteri vix insitendum indicavit, ac affectum refrigerantibus & humectantibus superandum, quod caloris & siccitatis proles esset, In id usum jusculorum carnis vitulinæ & pullorum gallinaceorum suavit, temperarique vinum ad medias & amplius: Paruit æger, ac qui prius vix duorum dierum intervallo à doloribus liber erat, jam omnino ab iis immunis sit, nullam excernens pituitam, ac postmodum affectu pertinaci omnino expers vivit.

*Effluxit limpida lymphæ*] Hoc vero extraordinarium fuit quod aquæ tum per paracentesin è cavavere educæ, tum è cavo abdominis exhaustæ, ab

urinæ quas æger fundebat adeo dissimiles essent: hæ enim, ut in historia narratum, rubræ erant ad nigredinem vergentes, tartarea materia plurima saburrata: hæ limpide, vinum Rhenanum colore referentes & consistentia: Quare verisimile est hydro- pem non ab humorum sero, quod lotio materiam suggerit, ac potui proportionem aliquando responde- bat, natum fuisse, sed à vasis lymphaticis reteratis, ruptis & apertis, illis præsertim quæ venam portam, in aditu hepatis, complectuntur, cum convexa illius pars maxime aspera & quasi à vermibus atrofa apparuerit, tunica omnino destituta: unde ratio petenda cur paracentesis ut plurimum infrugifera, imo calamitosa sit, quod perennis scaturigo sit aquarum ab hiantibus illis vasis.

*Quatuor deprehensi lapides &c.*] Quorum prima coagumentatio fuit ex tartarea illa materia quæ per urinas secedebat, fulvescebat enim medullarium: qui accessit cortex, atræ bilis ubique exsuperantis naturam sapiebat, cui cum gluten deficeret, facilis solutio ob friabilitatem successit.

*Pulmones candicantes &c.*] Nulla toto morbi decursu respirationis lætio apparuit: levis tantum præmole aquarum pectoris oppressio: Sed quod viscera cuncta exlucca essent, aëda, omnisque adeps præ morbi diuturnitate absumptus esset, amplum lymphæ nactæ locum, liberum diaphragmati ad motum spatium concesserunt: alias dyspnææ duplex aderat causa, Pulmonum scil. læsio & dicta septi oppressio: Illorum causa respiratio difficilis non fuit, quod sanici modica esset copia, bronchia nec replens nec premens: Pulmonum vero labes non à cerebro arcellenda, quod, ut existimo, punice siccior erat, sed à vitio in toto cruore, qui ad illorum transmissionem substantiam, in corruptelam pertraxit: Rauceo revera per biduum ægre, quatuor circiter ante obitum septimanis molesta fuit, sed nec illa catarrhi soboles fuit, at potius transmissionis corrupti illius sanguinis ad pulmones, cum primum corruptela illis induci cepit.

*Leur membrana ubique destituta*] Unde suspicio à disruptis vesiculis ortæ fuisse hydro- pem; quæ cum crebræ & multiplices fuerint, nudatum propria tunica omnino remansit.

*Partem convexam cartilaginea tunica & densa involtebat*] Simili cartilagine obductos se vidisse Lienes asserit *Columbius* Anat. libro decimo quinto, *Riolani* quoque lienem exactè quadratum, trium palmorum latitudine & æquali longitudine, crassitie quatuor digitos æquantem, & undique cartilaginosa crusta incrustatum testatur se vidisse: *Tulpius* Lienem in eunuchis quodam, tam densa ac dura cartilagine contextum vidit, ut inde adimeretur instar crassioris alicujus corticis: Celebr. *Drelincourius* Lienem diicidit cui durities inerat passim, & quasi per areas, quarum una quæque ducaturum minorem æquabat, durissima & perlucida, quas proinde corneas vocitabat, quod duritie & colore legitimum cornu hinc inde incuneatum referrent, interiore interim substantia omnino putri, quod levissimo contractu dissiliret, quæ materiam truci vini similem continebat.

§. 6. Lienem vitiosum in hydrope vidit *Vesalius*, hepate plane salvo: Hinc *Dodonæus* se nullius corpus Ascitici vidisse affirmat, cujus Lien non fuerit tumidus & magnus: Hac de causa potest solum tumorem Lienis ad Ascitis generationem quandoque sufficere: Idem fere *C. Piso* attestatur: Quisquis, inquit, attenderit serio hydropicorum dissectioni, fatebitur una mecum ultro tumorem aliquem visceris alterutrius fere unicam esse ac frequentissimam Ascitis parentem: Quibus *Dæmonium* illud Hippocraticum *Duratum* assentitur, **Hydropem**



Hydropem nullum sine consensu & conspiratione Lienis accidere : fuit enim illud præceptoris, Omnem Ascitem nasci præcedente, ut ita dicam, Liene : Ipse Ego anno 1651. & 1652. In Antenoreo Lyceo cum agerem, hyemali tempore sectionibus Anatomicis totum me mancipando, tria hydropicorum asciticorum cadavera secui ac inspexi, Lienemque prætumidum hujus mali causam deprehendi, quorum unus xv. libras civiles æquaverat. *Johannes Scultetus in Miscell. curiosis anni iv. observ. 148.*

§. 7. Viro cuidam, qui à frequenti Vomitu sanguinis Asciticus factus fuerat, per prominentem umbilicum lanceo filo, sive lycio transmissio, aquosus humor sensim effluerat, sed nihilominus non diu post mortuus est.

Lien sanguini concreto similis repertus, substantiæ soliditatem haud retinens, sed facile in partes solvebatur. *Dodonus cap. 26. observat.*

## S C H O L I A.

**Q**uando venter amplius distendi nequit, umbilicus foras erumpit & in tumorem attollitur, aquoso distentus ac repletus humore, quod Græci *ὑδροπικὸν* appellant, Et tunc quidem per hunc lanceo filo transmissio; vel etiam eodem scalpello aperto humor effluit, nullo subsequente fructu alio quam quod æger à distensione ventris pauco tempore liberetur: Prius enim quam umbilicus erumpat, jam interna viscera corrupta ac putrida sunt, proinde sanitas nec expectari nec sperari debet. *Idem.*

*Lien sanguini concreto similis* ] *Isosianus* & alii parenchymatosam Lienis carnem appellarunt, sola laxitate & molitie ab hepate dissimilem : hanc doctissimus *Higginus* concreto inter fibras sanguine excitari putavit, ita ut unicus videatur inter Ana-

tomicos consensus, Lienis substantiam concretum quoddam corpus esse sanguineum, anchoram fidumque fundum vasis inibi existentibus præbens, communionem quandam habens cum cæteris visceribus: Evidentius tamen inibi innotuit, longa & laboriosa indagine, Esse totum Lienis corpus membranarum congeriem in cellulas & concamerationes efformatam seu distinctam; Et licet dissecta splenis substantia concretum sanguinem præ se ferat, & levi attritione in fluorem solvatur, attamen non dispari ratione ac in pulmonibus accidit, specie carnis nobis imponit, diluto scil. colore & substantiæ laxitate &c. *Marcellus Malspighius De structura viscerum Tractatu de Liene cap. 4.*

§. 8. Quinquagenarius post Quartanam Hydropicus fit : Lien multis occupatus erat scirrhis. *Vide tit. de Febribus.*

§. 9. In Nobilissima quadam matrona Hydropica, Lienem apostemate infectum, presumque puris copiam effudisse observavit *Paulus Mothius.*

## OBSERVATIO VIII.

*Ascites vitio Renum flaccidorum & exilium procreatus. 1. Ulceratorum & perforatorum. 2. 3. Sinistri corrupti. 4. 5. Renis dextri obstructi à calculis, sinistri purulenti. 6. Vtriusque mucò obstructi. 7. Sabulo. 8. Sinistri valde consumpti, Dextri ureteris obstructione. 9. Hydropici Renes multo adipe obfiti, Lien parvus. 10. à Renibus flaccidiorebus, cum vitio hepatis & lapide insigni in cystis. 11.*

§. 1. **I**llustr. Baro D. Steno Stielke, doloribus arthriticis diu multumque affectus, in Ictericam incidit, Adhibita à præsentibus Medicis remediorum variorum genera, sed sine successu: supervenit tandem & hydrops Ascites, aliaque symptomata, quibus cum ultra semestre colluctatus, leniter & quasi per somnum exspiravit.

Defuncti corpus aperui, ubi præter alia notatu digna inveni. 1. Calculum in vesica fella, Ictericæ causam &c. 2. Hepar maxima quidem ex parte salvum, sed croceo colore tinctum conspiciebatur. 3. Cor, Pulmones, Lien, Ventriculus, Mesenterium & Omentum naturaliter fuere constituta. 4. Intestina maculis nigris & livescens hinc inde distincta. 5. Renes flaccidi, &, quod notabile, adeo parvi ut magnitudinem nucis juglandis vix æquarent. *Bals. Timæi consil. lib. 3. casu 28.*

## S C H O L I A.

**R**enes flaccidi & adeo parvi &c. ] Hinc conjicio Arthridis juxta & Ascitæ causam in renibus potissimum fuisse, quatenus ob vitiosam constitutionem serosum humorem minus sufficienter attrahere, secernere, & excernere valuerunt; urinas enim reddebat paucissimas, etsi quandoque largius biberet, magnamque cerevisiæ & vini copiam

ingurgitaret: Observatumque est sæpe à x. vel xl. meridici ad primam usque noctis strenue potantem, ne semel quidem à mensa surrexisset: Restitans autem in sanguine serum facile per venas & arterias in partes circa articulos protrahi & arthridem parere: in abdominis autem cavitare collectum ascitem producere poruit. *Idem.*

§. 2. Nobilis sumptuose & lautissime vivens, vina generosa bibere solitus, morbis quibusdam infestabatur, nunc colicis, nunc nephriticis, nunc arthriticis; unde sæpe graviter

XXXX ; affectus

affectus, ingruente senectute manus contractas digitosque astrictos reliquo vitæ tempore habuit: quorannis fere ad thermas aliquas profectus, non solum lavans, sed etiam bibens, imprimis acidulas, quas sibi eo nomine conducere credebat, quod ardorem & calorem Hepatis, ex vini generosi continuo & ferculorum aromatizatorum quotidiano usu conceptum, non nihil restinguerent: Tandem annum ætatis agens septuagesimum cœpi illi Venter subito quandoque Intumescere, cum summa dyspnœa, quæ tamen postea iterum remiserunt. Anno sequenti 1603. circa finem Aprilis, ætatis superans lxxi. à convivio domum bene potus, sub noctis medium; Cœlo sero, leviter vestitus rheda reversus, pectoris angustia cœpit angi, tussisque vehementissima cum invasit, per quam licet copiosa excrearet, nihilo tamen melius habuit: Vocatus illico Medicus, defluxionem à capite supra pectus factam judicans, varia præscripsit, quibus usus ad 7. Maii usque, nihil interim remittente tussi & dyspnœa, vocatus frater meus, communicatis mecum consiliis, sequentia illi administravit remedia; cum crassa & tenacia difficulter expueret, utebatur oxymelite ex hydrom. malvatico, acetofo reddito, miscendo syr. de liquir. de jujubis, & tantillum spiritus vini: lavit quoque pedes lotione divertente ex herbis capitalibus, pectus inunctum fuit Resumpt. Paulo quietiorem noctem quam priores transegit, at hora 2. post mediam noctem, difficultas spirandi illum invasit denuo, ut sedendo reliquum noctis transigere coactus fuerit, quod prioribus noctibus sibi accidisse narrabat, De quo monitus, cœpi statim de Hydropis initio suspicari, cujus hæc nocturna dyspnœa prænuntia esse solet: Verum cum tunc & stertor & excreatio pulmones quoque infarctos denuntiarent, factum est ut asthmatis potius quam hydropis ab initio ratio habita sit, donec ventris & pedum sentim incremente tumore de Hydropse certi essemus: Antequam autem illud omnino innotesceret, pleraque remedia non solum ad præcautionem hydropis, sed & pectoris angustiam fuerunt accommodata: Circa finem Junii tussis & stertor remiserant, hydropisque jam manifesta aderant indicia, tumor nempe tibiæ & ventris, ac dyspnœa nocturna, ipse, cujusdam consilio, semper acidularum potu delectatus, Griesbachum proficisci cogitat: 1<sup>o</sup>. ergo Julii iter ingressus, quarto die eo non sine difficultate pervenit, & sequenti die chiragra correptus est, quam sequuta est podagra: nihilominus interim acidulas ad pocula duo quotidie bibenti, omoplateque simul dolorem passo, statim scrotum cum pene intumescere cœpit, acidulas ad xi. usque Augusti bibit: Supervenerunt illi hæmorrhoides, quæ tamen non diu durarunt: Dyspnœa & imbecillitate mire angebatur, Et quia urina pauca tantum fluebat, signum erat aquarum illarum acidarum magnam partem in abdomine retineri: Cum itaque earum potu morbus factus fuisset deterior, ad alia remedia transiit: Mense Septembri consultatum fuit an Paracentesis, quod solum restabat tentandum remedium, facienda? Aliis in ventre eam fieri posse, aliis in cruribus levem scarificationem faciendam consentibus: Eam ob causam pedes inspecturi, statim sponte vesiculas excitatas & disruptas serum profundentes vidimus, per quas fluxit successive ad dies aliquot magna aquæ copia, adeo ut venter nonnihil subsideret, liberiusque spirare & decumbere diutius posset; Ab eo tempore quo ichor à cruribus juxta malleolum fluere incipiebat, ad præcavendam inflammationem & gangrenam, quam plerumque sequi prædixeram, potissima cura dirigebatur, quam tamen vitare non potuit: Interea viribus omnibus labascentibus sensim, & superveniente febricula, postremo diarrhœa, die ultimo Octobris placide expiravit.

Corpore dissecto sequentia deprehensa fuerunt: 1. Cor erat magnum, illæsum sed flaccidum & collapsum. 2. Hepar, Lien, forma & magnitudine decenti salvæque: 3. Bilis vesicula ampla admodum, distenta, cum sua cervice, & turgens bile & aqua: 4. Aqua in spatio abdominis retenta, magno impetu, fontis salientis instar, vulnere primum in abdomine inflicto, erumpebat limpida, sed cadaveroso odore prædita, lx. libras circiter ponderans, cujus non minor quantitas per pedes, longo illo septem septimanarum spatio prius effluerat: 5. *Ren uterque erosus & ulceratus erat*, ulceribus multis ab interioribus illorum substantiam ad exteriora usque perforantibus, & se extrinsecus aperientibus, è quibus serum vel urinam in abdomen distillasse hoc ostendebat, quod adhuc vesicæ aqua plenæ aliquarum corpori adnatæ essent: quibus dissectis aqua profluebat, foraminaque patebant, sine dubio illius aquæ in abdomine collectæ causa fuere, Uti & Hepatis Lienisque ejusmodi substantiæ divisionem se vesicasque illis, affigentes, disruptas post, aquamque profundentes in abdomen, causam frequentiore hydropis ascitis esse annotavi, *Ferneliusque* idem asseruit. 6. Mesenterium, Omentum, Renum pinguis tunica, omnia veluti arefacta, contracta & convoluta erant, adipe adhærente, veluti in globulos toto intestinorum ductu, uti & circa rectum intestinum, conglomerato, ab aqua quæ continuo has sedes colorati



alluebat : 7. Intestina inania , uti & ventriculus erant. 8. Pulmones inæqualiter colorat & ex parte otiosi apparebant , integri tamen , in quibus sectis cruor ater & pituita prodibant , qui fibris costis , sinistro præsertim latere , adnexi erant. 9. Thoracis cavo aqua quodque inerat.

## S C H O L I A.

**E**X quibus & præsertim Renum illa læsione, serum effundentium, aquam illam in abdomine collectam fuisse , & hydropem ascitem natum certo cognovimus , & dein quoque in aliis idem evenisse observavimus : Ex eoque intelligere potuimus causam doloris nephritici, de quo , sed non adeo magno, continuo conquereretur, fuisse Renum exulcerationem , & quod minori quantitate , quam oportebat, jam diu urinam reddiderit, non minimam causam hujus renum exulcerationis fuisse : præsertim vero immoderatum illum & annorum plurimorum spatio continuatum vini generosi potum, ac longas illas in conviviis læsiones, quibus urinam acrem retinebat, morbum hunc causavisse. *Platerus Observ. lib. 3. p. 640. Pract. lib. 3. cap. 3.*

*Ren necque erosus & ulceratus ] Quomodo à soluta Renum continuitate Hydrops excietur ostendit Platerus ibid. p. m. 216.* In Renum corpore, atque, cum & illud, ut & alia viscera ( Jecur & Splen ) parenchymate constet, si illius continuitas eo modo sicut de cæteris dictum, solvatur , hoc idem fieri posse, ascitemque inde prodire & rationibus atque experientia moti asserimus , Cum enim ad eos serum non solum per emulgentes venas continuo cum sanguine deferatur , sed & ibi ab illis secretum continuo coacer-

vetur, si substantia renum ad eas sedes usque vel divisa aut aperta sit , serum ex iis atque atque cæteris visceribus , vel exudans , & vesicas prius excitans , vel statim penetrans , copiosius ac citius quam ab aliis visceribus in abdomen profluat, ascitemque qui diu perseverare potest, cum Renum læsiones , præsertim si unus tantum afficiatur, hominem non subito perimant , sed diuturnum morbum procreant , unoque penitus consumpto, alter queat adhuc diu sufficere , procreabit. In quo casu , præter cætera accidentia ab aquæ hac collectione in abdomine provenientia, in urinis interdum aliquid purulenti, si ulcus adsit, deprehenditur, mictioque adhuc longe quam in cæteris parvior, & sæpe paucissima, si uterque præsertim Ren simul affectus sit, cum urinx non minima portio in abdomen continuo deferatur , nec uti decebat ad vesicam perveniat : Harum autem læsionum causæ in Renibus eadem quæ & cæterorum viscerum esse possunt : ut nimia illorum ariditas , sicuti hanc renibus quoque accidere, siccitatemque illorum calculi simul causam fieri ostendimus , quam non solum ætas , morbi calidi, sed & urina calidissima, ex ciborum calidorum, & vini præsertim potentissimi, usu accensa , renibus tandem infert.

§. 3. Ulcera renibus admodum peculiaria , si non solum interiores ipsorum sedes occupent, sed & ad exteriora vergentia, substantiam ipsorum , nunc uno nunc pluribus ulcusculis perforant, causam hydropi præbere possunt , Uti & Renum omnimoda, qualem sæpe vidimus, corruptio, remanente tantum illius involucro veluti marsupio. *Idem ibidem.*

§. 4. In Harlemensi viro, post mortem nuper secto, deprehensum Renem sinistram totum in putrilaginem abiisse, & per vesicam fuisse excretum , dextrum ureterem calculo fuisse obstructum; hinc misero primum obortam urinx suppressionem, inde Hydropem, urina ( cum in vesicam via negaretur ) in abdomen se effundente. *Ol. Borrichius ad Thom. Bartholinum Epist. xvii. cent. iv.*

§. 5. Dom. Charon, cum antea de Renibus non conquereretur, febricula, infirmitas virium; inclinante ad exitum morbo, Venter utrinque Inflatus , dolens obtrigit : urina duos ante mortem dies suppressitur.

Dissecto cadavere, Ren sinister totus absumptus repertus est, vomica plenus, quæ etuentam saniem reddidit , Dexter vero ren calculo ureterem obstruente obsessus. *Hollerius ad cap. 39. lib. 1. de morbis.*

§. 6. Clar. Vatii, Theologiæ in nova Ultrajectinorum Academia Professoris Frater, octo annos Hydropicus nuperrime obiit. In cadavere nullum vitium nec in hepate nec in liene repertum, sed omne in Renibus, Dexter quatuor in sinu exiguos continebat calculos, majusculum in ingressu ureteris, omnem seri egressum impedientem, Sinister totus purulentus : Abdomen aqua citrina distentum : Quod egregie confirmat meam de usu Renum sententiam, Renes scil. non secernendo tantum sero à sanguine, ut vulgo sentiunt , sed & generando sanguini, ut hepar & lienem, conditos esse, quam statui in libello meo de calculo. *Beverovicus Spicileg. de calculo p. 204.*

## S C H O L I A.

**R**enes generando sanguini ] *Beverovicii* mentem rejicit *Lindenius*, & filius ei respondet *Bartholinus* ; Fieri tamen aliqualem ibi coctionem ac separationem seri à sanguine admittit *Lindenius* , quam nos etiam concedimus, ut & serum tale nutritum in renibus solum separari, non concurrente nova coctione: At mens nostra non est concurrere talem coctionem novam, in qua salia & tartarus denuo generetur, levem autem coctionem ad separationem ne-

cessariam non excludimus. Imo concurrere aliqualem coctionem persuadent morbi renum : isti enim quando laborant ulcere, vel calculo grandiore, non recte separant serum à sanguine , sed vel aquosas & paucas exhibent urinas , vel plane nullas , & exinde hydrops , sero regurgitante & in abdomen stillante: Imo interdum ob laxitatem & imbecillitatem, si renes in actione sua frustrentur , sanguis non separatur à sero, sed simul exiit, & urinx sunt instar fortis lixivii.

XXXX 4

modo

modo nigra, modo serosa cum sanguine permixta & perturbata, quale exemplum habet *Forestus* l. 24. Observ. 5. Hoc insuper notatu dignum quod serum & materia potulenta separata in renibus, peculiari fectore imprægnentur, indice peculiari peractæ coctionis: Et quælibet animalia peculiarem urinæ fectorem offerre videmus. Hydrops hanc nostram alfectionem roborare poterit, Sic quum interdum fiat à læsa renum actione, serum & aqua in vasis subsistunt, & stillant in abdomen, obtinent autem nec urinæ odorem nec colorem, Urinæ autem natales, dogmata *Harvei* & *Pecqueti* sequuti, hos assignamus, nimirum 1°. Sanguinis serosi per arterias emulgentes, & chyli serosi per venas lacteas à pancreate adductionem. 2. horum in renum parenchymate ali-

qualem coctionem. 3. Seri in pelvim stillantis à sanguine separationem, & 4. seri per ureteres expulsionem. *Morbis Fundam. Physiolog. cap. 18.* Si per coctionem intelligat *Beverovicinus* solam illam elaborationem qua excrementum serosum à sanguine separatur, tolerabilis erit ejus sententia: Sin vero talem qua ipse sanguis in sese spirituosior & perfectior fit, tunc rejicienda erit, cum nullum viscus sanguinem ad majorem perfectionem perducatur quam cor, à quo quanto longius recedit, tanto imperfectior evadit, nec ab ulla alia parte, ut neque à renibus, deperditæ perfectionis quicquam ei restitui potest, hæcque de causa necesse habet per venas redire ad cor, ut ibi pristino vigori restituatur. *Diemerbroeck Anat. lib. 1. cap. 19.*

§. 7. Cuidam ex casu ab alto urinæ retentio accidit: Hepar ejusque tota regio quasi inundata reperta est: Renes muco erant repleti & adeo obstructi ut nil potuerit præterlabi, Vesica exsiccata cum Ureteribus. *Vide lib. 4. tit. de Vulneribus.*

§. 8. Sexagenarius diu nephriticis doloribus laboravit, hinc ischuria, Ventris tumor. Uterque ren sabulo repletus deprehensus. *Vide tit. de Ischuria.*

§. 9. Juveni urinæ suppressio accidit, hinc hydrops abdominis: Rēn sinister valde consumptus erat, Dexter Ureter in parte superiori obstructus erat à calculo. *Vide tit. de Ischuria.*

#### SCHOLIA.

**N**otandum sapissime, sine vitio hepatis, ex imbecillitate Renum non attrahentium serum, hydropem produci. Nec ullis diureticis, etiam generosis, vias istas aperiri posse: Ideoque expurgandis istis partibus & vicinis imprimis elaborandum, atq;

etiam fomentis facultatem deperditam restituere conandum; An ferrum acutissimum ad Renum aliquem adigendum, ut via detur sero stagnanti intra venas majores, si nequeas per cathartica hydragoga exhaustire? *Riolanus Enchirid. lib. 2. c. 28.*

§. 10. Hydropicum pridie in Nosocomio Leydensi secumimus. Jecur satis magnum nec valde decolor, Lien parvus valde, nec magnitudine renem excedebat, Renes pinguedine undique oblitri, ut suspicari liceat Hydropem huic potius Renum vitio (nam pinguedo undique eis circumnata renum frigidam intemperiem denotat, & per consequens attractionis seri imbecillitatem) adjuvante Liene, qui alioquin quoque multo sero perfusus esse solet, advenisse. *Observatio Alberti Kyperi. N. Fontanus Resp. & curat. p. 117.*

#### SCHOLIA.

**R**enum intemperiem frigidam denotat] Fieri pinguedinem ex frigiditate *Galenus* statuit, ita ut quod in sanguine pingue, leve & tenue est, dum fit in calidioribus corporibus alimentum, in frigidioribus serveretur: 2. Aristoteles ait ex iis quæ liquantur, quæcunque calore solvuntur, à frigore densantur, ut oleum. 3. Frigidiora sunt pinguiora, ut castrata, fœminæ, sic hyeme omnia pinguiora sunt. 4. nonnisi locis frigidis adnascitur pinguedo, ut in membranis: hinc omentum pingue ratione membranosa substantiæ; Sic circa cor nascitur adeps, nam ibi pericardium adest, frigida & crassa membrana, serum continens. Sic ad renes, quia seroso abundant excremento, spinæ adjacent, &c. Usus autem pinguedinis si sit ut instar vestis calefaciat, an frigiditati re-

num hydropis origo ascribenda? An potius superflua constrictionem facere potuit, & difficilem seri translocationem, quomodo nimis in toto suffocationem aliquando peperit?

*Pinguedo in undique circumnata*] *Eustachius* lib. de Renibus cap. 45. ait pinguedinem se adeo concretam ac duram aliquando invenisse, ut lapidis durticem fere æquaret: qua pinguedine Renes obstrui & constringi, ac plurimum imminui deprehendit. Unde dubitat num in apoplecticorum cadaveribus constipari ad summum, & omni prorsus concavitate destituti reperiantur. Mortem subitam ob renes pinguedine onustos contingere animadvertit *Riolanus*, lib. 2. cap. 26. *Anthropogr. Vide Sect. xi. lib. 2. in fine.*

§. 11. Quidam post Icterus hydropicus fit. Inventus in vesica fellis calculus eam adimplens. Hepar croceo colore tinctum, Renes flaccidi & parvi instar nucis juglandis. *Vide tit. de Ictero.*

#### SCHOLIA.

**R**enes flaccidi & parvi] *Helmontius* Tract. de Hydrope ignoto, totus in eo est ut demonstret

Hydropem omnem à solo Renum Archæo, fermento ex causa occasionali intra se concepto, oriri.

## OBSERVATIO IX.

*In hydropicorum Renibus cavitates non naturales aqua limpida repleta sæpe comperiuntur.*

**I**N Viro Ill. Phthisi extincto, medium dextri Renis cavitatem ingentem exhibebat, à pelvi distinctam, eaque multo ampliore, aqua limpida impletam: Talem in hydropicis sæpe numero comperi; Atque hæc quidem fortasse ex sero in renem istum deposito, quod haud facile per meatus & poros ejus percolaretur, orta est. Quippe serum inibi subsistens, ab initio specum sibi exiguum procuderat, qui sensim postea dilatabatur, cumque ob hanc rationem seri secretio, & per Ureterem exitus aliquatenus præpediretur, latex ejus in sanguinem restagnans, capiti noxam graviores intulit, spasmos violentos excitando. *Willis Pathol. cerebri cap. ix.*

## OBSERVATIO X.

*Ventris tumor Asciticus, cum tuberibus à Glandulis Mesenterii induratis. 1. In hydropicis prope omnibus indurescunt. 2. Ob vasa serosa abdominis à tumore duro compressa. 3. A magnitudine mesenterii abscessibus obfusi. 4. Ab eodem plurimis hydatidibus obfusi. 5. Ab ejusdem steatome & glandulis sero refertis. 6. Ab ejus steatome. 7. A pluribus vesiculis in tumore insigni adnato, cum aquarum copia. 8. Ab eodem prodigiose turgente, scirrhoso, cum plurimis abscessibus & Iecore abscessibus referto. 9. Ab extuberantius steatomicis illius glandularum, cum Pustulosis vesicis, ac fœtu in utero. 10. Ab eodem scrofulis referto. 11. Ab arefactis ejus glandulis. 12. A strumis id & totum ventrem inferiorem occupantibus. 13. Hydropicorum mesenterium ut plurimum corruptum invenitur. 14. A glandulis omnibus tam mesenterii quam externis abdominis induratis. 15. A mesenterii ulcere. 16.*

**F**œmina lautioris conditionis 40. ætatis anno, ex hydrope pectoris atque ascite lenta periit morte: Tenerioris ea fuit constitutionis ab incunte ætate, gracilis, macra, alba rubescens, debilis: præter variolas tamen & morbillos in juventute nullum pene morbum effatu dignum est experta. Menses diutius cunctantes variis (sponsa etenim nondum nubilibus annis) sollicitati fuere remediis: comparuere tandem, & quoniam sanguis ejus serosior, sensim crebriores & copiosiores evasere: In matrimonio per 29. annos vixit duodecim peperit liberos, ut plurimum debiles, quorum sex adhuc supersunt, tres valentes, tres cachectici: Bis vel ter abortiit: Quovis puerperio lochia mox à partu copiose adeo profluxere, ut huic adstantes morrem sæpius metuerint, ac opem meam ad enormem illum fluxum compescendum anxie implorarint: Hysterica sensim evasit, ita ut vel levissima de causa irritata matrix dira moverit symptomata, quæ & ipsam lectum petere coegerunt: Passa fuit frequentes capitis dolores & destillationes ad dentes, ut pote corrosos, putridos, nigricantes; Ultimis vitæ suæ annis subinde correpta fuit pustulis copiosis in lingua, ore, gingivis, ac genis internis, erumpentibus ex sero acri per ductus salivares, critico quasi motu uberius affluente: Menses nihilominus ordinati, imo anticipantes & copiosi: Serum per purgantia imminutum, quoties per imprægnationem vel lactationem licuit, Ad idem serum à sanguine secernendum, mitigandum, tertio ante obitum anno domi acidulas, aliis Matronis sociis bibit, & ut retulit, cum *Διοζία*: Æste anni 1670. Goppingenses sitiens acidulas, me refragante, fontem ipsa adiit non purgata (quoniam ipse peregre tum temporis aberam) eas bibitum ac in iis lavatura. Utrumque peregit *ἀλόγως καὶ ἀμαθῶς*: Domum redux abdomen notavit tumidius, ponderosius, in regione præcipue hypogastrica, cum lassitudine corporis, appetitus imminutione, respiratione difficiliore, tussi, sicca potius, acri, rodente: color faciei naturalis perstitit: Me absente alii in auxilium vocati Medici, Celeberrimus nimirum noster Archiater D. J. Jac. Wepferus & Clar. D. Emanuel Hurterus: Ipse tandem 20. Septembris adveniens, percepi cum Clariss. istis viris Dominam istam viduam per bimestre conquestam fuisse de Abdominis Intumescencia; Tacto ventre, deprehendimus in regione umbilicali corpus scirrhosum, incipiens à latere dextro, paulo supra umbilicum, extendens sese ad regionem hypogastricam, palmæ latitudine & longitudine majus, in profundo situm, globosum quadantenus, durissimum, indolens, cum motu aquæ resonantis ex abdominis impulsione ac concussione corporis sequentis: Aquam pectus quoque opplere ostendit tussis.



tussis summe ferina, inanis, acerrima, diu noctūque ipsam fatigans, cum dolore, asthmate, sputo copioso, difficili, cruento, vigiliis, inappetentia, febricula, decumbendi impotentia, imprimis tempore anadosis cibi, quo vel decubitus mutare, vel è lecto plane surgere co-gebatur; à vino læditur, deliris agitatur in somniis: Hoc tempore ipsi menses jam per tres septimanas copiose fluxere, antea vero ordinati, ac copiosi semper extiterunt: Hinc per-suasi ediximus corpus prædictum scirrhum à glandulis potius mesenterii, vel testiculis uterinis, quam ipso uteri corpore dependere: Tussi, febris, vigiliis, asthmate, inappetentia, omni ingenio occurrimus; purgantia, rebus sic stantibus, vix tuta reputantes. 8. Octobris melius habere videtur, alacrius comedit, liberius respirat, incedit rursus, color faciei floridior, abdomen immittitur, &c. At Tuber circa umbilicum & hypogastrium, durum adhuc dum & magnum, imo majus quam pridem perferitur. Ad id dissolvendum, & viscera roboranda varia in usum ducta remedia: x. Octobris venter denuo intumescit, urina immittitur: tuber item majus & durius videtur esse in testiculo dextro, necdum dolet. Tussis iterum exasperatur & asthma, alvus est durior, menses singulis fere 14. diebus redeunt copiosi, aquosi. Sudor frequens circa collum & caput. xxii. Novembris quoniam abdomen & tumor augescunt, ad purgantia accessimus, à mitioribus ad fortiora ascendendo, interpolatim ea exhibendo, per epicrasin potius quam *abegere* aquas educere volentes, quæ primo proficua, dein molesta, tandem noxia animadvertimus: xx. Decembr. sub vesperam gravissimo fuit obruta asthmate, ac si jamjam suffocatura esset: Revellentibus & thoracis incidentibus è mortis erepta periculo, abdomen monstravit tumidius, tensius, gravius: Procedente sputo copioso, ac suborta diarrhoea mitius habuit: Bechica, quibus gummi Ammon. additum continuantur cum fructu: Regio lienis & abdomen valde tument ac dolent: Subinde à sumpta vesperi conserva rosarum cum theriaca, versus diluculum sudavit. Ag. Ammoniaco alvus fluidior evasit. Interposuit usum diureticorum, confortantibus mixtorum: Immensi abdominis dolores leniuntur ab inunctione oleis anodynis: Mense Januar. copiosa licet excernatur urina, abdomen tamen durum, magis tensum & plenum tangitur, cum dolore in hypochondriis & circa umbilicum: Tuber silent, ardor stomachi molestus, chalybeata communi consilio, cum corrigentibus ac confortantibus in usum ducta, ad vasa & glandulas obstructas induratas referandas, emolliendas, quo serum resorbere queant. 5. Janvar. pleuritis notha superveniens curam ad se traxit. Dolor demum circa hepatis regionem fixior, fomento ex pomis fracidis, succo senecionis, & clysteribus evacuato colo intestino disparuit: Abdomen intenditur, purgantibus identidem parva dozi repetitis, relaxatur; non admodum immittitur: Urina pauca, crassa, lixiviosa; repetita diuretica: conqueritur inprimis de dolore ardente sub diaphragmate, ex sero acri, ut rebatur, rodente intestinum colon, eo loci situm: qui dolor videbatur minitari tandem funestam hæmorrhagiam, sicuti sex ante menses accidisse memini Celsiss. Principisse de Areschott, Abrogatis, vel frigide saltem continuatis hydragogis, omnia in deterius ruere visa sunt, vitiosa magis urina ac pauciore, amisso viuido faciei colore: Suasu tandem quorundam (nobis de valetudine desperantibus) aliorum consilia & remedia experiri voluit: quibus per alvum licet & vesicam multum fuerit inanita, auctum nihilominus abdomen & pedes, haud ita pridem naturales, summe intumescere. Abjecto appetitu, aucta siti, aridis faucibus, adustis, lurido labiorum colore, fractis viribus, ad extremam reducta maciem 12. Martis obiit.

In cadaveris nocturna ac privata evisceratione, sequentia comparuere *de Quimper* oculis observata fidelibus, Paracenteseos in modum pertusis abdominis involucris, protinus mensuras plus minus viginti aquæ flavescens ac lixiviosæ eduxi; qua evacuata aperui abdomen, crucis in formam discissis communibus integumentis, & festinanti manu ac intentis oculis inquirens in tuber toties à me atque prænominatis Clariss. Viris observatum, inveni tuber magnum, obviam quasi mihi profiliens, instar renis fere efformatum, pendens lance libraturum libras decem civiles, ortum sumens ex dextro uteri testiculo, carnosum extrinsecus, intus pure cruento refertum, non admodum foetido, forinsecus cute crassa obductum, venis respersa copiosissimis, cui suberat caro solidiuscula: Tuber hoc abdomen versus fuit durius, at versus intestina mollius, duobus tribusve locis exesum, unde pus, ac parva quantitate effudit in cavum abdominis, Tuber fuit liberum, nulli parti annexum, excepto testiculo dextro (qui totus fuit extensus, cavus, pure repletus, adeo vix ut agnosci amplius posuerit) Tuba Fallopii, & vespercionum ala ejusdem lateris dextri, quæ omnia tuber ingressa sunt, non recto sed intorto ductu, ac si tuber in magno vel violento corporis motu, circa principium hoc studio fuisset in gyrum actum, superstitie etiamnum illa involu-tione: Tuber istud magnitudine caput humanum superavit: viventi nullos exciravit dolores, excepto

excepto pondere quo fuit molestum, imo ne à purgantibus irritatum: Durante morbo increvis potius quam decrevit, etiamsi chalybeatis diminueret decreverimus sæpe. Quando incēperit, & quamdiu creverit Tuber, nec ipsa ægra effari scivit: Nullas unquam de eo movit querelas, vel coram aliis, vel me, per 20. annos ejus Medico ordinatio. Tuber aliud & secundum deprehendo in medio mesenterii, remoto omento & intestino primo, pugni majoris magnitudine, albissimum; (reputavi magnam esse glandulam Mesenterii) tenui pellicula vestitum: leviter sauciatum materiam profudit albo flavescētem, mediocris consistentię, ac si chylus esset, quam tamen pus, subcruentū quadantenus, ac sine fœtore, accuratius perpendens animadverti. Juxta spinam dorsi duo alia notavi tubera in Mesenterio, alterum pugni, alterū ovi magnitudine, ut & alia adhuc tria minora, unumquodq; juglandis magnitudine, unū quinetiam ad latus dextrum vesicę urinariz, pugnum minorem adæquans. Imprimis vero versus dextrū renem, inter utrumq; videlicet renem, immediate fere supra spinam, eò ipso loci ubi glandula, quę chyli receptaculi vicem sustinet, alias reperitur, alium offendi abscessum, seu Tuber, ad duorum simul junctorum pugnorum magnitudinem accedens; supra musculos psoas, copioso pure fœtido infarctum, ex quo ductus tendebat ad ramum iliacum dextrum, ex membranis vicinis coagmentatus, pure itidem plenus: atque ita novem nominavi Tubera. Ventriculus fuit admodum tumidus, flatibus turgidus, sat carnosus: Intestina solito crassiora, in proprias tunicas, imprimis crustam lacteam, copiose transumpto sero, coarctata angustiora in morem, parva, quibus appensi propendebant globuli oblongi, ex parte rugosi instar papillarum, ex pinguedine indurata, in quam vasa lymphatica terminantur, ex quibus, qui veluti rimis dehiscebant, mihi verosimile aquam exstillasse in cavam abdominis spatium. Venę & arterię ad intestina excurrentes admodum fuere conspicuę velut inflammata: Rami venę Portę cœliaci & mesenterici solito dilatati magis videbantur ob impeditum circularem sanguinis motum: In reliquis mesenterii glandulis nihil p. n. occurrit: Hęcce viscera exigua vel nulla fuere incrustata pinguedine: Hepas fuit quidem flavius naturali, at molle non durum, non exangue, nec vasa ejus apparuerunt oppilata, à diaphragmate sat liberum: Circa Hepatis regionem, ubi vivens conquesta semper fuit de acri, pungenti, urente dolore, nil præter levem exesione phlegmonoden vidi, musculos abdominis hujus loci invadentem, prægressę forsan inflammationis indicem: Vesicula fellis magna, exterius albicans, intus parum continuit bilis: egregie enim ultimis ante obitum septimanis purgantibus, ac urinas vi pellentibus fuit exagitata, Lien naturalis colore, consistentia & magnitudine: Pancreas durissimum, ac si ex granis siccis esset conflatum, flavidius, ejus ductus plane vacuus. Renes satis quidem magni, at flaccidiores, molles, debiles, ea propter paucillum, ni valido ac vehementi irritati medicamento, traxerunt feri, meatus ipsorum & ureteres sat patuli: Vesica sat naturalis, excepto tuberculo glanduloso, quod lateri, ut dictum, affixum habuit: Uterus in dextro testiculo produxit, ut innui, Tuber magnum: Sinister vero Testiculus naturalis, excepto quod ipsi accreverit vesicula aqua plena, avellanę majoris magnitudine: Corpus uteri non fuit solito majus, licet duodecies pepererit, at ejus cavitatem majorem quàm in aliis observavi: Omentum majori ex parte fuit corruptum & consumptum, ex parte inflammatum, sese firmiter agglutinans peritonęo & musculis, versus hepatis regionem peritonęum & abdominis musculi, interiora versus, fuere ex parte quoque inflammati, exesi, venulis sat conspicuis, ab acrimonia feri in abdomine bullientis, unde dirus ille dolor circa hepatis peripheriam, cujus quotidianę querelę: In utroque pectoris latere magna vis aquę, inprimis sinistro, tres forsitan mensuras, seu lb. ix. excessit: Pulmones fuere cineritii coloris, plurimis conspersi maculis, nigris, parvis, spumoso repleti sanguine: inferiores lobes ex inflammatione fusci rubebant: Cor ipsum nativam molem excedebat, ac flaccidum: Vena cava & dexter cordis thalamus foverunt corpus pituitosum, subluteum, spiritib. longius, ipsis arctè adhærens, sanguinis motum vel impediens vel retardans: venę etenim sanguine pleniores, arterię vero eo magis vacuę apparuerunt: Pericardii aqua consuetam quantitatem vix excessit, Et caput aperuissem ni adstantes prohibuissent. *Christophorus Harderus in Miscell. Curiosis anni 1672. observat. clxxx.*

## S C H O L I A.

**E**X recensita, & aliis quę tum penes Viros Clariss. tum penes me supersunt, per hydropicorum eviscerationes, collectis Observationibus, cuique concludere integrum fortean erit, Hydropen generari subinde posse sine labe, saltem effari digna, vel primaria Hepatis & Lienis. Imprimis dempto hisce

visceribus sanguificandi munere, quod Cordi omnino deferendum. Imo raro, forsitan nunquam, eam adesse Hepatis siccitatem, quę, secundum *Fernelium*, ejus substantia fissuris dehiscat, ut quasi ex olla fissa lymphæ in cavum abdominis stiller: Hydatides vero hepatis aliarumque partium anatome sæpius detexit, tum in



tum in bestis, quas à causis seu internis seu externis disruptas serum in ventrem effundere posse, nemo opinor in dubium vocabit. Nec inertia & debilitas renum, ab Helmontio asserta, quorum indignabundus Archeus, serum vel non allicit, vel retineat, vel sursum repellat, perpetua hydropis causa censeri potest, ut complures nos docuerunt & docebunt cadaverum dissectiones: Quod in presenti factum ægra, in plurimis, nisi omnibus, accidisse notatum, hydropem scilicet in pectore primo sese prodidisse, hicque initium sumpsisse: An prænominati tumores exordia habuerint jampridem, & an ægra diu illos, ante acidularum usum in sinu foverit, haud facile definiendum, (cum olim nullas de iisdem moverit querelas, nec eos ipsa unquam animadvertit) veritati tamen magis consonum, cum plura & majora comparuerint Tuberæ, ea pullulare cœpisse longe ante ultimum acidularum potum, forsitan in & à primo ante triennium aquarum mineralium haustu: ino crediderim plusculos ante annos prima illorum jacta fuisse fundamenta. Binæ etenim mesenterii glandes apud Clar. *Kerkringium* Observ. 18. per decennium crevere, quæ tamen nostris fuere minores: Nec non ex ejusdem Observatione 56. corpus glandulosum à femina ætate rejectum, tres palmas longitudine, latitudine binos adæquans digitos, quod septem pendebat uncias, per integrum quinquennium increvit: Maximum illud Tuber testiculo uterino appensum, an fuerit ipse testiculus in molem hanc excructus, vel an ex ovario fuerit deductum, vel radices saltem in testiculo habuerit, quoniam pure, lymphæ crassiore instar gelatinæ, & carne corrosa, hinc inde diductis membranæ, nodulis & ligamentis, omnes viæ & meatus adeo fuere oblitteratæ, vix suppetit ut certi quippiam asserere ausim: Potior pars reliquorum

Tumorum in Mesenterio detectorum; ut & supra Psoas masculos, potius glandulas tumefactas, quam tumores anomalos sui generis (omnes licet in morbo per anomaliam generari in confesso sit) indigitare visa fuit, Tuber ad latus vesicæ si exceperim: Tumores isti animaginationis vi, uti Francisco illi apud *Kerkringium* Obs. 3. fuerint producti, vero minime simile videtur: Causas phylicas invenire hic, & in lymphæ, chylo, forsitan & in semine retento ac corrupto, monstrare atque assignare in promptu cum sit. Acidulas in dispositis hydropem accelerare posse credi par est, lympham augendo, acriorem violententer movendo, vasa lymphatica replendo, dilatando, rumpendo, exedendo, viscera enervando, subinde, impulsæ acriore sanie, corrumpendo & aliis, si qui sunt modis. Papillas ab intestinis dependentes, glandulas sibi parvas habere immixtas, quæ indurata, exsiccata, hinc, serum non resorbent, nec in & per proprios canales reducant, verum in ventris cavum exturbant, & hydropis non minimam esse causam, ex hac & aliis observationibus innuit, ac potro immo testetur. Historia hæc Practicos admonet, ne violententer hujusmodi morbos adoriantur, alias necem maturaturos: quoniam à violentis remediis, præcipue ætate & ætate moventibus, lymphæ totius corporis (quæ æque ac sanguis, unumquodque suis in vas circumgyratur) impense agitur, agitata vasa dilatat, distumpit, hincque in spacia inania, tum pectoris tum abdominis abundantius impellitur: commota aqua acrior, utpote à natura minus subacta, & asperior redditur, viscera insigniter labefacta, incendit, calorem nativum pessundat, ut exasperata febris, aucta siti, deperdito appetitu, inductis vigiliis exolutis viribus, tragicus brevi subsequatur eventus. *Idem ibidem.*

§. 3. Anno 1651. 6. Aprilis videre mihi contigit Ovem, cujus glandulæ in abdomine, circa crurales venas sitæ, pugni fere excedebant magnitudinem, exterius molles & aqua tumidæ, intus præduræ, quarum vasa serosa, ad divisionem venæ cavæ & arteriæ aortæ in ramos crurales, à tumore duro compressa erant, atque inter glandulas ac tumorem illum calami scriptorii crassitiem æmulabantur: supra autem, versus vesiculam chyli, ne vestigia aliqua reliquerunt, In abdomine sex libras succi aquosi reperi, in quo intestina quasi fluctuabant. Post modum cultello ductus serosos abscindebam, quo facto, humor illis atque glandulis contentus confestim evanuit: glandulas deinde comprimebam, donec evacuato omni sero, fabæ magnitudinem non æquarent: *Olaus Rudbeck de vasis Glandularum Serosæ cap. 9.*

#### SCHOLIA.

**I**Nde conjiciebam aquam abdominis cavitatem occupantem restagnasse propter horum vasorum obstructionem, quæ non sinebat illam à glandulis excipi, atque illorum beneficio in vesiculam traduci: Sic opinor omnes glandulas, quæ hinc vasis prædictæ sunt, hydropem aquosum causare posse, quod affirmare videtur *Rondeletius* cap. 35. Pract. *Id* annotatione dignum est, quod ex frequenti corporum dissectione observavi, omnes hydropicos glandulas mesenterii induratas habere, & pancreas similiter. Cum scilicet vasa, glandulas illas perreptantia, humore aliquo viscido, crasso vel mucilaginoso obstructa sunt: dum enim occluduntur, humor serosus qui à glandulis, vel aliunde, horum vasorum gratia in vesiculam chyli ferri consuevit, retrorsum ire cogitur, ac reverberatus glandulas, vel partes, unde veniebat, intumescere facit: Illæ de die in diem in altitudinem elewantur, quousque gravitatem hanc ferre possunt, tandem ruptæ, serosum humorem in abdomen sive pectus effundunt, quod mihi in Ove prædicta videre

contigit. *Idem ibidem.*

*Ductus serosi, &c.* Anno 1652. mihi in ove, cum venarum & arteriarum spermaticarum anastomoses pervestigarem, per plurima vasa limpidissima, nodosa seroque extumescencia occurrebant, quæ glandularum aliquot ad venas crurales sedem obtinentium superficiem tegebant, atque vesiculam chylosam aggredebantur. Anno item 1653. Insertionem ductus chyli ferri in axillarem venam ostendens, fortuito præ oculis parvæ glandulæ, situm sub sternone ad clavículas, inter mammarias venas occupantes, veniebat, quæ duos ramulos sero tumentes lacteis thoracis tradebant. Hos canales Vasa glandularum serosa nominandos existimavi, 1. Vasa, ob conformationem, figuram & usum. 2. Glandularum, quod plerique illorum inde suam trahant originem. 3. Serosa, ob succum quo abundant. *Idem. Vide Tractatum de hisce vasis laudari O. Rudbeck.*

*Ovem, &c.* Huc pertinet Lues Ovium serosa, de qua *Fr. Glisson Anat. Hepatis cap. 7.* Est Tumor, inquis,



*inquit*, peculiaris, qui ovium Lue serota affectarum jecinoribus crebro contingit, videturque ad Heparis parenchyma spectare: In medio hoc tumore cavitas

quædam aqua plena reperitur, in qua vermiculi lati hospitatur, figura quidem rhombi pilcis, sed minores multo, scilicet vix pollicaris longitudinis.

§. 4. Cuidam mulieri quinquagenariæ obortus in Ventre Tumor hydropis opinionem faciebat: ante morbo gravi afflictâ fuerat, victa ars malo grave symptoma non arcuit. Has tumoris aqualiculi molestias menses aliquot tulit, donec in hydropem confirmarentur: fœditas coloris, carnis ac molis collapsus, marcor & eminens abdominis tumor asciten significabant: afflictâ annos aliquot morbo ac symptomate victa, excessit.

Apertum cadaver, aqua intercus copiose erupit, lien ac jecur vitium fecerat: intestina velut tabo infecta conspiciuntur: nec alia occultior diuturnæ calamitatis & mortis occasio quæsitâ est, donec in latrocinantis, & penitus scrutantis Chirurgi, conspectum se Mesenterium dedit: occurrit aliquid insolens, cujus novitas non tam admirationem peperit, quam admiratio expectationem superavit, omnibus stupor fuit, Inventum est Mesenterium ab intestinis separatum & absolutum: pondere, qualitate, abscessuum insolentium, tanquam latentium scaturiginum ubertate, supra quam credi potest; fuit prodigiosum; dena pondo pependit, densum, corpulentum, succulentum plus justo, longius, latius & altius quam natura ferret: Sed abscessuum perennitas majori admirationi fuit, nam & melicerides & steatomata pullularant: Tumores ex iis quidam adeo increverant & satiati fuerant, ut exigua punctione ingens humoris mellei copia æstu quodam exundaret: Multiplices tumores & lacunas humoris varietate, aut prudens aut inconsulta natura quasi cellulis distinxerat: alias coacta ac conglobata materies atheroma potius exprimebat: alias ob solutum, sed aliquantulum viscosum, quem continebat humorem, in meliceridum familiam tumor erat potius natus coaptari. Choerades non apparebat, sed hic humor in naturam strumosam forte degeneraturus erat, sic omnia monstrosa. Digladiabantur etiam anatomes gnari, & antipites erant an esset Mesenterium id quod apparebat, an aliquid aliud. Stupore quodam, nutu, renutu, hæsitatione potius rem definiebant ac dijudicabant (aut se fingeant dijudicare) quam gravi aliqua ratione. Ex mutuo ore alii mutuo pudibundi ac dubitabundi pendebant. Ita hercle hæc pars tanquam deformata, & in aliam naturam *μεταπλασμένη* naturam propriam ac formam exuerat. *Ballonius paradigm. iv.*

§. 5. Inter affectus mulierum non raro occurrunt Tumores ventris, qui primis mensibus imprægnationem mentiuntur, & vel molæ, vel flatibus, vel colluviei sanguineæ aut aquosæ in utero contentæ adscribi solent. Materiam autem ventrem distendentem, interdum etiam extra uterum, peculiaribus membranis inclusam contineri, sequens facit palam historia. Uxor juvenula, altero post nuptias anno, cœpit variis torqueri doloribus in imo ventre & hypochondriis, qui interdum omnino delituerunt, interdum ad leipothymias usque sævierunt, facies pallore suffundebatur, venter in tumorem surgebat, sed inæqualem, qui quidem ab ineunte ætate paulo turgidior fuerat, menses tamen justo fluebant tempore: Consilio usâ est primum Empiricorum, quorum unus rem totam venæsecio adscripsit: cum autem dolores urgeret, nec ineptiis illorum juvaretur, etiam me in consilium adhibuit, Præter universalia, tum temporis oleum quoddam carminativum ei adhibuimus, ex cuius usu dolores circa matricem adeo intensos, parturientium instar, sensit, ut obstetrix vel molam, vel simile quid in utero proditurum expectaret, sed præter aquea quædam effluvia nil apparuit, & dolores paulatim omnino remiserunt: quoniam autem interpositis aliquot diebus & Tumor ventris & dolores iterum aucti sunt, vocatus etiam fuit D. *Vlianus*, qui purgantibus denuo rem aggressus est, dein cataplasmate & infussionibus dolores lenire studuit, nec sine fructu, nam non solum Tumor insigniter inde fuit diminutus, sed & dolores ita sublati videbatur, ut in ædibus munia domestica rursus perficere inciperet, infelici tamen omine, cum enim sub dio frigidioris lanio suam mactanti adstaret, subito Epileptica concidit, & ea ipsa die obiit.

Cadaver altera die apertum fuit, in quo Ventriculus, Hepar, Lien & Intestina naturaliter se habentia: Matrix etiam integra, sana & loco naturali reperta. Loco vero glandulæ Mesenterii, Vesicæ venulis ejusdem implicitæ & textæ, uti & toti Mesenterio hinc inde adnatæ, ultra xx. vesicæ, diversæ magnitudinis, aqua limpidissima turgentes apparuerunt: quarum una omnium maxima (capitis infantis alicujus mole) mox in dissectione conspiciendam se præbuit, & totam matricem conspexit, ut Chirurgus hydropem matricis adesse primo intuitu pronuntiavit. Re vero penitus perspecta, Uterus subitus latuit. Ab hac maxima, sex adhuc paulo minores pugnum æquabant, reliquæ ova gallinacea & columbina, quæ omnes inter se connexæ, ova gallinacea, partim ad maturitatem perducta, partim adhuc varia magnitudine succrescentia egregie repræsentabant. Ex quibus apparet nos frustra purgantibus laborasse, cum materia peccans suis membranis vel vesiculis, nullibi perviis, inclusa,

medicamentorum vim facile eluserit. Quin ob diuturnam moram, malignitatem forte concipiens, venenatos ad cerebrum vapores emisit, unde Epilepsia & mors consequi potuerunt. *Gr. Horstius lib. v. observ. xxxiiij.*

§. 6. Filio Calandrini excrevit abdomen, intra biennium, in eam molem ut crederetur firmiter laborare aqua intercutem: sed sectio cadaveris deinceps adhibita invenit tamē illic nihil liquoris, verum ingens solummodo steatomata, quod ex mesenterii glandulis excrecens devenerat in eam magnitudinem, ut bilanci impositum ponderaret ultra libras xviii. Jocinore interim, liene ac ventriculo integris ac illæsis: sed Pancreas erat pingue ac ponderosum, & alterutrum latus rene suo destitutum; cuius vicem cum gereret Mesenterium, effusum fuit illuc tantum liquoris, ut glandulæ ipsius à redundante illo sero plus æquo intumescerent, repleverint tandem ventrem universum, sed sine ullis collectæ aquæ notis. *Talp. lib. ij. cap. xxxij.*

## S C H O L I A.

**A**quam intercutem imprimis quidem Jocinori acceptum ferunt Medici, sed deinceps non minus & illis partibus à quibus tantopere læditur nobilis hæc sanguinis officina, ut loco alimentalis succi nihil proferat præter iners ac inutile serum: quam sane labem potissimum illi aspergunt Pulmo, Splen, Mesenterium, Vulva, Testes muliebres, aliæque viscera,

præsertim ulceribus affecta: Equidem ut alia silentio nunc involvam, memini à solo Mesenterii ulceretè jam quinquies hunc morbum mihi visum. Sed sit interdum quoque ab ejusdem partis steatomate, sine ulcere, ex sola luxuriantium glandularum protuberantia, plerumque cum aqua, sed interdum quoque, licet rarissime sine illa. *Idem ibidem.*

§. 7. Similem propemodum rerum faciem exhibuit utique aliquando nobis abdomen cujusdam virginis distentum gemino tumore: quem rudes ac inscitæ obstetrices cum attribuerunt vulvæ, accusarunt infentem impuditiæ, confisæ gemellos ab ipsa gestari: sed calumniam hanc dissipavit anatome post instituta, ut pote quæ nec fortum nec gemellos in utero, sed in mesenterio duo duntaxat invenerit steatomata: quorum alterum erat imputre, alterum vero ita pure vitiatum, ut effuderit non tantum plurimum saniei & aquæ in abdominis vacuum, sed exeserit præterea usque eo uteri fundum ut non fuisset recipiendo fœtui. *Idem ibidem cap. xxxiiij.*

§. 8. 9. Mesenterii aquosas pustulas elegantissime licet descripserit *Arctavi* lib. 2. de sign. diut. morb. cap. 1. fateatur tamen ingenue *se ignorare genuinam* earundem vel originem vel causam: Filia N. dissecta post obitum, ob aquam intercutem, ostendit in Mesenterio suo insignem tumorem ponderantem libras x x. rectum quidem extrinsecus membraneo involucro, sed intus refertum pluribus vesiculis limpida aqua distentis. Increvit autem hæc moles tam lente ut moverit suspicionem prægnationis: sed elapso partus tempore, conflavit deinceps integrum triennium cum miserrima hydropis specie, adeo ut vix unquam spiritum libere traxerit, sive ob copiam aquæ, sive ob Jecur diaphragmati non solum onerosum sed & firmiter accretum. Plurima quidem sum molitus, verum ut Gubernator non semper superat quancunque tempestatis vim, ita neque Medicus morbum immedicabilem: Quem in numerum sane aliquis non inmerito retulerit hanc Aquam intercutem, ruptis quippe nonnullis hydatidibus, manent tamen plurimæ illæ: quibus utique à scalpello ventrem perforante pertusis, latitant nihilominus & aliæ, fœturæ continenter perennem inextricabilis hydropis causam. *Idem lib. 2. cap. 34.*

## S C H O L I A.

**S***E ignorare genuinam, &c.* Quam eleganter tradit *Clar. Warthon* Adenograph. cap. xi. Si contingat, inquit, Lymphæ ductus in mesenterio obstrui, quia valde fragiles sunt, facile rumpuntur, & aquas, tuas in abdominis cavitatem exspunt, unde hydrops Ascites certissime consequitur. Sin vero vasorum horum membranulæ tenaciores fuerint, ita ut distensionem notabilem absque laceratione ferant, in Vesiculas quasdam aqua turgidulas attolluntur, quas Hydatides vocant, & peculiarem Ascitidis spe-

ciem constituunt; Quælibet autem vesicula inter binas dictorum vasorum valvulas quam proximas formati contingit; quia vero aqua nec prorsum, propter obstructionem; nec retrorsum fluere potest, ob valvularum interceptionem, interstitia intumescunt in figuram orbicularem, utpote capacissimam, quæ figura in hydatidibus vulgo cernitur; quæ haud longe diversæ videntur ab iis quas per meatus urinarios, & anum quoque excerni aliquando observavimus.

§. 10. Cuidam ex plebe pauperculæ, triennio multis doloribus in abdomine vexatæ, hoc anno in molem venter assurrexit, qui distinctas extuberantias seu tumores monstravit: mulieres plures in utero latitare fœtus imaginabantur sibi, maxime cum mater motum infantis in utero sentiret. Partui vicinæ exacerbati sunt in abdomine dolores, qui post enixum infantem debilem, paulo post expirantem, non desiere: medium tamen abdominis in se concidit, inæquali remanente ventre, cum latera turgida, & intumorem sublata extuberarent: A partu lochia nulla, dolor ventris ingens adhuc, tumor minime decrescens, sed ad-

crescens

crefcens indies. Nefcio quæ ipsi medicamenta oblata funt ad molam ejiciendam, at defecit mifera tandem, cedente anima doloribus & extincto calore, privato fuo humido, tota utpote emaciata: Singultibus crebris efflagitavit fui corporis apertionem, ut caufa fuæ acerbicatis in apertum veniret latens.

Mos geritur, fecatur cadaveris abdomen, nec difficile erat, quum mufculorum caro contrabuerit exficcata: Aperta itaque cute cum peritonæo, quod lacerum & erosum ab ichore biliofo apparuit, ferum effluxit bile tinctum, & dux moles globofa in confpectum veniebant, quæ peculiari inveftiebantur tunica, adhærentes mefenterio, à quo mutuatur cingentem membranam, quæ fubdura erat, & hinc inde puftulofis veficis luxuriabat, plenis fero: Difciffis his molibus, ferum effluxit primo multum, quo diftente fuerunt duplices membranae & infarcta, ut in tantas moles affurgerent: deinde glandulae apparebant multo ac copiofo cum adipe, materiae fteatomatis non abfimilis: Cavitates quas in ventre hæ moles non replevere, eas ferum occupavit: Madebant eo omnia quali in ventre contenta inferiori, quæ etiam ita corruptæ, ut fætor diligentiore inbiberet indagationem: Exiguus Uterus, Hepar flaccidum, luridum, ejus Cyftis turgida & infarcta craffiore felle, Lien exiguus. Pulmones ficci & lituris gangrænofis maculati. Sanguis paucus & nonnifi in magnis circa cor valisater prodiit: Cadaver totum exangue videbatur, & caro mufculorum omnium confumpta, contrabuit enim mifera, & cutis offa & nervofas partes tegebat. Glandularum extuberantias facile erat fectione à mefenterio remove, ideoque eas feperatim fecuimus. *Hæcftetterus Cafu vj. Centur. vj.*

## S C H O L I A.

**M**efenterium multorum morborum focum effe alibi oftendi, hæc hiftoria ejus monftruofam forturam expofuit: *C. Bauhinus* glandulas mefenterii fcirrhofas fieri fcribit, illas fequi corporis abfumpcionem. Fuit tumor hujus emortuæ non fcirrhus, verum glandulis fupercrevit quædam pinguedo, aut adeps, qualem in fteatmate obfervavi, quibus ferum copiofum & comixtum erat, quod diftendit membranas inveftientes & in veficas quasdam fustulit, ex quibus & tranfludavit in cavitates: Moles vero una altera major erat; finiftræ partis minor, dextræ ponderis aliquot libratum, magnitudine capitis infantis circiter. Scribit *Cl. Platerus* fe in mefenterio porcorum veficas aqua plenas adnatas vidiffe: *Aræteus* lib. i. c. i. hydropis quandam defcribit fpeciem, ubi ex veficis aqua plenis abdomen intumuerit, Moles, feu extuberantia

noftre ægræ, ex genere tumorum illorum erant, quibus plura intum corpora, accessit tamen quamproxime ad fteatomatis fpeciem: confitebantur ii in mefenterio, cujus duplex membrana fero impleta & infarcta erat, ut in tantam molem diftenderetur, qua fecta, & fero emiffa, glandulae & copiofus adeps confpiciebatur. An vero hæ excrefcentie hydropem accitem caufarint in Ægra nofta, non decido; A malo habitu omnes fpecies hydropis procedere teftis eft *Aræteus*: Et fane paupercula hæc malum habitum, imo hecticum habuit, in quo nulla vifcera carebant labe: Excrefcentiarum harum caufas fateor me ignorare, ut qui viventem non videram unquam: Illas puto tenfivos dolores, ichorem acrem lancinantes, caufaffe. *Idem ibidem.*

§. 11. Mefenterium fere innumeralibus glandulis refertum reperi in Nob. Dominæ cadavere, hinc in hydropis, qua obiit, caufam inquifivi. *Vide tit. de Tumoribus lib. 4.*

§. 12. Quidam poft longos dolores in hydropem ficcum lapfus eft. Glandulae Mefenterii plane aruerant & tabuerant. *Vide tit. de Ventris dolore.*

## S C H O L I A.

**G**landula aruerant, &c.] Intemperies Mefenterio ejulque partibus rariffime primario accidit. In hypochondriacis vero calida atque ficca intemperies, five à ventriculo five ab intestinis facile ad has partes derivatur, nimirum qua in iis ventriculus ac intestina phlogofi ut plurimum afficiuntur; unde fit ut fanguis ab illis per venas verfus hepar recurrens, partim per Mefenterium, partimque per vi-

cinæ fedes tranfiens, eidem Mefenterio fuam intemperiem communicet; Alioquin cum Mefenterium fole lacteo humore, tanquam fibi proprio, alluatur, fieri vix poteft ut morbo ficco & calido primario afficiatur. Siquidem lacteus hic fuccus contrarii plane temperamenti eft, nimirum humidi & frigidi, vel humidi, & moderate faltem calidi. *Warthon Adæ negr. cap. xi.*

§. 13. Studiis Medicis operam dans Monfpelii, accidit ut ancilla quædam fponfa, antequam nuptias contraheret, in morbum incideret, ventérque fenfim in molem hydropicam intumefceret, ideoque gravida ab omnibus judicabatur: pertinaciter illa negabat, virginitatem illibatam acriter defendens: Ideoque à Medicis tanquam hydropica curatur, fed irritis remediis.

Aperto cadaveris ventre inferiore, ftrumæ per totum fe offerunt, quibus Mefenterium adeo infactum erat ut fere ab illis oblitteratum effer, vix confpicuum. *Ex communicatione D. D. Franc. Caillei Medici Genevenfis.*

§. 14. In cachexia & hydropo mortuis, Mefenteria ut plurimum friabilia malèque cohærentia deprehendimus, ita ut leviffimo negotio pars à parte divelli potuerit. *Warthon Adæ negr. cap. xi.*



§. 15. Anno 1666. Mercator Gedanensis à multis annis ingluvici dedicatus, variisque modis in victus ratione peccans, incidit in varios corporis affectus, qui quidem curati, numquam tamen in totum sublatis sunt, quia æger præceptis Medicis parum obediens fuerat, Tandem totius inferioris ventris inæqualem tumorem percipiens, hincque sensim languore corporis universali afflictus, de dolore in regione lumbari gravativo, eoque sinistri hypochondrii obruso, ac vinculo sub ventriculo transversali conquestus est. Vocatus, apprehendi ex signis pertinaces latere in corpore obstructions, quare omnem morvi lapidem ut ipsi pristinam restituerem sanitatem. Cum alvus subinde adstrictior esset, exhibui blande evacuantia, quibus tantum profecimus ut videretur sibi æger aliquoties ab illorum usu fere restitutus, quoniam scybala excernebat grandia summeque dura, adeo ut in excretionem ad pelvim sonum ederent, lapidum instar ab alto delapsorum. Quod cum forte indicasset, jussi ut adstantes excrementa mihi monstrarent, in quibus aliquot frustula caseorum induratum, sicut illa, uri ipsius æger fassus est, ante aliquot septimanas ruri tum degens pro jentaculo, pravo suo more deglutierat, invenimus: Talia quamvis sæpius cum successu educerentur, tamen longitudine morbi contabuit & naturæ satisfecit.

Aperto cadavere, observavi omnes glandulas infimi ventis, tam internas Mesenterii, quam externas abdominis induratas, imprimis illas copiosissime regioni lumbari incumbentes, unde dolorem lumborum deduxi gravativum: Lustratis intestinis, reperi cellulas intestini coli per transversum corporis sub ventriculo siti, scybalis frustisque caseorum ingestorum fere omnes infarctas: hinc excretiones præmemoratas ortum suum deduxisse indicavi: reliqua intestina erant omnino vacua: Remotis iis examinavi Hepar, quod mirum dignum, omnibus sui partibus inveni sanum, etiam si æger dum viveret crapulæ nimium indulgisset: Ultimo perquisivi Lienem, & dum illum circum circa vellem blande liberare, animadverti duritiem haud levem: quare novitate rei percussus, totum lienem excidi, cumque dimidia fere sui parte ossea cartilagine incrustatum vidi, adeo dura, ut acutissimo quamvis cultro vix discindi, sineque læsione parenchymatis separari potuerit: Exinde haud difficulter dolor sinistri hypochondrii obtusus patere potuit. *Christianus Rudnicus in Miscell. curiosis anni 1673. observat. 159.*

§. 16. Memini à solo mesenterii ulcere jam quinques hunc morbum mihi visum. *Tulpian. Observat. lib. 5. cap. 32.*

## OBSERVATIO XI.

*Anatome Ascitici cujus viscera omnia naturalia affecta. 1. Asciticus à vitio glandularum Mesenterii, Hepatis abscessibus tentati, Lienis duri, Renum putridorum. 2. A vitio Hepatis indurati, Lienis parvi, albicantis, Renum male constitutorum. 3. Ab Hepate fissio, vesicula obfita, Renibus pertusis. 4. A Iecoris, Ventriculi, Pancreatis scirrhusi vitio, Mesenterii glandulis tumidis. 5. A Iecore pituita referto, Pancreate duro, Rene dextro calculoso. 6. A Mesenterio steatomatis referto, Pancreatis scirrhusi, Hepatis duritie, Pulmonibus scirrhusi. 7. Ab Hepatis abscessibus, Renis sinistri & Vteri. 8. Ab Hepatis duritie, vitiis, Renum, Mesenterii. 9. Ob Lienem calculosum, Renem dextrum lapide occupatum, Vterum cartilagineum. 10. Ventrutumor hydropicus à copia ichorosa & purulenta materia, ob viscerum omnium corruptelam. 11. A vitio Iecoris, Renum, Cystis felleæ, Pulmonum. 12. Ab abscessibus juxta Hepar, Liene apostemate infecto. 13. A scirrhusi Iecoris, Lienis, Renum vitio, Pancreatis, &c. 14.*

§. 1. **N**Ob. Andreas Estken ann. 46. cum usque extra civitatem, utut opulentus, coelebs, admodum parce & frugaliter vivens, ex vitio dietæ primum ventriculi dolorem cum siti, dein hypochondriorum intumescuntiam percepit, quæ tandem Hydrops ascites sequebatur. Hic anno 1660. in autumnum Thorunium venit, morbumque suum mihi exposuit, Cujus signa erant urina tincta & rubicunda, sitis magna; appetitus cibi nullus, constipatio alvina, urinæ retentio frequens, noctes insomnes, tumor totius infimi ventris & hypochondriorum intensus, atrophia artuum superiorum & inferiorum, viriumque maxima debilitas. Institutz fuerunt purgationes per epicrasin, adhibita tam externa quam interna alterantia & corroborantia, sed sine ullo fructu. Tum anno 1661. adjuncto mihi D.D. Meisnero, instituta est paracentesis sub ipso umbilico versus partem sinistram, natura ipsa per vesiculam umbilicalem viam commonstrante, per Antonium Statlender Chirur- gum. Talem paracentesin *Galen. 14. meth. 13. & comm. ad aph. 27. 8.* hydropicis & herniosis adhiberi suadet. *Paulus* autem non omnibus aquæ intercutis generibus, sed ascitæ tantum convenire scripsit, ejusque tres in universum differentias statuit: unam sectione facta directe

directe sub umbilico, tribus digitis interpositis, si ab intestinis origo fuerit: Aliam etiam facta à sinistro umbilici parte, si primario Jecoris affectui malum feratur acceptum, 3<sup>ta</sup> autem à dextra ejusdem parte, si à Liene vitium originem duxerit, scalpello ejusmodi sectio fieri debet, aut aculeo intra peritonæum adacto, deinde in foramen immissa ænea fistula, per eam humor sensim effundendus, pro cuiusque virium ratione, cavendo ubique subitam cumulatamque vacuationem: *Hæc Paulus*: Idem nos quoque hac in parte observavimus, facta incisione, impositoque canaliculo argenteo, eduximus aquam in abdomine stagnantem pederentim, à semilibra incipiendo, tum ad libram devenimus, quotidie bis, aliquando etiam ter, pro re nata, ad multarum usque librarum quantitatem: Aqua educta fuit citrini coloris, odorisque fœtidi, videbaturque patiens aliquantum sibi vegetior: Verum omnia in pristino statu permanebant, indicantia scil. dyscrasiam & corruptionem viscerum imi ventris, quam anatome corporis extincti postea aperuit. Quare vires in dies debiliores, ægrotum ut animæ curam adhiberet admonuerunt, quæ cum peracta, ille ultimis Januarii diebus, placide animam Salvatori suo reddidit: Instituta autem paracentesis altera à Circumcisione Christi Salvatoris die.

A morte cadavere aperto, nullum viscus sanum & integrum repertum est. Peritonæum, Mesenterium, Pancreas, singula consumpta, Intestina livida, Hepatis & Lienis aliquot frustula tantum veluti lacerata dependebant. Renes vix conspicui, uno verbo, & ante mortem pie defunctus vivum cadaver erat, apud quem post mortem adstantes præ fœtore maximo non diu subsistere potuerunt. *Simon Schultzius in miscell. curiosis ann. 1674. 1675. & 76. p. 229.*

§. 2. Juvenis Vir Religiosæ familiæ incidit in hydropem Ascitem, à medicastro pluribus clam agitated mediis, ex urbe in qua degebat, cum remotior locus foret, hicque illius familiaris ordo vigeret, huc deportatur, quem ubi accessi, malum incurabile Superioribus detexi, partibus internis jam sideratis: Præsto nihilominus adfuit qui vultu supercilioso & fastu, velut fere fit, plusquam ampullosus ausus fuerit curam per brevem polliceri, & promissis vere intra pauculos dies stetit. Domum forte ingredior, febri tertiana laborantem invisurus, ad hunc hydropicum à sanitatis præfecto deducor, cui de necessariis moribundo nulla data mora providendum urgeo.

Ipse ut fatis mox cessit, accitum ego operationi peritum lithotomum ad paracentesim celebrandam, ut aquis daretur exitus, applico: Inde ulterius progredior, ut prognosticiveritas innotesceret, pateretque ignari medicastris iudicium: Omentum telæ ad instar tenuis se offerebat: Intestina livida primo tactui consumpta diffuebant. Glandulæ Mesenterii omnes purulentæ. In parenchymate Hepatis 18. apostemata viscebantur sua cysti inclusas, Pulmonum bronchia membrana livida spissa referebat, Renes putridi, Lien induratus scatebat, crassa gypsi ad instar materia, nec ultra castaneæ magnitudinem restabat intacta: Unicum Cordis parenchyma sanum erat: Ex quibus patet impostoris temeritas, & in iudicando ignorantia, in una ad mirer vires in juvene, partibus adeo corruptis tamdiu in vivis perstitisse. *Alardus Hermannus Cummenus in Miscell. curiosis anni 1673. observ. 186.*

§. 3. Victor Schœffer febribus tertianis & continuis, atque erysipelatibus sæpe obnoxius, extremo quinquennio difficultate anhelitus, orthopnoea, diarrhœa, ac diuturna stranguria divexatus, tandem Tumore Ventris in tantam molem excrecente correptus est, ut etiam umbilicum rumperet, salva tamen externa cuticula, nullo effluente humore.

Ex aperto cadavere extractæ fuerunt mensuræ nostrates 18. aquæ pallidioris, citrinæ, urinam referentis: Hepar inventum album durum, Renes parvi, pallidi, nulla pinguedine muniti, Vesica angusta, Pulmones ampli, Cor magnum, Lien parvus & albus. Mirum fuit tantum in brevis staturæ homine aquæ latere posse copiam. *Ex Traselmanni Medici observ.*

§. 4. Generosa quædam Comitissa, cui crura inflata summopere, seroque repleta erant, post mortem sectione aperta, præter calculos in folliculo fellis innumeros deprehensos, aliæque vitia, Renes habebat nigricantes, & quibusdam locis adeo pertusos & foraminibus patentes, ut citra substantiæ ipsorum divisionem digiti in cavum intendi possent. *Hepar præterea hinc inde fissum, vesiculæ multæ sero citrino plenæ & turgentes illi adnatæ erant: Lien quoque vitiatus erat. Platerus observ. lib. 3. p. 648.*

## S C H O L I A.

**H**epar hinc inde fissum] Rimas Jecori accidere quanquam neget *Tulpius* lib. 2. cap. xxxvi. Observationum, atque *Fernelii* figmentum esse credat, eas tamen frequenter evenire asserit *Platerus* præceos lib. 3. cap. de Extruberantia, quod per sectio-

nem deprehendit: Causam agnoscit tantam parenchymatis, Hepatis & Lienis, siccitatem & ariditatem, ut non solum decrescar & imminuatur, sed & tandem rimis dehiscens findatur, ob intemperiem potius calidam quam frigidam. *Vide l.c. p. m. 213.*

Y Y y 3

§. 5. Juvenis,

§. 5. Juvenis ann. 18. rem morariam exercens, in arce Schumburgensi jamdiu sitis prægrandi, imbecillitateque ventriculi laborans Aseite corripiebatur, Alvi fluxu superveniente ad plures abiit.

In cadavere à me exenterato mense Febr. 1675. Magnam aquæ limpidæ, nec non croceo colore tinctæ quantitatem reperi: Sic & intestinum Rectum corrosum, Glandulas mesenterii valde turgidas & lapideam naturam induentes, Jecur flavo tinctum colore, Bilem in folliculo suo nigerrimam spissamque, amuræ similem, Ventriculum quoque pituita tenacissima repletum, Pancreasque induratum offendi: Reliqua perscrutari nec factor nec tempus permittebat. *Ioh. Dolans in Miscell. curiosis anno 1674. 75. & 76. p. 94.*

§. 6. J. Arminius post varios affectus incidit in anorexiam, vomitum cum Jecore indurato, abdomine intento, cruribus tumidis. Jecur erat magnum, pituita plurima refertum, In Pancreate omnia dura. In Rene dextro plures calculi. *Vide lib. 2. tit. de Cordis Palpit.*

§. 7. Uxor N. morbo admodum intricato correpta est succedente Hydrope. Abdomen ferosi humoris plenum erat. Mesenterium steatomatis refertum; In ipso Pancreate ingens scirrhus, Hepar durum, pallidum. In Pulmonibus scirrhi, lapides. *Vide lib. 2. tit. de Phthisi.*

§. 8. Matronæ venter de die in diem accrescebat: Aperto defunctæ abdomine, plurimum aquæ carnis loturæ similis effluxit. Uterus mire extensus erat, &c. Ren sinister plane putrefactus. Hepar undique abscessibus putridis scatebat, hinc aqua quæ in cavo ventris continebatur. In Utero aqua purulenta, cum mola. *Vide tit. de Gravidatione falsa.*

§. 9. Ill. Domina N. Hæctica laborabat & simul Hydrope gravissimo. Abdomen plenum erat aqua, Hepar magnum durum & densum, Lien parvus, contractus, sicut & Renes, omnia informia, Venæ Mesentericæ obstructæ omnes. *Vide tit. de Febris lib. 4.*

§. 10. Anno 1662. Vidua annorum 44. gravi dolore dorsi, & ingenti siti vexata, urinæ suppressione præcedente fit Hydropica: Natura spretis omnibus medicamentis debitum suum persolvens, viduam hanc cultro decernit Anatomico.

Adstante Dom. Heckero, Medico civitatis Mariæburgensis, facta per Chirurgum sectione ingens copia aquæ effunditur, & Lien quasi convolutus, calculis plenus conspicitur: Per ventum est ad Renes, in quorum dextro, & quidem circa infundibulum, invenimus quadrangularem lapidem, qui totam cavitatem pelvis implebat; Processimus ad Uterum, qui cum magna admiratione primo totus lapidosus à nobis putabatur, quantitate quidem parvus, sed nimis durus. Tandem vi dissectus, totus Uterus cum orificio interiori erat cartilagineus, relicta cavitate interna ad amplitudinem nucis juglandis, & Ureteres aliquomodo extensi scatebant arena copiosa, alias tamen in naturali constitutione observabantur. *Andreas Cnœpfelius in miscell. curiosis anni iv. observ. 57.*

§. 11. Annam Barbaram Hornvascherin, Hydrope aseite laborantem, anno ætatis 72 denatam anno 1673. secui. Quantitas ichorosa & purulentæ humiditatis triginta quinque mensuras attingebat. Ventriculus, intestina omnia, hepar, lien, renes, uterus, vesica, uridine & situ corrupta, quin & cor pulmonisque flaccidi, deprehendebantur; Aquæ illuviei innatabat utriculus parvus, nigricans, liber ab omni vase, liber ab omni ligamento (*parvi cerasi magnitudine,*) cui terni appendices nullo exitu patentibus; Neque subniger utriculus iste meatum pervium exhibuit. *I. Sculterus in misc. cur. ann. 4. & 5. p. 179.*

§. 12. Cum pronuper aliquot ab obitu horis cadaver Innocentii decimi, Pontificis Romani exenteraretur, ut pro more balsamo & aromatibus condiretur, in Vesicula fellis duo calculi juglandis magnitudine reperi sunt, Viscera ipsa in aqua natabant. Pulmo nigris maculis distinctus. Jecur vitiatum, Renum alter semiustus; Cerebrum multa aqua repletum, *Ioh. Daniel Horstius observat. 7.*

§. 13. Matrona diu graviterque Tumidum ventrem gestaverat, qui nullis remediis cessit. Mortuæ cadaverem apperuit D. P. Moth, reperitque singularem interiorum constitutionem: Levi vulnere in hypochondrio dextro inflicto, copiosissima aqua effluxit velut ex fonte; quæ mediam nostram tonnam facile implevisse: postea ampliato vulnere & per medium discisso abdomine, reliquum evacuatum spongiis inter peritonæum & intestina, quæ curiosius investigaturus, nulla invenit, sed membranam densiorem, protensam ab osse Xiphoide ad inguina usque, universum ventrem inferiorem tegentem, venis copiosis & amplis refertam, ut placentam uterinam referret, vasorum copia æmulam. Ex quibus copiosus ichor ad hydropem exsudarat: unde toto curationis decursu nunquam tentata diuretica, alias proficua, quicquam feri eduxerunt aut morbum levarunt: Hac membrana resecta, demum in conspectum prodierunt intestina, & reliqua desiderata abdominis viscera: sed in dextra parte, ad Hepatis regionem



regionem membranæ adnatus erat abscessus, magnus, pure foetido repletus, unde de dextri lateris dolore ægra sæpius conquesta fuerat, nec in illud latus decumbere potuit: Tres alii abscessus, seu vesiculæ minores, inferiorem membranæ partem occupant prope inguina, sed necdum ad maturitatem perductæ; discissæ enim aquam continebant: Lien quoque apostemate infectus, pressusque puris copiam effundebat. *Bartholinus cent. 4. observ. 25.*

§. 15. Puero septenni, filio Nobil. Dom. Gallatin, Exconsulis Genevensis, casibus frequenter per sanitatem obnoxio, etsi alias vegeto, tumor in dorso enatus est, steatomatis formam referens, cui ad suppurationem tandem perducto successit fistula, per menses aliquot pure stillans: Hac sponte occlusa, altera in parte postica femoris dextri emerfit, anno ætatis x. multo pure scatens, Vocatus fui Februarii mensis 21. anno 1672. à Patre, qui consolidationem fistulæ exoptabat: Quod conquestus esset de dolore hypochondrii dextri aliquot ante mensibus, serotumque aqua turgidum esset, negavi occlusioni fistulæ incumbendum esse, ejus originem in visceribus latere edico, infidam fore sanationem, ad quam gravior affectus subsequiturus esset: Abdomini, ab aquis jam intumescenti, emissarium parandum per scroti apertionem; cui postridie infixus funiculus setaceus; mediocrem seri copiam eduxit: At succedente inflammatione, (cum metu gangrænæ) hinc abscessu, protinus detractus funiculus, convenientibusque admotis medicamentis, & subsidebat tumor; & mundificabatur ulcus atque ad consolidationem properabat; Interea femur, phlegmonoso tumore mire intumuit, ubi suppuratio facta, quæ tribus in locis cuniculis actis sponte se aperuit parte interna; Cum autem in parte externa multum subesse puris indicia essent, via illi per phlebotomum facta, quod album, riteque coctum processit; amuræ autem simile & instar *muræ* sanguinis, duobus ante obitum diebus: fistula porro sicca pene permansit, ad alias scilicet vias traducto pure: Interim incrementa sumebat abdominis tumor, qui ad ile dextrum maxime vergebat, ubi cutis adeo rarefacta, & tenuis reddita, ut ruptionem minaretur: Demum per aliquot dies copiosas & turbidas effundebat urinas, quæ post duas horas limpida, aureæ & naturales evadebant, pus copiosum ad fundum deponentes; unde inferre licuit à superioribus renibus locis pus illud manare: quod deinde alia instituta via per alvum, aliquot dierum spatio exclusum, sed prægressa leiporhymia, pulsuque intermitente & formicante facto, unde extrema ulli imminere credirum; ab ejus autem effusione vires paulatim rediere, cum appetitu, qui incunte morbo nimium, in perniciem, vegetus, cum mali succi cibos & assatim ingereret, unde cæliacus fluxus sæpius per morbi decursum apparuit. Octo ante obitum diebus subsidebat venter, crura quoque minus œdemate tumebant, non remediorum efficacia; cathartica enim etiam vehementia nihil educebant, à translato ad pectus sero; hinc parentibus falsæ & inanis valerudinis affulgebat spes: Duobus ante obitum diebus vultus quoque œdematoso tumore intumuit, ea parte magis turgida apparente in quam provolvebatur corpus: deficientibusque sensim viribus 4. Aprilis è vivis discessit.

Cadavere eadem die à perito Chirurgo Lamont aperto, Omenti & Peritonæi nulla vestigia deprehensa sunt: hinc Jecur se obtulit maximum, decolor, intus & extra durum: Cystis fellea atro turgida erat sanguine: Lien magnus, conglobatus, totus scirrhusus: Pancreas semiputre: Ventriculus & crassa Intestina mire flatibus turgida: Aqua plurima in abdomine: Renes maximi, pallidi, conglobati: In lumbis & psoa musculo ulceris & abscessus vestigia, unde ducebat initium femoris fistula: Multa aqua thoracis capacitatem concludebatur; hinc corruptionis initium pulmonum extremi lobi duxerant: Cor erat integrum.

## OBSERVATIO XII.

*Ventris tumor hydropicus ab aqua insigni copia extra peritonæum subsistente, salvo jecore & liene. 1. 8. A sero Omenti cavitate concluso & ejus glandulis tumidis, iisdem visceribus salvis. 2. Ab aqua in peritoneo collecta, eo per tubas uteri delata. 3. A lutulento humore inter musculos abdominis & peritonæum congesto, ob suppressos menses. 4. Ab aquis inter musculos abdominis & peritonæum contentis. 5. 6. A sero sanguineo, cum parvo Liene. 7. A sero inter duas peritonæi tunicas. 8.*

§. 1. **A** Nno 1660. obiit Margaritha N. civis Noribergensis uxor, annos nata 44. quæ ad nonum usque annum abdomine ultra modum & metam elato, cæ-

YY y y +

ris

ris membris tabe quasi consumptis zgerrime vixit, illo ipso novenario annorum decursu trium liberorum puerpera facta, cum decenti semper evacuatione, abdomen nullo modo detinuit, ipso Parasceves festo ad sectionem vocatus, peripheriam partium inferiorum deprehendi pedum Geometricorum quinarium numerum superantem: fastigium umbilici ad coxæ vertebrae mensurantes, ad vicesimum digitum (Geometra dicit 20. 30<sup>th</sup>) elevatum vidi: Viscera, Hepar nempe ac Lien, integre & naturaliter se habebant: Ventriculus inanis nil quicquam rubiginis seu corruptionis sensit: Extra peritonæum vero ichorosa humiditatis mensuræ 54. subsidebant: Causam hujus mali in efferatum maritum mecum *Georgius Ruboldus* Chirurgus transtulit. *Ioh. Scultetus in Miscell. cur. anni 4. Observ. 148.*

## S C H O L I A.

**C**ausam hujus mali] Definitur hydrops Ascites, Quod sit Tumor p. n. à collectione aquosi, serosi & salii humoris, cum vitio partium sanguinem depurantium, eundemque perfecte elaborantium, puta Cordis, Hepatis, Lienis, Pancreatis, Mesenterii, vel Renuum subinde exortus, atque in cavitatem abdominis, tam per venarum & artieriarum ductus manifestos, ipsaque vasa lymphatica, quam ductus plane cæcos & inaspectabiles, intra peritonæum, omentum, tunicas, intestina, cum seroti & crurum quandoque distensione effusus.

Descriptionem excipit loci affecti consideratio, sed cum de eo ipso satis ambiguae circumferantur sententiae, proponam quædam quæ circa Hepar refrigeratum, ex *Galenicorum* sententia, acriter defenduntur: Nilque ad stipulandum censeo quibus veritatis certissimus index *avicennæ* artidet, & sentiunt, In omni Hydrope lætam esse sanguificationem: fracta tamen hac non statim lædi Hepar ratio suadet: hinc qui contrariantur nobis, nullatenus extricare se possunt, quando lætis hydropicorum cadaveribus hepar sæpe saluum deprehenderunt, dein ceu *Savina Savina* observationibus suis addunt; At qui oculata experientia, firmatoque hinc probe iudicio edocti sunt, Hepati colatorium potius officium, quam absolutam hæmatosin adjudicant, cum sæpe læpius Hepate & Liene salvo, vel uno horum tantum affecto, Hydropis periculum timendum sit: Causa hæc fuit quod, præter *Avicennam* & *Galenum*, Viri non spernendi, in aliam de loco affecto in hydrope, abire sententiam coacti fuerint, aut de eo, saltem cespitando, sentire: Quod si ipsi etiam de sanguificio Hepatis negato certi fuissent, sane accuratiori indicio sedem hydropis definiissent, & forte tali modo in dubium vocassent, Si illud organum, cui vera & exquisita vis sanguificationis accensetur, & læti hydropici originationis præternaturalis debetur, merito pro sede hydrops habendum, sequitur non Hepati solum, sed his in quibus depuratio, & ipsius sanguinis vera absolutaque elaboratio debetur, Sed verum prius, Ergo & posterius: Majoris ratio est non tam *Galen* & *Avic.* quam vulgatissimæ Scholæ Medicæ: Minoris probatio talis erit: Cui deest causa efficiens proxima ac præcipua, deest quoque effectus illius causæ: Atqui Hepati deest causa efficiens proxima ac præcipua perfectionis & absolutissimæ elaborationis sanguinis, Ergo deest etiam illi effectus illius causæ: Et cui deest effectus sanguificationis, quomodo de eo potest negatio, sive privatio & error hujus effectus dici: Jam vero causa efficiens Hydropem proxima & præcipua est sanguificationis vera & perfectæ negatio, live, ut rectius dicam, læsio: Verum cum de hoc patenchymate, quod vere ac perfecte sanguinem elaborat, nullatenus dicitur, siquidem nomine tantum chylus per lacteas hepaticas in portam & cavam jecoris dela-

tus, ab excremento bilioso depuratus ibidem, in sanguinem quidem transit, ineptus tamen adhuc est corpori nostro alendo, siquidem tum demum per surculos quosdam venæ cavæ in cavam abit, & una cum sanguine profluente ad cordis dextrum ventriculum, sive *apula* *in* *Depu* *regi* *in* *San* deducitur: hinc denique in arteriam pulmonis, quæ cum vena ejusdem per anastomoses unita, in illam refrigeratum & contemperatum sanguinem deponit: tandem in sinistram cordis ventriculum mittitur, ibique ultimam perfectionem suam consequitur laudabilem, dehinc in arteriam magnam imprimitur, in cujus orificio, ad ostium ventriculi, tres adstantes valvulæ tricuspidales, omnem sanguinem retrogradientem impediunt: hinc tanquam ex archiclinio, omnis alimenti dispensatio ac erogatio, ad universi corporis nostri partes singulas meat, hinc per arterias nectar illud vitale totum hoc nostrum vivificat: Chyli pars subtilior in intestinis à crassiori & excrementitia separata, ope lactearum à modo dictis intestinis ad pancreas transitum maturat, ubi dum residet, de perditionis nullum est periculum, nisi excrementi, quod ibidem deponi debet, atque per ductum Wirsungianum in duodenum rejici: hinc longius a pancreate ad hepar infumit translationis tempus, nec tanto valorum numero eger, ac obtinuit transitus ille ab intestinis in pancreas modo dictum, in quo viscosum excrementum per modo laudatum ductum abit: aquosum vero recipiunt glandulæ vicinæ, & ad renes immediate, mox vteretres ad vesicam urinariam emittendum deferunt: Humores autem excrementitii, quos pancreas à liene cum sanguine revertentes recipit, per rami splenici surculos, pancreati oblatos, hic deponi, parique facilitare arteriosi sanguinis excrementa, priusquam ramus splenicus ad lienem progrediatur, per surculos arteriæ celiacæ excerni possunt: Imo per hunc totam pene melancholiz sentinam (præterquam quod ab emulgentibus arteriis intercipiatur) accumulata evacuari posse *Higbmorus* credidit: Affectus enim utrisque sunt communes, scirrhii & obstructions hunc & illum affligunt: Imo Liene affecto vix aut nunquam immune evasit Pancreas: Si itaque aliquomodo contingat ut ductus hic obstruatur, ut humores in pancreate affati accumulentur, abscessus, scirrhii vel hydropes inde oriri possunt, reliquis visceribus omnibus salvis & integris: Vides siam quis etiamnum in nostra locus affectus statuendus: Sed perlegendum: Arteriæ splenicæ, quæ multæ sunt, nec solum ad sanguinem ducendum ad ejus nutritionem, sed & ad excrementi evacuationem inserviunt, à celiacæ ortæ, sanguinis partem melancholicam, postquam ultimam in corde concoctionem sustinuit, ad lienem deferunt, ac inde in substantiam ejus infundunt, sicut emulgentes serosam in renes ducunt, quam lien fermentat ac separat, sanguinem vero se-

paratum,



paratum; quantum ad sui nutritionem infervit, apponit, & quod relinquitur sanguinis purioris, & ab excremento melancholico defecati, per substantiam ejus transcolatur, & cum ramo splenico communicatur, à quo in portam & jecur, atque inde per venarum anastomoses in cavam, inde ad cor iterum deducitur, ut calorem & spiritus de novo acquirat, atque purus ab omni excremento, inde in aortam pro partium nutritione omnimoda propellatur: Tenuior pars sanguinis Serum dicitur, cujus excessum præter naturam hic accusamus: idem naturaliter se habens, ut ad renes binos (quorum actio est seri attractio, ejusdemque debita separatio atque excretio) perveniat, cum sanguine per cordis dextrum sinum & sinistram in aorta duci necesse est, inde per emulgentes arterias à renibus virtute specifica attrahitur, ad quos, ubi per arterias illorum minutissimas pervenit, in singulas substantiæ partes diffunditur cum aliqua sanguinis parte, & per illorum parenchyma (ubi odorem urinæ fermentalem concepit) servato sanguine pro ipsorum nutritione, in cavitatem, pelvim dictam, cui inseritur vreter, qui illud statim ad vesicam deferat, amandatur: Sanguis vero qui extra venas effluerit cum sero, si bene se habeant renes, retinetur, sin minus, si parenchyma illorum sit laxum, & debilis eorum facultas, cum sero ejicitur & urinæ fiunt cruentæ: Sanguis vero qui cum sero per arterias in renes introducitur, cum in illorum nutritione totus absumi nequeat, venis quibus per anastomoses junguntur arteriæ, amandatur, atque hinc in venas emulgentes, & exinde in cavam: Excrementum autem, quod à digestionem hac per circulationem debitam, frequentem cohobationem, accuratam reificationem ac absolutam subtilitatem, separatur, est materia alba vel rubra, flava vel nigra, vel cujuscunque coloris in urinis contenta, à practiceis Hypostaseos & Enxorematidis nomine ornatum: Dixi in præcedentibus Renum esse serum attrahere, meque Ductuum Hepaticorum, sive Aquosorum, oblitum esse, quorum originem Hepati accensent, Viri in Anatomia nostro sæculo veratissimi, *Bersholmius, Bilsius, Rudbeckius, Schenckius, Rolsincius, Riolanus, Glissonius* alique, quibus novi hujus Oceani undam limpidissimam favor numinis rimari, atque penitus introspicere concessit: quorum ortus ab hepate vel vesica fellea verisimilis est, ceu cujus porum sequi in propatulo est, sanguinis transstrandi gratia in hepate facti, ut scilicet in eo, ceu venosissimo nostri corporis parenchymate, adveniens sanguis ab onerosiore suo dilutulo quodammodo levetur: Hujus itaque Lymphæ excessum præter naturam Hydropis essentiam constituere quis negabit? Paret hinc, nisi fax, sive amurca illa sanguinis à balsamo illo divino, & nectare vitali legitime separatur, partes abinde suum recipientes nutrimentum, facile una cum propriis actio-

nibus lædi, atque dyscrasiam nonnunquam satis deplorandam iis introduci testatur experientia: Talis est cachexia totius corporis, partiumque spermatizationum omnium indispotio, cum ipsis tum sanguificationi, tum separationi sive percolationi definitis visceribus, ubi ne ventriculus quidem ab omni culpa absolvi potest, cum ipse sapientiale exterum errorem exhibitorum ægeritine ferat: Sæpiissime enim accidit ut partes quasdam cibis in se contineat, particulis corporis non solum non cognatas, sed & inimicas, adeo ut à natura nullo modo domari ac concoqui possint, sed quoque vagentur, & plurimas licet concoctiones subeant, nequaquam tamen mutantur, sed naturam suam perpetuo integram conservant: Quibus substratis, obvium jam erit laudatos veteres haud minus apposite lætam sanguificationem inculcasse, licet *vi in*, ob temporis infelicitatem, ipsos latuerit, attamen *in diu* bene perspectum quod habuerint, comprobant illorum volumina: Omnem itaque Ascitem ab impuro sanguine, excrementis serioribus repleto, vel à quadam qualitate peregrina corpori nostro inimica, aut partium viventium solutione continui prodixisse animadvertimus: Non enim nos movet quod in ejusdem argumenti exemplo *N. Fontanus* lib. 1. Responsi. & Cur. Med. f. m. 94. dicit, Dari hydroperem jecore salvo nunquam vidi: si forsitan alii, idem id dico, nisi loquuri fuerint de hydropse particulari, soli hepati locum affectum tribuendo, siquidem experientia edocti sumus *Tulpium* observasse eundem à sola mesenterii exulceratione, Alium ab ejusdem hydatidibus innumneris: *Benivenium* à solo Renum vitio: *Platerum* à Renum exulceratione: *Benivenium* iterum à vesica percussa excitatum, reliquis visceribus omnibus sanis & salvis advertisse: Sic Lienem vitiosum in hydropse vidit *Vesalius* hepate plane salvo: Hinc *Dodoneus, Car. Piso, Durinus* hydroperem nullum sine consensu Lienis accidere volunt, Ascitem interdum causam agnoscere obstructionem lævium arteriarum *P. Salus Diversus* dudum author fuit: Proinde videmus quocunque tandem modo ab aliis etiam partibus proveniat Hydrops, semper tamen læsam sanguificationis actionem, vel qua incepit, vel qua perfectionem suam in corde, vel depurationem in colatoris visceribus, vel distributionem in arteriis fuerit assequutus, posse referri: Enimvero tota corporis humani æconomia, juncta ratione, atque ipsa experientia attestante, sanguinis pabulo indiget, nulla equidem abjectissima pars in toto microcosmo alio humore nisi sanguine, quatenus ultimam perfectionis manum adhibuerit natura, nutritur: quinimo nec ipsi cordi sui alimentum aliunde mutuari integrum, nisi massa sanguinea perfecte jam elaborata, & spiritibus vitalibus maritata, illud per coronariam, pro sui pabulo recipiat, & in omne ejus parenchyma distribuat. *Idem.*

§. 2. Anno 1628. Julii 28. mortua est Virgo annorum 25. profapia Nobilis, ægra apud nos aliquot mensibus, domi diutius decubuit, abdomen extensum, turgidum, tuberosum & ad admirationem usque protensum, renitens, durumque instar tympani, cujus latera repleta & renitentia, pedes & brachia atrophica tenuia: Cadaver, ut famæ bonæ testimonium daret contra malignas linguas, dissectum: Morbus ac causa mortis inventa est: Abdominis tumor altitudine ulnam superabat, circumferentia ulnas duas semis, cum parte octava: Umbilicus expansus, & plane dilataratus, à morte maxime renitebat, nec sonum dabat, ut die sequenti, quo sectio instituta, subsederat enim ea nocte tumor & serosæ illuviei conclusæ signum dedit, Nos paracentesi sequentes, serum per vinctus primum è corpore eduximus, quod infra umbilicum, instrumento Lancetta dicto, fecimus; Effluxit materia crassa, fortida

coloris



coloris subfusci, qualis est cerevisiæ non nimium nigra, ad mensuras nostrates 35. quam vasculis excepiimus, reliquæ vasculis non exceptæ incerta est mensura : Tumore sic aliquomodo depleto, eutem abdominis flaccidam & crassam incidimus, & cum forte altius ferrum intrusum esset imegimus in abscessum conclusum, ex quo pus foetidum : Abdomine sic aperto, & cavitate exsiccata spongia, puraque aqua elota, membranofum corpus expansum conspiciamus, quo omnia viscera & intestina tegebantur, refertum plurimis glandulis majoribus, circa quas pinguedo muscosa, foetida ac purulenta : Ex quibus majores quatuor ovum anserinum magnitudine superabant, reliquæ quinque minores : In dissecis albida, viscosa, tenax, putrida, & nonnihil putrida materia conclusa erat, quæ in filamenta pilosæ referentia diduci poterant : Quod Omentum fuit, quia sub ventriculi fundo à peritonæo prodiit, omnia intestina ac viscera obregit ac occultavit ; Quo à peritonæo relaxato, hepar superius desit vestire, cujus substantia salva oculis objecta fuit; pars ejus gibba tamen nescio qualis vestigium vulneris per transversum facti & jam sanati ostendit : Linea siquidem transversa, per gibbum hepatis siccata, cavitate ac communi tunica hepatis investita, referebat vulneris speciem, longitudinis digiti minimi : Viscus ipsum decentis magnitudinis & coloris, fuit flaccidum, ut in mortuis. Cystis fellis satis ampla, felle plena : Lien nec colore nec substantia, nec retentis accusandus, magnitudo decens, exsanguis : Flaccidum Pulmonis corpus conspersum luridis maculis : Cordis in dextro sinu sanguis concretus, paucus in sinistro nullus : Sanguinis in toto corpore summa paucitas : Venæ omnes vacuæ, & quod effluxum erat, una spongia absumptum est, in abdomine quidem ichorosus & corruptus, non tamen copiosus fuit, & talis etiam vomitu, paulo ante mortem, ad aliquot menses, rejectus fuit.

## S C H O L I A.

**D**ilensio abdominis, & renitentia vel turgescencia, ab aquæ seu feri copia in sacco ex duobus membranosis corporibus, peritonæo & omento constante inclusa, fuit causa hujus disseci cadaveris : In hoc quidem cavo rarissime aquam colligi vult *Lipsius* Medicus libro proprio de Hydropse : *Hennius* è contra sæpius accidere ex *Hippocr.* aph. 55. l. 7. & *Sennerius* pract. lib. 3. Sæpe enim scribit in Anatomia observatum marsupium, & hanc omenti cavitatem, nunc aquosam nunc atro humore refertam fuisse &c. destillat enim serosa materia ex venis portæ quæ omentum percrepant, & sinistrae parti, seu regioni lienis vicinæ sunt, nempe per diapedesin vel anastomofin, & si copiosa est, replet ac distendit : Cum enim in operibus naturæ illud frequens sit, ut moderata omnibus cum emolumento subserviant, immoderata vero noceant, sic etiam in hoc opere, quo serum transsudando omnia abdominis contenta reficit madore, si natura aberrat, & serum vel effluendo copiosius in abdominis cavum mittit, damnum facit : Videatur *Platerus* Tr. 2. p. m. 262. & *C. Piso* p. 298. Quod in nostra virgine accidisse demonstravit inspectio : At quæ hujus origo, & quare ex venis depositum sit, paucis inquirem.

Ex potulentis & esculentis humidioribus generari in humano corpore serum tota schola Asclepiadea statuit, quum hæc corpora apta sint ut ex eis aquosiores in nostro corpore generentur humores : Quis nescit serum sua primordia in ventriculo sumere & augmentari in sanguificationis organis ? Cui utilitas feri incognita ? Omnia humectat in toto corpore, motus humorum juvat omnes, hoc facit decens ejus præsentia, nocet immoderata : In nostra ægra causa feri abundantia lætetur novi ipsam ab incunabilis multorum morborum fuisse diversorum quasi, & paucos numerallè dies sanitaris : Viscera elaborantia chylum & sanguinem vasa horum distribuentia, an hujus feri causas obstetrices ? Hepar ne suum tonum amisit ? at videbatur integrum : E venis puto depositum quicquid feri genitum fuerit portæ circa omentum, quæ epiploicæ & epigastricæ dicuntur, destillando in cavum illud in quo conclusum erat ; copio-

sus enim serum fuit quam ut distribui in corpus posset, quin glandulæ adnatæ distributionem impedirent : Has vero venas depositisse serum nemo dubitat, qui scit vasa esse omenti : deinde quia talis terota colluvies vomitu rejecta fuit paululum ante mortem ad aliquot libras : Vomitu vero nihil rejicitur, nisi quod in ventriculo est, aut in illum receptum, nihil porro recipitur nisi per vasa dicta : Succrevit venter paulatim, ob quod male audierat, alias pudica virgo : Medicamenta adhibita varia, thermæ calidiores, absque fructu : Causa cachexiæ hujus hydropicæ sunt viscera absque manifesta labe, ut tumore & scirrho quidem libera, à suo tono tamen naturali ac bonitate longius secessa & imbecilla : Rima illa seu vestigium vulnusculi, ut nullius morbi signum, sed ut putat mater, imaginationis opus, quod in hepate vidimus, nihil effecit.

Dolores in sinistro latere, sensibilibus membranis sinistri hypochondrii adscribendi, non Lienis, cujus sensus est obtusus, præcipue ei cavitati quæ in sinistra parte ex connexu ventriculi, omenti, coli & viscerum orta est, exituque caret ; quam cloacam omnium partium vocat *Sennerius* lib. de Scorbuto, in quam deponant suas saburras, quæ in status abeant, ac dolores tensivos, lancinantes & pungentes causant.

Glandulas omenti intumuisse ipsa autopsia docuit, quod pinguedine ac innumeris glandulis refertum ; Fuit vero hæc pinguedo cœnosa & sæculenta, quæ facile putrescit, unde tot putrilagines in hac membrana observavimus : Imbibunt & absorbent hæc glandulæ sæculentum quod à partibus circa omentum secedit, à quibus excreverunt in eam magnitudinem quam vidimus in eadavere, ex quibus purulenta foeda effluxit : hoc esse munus in corpore sano earum docet *Banbinus* Theatri Anar. lib. 1. c. 12. Quomodo vero hi tumores ob fuerint, nihil pronuntiare licet, Quid à cachexia sperandum ? quid à cacoehymico corpore ? omnis morbus ex his resurgit : forte etiam glandularum tumor, & non malus habitus à glandulis tumulentibus fuit.

Omenti operatio in corpore aut nulla est, aut

aut ignobilis, ad commodius vivendum à natura, non ad vitam datum est: Exi obfuerunt glandulæ omenti, forte distributionem impedire, & qualem? vix sanguinis, cum per eas venas non fiat distributio principalis nutrientis totum corpus; sed forte si affirmare vellem chyli, de qua tamen distributione nondum omnibus convenit Medicis.

Coronidis loco quaeritur, cur à Medicis Tym-

panitica dicta fuerit virgo hæc nobilis? forte quia venter erat turgidus, extensus, renitens, durus, utpote magna moles, quæ sonitum dedit pulsa, tympani instat; nec fluctuatio aquæ unquam sentita fuit, nec hydragoga profuere, nec pedes intumescere: At aquæ copia in peculiari cavitare conclusa aliud docuit, ac ascitiden fuisse pronuntiavit. *Hæc: fterius Decade x. casu vij.*

§. 3. Menstrua ad menses aliquot suppressa Hydrops sæpius sequitur: aquam hanc collectam in cadaveribus apertis recto ductu per tubas in peritonæi duplicaturam defluere observavimus. *Paulus Barbette Anat. Pract. parte 4. cap. 2.*

## S C H O L I A.

**A** Buteri cornibus in brutis lymphatica vasa liquorem suum in venas majores hypogastricas

deposuisse vidit *J. Jac. Wepferus Dissert. de Apoplexia p. 383.*

§. 4. Raræ eæque variæ hydropis species ab authoribus recensentur, sed tamen apud ullum haud legi: Mulier ex oppido Muratensi circiter quadragenaria, abdomen turgidum octo annos sine insigni molestia circumtulit, omnem culpam in menstrua suppressa conjiciens: Tandem cum sub onere fatisceret, operam Medicam ipsi impendit *D. Wilhelmi*, uti & ego post ipsum, sed quævis remedia blandissima non solum corpus, verum etiam ipsam animam affligebant: Interea cum nobis aqua inter consilia hæret, suffocatur tanta mole abdominis, quamque defunctam extemplo incidimus.

Vix cute pertusa, amurææ foetidæ copia ad libras xx. medicas profiliit: Hæc intra muscutorum abdominis tunicam & peritonæum continebatur, quod ex venis epigastricis internis periodi lunaris destillasset. Istarum venarum extremitates tubercula similia nuci avelantæ habebant, ac si papillæ forent, etiam scissa: Unanimes uterum incusavimus & ejus attractricem, quod alias nullum casum, vulnus, puerperium &c. per quæ aliqua continui solutio potuisset accidere, passa sit. *M. Bogdanus Observat. xi.*

## S C H O L I A.

**I**n menstrua suppressa) A mensium suppressione oriri etiam hydropem uterinum ait *Aetius Terribil. 4. Sem. 4. cap. 79.* qua in utero vesicæ fellicis similia corpuscula aqua repleta comperta sunt: Oriri ait, cum menses longo tempore fuerint suppressi & imprægnatio impedita, hinc sæpe fieri copiam humorum in uterum confluentem, & ejusmodi corpusculorum in quibus humor colligitur: Sequi affectionem hanc tumorem circa imum ventrem amplum, laxum, flatuosum, murmurantem velut in intestinis, in ambulando gravitatem & spirandi disti-

cultatem, alvi recrementa graveolentia, mensium & conceptus impedimentum, quæ prodeunt nullo ordine detestari: Ubi vero violenter excernuntur, ruptis aliquando parvis illis corpusculis, quæ vesicis similia diximus, viscosa quadam & aquosa erumpere: Curationem vide ibidem: De iis vesicis agit *Maur. Cordus* comm. 5. lib. 1. *Hippocr. de morb. mul. Christoph. a Vega* lib. 3. sect. 10. cap. 13. Art. med. Exemplum affert *Valeriolus* lib. 2. observ. 10.

*Gesnerus, Platerus apud Schenckium &c.*

§. 5. Variis in partibus, cavitatibusque aquositate colligi quotidie videmus: rarum valde, frequentius tamen quod sibi persuadent multi, contingere censemus, intra peritonæum & musculos imi ventris, aut etiam intra duplicaturam peritonæi eam congregari: Contigit hoc in virgine viginti annorum ex hydrop̃e defuncta: exhibebat hujus apertus venter aquæ libras xxix. quæ tamen haud detinebatur in imi ventris cavo, sed vero intra musculos abdominis & peritonæum subjectum. *Gerardus Blasius observat. med. xvij.*

§. 6. Hydropem spurium inter abdomen proprie dictum & musculos, qui introrsum quasi incurvantur, Olmuntii anno 1614. in fœmina observavit *Adr. Spigelius. Joh. Rhodius cent. 3. observat. 6.*

## S C H O L I A.

**O**laus Rudbeck Tract. de vasis Glandularum serosis c. 9. existimat si vasa serosa, quæ inter musculos abdominis & peritonæum repant, aliquo obstaculo occludantur, vesiculas eo loci generari

posse, Et eundem in modum ruptas tumorem hydropicum inter cutem, musculos & peritonæum facili negotio procreare.

§. 7. Mulieris hydropicæ abdomen in tantum excrevit, ut ulnæ nostratis cum quadrante altitudinem æquarit, maxime ad sinistrum latus vergente tumore, Ex aperto post mortem abdomine sanguineum serum fortens mediam Tonnâ implevit, quam cadaveri subjeceramus, quo exhausto derumuit; Omentum & peritonæum putridum frustillatim excerpébantur: Intestina omnia ad dextrum hypochondrium erant detrusa, ut initio intestinis caruisse apparuerit, sinistrum vero aqua ubertim repletum: Hepar à nativa bonitate nihil defecit, at Lien minor. Chirurgus paracentesin instituerat, sed abdominis musculos non pertransiit vulnus: *Bartholinus cent. 1. Observat. ij.*

OBSERV:

## OBSERVATIO XIII.

*Ventris Tumor hydropicus ab aqua in vena umbilicali retenta,  
Et hinc in abdomen exsillante.*

**I**N vena umbilicali, ubi Hepati inserta, atque extra illud peritoneo adnata erat, dilatata admodum, cum alias in adultis ligamentum potius quam vas cavum referat, aquam quoque satis copiosam in hydropico secto deprehendimus: Alias vero non solum illic retentam, sed & inde per idem vas ad umbilicum usque, in quem desinit, penetrasse, & sub cute collectam tumorem instar vesicæ aqua plenæ illic peperisse, atque inde quoque in abdomen defluxisse, eaque disrupa è corpore emanasse, vel alioquin illic viam sibi aperuisse, & per eam è corpore effluxisse, adeo sæpe copiose ut totum ventrem exinaniret, aliquando observavimus. *Platerus lib. 3. prax. cap. de Exuberantia p. m. 222.*

## S C H O L I A.

**I**N vena &c. ] E venis ventris inferioris, & potissimum venæ portæ propaginibus, ab intestinis & ventriculo per mesenterii & omenti membranas ductis, atque in duos truncos collectis, dextroque Hepati, sinistroque Lienis insertis, per diapedesin, tunicis ipsarum rarefactis, aut anastomosis, osculis illarum & præsertim venarum à truncis illis majoribus in omentum & mesenterium dispersis, illicque finientibus reservatis, si serum copiosius quam alioquin ad partium humectationem, ne ardeant naturaliter etiam exudar, emanet & in ventre congeratur, hydrops ascites quoque potest produci: Hoc autem eo modo fieri, serumque per poros cæcos vel oscula, citra solutionem continui e dictis venis promanare posse, idque citra cruoris permissionem, aut feri à sanguine tincturam, comprobant quod sicuti in aliis quoque sedibus è venis hoc pacto, tum in corpore variis à sero obortis defluxionibus, tum extra illud per sudores, lacrymas, aliasve è corpore, per nates, uterum, aliasve sedes factas fluxiones, subito interdum magnæque copiam erumpit: ita & ex venis mesaraicis, non solum naturaliter semper aliquid in abdomen transsudare, sicuti semper in eodem aliquis ejusmodi deprehenditur: sed & præternaturaliter majori copia abdomen implere possit, eoque facilius quam in aliis locis, cum in illis venis serum à potulentis & esculentis progressum, & cum chylo continuo attractum maxime redundet. Et sicuti in diarrhæis spontaneis, vel cathartorum usu concitatis, illud per oscula earundem venarum, per quæ eas subierat, rursus incrementum effluit, ita & per interiora oscula, quibus rami ipsarum in partes dispersi, circa finem occluduntur patefacta, nullo

cruore tinctum in spatium abdominis influere potest: Eadem ratione & serum à sanguine in renibus secretum in vesicam delabatur: E quibus omnibus, uti ob enarratam causam Ascitem fieri posse, quod aliquibus videtur impossibile, colligimus. Ita in hydropicorum quorundam sectione, cum nullam manifestam in visceribus continui solutionem, sed magnam in venis, uti & in ventre feri redundantiam deprehenderemus, inde illud eo, quo diximus modo, in abdomen pervenisse conjicientes, liberius rem ita habere se affirmare ausi fuimus, eoque magis cum & in hydrocele ab eadem causa plerunque in abdomen, indeque in scrotum idem serum distillet &c. *Ibidem pag. 218.*

*Dilatata admodum*] Idem observatum à *Riolano*: In hydropicis licet, sætu excluso, ligamentum sit, à continua tamen aquæ alluvione emolliiri & reterari, ut hiet, & cum serum ab Hepate exuperans per umbilicum excerni: *Anthropogr. lib. 2. cap. 10. ait, se in quadam muliere hydropica eam invenisse fistulosam, & per eam aquam inter peritonæum & abdominis muculos effusam fuisse: Hildanus cent. 1. observ. 47. hydropem per umbilici prominentis rupturam sponte sua curatum vidit: Gn. Rolinsecius dilatat. Anat. l. 5. c. 21. vidit hydropicam, in qua aqua loturæ canium similis ad aliquot libras per umbilicum, sponte sua ruptum effundebatur: aqua per venam umbilicalem emanante: intromissus cartherer argenteus oblique sub musculorum rectorum linea alba sursum ad jecur ferebatur, argumento evidentissimo scrosum illud aquosum ex venis Jecoris per umbilicale hoc ligamentum emanare,*

## OBSERVATIO XIV.

*Hydropici (cujus aqua per umbilicum evacuata) inventa vena umbilicalis extreme dilatata.*

**P**etrus Kickup quadragenarius ex febre tertiana, eaque diuturna, curatus, in Ascitem incidit: Ego advocatus, ventrem in monstruosam fere magnitudinem elevatum invenio: Umbilicus ad ovi anserini magnitudinem aqua plenus propendebat, quem ut phlebotomo aperirem obnixè rogabat: Quum vero in tam gravi morbo temere & absque consilio nihil tentare vellem, atque de Medico accersendo, ut de umbilici incisione consultarem, cogitarem, umbilicus sua sponte ruptus est: inde per trimestre magna copia serosi humoris effluxit: Is autem humor ut paulatim fluere operam dedi, imposito ipsi umbilico linreamine reduplicato & fascia involuto, ne ex intempestiva evacuatione aquæ vires ægri, jam ob morbi vehementiam invalidæ, labefactarentur & plane prosternerentur: Sic Divino favore venter paulatim subsedit, ut tandem plenissime convalesceret, & per annos aliquot sanus vixit: Demum vero Pleuresi correptus, ac nullis adhibitis remediis, obiit.

Post



Post mortem, quum cadaver ipsius aperirem, inveni venam umbilicalem, quæ in adultis in ligamentum solebat coalescere, adeo dilatata ut facillime pennam anseris per eam immisissim. *Fabritius Hildanus cent. 1. observ. 47.*

## S C H O L I A.

**E**X his perspicuum fit, non solum aquam ex vacuo ventris, verum etiam viscosos humores, qui antea in ipso Hepare inclusi fuerant, per ruptionem hanc umbilici evacuatos fuisse: Utinam igitur in hydropicis, arte & industria aliqua apertio hæc umbilici fieri possit: Nam si umbilicus paulatim

naturæ beneficio in tumorem elevatur, & tandem erumpit aut inciditur, commodissimam esse viam expurgandi humorem serosum hydropicorum, ac læpissime ægrotos ipsos hoc beneficio à morbo liberatos fuisse viri docti observarunt

*Idem.*

## O B S E R V A T I O XV.

*Hydropicus infans in utero à collectis tum in abdomine tum pectore aquis.*

**R**Em exponam nulli hominum ad hoc tempus aut visam aut auditam, quæ anno 1631. Neapoli visenda obtigit: Quis opinetur acerba hydropis illuvie vix dum vitam, necdum non lucem expertum puellum, non plenum adhuc uteri gestamen, in ipso non tam mortalis matris quam foventis & educantis naturæ sinu correptum: quomodo enim integro jam & vivido, & late se diffundente calore naturali, ubertimque vigente spiritu æthereo & vitali, solidissimis & firmissimis formationis nostræ principiis & fundamentis mire munitum & custoditum agalina novum, invida morbi vis attigerit & insolens intercus penetrarit? Profecto non debuerant infestæ aquæ tantum virium & facultatis habuisse ut congenito visceribus igni prævaluerint: Sed tamen ita demum evenit ut plus molitus, plusque potentiz nactus morbus naturam vicerit ac symptoma prodixerit, quod est hydrops: Itaque quod difficile visum est, id plane necessarium & verum apparet: nimirum ut præsidia corporis, & ad hæc spectans omnis apparatus labefactati prius fuerint, quam sc. incredibilis ille morbi languor accesserit: Foetura fuerat abortiva octimestris, distento sic abdomine, ut magnitudine reliquum corpus exuperari facile dixisses: qui venter discissus è vestigio fluentem affatim reddidit aquam, qua patinæ argenteæ quam amplissimæ vacuitas repleta est, Sed totum pectus eodem humore perfusum erat, ex abdominis (quod *Fernelius* lib. 5. pathol. cap. 11. credidit) cæcis ductibus profecto illud. Quod autem oppido mirum fuit, Hepati nulla labe aut vitium, nisi quod scissuræ omnis expertis, ac pendulis lobis nullis, sed globosum & obtusæ non præruptæ rupi similes, qualem huic speciei fides anatomica refert esse.

## S C H O L I A.

**A**N res evenit toto habitu & ipsa crasi uteri complectentis eversa? An male habitis utrorumque principiorum, seu quidem efficientium, seu substratorum generationi circumstantiis? præcipue quando relatum est ternas aut quaternas abortiones exa-

ctis annis tenuem aliqui sceminam commisisse: An denique ante ætæ vitæ victusque ratio & sine lege potus plurimus omni tempore, qualis quantusque; olemnis mulieri dicitur fuisse, hoc mali peperit? *Severinus de Abscessibus pag. m. 266.*

## O B S E R V A T I O XVI.

*Embryo hydropicus, cui meatus amplius à vesicæ fundo in venam cavam producebatur.*

**E**Mbryonem masculum immaturum, per abortum quarto vel quinto mense ejectum, Hydropicum in utero matris jam factum esse deprehendi: Hujus cum interiora examinarem, totius corporis cutis, & capitis quoque pilosa pars, aqua subtercutem tumebat: Atque è vesicæ ipsius fundo meatus amplus, ourachi instar in cavam venam, sub renibus universam seroso sanguine refertam, desinebat: *F. Platerus observ. lib. 3. p. m. 748.*

## S C H O L I A.

**A**Bortivum foetum masculum quinque vel sex mensium, sacro fonte ante obitum ablutum, vidi anno 1678. 24. Augusti, excludum ab uxore Pistoris cui nomen *Roviere*; Hæc ventriculi & hypochondriorum gravitate laborans, incredibilem coluviei humorum pituitosorum & biliosorum ejecit: Convalescentiæ proxima Pharmacopœo medicaturo se committit, qui nescio quibus præscriptis remediis,

& iterata sanguinis missione (per quam cacochymia superstes à prima regione in secundam irrepsit) eam in febrem lentam deduxit, cujus comes fuit perpetuus & insignis in regione ventriculi dolor, nullis remediis cedens: Paulo ante obitum foetum exclusit, cujus abdomen insigni hydrope ascite distentum erat, pellucidum: scrotum aquis tumebat, nec non funis umbilicalis, candicans, sine nodis.

*Ascites, citra viscerum lesionem, à sola vasorum lymphaticorum disrptione ortus. 1. 2.  
Ventris tumor ab aquis pellucidis illum replentibus. 3. A lymphæ variæ  
consistentiæ. 4. 5.*

§. 1. **A** Nno 1658. dissecuimus in nostro nosocomio juvenculam 24. annorum, quæ per 16. annos Ascite detenta, indeque tandem mortua fuerat, in qua nullius visceris manifestum vitium invenire potuimus, sola aliqua vascula lymphatica disrpta mali diuturni causa fuisse videbantur: crudeliter enim à parentibus in pueritia fuerat tractata, & ictibus pedum manuumque sæpissime excepta, à quibus proculdubio aliqua vasa lymphatica dudum disrpta fuerant: Hanc suspicionem humores ipsi in abdomine collecti non parum confirmabant, nam in cadavere jam refrigerato aliquantum coagulati apparebant, sicut lymphæ per frigus coagulari solet: etsi ad tantam gelatinæ consistentiam non pervenissent, quantam consequitur lymphæ ex ipsis vasis lymphaticis in cochleari collecta: Vitam autem per tot annos produxerat misella, propter viscerum integritatem, atque etiam quia per juvenilem corporis calorem quotidie multum serosæ humiditatis in abdominis cavitatem sensim influentis dissipatum fuit. *De Diemerbræk Anatom. lib. 1. cap. 12.*

§. 2. Ante sex menses mortua hic hydropica, aperta dedit aquæ mensuras 30. nullo hepatis vitio apparente, nec lienis: Quid si à ruptione vasorum lymphaticorum hoc factum? *Hæferus Herculis med. lib. 3. cap. 2.*

§. 3. Quinquagenariæ matronæ 1660. oedematofus tumor in hydropæ pedes inflarat ut ambulandi esset difficultas: Mox copiosis hydatidibus seu vesiculis sinister pes splendebat, & copiosa aqua nocte dieque madebat, unde nonnihil tumor ventris subsedit & liberior respiratio rediit: In pedibus vero copiosa aqua diffluentibus, id singulare observavimus, quod vesiculæ aquosæ, ubi in hac vel illa parte satis fluxerant, subsiderent, & adiposa substantia flavescens remaneret, quæ cutem deturpabat; Abradebatur eadem levi conatu à Chirurgo, sed non sine ægræ dolore, propter subjectam cutem patulam & vesiculis jam denudatam: Ut à vero non abludant Professorum recentiorum conjecturæ, in Lymphæ nostra aliquid amplius latere quam splendida fronte præ se ferat: Id notandum præterea ultra ulnam nostram abdomen matronæ hujus constrictum, quamdiu pedes ubertim serum profuderunt: At solstitio hyberno, accedente mœrore ex Filix obitu, prostratis viribus sponte suppressus sinistri pedis fluxus, quanquam in dextro quoque eruperit, auctis tamen in abdomine aquis, brevi post placide frequentibus leipothymiiis præcedentibus, copia aquarum pectus quoque angustantium exspiravit:

Ex aperto abdomine 24. mensuræ nostræ aquarum pellucidarum extractæ, haud male olentium. *Th. Bartholinus cent. 6. historia 84.*

§. 4. Hydrops est collectio præternaturalis Lymphæ serosioris: Pars affecta est abdomen, & sæpe totum corpus, omnesque ejus partes: Causa proxima est Lymphæ serosior, quæ tenellula sua vasa erodens, & sic extravasata gravissimum hunc morbum ægris infert: Pauperrimæ cujusdam foeminæ, plusquam quinquagenariæ, cadaver hydropicum dissecui: Jucundum mihi erat in abdomine videre primo Lympham tenuem & fluidam, deinde gelatinam, 3. concretam, tandem duram & steatomaticam: Licebat enim certius mihi judicare de Hydropis vera causa: Oenopola hydropicus, ultimum tentare voluit remedium, nempe paracentesin: Instituiamus illam nostro modo, & per multos dies inde levatus se fere putabat sanum, sed nihilominus obiit: Non licuit nobis abdomen aperire, quod dolebam: proculdubio enim crassior lymphæ pars ibi relicta mortis ejus fuit causa. Multi curari possent si citius paracentesin admitterent. *P. Barbette Prax. lib. 3. cap. 4.*

#### SCHOLIA.

**I**nstituimus paracentesin nostro modo} Quem eundem cenſeo cum eo quem proponit *Franc. de le Boë Sylvius* Praët. lib. 1. cap. 17. §. 18. festinandum est, inquit, ad paracentesin, non quidem illam vulgarem, periculo plenam, verum novam & tutissimam per acum argenteam, sed cavam, & blande quasvot circiter transversis infra umbilicum digitis, totidemque ad ejus latera in abdomen immissam, & post sufficientem aquæ effusionem iterum extractam, similiterque alio tempore, aut die, in idem foramen intrusam: nisi consultum videatur novum alibi excitare

foramen: Periculo vacat hæc operatio Chirurgica, quia adacta acu nihil amplius effluet liquoris, quem applicato emplastro vel diapalmæ, vel albo cocto, vel alio simili, non tantum contra omnes æris externi injurias munitur locus perforatus, sed ipsius consolidatio promovetur: festinandum vero ad istam paracentesin, ne dum nimium differtur, acrimoniam noxiam comparet humor in abdomine collectus, atque paulatim contentarum partium omnium membranas, hinc & substantiam corrodat & corrumpat, sicque affectum incurabilem faciat.

*Inſtru-*

*Instrumenti delineationem atque ἰσχύον Vide in Chirurgia Barbettiana cap. 14.*

*Primo lympham tenuem & fluidam &c.] Ejusmodi Lymphæ primo fluxilis, postea concretæ, denum induræ, sed glandulis & vesicis conclusæ, exemplum mirandum affert Joh. Phil. Ingrassias de Tumor p. n. tract. 1. cap. 1. Nigrus servus ob fura suspensus, qui sanissimus vixerat, in mesenterio strumas circiter 70. exhibuit in glandulis existentes; præter eas, eorundem fere externæ intestinorum, præcipueque crassorum tunicæ adherentes tumores, propria singulos membranula, cujusdam vesicæ instar contentos: hos postremos, quia in glandulis non erant, strumas non vocavit: Utriusque autem generis tumores, varia quantitate, & magni & parvi erant, atque inter extremos, qui ad ovi gallinacei magnitudinem perveniebant, & minimi cicercis parvitatem,*

quamplurimi intermediæ quantitatibus gradatim visi sunt, non secus ac in fertilis gallinæ utero ovorum gradata multitudo invenitur: Singulis tumoribus dissectis nonnulli lapideum gypsum, alii glutinosam mucosamque, & interea quandam liquidam substantiam sub ea membranula continebant, nonnulli per gradus quoque intermediam comprehendebant, ut postremo genitum tumorem liquidior, antiquiorem verò solidior substantia præ se ferebat: Ex mediis unus & alter tumor sumptus, siccatus, in pollinem abiit, quo arenæ ad siccandas literas, ne deleterentur, usus est: In reliquis corporis partibus saluberrimum corpus videbatur, ut verisimile sit naturam ad eas partes universi corporiscrementa transmittendo, sic ipsum expurgasse, ut in reliquis maximeque naturalibus visceribus sanitatem conservaret.

§. 5. In abdomine nervos & plexus nervosos, non solum sero copioso inundatos vidi, sed etiam illos ipsos aqua, tenui membrana coercita, veluti gelatina incrustari: In pedibus vero, à planta ad coxam ipsosque lumbos œdematosi, vidi cutim, pinguedinem, membranam asimo ipsos musculos instar spongiæ aqua turgidissimæ maduisse, quæ largissime vulnere facto exstillavit. *1. lac. Wepferus Dissert. de Apoplevia p. 382.*

#### A P P E N D I X.

*Hydropis Ascitis & Anasarce generatio ostensa per experimentum in cane factum, venam cavam illius, sectione in thorace facta, stringendo filo, unde mox intumescit abdomen vel habitus corporis, à sero ex ea exsudante.*

**P**erforato dextro latere thoracis canis, infra septimam & octavam costam, paulò infra regionem cordis, & immisso digito venæ cavæ situs palpandus est; deinde pectoris latus illud ad venam quam prope compellendum est, quo filum ei facilius obducatur, atque in isto pectoris situ arctè stringendum est. vinculum, dein pectore relaxato vulnus consuendum est: Peracto autem experimento canis mox oblanguet valde, & intra paucas horas expirat: In dissecti autem abdomine magna feri quantitas innatare conspicietur, non aliter quam si ascite diu laborasset, quod ab impedito sanguinis ab arteriis in venas circuitu secerni prius expertus fueram: Haud pridem enim venas jugulares, subducto iis filo, in cane arctè ligaveram, & post aliquot horas, partes omnes supra ligaturam mire intumescabant, & intra duos dies canis quasi angina suffocatus interiit: Toto hoc tempore non solum lacrymæ copiosius fluebant, sed & plurima saliva ex ore profluxit, non aliter quam si mercurio assumpto fluxus ille concitaretur.

Post obitum cutem ejus à partibus tumefactis separavi, atque expectavi ut partes tumefactæ sanguine extravasato turgerent, sed aliter omnino evenit, siquidem nullum vestigium aut colorem fere sanguinis observare potui, sed muscoli omnes & glandulæ sero limbo maxime distentæ & admodum pellucidæ apparebant: Quod clare arguit ex constrictione venarum, cum sanguis ab arteriis in venas transire nequit, serum utcumque secerni; utpote velut in filtro meatus apertiores & poros configuratos & aptiores habens in quos fluat: Crassior autem sanguinis pars propter meatuum disproportionem non omnino in illos recipitur, & propterea intra vasa sua stagnare cogitur. Quantum hæc ad Ascitis & Anasarce causas investigandas conducant aliis judicandum relinquo. *Richardus Lower Tract. de Corde cap. 2. p. 123.*

#### S C H O L I A.

**V**Ti venarum alicubi dilatio sanguinis supplementum & influxum debitum divertendo, cordis motum valde diminuit, ita ubi venæ in angustum adeo ambitum compinguntur, ut sanguini committum satis liberum non concedant, idem omnino incommodum cordi advenit, Quippe in valde obelitis animalibus, propter venas à nimia pinguedinis mole & incremento compressas, quia sanguis pro motu Cordis continuando debite suppeditari non potest, proinde in vasis suis & corde stagnare & concrefcere aptus est, adeoque morti repentinæ, ( præsertim

quibus à natura cor vegetum & robustum datum non est ) obnoxios reddit: Ut autem venæ cujuspiam, minoris licet, compressio sanguinis motum inhibendo aliquantulum alterat, ita quo plura & majora eorum vaia obstructa aut constricta fuerint, eo præsentius cordi periculum impendit: Et sicuti aortæ paulò supra diaphragma compressio, sanguinem toti corpori debitum, & omnibus simul vasis quantitate proportionatum in partes solum superiores congerendo, caput ipsum obruit & pellundat; ita si vena cava paulò supra diaphragma in dextro pecto-



ris latere, ubi trunco ab omnibus partibus distincto & discontinuo versus cor incedit, adeo arcte ligetur ut sanguinis per illam affluxus prorsus supprimatur, dici vix potest quanto animalis detrimento hoc fiat: quippe licet ab injecta venæ ligatura nullum doloris aut cruciatus sensum corporis contentione aut ejulatu faretur, mox tamen adeo oblanguere & fatiscere incipit, ut pedibus vix stare possit, quin & non tam procumbere quam in terram ruere & concidere semel vidi ferociorem molossum, non aliter quam si vita omnino destitutus esset: Ratio autem quare tanto discrimine & tam tranquille venam Cavam ligari, Aortam veto adeo anxie comprimere sustulerint, alia esse non videtur, quam quod vena inibi ligata sanguis toti corpori debitus, inferiori solum parti ejus plurimum impenditur, adeoque caput virali ejus influxu valde orbatum, spiritus pro cordis motu sustentando impertire adeo potens non est, ut utrumque vacillare & deficere multum necesse fuerit, quod nullo utriusque dolore perficitur: Compressa autem Aorta supra diaphragma, sanguis qui maxima ex parte inferiori corpori & visceribus ventris debetur, totus superiori & minori parti suffunditur, quem cum excipere omnino incapax sit, nimia ejus copia prorsus opprimi & suffocari debet: atque ideo cum mox cerebro & cordi ipsi tantam molestiam afferat, ad primam compressionem animal rem tam inique paritur & summo conatu amoliri nititur: Experi-

mentum autem, non uno <sup>reposito</sup> observatum signum, administrandi methodus supra in historia tradita est. *Idem ibidem.*

*Ad Ascitis & Anasarca causas indagandas &c.* Revera ex hoc Experimento causarum hydropis eximio dilucidatio affertur, Si enim omnium specialis disquisitio instituitur, plerasque eo concurrere manifestum fiet ut venarum constrictionem aut angustiam inducant; vel majorum, quarum libertas impedita celerem hydropis statum accersit; vel plurimum minorum, unde tardius succrescit: Sic Jecur vel Lien scirrhis aliisve tumorum generibus obfusa, aut obstructa, tuberculosa, arenulis referta &c. hydropem inducunt, excursu sanguinis præpedito, quo subsistente & conculcato, seri è venis contingit exsudatio & expressio: Idem contigit à corde ejusque vasis obstructis animadversum: Coalitus venæ cavæ descendentes, indeque hydrops ortus visus est: Mesenterium itidem obstructionibus multifariis infarctum, glandulosi tumoribus oblitum, steatomatosis &c. hydropi ansam sæpissime præbuit, inducta vasorum angustia: Renes eadem præpediti hydropis frequentissima causa fuere: A cæteris imi ventris partibus, ventriculo, colo, utero, pancreate &c. iisdem vitiis impeditis principia ortumque sæpe nactus est: Hinc notavit *Rondeletius* in plerisque quos jugulavit Hydrops glandulas mesenterii cum pancreate induratas.

## OBSERVATIO XVIII.

*Hydrops quanquam à lymphaticis vasis aliquando oriatur, Iisdem tamen integris obortum fuisse experientia constat.*

**H**OC advertere oportet Ascitem non ex ruptis Lymphaticis semper, si omnino unquam, provenire; Quippe plurimas oves hydrope pectoris atque abdominis defunctas dissecai, in quibus vasa lymphatica ita turgida & repleta ubique inveni ut nusquam magis: Adeo ut si quis venarum lymphaticarum historiam plene absolvere in animo habeat, nulla corpora ad votum ejus & propositum magis cesserint. *Richardus Lower Tractatu de Corne cap. 2. p. 125.*

## S C H O L I A.

**Q**UANDO Hydrops Ascites à venarum poris reclusis, per quos exiit serum, producat, quando à ruptis Lymphaticis, ostendunt aquæ ex abdomineeductæ: A priori causa natus, serum modo sincerum, modo aliis humoribus commistum, urinae colorem referens, exhibet: Lymphaticorum vasorum repletionem ostendit aqua limpida, coloris expers

aut levicule tincta, qualem immensa copia congestam vidi in abdomine Clar. Dom. de Harfy, affinitate & intima amicitia conjuncti, vini Rhenani colore, consistentia, limpiditate annulam, Cujus urinae lixivium obscurissimum, plurimo tartaro nigro potius quam nigricante saburratae erant, ut ille hydrops à lymphæ effusa omnino esset deducendus.

## OBSERVATIO XIX.

*Hydrops Ascites non contingit absque aliqua interiorum partium abdominis solutione continui, unde Vesicarum & Hydatidum origo.*

**R**UPTIS vasis Lymphaticis interdum contingit lymphaticum liquorem non effundi in abdominis cavitatem, sed inter vicinas membranas effluere, atque tunc inde vesiculae producuntur, Hydatides appellatae, quibus hepar interdum intus, sed frequentius foris; nonnunquam etiam mesenterium, aliaque in abdomine partes scatere deprehenduntur: Hujusmodi vesicas plurimas (alias ovi columbini, alias fere gallinacei, multas minoris magnitudinis) in suspensi furis cava hepatis parte demonstravit anno 1647. *Gal. Stratenus*, Nos in mesenterio easdem aliquoties in Nosocomio Medicinæ studiosis exhibuimus: Ibidemque etiam hepate extrinsecus vesiculis aqua limpida repletis scatentia invenimus, è quorum numero variae dudum antea disruptae, serosum liquorem in abdominis cavitatem distillaverant, sicque Ascitem induxerant.

## S C H O L I A.

**H**INC postmodum conclusi Ascitem nunquam generari sine aliqua interiorum partium abdo-

minis solutione continui, à quacunque causa inducta. Et eorum sententiam rejiciendam censui qui docent hunc

hunc affectum generari per vaporum, è valis interiorum partium exhalantium, in abdomine condensationem in aquam, cum illa exhalatio in quibuslibet hominibus continue procedat, & interùm Ascites in paucissimis contingat: Rruptionis autem horum valorum variz possunt esse causæ, sed præter violentas extrinsecus irruentes, maxime frequens causa est, vel erosio ab acris humoribus, vel eorum obstructio aut compressio: Et hanc ob causam sæpe contingit Ascites magnis helluonibus ac potatoribus, quos crapula quotidiana infarcit, qui à cruditatibus hinc genitis, aut multos acres humores in corpore accumulantes, aut viscerum debilitatem & obstructions incurrunt, unde vascula hæc vel eroduntur, vel ita comprimuntur & angustantur, ut lymphaticum liquorem solito modo deferre & exonerare nequeant, qui proinde è ruptis vasculis effluens, aut vesiculas inter membranas efficit; aut ruptis penitus membranarum integumentis in abdominis

cavitatem delabitur. *Isbrandus de Diemerbræ Anatom. lib. 1. cap. 12.* Non multum absumilem generationem Ascitis tradit *Fridericus Lepnerus* introduct. in medicinam p. 79.

In Ascite magna est hepatis imbecillitas, major quoque obstructio vasorum lymphaticorum quam in Anasarca: ob quam humoris aquosi, tam à Liene quam à reliquis partibus cum sanguine revertentis, maxima copia in hepate cumulat; qui humor amplius intra hepar retineri nequit, exitum sibi quaerit, maxime circa latera venæ Portæ, quo loco vasa sunt Lymphatica, & vel in omentum eo loco duplicatum, vel super illud in cavitatem abdominis effunditur, à quo venter sensim intumescit & turgescit: Tandem vero ubi ab humore effuso & putrescente reliqua quoque vasa Lymphatica intra abdomen in contentum quoque trahuntur, erosia eorum tenui tunica, copia humoris adaugetur, venterque maximam molem acquirit: *Frid. Lepnerus Introduct. in medic. p. 79.*

## OBSERVATIO XX.

*Ventris tumor ob magnam aquarum congeriem, & tumorem insignem in eo inclusum. 1. A seri copia cum crasso muco hypochondria loco carnis replente. 2. Ascites in muliere gravida ex superfætatione iudicata. 3. Ab aqua cruenta in abdomine, Et massa carnea ventriculo aliisque partibus annexa. 4. Ab aqua nigra in abdomine. materia nigra in ventriculo. 5. A pure aquoso abdomen implente. 6. A pure sacculo incluso ex propendentia diaphragmatis efformato. 7. Ab urina effusa è disrupta vesica. 8. Ab aqua cruenta cum corruptione intestinorum. 9. A facibus ex ulceratis intestinis in abdomen effusis. 10. A pure id replente. 11. 12. A pure ex thorace in abdomen effuso. 13. 17. A sanguine in id effuso. 14. Ab aquæ copia, muco inter intestina & mesenterium, ac glandulosis corporibus inter intestina & mesenterium. 16.*

§. 1. **C**onjux Pellionis per multos annos extreme turgidum gestans ventem, cum consumptione totius corporis, fato cedens fuit secta.

In abdomine ultra amphoram mensuræ nostratis, aquam continebatur, qua exempta inventus est Tumor insignis & latus, cute valida circumdatus, & eminentiis pluribus præditus: Hæ sectæ & apertæ pinguedinis substantiam eminentiebantur: dextra pars referta erat humore instar glutinis albi; Sinistra vero cruore lento, subnigro, foetido: Hepar visum exiguum, bene quoad colorem dispositum alioquin, sicuti & Pulmones, Cor & Lien, verum laudabilis sanguinis ne gutta quidem. *Observatio Georgii Palmæ Medici Norici.*

§. 2. Ex me queris qui Leucophlegmatiam ab Anasarca distinguam, An diversæ sint, & sic 4. species hydropis numerandi? Nego, si enim quæ vel causis, vel materia, vel alia ratione differunt, novas species constituent, jam infinitæ pene hydropis species erunt: Leucophlegmatia mihi saltem morbi materiam indicare videtur, & Anasarca locum, quæ tamen una eademque species jure censenda sit, unde & alias Catasarca, & Hyposarca, imo & Cachexia dicitur: Vidi aliquando, neque adeo diu, sectum hydropicum, qui hypochondria (ubi plerumque hydropici in augmento valde dolent) adeo crasso muco loco carnis, sub cute referta, habebat, colore albescente ut quis laridum esse jurasset, tam exactè concreta pituita, undique coherens loco carnis erat: Idem etiam, de quo loquor, in sinistro cordis ventriculo pituitam habebat concretam, peculiari tunica conclusam, digiti crassitie; quæ cum tunica me spectante & jubente extracta, & postmodum divisa est, ut satis admirationi fuerit: *Ætas ejus erat 26. annorum. Leonardus Doldius in Cista medica Hornungi Epist. 242.*

§. 3. Edidit anno 1657. non procul ab urbe Lips. mulier cujusdam rustici, filium, & (uti postea colligere licebat ex eventu) in hoc ipso puerperio reddita fuit hydropica, forte ob suppressas purgationes puerperii, nec ipsa nec marito animadvertente: Quid sit? elapso trimestri abdomen hujus paganæ in fastigiatum attollitur tumorem, non secus atque solet fieri in ingravidatione; quo tumore conspecto ab obstetrice, manu leviter abdomen comprimit, & ex obscuro aquarum hydropicarum motu decepta, exclamabat restare adhuc foetum in utero, superfætatione conceptum, & statim Medicum cum Chirurgis

accerfi iubet, interim moritur hydropica mulier: Ne autem putatitius fetus vitæ periculum aliquod pateretur, os gravidæ, ceu putabatur, imposita clavi apertum tenuerunt;

Simulac vero corpus hydropicæ dissectum, statim post primam dissectionem tam foetida humorum colluvies profiliit, ut adstantes abire coacti fuerint: Tam certum signum est rei cuiusdam in abdomine morus, vel pro ingravidatione vel superfætatione concludenda: Siquidem tumor iste abdominis, non ab expansione uteri, sed à collectione feri hydropici proveniebat, qui ante sectionem obstetrici tantopere imposuit. *D. Paulus Ammannus, Med. Lipsiensis in miscellan. curiosis anni 1671. observat. 186.*

## S C H O L I A.

**H**inc contra *Hippocr.* l. de septim. Partu concludo 1. mulieribus fidem de partu vel superfætatione omnino esse denegandam, 2. contra communem, Signa ingravidationis certa nobis nondum

constare: Si enim motus in dubium vocatur, quid certitudinis amplius restabit? 3. Falsum & aniculare esse os gravidæ apertum tenere clavi imposita, ne fetus in utero suffocetur. *Idem ibidem.*

§. 4. Decembr. 30. anni 1675. offerebatur nobis cadaver mulieris 24. annorum; In aperto corpore *D. Gerardus de Pentin*, Medicus, & *D. Petrus Adriani* Chirurgus, nobiscum observarunt sequentia, 1. Occurrebat venter imus insigniter distensus, uno loco mollis, altero durus atque renitens, quamprimum integumentis externis lenta manu leviter dissectis, ad ejus interiora pervenire concedebatur, aquæ sanguinolentæ magna effluebat quantitas, quam non tantum ventris cavitates replere inveniebamus, sed & ad exteriorum extensionem plurimum contulisse: lenta satis erat, illa imprimis quæ circa lumbos & in pelvi detinebatur, foetoris non levis particeps: Hac vasculo spongiisque ablata, reclinatis integumentis dictis, ad considerandorum exactius examen profundius justo dissectis, Tumor enormis in hypogastrio, atque umbilicalis regionis parte superiore hærens, animum, oculos, imo manus ipsas sui ad considerationem commovebat: Variæ hic figuræ duriticique, quandiu beneficio omenti (cujus vix reliquiæ aderant) diversæ partes sibi hic jungebantur, hoc enim leviter locis variis soluto, ventriculi magnam partem, intestini aliquam portionem, ipsamque excrecentiam præternaturalem ad constitutionem ejus concurrere observabatur: Ventriculus ab assumptis satis turgidus, similiter ac intestinum chylo repletum: licet mollitie singulari, materiaque contentæ, quoties premerebatur, mobilitate, non parum se manifestarent: quale tamen intestinum hoc haberi debeat dubii valde hærebamus, eo quod an & ubi ventriculus ei jungeretur notare haud liceret; duodenum autem id pronuntiare, sublimis valde situs, atque omnino præternaturalis contrariaretur: quod enim justo naturæ ordine intestinis aliis suo modo succumbit, lumborum vertebrae oblique accedens, adeoque in occulto latens, hic se primum oculis nostris manibusque offerebat; Anceps hæc res certior evasit, postquam per foramen in intestino dicto, circa renem dextrum factum immissus flatus, & sursum ad ventriculum, & oblique deorsum, vel transverso potius ductu ad intestina reliqua excurrentes, & continuationem ventriculi cum intestino excrecentiæ dictæ inhærente, imo hujus cum intestinis aliis, & quale hoc intestinum haberi debeat, patefaceret: Excrecentia ipsa, quæ præcipuam molis hujus partem constituebat, insignis adeo magnitudinis erat, ut etiam extra corpus librarum quinque pondus exhiberet: firmiter hæc undique vicinis partibus cohærebat, hepatis imprimis, ventriculo, intestino duodeno, ipsique continuato jejuno, ex latere dextro ad sinistrum se extendente, imo & lateralibus abdominis partibus mollibus, quæ inania dici solent, necnon ipsi colo intestino transverso ductu eidem accumbenti, ut nonnisi violentia, cultri maxime ope, separari debuerint: Omnium autem arctissima unio eo loco observabatur, ubi mesenterii principium constitui solet, circa lumborum vertebrae superiores hac parte, quasi collo dissecta, separatis connexis aliis modo indicatis, massam totam cum annexo pancreate è corpore auferre licebat: Partibus dictis quamdiu adhuc unita massa hæc, curiosum valde, qualiter vesica biliaria se exoneraret, notare, quandoquidem ea in dies augmentum sumens; antrosum versus umbilicum se extendens & intestinum duodenum, & cum eo ductum bilarium è loco suo naturali deturbaverat: non tantum intestinum, sed & ductum in majorem longitudinem extendi necessarium omnino fuit, observabamusque adeoque flatu in vesicæ fundum, postquam bilis per foramen factum expressa, immisso, bilarium hunc porum mire longitudinis, imo & capacitatis: Extendebat se anfractuoso quodammodo ductu ab hepatis parte concava ad sinistram massæ partem, ubi Pancreas massæ ipsi uniebatur extremo eo quod in statu naturali intestino unitum, ubique firmo nexu eidem cohærens, hinc oblique ad intestinum jejunum quod massæ parti anteriori, ast simul inferiori connexum diximus, properare videbatur, quod



quod licet oculis nostris se haud subjiceret, ob dissectum ductum eo loco ubi Pancreas massæ jungebatur, maxima tamen ea copia bilis, quam in aperto intestini jejuni principio massæ connexo reperiebamus, imo & ductus ipsius, eo loco ubi abscissus, capacitas ea quæ vel digiti minimo apicem exciperet, id demonstrare videbatur; alba scil. & satis dura, quasi ex plurimis variæ figuræ corpusculis concretis composita, sic ut pro steatomate vero, aut scirrhuso magis, omnibus habita fuerit: Durus licet hic abscessus, pars tamen ejus dextra mollis satis, adipis veram formam ubique fere referens: fere dicimus, cum non uno loco puris notæ se proderent; vasa sanguinea haud quidem in eo notabilia, satis tamen sanguinis fluxus, massa ubi dissecabatur, observabilis, ea adesse indicabat:

Abscessui huic similes illi qui in Hepate ipso occurrebant, si non mole, saltem substantiæ conditione, haud notabilis hic protuberantia, licet aliqua, parenchyma ipsum in alienam ejusmodi substantiam locis variis degeneratum videbatur: Abscessus se exhibebat simplex, aut satis magnus, in parte Hepatis dextra, à convexo se extendens ad sinum, duplex in parte sinistra, sic ut unus in gibbo, alter in cavo: Lien in hoc subjecto exiguus admodum, parenchymate bono præditus, tunica vero ejus, ea parte qua spectabat latus, cui etiam arcte cohærebat, insignem crassitiem adsumpserat, imo callositatem, sic ut consistentia, æque ac colore, arteriæ aortæ truncum in bove referre videretur: Ren dexter bene se habebat, aut in sinu sinistri, valde parvi, præter arenularum copiam insignem, occurrebat calculus durus admodum, satis magnus, extremo uno obtuso, ureteris pelvi: quatuor aliis acuminatis, totidem fere tubulis infixus: Testiculus uterque exiguus valde, rubicundus admodum, ac si inflammatione gravi correptus: In vaginæ uterinæ principio, parte ea quæ intestino incumbit, Excrescentia aderat, eo loco ubi utero cohærebat, fibrosa, alias gangrænata; condyloma verum merito habebatur: Jam à 14. annis male se habuerat mulier hæc, conquesta semper de præcordium dolore & summa gravitate, imprimis ab absumpto cibo potu. *Gerardus Blasius observ. medic. 11.*

§. 5. Sartori vomitu remittente venter sensim intumescere cœpit, In abdominis capacitate copiosa aqua nigra reperta fuit: In ventriculo continebatur ad mensuram unam materia nigerrima pulvis instar. *Vide tit. de Vomitu.*

§. 6. Aperui corpus mulieris cujusdam in nosodochio, quæ gravidam se esse dicebat, verum longe aliter se rem habere in ipsa apertione visum fuit: unica enim punctura cunctello prope lumbos facta, prodire cœpit aqua putulenta, atque in tantum fœtida ut nemo adstantium fœtorem ferre posset: quo pure aquoso evacuato, & abdomine in formam crucis aperto, tota abdominis capacitas, omnia etiam inibi contenta, copiosissimo pure tanquam membranis obducta atque investita fuere; ita ut alterum ab altero secernere & dijudicare vix licuerit: Intestina ita erant ad superiora retracta, ut vix mediam abdominis capacitatem implerent: Hepar erat omnino putridum, Ventriculus ut intestina contractus ac angustatus: Uterus in loco naturali situs, vix nucem juglandem magnitudine æquabat: ulterius ob nimium fœtorem indagare non licuit, ita omnia erant gangrænata, vel potius sphacelata. *I. Rud. Salzmannus observ. Anat. pag. 31.*

§. 7. Puella trimo, dyspnœa affecto, tussi sicca, tandem abdomen mire increvit: In sinistra parte abdominis propendentia instar sacci obviabat, purulentia referta. *Vide tit. de Febris.* In abdomine aqua nulla.

§. 8. E vesica disrupta, urina in totum abdomen effusa, ventrem ante mortem intumuisse in quodam vidimus, indeque Tumorem illum profectum post obitum secto corpore deprehendimus: quod ei ejus bene poti humiq; strati ventrem alius quidam insiliens vesicam ex ebrietate distentam eo impetu ruperat. *Platerus Præceps lib. 3. cap. 3.*

## S C H O L I A.

**E**X ureteribus disruptis, aut quomodocunque posse, hydropemque ab ea causa induci temporis apertis, seroque inde prodeunte idem accidere ipso verisimile est.

§. 9. Hospiti Leonis argentei, in vico D. Jacobi, inventa sunt syderata intestina & omnino corrupta, quasi suggillata, humor plurimus cruentus & loturæ carniū saturatæ sanguine similis: *Hollerius ad cap. 39. lib. 1. de morb.*

§. 10. Urinam vesica perforata in ventris cavitatem profluere aliquando à me annotatum: Sed & alvi excrementa vulneratis intestinis eo quoque deferri possunt: Uxor fuit Medici formosa & vivido colore prædita, carnosa quoque & satis pinguis; hæc concepit, peperit, sed fœtum nec plene gestatum, nec vitalem: Post partum venter non modo non subsedit, sed & paulo post auctior factus est, ampliusque quam prius intumuit: Suspicio nata est collectos esse in ventre aquosos humores, tametsi faciei color non mutatus,

sanitatem viscerum præ se ferret, nec pedes, quod sæpe hydropicis accidit, tumerent, & urinæ sanorum similes: Exhibita quandoque initio hydragoga, verum ab his nulla aquosi humoris successit purgatio, sed torsiones admodum molestæ. In hac miseria duos annos vixit, ventre interea in tantam molem & altitudinem distento, ut vix partes genitales manu contingeret: Mirabantur omnes ventris tantum tumorem facie optime colorata & nullis morbi notis in urina apparentibus: Accessit successu temporis respirandi difficultas, quæ in dies increscens, ac molestior facta, tandem vitæ imposuit finem.

Dissecto ventre: non aquosus humor, sed sordes nigræ, quales in cloacis, effluerunt, crassæ, foetidæ: quibus frustillatim omentum permixtum, quod solum à tantis sordibus computruerat: Sordium autem tanta fuit quantitas, ut quatuor urnas vel amplius implere potuissent, quarum singulæ 40. libras mensurales continent: Distensio autem ventris tam quoque magna, ut peritonæum, cum amplius distendi non potuerit, aliquot locis à superioribus partibus ad inferiores usque fissum fuerit, & jecur cum liene ac ventriculo, relicta propria sede, cedente septo transverso, intra pectoris spatium ascenderit, pulmone cum corde sursum collum versus in angustias coacto: quæ viscera integra, nec ulla parte vitata fuere: Non licuit in tantis sordibus intestina eximere, & diligentius perquirere, sed dubium non est sordes istas *non aliunde quam ex intestinis* vulneratis ac laxis profluxisse: nec enim alia via aut modo in hunc locum pervenire potuerint: *Dodonæi cap. 35. observat. medicin.*

## S C H O L I A.

**N** *On aliunde quam ex intestinis* ] Ex intestinis, si illa perforentur, & homo non statim moriatur, sed humor aquosus in abdominis cavitatem ex iis exstillet, & ventrem in tumorem attollat, originem ducere Ascitem posse nonnulli existimant: *Sennertus Pract. lib. 3. p. 6. sect. 2. cap. 3.*

*Facie optime colorata* ] Hippocrates in Coacis notat coloris bonitatem aliquando vetuti itercois suppressionem denotare; quamquam veteris itercois nomine solennem vacationem suppressam intelligant quidam.

§. 11. Juvenis quidam robustus, annorum 24. cum messis tempore sub Sole ferventissimo messorem egisset pluribus diebus, & quadam die propter sitis vehementiam aqua frigida derepente sese ingurgitasset, febre continua correptus fuit, ex qua male curatus, in cachexiam incidit; itaque nunc tertiana nunc quartana laboravit: Post menses octo quum ex morbo isto diuturno vires plane prostratæ essent, omnesque partes corporis (ventrem excipio, qui admodum inflatus erat) imo & ipsa crura supra modum extenuata essent, è vita discessit:

Inciso cadavere, in vacuo ventris pus album bene digestum & minime foetidum, (quale ex abscessibus emanare consuevit) inveni, ultra libras 11. medicinales: Viscera omnia ea qua fieri potuit diligentia inspexi, Ubi vero genita fuerit ista materia purulenta investigare non licuit: ulcus enim nullum, neque sinus aut simile quid repertum est: Splen tamen & Hepar scirrhosum conspiciebantur, reliqua interiora secundum naturam se habebant. *Fabritius Hildanus cent. 2. observ. 59.*

## S C H O L I A.

**H** *Ippocr. 1. de morbis de suppurationibus* imi ventris agens, inter varias causas spasmodica venarum receniet, ad quæ earum ruptio sequitur, hinc sanguinis effusio: Aquam autem frigidam, æstuantem corpore hauritam, tale quid efficere posse, omnibus notum est, exemplo sint pleuriticæ ab ea causa productæ: Porro cum hic nulla abscessus, ulceris

aut sinus deprehensa fuerint vestigia, verosimile est aquæ frigore inductam fuisse venæ rupturam, atque cruoris in cavum abdominis effusionem, hinc ejusdem in pus conversionem; quod ibi diutius innoxie quam in thorace latere potuit, ob minorem præstantiam partium naturalium quam vitalium.

§. 12. Alter diuturno morbo è medio sublatus, cujus venter in immensum excreverat, cum aperiretur, pure aliquot pelves æneas implevit, quibus Chirurghi utuntur; in quo pulmones unius lateris in pus erant conversi, Nulla autem corruptio in visceribus imi ventris deprehensa. *Platerus in observat.*

§. 13. Ventriculum in puero quodam phthifico, tribus foraminibus exesum, septumque illius foramine amplo perforatum à puris copia atque acrimonia, quod ex thorace in abdomen defluens, has partes & musculos quoque abdominis ad superficiem usque cutis eroserat, ubi vesica sublivida circa umbilicum, ea regione qua pus sibi viam ad exitum facere nitebatur, apparebat, deprehendimus: Quam rem admiratione dignam magis stupendam reddebat, quod puer ante obitum non contabuerit, sed bene habitus adhuc existens, nulla alia affectuum indicia externa quam quod ventre erat inflato & sublivido, in quo

quo vesica subnigricans; circa umbilicum, ea regione qua pus sibi viam ad exitum facere videbatur, eminebat ostenderit. *Idem lib. 2. observat. pag. 436.*

§. 14. Hydrops trifariam dividitur, in tympanitidem, anasarcam & ascitem: quartam speciem addit *Saxonia*, ex sanguine recens in ventrem effuso: Exemplum dat cujusdam herniosi, qui ex repentino hoc tumore emortuus, nullam ostendit ejus causam præter 10. vel 14. sanguinis libras in ventre conclusas sine omni aqua: *Pract. lib. 3. c. 32.* Eandem causam proculdubio vidissemus in duobus ægris à simili tumore interemptis, nisi cadavera denegassent propinqui, horum alterum compresserant duæ naves inter se violenter collisæ: alterius vero ventrem elevaverat tam impense pronus in terram casus, ut videretur ascite correptus: Verisimile est hos repentinos ventris tumores fuisse, vel à sanguine ex disruptis venis effuso, vel ex spiritu disruptorum intestinorum. Simile quid vide apud *Benivenium cap. 76. Tulpus l. 2. cap. 40.*

§. 15. Hydropicæ fœminæ in umbilico suppuratæ, non aqua pellucida sed dilutus sanguis erupit; Cum autem quidam inconsulte retulissent in scalpri vim, & in sanguinem è secta cute cum aqua hydrotica commixtum, evicit hos falsitas, quod ejusdem postmodum demortuæ cadavere dissecto, toto circum abdomine visus est exundans idem albidus cruor. *Severinus de Abscessibus p. m. 279.*

§. 16. Fœmina quædam in hydropem incidit, à quo tamen Dei beneficio & mea opera, (ut quæ ab omnibus vicina partui putabatur) spatio quatuor septimanarum convenientibus medicamentis fuit liberata, ita ut in publicum vicissim prodire potuerit, sola duntaxat infimi ventris exigua duritie, instar saxi durissimi, remanente; verum haud longo interjecto tempore, ob crassam victus rationem, mensiumque inordinate fluentium suppressionem, recidivam experta est, à qua tamen ob virium debilitatem & cachexiam denuo contractam (utpote quum recidivæ ut plurimum soleant deteriores esse prioribus morbis) liberari non potuit, sic vitam cum morte commutavit, Cum infimum ventrem instar saxi ad tactum durissimum haberet, in hanc deveni suspensionem in utero forsan aut aquam collectam aut aliud quippiam p. n. latitare, quod postremam curam vel difficilem nonnihil reddiderit, vel fomentum subministravit.

Cadavere dissecto aqua statim profluit ubertim, & sane, quod non caret admiratione, universa intestina quaquaversum, & ambo latera, circa diaphragma, multis millibus granulis, instar suum grandinosarum, referta viscebantur: insuper etiam spatium illud quod inter intestina & mesenterium, cui annexa hærent, interjacet, mucosum quodam viscido, gelatinæ colorem ac substantiam referente, repletum scatebat: Reliqua viscera, (excepto solo pulmone, qui in locis quibusdam quoque granulis infectus conspiciebatur,) omni habere sensibili carebant: Cæterum dissecta vesica fellea, lapillum magnitudine nucis juglandis reperi; Ad uterum deveniens, nihil eorum de quibus suspicio erat, sed parvum ac flaccidum, crassumque sanguinem menstruum in venis restitantes reperi. *Horstius Tom. 2. lib. 4. observ. 47. ex Bilgero.*

## S C H O L I A.

**I**n testina multis millibus granulis] *Willis Pathol. cerebri, cap. 9.* ait in Phthisici cadavere vidisse se intestinis majoribus excrecentias quasdam carneas, instar auricularum muris adnatas: atque in alio tabido simile quid se observasse: Rationem reddit, quod in Phthisicis nutritio, licet circa partes solidiores & exteriores deficiat, aliquando tamen interius, prope succi nutritii fontes plus debito perficiatur, proinde ut epiphytes non naturales superflue excrecant: De Glandulis naturalibus & præter naturam. Vide *J. Conradum Peyer Tract. de Glandulis Inte-*

stinorum. *Horstius l. c.* ejusmodi granula per depravatam concoctionem facta fuisse, ubi partes crassiores indigestæ per adustionem huic malo occasionem præbuerunt, tenuiori sero intertum intermediis spatiis abdominis collecto.

*In vesica fellea lapillum.] Schenckius ex Kennmanno, Fernelio & aliis, de calculis cystis felleæ multa exempla profert, ubi tamen hydropicæ affectionis hinc exorientis mentio non fit, quam ob causam productionem hujus calculi separatam ab hydropis origine dicerem. Horstius ibidem.*

§. 17. Cuidam à diuturno morbo venter in immensum excrevit, quo post obitum apertus pus copiosum exiit, quod ex thorace manasse illud indicavit, quod nulla viscerum corruptio in ventre inferiore reperta, Pulmones autem unius lateris penitus absumpti.

## OBSERVATIO XXI.

*Hydrops à vesiculis membrana adiposæ adnatis, lumborum regioni adnatis citra lecoris vitium. 1. Ab aqueis vesiculis multis conclusis intra omenti substantiam. 2. A binis vesicis inter peritoneum & intestina latentibus. 3. A pluribus vesicis inter peritoneum & intestina. 4. Ab vesicis variæ magnitudinis circa mesenterium. 5. A vesicis viscera omnia imi ventris*



*ventris obsidentibus. 6. A multis vesiculis propria tunica conclusis. 7. A vesicis mesenterio, peritonæo, intestinis, omnibusque visceribus adnatis. 17. 8. A vesicis variis abdominis locis dispersis. 9. 10. A vitio Iecoris vesiculis obsiti. 11. 12. 13. A lymphæ vesicis conclusæ. 14. A crebris vesicis invicem coherentibus, inter peritonæum & cutem abdominis. 15. A vesiculis inter abdomen & peritonæum aggregatis. 16.*

**S. I.** **I**Nter cadavera, quæ hætenus pro more in Academica nostra recepto, hyeme quorundam annis mihi dissectanda incubuerunt, Anno 1672. mense Januario unum mihi obtigit mulieris cujusdam sexagenaria majoris, macilentæ, fuscæ, quæ ascite extincta fuerat; in cujus apertione sequentia notatu digna se obtulere. Removendo imi ventris integumenta communia, cuticulam passim à subjecta cute separatam, perque hujus poros serum transsudans deprehendi. Quin & membrana pinguedini substrata hic illic Hydatidibus scatebat; præ cæteris verò partibus frequentes in lumborum regione conspiciebantur, ubi serosus humor diuturniore mora condensatus, gelatinam specie referebat, cute circumquaq; livida, corrupta, serum tenuius copiosè transmittente. Dissecto Peritonæo, hepar quidem & pancreas sua quodque magnitudine, figura, substantia atque colore, pro ætatis hujus ratione, satis naturali præditum reperi. Lien quoque quoad hæc omnia naturaliter habere visus est, una excepta magnitudine, qua fabam majusculam non excedebat: Sed & membranæ, illum investientis, partem circiter sextam, putre serum exederat. Contra foramen in jejuni intestini principio, quod hic ductui pancreatico pariter & poro bilario commune erat, tanta repertum fuit amplitudine, ut digiti auricularis liceret immittere apicem. Denique Venarum, Arteriarum, Nervorumque divaricationes huic visceri insertæ, breviores esse videbantur quàm pro naturæ lege.

#### SCHOLIA

**Q**Uemadmodum in multæ fermentatione feces crassiores secernuntur, & ad dolii fundum deturbantur; sic dum chylus in corde, hepate & liene coquitur atque fermentescit, feculentus humor, melancholicus vulgo dictus, necessitate inevitabili generatur. Hunc viscera non protinus ut genitus est extra corpus eliminant; sed crebris per ea circuitibus, calore suo copioso magis magisque adtenuant & perficiunt, perfectumque cum aquosa sanguinis parte miscendo in serum convertunt, quod deinceps ad glandulas conglomeratas, salivales & pancreaticas per arterias delatum, in salivam succumque pancreaticum; ad glandulas verò conglobatas, eorundem ope vasorum appellens, in lympham facessit. In illo quidem munere obeundo lieni primæ partes tribuendæ videntur; quippe in cujus cellulis sæ hæc subsidit, tanque diu hac sede moratur, donec sufficienter attenuata & aquosa sanguinis parti permixta, quoad subtiliores sui partes in vasa lymphatica à liene emergentia distribui; quoad paulò crassiores autem una cum sanguine in venas remeare possit. His ita suppositis, (quæ sufficientibus rationum momentis facile confirmarem, si temporis & instituti ratio pateretur) manifestum est in hac femina lienem mole minimum, toti melancholicæ feci recipiendæ & adtenuandæ fuisse imparem; hincque adeo factum, ut serum totius massæ sanguinæ salsum nimis ac tartareum evaserit, quod cum à glandulis pancreatis in succum justæ consistentiæ converti non potuerit, ductum pancreaticum, prima ætate adhuc tenerum, continuo transitu dilatavit & amplificavit.

Cæterum Ascitem, & quæ inde pullularunt symptomata, iis, quas nunc subjiciam, causis, adscribenda esse puto, Nempe cum præfatorum viscerum robore non solum crassa attenuari, sed & inutilia expelli per loca convenientia debeant; accidit, ut calor eorum ingravescente ætate maximam partem absumptus, & hinc succrescente in dies majore

re feculentorum humorum copia pene suffocatus, tandem oneri succumberet, sicque serum hoc præternaturale in massa sanguinea retentum in abdominis cavitate, nec non pedibus, femoribus ac lumbis stagnaret. Id autem duobus maxime modis contigisse verosimile est; immediate inquam, & mediate, Immediate quidem serum statim à sanguine secedens eò redundavit; cum enim Arteriæ languidiùs in hoc corpore effæcto pullarint, sanguis quidem spirituosior per poros partium in venas propelli potuit; serum autem frigidius in mediis viis hæsit; aut, si in venas transsumtum fuit, illic ob lentum sanguinis motum nimiam moram agens, venarum tenues tunicas distendendo, per ~~transsumtum~~ transsudavit. Mediantibus verò valis lymphaticis idem accidere potuit, quatenus lymphæ, ex sero hoc salsum nimis & acris, acrior genita, tenuissimam vasorum lymphaticorum tunicam corrodit; & in vacua abdominis spatia viam sibi patefecit. In pedibus autem Asciticorum tumor terè incipere solet, quod hæc partes frigidissimæ sunt; utpote à Corde, cæcæ fonte caloris procul remotæ; quare cum sanguinis motu admodum lento eas transluat, serum hic maxime frigidum, & spiritu ferè omni destitutum, distans ob causam, stagnare necesse est. Sed & peculiari de causa tumores ejusmodi in pedibus frequentiores sunt; quia scilicet serum tartareum innata quædam gravitate facile descendit, difficulter verò ascendit: Lumbos potissimum infestavit, quod, propter decubitus, in eam partem majore impetu serosus sanguis affluxit. An verò & per cæcos occultosque meatus serum ex abdomine eò penetrarit, iis æstimandum relinquo, qui non ignorant nonnunquam in tibiæ fractura saniem ex profundo usque adeo ad superficiem propelli, ut fascias cruri tractu circumvolutas inficiat: *ῥ'α'λ'ι'α*; in membrana adposita abortiunt sunt, sero pelliculas à subjecta pinguedine divellente, quod si diutius immoratur, tandem subtilioribus partibus à calore dissipatis, in gelati-

nam concrevit, ut in multis cadaverum dissectionibus in Nosocomio nostro, una mecum studiosi, quos eo nomine illuc deducere soleo, sæpe observarunt. Idem serum cuticulam à cute diversis locis separavit. Lumborum autem cutis livorem & putredinem

contraxit, quia calor natus, ob decubitus in eam partem, & maiorem serosi humoris affluxum, suffocatus fuit. *Ex communicatione Clarissimi & Excellent. D. D. Glaferi Anatomæ Professoris Basileensis.*

§. 2. Circa hanc Omembranam mentum dictam, in cadavere cuiusdam mulieris hydropicæ anno 1580. observavi multas vesiculas intra particularem pelliculam per se aquam continentes, erant per substantiam omenti dispersæ.

Vidi etiam eodem anno proximo supra citato quandam cui Vomica aperui in umbilici regione, quæ cum per aliquot dies disrupta permaneret, per illam omenti portio exiit, cum vesiculis multis aqua repletis, & amoto omento curata fuit, manente in illo loco fistulari ulcere, & post hæc tres filios peperit. *Hippolitus Bosius de Facult. Anatom. Lect. 2. p. 17.*

## S C H O L I A.

**W** Arthon *Adenogr. cap. 11.* vesicas has sic formari tradit, Si contingat lymphaductus in mesenterio obstrui, quia valde fragiles sunt, facile rumpuntur, & aqua suis in abdominis cavitatem exspuunt, unde hydrope ascites certissime consequitur: Sin vero vasorum horum membranula tenaciores fuerint, ita ut distensionem notabilem absque laceratione ferant, in vesiculas quasdam aqua turgidas attolluntur, quas hydatides vocant, & peculiaritatem ascitidis speciem constituunt: quamlibet autem vesiculam inter binas dictorum vasorum valvulas quamproximas efformari contingit: quia vero aqua nec prorsum, propter obstructionem, nec retrorsum fluere potest, ob valvularum interceptionem, interstitia intumescunt in figuram orbicularem, usque capacissimam, quæ figura in hydatidibus vulgo cernitur: Hydatides ista haud longe diversa videntur ab iis, quas per meatus urinarios & anum quoque excerni aliquando observavimus: Hæ vesicæ si extrorsum ferantur, & in abdomine hydropicorum

compareant, ex his apertis, duarum vel trium horarum spatio non raro plus aqua exsudet, quam potens hydroicum per integram noctem exhaustire valeret: Exemplum affert Riverius observat. excerptarum ultima, Rusticus, ait, quidam hydropicus factus, abscessum passus est in dextra parte abdominis, coque aperio, infinitus propemodum vesicularum aqua repletarum numerus egressus est, ut ducentiarum numerum excederet, idque per plurimum dierum spatium, & sic omnino curatus est: Porro quia lymphatica vasa fere ubique sese diffundunt, hinc est quod ejusmodi vesicæ in omnibus pene partibus innascuntur, mesenterio, peritoneo, intestinis &c. De his vesicis vide Scholia ad observat. 1. sectionis 13. de Excrementis alvi p. n. Si serosæ illæ aquæ (inquit, *Roslinckius lib. 3. Epit. meth. cur. & cognosc. cap. 9.*) à lymphaticis vasis non separentur, hæc renibus & ureteribus attrahantur, restant in corpore, & in Ascite in cavitatem deponuntur abdominis.

§. 3. Vixerat femina quædam pauper pluribus annis de tumore ventris queribunda, quousque ad immensam molem, cum summa corporis tabitudine & gracilitate distentus est venter: hæc mensibus omnino suppressis erronea diæta semper usa est: quare ob virium jacturam exanimis moritur:

Secundo cadavere parva aquæ copia educta est: Jecur lapidosum inventum: Pulmones, ob aquam quæ diaphragma penetrarat, dimidia ex parte corruptos vidimus: Resecto ventre ad musculos abdominis, inter peritonæum & intestina, binas vesicas invenimus, quarum una bovinæ vesicæ urinariæ prægrandis magnitudinem superabat: Iis disruptis, tanta foetida lividæque aquæ copia mucoso humori permixta effluxit, ut vas 30. librarum capax adimpleret, quo copioso humore innatus ignis obrutus est extinctus. *Zacutus Prax. adm. lib. 2. observ. 52.*

§. 4. Laboraverat Illustr. N. conjux quinquagenaria hydrope Ascite septennio, qui ex suppressis hæmorrhoidibus ortum duxerat: Omnia remedia frustra fuisse; nam malum adeo increvit cum siti clamosa, nimiaque ventris mole conjunctum, ut tabefacto corpore & innato calore suffocato à copia multa, plura deinceps celebrata præsidia temens, eam ad mortem deduceret.

Secundo cadavere, jecur putridum inventum, ita ut solum digitis impositis difflueret: Aperto ventre, inter peritonæum & intestina invenimus numerosam vesicarum struem, quæ bullæ aquatilis instar molles & lucidæ, erant inter se conjunctæ: Et his curiose separatis (quæ 52. numero erant, & ovi magnitudinem non excedebant) & disruptis emanavit limpidæ aquæ ac falsissimæ copia tanta, ut 12. libras adimpleret: ex hujus humoris onere calor innatus est obrutus. *Idem Medicin. Princ. lib. 2. cap. 123. observ. 24.*

§. 5. Ego observavi hydropicorum aquas circa mesenterium vesiculis variz magnitudinis inclusas detineri, & propterea hominem diu servari superstitem, donec vesiculæ vel tenuitate sua, vel acrimoniam induente sero intus contento, rumpantur, & illud serum deinde in cavitatem ventris defluat, putrescat, reliquorum viscerum corruptelam

& tan-

& tandem hominis interitum causet. *Hæserus Herculis med. lib. 3. cap. 2.*

§. 6. Occurrit mihi casus quem vidi in matrona : hæc ex suppressis mensibus anno 1612. incidit in hydropem : Vacuus & cavus alias erat totus venter & abdomen ; consumpta omnia : pinguedo in mesenterio nulla : subsidit ventriculus penitus, sed in omnibus intus visceribus stabulatur ingens aquæ copia, ultra mensuras sexaginta : ipsaque viscera plena erant vesicis duplicatis ; veluti in carpionibus eximuntur : è quibus materia viscosa & aquosa sectis erumpebat : Ejusmodi vesicis pendulis ( numerus exéssisset non-gentas ) scatebant renes, uterus, ventriculus, intestina, cor, pericardium, hepar & lien : mirabantur omnes cur in tam longa inedia integrum fere annum perseverare potuerit ; antequam exspiraret. *Ex observ. Phil. Persii Medici Austriaci.*

§. 7. Observavi anno 1580. in cadavere mulieris hydropicæ, intra propriam tunicam, multas vesiculas per se aquam continentes, per omenti substantiam dispersas :

Eodemque anno mulieri cuidam, aperta in umbilici regione vomica, excidisse vidi partem omenti ejusmodi vesiculis referti. *Hippolitus Bojcius lect. 1. de facultat. Anatom. pag. 17.*

§. 8. In Phthisici & Hydropi cadavere Bononiz inveni in inferiore ventre viscera absumpta, atque omni succo exhausta, nihilque aquæ in ventris capacitate, at ubique mesenterio, peritonæo, intestinis, hepatis, lieni, denique omnibus visceribus vesiculas inæquali magnitudine, easque aqua limpida plenas, adhærentes. *Volcherus Coiter observat. Anatom. p. 117.*

#### SCHOLIA.

**H**Ujus hydropis, ab aqua vesicis comprehensa, primus meminit *Averanus* lib. 4. cap. 1. de signis & causis diuturn. morbor. *Hydropici*, ait, morbi species talis agnoscitur : In ea vesicula quadam pusilla, crebra, humoris plena, in loco ubi ascites fieri solet excitantur ; ceterum quod humore multo refer-

ta sint, illud indicio est, si abdomine perforato parum admodum humoris effundes, ab interiori namque parte vesica occlusit : at si aliud instrumentum impuleris, iterum succus emanabit : tunc usque aqua intercutem species haud levis est : Unde enim id genus vesicula eruperint, via haud facile reperitur &c.

§. 9. Vidua Nobil. N. ad secundas accessit nuptias, & mox à complexu conjugali, menses, ( qui statis temporibus à morte primi mariti, ad alterum usque conjugium copiose satis fluxerant ) ad 16. & plures hebdomades jam deliisse sentiens, gravidam se firmiter credidit ; Sed postea novus mensium fluxus, parvus tamen, est exortus, qui sic constitutis temporibus, ut ne dies quidem deficeret, suum observavit circuitum : Dubitantem itaque ægrotam grvida-ne esset annon ? ( nam fluentibus mensibus abdomen in dies increverat ) foeminarum quarundam assertio, quæ se similia gestationis expertas fuisse tempore affirmabant, in concepta graviditatis opinione detinuit : finitis verò mensibus septem, cum nullum infantis in utero motum perciperet, abdomen tamen in dies magis accresceret, non gravidam se amplius, sed aut molam in utero portare, aut hydrope se affectam credidit : quare variorum expetiit consilia, qui frustra hydropem expugnare tentavere : Quare se Hafniam contulit, ubi D. D. *Simon Pauli* fuit vocatus, & huic post fui adjunctus collega ; Nos historia morbi præsentis cognita, & inspecto abdomine, adeo tumidum illud invenimus & inflatum, ut mulieris gemellos gestantis abdomen, sua magnitudine non solum æquaret, sed etiam longe superaret ; Ideo consensimus ut ascitum tympanitidem morbum appellaremus : non solum enim abdomen tumebat, sed & femora atque crura adeo erant inflata, ut ad digitorum levem impressionem relinquerent fovearum vestigia : Ad has igitur morborum species directa fuere remedia, & mitioribus catharticis ultra 20. portæ aquæ puræ, sine ullo Nobil. agræ incommodo brevi fuerunt eductæ, exceptis excrementis, quæ serosam sæpe materiam exigua comitabantur quantitate : quæ tamen aquarum educta copia, non solum non levavit ægram, sed ne abdomen quidem potuit detumescere, in dies majora excipiens incrementa : quam ob causam relictis tum catharticis tum flatus discutientibus, urinæ propter paucitatem, cujus horarum 24. spatio vix 3viii. reddebantur, diuretica variis sub formulis præscripsimus, sed sine fructu, majorem enim solito urinæ copiam non excrevit : ferreum itaque cum hunc morbum non solum medicamine non mitigari, sed magis abdomen, femora, crura, pedesque magis quotidie tumescere cerneremus, ne quod remedii genus à nobis intermissum videretur, tres Lanceola profundas satis, & aliquantum ab invicem distantes scarificationes, supra malleolum pedis dextri administrari curavimus, Ex quibus serunt magna copia per aliquot effluens hebdomades, ut tali remedio & femora & crura pedesque



pedesque detumescerent, non exiguam nobis præbuit salutis spem: Verum gaudium non erat diuturnum, nam ad inferiores partes ex abdomine serum ulterius descendere, inde vulnuscula facta, una cum novo, quod in pedis superficie erat insitum, fluere sponte defecerunt, brevique cicatrice fuere obducta: omnibus hisce evacuationibus abdomen nihil minuebatur, sed quotidie accrescebat: Ideoque internis per os onerare ægram amplius nolimus, sed clysmatum commodiorum usu frequenti, satis bono cum successu, continuavimus curam: In absentia postea D. Collegæ, cum continuo à me ægra nova remedia efflagitaret, balneum ipsi siccum ex sabulo marino calido commendavi, ex quo cum maxime levaretur, exque abdomine, lumbis cruribusque calore sabuli, magna feri extraheretur copia, illud tandiu, spe restitutionis, continuavit, donec vires quotidie magis deficientes, ulteriore ipsi ejus usum denegarent: ab hoc igitur etiam abstinui, Atque ægræ duoremedia generosa, *Paracentesin abdominis*, è regione umbilici, & Perforationem paulum sub umbilico proposui, Ex quibus perforationem illa se melius laturam putans: illam elegit, quâ Chirurgus feliciter expedivit; Sed ex intrusa, fere sine dolore in abdomen cannula, quod ne gutta quidem prodiret aquæ mirum nobis est visum, quamvis Chirurgus oris primo suctu, deinde syphone eam extrahere tentaret: quare, re quasi infecta, cannulam iterum extraxit, statimque adeo arcte istud foraminulum in abdomine factum, clausit, ut ejus postea vestigium nec cognosci, nec profluens humiditas à nobis posset observari: nec ægra de ullo facti foraminis dolore conqueretur: Cannula extracta erat quadam repleta materia, quam immisso cannulæ stylo adaptato, albam & glutinosam, sed in parva quantitate, inde expulimus, factoque experimento num in lympham caloris posset resolui beneficio, in cochleari super leni caloris ignem, tanta adepta est spissitatem, ut glutinum verum albo colore dixisses & fragile, quæ glutinosa substantia, aquæ frigidæ affusione resoluta, ad priorem rediit visciditatem: Hæc jam postquam extrema remedia, sine ullo fructu adhibita, cum cerneret ægra, ulteriorem Deo curam commendavit totam, clysteribus interim, quoties urgebat necessitas, proritans alvum ad excernendum, & tanta gestavit facilitate abdominis pondus, ut post oclusam ejus puncturam, carpento extra urbem vehi se aliquoties sit passa: Cum vero ad eam invisendam circa nonarum Augusti octavam matutinam adessem, nocte præcedenti bene quievisse se & (appetitus enim toto morbi tempore non fuerat dejectus, neque sitim pariebatur) jentaculum more sumpsisse solito mihi retulit, reliqua etiam omnia mediocriter habere cognoui: circa vero sextam ejusdem diei vespertinam iterum advocatus, adeo immutata vidi omnia, ut jam nihil, nisi mox parturientis ex ægra clamores exaudirentur, retulit etiam mihi, remissa plane & pene deficiente voce, se majores circa uterum, pudenda, vicinasque partes, jam parturiendi perferre cruciatum quam antea unquam: Et quoniam hosce dolores, dixit, meas superare vires longe sentio, aut abdomen jamjam rupturum, aut me fatis hoc momento concessurum credo, hique dolores toto noctis fere intervallo persistebant, nec ullum mitigandis illis aptum remedium potuit applicari, donec tandem post matutinam sextam ultima ad Deum transferret suspiria.

Quoniam vero Nobil. hæc, tenerrimæ alias conformationis, abdomen p. n. modumque habebat maximum, Maritus, metu rupturæ, postulavit ut lancæola facta pertusione levi, quandam copiosæ in abdomine contentæ materiæ portionem ediceret, quod factum: Verum non ut in hydropicis consuevit, magno impetu profiliit aqua: profluvium, sed ejus loco materia talis viscosa & crassa, qualem ex vivente syphonè extraxeramus, hoc tamen discrimine, quod hæc priori minus albicans ad puniceum vergeret colorem: Tum, quod largior hujus materiæ copia per puncturam factam egredi non posset, illam Chirurgus paulum fecit majorem: Tum materiæ dictæ quinque ad minimum portæ nostræ mensuræ cum impetu effluxere, & una cum hac frustum aliquod peculiare materiæ glutinosæ, quod mirabili magnitudine & figura, vram racemiferam, aut conumpineum referebat, colore ex albo flavescente, quod à materiæ glutinosæ reliqua saburra facillimo separabatur negotio, sed basi suæ uteri ruptæ parti interiori per venulas & membranarum fibrillas adeo adherebat arcte, ut propter raram extensionem, sine ejusdem læsione ab utero non separaretur: Illud vero in materiæ glutinosæ frusto dignum admiratione fuit, quod unicuique venulæ, ex interiore ruptæ uteri parte prodeunti, materia quædam glutinosa, distincta, rotundam exhibens figuram, firmiter adhaereret: Venæ itaque istæ, earumque varix ramificationes, quibus, singulis pro magnitudine talis glutinosæ figura erat superposita, admirabile hoc glutinosum corpus efficiebant: Exempto tandem cum materia hac racemifera, simul & ipso utero (quem in fundo & ad latera nimia ipsius ruperat extensio & raritas) in ejus latere dextro, corpus membranosum, rotundum, capitis virilis æquæ magnitudinem, fibris partim & membranis robustio-

ribus uteri parti inferiori, partim ilio ossi firmiter annectebatur, exceptis his ligamentis partem reliquam liberum: quod cum & Chirurgus aperiret, nihil in eo aliud præter similem in abdomine contentam materiam, sed albidiorē aliquanto invenimus: Tum ad reliquas abdominis partes facta digressionē, absconditas illas tegumento quodam membranoso, crasso satis, & robusto, superius utriusque lateris costis spuris, in medio toto tractu peritonæo, inferius pubis ossi, inter uterum & rectum intestinum adeo firmiter annexo reperimus, ut divelli inde facile non posset: Et inter hanc & peritonæum, omnis supra toties nominata materia crassa & glutinosa, simul cum rupto utero, & corpore rotundo membranoso cum sua materia continebatur: quæ materia collecta omnis 28. mensuræ nostræ potas æquavit: Postea membranam illam robustam dissecuit Chirurgus, & Hepar, Lien, reliquæque in abdomine contentæ partes oculis se nostris prodidere, quas sanas omnes, præter cæcum & rectum deprehendimus: Intestinum illud infantis trium annorum brachiū supra cubitum æquans crassitie, & opertum materia glutinosa, reliqua abdominis multum candidiore, scatens: hoc, tumorem palma circiter ab ano distantem, ovi magnitudine ferens, quæ factoris metu Chirurgus non aperuit, Conjectura tamen elicere potuimus abscessum ibi latuisse, & ex hoc purulentam illam effluxisse materiam, quæ quoties suppositorio ex melle tantum & saccharo Nob. fœmina adhuc vivens sollicitabat alvum, cum reliquo sequebatur profluvio, quod tum temporis in curatione (licer puris redditi causa daretur nulla) sæpissime observavimus. *Paulus Moth in Actis Medicis Th. Bartholini ann. 1671. & 1672. Obs. 8.*

## S C H O L I A.

**P**aracentesin abdominis] Profuisse paracentesin observavimus in ætate florenti & morbi initio, integrisque visceribus: Est tamen casus quo frustra tentatus hanc evacuationis viâ, etiamsi & ætas & morbi

infantia saveat & cætera omnia, Quando scil. aqua in vesiculis colligitur, vario abdominis loco dispersis, aperta enim una vesica, reliquas non euacuat, quanquā cohzreant racemorum in morem. *Th. Barthol. ibid.*

§. 10. Hydrops à vesicis aqua plenis matronam confecit Hafniæ, in cujus dissecto cadavere, post longa curationis tædia, inventi globuli aquarum, vesiculæque conglomeratæ, quæ nulla arte vel præsciri vel depleri potuerunt. *Th. Bartholinus ibidem.*

§. 11. Vesicas tenuissimas, pellucidas, aqua distentas, pomi magnitudinem nonnunquam æquantes, maiores interdum, interdum minores, Hepatis substantiæ accrevisse, in cachecticis dispositis ad hydropem, uti & hydrope Ascite mortuis, sæpe inveni. Sed & similes ex Hepate & Liene Simiæ quamplurimas citra sectionem expressi, integrasque manibus excepi, seroso humore subrubro refertas, aliasque citrina aqua turgentes è bilis vesicula exemi: Quales quoque, sed limpidissima aqua plenas, mesenterii porcorum adnasci lanii aliquoties mihi ostenderunt, idque sæpius se observasse prædicarunt: Quod & hominibus accidere posse, cum homo omnibus morbis, quibus & bestia, longeque pluribus obnoxius sit, mihi cogitandi primum, mox etiam occasionem indagandi præbuit. *Platerus observ. lib. 3. pag. 635.*

§. 12. Vidimus sæpe lecur non in nobis tantum, sed & in animalibus occisis, plenum aqua, quoniam in membrana ipsum obvolvete continetur, plures efficiens vesicas, Hæ quæque rumpuntur, & aqua defluit intra peritonæum, cui omentum est adjunctum: Hac ratione aqua intercutem, quæ Ascites dicitur, generatur. *Christ. à Vega comm. ad aph. 55. lib. 7.*

§. 13. Hydrops non est uniusmodi semper, sed dissimilis, id quod ex sectione anatomica constat: Patavii vidi hydropicum dissectum, cujus Hepar quam plurimis vesicis aqua plenis à cunctis conspiciebatur. *I. Bilgerus, ad Greg. Horsium observ. 47. lib. iv.*

## S C H O L I A.

**C**ujus Hepar quamplurimis vesicis] In causam vesicularum inquirendam diligentissimi fuere *Adr. Spigelius & Th. Bartholinus*: Ille cap. 12. lib. 8. Hepar aut. cōnectitur mesenterio, venæ portæ, costis, cavæ ac omento, lobo illo exiguo per quem aquam à jecore in omentū transfundi supra statuimus. *Et paulo post.* Tegitur scil. parenchyma membrana tenuissima & simplici à ligamentis hepatis enata, quæ arctissime parenchymati jungitur: Quod si separetur alicubi, excidete è vasis aquosa materia, & collecta inter ipsam & carnem, ut *Arvid. Græcis* dictæ generantur, quibus ruptis, effusaque in abdominis cavitatē aqua, Hydrops ascites nascitur. *Th. Bartholinus in Anat. Reform. l. 1. cap. 14.* In hac scil. membrana, inquit, hepatis, vesiculæ attolluntur aqueæ, à quibus Hydrops, teste *Platero*: Eisdem in capra vidi albicantes numero multas, quæ fractæ intra folliculum, seu tunicam singularem, serū cum puita, ceu mucilagine recodebant, aliamque flavam substantiam, sive vitio naturæ, sive quod cicuratum esset animal. At *Viri doctissimi* Ductus Hepaticos

ignoraverunt, quibus obstructis tota hepar cingens membrana variis in locis ab humoribus elevatur, qui nisi obstructione impedirentur, vesiculæ chyli aggredierentur, quod in sectione felis animadvertēbam, cujus omnes fere Ductus hepatici, præsertim inferiores venæ portæ substrati, succo crassissimo spongioso infarcti erant, atque hepar vesiculis humore ex albo flavescēte plenis intumescēbat, quæ fractæ ejusdē coloris humorem effundebant: Itaque hoc in uno conveniunt quidem Medici, quod & vesiculæ in jecore generentur, & fractæ Ascitem procreent, sed plures neque modum, neque causam earundem generationis adposuerunt: qui vero apparentem aliquam causam afferre auli, ita sententiis discrepant ut æque dubium lectorē relinquant: Veritati proinde maxime consentaneum, præcunte magistra experientia, affirmaverim humorem hunc regurgitantem in hepar, obstructis primo ductibus istas vesiculas producere. *Olav. Rudbeck Tractatus de Ductibus Hepaticis aquosis cap. 4.*

§. 14. Anno Domini 1567. quum forte fortuna mulier quædam de hydropæ apud Medicum quemdam quereretur, ei hypercatharsin ipse procuravit, correcti stibii certo granorum numero, unde quum fructum mulier non tulisset, ad alium nullis melioribus auspiciis profecta, tandem è vivis discessit.

Hujus eviscerato cadavere, nulla capacitas, hic nihil cavum in eo deprehensum fuit in quo vesica non penderet, secundum Geometricam omnium dimensionem loco coequalis, ac conformis ei qui suo ambitu eam contineret, Locos cavos dicimus, non vesicam tantum, renes & uterum, sed & ventriculum intestinaque, cor, pericardium & id genus reliqua, è quibus prout tam intus quam foris nativum cuique solum contigisset, cystes pendulæ conspiciebantur aqua citrina oppleta, & sine omni fextore etiam post xx. diem: Nullas partes supernas exipimus, etiam ad jugulum usque inferiores quoque nullas, ne quidem proximum sedi locum, quæ hæc suo cavo non caperent vesiculas: Hepar quoque intelligi volumus, rectumque hæc oppressumque foris, adeoque Lienem totum: Si quasque vel minutulas in numerum quispiam retulisset, octingentas numerus superasset facile: Calathos piscarios is novit qui Luræ diversatur ex consuetudine, Ex his ne quidem duo majores vesicas continuissent: ad me bajulus quidam to sane detulit rogatus, Harum porro fabrica fuit hujusmodi ut binæ eas membranae conficerent: valde candicans interior, altera fuit tunica ventriculi simillima, tenuior aliquanto tamen: sed ei quidem concolor. *Mauritius Cordæus comm. 5. ad lib. 1. Hippocr. de morb. mul.*

§. 15. Anno 1581. femina quædam plebeja, annor. circiter xl. humiliorem domus partem inhabitans, ætate & autumno priorè, ventre tumere cœpit, absque molestia, ut gravidam se crederet, nupserat enim ante biennium: Hyeme ingruente, dolores eam gravativi invaserunt, tensivi & lancinativi, noctu vehementius, incescente simul ventre, absque reliqui corporis inflatione ulla, imo demacratione potius: Tum imprægnationis spe in metum hydropis mutata, perquisivit & admisit undiquaque auxilia, sed frustra, quin dolores una cum ventre subinde magis aucti fuere, ut noctu neque in lecto, neque extra quiescere potuerit, sed in summo gelu extra domum obambularit ejulabunda, donec tandem dolorum magnitudine exanimata vitæ concessit.

Facta ventris sectione ab umbilico xiphoidem versus ad cavitatem usque, aqua nulla compta neque intra ventrem collecta animadversa, ut nec flatus ullus, sed intestina, una cum reliquis visceribus, angusto spatio contenta apparebant, Ipsum vero abdomen, à cure ad peritonæum, quasi alba pinguedine duntaxat contextum videbatur, nulla musculorum carnea substantia interposita, sed vesiculis crebris majoribus minoribusque, aqua limpida refertis, invicem coherentibus: idque grandius ac tentius multo erat ab umbilico infra, pubem versus, ut tota venaris perturbatio, visu & contredatione verum hydropem referret: Cætera à naturali constitutione haud multum variabant: Omentum tamen per exiguum vix intestina contegebat, Hepar albicans forinsecus, magnitudine, forma & mollitie competenti, Ventriculus cum liene pariter & renes: Sic uterus & vesica nihil vitii præferebant, *Ex Observat. Joh. Aichholtzii Medici Viennensis.*

§. 16. Præge initio Februar. anno 1581. secta fuit femina Hydropica, uxor cursoris cujusdam Imperatricis, ætate consistente, cui circa anni spatium ante menses desierant, cum ventris intumescencia: unde utero se gerere existimans ab omni medicatione sedulo cavita: habitavit humi, loco angusto, fœtido, temperantissima in victu & parca ob inopiam, vilioris usæ potius quam bono: Porro exacto gestationis tempore, ventreque subinde accrescente absque fœtus vel partus indiciis, dubitans de spe concepta, Medicos consulit serius, ut incassum Medicinæ tum adhibita fuerint: venter enim magis magisque protuberabat, cum dolore continuo, nocturno graviore, ut sine quiete inambulaverit totas noctes ejulabunda, extra domum suam plus satis arctam, etiam hyeme, magna vicinorum commiseratione: Sic tandem cruciatu & inquietudine confecta obiit, magnum obtestata prius mortuæ ventrem introspecti curare, quo ejus affectu recte agnito aliis similiter ægrotantibus subveniri melius posset.

Quo circa presentibus Clarissimis Dom. Physicis & Chirurgis Cæsareis, aperuit ventrem Aulae Chirurgus, me designante, circa umbilicum duorum vel trium digitorum altitudine & amplitudine: Effluxit aqua purpurea instar lixiivii, satis obscura penes cutim, nec premendo ventrem adsurgebat altius: Cum vero segnius efflueret, novacula profundius adacta subsiliens aqua illa obscura spithamæ altitudine absque compressione, quasi cavitare propria reserata, demum largissime profluxit, totaque sic evacuata fuit citissime ingenti copia: Continuata deinde fuit incisio ad utrumque latus, nec non pubem usque: Mirum hic omnibus apparuit, nulli nostrum visum vel auditum.



Abdominis musculi quasi nulli conspecti, sed tota eorum facies interior in vesicularum quoddam corpus continuum, majorum & minorum, partim aqua limpida, partim mucore, partim materia glandulosa refertarum conversa fuit, vel quod credibilis, abdominis musculi extreme attenuati, una cum peritonæo à membrana carnosâ abcesserunt, aqua ibidem fluctuante, tum forte natura id vesicularum corpus membranæ carnosæ munificentia ergo provide addidit, ne amplius distenta rumperetur: Erat enim cœlum turbidum, pluviosum; locus cornosus, sordidus ac foetens, quo minus exquisitè satis investigari cuncta potuerint, prout certe fieri debebat in casu raro: Quin tale vesicularum corpus circa rectos musculos latam manum crassitiæ æquabat: Quod majus est, nondum intestina ulsâ apparebant, aquæ conceptaculo toto detecto: Nec Hepar cum ventriculo, sed membrana sola à pube deorsum versus depressa, indeque rursus eleuata umbilico & hypochondriis at-tensa, diaphragma quodammodo referens: Ea vero incisa comparuerunt & illa, aquæ limpide hæc adeo multæ innatantia, Atque hæc membrana peritonæum erat, ab abdomine aqua inter-labente divulsam, alias vix separabile magna industria, vel ex posteriori conjectura, peritonæum una cum abdomine adeo attenuato, ut simplex membrana obiter aspicientibus apparuerit, crassior non nihil: Ad intra peritonæum nihil rarum nisi ventriculus admodum contractus, sicut & intestina, hepar cineritium magis, splen exiguus, renes naturales: Vterus cum vesica pinguedine multa glandulosa obvolutus: Spiritualia decenti modo se habebant.

Rara sane & monstrosa hydropis forma, aquam adeo multam inter abdomen & peritonæum aggregari, live inter abdomen & cutis pinguedinem, quæ membrana carnosâ denominatur, cum ista vesicularum excresecientia densa ab interna abdominis superficie: *Ioh. Acholzius apud Scholtziū consil. cccxxvix.* Eadem est historia quæ ex *Schenckio* proxime adducta est.

## S C H O L I A.

**P**artim aqua limpida, partim mucore, &c. Affine exemplum, de varia humoris consistentia habet *P. Barbette* in praxi p. m. 169. Incundum mihi erat

videre in abdomine, primo lympham tenuem & fluidam, deinde gelatinam, tertio concretam, tandem duram & stercoraticam.

## OBSERVATIO XXII.

*Tympanicidis causa obscura.*

**P**ost obitum inspectio Anatomica vix quicquam magis in cadaveribus à Tympania quam ab Ascite defunctorum detegere solet. *Willis.*

## S C H O L I A.

**A**ffectus hic prout curatu sic etiam cognitu difficilissimus existit, nam licet exterior ejus species, scil. ventris subdurus tumor, renitens, & à pulsatione instar tympani sonum edens, sensuum una plurimorum indicio evidentissime percipiatur, attamen quæ sit materies morifica tumorem istum inducens, quomodo in ventre aut progignitur, aut aliunde illic advenit, plane nescitur: ideo Tympanitici quasi vento revera gravidi, conceptus sui usque & modum & tempus ignorant: Profecto morbi hujus naturam & causas ideo latere arbitror, quia cum prima ejus initia non advertantur, subito in immensum penè incurabiles fiunt: Dein Tympania, statu ejus peracto in Ascitem degenerans, seu potius hanc sibi consciscens, naturam suam amittere videtur. *Ei quidem post obitum, inspectio anatomica vix quicquam magis in cadaveribus à Tympania quam ab Ascite defunctorum detegere solet:* Quod autem plerique Authores Medici effectum hunc a flatibus intra abdominis cavitatem conclusis excitari facile pronuntiant, animo veritatis avido minime satisfacit, quoniam omnino improbabile videtur flatus eo in loco tam subito, & copia tam ingenti produci, aut si, produceretur, tumorem adeo durum,

immobilem & constantem excitare: Porro inter ipsos de morbi sede, ubi flatus concludi supponitur, non facile convenit, statuunt enim nonnulli locum hunc in Peritonæi concavo, atque ab intestinorum, aliorumque imi ventris viscerum superficie convexa determinari: quomodo autem tanta aggeries ventorum ibi colligatur, nulla ut opinor ratione, exemplo aut parallela instantia declarari potest: Præterea, si ita res haberet multo facilius punctura quam ascites paracentesi sanari potest, quod tamen nunquam audiui factum: Refert *Helmontius* à paracentesi in quodam hydropico habito flatum putidum editum, repente abdomen sidiisse, & virum quam primum interiisse: Verum *Barbette* & *Smerius*, authores fide digni, se deperdiisse asserunt *In Quibusdam*, &c. (*vide inferius*) At vero neque hæc observatio mihi argumento est morbi (de quo agimus) causam intra cavitates intestinorum subiltere, atque flatus ibidem aggestos, sæpius, aut potissime ventris intumescientiam Tympaniticam excitare: præterquam enim quod affectus à tali *operari* oriundos, non ita immobilis & frequenter incurabilis foret, insuper opinari ducor, non tam intestina à flatibus conclusis

Conclusis immaniter dilatari & extendi: vetum ita saepe sponte extumescencia, flatibus quo spatia ampliata implerentur, consequenter & secundario producendis occasionem præbere, prout mox planius ostendimus. Quod autem ab aliis asseritur, flatum qui Tympanitis causa sunt, inter mesenterii & intestinorum tunicas progigni, multo adhuc improbabilius videtur, quia cum nulla ibi præexistat cavitas, quomodo flatum eas partes ita divelleret, & ab invicem separabit, proinde ut à specubus ita efformatis, ventrorum curvulis illuc reconditis tota ventris regio in molem in gentem accrescat? certe tot tantæque continui solutiones absque communibus continuis, & cruciariis acerrimis fieri nequeunt: Quamobrem his opinionibus circa Tympanitem posthabitis, ad pathologiam ejus paulo certius investigandam alia procedamus via, perpendendo scilicet quorū modis, & quibus de causis evidentibus abdomen intumescere solet: Itaque advertimus quatuor esse contentorum genera, à quibus ventris imitatio in viventibus procedit, (cur in defunctis abdomen intumescit, ratio inferius explicabitur) sunt autem ista *Solida*, *Humida*, *Flamma* & *Spiritus*, Primo satis obvium est Tumores viscerum internos, scilicet Scirrhosos, Strumosos, Cancerosos, Glandulosos, & quosdam forsitan alius generis, quando ad molem notabilem assurgunt, totum ventrem intumescere: interea tamen donec simplices & recentes existunt, tactu percipi & circumteribi possunt: postea tamen inveteralescentes in viciniam suam, imo in totam abdominis regionem mala alia accerunt: profecto hi interdum Ascitis, uti & Tympanitis ab initio sunt causa procatartica, quibus deinde in utriusque morbi complementum causa alia conjuncta, scilicet aquarum illuvies aut spirituum inordinatio accedit. Secundo, *Humor aquosus* intra abdominis cavitatem aggelus, aut partibus ejus membranis, vel glandulis impactus, non raro Ascitem producit, cujus rationes & fieri modos dedimus: Tercio *Flamma* intra coctionis viscera à cruditate, dyspepsia, aut humorum dissimilium fermentatione excitari, non raro intestinorum cavitates inflant, atque ventris tumorem, plerumque tamen brevem & transitorium produciunt: Quippe succorum fluxus cessante, atque flatuum eruptione procurata, subinde statim ventris detumescencia succedit: Huic causæ & colica & tympanites non tantum vulgo, sed etiam à multis magnæ notæ Medicis imputantur, verum nostra fert sententia eam solitariam neutrum ex iis affectibus producere: Quarto restat adhuc alia subita, & quidem immanis ventris intumescencia, quam spiritus animales, (non de nihilo ab Hippocrate dicti) acciere videntur: Si quando enim hi fibras nerveas, ad viscera imi ventris pertinentes, adspiciunt & inordinate irruunt, illico partes quas hæc contextunt, plurimum inflari, distendi, & quaquavertius extumescere faciunt: Enim vero ab hac causa subitaneum totius abdominis tumorem, & inflationem velut Tympaniticam, in paroxysmum colicis tum hytericis vulgo dictis, crebro acciere ostendimus: Et quidem hi affectus Tympaniti in tantum affines sunt, ut in ipsum non raro desinant: nam frequenter observavi passioni colicæ aut hytericæ diu ac graviter obnoxios, nisi curantur deinnum Tympaniticis fieri: Et tunc maxima discriminis ratio erit, quod affectio ista, scilicet ventris intumescencia, quia prius symptoma erat vagum & cito pertransiens, deinnum *Morbus* fixus & permanens evaserit: quapropter ex re forte videtur pathematum istorum aetiologias, à nobis alibi traditas, ad præsentis morbi naturam & causas explican-

das accommodare: Supposito ergo membranarum & viscerum concavorum extensiones *quædam*, seu velut inflationes, à spirituum in fibras nerveas (è quibus contextuntur illi) incursibus impetuosius exoriri, satis obvium erit concipere Tympanitem à tali causa, sed fixiori, & in actu diutius aut perpetim existente produci, in cujus discriminis rationem inquiramus, Interim opinari ducor Tympanitem non à flatibus intra vel extra intestinorum cavitates conclusis excitari, (talis enim iis in locis flatuum aggestio hujus morbi effectus sed non causa est) verum exoriri quatenus in imo ventre spiritus animales, ad viscera membranacea spectantes, ab incongruo quodam in *arteriis* adacti, fibras ubique nerveas tumultuarie irruunt instantque, nec statim denuo ab iis recedunt: hinc peritonæum extumescit, intestina extensa & ampliata velut inflantur: Mesenterium, aliæque viscera membranacea, spiritu impetuoso turgida, velut in molem attolluntur: Porro dum hæc hunt, ut vacuitates à viscerum concavorum extumescentiis factæ impleantur, humoris statim turgidis intus contenti portio in vapores rarefacta, illico in flatum, spatia isthæc inania oberrantes, cedit: Profecto spiritus animales inordinatione sua partes membrinaceas inflare, adeoque effectus quasi *quædam* producere alibi ostendimus: Porro idem ex observatione anatomica per vivisectionem facta apertissime demonstratur, in quantum scilicet truncus nervorum octavi paris per cervicem utrinque descendens, si excipiat & filo ligatur, totus illico ventriculus, tanquam à vento inflatus extumescit: quod certe à nulla præterea causa procedere potest, quam quod spiritus fibrarum istius visceris insiti, aliæque per ductus nerveos influxi (quatenus à fonte suo præcissi in confusionem aguntur) partes illas tumultuarie subeunt instantque: Insuper his ad hypothesin hanc amplius illustrandam, libet hic historiam à Clar. *Smerio* citatam referre, de Tympanite (ut appellat) universali in juvene quodam, qui cum in conflictu subter axilla dextra vulnus punctum factum, in pectoris cavitate penetrans accepisset, post tridie toto corpore, post unicam noctem, mane turgidus apparebat, non solum pectore sed & dorso, ventre, lumbis, imo scroto quoque, præterea & brachiis, humeris, collo vuluque, ut ne palpebras quidem deducere posset, quin etiam in vertice ipso, cute ubique distenta & tumefacta, tumor ubique erat tenus & cum dolore non paucis, Affectionem hanc admirandam Author appellat Tympanitem universalem: Casum similem attert *Sennertius*: attamen symptomatis hujus ratio à *Smerio* assignata, & à *Sennerto* approbata, mihi haud quanquam arridet: quippe adscribunt illi generalis istius Tympanitis causam in *insufflatione pectoris per vulnus axillare, subter cute tota illa nocte factum, quo modo vesicam recentem & flaccidam, inserto calamo à pueris inflari videmus*, quod equidem non solum improbabile videtur, sed etiam vix possibile censemus, ut ventus è thoracis vulnere exufflatus, propter foramen una nocte obduratum, cutem subeat, indèque totum corpus permeans ubique intercus fiat: Præterquam enim quod illinc in partes omnes ventus; etsi per calamum ex ore subtercutem insufflaretur, tam subito transire nequiret, insuper dum vulnere foramen obduratur, nullus omnino à cavitate pectoris ventus exufflari potest, quia nullus interea potest ingredi. At vero stupendi istius affectus (unde etiam Tympanitis ratio formalis illustratur) causa proculdubio hæc est, In pectore prope axillas magni & perquam insignes (propterea in Nervologia nostra descri-

plimus) extant nervorum plexus, per quos nervi spinæ dorsi, per ramos & propagines hinc inde missas conveniunt: Quapropter plexu isthoc nerveo, per gladii puncturam forte transfixo, primo spiritus ibidem hospitantes irritati *atraçias* ineunt, dein consensu per nervos tot eximios statim facto, & quaqua-  
versus huc illuc transmissis, spiritus alii, & subinde alii; pares inordinationes subeunt, atque membranas fibrasque nerveas (quas ubique tumultuarie subeunt) inflantes, totius corporis affectionem quasi Tympaniticam inducunt: Propter similem furorem, live oestrum virulentum spiritibus alicubi impressum, & inde mox longe lateque diffusum, toxica quædam epota, telorum aut ferarum jetsus, vel morsus venenosus, sæpenumero partium una plurium, aut totius corporis intumescientiam inducunt: Cujusmodi spirituum affectio Typhodes ab *Helmonitio* dicitur *indignatio Archæi*: Complures alii subiunt calus & instantiæ, quibus evincitur Spiritus animales irritatos, & in exandescencias actos, quatenus fibras nerveas impetuosius subeunt, partes, imprimis membranaceas intumefacere, & multas ex iis passiones excitare, quæ vulgo, sed perperam, flatibus adscribi solent, revera ut Tympanitis nulla alia causa verisimilior assignari possit: Quod si obiicitur defunctorum abdomina, post aliquod tempus, à flatu intumescere, & quasi tympanitice intumescere, dico hoc omnino ab humorum putredine, & extrema mixtionis dissolutione, in qua particula activæ omnes manumissa ab inuicem discedunt, & avolantes quaqua-versus exitum quæzunt, & obstacula quæque, ac imprimis cavitatum parietes immaniter distendunt (quod minime in viventibus contingit) procedere: quapropter uti cadavera nō omnia ex equo putrescunt, ita illorum ventres citius aut tardius, magis aut minus extumescunt: attamen durante vita nulla hic in corpore animato putredo, aut particularum dissolutio, *zæm-*  
*my*, sive intumescientiam splachnicam illatura: Interea non inficias imus flatus intra pepticos, hæmatoseos & secretionum organa, imo intra singulos quoique corporis nostri specus & recessus generari: attamen è singulis istis, (donec spiritus fibras tum nerveas tum motrices rite influunt ætuantque, ut viscerum parietes haud distenti ac rigidi teneantur) flatibus ubicunque genitis æque faciliis patescit exitus: Atque in Tympanite revera flatum spacia vacua implere concedimus, verum spiritus ipsi, quatenus inordinatione sua viscera extendunt, vacuitates istas (in quibus flatus secundario & consequenter progignuntur) primo efficiunt, & illi (quatenus viscera eadem usque rigida & distenta servant) ne flatus isti ablegentur impediunt. Hinc constare satis arbitror Spiritus animales potius quam flatus ejusmodi ventris intumescencias, saltem breves & transitorias: quales in paroxysmis colicis & hysteriis contingunt, excitare: Attamen magna difficultas restat

quomodo abdominis *zæm-* tympaniticus, qui fixus & permanens, uno plerumque immobilis est, à tali causa procedit: præsertim quia spiritus animales, ex sua natura irrequiri & valde mobiles, fere semper lationem affectant, ut nili detelli, aut detuncti, vix unquam resideant: Ut nodum hunc solvam, considerare oportet, una cum spirituum animalium hypostasi, *Succum nerveum*, qui istis ubiq; pro vehiculo, simulque pro retinaculo est: namque spiritus hujus fluente subtilissimo potiri, libere expatiantur, & ne ab invicem dissipati avolent, in serie integra continentur: Si quando igitur latex iste quoad crasin aut motum suum peccat, exinde statim spiritus animales in functionum suarum exercitiis varie delinquant aut pervertuntur: Et ut isthæc paucis contraham, imprimis advertere licet, imi ventris contenta (demptis solum hepate, liene ac renibus) visceribus membranaceis (quæ fibræ nerveæ magna ex parte contextunt) plurimis instrui: unde sequitur succum nerveum (cujus in his partibus major ambitus simulque angustior transitus est) remora hic plures ostendere: quod etiam ab effectu comprobatur, in quantum intultus spasmodici, in passionibus hypochondriacis, colicis, nephriticis & hysteriis passim excitari, abdomen ira-gravier infestât. Si quâdo igitur latex iste fibras harum partium nerveas irrogans, vel ex se tenax & viscidus fuerit, vel iisdem feculentias plures impingat, propterea quidem accidet Spiritus animales, si quando in has fibras quantantenus obstructas impetuosè adigantur, exinde non omnes facile redire, cumque ira sæpius plenior eorum incurfus, & parciior reditus fiat, tandem eveniet magnas spirituum copias in fibras istas magis in dies magisque impactas manere, easque distentas usque & plurimum inflatas tenere, demumque propter itum & reditum in fibris istis vias oclusas: ibidè prorsus immobiles fieri, atq; partes continentes semper extensas & rigidas servare: interea quoniam hi spiritus ibidem intra ductus nerveos impacti, ac densim stipati, cum aliis ad illorum antra influis commercium habent, idcirco pars affecta, quamvis rigida, & fere immobilis, usque tamen sensu potitur: Pathologia isthæc, ut ut paradoxæ, assensum tamen merebitur, si perpendatur eos potissimum qui affectibus hypochondriacis, colicis, aliisque fini ventris spasmodicis diu obnoxii fuerunt, demum Tympaniticos fieri: Ex dictis Morbi hujus definitionem hanc tradere licebit, quod sit, *Tumor abdominis fixus & constans, æquabilis, durus, renitens, & à pulsatione sonitus medans, à partium & viscerum membranaceorum inflatione tantædu ortus, propter spiritus animales in fibræ istas copia nimia adactos, ibidem quo succi nervei obstructis vitio, à recessu impeditos: cui affectioni consequenter Flatus in locis vacuis, aggressio velut complementum accedit.* *Willis Pharmacop. rat. part. 2. sect. 2. cap. 4.*

## OBSERVATIO XXII.

*Ventris Tumor Tympaniticus à flatibus Intestina distendentibus.*

§.1. **A**ncilla quædam ex herili filio grævida, promisso matrimonio frustrata, pepererat, & præ ægritudine animi, in Tympaniam hydropem lapsa moritur.

Cadavere dissecto universa intestina, adeoque ventriculus ipse flatu distenta inventa sunt, & fere excrementorum prorsus vacua, absque ullo flatu aut humore (secundum *Hipp. lib. 4. aph. 11.*) in cavitate peritonæi extra intestina consistente, ut merito & vere hydrops siccus diceretur. *Smetius miscellaneorum lib. x. p. 524. & lib. 7. Epist. 4.*

§.2. Puellæ abdomen in modum tympani extensum fuerat, idque propter flatuum in intestinis retentorum copiam, qui illis adeo tenaciter inhærebant, ut superiori æstate cum aliquo-



aliquoties ipsam purgarem, purgationi ne quidem cederent, Et post mortem acie scalpelli perfoſſis intestinis vix efflarent, Nec ſolum intestina flatu extenſa erant, ſed & ipſe quoque ventriculus. *Fabritius Hildanus centur. vj. Obſervat. 74.*

§. 3. Tympanites ſpurius datur in quo omnino intestina flatu extenduntur, nihil humoris continentia præter vermium copiam qui ſurripiunt alimentum: Hunc hydropem obſervavi in Nobili Patavino x. annorum, qui ſtatim mortuus eſt cum tumore ventris Tympanitidem æmulante, Et ſectò corpore omnia intestina flatu erant plena, citra ulla excrementa. In ventriculo autem 33. vermes conſpecti ſunt, & multi ſeſqui pedales. *Itere Saxonia Prælect. Præſt. part. 2. cap. 24.*

§. 4. Puer xvij. annos natus, hydropicus, cum xiv. dierum ſpatio excrementa alvi per os evomeret, nec per ſeceſſum quicquam egereret, in hoſpitali anno 1569. exſpiravit: In hoc cum poſt mortem rugitus ventris, & illius quædam palpitatio ſentirentur, eoque nomine de ſepeliendo corpore ambigeretur, accerſitus cum ventrem aperirem, flatuſ tandem erumpebant: Verum intestina tantopere diſtenta erant, ut femoris craſſitiem certis in locis adæquare viderentur, atque ex compreſſione diſrumperentur, ſtercuſque magno impetu profunderent: aliis vero locis adeo convoluta, intorta & implexa, ut nulla illic nec excrementis nec flatibus deorſum pateret via: Sed & vermibus vivis, oblongis quamplurimis reſerta erant, qui ruſſum aliis minoribus repleti inæquales illos motus effecerant: Præter hæc, hepar corruptum, arenullis, lapidibus inſarctum lienem imminutum, pulmones vitiatos coſtiſque affixos (ut in aliis multis sæpe accidere dixi) oſtendebat. *Platerus Obſervat. pag. 656.*

§. 5. In intestinis & ventriculo retenti flatuſ, nec dum in ſpatium abdominis procidentem, non ſolum colicos cruciatuſ pariunt, ſed ſi adeo incluſi ſint, ut nullo patente exitu ea in immenſum adeo attollant, ut totuſ venter inde diſtentuſ appareat, Tympanitidis quoddam genus, & forte frequentiuſ qnam aliud quod illis in ventrem erumpentibus fieri communiter docent, procreare poſſunt: Sicuti in illis quos Tympaniticos eſſe putabant, deprehendimus, flatuſ nulluſ in ſectis poſt mortem e ventris cavo erupiſſe, nec ventrem ſubſediſſe, ſed intestina, tenuiora præſertim, adeo flatibus diſtenta & convoluta prodiſſe, ut in eundem ventrem reponi ampliuſ nequirent, mirumque fuerit quo pacto in ventre priuſ clauſo adhuc contineri potuerint: Quæ & in quodam adeo attenuata ex ſumma illa diſtentione reperimus, ut non ſolum tenuiſſimæ veſicæ inſtar, vento inflatæ & dilatatæ pellucida eſſent, ſed & compreſſione aliqua diſrupta, ſtercora cum flatibus procul effunderent: Cuiuſ Tympanitis cauſa non alia ab ea quæ & alteriuſ exiſtit, flatuſ ſcil. proveniſtuſ, atque inteſtinorum convolutio, vel inſignis obſtructio: Unde & in hac ſpecie nec flatuſ, nec quicquam per alvum longo sæpe tempore egerunt. *Idem præctica lib. 3. cap. de Exuberantia.*

## S C H O L I A.

**I**N intestinis & ventriculo] *Fridericus Lepneruſ* Introductionis in Medicinam pag. 81. Tympanitidis cauſam materialem in ventriculo & intestinis quaerit, quam Chylum eſſe ſtatuit, qui Flatibus generationem præbeat, Hydropiſ, aut Tympanitiſ cauſa communiter dicitur eſſe flatuſ intra peritonæum concluſuſ, cuiuſ naturam non incongruè deſcribit *Aëriuſ*, Tympaniteſ flatuſ aëre repleti ac ſuperflui plurimam collectionem in iſdem ventri incumbenſibus locis faciunt, ut in principio ſola inflatio eſſe videatur: poſtea tamen flatuſ inſpiſſatur, & veluti nubiluſ redditur, atque ita una cum ſtatuſ nebuſoſuſ quaſi humor conſiſtit & congregatur: Ex hiſ commodè materialem flatuſ cauſam perſpicere licet, cum enim flatuſ dicatur eſſe nebuſoſuſ & inſpiſſatuſ, certum eſt eundem à materia lymphæ vel aqua craſſiori eſſe elevatuſ, Eadem vero materia craſſior, vel erat ſanguis vel alteriuſ conditioniſ: Sanguinem non eſſe vel ſoluſ ſenſuſ in apertis hydropicis noſ docere valet: imò veroliſſimè eſt cruduſ magiſ ſanguine humorẽ flatibus materialem ſuppeditare: Cum igitur neque ſanguis neque lymphæ cauſa ſint, reliquuſ eſt Chylum crudioreſ, in ſpatia abdominiſ e vaſiſ lacteiſ effuſuſ, & circum jacentiuſ partiũ calore in ſtatuſ nubiloiſ & craſſioreſ elevatuſ, materialem eorum cauſam eſſe: Confirmant hoc ipſuſ in Tympanite aſſe-

ctiſ, læſa ventriculi inteſtinorumque, ob debilem calorem concoctio, à qua in iſdem viſiſ maxima flatuſ copia producitur, certo indicio chylum crudioreſ flatibus generandiſ materialem eſſe apriſſimam: Huc accedit viæ comoditas, ab inteſtinis enim ductu naturali per vaſa lactea chyluſ flatulentuſ ulteriuſ tendens, iſi ruptiſ facile in abdomen penetrat: Rupta vero vel læſa eſſe vaſa lactea indicant lumborum doloreſ, & diuturna circa umbilicum tormina hunc effectum præcedentia, læſuſque meſenteriuſ ſignificantia, quo ſpectat aphor. 4. 11.

Liquet hinc quid ſentienduſ circa quaſtionem, utruſ Tympaniteſ vel Aſciteſ periculoſior ſit affectuſ, *Aëriuſ* illuſ periculoſioreſ eſſe dicit, *Iacchinuſ* Aſciteſ, quia in Tympanite minor caloriſ defectuſ, humida enim ſubſtantia ſine calore in ſtatuſ non vertitur, 2. quia malum à ventre ortuſ ducit, at in Aſciteſ pars princeps laborat, Sed quamvis minoreſ in Tympanite caloriſ defectuſ eſſe concedamus, attamen ob vaſa Lactea, Lymphaticiſ præſtantiora, in Tympanite affecta, vel utriſque ob viciniam loci ſimul læſiſ, unde Aſciteſ cum Tympanite conjunctio, 2. materialem magiſ pertinacem & ſolutuſ difficultem, cum Aërio, omnium hydropiſ ſpecierum periculoſiſſimam Tympaniteſ eſſe ſtatuiſmus.

§. 6. Octobris 3. die anni 1676. dissectum fuit cadaver Genevæ virginis xxx. circiter annos natæ, nomine *Lagis*: Per septennium & amplius chlorosi laboraverat, Vultum *οιδιονδης χεγιν* defœdabat, sex ante obitum mensibus diris ventris torminibus, ad lumbos pertingentibus vexabatur, tandem Tympanitica obiit.

Dissecto cadavere, 1°. occurrunt intestina immensum à flatibus turgida, è quibus compunctis flatus cum sibilo & impetu erumpebant. 2°. Lien maxime exilis, In quem ægritudinis causa præsertim fuit conjecta, quia cum præ parvitate, defœcanda à succo melancholico massæ sanguineæ esset impar, hinc illius diffusio facta per totum corpus & coloris inquinatio: 3°. In centro mesenterii, seu Pancreate Asellii, aderat calculosæ materiæ, tophum consistentia, colore & poris, seu foraminibus, omnino referentis insignis copia, in frustra divisa, quorum alia nucis moschatæ magnitudinem æquabant, alia avellanas referebant, quædam fabas, pisa, lentes, &c. fœtor insignis disquisitionem ulteriorem prohibuit: Ægra sectionem & apertionein corporis petiit ante obitum: Excluserat ab aliquot mensibus nucleos ceraforum anno præcedente deglutitorum, quos penes se servat Dn. D. *Cramerus*. 5°. Uterus admodum exilis, siccus, in quo observabatur scirrhusa durities amgdaliy forma & magnitudine. 6°. Cæcum intestinum omnino oblitteratum, vermi formis appendix aberat. 7°. Omentum omnino dissipatum. 8°. Ventriculus maxime turgidus à flatibus, cujus rugæ oblitteratæ.

## OBSERVATIO XXIII.

*Tympanites à flatibus intra cavitatem Abdominis.*

§. 1. Vidimus ex aperto cadavere nihil aquæ exire, sed crasso flatu expirante totum repente ventrem detumescere. *Vallesius comm. in lib. 4. de viç. acut. p. 284. Collado Adversarior. lib. 2. cap. 60. §. 22.*

§. 2. Puellæ febris continua, elatum abdomen in tumorem: Mirum, quomodo tam subito hic tumor natus: Præ dolore interiit: Acu abdomen mortuæ apertum, magno edito sono venter totus subsedit. *Ballonius Paradigm. 141.*

## S C H O L I A.

**Q**uomodo tam subito hic tumor ] Galenus libro 3. de symptome causis, ait, aliquando ardoris vehementia colliquari succos in venis existentes, quasi non per renes ad vesicam transterantur, sed ad ventrem, vel totum corpus transmittantur, subitaneos hydropum status inducere: Ab eadem causa, vehementi scilicet calore, possunt iidem in flatus solui, subitaneumque abdominis tumorem inferre; Qualem nyctimeri spacio exortum vidi anno 1669. in Nobilissimo D. Marco Cavalerio Domino de Fernex, cui ob *αυπλομενίας* viscera incanduerant tertio die funestum.

*Præ dolore interiit* ] Ob distensionem membranarum subjectarum, Horum flatuum in abdomen irrumpentium minerâ in ventriculo & intestinis statuit *Platerus* Prax. lib. 3. cap. 3. cum alia non sint viscera in ventre inferiore in quibus flatus tam copiose congeri possint: Cæterum per quam viam fiat hoc, dubium, Nam per cæcos meatus ventriculi vel intestinorum eos erumpere, cum etiam tenuissimis

membranis facile coerceantur, & humor tenuis facilius transiudet quam flatus erumpat, vix fieri posse videtur: Nec per solutionem aliquam continui manifestam in illis visceribus, alias excrementa alia simul elaberentur, Itaque in oscula venarum mesaraicarum, si ab intestinis vel ventriculo flatus in abdomen ferantur, eos primum se insinuare, atque ex venis mesaraicis rursum eodem modo, sicuti serosum humorem inde quoque elabi dictum, in ventris spatium procidere magis verisimile existit, quod & aqua cum flatibus in tympanite plerumque permixta, hæc simul per eandem viam huc pervenisse aliquo pacto comprobatur: Possunt quoque flatus per intestinorum tunicam interiorem in exteriorem penetrando, illic mesenterium, ubi illi conuascitur, se ingerere, atque inter duas illius tunicas coerceri, eas tandem permeantes abdomini inferi: Sed maxima flatuum copia nenda supponende, à qua distendantur adeo intestina, ut attenuata ad extremum usque eos transmittere possint. Vide proxime Lepner Sententiam,

## OBSERVATIO XXIV.

*Hydropicorum abdomen non aquis solum, sed & flatibus distentum torget.*

**V**idi id aliquoties in dissectionibus hydropicorum, videlicet præter humorem serosum, flatum quoque in abdomine fuisse collectum.

## S C H O L I A.

**R**aro flatus Tympanitis efficiens solus in abdomine continetur, sed plerumque aquæ permixtus: quemadmodum etiam in ascite non aqua sola,

sed flatus etiam in abdomine continetur, & uterque à prædominante nomen mutatur: *Riverius.*

OBSERV.

## OBSERVATIO XXV.

*Ventris Tumor flatulentus & aquosus, à ventriculo post inflammationem perforato.*

**D** Salvatoris Medici vxor 18. annorum, cui nunquam menstrua effluxerant, quæ multis mensibus antea laborarat quartana, splenemque magnum habebat, Illi venter nonnihil intumescerebat, licet nulla de re conquereretur, ita ut dubium esset an prægnans: die 25. Octob. incidit in dolorem ingentem scapulæ lateris sinistri, vix poterat corpus movere, febricitabat, conquereretur de hypochondriorum dolore, maxime de sinistro, vomituriebat, & ructus emittebat, venter admodum intumuit, & subito difficulter spirabat, dentibus interdum stridebat, dolebant lumbi, potum appetebat quem raro reiciebat: Vires statim prostratæ, 29. mane, circa 2. aut 3. obiit, semper mente constans

Ex aperto ventre ingens copia flatus erupit, foetidi admodum, Inter intestina & peritonæum multus humor aderat, circa latus sinistrum apparuit pinguedo innatans, quæ suspicionem præbuit esse vel ex enematis vel ex iusculis, Rem inquisivimus, invenimus foramen circa mediam ventriculi partem, ad fundum, ubi iungitur epiploon cum ventriculo prope Colon, versus sinistrum latus, magnitudinis digiti, Epiploon, ventriculi tunica tertia, hepatis tunica, & ligamentum suspendens, omnia erant putrida: ventriculus adhuc bene habebat: Intus continebantur multa nigricantia, ita ut videretur humor melancholicus: Prædie supremi dici sanguinem concretum longitudine dodrantali excreverat, præter eum grumum nullum, Splen detumuerat.

## SCHOLIA.

**Q**um quæstio esset orta quis morbus esset, conclusimus fuisse inflammationem ventriculi quæ suppurata esset: Causam suspirabamur forte fuisse excretum sanguinem vel regurgitantem à splene, qui circa ventriculi tunicas impactus inflammationem peperisset: Sanguinem autem excretum credidi fuisse ab aliqua venula aperta dum tumor rumperetur. *Ex observat. Joh. Bauhini.*

## OBSERVATIO XXVI.

*Ventris Tumor Tympaniticus, ob venenum inductus, à quo vitiatum hepar.*

§. 1. **P** Vellula annuæ, veneno interemptæ, Abdomen admodum intumverat: Iecur pallidum, imo albicans ex validu intemperie frigida: Intestina omnia, Colon præsertim, flatibus turgabant. *Vide lib. 4. tit. de morbis ignotis.*

§. 2. Quidam vxori venenum dedit quo facta est Tympanitica: Iecoris superficies tota nigerrima reperta est. *Vide tit. de Febris.*

## OBSERVATIO XXVII.

*Ventris Tumor Tympaniticus à Liene maximo, pluribus membranis (inter quas aqua continebatur) involuto, &c.*

**S**æpe natura in formanda una corporis parte deficit, luxuriando in altera: Ita accidit Scuidam Illustrissimæ Baronissæ, hydrope tympanitide succumbenti: ambo enim Pulmonis lobi, scilicet superior atque inferior sinistri lateris defuerunt, non ex ulcere consumpti, quia citatrices ad fuissent; sed quia natura defecit in eorum productione, alio distribuendo: Ventriculus magnus adfuit, cui à Liene vas breve amplum, sine valvulis communicabatur, per quod potus frigidus quam primum Lienem subivit: Lien erat ponderis lbj. ss. novem contextus densis membranis, inter quas aquæ limpidissimæ portio asservabatur, basis vero ejusdem fuit caro rubicundissimi coloris, solidæque substantiæ ad lbj. Locum præ pondere mutavit, hypogastrium occupans spatio 24. annorum, nihilo tamen minus tres proles vtero gessit: Intestina tantum tria apparuerunt, lejunum, Colon amplum, solitoque crassius, & Rectum: horum longitudo, non quatuordecim ulnarum Patavinarum, secundum Spigelium, sed tantum trium visebatur: Natura ergo cum defecit in producendis medio pulmone, parvo hepate & brevibus intestinis, supplevit defectum in Liene. *Antonius de Pazzis. observ. xxx. Miscell. cur. anni 1674.*

## OBSERVATIO XXVIII.

*Ventris Tumor Tympaniticus à venis mesenterii arefactis.*

**Q**uidam Tympanite interiit, Glandulæ mesenterii aruerant plane, ut Sicci hydropis causa inde accersenda foret. *Ballonius Epidem. lib. 2. p. 221.*

SCHOLIA.



## S C H O L I A.

**D**E causa efficiente flatuum discrepant inter se auctores, alijs frigidam intemperiem acculantibus, alijs calidam: At certe agnoscendum est cum doctissimis authoribus, materiam Tympaniti generandæ magis idoneam, esse humorem melancholicum adultum & attraharium, qui à calore viscerum torrefaciente generatur: quiquidem calor, eandem materiam exagitat, & ex ea flatus crassos ac difficile resolubiles educit: *Riverius*. Hinc hypo-

chondriaci Hydropem facile incurrunt ob calidam & siccam intemperiem ventriculi & intestinorum, quæ facile ad mesenterium derivatur, unde ariditas illi conciliatur & glandulis.

Hinc notat *Varithon* Adenographiæ cap. x. observasse se in illis qui cachectia, hydropo, scorbuto, morbo venereo objerant, mesenteria ut plurimum friabilia, maleque coheræntia, ita ut levissimo negotio pars à parte divelli potuerit.

## OBSERVATIO XXIX.

*Ventris Tumor Asciticus & Tympaniticus à lecore retorrido, indurato Liene, Rene putrido, Intestinis syderatis.*

**C**Reber spiritus cum aqua ubi distenderent abdomen Matthæi Antonii, *Tympanitis* vocatur Græcis, fategit ipse pro virili parte corrigere alliatas illam intemperiem, vel potius imbecillitatem quæ ponitur mali causa, sed accendit illis usque eo Lienem obstructum, utique *bilem atram* (qua redundabat) per se satis turgidam, ut per referatas ventriculi ac Lienis venas, eruperit ipsi supra infraque tam frequens cruor, ut pessum ivisset nisi impetum illius illico frænassent, cum sanguis mature missus, tum pulvis corallorum, aliaque inspissantia adtutum potui data: Quorum ope superavit quidem tempestatem ab aliquo improvide excitatam, sed nequaquam imbecillitatem viscerum: nedum spiritum vel aquam, *cujus Tympanites nunquam est expers*.

Facta autem post mortem secandi copia, vidimus perspicue quam inconsideratè dentur sæpenumero hydropicis alliatæ aliæve potentiora vina: Intumerat quippe Lien: Hepar retorridum exaruerat: Intestina erant syderata: Ren putridus, & in ventre ultra xxx. libræ aquæ: Memini aliquando in simili hydropo, ob continuum usum vini malvatici ab Empirico præscripti, adeo inflammata fuisse viscera, ut os non modo repleretur aphthis, sed ignoraret ægra præ siccitate quo se verteret, donec miseriæ finem invenerit magis mors quam Medicus. *Nic. Tulpius observ. lib. 2. cap. 35.*

## S C H O L I A.

**B**ilem atram, &c.] Tympanitidis causam intemperiem frigidam multi statuunt, quod ex *Galeno* natus à debili calore generentur: Sed allatū exemplum clare ostendit materiæ indoli causam potius adscribendam, caloriq; intensiori ac præternaturali: Revera materia Tympaniti generaudo omnium aptissi-

ma est humor melancholicus retorridus & attraharius, ab æstu viscerum genitus: Constat eos quibus atra bilis ventriculo substrata est flatibus redundare, ructusque plurimos edere. Vide *Christ.*

*Guarini* conf. 562. *Sennertum* lib. 3. p. 6. l. 2. c. 4. quæst. 1.

## OBSERVATIO XXX.

*Tumor ventris Asciticus & Tympaniticus, salvo lecore genitus & aliis visceribus.*

**V**Ir fere sexagenarius, satis alioquin corpulentus, tota ætate largius & avidius comedens, aliquot mensibus antequam ipsi per aquæ accumulationem in manifestum tumorem attolleretur venter, quotiescunque assidens uenisset cibum sumpturus & jam mandere cibum aggrediretur, tanta corripiebatur *anhelandi difficultate*, ut præ spiritus densitate, suffocationis periculum præ se ferret: ex eo semimansum ex ore relicere subinde cogeretur: Item hoc symptoma incurrebat quoties *ad somnum se componens jam obdormiscere inciperet*, quæ anhelandi crebritate & difficultate è somno se rursus corripere ac statim erigere cogebatur: neq; tamen semper neque æque graviter molestabatur: Ipse vero affirmabat se eo tempore percipere circa hypochondria palpitationem quandam, atque omnino tale quid ac si præcordiis aliquid vivi animalis subesset, cujus palpitatione hoc sibi symptoma excitaretur.

Hic vir tandem Ascite periit, cujus hepar, cum aperiretur illi abdomen, quod ad externam ejus faciem attinet, imo dissectum, nihil fere à *sani Hepatis constitutione differre videbatur*, neque quicquam in eo vitii, sicut nec in ullo alio viscere oculis notari poterat: Frater hujus hydropici duobus vel tribus annis post, ejusdem & ætatis & corpulentæ cum fratre, itidem asciticus factus, idem prorsus patiebatur, anhelationem dictam quod attinet, idque non tam inter comedendum quam per somnum, vel dum obdormiscere conaretur: *Ex observationibus Francisci Tidicæi Medici Thorunensis Borussiae.*

## S C H O L I A.

**A**nhelandi difficultate] Hujus rarioris, ut arbitror, adeoque mihi symptomatis causam nescio an alio quam ad flatuum circa diaphragma conclusorum exagitationem, per calorem intro se colligentem in

pastu & somno, referte debeam: quæ exagitatio alteri sedata est poma, utpote frigidiusculum quod sit, comestione: Duobus his tale quid eo facilius accidere potuit, propter angustiora præcordia ex carnosæ molis

## De Hydrope Tympanite.

mi

molis & pinguedinis copia, unde status in angustum acti, exciti tamen, palpitationis huiusmodi causæ extiterunt. *Idem.*

*Nil fere à sani hepatis, &c.* Quia constat sine hepatis læsione hydropem esse non posse, siue jam primo, siue secundo; & per consensum noxam contraxerit, sequitur partis alicujus nativam temperiem, adeoque Hepatis virtutem, sanguinis procreaticam, esse labefactam ac penitus destructam, etiamsi nihil vitii sensui se offerebat: sicut sæpe aroma quoddam integrum videtur, in quo tamen sensum odoratus & gustus si consulas, vis omnis exoleta est. *Idem.*

*Ad somnum se componens jam obdormiscere, &c.]*

Cum *Tidicam* apertionis tantum abdominis meminerit, cujus integra omnia fuerint viscera, jure quis suspicari posset ambos illos fratres hydrope pectoris (qui tandem in abdominis hydropem delinuit) laborasse, cujus affectus hoc affertur pathognomonicum signum, & quo solo à cæteris dympnoæ speciebus distinguitur, nimirum spirandi difficultas primo quoque somni tempore invadens eumque intercipientis, Quæ quod contigerit cibum sumpturis, causa esse potuit ventriculi & diaphragmatis vicinia, cui aquæ pectore conclusæ incumbunt: à cibo præterea compressum ingesto fuit septum

### OBSERVATIO XXXI.

#### Tumor ventris Tympanicus & Asciticus cum epigenesi in Paralyfin.

**S**imon Seidel, civis & lanio Thorunensis, vir robustus & plethoricus, ann. 59. cum jam à pluribus annis de magna ventriculi & abdominis flatulentia conqueretur, ea quotidie magis ingravescens, tandem in hydropem tympanitico ascitem erupit, cui ego an. 1674. 13. maj. Ianv. in consilium vocatus sequentem potionem purgantem exhibui. *℞. Spec. decocti aperit. m. jss. flor. chamam. m. B. rad. foen. 3vj. Coq. f. a. in f. aq. chamam. colat. fortiter expr. 3ijss. adde Elect. lax. extr. fol. Senn. nostr. 3ss. resin. scam. lalap. ana. gr. iij. crem. Tart. 3j. aq. cinnam. cord. 3j. m. f. Haustus.* A cujus usu, post dejectiones copiosas, cum euphoria solutus bene habuit: Sed 1. Febr. rursum male se habens me vocavit, ubi tum ab obstructione alvina, & distensione ventris à flatibus valde angebatur: urina erat tincta, pulsus parvus, sitis maxima, Præscripsi ei ista die sequens laxativum. *℞. aq. laxat. nostræ 3ijss. pulv. lax. 3ss. Iulep. ros. q. s. ad gratiam dulcedinem, m. pro una dozi,* indeque blandas habuit dejectiones, Cum vero constipatio alvi ipsi valde esset molesta, ordinavi sequens Electuar. alternis diebus sumendum, quantitate juglandis. *℞. Elect. lax. extr. fol. Senna nostr. 3ij. admiscendo resin. scam. gialapp. ana. gr. iij. crem. Tart. 3ss. m. exaltissime.* Hoc fere quotidie cum successu utebatur: Diebus ab Elect. liberis, nonnunquam circa vespertinam etiam istas Rotulas assumebat. *℞. Spec. diarr. abb. aromas. ros. aa. 3ijss. Ebor. ppti 3j. olei still. fenic. carvi. aa. gtt. v. sacch. canar. alb. in suff. q. aq. cinam. cord. dissol. 3iv. f. l. a. Ros. sumantur 13. vel 15. una vice.* Sed respiratio in dies difficilior reddebatur, vires autem debiliores: quare 3. Febr. hunc Pulverem ordinavimus. *℞. Ol. destill. carvi. cimin. anisi: fenic. aa. gtt. ij. sacch. canar. alb. 3iv. m. f. Pulvis,* Pest cujus usum etiam melius habuit; Dein istud Linim. pro inunctione totius abdominis, *℞. Vngu. de arthan. deoppilat. aa. 3ss. ol. rutac. 3vj. ol. destill. carvi. fenic. cimin. anisi. aa. 3ss. m.* Sed die 4. Februar. virium roborandarum gratia talem Iulepum exhibuimus, *℞. Cons. flor. anthos. borrag. bugl. violar. aa. 3ij. cum aq. hyssop. cap. ven. aa. 3ivss. ebulliant in diplomate clauso: Colat. fortiter expressæ admisce. aq. rosar. fragr. 3x. aq. cinnam. cordial. 3vj. m.* Cum interea lotium nonnisi difficillime & in pauca quantitate redderet, assumpta sequenti mistura, illud copiosius effluebat, quæ talis fuit. *℞. Elixir. Propr. Parac. Essentia absinth. aa. 3j. spir. sal. dulcis ol. destillat. carvi. cimin. anisi. fenic. aa. gtt. v. m. dozi gtt. 9. ad 15.* Die 9. Februar. mane adhuc omnia in optimo statu persistebant, qua etiam à meridie paracentesin circa umbilicū ad aquam educendam instituere volebamus, sed hora 3. pomeridiana, Paralyti totius lateris sinistri tactus est, motu & sensu tam brachii quam pedis ablati, sed loquela & sensibus internis usque ad mortem integris permanentibus, & quamvis naturam in depellendo affectu isto juvaremus, ut *℞. Conserv. flor. anthos. salvia, lavend. beton. libior. conv. aa. 3ij. cum aq. beton. ceras. nigr. flor. siliæ. paon. card. ben. 3j. ebulliant in diplomate clauso, colat. fortiter expr. adde aq. cinnam. cord. 3x. apopl. Langii 3ij. m. pro Iulepo cochleatim sumendo, Item 3℞. Pulv. marchion. 3ss. spec. dianth. diamosch. d. aa. 3ss. m. f. Pulvis pro una dozi, Item 3℞. mell. ad densitatem cocti q. s. specier. hiera cum Agar. 3j. trochisc. de Agar. 3ss. salis gemm. 3j. Fiat l.a. Suppositorium, frustra tamen omnia adhibita sunt, nam die 12. Febr. hora xi. nocturna placide in Christo abdormiuit.*

Cadavere post mortem aperto, humor paucus, sed flatus in magna copia reperiebatur, quod mirum, cum statim post usum misturæ superius descriptæ cum urina serum dies noctesque fluere.

### SCHOLIA.

**A**tque hæc est vera epigenesis, cujus diversa genera describentem vide *Steph. Rod. à Castro, in Opusc. Quæ ex Quibus* lib. 1. cap. 11. usque ad 17. Præsertim confer cum præfati calu cap. 3. de epigenesi in morbum toto genere diversum: Adde etiam cap. 25. ejusdem libri de Hydropis epigenom. Quibus majoris elucidationis gratia, operæ pretium videtur subjungere dignam Car. Pilonis observationem de mor-

bis à sero p. m. 33. Fluxiones, *ait*, omnis generis, & affectus p. n. quorum causa materialis est serum, invadunt attinguntque præsertim sinistras partes, ex quæ quia natura in his rectitudinem pro more servat cum viscere, quod est fons serosi humoris, hunc esse Lienem, quippe sinistrum hypochondrium occupantem, arguere est. *Simon Schmidius in miscell. ent. ann. 1674-75. p. 183.*

OBSERV

& tandem hominis interitum causet. *Hæferus Herculis med. lib. 3. cap. 2.*

§. 6. Occurrit mihi casus quem vidi in matrona : hæc ex suppressis mensibus anno 1612. incidit in hydropem : Vacuus & cavus alias erat totus venter & abdomen ; consumpta omnia : pinguedo in mesenterio nulla : subsidit ventriculus penitus, sed in omnibus intus visceribus stabulatur ingens aquæ copia, ultra mensuras sexaginta : ipsaque viscera plena erant vesicis duplicatis ; veluti in carpionibus eximuntur : è quibus materia viscosa & aquosa sectis erumpebat : Ejusmodi vesicis pendulis ( numerus exéssisset non-gentas ) scatebant renes, uterus, ventriculus, intestina, cor, pericardium, hepar & lien : mirabantur omnes cur in tam longa inedia integrum fere annum perseverare potuerit ; antequam exspiraret. *Ex observ. Phil. Persii Medici Austriaci.*

§. 7. Observavi anno 1580. in cadavere mulieris hydropicæ, intra propriam tunicam, multas vesiculas per se aquam continentes, per omenti substantiam dispersas :

Eodemque anno mulieri cuidam, aperta in umbilici regione vomica, excidisse vidi partem omenti ejusmodi vesiculis referti. *Hippolitus Boscius lect. 1. de facultat. Anatom. pag. 17.*

§. 8. In Phthisici & Hydropi cadavere Bononiæ inveni in inferiore ventre viscera absumpta, atque omni succo exhausta, nihilque aquæ in ventris capacitate, at ubique mesenterio, peritonæo, intestinis, hepatis, lieni, denique omnibus visceribus vesiculas inæquali magnitudine, easque aqua limpida plenas, adhærentes. *Volcherus Coiter observat. Anatom. p. 117.*

#### S C H O L I A.

**H**ujus hydropis, ab aqua vesicis comprehensa, primus meminit *Aretæus* lib. 4. cap. 1. de signis & causis diuturn. morbor. *Hydropici*, ait, morbi species talis agnoscitur : In ea vesicula quadam pusilla, crebra, humoris plena, in loco ubi ascites fieri solet excitantur ; cæterum quod humore multo reple-

ta sint, illud indicio est, si abdomine perforato parum admodum humoris effunderet, ab interiori namque parte vesica occlusit : ac si aliis instrumentum impuleris, iterum succus emanabit : Hæc utique aqua interuentem species haud levis est : Unde enim id genus vesicula eruperint, via haud facile reperitur &c.

§. 9. Vidua Nobil. N. ad secundas accessit nuptias, & mox à complexu conjugali, menses, ( qui statis temporibus à morte primi mariti, ad alterum usque conjugium copiose satis fluxerant ) ad 16. & plures hebdomades jam desiisse sentiens, gravidam se firmiter credidit ; Sed postea novus mensium fluxus, parcus tamen, est exortus, qui sic constitutis temporibus, ut ne dies quidem deficeret, suum observavit circuitum : Dubitantem itaque ægrotam grvida-ne esset annon ? ( nam fluentibus mensibus abdomen in dies increverat ) foeminarum quarundam assertio, quæ se similia gestationis expertas fuisse tempore affirmabant, in concepta graviditatis opinione detinuit : finitis verò mensibus septem, cum nullum infantis in utero motum perciperet, abdomen tamen in dies magis accresceret, non gravidam se amplius, sed aut molam in utero portare, aut hydrope se affectam credidit : quare variorum expetiit consilia, qui frustra hydropem expugnare tentavere : Quare se Hafniam contulit, ubi D. D. *Simon Pauli* fuit vocatus, & huic post sui adjunctus collega ; Nos historia morbi præsentis cognita, & inspecto abdomine, adeo tumidum illud invenimus & inflatum, ut mulieris gemellos gestantis abdomen, sua magnitudine non solum æquaret, sed etiam longe superaret ; Ideo consensimus ut ascitum tympanitidem morbum appellaremus : non solum enim abdomen tumebat, sed & femora atque crura adeo erant inflata, ut ad digitorum levem impressionem relinquerent fovearum vestigia : Ad has igitur morborum species directa fuere remedia, & mitioribus catharticis ultra 20. potæ aquæ puræ, sine ullo Nobil. agræ incommodo brevi fuerunt eductæ, exceptis excrementis, quæ serosam sæpe materiam exigua comitabantur quantitate : quæ tamen aquarum educta copia, non solum non levavit ægram, sed ne abdomen quidem potuit detumescere, in dies majora excipiens incrementa : quam ob causam relictis tum catharticis tum flatus discutientibus, urinæ propter paucitatem, cujus horarum 24. spatium vix 3 vii. reddebantur, diuretica variis sub formulis præscriptis, sed sine fructu, majorem enim solito urinæ copiam non excrevit : ferreum itaque cum hunc morbum non solum medicamine non mitigari, sed magis abdomen, femora, crura, pedesque magis quotidie tumescere cerneremus, ne quod remedii genus à nobis intermissum videretur, tres Lancoola profundas satis, & aliquantum ab invicem distantes scarificationes, supra malleolum pedis dextri administrari curavimus, Ex quibus serum magna copia per aliquot effluens hebdomades, ut tali remedio & femora & crura pedesque



pedesque detumescentes, non exiguam nobis præbuit salutis spem: Verum gaudium non erat diuturnum, nam ad inferiores partes ex abdomine serum ulterius descendere, inde vulnuscula facta, una cum novo, quod in pedis superficie erat inflatum, fluere sponte desierunt, brevique cicatrice fuere obducta: omnibus hisce evacuationibus abdomen nihil minuebatur, sed quotidie accrescebat: Ideoque internis per os onerare ægram amplius nolimus, sed clysmatum commodiorum usu frequenti, satis bono cum successu, continuavimus curam: In absentia postea D. Collegæ, cum continuo à me ægra nova remedia efflagitaret, balneum ipsi siccum ex sabulo marino calido commendavi, ex quo cum maxime levaretur, exque abdomine, lumbis cruribusque calore sabuli, magna feri extraheretur copia, illud tandiu, spe restitutionis, continuavit, donec vires quotidie magis deficientes, ulteriorem ipsi ejus usum denegarent: ab hoc igitur etiam abstinui, Atque ægræ duoremedia generosa, *Paracentesin abdominis*, è regione umbilici, & Perforationem paulum sub umbilico proposui, Ex quibus perforationem illa se melius laturam putans: illam elegit, quâ Chirurgus feliciter expedit; Sed ex intrusa, fere sine dolore in abdomen cannula, quod ne gutta quidem prodiret aquæ mirum nobis est visum, quamvis Chirurgus oris primo suctu, deinde syphone eam extrahere tentaret: quare, re quasi infecta, cannulam iterum extraxit, statimque adeo arcte istud foraminulum in abdomine factum, clausit, ut ejus postea vestigium nec cognosci, nec profluens humiditas à nobis posset observari: nec ægra de ullo facti foraminis dolore conqueretur: Cannula extracta erat quadam repleta materia, quam immisso cannulæ stylo adaptato, albam & glutinosam, sed in parva quantitate, inde expulimus, factoque experimento num in lympham caloris posset resolui beneficio, in cochleari super leni caloris ignem, tanta adepta est spissitatem, ut glutinum verum albo colore dixisses & fragile, quæ glutinosa substantia, aquæ frigidæ affusione resoluta, ad priorem rediit visciditatem: Hæc jam postquam extrema remedia, sine ullo fructu adhibita, cum cerneret ægra, ulteriorem Deo curam commendavit totam, clysteribus interim, quoties urgebat necessitas, proritans alvum ad excernendum, & tanta gestavit facilitate abdominis pondus, ut post oclusam ejus puncturam, carpento extra urbem vehi se aliquoties sit passa: Cum vero ad eam invisendam circa nonarum Augusti octavam matutinam adessem, nocte præcedenti bene quievisse se & (appetitus enim toto morbi tempore non fuerat dejectus, neque sitim patiebatur) jentaculum more sumpsisse solito mihi retulit, reliqua etiam omnia mediocriter habere cognovi: circa vero sextam ejusdem diei vespertinam iterum advocatus, adeo immutata vidi omnia, ut jam nihil, nisi mox parturientis ex ægra clamores exaudirentur, retulit etiam mihi, remissa plane & pene deficiente voce, se majores circa uterum, pudenda, vicinasque partes, jam parturiendi perferre cruciatum quam antea unquam: Et quoniam hosce dolores, dixit, meas superare vires longe sentio, aut abdomen jamjam rupturum, aut me fatis hoc momento concessurum credo, hique dolores toto noctis fere intervallo persistebant, nec ullum mitigandis illis aptum remedium potuit applicari, donec tandem post matutinam sextam ultima ad Deum transferret suspiria.

Quoniam vero Nobil. hæc, tenerrimæ alias conformationis, abdomen p. n. modumque habebat maximum, Maritus, metu rupturæ, postulavit ut lancæola facta pertusione levi, quandam copiosæ in abdomine contentæ materiæ portionem edluceret, quod factum: Verum non ut in hydropicis consuevit, magno impetu profiliit aquæ profluvium, sed ejus loco materia talis viscosa & crassa, qualem ex vivente syphonè extraxeramus, hoc tamen discrimine, quod hæc priori minus albicans ad puniceum vergeret colorem: Tum, quod largior hujus materiæ copia per puncturam factam egredi non posset, illam Chirurgus paulum fecit majorem: Tum materiæ dictæ quinque ad minimum pottæ nostræ mensuræ cum impetu effluxere, & una cum hac frustum aliquod peculiare materiæ glutinosæ, quod mirabili magnitudine & figura, vvam racemiferam, aut conum pineum referebat, colore ex albo flavescente, quod à materiæ glutinosæ reliqua saburra facillimo separabatur negotio, sed basi sua uteri ruptæ parti interiori per venulas & membranarum fibrillas adeo adhebat arcte, ut propter raram extensionem, sine ejusdem læsione ab utero non separaretur: Illud vero in materiæ glutinosæ frusto dignum admiratione fuit, quod unicuique venulæ, ex interiore ruptæ uteri parte prodeunti, materia quædam glutinosa, distincta, rotundam exhibens figuram, firmiter adhereret: Venæ itaque istæ, earumque variæ ramificationes, quibus singulis pro magnitudine talis glutinosa figura erat superposita, admirabile hoc glutinosum corpus efficiebant: Exempto tandem cum materia hac racemifera, simul & ipso utero (quem in fundo & ad latera nimia ipsius ruperat extensio & raritas) in ejus latere dextro, corpus membranofum, rotundum, capitis virilis æquæ magnitudinem, fibris partim & membranis robustio-

ribus uteri parti inferiori, partim ilio ossi firmiter annectebatur, exceptis his ligamentis partem reliquam liberum: quod cum & Chirurgus aperiret, nihil in eo aliud præter similem in abdomine contentam materiam, sed albidiorē aliquanto invenimus: Tum ad reliquas abdominis partes facta digressionē, absconditas illas tegumento quodam membranoso, crasso satis, & robusto, superius utriusque lateris costis spuris, in medio toto tractu peritonæo, inferius pubis ossi, inter uterum & rectum intestinum adeo firmiter annexo reperimus, ut divelli inde facile non posset: Et inter hanc & peritonæum, omnis supra toties nominata materia crassa & glutinosa, simul cum rupto utero, & corpore rotundo membranoso cum sua materia continebatur: quæ materia collecta omnis 28. mensuræ nostræ potas æquavit: Postea membranam illam robustam dissecuit Chirurgus, & Hepar, Lien, reliquæque in abdomine contentæ partes oculis se nostris prodidere, quas sanas omnes, præter cæcum & rectum deprehendimus: Intestinum illud infantis trium annorum brachiū supra cubitum æquans crassitie, & opertum materia glutinosa, reliqua abdominis multum candidiore, scatens: hoc, tumorem palma circiter ab ano distantem, ovi magnitudine ferens, quæ fœtoris metu Chirurgus non aperuit, Conjectura tamen elicere potuimus abscessum ibi latuisse, & ex hoc purulentam illam effluxisse materiam, quæ quoties suppositorio ex melle tantum & saccharo, Nob. fœmina adhuc vivens sollicitabat alvum, cum reliquo sequebatur profluviū, quod tum temporis in curatione (licet puris redditū causa daretur nulla) sæpissime observavimus. *Paulus Moth in Actis Medicis Th. Bartholini ann. 1671. & 1672. Obs. 8.*

## S C H O L I A.

**P**aracentesis in abdominis] Profuisse paracentesim observavimus in ætate florenti & morbi initio, integrisque visceribus: Est tamen casus quo frustra tentamus hanc evacuationis viā, etiam si ætas & morbi

infantia faveat & cætera omnia, Quando scilicet aqua in vesiculis colligitur, vario abdominis loco dispersis, aperta enim una vesica, reliquas non euacuat, quanquam cohaereant racemorum in morem. *Th. Barthol. ibid.*

§. 10. Hydrops à vesicis aqua plenis matronam confecit Hafnia, in cujus dissecto cadavere, post longa curationis tædia, inventi globuli aquarum, vesiculæque conglomeratæ, quæ nulla arte vel præsciri vel depleri potuerunt. *Th. Bartholinus ibidem.*

§. 11. Vesicæ tenuissimas, pellucidas, aqua distentas, pomi magnitudinem nonnunquam æquantes, maiores interdum, interdum minores, Hepatis substantiæ accrevisse, in cachecticis dispositis ad hydropem, uti & hydrope Ascite mortuis, sæpe inveni. Sed & similes ex Hepate & Liene Simiæ quamplurimas citra sectionem expressi, integrasque manibus excepi, seroso humore subrubro refertas, aliasque citrina aqua turgentes è bilis vesicula exemi: Quales quoque, sed limpidissima aqua plenas, mesentericis porcorum adnasci lanii aliquoties mihi ostenderunt, idque sæpius se observasse prædicarunt: Quod & hominibus accidere posse, cum homo omnibus morbis, quibus & bestia, longeque pluribus obnoxius sit, mihi cogitandi primum, mox etiam occasionem indagandi præbuit. *Platerus observ. lib. 3. pag. 635.*

§. 12. Vidimus sæpe lecur non in nobis tantum, sed & in animalibus occisis, plenum aqua, quoniam in membrana ipsum obvolvete continetur, plures efficiens vesicæ, hæc quæque rumpuntur, & aqua defluit intra peritonæum, cui omentum est adjunctum: Hac ratione aqua intercutem, quæ Ascites dicitur, generatur. *Christ. à Vega comm. ad aph. 55. lib. 7.*

§. 13. Hydrops non est uniusmodi semper, sed dissimilis, id quod ex sectione anatomica constat: Patavii vidi hydropicum dissectum, cujus Hepar quam plurimis vesicis aqua plenis à cunctis conspiciebatur. *I. Bilgerus, ad Greg. Horstium observ. 47. lib. iv.*

## S C H O L I A.

**C**ujus Hepar quamplurimis vesicis] In causam vesicularum inquirendam diligentissimi fuere *Adr. Spigelius & Th. Bartholinus*: Ille cap. 12. lib. 8. Hepar, aut, connectitur mesenterio, venæ portæ, costis, cavæ ac omento, lobo illo exiguo per quem aquam à jecore in omentum transfundi supra statuimus, *Et paulo post*. Tegitur scilicet parenchyma membrana tenuissima & simplici à ligamentis hepatis enata, quæ arctissime parenchymati jungitur: Quod si separetur alicubi, excidete è vasis aquosa materia, & collecta inter ipsam & carnem, *id est*, Græcis dictæ generantur, quibus ruptis, effusaque in abdominis cavitatē aqua, Hydrops ascites nascitur: *Th. Bartholinus in Anat. Reform. l. 7. cap. 14.* In hac scilicet membrana, inquit, hepatis, vesiculæ attolluntur aquæ, à quibus Hydrops, teste *Platero*. Eadem in capra vidi albicantes numero multas, quæ fractæ intra folliculum, seu tunicam singularem, serum cum pituita, seu mucilagine recodebant, aliamque flavam substantiam, sive vitio naturæ, sive quod cicuratum esset animal. At *Viri doctissimi* Ductus Hepaticos

ignoraverunt, quibus obstructis tota hepar cingent membrana variis in locis ab humoribus elevatur, qui nisi obstructione impeditentur, vesiculæ chyli aggredierentur, quod in sectione felis animadvertēbam, cujus omnes fere Ductus hepatici, præsertim inferiores venæ portæ substrati, succo crassissimo spongioso infarcti erant, atque hepar vesiculis humore ex albo flavescēte plenis intumescēbat, quæ fractæ ejusdem coloris humorem effundebant: Itaque hoc in uno conveniunt quidem Medici, quod & vesiculæ in jecore generentur, & fractæ Ascitem procreent, sed plures neque modum, neque causam earundem generationis adposuerunt: qui vero apparentem aliquam causam asserere ausi, ita sententiis discrepant ut æque dubium lectorē relinquant: Veritati proinde maxime consentaneum, præcunte magistra experientia, affirmaverim humorem hunc regurgitantem in hepar, obstructis primo ductibus istas vesiculas producere. *Olaus Rudbeck Tractatus de Ductibus Hepaticis æquosus cap. 4.*



§. 14. Anno Domini 1567. quum forte fortuna mulier quædam de hydropce apud Medicum quemdam quereretur, ei hypercatharsin ipse procuravit, correcti sibi certo granorum numero, unde quum fructum mulier non tulisset, ad alium nullis melioribus auspiciis profecta, tandem è vivis discessit.

Hujus eviscerato cadavere, nulla capacitas, hic nihil cavum in eo deprehensum fuit in quo vesica non penderet, secundum Geometricam omnium dimensionem loco corqualis, ac conformis ei qui suo ambitu eam contineret, Locos cavos dicimus, non vesicam tantum, renes & uterum, sed & ventriculum intestinaque, cor, pericardium & id genus reliqua, è quibus prout tam intus quam foris nativum cuique solum contigisset, cystes pendulae conspiciebantur aqua citrina oppleta, & sine omni fœtore etiam post xx. diem: Nullas partes supernas exipimus, etiam ad jugulum usque inferiores quoque nullas, ne quidem proximum sedi locum, quæ hæc suo cavo non caperent vesiculas: Hepar quoque intelligi volumus, rectumque hisce oppressumque foris, adeoque Lienem totum: Si quasque vel minutulas in numerum quispiam retulisset, octingentas numerus superasset facile: Calathos piscarios is novit qui Lutetia diversatur ex consuetudine, Ex his ne quidem duo majores vesicas continuissent: ad me bajulus quidam sane detulit rogatus, Harum porro fabrica fuit hujusmodi ut binæ eas membranae conficerent: valde candidans interior, altera fuit tunica ventriculi simillima, tenuior aliquanto tamen: sedi ei quidem concolor. *Mauritius Cordaus comm. 5. ad lib. 1. Hippocr. de morb. mul.*

§. 15. Anno 1581. femina quædam plebeja, annor. circiter xl. humiliorem domus partem inhabitans, ætate & autumno priore, ventre tumere cepit, absque molestia, ut gravidam se crederet, nupserat enim ante biennium: Hyeme ingruente, dolores eam gravativi invaserunt, tensivi & lancinarivi, noctu vehementius, in crescente simul ventre, absque reliqui corporis inflatione ulla, imo demacratione potius: Tum impregnationis spe in metum hydropis mutata, perquisivit & admisit undiquaque auxilia, sed frustra, quin dolores una cum ventre subinde magis aucti fuere, ut noctu neque in lecto, neque extra quiescere potuerit, sed in summo gelu extra domum obambularit ejulabunda, donec tandem dolorum magnitudine exanimata vitæ concessit.

Facta ventris sectione ab umbilico xiphoidem versus ad cavitatem usque, aqua nulla compta neque intra ventrem collecta animadversa, ut nec flatus ullus, sed intestina, una cum reliquis visceribus, angusto spatio contenta apparebant, Ipsum vero abdomen, à cute ad peritonæum, quasi alba pinguedine duntaxat contextum videbatur, nulla musculorum carnea substantia interposita, sed vesiculis crebris majoribus minoribusque, aqua limpida refertis, invicem coherentibus: idque grandius ac tensius multo erat ab umbilico infra, pubem versus, ut tota venaris perturbatio, visu & contrectatione verum hydropem referret: Cætera à naturali constitutione haud multum variabant: Omentum tamen per exiguum vix intestina contegebat, Hepar albicans forinsecus, magnitudine, forma & mollitie competenti, Ventriculus cum liene pariter & renes: Sic uterus & vesica nihil vitii præferebant, *Ex Observat. Joh. Aicholtzii Medici Viennensis.*

§. 16. Præge initio Februar anno 1581. secta fuit femina Hydropica, uxor cursoris cuiusdam Imperatricis, ætate consistente, cui circa anni spatium ante menses desierant, cum ventris intumescencia: unde utero se gerere existimans ab omni medicatione sedulo cavita: habitavit humi, loco angusto, fœtido, temperantissima in victu & parca ob inopiam, viliori usa potius quam bono: Porro exacto gestationis tempore, ventreque subinde accrescente absque fœtus vel partus indicibus, dubitans de spe concepta, Medicos consulit serius, ut incassu Medicinæ tum adhibita fuerint: venter enim magis magisque protuberabat, cum dolore continuo, nocturno graviore, ut sine quiete inambulaverit totas noctes ejulabunda, extra domum suam plus satis arctam, etiam hyeme, magna vicinorum commiseratione: Sic tandem cruciatu & quietudine confecta obiit, maritum obtestata prius mortuæ ventrem intropici curare, quo ejus affectu recte agnito aliis similiter ægrotantibus subveniri melius posset.

Quo circa presentibus Clarissimis Dom. Physicis & Chirurgis Cæsareis, aperuit ventrem Aula Chirurgus, me designante, circa umbilicum duorum vel trium digitorum altitudine & amplitudine: Effluxit aqua purpurea instar lixiivi, satis obscura penes cutim, nec premendo ventrem adsurgebat altius: Cum vero segnius efflueret, novacula profundius adacta subsiliens aqua illa obscura spithamæ altitudine absque compressione, quasi cavitare propria reſerata, demum largissime profluxit, totaque sic evacuata fuit citissime ingenti copia: Continuada deinde fuit incisio ad utrumque Ilium, nec non pubem usque: Mirum hic omnibus apparuit, nulli nostrum visum vel auditum.



Conclusis immaniter dilatari & extendi: verum ita saepe sponte extumescencia, flatibus quo spatia ampliata implerentur, consequenter & secundo pro-  
ducendis occasionem præbere, prout mox planius ostendemus: Quod autem ab aliis asseritur, flatum qui Tympanitis causa sunt, inter mesenterii & intestinorum tunicas progigni, multo adhuc improbabilius videtur, quia cum nulla ibi præexistat cavitas, quomodo flatum eas partes ita divelleret, & ab invicem separabit, proinde ut à specubus ita efformatis, ventrorum cumulis illuc reconditis tota ventris regio in molem in gentem accrescat? certe tot tantæque continui solutiones absque cornibus continuis, & cruciatis acerrimis fieri nequeunt: Quamobrem his opinionibus circa Tympanitem posthabitis, ad pathologiam ejus paulo certius investigandam alia procedamus via, perpendendo scilicet quot modis, & quibus de causis evidentibus abdomen intumescere solet: Itaque advertimus quatuor esse contentorum genera, à quibus ventris imitatio in viventibus procedit, (cur in defunctis abdomen intumescit, ratio inferius explicabitur) sunt autem ista *Solida*, *Humida*, *Flamma* & *Spiritus*. Primo satis obvium est Tumores viscerum internos, scil. Scirrhos, Strumosos, Cancerosos, Glandulosos, & quosdam forsitan alius generis, quando ad molem notabilem affurgunt, totum ventrem intumescere: interea tamen donec simplices & recentes existunt, tactu percipi & circumferibi possunt: postea tamen inveterascentes in viciniam suam, imo in totam abdominis regionem mala alia accerunt: profecto hi interdum Ascitis, uti & Tympanitis ab initio sunt causa procatartica, quibus deinde in utriusque morbi complementum causa alia conjuncta, scil. aquarum illuvies aut spirituum inordinatio accedit. Secundo, *Humor aquosus* intra abdominis cavitatem aggelus, aut partibus ejus membranis, vel glandulis impactus, non raro Ascitem producit, cujus rationes & fieri modos dedimus: Tercio *Flamma* intra coctionis viscera à cruditate, dyspeplia, aut humorum dissimilium fermentatione excitati, non raro intestinorum cavitates inflant, atque ventris tumorem, plerumque tamen brevem & transitorium producant: Quippe succorum *superiorum* cessante, atque flatuum eruptione procurata, subinde statim ventris detumescencia succedit: Haic causæ & colica & tympanites non tantum vulgo, sed etiam à multis magnæ notæ Medicis imputantur, verum nostra fert sententia eam solitariam neutrum ex iis affectibus producere: Quarto restat adhuc alia subita, & quidem immanis ventris intumescencia, quam spiritus animales, (non de nihilo ab Hippocr. *ἀπὸ πνεύματος* dicti) acciere videntur: Si quando enim hi fibras nerveas, ad viscera uni ventris pertinentes, *ad spicem* & inordinate irrumpunt, illico partes quas hæc contextunt, plurimum inflari, distendi, & quaquaversus extumescere facient: Enim vero ab hac causa subitaneum totius abdominis tumorem, & inflationem velut Tympaniticam, in paroxysmis cum colicis cum hystericeis vulgo dictis, scribere acciere ostendimus: Et quidem hi affectus Tympaniti in tantum affines sunt, ut in ipsum non raro delinant: nam frequenter observavi passioni colicæ aut hystericæ diu ac graviter obnoxios, nisi curantur deinum Tympaniticos fieri: Et tunc maxima discriminis ratio erit, quod affectio ista, scil. ventris intumescencia, quia prius symptoma erat vagum & cito pertransiens, deinum *Morbis* fixus & permanens evaserit: quapropter ex re forte videtur pathematum istorum ætiologias, à nobis alibi traditas, ad præsentis morbi naturam & causas explican-

das accommodare: Supposito ergo membranarum & viscerum concavorum extensiones *quædam*, scil. velut inflationes, à spiritu in fibras nerveas (& quibus contextunt illi) incursum impetuosis exitum, satis obvium erit concipere Tympanitem à tali causa, sed fixiori, & in actu diutius aut perpetuum existente produci, in cujus discriminis rationem inquiramus, Interim opinari ducor Tympanitem non à flatibus intra vel extra intestinorum cavitates conclusis excitari, (talis enim iis in locis flatuum aggestio hujus morbi effectus sed non causa est) verum exoriri quatenus in imo ventre spiritus animales, ad viscera membranacea spectantes, ab incongruo quodam in *tractibus* adacti, fibras ubique nerveas tumultuarie irrumpunt instantque, nec statim denuo ab iis recedunt: hinc peritonæum extumescit, intestina extensa & ampliata velut inflantur: Mesenterium, aliaque viscera membranacea, spiritu impetuoso turgida, velut in molem attolluntur: Porro dum hæc hunt, ut vacuitates à viscerum concavorum extumescentiis factæ impleantur, humoris statim tumulis intus contenti portio in vapores rarefacta, illico in flatum, spatia isthæc inania oberrantes, cedit: Profecto spiritus animales inordinatione sua partes membranaceas inflare, adeoque effectus quasi *quædam* producere alibi ostendimus: Porro idem ex observatione anatomica per vivisectionem facta apertissime demonstratur, in quantum scil. truncus nervorum octavi paris per cervicem utrinque descendens, si excipitur & filo ligatur, totus illico ventriculus, tanquam à vento inflatus extumescit: quod certe à nulla præterea causa procedere potest, quam quod spiritus fibrarum istius visceris insiti, alique per ductus nerveos influxi (quatenus à fonte suo præcissi in confusionem aguntur) partes alias tumultuarie subeunt instantque: Insuper his ad hypothesin hanc amplius illustrandum, libet hic historiam à Clar. *Smerio* citatam referre, de Tympanite (uti appellat) universali in juvene quodam, qui cum in conflictu subter axilla dextra vulnus punctum factum, in pectoris cavitatem penetrans accepisset, post stridie toto corpore, post unicam noctem, mane turgidus apparebat, non solum pectore sed & dorso, ventre, lumbis, imo scroto quoque, præterea & brachiis, humeris, collo vultuque, ut ne palpebras quidem deducere posset, quin etiam in vertice ipso, cure ubique distenta & tumefacta, tumor ubique eratensus & cum dolore non paucis, Affectionem hanc admirandam Author appellat Tympanitem universalem: Casum similem asserit *Sennerius*: attamen symptomatis hujus ratio à *Smerio* assignata, & à *Senerio* approbata, mihi haud quanquam arridet: quippe adscribunt illi generalis istius Tympanitis causam in *insufflatione pectoris per vulnus axillare, subter cute tota illa nocte factum, quo modo vesicam recensentem & flaccidam, inserto calamo à pueris inflari videmus*, quod equidem non solum improbabile videtur, sed etiam vix possibile censemus, ut ventus è thoracis vulnere exufflatus, propter foramen una nocte obduratum, cutem subeat, indeque totum corpus permeans ubique intercus fiat: Præterquam enim quod illinc in partes omnes ventus, etsi per calamum ex ore subtercutem insufflaretur, tam subito transire nequiret, insuper dum vulneris foramen obduratur, nullus omnino à cavitatem pectoris ventus exufflari potest, quia nullus interea potest ingredi. At vero stupendi istius affectus (unde etiam Tympanitis ratio formalis illustratur) causa proculdubio hæc est, In pectore prope axillas magni & perquam insignes (propt in Nervologia nostra descri-

plimus) extant nervorum plexus, per quos nervi spinæ dorsi, per ramos & propagines hinc inde missas conveniunt: Quapropter plexu isthoc nerveo, per gladii puncturam forte transfixo, primo spiritus ibidem hospitantes irritari & agitari ineunt, dein consensu per nervos tot eximios statim facto, & quaquaversus huc illuc transmissis, spiritus alii, & subinde alii; pares inordinationes subeunt, atque membranas fibræque nerveas (quas ubique tumultuarie subeunt) inflantes, totius corporis affectionem quasi Tympanicam inducunt: Propter similem furorem, live oestrum virulentum spiritibus alicubi impressum, & inde mox longe lateque diffusum, toxica quædam epota, telorum aut ferarum jets, vel morsus venenosus, sæpenumero partium una plurium, aut totius corporis intumescenciam inducunt: Cujusmodi spirituum affectio Typhodes ab *Helmonitio* dicitur *indignatio Archæi*: Complures alii subiunt casus & instantiæ, quibus evincitur Spiritus animales irritatos, & in excandescencias actos, quatenus fibras nerveas impetuosius subeunt, partes, imprimis membranaceas intumescere, & multas ex iis passiones excitare, quæ vulgo, sed perperam, flatibus adscribi solent, revera ut Tympanitis nulla alia causa verisimilior assignari possit: Quod si obicitur defunctorum abdomina, post aliquod tempus, à flatu in molem attolli & quasi tympanitice intumescere, dico hoc omnino ab humorum putredine, & extrema mixtionis dissolutione, in qua particulæ activæ omnes manumissa ab invicem discedunt, & avolantes quaquaversus exitum quaerunt, & obstacula quæque, ac imprimis cavitatum parietes immaniter distendunt (quod minime in viventibus contingit) procedere: quapropter uti cadavera non omnia ex equo putrescunt, ita illorum ventres citius aut tardius, magis aut minus extumescunt: attamen durante vita nulla sit in corpore animato putredo, aut particularum dissolutio, *scilicet*, sive intumescenciam splachnicam illatura: Interea non inficias imus flatu intra pectus, hæmatoseos & secretionum organa, imo intra singulos quoque corporis nostri specus & recessus generari: attamen è singulis istis, (donec spiritus fibras tum nerveas tum morrices rite influunt æquantque, ut viscerum parietes haud distenti ac rigidi teneantur) flatibus ubicunque genitis æque facilis patet exitus: Atque in Tympanite revera flatum spacia vacua implere concedimus, verum spiritus ipsi, quatenus in ordinatione sua viscera extendunt, vacuitates istas (in quibus flatu secundario & consequenter progignunt) primo efficiunt, & illi (quatenus viscera eadem usque rigida & distenta servant) ne flatu isti ablegentur impediunt. Hinc constare satis arbitror Spiritus animales potius quam flatu ejusmodi ventris intumescencias, saltem breves & transitorias: quales in paroxysmis colicis & hystericiis contingunt, excitare: Attamen magna difficultas restat

quomodo abdominis & *scilicet* tympaniticus, qui fixus & permanens, uno plerumque immobilis est, à tali causa procedit: præsertim quia spiritus animales, ex sua natura irrequieti & valde mobiles, fere semper laetionem affectant, ut nisi detessi, aut detuncti, vix unquam relideant: Ut nodum hunc solvam, considerare oportet, una cum spirituum animalium hypostasi, *Succum nerveum*, qui istis ubique pro vehiculo, simulque pro retinaculo est: namque spiritus hujus fluente subtilissimo potiri, libere expatiantur, & non ab invicem dissipati avolent, in serie integra continentur: Si quando igitur latex iste quoad crasin aut motum suum peccat, exinde statim spiritus animales in functionum suarum exercitiis varie delinquant, aut pervertuntur: Et ut isthæc paucis contraham, imprimis advertere licet, imi ventris contenta (demptis solum hepate, liene ac renibus) visceribus membranaceis (quæ fibræ nerveæ magna ex parte contextunt) plurimis instrui: unde sequitur succum nerveum (cujus in his partibus major ambitus simulque angustior transitus est) remora huiusmodi offendere: quod etiam ab effectu comprobatur, in quantum intusculi spasmodici, in passionibus hypochondriacis, colicis, nephriticis & hystericiis passim excitari, abdomen ita graviter infestant. Si quædam igitur latex iste fibras harum partium nerveas irritans, vel ex se tenax & viscidus fuerit, vel iidem facultentias plures impingat, propterea quidem accidet Spiritus animales, si quando in has fibras quædam obstruuntur impetuosius adigantur, exinde non omnes facile redire, cumque ira sæpius plenior eorum incurfus, & parcius reditus fiat, tandem evaniet magnas spirituum copias in fibras istas magis indies magisque impactas manere, easque distentas usque & plurimum inflatas tenere, demumque propter iterum & reditum in fibris istis vias occlusas ibidem prorsus immobiles fieri, atque partes continentes semper extensas & rigidas servare: interea quoniam hi spiritus ibidem intra ductus nerveos impacti, ac densim stipati, cum aliis ad illorum antra influxus commercium habent, idcirco pars affecta, quamvis rigida, & fere immobilis, usque tamen sensu potitur: Pathologia isthæc, ut ut paradoxæ, assensum tamen merebitur, si perpendatur eos potissimum qui affectibus hypochondriacis, colicis, aliisque fini ventris spasmodicis diu obnoxii fuerunt, demum Tympaniticos fieri: Ex dictis Morbi hujus definitionem hanc tradere licebit, quod sit, *Tumor abdominis fixus & constans, aquabilis, durus, reniens, & a pulsatione sonitum edens, a partium & viscerum membranacearum inflatione tantum oritur, propter spiritus animales in fibras istas copia nimia adactos, ibidemque succi nervei obstruentis vitio, à recessu impeditos: cui affectioni consequenter Flatuum in locis vacuis, aggressio velut complementum accedit.* *Willis Phlegm. macop. rat. part. 2. sect. 2. cap. 4.*

## OBSERVATIO XXII.

*Ventris Tumor Tympaniticus à flatibus intestina distendentibus.*

§.1. **A**ncilla quædam ex herili filio gravida, promisso matrimonio frustrata, pepererat, & præ agritudine animi, in Tympaniam hydropem lapsa moritur.

Cadavere dissecto universa intestina, adeoque ventriculus ipse flatu distenta inventa sunt, & fere excrementorum prorsus vacua, absque ullo flatu aut humore (secundum *Hipp. lib. 4. aph. 11.*) in cavitate peritonæi extra intestina consistente, ut merito & vere hydrops siccus diceretur. *Smetius miscellaneorum lib. x. p. 524. & lib. 7. Epist. 4.*

§.2. Puellæ abdomen in modum tympani extensum fuerat, idque propter flatuum in intestinis retentorum copiam, qui illis adeo tenaciter inhærebant, ut superiori ætate cum aliquo-



aliquoties ipsam purgarem, purgationi ne quidem cederent, Et post mortem acie scalpelli perfossis intestinis vix efflarent, Nec solum intestina flatu extensa erant, sed & ipse quoque ventriculus. *Fabritius Hildanus centur. vi. Observat. 74.*

§. 3. Tympanites spurius datur in quo omnino intestina flatu extenduntur, nihil humoris continentia præter vermium copiam qui surripiunt alimentum: Hunc hydropem observavi in Nobili Patavino x. annorum, qui statim mortuus est cum tumore ventris Tympanitidem æmulante, Et secto corpore omnia intestina flatu erant plena, citra ulla excrementa. In ventriculo autem 33. vermes conspecti sunt, & multi sesqui pedales. *Itere Saxonia Prælect. Pract. part. 2. cap. 24.*

§. 4. Puer xvij. annos natus, hydropicus, cum xiv. dierum spatio excrementa alvi per os vomeret, nec per secessum quicquam egeret, in hospitali anno 1569. expiravit: In hoc cum post mortem rugitus ventris, & illius quædam palpitatio sentirentur, eoque nomine de sepeliendo corpore ambigeretur, accersitus cum ventrem aperirem, flatus tandem erumpebant: Verum intestina tantopere distenta erant, ut femoris crassitiem certis in locis adæquare viderentur, atque ex compressione disrumpere, stercusque magno impetu profunderent: aliis vero locis adeo convoluta, intorta & implexa, ut nulla illic nec excrementis nec flatibus deorsum pateret via: Sed & vermibus vivis, oblongis quamplurimis referta erant, qui rursus aliis minoribus repleti inæquales illos motus effecerant: Præter hæc, hepar corruptum, arenulis, lapidibus infarctum lienem imminutum, pulmones vitiatos costisque affixos (ut in aliis multis sæpe accidere dixi) ostendebat. *Platerus Observat. pag. 656.*

§. 5. In intestinis & ventriculo retenti flatus, nec dum in spatium abdominis procidentes, non solum colicos cruciatus pariunt, sed si adeo inclusi sint, ut nullo patente exitu ea in immensum adeo attollant, ut totus venter inde distentus appareat, Tympanitidis quoddam genus, & forte frequentius quam aliud quod illis in ventrem erumpentibus fieri communiter docent, procreare possunt: Sicuti in illis quos Tympaniticos esse putabant, deprehendimus, flatum nullum in sectis post mortem ventris cavo erupisse, nec ventrem subfuisse, sed intestina, tenuiora præsertim, adeo flatibus distenta & convoluta prodiisse, ut in eundem ventrem reponi amplius nequirent, mirumque fuerit quo pacto in ventre prius clauso adhuc contineri potuerint: Quæ & in quodam adeo attenuata ex summa illa dilatatione reperimus, ut non solum tenuissimæ vesicæ instar, vento inflatæ & dilatatæ pellucida essent, sed & compressione aliqua disrupta, stercora cum flatibus procul effunderent: Cujus Tympanitis causâ non alia ab ea quæ & alterius existit, flatuum scilicet proveniunt, atque intestinorum convolutio, vel insignis obstructio: Unde & in hac specie nec flatum, nec quicquam per alvum longo sæpe tempore egerunt. *Idem practica lib. 3. cap. de Exuberantia.*

## S C H O L I A.

**I**N intestinis & ventriculo] *Fridericus Lepnerus* introductionis in Medicinam pag. 81. Tympanitidis causam materialem in ventriculo & intestinis quaerit, quam Chylum esse statuit, qui flatibus generationem præbeat, Hydropis, aut Tympanitis causa communiter dicitur esse flatus intra peritonæum conclusus, cujus naturam non incongruè describit *Aërum*, Tympanites flatus aëre repleti ac superflui plurimam collectionem in iisdem ventri incumbentibus locis faciunt, in principio sola inflatio esse videatur: postea tamen flatus inspissatur, & veluti nubilus redditur, atque ita una cum flatu nebulosus quasi humor consistit & congregatur: Ex his commodè materialem flatuum causam perspicere licet, cum enim flatus dicatur esse nebulosus & inspissatus, certum est eundem à materia lymphæ vel aquæ crassiori esse elevatum, eadem vero materia crassior, vel erat sanguis vel alterius conditionis: Sanguinem non esse vel solus sensus in apertis hydropicis nos docere valet: imo verosimile est crudum magis sanguine humorem flatibus materiam suppeditare: Cum igitur neque sanguis neque lymphæ causa sint, reliquum est Chylum crudius, in spatia abdominis & vasis lacteis effusum, & circum jacentium partium calore in flatus nubilos & crassiores elevatum, materialem eorum causam esse: Confirmant hoc ipsum in Tympanite affe-

ctis, læsa ventriculi intestinorumque, ob debilem calorem concoctio, à qua in iisdem viis maxima flatuum copia producitur, certo indicio chylum crudius flatibus generandis materiam esse aptissimam: Huc accedit viæ commoditas, ab intestinis enim ductu naturali per vasa lactea chylus flatulentus ulterius tendens, iis ruptis facile in abdomen penetrat: Rupta vero vel læsa esse vasa lactea indicant lumborum dolores, & diuturna circa umbilicum tormina hunc effectum præcedentia, læsumque mesenterium significantia, quo spectat aphor. 4. 11.

Liquet hinc quid sentiendum circa quaestionem, utrum Tympanites vel Ascites periculosior sit affectus, *Aërium* illum periculotior esse dicit, *Iacchius* Ascitem, quia in Tympanite minor caloris defectus, humida enim substantia sine calore in flatum non vertitur, 2. quia malum à ventre ortum ducit, ac in Ascite pars princeps laborat, Sed quamvis minorem in Tympanite caloris defectum esse concedamus, attamen ob vasa lactea, Lymphaticis præstantiora, in Tympanite affecta, vel utriusque ob viciniam loci simul læsis, unde Ascite cum Tympanite conjunctio, 2. materiam magis pertinacem & soluti difficilem, cum Aërio, omnium hydropis specierum periculotissimam Tympanitem esse statuimus.



§. 6. Octobris 3. die anni 1676. dissectum fuit cadaver Genevæ virginis xxx. circiter annos natæ, nomine *Lagis*: Per septennium & amplius chlorosi laboraverat, Vultum *οιδιωνδης χροη* defœdabat, sex ante obitum mensibus diris ventris torminibus, ad lumbos pertingentibus vexabatur, tandem Tympanitica obiit.

Dissecto cadavere, 1°. occurrunt intestina immensum à flatibus turgida, è quibus compunctis flatus cum sibilo & imperu erumpebant. 2°. Lien maxime exilis, In quem ægritudinis causa præsertim fuit conjecta, quia cum præ parvitate, defæcandæ à succo melancholico massæ sanguineæ esset impar, hinc illius diffusio facta per totum corpus & coloris inquinatio: 3°. In centro mesenterii, seu Pancreate Asellii, aderat calculosæ materiæ, tophum consistentia, colore & poris, seu foraminibus, omnino referentis insignis copia, in frustra divisa, quorum alia nucis moschatæ magnitudinem æquabant, alia avellanas referebant, quædam fabas, pisa, lentes, &c. fœtor insignis disquisitionem ulteriorem prohibuit: Ægra sectionem & apertionem corporis petiit ante obitum: Excluserat ab aliquot mensibus nucleos ceraforum anno præcedente deglutitorum, quos penes se servat Dn. D. *Cramerus*. 5°. Uterus admodum exilis, siccus, in quo observabatur scirrhosa durities amgdaliy forma & magnitudine. 6°. Cæcum intestinum omnino oblitteratum, verni formis appendix aberat. 7°. Omentum omnino dissipatum. 8°. Ventriculus maxime turgidus à flatibus, cujus rugæ oblitteratæ.

## OBSERVATIO XXIII.

*Tympanites à flatibus intra cavitatem Abdominis.*

§. 1. Vidimus ex aperto cadavere nihil aquæ exire, sed crasso flatu expirante totum repente ventrem detumescere. *Vallesius comm. in lib. 4. de viâ. acut. p. 284. Collado Adversarior. lib. 2. cap. 60. §. 22.*

§. 2. Puellæ febris continua, elatum abdomen in tumorem: Mirum, quomodo tam subito hic tumor natus: Præ dolore interiit: Acui abdomen mortuæ apertum, magno edito sono venter totus subsedit. *Ballonius Paradigm. 141.*

## S C H O L I A.

**Q**uomodo tam subito hic tumor ] Galenus libro 3. de symptome causis, ait, aliquando ardoris vehementia colliquari succos in venis existentes, quasi non per renes ad vesicam transferantur, sed ad ventrem, vel totum corpus transmittantur, subitaneos hydropum status inducere: Ab eadem causa, vehementi scilicet calore, possunt iidem in flatus solui, subitaneumque abdominis tumorem inferre; Qualem nyctimeri spatio exortum vidi anno 1669. in Nobilissimo D. Marco Cavalerio Domino de Fernex, cui ob *διπλωματίας* viscera incanduerant tertio die funestum.

*Præ dolore interiit* ] Ob distensionem membranarum subjectarum, Horum statuum in abdomen irumpentium minerâ in ventriculo & intestinis statuit *Platerus* Prax. lib. 3. cap. 3. cum alia non sint viscera in ventre inferiore in quibus flatus tam copiose congeri possint: Cæterum per quam viam fiat hoc, dubium, Nam per cæcos meatus ventriculi vel intestinorum eos erumpere, cum etiam tenuissimis

membranis facile coerceantur, & humor tenuis facilius transiudet quam flatus erumpat, vix fieri posse videtur: Nec per solutionem aliquam continui manifestam in illis visceribus, alias excrementa alia simul elaberentur, itaque in oscula venarum mesaraicarum, si ab intestinis vel ventriculo flatus in abdomen ferantur, eos primum se insinuare, atque ex venis mesaraicis rursum eodem modo, sicuti serosum humorem inde quoque elabi dictum, in ventris spatium procidere magis verisimile existit, quod & aqua cum flatibus in tympanite plerumque permixta, hæc simul per eandem viam huc pervenisse aliquo pacto comprobatur: Possunt quoque flatus per intestinorum tunicam interiorem in exteriori penetrando, illic mesenterium, ubi illi connascitur, se ingerere, atque inter duas illius tunicas coerciti, eas tandem permeantes abdomini inferi: Sed maxima flatuum copia nenda supponende, à qua distendantur adeo intestina, ut attenuata ad extremum usque eos transmittere possint. Vide proxime Lepner Sententiam.

## OBSERVATIO XXIV.

*Hydropicorum abdomen non aquis solum, sed & flatibus distentum turget.*

**V**idi id aliquoties in dissectionibus hydropicorum, videlicet præter humorem serolum, flatum quoque in abdomine fuisse collectum.

## S C H O L I A.

**R**aro flatus Tympanitis efficiens solus in abdomine continetur, sed plerumque aquæ permixtus: quemadmodum etiam in ascite non aqua sola,

sed flatus etiam in abdomine continetur, & uterque à prædominante nomen mutuatur: *Riverius.*

OBSERV.

## OBSERVATIO XXV.

*Ventris Tumor flatulentus & aquosus, à ventriculo post inflammationem perforato.*

**D** Saluatoris Medici vxor 18. annorum, cui nunquam menstrua effluerant, quæ multis mensibus antea laborarat quartana, splenemque magnum habebat, Illi venter nonnihil intumescerebat, licet nulla de re conquereretur, ita ut dubium esset an prægnans: die 25. Octob. incidit in dolorem ingentem scapulæ lateris sinistri, vix poterat corpus movere, febricitabat, conquereretur de hypochondriorum dolore, maxime de sinistro, vomituriebat, & ructus emittebat, venter admodum intumuit, & subito difficulter spirabat, dentibus interdum stridebat, dolebant lumbi, potum appetebat quem raro recipiebat: Vires statim prostratæ, 29. mane, circa 2. aut 3. obiit, semper mente constans.

Ex aperto ventre ingens copia flatus erupit, foetidi admodum, Inter intestina & peritonæum multus humor aderat, circa latus sinistrum apparuit pinguedo innatans, quæ suspicionem præbuit esse vel ex enematis vel ex iusculis, Rem inquisivimus, invenimus foramen circa mediam ventriculi partem, ad fundum, ubi iungitur epiploon cum ventriculo prope Colon, versus sinistram latus, magnitudinis digiti, Epiploon, ventriculi tunica tertia, hepatis tunica, & ligamentum suspendens, omnia erant putrida: ventriculus adhuc bene habebat: Intus continebantur multa nigricantia, ita ut videretur humor melancholicus: Prædie supremi diei sanguinem concretum longitudine dodrantali excreverat, præter eum grumum nullum, Splen detumuerat.

## S C H O L I A.

**Q**um questio esset orta quis morbus esset, conclusimus fuisse inflammationem ventriculi quæ suppurata esset: Causam suspirabamur forte fuisse ab aliqua venula aperta dum tumor rumperetur. Ex observat. Joh. Bauhini.

## OBSERVATIO XXVI.

*Ventris Tumor Tympaniticus, ob venenum inductus, à quo vitiatum hepar.*

§. 1. **P** Vellule annuæ, veneno interemptæ, Abdomen admodum intumverat: Iecur pallidum, imo albicans ex validu intemperie frigida: Intestina omnia, Colon præsertim, flatibus turgabant. Vide lib. 4. tit. de morbis ignotis.

§. 2. Quidam vxori venenum dedit quo facta est Tympanitica: Iecoris superficies tota nigerima reperta est. Vide tit. de Febris.

## OBSERVATIO XXVII.

*Ventris Tumor Tympaniticus à Liene maximo, pluribus membranis (inter quas aqua continebatur) involuto, &c.*

**S**æpe natura informanda una corporis parte deficit, luxuriando in altera: Ita accidit Scuidam Illustrissimæ Baronissæ, hydropē tympanitide succumbenti: ambo enim Pulmonis lobi, scilicet superior atque inferior sinistri lateris defuerunt, non ex ulcere consumpti, quia citatrices ad fuissent; sed quia natura defecit in eorum productione, alio distribuendo: Ventriculus magnus adfuit, cui à Liene vas breve amplum, sine valvulis communicabatur, per quod porus frigidus quam primum Lienem subivit: Lien erat ponderis lbj. ss. novem contextus densis membranis, inter quas aquæ limpidissimæ portio asservabatur, basis vero ejusdem fuit caro rubicundissimi coloris, solidæque substantiæ ad lbj. Locum præ pondere mutavit, hypogastrium occupans spatio 24. annorum, nihilo tamen minus tres proles vtero gessit: Intestina tantum tria apparuerunt, lejunum, Colon amplum, solitoque crassius, & Rectum: horum longitudo, non quatuordecim ulnarum Patavinarum, secundum Spigelium, sed tantum trium visebatur: Natura ergo cum defecit in producendis medio pulmone, parvo hepate & brevibus intestinis, supplevit defectum in Liene. Antonius de Pozz. observ. xxx. Miscell. cur. anni 1674.

## OBSERVATIO XXVIII.

*Ventris Tumor Tympaniticus à venis mesenterii arefactis.*

**Q**uidam Tympanite interiit, Glandulæ mesenterii aruerant plane, ut Sicci hydropis causa inde accersenda foret. Ballanius Epidem. lib. 2. p. 221.

SCHOLIA.

## S C H O L I A.

**D**E causa efficiente flatuum discrepant inter se authores, alijs frigidam intemperiem accusantibus, alijs calidam: At certe agnoscendum est cum doctissimis authoribus, materiam Tympaniti generandæ magis idoneam, esse humorem melancholicum adustum & atrabilarium, qui à calore viscerum torrefaciente generatur: qui quidem calor, eandem materiam exagitat, & ex ea flatus crassos ac difficile resolubiles educit: *Riverius*. Hinc hypo-

chondriaci Hydropem facile incurrunt ob calidam & siccam intemperiem ventriculi & intestinorum, quæ facile ad mesenterium derivatur, unac antistas illi conciliatur & glandulis.

Hinc notat *Varishon* Adenographiæ cap. xi. observasse se in illis qui cachectia, hydrope, scorbuto, morbo venereo obierant, mesenteria ut plurimum friabilia, maleque coheræptia, ita ut levissimo negotio pars à parte divelli potuerit.

## OBSERVATIO XXIX.

*Ventris Tumor Asciticus & Tympaniticus à lecore retorrido, indurato Liene, Rene putrido, Intestinis syderatis.*

**C**Reber spiritus cum aqua ubi distenderent abdomen Matthæi Antonii, Tympanitis vocatur Græcis, sategit ipse pro virili parte corrigere alliatas illam intemperiem, vel potius imbecillitatem quæ ponitur mali causa, sed accendit illis usque eo Lienem obstructum, utique *bilem atram* (quæ redundabat) per se satis turgidam, ut per referatas ventriculi ac Lienis venas, eruperit ipsi supra infraque tam frequens cruor, ut pessum ivisset nisi impetum illius illico fransissent, cum sanguis mature missus, tum pulvis corallorum, aliaque inspissantia actutum potui data: Quorum ope superavit quidem tempestatem ab alio improvide excitatam, sed nequaquam imbecillitatem viscerum: nedum spiritum vel aquam, *cujus Tympanites nunquam est expertus*.

Facta autem post mortem secandi copia, vidimus perspicue quam inconsideratè dentur sæpenumero hydropicis alliatæ aliæque potentiora vina: Intumerat quippe Lien: Hepar retorridum exaruerat: Intestina erant syderata: Ren putridus, & in ventre ultra xxx. libræ aquæ: Memini aliquando in simili hydrope, ob continuum usum vini malvatici ab Empirico præscripti, adeo inflammata fuisse viscera, ut os non modo repleretur aphthis, sed ignoraret ægra præ siccitate quo se verteret, donec miserix finem invenerit magis mors quam Medicus. *Nic. Tulpus observ. lib. 2. cap. 35.*

## S C H O L I A.

**B**ilem atram, &c.] Tympanitidis causam intemperiem frigidam multi statuunt, quod ex *Galeno* statum à debili calore generentur: Sed allatū exemplum clare ostendit materiæ indoli causam potius adscribendam, calori que intensiori ac præternaturali: Revera materia Tympaniti generaudo omnium aptissi-

ma est humor melancholicus retorridus & atrabilaris, ab actu viscerum genitus: Constat eos quibus atra bilis ventriculo subitrata est flatibus redundare, ructusque plurimos edere. Vide *Christ.*

*Guarinonius* cons. 563. *Sennertum* lib. 3. p. 6. l. 2. c. 4. quæst. 1.

## OBSERVATIO XXX.

*Tumor ventris Asciticus & Tympaniticus, salvo lecore genitus & alijs visceribus.*

**V**Ir fere sexagenarius, satis alioquin corpulentus, tota ætate largius & avidius comedens, aliquot mensibus antequam ipsi per aquæ accumulationem in manifestum tumorem attolleretur venter, quotiescunque assidens uenisset cibum sumpturus & jam mandere cibum aggredieretur, tanta corripiebatur *anhelandi difficultate*, ut præ spiritus densitate suffocationis periculum præ se ferret: ex eo semimansum ex ore reiicere subinde cogebatur. Item hoc symptoma incurrebat quoties *ad somnum se componens jam obdormiscere inciperet*, quæ anhelandi crebritate & difficultate è somno se rursus corripere ac statim erigere cogebatur: neque tamen semper neque æque graviter molestabatur: Ipse vero affirmabat se eo tempore percipere circa hypochondria palpitationem quandam, atque omnino tale quid ac si præcordiis aliquid vivi animalis subesset, cujus palpitatione hoc sibi symptoma excitaretur.

Hic vir tandem Ascite periit, cujus hepar, cum aperiretur illi abdomen, quod ad externam ejus faciem attinet, imo dissectum, nihil fere à *sani Hepatis constitutione differre videbatur*, neque quicquam in eo vitii, sicut nec in ullo alio viscere oculis notari poterat: Frater hujus hydropici duobus vel tribus annis post, ejusdem & ætatis & corpulentix cum fratre, itidem asciticus factus, idem prorsus patiebatur, anhelationem dictam quod attinet, idque non tam inter comedendum quam per somnum, vel dum obdormiscere conaretur: *Ex observationibus Francisci Tidicæi Medici Thorunensis Bornsi.*

## S C H O L I A.

**A**nhelandi difficultate] Hujus rarioris, ut arbitror, adeoque minus symptomaticæ causam nescio an alio quam ad flatuum circa diaphragma conculorum exagitationem, per calorem intro se colligentem in

pastu & somno, referre debeam: quæ exagitatio alteri sedata est pomi, utpote frigidi utculum quod sit, comestione: Duobus his tale quid eo facilius accidere potuit, propter angustiora præcordia ex carnosæ molli-



molis & pinguedinis copia, unde flatus in angustum acti, exciti tamen, palpitacionis huiusmodi causæ extiterunt. *Idem.*

*Nil fere à sani hepatis, &c.* Quia constat sine hepatis læsione hydropem esse non posse, siue jam primo, siue secundo; & per consensum noxam contraxerit, sequitur partis alicujus naturam temperiem, adeoque Hepatis virtutem, sanguinis procreatricem, esse labefactam ac penitus destructam, etiamsi nihil vitii sensui se offerebat: sicut sæpe aroma quoddam integrum videtur, in quo tamen sensum odoratus & gustus si consulas, vis omnis exoleta est. *Idem.*

*Ad somnum se componens jam obdormiscere, &c.*

## OBSERVATIO XXXI.

## Tumor ventris Tympanicus &amp; Asciticus cum epigenesi in Paralyfin.

**S**imon Seidel, civis & Ianio Thorunensis, vir robustus & plethoricus, ann. 59. cum jam à pluribus annis de magna ventriculi & abdominis flatulentia conqueretur, ea quotidie magis ingravescent, tandum in hydropē tympanitico asciten erupit, cui ego an. 1674. 13. maj. Ianu. in consilium vocatus sequentem potionem purgantem exhibui. *℞. Spec. decocti aperit. m. j. flor. chamam. m. B. rad. foen. 3vj. Coq. f. a. in f. aq. chamam. colat. fortiter expr. 3ij. B. adde Elect. lax. extr. fol. Senn. nostr. 3℞ resin. scam. lalap. ana. gr. ij. crem. Tart. 3j. aq. cinnam. cord. 3y. m. f. Haustus.* A cujus usu, post dejectiones copiosas, cum euphoria solutus bene habuit: Sed 1. Febru. rursum male se habens me vocavit, ubi tum ab obstructione alvina, & distensione ventris à flatibus valde angebatur: urina erat tincta, pulsus parvus, sitis maxima, Præscripsi ei ista die sequens laxativum. *℞. aq. laxat. nostræ 3ij. B. pulv. lax. 3℞. Iulep. ros. q. s. ad gratiam dulcedinem, m. pro una dozi,* indeque blandas habuit dejectiones, Cum vero constipatio alvi ipsi valde esset molesta, ordinavi sequens Electuar. alternis diebus sumendum, quantitate juglandis. *℞. Elect. lax. extr. fol. Senna nostr. 3ij. admiscendo resin. scam. g. lalap. ana. gr. iij. crem. Tart. 3℞. m. exactissime.* Hoc fere quotidie cum successu utebatur: Diebus ab Elect. liberis, nonnunquam circa vespertinam etiam istas Rotulas assumebat. *℞. Spec. diarr. abb. aromat. ros. aa. 3℞. Ebor. ppti 3j. olei still. fenic. carvi. aa. gutt. v. sacch. canar. alb. in suff. q. aq. cinam. cord. dissol. 3iv. f. l. a. Ros. sumantur 13. vel 15. una vice.* Sed respiratio in dies difficilior reddebatur, vires autem debiliores: quare 3. Febr. hunc Pulverem ordinavimus. *℞. Ol. destill. carvi. cimin. anisi: fenic. aa. gutt. ij. sacch. canar. alb. 3iv. m. f. Pulvis,* Pest cujus usum etiam melius habuit; Dein istud Linim. pro inunctione totius abdominis. *℞. Vngu. de arthan. deoppilat. aa. 3℞. ol. rutac. 3vj. ol. destill. carvi. fenic. cimin. anisi. aa. 3℞. m.* Sed die 4. Februar. virium roborandarum gratia talem Iulepum exhibuimus. *℞. Conf. flor. anthos. borrag. bugl. violar. aa. 3ij. cum aq. hyssop. cap. ven. aa. 3iv. B. ebulliant in diplomate clauso: Colat. fortiter expressit admisce. aq. rosar. fragr. 3x. aq. cinnam. cordial. 3vj. m.* Cum interea lotium nonnisi difficillime & in pauca quantitate redderet, assumpra sequenti mistura, illud copiosius effluebat, quæ talis fuit. *℞. Elixir. Propr. Parac. Essentia absinth. aa. 3j. spir. sal. dulcis ol. destillat. carni. cimin. anisi. fenic. aa. gutt. v. m. dozi 9. ad 15.* Die 9. Februar. mane adhuc omnia in optimo statu persistebant, qua etiam à meridie paracentesin circa umbilicū ad aquam educendam instituere volebamus, sed hora 3. pomeridiana, Paralyfi totius lateris sinistri tactus est, motu & sensu tam brachii quam pedis ablatis, sed loquela & sensibus internis usque ad mortem integris permanentibus, & quamvis naturam in depellendo affectu isto juvaremus, ut *℞. Conserv. flor. anthos. salvia, lavend. beton. libior. conv. aa. 3ij. cum aq. beton. ceras. nigr. flor. tilia. paon. card. ben. 3j. ebulliant in diplomate clauso, colat. fortiter expr. adde aq. cinnam. cord. 3x. apopl. Langii 3ij. m. pro Iulepo cochlearum sumendo, Item 3℞. Pulv. marchion. 3℞. spec. dianth. diamosch. d. aa. 3℞. m. f. Pulvis pro una dozi, Item 3℞. mell. ad densitatem cocti q. s. specier. hiera cum Agar. 3j. trochisc. de Agar. 3℞. salis gemm. 3j. Fiat l. a. Suppositorium, frustra tamen omnia adhibita sunt, nam die 12. Febr. hora xi. nocturna placide in Christo abdormiuit.*

Cadavere post mortem aperto, humor paucus, sed flatus in magna copia reperiebatur, quod mirum, cum stutium post usum misturæ superius descriptæ cum urina serum dies noctesque flueret.

## S C H O L I A.

**A**tque hæc est vera epigenesis, cujus diversa genera describentem vide *Steph. Rod. à Castro, in Opus. Quæ ex Quibus* lib. 1. cap. 11. usque ad 17. Præsertim confer cum præsentī calu cap. 3. de epigenesi in morbum toto genere diversum: Adde etiam cap. 35. ejusdem libri de Hydropis epigenom. Quibus majoris elucidationis gratia, opere pretium videtur subungere dignam Car. Pisonis observationem de mor-

bis à sero p. m. 33. Fluxiones, ait, omnis generis, & affectus p. n. quorum causa materialis est serum, invadunt atque præsertim sinistras partes, ex quo quia natura in his rectitudinem pro more servat cum viscere, quod est fons feroci humoris, hunc esse Lienem, quippe sinistram hypochondriū occupantem, arguere est. *Simon Schultze in miscell. cur. ann. 1674. 75. p. 183.*

*Ventris tumor Tympaniticus ob ventriculum & intestina flatibus tumida, ab Hepatis, Pancreatis, mesenterii vitio, & Languore calidi innati.*

**V**rsulæ Eberlin (*vide historiam lib. I. Tract. de Paralyti*) post annuam ægitudinem, hyme adventante, tum ob frigidorum abusum, tum ob vitam sedentariam, tum denique ob medicamentorum neglectum, sensim pedes œdematosi facti fuerunt ac intumuit abdomen: absente catarrho libere respiravit, cominodèq; decubuit, humilior certe quam reliqui hydropici: Hydrops in dies incrementa sumpsit, abdomine prætumido & œdemate etiam lumbos occupante.

Imo mortuæ ventre aperto, aqua citrina effluxit, sed præter expectationem quantitate minor: Ventriculus & intestina, tum tenuia tum crassa, flatibus turgidissima erant: Hepatis superficies livida, inæqualis, ceu corpus ex plurimis glandulis conglomeratum apparuit, molle, vastum: Glandulas Mesenterii & Pancreatis admodum duras comperi.

## S C H O L I A.

**H**yme adventante Hydrops sensim emerit, atque in Asciten deliit, nam abdomen prætumidum evasit, & œdema pedes ad lumbos ulque occupavit: Ventre quidem post obitum aperto aqua citrina quantitate minor quam expectaveram, effluxit, nam ante sectionem serum imminuebatur, illoque exportis quibusdam in locis exsudante abdomen subsiderat: Tympanites sociæ fuit, ventriculus enim atq; intestina tenuia & crassa flatibus turgidissima erant: Verum ultimis tantummodo diebus illam accessisse existimo, quia nunquam de ventris torminibus conquerebatur, & quoniam crassa excrementis vacua erant, a calido nativo jam succumbente potulenta, que sola fere ultimo assumpsit, in meros flatus resoluta fuisse credibile est: Colluviei aquosæ materiam abunde subministravit abusus frigidorum diu continuatus: detinebatur propter otiam & neglectum medicamentorum, nam antea hac si quem errorem commiserat, illum improbo labore emendabat, quos quoniam ob hemiplegiam non amplius peragere poterat, vices ejus medicamenta hydragoga, & imprimis diuretica & diaphoretica præstitissent, nam robusta & carnosa, mensibus usque ad Janu. ritè fluentibus, erat,

& visceribus bene valebat, hepatisque inæqualitas, ac pancreatis & mesenterii glandularum durities demum effectus hydropis potius quam causa facta fuerunt, neque enim unquam toto ægitudinis tempore calidis & glandulas indurantibus, cum vel à solo vino læderetur, usa est: Iam sæpius experimento didici hepar, aliasque glandulas conglomeratas, elixando in durefcere, quod itidem serum abdomini inclusum, perpetim ad ultimum habitum calefcens, hepatis circumfluum, ebullientis aquæ instar, pariter efficere valuit: Colluvies serosa primum in abdomen exsudavit, facile enim respiravit, & decubitus humilis erat, nisi catarrho obiretur, & dyspnœam & tussim, qua aliquoties sanguinem concretum tabæ magnitudine ejecit, excitaverat. *Wepserius de Apoplexiâ.*

*Ceu corpus ex plurimis glandulis conglomeratum.* &c.] Hepar me corpus ex plurimis glandulis conglomeratum observasse 1664. ad Exc. Dom. Jac. Henticum Paulli scripsi, antequam Cl. *Malpighii* liber de structura viscerum publici juris factus esset. Epistola ejusdem Clari. D. *Paulli Anatomie Bilsianæ Anatomia* annexa Argentorati 1665. excusa fuit. *Vide Ideam med. Pract. Franc. Sylvi de le Boe lib. I.*

## OBSERVATIO XXXIII.

*Ventris tumor asciten mentitus à monstroso Omenti tumore, 1. Ab Omento totam epigastricam regionem occupante. 2. Ob Omentum ubique sanie refertum. 3. Ob ejus glandulas magnitudinis insignis. 4. Ob illius insolitam crassitiem. 5. Atribus glandulis Omenti maximis, scirrhis. 6.*

1. §. **F** Iguli uxor vivebat nobiscum anno 1608. sed satis misere, cum ejusmodi ventris tumore ut asciten ingentem quantitate mentiretur: Molem hanc ventris per annos aliquot foverat, & pedetentim auxerat, frustra præscriptis & adhibitis variis remediis ad resolutionem & dissipationem tumoris a pluribus ordinatis, eo usq; ut ponderis illius extensione non solum doloribus variarum partium consumeretur, sed insuper compressione pectoris ac diaphragmatis, ob depravatam sanguificationem ad æopia reliqui corporis præcedente, tandem extingueretur: Hæc paucis ante mortem septimanis anxie petiit ut tumor aperiretur.

Post cutis & musculorum abdominis incisionem, 1.° Intestina iuxta dextrum latus ascendencia occurrebant, quibus remotis, loco secundo, Tumor ingens, propria tunica satis crassa, totam capacitatem infimi ventris complens, in conspectum veniebat, qui parte inferiori, ut & in lateribus facili negotio, sine reliquarum partium læsione, separabatur: At superius à fundo ventriculi, partibusque circumiacentibus, non sine laceratione divellebatur. Exemplus hic tumor tantæ magnitudinis erat, ut libras lvj. penderet cum omnium admiratione, Exterior undique satis crassa robustaque membrana constabat, qua dissecta, primum adiposa substantia, postea scirrhusus & glandulosus tumor observabatur, donec in medio cavitas foetida sordidaque sanie repleta se offerret. *Gregorius Horsius Problem x. Decade vj. observ. lib. x. obs. 4.*

## S C H O L I A.

**H**anc partem corporis tumore p.n. affici posse facillime patet, quando perpendimus copiosa valorum serie corpus illud membranofum prævitum esse, ut mirum non sit materiam p. n. ad hanc partem deponi posse, præsertim cum alias apud omnes in confesso sit nobiliores partes, id quod noxium est, ad ignobiliores ablegare: quod ex ipso *Hipp.* colligitur lib. de Glandulis, dum *inquit*, copiosorem humiditatem ab intestinis ad glandulas proprias abire influentem, in omento, velut æstuario conservari, Omentum ex humoribus affluentibus intumescere, non tantum ratio, sed etiam observatio testatur; sicuti videre licet apud *Vesaliū*, qui Omentum quinque librarum pondus aquasse vidit, cum naturaliter sese habens vix semilibræ pondus excedat: *Riolanus* Anthropogr. lib. 2. cap. 11. mentionem facit Omenti glandulosi, quod totam illuviem infimi ventris susceperit, liene, cum mesenterio & pancreate, putredine fere consumptis: An autem hic vel similis tumor curabilis sit, valde dubium est, præsertim cum tales excrescentiæ non aliter quam ferro curari velint; at quomodo in ejusmodi tumore interno sine vitæ periculo hoc fieri possit, non video: Si

quis tamen sagaci conjectura principium tumoris observabit, non dubitandum quin vii continuo discutientium & resolventium fortiorum aliquid præstare possit: *Difficiliter* enim, inquit *Sennerius* lib. 3. præct. p. 3. c. 8. humores vitiosi in Omenti venas & substantiam effusi vacuantur, quia venarum illarum orificia in locum evacuationi aptum non dehiscunt, ut venæ mesaraicæ: Et si evacuari debent, necesse est ut regurgitent ad loca per quæ sunt illapsi, quod verumile non est fieri posse, cum expultrix hujus partis valde debilis esse videatur: Causam autem generationis hujus tumoris, eandem statuimus cum aliis excrescentiis diversarum partium corporis, ubi plus alimenti colligitur in aliqua parte quam pro nutritione convenienti requiritur: Potuit ergo crassioribus existentibus membranis Omenti, vasis apertis, materia crassior, & ad generationem scirrhusi tumoris conveniens sensum colligi, quod per annos quamplurimos forte factum fuit: Nec mirum vitæ functionibus integris tam diuturno tempore partem illam in ejusmodi violem excrescere potuisse, cum Omentum sit pars ignobilior, primariæ cuidam functioni non destinata.

§. 2. Nos vidimus Omentum scirrhusum, totam epigastrii regionem occupans, & quatuor digitorum transversorum crassitudinem æquans; Ille autem Tumor lienis colorem referebat &c. *Vide hystor. lib. 1. tit. de Melancholia.*

## S C H O L I A.

**O**mentum pars mollis est & adiposa, & recipiendis humoribus aliunde confluentibus, propter laxitatem maxime idonea, Venas enim à porta capit, & quidem superior membrana utraque gastro-epiploidei dextram & sinistram: inferior epiploidei dextram & posticam: arterias totidem à cœliaco & mesenterico ramo, ideo facile humores vitiosi omnis generis in id confluere possunt: Et cum omentum his tantum partibus adhaereat, ad quos rami splenici furculi perveniunt, facile etiam a liene humores vitiosos & tracentos suscipere potest: *Sennerius præct. l. 3. p. 3. c. 8.* Ea autem de causa Omentum in prædicto cadavere Lienis colorem referebat, à suscepto inde tumore melancholico.

[Ille autem Tumor] Cum Omenti tumores à mesenterii tumoribus nulla arte distingui valeant: ideo

certa illorum diagnosi statui non potest: Verum quidem est tumores Omenti primo contactu facilius percipi, cum peritonæo immediate subjectum sit, mesenterium vero profundiorē obtineat situm: Sed tumores mesenterii grandiores ad peritonæum ascendant, imo vero cum eo & musculis epigastrii ita interdum uniuntur, ut suppuratione facta per umbilicum aut partes alias externas expurgentur: Hæc tamen diagnosi difficultas curationi non efficit: quandoquidem omnibus tumoribus ejusdem speciei ventris inferioris partes occupantibus, eadem adhibetur medela; quæ tamen in omento infelicis succedit, quandoquidem non habet vias ita idoneas, quemadmodum reliquæ partes, per quas expurgari valeat. *Riverius l. c.*

§. 3. Virgo per sex annos ex ingenti corporis intumescencia ulnas duas & quartam unam in circumferentia superante suffocata obiit. Abdomine aperto mensuræ xlvj. humoris effluebant: Omentum duplicatum omni ex parte saniosum, aliis officinæ naturalis visceribus optime constitutis. *Vide lib. 2. tit. de Suffocatione.*

§. 4. Forte dum ægræ Hydropicæ medicabar, dissectus ab Exc. D. D. *Stenonio* Rangifer, qui ex hydrope obierat, itidem ostendit nonnullas Glandulas Omenti scirrhusas, & nonnullas pure viridi refertas, quod iterum nos confirmavit de Glandulis Omenti feminei similiter propemodum affectis: Quanquam fortasse nec mesenterii glandulæ in hac matrona immunes fuerint. *Observatio Olas Borrichii in Actis Med. Bartholini anni 1673. Observatio lxxxiv.*

§. 5. Virgo Cachectica abdomen habebat circa regionem umbilicalem duriusculum & subrumidum: Omentum illi erat incrassatum & fere coriaceum. *Vide tit. de Cachexia.*

§. 6. Rustica credebatur se ranas tres viventes in ventre gestare, tandem Ascitica facta obiit: Inciso peritonæo, aqua qualis hydropicorum effluxit: apparuerunt autem tres excrescentiæ, quas capita ranarum putabat, at Glandulas Omenti scirrhusas deprehendimus, Adnatus tandem tumor Omenti scirrhusus totus videbatur. *Vide lib. 1. tit. de Melancholia.*



*De simili ventris Tumore hydropico in femina à Glandula Omenti insitata magnitudinis.*

**A**Nna Lambertia 40. annorum femina, cæteroquin laudabilis temperamenti, sensit paulatim ex molestiis itinerum & diætæ vitiis sibi distendi ventrem: non æquali quidem tumore, sed nodis hinc inde duris, scirrhosis & doloris sensu destitutis mollietiem distinguentibus, quos conspiciari exterius non licebat, sed tactu profundiori, ut erat macilentia, facile sentire: hos inter unus capite infantis major versus lienem magis declinabat, sed inconstanter, alio enim motu corporis in dextrum latus nonnihil vergebat, digitis etiam prementibus non difficulter cedens, quiscuntibus subter intestinis, ut Omenti male affecti vitium facile intelligeretur: Conatus erat omnia Medicus ordinarius, & ex arte præbuerat cathartica, incidentia, chalybeata, alia, fructu quidem, quæ erat mali pertinacia & invicta scirrhorum durities, non magno, sed spe, si perseveraretur constanter, majori: Verum illa in medio cursu pertasa pharmacorum, naturæ aliquandiu omnia commisit: Interea pedetentim flaccescere superiora, crescere venter, imminui profluxus urinæ, & malum in verum hydropem degenerare: Quo viso turbator Hasniam translata est, & arbitrio D. D. *Sim. Paulli, Frid. Hammerici* & meo permissu totis sex hebdomadibus medicamentis convenientibus usurpandis morigeram sese declaravit, jamque detumescere manifeste venter cœperat, & urina largius profluere, cum iterum palpandum se nobis offerret insolitus ille Omenti scirrhus (diu enim contredationem prohibuerat tensum durissime abdomen) sed ille obfirmatæ adeo duritie, ut ab arte Medica integram promittere sanitatem tuto non liceret: Instandum tamen suavimus, vinci quandoque longo patientique medicamentorum usu ea quæ æstimantur insanabilia, sed illa ingruente hyeme de curis domesticis sollicita, spondensque ex præscripto nostro se post domi victuram, ad suos discessit: ibique in usurpandi segnitiei paulatim relapsa, & subinde Agyræarum vocibus auscultans, in antiquum abdominis tumorem incidit, hoc uno felicius quod largius adhuc profluat urina & ciborum appetitus constet, adeoque par rebus domesticis gerendis etiamnum deprehendatur, cum antea totos fere dies lectulo affixa detineretur: Interea cum nostræ adhuc fidei permessa, pharmacis serosam colluviem expurgantibus alternis fere diebus uteretur, multum semper feri exclusit sed nigerrimi & atramenti propemodum æmuli, ut non leviter admiraremur infaustum copiosissimi illius liquoris colorem, cum neque adhuc nos chalybem adhibuissemus; nec totis sex mensibus, ut Medicus ordinarius asseruerat, quicquam chalybeati degustasset: chalybeata autem jam ante dimidium annum propinata tamdiu in visceribus latere potuisse, ut tingerent postea liquores, difficile pronuntiatur: Ex liene vel vasis, vel parenchymate tantum profluxisse iterum difficile, præsertim cum nec sit melancholici generis, nec lienis majusculi & acidorum abstinentissima. *Idem ibidem.*

## OBSERVATIO XXXIV.

*Ventris tumor pro hydropo habitus, à Splene immensæ magnitudinis & Jecore magno. 1. A Liene totum abdomen occupante. 2. 3. Ob Lienem molis extraordinariæ, ligamenti solutum. 4. 5. Ob Lienem monstruosum alieno loco hærentem. 6. Ob Hepatis insignem magnitudinem. 7.*

**S. 1.** **D**Ominicus Penso 39. annos natus, natura insignis, sed qui multa in diætâ errata commisit, quorum occasione jam abhinc xij. annis magno abdominis tumore, & crurum pedumque inflatione, simul cum anhelitus difficultate laborare cœpit, adeo ut pro vero hydropico & perperam curatus fuerit: at ne tantillum quidem profuere tot tantumque fortia medicamenta, quin ærumnoso cruciatu finierit vitam.

Facta abdominis apertione, inter notatu dignissima, ablatis abdominis musculis, dissectoque peritonæo, ecce statim procedit Lien maximus, latissimus, ita ut totum impleteret abdomen, suppressis & ventriculo & intestinis, qui ab omnibus partibus liberatus, bona fide 23. libras boni ponderis libravit: moxque in modum crucis divisus, ejus substantia sanorum visceris substantiæ omnino respondebat, nihil quoad colorem mutatus, nisi quod sanguis in eo contentus non ita ater fuerit, prout esse solet: sed ob copiosissimum potum quo nutriebatur, subalbidus erat & valde densus: *παχύρρετος* simillimum habebat Jecori, quod valde durum, obstructum & satis magnum reperi, nam libratum pendebat xi. libras, ventriculus vero tam parvus erat, ut vix vesiculæ effigiem referret. Reliqua naturaliter erant constituta. *Ex observat. Georgii Garneri Medici.*

De magnis Lienibus, intra naturæ limites, vide sect. xvj. Observat. xij. & xiiij. hujus libri.

§. 2. Vidi anno 1593. in quadam virgine juvene totum abdomen à Liene occupatum, ipsumque ita extuberantem, ut videretur hæc virgo Hydrope laborare: Imo quod gravissimi Medici in aspectu cadaveris istius mulieris dissecti, se deceptos fuisse fassi sunt: Erat molli abdomine, & suffocata, quemadmodum Hydrope laborantibus accidit, de vita discessit. *Hippolitus Boscius de Facultate Anat. Lect. 2. p. 14.*

§. 3. Duplicem Lienem in muliere quadam publice dissecta in Scholis anno 1569. Excell. Pater meus reperit, Et aliam mulierem se secasse fatetur habentem scirrhum Lienis, appensum intestino Colon dicto, & in tantam molem excretum ut totum fere abdomen repleret, ita ut absumpti viderentur Renes, Heparque suam amisisse formam, & pendebat libras triginta tres, & mulier tali affectu laboravit per decem & septem annos, suasque obiit operationes, & fuit hoc actum anno 1570. *Hipp. Boscius de Facultate Anat. Lect. 2. pag. 14.*

§. 4. Secundo Comitum Aufumondianum, offendimus Lienem qua mole qua pondere visendum: amplius enim quinque libras pendit: Insuper omnibus quibus adnecti debuit ligamenti, solutum; ideo natantem per totam ventris capacitatem. *Cabrellius Observat. Anatom. 6.*

§. 5. Situs Lienis interdum mutatur, dum laxatis suis ligamenti pondere suo deorsum propender, vel ruptis procumbit in hypogastrium, quod mihi quater visum. *Riolanus Encycheir. lib. 2. cap. 26.*

§. 6. Mulier 48. ann. macilenta, melancholica, misere aliquot annos traduxerat, tandem incepit Abdominis sinistro latere observare tumorem, qui in principio graviditatis suspicionem omnibus inferebat, at mensibus aliquot effluxis, imo anno integro præterlapso vanam eam reperierunt: Illa interim opem meam implorare coacta, quod præterquam quod gingivarum, imo totius oris corruptione, dolorifica corporis lassitudine, alvi duritie, variisque aliis symptomatibus affligeretur, in dies tumor hic augmentum sumere observaretur, cum gravitate mobilitateque singulari, adeo quidem ut quoties corpus in hoc illudve latus inclinaret, vel etiam in dorsum decumberet, corpus aliquod durum in ventris cavo de loco in locum moveri manifeste sentiret: Ego rei novitatem admiror, certi nihil hic concludere ausus; Lienis tumorem adesse quam probabile primis temporibus, tam hisce, quibus me accedebat, dubium; illis etenim hypochondrium sinistrum, cum aliqua parte epigastrii, occupabat: his vero hypogastrium magis: molam aliquam hic adesse & ipsi, & mihi persuadere conabantur varii, quibus quod contradicerem nihil fundamenti habebam: Animalculum ventrem pererrare credebatur; Remediis variis intus extusve frustra omnino adhibitis, tandem mense Janu. anni 1670. lente extincta est, postquam jam ultra tres annos & dimidium sarcina hac, in dies aucta, onusta.

Die 24. dicti mensis, in cadavere à Clariss. *Ruysschio* aperto, repertus Lien insignis admodum magnitudinis, & latus sinistrum, & hypogastrium totum occupans, intestinis incumbens, quibus etiam sinuosa parte se accommodat, similiter ac gibbosus omnino, qua parte abdomini vicinus: Pendulus hærebat, adeo ut pro varia corporis agitatione varie etiam facile moveri potuerit: vasis splenicis mirum in modum & longitudine & capacitate auctis: Extra corpus ponderis libr. iv. repertus. *Gerardus Blasius Observ. Med. xiv.*

§. 7. Anno 1672. mense Octob. nata G. W. Civis Thorunensis filiola egregia, optimæque ut videbatur, constitutionis, quam etiam per medium annum integram servaverat: Ast hoc elapso varia infantem affligere cœperunt accidentia, quæ tamen, quia levia, facile superabantur: usque dum sub mensem Julium anni 1673. ingravescentibus malis in subsidium me vocavit Parens: Apparebat tumor totius abdominis durus, qui in hypogastrio tantus erat, tamque dolorificus ac plumbeus, ut ibidem magnum latitare ulcus nemo ambigere potuerit, Et quia puella omnem medicamentorum usum cum summo averfabatur horrore, pro deplorata habebatur ab omnibus. Pugnatum interim est inunctionibus atque cataplas. emollientibus, digerentibusque, quibus id tandem D. B. obtentum ut sub Augusti incrementum magna puris copia per aliquot dies cum lotio ejecta melius se habere cœperit puella & abdomen detumuerit: unde omni adhibito astu, id tandem obtinuimus ut syr. de tribus infus. cochleare unum absumpserit illa: Caterum vix elapsis aliquot septimanis rediere pristinæ infirmitates, quæ tamen, ubi maculæ quædam, ad instar Scorbuticorum, in pedibus imprimis & collo, eruperunt, denuo remiserunt, ita ut rursus restituta crederetur puella: Idem post tres septimanas iterum accidit: Et licet postmodum quædam medicamenta assumpserit, accedente tamen diarrhœa, viribusque prostratis, die 28. Octobris naturæ debitum solvit, erumpentibus denuo in pedibus dictis maculis.

Post mortem aperto corpusculo, omentum cum mesenterii magna parte putredine consumptum apparebat: Hepar vero insolite magnitudinis pallidique coloris totam fere abdominis cavitatem repleverat: Quod excissum, pondere suo sesquilibrium civilem fere æquabat: Vesicula felleis satis magna bile subpallida scatebat: Lien nigricans, quadratus, scirrhusus, vix triuncialis erat magnitudinis: Ventriculus, cum vesica urinaria, nihil peculiare fovebant: Pancreas putridum erat: Intestina flatibus distenta videbantur: Ren uterque eam magnitudinem, quæ in adultis occurrit, obtinebat: Horum dexter satis naturaliter erat constitutus, sinister vero discissus copiosam fundebat saniem, in quam tota Renis substantia ita mutata erat, ut diffuente pure sola vasorum concurrentium interstitia, quæ apud loculamentis haud absurde comparat *Highmorus*, remanserunt: Pulmones flaccidi & subnigricantes, inque plurimos lobos divisi, Cor justo exiguum & pallidum stipabant: Plura scrutari non licuit: Hoc quoque addo, Infantem hunc per totum vitæ suæ curriculum nunquam sudasse etiam assumpto sudorifero, *Georgius Segerus in Miscell. cur. anni iv. Observ. 142.*

## OBSERVATIO XXXV.

*Ventris tumor à corpore extraneo, crassitie pedis unius & semis, sub musculis abdominis: Alio virilem mentulam referente, inter uterum & vesicam urinariam sito.*

**F**œmina mediocri staturâ, bono & nonnihil carnosio corporis habitu, hilaris admodum, inito tempestive matrimonio ad quadragesimum quintum ætatis annum sterilis vixit, quo demum nata graviditatis opinio, ex subsistentibus menstruis, quorum suppressionem multa sanguinis dispendia biennio præcesserant. Venter novem mensium incremento tumuit: quibus, sine puerperio effluentibus, spes proles in hydropem mutata. Adhibentur quæ obsunt malo, sed frustra: nam aucto indies abdomine, spirandi & mingendi difficultas simul ingruere, quarum posteriori perita Chirurgi *Aveaux* manu subventum. Cæterum valebat mediocriter, & levibus suis negotiis. ferè ut sana intererat. Crescente vero abdominis pondere, tandem & standi & decumbendi facultas adempta, orta que simul repente lotii suppressione, ægra ob doloris vehementiam lectum petens, intra bihorium quasi suffocata obiit die xvij. Januarii anno millesimo sexcentesimo septuagesimo quinto, ætatis suæ circiter sexagesimo.

Chirurgus mali causam exploraturus, abdominis musculos auferendo quiddam obniti sentit; plurimas nempe fibras, quæ musculos abdominis membranaceo cuidam corpori ingenti alligabant. Amputatis fibris musculisque ablatis, corporis heterogenei ambitum ab osse pubis usque ad diaphragma detexit, omento sursum convoluto, ut oculis cuncta paterent. Motus spectaculi novitate Chirurgus, primarios Poliatros *Pigny & Duperray* in auxilium advocat, Qui sternum auferre jubentes, membranacei corporis mole compulsum altè intra thoracem diaphragma notarunt, mediis immixtum pulmonibus. Crassitie pedem unum cum semisse æquavit heterogeneum illud corpus, in regione uteri; alibi pedem duntaxat. Postea quæsitum, qua ratione magnum hoc pondus intestinis & visceribus incumbere citra impedimentum potuerit. Præter fibras itaque & vincula, quæ abdominis musculis & lumbis illud junxere, aliud corpus durum & solidum invenerunt, priori tanquam basis substratum, cui innitebatur. Hoc sede sua cum impetu excidens Chirurgi manus inopinatò ferit. Mentiebatur autem corpus istud virilem mentulam, sumptaque origine ab osse sacro, superato intestino recto, inter uteri & vesicæ urinariæ fundum emerit. Substantia ejus membranacea fortis erat, externè lævis & teneriore alia ceu epidermide amicta: intus inæqualis, ob plurimos globulos membranaceos ibidem affixos. Adfuit etiam aqua limpidissima, infarctu suo mentulæ rigiditatem concilians. Huic figura teres, oblonga, æqualis, Longitudo magni pedis, Latitudo quatuor pollicum transversorum, & duorum crassities. Desiit in glandi simile quid, formatæ è ligamento duobus digitis transversis retro extremitatem, quadam veluti paraphimoseos specie. Glandi foramen inesse visum, juxta quod membranaceum corpus rotundum, magnitudinæ fructus cerasi, glandis extremo annexum. Imò, quod ad lepidæ comparisonis perfectionem attinet, ad mentulæ radicem ovalia duo corpora, testibus similia, conspiciebantur aquâ plèna. Emergens ab uteri & vesicæ fundo mentula incurvabatur, glande in ventrem conversa: unde alterius corporis molem dorso suo tanquam in fornice sustinuit. His perlustratis heterogeneo corpori vulnus infligitur ut pateant contenta. Mox vesicæ & globuli membranacei plurimi crumpunt, cum magna vi aquarum. Instante autem funeri hora, cum investigatione diuturniore prohiberemur, abdominis viscera simul exempta curavit asportari Chirurgus,



Chirurgus, operam navans, ut quo ante fuerant situ tabulæ singula denuo examinanda imponerentur. Apparuerunt itaque tria membranacea corpora, Primum in dextro latere; alterum in sinistro; tertium in media sede. Dextro implicitum hepar admodum pallescebat, ductibus ejus bilariis & vesicula exili. Venæ cavæ & portæ, nec-non arteriis sua erat naturalis magnitudo. Tumoris pars ultra hepar tam fortiter hæsit diaphragmati, ut ab eo separari nequiret, permutata quasi in unam utriusque substantia. Vi tumoris alte quoque adactum in thoracem diaphragma secesserat, pulmonibus intricatum, ut horum lobi vix amplius distingui potuerint. In summo thorace, juxta tumoris extremum, novum dedit miraculum muliebris sinûs imago, è duobus candidis globis, mammatum instar, toridemque in medio papillis efficta. Globi membranci erant, aquâ pleni: nec diversa papillarum substantia, fibris multis devinctarum. Secundum corpus involvebat lienem, hinc in medium usque thoracem, & inde ultra sinistrum renem sese extendens. Tertium, inter peritonæum ac intestina, universum ab osse pubis usque ad diaphragma ventrem implevit. Massæ hæc informes erant, maxime quæ in hypochondriis; media enim ad placentæ figuram rotunditate sua quodammodo accessit. Substantia omnium è duabus membranis, quarum interna mollior, durior externa, ut alicubi cartilaginea, aut ossea, imò etiam lapidea putaretur. Color illis albus ad flavum vergens. Connectebantur inter se & cum partibus aliis ministerio fibrarum & ligamentorum, nec-non substantiæ cujusdam viscidæ instar glutinis, quo latera adunabantur. Massæ pondus quadraginta quinque librarum fuit, non computatis globulis amissis, & aquâ translatis de loco in locum tumoribus profusâ. Jacturam æstimauere librarum quindecim. Cognita exteriori corporum & heterogeneorum superficie, scrutanda manent interiora. Latebant in iis nonnisi vesicæ aut involucria, & in his iterum minora: quorum alia humore farta limpidò, alia substantia sevo caseove simili, pleraque membranarum glomere. Sed neque in his eadem erat ubique dispositio. Quædam enim involucria septem duntaxat, vel octo, vesicas prodebant, rotundas & duras instar pilarum vento turgidarum. Quibus dissectis minorum globulorum membranaceorum stupenda caterva emerfit, aquâ plenorum & similium ovis sine testa. Alia involucria incredibilem vesicarum multitudinem continuere, variæ magnitudinis, promiscuè ac turmatim erumpentium, nec uti priores gravidarum. Quædam stipabantur alba & crassa substantia, qualis abscessuum, qui atheromata vel steatomata vocantur: aliis propè meliceridum fuit materies. Contentorum varietas diversam etiam vesicis globulisque tincturam indidit. Erant enim albi, rubri & opaci. Ex substantia caseosa & sebacea, cum aquâ limpidâ, albus; ex liquore lactis sero simili, turbidus seu obscurus; ex substantia mellaginea, rubicundus color. Notandum ultima hac materia non tam impletam vesicam, cui inerat, sed incrustatam tantummodo intrinsecus, reliquum cavitatis aquâ adimplente. E duabus corpora hæc heterogenea membranis componebantur, externa lævi, tenuiore & minus robusta, internâ duriore & alicubi inæquali, ob excrescentias complures verrucosas, quibus adhæsit substantia meliceridum, nunc rubra, nunc viscida & alba. In hac & rubra potius, quam in altera materia atheromatis steatomatisque simili, oviformes globuli nidulari visi. Hic quippe inventi piso aut capitello acus non multo majores, qui recens genitivi debebantur, & casui vicini. Fuit etiam, ubi plures noduli separatim protuberantes, uvarum racemum acinis onustum finxerunt. Tandem, ne nihil deesset monstri, corpora etiam juvenia ex rubro & albo diversimodè variegata. Destituebantur verò omnino & vase & fibra, qua nutrimentum vehi potuisset, erantque contigua tantum, non continua: etenim perrupto involucrio quovis eadem facilitate mox evaserunt, quo poma aut cerasa è sportula. Humor plerisque fuit limpidus, tenuis & pellucidus, aquæ instar purissimæ, neque consistentiam neque colorem mutans. In elixato ad septimum usque diem nulla contigit alteratio. Postea flavus viscidusque reddi & fœtere cœpit. Recenti aliquot spiritus vitrioli injectæ guttæ, citato atomorum motu, membranacea quædam frustula humori innatantia mox cogebant, aut etiam de novo producebant. Inde nata suspicio non esse expertem falsis aquam, quam & gustus probavit instar olei tartari per deliquium falsam. Ab eadem etiam cæruleus violarum syrupus in viridem commutatus. Intricatis tumori visceribus nihil aliàs detrimenti acciderat, præterquam testiculo sinistro, dextræ uteri tubæ & sinistro reni. Tuba vehementer erat dilatata, ac ab extremitate simbriata usque ad sui medium laura. Testiculus sinister foramen habuit, non à cultro. Sinistri renis substantia pallida, mollis, bovinæ instar linguæ, quam & figurâ imitabatur. Ren quippe longus erat decem pollices, latus tres, & duos crassus; nullæ in eo carunculæ, sed pelvis amplissima. *Observatio D. de Houppeville, Gallice edita, Latine reddita à Nobil. Dom. Conrado Peyer, mihi amice communicata.*

plimus) extant nervorum plexus, per, quos nervi spinæ dorsæ, per ramos & propagines hinc inde missas conveniunt: Quapropter plexu isthoc nerveo, per gladii puncturam forte transfixo, primo spiritus ibidem hospitantes irritati & trāsire incunt, dein consensu per nervos tot eximios statim facto, & quaquaversus huc illuc transmissis, spiritus alii, & subinde alii; pares inordinationes subeunt, atque membranas fibrasque nerveas (quas ubique tumultuarie subeunt) instantes, totius corporis affectionem quasi Tympaniticam inducunt: Propter similem furorem, live oestrum virulentum spiritibus alicubi impressum, & inde mox longe lateque diffusum, toxica quædam epota, telorum aut ferarum jectus, vel morsus venenosus, sæpenuero partium una plurium, aut totius corporis intumescantiam inducunt: Cujusmodi spirituum affectio Typhodes ab *Helmonitio* dicitur *indignatio Archæi*: Complures alii subiunt casus & instantiæ, quibus evincitur Spiritus animales irritatos, & in excandescantias actos, quatenus fibras nerveas impetuosius subeunt, partes, imprimis membranaceas intumescere, & multas ex iis passiones excitare, quæ vulgo, sed perperam, flatibus adscribi solent, revera ut Tympanitis nulla alia causâ verisimilior assignari possit: Quod si obicitur defunctorum abdomina, post aliquod tempus, à flatu inmolem attolli & quasi tympanitice intumescere, dico hoc omnino ab humorum putredine, & extrema mixtionis dissolutione, in qua particulæ activæ omnes manumissæ ab invicem discedunt, & avolantes quaquaversus exitum quaerunt, & obstacula quæque, ac imprimis cavitatum parietes immaniter distendunt (quod minime in viventibus contingit) procedere: quapropter uti cadavera nō omnia ex æquo putrescunt, ita illorum ventres citius aut tardius, magis aut minus extumescunt: attamen durante vita nulla hic in corpore animato putredo, aut particularum dissolutio, *Empo-* *em*, sive intumescantiam splachnicam illatura: Interea non inficias unus flatu intra pectus, hæmatoscis & secretionum organa, imo intra singulos quosque corporis nostri specus & recessus generari: attamen è singulis istis, (donec spiritus fibras tum nerveas tum motrices rite influunt ætuantque, ut viscerum parietes haud distenti ac rigidi teneantur) flatibus ubicunque genitis æque faciliis patescit exitus: Atque in Tympanite revera flatum spacia vacua implere concedimus, verum spiritus ipsi, quatenus inordinatione sua viscera extendunt, vacuitates istas (in quibus flatu secundario & consequenter progignuntur) primo efficiunt, & illi (quatenus viscera eadem usque rigida & distenta servant) ne flatu isti ablegentur impediunt. Hinc constare satis arbitror Spiritus animales potius quam flatu ejusmodi ventris intumescantias, saltem breves & transitorias: quales in paroxysmis colicis & hystericiis contingunt, excitare: Attamen magna difficultas restat

quomodo abdominis *ist* tympaniticus, qui fixus & permanens, imo plerumque immobilis est, à tali causâ procedit: præsertim quia spiritus animales, ex sua natura irrequieti & valde mobiles, fere semper lationem affectant, ut nili defessi, aut defuncti, vix unquam resideant: Ut nodum hunc solvam, considerare oportet, una cum spirituum animalium hypostasi, *Succum nerveum*, qui istis ubiq; pro vehiculo, simulque pro retinaculo est: namque spiritus hujus fluente subtilissimo potiri, libere expartiantur, & ne ab invicem dissipati avolent, in serie integra continentur: Si quando igitur latex iste quoad crasin aut motum suum peccat, exinde statim spiritus animales in functionum suarum exercitiis varie delinquant aut pervertuntur: Et ut isthæc paucis contraham, imprimis advertere licet, imi ventris contenta (dempris solum hepate, liene ac renibus) visceribus membranaceis (quæ fibræ nervæ magna ex parte contexunt) plurimis instrui: unde sequitur succum nerveum (cujus in his partibus major ambitus simulque angustior transitus est) reinora hic plures offendere: quod etiam ab effectu comprobatur, in quantum intultus spasmodici, in passionibus hypochondriacis, colicis, nephriticis & hystericiis passim excitati, abdomen ita graviter infestant. Si quādo igitur latex iste fibras harum partium nerveas irrigans, vel ex se tenax & viscidus fuerit, vel iisdem facultentias plures impingat, propterea quidem accidet Spiritus animales, si quando in has fibras quandentenus obstructas impetuosè adigantur, exinde non omnes facile redire, cumque ira sæpius plenior eorum incursus, & parciore reditus fiat, tandem eveniet magnas spirituum copias in fibras istas magis in dies magisque impactas manere, easque distentas usque & plurimum inflatas tenere, demumque propter itum & reditum in fibris istis vias oclusas ibidè prorsus immobiles fieri, atq; partes continentes semper extensas & rigidas servare: interea quoniam hi spiritus ibidem intra ductus nerveos impacti, ac densim stipati, cum aliis ad illorum antra influis commercium habent, idcirco pars affecta, quamvis rigida, & fere immobilis, usque tamen sensu potitur: Pathologia isthæc, ut ut paradoxâ, assensum tamen merebitur, si perpendatur eos potissimum qui affectibus hypochondriacis, colicis, aliisque jimi ventris spasmodicis diu obnoxii fuerunt, demum Tympaniticos fieri: Ex dictis Morbi hujus definitionem hanc tradere licebit, quod sit, *Tumor abdominis fixus & constans, æquabilis, durus, veniens, & à pulsatione sonitum edens, à partium & viscerum membranacearum inflatione variâdu oritur, propter spiritus animales in fibræ istas copia nimia adactos, ibidemque succi nervei obstructis vitio, à recessu impeditos: cui affectioni consequenter flatuum in locis vacuis, aggestio velut complementum accedit.* *Willis Pharymacop. rat. part. 2. sect. 2. cap. 4.*

## OBSERVATIO XXII.

*Ventris Tumor Tympaniticus à flatibus Intestina distendentibus.*

§.1. **A**Ncilla quædam ex herili filio gravis, promisso matrimonio frustrata, pepererat, & præ ægritudine animi, in Tympaniam hydropem lapsa moritur.

Cadavere dissecto universa intestina, adeoque ventriculus ipse flatu distenta inventa sunt, & fere excrementorum prorsus vacua, absque ullo flatu aut humore (secundum *Hipp. lib. 4. aph. 11.*) in cavitate peritonæi extra intestina consistente, ut merito & vere hydrops siccus diceretur. *Smectus miscellaneorum lib. x. p. 524. & lib. 7. Epist. 4.*

§.2. Puellæ abdomen in modum tympani extensum fuerat, idque propter flatuum in intestinis retentorum copiam, qui illis adeo tenaciter inhærebant, ut superiori ætate cum aliquo-

aliquoties ipsam purgarem, purgationi ne quidem cederent, Et post mortem acie scalpelli perfossis intestinis vix efflarent, Nec solum intestina flatu extensa erant, sed & ipse quoque ventriculus. *Fabritius Hildanus centur. vj. Observat. 74.*

§. 3. Tympanites spurius datur in quo omnino intestina flatu extenduntur, nihil humoris continentia præter vermium copiam qui surripiunt alimentum: Hunc hydropem observavi in Nobili Patavino x. annorum, qui statim mortuus est cum tumore ventris Tympanitidem æmulante, Et secto corpore omnia intestina flatu erant plena, citra ulla excrementa. In ventriculo autem 33. vermes conspecti sunt, & multi sesqui pedales. *Itère Saxonia Præf. Præf. part. 2. cap. 24.*

§. 4. Puer xvij. annos natus, hydropicus, cum xiv. dierum spatio excrementa alvi per os evomeret, nec per secessum quicquam egereret, in hospitali anno 1569. expiravit: In hoc cum post mortem rugitus ventris, & illius quædam palpitatio sentirentur, eoque nomine de sepeliendo corpore ambigeretur, accersitus cum ventrem aperirem, flatus tandem erumpebant: Verum intestina tantopere distenta erant, ut femoris crassitiem certis in locis adæquare viderentur, atque ex compressione disrumperentur, stercusque magno impetu profunderent: aliis vero locis adeo convoluta, intorta & implexa, ut nulla illic nec excrementis nec flatibus deorsum pateret via: Sed & vermibus vivis, oblongis quamplurimis referta erant, qui rursus aliis minoribus repleti inæquales illos motus effecerant: Præter hæc, hepar corruptum, arenulis, lapidibus infarctum lienen imminutum, pulmones vitiatos costisque affixos (ut in aliis multis sæpe accidere dixi) ostendebat. *Platerus Observat. pag. 656.*

§. 5. In intestinis & ventriculo retenti flatus, nec dum in spatium abdominis procidentes, non solum colicos cruciatus pariunt, sed si adeo inclusi sint, ut nullo patente exitu ea in immensum adeo attollant, ut totus venter inde distentus appareat, Tympanitidis quoddam genus, & forte frequentius quam aliud quod illis in ventrem erumpentibus fieri communiter docent, procreare possunt: Sicuti in illis quos Tympaniticos esse putabant, deprehendimus, flatum nullum in sectis post mortem in ventris cavo erupisse, nec ventrem subfedis, sed intestina, tenuiora præsertim, adeo flatibus distenta & convoluta prodixisse, ut in eundem ventrem reponi amplius nequirent, mirumque fuerit quo pacto in ventre prius clauso adhuc contineri potuerint: Quæ & in quodam adeo attenuata ex summa illa dilatatione reperimus, ut non solum tenuissimæ vesicæ instar, vento inflatæ & dilatatæ pellucida essent, sed & compressione aliqua disrupta, stercora cum flatibus procul effunderent: Cujus Tympanitis causa non alia ab ea quæ & alterius existit, flatuum scilicet proveniunt, atque intestinorum convolutio, vel intignis obstructio: Unde & in hac specie nec flatum, nec quicquam per alvum longo sæpe tempore egerunt. *Idem præctica lib. 3. cap. de Extuberantia.*

## S C H O L I A.

**I**n intestinis & ventriculo] *Fridericus Lepnerus* introductionis in Medicinam pag. 81. Tympanitidis causam materialem in ventriculo & intestinis quaerit, quam Chylum esse statuit, qui Flatibus generationem præbeat, Hydropis, aut Tympanitis causa communiter dicitur esse Flatus intra peritonæum conclusus, cujus naturam non incongruè describit *Aërius*, Tympanites flatus aëre repleti ac superflui plurimam collectionem in istis ventri incumbentibus locis facit, ut in principio sola inflatio esse videatur: postea tamen flatus inspissatur, & veluti nubilus redditur, atque ita una cum flatu nebulosus quasi humor consistit & congregatur: Ex his commode materialem flatuum causam perspicere licet, cum enim flatus dicatur esse nebulosus & inspissatus, certum est eundem à materia, lymphæ vel aqua crassiori esse elevatum, Eadem vero materia crassior, vel erat sanguis vel alterius conditionis: Sanguinem non esse vel solus sensus in apertis hydropicis nos docere valet: imo verosimile est crudum magis sanguine humorem flatibus materiam suppeditasse: Cum igitur neque sanguis neque lymphæ causa sint, reliquum est Chylum crudius, in spacia abdominis & vasis lacteis effusum, & circum jacentium partium calore in flatus nebulosus & crassiores elevatum, materialem eorum causam esse: Confirmant hoc ipsum in Tympanite affo-

ctis, læsa venticuli intestinorumque, ob debilem calorem concoctio, à qua in iisdem viis maxima flatuum copia producitur, certo indicio chylum crudius flatibus generandis materiam esse aptissimam: Huc accedit viæ commoditas, ab intestinis enim ductu naturali per vasa lactea chylus flatulentus ulterius tendens, iis ruptis facile in abdomen penetrat: Rupta vero vel læsa esse vasa lactea indicant lumborum dolores, & diuturna circa umbilicum tormina hunc effectum præcedentia, læsumque mesenterium significantia, quo spectat aphor. 4. 11.

Liquet hinc quid sentiendum circa questionem, utrum Tympanites vel Ascites periculosior sit affectus, *Aërius* illum periculosiorem esse dicit, *Iacchinius* Ascitem, quia in Tympanite minor caloris defectus, humida enim substantia sine calore in flatum non vertitur, 2. quia malum à ventre ortum ducit, at in Ascite pars princeps laborat, Sed quamvis minorem in Tympanite caloris defectum esse concedamus, attamen ob vasa Lactea, Lymphaticis præstantiora, in Tympanite affecta, vel utriusque ob vicinitatem loci simul læsis, unde Ascitæ cum Tympanite conjunctio, 2. materiam magis pertinacem & solutu difficilem, cum Aërio, omnium hydropis specierum periculosissimam Tympanitem esse statuimus.



§. 6. Octobris 3. die anni 1676. dissectum fuit cadaver Genevæ virginis xxx. circiter annos natæ, nomine *Lagis*: Per septennium & amplius chlorosi laboraverat, Vultum *ostendens* ægri defœdabat, sex ante obitum mensibus diris ventris torminibus, ad lumbos pertingentibus vexabatur, tandem Tympanitica obiit.

Dissecto cadavere, 1°. occurrunt intestina immensum à flatibus turgida, è quibus compunctis flatus cum sibilo & imperu erumpebant. 2°. Lien maxime exilis, In quem ægritudinis causa præsertim fuit conjecta, quia cum præ parvitate, defœcanda à succo melancholico massæ sanguineæ esset impar, hinc illius diffusio facta per totum corpus & coloris inquinatio: 3°. In centro mesenterii, seu Pancreate Asellii, aderat calculosæ materiæ, tophum consistentia, colore & poris, seu foraminibus, omnino referentis insignis copia, in frustra divisa, quorum alia nucis moschatæ magnitudinem æquabant, alia avellanas referebant, quædam fabas, pisa, lentes, &c. fœtor insignis disquisitionem ulteriorem prohibuit: Ægra sectionem & apertionem corporis petiit ante obitum: Excluserat ab aliquot mensibus nucleos ceraforum anno præcedente deglutitorum, quos penes se servat Dn. D. *Cramerus*. 5°. Uterus admodum exilis, siccus, in quo observabatur scirrhusa durities amgdaliy forma & magnitudine. 6°. Cæcum intestinum omnino oblitteratum, vermi formis appendix aberat. 7°. Omentum omnino dissipatum. 8°. Ventriculus maxime turgidus à flatibus, cujus rugæ oblitteratæ.

## OBSERVATIO XXIII.

*Tympanites à flatibus intra cavitatem Abdominis.*

§. 1. Vidimus ex aperto cadavere nihil aquæ exire, sed crasso flatu expirante totum repente ventrem detumescere. *Vallesius comm. in lib. 4. de viâ. acut. p. 284. Collado Adversarior. lib. 2. cap. 60. §. 22.*

§. 2. Puellæ febris continua, elatum abdomen in tumorem: Mirum, quomodo tam subito hic tumor natus: Præ dolore interiit: Acu abdomen mortuæ apertum, magno edito sono venter totus subsedit. *Ballonius Paradigm. 141.*

## S C H O L I A.

**Q**uomodo tam subito hic tumor } Galenus libro 3. de symptome causis, ait, aliquando ardoris vehementia colliquari succos in venis existentes, quasi non per renes ad vesicam transferantur, sed ad ventrem, vel totum corpus transmittantur, subitaneos hydropum status inducere: Ab eadem causa, vehementi scil. calore, possunt iidem in flatus solui, subitaneumque abdominis tumorem inferre; Qualem nyctimeri spatio exortum vidi anno 1669. in Nobilissimo D. Marco Cavalerio Domino de Fernex, cui ob *anpulmonias* viscera incanduerant tertio die funestum.

*Præ dolore interiit* } Ob distensionem membranarum subjectarum, Horum flatuum in abdomen irrumpentium minerâ in ventriculo & intestinis statuit *Platerus* Prax. lib. 3. cap. 3. cum alia non sint viscera in ventre inferiore in quibus flatus tam copiosè congeri possint: Cæterum per quam viam fiat hoc, dubium, Nam per cæcos meatus ventriculi vel intestinorum eos erumpere, cum etiam tenuissimis

membranis facile coercerantur, & humor tenuis facilius transudet quam flatus erumpat, vix fieri posse videtur: Nec per solutionem aliquam continui manifestam in illis visceribus, alias excrementa alia simul elaberentur, Itaque in oscula venarum mesaraicarum, si ab intestinis vel ventriculo flatus in abdomen ferantur, eos primum se insinuare, atque ex venis mesaraicis rurtum eodem modo, sicuti serosum humorem inde quoque elabi dictum, in ventris spatium procidere magis verisimile existit, quod & aqua cum flatibus in tympanite plerumque permixta, hæc simul per eandem viam huc pervenisse aliquo pacto comprobatur: Possunt quoque flatus per intestinorum tunicam interiorem in exteriorem penetrando, illic mesenterium, ubi illi conualcitur, se ingerere, atque inter duas illius tunicas coerceri, eas tandem permeantes abdomini interi: Sed maxima flatuum copia nenda supponende, à qua distendantur adeo intestina, ut attenuata ad extremum ulque eos transmittere possint. Vide proxime Lepner Sententiam.

## OBSERVATIO XXIV.

*Hydropicorum abdomen non aquis solum, sed & flatibus distentum turget.*

**V**idi id aliquoties in dissectionibus hydropicorum, videlicet præter humorem serosum, flatum quoque in abdomine fuisse collectum.

## S C H O L I A.

**R**aro flatus Tympanitis efficiens solus in abdomine continetur, sed plerumque aquæ permixtus: quemadmodum etiam in ascite non aqua sola,

sed flatus etiam in abdomine continetur, & uterque à prædominante nomen mutuatur: *Riverius.*

OBSERV.

## OBSERVATIO XXV.

*Ventris Tumor flatulentus & aquosus, à ventriculo post inflammationem perforato.*

**D** Saluatoris Medici vxor 18. annorum, cui nunquam menstrua effluxerant, quæ multis mensibus antea laborarat quartana, splenemque magnum habebat, Illi venter nonnihil intumescerebat, licet nulla de re conquereretur, ita ut dubium esset an prægnans: die 25. Octob. incidit in dolorem ingentem scapulæ lateris sinistri, vix poterat corpus movere, febricitabat, conquereretur de hypochondriorum dolore, maxime de sinistro, vomituriebat, & ructus emittebat, venter admodum intumuit, & subito difficulter spirabat, dentibus interdum stridebat, dolebant lumbi, potum appetebat quem raro recipiebat: Vires statim prostratæ, 29. mane, circa 2. aut 3. obiit, semper mente constans.

Ex aperto ventre ingens copia flatus erupit, fœtidi admodum, Inter intestina & peritonæum multus humor aderat, circa latus sinistrum apparuit pinguendo innatans, quæ suspicionem præbuit esse vel ex enematis vel ex iussculis, Rem inquisivimus, invenimus foramen circa mediam ventriculi partem, ad fundum, ubi iungitur epiploon cum ventriculo prope Colon, versus sinistrum latus, magnitudinis digiti, Epiploon, ventriculi tunica tertia, hepatis tunica, & ligamentum suspendens, omnia erant putrida: ventriculus adhuc bene habebat: Intus continebantur multa nigricantia, ita ut videretur humor melancholicus: Pridie supremi diei sanguinem concretum longitudine dodrantali excreverat, præter eum grumum nullum, Splen detumuerat.

## SCHOLIA.

**Q**Uum quæstio esset orta quis morbus esset, conclusimus fuisse inflammationem ventriculi quæ suppurata esset: Causam suspicabamur forte fuisse excretum sanguinem vel regurgitantem à splene, qui circa ventriculi tunicas impactus inflammationem peperisset: Sanguinem autem excretum credidi fuisse ab aliqua venula aperta dum tumor rumpebatur. Ex observat. Joh. Bauhini.

## OBSERVATIO XXVI.

*Ventris Tumor Tympaniticus, ob venenum inductus, à quo vitiatum hepar.*

§. 1. **P** Vellule annuæ, veneno interemptæ, Abdomen admodum intumverat: Iecur pallidum, imo albicans ex valido intemperie frigida: Intestina omnia, Colon præsertim, flatibus turgabant. *Vide lib. 4. tit. de morbis ignotis.*

§. 2. Quidam vxori venenum dedit quo facta est Tympanitica: Iecoris superficies tota nigerrima reperta est. *Vide tit. de Febribus.*

## OBSERVATIO XXVII.

*Ventris Tumor Tympaniticus à Liene maximo, pluribus membranis (inter quas aqua continebatur) involuto, &c.*

**S**Æpe natura in formanda una corporis parte deficit, luxuriando in altera: Ita accidit Scuidam Illustrissimæ Baronissæ, hydropē tympanitide succumbenti: ambo enim Pulmonis lobi, scilicet superior atque inferior sinistri lateris defuerunt, non ex ulcere consumpti, quia citatrices ad fuissent; sed quia natura defecit in eorum productione, alio distribuendo: Ventriculus magnus adfuit, cui à Liene vas breve amplum, sine valvulis communicabatur, per quod potus frigidus quam primum Lienem subivit: Lien erat ponderis lbj. ss. novem contextus densis membranis, inter quas aquæ limpidissimæ portio asservabatur, basis vero ejusdem fuit caro rubicundissimi coloris, solidæque substantiæ ad lbj. Locum præ pondere mutavit, hypogastrium occupans spatio 24. annorum, nihilo tamen minus tres proles vtero gessit: Intestina tantum tria apparuerunt, lejunum, Colon amplum, solitoque crassius, & Rectum: horum longitudo, non quatuordecim ulnarum Patavinarum, secundum Spigelium, sed tantum trium visebatur: Natura ergo cum defecit in producendis medio pulmone, parvo hepate & brevibus intestinis, supplevit defectum in Liene. *Antonius de Pozzis. observ. xxx. Miscell. cur. anni 1674.*

## OBSERVATIO XXVIII.

*Ventris Tumor Tympaniticus à venis mesenterii arefactis.*

**Q**Uidam Tympanite interiit, Glandulæ mesenterii aruerant plane, ut Sicci hydropis causa inde accersenda foret. *Ballonius Epidem. lib. 2. p. 221.*

SCHOLIA.

## S C H O L I A.

**D**E causa efficiente flatuum discrepant inter se auctores, alijs frigidam intemperiem acculantibus, alijs calidam: At certe agnoscendum est cum doctissimis auctoribus, materiam Tympaniti generandæ magis idoneam, esse humorem melancholicum adustum & atrabilem, qui à calore viscerum torrefaciente generatur: qui quidem calor, eandem materiam exagitat, & ex ea flatus crassos ac difficile resolubiles educit: *Riverius*. Hinc hypo-

chondriaci Hydropem facile incurrunt ob calidam & siccam intemperiem ventriculi & intestinorum, quæ facile ad mesenterium derivatur, unde ariditas illi conciliatur & glandulis.

Hinc notat *Varibon* Adenographiæ cap. xi. observasse se in illis qui cachectia, hydropo, scorbuto, morbo venereo obierant, mesenteria ut plurimum triabilia, maleque coheræptia, ita ut levissimo negotio pars à parte divelli potuerit.

## OBSERVATIO XXIX.

*Ventris Tumor Asciticus & Tympaniticus à lecore retorrido, indurato Liene, Rene putrido, Intestinis syderatis.*

**C**Reber spiritus cum aqua ubi distenderent abdomen Matthæi Antonii, *Tympanitis* vocatur Græcis, sategit ipse pro virili parte corrigere alliatas illam intemperiem, vel potius imbecillitatem quæ ponitur mali causa, sed accendit illis usque eo Lienem obstructum, utique *bilem atram* (quæ redundabat) per se satis turgidam, ut per reseratas ventriculi ac Lienis venas, eruperit ipsi supra infraque tam frequens cruor, ut pessum ivisset nisi impetum illius illico frænassent, cum sanguis mature missus, tum pulvis corallorum, aliaque inspissantia actutum potui data: Quorum ope superavit quidem tempestatem ab alio improvide excitatam, sed nequaquam imbecillitatem viscerum: nedum spiritum vel aquam, *cujus Tympanites nunquam est expertus*.

Facta autem post mortem secandi copia, vidimus perspicue quam inconsideratè dentur sæpenumero hydropicis alliatæ aliæve potentiora vina: Intunerat quippe Lien: Hepar retorridum exaruerat: Intestina erant syderata: Ren putridus, & in ventre ultra xxx. libræ aquæ: Memini aliquando in simili hydropo, ob continuum usum vini malvatici ab Empirico præscripti, adeo inflammata fuisse viscera, ut os non modo repleretur aphthis, sed ignoraret ægra præ siccitate quo se verteret, donec miserix finem invenerit magis mors quam Medicus. *Nic. Tulpus observ. lib. 2. cap. 35.*

## S C H O L I A.

**B**ilem atram, &c.] Tympanitidis causam intemperiem frigidam multi statuunt, quod ex *Galeno* flatus à debili calore generentur: Sed allatæ exemplum clare ostendit materiæ indoli causam potius adscribendam, caloriq; intensiori ac præternaturali: Revera materia Tympaniti generaudo omnium aptissi-

ma est humor melancholicus retorridus & atrabilarius, ab actu viscerum genitus: Constat eos quibus atra bilis ventriculo substrata est flatibus redundare, ructisque plurimos edere. Vide *Christ.*

*Guarinonius* conf. 563. *Sennertum* lib. 3. p. 6. l. 2. c. 4. quæst. 1.

## OBSERVATIO XXX.

*Tumor ventris Asciticus & Tympaniticus, salvo lecore genitus & alijs visceribus.*

**V**Ir fere sexagenarius, satis alioquin corpulentus, tota ætate largius & avidius comedens, aliquot mensibus antequam ipsi per aquæ accumulationem in manifestum tumorem attolleretur venter, quotiescunque assidens mensæ cibum sumpturus & jam mandere cibum aggrediretur, tanta corripiebatur *anhelandi difficultate*, ut præ spiritus densitate, suffocationis periculum præ se ferret: ex eo semimansum ex ore reiecere subinde cogebatur. Item hoc symptoma incurrebat quoties *ad somnum se componens jam obdormiscere inciperet*, quæ anhelandi crebritate & difficultate è somno se rursus corripere ac statim erigere cogebatur: neq; tamen semper neque æque graviter molestabatur: Ipse vero affirmabat se eo tempore percipere circa hypochondria palpitationem quandam, atque omnino tale quid ac si præcordiis aliquid vivi animalis subesset, cujus palpitatione hoc sibi symptoma excitaretur.

Hic vir tandem Aseite periit, cujus hepar, cum aperiretur illi abdomen, quod ad externam ejus faciem attinet, imo dissectum, *nihil ferè à sani Hepatis constitutione differre videbatur*, neque quicquam in eo vitii, sicut nec in ullo alio viscere oculis notari poterat: Frater hujus hydropici duobus vel tribus annis post, ejusdem & ætatis & corpulentix cum fratre, itidem asciticus factus, idem prorsus patiebatur, anhelationem dictam quod attinet, idque non tam inter comedendum quam per somnum, vel dum obdormiscere conaretur: *Ex observationibus Francisci Tidicæi Medici Thorunensis Borussæ.*

## S C H O L I A.

**A**nhelandi difficultate] Hujus rarioris, ut arbitror, adeoque mihi symptomatis causam nescio an aliquam ad flatuum circa diaphragma conclusorum exagitationem, per calorem intro se colligentem in

pastu & somno, referre debeam: quæ exagitatio alteri sedata est pomi, utpote frigidiusculum quod sit, commestione: Duobus his tale quid eo facilius accidere potuit, propter angustiora præcordia ex carnosæ molis



## De Hydrope Tympanite.

ms

molis & pinguedinis copia, unde flatus in angustum acti, exciti tamen, palpitacionis huiusmodi cause extiterunt. *Idem.*

*Nil fere a sani hepatis, &c.]* Quia constat sine hepatis latione hydropem esse non posse, siue jam primo, siue secundo; & per consensum noxam contraxerit, sequitur partis alicujus nativam temperiem, adeoque Hepatis virtutem, sanguinis procreatricem, esse labefactam ac penitus destructam, etiamsi nihil vitii sensui se offerebat: sicut saepe aroma quoddam integrum videtur, in quo tamen sensum odoratus & gustus si consulas, vis omnis exoleta est. *Idem.*

*Ad somnum se componens jam obdormiscere, &c.]*

Cum *Tidicam* a pentionis tantum abdominis meminerit, cujus integra omnia fuerint viscera, jure quis suspicari posset ambos illos fratres hydrope pectoris (qui tandem in abdominis hydropem delinit) laborasse, cujus affectus hoc attetur pathognomonicum signum, & quo solo à ceteris dyspnoeae speciebus distinguitur, nimirum spirandi difficultas primo quoque somni tempore invadens eumque intercipientis, Quae quod contigerit cibum sumpturis, causa esse potuit ventriculi & diaphragmatis vicinia, cui aquae pectore conclusae inuicunt: à cibo praeterea compressum ingesto fuit septum

### OBSERVATIO XXXI.

#### Tumor ventris Tympanicus & Asciticus cum epigenesi in Paralyfin.

**S**imon Seidel, civis & lanio Thorunensis, vir robustus & plethoricus, ann. 39. cum jam 2 pluribus annis de magna ventriculi & abdominis flatulentia conqueretur, ea quotidie magis ingravescens, tandem in hydrope tympanitico asciten erupit, cui ego an. 1674. 13. maj. Ian. in consilium vocatus sequentem potionem purgantem exhibui. *℞. Spec. decocti aperit. m. j. flor. chamam. m. ℞. rad. foen. 3vj. Coq. f. a. in f. aq. chamam. colat. fortiter expr. 3ij. ℞. adde Elect. lax. extr. fol. Senn. nostr. 3℞. resin. scam. talap. ana. gr. ij. crem. Tart. 3j. aq. cinnam. cord. 3y. m. f. Haustus.* A cujus usu, post dejectiones copiosas, cum euphoria solutus bene habuit: Sed 1. Febru. rursus male se habens me vocavit, ubi tum ab obstructione alvina, & distensione ventris à flatibus valde angebatur: urina erat tincta, pulsus parvus, sitis maxima, Praescripti ei ista die sequens laxativum. *℞. aq. laxat. nostrae 3ij. pulv. lax. 3℞. Iulep. ros. q. s. ad gratam dulcedinem, m. pro una dozi,* indeque blandas habuit dejectiones, Cum vero constipatio alvi ipsi valde esset molesta, ordinavi sequens Electuar. alternis diebus sumendum, quantitate juglandis. *℞. Elect. lax. extr. fol. Senna nostr. 3j. admiscendo resin. scam. g. talap. ana. gr. iij. crem. Tart. 3℞. m. exactissime.* Hoc fere quotidie cum successu utebatur: Diebus ab Elect. liberis, nonnunquam circa vespertinam etiam istas Rotulas assumebat. *℞. Spec. diarr. abb. arom. ros. aa. 3℞. Ebor. ppti 3j. olei still. fenic. carvi. aa. gtt. v. sacch. canar. alb. in suff. q. aq. cinam. cord. dissol. 3iv. f. l. a. Rot. fumantur 13. vel 15. una vice.* Sed respiratio in dies difficilior reddebatur, vires autem debiliores: quare 3. Febr. hunc Pulverem ordinavimus. *℞. Ol. destill. carvi cimin. anisi: fenic. aa. gtt. ij. sacch. canar. alb. 3iv. m. f. Pulvis,* Pest cujus usum etiam melius habuit; Dein istud Linim. pro inunctione totius abdominis, *℞. Vngu. de arthan. de oppilat. aa. 3℞. ol. rusac. 3vj. ol. destill. carvi, fenic. cimin. anisi. aa. 3℞. m.* Sed die 4. Februar. virium roborandarum gratia talem Iulepum exhibuimus, *℞. Cons. flor. anthos: borrag. bugl. violar. aa. 3j. cum aq. hyssop. cap. ven. aa. 3iv. ℞. ebulliant in diplomate clauso: Colat. fortiter expressae admisce. aq. rosar. fragr. 3x. aq. cinnam. cordial. 3vj. m.* Cum interea lotium nonnisi difficillime & in pauca quantitate redderet, assumpta sequenti mistura, illud copiosius effluebat, quae talis fuit. *℞. Elixir. Propr. Parac. Essentia absinth. aa. 3j. spir. sal. dulcis ol. destillat. carvi, cimin. anisi, fenic. aa. gtt. v. m. dozi 9. gtt. 9. ad 15.* Die 9. Februar. mane adhuc omnia in optimo statu persistebant, qua etiam à meridie paracentesis circa umbilicum ad aquam educendam instituere volebamus, sed hora 3. pomeridiana, Paralyfi totius lateris sinistri tactus est, motu & sensu tam brachii quam pedis ablatis, sed loquela & sensibus internis usque ad mortem integris permanentibus, & quamvis naturam in depellendo affectu isto juvaremus, ut *℞. Conserv. flor. anthos, salvia, lavend. beton. libior. conv. aa. 3j. cum aq. beton. ceras. nigr. flor. silia. paon. card. ben. 3j. ebulliant in diplomate clauso, colat. fortiter expr. adde aq. cinnam. cord. 3x. apopl. Langii 3j. m. pro Iulepo cochlearum sumendo, Item 3℞. Pulv. marchion. 3℞. spec. dianth. diamosch. d. aa. 3℞. m. f. Pulvis pro una dozi, Item 3℞. mell. ad densitatem cocti q. s. specier. hiera cum Agar. 3j. trochisc. de Agar. 3℞. salis gemm. 3j. Fiat l. a. Suppositorium, frustra tamen omnia adhibita sunt, nam die 12. Febr. hora xi. nocturna placide in Christo adormiuit.*

Cadavere post mortem aperto, humor paucus, sed flatus in magna copia reperiebatur, quod mirum, cum statim post usum mixturae superius descriptae cum urina serum dies noctesque fluere.

### SCHOLIUM.

**A**tque haec est vera epigenesis, cujus diversa genera describentem vide *Steph. Rod. à Castro, in Opus. Quae ex Quibus lib. 1. cap. 11. usque ad 17. Præsertim confer cum praesenti calu cap. 3. de epigenesi in morbum toto genere diversum: Adde etiam cap. 25. ejusdem libri de Hydropis epigenom. Quibus majoris elucidationis gratia, operæ pretium videtur subiungere dignam Car. Pisonis observationem de mor-*

bis à sero p. m. 33. Fluxiones, ait, omnis generis, & affectus p. n. quorum causa materialis est serum, invadunt attinguntque praesertim sinistras partes, ex quo quia natura in his rectitudinem pro more servat cum viscere, quod est fons serosi humoris, hunc esse Lienem, quippe sinistram hypochondrium occupantem, arguere est. *Simon Schultze in miscell. car. ann. 1674. 75. p. 183.*

OBSERV

## S C H O L I A.

**H**anc partem corporis tumore p. n. affici posse facillime patet, quando perpendimus copiosa valorum serie corpus illud membranolum præditum esse, ut mirum non sit materiam p. n. ad hanc partem deponi posse, præsertim cum alias apud omnes in confesso sit nobiliores partes, id quod noxium est, ad ignobiliores ablegare: quod ex ipso Hipp. colligitur lib. de Glandulis, dum *inquit*, copiosiores humiditatem ab intestinis ad glandulas proprias *adipem* influentem, in omento, velut æstuario conservari, Omentum ex humoribus affluentibus intumescere, non tantum ratio, sed etiam observatio testatur; sicuti videre licet apud *Vesalium*, qui Omentum quinque librarum pondus æquasse vidit, cum naturaliter sese habens vix semilibra pondus excedat: *Riolanus* Anthropogr. lib. 2. cap. 11. mentionem facit Omenti glandulosi, quod totam illuviem infimi ventris suscepit, liene, cum mesenterio & pancreate, putredine fere consumptis: An autem hic vel similis tumor curabilis sit, valde dubium est, præsertim cum tales excrecentiæ non aliter quam ferro curari velint; at quomodo in ejusmodi tumore interno sine vitæ periculo hoc fieri possit, non video: Si

quis tamen sagaci conjectura principium tumoris observabit, non dubitandum quin uti continuo discutientium & solventium fortiorum aliquid præstare possit: *Difficiliter* enim, inquit *Sennertus* lib. 3. pract. p. 3. c. 8. humores vitiosi in Omenti venas & substantiam effusi vacuantur, quia venarum illarum orificia in locum evacuationi aptum non dehiscunt, ut venæ mēstaraicæ: Et si evacuati debent, necesse est ut regurgitent ad loca per quæ sunt illapsi, quod verisimile non est fieri posse, cum expultrix hujus partis valde debilis esse videatur: Causam autem generationis hujus tumoris, eandem statuimus cum aliis excrecentiis diversarum partium corporis, ubi plus alimenti colligitur in aliqua parte quam pro nutritione convenienti requiritur: Potuit ergo crassioribus existentibus membranis Omenti, vasis apertis, materia crassior, & ad generationem scirrhusi tumoris conveniens sensum colligi, quod per annos quamplurimos forte factum fuit: Nec mirum vitæ functionibus integris tam diuturno tempore partem illam in ejusmodi molem exercere potuisse, cum Omentum sit pars ignobilior, primariæ cuidam functioni non destinata.

§. 2. Nos vidimus Omentum scirrhusum, totam epigastrii regionem occupans, & quatuor digitorum transversorum crassitudinem æquans; Ille autem Tumor lienis colorem referebat &c. *Vide histor. lib. 1. tit. de Melancholia.*

## S C H O L I A.

**O**mentum pars mollis est & adiposa, & recipiendis humoribus aliunde confluentibus, propter laxitatem maxime idonea, Venas enim à porta capit, & quidem superior membrana utramque gastropiploides dextram & sinistram: inferior epiploides dextram & posticam: arterias totidem à cœliaco & mesenterico ramo, ideo facile humores vitiosi omnis generis in id confluere possunt: Et cum omentum his tantum partibus adhaereat, ad quos rami splenici furculi perveniunt, facile etiam a liene humores vitiosos & tæculentos suscipere potest: *Sennertus* pract. 1. 3. p. 3. c. 8. Ea autem de causa Omentum in prædicto cadavere Lienis colorem referebat, à suscepto inde tumore melancholico.

*Ille autem Tumor* Cum Omenti tumores à mesenterii tumoribus nulla arte distingui valeant: ideo

certa illorum diagnosi statui non potest: Verum quidem est tumores Omenti primo contactu facilius percipi, cum peritonæo immediate subiectum sit, mesenterium vero profundiores obtineat litum: Sed tumores mesenterii grandiores ad peritonæum ascendant, imo vero cum eo & musculis epigastrii ita interdum uniuntur, ut suppuratione facta per umbilicum aut partes alias externas expurgentur: Hæc tamen diagnosi difficultas curationi non efficit: quandoquidem omnibus tumoribus ejusdem speciei ventris inferioris partes occupantibus, eadem adhibetur medela; quæ tamen in omento infelicius succedit, quandoquidem non habet vias ita idoneas, quemadmodum reliquæ partes, per quas expurgari valeat. *Riverius l. c.*

§. 3. Virgo per sex annos ex ingenti corporis intumescencia ulnas duas & quartam unam in circumferentia superante suffocata obiit. Abdomine aperto mensuræ xlvj. humoris effuebant: Omentum duplicatum omni ex parte saniosum, aliis officinæ naturalis visceribus optime constitutis. *Vide lib. 2. tit. de Suffocatione.*

§. 4. Forte dum ægræ Hydropicæ medicabar, dissectus ab Exc. D. D. *Stenonio* Rangifer, qui ex hydropo obierat, itidem ostendit nonnullas Glandulas Omenti scirrhusas, & nonnullas pure viridi refertas, quod iterum nos confirmavit de Glandulis Omenti foemineæ similiter propemodum affectis: Quanquam fortasse nec mesenterii glandulæ in hac matrona immunes fuerint. *Observatio Olas Borrichii in Actis Med. Bartholini anni 1673. Observatio lxxxvii.*

§. 5. Virgo Cachectica abdomen habebat circa regionem umbilicalem duriusculum & subrumidum: Omentum illi erat incrassatum & fere coriaceum. *Vide tit. de Cachexia.*

§. 6. Rustica credebatur se ranas tres viventes in ventre gestare, tandem Ascitica facta obiit: Inciso peritonæo, aqua qualis hydropicorum effluxit: apparuerunt autem tres excrecentiæ, quas capita ranarum putabat, at Glandulas Omenti scirrhusas deprehendimus, Adnatus tandem tumor Omenti scirrhusus totus videbatur. *Vide lib. 1. tit. de Melancholia.*

*De simili ventris Tumore hydropico in femina à Glandula Omenti infusata & magnitudine.*

**A**Nna Lambertia 40. annorum femina, cæteroquin laudabilis temperamenti, sensit paulatim ex molestiis itinerum & diætæ vitiis sibi distendi ventrem: non æquali quidem tumore, sed nodis hinc inde duris, scirrhosis & doloris sensu destitutis mollietiem distinguentibus, quos conspiciari exterius non licebat, sed tactu profundiori, ut erat macilenta, facile sentire: hos inter unus capite infantis major versus lienem magis declinabat, sed inconstanter, alio enim motu corporis in dextrum latus nonnihil vergebat, digitis etiam prementibus non difficulter cedens, quiescentibus subter intestinis, ut Omenti male affecti vitium facile intelligeretur: Conatus erat omnia Medicus ordinarius, & ex arte præbuerat cathartica, incidentia, chalybeata, alia, fructu quidem, quæ erat mali pertinacia & invicta scirrhorum durities, non magno, sed spe, si perseveraretur constanter, majori: Verum illa in medio cursu pertæsa pharmacorum, naturæ aliquandiu omnia commisit: Interea pedetentim flaccescere superiora, crescere venter, imminui profluxus urinae, & malum in verum hydropem degenerare: Quo viso turbatior Hasniam translata est, & arbitrio D. D. Sim. Pauli, Frid. Hammerici & meo permisso totis sex hebdomadibus medicamentis convenientibus usurpandis morigeram sese declaravit, jamque derumescere manifeste venter cœperat, & urina largius profluere, cum iterum palpandum se nobis offerret insolitus ille Omenti scirrhus (dium enim contrectationem prohibuerat tensum durissimo abdomen) sed ille obfirmatæ adeo duritiei, ut ab arte Medica integram promittere sanitatem tuto non liceret: Instandum tamen suavisimus, vinci quandoque longo patientique medicamentorum usu ea quæ æstimantur insanabilia, sed illa ingruente hyeme de curis domesticis sollicita, spondensque ex præscripto nostro se post domi victuram, ad suos discessit: ibique in usurpandi segnitiam paulatim relapsa, & subinde Agyrtarum vocibus auscultans, in antiquum abdominis tumorem incidit, hoc uno felicius quod largius adhuc profluat urina & ciborum appetitus constet, adeoque par rebus domesticis gerendis etiamnum deprehendatur, cum antea totos fere dies lectulo affixa detineretur: Interea cum nostræ adhuc fidei permessa, pharmacis serosam colluviem expurgantibus alternis fere diebus uteretur, multum semper feri exclusit sed nigerrimi & atramenti propemodum æmuli, ut non leviter admiraremur infaustum copiosissimi illius liquoris colorem, cum neque adhuc nos chalybem adhibuissimus; nec totis sex menses, ut Medicus ordinarius asseruerat, quicquam chalybeati degustasset: chalybeata autem jam ante dimidium annum propinata tamdiu in visceribus latere potuisse, ut tingerent postea liquores, difficile pronuntiatu: Ex liene vel vasis, vel parenchymate tantum profluxisse iterum difficile, præsertim cum nec sit melancholici genii, nec lienis majusculi & acidorum abstinentissima. *Idem ibidem.*

## OBSERVATIO XXXIV.

*Ventris tumor pro hydropo habitus, à Splene immensæ magnitudinis & Jecore magno. 1. A Liene totum abdomen occupante. 2. 3. Ob Lienem molis extraordinariæ, ligamenti solum. 4. 5. Ob Lienem monstruosum alieno loco hærentem. 6. Ob Hepatis insignem magnitudinem. 7.*

§. I. **D**Ominicus Penso 39. annos natus, natura insignis, sed qui multa in diætâ errata commisit, quorum occasione jam abhinc xij. annis magno abdominis tumore, & crurum pedumque inflatione, simulcum anhelitus difficultate laborare cœpit, adeo ut pro vero hydropico & perperam curatus fuerit: at ne tantillum quidem profuere tot tamque fortia medicamenta, quin ærumnoso cruciatu finierit vitam.

Facta abdominis apertione, inter notatu dignissima, ablatis abdominis musculis, dissectoque peritonæo, ecce statim procedit Lien maximus, latissimus, ita ut totum impleteret abdomen, suppressis & ventriculo & intestinis, qui ab omnibus partibus liberatus, bona fide 23. libras boni ponderis libravit: moxque in modum crucis divisus, ejus substantia sanorum visceris substantiæ omnino respondebat, nihil quoad colorem mutatus, nisi quod sanguis in eo contentus non ita arer fuerit, prout esse solet: sed ob copiosissimum potum quo nutriebatur, subalbidus erat & valde densus: *παχύρρομα* simillimum habebat Jecori, quod valde durum, obstructum & satis magnum reperi, nam libratum pendebat xi. libras, ventriculus vero tam parvus erat, ut vix vesiculæ effigiem referret. Reliqua naturaliter erant constituta. *Ex observat. Georgii Garneri Medici.*



De magnis Lienibus, intra naturæ limites, vide sect. xvj. Observat. xij. & xij. hujus libri.

§. 2. Vidi anno 1593. in quadam virgine juvene totum abdomen à Liene occupatum, ipsumque ita extuberantem, ut videretur hæc virgo Hydrope laborare: Imo quod gravissimi Medici in aspectu cadaveris istius mulieris dissecti, se deceptos fuisse fassi sunt: Erat molli abdomine, & suffocata, quemadmodum Hydrope laborantibus accidit, de vita discessit. *Hippolitus Boscius de Facultate Anat. Lect. 2. p. 14.*

§. 3. Duplicem Lienem in muliere quadam publice dissecta in Scholis anno 1569. Excell. Pater meus reperit, Et aliam mulierem se secasse fatetur habentem scirrhum Lienis, appensum intestino Colon dicto, & in tantam molem excretum ut totum fere abdomen repleret, ita ut absumpti viderentur Renes, Heparque suam amisisse formam, & pendebat libras triginta tres, & mulier tali affectu laboravit per decem & septem annos, suasque obibat operationes, & fuit hoc actum anno 1570. *Hipp. Boscius de Facultate Anat. Lect. 2. pag. 14.*

§. 4. Secundo Comitum Aufumondianum, offendimus Lienem qua mole qua pondere visendum: amplius enim quinque libras pendit: Insuper omnibus quibus adnecti debuit ligamenti, solutum; ideo natantem per totam ventris capacitatem. *Cabrollius Observat. Anatom. 6.*

§. 5. Situs Lienis interdum mutatur, dum laxatis suis ligamenti pondere suo deorsum propender, vel ruptis procumbit in hypogastrium, quod mihi quater visum. *Riolanus Encycheir. lib. 2. cap. 26.*

§. 6. Mulier 48. ann. macilenta, melancholica, misere aliquot annos traduxerat, tandem incepit Abdominis sinistro latere observare tumorem, qui in principio graviditatis suspicionem omnibus inferebat, ast mensibus aliquot effluxis, imo anno integro præterlapso vanam eam reperierunt: Illa interim opem meam implorare coacta, quod præterquam quod gingivarum, imo totius oris corruptione, dolorifica corporis lassitudine, alvi duritie, variisque aliis symptomatibus affligeretur, in dies tumor hic augmentum sumere observaretur, cum gravitate mobilitateque singulari, adeo quidem ut quoties corpus in hoc illudve latus inclinaret, vel etiam in dorsum decumberet, corpus aliquod durum in ventris cavo de loco in locum moveri manifeste sentiret: Ego rei novitatem admiror, certi nihil hic concludere ausus; Lienis tumorem adesse quam probabile primis temporibus, tam hisce, quibus me accedebat, dubium; illis etenim hypochondrium sinistrum, cum aliqua parte epigastrii, occupabat: his vero hypogastrium magis: molam aliquam hic adesse & ipsi, & mihi persuadere conabantur varii, quibus quod contradicerem nihil fundamenti habebam: Animalculum ventrem pererrare credebat; Remediis variis intus extrusve frustra omnino adhibitis, tandem mense Janu. anni 1670. lente extincta est, postquam jam ultra tres annos & dimidium sarcina hæc, in dies aucta, onusta.

Die 24. dicti mensis, in cadavere à Clariss. *Ruyfchio* aperto, repertus Lien insignis admodum magnitudinis, & latus sinistrum, & hypogastrium totum occupans, intestinis incumbens, quibus etiam sinuosa parte se accommodat, similiter ac gibbosus omnino, qua parte abdomini vicinus: Pendulus hærebat, adeo ut pro varia corporis agitatione varie etiam facile moveri potuerit: vasis splenicis mirum in modum & longitudine & capacitate auctis: Extra corpus ponderis libr. iv. repertus. *Gerardus Blasius Observ. Med. xiv.*

§. 7. Anno 1672. mense Octob. nata G. W. Civis Thorunensis filiola egregia, optimæque ut videbatur, constitutionis, quam etiam per medium annum integram servaverat: Ast hoc elapso varia infantem affligere coeperunt accidentia, quæ tamen, quia levia, facile superabantur: usque dum sub mensem Julium anni 1673. ingravescentibus malis in subsidium me vocavit Parens: Apparebat tumor totius abdominis durus, qui in hypogastrio tantus erat, tamque dolorificus ac plumbeus, ut ibidem magnum latitare ulcus nemo ambigere potuerit, Et quia puella omnem medicamentorum usum cum summo averfabatur horrore, pro deplorata habebatur ab omnibus. Pugnatum interim est inunctionibus atque cataplas. emollientibus, digerentibusque, quibus id tandem D. B. obtentum ut sub Augusti incrementum magna puris copia per aliquot dies cum lotio ejecta melius se habere coeperit puella & abdomen derumuerit: unde omni adhibito astu, id tandem obtinuimus ut syr. de tribus infus. coelebre unum absumperit illa: Cæterum vix elapsis aliquot septimanis rediere pristina infirmitates, quæ tamen, ubi maculæ quædam, ad instar Scorbuticorum, in pedibus imprimis & collo, eruperunt, denuo remiserunt, ita ut rursus restituta crederetur puella: Idem post tres septimanas iterum accidit: Et licet postmodum quædam medicamenta assumpserit, accedente tamen diarrhœa, viribusque prostratis, die 28. Octobris naturæ debitum solvit, erumpentibus denuo in pedibus dictis maculis.

Post mortem aperto corpufculo, omentum cum mefenterii magna parte putredine confumptum apparebat: Hepar vero infolitæ magnitudinis pallidique coloris totam fere abdominis cavitatem repleverat: Quod exciffum, pondere fuo fefquilibrium civilem fere æquabat: Vesicula fellis fatis magna bile fubpallida fcebat: Lien nigricans, quadratus, fcirrhofus, vix triuncialis erat magnitudinis: Ventriculus, cum vefica urinaria, nihil peculiare fovebant: Pancreas putridum erat: Inteftina flatibus diftenta videbantur: Ren uterque eam magnitudinem, quæ in adultis occurrit, obtinebat: Horum dexter fatis naturaliter erat conftitutus, finifter vero difciflus copiofam fundebat faniem, in quam tota Renis fubftantia ita mutata erat, ut diffuente pure fola vaforum concurrentium interftitia, quæ apud loculamentis haud abfurde comparat *Hymorus*, remanferunt: Pulmones flaccidi & fubnigricantes, inque plurimos lobos divifi, Cor iufte exiguum & pallidum ftebant: Plura fcruari non licuit: Hoc quoque addo, Infantem hunc per totum vitæ fuæ curriculum nunquam fudafle etiam affumpto fudorifero, *Georgius Segerus in Mifcell. cur. anni iv. Obferv. 142.*

## OBSERVATIO XXXV.

*Ventris tumor à corpore extraneo, craffitiei pedis unius & femis, fub mufculis abdominis: Alio virilem mentulam referente, inter uterum & veficam urinariam fito.*

**F**œmina mediocri ftaturâ, bono & nonnihil carnofo corporis habitu, hilaris admodum, inito tempeftive matrimonio ad quadragefimum quintum ætatis annum fterilis vixit, quo demum nata graviditatis opinio, ex fubfiftentibus menftruis, quorum fuppreffionem multa fanguinis difpendia biennio præcefferant. Venter novem menfium incremento tumuit: quibus, fine puerperio effluentibus, fpecs prolis in hydropem mutata. Adhibentur quæ obfunt malo, fed fruſtra: nam aucto indies abdomine, fpirandi & mingendi difficultas fimul ingruere, quarum pofteriori perita Chirurgi *Aveaux* manu fubventum. Cæterum valebat mediocriter, & levibus fuis negotiis. ferè ut fana intererat. Crefcente vero abdominis pondere, tandem & ftandi & decumbendi facultas adempta, orta que fimul repente lotii fuppreffione, ægra ob doloris vehementiam lectum petens, intra bihorium quali fuffocata obiit die xvij. Januarii anno millefimo fexcentefimo feptuagesimo quinto, ætatis fuæ circiter fexagefimo.

Chirurgus mali caufam exploraturus, abdominis mufculos auferendo quiddam obniti fentit; plurimas nempe fibras, quæ mufculos abdominis membranaceo cuidam corpori ingenti alligabant. Amputatis fibris mufculisque ablatis, corporis heterogenei ambitum ab offe pubis ufque ad diaphragma detexit, omento furfum convoluto, ut oculis cuncta paterent. Motus fpectaculi novitate Chirurgus, primarios Poliatros *Pigny & Duperray* in auxilium advocat, Qui fternum auferre jubentes, membranacei corporis mole compulſum altè intra thoracem diaphragma notarunt, mediis immixtum pulmonibus. Craffitie pedem unum cum femiſſe æquavit heterogeneum illud corpus, in regione uteri; alibi pedem duntaxat. Poſtea quæſitum, qua ratione magnum hoc pondus inteſtinis & viſceribus incumbere citra impedimentum potuerit. Præter fibras itaque & vincula, quæ abdominis mufculis & lumbis illud junxere, aliud corpus durum & ſolidum invenerunt, priori tanquam baſis ſubſtratum, cui innitebatur. Hoc fede ſua cum impetu excidens Chirurgi manus inopinatè feriit. Mentiebatur autem corpus iſtud virilem mentulam, ſumptaque origine ab offe ſacro, ſuperato inteſtino recto, inter uteri & veficæ urinariæ fundum emerſit. Subſtantia ejus membranacea fortis erat, externè lævis & teneriore alia ceu epidermide amiſta: intus inæqualis, ob plurimos globulos membranaceos ibidem affixos. Adfuit etiam aqua limpidiſſima, inſarctu ſuo mentulæ rigiditatem concilians. Huic figura teres, oblonga, æqualis, Longitudo magni pedis, Latitudo quatuor pollicum tranſverſorum, & duorum craffities. Deſiit in glandi ſimile quid, formatæ è ligamento duobus digitis tranſverſis retro extremitatem, quadam veluti paraphimofeos ſpecie. Glandi foramen inefſe viſum, juxta quod membranaceum corpus rotundum, magnitudinè fructus ceraſi, glandis extremo annexum. Imò, quod ad lepidæ comparationis perfectionem attinet, ad mentulæ radicem ovalia duo corpora, teſtibus ſimilia, conſpiciebantur aquâ plena. Emergens ab uteri & veficæ fundo mentula incurvabatur, glandè in ventrem converſa: unde alterius corporis molem dorſo ſuo tanquam in fornice ſuſtinuit. His perluftratis heterogeneo corpori vulnus infligitur ut pateant contenta. Mox veficæ & globuli membranacei plurimi crumpunt, cum magna vi aquarum. Inſtante autem funeris hora, cum inveſtigatione diuturniore prohiberemur, abdominis viſcera ſimul exempta curavit aſportari

Chirurgus,

Chirurgus, operam navans, ut quo ante fuerant situ tabulæ singula denuo examinanda imponerentur. Apparuerunt itaque tria membranacea corpora, Primum in dextro latere; alterum in sinistro; tertium in media sede. Dextro implicitum hepar admodum pallear, ductibus ejus bilariis & vesicula exili. Venæ cavæ & portæ, nec-non arteriis sua erat naturalis magnitudo. Tumoris pars ultra hepar tam fortiter hæsit diaphragmati, ut ab eo separari nequiret, permixta quasi in unam utriusque substantia. Vi tumoris alce quoque adactum in thoracem diaphragma secesserat, pulmonibus intricatum, ut horum lobi vix amplius distingui potuerint. In summo thorace, juxta tumoris extremum, novum dedit miraculum muliebris sinûs imago, è duobus candidis globis, mammatum instar, toridemque in medio papillis efficta. Globi membranei erant, aquâ pleni: nec diversa papillarum substantia, fibris multis devinctarum. Secundum corpus involvebat lienem, hinc in medium usque thoracem, & inde ultra sinistrum renem sese extendens. Tertium, inter peritonæum ac intestina, universum ab osse pubis usque ad diaphragma ventrem implevit. Massæ hæc informes erant, maxime quæ in hypochondriis; media enim ad placentæ figuram rotunditate sua quodammodo accessit. Substantia omnium è duabus membranis, quarum interna mollior, durior externa, ut alicubi cartilaginea, aut ossea, imò etiam lapidea putaretur. Color illis albus ad flavum vergens. Connectebantur inter se & cum partibus aliis ministerio fibrarum & ligamentorum, nec-non substantiæ cujusdam viscidæ instar glutinis, quo latera adunabantur. Massæ pondus quadraginta quinque librarum fuit, non computatis globulis amissis, & aquâ translatis de loco in locum tumoribus profusâ. Jacturam æstimauere librarum quindecim. Cognita exteriori corporum & heterogeneorum superficie, scrutanda manent interiora. Latebant in iis nonnisi vesicæ aut involucria, & in his iterum minora: quorum alia humore fæcta limpida, alia substantia sevo caseove simili, pleraque membranarum glomere. Sed neque in his eadem erat ubique dispositio. Quædam enim involucria septem duntaxat, vel octo, vesicas prodebant, rotundas & duras instar pilarum vento turgidarum. Quibus dissectis minorum globulorum membranaceorum stupenda caterva emerit, aquâ plenorum & similium ovis sine testa. Alia involucria incredibilem vesicarum multitudinem continuere, variæ magnitudinis, promiscuè ac turnatim erumpentium, necuti priores gravidarum. Quædam stipabantur alba & crassa substantia, qualis abscessuum, qui atheromata vel steatomata vocantur: aliis propè meliceridum fuit materies. Contentorum varietas diversam etiam vesicis globulisque tincturam indidit. Erant enim albi, rubri & opaci. Ex substantia caseosa & sebacea, cum aquâ limpida, albus; ex liquore lactis sero simili, turbidus seu obscurus; ex substantia mellaginea, rubicundus color. Notandum ultima hac materia non tam impletam vesicam, cui inerat, sed incrustatam tantummodo intrinsecus, reliquum cavitatis aquâ adimplente. E duabus corpora hæc heterogenea membranis componebantur, externa lævi, tenuiore & minus robusta, internâ duriore & alicubi inæquali, ob excrecentias complures verrucosas, quibus adhæsit substantia meliceridum, nunc rubra, nunc viscida & alba. In hac & rubra potius, quam in altera materia atheromatis steatomatisque simili, oviformes globuli nidulari visi. Hic quippe inventi piso aut capitello acus non multo majores, qui recens genitivi debebantur, & casui vicini. Fuit etiam, ubi plures noduli separatim protuberantes, uvarum racemum acinis onustum sinxerunt. Tandem, ne nihil deesset monstri, corpora etiam juvenia ex rubro & albo diversimodè variegata. Destituebantur verò omnino & vase & fibra, qua nutrimentum vehi potuisset, erantque contigua tantum, non continua: etenim perrupto involucro quovis eadem facilitate mox evaserunt, quo poma aut cerasa è sportula. Humor plerisque fuit limpidus, tenuis & pellucidus, aquæ instar purissimæ, neque consistentiam neque colorem mutans. In elixato ad septimum usque diem nulla contigit alteratio. Postea flavus viscidusque reddi & fœtere cœpit. Recenti aliquot spiritus vitrioli injectæ guttæ, citato atomorum motu, membranacea quædam frustula humori innatantia mox cogebant, aut etiam de novo producebant. Inde nata suspicio non esse expertem falsis aquam, quam & gustus probavit instar olei tartari per deliquium falsam. Ab eadem etiam cœruleus violarum syrupus in viridem commutatus. Intricatis tumori visceribus nihil aliâs detrimenti acciderat, præterquam testiculo sinistro, dextræ uteri tubæ & sinistro reni. Tuba vehementer erat dilatata, ac ab extremitate fimbriata usque ad sui medium lauta. Testiculus sinister foramen habuit, non à cultro. Sinistri renis substantia pallida, mollis, bovinæ instar linguæ, quam & figurâ imitabatur. Ren quippe longus erat decem pollices, latus tres, & duos crassius; nullæ in eo carunculæ, sed pelvis amplissima. *Observatio D. de Houppeville, Gallice edita, Latine reddita à Nobil. Dom. Conrado Peyer, mihi amice communicata.*



*Ventris tumor, pro hydropico habitus, ab ingenti massa, pinguedinem referente, totum fere Mesenterii spatium occupante. 1. A Steatmate ingenti Pancreati Asellii innato. 2.*

Cum anno superiore 1669. Rigæ Livonorum, ubi inter præsidarios milites Medici ac Chirurgiæ inspectoris munere fungor, Chirurgorum aliquis me accessisset, atque ægroti cujusdam hydrope laborantis exposuisset historiam, non dubitavi priusquam ipsum ægrum adirem, accurate etiam curæ modum quo tractasset hætenus afflictum inquirere: desideranti rem omnem aperuit mihi, se laboranti jam sæpius cathartica ex Gummi Gotte ʒß. ad ʒij. sine successu propinasse; se applicuisse etiam cruribus jam tumefactis fonticulos: Extemplo ægrum adeo, qui statura brevis erat, & annos circiter xh. agebat: Ibi emaciatum quoad cætera misere, ac carnem vix ossibus hærentem, abdominis autem pondere immenso oneratum, ac tibiis pallidis impressi digiti vestigia servantibus, (qualis fere in omnibus cachexia laborantibus) tumentem obstupui: Querebatur de spirandi difficultate, & cum aliquali cordis inquietudine virium jactura, cæterum appetitu se stimulari continuo, fere canino, imo assumptorum copiam vix sufficere desiderio esurientis: Exortum sibi esse id malum ipse ægrotus ante biennium affirmabat, cum molas trusatiles, seu manuiarias fere sine intermissione versare cogeretur: Cogitanti mihi hac de re, nihil certius ancipiti consilio obvenit, neque enim hydropem credere poteram, quod & fame magis quam siti urgeretur æger, & tumor in ventre non mollis, sed quasi carnosus & minime, ut in ascitide accidit, cum murmure fluctuans esset, quodque præterea potus assumpti paucitas non responderet augmento quotidiano tumoris: Nihilominus tamen pedum ac ventris tumor, cum difficultate spirandi, & contrario hydropis suspicionem faciebat: Maxime autem me torquebat, quod ex tot assumptis, nec excrementa multa, nutrimentum autem corporis & virium robur satis exiguum deprehenderet, omnibus quæ spem meliorem facere solent de die in diem in deterius ruentibus: Tandem cum ad cognitionem hujus affectus accuratam penetrare non possem, in dubia re aliquid experiri decrevi, quam certæ morti hominem sine solatio committere: Diureticis itaque, ac subinde catharticis tentavi curam, sed naturam penitus inexorabilem nec allicere benignis nec cogere fortioribus potui: Demum post aliquot septimanas in altiori loco occupatus æger, forte decidit, ac infelici mortis genere, vitæque ac morbo colophonem imposuit.

Cadaver statim sequenti die in multorum præsentia aperiri curavi: Postquam aquam, ne cultro arctius inquirenti impedimento esset, depleri jussissem, vix unam aut alteram libram deprehendere licuit; Miratus in tanta cavitare non plus aquæ contineri, ulterius abdomen aperui, ubi statim detractò peritonæo, & omento, quod tenue erat instar telæ aranei, ingentis corporis moles, in superficie pinguedinem referens se exhibuit conspiciendam: Totum fere mesenterii spatium occupaverat monstrosa hæc excresecientia, adeoque arcte intestinis, à duodeno usque ad medietatem Ilei annectebatur, ut quasi partes hæc coivissent duæ in unum, citra ruptionem ab altero alterum avelli non potuit: Tres autem lobi seu tumores figura subrotunda, & nonnihil depressa mole diversi se spectantibus exhibebant, qui ad stateram examinati, pondus quinquaginta quinque librarum Succicarum æquabant, imo etiam excedebant: Horum loborum duo majores dissecti, præter substantiam peculiarem (illi quæ circa sternum boum pinguium ea parte est, qua inter crura incurvatur à palcaribus ad pecten similem) amplam cavitatem prodidere: Earum fere quævis sex librarum fuit capax: Liquor, seu potius materia, quam continebat, fluida ingrati erat coloris, ex obscuro viridi flavescentis, stercoreis vaccini instar multa aqua diluti, sed stercoreis notabilis fere expers: Tertiū illius, seu minoris lobi (qui caput infantis annui magnitudine æquabat) cavitas parva saburra fusci coloris erat impleta: Venæ plures cum arteriis latiores in superficie, sed valde pallidæ ac fere inanes explicabantur, nonnullis lacteis etiam vestigia sua servantibus: Reliqua viscera corrupta erant, præter pulmonis sinistrum lobum quodammodo lividum, ac pericardium omnino destitutum lymphæ, cordique pertinacissime adhærens, nihil notabile exhibebant.

SCHOLIA.

## S C H O L I A.

**R**arissimi hujus affectus causam occasionalem non inepte ægrum dum spiraret adhuc, divinaſſe ſtatim comprobabo; Cum enim glandulas meſenterii hic obſtructas atque corruptas fuiſſe poſt ſectiōnem factam oculorum teſtimonium declaravit, non adeo difficulter reliquam morbi rationem ex ipſius ſententia deduci poſſe vero videtur ſimillimum. Atque ſic molendinarum verſandarum moleſtiſſimum negotium omnem dediſſe anſam apparet: Calefacto enim corpore motu continuo & violento, non potuit fieri quin totius corporis pori, atque inter eos illi qui ex lacteis ad inteſtina tendunt, aperirentur: Jam vero ejuſmodi hominū, ad laborem & negotia natoꝝ, victus non modo ex vili pane & aqua, quibuſdam leguminibus, piſis, fabis aut braſſica, ſine apparatu coctis, conſtare, verum etiam pro lucrando tempore, ut plurimum medios inter labores & aſſumi & vix digeri, regionis illius incolis notiſſimum eſt, ut labore & appetitu famelico, indeque fermento fortiori exiſtente, & concoctio citius abſolvitur, & avidæ hiantes lacteæ ante factam ſecretionem boni maliq; chyli, quam motus nimius illam in tenui inteſtino efferveſcentiam impedit, promptius imprægnantur, frigidaque hauſta loco ſolatii miſeris funeſtum malum in lacteis vaſis, vel etiam glandulis ipſis coagulationem producente, vel etiam chylo ipſo cum tæcibus adhuc miſtis ad ſtagnationem in vaſis anguſtis admodum apta exiſtente, collecta illic copia chyli, partim qualitate ſua, ut dixi, partim etiam quantitate cavitatem viarum poroꝝque, ſcil. in glandulis, obſtruxit, ruptique jam vaſis cavitates illas ſibi formavit. Quibus repletis dictam in molem eas extendere apta fuit, imperfecto interim ſucco imperfectum glandulis nutrimentum ac incrementum monſtroſum largiente: Quod illis non videtur abſurdum, qui ex *Hippocr.* lib. de Glandulis, norunt glandulas in inteſtini paſci humiditate quam ex inteſtinis hauriunt: quique porro vulnerum excreſcentias ſcirrhum, atque puris aliquando in tale aliquid abeuntis naturam, per experientiam & ſtudium exploravere: Neque hic obſci poſſe videtur datam morbi cauſam,

ſeu glandularum obſtructionem, per biennium, ut hoc acciderat ſuperſtite ægroto, durare potuiſſe, cum glandulas non ad unum omnes ac eodem tempore, ſed ſucceſſive fuiſſe obſtructas credendum ſit: Cujus rei argumentum etiam ipſa molis concretæ figura exhibet: Tres enim lobi tres glandulas, atque hic unam poſt alteram fuiſſe affectam, tam ex quantitate, quam ex liquore contento diſtente concludendum eſt, Quod autem liquor ille ſubſtans ac non adeo ſædens fuerit, id factum videtur eſſe ex bile, quam ſimul multa copia tranſiſſe, atque tum colorem addidiſſe, tum præſervatæ quodammodo à putredine, à veritate non eſt alienum. Interea Lactearum paucitas, quæ ad partem illi inferiori & reliqua inteſtina vergebant, aliquid chyli, quantum fuerit, abſorpiſſe, atque in vitæ miſerum ſubſidium ad cor derivatæ probabile eſt. Pharmaca autem quod nihil evacuae poterint, viis Intercluſis conſpicere in promptu erit; Auctum vero illum appetitum quod ſpectat, tum ex pancreatis ductibus proculdubio obſtructis, tum etiam humore illo in cavitatibus glandularum retento atque aceſcente, & acidiores vapores transmittente ad ventriculum, non improbabiler deduci poſſe mihi videtur. Caterum languor ille aliqualis virium atque inquietudo, neceſſarii fuere hujus obſtructionis comites, cum nec haberet depauperatus ſanguis unde ſibi ipſi ad continuandum ignem vitalem, multo minus partium reliquarum nutrimento proſpiceret: Ultimo tumorem pedum, atque emiſſam e cadavere ſectionis principio aquam, ex lymphaticis, tum caſu illo ex alto in ventre ruptis, tum ob molem excreſcentiæ reditum lymphæ ab inferioribus partibus prohibente, indeque ruptionem ibidem producente, traxiſſe originem perſuaſus ſum. Atque hæc pro ætiologia expoſiti affectus ſufficiant, qui quamquam inveteratus abſolute fuerit incurabilis, non parum tamen ſpero Medico prudenti allaturum lucis, cujus beneficio, poſſit & affectum hunc jam recens natum deprehendere, & quoad fieri poterit, in tempore ipſi mederi. *D. Hiarne in Miſcell. cur. anni iv. Obſerv. 166.*

§. 2. Pancreas eſt corpus illud glanduloſum in medio Meſenterio ſitum, quod natura quatuor vaſis, venæ, arteriæ, nervi & veſicæ bilis in orbem ſubſtravit. Exinde enaſcuntur varix plurimæque excreſcentiæ glanduloſæ, pingueſque ac ſteatomata: Omnes hoc laborantes vitio, perperam ſæpe Hydrope laborare à Medicis putantur.

Sic Viduam quandam viſitavi Amſtelodami, quæ cum interiit, ſecta à nobis, in ipſius abdomine, molem prægrandem glanduloſorum ſteatomatum conſpicati ſumus, quam exemplam à Pancreate, cui cum cervice adhæreſcebat, ſtateræque impositam, viginti & ſex librarum eſſe deprehendimus. *Nic. Fontanus Epit. Veſalii pag. 22.*

## OBSERVATIO XXXVII.

*Ventris tumor à portentosa Abſceſſuum magnitudine repertorum in Meſenterio.*

**F**iliola D. N. XIII. menſes nata, inſigni ventris tumore & tenſione vexabatur, de quo admodum varix fuerunt opinionones. Quidam enim aſcitem aiebant, alii abſceſſum, idque diverſo modo: etenim nonnulli in ſubſtantia Hepatis eum eſſe credebant, alii in Pancreate: hi vero inter epigaſtrii muſculos; Ego vero morbi ſitum, tumoremque cum quadam circumscriptione, quam inter palpandum deprehendebam, animadvertens, abſceſſus quoque eſſe illico judicavi: Sed eos in viſceribus, hepate & liene eſſe arbitrabar. Omnes tamen pronuntiavimus eam diu morbo non ſuperfuturam, nec ultra diem 8. vivere poſſe, ſere tamen per 5. menſes, quamvis ægerrime, vixit adhuc.

Cum primum deſuncta fuit, ad eam ſecandam vocatus ſum. In ea ſectione res prorsus admiratione dignæ viſæ ſunt. A ſiniſtro enim latere immenſæ molis Abſceſſus, duplici

cysti præditus, repertus est, qui quidem ab apophysibus transversis vertebrarum lumborum ortum ducebat, deinde sub liene transiens, totum id latum occupabat. Cystis vero pluribus varicosis venis intertexta erat: abscessus avulsus libras x. pependit, Sed quod magis suspiciendum venit, in eo tres alii abscessus ponderis libr. iij. continebantur, singuli cysti sua similibus venarum ramis, eademque materia donati, quæ materia pulmentum, ova cocta, ficus, carnem, & alia ejusmodi p. n. omnino referebat. A dextro latere duo itidem immensi abscessus tanquam gemelli, prope vertebra originem trahentes, cum simili cysti & venarum ramis sese oculis nostris obtulerunt; uniuscujusque pondus erat lb. iij. quorum unus cavam jecoris partem adimplebat, alter vero ad os pubis descendebat, eademque qua alii materia referri erant, Num hoc plane portentosum videtur, adeo parvam puellam, cum tanta copia talis materiæ tam diu perdurare potuisse? Abscessus illi ita sursum ad claviculas diaphragma impulerant, ut duorum digitorum spatium pulmonibus non esset reliquum ad motum, quod maxime causa fuit quod veluti suffocata animam efflarit. Sic hujus morbi tam difficilis erat cognitio quam curatio impossibilis: Nec illius causa semini, primæque conformationi accepta ullomodo erat referenda, siquidem parentes optimo erant habitu & temperamento. *Barth. Cabrollius Observ. xxxiii. & xxxv.*

## S C H O L I A.

**Q**ua materia Pulmentum, &c. ] Nobis minores abscessus videre licuit, minores inquam mole, sed partium affectarum dignitate haud secundos fortasse. Si quidem cadavera dissecantibus, & Hepatis & Pulmonis & Renum & Testium, & Uteri exterioris habitu sæpenumero melicerides & atheromata visenda se obtulerunt. Atheromatis quidem sub Pulmonis corpore viuis est meminisse *Hippocrates* l. de ossium nat. §. 19. per nomen *πύρ*, quod interpreti versa est callida durities, H. vero Mercuriali creditum est tuberculum: utcumque autem ea quæ pulmonibus innascuntur dura Tubercula millecta præ

se ferunt atheromatis speciem: Steatomarum autem non memini an ullum unquam obtulerit, utpote quod difficillimum hisce locis ortum nanciscitur, tum quod benigniorem hujus materiam partim emendare, partim ad se capere victicia calore munificissima possunt, tum quod nudiorem & majorem ejus globulam oportere intus recendi, quod ne pari quidem natura videtur, Dixi jam in humani generis extis creati hæc tubercula, sed & in bestiis brutique omnibus sanguineis multo frequentissima sunt eadem à me reperta, &c. *Severinus de Abscessibus p. m. 278.*

## OBSERVATIO XXXVIII.

*Ventris tumor à Mesenterio prodigiose turgente, scirrhus, cum infinitis abscessibus, & scirrhus Iecore abscessibus referto.*

**I**Sabella Roland sexagenaria obiit, Octavus jam agebatur annus ex quo tumor inceperat sensim ac sine sensu & dolore ad magnam magnitudinem progredi, quod Mesenterium ipsum fere sit doloris expers: ægræ interim ipsi perinde fere ac sanæ licebat naturæ, animæ, ac vitæ munia obire, nisi quod duobus antequam moreretur mensibus, coacta fuit lecto se tradere, quod febris continua, quæ ipsi ad extremum usque vitæ diem perpetua fuit, supervenisset.

Dissectum est ejus cadaver, dissectioni præerat *Milotius D. Medicus*. In suas ædes avulsam Mesenterium totum deferri jussit, ut ibi per otium lethiferi morbi causam, quam semper in Mesenterio delitescere suspicatus erat, rimari liceret. Ergo Mesenterium totum, atque in Mesenterio Pancreas, tumore miro, propèque incredibili turgens animadvertimus, adeo ut libras x. & dimidiam penderet, scirrhus omnino extrinsecus, solisque postica parte lumborum vertebra adhærescens, antica autem peritonæo, scirrhus pariter ac penitus cartilaginoso; *Suberant infiniti* in eodem mesenterio *abscessus*, sua quique cysti inclusi, alii quidem oleoso, alii melleo, alii sebaceo, alii albugineo, alii aquoso humore & liquore differti erant, quorum conclusa materia pulcullæ similis esset: denique quot ferme abscessus essent, tot erant materiarum contentarum species & idæ: Præ tumore pondere mesenterium suis velut radicibus & sedibus divulsam fluctuans, molestum oneris & doloris sensum inferebat, quod solis lumbis vertebra ac peritonæo adhæreret, nullatenus autem intestinis & aliis partibus, quibus velut connatum alligatur: Itaque sua id mole & corpore vesicam premens & coarctans, *difficilem mictionem faciebat*: Intestinis vero incumbens, ut *alvus pigrior esset*, in causa erat; adeo ut nisi devorato laxante aut purgante medicamento, fæces non descenderent: nam quod ad clysteres spectat, subire illi in intestina, tumore vias coarctantis magnitudine prohibebantur: intrusæ vero glandes nihil proficiebant. Respiratio ob diaphragmatis à tumore compressionem difficilis erat. Non deerant qui Molam subesse suspicabantur, Alii ab hydrope cum excitari tumorem: certe malum id hydropis consequu-



consequutionem attulit, nec obscura causa est, frustrata functione hepatica, per interce-  
ptam tumoris occasione chyli anadosin: Sed & proprio vitio Hepar tenebatur, scirrho  
nempe & abscessibus crebris, per intimam extimamque ejus substantiam varie sparsis: A  
putredinis labe Lien haud immunis erat, denique ventre inferiore nihil erat integrum. *Pe-  
trus Operum lib. 23. cap. 26.*

## S C H O L I A.

**M**esenterium fere sit doloris ] De sensu Mesente-  
rii *Van der Linden Med. physiol.* ac nervis in  
id distributis differens, Facit eorum multitudo, *ait*,  
oculis obvia, ut dubitari non possit de sensu Mesen-  
terii: Facit eorum exiguitas, ut hic ipse multiplicior  
sit quam exactior, nisi cum plurimi simul dolent:  
*Fernelius* id sine dolore inflammari, solummodo gra-  
vitaris habere docuit sensum: Admodum tamen sen-  
sibile arguit dolor colicus nothus, & origo ejus à

peritonæo, cujus dolor acer est.

*Ut alvum pignior esset* ] Hæc est causa particularis  
Alias oritur quod humida omnes potus cibi que par-  
tes in cavitatem ventris, aut in venas arterialesque  
transmigrant, unde feces arescunt, quæ difficultas lu-  
perveniens malum signum est, ut contra alvi proflu-  
vium, aqua à venis in ventrem conflante, solutio-  
nem affert, 14. aphor. 6.

## OBSERVATIO XXXIX.

*Ventris tumor ab insigni viscerum magnitudine naturali, copioso adipe obsistorum,  
Ascites creditus.*

**S. I. D**ominus *Vitalis Stadler*. Illustris Comitis *J. Fuggeri* Quaestor, plurimis annis ex ve-  
nificio, ut putabat, non sine symptomatibus melancholicis, & quidem illis de  
quibus *Gal.* Nasus enim sui metuebat casum, & sudabat semper, nec consumebatur, quin  
corporis moles videbatur augeri, crassus & corpulentus, abdomine tubero, cum vomitu  
pituitæ, quod anno 1617. observavi, comes in acidulas Ebenhusanas, sic suadentibus Medi-  
cis. Audivi tunc hujus mali causam hanc: Sibi, dum apud rusticanos præfectos passim in  
exigendis rationibus occupatus esset nomine Generosi, oblatum fuisse poculum vino ple-  
num ab uxore cujusdam Præfecti, cum precibus, ut antequam properaret in urbem, hoc  
sibi soli reservatum poculum exhauriret: Medium non traxit ex cyatho, foeminae reddit,  
quæ ulterius urget, at nescio quis horror nauseosum fecerat: Eques igitur dum est in itine-  
re Augustam, sentit alterationem totius cum mentis quadam consternatione ac melanco-  
licis cogitationibus. Domi molem sui corporis accusat ac vastitatem cum aliis imaginatio-  
nibus, quas conticuit dicere, aut ob pudorem, aut non reminiscantiam: Primo vere hoc ac-  
cidit, itaque afflictus sic demum in autumnus, me comite à Medico domestico adjuncto in  
acidulas profectus est: Maximus metus erat ne decideret nasus, manus, digitus, aut articu-  
lus aliquis. In fonte eructationes, inflationes ventris ac hypochondriaca observavi: Tra-  
ctaverunt hunc morbum *D. Rumlerus* & *Paulus Ienischius*. Post illius mortem *Dn. Cneulinus*,  
qui 1626. cacoelymicum & hydropicum pronuntians, ob abdominis & pedum tumores,  
multis evacuationibus purgando & sudando curavit. Sequenti anno, die Jovis, Aprilis 8.  
expiravit symptomatibus Apoplecticis.

Ejus cadaver sectum fuit præsentibus Medicis Curæ, à Chirurgis Anatomix parum gna-  
ris: Observavi ego sequentia, Viscerum omnium ea fuit cum vicinis partibus communitio,  
connexio ac quasi conglutinatio, ac si vinculis alligata, annexa ac juncta essent, ut vi avel-  
lenda & disseccanda essent: Pulmones magni, flaccidi, lobis indistincti, colore lividi, jaspis-  
dis instar variegati & quasi gangrenosi, diaphragmati arctissime connexi & adnati, ut acu-  
tie ferri separandi essent, sic & pleuræ, quæ causa Dyspnoeæ. Cor magnum, prout totum  
corpus erat; Hæc in thorace. In Abdomine hæc observavimus, Cystis fellis substantia fuit  
crassa & densa, cavitatis amplæ, cum pauca pinguedine, in qua lapilli duo atrii coloris, ma-  
jor capitulum rutæ quadrangulare referebat, cujus radix triangularis, qualis est dentis mo-  
laris forma, magnitudinis capituli rutæ: alter triangularis forma glandis, coloris subcineri-  
tii: Tunica vestiens Hepar pinguis, Corpus Hepatis magnum, duriusculum, coloris palli-  
dioris parte sua gibba, diaphragmati annexum & quasi alligatum: Sima seu cava ventriculo  
succumbens, ac multa pinguedine & tunicis cohærens, seu ei agglutinata: Ventriculus me-  
dius inter Hepar & Lienem, quibus adeo stricte cohærebat ut ferro separandus esset non  
sine dilaceratione, obsitus pinguedine, exiguus & inanis: Corpus Lienis plane latitabat  
sub pinguedine, ut præ ea videri non potuerit, grande seu magnum & crassum, figuræ ob-  
longæ, nec instar linguæ bubulæ, sed aliquomodo globosum, coloris diversi, in cujus me-  
dio, digiti latitudine, atra linea, substantia compacta, densa ut hepatis, in cujus convexo  
venæ varico, sæcraffo sanguine fartæ in imo, cellulas coli, vel potius pilulas conglomerans,  
sic

sic vocante D. *Cruentino*, referentes, varices non magnæ erant, alligatum ventriculo: Mesenterii corpus crassum, pingue, adiposum ubi Colo ac Ileo jungitur, cum paucissimis glandulis arte vinciens intestina, veteri stercore turgida, quæ & cultro separanda fuerunt. Renes carebant vitio, copioso adipe recti, vesica urinaria lotio turgida: Pinguedo & adeps sua copia vestiebant omnia, occultabant & viscera, ob quod pondus *Stadlero* spiritus impeditus fuit. Sic ventriculi exiguitas non admittebat multum cibi. Caput intactum reliquimus.

## S C H O L I A.

**D**E veneficio non parva fuit suspicio, quam sectio eo nomine instituta non manifestavit. Mortuus est æger ætatis lviii. affectu soporifero: A veneficio dato erat jam xx. Admirabilis hæc viscerum magnitudo & connexio seu annexus, an à poculo suspecto, à cuius haustu de immanitate ac vastitate sui corporis conquestus: an à formatrice vi non dis-

puto: Scio duplo majora formata fuisse viscera quam ad proportionem stature natura fecisset: Signa hydro-  
pis pedes oedematosos, tuberum ventrem imposuisse doctissimis Medicis videmus, ut pro hydropico curarent eum, in cuius ventris cavitate pinguedo erat copiosa & vix serum necessarium. *Hachstetteri casu vi. Decad. x.*

§. 2. Simile licuit videre in mercatoris vidua obesa, tumida, in cuius cadavere non seri cyathus inventus, sed aliquot libræ pinguedinis: Et hæc ut Hydropica ob molem abdominis & pedes oedematosos curata fuit. *Idem ibidem.*

## OBSERVATIO XL.

*Ventris tumor & durities ob Hepar cartilaginea tunica constans, Peritonæum durissimum, Vesicam & Uterum substantia lapidea.*

**A**Dmirandum die 25. Janvar. 1595. nobis accidit in sectione cuiusdam mulieris 37. annor. cuius uterum lapideum invenimus, ponderis septem librarum: Hepar uno lobo tunica cartilaginea constans: Lienem sphæricum, Vesicam lapideam, Peritonæum durissimum quod vix cultro dividi poterat: Quæ omnia nos in admirationem traxerunt, qua vi spiritus deferrentur per universum corpus, & quomodo hæc tandiu vixerit sine ulla manifesta ægritudine: Uterum curavi dividi, in cuius apertione sperabam fœtum lapideum invenire, quod contigit Medico Senonensi, Verum spe fraudatus. *Observatio Petri Quenstedt Medic. Friburgensis Helvet.*

## OBSERVATIO XLI.

*Ventris tumor, gravidationis specie imponens, à Copia sanguinis in abdomine, Hepatis magnitudine insigni, Intestinorum tenuium protuberantia.*

**V**Xor Eliæ Tabellarii prægnans ab obstetrice judicabatur, ob ventris tumorem & duritiem: remittebat tamen illa & interdum per vices augebatur: pedes subinde tumidi, interdum sine sensibili evacuatione detumescebant: Cætera toto corpore eleganter carnosâ florentis ætatis fœminâ: Cœperunt hæc symptomata invalescere à tempore quadragesimali 1655. ad Junium mensem, quo ingentibus doloribus auctis vivere desiit.

Ex aperto defunctæ abdomine ingens copia serosi sanguinis effluxit, quæ cavitatem quoque thoracis occupabat, implebátque mensuras nostras sex. Sive is sanguis ex rupto vase sic effusus, sive per diapedesin expressus, inanitæ vacuæque omnes venæ in utroque ventre cernebantur: Omentum nullum sed putredine absumptum: Intestina tenuia protuberantia omnia arctissime inter se connexa, & membranis & pinguedine cooperta: Cohærebant eodem vinculo inter se ventriculus Hepar, lien & cætera huc spectantia: Remotis tenuibus & à membranis pinguedinéque separatis, membrana adiposa & præpinguis à ventriculo protendebatur per universum abdomen ad coxas, qua discissa subtus delitescabant crassa intestina libera: circa intestinum rectum maxima pinguedinis copia adnata, ut prima fronte magnæ glandulæ specie dubios nos reddiderit: Uterus sanus justæque magnitudinis sine ullo conceptu: Ventriculus densus, cartilaginis duritie, eminentiam acutam supra pylorum, uropygii instar habebat, forsan ubi omentum abruptum fuerat, cætera vacuus sola pituita glutinosa superstite: Hepar grandius utrumque hypochondrium implens, scirrhosum, firmiter supra infraque omnibus vicinis cohærens, membrana prope costas variegata, rubrisque maculis distincta, quæ facile separabatur: Lien arctissime infra ventriculum pinguedini immersus, Pugni magnitudine, colore sano: In thorace aperto dextra cavitas plena sanguine isto seroso, grumoso & lento. Dexter pulmo exiguus vix pomum magnitu-

magnitudine æquans : Pulmo sinister præter solitum amplus costisque adnatus, nullam tamen ægra superstes respirandi passa est difficultatem: Pericardium pinguedine abundans, sed sine serosa humiditate, quæ cum sanguine diffluerat : Cor elegans & pusillum, adipe feretectum : In ventriculis ne guttula sanguinis comparuit, ut mirum non sit tribus ante obitum diebus pulsus cessasse. Tantorum symptomatum, & miræ hujus constitutionis causa credebatur venenum per errorem fortassis oblatum, quum enim prædicta accidentia illam invaderent, vomitus insequutus, diarrhoea ingens & sanguinis ex naturalibus eruptio. Inde invaluerunt symptomata, tumor ventris, dolores incredibiles, ut secundum methodum frustra adhibitis remediis, ipsa sibi ventrem aperire sæpius dolorum impatentia optaverit. *Th. Bartholinus centur. 11. observ. vj.*

## OBSERVATIO XLII.

*Tumor ventris, suspicionem ingerens graviditatis, ab insigni ventriculi tumore,  
& Liene inter illum & Hepar sito.*

**F**œminam ob tumidum abdomen pro gravida habitam, è sepulchro effoderunt studiosi ac in theatrum deduxerunt, cujus abdomen cum dissecuissem, ventriculus insigni tumore distentus in conspectum prodiit, totam abdominis regionem occupans, ipsaq; intestina cooperiens: Infra ventriculum nullum omenti vestigium, quod tamen paucum admodum versus pylorum inter diaphr. & ventric. delituit, Urgentibus circumstantibus ventriculum dissecui, ex quo foetidus erupit flatus, unde minor factus præter accretaria & atrum humorem sat copiosum nihil continuit: Reliquorum in abdomine viscerum faciem exploraturus. Lienem, inter Hepar & ventriculum latitantem, in sinistro latere gratis quæsi, nullis fibrillis diaphragmati aut ventriculo adhaerentem. Intorta, ac simplici gyro circumvoluta, vasa splenica vidimus, unde à tumente ventriculo co detrusum colligo: Ipsum Hepar quoque altius quoque retrusum, cætera sanum. Sic primum conceptam, ob turgentiam abdominis, graviditatis spem, seponere coacti, ipsum investigamus uterum, quem figura pomum, magnitudine pugnum adæquantem lubenter affendimus: hunc debita diligentia præparatum sequenti die aperuit Exc. *Molinæus*, ac in eo *embryonem* marem invenit, omnibus numeris absolutum, amygdalum magnitudine exprimentem. *Observ. Henr. à Moirichen*

## S C H O L I A.

**I**N eo *Embryonem marem*] Notabilis est historia Avenzoeris, quo pateat quam incertum sit & anceps de Graviditate iudicium, ut quæ prægnantes sunt tales non credantur, Et quæ non sunt, utero gerere existimantur. Volo, *inquis*, dicere quid mihi successerit, cum essem in carceribus de Haly, Uxor mea erat prægnans, & hoc ignorabam, & ipsa fuit infirmata tali passione, quod mihi necesse fuit dare ei medicinam laxativam, quæ fuit talis quod nullus possit æstimare quod aliqua prægnans, etiam ex assumptione modicæ quantitatis, fœtus in ea possit remanere, & ipsa recepit eam absque læsione sui & fœtus & ipsa recepit eam absque læsione sui & fœtus, & postea declarata fuit imprægnatio ejus, & me pœnituit valde de errore quem feceram, quare misericordiam quæsi ab Altissimo creatore, de eodem, & peperit filium quem hodie mecum habeo: *Rhodus cent. 3. Observ. 15.* refert mulierem ætatis provecæ, anasarca & ascite correptam judicatam, puellum enixam esse vegetum, quum validis medicamentis tertium fuisset vacuata.

*Embryonem amygdalum magnitudine æquantem*] Pollicaris longitudinis & crassitiei embryonem, optime conformatum, adeo ut & ungues, & radices capillorum, & genitalia masculini sexus conspicua essent, excussit charissima uxor anno 1646. Abortus,

vel *expulsione*, causa fuerat conatus maximus in evellenda è terra radice, hinc rheda, cui se commisit, succussatio, paucis post horis domum redux, ingentibus lumborudoloribus torquetur, quos præ vehementia verbis exprimere nequit, modo hinc inde discursitans, modo sedens: Forte filius meus primogenitus, tunc mensis quatuordecim natus, candicans quippiam pavimento instratum conspiciatus, illuc nutricem deducit, quæ mali causam latentem detexit, embryonem scilicet jacentem, quo aut pedibus conculcato aut à cane vel felle deglutito, in discrimen uxoris salus adduci potuisset, Substitissent enim secundinæ: quarum pellendarum causa multa molitus sum, sed feliciter, excussit pulvis præmicus ex liliis. convallium pulvere, cujus vi ad distans elisa, compressis digito natibus cum sternutatio in procinctu fuit. Hoc iterum minorem Embryonem, atque illi omnino similem quem depingit *Severinus Pinna* lib. de virgin. notis, apud scilicet magnitudine, omnibus numeris absolutum, ut Phidias accuratius sculpere non potuisset, vidi ejectum ab vxore Pellionis Genevensis nomine *Girod*, anno 1668. Ea imminentem abortum prælagiens meam opem imploravit, sed serius, illum enim statim ab adventu meo excussit.

OBSERV.



## OBSERVATIO XLIII.

*Ventris tumor à Sanguinis nigerrimi copia inter Musculos abdominis & peritonæum contenta: Aqua multa inter peritonæum & intestina, Tuba dextra uteri tumida, &c.*

**V**Estalis Virgo, annorum 33. plethorica, postquam eidem cessarent menstrua, cepit sentire dolorem in inguine dextro, à quo tandem abdomen in ingentem tumorem elevatum, spreis omnibus methodicis remediis succubuit.

Aperto cadavere, inter musculos abdominis, & inter peritonæum inventæ sunt sanguinis nigerrimi libræ octoginta: inter peritonæum vero & intestina, quadraginta aquæ limpidissimæ; Tuba uteri in latere sinistro elevata in ingentem tumorem continebat ibi viscidum cuiusdam humoris, cum seminis albicantis magna quantitate: Testis illius lateris major, Diaphragma adeo compressum ab aqua & sanguine, ut vix non ad jugulum pertingeret, Pulmones nigricantes & compressi. *Antonius de Pozzæ Miscell. curios. anni 1700. Observat. 42.*

## OBSERVATIO XLIV.

*Abdominis Tumor immensus à Massacrita, & aqua ingenti copia intra peritonæum conclusa, à vitio lecoris genita.*

**S**ub manu & cultro anatomico erat uxor Lucæ Schnitzeri Chaleographi Noribergensis, in cujus cadaver omnium oculi quam avidissime conversi, diutini & incurabilis affectus causam maxima cum expectatione indagare conati sunt: Hujus, inquam, cadaver abdomine prætumido, aqua putri fœtidæque pleno reperiebatur, ut pote quæ viva adhuc diu multumque querebatur de vehementiore impetu, tibi ab ebrio quodam in sinistro hypochondrio illato, quem primis diebus parum habebat, neque ingenui forte pudoris ratione ducta quicquam de facto propalare voluit; postquam vero malum increbuit, de continuo eoque intolerabili sinistri lateris dolore conquesta, sæpius partem læsam visui exhibuit in dies in majorem protuberantiam insurgentem, quæ primis septimanis pugnum æquaverat: dehinc dolor umbilicum versus noctu dieque miseram misere excruciauit, quem tanquam individuus comes, gravitas & tensio sequebatur ipsorum hypochondriorum, adeo ut præ pondere exuperante gradum facere difficulter posset, partim ob dictam ponderis gravitatem, partim propter difficilem anhelitum, quæ ambo à nimia diaphragmatis, partiumque vicinarum tensione & distractione originem & incrementum suum habuerunt: Elati abdominis prætumida moles quosdam doctissimos inani ingravidationis spe lactavit, quos depletionis mora, & inde subsequens partus nullus derisit: si quidem post aliquot mensium decursum *ἐκρυσσεν* per aliquot intervalla denuo passa, *ἐκφύσκειν* vero nunquam, unde à priori venter aliquando parum, imo nihil demuit: id accurate tamen in singulis Lunæ motibus observando, quod moles mox cum prima Lunæ facie majus incrementum sumpserit, mox senescente Luna & ipsa nonnihil detumuerit, adeo ut per uices varias semper turgidior manserit, exin ventre magis magisque expanso, motus hic quosdam in eam, ac si utero gereret suspicionem adduxit; Excrevit vero per varias, easque plurimas vices, tota moles abdominis in tantam magnitudinem, ut ultimis annis pedem domo efferre amplius vix ausa fuerit. Ita gravitare & mole abdominis nimia, doloreve ad latus sinistrum primitus punitivo, mox tensivo eoque acerrimo agitata, præter difficilem respirationem, nullam fere aliorum symptomatum urgentium mentionem fecit. In tantam autem magnitudinem elatum erat abdomen, ut à vertebis ad summum umbilicum, (cujus *γαστήρ* seu *cavum* omnino oblitteratum, adeo ut vix *γαστήρ*, rugosa ejus pellicula sic dicta, vestigio minus conspicuo deprehenderetur) sesqui pedalem mensuram aliquatenus superaret: si quidem & longitudo à pectore, ipsiusque sterni cartilagine xiphoide ad pubem, tribus pedibus quinivè digitis emeriebatur; Peripheriam vix quinque desinivere pedes. Reliquum corpus totum cachecticum, fœdique coloris: facies pallida, cum subjacente pectore, ita extenuata viscebatur, & quasi tabe consumpta, ut facilius skeleton pelle obductum quam corpus humanum dixisses: moti inde alii in tympanitidis suspicionem abserunt, variis locum affectum, saxo duriorum, tentantes & internis & externis medicamentis, conatu pariter irriti, unde inanem operam recusarunt. Elapso igitur integro octennio, cum gravius decumberet, deque vita misella desperaret, proprio rogatu, quo causa tanti ponderis investigaretur, inspiciendum jussit abdomen, quo constaret hujus mali

mali causa & ortus, quod tamen marcor omnimodus inhibuit. Annus agebatur 1655. ejusque mensis Aprilis, qui nostræ ultimum vitæ dedit, post octennem dolorem miscrandum.

Postquam fato functa esset, juxta cum aliis accersitus, & ego accessi, ubi exterior cutis adeo extensa deprehendebatur, vix ut vestigium umbilici visui superesset: Remotis externis integumentis, epidermide, cute, pinguedine, (quæ uti exigua alibi satis, ita aliquibus in locis nulla apparuit) & membrana carnosæ, ipsisque musculis abdominis decem detectis, peritonæum adhuc turgidum squalore suo patebat aperiendum: Eo per medium inciso, libræ xxiv. aquæ, illius humiditatis, ex eadem inferiore corporis regione, antea in vitâ durissima, nunc molli undique & flaccida, fœda hac putrilagine turgente & squalente evacuabantur: Innatabat quasi modo dictæ putridæ aquæ in dextro hypochondrio, & ad musculus ejus rectum, paulo supraumbilicum Folliculus crinitus, cujus peripheria, seu pars convexa, innumeris pilorum tricis & cincinnis obvoluta erat, quam integer pes, ejusdemque novem digiti definiebant. Postica parte plana cincinnum hunc gorgoneum, & indissolubilem capillorum nexum & contextum exhibebat, eadem cum antica parte mensura circumscriptum: ibi etenim pili ita contorti videbantur, ut visco potius aut glutinè junctos & inviscatos credidisset, ad modum Plicæ Polonicæ: Longitudo folliculi cum ejusdem latitudine dimicare videbatur, ex eo quod illa hanc vix dimidio digito superaret, si quidem sex ubique fere digiti metiebantur: Antica pars binis distinguebatur cruribus, quæ testiculis equinis haud dissimilia, quorum dextrum sinistro multo majori mole apparebat, ut pote cujus profunditas quatuor cum dimidio digitos æquaret, alterius vero profunditas ne tres quidem digitos superaret. Pilosi hujus folliculi caput liberum ab omni crinium complicatione, ore patente quatuor digitos integros hiatu suo definiebat. Pars concava ostendebat contenta putrilaginosa, quæ circa mediam ejus carnem, modo putredine & marcore absumptam, rubeo liventem tamen adhuc ostendebat, spongiæ in modum aquas imbibentis. Dictus folliculus crinitus, ex varia cadaveris de loco in locum motione paulo, ut dictum, supra umbilicum deductus, à multiplici capillorum nigerrimorum eorumque crassorum intricatu conglomeratus, liber ab omni vase, ab omni ligamento (quia ista omnia putredine absumpta erant) parte superiori erat patulus. Continebant hæc triæ gorgoneæ materiam putridam, quæ facie averfa planæ, antrorsum vero similes binis testibus equinis conspiciebantur: Tota interea hujus folliculi substantia, jam per putredinem omnimode resoluta fere apparuit, in medio tamen parenchymatis portio quædam ex rubeo livebat, carniæ ad instar modo marcore corruptarum lotæ: Ita binis cruribus satis distinctis, folliculus divisus putrem illam substantiam continebat, quæ quia crassior adhuc molam præferibat carneam, flaccidam & vi putredinis tractu temporis tot annorum omnimode corruptam, & in minutissimas particulas & capillamenta conversam, colore lividior, quam compactam adhuc tenebat folliculus ille cincinnatus, ad instar nassularum binarum: adeo enim pili subnigri & crassiores, arctissime in se invicem contorti & involuti videbantur, ac si summo studio ita implicati fuissent, imo quas i glutine inviscati: Interea cum de folliculi pilosi generatione, nutritione & accretione, deque mole abdominis, ipsis denique viis nutritivum deferentibus solliciti essemus, Sector præter institutum nostrum Omentum & Intestina, quæ valde inania, cum appenso ventriculo vacuo, cæterisve rite se habentibus secuit. Ad vasa spermatica, uterum, testes, vesicam & meatus urinarios properantes, appensos sibi tenes naturalè magnitudinem superasse vidimus: Ascendendo in dextro latere ad Hepar, id saxo durius excrevisse animadvertimus, Lienæ naturaliter se habente: vicinum tamen Pancreas, cum glandulis mesenterii extenuatum valde & quasi tabe consumptum: si quidem & vasa ibidem loci, aut valde inania, aut ichoroso sanguine, loturæ carniæ marcidarum similiore, cernere licuit: Remoto sterni, sub pectore Pulmones submucidi, fuscis quibusdam maculis, iisque majoribus undiquaque conspersis delitescabant, tabe quoque nonnihil absumpti. Cordi nulla supererat adiposa alimonia pro ejus refectioe, quæ alias huic visceri propria. Pericardium, quod rarissimum alias & effatu dignum, plurimo ichoroso humore refertum, ipso Corde flaccido, invenimus, si quidem paucissimæ alioquin huic involucri innatant guttulæ, Cordi à calore & motu perpetuo reficiendo factæ. *Joh. Scultetus in Trichiasis admiranda.*

## OBSERVATIO XLV.

*Ventris tumor ob massam propria membrana involutam, nigricante & fetidissima aqua plenam.*

**I**N defuncta muliere quæ multis annis hydropica credebatur, massam proprio involucri sacci instar investitam, observavi. Aperto quippe corpore, nihil in abdomine reperi quam durissimam massam, qua aperta aliquot nigricantis & fœdissimæ aquæ amphoras: magnam item crassorum humorum & concretam sanguinis copiam inveni, salvis cæteris abdominis partibus, jecore, utero. *Fabr. Hildanus centur. iv. observ. lviii.*

## OBSERVATIO XLVI.

*Ventris Tumor ab infinito numero abscessuum steatomicorum.*

**M**irum quod observatum in aperto cadavere cujusdam virginis. Ea cum per menses aliquot laboravisset, & jam de hydropæ metus esset, vi morbi interiit.

Internum corpus oblitum erat exiguis admodum abscessibus, quorum infinitus erat numerus, sebum contentum in iis videbatur. Speciem internarum charadum putabant. *Bal- lonius Parad. ix.*

## OBSERVATIO XLVII.

*Ventris tumor à tumore duro & dolorifico musculorum abdominis, cum multiplici interiorum viscerum vitio.*

**A**dolescens xii. annos natus, cacochymicus, tumore insigni duro & dolorifico musculorum rectorum abdominis ad umbilicum laborabat, rupto tumore excrementa hanc viam iniere, ut per hebdomadas 4. aut 5. nihil per alvum egestum sit.

Ventre dissecto, inventa sunt excrementa in vacuo ventris intestinis suffusa. 2. Intestina, præter naturam sita, miro quodam modo intertexta. 3. In colo, versus hypochondria sinistra, ulcus oblongum & callosum. 4. Colon in maximam capacitatem distentum, ut ventriculum potius quam intestinum judicasses. 5. In fine mesenterii tumor insignis & prædurus, intestinum rectum adeo comprimens ut exinde nihil excerni posset. 6. Quod reliquum fuit excrementorum in intestinis, adeo induratum ut lapides potius quam fæces viderentur. 7. Totum mesenterium, pancreas, intestina, vena portæ, tumoribus scirrhis scatentia. 8. In imo ventriculo ulcus. 9. Tubercula glandulosa pylori in scirrhum maximum aucta. 10. Lien firmissime costis adhærens. xi. circa vasa splenis, venam portam & cavam, steatomata & scirrhi non pauci. 12. Hepar exangue & scirrhosum. 13. Diaphragma undique tumoribus scirrhis & steatomatis scatens. 14. In pectore & pulmonis substantia, item circa cordis vasa, oesophagum & asperam arteriam, scirrhi pluri & steatomata innumera. 15. In pericardio ichoris magna copia. 16. In cordis acumine tuberculum album, ad nucis avellanæ magnitudinem. *Fabr. Hildanus observ. 51. cent. 1.*

## OBSERVATIO XLVIII.

*Ventris tumor ab Hydropæ ventriculi productus.*

**A**Nno D. 1620. mulier statura grandiori, 48. agens annum, in utero se habere credidit, crescente sensim abdominis tumore: at cum tempus gestationis cognosceret elapsum, Medicum consuluit, qui eam illico hydropis contraxisse pronuntiavit: remediis frustra tentatis, tumor triennio perseverans, in tantam molem excrevit, licet interim ægra consueta munia obiret, ut tanto ferendo oneri vix sufficeret: Tandem in febrem continuam incidit, cum difficultate spirandi, siti implacabili, inquietudinum turba: Intra septimum diem obiit.

Cujus cadaver, cum feretro includi non posset, ob insignem totius ventris undequaque distensionem, ventrem secimus, & tam ingens serosæ humiditatis factum est effluvium, ut xc. librarum pondus excederet, Ultimo manante sero obscuro & parum turbido, utpote sua hypostasi vel fæce non destituto: his peractis, & penicillis intra vulnera, per quæ aquaeducta fuerat, relictis, ad apertionem abdominis devenimus & cum peritonæum querere- mus dissecandum, mirum, hæc membrana partes naturales investiens, ventriculo tam firmiter adhærebat, ut nisi vi discerpra atque dissecta avelli potuerit, imo vero invenimus penicillum in vulnere relictum, in cavitatem ventriculi fuisse demersum; Ante cujus ana-  
tomen



tomen, ejusdem insolitam magnitudinem sumus contemplati, duoque ejusdem orificia, stomachum scil. & pylorum, eundem situm prope obtinentia, seseque invicem tangentia, epiplooo regionem superiorem obtinente, Hepate satis sano, quod tamen ventriculus tumidus efferebat desuper: Cor, mediante diaphragmate, eidem graviter incumbens, turbantam suam figuram parti gibbæ ejusdem instar ceræ impetierat (nec mirum si æger tam valida spirandi difficultate per biennium saltem premeretur) reliquis visceribus, liene, renibus, intestinis, mesenterio, cystide fellea, vesica & utero integris & parum calore febrili alteratis: His notatis, prægrandem illum ventriculum cum œsophago duodenoque extraximus, qui per medium dissectus ulnam Parisiensem superabat, in cujus *decliviori parte illuvies serosa* notabatur, hypostaseos prædicti feri residuum, fibris omnibus, quæ interiorum membranam contexebant, à se invicem late diffitis, orificio utroque nulla vitii nota impedito, nisi quod in medio pylori ipsiusque limine cystis pendebat, longitudinis mediæ digiti, pollice paulo crassior, aqua pellucida plena, cavitatemque duodeni subintrans, Cæterum membranam illam interiorum ventriculi multis hydatidibus, partim integris, partim exesis conspersam vidimus, Et hæc post homines natos (ni mea me fallit opinio) nondum fuere notata, saltem à nobis perfecta vel audita. *Observatio Antonii Iodon, Laz. Rivæ via communicata.*

## S C H O L I A.

**C**ausam tam rari affectus, hydropis scil. ventriculi, rejicimus in ventriculi intemperiem frigidam humidam hecticamque, ob quam sanguinem in serosum excrementum, ad instar hydropis hepatis convertebat: aquas autem illas per ductus patentes non rejiciebat, eo quod fibræ illius resolutæ erant à copiosa humiditate. *Idem ibidem.*

*In cujus decliviori parte illuvies serosa* Cur glandularum lactearum, peritonæo immeritarum, operacitius in tumorem aqueum sumpto potu elevetur abdomen, hæc causa est, quod antequam ex ventriculo & intestinis ad venas lacteas, ex illis ad organum sanguificationis, exinde ad arterias, & ex his ad peritonæum, & ex peritonæi arteriis distillet in cavitatem, mora longior requiratur: Ex sola vero ventriculi & intestinorum inflatione Ascites non oritur, quem, ex mea observatione, in amico potus cerevisiæ Rostochiensis provocavit; Nec in omni hydrope semper ventriculi adest imbecillitas, quum hydrope ventriculi non sit affectio, sed tandem in mali commercium trahatur, quod vel comprimatur inferiorum viscerum distensione, ut continere non possit

alimenta propter angustiam, vel oneretur ab assumptis, quæ ob inferiorum obstructionem distribui nequeunt, vel in diuturno hydrope ab acri sero coæservato contumatur, quod in *Friderico Palatino* observavit *Smetius* lib. x. miscellan. fibræque exinde latentur, sicut notavit in hydropica superiori *Iodon*: Et quanquam ventriculi vitio aqua crescat, quod id hydropica Patavina ulcere ventriculi affectu notavit *Rhodius* cent. 3. Obiet. 4. hydrope tamen dici non meretur antequam cum ventriculo universum abdomen impleatur, quod nostrorum valorum compendio facilius assequimur quam vestro. Alter particularis hydrope ad hanc lineam non spectat, quo vel solus ventriculus ob pylori vitium, vel alie partes solæ inflantur, nisi in tali affectu ventriculi vasa lymphatica haustum liquorem attrahant, & ad vesiculam chylosam seu Receptaculum deferant: Ita vero in ventriculo accurate depinxit *Rudbeckius* Tab. vi. Edit. Heidelb. *Thom. Barbolinus* Cent. 3. *Epij.* 78.

## OBSERVATIO XLVIII.

*Ventris tumor à ventriculo & intestinis flatibus distentis. 1. Ab intestinis omnibus flatibus tumidis. 2. Ob eadem inflammata & flatibus repleta. 3. Ob colon facibus & pituita infarctum. 4. Ob ejus abcessum. 5. Ob idem pituita infarctum. 6. Ob illius contorsionem & insignem dilatationem. 7. Ob excrementum, meconium dictum, cohibitum in infante. 8.*

**J**ohannæ N. (*Vide lib. 2. tit. de Phthisi*) à quatuor annis abdomen in modum tympani extensum fuerat, à flatuum in intestinis retentorum copia, qui illis adeo tenaciter adhærebant, ut purgationi nequaquam cederent. Et post mortem acie scalpelli perfoctis intestinis vix efflarent. Ventriculus quoque flatibus distentus erat.

§. 2. Puelli abdomen admodum turgebat: Intestina omnia flatibus admodum distenta erant, præsertim rectum, quod excrementis etiam liquidis plenum erat. *Vide tit. de Alvo adstricta.*

§. 3. Puellus 8. die obiit, cujus abdomen admodum erat tumidum. Intestina omnia rubebant ob inflammationem, à nimia distensione facta à flatibus. *Vide Tit. de Alvo adstricta.*

§. 4. Cuidam gravis affectus, cum ventre tumido, alvum prorsus cohibuit: Inventum Colon pituita infarctum, adeo ut fecis in alvum nihil delaberetur. *Vide tit. de Alvo adstricta.*

§. 5. Ex intestini Coli abscessu in febre Semitertiana hydropem deprehendit *Adrianus Spigelius. 1. Rhodius Cent. 3. observ. 7.*

## S C H O L I A.

**A** *Adrianus Spigelius*] Qui omnem Semitertianam mato, intestinis praesertim hanc autem abscessus ple-  
deducit ab aliquo vilcerum imi ventris inflan-  
rumque sequitur.

§. 6. Quidam ventre supra modum intumescente decessit è vivis, Inventumque est Colon intestinum usque adeo infarctum pituita concreta ut solidum prorsus censeretur. *Fernelius Pathol. lib. 6. cap. 9.*

§. 7. Foemina per plures dies ne semel alvum deiecit, donec praè incredibili ventris tumore & dolore decumbere cogitur. Colon juvenum à sede sua emotum, distentum mero stercore, Intestina superiora flatibus turgabant. *Vide tit. de alvo adstricta.*

§. 8. Infans 7. vel octo dies transegit sine alvi exclusione. Aperto cadavere tumido reperta sunt intestina plena eo humore quem meconium vocant, *Vide tit. de alvo adstricta.*

## OBSERVATIO L.

*Hydropici Pulmones pene consumpti. 1. 2. Purulenti sine vitio viscerum naturalium. 3.*

§. 1. **M** Eminimus cujusdam phelifici aperto cadavere, Pulmones tum consumi ceptos, cum copiosa, serosa, foetida aqua repletos, distentosque deprehendisse. Eidem venter quoque & pedes nonnihil inflari ceperant, cum in universalem hydropem particularis degenerare sit solitus. *Jacobus Zwingerus apud Hildanum cent. 2. observ. 56.*

## S C H O L I A.

**A** D laevium Pulmonis arteriarum obstructionem hydropem sequi notum est, *Salinus D. de aff. par. tit. cap. 21.* causam refert in languorem calidi innati Pulmonum, quem Hepatis debilitas sequatur, *Sennertus Praet. lib. 2. censet primam mali causam in*

Hepate haerere, quod cum sit debile, sanguinem pituitosum & frigidum generat, hic cum necessario ad dextrum ventriculum cordis mittatur, porro etiam ad Pulmones pervenit, & hujus mali causa est.

§. 2. Quidam purulenta extrussiens tandem Ascitide obiit: Aperto cadavere parenchyma sinistri pulmonis fere totum consumptum: In abdomine & thorace feri meraci & citrini multae mensurae latuere, &c. *Vide lib. 2. Tit. de Phthisi.*

§. 3. Sutor apertus fuit, qui hydropem ratione asthmatis causato obiit. Abdomine aperto, quatuor vasa aenea tonsorum aqua repleta citrina effluxere: Viscera omnia in abdomine contenta satis commode habebant, solo omento excepto: Thorace aperto purulenta materiae vasa tria aenea repleta effluxere ex latere dextro, cujus Pulmo totus in pus abierat. *Vide lib. 2. tit. de Dyspnoea.*

## OBSERVATIO LI.

*Ventris tumor hydropicus, ille so Jecore & Liene ab Abscessu in Omento & Peritoneo.*

**D** E abscessibus quid attinet dicere: inter reliquos saepe simillima materia refertissimum abscessum in Omento & Peritoneo cujusdam mulieris extrahi, quae ob harum partium abscessum in hydropem inciderat: Et mihi mirum visum fuit, cum ejusdem Jecur & Lien neque in colore neque in substantia praeter naturam affecta esse viderentur, In illius tamen abdomine aquae copiam incredibilem adfuisse. *Columbus Anat. lib. xv.*

## OBSERVATIO LII.

*Ventris tumor hydropicus, ob Abscessum juxta Lienem genitum.*

**N** Ob. Vidua ulcus in pede diuturnum consolidari curavit, hinc dyspnoea & hydrops: In latere sinistro, ad lienis situm, abscessus occultus inventus est. *Vide lib. 2. tit. de Dyspnoea.*

OBSERV.

## OBSERVATIO LIII.

*Ventris imi Tumor & Durities ab ejus exterioribus cartilagineis  
& cancrofis.*

**M**ulier 35. annorum, tabe confecta, aque mola, ut credebatur, extincta, per triennium ventris intumescencia sensim aucta laboraverat, durum valde abdomen, sic ut lapideam constitutionem exterius referret ubi manu attingebatur.

Hujus dissectionem more consueto aggressi, nec pinguedinis, nec membranarum, imo ne musculorum quidem vestigia observare potuimus: quin omnia hic in alienam substantiam reperiiebantur commutata; imo in eam magnitudinem aucta, ut etiam ulnæ dimidiæ longitudinem crassities excrescentiæ hujus superaret, facta nempe dimensione ab umbilico ad interiora ventris. Erat autem substantia hæc circa exteriora corporis cartilaginea omnino: at vero versus interiora, magis cancrofa; quod durities & foveæ (quasi venæ abscissæ adessent) in primis demonstrabant: Radix mali hujus ad spinam & os pectoris sinistro in latere: ortum autem duxerat ex Tuberculo minori duplici, quibus reliqua pars insignis adnata & quasi incumbebat: Quodvis autem horum Tuberculorum cyli propriæ includebatur, reliquum erat liberum, instar globi terrestris.

Lymphæ collectioni degenerationique malum hoc ut adscribamus, vel ideo facilius inducimur, quod in *cancrosis mammis*, aliisq; abscessibus, ejus sæpius congelatæ copiam observemus. *Ger. Blasius Observ. Medicar.*

## S C H O L I A.

**I**n *cancrosis mammis*, &c. Interrogatus *Hildanus* cent. 6. Observat. 39. forene verus Cancer è mamma excisus, qui in medullis tumoris materiam sevo similem continebat? Respondet verum fuisse cancerum, idque à se id alias observatum, atque ejusmodi canceri nucleum durissimum esse, quia subtiliores materiæ partes, ratione doloris in loco affecto coacervatæ, & per ulcus effluentis, crassiores remanent inque scirrhum concrescunt. Quod si dolor fuerit vehemens, continuus & diuturnus, uti plerumque fit

in Cancro exulcerato, humores indifferenter ad partem affectam confluunt, ex quibus biliosi facile evacuantur per ulcus, uti & sanguis ipse, (quotidie enim fere sanguinem ex carnosius ulceribus exstillare videmus) atrabilaris vero in scirrhum, & pituita in serum concrescit, quæ tamen tractu temporis propter malignam dispositionem humoris atrabilarii, & intemperiem calidam partis affectæ paulatim in scirrhum quoque concrescit & naturam canceri induit.

## OBSERVATIO LIV.

*Fungi in hydropici abdomine reperti.*

**A**nno 1624. in sacris incurabilium ædibus, secti hydropici abdomine parte interiore pallidi, quasi fungi boletti, ubertim reperti. *Severinus de abscessibus lib. iv. p. m. 277.*

## S C H O L I A.

**H**uc referenda videtur historia hydropis nodosi quam habet *Bartholinus* Epist. lvi ij. cent. iv. *Matrona*, æt. hydropica nostræ curæ commissa tandem tumidum abdomen sudore frequenti, quem sumpto unicornu nostro suavisimus, superavit; Sed diu hac sanitate gavisa non est, Sensum enim unius alteriusve anni decursu noduli in abdomine suborti, qui primo exiles molesti non erant, at sumpto incremento animus ægræ non parum commovebant: Mobiles erant hinc inde per abdominis regionem dispersi, velut in campis tumuli, doloris expertes, nullo colore à reliqua cute diversi. Consultus iterum de hoc affectu, judicavi serosam colluviem glandulis omenti absorberi, hæque in tumorem

elevatas cutem abdominis inæqualem reddere; ut omentum incusarem facile mobilitas tumorum persuasit, nec aliam partem ibi divinare potui, vel mobilem vel glandulæ refertam: Et glandulæ, quia vasa lymphatica recipiunt, serum possunt coacervare, & nodulos tales efformare: ut id suspicaret fecit *Hippol. Bosius* historia supra §. allata: Hi noduli tandem increverunt, & ad tactum doloris præ se ferre sensum, unde quanquam auxilio nostro non defuerimus, male ominati nos metus imminenti tandem scirrhii, huicque succedens cancer coëgit, quæ tamen mala catarrhus prævenit, quo suffocata obiit.

## OBSERVATIO LV.

*Ventris tumor ab utriculo Vteri superiori parti adnato, aquam copiosam continente. 1. Monstruosa Vteri magnitudine, & aquæ copia in abdomine. 2. Ab Vtero duplici.*  
CCCC 3



plici, cum gemino fœtu, Effusoque in abdominis capacitatem sanguine. 3. Ab Vtero materia adiposa infarcto insignis ponderis. 4. A variis & monstrosis in Vteri substantia contentis. 5. Ab Vteri substantia in scirrhum indurata. 6. Ab Vtero & abdomine scirrhosis. 7. Ab Vteri enormi extensione, cum aquarum congestione. 8. A variis Vteri vitiis & insigni ejus hydropo. 9. Ab Vteri insigni hydropo, Et dextri testis glandulis admodum tumidis. 10. Ab Vteri insigni amplitudine, aliisque vitiis, cum massa carnea in ejus cavo. 11. Ab hydropo in cornubus Vteri, innumeris vesicis continentibus. 12. Ab hydropo Testiculorum muliebrium, cum aquæ copia in abdomine. 13. Ab hydropo Vterino. 14. Ab enormi Vteri incremento. 15. Ab hydropo Testiculi feminei. 16. Ab insigni Vteri magnitudine, Et humoris putridi in abdomine copia. 17. A carne mole ex Vteri superficie externa exorta, hydropem mentiente ascitem. 18. Ab hydropo Vteri, & vesiculis Purulentæ materia refertis, cum aqua copiosa in abdomine. 19. Ab Vtero aqua pleno. 20. Ab hydatide testiculi sinistri muliebris vicem occupante. 21. Ab Vteri putrefactione cum hepatis vitio. 22. Ab Vtero & vesica urinaria exulceratis. 23. A ligamento Vteri sinistro aqua repleto, abdomen distendente. 24.

§.1. **F**œmina Pragæ erat anno 1581. nupta virgo ante sexennium ministro aulico, quæ integrum sexennium ventrem tumidum gessit instar prægnantis, absque alia molestia & impedimento in suis functionibus animalibus & naturalibus, cundo & laborando, dormiendo & edendo: non menstruabat autem, licet commode marito convixerit: corpore bene habituata & musculosa, sanguinea, facie rubicunda, hilari plerunque animo, statû humiliori, ætatis xxx. annorum: ventris moles alias non premebat, nisi scalas vel colles altiores conscendendo; Varias sumpsit medicinas, quæ etiam eduxerunt cum modo, ventre nihilominus etiam magis intumescere: Paucis ea hebdomadis supervixit, atque obiit præfocata brevi temporis spatio, mole inclusa itineris concussionem (Pragamenim redierat) plus satis distenta & diaphragma premente, uti reor.

Aperto ventre à summo ad imum usque, aqua nulla profluxit, nec flatus animadversus, sed intestina colo infra testæ & pressa erant, utriculo quodam præternaturali ventris capacitatem explente. Is exortum ab uteri fundo extimo sumpserat, peritonæo firmiter adherens, ut digitis avellendus fuerit: constabat tunica veluti lardea aut sebacea, cultri crassitie: apertus effudit aquam lixivii colore & consistentia copiosam, nec quicquam aliud, principium duxit à basi uteri ac sursum terendit, peritonæo contiguus & adnatus superficie exteriore, interiore intestinis incubuit, nulli cohærens: uterus ipse exiguus erat & arctus quasi puellæ 10. aut 12. annorum, quo nec sperma nec menstruum unquam conceptum fuerat: orificium proprium arctissimum & durum, cervix recte habuit: Hepar cum reliquis visceribus & intestinis optime conformata erant, forma & colore debito: Sic & reliqua externa membra decenter constructa fuerunt absque ulla labe: Hic hydrops ascites quidem est, sed vtero potius quàm ventri attribuendus, eo quod utriculus seu saccus ille aquam continens, ab utero pronatus erat. *Ex observ. Joh. Aicholtzii.*

§.2. Anno 1669. Delphis in visi mulierem morbo gravissimo detentam, quæ tunc temporis maximo conquerebatur de dolore ventris, lumborum & anxietatibus circa præcordia, quæ omnia ita augebantur dum capite demissiore decumberet, ut semi-erecta continuo in lecto quiescere teneretur, idque propter ventrem qui in horrendam molem excreverat, cujus primordia jam ante 25. annos persentire cœperat, causam vero omnino ignorabat quàm ego antequam examen, ut par erat, instituissem, in hydropo quærendam & invenendam opinabar, sed postquam ab ægra intellexissem quod nullas in ventre, cum sese ventret, fluctuationes unquam persentiret, atque ventrem cum inæquali duritie in latere sinistro, parum infra umbilicum, multo magis quam alibi intumefactum viderem, judicabam potius tumorem illum, cum nec Hepatis nec Lienis regioni corresponderet, atque à corpore quodam indurato & intumefacto originem duceret, à mesenterio ejusque glandulis tumefactis provenire, eoque facilius quod talem ventris tumorem à Mesenterii tumore ortum in demortuo quodam viderim. Quare prognosijuxta morbi magnitudinem instituta, cum pleraque medicamenta respueret, nonnisi enemata ac mixturam ad roborandum & dolorem sedandum præscripsi, quibus per 4. circiter menses doloris ferociam quodammodo lenivi, donec 20. Julii, anno ætatis suæ 50. vitam cum morte commutaret.

Aperto



Aperto cadavere, reliquis visceribus bene sese habentibus, in abdominis cavitate quatuor circiter inveni pintas liquoris admodum putridi, Et præterea ingentem Tumorem rotundum, qui reliquam abdominis cavitatem adimplebat: Hunc tumorem ex adherentibus illi Testiculis, Tubis, &c. Uterum esse cognovi, qui meo & adstantium judicio, ad minimum 40. libras pendebat: Dum uterus naturaliter constitutus raro duarum unciarum pondus excedit; Monstroso hoc utero cruciali incisione dissecto, vidi illius substantiam in anteriore sua parte solummodo pollicis transversu crassitiem habere; in lateribus vero & posteriore parte, ea videlicet quæ lumbis adjacet, xij. digitos transversos adæquare: quæ uteri substantia partim scirrhusa, partim quasi glandulosa, sive ex globulis rotundis, non adeo dissimilibus composita cernebatur: Uteri vero medium, sive cavitatem internam, materiâ quædam instar pugni majoris crassa, maxime putrida & nigricans adimplebat, quam statim à fœtu, mola, aut placenta non edita, sed in utero putrefacta originem sumpsisse judicabam: quod ultimum confirmabatur iis quæ maritus postmodum mihi retulit, scilicet uxorem suam ante 25. annos, 2<sup>o</sup>. vel 3<sup>o</sup>. ingravidationis mense, vesiculam quandam aqua repletam, per muliebria absque placenta excrevisse, subsequente maximo lochiorum fluxu per 6. vel 7. menses durante: eoque cessante uxoris ventrem sensim magis magisque intumuisse, accedentibus symptomatibus superius descriptis: Hanc observationem praxim medicam exercentibus maxime utilem esse postmodum abunde cognovi, qui ab illo tempore quartam vel quintam abortionem patientes, per placentarum expulsionem felicissimo cum successu, duorum vel trium dierum spatii pristinae sanitati restitui. *Ex Observat. Regneri de Graaf Medici Delphensis.*

§. 3. Benedictus Vassalis Chiurgus Parisiensis, aperuit 6. Januar. 1669. cadaver mulieris 32. annos natæ temperamento sanguineo & habitu corporis satis masculino præditæ: Repertæ fuere duæ matricēs singulari connexionē, à natura tam bene dispositæ, ut vera undecies jam concepisset, septem nimirum filios & quatuor filias, iusto omnes tempore & debita compositione; at quæ fraterculum habebat embryonem, conceptum in Adjuvatorio sive Adminiculo genuini uteri, & quidem loco ad distensionem tam inepto, ut fœtus grandescens 17. septimanis matrem funestis symptomatibus exagitaret: tandem trium mensium fœtus factus, carcere effracto, tumulum sibi ipsum in ipsa matre paravit, excitando ingens sanguinis profluvium in universam abdominis cavitatem, id quod tribus ultimis diebus vehementissimi motus convulsivi & denique mors sequura fuit. *Miscellan. Curios. anni 1670. Observat. 110.*

§. 4. Vidua quædam honesta, 50. circiter annorum, mola laborans, ante annum naturæ debitum persolvit: Huic venter intumuit ut in prægnante, urina coloris ac substantiæ mediocritatem servavit; functiones naturales, vitales & animales fere sine noxa: alvus tamen segnior fere semper, quippe molis pondere compressa; Pedes ac tibiæ longe post in tumorem sublata duræ, renitentem, qui pressus nullas foveas œdematosas recipiebat, nec scarificatus aquas exudabat: Carminantia, incidentia, purgantia, balnea nihil proderant; usa fuit mali succi victu, refrigerante, præsertim brassica muriatica: Venter prædurus erat, sensim à pondere dolor, imprimis hypochondria affligebat; Si vero antrosum propensa, ventrem scamno imponens suffulciret, majorem quam ex cubatione aut alio situ levationem sentiebat: Plus quadriennio duravit affectus iste.

Hujus aperto cadavere, Hepar & Lien sine noxa, Pulmo vero semiputridus repertus est: Separatus & exemptus Uterus ad libras octoginta & septem mercatorias ponderavit, Et partim ichore quodam flavo, partim quoque materia adiposa & oleginosa infarctus erat; sed quod admiratione non vacat, in medio ipsius uteri crines, (aut veluti lana flavescens, & adiposa illa materia involuta) reperti fuerunt: *Fabritius Hildanus centur. 5. Observat. 49. Ex comm. D. Schmid. De horum pilarum origine vide Horstium Tomo 2. Observat. 53. lib. 4.*

§. 5. Mulierem ante aliquot annos ægram tractavi, In cujus uteri carnosæ substantiæ (non in cavitate, neque superficie gibbositateve externa) collectionem adeo admirabilem tam humorum quam carnosarum excrecentiarum, membranarum, tendinum, ossiculorum, item instar guminatum, lupias aliaque corpora diversæ substantiæ, coloris, odoris aliarumque qualitatum habebat, ut pondus omnium esset librarum mercatariorum quadraginta; Et tamen ab annis tribus, & longiore etiam tempore, quo temporis spatii materia eo loci erat contenta, nullum dolorem qui alicujus esset momenti persensorat; ac licet tantæ sordes, tantaque moles in utero contineretur, tamen toto illo tempore naturales, vitales & animales functiones perfectas & integras habuit. *Franc. Rousselus de partu Casareo sect. 5. cap. 4.*

difficultate : segregatz tamen sunt invicem , & tota illa moles , seu capacitas uteri , à reliquis membranis & peritonæo separata , è corpore hoc exempta est : cujus toto ambitu & membrana exterior , magis tamen in sinistra parte , vesiculæ erant majores quædam , aliæ minores , humore viscido , pituitoso & albicante plenæ , qui vitrum liquefactum præ se ferebat : In membrana utero deserviente , non procul ab uteri collo , erat glandulosa quædam substantia insignis duritiei , velut lapis , & magnitudinis ovi anserini , hanc primo intuitu uterum arbitrabamur : postea singula diligentius contemplantibus , adnatum aliquid nobis videbatur : Reliqua membra interna satis bene se habebant , nullum intestinum erat læsum , ventriculus bonus ; Hepar parum vitiatum erat , Splen durus & quasi arenulis refertus sub-niger , Testis sinistèr extenuatus erat supra modum & quasi marasmo consumptus , dexter solito major : Sed uterus adeo in immensum excreverat , ut totum abdomen æquaret & universo peritonæo substratus esse videretur : Pulmones erant integri , in dextra parte aliquantulum vitii , In eadem thoracis cavitate aqua erat copiosa , quæ potuit causa esse suffocationis : nam licet quatuor annis integris hanc corporis molem sustineret , & interea corporis functiones mediocriter obiret , brevi tamen spatio temporis excessit è vivis , & per suffocationem aquosæ materiæ non paulatinam resolutionem virium , mortuam puto : Hæc postquam incidere , effluerunt aquæ circiter libræ lxx. aut plures : aqua primo effluens pallida erat , seu citrina , tenuis ; postea sensim crassescere coepit : ad extremum veluti amurea profluxit , materia , crassa , terrestris , subnigra , foetida ; Ista aqua omnis uteri cavitate continebatur , non in aliis membris , sed in sinu ipsius tantum , neque etiam reliquorum membrorum vitio ortum putamus hunc affectum , veluti ratione jecoris aut lienis male affecti , sed in ipso utero originem traxisse arbitramur. *Ex observationibus Adolphi Oeconis Augustanis Medici.*

§. 10. Augustæ in muliere textrice , in cujus utero serosæ aquæ supra lx. Augustanas mensuras , quæ singulæ tres pendent libras , post mortem reperi : nullibi interim circa intestina præsentè aqua , aut laxo in manibus aut pedibus tumore , aut etiam viscerum aliquo vitio : Præterquam quod magnus ille uterus , cujus fundi os miris modis occalluerat , tota anteriori sua sede peritonæo erat connatus : & dextri testis glandulæ miris modis non secus excreverant , quam si novem decemve anserum , aut struthiocamelorum potius ova uni inessent membranæ , singula humore ovorum albo non absimili , aut paulo crassiore oppleta. *Vesalius lib. 5. cap. 9. de Hom. corp. Fabr.*

§. 11. Mulier paupercula se utero gestare opinabatur , venter intumuerat valde : exacti sunt perfecti foetus menses , nil producitur , tumor perseverat : alii molam gestare dicunt : posteriorum opinionem eventus meliorem detexit , nam cum annos 16. has tumoris molestias tulisset , emaciata interiit.

Aperto cadavere apparuit uterus undiquaque distentus , magnam concurbitam & profunditatem & densitatem & amplitudinem referebat , adeo intumuerat ut apprimi digiti non possent : crassities digitorum pene quinque erat , pendebat pondere lib. ix. cum dimidia : In capacitate interna massa quædam carnea concreverat , quæ pertinaciter interno corpori uterorum adhæserat , imo in ejus naturam pene coaluerat. Molam esse putabant , quæ flexu temporis diuturnioris ita uteris ipsis magno adhæsu & pertinaci conjuncta , in similem naturam una sui parte coiverat : In collo uteri abscessus erat steatomatis naturam referens : cornua manifesto apparebant , testiculus tantum unus erat : Miraculo multis dissecta hæc pars exhibitæ est ad spectandum. *Gul. Ballonius paradigm. vj.*

§. 12. In cornubus ac uteri tuba ut foetum non semel animadvertit. *J. Riolanus Anthr. l. 2. cap. 34.* Sic nobis contigit videre in eadem parte aquam hydropicorum , utero interim ipso plane vacuo , ac nullo omnino humore imbuto. *Catharina Bonevallia* , adversa valetudine ob suppressa menstrua aliquandiu usæ , induruit tandem abdomen , incresecendo paulatim in eam molem , ut præ pondere aquarum novem annis molestissime vixerit , antequam aut laborum aut vitæ invenerit finem ; quem tamen adepta fecit Medicis copiam inspicendi miserrimum suum cadaver.

In quo , præter omentum putridum , Jecur pallidum , Lienem parvum , ac intestinum Colon lobo suo dimotum , videre fuit utrumque uteri cornu continuisse novem circiter aquæ purisque libras , inclusas innumeris vesicis ; quarum aliquas etiam ostendebat extrema uteri tunica , licet in vacuo ipsius ne minima quidem occurreret guttula : Quam eandem rerum faciem *Riolanus* etiam similiter asserit observatam in illis uteris , quorum cornua produxere quos commemoravit foetus. *Nic. Tulpini observat. libro quarto, cap. xlv.*

§. 13. Anno 1588. Uxor Nobil. N. fato functa , postquam 16. annis gravissimis mor-



bis fuisset conflictata, præsertim hemierania quæ singulo die 7°. molestabat, convulsio-  
nibus, febribus tertianis, perpetuo de lateris dextri dolore conquerens & defluxionem  
existimans, Ego vero renem corruptum censebam, eo quod urinas cruentas aliquando  
se habuisse referret: quin etiam pus per anum & per collum matricis nonnunquam ex-  
creverat, sic & in urinis pus interdum & arenas crassiores conspexi: A venere multis  
annis abhorruit & propter dolorem abstinuit. Et à triennio cæpit omnino supra dorsum  
decumbere: à biennio nec stare nec ambulare poterat, dolores ingentes perferens: Tu-  
mores magni in latere dextro: fluor puris & sanguinis copiosus per alvum: aiebat se rejice-  
re arenas per alvum: à multis mensibus condyloma magnum in ano, quod multos do-  
lores pariebat, & enematum injectionem, quibus tamen sublevabatur, impediēbat: In-  
tumuit venter non parum in dextro latere aliquot ante mortem septimanis: quin etiam ti-  
biz valde intumuerant, præsertim dextra: tumebar etiam labium dextrum pudendi:  
Pridie mortis dyspnœam cum raucedine persensit: hora una aut altera antequam exspi-  
raret, mortem persensit, ut etiam pridie se suffocatam iri dicebat: mens sana re-  
mansit.

Sequenti die ab obitu sectionem institui: Tumorem paracentesis modo aperui, ex  
quo serosi humoris mensuræ duæ aut tres Basileenses, h. e. ad novem libras effluxere:  
Educto humore, decussarim abdomen aperui: Eo aperto comperi tumorem adhuc in-  
signem in latere dextro; hærebam nonnihil dubius qualis esset tumor & qua in parte,  
quem non aperui donec omnes partes diligenter investigarim, incipiens ab intestino  
recto: Intestina & ventriculum salva reperi: Omentum non habebat: in mesenterio nul-  
lus scirrhus aut tumor: pervestigavi vasa spermatica, utramque arteriam reperi & utram-  
que venam valde amplam: Perquisivi testiculos matricis, quorum dexter vix apparuit,  
quia ex eo prodibat tumor ingens, ex quo eduxeram per paracentesin copiam feri præ-  
dictam: Tumor ille constabat ex tunica crassa, quæ externe adhærebat quibusdam lo-  
cis parti dextræ peritonæi: intus rugosa erat, nullibi pervia: adhærebat ei versus in-  
ternam partem alter insignis, interne etiam rugosa tunica sine exitu, circumcirca multi  
parvi tumores, sive hydatides: vas ejaculatorium valde tenue: In latere sinistro Testi-  
culus erat fere mali cotonei magnitudine, summe inæqualis, qui scatebat multis hy-  
datibus, magnis & prolabebatur in capacitatem ossis sacri: relaxatisque omnibus tuni-  
cis, videbatur comprimere & vesicam & intestinum rectum: fortassis ex eo erat dolor  
tantus quem persentiebat circa pubem: Vas ejaculatorium extenuatum apparebat; cir-  
ca matricem & intestinum rectum nullus alius tumor. Tandem aperto osse pubis, vesi-  
cam aperui, in qua nihil intus & exterius contra naturam reperi, præter ruborem circa  
orificium vesicæ, & in ea paucas arenas rubras crassiores: Tandem intromisi digitum  
in collum matricis, ad tactum nihil extranei sensi: eo aperto comperi fistulas duas (non  
callosas) ad anum vergentes, ita ut excrementa tenuiora possent ad collum uteri pervenire,  
& in iis aliquid purulentum apparebat: In sinibus matricis nihil p. n. Uterque Ren cum  
ureteribus optime habebant; sine lapidibus, arenis aut corruptione: Splen parvus, sa-  
nus, non adhærens peritonæo; circa ejus vasa duo veluti lapilli, vel potius duæ co-  
chleæ, callosæ: Hepar maximum, albicans, non scirrhosum, nec putrefactum, adhæ-  
rens quibusdam locis diaphragmati: Folliculus fellis parvus, totus repletus gypsea ma-  
teria, dura, alba, sine felle, porus ab hepate ad duodenum amplissimus, sine ulla obstru-  
ctione: Pulmones quoque consideravi, sinister sanus, in cujus latere parvum lapillum  
reperi, qui aliquid inflammationis habere videbatur: Dexter quibusdam in locis adhæ-  
rebat succingenti tunicæ & diaphragmati, non tamen multum tumebar & inflamma-  
tionem patiebatur, nulla putrefactio: In utroque thoracis latere multum feri: Vereba-  
mur in apertione abdominis foetorem & copiam puris, verum nullum persensimus, nec  
pus reperimus. *Gaspar Bauhinus, appendice ad Rousselum de partu Casareo.*

§. 14. Anno 1672. Primipara ab obstetrice in difficili partu tam dure tractata, ut cet-  
vix uteri inflammata, statim, foetu mortuo laboriose tandem excluso, arcte coaluerit,  
lochioramque profluvio viam præpedierit: hinc inferiore abdominis parte tumida perma-  
nente, obstetrix, & cum ea feminæ aliz, plus nimis prudentiz ultra captum sibi tri-  
buentes, alium adhuc in utero latere foetum inconsiderate pronuntiarunt: Ego vero post  
elapsam integrum à partu octiduum, quo temporis spatio obstetrix, absque implorata Me-  
dici ope, puerperam sola curandam susceperat, hujusque sive opitulandi incertitia, sive in-  
curia, uteri vagina gangrænâ (ad similitudinem casus ab *Hildano* cent. 6. observat. 67.  
reconliti) interea conceperat: Accersitus, consideratis probe indicis, hydropem uteri  
adesse, nec-non, rupto peritonæo, in omphalocelen incidisse pronuntiavi, Et quamvis varia

una mecum, *Herniotomus* ac Chirurgus adhibuissimus remedia, è mortis tamen faucibus eripere juvenculam nequivimus.

Post obitum sententiæ meæ veritatem ostensurus, à viduo cadaveris apertionem impetravi: Sectione instituta, muliebris sinus gangræna corruptus, umbilicus ruptus, ac Uterus aqua cruenta, putredinem redolente repletus comparuerunt: *Ex gratissima communicatione Excellentiss. & Clariss. D. D. Luca Scrockii Senioris, Physici Augustani.*

§. 15. Mense Dec. 1674. examini meo subjectus uterus, ex cadavere virginis 70. annor. extractus, totus hic pinguedinem quasi-cartilagineam referebat, naturali figura destitutus, imo & magnitudine: Librarum xvij. erat; Anno ætatis nono Virgini huic menstrualis fluxus supervenit, qui ad 50. duravit, imo fluxu huic variis temporibus sanguinis vomitus gravis accessit; Nec tantum ordinaria observavit menstrua, sed & sæpius copiosiora diutiusque debito se exhibentia: Vomitus quoque non raro eam sanguinis exhibuit quantitatem quæ vel pintam mediam repletet: Plusquam xx. vicibus venam ipsi sectam referebat D. *Lantzweerde*, Medicus ipsius ordinarius: Circa annum x. ætatis ventris intumescencia se primo ostendere cœpit. Causam ideo incrementi dicti, sanguinis copiam, copiosioremq; ad uterum affluxum cur non constituamus, non video quid impediat: *Gerardus Blasius Observat. Med. vj.*

§. 16. *Banhius* lib. 1. Anatom. cap. 35. meminit Hydropis Testium, in muliere tali hydrope extincta, è cuius Dextri testis tumore, novem feri libras extraxit; Sinistro magnitudinem mali cydonii excedente, multis magnisque hydatidibus scutente.

§. 17. Anno 1669. 25. Martii Delphis rogavit nos J. Ametis, ut conjugem gravissimo morbo detentam invisceremus, quæ tum temporis maxime conquerebatur de dolore veneris, lumborum & anxietatibus circa præcordia, quæ omnia ita augebantur, dum capite demissiore decumberet, ut semi erecta continuo in lecto quiescere teneretur, idque propter ventrem qui in horrendam molem excreverat, cujus primordia jam ante 25. annos persentire cœperat, causam vero omnino ignorabat: quam nos, antequam examen instituissimus, in hydrope quærendam & inveniendam opinabamur; sed postquam ab ægra intellexissemus quod nullas in ventre, dum sese verteret, fluctuationes unquam persentiret, atque ventrem cum inæquali duritie in latere sinistro parum infra umbilicum, multo magis quam alibi intumefactum videremus, judicabamus potius Tumorem illum, cum nec hepatis, nec lienis regioni corresponderet, atque à corpore quodam indurato & intumefacto originem duceret, à mesenterio ejusque glandulis intumefactis provenire, eoque facilius, cum in memoriam reuocarem nos cum Clar. Professore Dom. *Diemerbroekio* in Nosocomio Ultrajectino talem ventris tumorem, à mesenterii tumore ortum in demortuo quodam vidisse: Quapropter tali prognosi, qualem morbi magnitudo desiderabat, instituta, quandoquidem pleraque medicamenta respueret, nonnisi enemata in anum injicienda, ac mixturas ad corroborandum ac dolorem sedandum cochleatim sumendas præscripsimus, quibus medicamentis per quatuor circiter menses doloris ferocia quodammodo lenivimus, donec 24. Julii, anno ætatis quinquagesimo, vitam cum morte commutaret.

Aperto cadavere, reliquis visceribus bene dispositis in abdominis cavitate, quatuor circiter pintas invenimus liquoris admodum putridi, & præterea ingentem Tumorem rotundum, qui reliquam abdominis cavitatem adimplebat: Hunc tumorem ex adhærentibus illi tubis, testiculis &c. Uterum esse cognovimus, qui nostro & adstantium judicio, ad minimum 40. libras pendebat, cum uterus naturaliter constitutus raro duarum unciarum pondus excedat: Monstroso hoc utero cruciali incisione dissecto, vidimus illius substantiam in anteriori parte solummodo transversæ pollicis crassitiem habere, in lateribus vero ac posteriori parte, ea videlicet quæ lumbis adjacet, duodecim transversos digitos adæquare: quæ uteri substantia partim scirrhusa, partim quasi glandulosa, sive ex globulis rotundis, indurato vitello non absimilibus composita cernebatur: Uteri vero medium sive cavitatem internam, materia quædam majorem pugnum crassa, nigricans & putris occupabat, quam statim à foetu, mola vel placenta in utero putrefacta originem sumpsisse judicabamus; quod ultimum matrici relatione confirmabatur, retulit enim nobis uxorem suam ante 25. annos 2°. vel 3°, ingravidationis mense, vesiculam quandam aqua plenam per muliebria, absque placenta excrevisse, subsequente maximo lochiorum fluxu, per 6. vel 7. menses durante, eoque cessante uxoris suæ ventrem sensim magis magisque intumuisse, accedentibus symptomatis superius enarratis. *Reg. de Graaf de mulierum organis cap. 8.*

§. 18. Virgini xx. annorum in nostro Ptocondio, cum ex suppressis mensibus venter intumesceret, hydropis suspicio fuit oborta, & ad hunc depellendum, variis incassum usque tandem

Tandem cum per quadriennium indies ventris moles augetur, ita ut vix ferendo oneri par esset, nihilominus faciei color vividus & labia rubicunda apparebant: Post paracentesim administratam, unde parum quiddam aquæ effluxit, ex longo cruciatu pie decessit.

Ventre aperto, Jecur optime constitutum sese obtulit, reperta vero rotunda carnea moles in interiore parte ubera vaccina quoad substantiam referens, glandulis & pinguedine referta, ex uteri externa superficie, duobus crassis processibus enata, pendens libras civiles xxxiv. *Observatio Georgii Palma Medici.*

## S C H O L I A.

**F**aciei color vividus] Integritatis viscerum sanguificationi destinatorum index: Anno 1663. accessit sui ad Nobil. Dom. Rudolphum Cameraarium Principis à Longueville Quiritorem Generalem in Comitatu Neocomensi: Podagricus erat ab anno ætatis 23. atque ex consilio Medici ejusdem Parisiensis, lacte vacino usus fuerat ad propulsandam podagram singulis fere mensibus recurrentem; Sive in usu deliquisset, sive ipsius constitutioni male con-

veniret, intra septimanarum duarum spatium adeo intumuit abdomen, ut hydropicum se esse certò crederet: De usu lactis conscius & vultus perpendens floridum colorem, negavi congeriem esse aquarum aut flatuum, sed lactis in tubulis mesenterii concreti: Fidem fecit eventus, nam creberrimis purgantibus exhibitis, quæ lac concretum excluderunt, seu potius caseum, subsedit abdomen, rediitque integra sanitas.

## A P P E N D I X.

*De simili Tumore ex cute Pudendi enato, feliciter per sectionem extirpato.*

**I**N Xenodochio nostro rusticæ Virgini adempta fuit carnea moles, in interiore parte præcedenti similis, enata ex cute pudendi, ita ut vulvæ os ad latus fuerit retractum dextrum: Basis hujus molis vix quatuor vel quinque transversos digitos æquavit prope pudendum, sed inde sensim initium sumens, inter crura lata admodum circumferentia propendit: Hæc pendit libras civiles xvij. Postquam sectione fuit ablata & curata bene valuit. *Ejusdem G. Palma Observatio.*

§. 19. Vidua quædam paupercula, appetentibus menstruis per xij. annos, motibus afflictata est convulsivis, atque hysterica dicta symptomata passa est: tandem phlegmone uteri cum febre acuta supervenit, quæ in empyema degeneravit.

In demortuæ cadavere uterum plurima aqua turgentem & vesiculis quibusdam purulenta materia prægnantibus distinctum reperimus, pariterque abdomen multa aqua distentum. *Car. Fiso de morbis à sero sect. 4. c. 5.*

## S C H O L I A.

**S**cilicet cum febre hæctica laborasset per triennium, ratione abscessus uterini, & ratione sitis perpetuæ largius aquam epotasset, serum in vasis toto corpore redundans exundavit partim in ab-

domen, partim in uterum, cum ad eum vasa insignis magnitudinis perveniant, Et in tabidis corporibus serosus admodum sanguis restagnare in vasis soleat. *Idem.*

§. 20. Sæpe accidere ut signa morborum ita ambigua sint, ut difficile sit finitimos morbos distinguere ex hac historia cernitur: Cum femina quædam leprosa tumorem in ventre haberet, qui prægnationem ostendere videretur, ac accederet facies minime decolorata, ac motus interior ventris talis qualis in vera imprægnatione adesse solet, embryone in utero sese primo movente, judicatum fuit gravidam esse hanc: Tandem vero cum tempus partus præteriret, neque venter detumesceret, adhibita quidem sunt remedia, sed fructu exiguo; Itaque tandem aliis symptomatibus accedentibus, ea femina diem suum obiit.

In demortuæ cadavere animadverti Hepar & vicina membra integra, sed Uterus aqua plenus vehementer intumuit: quo dissecto, aqua citrina & putrida copiose effluxit, multorum admiratione, qui de uteri hydrope nihil se audivisse dicerent. *Ex observat. Jac. Oethai Aischstettensis Archiatri.*

§. 21. In puella quæ xx. ætatis annum non longe prætervecta videbatur, hydatidem inveni testiculi sinistri locum occupantem, is enim aberat, quæ magnitudine ovum aserinum longe superabat.

Annon imposuerint hydatides istæ Medicis, qui nobis hydropem uterinum decantaverunt: Videtis observationem Clar. *Tulpii* 44. lib. 4. Sed bene quod licet hydropem cornuum uteri appelliter, virtamen prudens aquam hanc purulentam non dicat intra cavitatem cornuum contentam fuisse, sed hoc morbi genus ad hydatides referat, cum addit has aquas inclusas fuisse innumeris vesicis, quarum aliquas etiam ostendebat extima uteri tunica &c. Imo dixit olim *Hippocr.* lib. de int. affect. *Fis hydrops si tubercula in pulmone fuerint enata, & aqua repleta, & in pectore rupta: Quod autem fiat etiam à tuberculis hydrops testimonium habeo & in bove, & in cane, & in sue.* Audisne ex hydatibus fieri



fieri hydropem, & nunc fieri quando rumpuntur, cognatum ergo hydropi sunt malum, imo & sæpe ejus causæ hydatides, sed hydrops non sunt: Confirmat sententiam quod hydatides variis in locis repererim, semel in sex mensium puella, ad dextrum testiculum, magnitudine ovi columbini: In plexu choroide parvas item aliquot semel: ad venas in parenchymate Hepatis sæpe: ad arterias raro: quas tamen non lubet appellare hydropes istarum partium, quamvis aqua in iis purulenta vesiculis suis inclusa reperiatur: Attamen nolo de nomine contendere, modo de re constet, & sciatur hanc aquam non ea ratione qua hydrops sanatur, esse curandam. *Th. Kerckringius observ. Anat. 10.*

## S C H O L I A.

**H**YDATIDES ] Earum generationem vasis lymphaticis obstrictis vel occlusis assignat *Olaus Rudbeck* Tractatu de vasis Glandularum serosis, p. 311. Lymphatica autem vasa in brutis vidisse se ait *Excell. Wepferus* Dissertat. de Apoplexia p. 113. in brutis ab uteri cornibus, tenuibus exordiis, in du-

ctus insignes excrecentia, liquorem suum in venas majores hypogastricas, per ligamentum uteri membranofum diffusas, aliquot in locis facile deposuisse, quem frustra digitis versus cornua repellere conabatur, obortis nodulis ob valvulas liquoris regressum remorantes.

§. 22. Herbipoli mulierem hydropicam quadragenaria majorem aperui, quæ ab eo morbo plane liberata per urbem (omnibus qui eam plane hydropicam viderant, mirantibus) sæpe obambulabat. Verum ex parva victus ratione post aliquot menses denuo hydropica facta, summis à me precibus contendebat ut sese rursus aperirem: Ibi tum me renuente & vitæ producendæ speim esse nullam affirmante, nihilominus ipsa in proposito perseverabat, fore sperans ut aqua iterum educta, si non diu vivere, cito tamen & magis placide posset mori, quod sane etiam evenit: Nam post alteram sectionem, ultra sex, ut opinor, dies non vixit: Voti tamen sui compos facta, placide instar lucernæ, & deficiente oleo, est extincta.

In ea Hepar quidem, ut in cæteris hydropicis, uterum vero plane putrefactum inveni: *Ex 1. Posthii observationibus.*

§. 23. Asciticis aquosos humores in cavitare ea contineri quæ inter peritonæum & intestina in confesso est: Colligi vero & illic urinam posse *præcisus ureteribus* G. I. lib. 1. de fac. natur. prolixè docet: Accidit vero & idem vesica læsa ac exulcerata: Monialis quædam virgo, 55. annorum, multo tempore circa inguina & pubem doluit, nullis interim ex utero prodeuntibus excrementis: Supervenit tandem ventris tumor, quo in dies majore facto, neque ullis cedente remediis, mors tandem subsequuta est: Toto autem quo laboravit tempore, facies perpetuo elegantis & vividi, ut in sanitate, perstitit coloris: Sinistri tantummodo cruris, supra talos dolor molestus erat, cum tamen nihil illic mali appareret:

Hujus venter non aquoso humore alio, sed urina plenus extitit, quæ ex læsa & perversa vesica in hunc influxerat. Uterus si quidem omnino exulceratus fuit, ac ita quidem ut ne figuram quidem suam retinuerit: Vesica quoque, qua parte ipsum contingebat, similiter & aliquot foraminibus hians, per quæ urina in ventris cavitatem defusa fuerat: Reliqua viscera, hepar ac lien, omni labe ac vitio carebant, atque idcirco color faciei, ut diximus, haud fuit permutatus: Quod autem ex utero excrementa nulla descenderint, hymen obstitit, qui natura virginibus concrevit, nam hoc integro, nihil ex utero descendere aut deferri posse, vel hiuc apparere potest. *Dodonaus cap. 34. observ. medicin.*

## S C H O L I A.

**I**dem etiam post calculi vesicæ incisionem & è vesica extractionem fieri potest: Si enim vulnus non recte consolidetur, sed cuti cicatrix obducatur,

interno vulnere adhuc hiant, per id urina exit & in abdomine cumulat.

§. 24. Hydrops *universalis* dici potest, totam abdominis implente cavitatem aqua: *Particularis*, qui est vel omentalis vel uterinus: Observavimus ligamento uteri sinistro aqua oppleto abdomen totum ingentem in molem excrevisse. *Rolsinckius Epitomes cognos. & curandi lib. 3. cap. 9.*

## OBSERVATIO LVI.

*Tumor Ventris hydropicus vitio Testium muliebrium, salvo hepate excitatus.*

**P**erique hydropis causam in Jecur referunt; quidam etiam aliorum viscerum ratione genitum fidem fecerunt. Nos, vero exemplo, etiam ex testiculis uteri provenisse, sequenti historia testatur: Vixerat ancilla quædam, proceræ satis staturæ, per plures annos in thermis Carolinis, negotia herilia rite peragens donec menses fluere, His vero ob errores in diata commissos, suppressis, paulatim male habuit, donec tandem ita

Intumesceret venter, ut ratione molis male audiret : Bene autem sibi conscia, cum paucā quædam pharmaca sumpsisset, ac de vita desperasset, ut mortuum corpus secaretur pro innocentiz testimonio petiit.

Secō cadavere, atque emissā plurimā aquæ copia, viscera omnia reperimus salva, præter pulmones, quos ob aquam, quæ diaphragma penetraverat, dimidia ex parte corruptos vidimus, itemque Omentum, uti solet, atque Testes : Hos enim ab utraque parte, non solum tumidos, ad magnitudinem capituli recens nati puelli, sed etiam lividos, quasi fungosos, plenos vesicis aquosis, quæ majori ex parte ruptæ fuerant, tantamque aquæ copiam effuderant, inque foramina atque ulcera degeneraverant, ac plane putridos invenimus : Utero alias ejusque vasis plane illæsis atque incorruptis : *Schenckius ex Joh. Heinsio.*

## S C H O L I A.

**I**Nde facile conclusum fuit ex seminis copiosi (cum virago fuisset annosa) detentione atque corruptione hoc malum prognatum : quodque et-

iam mulieres frequenter testium morbis affici soleant, cum non raro de tumoribus & molestiis internis super inguina conquæri soleant.

## OBSERVATIO LVII.

*Ventris tumor ob molam pluribus annis gestatam. 1. 2. Ob duplicem fœtum & molam. 3. Ob molam ingentem ex plurimis vesicis aqua repletis conflata. 4.*

§. 1. **V**idimus molam molis annorum 15. Erat autem rotunda pedes tres cum do-drante : Eam gestabat mulier abdomine utriforâ, quale est hydropicorum : Ea mortua & dissecta, prodiit Mola vivens & incorrupta, cujus conceptæ & gestatæ in utero per 15. annos hoc argumento adducor, quod mulier esset vitæ integræ & notæ cumprimis pudicitæ : Exegerat autem 15. annos vidua, nam sine coitu coagmentatio non est molæ, quicquid nugentur sophistæ linguarum & naturæ ignari : Hoc fuit iudicium Præceptorum *Hippocr. Arist. & Galeni*, quorum autoritas una me frangeret, nisi eorum ratio plus valeret ad comparandam docilitatem & fidem : Sic enim de mola censuerunt, quod sit rudis indigestaque moles, quam cruditas edit seminis atque corruptio, unde est impedita corporis partiumque discretio & accretio : Nam ea moles in quam assurgit, quæque illi vulgo peperit nomen molæ, accretio quædam est physica sed informi, vivit enim & crescit more tuberum, non autem stirpium, suis partibus convenienter cujusque naturæ discretis absolutarum ; *Duretus comm. ad coacas p. 478.*

§. 2. Molas totos septemdecim annos utero circumtulit uxor *Gulielmi Rogerii* vasorum stanneorum figuli, in S. Victoris vico ; quam quinquagenariam & mortuam cum dissecuissem ; uteri corpus comperi fere solum, & nequaquam hiis quibus solet vinculis adstrictum, tantum cervice sua vinctum, & præterea proximo suo omento subhærentem, unico testiculo dextro præditum, eoque latiore & laxiore : cornua nequaquam, nisi parte illa forte conspicua erant, vasa sola cervice admittebat ; eaque manifesta & rumentia : caput humanum amplum totus æquabat : Hunc à reliquo corpore revulsum in ædes meas detuli, ut per otium quid conclusus totus jam septemdecim annos contineret, oculis, manibus & mente consequerer : Plurimis igitur Medicis præsentibus uterum dissecui, reperique toto corpore suo propriaque tunica ( altera quæ ipsi à peritonæo adest, integra & sana ) scirrhosum durumque adeo, ut in ipsum ferri validis viribus adacti acumen vix subire posset : trium digitorum spissitudinem ejus corpus habebat : In media capacitate carnea moles inventa est, manus ambas in pugnum contractas crassitie æquans, mamma vaccinae similis, uteri parietibus non nisi certis locis adherens, densa valde & inæquali grumosaque substantia, corporibus multis, qualia in atheromatibus reperiri solent, cartilaginibus præterea & tanquam ossibus conspersa : Una omnium sententia fuit, ejusmodi molem initio molam fuisse, quæ temporis successu in scirrhosum corpus una cum propria uteri substantia degenerasset : In media insuper uteri cervice, tumorem notavimus crassitie & rotunditate meleagridis ovo similem, substantia durum, cartilagineum & osseum, totam cervicem occupantem, præsertim vero uteri interioris orificium, quod Gallorum vulgus coronamentum nominat, adeo ut hac nihil in uterum ingredi aut egredi posset : Pendebat omnis illa moles libras novem & uncias duas, quam ego, quod monstri aliquid habere videatur, propter rei novitatem & raritatem in conclavi meo & armamentario reponendam & asservandam duxi. *Pareus lib. 23. cap. 34.*

§. 3. *omissum. Vide in fine hujus Libri III.*

§. 4. Ratum est apud Practicos, molas si solæ sint, sæpe non solum plurimis mensibus, sed

sed & pluribus annis in utero hærere, quibusdam & consensescere, imo commori, semper tamen vitam abscindere, ut mulieres iis laborantes, citius quam si absque iis fuisset, factum esset, intereant: Hujus res veritatem confirmat mulier gregaria, Norton nomine, Dorchestriæ habitans, quadragenaria, quæ molam abdomine utriforâ, hydropicorum instar in utero gestavit, sex plus minus annis, sine ullo incommodo aut periculo, præter molestiam ex pondere perceptam: Hæc circa vitæ finem me vocari jussit, rogavitque ut se à morte, quam in dies se expectare dicebat, sese aperiendam curarem, quo tantæ molis causa innotesceret, cum venter in majorem tumorem, quam gravidis solet, elevatus esset.

Mox à morte sectionem suscepi: Aperto cadavere, nihil culpa dignum inventum, præter ingentem Molam rotundam, ex pluribus vesicis, juglandis magnitudine compositam, quæ admodum erant crassæ & tenaces, aqua repletæ, obductæ & intertextæ multis fibrosis ligamentis: Adnata vero erat utero, ut cultello minime separari potuerit, 15. fere libras ponderans: Recte itaque Hippocr. 1. de morb. mul. Si mola una caro fiat, inquit, perit mulier: Quod si enim in universum in se coacta integra maneat, cum natura eam ob molem propellere nequeat, fieri nequit ut servetur ægra. Frid. Lofius observat. 16. lib. 4.

## OBSERVATIO LVIII.

*Ventris tumor gravidatis suspicionem exhibens, à feri copia abdomen replentis, Vtero valde magno, pleno humore crasso, &c.*

**A**lgustis. Imperatrix M. omnia signa vera gestationis tribus fere annis ante obitum habuit, ita ut omnes doctissimos Medicos, & expertissimas mulieres deceiverint usque ad nonum mensem, cum motus non ita fortis, ut par esse videbatur, desideraretur, & lac in mammillis, quibus de causis post decimum exactum mensem, licet optima si qua alias frueretur valetudine, ad sanguinis missionem (ipsa quidem invitissima, cum omnino crederet se gestare) & ad alia oportuna remedia devenit sit, sicut & reliquo tempore cum doloribus ventris per plures dies torqueretur, & aliis symptomatibus, quibus pro necessitate varia medicamenta fuerunt præscripta usque fere ad secundum annum, quo tempore à plurimis communicatis consiliis, ad fortiora medicamenta pro mali expulsionem properavimus: Demum Serenis. Augusta, jam ab anno ante obitum satis manifestam corporis maciem, excepto ventre, percepit, cum alias esset satis pinguis: Post istam corporis maciem, & pulcherrimæ formæ jacturam, frequentibus leiporhymis laboravit, ventris doloribus, uteri affectibus, gravitate circa pubem, mensium suppressione, stomachi torsionibus & cardialgia, convulsionibus plerumque & aliis symptomatibus fuit sæpe correpta, una cum vomitu frequentiore materiæ phlegmaticæ & biliosæ, & hujus per unum aut alterum mensem ante obitum, post magna animi deliqua, post magnum stomachi ardorem & inextinguibilem sitim, per vomitum ad libras fere 15. pluribus vicibus fuisse rejectas referunt: mensium suppressionem passa diu fuit:

Hujus defunctæ aperto thorace, Pulmones reperti flaccidi & semiputridi, ac sanguine atro referti: In cordis ventriculo dextro repertum fuit corpus glandulosum separatum omnino à circumstante substantia cordis, oblongum ad ovi columbini longioris crassitiem, foris obductum pinguedine, intus vero continebatur sua membrana, glandulosa substantia alba satis & mollis: reliquam capacitatem ventriculorum occupabat sanguis ater concretus ad uncias quatuor: Septum transversum sublividum erat & quasi totum corrosum: Fellis vesicula satis magna erat, cum multa bile & duobus lapillis duræ ac tartareæ substantiæ, qui casu confracti splendebant; unus superabat magnitudinem ciceris, alter æquabat: Hepar erat satis magnum, coloris subrubri, aut potius livescentis: Lien erat satis magnus, sed substantia naturalis erat: per ejus vero longitudinem substernebatur vesicula plena humore flavo, crasso: Intestina naturaliter se habebant, sed mesenterium fere totum computrescens viscebatur, Et quasi sacculus cum longo collo utero incumbens, oppletus magna copia phlegmatis crassissimi, lividi, non valde fortentis, quod etiam totam regionem hepatis & latus dextrum offarciebat: Cavitas autem abdominis erat etiam oppleta humore ichoroso, flavo, qui una cum suprascripto phlegmate ascendit ab lib. 24. Uterus vero erat valde magnus, plenus humore crassissimo, albo: circa ejus latera & corpus, substantia ejus adhærebant quinque corpora satis magna, ex substantia quadam mucosa, nervaceam materiam referente, valde concreta & satis solida, ita ut complicationes nervorum viderentur habere: In uteri vero capacitatem, inter dictam materiam & humorem crassissimum innatabat, ut ita dicam, quædam substantia alba nerveam materiam albam



referens & similis supra dictis quinque corporibus. Superabat autem valde magnitudinem ovi anserini licet magni: Infra umbilicum pinguedo aderat satis conveniens, sed in reliquo abdomine nulla fere, & macies satis insignis apparebat in brachiis & reliquis partibus superioribus, licet femora & subjectæ partes essent carnosæ: *Crucius de Quæstis cent. 1. p. 29*

## S C H O L I A.

**E**X præmissa historia, aut observatione eorum quæ intra corpus reperta sunt, non difficulter colligi potest species morbi de quo ambigitur, ita ut dicendum sit S. A. hydrope Ascite & diu laborasse, & denique obiisse: Imo præter communem & viris & feminis hydropem, abdominis regionem & cavæ ventris loca occupantem, non abs re etiam erit de uterino suspicari: Tumor siquidem adeo insignis totius ventris, & uteri effatu digna magnitudo in muliere quæ nunquam concepit aut peperit, cum tamen aliæ corporis partes superiores emaciatae admodum forent, Et ichorosa ac puitosa excrementa illis in partibus abunde adeo adinventæ, rem prout se habuerit manifeste significant: Quibus quidem morbis occasionem dedisse arbitrarium est mensium suppressionem, quam passa diu fuit, & multorum variorumque ciborum utrumque immoderatum, à quibus crudorum succorum proventus & cumulus, cum in utero tum in epigastrio toto, & præsertim in epiploo, seu duplicato illo peritonæo coacervari facile potuit, quemadmodum & in venoso genere coactæ Jecore, unde tractu temporis spirituum una & calorem vitalem labefactavit ac extinxit: Ita namque dicebat *Galenus* 4. de prælag. ex puls. 9. solitas expurgationes cohibitas aquam intercutem patere: Et *Aetius* inter ea quæ uteri hydropem excitare possunt, diuturnam mensium suppressionem, impeditamque prægnationem principem locum habere testatur; Et prior *Hippocr.* 1. de morbor. mul. Hic morbus, inquit, ex abortu fit, sed etiam ex aliis causis, cum menses fuerint occultari:

*Hepar coloris subrubri* ] Quæri potest cum Hepar ejus coloris vitium sit, & in substantia sanum apparuerit, an hydrope laborare potuerit ac ex eo interire? Quia dum statuitur ex colore & substantia jecur unde quaque sanum fuisse adinventum, & ex altera parte ex abundantia ichorosa materie, quæ inter intestina & peritonæum stabulatur, hydropticam illam fuisse, confirmatur opinio asserentium citra Hepatis læsionem interdum hydropem generari: Resp. Dictum fuisse Hepar fuisse coloris subrubri aut potius livescens, quod videtur hydropis originem ex refrigerato Jecore magis magisque confirmare: Lividus enim color frigoris soboles est auctore *Gal.* 1. de crisib. 12. juxta quam rationem idem 3. de sympt. caus. 2. scripsit sanguinem nigrescere à frigiditate, quod ad partes quoque redigi posse nemo dubitabit: Sed quomodo à frigiditate colores lividus & niger? An quia partes diaphanæ & luminosæ quæ in æthereis igneisve spiritibus insunt, vi frigoris exprimentur, ut inde emergat opacitas? unde tumina cum ratione dicitur Jecur S. A. cum ad lividum vergeret colorem, frigidi non calidi fuisse temperamenti, cum præsertim dicatur in historia anatomica à copioso phlegmate frigido ossatæ fuisse, dum sc. sacculus ille oppletus magna copia phlegmatis crassissimi dextrum latus occuparet: In solo quidem uteri hydrope, qui nimirum ex propria ipsius uteri intemperie frigida sit genitus, quique adhuc vim suam in Jecur transfundere minime incepit, neque ego negaverim & Jecur ipsum & reliqua viscera omnia ab omni labe intacta posse inveniri, quoniam & hoc proditum à *Vesalio* lib. 5. cap. 9. & *Columbo* lib. 15.

Cum igitur in S. A. præter uterinum hydropem, & ego exitinio, abdominis quoque hydrops adesset, verisimile sit Jecur in ea fuisse ex frigida dyscrasia ita labefactatum, ut livido etiam potuerit inde prædictum esse colore, quippe cujus nativus calor, ad quem spectat hæmatosis, jam quasi foret extinctus. Dum autem magnum notatur fuisse Jecur ejus, excludi videtur suspicio generationis hydropis ab illa causa quam ponit *Avicenna*, quæ Jecoris parvitas est, qua etiam pro vera supposita, ratio hæc posset excogitari, quia scil. in parvo Jecore alimentum inculcatur & ægre conficitur, ut hinc tandem nativus ejus calor refrigeretur & extinguatur.

*Omnia signa vera gestationis.* ] Quæsitum an quod utero gereret temere à quibusdam crederetur? Aderant inter Cæsareæ aulae Medicos qui non de morbo aliquo cogitarent, sed de prægnatione libere & constanter pronuntiarent. Propterea aliqua ratione permovebantur qui de vera conceptione aliquandiu crediderunt, ex mensium suppressione, tumore abdominis, qui non ita facile ab uteri tumore discernitur, & habitu corporis alioquin ab initio valde probato ac sano apparente; facilis enim est ad hanc illusionem transitus ob accidentium analogiam: Ideo scriptores multum laborant in signis, per quæ legitimum fœtum à concepta aqua distinguere valeant, nec raro aberrare hic contingit tum medicos tum mulieres, Aliquando enim quædam putantur gravidæ, quæ tempore progrediente vel fiat, vel aquam, vel quid simile concepisse deprehenduntur: Ex contra vitæ sunt haud unæ mulieres, quæ minime gravidæ, sed aliquo uteri morbo laborare judicabantur, quæ tamen verum, naturalem ac vitalem fœtum ediderunt, Hic non silebo quæ Venetiis vidi in Clara Muliere D. Helena de Mocenicis, quam quotidie invilebant Medici *Fr. Stabilis*, & *Ben. Flanginus*, in illa urbe magni nominis, eamque tanquam Tympanicide correptam curabant: Dum enim post alia incallum tentata præsidia, jamque septimus ageretur mensis, derepente suborti sunt dolores, noctuque fœmellam peperit: Mane vero redeuntibus Medicis dum lecto proxime accedunt, Mater sindone remota, Ecce, inquit, hydrops, Ecce status mei ventris pro quibus me quasi interfecistis. Sed quid mirum in tam ambigua ancipitique materia aberrasse Medicos, cum scribat *Hippocr.* Epid. 4. Uxorem Antigenis ignorasse an prægnans esset, velut Himenen errorem quæ ex suppressis mensibus intenta habebat hypochondria? Ita in propriis uxoribus decepti magnus ille Avenzoar & Doct. M. de Gradibus.

*Substantia uteri adharebant quinque corpora* ] Non mirum si in S. A. utero male affecto, frigidis & mucosis humoribus referto, neicio quæ corpora alba fuerint reperta, quæ quidem crediderim ego sobolem esse puitosæ lentæque materie ibidem concreta: cujus fortasse naturæ erat etiam corpus illud glandulosum vocatum, in sinu cordis adinventum. *Thomas Mingonius*, Medicus Cæsareus, corpora illa molas esse arbitrabatur, per coagulationem à frigido factas: In quibus non desiderari formam carnis perfecte probabat ex *Lennio* l. 1. c. 8. de Nat. miraculis, asserente molas esse rudem informemque massam atque inlaborem.

OBSERV.

## OBSERVATIO LIX.

*Ventris tumor & durities, scirrhum mentita, ob fœtum utero conceptum.*

**L**udovica Pouppard, cum ob quartanam menstrua suppressa esse (quod sæpe usu venire solet) crederet, tamen conceperat; Verum cum se gravidam non suspicaretur, usa medicamentis, venæ sectione & topicis, quibus tam in febre quartana, quàm in hepatis & splenis duritie (hujus morbi symptomatis) Medici uti consuevere: Durities autem hæc licet esset ob fœtum in utero contentum (quod non agnoscebatur, tamen scirrhus censebatur, aut alia colluvies quæ ex purata symptomatica menstruorum suppressione esset orta: Tandem fœtu mortuo, mollioribusque ipsius partibus putrefactis, nec ullis ipsius partus signis conspicuis, ossa tractu temporis denudata fuere, & uterum posteriora versus circa regionem recti intestini perforarunt, ita ut sensim per alvum, una cum excrementis ossa fuerint excreta, & inter cætera os tibiæ integrum fuit rejectum: Cum ita diu cum morbo fuisset conflictata, interiit.

Hujus corpus apertum fuit per Fl. Philippam & Mich. Pichardum, à quibus nil nisi ossa putrida, & præcipue capitis ossa fuere inventa, idque magna cum admiratione, quomodo in hoc cœno uteri putrefacti subsistere potuerint: Videtur sane mulierem, quoad hunc affectum, gastrotomia curari potuisse, si tempestive malum cognitum fuisset, hocque auxilium foret usitatum & cum indicio adhibitum. *Franc. Rousselus de Partu Casareo sect. 4. cap. 2.*

## S C H O L I A.

De partu Casareo an tentandus, vide inter plurimos J. van Horne *Microtech. Sect. 2. part. 1. §. 30.*

## OBSERVATIO LX.

*Ventris tumor Asciticus, cum Testiculi dextri, (in muliere) pilis infarcti miro incremento.*

**§. 1.** **H**ydropicam hic in Xenodochio aliquoties invisi, cujus venter post puerperium in tantam magnitudinem excreverat, ut an unquam similis visus sit, dubitem: Circumferentia enim ducto per medium umbilici filo, continebat pedes Geometricos quinque: Miseram aliquandiu in hoc statu vixit vitam; Tandem triduo ante obitum rupto umbilico, ultra 18. Basilienses mensuras aquæ effluxit.

Cum debitum naturæ persolvisset, & cadaver apertum fuisset, iterum aquæ ultra mensuras 20. effluxit: Præterea dexter Testiculus ad ovi anserini magnitudinem adauctus, pilis (materiæ cuidam purulentæ, oleaginosæ & albæ commixtis) infarctus fuit repertus, major autem pars pilorum confusa, & quasi in globum acta, prædictæ materiæ erat immersa: Multi quoque interiori membranæ tenaciter inhærebant. *Fabritius Hildanus cent. 5. observ. 48. Gregor. Horstius Tom. 2. lib. 4. observ. 53.*

**§. 2.** Vasa spermatica in fœminis graviter aliquando obstruuntur: ut una cum Testibus ad pugni magnitudinem intumescant. *P. Barbette Anat. Pract. p. 4. c. 2.*

## OBSERVATIO LXI.

*Ventris Tumor à ligamento uteri superiori tumido sero.*

**F**œmina rustica ingenti abdominis tumore corripiebatur, propenso aqualiculus sesquipedem extabat in ingentem molem: Munia familiaria obibat, licet ægre: Appetitus integer, menses triennii integri decursu substituerant: Re tota naturæ commissa providentiæ, tandem subito extincta.

Jussu & in præsentia illustrium personarum aperto cadavere, ligamentum sinistrum superius sero tumidum totam occupabat cavitatem: Ventriculus, Jecur, Lien bene habere videbantur, Uterus exilis: Aperto tumore, aqueum liquamen maxima in copia effluebat: *Rolfinckius cap. 20. de organo Generationis. Vide §. 24. observ. 55.*

## OBSERVATIO LXII.

*Ventris Tumor à mole insigni, Omento adnata & vasis spermaticis, ac Vteri tuba dextra ex multifariis partibus contexta.*

**A**nno 1675. 18. Dec. eadaver Puellæ 14. circiter annorum, cui nomen Magd. Croesen, cultro nostro exposuit Vir Celeb. D. *Vischerus*: Ante menses 18. incepit laborare ventris intumescencia, sensum in initio, ast ultimis mensibus subito augmentata:

Decubuerat ante annos decem periculose, ad septimanas 13. per aliquot dies vocem nullam edens:

Aperto ventre offerebat se omentum, ante undique molei cuidam insigni totum ventrem occupanti, superius connatum, vasis insignibus mire scatens: Omento hoc dissecto, molem illam, mobilem omnino è corpore auferre annitebamur, ast obstitit artissima ejus copula parte inferiore cum vasis spermaticis, uterique Tuba dextra: His vero dissectis eam integram tabulæ imponere licebat; Tuba hæc loco illo toto qui inter fundum uteri & molem hanc interjectus, octo ad minimum digitorum transversorum longitudinem habens, exilis valde, vix straminis crassitiem habens, angustior multo sinistra, cui Testiculus adsitus bonæ notæ, qui in hoc latere affecto desiderabatur: Molem hanc dissectam ex plurimis colore, figura, consistentia, toto genere diversis particulis, majoribus minoribus compositam inveniebamus: *Vesicula* hic aderant multæ, quarum quædam materiam continebant aqueam, claram, tenuem; aliæ subrubram, viscidam, glutinosam, Concretæ variz quasi parenchymaticæ, quarum tamen plurimis cartilagineæ aliæ permixtæ: Cavitates aderant innumeræ, substantiæ cartilaginose insculptæ, quæ apertæ pinguem quandoque, medullarem, cerebro simillimam materiam exhibebant: Nonnullæ lacti coagulato, modo consistenti modo granuloso admodum, modo instar stercoris gallinacei albidioris, fluxili omnino: At quod omnium admirationem movebat, summa erat variis locis durities, non cartilaginea, sed omnino ossæa, adeo ut ne cultro quidem dividi potuerit: Nec tantum substantia hæc per totam massam dispersa, sic ut variis locis particula talis se exhiberet, verum continuata occurrebat non uno loco, imprimis circa posteriorem molis partem, imo offerebant se particule variz, in quibus diversis locis pilorum, sæpius sat longorum, notabilis copia: Vasa totam massam curioso spectaculo pererrabant, partim ab Omenti vasis, partim ab iis quæ Testis sunt, procedentia, Hepar ubique lateri dorsoque filamentorum ope adhærebat, inferiore sui parte tumefactum ac suppuratum: Lien, Ventriculus, Renes, Vesica bene se habebant.

## S C H O L I A.

**A**D quod morbi gentis moles hæc reduci debeat, non scio quis determinare audeat: Abscessum eam haberi posse, & quidem talem quales *Atheromata* appellari constat, mihi persuadeo: Varietas substantiæ suam magnum ad hoc argumentum: Totalis hic dextri testiculi in alienam substantiam degeneratio, cum incremento aucto: Foris morbi illius gravissimi, quo ante decennium laboravit virgo hæc, critica potuit adfuisse materiæ peccantis ad Testem hunc translatio, vel debilitas quædam alia, à violentia externa, aut sanguinis ipsius affluxu, vitiaz ejusmodi dispositioni occasionem præbuit, illo maxime tempore, quo & seminalis materiz productionem, & menstrui evacuationem superfluum virginibus gravem asserre alterationem reperimus: Imo quid impedit quominus dicamus corruptæ substantiæ testiculi, à causa nobis ignota, sanguinem per spermatica æque ac epiploica vasa copiosius juxta accedentem, augmentum successu temporis attulisse, similiter ac in abcessibus ejus constitutionis aliis in habitu corporis quandoque se exhibentibus, haud raro notamus nonnisi per uni-

cum sæpius vas sanguineum, insigniter, & nonnunquam, valde celeriter eos augmentum sumere? Quod autem miræ hic sese exhibuerint formæ, nostrum haud est exponere, Philosophis hæc committimus: Varias, uno diversissimas in sanguinea massa contineri particulas, *Chimia*, inter alia, satis demonstrat; ex quibus diversimode à calore proportionato commotis, separatis, unitis, diversa produci posse corpora probabile valde: In naturali hoc obtinet universi corporis nutritione auctioneve, obtinet & in præternaturali: Et quod si in testiculis variis corporis partibus producendis materiam accommodatam hære, adeoque & in hoc nostro vitato hæsisse diceremus: nunquid in tuba uterina & fœtus & molas reperierunt *Anatomici*? Mola ex Testis materia, ovum sive dixeris sive semen: quod si in Tuba generari queat, cur non etiam extra eam, modo ab accessu quodam extraordinario causæ cujusdam eam varie disponere valentis, qualis vel sanguis ipse extraordinariam mutationem sustinere cogatur?

*Gerardus Blasius observat.*  
med. 9.

## OBSERVATIO LXIII.

*Hydrops à defectu caloris nativi inductus.*

**D**Issecabatur in Nosocomio Leydensi corpus vetulæ annos 70. natæ, quam Aqua Intercutem jugulaverat: Magna copia aquæ flavescens ex abdomine intra peritonæum ejecta est: Hepar non tam putridum, sicut alias notatum, neque scirrhum, sed parenchymate flaccido: Lien à naturali quoque non multum recesserat, minor tamen, forsan ætate contractus: Omentum fere consumptum: Existimabat sector Chirurgus, præsentibus D. *Screevelio* nobisque, hydropem istum ob defectum potius nativi caloris in corpore senili inductum, quam à læsione vel Hepatis vel Lienis, vel aliorum viscerum. *Bartholinus hist. 83. cent. 3. Vide observat. 31.*

OBSERV.



## OBSERVATIO LXIV.

*Hydropicus ventris tumor à nimio potu inductus.*

**I**N cadavere mulieris anno 1625. in valetudinario mortuæ, nullius visceris aderat vitium: Solus humor serosus à nimio potu mali causa deprehendebatur, quem largius ingesserat ob insignem æstum ab ulcere ventriculi, cujus fundus cum pyloro erat exulceratus. *I. Rhodius cent. 3. observat. 4.*

## S C H O L I A.

**A** Nimio potu] Patet nobis jam oculatioribus cur Hydrops interdum hausto potu statim distendat ventrem: quod in amico meo intimo non ita pridem observavi, nempe ob peritonæi tunicam, cui glandulæ lacteæ immerse latent, impletam: Nec difficile explicatu est quomodo per diuretica Hydrops sæpe terminetur, perque urinas solvatur. *Thomas Bartholinus de Lactæ Thoracis cap. 9. §. 7.*

Nullius visceris vitium] Ab errore scil. externo; Et cum mature aquis exitus paratur, antequam ex earum mora & corruptione labem viscera concipiant:

Vix inter Medicos aliquem reperias (*ait Parisiensis quidam Doctor*) cui non contigerit hydropicum aliquod cadaver eviscerare: Integrum est in multis hepar ex omni parte, quibus est exortus hydrops ex aquoso liene, saltem principio pathematis hujus generationis: At temporis progressu staccet id quidem, marcescitque & attenuatur fluctuatione & inundatione aquarum: *hæc ille*: En hydrops lethalis, inventum in mortuis integrum Hepar, nec non Lien; in aliis læsum quidem sed ab hydrope; ut hepatis vitium effectus fuerit, non causa hydropis.

## OBSERVATIO LXV.

*Peritonæi tunica in Hydropicis mire aliquando crassescunt & indurantur.*

**I**N Hydropicis peritonæi tunicæ valde incrassescunt, imo successu temporis cartilagineam duritiem acquirunt, quod in paracentesi abdominis scire necessarium est. *P. Barbette lib. 4. Anat. Pract. lib. 4. part. 3. cap. 2.*

## OBSERVATIO LXVI.

*Hydropici ventriculus admodum angustus, quia jamdiu non comederat.*

**A**Nte octiduum, in pago Sassen, cadaver Hydropicæ septuagenariæ, jussu Præ Nob. D. nostri Præfecti, à Chirurgo, me præsentem, fuit apertum, Illa vivens credebatur Serpentem, aut aliud quoddam animal, in se latere, sed præter ingentem aquæ copiam, tam in abdomine quam thorace contentam, & viscera qualia hydropici habere solent: ventriculus tamen huic contractus seu coarctatus, ut magnitudo ejus magnitudinem renem non excederet: Nullam fere habuit cavitatem, & substantia ejus fuit admodum crassa, sed diu nihil comederat: *Ioh. Butzius in misc. cur. ann. 6. & 7. p. 318.*

## OBSERVATIO LXVII.

*In Hydropicis quibusdam pericardium cordi adherens inventum.*

**A**D hæc pericardii corpori ipsius cordis, hujus palpitationem induxit, quod in duobus hydropicis observatum. *Ballonius Tomo 1. Consul. 109.*

## OBSERVATIO LXVIII.

*Anatome Hydropicæ mulieris, in qua principium venæ cavæ descendens arcte coaluerat.*

**A**Nno 1625. in cadavere mulieris hydropicæ, principium venæ cavæ descendens arctissime coaluerat, ut ne specillum quidem admitteret: haud dubie ab exulceratione à vermibus in ramo Iliaco repertis excitata. *Ioh. Rhodius Mantissa observ. 21.*

## OBSERVATIO LXIX.

*Hydropici cadaver sine Hepate & Liene inventum.*

**A**Nno 1594. 11. Septembris obiit D. *Matthias Ortelius* Mercator Antuerpiensis: Aliquot annis antea hydrope laboraverat, qui morbus affectus Hepatis vel primario, vel secundo necessario consequitur: Cumque sub septo transverso Hepar & Lienem quæremus, ne vestigium quidem illarum partium invenimus: Casus profecto inauditus & admirabilis: At substantia omnium intestinorum carnosæ prorsus erat, multo solidior quam ipsa musculorum caro, ut soliditate cordis carni fere responderet: Et vena cava ex ipsis intestinis suam originem sumebat, Eo fere modo quo vena Porta in ipsis intestinis solet implantari. *Casspar Bauhinus in appendice ad tractatum Franc. Roseti de Partu casareo.*

## S C H O L I A.

**V**ulgata *Orielii* sectio, quæ multorum torfit ingenia, pluribusque imposuit, si ad trutinam esset revocanda, vel saltem levibus conjecturis daretur locus, utique pateret non defuisse jecur, & hoc in oppertiori forte situ locatum extitisse, ut secreta bilis in intestinum derivaretur: in hoc enim intestina carnosâ observata fuere; ita forte dicta ab observatore, ob substantiæ modum consimilem carni, &

rubrum colorem, cum etiam solidiora & compactiora musculorum carne deprehensa sint: Oblongæ itaque glandulæ, circa intestina accubantis, eadem nobis exhibet speciem, nec vasorum inde enata propago conjecturam destruit: Cava enim vena à carnosâ hujusmodi intestinis emergebat. *M.*

*Malpighius Sect. 1. de struct. viscerum cap. 8.*

## OBSERVATIO LXX.

*Anatome hydropicæ sine Jecore, Liene, Renibus inventæ, cum mola insigni in Vtero.*

**A**Nno 1601. mulierem aperui, cui abdomen ita inturguerat ut tres haberet in ambitu ulnas: Aperto abdomine effuderunt se 56. aquæ pintæ: Omentum totum consumptum; Jecoris, Lienis, Renum (dictu mirum, verum tamen) ne vestigia quidem: Diaphragma multis locis exesum ac consumptum: Uterus in eam molem elatus conspiciebatur ut in ambitu sesqui ulnam haberet: Apertus, conspiciebatur intus mola, ex multis duris, scirrhis condylomatibus constans, quæ multis locis in pus mutata erant: Color molæ erat albus, adenosam substantiam in scirrhum versam dixisses: *P. Pawius obs. 39.*

## OBSERVATIO LXXI.

*Hydropici Jecur totum consumptum, Lien, Renes, &c.*

**A**Nno 1602. hydropicæ fœminæ ventrem aperui, è quo aquæ crassæ & amuræ similis pintæ se effuderunt 36. Jecur huic totum consumptum, venosis solummodo ductibus iisque perpauis superstitibus: Consumptus Lien, Renes; Ventriculus prassina, viridi bile plenus: Diaphragma aliquot locis sphacelo correptum: Uterus molam intus habebat, quæ in materiam melli similem conversa erat, effundebatque se simul ac uterus pertunderetur: fœmina 34. annorum hæc erat. *P. Pawius observ. 31.*

## OBSERVATIO LXXII.

*Ventris tumor ab aquæ ingenti copia, viscera adeo compellente, ut nec Cordis nec Pulmonum appareret vestigium.*

**§. 1.** **S**Ecui aliquando hydropicum, cuius venter continebat plusquam trecentas libras aquæ: Secto corpore, neque Cordis neque Pulmonum ulla apparebant vestigia: nam aquæ copia ipsum diaphragma cum pulmonibus compresserat ad jugulum: Ventriculus quoque ipse mirandum in modum compressus & angustatus reperiebatur. *H. Saxonia Panthei lib. 4. cap. 27.*

**§. 2.** Pro copia aquæ illic collectæ venter plus minus tumet, & aliquando adeo impletur ut in vastam molem tollatur; in quo libras 60. & plures pendentem aquæ copiam adhuc residuam, etsi multum per pedes fluxisset, sectione in mortuis deprehendimus: Quæ aqua non solum pondere gravat, sed & septum premens, illique incumbens, & motum liberum impediens, dyspnœam eam parit adeo molestant, ac maxime cum decumbunt angentem, quod aqua tunc versus septum magis tendens, magis illud gravet, unde liberius erecto corpore, aqua tunc deorsum ab eo prolabente, spirant. *Platerus Prax. lib. 3. cap. 3. p. 212.*

## OBSERVATIO LXXIII.

*Anatome canis toto corpore tumidi post infusum in venas oleum Tartari, In cuius venis sanguis solito fluidior repertus est.*

**I**Nfusum fuit in Canis venas oleum sulphuris, eo incolumi, etsi sæpius facta infusio: Vulnere occluso & cane dimisso, cubiculi angulos percucurrit, repertisque ossibus, avidissime illa erodebat, quasi ab eo liquore appetitus excitatus fuisset: Absimili eventu oleum Tartari in alterius canis venas inditum fuit: nam prægressa insigni & diuturna anxietate, antequam expiraret toto corpore admodum tumido, actus est.

Eo dissecto, sanguis, quod mirum, non concreverat, quin potius fluxilior & rubicundior solito apparuit, Unde constat sanguinis fluxilitatem nimiam, acque ac ejus concretionem mortem inducere posse. *Ex Ephemer. Gallicæ anni 1667. mens. Augusti 28. Observatio Dom. Fracassati.*

## OBSERVATIO LXXIV.

*Barborygmi & coaxantium ranarum species, ab impedito libero flatuum per intestina excursu, Et Ventris Tumor à mirabili ejus pinguedine.*

**P**etrus Scharff, post exantlatos cruciatuum labores varios diem obiit fatalem: Defuncti corpus calendis Martii anno 1659. aperitur: Ad sectionem invitatus ego, abdomen in insignem magnitudinem elevatum vidi: hydropem primo aspectu mentiri videbatur, sed durities insolita, ante & post fata ultima, opinionem delere jussit: Exsucca omnia totius præter abdomen membra, succum ad id deposuisse videbantur omnem, tantus obsederat partes illas & faciem, quam Hippocraticam jure dixisses, marcor & atrophiam: Umbilicus ad duorum transversorum digitorum latitudinem elevatus, thaleri circumferentiam habebat, cuticula, quam exsudans semper in vivente pars serosior depascere & visa est, destitutus: Secta abdominis cute, pinguedo sub ea occurrit, quatuor in umbilicali regione transversorum digitorum latitudinem æquans: trium illa fuit qua Lien obvolvatur, inæqualiter tamen, ut media portio digito uno transverso minor fuerit: Renes, ut solent, copiosæ pinguedini pariter erant immersi, sed quod aspectum merebatur, omnia intestina particulis pinguibus, hinc inde multis, pisorum ac lentium magnitudinem jam majorem, jam minorem referentibus, conspersa videbantur: In dextro cordis ventriculo particula adiposa, magnitudinem articuli unius digiti exprimens reperiebatur, qualem *Bambinus* etiam sæpe inibi se observasse l. 2. anat. c. 20. scribit: Diaphragma solito durius fuit & crassius: Pulmo in latere pleura, Hepar costis nothis, & Intestina ossibus ilium erant affixa: Hinc Pulmo libertate in expirando destitutus, spirandi quadam difficultate fuerat pressus: Flatus vero in intestinis debitum excurrendi spatium non invenientes, sonum modo sonitui, modo ranarum coaxantium clamori similem, per integrum lustrum ediderant, ut non modo fossor ipse, sed & adstantes latitantium intrus ranarum suspicionem conceperint, cujus solius gratia magnus sectione cadaveris numerus incolarum circumstetit occupatos. *Ioh. Michael Fehr. observ. 28. miscell. cur. anni 14.*

## S C H O L I A.

**I**nquirenti mihi in dietam qua defunctus olim fuerat usus, lac potissimum maritum comedisse & bibisse, vinum & cerevisiam non curasse, respondit vidua: lactis solius eum & usu se refocillari dixerat; Luxuriantis & errantis hoc est naturæ exemplum, quæ pinguiorem alimenti partem soli abdomini concedidit, reliquis vero partibus denegavit: Neque largiori lactis usui id erit simpliciter attribuendum;

cum nutritiam in lacte vim inclutus Medicorum Senatus, nostro præsertim tempore commender, & non tantum singulares homines, sed & multos populos *γυναικώδες* esse constet: Sed in nostro subiecto natura partium externarum, & sic sui quasi oblita, in toto abdomine nutritiam lactis virtutem sibi appropriavit.

*Idem.*

## OBSERVATIO LXXV.

*Renunicus observatus in iis quibus venter prominulus & vitiatus costarum ductus.*

**M**irum est quod *Vesalius* lib. 5. cap. 10. scribit se observasse in habentibus ventrem impenso prominulum, & vitiatum costarum ductum, unicum interdum Renem in medio positum inveniri. *Blasius Appendicis ad Bellini Tractatum de Renibus p. m. 124.*

## OBSERVATIO LXXVI.

*Ventris inferioris gracilitas, cum intumescencia superioris, ob delatam, post vulnus, ventriculi partem & intestinorum in thoracem.*

**M**iliti gladius paululum infra cartilaginem xiphoidem intruditur, succedunt syncope; dyspœa, singultus, Inferior venter circa pubem gracilescit: supra umbilicum & circa thoracem intumescunt partes: Ventriculi orificium & pars sinistra ejus, cum portione duodeni & coli, ad thoracem per vulnus delatum: *Vide lib. 4. tit. de Vulneribus.*



## ANATOMIÆ PRACTICÆ

## LIBRI TERTII

## SECTIO XXII.

## De Lumborum dolore, Nephritide, Calculo Renum.

## OBSERVATIO I.

*Renum dolor Calculis obfessorum, ureterum capita subeuntibus.*

ANN O 1675. mense Decembri fere extremo, Vir quidam Reverend. nephriticis doloribus interemptus, anno ætatis quasi quinquagesimo vita Uratis-laviæ defungebatur, quantumvis *ευταρα* ac sanæ alias constitutionis, quod imprimis in exenteratione comparuit.

Nam abdomen 1<sup>o</sup>. pinguedine duos digitos transversos, vel amplius crassa obductum erat, & deinde viscera naturalia omnia optime constituta visebantur, solos renes & vesiculam felleam, potius contentorum vitio quam suo, morbosos dicere oportebat, Vesicula enim fellea non solum lentissimam bilem, quæque satis largo spatio se distendere patiebatur, nec multam, sed & insuper lapillos puniceos, prominentiis quibusdam inæquales, rubrisque maculis, necnon luteis quibusdam parvis conspersos continebat: Dicti lapilli aliis parvis, minorum pisorum magnitudine, & plurimis arenulis stipati erant: Ren dexter calculum luteum fovebat, cuius cuspis in ureterem se insinuaverat: reliquæ duæ sic parenchymati infixæ utrinque erant, ut transitum & exclusionem omnino prohiberent: Calculus in rene sinistro latitabat, juxta cum plurimo sabulo, cujus pars initium ureteris pene obstruxerat, Lapillus denique in vesica jam deturbatus inveniebatur: Ureteres ampli admodum & solito carnosiores erant: In causam hujus, in corpore tam bene constituto, *λθονισιας* inquirentibus, imprimis vinum nimis tartareum, quo Rever. familiariter, quanquam non excessive utebatur, inculpandum esse probabile visum est. *Henricus Wollgnad in miscell. curiosis anni 4. obs. 169.*

## S C H O L I A.

**I**N causam *λθονισιας* ] Existant in corporibus nostris fodinæ, non illæ quidem ad ædificandum instructæ, sed potius ad diruendam totius corporis fabricam: Nulla est corporis nostri pars, in qua lapides generari nequeant: Generantur in capite, in lingua, in corde, ventriculo, jecore, vesica biliaria, liene, intestinis, mesenterio, & utero: At per antonomasiam & *ατ' ὅρων* calculi cum dicuntur, in renibus aut vesica generati intelliguntur, quia in his partibus frequentius generantur: Si vesicam calculus oblideat, dicitur affectus *λθονισιας*: si vero renes calculo laborent, *νεφρις* appellatur: Calculum definimus quod sit corpus solidum & durum, ex humore terrest. i & salio, in renibus potissimum & vesica stupore affectis, in lapidis formam concretum, obstructions & distensiones interens: Causam materiale (re-jecta veterum opinione, de calore materiam crassam & viscidam exsiccante, indurante & in lapidem convertente) statuo succum lapidescentem, i. e. terrestrem materiam juxta proportionem sali mistam, effici-entem veto spiritum lapidificum succo illi insitum: Succum hunc lapidescentem, qui in omni passim terra invenitur, cum alimento attrahimus: Si itaque vel ob *καθυστία*, vel excreticis facultatis debilitatem, vel ob ejus succi in alimento copiam, omnis in ventriculo secerni & inde expelli non possit, per du-

ctum thoracicum una cum chylo transit in cor, inde cum sanguine in aortam delatus, per arteriam tandem emurgentem pellitur in renes, ubi in minutissimis arteriæ ramulis extremis, aut carne iis proxima hæret, ibidemque continuo sanguinis appulsu rotatus, arenularum formam paulatim induit: quod si renum sensus scabritie earum irritatus, stimulum sentiat, expellit ocyus cum seroso humore arenulas: at quibus flaccidi renes, sensusque obtusi, in iis & generantur arenulæ, & retinentur, donec tandem in calculos concreverint, qui denique naturam magis stimulando etiam sui excretionem promoveant: Eodem modo se habet *calculi in vesica generatio*, Si enim tempesties vesicæ non recte se habeat, urina quæ clara fieri debebat, partibus ejus omnibus exacte mistis, turbida evadit, & partes terreæ & tartareæ, aquosis non exacte permixtæ ad fundum vesicæ subsident, atque ibi vi inlita ad coagulationem tendentes in lapidem coeunt, Calculi causæ antecedentes sunt, præter partium affectuum stuporem, sive obrutum sensum, crapula & cruditates, intempestivus mox à cibo sumpto motus; cibi omnes qui crassum ac lentum succum præbent, vina immatura, austera, nigra, crassa & dulcia, imprimis mustum, cæcervisia recens, sacculenta & crassa; Diuturna etiam equitatio, saltus & motus

eruntis

omnis qui sit inclinato dorso, Veneris item immo-  
deratus usus : Huc etiam pertinet hæreditaria ad  
calculum generandum dispositio : Quod autem la-  
pidosa coagmentatio aliis potius fiat in renibus,  
aliis in vesica, causa est robur vel debilitas harum  
partium : Quibus renes debiliores, facilius in ne-  
phritidem incidunt : quibus hi validiores, potius

vesicæ calculo corripuntur. *Thomas Burnet lib. 3.  
sect. 3. Thesauri Medic. Pract.*

*Vinum nimis rariorem* ] Ut quod in locis argil-  
losa, tartarea, & calculosa materia abundantibus  
creseat, quale Hungaricum, Moravicum, Vallis  
Equestrum in ditiose Bernati &c. Incolæ autem lo-  
corum similium nephritidi & arthritidi sunt obnoxii.

## OBSERVATIO II.

*Lumborum dolor à Calculis Renum insolentis figura & molis : Calculi Sperlingiani.*

**C**Redas aliquando hominem totum in dolores versum, à calculis quam maxime, par-  
tim in cavitate renum hærentibus, partim per exsertos ureterum canales, sed irritò  
interdum naturæ stimulo transitum sibi quærentibus, unde tensio & dolor, affluxus humo-  
rum ac inflammatio, febris, vigiliæ, deliria, vomitus, urinæ suppressio, periculum suffo-  
cationis, virium jactura & ipsa tandem mors : Illustre hujus rei sed funestum exemplum  
anno 1658. die 12. m. Augusti experiri hic Wittebergæ fuit in C. lebert. Philosopho *loh.  
Sperlingio*, Doloribus hic Lumborum & molestis Dorsi torminibus, concurrente iningen-  
di difficultate ac tarditate, per aliquot retro annos vexatus, corpore vero cæteroquin ro-  
busto ac valido, cui proinde etiam nimis fere confidebat, medicaminum assumendorum  
impatiens, circa Julii mensis finem dicti anni, à plurimis amplius se cohibere, quam ma-  
xime vellet, nequit, sed incautum quæsitam ampliorem obambulandi libertatem; victusque  
mali vi, tertia quasi ante obitum hebdomade, lectulo se, ultimo mortis proscenio submi-  
sit, agitantibus ipsum non raro, ut calculosis fieri assolet, & defatigantibus vomitibus, ra-  
tione ventriculi in consensum tracti : Urina toto decubitus tempore obstructa mansit,  
nec destillare ex renibus quicquam ejus potuit ob ureteres sabulo infarctos : Exacerba-  
bantur dolores, superveniebant cum febre vigiliæ, quæ innocens corpus usque ad ulti-  
mum fere vitæ articulum, convulsionibus finitum, excruciantur :

Ut incurabilis morbi causæ paterent, quæsitus à me in defuncti aperto corpore *mortife-  
ra causa* locus : Integumenta abdominis, muscoli & viscera pleraque recte satis se habe-  
bant : quibus proinde ad latus revolutis, abactoque à renibus in volucro, confestim iidem  
apparere penitus inflammati, qui sic radices febris fuerant : Increverat vero adeo re-  
num tumor, ut illorum figuram, etiam externam dimensionum determinationem quo-  
dammodo mutaram cerneret : Hæc, ut notum est, per naturæ leges instar phaseoli In-  
dici, in adultis lævi & plana superficie describitur : In exuviis Sperlingianis, unus quidem  
tantum utrobique ren observabatur, elatior tamen uterque, in aliquibus superficiem suam  
partibus, sic ut nisi *renes plurimos complicatos*, quod non semel observavi in dissec-  
tis Lutræ, extraordinarias tamen quasdam & arcuatas veluti eminentiæ notas ob summam, qua di-  
stenti erant inflammationem, referrent ; Sed quænam jam facies interna erat renum ?  
Illorum uterque, quod admirandum, omnimode repletus erat calculis innumeris, minimis,  
mediocribus tribus etiam, præterea maximis, sic ut internum latus omne, ac sinum, pel-  
vimque quam vocant, renibus æque ac ureteribus communem, penitus occluderent : Ure-  
teres ipsi etiam à suo circa renes exortu, usque ad vesicæ valvulam, immani arenularum  
copia & farciminum instar extensi & turgidi viscebantur, ut irritus tantum fuerit quoruscun-  
queque naturæ, sive in promovenda urina, sive renum calculis, minoribus quantumvis,  
conatus, quem sane non sine insigni doloris sensu unquam exorsa est, sed quotiescunque  
hos loco movere aggressa est, visum sibi retulit B. Sperlingius, ac si aliquis cultro acuto  
vulnus profundum secundum longitudinem lumborum ipsi infligeret ; tractusque hos,  
identidem à summa illorum parte, usque ad regionem vesicæ, repetitos daret ; unde colligi  
potest summa doloris ferocia & atrocitas, summa totius corporis inquietudo qua opti-  
mus vir decubuit : Placuit proinde calculos istos ære delineatos dare : Primus, (fig. 1.)  
sat grandis, figuræ fere triangularis, sed circa basin latioris, quati montana quæpiam repræ-  
sentet, superficiem inæqualis & asperæ, coloris, ut reliqui omnes, ex albo flavescens, con-  
sistentiæ non fungosæ aut spumæ, sed compactæ magis & durioris, in cavitate sinistri re-  
nis hæsit. correspondens illi non parum quem in muliere visum delineat Tulpius (cap. 45.  
l. 2.) Hic noster ad æquilibrium vocatus dum humidior adhuc esset, drachmas medicas  
quasi tres pependit, replevitque cum altero sibi accumbente minore, calculisque quam-  
plurimis aliis minoribus, totam modo dicti Renis sinistri cavitationem : *Secundus* priore duas  
tercias minor, figuræ fere orbicularis, sed oblongæ ac tuberosæ, atque in se spectatus, ipse  
etiam sat grandis ac damnosus, in eodem sinistri renis thalamo recumbebat, ne quicquam  
deesse videretur ad absolutam aliquam urinæ interceptionem : pondere primum æquavit  
circiter

circiter drachmam unam medicam : *Tertius* omnium maximus, & reliquorum veluti pater, stupore & admiratione dignus, totam renis dextri capacitatem occupabat, & nihil non in eo connotabatur memoratone dignum, corpus enim ipsius, seu maxima ejus crassities, ad nucis juglandis mediocris molem accedebat : Gravitate & inclinatione ad centrum mundi, postquam ille ad equilibrium reductus, accessit ad pondus drachmarum quinque medicarum & paulò amplius : Figuram processus crassissimi deformem reddidere, ex quibus duo breviores, in eodem calculi latere ; dorsum renis spectantes, sibi oppositi, spatiis insignioribus caruncularum papillarium conspiciebantur implantati : tertius vero, isque longior & curvus, rostrum avis alicujus æmulans, pelvim seu ureteris principium obstruebat, eique veluti cuneus quispiam insertus, non permisit quicquam ad vesicam pertransire, ne guttam quidem : Calculi plurimi minores, diversi inter se ponderis, figuræ ac molis exhibentur, ex quibus alii rotundi & pisces similes, alii grana milii referentes, alii majores & irregularis figuræ, alii oblongi ac mediocres, alii tandem arenularum minimarum instar, quemadmodum residua in renibus spatia, sic maxime omnium urinales meatus, inter renes ac vesicam, oppilabant, ut sarciminum par quis dixerit, si cui inscio hi ureteres objecti essent : Ab illorum copia & asperitate factum ut in dies auctum fuerit quoddam etiam exulcerationis periculum, unde ubi Sperlingius contentius quandoque ante decubitus ambulavit, discussurum se existimans ope motus, præsentaneas mortis suæ causas, non tam profuit sibi, pauxillum arenæ evacuando, quam obfuit mixtionis cruentæ speciem incurrendo, ob attritas à calculis per agitationem partes : Etiam si enim calculi tam renum quam ureterum, dum eximerentur, mucos quodam & lentore purulento obducerentur, usque adeo tamen scabritiem suam ac asperitatem non amiserant, quin angulis suis ac eminentiis lædere partes molliores potuissent : ut taceam quod per intempestivum istiusmodi motum limosa sabuli colluvies prorsus tandem est compacta, ut nulla amplius urinæ emittendæ spes superesset : Hinc mirum non est vesicam alioquin salvam à nobis visam fuisse, humoreque seroso ac lixiviali prorsus destitutam, ob totalem inquam infarctum renum & ureterum. *I. Daniel Major in historia Anatomica de illis calculis conscripta.*

## S C H O L I A.

**M** *Orisfere causa* ] Calculorum causam efficien-tem Vir Claviss. in sanguine statuit l. c. cæteris causis repudiatis, Mille, ait, causa Effettrice, an Calculi à calore sive renum, sive aliorum viscerum, limolas sanguinis partes forma sedimenti in renibus, per modum sive fixationis sive præcipitationis relictas, coquente, assante & consequenter, per resolutionem humiditatis indurante ? An à frigore eadem congelente, an plane à spiritu quodam, tale, aut aura lapidifica, non tam à renibus aut aliis partibus quam ipsi torculentia sanguinis & materia calculorum radicaliter in hærente, producantur, quod posterius sane simpliciter negari nequit, si certos saltem in chylo & sanguine hærentium status & energiam perpendamus, prout hoc fusiùs in præconcepto à me Lithologiz, quam meditor, opere, declarabo, probaturus hætere in ipsis, quæ nos rigant venis, inter liquidos purpuræ sanguinæ fluctus, & ob inquinatas semel resolutas intra ventriculum petroso alimentorum sale, chyli partes deferri per corpus seorsum ac deorsum haut raro fomitem exitialis tartari, & saxeos catarrhos, haud aliter ac rivi metallici passim, mineræ à qua eruperunt, indolem secum ferunt &c. *Idem ibid.*

*Cum febris vigilis* ] Nisi fallor, omnem inflammationem internam Febris sequitur, non quidem tam præcise ob vapores, qui ex chilo in partem inflammatam, ibique putrescente sanguine cordi communicentur, illudque calefaciant, quam ob impeditam potius sanguinis circulationem & spiritus exstiteres, cujuscunque certe repaguli prodigos : unde hi objecto semel obice, coniectim recto ruunt, alluimproq; in furoris societatem sanguine, imprimis quando hic jam est in via ad putredinem, quemadmodum univertum corpus febre, sic cerebrum præterea ac simul vigiliis inuictis torquent, *Idem.*

*Die 12. mensis Augusti &c.* ] Hæc admirationem præbet in tanta urinæ suppressione, & necessario in

dies alimentorum utut paucorum admodum & exitium accessu, mortem tot ac tantas tenuisse moræ, quandoquidem *Sala* semel, non amplius, toto vitæ spatio, urinam 25. diebus in viro quodam suppressam meminit, venis ad pollicis magnitudinem tumefactis. Secus urinam supra 5. vel 6. dies nunquam recordatus est retentam, monente *Rhodio* cent. 3. obi. 28. Si ægri plerumque, nisi ante 7. diem mingant, moriuntur, ob viscerum à regurgitante sanguine oppressiorem, febris accensionem & ultimam virium suffocationem : Nam dictæ sanguinis regurgitationi in taliumodi obstructionibus renum insignioribus resistere nequeunt valvulae, quandoquidem 1. nullæ dantur in trunco venæ cavæ, qua parte emulgentes nascuntur, si Aquapendenti credimus : In emulgentibus tamen ejusdem venæ cavæ ramis observata ostiola quidam attestantur, ea videlicet venarum parte qua bifurcatim veluti cavitatem renum hæc ingrediuntur, quas observare *Rolfinckio* non licuit. 2. Si quam maxime darentur, apicibus ac limbis suis tamen non obliterent, quia eosdem earum processus & semicirculos, ad non impediendam, in statu etiam sanguinis circulationem, non extremitatibus venarum, sed cordi potius obverterent, ut ita sanguinem renibus, non adversum eas, sed supra exteriorem earum superficiem, flumine ut sic prono transferretur. Et quomodocunq; se habeant ostiola in venis emulgentibus, sive à renibus averfa, sive iisdem obversa sint, Regurgitationis ratio, quoad præsentem de calculis discursum, potius in Arteriis querenda est. Verum enimvero neque. 3. Arteriis emulgentibus neq; aliis in corpore facile necessarias natura agnovit valvulas, unde iis non datis in progressu articularum, plane neque per eas dabitur Regurgitationis impeditio. 4. Si quam maxime etiam in arteriis darentur, insigni tamen ac diuturna aliqua inflammatione, quod pulmonarium jam est, sanguinem quominus



minus h̄ regurgitet, cohibere vix valerent, quia quo diutius hic fertur per arterias ad partes, nec per venas tamen redire potest ad cor, eo magis magisque arteria inturgescit: Turgescente arteria, annatum eidem valvularum latus diducitur cum ipsa, & liberum vicissim earundem latus ab opposito interno arteriæ pariete abscedit, sic ut occludere eandem plene non possit, sed cogatur admittere qualemcunque sanguinis regurgitationem. *Idem ibidem.*

*Renes plurimos complicatos &c.] Malpighius lib. de Structura viscerum, tract. de Renibus cap.*

1. ope microscopii in quibusdam brutis Renes exiguis quasi distinctis aliis minoribus evidenter conglobari detexit: Et in homine adulto licet unicus videatur Ren, subobscure tamen interius distinctis quasi exiguis Renibus constare, qui ulteriorem etiam exterius patiuntur divisionem. Haturum renalium portionum varia ad invicem adaptatione & nexu, extrema renum configuratio gignitur, quæ de facili in monstruosam elabatur formam. *Vide dictum Tractatum.*

## OBSERVATIO III.

*Lumborum dolor à calculis Renum substantiam absumentibus, comite inflammatione.*

**M**agnificus Vir post gonorrhæam diuturnam, cibi portionisque & veneris immoderationem, passus est dolorem gravem in regione sinistri renis, interdum acerbissimum, more infixi aculei pungentem, cum vomitione crebra, pituitosa, interdum biliosa, rigoribus & febre inordinata, cum sabulosis urinis: Hinc judicavi affectum Renalem & nephriticum, qui etiam aliquod imminens Renum inflammationis indicium præ se ferebat.

Adhibitis multis præsidiiis superatus fuit dolor, ablata febris, tamen non convaleuit nisi post annum, dum post magnum corporis laborem lapis maximæ magnitudinis, figuræ oblongæ excretus est: Iterum in eisdem dolores incidens, cum rigoribus inordinatis tentaretur, dum templum Lauretanum appelleret, ex usu uberiore chalcanthi, in pessimum statum redactus est, unde interiit.

Secundo cadavere fuerunt inventi renes consumpti, ut portio, quæ reliqua fuit, facile frangeretur.

## S C H O L I A.

**D**oloris Renalis & Nephritici generationem *Galenus* lib. 1. Epid. refert in materiam crassiorē, quæ cum sanguine reperitur, ad renes attractam: Renes enim quicquid serosi tenuisque cum sanguine in vasis permixtum est, ad seipsos attrahunt; meatibus ad renum ventriculos percolantibus latius patefactis, aliquid ex crassioribus succis simul illabitur: quando istud excoactum in renum cavo, ad topi consistentiam redactum fuerit, si renum vis expulsoia omne id una cum lorio expulerit, subsidentia sunt arenosæ: Quod si ejus cavo impactum inhaereat, aliquid ejusdem materiæ à vena cava suscipiens, sibi apponens plus augetur; semper enim quod recens intluit priori circumdatur, atque ita insigni magnitudine topus grandescit, exulto arefactoque crasso & viscido humore, atque ad topi consistentiam redacto: Qui affectus Materialem habet causam, humorem scil. crassum, frigidum & lentum: Alteram vero constituentem & Formalem, fervidam scil. jecoris & renum caliditatem, præter lapidosam forte renum constitutionem: Imminentis vero, & in fieri inflammationis renum causæ sunt, humores quantitate & qualitate peccantes, ad ipsos delabentes, ob ipsorum intemperiem, vel in attrahendo robur, & in expellendo imbecillitatem, ob dolorem: Quæ quidem affectiones se produnt, tum dolore gravi in dorso, qui paulo nothius costis est altior; interdum acerbiori, qui per intervalla fatigat, prout in ventriculo renum igitur lapis: vel in ureteres incidit; urinis sabulosis, vomitione assidua pituitosa, propter renum cum ventriculo, mediante peritonæo consensum: aliquando biliosa, quæ cum rigore inordinato, & febre assidua, sine certo ordine invadens renum incipientis inflammationis, aut biliosi humoris irritantis est indicium: Rigor enim vehemens, & totius corporis concussio, cum dolorifi-

ca refrigeratione nervosarum partium, id demonstrare videntur: cujus causa, cum sit inæqualis contractio caloris nativi, è contrario materiæ motu & occurso; quæ necesse est, vel sit frigidus & crudus humor, vel suppurans vapor & sanies, membranas per morsum aticiens: vel acris & putrens materia, motu suo vellicans nervosas partes, vel fortasse initium inflammationis efficiens, ut in proposito casu &c. *Latius a Fonte consulti. 40.*

*Ex usu uberiore chalcanthi*] Scilicet ejus spiritus, Id vero ulceratis partibus bellum indixit: Testes sunt acidulæ vitrioli vim nactæ, in Phthisin propensæ, vel jam tabidis infectæ, quod vel ulcus inducant, vel genitum exasperent & adaugeant.

*Cibi portionisque immoderationem & Veneris*] Si materia calculorum latet abdita in alimentis, cur non omnes homines ex æquo, maxime gemelli, si alteruter hoc malo tenetur, non omnes bestię, quæ uno pabulo nutriuntur, calculo renum arguantur? Verum *Cicero* lib. 2. de Divinat. ait, uno eodemque temporis puncto natos habere dissimiles & naturas, & vitas & casus: Idque etiam miratur *Plinius* & *Lucanus*;

*Siant gemini fratres, secunda gloria maris  
Quos eadem variis genuerunt viscera fœtis.*

Illius natura expellit fæces alimentorum cito, & semper massam sanguineam emundat, hujus natura autem malos humores coacervari patitur: Est naturæ fere maximum opus superflua massæ sanguineæ temper convenienti via exigere: Qui tenuissimo victu, aqua & pane vivunt, si ipsi renali passione vexati possunt: inest in pane, aqua quoque, terrea illa amurca, de qua calculus nasci potest, Ac si patium vinum gignit calculos, gignit quoque plerumque patrius panis: Et tale vinum quo vetustius est, eo magis nocet; maxime gignuntur ab immodico po-

E E E E E sentium

centium vinorum usu : hæc namque ut lapidosas crustas ( Tartarum vocant ) in doliis undiquaque relinquunt , ita intra corpus assumpta , per venas in renes delata , quum eadem vi prædita sint , dum per renes colantur , simili crustarum specie renes afficiunt , & calculos aut arenulas inducunt : Idco ebrui fere nulli , qui vinis non aquosis , sed vinosis , de-

lectantur , nisi forte vasa nimis ampla sortiantur , calculis non laborant ; viroque Veneri dediti , qui , ut eidem sufficiant talia vina immoderate porant , perpauca , calculosi non sunt : *Schneiderus lib. 3. de catarrh. cap. 7. De Generatione calculorum , vide plura ex eodem tit. de Ischuria.*

## OBSERVATIO IV.

*Renum dolor à Calculo immenso in rene dextro , Sinistro penitus consumpto &c.*

**N**Ob. quædam matrona multos annos gravissimis renum doloribus , sinistro præsertim in latere divexabatur , & quatuordecies uterum gestans toties 8°. vel 9°. semper mense abortiebat : Tandem una cum ætate , doloribus invalescentibus , de dextri præsertim lateris dolore , ita ut nec contactum aut decubitus in illam partem ferre posset , conquerebatur , rejectis interim toto morbi tempore multis calculis , & *puris & sanguinis copia per urinas* : accedente insuper gravissimo stomachi & gutturis ardore.

Eam tandem , ante mortuam , cum secarem , Renem sinistrum penitus consumptum , & marsupii instar cujusdam , membranosum , sinibus amplis , scirrhosis tuberculis refertum , ureteremque illius admodum dilatatum , intestini cujusdam instar , deprehendimus : Dextrum vero renem tumidum in immensum excrevisse ; in quo , per medium dissecto , calculus tantæ molis excreverat , ut sinum secundum omnino adimpleverit , illiusque ductus , ramis undique effarciens & obturans , ureterem principium obstruxit , qui forma sua cervinum caput cum cornibus & collo apposite exprimebat , illisque locis , ubi substantiæ renum minime adnatus erat , incrustatus splendebat , ex contactu bilis flavescebat : E quibus facile dolorum causas & Abortus , utriusque renis calculos , quorum ille in sinistro rene illius substantiam contriverat , atque *confractus comminutusque successive per mictionem redditus fuerat* : hic vero in dextro rene substiterat , fuisse colligere licebat. Hæreditarium autem malum hoc illi fuisse ostendit , quod ex matre illius , iisdem affectibus mortua , calculus ex utroque rene quoque fuerat exectus. *Platerus Observat. lib. 2. pag. 467. Præcox lib. 2. cap. 12.*

## S C H O L I A.

**P***uris & sanguinis copia per urinas &c.* ] De puris & sanguinis mictu e renibus , notatu dignum quod habet *Scholiographus* ad cap. 50. lib. 1. *Hallerii* de morbis internis : Multi , *ait* , Renum abscessus reperiuntur in quibus pus solum , certis intervallis , cum urina excernitur , ut in duabus mulieribus : In aliis quoque qui inde tabidi mortui sunt : Sanguinolentum aliquando , utrumque exacte mixta urina permixtum , aut relidens , sed post longum tempus , urina etiam inde crassiore reddita , e renibus est , præsertim si dolor fixus in lumbis præcesserit , aut calculus rejectus fuerit , aut ex ureteribus ulceratis transitu calculi , vel in illorum cavitare , orta post ulcus caruncula : sed copiosius e renibus quam ureteribus. *Hallerus Scholiographus*. Causas autem excretionis cruentæ aut purulentæ , ob calculum in renibus tradit *Clariss. Willis* Tract. de urinis cap. 5. Nephriticis , *inquit* , familiare est sanguinem aut pus cum lotio crebro excernere : etenim à calculo majori & asperitatibus prædito , renum caro facile attritur & valorum oscula referantur , quibus sanguis exundans urinam tingit : Cumque solutio continui hoc modo in renibus excitatur , sæpius ulcus succedit , quo pus & sanies cum seroso latice profunduntur , & sedimentum copiosum & fætidum in urina constituunt : Dein ab ulcere continuum plus solvitur , & sanguinis profusiones largiores non raro sequuntur , atque ipsa renum caro attrita & sensim execta cum lotio ejicitur. Olim invisi mulierem annosam , quæ plures menses cum urina purum sangui-

nem in magna copia quotidie reddebat ; insuper carunculas ingentes , carniū crusta , valorum excoriorum velut tubulos , quoties mingebat in magna quantitate excernere solebat , ut suspicio esset renem alterum hoc modo totum e corpore abscessisse , postea tamen à decocto vulnerario , cum spiritu vitrioli acidulato , mictio ista cruenta sistebatur , atque hæc femina adhuc sana in vivis degit.

*Confractus comminutusque successive per urinas redditus fuerat* ] Idem *Willis* loco cit. arenas quæ crebro minguntur , ramenta calculi esse negat , atque illarum generationem explicat : Urinarum est , *ait* , arenulas rubicundi coloris à quibusdam in magna quantitate cum lotio excerni : horum nonnulli calculo renum sunt obnoxii , atque paroxysmis nephriticis crebro tentati solent : Novi tamen alios sine dolore , aut alio graviore symptomate , longo tempore arenosum minxisse : Urina quæ cunque si in vase plumbeo aut terreo vitreato aliquandiu steterint , ejusmodi fabulum rubrum matula fundo & lateribus attingunt : nimirum sal urinæ volatilis cum sale fixo metalli coagulatur : Sic quando sal Armoniacus , limaturæ chalybis , salis marini aut vitriolici commixtus sublimatur , flores elevati insigniter rubescunt : quare videtur quod ejusmodi arenulæ rubræ in renibus gignuntur , eo quod sal urinæ cum fæulentis Tartareis , circa anfractus renum depositis coagularur , indeque materia fabulosa constat , quæ protinus à seroso latice pertransiente abluitur : itaque quæ ita cerebro minguntur , non sunt ramenta calculi majoris.

majoris, ut vulgo creditur, verum sanguinis & feri, renum anfractus perlucens extemporanea producta. Hæc *Willis*: At quominus calculus friabilis, sponte, vel medicamentorum ope attritus, per urinas excludi queat causam non video: Ailatum exemplum clare id evincit; Renis enim sinistri parenchyma, cujus membrana superstes fuit, à calculo consumptum fuisse verisimile est, atque cum eo

simul, in fragmenta comminutum secessisse, quin etiam ab eorum crebro per ureterem ejusdem laceris transitu, extraordinariam illius dilatationem productam fuisse: Concedantur allata à *Clar.* viro de arenulis rubris; at quæ alterius coloris sæpe excernuntur, & crassiores, fragmenta & ramenta calculi esse negandum non est.

## OBSERVATIO V.

*Post nephriticos dolores, à lapide Renum substantia consumpta est, sola superstite membrana.*

§. 1. **R**everendiss. Aquini Episcopum eo morbi genere laborare quem Medici Nephritin appellant, indicio sunt urinæ sabulosa præcedentes: dolor gravativus in regione Renum, auctio doloris à cibo, atque in hoc tempore dorsi debilitas, mictio frequens, crurum imbecillitas: Per epicrasin vir *Illustr.* curatus, aliquando medicatione prophylactica, interdum extraordinaria; nihil unquam profuit, ut tandem ad ultimum vitæ exitum perductus fuerit.

Secundo cadavere; inventus est ren sinister ut crumena, sine substantia, cum sola pelle, lapillis referta & ichorosa sanie. *Lelius à Fonte consulti.* 37.

§. 2. Plerisque suppurantur renes calculosi, & colliquantur ut tantum maneat pellicula, sicuti *D. de Manoy*, cui ren dexter colliquatus, sinister calculum habebat, ureter & partes reliquæ siccata. *Scholiographus ad cap. 47. lib. 1. Hollerii de morb. internis.*

§. 3. Anno 1644. in cadavere mulieris ætatem senilem prospicientis, Ren dexter totus erat flaccidus marsupii modo, calculis undique incrustatus minimis, quæ pori conspiciantur: magnus insuper lapis & inæqualis impactus ureteris principio. Calculi vero materia potissimum est bilis ac pituita, sale permixta, qui superest in linteo Soli exposito; per quod urina fuerat trajecta. *I. Rhodius cent. 14. Observ. 22.*

§. 4. Sæpe vidimus tota Renis carne ac substantia peresa ambiente, tanquam marsupio membrana, pus calculosque multos obvolvi. *Fernelius Pathol. lib. 6. cap. 12.*

## S C H O L I A.

**U**lcus ab his causis ortum habuisse argumento est, quod urina antequam purulenta esset sæpe cruenta fuerit, præsertim ab exercitatione & labore, quodque febris nulla aut per obscura fatiget. Si quando autem obstructo ureteris capite pus cohibetur, id sensum, vel per emulgentem in majores redundans venas, sanguinem habitumque corporis inquinabit; (qua ex causa, quasi ex leucophlegmatia calculolos tumere ac pallefcere sæpe animadverti)

vel ea sede congestum ilia lumbosque copia distendet, è quibus etiam aperta cute diu multumque manat, Nonnunquam & illinc calculus ingens cum pure alias excessit, alias evulsus est: I hæc cum accidunt, tota pene renis substantia putredine consumpta est illincque pus redundans inter peritonæi membranas fluctuat: Hujus copia interdum vidimus totam ventris lumborumque regionem distendi, & pus hinc tum dejectione, tum vomitione reddi sincerum. *I. dem.*

§. 5. Observavi in *Elizo des-Bordes* membranam Renis in eam amplificatam longitudinem, quæ universam abdominis capacitatem, servata tamen figura, exactè coarquaret, & xiv. libras puris, exeso scil. parenchymate & suppurato contineret, nec ab eo pondere per aliquot annos continuitatem amississet: Scil. natura membranæ est ductilis & extensibilis in omnem differentiam supra fidem. *Car. Piso sect. 3. cap. 2. de morb. à Sero.*

§. 6. Pauper quidam xxx. annor. laboraverat dolore nephritico & dysuria, Obiit, Dissecui cadaver, reperi que Renis sinistri substantiam totam consumptam, ita ut præter membranam nihil superfuisset, sed solito, ut solet, longe fuit crassior. *P. Barbette Præcos lib. 4. cap. 8.*

§. 7. Aperuimus corpus cujusdam, qui novem circiter menses laborabat affectu renis sinistri, extenuatus omnino: Renem invenimus totum consumptum, plenum pure, magna quantitate, ita ut levi attractu disruptæ fuerint omnes tunicæ: *Ex observat. Joh. Bauhini.*

## OBSERVATIO VI.

*A Nephriticis doloribus extincta mulieris Ren dexter plane putridus inventus, Sinister flaccidus, tumidus pure & calculis refertus &c.*

**I**llia quadragenaria, xxv. annos doloribus nephriticis miserrime vexata, plurimos subinde calculos excrevit, diversi diverso tempore coloris, rubicundos, fuscis, albos, E E e e e x nigri.



nigricantes : ante triennium cum subito terrore percelleretur , in symptomata paralytica plane similia incidit , ac obstetricante dolore , ex reserato , tanquam uteri , vesicæ orificio multum calculorum in terram cum sonitu defluxit : Partus hujus postero & sequenti die , pari fere vehementia dolores denuo oborti , parem fere ( xx. circiter fuerant ) calculorum numerum expulere , quorum majores nucem avellanam , cum putamine , plures nucleum æquabant , minores reliqui , omnes solidi & rubicundi : à quo tempore menses aliquot immunis à nephritide vixit , donec iterum ( quod in promptu causa esset ) novi concreverunt & cum cruciatu ejicerentur : ita miserrimam vitam ad extremum traxit diem , quo & vita & dolore liberata est.

Dissecto cadavere vidimus dextrum renem , ( de cujus præcipue cruciatu multum olim , postremo vitæ tempore nihil conquesta est , nervorum scilicet furculis jam consumptis ) plane computruisse : Sinistrum longe solito majorem , flaccidum , colore & substantia pulmonis carni simillimum , tumidum , atque follis instar extensum , sed scalpello leviter tactum purulento sero exiliente , detumescentem : Intus repertum renis parenchyma plane corrosum , & angustia ista , inter papillares carunculas & ureteris canales , admodum dilatata calculis : quædam crassiori arena & fusca , quædam ( quorum manifestam collisionem , *quoties corpus moveret* , ab adstantibus non exaudiri ægra mirari solebat ) ejusdem coloris , sed variaz figuræ & magnitudinis refertæ , maximus glandis mole & forma : qui , ut & minores , imponere possent vel sagacioribus : nam figura , colore substantia , non ficus , ut est in Græcorum proverbio magis referunt , ac perfectè exprimunt lapides *Béens* occidentales , quos itidem ex variis quam illi laminis , ut & calculo , nostro prioribus illis accrescentibus constare observamus : Hæc tot annos excreverat copiosas arenas , quæque in urinis subsiderent *Jamuisia* , imo pluribus ante obitum diebus , ramenta , ( ut manifeste apparebant ) calculorum , quod tantum possunt plures se mutuo atterentes , *Et attritos versans urina lapillos* , Sed nec arenæ nec ramenta hic dedere signum calculosæ vesicæ , quæ sane & integra , nec calculum nec ullum calculi exhibuit vestigium. *Beverovicus Epistoliar. question. pag. 109.*

#### OBSERVATIO VII.

*Ob nephriticos dolores extincta Ren sinister maximus inventus est , lapidem continens exiguum : Dexter minimus.*

**V**Idua Barnabæ Panthou sæpe nephritica erat : aliquando è vesica detractus lapis tandem post multos dolores nephriticos doluit inguen sinisterum ; febricitavit , mox in imo ventre dolor erat implacabilis : jactatio , vomitiones assiduæ , imo dolor ad pectus , varia admodum erant species doloris : In sinistro hypochondrio tumor erat , apparebat magnus & durus : quidam vere splenem intumuisse dicebant : alii renem , febris marasmodis : convulsuunculae : frequentes leipothymia ; involuntarie profluebat urina , species quædam erat Diabetæ : urinæ tenuissimæ , aliquando cruentæ : post multos dolores mors.

Aperto cadavere , ren sinister inventus est lapide obsessus exiguo : ren in magnam molem undiquaque increverat : adæquabat renem bubulum magnitudine , paulum saniei in eo erat : Dexter parvus adeo erat ut fere reperiri non potuerit : Macruerat multum. Nunquid verum illud à *Renibus febres marasmodis* contingere ? *Ballonius Epidem. & Ephemer. lib. 2. p. 152.*

#### SCHOLIA.

**A***Renibus febres marasmodis* ] *Galen. 1. de diff. febr. cap. 9.* scribit de ex coli intestini inflammatione diuturna , & Renum ac vesicæ similibus affectibus , hæcticam febrem ortam vidisse : De febre ardentissima , ad marasimum deducente , ob Renes affectos , vide tit. de Dysuria ex *Bartholino cent. iij. observ. 34.*

*Quoties corpus moveret* ] Post motus corporis arenulas copiosius & frequentius quam mane post somnum , cum reddi expurgarique , & proin eo tempore , si illas rectè dijudicare velimus , inspiciendas quoque esse , experientia comperimus , Qua ratione & motus moderatus , etiam si calculus in renibus hæreat , & parvus & recens sit , cum eum promoveat , conferet : uti è contra , si majores sint , ipsos provo-

cando , nephriticum dolorem proritat , & in calculo renibus confirmato & aucto , morus vehemens per quem lumbi præsertim admodum impelluntur , quia tunc renum substantia à calculo atteritur , unde urinæ cruentæ fiunt , renumque ulceri occasionem sæpe sic præbet , nocuus. *Platerus Præceptor. lib. 2. cap. 12.*

*Ino dolor ad pectus* ] Nos vidimus mulieres aliquot & viros quibus familiaris renum dolor est , gravis & pungens , qui sæpe conqueruntur de dolore lateris , ac si pleuritis aliqua nothas costas occuparet , cum tamen nil sit tale , sed ob obsidionem renis à calculo &c. Vide l. 2. tit. de Dyspnœa , *Ex Ballonii lib. 1. conf. 46.*

*Varia admodum erant species doloris* ] *Arculana cap.*

cap. de Renum apostemare docet alia esse sympto-  
mata si ren dexter laborat, alia si sinister: Si dexter,  
hepar compatitur & partes potius superiores: Si  
sinister, ad partes potius inferiores malum pertinet:  
Addit quod si abicellus occupat panniculos renum

& suspensorium, magnificatur dolor, & fit fortis &  
prohibet erectionem, rillum & sterminamentū movet;  
& difficile est invenire locum: Hec omnia notanda, ut  
non temere accusentur partes superiores, innocentes  
aliiqui, cum malum scie in inferioribus sinaverit.

## OBSERVATIO VIII.

*Nephriticus dolor à calculo ovi gallinacei magnitudine, sub membrana renis  
sinistri delitescente, & pluribus in utroque.*

**G**enerosus H. S. à Vippach &c. hypochondriaci affectibus symptomatibus & Nephri-  
ticis doloribus crebro infestabatur: arenulæ & lapilli sæpe cum vomitibus, ardore, dy-  
suria molestissima apparebant; de pondere sinistri renis, quoties rheda vehabatur, impri-  
mis conquerebatur, magnum lapidem ibi hæere & stabile elegisse domicilium constanter  
asseverabat: Adnuebam, nec negare poteram, fidem dans operam me daturum ut lithon-  
tripticis contereretur & educeretur, sed præveniebatur hic optatus successus à beata ana-  
lysi. Postquam enim erysipelate dextri cruris suppurato conquassatus, jam cum bona va-  
lerudine in gratiam redire & melius habere videbatur, hydrops ascites illum corripiebat:  
liberabatur per transversam scroti paracentesim, ad capitis magnitudinem incrementa su-  
mentis: inflatum vulnus sera apertum servatum: hunc trium mensium ab inde curriculo  
excipiebat catarrhus suffocativus, lethi fatalis prodromus.

In aperto cadavere, Ventriculus, qui tot ludibrium vomitibus debuerat, mediocriter  
habebat: Lien scirrhus erat, Jecur floridum, in Mesenterio nulla apparebat noxa: sub  
Renis sinistri membrana calculus ovi gallinacei magnitudine, rostro acuto in cavitatem re-  
nis desinentis: In utroque rene plures minores calculi angulosi, rotundi delitescabant.  
Cerebrum serosis humoribus à justa deflectens consistentia difflebat. Ossiculum circa  
radicem arteriosæ cordis venæ, grani panici amplitudine, cartilagine duriori cinctum,  
observabatur. *Guernerus Rolsinccius Dissertat. Anatom. lib. 1. cap. 13.*

## SCHOLIA.

**S**æpe cum Vomitibus] Observandum jubet *Willis*  
Spatholog. cerebri cap. 27. quod in dextro latere,  
inter plexum hepaticum & renalem, nervus an-  
plus protenditur, adeo ut inter hos plexus major  
& immediatior consensus quam inter istos alterius

pares habeatur: Ob horum plexuum connexionem,  
præcipue in paroxysmo nephritico, vomitus sæpe im-  
manis supervenire solet: Ob eodem vala choledo-  
cha, quasi ab emetico assumpto irritata, plurimum  
inaniuntur. *Vide plura l. c.*

## OBSERVATIO IX.

*Cujusdam Nephritico dolori obnoxii Renes lapideæ duritiei reperti sunt.*

**I**N Silesia superiore Nobil. femina maximis doloribus nephriticis per plusculos annos  
exagitata fuerat, & tam spissam sæpius minxerat urinam, ut in ipsa emissiono & stillici-  
dio quasi in fila diduci potuerit; ingruentibus interdum rigoribus in nephriticis consuetis:  
lumbos fere nudos fornaci admovit, ut se calefaceret, vix tamen calorem sensit, licet cu-  
tem ipsam fornacis flamma læderet: Tandem miseris hisce diu colluctata, succubuit circa  
annum 1661. nimia dolorum atrocitate.

In dissecto corpore inventi fuere ambo renes obriguiffe, tam dexter quam sinister, in  
alabastrinam duritiem & soliditatem: Majorem ex his renibus in musæo meo ad aliquot  
horas penitus inspiciendum accepi, Erat adhuc, post Gorgoneam istam metamorphosin,  
Ren in sua figura (quasi fabacea) ordinaria conspiciendus: exterior parenchymatis pars &  
circumferentia semicircularis, seu gibba renum pars, videbatur quasi in aliquot lobos cor-  
rugata & porosior reliquo corpore facta, coloris ad griseum accedentis: reliqua vero pars  
versus simam partem & pelvim, cum resecta particula ureteris principii, silicea tota, nihil  
magis quam candicans alabastrum & duritie & colore exhibens, venæ aliquatenus ru-  
bescentes, quasi ibi depictæ videbantur: Cum ad libram pondus examinassem, xi. lotones  
exsuperasse compertum est: Dolendum in istius cadaveris apertione Medicos Anatomie  
gnaros defuisse qui originem & finem istius petrificationis renalis annotassent; an toti  
ureteres silicei (quia ipsorum principium resectum durissimum & solidissimum) & quid  
forte vesica monstri aleret. *Ex observat. D. Jacobi Sachs Prædici Vratislaviensis, in Miscell.*  
*cur. anni 1670.*



## OBSERVATIO X.

*Mulieris post Nephriticos dolores mortua, Renes absumpti & Vesica corrupta reperiuntur.*

**N**obilis virgo diu circa Renem alterius lateris dolore & simul mingendi ardore misere afflicta, post varia tentata remedia aliquot annos, Et cum suspicio esset de calculo vesicæ, post actualem operationem in lapidis extractione, in mulieribus fieri solitam, quæ tamen irrita fuit, cum nihil profecissent, tandem in Galliam reversa, mortua, sectaque Renes absumptos & Vesicam corruptam fuisse deprehensum. *Platerus Observat. lib. 2. pag. 469.*

## OBSERVATIO XI.

*Nephriticus dolor & Imi ventris à Rene suppurato & Calculo vesicæ hujusque exulceratione.*

**A**nno 1668. adolescens 19. annorum postquam bene longum tempus immensis doloribus circa vesicæ & sinistri Renis regionem, vomitibus frequentibus & dolorifica urinæ excretionem mirum quantum excruciatum fuisset, nec remedia tam interna quam externa, ipsæque injectiones in vesicam quicquam solatii attulissent, moritur.

Hujus abdomine cultello recluso, ob ingentem fetorem sese post sectionem exsurgentem, recta ad ipsum locum affectum accessimus: Ubi primum in exteriori & superiore vesicæ superficie insolitus sinus pugni magnitudine conspicuus erat, quem in membranis illis efformaverat pus, quod discisso Sinu cum fetore affatim diffuebat: Inde accessimus renem sinistram, ex eo enim pus illud, in dissecto sinu inventum, descendisse merito suspicabar: Totum autem illius parenchyma erat suppuratum, imo in pus plane conversum, unde tunica illius scalpello rupta, fetidum pus in abdominis cavitatem copiose effluxit: Properavimus inde ad vesicam urinariam, cujus cavitas nullam urinam, sed solum calculum exacte rotundum, at nimium asperum, sesqui-unciam ponderantem continebat, Interior vero tunica tota, & satis quidem profunde exulcerata, quod à calculi asperitate evenisse reor. *Ex G. Segeri Medici Thorunensis observat. in miscell. curiosis anni 1670.*

## OBSERVATIO XII.

*Nephriticus dolor à Calculo perforato urina transitum concedente.*

**§. I.** **L**apides non solum in renum sinu contineri, verum etiam in ipsorum substantia reperiri compertum habeo, hincque expelli posse non dubito: Vale etiam, quod sinum efficit, non rupto, nec diviso: nam, ut jam monui, variisque amplisque foraminibus est pervium, per quæ calculi à substantia renum in ipsorum cavum facile expelli possunt: hæc autem foramina, quamvis admodum pateant, tamen priores Anatomicos latuerunt: idcirco plurimis errandi occasionem præbuerunt, qui alterutrum necessario concedendum esse non semel mecum acriter contenderunt, nimirum calculum vel in substantia renum non gigni, vel sinu membranaceo eorum illæso cum urinis excretum non posse: Neque vero prætermittendum est, ureterem statim ab egressu à renibus latius redditum, instar ventriculi seu peræ pastoralis recurvatum, frequenter magnam lapillorum copiam congregare, quos postea natura sagax sensim inde cum urinis expellit, quibus iter ob vasis curvatem interceptum non est, quamvis calculis sit refertissimum: hoc naturæ diligentiam summo opere commendat; sed magis illud quod lapides insignis magnitudinis in renum sinu contentos, quasi coronarum orbes in medios ferat: Superioribus annis quidam altero rene doluit, cruciatusque adeo auctus est, ut miscellus brevi vitam cum morte commutarit: hunc calculo minime laborare constanter affirmabant Medici, quia neque urina suppressa unquam fuerat, neque tenuis seu turbida, aut sabulosa unquam apparuerat: Omnibus solus ego repugnabam, arbitratus alterum renem officio suo probe fungi, alterum penitus obstructum nihil penitus lotii transmittere.

Contentionem diremit sectio, quæ aliter se habere quam nos opinaremur, patefacit, lapidem nimirum magnum & oblongum, cruciatus & interitus causam fuisse, qui cum esset medius perforatus, quo minus urina exiret impedire non poterat. *Eustachius cap. 45. de Renibus.*

**§. 2.** Quidam sævissimis doloribus nephriticis diu multumque agitari solitus, post obitum



obitum secatur. In eo utriusque renis cavitas reperitur tota calculo occupata & distenta seu repleta: Pro urinæ tamen emittendæ via, provida solersque natura, in lateribus calculi orbitam quandam cavam, perquam urina ad ureteres & vesicam deferri posset, molita fuerat. *Ph. Salmuth Cent. iij. observ. 30.*

## OBSERVATIO XIII.

*Nephriticus dolor à Calculo Ureterem obturante.*

§. 1. **M**. Nicola, vidua 40. annorum, infestata aliquandiu à lumborum dolore, procidit tandem in crudele calculi renalis tormentum, cum vomitu, febre, mensurâ inordinatis, urinæ difficultate, & interdum tanta ejus suppressione ut rotos xviii. dies nihil lotii reddiderit: unde excitabatur ipsi ex sero sursum recurrente primum sopor, sed mox tam gravis nervorum contractio ut cogeretur vitam cum morte commutare.

Dissecto cadavere, apparuit ren sinister, ut extrinsecus lividus ac tumidus, sic intus frequenti aqua & calculis pluribus infarctus: quorum maximus insinuaverat se acuto suo apice tam longe in ureteris principium ut id integrè occluderetur, neque permetteretur illac descendere quicquam lotii, licet potui darentur plurima aquam ducentia; bali enim cum foret latiore quàm ut permearet commode angustum hunc ductum, necesse fuit quo plus urgeretur ab affluente sero, tantò quoque impensius intercludere transitum urinæ à renibus descendenti, præsertim cum oppositi renis ureter non minus utiq; occluderetur à latiore aliquo lapide, instarò perculi, ipsius principio imposito. *Nic. Tulpius lib. 2. observ. cap. 45.*

§. 2. Quidam annos 30. natus nephriticis dolores passus erat sæpe: purulentum minxerat, cætera alacris interit: Repertus lapis in ore vasorum urinariorum: Quod mirum uterque Ren tabuerat: nil erat succi, nihil carnis, sed in molem maximam creverat ac si inflatam vesicam dixisses, & tota cavitas renum ita extensorum inanis erat. *Ballonius Paradygm. 176.*

## APPENDIX.

*Renum substantia variè pro natura affectuum variatur.*

**N**orat *Enstachius* lib. de Renibus cap. 45. In cadaveribus illorum qui vi morbi interierunt, pro varia ejus specie, variè constitutos renes reperiri: ipsumque colorem varium occurrere: nempe quia secus ac aliis visceribus evenit, levi sæpe de causa immutatur: Idcirco ruber frequentissime, clarus atque splendens apparet, interdum obscurus & niger, non raro subalbidus: Ipsa vero substantia cernitur modo laxa, fragilis & quasi putris, modo densa, dura & arida; Superficiem varicosam & innumeris tuberculis scatentem per sæpe vidit: In Nobili Romana quæ propter violentum partum, post copiosum sanguinem excrementum obierat, renes albi, fragiles, albi ac putres inventi sunt, sub quorum propria membrana tantum flatus collectum erat, ut videretur à subjecta carne prorsus separata, adeoque turgida & distenta ut magni tumoris speciem primo intuitu interret: Maxime imminutos, exsiccatos, obscuros & undiquaque tuberculis plenos conspexit in Episcopo Senogallensi, qui ob calculum retenta urina periit.

§. 3. Anatomicus in rene sinistro magnum calculum bicornem invenit, alterum cornuum divulsam in Ureterem descenderat, unde immanis illa parte dolor: Repertus etiam calculus lobo jecoris adnatus, ovi columbini magnitudine, eique sub finem parenchymatis appensus: Baronis uxor fuit, quæ viva de illo latere nihil querebatur. *H. ab Heer observ. 1. p. 9.*

## OBSERVATIO XIV.

*Lumborum dolor à calculo oblongo & obliquo renem dextrum occupante, eumque tandem corrumpente.*

**V**ir Nobilis, idemque optimus Jacobus Myro Senator Parisiensis, cum esset raræ texture & infirmæ valetudinis, circa initium Februar. incidit in febrem continuam, quæ ex prægrandi abscessu rupto in mesenterio, cum pravis aliquot symptomatis, præsertim vero diarrhœa biliosa & serosa, jugibus vigiliis, hæmorrhoidibus, & universi corporis colliquatione, versa est in lentam symptomaticam, qualem graphice descripsit Clarissimum olim Scholæ nostræ lumen *Fernelius* lib. 4. Pathol. cap. 16. sub finem: Ex hoc affectu postquam decubisset Nob. Senator, per quinque fere menses, quibus in dies pugnatum est arte medendi, tandem exitum superavit opem, quæ victa jacebat, fatisque cessit morte lenissima, sine ulla vi ullaque torsione, quæque placidiorem nullam potuisset unquam sperare; neque optare

Augustus ipse, sine ullo cruciatu & tormento, quam *Advaotus* nomine indigitare solebat.

Transactis ab excessu horis XII. dissectum fuit cadaver me presente: Inter cetera observata dignissima & hoc unum fuit, Ren dexter, ex cuius vitio supra annos decem gravissimis doloribus nephriticis multoties fuerat divexatus) totus putris & in tabum redactus deprehensus. In cuius media substantia & cavitate oblongum & obliquum calculum comperi, angulosum, & ut ita dicam, cornicularem. Jam multum temporis erat ex quo haud dubie ren ille non solum putris & saniosus, verum etiam totus gangrenosi affectus & corruptissimus sui muneris nihil quicquam edebat, & propria secernendi sanguinis, & feri excernendi facultate destitutus erat, qui enim potuisset obstructo meatu à grandiore calculo, & corrupta ad eum putredinis gradum propria substantia, ut ipsius renis nihil aliud quicquam haberet præter figuram & tunicam, quæ pro renis substantia merum tabum idque nigerrimum continebat, & tamen nulla unquam laboravit per totum morbum urinæ suppressione. Quod sane sæpius quoque à xv. annis in hac populosa urbe calculosorum feracissima facile observavi.

## S C H O L I A.

**E**rgo non est semper verum uno Rene obstructo alterum statim cessare ab officio, cum ægrotum plurimi urinam profundant alterius renis beneficio ad ultimum usque vitæ momentum. *Guido Patin. Epistola ad Beverovicium, in huius spicilegio de calculo.*

## OBSERVATIO XV.

*Renis & præsertim dextri dolor, à calculo in hoc rotundo: Alio bifido in sinistro, cum corruptione.*

**J**ohanna Ph. Stansby Aromatarii Dorchestrensis uxor, annos septem circiter supra quadraginta nata, habitu corporis gracili & raro, temperamento bilioso, cum per periodos à pluribus annis ex calculo laboraret, quorum plures rejecit, arenulis vero continuo fere molestareretur, nec ulla præcautione uteretur, etsi paronyismo urgente ad levandum dolorem medicamenta quædam, sed pauca admitteret, in idem tamen malum denuo incidit, cum acutissimo circa renes, dextrum præsertim, dolore, ita ut aculei infixi sensum præberet, accedente gravi vomitu, quo assumpta quævis, præter biliosa plurima, rejiciebatur lotio primum præter morem tenui, instar aquæ existente, postea etiam penitus suppresso, & ad totum regurgitante: Varia huic matronæ fuerunt adhibita, sed renuente Apolline, morbi magnitudine & vigiliis superata vitæ finem fecit.

Dissecto à morte cadavere, inventus est in sinistro rene calculus, amplo caudice principium sumens, in duos ramos seu radices, instar dentium maxillarium, magis tamen circa finem à se distantes, juxta canaliculorum vasis urinarii formam, divisus: Unciæ unius pondere, rene toto assumpto, ut nihil præter membranam restaret. In dextro vero rene, in quo crudelioribus afficiebatur doloribus, repertus alius calculus rotundior, iv. scrupulorum pondere. Ab his cruciatus & interitus causa, reliquis visceribus sanis existentibus. *Friedr. Lossius observ. 52. lib. 3.*

## OBSERVATIO XVI.

*Lumborum dolor à Rene putri, ob calculi & materiam viscidam tumidum, Altero imminuto.*

**B**on. Cornéus diuturno Renum dolore & calculo interiit: Erat ei ex Renibus alter magnus tumidus putris, calculisque ac materia viscida & saniosa refertus. Alter vero, quamvis nihil huiusmodi pateretur, adeo imminutus, ut magnitudine parvam castaneam vix æquaret. Cujus rei, ut arbitror, causa erat quia hic jamdiu suo munere penitus frustrabatur, quippe qui revulsioni obistere nequiret: quam assuetus & copiosus excrementorum fluxus ad alium male affectum renem assidue procurabat: Imminui vero particulas quasdam ubi à sua actione prorsus vacant, ut de aliis nunc taceam, Uterus ipse aperte declarat. *Eustachius cap. 45. lib. de Renibus.*

OBSERV.



*Lumborum & nephriticus dolor, à calculo grandiori pelvis renis dextri implente, cum alio minore, &c.*

**V** Ir Nobiliss. D.D. *Philippus Jac. Sachsus* die 2. Janvar. 1671. lecto plane affixus quatuor Medicorum implorabat auxilium: incassum tamen omnia adhibebantur medicamina, cum morbus jamdudum tam altas egisset radices, quæ viribus plane exhaustis, absque subjecti interitu eradicari haud possent, Morbus non erat unus sed complicati: per semestre aut trimestre spatium laboribus & negotiis concatenatis defatigatus, carniū, piscium, vinorumque genera aversatus, pulmentis saltem & sorbilibus corpus refarcire intendit, medicamentis fere posthabitis, donec morbo fractus ex asse sibi mederi & voluit & jussit, sed nimis sero. Hæmorrhagia enim naris sinistra, non quidem larga, ob nimium autem admixtum ichorem sæpius rediens, vomitusque tandem austeri, & ut ipse nominabat, aluminosi, omnem ventriculi tonum perverterant, viresque absumpserant, ut 7. Janvar. animam reddere cogeretur Creatori, cum vixisset annos 44. Istud jam Sachsiæ mortis genus, & ultimam Calculorum ferociam optimus noster Phosphorus mature sat prævidit, iterato nempe, cum iis antea conflictatus ab annis aliquot D.D. *Kolgnadius*, laudatum vitum anno 1662. ipso die suo natali, primas arenulas excrevisse: à quibus subsequo tempore haud semel quidem victor evasit, etiam cum male ominosus ille renum ac sanguinis limus jam induisset schema calculi, prout ipsemet Sachsus anno 1665. mihi scripserat his verbis. *Præterita septimana dolores calculi in rene dextro respondendi officium inhibuerunt, qui tamen Divina gratia, ubi in lucem infans calculi proles fuisset edita cessarunt.* Sed ut fieri assolet, recurrente sæpius hoste, vires resistendi magis magisque attritas sensit: & postquam ab acerbis renum doloribus tum etiam evaserat, verum tamen haud vane sibi metuit, ne induciæ istæ essent minus diuturnæ, & potius si malum sæpius geruderit (sunt verba ipsius) *Sachsium, non saxum Saxo sepulchrali sic illaturum* accedentibus præsertim morbis aliis, à quibus queritur quod fere ad ultimam maciem sit perductus, subjungitque historiam morbi sui periculosissimi, “relatu dignam, De morbi mei, *inquiens* periculosissimi statu pauca subjungere libet: Per æstatis inconsuetas siccitates, & visitationes creberrimas ægrorum, corpus meum viribus attritis *maximam tartareorum humorum* cumulaverat copiam, nec aliquot dies impendere licuit ut meæ valetudini consuluissem; Itaque sub exitum Novemb. præcedebant destillationes in fauces, consillas, uvulam, appetitus prostratus, capitis dolores, & qui non alii hostes in meum interitum conspirantes? primum hunc insultum fortiter sustinui, & victoriam per aliquot septimanas reportasse videbar, Sed hostis astutus, Scorbutus, in insidiis latens, deposita larva, relictis viribus rursus aggrediebatur me, à priori conflictu vix respirantem: Accedebant capitis dolores, cum tumore brachiorum & pedum; motus impotentia, vigilæ, dolores colici nephritici, & quod pessimum, tam acidæ fermentationes ex ventriculo in palatum, ut tartarus linguæ & faucibus se insinuans, instrumentis Chirurgicis esset abradendus: Cum his Furiis per iv. & ultra septimanas mihi diu noctuque confligendum: Evasi tandem per divinam gratiam, factis induciis cum tam feroci hoste.

In ejus exanimi corpore sequentia memoratu dignissima, remotis integumentis thoraci ac ventri communibus comparuerunt, Omentum prætenue. Ventriculi substantia itidem tenuis, minusque crassa, inæqualiter tamen: Interiorque illius tunica diversicolor, circa orificium superius videlicet virore quodam subnigro, circa inferius vitellino, circaque medium tincturæ sub puniceæ schemate infecta: In ventriculo vero liquoris sæculenti ac turbidi cochlearia circiter tria, acorem graviter corruptum redolentia.

Mesenterium prorsus expers pinguedinis, & vasa ejusdem tantum non exsanguia, ut etiam ramus venæ Portæ, experimenti causa dissectus, vix aliquot guttulas cruoris effunderet: In Pancreate nihil anomali annotatum: Nec in Hepate, nisi quod extremitas cavæ partis utcunque livesceret, quod vero ob viciniam vesiculæ felleæ facile fieri potuit: Felleis abundantia notabilis & consistentia viscidior. Lien brevior ac rotundior fere solito, cæteroquin optime constitutus, pendens uncias quinque cum dimidio. Ren dexter sinistrum magnitudine superans: In cujus (dextri) pelvi, supra infundibulum, calculus grandis insignibus eminentiis. & una earum imprimi notabili, quæ principio ureteris insigebatur, exasperatus, uncias duas pendens, eique pinguedo plurima supposita, præter pinguedinem anteriorem, intrinsecus parenchymati adnata, præsertim circa infundibulum, cum calculo socio alio minore, pendente scrupulos duos cum dimidio: Ren sinister utcunque melior, fabulo



fabulo tamen prægnans, & extrinsecus nonnullis hydatidibus conspersus: Vesica urinaria pariter in hæsu calculi afflictæ: qui vero minor, oblongus & quasi quadratus extitit, pondere granorum septem. Cor & Pulmones debito modo se habuerunt. *Ex Miscellaneis curiosis ann. iv. & v. Tit. Memoria Sachsiæ, &c.*

## S C H O L I A.

**M**aximam Tartareorum humorum, &c.] Trium omnino concurrere ad Calculorum in Renibus concretionem censeo, Materiam Efficientem causam, & Eam sine qua non. De materia verba faciens Galenus 3. in 6. Epid. comm. 15. hæc habet, *Igitur urinarum crassities creandorum calculorum prima potissimæque causa est.* Sive coacciveretur ex incomposita victus ratione, aut ex imperfecta chylicatione, ob imbecillitatem ventriculi, destillatione a capite, cibis crassi succi, lacte caseoso, atque vinis nigris crassæ substantiæ, de quibus fule Galenus 2. & 3. de Aliment. facultatibus, qui propterea cap. 16. ejusd. tertii, statuit ab omnibus crassi succi cibis concretescere calculos in Renibus: Ex immodico quinetiam exercitio à cibo, tanquam causa potissima pueros calculosæ affectioni opportunos esse prodidit 3. in 6. Epid. 15. *Causa secunda principis est Efficiens, calor nempe densans, cogentique materiam crassam renibus impactam, discussis scil. partibus tenuioribus.* De qua idem Galenus lib. de dignosc. & curationum affectibus cap. 2. *Ideoque simpliciter à calore fit in nobis calculus:* Licet enim concretio non minus fiat à frigido quam à calido, non propterea censuerim cum Vallesio in Epidem. calculos utramque causam cognoscere: nunquam enim in corpore intensæ adeo frigiditas viguit quæ condensare & obdurare possit. Quanquam non eo inficias, quod calor agens possit esse intensior & remissior, si namque materia vitiosa crassior fuerit, densari & obdurescere potest, etiam à calore remisso. Quod docet Galenus 3. in 6. Epid. *Igitur, inquit, urinarum crassities procreandorum calculorum prima potissimæque causa est.* Quibus non negat mediocrem caliditatem ad hujusmodi materiam cogendam abunde esse, ut hoc nomine in vesica & intestinis concretescant calculi, quibus etiam senes sunt opportuni, in quibus tamen non viget calor: quanquam si tenuis materia ad renes confluxerit, in tophaceam & calculosam materiam cogi non possit, nisi ab eorum caliditate immodica: Præter vere dispositionem ratione *Materia crassæ,*

*& Efficaciam agentis, renum nempe caliditatem Angustiam vasorum in ipsis, & eorum imbecillitas accedat oportet, ex Galeno 5. de tuenda Sanit. 7. quod Qui laues habent venas, a cibis crassis succi non offenduntur:* nec immerito, quia cum omnis actio fiat per contactum permanentem, hic desideratur in iis quibus venæ sunt amplæ, hærente materia in Renibus, quin potius libere præterlabente, & cum urina effusa. Quod mihi contigit observare in sene octogenario, qui urinas semper profudit copiosæ pituitæ viscidissimæ immixtas, ad libram circiter, tenaciter adeo hærentis fundo matulæ, ut & ea inversa, effusa urina, ab illius fundo penderet: cum tamen nullæ unquam fuerint de calculo querelæ toto decem annorum spatio, & quod excedit, quibus ad ipsum invisit. Quam viarum angustiam, cum expultricis imbecillitate, censeo esse dispositionem hæreditariam, non facultatem quandam petrificam, quæ aliquorum est sententia, cum etiam in aliis partibus concrevant calculi: Neque lucem aliquem tartareum ut existimant alii, cum hoc non careat quolibet terrestris materia, atque non raro porotes à calculo immunes degant, licet vinum fuerit sæculatum & tartareum. Sicuti enim ex gibbis gibbi, ex luscis luscis, aliæque ex aliis hujusmodi nascuntur, facultatis formatricis vitio à semine, ex Galeno 6. aphor. 28. ubi de podagra sub finem, *Accedit ad has causas relata, ob quas nunc plerique podagra infestantur, quod parentes & avos multi podagricos habuere, in quibus scil. semen erat corruptum, atque ideo posteris majorem conciliarit partium imbecillitatem.* Ita Renes male conformati censeo, & imbecilliores reddi à semine vitiato. Cum enim angustiora sunt vasa, hæret materia crassæ, aut in renum cavo, aut frequentius in tenuibus illis cavitatibus in carunculas papillares patentibus, qui urinam transmittunt in ureterum ramos, per illorum substantiam divaricatos, atque ita in calculum concretis, affluente nova materia sensim. *Ex 1<sup>o</sup>. in 6. Epid. 6. Bon. Silvaticum cent. 3. consil. 66.*

## OBSERVATIO XVIII.

*Nephriticus dolor à calculis ureteribus vel pelvi impactis.*

§. 1. **C**uidam post mortem excidi lapillum nigrum ex ureteribus, quibus impactus. Ob inæqualitatem substantiæ elabi non poterat, atque ita hominem misere interemit, præter magnitudinem (pendebat scrupulum cum dimidio) ea in parte stupendam, color ejus nigerimus, & substantia ad tophi similitudinem accedens. *Theodorus Kerkringius Observ. Anat. 67.*

§. 2. Per transennam hic adnotabo sæpe in ureteribus inventos à me lapillos majusculos quosdam, parietibus adhærentes, qui viam aliis transeuntibus occludunt, & vehementer ab iis tacti augment hominis, eo morbi genere afflictæ, cruciatus. *Idem.*

§. 3. Magdalena N. lancinante lumborum dolore afficiebatur, Ren sinister lividus & tumidus, tres calculos continens, quorum unus ureteris initium obstruebat. *Vide tit. de Ischuria.*

§. 4. Laborabat Monachus dolore in rene sinistro: obstructus erat ureter sinister à calculo. *Vide ibid.*

§. 5. Joh.

## De Lumborum dolore, Nephritide, Calculo Renum. 1163

§. 5. Joh. N. cum Ischuria in Lumbis gravitatem perſentit, &c. Renis cavitas ſabulo aſperſa erat; Uterque pelvi calculus Inſertus erat. *Vide tit. de Ischuria.*

§. 6. Mortuus Illuſtr. Princeps Bonifacius Cardinali Caetanuſ, ex doloribus nephriticis, propter varios, aſperos, angulares, & aliquos valde acutos calculos, intra unum ex ureteribus impactos: Nam alter una cum rene ex toto fere contrabuerat, & nullo penitus humori pervius apparuit. *Crucius de Quæſitis per Epistolam p. m. 93.*

### OBSERVATIO XIX.

#### *Nephriticus dolor à calculis in Renum ſubſtantia, & ipſo Infundibulo, &c.*

**L**aboravit civis quidam ab aliquot annis renum calculo: Is ante paucos menſes acerbius ex eo malo decumbere cœpit: urinæ ipſi mox ſubſtiterunt, mox profluxerunt: dolore in ſiniſtra renis regione cruciatur intensiſſimo: tandem viribus exhaustus, & urina nullatenus profluente extinctus eſt, *crure ſiniſtro poſt mortem præ altero non parum intumefcente.*

Abdomine defuncti aperto, & inreſtinis remotis, ante omnia renis ſiniſtri conſtitutio conſpecta, qui prægrandis fuit magnitudinis, ſuperne (qua parte lumbis adhærebat) veſica aquoſa ſatis magna ipſi adhæreſcente: Rene novacula paululum aperto, ſanies quædam, ſive rectius ſerum album effluxit, aptiſſima, meo iudicio, progenerando calculo materia. Aperto penitus Rene, abſceſſus aliquis inſignis repertus non eſt: reperti tamen in renum ſubſtantia hinc inde calculi majusculi cum non parva ſabuli copia: Repertus tandem in ipſo infundiculo (qua ſcil. ſerum è rene in ureterem tranſire ſolet) lapis inſignior, radici zinzi-beris mediocri, & magnitudine & forma facieque per omnia reſpondens: Dexter Ren flaccidus plane fuit, ut pote qui à multo tempore munere ſuo perfunctus fuit minime: quippe ureter extra renem, ad digiti articuli unius altitudinem, à calculis penitiſſime & firmiſſime obſtructus viſebatur. *Greg. Horſtius Obſerv. lib. 4. obſ. 46.*

### S C H O L I A.

**C***Crure ſiniſtro non parum intumefcente*] Læſa renis ſiniſtri, è directo, facultate concoctrice, unde decubitus humoris ſeroſi in cras ſubditum. Familiare enim eſt partibus inferioribus ut pœnas luant erratorum partium principum, aut hiſ tamulantium. Alias ſtupor femoris calculi renum aliquando comes eſt, *Νάρον τῷ ὀνόματι κατ' ἔξω* inquit Hippocr. parte 5. lib. 6. ſect. 1. Epidem. Huius ſtuporis duplex eſt cauſa, prima compreſſio muſculi quæ dicti, cui renes ambo incubant: altera compreſſio nervi qui in cruris muſculos inſeritur: Hippocr. libello de morbis

virginum, cauſam reſert in venæ & arteriæ, cum renibus & cruribus conjunctæ repletionem, quæ nervulos juxta decurrentes comprimit: Hanc autem compreſſionem à calculi duritiæ & pondere fieri, inde conſtat quod incipiens & minor calculus torporem non pariat.

*Serum album effluxit calculo aptiſſima materia*] Hanc opinionem, (repudiata pituita) plucini neoteri-corum tuerentur & firmiſſimis rationibus ſtabiliant. Vide *Platerum Praxeos lib. 2. c. de Hypochond. doloribus. Sennertum & alios.*

### OBSERVATIO XX.

#### *Nephriticus dolor à calculo cruciformi per univerſum renem ſe diſpergente.*

**P**lumarum venditor emortuus ob renum ac pectoris vitia, habuit in utroque rene inſignem calculum, diſpergentem ſe quadruplici ramo, inſtar crucis, per univerſum renem, adeo ut non potuiſſet inde eximi niſi diſcerpiſſes fruſtulatim totum ipſius parenchyma. Viderint igitur qui ſatis ſpecioſe docent ex inciſis renibus calculos eximere, quam turpi ignominie proſtituerent & ſe & artem ſuam, ſi quidem aliquando inciderent in calculum tam firmiter renibus innatum. *N. Tulpius Obſerv. lib. 2. cap. 44.*

### S C H O L I A.

**E***X inciſis renibus calculos eximere*] Num calculi renalis extectio in vivente poſſibilis & cura? Nota eſt hiſtoria à *Paræo* allata de latrone morti ad-judicato, quem, in gratiam Medicorum, ut calculi commenta rimari poſſent, vivum diſſectum fuiſſe ait, ſanitati reſtitutum, hinc libertati reſtitutum. Videantur *Rouſſetii* ſuper hanc operationem obſervationes l. de partu cæli ſect. 3. c. 7. Diſſuadet illa à *Serapione* tr. 4. c. 22. Ego, *ait*, video quod hæc audacia alicuiſ, vehemens, ſublimis, ſuper mortem, propter illum ſem, per adminiſtrationem huius curationis. *Avi-*

*cenna* Magnum timorem in eo eſſe, inquit, & operationem ejus qui rationem non habet: Curam impoſſibilem judicat *Bacchanellus* lib. 3. de conſ. Med. Quoniam oportet penetrare per muſculos, per doſum, per oſſa magna, per nervos, arterias & venas magnas, in quo caſu accidit ſynope & inors: Et quanquam Hippocr. lib. de int. affect. eam ſuadere videatur, vix tamen tentanda eſt, niſi manifeſtum ſit ipſammet naturam apoſtemare quodam facto viam ſibi querere, quemadmodum experientia confirmat non raro factum fuiſſe.

OBSERV.

## OBSERVATIO XXI.

## §. 1. Nephriticus dolor à varia formæ &amp; coloris calculis.

**L**icet non modo usitatum, sed & quotidianum sit arenulas & calculos intra renes reperiri, ibidem natos & adauctos, magnos & parvos, duros & leves, forma diversos, oblongos acuminatos, latos, angulosos, rotundos, planos, coloribus albos, pullos, flavos, fulvos, spadiceos & nigros, ut depingi nullo modo possint, tamen singularem ob granditatem & formam adieciere volui, qui è dextro rene laudatissimi Principis Friderici III. Saxoniz Elect. aperto post obitum cadavere excisus fuit: Is duorum articulorum magnitudine, sub-rutilo colore, circumcirca uno in loco circulari ambitu medicamentum *Λιμφορραϊκόν* acedine attritus, erosusque qua urina profluxit. *Kentmannus libello de Calculis. Pencerus de præstigiis Demonum pag. 310.*

## S C H O L I A.

**C**oloribus albos, pullos, &c. ] Renum lapides ab iis qui in vesica generantur solo colore à Medicis distingui posse, fere ab omnibus receptum est: Sed hoc plerumque fallere ex dissectione intelligimus, quandoquidem renum lapides rubei vel crocei

perpetuo non occurrunt, sed non raro albi, cineritii conspiciuntur, cujus exempla multa afferre possem sed uno contentus, attinuo vidisse, &c. *Eustachius.*

§. 2. Affirmo vidisse me in Episcopo Senogalensi lapidem album insignis magnitudinis, principium vasis urinarii occupare, reliquum vero cavitatis renum innumeris fere lapillis ejusdem coloris repletum fuisse. *Eustachius cap. 45. de Renibus.*

§. 3. Calottus è nobile sene mortuo lapidem cuniculis actis, rene jam consumpto, corallo necdum lævigato, tam soliditate quam ramulis similem, omnibus quos unquam vidi vesicæ calculis compactiorem, exsecuit. *Jordanus Respons. ad Parad. Iouberti 7. decad. 2.*

§. 4. Admirabile naturæ miraculum silentio minime prætereundum in cadavere N. videre nobis obligit. Cujus alter ren lapidem insignis magnitudinis continebat, qui ab amplo caudice principium sumens, in octo ramos, juxta canaliculorum vasis urinarii formam atque numerum divisus, coralli truncum & furculos elegantissime æmularetur, ac præterea renis caro valde contracta & imminuta, ita firmiter huic lapidi undique adhaerebat, ut deposita propria figura quasi crassa quædam cutis ei obducaretur. *Eustachius in annot. Pini ad cap. 44. lib. de Renibus.*

§. 5. Uxor *Eckeberiti in Rotenhanff*, nephritica à multis annis, semper abortiens, nunc prægnans facta, divexabatur ingenti hæmorrhoidum fluxu aliquot mensibus; me absente mortua post partum aperta, invenitur magnus lapis in renibus, varia habens brachia, quæ à teneris annis divexata fuerat, uti & mater ejus, quæ mortua erat simili affectu. *Ex observ. Joh. Bauhini.*

§. 6. Anno 1558. mortuus est quidam, cui in altero rene erat lapillus tot particulis constans, quot in rene erant venarum ramuli, quarum particularum lapilli, extremum veluti caput marmoris rotundi & candidi frustulum referebat, vel Margaritæ majusculæ figuram & splendorem: id ex pituita vitrea concretum fuisse existimo. *Gesnerus lib. de aquat. pag. 219.*

§. 7. Anno 1566. aperto cadavere *P. de Schardes* re Medica illustris, exclusi è substantia utriusque renis duos lapides, ab utroque unum, insignis magnitudinis & crassitie, multis alis, seu cornibus aut radicibus in dicta renum substantia, & stomachis seu ventriculis adherentibus, cum multis lapillis pisorum magnitudinis repletis, vtereribus quamplurimis arenulis refertis. *Ferrandus senior in lib. de Nephritide.*

§. 8. In *Vrsula Kaufmanniana*, inventi in cavitate renum calculi imitantes figuram uretum, in tubulos, quos carunculæ pupillares obturant, expansorum: videbantur conilia marina flavo colore saturata. *Guern. Rolfinckius Epist. met. lib. 3. c. 19.*

§. 9. Cum aperiretur corpus Illustr. cujusdam matronæ, ab ineunte usque ad lx. annum doloribus calculi divexatæ, tandem superveniente continuo vomitu, dejecta appetentia, omnium virium prostratione extinctæ, ejus ex renibus extraxi raræ magnitudinis calculos binos (alter quippe duos digitos transversos latus & crassus; alter pollicem magnitudine & crassitie æquabat, forma externa non absimilis illi Sperlingiano quem describit D. J. D. Major. in Anatomica sua calculorum historia n. iij. pondere autem bini non excedebant unciam unam libræ civilis, quod miratus sum) duros quidem in se, cortice autem exteriori ita tenero ac friabili, ut facili negotio à reliquo vel levissimo digiti contactu separari potuerit. *Carolus Rayger in Miscell. curiosis anni 1672. observ. 285.*

§. 10. Ha-



## De Lumborum dolore, Nephritide, Calculo Renum. 1165

§. 10. Hanovix miles præfidiarius ( de quo l. 2. Tit. de Phthisi ) accusavit quoque simul Renum dolores, ardorem & cruentationem urinæ: Tandem sanguinea sæpe meiens, post 22. septimanas vero ascitide obiit anno 1671.

Aperto cadavere, ( præter vitium Pulmonum ) in dextro rene calculus eordiformis, in quo quatuor veluti vasorum trunci abscissi, appendices accreverunt, hinc inde denigratus, & siccati sanguinis colore obsoletus inventus, juxta quem plures alii minores, plerique nigri, friabiles & quasi ex concreto sanguine nati fuere. Quæ forma calculi forte meretur observationem. *Salomon Reifelius in misc. curios. anni 1673. observat. 191.*

### OBSERVATIO XXII.

*Renum dolor ob utrumque Renem calculo obfessum. 1. Ob calculum per omnes Renis sinus dispersum. 2. Ob Renem xxij calculos continentem, ab iis summe amplificatum. 3. Ob calculum in Rene dextro, & Arteriae magnæ distensionem. 4. Ob Renis tunicam & pelvim calculis refertas. 5.*

§. 1. **M**ulier diuturno Lumborum dolore detinebatur: In singulis hujus renibus singuli reperti sunt calculi. *Vide tit. de Ischuria.*

§. 2. Accidentia graviora diuturnioraque sunt si diutius retentus calculus in molem aliquam uno in loco concreseat: Maximeque si adeo urgeatur, ut per omnes sinus renis dispersus eos adimpleat, renemque in tumorem adimpleat, quales & maximos & tamosos calculos in renibus crevisse sectione invenimus. *Platerus Praxeos. lib. 2. cap. 12.*

§. 3. Vidi Renem xxij calculis refertum, in magnitudinem altero Rene quadruplo majorem excrevisse, quasi natura cum amplificare voluisset, ut calculos illos cum minori incommodo continere posset. *LaZ. Riverius cent. 4. obs. 34.*

§. 4. Dom. Bucetium afflixerunt dolor & ardor intolerabilis circa regionem renum: Arteria magna spinæ incumbens tam ampla erat ut pollicem admitteret: In rene dextro calculus insignis, Sinister aqua limpida distentus, &c. *Vide tit. de ventris dolore.*

§. 5. Anatome viri ex diabete & calculo mortui docuit, quod externa renum tunica plane lacerata, & minutis arenis obsita fuerit magis quam ipsa pelvis: *Anonymus in miscell. curiosis anni 1671. Observat. 157.*

### OBSERVATIO XXIII.

*Lumborum dolor ob Renem purulentum insignis magnitudinis. 1. Ob Renem semi-putridum, purulentum. 2. Ob Renis dextri apostema. 3. Ob Renem sinistrum maximum Dextro absente. 4. Ob vermes in Renibus. 5. Ob Renum inflammationem, hinc sequutam gangranam. 6. Ob abscessum in sinistri renis carne extima. 7. Ob Renis dextri putredinem. 8. Ulceratos, erosos. 9. Sinistri duritiem, substantiam puriformem. 10. Renum magnitudinem, duritiem, concreti puris substantiam referentem. 11. Sinistrum pure ac steatomate infectum. 12. Sinistrum colliquatum. 13. Vtrumque mole insignem citra vitium. 14.*

§. 1. **A**nno 1578. vocatus fui ut N. secarem, annor. lx. In istius Rene sinistro abscessum magnum reperi purulenta materia plenum: pondus ipsius erat libr. xiv. cum cysti & rene, quæ quidem cystis pellem vervecinam crassitie æquabat. Aliquo post tempore Juvenis quidam me accivit, qui cum eadem in parte vehementissimo dolore premeretur, alio stum Medicos tum Chirugos accersendos esse putavi: In contrarias itum est sententias, etenim maxima pars calculum esse in renibus coniciebat, præsertim cum aliquantulum puris cum urinis excerneret: Ego contra abscessum esse contendebam, abscessus illius prioris memor: paulo post patiens iterum me rogavit ut ipsum incidere, aiens se malle semel mori quam tot mortes vivendo perpeti: Ego precibus motus ipsum incidi, locumque materiam continentem reperi, sed nihil inde exiit; duabus post horis, apparatus primum mutaturus accessi; tractoque penicillo, pelvim accipere coactus sum, cujus plus quam dimidia pars pure repleta fuit, singulisque sequentibus diebus bis vacuatio fiebat, ita ut tum mane tum sero catinus illo pure impleretur, idque per mensem integrum & amplius: Tandem vero appositis remediis ulcus deterfum, cicatrix inducta, ipseque perfanatus est. *Barth. Cabrollius observ. 28.*

§. 2. N. à Selbolt , vir proceræ & ventricosæ constitutionis , avidus consequendæ prolis masculæ , Iudæi ope Medica usus est : Is cum frequenter dysuria Renumque doloribus torqueretur , pro calculoso ab eodem habitus fuit ; calidissimis itaque remediis utens , tandem in gravissimam dysuriam & urinæ odiosam suppressionem incidit : proinde adhibitis frustra remediis , diem clausit extremum.

Eo secto , inventus fuit Renum sinister albus , omnino involutus membrana quædam alba , semiputridus intus , materiam purulentam continens , Vesica urinaria exigua : In vesica fellis lapis durus , flavus , avellanæ magnitudine : hic angustabatur , sitiebat , febriebat. *Ex Observat. Iohann. Freder. Traßelmanni Medici Moguntini. in miscell. curios. anni 1670.*

§. 3. Quemadmodum Hepar , ita & Renes apostematibus diuturnis infestari videmus : Nob. quidam sexagenarius cum multis annis nephriticis doloribus , ardore urinæ & mingendi difficultate , quæ omnia à renum calculo prodire existimarunt , lancinatus fuisset , tandem occubuit.

Secto cadavere , inveni Renis dextri substantiam totam in pus crassum & fœtidum conversam , idque membrana conclusum : Vesica , ob insignem inflammationem atque exulcerationem ita fuit contracta , angustata & tumida , ut vix digitum admiserit : capacitas inveniebatur pure crasso plena , Similiter & in aliis permultis tum calculosis , tum nephritico dolori subjectis , ulcera renum magna deprehendi : dextrum vero renem , ob jecoris incumbentis forsitan caliditatem , magis atque sinistram exulcerationi obnoxium vidi. *Coiter libello observat. Anat. & Chirurgic.*

§. 4. Mulier ( de qua cap. Tit. de ventris tumore ) Lumbos & renes dolebat : Huic ren unus erat , sed magnitudine duplo superabat renem naturalem , Sinister erat : Dexter nullus , sed species quædam involucri : credo quod nunquam fuerat , mirum , Sæpe nephriticos dolores passa lapides excreverat , nullus tamen vel in rene vel in vesica lapis inventus est : *Ballonius Epid. & Ephemer. pag. 264.*

§. 5. Olyssippone in Xenodochio decumbebat juvenis robustus , qui à pueritia veluti dolore renum fuerat oppressus , qui sensim ac sine sensu pedetentimque ita accrevit , & immaniter excarnificavit , ut spiritus omnibus præsidiis eum per duos annos ad mortis fauces deduceret : Extenuatum est corpus cum febre jugi : Insolenter illum vexarunt sitis , ardor sensatus in regione renum , alvi nimia adstrictio , vigilia importuna : Demum accedente nimio fastidio tabidus vitam finivit.

Cadavere dissecto , in renibus ( in quibus æger dicebat se lignum acutum aut eultellum portare infixum ) inventi sunt in utroque renum cavo , vermes crassi , albi , vivi , dimidli digiti indicis longitudine , qui interiora ita arroserant , ut totum corpus contabefecerint. *Zacutus Prax. histor. lib. 2. cap. 16. observat. 6.*

#### SCHOLIA.

**I**N Renibus gigni vermes , atque cum urina excretos esse asserunt *Gentilis* comm. ad lib. 3. fin. 1. tr. 2. c. 3. can. *Avicenn.* *Fernelius* parh. lib. 6. cap. 10. *Vidui Vidui* junior l. 10. c. 14. de curat. membr. &

alii. *Holler.* cap. de vermibus ait quendam cum præcessisset lumborum & regionis renumdolor , renibus cum urina vermes eiecisse.

§. 6. Anno 1585. obiit filius meus primogenitus , qui ad septimum usque annum nulla unquam pustula defædatus fuit : cum 7<sup>o</sup>. ætatis anno per unum aut alterum diem cephalæ affectus esset , successit dolor Lumborum cum febre conjunctus , sicut etiam urinæ retentio , ita ut fere ne guttulam excernere posset , & quamvis omnis adhibita diligentia , urina tamen non processit , atque ita septimo morbi die obiit.

Cadavere dissecto , ingentem & insignem Renum ac partium circumjacentium inflammationem , in gangranam jam degeneratam reperimus. *Fabritius Hild. de Lithotomia vesicæ cap. 25.*

#### SCHOLIA.

**I**ngentem Renum inflammationem ] Inflammatio Renum est tumor illorum ex affluxu humoris san-

guinci , vel biliosi in illorum substantiam effusi. Non admodum sequens est illorū inflammatio ob substantiam solidam

solidam ac densam, interdum tamen fieri solet, quia renes carnoso præditi sunt parenchymate, sanguini recipiendo idoneo: Causæ præducentes, sunt ex parte Rerum natur. infirmitas congenita, magna substantiæ laxitas, fervor & caliditas excedens ab ortu impressa, cuius ope humores copiosos attrahunt: ætas juvenilis & tervida, Ex parte non natural. faciunt venus immodica, partes illas maxime debilitans & plurimum sanguinem alliciens: crapula & usus vini generosioris; piperatorum usus; lupinus decubitus in culcitra molliori: exercitationes vehementiores aut labores insueti: insignium evacuationum suppressiones, ut mensium, hæmorrhoidum, hæmorrhagiæ narium, quæ plethoram & cacoehymiam multiplicat, & humores ad interiora viscera quasi refluxu quodam propellunt: Res præternaturales sunt ictus aut vulnera regioni renum inflicta, compressio nimia aut contusio; febres continuæ, impuritas omnium vasorum vel aliquarum partium, suam illuviem expurgantium per vias urinæ, ut in pleuritide, empyemate, &c. Ipsorum denique Renum affectus peculiare, ut calculus, dolor vehemens, urinæ suppressio, &c. Signa diagnostica sunt dolor in Renum regione gravis, & aliquando pulsans, si locus in

quo sunt arteriæ afficiatur, & ille dolor ad partes vicinas extenditur, ut ægri neque sese erigere neque pedibus inniti valeant: tum etiam difficile in latus oppositum sese convertere, neque in illud neque in ventrem decumbere possint, quia suspenditur pars inflammata, ideo perpetuo in dorsum residere coguntur, & si sternutatio, vel alia corporis commotio accideret, dolor valde exasperatur: Stupor, aut etiam dolor in crure ejusdem lateris percipitur, ob nervi, qui inde ad crus tendit, condolentiam: Dysuria etiam adest, ob ardorem urinæ communicatum, & ichores ei permixtos à parte inflammata exudantes, Urina initio tenuis est & flava, in progressu vero rubicunda & crassior evadit; febris assidua & acuta ægro tantem affligit, sæpe cum vigiliis, delirio aliisque gravibus symptomatis: Colom etiam intestinum aliquando inflammatione afficitur, quæ si eam partem occupet quæ renibus vicina est, similia profert symptomata, in eo tamen distinguitur, quod in Renum inflammato, dolor ad costas nothas, dorsum, & vesicam se extendat, Coli vero inflammatio magis versus ventrem, & major apparet mutatio in alvi defectionibus quam in renum inflammatione. *Riverius.*

§. 7. Illustr. Abbas cum febre assidua, in regione Renum non mediocrem fervorem experitur, &c. In mortuo inventa est corruptio & abscessus in renis sinistri exteriori carne. *Vide lib. 4. tit. de Febribus.*

§. 8. Nob. N. Ren dexter, ex cuius vitio sævis doloribus nephriticis divexatus fuit, totus putris, & in tabum resolutus deprehensus, in cuius medio calculus latebat. *Vide tit. de Febribus.*

§. 9. Nobilis arthriticis, Nephriticis morbis sæpe affectus est, Ren uterque erosus & ulceratus erat, &c. *Vide tit. de ventris tumore.*

§. 10. Anglus de lumborum gravitate ac dolore conquerebatur; Ren sinistèr admodum durus erat, ac major justo, & substantia interiore haud parenchymatis colore, sed candidior, concreto puri similis. *Vide Tit. de Testiculorum affectibus.*

§. 1. Generosus N. renum dolores per plures annos passus est: Ren uterque repertus est major quam secundum naturam, durus, concreti ac indurati puris colorem ac similitudinem referens.

§. 12. Mercator (Tit. de urina alieno loco excreta.) Lumborum dolore affligebatur, urinæ acrimonia, &c. Dextrum latus Renis erat expers, sinister pure ac steatomate infectus.

§. 13. Matrona (Vide tit. de ventriculi dolore) diu perpeffa est dolores modo ventris modo Lumborum, Ren sinister colliquatus omnino erat.

§. 14. Dominæ Dux Renes, de quibus alias fuerat conquesta, scrutando, hos ambos mole ampla & longitudine præter solum immensa, sanos tamen deprehendi. *Vide tit. de Hypogastrii doloribus.*

## OBSERVATIO XXIV.

*Calculus unciarum trium & semis in rene dextero repertus: Centum lapilli in sinistro, citra dolores nephriticis, urinas sabulosas, aut difficulter fluentes. 1. Calculi citra signa gestati. 2. 3. 4. 5. 6.*

§. 1. **C** Eliss. Principis aperto abdomine, infra Hepar repertus Ren major capite puelli duorum annorum, ponderans libras duas cum semisse, in cuius centro calculus unciatum trium & semis repertus, Infra hunc tenem, circa musculum psoas, aderat abscessus longus atque profundus, flavo ac foetido pure plenus, absq; ullo femoris torpere, contra *Kernelium*: Ren vero altior & naturali major, continens ad minimum centum parvos lapillos: Nunquam tamen toto vitæ tempore conquestus est de doloribus nephriticis, calculis, urinis sabulosis, aut difficulter vel diminutè fluentibus. (Tit. de melanch. lib. 1.)

§. 2. Vicentini, &c. (de quo lib. 2. tit. de Phthisi) ren dexter in ureterum orificio grandem calculum continebat, acutum sed glabrum, pollicis magnitudine & crassitie, aliosque alibi minores & arenulas infinitas, Nullam tamen urinæ difficultatem experiebatur, sed tantum dolorem in inguinibus & ægrum in dextro latere decubitum: Dolor à calculo magno: urinæ prompte fluxit, quia sana vesica & sinister ren sanus. *Th. Bartholinus cent. 2. hist. 37.*

§. 3. Observavit. Ioh. Heurnius in cadavere Dom. Marnixii Aldegundii, cum illud Leydæ aperiretur anno 1594. in altero rene calculos parvos lxx, in altero lxxx. qui tamen nunquam de ullo è nephriticis symptomatis conquestus fuerat, ita firmiter carni renū impacti hærebāt.



§. 4. N. Nicolaus Van Diick in Fortalitio Crevecoeuriano quondam Praefectus, & inibi mortuus, ad grande senium usque de nullo unquam Lumborum dolore, nec aliis nephriticis signis est conquestus: ne quidem cum extremo suo morbo mensibus aliquot detentus, lectoque affixus in dies deficeret: Cum autem Harlemi sepeliendum corpus, & adversus putredinem muniendum aperiretur, casu renes dissecti sunt, in quorum uno lapis, majusculæ nucis juglandis quantitatem habens repertus, cum duobus magnis & tuberosis processibus: in altero duo calculi extabant, quorum prior magnitudine & figura pomi Perfici lapidem, alter nucem amygdali quam dentibus frangere solemus, adeo naturaliter referebant ut ovum ovo vix similis dixisses. *Obser. Greg. Plassii Medici Harlemensis ad Joh. Beverovicium, in hujus Spicis de Carculo.*

## A P P E N D I X.

*De quodam Nephritide laborante, cui citra dysuriam defuit dolor.*

**D** Vinantius me hodie consilii causa accessit: omnia in illo nuper signa Calculi renum, dolor acerbissimus primum lumborum, mox lateris epigastrii, nausea vomitus, urina pauca, modo aquea modo cruenta, sed quod mirum, nulla, levato dolore, dysuria: Hanc tamen frequenter observare solemus cum calculus vel arenulæ ex angustis ureteribus, ubi acerrimos distendendo cruciatus excitant, in ampliorem vesicæ capacitatem emergunt & ad exitum stimulantur: Dubitari possit de colico dolore, qui affinitate quæ eicū nephritide intercedit, etiam exercitatis quandoque imposuit, nisi urinæ obstarent cruentæ. *Beverovicium ad Plassium.*

Æstimo lapidem ei in ipso dextri renis parenchymate, latiori ureteris meatui renis cavo infixi, adiacere imo contiguū esse: ideoque post vehementiora quædam exercitia (inter quæ lusus clavæ ac pilæ crebrior fuit) & largiores haustus signa calculi se prodere: Dum per vehementes Lumborum contorsiones calculo plus minus moto atque ureteris meatui incumbente, eundemque premente, per obliquum ureteris ductum dolor causatur, qui solo sæpedecubitu supino cessat: potest enim tunc latus illius dextrum fortiter apprehendi, & absque ullo dolore comprimi: eodē tamen si surgat, recrudescente, ita ut Dies & Quies ordinarie illum sanent, lapide per dinturnum decubitū paucillum regresso, ac ibidem citra læsionem ullam, donec dictorum errorum aliquis committatur, hærente: Cujus rei experimentum dictus Nob. Nicolaus Van Diick dedit: post excessum in potu dolores hos interdum exacerbari non miror, dum serum per ramulos capillares in carunculas papillis similes stillare, & ab his in fistulas membranasas, ureterum propagines, tandemque in ureteres simul derivari considero: majore enim serositatum appulsu, quid mirum si lapis ureteris meatui contiguus eo versus prematur, & in parte adeo sensibili tantos cruciatus leviori tactu exciter, qui Nob. dictum non ita obruerunt, tum quod situs istorum lapidum à membranosis in rene partibus remotior, tum quod animus ejus ab excessu, tam in potu quam in motu, alienior fuerit: Dolorem colicum hic nobis non imponere demonstrant urinæ cruentæ & doloris ex solo decubitu alleviatio, quæ nec calculum nec quid simile in uretere hæsisse luce meridiana clarius ostendit: Levamina dolorum sine ulla subsequente dysuria, idem adstruunt. *Plassium ad Beverovicium.*

§. 5. D. Nivelles Procurator castrensis, annum lxxx. attigit, sine ullis fere renum doloribus, nec vrinæ suppressione, Et tamen cum febre periisset, in cadaveris dissectione ren sinister repertus est luto refertus, in dextro vero lapis cineritius, obscurus, ponderis unciarum septem, similis castanæ marinæ cui appendix adhærebat. *P. Borellus. cent. ij. Observ. 62.*

§. 6. Infrequens illud à me deprehensum fuit, calculum in extrema pingui renum tunica adnatum fuisse, qui etsi satis magnus fuisset, tamen quia cavus & lævis omnino erat, molestiam nullam, quod audierim, peperit. *Platerus Præceos lib. 2. cap. 12.*

## OBSERVATIO XXV.

*Lumborum dolor & dorsi ab insigni Pancreatis abscessu.*

**V** Ir quidam incidit in Febrem cum quodam dolore ad Lumbos & dorsum, &c. Mortis causa fuit ingens Abscessus in toto Pancreate latitans cum multo pure & foetore intolerabili. *Vide lib. 4. Tit. de Febris.*

OBSERV.

## OBSERVATIO XXVI.

*Calculosi Renes flaccidi reperti cum ureterum amplificatione* 1. Cavitates majores fiunt ab appulso nova materia. 2. In Calculosis ureterum dilatatio reperta. 3. 4. 5. In Emulgentibus calculi geniti 6. 7. Cicatrix Renibus inducta post diuturnos dolores nephriticos. 8.

§. 1. **F**Rancisca N. (vide tit. de Febris) nephriticis doloribus fuerat obnoxia ac calculos sæpe excluferat: Renes reperti flaccidi, male colorati, pinguedine destituti: Vreteres summe prolongati & dilatati, &c.

§. 2. In calculosis subinde cavitates relictæ à calculis in renibus, succedente nova materia majores fiunt: *Crato in Consiliis Scholtzii, cons. 141.*

§. 3. His qui jam pridem doloribus nephriticis erant affecti, usque adeo dilatatum ureterem comperimus, ut in eum major digitus immitti posset. *Fernelius Patholog. lib. 6. cap. 26.*

§. 4. Vreteres adeo dilatatos & amplos factos in illis qui sæpius calculos reddiderunt, sectione observavi, ut sine labore magno postea & arenulas & calculos, præsertim dum minores erant, sæpius excreverint. *Platerus Præx. lib. 2. cap. 12.*

§. 5. Non dilatatos quidem, sed in longitudinem extensos ureteres, adeo ut duplo longiores viderentur, vidi in uxore cujusdam Auri fabri Genevensis nomine *Rival*, quæ nephritidem per multos annos passa.

§. 6. Non solum in sinu cavo renum, sed etiam in uretere concresecunt calculi, imo in renum quoque substantia: Observatus est in quodam calculus figura muris, caput erat in uretere (is enim paulo post exortum à rene amplior est) corpus in cavitate renum: pedes & cauda in eorum fistulis. *Ioh. Assuerus.*

§. 7. Nonnunquam non solum serum per emulgentes ad renes derivatur, verum etiam pituitosa & mucosa materia: hæc cum in pulvi colligitur, arenulæ gignuntur: cum subsistit in Emulgentibus, propter suam crassitiam, generatur massa similis cicadis, habens proportionales alas & pedes, talemque sæpissime in exortu emulgentium deprehendimus. *Rolfinkius in Dissertat. Anat.*

§. 8. Illustriss. Ducissa Ferrariensis cum doloribus nephriticis per certa intervalla esset obnoxia, gravissimo item sanguinis & urinarum purulentarum mictu, exercitii loco deambulationibus utebatur: à quo exercitio cum abstinuisset, & quieti corpus dedisset, curationem malo contrariam querens, & sic aliquando levibus quibusdam mediis contra calculum usa esset, tandem hæc excretiones desiere: quare cum alio morbo interiisset, corpusque ipsius fuisset apertum, in rene ipsius parvus calculus repertus fuit, circa quem cicatrix pulchra, sana & munda, dimidii digiti longitudine erat, quod fidem faciebat, cum tam excretiones quæ per urinas fiebant, cessassent, quam quod consueti dolores nephritici remisissent, calculum multo majorem fuisse, qui etiam ulcus causasset, ex quo prius sanguis dein & pus emanavit, quod cicatrice erat consolidatum, quod etiam Hepati, pulmonibus, aliisque partibus principibus accidit. *Roussetus de partu Cæsareo sect. 3. cap. 7.*

## OBSERVATIO XXVII.

*Nephriticus dolor à calculis & arenulis cum renum substantia Vlcere, suppuratione, corruptione, &c.*

§. 1. **N**Ob. femina per vices dolores sensit nephriticos: Renes cum ureteribus, usque ad vesicam, putredine erant corrupti, sabulo infarcti. *Vide tit. de Hypogastrici dolore.*

§. 2. Mercator ischuriam cum insigni lumborum & perinei dolore perpeßus est: In rene sinistro lapilli complures: Ren dexter totus erat consumptus. *Vide tit. de Ischuria.*

§. 3. Sereniss. N. nephritidis non obscura signa habuit: Renum uterque magnus, durus: In dextro pustula, Sinister præterea ulcus cavum habebat, cancrosum: Aderant in cavitate fragmenta calculi, arenulæ: *Vide tit. de Dysuria.*

FF fff 3

§. 4. Vid.

§. 4. Vir Illustris dolore circa lumbos cum vomitu afficiebatur: Ren dexter fere absumptus erat, sinister intra cavitatem & ductus sabulum & calculos continebat. *Vide tit. de Ischuria.*

§. 5. Vidua N. Lumborum dolore afflicta fuit, excernens cum urina corpora eruenta, lata: Ren dexter monstruosus erat magnitudinis, intus cancrusus & pure refertus: In sinistro calculus ingens. *Vide tit. de urinis p. n.*

§. 6. Mercator Brabantinus post exectum in pueritia Calculum, ad xl. ætatis ubi pervenisset annum, ipsum afflixit Lumborum dolor, &c. Ad aperto cadavere vidimus dextrum latus Renis expers, in sinistro vero eundem pure ac steatomate infectum. *Vide tit. de Urina alieno loco excreta.*

## OBSERVATIO XXVIII.

*Pueros Nephritidi & lumborum doloribus obnoxios esse ostendit Anatome.*

§. 1. Filiola Domicellæ Du. Buy xi. febris die interiit: repertus lapis in renibus, vomebat frequenter.

§. 2. Filius Ducis Aumalzi, aperto cadavere, nephriticus deprehensus est, Lapis una cum urina excretus est: In corpore renis alius est deprehensus: alvus fluxerat diu, febris perseverarat, dolores, clamores, ejulatus, scabies: *Ballonius Epid. lib. 2. p. 2. 12. & 245.*

## S C H O L I A.

EX his historiis doceri debemus, quod morbi Renum in pueris nobis suspecti esse debent, & nunquam animo atque cogitatione istas sedes lustrare diligenter, inspectis urinis & manu regione renum contrectata: Quid enim est quominus rudimentum majoris cujusdam lapidis in vesica concreturi, & augendi à renibus manet? Et quoniam præ ætatis parvitate non possunt nec locum indicare, nec morbi speciem explicare, in Medicorum notitiam hic morbus non venit (*Idem ibidem p. 212.*) Et si vomem-

di molestiæ adsint, vel nausæ, & si jactatio multa, urina aliquid indicante (quamquam in hoc affectu sæpe in pueris sunt fallaces) tunc de lapide in renibus veteri oportet: *Idem p. 222. §. 8.* Cum vomunt sæpe, & contorquent corpus pueri, loco non consistentes, de nephritide conjectura esse debet, Et fomenta ad renes applicabis: Quod notandum, ut prudentia medici infantium imbecillitati & infantie, ut ita dicam, humaniter succurrat.

*Ibidem p. 245.*

## OBSERVATIO XXIX.

*Multos Lumbis dolere citra calculi in Renibus præsentiam, ex solo catarrho, Anatome ostendit.*

Multos solis ad renes destillationibus misere tortos vidi, ut nil nisi lapidem renum accusarent dum vixerunt, quorum tandem demortuorum cadavera, cum cultro examinarentur Anatomico, ne vestigium calculi ostenderunt: E contra tot alios fuisse dissectos experientia docuit, quibus & renes & vesica lapillis onerati fuere frequentibus, per omnem tamen vitam nunquam de nephritico dolore conquesti. *Ioh. Georgius Volkamerus in miscell. cur. ann. 1674. 75. & 1678.*

## OBSERVATIO XXX.

*Lumborum dolor ob Lienis à loco proprio discessionem.*

RVsticus 50. annor. fere, macilentus, exsuccus & ejulans ob gravissimum dolorem quem sex menses ne momentum remisisset, sed potius intrevisset circa Lumborum vertebra, ad Xenodochium deponitur: Barbiton fores luxationem causabantur & abscessum circa os sacrum: resciverant ipsum quandoque à sua conjugē pedibus calcatum fuisse. Ego dum diagnostica diligentius expendo, & in sinistro hypochondrio renitentiam, fere ad ossis Illi spinam, scirrhum Lienis suspicor: Etiam in toto corpore color plumbeus, cum fastidio ciborum omnimodo me firmat, & pertinaci Vigilia: quare remedia interne & externe contra hoc malum paro, & emulsionem ex seminibus frigidioribus contra urinas cruentas & nephriticum dolorem: Ex his quod idem dolor deservisse videbatur, cum cum aliquot septimanas non perciperet, suspectabam tamen recidivam quod fere nihil alimenti assumeret, & renitentia hypochondrii sinistri remaneret, & cum corporis lurido colore: Vix metum conceperam, cum ad recrudescentem dolorem tanta sævitia vocor, qui ipsum 4. die extinxit.

Ut post



Ut post istius obitum contra Barbisonores, alias Diis placet Chirurgos, mea monita firmarem, ad anatomen hujus cadaveris, tanquam verum in medicina tribunal, concessi & omnibus publice hæc exposui: Aperto abdomine, primo cinctu pro Epiploa fibras conplexi, inter quas alias pinguedo conspicitur: Hepar neutrquam noxam ferebat: In Ventriculo laxiore globulos, ut nuces avellanas, & præduros offendo, etsi per menses sex tantum liquidis alimentis usus sit: *An ideo quod aliquod fermentum Lien per vascula, quibus stomacho connectitur, denegaverat?* Hic Lien scirrholus, neque diaphragmati neque omento adharebat, Nec circa ipsum vas breve notabatur, sed ipse arcto coalitu sub ipsam membranam disposam renem sinistram amplexabatur, & nidorem ferebat quasi ad prunas tostus fuisset: In rene sinistro, etiam si loco suo cesserat, nihil sinistri conspiciebam: Cruentus urinas lienis vitio puto produisse: forsan sua mole exprimebat e renibus, nondum in pelvum ex carunculis secretum serum. *Martinus Bogdanus Observat. iij.*

## S C H O L I A.

**L**ien sub ipsam membranam, &c. ] Lienem interdum situm mutare asserit Riolanus Encheir. Anat. lib. 2. cap. 26. dum laxatis ligamenti pondere deorsum propendit: vel ruptis procumbit in hypogastrium, quod ipsi quater visum: Tam fallere ait incautos specie molæ vel scirrholi uteri: In viris specie glandulosi tumoris, instar steatomatis in mesenterio latentis. Nonnunquam visus alteruter Ren eo prolapsus, utriusque tamen facile est discrimen: Renis prolapsi index est tumor rotundus: Lienis proclui, tumor oblongus & vacuitas hypochondrii sinistri: Quod si mobilis fuerit tumor, ut est in suo principi pio, facile vel Lien vel Ren ad suum locum na-

turalem reducitur, alioquin ultra semestrem spatium si loco renotus lien fuerit, ita firmiter adhæret, peritonæo intorsum, fundo velicæ, intestinis, & in mulieribus utero, ut necesse sit ibi putrescere: quod fiet ocyus si emollientibus remediis assumptis vel admotis utaris: protrahes vitam si sæpius sanguinem detrahas, atque subligaculo tumorem sustineas.

*Neque diaphragmati, &c.* ] Situs Lienis naturalis est in sinistro hypochondrio, inter costas & ventriculum e regione hepatis, dorsali parti vicinior, costisque spuris, quæ ipsi sunt tutela loco, innitens: In ventriculi latus sinistram, paulo posterius versus renem sinistram incumbit.

## OBSERVATIO XXXI.

*Lumborum dolor a lapidibus in arteriis lumbaribus absconditis.*

**A**rteriæ membrana, uti venæ, cinguntur aliquando crassa & communia vicinis partibus, quando sunt extra viscera & musculos, Et tales arteriæ, quæ adiunctam habent membranam nervos recipientem, sentiunt: Unde Galenus ait pulsus inflammari, item sentire atque dolere arteriam: Quod in interiori quidam expertus est Patavii, qui ingenti circa lumbos dolore defunctus, lapides instar unguis, in arteriis lumbaribus condebant. *Bartholinus libello ij. cap. 1. Anatom. Reformat.*

## OBSERVATIO XXXII.

*Lumborum dolor ob scirrhum in Ileo intestino, supra renis regionem consistentem.*

**M**vlierem vidi octuagenariam, quæ videbatur Nephritico dolore affici, prout signa pathognomonica ostendebant. Mortua est tandem tali dolore correpta: Hæc scirrhum habebat in Ileo intestino supra Renis regionem: Et quoniam scirrhus supra Renem ipsum detinebatur, symptomata affecti Renis gignebat: Scirrhus inceperat ad intra intestinum corrumpere & exulcerare, quando mortua est: hæc nunquamvolvulo laboravit, sed difficultatem urinæ passa fuit per multos annos ob allatam causam: *Hippolitus Boscius de Facult. Anatom. Lect. 2. pag. 24.*

## OBSERVATIO XXXIII.

*Lumborum dolor à sero in Fistula dorsi stagnante.*

**I**acobus Spœrlin Victor, (multis affectibus p. n. laceratus) de dolore circa regionem renum & lumborum conquestus fuit, qui non raro ad alterutram coxarum pertingebant, &c. Multum feri, reclinato pectore, ex ostio magno occipitis promanavit.

## S C H O L I A.

**L**umbaginem frequentem, quæ nonnunquam ad alterutram coxam inclinabat, non calculis in renibus latentibus, quorum nulli, qui alicujus momenti erant, reperiebantur, sed sero in fistula dorsali stagnanti adscribendam sectio manifestum fecit, nam feri multum reclinato pectore ex ostio magno ossis occi-

pitatis promanavit: Doloris situs & diffusio, dum adhuc viveret, indicio erant, & fidem faciebant à sero potius illum dependere quam à causa stabili fixaque sedem obrinente. *I. I. Wepferus*

*Dissertat. de Apoplexia*

*Histo. xiiij.*

FFFFF

OBSERV.

## OBSERVATIO XXXIV.

*Lumborum dolor ab abscessu illic, oborto.*

**Q**uidam dolore lumborum diutissime afflictus, nullis remediis conferentibus tandem diem suum obiit: Inter alia remedia, paulo ante interitum, cauterium femori, quatuor digitis supra genu affixum fuerat, à quo decisa cicatrix fluxit sanies quædam circiter ad 3ß. postmodum vero singulis diebus fluebat ex cauterio pus verum & laudabile ad 3i. vel amplius: Mirabatur Chirurgus, neq; unquam potuit coniecere undenam pus illud manaret.

Aperto defuncti cadavere, inventus est Pulmo purulentus, quæ præcipua mortis causa fuit: In Lumbis vero magnus abscessus inventus est, à quo dolor ille diuturnus & contumax oriebatur: ab Abscessu autem ad cauterium usque, inventus est canaliculus, per quem puris portio quædam effluebat. *Franc. Chomel Medicus Annonænsis, ad Riverium observat. 2.*

## S C H O L I A.

**H**inc colligere est quanta solertia natura uti soleat ad causas morbificas foras eliminandas, quæ canaliculum illum efformaverit ad abscessum

lumborum per cauterium efformandum, quod tamen pericere non potuit à magnitudine morbi superata.

## OBSERVATIO XXXV.

*Lumborum dolor à corrosis duabus lumborum vertebra, succedente hinc vena cava & arteria aortæ ruptura.*

**L**ugduni erat incola, genere Provincius. Is in ætatis flore, crapulæ & mero addictus, in acerbissimos continuosque Lumborum dolores tandem incidit: Advocatus Medicus ex antecedenti victus ratione & lotio, assiduaque febricula, affectum calidum esse pronuntiavit, quare ad mitigationem doloris lenientes clysteres, forus, inunctiones, &c. præscripsit, quibus nequaquam cessit dolor: Aliis in consilium adiunctis Medicis, accurateque omnibus ab iis expensis, magnam in Renum substantia obstructionem adesse cum intemperie calida unanimiter constitutum: Etenim urinx admodum flammeæ erant, cum quadam continua febricula, quæ circa vesperam una cum dolore magis magisque exacerbabatur; quare præmisso enemate internam cubiti venam primo, post saphnam utriusque pedissecari jubent, postea purgatione præscribunt, foribus, balneis linimentis dolores demulcere conati sunt; sed frustra omnia: quare medicis in posterum parere amplius noluit, sed vitæ reliquum fortunæ commisit, omni alimentorum genere & generosissimo vino quotidie utens: Tandem diuturnis continuisque doloribus confectus, ac totus emaciatus, à domo sua in viam ingrediens, præ nimia anxietate ac doloris acerbitate in testudinis limite cecidit, ubi derepente interiit.

Post cadaver sectum est, in quo illæsis renibus, duæ lumborum vertebrae corrosæ sunt, re-pertæ, una cum aortæ & venæ cavæ, cui superpositæ erant, ruptura, unde magna ex utroque vase facta fuerat sanguinis effusio: *Auberinus Exercit. 44. ad lib. Fernelii de abditis.*

## S C H O L I A.

**M**orbis meo iudicio erat Tabes spinea, de qua Hippo. lib. de locis in homine hæc scripsit Porro cum retro in spinam fluxio processerit, hinc Tabes fit ejusmodi, Lumbos dolet, & anteriores capitis partes vacuæ ipsi videntur esse. Et mox medellam sit tradit Tabes ex fluxione reirorsum, Qui hac affectus est, ei caput est purgandum debili medicamento donec fluxus revertatur, Dieta autem viere velut in super-

riore Tabes, in qua cibi non multi simul ingerendi sunt, obsonia non plura quam cibaria frumentaria, & vino inter edendum uiendum est aquoso, ut ne calefaciat, & corpori debili existenti caliditatem exhibeat, & simul ambo calefaciant in eodem tempore, & caliditate multum fluxum inducant: medicamentum potandum præbe elaterium deorsum (purgans) inferne alvum lacte infuso elue.

## OBSERVATIO. XXXVI.

*Renum dolor à pure à corde, calculis & abscessibus obsito manante. 1. Ab hydrope thoracis, calculo in corde. 2.*

**1. §.** Contigit semel mulieri nostræ ætatis, quæ quatuor menses integros minxit pus, & Caliquando propter puris acrimoniam, sanguinem puri copmixtum: Medici consulti adhibuerunt remedia ac si renes exulcerati fuissent, quod in eis per intervalla magnum sentiret dolorem mulier.

Hæc moritur 4<sup>to</sup> mense, dissecta est, inventi renes integri & vesica integra; at in corde inventi sunt duo calculi & abscessus multi, qui expurgabantur per urinas, atque in transitu pus dolorem infligebat renibus: sic solus sanguis potest à thorace demitti ad vesicam ut excernatur. *Scholiographus ad cap. 29. & 50. lib. de morbo. internis Hollerii.*

**§. 2.** Vidi in N. urinx difficultatem cum maximo Renum dolore, cujus Renes integri inventi sunt, sed in thorace hydrops & concretus, in corde lapis. *Vide iii. de mictione difficili.*

OBSERV



*Lumborum dolor ab acri sanie è pulmonibus aut venis, in renes confluyente,  
Aut sero vasa distendente,*

**I**N multis post fata dissectis Renes integri inventi sunt, qui tamen dum in vivis essent de Renum dolore pertinaci conquerebantur, vel ex venis aut pulmonibus eo confluyente acri sanie vel sero vasa distendente. *Iacotius ad aphor. 47. lib. 6. §. 2. coacrarum*

## S C H O L I A.

**I**Nde constar gravitatem humborum calculi renum pathognomonicum non esse, cum aliis etiam de caulis, puta sanguinis grumo, pituita vitrea, sanie ob vomitum alicubi ruptam eo confluyente, sero acri falsisque recrementis perfuso, imo vermibus in rene stabulantibus gravitatum diuturnumque renibus dolo-

rem concitari haud rarum sit. Sic *Hollerius* comm. ad aph. 2. sect. 6. refert se vidisse quendam qui intolerabili renum cruciatu affligebatur, quem nec f. m. nec catharsis, nec alia remedia mitigare potuerunt, sed solum hæmorrhoides apertæ, juxta aph. 2. sect. 6. Nephriticis hæmorrhoides supervenientes bonum.

## OBSERVATIO XXXVIII.

*Lumborum & Dorsi dolor ob vasa ab Hepate ad Renes euntia Tartaro oblinita.*

**N**obilem quendam hypochondriacum vidimus, quem Lumborum Dorsique dolor contumax totum per septennium exercuit, cum arenularum intense rubrarum missione, adeo ut quis merito dixisset calculosum fuisse admodum: Medicina recreari non potuit, sed vi morbi tandem superatus fatis concessit.

Cadavere à morte dissecto renes scrutari sumus, nullum vero calculum aut Renibus aut vesicæ impactum comperimus, sed (quod impense sumus demirati) vasa quæ ab Hepate ad renes feruntur, coagumento rubro tartareo undiquaque oblinita, & ad insignem usque angustiam crustata. *Gualterus Charleton Diatriba de Lithiasi cap. 3. sect. 1.*

## S C H O L I A.

**A**renularum intense rubrarum] Inde negat frequentiam, Rubras arenulas mingit, Ergo lithiasis oblieditur: plerique enim melancholici aut hypochondriaci affectioni impliciti, quibus sanguis ad cisternas usque haud raro aduatur, effundunt vias tartareis coagulis, vitreæ conchæ se agglutinantibus, luculenter conspersas, qui tamen ne levissimum ne-

phritidis paroxysmum unquam degustarunt. Nobilem autem prædictum granula rubra eminxisse arbitramur, captopter quod serum perenniter præterlabens laxiores, magisque solutiles tartareæ coagulationis portiones abluerit, atque serum ad renes & vesicam deduxerit. *Vide de his arenulis rubentibus Sennerium lib. 3. p. 5. §. 1. c. 4.*

## Diascepsis de Lumborum Doloribus.

**Lumborum dorsique dolor contumax]** Nihil frequentius occurrit apud *Hippocr.* & in praxi medica, quam Lumborum dolores, live sint primarii live secundarii, qui sæpius negliguntur à Medicis, tanquam symptomatice, nisi sint contumaces & solitarii absque febre: Quorum causæ non satis accurate expositæ fuere, nec medendi ratio sufficienter explicata à Practicis: Rem conabor illustrare, Itaque demonstratis partibus internis ventris inferioris, spectare licet Lumbos musculis opertos, tam intus quam foris, & diaphragmatis carnosas portiones, usque ad os sacrum protensas, atque truncum Venæ Cavæ descendentes, simulque Aortam, prætereagminos Renes: Et si in memoriam revoces adhesionem Mesenterii ad Lumbos, & observaris Lumbares venas, à trunco venæ cavæ productas, & arterias ex Aorta, utrasque in foramina vertebrarum insinuatæ usque ad spinalem medullam, Hæc omnia diligenter inspecta magnam lucem afferent nostræ diascepsi.

In primis scire oportet istum dolorem appellari apud Græcos *ἀρρῶν*, Latinis Lumbaginem, & qui ex dolore Lumborum imbecillis redditur, *Elumbus* vel *Elumbatus* nominatur: Nostra lingua *érene*, quasi érene laborans, quia Renes ipsis Lumbis instrati sunt: atque ubi dolor ex spasmo, aut divulsione fibrarum contingit, vulgo dicitur habere *Renes distractos*, les *Reins entrouverts*. Si enimatis Lumborum dolor fuerit sedatus, evacuatis humoribus in Intestinis vel mesenterio conclusis, vulgo dicunt habere *repes* valde exoneratos, les *Reins fort déchargés*.

Ut autem perspicua sit & bene disposita nostra diascepsis de Lumborum doloribus, necessarium est primum distinguere partes Lumbos constituentes, quæ doloribus afficiuntur, & partes vicinas, quæ tanquam causæ efficientes istis doloribus occasionem præbent, non neglectis partibus remotis: Deinde causas tam externas quam internas dolorum communes investigabis, atque, ut verbo dicam: partes *mandantes* humorem, & *exipientes* considerare oportet.

Itaque partes quæ constituunt Lumbos, & sunt dolorum subjecta, tales numerantur, Cutis cum Panniculo carnosio, Musculi Ossibus quinque vertebratis, tam foris quam intus supertenti, cum Ossē sacro: Intra vertebrarum cavitates, Spinalis medulla cum suis membranarum & numerosa nervorum sobole stipata: dein Ligamenta membranosa vertebrae inter se necentia: Præterea observanda spinalis medulla in Lumbis innumeris filamentis discepta, instar caudæ equinæ, atque spinæ totius motum citri in lumbis per articulationem primæ vertebrae lumbaris, cum ultima dorsali.

Partes vero vicinæ quæ lædere possunt Lumbos jure vicinæ, vel gravitate sua, vel per depositionem materiarum, sunt Mesenterium Lumbis adnexum; Pars inferior Coli intestini, Renes bini Lumbis contigui, & adherentes per membranam suam adiposam: Venæ cavæ & Aortæ trunci lumbis instrati, & vasa ab iis enata, quæ in musculos Lumbares & spinam traducuntur: Cujusmodi sunt lumbares venæ & arteriæ,



& arteriæ, quin etiam Hæmorrhoidales venæ, quæ secundum longitudinem Lumborum descendunt ad podicem, ut & vasa spermatica, seminali humore turgentia, quæ in progressu suo ramulos Lumbis impertiunt: In mulieribus uterus cum suis ligamentis & Testiculis Lumbis nocere potest, sed magis in muliere gravida, ob pondus uteri & foetus: Venæ & arteriæ Iliacorum ramorum, quæ per os sacrum disseminantur, vexare possunt Lumbos.

Remotæ partes quæ Lumbis nocent, sunt Iecur per venam Portam & mesenterium, Caput dum se exonerat in spinalem medullam, ex Hippocr. l. de Glandulis: hic humor per cavitatem medullæ spinæ descendit usque ad Lumbos, nec ultra potest facile pervadere, ob divisionem spinæ medullæ in myriades filamentorum.

Sunt præterea notandæ *Causa dolorum communes*, quæ reperiuntur frequenter in doloribus Lumborum, ut Rheumatismi humorum interni & externi pervenas, aut intercutem humorem à capite delabentem inter musculos & panniculum carnosum.

Sæpius propagines venæ cavæ & Aortæ, portionem æstuantis & exuperantis sanguinis ex canalibus majoribus deferunt in Lumbos, quos afficiunt, vel in musculosis partibus, vel in membranis, vel in spinæ medulla, unde paralytis post colicū dolorē, vel Arthritis quæ in colicum degenerat, & vicissim Colicus in Ischiadem transmutatur: Præterea abiceßus externi Renum, & affectus coli intestini, distenti vel exulcerati, lumbis communicantur: Intus & foris in lumbis formari possunt tumores, abiceßus & ulcera: quia etiam Lumbi distorquentur à fluxione, vel tuberculo; A spasmate divulsionem fibrarum patiuntur: Sæpe dolores Lumborum excitant *externæ causæ*, ut lapsus in dorsum, percussio à corpore gravi contundente.

Lumbarium symptomatum duo constituuntur genera, Alia enim in Lumbis consistunt, alia vero à Lumbis emanant, utraque *diverzæ* ab Hippocr. judicantur: absolute pronuntiavit in Coacis, *Quibus Lumborum dolor, hi pessimo sunt loco.* Et eodem libro. *Qui ex dolore dorsi oriuntur morbi sunt difficiles.* Quæ effata non intelliges nisi ex perspicacitate partium mandantium & recipientium: Certum est si inchoantibus morbis dolor Lumborum adsit, cum gravitate & febre, sanguinem intra vasa majora, quæ per dorsum & lumbos feruntur, fervidum vel copiosum contineri, qui magis accensus, nisi mature provideatur, potest rapi in cerebrum, vel in pulmones,

unde graves consequerentur affectus: Lumborum item dolores in febribus acutis malignis, vel aliis, initio morborum sunt suspecti: significant enim æstum sanguinis, & orgasmum intra vasa majora, quod valde metuendum, nisi mature occurratur liberali venæ sectione, præsertim è pedibus celebrata, ad ævertendam anadromen sanguinis ad partes superiores, thoracicas vel cephalicas, ubi varia symptomata procrearet, terrifica & lethalia: Propterea suspectos habere oportet dolores Lumborum in febribus perseverantes, etiam si eductus fuerit sanguis multoties, quia in alvina regione delitescunt humores, qui impetum aliquem facere possunt, nisi diligenter fuerint expurgati.

Itaque ad curationem ejusmodi dolorum Lumbarium Hippocr. secabat venam poplitis, vel pedis internas: Quod ab ipso confirmatur in Coacis, *Dolorifica in Lumbis mala sanguisuga, & quæ ex Lumborum dolore cidentur hæmorrhagia, larga sunt & copiosa.* Itaque demonstrant necessitatem detrahendi sanguinem in Lumborum doloribus sæviante febre.

Purgatio non est omittenda, ut sentina alvinæ regionis saburratæ eluatur & funditus eruatur, ex aphor. 20. lib. 4. quamvis scripserit Hippocr. *Lumborum querulos profusiores habere alvum*, purgationis necessitatem non adimit: Hæmorrhoidum fluxus ut Renibus, sic quoque Lumborum doloribus prodest, ideoque provocandus.

Lumborum dolor pervicax absque calore, & inflammatoria dispositione, nisi fomentis discutiatur post purgationem & venæ sectionem sæpius repetitam, Cucurbitulis cruentis vesicantibus admotis humor exhaustendus: vel aperta cute caustico in utroque latere spinæ appresso: quin etiam balneo aquæ tepentis herbis medicato: vel aquarum thermalium intestini cum duccia, vel stillicidio aquæ superne labentis supra partem affectam. Sunt enim dolores Lumborum vehementiores & contumaciores, si intra musculos contineatur materia serosa usque ad vertebrae: atque deteriores & curatu difficiliore si ad spinalem medullam perveniat.

Cæterum quæ symptomata creduntur orta à partibus Lumbaribus, non ab illis, quæ Lumbos constituunt emanant, sed à partibus vicinis, quæ Lumbis ipsarum dolorem excitant, & suos humores transferunt in alias partes, lento gradu vel celeri per venas & arterias, quales sunt vena cava & Aorta, venæ hæmorrhoidales venæ mesaraicæ, ex Galeno.

Riolanus cap. ultimo lib. 2. Encheir.  
Anatom. & Pathol.

### OBSERVATIO XXXVIII.

#### *Lumborum dolor à Pancreate & mesenterio induratis, &c.*

**S**COTUS quidam juvenis dolebat in hypochondriis, lumbis & toto abdomine, aderat nausea perpetua, vomitus frequens flavæ bilis, postea etiam atræ, illarumque per alvum subinde dejectio, &c.

Dissecto cadavere, cum pyloro induruerant totum Pancreas & mesenterium, in molemque supra modum latam, longam & crassam, unde chyli transitus ad Hepar penitus erat interceptus, &c. *Platerus observat. p. 471.*

SCHOLIA

## S C H O L I A.

**V***N*de chyli transsum, &c.] Lumborum doloris à chylo in mesenterio corrupto & vitio glandularum lactearum meminit *Th. Bartholinus* ex *I. C. Agricola*, Epist. 71. cent. 2. his verbis. Nuper hic in Anglia novus iterum morbus exortus est, ubi ægri in lumbis, ac præcipue ubi receptaculum (scilicet glandulæ lacteæ) situm est, ingentes dolores percipiunt: deinde etiam in mesenterio (ubi in nonnullis sentitur) dolor vehemens percipitur: accedit ventriculus vitiosus & ciborum fastidium: nonnulli item ægri mania laborant, nonnullis loquela deficit: Quæ causa sit vera hujus mali ignoratur hætenus, Medici interim curam instituunt, alii per venæ sectionem & clysteres, alii per vomitoria, & purgantia: alii dicunt malum esse in renibus & tanquam calculosos sanare ægros contendunt: alii coniiciunt tumorem esse in

hepate, alii in utero, (in foeminis) alii in ventriculo; alii dicunt ægros laborare amore insano, quia maniaci reperiuntur, At omnes ægros quos ego vidi tali morbo laborare, majores perceperunt dolores ex venæ sectione, vomitoriis, purgantibus, &c. Solus *D. Klodius* mecum statim coniecit dolores hos oboriri à vitioso chylo, corrupto prius in ventriculo, postmodum in mesenterio acriori factò, tandemque ad glandulas lacteas delato, ubi forte inflammatio quædam aut obstructio locum habet: Enimvero adhibitis medicamentis, in quibus multum salis reperitur, (ut pote spiritus de C.C. & cinnab. Antim.) de facto ægri levamina perceperunt, & tertio aut quarto die convalescerunt: Ex *D. Klodii* ægris nedum unus, qui morbo tali laboraverit mortuus est, alias cadaver aperuisse, &c.

## OBSERVATIO XXXIX.

**Lumborum, Ossis sacri, ad Coxendicem & Ischium dolores, à Pancreate Asellii enati & Mesenterio humoribus turgentibus.**

**I**llustri Marcello Sacchetto (de quo libro secundo sit. de Phthis.) variis affectibus enecto, excitati sunt ad os sacrum, coxendicem & ad Ischii loca veteres dolores, à quibus subinde consequentes vigilæ, cruditas, febris, diarrhoea, virium enervatio Virum eripuerunt: Excitati, inquam, dolores non injuria, quippe mesenterium enatum è ligamenti vertebrarum lumbarium, ex hac parte cum deorsum extenditur, nimirum pondere turgentis & obdurati Pancreatis deprimente, facit soluta unitas ut necessarius consequatur dolor, præcipue si ejusmodi distensio ac distractio cum compressione partium conjungatur: Confirmatur autem quod indolvere partes illorum, nedum superiores sed & inferna alia, propterea scilicet quod ex ligamenti os illi cum osse sacro committentibus exoritur etiam mesenterium *Severinus de Abscess. p. m. 275.*

## OBSERVATIO XL.

**Lumborum & dorsi dolor à cancroso Pancreatis ulcere, Spina dorsi erosa & putrida.**

**C**irurgus quidam Brunensis annor. 42. & aliquot liberorum pater, cum ab annis tribus gravissimis renum & dorsi doloribus sæpe recurrentibus tentaretur, arenulas quoque rubras copiosissime cum urina excerneret, comitante vomitu gravissimo (qui facile vas quoddam rumpere potuisset) calculosus ab omnibus iudicatus est: Cum vero tres ante septimanas hoc ipso anno 1670. iidem dolores repeterent, summeque excruciant, ad urgentissimum symptoma, dolorem scilicet sedandum me converti: verum postridie superveniente quadam respirandi difficultate, atque materiæ alicujus vel pituitosæ purulentæ, aut sanguinis excretionem, conclusi hujus causam flatum existere: ordinato itaque & sumpto spir. croci compos. ad xx guttas in iusculo carniū macro, melius sese habere credidit patiens: Elapsis tamen horis tribus nullo evidente mortis indicio, nec ullis concomitantibus convulsionibus, vel sudore frigido, derepente clamans, suaviter ac vix advertentibus adstantibus, placide expiravit.

Derepentina hujus mortis causa magna inter Medicos fuit dissertatio, dum unus vomitum Pulmonis ruptam, in cordis ventriculos ruentem, accusasset: Alter lympham copiosam flatibus imprægnatam, cordis motum impredientem adduxisset, Alii apoplexiam morbo supervenientem putassent, quam licet exenteratio cadaveris composuit: Et cum pulmones vel cor, ipsosque renes pro partibus affectis statuissimus, à medio ventre exenterationem instituimus: Ubi in sinistro pulmonum lobo copiosissimum, etiam ad mensuras duas vel tres, concretum sanguinem extravasatum conspeximus, cor vero sine labe, nec pulmones adeo morbosos: Sed diaphragma in eodem sinistro latere perforatumprehendimus, quod pertransiit caro quædam putrida, nigricans & corrupta. Ad imum ventris deveniendo, carnem illam diaphragma perforantem Pancreas esse vidimus, quod ad duas spithamas longum, & duarum manuum transversarum latum erat, putridum, corruptum; quod non solum corrosivo suo acido diaphragma perforavit, sed & spinam dorsi ita erodit, ut ulcus

Cancer

**C**ancro simile pugnum capere, & levi ictu tota spina dorſi frangi facile potuerit, ultimo denique ipſam etiam venam cavam, qua ſpinam decurrit, corroſit, à qua ſanguis per diaphragma perforatum, pulmonum motum impediendo, mortem intulit. Cancër hic Pancreatis ulterius ſerpendo, ambos quoque renes corrupit, eoſdem nigerrimos ac putridos effecit, nec in illis ullæ arenulæ aut calculus inventus eſt: Cætera ſaniſſima, exceptis inteſtinis, quæ ſuperabundanti bile conſperſa viſa ſunt. *Ex obſervat. Joh. Ferdinandi Hertodi Medici Moravi. in miſcell. curioſ. anni 1670.*

## S C H O L I A.

**H**ic mirari contigit quod corruptis renibus nihilominus generarit: quod hic vaſis præparantius, non ab emulgentibus, ſed à vena cava & arteria aorta principium habentibus adſcribendum videtur. 2. Quod perforato in tantum diaphragmate vixerit, cum vulnera diaphragmatis lethalia eſſe omnes medici aſſerant: nili dicamus vulnera in nervoſa, non vero carnoſa ejusdem ſubſtantia (quale præiens erat) neceſſario eſſe mortifera. 3. Cur renum & pancreatis vaſorum ramis croſis purulenta non fuerit excreta vel conſpecta materia, nili forte ex aliqua oſcutorum obturatione id evenerit, prohibente quo minus ſanguis ad hæc viſcera circulari potuerit; reliquus verò ſanguis in venis renum & pancreatis exiſtens, ab acido, inſtar ſpiritus vitrioli ipſi ſanguinis aſſuſi, corroſus & mutatus fuerit: Cauſam enim omnium ſupradictorum accidentium, acidum corroſivum fuiſſe ſtatuo à ſtagnatione ſua nimia productum. *Idem ibidem.*

*Corroſivo ſuo acido*] Pancreaticum ſuccum acidum ſtatuunt *Sylvius & de Graef*, quo fundamento nixus *Hertodus* ætiologiam præientis caſus ſuperſtruxit. *De Muralis* tamen, Medicus *Tigurinus*, Exercitat. 2. de Lympha & ſaliva ch. V. Pancreatis hyſtropham inſipidam aſſerit, omnis acciditatis in ſtatu naturali expertem, quam colligi ſtatuit in conglomerata Pancreatis glandula, à contiguo nervorum plexu meſenterico, qui excrementum ſuum ſpirituolum

plurimis ramis in vile inteſtinorum ſtabulum amandat, &c. *Idem.*

*Ipfam venam cavam, qua ſpinam decurrit, &c.*] Spermaticis venis ſuccedunt Lumbares tres vel quatuor, inconjugatæ, quæ in lumbares muſculos, ſpinalem medullam, & rachitas muſculos abeunt: occurruntque per anastoſin venis aut arteriis quæ ab imo cerebro ad ſpinalem medullam deſcendunt, quam uſque ad lumbos perreptant: Per hanc vaſorum communionem cerebri ſpiritus, vel aliquam materiam ad partes ſpermaticas deſluere crederem; Per has venas, ut per ramulos aortæ, materiam ſeroſam in ſpinales muſculos, & in ipſam medullam deſerri certum eſt: unde Lumborum dolores contumaces, & diurni atrociffimi qui degenerant in Paralyſin aut Parelſin, unde Tetanus, Lumborum gravitas & frigiditas: *Riolanus Anthropol. lib. 2. cap. 24.*

*Arenulas quoque rubras, &c.*] Arenulæ rubræ cum urinæ tæpe excernuntur, quæ Tattareæ nominantur, multis calculi metum incurientes, & immerito, cum hujusmodi arenulæ non in renibus ſed in Hepate generentur ex materia aduſta & ſalina, cujus rei indicio eſt quod hujusmodi arenulæ digitis attritæ facile diſſolvuntur, ſalis inſtar, quod in arenulis à renibus oriundis non contingit. *Riverius Pract. lib. 11. & 12. cap. 5. & 6.* De his vide plura Sectione de urinæ p. n.

## OBSERVATIO XLI.

*Lumborum dolor à variis partium infimi ventris affectibus, A meſenteris vitiis variis. 1. 9. 10. 11. A tumore vertebris lumbaribus affixo. 2. A pancreate ſuppurato vaſa majora premente. 3. 8. Ob uterum ſanguine refertum. 4. Ob Pancreas putrefactum, meſaræum ad originem ſcirrhoſum & putre. 5. Ob cavæ venæ truncum induratum. 6. A Pancreate tumido & vitiato 7.*

§. 1. **M**ercator (tit. de ventris tumore) de dolore in regione Lumbari gravativo conqueſtus eſt, &c. Omnes glandulæ imi ventris, præſertim meſenterii, & illæ quæ copioſiſſime regioni lumbari incumbunt, induruerant.

§. 2. Nob. Beni. Vallenger ex lapſu ab equo circa regionem lumborum contuſionem paſſus eſt: Poſt biennium per vices circa locum contuſum multum doluit: Eo mortuo circa meſenterii exortum ingens apparuit tumor, qui inteſtina in latus dextrum detruferrat: hic tumor vertebris lumborum fibroſa connexionem firmiter adhærebat. *Warthon Adenograph. cap. 11.*

§. 3. Juvenis pronus ſemper conſidebat in ſedili, vel caput in lecto habebat ſublime, corpore enim vel minimum ſive retrorſum, ſive in alterutrum latus inclinato, acerbos perſentiebat dolores in Lumbis: Pancreas ſupra infraque extuberans repertum, ſordido pure, pituita, &c. turgidum. *Vide tit. de ventris dolore.*

§. 4. Nob. mulier poſt puerperium menſibus dehinc caruit, hinc dolores intolerabiles Lumborum & ventris: Mortuæ cervix uteri ſpiſſiſſima apparuit, Uterus maximus totuſque ſanguine putrido refertus. *Vide tit. de ventris dolore.*

§. 5. Dom.



§. 5. Dom. N. in febre maligna, vomitu, siti, Lumborum ardore vexabatur, &c. Mesenterium scirrhosum erat in sua origine & corruptum, Pancreas putrefactum. *Vide tit. de Febribus.*

§. 6. Scoto dolor erat hypochondriorum, Lumborum, &c. Cum Pyloro induruerant Pancreas & mesenterium, Nec non venæ cavæ truncus, nulla ejus cavitate conspicua, à sima jecoris parte ad ejus divaricationem, circa os sacrum. *Vide tit. de ventris dolore.*

§. 7. Juvenis si decumbere conaretur, acerbos Lumborum & ventris dolores patiebatur. Pancreas (præter alia vitia) habuit supra infraque turgidum & extuberans, intus fordido pure ac viscida pituita infarctum. *Vide tit. de Febribus.*

§. 8. Nobilis Campanus incidit in febrem cum quodam dolore ad Dorsum & Lumbos. In dissecto cadavere inventus ingens abscessus in toto Pancreate latitans, cum multo pure & foetore intolerabili; pure inquam valde putrido & subviridi, cujus acrimonia glandulosum corpus pene universum exederat atque discerperat. *Observatio Guid. Patini ad Th. Bartholinum hist. 39. cent. 2.*

## S C H O L I A.

**D**olore ad dorsum & lumbos] Situm enim Pancreas ad primam Lumborum vertebra: Sit ventriculus affectus doloris & gravitatis sensum dorso infert, vicinæ jure, spinæ incumbens.

§. 9. Domina Illustr. (de qua lib. 1. Tit. de convulsione) per multos annos affectibus spasmodicis obnoxia in febrem incidit, in qua dolores valde acuti in lumbis & juxta hypogastrium gravissime urgebant, &c. In mortuæ mesenterio, circa medium ejus, ubi dorso affigitur, atque majores nervorum plexus continet, substantia laxior, & quasi pluribus vesiculis inflata, manus latitudinem exæquans videbantur, &c.

## OBSERVATIO XLI.

*Ilui sinistri dolor excitatus à Rene petrefacto.*

**V**iennæ femina quædam cum aliquandiu diros cruciatus perpessa esset, secundum Iliam sinistram, subter hypochondria, multis tum frustra adhibitis, cum exspirasset, à sectione deprehensus fuit Ren illius regionis in lapideam substantiam degenerasse: *Ex observationibus Jacobi Moccii Medici Friburgensis.*

## OBSERVATIO XLII.

*Dolor circa regionem ossis sacri, ob Abscessum insignem juxta venæ cavæ bifurcationem.*

**S**eniper aliquot annos dolor continuus circa regionem ossis sacri, præcipue cum excrementa indurata exonerabat: In mortuo circa regionem ossis sacri, ea in parte ubi venæ cava bifurcatur, abscessum magnum, in quo materia foetida & sanguis coagulatus continebatur, offendimus: pus enim ramulos nonnullos venæ cavæ erosera: Os sacrum ea in parte ita erat corrosum atque excusum, ut facillime digitis minutatim extrahi atque contereri potuerit. *Fabritius Hildanus Cent. 3. Observ. 70.*

## ANATOMIÆ PRACTICÆ

## LIBRI TERTII.

## SECTIO XXIII.


## De Hypogastrii Dolore.

## OBSERVATIO I.

*Hypogastrii dolor à calculo vesicæ xxxij. unciarum ponderis. 1. A calculo xxxiv. unciarum 2. A lapide unciarum duarum & drachmæ unius. 3. A lapide uncias crualis ponderis decem pendente. 4. A lapide ovi an eruii magnitudinem æquante. 5. 7. Octo unciarum. 6. A calculo oblongo. 8. A grandi diu occulto. 9. A grandi lapide, cujus portio per lithomiameducta. 10. A calculo aculeato formæ mirandæ. 11.*

GGggg

CALCVLVM

§. 1.  **ALCVLVM** habuit è dissecto corpore extractum *Ant. Van der Linden*, Medicus aquæ Belgæ doctissimus, triginta duarum unciarum pondere constantem, durissimum, compactum, silicis colore, triangularem; ex quo cum ferro, ut ex silice, eliciebatur ignis. *Frid. Lossius observ. 53. lib. 3.*

§. 2. Conspiciendus est Londini, Angliæ Ocello, calculus xxxiv. unciarum pondere, in vesica Theologi cujusdam notissimi à morte inventus. *Idem ibidem.*

§. 3. Philippus Heiss, Chirurgus Augustanus, consumptus ab ingentissimis, acerbissimis & diuturnis doloribus, cum dysuria, ac fractus, enneatico suo septimo mortuus est anno 1629.

Ejus cadaver postera die sectum, ut postularat vivens, & in locum doloris primum inquisitum, qui vesica, quæ ab extra carnosæ, tactu dura, quia lapidem magnum, solidum, ponderis 3. 3. habuit hospitem: Renes magni sine ullo vitio, nisi quod sinister non ea copia pinguedinis, ut dexter tactus esset; Lien ab extra compactus ac dissectus multum puris fudit, quod amplam cavitatem excederat: Hepar integrum: *Hachstetterus Decade x. casu. 14.*

#### SCHOLIA.

**D**E calculorum generatione cum illis sentio qui materiam calculi terrestrem aqueam dicunt, i.e. humorem crassum permixtum aqueo, qualem Medici phlegmaticum dicunt: hic enim aptus est ut ex eo forma calculi resurgat: forma siquidem lapidifica in succo lapidescente semper hæret; ubi igitur talis succus est, ibi etiam forma lapidis in potentia latet, quæ ob naturam formarum, quæ est multiplicata se, per spiritum lapidescentem, tanquam causam

efficientem primariam, ex materia, in qua potestate latitat, quam sibi in domicilium fabricavit, resurgit, corpusque lapidis format, tam in magno quam parvo mundo: Aliam tamen in illo causam adjuvantem agnoscit, nimirum calorem & frigus, quæ ambo aut concurrere possunt, aut agere seorsum: In Parvo vero, & animantibus frigus nihil agit, quod omne excludit vivens. *Idem ibidem.*

§. 4. Die 3. Novembris 1646. obiit Noribergæ J. *Saubertus* Theologus celeberrimus & Bibliothecæ Præfectus, è cujus vesica lapis insignis magnitudinis, pyri fere Volemi figura, excisus, uncias decem pendebat civilis ponderis. Versiculos hos apposuimus,

*Quem cernis lapis hic, immensi causa doloris  
Fœcunda & longi temporis una fuit.  
Diva infanda licet fuerint tormenta, valebant  
Mittem animam placidi vincere nulla viri  
Crescebat cruciatus atrox, patientia major  
Crescebas summi nutibus apta Dei, &c.*

*Velschius Episcopus. observat. lxj.*

§. 5. N. *Tabermon*, Medicus Burgundus, cum ex magnis cruciatibus, morboque incurabili decessisset, atque dissectus esset, in vesica ejus lapis instar ovi anserini magni fuit inventus: Nec non in vesicula fellis lapides 53. ad magnitudinem fabarum cum maxima omnium admiratione. *Ex observ. Joh. Jac. Weckeri Med. Colmarjensis.*

§. 6. Referebat mihi D. *Pencerus* cuidam Adolescenti xviii. annum ætatis agenti, post obitum ipsius, calculum vesicæ, & quidem octo unciarum pondere se præsentem exsectum. *Philippus Salmuth cent. 2. observat. 85.*

Idemque in *Friderici Sapientis* Electoris Saxoniz, Vesica, calculum æquantem ovum anserinum repertum fuisse. *Idem ibidem.*

§. 7. In cadavere Domini de *Montigne* Chirurgus extraxit è vesicæ stomacho, seu ventre, lapidem insignis magnitudinis & ponderositatis, ut vix credibile sit talem lapidem potuisse ibi contineri, pendebat enim uncias tredecim. *Ferrandus libello de calculis.*

§. 8. Puer xiii. annor. postquam per duos annos, & quod excurrit, purulenta mictione, & per intervalla diris cruciatibus gravique pondere in hypogastrio laborasset, tandem obiit.

Aperto cadavere, vesicam invenit Chirurgus mirum in modum dilatatam, cujus crassities mediocrem digitorum transversum æquabat, qua aperta extraxit calculum oblongum coloris cineritii. In vesicæ collo nihil p. n. inventum, sed in renibus causam purulentæ mictionis detexit, &c. *Bartholinus centur. ii. hist. 35.*

#### SCHOLIA.

**C**ujus crassities mediocrem digitorum transversum æquabat] Quæ crassities frequenter occur-

rit in eorum cadaveribus qui ex calculo vesicæ obierunt, ac tanta aliquando est ut totam illius cavitatem

rem aliquando impleat & ipsum calculum omnino complectatur, unde ischuria lethalis succedit. Vesica enim à calculo grandiori vel aspero vellicata, dolet & imbecilla fit; hinc natura suppetias latura solito copiosorem sanguinem mittit, quem vesica concoquit & pro viribus assimilat, sic ex copiosiori sanguine, aucto alimento, crassior & carnosior evadit: Ex copiosiori illo alimento, copiosa redundat illuvies, quæ propriam partis naturam, unde manat, redolens, pituitosam & mucilaginosam naturam induit, quam plerumque excludunt qui calculo vesicæ laborant. *Vide Riverium Pract. lib. 14. cap. 1.*

*Puer, &c.]* Cur pueri sunt opportuni magis calculis vesicæ. Remum vero adulti, cum tamen illi sint istis calidiores, in quibus propterea frequentius con-

crescere deberent in renibus; qui vesica sunt calidiores, partes utpote carnosæ, pluribus venis & arteriis perfusæ, cum hæc sit exanguis? Solutio est, quod caliditas, calculi efficiens causa, sit potius acris & mordax, quæ magis viger in adultis, cum pueri calido innato abundant, humorum concoctioni, & robori facultatum naturalium accommodato magis, quod propterea humores crudos ad renes confluentes concoquit, qui ab expultrice valida à renibus ad vesicam postmodum propelluntur: in qua deinde si remorentur, densantur & concrescunt: Quod in iis non contingit quibus hæreditaria est valorum angustia, & expultricis imbecillitas ab utero materno contracta, ut hoc nomine nec crudos humores attenuare & concoquere, nec eosdem à renibus exturbare queant. *Silvaticus conf. 66. cent. 3.*

§. 9. Prædicator hæreticus *prope Barclaiam* in Anglia anno 1629. sanus atque sospes, contendens à prandio librum è sublimi ad se traheret, in imo ventre magno percussus pondere atque dolore: certis inde à quadriduo signis scivit se calculo gravatum. Inde post octiduum Londini sub novacula Lithotomi extinctus: Pendebat autem libram Anglicanam & binas insuper drachmas: Nec memini me parem unquam vidisse calculum: Pendent autem libræ centum Antuerpiæ, Londini civ. *Helmont. lib. de Lithiasi cap. 3. §. 4.*

## S C H O L I A.

**G**ranulantur arene tam in nobis quam in matulis ipso granulationis momento, semelque granulata ultimam quoque sui nanciscuntur simul duriem, non autem quod lentim magis magisque indurantur: fabulosum est ideo quicquid de calculo confirmato & nondum confirmato, ad ignorantiam & ignaviam confirmatarum excusationes comminiscuntur Scholæ: Tamen dura est recens arena excreta è nobis, vel à matulis absterfa quam erit post decennium inde. Idem quoque de Duelech cito iudicium: quicquid enim in verum Duelech condensat-

ur unquam, sive id sit nucleus centralis à rene descendens, vel demum cortice tenuis accrescens, semper ejus qualibet generatio sit in instanti, &c. Dico quoque nisi arena, quæ matulæ affigitur, coaguletur in instanti, ad fundum præceps cecidisset tota, nec lateraliter tamque proportionaliter distincta affigeretur. Paracellus subitam hanc calculi apparentiam admirans, Calculum fulminis vocat, putatque cadendo concrevisse, Sed multiplex ejus error est, &c. *Idem ibidem.*

§. 10. Juvenis annos 20. natus, cum calculum in vesica magnum haberet, multis tentatis remediis, cum nihil juvamenti sentiret, accivit Chirurgum lithotomum, qui quædam fragmenta extraxit, sed totum lapidem facta incisione ad se attrahere non potuit, unde perpetuo cum intolerabili dolore tabe consumptus periit.

Cadavere inciso, lapis ab una parte primo præruptus, ad magnitudinem ovi relictus in vesica repertus est, In renibus vero nihil lapillorum inventum. *Præstiteret, cum præ magnitudine lapis extrahi non posset, sectionem reliquisset, nam cum totum eum extrahere conaretur, occasionem mortis dedit. P. Forestus Observ. 26. lib. 25.*

## S C H O L I A.

**P***restiteret sectionem reliquisset]* Calculi magnitudinem cognoscere ac scire necesse est, si enim admodum magnus est, nihil aliud quam mors expectanda, uti sæpe ægris vel in ipsa operatione vel paulo post mors contingit: Atque hic Celsi sententia locum habeat, *Desperati non aringendi. P. Pigray*

*Chirurgia lib. 7. cap. 4.* scribit quendam sibi notum fuisse qui 25. annos calculo, citra insignem tamen molestiam, affectus fuerit: quando enim urinam excreturus erat, hanc beneficio instrumenti cujusdam sibi ipsi elicuisse absque dolore.

§. 11. Lapides diversa forma, quantitate, colore, &c. in vesica fuisse inventos exempla confirmant. Sed hujus forma est rarissima & mirabilis. Egrotavit diu immuni ac miserabili vesicæ tormento puer xv. annos natus, qui omnibus membris salvis tandem infando cruciatu excarnificatus animam efflavit.

Secundo cadavere, in capacitate Vesicæ inventus est lapis rotundus, magnitudine parvæ pilæ, pyramidibus politis & acutis undique circumseptus, Solis instar, & ita humor sic ab affante calore erat dispositus, & induratus, ut inter pyramidem unam & alteram essent fabrefactæ puncticulæ longæ, acus forma, à natura insertæ: Ex harum aculeo, puer cum ad ejaculandum urinam ex longis temporum intervallis cogebatur, se in pube velut acubus pungi & lacerari magno ululatu ingemiscens conclamabat. *Observatio Doctoris A Costa Lusitani, Medici Rothomagensis, in Praxi adm. Zacuti cent. 3. observ. 138.*



## OBSERVATIO II.

*Hypogastrii dolor à tribus calculis vesica conclusis, uno magno, reliquis minoribus. 1. A novem lapidibus avellanae magnitudine, aequalibus. 2. A duodecim lapidibus ovi columbini magnitudine. 3. A decem magnitudinis ejusdem. 4. A tribus magnitudinis nucis integrae, levibus. 5. A quinquaginta calculis avellanae magnitudine. 6. A tribus lapidibus mediocris magnitudinis. 7. A multitudine calculorum, prope collum vesicae, ejus membranae impressorum à grandi lapide, Alio collo adherente, Maximo in media vesica. 8.*

§. 1. **I**N Sicilia calculo torquebatur Nepos N. de quo quum mitterent Medici Siculi Patavium, ut super hoc affectu consilium inirent Patavini, tam accuratam morbi historiam confecerunt, ut numerum calculorum, & magnitudinem in vesica contentorum expresserint, quasi oculis inspexissent, nempe tres esse calculos, duos oculi, tertium ovi magnitudinis: Nolens vero æger Medicis sectionem suadentibus obsequi, paulo post mortuus est: In aperto cadavere totidem calculi eadem magnitudine reperti qua præfagierant Patavini, quod mihi Carboneus J. C. narravit, artificium reticuit, &c. *T. Bartholinus cent. 5. Observ. 57.*

§. 2. Elapsis diebus misere occubuit Medicus senex & doctus, qui laboraverat lapide vesicæ cum ulcere, quod post mortem dissecto cadavere percipiebatur ex sanie cum sanguine mixta: nam inventi sunt in ejusdem vesica lapides novem numero, nucis avellanae magnitudine: *Car. Berengarius in Analec. Nic. Fontani.*

## S C H O L I A.

**H**Os lapides uno eodemque tempore formatos esse existimat *Fontanus*, quia geniti sunt à materia friabili è renibus deturbata, in totidem particulas divisa, & à calore simul & semel æquabiliter indurata, quod non accidisset si materia fuisset mucosa. Sin arte facta cum naturæ operibus conferre licet, existimandum est calculos illos, è renibus simul &

semel devolutos, coagmentationem æqualem in vesica habuisse, ob æqualem novæ materiæ appulsam: non secus ac coriandri, feniculi, &c. semina quæ saccharo incrustantur, ab affusione enim liquidæ sacchari, & crebra artificiosaque in pelvi agitatione ac conversione, æquale incrementum capiunt,

§. 3. In vesica plerumque unus duntaxat lapis gigni solet, eo quod crassa quæ assidue suppeditatur materia, facile circa eum qui jam genitus est, ac redundat, concrescit, & ipsum potius augeat quam novum proferat, quamvis etiam in hac interdum plures lapides redundant, qui plerumque aliquod in renibus rudimentum obtinere: Unde superiobus annis Lugduni duodecim extractos vidimus calculos, ex vesica cujusdam Helvetii nuper vita functi, qui omnes ovi columbacei magnitudinem æquabant, quibus à nobis examinatis, comperimus in cujusque eorum medio inclusum exiguum calculum subflavum, orobi granum referentem, quos credidimus olim ex ipsis renibus esse delapsos in vesicam, & in ea postmodum, ob viscidæ materiæ circa ipsos concretionem, ad ejusmodi magnitudinem singulos excrevisse. *Vidus junior de curatione membratum lib. 10. cap. xx.*

## S C H O L I A.

**C**alculos Renum & vesicæ non attingo, cum tot solidi ex corporis humani Lapidicina progeniti Lapidibus, non ipsius duraturam & cum marmore certantem perennitatem, sed fragiles potius humanæ conditionis vices oculis exhibeant quotidie contemplandas. Id saltem addo Parisiis, in solo Xenodochio Charitatis, ab Henrico IV. in Suburbio S. Germain

extracto, arcubis me vidisse inclusos exsectos vesicæ calculos, pondere, figura, colore, magnitudine, duritie adeo mirabiles, ut in his solis amplum campum inveniat curiosus animus, quo ingenii vires exerceat & naturæ miracula pandat. *J. D. Major, Dissert. de canceris, &c.*

§. 4. Doctiss. *Albertus Savonarola* post obitum sectus, in vesica decem lapides habebat magnitudine ovi columbæ, imo & majores, qui eandem præcise formam servant ac si arte facti fuissent: omnium pondus est sex uncia & semis, quisque lapis semiuncie pondus excedit: si in terram projiciantur, veluti trigonalis pila resiliunt. *Brassavolus comm. ad aph. 79. lib. 4.*

§. 5. Illust. D. de Montpipeau post obitum sectus fuit. Tres lapides fuerunt reperti in vesica, magnitudinis nucis integrae cum suis velaminibus, plani, albi, insigni duritie, ut scilicet fluviatiles potius dicerentur quam vesicales, aut ab homine excretos fuisse. *Ferrandus libello de Calculis.*

§. 6. In *Hieronymo Vetio* Medico Pistoriensi, cum ex calculo objisset, plusquam quinquaginta avellanarum magnitudine in illius vesica sunt reperti. *Fonseca lib. 1. c. 4. de Calculis.*

§. 7. In magistro Canano Cerdone, cum nunquam nephriticis doloribus vexatus fuisset, post mortem discissa vesica tres lapides satis ingentis magnitudinis extracti fuere. *M. Donatus hist. mirab. lib. 4. c. 30.*

§. 8. Di-

§. 8. Dillingæ calculi doloribus occubuit Reverendus Princeps Episcopus Augustanus: In cujus cadavere reperti fuerunt in vesica prope collum, calculi nigri & nondum satis indurati, pipetis magnitudine plusquam centum, adeo à grandiore vicino calculo substantiæ impressi & immersi, ut plerique interiore tunica obducti & sectione aperiendi fuerint: Ipse vero vesicæ collò adhæsit grandior pondere 3ij. & in medio circiter vesicæ, maximus, magnitudine & forma ovum gallinaceum repræsentans, & 3iij cum 3ij ponderans: In renis dextri cavitæte 40. circiter alii inventi sunt, magnitudine seminis coriandri, albicantes & quasi nondum maturi, nec indurati, qui ren sinistro paulo crassior fuit, & nonnihil ichoris purulenti continuit: Vesicæ exulceratio circa collum levis & pene innoxia, substantia densa & robusta. *Cætera viscera ita constituta* ut absentibus calculis plures adhuc annos promittere potuissent. C.H. Velschius *Episagm. observ. 62.*

## S C H O L I A.

**C***ætera viscera ita constituta*] Hinc monet *Hildanus* de Lithotomia vesicæ cap. 8. Lithotomum, ut ante operationem constitutionem aëri perpendat, quam si viscera ejus interna labefactata sint

instituendam negat, ne oleum & opera perdat, & gerque ob symptomata operationem mox sequentia intreat.

## O B S E R V A T I O III.

*Hypogastrii dolor ob calculos à Renibus in vesicam deciduos.*

§. 1. **A**dnotandum lapidem unicum ut plurimum in vesica & renibus reperiri, nonnullam tamen, licet infrequentem, plures dissecta vesica reperti sunt. Quidam Cardinalis, qui pluries in anno dolore renali ex calculo corripiebatur, dum fuit post mortem evisceratus, ut moris est, reperta fuerunt in ejus vesica quatuordecim lapilli, qui omnes erant rubicundi in centro, & omnes venerant à renibus, quorum quidam erant in propria forma, quidam vero superinduxerant tunicam, quidam duas. *Ioh. de Tornamira Prax. cap. 75.*

§. 2. Coagmentatur in vesica lapis ex lapillis à renibus ad vesicam exturbatis, & in ea hærentibus, atque ex novæ materiæ allapsu coalescentibus. Quod palam fecit calculus ex cadavere Rever. Viri exemptus, mole magnæ constans, attribus, qui & ipse minutum in medio protulit in conspectum varii coloris. *Silvaticus Consilio 66. cent. 3.*

## S C H O L I A.

**M**inutum in medio protulit, &c.] Id me iudice est indicium luculentum concretionis ipsorum in diversis locis: quanquam enim concedi possit calculum, etiam in vesica procreatum, posse in se completi alium minutum in eodem concretum, superinducta veluti lamina, vel pluribus per adhæsum novæ materiæ, non tamen fuerit diversi coloris, cum semper calculi vesicæ sint albicantes, Renum vero fere semper flavescent: ut propterea cum minuti illi sint flavi coloris, & cortice albi, statuendum sit è renibus ipsos in vesicam excidisse. Qua in re observanda *Hippocr.* sententia lib. de Morbis, ubi de vesicæ calculo, *Patiens ejicit aliquando lapides duos, aut etiam plures minutos, eodem modo procreatos*: Quasi dicat, calculos à renibus ad vesicam prolapsos esse quandoque plures, eoque secretos, qui seorsum concrecentes, plures in vesica calculos efformant, atque adeo mirum non est quod in Patre Rever. inventi sint septem, ex quibus unus nondum incrementum suscepit. Quod autem in calculo vesicæ minutus alius possit delitescere, luculentissime patet ex calculis in vesica fellea, ubi concrescunt non transmissi à Renibus, sed ex minorum quodam in ipsa rudimento, qui per adhæsum novæ materiæ augentur. Quod oculata fide confirmatum in calculo vesicæ felleæ Ill. & Rever. M. Ant. Cornelli, Episcopi Patavini, ejus cadavere me præsentem dissecto, qui penes me est, pluribus conspectus. *Silvaticus cent. iij. consil. 66.*

*Coagmentatur in vesica lapis*] Si querat quis quomodo procreantur in vesica lapides, qua ipsos sepius concludi patet experientia? Hoc referat responsum fieri dupliciter, primario & per se, ex materia crassa & terrestri, à renibus ad vesicam illabentes: 2. ex arenulis, aut calculis minoribus à renibus ad vesicam propulsi: ubi hærentes, ex appulsi materiæ novæ, crassæ & viscidæ, atque ejus adhæsu grandescunt: Primus generationis modus fuit à *Galeno* memoratus, 3. in 6. Epid. 15. explicante *Hippocr.* verba, *Lapis à mictu pueri magnus*: Dum enim dicit lapidem à mictu fieri, innuere voluit, non excidere lapidem à renibus cum urina, sed coagmentari in vesica post mictum, id est, ex materia prolabente cum urina: Quod clarius patet in alia versione, *Post mictum concretio in pueris magna*. Ideo *Galenus* in illo comm. addit, *Veritas autem est calculos pueri in vesica ob urina crassitudinem procreari*: porro urinas crassissimas à pueris reddi ab omnibus ante nos Medicis concessum est, inquit *Galenus*: Quod clarius expressit dum ait, *Crassæ enim urinas excerni & evidenter apparet, & rerum testimonio declaratum est: hujusmodi namque crassitudo multa collecta, & in unum coacta, cum semel aliquando non opportune secreta intus diutius manserit, coagmentandi concrescendique initium capit, eoque principio facta, facile postea quicquid iterum crassum in vesicam illabitur priori agglutinatur, majorque inde sphaeram calculus redditur, quemad-*

modum extra corpus, & in calidis aquis sponte nascentibus, & in vasis ubi calefit aqua quotidie lapsus concrefcere cernitur. Quod confirmat 2. Prognost. his verbis, *Propter inopportunos & exuperantes cibos copia plurima colligitur humoris crudi vocati in corporibus puerorum: is igitur per renes expurgatur quotidie, atque etiam per urinarios meatus in vesica collectus interdum calculos in ea gignit.* Omniumque luculentissime 3. aphor. 26. ubi dum collocat Hippocr. calculos inter morbos puerorum, Galenus in comm. ait. *Lithiasis vero, id est, calculi in vesica generatio, proprius est puerorum morbus, atque adducens rationem, addit, Propter edacitatem & ingluviem crudos humores non paucos coacervant, ex quibus crassior pars una cum urinis ad vesicam comportata, fit lapidum gignendorum materia, accedente causa altera, caloris scilicet copia.* Nec alia ratione procreantur calculi in puerulis lactentibus: Quod autem calculus in illis concrefcere ex lacte, paret lib. de morbis Hippocr. vel Polybi

potius huius habentur, Ceterum calculi morbi principium oboritur a lacte, ubi puer lac impurum sugit. De loco demum concretionis eorum hæc addit, *Et ubi suxerit lac non purum, sed terrenum & pituitosum, & habuerit puer venter de ventriculo ad vesicam amplius & attrahentes, si quid in lacte non purum fuerit, id quo vesica fruitur lapsus sit.* Hoc confirmat quinetiam Hippocrates lib. de A. A. & Locis: *Ut propterea plus latis probatum fuerit, lapidem primo & immediate quandoque in vesica procreari posse: Quæ fuit etiam Aristot. sententia 3. de Hist. anim. 15. cum ait, Defunctis nihil humoris in vesicam transfunditur: ac vivis non solum humor, sed etiam sicca quadam excrementa descendunt, ex quibus calculi conficiuntur.* Coagmentatur 2. Lapis in vesica, ex lapillis à renibus ad eam exturbatis, & in ea hærentibus, atque ex novæ materie allapsæ coalescentibus: Quod palam fecit lapis ex cadavere Reverendi viri exemptus, &c.

*Idem ibidem.*

#### OBSERVATIO IV.

*Hypogastrii dolor à calculis vesica inclusis, in duos loculos discretus. 1. A calculis membrana inclusis. 2. 3. A lapide humore multo, crasso prævestito. 4. A calculo vesica adnato. 5. A calculo in vesica contorta & complicata. 6. A lapide cervici vesica affixo. 7. A calculo cum ipsa vesica in scrotum illapso. 8. A calculo in vesica exulcerato. 9. A grandi calculo in vesica silicis duritie. 10. Ab ulcere gangrenoso vesica inducto à calculo aspero. 11. 12. Lapis per lithotomiam feliciter ex ulcerata vesica collo eductus. 13. A calculo maximo glandem plumbeam inclusam habente. 14. 15. Ab apostemate in sine ureteris concitato, ob hærentem inibi calculum. 16.*

§. I. **A** Nno 1614. Genevæ, in dissectione cadaveris civis honesti, *Joh. le Preux*, Bibliopolaræ, in vesica urinaria, quæ in duas bursas veluti distincta videbatur, in utraque cysti reperti fuere sex lapilli, nucis gallæ omnes magnitudinem adæquantes: *Observatio Viri Clar. Petri Blandini Medici Genevensis.*

#### SCHOLIA.

**U** Reteres non in vesicæ cavitatem hiant, sed inter utramque membranam inseruntur; Ideoque cum lapidum illorum à renibus detrulorum in capacitatem vesicæ portio pervenerit, altera inter dictas

membranas substituitur, accidit ut hi novo materie appulsu grandiores & graviores facti, pondere sinuum & foveam effecerint, sacci formam, aut alterius vesicæ figuram referentem.

§. I. Nob. *Rochus Castnerus*, &c. cum per dies vitæ suæ solo aquæ potu uteretur, plurimisque laboribus ac peregrinationibus occuparetur, dolorem gravem ac permolestum in abdominis inferiore sede posterioribus aliquot annis sustinuit: quo subinde magis exasperato, in consilium adhibuit tum Medicos tum Chirurgos. Et licet multum proveccta ætate, tamen cruciatibus impulsus sectionis periculum subire voluit: Ætatis ergo 75. cum D. D. Villebroccius suam de præsentia lapidis in vesica suspicionem constanti asseveratione firmaret, licet *Lithotomi celebres id negarent* (ut qui immisso cathetere, nullum tinnitu vel tactu Calculum se deprehendere profiterentur) sectus tamen est: at ne tum quidem lapis ullus manu Chirurgi deprehensus aut exemptus est: Octavo post sectionem die Vir magnificus moritur, cum prius petiisset ut post obitum, tum vesica tum circumjacentes partes præveniendæ tanti doloris causa penitus introspecerentur.

Exempta itaque vesica lapides continuit 32. omnes in propriis tunicis inclusos, & invicem ita contiguos ut haud aliter quam apes in suis cavernulis favum, sic isti calculi in suis quique alveolis, totam vesicæ cavitatem repleant, exiguo tantum meatu urinæ retentioni (quæ per brevis esse solebat) emissionisque relicto. Præter eos unus in vesica fellis inventus: Priores illi 32. erant substantia durissimi, solidissimi, figura partim oblonga & ovali, partim rotunda, colore albo, magnitudine & pondere inæquales: ex iis enim 16. rotundiores, nucem moschatam sua quique mole referebant, reliqui paulo minores erant, minimus fabæ magnitudinem adæquavit, maximus semi unciam superabat. *Ex observ. Mart. Holtzappelii Medici Amstelani.*

*SCHOLIA.*



## S C H O L I A.

**R** Ubicundi in centro ] Fernellius path. l. 6. c. 13. Omnein calculum in vesica conclusum rudimentum è renibus traxisse asserit, & quoscunque vesicæ calculos obtrivit, in eorum medio quali nu-

cleum reperisse, rudimentum è renibus exturbatum; diversi, quam reliquum integumentum, coloris & substantiæ: Huic contradicunt *Rondelerius, Iulius Alexandrinus, Ballonius* & alii.

§. 3. Mercatori cuidam omnia calculi vesicæ signa aderant, Cathetere probari non potuit: Mortuo duo magni calculi inventi sunt, singuli unciarum duarum semis, membrana inclusi utrique sua. *Iac. Hollerius c. 49. lib. 1. de morb. int. in Scholio.*

§. 4. Nobil. Annibal Constantius, cum ipsum lapidem in vesica habere omnium signorum consensu Medici arbitrarentur, ut certior efficeretur, cathetere explorari voluit: quare accersiti peritiores Chirurghi, imposita syringa argentea, se nullum lapidem persentire constanter unanimi consensu affirmarunt: verum nullis ei præsidii conferentibus, à *Fallopio* ut curaretur *Patevium* se contulit, qui omnia lapidem attestantia signa conspicatus, lapidem in vesica esse testatus est, at cathetere imposito se calculum persentire non posse pluries miratus: quare negotio infecto Mantuam reversus, post multos longosque cruciatus è vivis decessit.

Dissecto cadavere, lapis insignis magnitudinis in vesica adinventus, undique tamen humore multo ac crasso circumvestitus, *instar anguilla pellis involucri circumambiente*, quem calor imbecillior, (erat enim septuagenarius) quominus lapidesceret effecerat, sicut ante actis annis, calore vegetiore existente, ejusdem sobolis humor sensim & sensim in lapidem degenerans concreverat: quominus igitur ex syringæ contactu lapidis ictus perciperetur à Chirurgis, integumentum illud fuit in causa. *Marc. Donatus histor. mirab. lib. 4. cap. 30.*

## S C H O L I A.

**I** Nvolucri circumambiente &c. ] Calculorum maxima pars ejusmodi cutaneo involucri caret, nec nisi rarissime observatur: Accidit verò ut in vesica tenax ea materia non semper in durum corticem, sed in membraneam solum substantiam convertatur ab imbecilliore remissioreque calore, impe-

diente quominus lapidescat: Ut enim gallinas aliquando ova, cutanea solum membrana, non item dura testa conclusa parere constat: ita sane lamellas, deficiente videlicet calore opifice, pituitas, velicæ lapidebus inductas, in membraneum tegumentum tantum commutatas, non in crustas observamus.

§. 5. Velut calvariz fractæ nihil perniciosius est occulta oppositi ossis rima: sic summe nocet vesica urinaria calculus ipsi adnatus: quem siue tollas, siue relinquant perinde occidit ægrum: Cujus periculosa accretionis specimen licuit aliquando videre in cadavere cujusdam viri Brabantini: Cujus vesica continuit calculum membrana involutum, & fibræ suis tam strictè vesicæ tunicis adligatum, ut vix inde avelleretur sine manifesta dilaceratione. *Tulpius observat. lib. 3. cap. 5.*

## S C H O L I A.

**L** Apidis signa maxime obscura teste *Fernello*, path. lib. 6. cap. 3. Nonnunquam, ait, summe vesicæ adhærescens calculus, & quali ex ista propendens, vix ultum ex calculi signis manifeste exhibet: & vix sunt qui nullo dolore diu illum gestaverint: *Arcetius* lib. 4. cap. 4. hæc signa tradit: Si vesicæ inhærerit calculus, ex contristationibus patet: sed neque dolorum neque gravitatis expertes sunt, licet urinam expedire reddant, sin minus & urinæ difficultas accedet, (si nempe non summe vesicæ adhærescat, sed intima, mediæ aut lateribus.) Ex urina signa petit *Alemannus* comm. ad lib. *Hipp. de A. Aq. & Locis* p. 123. Quod si lapis, ait, ex vesica propendeat, erit urina alba, crassa, turbida, mucosa; materia enim crassa vacuatur & in lapidem non abit: Assentitur *Cardanus* comm. in cit. loc. Dico, inquit, quod tales lapides, connexi cum vesica, tardius augentur, quia major pars materiæ crassæ effluit per urinam: At insiduum hoc signum, 1º. quod quidam, ipso *Cardano* teste, comm. in aph. 79. sect. 4. aliquando materiam pituitosam & mucilaginosam quotidie cum urina excernant, qui tamen a calculo vesicæ immunes sunt, ubi exemplum affert *Monachi* cujusdam: 2º. quod ex calculi signis,

vesicæ nequaquam affixi, hoc sit certissimum, mucosæ scilicet illius pituitæ excretio, quæ vesicæ male affectæ proprium est excrementum, eo quod sanguinem & humores pro alimento transmissos, nec non concoquat & assimilât, sed in ejusmodi materiam convertat; Vide *Riverium* præct. lib. 14. cap. 1. Nedum fidendum candelæ cereæ & stylo exploratorio, tentandi gratia in vesicam immisso, quod renitens durities Lithotomis ipsis sit infallibile præsentis calculi indicium: at calculus tunica sua obductus nec tactui reluctatur, nec tactus sonum edit: Quocirca non credendum solis hæc experimentis, sed vocanda sunt in subsidium etiam alia signa, confirmantia vacillantem ipsorum certitudinem.

*Siue tollas, siue relinquant, perinde occidit ægrum* ] Excisionis infeliciose tentatæ exemplum affert *Tulpius* l. c. in rustico, cui lithotomus adepturus calculum extraxit simul & ipsam vesicam: utpote calculo tot & tam tenacibus vinculis accretam, ut nequiverit ulla arte ab eo separari: ac proinde conjecit in præsens periculum non minus vitæ ægri quam famæ curantis. Hinc *Pareus* lib. 16. c. 36. mortem ait, inferri inevitabilem si membranz inclusus calculus, quæ vesicæ adjuncta sit, aut alioqui ipse calculus

calculus in vesicæ substantiam defixus sit : aut denique casu aliquo Chirurgus calculum revulsurus ipsum vesicæ corpus ferramenti laniaverit : Sed quid faciet Lithotomus, inquit *Tulpius*, inveniens ejusmodi calculos, incisa jam urethra, & dilataro rite vesicæ calculo ? tollet an relinquet ? tollet sequaces & relinquet reluctantes : neque enim omnes involucto inclusi adnascuntur vesicæ, sed quidam illorum fluctuant liberè : prodeuneque non minus facile, ac si nulla regerentur membrana, utique equidem bis vidi in duabus mulieribus quæ ejusmodi calculos & sponte & prospere excrevere. De Suspitione accreti vesicæ calculi Vide *Erasmum consil.* 26. pag. 243.

*Fibris suis stricte vesica tunica adligatum* ] Memorabile exemplum calculi vesicæ pestinaciter inhaerentis, ut incisione à lithotomo facta nulla vi evelli potuerit, ad nos transmittendum curavit Excell. & Clariss. D. D. *Lucas Scroockius Senior* Reipub. Augustanæ Physicus, anno 1673. Historia hæc est. Magnæ apud nos famæ Jurisconsultus diu nephriticis doloribus vehementer exagitatus, quos variis adhibitis remediis variorum depellere conabatur : sed his nihil proficientibus & incallum adhibitis, dubiè potius spei medelam querere, quam ira perpetuo & diuturno cruciatui se exponere, animo obfirmavit, ideoque calculi in vesica absconditi exemptionem cruenta manu instituendam maxime urgit : In quem finem lithotomus prædictus, nostro consensu manum operi admovent, quamprimum no-

vacula perinzum incidisset, mox cuspidis extremitas calculum recta feriens manifestum sonum edidit, non si secus ad si duriores lapidem, cumque asperum offendisset, imò ipsa ob nimiam renitentiam fracta fuit : Quod autem tam expedite nobis obveniret, faciliorem ejus extractionem sperabamus, ast vana spe delusi & confidentia, mox apparuit plus in recessu contineri quam prima fronte promitteret, dum adeo immobilis atque infixus hæsit ut nullo modo, nullaque arte, tertia quamvis vice facto periculo, sede à nobis sua, quotquot præsentibus eramus (mecum autem præter lithotomum, alius meorum Collegarum D. D. *Balthazar Erhard*, Physicus jam Memmingensis, ut & filius meus, tunc Medicinæ Licentiat, nunc patriæ Reipub. Physicus, necnon Chirurgorum aliqui erant) dimoveri potuerit, non secus ac si lapidem muro fortiter infixum manevellere quis tentasset ; Admiratione non carebat, quod per vulneris inflicti foramen ne guttula urinae proflueret : Cæterum irritus cum fuerit lithotomi, nosterque conatus, necesse erat operam vulnere consolidando impendere, qua rite peracta, aliquandiu inducias dederunt dolores, donec his mirum in modum recrudescens, semestri circiter à sectione temporis spatio, aeger viribus exutus, atumnota vitæ, simul & morbi sævitici finem fecit : Desideravi quidem & expectavi cadaveris apertionem, quo innotesceret qua ratione calculus ille adeo firmiter vesicæ inhaereret, ast liberorum nimis magna in Genitricem pietas, quo minus impetrarem prohibuit.

§. 6. Si vesica sit male conformata, sive ob *membranum septum eam intus dividens*, uti videre *Bauhinus* & *Coiter*, sive ob *exposum* illi adhaerentem, qualem habuit Ill. *Casanbonus*, sive ob membranas ipsius complicatas & pubis ossi arctius accretas, quam ut possit sectio institui sine evidenti vesicæ offensus : Qualem hujus partis positum equidem aliquando observavi in filio cujusdam mercatoris sectioni jam destinato : Tum certe non minori circumspeditione opus erit, uti videre fuit in exemplo hic inserto : In quo ingloriam certe operam collocasset lithotomus, alias minime exercitatus, nisi perterritus à perverso hoc vesicæ situ sustulisset prudenter manum de tabula, consulens utiliter non minus pueri salutem quam suo honori : latitabat namque hic calculus (uti quidem docuit anatomie) tam perplexo errore contorta huic vesicæ implicitus, ut ne ipse quidem *Æsculapius* cum inde exemisset sine manifesto vitæ discrimine. *Nicol. Tulpius Observat. lib. 3. cap. 5.*

## S C H O L I A.

*Membranum septum eam intus dividens* ] Cavitationem unicam habet vesica : rarissime membrana, quasi septo, in duas partes dividitur, quod

in Illustr. Principis Onolsbacensis cadavere nuper observatum. *Gaspar Bauhinus Theatri Anatom. lib. 1. cap. 31.*

§. 7. Si adhæret lapis cervici vesicæ affixus, est inutilis (per resupinationem ut excutitur,) medendi ratio, ut annis præteritis in Reverendissimo *Berardo Bonjoanni* Episcopo Camertium observavimus. *Horatius Angenius Epist. 1. lib. 4.*

§. 4. Calculus in vesica exploratur syringe vel candela cerea : Interdum tamen id remedii exploratorii genus Medicos fallit, quando calculus subterfugit & remotiora peti loca : Nam Venetiis quendam herniosum novit viditque *Ioh. Domin. Sala*, cui omnia signa calculi vesicæ videbantur adesse, nec tamen cathetere aut candela potuit deprehendi.

In mortui cadavere, calculus cum ipsa vesica unam scroti partem impleverat, intestina tenuia alteram, adeo ut semper calculus introrsum in scrotum cesserit & suos exploratores deceiverit. *Bartholinus centur. iv. hist. 28.*

§. 9. *Ioh. Frisius* Thorunensis, juvenis ann. 27. à prima statim infantia de doloribus circa pubem, meiendi difficultate & aliis symptomatis calculum vesicæ indicantibus per certa intervalla conquerebatur, quæ omnia crescentibus annis atrociora reddebantur : Adultior factus, apud mercatorem aliquot annos serviendo consumpsit ; postea Dantisci, mercaturæ operam dando, iisque ad annum 26. ætatis commoratus est, aliquoties interim & graviter decumbens : Anno 1669. ad nundinas autumnales Thorunienfes venit, sed ob dolores in hypogastrio & circa inguina atrocissimos, qui illum, urbem vix intrantem adorti

adorti sunt, ad matrem viduam, domino suo relicto, divertere coactus fuit: Ego tertia Novembris anno dicto ad eum vocatus, præ doloribus in lecto vehementer jactantem & ejulantem offendi, insimulque *humorem viscidum, crassum, foetidissimique odoris suum* cum dolore per canalem urinarium exeuntem animadverti: Ab illo tempore ipsi pro re nata medicamenta præscripsi, quibus tamen calculum in vesica latentem, certisque signis cum ulcere renum se prodentem exturbare impossibile erat, neque ea nostra intentio fuit: statim enim tale prognosticum dedimus, *Vlcus renum immedicabile esse*, calculum autem vesicæ nonnisi per circumspectum & peritum lithotomum excindi posse: Sed ille lithotomiam admittere nolens, in dies debiliior factus, anno 1670. 7. scil. Junii, naturæ solvit debitum.

Cadavere eadem die aperto, repertus est in vesica exulcerata & purulenta, lapis asper sesqui-unciam cum drachma ponderans: Sub dextro Hepatis lobo ulcus insigne latitabat: Ren vero dextri lateris totus ulcerosus & puris plenus erat cum maximo foetore, præ quo reliqua viscera ulterius explorare non potuimus. *Simon Scholzius in miscell. curiosis anni 1671.*

§. 10. Chirurgus quidam Reipubl. Gorlic. primarius per annos oppido plures calculo vesicæ conflictatus, tandem atrocissimis enervatus doloribus obiit.

Secundo cadavere inveni 1°. Pulmonum in utroque latere cum costis coalitum. 2. Calculos novem in cysti fellea totam occupantes capsulam, coloris & odoris fellei, levissimi tamen ponderis. 3. In uretere sinistro, mox sub pelvi, calculus aderat alius, magnitudine amygdali dulcis. 4. Vesica urinaria exhibuit calculum sat grandem, rufum, siliceum, pondere uncias novem cum 3j. 5. Ventriculus cum intestino tenui refertus erat liquore nigricante copioso, acidum spirante, & pelvim instar aquæ fortis erodente: Ipsa etiam urina, excrementa alvina, saliva anhelitusque acidissimum spirabant, ex abundanti & p. n. acido ventriculi, infelici calculorum coagulatione. *D. Ehrenf. Hagendorn Med. Gorlic. in Miscellan. curiosis anni. 1676. Observat. 243.*

§. 11. Famulus quidam circulator calculosum perempsit, Hic porrexit misero valentissima diuretica, quæ moverunt lora fæculentissima: quia viscosam & lubricam pituitam, quæ erant tanquam calculi pulvinar, à calculo separavit: Illico melius habuit, putabatque jam esse liberatus & circulatorem laudibus ad sydera attollebat: Verum paucos post dies calculus nudus & asper cœpit paulatim exedere & terebrare vesicæ parietes, & doloribus quos ante nunquam fuit expertus vexari: mox facto ulcere, eoque gangrænofo (ut vidimus post sectum cadaver) tot pœnis lacerabatur, ut ante nunquam viderim mortem violentam magis trucem. *Sanctorius Meth. vit. Err. lib. 13. cap. 4.*

## S C H O L I A.

**V**alentissima diuretica] Qui utuntur in calculosis diureticis calidis, errant 1°. quia ea secum ferunt excrementa & aperiunt meatus: 2°. lapidem denudant, inæqualem & asperum reddunt: Lapis dum crescit, quia augetur juxta positione, non æqualiter & secundum omnes partes crescit: verum quia

renes aut vesica asperitate læderentur, natura sagax eum mucosa & lubrica pituita induit, ne partem viventem vellicaret: diuretica magnum afferunt detrimentum, quia calculum circumventum viscosa pituita denudant, qui ob asperitates adeo pungit, ut post breve deinde spatium ulcus exitiosum efficiat. *Idem.*

§. 12. Filium Principis Condzi, ex calculo laborantem, periculator quidam medicamentis curaturum promisit: Sed cum *Cardinalis à Borbonio* in Nepote periculum fieri recusasset, adductus est puer decem annorum caleulosus, cui periculator remedium exhibuit, breviterque ventriculo & vesica exulceratis obiit. *Duretus comm. in Holler. Prax. l. 1. c. 49.*

§. 3. Dom. Reboulet, Jurisconsultus Valentinus, diu gravi Ischuria vexatus, multis irritis remediis, tandem fama mei nominis inductus me accersendum curavit: Valentiam ubi appulisset, per horæ spatium cum eo colloputus, quo morbi idea mihi innotesceret: Quæsit quæ causa esset anxietudinis à me observatæ? respondit perpetuis se lancinationibus circa internum vesicæ ostium affici, ad extremum usque penem diffusis, adeo ut ad crebram mictionem sollicitaretur: Ad hæc reposui mali causam pendere à lapide in vesica latitante, cujus præsentia omnia adessent indicia: Quod vero major certitudo accederet, rogavi catheteris explorationem admittere vellet: qua concessa, obvium habui calculum, quem ex renixu deprehendi & sono edito, ab ipso ægro agnito: Cum quæreret quo præsidio posset malum depelli? Respondi unicum esse positum in lithotomia, periculi certe non experte, quod septuagesimum attigisset annum, ab ipso tamen respui non debere, vegeto quippe adhuc & valido, faveretque verna tempestas: ac satius esse remedium experiri quam tot cruciatibus & crebris subjici: Cum vero regeretur se calculo vesicæ non laborare morbum vero pendere à carunculis collum vesicæ obsidentibus, Afferui falli eos qui ea in opinione versarentur, atque his rationibus erroris convici, Scias, Domine,



Domine, inquam, vesicæ calculum & carunculas in eo convenire, quod ab utrisque urinæ suppressio contingat sequaturque dolor, sed diversimode: Lapidis vesicam obsidentis indicia hæc sunt, quod ægri crebro & cum dolore urinam emittunt, cujus cursus quandoque intercipitur; penis extremum rubet & phlogosi afficitur, in perinæo & hypogastrio pondus percipitur, urinæ lactææ sunt & crudæ, arenas aliquando excernunt, calculos, phlegmata viscida, & ab exonerata vesica peius habent, quia ab excremento consueto liberata constringitur, & parte interiore versus calculum cogitur, unde dolores intensi circa cervicis collum internum excitantur, ad extremum usque penem exporrecti, imo crebro ad desidendum ægrum urgent, compatiante utroque sphinctere musculo: Hæc omnia in te, Domine, concurrunt, unde certo ausim asserere, addito catheteris testimonio, vesicæ te calculo laborare: Contra, quibus molestæ sunt carunculæ, lotium subtile & tenue exit, æ quasi bifurcatum, diu moratur in exitu, comite dolore, eo emissio desinente; Cathetere præterea dignoscitur, qui vix in vesicam inducitur, illum autem non ægrè admisisti: Sic sectione ab eo admissa, lapidem eduxi ovum gallinæ maximum æquantem, cui carnis putridæ lobus sat magnus adnexus erat: Tantus utique fœtor inerat, ut assidentes sudariolis naribus admotis secedere necesse habuerint: Biduo aut triduo post extractum lapidem, vulneri magnus accessit nigror, suberis instar arido: Cum nigredo ad interiora vesicæ usque pertingeret, ac excrementa illinc prodeuntia eximio fœtore omnes à cubiculo arcerent, æger propterea summam debilitatem contraxit, accedente perpetuo singultu à manantibus putridis & inquinatis vaporibus è vesica ad cor & ventriculum: Quò progressum inhiberem, cardiacis plurimis eum restauravi; in vesicam decoctum rutæ, absinthii, radic. scordii & aristolochiæ, aloës, myrrhæ, aluminis rupei, vitrioli, in aceto, vini spiritu & aqua communi factum, per siphonem infundi: Exterius admovi simili vi prædita remedia, non omisso penicillorum usu, unguento Ægyptiaco delibutorum, & additis suffumigiis, ex rebus aromatica vi pollentibus, ad correctionem aëris summe inquinati: Exacto vicendio, vitii manifestam emendationem observare mihi licuit, tum dimissis remediis generosioribus ad mitiora & familiaria transii, in quorum usu perrexi juxta methodum ad xl. usque diem, quo tempore cicatrice omnino obductum fuit perinæum, convaleuitque æger nulla superstite ægritudine, urinis tamen fœtoris non omnino expertibus.

Ex superioribus constat quanta cum difficultate morbi idea innotuerit, quæ exinde orta est, 1°. ob præposterum judicium ex catheteris introductione, quæ dexteritatis non parum requirit, *χειρὶ βίβλῳ* & judicii soliditatem: 2°. Ratione ægritudinum *συμπλοκῆς*; sæpius enim evenit ut attritu calculi ulcus inducatur vesicæ cervicis, unde hæmorrhagiæ accessio: ad ejusmodi exulcerationes sequuntur hyperfarcoles, à quibus diagnosi & *διagnosis* pervertitur & aliud pro alio substituitur: 3°. Hinc manifestum fit quantum ab invicem discrepent Dialecticorum & ægrorum ratiocinia: Ex eorum decreto conclusio deteriore partem semper sequitur: Hi ratiocinii faventior partem amplectuntur, ideoque quod molestum est respuunt, demumque devicti & superati manus dant, tunc scilicet cum vires concidunt, ac proinde ubi operatio maxime anceps. *Iosephus Covilliardus Observationum Iatro-Chirurgicarum. Gallicè editarum. Observ. I.*

§. 14. Juvenis annorum xx. in bello ictus à globulo sclopetario ad coccygem parte dextra, cum aliqua ossis ipsius fractura, curatus utcunque fuit, & cicatrix admodum cava ibidem relicta: Interim prædicto globulo in corpore delitescente, (nec enim in ictu pervaserat, nec ulla ipsius in curando vulnere cura habita est) homo hic totos annos xv. citra ullum, quod persentiret incommodum, trivit: his elapsis de dysuria, doloreque non exiguo ad vesicam conqueri cœpit, adeoque symptomata hæc in dies aucta, ut tandem lotii reddendi beneficio privatus, ad dies plusculos, affectu scil. remediis omnibus obsistente, morti quam proximus fuerit, quum opportuna Chirurgi ope, calculum è vesicæ collo, quem ibi cathetere immisso non exiguum deprehendit, remonentis ac detrudentis, permagnam urinæ copiam æger excrevit, qua magnopere levatus, ita denuo commodum satis ad alios annos xv. vitam traduxit: at vero anno superiori à recurrentibus ibidem, & in regione renum doloribus intensissimis, cum æstu vehementi, in intima pubis ac perinæi regione; nec-non à febre continua divexatus obiit.

Ejus ad aperto cadavere calculus in vesica ovi molem adæquans repertus est, quò propter insolitum ejus pondus contracto, globulus ille plumbeus, avellanæ magnitudine apparuit in medio, circa quem longo temporis decursu sabulosa materi, a partim in vesica genita, partim à renibus eò delapsa sensim accreverat, eo usque ut tandem mole sua homini illi intolerabilis evaserit; quin imo internæ externæque ad vesicam partes una ejus portione livebant, & ipse jam per annos aliquot graviter in ea regione solebat affici ubi diutius paulo ambulasset, qua-

quapropter etiam domi fere continebat : Porro tam firmiter globulo adhærebat tophacea illa materia, ut vix inde tota eximi potuerit, cujus velut agglutinationis initium inde fuit, quod prædictus globulus in vulnere faciendo ad os illidens eminentiam ac inæqualitatem receperat : *Ex Observat. Pauli Offredi Medici Genevensis.*

§. 15. Ostendit mihi vir summus Dom. *Ioh. Gaspar Bauhinus*, calculum vesicæ, quem à viro hujus urbis cive, homine robusto, & quadragenario ante aliquot annos frustra extrahere conatus est exercitatissimus lithotomus, quia calculus vesicæ lateribus firmiter adhærens omnem artificis operam eludit : donec tandem supervenientibus acerbissimis symptomatibus ipsaque morte è cadavere erutus est : In hoc calculo conspicitur globulus plumbeus qualem capere solent bombardæ minores : hic globulus adeo firmiter calculosæ substantiæ inhæret ut plane immobilis appareat : Erat autem & ab ea parte, qua jam conspicitur, laminis tartareis tectus, quas lithotomus effregit dum calculum forcipe apprehendit, pondus calculi sunt uncie duæ & scrup. ij. Quomodo verò globulus scrosum hoc hospitium adeptus sit, plurimi mirantur, & merito, neque enim in membranosa vesicæ substantia aliquod apparuit vulneris aut cicatricis vestigium : Quia tamen in inguine cadaveris cicatriculam spectatores adverterunt, homo quoque iste dum in juventute Martem sequutus est, se circa illam regionem globo aliquando læsum fuisse, attamen globum evanuisse amicis suis narrare solitus est, nullus dubito quin eo tempore globulus circa carnosam vesicæ partem, vesicam lotio plenam intravit, ibique per xx. annos permanens, tartareæ substantiæ se insinuarit, vesicæ una cum inguinum vulnere sanato. *Ex Observat. G. Seegeri Medici Thorunensis.*

## S C H O L I A.

**I**N hoc calculo conspicitur globulus plumbeus] Non minus suspicienda hystoria à *Matthæo observ. med. c. 1.* allata, Claustrarius (*inquit*) juvenis ingenti calculi dolore victus sibi ipsi manus iniecit, vesicam amplo vulnere dissecans, calculum manibus exemptum in terram projecit ; qui ovi magnitudinem æquans, & malleolo contractus, in medietate cla-

viculam tenacissime impactam exhibuit : Sententia fuit Medicorum, cum juvenis claustrarius fuisset, claviculam aliquando per imprudentiam deglutivisse. Hinc patet meatus in viventibus corporibus longe patentiores esse quam in mortuis, alioquin impossibile fuisset claviculam tot angustias penetrasse.

§. 16. Anno 1614. Matrona Medici & filia & conjux, in Spa concessit, solitas sibi aquas, (erat enim nephritica) potatura : Dederat ipsi discedens maritus duo pharmaca, aquis, ut aliis annis fecerat, præmittenda : quæ ipsa, ut erat ab iis alienior, pauperibus largita, non purgato corpore, aquas hausit, atq; omni aurora minimum clxxx. uncias bibebat, quod sane in tam delicato & castigatissimo; ut erat, ventre, multis uncis, imo dimidia parte justam debitamque ipsi superabat quantitatem : Quia tamen renali, quem senserat, dolore levabatur, avidissime potationi insisteat ad dies xl. Non diu post aquas, dixit dolorem renes occupare solitum, ad imum ventrem descendisse : Cum omnia interiora recusaret remedia, frustra fotu litibusque usa, dies xiv. febris continua laboravit, quo tempore scilicet, (ut postea sectio docuit) pus conficiebatur in apostemate, quod calculus durissimus à rene in ureteris finem delatus, quo loco in vesicam se exonerat, exciraverat : febre continua, doloribus, pure scil. jam facta, cessantibus, ipsa atrophiam marasmoque consumpta 12. Maii anno 1616. tumulo illata est, xxv. ætatis anno vix expleto : Sine dubio, si vel acidis abstinuisset, vel eas præparato, ut jussa erat, corpore, hausisset, diutius victura : Omnes enim qui sectioni intererant Medici, omnia viscera sanissima & longiori vitæ suffectura judicabant. *Henr. ab Heer. Observat. Medic. cap. 1.*

## OBSERVATIO V.

*Hypogastrii dolor ob Vesicam Calculum continentem, cum Vteri insigni obstructione.*

**N**obilis quædam fœmina, formæ corporisque constitutione ac temperamento satis laudabilis, annorum 41. ante annos tres cum dimidio filiam enixa est : ab illo tempore per vicissitudines dolores sensit Nephriticos, qui tamen adhibitis quibusdam medicamentis remiserunt : anno dein elapso febris maligna petechiali laboravit lethaliter, qua feliciter curata, Brevi post tempore non solum priores dolores nephriticos magis magisque recrudescere, sed etiam descendentes quasi gravativos & lancinantes in inguine animadvertit : quoniam vero illi adhuc erant tolerabiles, patiens eos floccipendit, nec ad illos extripandos efflagitavit consilium, donec circiter ante scisquiannum, malo in dies crescente, gravitatem circa pubem assiduam, sæpiusque involuntariam mictionem, urinas ardentes & purulentas, tumorem à pudendo ad exitum vesicæ, desidendique desiderium, & alia symptomata atrociora doloribus præteritis sentiens, Obstetrici peritæ se commisit, quæ affectum

affectum hunc pro uteri prolapsu recognovit, hac præprimis de causa, quia vaginam uteri adeo impletam & fartam deprehendit, ut ne digiti quidem immissio, multo minus mariti congressus admitti poterat, mensibus nihilominus semper statò tempore, etiam solita quantitate fluentibus: propterea obstetrix variis remediis, præprimis beneficio annuli uterum in locum reponere tentavit, doloribus nihilominus & reliquis symptomatibus ingravescentibus: veritaque ægra genitalium inflammationem, me tandem in consilium vocavit: ubi omnibus circumstantiis probe consideratis, hoc malum principaliter pro calculo vesicæ judicavi & incurabile æstimavi; propterea quoniam calculus, præmissa per catheterem exploratione, tantæ magnitudinis observatus fuit, ut accitus lithotomus sine summo vitæ periculo cum extrahere non auderet: Idem judicarunt alii Medici in consilium adsciti; ac licet communiconsilio multa, eaque generosa adhibita fuerint & exhibita medicamenta, nullum tamen horum tantæ fuit efficacix quod ex cymba Charontis Ægram extrahere potuerit, sed crescentibus in dies doloribus & decreascentibus viribus, supervenientibus creberrimis vomitibus, die 1. Februarii anni 1670. secundum præsagia mare mortuum pernavigare coacta fuit.

Exenteratione facta, viscera principaliora fere omnia bene & naturaliter constituta deprehendebantur, Ventriculus autem plane vacuus & tabefactus: Intestina contra, præsertim jejunum, flatibus distenta, & partim flava, partim & plane suggillata & quasi inflammata: Renes cum ureteribus usque ad vesicam putredine erant corrupti, humore glauco foetidissimo, sabulorumque albo infarcti, dextrorsum tamen magis quam sinistrorsum: In vesica nulla urina, sed tantum paucus albus mucor: in hujus autem collo magnus & durus lapis, duas medicinales pendens uncias inveniebatur: Uterus solito grandior, tantum pugnus bene magnus & sat durus, quod ansam dedit ut aperiremus: Illum totum quantum alba, compacta, dura viscidissima materia impletum reperimus, ut plane nulla cavitas amplius videri liceret, quæ substantia non solum uterum totum occupabat, sed & majorem partem vaginæ uteri, cujus lateribus adeo firmiter adhaerebant ut citra lacerationem vix separari poterat: hinc obstetrici vitio non est vertendum quod hunc affectum pro procidentia uteri habuerit: Reliquæ pudendi partes fere omnes erant penitus inflammatae & exulceratae. *Ex Observat. Gothofredi Thilesii Medici Præslaviensis.*

## OBSERVATIO VI.

*Hypogastrii dolor ob vesicæ calculum cum exulceratione vesicæ, & situ uteri mutato. 1. A calculo grandi cum vesicæ laceratione. 2. A vesicæ inflammatione & gangrena. 3. A pure incluso inter utramque tunicam Vesicæ, interius foraminibus pertusa, exterius tuberculo. 4. A scirrbo totam vesicam implente. 5.*

§. 1. **V**Xor Aurifabri quinquagenaria, macra & fusca, cætera sana, plaustro vehitur ad vineas, eodemque ex iis revehitur; acutissimos subito sentit in abdomine & circa inguina dolores, defertur in lectum, nulla dolorum intermissio, per quatuor annos lecto affixa manet: excernit interea temporis per alvum, præcedentibus doloribus immanissimis, res varias, ut fila serica rubra, nigra, ossicula varia, lapillos, aristas, ligna: Habetur pro incantata: ultimis septimanis vocatur D. D. Eccardus Leichnerus, videt illa excreta: Suspiciatur præterea prolapsum uteri, applicat medicamenta, lenit dolores valde, sed illis recrudescentibus, tandem illa Tabæ consumpra moritur.

Vocantur Chirurghi ad cadaveris sectionem: nullus venit, abhorrent, metuunt infectionem, petunt pretium magnum: Tandem ego cadaver aperio, Primo statim loco video os pubis valde protensum & crassum, substantia tophacea quasi incrustatum: Vesicam invenio sphacelo correptam, nigram, constrictam & admodum duram, quæ aperta tota erat exulcerata, & continebat calculum ovi gallinacci magnitudine, rotundum, album & echinatum: Extra vesicam in urethra alium tango digitis calculum, qui exemptus ovo columbino erat paulo major, cætera priori similis: Relicta vesica, me conferebam ad uterum, cujus ligamentum latum dextri lateris erat ruptum, adeoque uterus inclinabat valde, situ fere transverso: In intestinis & ventriculo nihil inveniebam, nec ullum incantationis vestigium: Quæstio jam est an hæc fœmina fuerit incantata, & an calculus ab incantatione possit esse: Item unde hæc uteri subidentia? *L. Augustinus Hermannus Med. Erfurtensis in Miscell. curiosis anni 1671. Observat. 171.*

§. 2. *1. Gulielmi cum multis annis calculo laborans miseram vitam traxisset tandem mortuus est: Chirurgo corpus incidente, in vesica inventus est lapis ponderans ʒij. & ʒß. qui*



qui causa mortis fuit : Erat subrotundus, ovum magnitudine excedens : vesica quoque reperta fuit ulcerata ex collisione lapidis tantæ molis : Renes quoque alterati & quasi ulcerati spectabantur, potissimum verò sinister. *P. Forestus observ. 24. lib. 25.*

§. 3. In Gangrænam male tractata inflammatio quandoque convertitur, vidimusque sic affectam vesicam nigram penitus intrinsecus, Nasi piscis instar, in mortuo Canonico fuisse. *Platerus Prax. lib. 2. cap. 13.*

## S C H O L I A.

**M**ale tractata inflammatio] Infrequens est vesicæ inflammatio ob substantiam ejus solidam & densam : interdum tamen fieri solet licet exanguis & spermatica sit, quia sanguinem ad sui nutritionem per arterias recipit, qui si nimia copia influat, & extra vasa excidat, inflammatio accidere potest sicut in aliis corporis partibus membranis, ut pleura, meningibus &c. Causæ producentes, ex parte Naturalium, sunt infirmitas congenita, substantiæ laxitas, fevor & caliditas nativa, humores copiose trahens; ætas juvenilis fervida; Ex parte non naturalium, faciunt Venus immodica, & quæ sanguinem illuc alliciunt, quæque plethoram & cacochymiam biliosam gignunt; vix enim pituita & melancholia densitatem partis subire possunt : Res præternaturales sunt ictus aut vulnera vesicæ regioni inflata;

compressio nimia aut contusio, febres continuæ, impuritas vasorum, vel aliquatum partium illuviem expurgantium per urinæ vias, ut in pleuritide, empyemate, lienis obstructione, mesenterii infarctu &c. Ac denique ipsius partis affectus peculiare ad inflammationem in ea inducendam, ut Calculus, dolor vehemens a quacunque causa excitatus, exulceratio, urinæ ardor vel suppressio & similia. Signa sunt dolor pubis regionem occupans & perinæum, in quibus partibus etiam calor, & interdum tumor apparet : Ardor urinæ perpetuus est, sed illa etiam suppressitur, adstricto vesicæ ductu à tumore partis : Rectum intestinum vicinæ lege condolet, unde ardens tenesmus : alvus aliquando adstringitur, compresso à vesica inflammata intestino : Assident febris, vigilia, delirium, sitis & alia.

§. 4. Generosus Vir, ex familia Francisci & Henrici Franciæ Regum, cum 18. annis venereo profluvio laborasset, incrementum in dies malo, atque una symptomatum sævitia, nec ullum ex medicamentorum præscriptorum usu fructum consequeretur, ad fontem proficiscitur, haud procul à Leodio, qui creditur esse quem *Plinius* lib. 31. cap. 11, in Tungris esse scribit : Hoc ubi aliquot dies usus esset, dolores valde remissi sunt, ita ut suavius illio quam alibi multis annis vixerit : Fontis siquidem hujus ea propria ac singularis est facultas, ut vesicæ renunque dolores sopiat ac leniat; morbos tamen harum partium raro persanet : Ventriculū debilem idem roborat : ciborum languentem appetentiam excitat, hydropicis, præsertim leucophlegmaticis, subinde sanitatem revocat; Possemus nonnullos referre gravissimis renū ac vesicæ doloribus misere afflictos, qui interea dum hunc biberent à doloribus liberi visi sunt, non tamen idcirco sanitati restituti : Prætermissa siquidem hujus potione etiam acerbius quandoque doloribus pejus habuerunt : Veluti huic generoso contigit Viro, qui interea dum aquam fontis biberet melius habere videbatur, Sed illinc reversus, mox omnino pejus, ubi ingravescentibus omnibus doloribus, vitam cum morte committavit.

Dissecto ac aperto hujus corpore, repertus est Ren uterque major quam secundum naturam, durus, concreti ac indurati puris colorem ac similitudinem referens : Ureteræ ambæ interius ulceratæ, vesica plane rigida nec extendi nec contrahi potuit : hujus una membrana ab altera divulsa, copioso intermedio pure : In exteriori tubercula quædam livida apparebant, interior multis foraminibus pertusa. *Dodonæus observ. med. 41*

## S C H O L I A.

**H**inc colligit *Henr. ab Heer* l. de Acidulis Spadanis cap. 9. moram in his esse necessariam, & quod sæpe multis dixit, toto ibi anno vivendum iis qui à diuturnis & pertinacibus malis liberari cupiunt : Plurimos ad suos irritum eventum redire, immerito

de Medicis questos, aquarum impotentiam arguentes, quia 30. vel 40. die non persanantur : Asserit vero aliquos, qui totos tres quatuorve annos assidue in Spa manserunt, ab ulceribus istis calculoque & hydropo persanatos vidisse.

§. 5. Dom. *Cosmus Slotanus* Illustr. Ducis Juliæ censum &c. Medicus Chirurgus, mihi retulit se Coloniz virum quendam Nobilem curandum habuisse, in quo omnia Calculi signa adfuerunt, nisi quod cum cathetere immisso nihil calculosi deprehendi potuit : Cum tamen tandem obiisset, scirrhum, sive tumorem durum in vesica inventum fuisse, qui adeo creverat ut totam vesicam impleret, vixque spatium quod urina, ubi in vesicam influit, permeare posset, reliquisset. *Fabritius Hildanus de Lithotomia vesicæ.*

## S C H O L I A.

**C**athetere immisso] Nam ante omnia an calculus adsit explorandum, neque temerarii & audaces quidam Empirici imitandi, qui levi aliqua calculi suspitione inducti, illico & citra ulteriorem inquisitionem cultum adhibent : Externis igitur si-

gnis, sicuti etiam explorationi digito in anum immisso, simpliciter & per se fidendum non est; aliquando enim in dissectione cadaverum observavi, quod duri tumores ac scirrhi, qui ægro adhuc vivo existentes, per anum tam duri, ac si calculi fuissent, palpantur.

HH h h h

palpantur

palpari potuerunt, inventi fuerunt: Imo, quod magis est, tumores isti duri circa collum vesicæ, eadem tere symptomata ac si calculus aliquis adfuisset, excitantur; Quod autem ejusmodi tumores incisione citra mortis periculum non possint eximi, inde manifestum fit, quod illi, ut ipse evidenter vidi,

adeo firmiter ac tenaciter vesicæ & ipsius collo adnati fuerint, ac si unum cum vesica corpus constitissent; Exploratio igitur cum instrumento facta, ad indagandum & discernendum calculum, à duris istis tumoribus in vesica natis, omnium optima ac certissima est: *Idem ibidem cap. 8.*

## OBSERVATIO VII.

*Hypogastrii dolor à calculis latentibus in vesica sinibus & cuniculis. 1. 4. A calculo lævi muco obducto, catheteris attractum eludente. 2. 3. Calculus vesicæ magnus nullis signis se prodens. 5. 6. 7.*

§. 1. **J.** De With, Senator Amsterodamensis, enecatus à calculo, & sectus deinde à Chirurgo, habuit in vesica sua 39. calculos, figura ac magnitudine ut dispares inter se, sic forma, glabritie ac lævitate adeo invicem similes, & tam prope convenientes cum lapide bezoartico, quem fert India Orientalis, ut facile vel oculatissimo imposuissent aromatario: Latitabat autem unusquisque involutus proprio receptaculo, & quidem tam recte, ut circa initium crediderit Chirurgus nihil Calculorum illic detineri: Cujusmodi cavernosis cuniculis restantur *Brovardus & Raphael Thorius*, inhæsisse utique innumeros calculos in rugosa *Isaaci Causaboni* vesica: sed non in sacculo illi subtus adhærente, quem asserunt uno ore fuisse sine calculo, licet secus videatur indicare *Ioh. Riolanus. Nicolam Tulpius observ. lib. 3. cap. 4.*

## SCHOLIA.

**N**on in sacculo] *Ioh. Riolanus* Antrop. lib. 2. cap. 26. ait Hominis vesicam intus saccum sive toveam habere, extra capacitatem inferne protuberantem, in qua sæpe grandiores lapides nidu-

lantur & latitant, qui immisso cathetere detegi ac deprehendi non possunt: Hic saccus forte fuit receptaculum calculi in eo cui vesica in serotum procubuerat, *Vide §. cap. 16.*

§. 2. Ad indagandum in vesica hospitantem calculum, exploratio ope catheteris facta Chirurgis consueta ut plurimum esse solet: Verum expectationi non semper tam respondere anno 1669. in Mercatore quodam nostrate observavi, quem alere inibi hospitem talem ex signis debite invicem collatis indubie judicavi: Pro confirmanda mea opinione curaveram ut lithotomus, in arte sua apprime versatus, catheterem virgæ canali immitteret, ut exploraret rei certitudinem, id quod factum quidem, ast omnem licet industriam & laborem adhiberet, calculum tamen observare aut deprehendere nullum poterat: hinc immunem esse ægrum ab isto tortore contra Me pronuntiare non est virtus:

Verum ægroto Apoplexia postea sublato, concessaque ab uxore in rei veritatem per sectionem inquirendi potestate, calculus amygdalum, osseo suo tegumento adhuc vestitum, forma & magnitudine satis exactè referens, una cum aliis duobus pisum majus mole æquantibus, à præfato lithotomo sectionem administrante eductus, vera me dixisse abunde docuit: Causa ob quam deprehendi ab exploratoris manu is haud poterat, in ejus ex una parte planitiem (altera gibbosa existente) & lævitatem, muco obductam, mihi conjicienda videbatur, ob quam catheter calculum mox transiens, nec in eum impellens artificis manum & mentem facile fefellit: *Ex benevola & amica communicatione Excellent. & Clariss. D. D. Luce Schröckii, Senioris, Physici Augustani.*

§. 3. Quidam Lithotomus jactitabat si calculus in vesica resideret, & vel pisi magnitudinem vix excederet, se cathetere immisso ipsum deprehensurum, Sed ille seipsum & duos alios Medicos fefellit, Cum enim quidam juvenis Patritius chronico dolore vesicæ infestatus se illi explorandum commisisset, negavit calculi præsentiam: Exin consilio Medicorum, qui illi à veritatis orbita multum deflectenti fidem accomodantes, rati dolorem illum à frigida vesicæ dyscrasia & materia phlegmatica concitari, in thermas Fennas fuisse ablegatus, sed spe inani.

Etenim æger ille, post aliquot dierum moram convulsionibus Epilepticis est correptus & à morte arreptus: Eo defuncto & cadavere resecrato, in vesica grandior calculus oblongus 3ii. fuit reperiendus. *Thonernus.*

§. 4. Vir Nobilis Dom. *Ioh. Iacobus Faure*, Senator Genevensis, in pueritia Calculi vesicæ expressa habuit signa: Ea de causa consilium Excellent. & Experimentissimi Domini *de Mayerne* expetit, qui multa præsidia præscripsit, quorum ope molestiæ omnes desierunt, adeo ut eorum efficaciam adscripta sit morbi liberatio: Tandem Viri Nobiliss. circa annum ætatis 35. hydrope pectoris aliisque affectibus, diuturnoque languore extincti, cadaver cum cultro anatomico exponeretur, Vesica quoque urinaria explorata fuit, in

cujus

eius sinu, ad latera efformato, calculus insignis deprehensus, quem impune per plures annos gestavit.

## S C H O L I A.

**D**icunt quidam adesse pondus in imo ventre, cum vesica calculo oblidetur, quia sua gravitate eam contrahit: Id tamen non semper accidit: Observavi enim plures calculosos, qui se nunquam tale pondus advertisse assererant, quod accidit, non

quia lapis non gravitet, sed quia cum paulatim crescat, illius gestationi natura assuescit, & ideo pondus non sentit, quem sentiret utique si immediate lapis in vesica, cum magnus est, poneretur. *Sebast. Nasus meth. med. pars 2. pag. 293.*

§. 5. *Ogerus*, Medicus Leodiensis, octogenario multo major, solidæ doctrinæ & experientię vir, nunquam de calculo vesicæ conquestus, in vesica habuit Calculum ovo anseris majorem, omni silice duriorē, *Heer Observat. 26.*

## S C H O L I A.

**N**on ignorandum sæpenumero calculum, copiosa in primis pituita obductum, non quo tempore primum coalescit, sed nonnisi grandiorē jam factum excruciare patiente: Quod observatum à me est in quodam nostro Nobili, qui ne vel levissima quidem prius vesicæ molestia affectus, ex equi citatiori cursu sanguinem cum lotio cæpit effunde-

re, ac frequenti deinceps mictendi voluntate, non absque cruciatus sollicitari: tertio autem post mense instituta sectione, quod constanti sententia calculum adesse pronuntiarem, duo mole ovi gallinacel me iudicio falsum non fuisse prodiderunt.

*Ben. Silvaticus cent. 3.*

*consil. 58.*

§. 6. Recordor me Camillum fratrem Ill. Cardinalis Paleotti sæpe consuevisse omnifere calculi signo carere; Cum tamen is alia ægritudine præventus tandem conciderit, lapidem diu gestasse compertum fuerit. *Hier. Mercurialis Epist. ad Zecchium in hujus consiliis. 18.*

§. 7. Si lapis est major quam per pudendi viam valeat penetrare, accidentia sequuntur aut lapidis figuram, aut magnitudinem, Nam pondus levissima sæpe accidentia tulit; in quibusdam enim est rotundus & levis, qui natat in urina, de quo miram historiam habet *Caldera Tribun. Medici p. 223. Illust. ait P. de Castro Hispalensis* per annos 90. integra valetudine vixit, postea feliciter obiit præ caloris vivifici inopia: Hic neque de urinæ suppressione, nec dolore unquam queri auditus est: Post obitum in vesicæ alveo tres sunt inventi lapides, alter ovi columbæ similis, minor alter, tertius pinæ fructum magnitudine æquabat: sed ita quisque levis, tota superficie æqualis, ut licet vesicæ parietibus allideret, dolorem non inferret. Hinc constat læves lapides & æquales, citra dysuriam, citra dolorem posse in vesica delitescere.

## OBSERVATIO VIII.

*Calculos in vesica citra arenarum mictum contineri à B. P. comprobatur.*

§. 1. **H**oc multiplici experientia confirmatus affirmare audeo, eos qui arenas excernere consueverunt, antequam coirent in calculum, mox eo correptos, vix aut parum arenarum egerere, quod & *Avicenna* adstruit: Notavit idem *Mercurialis* comm. in aph. *Sape usque venit ut ubi lapis est in vesica, arena quæ antea ejiciebantur, non amplius compareant, sc. iis ipsi lapidi adhaerescantibus & conglutinati.* Nam quotquot fere in renibus descendunt in vesicam, calculo ibidem jam formato, ut ejusdem substantiæ, undiq; se applicant, utrina paulatim ex attritu vesicæ lentorem quandam sibi acquirente, quo arenæ retinentur & calculo affiguntur: Innumeris id demonstrare possum calculis sectione ablatis, quibus arenæ vel undique concrevere, vel certis locis, ut solent squammulæ in ostreis & musculis, accumulatae emerent, atque eo tempore quo coaluissent, & aucti fuissent, nihil unquam arenarum cum urina prodiisse observaveram: Quare miratus nuper fui, cum ego judicarem ex dolore, stranguria & urinæ mucosis calculum in vesica hære, & quidem magnum, celebris nominis Medicum colata diligenter urina, cum nihil arenosi se offerret, causam retulisse in falsos humores acrimonia sua orificium vesicæ vellicantes, sed hallucinatum fuisse à B. P. postea in dissecta post obitum vesica comprobavit.

## S C H O L I A.

**C**alculi quamprimum extracti externum aërem excipiunt, duritiem quandam acquirunt: at dum adhuc in vesica continentur, molliores sunt, imprimis externa superficie, quare facile illis adhærent arenæ, ac proinde non excernuntur: Vidi non semel cum calculi, statim à sectione, mihi adstanti adhuc calentes darentur, multum arenarum digitis adhæsisse, quamvis pueris ipsis arenæ nunquam in urina subsedissent: Hinc apparet calculos arenosos, neque perpetuo neque frequenter signum exhibere in urina

arenis à corpore suo abasis: Quod tamen necesse erat si arenæ in urina subsidentes habendæ sint pro certo & pathognomico, quod quidam volunt, arenosorum calculorum signo: Recte enim scripsit Medicorum Princeps, quandoque tantum à calculosis excerni arenosa, idque in duobus modo casibus; ex attritu scilicet plurium calculorum, & quando arenæ præ pauca mora calculo non adhæ-

relinunt: *Beverovicinus Exercitias. de*

*Calculo p. m. 122.*

HHhhb 2

§. 2. Non



§. 2. Non sequitur, non fundit fabulosa, igitur non laborat ex calculo, nam quibusdam lapilli ita tenaciter infixi sunt renibus, ut nunquam *fabulosa proejciunt*: Aperui ante annos circiter 12. virginem, filiam Nobiliss. *Narrotii*, cui innatus erat maximus calculus, trium circiter unciarum pondere in vesica, ita ut non solum totam vesicam, sed & uncus suo incurvato ipsius vesicæ cervicem oppleret, Nec unquam ejus in urinis aliquod fabulosum indicium apparuerat; cum me, præter alios multos Medicos, plus quam centies hoc anno in consilium vocassent, ac urinas perpetuo, adstantibus sæpe & aliis Medicis, inspexissem: Frequenter tamen diro cum cruciatu putris quædam pituita puri simillima per urinas prodibat: *Cornelius à Sommeren ad I. Beverovicium in hujus Spicil. de Calculo.*

## S C H O L I A.

**N** *Unquam fabulosa proejciunt.* ] Arenulæ cum urina emissæ calculum concretum, aut confirmatum lapidem in renibus non hære, aut vesica, non solum non indicant, sed nequidem diathelin, aut dispositionem ad calculi generationem sæpe demonstrant; at sæpissime malum in hepate & venis subesse significant: Eas cum doctissimo *Hollerio* sic distingues, Quæ propter sanguinis, ait, in venis adustionem cum urina exeunt arenulæ, subtiliores esse solent, raroque subsident, sed ad matulæ urinarie hærent latera: Tales sæpe per ardentes febres per urinas redduntur, interdum etiam sanitatis tempore, in quibus scilicet calor hepatis est ferventior: Ideo urina ægrorum lapide laborantium albæ ac aqueæ apparent, quia obstructis renibus ab humore crasso, tenaci, lento ac viscido, veluti per tenue aliquod cribrum effluunt; aut sane quia vesica, calculi frigiditate læsa, urinam neque concoquit, neque renes trahendo expurgat: Insuper, dixit *Dictator summus, ὀπιστάη*, hoc est *subsistunt*: nam

gravia sunt & majora hæc fabulosa, quam arenulæ illæ quæ calore jecoris & venarum, sanguinem exurentem, una cum urinis profluunt, & lateribus matulæ adhærent, nec digitorum attritu eam aspredinem & gravitatem præ se ferunt, qualem proferunt fabulosa ex renibus aut vesica protulsa. *Idem ibidem: De Staxeis* harum arenularum vide *Riverium*.

*Puris quædam pituita &c.* ] Est Calculus glutinosi & lenti crassique humoris lapidosa coagmentatio, quæ focum & in rene & in vesica obtrinet: Si ergo crebro æger cum summa difficultate, & quidem in fine mictionis cogitur reddere urinas; urina vero hæc ubi lactea seu alba apparet, crebroque diversis coloribus variegata: sique accedant congestionis ac conglutinationis causæ, partiumque circumvicinarum pondus, sique in medio profluxu intercipiatur, ac mucus seu gluten urina innatet, guttaque sanguinis aliquando in fine mictionis profuat, Calculus vesicæ in vitio est.

*Idem ibidem.*

## A P P E N D I X.

*Glutinosum aliquid ad Calculi generationem requiri ostenditur phænomeno.*

**H** *ippocrates* ad Calculi generationem, præter copiam terrestris materiæ & salis soluti, à plurimis assignatam, glutinosum quippiam, in Theophorbi puero ab ipso observatum, desiderat *Epid. 5. Galenus* aliquid è crassioribus succis renis cavo tenacius impactum, *Epid. 6. comm. 1. tit. 6. Rodericus Castrensis ex Paracelso*, mucilaginem tartaream, viscidum quidem illud & glutinosum arenularum vinculum, quod in calculosis & ipse tu mecum aliisque sæpe vidisti: Vesicæ vocas alimentum, at isti materialem calculi causam: Ubi enim per se in aëre expositum una nocte, & quandoque citius, in arenosam, friabilem, imo lapideam materiam concrevere observatum est, & ego experimentum feci, Et novi Fœminam Nobilissimam Calculosam, quæ ex tali mucilaginosa materia, in sua propria urina subsidente, pilulas concinnare propriis manibus solebat: easque per se in scatula reservatas in calculos abire sponte, edocuit & ostentavit. *G. Harveius ad I. Beverovicium in hujus Spicilegio de calculo p. m. 193.*

## O B S E R V A T I O IX.

*Arenosas urinas Calculi in vesica signum proprium non esse comprobatur Anatomia lithiasi laborantium.*

**M** Iratus nuper fui, cum ego indicassem ex dolore, stranguria & urinis mucosis calculum in vesica hære, & quidem magnum, celebris nominis Medicum, colata diligenter urina, cum nihil arenosi se offerret, causam retulisse in falsos humores, acrimonia sua orificium vesicæ vellicantes, sed hallucinatum fuisse *ante hæc* postea in dissecta post obitum vesica comprobavit. *I. Beverovicius exercit. de Calculo.*

## S C H O L I A.

**D** Uobus modis, ex *Hippocr.* doctrina, arenosa emittuntur in calculosis 1°. cum duo vel plures calculi ex inmutua collisione comminuantur: ita

enim 4°. de morbis, *Cum concreveris calculus, & alte in vesica subsederis, seorsim separata arena, cum calculus accedentem arenam non apprehenderit, sed copiosior*

*copiosior & gravior existerit, adeo ut non invicem coagmentari queat, cum duo calculi gignuntur, aliquando & plures, quibus inter se fricatio & collisio, concussio arenosum comminuitur, & per urinam excernitur: Interdum autem si arena in vesicam descendit, nec tamen cogatur aut coagmentetur. Sic & Avicenna l. 3. Fen. 19. tr. 1. c. 5. Et accidit quandoque ut sint in vesica una duo lapides & plures illos excoriantes, & multiplicatur arenosa comminutio ex illis: Et est quandoque cum arenositate sex fursurea, propter abrasiones superficiei ejus a lapide aspero. 2°. Quando arenæ cum urina & renibus descendentes in vesicam, ex ea, antequam coire possint, cum calculo illic hærente expelluntur: E duabus Hippocr. conditionibus posterior, si nempe & renibus in vesicam prolapsis statim excernantur, nullum dare possunt indicium vesicæ calculosæ: Prior plurius tantum calculorum, qui se mutuo deterunt, signum præbet, at hoc rarum: Quo modo ergo Avicennæ certum & proprium calculosæ vesicæ signum? Sæpius unus, rarius plures in vesica generantur, & ubi unus, unde tunc calculosæ urinæ? Quidam dicunt urinam stringendo eas abraderè, sic certe aut urina id facere deberet, aut vesica, De molli & membranosa vesica (quam calculus durior potius detereret) non est verisimile: multo minus de urina tartareo humore impiægnata: Hoc multiplici experientia confirmatus affirmare audeo, eos qui arenas excernere consueverint, antequam coirent in calculum, mox eo correptos, vix aut parum arenarum egerere: Notavit idem Mercurialis ad aphor. Sæpe usque venit ut ubi lapis est in vesica, arenae quæ antea eiciebantur non amplius compareant, scilicet in ipsi lapidi adhaerescenibus & conglutinatiis: Nam quotquot fere & renibus descendunt in vesicam, calculo ibidem jam formato ut ejusdem substantiæ undique se applicant, urina paulatim ex attritu vesicæ lentorem quendam sibi acquirente, quo arenæ retinentur, & calculo affiguntur: Innumera id demonstrare possim calculis sectione ablatis, quibus arenæ vel undique concrevere, vel ceteris locis, ut solent squammulæ in ostreis & musculis, accumulatae eminerent, atque eo tempore quo coalluissent & aucti fuissent, nihil unquam arenarum cum urina prodiisse observaveram. Calculi quamprimum extracti externum aërem excipiunt, duritiem quandam acquirunt: at dum adhuc in vesica continentur, molliores sunt, imprimis extrema superficie, quare facile illis adherent arenæ, ac proinde non excernuntur: Vidi non semel, cum cal-*

*culi, statim à sectione, mihi adstanti adhuc calentes darentur, multum arenarum digitis adhæsisse, quamvis pueris ipsis arenæ nunquam in urina sublevisent: Hinc apparet calculos arenosos, neque perpetuo neque frequenter signum exhibere in urina arenis à corpore suo abrais, quod tamen necesse erat, si arenæ in urina subleviscentes habendæ sint pro certo & pathognomico arenosorum calculorum signo: Recte enim scripsit Medicorum Princeps, quandoque tantum à calculosis excerni arenosa, idque in duobus modo calibus, ex attritu scilicet plurius calculorum; & quando arenæ præ pauca mora calculo non adhærescunt: Quis igitur ex eo quod quandoque tantum adest signum morbi petat demonstrativum &c. 2. Idem ibidem.*

*Ex dolore, stranguri, urinis mucosis &c.] Recte Coelius Aurelianus l. de morb. int. c. 11. Non ex uno vel duobus, sed ex multis concurrentibus significatio firmatur: Unum enim quiddam, ad aliud quiddam, commune est; At vero in unum conveniens multorum concursus discretionum facit intelligentiam promerere. Fernelius accuratissimus hæc signa recenset, Propria, inquit, calculi vesicæ signa hæc tere sunt, vaga quædam & oberrans circa pubem & perinæum titillatio, siquidem exiguus is & levis etiamnum est: quum vero grandescit, incumbentis gravitatis pondus percipitur, ut idcirco difficilis & doloris plenus per salebrosa loca sit incessus, multoque difficilior saltatio: Mictio crebrescit adeo, ut & tandem assiduo meiendum sit, vixque possit urina cohiberi: Quum meiendum est, urinæ fluôr intercipitur, obviam quidem impulso calculo, sicque minime continuata sed intercala est emictio: Ac tum dolor alias universum pudendi ductum, alias glandem solam affligit, isque acerrimus sub emictionis finem: quum calculus urinæ cursu incitatus, quasi proditurus, sphincterem violentius comprimit: Meiendi conatum comitatur desidendi cupiditas, quod calculi magnitudo & perinæo rectum intestinum, ut vesicæ cervicem extimulet: At vero nonnunquam summæ vesicæ adhærens calculus, & quasi ex illa propendens, vix ullum ex his signis manifeste exhibet, & visi sunt qui nullo dolore diu illum gestaverint: Omnibus tamen hæc signa modo mixta sunt & obscura, modo sæviora: Urina alba, crassa & turbida redditur, quum grandior calculus jam diu est in vesica detentus, in qua sedimentum purulentum est, aut narium mucori persimile: Hæcenus Fernelius, qui nullum de archis verbum facit.*

## OBSERVATIO X.

*Hypogastrii dolor à variis affectibus partium inni ventris inductus, A sacco vesicæ urinaria adnato. 1. A calculo in vesica fellis, Et plurimis sub membrana Iecoris coercitis. 2. Ab intestini Coli ulcere & vermibus inclusis. 3. Ab Intestini crassis stercore duro repletis. 4. 6. Ob colon in ea regione putrefactum. 5. A parte Intestini cæci propinqua contracta. 7. Ab Epiplois, ad vesicam devoluti, apostemate. 8. A Liene illuc devoluto. 9. 10.*

§. 1. **I**lluſt. Casaubonus de pectinis dolore conquestus, in quo tandem Tumor apparere cœpit: Vesicæ corpus ad sinistram latus perforatum erat, hians in saccum sive *expuon* vesicæ, vel adsciticiam vesicam, urina refertum. *Vide sit. de mictione difficili.*

§. 2. Deceſſit his diebus mulier Nobil. *Diamantes* nomine, dolore prostrata Calculi. Sed cum nullum antea ex eo percepisset nocumentam, visum est Medicis cadaver incidere, & reperti sunt lapides quamplurimi, Non quidem ullus in vesica ut putabatur, sed præter unum qui in tunica fellis coloris atrii & magnitudine castanæ aridæ continebatur,

ceteri omnes in panniculo, quo contegitur Hepar, unde etiam veluti in folliculo penduli, sacculum effecerant, Hanc autem nos mortis causam rati, sapientis viri consilium esse duximus, nihil omnino de incertis & occultis morbis statueret. *Benivenius de Abditis cap. 94.*

§. 4. Puella (*de qua tit. de affect. hystericis*) immanes in hypogastrio dolores patiebatur, cum tumoribus duris, nuces referentibus. Intestina crassa livida & gangrenosa apparuerunt, indurato stercore plena.

§. 5. Quidam incidit in dolorem ventris circa pubem: Inveni colon circa illum locum plane putrefactum. *Vide tit. de alvo adstricta.*

§. 6. Juvenis mulier de alvi difficultate conquerebatur, & dolore Ilii sinistri tensivo gravique, sentire enim se dicebat in illo loco pondus aliquod grave: Illius colon reperi- tum valde laxum ubi ventriculo annexum est; reliquis in locis, ad crassum intestinum usque, fecibus crassis durisque in globulos concretis infarctum. *Vide lib. 1. tit. de Paralyfi.*

§. 7. Quidam lapsus ex equo, exinde conquestus est de Inguinis dolore: Pars intestini, quæ Cæco intestino proxima est, mire contracta erat. *Vide tit. de Vomitu.*

§. 8. Lutetiae in corpore publice secto, inventum fuit in Epiplois, ad vesicam usque pendens, membraneo quodam veluti sacco, Apostema pure ibidem coacervato distentissimum. *Russetus lib. de Partu Caesareo pag. 32.*

## S C H O L I A.

**N**on mirum igitur si Omenti substantia facile augeatur & intumescat: praesertim vero Lienis impuritates excipit, quod ab *Hippocr.* lib. de lo-

cis in hom. annotatum, & aphor. 57. 7. item 1. de morb. muli. & 4°. de morbis, ubi asserit vitio Lienis hydropem fieri, ab eo in epiploon transiit iterum.

§. 9. Ruptis ligamenti visus fuit Lien in muliere Parisiensi ad hypogastrium prolapsus supra uterum, qui per biennium molæ specie Medicos fefellit; tandem fato functa ægra, tumoris illius causa patefacta fuit aperto cadavere. *Riolanus Anthropol. lib. 2. cap. 23.*

§. 10. Anno Domini 1645. Vidi in Domina Comitissa de Botzeon, Illustrissima muliere, Lienem prolapsum in hypogastrium per duos annos: Primo anno revolvebatur & reducebatur in suum locum, & poterat ligaturis in sua sede contineri, sed tandem ista repositione neglecta, tam firmiter adhæsit utero, partibusque vicinis, cum tanto incremento, ut æquaret pondus decem librarum, tandem illi mortem attulit: Aperuit cadaver *Simeon Pimpernel*, Chirurgus peritissimus, In Nobili viro eo modo prolapsum vidit Lienem *Cabrolus*. *Idem ibidem.*

## S. C H O L I A.

**L**ien Diaphragmati per tenuia ligamenta alligatus est, quibus relaxatis propendit, sitque *ὑπερ-πέπτος*: Hoc cum accidit, pedes & genua calent, natus & aures frigent, authore *Hippocr.* Facile sua sede dimovetur Lien & proci- dit, quia non succingitur

membrana tenui à peritoneo, ut Hepar, nec dependet à diaphragmate: At in bene habito & florenti corpore, infra ultimam costam non descendit. *Idem ibidem.*

## OBSERVATIO XI.

*Hypogastrii dolor ab ulcere cancroso colli matricis.* 1. A collectione materie humoralis & carnea intra membranas Vteri. 2. A complicatione Vteri 3. Ab Vteri gangraena 4. Ab Vteri incremento cum gangraena. 5. Ab osse in Vteri tumore. 6. A lapidibus Vtero inclusis. 7. 8. 9. 10. 11. 12. A quatuor tuberculis circa os Vteri. 13. Ab hydrope Vterino. 14. Ab Vtero sanguine referto 15. Ab ejus corruptione. 16. Ob cancerum. 17. Ob Vterum à mola putrefactum. 18. Ob molam lapideam membrana inclusam. 19. Ob Vterum ulceratum. 19. Ob vomitum in Testibus muliebr. 20. Ob vasa spermatica & Testes tumida in muliere. 21. Ob disrptionem Testiculi feminei dextri, vasorum ejaculantium & dextri Vteri cornu, à foetu ibi genito. 22. A foetu extra uterum, in abdomine reperto. 23. Ob foetum in utero corruptum. 24. Ob Vterum ulceratum, scirrhum, Ejus vaginam à diuturno fluore muliebri erosam. 25.

§. 1. **A**nno 1586. cum Nobil. quædam Matrona Laufannæ suppressione mensium bi- mestri spatio laborasset, tandem exortus est dolor & inflammatio partium genitalium: Morbo propter verecundiam neglecto, abscessus & ulcus in collo matricis sequutum est, cui multa absque fructu à variis adhibita fuere: Biennio post cum D. D. J. *Alberto Vindone*, ut de curatione instituenda consultarem vocatus fui. Adhibito ma- tricis



trici speculo, ulcus callosum, foetidum, inaequale lividumque, & ut verbo dicam, cancerosum, invenimus, quod minime nobis tangendum iudicavimus: Vocatus postea Empiricus mira pollicitus est, Sed adhibitis medicamentis acerbis auctus est dolor, aucta & febris, inflammatio, vigilia, cibi fastidium & syncope, ut deinde paucos post dies à vita discederet.

Accersitus denuo cum dicto Medico, ut dissecaremus cadaver, totum collum matricis plane cancerosum & exulceratum offendimus. *Fabritius Hildanus cent. 2. observat. 63.*

## S C H O L I A.

**C**ollum matricis plane cancerosum] Cancer utriusque est tumor durus ac renitens, in uteri corpore vel cervicis dolorem acerbissimum, punctorium & lancinantem praese ferens: Fit ab humore astabulario in ea parte collecto, vel à scirrho male curato, qui facile in cancerum degenerat, in ea praecipue parte, ob sanguinis copiosum affluxum, qui in venis scirrho vicinis retentus, nec sufficienter per menstruas purgationes evacuatus, aduritur & malignam corruptionem acquirit.

*Cancerosum & exulceratum*] Duplex vulgo statuitur, ulceratus & non ulceratus: Quandiu materia morbifica minoris acrimoniae & malignitatis particeps est, cancerum efficit non ulceratum: Acrior facta per putredinem, vel adulationem, tumorem exulcerat & cancerum ulceratum producit.

*Exoritur est dolor & inflammatio*] Si tumor durus ac renitens in uteri corpore aut cervicis percipitur, qui dolorem punctorium ac lancinantem eliciat, cancerum esse pronuntiare possumus; Evidentius

tamen distinguitur si oculis percipi possit, (ut in alio exemplo) ut quando est in uteri cervicis, speculo matricis adhibito: apparebit enim tumor inaequalis ac tuberosus, liveicens, aut nigricans, venarum propaginibus, quasi radicibus circumscriptus: Si vero ulceratus sit, sanient quandam emittit fulvam aut nigram & graviter olentem, interdum etiam sanguinem, ob erosionem venarum quae in partem decurrunt, tanta copia interdum, aperto aliquo vale insigniore, ut aegra vitae periculum incurrat: His accedit febricula, anxietas, nausea, pudendorum ardor & similia.

*Empiricus mira pollicitus est*] De prognosi hoc pronuntiare licet, cancerum esse incurabilem, sive ulceratus sive non ulceratus sit; Quod quidem ut de omni cancro, etiam partes externas obsidente verum est, sic potiori jure de eo qui uterum occupat sentiendum est, ob continuam superfluitatem illuviem, quae ad eam partem decurrit. *Riverius.*

§. 2. Mulierem & vidi & aegrotam tractavi, quae post mortem aperta fuit, in cuius uteri carnosa substantia (non in cavitate, neque superficie gibbositateve externa) collectionem adeo admirabilem, tam humorum quam carnosarum excrecentiarum, membranarum, tendonum, ossiculorum item instar gummatum, lupias aliaeque corpora diversae substantiae, coloris, odoris aliarumque qualitatibus habebat, ut pondus omnium esset librarum mercatoriarum 40. Et tamen ab annis tribus, & longiore etiam tempore, quo temporis spatio materia eo loci erat contenta, nullum dolorem, qui alicujus esset momenti, persenserat, licet tantae sordes tantaque moles in utero contineretur: tamen toto illo tempore, tam naturales & vitales, quam animales functiones perfectas & integras habuit: *Fr. Rossetus de Paris Casaroes sect. 5. c. 4.*

## S C H O L I A.

**M**embranarum, ossiculorum &c.] Ejusmodi tumorum originem à succo crassiore, quam decebat, parti oblato deducit *Platerius*, cui si nutrimenti alterius partis, quae crasso admodum succo ali debuit, portio ab ea abscedens, in carnosas sedes cum illarum nutrimento delata talem duritiem in illis gignat: Quod & inde comprobari posse censeat, quia in ejusmodi abscessibus, ex illis tumoribus generis, aliquid aliarum partium substantiae simile inveniatur, nunc pilum, nunc unguem, nunc os, nunc glandulam referens, quae vix dum aliis quam

ex succo haec partes illic in cute vel parte vicina nutriente, huc cum proprio carnis nutrimento delato, nasci potuissent: Uti & si sebum referat, pinguiorem sanguinis partem, quae pinguedinem efficit, huc pervenisse & sic concrevisse verisimile videtur, &c. Huic vero sententiae obstat videtur Medicorum doctrina, qui sanguinem commune partium alimentum statuunt, formam cujusque partis in singulari & privata concoctione adipiscentem; quam in sanguine latere statuere videtur.

§. 3. Duci Lotharingiae mortuae post dolores acerbissimos ad imum ventrem, repertus est omnino revolutus & complicatus Uterus. *Ballonius Epid. lib. 2. p. 152.*

## S C H O L I A.

**H**unc morbum sic describit *Hippocrates* lib. de Nat. muliebri: Si Uterorum os complicatum fuerit, menses non suboriuntur: Si vero suboriantur, pauci sunt & vitiosi, Et ubi cum viro congregi-

unt, dolet, dolorque imum ventrem & lumbos detinet: quod si digito contrahes & perquiras, osculum non comparet.

§. 4. Illust. Matrona Moravica, per longos & crudelissimos uteri dolores, nulla arte placabiles, exhausta, & a morbo victa anno 1655. obiit.

Huic post mortem Uteri particulae putridae, & sponte exciderunt, & per mulieris manus fuerunt exemptae: Et sic primum morbus innotuit, qui forte manu chirurgica maturo

colli potuisset : Cum mulieres quasdam exempto utero supervixisse historix testentur.  
*Hæferus Herbulis Med. lib. 7. cap. 2.*

## S C H O L I A.

**V**teri Gangrænz mentionem facit *Hildanus* apud *Horstium* Tomo 2. p. 228. Nihilque aliud remedium proponit in affectu plane difficili & vix curabili, quam aquam ordinariam in summis doloribus potandam, ʒ. agrimon. veronicæ ana man. j. si-

cum ʒiv. liquir. ʒj. aquæ fontis libr. viij. coque ad tertias : Affectus gravis est, & ob id multo gravior, quia tarde se insinuat, neque per certa signa facile innotescit : intus obscure latet, ob pudorem diu suppressitur, & omnis generis morbos mentitur. *Idem.*

§. 5. Fœmina Veneta ann. 40. anno 1645. ex casu quodam dolores Uteri acerbissimos passa est, adeoque graves, ut ipsam se runderet, milleque modis affligeret : frustra omnibus adhibitis auxiliis, causa latente, septimo die dolores cum vita cessarunt.

Cadaver apertum statim dolorum causas prodidit, Uterus quippe capitis puerilis magnitudine in tumorem carnosum degeneraverat, & gangrænosum sine exulceratione, ut discissus pilam æmularetur carnosam : Cavitas angusta vix aureum nummum cepisset, plena concreto sanguine : Præterea Omentum ligamenti vicem sustinens firmissime externo uteri fundo alligatum erat, à quo sursum tracto dolores forsan aborti : *Th. Bartholinus cent. 2. observ. 28.*

§. 6. *Cacilius Foliu*, Venetus Anatomicus, in Uteri tumore testabatur se os reperisse instar conchæ, insignis magnitudinis : Minus etiam os in tumore colli minore. *Idem ibid.*

§. 7. Extincta Hyppolita Gaza Corregiense, doloribus uterinis diu vexata cum febre, lapis incredibilis magnitudinis, gypseæ consistentiæ, multo nigerrimo mucori innatans, dissecto utero extractus fuit : *Marcellus Donatus histor. mirab. lib. 4. cap. 30.*

§. 8. Habemus domi lapides excisos, folliculo fellis, stomacho &c. Vtero &c. *Gemma Cyclogn. l. 2. c. 6.*

§. 9. Andreas Lacuna cum aliis nostratibus Anatomicis, intra calvariam, & mesenterium & uterum conspexerunt. *Th. à Vega comm. ad cap. 5. l. 1. de loc. aff.*

§. 10. Observavimus concretos in capite, in utero mulieris, cui dissectandæ in Scholis Medicorum publice præfuimus. *Scholiogr. ad l. 48. Holler.*

§. 11. Aperta mulier à nobis in scholis Medicorum Lutetia lapidem habens in utero; in cranio anteriore, & quæ sine Liene inventa est. *Hollerius inter rariora n. 5.*

§. 12. Rarum est lapides gigni in colo, pulmonibus, cysti fellis, rarius fortasse, quod tamen nos vidimus, in utero interiore, *Scholiogr. ad lib. Gal. de loc. aff.*

## S C H O L I A.

**L**apidum in Utero repperitorum alii meminerunt, *Marsilius de S. Sophia comm. ad Avicennam, Alex. Benedictus lib. 22. cap. 43. Wierus de Præstig. lib. 3. cap. 15.* Excetum memorat *Hipp. 5. Epidem. à famula Dyseridis in Larissa, Salius ad cap. 113.*

*pract. Aliimar. narrat monialem diu uterinis cruciatam doloribus, tandem ejecisse sponte perpendendum lapidem scabrosam, magnitudine & forma ovi anatini Curationem vide apud Aëtium Tetrabib. 4. ferm. 4. cap. 98.*

§. 13. Urgebatur Rogeri Corbinelli filia in Ilibus dextris dolore fere perpetuo : Quare multis diverso tempore vocatis Medicis, cum unusquisque pro ingenio suo, diversi enim diversa sentiebant) puellam curassent, & præsidia nihil omnino profecissent, è medio tandem sublata est.

Quare consilium fuit incidere corpus mortuæ, & inventum est os feminis erosum maximamque ossis partem in pulverem redactam : Nec non & circa matricis os quatuor quasi lutea tubercula instar pilæ, quorum tria aqua opplebantur, quartum paululum præ cæteris elevabatur, undique dentatum, & superficie inæquale atque durius, utpote quod ex carne atraque bile genitum esset : Non igitur admodum mirandum est si in ejusmodi morbis, quorum causæ incertæ abditæque sunt, diversi Medici diversa sentiant & loquantur. *Benivenius cap. 79. de Abditis.*

§. 14. Aug. Imperatrix uteri affectibus laboravit, gravitate circa pubem &c. Uterus erat valde magnus, plenus humore crassissimo : lateribus adhærebant corpora quinque facis magna &c. *Vide tit. de ventris tumore.*

§. 15. Nob. mulier post puerperium mensibus caruit : Uterus durus & tumens contactu apparebat : Cervix uteri erat spississima, quæ transversæ digiti crassitie coaluerat : Uterus maximus, torusque sanguine putrido refertus. *Vide tit. de ventris dolore.*

§. 16. Domina N. cum febre &c. maxime conquerebatur de dolore ad hypogastrium : Uterus erat corruptus & quasi gangræna affectus, plenus rabo & sanie. *Vide tit. de Febris.*

§. 17. Anno 1624. in cadavere Dom. N. Venetæ, quam cancer uteri exulceratus è medio

medio fustulit, reperi vesiculam fellēam calculo intus, & pellucido repletam & distentam, ut nihil quicquam bilis recipere apta fuerit. *Schleims Armament. Chirurg. obs. 48.*

## S C H O L I A.

**V**esiculam fellēam &c.] Natura bilem quotidie genitam, non ad corporis circumferentiam, sed ad uterum pellente, Hinc collige quod ad obstruendum porum bilarium & cysticum non semper sequatur lēteria, sed bilis quandoque expellatur vel ad intellina, vel uterum, vel aliam partem nobilem. *Idem.*

**Cancer exulceratus**] Lēctio quam habuit Excell. *Spigelius* super hæc, Si Venetæ & Gallo exortus fuisset Cancer in mammis aut artubus, Ulcus post radicalem ferro resectionem vix cicatrice potuisset obduci: Veleo curato materia maligna invadisset partes principes, agrisque post tres vel quatuor annos mortem intulisset: Ratio est in promptu, quia non potuit causa tolli, quæ fuit obstructio velicæ fellēæ pertinax. *Idem.* Canceri e labio feliciter extecti & renascentis habet exemplum *Marchetti* in Sylloge observat. 29. Senem, æt. 84. annorum, laborantem cancro exulcerato in labro inferiori oris, magnitudine medii ovi gallinæ, caravi, præmissa totius purgatione novacula incidente radicitus re-

cando: Spatio vero 20. dierum cicatricem induxi, incolumi ægro tres annos absque ulla molestia: quibus novus cancer subortus in faucibus, ex quo brevi spatio temporis obiit, præter omnem meam expectationem, qui existimabam ex ætate humorem melancholicum adustum iterum succrescere non posse, novi canceri in alio loco causam; prout tere temper contingere solet, omnium Autorum sententia, quod scilicet in aliqua parte avulsus, in altera progressu temporis suboritur: Firmabatque meam opinionem quod in praxi viderim mulierem 70. annorum, cancro nasi exulcerato laborantem, cui præscripsi ungu. ex cerussa camphorato, ductū in plumbeo mortario, potius ad dolorem sedandum quam curationis causa, quæ tamen præter spem, mensis spatio, nullo alio remedio adhibito, fuit perfectissime sanata, vixitque multos annos firma valetudine, quod censui contigisse ratione ætatis: In senē autem triennio post repullavit, quod forte nō contigisset, si quolibet sexto mense remedia adhibita fuissent, humorem melancholicam spectantia, eundemque expurgantia.

§. 18. Memini dissectum à me mulieris cadaver, ex eo mortuæ quod ipsi mola, ovo anserino magnitudine æqualis, quam natura expellere variis conatibus tentaverat, substitisset & computruisset, atque in putredinis contagium totum uterum pertransisset. *Parenti operum lib. 23. cap. 34.*

§. 19. Figuram Molæ cujusdam vobis præ oculis propono, quam honestissima quædam Domina, postquam tribus annis eam gestaverat in utero, enixa est: in cujus appendice Lapis, desculptus à me, reperitur, albus, durus, ponderans æqua lance uncias tres, unamque drachmam: Cum enim mola ex crasso sanguine limoso & fæculento scatuiat, si exurens in utero adsit calor, cur hic viscosus humor, aut portio ejus in lapidem non vertetur? *Nicol. Fontanus Analectorum cap. 5.*

§. 20. Fœmina ex assidua gonorrhœa, circa Uteri regionem atrocissimos cruciatus patiebatur; mortua secta, vomica in uno Teste inventa fuit. *Domin. Panarolus Pentec. 1. observ. 19.*

§. 21. Vasa spermatica in fœminis graviter aliquando obstruuntur, ut una cum testibus ad pugni magnitudinem in hypogastrii latere intumescant. *P. Barbette Anatom. Præf. lib. 34. cap. 1.*

§. 22. D. Contra, Quæstoris Regii uxor, annos 31. circiter nata, conjugem Luteria, ubi per multos menses commoratus fuerat, redeuntem hilariter excipit: Ex mutuo complexu gravida fit: Per quatuor mensium gestationis tempus nihil præter solitum grave, nihil molestum, unde conqueri posset, sensit: Unum hoc adfuit, quod paulo supra regionem inguinis dextri tumor quidam cum duritie, ovi vel pugni contracti magnitudine tactu perceptibilis, cum aliquantulo dolore, quem & conjugis manibus sæpe contrectandum exhibebat, apparuit: Raræ aderant cardialgiæ, nulla præter consuetudinem corporis & membrorum, qua solent conqueri gravidæ, lassitudo: neque hæc imprægnatio, quæ octava fuit, tot enim fœtus gestavit, ullo ab aliis dissimilis modo videbatur: Die 2. Januar. 1614. mense quarto à conceptu, circa vesperam, dolore ad pubem gravissimo torqueri coepit, frequentes adsunt cardialgiæ, interdum etiam leiporhymia; de imi ventris & cordis, ad jugulum usque pertingente dolore, conqueritur: Vocatus Medicus hysterica symptomata suspicatur (quid enim aliud, cum nihil de tumore circa dextrum inguen comparere audiisset) conjectari licuisset: Vacuata alvo, quæ ad hystericos affectus conducere videbantur præscripsit, ex quorum usu paulo melius habere visa est: His ad mediam usque noctem peractis, obstetrici, quæ si forte periculum abortus accideret, vocata fuerat, tota res commendata est: quod reliquum fuit noctis, etsi cum pubis dolore & cardialgia, placidius tamen transactum est, usque in horam quintam matutinam sequentis diei, qua instante, exacerbatis doloribus & fractis viribus fatis concessit:

Accersitur illico Chirurgus, qui dissecto utero exitum fortui, sacri baptismatis fonte ablucendo, præberet, Quod jussum est exequitur, Dissecta ventris infimi regione, in ipsius cavitate



cavitate libras non minus quam sex concreti sanguinis, cui intestina innatabant, compertum: unde profluxerit miratur: in dextro latere factum è latebris quibus inerat disruptis egressum, uterum eas esse reputans, videt, & eam causam effusi sanguinis, ut erat, suspicatur: Fœtus, sive is vitalis, sive vita orbatus, namque id incertum est, quinque pollices & uncias magnus, fœminei sexus, partibus omnibus bene & distincte efformatus, & probè enutritus, uracho ad umbilicum & secundinas, quæ nullæ citra amnion tunicam conspiciunt apparebant, suspenso repertus est: Interea rursus vocatur Medicus, & quæ Chirurgus notaverat, & quæ multi præsentibus inspexerant audit: Placet res omnes propius scrutari, & Renes, de quibus mater alias conquesta fuerat, intueri: hos ambos mole ampla & longitudine præter solitum immensa, sanos tamen, quibus nec vitii nec morbi nihil inesset, considerat: Ureteres scrutatur, sinistrum testem mole, ut solet, exigua; conspiciit: dextrum dum perquirat, in quo & vasis ejaculantibus, & dextro uteri cornu antea fœtus conclusus tenebatur, omnia lacerata animadvertit: ipsius testis glandulosam substantiam divulsam & sparsam videt: Vasorum spermaticorum membranas laceratas ad cornu uteri usque dextrum intuetur: Uterum investigat, quem sanum, integrum, rugosum & vacuum, qualis in non prægnantibus esse solet, pugni contracti magnitudine, in quo dissecto leve quoddam molæ rudimentum esse contemplatur: An via quædam ab utero in cornu dextrum & vasa spermatica, qua fœtus vel semen eo ferri posset, conspiciua esset, perquirat: nullam aliam præter *vasorum anfractuosa*, ut solent esse, *ductus* conspiciit. Fœtum tam arctis receptaculis, quibus non amplius contineri poterat, conclusum, vel mole corporis, vel motu lacerationis ejusmodi partium, & sanguinis per imi ventris effluxus, causam conjicit. *Riolanus Anthropogr. lib. 2. cap. 33. Ex Merceri, Medici Bituricensis, communicatione.*

## S C H O L I A.

**S**I cornuum uteri usum ex *Galeno* repetamus, in quibus semen contentum in uterum expellitur, nulla pars pro cornu uteri accipi debet quam Uteri Tuba, quæ videtur ejusdem naturæ & substantiæ cum utero, quia carnosa est, in qua, quod est mirabile, fœtum humanum concipi fuit observatum: Decem sunt anni, ex quibus Chirurgus Pariliis, præsentibus Medicis, in muliere dissecta pusillum fœtum optime conformatum in cornu dextro uteri invenit: Similem à 30. annis, in iisdem vasis Pariliis visum fuisse à Chirurgis fide dignis mihi narratum est: Hunc locum intelligere puto Marquartum, dum in sua *Præctica Empir.* narrat se vidisse molam genitam extra uterum, juxta ipsius fundum, in vasis spermaticis. *Idem ibidem.*

*Vasorum anfractuosa ductus* } Per quos semen virile tubam intrasse verisimile est: *Vesalio lib. 5. c. 15.*

tenuior est uteri tunica qua in cornua sua definit: Atque in Tubis uteri semen masculi quotidiè recipi quibusdam verisimile videtur, ibique præparari: unde fit ut primo mense in utero, ex observatione *Hervæi*, nihil compateat, quum revera ad conceptionem concurrat, nec prius statim evanescat in auras, sed ad tempus ibi deliteat, ut cum fœmineo misceatur uniatque: Hinc quando regressus denegatur quacunque causa obstructionis, in Tubis hinc mole dilatata fit conceptus: sed quia in tantam capacitatem ampliari non possunt, sua natura teretes & angustæ, vel exiles fœtus generantur & imperfecti, vel incredibilibus doloribus ex membranarum distensione matri mors infertur: vel si mater ferendo est, ruptis cornuum tunicis ampliotem locum in cavitate abdominis fœtus eligunt.

§. 23. Mirabilem casum ad me misit Vir Clar. *Io. D. Horstius Archiater Darmstadinus*, quem ab amico Gallo accepit. Mulier Mussipontana annum ætatis 40. prætervecta, exili corpore & exigua admodum statura, jampridem orbata conjuge (ex quo alias non semel prolem susceperat) sex prope lustris cœlibem agebat vitam: at 6. Calend. Augusti 1659. nescio quo abrepta impetu, sese è superiori cubiculi fenestra in subjectam planitiem hora ante meridiem sexta egit præcipitem, cum vix ullum antea dedisset prævium aut phantasiæ aut rationis aberrantis argumentum: Ex tam violento casu graviter faucia, duas circiter post horas extincta est: sed quoniam dum in vivis ageret, non raro apud Medicos conquesta fuerat se lapideam utero gestare molem (sentiebat enim tribus infra umbilicum digitis pondus & permolestum & grave, ex quo & injussæ alvi dejectiones, & invitus plerumque alvi fluxus, imo & ipsius ani procidentia sequebatur) placuit extirpiciõ rem totam diligentius indagare.

Itaque Dom. *Pillement* Medic. Facult. Decanus, & Primarius in Universitate Pontimussiana Professor, demortuæ cadaver secari jussit, & resectis primum communibus abdominis integumentis, adactoque ad omentum usque scalpello, emerit illico moles, quæ quadrimi infantis capiti magnitudine nihil cederet: Totam hanc molem natura in orbem fere conglomeraverat, & durissimo involucro obtexerat, quod bubuli ventriculi tunicas colore referret & crassitie: Bajulæ mulieris corpori quinque firmissimis retinaculis cohaerebat, & quatuor quidem vincula ex totidem peritonæi lateribus orta, pendulam molem sustinebant; quintum vero eandem tenuioribus intestinis incurbentem, iisdem etiam tenacius

tenacius anneſcebat : Ubi primum tegmen illud duriusculum immiſſa removit novacula, ſtabulans in medio fœtus facile deprehenſus, decuſſatis in formam crucis brachiis, & utraque tibia communem aliis in utero ſitum retinente : illa tamen eadem membra, nullis diſtincta intervallis, ita cum reliquo corpore coaluerant, ut inſpicientium aciem oculosque propemodum ſubterfugerent, quamvis nec hanc nec alias huiusce corpusculi partes ulla in re mancas aut mutilas ipſa formatrix viſ reliquerit : nam cerebri veram germanamque ſubſtantiam utraque tunica, & obducta inſuper cranii compago, eaque duriffima cœrebat : clauderantur etiam ſub epigaſtrio & hypogaſtrio reliqua viſcera ad vitæ operationes neceſſaria, cor nempe, pulmo, jecur, ventriculus, lien, renes, diaphragma, fellis folliculus, veſica, inteſtina : nec deſuit etiam uterus ſuis quoque omnibus numeris abſolutus, quoque uno indicio infantis ſexu innouit : Jam aliquatenus lapideſcere cœperat, vultu præſertim in gypſeam quandam duritiem abeunte, nec ultra eam magnitudinem excreverat, quam juxta conſuetas naturæ leges ſemestris fœtus aſſequitur : Cæterum uterus ipſe mulieris tam illæſus intractusque eſt repertus quam qui maxime, nullo prorsus obductæ cicatricis veſtigio. *Th. Bartholinus cent. 6. hiſtor. 92.*

## S C H O L I A.

**S**iquidem vera ſunt quæ narrantur, non poſſum aliud divinare quam quod fœtus hic primo fuerit in tubis uteri conceptus : Nam *Marquardus* in *Præſt.* vidit molam in valis ſpermaticis juxta uteri fundum genitam : Et *Riol.* l. 2. c. 35. quatuor exempla reſert fœtum ex uteri tubis exteſtorum. Semen vero virile ad tubam uteri pervenire facile poteſt, ſive per antractuoſos vaſorum ductus, ut conjicit *Riolanus*, ſive per tunicam uteri patulam, hacque parte, teſte *Veſalio* l. 5. c. 15. tenuiorem : Quotidie certe nobis inſcientibus hæc diverticula ſemen quarit ut ibi præparetur : hinc primo menſe, ex obſervatione *Harvei*, nihil ex ſemine in utero invenitur, quum revera immiſſum fuerit : dubio præcul in tubis tamdiu deliteſcit ut cum ſemineo copuletur : at quando reſtreſſus denegatur a quacunque obſtructione, in tubis fit conceptus, quas dilatari poſſe hydropica, apud *Tulpium* l. 4. obl. 44. fidem facit : At in his anguſtiis adultior fœtus comprehenſus, vel ſuffocatur, ſecumque matrem in exitum trahit, quod exempla *Riolaniana* teſtantur, cum nempe membranae Tubarum fortiores ſunt; vel ſi tenuiores, vi perumpit tubas & in abdominis cavitatem amplioſiorem devolvitur, quod in hac hiſtoria eveniſſe ſuſpicor : Ex Utero conce-

ptum fœtum perripſiſſe crederem, niſi author hiſtoriz nobis perſuaderet uterum prorsus illæſum fuiſſe, ſine ullo cicatricis veſtigio, quod forſan in tuba uteri obſervaret diſſector ſi hanc particulam examinaret : facilius certe per tubam diſruptam prodit infans quam per uterum ſua natura & amplioſiorem & robuſtior : Ex hoc tamen rupto aliquando emerſit fœtus & in abdomen expulſus, *Hildanus cent. 1. Obſ. 64.* Interdum foras per apoſtoma oſſis fœtus particula prorumpunt, vel per umbilicum, *Albucasis* l. 2. Chir. c. 76. *M. Donatus* hiſt. adm. lib. 4. c. 22. Vel per inteſtinum rectum, *Marf. Cagnatus* lib. 4. var. obſervat. c. 9. *Langius* l. 2. Epilt. 39. Quomodo vero fœtus *Muſſipontanus* vinculis ſuis adalligatus deinde ſit inteſtinis tenuibus & peritonæo, dinicile non eſt illi divinare qui in ſteatomatibus atheromatibusque, aliſque anomaliſ tumoribus ſimilia a natura ad alieni corporis robur & nutritionem vidit eſſormari : Tandem cur poſt inſolitam moram, & inſuetum carcerem in lapidis duritiem cœperit degenerari, maniſeſtum eſt ex lithopædio Senonenſi : *Plura videantur in Epiſtola 58. cent. 4. ubi ſuſpecta veritatis ea hiſtoria. Videatur & Deſingii tractatus.*

§. 24. In gravidis fœtus mortuus putreſcens retentus uterum inſicit corrumpitque : Sicuti hoc in duabus mulieribus factum ſpectavimus, fœtum cum involucris & utero, vicinoque peritonæo corruptis penitus, ſectione in abdomine facta exemptum fuiſſe, quod in una viva adhuc, & diu poſtea ſuperſtite manente fieri vidimus, Et ex alia mortua nos ipſi hoc modo exemimus. *Placerus Præſt. lib. 2. cap. 14.*

§. 25. Sanguinem menſtrum ex natura ſua benignum humorem eſſe ſtatuo, qui tamen aliquando ita immutatur, ut propter pituitoſi aut ſeroſi humoris copiam ipſi permixtam, album aut ſeroſum menſtruorum profluvium inducat, quod periodicum quandoque fluendi modum retinet, nonnunquam vero continuum evadit, unde mulier triſtis, oneroſa, puſilla nimis, ſegnīs, imbecillīs atque conſumpta, necnon ſæpe ſterilis redditur : quia ſi materia per uteri cavitatem deducatur, illum tam debilem reddet, ut ſemen continere nequeat ; vel ipſum ſemen corrumpet, vel alia quadam ratione conceptui officiet : Dico ſæpe, quia ſi p. n. fluxus ille per vaginam deturbetur, uterus ipſe & excipere & retinere ſemen poterit, ita ut conceptio nequaquam impediatur, aut fœtus ab ejus ſuppreſſione lædatur : Cuius rei exempla quandoque vidimus : Sed Fluor ille, ſive per vaginam, ſive per uterum prodeat, ſubinde tam acris evadit, ut loca per quæ tranſit, mordicando & exulcerando mortem inducat ; Ejus rei ſequens Exemplum jam pridem nobis videre licuit : *Matrona* diuturniori Fluore detenta, cum propter pudorem Medicorum auxilia detrectaret, Fluoris illius acrimonia ita adaucta eſt, ut præ nimio dolore incedere aut quieſcere non valeret : hinc vehementiori feбри coacta tandem noſtrum imploravit auxilium : Examinaſis ægræ ſymptomatis, affectiſque partibus perlustratis, pudendi labia mirum in modum tumefacta & exulcerata comperimus, quæ cum Chirurghi egerent opera, accerſitus fuit

fuit H. Annema : Medicamentis autem tam internis quam externis adhibitis, brevi temporis spatio Labiorum tumorem ac sordidissima eorum ulcera superavimus, febre nihilominus & dolore in hypogastrio manente, quapropter vaginæ orificium convenientibus instrumentis tantillum dilatare coacti, vidimus vaginæ latera materia concreti albuminis instar albicanti obfessa, quam dum blandius auferremus spatula, hæc momenti temporis spatio ex rubro nigricanti colore non aliter obducebatur, ac si per tempus aliquod in igne decenta fuisset : tanta erat materię illius acrimonia, ut nec injectionibus, fomentis aut aliis medicamentis temperari potuerit, sic ut tandem miserrime vitam finierit.

Aperto cadavere, præsentibus Expertissimo Medico D. H. d' Aquet & H. Annema Chirurgus, uterum undique aut exulceratum aut scirrhosum deprehendimus : Vagina vero virulenta istius humoris acrimonia & colluvie adeo putris evaserat, ut levi spatulæ attactu undique pertunderetur, patentique aditu cum intestino recto aliisque vicinis partibus confunderetur. *Regn. de Graef, lib. de mulierum organis cap. 9.*

## OBSERVATIO XII.

*Inguinum Tumor & Dolor, ab utero cum fœtu eo devoluto. 1. Ab Ulcerato utero. 2. A calculo in Renibus. 3. 4. In ureteribus. 5. A Testiculis ibi reconditis. 6.*

S. I. **V**Rsula uxor Martini Opitz Victoris, cum maritum in incurvanda pertica, ex qua vinculum vasis parandum erat, incurvaret, forte ab eadem recipiente ad sinistrum inguen percussa est, ruptumque, seu laxatum porius (quantum quidem ego ex sectione judicari potui) est peritonæum : Paulo post enim ad sinistrum inguen tumor oboritur, qui brevi tempore tantum incrementum sumpsit, ut nullo modo intra abdomen recondi posset : Et si vero de utero prolapso suspicio incideret, tamen nec ipsa nec alia fœminæ id crediderunt, donec tandem res ipsa atque eventus omnem dubitationem iustulit : Nam uterus conceptu gravidus ita in dies aucto fœtu dilatatus, simulque cum eo cutis inguinis sinistri, qua uterus prolapsus erat, extensa est, ut utero & cure conclusus fœtus instar sacci fere, aut cucurbitæ oblongæ majoris modo propenderet, morusque infantis tandem & tactu & visu perciperetur : Quæ res cum ipsam, maritum cognatosque perturbaret, Collegium nostrum in consilium adhibuerunt : Cum autem ob fœtum jam maturum de utero in abdomen reponendo, atque adeo partu naturali nullam spem superesse videremus, si naturæ res relinqueretur, & fœtum & matrem de vita periclitaturos, nulla alia re quam sectione auxilium expectari posse ostendimus : Quod cum illi intelligerent, ut sectio fieret omnes petierunt : Cum igitur 21. Apr. 1610. partus tempus instaret, doloresque parturientem apprehenderent, hora 8. matutina sectionem instituit Chirurgus, ac 1. secta est cutis & peritonæum, hoc enim quantum ego quidem visu dijudicare potui, cuti integrum adhuc suberat, & in sectione à cute manifeste distingui poterat : Hinc & ipse, qui jam extra cutem facile prorumperebat, uterus apertus hæmorrhagia non adeo insigni, neque etiam acerbo dolore, quod ipsa postea passa est : Utero secundum longitudinem aperto, infans facili cum secundina extractus est, imo quasi suapte motus cum via facta esset, exitum quæsiit, & quidem Dei beneficio, salvus & incolumis : De utero vero intra abdomen reponendo, cum ob ejus magnitudinem nulla spes esset, cutis, sanguine conveniente decocto prius absterfo, ipsi inducitur & confuta est, ipse vero uterus non confutatus : Qui etsi aliqui insigni inflammatione non corriperebatur, tamen quia extra abdomē propenderet, & ab ambientis incurfu in curatione vulneris defendi non posset, membrana quali purulenta circa labia vulneris obducta est, quæ tamen, adhibitis post idoneis medicamentis, sublata est, uterusque iterum purus evasit, & naturalem faciem ac habitum circa diem 14. ostendit, atque in dies magis in se contractus, ad naturalem magnitudinem rediit : Verum post dies aliquot labia vulneris nigrescere, cum tangerentur facile sanguinem fundere, atque adeo gangræna suboriri cœpit, ut retro sine sensu particulæ de labiis vulneris demi possent ; sed cum idonea medicamenta adhiberentur, omne illud malum cessavit, & caro circa labia vulneris ad pristinum colorem & statum plane rediit, vulnusque indies angustius evasit, adeo ut intra paucos dies coalitum vulneris speraremus, & vix ullum de recuperanda integra sanitate dubium superesset : Verum enim vero cum illa 16. Maji hora 4. pomeridiana extra lectum aliquandiu confidisset, atque iterum in lectum sese reciperet, lipothymia suboriri cœpit, & præter omnem spem intra dimidiam horam, proculdubio ab adstantibus, cum esset paupercula, non recte in lipothymia tractata, vitam cum morte commutavit :

Ipsa mortua, ut plane sciremus an in utero omnia salva essent, an vero aliqua latens putredo lipothymie & subitanæ huic mortui causam præbuisset, uterum aperuimus : verum omnia salva in eo invenimus : Infans etiamnum vivit salvus & incolumis, Dei beneficio,

Huic



Huic enim soli, & ipsa mater acceptum ferebat quod toto gestationis tempore à variis & periculosis moribus nihil damni percepisset: Etsi enim uterum extra abdomen pendulum in fascia gestaret, tamen in obeundis domesticis negotiis, quæ ipsimet ob rei familiaris angustiam expedienda erant, uterum cum foetu nunc in femore, nunc in hoc nunc illo reponere necesse habebat. *Sennertus in Institutis. lib. 2. p. 1. c. 9. Pract. lib. 4. p. 1. §. 2. c. 17. Doringius Epist. ad Hildanum in hujus operibus pag. m. 893.*

## S C H O L I A.

**Q**UÆRIT 1°. Clar. *Doringius* Ruptione, vel saltem Dilatato peritonæo Hernia ista uterina centenda sit accidisse? Dilatato saltem, sive laxato eo factam, si quid aliud certe evidentissime evincit quod id in sectione à reliqua cute manifestè discerni potuerit, Et quidni ex altera parte in tantum laxari potuerit, cum in hydropicis secundum omnes fere dimensiones totum abdomen in immensam prope molem extendi sæpenumero observatum sit? Solidiores multo durioresque quam peritonæum sunt arteriæ, ast hæc in aneurismate ad ovi anserini magnitudinem quandoque laxari deprehensæ sunt: Solidissimum est cranium, quod hydrocephalis nonnumquam admodum distenditur: Rupto autem peritonæo Herniam fuisse productam inde quis arguere posset, quod plagam à peritica reciprocante inflictam subsequuta fuit: Sed etsi concedatur interiorem peritonæi tunicam periticæ illius fuisse disruptam, exteriorem tamen permanisse salvam sectionis historia fidem facit: Nec refert si quis prætendat membranam illam, quæ post cutis dissectionem in conspectum venit, fuisse musculi transversi laxarum tendinem. Nam sciendum musculorum transversorum tendines, non in vivis tantum prope os pubis ad vasorum seminalium præparantium ad testes descendunt, indeque ejaculatoriorum ad glandulas prostratas, quæ vesicæ cervicæ appositæ sunt, ascensum. Sed in mulieribus etiam ad duorum processuum nervorum ab utero prodeuntium, & in summam partem pudendi pervenientium, transitum perforari, unde mulieres cum bubonocèle laborant sectione sanari posse crudite monet *C. Bauhinus* lib. 2. Theatri cap. 8. Per foramen igitur tale ictu periticæ laxius redditum, uterus, integra peritonæi tunica exterior, excidit, atque Herniam uterinam produxit: In eadem sententia est *Hildanus* dilaceratum minime fuisse peritonæum, atque eo quod in hac matrona ne cutis quidem aut musculi abdominis insigniter lassi fuerant, nedum Peritonæum, quod ut testantur Anatomici, firmissimum validumque intestinorum & ventriculi tegumentum sit, substantia membranolum & molle, ideoque potius extenditur & relaxatur quam dilaceratur, præcipue in feminis, in quibus ab umbilico ad pubem usque validissimum est. Interim tamen duo incommoda ex ictu periticæ oborta fuisse non dubitat, relaxationem nimirum aliquam peritonæi, & contusionem musculorum abdominis simul & dolorem, quem, cum attrahat, sequequutus est concursus humorum in parte læsam, qui, quia pauci, & propter constitutionem subjecti, pituitosi & viscosi, non inflammationem aut abscessum, sed remanentes in partibus musculosis, & quidem circa peritonæum, illud paulatim laxum ac lubricum reddiderunt, imo ita debilitarunt partem illam, ut cum utero gestaret foemina, facillime relaxaretur atque in saccum extenderetur.

2°. Quæritur Num foemina priusquam plagam acciperet gravida fuit, vel postea demum? Non fuisse prius gravidam ex eo quis forsitan demonstrare posset quod post plagam vehementem, nec 1. inguen-

sinistrum intumuit, nec 2. abortus sequutus sit: Ex adverso, posterius quoque gravidam vix evasisse, uteri dislocatio à periticæ ictu proculdubio excitata, docere posse videtur: Nisi forsitan eveniret ut uterus non statim à plaga, sed tandem post factam imprægnationem suo loco primum pulsus sit; quod à vero non abest, præsertim cum non statim ab ictu, sed paulo post tumor in inguine sinistro apparere inciperet: Censet *Hildanus* plagæ tempore nondum concepisse, quod si utero gestasset, proculdubio ex animi perturbatione & imaginatione vehementiore, ut in gravidis fieri consuevit, abortum fecisset.

3°. Quæritur, Annon tumore in inguine oboriente fascia aliqua competente uterus contineri, ac ne longius extra abdomen excideret prohiberi potuisset? quin hoc ab initio fieri potuerit, dubium non est iis quibus notum quantum utilitatis fasciæ convenientes in aliis herniis afferre soleant: Idem censet *Hildanus*, qui id sæpissime in matronis, bubonocèle laborantibus, expertum se esse ait, imo & aliquando uterum ipsum ne excideret, fascia prohibuisset: exemplo allato matronæ, cui continuo tere, imprimis ambulando, uterus ante ostium propendebat, cui instrumentum adaptavit, quo collo matricis imposito, uterus ita in loco suo retinetur ut corpus quovis motu movere possit sine molestia.

4°. Fuit Hernia illa uterina oblonga, quia 1. foetus non in globum contortus sed erecte in utero continebatur 2. quia foramen, per quod uterus prolapsus fuerat, angustum, In herniosis ut plurimum id accidere solet, quoad foramen angustum est, hernia figura oblonga propendit; insigniter vero dilatata productione peritonæi, sive vaginæ, in rotundum adeo extenditur scrotum, ut membrum virile aliquando appareat: In utero gerentibus sanis venter rotundus est, peritonæum enim undique æqualiter extenditur.

5°. Num spes ulla superesse potuit partus naturalis? Medici Wittebergenies rectè conclusisse videntur spem plane superuisse nullam, cum enim utero in proprio loco constituto, non raro foetus naturaliter educi non possit ob plurimas causas, in primis à *Roussesse* sect. 1. c. 3. collectas diligenter, quæ quæ ratione in præsentī casu extrahi valuisset? Annon contigisset facillime, ut in medio, & tamen irritò uterum in naturalem locum, una cum foetu, per tam angustas vias reponendi conatu, foetus suffocaretur, materque ipsa præ dolorum acerbitate simul extingueretur? Quare videntes quod parturienti alia ad salutem esset omnis præclula via, excepta una dubia & periculi plena, per sectionem *Cæsaream*, necesse esse arbitrari sunt ad illam transire: *Hildanus* prudenter & rectè eos egisse pronuntiat: Uterum enim extra abdomen prolapsum, à foetu quinetiam dilatatum atque extensum, per foramen illud angustum in ventrem nunquam retrudi posse quis ambiget? Si enim in herniosis aliquando intestina in ventrem reponi nequeunt, quanto minus in hac muliere uterus, cum post sectionem & extractionem foetus, solus ob ejus magnitudinem in ventrem reponi non potuerit: Prius

itaque dilatandum fuisset foramen abdominis, ut nonnunquam in herniosis, si intestina in scroto intumuerint, fieri solet: Verum & dilatationem illam, tum propter dolorem, tum hemorrhagiam aliaque causas absque maximo periculo matris, simul & infantis fieri minime posse arbitratur; Deinde quia uterus per tot menses una cum foetu extra abdomen propenderat, non erat ad ipsum excipiendum locus tatis apertus aut capax in ipso ventre; per totum enim tempus gestationis omnia quæ ad uterum & foetum excipiendum sunt necessaria paulatim adaptantur disponunturque, Intestina crescente foetu, & dilatato utero, retrocedunt, hepar, lien & ventriculus versus diaphragma blande reprimuntur, peritonæum simul & musculi abdominis, prout foetus accrescit, sensim extenduntur, dilatanturque omnia ad partum naturalem, sed sine periculo, quia id sensim fit: cum violentia vero absque læsione prædictarum partium reponi non potuit: Sed ponamus abdomen absque inigni periculo dilatatum, uterum quinetiam, & in ipso contentum foetum, feliciter in ventrem repositum fuisse, partus tamen naturalis quomodo consequi potuisset non video: Ut enim reliqua impedimenta taceam, hoc unicum, scil. incisio musculorum abdominis, ad partum naturalem impediendum sufficiens erat: quantum enim compressio musculorum abdominis in partu sit necessaria sciunt Medici, at hic ratione vulneris fieri non potuisset.

6°. Medici quod post partum cæsareum uterum futura non conjunxerint prudenter fecerunt, utero enim à contentis evacuato, labia vulneris per se facile, ut *Roussens* de partu cæsareo testatur, concidunt & arcte conjunguntur: deinde post partum ut sanguis, & quicquid præternaturale in utero superest, paulatim vacuetur necesse est; at quia in hac femina, ut verisimile est, naturalis via occlusa fuit, non erat occludenda artificio facta: Cutim vero quod cõfuerint recte tegerint; alioquin uterus aeri expositus protinus alterationem & putredinem aliquam contraxisset, agramque mox è medio sustulisset. *Hildanus*.

7°. Sed aliquis forsan partem illam uteri, quæ per tot menses extra abdomen propenderat, filo ligasset & abscidisset: neque omnino rejicienda fuisset operatio hæc; gangrena enim quæ postea supervenit, ut verisimile est, hoc modo evitari potuit: deinde mulierem absque utero vivere, imo & coitui aptam esse multis exemplis constat: Verum operatio hæc & abscissio ut tuto fieret hæc obstabant, primo quia reliqua pars uteri in ventre recondita, nec ex-

purgari, ut necesse, non potuisset; via enim ad id à natura destinata proculdubio occlusa fuit; hinc sanguine retento gravissima symptomata & mors subsequi debuissent: deinde quia in posterum ad procreationem inutilis fuisset femina illa, totus enim fere uterus decidisset: potuisset quidem concipere, quod omnia ad conceptionem necessaria remanissent integra, sed an fortum, usque dum maturus fuisset gestare potuisset, vix credibile est, nimis enim angustus fuisset locus, nec unquam uterus propter partem ablatam sese satis explicare potuisset, & proinde abortum maximo cum vitæ discrimine fecisset: in partu enim nisi uterus, prout foetus sese ex una in alteram partem projicit & circumvolvitur, extendatur, ut plurimum parturiens, simul & foetus ipse versantur in vitæ periculo: quapropter quæ sciri hodie uteri laborant, vix parere posse observavi. *Hildanus*.

8°. Membranam illam, qua obductus fuit uterus, recte nominat, *D. Sennerius* purulentam: non enim fuit membrana vera & recens genita: sunt enim membranae partes spermaticæ, nec facile regenerantur; sed fuit aliquid præternaturale ex viscida materia à natura procreatum, in eum finem ut subiectæ parte, tegerentur & ab injuria aëris vindicarentur: In hunc finem natura in vulneribus capitis fungos produxit, & in vulneribus juncturatum, quod vidi anno 1585, & ante paucos annos &c. *Idem*.

9°. Gangranam, quæ supervenit, ex interceptione spirituum & penuria alimentis ortam fuisse verisimile videtur; abdomen enim simul, & ea pars uteri quæ extra abdomen protrusa fuerat, per exiguas habet venas atque arterias: hæc autem quum tempore gestationis supra modum elongatæ, extensæ, & proinde veluti aridæ factæ essent, non potuit spiritus & alimentum per tam angustas vias post partum satis copiose descendere, partesque longinquas nutrire: extinctus itaque paulatim fuit calor natus, & supervenit gangrena: Quæres, cur extinctio illa caloris nativi tempore gestationis, aut paulo post partum non acciderit? *Rf.* sanguinem & nutrimentum tempore gestationis motu quodam naturali pro nutritione foetus, copiose ad partes illas defluxisse; post partum autem motum illum naturæ paulatim cessante, & sanguinem illum qui ante ad uterum fluebat, ad mamillas aliasque partes destinatas retrocessisse.

10°. *Leipothymiam* quæ ex improvviso supervenit, & mortem intulit, imo & eo ipso tempore cum vix ulla amplius de recuperanda sanitate spes superesset, ex occulta quadam malignitate, ex præcedente gangrena progenita, & in vasis contenta ortam fuisse arbitror. *Idem*.

§. 2. Monialis, multo tempore circa Inguina & Pubem doluit: Omnino ulceratus uterus fuit, Vesica quoque qua parte ipsum contingebat. *Tit. de Ventr. tumore*.

§. 3. Vir Rever. post dolores frequentes in Illo sinistro urinam cruentam reddidit: Adfuit calculus in Rene, cujus tota substantia absumpta. *Tit. de Urinis p. n.*

§. 4. D. N. Ren dexter, in ureterum orificio, grandem calculum continebat acutum, sed glabrum: nullam tamen urinae difficultatem experiebatur, sed dolorem tantum in Inguinibus. *Vide lib. 2. tit. de Phthisi*.

§. 5. Joh. N. De gravitate in lumbis, & dolore tensivo in utroque inguine præsertim sinistro. Ureter sinister ultra pollicem erat dilatatus, plurimos lapillos continens &c. *Vide tit. de Ischuria*.

§. 6. Testes intra cavum abdominis ad pubertatem usque latere probat *Mart. Rudandus* duabus historiis, histor. 5. *A. Paramus* exemplo singulari confirmat, & in Nobili viro *Argentonio* post mortem, aperto cadavere, observatum fuit: Novi virum Nobilem, qui numerosam prolem è lectissima conjuge suscepit, cum tamen habeat dextrum testiculum in inguine latentem, qui Herniæ speciem Medicos & Chirurgos fefellit. *Riolanus Anatop. lib. 2. cap. 29.*

## ANATOMIÆ PRACTICÆ

## LIBRI TERTII

## SECTIO XXIV.

## DE URINÆ SUPPRESSIONE.

## OBSERVATIO I.

*Ischuria à copia sabuli in Emulgentibus ; in ipso Renum corpore & in capite ureterum. 1. A plurimis calculis Renes & ureteres admodum distendentibus. 2. Ab uretere sinistro obstructo à calculo impacto , deficiente Rene dextro. 3. Ob ureterum initia calculis oclusa. 4. 5. 6. 7. Ischuria cum dysuria à calculo duplici in uno uretere. 8. Ab obstructo utroque uretere à calculo , Rene sinistro inflammato. 9. Ob utrumque Renem à calculo in ureteris orificium illapso obstructum. 10. Ob ureteres sabulosa materia oppletos. 11. Ob ureterem unum à calculo obstructum , Renem oppositum putrefactum. 12. Ab obstructis ureteribus à viscidis humoribus. 13. Ob obstructum ureterem dextrum à grumo sanguinis. 14. Ob ureterem unum resiccatum alterum calculo obturatum. 15. Ob ureteres obstructos à gypsea pituita. 16. Ob Emulgentes & ureteres crassa pituita obstructos. 17. A calculis Renis & ureteris initium occupantibus 18. 19. 20. 21. 22. 23. 24. 25. 26. 27. 28. 29. A materia calculosa in renibus , Calculo sinistro Reni inserto. 30. A Rene dextro calculoso , Ureteribus arena refertis. 31. Ob ureterem dextrum calculo obstructum , cum duobus minoribus in cavitate Renis sinistri. 32.*

**S. I.** *N*os aliquando in Emulgentibus vasis, & simul in ipso corpore Renum, & in capite Ureterum, utrinque ingentem vim sabulosæ materiæ juvenimus: Hic æger tanta & tam pertinaci urinæ conclusionē tollebat. *Schneiderus lib. 3. de Catarrh. c. 7.*

## S C H O L I A.

**C**alculi non in Renibus primitus gignuntur, sed in *massa sanguinea*: De hac illi ut ad omnia membra, ita etiam per arterias ad renes veniunt, & quidem tanto facilius quanto plus feri per eos quotidie excernitur: Sabulosa materia nonnunquam restagnat in vasis Emulgentibus: per venam emulgentem, inquit *Roslinckius*, renes tum nutriuntur, tum quicquid est in sanguine serosi, illa emulget & ad se trahit: Amplissima ergo est, quia serum copiosum erat: Brevis, quia serum nullam requirebat præparationem, sed quam celerrime pervadere debebat: Ambæ venæ emulgentes unanimes deponunt serum in papillares & carunculis similes processus ad fistulas ureterum; Sic illud in pelvi colligitur, & sensim ad vesicam destillat: Nonnunquam non solum serum per emulgentes ad renes derivatur, verum etiam pituitosa & mucosa materia: hæc cum in pelvi colligitur, arenulæ gignuntur: cum subsistit in emulgentibus, propter suam crassitiem, generatur *massa similis cicadis, habens proportionales alas & pedes*: talenque sæpissime in exortu emulgentium deprehendimus: Hunc *Galenicum* usum vero suspectum reddit circulatio Harveana: ad ostia enim earum valvulæ sunt appositæ, exacte illarum ostificia aperientes, ut per eas in renes quicquam ferri im-

possibile sit: Revehunt ergo Emulgentes sanguinem a nutritu Renum, quem arteriæ important, residuum in cavam: hinc proculdubio, inquit *Higginsonus*, in renum ulceribus, si quando obstructo ureteris capite pus cohibeatur, ut per urinas evacuari nequeat, id sensim una cum sero per venam emulgentem in cavam redundans, sanguinem totum corporisque habitum inquinat: qua etiam ex causa quali ex leucophlegmatia, calculosos tumere ac pallefcere sæpe animadvertit *Fernelius* 6. de part. morb. cap. 12. *Hallenus Roslinckius*: Materia igitur sabulosa tantum in renibus cogitur, & in lapidem concrefcit, ac in dies augetur: Ac quicquid sabulosa materiæ in massa sanguinea inest, de ea per renes cito rejicitur, & quidem commodo valetudinis; ut testantur *Scherbius, Hofmannus, Zacutus, Pannozolus*: quam multi qui febri vel tertiana, vel quartana, vel ardente jaectati fuere, sabulosa urina ad sanitatem reducuntur? Idem *Scherbius* etiam ait, calculos ad renum formam, si ibi morantur, assumere corpus: operæ pretium erit ejus verba apponere. Probabilius, et, videtur humorem omnem, etiam serum, materiam posse esse calculorum, modo exhalatio sicca in eo sit soluta; instar salis aut aquæ calcis. Talis enim humor certis in locis retentus, in natu-



ram lapideam facile degenerat : Arenæ quoque, si glutinosus humor accedat, in calculum coagmentantur dicuntur : Hinc certe fit ut corallium in mari (quod falsum est) lapidescat, imo ut integra etiam animalia ibi, si talent iudeum attraxerint, in lapides abeant : Confecturam videtur adjuvare id quod à nonnullis observatum, ea fere ex animalibus domesticis lapides in se gignere quæ sale copiosiori vescantur : Ejusmodi autem lapidescentem succum urinæ interdum præ se ferunt, à calidiore intemperie humores adurentes, ad quandam calcis similitudinem : Neque dissimili modo arenæ fieri putantur, nisi quod in his principium concretionis est in partibus minoribus : Atque inde quidem vini quædam genera ad calculi generationem male vulgò audiunt : Hæc igitur videtur materia quæ principium est urinae, i. e. vim & naturam lapidescendi in se continet : Efficaciens duplex est, primum enim, ut modo diximus, oportet sit intemperies aliqua calida humores urens, sive hepatis illa sit, sive renum, sive totius venosi generis & arteriosi, sive etiam horum omnium : Nisi quis putet eam materiam, quæ ad lapideam naturam *ipso* habeat, etiam solo cibo potuque posse assumi : Deinde terra hæc materia certo modo usita, oportet veniat ad loca frigidiora : Satis autem est si ea sint minus calida : Inde enim fit ut calculus neque calido solvatur, neque frigidus, (etiam cum humiditate conjunctis) quia neutro per se solo constitit : cui rei cum multa alia documenta sint, tum imprimis quod in velicis frigidioribus natura & exsanguibus, & ad alias etiam membranas, itemque ad ossa maxime calculi nasci solent : Quæ de re operæ pretium est videre quæ *Andreas Casalpini* lib. 2. quæst. medic. cap. 29. doctissime disputat : Hæc autem altera causa, etli omnino ad calculum *quædam* requiritur, & pertinet etiam ad problematum quorundam solutionem, nullas tamen utiles indicationes, & agendorum insinuationes in artis operibus attert : *Fernelius*, ut solet, in paucis reddendis decurrit hic ad occultam quandam calculosam constitutionem renum, quæ etiam hæreditariae sint, unde totæ familie calculo obnoxie ostendi queant : Verum multa *Fernelii* dogmata incurrit in acerrimam illam, omnisque prudentie plenissimam *Galenii* censuram, quæ est 3. prælag. ex Pullib. cap. 5. Eorum, inquit, qui nihil docent duplex est institutum, alterum dum ad proprietatem, quæ exprimi nequeat, confugiant : Alterum dum proferunt quædam nomina, nec tamen quæ significant observant, nec quam illis significationem tribuunt interpretantur : Certe quandiu non aperte dicitur in quo sita sit, sive quid sit calculosa illa constitutio renum, ut ea cognita per contraria illi mederi possimus, aut saltem prognosi uti, nihil in arte utile neque docetur neque discitur : Idem peccatum neque si refugiant qui nominant quidem calculosam hanc diathesin, sed nominant imbecillitatem renum, ex semine parentum contractam, quæ purum ab impuro non exquisitè separatur : Præclare enim *Galenus* de ventriculi imbecillitate ait, Nomen hoc (imbecillitatem) ita communiter prolaturum esse nudum & inane, atque ad medicationes inutile : dicendum enim potius Ventriculum esse imbecillum, quia sit frigidior, calidior, humidior &c. ita enim elucet quid ex altera parte auxilii rationem habere possit : Idem igitur nos quoque de ista renum hæreditaria imbecillitate, si non clarius explicetur, profitemur : Longe ad artis opera utilius *Galenus* docet, facultatem suam habere essentiam in certa propria-

que partis cujusque temperie, unde l. de prælag. ex Pullib. cap. 4. facultatem vitalem clarissime ait esse cordis temperiem : Quia ad actiones mora requiritur, plurimum ad calculi concretionem faciet si humor lapidescens in canalibus renum hærent : id autem fieri verisimile est in his, in quibus meatus, quæ emulgentia vasa renibus inferuntur, sunt ampliores, contra autem, quæ ureteres exoriuntur, angustiores : Etsi autem hæc causa verisimilis est, in vivis tamen certo cognosci non potest, nisi quod crebrior usus eorum quæ renes abstergunt postularetur : Nihilominus ex his percipitur quæ sit illa *Naturalis*, & in quibusdam etiam *Hæreditaria* renum calculosa constitutio : Nam & viscerum intemperiem calidam, quam calculorum primariam causam posuimus, non raro eandem a parentibus accipimus, & conformationem partium, ut in membris externis, ita etiam in internis eorum similem plerumque in lucem nobiscum efferimus : Non solum in sinu cavo renum, sed etiam in uretere concresecit, imo in renum quoque substantia : Inter signa pro pathognomonico non agnoscimus areolatum mictionem, cum non pauci eas reddant sine ullis calculi laboribus, idque imprimis observari in Hispanis auctor est *Thomas à Vega* : *Hællenius Scherbius* : Succus lapidescens, inquit *Higbomus*, à terra per plantas una cum illarum succo exhaustus, & inde ab animalibus, quæ nobis alimentum præbent, assumptus, nostris exinde communicatur corporibus, nondum tamen suam amisit naturam, sed corporis nostri partibus appositus, licet tot concoctiones subiverit, in lapidem concresecit, in his præcipue partibus quæ naturæ sunt siccioris, aut nimium angustis, & humoribus viscosis refectis collectus si fuerint : Hæc *Higbomus* : Simili modo materiam calculorum declarant *Fonsæca*, *Assoverus*, *Beverovicus* : Quidam vocant *Tartarum*, sunt ii. iudice *Scaligero*, *Barbari*, *Quia cum vini* olei partes quædam partibus omnibus aqua sunt tenuiores, contra quædam crassiores, idcirco ex nigro fax, quod in altero *Barbari Tartarum* in altero *Latini Græca origine Amurcam* vocant : Hoc nomen etiam horret *Johannes Assoverus* : Est calculi causa, inquit, antecedens fax, crassitudo & saburra sanguinis in venis & arteriis contenta, mox una cum sanguinis sero per venas emulgentes ad renes excernenda : Cum dico facem sanguinis, voce sanguinis totam ex quatuor humoribus permixtam sanguinis massam, & intra vasa adhuc coactam intelligo : Per facem autem serumque sanguinis, accipio omnium eorundem humorum serum & facem commixtam : Suum enim cuique humori serum, & suam cuique facem excrementitiam esse nemo est qui nesciat : Altera antecedentium causarum paulo remotior, est ipsa viscerum prava actio & constitutio, Hepatis imprimis, deinde & Lienis, (de Renibus in causa continente diximus) denique & Ventriculi : Cum enim viscera suum singula non probe officium suum naturale officium faciunt, coquendo, coctionis excrementum segregando, idem debito modo & per vias destinatas excernendo, non poterit utique non tota inde sanguinis massa impurius faculentiorque evadere : Præterea omnes illi *Ferneliani* vehementer errant, qui calculos à dispositione Renum calculosa creari putant, Sint calidissimi renes, serum indefinenter transiens in lapidem convertet non possunt : ac sanguis potu dilutior ad renes subindo vehitur, renumque calor ex sanguine pendet : Hæc quoque sunt ii qui illam Renum dispositionem vocant *Areno-*

*Arenosam*, & hi talem esse Hereditariam opinantur: Causa cur Gemellorum fratrum pariter alter calculo renum prematur, alter non item, querenda est non in dispositione renum, sed in proprietate naturæ, quæ in hoc cibum aliter, aliter in illo digerit: Huius natura multam faciem, & terream illam materiam in sanguinem se penetrare patitur: Illius autem natura eam quam maxime expellit: Si massa sanguinea tandem sabulo sat repleta est, eam natura defecare aggreditur, quapropter salvis renibus nephritis gigni videtur: Ut pulmones, hepar & lien, hoc expulso sabulo, nonnunquam vitiantur, ita plerumque ab eo affliguntur renes, per quos sanguis naturaliter emundatur: Quidam quoque saluntur, dicentes *Serum in renibus alterari, elaborari & perfici*: ut tax vini se cogit & continet, ita arena in se coeunt, eas natura cum sanguine circumfert & commode in renes amandat: De alimentis singulorum membrorum varii redundantes humores redeunt in massam sanguineam, de hac mittuntur calculi ad renes & ad vesicam, in qua, ut loquuntur, per appositionem increbunt: Nam acicu-

ta in vesica hominis calculosi delitescunt, ut baculo in aqua sabulum allinitur: *Lapidificam materiam* nos nullam aliam agnoscimus quam terrestrem & sicciorum partem alimentorum, hæc coit in se & lapidis naturam induit: Si ejus magna vis in massa sanguinea cohibetur, & impetu arteriarum in viscera compellitur, illa calculis refertiuntur & lapides descendere videntur: *Spiritus lapidifici* huc non spectant, satique terrestris materia in alimentis inest unde calculi possunt concretescere: Nihil necesse habemus ad illos raros, ut vocant, spiritus lapidificos confugere: quare a D. D. *Sennerto* penitus recondimus, ac negamus dispositionem arenosam esse causam calculorum: Salvis renibus calculi in artibus, & ante in massa sanguinea inveniuntur, Nec illam sanguinis faciem quoque vocamus Tartarum, similis amara per urinam sanissimi hominis excernitur, nec animadvertitur: Theriacum aqua quam pellucida est? quam tenuis? quam liquida? Et ea quam exiguo spatio temporis fit turbida aut arenosa? *Hæc ex Assuero Schneiderius.*

§. 2. Philosophiæ naturalis Professor in Academia Wittembergensi, perquam industrius D. Joh. Sperlingius per aliquot annos mictus tarditate vexatus fuit; ac si aliquando exercitatione ambulandi usus est, cruentam, licet eam minimam, fecit urinam ac arenosam: Nonnunquam sedimenta quoque erant simul sabulosa & sanguinolenta: Præterea ipse obtuso lumborum dolore premebatur: Quam vere autem is intelligebat se esse calculosum, tam vehementer à medicamentis abhorrebat: hic de domo aliquando exiens, animi causa spatiabatur, & mox contentius ire coepit, eo consilio ut urina provocaretur: verum confecto illo itinere mictum celebrare non potuit: Is nihil territus, coenatur & paulo post dormitum proficiscitur: Verum nec postero die, nec reliquis insequentibus diebus urinam reddere potuit: Tandem ad eum ægrum rogatu uxoris, inviso: erat tum vicesimus dies ex quo urinæ impossibilitas eum male habuerat: Expono periculi magnitudinem, quam ille tantopere non motus, judicabat Naturam sat valentem fore: Interjectu paucorum dierum iterum accersor: Tandem quidem curationem ordinare aggredior, sed simul pronuntio eventum fore in manu Dei, me autem facienda rite obituro, certoque facturum esse: Cumque ad medicamenta æger natura nausearet, omnia quæ assumebantur tanto citius ore rejiciebantur, urina itaque stetit, alvus quidem semper fluidior fuit, hacque spe se sustentabat fore ut urina exitum hac via inveniret, Quid? jocatus quoque in hoc fatum valetudinis dicebat, se nunc vivere vere vitam passeris, unde cognominaretur, cum aves bibant nec mingant; quid mihi igitur refert illud nomen esse nisi fato hoc probo: Ac quomodo ille quoque apud *Plantum*, *Nolo ad vesicam quod eat, in ventrem volo*: Sed ne in longum exeam, is tandem convulsionibus corporis adeo urgebatur ut decederet: Hac ratione quoque, ut obiter dicam, periit *Marcus Vigerius* Episcopus Senogalliensis, ut refert *Bartholomæus Eustachius*.

Cæterum Sperlingii nostri corpore infecto, Renes calculis mirifice distenti reperiebantur: Illi erant varia forma & diversa magnitudine: Quidam enim erant trianguli, quidam quadranguli, quidam quinque anguli, quidam asperiores, quidam leniores: nonnulli tres, & fere quatuor drachmas, nonnulli duas, nonnulli unam pendebant: hos in cavo renum latentes humor quidam subalbidus perfundebat, qui colaturæ liquidæ colorem fingeat: Mictuales viæ, quas ureteres vocant, etiam calculis fere innumeris, sed minoribus & exacte reteribus penitissime obstructæ erant, ut quisque, qui sectioni intererat, satis superque intelligeret hinc eam tam pertinacem urinæ conclusionem fuisse ortam: Hepar & Lien, nobiliora illa viscera, erant minime viciata, Hepar maxime considerabatur, cum pustularum eruptiones faciem ejus semper tulpascent: Ante quatuor annos sanguis ex brachio missus fuerat, qui erat mirifice crassus & ponderosus: Ac nunc ante omnia dicendum est, quod ejus sudor fuerit arenosus. *Schneiderus lib. 3. de Catarrhis cap. 3.*

## S C H O L I A.

*S*UOR fuerit arenosus] Æger sæpius de causa huius sui sabuli diserebat, quod per sudorem col-

lebat: Credebat ejus originem in alimentis querere: Erit itaque ipsius iudicio æstinabile are-

nas sanguinis in renum cavum coire solitas fuisse, & quibus tandem adunatis, & mox concretis tot tantique lapides certe creari potuerunt: Nimirum ut vermes in sanguine, testibus *Kirchero, Borello, Bartholino*, nascuntur, & tandem ad renes ac poros ureticos devolvuntur: ita arenulæ cum sanguine in renes deferuntur, ibique augentur, & tandem per illas urinales vias excluduntur; Variæ & diversæ res urinæ admiscuntur, ut ex deprehendi non possint: Hæc vero sanguineæ massæ recte menta ad renes vehunt arteriæ, ac quod superest sanguinis, reducunt venæ: *Idem. Eandem hanc historiam aliter, paulo enarraiam, vide tit. de Lumborum dolore, ex Joh. Daniele Majore.*

*Sudor arenosus*] Ab Excell. Th. Bartholino adnotatus ex D. Olao Wormio, hist. 34. cent. 1. Illustris quidam Vir Calculo & arthride, domesticis hospitibus sæpe obnoxius, subinde in largissimum ludorem solvitur, quo non serum exsudat, sicuti per poros liquores, sed, quod mireris, manipuli arenula-

rum, quas inducta manu abstergit: quotidianum id Nob. viro, & à Medicis saluti illius excubantibus vitium perlepe. Eiusdem rei adstipulator est Dn. D. Joh. Dan. Horstius, Ubi cum dolore, ait, arenulæ minguntur, calculum quoque minantur renum aut vesicæ sæpe tamen non minantur calculum, maxime si dolor absit: Si scilicet illæ arenulæ in venis & ipsæ sanguine generentur, quod familiare Scorbuticis, quorum sæpe sanguis adeo abundat arenulis, ut non tantum copiose prodeant cum urinis, sed & post sudorem cuti in vola manuum & aliis partibus se insinuent, ut vidi in Ill. matrona, cujus sæpe mamma-  
marum & manuum cutis ita arenulis obducebatur, ut digitorum apprehendentium vestigia relinqueret. Hæc Horstius. In hac civitate quidam degit, qui lenito sudore arenulas manu detergit & de cute velat, quæ splendidulæ volitant per aerem: Si ergo sudor de conceptaculis sanguinis venit,  
venit de illidem calculus.

*Schneiderus l. c.*

§. 3. Cum decem ab hinc annis Monacho cucullato Ischuria laboranti Medicinam afferrem, quæ octiduum, & plus, cum exercuit, cum dolore in rene sinistro, qui nec aliis diureticis nec balneo cedebat, cui propterea cum præscripssem cantharidum scrupulum semis, cum uncis viij. juris pinguis, alterati radicibus petroselini, liquiritiæ & fœniculi, addita drachma seminis ameos, ad contemperandam acrimoniam, & obtundendam veneficam earum qualitatem, & quod vehiculi loco esset cantharidibus, accedens *Julius Casar Casserius Placentinus*, me absente, cantharides exhibuit cum conserva capillorum Veneris, ex cujus remedii usu dolores ventriculi, atque in regione pubis ægrum corripuerunt, à quibus tertia die extinctus est. Quod tamen remedium validissimum adhibuimus, quia eo morbus progressus erat, ut ex sola urinæ suppressione vix biduo superstes futurus esset, cum in primis aliis remediis locus non daretur, intercepta urina in renibus, non in vesica.

Aperto vero cadavere, deprehendimus ventriculum & vesicam exulcerata: Observavimus quinetiam obstructum ureterem sinistram à calculo illi impacto, atque deficientem renem dextrum.

#### SCHOLIA.

**N**Ec diureticis cedebat] Eius rei causa Medici calida in 4<sup>o</sup>. admiscunt diureticis, erodentia scilicet quorum ope abradantur calculi, atque evacuentur paulatim, in quam rem commendantur Cantharides, Verum si meminerint historiarum Filii Theophorbi. 5. Epid. lace clarius apparebit quam pernitiola sint erodentia: *Filius hic vesicam scabiosam habebat, & viscosam urinam reddebat, dolebat, & cum inciperet mictare, & cum desineret, ac confricabat*

partem anteriorem, Huic cum bibisset diureticum vehemens, exulcerata est alvus fortiter & tertia die à portione obiit.

*Ventriculum & vesicam exulcerata*] Quod forte non contigisset ex potionis alicujus epicraticæ usu, quæ ventriculo non immoratur, unde cantharides ipsum non exulcerassent, haurito potissimum ab ipsis jussulo pingui, quod earum acrimoniam & vim erodentem obtundere potuisset. *B. Sylvaticum confuso.*

§. 4. Magdalena Nicola, vidua quadragenaria, à renum cruciatu & calculi excretionem aliquandiu afflicta, doluit intense ex utroque lumborum latere, cum præcordiorum angustia, cibi fastidio, vomitu continuo, & mictu, primum quidem imminuto, sed mox integre suppresso; quod omnimodum lotii impedimentum comitabantur febris lenta, lancinans lumborum dolor, gravis sopor, mentis stupor, nervorum distensio & similia oppressi cerebri symptomata, orta à reciproco retenti & regurgitantis seri refluxu, quod per diutinam moram ubi computruisset, auxit calore febrem, & acrimoniam suam referavit non modo uteri venas, sed ita quoque vellicavit processum spinalis medullæ (qui cum pendula ipsius parte vertebris inclusa, constituunt verum nervorum principium & indubitatum omnium ipsorum originem) ut xvij. ischuriz die perierit, & comate & convulsione obruta: Cujus inextricabilis infortunii causam clare uti innotesceret, & perspicue conspiceretur non semper in Medico esse quoscunque curare, sed subinde sufficere generosam prædictionem, decretum cadaver hoc aperire, & omnium oculis exponere indissolubilem illum nodum, quo corpori inextricabiles morbi sæpenumero adnexi.

Apparuit itaque hic Ren sinister extrinsecus quidem lividus & tumidus, sed intrinsecus non minus aqua quam tribus calculis refertus: quorum maximus ad æquans primum humani pollicis articulum, acuto suo apice ita obturabat ureteris principium, ut omnem transituræ urinæ intercluderet aditum: nihilque propterea lotii contineret vesica urinaria plane



plane vacua & omni liquore destituta, præsertim quum oppositi renis ureter non minus obstrueretur ab plano & lato calculo, instar operculi cum claudente: Quæ duo impedimenta ita coram ab aditantium corona conspecta, vindicarunt à calumnia artem quæ non superaverat id quod omnium oculi videre insuperabile. *Nic. Tulpius ad Ioannem Beverovicium in huius Spicilegio de Calculo.*

§. 5. Memini me tres in variis temporibus Venetiis vidisse qui cum obijissent ex suppressio lotio, quod nullis unquam remediis potuit evocari: Post obitum secti fuere, & reperti sunt duo prægrandes lapides in renibus, qui impulsu fuerant versus originem ureterum, & erant duri admodum, colore mixto ex nigro & viridi, præcesserant autem renales dolores. *Trincavella lib. 10. c. 9. de cur. Rat.*

§. 6. Alium etiam vidi qui diu ægrotaverat, in cuius cadavere inveni prægrandem lapidem triangularem, similem fructuiquem Tribulum appellant, qui à natura impulsus fuerat versus ureteres, illósque perforaverat imo dilaceraverat. *Idem ibidem.*

§. 7. Erat puerulus unius anni qui per plures dies non minxerat, nec conatum seu voluntatem mingendi habuit, sed ejulando se intorquebat, contrahendo crura & intorquendo, cibum fastidivit, aliquando etiam revomit, Emollita fuit alvus superne, & inferne impositus cereus & syringa, factæ item infussiones in aqua dulci, exhibitis etiam diureticis pro ea ætate: Fuit sic prolecta urina per unum diem & noctem, mox iterum suppressa cum majori quam antea corporis imbecillitate, ut infussiones parentes admittere noluerint, deliquorum metu quæ oboriri cœperunt: adhibitis interea fomentationibus & unctionibus puer defecit.

Mortui primum inspecta vesica, quæ inanis prorsus omni re, ut ne guttula inesset: perquisiti ureteres, dexter paulo ab egressu distendebatur admodum, ut rumpendus quasi esset, à duobus calculis gypseis & duris, perstridente in incisione novacula. Ren idem, uti & alter, murata naturali phascolorum figura, in rotundum vergebant tuberosi, sicut vitulorum renes sunt: apertus plures exhibuit calculos minores prioribus, imo tota ejus substantia interna conspersa erat lapillis, milii instar, gypseis: ureter sinister pariter obstructus fuit à simili calculo in ipso egressu; interni item sinus omnes referti fuerunt majoribus & minoribus gypseis calculis non sabulosis nec rubeis, ut magna eorum copia exempta, & à parentibus adservata fuerit. *Ex Observat. Joh. Aicholtzii Med. Viennensis.*

## S C H O L I A.

**N**ihil quidem hic miraculi nec monstri, præterquam quod calculi majores quam pro ætate faciunt, Et gypsei candidi; cum his locis rubentes, friabiles pierumque gignantur, quod forte ex continuo pultrium farinacearum ulu, nostratibus consuetum, fieri quis dixerit: at id in aliis similiter fieri debet: Cæterum curationis talis retentionis mihi major occurrit scrupulus, In prophylactica proculdubio abstinendum ab omnibus succum vitæolum gi-

gnentibus, & iis universis infantium victus constat. In therapeutica concretæ ejusmodi materiæ tenaces & duræ, attenuantibus & incidentibus, etiam validioribus egent, ea vero nisi alentia sint, ætas talis non admittit. Sit ergo unicuique viro petito consilium liberum, quid in tali casu agendum suscipiat: mihi res gravis ac satis dubia videtur, atque inter infelices talis intans connumerandus.

§. 8. Puer decennis jam ab aliquo tempore urinæ suppressione dysuria, purulenta mitione, per intervalla recurrentibus laboraverat, tandem emaciatus obit.

In Rene dextro, exiguo valde, & nil nisi saccum membranaceum pure refertum representante, calculus nullus aderat, forsan ad vesicam delati cum urina excreti, plurimos enim collegerat parens; ureter quoque hujus lateris summe ampliatus: In sinistro vero rene, qui multo naturali major, sinus plurimi occurrebant, quorum varii satis notabiles, sanioso liquore repleti. Pelvim occupabat calculus niger, triangularis figuræ, acuminata sui parte in ureteris principium longefatis se dimittens, adeoque sic omnem urinæ descensum hoc latere impediens. Nec tantum in ureteris hujus sinu calculus hærebat, verum etiam alius occurrebat priore minor, inæqualis, niger, durusve eo loco ubi ureter vesicæ jungitur. *G. Blasius observ. med. 24. p. 6.*

§. 9. Ichurix varias existere causas Practici luculenter declarant; nulla omnium frequentior ea quæ vitio vesicæ urinariæ exoritur, ipsa sive in vesica malum hæserit, sive in continuato ejus ductu urinario. Rarius renes hic affici, iisve continuos ureteres, eo quod uno lato calculove obsessio alter officio suo integrè fungi observetur: Contingere tamen potest, postquam uno in latere ureter vel quoad principium occlusus, vel quoad ductum ipsum obstructus, bene se habente opposito, tandem etiam hic engultix aliquod vitium incurrat, unde subita urinæ retentio, cujus causam in utriusque lateris renem ureteremve subito angustatum conjicere sæpius incogitanter Practicorum

varii solent. Confirmant dicta quæ mense Augusto hujus anni observavimus in viro robustissimo: hic postquam per aliquot annos sinistri lateris gravativo dolore, cum vomitu sæpius & febris, mictioneque cruenta aliquoties recurrentibus laborasset, non raro etiam arenulosam urinam reddidisset, tandem ejusdem lateris dolore correptus intolerabili, cum vomitu bilioso gravi, siti summa, inquietudine; sublatis symptomatibus dictis, saltem maxima parte, sanitati, ut sibi persuadebat, restitutus, curru per aliquot horas corpus graviter commovit, altero die surgens urinam excernere haud potuit: intus extusve adhibita quæcunque in tali casu prodesse necum judicaret Clar. *Piso*, venæ sectionibus, catheterumve usu haud neglectis, ast frustra omnia, nec urinam ex cernendi conatus adfuit notabilis, nec ejus catheteris ope evacuatio ulla; Quinto à suppressionis tempore obiit die.

In aperto corpore Ren dexter observabatur à calculo liber, magnitudinis, figuræ constitutionisque debita, ast in uretere, digitorum transversorum quatuor latitudine à rene dicto, notabilis hærebat lapis, vix loco mobilis, cujus à motu corporis vehementiore, ex Rene ad inferiora descensu subitaneam Ischuriam adscribimus: Ast in Rene sinistro, quæ naturali duplo major erat, ichoroso, imo variis locis purulento humore repletus, magna parte inflammatus, calculus inveniebatur duplex: horum primus qui minor, libere in renis pelvi hærebat: alter, qui major, lævis, oblongus, insinuaverat se acuto suo apice tam longe in sinum ureteris, ut is integre occluderetur: Et hunc jam à longo tempore locum hunc occupasse valde ex adductis probabile. *G. Blasius Observ. Medic. 22. pars. 6.*

## S C H O L I A.

**I**schuria variam existere causam ] *ixvna* symptoma est in quo proxius urina supprimitur: Duplex est, una vesica plena, alia eadem vacua existente: Hæc posterior multis de causis contingit, Vel ob obstructionem ab humore viscido & crasso arteriis emulgentes; vel rursus Renum vitio calculis obfessorum, Vel denique ob Ureteres à calculo, pituita, sanguine concretos, vel pure obstructos & adstrictos: Impediunt

hæc omnia quo minus ad vesicam urina descendat: Quæ vesica plena existente contingit lischuria, pro causa agnoscit vel læsam vesicæ facultatem expultricem, ob nervi illius partis paralyse, aut obstructionem, vel colli vesicæ à calculo, crasso humore, purulenta colluvie, sanguinis grumo & tuberculo obstructionem. *Thomas Burnet Thesauri Medico Pract. lib. ix. sect. xi.*

§. 10. Viro Nobili Ultrajectino, nephriticis doloribus alias sæpe obnoxio, urina ex obstructione renum subito fuit suppressa, sine ullo dolore: Statim apud Medicos consensus inter Renes suspicio incidit, omni remediorum genere incassum adhibito, xiv. morbi die vitam finivit.

Aperto cadavere in utroque rene calculus mediocris magnitudinis, turbinatus seu pyramiformis, in ureteris orificium illapsus repertus; est, omnem urinæ transitum penitus intercludens.

## S C H O L I A.

**C**onsensus suspicio incidit ] *Forestus*, *Duretus*, atque post hos *Beverovicus* & *Loselius* scribunt uno Rene obstructo alterum etiam inutilem reddi, propriæque actione destitutum urinæ fluxum intercipere, idque non semel à se quoque observatum scribit *Riolanus*, qui id fieri putat ob sympathiam quam inter se habent, officii societate, atque hinc uno laborante mox etiam alterum, tanquam effectum languere: Verum hæc in parte experientiam autoritatibus & opinionibus quorumlibet gravissimorum Virorum præferendam censeo, quæ

nos multoties contrarium docuit, scil. uno rene obstructo, aliòve modo afflicto, alterum bene valere, per eundem urinam satis copiosam fluere posse, cujus rei plurima possem adducere exempla; Aliquoties quidem vidimus uno rene à calculo illabente obstructo, urinam in totum substitisse, verum id non propter aliquam sympathiam, sed quia inscio agro alter ren (nam carent renes acuto sensu) diu antea obstructus fuerat & manserat, urina per oppositum satis affluente, quo opposito rene, tandem etiam casu obstructo, mox urinæ transitus sufflaminatus est.

Rem ita se habere docent cadaverum sectiones & inspectiones, multoties enim unum ureterum circa orificium penitus obstructum invenimus, quod ægri in vita penitus nesciverant, nullumque incommodum inde senserant, urina satis effluente per alterum.

Quis quæso jam credat, in utroque prædicti Nobilis Rene hos calculos eodem tempore ad ureterum orificia delapsos esse, atque sic urinam suppressisse? certe multo verisimilius est diu ante & unum renem ab uno calculo obstructum fuisse, nec multum incommodi ægro exhibuisse, urina per alterum renem satis effluente: postea vero etiam in alterius renis ureterem illabente calculo, mox urinam sufflaminatam substitisse: Sæpe hoc patet istam urinæ sufflaminationem non fuisse factam ab unius renis ob-

structione, & hinc alterius per sympathiam afflictione.

Notandum etiam in canum dissectionibus frequenter in uno Rene vermem longum, crassum & rubicundum inveniri, qui sæpe totum renis parenchyma consumpsit, cum tamen alter ren in vita prorsus illeceus existeret, nec ullam affectionem per sympathiam passus sit. *De Diemerbroeck Anatomia lib. 1. cap. 18.*

§. 11. Qui rei frumentariæ Exercitus Cæsarei Præfectus erat, nomine Heisenger, Witebergæ admodum pertinaci Suppressione urinæ decessit.

Dissecto corpore, Ureteres erant albida materia sabulosa penitus oppilati: ac Renum in cavitatibus multum graviter olentis urinæ reperiebatur. *Schneiderus lib. de Catarthis specialissimo pag. 219.*

§. 12. In quodam deprehensus ren sinister totus in putrilaginem abiisse; dexter ureter calculo obstructus. Inde urinæ via in vesicam negabatur. *Vide tit. de ventris tumore.*

§. 13. Ureteres sæpius obstruuntur à viscosis humoribus, & exinde oritur urinæ suppressio totalis, quod factum in Gregorio XI. Papa. *Ioannes Tornamira.*

§. 14. Dominus *Van Ens* Hollandus, Præfectus exhauriendis paludibus Arelatenfibus in Gallia Narbonensi dum glaciem transgreditur, supinus cadit in nates, hinc accidit Ischuria nona die lethalis. Aperto cadavere nulla læsio deprehensa præterquam in uretere dextro, quem obstruebat grumus sanguinis, illuc è rene proximo, rupto vasculo, deciduus: Obiit anno 1650. *Ex communicatione Domini Iani Antonii de Seve, qui facti & dissectionis testis fuit.*

§. 15. Superioribus annis Florentiæ Raphael Turisianus, cum alias pluribus mensibus antea nephritico dolore laborasset, indeque evenisset (ut postmodum paruit) quod alterum ex ejus vasibus ureteribus fuisset penitus obstructum, socio interim bene valente atque incolumi, accidit tandem post multos ab eo in victus ratione commissos errores, ignaro ejus mali quod illi imminerebat, ut alterum quoque vas ureteris à grandiori calculo in illud ex superjecto rene compulso, post novum dolorem nephriticum penitus fuit obstructum, atque adeo excretio urinæ suppressa, ut ne guttulam quidem ejus detrudere potuerit, eo quod nulla penitus in vesicam, alioquin bene valentem destillaret. Quod pariter postmodum Lugduni observavimus in J. Jac. à Verina, quibus duobus ægris quamvis varia præsidiorum genera fuerint ex arte administrata, Turisianus tamen instante duodecima suæ ægritudinis die, Jacobus autem jam accedente nona, cum interim nullam urinam reddere potuissent, febre assidua correpti, aliisque gravissimis symptomatibus detenti periere.

Quorum cadaveribus dissectis, in utriusque dextro latere antiquata angustia, ac quasi canalis ureteris exsiccatio apparuit: In sinistro autem utriusque eorum uretere, calculus repertus est admodum insignis, nuclei pinei figuram servans, qui licet extra superjectum rehem potuerit compelli à facultate expultrice in subjectum ac sibi continuum vas ureteris, alioquin in parte superiori aliquanto patentius, restitit tamen in medio itineris, ubi cavitas suapte natura est magis angusta, & propterea non potuit ad vesicam transfundi, licet utriusque dum vixit, validissima ac plurima præsidia fuerint adhibita. *Vidus Vidius junior de curat. membr. lib. 10. cap. 17.*

## S C H O L I A.

**F**ebre assidua correpti] Posse à sero stagnante induci febres & diarias, & continentes imputres, & synochos putres, & continuas, imo Intermitteutes, ostendit C. Piso lib. de colluvie ierosol. sect. 6.

§. 16. Septuagenaria cum urinæ suppressione premeretur immaniter, adhibitis præsiidiis levata est, Ecce post duos menses guttatim eam cœpit excernere, cum renum, ureterum & vesicæ summo dolore: tandem diu lûs tormentis cruciata, nullo modo potuit reddere urinam per x. dies, etsi plura fuissent illi ad excludendum calculum, quem Medici unanimiter rebantur esse mali causam, auxilia machinata. Illa ergo omnino suppressa, animi deliquio correpta, ex habitu forsan putrentis lotii concitato, occubuit.

Secundo cadavere patuit omnibus non fuisse lapidem, sabulum aut grumum, sed lentam gypseamque pituitam, obquam ureteres veluti callo erant obstructi, qui exitum totalem urinæ emittendæ denegavit. *Zacutus Praxis histor. lib. 2. cap. 16. observ. 5.*

§. 17. Experimento novi consimili morbo affectos plures, qui morbi causam arbitrabantur humores extitisse crassos in vesicæ osculo congestos, per lapidis tamen educationem convaluisse. Alium præterea, quem Medici curare intendentes, indiciis suffulti variis, & diversa opinantes, variæque utentes medela, ipsius tandem demortui membra secantes, urinarios ureteres crassa invenere repletos pituita: Quod & alteri contigit ob emulgentes, renisque ipsam non attrahentes aquosi tarem, de quibus *Galenus* disseruit comm. de nat. facult. Duos præterea alios comperi in urinario meatu haud varia perpessos symptomata, privari tamen officio, unum lapide coangustari, alterum vero urinæ acrimonia. *Fumanellus de urinæ difficultate cap. 4.*

§. 18. Abbas quidam bis laboravit urinæ retentione omnimoda, & curatus est prima vice postea vero in eandem recidit nec curari potuit. In vesica nulla penitus urina reperta fuit, obstructis



obstructis ureteribus. Post mortem de more sectus, deprehensum est in rene sinistro fuisse magnitudine ovi gallinæ lapidem & majorem, cujus altera ejus extremitas magnitudine digiti auricularis ureterem ingressa, in totum prohibuit ex rene urinæ descensum: Cæterum in tota substantia renis cellulæ erant impletæ lapidibus parvis majusculisque, velut gemmariorum thecis conclusis, dexter quoque ren similiter scatebat lapillis. *Schenckius ex commun. Medici cujusdam Itali.*

§. 19. Margareta Nicolæ (*Vide tit. de Lumborum dolore*) adfuit urinæ difficultas, & interdum tanta suppressio, ut totos xviii. dies nihil lotii reddiderit. Ren sinister intrus aqua & calculis infarctus erat plurimis, quorum maximus insinuaverat se acuto apice, tam longe in ureteris principium, ut id integre occluderetur.

## S C H O L I A.

**T**OTOS xviii. dies] Dicat quis? quem terminum ponant Medici morti, exurgenti à suppresso lotio? annon alios citius, alios vero occidit tardius? Valentia corpora ut interdum excurrunt diem xx. sic attingunt infima vix 7. vel 8. Certum est aliquos durasse ad xi, & tamen ex toto iterum convaluisse: Sed post illum diem equidem certe vidi neminem

enavigasse periculosum hoc syrtium æquor: Quamvis enim cedat dolor, & fluat iterum lotium, reddidit tamen diuturnior illa mora urinam interea loci usque adeo acrem, & vesicam ita effectam, ut ne præstantissima quidem in medicamenta possint ab intuentu vindicare naturam, hac ratione non fide ac simulate, sed plene emortuam. *Tulpius Observ. 45. lib. 2.*

§. 20. Cathar. N. cum dolore lumborum & urinæ difficultate, incidit in tantam ejus suppressionem, ut totos 16. dies nihil urinæ reddiderit: Inventus ren sinister pluribus calculis infarctus, quorum maximus apice suo ureteris principium occludebat. *Vide lib. 1. tit. de Soporosis affect.*

§. 21. Celeb. Sperling dolore lumborum, concurrente mingendi difficultate, cui Ischuria successit, fuit afflictus, Uterque ren repletus erat calculis innumeris, ureteres per totum ductum arenularum copia distenti erant. *Vide tit. de Lumborum dolore.*

§. 22. Cuidam nephriticæ interdum tanta urinæ suppressio contigit, ut totos 17. dies eam non reddiderit. Ren sinister frequenti aqua & calculis erat infarctus, quorum unus ureteris principium integre occludebat. *Vide tit. de Lumborum dolore.*

§. 23. Anno 1570. J. Collo Pistori dulciario calculum è vesica extraxit. Calculus ille, etsi pugni crassitiem haberet, novemq; uncias penderet, felicissime tamen egro evulsus fuit. Non tamen multum temporis post Pistor ille interiit ex urinæ suppressione, per obstructionem ab exiguis duobus calculis, qui è renibus in vesicam descensuri, in media ureterum via substerant. *Pareus lib. 24. c. 19.*

§. 24. Bis in urinæ suppressione mortuis & à me sectis, observavi ureteres ad exitum lapidis ita dilatatos ut digiti circumferentiam superarent: Id tamen conspiciebatur à rene ad vesicam usque, cum ureteres æqualiter essent ampli, sed dum ureteres inter vesicæ tunicas inferuntur, constrictos invenimus cum lapide, qui pertransire nullo modo poterat ex utraque parte, & sic mortui sunt: Sed primo intuitu portentosum apparebat: intestina enim parva aliqua æmulabantur. *Dom. Panarolus Pentecoste 4. observ. 31.*

§. 25. Anno 1601. obiit Illustr. & Rever. Princeps Elector Colonienfis: quo aperto, inveni in rene dextro ejus calculum, & quidem in renis concavitate aliquot extuberantiis donatum, ex quibus una, & cæteris longior, in ureterem procumbebat: Erat autem calculus dragmarum 9. pondere: in altero vero rene duo erant fabæ magnitudine, præterque hos in utroque rene maxima erat adhuc copia calculorum minorum, arenularum, & humoris sublaevi & lutosi, nec non in ureteribus & vesica calculi plures & parvi contenti fuere, magna cum astantium admiratione *I. R. Saltzmanus Observ. Anat. pag. 9.*

§. 26. Juvenis 18. annorum calculosus à Lithotomo Harlemi sectus fuit, extracto calculo magno duarum unciarum cum media, quatuor digitos transversos longo: Elapsis tribus quatuorve hebdomadis repertum in vulnere frustum materiæ lentæ, quod à lithotomo extractum, apparuit esse corpus membranofum, pugni magnitudine: Ex vulnere statim quarta mensuræ puris foetidi pars fluxit, isque fluxus diu persistens vulneris consolidationem inhibuit: at parentum rogatu claudi curavit, unde tanti ægro oborti dolores, ut vulnus iterum aperire coactus fuerit, ex quo magna puris copia fluxit, sicque vulnus integri anni spatio apertum servatum: Interea suborta suppressio urinæ, cum ingentibus doloribus & difficili respiratione, unde hydrops abdominis subsequutus, in mortem terminatus.

Apertum cadaver hæc monstravit. Hepar & Pulmones diaphragmati adnata; Sinister ureter totus putridus & absens, attamen materia sibi viam illac paraverat: Ren sinister valde consumptus, nec nisi parum puris residuum: dexter major solito: Dexter ureter in partē

parte superiori obstructus fuit calculo acuminato, cujus unum acumen in ureterem impactum, quasi cera frustum illis esset impressum, pars vero superior calculi adhuc renibus inserta sit: Inferius in uretere dextro adhuc caruncula, seu carnosâ materia firmiter adhæsit, quæ lotio quoque impedimentum attulit. In corde inventus Polypus, seu materia quasi membranacea, quam aliqui habuerunt pro verme, sed quia nullum vitæ indicium apparuit, nec pro vena habenda est, Potius ad Polypum relata fuit, alias sæpe ibi observatum. *Bartholinus Epist. 36. centur. 3.*

§. 27. Franc. Plazzonus in Capucino, urinæ suppressione extincto, unum vidit Renem sinistrum dextram versus, cujus ureter calculo nucis avellanæ, sive ovi columbini magnitudine obstruebatur. *Iohan. Rhodius Manissa observat. 32. De eo vide Ben. Sylvaticum Centur. iij. consil. 45.*

§. 28. Carolus Lana, Medicus Brixienfis, reperit in puero 1x. annorum Calculum in emulgentibus venis ad pugni magnitudinem. *Henricus à Moirichen Observ. Medic. xx.*

§. 29. A calculo in ureteribus ipsiis hærente vix putem impediri unquam, diu saltem, urinæ transitum, postquam inveni aliquando in ureteris medio, ibidem quam alibi magis explicato, calculum ovi columbini molem pene æquantem, ad cujus latera descendebat urina libere: quod inde patebat quod nulla in eodem uretere continebatur urina, & nullibi, præterquam ubi hærebat calculus, distensus erat ureter. *Franc. De le Boë Sylvius Prax. lib. 1. cap. 56.*

§. 30. Georgius N. præter varios morbos, in renibus habebat materiam calculosam satis multam, præcipue sinistro, ubi apparuit lapis haud exiguus, ureteri acuta cuspide insertus. *Vide Lib. 2. tit. de Phthisi.*

§. 31. Vidua N. urinæ suppressione præcedente fit ascitica; In rene dextro circa infundibulum inventus quadrangularis lapis totam pelvim implens: ureteres scatebant arena copiosa. *Vide tit. de ventris tumore.*

§. 32. Retulit mihi quidam Gemmarius nostras, sc Monachii interfuisse sectioni cadaveris monetarii primarii, curatrices cui manus ego in calculo ante aliquot annos adhibui, cujus viscera integra, absque ulla labe: In uretere lateris dextri calculus: In renis sinistri cavitate duo minores hæserunt. Mortuus est hic ob urinæ, vacua vesica, suppressionem. Egrum quidem conquestum fuisse de purgationibus nimis, quibus fatigatum fuit corpus, & quæ renem lethalem causerunt. *Hajchtetterus Decade vi. casu ij.*

## S C H O L I A.

**D**E purgationibus nimis, &c. ] Sane nimia purgatio in cruciatibus calculi mihi semper suspensa est: acerbis doloribus spiritus dissipantur animales, & à principio nervorum multum virtutis cogunt debuere, hinc vigilæ multæ, quæ etiam spiritibus ob-

sunt: Quod si validioribus purgationibus exagitur corpus, destruetur naturalis vis, appetitus à calculo prostratus pessundabitur, ventriculi coctio per se labefacta proteretur, animalis virtus dissipabitur. *Idem ibidem.*

## O B S E R V A T I O II.

*Ischuria ob effluxum seri è Renibus à calculo perforatis. 1. Ob calculum ureteris sinistri initio impactum. 2. Ob Renem dextrum atrophiam correptum, Sinistrum calculo obessum in pelvi, cum arenulis & duobus calculis in sinibus. 3. A calculo circa pelvim Renis sinistri, cum aliis minoribus, & lapillo in vesica. 4. A calculis substantiam & cavitatem Renum occupantibus. 5. 6. A vitio Renum tabidorum, tuberculorum, calculis obsessorum. 7. A Rene utroque sabulo repleto. 8. A calculo Renum pelvi impacto, cum arenulis. 9. A Rene sinistro Calculis in cavitate & meatibus obfiso, Dextro corrupto. 10. Ab uno sabulo oppleto, Ureteris initio à calculo obstructo, Rene altero consumpto. 11. Ob Arenulas in renibus, cum magnis lapidibus in cysti fellea. 12. Ob utrumque Renem calculo obfessum. 13.*

§. 1. **C**um renum obstructione aut ureterum urina supprimitur, non est cognitu difficilis causa (præter imbecillitatem eorum quæ similia habet signa) nam raro accidit aut nunquam, nisi in utroque rene & utrisque ureteribus par malum insit: quippe si in altero sit tantum, facile reliquum urinam trahet & per ureterem sibi proximam mittet urinam: Cæterum rerum eventus, usus & ætas nos jam docuerunt, alio etiam modo huiusmodi suppressionem vitio renum tuboriri, quod maximam mihi intulit & aliis admirationem: Illust.

Hieron.

**Hieron.** à Roda cum Frandriam, ut præfectus totius exercitus adiret, calculo dextri renis affectus, x l. diebus dolore incredibili cruciabatur, qui sane adeo fuit intolerabilis & pertinax ut nullis cesserit præfidiis; tandem post dies prædictos lapidem nucleo dactyli per similem & æqualem projecit, evasitque superstes & sine dolore trium annorum spatio: Postea tamen in Hispaniam reversus, iterum sinistram renem apprehendit consimilis dolor, vehementia & duratione, tandem consimilem lapidem projecit post x l. dies multis adhibitis præfidiis: Evaluit quidem à dolore, sed non à graviore malo, nam transactis tribus diebus à lapide projecto, suppressa est illi omnino urina: tandem iterum convocatis Medicis, conventum est inter omnes nullam aliam esse causam præter obstructionem ab arenulis, aut calculo & pituitosis succis, quibus profecto Vir ille plurimum, abundabat: Quod equidem videbatur rationabilibus in homine calculoso, pituitoso, & admodum cibus potius intempestive utente: Tandem affectio nullis cessit præfidiis, & post xxx. diem obiit.

Facta dissectione, invenimus Renes grandi foramine perforatos a cavitate renis ad dorsum usque ejusdem, nihil tamen pituitæ neque arenularum, neque alterius rei cui tribui posset urinæ suppressio, neque in ipso neque in ureteribus repertum fuit.

## S C H O L I A.

**R**ationi consonum erat conjicere illa foramina relicta fuisse à lapidibus illis quos tanto labore projecit, quod in carne renum geniti fuissent, & ea magnitudine creverint quæ renes ipsos undique perforare valuissent: Postea tamen ob prædicta foramina renes non potuisse suctionem & tractionem moli, ut cuius palam erit si exacte conjecerit renum officium & structuram illi muneri dicatam: Potuissent tamen uno rene perforato, altero urinam allicere, tribus illis annis intermediis inter unam & alteram lapidis projectionem, jam vero utroque aperto non potuisse. Hujusmodi malum nullis cedere potest auxiliis, id vero oportet signis distinguere ad certitudinem prælagii proferendam si iterum forte acciderit. Quippe idem malum conjicere oportebit ubi post tot dies grandior lapis excernitur ex renum carne, quippe perforati renes erit necessum, & subinde non

posse urinam allicere: Nam quis aliam causam subesse usquam intelliget, si post lapidis grandioris excretionem urinam supprimi conspexerit, maxime si idem in utroque rene acciderit: Sed probat hanc solam esse causam quod laborans nullam in renibus, neque in quavis alia corporis parte persensit molestiam toto suppressionis tempore, quod esset impossibile si nova lapidis, vel alterius rei adfuisset generatio, & ob id longe magis molestantur laborantes à quavis re p. n. accidente quam à foraminibus illis. Quo fit ut ex urinæ difficultate hac ratione orta nullam vel levissimam laborantes persentiant molestiam: Quod si dixeris idem quoque accidere in emulgentium & renum imbecillitate, scito non posse fieri subito ut in foraminibus illis, neque præcessit lapidum magnorum expulsio. *Mercatus Practica lib. 4. cap. 12.*

§. 2. **Patiens** admodum Rever. ætatis consistentis, temperamenti cal. & hum. habitus carnosus, ab aliquot annis conqueritur de dolore in latere sinistro hyponchondriorum, cum vomitu, à quo convaluit excreto calculo exiguae molis, grani scilicet tritici, qui dolor ter & iterum recurrit, eodem semper sine: Cæterum duobus ab hinc annis novi insultus nephritici frequentius eum divexarunt, remittentes postmodum absque ulla excretionem cujusvis materiae, superstitere tamen sensu continuo gravitatis cujusdam in regione lumbi sinistri, non sine aliquo dolore in corporis flexu: A diureticorum vero usu, levandis his affectibus, suppressa est illi urina, ita ut à quatuor diebus nihil prorsus minxerit, vel immisso cathetere immisso illius sollicitandæ causa, nulla tensione vel duritie in pube molesta, nec urgente mendi difficultate, donec die x l. tumefactus fato cederet, Irrito toto hoc temporis spatio diureticorum tum internorum tum externorum usu, clysterum scilicet acrium, balnei universalis & aquæ moderate calidæ, alteratæ diureticis & olei olivarum imo & cantharidum ipsarum, quæ à me præscriptæ fuerunt cum aquis diureticis, vehiculi promptioris causa ad Renes, quæ exhibitæ cum conserva capill. veneris, diutius autem in ventriculo hærentes ipsum exulceraverunt & vesicam.

Dissecto cadavere nullus dexter Ren in conspectum venit, nec ureter, atque calculus ovi columbini instar, ureteris sinistri capiti prope renem sinistram impactus erat, quod affectum incurabilem prodidit. *Ben. Silvaticus cent. 3. cons. 45.*

## S C H O L I A.

**S**uper morbo consultus *Silvaticus* hæc consignavit, Supponendum, aut, ex præteritis & præsentibus symptomatis, affici renum sinistram, & quidem dolore nephritico, modo intensiori modo remissiori, à calculo illi in hærente, cavitati illius potissimum, qui dum ab expultrice quandoque ad ureteris caput deturbatur, atrocius excruciat ob acutissimum sensum prædictæ partis, cum tamen in eam molem excreverit ut in ureterem ipsum se insinuare non possit, remeans gravitatis sensum infert, quod renum substantia obruso sensu polleat: invalefcit tamen dolor

ad flexum corporis, ob renis compressionem à musculis lumborum, nondum tamen stupor accessit, de quo *Hipp. l. in 6. Epid. 5. In Renem dolor gravis cum cibo impletur, Femoris, quod è diretto, est Stupor.* Cujus causa non est quod crura consensum habeant cum renibus per nervos, vel tendines, ut vulgo receptum, nec à *Galeno* admissum in illo comm. qui statuit hoc fieri potius ob eum qui intercedit vas spinæ incumbens, cavæ scilicet venæ & arteriæ magnæ cum renibus & cruribus consensum, cum potissimum grandior calculus prædictas partes compresserit.



compresserit : Quæ causa est cur in casu præsentis stuporem non induxerit , quia scilicet nondum in tantam molem excreverat ; licet alios excesserit longe, ut propterea in uretere hærens eo obstructo urinam intercepterit, adeo ut catheter non potuerit unquam cieri, donec die 11. tumefactus fato cederet : Quod autem cantharides in ventriculo hærentes ipsum exulceraverint , & vesicam , id palam facit non solum lædi ab illis vesicam per anthipathiam , quæ ipsis & cum hac intercedit , sed & ventriculum quin etiam, facultate erodente qua pollent : Caterum dubitandi locus erat, cur affecto rene sinistro successerit per-

fecta urinæ suppressio , cum per renem dextrum solum ad vesicam illabi posset ? in hunc enim finem sagacissima natura geminas plures partes efformavit, quo deficiente ulterius virtute, illius obeat vices altera : Verum extincto patiente causa ejus rei patuit.

*Nullum Ren dexter &c.* ] Interdum, sed raro, alter Renum deest, quod observavit *Laurentius* : Defectum Renis sinistri notat etiam *Solenander* : Nonnunquam deficiente altero, alter eo major, qui in medio positus est : *Clar. Bartholinus* in tæminino cadavere *Paravii* vidit in unum utrumque inferiori loco mutua cohesionem colligari, ac id monstruosum.

§. 3. In cadavere muliebri ex apoplexia defuncto, visus Ren dexter naturalis quidem coloris, ob atrophiam tamen vix quartam sinistri partem æquans : In hujus pelvi calculus continebatur substantiæ tartareæ & coloris : In sinibus vero, seu cavernis interioribus, tam arenulæ per totum renem copiosissimæ, quam bini duriores calculi infarcti conspiciebantur. *Bartholinus cens. 2. historia 60.*

## S C H O L I A.

**R**en dexter vix quartam &c. In sinistri pelvi calculus. ] Hinc apoplexiæ causa deduci potest : à sero enim eam produci lib. 1. tit. de apopl.

demonstratum ; quia si exitus ei denegeretur, ob renes in officio impeditos, restitueret id in caput ut plurimum contingit.

§. 4. Cum 1646. Illustr. Comes *Th. Arundelius* ex Anglia in Italiam trajecisset, Paravii aliquandiu habitavit, donec affectu, nec præstantissimis Medicis satis cogniti, diem suum obiisset : Plerisque autem Scorbuto, cœu patrio quodam morbo laborasse videbatur, cum variis accidentibus, ut solet in varias formas subinde se convertere : nam præter tumorem gingivarum, primo urinæ suppressione affligebatur, quam aliquot diebus post fere tenere non potuit, quin eam pene quot momentis reddere coactus fuerit,

Dissecto condituræ gratia cadavere, in renem sinistro, præter aliquot minores calculos, sat magnus alius repertus est, totam pelvim, quam ureteris principium efformat, ultra capacitatem naturalem extensam occupans : Et in vesica lapillus parvus, rotundus, lævissimus & durissimus, subrusi coloris : Vesicula quoque fellis sabulo plena, tartareæ cujusdam substantiæ, splendidæ atque ex flavo nigrescentis. *Felschius Episagm. observat. 65.*

## S C H O L I A.

**M**irum plerisque videbatur cum nec de dolore lumborum, nec de vesicæ unquam conquestum esse : An quia vesicæ calculus, quod parvus & rotundus esset, nihil incommodi attulit : In renibus autem dolorem vix efficere solet, nisi extra pelvim in ureterum angustias protrudatur ? Sed iterum mi-

rum neque stuporem cruris sinistri, neque aliud ullum calculi signum observatum, quo se in Nobili quodam simili ratione delusum ingenue fassus est

vir maximus *Ren. Sylvaticus*, epistola ad  
Joh. Beverovicium  
perscripta.

§. 5. In cujusdam qui urinam reddere minime potuit, post mortem, apertis renibus utrisque, miræ magnitudinis, ex coeruleo nigricantes calculi, non solum in illorum cavitate, sed etiam per universam renum substantiam dispersi, circiter sexaginta inventi sunt, alii ciceris magnitudine, sed oblongi, plerique sicut grana milli, renum carni infixi, vesica inanis erat ab omni urina. *Platerus observat. lib. 3. p. 892.*

§. 6. Nephriticus Ischuria extinctus est : Sinister ren prægrandis, in cavitate serum album continens : in substantia hinc inde calculi majusculi, in ipso infundibulo lapis insignis, Dexter flaccidus. *Vide tit. de Lumborum dolore.*

§. 7. Maxime imminutos, exsiccatos, obscuros & undiquaque tuberculis plenos Re- nes conspexi in Marco Vigerio, Episcopo Senogallensi, qui ob calculum retenta urina perierit, quamvis, non sine magna admiratione Medicorum, nullo fuisset quamdiu ægrotaverat, dolore affectus : *Enstachius cap. 45. lib. de Renibus.*

§. 8. Sexagenarius quum nephriticis doloribus diu laborasset, diebus octo urinam non reddiderat ; Inde venter tumidus prominebat & abdomen aqua distentum erat : Facta cystotomia in cadavere, urinæ parum profluebat, uterque ren sabulo refertus deprehensus est. *Rolsinckius consil. 1. lib. 9.*

§. 9. Joh. Hentschel sanguineo melancholicus & boni habitus, postquam hætenus doloribus podagricis atque nephriticis multum vexatus, agonizante imprimis anno 1670. suppressione urinæ, à calculo renum orta, per aliquot dies laborasset, Deo medicamenta à me præscripta benedicente, plurimos lapillos ac copiosum excrevit sabulum : unde morbo

K K k k

levatus

levatus atque ad meliorem valetudinem quotidie magis magisque accedere visus est: Cæterum cum sub initium anni 1671. (quem suæ ætatis 58. numeravit æger) die 16. Januarii vesicam levans, magno quoque cum conatu lapillum, colymbadum, seu olivarum salitarum nucleo haud absimilem excrevit: Sequenti die 17. Jan. primum sensit omnimodam urinæ suppressionem, sed sine omni molestia: postridie nonnisi quædam in lumbis gravitas accessit, vomitibus assumptorum & foriorum sive liquidiusculorum dejectionibus trinis aut quaternis comitata: Quæ cuncta cum nec subsequenter diebus, licet uxor varia remedia domestica tentaverit, remisissent, ista perterrita, die 20. Jan. quæ Ischuriæ quarta fuit, ut maritum inviserem petiit: Adsum, & de quibus æger conqueratur, sciscitor: Iste solos sibi vomitus molestos esse, & præterea se gravitatem quandam in lumbis circa regionem renum, dolorem quoque tensionem in utroque, & imprimis sinistro inguine, ubi ureteres siti sunt, sentire, nullam vero tensionem aut dolorem in pube, ut & ne minimam quidem meiendi cupiditatem se percipere regissit: Sic quoque & ego cum corpus contrectans locum affectum explorarem, totum abdomen flaccidum deprehendi, nec circa vesicæ præsertim regionem ullam duritiem, tensionem ac tumorem observavi, atque inde locum affectum non vesicam, sed aut renes, aut ureteres aut utrosque esse certo collegi: attamen ne viribus adhuc salvis quicquam intermisisse viderer, per Chirurgum, mox cereo, mox cathetere immissio, urinam, sed sine effectu sollicitavi: Istis igitur frustra adhibitis, ipsam aggredior curam: præmittens clysterem è diureticis, lithontripticis ac emollientibus paratum, qualem etiam anno 1667. mulieri, urinæ ex ureteribus obstructis ultra quinque dies suppressione laboranti, præsentem cum fructu applicare curaveram: hinc quamvis ter copiose satis deiecerit alvum, attamen ne unicam quidem guttulam urinæ singul emisit: adhibita deinde sunt medicamenta huc facientia, tam interna quam externa plurima, sed omnia irritò plane successu: interim æger nullos se percipere dolores sæpissime fassus est, sed potius de sola virium imminutione conqueri cœpit: Ego vero cum periculosum ægri decubitus, tum diurnæ istius suppressionis raritatem probe perpendens, die 29. Januar. & sic decubitus die 13. Collegam D. D. *Schulzium* invitavi, communique consilio omnem curationem tentavimus, sed nullo plane allevamento: Æger vero nocte, diem 31. Januar. præcedente, postquam *suppressa urina 15. supervixerat diem, plenus somni* in sinistrum decumbit latus, & mox præter suorum spem ærumnosa cum vita piam commutat mortem.

Aperto abdomine, postquam aliquantulum feri effluxerat, magna pinguedinis copia se obtulit: neque enim solum cuti ad trium digitorum altitudinem adhærebat, sed & mesenterium & intestina, imò etiam interiori abdominis cavitatem ita replebat, ut merito subdubitaverimus an ex voto sectio sit successura: remotis tamen intestinis, scybalis crassioribus refertis, & superflua pinguedine, primum dextrum investigavimus renem, in cuius externa superficie, circa extremitatem superiorem vesica pellucida sero repleta apparebat: hæc nihil aliud erat quam propria & proxima renis membrana, à regurgitante per obstructi renis substantiam sero ita elevata: unde postea, ubi rene discisso serum liberiores acquisivit evacuationem, concidit: Et per hanc vesicam aquam illam quæ aperto abdomine effluxerat, sensim sensimque in abdominis cavitatem stillasse haud levis subest suspicio: Cæterum tota quidem dissecti renis cavitas sabulo rubesciente conspersa erat, at ipsi ureteris pelvi calculus, figura corculum referens, & magnitudine avellanam, pondere autem 11. grana non excedens, cum socio multo minori, & gravitate sua grana tantum quatuor æquante, insertus fuit, feri descensum in ureterem prohibens: Unde etiam ureter dexter omnino vacuus apparuit: Calculos autem illos primum quidem unicum constituisse, at successu temporis, natura exitum urgente, demum divisos inde coniecimus, quia utrisque ea parte, qua sese contingebant, crena satis ampla est insculpta, quæ tamen apicem eorum, quo ureteri impacti erant, nondum attigerat: Porro sinistri renis, ab adiposa sua fascia liberati, superficiem externam macula nigricans deformavit, & cavitas ejus plane vacua aliquot tantum arenularum grana continebat: Ureter autem sinister ultra pollicem erat dilatatus, cuius medietas illa quæ vesicam spectat, plurimos lapillos (quorum maximus granorum decem) ac arenulas: altera quæ renem, aquam limpidiorem capiebat: sed & insuper ita erat attenuatus, ut ad quemvis fere contactum rumpereetur: Vesica urinaria nec aquam, nec quicquam aliud continebat: Hepar & Lien nihil morbidum aiebant: Vesicula felle liquoris flavo turgida ultra solitum major erat: Interior arteriæ iliacæ dextræ tunica, mox sub suo exortu, ad unguis latitudinem in os degeneraverat. *Georgius Segerus Medicus Thorunensis in miscell. curiosis anni 1670. observ. 23.*

## S C H O L I A.

**V**T pateat quo jure affectui proposito Iſchurix nomen tribuimus, conſultum duxi *Galeni* l. 3. de ſymp. cauſ. cap. 2. ſequentia citare verba, *Retinentur urina, veſica vel excernere non valente, vel ejus collo ocluſo: atque hi quidem duo veſica morbi unum commune ſymptoma Iſchuriam habent, derivantur enim in ea urina: Vocant autem vulgus Medicorum non ſecus Iſchuriam, quanquam Iſchuria non ſit, illud quoque ſymptoma cum urina in veſicam omnino non veni, perſiſta ſcil. renum actione: Et permittendi omnino ſunt ita nominare, cum propriam appellationem non habeant: Non tamen late-re debetis amborum affectuum doctrina: Si quidem alter eorum eſt cum veſica quidem eſt plena, ſed nihil excernitur: alter cum vacua eſt, nihil omnino in ſe continens. E quibus Iſchurix diſtinctio in proprie & improprie ſic dictam ſuum traxit ortum, quam etiam omnes accuratiores Præceos ſcriptores observant: Eo quoque antiquiſſimæ huic doctrinæ licet jam movere non conſtitui, neque etiam vulgum medicorum adeo improprie loqui credo; licet & illam*

urinæ ſuppreſſionem, quæ vacua & minime peccante veſica, ſit Iſchurix indigere nomine: cum id non tantum bona cum *Galeni* venia, ſed & imprimis vi ipſius vocabuli faciat: nam & iſta urinæ ſuppreſſione *ἰσχὺς τῆς ὕδατος*, ut *Galenus* de altera loquitur, i. e. cohibentur ſeu retinentur urinæ. *Idem ibidem.*

*Plenus ſomni &c.* ] De comate à ſero cohibito, in caput reſtuo, vide lib. 7. Sect. de Somno p. n.

*Suppreſſa urina 15. ſupervixerat diem* ] Iſchurix raro ſeptimum ſuperant diem, ſi nempe reliquæ viæ ſint obſtructæ, quibus interea vel per ſudores, vel per alvum, vel vomitum humiditates evacuentur: *Barthol. cent. 4. Epist. 18.* aſſert exemplum Viri Rever. Pfeilii, qui ex Iſchuria indolente 14. demum die obiit, quod avus præter ſolitum laxa eſſet & lubrica: Et nos ejusmodi Iſchuriam ad 17. diem protractam vidimus, in Nob. & Rever. Dom. de Mommoſin Pastore Eccleſiæ Neocomenſis, qui tandem ſero in cerebrum irrepente crudeles & lethales convulſiones, ante obitum expertus eſt.

§. 10. Anno 1622. Mercator poſtquam per triduum urinæ omnimodam fere ſuppreſſionem, juxta cum inſigni lumborum & perinæi dolore perpeſſus eſſet, nephriticis alioquin accidentibus obnoxius, cum calculos non paucos cum urina projeciſſet, me in conſilium adhibuit: Homo erat habitus ſanguineo biliſi, pilo ruſus & ætate quadragenarius: *Multa præſidia ad urinæ provocationem præſcripta*, at vix duas treſve guttulas eminxit: Attentius mihi cauſas tam rari affectus indaganti, ingenuè reſpondit urinam illam, quantulumcumque poſſet, ſeſe protrudere abſque ulla moleſtia & dolore, abſentibus actimonia, ſtranguria & quacunquæ id genus paſſione. Et jam quintus agebatur dies (qui alioquin juxta ſcholam medicam hocce in caſu lethalis habetur) ex quo urinæ nihil reddidit: Ager nihilominus, tametſi jam tandem ad renes & alibi, vagantem perciperet calorem, agrotare non videbatur, ambulabat, veſtiebatur, interdum lecto ſuperincumbebat; pulſus naturali ſimilis ſed ad debilitatem vergens: Sed tandem urina ſuppreſſa, per os & nares (quod prope aſtans evidentè notabam) odorem ingratum edebat, viribus paulatim collabentibus: Ad catheterem quoque deventum, quem lithotomus in veſicam iſſeque inſecit, ſed nihil obſtaculi urinaſi in meatibus percepit: Sic ubi omnia forent fruſtranea, febricula, & ad extremum convulſione ſuperveniente 14. die è vivis diſceſſit.

Aperro ventre inferiore, 1. Hepar parum viriatum, & in ambitu lividum: intus vero, ob venas emulgentes, officio male functas (unde ſanguis cum ſero circa præcordia relinquebatur,) ſanguine & rabo tumidum. 2. Lien exiguus abſque noxa. 3. Renum ſiniſter valde magnus beneque habitus & carnoſus; in cuius cavitate & oſculis, per quæ ſerum percolatur, lapilli complures, cicæris quantitate, qui tamen abſque vitæ damno, noſtra opinione, per urinam ſucceſſive excerni potuiſſent: 4. Veſica omni humore deſtituta, quod per emulgentes affectos nullus humor eo eſſet delatus, nulla obſtructione, callo, calculoque, aut alio quovis impedimento ſeſe oculis offerente. 5. Vera autem mortis cauſa in renum dextro paruit, qui ſiniſtro duplo minor, totus erat carne omni exefa conſumptus; præcipue vero incifus pus ſeroſum effundebatur, abſque tamen magno fetore: uſque eo ut vel Medicorum patri Apollini, Eſculapioque, impoſſibile fuiſſet plane corruptum iſtum Renem, hominemve à morte vindicare. Opinio fuit collega mei ex hoc Renis pure natam eſſe partium nervoſarum atque veſicæ paralyſin, quæ ager deceſſiſſet. Mea, convulſionem & febrim, partiumque nervoſarum exhaustu, accidiſſe. *Lotichius lib. 4. cap. 5. obſervat. 11.*

§. 11. Novi matronam quæ primo ſanguineam & materiam purulentam cum membranis à longo tempore meiando ejicere ſolebat; deinde miſtione cruenta ceſſante, per plures annos aquoſum mingebar, cum ſedimento copioſo & albo, inſtar puris in matula fundo ſubſidente: poſtea cum ſedimentum illud deſſe coeperat, interperies febrilis cum doloribus hinc inde vagis, virium languore aliſque mali moris ſymptomatis ſucceſſit; cumque ægra in magnum vitæ pericuſum adduceretur, tumor in latere, circa renis ſiniſtri ſitum exortus, & in abſceſſum maturatus, propter largam puris profuſionem, ipſam libera-



vita manebat, quod aliquoties perfunctum denuo statim erupit: Exinde, biennio vix elapso, matrona urinæ suppressionem per dies 14. passa, apoplectica interibat.

Cadavere aperto, ren sinister omnino defuerat, ejus loco substantia membranosa lumbis adnata, vasorum & ureteris extremitates complectens, accreverat; ureteris vestigia quædam remanserunt, verum sine apertura in ductus cavitatem: quinimo ichor, sive serositas quædam, arteriæ emulgentis osculis exsudans, in ulcus istud sinuosum exterius ferebatur: Ren alter fuit materia sabulosa & calculis minoribus valde oppletus: Insuper juxta summitatem ureteris, lapis circa pollicis magnitudinem defigebatur, cujus extremitas erat ductui, seu cavitati ureteris adeo adaptata & firmiter impacta, ut velut epistomio aperturam ejus exacte clauderet, & seroso latici transitum omnino inhiheret. *Thom. Willis Tract. de urinæ cap. 5.*

§. 12. Helmontius jubet in curatione lithiasis fel confortare, quod dicit esse remedium à prioris, nam debilitato felle omnis generis aciditates rapiuntur in vias urinarias, quæ solent dolores & furores renum excitare, à quibus suppressio urinæ & reliqua symptomata pendent. Novi virum Illustrem qui ex suppressione urinæ vitam cum morte commutavit, Adstantes Medici causam suppressionis, vel in calculum, vel in mucorum copiam obstruentem unanimiter referebant. Secto cadavere, nihil lapidis, nihil mucii obstruentis in ureteribus inventum: In renibus autem etiam nihil præter arenulas paucas & parvos nonnullos lapillos, In vesica autem fellea aliquot lapides majores pondere ʒij. inventi sunt: De reliquo nihil fellis in conspectum venit. Unde potius hic patiens ex defectu fellis mortuus est, propter quem suppressio urinæ facta est: Nempe cum aciditates irrepserint intra renes, quas ut elueret, pertinacem seram induebant, quemadmodum in hydrope, ex hinc suppressio urinæ inducta fuit. *Oswaldus Grembs Arb. int. & rain. lib. 2. cap. 1. §. 7. n. 39.*

## OBSERVATIO III.

*De rara urinæ suppressione ob Renem sinistrum sero & arenulis distentum, dextro Rene incolumi.*

§. 1. **M**reator celebris omnimodam urinæ suppressionem inopinato passus fuit, quæ raro exemplo usque ad diem 21. duravit, ita ut toto temporis tractu vix aliquot urinæ guttas reddiderit: Cum affinis Medicus suus ordinarius D. Felix Platerus Senator &c. tunc temporis decubuisset ex erysipellate, statim à principio morbi me vocavit: Præmisso examine, quoniam æger de insigni dolore circa ductum ureteris sinistri, vomituque enormi conquerebatur, adstantibus prædixi calculum in uretere sinistro hære, & urinæ viam occludere. Sed quærebant cur serum à rene dextro per ureterem in vesicam non prolabatur, unde æger urinam reddere possit? libere illis respondi hoc per consensum fieri, nam licet non semper, tamen sæpius uno rene obstructo alterum officio suo fungi non posse: Primo die *Emulsio & decoctio diuretica præscripta est*; 2. ad summam vomitus molestiam & virium dejectionem *congrua* quoque remedia ordinavi. 3. Balneo emolliente tepido æger aliquoties utebatur, è cujus egressu locus renum convenienti linimento inunctus est, & clyster injectus: 4. die consului ut Æger mane & vespere de spiritu terebinth. in cochleari aquæ fragorum pleno, aliquot guttulas sumat, balneo & clystere utatur. 5. sequentem potiunculam duabus vicibus sumendam præscripsi ʒi. aq. fragor. heder. terr. aa. ʒij. sal. fabar. ononid. aa. ʒss. tart. vitriol. gr. 6. misc. 6. Balneum & clyma repetita: 7. Sequentem Julepum consului. ʒi. aq. fragor. ononid. aa. ʒij. syr. dialth. F. citri aa. ʒj. misc. pro 2. dozibus: 8. Quoniam alvus fuerat adstricta, & abdomen serosis humoribus repletum, sequente syr. commode usus fuit. ʒi. syr. flor. Persic. ʒij. aq. fragar. ʒj. 9. Julepus 5. die iteratus: 10. & 11. balneum & clysterem prædictum usurpavit. 12. quum vires deficere inciperent, cardiacum præscripsi. 13. 14. 15. 16. & 17. balneum, julepos & clysteres prædictos usurpavit: 18. post ejectum clyma seq. julepum sumpsit. ʒi. aq. frag. ʒij. flor. silia, borrag. ana ʒj. syr. granat. citri aa. ʒj. Julep. rosat. ʒij. misc. pro 2. dozibus. 19. rursus clyster. 20. ob metum convulsionum, data aqua mea antepileptica cum cardiaca officinali: die 21. fortissimum animi deliquium vitæ finem imposuit.

Cadaver apertum Dn. Franc. Platero Med. Doctore meritissimo & S. Brannio Chirurgo: Invenimus viscera infimi ventris principaliora, ventriculum, hepar, lienem, à naturuli statu nequaquam deflectionia: Ren sinister distractus ab humoribus serosis stupenda magnitudine apparuit: quo dissecto serum abundanter effluxit & arenulæ copiosæ rubicundissimæ se manifestarunt, calculum autem semen cucumeris referentem in principio ureteris reperimus: Ex sero putrescente ren foetorem, dextro illæso & sano contrahere incepit.

Incepit. Aperto thorace mox fluctuans in cavitate serum se nobis obtulit, quod tamen pulmonibus & cordi nullam labem intulit: Sic ut nequaquam dubitandum, saltem uno aut altero ante obitum die (quo æger de imminente suffocatione anxius conquerebatur, serum in cavitatem thoracis regurgitasse, ubi hydropem pectoris brevi produxisset, nisi inopinata lipothymia ægrum è medio sustulisset. Hinc verum esse apparet quod *Riolanus* 2. Anthropogr. cap. 26. testatur: *Non semel observavi, ait, monitus à Foresto, uno Rene obstructo alterum inutilem & vietum reddi, propriaque actione destitutum urine fluxum intercipere*: Et Joh. Jonston ad tit. 34. Coact. prænot. 589. *Sympathia renum in officii societate magna vis est. Bernardus Verzascha observat. med. 2.*

## S C H O L I A.

**A** Simili verisimiliter causa inductam, sed 15. die lethalem, ob supervenientem gravem Epilepsiam, vidi anno 1662. in Viro Rever. & Nobilit. Domino de Mommolin, Pastore Ecclesiæ St. Blasii in Principatu Neocomensi & p. r. Decano: Podagra ab anno 25. ætatis obnoxius fuerat (obit autem 33. circiter annum agens) cujus causa *παλαιοτέρα*, tunc temporis paucaciam, ambabus amplexus est ulnis: Vix ei per 15. dies indulgit, quin fatalis successerit Ichthia: Neocomo ea de causa calendis Jan. anno 1662. me evocari curat, de suppressa à biduo urina conquestus (quanquam & pridie muneris Pastorio satisfecisset) & dolore sic vocabat, colico, enematis ope sedato, nulla tamen procedente urina: Accessit vomitatio & creber pituita & aquæ simul per os exclusio, comite dolore gravatissimo circa renem sinistram, obsessum proculdubio à calculo circa ureteris initium, quem nulla molimina exturbare potuerunt: A decocto fabinæ, rad.

ononidis, cum succo raphani sylv. & domestici exhibito, addito spiritu terebinthinæ, excitata dysenteria: argumento certo entacis vis medicaminum; affectui tamen imparium, Adnotæ & cucurbitulæ regioni renis affecti, vi deorsum secundum ureteris ductum detracta; Tertio ante obitum die occupati a seroso humore cerebri indicia se exhibuerunt, hebes enim & stupidus, (Vir alias acerrimi & præsentissimi ingenii) nonnisi vellicatus ad interrogata respondebat: Tandem accedens vehemens Epilepsia, Palladis arce omnimode concussa, vitæ finem imposuit. Mecum motui apertionem consanguinei omnes exoptant, sola obstitit Defuncti mater; quæ ne cubiculum quisquam ingrederetur, (quod scalis ætioris tentare animus erat) cadaveri ad exsequiarum usque tempus perpetuo adstitit: Anatomem præsertim urgebat Illustriss. Dom. de Molondius Proprius, qui ab usu lactis eodem tempore nephritidem contraxerat.

§. 2. Primarium quendam virum vidimus nephritico dolore miro modo vexatum: dolor erat acutus, natura pote calculum è renis capacitate deturbari conante: Ren tantum sinister obturatus erat, ut aperto secto corpore innotuit: Quod plerisque nil tale expertis admirationem movit, nam suppressa omnino urina: Unde colligebant Medici aut utrumque renem à calculo obstructum præpeditumque, aut in vesica ipsa vitium latere aut utramque partem laborare; Sed eos eventus fefellit. *Genl. Ballonius consil. 52. lib. 1. & Paradigm. 55.*

## S C H O L I A.

**H** Ujus rei causam ita in numerato habere ut communi ratione sanciri roboratique possit, non licet: Non aliunde reperunt quam eo quod præ dolore in renem sinistram materia fluere, raperetque potius, deinde motu contrario delata vomitione excernebatur, hinc vomendi assiduitas, hinc urina suppressio: Aut si quid è rene dextro non obsessio ferebatur, paucum erat, & naturæ recreandæ non latis erat: Vel potius tam male affecto rene sinistro, communicationis & sympathiæ vi, dexter aliqui liber & incolumis laborare cepit, deinde facultas ejus diuturnitate doloris fatiscere: Quod

mirum tamen, cum natura corpus omni ex parte geminum fecerit, ut unius partis actione læsa aut cessante, altera etiamnum suum præstet officium. *Idem Forestus & Riolanus* perpetuum esse credunt uno Rene obstructo alterum inutilem & vietum reddi, propriaque actione destitutum urine fluxum intercipere: Alterum Renem officio suo probe fungi altero obstructo arbitrat *Eussachini* de Renum admitt. cap. 45. Id quod duplici numero intendit natura, & sæpe nobis visi calculi in uno Rene, altero libero, a quoque lotium non impediunt: *Th. Bartholinus cent. 4. Epist. 39.*

§. 3. Non semel observavi, monitus à *Foresto*, uno rene obstructo, alterum inutilem, & vietum reddi, propriaque actione destitutum, urine fluxum intercipere: quod confirmatur à Doct. *Ludov. Dureto*, comment. in Coacas, pag. 539. Quod nuper observatum in Illustr. Præside, *Vido Fabro Pibracio*, Jurisperitorum Eloquentissimo: *Riolanus Anthropogr. lib. 2. cap. 26.*

## S C H O L I A.

**R** Enes geminos naturam condidisse dicunt, non tam ad æquilibrium corporis, quam actionis iuxta continuitatem, ne uno præpedito & obrutato, cessaret humoris serosi profusio: Attamen mirum videri debet in Renis unius afflictione sisti urinam, vel micturiendo stillatim ægre transmitti, cum

ita sit comparata ratio amborum Renum, ut cessante uno, alter, officium suum faciat: Sed magna vis est sympathiæ in societate officii; propterea ex sympathia renis alterius, crebro & parte urina ab ægro emittitur: Eleganter de ista actione emulgenti sermum, in utroque Renum abolita, distulit *Lud. Mercat.*

*Idem* : Eam sortiuntur Redes inter se connexionem ; conjicere altero affecto , alterum quoque eundem eam etiam in substantia similitudinem , ut facile sit affectum passurum. *Idem ibidem.*

## OBSERVATIO IV.

*Ischuria ob Renum inflammationem hinc gangranam.* 1. 2. 3. *Ob molem nimiam.* 4. *Ob Renem macilentum , corpus durum inter alterum & ureterem interjectum.* 5. *Ob serosum in iis abscessum* 6. *Ob eosdem muco oppletos.* 7. *Ob Renem semiputridum.* 8. *Ob sinistrum consumptum , Dextrum obstructum.* 9. *Ob Renes induratos , viscida materia refertos post hydrargyrosin.* 10.

§. 1. **F**ilio meo septenni accidit magna ex cerebro defluxio in ureteres, unde obstructio urinæ tanta ut ne guttula quidem permeare posset : Et quamvis rite adhibitis remediis , sexta die obierit : Inciso abdomine inventi sunt Renes cum vicinis partibus inflammati & gangrana correpti. *Fabritius Hildanus lib. de Lithotomia cap. 4.*

## S C H O L I A.

**D**efluxio in ureteres] Cur ad obstructionem ureterum a defluxione ex capite in eos delapsa ischuria causam referat, potius quam in inflammationem, hincque secutam gangranam, ratio non apparet : A phlegmone enim posse cohiberi serum in renibus

certain est ; inducta meatibus angustia per quos transcolatur : Maxime ob sequentem gangranam, quam perit renum officium : Meminisse præterea debuit puitæ ureteres obstruentis, quam cum silentio involvat, priori causæ ischuria adscribenda.

§. 2. *Illustr.* Comes corripitur febre lenta, assidua, loco sectionis venæ admoventur sanguisugæ venis ani, quæ interdum purgare consueverant : Sinitur sanguis a Barbitonfore caligine pulverisata aceto permixta : Febris adaugetur &c. Lotium supprimitur ; sensum & motum utriusque cruris amittit, 14. interiit. Dissecto cadavere Ren sinister compertus est niger, Et ab eodem latere spinalis medulla affecta. *Lalius à Fonte conf. 59.*

§. 3. Puellus in urinæ retentionem incidit : Ingens renum & partium adjacentium inflammatio deprehensa est. *Vide tit. de Lumborum dolore.*

§. 4. Mortuum juvenem ex urinæ suppressione secuimus, in quo Renes monstruosam magnitudinem adepti fuerant : Urina tamen in vesica nulla aderat, sed suppressio ex Renum imbecillitate, scil. ex vitiata attractrice. *Domin. Panarolus Pentec. 2. observ. 40.*

## S C H O L I A.

**E**x Renum imbecillitate] Irridet *Galenus* eos qui actionis alicujus vitium ad solam imbecillitatem referunt, nec ulterius progrediuntur, causam scilicet imbecillitatis non enuntiando : Si magnitudo illa fuit nativa, quæ ex proba constitutione naturali apparere debuit, cur alias juveni recte processit lotium ? Si præter naturalis, ab affluxu ube-

riori sanguinis vel humorum, conformationem naturam vitare valuit, quam asserere debuit : Alias à sola magnitudine, quæ tali, manare non posset constabit sectione de Diabete, affectu contratio, ubi asseritur exemplum hoc laborantis, in quo Ren alter miro incremento intumuerat.

§. 5. *Ioh. Baptista d'Ornano Polemarcho*, cum per 11. dies suppressa esset urina, in aperto cadavere inventum est caput aquæ plenum, causa vertiginis : Ren vero unus macilentus, Inter alterum & ureteres durities inventa, quæ lotii effluxum impedierat. *Scipio Duplex in historia Gallica : Riolanus Anthropogr. lib. 2. cap. 26.*

§. 6. *T. Parre*, Senis annos 152. nati (*Vide lib. 2. tit. de Dyspnæa*) renes anteriori facie nonnullos aqueos abscessus exhibuere, quorum unus erat instar ovi gallinacei, in quo flavescens aqua quæ orbicularem cavitatem impresserat : Alii urinæ suppressionem refluxui feri in pulmones adscripserunt.

§. 7. Cuidam ex casu ab alto urina cohibetur, Renes muco referti erant, & adeo obstructi ut nihil potuerit præterlabi. Vesica tota exsiccata. *Vide lib. 4. tit. de Vulneribus.*

§. 8. Nob. frequenter dysuria renumque doloribus torquebatur, successit his Ischuria: Renum sinister erat albus, semiputridus intus, materiam purulentam continens. *Vide tit. de Lumborum dolore.*

§. 9. Matrona diu sanguinem & pus minxit : ac urinæ suppressionem per 14. dies passa est : Ren sinister omnino decrat, superstita sola substantia membranosa : Alter fuit materia sabulosa oppletus, Ureter in summitate à calculo oclusus. *Vide tit. de Urinæ p. n.*

§. 10. *Illustr.* quidam temperam. cal. & humidi cum prædominio bilis, vitæ cœlibis, à multis annis, variis concurrentibus causis, de obstructionibus hypochondriorum conquestus, varias curas adhibuit, inter quas ternum usum thermarum Carolinarum, quas profuisse scio : interea varii in 6. rebus non naturalibus errores succedere, non attenta corporis



corporis debita expurgatione, hinc varii collecti humores crassi & viscosi, qui cum alimento ad artuum juncturas translati, negato omni exercitio, ibidem loca figentes effecerunt artus ita debiles ut inhabilis foret ad deambulandum, unde vita sedentaria coacta, accedente tempore hyemali, sic prohibita insensibili transpiratione, bonis alimentis usus, aggregatio facta humorum crassorum & viscosorum, qui corpus magis inhabile ad quaecunque exercitia reddiderunt. Multa adhibita, ad effectum non ad causam, ut balnea confortandorum nervorum causa, ex rebus calidissimis confecta, quæ materiam magis incrassant & exsiccarunt: Inunctiones &c. Tandem nescio cujus consilio, inuncti artus unguento mercuriali ad pruritum provocandum, quod quanto periculo fieri soleat, pleni sunt libri observationum; si enim commoti humores crassi & viscosi non excludantur, per motum sanguinis ad cerebrum delati, causa sunt apoplexiæ, paralyseos &c. si ad cor, syncope, suffocationum &c. Si ad Pulmones, tussis, phthiseos &c. Si ad renes, suppressionis urinæ: Si ad Hepar, obstructionum &c. Eo remedio mota est materia illa crassa & viscosa quæ longa annorum serie in artubus delituerat, præterea venosa qualitate imbuta est ab argento vivo; illiusque pars se exoneravit per fauces, & solitam palati & gingivarum à pravitate sua, sive falsedine, occasionavit exulcerationem; cum periculo excidentiarum dentium: Pars autem ejusdem occupavit partes vitales, cor, pulmones, deinde ventriculum, hepar, lienem, & renes, unde difficultas spirandi, puncturæ cordis, dolor Lienis, urina pauca & accensa, sanguinem colore referens, sese insinuabant: Temporis decursu de die in diem paucior urina bis aut ter intra diem comparebat: respiratio difficilis continuabat, anxietates incredebant, tumor pedum œdematosus sese insinuabat, appetitus dejectus, sitis intensa, somnus vix aliquis: Nocturnum æquinoctium præcedente in meris naturæ laboribus, anxietatibus & difficillimis respirationibus consumpsit, donec hora tertia pomeridiana natura motum materię morbosæ procurans, fecit ut thorax liberior factus fuerit, & aliqua pars materię à partibus pectoris mota, in partem dextram abdominis sub Hepate instar libonis panis decubuerit: bona spes quidem affulsit, si in reliquis symptomatibus quoque natura se emendasset; Sed a die 20. ad 21. Martii diei horam tertiam, urina supprimi coepit, ut vix semel quantitate trium cochlearium emiserit, quod idem denuo 22. & 23. & sequentibus factum: Interea de cibo potulento, ob impotentiam masticandi, parum, sed de cerevisia in quantitate notabili epotum fuit; quia autem excretio non respondebat injectioni, varia diuresin procurantia exhibita & admota, sed nihil effectum: Urinæ suppressio continuavit diebus 24. 25. 26. adstrictione alvi concomitante; Interea tumor pedum ultra genua progrediebatur: in abdomine autem, decumbente ægro, subsistebat, Sedente in sella, in crura descendebat, nunquam tamen totaliter deperdebatur: Ipsum abdomen tendi incipiebat, difficultas spirandi incredebatur, præsertim si lectulo decumberet, omnia in hydropem tendere videbantur, viresque de die in diem collabascabant, 26. Martii urinæ suppressione continuante, & abdomine tumidiore, coepit inquietudo, anxietas, difficilisque respiratio talis, ut nocte tota quasi jamjam se suffocandum putaret: retentum enim serum per totum corpus distribuebatur, & prout in hanc vel illam partem ruebatur, suffocationem aut aliud aliquod lethale symptoma minabatur, unde anxietatibus crescentibus, adstantibus insinuavi periculum. 28. Martii sub meridiem, vomere coepit in copia bilem flavam, cum tantis ructibus ut de repentina suffocatione metuerim, quod spiritum æger cohiberet: continuavit vomitus ad horam tertiam pomeridianam humoris lividi, nigri aliquot vicibus, qui inter lethalia signa recensetur ab Hippocrat. 2. progn. 39. Causa autem talium humorum videtur fuisse venenum illud argenti vivi, occulta vi corpus ejusdem destruens: etenim illius ope adeo degenerant, & tantam malignitatem acquirunt, ut iis partibus, in quas à natura detruduntur, necrosin inducant: Sennertus lib. 5. pag. 2. cap. 19. Adhibitis & exhibitis variis ventriculum roborantibus, Vomitus ad occasum solis cessavit, debili relicto ægro: Videns ego suppressionem urinæ continuare, & ex ea pedum tumorem attolli, illumque in abdomine remanere, incidit mihi cogitatio si interea cauterio in illa parte tumida abdominis effecto, quo singularem copiam aquæ videbatur deposuisse, succurreretur, & simul etiam in tibiis vesicatoria applicarentur, ut ita natura ab onere aquæ in corpore restagnantis sublevata longiorem vitæ moram concederet patienti, atque inde mora impetrata, ne aquæ stagnantes viscera inficerent, causæ suppressionis urinæ provideretur: abdomini ergo cauterium potentiale; tibiæ vero dextræ vesicatorium applicatum: 13. Martii *urinæ aliquid emisit*; & 1. Aprilis, sed tamen hæc nihil auxilii afferebat, nam quadruplo & ultra plus diu noctuque de cerevisia ebibeat: 5. April. varios appetitus comedendi hæc & alia æger habuit, unde condita

quædam assumendo, super ea tantos ventris dolores habuit, ut eosdem duobus granis laudani compescere oportuerit. A triduo jam extrema frigere cœperunt, manusque amba tumida factæ: 7. April. derepente passus est animi deliquium, quod paulo post mors sequuta est.

Cadavere aperto, partes internæ taliter fuerunt constitutæ; In stomacho duo ulcera reperta fuere: præterea totum quod ingestum erat atrum colorem referebat: Hepar magnum, durum & quasi coctum, in duabus partibus laceratum. Splen totus putridus: Renes utrique duri & materia crassa viscidaque repleti, quæ obstructio causa fuit suppressionis urinæ: Membrum virile cum testiculis totum quantum necrosi affectum, eodem modo orificium vesicæ compertum: Omentum circa vesicam inferius disruptum & nigrum. In Thorace, cor magnum sed flaccidum, Pulmones thoraci utriusque lateris accreti, ab inflammatione nigri, & integra sui parte materia purulenta undique repleti: Femora cum tibiis hydropicorum instar aqua tumida; Cauterium quod abdomini applicitum fuerat, nec dum pinguedinem, qua Illustris. ad 4. digitorum crassitiem pollebat, pertransierat. *Ex observationibus D. Jac. Ioh. Wenceslai Bobrzensky. med. Nigroponti.*

## S C H O L I A.

**I**llustr. Dom. fato cedere debuisset his suppositionibus confirmo, 1. de affectione hypochondrii sinistri illum conquestum fuisse, i. e. Lienis, signo hoc viscus à natura, aut aliter debile, tale evasisse, unde paulatim computruit: Putridum autem hoc viscus in corpore diu permanens lethum inferre solet se solo. 2. lautam dietam Illustr. non accedente exercitio, causam fuisse quod multa aggregata sint in corpore, quæ ad putredinem suscipiendam aptum reddiderunt. 3. Varia remedia quibus usus est quo se gravedine corporis liberaret, non repurgato corpore, humores magis impactos reddidisse & viscera debilitasse. 4. Inunctionem Merc. esse venenosam. 5. Ejus infringi venenositatem si in contrarium venenum habeat quod agat. 6. Aegrum hic venerea non laborasse. 7. Si ea non laboravit, & non temere inunctio debet adhiberi iis qui illa correpti sunt, multo minus ab ea immunitibus. 8. Eam soli veneræ huius competere (quod suppositum negatur, cum Salivatio arte instituta, multos alios affectus eradicet, maniam, melancholiam, epilepsiam, scabiam contumacem, &c. Vide Rosinægium meth. special. l. 6. sect. 3. cap. 1.) 9. Iniquatione suarum atomorum in corpus, vim habere commovendi humores crassos & viscidos & quasi congelatos, per modum fermenti eos resolvendo & fundendo. 10. Non solum humores commovere & fundere, sed si objectum non inveniat in quod agat, venenata qualitate inficere, calorem nativum partium suffocare & ibi gangrenam formare. 11. Et si mercurio prava qualitas decisset, cum humores liquando mortem posse occasionare. 12. Eos liquatos, massæ sanguineæ commixtos, tanquam grumulos in ea oberrantes, cum ea circumferri. 13. Si tales viscidos & crassi grumuli non bene dissoluti transeant per aliquos subtilles meatus, illos ibidem figere se posse & obstructionem cauare. 14. Eosdem in principibus partibus fixos, pro diversitate nobilitatis partium, diversâ parere symptomata. 15. E. g. in renibus tacta obstructione, feri à sanguine transcolationem, aut ejus per vasa lymphatica in ureteres & vesicam delationem.

16. Prohibita transcolatione serum in abdomen destillare, aut in massa sanguinis remanere, ac cum eo circumferri: 17. Serum cum sit superfluum debere excerni. 18. Serum præterquam sit superfluum, continere in se superfluum salem, qui remanens in corpore inflammationes, putredines, & gangrenam occasionare potest. 19. Serum, si non alicubi perfringat, cum sanguine per omnia viscera defertur. 20. Similes grumulos viscidos cum massa sanguinis in Illustris. agro vi inunctionis hinc inde fuisse commotos: 21. Tales grumulos renes illius obturasse, unde Ischuria curata. 22. Serum illud partim se infundisse in femora, partim cum massa sanguinea fuisse delatum ad partes principes, præcipue pulmones, jam male dispositos; ibi calorem nativum suffocasse. 23. Dari exempla à pura diuturna urinæ suppressione mortuorum, et si mercurio non fuissent uncti. 24. A sola suppressione urinæ potuisse omnia mala in Illustr. agro obvenire, etiam sine veneni cooperatione. 25. Accedente tamen Mercur. venenositate acceleratam mortem, cum hydropici modicum mingendo vivant. 26. Hydropem tolerare Gangrenam cauare, unde raro tales sanantur. 27. Gangrenam quæ sit cum affluxu venenosorum humorum & occulta qualitate, difficilioris curationis esse, unde vix à tali evadunt aegri. 28. Ab utraque causa gangrenam exortam esse lethalem. 29. Dari exempla partium externarum gangrena correptarum, à qua homines (ubi tamen applicari poterant remedia) mori debuerunt. 30. Ubi ventriculus, pulmones, lien, genitalia, omentum, hepar, gangrena afficiuntur, quo remedia non perfringunt, impossibilem curationem esse, ut in præsentis casti. *Idem*

*Urina aliquid emisit J.* Cuidam ischuria fuit, hinc lethargus, de funere cogitatur, largissime profusus urina, brevi tamen moritur, unde hoc? Quia suppressio omnis excrementi, serosi potissimum, partes nobiles inquinat, Et tamen ejus cursus redierit, non perinde meliorem sunt loco res aegrotantium.

*Ballonius Epid. & Ephem.*

*lib. 1. p. 10.*

## OBSERVATIO V.

*Ischuria ab emulgentium venarum Renumque actione attractice abolita.*

**I**lustr. Saxonix Princeps Severinus, vix annum 12. egressus, supra trimestre firma satis valetudine usus, deque nullis offensis conquestus fuit: 4. Octobr. 1538. cum summo mane à lecto se reciperet, & cibum circa septimam moderato appetitu sumeret, paulò post intra horam, balneum, quod in Regio hortu est, ingressus est; Egressum minus bene habentem

habentem animadversum, & ad prandium, quod 11. hora parabatur, visus tum primum est cibum fastidire, eundemque perpauca admisisse. Ego vocatus, debilem certe, at febricula nulla correptum Ducem deprehendi: denique pressius omnia perpendens, signorum syndrome tandem persuasus, Principem affectu aliquo meatus urinarios occupante correptum conieci: argumento quod frequentiore vomitu excerneretur, doloremque ureteris sinistri hypochondrii persentisceret: arenulas præterea, quibus jam olim quoque obnoxius fuerat, excerneret, atque urinæ pauciores subinde prodirent: quæ haud exiguum mihi affectorum urinariorum meatuum conjecturam præbuerunt: biduum post alvo sua sponte respondente, subsequentes duas noctes suavi somno exegit: Porro 3<sup>o</sup>. hujus mensis die, concubia nocte, subtus umbilicum; ad dextram versus pectinem plurimum dolere cœpit: Vomitiones etiam eundem denuo graviter urgebant, decento una lotio, quod, nonnisi admonitus, idque mira paucitate, adeo quidem ut vix ultra sex octove guttulas, citra ullam naturalem exstimulationem redderet, sicque gravissimam noctem absolvit: Postridie vomitionibus nihil dum remittentibus, de præcordiorum quoque dolore querebatur, quo lumbricum trium palmarum longitudine vomitu rejecit: Ea res magnam assidentibus nobis opinionem fecerat, universam mali causam ad verminationem referendi: quanquam autem eo lumbrico expulso plusculum alleviari sibi videretur; persistere tamen nihilominus symptomata: Itaque omnis generis localibus anodynis, aliisque quibus dolor discuti, adhibitis, tonoticisque de vario confectionum electuorum apparatu concinnatis, quorum usu vel urinæ provocari, vel vermes enecari atque educi quivissent, exhibitis, non minus ea atque cibos sumptos statim evomit, urina nimirum sursum regesta, alvoque indurata, lotio superiora versus regurgitante, si quidem 6. aut 8. horis, priusquam animam ageret, urinam meram, colore & odore cuiusvis adstanti facile agnitam, quo etiam tempore primum delirare cœpit, evomuit: Inter 6. vero & 7. ejus diei, quæ 10. hujus mensis, morbi vero 7. fuerat, Ser. Princeps animam Deo reddidit.

Aperto abdomine, cum adstantes plerique de cohibito lotio essent solliciti, diligenter mearibus urinaris pervestigatis, nihil quod eosdem obstrueret compertum, nec lapilli, nec grumi, nec carunculae, nec phlegmone, ulcus aut simile quid: Ad vesicam ubi perventum, eandem vacuam, corrugatam, exsuccam, omnisque aquei humoris expertem observavimus, sic ut Chirurghi cathetere difficillime inveniri potuerit, quanquam & vivo illo, vel immisso in vesicam cathetere, vel etiam mulieris, quæ suctu lotium prolicere nitebatur, opera frustra omnia tentata fuissent: Gibba hepatis pars à nativo colore ad pallidum declinans manifeste visa est: Sed mihi universa corporis constitutio visa est talis quæ absolutam sanitatem non promitteret; Etenim quo tempore etiam inculpara sanitate uti videbatur, perpetuo pallente facie omnibus innotuit: Reliqua intestina omnia nihil lumbricorum aut putrilaginis, quod eorundem fomitem argueret, visa sunt continere. *Ex Observation. Georgii Tansletseri Regis Hungar. Medici.*

## S C H O L I A.

**C**ausam retenti lotii superioribus membris, seroso humori excipiendo deservientibus, adscribendam esse vel hoc unico, eodemque validissimo argumento convincitur, quod corporis cutis, quaquaversum dissectio fieret, è vestigio aqueum humorem, odore & colore exactissime urinam, velut in hydropicis repræsentantem, ex se remitteret: Proinde nulla alia mortis causa statuenda est, imbecillis nimirum & depravata temperies venarum emulgentium atque renum, qua attractrix vis labefactata, legitimum

munus, serosum humorem ex reliquo sanguine in se recipiendi, corrumpit: nam isthæc vala visceraque nobis minora omnia, nativoque colore destituta conspecta sunt, unde factum ut nihil aquei humoris ad vesicam transmitteretur, ejusdemque pars sursum ad ventriculum regesta vomitiones crearet, pars etiam in habitum corporis dispergeretur. *De lotii suppressione, in qua non descendit urina ad vesicam, vide Salium Diversum de affect. paric. c. 14. & Calderam Tribun. Medici p. 220.*

## OBSERVATIO VI.

*Ischuria ob Renem sinistram maximum, pure refertum, Vreterem ejusdem pituita & arenulis infarctum: Renem dextrum cum uretere, lapillis oblitum, Vesicæ siccitatem. 1. Ob Renem dextrum circa pelvim incrustatum gypsea materia, Emulgentem venam compressam, Vreterem sinistram obstructum. 2. Ob Renes obstructos, subnigros, Vesicæ substantiæ densitatem, gangrænæ initus affecta, cum pure crasso incluso. 3. Ob Renis sinistri pelvim dilatatam, cum calculis duobus in vesica. 4. Ob Renum calculum insignem, cum vesicæ urinariæ absentia. 5. Ob reteres & Vesicam excrementis referta. 6. Ob angustiam Vreterum circa insertionem in vesicam, eorumque obstructionem à mucositate. 7. Ob*

*lotium*



*lotium in ureteribus subsistens, quia vesica calculis referta. 8. Ob lapidem Remi impactum post vesicæ lithotomiam. 9.*

§. 1. **R**ogavit me Magister Sozion, Sutor Lugdunensis, ut puello trium annorum, lapidem ex vesica eximerem, quod præstiti præsentibus D. D. *Marcellino* Medico Regio & Facultatis Decano: *Rodesio, Græbio, & Guillelmino*, Medicis Aggregatis ac V. D. *Bon* Doctore Aggregato in Acadamia Valentinenſi, Et coram Magistri *Panthoto, Feretio, & Pothoto*, Chirurgis: Operatio ad votum successit, & quamvis lapis magnitudine ovum columbinum superaret, puellus tamen optime convaleuit, bienniumque integrum sine incommodo exegit: Tranquillitatem hanc turbavit insignis casus, puellus enim cum fratre colludens ex mensa excidit, & ad angulum illius rene sinistro allidens, contusio eas in partes magnam commovit fluxionem, unde genitus abscessus, qui per Chirurgum à Valle apertus fuit: Vix via facta puri, successit ischuria, toto enim decendio omnino fuit cohibita urina, cujus guttæ aliquot per anum, sed minus limpidæ quam quæ per virgam prodibant: Post multos tandem dolores moritur puellus:

Apertum cadaver per dictum Chirurgum à Valle, à quo didici renem sinistram prodigiose magnum fuisse, materia purulenta omnino refertum; Ureterem subditum phlegmate & arenulis infarctum: Renem dextrum calculis omnino fuisse obstructum: ut & ureterem annexum: Vesicam instar chartæ Pergamenæ siccam, quod nullo humore maduisset, nequaquam tamen perforatam; unde occasio data est inquirendi in vias per quas in anum irrupisset.

#### SCHOLIA.

**L**apidum iste cumulus mihi in memoriam revocat, quod à Dom. *Wimaritis* Pharmacopæis Lugdunensibus celeberrimis, mihi narratum à D. *Hieronimo Collo*, Operatore Parisiensi præstantissimo, hunc ad eos transmississe ducentos & amplius lapides, figuræ omnes & magnitudinis tali lutorii, præter unum majusculum, nucleum nucischatam mole æquantem, ex vesica juvenis eductos, mediante foramine à natura in perinaeo, rupto abscessu, facto: Quotidiana autem experientia lapidum maximam partem renibus constare in gigni, inde per ureteres in vesicam deferri; in qua augmentum capiunt, quod in casu præsentis verum deprehenditur: Quamvis autem vis *adonim* renibus & vesicæ æque insit, si tamen insigni numero gignantur, id potius in renibus contingit, quod angustiores illis sint viæ, ac pa-

renchymate constant sanguine & calore abundantes: Hoc documento sit iis quibus lapidis causa exiecta vesica: ne gentio indulgeant, sobriè autem vivant metu novæ congestionis, Medici præceptis audientes:

[*Ischuria*] Ischuria hæc notha fuit, nullum enim in vesicam descendebat lotium, obstructis omnino canalibus id in eam devenientibus: Sagacitatem illo in casu detexit natura suam, quod cum transcolatio per renes prohibita esset, serum in portæ ramos mesentericos amandaret, officio amplius non fungentibus emulgentibus valis; vicis & inutilibus redditis ureteribus & vesica; unde intestina commune sacum & urinæ receptacula evaserunt. *Iosephus Covilliardus observationum Latino-Chirurgic. Gallicè editarum 11.*

§. 2. Puella annorum octo per bene longum tempus stranguria vexata, tandem totalem patiebatur urinæ obstructionem: parens sexto die accedit ad me: iter cum eo facio ad locum patientis, agoniscentem eam invenio & morti vicinam, sicut etiam sequente nocte vitam cum morte commutabat.

Precibus exoratus parens admisit eam secari: Prioribus membris perlustratis nihil nocivi apparebat, sed dexter ren, remoto adipe, à parte media ubi pelvis incipit, penitus incrustatus & quasi lapideus conspiciebatur, tactu durus & materia calculosa circumcirca ita coaluerat ac si gypsea materia fuisset illitus: Via autem ad pelvim emulgens, superne sic compressa, ut ne guttula feri per eandem potuisset transsudare: Sinister ren quidem à tali labe immunis, sed ureter totus obstructus, materia arenosa rubicunda satis distentus: Non potui tunc temporis investigare causam tantæ concretionis, & inventorum apud alios autores in exteriori renum parte lapillorum, quorum tamen ratio si serum, ut cum venia prudentiorum loquar, per alias vias quam notas & consuetas adduceretur, facile pateret: Sed hæc relinquo acutioribus Anatomicis: *Andreas Cnosselinus in miscellan. anni 4. observ. 64.*

#### SCHOLIA.

**N**on parum me moverunt quæ *Excell, Mebium* in Epir. medic. cap. 12. de sanguinis depuratione meminit, per quosdam ductus ex cisternis chyli feris à *Pecqueto* inventis, adveni quondam chyli partem, sive ex potu superfluum, & inde urinam fieri, utpote quæ ansam inquirendi in causam lapi-

dum in involucri renum inventorum non levem præbent, Et quod ab ea causa etiam renum obstructio ab extra, vias ad pelvim ducentes comprimat, ut exinde mors provenire queat, quale jam exemplum suppeditat historia allata.

§. 3. Quidam apoplexia levi correptus est, levi pharmaco liberatus fuit: Hinc post aliquot

aliquot dies dolor circa renes & in pube successit, ex quo urina suppressa fuit: Medici, quibus curæ erat, tum ut urinam educerent, tum ut dolorem demulcerent, & interius & exterius calida & acria exhibuerunt, & de sanguinis missione nihil unquam cogitaverunt.

Tandem occubuit, & cadaver sectum fuit, & erat in vesica circa libram puris crassi ac fordidi, ex pituita vitrea geniti; Et vesica ipsa, & cervix ejus, erat aucta in substantia, & densa, quasi carnea esset, non nervea; & rota nigra, sanguineque atro ejus venæ refertæ, & videbatur seu diminuta gangræna: Renes vero erant similiter subnigri; sicuti & partes ejus circumjectæ omnes, quasi gangrænatae, Et alter intus obstructus, ita ut nihil urinæ posset præterfluere: alius vero ex parte obstructus, hoc est in parte inferiori, ex qua parum urinæ poterat defluere, supra tamen ingrediebatur; ideo ejus sinus erat urina plenus, cum tamen in priori nihil omnino urinæ inesset, quia non poterat nec ingredi nec egredi. *Sebast. Nasius meth. med. Part. 2. sect. 5. Digr. 3.*

§. 4. Henrico Ainsvordo, Theologo Britanno, supprimebatur urina quolibet ferme plenilunio, cum insigni angustia & evidenti totius corporis incendio: Neque excernebatur illa iterum nisi vel declinante Luna vel exsoluta brachii vena: Verum sanguinem toties mittere, quotiens Luna orbem suum complens supprimeret ipsi lotium, non videbatur è re ægri: qui propterea aliquoties tulit patienter quod nequii altrinsecus evitare malum: Cujus rarus & inusitatus rumor ut excivit varia cum nostratium tum Britanno-  
rum Medicorum ingenia: Invenit tamen neminem tam sagaci ingenio, ut potuerit reddere genuinam reciprocantis hujus periodi rationem, nedum subiti illius auxilii, quod æger dictum ac factum percepit à sanguine ex brachio misso:

Sola Anatome post obitum instituta eruit illic feliciter veritatem in profundum demersam, & ostendit distincte qui angusta renis sinistri pelvis excrevisset in eam amplitudinem ut suppleret commode vicem vesicæ urinariæ; quæ propterea tam fuit vacua quam ren repletus, quæ præter hoc impedimentum in se præterea continebat duos insignes calculos: Utri quoque folliculus fellis, sed parvos, nigros, teretes, & instar pumicis raros. *Nicolaus Tulpius observ. lib. 2. cap. 43.*

## S C H O L I A.

**E**A collectio urinæ majoribus venis adeo vicina, proculdubio in causa fuit quod tam prompte ipsi fluxerit lotium simulac feriretur brachii vena: Nam velut Oenopolæ, spiritu supra prius emisso, facile vinum infra eliciunt ex repletis doliis, sic referantur quoque renes ubi vel minimum spirituosius sanguinis admiscetur tumidis brachii venis: Ex quarum incisione vident propterea peritiores medici non tam sisti quam promoveri sæpe mulieribus suppressa menstrua: Quantum verò huic Theologo profuit sanguis ex brachio detractus, tantum juvere alios in simili urinæ suppressione, vel sanguis ubertim è naribus effluens, vel frequens macularum in habitu corporis eruptio: Quibus duobus auxiliis sanitatem suam aliquando recuperavit juvenis quidam, cui integros octodecim dies stagnaverat urina. Sed quid

dicendum de Lunæ consensu? quæ uti reliquis dominatur aquis, sic videtur quoque vim suam exercuisse in lotium hujus Venerabilis Theologi; Cujus urinam in rene detentam suppressit intumescens hoc sidus longe facilius, & dispersit suppressam forte multo celerius per vicinas venas, quam si delituisse in remotioris vesicæ receptaculo: A qua periodica reciprocantis urinæ revolutione, credibile utique est provenisse, quas singulis pleniluniis patiebatur cum febre tum angustias, quibuscum plerumque consistebat ad diem quintum antequam ex toto liberaretur: Sed sanguine ex brachio emisso resolvebatur illico frænum lotium supprimens: quantumvis vesica præter hoc impedimentum in se præterea contineret duos insignes calculos.

*Idem ibidem.*

§. 5. Abrahamus Clef Montbelgardensis, ætate anni 1657. in viridario obambulans magnum illico urinæ ardorem & difficultatem sensit; quæ conatu indefesso mox supprimebatur tota, mox guttatim ardore intolerabili stillabat: Casus subiti ignaro erumpit cum fragore tandem lapis solidus, politus, triangularis, scrupuli unius pondere, Jaspidem referens: Die 7. Januar. 1658. in Pleuritidem & Peripneumoniam lethalem incidit, (*Vide historiam lib. 2. tit. de Lateris dolore.*)

In aperto cadavere nullam inveni vesicam urinariam, vel ejus loco substitutum ullum organum; quod præsentibus Dom. Capitano Grojean & aliis loci Chirurgis & vicinis incredulis sic demonstravi: Stylum in penis foramen & urethram intrusi facile per ureteres utrinque in dextrum & sinistram renem, Et à fissis Renibus, præter naturam amplis, solidis & naturali carne præditis, sine ulla calculosa dispositione manifesta, Eundem stylum per utrosque ureteres immediate & coram omnibus ad extremum balanum traduxi, nullo inter ureteres & penem intermedio corpore, quod incredulis omnem amovit dubitandi occasionem, maxime cum secundum styli ductum incisionem fecissem. *I. Nicol. Binningerus centur. 2. observ. 24.*

§. 6. Filius N. in febrem incidit cum urinæ suppressione, cui postea stillicidium advenit: Vesica

Vesica erat maximæ molis, musculis adnata, excrementis plena cum ureteribus; Renes insignis magnitudinis. *Vide tit. de Febribus.*

## S C H O L I A.

**I**N febrem incidit] Est urinæ suppressio febris *ævo-*  
*lens* proprium quoddam symptoma, & quod  
medicis consilium & provisionem ad se trahit:  
Fit autem multis de causis initio talium febrium:  
Præcipua tamen est copia humorum, & pituita præ-  
fertim, vias urinarias occupantis, Vel confluxus  
humorum ad easdem vias: Et Medici graviter er-

rarent si ad diuretica sese converterent, derivandum  
enim potius per alvum: Juvaret quoque elicere vo-  
mitum, nisi re aliqua prohiberemur: Plerisque crea-  
tum est periculum, quibus præpropere diuretica  
sunt administrata, hac sola ratione & consideratio-  
ne quod urina non redderetur. *Jac. Thevart annot.*  
*1. in cons. 37. lib. 2. consil. Ballonii.*

§. 7. Puer quarto post partum die in Nosodochio Argentinenfi anno 1602. mense De-  
cembris obiit, & a Doctore *J. R. Saltzmanno* apertus fuit, qui quidem fugebat, sed nihil per  
alvum aut vesicam ejiciebat; in quo intestina flatibus distenta, podice non pervio; Renes  
in octo partes lineis distinguebantur: Ureteres sero distenti ad vesicam angustissimi,  
ita ut nonnisi vi stylum parvum admitterent, mucro referti seri transitum intercludente, sic  
in vesica nonnisi mucus, non tamen copiosus repertus est. *Casparus Bauhinus in Theatro*  
*Anatom. Saltzmannus observ. Anat. pag. 62.*

§. 8. Angustia urinæ transitum per ureteres impediens, nonnunquam oritur ab uno  
magno, pluribusque calculis mediocribus vesicæ cavitatem replentibus, unde sistitur diu-  
tius in ureteribus urina; à qua non semel vidi tunc sensim ampliatos ac distentos ureteres,  
pollicem non raro admittentes, atque urinam usque ad renes ipsos in se continentēs. *Fr.*  
*de le Boë Sylvius Prax. med. l. 2. cap. 56.*

§. 9. Puer septennis anno 1655. Ischuria, dysuria & stranguria laborabat: Digito in  
anum immisso deprehensus lapis, qui feliciter per lithotomiam est eductus; superstitibus  
tamen iisdem symptomatis, quæ mors consequuta est: Parens, vir temerarius & ne-  
quam, Medico operationis auctori, & Chirurgo qui exercuerat, necem interminabatur.

Defuncti aperto cadavere, repertus est lapis pelvi renis dextri impactus, olivæ majoris  
magnitudinem æquans.

## OBSERVATIO VII.

*Ischuriæ fortioris & pertinacis causa deprehensa in occluso recens uno uretere,  
altero jam pridem obstructo.*

§. 1. **S**atis vulgo notum est Ischuriæ fortioris & pertinacis causam, sæpissime infra re-  
nes constitutam, omnino à ductibus urinariis penitus obstructis pendere: Cum-  
que egomet plures ab urina totaliter suppressa defunctos aperui, In omnibus reperi mor-  
tis causam invincibilem, Ureteris unici, paulo antea patentis altero dudum occluso, à  
calculo recens impacto obstructionem fuisse. *Thomas Willis Pharmacop. Ration. p. m. 166.*

§. 2. Vir Doctissimus, cum crebris dolorum, vomitus & cruentæ mictionis paroxy-  
sminis, per plures annos graviter obnoxius vixisset, tandem remediis sequentibus constanter  
usus Nephritide fere immunis, absque graviore quopiam insultu supra septennium vixit:  
Curationis methodus, quam Generosus quidam edocuerat, sine pharmacia quavis, ad  
hunc morbum habuit: Vino & Pomaceo abstinens, pro potu ordinario Allam tenuem,  
ex Brasio avenaceo confectam bibebat: porro semel in hebdomada mane cepit haustum  
ejusdem Allæ, ad libram circiter unam, cum pulveris ossium senclorum cochlearibus tri-  
bus in eo dissolutis: Horum usu intra paucos menses morbo calculari valedixisse visus,  
mox arthritico laborare cœpit, ejusque paroxysmis gravioribus per totam Nephritidis  
vacationem subinde infestabatur, iisque demum levi quavis occasione in tantum obno-  
xius fiebat, ut si statim à pastu corpus, vel animum, scil. deambulatione aut studio ulla-  
tenus exerceret, dolorum insultus certissime expectaret; Cujus ratio erat quod sangui-  
nis *particulis salino fixis*, & liquor nerveus, acetosis usque ad plenitudinem saturi, scilicet  
quando succo recenti perfusi simulque incitati turgescunt, illico superfluitates suas, scil.  
materiam utriusque indolis morbificam, in articulos valde debiles deponerent: Ita-  
que Venerandus ille Vir torturæ ita crebræ ac fere continuæ pertæsus, ex consilio cu-  
jusdam amici *Urinam propriam unoquoque mane bibebat*: Cujus usu intra mensem unum  
aut alterum doloribus arthriticis paulo minus plectebatur, sed mala vice affectus ne-  
phriticus recrudescere cœpit, nam dolore circa lumbos cum vomitu & dysuria  
subinde



subinde afficiebatur; & brevi postea urinæ suppressione totalis successit, quæ nullis remediis superanda, post duas circiter hebdomadas Virum Clar. è medio sustulit.

Cadavere aperto, viscera omnia, exceptis renibus, maxime sana & firma apparebant, attamen Ren dexter jam pridem fere absumptus fuerat, superstitæ tantum exiguo glandularum acervo, valis omnibus & uretere coalitis & penitus oclusis, ut nulla prorsus urina illuc à longo tempore transierit: Ren sinister satis largus intra cavitatem & ductus suos magnam sabuli & calculorum aggeriem continebat, insuper lapillus rotundus obdurus & albicans in ureterem spatio circiter trium unciarum delapsus, ibidemque fixus lotii transitum penitus occluserat: Ureteris membrana, ubi calculus hærebat, crassa adeo & callosa, proindeque indolens invaserat, ut hic nullomodo sursum aut deorsum dimoveri potuerit.

## S C H O L I A.

Videtur in hoc casu quod cum sanguis & succi nervi particulæ coagulativæ, nempe salinæ & acetosæ, primo in renibus cocuntes affectionem nephriticam diu excitant; postea supra dicti pulveris usu salinæ usque in habitum corporis protrusæ, & non facile redditæ, in articulis seminum arthriticum congererent, renibus interim fere liberis: Tandem vero cum ab urinæ propriæ potu minerali salina in renes reduceretur, morbus articularis in nephriticum exitialem commutabatur.

*Urinam propriam bibebat*] Non ita pridem mos inoleverat ut Arthritici uno quoque mane urinam propriam biberent; quod nonnullis commodo fuit. Ratio videtur esse quod urinæ latex salinus sanguinem denuo pertransiens, particulas salinofixas, prius in articulos deferri solitas, secum ad renes deduceret: quare hæc methodus si quando arthritidem sublevar, plerumque nephritidem auget. *Willis Tract. de Anima Brut. Part. 2. cap. 14.*

## A P P E N D I X.

*Ischuria ab erosione vasorum urinalium, post usum acidularum orta.*

D. D. *Caspar Bauhinus* Basileæ 5. Decemb. 1624. diem suum obiit: Omnimoda urinæ suppressione ad dies fore octodecim laboravit: Existimantur Medici, qui ejus curam susceperunt, D. *Plarerus* & D. *Chmilietius*, fuisse aliquam in valis urinariis erosionem, ab immodico Acidularum usu contractam, atque per viam apertam serum & urinam in abdominis cavitatem destillasse; Et præter alia hujus rei indicia hoc habuere, quod duabus ante decubitum septimanis urinam cruentam excrevit: Vesica urinaria omnino fuit vacua, ita ut urinæ nihil etiam cathetere immisso extrahi potuerit. *D. Sennertus Epistola 85. Centur. 1.*

Omnimoda urinæ suppressio, quæ per dies fere octodecim, uti scribis, laboravit, an ab aliqua vasorum urinariorum erosione processerit, si cadaver aperuissent Medici, certius cognoscere potuissent. Acidularum immodicus usus, & urina cruenta ante decubitum excreta, rem hanc non necessario convincunt, ante enim quam vasa urinaria acidulæ erodissent, ventriculus & viciniore viscera erodenda fuissent, quale quid ab immoderato spiritus vitrioli usu evenisse adnotatum. Ante annos aliquot in cadavere foemina, à frequentiore spiritus vitrioli usu, inferior ventriculi tunica consumpta fuit. Nec urinæ cruentatio ad denominandam erosionem sufficit, eadem enim à calculi attritu profisci potuit. Fortassis uterque ab impactis calculis ita fuit obstructus ren, ut nihil plane urinæ percolari potuerit, quale quid in cadavere D. *Dan. Schmidii* anno 1612. visum fuit. *M. Doringius ibid. Epist. 86. sequenti.*

## A P P E N D I X.

*Ischuria venæ sectione sanata, ab obstructione vasorum Emulgentium sanguine distentorum.*

Nobilis Sexagenarius athletico habitu præditus, cum diebus æstivis calidissimis, Lutetia Monspelium venisset magnis itineribus, multo potu sese ingurgitaverat: 3. aut 4. diebus à reditu incidit in omnimodam ischuriam, sed nullis remediis urina revocari potuit. Ac tandem 3<sup>o</sup>. die catheter in vesicam immissus est, & nihil urinæ profluxit, unde perterritus prior Medicus alterum sibi adjungi voluit: Vocatus ego in fine tertii à suppressione diei. Quæro num dolorem aliquem in lumbis aut pube. Ager perciperet, aut alias nephriticis affectibus obnoxius fuisset, quod cum negasset, diligenter omnibus perpensis, censui hanc urinæ suppressionem ab obstructione emulgentium, quam humorum multitudo pepererat, dependere, ac ea vasa nimis repleta ac distenta, non posse se contrahere ad expulsionem. Ideo phlebotomiâ proposui larga manu celebrandam: At vix hora elapsa à venæ sectione, sensit æger profluentem urinam à renibus ad vesicam per ureteres, ac paulo post excretis pluribus urinæ libris intra horæ spatium omnino liberatus est. *Riverius Centuria 1. Obs. 1.*

## S C H O L I A.

**U**tur historix isti fidem præstemus, isti tamen ætiologiæ assensus minime debetur: Quippe vaforum emulgentium non illud munus est quod Vir Clar. assignavit; Non venæ enim sed arteriæ serum una cum sanguine, absque ullo urinæ plenitudinis aut rigiditatis periculo constanter, deferunt: Cum

autem serum in vias patentes non cito excurrat, causa esse videtur quod cruoris massa, stricta nimis & compacta, laticem aquosum intime permixtum sinu suo ægre dimittit. Huc facit observatio Anatomica à nobis allata de Episcopo Cestrensi. *Will. Pharmac. Rat. sect. 6. cap. 13.*

## OBSERVATIO VIII.

*Ischuria à calculis in vesica proprium sacculum sibi efformantibus, ejus cervici objectum.*

**J**oanni Trassato tantum negotii in senectute facessivit calculus vesicæ, ut non modo vix unquam mingeret sine acerbo urgentis urinæ cruciatu, verum rarissime quoque deambulare sine evidente doloris sensu, ob calculum vesicæ cervicem miserandum in modum excarnificantem: donec tandem doloribus ac punctationibus cessantibus, libere de novo urinam reddiderit, adeptus non solum copiam agendi iterum negotia, à quibus aliquandiu abstinerat, verum etiam quocunque proficiscendi perinde atque sanissimus. Quam inopinatam rerum faciem ut summe admirabatur æger, sic non levem conjecturam movit Medicis Calculum stationem suam, ex qua tam atrox intulisset bellum, seu remediis si ve tempore deseruisse, indeque turbas sedisse, pacemque tandem corpori concessam: A qua tamen sententia æger adeo fuit alienus, ut potius crediderit se nihil unquam à calculo, verum omnia ab indurato aliquo tumore, levius pondus etiamnum circa anum perferentisceret, perpeffum fuisse: manitque ipsi hæc opinio ad extremum vitæ halitum.

Facto vivendi sine per omnimodam urinæ suppressionem, ubi integrum quinquennium satis commode habuisset, & producta ab anatome in lucem veritate, quæ hactenus delituerat spissa caligine sepulta, cujus beneficio vidimus durum aliquem tumorem, prope vesicæ cervicem situm, in causa fuisse quo minus profluxerit ipsi lotium si ve sponte, si ve meatu quoque per catheterem referato, idque ex vesica aqua id temporis maxime repleta: quod inusitatum tumoris genus, instar carunculae tunica inclusæ, ante vesicæ exitum propendens, uti huic ægro exitio fuit, sic etiam clanculum aliorum vitis fortassis insidias struxit, ignorantibus Medicis quo referrent exitialem suppressæ urinæ causam: Ea enim fuit tumoris forma, ut elevata à cathetere, illum tamen ita complecteretur ut nihilominus impediretur urinæ effluxus: Sed quid dicemus de Calculis, qui primum maximum, deinde vero nullum excitarunt cruciatum? Erant hi duo, & quidem satis ingentes, qui initio attritu suo adeo extenderant sequacem vesicæ membranam, ut paulatim descenderint ad quatuor transversos digitos à priori statione, provoluti quasi in sacculum vesicæ adhærentem: In cujus receptaculo etiam calculum suum dicitur habuisse Exc. Casaubonus: Fuitque hæc loci mutatio verissima causa illius levaminis, quod æger percepit postremis vitæ annis. *Nic. Tulpius Observ. med. lib. 4. cap. xlvij.*

## S C H O L I A.

**I**gnorantibus Medicis quo referrent, &c. ] *Riolanus* Encheir. libr. 2. cap. 30. adnotavit vesicam interdum onere plurium lapillorum sinuosam fieri ad latera intestini recti juxta collum ipsius, cumque lapillos ibi nidulati, qui cathetere immisso non deprehenduntur: digitum autem in podicem immittunt cum certum fore rei exploratorem: Nimirum

calculi vesicæ attritu suo primum vesicæ cervici molesti sunt, tandem autem pondere ductilem vesicæ membranam extendunt, hinc de priore sede decedentes, proprium sibi sacculum eringunt, in quo nidulantur, desinente dolore ante acuto, cui succedit molesta gravitas.

## OBSERVATIO IX.

*Calculus vesicæ, in medio pervius, citra signa & symptomata gestatus.*

**V**idi in Nobil. D. Gul. Poole, secundum jam senium ingresso, sub lingua, in carne illa molli ei substrata, genitum, levem & tophaceum, longiorem, instar lapillorum, in capitibus asellorum mollium reperorum, qui sponte sua decidebat triennii spatio, alio subnascente. Hic erat admodum molestus eo tempore quo decidere incipiebat, ita ut lingua magnum, inter loquendum & masticandum perciperet nocumentum: Hoc Nob. Viro tardissima

tardissima senectute ad meliorem vitam à summo vitæ arbitro evocato, in vesica ejus, corpore dissecto, repertus est lapis xlv. unciarum pondere, in medio pervius, per quem lotium sine impedimento profluebat, Ita ut nulla esset Calculi in vesica contenti suspicio, cum de aulla gravitate, nec dolore aliquo conquereretur. *Fridericus Lascius obs. xxxii. lib. 1.*

## OBSERVATIO X.

*Ischuria ob compressum & callosum collum vesicæ, Hujusque cum intestinis in volutionem. 1.*

*Ob inflammationem & ulcus colli vesicæ. 2. Ob compressum collum Vesicæ ab hernia singulari. 3. Ob Tumorem ostii vesicæ objectum. 4. Ob scirrhum collum vesicæ occupantem, cum sequuta inflammatione. 5. Ob carnem ex vesicæ fundo enatam, urethram subeuntem. 6. Ob inflammationem urinarii meatus. 7. Ob scirrhum ostii vesicæ objectum. 8.*

§. 1. **P**uellus per x. dies neque per alvum neque per virgam quicquam excrevit. Intestina omnia ita cum vesica ejusque collo confusa, ut vix divelli potuerint: musculus recti intestini collum vesicæ callosum comprimebat. *Vide tit. de Alvo suppressa.*

§. 2. Viro Illustri lotia cum viscida materia reddenti suppressio eorum per quadri-duum accidit. Inventum est ulcus & inflammatio in collo vesicæ. *Vide Tit. de urinis p. n.*

§. 3. *Ioh. Dominicus Sala* vidit mesenterium cum intestinis tenuibus omnibus in scrotum delapsum, abdomenque alterum præ se tulisse: Qua mole compresso Vesicæ collo, urinæque impedito transitu, necessitas moriendi ægro fuit accita. *Th. Bartholinus Cent. ij. histor. 95.*

§. 4. *Clar. Tulpius* in cadavere viri cujusdam; qui ex omnimodo urinæ suppressione obierat, vidit durum tumorem, instar carunculae tunica inclusa, ante vesicæ orificium propendentem, in causa fuisse quo minus ipsi proflueret lotium, sive sponte, sive meatu quoque per catheterem referato. Ea enim fuit tumoris forma, ut catheterem quo elevabatur, complecteretur, & sic adhuc impediret urinæ effluvium. *Dom. de Flammerdinge Dissut. de Ischuria* ②. 8.

§. 5. *Gulielmus Constantinus*, Chirurgus Genevensis, septuagenarius Ischuria laborabat: post magnos perpeffos labores, & varia data auxilia, vitam cum morte commutavit.

Cadaver apertum exhibuit Scrotum & circumjacentia livida, vesicæ cervix dura, alba scirrhusa, Ejus vero corpus inflammatum & sphacelatum. *Ex Schedis Dom. D. Alexandri Diodati, Medica Facul. Genev. Decani.*

§. 6. Obstruitur Vesicæ orificium, vel urethræ canalis, sæpius à calculo ipsi impacto, rarius à concreta pituita, vel sanguinis grumis, vel Carne ex vesicæ fundo per ipsam urethram excrecente, ipsamque obturante (sicut ejus rei stupendum exemplum vidi ante plures annos Amstelodami, in foemina ex hoc affectu, propter sanguinis deperditionem conjunctam tandem misere defuncta) subinde à succrescente in urethræ canali caruncula, ipsumque opplente. Ejusmodi carnis ex vesicæ fundo excrecentia difficulter curabitur, nisi consolidans decoctum immittendo in vesicam per syringam. *Franc. Sylvius de le Boë, Pract. lib. 1. cap. lvij. §. vii. & xxviii.*

## S C H O L I A.

**O**bstruitur à calculo, vel carne, &c. } *Hippocr. Coac. Prænot. 472. & 473. notas adducit quibus urinæ interceptio facta à calculo, vel à tuberculo, seu phymate, dignoscatur: Calculo laborantes, aut, æquandis, eo habitu constituti ut ne urinariam fi-*

stulam calculus illabatur, prompte urinam reddunt. At quibus tuberculum ad vesicam adnascitur, urinæ difficultatem afferens, iis quavis corporis habitus negotium facessit, cujus quidem solutio contingit per puris eruptionem.

§. 7. Cum in meatu urinario cuidam tuberculum enasceretur, Tonfor se pro Chirurgo circumferens, cathetere adacto meatum urinarium perrupit, existimans lapidem in vesica esse, quo factum est ut suborto fluxu sanguinis, inflammatione & febre superveniente; ex incuria ejusdem Tonforis mortuus sit æger.

Incisione autem peracta, nec in vesica, nec in ureteribus nec in renibus lapillum invenire; sed tantum pudenda mirum in modum tumescencia, & testes supra fidem inflatos, unde suppressabatur urina ut ne gutta effluere posset. *Forestus lib. 3. de Incerto urinarum judicio.*



§. 8. David Romay Paterniacensis, annos 80. & ultra natus, cum ex nimio vini recentis usu 13. Nov. 1606. suppressione urinæ & dolore colico corripī cœpisset, nullisque remediis in diem 12. usque morbi usus fuisset, tandem extrema necessitate urgente, die dicta 24. Novemb. me accersit. Tum hominem in lecto febricitantem, miris cruciatibus ac doloribus afflictum, viribus quinetiam prostratum, cum ventris tumore, magno, duro, tenso ac renitente, ab osse pubis ad regionem fundi ventriculi & hypochondriorum fere usque, gravidæ instar, offendi. Ego illico sacculum ex relaxantibus & urinam moventibus aqua coctum calide applicui: cathetere deinde per ductum urinarium in vesicam immisso lb̄ v. urinæ cum uncis quatuor: medicinalis ponderis, extraxi: undo mire levatus cum ventris subsidia: Die sequenti enema emolliens & anodynum injectum; catheter iterum intrusus, sed nihil urinæ manavit, hinc auctus dolor & tensio ventris die 26. rursus immisso cathetere, & lib. 6. urinæ elicis, protinus tensio & dolor ventris, cessavit: 27. die denuo catheteris beneficio urinæ lib. 6. fluxere: Mirum sane quomodo vesicæ corpus tam exiguum tantam urinæ copiam continuerit: hinc atrocitas doloris ob summam distensionem partis maxime sensilis. Die 28. rursus cathetere immisso, postquam urinæ lib. 4. cum 3/4. extraxissem, sub finem circiter 3/4 puris subsequuta est, post clystere leniente injecto bis alvum exoneravit, hinc maximum levamen: sub vesperam iterum cathetere indito, urinæ lb̄ iij quoque, uti & multum sanguinis, ut & præcedentibus vicibus, effluxere: hinc conjeci abscessum in vesica delituisse, ejusque venulas ab extensione ab urina ruptas fuisse. Die 29. aliud enema injectum, & circa meridiem per immissum catheterem urinæ lib. 1v. & 3/4, cum cyatho puris pleno, uti & sub vesperam lib. 1v. & 3/4 cum pauxillo puris extraxi: Die 30. mane cathetere urinæ lb̄ ij. cum multo sanguine admixto, sub vesperam vere cyathos 3. vel 4. elicui: Hic vero notandum parvum & exilem catheterem me nunquam, ob obstacula quæ circa sphincterem latitabant, in vacuum vesicæ immittere potuisse; crassiorem vero, & qui crassitiem pennæ cygni adæquabat, multo facilius. Ratio, ut credo est quia cum ductus urinarium circa vesicæ collum, uti & sphincter ipse ob scirrhum, qui ante ostium vesicæ colli latitabat, tumefactus esset, necessario in perinæo coarctatio & angustia ipsius ductus urinarii sequebatur. Porro exilem & minutum catheterem hanc angustiam aperire & dilatare non potuisse rationi consentaneum est, id quod crassioris beneficio facilius & minori cum dolore fieri potuit. 1. Decembris mane cum in ipso ductu urinario, & circa collum vesicæ obstacula nonnulla catheteris intromissionem nullomodo amplius admitterent, enema emolliens denuo exhibui, ventrem & inguina inunxi, semicupium præscripsi, in quo cum per horæ quadrantem residisset, urina sponte excreta, unde levamen non exiguum: 2. Decembr. ad 3ij terebinthinæ Veneræ exhibui coxasque & renes inunxi: à prandio, ob doloris vehementiam, rursus in semicupium conjeci, ex quo egressus non solum urinam copiose, sed una quoque materiam crassam, albam ac foetidissimam excrevit. Die 3. aliquid aquæ nostræ diureticæ propinavi, bis quotidie partes prædictas inungens: hinc deinceps semper urinam, & simul purulentam ac foetidam materiam, sponte & absque dolore aut impedimento reddidit, verum pro mundificatione renum & meatuum urinariorum 5. Decembr. 3ij Terebinthinæ iterum exhibui: Et quia tumor ille durus è regione vesicæ nondum penitus sublatus erat, sacculum ex emollientibus & solventibus bis quotidie applicui: Tumor tamen ex hujus sacculi applicatione, cum urinæ illius foetidæ ac purulentæ excretionem ad 17. Decembr. persistebat, qua tandem paulatim tumor subsidebat, urinæque aliquantum clarior ac purior fieri, foetorque remittere cœpit: interea alvus non respondens variis præsiidiis commota: hinc ventris dolores sedati fuere, urinam quoque absque difficultate sed involuntarie reddebat. Die 6. Janvar. 1607. diarrhœa levis supervenit, quæ ad 5. diem cessavit: circa 9. Janvar. urina per secessum, nunc scorsim, nunc mixta excrementis & quidem involuntarie effluere cœpit, neque amplius per penem exiit: dolor tamen nullus aderat, virisque pro ætate constabant, nec appetitus admodum prostratus usque ad decimum octavum Januarii, qua tussicula sicca correptus, vires & appetitus paulatim ita diminuebantur, ut 30. Janvar. placide expiraverit.

Aperto cadavere, *scirrhum* magnitudinem ovi gallinacii adæquantem, unciasque duas pendentem, in ipsa vesica, & quidem ante collum ipsius tenaciter adhærescentem inveni: Ex cavitate præterea vesicæ usque in intestinum rectum, ulcusculum conspiciebatur rotundum, proculdubio ab urina purulenta & foetida exesum. Corpus item vesicæ circa ipsius collum, uti quoque intestinum rectum, lividum, Ren uterque insignis magnitudinis, exterius

exterius vesiculis quamplurimis seroso humore scatentibus apparebant: Hepar denique in parte cavadurum ac scirrhosum viscebatur. *Fabritius Hild. cent. 2. Observ. 65.*

## S C H O L I A.

**S** *Scirrhum in vesica ante collum* ] De Tumore osculi vesicæ (proculdubio non scirrhoso) curato, agit *Ballonius* Epid. lib. 2. p. 177. Quidam suppressione urinæ laborabat, creditum est id fuisse à phlegmate obstruente, accedente & nonnullo tumore osculi vesicæ: Dolor non erat, itaque nec inflammatio: mirum an tumor de repente fieri potuerit? conabatur excernere; conatus iste in corpore impuro matrem ad vesicam præcipitavit, concursus est ad

diuretica, malum auctum est, vesica implebatur urina, sed aliquid impediēbar, diureticorum usu facta est humorum veluti conferta in vesicam prolapsio, restabantur urinæ, nam copioso sedimento erant refertæ, at non erat sedimentum propriè dictum, sed humorum colluvies: Tandem deprehensus tumor osculi vesicæ, missò in anum digito, multis remollientibus adjutus est, convolvit: Antea, nullo modo excrenebat urinam nisi immisso cathetere.

## O B S E R V A T I O X.

*Ischuria ob plures calculos in vesica fluitantes. Et tres eius tunice affixos. 1. A lapide in vesica unciarum xviii. 2. Ob lapidem xxxij. unciarum. 3. A grandi lapide vesicæ ostio objecto. 4. 5. Ob lapidem siliceæ duritiei, ponderis unciarum sex & dimidiæ. 6. A lapide medio, r. collum vesicæ obturante. 7.*

§. 1. **T** *Thomas Fontanus, senex humanus, exantlatis aliquando acerbissimis urgentis urinæ cruciatibus, eminxit tandem plurimos calculos colore varios & forma, moléque dispares: quorum alii in conspectum prodire glabri ac politi, alii vicissim angulares vel sphaerici, imo nonnulli quasi ferrula à se invicem præcisi: quod inusitatum spectaculum eo majorem movit admirationem, quo deinceps excreverit plures effractorum calculorum cortices, qui æquantes unguem humanum, seni septenive singulis interdum prodire diebus. Attonitis interim & haud parum suspensis Medicis, quod referrent hanc calculos effringendi ac poliendi vim, donec ægro ob omnimodam urinæ suppressionem mortuo, anatome veritatem quasi ex umbra in claram lucem produxerit.*

Fluctuabant enim in vesicæ fundo undecim calculi, quorum maximus fragili cortice reclusus, quasi alter *Acteon*, à continuo inæqualium calculorum occursum adeo fuit detritus ut plurima inde dissilierint fragmenta, quæ deinde cum urina emingerentur. Præterquam multi jugum lapidum, fragmentorumque acervum, familiæ ostendimus tres calculos satis insignes, qui vesicæ tunicis adeo fuere involuti, ut ne lynceis quidem oculis illos perspexisses, nisi scalpellum involucri abtulisset; cujus beneficio duos etiam calculos animadvertimus in renibus latitantes. *Tulpius observ. lib. 4. c. 36.*

## S C H O L I A.

**E** *Minxis plurimos calculos* ] Nihil Medicis frequentius in ore quam medicamentum calculos frangens; at videsis arenosos ac molles duntaxat intelligas, silices quippe ut vix comminuunt mallei, sit profecto multo minus acris aliquis humor, qui fortassis aprior foret exedendis tenuibus vesicæ tunicis quam præduris lapidibus. At excogitabit forte aliquis remedium quod sine aliarum partium jactura, ingenita proprietate solos calculos dissolutum ibit, cujusmodi meminimus aliquando à locuplete mercatore multis florenorum millibus obnixè quidem quaesitum, at hæcenus à nullo mortaliū inventum: verum enim vero, quam latus hic patuit campus illis qui nihil non remediis suis acce-

prum ferunt, sive vere, sive falso, prædicassent quidem speciose commentitiam suam gloriam, sed quam turpiter deinde illis ludibrio fuissent, veritate ab anatome e latebris eruta, ac illi in speciem quidem apparuissent Medici, at revera nugiyendul ac sy-cophantæ.

*Tres calculi vesicæ tunici involuti* ] Ecquid egisses, *Lithothome*, in hisce sirtibus, obvios forte calculos facile eduxisses, atque eruisses tunicis inclusos? vis signem tibi quam deinceps sequaris cynosuram? Quæ supra hominem Deo committe, & consule non minus tuæ famæ quam ægrotum salutis.

§. 2. Vir doctus 20. annis calculo vesicæ laborans, tandem omnino suppressa urina immensi cruciatu vexatus vitam finivit: Inventus est in vesicæ capacitate lapis rotundus, durissimus, albicantis coloris, pendens 18. uncias.

§. 3. Alium è dissecto corpore extractum mihi ostendit D. A. Van der Linden, xxxii. unciarum pondere constantem, durissimum, compactum, silicis colore, triangularem, ex



quo cum ferro, ut ex silice eliciebatur ignis, Hic undecim annis suppressens urinam, ægrum tandem ea omnino retenta ad interitum perduxit. *Zacutus Prax. admir. libr. 2. Observatio 70.*

§. 4. Non secus atque de Renum lapillis dictum est, in vesica quæ urinam excipit, lapilli concresecunt; nec minus varii forma, quantitate atque colore, nisi quod vesicæ calculi apud quosdam præcipue cujusdam magnitudinis & duritiei esse solent, vel tantæ, ut nec medicamentis atteri expellive, nec instrumentorum usu frangi & eximi incisus velicis queant: sed necesse sit qui sic infestantur mole dolorum superatos oppressosq; inter infandos cruciatus mortem oppetere, E quidem quæ mea est opinio, nullam acerbiorē hominī mortem accidere posse puto ea ipsa quam calculi inferunt tormenta, ubi quis membris omnibus salvis, viribusque integris, violento impetu adigitur ut animam indigne exhalet. Id quod *Friderico III. Saxonia Electori* evenit, cujus vesicam incidens Chirurgus, in ejus orificio lapidem offendit grandem, cuspidē in cervicem, qua urinæ meatus patet, porrectas, latiore parte in vesica hærente. Sed & idem fellis receptaculo alium exemit. Item & alium ē renis dextri lacuna, duorum articulorum magnitudine, subrutilo colore. *Kentmannus lib. de calculis.*

§. 5. Christophorus *Bunccius* cadaver aperuit *G. Engels* qui per aliquod tempus calculo laborans, tandem accedente urinæ suppressione interiit.

In hujus vesicæ orificio invenit calculum ingentem, figuræ amygdalinæ, qui ita obturaverat vesicæ orificium, ut nullus pateret urinæ exitus. *Th. Bartholinus Centur. 2. Epist. 86.*

§. 6. Senex quidam octogenarius annum integrum difficili admodum *ixuria*, interdum *sexysueia* affectus fuit, Vocati Medici in diversas opiniones traherantur, Existimabant nonnulli latitare ulcus in vesica inveteratum: alii, in quibus ego, calculum prægrandem ibidem delitescere censebant.

Aperta fuit demortui vesica, lapis inventus silicis adæquans duritiem, & pendebat nummarii ponderis uncias sex cum dimidia; rediisset hoc ad vulgaris Medicorum ponderis uncias fere octo: In raris hoc exemplum numero, etiam si majores interdum & graviores visi fuerint. *Ex Observ. Philiberti Saraceni Medici Genevensis.*

§. 7. Quæ de adversa Nobil. ægrotantis valetudine nobis relata sunt, atque ea quæ nos potuimus explorare, non dubiam fidem faciunt membrum affectum esse vesicam, in qua lapis reperitur: musculus cervicis vesicæ, & crustosam tunicam quæ exulcerationem patiuntur, ex lapide salebroso & lotio acri & sulfuginoso ad vesicam delabente. Actio vero læsa est mictio quæ depravate læditur. Eapropter duo affectus p. n. videntur Virum Rever. habere sollicitum, lithiasis scil. atque cervicis vesicæ, & crustosæ tunicæ ulceratio, cætera vero sunt accidentia hos morbos consequentia, cum ardor urinæ & dolor, tum febris, quæ temporis diuturnitate in iis casibus essentialis evadere consuevit: Cum autem appropinquaret tempus veris, in quo sancitum erat adhibendam esse sectionem, decrevit ad patriam se recipere; In itinere omnino occlusum est collum vesicæ, unde Suppressione urinæ interiit.

Seçto cadavere inventus est lapis mediocris collum vesicæ obturans. *Lalins à Fontenay Consult. ix.*

#### OBSERVATIO XI.

##### *Ischuria à topko in fistula Vrinaria.*

**S**acerdos diu laboravit urinæ ardore, & à multis cum frustra curaretur, tophus seu scallus in meatu urinario obortus est, qui adeo increvit ut lotium omnino suppressum fuerit, Tonfor quidam, pro Chirurgo sese vendicans, catheterem imposuit in meatum urinarium, existimans lapidem esse in vesica, impediētem lotii exitum: eoq; instrumento non transeunte ad vesicam, fortiter illud impellebat, unde suborto fluxu sanguinis & dolore intolerabili, mox subsequuta est inflammatio & febris continua, deinde & ingens testiculorum inflatio, urina in totum rursus post sanguinis rejectionem, cum quasi guttatim urinam redderet primo, suppressa est: Nihil autem iuvantibus remediis, & cum animam agere videretur, ad eum accitus fui: Cum alvum duobus vel tribus diebus non repurgasset Tonfor, nec quicquam excrevisset, statim clysterem emollientem & sedantem



& sedantem dolorem ac inflammationem injicere jubeo, quo quidem alvum deposuit, nihil tamen ex eo adjutus, nec topicis remediis pectini impositis, & testiculis supra modum inflatis, relaxantibus, emollientibus & inflammationem auferentibus, facto prognostico antequam medicamenta vix apponerentur, quod statim xger moreretur, neque calculum in vesica esse, ut Tonsor jactabat.

Eoque mortuo ac inciso, cum propinqui mortis causam explorari vellent, topus in fistula urinaria tantum inventus est, neque calculus in vesica repertus: ita ut ex violenta illa pertusione catheteris, febre & inflammatione obortis, & ingenti inflammatione testiculorum, urina magis impedita & mors ipsa, Tonsoris inscitia, subsequuta fuerit. *P. Forestus lib. 25. Observat. 16.*

## SCHOLIA.

**N**eque calculum in vesica esse] Non mirum Tonsorem in diagnosi errasse, hinc in curatione, eo quod illa difficillima sit, initio præsertim, cum calculus exiguus est; grandior enim & adultus manifestas, et nec semper satis notas exhibet; Signa autem urinæ cohibita ob meatum urinarium occlusum hæc tradit *Forestus*, scholio in observat. præcedentem, Quod figurato xgro, adeo ut declivis sit cervicis vesicæ politus, ac manibus tumore p. n. compresso, minime expellitur urina: occluditur autem vel ob inflammationem (cujus signa manifesta) vel scirrhum, vel aliū quemvis tumorem p. n. Si ob carunc-

culam, præcessere ulceris notæ; immisso cathetere urina elicitur, & simul aliquando cruor & carnis rementa, *Galen.* teste 1. de loc. aff. Si fuerit topus seu callus in cervice vesicæ innatus, præter id quod longo temporis spatio ex crasso lentoque humore paulatim nasci potest, neque forte ulceris signa præcedent, neque ortæ caruncula signa aderunt; Si à laede obstruatur, illius indicia se prodent: Quod si humor nullæ sint notæ, sanguis autem effluerit, verisimile est à grumo sanguinis fistulam obturari:

Crassus lentusque obstruens humor  
notas suæ dabit.

## OBSERVATIO XII.

*Ischuria casum sequuta, hinc vulnus insigne vesicæ. 1. Ob carunculas in vesica subsistentes, in quas resoluta Renis substantia. 2. A callosa appendicula vesicæ ostio adnata. 3. Ob vesicæ nimiam distensionem ab urinæ copia. 4. Animis dilatata vesica & inflammata. 5. 6. A debilitate fibrarum ejusdem. 7. Ab ejus Abscessu & gangrena. 8. A Tuberculis ejus ostio adnatis, cum partis inferioris gangrena. 9. Ab ejus partis anticæ summo madore, cum multo phlegmate in fundo, & caruncula in sphinctere meatum obturante. 10.*

**S. I.** Spectatissimus Dom. Nic. Bischoff, Mercator ac civis Basiliensis, ἑσπαρκῶ optimeque temperatus, annos xxx. natus, cum paucis ante diebus hanc in urbem, negotiorum ergo se contulisset, cœna adventoria apud Ornatiss. Virum Dn. Freys hujus urbis Mercatorem, una cum aliis quinque aut sex amicis hominibus exceptus fuit, die Martis, quæ quarta fuit mensis sextilis anni currentis 1648. Remotis mensis, cum homini propter insignem vesicæ urinariæ a lotio distensionem, ob prægressam πολυποσίαν micturitiō quanta maxima suborta fuisset, vesicæ exonerandæ gratia in quoddam cubiculum illi triclinio proximum, in quo reliqui convivæ erant, jamjam domuitionem meditantes, clam omnibus se proripuit paulo ante mediam noctem, quo quidem in cubiculo accensa candela noctis tenebras dispellebat: Hic igitur ostium quoddam pessulo obsecratum conspiciatus, ad Australem prædicti cubiculi cubici angulum, rarus ædium latrinas heic sitas esse, pessulum ab ostio removit, eo penetraturus sine lumine: Verum cum ostium illud, fenestræ instar in aream subjectam saxis quadratis constratam prospiceret, supra quam aream prima contignatio (in qua ostium) altitudine pedum xv. elevabatur, per apertum illud ostium in aream subjectam pessum cecidit: Cum autem in area, præter alia vasa & instrumenta baphicis usibus destinata, vastissima quædam cortina cuprea collocata esset, cujus summum ad labrum (ut probabile videtur) inter cadendum dextrum λαγόνα graviter allisit, porroque in solum λυδῶς ἐσπῶν haud mollius corruit: Ab amicis consternatis, audito ruinae strepitu, illico concursus eo factus est, homoque semianimis humi repertus in lectum prope subvectus est: Medicus, Chirurgus & Arthrembolus accersiti, corpus ac singula membra diligenter pertractarunt ac explorarunt, num fractura, luxatio aut contusio quæpiam subesset, quale nihil apparuit: Interim xger de insigni solum dolore abdominis, præsertim circa hypochondrium dextrum, & cartilaginem xiphoidem conquerebatur, oblataque ita petenti matula, vix ac summo nixu guttam duntaxat unam & alteram non tam lotii quam sanguinis emisit: Extractus tunc fuit sanguis è Basilica dextra, clyster blandus injectus eccoproticus; vivo etiamnum verveci detracta ex tempore pellis toti ventri inferiori admota fuit: qua remota tota illa regio oxyrhodino pluries illita fuit: Postridie

mane cum nullo modo procederet lotium, immisso cathetere satis abunde profluxit urina cruenta, sed magna tensio eaque dolorifica totius abdominis deprehensa fuit, magna motus difficultas pectorisque oppressio, una cum febre ac siti non exigua: Advocato Medicorum celebrium consilio, conclusum fuit vasa aliqua majuscula intus disrupta, magno cum vitæ periculo, præsertim circa organa *ὀυρῆς*, renes scil. & vesicam, quare victus ratione & præsidii idoneis succurrendum: Venæ sectionem itaque semel iterumque pro modulo virium celebrandam, enematis frequentibus eluendam alvum nec-non quæcunque præstantiorum vulnerariorum in similibus casibus adhiberi solent, tum intus porrigenda tum exterius administranda; cumque vesica sponte non excerneret, cathetere juvandam ex intervallis: Omnibus hisce diligenter factitatis, nihilominus cum symptomata omnia ingravescerent, nec quicquam præter pauculum cruorem ex vesica excerneretur, insuperque singultus accederet, sitis, pectoris angustia, dyspnœa, leviculæ animi defectiones urgerent, decretum fuit paracentesin adhibere, ad educendam sensibilibiter cruorem extravasatum, & intra ventris inferni capacitatem effusum, unde præsentaneum vitæ periculum intentari videbatur: Ita ergo factum die Jovis, vj. Augusti, hora tertia pomeridiana, perfosso periti artificis manu abdomine, quatuor digitis ab umbilico, parte decliviori versus dextrum latus, statimque ex vulnuscule profluit sanguis ad *ḡvj.* Cannula vulneri imposita, & obturato foramine, æger quietior nonnihil videbatur, cum paulo post exacerbata omnia, oculi caligare cœperunt, vires fatiscere, ac tandem hora vj. pomerid. sana ad extremum usque spiritum inente, pie ac placide fato concessit, ita ut horas non amplius 42. à lapsu supervixerit.

Ut ergo varia damna internis partibus ex gravissimo casu ab alto, & quassatione immani inflata oculata fide noscitantur, iisque quorum interest designarentur, sectum fuit cadaver non ita multis post obitum. aoris à Chirurgo, coram Medicis: qua quidem in Anatomie hæc fere oculis sese oggesserunt notatu digniora *φανόμωνα*: Intra capacitatem abdominis magna sanguinis extravasati copia passim fluitabat, ob complurium vasorum *πύξιν*, præsertim vero vesicæ urinariæ, quæ ipsa circa fundum suum, qua rectum spectat intestinum, visa fuit plane displosa, ita ut vulnus ipsius hians ovum gallinaceum facile potuerit admittere, prætereaque pars hæc conceptæ inflammationis, nec-non ejus consecutivæ necroseos, tam interna quam externa facie manifesta præferebat vestigia: Laceratio etiam deprehensa fuit rami illius venæ adiposæ dextræ, qui cum musculo venæ ejusdem lateris conjungitur. Sugillatio quoque amplissima spectabatur non tantum exterius in cute lumbaris ac iliacæ regionis, sed etiam in subjecti peritonæi membranis, tota ea parte quæ porrigitur à septo transverso ad musculum Iliacum internum juxta psoa. Ren dexter cum appenso uretere inflammatione insigni affectus erat; quæ fortassis inflammatione insignita affectus erat; quæ fortassis inflammatio tam renis quam vesicæ, *singultum* istum quo vexabatur per xv. ante obitum horas excitavit: In medio corporis uentre, & quidem in pericardii tunicæ media parte ad lævam, ecchymoma apparuit effatu dignum, ex ruptura exilium aliquot ramulorum ejus venæ, quæ illam membranam ad nutritionis officium perreptat: Mirum ergo non est, si tot corporis partibus ad vitam pernecessariis, qua contusis, qua ruptis & inflammatis, cum acutissimæ *febris*, cæterorumque p.n. affectuum accessione, biduo nondum elapso animam efflaverit *ὁ μαρτυρῶν*. Scriptum Lugduni die ix. Augusti 1648. *Observatio Excell. D. D. Caroli Sponii, Medici Regii, Vice-Decani Facultatis Medico Lugdunensis Gallorum.*

§. 2. Universam renis dextri carnem ex propria membrana in vesicam secessisse ipsa met sectio facta ostendit: mihi autem (dum patiens in vivis esset) afferenti in urina frustula quædam rubra crassiora, carnem esse renum substantiam, nulla fides data est, donec (ut dixi) sectio ipsa veritatem ostendit; Inventa renis membrana alba & illæsa, omni carne prorsus vacua, vesica vero sanguine & carunculis repleta, ex quibus urinæ suppressio facta vitam seni sustulit. *Ex Observat. Herculis Saxonia.*

§. 3. Anno 1626. V. V. septimo supra septuagesimum ætatis anno, satis vegetus, refrigeratis pedibus, xi. hinc die urinæ suppressione cruciatus, oborta sensim febricula, omnibus à Prevotio incassum tentatis expiravit, effluente post lotio.

Corpore à P. de Marchettis eviscerato, Renes cæteræque generationis partes recte se habuerunt; Soli vesicæ orificio appendicula callosa interius adnata, & verius interior ambitus orificii membranofus, in articuli magnitudinem excreverat, quæ ante hac mictionem cætero quin difficilem, sensim producens, affluente post muco pituitoso, sic viam angustavit ut ne catheterem quid, in admiserit: Vesica erat lotio repleta rires pariter præclufa

clusa inferiore via : Vesica quinetiam, cum intestinis flatibus turgens, ab extensione ad<sup>co</sup> extenuata ut contactu fuerit disrupa : Inflammatio nulla initio, nec febris notata, quam progressu morbi deprehendimus : *Rhodus Centur. 3. Observat. 26.*

§. 4. Accessit ad nos æger qui à septem diebus nihil excreverat, & pariter sex diebus urinam non reddiderat; habitu corporis omnino cachectico & bilioso, ætatis consistentis: Acciti ut certiores essemus de affectu, catheterem immitti iussimus, exploraturi si quid eorum adesset quæ urinæ meatus obstruere possent: Chirurgus autem nihil obstaculi adesse affirmante, curavimus ad feces emolliendas frequentes clysteres injici (retentionem enim urinæ ab alvi duritie oriri suspicabamur) à quibus nihil fuit adjutus: aderat semper maxima virium imbecillitas: Pectini fuit admotum emplastrum de parietaria cum oleo scorpio-<sup>rum</sup>, per os diuretica, Obiit.

Dissecto cadavere, quamvis viscera essent male affecta, vesica tamen ita erat urina distenta, ut ex incisa plusquam libræ quatuor effluerint: nullum aderat ulcus, non calculus, non grumus sanguinis, non calculus, non materia viscida, quæ alias Ischuriæ causæ sunt: ita ut tandem communi consensu judicaverimus *facultatis excreticis vesicæ imbecillitatem* in causa fuisse, cum resolutione sphincteris: Erat enim facultas ita sopita, ut clysteres quantumvis acres, ex hiera & oleo rutæ, statim effluerent ægro non sentiente. *Jeremias Martins Observat. 4.*

## S C H O L I A.

**F**acultatis excreticis vesicæ imbecillitatem] Substantia vesicæ est partim membranosa ad robur, extensionem & corrugationem; partim carnea ad motum, Nam duas habet membranas & unum musciculum circumvolventem totam vesicam, quem omnes alii Anatomici, excepto Aquapendente, tertiam ejus membranam faciunt non musciculum: At revera musciculum esse ostendunt fibræ perspicue car-

nosæ, ad vesicæ initium insertæ: Ita ut quemadmodum musculus circularis, Sphincter dictus, vesicam constringit ne involuntariè nobis vesica effluat, ita hic ad excitationem urinæ faciat, dum se contrahendo vesicam constringit: Atque, ut musculus abdominis (qui quoque ad excitationem urinæ conferunt) nimium extensis, alvus adstringitur nec secernit, ita hoc musculo nimis extenso, urina cohibetur.

§. 5. Quidam dilatationem vesicæ patiuntur, paulatimque minuitur urina & supprimitur, ut nequeant nisi immisâ fistulâ mingere: & pedetentim *post dilatationem inflammatur vesica*, corrumpitur & sphacelatur, donec moriantur: Tres hoc morbo interemptos vidi, quibus vesica ad umbilicum usque extensa erat, ut maximam urinæ quantitatem, viginti circiter libras quandoque retineret: Morbus initio levis esse videtur momenti; cum parvo tumore intra pecten & umbilicum elevato, qui dum æger per fistulam mingit, evanescit, & liberati censentur, cum melius se habeant, & sint sine febre, sed omnes postea moriuntur. *Dom. Panarolus Pentecoste 1. Observ. 27.*

## S C H O L I A.

**P**ost dilatationem inflammatur vesica] Quo pacto interemptus Celeberrimus *Tycho de Brabe*, qui cum Pragæ in solenni convivio ultra vires & consuetudinem detineretur, diuque urinam cohiberet,

postea liber urinam amplius excernere non potuit, sed succedente vesicæ inflammatione, paulo post interiit.

§. 6. Filius N. in febrem incidit intensissimam cum urinæ suppressione: Secto illius cadavere vesica inventa maximæ molis, musculis adnata, urina aliisque excrementis plena una cum ureteribus, Renes in puero tantæ magnitudinis quanta vix esse poterant in adulto: Splenis quoque & dextri Hepatis lobi inflammatio aderat. *Io. Valtricus Rumlerus Observat. 40.*

§. 7. Claudio Guyot, septuagenario febricitanti, urina supprimitur, Ad calculum causam revocant falso: Mortuo fibræ vesicæ vim passæ videbantur: Ureterum & vasorum spermaticorum magna erat amplitudo. Quomodo suppressio urinæ contigerat? Jam senex immoderatius coibat, Et forte ob inanem conatum vasa vim passæ efformabantur: Sic non satis legitime serum prolecebant & minimo obice urina suppressabatur: An coitus immodicus suppressit urinam? A. Paræus id annotavit, credo authorem & rationem subsidiariam habere. *Ballonius Epidem. & Ephemer. lib. 2. pag. 156.*

§. 8. Viro Nobili in pueritia secto aderant signa omnia calculi, nisi quod catheter non inveniebatur: Mortuo, à male curata cicatrice, abscessus & gangræna in vesica, & vicinia inventa est. *Hollerius de morb. int. lib. 1. cap. 47. in Scholio.*

§. 9. Civis quidam Bergamus annorum 49. post equitationem, urinæ passus est suppressionem, cui mox febris, singultus continuus, tumor & dolor circa inguina successerunt: Accersito Nursino, immissaque in vesicam syringa, urina extrahitur: derumuit quidem



quidem venter dolorque remisit, sed in collo vesicæ occurrit quoddam obstaculum: hinc divinabat Sala inflammationem ejus partis, ob quam & febris & singultus ortus, ob partium membranarum consensum: Auctis symptomatis, imprimis urinæ suppressione, nil juvantibus remediis, post quinque hebdomadas extinctus est.

Aperto cadavere, in vesica tubercula bina, utrinque orificio apposita, invenimus, forma & magnitudine testium, æqualiter se supra foramen volventia, quæ cedebant syringæ immisæ, sed statim recidebant in pristinum locum illa extracta: Discissa illa nihil puris ostendebant, sed substantiam glandulosam & candidam, quasi huc testes essent translati: Dextrum majus quam sinistrum, hoc tamen ad nigrorem vergebat: Vesicæ inferiorem partem gangræna invaserat: Tumor igitur ille in vivente apparens inflationi potius intestinorum adscribendus quam vesicæ protuberanti: Pus copiose in urina effluens, ex ejusdem forsan corruptione, vel vesicæ inflammatione, vel denique ex renibus traxit originem. Intestinum colon dextro latere peritonæo firmiter adhærebat. *Thomas Bartholinus centur. 9. histor. 52.*

§. 10. Vir Illustris *Nic. Claudius Peireskius* Senator Aquisextiensis, die Junii x. 1637. cum invisisset amicum in diversorio decumbentem, ac in ædes suas transferri curasset, post illius convalescentiam, cœpit male habere, ac capite dolere cum febre: Die insequenti totum diem decubuit, ac præter febrim, dolorem renum hæmorrhoidumque persensit: Die alio secta ipsi vena: Die 16. ad dorsum frequentissima exanthemata satis magna ac rubicunda: Subsequentum est febris incrementum & nox insomnis penitus: hinc die alio sub vespæram eductus est sanguis ex interiore dextri pedis suffragine, ut averteretur delirium: Die xx, quo non tanta fuit quanta superioribus stranguria, aliquanto se melius habuit: Die xxij. cum ille continenter sellæ insedisset, cui imponi se jussisset, ut facere posset urinæ diminutionem faciliorem, defessum nimis arbitrabamur, loco emoveri renuit, semoverique arbitros jussit, ut capita quædam Testamenti dictaret, subscribere autem præ debilitate non potuit, urina interim retenta, tumorque magnus ac intensus ad ipsam vesicæ regionem subortus: Die xxij. mane satis quiete se habuit, ægreque tulit fomenta quædam tumori illi applicari: Sub horam quartam educenda Chirurgi ope urina fuit: Is cum cerea candela usus nihil proficeret catheterem usurpavit, Et satis quidem tum derivatum, sed immenso viri labore, qui cum stare ipse non posset, continendus erectus fuit: Cum nonnihil interquievisset, post horam nonam iterum Chirurgus urinam eduxit, verum parum abfuit quin deficeret, tanto dolore, tanta simul lassitudine fuit affectus: Die xxiv. regio abdominis, quam prætumidam intensamque diximus, emolliri nonnihil visa, ita deinceps tensa est, ut questus fuerit se suffocari: Abnuabat cataplasmata, nec ad longum pertulit tempus: In remedium ergo ciendæ urinæ quæsitus Chirurgus, quo frustra adnitente, ob corrugatum præputium, catheterem inducere, est iterum plane collapsus: Resumpserat aliquid virium, cum Chirurgus aliud organum vix tandem intravit, urinamque frustra excire tentavit, ac ipse defecit jam tertium: verbum certe nullum deinceps emisit, tametsi creberrima difficillimaque respiratio visa est interdum vocalis: Denique tot laboribus fractus animam Deo reddidit, paulo ante horam à meridie tertiam, cum vixisset annos 56. Medicis visum est partes corporis internas spectare, ut mortis causam, licet non foret prorsus obscura, perspicerent.

Itaque nocte consequente in id incubuerunt, exectoque cadavere, deprehenderunt Cor, Jecur, cæteraque non male affecta: Vesicam vero parte anteriore id contraxisse vitium, ut madefactæ papyri instar, vel levi tactu discerperetur: Hinc creditum illam ab uno alterove die disruptam, urinamque proinde effusam in regionem abdominis, memoratum illum tumorem creasse: Postica pars sana & integra magis: In fundo autem copiosum phlegma, cum arenulis non admodum multis: Ad sphincterem caruncula, callosæ substantia fuit, quæ inferne lunulata, & triente prope digiti densa, meatus orificium obstruebat: In sinistro rene nihil insolitum, at in dextro fuere arenulæ multæ, cum ple-risque calculis, ex quibus tres majores visi, unus quasi amygdalum, cæteri duo quasi lupini: Ex hac ergo causa Nephritis ad dextrum latus fuerat: ut Stranguria ex obturato per carunculam orificio. *Petrus Gassendus in Ejus vita lib. 6. p. 574. usque ad 584.*

## OBSERVATIO XIII.

*Ischuria à carnibus spongiosis juxta vesicæ orificium internum adnatis.*

§. 1. **R**efert *Lud. Duretus*, annotat. in *Hollerium*, quendam Ischuria ex resolutione vesicæ interiisse: Sæpiissime apertis cadaveribus eorum qui Ischuria interierant, inven-

ventæ

ventæ carnes spongiosæ, juxta orificium internum vesicæ adnatæ : Interdum Calculi ibi hærentes : Quando igitur adest dolor cum meiendi desiderio, suppressa tamen urina, suspicari licet istam excrecentiam fungosam : vel lapillum in orificio hærentem : Vel orificium vesicæ callosum, quod non potest dilatari : Vel glandulas prostratas tumefactas, vel scirrhasas ; quæ omnia in variis corporibus observavi. *Riolanus Anthropol. lib. 2. cap. 28.*

## APPENDIX.

*Observatio non vulgaris, qua constat, non modo stabulante calculo, sed etiam in urinæ suppressione, aut difficultate graviori, superatis levioribus auxiliis, secari tuto vesicam.*

**S**Cias me prope sexagenarium, habitu tenui & macilento, ab immodico viscerum calore, totiusque corporis squallore perpetuo fere causarium, subsultoriam præterea medicinam laboriosius agentem, nuper medio Aprili, incidisse derepente in molestissimam stranguriosamque vesicæ difficultatem, cum insigni ponderis sensu in perineo, urethram, ipsumque præsertim balanum, maxime dum se laxaret aut constringeret musculus ad exclusionem urinæ, quæ tum prodibat paulo crassior cum sedimento purulento, minus tamen exquisitè confectò : Interim mihi consulo sanguinis tum è manu, tum è pede detractione, lenienti purgatione, frequentibus clysimis refrigeranteque victu : Cumque in levioribus hujus morbi prolusionibus integer fere mensis assumptus fuisset, tandem die v. Maii in omnimodam vesicæ suppressionem noctu me sensim delapsum sentio : Vix dici potest quantos cruciatus brevi attulerit horrendum hoc symptoma, quantum fuerint inania usurpari solita artis præsidia, *quantum cura potest arsque doloris* : quibus cum nihil proficerem, coactus sum circa vesperam admittere catheterem, solerti *Johannis Bugii* manu introductum, sed sine successu, revulso propulsatoque toties à renitente sphinctere instrumento : Moneo intrepidus hærentem amicum satagat audentius penetrare, superareque obstaculum : At vir prudens dum gravius quid metuit, majorem vim adhibere recusat : unde summa mihi & illi desperatio, cum omne à longinquo quæsitum remedium, in tanta tormentorum sævitia nimis serum videretur : Venit in tanto agone nobis in mentem Dominus *Fulvus*, magni nominis Medicus, & in morbis vesicæ per manus operam sanandis spectatissimus, Medicinam exerceens in Macloviensi emporio, novem leucis hinc dissito : Expeditus statim cursor, at frustra hæc diligentia fuisset, nisi miro Dei beneficio contigisset tunc tot votis exoptatum virum in Pontorsunensi diversorio præsentem adfuisse : Is de meo periculo eodem fere momento admonitus, advolat sua sponte, primoque ingressu me prope exanimem spem jubet habere ratam, polliceturque se non prius discessurum quin me à morbo securum reddidisset, statimque vesicæ distensionem, miramque ad superiora exagitationem contemplatus omnia ex arte molitur : Ter etiam catheterem admoveat, & licet toties repulsam fuerit passus, non destitit tamen ab instituto, sed remolitis larga olei affusione partibus, & iteratis enematis, fotibus, infessibus, admissaque iterum fistula, urinam tandem educit copiosissimam : Cumque hac ratione se pro tempore meæ salutis prospexisse existimaret, derelicta *Bugio* nostro admovendi prædicti organi, quoties necessarium videret, cura, intermissum iter persequitur : data fide se post sex dies rediturum : Verum cum paulo post ejus discessum, admissus denuo pro necessitate catheter suo attritu perripisset, detexissetque insignem Abscessum circa vesicæ collum, copioso puremanantem, iterum urinam supprimi contigit, rarius laboriosiusque proficiente catheteris auxilio : Visum interim *Andream Gaudinum* Celeberr. Medicum Academiæ Cadomenis instauratorem, de tam præcipiti periculo certiolem facere, ab eoque sciscitari, num victis aliis remediis *Vesicæ sectionem*, quam solidaria meditatione pro unica salutis anchora animo concipiebam, approbaret : Hujus Doctrissimi viri responsum, non alienum à votis, redditum mihi eodem fere momento quo rediit desideratissimus *Fulvus* intra fatalia tempora, quibus ob tormentorum auctam sævitiam, citra moram de rerum summa decernendum erat : Itaque cum tentato frustra cathetere, facile animadverteret Vir sagacissimus omne mihi præclusum vulgare auxilium, fatetur unicam superesse salutem in *Vesicæ sectione*, circa quam me veluti gestientem adeoque pronum videbat, suadet tamen in crastinum differendam : At ego collabi interim vires advertens, exclamo minime procrastinandum remedium, certæque desperationi præferendum : Acquiescit sapientissimus artifex : Attamen ut palam faceret se nihil temere suscipere, depromit è sinu aureum *Enchiridium* (*Riolani*) in mediumque profert sententiam de vesica, in summa hac desperatione

tione secunda, affirmatque se hujus felicem successum in pluribus alioqui desperatis comprobasse, Quid plura? statim suscepta à strenuo viro, statim peracta Chirurgica operatio, incredili celeritate felicitateque: Educta insignis cœnosi crassique puris, diu in toto sphincteris ambitu suppressi copia: Habita deinde diligens admodum vulneris cura, intra xx. dies inducta cicatrix; Quam tamen omnino obfirmari & callo prorsus obduci veritus sum &c. *Vir Nobilis Carolus Arturus Plessius Dom. Abrincensis, in Encheiridio Riolani.*

Anno 1675. mense Febuario, *Nicolaus Mercier*, Mercator Geneventis, vir crassus & obesus, annos natus lxij. de stranguria conqueritur, quam ischuria excipit: Uritur opera periti Chirurgi *Lud. Bailly*, qui cathetere calculum in urethra subsistentem deprehendit; hunc vero, præmissis fotibus malactieis & injectionibus ex oleo amygd. dulc. ope vossellæ arripit educitque: Accersitus ego, lapillum examini subjicio, qui ruber, asper & angulis donatus erat, pisi majoris magnitudine, fragmenti vero notas gerebat, ideoque latitare in vesica aliam portionem asserui: biduo tamen integro libere effluit lotium, quo elapso redit Ischuria, cum tenesino ingentique dolore: quare præmissis enemare, encathisma præscribo: patienti illi insidenti julepus sequens propinatus fuit, R. syrup. de althæa Fern. ol. amygd. d. rec. āā. ʒj. ol. amygd. amar. ʒss. aq. parietar. malvæ, vini albi āā. ʒij. succi citri ʒss. hinc dolor ingravescit, quem sublequitur leipothymia, quamobrem vix ob gravitatem eductus æger lecto imponitur: recreatis viribus, dolorum immunis est, calculumque se exclusisse asserit, quem fecibus alvinis inquinatum & immixtum indagare non licuit: Triduanas inducias concessit dolor, succedente iterum ischuria, quæ catheteris opem exegit, paucam & ægre urinam elicientis: hic quo sæpius introduceretur, eo gravior succedebat dolor, præeunte urinam & subsequente pure, unde conjectura assequutus sum, circa ostium vesicæ adesse abscessum eo quod puris portio in fundum vesicæ secederet, dum alia urinæ præiret: Ægro in eo in statu constituto (qui & fatum sibi brevi instare prævidebat) nuntiavi unicum in sectione esse præsidium, nec aliam superesse salutis spem: à frequentiori catheteris inductione ulcus exasperatum iri: carunculas, si quæ subessent, incrementum sumpturas; si quis latitaret adhuc calculus, cum ad ostium appellentem, viam omnino interclusurum: Præsto esse, nec è longinquo accersendum periculum lithotomum, dictum mag. *Bailly*, cui se crederet: Annuit æger, peragiturque operatio magno quem vocant apparatu: Protinus exiit urina, puri multo remixta, comitibus arenulis & calculis plurimis: Eductæ quinetiam quatuor carunculæ, fabæ majoris magnitudinis, & postridie tres: Nulla vulneri succedit inflammatio, nulla febris, intra quatuor hebdomadas cicatricem id contrahit: Octavo post operationem die solito tramite profuit lotium: Sed cum pertinaci anorexia, alterius causæ sobole, toto menstruo spatio mihi dimicandum fuit.

§. 2. Vir sexagenarius numerosis carunculis calculoque acerbis vexatus & subinde *ixorelæ* perpetiens, lithotomo se subjecit: Calculus ovi gallinacei figura & trium unciarum pondo fuit quidem extractus, at xxv. ab illius *Λδορμίας* die excessit è vita.

In illius cadavere juveni novem corpora carnea conoidea sive pyramidalia, pulli gallinacei cordis, respectu molis & figuræ (ventriculis unice exceptis) prorsus æmula, quæ in internam vesicæ cunicam radicibus penitus defixis: illi hederæ instar mero in hærescentis, intime densiusque cohærebant: illorum quippe bases, radicularum fibrillas quoque versus in vesicæ multum incrassatæ indurataque corpus jecerant: at illorum confusque conferti & densi circum circa vesicæ cervicem erant, ut hac sua conferta densaque serie & adunatione crebra, omne prorsus iter excludendo lotio, una cum calculo quem concludebant, identidem interceperint. *Observatio Clar. D. D. Caroli Drelincurti Professoris Pract. & Anatom. Lugd. Batavor.*

## OBSERVATIO XIV.

*Ischuria ob lapidem urethræ impactum.*

**C**hirurgus peritus impacto in medio virgæ lapide, xv. diebus habuit urinam suppressam, quæ nullis unquam auxiliis potuit effluere.

Post mortem secto pudendo, inventus est lapis magnus, rotundus, durissimus, rubri coloris, aculeis undique in orbem constans, pondere granorum xlv. qui larga prius sequuta hæmorrhagia hominem jugulavit. *Zacutus Præxi Adm. l. 2. Observat. 76.*



## S C H O L I A.

**C**lar. *Franc. de le Boe Sylvius* professus est se Ischuriam à calculis numerosis urethram obstructibus observasse, quos ut educeret, cum jussisset candelā introduci ceream, eger ait calculos copiosissimos, magnitudinis varie & perfecte rotundos, ac si arte tales fuissent facti, cum urina itidem copiosissima excrevit, & sic liberatus fuit à molestissimo isto morbo. Circa radicem penis subsistentis calculi educi, mediante incisione, vide exemplum in Epistolis

Clar. *Bartholini* Centur. 4. Ep. 5. Atque anno 1668 ischuria laborantem puerum, ob inhaerentem & impactam in virgæ medio calculum, feliciter liberavit, me præsentem, peritissimus Chirurgus Genevensis P. *Fonbert*, incisione facta eo loci ubi prominebat ac vulnere intra octo dies omnino consolidato.

Eximendi è cole calculi rationem vide apud *Tulpium* lib. 3. cap. 8. Et lib. 4. cap. 34.

## OBSERVATIO XV.

*Ischuria à præputio foramini glandis innato.*

**I**nfanti masculino in lucem edito præputium omnino coaluerat, ita ut urinam reddere non posset: Cum prior Chirurgus advenissem arrepta forcice præputium leviter scidi, effluxitque pauca urina quæ vix testiculos illius madefaciebat.

Mortui præputio considerato & secto, deprehensum fuit illud foramini glandis innatum, id penitus obturasse atque occlusisse: *Platerus observat. lib. iij pag. 600.*

## S C H O L I A.

**A** Membrana occludente urethre orificium Ischuriam ortam vidi in recens nato puello, Neocomi Helvetiorum, filio Magistri Guenaud Notarii. Me jubente à Chirurgo petito, *Simeone Puri*, lanceolæ cuspidem apertam fuit, mox profluente urina: Ne coalesceret vulnus obtulit cannula plumbea statim imposita. anno 1659.

Varios casus sæpe vidi, unicus nunc mihi occurrit numerandus, Præterito anno, horologiarum uxor Ge-

nevensis peperit filiolum, cætera perfecte sanum, præterquam quod à partu stragula non madefacta observantur eam habentes, indeq; urinam non decenter emitti caute judicantes: Reperi glande fuisse perforata, quæ levicula perforata per phlebotomum copiose urinæ viam patefecit. *Ex communicatione*

*Excellentissimi & Præclarissimi Domini*  
*Joh. Gaspari Baubini Archiatri.*  
*Basileensis, &c.*

## OBSERVATIO XVI.

*Ischuria, Dysuria, Stranguria Vesiculis, à corpore vesicæ in substantiam callosam converso, cum duobus corporibus juglandis magnitudine illi adnatis.*

**C**um profectus fuisset Carnutum, ut votum solverem Beatissimæ Mariæ Virgini, Sacelli sacrista sexagenarius me consuluit de inveterata Dysuria, interdum stranguriosa, Iudicavi subesse calculum in vesicæ, Unicum salutis perfugium in ejus extractione: Maluit æger vivere in ista miseria quam periclitari vitam, Tandem Ischuria vesicali interijt: *Medicus Carnutensis Doctissimus, Dom. Ludov. Patin,* mihi rescripsit quæ in ejus vesicæ rara fuere reperta, Referam ejus verba.

Cum venimus ad Renes, hos cernere erat dimidio majores solito, sero refertos & turgentes, nullo modo obstructos: aderant in sinistri parenchymate minutiores aliquot arenulæ: Venimus ad uretes, quos invenimus amplissimos, & ita distenos ut minorem digitum facile possent admittere, sed in iis nihil præter serum: Ut autem vesicam attigimus, sensimus in ea delitescere solidum quippiam & durum: Ea aperta, occurrunt nobis duo corpora, nucis juglandis magnitudine firmiter adhærentia, Unum densum & undique sibi simile, alterum sanguine coagulato intus refertum: Iis avulsis cum aliud se offerret longe crassius, totam vesicam exsecuimus, & pro corpore cavo membranoso, extenso, quale vesicæ esse debet, plenum, solidum contractum reperimus: certe fundo excepto, vix uncie lotii continendæ capaci, reliquum omne moles occupabat glandulosa, albicans, & quodammodo callosa, ab ambiente membrana nulla arte separabilis, & in quam ipsa vesicæ substantia omnis abiisse & versa esse videbatur, Aequabat illa pugni unius majoris crassitiem, in medio canaliculus urethræ continuus, sed admodum exilis ad fundum tamen usque pertinens, & totam ipsam massam permeans, quem unam ex superioribus glandulis obturasse, & ischuriam fecisse par est suspicari. *Riolanus Anthrophgr. sine.*

## OBSERVATIO XVII.

*Ischuria ob tuberculum scirrhosum inter collum vesicæ & intestinum Rectum. 1. In puero, ob penem abdomini commatum, & Pituitæ copiam in vesicæ, 2. Ob mucum in vesicæ & ureteribus. 3. Ob compressum vesicæ orificium à calculo in corpore glanduloso genitum. 4. Ob corpus glandulosum tumidum. 5. Ob Prostetas pure tumentes & ulceratos. 6. Ob Steatoma prope vesicam. 7.*

**I. S.** **A** Medeus inter collum vesicæ & intestinum rectum, tuberculum scirrhosum habuit, unde sæpe dysuria & ischuria. *Vide tit. de Cachexia.*

MMmm

§. 2. X.

§. 2. X. Decemb. 1674. obvenit mihi puer v. ann. alias bene sanus, In cujus vesica urinaria pituita inveniebatur insignis copia, unde Ischuria laboraverat per aliquot dies; Urethra valde hic angustata, sic ut ne quidem stylo subtiliori daretur via: hæc se extendebat versus umbilicalem regionem, ubi urina, quoties fortiter comprimebatur vesica, exstillabat: Causa hujus rei erat firmior penis cum musculis ventris externis coherrentia; Similis omnino illi quæ in canibus aliisque bestiis notatur: nulla hic membri mobilitas, qualis in homine naturalis, eo quod libere à corpore dependeat. *G. Blasius p. 4. Observ. med. xxj.*

§. 3. Ludov. Fredericus Nob. Brixianus dum puer à fratristergo diebus canicularibus equitando iter ageret, incalescentibus à Solis feruore renibus sanguinem minxit: A quo symptomate liberatus, postea anno æt. circiter 20. coepit conflictari Ischuria, qua tandem Patavij extinctus, intra duas horas scroto in magnitudinem capitis intumescere cum scirrho.

In defuncti corpore nihil vitii præter mucum in vesica & ureteribus. *Th. Bartholinus in Actis med. ann. 1674. 75. & 76.*

§. 4. Paucis notatum quod *Fabr. Bartoletus* Pisis observavit, in corpore glanduloso, à semine retento genitum fuisse calculum, quo vesicæ orificium comprimente, urina fluere desit. *Iob. Rhodius centur. 3. observat. 27. Bartholinus cent. 4. Epist. 6.*

## S C H O L I A.

**P**aucis notatum, &c.] Aequè rara est causa quam notat *Platerus* Prax. lib. 2. cap. 8. scil. Inflexa seu contorta vesicæ cervice, sicut in intestinorum convulso accidit, urinam penitus suppressam fuisse in pilatore, cui vesica, facta ruptura in inguine, in scrotum descenderat, ubi admodum distenta latebat, nec urinam, vel cathetere immisso, reddere potuit, donec

Chirurgus inscius vesicam esse, dum sectionem tentat, vesica vulnerata urinam profudit, ægroque statim levamen, sed summum periculum peperit, à qua tamen liberatur, fistula illic relicta, per quam urinam, quando volebat, reddebat, extracto petaceo, quo eam alioquin retinere & foramen obturabat, emittebat.

§. 5. Observavit *Iob. Riolanus* lib. 2. Anthropogr. cap. 28. in suppressione urinæ glandulas Prostatas tumefactas vel scirrhasas

§. 6. Sæpe urinæ suppressio accidit inflammatis tumefactisque supra modum prostaticis & vesicæ cervice, quod in quodam vidi, cui vesica urina distenta erat, prostaticæ vero p. n. tumentes, &c. *Vide tit. de mictione difficili.*

§. 7. B. Olai Hafniensis, auno ætatis 36. circa inguina in hypochondrio sinistro tumorem gestavit exiguum, qui sensim tractu temporis in magnam molem excrevit, durus ad tactum & inæqualis, donec urinæ sequeretur suppressio, maximo ægri incommodo, & dolore nonnunquam ad decem protracto dies: frustra variis adhibitis medicamentis, modo calculum pellentibus, modo serum educentibus, universum corpus extenuatum, præter sinistrum pedem tumidum, tandemque cum urinæ incontinentia diem supremum miserè clausit: Tumoris in vivo varius perhibebatur status modo enim sursum vadere visus modo deorsum, modo tribus locis dispersus, unde suspicabantur æger & assidentes viva animalcula interius condi.

Cadaver aperui, & primo in hypochondrio sinistro versus inguina, tumor palpantibus patebat ingens, ad umbilicum usque protensus & undique durus, nisi quod umbilicum versus punctum molliusculum suppurationis quandam speciem præ se ferret: Pes sinister cum crure tumidus, reliqua membra omnia extenuata. In aperto abdomine sani muscoli, sed peritonæum purridum, sine ullo omenti vestigio, His remotis, prope sinistrum vesicæ latus tumor ipse comparuit, capitis virilis magnitudine, firmiter vesicæ adnatus, recto intestino & ossi pubis, ut sine læsione partium illarum separare fuerit impossibile: Externa forma oblongior & ovalis, sed inæqualis crystallorum instar vel matricis calcedoniorum, splendens velut glacies: interior facies solida sine cavitate erat, hinc inde tamen exilibus meritis serum continentibus pertusa, cavitasque una superiori parte sanguine plena qua molities externa fuerat, substantia steatomatis, mollis, butyro congelato æmula, sed prosus singularis, non cartilaginea, non adiposa, non glandulosa, non carnosæ, vitreæ pituitæ concretæ haud absimilis: Existimabam primo intuitu vesicæ esse appendicem, qualem in *Casuboni* cadavere *Thorius* descripsit, sed cavitas deerat, nec ulla cum vesica illi intercedebat communio, præter adhesionis, Vesica ad latus dextrum lotio turgida: ea dissecta grumos quidē sanguinis in fundo invenimus, nullum autem ad steatoma communem ductum: Mirum autem non est quod suppressione urinæ miser æger laboraverit, Ab incumbente enim gravi steatomate orificium vesicæ comprimebatur: Reliqua intestina sursum erant protrusa: Lien exilis; cætera scrutari per præficas non licuit *Bartholinus hister. xxij. centur. 1.*

**I**N externis Steatomata describit Severinus de abscessib. 3. diuersi ponderis: nulla fere notat in internis, nec tantæ molis sicut nostrum: Fallopius non male originem horum refert ad siccam pituitam qualis hæc videbatur, & melancholicæ portionem, de quo videatur Severinus dictus Tit. 3. cap. 4. Idem Fallopius in steatomate à se aperto, in medio liquorem quendam crystallo & adamante lucidiorem reperit. In nostro crystalus videbatur concreuisse, ut *Tumor Crystalinus* appellari possit, refescebatque exacte splendentem, valorum lymphaticorum à nobis inventorum faciem: Unde materia hæc sit congelata non æque manifestum: Non videtur per

transudationem à vesica aut mesenterio, quia crassior est liquor hic, nisi à partium membranarum frigore sit condensatus: Foritan per arterias Iliacas deposita fuere excrementa sanguinis: corruptus enim sanguis atrophiam induxit, hinc pes ejusdem lateris intumuit, repletis venis ascendentibus sanguine pituitoso, & per steatoma retardata nonnihil sanguinis circulatione. Ex mesenterii glandulis excretum in abdomine steatoma librar. 18. observavit Tulpus lib. 2. observat. c. 32. An vicina vasa lymphatica nostra copiose circa pelvim vesicæ spacia congesserint crystallinum liquorem, vel rupta fuerint, eruditissime relinquendum. *Idem ibidem.*

## OBSERVATIO XVIII.

*Ischuria ob callum collo vesicæ substratum, Meatus urinarios flatibus distentos. 1. Ob Abscessum inter Renes & Vesicam. 2. Ob Colon sinistro reni alligatum, Intestini recti plenitudinem. 3. Ob Rectum intestinum flatibus & facibus turgidum. 4. Ob Coli insignem plenitudinem & Intestinorum phlegmonem. 5. Urinæ paucitas ob Tumorem circa mesenterii exortum. 6. Ischuria ob prolapsum mesenterii & intestinorum in scrotum. 7. Ob Tumorem inter alvum & vulvam. 8. Ob inflammationem gibbæ partis Hepatis. 9. Oblapidem in uteri cavitate, vesicam prementem. 10. Ob corpus callosum uteri vices supplens. 11. Ob ventriculum perforatum.*

§. 1. **A**Nno 1624. interiit Franciscanus quidam ex mictu abolito, cui dissecto reperti sunt inter cætera meatus urinarii flatu distenti: Renes interne pustulosi, lividifque carunculis oblit: Callus enormis & inæqualis sub collo vesicæ, quæ ipsa undecunque turpi sanie defœdara, eademque toto habitu prætensa tentabatur atque prædura. *M. Aurel. Severinus de Abscessibus pag. m. 276.*

§. 2. Dom. N. famulum habebat, qui ex contusione lumborum in eorum internam inflammationem incidit, cum *urinæ suppressione*: Eo vita defuncto animaduerti in internis, musculis abscessum a renum regione ad fundum vesicæ exporrectum delitescere. *Observ. Jac. Oethei.*

§. 3. Puellus 8. die obiit, perparum minxit: medium Coli intestini reni sinistro alligatum erat & inflammatum: Rectum pugni instar amplum, flatibus & materia nigra refertum. *Vide tit. de alvo adstricta.*

§. 4. Aperui puellum qui nec per alvum nec per vesicam excrevit: Intestina omnia flatibus turgida admodum, præsertim rectum, quod præter flatum excrementis etiam liquidis plenum erat. *Vide tit. de alvo adstricta.*

§. 5. Cuidam Colon, quæ mesenterii complexus est, inflammatum totum; cætera parte cyaneum, & pene ad gangrænæ modum emortuum, distentum foecibus & flatibus, quibus & omnes intestinorum ductus extumescabant, unde forte suppressa lotia postremis vitæ diebus. *Vide tit. de ventris tumore.*

§. 6. Benjamin N. ex lapsu ab equo circa regionem Lumborum contusionem passus est: hinc urina pauca & ejusdem aliquando suppressio, absque arenulis: In defuncto, circa mesenterii exortum ingens apparuit tumor, involvens in sua mole vasa emulgentia &c. *Vide lib. 2. Tit. de Phthisi.*

§. 7. Vidit Sala mesenterium cum tenuibus omnibus intestinis in scrotum delapsum, quæ mole compresso vesicæ collo orta Ischuria. *Bartholinus histor. 95. cent. 2.*

§. 8. Vxori N. exerevit inter alvum ac vulvam ingens tumor, qui tandem suppressit alvum ac vesicam. *Vide tit. de alvo adstricta.*

§. 9. Puellus dies 15. natus ventris torminibus correptus est, ac post multam urinæ profusionem, plane fuit retenta usque ad obitum: In gibbo hepatis, ubi cava exoritur, insignis inflammatio cum nigredine inventa est: nunquid hæc causa retentionis urinæ? Renes enim, vesica, &c. citra vitium. *Vide tit. de ventris dolore.*



§. 10. Spectab. Dn. Krekeri Mercatoris Warsaviensis filiola annorum quinque, urinæ partim suppressione labefactata, partim omnimoda vesicæ compressione, tandem cum gravi dolore & sui & parentum moritur.

Facta post mortem per Lithotomum sectione, in vesica præter spatium nihil inveniunt, sed ipsam uteri cavitatem distentam, & in ea lapidem album oblongum, aliquomodo spongiosum, sed tamen gravem, formam ovi columbini paulisper excedentem, conspiciunt, qui vesiculam compressit, ut nulla urina permeare potuerit: *Andreas Knoeffelius in Miscell. Curiosis anni iv. Observ. 65.*

§. 11. Mulier gravidam se credens, de dolore & urinæ retentione conqueritur: In mortua nunquam comparvit uterus, sed ejus loco callosum quoddam corpus.

§. 12. M. Georgi Iustifiliolus 9<sup>o</sup>. ætatis anno decumbit ex diarrhoea, cui difficultas mingendi primum, mox omnimoda urinæ suppressio succedit: curatur ab aliis tanquam calculosus: pridie quam moritur, vocor, ac quod convulsorii quidam motus sese proderent, uterendum ne Epilepticus moreretur ex Coacis prædico, id quod & sequente nocte statim contigit: Petiit à me parens cadaver ut aperirem.

Sectio ergo peritonæo, tota capacitas abdominis aqua repleta occurrit: rem admiratus, vesicam statim exploro, quam integram invenio, Ascendo per ureterem sinistram, atque eundem saluum una cum rene deprehendo: dum ergo ad renem dextrum progredior, & intestina revolveo, ventriculum reperio circa pyloron longitudine digiti articuli perforatum. *Ph. Salmuth Cent. 1. Observ. 1.*

#### SCHOLIA.

**C**um ratione diarrhoeæ prægressæ vitium pro-  
statio adesset, potumque copiosorem æger ex-  
peteret, hic dum ad intestina & epat transmittendus  
erat, prope pyloron ad abdominis cavitatem fuit de-  
latus: De causis perforationis nõ leviter dubitavi: hic  
quidem diebus aliquot ante lumbricum rotundum  
ejecerat, unde hærebamus an à verme forsan per-

foratum illum fuisse statuendum esset? quemadmo-  
dum intestinis accidisse, in eo abdomini legimus: sin  
vero ab acri aliquo humore, qualis diarrhoeam ex-  
citavit? Lumbricus certe si ventriculum egres-  
sus est, quomodo per intestina rejectus,  
aut in ventriculum rece-  
ptus fuit. *Idem*

#### OBSERVATIO XIX.

##### Ischuria à causa abdita.

§. 1. **D**vo insignes homines, Quæstor le Veau, & D. Morlerus Consul Regius, à sup-  
pressionem urinæ interierunt, Chirurgus, qui cadaver secuit, affirmat *nihil com-  
memoratu dignum repertum esse* (nisi quod caruncula in D. de Veau adesset) quod urinam  
suppressisset, Et tamen Medici diureticis vehementissimis ægros valde exercuerunt: Imo  
D. Morlero datæ potui cantharides, hinc gravissima & valde terrifica sequuta sunt sym-  
ptomata, ideo nonnisi cum magna cautione id faciendum. *Jac. Theuart. Nota. 13. in Conf.  
hyemalem anni 1575. Ballonii Epid. & Ephem. p. 166.*

#### SCHOLIA.

**I**sta suppressio meo judicio, à quadam necrosi re-  
num est, aut quia refunditur alio rerum, aut quia  
facultatis naturalis casus est quidam & imbecillitas:  
Et pace doctiorum dicam, in talibus suppressionibus  
venæ sectioni locus non est nisi præparce: At dicunt,  
febris est, unde suspicantur inflammatoriam disposi-  
tionem causam istius suppressionis, Errant, nam sup-  
pressio feri, & refluxio in genus venosum facit febrem  
advocat, & aliquantulaeductio sanguinis tolerari  
potest *Hippocr. 3. aphor. dysuriam & stranguriam*  
valde senibus proprios morbos asserit, quod ad im-  
becillitatem revertere oportet, & ad facilem obstru-  
ctionem in illis, quia vasa facile collabuntur & con-

nivent, Et si videmus quosdam etiam juvenes, cum  
ægotare incipiunt, statim imbecilles esse valde &  
*Idem*, multo magis id senibus eveniet, quibus fortis  
non sunt febres, quia paucus calor, & frigiditas &  
siccitas est magna, unde inepta sunt instrumenta:  
Imo fieri potest ut in principiis morborum, sine cal-  
culo, aut renum proprio vitio sit urinæ suppressio, ab  
oppressionem naturæ; Et quia cum multa sit cruditas  
dum sese ex pedire vult, omnia confundit & pertur-  
bat: Urinæ suppressio contigit servo *Idem*

*Patroviarii*, prout purgatus est ita  
facile minxit. *Idem*  
*ibidem.*

§. 2. Rara est Observatio Anatomica super cadavere Reverendissimi Episcopi Cestren-  
sis, nuper factæ, Cum Illustr. ille Dominus diu calculosus, demum à suppressione urinæ diu-  
turna farum objerat, mox præsumebant omnes lethi causam fuisse Vreteres à lapide aut  
materia sabulosa penitus obstructos: Nulla omnino in ductibus istis obstructio aut loci  
impedimenta deprehendi poterant.

§. 3. Similem huic Observationem Anatomicam haud pridem à se factam retulit mihi  
Vir Doctissimus DD. Lovver, Vbi nimirum Ischuria lethalis, nulla prorsus circa vias uri-  
narias sui vestigia reliquerat, *Tb. Willis Pharmacop. Ration. p. m. 167.*

#### SCHOLIA.

## S C H O L I A.

**H**inc conicit Vir Excell. Si quidem Renes insuper facti tecti erant, morbi causam omnino in sanguinis concretionem & compactionem nimiam constituisse. Ut enim præcipuam & maxime crebram Diabetis (affectus contrarii) causam in sanguinis mixture dissoluta nimis & laxa consistere ostendit; Sic pari ratione *supra* minutam & debito paucio-rem, sæpenumero à sanguinis compage nimis stricta & vedut obserata pendere: Quoad Catus à *Riverio* alla-

tos cent. 1. obser. 1. aitiologiæ ab eo allata non assentitur, quia, valorum emulgentium non illud munus est quod Vir Clar. assignavit: Non venæ enim sed arteriæ serum una cum sanguine, absque ullo urinæ plenitudinis aut rigiditatis periculo constanter decurrunt: Cur autem serum in vias parentes non cito excurrat, ratio videtur esse quod cruoris massa, stricta nimis & compacta, laticem aquosum intime per mixtum, è sinu suo ægre dimittit.

§. 3. Puer septennis ( *de quolib. 1. sect. 1. observatione 3.* ) à supino casu in occiput Ischuriam decimo post die patitur, ad interitum usque pertinacem, referato tamen post illum vesicæ ostio: Nulla labe in visceribus imi & medii ventris animadversa, at in occipite, inter cranium & pericranium, sanguinis concreti copia congesta: Anteriori capitis parte, inter cerebrum & meninges, ingens feri copia apparuit.

## A P P E N D I X.

*Ischuria à scybalis duris intestinum rectum implentibus & collum vesicæ prementibus.*

**I**ac Spoerlin ( *Vide histor. lib. 1. Tit. de Paralyti* ) Ischuria omnimoda cum alvi occlusionem per integrum octiduum agrotavit; utrumque symptoma, imprimis alui constipationem occultans: Eam Ischuriam non renum infarctus, nec calculus vesicæ pepererunt, nam neque sabulum neque calculos, soluta ischuria, neque postea unquam excrevit: neque huiusmodi quicquam ad urinam supprimendam sufficiens in cadavere repertum fuit: Neque illa propter sphincteris constrictionem, aut fibrarum vesicæ tonum deperditum effecta fuit: Remoto enim obstaculo urinam naturali similem libere & copiose excrevit: Sola scybala urina intestinum rectum implentia, & collum vesicæ in postica parte prementia, antè osse pubis neutiquam cedente, culpanda erant: illis enim copiose subductis clystere emolliente absque impedimento mündic. *I. Iac Wepferus Dissert. de Apopl. p. 391.*

## A P P E N D I X.

*Ischuria ab utero cum aliis suis melancholico sanguine turgente excitata.*

**I**llustris Domina Angela Solida, quadrati & carnosus habitus, lotii & fecum retentione 14. dierum spatio fuit divexata, idque post ingentia animi pathemata, tertia noctis hora illi contigit: Medicus primo accersitus præcepit fœtus ex meliloto, parietaria, &c. unctiones ex oleo de scorpionibus, clysteres mollientes, quæ præstare nihil, Alter vocatus Medicus medelum præscripsit ex melle ros. solut. ad unc. iv. cum drachma dimidia diaphœn. & unc. iij. ol. amygd. dulc. recentis, quæ nihil molita est per utramque semitam: Altera die fuit secta vena dextri tali ad unc. viij. præmisso clystere, alvus deposuit nihil: Cathere pluries frustra usurpato, deventum ad hydræleum; Accepit bolum ex aloë socotrina, troch. alhandal, & diagryd. ana gr. viij. superbita olei amiggdal. dulc. libra dimidia: Accepit Gialapæ drachmam unam & semis: nihil prorsus excretum: 8. die accepit grana sex stibii in vino albo, sed incassum Die x. sumpsit aquam Teetutianam, & per horam ante zß. Tartari præcipitati, cum gr. xvj. Diagr. absque fructu: Fuere repetita Enemata ex oleo, butyro, ben. laxat. Item propinatum serum caprillum, ad vesperam parum deiecit, Die xi. minxit ad uncias quinque: Immissum suppositorium palmaris longitudinis; factum linimentum super universum abdomen ex vng. de Arthanita mai. & propinato oleo amygd. dulc. ad libram unam & semis, secessit alvus copiose bis & minxit copiosissime ad libras iv. & illico detumuit abdomen, remisit dolor, evanuit durities, præcipue circa hypochondrium sinistrum, remansit stupor sinistri femoris.

## S C H O L I A.

**C**irca causas digladiati sunt D.D. Physici & Chirurgi. Alii enim crassæ lentæque pituitæ id mali adscribebant: Alii altiori callo intestina congesta, adeoque inde iter angustum, ut deiectiones

transmitti non possent, ut accidit moniali de qua Benivenius, unde renum compressio urinæque retentio, vesica intacta: Alii colon qua parte vicinum est reni sinistro, ubi dolor vehementius urgebat.

collecta veluti cartilagine dura in scirrhum induruisse interiori cavitate, quod notavit Hollerius in *Zolin Medico: Haftenus Pressum*: Nos Vterum cum intestino colo, ureteres renisque comprimenti huius morbi autorem facinus per partium enumerationem: Quoniam esse non poterat calculus vel arenula, quae postmodum apparuissent: Mucus seu viscida materia nullo modo intestina & ureteres claudere fortiter valebat, nam in aliqua parte intestina erupissent: Non à magnitudine renum morbofa, ipsorumque debili attractrice proveniebat, quoniam dum renes tales sunt redditi, mors in promptu est, nec redit ita facile natura sed corrui: Non ab expultrice venarum debili oriri id poterat, etenim si venae lotium expellere non possunt, corrumpitur & corrumpit massam sanguineam & lethum in promptu est: Qua de causa per conjecturam assequi licet Vterum cum suis alis, melancholico sanguine turgentem, propter animi pathemata, compressionem renum & ureterum, cum locietate tamen intestini Coli fecisse, dum ipsum intestinum tam in dextra quam in sinistra parte dura, seu gypsea materia refertum, morbum augebat.

*Die undecima, &c.*] Dubium quomodo absque vitæ periculo tam diuturna urinae & faecum suppressio permanerit, cum axioma Medicum vulgatum sit Omnes qui ante septimam non mingunt, mori? Sciendum ante alia suppressionem faecum posse dari per longum tempus absque vitæ periculo; passim enim videmus per x. xv. dies & amplius alvum exsiccata, (Vide Observ. i. pentec. 1. de adstrictione alvi

trimetri) Urina autem si longiori tempore suppressa permanet ægrum interficit, Mors autem non aliunde oritur quam ex corruptione massæ sanguineæ, quæ à lotio in venis putrescente inquinatur: quod lotium aliquando reneat ad thoracem & partes vitales obruendo occidit; Sed fortior causa est sanguinis corruptio, quoniam etiamsi postmodum mingant, tamen febre superveniente ex dicta corruptione mors succedit: Ad rem, si posset dari quod in hoc morbo serum retentum in venis non putresceret, utique etiam salutis spes elucisceret: Videamus modo quomodo hoc possit fieri? Natura in individui conservatione semper intenta, si serum extra venas in hoc morbo expellere nequit, per necesse corrui, ob ipsius cum sanguine corruptionem, ex qua febris oritur & mors: Si autem valida & victrix serosam humiditatem extra venas protrudat, salutis spes consurgit, quoniam putredo tunc non est intra sed extra vasa: Exemplum habemus in febrilibus continuis & intermittentibus, quarum hæc tuta sunt, quia putredo est extra vasa; Illæ periculosa, quia intra vasa, Difficultas superest de loco expellendi hanc materiam Tutissimum abdomen est, ibi enim videmus aquas in Alciæ per menses integros stagnantes, & sic venæ exonerant putrescens serum in abdominis cavitatem, aut etiam in spatia carniū, ut sit in aqua intercus; donec levata natura & morbo superato, easdem aquas stagnantes, reterato aditu ad renes expellat & inde per vesicam.

*Domin. Panavalus Pentec. v.*

*observ. xvij.*

## APPENDIX.

### *Ischuria difficilem partum aliquando sequitur.*

**S**æpe in laborioso partu adeo distenditur vesica ex retentione lotii, dum foetus in officio uteri diutius hæret, ut post ejus egressum urina fluere nequeat; & ea educta per catheterem, summa postea remaneat imbecillitas, Ischuriae lethalis causa. *Riolanus.*

## OBSERVATIO XX.

### *Urinae paucitas, à sero cruento thoracem replente.*

**C**achecticus paucas urinas reddebat: Thorax universus aqua cruenta repletus fuit: Hepar albicabat & duriusculum erat, reliqua viscera nihil vitii ostendebant. *Videat. de Cachexia.*



## ANATOMIÆ PRACTICÆ

## LIBRI TERTII.

## SECTIO XXV.

## De Vrinæ difficultate, Ardore.

## OBSERVATIO I.

*Mictio difficilis ob ulcus in collo vesicæ. 1. Ob carnem ad collum vesicæ concretam. 2. Ob abscessum in collo vesicæ. 3. Ob carunculam meatum urinarium occupantem. 4. Stranguria ab ulcere vesicæ inducta. 5. A prostaticis pure tumentibus, ulceratis. 6.*

**S.** **B** Is mihi contentio contigit cum aliis Medicis circa ulcus vesicæ; Calculum illis esse contendentibus, ac symptoma, *stranguriam* nimirum, & reliqua omnia eo referentibus: Et licet illis saniosum illum humorem, qui quotidie exstillabat, objicerem, sementamen illud esse vel ejus saltem rudimentum in parastatis extans contendebant: Obitus vero alterius litem diremit.

Cadaver enim ubi apervissem, Ulcus in collo vesicæ instar nucis Ponticæ reperi: Alter autem cum vermibus caseorum ad ingluviem vesceretur, idem malum incurrit: Objectis symptomatis ulceris vesicæ pathognomonicis, immisso ad protrudendum calculum, quem subesse alter clamabat, tanta puris copia excreta fuit, ut tantum ibi vix contineri posse vix quis existimet. *Phil. Salmuth. cent. 1. Observ. 8.*

## S C H O L I A.

**S** *Tranguriam*] Stranguria est urinx guttatim facta, cum vel sine dolore, & continuo ad mingen- dum stimulo, excretio: Causa sunt humores acres, calculus, intestini recti, uterique inflammatio, pus ex renibus ad vesicam transmissum: Quæ omnia expultricem vesicæ facultatem, propter affectum sphincterem, stimulo hunc introducunt affectum: *Dysuria* autem est urinx cum magno cruciatu & labore excretio: A Stranguria differt, quod in hac non expectat vesica ut urina tora colligatur, sed statim tanquam mordentem expellit: In *Dysuria* vero expectat quidem, atque aliquando diutius quam oporteat, sed cum excernenda est, percipit æger dolorem, aut tantam difficultatem, ut sæpe nisi locum vesicæ comprimatur manu, aut diu & magno conatu enitatur, libere non profluat: Præterea in Stranguria nec libera est nec liberalis *Urina*, guttatim enim redditur: In *Dysuria* autem liberalis est, sed non libera; aut si liberalis non est libera: Causa ejus, vel in urina consistit, vel in vesicæ cervice: in urina, quod acior evaserit: In vesicæ cervice vel exulceratio est, vel inflammatio quam transitus urinx acius ferit: *Dysuria* nomine aliquando indigitatur affectus qui Ardor urinx dicitur, easdem enim uterque agnoscit causas. *Thom. Burnet Thesauri lib. 4. Sectio 10. Et lib. 16. sectio 10. 24.*

**Reliqua omnia eo referentibus**] Inter signa diagnostica ulceris renium & vesicæ, primum ac præcipuum est Paris excretio cum urina, quæ diutius perieversans, ulcus in partibus urinaris latens certissime ostendit: Vtrum vero Renes an Vesica ulcere afficiantur, cognoscitur ex situ doloris, prout vel in re-

gione lumborum, vel in pube aut perinæo infestat: Præterea pus a renibus procedens, melius coctum est, album scilicet læve & minime foetidum: quia parenchyma renum carnosum melius concoquit: Tum pus copiosius est, ac urinx magis permixtum, quæ lacti similis profunditur, donec longe post mixtionem pus ab ea separetur & in fundo reideat: A Vesica vero emanans pyrulenta materia, pauca est, neque adeo concocta sed cruda, variegata & graveolens: pars enim exanguis & debili calore prædita, materiam sufficienter elaborare nequit: Ex collo autem vesicæ, aut meatu urinario, syncerum pus abiq; urina sæpe excernitur: His adde quod in ulcere vesicæ aut illius cervicis, perpetua adest dysuria, & continuus doloris sensus partem istam infestans, quod in ulcere Renum minime fieri solet, sed dilucida sunt dysuria & doloris intervalle. *Riverius Prax. lib. xiv. 5.*

**Sementamen illud esse, &c.**] Semen, Pus, Pituita, etsi sæpe eodem candore in urina se exhibeant, facile tamen a perito sic discernuntur: Semen ab aliis separatim circa summa nat constanter, nec sedit agitur, ne quidem in gonorrhæa: Pus & pituita fundum petunt, sed ad minimum motum pus omnino dissiliit, ut visum pene effugiat; urinaque galactoidem exhibet: Pituita gyratur; putiformia partim dissiliunt, partim rotantur: Cæterum utraq; quiescente lorio, statim subsident, semine temper nante, nisi magnam a virulentia putredinem contraxerit: Putredine enim subeunte, ab extraneo calore evaporato, consumpto aëre, gravius ipsum fieri necesse est, atque adeo fundum petere, eique dum moveatur hæerere. *Hab. Heers observ.*

18. lib. 1.

M M m m m 4

S. 2. Mer-

§. 2. Mercatori Dysuriam patienti signa omnia calculi; Secto non reperitur lapis. Ad collum vesicæ caro concreverat; Idoneis consumpta remediis convaluit. *Ballonius Paradigmat. lxxj.*

## S C H O L I A.

**S**igna omnia calculi] Hic ut attentus sit Medicus necesse est, aliquando enim signa adeo sunt inter se similia, ut caruncula vix à calculo discerni queat: ut plurimum tamen dolores & conatus, reliquaque symptomata inter mingendum aliquando sunt mitiora in caruncula quam in calculo: nisi dum æger capite declivi, pedibus vero in altum elevatis supinus jacet; sic enim calculus retro cedit versus fundum vesicæ, & minori cum difficultate redditur lotium, præcipue si corpus prius aliquomodo concutiat: In caruncula vero ex decubitu isto, & agitatione corporis nullum levamen percipit æger: In Calculo vesicæ materia quædam lenta, maximeque viscosa, quæ matula veluti albumen ovi adhæret, cum lotio copiose excernitur: In caruncula non item, sæpissime enim, imo ut plurimum, in carunculosis urinam veluti putam excerni observavi, nisi quod furtives in ipsa appareant, & ante emissionem urinæ guttula una aut altera puris sensum effluat: Quod si caruncula in ductu urinario tantum (inveni etiam in ipsa Aëtica versus sphincterem) adhaerit, urina ut plurimum erit tenuis, etiam si furtives adsint: Superius dixi dolores & conatus inter mingendum, reliquaque symptomata in caruncula mitiora esse quam in calculo, quod quidem de recenti, & nondum inveterata ac indurata calcula intelligendum est, in inveterata enim aliquando lotium tanto cum dolore & conatu excernitur ut vix credibile sit: Vidi quendam cui

propter carunculam ita retenta fuit urina, ut tandem in ipso perinæo erumperet: In inveterata quoque caruncula urina guttatim effluit, & quidem semper, In recenti vero non item, Caruncula enim cum adhuc sit mollis, retrocedit cum urina profluit: In caruncula quoque urina non recta, sed nunc in hanc nunc in illam partem profluit: Si enim in dextra parte penis fuerit caruncula, versus sinistram profluet urina, sic & de aliis: Verum id præcipue in carunculis, quæ prope glandem, aut in ipsa glande sunt sitæ observari, Si enim versus perinæum fuerint, urina aut guttatim aut recta effluet: Scribis quoque ægrum exonerando ventrem atrocissimos pati dolores: ast dolores isti potius in calculosis quam in carunculosis observantur, & tales quidem ut propter maximum conatum intestinum rectum nonnunquam promineat & simul excrementa excernantur: Calculosi quoque inter mingendum & paulo post acutissimos dolores in ipso balano sentiunt, ipsumque balanum mirum in modum trahunt multatque: Carunculosi vero inter mingendum non tantos patiuntur dolores circa glandem: Unum quoque minime omittendum est, nimirum calculum in vesica raro inducias dare ægro; sua enim asperitate & pondere cum vesicam indefinenter pungat, continuos quoque parit dolores, In carunculosis vero aliquando contrarium observavi. *Fabrius Hildanus in Gr. Horstii operibus Tomo 2. observ. 43. lib. 4.*

§. 3. Quidam hernia laborans incidit in urinæ difficultatem: Mesaræi partes cum intestinis prolapsæ erant in scrotum; Item in collo vesicæ erat abscessus quantitatis nucis avellanæ. *Vide tit. de Herniis.*

§. 4. *I. Burchardus Heiman* Urinæ stillicidio diuturno permadebat, ob carunculam intra musculum sphincterem vesicæ, in ipso nimirum meatu enatam: quæ ne exacte claudi posset prohibebat, sicut prædixeram, & cadaveris apertio testabatur: Limpidissimam enim urinam, fontanæ colore & substantia simillimam, absque ulla sorde arenulis aut sedimento guttatim colligebat: Sed miser persuasus ab aliis esse calculum, se à lithotomo secari & interfici passus est, mihi non credens *Smetius miscellan. lib. x. p. 561.*

## A P P E N D I X.

*Stranguria ab ulcere vesicæ inducta.*

§. 5. Ut nimia distensio vesicæ supprimit urinam, à nimia laxitate fibrarum & distensione membranarum, unde se contrahere ad excernendam urinam nequit: Sic ejusdem constrieto ab ulcere, stranguriam immedicabilem affert, dum extendi & dilatari nequit. *Riolanus Anthropogr. lib. 2. cap. 28.*

§. 6. Sæpe urinæ suppressio accidit inflammatis tumefactisque supra modum prostaticæ & vesicæ cervicæ: Ab ejusmodi Ischuria certa mors venit, ut in quodam animadverti qui decennium totum Stranguria virulenta vexatus, tandem ex suppressa urina interiit: Solebat ille Ischuria prehendi quoties vehementius exercebatur, seque illa levare immissa argentea fistula, quam eo consilio in omnem eventum secum semper circumferebat, Accidit die quadam ut eam in vesicam usque intromittere non posset: me igitur accersit, qui urinam ipsi cicerem; in quam rem cum nihil non tentassem, frustranci fuerunt omnes mei conatus.

Mortuo & dissecto, vesica urina referta & quam distentissima animadversa est: Prostata vero p.n. tumentes, ulcerati & pure differti. Ei simili quod ipsi stillare per urethram solebat. *Pareus lib. 18. Operum cap. 18.*

## S C H O L I A.

## S C H O L I A.

**E**X quo intelligere licet à Prostatis manare id virus, quod per virulentam stranguriam stillat, non à renibus, ut plerique opinati sunt: Certe stranguria virulenta, si inveteraverit, particularis lues venerea quædam censenda, adeo ut nisi frictione ex hydragyro possit curari. *Idem.*

*Prostate tumentes* ] Ab iisdem nimium reficcatis urinæ difficultatem inductam notat Alex Benedictus

lib. 24. c. 3. Quidam, *est*, urinam difficulter mittebat, his exsiccatis adenibus quæ Parastata vocantur variciformes, seu adeniformes, Et sunt partes additæ inter testes & seminaria vasa: quales in faucibus reperiuntur: nec nisi ingenti pondere exonerabatur vesica: Sicque perfundi eas partes unctionibus, atque universum corpus instaurare jussi, & ita urinæ meatu libero sanitati restitutus fuit.

## OBSERVATIO II.

*Micturitio frequens ob nativam vesicæ angustiam 1. Mictio tota vita difficilis ob vesicam urinariam deficientem 2. Ob scirrhum corpori vesicæ adhaerentem. 3. Ob vesicæ dislocationem. 4. Stranguria ob callosam vesicam, Pustulis purulentis obsitam. 5. Dysuria ob carnem molemin vesica, Tumorem iuxta ejus collum, Callositatem vesicæ. 6.*

**S**Tanislavus Iapovvizky Bohemus, &c. à primis incunabulis frequenti mictione urgebatur, adeo ut raro ultra horam unam, vel ad summum duas, ab urinæ excretionem se contineret, & hoc citra dolorem, quoad cætera sanus & vegetus.

Hic cum in conflictu sclopeto trajectus occubuisset, cadaver defuncti aperui, visceribus omnibus, etiam renibus naturaliter constitutis, & ex omni parte salvis, sola vesica adeo parva, ut vix ovi anserini magnitudinem adæquaret, & liquoris uncias tantummodo quatuor cum dimidia contineret. *Timæus Observat. 44. lib. 3.*

## S C H O L I A.

**M**ictio frequens & intempestiva plures habet causas, interdum enim à constitutione renum calida totum humorem avidius attrahente proficiscitur, nonnunquam ob frigidam renum & vesicæ intemperiem facukas eorundem retentrix laberatur: sæpe urinæ acrimonia vel calculus excretionem stimulat: sic & exquisitior vesicæ sensus, vel imbecilla renum constitutio & laxitas: vel potatio

frequens & larga, aut Venus immoderata has partes debilitans; vel consuetudo, aut esculenta vel potulenta, aut medicamenta vim diureticam habentia, occasionem huic affectui præbent: In præsentia casu cum nihil simile deprehenderem, in eam deveni sententiam mictionis hujus causam, citra dolorem & urinæ ardorem contingentis, causam esse angustiam dictam, quod docuit eventus. *Idem.*

§. 2. In viro 35. annorum, alias bene se habente, Difficili urinæ excretionem toto vitæ tempore afflicto, ita tamen ut sæpius die nocteque eam emittere coactus fuerit, vesicam nullam reperire licebat, Renes bene constituti, inde deducti ureteres magni admodum, terminabantur hi circa pubem uniti, hinc reflexi circa umbilicum, ubi aperiebantur foramine exiguo. *G. Blasius Observ. vj. Part. 4. Observ. med.*

§. 3. Dissecui cadaver hominis, cujus vesica ad magnitudinem capitis infantis scirrhus extensa fuit; laboraverat ille antea per aliquot annos difficultate mingendi cum maximis doloribus: adhæsit autem undique firmissime scirrhus corpus vesicæ: præterquam ea in parte qua ureteres in vesicam ingrediuntur, ubi natura sibi ductus ad penem usque excretioni urinæ reservaverat. *Observatio Cosmi Slotani Iuliacensium Ducis Medici.*

§. 4. In homine ob rectam corporis figuram sublimis appenditur vesica, ne incumben- tium intestinorum pondere comprimeretur, Ita fundum in cervicem devolutum Ischuriam afferret: Sicque exponenda illa Dislocatio vesicæ, proposita à Fr. *Pedemontano*: Talem vidi relaxationem Vesicæ in hominibus & mulieribus, qui non poterant mingere nisi manu relevato imo hypogastrio. *Riolanus Anthropol. lib. 2. cap. 24.*

§. 5. Si urina guttatim emittitur, affectus Stranguria dicitur; injussa scilicet ejus excretio exigua quantitate, aliquando dolorifica, aliquando doloris expers; Curandum olim habui cum doctissimo Hollerio, Dominum Goyet, Jurisconsultum Regium, qui incontinentia urinæ, Stranguria dictæ, laborabat, creberrimè tam noctu quam die ea laboriosissime emittens, & intensum ardorem in vesica percipiens, ac in summo membro virili, lacteis trinis effusis, & sub mictionis finem, pure: Multa in id præscripta remedia, & ad sedationem doloris, jubente eodem Hollerio: per siphonem infusæ aquæ plantaginis, centinodiarum, in quibus dissolutæ creta & terra sigillata: aliquando mucilagines seminum psyllii & cydoniorum, extractæ cum aquis plantaginis & rosarum, ad mulcendam vesicæ calidam intemperiem & ulcus desiccandum: Interrogatus *Hollerius* quænam esset ejusmodi symptomatum origo? Respondit *Goyetum* scabie vesicæ laborare & ulcusculis: illapsam in vesicam urinam ulcera irritare, unde expultrix ad illius exclusionem statim insurgeret: subsequens vero urinam pus, manare à scabie vesicæ, sese ad excernendam urinam comprimente.

Mortuo



Mortuo Goyeto, præsente Hollerio cadaver dissectui, repertaque est illius vesica omnino callosa, pustulisque pisum æquantibus referta, qua compressa prodibat pus album, omnino illi simile quod cum urina emittebatur. *A. Pareus Operum lib. 17. c. 55.*

§. 6. Narrauit mihi per literas *D. Lud. Nonnius* in quodam Nob Lusitano, post gravissimos urinæ cruciatus, quum omnes calculo eum laborare crederent, Dissecto cadavere in vesica repertam fuisse durissimam carneam molem, quæ vix novacula dissectari potuerit, simulque juxta vesicæ collum inventum fuisse Tumorem, instar ovi anserini, viscida tenacique materia repletum, Totum vero vesicæ corpus erat adeo callosa carne refertum, ut sex uncias urinæ vix continere posset, unde assiduus mictus. *Zacutus Praxis Admir. l. 2. Observ. 71.*

## S C H O L I A.

**D**urissimam carneam molem ] Multis quoque difficultas fuit urinæ, quod corpus vesicæ aut crassius fuerit, aut quod multa pituita corpori vesicæ adhaererit, unde aliqua ex parte occupata fuerit capacitas ipsius vesicæ, & sic pauca urina contenta fuit: Id vero vitii maxime iis contingit quibus carnositas aliqua in urethra fuerit: Nam tenuior & subtilior pars materiei excreta fuit per penem, crassior

vero remansit, quæ obhætescens id symptoma attulerit: Et hujus dysuriæ & brevis mictionis causa ignoratur, id. *D. N.* contigit: Medici putabant esse calculum aut resolutionem aliquam, Et id nili diligenter animadvertitur, datur occasio generationi lapidis utendo diureticis, & perperam falsâ calculi opinione urimur iis quæ calculum frangunt, cum dysuria à vetere carnositate fortasse fuerit. *Ball. Epid. l. 9. p. 47.*

## OBSERVATIO III.

*Mictio difficilis ob adnatam urethræ Hyperfarcosin, Prostatarum tumorem, Vesicæ corpus contractum & varie læsum, Eius cavitatem sordibus plenam, Renem dextrum purulentum, &c. Historia Vesicæ Monstruosæ Magni Casauboni descripta ab Excell. Th. de Mayerno. Broatio.*

**S**ummus & Clariss. Vir *Isaacus Casaubonus* corpus gracile & siccum à natura sortitus erat, temperamento ex bilioso in melancholicum plurimum declinante: Ignei vigoris & cœlestis originis animam continebat fragile ergastulum, quod exili nec importuna mole haud grave hospitem sui plane juris esse sivit: hinc factum ut literis deditissima mens parvam admodum habuerit sui domicilii rationem: Ita Vir magnus non impalluit modo, sed pœne inaruit chartis: Paucis, vel fere nullis magnis morbis obnoxium transegit illud quod ipsi Deus indulgit ætatis curriculum, Et castigata corporis exsucci conformatio fecit ut ea non senserit, vel leviter expertus fuerit incommoda quæ vitam sedentariam consequuntur: Arenosam aliquando saburrâ deposuere Renes, non sine aliquo urethræ inter meendum ardore: nihil tamen effatu dignum, vel quod sedulam aut iteratam Medici postulare opem: Cœlum solumque mutavit sæpius, ut pateat ipsam non uni assuevisse victus legi: Quot horas in Musæo epularum immemor trivit Vir Optimus? Quot insomnes transegit noctes in polemico scribendi genere occupatus? Hic paulatim vires imminui, corpus magis ac magis extenuari, dissipari spiritus, & debilitari calor nativus functionum omnium opifex, quibus cessantibus vel saltem facultatum læsione depravatis, excrementorum quotidiana germinatione succrescentium proventu, partes obrui & tandem naturam fatiscere necesse est: Duodecimo circiter ante obitum mense qui vel ante quieverant, vel fugaci præsentia obiter saltem molesti fuerant inter meendum punctori, idolo, & urinæ ardores redivivi, cœpere Virum fatigare, primû longioribus intervallis, noctuque præsertim importuni, ita ut dulcem interromperent somnum & experrectum adigerent ad matulam: Rubrarum arenularum profusio causa illius irritationis statuebatur, neque ullis poterat æger incommodis à studiis avelli, urina tandem ardore difficultatem patiens, subinde sistebat gradum, & non effundebatur nisi mediocri saltem nisu, idque incurvato corpore & facie prona: Tanta aliquando expultricis irritatio, ut qui parce olim vel semel tota nocte soleret urinam emittere, intra paucos menses bis, ter, quater, quinquies, sexies, & tandem infinitis vicibus cogereetur in eum finem surgere: Pectinis dolor, grave ano incumbens pondus, inter meendum alvi exonerandæ cupiditas, Exentem urinam comitabatur dolor, cum per totum canalem urethræ, tum maxime in glande, cuius sensus erat quasi multorum acuminum simul pungentium: Ingens in dorso aliquando calor, ad quem levandum vestem sæpissime deponere cogebatur: Urinæ ut plurimum pallidæ cum mucoso sedimento post equitationem vel violentius exercitiû ambulationis, cum arenosis granis crassioribus, vel tenuioribus lapillis rotundis, præduris plurimis, quorum nonnulli granum tritici, plerique milii magnitudinem æquabant: Ista symptomatum syndrome Medicis calculi in vesica latentis suspicionem iniecit: Quem cum cathetere explorare libuisset, nullus instrumento in vesicam aditus, sed ita præclusa via ut non obscura apparent ~~insuperiores~~ meatum obsidentis indicia: Inter numerosum istum symptomatum concursum, quæ vel athletico corpori pessumdando satis erant, sexto ante fata-

Isem diem mense, in parte hypochondrii sinistra, inter albam lineam ( seu vesicę regionem supra pubem ) & ilia, efflorescere cœpit tumor, instar juglandis primum, qui paulatim auctus ad pugni magnitudinem: vel potius latitudinem excrevit, definens in obtusum acumen: mollis erat, & qui fluctuatione, quę contrectationem sequebatur, aquam subesse certe indicabat, Sicuti liber inter rulliendum, vel respirandum, musculorum abdominis motus materiam sub iisdem contineri, tumoris circumscriptio eandem non in ventris cavitate vagam sed in quandam cysti concludi arguebat: Si durius impressa manu tractaretur tumor, vesica in consensum tracta dolebat & micturiebat ager: Id quod à partium vicinia, & vesicę, inter duas peritonei tunicas sepultę, cum tumore connexionem fieri credebatur; Subsistebat nonnunquam, & paucis post diebus ad pristinam redibat dimensionem: In misero isto statu vitam languidam mensibus aliquot traxit, donec instante ultima & fatali hora, sic acceleratus fuit piissimi viri interitus, ut sereno die, animi recreandi, & corporis exercendi gratia, rheda vectus decem Anglica milliaria percurreret: Reversus domum nocturninxit frequentissime, aucti dolores, aucta *σπυγμωδ* cum *σπυγμωδ*, urinx cruentę cum sedimento mucoso, quod maxime tenacis & vitreę pituitę simile aliquid puris admixtum habebat: Invaluit inter meiendum desidendi cupiditas, exclusi calculi exiles quamplurimi, aucta uno verbo omnia; Inuadit febris, quę antea per intervalla inæqualia, licet levia, non tamen sine aliquo horrore & inordinatis rigoribus occupaverat: Pugnatum iis quę acrimoniam lotii demulcere, mucum incidere, eique facilem, lenitione viarum, exitum procurare valebant, : Vano sane labore: Siquidem urinx tunc olidę turbidę instar lixivii, aut cerevitię profluxerunt sine levamine, cum mictionem novum exciperet illico meiendi desiderium: Ardorem internum sibi molestissimum dicebat ager, & calidissimę reddebantur urinx: etiam ad tangentis manum: mucus erat dimidia lotii pars, aliquando etiam quicquid reddebatur mucus erat, tam tenaci filo cohzrens, ut vix divelli posset, & ex matula in pavementum lubrico & continuo contextu efflueret: Notatu autem dignum, quod post redditam ingentem istius albugineę pituitę quantitatem, hoc symptoma per duos vel tres dies inducias dabat, nova aggestione facta denuo ut ante recurrens: Tam diris cruciatibus excarnificatum tenue corpusculum ad dies xx. duravit, continua febre tabefactum, perpetua effluentis lotii & fusę alvi vacuatione, pumice siccus redditum, urinx fœtore, quem ipse oris spiritus redolebat, infectum: Donec tandē felix anima, sui carceris impatiens, cui ab ipsis conformationis primordiis, iniquis conditionibus alligata fuerat, vocante Supremo rerum conditore, ad suam migrans originem, corpus humo, amicis lacrymas, literatis raram eruditionem, omnibus probis eximiam pietatem imitandam reliquit, die veneris Kal. Jul. 1614. ætatis anno 57.

Secundo autem cadavere, post exquisitam singularum partium perscrutationem, sequentia fidelibus oculis objecta fuerunt: Vrethrę inditus catheter argenteus, nulla arte, nulla vi valuit in vesicam adigi, ita ut secunda per perinei longitudinem urethra, manifesto apparuerit *σπυγμωδ* meatum occupans, foris intra resistens, sed ab interna parte foras obsequentius: collo vesicę appositę adstites, glandulę, prostatę dictę, quadruplo maiores quam naturalis ferret conformatio: Vesicę corpus contractum, crassum & admodum spissum interna sui parte rugis quamplurimis & velut cuniculis exsculptum, quorum caverulę lapillis infinitis rotundis scatebant: Collum interius, quod declive levi canaliculo, sine ulla protuberantia naturaliter in urethram desinit, introrsum tumens, elatum instar podicis gallinę, vel colli interioris uteri, ita ut in ambitu esset veluti sulcus, seu cavitas per quam circumduci poterat digitus, cuius magnitudinem facile admittebat colli orificium, per urethrę retractionem sursum factam formatum, quę virgę in arigendo incurvationem inuehebat: Ad sinistrum latus perforatum fuit vesicę corpus, & pervium rotundo foramine, quatuor digitorum apices admittente, in saccum sive *σπυγμωδ* vesicę, vel adsciticiam vesicam, quę urina turgens, capacitatis erat ad vesicam sextuplę: Habuit sacculus iste tunicas tres, seu membranas, cum vesicę membranis continuas, spissas admodum, ( ne quis *σπυγμωδ* comminiscatur ) cum insignibus nervis, venis & arteriis: Situs talis ut totam *σπυγμωδ* partem sinistram occuparet, usque ad ossa ilium, instar vesicę, in ipsa peritonęi duplicatura latitans: Figura ejus inæqualis, ita ut infra foramen infima sacci pars propenderet plurimum: sicuti superior, peritonęo affixa firmiter, multum supereminebat, utraque vesica lotio turgens plenissime: Ast in additicię fundo, infra foramen pensili, ingens faburra putris & olidi muci, sive phlegmatis vitrei, quod cum tanto nisu & dolore à misero ægro profunde batur: Vesica ipsa neque ulcerata, neque inflammationis præferens vestigium: Additicię interna membrana crofa variis in locis, atque ob inflammationem rubra, livida, nigra, gangrę proxima, quę mortis certissima & inevitabilis causa fuisse videtur: Vreteres lati, urina turgidi: Sinister inter sacci tunicas gliscebatur profundius, uterque autem desinebat



definebat invescam veram, paulo supra collum: Ren dexter totus purulentus, sanus sinister: Partes ceteræ sanæ, exceptis pulmonibus quos, corruerat & denigraverat ferina & perennis fluxio à capite, in ipsorum bronchia & substantiam continuo stillans, quam prodebat ordinaria cullicula, & in ultimo hoc morbo consueta rauco ingeminata, etiam usque ad aliquam difficultatem vocis edendæ.

## S C H O L I A.

**V**triosæ istius conformationis in numero, situ & meatu monstrum, quoniam doctorum animis exercendis satis est, atque amplum aperit campum disquisitioni Medicæ, in hac lubet exspatiari planitie; cum ut credant *ἡ ἀπὸ τοῦ πᾶσι* quotidie nova occurrere quæ sub antiquorum specie nobis imponere possunt, & conjecturæ acumen fallere, tum ut in observando seduli, in prædicendo & iudicando cauti, in operando religiosi, atque à periculosa festinatione alienissimi esse discant: fatendum ignotam fuisse tot malorum causam, & deceptos Medicos omnes, quorum alii calculum prægrandem adesse, alii ulcus in vesica, quidam tumorem aquosum, partim inter musculos & peritonæum existentem occupare existimabant: Rara non sunt Artis, & in conjecturis, quantumvis artificialibus, parum est fiduciæ, Errorum suorum confiteri ingenuum est: In rebus inauditis & nulli viis decipi non turpe: Observata (licet prægnosci potius quam therapie idonea) posteris pandere non inglorium.

Equidem ab ipsis conceptionis primordiis vim *πλαστική* in hoc subjecto, intolenti utiq; & gravi errore luisse arbitror, dum concurrente nimia ad vesicam fingendam à parentibus decidua materia, eam cum *ἡ ἀπὸ τοῦ πᾶσι* & cum foramine in hoc additamentum ducente formavit: Eodem plane modo quo lienes & testiculos duos vel tres, sextum quoque digitum non semel vidimus: Ita seminum contusorum & sanguinis materni affluentis superflua quantitas, una cum vegeto calore, formas è potestate oblatae materiae educente monstra gignit: Porto credibile est istud additamentum, primis annis vel exile admodum fuisse, vel etiam ipsi vesicæ sic agglutinatum, ut vel nihil exciperet, vel exceptum statim refundere in naturalem alveum valeret: Incrementi autem seu dilatationis ipsius primordia cum cæpisse verisimile est, cum Virpius penitè gravissimo nimium intentus, dies noctesq; libris assidens, per multos menses transiegit, tum si quidem lotii reddendi inmemorem quotidie, imo quavis hora reddebat animi à naturalibus ad sublimia avocatio: Ita ut à corpore veluti abstracta mens, nec incommoda sentiret, neque munus necessariis vacare, vel ad corporis vilia officia se demittere dignaretur: Si ii, quibus mens agrotat, dolorem non sentiunt, quidni vesicæ pondus negligetur? Quoties in ferventioribus studiis calor & spiritus ad rationis arcem vi quadam rapti cerebrum totum sibi vendicant, neglectis, nisi quantum ad vitam sat est, ut ita dicam, ignobilioribus partibus: Id videre est non tantum in melancholicorum, sed in pia religiosorum, nec non in amantium *ἡ ἀπὸ τοῦ πᾶσι*: Iam vero motus principium, quantumvis debile, sat est ad incrementum: In dies anctæ fuit ista dilatio, viresq; acquisivit cundo, & concavum istud corpus membranarum ductile, & facilis extensionis, repletionem crevit, inter peritonæi tunicas deorsum verius primo, ni fallor, ob contenti fœculenti pondus, deinde sursum iam nactum dimensionem, ad levam hypogastrii primo extuberavit levius, deinde insigni erupit tumore, quod viaciter ad inferiora dilatio obice ossium ilium & pubis impederetur, quæ ad

laterum mollitudinem erat facillima:

Neque vero impune tulit istam extensionis libertatem ipsa naturalis vesica, cuius membranas, cum additamenti tunicis continuas, his licentius expansis in se retrahi & tandem corrugari in se necessum fuit: sed quod gravius est, cum fibrarum transveriarum & obliquarum beneficio succedat quantitate gravis lotii expulsio; partis autem organicæ perfectio in legitima conformatione consistat, solutionem illam continui, actionum latio, quæ inutilem vesicam reddidit, consequta est: Itaq; per ureteres à calidissimis renibus ex toto corpore emulctum serum deducebatur quidem in vesicam, sed cum ea, nisi inæqualiter, in se comprimere non posset, ad expulsionem partim naturalem partim voluntariâ, antequam mendi incescerit voluntas, saccum seu *ἡ ἀπὸ τοῦ πᾶσι* oportebat impleri, etiam ulque ad molestiæ importunum sensum, & consequtione necessariâ, indies paulatim magis ac magis dilatari: hinc factum est ut intra paucos menses, à dilatationis principio in magnam excreverit amplitudinem, quum excrementi quantitas & facultatis imbecillitas æquali passu quotidie invalescant.

Inerioris membranae vesicæ corrugatio urethram intro traxit, & collum ipsum corrugatum in formam podicis gallinæ expulit, quæ causâ una ex multis erat difficultatis in mendo: unica autem ni fallor, incurvationis virgæ in anigendo, cum urethrae membrana nimis sequax cavernosa corpora in arcum reflexa retineret: Idem ab inflammatione tumorem abbreviantem procurante in gonorrhœa contingere solet.

Calculos in vesicæ rugosis cuniculis infinitos creavit urinae tartarum sedimentum, Ea si quidem & naturaliter in hoc subjecto plurimo turgebat sale, & istius terreæ portionis separatio, sive tartari coagulatio, promovebatur, imo perficiebatur mora, quam excrementum præ languore, imo impotentia expultricis ob organi vitium, in cavitate facere cogebatur, proinde ac sui ipsius inspissationem, & homogeneorum ab heterogeneis separationem, vi caloris nunquam feriantis experiri.

Cur vero in imo sacci fundo nullus calculus, etiam prægrandis, cum ei generando nulla materia suppetere, coagulationi etiam proxima? Nempe quod in iste Euripo, intus lævi nō cuniculoso, perpetuus quasi esset urinae meatus & remeantis æstus, cuius fluctibus pars eluebatur: At ut generetur per additionem calculus, quiete opus est: Adde quod defuit isti concretioni tempus, ei si quidem mors existentiam præripuit.

Ulcus Vesicæ qui statuerunt, decepti fuerunt excreto purulento, consui quod à tene dextro puti inflammato, & calorem intolerabilem lumborum excitante profluebat: Ulceratus sane erat sacculus, saliginosi tartari & lotii putris & statione fœtidi, emanæ acunine: Quæ materia cum in hujus additamenti declivi, atque infra foramen multum propendente & demisso fundo diutius stagnans hæreret, erosionem pariebat, à qua immunis erat Vesica, per quam momentaneus saltim dabatur, ob ejus angustiam transitus.

Mucum



Mucum autem, sive muſlaginoſum phlegma, ſeu ſæcem tartaream plurimam continebat *ſæces* veluti *iners* actioniſque omnis expertus quoddam additamentum: Quod præter eam ſeparationem, quæ ab ipſa urinx ſubſtantia fiebat, etiam coroditione ſuæ ſubſtantix membranox fundebat viſcidum excrementum, non minus quam ipſa veſica vel calculo initam, vel urinx mordaci ſale corroſa, eodem plane modo, quo puncti limaces ſalivam ex proprio corpore in ſe contracto, expreſſione reiiciunt, viſcida eſſe ſolent ſpermaricarum partium, inprimis vero membranorum excrementa; His poſitis, & diligenter perpensis, haud obſcurum eſt quænam fuerint ſymptomatum cauſæ quibus Vir tantus ad accubam & crudelem necem excarnificatus fuit.

Sed cur inter meiendum oleti faciendi cupiditas, quæ ut plurimum grandioris calculi veſicam occupantis eſt ſignum pathognomonicum? Cur ano incumbens pondus, quou fallaci conjectura vel oculariſſimis Medicis impoſuit? Nempe ab ingenti

*conſuetudine* tumore, quarum corpus inter meiendum inteſtinum rectum premebat, & gravitate moleſtum naturam ad exonerandam alvum ſollicitabat, idque eo violentius, quod pari niſu per muſculorum abdominis introſum factam contractionem comprimendo, urina & craſſiores fæces exprimebantur: Tumor autem iſtarum glandularum, an fuit naturalis in homine, cui vaſa ſpermatice ampla, & qui plurimos ſuſcepit liberos? An potius cum fecit urethrx contractio, colli veſicæ violenta ſurſum attractio, quæ latitudini addit, quod demuit longitudini? An dolor caloris, quorum proprium eſt ad partem affectam trahere, multo magis ad glandulas, quæ laxæ, molles, ſpongioſæ, ad recipiendum pronæ, ad expellendum ſunt ineptiſſimæ? Tot tantorum malorum hydræ non potuit non conſequi mors, quæ multorum accidentium populosa cæterva ſtipata, lento pede Virum, feliciter extingui digniſſimum, tandem jugulavit.

*Ejuſdem veſicæ affectus ſuccinctior deſcriptio à Raphaelæ Thorio.*

**V**ir Ampliſſime, nescio quo pacto ſenſim de labor in pigritiam, nec forſan adhuc arripuiſſem calamum, niſi dolor adegiffet acerbiffimus ab extincto magno literarum lumine *Cafaubono*, quem tabido morbo liquefactum rapuit prima dies Julii: Dyſuria diurna confecit florem Doctorum, ex cauſa abdita vix antea viſa vel audita: Signa omnia calculum in veſica atteſtabantur & mentiebantur, nam Aperto abdomine pro calculo inventa eſt veſica monſtroſæ conformationis ab utero matris: In ſiniſtro latere veſicæ prominebat *ex parte* vaſtæ capacitatis, ſeſe attollens uſque ad ſiniſtrum os Ilii, ejuſdem ſubſtantix continuæ cum ipſa uſque veſica, ut videri poſſet altera veſica naturali adjuncta: In eodem ſiniſtro veræ veſicæ latere foramen erat, ejus magnitudinis, ut facile admitteret quatuor digitorum apices, pervium à vera veſica in adnatum ſaccum, quo reſluebat lotium: ubi diutius retentum, putredinem, inflammationem; ræbem & interitum tandem attulit: Accessit & renis dextri purulentia, unde aucta pernicies reſtagnante illis in locis fœdiſſima illuvies: Hinc oriſcium veſicæ interius tumefactum ex aſſiduo conatu: hinc viæ anguſtiores, hinc reſluxus totidem ſere in venas, hinc ſpirituum infectio, & poſtremo animæ puriſſimæ ab importunis fœtoribus proſtigatæ exitus placidiſſimus.

*SCHOLIA.*

**Q**uæres, & bene, Qui potuit vivere ad eam ætatem cum organo neceſſario tam male conformato? Accipe reſponſum: Illa *ex parte* in primo ortu toto ambitu contingebat veſicam proxime, & foramen illud pervium occludebat, ut loco naturali moram faceret urina ad debitam emiſſionem: Progreſſu vero temporis, continuo urinx appulſu, & forte longiore retentione (ut attentis ad ſeria quandoque contingit) membrana illa innata abiцеſſit paulatim ab illo oſtio, inque diem magis ac magis in ventrem accrevit (ut videmus ſuperfluas partes incrementum facile ſuſcipere) donec ſex vel ſeptem poſtremis vitæ annis eſſet ſaccus ille pro urinx alveo

ſecundario: unde pars tantum urinx aliqua regurgitabat in veſicam, & inde ureterem, reliquo ſemper aliquo fluctuante in illo mariupio; nam ab illo tempore conatu fuit opus ad exprimendum lotium: Ejus rei magnum argumentum eſt, quod corpus veræ veſicæ contractum erat, denſius quam pro naturæ modo, profundis rugis inæquale ex deſuetudine dilatationis: Ex ea partium ad excrementorum expulſionem perturbatione, omnis corporis æconomia collapſa eſt, & Vir magnus inter lethi cruciatus extinctus per dolores ad aſtra penetravit, ea conſtantia & alacritate, ut ſpectantibus omnem metum expectoraret: *Dab. Londini anno 1614. Idibus Julii.*

*OBSERVATIO IV.*

*Mictio dolorifica à calculo grandi ſubinde in cervicem veſicæ prolabente.*

**I**N Soceri mei, felicis memoriæ, Joſuæ Merceri veſica, diſſecti poſt mortem, repertus eſt calculus grandis, ſolidus, magnitudine amygdalæ majoris, ſed rotundior, qui emotus ante annum illi fuerat ex vehementiore equitatione, & ſubinde in cervicem veſicæ prolabi exinde ſolebat, & meatum urinx obſtruere cum ingenti conatu: Qua de cauſa in proximum ver, eam hyemem qua obiit ſequuturum, conſtituerat ſe ſectori Chirurgi permittere ad eum extrahendum: Priuſquam calculus ille loco ſuo, cui ante affixus in veſica inhæſerat, motu equitationis contentioris emotus fuiſſet, non putabat ſe eſſe calculoſum: Nullo indicio id unquam, nec ullo doloris ſenſu cognoverat: Nunquam aliquid ſabuloſi per urinas ejecerat, neque ante, cum quaſi radice nixus teneretur, neque poſtea quam loco ceſſit & inſtabilis cœpit exiſtere. *Cl. Salmaſius Tractatu de calculo p. 50.*

NNnn

OBSERV.

## OBSERVATIO V.

*Mictio dolorifica putris pituitæ, à calculo totam vesicam opplente, & appendice curva ejus cervicem obturante.*

**A** Perui ante annos circiter xij. Virginem, filiam Viri Ampliff. D. N. Narrortii, cui innatus erat maximus calculus, trium circiter unciarum pondere, in vesica, ita ut non solum totam vesicam, sed & unco suo incurvato ipsius vesicæ cervicem oppleret, nec unquam ejus in urinis aliquod sabulosum indicium apparuerat, cum me & alios Medicos plus quam centies vocassent: Frequenter tamen diro cum cruciatu putris quædam pituita puri simillima per urinas prodibat. *Corn. à Someren in Spicilegio Beverovicii de calculo.*

## S C H O L I A.

**S**i crebro æger cum summa difficultate, & quidem in fine mictionis, cogitur reddere urinas; urina vero hæc ubi lactea seu alba apparet, crebroque diversis caloribus variegata: Sique accedant congestionis & conglutinationis causæ, par-

tium circumvicinarum pondus, sique in medio profluu interceptiatur, ac mucus seu gluten urinis innatet, guttaque sanguinis aliquando in fine mictionis profluat, Calculus vesicæ in vicio est.

## OBSERVATIO VI.

*Stranguria, Dysuria, aliaque accidentia à vesicæ calculo occulto.*

**L**eonh. Binningerius Pater Venerabilis, Dysuriæ & Stranguriæ obnoxius erat: Ingrebat autem paroxysmus ita ter quaterve annuatim fere affligens, Præcedebat alvi exoneratio, urinæque copiosioris uno eodemque tempore redditio, dein momento temporis ad lapidis duritiem distendebatur abdomen, & utraque supprimebatur excretio, ita ut conatu licet maximo & frequentissimo nonnisi guttatim urina stillaret, cum dolore circa pubem & urethram acutissimo, citra ullum in perinæo vel pruritus vel ponderis unquam observatum sensum: Durabat accessio dies aliquot, à quibus convalescere incipiebat, donec nova rediret typo fere eodem: Varii olim in consilium adhibiti Medici in diversas opiniones ibant: Cl. Dom. *Sarazinus*, Neocomi Archiater D. *König* Bernensis, Jac. à *Brunn* Basileensis, Renum infarctum videbantur accusare, ideoque postremum præscriptis spir. Terebint. gtt. vij. suppressionem illam mox depulisse memini: D. *Reybalus* Montbelgardensis frigida Renum intemperiei causam tribuebat, qua attractrix debiliior facta, serosum excrementum ad se non alliciebat, per sudores sæpe depellendum: Statuebat etiam imbecillem per consensum renum factam vesicæ excreticem, nec à frigida urina satis irritatam muneris proprii oblivisci: quod tum ex eventu pateret, tum lotii substantia tenui & colore albido: Consultus D. *Lazarus Riverius* 13. Sept. 1651. casum satis rarum infrequentem scribebat, neque ita proclive esse rationem reddere cur aquæ fluxus copiosus per intervalla rediens subito cohibeatur antequam serosa materia ad vias urinæ confluens evacuata fuerit, illaque in vesica retineatur, eam ita distendens ut imus venter lapidis duritiem æmuletur: seque cum D. *Reybaud* consentire, renum & vesicæ imbecillitatem, earumque partium attractricem & expultricem imminutam tantorum symptomatum causam esse &c, Consilio D. *Riverii* porrectum 3j. Jalappæ ex vino albo infusum fere sexagies, nec multo minus sequenti die, ad animi deliquia deturbavit alvum; inde rariores & leviores accessiones annuæ factæ sunt, donec ab hausto 26. Decembr. 1654. in cœna uno aut altero vini cyatho frigidiusculo, solita urinæ difficultate circa mediam noctem immanius laboravit, quæ nec purgante, nec spiritu salis Ammoniaci, etiam aliquoties et jusculis exhibito (qui olim apprimè conduxerat) nec v. s. mitigari ullo modo potuit: Die sequenti, ex pulv. radice Julap. 3ß. & dlagr. iv. copiose purgatus, ischuria liberatus est, ut morbo levatus & sibi & mihi videretur: Initio diei tertiz ab insultu crucians invaluit ægritudo: accessit illa die faciei, brachiorum & manuum livor, cum horrore tanto ut lectus, ipsumque cubiculum contremiscere deprehenderetur: Hinc cœpit venter durescere urinis, uti ab initio, subrubris, crassis & turbidis: Die x. supervenit immanis in fura sinistra dolor, sine rubore vel tumore: Die xij. Guttæ Gamandæ gr. xi. in jusculo sumptæ decies quater cumulatissime alvum subduxerunt, cum flatuum & lotii emissionē affluentissima, ita ut relaxato & subsidente abdomine recreatur: Sed postquam Richonillano in cœna liberalius usus esset, sitim expleturus, denuo exasperata sunt symptomata ante dicta omnia cum febre, pulsu (7. 9. 11. quandoque pulsatione intermittente, ) anorexia & insomnia multo ac à morbi initio sævioribus: Ad diem xxi.

Januar.

Januar. 1655. semper infomnes duxit noctes, parum interdiu dormiens; lingua semper scabra erat, nigris obrecta sordibus, adeoque arida ut continuo de proluendo & humectando ore sollicitus esset; nulla solida etiam minutissime manducata, nisi vi maxima deglutiens, deficiente saliva: Coactus est injicere sibi frequenter decoctiones emollientes & anodynas in vesicam, semicupia ingredi, malleolorum phlebotomiam pari, julepos somniferos bibere, solutam ovi vitello terebinthinam & aquæ fragorum permixtam sorbere, sed levi successu omnia: Urina, cujus fere singulis horæ quadrantibus, cum nisu & molestia initio, medio atque fine inexplicabili, drachmam unam nec pleno radio excernebat, albida & pallida evasit, quæ tandem sufficienter collecta crassum & puriforme sedimentum deponebat, permixtis nonnunquam & volitantibus corpusculis, nunc lanam carptam, nunc vermiculos referentibus: Tandem scripto consulitur 7. Febr. 1655. Vir Celeb. D. D. *Bauhinus*, qui ex memoratis signis omnium doctissime, Ischuriæ, Dysuriæ & Stranguriæ causam, respondit vesicæ calculum, eumque quum nonnulla nec levia ejus signa decissent, summæ vesicæ, *Fernelii* autoritate, adhærescentem, cujus certissimum argumentum esset exploratio (quam respuit Parens) per catheterem: Qui tandem, præ totali linguæ siccitate deficiente loquela, prægressa ingenti palpitatione cordis, tolerantisque aliquot dum micturus in genua surgere conaretur, animi deliquiis, 13. Februarii 1655. vitam finivit, annum agens lxij.

Defuncti disseccatur abdomen, in vesica vacua solidus & integer ziiij. cum ðj. lapis scaber, fusci coloris, figuræ ovalis, sed superne & inferne complanatæ repertus est: qui nullo modo vel adhæserat unquam vel adhærebat, sed qui in mingendi appetitu in collum vesicæ decedens, illud plane occludebat, & asperitate sua diris perfricationibus lancinabat, in quo, citra vulnus aut ulcus, cum rubore manifesto, sedem & molis vestigium apertissimum sibi efformaverat; Renes explorari (in quibus proculdubio confirmatus calculus hærebat, urinæ sanguinæ, per se sine dolore fluentis quando equitaret, causa?) ac cultrum ulterius immittere, ob filialis affectus teneritudinem, non licuit. *I. Nic. Binningerus cent. I. Observat. xcij.*

## OBSERVATIO VII.

*Mictio dolorifica ob calculum occultum.*

Cum quidam Ecclesiastes Ulmenis sexagenarius, corporis habitu melancholico præditus, aliquandiu Dysuria & Stranguria gravissima, sæpius die noctuque lotium reddendo, in pauca quantitate, immenso semper cum dolore, sat diu post urinæ excretionem perdurante, eam dum per canalem commearer acerrimam sentiens, instar aceti acutissimi, collum vesicæ lancinantem, ut corrosionis metus impenderet ob insignem acrimoniam humorum, qualitatem vitriolatam prodeuntium: Urina alba, cruda, sæpius turbida & graveolens reddita: Prima vice accersitus, cum observarem redundantes humores corruptos, acorem præferentes, ordinavi Hydromel laxat. ℥. radic. enul. tœnic. polypod. rec. an. zij. herb. beton. hvssop. cardui ben. adiant. utr. āā. pug. j. sol. Senn. s. s. ʒij. agar. rec. trochisc. ziiij. rhejel. ʒij. cremor. tart. ʒi. liquir ʒij. dactyl. jujub. āā. ʒij. galang. min. ʒij. f. Saccul. pro mensura Hypromel. Singulis diebus quart. ʒ. interpolatis diebus haussito, perationem cum *ivpoela* tulit: Corpore à spurcitie humorum probe evacuato, cum dysuria non cederet, à meridie vocatus, audita magna querela de magno cruciatu in exercendo lotio, illico curavi afferri oleum stillaticium carvi, cujus gtr. v. cum ij. cochl. jusculi macri calidi exhibui, & confestim levamen sensit: sequenti nocte probe dormivit, bis tantum urina reddita, multo minori cum molestia, eo medio aliquoties reiterato, ab omni gravamine liber ac immunis evasit: Sed vitrea sanitas visa, quin post octiduum dysuria recrudesceret, me incio, sceminæ cujusdam suadela, usus aqua diuretica, exin sat copiosa materia sabulosa, commixtis interdum granis majusculis, colore rufa, per vias urinales citra ullum dolorem excreta, dum transiret per penem, sed tum demum cruciatum percepit ubi urina reddita: Urgentibus doloribus me denuo accersiri curavit, cum animadverterem querelam de cruciatu, circa finem excretionis urinæ tantum molestante, & sabulum crassiusculum cernerem, artificiosa fretus conjectura, palam asserui id mali aliunde provenire non posse quam à calculo vesicæ, ejus collum, si commotus, vellicante ac lancinante, cum & ipse *Hipp. 4. aph. 79.* adstruat, Quibus sabulosa in urina subsident, calculo vesicæ laborare; Etsi aphorismus ille non semper congruat cum experientia, cum & arenosa in urina sint conspicua sæpius, absque ullius calculi in renibus & vesica præsentia: Sed me imprimis impulit, & indubium argumentum subministravit, in illius *Ægri vesica calculum residere*, dum dysuria & stranguria, quoties lotium reddendum, multo intensim &



acerbior, & quidem in fine excretionis urinæ dolore magis urgente, & aliquandiu perseverante, id indicio eam molestiam à calculo restitante, collum vesicæ stimulante, provenire: Cum alias si mere arenosa in urina hæreant, & aliquam molestiam pariant, ab egestione symptomata mitescant & evanescant: in illo autem subjecto exasperata, luculento fuere testimonio à residuo calculo, sua aspreddine percellente, tantum concitatum tormentum: Sed hæc mea genuina, & rationis fulcris innixa crisi sprete ac neglecta, experiri contigit quosdam refractarios, merum adesse fabulum putantes: Quidam lithotomus jactitabat si calculus in vesica resideret, & vel pisi magnitudinem vix excederet, se cathetere immisso deprehensurum: Sed ille seipsum & alios Medicos fefellit: Cum enim juvenis &c. (*Vide observationem sequentem*) Exin relucet quam incerta sit calculi vesicæ probatio, cum, & præstantissimi Lithotomi non raro decepti: Cum porro ad hunc ægrum curandum alterius insuper Medici opera requisita, & hujus opinio in *Ἀσπρίου & Στεγνίου* à mea sententia dissidentanea, dum ego proposui medicamenta in nostris officinis prostantia, & ab antiquioribus Medicis per multa lustra cum fructu usurpata, illo autem renitente, & laudibus quasi ad astra evehentei Aquam diureticam in quodam nostrate cœnobio distillari solitam, illi soli curant reliqui, tacita mente præsumens illam jactantiam fore irritam: *Esse mihi haud ignotum* aquam illam Monachalem, in fabulosa materia & exiguis lapillis propulsandis, sat proficuum: at in calculo vesicæ abigendo, præsertim si major, infirmam imo noxiam æstimo; cum plerique Practici diuretica, imprimis fortiora, in calculo vesicæ, ceu pernitiola dissuadeant, eo magis si corpus impurum, dum loco vehiculi inserviunt, & excrementa per vias urinales deducunt ad renes & vesicam, fomentum & augmentum calculo subministrantia: *Galenus* lib. 5. de simpl. medic. fac. 15. Idem adstruit, instituta comparatione cum iis, quæ lac coagulare solita, separando serosas partes reliquum indurant: Haud secus valde diuretica, excrementa attenuando, subtiliores eorum partes per vias urinales amandant, crassiores autem inspissant & coagulandi occasionem præbent, præsertim in naturis melancholicis, quali æger ille præditus, quæ facibus tartareis scatent: Accedit quod diuretica lithontriptica ad vesicam pertingentia, absterfa materia molliore, ceu fabulosa, eam cum lotio exterminant, calculum autem residuum asperum & angulosum reddunt, majorem dolorem concitantia.

Cum autem omnibus mediis frustraneis, sesquiannuo spatio post æger ille defunctus, ejus cadavere aperto, ipsa *anatomia* demonstravit, & in apicem protulit geminos calculos asperos, quorum grandior ovigallinacei magnitudinem & formam, uncias tres semis pendens; minor drachmas sex representavit, Et ita tandem veritas, quæ temporis filia, victrix evasit. *August. Thonerus Observ. 6. lib. 3.*

## S C H O L I A.

**E***T si mihi haud ignotum &c.* ] Haud levis altercatio inter Medicos, utrum calculus vesicæ per lithontriptica qualiacunque sit curabilis? et si prostant quædam exempla restitutorum, tamen *Fabritius Hildanus*, propendens in partem negantem asseverare non dubitat, se neminem unquam vidisse per interna medicamenta sanatum, quin tandem urgente necessitate lithotomiæ se commiserit: Et si in juvenibus interdum medela per lithontriptica succedat si calculus friabilis, non compactus & solidus: at in corpore senili omnino *indivisi* ille censeat: haud desunt rationes, Ipse *Hippocr.* lib. aph. 6. 26. asserit renum & vesicæ vitia seu dolores (ut calculus & ulcera) vix curari in senibus: Ratio est in promptu, ob defectum caloris nativi, qui alias omnium operationum naturalium *supple* præcipuus, quo languente etiam vis expultrix in dimovenda materia morbifica torpida; & digestiva ad concoctionem promovendam, infirma: exin etiam viarum angustia prohibet transitum excrementitiis superfluitatibus: Rem ita se habere æger documento est, et si enim hactenus per plures menses medicamentorum farragine exagitatus, & interdum spes affulgeret melioris status, dum quotidie fabulosa materia cum urina excreta, ægro id solatii luge-

stum calculum sensim attritum iri, sed sæpe inanè. At quid causæ cum ultra annum arenosa materia in copia rejecta, à calculo per diuretica abrasa, ut conjectura rationi consona, ipsum successu temporis luccessurum? At et si à calculo pars mollior ac friabilior absterfa processerit, relicta autem solidior & asperior reddita acerbiorum dolorem concitavit: Accedit cum annum ætatis lx. excesserit, ob defectum caloris, per indigestionem alia materia cruda, de novo accumulata, calculo prior adjuncta, & adjuvante prava vesicæ ad calculum generandum dispositione, coalescat, & ita processus quasi in infinitum esset instituendus temere. *Idem ibidem.*

*Geminos calculos asperos* ] Observatum tamen à Lithotomis, ubi duo in vesica concurrent calculi, eos à mutuo attritu & allisione læves & politos evadere, adeo ut quidam lapidi bezoartico non ab-similes evadantur: At magnitudinis inæqualitas forte in causa fuit quod se invicem atterere & levigare non potuerint: Vel forte major præexistit: minor postea genitus: Familiare enim lithotomis, ut si calculum lævem eximant, alterius loci delitescens suspicio ingruat.

## OBSERVATIO VIII.

Mictio frequens ob calculos vesicæ, membranis inclusos 1. Difficilis ob lapides quatuor in vesicæ. 2. Stranguria ob calculum 5xv. in vesicæ. 3. Ob tres calculos inclusos, cum ossis pubis fragmento. 4. Ob calculum totam vesicam adimplentem. 5. Ob calculos septem. 6. Ob calculum magnum in cavitate, minorem in ipsius vesicæ substantia. 7. Ob duos calculos muco & puri immersos, cum ipsius vesicæ consumptione. 8. Ob calculos vesicæ adnatos cum ulceribus & callis. 9. Ob lapidem solidissimum, ponderis septem unciarum. 10. Ob xij. calculos in vesicæ & Renem sinistrum purulentum. 11. Ob calculum cordi-formem vesicæ affixum, unciarum quinque & semis. 12. Ob calculum in vesicæ latentem, pituita involutum & propria quasi vesicæ obvallatum. 13. Ob calculos peculiari sacculo inclusos. 14. Ob calculos vesicæ arête circumdatos. 15. Ob quinque calculos. 16. Ob lapidem septem unciarum à renibus in vesicam devolutum. 18. Ob quatuor lapides in vesicæ cum abscessu juxta os sacrum. 19. Ob laceratas vesicæ tunicas à calculo. 20. A duobus lapidibus aculeatis cum vesicæ offensione. 21.

§. 1. **N**Ob. N. dolorem diu in abdominis inferiore sede passus; aliis calculum in vesicæ adesse asserentibus, aliis negantibus: Exempta mortui vesicæ lapides continuavit 32. omnes propriis tunicis inclusos, totam vesicæ capacitatem replentes, exiguo tantum meatu urinæ retentioni, quæ perbrevis esse solebat, relicto. Vide tit. de hypogastrici dolore.

§. 2. Senex Colonienſis per aliquot annos dolore continuo circa regionem ossis Sacri, præcipue autem cum excrementa indurata exonerabat: Tandem anno 1599. cum totus decrepitus à vita migrasset, ego & D. *Quintenus* vocati ut causam doloris investigarem.

Invenimus in vesicæ lapides quatuor, præduros ac asperos, quorum unusquisque magnitudinem castanæ adæquabat. *Fabritius Hildanus cent. iij. Observ. 70.*

§. 3. Joh. Anton. Maginus à morte sat magnum in vesicæ calculum ostendit, qui uncias quindecim pependit; Integro octennio continuo urinæ stillicidio & acrimonia graviter vexatus fuit. Vide tit. de Soporosis affectibus lib. 1.

§. 4. Miles plumbea glante ictus doluit impense in imo ventre, ob effractum pubis os, vesicamque summæ dilaceratam, cujus tamen vulnus, præter mentem aphor. 47. lib. 6. ad cicatricem cum foret perductum, non minxit propterea liberius, sed reddidit nihilominus urinam cum summa difficultate, quam credidit à calculo originem trahere; uti etiam revera traxit, Sed præter tres quos in vesicæ habuit calculos, auxit haud parum ipsius cruciatum ingens fragmentum, à pubis osse illuc clanculum delatum, quod ab ipso Medicoque prætermisſum, solius Anatomies indicio post mortem in lucem prodiiit: quocirca non immerito miseret Artis nostræ, quæ licet velit, nequit tamen veritatem ubique expiscari, & semper id scire quod sciri plurimum interest. *Tulpius c. 29. Observ. lib. iv.*

## S C H O L I A.

**V**Ere adstruit *Cornelius Celsus* Artem Medicam esse conjecturalem, ejusque conjecturæ rationem talem, ut cum sæpius responderit, interdum tamen fallat nos: Vis sciri hujus veritatem? Vide quod hic proponitur exemplum, in quo ne lynceis quidem oculis prospexisses ossis fragmentum in vesicæ delitescens: ut enim leporem non semper assequitur canis, sic neque attingit ubique Medicus ad quem collineat scopum, remorantibus illum sentibus ac virgultis: Hunc vero cum impervestigabili multijugarum causarum varietate, tum densissimis veritatibus, quæ non ubique obvia est involucris.

*Idem.*

[Cujus tamen vulnus &c.] Authore *Galeno* vesicæ

ca simplici constat tunica nervosa, sed duas invenio, ait *Riolanus Anthropol. l. 3. c. 26.* internam nervosam, Externam carnosam, cui circumjecta est duplicatura peritonæi, quæ pro tertâ communi accipi debet; hujus tunicæ ratione potest coalescere, ejusque vulnera sanabilia sunt: Ex illo situ, addit, cognosces cystotomiam in imo hypogastrio secure perfacti ad extrahendum calculum, cum vulnerati & incidi queat vesicæ, ventris illesæ & integra capacitatis, ut pluribus docet *Rousserus* lib. de Partu c. 1. & c. 2. Deinde hominis vesicæ extrinsecus adipe multo circumtuta est, quo privata est brutorum vesicæ.

Vide *Rousserum de Partu Casareo* sect. 3. cap. 6. 7. & 8.

§. 5. Anno 1653. puella septennis, Filia Dom. Magnin Aromatopolæ Genevensis, Dysuria, Stranguria & tandem Ischuria gravissime torquetur; præ doloris vehementia in terra volutabatur, & tandem interiit: In defunctæ vesicæ inventus lapis candicans, asper, ovi-formis, depressior tamen, totam vesicam adimplens, quem penes me habeo.

NNnnn 3

§. 6. Joh.

§. 6. *Ioh. Heurnius*, Medicus celeberrimus, cum celebri convivio interesset, ibique Rhenanum mustum biberet, repente percepit sibi urinæ reddendæ facultatem inhibitam: domum igitur rediens ne urinæ quidem guttam excernere potuit, nisi post longa medicamentorum molimina, cum enematum tum fomentorum, urinam postea reddidit, sed nonnisi cum cruciatu & stillatim: donec paulatina hac carnificina attritus, anno ætatis 58. Christi 1641. incidit in lethalem febrem, quæ cum subinde violentiam remitteret, mox & acius insurgeret, fomite mali perpetuo superstite, tandem lenta hac carnificina prorsus emaciatus, placide & tranquille obiit xi. Augusti (initium febris fuit 29. Maii) eodem fere quo natus erat momento.

Post mortem ejus in vesica septem reperti sunt calculi, forma & magnitudine nucis juglandis majoris, omnes æqualis magnitudinis & ponderis, nam quilibet ponderis est 3j. ita ut septem xiv. drachmas expleant. *In ejus vita operibus præfixa. P. Pavius Observat. xxx. qui dissector fuit.*

§. 7. Stranguriam à calculo vesicæ magno, & minore inter ejus membranas delitescente, anno 1647. vidi cum peritissimo Lithotomo D. Collo In D. *Challier* Chirurgo, annos nato xl. statura mediocri, corpore quodammodo crasso, in quo urinam laboriosam & stranguriosam admodum reperi, viresque ex itineris labore fractas, adeo ut post ipsius calculi per catheterem explorationem, ingravescens symptomatibus, illas cystotomiæ, ferendæ pares non judicaverim: nec defuit eventus, cum enim in dies cruciatus illi ingravescerent, viresque collaberentur, tandem fato functus est.

Aperto cadavere, renes urina distenti & turgidi reperti sunt, quibus dissectis copiosa effluxit: ureteres admodum lati: In vesica calculus inventus est ponderis unciarum iv. cum semisse, totam vesicæ cavitatem replens, una cum altero exiguo in ipsius vesicæ substantia delitescente: Hepar lividum & corruptum, ut & pulmones deprehendi, propter materiæ serosæ, tam ad partes naturales quam vitales refluxum. *Cattierus Observat. 19.*

#### S C H O L I A.

**H**ic lapillus intra duplicem vesicæ membranam latens haud dubie in majorem molem excrevit: si uterius vita ægri prorogata fuisset, atque in hac vesicæ parte sacculum quendam, à priori vesicæ cavitate distinctum efformare potuisset: Hoc exemplum credo nobis veluti digito monstrat quomodo in quibusdam calculosis veluti duplex vesica efformetur suo, enim pondere atque mole calculus paulatim crescens distendit & à se invicem vesicæ membranas sejungit, sibi que amplum parat quo contineatur spatium, sacci cujusdam in modum à priori vesica

dependentis effectum: atque rupta vel exesa interiori ejus membrana pervium: Vide supra historiam *Casauboni*: Ex hac autem observatione colligitur insuper nullum locum insuper extractioni calculi relictum esse ubi grandior tactus est & ad extrema ventum est: Temeraria enim est tunc temporis vesicæ sectio quæ alias multis profuit: cum extrahi non possit calculus sive magno vulnere inflicto, quo vesicæ corpus integrum dilaceratur atque emittitur, viresque dolorum & cruciatuum immanitate exhaustæ sunt.

§. 8. Juvenis quidam *Harlemensis* miserandum in modum excarnificatus fuit à duobus calculis in vesica urinaria clanculum latitantibus: quippe ita absorpserat illos frequens vesicæ mucus, ut nequiverint eos digitis explorare nedum ferro convenienter excindere lithotomi: unde factum ut continuo suo attritu non modo abraferint, verum integre consumpserint membranas vesicæ tunicas: illæso solummodo, vel potius aliquatenus adhuc superstite musculo ipsius collo: quod cum non foret continendo lotio, diffudit se illud necessario per vicina intestina, excitans illic ut dolorem acrem, sic continuam meiendi difficultatem & exitialem nervorum contractionem: Sive ob exquisitum intestinorum sensum, sive insignem retentæ urinæ acrimoniam, quæ certe tam acerbe pupugit laceras ulceratæ vesicæ oras, & accensas vicinarum partium tunicas, uti quoque lumborum nervos, ut præ insuperabili doloris cruciatu contraxerit non tantum extremam maciem, sed oppetierit quoque miserrimam mortem: qua tamen priusquam defungeretur, coactus fuit integrum annum sedendo transigere, & non hæc atque hodie, sed continenter caput ita sublime habere, ut nunquam id licuerit ipsi in pulvinar inclinare, quin dictum ac factum distraherentur vel omnes, vel certe illi nervi qui, aut caput versus scapulas trahunt, aut rectam & immobilem reddunt cervicem; quam priorem speciem ut *ὀρθότροπος*, sic insequentem *πίπτουσα* appellant Medici: Quorum sane sævissimorum tormentorum crudelitatem tam impense perhorruit hic juvenis, ut fugerit cane pejus & angue qualecunque decumbendi genus; malueritque perpetim configere cum ineluctabili dormiendi necessitate quam tam acrem perpeti dolorem, & tantis molestiis redimere tam irrequietam fatiscientium membrorum quietem, quorum tandem securitati consuluit mors:

In



cujus lucta contigit quidem succumbere sed non decumbere : quod tamen bis fuit conatus, sed bis utique repulsus, cum ob infatigabilem dolorem, tum ob atroces nervorum contractiones, quæ certe intervenire tam frequenter ut necesse habuerit parere inevitabili necessitati, & inuisam vitam finire, si non sedendo saltem cedendo.

Inspectis autem post obitum miserrimi hujus cadaveris extis, vidimus duos insignes in vesica calculos, sed mucos ac puri penitus immersos, quam ut ipsorum durities potuerit à lithotomi digitis attingi : in quo tamen maximum artis illius momentum : Ipsa vero vesica adeo fuit à calculis attrita, & à pure tam foede consumpta, ut urina destituta proprio receptaculo fluctuaverit libere per universa intestina, quorum sinuosi anfractus acius ubi vellicarentur communicabant illico malum suum nervis à spinali medulla oriundis, & illi vicissim cerebro ; cuius præternaturalis contractio incurvavit non semel tam vehementer hujus Juvenis dorsi spinam, ut universum corpus videretur instar alicujus globi retrorsum conglomerari. Deprimentibus interim duobus hisce calculis usque correctum intestinum ut coarctatum produxerit plurima membranosa filamenta, intertextentia tam arcte interiore ipsius fistulam ut nihil excretorum potuerit amplius transmutare : plane eadem ratione qua similia filamenta vidimus obstruxisse gulam à carcinomate coarctatam. *Tulpius Observat. lib. 3. cap. 2.*

§. 9. Nobilis medice ætatis anno 1608. mense Junio, difficultatem aliquam inter mingendum, maximèque in fine mictionis ardorem summum sensit, urinamque turbulentam, purulentam & mucosam squamulisque refertam reddidit, quæ cum spatio xvi. dierum durassent, tandem remiserunt, sed post semper annum redierunt, & ab eo tempore veluti per paroxysmos illum invaserunt, & postquam illum misere, nunc per septimanas nunc per menses aliquot excruciarunt, iterum vel ex parte vel omnino remiserunt : quibus induciis à morbo concessis, munia sua obire, in loca etiam distantia equitando se conferre non desistebat. Verum cum per biennium & ultra sic certis temporibus cruciatus, variis usus esset remediis acrimoniam urinæ lenientibus, additis etiam narcoticis, necessitate urgente, nec affectus inde tolleretur, consilii causa ad nos venit, tuncque consultatione habita, exulcerationem vesicæ esse judicavimus : de calculo dubitatum, & ut an adesset innotesceret, cathetere in vesicam intruso nihil fuit deprehensum : postea etiam ut melius exploraremus, digite in podicem immisso durities circa vesicæ regionem, scirrhi alicujus instar, deprehensa fuit, quæ durities postea repetito cathetere quoque observabatur : Unde conclusum calculum vesicæ adnatum, qualis & alius in vesica, ea læsa vel ulcerata, post mortem sectione facta deprehenditur. Cura itaque potissimum exulcerationi vesicæ fuit accommodata, ac variis ex consilio nostro usus est. 1°. Lacteo diluto, xx. dierum spatio semel, unde multaamenta mingendo excernebat, alvusque aliquoties deiciebat, nonnunquam & pituitam vomebat, ℞. *Terebinth. 3vj. mel. 3j. vin. malvat. 3vj. vitell. ovi j. diluantur & servantur ad usum, sumat 3vj. pro vice.* Tabulis etiam sequentibus utebatur, quarum usu maximum sensit commodum, adeo ut servus ille cruciatus diu emanferit, & quotiescunque vel minimum inter mingendum sentiebat ardoris, horum usu sentiebat se mox liberari. ℞. *Trochisc. de Alkekingi cum opio 3j. rad. consol. terebinth. coctione indurata aa. 3ij. sacch. 3vj. cum infus. gummi. tragac. f. trochisc. 3ij. ponderis.* Quadriennio ab invasionem hujus mali, anno 1612. cum recrudesceret malum, denuo ad me venit, atque inter cætera narrabat sobolem sibi interea natam, mirabaturque cum tam miser esset, quomodo hoc fieri potuerit, cui scrupulum hunc fieri posse demonstrans exemi, Et licet suspicaretur, cum tamdiu malum perseveravit, noxam gravem atque incurabilem in vesica esse, uti in ejusmodi casibus, in aliis quoque per sectionem deprehendi, tamen doloris leniendi & ipsius curationem desperantis erigendi causa, ad exulcerationem saltem palliandam, si non curari posset, quædam ordinavi, 1°. Electuarium leniens, quia alvi frequens illi erat constipatio 2. Pulverem hunc ℞. *rad. liquir. consolid. maj. altheæ, aa. 3ij. sem. quatuor frig. ma. mundat. sem. hyosci. aa. 3j. fol. equiseti sicci 3℔. g. Arabici, tragac. sarcocoll. thur. aa. 3i. boli ping. ocul. cancr. an. 3j. succi liquir. 3j. f. pulv. cujus medietate quant. adde sacch. penid. part. dimidiam, reliqua excipiantur resina laricea & f. massa.* Utebatur hoc Pulvere alternis diebus ad 3i. cum lacte caprino : de massa formabat pil. & 3j. pondere deglutiebat iij. quoque die. Sicque in horum usu perseverans fere totius anni spatio, minus rariusque afficiebatur, adeo ut spem aliquam sanitatis conciperet : quæ tamen illum fefellit, nam irruente gravi paroxysmo anno sequenti morte fuit sublat.

Extinctus cum aperiretur, Vesica illius tota spissa, carnosâ nigraque & gangrenata inventa fuit, callique aliquot duri, illic ubi vesica ulcerata erat, ei adnati. Calculus rotundus,

magnus, similiter in media sua sede vesicæ accreverat, Et foramine amplo vesica patebat, per quod alius, sed minor, elapsus vesicæ incumberebat: Illuvies quædam ad sex circiter mensuras, extra vesicam, circa lumbos collecta erat, purulenta, alba, renax & viscosa, cui ichor aquosus cæruleo colore præditus innatabat: cujuscumque materiam aliquoties dixit æger se certo scire ultra centum mensuras per annos illos quinque cum urina excrevisse: Sic tam gravia vesicæ vitia longo tempore in corpore eum calculo gerens, & vivens nihilominus, tandem hisce victus occubuit. *Platerus obs. lib. 3. p. 811.*

§. 10. Eadem ratione qua pueri periclitantur, calculus in vesica gignitur, qui dysuria aut stranguria laborant, quod scilicet debilitate mingant: quod Ferdinando a Mena, Philippi secundi Medico, contigit, cui post mortem exciso solidissimus lapis: plusquam septem uncias pendens extractus è vesica est. Hic multos ante annos renum calculo laboraverat, ut sit verisimile inde detrusum esse lapidem, qui vesicæ hærens stranguriam fecerit, ac per eam seipsum in tantum auxerit incrementum quod & in senibus omnibus censeretur debet, qui cum antea laboraverint morbo renum, nunc laborant vesica. *Vallesius comm. ad sect. 3. lib. 6. Epidem.*

§. 11. Jurisperitus quidam supra 50. annos natus, diu molestissimo urinæ stillicidio, accedentibus plurimis calculi in vesica latentis indiciis laboraverat, cum se ad peritum sectionis vocat. Hic factò experimento nullum in vesica calculum esse judicavit: Profectus igitur ad fontem qui in agro Leodiensi est, illinc reversus non melius sed pejus habuit, urina alba, foetida ac purulenta facta.

In vesica hujus duodecim reperti sunt calculi, quorum qui major nucis myristicæ nucleum æquabat: ac ren sinister purulentus ac fere consumptus, exiguo admodum parenchymatis reliquo. *Dodonaus cap. 44. Observ. Med.*

§. 12. M. Hieremias Baur, per quinquenniam urinam minxit aquæ fontanæ in substantia & colore simillimam, nullum tamen, nisi scaldas aut montes descenderet, dolorem percipiens: Conquerenti de continuo egerendi conatu, molestissimo quoque urinæ stillicidio, consilium dedi ut Lithotomum admitteret exercitatum, ad confirmandam, vel removendam de calculo suspicionem: quam habui ob signa fere omnia calculi, ab *Hildano* doctè proposita: Consulenti obediens, vocavit Lithotomum Mensingensem, qui calculo per instrumentum invento, statim sectionem proposuit, & ea concessa domum festinavit, proxima septimana Ulmam rediturus, & magno apparatu calculum extracturus Tertio die post abitum lithotomi, æger timoribus & dolore exhaustus animam exspiravit.

Conjux defuncti domini precibus satisfactura, à me petit ut aperto abdomine inquirerem an maritus pie defunctus calculo laborasset necne? Præsentibus vidux consanguineis, infimum cadaveris ventrem cruciatim dissecui & ab intestinis liberavi; ut præsentibus Vesicam adhuc integram, & ob calculum inclusum durissimum digitis tangere possent: Inciso vesicæ, (quæ calculo arctissime adhærens ne guttulam fere lotii continebat) fundo, unus ex adstantibus extraxit calculum satis magnum, qui figuram cordis humani representans, uncias quinque & dimidiam ponderavit: Viso calculo, vidua animo deliquit, & ad se rediens Deo Ter Opt. Max. maximas egit gratias, quod charissimum maritum ante diem sectioni destinatum ad desideratas Beatorum sedes avocaverit,

#### SCHOLIA.

**A**N Calculus, tam magnus in Viro parvæ & brevissimæ, per vesicæ cervicem, instrumento idoneo dilatata, tenacula extrahi potuisset, valde dubito: non ob ponderis, ut sequens historia testatur, sed figurationis rationem; apex enim calculi vesicæ cervicem, basis vero fundum occupavit: Anno 1639. Juvenis quidam receptus fuit in Nosodochium Ulmense, laborans urinæ incontinentia, ob laceratam

vesicæ cervicem à calculo ovali, aspero & uncias sex pendente, quem *Marianus Marianus*, insignis Augustanorum Oculista & Lithotomus forcipe extraxit. Quoniam vero affectus videbatur incurabilis, solis medicamentis æger, quæ urinæ acrimoniam mulcerent, & intertriginem partium prohiberent, instructus Ulma discessit.

§. 13. Ampliss. & Prudentissimus Dn. *Jacobus Hummelius*, Tribunus Plebis, omnia calculi signa exacte habuit, qui tamen per immixtum cathetere explorari nequivit.

Post beatum obitum, jussu familiarum Dn. *Platerus* abdomen aperuit, & in vesica calculum, nuci juglandi non absimilem, humoribus pituitosis, & propria quasi vesicula obvallatum invenit. *Bernardus Ferzaseha Observ. Medic. 52.*

## S C H O L I A.

**Q**ui tamen per immissum catheterem, &c.] An exploratio per catheterem certum & indubitatum calculi in vesica latentis nuntium afferat, disquirat Vir Excell. Observ. citata. Recte mones, air, V. Clar. summe necessarium esse ut nostra sententia firmis rationibus suffulciatur, & Nobil. D. ad oculum demonstratur explorationem catheteris, indubitatum calculi absentis signum nequaquam exhibere, quod certe erit facile, nam indicata per schedulam symptomata & signa, satis superque declarant calculum in vesica hæere: Expertus N. in collo vesicæ manifestum dolorem, qui circa finem mictionis exasperatur & ad glandis extremum exporrigitur: Adest mingendi difficultas cum micturiendi conatu, urinæ stillicidio & aniretensio: Accedit inter mingendam suppressio urinæ, quæ in medio cursu intercipitur. Certe hæc omnia clare demonstrant vesicam calculo laborare. Hoc unicum superest ut palmarium illud de catheteris exploratione argumentum, paulo latius examinem. Jam olim in Riverio Contr. monui quod catheter immisus sæpe calculum indicet, quamvis illud semper præstare non possit, præsertim quando calculus à collo vesicæ distat, vel glutinosis humoribus involuitur, aut membrana pro-

pria inclusus est: hinc ibidem illorum incertam improbavi, qui statim inflatis buccis proclamant nulum vesicæ calculum adesse si illum Lithotomus catheterem non exploraverit. Monuit *Riolanus* quod interdum vesica intus saccum seu foveam interne protuberantem habeat, in qua sæpe grandiores lapides nidulentur, qui immisso cathetere inveniri non possint. Porro, juxta *Riolanum*, aliquando prava vesicæ structura accidit, quæ in explorando per catheterem calculo diligenter notanda est, si præsentibus signis calculus catheterem non deprehendatur, nam in quibusdam vesica duplex juvenita, aut saltem septo membraneo in duas cavitates divisa, ut in Virgine de qua *Coiter*; & in Illustr. Principe Onolsbacensi, de quo Clar. *Caspar Bauhinus*: An autem hoc septum vesicæ, quod in calculosis deprehenditur, fiat à dilatato uretere intra duplicem tunicam vesicæ? An ex adnato & amplificato lapide ibi consistente? An lapis ita conclusus extrahendus dilacerata vesicæ tunica? opus periculosa: plenum aleæ: Multa exempla de fallace catheteris usu in explorandis Vesicæ calculis suppeditat *Schenkius* lib. 3. de calculo vesicæ, &c.

§. 14. Anno 1610. Basileæ una cum Doctiss. ac celeberr. DD. Felice Platero & Casp. Bauhino, ad Nobilem quendam ex Alsatia vocatus fui, qui à multis annis Calculo atrociter vexabatur: nullus tamen Lithotomus unquam calculum in ipso deprehendere potuit. Ego quoque summa adhibita diligentia ac studio nunquam tantum efficere potui, ut digito vel instrumento calculum in vesica deprehendere potuerim.

In ipso post obitum calculi aliquot ingentes, peculiari sacculo, sive vesicula, vesicæ Innata & adnata, inclusi reperti sunt. *Bauhinus theatri Anatom. lib. 1. cap. 26. Fabritius Hild. de Lithotomia cap. 8.*

## S C H O L I A.

**E**tiam si certus esset Lithotomus (quod didicerat tamen agnoscere potest) calculum vesicæ adnatum esse, tunc Lithotomia non facile instituenda erit, quoniam in avulsionem calculi simul etiam vesica dilaceraretur, unde nihil aliud quam mortis periculum expectandum foret. In prædicto casu, si Lithotomus solummodo ad signa calculi attendere voluisset, ea quidem in hoc Nobili omnia (præterquam quod digito & instrumento nihil reperiri potuit) videre ac deprehendere potuisset: & si postmodum lithotomiam instituisset, forcipes immisisset, ac calculum cum involucri suo, ut facile quidem fieri po-

tuisset, prehensisset & extraxisset, quomodo cum ægro actum fuisset? certe cum summo dolore, vesicæ & omnium viscerum interiorum inflammatione, cum pluribus aliis occubuisset, cum tamen cum affectu suo familiaris suæ diu præesse potuisset. Nec audiendi castratores, aleam jaciendam esse ut æger à doloribus liberetur, sive hoc sive illo medio illud efficiatur. Minime vero id statuendum, sed Deus O. M. sæpe corpora nostra in hac vita, his & aliis morbis gravibus visitare & castigare solet, &c. *Hildanus ibidem.*

§. 15. Vir maturæ ætatis aliquoties serio admonitus noluit sibi exsecari calculum; quæ sententia ubi stetit, increfcere interim malum, insectari acerbius tormenta & vires indices ita fatiscere, ut obsolescente corporis usu cogeretur vitam cum morte commutare. Altero rene à putredine jam consumpto, altero vero ab aqua ita distento, ut videretur supplere vicem vesicæ, quam vidimus etiam vacuum plane & omni liquore destitutam: at ureteres tam amplos, ob calculos illac crebrius transeuntes, ut in se haud gravatè admisissent digitum humanum. Ipsa autem vesica continuit duos calculos, à corrugatis ipsius tunicis tam arcte circumdatos, ut præter illos vix unciam recepisset liquoris: quæ inusitata ipsius angustia peperit proculdubio ipsi, non modo crebram urinæ difficultatem, verum etiam continuum dolorem, ortum ex fervida præassata urinæ acrimonia, erodente assiduo intentas vesicæ membranas. *Nic. Tulpus Observ. lib. 3. c. 6.*

## S C H O L I A.

**U**teretres tam amplos, &c.] Eam uteretur ampliationem observavit *Fernelius* pathol. lib. 6. c. 12. & *Platerus* tom. 3. c. 12. Unde ratio petitur cur

quidam sine magno dolore & conatu arenulas & calculos excernant, qui prius à minimo calculo, ante scilicet ejusmodi dilationem, distorquebantur.

§. 16. Anno



§. 16. Anno 1567. seculi Illustr. *Iuann. Chastaigner*, & septem calculos inveni, quinque scilicet in vesica, crassitie ovorum palumbarum: unum in fellis folliculo, & septimum in rene dextro: verum non conquestus nisi circa suos ultimos dies super ardore & difficultate urinæ. *Ferrandus libello de Nephritis*.

§. 17. Quam ob rationem pueri, ob eandem etiam qui Dysuria aut Stranguria laborant periclitantur calculum in vesica gignere, quod scilicet debiliter mingant, quod *Ferdinando à Mena*, Præceptoris meo, qui etiam ante me fuit *Philippi secundi* Medicus cubicularius, postquam & ipse Compluti primariam cathedram multos annos felicissime rexerat, contigit, Cui post mortem excisso solidissimus lapis, plusquam septem uncias pendens, extractus à vesica est. Hic multos ante annos renum calculo laboraverat, ut sit verisimile inde detrusum esse lapidem, qui vesicæ hærens Stranguriam fecerit, ac per eam in tantam excreverit molem, quod & in senibus censeri debet, qui cum antea laboraverint morbo renum, nunc laborant vesica. *Vallesius comm. in 6. Epid. p. 637.*

## S C H O L I A.

**Q**ui dysuria aut stranguria laborant, &c.] In quibus Stranguria est, etsi nullus morbus renum antecesserit, timeri etiam lapis vesicæ debet, non qui descenderit ex renibus, sed illic ob languidum mictum congestionem genitus sit: Nam fit post mictum concretio in omnibus, qui quacumque causa languide mingunt: fit vero id in pueris, & in senibus quidem, quia naturale est his languide mingere. *Idem.*

*Pueris, &c.]* Calculorum in vesica generatio morbus pueris est familiaris, ut 3. aphor. dicitur: generantur enim lapilli, qui mictu rejiciuntur, partim in renibus, partim in vesica. Pueris quidem fiunt in vesica frequentius, adultis in renibus: Causam ob quam in pueris fiunt in vesica, dicunt Medici esse eorum voracitatem: Ob quam senioribus generantur in renibus, esse duritiem renum, angustiam viarum, & expultricis debilitatem: Sed cur pueris non affert voracitas calculos etiam in renibus? an ob molliorem laxitatemque viarum, & expultricis robur? Cur hæc eadem non etiam eosdem liberat à caculis etiam vesicæ? Rursum, cur strictura viarum, & durities partium, & debilitas expultricis, non afferunt vesicæ calculos etiam senibus? *Hippocr.* videtur insinuare causam esse in calore intensiori, verum si hæc esset causa, videntur juvenes, qui non sunt pueris minus calidi, Calculis vesicæ non minus laboraturi quam illi. Porro pueri laborarent calculis renum non minus quam vesicæ, non enim minus, sed plus etiam illi concretescent calore: Non igitur hæc est causa, aut saltem non hæc sola, sed aliquod aliud oportet adjici dictis causis, quod ego addam: Utrobique, & in renibus, & in vesica, gignuntur lapides ex crassis velut fæcibus quæ cum urina descendunt, hærentque in via, velut ex crassioribus aquis generantur rophi in aquæductibus; Materia itaque est crassa, crudum, aut fæculentum, Efficiens causa calor partium: cum enim nulli tales lapides calore liquentur, calore concretos esse omnes constat: non tamen proinde fit ut semper sit calida intemperies in loco ubi generantur lapides, nam ubi magna est materiæ apertitudo, exigua efficientis causæ vis sufficit, atque ita ubi crassum & lentum est quod in urinæ viis congeritur, solus ille calor est satis ad concretionem, sine quo non possunt viventium partes consistere, velut aliquando etiam ob calidam intemperiem concretescunt, quæ alioquin non concretescerent, quod non adeo ac priora essent concretioni idonea: Igitur gignendorum lapidum duplex est causa, calor major, & plurius materiæ crassæ detentio: ut plus materiæ crassæ detineatur, causa est quod plus descendat cum urina, aut quod viæ sint angustiores, aut expulsio agatur debilius: Calor renum quam vesicæ major est, in omni & ætate & sexu: puerorum vero &

juvenum æqualis est calor, & utrorumque major quam senum: quare hac ratione pueri & juvenes æque essent calculosi, & utrique magis renibus quam vesica: Verum senes colligunt majorem copiam succorum crudorum ob impotentiam coquendi, qui descendunt illis abundantius ob exiguam discussionem, quæ illis est omnibus, & ventris siccitatem, quæ adest eorum multis: vias etiam habent angustas & expultricem debilem: Ob quæ omnia necesse est magis calculosi sint quam illorum utrique, & in renibus magis, ob eorum angustiam naturalem: Puerorum urinam, etsi videam Medicos omnes fere ita affirmare, ego non existimo esse sordidiorē & crassis crudisque magis abundare secundum naturam, quin potius minus perturbatam & limpidiorem, quia etsi sint voraces, habent tamen alvos laxiores, & discussionem per corpus totum longe majorem: quorum illud facit ut maxima pars crassorum & incoctilium per alvum anticipet descendere: hoc, ut reliquum insensibiliter discutiatur, cum urina vero descendat non adeo multum. Hoc vero ita se habere, præter dictam rationem, cognovit experimento vel vulgus hominum, qui puerorum urinam & tenuiorem, & limpidiorem ad innumera opera requirunt. Hac igitur causa multo minus calculosos esse evenit pueros quam alios omnes, atque revera in renibus tales sunt: Verum habent quandam insignem occasionem colligendi calculos in vesica, ob quam aliis omnibus plures colligunt, ea est in languida expulsionem. Nam expulsio renum est mere naturalis, & ob id in pueris est non minus vehemens quam in aliis ullis, Vesicæ vero expulsio à facultate animali plurimum pendet, Urinatur enim ad mingendum musculis abdominis, & præterea quodam magno qui à vesicæ cervice producit per rotum colicm, multis fibris velut digitis utens, quasi mulgens, ut uno perpetuoque impetu exeat urina: pueris vis animalis est debilissima, atque ideo minori impetu mingunt quam viri, quo fit ut eorum vesica nunquam mingendo perpurgetur, sed semper fiat illis post mictum concretio, hærentibus urinæ fæcibus circa ejus osculum: non aliter atque concretescere solent sordes & atena in matulis, ac multo magis in vasis angustis orificiis, cum non effunditur liquor magno impetu, sed paulatim aut languide. Ideo, etsi puerorum urina sordidior non sit, magis tamen illis fit concretio in vesica post mictum, quia quicquid sordium adest, ob languidum urinæ motum hæret; neque cum illa exit, sed congeritur. In renibus non ita, hi enim, ut qui naturali expultrice, quæ in pueris est fortissima, expurgantur, facile se ab omnibus expediunt: accedit mollior partium & amplitudo viarum, ut ad proprii corporis magnitudinem. *Idem.*

§. 18. J. B. septimestris Nutrici conductitiæ commissus fuit, quæ in lactis penuria *recenti caseo cum saburrabis*: hinc à secundo anno ad sextum gravi dysuria afflictus fuit: Quod vesicæ lapidis signa adessent certissima, peritissimo Lithotomo D. Covilliard Delphinati; traditus fuit, à quo parvo apparatu sectus fuit felicissime, arque eductus lapis ovi columbini forma & magnitudine: Anno elapso iidem recrudescunt dolores, iteratæque sectioni, ab eodem Covillard institutæ, exponitur, qui novem lapillos educit, quosdam sabæ, alios pisi magnitudine, sed dehinc nunquam occalluit vulnus, perpetua comite ad mortem usque, quæ anno post contigit, urinæ incontinentia & calculorum exclusione.

Dissectum cadaver exhibuit renem utrumque in parenchymate & pelvi calculis infinitis obstructum; gallinæ ovarium dixisses: hi per ductum ureterum intra membranas vesicæ illapsi, vesiculas efformabant, quibus disruptis in ejus cavitatem decumbebant, & augmentum capessabant.

## S C H O L I A.

**R**ecenti caseo infantem saburrabis.] Eodem tempore, ab eodem artifice lithotomiam expertus est Dominus Buisson Mercator Genevensis, annos lx. prætergressus, arque ad annum lxxx. supervixit; Eductus lapis ovi anterini magnitudine: Cujus quoque generatio nimio casei etui adscripta est, nunquam

enim ossiam comedeat quin instrata & superstrata essent casei laminae. A quo deinceps prorsus abstinens, recidivam nunquam passus est: argumento certissimo in prædicto infante lapidum generationem casei ingeltioni ortum debere, cum ejusmodi morbus nulli in tota familia *culpsus* fuerit.

§. 19. Senex diu doluit circa regionem ossis sacri, cum urinæ ardore & mingendi difficultate. Inventi in vesica quatuor lapides: Et circa regionem ossis sacri, ubi cava bifurcatur, abscessus magnus, &c. *Vide lib. 4. tit. de Ossium & Arctuum affectibus.*

§. 20. Juvenis continuam mejendi difficultatem passus, habuit duos insignes in vesica calculos, mucro immersos, à quibus vesica fuit attrita. *Vide tit. de ventris dolore.*

§. 21. Doctor Franc. de Figueroa, Medicus Hispalensis, ad annos lxx. urinam coepit emitte-  
tere veluti fuligine obductam, parum & sæpe; & cum irritatione, crudelius mixtus tempore torquebatur, cum vehementi simul egerendi cupidine; cum ardore & dolore urinæ; quæ postea per aliquot dies delituerunt, cum incepit urina subulosa acrius ad mejendum irritare: nec ideo destitit occupationibus Medicinæ incumbere, cum en subito lenta febricula suboritur, acrior urinæ irritatio, inter mejendum acerrimi dolores, sanguine in urina permixto; & dum mejere cupiebat, simul excernere alvi excrementa contendebat, cum importuno & irritato tenesmo: Febris crescit, sitis & linguæ scabrities, cum urina nigra & sabulosa, subito & ad tempus pellucida. Hæc omnia erant Lapidis signa, angulis eminuli & punctis figurati, qui ubicunque vesicæ cum urina illideret, acerrimos dolores concitaret, sordidis & corrodentibus ulceribus inductis, interdum inflammatis, ex quo febris & cætera symptomata etiam persistebant. Sanguis interim à sociis, febris & vesicæ inflammatione timore, mittebatur ex brachio & postea è talo, & syrupo de mucilaginibus & aqua malvarum leniebatur urinæ acrimonia: ut etiam ad extra foru lactis communis, aut oleo violarum & nenufaris: syringa etiam per pudendi canalem, serum aut lac, cum saccharo etiam mittebatur, aut ex emulsione seminis malvarum, mucilagine psyllii, aut hordei decocto, cum succo portulacæ & saccharo: sed omnia in irritum cedebant, nam tabe brevi consumptus periit.

Postea vero inter artifices Chirurgiæ decreverunt, ut Vesicæ locus inspiceretur, & ita factum est, Et in illius alveo inventi sunt duo lapides, inæquales & horridi, acutis eminentiis obducti, substantia & colore subrubri, sanguine defædati: Vesicæ corpus erat, & facies interna, apertis nigris & lividis corrupta, ut & permultis albis in circulo corrosa. Hæc enim comitantur accidentia in hac calculi forte quem canalus non capit. *Caldera Tribunalis Medici pag. 223.*

## OBSERVATIO IX.

**Mictio difficilis ob Calculos renum & vesicæ. 1.** Ob Renes ulceratos, calculosos, vesicam putridam. 2. Ob Renes exiles, & vesicam parvam. 3. Ob Renum putredinem & Lapidem in vesica. 4. Ob plures lapillos in Renibus, Grandem pituita obstitutum in vesica. 5. Ob abscessus in Rene dextro, vitium sinistri, Vesicam mucro repletam. 6. Ob Renis dextri apostema, Vesicæ inflammationem. 7. Ob calculos renes & ureteres obstruentes, phlegma & calculos in vesica. 8.

§. 1. **V**ir 60. annor. ante annos duos, alias bene se habens, ex cursu vehementiore urinam reddebat cruentam. Vitis hoc correcto Dysuria corripiebatur, sæpius valde gravi, quæ etiam lithotomiam permittere coëgit. Die 1. Dec. 1674. Calculus auferebatur ovi magnitudinem habens, licet dum extraheretur contractus magna parte fuerit. Operatione hac peracta dolor in emissionem urinæ Stranguriæque gravis misere adhuc ægrum affligebant, sic ut

sic ut dies noctesque inquietus valde, atque sine somno ullo traduceret xii. antequam moreretur.

In aperto corpore Vesica occurrebat juglandis magnitudine, omni fere urina destituta. Calculum continebat exiguum, asperum, imo materiae purulentae fabulosa ingentem copiam. Intus non solum variis locis inflammata, verum etiam excoriata, imo ulcerata, Nec tantum vesica scatebat calculis, Renes uterque etiam quamplurimos exhibebat, ast exiles omnes, quorum plurimi tactus potius quam visui occurrebant, rubicundi omnes. *G. Blasius Observat. med. 21. parte 6.*

§. 2. Sereniss. N. nausea laborabat, vomitu, dolore ad ureteres cum mictu laborioso ac stranguoso, cum urinis albis perspicuis, tenuissimis: Renum uterque magnus, durus, colore livido; in dextro pustula; in sinistro ulcus cavum. In cavitate fragmenta, calculi, vesica putrida, &c. *Vide lib. 2. tit. de Dyspnœa.*

§. 3. Quidam diuturna Stranguria divexatus Renes habuit parvos pallidos, nulla pinguedine munitos, Vesicam angustam. *Vide tit. de Ventris tumore.*

§. 4. *Paulus Beham* dum laboraret hoc morbo, tandem periit, Urinae ejus erant albæ & impuræ.

Secto corpore invenimus lapidem in vesica, pendentem uncias duas & semis, & magnam Renum putredinem, præsertim sinistri: fuit admodum Venercus.

#### SCHOLIA.

**F**uit admodum Venercus } *Sennerius* præter seri expurgationem, Renes conferre ad seminis præparationem existimat: A nimio autem Venercorum usu malignas succorum & partium putrescentias in-

duci tradit *Vallesius* comment. in *Ægrot. ix. sect. 3. lib. 3. Epidem.* usque eo ut citra ullam contagionem laborari possit lues venerea.

§. 5. Die secunda Junii 1567. in cadavere *Caroli Tiercelin, Domini à Rupe du Mayne*, reperi- tus est in vesica ingens calculus, circumdatus ingenti humiditate putri, purum pus repræsentante. Plures lapilli in Renibus, unus niger in folliculo fellis, ovalis, subasper & parvus. *Ferrandus lib. de Nephritide, fol. 34.*

§. 6. *Nic. Wolfii*, Pauperculi & valetudinarii studiosi classici, corpusculum aperui, in quo renem dextrum sinistro majorem duplo, rugosum, mollem, flaccidum, & parte anteriore subnigrum reperi; qua per longum scissa, intus abscessum pure mucoso cruentoque, in quod tota renis substantia conversa fuerat, plenum, absque tamen ullo calculo vidi. Parte vero ejusdem posteriore, qua dorso jungitur, integrior paulo tam substantia quam colore quidem spectabatur, attamen intus abscessum alium, simili materia refertum, licet minorem quam antea fovebat. Sinister & ipse flaccidus quidem, intusque magis concavus æquo, sine sordibus tamen, colore & mole naturali præditus: vesica lotio mucoso, purulento, subcruento oppleta nihil quoque lapidis habuit, præterquam in colli initio, lapillum nigrum, fabæ vulgaris agrestis magnitudinis impactum inveni, de quo queri solebat, etiam ante anni spatium, quod micturiens (micturiebat autem singulis horis tam noctu quam interdiu, multumque & frequenter bibebat, sed nihil præter fontanam) admota virilibus manu, retrorsum pellere illum cogeatur. *Smetius Miscellam. lib. 10. pag. 557.*

§. 7. Nob. ardore urinae & mingendi difficultate laborabat, A renum calculo id prodire indicatum: Renis dextri substantia tota in pus crassum & foetidum erat conversa: Vesica ob insignem inflammationem & exulcerationem contracta. *Vide tit. de Lumborum dolore.*

§. 8. Ill. Matrona, Lepra infecta (de qua lib. 4. tit. de Aff. Ext.) urinam paucam, crebro & cum difficultate emittebat. Renes calculis minimis, instar seminis sinapi, nec non ureteres obstructi erant. Pelvis & carunculae laceræ erant. In vesica plurimi calculi, lapilli tres cum phlegmate.

#### OBSERVATIO X.

*Mictio dolorifica & intercepta, à Rene uno calculis obfesso, Lapide membrana involuto ureteris ostio affixo, Rene altero incolumi.*

**D**O Tibi historiam infantis tabidi & nephritici, in cujus rene altero insignem deprehendi lapidem, seu calculum. Infans est trimulus, ortum ducens à Patre nephriticis doloribus multum obnoxio: In ipso jam puerperio mater sensit magna infantem vexari siti, imprimis autem noctu: Tormina à partu passus est ingentia, cum subsequente magnavirium imbecillitate & insequente diarrhoea, quæ quamdiu in hac miseriarum valle degebat nunquam cessavit: deiecit autem ab initio serosa bile mixta, sub finem mere serosa & albicantia instar lactis coagulati, albumini ovorum similia, appetitus tamen nunquam prosternebatur, Annum agens dimidium incepit ambulare, incuria autem ancillæ factum est aliquando ut ceciderit in spinam dorsum, quem casum ancilla, formidine poenæ, celavit quandiu potuit: tandem

tamen



tamen factum in apertum prodiit, dum infans, qui prius incedere poterat jam idem obire renuebat: Malum quod evenit ancilla confitente, de vertebrarum, quæ sunt lumborum, luxatione metuerunt Parentes, remediisque decentibus, ligatione præsertim, hunc in finem usi sunt; nihilominus tractu temporis infans hic *pedum* quasi *paralyti* laborare videbatur: Casum hunc in misello hoc excepit octo septimanas post febris, ut videbatur, maligna, ex qua vires quidem recepit, persistente tamen toto ætatis tempore Atrophia quadam totius corporis, pedum maxime, & quamvis sæpius ad se redire videbatur, præter inflationem cutis nihilominus, qualis in hepaticis conspici solet, haud quidquam supererat: Die veneris ante festum nativitatis Christi, motus inordinatos in hoc infante animadvertentes Parentes, meam implorarunt opem; Vocatus vidi misellum convulsionibus torqueri, unde antepilepticis, iisque quæ nervosum genus demulcent, spiritibusque blandiuntur agendum esse censei: præscripsi hunc in finem sequentia. ℞. *aqu. acetos. flor. trinitat. aa. ʒj. antepilept. Verasc. ʒss. cinnam. ten. ʒj. spir. sulph. gtt. viij. pulv. Marchion. ʒss. julep. rosat. ʒvj. misc.* sumatur sæpius in die cochlear. Potui autem ordinario miscere iussu seq. pulveris particulam. ℞. *pulv. rad. pæon. ʒss. Marchion. ʒj. sacch. rosar. tabul. ʒij*: His convulsiones cessare videbantur, verum enimvero fefellerunt, octiduatim fere recurrentes: Ab hoc tempore observarunt Parentes urinam parcius fluere, summumque, quem gestibus patefacit infans ab hoc in mingendo sufferri dolorem, quatuor septimanis ante obitum huius in corpore adhuc exanthemata eruperunt, quæ subsequuta sunt ulcera & pustulæ plures; hinc sensim corpus magis emaciari, convulsiones ingravescere, infantulumque usque ad horam mortis comitari cœperunt.

Cadaver, licentia mihi à Parentibus facta, præsentibus aliquot Viris Præstantissimis, aperui, eaque qua licuit diligentia lustravi: In infimo ventre ventriculum deprehendi inflatum, una cum intestinis: Hepar naturalis magnitudinis & molliciei, præterquam quod color aliquantulum, sed parum ad p. n. accesserit: Vescicula fellis erat maxima & copiosa bile distenta, Lien vero naturalis coloris & magnitudinis, neque ullatenus durus: Epiploon vidi consumptum: Mesenterium glandulis præditum albicantibus, mollibus iisque plurimis: placuit aliquot ex iis incidere, ad videndum num quid sit effluxurum viscerum, sed nihil effluxit: Ren dexter naturalis erat, nihil in se continens alieni: In Rene autem sinistro deprehendi materiam sabulosam, carunculis papillaribus inclusam, unde levi compressione à me facta animadvertenter omnes arenulas copiosas ex iis expressas fuisse: Ante autem ipsum ostium, seu ureterem, ecce calculus oblongus, acuminatus, silicis duritiei, membranæ tenaciter involutus, adeo ut lancetta eas separare necesse habuerim: Calculum hunc adhuc, tanquam quid rari, in scatula reconditum teneo: In vesica nihil p. n. observare licuit: In ventre vero medio Pulmones putridi fuerunt & corrupti, absque tamen materia purulenta: *Ex amica & benevola communicatione Clar. Dom. D. I. I. Harderi Medicina Doct. Basiliensis & Philosophia Professoris.*

## S C H O L I A.

**S**i jam *αἰτιολογία* horum quo quomodo delineare velim, videntur à prima huius infantis nativitate laborasse viscera quæ *αἰματώδεις* dicata, quæ *χυλώδεις*: hæc quidem, quatenus munere concoctionis alimenti assumpti minus probe functa sunt, illa autem, quatenus chylum per lacteas adventantem in sanguinem minus laudabilem converterunt & quasi assarunt: Quicquid sit, concoctionibus deficientibus, sanguis generatus fuit in quo particula salinæ, acres & fixæ, ex alkali & acido mixtæ, prædominium tenebant; quibus proinde tractu temporis augmentatis, seque mutuo inter pugnantes & effervescentibus febris secuta est, eaque si quid maligni accessit maligna: Eadem salia aculeata, in massa sanguinea stagnantia, perque arterias ad intestina delata, causa fuisse torminum & diarrhœæ; quatenus fibras nervosas vellicantes, convulsionum, Et substantiam pulmonum laxam & spongiosam corrodingo, Phthisis: Quod autem infans hic febris curata, nihilominus continua atrophia laboraverit, ad id dico mihi vix videri febrim hanc penitus fuisse sublaram, sed apparuisse tantum, fermentatione medicamentorum tunc temporis usurpatorum ope cohibita & infracta: qua tamen particulis hæc salinis

vires suas reassumentibus, facile rursus incruduit, tandemque in hecticam degeneravit: potuisse autem vires suas reassumere, vel bilis copiosa, in vesicula fellis redundans testabatur, Scarentibus in misello hoc corpore salibus hæc, quin eas natura, onus hocce molestum sibi esse sentiens, conatu fuerit per arterias emulgentes ad renes deponere, ut postmodum cum reliquo sero in vesicam exantlatæ, per eandem excernerentur dubium nullum est: Cum autem renes, sive hæreditaria imbecillitate prædispositi, sive diurno huic labori sufferendo inassueti essent impares, tandem succubuerint, contigit ut hæc salinis partibus restitantes, fermento renum deficiente, vel corrupto & aciescente, ex tandem in calculum concreverint: quibus succus nervosus aciescens (si talis detur) adiumento fuit: Calculus hic renum membranæ tenuissimis implicitus, summo dolori ansam præbuit, atque præ ostiis jacens, in causa fuit ut urina parciore quantitate redderetur, Rene dextro nihilominus sano & incolumi, & ipsa vesica nihil fabulosa continente, quod aliquibus absurdum videtur: Sunt qui per *εὐμηνίαν* explicant, quod rene uno adhuc salvo nihilominus lithuria oriatur; verum si quod uno nervo affecto,

alter ejus affinis etiam constringatur, & quasi convulsi quippiam pariat, unde postmodum pelvis & ureteres corrugantur, consideremus, ad *supradictas* non tam celeri videtur pergendum esse pede; Uti Celeberr. *Wepferus* in suis hac de re ad me datis meminit: Non ita pridem dysenteriae vidi supervenientem Ischuriam, quae autem medicamentis nervos demulcentibus, & humorum irritantium acedini subvenientibus statim cessavit:

Materiae huic salinae, cui via sic esset praclusa ad vesicam, quis non videt, & necessarium fuisse ut ea in totum corpus regurgitaret, En febris & diarrhoea serotinae fomentum: quin eadem materia etiam ad articulos potuerit deferri, ibique insultus arthriticos parere, extra controversiam est, horumque exempla videre est apud *τὸν πᾶν Willisium*, in suo de Anim. Brutor. Tractatu: Pedum paralytin quin casus in spinam dorsali, propter nervorum compressionem augere potuerit, vix dubito: eam tamen maxime nephritidis pedissequam esse constat ex authoribus;

*ἢ τὰυτὰ μὴ δὲ λαβὴν* Tu Vir Excell. omnia pro meliori & aequiori Tuo dispone iudicio, Vale. *Idem.*

*Summum sufferrī dolorem &c.* ] Nempe nephriticum; Pueros autem calculo renum esse obnoxios, ostendit *Ballonius* Epid. & Ephemer. l. 2. p. 345. eorumque laborantium signa tradit, exemplo puellae quae 11. febris die interiit; Vomebat, *sic*, frequenter, repertusque illi lapis in renibus: Cum vomunt saepe & contorquent corpus pueri, loco non consistentes, de nephritide conjectura esse debet, & fomenta ad renes admovenda: In supradicto autem infante firmior fuit conjectura, ob intercepram mictionem & ejulatum accedentem dum eam redderet: Pueri revera ob *ἀδδ-σπᾶζιν* & ingluviem vesicae calculo magis sunt obnoxii, minus iis qui in renibus gignuntur, quia eorum parenchyma mollius & laxius crassamenta non retinet, sed trajicit & elabii-  
liniit, ut congestionis occasio non detur  
tam ampla ac in  
adultis.

## OBSERVATIO XI.

*Mictio difficilis ob acres humores vitio hepatis genitos. 1. Ob aneurisma arteriae vasis urinarii subjacentis. 2. Ob mesenterii insigne incrementum. 3. Ob scirrhum in ileo intestino 4. Ob ulcus intestini recti ad collum usque vesicae extensum. 5.*

§. 1. **A**Nno 1561. Sexagenarius quidam obesus multos annos difficili Dysuria laboravit: Variæ fuerunt sententiae de causa morbi, quam alii in vesica, alii in renibus collocabant, sed exitus tandem ostendit omnes illos esse deceptos:

Cum enim apoplexia mortuus esset, secto corpore nihil invenimus vitii, nec in vesica nec in renibus, sed hepar duriusculum: Ita ut manifeste constaret illam urinae difficultatem tantum ortam esse ex nimia acredine humorum defluentium ad vesicam: Urinae ejus erant satis tinctae & purae. *Observatio Joh. Hesi Medici Norici.*

§. 2. Coquus quidam difficultate meiendi tenebatur, aliquando suppressio erat urinae, Calculum in vesica aut aliquid simile suspicabantur: per quaedam intervalla malum repetebat: repente interiit; Subitae cladis causa reperta est aneurysma ruptum; valde enim erat dilatata arteria quae vasis urinarii subjacet: Ac credibile dilatationem istam arteriae difficilis mictionis causam fuisse. *Ballonius paradigm. 26.*

§. 3. Isabellae Roland mesenterium in insignem molem increverat, praeter qua vesicam premens & coarctans difficilem mictionem faciebat: *Vide tit. de ventris tumore.*

§. 4. Mulier nephritica scirrhum habebat in ileo intestino, supra renis regionem: hinc difficultatem urinae passa est per multos annos: *Vide tit. de Lumborum dolore.*

§. 5. In cadavere Dom. Cellarii (*Vide lib. 4. tit. de Visceribus*) apparuit in intestino recto apertio insignis: Vesica illi adhærens collo suo gangraenae principia contraxerat.

## OBSERVATIO XII.

*Vrina ardor & micturitus frequens, ob humorem virulentum in thorace & cordis sinu sinistro inclusum. 1. Ob connexionem p. n. pericardii cum diaphragmate. 2.*

§. 1. **C**Ivis N. per mensem bis in die ante obitum, levi animi deliquio corripiebatur, cum modico urinae ardore & incredibili meiendi desiderio: Illi tota fere thoracis cavitas tenui, prae rubro & foetidissimo humore, nec non cordis sinister sinus opplebatur: &c. *Vide tit. de Syncope lib. 2.*

§. 2. Johanna N. ab incunabilis lotium sine conatu reddere non potuit, Hujus difficultatis causam, connexionem p. n. pericardii cum diaphragmate fuisse credo: ad faciliorem enim excretionem excrementorum facere diaphragma certum est, anhelitu enim retento, diaphragma viscera subdita deprimit, excrementaque propellit. *Vide lib. 2. tit. de Phthisi.*

## OBSERVATIO XIII.

*Stranguria ob duos calculos in emulgentibus, prope Renes flaccidos. 1. Dysuria ob calculum vesicae & ureterum. 2. Ob calculum ureteris initio obiectum. 3. Ob calculos in ureteribus & Renibus. 4. Ob renium & ureterum corruptionem. 5. Ob Renem materiam purulentam conti-*

continentem. 6. Ob calculos in utroque Rene. 7. Ob vitium Renum nigricantium. 8. Ob Renes purulentos, carcinoma vesicæ. 9.

§. 1. **F**ilius D. N. Brixiani novem annorum, bonæ complexionis, 1654. ægrotavit diebus 33. febre ardentissima, quæ spatio paucorum dierum consumpsit omnem carnem, reduxitque puerum ad sceleti maciem: Extremis diebus de ardore urinæ conquerabatur, ejusque difficultate quam sanus nunquam passus fuerat, licet siti continua aridus, sine modo & medio tam vinum quam aquam puram lutulentamque & saponem inquinatam avidius hauserit.

Demortui cadaver parentes, de incantamento dubitantes, aperiri jusserunt: Inveniebatur Hepar immensæ magnitudinis, prorsus sanum, nisi quod in extremis partibus esset rostum, nigrum & durum: Renes flaccidi nulliusque consistentiæ: In venis emulgentibus, prope renes, reperti sunt duo calculi, unus utrinque, nec tamen unquam in juvenili corpore urinæ mictionem impediverant: Primus calculus æquabat pondus duorum aureorum Hispanicorum, 1½ ungaros & sex grana, Alter duos aureos, medium ungarum, exceptis septem granis. *Th. Bartholinus cent. 3. histor. 34.*

§. 2. Anno 1666. 1. Januar. dissecui cadaver viri 36. annorum, qui per 24. annos summis cruciatibus, quoties urina excernenda, tentatus fuerat, Reperiebatur calculus in vesica urinaria ovi anatini magnitudine & forma: Ureter sinister aliquot lapillos continebat, digiti latitudinem habens: Ren sacci instar triplo major sero distentus erat: Alit ren dexter carnosus magis pure scatebat. *G. Blasius observ. med. 23. part. 6.*

§. 3. Margareta Nicola infestata aliquandiu à dolore lumborum, incidit in crudele calculi renalis tormentum, cum urinæ difficultate, &c. Dissecto cadavere apparuit ren sinister aqua & pluribus calculis infarctus, quorum maximus insinuaverat se suo apice in ureteris principium. *Vide tit. de Ischuria.*

§. 4. Celeb. *Sperling* dolore lumborum, concurrente mingendi difficultate ac tarditate vexatus fuit. Uterque ren repletus erat calculis innumeris: Ureteres à suo exortu usque ad valvulam arenularum copia distenti erant: *Vide tit. de Lumborum dolore.*

§. 5. Nob. fœmina urinas ardentes & purulentas habuit: Renes cum ureteribus, usque ad vesicam putredine erant corrupti: *Vide tit. de Hypogastrii dolore.*

§. 6. Nobilis N. frequenter Dysuria renumque doloribus torquebatur, pro calculoso habitus: Inventus in mortuo Renum sinister albus, materiam putulentam continens: *Vide Tit. de Lumborum dolore.*

§. 7. Generosus N. nephriticus Dysuria molestissima afficiebatur: Sub renis sinistri membrana calculus æquans ovum gallinaceum latebat: In utroque plures minores. *Vide tit. de Lumborum dolore.*

§. 8. Vir Cælebs urinæ laborabat difficultate: Renes utrinque nigricantes, intus nihil monstri alebant, dexter hepati per peritonæum adnatus: In pelvi sinistri parum hæcebat puris. *Vide tit. de Hypochondr. dolore.*

§. 9. Mercator (de quo tit. de urina alieno loco excreta.) lumborum dolore, urinæ acrimonia &c. laboravit: Dextrum latus renis erat expertus: sinister pure ac steatomate infectus; Sordidum carcinoma ambiebat meatum vesicæ urinariæ.

## OBSERVATIO XIV.

*Urinae difficultas sequuta Thoracis hydropem & concretum in corde lapidem.*

**V**idimus in Doctore Arelatensi Urinæ difficultatem, cum maximo renum dolore & arenulis rubentibus, cujus dissecto cadavere Renes integri reperti sunt, sed in thoraco hydrops & concretus in corde lapis, qua parte materiam in sinistram cordis ventriculum; & inde ad renes ferri solitam probabile est, quæ eo itinere præ calore in arenulas concreverat: Sed & feri ex pulmone ingens copia in abdominis capacitatem penetraverat; haud secus atque sæpe cœcis ductibus ex abdominis capacitatem in hydropicis redundat in thoracem. *Iacotius comment. ad aphor. 4. sect. 2. lib. 6. Coac. Hippocr.*

## S C H O L I A.

**A**renulis rubentibus] Arenulas nonnunquam citra lithiasin excerni ostendit *Hollerius* Scholio ad cap. 48. lib. 1. de morbis internis. Cur multi, aut, arenas mingunt neque calculosi sunt, causa in promptu est, non enim coguntur nisi viscido aliquo & crudo humore, tanquam glycine, opus est tempo-

re: Ubi igitur obstructio à crassis & viscidis humoribus, & acrior urina ac magis faculenta, angustiores meatus, calore superveniente à quacunque parte, ut hepate, corde, renibus, quod diu impactum fuit in meatu, induratur & lapidescit, figuramque accipit à sinu in quo est: Neque impedimento est

OOooo 2 quod



quod nonnulli respondent, ex calculo arenulas fieri, non contra, Cur enim qui generantur in vesica, in arenulas raro dissolvuntur? Neque etiam ob id necesse est in calculo renum semper excerni arenulas cum urina: nam in multis dissectis probatum contrarium, qui calculosi sunt inventi, cum neque arenas mitterent, neque laborarent urinæ difficultate, infosso calculo in substantia renum: *Archigenes & Philagrius* arenas reddi volunt, cum jam calculus è rene in vesicam descendit: Ejusmodi arenularum, citra lithiasin, generationis modum ostendit *Souberius in provocazione à sententia Brunonis Seidelii parad. 3. decade 2. lit. Y.* Annotatione, inquit, hic dignum videtur absumptionem quæ ultione ut, non eo usque duxat progredi ut crassamentum relinquat, quin etiam non raro in cineres prorsus humoris magnam portionem quandam redigat: atque id sunt arenulæ quæ à febricitantibus non paucis (maxime morbo jam defunctis) copiose cum urina minguntur, nulla vel præsentem vel præteritam etiam nephritide: scito à venis omnibus, aut certe majoribus (ubi exustio humorum viguit) tabulum hoc rapiente: quod minus mirum videbitur iis qui bilem totam intra vesiculam propriam in lapides, alias nu-

mero paucos, alias numerosissimos indurata aliquando viderint, apertis eorum corporibus quos febris ardens aut etiam diuturna rapuerat: Ego pluries istud observavi: *Hustienus Souberius*; Quomodo autem arenulæ à renibus provenientes ab illis distinguantur, proponit *Riverius* pract. lib. 14. cap. 1. Plurimos videre ait, *ait*, qui tota vita multas arenulas cum urinis profundunt, neque tamen calculo laborant, Non raro enim arenulæ proveniunt ab humorum adustione, quæ in venis ac hepate fit, Et illæ vitri parietibus adhærent, nec in fundo subsident, ut illæ quæ à renibus proveniunt; præterea digitis contritæ dissolvuntur, & salinam substantiam retineant: cum aliæ digitis non cedant & dissolvi nullo modo valeant, Ac denique cum hujusmodi arenulæ salinam habeant substantiam, in calida urina dissolvuntur, neque illo modo in ea apparent dum adhuc calida est: postquam vero refrigerit, coalescunt & matulæ parietibus adhærent; non secus ac crystalli Tartari, qui in aqua calente dissoluti, dum illa refrigeratur, concresecunt & vasibus parietibus adhærent, ita ut valde similis sit hujusmodi arenularum & crystalli Tartari natura.



# ANATOMIÆ PRACTICÆ


## LIBRI TERTII

### SECTIO XXVI.

#### De Diabete, seu Urinæ Profluvio.

##### OBSERVATIO I.

##### *Diabete extincti Renes flaccidi & decolores inventi.*

 N N O 1590. Filia Præsidis Hollandiæ 18. annorum, aliquot ante obitum annis Diabete laborarat, adeoque siribunda extiterat, ut unico die non raro urnas duas tresve potus assumeret, nec minore quantitate urinam in dies reddebat.

Renes huic non absumpti, verum flaccidiores solito, figura cineritia non impense rubra. *Petrus Parvius observat. Anatom. 2.*

##### SCHOLIA.

**R**enes flaccidiores solito &c.] Vulgata sententia de Diabetes causa *Clarissimo Willisio* minime aridet, quod sanguis ad Renes non attrahatur sed motu cordis pellatur: Porro nec serum è sanguine eos perfluente hauriri, aut emulgeri, sed partim percolatione, & partim fusione quadam, live præcipitatione secerni videatur: Quapropter Diabetes sanguinis potius & immediatus quam Renum affectionem esse, & originem suam inde sumere credit, quatenus cruoris massa velut deliquescit & in serositatem copiose nimis funditur: Quod equidem ex urinæ quantitate ita in immentum aucta, quæ non nisi à sanguinis deliquio & consumptione procedat, facile constat: Propterea item cruor residuus, sero ejus ita ubertim abscedente, multo crassior & ad coagulandum aptior evadit, uti ex pulsu celeri & laborioso arguere licebit: nam idcirco cor apud ius movetur, ut sanguinem plus solito dum exagitat, à coagulatione præservet: Porro ut hujus flui-

ditas, ob nimia serosi laticis dispendia periclitari apta, continuari possit, materies potulenta siti immani urgente copiosissime ingeritur, ac insuper humores solidis partibus impacti à sanguine retorquentur, quoniam ipsarum sarcimenta in hujus reparationem deliquescunt, hinc ut morbo isto laborantes plurimum sitiant & brevi emarcescant: Itaque ut Diabetes conjunctam causam & rationem formalem designet *Vir Excell.* opinatur sanguinis crasin ita laxari, & quadantenus dissolvi, ut particule aquosæ à crassioribus contineri nequeant, quin illæ harum amplexibus cito elapsæ, & salinis imbutæ, per vias renum maxime patentes excurrant: Interim vero ad sanguinem diluendum, & à coagulatione vindicandum, humores alii tum ab extra, tum intus in eum corripiantur, atque præcordia magno utique molimine in motum rapidiorem urgentur: Præterea tamen in causa conjuncta partem aliquam Renes quandoque accedat cenet *Vir Reclariissimus*, utpote quorum fermentum

fermentum ita nonnunquam viciari solet, ut sanguinem non salis lixivialis influxu in debita mixtione atque fluiditate contineat, proinde ut serum mera percolatione ab eo separetur, sed interdum accidit à Sale acido in renibus deposito cruorem, dum eos pertransit, velut à coagulo quodam, in serositatem copiosam, quæ mox per uteretur amandatur, præcipitari: Hinc observare est in plerisque nephritidi obnoxii, paroxysmo ingruente urinam limpidam & copiosam reddi: cujus causa est, quod humor acidus per ductus nerveos illuc delatus, & dolorem excitans, imprimis sanguinem renibus illabentem fundit, serique uberioris ab eo decellum producit. Interea non est ut dubitet præcipuam & maxime crebram Diabetis causam in sanguinis dissoluta nimis missione consistere & laxa, quin etiam pari ratione *Supponit* minutam & debito parciolem, sæpe numero à sanguinis compage nimis stricta & velut obserata pendere; vide *ut. de Ischuria*.

Si vero inquiratur unde sanguinis compages ita laxa & dissoluta, inque serositates deliquescere apta evadat? Dicit hujus, sicuti & lactis, fusionem ex eo procedere, quod cum in massa ejus Sales diversæ indolis conveniunt & associantur, reliquæ particule Salinis (quæ eas ab invicem sejungunt & in mixtione continent) liberatæ statim in partes secedunt: Quod si amplius inquiratur unde nam Sales isti,

quorum privata combinatione Sanguinis missionem solvi, ejusque fusionem introduci supponimus, adveniant? non est pro illis designandis ut longe disquiratur, Etenim plane constat massæ sanguinæ particulas salino fixas & volatiles naturaliter temper inesse: quibus si quando sal acidus, seu fluore potitus, satis ubertim accedat, prædictam affectionem facile excitabit: Hinc est quod vinum Rhenanum, Pomaceum & liquores acidi epoti *Supponit* copiosorem provocant; Propterea item in quibuldam valerudinariis, quorum sanguis sale acido abundat, medicamenta sale fixo aut volatili prædita urinam movere solent: Novit quendam vino Rhenano propotu ordinario per 10. dies usum, Diabetem incurabilem contraxisse, ex qua non obstantibus Medicorum plurium consiliis & remediis, intra mensem interibat: Meminit duas mulieres parhematicis spasmodicis & hypochondriacis obnoxias, quibus subinde magna urinæ profluvia cum languore & carniū intabescencia accidebant. Excell. *Th. Bartholinus* observ. Anat. 68. cent. 1. De se, calculosa vesicæ dispositione laborante, narrat post potum vini Rhenani, redditam esse urinam vino epoto tam similem, ut pro vino ipso potuerit propinari, per dies plures sine sedimento incorruptam permanentem:

Causam querit in Glandulis lacteis renibus vicinis.

## OBSERVATIO II.

*Diabetes à vitio Renis sinistri magnæ molis, lapide obsessi exiguo: Dexter minimi & fere consumpti.*

**V**Idua Barnabæ Panthou sæpe nephritica erat: aliquando è vesica detractus lapis: Tandem post multos dolores nephriticos doluit inguen sinistrum, febricitavit, mox in imo ventre dolor erat intolerabilis, jactatio, vomitiones assiduæ, imo dolor ad pectus, variæ admodum erant species doloris: In sinistro hypochondrio tumor apparebat magnus & durus, Quidam vere splenem intumuisse dicebant: Alii Renem, Febris marasmodes, convulsivuncula, frequentes leipothymia, Involuntarie profluebat urina: Species quædam erat Diabetæ, urinæ tenuissimæ, aliquando cruentæ, post multos dolores mors.

Aperto cadavere Ren sinister inventus est lapide obsessus exiguo: Ren in magnam molem undique increverat, Adæquabat Renem bubulum magnitudine: Paulum saniei in eo erat: Dexter adeo parvus erat ut fere reperiri non potuerit; Macruerat multum: Nunquid verum illud à Renibus febres Marasmodes contingere? *Ballonius Ephem. & Epid. lib. 2. p. 152.*

## S C H O L I A.

**E**A in historia mentionem fecimus de Diabete: meminimus tumorum & dolorum ventris, inguinum: incredibile est quanta symptomata afferat Ren male affectus: Ad eam historiam valet id quod diligenter annotavit *Arculanus* in caput de fluxu urinæ, inter signa, præsertim si ingens adest sitis, & aqua quæ bibitur cito egrediatur, viscera uri videntur, lumbi intumescunt, testes & coxæ: Et si mordens caliditas in visceribus augeatur, venter superior corrugatur & venæ in ipso eleuantur, universus habitus gracilescit, & tabes accidit gravis: Revera latens erat Diabetes: Et quia mulieres non facile sua detegunt, consumpta est vi febris lentæ & exhaustus omnis humor: Admirabile habet aliquid hic morbus. *Idem ibidem.*

*Alii Renem &c.]* Non improbabile censet *Clar. Willis* *Supponit* copiosam aliquatenus à Renum mala conformatione procedere, in quantum scilicet horum tubuli lymphatici nimis ampli & parentes, serolum laticem nimis promptè excipiunt, & sine remota

quavis celeriter transmittunt, propterea ut major ejus quantitas in urinam excurrat: Verum enimvero, ut tabulos hos quandoque, & præsertim in calculosis, nimis patere concedatur, attamen proinde lottium cruentum potius quam copiosum excernendum dicit: Et revera mictionem sanguineam à tali potissimum causa exoriri putat: Porro cum urina copiosa & cruenta simul existit, sanguinis dyctasiam cum mala Renum conformatione concurrere censet: *Quo modo præterea concurrat Renum vitium vide Scholia ad observ. 1.*

*Convulsivuncula]* Non tantum ab assumptis, sed ab humoribus intus productis Diabetes passim evenit: Observare est plurimos parhematicis spasmodicis obnoxios, ante vel post paroxysmos, urinæ limpidæ copiam inguentem reddere, cujus certe causa est, quod sanguinis & succi nervei recrementa (*de sanguinis vitio vide Scholia ad observ. 1.*) in partibus solidis aggesta, si quando in acorem degenera turgescant, & in sanguinem resiliant, fusionem ejus,

Q Q o o o 3 & pro:

& proinde urinæ profluvium inducunt : Quapropter cum talis urinæ profusio constans & habitualis exsistat, nihil veritius dici potest, quam quod humores excrementitii, in partes solidas ablegari, indeque postquam acorem illinc contraxerint, in sanguinem reverti, hujus liquorem in serositatem nimiam fundunt, proindeque perennem adeo & immensam excretionem cient : In præcipua vero hujus noxæ partem *Succum nervum* merito referri censet *Vir Excell.* quippe hunc si quando à recta crasi desciat, admodum malignum, aliisque tum humoribus, tum partibus solidis infestum evadere alibi ostendit ; quapropter ab eo depravato etiam sanguinis mistio perverti maxime periclitatur : Ipsum vero *succum nervum* depravari arguere licebit, quoniam in Diabete spiritus animales plurimum oblanguescunt & nutritio statim omnis frustratur ;

Porro quod sententiam istam egregie confirmat, observasse se ait *Vir Præclar.* in pluribus huic morbo per intervalla obnoxiiis, quod paulo antequam in urinæ profluvium inciderint, in toto corpore partium nervearum dolores vagos & contugationes, modo cum stupore aut formicationis sensu, modo cum crebris *Spasmodis* ac tendinum subsultibus, aliisque spirituum perturbationibus & inquietudinibus paterentur : Indicio sane manifesto liquorem fibras nerveas irrigantem, à crasi degenerem, & sæculentius refertum spiritus iritate inque *atonia* cogere : Dein postea cum succi nervei recementa & superfluitates, fluere oborto in massam sanguineam exundantia Diabete inferrent, prædicta symptomata cessabant, succedente vero spirituum languore & virium concidentia. *Pharmac. Ration. p. 167. &c.*

*Febricitans* ] Quod laborantes febricitant & valde sitiunt, ratio partim est quoniam humores & succi, quibus tum sanguis tum solidæ partes & humectantur & refrigerantur, continuo per diuresin impendio plus nimis exhauriuntur, quare fauces ardent & præcordia insigniter aestuant : & partim quoniam urgente naturæ instinctu cor & pulmones in motus rapidiores urgentur, ut sanguis sero diluente privatus, à coagulatione live concretione vindicari, ac in circulatione debita continuari possit. *Idem ibidem p. 171.*

*Urina tenuissima* ] Hoc affectu laborantes multo plus mingunt quam bibunt, aut alimenti liquidi assument : Quod autem Authores potum aut parum aut nihil immutatum reddi assentunt, à vero longissime distat, quoniam urina in omnibus (quos unquam me novissime contigit, & credo ita in universis habere) tum à potu ingesto, tum à quovis humore in corpore nostro gigni solito plurimum differens, quasi melle aut saccharo imbuta mire dulcescebat : Prædicti erroris occasio, ut opinor, fuit urinæ color, qui semper crudus & aquosus, velut pica aut hydrope laborantium apparet : Explicatu vero arduum videtur quare agrotantium urinæ adeo mire dulcescunt, sive saporem mellitum referunt, cum potius è contra, si juxta hypothelin nostram sanguinis fusio & (quæ propterea succedit) urinæ profusio ob salium combinationes accadat, certe liquor hic imprægnatus potius salis esset quam dulcis : Verum huic referre obvium est dicendo imprimis urinam sapore salis privari, in quantum plures sales, qui diversæ sunt indolis in ea combinantur, Nam hoc multiplici in Chymicis experimento constat, quod cum sales, qui diversæ sunt indolis, uti fixus aut volatilis cum acido miscentur, utriusque acimonia obrunditur aut amittitur : quare quod urina Diabete laborantium minime salis sit, non est quod mireremur : Cur autem instar sacchari aut mellis ea mire dulcescat, nodus vindice dignus est : Hunc effectum ex eo quispiam osiri putaret, quod una cum sanguinis sero per venas excurrente, tum liquor recens nutritius, tum solidarum partium liquamina amandarentur : quare non improbabile videtur dulcedinem istam ex succis huic opimis lotio permixtis conciliari : Verum enimvero ex mistione ista sapor tantum lenis, ac instar lactis aut jusculi carniæ blande demulcens, sed non mellitus excitabitur : quinimo ad hunc, qui non solum gratus, sed quodammodo pungens est, spicula salina, una ac mulcimina sulphurea (proux alibi ostendimus) concurrere debent : Quare prout saccharum & mel merito ad concretiones salino sulphureas referimus, ita suspicari fas sit urinam in Diabete adeo dulcescere, eo quod salibus in sero combinatis particulæ quædam sulphureæ ex colliquatione partium solidarum delibatæ accretant. *Willis l. c.*

## OBSERVATIO III.

*Diabetes à calculis occultis in Renibus & Pulmonum erysipelate.*

**I**N Nob. N. à febre ardente extincto, Pulmo niger & admodum tumidus repertus est : In utroque Rene duo magni calculi, Hic copiosiores justo fundebat urinas, aquæ similimas, sitimque intolerabilem patiebatur, ut quæ nullo potu sedari poterat. *Vide sit. de Febrilibus.*

## OBSERVATIO IV.

*Diabetes vitio vesicæ tumore σφαλεώδη affectæ excitatus.*

**M**ultis ementitis Diabetes : causam ad Renum affectionem referebant : Mortuis contracta plane vesica reperta est, cum gangræna & tumore σφαλεώδη in capacitate ipsius vesicæ : Quod notandum ne quis decipiatur. *Ballonius Epid. lib. 2. p. 157.*

## S C H O L I A.

**E**mentitis Diabetes ] Diabetes in Legitimum & Spurium dividitur Legimus Excretio est rei potulentæ prorsus non mutata, in odore, colore & sapore per vias lotii ; Spurius, quem Arabes multitudinem urinæ appellaverunt, est Excretio urinæ in tanta copia, quæ longe superat quantitatem rei assumptæ humidæ.

*Causam ad Renum affectionem referebant* ] Ex

*Galeno 6. de loc. aff. cap. 3. causa proxima & immediata calida est renum intemperies, serum à venis copiosissime elicientium, & ad vesicam transfundentium : quo fit ut venæ inanitæ serum ab Hepate trahant, hoc ab intestinis & ventriculo ; unde sitis continua exoritur, potusque immanis appetitus, qui ingestus protinus à dictis partibus abripitur, à cujus copia expultrice irritata & retentrice gravata, subita ejuldem*



ejusdem oritur exclusio : At hæc causa insufficientis quibusdam videtur, quod calida renum intemperies frequenter occurrat, non item Diabetes; causam vero statuunt humorem acrem, aut salum, parenchymati acie insinuatam, à quo facultatis expultricis perennis fiat irritatio : non secus ac in caulo vehemens urget sitis, nullo potu placabilis, ab humore bilioso tunicis ventriculi impaeto, aut vaporibus salis aut biliosis à partibus vicinis suscitatis & ventriculum impetentibus : Porro, cum bilis aliorumque humorum adustorum generatio hepati adscribitur, verisimile esse aiunt id eadem quoque intemperie affici, à quo in renes ii decumbunt, viriumque hauriunt : Firmatur sententia observatione *Ballonii* lib. 2. *Epid. & Ephem.* p. 158. *Mulieres inquit, & homines vinosos, & colore ipsoque vidimus quadam specie Diabetis affectos : assulerunt ad nos urinas stillantis rosarum aqua simillimas, Ad stomachi indigestionem revocant quidam : Nos contra ad calidita-*

*tem summam & siccitatem quandam extremam Hepatis & Renum : Uxor mercatoris D. P. satis docuit, & ea est vinosissima. Ceteris autem potus transitus qua talis per vesicam excernitur qualis fuit hauritus, brevi interposita mora, rationem vix reddent qui longam & vulgatam viam per hepar, cor, arterias, emulgentes, renes, ureteres, vesicam proponunt : Et quanquam compendiosiore qualiter Aquapendens per hepar ex ventriculi venis gastricis : Et Pilo Conringiusque, per Lienem, tamen ille inventa circulatione sanguinis sine suo excidit : Hi verò, præconcepas vias aperte demonstrare nequeunt : Glandularum lactearum detectio brevior ostendit viam, quarum, inter ceteros, ulius est, serum à chylo separatum in adjacentes vel renes exprimere, vel emulgentes arterias, quibus ramos mittunt : Vide Excell. Bartholinum Tract. de ductu chyliifero cap. 7.*

8. &amp; 9.

## OBSERVATIO V.

*Diabetes à rene uno lapide obfesso, & in ureteris initium implantato : altero minore reddito & collapsio.*

**J**oh. Chalumeau annos natus circiter 50. corpore squalido & visceribus pari modo affectis, nephriticis symptomatis conflictatus est : dolor fixus, excretio nonnullorum lapidum ex intervallis : Ren sinister lapide angulos obtusos habente obfessus est, In ureteris principium implantatus deprehensus est post anatomen : febris conclusa, plus in recessu quam in fronte habens, adustio & squalor : Extimus habitus asiosus : lingua squallida & horridula, æstus & sitis, meiebat plus justo, urina aquea plane, sensim extrahuit, Diabete interiit ;

Ren alter lapide non obfessus, Justo minor erat & pene collapsus : In altero lapis prædictus deprehensus est, *Nullum commemorabile vitium quod sub obtutum caderet. Ballonius* *Epid. & Eph. lib. 2. p. 183.*

## SCHOLIA.

**N**ullum commemorabile vitium &c. ] Morbus partium sæpe & dæmne vitium est, & sæpe sitis est renum irritata facultate attractrice, Et hic morbus inexplicabilis est fere : Imo hepatis *duoxpania* & venarum, cum dispositione humorum nitrosa & saluginosa, facile communicatur renibus : Accedit quod ad partes laborantes facile serosa excrementa depelluntur & confluunt. Quæstio esse potest, Quomodo ren tam male affectus serum à sanguine secernit? cur non sanguinem saniosum & serolum, aut serum sanguinolentum præterlabi sinit? Id pluribus explicandum foret : nam cum quatuor sint in parte facultates ab elementis profectæ, una potest laborare in-

tegra altera, prout qualitas quæ eam facultatem juvat & fovet potius laborat quam alia : accedit quod Ren, tanquam officinalis pars, peccaverit, ut quæ plus attraxerit quam oportuerit : tanquam pars privata non desierit nutrirî, unde facile & belle se crevit serum à sanguine, Et cum sanguis multum habuerit feri, ejusque nitrosi & mali ; paucum laudabilis succi, non mirum si malum malo fuerit cummulatum : Imo sæpe ren auctior est & major, sed non commodo ægrotum : Idem enim contingit quod & iis quibus Lien major est : *Hippocr.* autem scripsit, Quibus Lien efflorescit, iis corpus minuitur. *Idem.*

## APPENDIX.

*De viis per quas Potus nequaquam immutatus in Diabete legitimo excernitur.*

**I**N Diabete legitimo potum, qualis fuit assumptus brevissima interposita mora per Lactearas reddi suspicatur Excell. Bartholinus tractatu de Hepate exauthorato, Optatque quo hæc firmiori stent talo, ut dissectionis adminiculo Lactearum cum Emulgentibus manifesta communio confirmaretur : Communionemque aliquam intercedere illis qui facile in Diabeten incidunt non audet dubitare, si quidem vicinitas sufficere non possit, cujus beneficio in corpore multæ sunt *μίσαντες*, viis nobis, non Naturæ nec viventi corpori ignotis : Votum adimplevit novum inventum, de quo *Acta Londinensia* anni 1667. p. m. 93. *Aliud inventum se nobis obtulit, non minus in medicina utile atque proficuum, Est vero Ductus Lactei, qui jam Ductus Thoracicus appellatur, cum vena Emulgente communicatio : Ecce vero experimenta qua in eam nobis viam fecere : Dom. Gayant detecto Ductu Thoracico calamus illi immisit, eoque calamo alligato in calamum, Ductus thoracicus à calamo usque ad venam subclaviam vento quidem repletus est. Vide observat. de urinis p. n.*

OOooo 4

ANAT.

# ANATOMIÆ PRACTICÆ

## LIBRI TERTII

### SECTIO XXVII.

#### De Vrinæ Incontinentia , & Per locum indecentem Excretionē.

##### OBSERVATIO I.

*Vrina per anum effluxus ob vesicæ carcinoma rectum intestinum penetrans. 1. Ob sphincterem vesicæ callo occlusum. 2. Ob ulcus vesicæ ad rectum intestinum pertingens. 3. Exitus per fissuram (pene deficiente & vesicæ) in quam ureteres inferebantur. 4. Per anum, ob obstructos renes à calculis, & urina in mesenterium transitum. 5.*

§. 1. **M**EDICI æque loquuntur de externo ac interno cancro, ac quis eorum fecit mentionem carcinomatis vesicæ urinariæ? Cujus tamen nobis oblatum fuit exemplum, non quo remedium quis exspiscetur malo insanabili, verum ut constet non quodcunque vesicæ tormentum protinus vel calculo vel ulceri, quin potius nonnunquam desperato huic cancro acceptum ferendum. Mercator Brabantinus, post excisum in pueritia calculum, nunquam deinceps lotium per colem, verum semper per anum reddidit, relicto ibidem loci, à sectione, hiatu non minus in anum quam vesicam pervio, qua inordinata urinæ excretionē, cætera sanus, ad 40. ætatis ubi pervenisset annum, incœpere ipsum affligere lumborum dolor, urinæ acrimonia, perpetuus dejiciendi conatus, ac perennis pruritus in cole, è quo tamen vix atque ne vix quidem vel minima deinceps prodiit guttula; quibus incommodis, præ verecundia, integrum decennium clam habitis, imploravit tandem opem medicam, & quidem serio sed sero; Ecquid enim ageres malo jam penitus insidente, quam ut posset radicitus extirpari? Urinam nunquam reddebat sine insigni doloris sensu, & quicquid ejus ab ano efflueret, id aut arenulis, aut membranis calculosis semper fuit permixtum: brachia continuo erant tremula & vigilie indefatigabiles, cum febre lenta, anorexia ventriculi, ac tam pertinaci alimentorum fastidio, ut vel sola eorundem mentio sæpenumero nauseam ipsi moverit: In quorum tamen omnium symptomatum concursu, nihil ipsi suppetias tulit præter laudanum opiatum, ex cujus duobus duntaxat granis integrum interdum vixit triduum, sine evidenti molestia, donec prostratus jam viribus, ac corpore fame doloreque quasi enectus, ab ipsius usu consultum videretur abstinere, in procinctu jam morte quæ miserrimæ ipsius vitæ finem imponeret:

Aperto autem cadavere, vidimus dextrum latus renis expers: in sinistro vero, eundem pure ac steatomate infectum: At potissima ærumnosa hujus mali causa fuit sordidum ac inæquale carcinoma, quod quoque versum ambiebat meatum illum, qui digiti latitudine descendebat à vesicæ urinaria in rectum intestinum, per quod annis plus minus decem, cum intolerabili doloris cruciatu, lotium profluxerat miserrimo huic ægro: Cujus fortunam ne deinceps & alii subire cogantur ægroti, obnixè rogatos volumus lithotomos, ut quantum in manu ipsorum fuerit, omnem impendant operam quo in posterum firmiter glutinentur vulnera ab ipsis præcisa. *N. Tulpius observ. lib. 4. cap. 37.*

§. 2. Vidi senem urinam omnem per podicem sine insigni molestia excernentem: in quo post mortem ductum urinarium, circa sphincterem, scirrho occlusum esse reperi. *Fabr. Hildanus centur. 5. observ. 47.*

§. 3. David N. urinam per secessum reddidit, corpus vesicæ, circa collum, ulcusculo excavatum erat, usque in intestinum rectum. *Vide tit. de Ischuria.*

§. 4. Anno 1656. uxor N. peperit infantem monstruosum: hic septem dies à partu gemebundus vixit, septimaque die obiit: Hujus corporis partes omnes decenti structura & conformatione donatæ fuissent, nisi naturæ insignis aberratio in partibus hypogastrii fuisset

fuiſſet conſpicua : Scrotum parum ab ano diſtabat , iplique erat fere contiguum : Supra ſcrotum apparebat carnea quædam ſubſtantia , quæ quandam penis ſpeciem præ ſe ferebat : nullum urethræ huic inerat veſtigium : Paulo ſupra hoc penis fragmentum fiſſura quædam ſemicircularis ſecundum latitudinem iuni ventris apparebat : Ureteres , non in veſicam , quæ nulla erat , ſed in ſciſſuram illam terminabantur , atque utrinque per eorum oriſicia urina continuo & guttatim ſtillabat atque effluebat &c. *Caſtrens Observationum* 19.

§. 5. Puellus ( *de quo ſit. de Iſchuria* ) poſt eductum è veſica lapidem , & iſchuriam decem dierum , urinæ guttas aliquot per anum reddebat : Aperto cadavere Renes calculis obſeſſi reperti &c. Veſica omnino vacua & ſicca , nequaquam perforata : unde indagando vias per quas evacuebatur urina , obſervatum ſerum in venis meſenterii , illud in inteſtina deponentibus.

## OBSERVATIO II.

*Mictio involuntaria ob ſpinalem medullam ſero perſuſam.* 1. *Ob relaxationem nervorum offis ſacri.* 2. *Ob Renem ſiniſtrum calculo exiguo obſeſſum , Dextrum in magnitudine excedentem.* 3. *Ob Renem ſiniſtrum calculis obſeſſum , cum parvo in veſica.* 4. *Ob veſicæ inflammationem , Colli ejusdem dilatationem & muſculorum reſolutionem.* 5. *Ob veſicæ duritiem , ſphincteris extenuationem , Paraſtatarum vitium.* 6. *Ob ampliatiorem unius ureterum , vitioſam alterius in veſicam ſcirrhoſam &c. inſertionem &c.* 7. *Ob ſphincterem veſicæ relaxatum , madorem ſpinalis medullæ.* 8. *Ob corporis veſicæ vitium livore ſe prodens.* 9. *Ob pus in collo veſicæ deliteſcens.* 10. *Ob lapillos in veſica.* 11. *Ob grandem lapidem collum veſicæ opplentem , Vteri inſignem obſtructionem.* 12.

§. 1. *J. Ac. Reutinger* 14. diebus ante fatalem diem lectum permingere cœpit : Abſciſſa poſt obitum medulla oblongata , prope oriſcium magnum , plurimum ſeri ex oſtio illo proſiliit : ut non dubitarim totam quoque ſacram fiſtulam eo quoque repletam fuiſſe , (ac proin nervos ad ſphincterem veſicæ abeuntes madefactos.) *Joh. Jacobus Weſperus Exercit. de Apoplexia hiſtor.* 4.

## SCHOLIA.

**C**auſa involuntarii urinæ effluvi , quod & vigilantibus & dormientibus accidit , eſt vitium ſphincteris veſicæ , qui relaxatus & imbecillis redditus eſt , ut ſeſe contrahere nequeat , & oriſcium veſicæ claudere , unde urinæ exitus fere ſemper patet , & invitis etiam ac neſcientibus effluit : Neque enim aliam urinam retinendi facultatem habet veſica , quam hunc oriſcio præpoſitum muſculum , qui id claudit , & urinam retinet donec ex arbitrio hominis laxetur : Hæc vero ſphincteris actio interdum læditur , & interdum ſtupore & paralyſi afficitur ut ſtimulum illum non ſentiat , & urinam non recte contineatur ſed profluere ſinat : Id quod accidit nervis , qui partim à ſexta conjugatione , partim ab illis transmittuntur qui poſtremi à ſpinali medulla originem trahunt , affectis , iſque vel refrigeratis , vel obſtructis aut compreſſis : Solet tamen etiam urina interdum præter voluntatem reddi , cum abdominis muſculi valde convelluntur , ut urina ob eorum conſtrictionem , ventrisque compreſſionem ex veſica quaſi propellatur : Ob eandem fere cauſam interdum gravidis in ultimis menſibus urinæ incontinentia accidit , ut & iis qui tumorem habent ſupra veſicam , idque ideo proculdubio , quia muſculus veſicæ ab utero ſortu diſtento , vel tumore comprimitur & vellicatur : Ubi hoc occurrit dubium , quomodo ex eadem cauſa , & urinæ incontinentia & ſuppreſſio fieri poſſit : Scribit enim *Hippocr.* in *Coacis* , *Ex refrigeratione urina interceptio peſſima* : Verum ſciendum dum urina ex refrigeratione ſupprimitur , ſolum facultatem ſentientem affici , ita ut urinæ ſtimulum non percipiat : Si vero ſentus non ſolum afficitur , ſed & facultas motrix ita im-

peditur ut muſculum contrahere non poſſit , ſit involuntarium urinæ proſſuvium : Si vero per ſomnum ſaltem hoc fiat , per vigilias vero nil tale obſervetur , equidem & tunc in muſculo illo veſicæ oriſcium claudente aliqua eſt imbecillitas , a frigida & humida intemperie proveniens , ſed non tanta , ut homo ſi velit , urinam continere non poſſit : ideoque ad imbecillitatem ſomnus profundior accedat necelle eſt , & quaſi quædam negligentia , & homo per ſomnum ab urina ſtimulatus non cogitet lectum urinæ reddendæ locum commodum non eſſe : Ubi enim urinæ ea copia in veſica coſecta eſt , quæ hominem ſeu copia ſeu qualitate ſtimulare ad excernendum poſſit , ſi homo profundius dormiat , & ad imaginationem irritationis ſentus perveniat , facultas expultricis , niſi à ratione expulſio impediatur , ad expellendum inturgit , & præcipue ſi ſphincter ſit debilis , urina profluat : Quo multum etiam facit conſuetudo , ob quam cautam infantes noctu ſæpius lectum commingendo , huic intempeſtivæ mictioni quaſi aſſueſcunt , ut poſtea etiam adultis familiaris maneat : Nonnulli non ſolum labefactatam facultatem cauſam incontinentiæ urinæ ponunt , ſed coactam , ( *vide infra* §. 3. 4. 10. 11. 12. ) dum ſcilicet urina ſui copia vel impetu in muſculum veſicæ agat , cumque comprimat ſui gravitate , & ad apertionem quaſi cogat , quamvis voluntas non vocet ad illam , verum hæc cauſa commodius refertur ad objectum & nimiam ſtimulationem : Urina enim copioſa ideo ſtatim excernitur , quia facultatem expultricem irritat , neque accidit hoc ſine voluntatis imperio.

*Sennertus Præſt. lib. 3. parti 8. ſect. 2.*

*cap. 1. & 6.*

§. 2. Puellæ



§. 2. Puellæ paulo ante obitum urina involuntarie effluxit, quod nervi ossis sacri adeo relaxati essent, ut sphincter vesicæ officio amplius non fungeretur: *Fabritius Hildanus cent. 6. observat. 74.*

## S C H O L I A.

**S**phincter vesicæ &c.] Unicum hunc muscolum vesicæ assignat *Galenus*, Sed quæ secunda ejus membrana dicitur, crassa & fibris carnosis donata, ab *Aquapendente*, *Bartholino*, *Wulao*, musculus constituitur, quia fibras habet perspicue car-

nosas, ad vesicæ initium insertas; Ita ut quemadmodum musculus circularis ille sphincter dictus, vesicam constringit, ne involuntarie nobis urina effluat, ita hic musculus ad excretionem urinæ facit, dum se contrahendo vesicam constringit.

§. 3. Vidua N. sæpe nephritica erat, aliquando è vesica lapis detractus, Involuntarie profluebat urina, &c. Ren sinister inventus est lapide obfessus exiguo, Dexter in magnam molem undique increverat, paulum saniei in eo erat. *Vide tit. de Lumborum dolore.*

§. 4. Illustr. Comes Th. Arundelius urinæ suppressione primo afflictus, eam aliquot diebus post retinere non potuit, quin eam pene quot momentis reddere coactus fuerit. In rene sinistro calculus sat magnus cum aliis minoribus repertus: In vesica lapillus parvus, &c. *Vide tit. de Ischuria.*

§. 5. Anno 1587. obiit vir 54. annorum, qui ex casu decubuerat sine ullo sensu & motu sex diebus, &c. Secto ejus cadavere, vesicæ urinariæ tunica, ob venarum summam inflammationem ita à se invicem separata apparebant, ut mirati simus: ipsa autem vesica solito duplo quasi major inventa est, ad cujus internos parietes ex venarum orificiis, sanguinis copia reſeratis, vera quædam puris generatio conspiciebatur, collo ejusdem ita aperto ut digitum facile immitteres, & veram musculorum vesicæ resolutionem videres, Urina enim ægroto non sentiente ante obitum prodibat, vesica tamen nihilo secius tota repleta. *1. Vdalt. Rumlerus observ. 4.*

§. 6. Marcellus Sacchetti, (*de quo lib. 2. tit. de Phthisi*) stranguria, vesicæque paralyſi affectus, & utrarumque superfluitatum excretu inconsulto: Paralyſis vesicæ ac depravatus miæctus multiplices agnoscebat causas, Tum vasis duritiem ostracodem, tum sphincteris emarcescentis insignem maciem, tum, si *Banhini* observationi credimus, Adenum parastatarum vitium. Potuit & citra hæc paresis à superioris nervi unius sextæ conjugationis, & per hunc spinalis alterius resolutione propagari: hæc autem à communi nervorum moventium vitio, cujus radix prima cerebelli languor, facile promoveri. *Severinus de abscessibus p. m. 274.*

§. 7. Non ita pridem cadaver puellæ octo annorum dissecuri, in quo dexter ureter magnitudine auricularem digitum adæquabat; sinister vero non ad vesicam descendebat, sed paulo infra emulgentem dextram venam cavam ingrediebatur: A quatuor ab hinc annis urina involuntarie effluerat, quapropter vesica, cum inutilis esset, in se contracta & veluti in scirrhum concreta fuit. *Fabr. Hildanus Epist. ad Horstium, Tomo 1. p. m. 141.*

§. 8. Johanna N. variis morbis obsessa, caput habebat naturali majus, adeo ut cranium p. n. extensum esset: Spinam dorsii, & nervos inde prodeuntes, madidos adeo ut ipsa ossa flexilia essent: hinc sphincter vesicæ relaxatus, ut per 4. annos urinam continere non potuerit, unde vesica, à vacatione officii, inanis & contracta. *Vide lib. 2. tit. de Phthisi.*

§. 9. David N. post urinæ suppressionem eam absque difficultate, sed involuntarie reddidit. Corpus vesicæ, circa ipsius collum, lividum erat. *Vide tit. de Ischuria.*

§. 10. Rever. N. post quartanam tumor circa umbilicum obortus: Ventre circa umbilicum mortui inciso copia puris foetidissimi effluxit: In vesicæ collo coctum deliteſcebat pus album, quare nec urinam continere potuit aliquandiu. *Vide l. 4. tit. de Tumoribus.*

§. 11. Illustris N. primo urinæ suppressione hinc incontinentia per aliquot dies afflictus fuit: In vesica lapillus parvus, rotundus, lævissimus repertus fuit. *Vide tit. de Ischuria.*

§. 12. Nob. foemina gravitatem circa pubem assiduam, & sæpius involuntariam miæctionem passa est. In vesicæ collo magnus & durus lapis aderat: Uterus solito grandior, impletus erat alba, dura & compacta materia. *Vide tit. de Hypogastrii dolore.*

## ANATOMIÆ PRACTICÆ


## LIBRI TERTII

## SECTIO XXVIII.

## DE URINIS NON NATURALIBUS.

## OBSERVATIO I.

*Vrina decolores, tenues ob ventriculi vitium, Hepatis &c. 1. Ob calculum insignem in vesica. 2. Vrina tenuissima, aliquando cruenta ob vitium Renum. 3. Ob carunculam juxta sphincterem vesica. 4.*

§. 1.  MPERATOR FERDINANDVS urinas Tenuis emittebat, omni falsedine seri carentes: Ventriculi tunicas instar chartæ tenuis habuit: humor melancholicus & biliosus in ejus cavitate repertus: Pancreas erat nigrum; durum, ut & Hepar, &c. *Vide tit. de Vomitu.*

## S C H O L I A.

**V**Rina est aquea sive limpida, quando ob ventriculi indigestionem salinæ & sulphuræ esculentorum particulae non rite subiguntur, nec minutim confictæ adeo volatilizantur, ut sero dissolutæ ei tincturam imprimant, quam per singulos transitus sui anfractus tecum referre possit: Etenim latex in urinam mutandus, quia per ductus valde secretos, & minime patentes, velut destillatione quadam urgetur, ideo colore & consistentia, quæ in liquidis assumptis fuerant, omnino spoliatur, nihilque penitus, nisi volatile e chymo (cujus vehiculum est) imbibit: Quare si ob summam cruditatem Sal, Sulphur, & alia contenta haud primo volatilizantur in visceribus, nec postea dissolvuntur in vasis, ut cum seroso latice una iter faciant, ipse demum fere omnibus denudatus, velut aqua limpida foras excernitur: Quod principiis activis tales urinae fere careant,ignum est quia diutissime a putrefactione immunes servantur: Hujusmodi urina in puellis χαλκῶδον plerumque denuntiat, in plerisque cachexiam aut hydropem, in quibusvis ἀνέμιας & cruditatis indicium est: Quandoque in nephritide obnoxii paroxysmum ingruentem prænuntiat, scilicet dum serum à succo lapidescente in renibus coagulatur, ejus dissoluta & contenta in materiam tartaream congelantur, superstitit tantum latice aquoso: Qui tenue & aquosum aliquandiu mingunt, qualicunque ægritudine sunt obnoxii, sæpissime adjuncta habent *respirationem difficilem*, & à motu crebriam, atque circa regionem ventriculi *distensionem*, & à pastu velut intumesceniam: Prioris ratio omnino dependet à defectu πνεύματος in sanguine, etenim quia liquor ejus particulis activis, (spiritus, sulphuris ac salis) haud rite exaltatis plene inquinatur, ideo à fermento cordis non satis ac-

cenditur, quo statim totus exsiliat, & velut in flammam prorumpat: quin agere fermentescens, & in corde stagnare, aut magna ex parte residere aptus ipsum valde aggravat: quare si cruor ita dispositus à motu citationi in cordis sinus solito plus urgetur, quia non sponte rarefactus statim totus egreditur, ideo magno pulmonum nixu & crebriori agitatione opus est, quo foras exantletur: Hujusmodi cruditatem in sanguine urinae aquosæ propterea significant, quia siquidem a sale & sulphure tincturam terrena nullam receperunt, indicio est eorum particulas in cruoris massa minus dissolvi aut volatiles reddi: Quod ad *ventriculi inflationem* attinet (cujus item urinae limpidae sunt effectus & signum) dico quod propter debitæ *εὐμωρίας* defectum, chylus minime in cremorem volatilem, verum (instar panis non fermentati) in massam gravem & ponderosam facessit: quæ quidem tarde, & non sine residentia viscosi phlegmatis e stomacho eliminantur: hinc ejus reliquæ plicis & membranis ventriculi impactæ, poros & meatus quosvis obstruunt, ut nihil evaporet, nec quod tenuius & spirituosum est, per ductus secretos (uti fieri oportuit) prorinus sanguini convehatur: hinc status copiose gignuntur, qui ventriculum continuo distendunt, ac supra debitam molem inflant: Etiam cum faeculentia ista diu in stomacho relicta sale fixo abundant, in materiam modo acidam, modo vitriolicam, aut alius naturæ degenerat: Unde cardialgia, absurdorum appetitur, sæpe ardor cum siti immani; interdum vomitus atroces, aliaque symptomata valde infesta oriuntur, quorum nonnulla licet calorem satis acrem intus latitare arguant, tamen ob coctionis privationem taliter affecti sæpe urinam crudam & aquosam reddunt. *Willis de Urinis c. 4.*

§. 2. M. Hieremias per quinquennium urinam minxit aquæ fontanæ in substantia & colore simillimam, nullum dolorem percipiens, sed cum continuo egerendi conatu &c. E vesicæ fundo eductus lapis uncias quinque cum dimidia ponderans. *Vide tit. de mictione difficili.*

§. 3. Vidua N. nephritica affecta erat specie Diabetæ, urinae tenuissimæ, aliquando cruentæ: Ren sinister, qui in magnam molem undiq; increverat, lapide obsessus erat exiguo: Dexter parvus adeo ut fere reperiri non potuerit. *Vide tit. de Lumborum dolore.*

## S C H O L I A.

**Q**uestio est magni ad praxim momenti, *Utrum obstructione Renum, eorumque vasorum, per quæ urina effluere debet, urina tenuiores reddantur?* quam quæstionem *Sennertus* ita decidit, ut existimet. Urinam quidem in propria substantia, propter obstructionem non reddi tenuiorem, sed saltem ratione crassiorum humorum qui urinæ admixti sunt, & ut distincte *Saxonia* loquitur, qui *urina jam genita in corpore permiscetur*: Verba autem *Sennerti* hæc sunt; (de urinis cap. 4.) *Sciendum urinas duobus modis tenues dici posse, 1. cum illam quam naturaliter ex coctione & permissione humoris serosi habere debent, crassitiem non habent; deinde cum crassos humores, à quibus crassiores reddi solent, admissos non habent: Posteriori autem solum modo, cum humores scilicet crassi permiscentur, ex obstructione potest fieri urina tenuior: Tales enim humores cum non sint exacte liquori permixti, sed cum eo saltem confusi, facile in angustis viis hæere possunt, sicut videmus colatura lixivium impurum, aut vinum, aut alium liquorem reddi clariorem: Prior vero tenuitas, quæ ipsi ex propria substantia competit, colatura & obstructione viarum illi accidere non potest, sicut nec vino, nec lixivio, aut ulli liquori naturali crassities colatura admittitur.* Ac huic sententiæ experientiam refragari observavi: Nam in manifesta renum obstructione, nullo Jecoris vitio, cui urinæ tenuitas adscribi possit, urinam tenuem prodire non semel vidi, & quin idem aliis medicinam facientibus accidat, nullus dubito: Quare ut pace tanti viri liceat nobis in hujus rei veritatem inquirere, illud primum constat: Colatione rebus non tam tenuitatem quam claritatem conciliari: Neque illud omnino negamus, quod pro sententiæ suæ fundamento ponit *Sennertus*, *Res quæ exacte mistæ sunt, colatione facile tenues fieri non posse*: Hoc vero, quod *Renes* solam urinæ præstent colaturam, & quidem talem qualis est in rebus externis, ne ipse quidem *Sennertus* concedi libi postulabit: Nam ut ea non jam attingam quæ de feri in renibus coctione proposuimus, id saltem nemo negaverit serum, dum ita *renes* translabitur, caloris in renibus actionem non posse non experiri; actio enim naturalis cessare non potest, ut colligitur ex *Averroës* 8. de Anim. comm. 5. Quod si ergo in decoctis pharmaceuticis experimur, quæ sæpe multa coctione exacte satis mista sunt, ex iterata sæpius colatura, non tantum clariora, sed & vere tenuiora reddi, nec crassiora tantum deponere, sed & tenuiora, (ut vires eorum deperditæ manifeste arguunt) quanto id magis fieri in sero existimandum est, quod per *renes* exactius sæpe transcolatur quam per manicam *Hippocrati* fieri possit, calore interim renum jugiter cooperante, & dum serum secundum minima colando dividitur, crassiora carpente, idque in obstructione, in qua calor ille acrior existit: Nam quemadmodum calor blandus omnes humidi partes quali & qualiter fovendo in se unit, atque ita incrascat: ita calor acris, & tanquam cum aculeis augens, partes quasi dilcerpit, ac crassiora à tenuibus divellit, quæ obstructione retentæ tenuiores effluere fiunt: Neque id de iis tantum accipiendum est, quæ urinæ jam elaboratæ in corpore admixta sunt, ut vult *Sennertus*, sed & quæ in generatione ipsi incorporata fuere, etiam sal ipsum, quod *Sennertus* sero consistentiam largiri statuit: Cum enim ex eo quoque *Renes* nutriantur, ut à nobis ostentum, quis non videt in obstructione, in qua calor acrior evadit, & inæqualis, naturam hoc condimento abuti ad

cibum posse, unde deinde magni morbi oriantur, quorum male præiuga est ejusmodi Urina Tenuis: Sed hæc ita manifesta sunt ut supervacaneum sit plane ea quæ *Sennertus* pro sententiæ suæ confirmatione adducit, convellere, Nam quod *vinum crassum vel lixivium clarum & depuratum, sed crassum, decies vel sæpius colatum nihil tenuius effici scribit* (quanquam hoc alii in dubium vocent) tamen nemo non agnoscit quam hæc longo invicem distent intervallo: Nam neque serum tam exacte elaboratum est in venis, antequam ad *renes* effluat, ut non ex miscella ista, adhuc rudi & male terminata natura nullo negotio multum decerpatur, & calor etiam in renibus obstructis prædatorius est valde: Imo lixivium quævis levi occasione præcipitare solem, aut etiam coagulare, omnes novimus, & in lixivio tartari, cui spiritus vitrioli aspersus fuerit, id valde conspicuum est: an tale quid etiam in renibus à spiritu præcipitante, vel etiam coagulante fieri potest, unde serum sale suo fraudatum, tenue deveniat & aqueum? Nemo opinor, temeritatem acculabit nostram, quod tanti viri opinionem in dubium vocare voluerimus, postquam de veritate constiterit: Vel ipse propria experientia didici, quam sit res ad errorem valida, *Authoritas*, quæ tanta est, ut sublata omni ulteriore inquisitione tanquam supervacua, rationem quasi captivam ducat:

Atque ita à Renibus obstructis, *urina Tenuis*, si-ve illa obstructio sit ab arenis & cineribus feri, si-ve à viscositate, si-ve etiam quod ureteris caput calculo obstratur: Minus Tenuis est illa quæ ab ureteribus à crassa & glutinosa pituita obstructis oritur, si videlicet *renes* obstructi non sint, quia in his sero ex propria substantia vix quicquam adiunxit, sed illud saltem, quicquid sero ex humoribus admixtum, vel potius confusum fuerit: In his enim demum illa, (quam *Sennertus* ita urget) colatura locum habere videtur: Ita etiam si in vesica sit obstructio, vel calculus cervici vesicæ impactus sit, tum enim vel nihil exit, vel liquor solus & tenuior, abrenis videlicet crassioribus, quæ cum liquore præterlabi solent: Quanquam & alia causa urinæ Tenuis in vesica esse possit, quam *Sennertus* alibi ex *Hippocr.* adducit, nimirum quia *serosum illud, falsum, & ut Hippocr. nominat Salus-calor, turbidissimum & tartarum, ut recentiores appellant, concrevit, & in lapidem coagulatur, reliquum aquosum, & quod coagulari & concrevere non potest, effluit, unde urinae fiunt aqueæ*: Ecce quomodo *Sennertus* nobis habemus suffragantem, contra *Sennertum*.

Hac ratione fit Tenuis ex obstructione partium, in quibus serum magis colatur quam coquitur: In quibus autem magis coquitur quam colatur, etiam Tenuior, ut in jecore & mesenterio: Nam in Jecore, quod & obstructione plerumque indurefcit, & calorem acquirit siccum, serum non æqualiter incrascat, sed extenuatur ob calorem asperantem & divellentem, non unientem, ut diximus: In Mesenterio vero, quia ostiola venarum mesaraicarum chylum sugentium oppilata sunt, jecur tenuiorem solum trahit insufficientem nutritioni, & in status vertibilis, unde punctiones & extenuatio corporis: urina vero Tenuissima, ob primæ incrasationis defectum: Et per hæc etiam tenuitas hujus urinæ accurate distinguitur ab illa quæ est à renibus: Nam si corpus bene nutriatur, urinæ tenuitas non erit ex obstructione Jecoris, quia cum corpus nutriatur, Jecur bene habet, inquit *Cardanus* in *Hippocr.* de Alimento lect.



lect. 43. sed vel renum vel uterum: Sin male, ut in macie & habitu hectico, palam est à virio Jecoris fieri, nam & in senibus, quod urinæ sint tenuiores, id propter jecoris senilitatem potissimum evenit: quod si etiâ punctiones adsint, mesenterii obstructio in causa est. His non male addideris coloris differen-

tias, Nam ita etiam *Joh. Rhennus Ouretic. c. 4. Urina diaphana pallida, significat oppilationem stomachi: cirina diaphana, mesaraicarum, Rubra obstructionem Hepatis, Crocea Renum, quæ hypotheti nostræ per omnia consentiunt. Henr. Martinus Anatom. urina cap. 7.*

§. 4. Joh. N. Urinæ stillicidio diuturno permadebat, limpidissimam urinam, absque ulla sorde emittebat, ob carunculam intra musculum sphincterem Vesicæ enatam, ut cadaveris apertio testabarur. *Vide tit. de mictione difficili, &c.*

## OBSERVATIO II.

*Vrina rubra & ignea ab inflammatione lecoris in sphacelum abeunte. 1.  
Ab inflammatione cum ulcere. 2. 3.*

§. 1. **F**Amulus N. per annum dolore hypochondrii dextri conficiebatur, Urinam tenuem reddens, sed supra modum tinctam & igneam, ut vinum rubrum ac diaphanum videretur; Hepar repertum durum, magnum, albicans circa stomachum: gibba parte, prope costas nothas, nigrum, exustum ac plumbeum, in esthiomenum mutatum. *Vide tit. de Febribus. lib. 4.*

## S C H O L I A.

**U***rinam tenuem & igneam*] Ob spiritus præternaturales & igneos, qui à caloris febrilis in corpore dominantis incendio Urinæ permittuntur eamque inflammant, unde Urina fit *ardens & scintillans*, quæ tamen non multo post extinguitur, spiritibus videlicet evanescentibus, & reliqua urina turbata, idque nunc citius nunc tardius: Tardius quidem, quod in urina adhuc sit aliquis fomes flammam alens, & hæc urina carens caloris quidem in corpore dominium, sed cum lucta, propter fomitem resistibilem in venis indicat; Citius, quod deficiente in urina fomite, qui flammam sustinebat, calor cum spiritu tenues vaneat in auras: & hæc fomitem etiam morbi jam consumptum, adeoque plenam naturæ victoriam nuntiat, quæ etiam priori tere ardentior existit, quod spiritus ignei & febriles soluti jam & hospitium cedentes, copiose una cum urina exeant, quam tamen omnium citissime fugitivi deserunt: Quod si vero non cito ejusmodi urina turberetur, sed diutius talis maneat, nunc Naturæ luctam,

nunc prælium, subducta videlicet ratione: semper autem ambiguum victoriam, propter morbi copiosum fomitem designat. *Henr. Martinus Anatom. urina cap. 6. Urinam flammæ a flavæ bilis portione tenuiori deducit Willis Tract. de urinis cap. 4. Urina flammæ, aut, instar spiritus nitri cum turgore rutilat: hæc autem sæpissime in febre tertiana intermittente reperitur. Uritur hic color a portione flavæ bilis tenuioris, sero dum in motu est, commixta: quippe in hac febre adest sanguinis acris & calida intemperies, quæ humores quovis adurit & correfacit, ideoque bilem copiose gignit. Hæc autem, licet maxima ex parte ductibus & vasis bilariis à cruoris massa seceantur, cum tamen abundat, particulæ quædam sanguinis & humorum retortidæ & adustæ, seroso latice incoctæ ei flavedinem saturatam impertiunt: Hæc urina tenuis est & coruscans, eo quod in hoc morbo cōtinua tere diaphoresis succi nutritii recrementa, & crassiores qualvis feri partes ad circumferentiam corporis protrudat.*

§. 2. Mulieri dolor in Hypochondrio dextro, cum febre, urina Rubicunda, &c. In Jecore convexa parte magnum erat ulcus, ab inflammatione superstes. *Vide tit. de Hypochond. Tumore.*

§. 3. Vir melancholicus urinas mingebat biliosas saturate, more febrientium. Jecur illius totum scirrhosum repertum ac tuberosum. *Vide tit. de Scorbuto.*

## OBSERVATIO III.

*Vrina rubra & foetens reddita, ob hydrope pectoris sinistro latere, simili sero referti.*

**H**Ydropem pectoris adeo familiarem esse, ac sæpissime in defunctis cadaveribus reperi, raro tamen à medicinam exercentibus deprehendi, mirum est; Causa est vel eorum incuria, vel morbi obscuritas ob symptomatum varietatem & *omnibus* cum aliis affectibus, *xxi.* Angusti anni 1678. oblatum est mihi cadaver viri cœlibi s, ab incunabilis notissimi, cui nomen Joannes Mestral, genio, tabaci fumo indulgentis, præsertim mero: Vox illia natura rauca & clangosa, exspiratio tamen adeo valida ut foco assidens, folium defecum

efficacissime suppleret, ac ad quatuor, imo quinque pedum distantiam, flammam latentem excitaret: In suprema colli parte, ad laryngis latera, eminebat utrinque tumor, nucis myristicæ magnitudine, qui neque strumarum neque bronchoceles naturam sapiebat: Sexagesimum annum circiter prætergressus, post multas de inappetentia querelas, meraci & tabaci fumo adscribendas, lecto se tradidit, omnem cibum respuens, imo iuscula, solo vino se sustentans, quod ex arundine pitissavit per mensis spatium, hinc octiduo ante obitum, ex infundibulo (cujus usus hic loci ad pavementum irrorandum, quod fili instat aquam transmittit) alias suffocatio impendebat si uberius influeret, hinc ad marasimum corpus deductum, sceleton omnino referens: Dubius ideo an cadaver esset disseccandum, quod nihil præter viscerum marcorem deprehendi posse verisimile esset: adde quod tanta copia pediculorum universum caput imo & faciem obsedisset, ut metus esset ne transilirent in adstantes, Nihilominus insignis illa deglutiendi difficultas, & vocis omnimoda ablatio octiduo ante obitum, impulit me ad cadaveris resectionem, ratum me in œsophago vel circumsitis partibus aliquid deprehensurum quod dictis affectibus occasionem præbuisset, nec fefellit eventus.

Dissecto abdomine, 1°. se obtulit Omentum bene constitutum & adipe mediocriter (quod mirum) oblitum, ad pubem usque demissum, 2. Vesica urinaria maxima & tumida, regionis suæ prætergredebatur limites, umbilicum pene attingens, quæ discissa lotium copiosum, rubicundum & loturæ carniū assimilē (quale mensis spatium ante obitum exclusit) & fortidissimum reddidit. 3. Jecur magnitudinem naturalem excedebat. In concava parte, circa portas, lobus aderat, ovi gallinacii magnitudinem æquans, instar pomi protuberans; Ibidem, ubi crassissimum est, lividum & nigricans exterius, quamvis discissum nihil præter naturale exhibuerit: Vesica fellis magna erat, viridis coloris, quæ aperta non fuit: 4. Lien investigandus fuit, qui in occulto jacebat inter intestinorum anfractus, tandem massa rotunda se obtulit, adipe suffusa, intra sinum suum Lienem, renis figuram referentem, conglobatum, magnum, farcimini ex sanguine nigro intus persimilem: Membranam adiposam, renes abscondentem, massa ea referebat. 5. Ren sinister altero fere duplo major. 6. Ventriculus & intestina ob prægressam inedia inania. In Thorace. 7. Pulmones ampli, magni, magnis sulcis exarati, quos à superjacentibus costis impressos dixisses, si earum ductum sequuti essent: maculis lividis, viridibus, variegati, circa dorsum nigri quasi ab inflammatione prægressa; intus aridi, marcidi, exsuccii ad lobum dextrum inferiore parte valida membrana pleura connexi. 8. In sinistra thoracis parte copiosum serum cruentum, fortidum, ab emissio lotio nihil discrepans fluitabat. 9. Pericardium adipe candido obvolutum. Vasa coronaria cor (quod naturale sed flaccidum) cingentia atro succo tumeant: Deglutionis autem ablatæ causam inquirendo, eam in amygdalis seu tonsillis repetimus, quæ avulsæ silicæ duritiei, cum inæqualitate inventæ sunt, sinistra præsertim; ea incisa substantiam albidam ossæam, membrana involutam, majoris fabæ magnitudine ostendit: dextra minus dura erat.

## S C H O L I A.

**C**opiosum serum cruentum, ab emissio lotio nihil discrepans] De hydropse pectoris multa tit. de Respiratione lassa libr. 2. Hic vero mirari subit cur libera fuerit, cum pulmones naturalibus majores; sinistra thoracis pars sero occupata? An quia dextra libera, Pulmones exsuccii, facultati mortici non renitentes? Id vero quoque mirum hydropse pectoris laborantes libere lotium

effundere, contra ac asciticos, quibus fere suppressitur: Lotium autem cruentum an à thorace prodit, ea via se exonerante natura, interim dum novum in eam cavitatem influebat? Angeli portio in id latius derivabatur, altera ad renes profluebat? Revera coloris identitas, & tactor utrobique comes, id ianueri videntur.

## O B S E R V A T I O IV.

*Urina rubicunda Scorbutorum pendet à secretionē bilis impedita, ob vitium Iecoris vel Cystis felleæ.*

**C**um plurimum è Scorbuto defunctorum cadavera dissecai, quibus urina rubicunda extiterat, observavi Hepar aut Cystim felleam in culpa fuisse. In nonnullis fuit Hepar omnino

omnino ex sanguine & ex succum, instar uberis vaccini: In aliis vesica biliaria erat vacua & inanis: In aliis lapidibus obsita, In aliis amurca minime amarescente repleta, In omnibus viscera hæc taliter affecta ut secretio bilis impediretur. *Willis Tract. de Scorbuto cap. 4.*

## S C H O L I A.

**I**N Scorbuto diuturno Urinæ liquor sæpe intense rubescit, ut non magis in febre ardente: Talis si evaporaretur, aut destillationi subijciatur, salis copiam ingentem cum sæpe limosa exhibet; quare saturatam hanc rubedinem à Sale potissimum oriri hoc experimento constare videtur, quippe in Scorbuticis particulæ salinæ, quæ volatili sari, adeoque constanti diapnoe foras exhalari debuerant, fixiores evadunt, atque ab effluxu cohibita uberius in corpore affecto congeruntur, ac deinde continuo resolvitur, & ab hac diversimoda coagulatione & resolutione, admiranda hujus morbi symptomata excitantur: Etiam à corpusculis salinis cum facultatibus tartareis uberius resolutis, & sero dilutis, urinæ intensâ rubedine saturantur, cui sæpissime accedunt in hoc affectu inveterato hepatis ac vesicæ fellæ vitia: cum enim hæc viscera, aut obstructa, aut aliter depravata, munere suo pro secernendis adultis sanguinis particulis minus defunguntur, eadem in cruore plenius congestæ seroso latice dissolvuntur, ipsamque lixiviali tinctura adhuc magis inficiunt, Et si particulæ adultæ sulphuris cæteris salis fixi & scorbutici præpollent, simul Icterus flavus Scorbuto accedit, & urina croceam tincturam linteis attingit. Sin istis minores sunt, & particulæ salinæ præcellunt, producit affectus tantum Scorbuticus, in quo urina intense rubicunda est, nec tamen linteaminattingit: Rem ita se habere persuasus sum ex *cadaverum Scorbuto defunctorum dissectione*, &c. Vide supra *historiam*.

**Urina rubicunda**] Urinæ rubicundæ sunt diversæ habitudinis, neque semper ab iisdem dependent causis, nec plane idem denotant affectionum genus: præcipuas earum differencias percurramus, 1°. Urinæ liquor aut ex se rubescit, eodemque modo persistat, nec partibus quarumvis subsidentia color alteratur: vel 2°. urinæ rubedo saturata ejus contentis præcipue debetur, quæ cum ad fundum subsiderunt, liquor flavescit, vel minus intense rubicundus existit, Affectus quos hujusmodi urinæ indicare solent, sunt præcipue febres, scorbutus & phthisis confirmata: Singulorum rationes perpendamus: 1°. Quando urina quæ mingitur rubicunda ita persistat, primum vel est consistentiæ mediocri & pellucidæ, atque tunc colorem suum debet salis & sulphuri plus solito adultis, ac proinde sero copiosius incoctis: Vel 2°. talis urina rubicunda est, simulque turbida & opaca: hæc autem præter salis & sulphuris contenta, etiam particulas quasdam terrestres sibi incoctas habet: quæ quidem poris & meatibus serosi laticis impactæ minime descendunt, quoniam urinæ liquor spiritibus idoneis destituitur, qui heterogenea quævis segregent & ad fundum compellant, veluti in vappa aut in cerevisia propter tonitru acescente ulu venire solet, ubi liquor sæpe turbida inficitur, & propter defectum spiritus non denuo clarescit: quare hujusmodi urina pessimum in febribus signum est: quippe talem in sanguine materiam adultam ac leccernendæ confusionem indicat, quali spiritus vitales subigendæ & perdomandæ non sunt pares, ij. Urina interdum rubicunda mingitur propter ejus contenta, quibus ad fundum subsidentibus liquor alterius coloris evadit: Sunt autem ista contenta duplicia, scilicet

modo tenuia, quæ sunt materies sive recrementa adulta à deflagratione cruoris residua: modo crassiora, nimirum particulæ succi nutritiis degeneres, Utraque hæc à sanguine effervescente torrefacta & secreta, partim sudore excluduntur, partim seroso latici commista ejus consistentiam incassant ac colorem intendunt: scilicet: quandiu hujusmodi contenta poris & meatibus liquoris inclusa sustentantur, color urinæ saturatior, & consistentia spissior apparet: his vero ad fundum præcipitatis, & rubedo & crassities liquoris minuuntur: Inquirenda jam discriminis ratio quod urinæ rubicundæ tum in febribus, tum in scorbuto, phthisi, ac fortan aliis affectibus, reddi solent. De *Scorbuto*, Vide supra *Scholion i.* In *Febribus* urinæ liquor rubore saturatur, propter uberius salis & sulphuris dissolutionem, eorumque particulas sero copiosius incoctas: dum enim sanguis & humores à causa febrili effervescent, propter calorem plenius accensum, salina & sulphurea corpuscula adulta & torrefacta plus dissolvuntur, seroloque latici incocta ei tincturam altioris attingunt, quemadmodum si lixivium è cineribus super ignem coquatur, intensius rubescit quam si per infusionem tantum procedat: Etiam in febribus urinæ contenta ejus colorem sæpissime adaugent, scilicet ob sanguinis intemperiem & deflagrationem, tum succi nutritii particulæ degeneres, tum materies altera (velut cineres ab aditione cruoris residui) in calcem rubicundam veluti comburantur, quæ poris urinæ inclusa, ejus colorem saturatum reddit, & postea subsidens, sit sedimentum instar ochræ rubrum. In *morbo arthritico* urinæ interdum rubescunt: nam præter insultus podagricos (in quibus tale lotium non raro excernitur) observavi in quibusdam affectionem doloificam, & velut febris æmulam, cum urina valde rubicunda excitatam, ad sunt dolores vagi, modo in hac, modo in illa parte graviter infesti, ut ægroti vix pedibus stare, aut membra movere possint: vigiliis & crebris sudoribus sunt obnoxii, etiam liri & faucium ardore valde molestantur; atque urina intense rubicunda cum sedimento copioso & rufo existit: interea tamen nec à pulsu, spirituum languore aut cephalalgia sanguinem supra modum effervescente, aut febrem induxisse constat: quare hujusmodi affectum præcipue à nervoso genere consistere, atque à principii salini potius quam sulphurei exorbitantiis dependere suspicor: Etiam in *Phthisi* confirmata, præsertim si hæctica adjungitur, urina rubicunda existit: cujus ratio est, quod si quando ulcus sit in pulmonibus, excitatur inde putrida sanies, sanguinis præterlabenti confusa effervescentiam ei tere continuam inducit, qua particulæ sulphureæ & salinæ uberius dissolutæ, seroque incoctæ, liquorem ejus rubedine afficiunt: Præterea ob sanguinem hoc modo inquinatum, succus nutritius tere totus in putrilaginem degenerat, Cujus recrementis urina saturata magis rubescit & contentis plurimum infertur, Hujus indicium est quod tabidi à passu plerumque æstuant, & calore per totum corpus suffunduntur, sudore nocturno succedente: Insuper *Urina* eorum sedimentum crassum & copiosum deponunt, scilicet succus alibilis cruoris



confusus cum non assimilatur effervescentiam in ipso concitat, atque in materiam extraneam de-  
gener, partim sudore per poros cuti exhalat; par-

tim ad urinam transmissus, ejus colorem & consi-  
stentiam valde intendit. *Willis de Urinis cap. 10.*

## OBSERVATIO V.

*Urina rubicunda ab epate ad sphacelum vergente.*

**N**obilis quidam mœrore pressus in melancholiam incidit, Nulla aderat febris, nulla tis, &c. Urinæ autem rubicundæ erant, veluti si febris ardens aut jecoris inflammatio præcessisset, quæ quales reddebantur permanebant, &c. Hujus Epar colore undique nigrius quam secundum naturam apparuit, impressorum digitorum vestigia facile retinuit, ac rimas, soluta parenchymatis unitate contrahebat. (*Vide l. I. Tit. de melancholia.*)

## S C H O L I A.

**U**rinæ rubentes exuberantis caloris non semper indices esse ostendit idem *Dodonæus* ca. 31. ubi refert historiam quinquagenarii, qui diuturna quartana defunctus, quam leienteria excepit, nullo superstitere calore febrili, urinas admodum rubentes fundebat, quem diæta calefaciente & exsiccante, (ventriculo & jecori à quartana debiliore redditis consulens) ac medicamentis consimilis facultatis sanitati restituit, exhibito vino generosissimo, imo Hispano, El. diagal. diatrionpip. &c. quorum usu sanorum colorem urina recepit: Eum vero clam ingesta cerevisia, mox urinas intensioris rubedinis reddidisse: indicio ventriculi refrigerationem, & cruditatem inde natam, occasionem dedisse ejusmodi urinarum rubori. Causam affert *Sennertus* in Instit. & Practic. lib. 3. pag. 8. f. 2. cap. 7. Nimirum non solum à bile tingi urinam colore aureo, sed & à sale rufo, sicut lixivium à sale impuro tingi videmus, ut coloris rufi appareat. Et (ex Chymicorum mente & stylo) si ventriculus ipse bene se habeat, nec error aliquis externus objecti ratione accidat, partes sulphureæ & crassio-

res tartareæ in ventriculo & intestinis separantur, & per alvum excernuntur, unde chylus fit purior, & postea in hepate partes ejusmodi tartareas & sulphureas, quæ urinam tingere possunt, separari oportet non sit: Si vero ventriculus sit debilis, & talis cibi offeratur quam satis coquere & elaborare non possit, non recte fit partium excrementitiarum in ventriculo separatio, sed chylus impurus & fæculentus generatur, qui ad hepar delatus, multa talia excrementa suppeditat, quæ ubi à sanguine separantur, & in renes feruntur, urinam tali colore rufo tingunt. Sic in scorbuticis urina sæpe non solum rubra est & splendet, verum & ubi turbatur, rubrum sedimentum & pulveri laterum simile quid subsidet. Tale ergo si quid in urinis appareat, non statim calor hepatis, vel febris aliqua accusanda, sed ad ventriculum quoque respiciendum, qui si debilis sit, ejus ratio habenda per medicamenta & alimenta. *Vide Haeserum Herculis Medici lib. 3. cap. 4. Henr. Martinium de urinis cap. 1.*

## OBSERVATIO VI.

*Urina Viridis reddita ob viscera æruginea bile infecta, cum Abscessu in Jecoris cavo.*

**T***Ancredus Lelius* vidit olim Patavii Urinam viridem, qui etiam interiora denati æruginea bile infecta, cum Abscessu in Jecinoris cavo deprehendit: *Rhodius Cant. Observat. 2.*

## S C H O L I A.

**Q**uod ad urinam Viridem & Nigram spectat, colores ejusmodi saturatos (quales scilicet porrum & atramentum exacte referunt) etiam nunquam in lotio viderim, existimo ex flava intensiori viridiuscula ex eadem cum mixtura opaca & nonnihil atrata Nigricantis urinæ apparentiam desumi, indeque ab authoribus Lotium Viride & Nigrum appellari: Quæ autem istis modis colorata habentur, vel ita constanter aliquo tempore perstant, aut sunt lèteritici, aut etiam cruoris aliqua virulentia affecti signa, vel pro data occasione tales urinae varie immutantur, & modo hujus, modo illius, modo statim alterius coloris existunt. Ita novi hypochondriacos tales urinas quibusdam temporibus velut critice excernere solitos, dein postea sanorum similes reddere: Quoad prius, cum lèteritia plurimum ingravescit, ut in cruoris massa sulphuris ac salis portiones adusta diutius persistant, eadem longa incoctione colorem flavo saturationem, scilicet 1. viridem, & postea nigrum acquirunt, ac eundem sero impertinent, etenim si bilis flava cysti felles exempta ac cucurbitæ indita, leni balnei calori exponatur, eadem brevi viridescet, ac postea instar atramenti nigerrima apparebit, quare in lotio nigro, qui tantum est flavus

diuturna mora in deterius evehctus, nihil usitatus est quam urinas atratas reddi: Præterea hujusmodi urinae in febre maligna ac peste interdum apparent, etiam non raro ab epoto veneno: atque in hoc casu signum lethale plerumque existunt, quippe sanguinem valde corruptum & profligatis spiritibus, ac soluto mixtionis vinculo, velut vapores affectum arguunt non secus ac cum pars aliqua in corpore nostro ulcere affecta, postea gangrena aut spacelo corrumpitur, illico sanies quæ prius aquosa, alba aut flava effluarat, nigra evadit, Quare in affectibus citatis cum urina nigricat, sero & sanguine per totum vitiat, etiam cutis externa tali colore obfuscatur. Quod ad urinas colore viridi, ac præsertim nigro, periodice tractas attinet (quæ nimirum hypochondriacis frequentius accidunt) verisimile est quod talis à fæculentis atrabiliis in liene reconditis, & deinde præ congestionem nimia aliquoties exundantibus & sanguini confusis oriantur: etenim talis materia in quibusdam hominibus sæpe in ventriculum suffusa, vomitus atratos ciet, adeo ut etiam in aliis, eadem à cruore per transeunte resorpta, latici seroso ejusmodi colorum suffusiones impertire possit. *Willis de Urinis cap. 4.*

OBSERV.

## OBSERVATIO VII.

*Vrina atramenti instar nigra & crassa, salutariter saepe excreta à Liene, ea via ab humore melancholico sese exonerante.*

**N**obil. & Clar. Dom. *Alexander de Harfy*, (*Vide Titul. de Ventr. Tumoribus*) ex interval-  
lis fundebat urinas nigerrimas, atramento consistentia & colore simillimas, prægres-  
sis hypochondrii sinistri doloribus. Cujus aperto cadavere, exhibuit se Lien stupendæ ma-  
gnitudinis & formæ, totus humore nigerrimo infarctus, qui & inde ad totius corporis vasa  
interna diffusus fuit.

## S C H O L I A.

**H**inc immerito quidam in dubium revocant, An  
in Lienis affectibus per urinas evacuandum sit?  
moti autoritate *Galeni* 13. m. m. c. 17. ubi dicit Lienem  
esse purgandum per alvum, & non per urinas:  
Verum Lienem sese exonerare saepe & liberare à lixi-  
viosis, salinis scoriis, & tartareis arenosis cruditati-  
bus, dum attenuantur, & per urinam excernuntur,  
certissimum est. Unde Medicus Liene laborantibus  
diuretica dandi occasionem captare debet: *Hippocr.*  
Ide affect. curam asserens Lienosorum, purgari eos  
dati diureticis jubet: Eodem teste *Bion* 2. Epid. lect.  
2. emissio copiosa lotio curatus est. Expediit vero  
sunt viæ: Lien enim non solum arteriis multis, & fere  
quintuplo pluribus quam venis donatus est, ab arte-  
ria cæliaca ortis, à qua facilis ad emulgentes transi-  
tus, sed & vasis lymphaticis, per illum dispersis, ad re-  
nes tendentibus, hinc ad emulgentes: *Valerius* in  
*Hollerium* refert se novisse Religiosum, cui ter aut  
quater in anno, maxime vere & autumnio incunibus,  
Lien intumescerebat, dolente hypochondrio, & subli-  
vidus fiebat toto corpore, tandem nigricantibus  
urinis atramento simillimis, per 5. aut 6. dies excretis,  
pristinæ sanitati restituebatur.

*Urina nigerrima*] Urina virides aut nigra, vel ita  
constanter aliquo tempore perdurant, aut sunt icte-  
ricæ, aut etiam cruoris virulentia quadam affecti si-  
gna: Vel pro data occasione tales urinae variæ immu-  
tantur, ut modo hujus aut illius, modo statim alte-  
rius coloris existant: Ita novi hypochondriacos ta-  
les urinas quibusdam temporibus velut cruce excet-  
nere solitos, dein postea sanorum similes reddere:  
Quoad prius, cum icteritia plurimum ingravescit,

ut in cruoris massa sulphuris ac salis portiones adu-  
sta diutius persistant, eadem longa incoctione colo-  
rem flavo saturatiorem, scil. primo viridem & postea  
nigrum acquirēt, ac eundem sero impertient. Etenim  
si bilis flava, cysti fellea exempta, ac cucurbitæ indita  
leni balnei calori exponatur, eadem brevi viridescet,  
ac postea instar atramenti nigerrima apparebit: qua-  
re in ictero nigro, qui tantum est flavus diuturna  
mora in deterius evectus, nihil usitatus est quam  
urinas atratas reddi: Præterea hujusmodi urina in  
in febre maligna ac peste interdum apparent, etiam  
non raro ab epoto veneno: atque in hoc casu signum  
lethale plerumque existunt: quippe sanguinem val-  
de corruptum, & profligatis spiritibus, ac soluto  
mixture vinculo, velut *rupia* affectum arguunt,  
non secus ac cum pars aliqua in corpore ulcere affe-  
cta, postea gangrena ac sphacelo corripitur, illico  
sanies, quæ prius aquosa, alba aut flava effluerat,  
nigra evadit: Quare in affectibus citatis, cum urina  
nigricat, sero & sanguine per totum viciatis, etiam  
cutis externa tali colore obfuscat: Quod ad uri-  
nas colore viridi, ac præsertim nigro periodice tin-  
ctas attinet, quæ nimirum hypochondriacis (*insigne  
autem fuit in textu memoratis*) frequenter accidunt,  
verisimile est quod tales à sæculentis arabilibus in  
Liene reconditis, & deinde præ congectione nimia  
aliquoties oxundantibus, & sanguini confusis orian-  
tur: Etenim talis materia quæ in quibusdam homi-  
nibus saepe in ventriculum suffusa vomitus attrahit  
ciet, etiam in aliis eadem à cruore pertranseunte re-  
sorpta, latici seroso ejusmodi colorum suffusiones  
impertire potest. *Willis de urinis cap. 4.*

## OBSERVATIO VIII.

*In cadavere virili dissecto urinas turbidas, rubras fundente, ideoque calculoso  
judicato, Ventrliculi, Epatis, Lienis, Vesiculae felle, Cordis, &c.  
vitium repertum, salvis Renibus.*

**V**ir quidam Illustris lx. ingressus ætatis annum, conqueri cœpit de insigni totius corporis  
debilitate, appetitu penitus prostrato, & nocturna turbata quiete: Pulsus erat durus, ce-  
ler, urina turbida, cruda cum sabulo rubro. Hunc Medici quidam, quod habitus fuerat pin-  
guioris, rubra facie & hypochondriacus, pro calculoso & scorbutico curarunt. Tertia voca-  
tus septimana, Medicorum tam præsentis quam absentis judicium, visa prius urina, explora-  
to pulsu cæterisque, quæ Ill. affectere patientem accidentibus observatis, expendere  
Satēgi, nec propter rubram istam in urina arenam Calculosum, nec propter sequiorem  
totius habitum, digestionemque viciatam, Scorbuticum, quin Hypochondriacum  
potius & Hæcticum eundem declaravi. Consueti in eo potus glacie refrigerati  
ratio, ventriculum non saltem debiliorem reddidit, omnemque appetitum abstu-  
lit, sed & propinque incumbentem in Vesicula felle bilem, Lienem non pro-  
cul dislitum, Pancreas, cæteraque vicina viscera mire labefactavit: hinc licet

PPppp 3 exiguum

exiguum saltem cibi assumeret; circa præcordia gravitatem, vespere vitium inuicillitatem & calorem cum oris siccitate, noctu vero symptomaticum sæpe sudorem, in quibus frequenter conquiescit, expertus est: Squalebat præ ariditate inferius labium, ut tunicas inde frequenter detraxerit: Utrique igitur, tam hæctico quam hypochondriaco malo ut commode subvenirem, una fidelia duos dealbaturus pedes, suasu *Galen*, balneum aquæ dulcis proposui cum optato, qui inde sequutus fuit, successu. Quanquam cum in lecto vix se movere poterat, quarto post lotionem die iterum solus in hypochondriaco obambulavit: me per aliquot dies absente, nescio cujus suasu, Illustr. à Balneo fastidio & satietate abalienari cœpit, & internis saltem uti medicamentis deinceps decrevit. Nihil votum fuit effectum, appetitus redire subinde cessavit, somni non caruere labore, decumbere gravius cœpit, nullo postquam ad resurgendum nisu. Alvi excreta biliosa, urina continuo cruda, crassa, interdum albidior, absque omni tinctura comparuit. Sic paulatim ad extremum se composuit diem.

Sectum per me cadaver in frequenti Illustrum virorum conspectu, sequentia notanda nobis obtulit, Abdomine aperto 1. Lien prorsus marcidus fuit, vnciarum xv. ij. Epar librarum civilium trium cum dimidia satis saluum, subtus livido colore apparuit. iij. Felle vesicula omni exinanita bile fuit, lapillis siliceis diversæ magnitudinis referta, quorum major cicerem exuperans poro cholidochæ inhæsit. iv. Stomachus, qualem excreverat, materiam mucosam, biliosam fœtentem, in exigua saltem quantitate continuit: v. In Renibus arenulæ rubræ fuerunt repertæ. vj. Intestinum Cœcum, lumbicum non male referent, quartamque ulnæ partem longitudine sua adæquans invenimus. vij. Cor unciarum novem sub pinguedine satis copiosa, in sicco prorsus & exsucco pericardio reperimus. viij. Pulmones parum livebant. ix. Costæ sternum cinxere prorsus ossæ, nullaque cartilagine septæ. x. Cranio dissecto cerebrum trium librarum & septem unciarum, bene alioquin constitutum vidimus. Processus Falciformis antrosum cranio arcte adhæsit, ad sui dimidiam longitudinem penitus ossæus.

## S C H O L I A.

**V**rina cum sabulo rubeo ] Quod contra aliorum de Urina mentem, cui nigrum inerat sabulum, judicium, illud mali esse hypochondriaci indicium eventus tandem docuit, dum Renes ab omni calculo liberi apparuerunt, & præter exiguas, quæ jam cum sero renes intraverant, arenulas, nihil prius notarelle: Et cum calculum in renibus illico morbum indigitemus, cum sæpe citra omnem in suo moretur hospitio molestiam, tum demum se prodentem quando catarrhi delabuntur. Multos solis ad renes destillationibus misere tortos vidi, ut nil nisi lapidem Renum accusarent, dum vixerunt, quorum tandem demortuorum cadavera cum cultro examinerentur anatomico, ne vestigium calculi ostenderunt: E contra tot alios fuisse dissectos experientia docuit, quibus & renes & vesica lapillis onerati fuere frequentibus, per omnem tamen vitam nunquam de nephritico dolore conquiescentis, quod si proinde levis infestat lumbos molestia, potior cura destillationum eo delabentium quam calculorum habenda erit, ut aliorum raptu vi purgantis medicamenti defluvio, ab ejusmodi æger sublevetur torminibus: Quantum enim multis aggravatum humiditatis valeat caput, si in primis excretionibus per nates solita, aut circa os sphænoideum impeditæ cohibentur, quæ deinceps per nucham deorsum affatim ruunt, pectus & dorsum, subjectaque viscera diversimode incommodant, & ad extremos usque articulos decurrunt, cuius facile conjicere licebit.

**Felle vesicula omni exinanita bile ]** Bilem antiqui excrementitiis accensuere humoribus: hos sequuta recentior ætas eandem sæpe numero ex corpore, tanquam quid bonæ valetudini incongruum penitus ejicere tentavit, ac si pro diversa coctione nunc vitellina aut porracea, glauca, nigra & æruginosa efficeretur. Si vero sanguis humorum nobilissimus, vel tota peccat substantia, vel quantitate, vel

qualitate, cur non ipsa quoque bilis quæ non minus necessarius in corpore nostro humor est, iisdem delinquere potuerit conditionibus? Ejus enim si abundat, quantitatem nimiam adimere purgantibus, deficientem amarulentis juvare, vel aliquantum restituere poterimus. In qualitate nocet, si nimis tenuis aut calida, vel si frigidior justo & vitelli instar condensata, si acris nimium & siccior, aut in lapides coagularur, suæque in urina coagulationis indicia cum sabulo fecerit rubescere: vel si insipida prorsus humidaque fuerit & putrescente quale quid in hydropicorum urinis observatur albicantibus: vel tandem si penitus corrupta & æruginosa evadat, quam corrigere vix amplius medicamenta possint. Bilem qui in corpore dixerit correspondere elemento ignis, quemadmodum calidum in corde nativum Soli, an ne is à veritate deviet? Abique bile neminem vivere posse vel ipsa dicat natura: Mori illum fuit necesse qui per crebra eam ex corpore ejecit vomitiones, adeoque illa omnino caruit; ut ostensum in Ephemer. Tit. Observ. 124. Sic multos in hydropem incidisse notavimus, qui cholagogis imprudenter usurpatis bilem nimis expurgarunt, adempto scilicet elementari lo calido jecinori, quo sine collabatur & flaccescit viscus hoc, atque induratur, nec valis amplius Lymphaticis, (quæ authorem suum, magnum sine exemplo Bartholinum agnoscunt, inibique sæpe copiose à disseccantibus conspiciuntur) transitus patet, unde scintilla humidæ primogeniæ obtutatur, heparque penitus indurefcit.

**Lapillis siliceis, &c. ]** Calculos in vesica felle rotas generant, generatosque oculis anatomicorum fuisse obvios, infinita pene exempla docent. Si quis vero accuratius in eorundem ortum, causas atque symptomata inquireret, non parum lucis rei Medicæ afferret. Quid enim aeris, aquarum locorumque



que occasio, quid frigidum nimis aut calidum assumptio, dum vesiculae bilis immediate stomacho incumbens prope pylorum sit legio: quid inotus animi, qui hanc concitare valent, ad generationem calidum calculorum faciat, facile colligere licet: quos praesentes saepe obscurus in dextro latere dolor sub praecordiis, appetitus prostratus, frequentes nonnunquam, statim etiam temporibus, vomitiones crassiores, & liquidiores felle permixtae dejectiones, urina male colorata, & alia haud levia produnt indicia: His aliisque ad examen revocatis signis, tandem etiam de calculi huius curatione foret cogitandum, quam aliis committo.

*Scorbuticam*] Ad dispositionem quandam Scorbuticam, dum vir ill. vixit, inclinasse eundem non negatim: huius vero decubitus causam fuisse primariam admittere non potui: Candida majorum simplicitas multum solati posuit in obstructione venarum melasaeicarum, quae toties, cum veram morbi causam indagare nequiere, ipsis pro clypeo inservit: Nostri saeculi homines cum obstructionem istam vidissent carere fundamento, quae fere nunquam in dissectis comparuit cadaveribus, nunc ad scorbutum, sacram quasi anchoram confugiunt, qui quoties ex voto non succedit curatio, non saltem in abstracto, sed & in concreto morborum tinctura satis speciosa existit: Hinc illam scorbutum, hunc febre scorbutica, gangrena scorbutica & vel dentium scorbutum, podagram alius nuncupare maluit, extinctum vociferantur, seque ab ignorata morbi causa immunes reddere conantur, dubii rerum suarum, nec non vitae necisque nostri arbitri. Adeo etiam *αἰμαξία* & Scorbutum plena sunt omnia.

*Hæticum eundem declaravi*] Hæticæ quæ ad-

fuit, indubium fuit argumentum, præter enumerata symptomata, consumpta omnis in pericardio humiditas, cujus in dissectione nec unius guttulæ vestigium superstit: Huius in febre hætica defuncti lymphæ abentiam sapissimè deprehendi, cum penitus absumpti, antequam emigrarent, si quandoque plorare vellent, nullas amplius lacrymas, ceu rivulos fontis cor ambientis effundere poterint, sed siccis saltem genis & diductis labiis miserabilem efformarint faciem *Hippocraticam*. Laticus huius in pericardio existentis ubertas, universo luti, cit corpori pro humido illo primogenio, calidum in corde nativum circumfluente, quod si deficere inceperit, rabidum reddi hominem est necesse: Hoc sine antiqui balneis aquæ dulcis tepidioribus, asturque cordis attemperantibus usos fuisse credendum est, ut quod in centro præstare nequiverit, in circumferentia humectando universum corporis ambitum præstarent. *Ioh. Georgius Volkmann in Miscell. curios. annorum 1674. 75. & 76. p. 97.*

*Licet exiguum cibi sumeret, circa præcordia gravitatem &c.*] Satiæatem Hypochondriorum vocat *Hippocr. 4. de rat. victus in acut. pag. 402. lib. 8. cod. Pasisani*: Affectionem ventriculo propriam hypochondrio tribuens, quoties scil. viscera hæc pravus succis repleta intumescunt, ab assumpto cibo etiam lenissimo, & in pauca quantitate, gravitatem maximam percipiunt ægri, similem gravitati eorum qui immodice cibis & potibus se implevere: Hunc affectum obstructionem viscerum vocant recentiores, quam adeo proprie & firmiter præstans satietatis sensus indicat, ut hoc solo signo innixus *Pr. Marianna*, huius morbi præsentiam ante hypochondriorum contrectationem affirmare non sit veritus.

## OBSERVATIO IX.

*Vrina cruenta à Rene arenulis referto 1. Arenibus ulceratis per asperos lapides.*

*2. A ruptis Renum vasis. 3. A maximis in Renibus calculis. 4.*

S. 1. *Isaacs Heraus* Pharmacopola Hanoviensis, vidit puerum qui cætera sanus, ab annis duobus ventrem, ut pueri raro partem affectam solent distinguere, doluit, & urinam emisit totam cruentam, quæ aliquando retenta in vitro, per decem integras septimanas colorem non mutavit, neque foetorem assumpsit, qui tandem consumptus anno vij. obiit.

Aperto cadavere, Renum sinister totus arenulis albis refertus, limosoque viscoso & calcario sero impletus, cum calculis duobus, instar zingiberis majoris gravidus, pependit tres libræ quadrantes, cum uncia plus una. *Salomon Reifel in Miscellaneis cur. anni 1671. Observatione 178.*

## S C H O L I A.

*Vrinam totam cruentam*] Ob solam Renum imbecillitatem Urinam Rubentem excerni observavit *Dodonæus* cap. 32. *Observ. Medic.* Nec rarum quoque, *ait*, sanguine permixto urinam reddi rubicundam, sed cum magna parte vel crassius vel grumulosius sit, facilis ejus dignotio: Sed adeo tenuem urinæ permisceri, ut substantia ejus nullo modo permutata colorem tantummodo intendant, admodum rarum est: Sic autem Juvenis 28. annorum reddidit urinam aliquot mensibus perpetuo rubentem, consistentia satis tenuem, & fere persimilem acute febrientium lotio: consuluerat seniores Medicos qui remedia velut supercalefacto jecori adhibuerant: Tandem ad me venit; lotium inspexi rubicundum quidem, cum autem non appareret juvenis febricitare,

percontatus num aliquando febricitaret? negavit, sed se continuo quasi frigere jam ab aliquot mensibus respondit, corpusque suum extenuari, sensimque macrius reddi, viresque infirmiores & respirationem difficiliorem, & ea quibus consuevit usus esset, nihil profuisse: Quibus intellectis placuit in alterum diem lotium relinqui, atque tunc sedimentum ejus considerandum, quod quidem sanguinis instar (ut quod nonnisi sanguis esset) rubebar, reliqua ac superiore urinæ parte exiguum colorata, & pallida lutea, nullam febris notam referentes: Proinde nullum in jecore calorem tubesse collegi, sed renes debiliores factos, venarumque ora rariora sanguinem tenuem dimittere: Idcirco mutata curandi ratione, iis usus quæ renes roborare, venarumque

nasque adstringere poterant, adhibita victus probatione & simul lacte caprino: ac sic urina rybere

desiit, & corpus nutriré viresque reparari contigit, atque ita sanitati tandem juvenis restitutus.

§. 2. Si sanguinem aut pus mingat, aut Renum aut Vesicæ exulcerationem significat. aph. 75. 4. *Galenus* in comm. ait, Exulcerantur autem Renes in parte his qui in renibus lapidem habent: meatus urinarii, quando à lapide aliquo acuto, aut admodum aspero in ipsis intersepto excoriantur: *P. Ferrandus* (*lib. de Lithiasi* 16.) quamplurimos tractavit qui talia patiebantur, inter quos charissimum habuit generum, Medicum meritissimum, quem, cum è vivis excessisset, secare fecit; lapidesque quamplurimos in cavitatibus Renum invenit, sicuti etiam in substantia renum: plures enim reperti sunt, longi, asperi, cornuti, nigri, qui quoties laborabat, aut equitabat, vellicabant renum substantiam, unde sanguinolentam meiebat urinam, & quando quietus manebat, puram & limpidam meiebat.

§. 3. Quidam vomitui & cruentæ mictioni obnoxius: In mortuo Ren dexter fere absumptus erat: Sinister intra cavitatem & ductus sabulum & calculos continebat. *Vide tit. de Ischuria.*

§. 4. Puer Exanthematis laborans sanguinem sput, & meit cruentum abunde. Rupta erant vasa sanguinis, & in renum regione multus collectus erat. *Vide tit. de Febris.*

§. 5. *Heurnius* refert se secuisse Illustrem quendam Dominum veneno ab Hispanis sublatum, cui innati erant maximi calculi renibus, nec unquam eorum indicium editum fuerat, nisi quod interdum ab equitatione sanguineam redderet mictionem.

#### OBSERVATIO X.

##### *Vrinarum Lactearum mictus ob Renum ulcus à calculo inductum.*

**V**Ir Rever. annorum, 50. post dolores frequentes in Illo sinistro, cum excretione arenularum, duobus abhinc annis, ex quolibet corporis motu urinam cruentam meiere cœpit; dolore invalescente in parte affecta, & pituitæ vomitu à cibo, mox ab anno urinam reddidit crassam & turbatam, quæ deinde inclarescebat, cum hypostasi materia: albæ, fluidæ & veluti lactæ, atque gravitate continua in parte affecta, cruris stupore, lenta febricula & insigni corporis macie, absque evidenti paroxysmo febrili, &c.

*Remedia quanquam usurpata* mors ægrum præripuit, cujus aperto cadavere, in conspectum venit calculus longitudinis digiti pollicis, in quatuor ramos diremptus, papillis impactos, tota alioqui renis substantia absumpta, superstitibus tantum membranis & calculo. *Ben. Silvaticus conf. 54. cent. ij.*

#### SCHOLIA.

**E**X situ partis affectæ, gravitate affectus, annisque symptomatibus compertissimum est partem affectam esse renem sinistram, Affectumque esse calculum: prodidit enim *Hipp. 1. 6. Epid. 5.* Quod quando adest calculus in renibus, *In renem dolor est gravis, cum cibo replentur, evomuntque pituitam*: atque ex arenulis præteritis patet id luculentius, quas in patiente concrevere potuisse in renibus, conjectare est expituitosa materia vomitu ejecta, temperamento calido & ætate: In adultis namque & consistentis ætatis, calculi concreverunt in renibus, pueris autem in vesica, ex *Gal. comm. 5. S. 1. 6. Epid. In vesica lapis pueris magis fit, nephritis vero ætate declinantibus.* Qui renis calculus scabritie non vacat, cujus ratione a corporis motu fit abrasio ejus substantiæ, ac proinde mictio cruenta: Vomitibus autem a cibo succedit, sive cibi nomine veniant assumpta; sive excrementa crassa intestinis conclusa, quo utroque sensu vocem eam usurpari posse assensit *Gal. ibidem*: consentiente enim peritonæo comprimitur pars affecta, dolorque & vomitus excitatur: Grandis vero calculus vasa comprimit spinæ incumbentiæ, quæ ad crus repunt, venam scilicet & arteriam magnam, quarum ope renibus consensus cum cruribus intercedit, ex *Gal. in comm. citato*, scribente quod qui consensum hunc fieri per nervos, ureteres & membranas,

omnino ab experientia alienos, cum tunc stupor fiat: Ceterum materia quæ nunc subsidet postquam urina inclaruit, alia esse non potest quam purulenta: visciditatis enim prorsus est experta, quam pituitosa materia sibi vindicat: quamobrem cum materia purulenta per urinam excerni possit, vel ex vesica, vel ex renibus, thorace, jecore aliisque partibus supra renes, ad hos nempe per emulgentes transmissa; hæc sane non ex vesica effluit, cum quia pus tunc ferret ob debilem ipsius calorem, tum quia fluere potest seorsim ab urina: longe minus à partibus superioribus affluit, cum de ipsis nullæ sint querelæ, atque pus ab urina secreta tecternatur: statuendum ideo est purulentam hanc materiam à renibus emanare, quæ ratione in sputo cruento id contingit ex pulmonibus: *A sanguinis enim spuro, puris sputum*: Ac proinde in rene affecto ulcus esse subortum, quæ etiam causa febris lentæ, symptomatice nuncupatur, tabidæ non ab simili ex ulceribus Pulmonum, quam ob id totius corporis macies sequitur.

*Vomitus à cibo*] In latere sinistro ramus supremus mesentericus statim bifidus, ad figuram literæ Y, in furculo superiore plexum stomachicum, qui & lienaris est, ac in altero inferiori Plexum Renalem continet: Porro circa divisionis modum propages quasdam ad maximum mesenterii plexum dimittit, fig. xi. F. G. Hinc ratio patet quare ventriculo

Culo cum Liene , mesenterio , & cum Rene tanta  
affinitas intercedit : ita ut vomitus tum colicis tum  
nephriticis symptoma valde crebrum & familiare  
existat : quippe cum spasmus in parte quapiam aut  
viscere , quod nervos mesentericus respicit , incipi-  
tur , mox alie partes , ad quas ejusdem nervi plexus  
aut furculi pertingunt , in contentum trahuntur. *Th.*  
*Willis in Nervorum descriptione cap. 27. p. m. 276.*  
Observate est quod in dextro latere , inter plexum  
hepaticum & renalem , nervus amplius protendatur ,  
*fig. 11.* Adeo ut inter hos plexus major & immedia-

tior consensus quam inter istos alterius paris habea-  
tur : Cujus ratio non facile patet , nisi forsitan in eum  
finem ita constituitur , ut cum à renibus inter min-  
gendum serotinae excretionis nixus peragitur , una py-  
loro & vasis cholidochis deorsum attractis , chyli &  
fecum alvi versus inferiora protrusio irritetur : Certe  
hæc plexuum horum connexio potissimum in causa  
est , cur paroxysmo nephritico vomitus sæpe imma-  
nis supervenire soleat , quodque à tali vomitione  
vasa cholidocha , quasi ab emetico assumpto irritata ,  
plurimum inaniantur.

## OBSERVATIO XI.

*Cruentarum urinarum , Puris , Arenarum crassiorum mictio , citra vitium Renum , à  
collo vesicæ leviter affecto.*

**D** Omina Sabina N. ( lib. 3. tit. de Ventr. tumoribus ) hydrope testiculorum extincta ,  
Cruentas urinas aliquando excrevit , Pus interdum & arenas crassiores Aperto osse  
pubis , Vesicam aperui , in qua nihil intus & exterius contra naturam reperi , præter ru-  
borem circa orificium vesicæ , & in ea paucas arenas rubras crassiores : Uterque ren cum  
ureteribus ( Ego vero renem alterum corruptum censebam ) optime habebant , sine ullis  
lapidibus , arenis aut corruptione. *Ex observationibus G. Bauhini.*

## S C H O L I A.

**A** Renas crassiores ] Hippocrates 4. de morbis , in-  
ter signa vesicæ calculi deprehendi in pueris  
Arenosarum mictionem urinarum reponit : Quam  
tamen non semper vult pro signo haberi , sed tum  
dempum cum arenosus est calculus mollis , Aut cum  
plures calculi arenosi in vesica inter se ex collisione  
attriti arenas ex se emittunt abrasas , aut sane tales  
qui aliquid de superficie sui à se auferri sinant : Idem  
*Avicenna l. 3. F. 19. tr. 1. c. 5. de lapide vesicæ & signis*  
*ejus , Et accidit quandoque ut sint in vesica una , duo*  
*lapides & plures illos excoriantes , & multiplicatur*  
*arenosa comminutio ex illis : Et est quandoque cum*  
*arenositate saxi fursurea propter abrasiones superficiei*  
*ejus a lapide aspero : Aut certe accidit arenarum*

mictio , cum in vesica est earum magna copia , ex qua  
nondum est concretus calculus , sed periculum est  
ne tandem concreseat , ut in prædicta muliere.

*Cruentas urinas aliquando excrevit ]* Observa-  
tione dignum est quod mictus cruenti in ple-  
rique respiciuntur , Non tamen magno terrori esse  
debent : Nam annotat *Celsus* lib. 4. post vehement  
exercitium sanguinis mictum contingere , quod lassit-  
udinem à labore contractam levat : Hoc autem præ-  
sertim iis contingit quibus sollemnis aliqua vacuatio  
suppressa est. *Hollerius* cap. de mictu cruento , refert  
moniali cuidam fuisse mictum cruentum : at & ob  
exercitationem potuit id contingere , & ob suppressos  
menses , ( ut huic contigit ) & *menstr.*

## OBSERVATIO XII.

*Puris & sanguinis mictio à Corde abscessibus & calculis obsito. 1. Ab ulcusculo in Rene  
cum calculo. 2. A Rene abscessu affecto , hinc consumpto. 3. Cicatrix Reni inducta post  
ejusmodi mictionem. 4. Membrana cum pure & sanguine emicta à Rene sinistro. 5.  
Puris & sanguinis à Rene altero consumpto. 6.*

§. 1. **M**ulier diu minxit pus & urinam : Renes inventi integri & vesica integra , at in  
Corde duo calculi & abscessus multi. *Vide tit. de Lumborum dolore.*

§. 2. Illustr. Ducissa sanguinis & urinarum purulentarum mictu laboravit , qui desit:  
In rene parvus calculus repertus fuit , circa quem cicatrix pulchra &c. *Vide tit. de Lum-  
borum dolore.*

§. 3. Renem ipsum omni sua substantia privari posse , in canibus non semel esse verum  
deprehendimus ; in homine nonnisi una vice simile quid occurrit : Vir erat 25. annorum ,  
per plures annos urinæ excretionem purulenta sanguinolenta misere affectus.

Hujus Ren sinister totus consumptus erat , sic ut , præter externum aliquod integumen-  
tum , crassum admodum instar corii firmioris , nihil omnino se exhiberet : Nec vasa  
emulgentia se conspicienda offerebant , involucro dicto forsitan in hærentia , sicque suo  
usu privata , ad pellis hujus constitutionem non parum conferentia : Plurimi sæpius dies ,  
quibus nihil puris urina exhibebat , naturali satis similis , quod in dextro rene vitii nihil  
observaretur. *G. Blasius Observ. Anat. p. 129.*

§. 4. Illustr. Ducissa Ferraricnsis cum doloribus nephriticis per certa intervalla esset  
obnoxia , Gravissimo item sanguinis & urinarum purulentarum mictu , exercitii loco  
deambulationibus utebatur , à quo exorcitio cum abstinuisset , & corpus quieti dedisset ,  
cura-



curationem malo contrariam querens, & sic aliquando levibus quibusdam medicis contra calculum usa esset, tandem excretiones desinere.

Quare cum alio morbo interisset; corpusque ipsius fuisset apertum, in rene ipsius parvus calculus repertus fuit, circa quem cicatrix pulchra, sana & munda, dimidii digiti longitudine erat: Quod fidem faciebat, cum tam excretiones, quæ per urinas fiebant, cessassent, quam quod consueti dolores nephritici remisissent, calculum hunc multo majorem fuisse, qui etiam ulcus causasset, ex quo prius sanguis, dein & pus manavit, quod cicatrice erat consolidatum: quod etiam Hepati, Pulmonibus aliisque partibus principibus accidit. *Roussetus de Partu Casareo sect. 3. cap. 7.*

§. 6. Novi Matronam, quæ primo sanguinem & materiam purulentam cum membranis à longo tempore eiicere solebat: deinde mictione cruenta cessante, per plures annos aquosum mingebat, cum sedimento copioso & albo instar puris, in matula fundo subsidente: postea cum sedimentum illud deesse cœperat, intemperies febrilis cum doloribus hinc inde vagis, virium languore, aliisque mali novis symptomatis successit: cumque ægra in magnum vitæ periculum adduceretur, tumor in latere circa renem sinistri situm subortus, & in abscessum mutatus, propter largam puris profusionem ipsam liberavit, tamen ulcus cavum & sinuosum in isto loco, ichorem tenuem exsudans, durante vita manebat, quod aliquoties perfunctum denuo erupit; Exinde biennio vitæ elapso urinæ suppressionem per 14. dies passa, appoplectica interibat.

Cadavere aperto, Ren sinister omnino defuerat, ejus loco substantia membranosa lumbis adnata, vasorum & ureteris extremitates complectens accreverat: ureteris vestigia remanserunt quædam, verum sine apertura in ductus cavitatem, quinimo ichor, sive serositas quædam arteriæ emulgentis osculis exsudans in ulcus istud sinuosum exterius ferebatur: Ren alter fuit materia sabulosa & calculis minoribus valde oppletus: Insuper juxta summitatem ureteris lapis circiter pollicis magnitudine defigebatur, cujus extremitas erat ductui seu cavitati ureteris adeo adpressa & firmiter impacta ut velut epitomia aperturam ejus exacte clauderet, & serosi laticis transitum omnino inliberet. *Thomas Willis tract. de Urinis cap. 5.*

§. 7. Aprilis xv. 1670. In juvene annor. 24. Renem utrumque invenire haud concedebatur: deerat sinister: ast qui adfuerat prægresso tempore consumptus: plures enim per annos urinæ excretionem sanguinea purulenta ve laboraverat: Ita tamen quod considerari meretur, ut plurimi sæpe transierint dies quibus puris nihil urina exhiberet, eo quod integer existeret lateris oppositi Ren: Consumptus autem dictus Ren haud adeo quoad tunicas quam substantiam veram: Nihil hic nisi membranosa capsula, omni substantia privata, ex tunicis vasisque coalitis orta. *Gerardus Blasius Observ. med. 4.*

## OBSERVATIO XIII.

*Vrina purulenta, remixto aliquando sanguine, à corde duobus calculis obfessa cum multis parvis abscessibus prodiens.*

Contigit semel mulieri nostræ ætatis ut per quatuor menses integros minxerit pus, & aliquando propter puris acrimoniam, sanguinem puri commixtum: Medici consulti adhibuerunt remedia ac si renes exulcerati fuissent, quod in eis per intervalla magnum dolorem sentiret mulier.

Hæc moritur 4. mense, dissecta est, inventi Renes integri & vesica integra: at in corde inventi sunt duo calculi & abscessus multi, qui expurgabantur per urinas, atque in transitu pus dolorem infligebat Renibus: *Hollerius comm. ad aphor. 75. sect. quarta. Escap. 50. lib. 1. de morb. int.*

## S C H O L I A.

EX hoc exemplo infert *Hollerius* aphorismum dicentem, Si quis sanguinem aut pus meias, Renum aut vesica exulceratio significatur, perpetua non esse veritatis, cum fieri possit ut sanguis & pus ex aliis manent partibus: Sed distinctione à *Mariano* tradita firmatur aphorismi veritas, Non idem est, aut, sanguinem aut pus mingere, Et urinam sanguinolentam, aut purulentam reddere: Cum enim quis sanguinem aut pus mingit, pus aut sanguis in urina fundo ab eadem penitus segregata apparent: quæ quidem separatio celerior fit, si à vesica partibus

proveniat, diuturnior vero si à renibus, at urina sanguinolenta & purulenta tota tibi æqualis est, cum sanguinem aut pus habeat admixta: Cur autem hæc ab urina aliquando separentur, aliquando non, id evenit à loco in quo mixtio celebratur: quæcumque enim urinæ admiscetur, dum jam exactam formam urinæ adeptæ est, si sint diversæ substantiæ, cujusmodi est sanguis & pus, non ita simul admisceri possunt, quin temporis progressu separentur ab invicem: E contra vero si ante urinæ generationem quippiam serosa materiei admisceatur, simulque permanent, dum per coctionem

Cōctionem in renibus ultimam urinæ formam acquirit, vigore cōctionis ad minima adeo miscetur, ut una res tantum fiat, nec invicem amplius separentur &c. Si vero urina mingatur purulenta aut sanguinolenta, à partibus supra renes excerni dicendum est. Hæc *Martianus*, qui tamen difficultatem non solvit, Nec enim prædicta mulier purulenta minxisse dicitur, sed pus, & aliquando sanguinem puri com-

mixturem; Sed cum via à corde à renes expedita sit & brevis, per truncos cavæ & aortæ ad emulgentes, arterias & venas, potuit inde pus manare citra exactam eam permitionem, sinterumque in urina apparere: Mirum verò quod nulla cordis affecti in prædicta muliere indicia extiterint, ac de solis renibus querela fuerit, quandoquidem cor graves noxas, cuiusmodi sunt calculi & abscessus, diu non sustinet.

## OBSERVATIO XIV.

*Vrina turbida cum hypostasi lactea, ab abscessu renis sinistri &c.*

**I**llustr. Episcopus Vicentiæ post prægressum sinistri renis dolorem gravativum, deinde subsequuta est mixtio depravata turbidæ urinæ, *cujus subsidens inodorum lac ipsum refert*: ad quam mictionem consequitur febris lenta, horis nocturnis increescens, cum nasi & genarum rubore: Sententia fuit Medicorum, curæ adhibitorum, Depravatam esse mictionem, qua materia Podagram efficere consuevit, ad naturam veluti puris redacta excerneretur: mea autem, ipsum pus post disruptum abscessum prodire: Prævaluit priorum sententia, ut catharticis & alterantibus res perageretur, hinc res semper in deteriore conditionem est delapsa, ut tandem die 40. ad ultimum vitæ exitum Vir Ill. perductus sit.

Secundo cadavere, fuit inventus abscessus in rene sinistro, & tota renis substantia ita perforata ut pinguedo & humiditates per ipsam percolarent: Vesica etiam fellea reperta est lapidibus repleta, & tamen nunquam ictero fuit detentus, sed frequentiori inflammatione podagrica, quæ vel spontanea diarrhœa biliosæ, vel cholagogo educebatur. *L. à Fontef. consuls. 141*

## S C H O L I A.

**C**æteri Medici hanc renum actionem depravatam referebant in materiam pituitosam, quæ dolores podagricos efficere consuevit, ad naturam veluti puris redactam: neque posse esse purulentam dicebant, quia non præcesserat aut inflammatio aut renum immanes dolores, qui ante renum abscessum antecedere solent: neque fieri posse ut sit abscessus, quia ingentis molis existeret. necesse esset, qualis in renibus fieri non potest: Verum eorum positio pluribus urgetur argumentis, 1. Si materia quæ per lorium excernitur, est pituita in declinatione podagricæ superata, ad renes transfusa, à quibus ad vesicam & foras procedit, non autem materia purulenta, febris potius deberet imminui quam augeri, cum excernatur materia dolorem efficiens & febrem, sed contrarium accidit. 2. Materia quæ in fundo matulæ retidet est alba, ad minima redacta; quæ conditiones saniei definitioni conveniunt; pituita autem viscida est, Ergo. 3. Si hæc materia quam vocant veluti purulentam, esset pituitosa, toto simul hanc conditionem non adipisceretur, sed successive adeo ut hæc materia pituitosa excerneretur, partim veluti purulenta, ex parte vero aliqua visciditate & filamentis perfusa, sed talis non inspicitur, Ergo. 4. Si pituita in venis acquireret per putredinem conditionem veluti puris, necesse esset ut febris intensa & sævis symptomatibus comitata conjungeretur, quod non animadvertitur in præsentī casu, cum dicant Ill. ægrum matutinis horis non febricitare, vesperti vero mirem febrem accedere, ut certissimam salutem polliceantur. 5. Impossibile est in venis tantam putredinem contrahi, ut humor aliquis ad conditionem puris velut redigeretur, quia necesse esset ægrotantes brevi tempore mori. 6. Si hæc materia conditionem veluti puris nancisceretur, necesse esset in aliqua parte determinata id contingeret, quemadmodum in pleuritide, lethargo &c. in quibus affectibus materia velut purulenta aliquando excernitur: sed talium membrorum affectorum signa desiderantur, Renis autem sinistri dolor præcessit, ac errata quæ talem affectio-

nem excitare potuerunt, Ergo. 7. Si hæc materia, quæ in lorio jam per 17. dies excernitur, est pituitosa, est necesse ut in venis in maxima copia reperiat, cum renes à venis & arteriis expurgentur sed ex selecta vena sanguis animadvertitur probus, pauca admodum pituita permixtus: reliquum est igitur ut hoc symptoma in renis sinistri abscessum referatur: Rationibus contrariis ita respondendum, Ad 1. Dolores ingentes non præcessisse, dicendum in Viro Illustr. lithiasi obnoxio, utramque menbranam redditam fuisse obtusam; interiorem, ex tot lapidibus excretis; exteriorem autem, quæ velut facia ambibat renes, ex nimio calore absumptam & exsiccatam esse: Denique Renum nervi obtusi sunt, cum tantum tantum obtusum præstate oporteret, & proinde sexti paris ramis, qui costarum exporriguntur radicibus, natura ad utrumque renem eos diffundit, in internam potius tunicam dispergens. Ad 2. Resp. 1. Renes p. n. affectos ad maximum magnitudinem immutati, nutrimento in excrementum commutato; & dum ad corruptionem deveniunt, maximos abscessus fieri. 2. Dicendum est posse plurimas humiditates & pinguedinem ad renum abscessus percolari, qualitatem in loco affecto puris acquirentes, præter assiduum nutrimentum & humores defluentes, qui in abscessu corrumpuntur.

*Cujus subsidens inodorum lac refert*] *Platerus* lib. 3. Observat. p. m. 836. ait, se longo tempore, sine noxa ulla aut incommodo, urinam lacteam reddidisse, quæ subsidens nonnihil materiam albam, lactis crassioris instar in fundo cochlearis unius vel duorum mensura deponebat: *G. Ballonius* conf. 39. lib. 2. refert de uxore *D. Bourlabe* eam cum utinis lacteum quid reddidisse, verum pus albedine, æqualitate & lævore, sine nephriticis suspitione referens: *P. Sphærinus* apud *Schenckium*, narrat Polonum quendam subinde urinam lactis instar albam & crassam sæpius à se visam effudisse: His omnibus prior *Nic. Florentinus* serm. 5. tr. 10. c. 21. Vidit juvenem annorum 30. qui omni dieiciebat urinam multam, in qua residebat lac coagulatum album, ad quantita-

ratem medii urinæ, præter urinæ substantiam supereminentem: Qualis sit ea materia, pus, an alius humor varie disceptatur: Chylum esse quidam non immerito existimant, ob viæ comoditatem & corn-

pendium, lacteas scil. Thoracicas, eo corrivatum. Earum progressum & originem vide apud *Pecquetum & Bartholinum*.

## OBSERVATIO XV.

*Vrina viscida & crassa materia referta, ob ulcus & inflammationem colli vesicæ.*

**V**ir Ill. temperationis biliosæ & melancholicæ, post melancholicas perturbaciones, variis affectibus p. n. tentatur: Denique lotia prius crassiora coeperunt reddi, deinde *viscida materia referta, adeo fundo matula hæscente*, ut vix diligenti studio extergi posse videretur, interdum cum dolore in vesicæ collo, cruore & sanguine grumoso permixta prodeunt: Ex purgatione universi corporis, & exhibitione Chinæ fere pristinam valitudinem recuperavit, Sed ex male administrata seringa accersita est inflammatio in collo vesicæ, deinde suppressio lotii & febris, quæ per quadriduum Virum Ill. necavit.

Sexto cadavere inventum est ulcus & inflammatio in collo vesicæ. *L. à Fonte consult. 108.*

## S C H O L I A.

**V**iscida materia fundo matula hæscente ] Mucosa ejusmodi materia vesicæ male affectæ proprium est excrementum, cum scil. sanguinem pro alimento transmissum conficere nequit, quod in materiam hanc mucilaginosam abit: eaque piava vesicæ constitutio à calculo ut plurimum inducitur: Circa illius tamen præsentiam aliquando effundi ostendit *Cardanus* comm. in aph. 79. §. 4. ubi historiam adducit *Monachi*, qui tantum pituitæ lentæ, in matula concretæ reddebat, ut ovum anseris magnitudine superaret, qui lapide nunquam afflicus est: Pituitam quoque à ventriculo, imo & cerebro, quanquam neget *Fernelius*, cum urinis reddi quibudam certum est, At materiam mucilaginosam à vesicæ pro-

deuntem, ab eâ quæ aliis ex partibus prodit, sic distinguere jubet *Riverius* pract. lib. 14. c. 2. Quod quæ à vesicæ emittitur magis tenax & glutinosa est, ita ut fundo matulæ tenaciter adhærescat, nec post urinæ effusionem, vehementi concussione excuti valeat; quæ vero ab aliis manat partibus, fundo matulæ non adhæret, sed ea inverta statim cum urinâ effluit; quod à se primum observatum ait; Insignem autem illam visciditatem à propria vesicæ natura deducit, quæ membrana cum sit, ejusmodi glutini producendo apta nata est; similitudine à pellibus membranis id ostendens, ex quibus colla seu gluten conficitur, ad varios usus mechanicos idonea.

## OBSERVATIO XVI.

*Vrina crassa & viscida emissa à renibus lapideis. 1. Turbata à corruptione gangrænosa renis. 2. Hypostasis alba à renis abscessu. 3. Mucus tenax à singulari vesicæ vitio. 4. Mictio putris pituitæ à vesicæ calculo affecta. 5. Turbida cum crassa hypostasi ab hepate corrupto. 6. Faculenta ab abscessu in apice gibbæ hepatis partis. 7.*

§. 1. **N**Ob. fœmina spissam urinam sæpius minxerat: Inventi ambo renes obriguiffe in alabastrinam duritiem. *Vide tit. de Lumborum dolore.*

§. 2. Juvenis in febre assidua habuit Lotia turbata: Inventæ est corruptio gangrænosa in parte interna Renis dextri: ita ut gradum coctionis non ostenderent, sed dictam corruptionem. *Vide tit. de Febribus.*

§. 3. Ill. N. cum febre assidua & lumborum calore urinas copiosas reddidit, albo sedimento refertas: Inventæ est corruptio & abscessus in sinistri Renis exteriori parte. *Vide tit. de Febribus.*

§. 4. Ill. *Casaubonus* cum stranguria urinam cruentam, cui sedimentum mucosum, tenax & vitreæ pituitæ simile reddidit: Vesicæ corpus contractum erat, spissum: Vesicæ perforatæ addita erat *exuvione* vesicæ major, in qua ingens saburra putris & olidi muci, &c. *Vide tit. de mictione difficili.*

§. 5. Virgini innatus erat insignis calculus in vesicæ, quæ frequenter & diro cum cruciatu putrem pituitam, purissimam emittebat, nunquam vero sabulosam quid. *Vide tit. de mictione difficili.*

§. 6. Puella cachectica urinam turbidam habuit, cum hypostasi excremento gallinarum simili: Hepar valde magnum erat, ex parte corruptum. *Vide tit. de Cachexia.*

## S C H O L I A.

**P**utrem pituitam §. 5. ] Pituitam qui vel è cerebro, vel è crudiore ventriculo in vesicam permeare statuunt, eos turpiter hallucinari, tanquam anatomæ & operum naturæ igoaros scribit *Ferne-*

*nelius*: Quomodo nempe per venas, inquit, illa pura, nec sanguine tincta, nec perfusa defluat in renes, hosque solos præterlabatur: Verum de ventriculo id concedamus, in quo nisi in magna viarum laxitate



tate id fieri vix possit, de cerebro tamen *Fernelius* assentiri non possumus: non desit hic viam demonstravimus cum de pure eginius: Neque tincturas natura confundit. alias omnia, quæ ex venis deferunt: sanguine tincta conspicerentur, & si quid etiam traheret, id tanquam superficiale deterreretur in viis quas transfuit: Pituita ergo ex capite, quin & ex pulmonibus ad vesicæ vias derivari potest, atque hæc tum spumosa apparet: Quæ autem muco est similis, & matulæ fundo increfcit: si nullo dolore fluat, è crudo renum aut circumpositarum partium ulcere aut abscessu illabi *Fernelius* author est: si cum dolore & cruciatu, vesicæ calculum aut cervicis sordidum ulcus designare: Et de calculo quidem dubium non est, in quo vesica à tam crudeli hospite oblata alimentum suum indigetum & deturpatum continuo plorat, & subinde novum irritatione accersit: Unde & *Souberin* de differ. urinar. c. 1. recte vesicæ calculosæ excrementum esse hanc mucum statuit: *Henr. Martinus Anat. urina cap. x.*

*Hypostasi excremento gallinarum simili*] De caulis diversæ substantiæ sedimentorum, seu cur alia sint farinacea, alia foliacea, seu squamosa, alia furfuracea, alia orobea, alii aliter sentiunt; *Galenus* has

differentias sedimentorum à calore adurentis fieri statuit, & pro varia materiæ dispositione in varias mutari formas existimat: A recentioribus vocantur hæc in dubium; *Saxonia* de Urinis cap. 17. se non posse assequi scribit quomodo per colliquationem talia sedimenta generentur; Siquidem ex carne molli colliquata tenuior humor exprimitur, qui urinæ permixtus, potest quidem colorem & substantiam immutare, sed carnis formam & substantiam nunquam æmulabitur, quia duriem contrahere non potest, Et capite xvj. scribit, in vivente animali tunicas venarum interiores nunquam & nusquam posse esse adeo sanguine vacuas, ut igneus calor præ nimia siccitate possit eas ita exsiccare, ut quid decerpatur, & leabies & lepra quasi iis inducatur: Unde tandem statuit, ex carne duriore & vasis, nisi separetur per modum ulceris, nihil posse colliquiri quod ad urinas descendat: *Argenterius* de Urinis cap. 20. Sedimenta quæ farinæ torinam referunt, fieri statuit ab humore crudo vocato, qui in venis acervari solet: Orobecum, si nigrescat, docet habere materiam melancholicam: Furfuraceum vero, squamosum & foliaceum, vesicam exulceratam sequi putat.

§. 7. Adolescenti crus dextrum vehementer doluit cum acuta febre & urinis fæculentis. Abscessus aderat cum pure albo in apice gibbæ Hepatis partis. *Vide l. 4. tit. de Doloribus Externis.*

## OBSERVATIO XVII.

*Subsidentia materiæ crassæ, viscidæ & tartareæ, à Vesicæ calculo occulta, & alio in Rene dextro.*

**D** Ignotio calculi vesicæ in dies mihi redditur magis recondita: Ante quatuor menses consului pro Nob. Veneto, Stranguria detento ab aliquot mensibus, postquam cessaverat dolor articularis, cum subsidentia materiæ crassæ, viscidæ & tartareæ in urinis, ideoque judicavi illum calculo vesicæ laborare, quanquam nullæ præcesserint arenulæ: Rediit Venetus, curatus fuit diureticis refrigerantibus, lacteque caprillo, meliusque habere visus fuit, tuncque experimentum factum fuit cum cathetere, & cum candela cerea, neque calculus fuit inventus, ex quo deveneram in opinionem nullum adesse calculum: Iter habuit in curru & in equo, absque ulla molestia majore, mox ante mensem ardentissima febre correptus fuit ex pituita falsa, cum maxima albedine & lentore linguæ, cum siri inextinguibili, vigiliis & extenuatione corporis. Ex qua pituita falsa judicavimus potuisse provenire etiam stranguriam: Obiit tabefactus.

Dissecto cadavere, invenimus in vesica calculum magnitudinis ovi gallinacei: In Rene dextro alium calculum minorem triangularem: In Rene sinistro abscessum jam suppuratum, Jecur, Vesicam, Intestina erysipelate detenta, ex qua inflammatione erysilacea obiit: cum præsentia tamen calculi, quanquam de ipsius præsentia dubitatum fuerit: neque tamen erat mucositate aut membrana aliqua involutus, ut hinc impediretur attactus ipsius: Hoc dixi & annotavi, ut hinc pateat calculi præsentiam in vesica non semper notis innoscere, licet sit eximie magnitudinis. *Bened. Silvaticus Epistola ad Ioh. Beverovicium, in hujus Exercit. de calculo.*

## SCHOLIA.

**C**um subsidentia materiæ crassæ, viscidæ & tartareæ] In urinis ægotantium sæpenumero conspiciuntur contenta alba & copiosa, è corpusculis minutis conflata, quæ cum subsiderunt, supra medietatem liquoris implent, ipsumque albidum & opacum reddunt, reliquo in superioris matracii regione tenui & claro permanente: Hujusmodi sedimentum *farinaceum* dicitur, quia scilicet aquam farina imbutam refert: De hoc ambigitur utrum è tota cruoris massa, an tantum è visceribus urinaris conferatur: Observatione constat in calculo vesicæ ejusmodi locum constanter reddi, etiam aliquando

ob renem lapide grandiori oblitum; Absque affectu nephritico talem subsidentiam in urinis nunquam vidi: Quare hoc fere indubitatum calculi signum semper reputavi: atque videtur quod à succo, sive humore circa calculi molem congesto omnino dependeat; namque ubi lapis in rene aut vesica defigitur, humor nutritivus ibidem ab assimilatione pervertitur, & in mucum crassorem degenerat, qui valde copiosus coacervari solet, veluti ichor, qui propter globulum in fontanella positum ubertim exsudat: hic autem mucus cum sero ablatus sedimentum illud album constituit. *Willis.*

## OBSERVATIO XVIII.

*Mucosa substantia cum urina diu excreta.*

**D**ifsecui septuagenarium qui ardente febre eadem die extinctus fuerat : Hic xx. annis ante obitum annis de intolerabili laterum dolore conquestus fuerat , nimirum circa costas nothas : Mucosam substantiam una cum urina diu excreverat, nunquam tamen aut arenulas aut calculos.

Huic sinistri renis substantia carnea intus plane absumpta erat , in eoque hærebat calculus , duas habens radices satis insignes : dexter vero Ren à calculo quidem immunis erat , à constitutione tamen naturali ablens , dum substantiam flavidam magis obtineret , coloremque subfuscum : Ureteres huic mirum in modum capaces apparebant : Vesica admodum distenta , extusque in fundo aliquot apparebant vesiculæ ei adnatæ : In interna capacitare magnum reperi calculum , pendentem uncias duas & 3ij. hic lævis, et æqualis ex parte existerat , non asper aut inæqualis , uti qui in vere extrahebatur : Venter huic interius in fundo concreto sanguine aspersus apparebat : sumpserat enim non diu ante obitum , ab imperito Medico , pilulam ex præcipitato. *Pewius observation. Anatom. iij.*

## APPENDIX.

*Materia mucosa , tenacissima , diu à Sene incolumi excreta, citra calculi præsentiam.*

**A**d calculi generationem , præter dispositionem materiæ crassæ , & efficaciam agentis , renum caliditatem, angustia vasorum in ipsis & eorum imbecillitas accedat oportet , ex *Galeno* 5. de san. tu. 7. quod *qui latas habent venas à cibis crassis non laduntur* ; Quod mihi contigit observare in *Illustr. & Rever. Hercule de S. Bonifacio* , qui octogenario major, urinas semper profudit copiosæ pituitæ viscidissimæ immixtas ad libram circiter , tenaciter adeo hærentes fundo matulæ , ut & ea inversa , effusa urina ab illius fundo penderet : cum tamen nullæ unquam fuerint de calculo querelæ toto decem annorum spatio, & quod excedit, quibus ad ipsum invisi. *Silvaticus consil. 66. cent. 3.*

## OBSERVATIO XIX.

*Mucosa pituita urinae permixta , diu reddita ab iis qui calculo vesicæ laborarunt, excrementum est illius male affectæ , alimentum proprium ritè non conficientis.*

**D**ocuit autopsia in eorum cadaveribus qui ex calculo vesicæ obierant , & humorem illum mucosum diu multumque cum urinis excreverant , vesicæ corpus carnosum evaluisse , & digiti aut pollicis crassitiem adeptum esse , ita ut totam illius cavitatem interdum impleat , & ipsum calculum proxime amplectatur , donec tandem urinam suppressens ægrum misere jugulet : In iis vero qui urinam tenuem , claram & aquosam reddiderant , vesicæ substantia membranosa & in statu naturali constituta apparuit. *Riverius Pract. lib. 14. cap. 1.*

## S C H O L I A.

**V**esica corpus carnosum &c. In iis qui urinam &c.] Horum eventuum ratio desumitur ab *Hippocr. aph. 66. 5. Si in vulneribus pravus & magnus , tumor non apparet , ingens malum.* Ratio est *Galeno* , quia suspicio oritur humores , qui ob dolorem ad vulnera defluunt , jam ad partes principes transmeare : Præterea omnibus partibus infixum est , ex eodem *Galeno* , de diff. febr. cap. 11. ut quæcunque robustior est , id quod noxium est aut superfluum , ad debiliorem transmittat , nec cesset illa transmissio donec ad imbecillissimam ventum sit : Cum autem pars vulnerata admodum debilis sit , ac proinde ad excipiendos humores maxime disposita, si illi ad eam non deferantur , signum est alias partes admodum esse debiles , quæ talem transmissionem moliri nequeant , aut alias esse vulnerata debiliores , ad quas humores deferantur : Non solam autem humores vitiosi ad partem vulneratam deferuntur , sed

etiam sanguis laudabilis , quem natura majori copia ad partem afflictam transmittit , ut illi suppetias ferat quantum potest : Hæc omnia locum habent in vesica à calculo oppressa : Calculus grandior , in inæqualis , vel aculeis præditus , vesicæ tunicam interiorem vellicat , unde dolor & imbecillitas partis accedit : Natura vero illi suppetias ferens , solis copiosiores sanguinem ad eam mittit , tum reliquæ partes robustiores superfluitates suas ad eam deponunt : Hosce humores vesicæ substantia concoquit & assimilatur quantum potest , sicque ex copiosis sanguine copiosius sumens alimentum accrescit , & crassior atque carnosior evadit : Cum autem totum sanguinem affluentem , multò minus humores vitiosos sibi assimilare nequeat ; inde multa exoritur excrementorum illuvies , quæ ex propria partis natura , pituitosam illam ac mucilaginosam formam inducere consuevit : In iis autem calculosis , qui urinam,

nam; claram; tenuem & aquosam reddunt, vel quiescens calculus dolorem non parit, qui talis attractionis causa sit: vel aliz sunt partes vesica debiliores, ad quas reliqua membra sese exonerant: Hæc doctrina luculento uteri exemplo roboranda est; Uteri substantia, sicut & vesica, membranea est; at in prægnantibus tota fere carnea evadit, atque ita crassa ut postremis mensibus duorum digitorum crassitiem æquet: quia natura toto gestationis tempore multum sanguinis ad uterum mittit, fœtus nutriendi gratia, qui cum ab eo totus non absumatur, portio quædam illius utero apponitur, & inde cum fœtu ad partum ulque continuo augeatur: Idem in vesica contingit, quamvis præternaturaliter, ut quando major sanguinis quantitas ad eam confluit, portio enim illius in propriam substantiam convertit, & illa inde majorem crassitiem acquirit: Si vero contingat, extra graviditatem, uterum intemperie aliqua affici, aut alio quovis affectu

laborantem, debiliorem reddi, tum humores superflui ab aliis partibus ad eum multa inde emergit excrementorum illuvies, quæ per fluorem muliebrem expurgatur: Et ille fluxus albus mulierum est proprium uteri excrementum, quemadmodum mucilaginosæ urinæ portio est excrementum vesicæ: Idem in renibus contingit, etsi non ita frequenter, ut quando à calculo, eorum substantiæ impactu, dolor atque imbecillitas iis inducitur, ad eos natura multum sanguinem, multosque humores demittit, qui cum assimilari nequeant parti, saltem majori parte, in excrementum crassum ac mucilaginosum convertuntur, quod magna copia cum urinis excernitur, idque adstantes, ac Medici vulgares purulentam materiam esse putant, quæ tamen mere pituitosa est, aut saltem exiguo puri permixta, cum scilicet à calculo per attritionem ulcus in renibus genitum est. *Idem.*

## OBSERVATIO XX.

*Vrina alba, purulenta, ob xij. in vesica calculos. 1. Ob vesicæ ulcus. 2. Ob ulcus colli vesicæ. 3. Ob calculos vesicæ ulceratæ, callosæ adnatos. 4. A rene sinistro pure referto. 5. Ob lapidem in ore vasorum urinariorum. 6. Ab abscessu mesenterii. 7. A calculis renes atterentibus. 8. A vesica & renibus ulceratis. 9. A renibus suppuratis. 10.*

§. 1. **J**urisperitus diu molesto urinæ stillicidio afflictus fuit: usus aquis Spadanis urinam albam foetidam ac purulentam reddidit, unde peius habuit: In vesica mortui duodecim reperti sunt calculi. *Vide tit. de mictione difficili.*

§. 2. David N. urinam foetidam ac purulentam excernebat: In cavitate vesicæ ulcusculum conspiciebatur rotundum. *Vide tit. de ischuria.*

§. 3. Quidam saniosum humorem quotidie reddebat, cum stranguria: Medici quidam contendebant adesse calculum in vesica: Ulcus in collo vesicæ, instar nucis vomicæ repertum est. *Vide tit. de mictione difficili.*

§. 4. Nob. mictionem difficilem habuit, urinamque turbulentam, purulentam, mucosam: Vesica tota spissa, carnea, nigra, gangrænata cum aliquot callis duris, & adnato calculo &c. *Vide tit. de mictione difficili.*

§. 5. Gasparus N. urinas reddidit purulentas, magnum inter emittendum ardorem emittentes: Ren dexter erat integer, sed major, sinister miræ magnitudinis sevo simillimus, intus pure refertus. *Vide tit. de Hypochond. tumore.*

§. 6. Nephriticus purulentum minxerat: Repertus lapis in ore vasorum urinariorum: Uterque ren tabuerat. *Vide tit. de Lumborum tumore.*

§. 7. Virgo dolores habuit Colicis similes & marasmo consumpta interiit: In mortuæ Mesenterio ingens copia puris, quod natura per renes vacuare tentaverat, urinis valde purulentis profluentibus, Renes tamen erant integri. *Vide tit. de Ventr. dolore.*

## S C H O L I A.

**P**Us in urina ulcus in vesicæ cervice, aut in renibus antiquatum ostendit, Et quod à vesica est graviter olet: quanquam enim omne pus male olet, tamen quod ex vesica cæteris gravius: idque tum ob substantiæ vesicæ naturam, quæ quia carnea non est, adeoque longiore tempore, & violentiore causa indiget ad putrefactionem, magis putreficitur propter naturalem loci iniquationem: Quod à Renibus, aut etiam superioribus partibus ad vesicam defluit, eo minus est malum, quo minus male olet, juxta Hippocr. in Prognost. *Pus optimum est quod minimum est graveolens:* Defluit autem ex jecore, mesenterio, pulmone, quin & cerebro ipso, inflammatione hepatis, mesenterii ejusque abscessibus, in phrenitide, phrenitide, angina, peripneumonia: Et in

phthisi memini me ex rupto ulcere ejusmodi pus saniosum & admodum graveolens vidisse, idque copiose nec una vice redditum, sed per aliquot dies, donec tandem eger quarto die vitam cum morte commutaret; Via autem qua ad vesicam pervenias in peripneumonicis & pleuriticis, est per sinistram cordis sinum in arteriam magnam, & hinc in emulgentes: Pleuritici tamen etiam per venam *αζγοι* expurgantur: In angina vero & phrenitide puris transitus est à venis jugularibus in venam cavam, indeque emulgentes; Et per hanc viam sæpe etiam catathi capitis expurgantur, qui si crassiores sunt, urinæ stillicidium inferunt, teste Galeno in lib. de diarr. idiotar. comm. 52. Discernitur autem à pituita pus, non tantum odore gravi, sed etiam quod illa crassa



arque tenax coheret, pus vero agitarum mox dissolvitur ac diffluit, *Henricus Martinus Anat. urinae cap. 10.* Pleuritidem quoque urinis purulentis, tribus ex ordine diebus protulis, vidi solutam in

Nob. marrona Neocomensi, Anna Maria Horticea, anno 1659. sed simul per latus ab effuso pure admoto pyrotico, nulla comite anacathart.

§. 8. Ulcus Renis ex abscessu phlegmones insolens admodum est: nec minus quoque insolens id putandum quod vel à profluentis materiae acrimonia renem exedente, vel ab ictu, vel à casu ejus venas disrumpente fieri tradunt: Crebro autem ac fere semper à calculo intus coercito fit, qui vel pondere renem contundit, vel attritu comminuit exedique; Ita saepe vidimus tota renis carne ac substantia peresa, ambiente tanquam marsupio, membrum, pus calculosque multos obvolvi: Ulcus ab his causis ortum habuisse argumento est quod urina, antequam purulenta esset, saepe cruenta fuerit, praesertim ab exercitatione & labore, quod febris nulla aut perobscura fatiget. *Fernelius lib. 6. cap. 12. Pathologiae.*

§. 9. Londini in Anglia anno Dom. 1637. *Eduardus Maii*, vir in medicinae arte undique conspicuus, *lob. Penant* vita functi, ætatis anno 21. cadaver aperiri jussit à Chirurgo, qui sectionem aggressus est à regione naturali, Ubi vesicam ulceribus plenam ac pure diffluentem juvenit, superne etiam ruptam totamque corruptam: Hinc Renes occurrunt, nihilominus vitiiati ac putres: dexter enim erat prorsus consumptus, sinister ad duplam magnitudinem tumefactus, vereque in saniem conversus: carnosae etiam partes interne usque ad pellem erosae. *M. Aurelius Severinus de Abscessibus p. m. 281.*

§. 10. Puer xij. annorum postquam per duos annos purulenta mictione laborasse, tandem obiit: Dextri Renis parenchyma plane consumptum erat, ita ut nihil præter membranofam ejus substantiam esset reliquum: Sinister æquans magnitudinem duorum pugnorum, pure scatebat totus. *Vide tit. de Hypogastrii dolore.*

§. 11. Puella xvij. annos nata purulenta urinas reddiderat per longum tempus, & febre diuturna, lenta hecticaque detinebatur, ac tandem interiit.

Aperto cadavere Renes inventi sunt omnino in pus conversi, ita ut eorum tunica pure omnino repleta fuerit, nullis apparentibus parenchymatis reliquiis. *Samuel Formius Observat. xxvij.*

#### OBSERVATIO XXI.

*Urinae mucosae & purulentae à lapide in vesica & renibus purulentis.*

1. *Mucosae à rene intus consumpto, calculo in vesica.* 2.

§. 1. **M**ense Januario 1633. vocatus fui ad juvenculam mulierem, à biennio decumbentem, quæ paulo post occubuit, cui nulla præscripsi remedia, mortem præforibus prævidens: Illius aperto cadavere, inventus in vesica lapis nucis juglandis magnitudine cum suo putamine: Uterus lapide minor erat; Renis sinistri figura propemodum naturalis erat, sed repletus materia purulenta, partim mucosa, (*plurimi ad conspectum ejus mucoris in urina fundo*, existimant renes calculo laborare, qui cum dolore emictus, index quoque est ulceris sordidi in vesicæ cervice, quod adnotat *Fernelius de Urinis cap. xvj. lib. 3.*) Ureter eadem materia infarctus: Ren dexter dilatatus, magnus, altero quarta parte longior, adeo ut Medici & Chirurgi fere non agnoscerent; interiore parte omnino consumptus: materia mucosa & pure scatens ejus membrana, quæ sola superstes: tantus foetor, ut nullus esset ferendo: similem materiam cum urinis excernebat: Illius renis utereter adeo amplificatus erat, ut Chirurgo pollicem inferere liceret à rene illo ad vesicam usque. *David Laignean de Sanguinis missione pag. 585.*

#### SCHOLIA.

**P***lurimi ad conspectum ejus mucoris in urina fundo &c.]* In urinis quorundam mucorum quid, tenax & glutinosum apparet, quod matulae suo lentore ac tenacitate adherescit ita pertinaciter & obstinate ut inde avelli nequeat, deinde postquam in fundum matulae propenderit, & deorsum versus inclinatur, ea materies cogitur in se & conglobatur, & affatim acervatimque velut provolvitur: De causa ejus materiae, sic p. n. genitæ plerique digladiantur: Alii ad cacochymiam corporis, vulgus ad catarrhum, alii ad pravam quandam dispositionem

partium omnium utinariorum, alii ad ulcus sordidius ipsius vesicæ, alii ad morbum vesicæ, alii ad hypertarcosin urethrae, ut effluat id quod tenuius est, remaneat quod crassius, præ angustia aquæductus: Alii calculum in vesica contentum: Imo cum calculus in vesica, & frequens micturienti desiderium, æger se comprimere ob dolorem, & ita emittit id quod tenuius est, quia compressio est, in conando remanet id crassius, quod in dies lentescit: Et observantur primarii Medici & lithotomi, lapide in vesica contento diutius, non initio cum dolores excirant, & ipsa vesica ægotat

ægrotat & fœtet, mucum illum naturæ molestum excerni, tales urinas reddi donec exclusus sit: Laborat enim & ægrotat vesica, & quia pars est membranosa & habet aliquid *mucosæ*, tale in ea congeritur excrementum, tum à proprio ipsius excremento, tum ab externo: Ubi vero excluso lapide vesica melius habet, tum nihil tale generatur: Quorum demonstratio ex *Galeno* commun. ad partem 66. lib. 3. artic. peti potest, cum distinguit excrementa partium carnosarum ab excrementis partium spermaticarum, maxime vero membranarum, sunt enim *mucosæ*, tenacia, lenta glutinis instar; & cum id quod in mucosa urina appareret, non sit dissimile ei excremento quod decedit e partibus spermaticis, urina istius mucaginosa causa necessario adscribetur morbo ipsius vesicæ, ægrotat autem quociens in

ea lapis existit, Simile quid à *Fernelio* observatum cap. 16. de Urinis, & *Galeno* ad aph. 3. lib. 5. cum videtur definire excrementum superfluum, simile quidem naturæ partis ut humor existit, in ossæ medulla, in hepate sanguis, spumens humor in carne pulmonum, in articularum compagibus humor glutinosus, Et in cadaveribus eorum qui calculo interierunt vesicæ, inventa est plena muco isto, simili mucilagini extracta ex seminibus carnosiss. & succulentis: *Gul. Ballonius Annor. 1. in cons. 68. lib. 3.* In ista muliere mucosa ejusmodi materia, & à vesica manabat, in qua lapis continebatur, & à rene, cujus, parenchymate absumpto, sola superstes esset membrana, à qua, ut pore membranæ, mucilaginis ea materia prodibat.

§. 2. Septuagenarius diu de laterum dolore conquestus est, & mucosam substantiam cum urina diu excreverat sine calculis aut arena, sinistri renis substantia carnea intus plane absumpta erat, in quo hærebat calculus: In vesicæ capacitatem magnus aderat. *Vide tit. de Hypochond. dolore.*

## OBSERVATIO XXII.

*Mucosum urinae excrementum citra Renum aut Vesicæ ulcus.*

§. 1. **M**ucosum urinae contentum non soli, nec omni Renum aut vesicæ ulceri convenit, adeoque etiam ex superioribus partibus derivatur, Experientia enim contrarium docet: Ita D. *Sennertus* vidit ejusmodi sedimentum tenax & mucosum Renibus & vesica illatis: Idem bis observavit *Prevotius*, 1<sup>o</sup>. in D. *Petro Gennaro* Presbytero, qui ante sexennium suæ valetudinis causa *Patavium* accessit, postquam triennium *Ischuria* laborasset cum urina ardore & summa difficultate, ac gravitatis sensu in vesica, veluti plumbei ponderis, ut nonnisi cruribus elatis meieret: Sedimenti mucosi ea erat tenacitas, ut à fenestris cubiculi in alto siti ad terram continue pertingeret: idque quotidie ad 12. prodiit; certo argumento non fuisse à renibus aut vesica: Cum tandem ex partes à tanta excrementi copia colliquatae fuissent.

Hic tandem urinae suppressione *Patavii* sublatus, in ejus cadavere nihil p. n. juvenum, præter mucum in renibus, ureteribus & vesica.

§. 2. Similis casus erat tribus ab hinc annis Ludov. Federici Nob. *Brixiani*, qui dum puer à fratris tergo diebus canicularibus equitando iter ageret, incalescentibus à Solis fervore renibus, sanguinem minxit: à quo symptomate liberatus, postea anno ætatis circiter 20. coepit conflictari *ischuria*, qua tandem *Patavii* extinctus, In defuncti corpore nihil vitii præter mucum in vesica & ureteribus. *Thomas Bartholinus in Actis Med. annor. 1674. 75. & 76.*

## OBSERVATIO XXIII.

*Vrina purulenta, passæa, cum sedimento crassiore nigro, in muliere cui Glandula Renalis arenosa reperta est.*

**S**ept. x. 1658. in muliere 50. annorum Renem succenturiatum invenimus insignis valde magnitudinis, adeo ut vel pugnum referret; mollis admodum erat, colore subruber, materia atra purulentaque, nec non arenulis plurimis repleta: Cavitas hic, quæ alias etiam in adultis satis notabilis, sic ut inflata hæc glandula vesicam referret, maxima: Plurimos per annos mulier hæc urinae purulentia laboraverat; Non raro quoque non solum passæam emiserat, sed etiam sedimento crassiore nigro notabilem. *G. Blasius Observ. Med. 20. part. 6.*

## S C H O L I A.

**Insignis magnitudinis** ] Renem succenturiatum & vesiculam quandam glandulosam in abortu junioribusque referre alias docuimus: In adultis fere consistentis solidiorisque constitutionis est, haud adeo cavitate notabili prædita, licet omni destitui nolumus asserere. *Idem Observat. Anat. p. 129.*

**Hæc Glandula &c.** ] Uti harum Glandularum

hactenus incognitus est: atque omnes de eo opiniones mere sunt conjecturales nec ullo nituntur fundamento: Ex hac obscuritate fieri arbitror quod hactenus nulla fere harum glandularum apud Medicos fuerit consideratio, cum tamen ex iis male habentibus varios morbos procedere credendum sit: Sperandum igitur Medicos Practicos in posterum

has partes diligentius observaturos, & quales morbi ex iis oriantur, per multiplices cadaverum apertiones indagaturos & annotaturos: *De Diemerbroeck Anat. lib. 1. cap. 18.* Idem docet ex illis capsulis

atrabilariis nullam quidem dari viam ad renes vel ureteres, (*Quod vult, Clemens Niloe Belgico de Fermentis. & Nutrit. 6.9.*) sed illas se exonerare in venam emulgentem aut cavam, ex *Warthoni observatione.*

## OBSERVATIO XXIV.

*Urina purulenta Empyemati thoracis succedanea.*

**A**Nno 1638. Mercatorem Noviomagensem empyicum tractavi, qui tandem puris albi bene cocti, mediocriter crassi duas matulas plenas è thorace per urinarias vias bidui spatio, cum aliquo in ureteribus dolore, excrevit sine ullo sanguine, & sic ab empyemate feliciter liberatus fuit; cum antea pus (cujus fluctuatio ab ipso difficulter respirante, non modo sentiebatur, verum etiam per commotionem corporis antrorsum ab adstantibus manifeste obaudiebatur) phthysicos & vitæ periculum ipsi minaretur: Tale quidem observavi in quodam Tielano, cui empyico tandem etiam pus totum per urinarias vias fuit evacuatum cum summo in lumbis & ureteribus dolore, à distensione, transitu puris crassi facta, inducto.

Similem historiam sibi in ægro quodam visam describit *And. Laurentius Anat. 1. 9. quæst. 12.* In cujus cadavere invenit similem foetidam materiam copiosissimam in thoracis cavitate & sinistro cordis sinu, qualis cum urinis reddita erat; quod certum indicium exhibebat illam è thorace per cor ad renes venisse. *De Diemerbroeck Anat. lib. 1. cap. 17.*

## S C H O L I A.

**Q**ui promittunt se clarissime hujus rei causas (*transitus puris è pectore in renes*) explicaturos, dicunt hoc fieri propter pororum in renibus specialem aptitudinem ac figurationem (quam tamen describere nequeunt) cujus ratione pus crassum per illos dimitti, sanguis vero tenuior transire non potest, Cum in cribrum rusticum, *inquunt*, rotundis foraminibus prædictum simul injiciantur paleæ tenues, & pila vel fabæ, tunc per ejus foramina crassæ fabæ vel pila facile dilabuntur, paleis tenuibus oblongis in cribro remanentibus: Verum et si pororum aptitudo in rebus siccis talia præstare possit, tamen valde dubitandum an etiam in liquidis & omnino fluidis corporibus simul mixtis hoc contingere queat, præcipue ubi neutrum pinguedine alterum superat: scilicet an pus, quadruplo crassius sanguine, propter solam dictam pororum figurationem transire possit per tam angustos poros, qui sanguinem ei admissum, multoque tenuiorem non transmittunt, sed sistunt: an etiam sanguis (qui adeo tenuis & fluidus est, ut interdum per poros cutis transilludare vitus sit (ad poros renum deveniens, non æque facile, imo longe facilius possit figurari ad formam pororum renū, quam pus, quod adeo crassum est, ut vix per ureteres transire queat, eosque distendendo multoties graviter excruciet: Sed quid dicemus de rebus solidis & duris, an illæ etiam taliter figuratæ sunt, ut per poros renum dimitti possint, sanguine non concomitante? atqui varia extant exempla rerum durarum sine sanguine cum urinis excretarum, quas angustissimos renum poros, quos sanguis permeare nequit, transire, habet: à plerisque & traditum & creditum est: An hic etiam illa pororum antedicta aptitudo & specialis figuratio sufficiat ac satisfaciat? Vix credo, nam tales res duras & majusculas vala lactea transeuntes, primo per venam cavam & dextrum cordis sinum, hinc per angustissimos pulmonum meatus ad sinistru sinum absque noxa & incommodo intentibiliter transire, indeque per aortam & arterias emulgentes ad renes, demandari, ac per eorum fibrillas urinarias & papillarum poros ita transcolari posse, ut nullus sanguis comitetur, omnem fidem & rationem superat, neque ulla experientia probari potest, cum Medicus

vel Anatomicus nullum unquam acus, semina, ramulos, aliaque res similes deglutitas in vena cava, cordis ventriculis, pulmonibus, aorta aut renibus invenerit.

Hæc dum mecum pensius ruminarem, dum etiam perpenderem, quod illi qui aquas Spadanas &c. copiosius bibunt, intra tenuioris spatium sæpe tres, quatuor pluresve feri libras emingunt, sine ulla cordis alteratione, & vix verosimile videatur, quod tanta feri crudi & non colorati copia tam cito per cor, pulmones & renes sine incommodo transire possit, cœpi cogitare necessario præter renes, debere etiam dari quidam alias vias per quas copiosius serum, atque etiam res duriusculæ modo commemoratæ ad vesicam devenire possint: Vias has suspicatus sum esse quædam vala lactea, quæ per occultos, & hæcenus incognitos meatus ad vesicam feruntur, & non quidem in omnibus, sed in paucis quibusdam hominibus versus vesicam adeo patula sunt, ut non tantum ipsum chylum lacteum & serum copiosum, sed res quoque solidas, duras & oblongas transmittere possint: Suspicionem meam confirmare videntur observationes Medicorum qui interdum chylotam lacteam materiam cum urinis excretam viderunt: Sic N. Florentinus novit Juvenem qui quotidie, præter urinam multam, sine ullo incommodo emingebat lactis quantitatem medii urinæ: *Capellus Medicus*, teste *Bauhino*, vidit mulierem quæ diuturnum cyathum lactis è vesica excrevit: A *Laurentio* nonnullas puerperas plurimam lactis copiam per uterum & vesicam excrevisse observavit: Ex quibus manifeste apparere videtur Lactea quædam vala, non solum ad uterum, verum etiam ad vesicam excurrere, in easque partes se exonerare posse, si nihil obstat, id est, si illa valcula non sint obstructa, compressa, vel aliter impedita, ut in plerisque hominibus esse videntur, quam ab causam tam raro chylum lacteum ad vesicam defluere existimandum est: Cum autem hæc viæ breves, & non adeo tortuosæ sint, ut multæ aliz, facile contingere potest ut per eas, præter chylum interdum quoque res solidæ, ut semina, acus, surculi &c. transeant: Per easdem lacteas vias etiam suspicatus sum plerumque defecti liquores illos assumptos, quorum color



color & odor in urina superstes percipitur, nam si per cor transirent, neutrum integrum servare possent: Hæc autem vasa etsi hæcenus nec conspicua viui, nec ab ullo Anatomico demonstrata fuerint, tamen necessario adesse modo dicta satis docent: Similia lactea vasa versus mammas protensa etiam in

conspicuum non veniunt, cum tamen illorum præsentiam satis ostendant furculi pridie comesti per papillam excreti: Si hæc vasa in mammis sint oculis invisibilia, quid mirum quod etiam illa quæ ad uterum & vesicam tendunt hæcenus videri non potuerint? Idem. Vide Appendicem ad Obser. v. tit. de Diabete.

## OBSERVATIO XXV.

*Foliacea sedimenta à vesicæ ulcere deducta*

**N**on raro observavimus, præsertim in quodam idiota *Bertrando de Grew*, qui lenta febre detentus ob ulcus vesicæ, postquam nulla amplius profudit sedimenta foliacea, quæ xii. fere annis, ut dicebat, multa excreverat, tandem ab inflammatione suborta tertio die misere periit: Tantæque rei triste ministerium ex dissecta illius vesicæ inspectione subire nobis postea licuit. *Ioh. à Bellosorti comment. ad Galeni lib. de Vrinis pag. 81.*

## S C H O L I A.

**H**ippocr. aphor. 77. sect. 4. *Quibus cum urina crassa fursuri similia, quædam simul exeunt, his vesica scabie laborat: Ubi Galenus. Quemadmodum cutis superficies tenue quiddam per scabiem, lepram & lichenem abjicit ac deperdit; Sic cum pars quæpiam interna simili aliquo cutis vitio laborat, fursurosus cuticulus una cum urinis emittit. Atque ita à scabie Furfures distinguit, quod si hæc scabies in ulcus abeat, quemadmodum etiam in communi scabie sæpe fit, tunc erosa profundiore vesicæ substantia squamulæ exeunt. Hoc aphor. 18. 5. 4. docuit Hippocr. Si sanguinem & pus minxerint, & squamulæ, & gravis odor adsit, vesica ulcerationem significat: Squamulæ ergo è substantia profundius evelluntur Hippocr. non autem à superficie abiaduntur, ut com-*

munis habet opinio: Determinantur autem ad vesicam per sanguinem; & pus, & odorem gravem: hæc enim sese in ulcere vesicæ consequuntur: nam à sanguine, rupto quomodocunque vale, seu per erosionem seu aliter, sequitur sanies & ex sanie erodente squamulæ ex vesicæ substantia excidunt: demum profundo facto ulcere, fit odor ille teterrimus: quæ si absint, aliunde has squamulas esse posse innuitur, videlicet ex venarum tunicis, ut *Galenus* tradidit, & tunc febris aderit, urina vero cruda, totius consumptionem & rabem significans: hocque diligenter inculcat *Galenus*, quando cruditatem urinæ tabidi corporis, concoctionem vero affectus vesicæ notam esse non semel monet. *Henricus Marinus Anatom. urina cap. x.*

## OBSERVATIO XXVI.

*Corpora cruenta, lata, per urinam excreta, à Remis dextri interiori substantia derasa.*

**J**oh. Grossii Vidua, satis alia vegeta, corripitur mense Febr. anni 1672. qui erat ætatis illius 69. gravi capitis dolore, quo per aliquotidies durante à Pharmocopæo accipit pilulas capitales. Dejecit inde tricies, sublequente mox gravi Lumborum dolore: Et ab eo quidem tempore dictus dolor ægram continuo afflixit, nec, licet ista varia à vetulis obtinuerit remedia, vel unius horæ concessit inducias: Ingravescente igitur malo, 4<sup>to</sup>. tandem post assumptas pilulas septimana me ad se invitavit ægra, atque quæ facta sunt comparenti exposuit, Examinatis omnibus, visâque urina quæ sanguinea erat & copioso pure referta, ulcus in dextro adesse rene edixi, atque varia interna & externa præscripsi, à quorum tamen usu vix quicquam sensit levaminis: Solum balneum aquæ dulcis tepidæ, non tantum quamdiu ægra ei inhaesit, dolores mitigavit, sed & post egressum per duas, imo & plures horas, ei suavem induxit somnum, unde frequentem illius usum sibi habebat commendatissimum: Interim sæpe in vrina observavi particulas quasdam cruentas, quas tum pro sanguine concreto habui: Ast cum die 31. Martii mane eam inviserem, deprehendi in fundo vitri urinam continentis corpusculum aliquod cruentum, teres & sex pollices transversos latum, quod exemplum lumbricum omni ex parte referebat, atque in nodos seu articulos distinctum erat. Mirabar rei novitatem, nec nisi vitæ carentia obstare videbatur, quo minus cum adstantibus corpusculum illud pro vero lumbrico habere potuerim: Ægra autem de enormibus doloribus quos præcedenti nocte perpeffa erat, miserandum in modum conquerebatur. Adhibita rursus sunt varia, sed omnia, excepto balneo, frustra: semper namque appropinquante nocte dolores augebantur, gravioresque erant diurnis: unde interdiu quidem quievit, noctu vero nunquam, idque ad mortem usque: Cæterum die 3. April. vesperti obtulerunt mihi domestici simile corpusculum cruentum, ejusdem cum prioris longitudinis ac figuræ, & frustulum latum ac crassum digiti unguem referens: Utrumque ferventi maceravi aqua, ubi tandem extracto sanguineo colore renalis remansit. Hæc frustra sequenti die per longitudinem divisi, sed nullam in eis cavitatem deprehendi: Die 7. April. mane duo rursus corpora teretia in vitro observavi. Horum alterum octo,

QQqqq 4

alterum

alterum sex pollices transversos longitudine æquavit : Ea similiter ferventi aqua aliquoties macerata, cruentum tandem deposuere colorem, retento renali: Placuit & illa accuratius examinare, sed in dicissis, ne minima quidem observata cavitas, ipsa tantum renali substantia ubique apparente : corpuscula igitur ista, una cum præcedentibus, nil aliud esse nisi renis dextri particulas constanter pronuntiavimus. Videbatur quidem recensita eorum longitudo, scrupulum aliquem injicere velle, cum naturalis humani renis longitudo quatuor, aut ad summum quinque transversos digitos vix superet, ipsa tamen substantia examinata eundem facile removet, atque de præternaturali renis magnitudine suspicionem excitavit : Et ab eo quidem tempore amplius non sunt visa corpuscula hujusmodi teretia, semper tamen urina pure & sanguine fuit referta : Ægra vero nullis proficientibus medicamentis tandem die 19. Maii vesperi circa horam 8. exspiravit animam.

Ego cognita morte sectionem à propinquis obtinui : Reserato abdomine, ad dextrum tenem properavimus, visuri quid monstri aleret : Et certe vix erat detectus, atque à tunica adiposa, multo adipe referta, liberatus, cum monstrosa sua magnitudine omnium oculos in se converterit : magnitudinem namque naturalem, tam quoad longitudinem & latitudinem, quam quoad crassitiem quater superavit, rubicundo in exteriori superficie exilis colore. Discissus vero totus canerosus erat & foetido pure refertus, atque sabulo hinc inde, parce tamen, conspersus : Hic, separatis omnibus involucris, æquabat pondus xvij. unciarum Medicarum : Monstrositate hujus renis animati sinistrum quoque accessimus, qui naturalem servando magnitudinem justo solum tenuior erat atque flaccidus : Hoc per longitudinem diviso Calculus ingens apparuit, qui in parenchymate sinum pro situ suo formaverat, & ita quidem substantiam detriverat, ut ei soli inhæreret, nec pelvim contingeret : Viso isto, magna me denuo cœpit admiratio, quod cum toties ægram interrogaverim, utrum non etiam in sinistro latere aliquem sentiret dolorem, illa aut simpliciter negaverit, aut non nisi exiguum & vix perceptibilem se sentire responderit. Levis autem fere est hic calculus, nec nisi paucissimis in locis leviter exasperatus, ob figuram partim & ob colorem. Corallium rubrum Microcosmicum haud incommode vocari posset : Pondus renis fuerunt uncia duæ & sex drachmæ ; Calculi vero quinque drachmæ Medicæ : Reliqua viscera visa sunt sana omnia, Excepta vesica fellea, quæ præter solitum turgida continebat liquorem subrubeum & piceum, maxima sui parte in calculos unciales friabiles concretum. Et hætenus quidem quæ in abdomine notatu digna occurrere : Ad reliquos ventres transire prohibuit temporis angustia : Hoc coronidis loco addo retulisse mihi ægram, quod cum ante plures annos gravissime quoque decubuisset, tandem aliquando vomitu rejecerit Gobium fluvatilem verum & vivum, minimi digiti longitudinem æquantem, atque eo rejecto pristinam sanitatem recuperaverit, unde sæpe vomitum sibi excitavit, similem pisciculum in lumbis se habere pro certo credens. *Georgius Segerus in Miscell. curiosi- anni 1673. Observat. 227.*

## OBSERVATIO XXVII.

*Mictio arenularum rubrarum, prodeuntium à vasis quæ ab hepate ad renes tendunt.*

**H**ypochondriacus arenulas intense rubras mingebat, ut calculosus judicaretur : Nullus calculus in renibus aut vesica impactus compertus, sed vasa quæ ab hepate ad renes feruntur coagmento rubro tartareo ubique obliterata erant. *Vide tit. de Lumborum dolore.*

## S C H O L I A.

**U**T calculosus judicaretur ] Arenæ nihil videntur esse aliud quam cineres cocturæ sanguinis, adeoque rudimentum accipere in Jecore, complementum in Renibus vel Vesica, quatenus vel à renum siccitate granulantur, vel vesicæ glutine coagmantur : ibi rubræ sunt, hic albæ, idque à genialis loci colore : Utrasque calculi esse nuntias, rubras quidem renum, albas vesicæ communis sententia est : De vesica quidem indifferenter *Hippocr. aphor. 79. 4.* pronuntiat, *Quibus in urinis arenosa subsident, in vesica calculo laborat*, ubi *Galenus* addit, id etiam de renibus accipiendum esse : Verum rubræ quidem proxime calculum non significant, sed intemperiem renum siccam, quæ quia etiam calculi causa est, ex *Plateri* sententia, hinc fit quod tanquam effectus conjungantur, non tamen semper nec necessario,

quia siccitas renum harum causa adæquata non est, sed partialis tantum : Requiritur enim materiæ prædispositio, quæ à jecoris intemperie dependere videtur, propter quam sanguis terrestrior generatur & siccus : Utraque causa quia in senibus locum habet, hinc fit quod senes plerumque renum calculo sunt obnoxii, Pueri vero vesicæ, ob gluten copiosum & expultricis debilitatem. Hunc autem Arenæ significant non uno modo quandoque augeri, quandoque minui : Si enim prius non apparentes quotidie multiplicantur magis, quovisque tandem minus appareant, lapidem adminui significant : quod si prius apparentibus multis quotidie diminuantur, significant lapidem confirmandum : quando vero penitus non apparent, nec tamen purgatæ sunt, confirmatum : Ergo urina arenosa calculum indicat, quantum ad tempus

tempus generationis & dissolutionis ejus. Quantum autem ad tempus quo jam completam acquisivisset concretionem, non apparet sedimentum arenosum, sed urina mingitur tenuis & clara, eo quod calculus in ureteris caput insertus vias obstruat; quam tamen, ut eleganter *Fernelius* monet, urina crassa, turbida, rubra aut subnigra præcessit, tunc videlicet cum calculus ex substantia renum in capacitatem eorum excuteretur, & crassa quoque ac turbida, atque etiam vere cruenta sequitur, si videlicet in rene coercitus labore aut exercitatione valida renem ureterisque proterat, atque tum sæpe concreti sanguinis thrombus in urina subsidet. *Henricus Marinus Anat. urina cap. x.*

*Vasa coagmento rubro Tartareo oblinia*] Usitatum est Arenulas rubicundi coloris à quibusdam in magna quantitate cum lotio excerni: horum nonnulli calculo renum sunt obnoxii, atque paroxysmis

nephriticis crebro tentari solent; Novi tamen alios sine dolore, aut alio graviore symptomate longo tempore arenola minuisse: Urinae quaecunque si in vase plumbeo, aut terreo vitreato aliquandiu steterint, ejusmodi sabulum rubrum matulae fundo & lateribus affigunt, nimirum sal urinae volatilis, cum sale fixo metalli coagulatur; Sic quando Sal armoniacus limaturae chalybis, sali marino aut vitriolato commixtus sublimatur, flores elevati insigniter rubescunt: quare videtur quod ejusmodi arenulae rubrae in renibus gignantur, eo quod sal urinae cum faeculentis tartareis, circa anfractus renum depositis coagulatur, indeque materia sabulosa constet, quae protinus à seroso latice pertransiente abluatur. Itaque arenae quae ita crebro minguntur, non sunt ramenta calculi majoris (uti vulgo creditur) verum sanguinis, & feri renum anfractus perfluentium, extremum poraneum productum. *Willis Tract. de urinis cap. v.*

## OBSERVATIO XXVIII.

*Arenularum mixtio à renibus excretarum, in pelvi & prope carunculas, juxta lapidem, concretarum. 1. A Renibus calculosis. 2.*

§. 1. **I**N apertis exuviis *Illustris Vippachii* haerebat calculus in paréchymate, seu carne renum, sub membrana, habens apicem acutum incurvum, pluribus minutis lapillis in pelvi & prope carunculas stipatum, qui modo integri modo resoluti in arenulas excernebantur. *Guern. Rolfinkius in observat. Med. Bernardi Verzascha pag. m. 55.*

§. 2. Dom. de Abbenbrouk (de quo *Tit. de Phthisi lib. 2.*) longo tempore calculos per urinam reddiderat. Mortui Renes inspiciens, & per medium incidi jubens, inveni repletos fragmentis lapillorum, quos Chirurgus in copia extrahebat.

## OBSERVATIO XXIX.

*Vrina varia à vitio vesicae urinariae. Calculis in rene dextro.*

**I***Arminius* urinas fundebat nunc flavas, nunc nigras, modo cruentas, vel muco aut arenulis perfusas. Vesica urinaria erat admodum corrugata & nigra prae æstu. In Rene dextro plures calculi, partim rubri partim nigri. *Vide lib. 2. tit. de Palpit. cordis.*

## OBSERVATIO XXX.

*Membrana crassa & lata, cum lotio à muliere excreta, pars tunica interioris vesicae.*

**M**atrona longo ante obitum à meatu urinario rejecit membranam crassam atque latam, materia sabulosa refertam, quae (uti postea à cadaveris dissectione constabat) fuit pars tunicae interioris vesicae, à calculis ibidem inclusis attrita & disrupta.

## S C H O L I A.

**L**oca in quibus usitate gignantur calculi, sunt renum sinus anfractuosi: exinde minores in vesicam delapsi, si non excernuntur, in lapides ingentes excrescunt: Semel vidi plures calculos majores circa vesicae latera, inter membranas ejus, velut in cysti

conclusos: Isti proculdubio à renibus minores dimissi, in Ureterum ductibus, inter vesicae tunicas perreptantibus manabant, atque illic sensim mole augerantur: Matrona taliter affecta longe ante obitum, &c. *T. b. Willis Tract. de urinis cap. v.*

## OBSERVATIO XXXI.

*Cibos assumptos per urinam reddens, quidam cui exulcerata vesica.*

**C***Dansel*, Oratoris Regii, observatione retulit *Pet. Asselinus*, quendam uvarum acinos, & frustula lactucae, aliorumque ciborum excernere cum urina solitum, Cui dissecto à morte vesica tota exulcerata & pure repleta visa sit.

## S C H O L I A.

**I**D cum narrantem audivisset *Petrus Servius*, Venetus Theologus, adjecit se quotiescunque aquas thermales bibetet, cum solitus sit semen me-

lonum mandere, ejusdem integras porciones per urinam emittere, nullo tamen vesicae affectu, sed ab aquae jam dictae potu: Sic etiam semen anisi usu acidularum



acidularum integrum emictum memoravit *Pygmeus* lib. 10. Chirurg. cap. 22. & præter hoc pilos carbonelique *Fabritius Hild.* cent. 5. obs. 51. acinos quoque halicacabi cent. 3. Observ. 72. *G. Hier. Velschius Episagm. observ.* 60. In vesicam autem ulceratam causa ejusmodi mictus referri nequit, cujus effectus potius fuit, at tantum in libertatem & apertionem

insignem meatus urinæ trajectioni dicatarum: Effectus tamen potuit esse, quod cum ore assumpta in illo homine facile permearent, ex his quædam, credendi forte vi prædita, ut pote non satis à ventriculo, & primæ concoctionis organis subacta, atque *aspiratas* suas adhuc obtinentia, viam vesicæ intulerint.

## OBSERVATIO XXXII.

*Caruncularum & sanguinis cum urina excretio, à Fungo in suppuratum abeunte vesicæ adnato. 1. A Renis substantia in eas resoluta. 2.*

§. 1. **M**ense Febru. anno 1669. Obiit vir mediæ ætatis, robustus, qui jam per multos annos mictu sanguineo laboraverat: Ultimis autem mensibus carunculas quasi cum urina excreverat.

In hoc venter apertus repletus fere inveniebatur serosa humiditate, non tantum is qui infirmus dicitur, sed & qui medius. Ren sinister exsanguis, colore pallidus; Vesica urinaria distenta sanguine seroso, præterquam quod *Fungus* se hic exhiberet insignis, vesicæ interius adnatus, qui jam suppurari cœperat, cujus etiam particule in liquore dicto fluctuabant, & cum eo excernebantur. Ovum gallinaceum fungus hic excedebat, latus vesicæ dextrum occupans. *G. Blasius Observationum Medic. xx.*

§. 2. Quidam frustula quædam rubra mejebat. Inventa Renis membrana illæsa, sed carne vacua, vesica sanguine & carunculis referta. *Vide tit. de Ischuria.*

## SCHOLIA.

**C**arunculis referta] Carunculas exulceratorum Renum substantiæ particulas esse *Galenus* com. in aphor. 76. 4. author. est quæquam seipsum nunquam talem renum affectionem spectasse ibidem fatetur: Illis Pilos conjungit *Hippocr.* ibid. *Quibus*

cum urina crassa caruncule parvæ, ac veluti capilli una exeunt, iis arenibus excernitur; *Galenus* hæc distinguit, & Carunculas quidem Renum significare exulcerationem, Pilos autem nequaquam.



## ANATOMIÆ PRACTICÆ

## LIBRI TERTII

## SECTIO XXIX.

## DE HERNIIS.

## OBSERVATIO I.

*Herniæ Rupturam Peritonæi raro sequuntur, frequentissime Expansionem.*

**H**oc animadversione non indignum videtur, Peritonæum rarissime dirumpi: In apertis cadaveribus aliquoties expertus sum, & demonstravi umbilicum cum subsequenter intestinis instar capitis virilis protuberasse, adeo ut muscoli ventris ad latera impellerentur, & à se invicem separarentur, attamen Peritonæum expansum erat, sed nunquam disruptum. *Barbette Chirurgia Parte 1. cap. 7.*

## SCHOLIA.

**P**eritonæum rarissime dirumpi] Ab apertione aliqua in Peritonæi membrana, quæ intestina & Omentum in ventre inclusa retinet, facta, si intestina vel Omentum ex abdomine per foramen elabuntur, horum prociencia sequitur, quæ tumorum, Cæcæ dictorum, varia genera producit: Hæc autem apertio Peritonæi, vel ab ipsius ruptura, vel dilatatione proficiscitur, Ob rupturam peritonæi procedentia illa exoritur, intestinorum vel omenti, quæ tumorem

illum, qui verius Hernia vel Ruptura dicitur, gignit, illiusque species diversas pro diversitate loci ubi ruptum sit, & partis quæ prociidit variantes: Si enim in Inguinis regione fiat ruptura, & in masculis prociellus peritonæi, qui testes cum seminariis valis suspensos retinet & includit, initium scindatur, intestinis tunc per hanc aperturam in inguina sub cutem se insinuantibus, fit Enterocœle: & si illic subsistant, Tumor in inguine prociidit: Si vero in saccum deorsum quoque prolabantur,

prolabantur, illic tumorem excitant, eumque sæpe immensum, si magna intestinorum portio descenderit, vel illa flatibus distenta, aut excrementis referta sint; quæ si dura fuerint, tactu etiam deprehenduntur: Si vero flatu in illis contineantur, cum premuntur murmur edunt: & si illic hæreant intestina, nec reponi, quia distenta vel convoluta sint, possunt, cum excrementorum ductus interclusus sit, ut illa minime deiciantur, causam præbent, unde fecibus coacervatis, sursumque regurgitantibus, illæ tandem evomuntur: Quod si vero *Omenti* portio, per enarratam rupturam in Inguen feratur, *Epiplotele* sit, tumore illic plerumque remanente, nec ulterius descendere, cum *Omentum* ob brevitatem, longitudine sua os pubis vix superantem, tantopere descendere, uti intestina quæ longissima sunt, non possit, nisi forte de illo portio abrupta, quod eadem vi qua peritonæum scinditur, fieri potest, cōque citius, si postquam egressum & retentum, attractum admodum & tensum est, vi hac illi illata, ulterius feratur, & in scrotum tunc pars illius subsideat, quæ tamen amplius reponi minime posset: Vidimus & in Inguine, immensum in quodam tumorem, quem ex omento eo prolapsio processisse, ex contactu adipis duriusculi inæqualiter, uti in *Omento* adnasci solet, se offerentis, dijudicare potuimus, quod disruptum fuisse, copia illius quæ huc prociderat, aliquo pacto innuere videbatur, Vel ma-

ximā fuisse hic, sicut mox ostendemus, relaxationem, cum dolorem alioqui nullum sentiret, unde neglecta cura non diu post supervixit: In Inguinis mulierum regione, si peritonæum illic dirumpatur, ubi vas quoddam ex utero per illud in inguina extorsum fertur, tunc uti per processum in viris, sic in feminis per hanc viam prolabantibus quoque intestinis, *Enterocèle* quædam prodibit, in qua immensus tumor quandoque in inguinibus se offert, vel *Epiplotele*, si *Omentum* procidat, quod cum longius in mulieribus quam in viris existat, tumorem quoque eminentiorem in hisce quam illis progignet. Quod si peritonæum in alia abdominis regione rumpatur, atque Intestina vel *Omentum* illic sub cutem provolvatur, si in umbilici regione hoc fiat, *Onphalocèle* dicitur, Si alibi circa eum, *Hernia* seu *Rupturæ* generale nomen servat: In quibus *Herniis* tactus sæpe an intestinum sit, quod pressum murmur, Vel omentum, quod nullum edic, & quod illud majorem, hoc minorem tumorem efficiat, discernat.

Ex Dilatatione, seu Relaxatione sola processus peritonæi, per quem vasa seminaria ex abdomine in scrotum descendunt, citra rupturam, intestini vel omenti portio etiam prolabi, atque *Enterocèle* vel *Epiplotele* fieri potest: Quod sic contingere ostendit, quia citra pregressum dolorem sensum nec subito fit, ac præterea ocularis inspectio. *Platerus Prax. 1.3. c.2.*

## OBSERVATIO II.

*Vera Hernia non fit Sine peritonæi ruptura, Imperfecta per solam relaxationem fieri potest.*

§. 1. **T**Estis equidem tunica involvitur vaginali, at ea non extendit se ultra testem, sed circa vasorum pyramidalium basin desinit, testi unita, adeoque transitus hic loci nullus versus abdomen, Processus adeoque peritonæi hic nullus, ac si vasa spermatica vaginali quadam tunica, libera, regerentur, quale quid in canibus notamus, sed hic membranulæ dantur plurimæ, coagmentatæ, vasa hæc connectentes: Testiculus tamen ipse à tunica hac totus distat (toto eo loco excepto qui pyramidalis corporis basis dicitur) sic ut spatium aliquod intercedat inter eam & testem. *Hernia* itaque, si quæ ex abdomine ipso, non fit sine peritonæi veri ruptura vera; nec tamen hic materia, quæcunque etiam fuerit, solida humoralisve, intra testem & vaginalem tunicam colligitur, cum ex ventre ad hoc spatium nullus detur transitus, sed vero intra hanc & scrotum ipsum: Hæc dum proponimus, neutiquam flatulentiam, scrolosamve *Herniam* (sic liceat loqui) produci posse negamus, à materia spatio inter testem & tunicam vaginalem congregata: hanc enim Observationes Medicorum frequentiores satis probarunt: Alit hic inter locum, quem materia hæc occupat, & ventrem inferum, nullus datur nexus; poterit etenim vitiosa hæc affectio hic loci oriri, nil vitii in ventre ipso existente.

§. 2. In inguine non raro *Herniam* se exhibere notamus, hanc quacunque etiam à causa dependeat, solam fere extensionem peritonæi sequi æstimamus, laxius enim hoc utroque inguine notatur, sic ut vel levi attractu sacculum sat notabilem versus femora se extendentem exhibeat. *G. Blasius Observ. Anat. p. 20.*

## OBSERVATIO III.

*Hernia à ruptura Peritonæi.*

**A**Nno 1613. Septembris 24. aperui corpus cujusdam decollati, in quo cum ruptura intestinali laboraret, affectum & peritonæum ruptum ostendi, quomodo per eam rupturam intestina vel omentum decidunt. Modum etiam incidendi & ligandi demonstravi. Plures idem in utroque latere habebat venas & arterias emulgentes. *Joh. Rudolphus Saltzmannus Observ. Anat. p. 42.*

## OBSERVATIO IV.

*Enterocèle à dilatatione sola processus peritonæi citra rupturam dependens.*

**I**N Hernioso hydropico scæto post mortem, ejusmodi foramen per quod intestinum in scrotum descendens trans mittebatur, rotundo margine integrum, nec dum scissum vel ruptum

*ruptum ullo modo deprehendimus. Per quod intestini tenuioris portio illa, quæ supra cæcum est, in scroto, aqua pleni, infimam sedem usque ferebatur, totoque illo ductu huic processui peritonæi hujus aquæ causa, quæ tunicas has erodendo ut conglutinentur facit, firmiter accreverat & adnatum erat, nihilominus sine incommodo excrementa egerente, nec dum de dolore conquerente. Platerus Practic. lib. 3. cap. 2.*

## S C H O L I A.

**H**Oc in casu non subitanea vis, quæ disrumpere potius solet, sed conatus saltem frequens & validus egerendi sæpe repetitus in natura constipatis, in causa erit, unde & non subito sed sensim nascitur: cum enim per eum intestina deorsum in inguina protrusa, ad hujus processus initium propellantur, illius meatum sæpe impellendo, illique se tandem infi-

nuando, cum sensim dilatant: Quod sic fieri, illiusque processus exordium eoque dilatari, atque etiam citra rupturam admodum dilatari posse, præter allatum exemplum hæc etiam comprobant, quod & alii ductus angustiores & crassiores sic dilatari possunt, veluti ureteres, per quos calculus aliquoties descendit. *Idem ibidem.*

## OBSERVATIO V.

*Vasa Seminalia Peritoneo obvolvi ex sectione Anatomica Herniosorum patet.*

**N**Otandum quod quando muscoli oblique descendentes tendendo modice relaxatur, fit Herniæ illa species quæ Bubonocèle vocatur: Quando vero valde dilatatur, tunc fiunt Herniarum duæ species, Intestinalis & Omentalis: Valent namque corpora hæc in scrotum descendere, Neque si alicui sit mirum si contra epinionem cujusdam Excell. Medici sententiam, qui cum Fernelio credebatur vasa seminalia à Peritonæo non esse inducta, neque ita de facili tendinem hujus musculi perforari posse, cum jam sæpe, ut vidi, & celeberrimis Medicis ostendi rem aliter se habere, non solum in cadaveribus, sed in vivis, præsertim anno 1596. in quo vidi puerum qui Hernia intestinali afficiebatur, & cum à Chirurgo à Nursia per incisionem curaretur, Testiculo cum suis vasibus avulso manifeste inspexi, atque ostendi vaginam, ut ita dicam, testiculo à peritonæo factam, quæ ita erat dilatata in suo exortu, usque ad finem & fundum, ut duo digiti manus meæ facile ingrederentur, quod credo omnibus facile esse visu. *Hippolitus Bascus de Facult. Anat. Lect. 1. p. 9.*

## OBSERVATIO VI.

*Mulieres Herniis esse obnoxias ostendit dissectio virginis, cui à relaxato Peritoneo Inguinalis accidit.*

**L**igamenta uteri Rotunda oriuntur à fundi uteri lateribus, iis præsertim in locis ubi Tubæ Fallopiæ utero committuntur, & inter duplicaturam Peritonæi versus inguina utrinque ascendunt, & ut vasa spermatica in maribus, ita hæc Ligamenta in mulieribus extra abdominis cavitatem prodeunt; hinc illæ eadem ratione ut viri Herniis sunt obnoxie, quatenus scilicet Peritonæum eo in loco, ubi ligamenta exeunt, præter modum dilatatur: Quemadmodum hisce diebus observavimus, dum Filiam Hernia laborantem post mortem dissecaremus, eo namque in loco, ubi rotunda uteri ligamenta abdomen deserunt, Peritonæum adeo relaxatum invenimus, ut integram foveam sive bursam efformaret, perquam intestina in inguen descendendo herniam intestinale producebant. *Regnerus de Graaf de mulier. organis cap. 10.*

## S C H O L I A.

**H**erniosos aliquot à morbo extinctos se vidisse ait *Hildanus* cent. 6. observ. 37. 'Unam vero tantum herniosam, quæ maximis cum doloribus interit, quod tumorem in inguine celasset: *Idem* observ. 70. notat herniam in muliere, gravibus doloribus uteri, ventris & ventriculi vexata (cui exortus tumor in inguine duorum pugnorum magnitudine,

à ruptura peritonæi, à descensu intestini fecibus turgidi) sed medicamentorum efficacia liberata. Lethalem quoque herniam in Furnarii uxore vidi anno 1667. cui Iliaca passio successit, autem à tumore in inguine nucis nuglandis magnitudine, quam paucis ante interitum horis detectam voluit.



## OBSERVATIO VII.

*Herniæ ope subligaculi solius curatæ, naturæ huiusmodi materia adiposa offarcente.*

**S**acrificulus in ædibus S. Andreæ Arrium sacris, nomine *Joan. Moretus*, Hernia completa laborans me accessit, opem efflagitans, maximo enim se dolore affici dicens, præsertim ubi officii causa esset canendum: Viso loco laborante, a cantione abstinendum dixi, munere alteri concesso; hinc plurimis morbo congruis præscriptis, inter cætera subligaculo descensum cohibere iussi, quo & quinquennii vel sexennii spatio usus est; atque ex eo quærens qua valetudine frueretur, se sanum esse asseruit: Quo de rei veritate constaret, in ædes meas cum deduxi, examinatisque genitalibus, nullum Herniæ vestigium comparuit:

Eo autem semestri post ex Pleuritide defuncto, cadaveris apertione concessa, inquisivi sedulus quibus repagulis natura descensuris intestinis obviam ivisset: Fidem testor me circa foramen productionis peritonæi, invenisse substantiam adiposam, magnitudinis mediocris globuli spheristerii, tam arctè dicto processui adnexâ, ut vix sine dilaceratione adjacentium locorum divelli potuerit: Quæ sanationis causa fuerat: Multos præterea novi qui à pertinaci subligaculi gestatione, eaque sola citra aliud præsidium sanitatem consequuti sunt; quibus, prius macilentis, post obesius factis, circa intestina colligitur pinguedo, à qua intumescent, unde nullus in scrotum pater transitus, relicto postmodum sine recidiva subligaculo: Ex quibus patet temere instituendam non esse castrationem. Res certe admiratione non caret, naturam morbos incurabiles creditos, superare, levi auxilio adjutam. *Pareus Operum lib. 8. cap. 15.*

## S C H O L I A.

**A** Pertinaci subligaculi gestatione] Quorum inventio testiculorum extirpationem, adeo familiarem, ita abolevit, ut jam vix aliquem reperias qui

solum panem hominum castratione lucretur, inquit *Regn. de Graaf de virorum organo pag. 7.*

## OBSERVATIO VIII.

*Extraordinariæ Herniarum species per Anatomen deprehensa.*

**H**æ sunt simplices Herniæ & compositæ, prout vulgo describuntur, sed nobis plures alias praxis demonstrat, & quæ apud Scriptores non reperiuntur: nam experientia me docuit Peritonæum etiam in parte posteriori versus *Dorsum* posse dirumpi, & ibi Herniam efficere: *Inguina* sunt locus Herniis consuetus, verum noli tibi persuadere Peritonæum in aliis locis etiam non posse dilatari aut dirumpi, & ibi Herniam efficere: *Supra umbilicum contingit*, sed rarissime: Infra umbilicum, & ad ejus Latera, & longe supra Inguina, non duntaxat ego, juxta alios Hernias vidi, sed cum illis tanquam cum abscessu agebatur, & Chirurgus non aliam sui erroris rationem in medium producebat, quam quod ibi Herniis consuetus locus non esset. *Barbette Chirurgia parte 1. cap. 7.*

## S C H O L I A.

**S**upra umbilicum] Omphalocèle, communi fecundatæ parturientium damno satis innotuit: ac supra umbilicum ita dilatari cutim ut viscera interiora excipiat, ab ulu quotidiano est remotius: Mulier grandæva Hafniensis, corpore quadrato & robusto, multis laboribus defatigata, supra umbilici regionem, mox intra cartilagineum ensiformem tumore exorto, & rupto peritonæo, herniam patitur istius loci plane singularem, quæ quocunque labore incrementum capit: non tamen æqualis ubique tumor: In medio globulus eminet, quo omentum vel intestinorum particulam recipi ipsa credit. *Bartholinus cent. 2. Hist. 95.*

*Supra Umbilicum contingit] Hippocr. sect. 1. lib. 2. Epidem. non Inguina solum Herniarum sedem statuit, sed & spatium abdominis: Abdominis, ait, rupturæ quæ quidem circa pubem sunt, plerumque sunt statim innoxie: quæ vero parum supra umbilicum in dextra parte, dolorem & corporis jactationem*

*asserunt, & vomitum stercoris inducunt: sunt autem hæc aut plaga, aut distensione, aut alterius insultu: Rupturæ quæ circa pubem sunt plerumque statim innoxie esse ait, comparative scilicet ad alias, Omnes enim dolorificæ sunt, ac partibus subjectis debilitatem afferunt: Gravem tamen fieri aliquando contingit disruptionem supra Inguina, si disruptio eam partem attingat qua concrevit cum tendinibus musculorum: Rupturæ autem supra umbilicum excitatæ, maxime dextra parte, cæteris periculosiores sunt, quia hinc ægri parati ad volvulum.*

*Inguina sunt locus &c.] Vidit Clar. Th. Bartholinus Neapoli corpulentum quendam genio deditum, cui in Inguine ramex carnosus tuberosus propender, ut abdominis superet amplitudinem, una parte varicosus durusque, ex quo pustulæ enascuntur & suppurantur: Inferior pars mollior aquam continere videtur. Cent. 2.*

*Hist. 95.*

## OBSERVATIO IX.

**Bubonocèle à descensu Coli in inguen.** 1. *A Cæci descensu.* 2. *A descensu Omenti, cum utriusque testiculi Hydrocele.* 3. *Ab Intestinis inter cutim & musculos cohibitis.* 4. *Ab Omenti & Intestini prolapsu insequuta inflammatio & gangræna.* 5.

§. 1. **O**ccurrit ante aliquot annos mulier 40. annor. quæ jam à sex annis hernia gravi ex casu laboraverat: sic ut subligaculo forti propendentia, detinere coacta fuerit.

Aperto in cadavere: Intestinum Colon, rupto peritonæo, dilatatis externis, cavitatem ventris magna parte reliquisset observabatur, loco eo ubi ad constituendum Rectum flexuosum valde sinistro in latere detinetur. *Ger. Blasius observationum medic. 8.*

## S C H O L I A.

**I**n *Intestinum colon rupto peritonæo* ] Etsi omnium frequentissime & facillime descendit Ileum, reliquis intestinis magis liberum & lubricum, posse quoque prolabi Colon ostendunt *Nic. Massa* p. 1. epist. 23. & *Fabritius Hildanus* cent. 6. observ. 71. Matronæ, æt, à multis annis Herniosæ post delapsum intestinum, & in abdominis rupturam impultum, gangræna cum ulcere sordido in inguine supervenit, ex quo bimestri spatio faeces alvi emanant, quæ tamen annos aliquot à curatione supervixit, nulla superstitere fistula: Colon autem fuisse affectum, non aliquod intestinum tenuium, & dilatationi, sive foramini peritonæi inclusum, idque sine ulla reduplicatione intestini credidi, eo quod intestinum colon sit crassissimum, unde facile fieri potest ut aliqua ipsius pars lateralis peritonæo dilatato, aut rupto

includatur & putrescat, reliquis ipsius partibus, remanentibus sanis atque integris.

*Mulier quæ Hernia gravi* ] In fœminis à relaxatione sola peritonæi in inguine, illic ubi vas quoddam peculiare ex eo emergere diximus, facta, Enterocelen & Epiplocelem gigni, ille forte innuere voluit qui tendinem quendam ab inguine in peritonæum emitte, illiusque robore peritonæum, atque hinc omentum & intestina confirmari scribit, eique relaxato Hernias illic fieri docuit: Verum cum vas illud non adeo, uti processus peritonæi membranosum, sed nerveum & durum existat, nec proin tam facile dilatetur, vix illius relaxationis causa, nisi peritonæum illic distrumpatur, intestinum vel omentum in inguen poterit descendere. *F. Platerus Prax. lib. 3. cap. 2.*

§. 2. Cum Cæcum intestinum prope renem dextrum peritonæo contumaciter adhaereat, non possum adduci ut credam cum *Galeno* solum hoc intestinum omni vinculo solutum esse, ob idque facile in scrotum decidere: Experientia docet solum Ileum pubi proximum Enterocelen facere, Inveni tamen in puerulis, quibus tum ossi sacro incubat, in scrotum delapsum, Et nuper in Pharmacopœi cadavere juxta inguen provolutum observavi. *Riolanus Anthropol. lib. 2. cap. 12.*

§. 3. In subjecto virili ob cusam monetam strangulato 1638. Parasitiis, Omentum in inguen dextrum producebatur: Deinde vero musculo cremasteri ita adnatum viscebatur ut naturalem nexum diceret: Epiplocele enim laboraverat: Uterque quoque Testiculus Hydrocele infectus. *Bartholinus cent. 2. observat. 85.*

§. 4. Experimur etiam processum peritonæi in Inguinibus ita posse distrumpi, ut intestina non in scrotum, sed inter cutim & musculos versus femur sese urgeant. *Barbette l. c.*

## S C H O L I A.

**I**n *Inter cutim & musculos &c.* ] Intestini prolapsi sub cutem abdominis, sectione facta repositi, exemplum affert *Platerus* observationum lib. 3. p. 758. Cuidam taurus impetu facto cornibus abdomen in latere circa umbilicum perfoderat: post convalescentiam exiguus tumor, rupto scilicet illic peritonæo, remansit; quem cum negligeret, tandem sensim e peritonæi cavitate emergentibus intestinis, tumor in

immensum excrevit, ipseque & febre acuta & stercoreis evomitione extreme laboravit, ut de illius salute pene desperantes, ad sectionem reponendaque intestina, ut extremum remedium confugeremus: qua in cute illius loci tentata, licet difficulter foramen peritonæi rupti digito investigaretur, eo tamen invento, sensimque intrusis intestinis, mox sanitati restitutus, tumorem postea vinculis coercuit.

§. 5. Pagano cuidam viro robusto cum duobus liganti, & in terram dejecto, adversariorum alter pedem in inguinis dextri regionem adeo impetuosè impegit, ut vehementem inde cruciatum mox sentiens, vix iterum potuerit assurgere: Inde in lectum collocato, statim tumor in eo loco amplius apparuit: Chirurgus & Lithotomus vocati, rupturam in peritonæo factam, atque procidentiam intestinum sequutam judicabant, aliquotque dies in reponendo intestino laborarunt, fomentis, inunctionibus & manuali operatione adhibitis: Quibus cum nihil proficeretur, dolorque in dies augetur, & tumor admodum ruberet, ad nos advectus fuit: Cum vero cognovissem illum totos octo dies, ex quo læsus fuerat, nihil per alvum deiecisse, vomitumque ea nocte excrementorum alvi sequutum, & postmodum omnino intestina procidisse, uti & omenti portionem, tumore in inguine persistente, nec in scrotum descendente, intestina ex læsione inflammata, uti & vicinas partes asseveravi: Et quia

quia tumor mollis, plenus & lividus erat, sanguinem quoque illic collectum ex læsione, cumque ex diutina retentione corruptum esse judicavi. Quibus consideratis, cum nulla alia spes salutis esset, & gangræne indicia, excitatis jam nigris in inguine pustulis, exsudantibusque ichore apparentibus, per sectionem cutis viam patefaciendam, & per rupturam peritonæi tunc conspicuam, intestina reponenda, Aegro etiam hoc unice rogante, necessarium fuit existimatum. Itaque Chirurgus, cutem tumori instratam attollens digitis, ne dum secaretur, intestina forte læderet, eam novacula aliquousque discepsit, ægro nullum inde dolorem sentiente, quod emortuæ carnis è gangræna signum erat, statimque flatus foetidissimi & corruptus sanguis lividus, cadaverosi & abominandi odoris, per foramen peritonæi scissum, è vulnere erupit, tanta copia ut pelvim pene impleret: Inde sectionem longo vulnere continuans, omentum, quod omnino corruptum erat & prociderat cum intestinis, ab his, amplitudine duarum palmarum abruptit, atque hæc eadem admodum rubentia cruentaque per rupturam intrudere, rursusque erumpentia retinere studuit, quod dolorem ægro pariebat, ut omnino interdum deficeret: Postea pannis duplicatis & involutis, applicatisque cum emplastro, ne erumperent intestina cavit, mortem interim prædicens, uti & ego, cum pulsus in eo deficeret, extremaque frigerent, quare tres tantum horas in agone versatus exspiravit.

Abdomine sectione resecrato, intestina intrinsecus livida aliquousque, uti & peritonæi inferior sedes, carnosaque vicina loca contusa apparuerunt, ex quibus ea inflammata gangrænataque fuisse satis apparuit: *F. Platerus observat. lib. 3. pag. 756.*

## S C H O L I A.

**P**er sectionem cutis ] Peritonæi nimirum magnam illam sectionem ab antiquis usurpatam & nuper renovatam: in præsens vero ob Chirurgorum ignorantiam raram (quod multis exitio est) nimirum dum in Hernia intestinali, intestinum aliquod quasi captivum detinetur, ita ut etiam volvulo laborent, & morti sint proximi nisi cum subita dilatatione rupti peritonæi secantur. *Franc. Rousséus de Partu Casareo*

*secl. 3. cap. 3.* Videant tamen qui sectione Hernias curare instituunt, & diligenter inquirant an intestina per processus peritonæi in scrotum delapsa, vel delabentia, viæ angustis quasi strangulata gangrænam contraxerint: Tunc enim etsi rectissime secuerint, postmodum æger certissime morietur; Chirurgus autem cum necesse videbitur, cujus rei in Gallia exempla observata notavit *Stegelinus: Velschius obs. 49.*

## OBSERVATIO X.

*Ob Herniam castrati plerique intereunt, vi illata peritonæi processui, nervo sexti paris & vasis spermaticis.*

**E**t si ea curandarum Herniarum via, quæ aureo puncto fit, dolore ac periculo non vacet, tutior tamen est quàm illa quæ fit per castrationem, quæ ægros remedii crudelitate enectos manifesto mortis periculo exponit: Castratores enim dum timent ne curatione absoluta superstes sit relaxatio, violento tractu peritonæi processum à partibus quibus adhæret divellunt, unaque nervum à sexta conjugatione, qui ad testem pergit: eandem vim spermaticis vasis inferunt, quibus ex rebus dolor excitatur ingens, convulsio, hæmorrhagia, inflammatio, putredo, ac denique mors, ut ego in multis observavi, quos paucis post diebus quam exsecti fuerant, exsecui mortuos: Hæc pericula & damna, etsi nonnulli evadant, illi tamen generandi facultate per omnem dehinc vitam privantur. Quare nunquam exsectioni Testium subscribam, nisi forte sarcoccele aut gangræna ipsos invaserit. *Parvus lib. 7. cap. 16.*

## OBSERVATIO XI.

*Entero-Epiplocele lethalis ob sequutam gangrænam. 1. Ob Ileii & Epiploii, cum aqua & flatibus. 2. Ob Epiploon maximam partem devolutum. 3. Ob inflammationem Epiploii & intestinorum. 4.*

**S. 1.** **A**ccersitus olim fui ad Senem quendam herniosum, cui intestina in scrotum prolapsa erant, & qui variis iisque gravibus ob id molestabatur symptomatibus: Apud quem Chirurgum reperi illa in suum redigere locum annitentem, applicatione forum & unctionum, ex rebus magna ex parte adstringentibus apparatarum: Ego animadvertens eorum usu impediri potius quam promoveri curationem, confestim ex emollientibus & relaxantibus curavi concinnanda remedia, quorum usu intra paucas horas suo loco fuerunt restituta intestina, & dolores quibus acriter infestabatur sublatis: Post aliquod autem temporis spatium, quia fasciæ usum averfabatur, relapsa cum essent, denuo ad illum sum vocatus, ac eadem quæ antea per aliquot dies usurpans remedia, nihil profeci, nec ullo modo intestina potuerunt restitui, & sic me præsentem bonus senex exspiravit.

Ego hærens qua ratione id potuerit accidere, quod usu convenientium remediorum

RRrrr 2

morbus



morbus, quemadmodum antea, non cesserit, petii ex uxore defuncti ut liceret dissecto cadavere ejus contumaciæ investigare causam: Illa non refragante, Ego & Chirurgus opus anatomicum mox aggredimur, & reperimus intestina, una cum epiploo, admodum livente, in scrotum decubuisse, & eo intestina adeo intricata, ut ob id impossibilis omnino fuerit eorum reductio, Et sic *autopsia* in veram ejus contumaciæ pervenimus notitiam. *Ex observationibus Cosma Holzachii.*

§. 2. D. N. herniosus erat; In scrotum pars Ileï devoluta erat cum Epiploo, præter aquæ copiam: Colon flatibus turgidum. *Vide lib. 2. tit. de palpit. cordis.*

§. 3. Dom. *du Lac*, annos circiter quinquaginta natus, ab incunabulis Enteropiplocele vexatus, cum Tumorem ad immensam magnitudinem devenisse observaret, Tierrio Arvernorum, patria, Lugdunum medelam quærens concessit: Convocati in consilium D. D. à *Claustro*, *Grassius* Ego, Mag. *Panthotus* & *Benoist* Chirurghi, exitum lethalem & calamitatis plenum prædiximus, qui sectioni soli cedere possit, evidenti periculo obnoxia, ob debilitatem partibus inductam, gangræna & sphacelo expositarum: Objecit æger se ab anno bis vel ter volvuloso affectu affectum fuisse, ob quem in exitum pene deductus esset: malle se remedii aleam subire, quum nihil morte funestius ipsi accidere posset, languoribus finem impositura: Masculus ægri animus assensum Medicorum & Chirurgorum obtinuit: præparato ergo corpore Celotomen peregi, atque Omenti uncias octodecim exsecui, membranæ tenaciter annexi, immutato quadantenus illius colore: Operatione peracta curam juxta methodum institui: sed Anima ejusmodi domicilii pertæsa, id atrophia consumptum septima die deseruit:

Præsentibus dictis D. D. Medicis & M. Chirurgis cadaver aperui: Omenti vero tantum portiunculam, ovo columbino magnitudine parem intestino Ileco hærentis, reperi, cujus pars gangræna erat affecta, convulsionum & mortis causa:

## S C H O L I A.

**I**Nde colligo in affectibus qui minus spei quam timoris præbent, non temere ad operationes accedendum esse, sed demum habito consilio, & petito à viris Artis peritis, quo præcedente matura delibe-

ratione & prognostico, libera sit erga Deum & homines conscientia. *Josephus Covilliard Operationum Iatro Chirurgic. Gallice editarum 17.*

§. 4. Illust. J. H. Heslerus, ab octodecim annis Herniosus, vehementi correptus tussi, intestinis vi deorsum pulsus & quasi incuneatis, tandem inflammatione & ingentibus doloribus supervenientibus, bis vomuit nigra, cum præ anxietate non posset contineri lecto, & omnibus invitis sæpe surgeret, à loci mutatione remedium dolorum sibi promittens, tandem sedili locatus, lethali animi deliquio correptus placide expirabat.

Aperto cadavere scrotum dextrum omento & aliquibus intestinis plenum inventum, ita erant impacta, ut quamvis corpus adhuc caleret, vix extrahi sine ruptura potuerint: Inflammata erant, tensa erant quasi: inde biduo ante obitum è lecto surgens, erecto non poterat ambulare corpore: ventrem semper pronus curvare cogebatur. *Rolfsinkius Epitome meth. & cur. cap. 26. lib. 3.*

## S C H O L I A.

**I**N Patavina urbe crebriores observavi Hernias intestinales incarceratas, vomitibus nigris subsequentibus cito cursu ad lethalem metam tendentes: Aperui defunctos tres, & prolapsum intestini Ileï intorti, sæcumque in carcere incuneatarum rationem summa cum attentione examinavi: Inde audacior factus, rogatus ardentissimo ægri & astantium, ancipitem, dubiæ plenam alex sectionem aggressus, benedictionem cælicam expertus sum: Liberavi intestinum incisa cute, processibus musculorum & peritonæo: illo reposito, suturis adhibitis, sanatum vulnus nulla subsequente hernia: Studiosus de dolore & tumore inguinis dextræ conquestus, in consilium adhibuerat Practicum insignem; Hujus rogatu ægrum invisens, detecto tumore inguinis, ægro moriendum esse prædixi nisi sectio adornaretur. Multa internis & externis medicamentis tentata ab aliis, sed meum prognosticum, cum 12. die efferreretur funus tandem non inane fuisse animadvertum est: Quam operosæ, imò nonnunquam impossibilis herniarum

intestinalium ex scroto in abdominis cavitatem sint repositiones. in vivis, non solù ipsa testatur experientia, sed & in demortuis autopsia: Memini tamen & alias in juvenib<sup>us</sup>, pro desperatis fere habitas hernias, usû clysterium, balneorum emollientium humectantiumq; continuato, singulari Divina favente gratia, de subito cum impetu, iponte sua retracta. Non favere videtur rigidiori à *Platero* lib. 3. obs. p. 708. prolatae sententiæ, qua in enterocèle, in qua immensus & tensus ex prolapsu intestini in scroto prominens tumor, ulus clysterum suspectus redditur: Quamvis enim ex contactu apparuerit, non ab excrementis sed flatibus intestinum adeo intumuisse, cum tenuis esset tumor, & compressus rugitur edere, & curatio bene cesserit, nihilominus periculosa plenum alex judico, his absolute prolatis oraculis fidem adhibere: Non semper enim comœtus liber, sed interdum interruptus, & tum purgancia magni nocumenti, clysteres semper tuti. *Idem Dissertat. Anatom. lib. 1. cap. 13.*

## OBSERVATIO XII.

*Hernia à prolapsu partis mesaræi & intestinorum in scrotum, cum putredine. 1. 2.*

§. 1. **N**. L. Hernia laborans suasu amicorum agyrtam conducit, qui ad suppurationem illam perducere ausus est, (Exultimans, ut credo, esse sarcocelem) itaque ad eam stercore utebatur caprillo destillato: circa 14. diem oborta febre, vocor & ego tum propter febre, tum propter urinæ difficultatem: Adveniens igitur & omnia diligenter perpendens, periculum exultimo agyrtæ cura ægro illi allatum: nimirum ob febre symptomatam, itemque dysuriam ex consensu istarum partium ortam, & imprimis quod hernia esset intestinalis, quæ cresceret nonnihil & decresceret: adde decubitus vel ascensum: præterea membranosas illas partes ad suppurationem prorsus esse inhabiles, & rem nonnisi gravissimis intervenientibus symptomatibus in effectum posse deduci: Quin & ut effectus responderet, tamen corruptis illis membris functiones naturales necessario aboleri: Æger contra malle se periclitari quam coeptam curam intermittere, meque rogare ut febris tantum curam habere non gravaret: Pergit itaque adhuc per tres septimanas: tunc redit agyrta iste, rusticus qui erat, & cum phlebotomo incisuras instituit per fundum scroti satis altas, ad materiam exhaustiendam, tertio vero die æger moritur.

Aperio cadaver, astante ipsius agnato, & mesaræi partes cum intestinis prolapsas putrescentes jam & corruptas invenio, Itemque in collo vesicæ abscessum quantitatis nucis avellanæ, ut non tantum ratione consensus, sed & abscessus difficultas illa urinæ exorta fuerit. *Phil. Salmuth. centur. 1. observat. 11.*

§. 2. In consultatione referebat nobis *I. Dom. Sala* vidisse se mesenterium cum intestinis tenuibus omnibus in scrotum delapsum, abdomenque alterum præ se tulisse, qua mole compresso vesicæ collo, urinæque impedito transitu, necessitatem moriendi ægro esse accitam. *Tb. Bartholinus cent. 2. histor. 95.*

## OBSERVATIO XIII.

*Hernia vicennalis, solo pondere molesta, ex decubitu Ilei & Epiptoi in scrotum.*

**A** Nno 1678. 18. Januar. dissectum est cadaver *Caroli Ludovici*, in Nofodochio Genevensi, à *Mag. Bailly* Chirurgo, me præsentem & *Dom. D. de Commu. n.* Nofodochii Medico ac *Mag. D. Dentand* Chirurgo peritis. Septuagenarius erat dictus *Ludovicus*, Vir procerus, vino & veneri, dum juvenis, addictus, qui totam Persiam peragraverat: Obiit autem ex Peripneumonia: Ante 20. annos Hernia laborabat; quam præ pondere & magnitudine subligaculis sustentabat, cæterum immunis omnium affectuum quos hernia commites sibi accersit:

Dissecto scroto, primo se obtulit Omentum eo devolutum, paucula pinguedine obductum, flavescente: hinc intestinum Ileum, cum annexo mesenterio, ad ulnæ nostratis longitudinem devolutum, citra ulla læsionis notas: Peritonæi productio adeo expansa & dilatata, ut nequaquam detractis intestinis & omento, quinque digitos conjunctos admitteret, manum integram, alias excepturum: Omentum autem peritonæo & intestina arte invicem cohærebant, ut hinc conspicuum sit operationem sine dilaceratione impossibilem futuram fuisse: Testes exigui, compressi, flavescentes, nucis moschatæ magnitudinem vix æquant: Stentorea voce erat præditus: Diversorium, cui pro insigni appendebat effigies viri sylvestris, in suburbio SanGervasiano, ejus fuerat: Coma autem & barba hirsuta, effigiei prorotypus videbatur.

## OBSERVATIO XIV.

*Enterocèle nativa. 1. Incurabilis ob substratum scroto adipem, & Ileum vaginali tunica affixum. 2. Ob prolapsum Ilei intorti, cum dilatatione externæ tunice vaginæ; internæ rupture. 3. 4. 5.*

§. 1. **J**ob. le Charron volvulo affectus evasit, exactisque aliquot annis alio morbo interiit: Aperto cadavere, observatum est mediam quandam partem intestinorum & mesenterii rupto peritonæo in scrotum amplissimum, & omni fide majus prolapsam, ut etiam inde retrahi nequiret: Et ista prolapsio erat illi naturalis, intestinaque tanquam in loco nativo & augebantur in scroto & nutriebantur: *Iac. Thevart Annot. 2. in conf. 24. lib. 2. conf. Ballonis.*

§. 2. Cuti scroti naturaliter nullus intervenit adeps, retulit tamen mihi *Christ. Riedinger* se illum observasse in *Dom. Martino Schatio*, qui cum intestinali Hernia laborasset, nullus Chirurgorum unquam ea, quæ in scrotum prolapsa videbantur, ita reducere potuit,

R R r r r 3

quin

quin semper adhuc præter testem, tumor instar ovi gallinacei majoris remaneret :

Aperto mortui cadavere observarunt in scroti fundo multum pinguedinis excrevisse, & intestinum Ileum vaginali tunica plurimarum fibrarum interventu firmiter accrevisse : *Regnerus de Graaf. lib. de virorum organis pag. 20.*

§. 3. Anno 1664. Dn. Christoph. Heidenius in Herniam intestinale incarceratam in scroto, cum stercoreis vomitibus, obstructionibus alvinis, torminibus ventris, singultibus &c. incidit: Elapso sextiduo in consilium vocor, examinatis ante à Dn. N. adhibitis clysteribus emollientibus & humectantibus, infessibus, inunctionibus & aliis remediis, testor nihil omissum fuisse quod ad restitutionem in integrum requireretur : Sed quam operosæ, imo impossibiles herniarum istarum in abdominis cavitate per hæc media, ut & manulem operationem, sint repositiones, tot lugubria hætenus facta testantur exempla & in demortuis *autopsia* : Quæ causa etiam est quod dicta præsidia suos sæpe deserant authores, ut ægros postmodum prognostico cogantur relinquere : Proximam curationis attingit metam qui dislocationem & prolapsum intestinorum in scrotum corrigere novit : Hoc me cum Deo meo & re veritate gloriari possum me ope Emplastri mei magnetici (propria experientia à me inventi, inque pluribus diversæ ætatis, constitutionis & sexus subjectis, eodem etiam malo plures per vices ad desperationem usque aliorum recurrente, multoties non sine fructu probati, quod satis dilaudare nequeo, Lumbis applicati, tormina juxta sopiendo ventris atrocissima, intorta, dislocata, & incarcerata in scroto intestina, quamprimum incaluerit, ad proximam abdominis transfert sedem, ipsis etiam ægris, non quidem sine molestia, vim ejus tractricem animadvertentibus.) dicti Domini intestina convoluta, & in scroto incarcerata, in pristinum reposuisse locum : Nam quamprimum die 2. Januar. 1665. hocce Emplastrum ipsius lumbis circa horam noctis nonam fuit applicatum, vix dimidio horulæ elapso spatio tantum exercuit tractum, ut præ cordis angoribus & levibus leipothymiis, nisi adstantes qui tum excubias agerent generosam emplastri virtutem ipsis quasi manibus palpassent, vi abrumpere tantum non commoveretur, donec ipse salutarem extractione *ἐκπόσειν* tandem percepisset, eo quod intestina sensim ac sensim in abdominis cavitate serpendo retrocedere sentiret : Dum hæc ita peragerentur, loco vini meri, id quod Divinus Senex inculcat, internorum confortantium usus internus & externus cordialium non fuit posthabitus : hisce per aliquot horas continuatis, optima recuperandæ valetudinis spes affulsit, dum boni volvuli hujus insequuti fuere exitus, quos *Hippocr.* 2. Epid. l. 6. in comment. *Vallesius* recenset, scil. somnus, lassitudo & diarrhœa, quæ ex fecibus constabat nigris, gangrænam minitantibus : Ad œsophagi tandem & faucium asperitatem, & læsionem ex stercoreis & aliorum acrimiarum humorum transitu causatam, profuere lenientia mucilaginosæ & putredini resistentia : Sterno dolenti Empl. Oxycroceum levamen attulit, Et sic D. G. præter omnium expectationem tum temporis ex Acherusia quasi palude liberatus est æger : Sed quid sit ? Ne de hujus Emplastri virtute ab aliis frivole ac temere impugnata, ullus dubitationis relinquatur locus, ecce Idem Herniosus cum anno 1665. 19. Junii, herniam suam sine subligaculo gestasset, in idem malum, sed aliis comitarum symptomatis incidit : Ille illico, idem etiam Emplastrum adferri à mea domo jussit, Lumbis ut denuo imponeret : hoc quidem iterum suam exercuit vim attractivam, sed irritato conatu : Ego elapso jam dum biduo domum revertens, illico ad ægrum accessitus, deveni, habito ultro citroque mentis discursu, ad impediti effectus causam, quæ fuit 1<sup>a</sup>. vis emplastri veteris exantlata ; 2. dozis ejus malo expugnando inæqualis ; 3. nova symptomatum syndrome, qualia præter obstructiones alvinas & urinarias, vomitus stercoreum, ventris tormina, fuerunt summa virium diminutio, dyspnœa, nephritis, emphysema ventriculi, cum incipiente tympanitide &c. Ego vero seposita omnium horum affectuum medela, iterum aggressus sum dislocationem & prolapsum intestinorum in scrotum : sine his enim reliqua non insequuta essent symptomata : Emplastro meo renovato, & dozis ejusdem aucta, pristinam institui curam semestrem, quæ licet lente procederet, levibus tamen aliis juxta adhibitis, intestinorum distorsio & dislocatio probe fuit correctæ, subligaculis tamen semper coercenda : Sed tandem anno 1666. 4. Maji dictus D. æger lethalem metam attigit, superveniente ex lapsu prono in terram valis cujusdâ ruptura in scroto eodem affectu disruptus.

Cum corpus ad inspectionem aperiretur, observavi prolapsum intestini Ilei intorti in scrotum cum dilatatione externæ tunice peritonæ, & internæ ruptæ & dilaceratæ : Intestina inflata cum peritoneo, omento & mesenterio erant inflammata, & tantum non gangrenosa, ob circulationem sanguinis impeditam & spiritus vitalis oppressionem : Vesicula fellea erat instar ovi anserini in magnitudine : Ad scroti sectionem mensura una & circiter sericruenti effluxit : Constitutio Hepatis & Lienis mediocris : Ren dexter fuit minor sinistro : Ulteriore progressum adstantes prohibuerunt : Emplastri compositionem libens

commu-



communicarem, nisi retraxisset quorundam objurgandi audacia, fiet tamen si benevolum aliquem offendero. *Fridericus Hofmannus meth. med. lib. 2. cap. 2.*

## S C H O L I A.

**O** *B circulationem sanguinis impeditam* ] Quomodo hinc generetur Inflammatio ostendit *Eruditiss. Franciscus Sylvius Pract. lib. 1. c. 40.* Sanguine in vasis valde distentis, partibusque quibus aliis subsistente, h. e. stagnante, mox incipiunt evanescere partes spirituosæ, magisque volatiles, acidas & sal-

nas temperare solitæ: unde utraq; aciores factæ in se mutuo insurgunt, Effervesceniamque, ob partes sanguinis oleosæ præsentis, calidam excitant, quin pusulatim sanguinem ita corrumpunt, ut in pus vertatur &c. Vide cap. dictum.

§. 4. Mense Dec. 1676. obiit famulus Chirurghi Nosodochii Genevensis, Enterocelæ obnoxius: Ea tum temporis prehensus, præ vehementia doloris, accedente syncope, intra horas 24. extinctus est: Ante apertionem loci affecti, perpendit *Mag. Bailly*, Chirurgus peritissimus, vix trium digitorum spatium inter umbilicum & pubem intercessisse; Scrotum vero mire tumebat à fecibus in intestino conclusis; facta autem hypogastrii dissectione, reperit Intestinum Ileum bis, in formam literæ s conduplicatum; adeo in via coarctatum ut neque hinc impellendo, neque inde trahendo, in sedem naturalem compelli potuerit, etiam ablatis in intestino contentis.

§. 5. Anno 1674. Apparitor Genevensis, nomine *Dominicé*, septuaginta quatuor natus annos, ab Enterocèle extinctus est, post trium septimanarum languorem: In quo etiam Ileum intestinum eodem modo conduplicatum deprehensum, atque tam arctè incuneatum ut nulla vi, etiam remotis impedimentis, in abdomen compelli potuerit.

## OBSERVATIO XV.

*Epiplocele lethalis ob corruptionem Omenti, Testium & vicinarum partium. 1. A maxima Omenti parte in scroto. 2. Epiplocele ab Omenti in Testis seminaliumque vasorum tunicam descensu. 3.*

§. 1. **A** Nno 1585. robustissimus quidam Faber lignarius Genevensis, quum elevasset pondus ingens, Omentum ei prolapsum est in scrotum, & quia reductum non fuit, intumuit, Inde dolor acutissimus, inflammatio, aliaque gravissima symptomata, denique mors sequuta 7. die.

Ego scrotum incidi, & inveni Omentum, imo etiam Testes vicinasque partes plane corruptas & gangræna infectas: *Fabritius Hildanus cent. 1. observat. 72.*

§. 2. Conspicatus sum Omenti selibram extra umbilicum, Et in scroto Omenti libram & amplius *Columbus de Re Anatom. lib. 15.*

## S C H O L I A.

**C** Um Omentum in Scrotum delabatur, delapsum ventriculum aliquando trahit deorsum, & singultus aliorumque symptomatum causa est. *Vide observat. seq.*

§. 3. Ego non semel sane Omentum in eam testis seminaliumque ipsius vasorum tunicam (cui peritonæum originem præbet) devolutum, ac miris modis mediocrem omenti alias constitutionem adauctam deprehendi: Nam cum tota omenti pars alioquin intestinis incumbens in mediocriter pingui homine vix libræ aut sesquilibræ pondus excederet, Vidi tamen omentum ita p. n. in ea testis tunica auctum, ut quatuor aut quinque librarum pondus penderet, & ventriculum ex sua sede ita deorsum distraheret, ut ventriculi deficiente munere, variisque obortis singultibus, id pondus mortis occasionem fuisse inter secandum collegerim, cum in morbo quodam laterali, qui alioquin bene expurgatus fuerat, scrotum ex more ab ægro adstantibusque subligari neglectum fuisset: Quin etiam quo exactius ramicum herniarumque, uti vocamus, rationem perquiro, eo etiam magis omnes illos molles ramices, quos carnosos vulgus appellat, ac merito à varicosis affectibus distinguit, ex omenti prolapsu incrementoque progigni mihi persuadeo. *Vesalius Anat. lib. 5. cap. 4.*

## OBSERVATIO XVI.

*Hernia triplex lethalis, ob putrefactionem intestinalium in scroto incipientem,*

**I** N quodam magni nominis Viro, vitam sedentariam agente, temperie humida prædito, & diu in viduitate vitam transigente, hernia tum aquosa, tum carnosæ ac intestinalis (de qua ultima tamen semper fuit dubium, cum nullos dolores sentiret vehementes) excreverat in tantam magnitudinem ut ultra 40. libras penderet, & ipse amplius hoc pondus prope-

RR rrr 4 modum

modum ferre non posset, propter difficultatem spirandi, cum omnia magnavi deorsum traherentur, semperque lecto affixus decumbere coactus fuit: Tandem cum nulli amplius remedio locus esset relictus, & mors illi brevi immineret, de consilio Medicorum & Chirurgorum, prius tamen prognostico indicato, cum omnibus copia aquæ adesse videretur, sectio fuit adhibita in loco inferiore, ubi undans aqua percipiebatur, Quæ adhibita sine magno dolore, effluxit cum impetu illius ad libram 1. sed foramine obstructo tunc, Medici noluerunt plus excerni: Sequentibus diebus tribus plus illius evacuatum est, & æger non male se habuit: Verum quarto die febris supervenit cum erysipelate, quod alioqui illi fuit sæpe molestum, præsertim in pede altero, qui ob scirrhum oedematofum inusitatæ quoque fuit magnitudinis, ac paulatim vires decreverunt: ut paucos post dies placidissime obierit.

Apertum scrotum, quod ex sectione alioqui satis detumuerat, & spem aliquam convalescentiæ præbuerat, Reperta intestina putrescentia, quæ proculdubio mortem accelerarunt. *Observatio Ioachimi Camerarii.*

## OBSERVATIO XVII.

*Hernia ex Aquosa, Varicosa & Carnosa conflata.*

**N**obil. Ramsæus accepit in sinistrae natis partem superiorem & externam introrsum & deorsum leviter tendens vulnus, ex quo statim concidit: Huic accessit vulneri, inter alia symptomata, sinistri testiculi cum tumore & summo dolore inflammatio, quæ tamen post magnam partem sublata, remanente solum levi duritie, rubore & dolore: Vocatus deprehendo Herniam, non Ventosam, ob defectum flatuum; nec simplicem Aquosam, quia scrotum nec lucidum, nec aqua turgidum: nec Carnosam simplicem, ob dolorem: Sed Herniam ex Aquosa, Carnosa, & Varicosa conflata: Aquosam quidem inculcat tumor instar ovi oblongus, cum testiculi occultatione quoad tactum & visum: Accedit & hoc quod sinistro lateri aquosæ herniæ valde sint familiares, quod nempe vena spermatica sinistra oriatur ab emulgente: Carnosæ vulnus ad sinistrae natis partem superiorem vergens ansam dare potuit & causam: generatur enim hæc hernia ex sanguine testes & scrotum obruente, ibique in molem carneam mutato: cui affluxui vulnus potuit, ut dixi, ansam dare, ut non solum in principio statim Testiculi sinistri inflammatio, sed & dolor sequutus fuerit: Suppetias fert sanguis adustus melancholicus à vitio lienis oriundus, renisque sinistri debilitas: Varicosam monstrat dolor, qui exacerbatur in distensione vasorum spermaticorum, unde erectionem penis cruciatus intensissimi comitantur: Omnia incassum remedia, nam sequenti mense moritur.

Aperto corpore, Renum loco portionem pinguem quasi, Lienis vero loco ovi gallinaei quantitate nigrum frustum, sanguinis coagulati facie, inveniebamus: Cavitas, (circa vesicam) abdominis, aqua erat repleta, ut & scrotum circa sinistrum testiculum potissimum, dextro longe minorem: Vasa testiculorum varicum modo consistebant; Dextri testiculi substantia spongiosa & putrida, tunicæque adnata erat, In dextra scroti parte caro adiposa. *I. D. Horstius observ. Anatom. 6.*

## OBSERVATIO XVIII.

*Herniosi calculosa vesica unam scroti partem implebat, Intestina tenuia alteram.*

**V**enetis quendam Herniosum novit *I. Dom. Sala*, cui omnia signa calculi vesicæ videbantur adesse, nec tamen cathetere aut candela potuit deprehendi: In mortui cadavere calculus cum ipsa vesica unam scroti partem impleverat, intestina omnia tenuia alteram: *Th. Bartholinus cap. 4. observ. 28.*

## OBSERVATIO XIX.

*Hernia à descensu Ilei in scrotum, subsequente Iliaco affectu, irremeabilis ob excrescentiam circa meatum enatam.*

**D**Om. à Charancon, Senator Camberiacensis, cum quodam die in Vineâ aliquid magno cum nisu ageret, repente sibi imum ventrem crepari sensit, atque intestina in scrotum prolabi, quæ cum reponere conaretur, nec posset, in Iliacam passionem incidit, secunda enim die ructibus & vomitibus assiduis vexatus, alvum habuit penitus suppressam; difficultas etiam urinæ illum comitabatur: Sub vesperam febris, sitis, oris amator ingens, vigiliæ, jactationes, ventriculi subversiones, dolores, seu potius cruciatus, clamores continui illum torquebant, adeo ut nihil per os admittere & retinere posset. Ego accersitus sub vesperam secundæ diei, ex pulsus inæqualitate, inordinatione, parvitate & celeritate etiam ex

tor

tot symptomatum vehementia & subitanea virium dejectione, morbum acutissimum & quartum diem non præteriturum pronuntiavi, Atque præscriptis quibusdam topicis, ne nihil fecisse viderer, cardiacis, anodynis, ad discessum me paravi: Sed victus precibus remansi, & protinus *enema emolliens* & anodynum parandum & injiciendum curavi, post tres horas iterandum: quæ ambo ante diluculum tertiæ diei *per os reddidit*: Tercium post meridiem injectum, sub vesperam adhuc sincerum evomit, & ea nocte fæces ipsas foetentes, & iterum bilis copiam cum violentia & cruciatu maximo per vomitum rejecit; sicque viribus & spiritibus exhaustis, corpore prorsus inanito, sub vesperam quartæ diei defecit.

Dissecto cadavere, Ileum intestinum, quod in scrotum descenderat, livens invenimus, & supra os pubis, in meatus initio (quod notam dignum) spongiosam, seu potius fungosam carnositatem reperimus, intestinum circa meatum involventem, membranisque vicinis adeo adhaerentem, ut vix manibus & unguibus avelli posset: Eam excrescentiam primo statim die enatam, & à sanguine ob dolorem & *rupturam* in plagam confluxo, & ad locum laceratum concurrente, genitum fuisse autumo, qua fungositatem viam obstruente, facta fuit impossibilis intestini delapsi reductio. *Abel Roscius ad Fabricium Hildanum cent. 6. observ. 70.*

## S C H O L I A.

**E** *Nema emolliens ejiciendum*] Prolapsio intestini in scrotum, vel est in fieri, vel jam facta & inveterata: In fieri illam esse dico quando ab initio intestinum descendit in scrotum, & symptomata nondum gravia adfuerunt, tunc enim clyster non protinus infundendus est, ne fortan una cum intestino quoque ad scrotum descendat malumque adaugeat: Præstat itaq; alvum, si constipata fuerit, suppositorio laxare, mox sacculum ex radicibus, herbis, floribus & seminibus emollientibus, flatusque discutientibus, aqua coctum applicare: deinde in lecto collocato ægro & inclinato capite, in altum vero ele vatis pedibus, reducere oportet intestinum in locum suum naturalem: reposito intestino, protinus sacculo adstringente, aqua fabrorum cocto, locus affectus per dies aliquot fovendus est, ut partes relaxatæ constringantur & vagina aperta obturetur: interim colum abstinendum atque expurgandum est, quo flatus qui intestina ad scrotum propellunt simul educantur, id autem enematabus perquam commode fiet: Si unum ex superioribus intestinis in scrotum delapsum fuerit, præter enemata, lenitivo quoque medicamento corpus expurgare convenit, enema enim naturaliter ad superiora intestina pervenire non posse notum est: Per factum, sive inveteratum prolapsium intestini in scrotum, intelligo quando intestinum jam per dies aliquot in scroto retentum fuerit, ita ut symptomata pessima, durities ac tensio scroti, dolor, vomitus, anxietates, febris & alia ægrum torquent: In his enemata non tantum conveniunt, sed & necessaria sunt, neque verendum ut facile in scrotum descendant, Intestinum enim, quia foramini peritonæi & vaginæ inclusum, & proinde compressum est, ut ad scrotum perfluat clyster, vix fieri potest: Sed et si portio illius illuc iter, quid inde mali sequi possit non video, Enema enim intestinum emollic, lubricum reddit, dolorem lenit, & flatus educit, quæ omnia in descensu intestini summe sunt proficua. *Fabricius Hildanus cent. 6. observ. 73. Rosscius* clysteres semper tutos judicat: Revera si intestina tenuia tantum, (vel saltem ut plurimum) in scrotum prolabantur, nec clysteres eo usque pertingant, ex lenientibus saltem, lubricantibus & carminantibus compositi, (cathartici enim eo nomine essent suspecti) Quid verat eos præscribere ad deoneranda crassiora intestina & alliciendas fæces, flatusque discutandos, qui furium irrepere, malum augere, affectumque deteriorem reddere possent?

*Enema per os reddidit*] Mirum cum ileum in scroto repertum fuerit, quomodo Enemata duplicationem compressionemque illam ilei permeare & ad

ventriculum regurgitare potuerint: verum enimvero naturam plerumque hæc & multa alia, quæ caput hominis excedunt in morbis perficere, hisce oculis vidi: Hinc intestinorum vulnera coaluisse observatum, vide cent. 1. obs. 54. Matriona à multis annis herniosa, cui post delapsum intestinum in ipsam abdominis dilatationem, gangrena cum ulcere sortido in inguine supervenit, ex quo bimestri spatio fæces alvi emanarunt, feliciter tamen restituta fuit nulla superstite fistula. *Fabr. Hildanus ibidem. obs. 71.*

*Fungosam carnositatem.*] Annotatione digna est fungola illa sive spongiosa caro, quæ supra os pubis in meatus initio reperta fuit: quæ satis superque indicat herniam hanc non recentem sed inveteratam fuisse; talis enim substantia carnea, ex integra & illata aliqua parte corporis, præsertim membranosa, qualis est procellus peritonæi, sive vagina, tam brevi temporis spatio (quarto enim morbi die interit) minime procreari potuisse, rationi consentaneum est: Quæ ego de excrescentiis carnosis & fungosis, ex detectis cerebri membranis, & magnis articulorum vulneribus prorumpentibus alias scripsi, hic locum non habent: in earum enim partium vulneribus, non tantum capillares venæ & arteriæ, verum & magna vasa aperta fuisse notum est: At circa herniam D. de Charancon ne minimam quidem venam aut arteriam disruptam fuisse inde colligo, quod de reperto sanguine extravasato, & in vacuo abdominis collecto mentionem nullam feceris: Substantia ea carnea, circa meatum reperta, observatione digna est, quam neminem præter *Paracelsum* lib. 8. cap. 15. notasse puto: hujus substantiæ, sive carnea sive callosa fuerit, interventu, foramen, per quod intestinum in scrotum descendit, in adultis obturari, & hernias curari, verisimile esse mihi videtur, adeo provida & sagax est natura: At hujusmodi curationes tantummodo fiunt in iis qui beneficio perizonæ prohibent ne intestinum in scrotum descendat: diligenter itaque herniosos moneo ne subligacula negligant. *Idem ibidem.*

*Ob Rupturam*] Herniæ duæ assignantur causæ, Ruptio & Dilatio Peritonæi: Priorem vix admittit *Hildanus Epist. ad Doringium*: Si autem, disruptitur Peritonæum, id ut circa illa foramina abdominis (quæ tamen productiones potius dicendæ) fiat necesse est: alioquin nunquam neque omentum neque intestina in scrotum descenderent: At rupto ea in parte peritonæo, frustra fieret in sectione herniarum ligatura atque constrictio vaginæ, simul & abscissio testiculi: peritonæum enim cum sit corpus membranosum, nonne disrupto illo partes disruptas ita retrahi ut amplius conjungi & filo ligari minime possint, existimas?



existimas? Deinde peritonæum dilatari, non autem dirumpi ipsa ocularis inspectio fidem facit; aliquoties enim in herniosis post obitum, præcipue in tene (de quo obs. 65. cent. 2.) qui insigni hernia intestinali per multos annos laboraverat, ea qua fieri potuit diligentia locum affectum perlustravi, nunquam tamen quicquam aliud præter dilatationem peritonæi observare & reperire potui. Consentit *Riolanus Anthropol.* lib. 2. 8. Si persequaris, inquit, peritonæi productionem in scrotum delabentem, videbis ut in viris simplici constet tunica, quæ est externæ propago, interna sinibus ossium ilium & pubis coercetur, nec ultra pervadit: & si quando in oscheocele magna intestinorum portio in scrotum delabatur, mu-

sculorum abdominis tantum aponeuroses effringuntur, raro tunica peritonæi lacerantur. Sæpius observavi in magnis herniis scroti, ruptis aponeurosis musculorum, peritonæum supra suam relaxatum apophylism, & instar saxi distentum ac protuberans: Idcirco ad curationem herniæ, reductis intestinis, appressum latum cauterium, modo subjecta vasa non offendat, præstantius esse puto remedium puncto illo aureo inutiles & fallaci. *Rolsinkius Epitomes methodi cogn. & cur. morbor. cap. 26. lib. 3.* Peritonæi, in virili sexu, statuit productionis internæ rupturam, externæ vero relaxationem: In mulieribus vero utriusque relaxationem. *Vide obser. 1. 2. & 3.*

## OBSERVATIO XX.

*Hernia à vase deferente in scrotum delapso.*

**P**raterea non semel tantum observavimus vas deferens corrugatum in scrotum descendisse & ibi Herniam effecisse, quæ manuum ope facillime reduci poterat: imo quæ, si corpus resupinaveris, sua sponte intro recedit, à qua tamen nihil mali expectandum aut metuendum est. Talis Hernia *Spermatocele* improprie à me vocatur. *Idem ibidem.*

## S C H O L I A.

**S**permatocele] Ad Sarcocelē potest referri quia in eam abit, monente *Hildano* cent. 4. obs. 64. ubi narrat historiam juvenis, qui in *ovina* venerea deprehensus, & à seminis ejaculatione prohibitus, ab ejus retrocessu dolor illi in inguine exortus est, hinc testiculorum tumor; post evanescente utroque, dexter testiculus tumidus remansit ob enatam ibi herniam carnosam. *Ibidem*, histor. 5. affert exemplum Presbyteri, cui non solum testiculus dexter, verum etiam vasa spermatica veluti in lapidem induruerant: Malum autem ad ipsam originem usque vasorum spermaticorum pertigisse ceniet, ex dolore quem e regione vasorum spermaticorum ad renem usque dextrum persentiisse ait.

*In Scrotum descendisse*] Imposuit & Herniotomis magnitudo unius Testiculi præter naturalis, quam pro Hernia habuerunt; Affert exemplum *Fabritius ab Aquapendente* operat. Chirurgic. pag. 1. cap. 73. ejusmodi erroris, Cum adolescens, inquit, unum testem altero majorem in se observaret, ostendens hunc testem Operario, ille dixit se habere Herniam, & brevi moriturum nisi extrahatur testis: Atque eo ligato, dum testem extracturus esset, accurrens pater adolescentis, videns horribile id spectaculum, retinuit operarium ab opere, dicens se velle ut prius ego viderem patientem, qui propterea solutus est, & cum me adiret, dixi ipsum nullo prorsus malo detineri, & ita fuit.

## OBSERVATIO XXI.

*Hydrocele ab aque copia inter Testem & tunicam Elitroidem. 1. Ab aqua Testiculum replente. 2. Ab aqua inter Elitroidem & Nerveam tunicam. 3. Scroti apertio in Hydrocele inutilis ob corruptum testiculum è directo. 4.*

**S.** 1. **S**ectus est puer annorum 12. hydropicus: In scroto magna copia aquarum erat inter testem & tunicam elitroidem; pauca inter scrotum & dictam tunicam. *Vide sit. de ventris tumore.*

## S C H O L I A.

**A** vitio vasorum Lymphaticorum Hydrocelen oriri verisimile est, quæ *Glisson* in testibus tauri, equi, arietis & verris observavit: In homine detexit sæculi nostri curiositas, quæ *Clar. Regnero de Graaf*

provenire videntur à tunica albuginea, nec non ab interna testiculorum substantia: *Vide ipsius Tract. de Virorum organo pag. 47. & seq.*

**S.** 2. Quidam ex phthisi obiit: Illi Testiculorum alter in magnam molem excreverat, durus, qui aquam fundebat citrinam, ut in hernia aquosa: membrana, quæ aquam continebat, erat plane cartilaginea & quasi cornea: ipse enim testiculus sua propria ab hac diversa cingebatur. *Rumlerus observ. medic. 52.*

**S.** 3. Ego in testiculo dextro hydrocelem vidi: Aquosus humor inter nerveam tunicam & elitroidem continebatur: Evidentes erant tres aut quatuor propagines vasis deferentis intra testem vitiatum & sanguine sanioso refertum dispersæ. *Riolanus Anthropol. lib. 2. c. 29.*

## S C H O L I A.

**E**go in testiculo dextro hydrocelem vidi] Hydrocele nunc totum scrotum oblidet, nunc alteram ejus partem: Cum uno saltem latere intumescit, citra externam causam, humor non est in scroto, sed in membrana erythroide testem continente: Tunc nunquam dexter testis intumescit, sed saltem sinister, ratione penis sinistri male affecti, quia sinistra parvis

feminalis vena non ex cava, ut dextra, oritur, sed ab emulgente sinistri renis, hinc isto male affecto, nec officio fungente, pars urine per eum non permeans, per feminalem venam in tunicam erythroideam delabitur, tumoremque parit: Verisimile ergo est cum hydrocele testiculum dextrum occupaverit, externam aliquam causam præcessisse, quæ imbecillitatem asserendo

afferendo, aquosi humoris collectioni ansam dedit; aut lymphatica illius testiculi vasa dirupta fuisse.

[*Inter nervosam tunicam & erythroidem*] *Riela-*

*nus*, *Rufum* sequutus tunicam erythroidem pro prima è propriis habet: Elythroidem secundam ponit, quia hæc illi circumjecta.

§. 4. In Generoso quodam viro, quam omnis periculi plena sit scroti & erythroidis membranæ in hydrocele per scalpellum apertio, teste non sublato, compertum est: Ab aliquot annis sinistra parte hydrocele huic molesta fuerat; frustra cataplasmatibus ac aliis remediis usus crebro, tandem temerarii Chirurghi consilio acquiescens, aperiri sibi scalpello tumorem permisit: Effluxit cito omnis humor, tumor quoque subsedit: sed cum testis ipse omnino esset corruptus, vicinas partes facile infecit: Subsequuta mox scroti universi, ac etiam penis, cum tumore & ingenti dolore gangræna: delirium cum vehementi febre, propter doloris magnitudinem, supervenit, ac non ita multo post mors successit.

Ren hujus sinister corruptus fuit, & seminalis in erythroidem descendens, valde ampla & multum patens. *Dodoneus observ. medicin. 40.*

## OBSERVATIO XXII.

*Sarcocoele fit sæpius à tumore Testiculo innato quam adnato. 1. Vesiculæ intra membranam testiculi. 2. Falsa, à particula steatomatosis tumoris ex abdomine in scrotum delapsa. 3. Curatio Sarcocoeles Chirurgica. 4.*

§. 1. **M**reatori Samio ablati ferro Chirurghi ramicosus testis, pendebat semuncias 34. durus ille quidem toto corpore & massæ carnez nervosis hinc inde gyris distinctæ similis, sed neque ad latus, neque in gremio suo ullum alium testiculum naturalem complexus, Dissecta enim quaquaversum informi mole, ut testiculus verus quem intus delitescere quidam suspicabantur, in conspectum veniret, deprehensum clarissime fuit, totum illud enorme corpus testem fuisse, sed testem à sanguine, ut conjicere licet, admissio, verum ob, vel contusionem, vel frigus, vel pituitam nimiam ad superiores partes non remisso, eoque in carnem degenerem coagulato distentum: *Olaus Borrichius observat. 97. Actorum Bartholini annor. 1671. & 1672.*

## S C H O L I A.

**S**arcocelen varie definiunt authores, *Celsus lib. 7. cap. 18. Raro, inquit, sed aliquando caro quoque inter tunicas increfcit, σαρκοκύλη Græci vocant.* *Galenus lib. de Tumor. p. m. Testiculos vocat induratos, & lib. 14. meth. med. eundem scitibus non improvidè comparat: Hodie tamen Medicorum plerique, ut clarius rem exprimant, Sarcocelen interpretantur quoties carnosum quiddam in scroto testibus adnascitur: Atque id quidem nonnunquam contingere haud inficiandum, prostantque apud *Hildanum & Lotichium* exempla: frequenter tamen sarcocoele non tam adnascitur testibus quam innascitur, h. e. totum testem, ejusque vasa omnia materiæ novæ accessu ita intarcit & porrigit, ut aliquando etiam vigecuplo se ipso gravior ampliorque evadat: Hoc ut sæpe alias, ita quoque in dicto mercatore mihi observatum: Proinde non satis providi rei æstimatores mihi videntur, qui confirmatam σαρκοκύλην vel*

medicamentis discussisse se, vel discuti posse evulgant, quod nimium occalleat massa illa, & mille plexibus nervosis iisque solidis contrahat invictam duritiem: Crediderit *Marrbiolus*, crediderit *Scutellus* in *Arman. Chirurg.* se sarcocelen pulvere ononidis percurasse, nihil tamen mihi fit verisimilius quam fuisse hydrocelen duriore cortice circumdatam, atque ideo sarcocelen mentientem: Atque ut id credam, præter jam allata, persuadent tum similia passim exempla apud *Forestum, Sennerium* alios, docentia artifices sæpe aqua profundius in testiculorum sinibus latente deceptos pro carnosis herniis æstimasse, quæ fuerint aquosæ: Tum docet idem radix ononidis, quæ cum inter nobilissima diuretica sit, aquas haud dubie in sinu testium intimo occultatas paulatim eduxit, atque ita concidentibus sensim in se involucris durioribus, sarcocelen æstinata fuit sustulisse. *Idem ibidem.*

§. 2. Sectioni Sarcocoeles in milite interfui feliciter & dextræ administratæ: Aperta cute inguinis dextri, testiculus dexter, qui ad capitis puerilis magnitudinem excreverat, separato καὶ δαπνῶν scroto, extractus & resectis vasis spermaticis, prorsus exemptus fuit, magno militis, alias cordatissimi ejulatu: ligatis vasis, confutum scrotum & cætera ut vulnus decet, curata.

Dissectus hic dextri testiculi tumor glandulosam substantiam ostendit, ea magnitudine auctam, ut oneri esset militi satis valido: Infima vero parte vesiculæ intra membranam continebat, sanguine plenas, qua parte de maximo semper dolore, ob distensionem tunice sensilis conquestus fuerat: Tormentoribus oblitus ad militares functiones postea rediit. *Th. Bartholinus ibidem observ. 28.*

## S C H O L I A.

**G**landulosam substantiam] Tumoris causa in sanguinem impurum refertur, ut ab optimo etiam produci potest: abundantia sola accusari nequit, cum etiam in corporibus macilentis se exhi-

beat: Veram causam *P. Barbo* Chirurgiæ c. 25. l. 1. ait esse membranatum, quæ valorum capillarum oscula, ne subito nimis nutritius sanguis in partem fluat, claudunt, erosionem, rupturam aut dilatationem,

nem, unde plus sanguinis in partem ruit quam ad nutritionem requiritur: natura interim sanguinem, qui alias putresceret, in carnem mutat:

*Vesicula intra membranam*] Monet l. c. *Barbette* carnem hanc quoque adnasci tunicatum scroti communium secundæ, non verò testiculis, quo in

casu tolli ea potest, sine horum læsione aut excisione: Hinc monet causam debite cognosci debere antequam ad operationem ipsam accedat Chirurgus: quod parastata adeo quandoque intumescat sint, testiculis imprimis scirrhosis existentibus, ut herniæ carnosæ specie illudant quandoque.

§. 3. Famulus N. duritie splenis affligi putabatur, & simul ramice carnosio: vastus abscessus totam abdominis regionem sinistram implebat, cujus portio per inguen in scrotum delapsa erat. *Vide tit. de Hypochondr. tumore.*

§. 4. Sanatam vidi Sarcocelem, ad medicamenta pertinacem, Si oblonga ea esset, incisione facta secundum longitudinem testiculi, hoc postea extracto cum carne adnata, sectione circa vasa instituta: Mihi enim aliquando contigit ut testiculus sanus externa facie appareret, qui interiore omnino erat putridus. *Aquapendens operationum Chirurgic. cap. 76.*

#### OBSERVATIO XXIII.

*Epiploon aliquando in scrotum procumbit, Aliquando in Umbilicum procidit, unde Omphalocele.*

**A**liquando evenit ut Omentum de sede sua deturbetur, nimirum in scrotum descendit, ut in Epiplocele, vel per Umbilicum ruptum protuberet, ut in omphalocele De quibus *Columbus* lib. 15. sic scribit, Conspicatus sum Omentum peritonæo, nec non abdominis musculis annexum: Præterea Omenti scilicet libram extra umbilicum, Et in scroto Omenti libram & amplius. *Warthon Adenographia cap. 13.*

#### OBSERVATIO XXIV.

*Tumor, seu Hernia Umbilicalis, lethalis ob Iecoris lobum alterum, extra Peritonæum prolapsum eidem accretum.*

**B**eaverat Deus Illust. *Mariam Henly* prole mascula, In hoc infantulo fausta Junone Lucina recens nato, observavit obstetrix quendam Umbilici tumorem, nucis moschatæ magnitudinem æquantem: Uterque Parens Medicum & Chirurgum in consilium adhibent, & me quoque ad octo milliarium distantiam vocari curant: Convenimus omnes intra 30. horarum spatium, jamq; tumor ad pugni magnitudinem accreverat: Quo diligenter examinato, candela admota, conspicienda se præbebant intestina versicolora, in eum prolapsa, rupto peritonæo: desuper vero, à dextra tumoris parte, quæ sphacelo correpta erat, nescio quam carneam substantiam, intestina deprimentem deprehendimus: Chirurgus cum altero Medico spem unam in tumoris incisione collocatam esse affirmabant, fore sic ut intestina in suum locum reponi queant: Ego contra dissuadebâ, quod intestina sphacelo correpta viderentur, & infantulum, admodum debilem, moriturum dicebam, & præstare eum intactum relinquare, quam artem apud plebem maleficam defamare: Parentes vero, Filioli vitæ desideratissimi, iis auscultantes, anceps potius remedium experiundum constituerunt, quam infantulum sine auxilio, etsi dubio, Libitinæ absorbendum relinquare: Facta ergo incisione, cum Chirurgus immisso in vulnus digito, intestina in suum locum reponere anniteretur, renitente carneâ substantia, ipsis incumbente, eademque deprimente frustra laborabat; infantulo mox viralem auram, quam vix hauserat, immature effundente:

Aperto à morte corpusculo, ne vestigium quidem Omenti conspiciendum erat: Lien præterea exiguus admodum apparebat, Intestina tenuia, rupto peritonæo, in umbilicum prolapsa & sphacelo emortua: Hepar vero, quod continuum esse solet, nec in lobos, ut in quadrupedibus, divisum, in duos lobos profunde sectum erat, quorum alter in proprio loco, dextro scil. hypochondrio, sub diaphragmate & costis nothis conspiciebatur: alter vero extra peritonæum prolapsus, eidem adeo firmiter accreverat, ut novacula ab eo separari minime potuerit: Cætera sana. *Fridericus Lossius observ. 30. lib. 2.*

#### OBSERVATIO XXV.

*Omphalocele ab ortu contracta.*

**P**uella modo nata, tumorem immensum in unibilico propendentem secum in lucem attulit. Quem cum vocatus inspicerem, deprehendi tenuia esse intestina per umbilicum prolapsa, globi magni instar convoluta, tenui membrana pellucida, qualis amnion foetum involvens existit, investita, in quam chorda umbilicalis desinebat, & vesica ampla humore plena adhærebat: infans cætera bene habitus erat: Cum autem intestina premedo reponere studeremus, videbantur nonnihil in abdominis cavum ex parte remeare, mox tamen rursus cum murmure egredi: Quæstio erat an vesica aperienda, digitoq; immisso, foramen



Foramen per quod egrediebantur investigandum esset, ut per illud intestina reponerentur: Verum quia mox postea intestina inflammata esse conspiciebantur, atque infans stercora evomens, admodum debilis erat, nihil tentare volumus.

Cum exspirasset, atq; abdomen aperiretur, intestina quæ exciderant, membranæ amnio, qua ambiebantur, adeo connexa invenimus, ut nulla ratione ab ea avelli potuerint.

## S C H O L I A.

**A**N hoc situ in utero fœtu existente & crescente intestina collocata semper fuerint, vel postea antequam nasceretur prociderint, vel in partu, in dubium vocabatur. Ego procidisse diu antequam in lucem ederetur ex eo collegi, quod dum cum mater utero gestabat, ob excrementorum duritiem, conati-

bus magnis abdomen premere coacta fuit, & quod amnios membrana illi fuerit adnata: Potuisse autem fœtum, dum utero inclusus calore matris fovetur, citra incommoda hoc perferre, quæ postea cum à matre separaretur, supervenerunt, cumque è medio sustulerunt, censui. *Platerus Observ. lib. 3. p. 75.*



## ANATOMIÆ PRACTICÆ

## LIBRI TERTII

## SECTIO XXX.

## De Testiculorum dolore.

## OBSERVATIO I.

*Dolor Testiculi sinistri à latente Hydrocele ortus, & vitio Renis sinistri.*

**A**NGLUS incidere in gravissimum sinistri testis cum tensione dolorem, qui nullis cataplasmatibus, fomentis, &c. placari aut leniri poruit: Unicum videbatur remedium sectio & testis ablatio: Antuerpiæ illo tempore multi erant celebres & magni nominis Medici: plerique horum curationem tentarunt: Cum autem sese nihil proficere experirentur, in eandem nobiscum sententiam devenere, in sola sectione unicam & solam spem reponentes: interim tamen nemine de hydrocele opinionem habente, sed omnino alium circa testem affectum consistere suspicante: Sectus igitur tandem est æger & sinister testis ademptus: In ipsa autem sectione demum cognitum hydrocelen fuisse affectum, copiosa in secantis faciem aqua exiliente: Testis integer & haud quaquam corruptus extitit (nuper enim natus erat dolor) quem cum etiamnum calentem Chirurgus medium divideret, ex ipsius centro semen erupit, quod annotatione dignum: Curatus ac sanatus à vulnere, paulo post de Lumborum dolore ac gravitate conquerebatur, apparebant in lotio arenulæ quædam: de latente aliquo in renibus Calculo suspicio erat: In pube deinde, circa cicatricem dolor cum tumore successit, accedentibus vero & aliis symptomatis, mors tandem subsequuta est.

Scarificato autem circa pubem ac cicatricem loco, aquosus effluxit humor & quidem copiosus: Ren vero sinister admodum durus erat, ac iusta quantitate major, & substantia interiore haud parenchymatis colorem referens, sed candidior, concreto ac indurato puri (quod subinde in affectibus varias formas suscipit) similis: *Dodonæus cap. xxxix. obser. Medicin.*

## S C H O L I A.

**H**ydrocele alias universum scrotum, modo unam ejus partem occupat: Impletur totum scrotum hydrope, vel etiam cachexia laborantibus: Quæ vero unam tantum partem afficit, aliam occasione habet, nec hydropicos comitatur, sed omnino aliter affectos: Non colligitur quoque humor in scroto, sed in membrana erythroide testem continente: Supervenit quandoque ex causa aliqua externa & manifesta, ut à calu aut percussione, crebro etiam ex latente & non manifesta causa: Quæ autem ab externa causa accessit, aut dextrum aut sinistram testem indifferenter affligit, & in tumore sanguis sæpenumero concretus ac corruptus continetur, A latente vero ac

non manifesta causa originem ducens, nunquam alium quam sinistram testem occupasse diligenter nobis inquirentibus observatum: In hac humor influit tenuis & urinæ consistentia similis, erythroide distendens membranam, qui subinde tam copiosus in hanc fertur, ut tumor quandoque ad humani capitis magnitudinem perveniat: Testis autem substantia ab acrimonia humoris successu temporis, non tamen mox, corrumpitur: Vteteres, inter quos apud Ætium Leonidas, Hydrocelen tumorem esse laxum & citra dolorem tradunt, & talem quidem sæpissime contingit reperiri, secus tamen in dicto Anglo evenit.

SSff

Ren

*Ren sinister durius, &c.*] Hinc apparet & abunde manifestum est quamobrem hydrocele, haud ab externa sed à latente causa procedens, nonnisi in sinistram membranam incidat, atque hujus testem affligat: nam hujus partis seminalis vena, non ex cava, veluti dextra oritur, sed ab emulgente sinistri renis procedit ac originem sumit: Rene vero hoc male affecto nec officio suo probe fungente, urinæ pars, quanquam emulgens hæc ad se pertrahit, cum ad velicam per male affectum renem non potest descendere, per seminalem in erythroidem delabitur, hydrocelen eo modo ingenerans: Sublato autem Teste una cum sua membrana,

non amplius illic decumbere humor potest: quod si aliquis eo postea descendat, hunc in pube hæere necesse est, veluti Anglo contigit, cui paulo ante mortem humor qui detulerat hoc loco substituerat, tumoremque cum dolore excitaverat. *Idem ibidem.*

*Mors successit, &c.*] Causa tumoris aquosi testiculi sinistri fuit ren sinister male affectus: Symptomatum vero supervenientium & mortis subsequen- tis, testis exsectio: Cum enim teste ablato, seroto illi humori ad solitum locum confluxus solitus, denegaretur, in corpore retentus symptomatibus subsequen- tibus & morti aniam dedit.

## OBSERVATIO. II.

*Testis dolor cum Tumore, ab ulcere in peritoneo hinc puris in illum derivatione.*

**V** Idimus aliquando adolescentem, cui *Testis cum vehemensi dolore intumuerat*, is nullis auxiliis adiutus tandem occubuit, Inventum est ulcus exiguum circa peritonæum, è quo perennis saniei defluxio in Testes causa tumoris & mortis fuit *Iacotius comm. ad Coacas Hippocr. pag. 826.*

## S C H O L I A.

**V** *Levi circa peritonæum*] Unde proclivis saniei in Testiculos descensus; Hi enim communes & proprias tunicas habent, Communes dicuntur quæ utrumque Testiculum involvunt, & duæ numerantur, quarum prima sive externa Scrotum & Bursa appellatur: 2<sup>a</sup>. Dartos dicitur, ex panniculo carnoso constans: Proprie singulos Testiculos seorsum tegunt: atque in utroque duci numerantur, quarum prima Erythroides, originem habens à *Peritoneo*, Cujus pars progressusque merito censetur, nam ita ab eo prodit, quemadmodum Scrotum à cute deducitur: Ob eundem consensum in hydrope ascite Scrotum ab aquis intumescit: Proprium altera Albuginea dicitur.

*Testis cum vehemensi dolore intumuerat*] Hinc imperiti quidam Chirurghi Herniæ specie delusi ad Testiculi extractionem properant, De ea Testiculorum inæqualitate, quoad magnitudinem egregium

extat exemplum, & in praxi utilissimum apud *H. Fabr. ab Aqua pendente in Operat. Chirurg. part. 1. cap. 73.* Vidi, inquit, plurimos ad me venientes, credentes se male habere quod unum Testem altero majorem in seipso observarent, propter quam imaginationem videbatur illis Testem majorem dolere: ego autem certos reddidi id naturale esse neq; ullum malum inde eventurum: Cum itaque adolescens ejusmodi Testium inæqualitatem in se ipso observaret, ostendens hunc testem operario, ille dixit se habere Herniam & brevi moriturum nisi extrahatur testis: atque ut brevius perstringam, eo ligato, dum Testem extracturus esset, accurrens pater adolescentis, & videns id horribile spectaculum, retinuit operarium ob opere, dicens se velle ut prius ego viderem patientem, qui propterea solutus est, & cum me adiret, dixi ipsum nullo prorsus malo detineri, & ita fuit.

## OBSERVATIO III.

*Testis dolor ob compressionem factam ab infirmis musculis abdominis, ad quos compulsus.*

§. 1. **A** Nno 1562. cum Nobilis quidam magnis itineribus per dispositos equos Augustam contenderet, in via, ut fit, ex duriore succussu, cum illideret in ephippii anteriorem partem, Testiculorum alterum contorquens, ita pressit, ut sinistrum inter infirmas abdominis musculorum extremitates in inguen protruderet, quo postea reduci nullo modo posset, Tumore ibidem & Dolo excitato, affluente aliunde humore, graviter aliquot septimanas generosus Vir ita afflictus est: Delatus inde Francofurtum huic malo Medicum quæsit. Inventus qui sectione, ut in inguinis hernia Bubonocole administratur, sanationem promitteret, verum augesciente febre, priusquam Chirurgus manum admo- veret, extinctus est.

Cum Cadaver secaretur, inventus est Testiculus sub peritonæum, inter abdominis mus- culos extremos ita inhærescens, ut quasi connatus illis videretur: neque (ut ego aperti abdominis observavi constitutionem) potuisset integra valetudine sectione inde auferri. *Solenander Sect. 4. Consil. 18.* Ubi consilium pro quodam simili affectu laborante.

§. 2. Multis quidem naturæ ignavia ambo, vel alter saltem testiculus non propellitur de- orsum in scrotum, ut etiam illos testibus carere alii existiment, cum tamen in inguinibus tantum latitare quandoque soleant, inde & modum eos protrudendi *PARANS lib. 7. Chir. c. 16.* docet: Bis vero testiculi retractionem ex morbo videre mihi licuit; Semel in B. Ar. qui abscessu laborarat renis dextri, quem inflammatio hepatis subsequebatur, hinc varia sym- ptomata, & inter alia tumor dextri testiculi, post aliquot dies ejusdem intra inguen retra- ctio: Deinde in puero, qui ab alio calcibus circa testiculum petitus, in febrem & ejusdem testiculi retractionem incidit, & postquam nulla methodica cura instituitur, moritur, Te- sticulum intra inguen retractum dum aperio, substantiam ejus fere totam corruptam, & pus ad ponticæ nucis quantitatem in cavitate invenio. *Phil. Salmuth. cent. 1. Observ. 19.*

OBSERV.

## OBSERVATIO IV.

*Testis dolor à copia seminis contenti.*

**H**ispanus quidam *Testis dolore intolerabili* diu vexatus, frustra tentatis omnibus, maluit sibi amputari Testem integrum & incorruptum quam diutius in tormentis vitam trahere. Extractum Testem cum adhuc calentem per medium dissecaui, in faciem ipsius erupit & profluit semen. *Dodonæus.*

## S C H O L I A.

**H**inc colligit *Riolanus* Vas spermaticum deferens non tenet circumjectu lambere & perreptare Testiculum, sed intro subire ac penetrare, humoremque seminali in ipsum demittere.

*Testis dolore intolerabili* Testiculi enim nervos habent numerosos, partim à testis pari, partim à spina, mediante inferiore abdominis plexu, in quo illi mutuo implicantur & uniuntur. Nervi ab hoc plexu orti in descensu subinde majores evadunt & numerosiores, surculosque impatiuntur partibus involventibus, demumque ad ipsum testem producti, videntur quasi in membranam expandi, tunicamque albugineam constituere, à cujus superiore superficie hinc illinc numerosæ fibrillæ ipsaiguntur in ductum nervosum, eundemque conficere videntur. *Warthon adenograph. cap. 28.* Dubitat autem is, an sanguis per arterias delatus, quæ in testium substantiam admittuntur, solus sit materia ex qua semen conficiatur, quod non adeo copiose sanguinem distribuunt ac arteriæ ejusdem magnitudinis in aliis partibus; recto enim ductu feruntur versus canalem nervosum, indeque iterum per

ambages revertuntur prope modum ad testiculi tunicam propriam priusquàm se exonerant. Expaviter quæ ad ipsam tunicam deferuntur, valde anfractuosa sunt, ita ut videantur soli caloris vitalis incremento destinatæ: Ipse vero censet, cum arteriarum venarumque numerum quadruplo excedant, ac neq; sensus neque motus causa facti videantur, Eos succum nobilissimum, sanguine longè nobiliorem deferre, ad seminis confectionem, Vide rationes quibus sententiam adstruit ibidem cap. 29.

*Profluit semen* Ea addemus quæ circa illam materiam notari digna observare nobis licuit: In cane (cujus vas semen deferens ante coitum firmissime) alias enim semen facile effluit) ligaveramus, vidimus parraro coitu Vascula seminaria tectum, epididymidumque ita semine turgere, ut in magnam molem distenderentur Testiculi, Idem quin ab accurate attendentibus in animalibus salacioribus observari possit, non est quod dubitemus, cum id aliquoties id in Glirium testiculis contempserimus. *Regn. de Graaf de Virorum organis pag. 72.*

## OBSERVATIO V.

*Testis dolor ob vesiculas sanguine plenas, intra membranam illius contentas.*

**M**iles sarcocoele laborabat: In dissecti testiculi infima parte vesiculæ intra membranam continebantur, sanguine plenas, qua parte de magno dolore conquerebatur. *Vide ut. de Hernia.*

## ANATOMIÆ PRACTICÆ

## LIBRI TERTII

## SECTIO XXXI.

## De Gonorrhæa.

## OBSERVATIO I.

*Gonorrhæa diuturna laborantis Glandosum corpus Semine repletum inventum est, cum Testibus eodem refertis.*

**I**n involuntario seminis fluxu laborante, quem Patavii dissecuimus, corpus Glandosum cum divideretur, non minus quam Testes ipsos semine oppletum contempimus: Et si verum fatendum est, inter dissecandum nulla penitus corporis parte tanta seminis vis usquam atque in hoc glandoso corpore invenitur, quantumvis id a testium substantia, molitie, æquabilitate differat. *Vesalius de Hum. corp. Fabrica lib. 5. cap. 13.*



**I**n involuntario seminis fluxu] *Gonorrhoea*. Semen profluvium Latinis dici potest, sed id de eo quod involuntarie & p.n. fluit, noctu potissimum, citra pudendi turgorem aut erectionem intelligendum venit: Fit potissimum ob vasorum imbecillitatem, & flatuum copiam, vel ob compressionem, vel tensionem, vel succussionem membrorum, ut in convulsione & epilepsia: Profluit interdum ob seminis aquosi & flatulenti copiam: Cum enim tenue & multum est, à valis contineri nequit, reiciturque: Communis est hic affectus & viris & mulieribus: Qui eo laborant, decolores sunt & imbecilles, sensum corpus contabescit, circa lumbos dolores sentiunt, curantur difficulter nisi causa cognoscatur. *Rondeletius pract. lib. 1. 57.*

*Seminis fluxus*] Semen benignioris alimenti excrementum est, quod ad speciei conservationem servatur, cui natura difficiliorem exendi viam instituit, ne ex ejus fluore immodico corpus cito contabesceret: Semen rejectio alia est secundum naturam, alia præter naturam: Illa secundum naturam dicitur esse quæ distento pene fit, & post confricationem in coitu factam: Præter naturam effluit semen, aut cum menula erectione aut sine erectione: Posterioris tantum habenda ratio est, ut morborum & symptomatum quorum illa significatio est, causas deprehendere possimus: Ut autem ad id sine negotio perveniamus, primum scire oportet, an quod per penem ejectum est, album, vel viscidum, vel spumolium fuerit: subinde oportet ejus à quo fluit ætatem, corporis habitum, faciei colorem contemplari, à quibus tandem ad profusionis ejus causam deducimur: Quod igitur ad ætatem pertinet, non omnis talem profusionem fert: Pueritia enim ideo seminis excernendi impotens est, quod illius materia in corporis nutritionem & incrementum vertitur, Ultima vero senectus ob alimenti defectum: Ideo juvenibus, vel ætate consistentibus, vel iis qui venerem nunquam experti sunt, accidere potest ut semen sponte effluat ob illius exsuperantiam vel vasorum relaxationem & imbecillitatem, in iis qui immodice Veneream exercuerunt: A corporis habitu etiam quædam indicia petuntur: quando enim in corpore quadrato fit, & succi pleno, ob seminis abundantiam existisse credendum est: Contra quæ quandoque in macilentis & extenuatis, colorem quem pallidum habente corpore, seminis emissio, fit, consumptionis, & hujus corporis emaciationis causa esse merito videtur: Et ut certius de hac re pronuntiare liceat, Dejectionis seminis modus, tempus & quantitas diligenter perpendenda sunt: Ad modum refertur, distento pene, vel tantum seminis evacuatio facta, quæ indicio esse potest vim expultricem ab aliquo illarum partium ulcere irritatam, vel ob colloquia lasciva stimulatam, vel ob vasorum plenitudinem commotam ad ejus rejectionem fuisse: Tempus vero profusionis seminis est cum noctu vel interdum fit: Noctu autem inter dormiendum per insomnia libidinis, aut in attentâ rei veneræ cogitatione, semen assatum procedit: Effluentis autem hujus causa est seminis vel exuperantia, vel flatuum copia, aut acrimonia naturam proripiens: Quod autem unguisq; istarum causarum per se id effecerit, suis propriis signis deprehendemus: tum enim hujus effluvi causam in solam seminis re-

dundantiam non inepte reliquimus, cum qui illud patitur, in ætate florens vitam otiosam egere videbitur, cui ciborum & alimentorum multum nutrimentum adjunxerit usum, vel ipsum veneris usum, vel aliquantisper intermiserit exercitium à quo tamen nihil periculi imminet: At si ille potius ex vitæ intemperantia cruditates multas collegisse, vel vigiliis intempestivis, & ex fructuum crudorum, & olorum, & similibus flatus generantium immoderato usu collegisse videatur, ut si abstemius sit, jam non dubitandum quin propter flatuum copiam seminis profusionem hanc patiatur: Qui si medicamentis tamen extinguentibus frequenti assumptione, eam sustineamus, multo tamen vehementius provocaverimus, minus mirandum erit, cum omnium talium medicamentorum genus summe frigiditatis sit participes, ratione cujus intemperiem, quæ illud profluvium excitabat, auxerimus: Si vero nihil eorum quæ dicta sunt, adfuerint, quin potius in senectute petat illud seminis profluvium quod longo usu acrium eduliorum, (cujusmodi sunt omnia piperata, sinapi & legumina) veluti sit consuetus; non aliunde sane quam ex seminis acrimonia & salugine hujus affectus scaturiginem emanasse credendum est, licet rarissime ab illa causa contingat: Aliam autem præter causas enumeratas, seminis immoderate & intempestive effluentis recentiores Practici constituerunt, speciemque quandam resolutionis partium spermaticarum reccerunt; quod quomodo rationi consentaneum est non video: Nam cum beneficio musculorum non retineatur semen, neque sine huius usus deputari aliqui nervi, resolutio proprie vocanda non est: Sed quemadmodum ventriculi relaxatione vomitus provocatur, sic etiam ex valis spermaticis ob imbecillitatem virtutis retentricis, aut propter expultricis irritationem, semen p. n. procidere aliquando posse non negandum est: Decidit autem semen à Parastatis, & Vesiculis illis appensis, semineque in pene colligitur, unde postea assatum profluere necesse est, nisi ob sectionem parvorum illorum musculorum penis exitu arceatur, vel ob penis curvaturam in meatu retineatur, donec cum urina excludatur: *Tale seminis effluvi in quodam Nobili observare nobis aliquando licuit, qui illud patiebatur ob musculorum illorum penis incisionem: Nam cum antea laborasset ingenuis magnitudinis in vesica calculo, qui sua magnitudine vulnus ad podicum usque extenderat, unde factum est ut ex tanta musculorum laceratione, musculi etiam orti ab osse coccygis, una cum nervo cævo penem constituantis per transversum scelli essent, unus autem parvorum penis musculorum eandem etiam lationem subiret altero sano remanente, ex quo sequens est menula conorsio: inde seminis retentio in pene, cuius reiiciendi nulla ratio alia erat, quam compressa digitis perinei regione.* Malum quidem est seminis profluvium, mulieribus perinde atque viris commune: Causa est quod aliquando extra uterum, aliquando intra profunditur: Si extra, nullus periculi metus terret, nisi supra modum fluat, indeque sequatur corporis consumptio: Verum cum à valis spermaticis per cornua in sinus uteri descendit, in eoque retinetur, multorum gravissimorum morborum & symptomatum fit causa: Horrores enim, furores, manias, melancholias, convulsiones utriusque præstationes

præfociones parit, eo quod in utero corrumpatur, & labem malignam contrahat: Quod si in copiosum flatulentumque spiritum resolvatur, inflationem, quam vocant, uteri excitat: Effluviū autem istius causæ eadem sunt quæ in viris, scilicet exuperantia seminis, acrimonia, exulceratio & partium spermaticarum imbecillitas, & aliæ supra enumeratæ: Retineri autem potissimum solet semen in viduis virginibus, & vestalibus: Quare de illis affectibus dum conqueretur mulier aliqua, ut in proprii morbi notionem deveniamus, de omnibus quæ antea dicta sunt diligenter est inquirendum, nec prætermittenda victus ratio consuetas, ætas, vitæ conditio, ut vidua an nupta sit: Quod autem è valis spermaticis semen profusum, & in utero retentum ista symptomata procreavit, ostendunt istorum curationes, quietunt enim statim, & prorsus desinunt, ubi reterato interiore ore uteri semen omnino effluerit.

Invalit hoc sæculo ex lue venerea aliud quoddam vitium, seminis profusioni, & Gonorrhææ finitimum; in quo humor qui redditur puris similitudinem refert, quod cum à diversis causis procreetur, diligenter inquirendæ sunt, ut de affectu rectius statuamus, Proinde videndum an illud puri simile cum urina etundatur, & exiliat aut non, an etiam cum sensu doloris: Si enim cum sensu doloris, & penis erectione fundatur, inflammationem in parastatis esse iudicamus, quæ ea potissimum in parte excitatur iis qui rem veneream cum muliere infecta habuerint: postquam enim usum venereum confecerunt, ejaculato jam in uterum semine, partes spermaticæ in eo opere calefactæ, & propter seminis profusionem inanitæ, halitum quendam tetrum & foedum ex utero elatum in se recipiunt, quo tempore in malignum virus facessit, quod deinde contagione alium quemvis contaminat, tandemque putredinem contrahit, & inflammationem excitat, sed in parastatis potius, eo quod locus ille humidior sit & magis fistulosus: Fit autem inflammatio interdum in eadem parte, sed aliæ de causa, quum in ipso venereo opere multum seminis è vesiculis, post longam succussionem attractum collegerunt, nec foras ejaculare potuerunt: Quare semen adhuc fervens, & nonnihil acrimoniæ retinens, inflammationem accendit, quæ ex continua puris effusione internoscitur, pudendique perpetuo madore & erectione, interdum etiam ex hæmorrhoidum inflatione, Solent enim hæc omnia inflammationem illarum partium comitari, propter consensum qui peni est cum recto intestino: In terdum autem ob inflammationem ulcus, vel scissuræ ex eadem causa circa easdem partes proveniunt: Sed hæc ex propriis affectuum signis difficile fuerit internoscere: In inflammatione etiam major urinx ardor, major enim puris tenuitas: In ulcere vero major puris quantitas, minor ardor, sensus vero non minor: At in scissuris solus est ardor urinx absque ulla puris emissionem. *Idem cap. 15. Tract. de dignoscendis morbis.*

*Corpus glandosum cum dividereur*] Quod corpus Glandosum possit esse sedes Gonorrhææ probabitur, & quidem hac ratione, Si corpus hoc ita afficiatur,

ut, ut in eo continuo materia sui generis non solum generetur, sed & continuo excernatur, vocabitur ille fluxus Gonorrhæa, nam inter hanc & seminis fluxum non solent distinguere Medici aut Chirurgi nisi quod dicant unum altero magis virulentum esse: Talem humorum effluxum posse contingere probatur à pyalismo, gravedine, &c. nam quemadmodum in illis continuo salivæ vel pituitosæ materiæ copia illarum glandularum vitio excernitur, ita & harum glandularum vitio major tam hujus quam aliorum humorum colluvies excerni posse nihil contrarium suadet, Quod mirum vobis neutiquam mirum videri debet, quandoquidem sæpenumero in praxi contingere videmus, quod ægri medicamento aliquo assumpto, vel etiam sponte, nunc per has, nunc per alias vias pravorum humorum totius corporis colluviem deponant, quod etiam in hoc corpore glandoso locum habere potest, præsertim si venerit aut aliqua malignitate debilitatum existat, nam ita se habent humores in corpore nostro ut latrones in carcere, qui cum erumpere student, non fortiora, sed debilitata primum aggrediuntur loca: sic etiam pravi humores ad evadendum non robustas, sed debilitatas corporis partes primo afficiunt: Hanc nostram opinionem confirmant adhuc magis exempla eorum, quos per diurnam equitationem, vel succussionem ab equo, in Gonorrhæam virulentam persimilem incidisse scribunt: sed talis Gonorrhæa non tam cito vires prosterne, nec erit tam periculosa quam illa quæ à Testibus prodit, sicut hoc memorabili exemplo probari potest ex *Bartholino*, qui lib. 1. Anat. reform. cap. 13. refert de quodam Patavii sibi vito, qui ultra annos xxx. eo fluxu laboravit cum nullo sanicatis detrimento. Nec solum hac ratione, verum etiam experientia probatur corpus Glandosum affici posse; experientia namque testatur plures sese in cadaveribus eorum qui Gonorrhæa usque ad mortem infestabantur, illud primario affectum observasse, uti videre est in exemplo à *Vesalio* adducto. Testantur idem *Bartholinus* & alii Glandosum corpus quandoque sedem Gonorrhææ existeret: *Regnerus de Graaf de virorum organis pag. 119.*

*Non minus quam Testes ipsos, &c.*] Testes quoque sedem Gonorrhææ esse adeo clarum est, ut ii qui in hoc morbo curando operam impendunt, nulla probatione indigeant: Ne tamen iis defuisse videamur, qui in hoc morbo curando minus sunt exercitati, unum atque alterum argumentum in medium proferemus: Frequenter accidit ex repentina aut intempestiva Gonorrhææ suppressione, à potenter adstringentibus facta, ipsos Testiculos in ingentem magnitudinem, ut aliquando vidimus, excrescere quod contingere neutiquam posset nisi ex parte sedes Gonorrhææ forent: Idem probatur ex eo quod feminae, quæ Prostaribus destituuntur, aliquando, licet rarius quamvis, Gonorrhæa laborent, quæ in illis proculdubio à Testibus (cum careant aliis organis semini conficiendo idoneis) provenit. *Idem*

pag. 122.



## OBSERVATIO II.

*Gonorrhœa affecti cadaver vasa semen deferentia in penem maxime dilatata exhibuit.*

**V**asis semen in penem deferentis insertio conspectum quodammodo fugit, Et coitus, aut alias excretionis seminis tantum tempore aperitur: Quod Patavii quidam dissectus facile edocuit, qui ante suspendium involuntario seminis fluxu laborans, hos meatus omnes apertos laxosque habuit: eos potissimum qui ex testibus in Deferentis semen vasis revolutiones gyrosvæ pertingunt, & quibus dextrum & sinistrum deferentia semen vasa in vesicæ cervicem terminantur. *Vesalius de humani Corp. fabrica lib. 5. cap. 13.*

## S C H O L I A.

**V**asis semen in penem deferentis] Semen tam in Testibus quam in Epidydimidibus confectum ulterius excurrit per vasa semen deferentia, quæ à testibus sensim ascendunt in cavitatem abdominis, & intrant per idem foramen per quod vasa præparantia exierant: Ubi versus posteriora vesicæ reflexa, veluti in quasdam capsulas dilatantur, & postea rursus coarctantur, atque angusto exitu in principio vesicularum seminariarum terminantur, quorum finem haud difficilius subire quam per orificia in urethram exire semen potest: Hoc distincte cognoscetis immisso tubulo in vas semen deferens, quod si liquore vel statu per syringam distendatur, citius vesiculæ seminariæ distendentur quam quicquam per foramen in urethram erumpat. Hinc pater lapsus eorum qui dicunt vasa semen deferentia nullam cum vasis seminariis communem habere, ac per duo peculiariora foramina sese exonerare in urethram, distincta ab iis per quæ materia seminalis ex vesiculis erumpit. Exeunt itaque cum vesiculis seminariis uno eodem-

que foramine vasorum deferentium extremitates in utroque latere sita, ut nullum inter se mutuum commercium obtineant partes dextræ cum sinistris, mediante quo simul communicare quant, nam quod à testiculo vesiculaque dextra prodit semen, diverso in loco exit ab eo quod à sinistris affluit.

*Quibus dextrum & sinistrum deferentia vasa, &c.* Diximus diversio in loco erumpere in urethram semen, quod à dextris quam quod à sinistris affluit, quod contingere existimamus ut hominis generatio eo exactius perageretur: nam nisi quodam interstitio à se invicem divilæ essent partes dextræ à sinistris, læsa una ex vesiculis (quemadmodum ex accurata partiū inspectione semper in lithotomia fieri necesse est) plerique ab ea steriles existerent, quamobrè sapientissimus Conditor, voluit illas partes à se invicem separare, ut una parte læsa altera suo munere fungeretur, quemadmodum in oculis, &c. contingere observamus. *Regn. de Graaf lib. de Virorum organis pag. 89.*

## OBSERVATIO III.

*Gonorrhœa excitata ab ulceribus orificii vesicæ vicinarumque partium.*

**M**ercatore febre exigua laboraret, ut fere decumbendi necessitas non esset, & flueret Gonorrhœa, ut propterea sectio venæ differretur, tertio post die exacerbatus est dolor, & continua febristenuit, &c. Nono mors.

Qui sectioni cadaveris interfuit Chirurgus, retulit reperta esse ulcera in orificio vesicæ & vicinis partibus, Et tamen de his non querebatur. *Ballonius Epid. lib. 2. pag. 160.*

## APPENDIX. I.

*Seminis emissio citior ob ulcus Recti intestini.*

**D**E his non querebatur) Artificioso σοφισμῶ H. ab Heers Observ. Med. x. quendam de impotentia Venerea conquerentem, & celeriori seminis excretionem, ulcere in intestino recto laborare pronuntiavit: Historia autem, quia ἀναλογία hujus affectus continet, & methodum ejusmodi ulcera curandi, huc asserenda est, Illustris, ait, Anglus Spadam venit, impotentia remedium quærens, ad vetulas, aut quæ alias peperissent, facile arrigebat easque inibat, sed virgineo claustrum perfringendo impar, quia ad primum labiorum contactum semen emittebat, sed imbelles & prorsus aqueum & sero simillimum: Uxorem duxerat annos natam xvi, sed quam toto biennio, etiam se fatente, non devirginarat: optimi erat habitus, corpore procerum, eufarcos, genis rubentissimis, equitatione, venatione, &c. nulli secundus: Cum ab invito extorsissem ut alios mecum in consilium adhiberet, dixi quando in corpore tam sano impotentia aliam causam non invenirem, videri mihi illum intestini recti ulcere laborare, indeque parastatas, aliaque semini præparando & ejaculando necessaria vasa, putri aura in horas afflata semen generare, quod longæ tensioni colis & florido coitui non sufficeret: mirantibus illis hanc me asserere causam, dixi olim in Italia casum illum vidisse, & meminisse idem mihi lectum in M. Donato Histor. mem. 1. c. Mox encolpison ex solo melle concinnatum ipsis videntibus imponi curo, statimque multo



multo pure crasso oblitum reduci, In iucio deinde per clysteris syringam muriam, à qua cum post aliquot injectiones, mundato scilicet ulcere, valde dolere se diceret, ad sentientibus collegis, censui curato illo ulcere, ipsum sanatum iri: Vocatus Chirurgus dixit se medio primum digito, deinde & indice nullo negotio ulcus & magnum & profundum sentire: cui cum medicamenta adhiberentur manifesto proficiencia, felicemque successum omnino pollicentia, ipse ad Principis cuiusdam nuptias evocatus secessit, neglecta cura; Sequenti anno Leodium ad me venit, sed tum de ulcere dubitatio cessabat, tria enim fistulosa, in utraque nate unum, tertium in perinaeo omnium oculis se obiciebant: Dixi sectione opus esse, cui faciendæ filo arsenico imbuto nihil convenientius scirem, esse hic Chirurgos illi operi suffecturos: Dixit se nulli Chirurgo corpus suum crediturum nisi Parisiensi, Lutetiam enim totam Chironis familiam migrasse putabat: sequenti anno ex fratre intellexi ipsum Lutetiam nihilo quam eo iverat, saniores rediisse, Itaque ab uxore in jus vocatum cum eadivortium facere coactum: hoc ille ulcus inunctione hydrargiri, & multarum pilarum mercurialium crebra sumptione, ab inepto Chirurgo tractatus contraxerat: Balsamus, quo ulcus in Spa percurabatur, quando à me inventus, & semper cum optimo successu usurpatus, reticendus mihi non videtur: Sumo florum thapsi, hyperici, fol. prunell. ana. man. j. hos in coquo olei ex seminibus hypericonis, & vini rubri veteris pari quantitati, ad vini omnimodam exhalationem, h. e. dum liquoris gutta igni injecta sine ullo stridore flammam concipit: coque solo, si præsens urgeat necessitas, utor: Alioqui eosdem flores sæpius immacero, & post xl. dierum insolationem, aut ignis calorem, iterum exprimo, quo sæpius facio, efficacius multo oleum comperio, cui remisco lapidem calaminarem septies, uino, demum in hoc oleo, post ignitionem extinctum.

## APPENDIX. II.

*Seminis emissio ab injectis calidioribus clysteribus.*

**V**esiculæ seminarie situm obtinent inter vesicam urinariam & intestinum rectum, ubi membranis quam plurimis ad collum vesicæ aliisque partibus circum-jacentibus ita annectuntur, ut quasi in æquilibrio pendere conspiciantur: Mirum itaque non est, ubi aliqui à se observatum testantur, ab enematum calidorum injectione, aliquando seminalem materiam per pudende effluxisse quia facile vesiculæ seminarie ut pote intestino vicinæ, à calore vehementiore ita afficiuntur, ut semen ex cavitate sue in urethram propellant: *Regnerus de Graaf De virorum organis pag. 92.*

## APPENDIX. III.

*Gonorrhæa ab abscessu frigido Renum producta.*

§. I. **E**Go novi Nobilem quendam qui ab abscessu frigido Renum diu hoc morbo laboravit, multo semper habuit deterius cum semen exstinguentibus frigidis vel calidis uteretur: Institui contrariam victus rationem, jussique biberet vinum generosum, vescereturque alimentis optimis exsiccantibus, non flatulentis, & curatus est: Is partes illas imbecilles habebat ex coitu frequentiore, Et ob tumorem renum frigidum humores frigidos colligebat, à quibus flatus multi generabantur: hi vero dilatabant meatus spermaticos, distendebant, & irritabant semen quod ejaculabatur noctu, postquam ejaculationem tam imbecillis erat, ut sese continere erectus non posset, sed cogeretur in loco decumbere, vel in cathedra cruribus elevatis: Talibus qui ob flatus laborant, danda sunt discutientia, siccantia, parum alentia, & quæ non multos flatus gignant, conuenit optima victus ratio, & medicamenta probam concoctionem promoventia. *Rondeletius Pract. c. 57.*

## S C H O L I A.

**S**ese continere erectus non possit] Uti sanguinis alibi præpedius, uasa proxima pro expediendo sibi transitu, brevi dilatant ita aliquando, siue vasorum debilitate, siue quod sanguis in partem aliquam justo magis quam pro ejus vi. derivatur atque allucitur, uasa quibus detetur copia sua atque impetus incremento adeo diducit atque distendit, ut in proximas partes minus copiose & debite influat: Atque hinc est quod Gonorrhæa simplici, aut fluore uterino nimio laborantium spina adeo debilitetur, ut vix erecti incedere, aut sese quoquo modo spectare

queant: Non quo spinalis medulla, aut nervi inde orti, succum suum (siquis hujusmodi sit) nimis in testes aut uterum impendendo suo se fraudent genio, quippe non adeo liberales sunt, aut esse possunt, prout quidam vane commenti sunt: paucissimæ enim, & vix visibiles nervorum fibræ in testes delinuntur: Ratio autem potius in hoc sita est, quod arteriæ spermaticæ & uterinæ laxatæ, succum sanguinis nutritium nimia & plus solita copia in testes & uterum deponunt: Et proinde arterias vertebrales, è regione oppositas, suo se sanguine, & spinalem medullant

medullam ab iis irrigandam suo quoque alimento defraudent : Quod ex medella quoque magis patet, quicquod enim vasa spermatica constipat & con-

stringit, æqualem pariter sanguinis distributionem, simul & debitum partium tonum restituit. *Richardus Loeffer Traët. de Cord. cap. 2. pag. 114.*

§. 2. Notabis materiam purulentam Renum, tam in muliere quam viro, per venas spermaticas expurgari : In muliere per uterum, In viro per renem, *dum lentum destillat ab Inguine virum, more gonorrhææ virulentæ Riolanus Anthropogr. lib. 2. cap. 24.*

## OBSERVATIO IV.

*Gonorrhæa diutius durans, à vasis spermaticis ad renes usque vitium transfundit, vesicam & ureteres.*

**G**enerosus vlt cum xvij. annis Gonorrhæa laborasset, gravissimis renum & vesicæ doloribus enectus tandem occubuit Huic repertus est ren uterque major quam secundum naturam, durus: Ureteres ambo intus exulcerati, &c. *Vide historiam Tit. de Hypogastrii doloribus.*

## S C H O L I A.

**M**ultum interest inter veram Gonorrhæam, i.e. feminis profluvium, & alteram improprie dictam, ex concubitu cum lue venerea infectis contractam: hæc est purulenti, corrupti ac fœtidi humoris per pudenda effluxus, quem interni meatus ulceratio comitatur: carunculæ etiam quædam circum labia quandoque suboriuntur, quæ liberum urinæ transitum subinde remorantur: Malum si diutius constiterit, ulterius serpit, vesicam, ureteras & tandem ipsos etiam renes inficit.

*Tandem occubuit* ] Guenotius Gonorrhæam pro-

deplorata habuit, quæ digito in anū immisso renitentiam habebat ad sentum, aut si catheter argenteus intrusus sublividus extraheretur: renitentia enim tumoris indicium, sive abcessus ulcerati, Sublividus catheter ichoris gangrænosus. Sic *Riolanus Anthropogr. lib. 2. cap. 21.* Notabis, ait, in vesiculis seminariis & prostaticis sedem esse gonorrhææ virulentæ, Et ratione situs earum partium quæ in perinæo consistunt, equitatione longa vel succussatione ab equo Gonorrhæam, virulentæ persimilem, excitari, sed quæ brevi perianatur.

## OBSERVATIO. V.

*Glandosum corpus (Prostata,) Gonorrhææ virulentæ sedes est.*

§. 1. **G**onorrhææ virulentæ protrahuntur interdum ad decem annos, quale exemplum Patavii videmus in viro Bergomense, cetera sano sed vix ossibus herente: unde in Gonorrhæa hujuscemodi non excernis semen, sed pus ulceri, ex prostaticis vero videtur proximum: Certe in omnibus Gonorrhæa laborantibus in Nosodochio dissectis, ulcera reperimus, seu callum, ulceris præteriti signum: Impossibile alioqui foret tanto tempore effluvium feminis vita superstite perstitisse: *Severinus* Neapoli in dissectis in venit inflammationem & abscessum in parastatis: *Bartholinus cent. ij. Observ. 36.*

## S C H O L I A.

**Q**uantum morborum curationi conferat locorum male affectorum accurata cognitio, jam olim *Galenus* demonstravit, cum sex libros de illis conscriberet: Hæc autem eo magis necessaria videtur quo minus hætenus expedita fuit in Gonorrhæa illa virulenta, quæ sæpius illicita vagaque venere contrahitur: Cum enim vulgo ab omnibus profluvium feminis statuatur valorum spermaticorum vitio excitatum, rem ipsam, uti est profecto non attingit: Veriori propterea sententia *I. Georg. Virsungii* ulcus id potius prostaticarum existimabat, non tam semen quam saniem & adfluentes humores corruptos crucians: hoc enim & copiam materiæ satis ostendere assererat, quæ sæpe quartam congii partem excesserit, & odorem quoque cum colore non semen referentem, imprimis cum diutissime haud raro perduraret, virumque Patavii vixisse certum sit, qui annis 30. continuis ejusmodi proluvie laboraret: Ipsam præterea materiæ urinæ permixtæ substantiam, à semine diversum quid representare, cum fundum petere soleat, illius autem natura sit in superficie natare & confusa urina, non tamen divelli: Imo cadaverum sectionem frequenter id comprobasse, qua ulcera in

prostaticis talia deprehenderit, ut hac de re vix ultra liceat dubitare: Sed & jam olim *Rondelerius* l. de dign. morb. c. 9. affectum vulgo Gallis Vrinæ Ardorem dictum, Parastatarum inflammationem à semine acri & putrescente in parastatis derivabat: Quin etiam *Palmarium* 2. de luc. c. 9. sæpe ad multos annos materiam purulentam Prostatas fundere, nullo valetudinis discrimine, nulloque penis ulcere animadvertit, multò tamen sæpius utrumque vitium concurrere submonens: Ex ulcere etiam cervicis vesicæ, à gonorrhæa curata residuo, tota vita materiam purulentam stillasse, non secus ac in diuturna gonorrhæa à prostaticis, & gonorrhæam eminentiam observavit idem loc. cit: Ardorem præterea urinæ executione humoris viscosi in urethra existentis per nimiam venetem, à gonorrhæa omnino distinguendum rectè monebat *H. Donipertius*. Fluxum autem menses annosque durantem, line corporis debilitate, in muliere non gonorrhæam sed catarrhalem vocandum censibat *Cam. Thomajus* met. cur. c. 57. Nec multum dissentiens *Vesungius* unicum rite curandi scopum sæpius nobis commendabat, extergere & siccare potius quam adstringere: hinc ipse plurimorum



morum commodo conf. malvæ, decocto althææ cum terebinthina & pulv. thei feliciter utebatur: Quo sine etiam ejusmodi gonorrhœam curatam vidimus exhibitis bolis ex casia cum terebinth. & Mercur. dulci ex arte parato, necnon emulsionibus ex sem. cannabino aliisque refrigerantibus cum spir. terebinth. injectionibus mundificantibus ex sero lactis cum Mercur. præcipit. albo quatrimum continuatis, & denique opiata siccante ex theriaca vet. extr. juniper. conf. hyacith. & croco Martis parata. Nec alia magis præterquam siccandi intentione decoctum rad. stactes laudabat G. Harduynus, de S. Iacobo, M. Parilensis, Garyophylli est montani genus, cui siccandi facultas eximia. G.H. Velschium *Episagm. observ. 67.*

In omnibus Gonorrhœa laborantibus] Prostatas esse Gonorrhœæ sedem Bartholino non concedit *Wirsing. Adenogr. cap. 31.* Eò quod frequenter accidit ex repentina atque in tempestiva gonorrhœæ suppressione, a potenter adstringentibus tacta, ipsos testiculos intumescere: quod vix fieri posset nisi ipsi ex parte sedes gonorrhœæ torrent: propterea enim intumescunt quod materia intempestive restricta in eos regurgitet: quare verisimilius est gonorrhœam non unam tantam partem generationi seminis dicatam affligere: quod apparet ex testiculorum tumore & carunculis circa veicæ collum excrecentibus: Fieri porro potest ut tractu temporis vitiosa humorum colluvies ad partes debilitatas confluat, & per eam ductas evacuetur: utrumque enim hæ partes in statu sanitatis generationi seminis ex naturæ instituto inieciunt, heri tamen potest ut gravi hoc morbo diu afflicte & debilitate haud amplius semen conficiant, sed crudum quendam succum, qui à colluvie dicta, cum toto corpore undique confluyente permixtus, excludatur foras: quo casu majus impendit periculum toti corpori ex restrictione talis fluxus quam ex ejusdem continuatione: Neque mirandum si quis cætera sanus ultra 30. annos tali fluxu laboraverit: quippe hæ parte hoc modo affecta genium suum quasi exiunt, & sentinæ corporis loco iunt: quis miretur si ope fonticulorum aliquot aut ulcerum sanien profundentium, aliquis diu vitam, cætera sanus, protrahat? Hæc inde quoque luculentius confirmantur, quod feminae etiam quæ prostratis destituuntur gonorrhœa laborare possint: quæ in illis proculdubio a testiculis (cum careant aliis organis seminis confectioi idoneis) necessario provenit: Imo vero frequenter in iis quoque gonorrhœa hæc diu durat, tandemque in fluorem album, enervato testiculorum robore degenerat: quod idem prope est quod viris accidisse diximus, ambo enim hæc via corporis colluviem deponunt.

Vidimus in viro cætera sano sed vix assibus hærente] Phthiſeos seu Tabis cum plures sint species & differentie, ita dux præcipuæ & magis notabiles occurrunt, videlicet *Dorsalis* & *Pulmonalis*: Prior etſi nostro hoc sæculo nomen suum fere amisit, aut fortan mutavit in Gonorrhœam, tamen *Hippocr.* mentionem ejus facit, & morbum hunc ex proreſſo tractans, duplicem ejus speciem assignavit, scilicet unam ex immodica Venere, & alteram ex Destillatione in spinam dorsi: Quod ad posteriorem hanc spectat, de ea lib. secundo sic de Tabæ actum.

Altera species longe frequentior, item duplex existit: ea nimirum vel à magno, vel nimis crebro humoris genitalis dispendio, Aut a continuo putris laginis & partibus genitalibus profluvio exoritur.

1. Quoad prius, observatione satis vulgari constat immoderatum Veneris usum, etiam involuntarium (si magnus iste vel continuus fuerit) seminis effluxum totius corporis languorem & demum contabescientiam producere, Hujus ratio non est quod semen, juxta quorundam opinionem, à cerebro per nervos in corpora spermatica descendat proindeque à magno ejus dispendio imprimis *ἡυγανος*, & sequenter partes omnes à spirituum inde scaturientium influentia dependentes, infirmantur & contabescant, At vero cum satis evicimus materiam seminalein à massa sanguinea in partes genitales immediate suppeditari, eandemque prorsus cum illa existere, è qua in cerebrum insilata spiritus animales procreantur, necessario sequetur quo major ejus portio pro reparando seminis dispendio ad testes corripitur, eo cerebrum debito ipsius tributo defraudari, & propterea tandem in toto corpore functionem tum motivam tum nutritivam vacillare ac imminui: Quod autem vesani scortatores majorem circa lumbos debilitatem sentiant, partesque infra hos constitæ, scilicet femora & tibiae maxime contabescant, ratio est, tum quia spirituum animalium penu in prima scaturigine vid. *ἡυγανος* deficiente, rivi extremi, scilicet spinalis medullæ fines, nervique ab ea oriundi defectum hunc primo ac potissimum luunt: tum insuper quia juxta lumbos sanguis arteriosus plantiores & maxime instaurativas sui particulas, dorso enutriendo destinatas, plus nimium testibus elargitur, ac interea sanguis venosus propterea effertus, quicquid opulenti potest à lumbis iusturatur.

Seminiſ dispendia contabescientiam inducentia, modo sunt voluntaria, cujusmodi noxam patiuntur salaces ac veneri dediti: modo sunt involuntaria, cujus affectus variae sunt species: Nam in aliis quibus tantum propter inſomnia aut phantasmata impudica contingit: in aliis vero præter istas occasiones, nixus quilibet dorsi, sive ob ponderis lationem, sive propter urinæ aut fecum alvi excretionem, etiam humorem genitalem dimitti facit: cujus causa est, & quia semen aquosum & tenue, simulque acre ac irritativum existit, & præterea quod partes sunt debiles, proindeque ipsum nec rite concoquere nec retinere valent.

In Tabæ altera Dorsali, cujus mentionem supra fecimus, non semen ipsum, verum ichor, sive putrilago quædam è partibus genitalibus profunditur, cujus effluxus si quando ingens & continuus fuerit, non raro totius corporis vires labefactat, & materiem nutritivam subtrahendo, & pro digito ablegando, atrophiam sive contabescientiam inducit: Enim vero juxta vasa spermatica, aut in transitu ab iis, tum in viris tum in feminis, Emunctoria quædam constitunt, quorum munus est humorem à semine efformato superfluum excipere, & quando exuberat per partes genitales foras amandare: Proinde quidem ut in utroque sexu ductus isti (ne exarescant, ac rigidi aut minus sensibiles fiant) lubricentur ac irrigentur: Prostata in viris, & Glandulæ circa uteri cornua in feminis constituuntur, in quibus semper utrisque in actu coitus, & nonnunquam citra ipsum, quando corpora spermatica nimia humiditate lætent, latex quidam serosus exudat: At in feminis (quarum corpora humidiora sunt, & in quibus hæc vias natura ad menstruam excretionem fecit) hoc sæpius ac multo uberius contingit quam in viris: Quod si emunctoria isthæc debilitate magna, aut viulencia quadam afficiantur, ita ut latex illuc missum aut corrumpant



corrumpant, aut non satis contineant, non modo iste perpetim amandatus copiose per pudenda effluit, sed & alii totius corporis humores superflui, aut excrementitii, ad partes istas debiles affluentes una profunduntur, quinimo & succus nutritius partibus quibusque vicinis destinatus illuc confluit, & continenter abscedit, ita denum ut propter succi nutritii (qui ibidem affluens corrumpitur & continuo

amandatur) dispendia non modo partium vicinarum, sed totius corporis languores & emaccescentia succedant: Hæc satis vulgo junotescunt in Gonorrhæa, item in fluore muliebri, sive affectus isti per imputum concubitus, aut Venæ immoderationem, sive ob plagam, contusionem, nixum maiorem aliamve noxam lumbris infectam excitantur, *Willis operis posthumi sect. 1. cap. 5.*

§. *Wirsungius* tria cadavera Gonorrhæa extinctorum secuit, in quorum Prostatis vestigia ulcerum & cicatrices manifestas animadvertit.

## S C H O L I A.

**G**onorrhæa causam semen esse omnes fere consentiunt, mihi autem veritati magis consentaneum videtur initio quidem aliquid seminis, vel ob ejus, aut partium spermaticarum vitium, vel facultatis reſertricis imbecillitatem excerni, successu vero temporis humores vitiosos à natura per factam hanc viam expelli: Impossibile enim esse per talem fluxum semen semper evacuati evincit, 1°. materiæ quantitas, nam id quod excernitur interdum aliquot libras excedere experientia docet: at tantum seminis profluere posse nemo sanæ mentis statuet. 2. Materiæ qualitas, odorem enim ac colorem seminis non semper refert, sed odorem de se spirat gravem, colorem ostendit varium, interdum nigricantem. 3. Fluxus ad aliquot etiam annos duratio, Novi Lipsiæ aliquem per sexennium eum perpeſsum: Imo pro certo mihi relatum est Virum quendam Patavii supra 30. annos hoc laborasse affectu: Seminis autem profluvium sine virium prostratione, ac vitalis roboris extin-

ctione tandiu durare posse incredibile est, cum ex sententia Avicennæ & plurium medicorum, vicia una seminis emissâ plus debilitet quam sanguinis unicæ xl. 4. Urinæ signa, nam materia quæ excernitur matulæ urinariæ supernatat: Nonnunquam etiam pus emitti observatum est, quod proculdubio ab ulcere ex affluxu vitiosorum humorum provenit, probat *Wirsungii* experientia: Sic dicta autem Gonorrhæa si diu duraverit, curatu admodum didicilis est: Ad evacuationem materiæ peccantis exhibeo has pilulas. ℞. Tereb. Cypri. ʒj. scam. ros. res. Gialapp. ana gr. v. m. f. Pil. xix. Ad fluxum inhibendum ℞. Croci Martis adstring. Div. ossis sepiæ, succin. corall. utr. ebore. s. a. ʒj. m. f. Pulv. dosis ad ʒss. Summo etiam cum fructu usus sum tinctura Vitrioli usque ad 30. gutt. in convenienti vehiculo: Certissimum remedium sunt Pilul. Riverii quæ me nunquam fefellerunt, Vide cent. 2. Obs. 74. *Carolus Raygerus Obs. xij. Anni iv. miscell. curios.*

## OBSERVATIO VI.

*Gonorrhæa muliebri Glandoso corpore affecto excitatur.*

**F**luor muliebris, si continuus, & Gonorrhæa, ita inter se conveniunt, ut nisi mentem adhibeat Medicus præ similitudine facile in errorem abeat, quanquam à diversis partibus procedant & per distincta loca excernantur, si quidem Fluor isdem quibus menstrua fluunt, ductibus efficitur, quod vel ideo judicamus, quia menstruum cruorem ita subinde immutari cernimus, ut qui primo veluti à victima, referente *Hippocrate*, prodibat, nunc minus floridus, postea pallidus ac sensim albus appareat, Fluoremque muliebrem, Album dictum efficiat: *Gonorrhæam* vero ex Glandoso corpore provenire, & per lacunas circum, & in meatus urinarii exitu collocatas erumpere, Cadaveris cujusdam mulieris hoc vitio infectæ, dissecti palam fecit, Nam utero ejusque vagina innoxia, corpus glandosum sive Prostatas, urethræ circumpositas solum male affectas offendimus.

## S C H O L I A.

**D**icet aliquis, Quomodo illa Medicus inter noscere valebit, si mulier affecta se castam & ab omni virili consortio alienam profiteatur? utrumque diiudicare poterit si ad prolabantem materiam, ægræque querelas diligenter attendat? materia namque Fluoris alteram in Gonorrhæa manantem longe quantitate superat: Querelas si consideret, Fluore tædatis lumbari dolore cruciari, alias vero Gonorrhæa laborantes de abortu circa pudendas partes acerbitate lamentari audiet: Sin minus his contentus certior esse velit, genitalia inspicat, si quidem meatus urinarii exitum circumfidentes partes (in

quibus lacunatum exitus terminantur) mucosa quadam materia oblesas, ac interdum ulceratas reperiet, reliquis vaginæ partibus decenter sese habentibus, cujus contrarium in Fluxu albo fieri assolet: Sed hæc vulvæ inspectio non semper necessaria est, cum Medicus haud sit culpandus si medicamenta secundum ægrotantis querimonias præscribat: Si vero illum eludat, nec optatum præscripto medicamine successum contumax mulier consequatur, id sibi imputet: *Regn. Grævaf. de mulierem organis cap. 9.* Nora Virum Clar. lib. de Vitorum org. p. m. 123. mulieribus Prostatas denegare.

## SCHOLIA

## OBSERVATIO VI.

*Gonorrhœa muliebris à vomica in uno Teste genita.*

**F**œmina ex assidua Gonorrhœa circa uteri regionem atrocissimos cruciatus patiebatur: Mortua secta, Vomica in uno Teste inventa fuit *Domin. Panarolus Pentec. I. Observ. 14.*

## APPENDIX.

*De gonorrhœa & Bubonum venereorum ortu. Et de usu Ligamenti uteri Vermiformi dicto.*

**A**lterum Ligamentorum uteri par inferius teres instar lumbricorum, subrubens instar muscutorum, porosum ac concavum præcipue in fine, à lateribus fundi utrinque prodit, atque in suo principio recipit ductum seminarium exilem, à testibus & tubis, sicque ad inguina (in quibus superne glandulis fulcitur) descendit per peritonæi productionem duplicatam (hac rupta aut duplicata fit hernia inguinalis) tendensque muscutorum obliquorum abdominis (sicut vasa deferentia in uiris feruntur) transiens, statim extra abdomen fibris carnosiss, ab osse ilio prodeuntibus: firmatur, & supra ossa pubis reflexum, Clitoridem ingreditur, in eamque aperitur: Et licet in corporibus mortuis nulla apertio ibi manifeste oculis conspiciatur, certum tamen est in vivis poros satis late aperiri, eodem modo sicut in viris clare patet vasa deferentia, atque etiam invisibiles alioqui seminales meatus, qui semen è vesiculis in urethram transmittunt, apertos esse: Ab ossibus pubis tradunt varii Anatomici reliquam hujus partis portionem, ulterius in adiposam internam femoris membranam expandi, cum eaque usque ad genu; vel, secundum nonnullos, usque ad pedem descendere, cujus consensu putat Riolanus mulieres primis ingravidationis mensibus de femorum interiorum doloribus conqueri: Verum decepit eos ignoratio hujus partis usus, quippe cum hoc lumbricale vulgo appellatum ligamentum habeat usum nobiliorem quam aliquod ligamentum (quo nomine per abusum perpetam fuit insignitum) certissimum est dictam membranam ad genu extensam non procedere à lumbricali ligamento, nec ullam cum eo communionem habere, idque eo magis cum manifestum sit illam ab ossium pubis ligamento cartilagineo oriri: Hoc par lumbricale ab Anatomicis passim habetur pro tali ligamento, quod uteri fundum partibus anterioribus & inferioribus laxè devincit. *Banhius* laxos in eo poros, & inferiore parte aliqualem cavitatem humore mucido perfusam animadvertens, judicavit illud duobus usibus inservire, ac partim ligamenti munere fungi, partim per suos poros genitalium partium superfluos humores excernere: Verum nobiliori usui destinatum esse ostensum nempe fungi munere vasorum deferentium, imo esse ipsa vasa semen à tubis testibusque ad pudendi anteriora in clitoridem deducuntia seu deferentia: Præter semen, putat Veslingius etiam aliam quamcunque saburram, circa uterum collectam, per eandem viam expelli, at isti in hæc vasa nullus patet introitus: At certissimum est solum semen per dictas vias effluere, omnem vero pravorum humorum saburram, quæ ab utero evacuat, expelli per vias menstruorum profluxui destinatas, scilicet per uteri, & præcipue cervicis uteri cæcos poros, ut & per vasa quædam lactea coextensa, Item per arterias & venas, tam in uterum quam cervicem ejus desinentes: Eodem modo sicut saburram excrementitiam per arterias gastricas & mesentericas in intestina deponi novimus, idque vel sponte in diarrhoeis, vel arte ab exhibitis purgationibus, vel vi naturæ in crisi febrium: Interim tamen hoc notandum, si ab impuro coitu semen in testibus virulentiam contraxit, tunc illud per hanc viam defluens, modo gonorrhœam modo in glandulas inguinales (per quas ductus hic transit,) depositum bubones facere, neque unquam ullam saburram, quam à solis testibus & tubis, hac via defluere posse: Errat quoque Laurentius, censens hæc rotunda ligamenta aliquando ita dilatari ut Bubonocelen parient, Nec enim possunt uspiam aperiri ad recipiendum intestinum vel omentum, atque ita dilatari ut aliquod ex illis excipere queant, Sed sit Bubonocèle in mulieribus sicut in viris, cum intestinum vel omentum prolabitur in productionem

productionem peritonæi vasa hæc comitantis, & cum illud manu versu interiora repelli nequit, sectione peritonæi curatur sicut in viris: *De Diemerbroecii Anatom. lib. I. cap. 24.*

#### A P P E N D I X altera.

##### *De Gonorrhæa causis & differentiis.*

**L** *Angius lib. 2. epist. 5.* Gonorrhoeam triplicem facit, primam in renum, hepatis ac vasorum seminalium calore, in iis quibus corpus hirsutum ac succi plenum, semen genitale copiosum ac calidum coacervatur, ac non raro per nocturna insomnia, lumbis supino decubitu incalescentibus, *nocturnas vestes maculant ventremque supinum*: Quæ vera est nomine & re Gonorrhoea: 2. speciem produci scribit ex putrilagine phlegmatis vel falsi, vel etiam crudi copia, quæ non raro cum momento genituræ permisceatur, ac præcipue à cerebro per spinam dorsii, lumbos, renes, etiam ab hepate per venas & nervos ad genitalia tendentes deferatur, è quibus per penem, cum ejus excoriatione sensim exstillet. Quod profluvium mulieribus etiam accidat, sub menstruorum pituitosorum denominatione. *Tertiam speciem* ponit eam quæ veneræ luis est soles, virulenta dicta: At quartam speciem omittere videtur, à vasorum imbecillitate ortam: Nec humorum serosorum & vitiosorum cum semine permistione neganda videtur, quod facit *Platerus*. Etenim cum aliæ corporis partes imbecillæ non solum alimentum suum non bene concoquant, sed etiam, si munus publicum habent, id non bene perficiant, ut in ventriculo & hepate videre est, cur idem etiam in Testibus accidere non possit? Deinde nec hoc negandum videtur, si sanguis in corpore sit impurus, etiam semen impurum in corpore inde generari, Sic & videmus morbosas feminas impurum lac in mammis generare: Præterea natura sæpe affluecit humores vitiosos ad aliquam partem, præcipue debilem, mittere, idque etiam in Testibus fieri impossibile non est, imo fieri experientia testatur: habent etiam humores vitiosi interdum ad peculiare partes suam inclinationem, quod & hic accidere potest, & præcipue in Gonorrhoea ex lue venerea, virus istud partibus genitalibus infestum est *Geometrus Pract. lib. 3. parte. 9. sect. 2. cap. 4.*



## ANATOMIÆ PRACTICÆ

### LIBRI TERTII.

#### SECTIO XXXII.

##### De Uteri Procidentia Descensu.

#### OBSERVATIO I.

*Uteri Procidentiam possibilem esse ostendit dissectio cadaveris muliebris, in cujus uteri prolapsi vagina cereus globulus deprehensus est.*

**M**AGNA difficultas est An uterus ipse inverti possit? quantum ad nos attinet, existimamus in difficili partu dum placenta ei firmiter adhæret, & ab imperitis obstetricibus nimium attrahitur, id aliquando contingere posse, rarissime licet id eveniat: In virginibus (nisi quandoque incredibilia contingerent) impossibile judicarem, propterea quod crassa ac membranosa colli uterini substantia in illis tantum exiguo foramine pervia sit. Ad cujus confirmationem sequentem observationem communicabo: Anno 1671. in Nosocomio Delphensi, dissecuimus mulierem procidentia uteri laborantem, in cujus uteri vagina *nulla Sarcomata*, nullasque alias excrescentias, sed tantum ingentem cerem globum invenimus, cujus immissi beneficio Vagina (quæ alias ob uteri ligamenta nimium relaxata invertebatur ac foris propendebat) cum utero intus detinebatur, uteri cervix autem naturalem constitutionem retinebat, adeoque minime invertebatur.

SCHOLIA.



## S C H O L I A.

**N**ulla Sarcomata, &c.] Laxantur aliquando Ligamenta uteri, propter vini partus, nimiam corporis humiditatem &c. ut uteri osculum in sinum sudoris decidat, & inversa vagina extra propendeat, ut exemplis probant *Platerus* obs. lib. 3. *J. h. Bartholinus* c. 2. hist. 91. & c. 5. hist. 9. *Dom. de Marchettis* anat. c. 7. & alii. Reperiuntur tamen qui ob Sarcomata, aut alias vaginæ excrescentias, aut protuberantias quandoque a se observatas, Uteri prolapsum omnino negant, aut adeo raturum pronuntiant, ut vix aut ne vix quidem cum unquam contingere credant, quorum tamen opinioni calculum nostrum non apponimus, quandoquidem ratio dicet humores à toto corpore defluentes Ligamenta uteri humectare ac relaxare posse, Et experientia confirmet in locis humidioribus hunc morbum satis familiarem esse. Meminimus namque nos uno tempore ad quatuor diversas filias, quarum virginitas innoxia habebatur, fuisse vocatos, quæ uteri prolapsu laborabant, quibus partim fomentis adstringentibus, partim annuli cerei in pudenda immissione non vulgare attulimus

auxilium. Si nobis objiciant non Uteri sed Vaginæ prolapsus fuisse quos statim retulimus, petemus an utero in sua sede permanente, Vagina in tantum prolabi possit ut extra pudendum propendeat? Si vero uterus simul è naturali suo loco descendat, descensum hunc Uteri Prolapsum vocamus, qui prout major vel minor est, sic uterus aliquando ad mediam vaginam, interdum ad usque vulvæ orificium, nonnunquam denique totus extra vulvam prolabitur, ac variis modis afficitur, ita ut aliquando cum extirpare coacti fuerint, cujus rei memorabilia exempla referunt *Aegineta*, *Langius*, *Mercurialis*, *Duresius*, *Fernelius*, *Parvus*, *Licetus* & alii, Ex quibus constat feminas abiq; utero ( licet ejus ablatio ob multiplicem valorum perreptantium numerum periculosissima sit ) vivere posse: Sed cur quæso ligamentis, membranisque partibus, quibus naturaliter detinetur, relaxatis, non tam facile descenderet, quam breviori Peni tempore coitus ( ut in confesso est ) obviam venit? *Regnerus Graaf de Mulierum organis* cap. 10.

## OBSERVATIO II.

*Uteri Procidencia vera in cadaveris apertione deprehensa.*

**A**nno 1670. mense Januar. curæ meæ commissa mulier 28. annor. robusta valde, in qua corpus teres, insignis magnitudinis, ad pudendum se offerebat. In decumbente circa partem superiorem, ubi pudendo proximum crassitie illius erat, quam duplici spithama comprehendere non licebat: inferiora versus paulo contractius, longitudinem vero spithamæ habebat: Ast quoties incedebat, elongabatur adeo ut etiam genua ipsa attingeret extremo suo: Durum omnino corpus hoc ac scirrhosum observabatur: Difficile valde & hic, ut in casu sequenti, certi aliquid determinare, idque eo magis quod haud adeo firmæ mentis mulier hæc deprehenderetur, adeoque nec de causa mali, nec de tempore quo vel inceperit; vel augmentum sumpserit, vel ullo alio ad dignotionem curationemve scitu necessario nos informare apta: Rei gravitatem considerans, in Nosocomium publicum eam deferri curavi: Hic extirpationi quod multum à multis tribueretur ( licet summopere eam mecum improbaret *Clar. Gerardus de Penijn* Nosocomii Medicus ordinarius ) ad eam ventum est, ast minus fructuosa fuit, tertio enim die ab eo quo ligatura prima injecta, obiit ægra, fuit hic 27. Januarii.

In aperti cadaveris ventre Uterus desiderabatur, utpote qui totus, inversus, extra corpus dependebat, intra sui cavum testiculos, uterinæque ligamenta, ( excepta ala dextrâ quæ adhuc in ventre detinebatur ) continens: Prolapsus autem uteri fundus, cum testiculis, partibusque adhærentibus, non ad extremum hujus tumoris, genubus proximum, ac si fundi uterini supremum jam fuerit vicinum genubus, sed detentæ partes dictæ in fundo, ad vaginam, aut potius ad orificium uteri internum prolapso, vagina ipsa extensa, miræque incrassata: Incrassata mire substantia hæc uteri, adeo ut etiam vel digitorum trium transversorum crassities hic notaretur cultro dissecanda, antequam in cavitatem devenire liceret: Ureter uterque ad digiti minoris amplitudinem distentus erat, forsân quod fascia ob viciniam via urinaria constricta: Fides si habenda rumori, ex partu laborioso. Procidencia hæc deduci debet: Totum uterum ad exteriora non fuisse prolapsum, mihi saltem ( præterquam quod in aperto testiculi in summo hærent tumoris ) argumentum est quod in imo tumoris hujus apertio notabilis, impervia licet, quæ minime adfuisset, si quidem uterus inversus in totum extra corpus fuisset prolapsus. *Gerardus Blasius Observ. Med. 1. part. 3.*

## OBSERVATIO III.

*Vteri Procidentia imperfecta.*

**E**odem mense petitioni mariti superstitis, desiderioque meo satisfacturus, aperui ventrem defunctæ puerperæ. Obierat hæc die præcedente, hora 5. post partum, sana alias antea, edito foetu optime valente.

Exhibuit hic se uteri fundus ad interiora illius conversus, sicque ad pudendum usque prolapsus, adeo ut vagina tota corpore hoc uteri inverso repleretur, quod etiam arcte adeo à contracto utero detinebatur, ut non nisi robore summo, atque violentia, ope per pudendum immissi instrumenti, sursum detrudi, sic in naturalem locum reduci potuerit. Imprudentiæ obstetricis, an vero nimis arcte coherentiæ secundinarum cum uteri membrana interna, hoc malum adscribi debeat, non meum determinare, hoc tamen addo, retulisse adstantes mulieres, quæ in partu obstetrici auxiliares fuerant, quam primum foetus in lucem prodiiisset exclamasse obstetricem adhuc alium in utero hærrere foetum, sicque extra pudendum protraxisse corpus aliquod rubrum, ad cuius aspectum consternatæ adfidentes imperitiæ illam accusarant, ab opere desisteret serio admonentes, quod etiam fecit postquam in quantum, vel per uteri contractionem, vel per ignorantiam licuit, extra pudendum dependens introrsum iterum compulit: Vasa omnia sanguine hic adeo destituebantur, ut etiam quocunque loco cultro anatomico aperta nil ejus funderent, subsidentibus in totum tunicis: quem etiam sanguinis defectum ex immoderato fluxu, ob secundinæ violentam separationem extractionemque causatam, mortis subitanæ causam judicamus. *Idem ibidem.*

## OBSERVATIO IV.

*Vteri procidentia, mola credita, letalis.*

**F**ilia hominis coqui, prægnans, ante partum mortem optabat & eventuram prædicebat: Pridie ajunt ingenti laborasse diarrhœa, noctu facile peperit. Inter pariendum uterus cum secundina prodiit, qui restitutus est, quamvis ignorarent uterum esse: Mane vocatus, quum omnibus viribus destitueretur & vix pulsus sentiretur. Uterus extra propendebat, turgens admodum, quem cum attingerem, effluebat liquor sanguineus & serosus, ita ut existimarem, quum nihil tale vidissem, esse molam aliquam quæ utero firmiter adhæreret: mecum idem sentiebant obstetrix & Chirurgus: Ego ob rei novitatem nihil tentare volui, curans vocari *Ioh. de Argent.* Eram ejus opinionis futurum ut præcideretur, id tamen noluerunt absente illo Chirurgus tentare: Præscripsi cataplasma emolliens & suppurans, cujus præparationem non expetebant, statim enim moriebatur.

Defuncta illa Tumore aperto, animadvertimus nihil aliud esse quam uterum eversum: mirabar non à me agnitum, licet id primo suspicarer: Verum id effecit ignorantia obstetricum: deinde quod dicerent nullam vim fuisse in pariendo & fluxu comprimendo, quum arteriis & venis alligaretur. *Ex observationibus Ioh. Bauhini.*

## S C H O L I A.

**M**irabar non à me agnitum] Uteri procidentiam, ab omnibus Medicis hætenus decantatam strenue negat *T. Kerkringius*, salicque invenitur in *Laurentium Vesslingium* & *Bartholinum*, quasi illi inter alios hac de re admodum male judicassent; Dicique laxitatem quandam colli, quæ extra pudendum prominet, hæc facere ludibria: Verum respicere, quæso, vir Doctissimus, & palinodiam canat, nam quia nunquam vidit uterum prolapsum, satis temere irridet alios istius rei oculos testes. Legat *Carpum* in *Hagoge Anatom. historiam mulieris*, cui

uterus non tantum foras prolapsus, verum etiam exsectus est. Legat *Hildani* cent. 4. Observ. 60. 61. 62. ubi à viro fide digno tria istius prolapsus exempla inveniet. Aliis addam meum testimonium, qui ipsemet vidi uterum ad duorum digitorum latitudinem à sinu propendere, quem egomet ipse tractavi manibus, & conveniente instrumento versus anteriora in suum locum retruli, & ægram porro ita perfunavi, ut postea illa pars nunquam amplius prociderit. *De Diemerbroeck Anatom. lib. 1. cap. 24.*

## OBSERVATIO V.

*Vteri procidentia & ectomia, cui deficienti Callosum corpus substituit natura.*

**M**ulier cui dam fere trigenariæ, sanæ, menstrualis, conceptionis signa paulo post secundas nuptias, cum ex priore matrimonio prolem nullam suscepisset, apparuerunt; Progressu temporis abortus est ad partes imas & pudenda ponderis sensus, dolore & urinæ retentione

retentione adeo molestus ut Chirurgus patefacere se, infortuniumque suum coacta fuerit: Is viso tumore in perinæo, foru & cataplasmatibus anodynis & emollientibus dolorem sedavit; Sed mox ad pudendi labrum interius vomica, velut ab abscessu rupto apparuit, sanie subrubra, citrina & pallida, multo tempore manans; Interim haud evanescebat ponderis ille sensus, quin potius augebatur in dies, ita ut ab anno 1573. ne se quidem in lecto, in hoc illudve latus convertere posset, nisi admota manu hypogastrio ad oneris levamen; sed & tum quidam veluti globus toto corpore & pondere suo sibi provolvi videbatur, in quodcumque latus decumberet, nec stans nec sedens alvi excrementa reddere valebat, nisi pondere illo sursum manibus ad diaphragma sublato: Incessura vis crura promovere poterat, quasi sibi semper ex interfemineo aliquid penderet quod progressum remoraretur: Ex Intervallis Vomica illa recludebatur sanie solito manans, sed tum capitis membrorumque omnium dolor, animi deliquia, fistidia, vomitus, suffocationes miseram urgebant, adeo ut ab empirica muliere persuasa, facile adducta fuerit ut antimonium hauriret, cujus tanta fuit & tam effera vis, ut post multas cum multis torminibus vomitiones & aquosas per alvum dejectiones, visus sit sibi anus procidere: sed admonita à familiari quadam sua, cui se videndam crederat, haud ab ano id procedere, sed à vulva, Chirurgos vocavit qui sibi auxilio afflictæ sanitati essemus: Expensa re tota & diligenter animadversa, communi consilio censuimus id quod prociderat extirpandum esse: quod atro colore, fœtore & aliis ejusmodi signis putridæ ac corruptæ rei argumenta manifesta præberet: Ergo per duos dies sensim, frustatim & sine dolore corpus extraximus, quod nobis Uteri corpus esse visum est: Cujus rei fidem fecere unus ex testiculis, qui integer extractus est, crassiorque item membrana, reliqua ex mola, quæ suppurata, rupto abscessu, sensim difflexerat. Revulso omni ejusmodi corpore, melius ægra habere cœpit, & tamen ante extirpationem novem totos dies urina suppressa fuerat, Dehinc omnia sibi, naturæ suæ & statuto cursui reddita sunt, totumque trimestre sana & egregie incolumis ægra supervixit, donea suborta repente pleuritide interiit.

Dissecta à me, & sedulo singula exquirenti, nusquam comparuit uterus, sed ejus loco callosum quoddam corpus, quod natura, quæ nunquam in nobis otatur, jacturam ejus partis quasi reparatura, vel lacunam potius alvi repletura, substituerat. *Pareus lib. de Hom. gener. lib. xlv.*

## OBSERVATIO VI.

*Uteri Procidentis exsectio lethalis, ob simul sectum Coli intestini partem in illum delapsi.*

**A**dstiti agyræ qui Uterum ad magnitudinem ovi anserini prolapsum cum sectione curaturum se diceret, nec ullis argumentis meis, qui aliam curandi viam proponebam, cederet, Roganti etiam ut saltem in uterum prolapsa intestina, vel quicquid esset, durissimum enim se tactui offerebat, aliudque quam aquam aut flatum esse certo certius affirmanti, primum loco suo, supinata muliere, reponeret, nec quicquam ab eo præter mala verba referrem, Fac inquam quod facis, mihi tyrannicam illam audaciam & imperitiam spectare nec libet nec licet. Nondum domo pedem extuleram, cum immani clamore & ejulatu introsum vocor: convellebatur vehementer à sectione patiens, cumque animam non dubie agentem viderem, extremam unctionem afferri jubeo, sed serius, expiravit enim in fine sectionis, in qua adstantibus omnibus, vel fuga sibi consulentibus, alvina enim copiose prodibant excrementa; Utero cum contentis in aquæ adstantem situlam projectis & lotis, Intestinum colon, ad cubiti fere longitudinem sectum, omnibus visendum præbul. *Henricus ab Heer Observ. Med. xxii. p. m. 192.*

## OBSERVATIO VII.

*§. 1. Excrescentia fungosa uterum prolapsam mentiens.*

**M**aria N. vidua, temperamento melancholico prædita anno 1666. ætatis circiter 47. viduitatis 8. dum in nundinis rei suæ nimium dat operam, & post habito mensium fluxu, quo tum ordinarie corripiebatur, merces suas emptoribus, se vero frigidiori aëri exponit, primum quidem in hypogastrio leves quosdam sentit dolores, quos tamen ab externo frigore obortos esse ipsa suspicabatur: dolores excepti exiguis in pudendo tumor, qui quotidie crescens ægram eò adiecit, ut medicatricem in consilium vocaverit: hæc ubi balneis atque inunctionibus suis per aliquot septimanas continuatis, frustra tractavit ægram, desperata tandem causa ut seposito pudore Chirurgus consulatur suavit: Sic igitur die 13.

T T t t t

Janu.



Janu. 1667. Vocatus Chirurgus Statlender, offendit extra pudoris sinum propendentem substantiam quandam sphacelofam, maxime foetentem, & duos pugnos magnitudine superantem: unde affectus raritate atque gravitate permotus, Medicum sibi in subsidium dari petiit. Adjungitur ei DD. *Christ. Meisnerus*, Quo cum ubi die xiv. Janu. visitavit ægram, abrasit de prominente sphacelosa substantia ultra libram, reliquum vero defensivis munit. Subsequenti die xv. Janu. D.D. *Simonem Schulzium* & me ad se invitavit D. *Meisnerus*, atque comparentibus nobis casum in præsentia Chirurgi exposuit: Et quandoquidem D. *Meisnerus* illud quod extra pudendum propendebat, nil nisi excrescentiam fungosam, Chirurgus vero uterum inversum atque prolapsum esse contenderent, re pro & contra ventilata, ipsum placuit adire ægram, ipsumque affectum propriis lustrare oculis: omnes igitur ad ægram nos contulimus, ubi mox sub hypocausti ingressum molestissimus nos excepit foetor, ægram verò ipsam deprehendimus nimis debilem, attamen sectionem omnino exoptantem: detecta tandem parte affecta, *in diversas* mox *ivimus partes*, ambigentes quid sphacelofum illud esset quod extra pudoris sinum conspiciebatur. Nam D. *Meisnerus* uterum, ob ligamenta imprimis latiora, ita excidere posse pernegans, illud pro fungosa habuit excrescentia. Nos vero uterum inversum propendere arbitrati sumus: neque nos ligamentorum uterinorum usus de opinione nostra dimovere potuit, cum tantum valeat in eorum constitutione naturali, non vero præter naturali, ubi aut rupta, aut saltem ob continuum humorum affluxum nimis laxata ac resoluta officium suum minime præstare possunt. Prout etiam in aliis procidentibus, & imprimis oculi, contingere solet: confirmarunt præterea sententiam nostram exempla à *Rouffeto*, *Banfino* aliisque citata. Et tandem ipse Chirurgus haud leve pondus addidit, ubi nostro instinctu digitum intra sinum immisit, & undique ad latera colli uterini cavitatem explorans ubique sibi obstare substantiam membranofam retulit, unde uteri fundum instar sacci inversum propendere collegimus. Quandoquidem autem totum illud quod propendebat sphacelo correptum erat, seposita illa controversia in eo omnes consensimus ut substantia illa sphacelosa, sive uterus sit, sive non, quantocius & antequam vires omnino prosternantur, rescindatur, ne partes adhuc sinceræ trahantur. Imprimis cum ipsa ægra idem perpetuis efflagitaret precibus: quare facto ad sectionem debito apparatu, Chirurgus injecit vinculum parti sanæ, non longe à vesicæ urinariæ orificio, per quod nullo negotio stylum in ipsam vesicam immisit; vinculo colligato, dum ægræ positus sectioni adaptatur, ista manus anxie jactare, creberrime expalescere & sudore circa frontem diffuere cœpit: unde leipothymiam instare colligentes mutuo consilio sectionem distulimus, veriti ne una cum sphacelosa excrescentia ipsam quoque auferamus animam. Relicto igitur vinculo defensivis partem affectam munivit Chirurgus, atque ex ordinatione D. *Meisneri* ægra diversis usa est corroborantibus: nox subsequuta inquieta propter dolores ab injecto vinculo excitatos: Die 16. Janv. ob ægræ imbecillitatem nihil tentatum: die 17. cum viribus magis magisque decreascentibus circa ligatam regionem magnos se pati dolores conquereretur ægra, & præterea prope vinculum macula appareret nigra, ægra quoque per tussim purulentam materiam satis copiose rejiceret, ita ut eam phthisi ex ulcere pulmonum contracta laborare nemo ambigeret, & artis honori & nostræ famæ consulentes, sectionem omnino differendam esse usque dum vitia pulmonum emendentur & vires restaurentur decrevimus: vinculum igitur solvere jussimus, atque ut locum affectum debite tractet Chirurgus jussimus, Remoto vinculo sanguis undique stillabat, & simul quoque dolores remittebant: subsequenter autem diebus quotidie plures particulas corruptas abstulit Chirurgus, ita ut excrescentia jam vix unum pugnum æquaret & foetor in dies minueretur: unde & nos ipsi quoque cum abrasa tanta parte, nedum quidem adhuc in medio illius cavitas aliqua appareret, qualem tamen adesse debere credidimus, si de utero prolapsa tanta quantitas fuisset ablata, non jam pro corpore uterino, sed pro excrescentia quadam fungosa ac sphacelosa propendentem illam substantiam cum D. *Meisnero* habuimus.

Neque etiam aliud ipse docuit eventus, cum enim ægra Phthisi consumpta die 24. Martii obijisset, abdomine resecrato, uterus illius omni ex parte sanus in pelvi, ceu debito & naturali suo loco hæsit, nec, licet propendens substantia varie traheretur, quicquam movebatur, Sphacelosa autem illa substantia nil aliud fuit, nisi fungosa excrescentia ex uteri collo majori, & hujus antica parte, prope vesicæ orificium enata: Verbo, Ipsa uterini colli substantia rugosa, spongiosa & fungosa, à mensium & corruptorum humorum affluxu ampliata & dilatata. *G. Sagerus Med. Thorunensis Observ. 121. Miscell. curios. anni 1671.*

## SCHOLIA.

**U**terum non tantum ad pudoris usque sinum descendere, sed & plane extra rimam ejus prolabi, & sic majore, modo modo minore magnitudine foris propendere, adeo jam commune atque receptum est Practicorum dogma, ut vix unum offendas qui de Mulierum morbis differens prolapsus seu procidentia uteri nullam fecerit mentionem: Imo si Hippoc. evolvamus, in scriptis quoque illius affectus istius haud obscura ostendemus vestigia, nam lib. de nat. mul. c. 5. p. 564. & c. 75. p. 582. editionis Foes. expresse uteri extra pudenda prorsus prolapsi atq; velut scrota penduli, signa, causas atque curationem tradit, Quae cuncta iisdem verbis repetit lib. 2. de morb. mul. & lib. de sterilib. Item lib. de Superflet. quomodo uterus crebro excidens reponendus & quali decocto prius abluendus sit docet. Imo verba illa quae lib. de loc. in hom. cap. 59. p. 423. de situ uteri vitiato, breviter, quidem atamē nervose satis profert, dum inquit, *Uteri quocunque e sede naturali moti fuerint, morbos afferunt, sive foras processerint sive intro cesserint.* De uteri cum prolapsu tum ascensu intelligenda esse cur dubitemus? Sic igitur Hippoc. uterum extra pudenda prolabi posse statuentem, sequuti sunt hactenus innumeri Medici, Et merito quidem, ipsa namq; experientia assensum urget, dum uterum p. n. extra abdomen pensilem apparuisse, diligentia atque intemerata fides observatorum annotavit; Certe *Roussellus* de partu Caesareo sect. 4. c. 5. & 6. & *Bauhinus* in appendice part. 4. plurima collegerunt exempla: quibus adjungenda quae leguntur apud *Paracelsum*, *Guinterium* de vet. & nova med. com. 1. dial. 8. *Fernelium*, *Forestum*, *Panacolum*, *Th. Bartholinum* histor. anat. cent. 4. hist. 2. *Poterium*, *P. Barbeue* Chirurg. part. 1. cap. 8. *P. Estanove* apud *Riverium*, *Velschium* Episcopum. Obl. 77. aliosque. Ceterum licet uterum extra pudenda revera procidere posse statuam, non tamen nego quod etiam saepe excrescentiae carnea aliaeque uteri prolapsum ita mentiantur ut & oculatissimis imponere possint. Talia namque exempla praeter *Clar. Th. Bartholinum* histor. anat. cent. 2. hist. 58. referunt quoque peritissimi Chirurghi Belgae *Henr.*

*Van. Roonhuysen* obser. Chirur. p. 1. observ. 2. Et *Joh. Van Meeckgen* obl. Chirurg. c. 51. Quibus haud absimilis est praecedens histor. 6. *Segerus* ibidem. De uteri Procidencia lege *Platerum* pr. 13. c. 2.

*In diversis vivimus partes, &c.* Molam quinquennem prolapsam uteri mentitam esse refert *D. Joh. Janischini* in *Miscell. curiosis* anni 1671. ut mirum non sit si ambiguum fuerit & anceps de morbi idea judicium: Uxor quaedam, aet. 34. annor. & decem liberorum totidemque fere abortuum, nec non plurimum molarum fecunda parens, ante annos xii. tertus aliquot exclusit vitalis, ob impurum autem & ichorosum, quo & parens ipsa & hinc enatae soboles, sanguinem plerique excoctiata totius corporis cuticula, nondum absoluto puerperio diem suum obierunt, ut ex novem duas saltem conservare potuerit soboles; postmodum natura & pariendi negotio fatigata, nil nisi molas concipere, & singulis mensibus per sesquiannum, etiam absente longo tempore marito, excernere molita est: Tandem opera *D. D. Joh. Agricola* effectum ut mensibus ordinatē effluentibus denuo conciperet, Ex difficili autem sequenti x. partu Prolapsu uteri satis periculoso se laborare credidit, & obstetrix confirmavit, ut absq; ligamentis, huic malo aptis, nec stare, nedum incedere valeret per quinque integros annos: Elapso quinquennio natura in deterius ruit, novisq; mensium obstructionsibus, passionibus hystericis & lipothymis affligitur: Ipsam invisens semianimum reperio, morbum causamq; indago, originemq; mali ex imputo utero provenire judico, cordialia hystericis nupta propino; ob adstrictam alvum clysterem applicandum suadebam, quem cum renueret, fomentationes ex emollientibus & carminativis toti abdomini applicari; interne essentiam castorei & spiritum secundinae (ob mole praesentis suspicionem) in syrupo de artemisia propinari, iussi, quibus praeterea, elapso bihorio, acerbissimi dolores & conatus parturientium aborti, brevique post molam, capitis infantis ad instar peperit, absque putredine, furore & sanguinis vestigio: Hoc factu Prolapsus uteri quinquennis evanuit, &c.

§. 2. Vidi in Nosocomio Patavino 1641. dissectam mulierem, quae prolapsum uteri à partu difficili ante decem annos passa credebatur: Narravit se in prato cubantem observasse descendere uterum gramenque venari, Ex illo tempore in dies crevit ob affluxum sanguinis, ut distentus nigerque in putredinem degeneraverit: Judicabat Chirurgus operationes nobis demonstrans, *P. Marchetus*, non esse uteri Procidenciam, sed excrescentiam aliquam in vagina uteri, adeoque abscindendam: Alter, Nosodochi Chirurgus familiaris pro uteri sterit procidentia, quum excrescentia subitum ortum incrementumque habere non possit: Mulier interim secari volens, inter ambigua consilia, ad mortem properavit.

In aperto cadavere, satis in trunco obæso, sed artubus emaciatis, uterum suo loco sanum beneque constitutum vidimus, Excrescentiam vero ex uteri vagina dilacerata pendulam cum labiis pudendi, ex lue venerea forsan, inflammatis. *Th. Bartholinus* contr. 9. histor. lviij.

## SCHOLIA.

**E**x crescentiam ex uteri vagina] Hec niam, vulgo vocatam uterinam, nihil aliud esse cenet *P. Barbeue* quam relaxationem anterioris vulvae tunicae,

quae rugosa facta est ut penem amplectatur & melius semen deferat ad uterum, Atque ut partus tempore onere suo citius liberet infantem.

*Sarcoma totam uteri vaginam occupans, forasque propendens, Vteri Procidentiam falso exhibens.*

**E**orum sententiam qui uterum foras prodire, & extra corpus ipsum propendere existimant, cultro anatomico impugnabo: Colonia Agrippinae mulier erat quae hystericis passionibus mirum in modum cruciabatur, Procidentiam uteri earum miseriarum causam esse & scire se, & manu tangere opinabantur: propendebat enim extra corpus quippiam, quod illi non aliud quam uterum esse, vel esse posse, existimabant: hæc interim mulier omnia quæ menses obstructi & reliquus uteri furor excitare solet symptomata passa, tandem anno 1665. morte ab his liberata fuit.

Dum Chirurgis hoc cadaver secantibus adsum, causa apparuit tantorum malorum prorsus alia quam opinati fuerant: Non enim prociderat uterus, quod fieri non posse ostendimus, sed interno ejus orificio adnatum erat sarcoma, quod diductum per totam vaginæ longitudinem extra corpus sese ostenderat.

Postea aliam ipse secans puellam, inveni similis sarcomatis rudimentum instar dactyli orificio uteri interno adhærescens, quod si tempore adauctum fuisset, eadem ratione incautis imposuisset, qui uterum semper immobiliter loco suo consistentem, tanquam vagantem per omnes partes ventris, vel tanquam procidentem accusassent. *Theodorus Kerckringius Observat. Anat. 53. Vide observat. ejusdem xx.*

## S C H O L I A.

**E**iusdem est sententiæ P. Barbesse Chirurgiæ lib. 1. cap. 8. Uterum, *ait*, non facile laxitate, multo minus disruptione laterum ligamentorum prolabitur, uti maxima pars scriptorum sibi imaginantur. Gravi foeminarum parturientium nilu, & incauta secundinæ extractione, alii nobiscum fundum uteri in pube plane inversum viderunt, adeo ut pars intima

extrema esset. Etiam experti sumus (præsertim in illis quæ alvi duntaxat & ventris dolore vexabantur) membranas pubis se eo usque extendere, ut homines Chirurgiæ imperiti eas pro ipso utero sumperint, & etiamnum sumant: Nam uterum sine vitæ periculo posse excindi, quemadmodum multi scribere ausi fuerint, perito anatomico intolerabile censetur.



## ANATOMIÆ PRACTICÆ


## LIBRI TERTII

## SECTIO XXXIII.

## De Hystericis affectibus, Suffocatione, &amp;c.

## OBSERVATIO I.

*Vteri ascensum, qui Suffocationem Hystericam dictam pariat, impossibilem esse Anatome ostendit.*

**S. 1.**  **U**M Uterus quatuor ligamentis aliis partibus firmiter alligetur, peret aliquis, Quomodo uterus in hystericis affectionibus ad hypochondria & fauces, uti apud plurimos in confesso est, ascendere possit? Respondemus illud impossibile esse, licet *Hippocr.* id afferret, Uterum aridum, siccum, suoque genio defraudatum ad hepar, gratiosi humoris fontem excurrere, ut humectetur: Cui suffragatur *Fernelius*, qui sæpe tactu deprehendit illum instar globi cujusdam in ventriculum efferri, eumque graviter opprimere, & manu depressum in propriam sedem propelli; nam Uterus in *cadaveribus*, ubi omnia ligamenta magis laxa sunt, duabus manibus apprehensus, licet magna vi sursum trahatur, ne quidem vix supra os sacrum efferri potest, nam præter quatuor ligamenta illa, quibus partibus inferioribus annectitur, etiam vesicæ, recto intestino, & mediante vagina, pudendi partibus externis adnascitur: Necessarium itaque foret,



foret, ut si uterus ad umbilicum tantum ascenderet, pudendum cum podice, non sine summis cruciatibus, mirum in modum retraheretur, de quibus nunquam hysterica passione, etiam gravissima affectas, conquerentes audivimus. *Regn. de Graaf de mulier. organis cap. 10.*

## S C H O L I A.

**G**lobi ad fauces ascendentes, de quibus quotidie conqueruntur mulierculæ, & quos *Fernelius* in ventriculum effert manu deprehendit, nihil aliud quam flatus quidam austeri sunt, his enim eructatis diminuitur non tantum, sed quandoque in totum cessat paroxysmus: quod pluribus probare liceret, nisi curiositati nostræ frænum injicere satius esset. *Idem.* Non omnis tamen ascensus uteri negandus, præsertim fundi, qui ab omni connexionē liber est: manifestus enim est in quibusdam gravidis cum fœtus famelicus est, qui obviam alimento

ire videtur: quod non semel sed pluries; non in una graviditate sed multis, manifestissime observare licuit in Uxore mea, cui si pastus tempus protraheretur, uterus ultra regionem umbilici efferebatur, protinus ab assumpto alimento residens: Id vero maxime illi contigit cum mares gestavit, eosque robustos, quibus ubera singulis momentis pene porrigenda erant, adeo ut una nutrix sæpe satis non fuerit: Sed in gravidis intumescere uterum certum est, adeo ut superiores illi partes attingere facilius sit.

§. 2. In apertis cadaveribus earum quæ hysterica passione extinctæ fuerunt (dissecui enim experiundi gratia varias) uterum nec intumuisse, nec ullo modo è loco suo dimotum fuisse (quamvis in vita, atque etiam instante jam morte, de ejus ascensu usque ad diaphragma & fauces magnæ ac continuæ fuissent querelæ) multoties vidi, imo in dicta affectione raro vitium aliquid in utero, sed plerumque in alcerutro vel utroque teste juveni. *De Diemerbroeck Anat. lib. 1. cap. 24.*

## S C H O L I A.

**U**terum sponte non ascendere, nec errabundo motu per ventrem inferiorem moveri clarissimis rationibus demonstrari potest: 1. Illud impediunt ligamenta, non modo vermiformia, quæ sunt vasa deferentia, sed imprimis lateralia, alis vesperilionum similia, quæ adeo firma sunt ut hujusmodi subitam extensionem nullo modo ferant 2. Uterus adeo parvus (quippe non excedit ovi gallinæ parvi magnitudinem) ut se eo usque extendere nequeat, licet vel violenta manuum vi ad diaphragma protraheretur, vel in tenuissimam membranam per summam extensionem attenuaretur: 3. In apertis cadaveribus, &c. (*Vide textum*) Globus autem qui in ventre inferiore sentitur usque ad ventriculum ascendere, ille non est uterus, neque etiam (quod credit *Riolanus*) sunt testes & tubæ uteri à putrescente semine turgescerent & orgasmo atque impetu huc illuc violenter agitate (hæ enim partes neque tantam laxitatem, neque tantam magnitudinem habent ut supra umbilicum ascendere, & magnitudinis ovi gallinæ aut asinerini ibi sentiri possint) sed sunt intestina, quæ a maligno & acri vapore ex utero vel testibus elevato (sicut interdum in epilepsia acris malignus vapor è pollice pedis utque ad caput ascendit) feriuntur ac vellicantur; qua molestia cerebro communicata, ut ejus mali causam depellat & excludat, copiosos spiritus animales in eorum fi-

bras emittit, & quibus inde intumescerentibus contrahuntur intestina (quemadmodum ab ejusdem vaporis ulterius ascendens acrimonia vellicantur, & sic contrahitur diaphragma, musculi faucium aliarque partes) tuncque si forte aliqui flatus sint in intestinis, ut plerumque sunt, contrahuntur circa illos flatus, eoique arte cogendo & comprehendendo globum istum effingunt: Etiam aëta ligatura, quæ a mulieribus in tali casu per latam fasciam ventri transversim injicitur, eo nomine non prodest quod globi istius (quem ille uterum esse arbitrantur) ascensum cohibeat, sed quia per illam maligni acris vaporis, ex utero vel testibus suscitari (suscitantur autem per aliquam fermentationem seu effervescerentiam, copiosius ascensus verius superiora impeditur, qui vapor tunc infra ligaturam aliquandiu detentus, circumstantium partium calore dissipatur. *De Diemerbroeck Anat. lib. 1. cap. 24.*

Dubitari potest an uterus sponte, aut vi ad Hepar assurgat? Si sponte, non potest motu proprio eo ferri: si superne vi quapiam rapiatur, necesse est partibus superioribus adesse convulsionem, non utero, qui tum à supernis partibus attrahitur ratione nervorum: tumque cerebrum ipsum convulsionem parietur: Nam raro convulsionem adsunt in hystericeis affectibus: *Riolanus Antroph. lib. 2. cap. 33.*

## OBSERVATIO II.

*Hysterici affectus convulsivi in muliere, cui menstrua suppressa.*

**O**rficium uteri externum nonnunquam ob exulcerationem post partum penitus coalescit: quod semel in Nobili Matrona observavimus, in qua ne vestigium quidem foraminis vel rimæ apparuit, quæ cum toto anno, ipsa malum celante, à mensuris non fuisset purgata, variis hystericeis convulsivis affectibus confictata tandem interiit. *Caspar Bauhinus Theatri Anatom. lib. 1. cap. 39.*

## OBSERVATIO III.

*In muliere à Suffocatione uterina extincta repertus Sanguis in cordis  
ventriculis coagulatus.*

**F**iliam suffocatione uterina extinctam aperuimus, in cujus cadavere nihil prorsus invenimus cui mors imputari posset, præter sanguinem in cordis ventriculis præter naturæ ordinem coagulum. *Regn. de Graaf Tract. de Succo Pancreatico cap. 9. ex Elsnæro.*

## S C H O L I A.

**I**deo succo Pancreatico, variis modis vitato, præsertim tamen austero, Suffocationem uterinam adscribit Vir Clariss. l. c. atque ad illustrationem sententiæ dictam Observationem adducit, ac sanguinis coagulationem nimiam, non aliunde quam a succo quodam acidiori deduci posse multis phenomenonis probat: Cui itidem non absurdum videretur viros aliquando suffocatione hysterica consimili la-

borare posse; præsertim cum ejus causa proxima non accedat immediate ab utero, sed à tenui intestino, in quo ob vitiosam concurrentiam humorum effervescentiam vitiatam, excitantur halitus atque flatus austeri, qui quoties per oesophagum assurgunt, & ad asperam arteriam perveniunt, partes illas ita constringunt, ut in strangulationis periculo se versari putent agri.

## OBSERVATIO IV.

*Hysterici affectus immanes à Semine retento* 1. *Ob Testes & vasa spermatica semine, per moram gypseam duritiem adepto, referta.* 2. *Ob Testes atheromate & steatomate distentos.* 3. *Ob humorem æruginosum, croceum in Testibus, cum alterutrius incremento.* 4. *Ob Testiculum dextrum pure, pilis, &c. refertum cum tumore magno.* 5. *Ob croceum & fœtidum humorem in Testiculis inclusum.* 6. *Ob Testiculum sinistrum tumidum, nigricantem, gangræna proximum.* 7. *Ob vesiculas atro humore plenas juxta Testes.* 8. *Ob Testes seroso humore turgentes, & Tubam uteri dilatatam.* 9. *Ob semen in Tubis uteri corruptum.* 10. *A semine corrupto in Testibus Vtero & vasis spermaticis.* 11.

§. 1. **P**uella quædam ante plures annos corrupta à veneris usu forte diu abstinerat: Varia affectionis hystericae symptomata sensim successerunt: Tandem immanes in hypogastrio dolores, Tumores duri, vagi, nuces referentes, imprimis dextrorsum, nullis pacandi medelis pullularunt: Die 3. Octobris accersitus, tabidam inveni decumbentem, tumidum ostendebat crus dextrum, vestigia comprimantis digiti circa malleolum retinens, sinistro quod prius intumuerat, extreme emaciato: Inflatum etiam erat abdomen, oblitteratis prioribus extuberantiis, Sceleton dixisses: Die 7. Octobris anni 1660. circa horam 4. matutinam, annos 49. nata obiit.

Aperto cadavere, Hepatis convexum, Intestina crassa, livida & gangrænosa apparuerunt, indurato stercore plena: Vasa spermatica præparantia semine albugineo, viscido, subcæruleo plena erant: Testes, uteri tubæ, vasa deferentia, vesicæ seminales, omnes inquam illæ partes semine inflatæ mirum in modum turgabant, ita ut in quibusdam incoctum, in aliis omnino excoctum, crassum, album & naturale, in aliis situ ita induratum esset ut steatoma referret: Plus sane semi-libra binis Chirurgis & mihi apparuit, pravi nullius odoris: Uterus parvus erat admodum, compactus, pyri instar superne & inferne complanati, cujus orificium corruptela lividum erat, forte ob intestinorum inferiorum viciniam gangræna labefactorum: Pulmo, sinister imprimis, etiam viciatus costis adhærebat.

## S C H O L I A.

**C**atharina Soror, honesta virgo, forte quadragenaria, ab anno 1660. floribus albis laborans, magno cum hypogastrii & lumborum cruciatu, tandem exulcerato utero, & suppressi seminis violentia, biennio post quasi tabida exspiravit: Inde facile conjecturis assequi licuit, plurimas mulieres, maxime corruptas, & viduas juniores, veneris usu in-

terdictas, à cumulado, vel peculiariter infesto semine languere, tandem interire: Nec enim in illis non nisi coacervari & labefactari potest, infinitorum malorum prava & venenosa qualitate contracta author, nisi excernatur, hinc illæ querelæ. *Joh. Nic. Binningerius Observat. xc. centur. ij.*

§. 2. Vir Illustris, in vicinia degens, Uxorem ex Illustri familia ortam uxorem ducit, formosam, pudicam, proceram, ingenio & corpore præstantem; Hujus fastidium obrepit, ac pedissequæ ignobilis, pumilæ, deformis, suspectæ castitatis amoribus irretitur;

fitur : Injuriam mœsta & tacita Uxor concoquit, omni officiorum & cultus genere conjugis benevolentiam revocare annititur : Interea à non exculto naturæ fundo crebris affectibus hysteriis ac multiplicibus vexatur, quibus melancholicum succedit delirium, erroris mariti ream se professâ, innocens; ab eo criminis veniam deprecatur, domesticos promiscuè quosvis admittarios sustinuisse falso enuntians : hinc diutino mœrore confecta & inedia, à longo decubitu, interveniente morte mentis errore & corporis languore exsolvitur.

Aperto cadavere, sola generationis organa in vitio deprehensa sunt, nam Testes, Vasaque omnia tum præparantia, tum asservantia, tum deferentia, semine turgere sunt deprehensa, sed indurato ac in gypseam duritiem concreto.

§. 3. Nonnunquam in virginibus hysteriis, & puerperis post obitum dissectis, Testes atheromate & scatomate magnitudine pugni distentos deprehendit *Joh. Riolaus Anthrogr. lib. 5. cap. 1.*

§. 4. Testiculi muliebres nonnunquam in morbofo statu à naturali constitutione recedunt, tum in magnitudine tum in contentis : Annis 1656. 1658. & 1663. tria secui cadavera muliebria, in quibus unus testis excedebat magnitudinem pilæ palmariæ, humoremque viscidum continebat, altero teste se bene habente : In variis aliis, quæ in vita Suffocationibus uterinis frequenter laboraverant, plerumque inveni aliquem quidem, sed tamen prædicto longe minorem magnitudinis excessum, in eorumque modo uno, modo utroque, liquorem quendam auriginosum vel croceum aut flavescens, seminis in eo corrupti indicem. *Diemerbroeck Anat. lib. 1. cap. 23.*

§. 5. Testes muliebres humore aqueo, instar crassiusculi lactis feri similis in sanis pleni, in ægris vero veluti vesiculæ humore aquoso, alias limpidi, alias croceo, luteo, tingente & graveolenti, referri, unde uteri strangulatus causatur. *Bauhinus Atom. l. 3. c. 35.*

§. 6. Lugduni anno 1578. quum subito mortua esset mulier quædam sola, & suspicio esset de vi aliqua illata, Ego, imperante Magistratu, corpore externe & interne prius diligenter inspecto, nullam causam subitanæ mortis invenire potui, præter tumorem magnum testiculi dextri, ob copiam pilorum & materie similis sevo, cum pure, unde matricis præfocationem violentissimam & lethalem excitatam fuisse verisimile est. *Ex Observat. Joh. Bauhini.*

§. 7. Habent mulierum testes intus, præter vasa, sinus quosdam tenui aqueoque humore plenos, qui prius non læso teste, sed vi compresso, ac inflatæ vesicæ modo crepante, in miram altitudinem inter disseccandum, non secus quam ex scaturigine quadam exilire solet, ut vero is humor velut crassiusculum lactis serum in sanis mulieribus albus est, ita quoque illum mire luteum croceumque, & paulo crassiores deprehendi in duabus Nob. puellis quæ ante mortem uteri strangulatu vexabantur, quibusque alterius testis sinuum unus duntaxat, instar majusculæ pilæ protuberabat croceo humore illo infarctus, & conterminas sedes non secus tingens quam in hominibus colon intestinum, qua sub jecore fertur, à bilis vesicula luteum fieri cernimus : Utque hujus humoris liquorisve rarus occurrit color, ita quoque gravissime olebat, venenosumque quid & tetrum præ se ferebat odorem, illorum cerebri symptomatum indubiè author quæ in uteri strangulatu in dies oboriuntur.

Una virgo annos nata nondum xiv. ex Pulmonum, ut videbatur, inflammatione & frequenti in eo morbo uteri strangulatu periit, qui non ita pridem molestus esse cœperat : Altera annos jam attingens duodeviginti, postquam uno aut altero anno insigniter paluerat, illisque symptomatibus subinde oppressa fuerat, quibus puellas modo fere teneri constat quæ perditæ amantes menstruas purgationes diu suppressas habent, aut quibus albus ille & crudus humor longo intervallo profluit, suffocatione ita interiit, ut cum porrecti veneni parentibus incideret suspicio, ea mihi Medicisque aliquot ad expetitam sectionem obrigerit, in qua præter ingentem pulmonum albedinem molliemque, ac totius corporis exanguem habitum, nihil vitiosum vel circa uterum ipsum deprehendi, præter luteum illud miris modis olens alterius testis tuberculum. *Vesalius l. 5. c. 15. Anatom.*

## S C H O L I A.

**E**X pulmonum, ut videbatur inflammatione] *Highmorus* Tractatu de Passione hysterica, utrum ab omni culpa vindicat, atque parhemata quæ vulgo dicuntur hysterica à sanguine in pulmones impetuosius irruente oriri credit; Supponitque sanguinem, utpote tenuiorem & narulentum, cum ef-

fervescentia quadam in vasa pneumonica & cordis nimis confertim irruere, & in iis impetuosè ebullire, adeoque pulmones infercire & plurimum aggravare, ut nec illi motum ineant, neque sanguis à cordis sinibus lacunari possit; hinc à sanguine in præcordiis stagnante, magnam oppressionem, respici-

tionem



tionem difficilem & sæpe nullam, cum spirituum vitalium deliquio inferri solere: dein septum transversum ut pulmonibus magis magisque distensis locum cedat, & respirationem aliquo saltem modo perficiat, cum diastole inuani & diutius continuata deorsum ferri, adeoque intestina deprimendo, abdomen & hypochondria distendere, & motum velut globi ascendens simulare, postea vero functione vitali ad hunc motum laborante, facultatem animalem in suppetias ejus insurgere, quapropter urgente motuum in variis partibus necessitate, spiritus animales in principia nervorum impetuosè propulsi convulsiones diversimodas hinc inde vagas edere: Hanc opinionem à magno juvant in hoc affectu per sanguinis missionem, nec non ab insigni læsione propter excretionis cujusque sanguineæ retentionem, tum à juvantibus tum à nocentibus in hac passione confirmare satagit: Assensum tamen huic opinioni per omnia non dat *Cl. Willis pathol. cerebri cap. x. 1<sup>o</sup>*. Quod in quibusdam hysteriis, quæ scilicet temperamenti frigidioris sunt, sæpe etiam pica & malacia afficiuntur, vix credibile sit sanguinem ita in pulmonibus immodice ebullire, sine quibuscumque effervescentiæ suæ notis alibi conspicuis, Novi, ait, puellas ob chlorosin quasi exangues, quare nempe cruor, utpote effusus, à quovis exercitio in corde stagnaret, & inde difficulter admodum in pulmones exantlaretur, quæ tamen passionibus dictis hysteriis erant graviter obnoxia: Certe haud probabile est quod harum sanguis immodice effervescent in vasa pneu-

monica impetuosè iruat, eorumque poros & meatus confusissime infarciat, cum interea tales anhelosæ sunt ob sanguinis à pulmonibus absentiam aut admissionem difficilem. 2. Quo pacto evenit ut violentus iste sanguinis in pulmones incursus, qui circa paroxysmum heri supponitur, haud inflammationem in iis pariat? quippe sanguis parti cuiuspiam, rapide & nimis confertim impactus, facile extravasatur, & *πλῆγμα* ægre discutiendam excitare solet. 3. Observare licet quod Pulmones haud semper ante alias partes afficiuntur; sæpe enim symptomata spasmodica alibi incipiunt & non raro pectoris regionem omnino intactam dimitunt: quippe in aliis quibus vertigo & oculorum coruscationes paroxysmum inchoant, quibus fletus, aut risus, aut artuum motus convulsivi, sine thoracis angustia aut cordis oppressione succedunt: in aliis, antequam respiratio quovis modo laborat, infimi ventris intumescencia cum vomitu aut rugitu paroxysmum ordiuntur & non raro finiunt: utcumque respirationis difficultas symptomata ista sæpe longo intervallo sequitur, eamque fasciarum in hypochondriis arcta constrictio præcavere solet: Porro videtur quod iste velut globi cuiusdam ab hypogastrio ascensus à septi depreSSIONE neutrquam procedat: quoniam scilicet in paroxysmo hysterico hæc pars haud semper ventus inferiora deprimatur, ac sæpenumero ad superiora contracta pulmones sursum propellit, adeoque spiritu fere præcluso suffocationis periculum fere minatur.

§. 8. Vidua Dn. de Sejelori ( *de qua lib. 2. tit. de Respiratione laesa* ) affectibus hysteriis valde obnoxia, subito in terram concidit exanimis: Aperro cadavere, Inventus est testiculus sinister exigui ovi magnitudinem æquans, colore nigricante, eoque aperto substantia illius spongiosa nigra & veluti gangræna affecta visa est &c. *Riverius cent. 1. Observat. 60.*

§. 9. M. Gerart Virginis annor. 25. misere mortuæ ex labefactata hepatis hæmatosi apertum est cadaver, in quo nullam aliam causam mortis quam hæmatoscis corruptelam deprehendere potuimus: quippe inde sanguis ad putredinem dispositus procreatus cum esset, à maligna aëris constitutione, & hyemis præcedente, & veris præsentis, febris putrida procreata inquinaverat uterum & pulmonem corruerat, unde Suffocationes uterinæ obortæ, anxietate & leipothymia per intervalla miseram afflixerant, concurrente subinde delirio ex spirituum vitalium iniquatione à vaporibus, qui tum ab utero proveniebant, tum ex pulmone corrupto: Nam juxta uteri testes vesiculæ quædam deprehensæ fuere *tetro atro humore repleta*: Hepar flaccidum erat, & in thoracis cavitate multus humor aquosus crassus sanguinolentus continebatur, qui proruperat ex ipsis pulmonibus nutrimentum suum non bene conficientibus: Cum itaque hostis perennis, febris putrida adesset, eique nullum auxilium boni nutrimenti opponeretur, tandem necessarie vivificus in corde calor resistere non potuit, febris perennitati, & suffocationum uterinarum pravitati: Dum ægrotaret, non deglutiebat nisi summa difficultate: Post mortem ex œsophago teterrius corruptus chylus exibat, & multa spumans pituita asperam arteriam implebat, ex pulmonibus exundans. *O. Heurnius histor. 16.*

§. 10. In hysteriis virginibus *deprehendi Testes* pugno grandiores, seroso semine turgent: quinetiam Tubam uteri amplificatam & valde dilatatam. *Riolanus Anthrogr. l. 2. c. 32.*

#### SCHOLIA.

Cum uterus sit in suo situ firmiter alligatus, non est verosimile in præfocationibus hysteriis ad umbilicum ascendere, crederem potius motum illum oberrantis & convoluti corporis, quod hysteriæ mulieres sentiunt circa umbilicalem regionem, proficisci non ab utero ad eas partes clato, sed à testibus & tuba uteri: Quum enim Testes sint penduli, & corpus Tubæ fistulosum, laxum & vagum, simul volutari possunt per hypogastrium, & tracta

ad umbilicum usque assurgere dum semine putri turgent: cujus orgasmo & impetu huc & illuc violentè agitantur, nam uterus vi magna superne tractatus, vix supra os sacrum efferri potest: quippe præter quatuor ligamenta quibus firmiter adstringitur, etiam recto intestino & pudendis partibus adnascitur & coheret: quas quidem partes, nempe pudendum & podicem dolorifice retrahi & convelli oporteret, si ad umbilicum usque uterus ascenderet:

ret:

ret: Quod si objicias Testes & fistulosum Tubæ corpus minora esse quam ut possint tumorem illum rotundum efficere, live corpus illud magnum conglobatum, quale tactu deprehenditur æquare? Oppono exemplum hystericarum virginum superius allatum: Quare *Galeni* sententiæ subscribo uterum non per se moveri, sed duntaxat ejus appendices plenitudine distentas huc & illuc circumferri. *Vide Sennerium præf. 4. part. 1. f. 2. c. 15. & p. 2. f. 2. c. 4.*

*Deprehendi Testes, &c.* ] Quandoque & minorem suffocationis hystericæ esse uterum ipsum ostendit *Hieron. Gabucinus*, Mulier, *Ais*, quædam strangularui matricis erat obnoxia, sæpe in comitiales convulsiones incidebat ac syncopas, hoc malum cum sæpius tulisset, nec ullo remedio liberaretur, excreto tandem è vulva nigro quodam humore & crasso miraculo evasit.

*Seroso semine turgentes* ] Imo & à solo feto acri induci posse præfocationem uteri probat historia à *Ph. Salmasio* cent. ij. observ. 47. allata, de virgi-

ne multis annis præfocatione uteri laborante, cui ex admotione emplastri de galbano & ceronei, cum ol. *cheirino* subactis, primum pustulae mox vesicæ excitantur, tandem excoarctatio omnimoda loci quem scutum tetigerat, unde tanta copia feri bilioli & aeris vacuata ut aliquot lintea plane vacuarentur, à quo tempore immunis à morbo vixit.

*Seroso semine* ] Quomodo semen cohibitum dolores distensionemque abdominis inferat, explicat *Riolanus Encheir. Anas. lib. 2. cap. 37.* Quamvis (*ingru*) scriptum fuerit ab *Hippocr.* & à *Fernelio* confirmatum, uterum instar globi revolvitur per capacitatem abdominis, sunt potius cornua uteri, receptacula seminis spirituosius terrentis vel putrefacti, quæ tumefacta oberrant donec suum semen in capacitatem abdominis effuderint: quod quidem dispersum dolores acerbissimos inferit, distenditque abdomen donec vis illa spirituum evanescit: Inde illa distensio abdominis & præfocatio diaphragmatis.

§. 11. In Tubis uteri semen muliebri nonnunquam corrumpitur, unde symptomata gravissima eveniunt: *P. Barbette Anatom. Præctica lib. iv.*

§. 12. *D. Mannagetta* cum cadaver femininum Hysterica passione (ut ferebatur) extinctum dissecaret, reperit illius mesenterium infinitis fere glandulis scirrhis, variae magnitudinis & figurae refertum, tantæ duritiei ut omnem ferme cultri aciem illuderent: Uterus vero, una cum Testibus & vasis Deferentibus, materia seminali corrupta quæ caseo recenter conglobato haud absimilis erat, turgidus repertus fuit. *Ex Miscellaneis curiosis anni 1674.*

## OBSERVATIO V.

*Affectus hysterici crediti, Vtero insonte, orti à Mesenterii membranis ab invicem divulsis.*

Cum feminae Illustris paulo ante obitum affectibus (quos dicunt) hystericis gravissime laborantis cadaver aperirem, *Vterum* quidem *prorsus insontem* reperi, verum juxta mesenterii plexus nerveos, uti videbatur, in molem attolli & elevari solitos, visceris istius membranas ab invicem divulsas & solutas, ut circumquaque tumidae & laxae, quasi in bullulas live vesiculas inflatae apparerent. *Willis Patholog. cerebri cap. 6. Vide integre historiam descriptam supra lib. 1. tit. de convulsione.*

## SCHOLIA.

PASSIO hystERICA pessimæ adeo famæ existit, ut semi-damnati instar plurium aliorum affectuum causas gerat: si quando enim agritudo inusitati moris, aut occultioris originis in corpore femineo occurrerit, ita ut ejus causa lateat, & indicatio therapeutica sit prorsus incerta, statim uteri (qui plerumque insons est) malam influentiam acculamus, & in symptomate quovis inusitato aliquid hysterici subesse pronuntiamus, proindeque ad hunc scopum, qui sæpe ignorantiae tantum subterfugium est, intentiones Medicæ ac remediorum usus diriguntur: Variorum autem symptomatum hystericorum causas medici plerique solummodo in uteri ascensum & vapores ab eodem elevatos attulere: Prior opinio, licet antiquum obrinet, minus verisimilis videtur, quippe in virginibus & viduis uteri corpus adeo exigua constar mole, & partibus circumquaque vicinis ita strictim alligatur, ut nec ipse loco moveri nec ascendere, nec motus ejus, si quis fuerit persentiri poterit: Quoad aetiologiam illam vulgaram à vaporibus desumptam, eam uti prorsus vanam rejicimus. Credimus autem parthemata ejusmodi sæpiissime à materia spasmodica, intra plexus mesentericos aggregata & per vices explosa oriri: atque

omnino à spirituum animalium explosionibus oriri: Discriminis ratio qua tum morbi hujus species ab invicem, tum ab aliis spasmodicis differunt, à varia causæ morbificæ origine & extensione potissimum desumitur; nam origo hujus, sicut plurimum alijsmodi spasmodorum, utero prorsus insonte, sæpenumero in capite consistit: quandoque tamen hic affectus ab uteri culpa, & nonnunquam ab aliarum partium vitio dependet; Quoad morbi extensionem, à quacunque origine procedit, ut plurimum nervos interiores, nempe ad viscera & præcordia spectantes, eorumque appendices præcipue afficit, spiritusque in iis scitantes potissimum exercet; interdum vero licet rarius, etiam spiritus qui nervis exterioribus, item qui cerebro & cerebello præsident, eodem affectu involvuntur: Primo dicemus de morbi hujus origine: hanc autem sæpiissime *ἡ ὑστερία* consistere, & symptomatum quæ in vivis accidunt comparatio, & *Defunctorum observationes anatomicæ* aperte indicant: quippe observare licet hunc affectum à subito terrore, ingenti tristitia aut indignatione, aliave passione violenta, in qua spiritus cerebri incolæ potissimum afficiuntur, cerebro exortum ducere: Porro nonnullis mala victus ratio, &

vauja

varia accidentia, quibus humores vitiosi intra caput uberius congeruntur, hoc malum primo intulerunt: quin & paroxysmorum ritus idem manifeste evincit, in quantum scilicet capitis plenitudo, vertigo, oculorum coruscatio, aurium tinnitus, in multis paroxysmum hystericum ordiuntur, cumque non raro concludunt; *Præterea mulieres quasdam ab aliis morbis desinitas, passionibus interim hystericis dum egrotarent valde obnoxias, aperui, in quibus, utro satis recte habente, in occipite nervorum principia sero acri madida ac prorsus immerita deprendi*: Has aliaque rationes perpendentes, non dubitamus asserere passiones vulgo dictas hystericas, creberrime oriri, eo quod spiritus animales nervorum principia intra *ἐπίκρανα* occupantes, labe quadam afficiuntur: Illi nimirum aut in confusionem acti, aut humoribus vitiosis, perfusis copulam heterogeneam & explosivam sibi met adiscunt, quam una secum in canales nerveos longe deducunt: cumque iidem spiritus per totas eorum series sive ordines, copula illa ad plenitudinem saturantur, aut sponte sua, aut occasionaliter commoti, explosiones ineunt, adeoque motus convulsivos cient: Quod vero talis copula spiritibus adhaerens, una cum iis in nervos interiores potissimum derivatur, ratio est, quoniam in hoc versus præcordia & viscera comineatu, spiritus animales propter animi affectus plurimum perturbantur, quare noxias quasvis aliunde allatas facilius admittunt & anomalias promptius concipiunt: Spiritus enim animales ob hanc præcipue occasionem diathesin spasmodicam contrahunt, quatenus nimirum illi ab impressione violenta, extra orbitas suas ac solitum influentia & actus modum pervertuntur: hinc inordinationes suas non modo postea repetunt, quin & particulas heterogeneas in amplexus suos suscipiunt, cumque iis facilius combinantur: quapropter in quantum spiritus animales nervos *Paris vagi & intercostalis* permeantes, appetitus tum concupiscibilis tum irascibilis perturbationibus quibuscumque continuo implicantur, nihil mirum est si illi præ cæteris dispositionem convulsivam acquirant: Supposito igitur (quod revera supponi debet) spiritus animales juxta origines nervosas copulam heterogeneam & explosivam contraxisse, eamque in nervos interiores una secum vexisse, & per totos eorum ductus explicasse, non difficile erit paroxysmi hystERICI omniumque ejus symptomatum rationes assignare: Inprimis enim morbo ingruente sæpenumero vertigo, oculorum rotatio & cerebri velut inflatio quædam, quasi velitationes præviæ excitantur, quia tota spirituum cohorte in explosiones parata, leves eorum copie versus cerebrum resiliences primo eliduntur: Deinde statim in imo ventre aut hypochondriis perturbatio succedit, in quantum spiritus intra plexus hic aut illic confixos proxime afficiuntur: nam alibi ostendimus, si quando spiritus animales in tota quadam serie exploduntur, qui in extremis partibus resident, affectionem istam primo inire: Quare morbi hujus initia in capite & visceribus plerumque habentur: Quod autem convulsionem modo in imo ventre, ac modo in hypochondriis primo sentiuntur, ratio est quia materies morbifica, interdum nervi intercostalis ductu in plexus ultimos mesentericos provehitur: quandoque tamen eadem non ultra paris vagi fines delapsa, multo citius, nempe circa plexus lienares aut stomachicos subsistit.

Cum itaque spiritus animales intra nervos paris vagi & intercostalis, ab eorum origine usque ad fi-

nes ultimos copula heterogenea & explosiva imbuuntur, illi tandem vel mera plenitudine, vel ab irritatione alicubi facta in explosiones cientur; in qua affectione si qui spiritus versus cerebri medullium exilant, vertiginem, capitis inflationem aliaque accidentia prævia inducunt; attramen spiritus nervosi caudicis extremitatem alteram, sc. plexus mesentericos incolentes, præcipue explodi incipiunt: qui statim elisione sua imas hypogastrii partes attolli & sursum contrahi cogunt, adeoque *motus ejusdam quasi uteri ascensum* inducunt; Deinde cum plexus mesenterii superiores eodem affectu lentum implicantur, idcirco, in quantum tota mesenterii compages, visceraque eadem annexa elevantur & versus superiora impetuosè corripuntur, *abdominis intumescencia violenta*, velut cum exilitione quadam succedit: Porro ventriculus non tantum situ ejus mutato elevatur, quin fibris ejus omnibus una ipsalino affectis, sæpe tanquam vesica inflata distenditur: hinc non raro *vomitibus*, aut saltem *rugitus & murmura hypochondriorum* excitantur: Quapropter primo spiritibus serie quadam explotis ad thoracis regionem pervenitur, diaphragma modo diastole immuni convulsim deprimitur, adeoque viscerum ascensioni accurrens, inflationem & sursum intumescenciam cum ingenti læta infert, ita ut in affectis illico ligamenta vestium solvi debent, secus illæ in leipothymiam incidere periclitabuntur: Interim septo ita depresso, ejusque diastole continuata, sanguis fere immotus in præcordiis subsistit, adeoque stagnatione sua magnam oppressionem, ac non raro functionis vitalis deliquium ciet: Porro *Septi convulsio* modo versus superiora contingit, adeoque illud pulmones sursum impellens, thoracis systolen violentam & diutius quam par sit protractam inducit; cumque hac ratione sanguis in vasa pneumonica propellitur, nec de novo à cordis sinu excipitur, ibidem ac in toto præterea corpore stagnat, inde cordis oppressio & sæpe *leipothymia*, imo interdum *ἀσπνία, ἀσπνία*, modo cum *livore faciei*, modo cum *aspectu cadaveroso* insequuntur: Postquam hæc in ima mediaque regione peraguntur, demum affectio ad caput, nervorum, quasi funis igniarum ductu, pertingit, atque spiritus ibidem exploti modo versus cerebri medullium resiliences, *scotomiam*, & non raro symptomata Epilepsia quasi æmula producant: modo spiritus illic exploti in nervorum aliorum principia irruunt, ibidemque pares explosiones cient, quapropter hystericæ circa finem paroxysmi sæpe *ridens* aut *plorans*, aut *delire* fabulantur: nonnunquam *faciei ac oris* partes, quinimo interdum *brachia aliaque membra moribus convulsivis* afficiuntur: cumque adeo demum spiritus omnes, qui copulam heterogeneam contraxerant, exploduntur, paroxysmus finitur, verum exinde statim alterius paroxysmi materies congeri incipit.

Quandoque accidit dispositionem spasmodicam non ita longe lateque protensam esse, præterquam enim quod sæpe nervi tantum paris vagi & intercostales eadem plethuntur, ut neque cerebrum nec membra exteriora quicquam afficiantur, quinimo interdum nec ipsi nervi interiores per totos eorum processus causa morbifica occupantur; nam diathesis convulsiva (prout modo innuimus) sæpe non ultra plexus lienares aut stomachicos pertingit, & nunc paroxysmus à ventriculi aut hypochondrii sinistri inflatione incipiens, non *visi* sed *lienis* vitio oriri creditur: cujusmodi affectio mox ad thoracem traducta, ibidem-



bidemque septum & pulmones spasma involvens, *respirationem & cordis motum* sistit aut quodammodo pervertit: subinde vero paroxysmus iste modo *enim*, modo *sine capitis perturbatione insigni* pertransit: Hæc quidem vario modo contingunt, juxta quod materiem morificam, sive copulam explosivam à capite descendente, velut pulveris pyrii acervos, modo in hac modo in illa parte plus aut minus congeri accidit: de qua tamen materia, quo ritu eadem in capite producta nervorum origines primo afficit, adeoque passionis dictæ hystericæ causam procatarteticam constituit, jam proxime inquirendum restat.

Quod itaque spectat ad materiam morificam, sive copulam explosivam, quæ spiritibus intra *caput* latentibus accrescens, cumque iis in processu nerveos derivata non raro affectuum qui vulgo perhibentur uterini, causa exiit; dicimus hanc, sicut in aliis convulsionum speciebus, esse particulam heterogeneam è sanguine suffusam, quæ tamen ob duas potissimum *causas* spiritibus in nervorum principia influxuris affigi solent: nempe aut spirituum ipsorum culpa, aut ipsius materię præpollentia: utriusque generis instantiæ passim occurrunt: Interdum accidit spiritus animales intra cerebrum, inque comitatu ab ipso ad præcordia ducente, confitos, à subita passione, puta timoris, iræ, tristitiæ, plurimum perturbari ac in *anxia* cogi: proindeque illos extra ordines propulsi, particulas heterogeneas quæcumque obvias sibi met adiciere cumque ipsis combinari, ut propterea mox diathesin explosivam acquirant, eamque aliquandiu postea retineant: Insuper secundo, ipsa materies morifica interdum magis effera & potentior facta, invitis æconomiz animis præsidii, è massa sanguinea in cerebrum ejusque appendicem suffunditur, quæ spiritibus adhærens, eos statim in explosiones disponit: hoc passim cernitur in malis febrium crisiibus, nec non in affectibus quibusvis malignis, etiam scorbuticis, aliisque chronicis perperam judicatis: Has causas plurimum fovet suscitaturque mala aut debilis cerebri & nervosi generis constitutio, sive eadem hæreditaria, sive ob malam victus rationem acquisita fuerit: namque in corporibus ita dispositis, & spiritus animales a levi quavis occasione in confusionem aguntur, atque cerebri & systematis nervosi meatus, materię heterogeneæ & explosivæ incursum facilius patitur. Revera propter hanc rationem feminæ præ viris, illarumque aliz præ aliis affectibus convulsivis obnoxie fiunt.

Quamquam autem hujusmodi mulierum passionēs, dictæ hystericæ, sæpius à capitis vitio, sive à causa morifica intra *caput* oriunda procedant, attamen aliquando tales affectus propter causam alibi incipientem, sc. modo in utero modo in aliis visceribus suscitantur, atque hujus pathologiæ ipsamodi *cæ* duo sunt præcipue capita, scil.

1°. Interdum accidit tumor aut ulcus, aut humorum acrimia congestiones, in partibus membranis circa uterum aut alia viscera confitis excitari, atque partes ita affectas, ob solutionem continuam in spasmos dolorificos crebro irritari: denique in quantum spiritus animales circumcirca dispositi, influique in crebras *anxietates* adiguntur, illi demum particulas heterogeneas, aut à parte affecta aut aliunde dimissas sibi met adiciunt, ad impetus explosivos disponuntur; cumque imprimis motus convulsivi tantum in loci affecti vicinia contingunt, nempe ut moles in hypogastrio ascendens, aut ventris intumescencia solummodo percipiuntur, postea corporum nervorum ductu & consensu, ipsi ibidem incepti sensim in alia ventris imi viscera, dein ad præcordia, ultimoque in ipsum caput propagantur, atque

affectu ita paulatim ad spiritus cerebri *nicolas* delato, illi insuper in propria officina copulam heterogeneam nacti, eam in viscera retorquent, adeoque causa morifica reciproca facta ab utraque caudicia nervoli extremitate inchoatur. Vidi olim virginem in qua tumor exiguus subter os pubis cum dolore atrocissimo exortus, convulsionēs immanes in ventre infuso primo, ac postea ad præcordia & caput ascendentes, ac demum in membra exteriora protentas ciebat: nam semel aut bis in die, postquam in parte affecta cruciatus insignes urgerent, abdomen & mox hypochondria attolli solebant, dein respirationis difficultas, & *anxia* succedebant, atque statim affectu exterius translati, membrorum & artuum contractiones, convulsionēque horrendę sequuntur sunt: Nonnumquam etiam accidit puerperis, ob noxam utero illatam symptomata spasmodica induci: Refert *Harvini* ab injectione uterina acriori convulsionēs mirandas excitatas fuisse: Ita interdum, licet rarius, accidit spiritibus circa nervorum extremitates & prope uterum degentibus, materiem morificam, sive copulam explosivam immediate à loco ibidem affecto & abique cerebri culpa affigi.

2°. Restat adhuc alter casus, sive afficiendi modus, quo dispositio spasmodica partium longe à cerebro assituarum vitio producta (licet interin rabes, quæ illius affectionis causa exiit non raro ipsi cerebro mediate communicetur) nimirum, si quando succus nervosus alicubi in motu suo, sive circulatione impeditur exinde in partes nervosas restagnans, easque aggravans sæpe diathesin spasmodicam interit: Ita cum evacuatio quædam tolemnis, qua liquoris nervoli superfluitates excerni solebant, cohibetur, uti à fontanellis subito oclusis, aut ulceribus vetustis sine catharsi exsiccatis, plures in affectiones convulsivas inciderunt: Quinimo aliquatenus hic locū obtinet, quod vulgo in virginibus & viduis pro causa passionum hystericarum assignari solet, nempe humoris seminalis, quem *ad* *ta* *appetina* impendi oportuit, intempestiva cohibitio, saltem si quando ita à conjugali vitæ statu juvenem recipiunt, ideo accidit quoniam humoris nervoli restagnationes, quæ cerebro & nervolo generi sæpe labem affigunt, hac ratione præventur: Porro succus nervosus versus principium suum regurgitat, quia transitus ejus a tumore aut scinholo aut cancroto præcluditur: Nuper in hac urbe istiusmodi affectus insignis instantia contigit, scil. puella quædam 12. annos nata herniam contraxerat, hinc ex præcepto matris fasciam male adaptatam cum fibula durissimula, glandulas inguinales valde comprimente, non sine magno dolore & cruciatu per binas septimanas gestabat: intra hoc spatium (cum prius integre valebat) de vertigine & gravi capitis torpore queri cepit, ac paulo post affectiones convulsivas & quasi hystericas crebro ingruentes passa erat, simulque scrophulæ ingentes pone aures ac in cervice ejusdem lateris subnascebantur, quibus antehac in tota vita haud quaquam obnoxia fuerat: In hoc casu minime est quod dubitem quinà glandulis istis, quæ sunt liquoris nervoli emunctoria, nimis compressis, humoris istius superfluitates, inde per vasa lymphatica amandari solitæ, in caput restagnantes mala ista pepererint: quippe symptomatum prædictorum a tubligaculi istius inguinalis gestatione ortus, ita subito & manifeste successit, ut in hanc occasionem vel mater ejus morbi occasionem retulerit: Insuper etiam in aliis observavi humoris nervoli alicubi in decursu suo obstructi, recemeta versus caput restagnantia, non modo symptomata ipsamodica, aut deinac affectus strumosos intulisse.

Hæc de affectionis dictæ Hystericæ ratione for-

mali, diversimoda origine, nec-non de symptomatum ejus causis genuinis: è quibus liquido constare videtur passiones istas non semper ab utero, quin longe crebrius à cerebri aliarumque generis nervosi partium vitio pendere: At vero contra hæc multa obijciuntur quæ juxta veterum opinionem culpam omnem in uterum rejiciunt: Nimirum ita fieri videtur, quoniam hujus morbi insultus fere tantum feminas invadit: quin & mulieres circa uterum male habentes, puerperæ aut quibus catamenia sistuntur, ei potissimum sunt obnoxie: Porro ex juvantibus hoc arguere licet, quia sc. emplastra super abdomen gestata; item arcta ventris & hypochondriorum constrictio, quibus sc. uteri ascentus inhibetur, paroxysmum ingruentem non raro arcent: Hoc etiam indicat quod suaveolentia naribus admota paroxysmum inducunt, atq; foetida eundem abigunt; contra accidere perhibetur si eadem ventri aut pudendo imponuntur.

Ut has objectiones diluamus, dicimus imprimis symptomata, quæ videntur hysterica, haud tantum mulieres inceslere, nam virum quendam novimus ejusmodi paroxysmis, cum molis in imo ventre ascensu obnoxium fuisse: Quod autem feminæ multo crebrius quam viri affectibus istis convulsivis tentantur, duæ rationes protulsi possunt, scil. primo quod illarum constitutio animalis sit longe debilior, nempe cerebrum & nervos molliores & minus firmæ texturæ obtinent, ut nihil fortiter sufferre, nec injuriæ cuivis resistere queant: quin & in illis spiritus animales magis in fugam & distractionem proclives, copulam heterogeneam & explosivam facilius admittunt: hinc feminæ à subito terrore, aut ingentibus istis maximas spirituum ordinationes subeunt, cum viri à tale occasione vix omnino perturbentur: 2°. Feminæ diathesi spasmodicam promptius suscipiunt, quia materiæ morbificæ copiam uberiores concipiunt: quippe cum vitam sedentariam plerumque degant, sanguis ob ventilationis defectum impurius evadit: insuper in hoc sexu iste particulis heterogeneis & fermentativis originaliter icatet: quapropter cum catameniorum fluxu sapius expurgari expedit, quod tamen haud semper quod extraneum & incongruum est è massa sanguinea in totum eliminatur, quin superstes sit quod pro data occasione in cerebrum & appendicem ejus suffusum, affectionum convulsivarum causa existat: Porro cum fluxu menstrualis cohibito diathesi spasmodica accerlitur, haud igitur putandum est tales affectus ab utero suscitari, verum quod massa sanguinea, particulis heterogeneis plus solito imbuta, eas una cum succo nervoso capiti ingerat; quinimo potissimum ob hanc rationem etiam puerperæ passionibus quasi hysterice obnoxie reperiuntur: præterquam enim quod laxis uteri membranis, spasmus illic ob tensionem molestem inceptus sursum perreptat, ac denuo cerebro communicatur, sepiissime accidit sanguinem à lochiis retentis infectum febrili incendio efferverescere, ac dein criscos loco niata maligna cerebro ingerere, unde affectus convulsivi & non raro soporosi excitantur.

Quod vero arguitur morbum hunc videri hystericum, quia remedia circa abdomen applicata non raro levamen conferunt, facile erit referre causam morificam, in mesenterio sæpius quam in utero constitam, interdum hac ratione aut tolli aut ab influentia sua cohiberi: Præterea ejusmodi circa hypogastrium applicationes nihilominus prodesse, licet affectus origo ab ipso capite deriveret, nam supra ostendimus quod cum materies heterogenea & explosiva ab inferioribus descendens spiritibus intra totos nervorum interiorum processus dispositis diathesi spasmodicam intulit, motus convulsivi propterea excitati à nervorum extremitatibus incipiunt, & exinde sursum

versus illorum initia perreptant, adeo ut imprimis viscera imi ventris, dein præcordia, ac ultimo cerebrum ipsum afficiantur: Sin vero spiritus extant, se in mesenterii plexibus degentes, ab explosionibus incundis cohibentur, ceteri omnes in reliquo ductu nervoso intra ordines suos permanent: hoc autem emplastra super umbilicum gestata non raro efficiunt: namque odore suo spiritus ab exilitione reprimunt, ac in ordines cogunt, quin etiam illis copulam accrescentem non raro excutunt abiguntque, quare cum explosiones illic incundæ inhibentur, paroxysmus convulsivus omnino præcavetur: Quod adhuc amplius constat in quantum sc. spasmus in imo ventre inceptus, indeque instar globi ascendens statim supprimitur, ac istarum partium constrictione valida impeditur ne superius perreptet, sæpenumero passio convulsiva, præcordiis & cerebro intactis abruptitur: quapropter vulgo in more est mulieres laborantes faucibus, aut brachiis circa epigastrium complicatis arcte constringere, adeoque symptomata versus superiora progressum sistere: cum enim spiritus animales velut fomite ignario spasmos successive incunt, ubicunque fomes abscinditur aut intercipitur, affectio istæc prius inhibetur.

Quod spectat ad varios odoratorum effectus, nempe quod suavia paroxysmum accerunt, foetida vero eundem abigunt, dicendum esse videtur prius spiritus animales demulcendo resolvere, ac à solitis influentiæ pensis nimis relaxare, adeoque ipsos ad explendum paratos in tales ordinationes provocare, quinimo velut flammula admota aliquatenus accerere: E contra autem graveolentia spiritus reprimunt, ab excuribus & exorbitantibus retro cogunt, in quod ordines compellunt; quin velut sulphur auto fulminanti admixtum, virtutem explosivam iis adiungunt. *Idem ib.*

*Uterum prorsus insontem*] Affectionis hysterice æmula, excretionem per alvum materiæ cujusdam pituitosæ sedatæ, mentionem facit *Riverius* cent. 1. observ. 69. ut hinc pateat utero salvo affectus quosdam invadere, quorum tamen culpa in illum transferatur: Uxor *ais*, Mercatoris Montspeliensis per multos dies conflictata est dolore circa regionem Hepatis graviter infestante, cum levi leipothymia & faucium constrictione quadam, atque vomitibus pituitosis: per intervalla recurrebat dolor, & interdum ad alias abdominis partes exportigebatur: Tanta interdum animi defectio eam corripiebat, ut brevi moritura videretur: Cum affectio hysterica putaretur, remedia congrua usurpantur, à quibus aliquando levabantur, sed omnia symptomata postmodum recurrebant: Tandem balneis, foribus & clysteribus usâ, per alvum excrevit materiam quâdam pituitosam copactam & latam, fasciæ instar, palmi magnitudine, postea vero per aliquot sedes materiâ mucosâ, ac postmodum omnino sanata est.

*In molem attolli*] Illud symptoma in paroxysmis ejusmodi valde frequens, nempe quo velut globus ab imo ventre effertur ac circa umbilicum impetuosè exilite percipitur, ut perinde uteri ascentus perhibeatur, Dico nihil aliud esse quam immanes horum plexuum spasmos: Sæpe quidem in feminis, ac interdum etiam in viris, novi, cum affectio convulsiva invaderet, primo molem in hypogastrio allurgere visam, dein circa medium abdomen intumescientiam ita immanem successisse, ut viri fortis manibus, utur validissime intentis, haud comprimi aut inhiberi potuerit: proculdubio admirandi hujus affectus causa est, quod intra paris intercostalis nervos spiritus animales influi, quoties *ataxiæ* sive motus convulsivos incunt, primo (uti plerumque assolet) circa nervi extremitates, nempe in plexu abdominis infimo, efferverescere ac velut explodi incipiant; quæ illorum affectio cum sursum perreptans ad plexum mesentericum

rii maximam deferatur, adeo ut spiritus ejus incolæ pari inordinatione corripiantur, nihil mirum est si ista medii abdominis intumescencia, ac velut materie cujusdam nitrosulphureæ explosio cietur: Enimvero haud probabile est symptoma istud ab utero accedente ac sede sua dimoto excitari posse, quia præterquam quod hæc pars in loco suo fixa & ligamenti firmiter stabilita est, etiam moles ejus in virginibus ita parva est, vix nuce juglande major, ut licet in ventrem elata, ejusmodi intumescenciam minime producat: Nec magis verisimile est ejusmodi affectum à musculis abdominis spalino correptis cieri: isti enim

utut convulsi, sese ac partes subjectas sursum aut deorsum, aut ad latus contrahant, verum se eminus efferre, ac umbilici regionem cum impetu in altum attollere nullo modo possunt: Ut supponamus vero spiritus animales in plexu mesenterii maximo effectos, & ad explodendum aptos fieri, (quales revera sunt ubicunque motus convulsivos incunt) isti ibidem densius conglobati effervescentia sua ac rarefactione insigni plexum istum cum tota vicinia ejus immaniter inflent ac attollant, simulque viscera imposita cum vibratione quadam sursum propellant. *Idem Anat. Cerebri cap. 28.*

## OBSERVATIO VI.

*Affectus hysteri judicati, orti à sero acri, nervorum initia in Occipite afficiente, utero incolumi.*

**M**ulieres quasdam ab aliis morbis defunctas, passionibus interim hystericis dum ægrota-  
rent valde obnoxias aperui, in quibus utero satis recte habente, in Occipite nervorum principia sero acri madida, ac prorsus immerisa deprehendi: *Idem ibidem cap. 10. Vide Aitologiam in Scholiis precedentibus.*

## OBSERVATIO VII.

*Passio Hysterica credita, orta à Pancreatis vitio.*

**N**Ob. fœmina Convulsionibus & Passione Hysterica laborabat, cujus solum Pancreas male affectum & ulceratum inveniebatur: *Highmorus in Disquisit. Anatom.*

## SCHOLIA.

**R**egn. de Graaf Exercit. de Succo Pancreatico §. 89. & 199. ab hoc nimis austero deducit strangulationis sensum ac metum, fœminis ficti uteri ascensus nomine passim notum: Cujus causa proxima non accedat immediate ab utero, sed à tenui intestino, in quo excitati, ob vitiosam effervescentiam concurrentium humorum, halitus & flatus austeri, quo-

ties per œsophagum assurgunt, eundem ita angunt, ut in strangulationis periculo se versari putent egræ: Convulsionum autem causam adscribit *Franc. Sylvius* pract. lib. 1. cap. 42. §. 14. & 15. irritationi capitis spinalis medullæ, aut nervi particularis, à spicricu acido & acri factæ, halitus forma ex tenui intestino ut plurimum assurgentis.

## OBSERVATIO VIII.

*Suffocationis uterina causa in Pancreate non semper querenda.*

**N**Otandum quod *Franc. de le Boë Sylvius* hystericæ suffocationis causam commentus est Succo Pancreatici peculiare vitium, uterum & partes spermaticas à symptomatum inductione excusans; Verum etsi multoties symptomata quædam cum hystericis aliquibus symptomatibus, quasi similitudinem aliquam habentia vitio, quodam Succo Pancreatici induci posse negare nolim (quanvis attenta observatione satis ab his distingui queant) eaque ego ipsemet inbinde in viris non minus quam in fœminis animadverterim, ramen super hac re semper accusare, nimis durum atque iniquum videtur, cum à me aliisque *instituta cadaverum mulierum sectio* multoties docuerit pancreas ab hystericis affectibus prorsus insons exitisse, optimeque valuisse, atque interea in Testibus, modo valde tumidis (interdum alterutrum, raro utrumque, ad semiovi magnitudinem intumuisse demonstravimus) modo male coloratis, virulentoque liquore repletis tantorum symptomatum causam latuisse, cum etiam in tali præfocatione uterina graviter laborantibus millies observatum sit, per seminis sive coitu; sive obstetricis digiti frictione provocati exeretionem, mox omnia symptomata cessasse, eorumque reditum per licitæ veneris usum fuisse præventum: quæ ramen dulcia subtus adhibita remedia nullum qualemcumque succi Pancreatici vitium tam facile, cito & bene tollere possent: *De Diemerbroeck Anat. lib. 1. cap. 24.*

## OBSERVATIO IX.

*Affectus hysterici admirandi, à causa occulta excitati, quod nihil vitii in utero sit deprehensum.*

**V**irgo annos nata 22. in otio magis quam laboribus educata, Ducis Albani Tyrannidem præveniens in voluntarium exilium mense Aprilis 1567. patria excesserat: Inter-



rea ex calamitate patriæ ægritudinem animo concipit, quamobrem per æstatem non ita commodè degebat, quin cruditaribus ventriculi & viscerum obstructionibus subinde laboraret; menses inordinate fluebant, ex utero aliquoties suffocabatur: sub finem tamen æstatis, correctâ uteri expurgatione meliuscule habebat: Paulo post Sororium 22. Septemb. ex Buderitia Lemgovium comitabatur; Profectionis molestias utcunque ferebat, præterquam quod aberrans in itinere serotino, præ metu tenebrarum, animo deficeret; Ultimo ejusdem mensis vacuatio menstrua fiebat, sed modica, inde corporis lassitudo, dolor & gravitas capitis, hypochondriorum inflatio detinebat: Dejecto appetitu, cibo parcissimo, coque minimi visimenti, in prandio tantum, à cœna abstinens utebatur: Circa xij. Octobr. febris quotidie intermittens sub vespere invadebat, qua durante, singulis noctibus animi deliquium, uterinæ suffocationi simile patiebatur, in quo extrema refrigescere, respiratio crebescere, prorsus concidere, nonnunquam ad tempus etiam plane intermittere, sine ullo spiritu, voce, motu, sensu, moribundæ instar: Interea pulsus celer, creber, inordinatus, inæqualis & minor quidem solito, nunquam tamen deficiens, multo minus ἀσφυγμὸς: durabat paroxysmus iste alias dimidiam, alias integram, alias sesquihoram; quo finito semper ad mentem redibat: Passa fuerat hæc deliquia ter quaterque antequam febris nasceretur: Queri solebat id mali à frigore quodam, ex inferiore abdominis parte surgente, inde thoracem & cor feriente exoriri, videri enim cor congelascere: Increbescere post dies paucos hæc leiporhythmia, ut nonnunquam mane, etiam postquam surrexerat, fere tamen vespere, vel ante vel post febrilem accessionem, etiam ex levissima defatigatione obreperet: Animadverti tamen affectum hunc non solum ex lassitudine, verum etiam ex vehementioribus animi perturbationibus, tristitia, excandescencia, attentioribus cogitationibus, &c. recruidisse: Ternos plerumque insultus syncope ista ad tempus aliquod observabat, mane videlicet ex cubili descendendo, crepusculo vespertino, & circa noctem mediam: Afficiebatur interim albo Fluore, servato tamen utcunque menstrui ordine & tempore, præterquam quod deterius fuerit, colore & quantitate mutata: Urina tenuis, vix spicea, sedimento fere destituta: Febri adhibita sunt quæ cum moderato calore & partium tenuitate tergent, aperiunt & robur conferunt, ex quorum usu mirior reddebat: Circa calendas Decembris, evolutariam periodo menstrua, frequentioribus jam factis lipopsichiiis, ut intra xxiv. horas etiam quinto repeterent, Quum jam non aliunde quam ex utero illas renasci judicarem, tardiorum solito matricis excretionem in neomeniis provocandam duxi, sperans inde commodi aliquid accessurum: Displicebat ad hanc rem etiam in malleolis venæ sectio, propter hybernum tempus, exiguas & profundas venas, sanguinem paucum, crudum, corpus sobrium, noctes insomnes ex cœnæ abstinence, quam febris vespertina & ἀνδρογῆα imperabat: Purgaram quoque ante & subinde, sed clementius: Exhibui itaque Dauci pollinem ex aqua artemisiæ: fastidienti obtuli ex asa foetida, dauco & castoreo pingui æqualiter mistis ʒj. pilulæ forma: Cum autem nondum obediret uterus, offerebam adventante vespere rursus ex iisdem catapotiiis duplum; Quibus devoratis in somnolentiam novam incidit, in quam cum se vergere præsentiret; Quid nunc tandem fiet? aiebat, & paulo post soporatz instar jacebat: quo sopore discusso, obrepebat cum frigore consueta & vespertina oscitatio, assilientis febris prænuntia: Totum diem foco inhærebat, carens vaporario, & frigus premebat, ea itaque nocte cum febre delirabat: durabat autem delirium istud biduum fere continuum; & jam finito febrili paroxysmo, nam interdum nunquam febricitabat calore notabili: At cum catapotiorum subsidio uterus responderet, postridie theriacis opt. ʒʒ. cum cinnam. ana ex aq. artemisiæ & saccharo propinabam, qua potiuncula eadem die menses comparabant ferruginei, crassi, putridi & copiosiores solito per totum fere quatrimum fluebant: Nihil tamen profuit ista excretio, imo symptoma acerbius & frequentius videbatur: quod enim ultra quinos ad summum impetus uno die ex more non faciebat, jam deinceps nulla nec temporis nec consuetudinis ratione habita creberrime redibat, ut nonnunquam quater duarum horarum spatio repeteret, imo unicus paroxysmus septenas horas & quandoque denas expleret, neque is ejusdem formæ cum præteritis, sed respiratio strangulationi simillima fiebat, una cum sonitu & stridore magno, convulsioneque artuum tam violenta, ut præ concussione fulcrum cum toto cubili tremerent & crepitarent, cum colli capitisque inordinato motu, imo extensione velut tetano universi corporis, voce inarticulata, coacta, stridula, abrupta, displosa, clamosa, stentorea, ut præ violentia simul paroxysmi plerumque toto corpore sudaret: Finitis uterinis hisce etiam exacerbationibus, fere desipiebat, absurda loquebatur, caput huc illuc assidue agitans, & cantillanti voce idem perpetuo occinens, neque ab hoc cœcissimo desistebar nisi ad mentem rediisset, neque id nisi probe & præter solitum obdormiisset: Dum deliraret, imminentem symptomatis insultum annuntiabat his formulis,

formulis, Scamnum hoc aufer, nimia hic est angustia, trabs nimis imminet, ego adutor, delinquare animo: est mihi volandum paulisper, & simul cum hac voce, plerumque impetu quodam, corpus erigere, tanquam jam volatura conabatur, verum in mediis conatibus ægra deficiens menti eripitur: Durabat hæc amentia tres quatuorve dies continuos sine ulla restitutione mentis: Dum delirabat omnium, etiam minutissimorum quæ multo antea acta essent recordabatur, sed quæ mutilatis verbis & obscuris efferebat: Tanti rerum difficultati cum quid opponerem anxius delibero (neque enim ex frictionibus, ligaturis, fomentis, vacuationibus, odoratis & foetidis susque deque admotis &c. utilitas ulla accebat) ad catapotia illa non purgantia revertor, additoque mithridatio tali proportioni miscui, ut ad castorei pinguis simplum, asæ & dauci singulorum sexcuplum, mithridatii duplum accederet: hujus medicamenti quotidie ʒi. in pilulas formatam exhibebam, cui cumini cochlear parvum ex cerevisia saccharata sorbere jubebatur: deprehendi antidotum expectationi utcumque prosperum, quare & instante vespera offerre audebam: cujus usus Dei beneficio, ita nobis succedebat, ut affectus, cujus frequentissimi uno die insultus, idemque pertinaces esse solebant, vix tandem bis, idque multo mitius infestarent, imo ita quotidie decreverent ut infra nonum diem prorsus exstinguerentur: Totum itaque biduum & mente & corpore valebat, victa febris, jugulatoque hysterico malo, cibos apperere cœpit &c. Die Decembris xxi. falso suspicata est hominem in hypocausto adeste, cujus vocem audisse imaginabatur: hinc furtim, vacillanti gradu sponte in subucula è lecto per gradus 8. in atrium usque descendebat, etiam progressura ulterius nisi à sorore ad eam redeunte deprehensa fuisset; quem adventantem sentiens, magna cum celeritate scalam ascendens rursus se in lectulum proripiebat: Subitum hoc illius robur satis mirari nequeo, quæ vel pridie de grabatulo vix ulnis exportari se inoffense sustinuisset: Ex hoc descensu fatigato corpore, variaque imaginatione animo turbato, illico in pristinum affectum prolabitur, per biduum delirans, 23. die iterum ad se redit: Iuterea 26. Dec. menses refluebant, qui ut commodius manarent, pharmaco promovimus, nihilo tamen sublevarunt symptoma: Alternis diebus fere mentis compos fiebat, idque interdum tantum usque ad vesperam: Per hos dies deficientibus catapotiiis, pulvisculum ex una ʒz. duabus dauci partibus, edulcata cerevisiæ inspersum exhibebam, à quo mitius solito habebat per iv. dies continuos, licet semper vespertina accessione desiperet. Tertia Januarii 1668. ob ægritudinem animi ex fratris discessu, adeo rursus morbus sæviebat; ut intra bidui spatium plus minus 32. paroxysmos prioribus ferociores pateretur: reversi vero fratris præsentia malum denuo cicurabatur; quod postridie ex ejusdem discessu iterum ferocire cœpit: Ante quatrimum aliquando mane talis illam paroxysmus invadebat qualem ante Calendas Dec. habere solebat, cum densissima respiratione & spiritus interceptione, suffocationis specie: 7. Januar. *dolor quidam punctorius* utrinque ab osse sterni, inter geminas mamillas, affligebat, neque tussiendo neque suspirando invalescens, imo sine tussicula, hærens nihilominus loco, ad singula fere momenta sponte sua ita pungebat ut subinde vocem attollere cogeretur, sed sequenti nocte mitigatus & fere sublatus: 8. Recrudescerebat cruciatus ille & vehementer lancinabat, fomentorum usum non admittebat, quod illorum pondus pectori molestum esset: Potus & cibus omnis oleosum quid sapere ægræ videbatur: Purgabam eo die catapotiiis, mediocri excretio sequebatur, nihil tamen remittebat dolor. 9. Cataplasma pectori nihil conducebat, imo profundius inde dolebat: Paroxysmi uno die interdum plus minus xvi. 20. Utebatur tragemate ex diatrium piper. & castor. ana ʒß. sacchar. duplo; Venæ sectio, cucurbitularum usus perparum conferebant: 15. Suspiriis increbescens, extorta vix tandem causa, amorem erga juvenem, invita admodum fatebatur: Ex hoc animi affectu appetentiam cibi, somnos sanasque cogitationes labefactatas: hinc illi 21. Decemb. ex cubili descendendi impetum, suspitione de dilecto illo provenisse; Ex eo tempore eaque causa morbus illi cum exacerbationibus magis sævire visus, cumque delirio majori & diuturniori quam antea: 18. Mihi & uxori suspiriorum causas pervicacius sescitantibus, etiam alios amores profitebatur, adeoque se amatorii imaginationibus ab eo ipso momento assidue perturbatam fuisse: 20. Hieram cum agarico mellitam hausit & commode purgabatur: eodem die menses apparebant nigricantes, putidi, qui postridie medicamento promoti laudabiliter fluxerunt: 22. Paroxysmi uterini à purgatione & rarefcebant & mitigabantur: edulia adhuc oleosum sapiebant, sed vespertino insultu rursus de mente excidebat: 23. A prandio oscitabat sæpius, frigeat cruribus & lumbis: novæ febris quotidianæ annotatio, priore, jam diutius mense, diffusæ: 25. A meridie ad mentem revertebatur: 27. Post meridiem oborta vertigine

querebatur & se & omnia circumrotari ; Excipiebat hanc statim quiddam convulsioni simile, oculorum depravatus motus apertis palpebris, & derepente brachiorum, manuum crurumque dextrae aut duodenae violentae extensiones, distinctae inter se mora perquam exigua, occupata mense & sensibus, capite immoto : His finitis illico solitus paroxysmus, strangulationi similis, cum tremula totius corporis concussione, subsequebatur : 31. A prandio, levissimo vomitorio exhibito multam viscidamque pituitam rejiciebat ; 5. Februar. inter multos paroxysmos unus quinque horas continuabat, à quo desipiebat usque adeo ut ne me quidem dignosceret, in quo nunquam tamen errarat : 8. vesperi unicus paroxysmus octo horas implebat ; Ante biduum dolere se sub nothis costis supra lienem, idque ab anteriore parte in dorsum usque, querebatur, sed rarius, exasperari tamen motu thoracis vehementiori : Dolor pectoris punctorius prorsus evanuerat, qui per quatuor septimanas duraverat ; dolebat & circa dextram umbilici partem profunde. 10. Unus paroxysmus, res stupenda, per xij. horarum fere spatium totum perseverabat : 17. Cera-tum impositum parotidi, quae in glandulis colli, sub aure dextra, strumae non absimilis, ante quinque hebdomadas enasci coeperat, jam ad tactum dolebat : 23. toto die optime valuit, mentis compos sine ullo paroxysmo : 27. jam in sextum diem sine paroxysmo ullo persistebat mentis compos, usque in meridiem hujus diei, quo tempore in reparatum lectulum deportata, ex levissima hac defatigatione in paroxysmum veterem recidebat ; ex paroxysmo vero in dementiam, sensit autem ante mediam noctem paroxysmos tres : Notandum quod praeter metu saevissimi illius paroxysmi plerumque vix ante quartum aut quintum diem lecto dimoveretur : A Calendis Martii totos dies 17. continuos animo & intellectu pollebat, reperentibus tamen interim aliquando primis illis deliquiis levioribus, nisi quod bis, dum lectus reficiebatur, extranportatione defatigata, ratione excideret. 13. Menstruum, quod redire debuerat, intermisit : 31. Tantae vehementiae paroxysmus novus erat, caputque de latere in latus saepissime agitabat, ut sanguinem ori exprimeret, qui ex capite manasse videbatur : Ad 20. diem Aprilis usque eadem morbi conditio : Maii 4. paroxysmus cum jactatione capitis totiusque corporis, comitante stridore vocis acutissimo inexpectatus adveniebat : 5. sanguinem ex basilica ad ℥iij. detraxit : 16. Venam malleoli secui, fluxit sanguis modice, forte ad ℥iij. 25. sumpta cathol. ℥i. de-jecit sexies : Junio mense graviora illa symptomata mitescere, adeoque minui coeperunt. Tandem sub finem mensis hujus nulli redierunt paroxysmi, ne tunc quidem cum lecto moveretur : Sed toto hoc mense catarrhus ad os fluens (quo jam à Januario fatigabatur) infestabat magis, ut quod afflueret cava manu abjiciendum excipere cogeretur : Julii 14. febris rursus intermittente quotidie repetente, & quidem duplici, affligi coepit ; hac febris plurimum emaciata imo exhausta est : Augusti 5. catarrhus desinere coepit ; febris inter-mittens in continuam conversa vires prorsus labefactabat : Post Idus Tenesmus ad fre-quentissimas sedes, sed irritas, cum summo dolore sollicitabat : A calendis hujus mensis, fere non potuit, praeter nimiam maciem consumpto corpusculo, in clunes amplius surrigi ut al-vum aut vesicam exoneraret : Hoc mense Tumores illi duri & scirrholi per se diminui coeperunt, ut mortuae fere prorsus evanuisse viderentur. 18. Paulo post tertiam maturi-tatem sane mente, constanti fide in J. C. ex hujus vitae miseriis emigrabat anno 1568.

Corporis habitus, & quidem subpinguis, quo naturae beneficio praedita erat, usque ad solstitium hybernium satis sibi constabat quamvis semel tantum quotidie cibaretur : Imo ab eo tempore incrementum adipemque contraxit majorem multo, quam dum inculpata valetudinis esset : Nam à xxi. Decembr. meliori appetentia quam ante praestabat, pluresque quam cum sana esset, cibos sumebat, durabat id per menses fere duos : Ab idibus Febru. laudabilis illa corporis constitutio flaccescere coepit, fastidio nempe ciborum oborto & febre quotidiana altera, quae priori tamen mitior esset, per ingluviem suscitata : Interim nec ab hectica febris symptomata immunis fuit, quae per menses plus minus sex ante obitum apparere coeperat, etiam ut ab aliis febribus putridis liberata esset. 4. Calendas Janu. ad multas hebdomadas, saepissime unico die, tres, & quidem specie diversissimas inter se syncopas patiebatur : nam non raro & illa tum leipothymia recurrebat, quae ante Kalen-das Dec. singulis noctibus etiam dormientem opprimere solebat, idque potissimum quo-ties ad mentem reditura esset.

Dissecto corpusculo, Pulmonis lobos undique thoracis membranae firmiter annexos, ut sine labore aut dilaceratione divelli nequirent, eosque duris quibusdam tuberculis scirrholis omni ex parte refertos deprehendi : Tenuia Intestina rubicunda, velut erysipe-late quodam affecta : Bilis folliculum felle quodam virescenti tumidum : Omentum fere corruptum & consumptum ; Caetera viscera belle habebant : Jecur colore substantiaque bona,



bona, communem tamen humani hepatis magnitudinem excedebat: Uterus quoque intestinum rectum, aut lien nihil præ se vitii ferebant.

## S C H O L I A.

**N**ulli alteri corporis parti, præterquam Utero attribui debere immanissimos hos (quibus pia & pudicissima Virgo tanto tempore excruciatæ fuit) paroxysmos apud Medicos in confesso est: *Galenus* certe atque *Aëtius* præter sensus, vocis, motus & spiritus interceptiones, etiam hysteriis artuum contractionem aliquando accidere testantur; quod quo facilius credam facit ipsa ægræ adslipulatio, quæ de frigidity ex imo ventre surgente, & cor ipsum quodammodo congelante, accessionis initio queri solebat: Sed quid in causâ sit, fortassis controversia non omnino caret: Statuitur autem ex probatissimorum veterum sententia causâ duplex, videlicet vel menstrui vel seminis corrupti culpa. Semini major vis tribuitur quam menstruo, ut toti corpori noxa afferatur. At si seminis corruptelæ tanta symptomatum diritas adscribatur, unde tanta ejus copia ut sedecim, ne dicam viginti paroxysmos intra xxiv. horas susceperet præsertim cum id ipsum etiam sanis exiguum existat, neque tum sæpe ut cætera excrementa expelli postulet, præcipue in virgine nunquam concubitum experta: adde quod tam longo morbo afflictæ in sextum usque mensem, priusquam hysteriæ exacerbationes finem facerent, tam sobria ut unico pastu, eoque valde modico, ad menses aliquot, etiam ante decubitus acquiesceret, ut pote tota præcedente morbum ætate in Clivia, propter exilium, patriæ calamitatem, patrum pericula morerenti & valetudinariæ semen abundare nequiverit: De seminis acrimonia nulla est suspicio ob habitum corporis pinguiusculum, qualis illi à natura fuit, adeoque in orio molliter educatæ moribus, modestæ & pacificæ: At *Galenus* minimam corrupti spermatis particulam tantorum affectuum causam esse posse, a phalangii & scorpionis ictu, rabidive canis saliva allerit. Quod si ita habet, unde tam crebra totiesque renata hujus genitalis succi putredo? unde tam assidua ejusdem expulsio, quæ per sex menses, vix triduum sine cernis quaternisque insultibus ægram nunquam destituit? Sane tanta est febrilis paroxysmi æqualitas quanta putrefacti humoris uniformitas, quo discusso etiam accessio dissolvitur: Similem hysterici paroxysmi rationem esse statuamus, ut donec humor venenatus subsistat tam diu affectus quoque sæviat: sed si cum singulis insultibus finientibus ipsorum etiam materia absumatur aut ejiciatur, unde tam subitò nova colligetur? Quamdiu phalangii, aut scorpionis & canis rabidi virus in corpore hæret atque agit, tamdiu quoque affectus ejusdem sine ulla intermissione perdurat continuo, neque novos facit paroxysmos; In febre quia concoctio & nutritio corporis assiduo excrementa quædam seponit, sit ut pro partibus morbosæ qualitate, ejusdem nutrimentum atque excrementum vitietur: vitiatumque præ imbecillitate neque concoqui recte neque expelli commode queat, sed inhaerens putrescat, & pro putredinis suæ natura hæc aut illa symptomata producat. At in seminis consideratione, tamen si testes ex continuo seminis accessu, pro suo modo sese alant, non tamen quicquid post sui alimoniam superfluum est id statim omne à se propellunt, sed tanquam in meliorem usum utile excrementum propriis conceptaculis reponunt & conservant, dum vel copia molestum turgat vel procreandæ speciei necessitas ut illud excu-

tiatur sollicitet. Quamobrem, qua ratione horum frequentissimorum symptomatum causas in corrupti seminis venenosam substantiam rejicere debeam, assequi non commode possum: nisi lentam quandam & continuam tanti temporis gonorrhœam factam esse imaginemur. Neque enim alibi quam extra vasa sua semen putrescere verisimile est; Vasis autem excidere posse, nisi cavitare matricis excipiat statim, anatomici veteres negant: At si ita frequenter vel minima particula seminis in uterum illabatur, illapsa putrescat, sane putrefactam tandem necessario semel utero excuti debere verisimile quoque est ut rem, non tantum utero sed & toti corpori adeo infectam & venenatam; Si excussa fuerit, alienam sane qualitatem facile sensibus proderet, neque enim calore ut in febre dissipari posset: neque uterus tantum venenum perpetuo fovere valet: sed in hac ægra nulla vel paucissima humiditas, nec illa quidem ingrata qualitate prædita genitalibus (post finitos paroxysmos) emanasse animadverti potuit, teste Sorore affligo assidente. *H. Smetius miscellan. lib. iv. Epistola vii.*

*Nulli alteri corporis parti præterquam Utero, &c.]* Quem tamen in dissectione vitii expectem pronuntiat: Si cum annexis partibus, vasis spermaticis, testibus, tuba, &c. salvus fuit, cur causam in semine corrupto querit, in sanguinem potius menstruum, qui corruptus & putidus semper exclusus est, rejiciendum? Si referatur caput, forte vitium in eo deprehensum fuisset: catarrhus pertinax, suborta parotis & alia labis immune non fuisse ostendunt: Aitioriam ergo repete ex Scholiis in præcedentem historiam, à qua symptomatum omnium fere spasmodicorum facilius elucet.

*Dolor quidam puntorius inter geminas mamillas, &c.]* An adhesionem loborum pulmonis cum thoracis membranis assignandus? At si ibi causa querenda, cur dolor ad interitum usque non perrexit? Cur illa respirationis? Forte causa statuenda fluxio in pulmones, cui & tuberculorum scirrhorum origo adscribenda, quæ quamdiu fuit in fieri & immutari humor, dolorem intulit; Ea facta, & postquam humor consumptus, desit molestia.

*Tenesmus, &c.]* Tenesmus intestini recti est affectus, cum in ani rugis humor acris retinetur, qui vellicando assiduam egerendi cupiditatem excitat, ac inanem: Sed hoc in casu intestinum rectum sine labe & vitio perhibetur. Ortus ergo illius fuit ab affectu *ἰσχυρὰ καὶ ἀσθενή* tenuium intestinorum, è quibus tenuis exsudans sanies, eaque pauca, eo appellens frequens illud desidendi desiderium excitavit: Vel dic, Eodem modo progenitum quo in vesicæ calculo laborantibus, quibus glans extrema pruriginè afficitur, et si partes internedix à molestia sint immunes, quanquam affecto loco viciniore.

*Nec ab hætica febre symptomata sunt immunes.]* Ad Hemitritæum forte, vel Semitritæam referenda: adfuit enim intermittens febris, & ipso consentiente *Smetio*, continua lenta, cujus origo, ad *Adrianum Spigelium* mentem, est à phlegmone partium imo ventre conclusarum, intestinorum præsertim & melenæterii, quod plurimis exemplis confirmat, (*Vide lib. 4. de Febris*) Adfuit vero hic tenuium intestinorum inflammatio erysipelatis naturam sapiens.

## ANATOMIÆ PRACTICÆ


## LIBRI TERTII

## SECTIO XXXIV.

De Salacitate, Venere Languida, Impedita, Fœcunditate,  
Sterilitate in utroque sexu.

## OBSERVATIO I.

*Salacitas* & *Σαλυγνία* in viro à peculiari vasorum seminalium conformatione. 1. *Salacitas* cujusdam Testiculis destituti. 2. *Salacissimus* in utroque Rene binos ureteres habuit, In dextro tres emulgentes, Ambas spermaticas ab emulgentibus productas. 3. *Seni salaci* & fœcundo unica arteria spermatica, vena spermatica bifida ad initium. 4. *Salacitas* ab insigni Renum magnitudine in viro. 5. *In muliere*. 6. *Mulier salax* spermaticam arteriam dextram bifidam habuit. 7. *Vir Salacissimus* tribus venis seminalibus dextris donatus fuit, unica arteria. 8. *Alius duplici arteria spermatica dextra*. 9.

§. 1.  **N** F I M A trium Emulgentium ad confinium cavæ, undè fuerat explantata, proferebat de se venam *σπυγγηλωδὴν* (quod alias tantum, & perpetuo quidem, in sinistris usu venire solet) cujus caput supra in modum infundibuli dilatabatur, partibus inferioribus sese in canalem arctiorem coangustantibus, quo *semitis materia* profundius affluens, ac ceu prodigi potuit: Jam vero etiam spermaticas arterias à caudice aortæ vidisses emergere, non similiter aliis, sed prægrandem rorum ac singularem recta aliquousque inde progredi; postea infra exortum pollicis latitudine, in alios duos dirimi, directos in involucria testium, ad vitalem iis spiritum afferendum. In corporibus animantium nusquam perinde ludit Divina potentia & sapientia ut in Renibus & stomachis eorum emulgentibus. *Salomon Albertus in structura ureterum Renis dextri mirifica.*

## S C H O L I A.

**Q**uo *femina materia* profundius, &c.] Non aliunde quam hinc peti posse causæ videntur non solum uberioris in isto homine seminis proventus, & aviditatis exercendi Venerem prope inexhaustæ, quæque vix satiari posset, super qua paulo ante supplicium questus fuerat; ingenue pernegans ullo unquam præter hunc in vita seise morbo divexatum fuisse: Sed & *Σαλυγνίαν* perpetuam, cui solum habilis à natura esset: nunquam enim marem procreavit, neque in conjugio, neque in adulterio, neque in stupris, quibus creberrimo se polluerat, ob assiduos stimulos impetitusque veneris, quos inhibere omnino ipse nequit.

§. 2. Erat anno 1564. Monspelii Dominus *Mommorantius*, Ex cuius stipatoribus cum unus cuidam Virgini vim faceret, *Mommorantius* ut forte illac iter faciebat; audito matris clamore, réque intellecta hominem ut erat, ipso momento è fenestra suspendi jubet.

Cadaver ejus theatro anatomico illatum, Ecce cum ad genitalia ventum, stupratorem illum *Plauti* joco intestatum, h. e. testibus carentem, tam interius quam exterius invenimus: cellulas tamen illas in eo, venereos in usus arma prompturas, ut in aliis notavimus. *Barth. Cabrollius observ. Anat. iij.*

## S C H O L I A.

**P**enitius hominis membra dum rimor, magnus mihi scrupulus aliquando injectus est de Testium natura & viribus: In iis enim semini ultimam imponi manum plexique certum, mihi non incertum mo-

do sed & falsissimum, cum quod nulla spermaticorum vasorum, seu præparantia seu deferentia sint, ullatenus Testes subear, tum quod *Aristoteli* in ea videam esse sententia, cui Testes nonnulli pro ponderibus

bus sunt, ut epidymades in æquilibrio teneant, facilioremque vilcoſo alias, nec facile fluxuro ſemini viam faciant, ut rectorum in officinis appentis videmus tegmini lapides, quò ſubtegmini faciliores ſint alterni recurſus: Addo ſerotiorem ſeminis partem exſtingere ut ei prolificam vim augeant: Neque negaverim in parastatibus vaſorumque labyrinthis anfractibus, elaborationis ſeminis principia jaci, demumque in proſtatis perfici, perfectum autem hinc inde cellulis octonis novenisque, quarum ſingulæ venerunt unum telum, ubi confluxeris, emittant, contineri. Jam verò in teſtium ſubſtantia ſemen non perfici argumento eſt, quod nemo in iis cavitatem unquam inſignem, huic tamen rei pernecellariam obſervavit. Omnes eos fibris, pilorum inſtar, multoque ſero plenos videmus, omniæque vaſa ſpermatica integris viribus à corpore revellimus: Cum ob

hæc argumenta, omniumque authoritatem fluctuarem, accidit quod me invado collocaret, Erat anno 1564. &c. (*vide hiftoriam*) Hic omnibus rei novitate attonitis, quæſtio agitari cepta num teſtes generationi ſerviant, Negabam ego, cum *Saporita*, cedo mihi unum, qui genuerit, Eunuchum? Reſpondi Eunuchis vaſa præparantia deferentiæque exſecta, quominus mirum ſi ſoluta cellularum continuitate nihil eis invehatur: Demum plane me confirmavit quod Bellicadri accidit, Oblatus mihi illic 22. annos natus adoleſcens, quem quia parentes inſtabilem natura deprehenderant, matrimoniove an Eccleſiaſtico ſtatu addicerent, dubitabant, Adhibitus ego in conſilium, author ei fui in leges ut maritales deſcenderet; dictum factum, Vivit etiamnum, jamque complures genuit filios, teſtaturus mihi ſine teſtibus ſe genitos. *Idem Ibidem.*

§.3. In Anatome hominis lue Venerea laborantis, qui infami ligno lignum S. ſive Guajacum redemerat, h. e. ad curationem infelicem arborem elegerat, dum diſſecaretur obſervavi in utroque rene binos ureteres, geminæque cavitates, mediana membrana discretas: Ureteres in veſicam diverſis locis inſerebantur, alter juxta cervicem, alter in fundum veſicæ deferreſatur; omnes erant fiſtuloſi, æqualiter magni: Aliud præterea mirabile in partibus urinariis animadverti, Ren dexter tres recipiebat emulgentes venas, ren ſiniſter unicam habebat, quæ geminam adipoſam producebat, ambæ ſpermaticæ ab emulgentibus emanabant. Hic homo rotus erat in Venerem putris, & ob trigamiam; quum tres viventes haberet uxores, ſtrangulatus fuit, *Ioh. Riolanus Anthropol. lib. 2. cap. 25.*

§.4. Habeo ex amicis D. Petr. Parvium, Anatomicum Batavum, ſecuiſſe anno 1598. cadaver ſenis ſuſpenſi, qui venas quidem ſpermaticas circa initium habebat bifidas: arteriam autem ſpermaticam nonniſi unam, ex medio trunco ortam, decuplo majorem vulgaribus duabus, recta in parastatas deſinentem: hic cum ageret annum ſexageſimum ſeptimum tam erat fœcundus ut uxorem relinqueret gravidam cum xij. liberis. *G. Hofmannus comm. in Galen. lib. xiv. de uſu part. cap. x. n. 1013.*

§.5. Duos ob rem veneream quaſi infames ſecare licuit, quorum uni *Renes erant maximi*, ut ternos imo quaternos alios humanos æquare affirmare poſſem: unde etiam unum exemplum quidam, alias non eruditus, ſuperveniens ventriculum putabat, & ob id ab aſtantibus ſuavi riſu excipiebatur. *Phil. Salmonſt caut. 1. Obſerv. 35.*

## S C H O L I A.

**Renes maximi**] Hoc favere videtur Sennerti paradoxo, qui Præſt. lib. 3. p. 7. ſect. 1. c. 1. Renibus alium adhuc præter ſeri confectionem uſum aſſignat, ſanguinis nimirum ad ſemen generandum, præparationem, probatque 1. ex peculiari aſſignato illis parenchymate. 2. Ex venæ emulgentis magnitudine, quæ ſanguinis amplius quam ad eorum nutritionem neceſſe ſit, vehat. 3. ex Arterię quoque amplitudine. 4. quod in gonorrhœa medicamenta lumbis admodum

ſemen imminuant. 5. quod inter calidiorum Renum ſigna, propenſio ad libidinem recenſeatur. 6. Ex ſapore & odore Renum, qui alius eſt in caſtratis animalibus, alius in non caſtratis, alius in adultis, alius in novellis. Tandem ex præparantium vaſorum origine: Accedat his argumētum ab eorum magnitudine deſumptum, Quibus magni Renes conceſſi, in iis propenſio ad venerem adſuit. Quibus parvi, iis deſuit libido, *Vide adducta ex Timeo.*

§.6. Renes ad aliquot librarum pondus excretos vidi in fœmina quadam Paravina, formoſiſſima quidem, ſed ob veneris flagitia, ut ſolent peruſtulata, quæ (quod ratur alias Italis) à marito ſuo adultera deprehenſa, fuſte ad nucham interficiebatur, Anno 1650. die 27. Januarii. 1. *Sculterus Trichiæſi, admir. p. 87.*

§.7. Anno 1662. Lipſiæ mulier ob nimiam laſciviam & adulterium decollata, cultro anatomico expoſita fuit, Cui in dextro laterè arteria ſpermatica bifida reperiēbatur. *Vide infra.*

## S C H O L I A.

**Arteria ſpermatica bifida**] Diſcant hinc noſtri homines ne porro vim generatricem adſcribāt ſoli hepati, nam *Galen.* ipſo iudice Semen plenum eſt vitale ſpiritu, Id autem e corde eſt: Et *Ariſt.* 2. de Genet. Semen. ait ex animali quidem prodiit craſſum albumque, à calore cordis multū poſſidens calorem: Fecunditatis ſenis illius referebat cauſam *Parvius* ad arterię magnitudinem, Rectiſſime, nam & in vulgus

fœminarum Belgicarum nota eſt obſervatio, eos qui laſcos habent humeros gignere fœtus grandes, ut *Fo-reſtus* ſcribit 28. Obſ. 70. Cur? quia iidem calidiſſimum habent Cor. *Idem ibidem.* J. quoque Van Horne ſalacitatis cauſam in cordis calore quaerendam vult, à quo pectus, etiam in mulieribus, pilis hiſpidum redditur nonnunquam, teſte *Panarelo* p. 5. obſ. 37. præſertim ſi in corpore adſuerint humores ſali & mordaces



daces, ut egregiè censet *Lemnius* de occ. nat. mir. l. 2. c. 36. & 37. Ratio ergo salicitatis desumpta a numero venarum seminalium insufficiens videtur, si quidem

ut ordinariè solet, unica tantum hic adfuerit arteria spermatica: *G. Hofmannus* in *Galen. lib. de usu Part. 1013.*

§. 8. Duos ob rem veneream quasi infames secare licuit quorum priori tres erant venæ feminales dextræ ex trunco venæ cavæ, una sub altera exorientes: quæ omnes postmodum circa testiculum, una cum altera seminali jungebantur. *Phil. Salmuth cent. 1. Observ. 23.*

## S C H O L I A.

**T**res vena feminales ] Nugari nobis videntur omnes Anatomici (*inquit Regn. de Graaf de virorum org. pag. 40.*) qui dicunt aliquando unam arteriam aliquando utramque deesse, quia si vas sanguinem referens adsit, necessario adferens adesse debet & contra, Ex quibus liquet necessario semper arteriam & venam adesse debere.

Tres vena ] Si venarum officium est referre sanguinem superfluum, ac plures fuerint quam arteriæ afferentes, videtur prædictus Veneris potius ineptus, nedum salacissimus esse debuisse, quia plus exportarent venæ, ob numerum majorem, quam inferrent arteriæ, ut paucior materia suppeteret materiz generationi seminis.

§. 9. Anno Christi 1673. circa Christi natalitia, Lugduni suspensus fuit vir salacissimus & robustissimus, ob cusam monetam, In quo deprehensa duplex arteria spermatica dextro latere.

## O B S E R V A T I O II.

*Venus extincta in Viro cui Renes admodum parvi & flaccidi. 1. Ob vasorum semen generantium vel deferentium defectum situmve præposterum. 2. A venere abstinentis tota vita Testes & vasa spermatica contabuerunt. 3.*

§. 1. Illustris Steno Bielke per totam vitam à Veneris usu, & omni foeminarum consortio abstinuit: Huic Renes flaccidi, & quod notabile, adeo parvi ut magnitudinem nucis juglandis vix æquarent. *Balthazar Timæus lib. 3. Observ. 2.* Vide Scholia ad observat. 1. §. 5.

§. 2. Veneris libido in quibusdam nulla est à mala conformatione vasorum horum abortu quibusdam innata, quæ qualis sit in vivis difficile est discernere, nisi ex eo quod perfectis alioquin membris genitalibus, & nulla prægressa causa, ad Venerem tamen minime apta sunt: Et in mortuis sectio, quandoque vasorum semen deferentium, aut generantium absentiam aut ductum perversum, si in utroque præsertim hoc latere inveniat, sicut ipse deprehendi, vel aliud quid in causa fuisse patefacit. *Platerus Prax. lib. 1. cap. 17.*

## S C H O L I A.

**V**asorum defectum ] Si venus exstinguitur, conceptio quoque fieri non posse videtur: Observavit tamen *I. Rudolph. Salzmanus* Observ. Anat. 1. Arteriarum spermaticarum defectum in muliere,

quæ & conceperit & fœtum ediderit. Quod merito in dubium revocat *Regn. de Graaf*, quia si venæ afferentes adint, arteriæ afferentes adesse debent.

§. 3. Nos in cadavere Monachi, cujus Testes in adolescentia moderatam magnitudinem à natura erant adepti, processu temporis ob votum castitatis, inviolabiliter per multos annos observatum, fere penitus contabuerunt, vasaque spermatica una cum semine ejus redundante adeo aruere, ut exsiccatorum nervorum, seu ligamentorum duriorum imaginem potius præ se ferrent. *Vidus Vidius, junior de curatione membratim lib. 11. cap. 2.*

## O B S E R V A T I O III.

*Fœmina fertilis cui arteriæ spermaticæ deerant.*

**N**on nugantur (quod alias accuratissimo Anatomico *R. de Graaf* videtur) omnes Anatomici, qui dicunt aliquando unam, aliquando utramque arteriam spermaticam deesse, Nam non necesse est ut vas aliquod sanguinem afferens adesse debeat, si vas recipiens adsit & vice versa: possunt enim adesse aliæ tum venæ tum arteriæ, quæ vices horum absentium supplere possint, & afferre cum sanguinem quem venæ revehunt & contra: Ne hæc gratis dixisse videar, aliquot jam recensebo observationes mihi notatas. Canis masculus à me dissectus, nullas habebat arterias spermaticas, vena tamen in utroque latere optime erat constituta. In Lupo mare idem notavi, hacce tamen differentia, quod in hoc exiguus ramus, ex arteriæ magnæ ramo iliaco sinistro ejusdem lateris venæ spermaticæ infereretur. In cane tamen & hoc notabile erat, quod salacissimus & fecundissimus existeret, quod ipsum contrariatur asserto *Riolani*, dum lib. 2. Anthropogr. cap. 25. asserit steriles esse quibus desunt arteriæ spermaticæ, licet genitalia alias optime habeant constituta. In alia cane foemina,

minā, ne vestigium quidem arteriarum spermaticarum deprehendi, licet hæc novem ca-  
tellis gravida existeret: Idem in Lepore itidem prægnante notavi.

Ne tamen à bruto corpore me argumentari credas, accipe quod in humano corpore ob-  
servavi anno 1664. *Iena* in theatro Anatomico dissecebatur fœmina, ob parricidium cõmis-  
sum capitis supplicium passa, quæ Lucinam experta erat. In hujus cadavere arteria sperma-  
tica utriusque lateris deficiebat; ramulus tamen exiguus ab arteria hypogastrica ad testes  
ferebatur. Hæc quæ de arteriis afferō, de venis etiam probat *Kerckringius* in spicilegio Obs.  
observ. 32. *Alardus Hemmannus Cumenus* in miscellæ curiosæ anni 1673. Observ. 113.

## OBSERVATIO IV.

*Sterilitas muliebris ob multiplex uteri vitium. 1. Ob uterum immense tumentem & scirrbo-  
sum. 2. Ob ejus parvitatem & duritiem cartilagineam. 3. Ob uterum compressum à duritie  
insigni Omenti. 4. Ob carnositatem exiguam intra canalem veræ cervicis. 5. Ob uteri de-  
fectum, vasorum spermaticorum & Testium. 6. Ob obstructum uteri collum à carnea ex-  
crescentia. 7. Ob obstructiones, tumores, &c. Tubarum uteri. 8. Ob callum in utero ena-  
tum. 9. Ob carneum tuberculum in collo interiore. 10. Ob Uterum spongiosum & mol-  
lem, ejus cervicem osseam. 11. Ob scirrhum circa orificium fundi uteri. 12. 13. Ob steatoma  
uteri fundo parte externa adnatum, Et cavitatem pinguedine densa obsitam. 14. Ob tu-  
morem uteri materiam sebo similem continentem. 15. Ob concretionem carnosam in fundo. 16.  
Ob uterum exiguum, utriculum illi adnatum. 17.*

§. 1. **H** Elena Lobin nunquam concepit, & hydropè uterino interiit; Uterus, qui circa  
fundum liber esse solet, peritonæo arctè coaluerat. Vesiculæ majores toto ambitu  
erant adnatæ. In membrana deserviente, non procul à collo, erat glandulosa quædam sub-  
stantia, dura, magna. *Vide tit. de ventris tumore.*

§. 2. Illustr. Baronissa de *Condée* ætatis ann. 65. Sterilis fuit, Uterus immense tumens re-  
pertus & plane scirrhusus, Prostate ovi magnitudine, refertæ puræ. *Ex Observ. Clar. D. D. Alex.  
Deodati Med. Genev. & Decani.*

§. 3. Vidi in Nobiliss. muliere Barone *Darvault*, quæ anno ætatis 55. decessit, exiguam ma-  
tricem durissimam, ac ferme cartilagineam. Tres liberos tantum susceperat. *Ioh. Riolanus  
Anthropogr. lib. 2. c. 32.*

§. 4. Multæ sunt sterilitatis causæ in muliere, de quibus fere omnes Medici tum antiqui  
tum recentiores scripsere: Unam tamen observavi à nullis editam in lucem, videlicet du-  
ritiem maximam Omenti, à quo uterus tactus distendi non poterat, & sic genituram projici-  
ebat. In reliquis vero ista mulier bene colorata fuerat & optima fruens valetudine, hoc  
tamen habebat ut omentum undique satis crassum, durum ac fere lapidosum uterum pre-  
meret, ut tangendo ipsius abdomen observavi, ex quo sterilitas orta fuerat. *Domin. Panatolus  
Pentecoste iij. Observ. x.*

## S C H O L I A.

**A** B omento crassiori os uteri comprimente, con-  
ceptionis impeditæ causam deducit *Hippocr.* *cap. de Omento, & Blasii notas in Veslingium.*  
aphor. 46. sect. 5. Quousque vero Omentum natu-  
raliter se extendat, *Vide Bartholinum Anat. lib. 1.*

§. 5. Vidi in Nobiliss. Muliere, quæ anno ætatis 55. decessit, exiguam matricem, durissi-  
mam, ac ferme cartilagineam; tres liberos tantum susceperat; intra canalem veræ cervicis,  
carnositatem exiguam inveni, inferne positam, tanquam pessulum ostio obditum. *Riolanus  
Anthrop. lib. 2. cap. 35.*

§. 6. Fœmina erat cujus vulva ab aliarum fœminarum vulvis nihil peculiare & diversum  
habebat, Et matricis colli portio prominebat, vel matricis collo simile, matrix autem nulla  
aderat in abdomine, neque testes: Et quoties cum viro coibat (coibat autem sæpe) miran-  
dum in modum conquerebatur. *Columbus Anatom. lib. xv.*

§. 7. Anno 1662. Lipsiæ subjectum fœmininum cultro Anatomico explorabatur, quod  
ob nimiam lasciviam & adulterium commissum decollabatur, Illius desiderium neque à  
marito neque ab aliis satiari, vel ab ullo ingravidari poterat: In dextro latere arteria sper-  
matica bifida reperiebatur, Extra collum uteri propendebat excrescentia carnea, circa in-  
terius colli orificium adnata, longitudine digitorum minorem, crassitie vero lumbricum fer-  
me æquans, quæ uteri collum exacte claudebat, & loco obstaculi erat ut nullum semen  
uterum

uterum ingredi potuerit. *Casp. Theoph. Bierlingius Med. Magdeburgensis in miscellan. curiosis anni 1671. Observ. 208.*

§. 8. Frequentes sunt in Tubis, haud secus atque in utero, obstructions, tumores, phly-  
Aenæ amplæ, proculdubio abditæ sterilitatis contumacisq; causæ; *Veslingius Anat. cap. 7.*  
Novem circiter aquæ purisq; libras in unaquaque invenit *Tulpius Observ. 43. lib. 4.* Inter-  
dum ita cavitas p. n. dilatata fuit ut molam contineret, quod *Marquartus* in *Empir. practica*  
refert. *Blasius ibidem.*

§. 9. Mulieris Claræ, nomine & genere, mortuæ corpore inciso, Vulva à medio infra,  
versus imam ejus partem junctis oris occaluisse reperta est. Quod sterilitatis causam fuisse  
cognovimus. *Benivenius de Abd. cap. 635.*

§. 10. Sterilitatis Catharinæ Sandræ, uxoris sororis Rondeletii, causam fuisse suspicati su-  
mus carneum tuberculum pisi magnitudine quod in uteri collo interiore deprehensum est:  
Id enim fuisse potuit obstaculum semini in fundum penetraturo. *Jonbertus in vita Rondeletii.*

§. 11. Cur non stupeant homines, si quemadmodum à nobis inter anatomicos annotatum  
est, Uterum in feminis instar spongiæ raræ & mollis, aliquando & pure osseam cervicem  
videant? *Gemmalib. 1. cap. 6.*

§. 12. Sexagenariam matronam quæ binis nuptiis sterilis fuerat dissecui: perquisita dili-  
genter sterilitatis causa, invenimus scirrhum circa orificium fundi uteri, qui instar annuli  
fundum matricis circumdabat, adeoque uterum claudebat ut styli acies vix immitti posset,  
unde nil mirum quod in coitu sperma à matricis ingressu perpetuo arceretur. *Gal. Fabricius*  
*Hild. cent. 3. obs. 163.*

§. 13. Honestæ quædam matrona in primo puerperio inflammatione uteri laboraverat,  
curata tandem sterilis mansit: Cum autem postea morbo acuto extincta esset, corpus ejus  
dissecui, atque in cervice ante orificium fundi uteri scirrhum magnitudine ovi asserini in-  
veni, ipsi adeo adhærentem ut unum videretur corpus, nec ullo modo ab eo divelli potuerit.  
*Idem ibid. observ. 66.*

#### SCHOLIA.

**P**ropter hunc scirrhum semen viri ad uterum per-  
venire non potuit: Nemini igitur mirum videri  
debet quod Medici aliquando in sterilibus frustra si-  
bi multa negotia facillant. Hujusmodi enim causæ

Medicos latent; aut si non lateant, ea tamen non-  
nisi ab ipso Deo, qui vulvam claudere & aperti-  
re potest, (1. Sam. 1. 5. Gen. 26. 35.)  
auferri possunt.

§. 14. In cadavere muliebri à *Cl. Veslingio Patavii* anno 1644. aperto, repertus uteri fun-  
do, in parte exteriori, tumor adnatus magnitudine nucis juglandis, cujus interior facies al-  
bicans & pinguis steatoma referebat; Aperta uteri cavitas simili pinguedine densa omnino  
repleta viscebatur, parietibus ejus annexa: Hinc annorum induciis nunquam concepit. *Th.*  
*Bartholinus cent. 1. histor. 60. 1. Rhodius cent. 3. Obs. 46.*

§. 15. Mulierem, quæ nunquam conceperat, quamvis innumeris medicamentis esset usa,  
*J. Veslingius* à morte sectam anno 1642. Vidit tumore uteri laborasse, membrana propria ma-  
teriam sebo similem continente, quem ideo inter sterilitatis causas merito referendum cen-  
sebat, memoratum etiam *Io. Huchero lib. 2. de sterilitate p. 211. Velschius Episagm. observ. 72.*

§. 16. Vidimus in Nob. matronæ *Ant. le Fevre* corpore, concretionem similem parenchy-  
mati Hepatis, cavoque uteri adnatam, à partu postremi liberorum, & æqualem fabæ Ægyptia-  
cæ, sterilitatisque reliqua ejus vita causam. *C. Piso de morbo à fero Sect. 2. p. 2. cap. 7.*

#### SCHOLIA.

**C**um uterus præstantissimo uteri natus, genera-  
tionis scilicet hominis, parum prudenter, ut dicam  
iniquè, male vulgo audit, tanquam sentina sanguinis  
in toto excrementitii, quod officium uni pudoris si-  
muli à natura est demandatum: nam experimento  
plurimum Anatomicorum & nostro, *In puella quo tem-  
pore menses fluant strangulata cadavere, solus si-  
nus pudoris fuit sanguine perfusus, &c.* Et certe  
parum probabile per angustam admodum uteri cavi-  
tatem, continendæ fabæ Ægyptiacæ imparem, à ja-  
gente & dormiente muliere tantam vim sanguinis  
absque evidente corruptela, aut nimis humectatio-

nis p. n. sive uteri sive orificii ejus interni, concepni  
alias præjudiciose, periculo præterfluere, si modo  
tum aperitur orificium: aut periculo concretionis  
carnosæ & informis cujusdam substantiæ, quæ utrius-  
cavum implendo obstruendoque innumera mala af-  
ferret, qualem vidimus in matrona supradicta, æqua-  
lem sane puellæ reddunt sæpe sub finem menstruæ  
purgationis, progenitam quippe ex sanguinis men-  
strui portione aliqua, quæ moram traxerit in externis  
sinus pudoris cavitatibus, alioqui in colore, crassi-  
tie, & soliditate carni Epatis prorsus exquisitæque,  
vel sensus visus judicio similem. *Idem ibidem.*

§. 17. Fœmina nupta virgo sexennium integrum ventrem tumidum gessit instar prægnan-  
tis absque impedimento in ullis functionibus: Non menstruabat autem licet commode mari-  
to convixerit, corpore bene habita & musculosa. Obiit præfocata. Utriculus quidam præ-  
ternaturalis ventris capacitatem explebat, exortum ab uteri fundo extimo sumens. Uterus  
ipse exiguus erat & angustus qualis puellæ 10. aut 12. annorum. *Vide obs. 55. §. 1. sect. 21.*



## OBSERVATIO V.

*Sterilitas in Iuvene ob malam conformationem vasorum spermaticorum & testicularum retractionem.* 1. In viro ob deficientes arterias spermaticas. 2. Ob vasa spermatica utrinque ex emulgentibus oriunda. 3. Ob lapidem meatum, qui à prostaticis in urethram tendit, occlusum. 4. In viro cui hepar sedem lienis, & vicissim obtinebat, citra vitium partium generationis. 5.

§. 1. **A**Nno 1640. dissectus est adolescens Epilepticus, cujus membra generationi inservientia erant conformata p. n. nam vasa semen deferentia vix conspiciuntur, præparantia in uno latere decrant, Testiculi intus fuere retracti. *S. Scholtzius in miscell. curios. anni 1671. obs. 62.*

§. 2. Interdum utraque arteria spermatica deficit, quod sterilitatem affert in bene compositis corporibus, quæ partes genitales optime conformatas habent, fortiter arrigunt, semen excernunt, sed infœcundum quia vitali spiritu destitutum. *Riolanus Anthropograph. lib. 2. cap. 23.*

§. 3. Mortuum secimus qui ab utraque parte vasa spermatica ex emulgentibus venis & arteriis orientia habebat: Hujus semen tum admodum aquosum & frigidum esset, ob serosi humoris copiam, generationi erat summe ineptum. *Dom. Panarolus Pentec. 2. obs. 35.*

§. 4. Retulit mihi Celeberrimus D. D. *Theodorus de Meyerne &c.* in ultima cadaveris humani dissectione quam suis manibus fecerat Lutetiæ, insolitam sibi & inauditam oblatam fuisse sterilitatis causam, Calculum videlicet, exactissime meatum illum claudentem, qui à Prostaticis in urethram dehiscit; per quem è venis varicosis semen vibrante ejaculatione expellitur: quem quidem calculum, nonnisi vi, cum partis aliqua laceratione extrahere potuerit. *Frid. Lofius lib. 1. observ. 33.*

§. 5. Vir Nobilis 40. annos natus, supremæ unius ex duabus Britannicæ curiis Consiliarius, die 28. Aprilis anni 1648. febre purpurata obiit: Aperto cadavere inventum est Hepar in sinistro hypochondrio positum, amplum, & una sui parte ad sinistrum usque hypochondrium protensum, sub cujus sinem lien parte dextra hypochondrii latitabat, parvus admodum & rotundus, torus decolor, & in superficie rugosus, parvi casei mollis figuram referens, ex quo, sicut nec ex hepatis carne dissectis, sed nec ex reliquis partibus corporis incisis, ne guttula quidem sanguinis manavit; (forasan erat intra tubulos venosos & arteriosos concretus (*Riolanus*) Sed quod magis animadvertendum, cordis vasis sub sinistra mamma reperta, mucrone sub dextra locato, quod laborans febre, pluribus annis ante obitum correptus, palpante regionem cordis Chirurgus, prophetice quasi visus est animadvertisse, quærenti prædicto Chirurgus palpitationem, de qua conquerebatur, sub sinistra mamma, quem ut ad dextram se converteret mamminam monuit, dicens se non ut cæteros alios esse compositum, Sed & notandum maxime, illum nupsisse eleganti, & bene partibus omnibus compositæ uxori, cum qua per 12. circiter annos pacifice vixit sine liberis: quamvis in genitalibus ejus partibus nihil deficiens fuerit repertum, nec in structura tota reliqui corporis: Si accuratior fuisset investigatio partium nutritiarum, haud dubie invenissent orificiorum ventriculi mutatum situm, pylorum in sinistro latere, ob meatus cholidochi insertionem ad duodenum, quod debuit esse locatum sinistrorsum, ut vena Porta, & Cavæ origines & venæ spermaticæ origo in dextro latere ab emulgente. *Observatio D. Bedeau Medici Nannetensis apud Aremoricos.*

## OBSERVATIO VI.

*Excretio seminis læsa in viro, ob lapidem Glandoso corpori innatam.* 1. Concubitus impeditus ob coalitum cervicis uteri. 2. Ob magnum lapidem in collo vesicæ. Vteri vaginam concreto humore refertam. 3. Ob duas fistulas in collo matricis. 4. Ob Nattam ab uteri labio pendulam feliciter sectam. 5. In fœmina ob nimium coitum mortuam ligamenta Vteri teretia semina repleta observata. 6. Ob lapidem in collo vesicæ, Cavitatem uteri & vaginam materia compacta occupatas. 7.

§. 1. **N**Os in *Friderico Triviolo Mantuæ*, in Glanduloso corpore illo quod vesicæ collo adnascitur, & in quod Deferentia vasa, postquam coiere inferuntur, seminis elaborationi præter alios inserviente, observavimus lapidem infixum: Non poterat semen hic vir, nisi paucum admodum aquosumque valde in coitu excernere, Dissectusque pro

XXxxx

lapidis

lapidis vesicæ extractione occubuit. *Marc. Donatus histor. mirabil. lib. 4. cap. 30.*

§. 2. Uteri Sinus, seu cervicis, vitio Venus deficit, si via seu introitus ad ipsum per vaginam non satis apertus sit: Quod ab ortu vel post exulcerationes, coalescente ex parte hac sede, fieri potest, sed rarum est; Uti & illud ut orificium sinus uteri penitus coalescat: Quod tamen Mulieri cuidam, ex partus difficultate hac parte læsa, accidisse vidimus, ut cum curam illius pudore impedita, naturæ committeret, luxuriante carne, os illud cervicis uteri adeo occalluisse, ut ne menstruis quidem pateret effluxus, Et cicatrice spissa, sicuti postea sectione post mortem illius, quam viva ferre nolebat, deprehendi, profunde admodum & penitus oblitteratum fuisse. *Platerus Prax. lib. 1. cap. 17.*

§. 3. Nob. foemina gravitatem circa pubem sentiebat, nec mariti congressum admittere poterat. In collo vesicæ mugnus & durus aderat lapis: Uterus alba, compacta materia erat impletus, nec non major pars vaginæ. *Vide tit. de Hypogastri dolore.*

§. 4. Uxor N. à venere multis annis abhorruit, & ob dolorem abstinuit: Mortua aperto collo matricis, comperi fistulas duas, non callosas ad anum vergentes. *Vide tit. de ventris tumore.*

§. 5. Foeminæ à labro uteri dextro caro mollis, flaccida, uberis instar, forma oblongæ cucurbitæ ad genu usque pendeat, Nattam seu Naptam diceret, Apostema carnosum vocant Latino Barbari: Tumor hic septem annorum spatio increvit, colore naturali similis, dolore nullo, at pediculo tenui uteri labio alligatus, usque ad fastigium in latitudinem mediocrem erat extensus: Sed cum hac de causa concumbere non posset, quum inter inguina tumor hic penderet, auxilium, cum esset in ætate 28. annorum, petiit: E quatuor advocatis Chirurgis unus post providentiam totius sectionem consuluit; Alius in tumore intestina acervari ratus, solventibus tumorem tractandum dixit; Alter nihil agendum credidit, metuens ne sectione instituta hæmorrhagia lethalis succederet; Ultimus mecum impossibile esse prædixit carneam molem, licet pediculo tenui adhæresceret, carminantibus absumere.

Mulier intrepide ad sectionem se parat: Expurgatur iterum corpus, Inciditur Tumor circa cutem, à quo maxima humoris copia vacuata: Caro præcisa erat alba, spongiosa, cum qua tophacea substantia erat commixta: pependit libras civiles 12. ablato Veneris impedimento concepit, peperit. *Zacutus Praxis Admir. lib. 3. observat. 78.*

§. 6. *Spigelius* in foemina à nimio coitu mortua, hæc ligamenta, (teretia seu vermiformia) qua parte vicina sunt utero, semine repleta observavit. *De Diemerbrack Anat. l. 1. c. 33.*

#### SCHOLIA.

**A** Natomici fere unanimiter statuerunt totum semen è testibus per commemoratos ductus, ad testium protuberantiam extensos, exonerari in uteri capacitatem: Verum præter hos utero annexos ductus, *Veslingius* utrinque adhuc aliam viam satis conspicuam invenit, ostenditque etiam à testibus & tubis ductum quendam protendi in uteri ligamentum teres seu vermiforme, quod à lateribus fundi uteri utrinque versus inferiora descendit, ac petito-  
næ cum testibus muscutorum obliquorum perforato supra pubis ossa clitoridi jungitur, addo; in eumque aperitur: Quod ipsum etiam nos in nostris sectionibus tali modo invenimus: Hoc appellatum ligamentum intus porosum, sicut vasa deferentia in viris (pori tamen sunt multo laxiores & nonnun-

quam satis conspicui) circaque finem evidentius concavum, & semine à testibus defluente in repentino fato sublaris mulieribus madidum reperiri (quod ipsum etiam nos vidimus) tradit idem *Veslingius*: Quæ omnia certo indicio sunt semen non tantum per supra commemoratos ductus deserti in uteri cavitatem, verum etiam aliqua sui parte per has vias defluere ad clitoridem; hæcque dicta ligamenta vermiformia non esse proprie uteri ligamenta, sed vera vasa deferentia; Illud etiam ex eo etiam innoscitur quod partes seminales contagio venereo inquinatæ, per hæc vasa deferentia virulentum semen in glandulas inguinum deponant, in usque

Bubones venereos excitent.

*Idem.*

§. 7. Nobilis foemina mariti congressum admittere non poterat: In vesicæ collo mugnus aderat lapis & durus: Uterus solito grandior impletus alba & compacta materia, quæ vaginæ etiam majorem partem occupabat. *Vide observ. 5. sect. 23.*

## ANATOMIÆ PRACTICÆ


## LIBRI TERTII

## SECTIO XXXV.

## De Menstruo Fluxu, Suppresso, Imminuto, Inordinato.

## OBSERVATIO I.

*Menstrua per collum potius quam per corpus Uteri ferri ostendit Anatome.*

§. 1.  UOD mulieres purgentur suis menstruis per collum potius quam per uteri corpus, probat *Columbus* 6. sub finem; Quia, inquit, multo plura & majora vasa sunt in eo quam in ulla uteri parte alia: Præterea exemplo cujusdam mulieris *Sancta* tantum nomine & non re, quæ laqueo suspensa jugulataque est quo tempore menstrua patiebatur, cujus cadaver secavit, diligenterque observavit dicta menstrua expurgari per collum tantum, & non per cavitatem aut corpus uteri: Ibi enim copiam sanguinis vidit, & vasa superius dicta pectinatim, seu digitatim insita plena sanguine fluente aut fluere parato, nec non collum ac sinum pudoris madida cruore, & minime uteri cavitatem animadvertit.

§. 2. Similiter duarum mulierum cadavera secuimus quibus menses fluebant suspensionis tempore: in quibus prædictas colli uteri venas amplissimas vidimus, sanguinem menstruum effundentes copiosum in colli & sinum pudoris, & nullum in corporis uteri cavum: *Severinus Pinam* lib. 2. de Notis virginis. cap. 1.

## S C H O L I A.

Hic orificio colli aliquando canceri aut scirchi superveniunt, incurabiles, eoque magis si menstrua deficiant, quia sanguis qui expurgari solebat, ibi diutius cunctatur, remoratur & calescit: Rarius in fundo, & cavitate ipsius uteri maligna ista ulcera & tumores nascuntur. *Idem.*

§. 3. In puellæ, quo tempore menses fluerent, strangulatæ cadavere, solus sinus pudoris observatus sanguine persusus tinctusque sanguine menstruo, uterus autem prorsus siccus & arcte connivens. *C. Piso de morbis ab illuvie serosa* sect. 2. p. 2. cap. 7.

## S C H O L I A.

PER collum potius quam per uteri corpus &c.] Non assentitur *Regnerus de Graaf* lib. de mulierum organis cap. 9. Rationibusque & experimentis contrarium probat. Videmus, *ais*, fœtus nutrimentum quod toto gestationis tempore à materno sanguine desumitur, per nullas alias vias quam per uterum transire: Item illum qui enixo jam fœtu Lochiorum nomine eliminatur, eadem via foras erumpere, uti id in *Puerperarum dissectionibus* quandoque nobis observare licuit: Nec dubitamus quin idem quoque notabunt 2. qui, inflatis hypogastricis vasis, vel præparantibus, ad oscula in uteri fundo hiantia diligenter attendunt; Quorum igitur menstruorum fluxus, qui ejusdem plane nature existit, per alias vias erumpere niteretur? Hujus opinionis probatio à sanguinis vasis facillè desumitur, quoniam longe plura ac majora ad uterum, quam reliquas ejus loci partes excurrunt: Idem quoque confirmare videtur Lumborum dolor, quem instante menstruum fluxu, plerumque à vasorum hypogastricorum distensione mulieres perferre solent: Atque tandem evincit ocularis inspectio, refert enim *Higginsonus* in menstruais internata uteri membranam à promissionibus venarum orificiis asperam esse: Ad stipula-

tur à *Castro* lib. 2. de Nat. mulier cap. 2. qui testatur mulieres se vidisse uteri procidentia laborantes, quibus ex uteri osculo sanguis evidentissime promanebat; Si enim menstruorum fluxus naturaliter per uteri vaginam, & non per uterum erumperet, vanus esset abortionis metus, cum ille in gravidis sanguineis iponte excitaretur: siquidem natura faceret id quod ejus minime per venæ sectionem aliquando præstare tenetur, ne à redundanti sanguine totus suffocari periclitetur: Quæres, Si per uterum in gravidis menstrua expurgantur quare non semper abortiant hoc profluvio inveltari solitæ? Respondemus id fieri posse si menstrua moderata sint, & per illarum uteri partem evacuetur quæ omnino à placenta libera est: non enim illa omnibus uteri partibus, sed tantum alterutri ejus lateri adhærescit: Si vero fluxus immoderatus existat, aut per placentæ locum erumpat, placenta in totum, aut eoque dissolvatur ut fœtus superstes manere nequeat, Idem quoque contingit in modica menstrui purgatione, cum scilicet illa ob uteri osculum pituita validissime obstratum expurgari non possit, Placentam uteri distensione relolvat, aut pravis quibusdam qualitatibus à stagnante menstruo provenientius fœtum perimet:



Non tamen hic vaginam sic excludendam volumus, ac si nunquam per illam prodirent menstrua, videmus enim illa per vomitum, alvum, urinam, per oculos, nares, aures, gingivas, manimas, umbilicum, minimum manus digitum, & alias insuetas corporis partes interdum promanare: Quidni similiter illa citra naturæ ordinem, per vaginam utero proximam, tot insuper valis locupletatam, prorumpere possent, Quinimo censemus naturam frequentius lese per hanc quam per alias corporis partes exonerare: unde contingere nonnunquam potest ut innoxie fluxum menstruum experiantur gravidæ.

*Sinus solus pudoris sanguine tinctus*] Uteri collum hæmorrhoidibus æque ac intestinum rectum obno-

xium est; Hæ fluentes sequentibus signis à menstruo discerni possunt, menses cum fluunt, vasorum ramulos in collo uteri nullos notare possumus, ipso ex utero proveniunt, & nullum dolorem nisi in hypogastrio excitant: Vasa per quæ excretio hæc fit, arteriæ sunt hypogastricæ & spermaticæ: *Hæmorrhoides* vero rami sunt venæ pudendæ, vilu tactuque cognosci possunt, & dolor nonnisi in pudendo movetur: Eodem modo uti aliæ tractari debent: Dolorem sedat hoc Ungu.  $\mathcal{R}$ . mucilag. sem. cydonior. alth. aa.  $\mathfrak{z}$ ss. croci, ol. rosac. pingued. gallinæ aa.  $\mathfrak{z}$ j. virell. ovi. n. i. milc. *Barbette Anat. Pract. cap. ult. part. 3. lib. 4.*

## OBSERVATIO II.

*Anatome Virginis nunquam menstrualis, cujus uterus natura clausus repertus, sanguis in vasis omnino putris.*

**T**ot sunt authorum circa causas menstrui fluxus impediti opiniones, ut quamnam ex iis arripere velis pene hætere possis: Tanta quoque recentiorum in veritate huius rei pervestiganda labor, ut merito in admirationem rapiaris ipsissimam huius mali causam nondum esse detectam: *Galenus* lib. 3. de causis symptomatum cap. 4. septem recenset, quæ huius affectus causæ esse solent 1.  $\delta$  μήτρας τὸ σῶμα πυκνὸν καὶ σκληρὸν 2. στεγνότης τοῦ φλεβῶν 3. ἡ θλίψις ἐκ τοῦ περιεχόμενου ἀγρίου 4. ὅταν κενούμενον τὸ αἷμα παχὺ καὶ γλιστρὴν γίνηται. 5. ἔμπεραξις. & 7. ad universum pertinent corpus, si hoc ita sit comparatum, ut vel purgatione non egeat, vel adsit τὸ αἷμα ὅς τις ἄλλα μόρια ῥοπῇ: Alii naturam menstruum & horum fluxus accuratius considerantes, inque hunc studiosius indagantes, reppererunt necessum esse ut ad sanguinis fluxum menstruationem concitandum aliqua fiat in corpore sanguinis fermentatio: Etenim cum secundum ipsum *Galenum* in sanguinis menstrui vacuatione, ille vacuetur sanguis qui in respectu ad laudabiliorem remanentem, crudior, & temporis tractu vitiositatem acquirere potuit, hæc vacuatio per nudum sanguinis impulsus, vel solam ejus copiam, vasorumque spontaneam apertionem fieri difficulter concipi potest, nisi præviam aliquam sanguinis in corpore effervescentiam statueris, quam satis probant symptomata virginibus & mulierculis eo tempore infecta: Undenam autem hæc fiat fermentatio, an à corde instigante, an ab utero irritante, horumque fermentis; an ab ipso sanguine huiusque partibus secum mutuo effervescentibus, haud facile est concludere: Uteri fermentum hæcenus nullum fuit in controversiam vocatum, eo quod locus huic asservando in utero non detur idoneus: Quicquid sit uterum omni plane materia fermentiscibili destituere huc usque nolui: adde imprimis cum haud ita pridem in dissectione puerperæ vita defunctæ, uteri substantiam præsentibus pluribus *φιδιάζοις* spongiosam totam & porosam reppererim, adeo ut his pressis liquor manifeste exstillaret: Sanguinem per venam cavam in dextrum cordis ventriculum, & abhinc in sinistrum per pulmones redeuntem, in hisce de novo spiritalascere, novasque sibi acquirere vires certum est: qui actus sive cordis calori intensio, sive fermento in eodem latitanti, particulasque sanguinis fermentaceas noviter in actum educenti adscribatur, non multum litigabo: Sanguinem ipsum præcipuam huius fermentationis causam esse, & *natura ipsius* est consentaneum & *rationi*: Illi quidem, quoniam sanguis ex partibus fermentaceis conflatus est, quæ cum justam fermentationem subeunt, calorem nostrum æqualem & naturalem conservant: Cum vero partibus heterogeneis objectis fortius effervescent, calorem adaugent, pulsumque celerem & etiam inæqualem efficiunt: *Huic* autem, quia sanguis majori, quam natura diutius sufferre posset, collectus copia, isque sibi non per omnia similis proprio instinctu (cui forte fermentum uteri, si illud statuere volueris adjumentum affert) fermentare sanguinemque crudiores, & temporis tractu crasim mixti dissolvendo naturæ noxam allaturum, expellere hoc modo potest: quæ omnia ex continua sanguinis effervescentia, quæ ad corporis salutem fieri consuevit, facile confirmantur: Cum itaque modo dicta ad sanguinis menstrui fluxum naturaliter concitandum præcipue conferant, iisdem secus habentibus, concludo menstrua plerumque suppressi, hancque frequentissimam esse causam, Etenim & obstructio veterum ab humoribus viscidis vasa occupantibus, difficilis est conceptu: Uteri clausura venarumque angustia rariora esse solent: sola sanguinis dyscrasia frequens est: quæ autem nisi per defectum fermentationis, vel male, vel non

non fientis haud facile explicari potest: quamvis enim non negetur sanguinem viscidiorum & crassiorum evadere, tamen huius rei ipsius causa est legitima fermentatio deficiens, cuius ope alias homogenea congregari & heterogenea disgregari consueverunt.

Veritati hæc consentanea esse sequens docet observatio Anatomica, ab Amico communicata: Obiit haud ita pridem in valetudinario virgo quædam rustica annorum 22. rubicunda, carnosæ, robusta, cui menses nunquam fluxerunt: Correpta fuit hæc *syncho putrida*, & die morbi quarta ex hac vita discessit:

Post obitum cultro anatomico injecto, omnia viscera sana fuere reperta, sanguis vero in vasis putridus, & uterus natura clausus: Firmo indicio labem hanc contractam; non tam vitio viscerum quam vitio sanguinis, qui debita fermentatione carens, substitit, hacque magis magisque deficiente, tandem putredinem sibi acquisivit summam: Uterus natura clausus hic multum accusari nequit, eo quod sanguis nullus in uteri cavitate fuerit reperiendus, inque defunctis, vel iis quæ menstruum fluxum passæ non sunt, uterum subsidere nihil sit novi. Hæc sunt quæ hac vice communicanda habui: Basileæ 28. Maji 1678. Ex communicatione Excell. Clar. Dom. D. Harderi Medic. Doct. & Philosophia Professoris.

## S C H O L I A.

**C**irca causas menstrui fluxus &c.] Has tradit Excell. D. De Diemerbræck Anat. lib. 1. cap. 24. Arterias & venas habet uterus plurimas, illas tamen numerosiores quam has, nam valde paucae sunt venæ respectu arteriarum, eaque per exteriora uteri maxime dispersæ: Arteriæ superiores cum venis inferioribus, & inferiores cum superioribus, per varias anastomoses coire vulgo traduntur: Verum ego istas anastomoses hætenus animadvertere non potui, sed hoc solummodo notavi, venulas ex uteri substantia emergentes inter sese misceri, & in se mutuo aperiri, verum nullas cum arteriis per anastomoses conjungi: sicque etiam arterias hic illic anastomosibus inter se coire: Subeunt enim arteriæ finibus seu osculis suis uteri cavitatem, in quam sanguinem effundunt, qui in ea quaquaversum distribuitur per anfractuosis canales & tubulos (hos nonnulli acetabula & coryledones esse putarunt) quibus in conceptione Hepar uterinum adhaeret, in quod tunc temporis hiant, eique sanguinem pro nutritione fetus præparandum infundunt, atque ipsi etiam fungoræ uteri substantiæ, inter utramque membranam sitæ, sanguinem alimentarem copiosorem conferunt, a quo uterus tunc in maiorem magnitudinem excrevit, atque sic dum crescit fetus, simul increvit ejus domicilium uterus: Hunc in finem eo tempore vasa admodum magna & turgida conspiciuntur, à copia sanguinis quam tunc deferunt & continent: Extra imprægnationem vero qui singulis mensibus redundat sanguis, statis periodicis cum fermentatione, seu effervescencia quadam copiosius per arterias ad uterum propellitur, cumque in ejus substantia interiore admodum paucae sint veng. per quas tantæ copię circulatio commode fieri possit, & orificia modo dictorum tubulorum sint laxa ac mollia, hinc fit quod redundans sanguis qui ob copiam satis cito circulari nequit, per dehiscencia & aperta tubulorum orificia, nec non per fines vasorum in collo uteri desinentium, ut supervacuis & Naturæ suæ copia molestus, foras effluat: In quibus vero dicti tubuli firmiter oclusi sunt (ut cum in gravidis angustantur ad adhærente placenta uterinæ, in quam nonnulli minimis osculis hiant; aut cum post secundinam violentius cum hepate uterino avulsam obducuntur cicatrice, aut alia quacunque de causa obstruuntur) in illis menstrua solummodo profluunt per fines vasorum in uteri collo seu vagina desinentium, vel plane subsistunt, imprimis si et-

iam fermentifica illa qualitas ad tantam perfectionem nondum pervenit, ut talem effervescenciam in sanguine suscitare possit.

**Uteri fermentum hætenus &c.]** Quid sit, & quoniam loco generetur illud uterinum fermentum, quod statis menstruis periodicis istam effervescenciam inducit in mulieribus vacuis, at non, aut rarissime in gravidis, hætenus patum inquisitum est: Nos, licet propter rei obscuritatem, hac in parte iudicium nostrum adhuc pro tempore suspendamus, tamen quibuslibet considerandum relinquimus, annon fermentacea materia in liene, hepate, pancreate, glandulis, aliisve partibus genita, & cum sanguine per arterias, aut per vasa lymphatica ad uterum delata, atque ibi aliqua sui parte deposita, & paulatim coarctata (semper enim in distictis vacuatum uteris viticolum, seu mucosum quendam humorem invenimus) à specifica quadam uteri proprietate peculiarem quandam qualitatem nanciscatur (sicut eadem in ventriculo aliam peculiarem qualitatem adipiscitur, qua chylus ex alimentis educitur) quæ (humore isto, cui ut subjecto inhæret, in sanis à calore loci mensis spatio ad istam volatilitatem perducto, ut sponte sua efferveat) talem specificam fermentationem sanguini introducat, qua totum mulieris corpus, imprimis partes utero circumstantes (in aliis magis, in aliis minus) conturbantur, & sanguis superfluous inturgescencia sua vasorum orificia dilatans, foras protrudatur: eaque qualitate, aut dicti humoris fermentacci volatilitate justa deficiente (ut fit in gravidis, in refrigeratis, in longo morbo doctentis &c. item in brutis) ista menstrua evacuatio non procedat. *Diemerbræck ibidem.*

**Virgo rustica, carnosæ, robusta.]** Menstruorum suppressionis causa in dicta virgine referenda videtur ad sextam vel septimam supra in textu allatas ex *Galeno*, quæ ad univerſum corpus attinent, quod hoc ita comparatum sit ut fluxu illo non indigeat: sic in viraginibus, calido temperamento præditis, valido exercitio sanguinem exhaustibus, pauci aut nulli erumpunt menses; vel ad sanguinis *dræppationem*: Porro si clausuræ uteri suppressio adscribenda foret, vel in cavitate comparuisset, qui vacuus deprehensus; vel in ejus substantia & inter membranas cohibitus delituisset, ubi putredinem concepisset, phlegmonem induxisset: Inferius subduntur exempla affecti in propria substantia uteri, quia sanguinis denegatus exitus per assuetas vias.

## OBSERVATIO III.

*Menstruorum fluxum non à sola sanguinis in Vtero congectione, sed à toto pendere ostendit Anatome.*

**D**E ratione ac modo quo menstrua excitari solent Medici inter se non conveniunt: Aliqui enim cum *Aristotele* 2. & 4. de generat. anim. periodicæ hujus excretionis causam referunt ad Lunæ motum: Alii ad solam plethoram: credentes tota mensis periodo circa uterum collectum sanguinem vasa tamdiu distendere, donec nimia distensione irritata sarcinam suam in uteri capacitatem sese contrahendo deponant: Sed illa speculationibus innixa potius quam propagandæ veritati consentanea videntur: Ad primum quod spectat, cunctis mensis temporibus hanc vel illam menstruo expurgari videmus, citius aut tardius pro temperamentorum varietate: Non est itaque hujus periodi causa in sempiternos & immutabiles Lunæ cursus referenda: Alteram vero opinionem, menstruæ purgationis motum à solo exuberante sanguine, qui in uteri vasa perlabitur, eaque copia & calore distendit ac aperit, derivantem, non ratio solum, sed & *frequens cadaverum Dissectio* prorsus refellendam esse demonstrat: si quidem nulla probabilitate nititur quod sanguis (qui perenni circulationis lege continuo per omnes corporis partes movetur) tanto temporis spatio in uteri vasis stagnaret; Quibus addendum uteri vasa haudquaquam tantam sanguinis copiam continere posse, quanta una periodo evacuari solet: Præterea in mulieribus instante menstruum fluxu subitanea morte extinctis ac *dissectis*, Uteri vasa mirum in modum distenta inveniri deberent, at illud *nunquam inveniri potuimus*, nec ab aliis inventum legimus, & licet aliquantulum magis quandoque turgent, illud profecto parum facere possit ad quantitatem singulis mensibus expurgari solitam.

## S C H O L I A.

**Q**uibus recte consideratis arbitratur menstruum colluviem statis circuitibus per uterum excernendam à fermentatione potius quam Lunæ motu, aut sola sanguinis copia excitari: quandoquidem quotidiana experientia constat multis menstrua fluere quæ jejuniis sese macerant, magnas hæmorrhagias, aut diuturniorem morbum passæ sunt: Neque existimamus fermentationem illam in uteri vasis tantum, sed in tota massa sanguinea contingere, quoniam videmus in mulieribus, quarum menstrua fluunt, non uterum solum affici, sed caput doloribus, pedes lassitudine, ventriculum ac reliqua corporis membra his vel illis molestiis infestari: necnon sanguinem illum per nates, pulmones, ac alias jam dictas corporis partes subinde manare: quæ neutiquam evenirent nisi integra sanguinis massa fermentationis motu exagitaretur: Ratio vero cur per insuetas illas Naturæ vias quandoque menses expurgentur, potissima nobis videtur obstructio, quate-

nus scil. sanguis menstruali fermentatione agitur, per uteri vasa, propter polypos in illis quandoque à nobis observatos, aut aliam materiam pituitosam, cicatricem, pravam conformationem, &c. erumpere non potens, per debiliora corporis loca prorumpit; eodem plane modo quo vinum vase firmiter inclusum, dum fermentatur, per debiliores dolii partes qua data porta ruit: Si petit aliquis, A qua causa fermentatio illa procedat? Et cur semel tantum in mense menstruus sanguis excernatur, cum reliqua excrementa singulis expurgentur diebus? Respondemus illa ad definitos naturæ motus, & certas illius leges, nobis incognitas referenda: si enim quotidie expurgarentur menstrua, nunquam, aut admodum raro mulieres conciperent, neque hominum quispiam in amplexum feminæ rueret si genitalia perpetuo cruore maderent. *R. de Graaf. de organ. mul. cap. 9.*

## OBSERVATIO IV.

*Mensium suppressio ob Hymenem os uteri occludentem. 1. Ob coalitum cervicis uteri. 2. 3.*

**M**onialis virgo 55. annor. multo tempore circa inguina & pubem doluit, nullis interrim ex utero prodeuntibus excrementis: Supervenit tandem ventris tumor, quo in dies majore facto mors tandem supervenit &c. Hymen autem obstitit qui natura virginibus concrevit, Nam hoc integro nihil ex utero descendere aut deferri posse vel hinc apparere potest: *Dodonaus cap. 34. Vide tit. de ventris tumore lib. 3.*

## S C H O L I A.

**Q**uibus canalis veretrum excipientis clausura obstrigit, Atretas eas vocant, seu clausas; quæ occlusio vel in orificio est pudendi, seu aliis; Vel in cervice uteri, vel in ipso uteri orificio: Gravissima autem ubicunq; occurrat mala imminet, clauso enim externo pudendi orificio, feminæ viris ineptæ fiunt, purgatio menstrua non succedit, conceptusque non fit: Si pateat pudendum, clausura autem medium si-  
num occupet, congressus & conceptus impediuntur:

Sin orificium uteri claudatur, concipere quidem non possunt, at sine congressus virilis impedimento, aut mensium effluxu cohibito, cum illis per venas in uteri collum delinquentes exitus pateat: Porro meatus ille aut omnino clauditur, aut in medio foramen adest angustum: Occlusionis ejusmodi vide exempla apud *Merum de præstig. Dæmonum lib. 2. cap. 38. Benivenium de abditis cap. 78. Fabr. ab Aquapendente de Operat. Chirurg. Cabrellium observ. 23. & alios.*

§. 2. Mulier



§. 2. Mulier post puerperium menstrua amplius non habuit: Mortuæ cervix uteri spississima est reperta, ac velut cartilaginosa, quæ transversî digiti spissitudine coaluerat. *Vide tit. de ventris dolore.*

§. 3. Mulieri ex partus difficultate os cervicis uteri adeo coaluit, ut nec menstruis pateret effluxus. *Vide tit. de Partu non nas.*

OBSERVATIO V.

*Injuvencula ex suppressione primorum menstruum mortua, vena ab utero ad mammas tendens, & vena ad uterum tendentes sanguine distentæ & nigra reperta, uterusque quasi gangrenosus &c. cum ejus collo distorta.*

**I**uvencula 14. annos nata, pulchra, cum primum erumpere deberent menstrua, subito incidit in morbum gravissimum, cum summo corporis ardore, tremore, inquietudine, aponia, oris contorsione, rubore totius & suppressione profluvii: Nihil autem proficientibus medicamentis eo devenit morbus ut tertia die, nulla s. m. instituta, obierit:

Secundo cadavere superiorum constitutio bona reperta est, nisi quod vena sanguinem ex utero ad mamillas deferens, tota illius copia denigrata esset, felle omni ex vesicula in intestina depulso: Venæ omnes circa uterum distentæ & nigerrimæ: Uterus etiam nigrior, ut gangrena corruptum dixeris; Collum contortum crassissimum habebat. *Ioh. Vdalr. Rumlerus observ. 55.*

SCHOLIA.

**T**remore, inquietudine, aponia &c. ] *Supra prædicta; Successerunt autem hæc accidentia interrupto, ob nimiam copiam, sanguinis solito in valis circuitu; quem optime exprellit Hippocr. 4. de vict. acut. veri. 43. Fieri aliquem repente sine voce venarum interceptiones faciunt, sibi bene valenti hoc accidat sine occasione aut alia fortî causa: Venam igitur secare oportet in brachio dextro internam, & detrahere sanguinem secundum habitum & ætatem, inita ratione plus aut minus: Contingunt autem plu-*

*rimis ipsorum hæc, rubores faciei, oculorum immobilitates, manuum distensiones, denium stridores, pulsationes, maxillarum adductio, extremorum refrigeratio, spirituum per venas interceptiones &c.*

*Vena sanguinem ad mamillas deferens* ] Frustra hæc, postquam arteriis sanguinem deferri, reſecti autem per venas Harveii invento cognitum: Imo in viris quoque venas istas semper contempimus, quibus tamen nec mammae sunt nec uterus. *Velſchius in Notis.*

OBSERVATIO VI.

*Menses suppressio aut diminuti ob Polypos, uteri aut cordis vasa opplentes.*

§. 1. **I**n uteri vasis sæpe reperiuntur Polypi, & quidem tanti ut vasa adimpleant, nec non quandoque in callosam quasi substantiam degenerent. *Regn. Graaf de mulierum organis cap. 8. Ratio cur per insuetas naturæ vias quandoque menses expurgentur, potissima nobis videtur obſtructio, quatenus scil. sanguis menstruali fermentatione agitatus per uteri vasa propter Polypos, in illis quandoque à nobis observatos, erumpere non potest. Idem ibidem.*

§. 2. In virginis, cui cum perpetuo defuissent menstruarum purgationes, corde Polypi reperi sunt; Quid simile in puella observavi, in qua sub ventriculo ad pancreas, & in toto abdomine aderant glandularum racemi, nucis instar, & in corde globuli, velut avellanæ fructus gypsea quasi materia excitati, In hujus etiam corde Polypi stagnabant. *Marc. Malpighius Tractatu de Polypo.*

§. 3. Sanguinis vitium menstruum suppressioni, uti & hæmorrhoidum sæpe occasionem præbet: Si tale sit quod illum minus fluxilem reddat, uti fit si crassior quam illius natura requirebat fiat: vel ciborum ingestorum crassiorem succum gignentium causa, vel quia sero minus dilutus, vehiculo hoc suo destitutus, crassescit: quæ & causa quod & cachecticis & hydropicis, sero è venis exudante, menstrua suppressa sunt: scdtaque vena crassus sanguis potius quam serosus detrahatur: Sed & coralli alicujus rubri, vel etiam albi instar, si illum congelari contingit, qualem alii quoque se vidisse prodiderunt, & nos aliquando è venis extraximus, illud longe magis efficiet: *Platerus Praxeos lib. 1. cap. 14.*

OBSERVATIO VII.

*Mensium suppressio ob vitium hepatis, mesenterii, uteri multiplex. 1. Ob uterum mola carneâ repletum. 2. Ob insignem lapidem in utero. 3. Ob vitium uteri, mesenterii. 4. Ob utriculû aqua plenum superiori uteri parti adnatum. 5. Ob vasa spermatica, densa, obſtructa. 6.*

*Ob Testes tumidos, vitiatos. 7. Ob hydropem cornuum uteri. 8. Ob vitium sinistri ligamenti uteri. 9. Ob uterum exulceratum. 10.*

§. 1. **A** Ug. Imperatrix mensium suppressionem diu passa fuit : Hepar habuit male constitutum : E mesenterio putrescente pendebat sacculus utero incumbens, uterus valde magnus, plenus humore crassissimo ; Circa latera & corpus adhærebant quinque corpora satis magna : In capacitate innatabat quædam substantia alba. *Vide tit. de ventris tumore.*

§. 2. Anno 1642. in theatro uterus mole carnea oppletus veram perpetuæ suppressionis mensium causam detexit. *Rhodus cent. 3. observ. 47.*

§. 3. Matrona semper conquesta de dyspnea, abdominis mole, suppressis uteri purgamentis, ante decennium fit ascitica &c. In utero lapidem quatuor librarum, multis eminentiis lapideis, coloris fusci deprehendit dissector. *Th. Bartholinus cent. 4. hist. 64.*

§. 4. Fœmina ab hydropse liberata est supersticie infimi ventris exigua duritie, hinc mensium suppressio &c. Spatium quod inter intestina & mesenterium interjacet, mucoviscido repletum scatebat &c. Uterus parvus erat ac flaccidus, crassumque sanguinem menstruum in venis testitantes continebat &c. *Vide tit. de ventris tumore.*

§. 5. Fœmina per sexennium ventrem tumidum gessit instar prægnantis, non menstruabat autem &c. Utriculus quidam ventris capacitatem explebat, exortum ab uteri fundo extimo sumens, qui apertus effudit aquam copiosam, &c. Uterus ipse exiguus erat & arcus, quasi puellæ 10. annor. *Vide tit. de tumor ventris.*

§. 6. Anno 1637. J. Veslingius in cadavere fœminino deprehendit vasa spermatica, testes versus admodum densa & dura, pituitæ plena, Ideoque huic mulieri in valetudinario D. Franc. denatæ menses ultra bimestre tempus fuere suppressi. *I. Rhodius in Mantissa, observ. 35.*

§. 7. Virgini ob errores in diætâ menses suppressi, unde intumuit venter adeo ut male audiret : Testes ab utraque parte non solum tumidos & magnitudinis excedentis, sed & lividos, quasi fungosos, plenos vesicis aquosis, utero ejusque vas plane illæsis. *Vide tit. de ventris tumore.*

§. 8. Catharinæ N. adversa valetudine ob suppressa menstrua usæ, intumuit abdomen : Præter jecur pallidum, lienem parvum &c. utrumque uteri cornu novem tum puris tum aquæ continebat libras. *Vide tit. de ventris tumore.*

§. 9. Rustica ingenti abdominis tumore corripitur, menses triennii decursu substitute : Uterus erat exilis, ejus ligamentum sinistrum superius sero tumidum totam occupabat abdominis cavitatem. *Vide tit. de ventris tumore.*

§. 10. Monialis multo tempore circa pubem & inguina doluit, nullis interim ex utero prodeuntibus excrementis : Uterus defunctæ omnino exulceratus fuit. *Vide tit. de ventris tumore.*

#### OBSERVATIO VIII.

##### *Menstruorum suppressio ob mesenterium steatomatis refertum &c.*

**V**irgo per multos annos laboraverat mensium suppressione & febre hæctica, quæ illam extinxit : Reperimus in mesenterio steatomata varia à lymphâ crassâ oriunda : Et in sinistro latere magnum veluti saccum, repletum materia turbida, pituitosa, majori ex parte cruenta. *P. Barbette Prax. lib. 4. cap. 11.*

#### OBSERVATIO IX.

##### *Menstrua inordinata ob Tumorem vulvæ tunicis adnatum. 1. Ob vitium hepatis, uteri scirrhusi, vena umbilicalis plenitudinem. 2.*

§. 1. **C** Arcinomatis specimen memini me aliquando propalam ostendisse Medicis ac Obstetricibus, in Vulva cujusdam mulieris à cancro uterino crudelem in modum occisæ, quæ in vivis dum foret conquerebatur assidue, non modo de *Inordinatis menstruis*, vago pruritu ac oberrante ardore, sed potissimum de crebris animi deliquiis, quæ tam frequenter ipsam invasere, ut tandem miserrime ab illis obrueretur.

Facta Medicis cadaveris copia, in vulva vidimus delituisse tumorem, ut lividum & atrum sic cruore ac sanie undiquaque perfusum : adhærescebat autem membranis suis filamentis tam arcte tunicis vulvæ, ut non potuisset inde eximi sine scalpelli auxilio. *N. Tulpius observat. lib. 3. cap. 34.*

## S C H O L I A.

**C**arcinomatis specimen ] Partes glandulis repletæ facile degenerant in fungos, proximum carcinomatis subiectum : Quod si fungus aliquis vulvam occupet, irritat illam continenter & effundit menstrua ipsius non minus copiose ac si instaret verus partus, à quo tamen fixus hic tumor minime quum expellatur, necesse est tandem confugere ad scalpellum, & ejus ope radicitus evellere quod ne-

quit extirpare irritus ejusmodi partus : Sed artis est talem sectionem vel audere vel rite perficere in tam obscuris tenebris : In quibus tamen equidem illam bis vidi non minus secure institutam, & fungum ejus loci à *Hernardo Ollulario* sine ullius partis ostensa, ac si sub dio & in loco maxime obvio scalpellum suum direxisset. *Idem, Vide histor. ibid. cap. 33. & 34.*

§. 2. Virgo 35. annorum menses habuit Inordinatos, aliquando penitus non fluentes, aliquando nimis copiosos : Mortuam secui, atque 1. occurrit vena umbilicalis, quæ in omnibus adultis ligamenti vicem obtinet sanguinis copia turgida, atque extensa in quibusdam locis, ubi hæc vena contorquebatur, instar varicum tuberosa : Hepar erat album, ruberofum, durum, inæquale & exangue : Uteri corpus scirrhosum callosumque. *Vide tit. de Febris lib. 4.*

## S C H O L I A.

**V**terus scirrhosus ] *Calius Folium* apud *Bartholinum* Epist. 62. cent. 1. notat Menstruorum retentiones non ab authoribus allatis tantum de causis exoriri, sed ab apostematibus etiam nec non scir-

rhosis uteri tumoribus, qui ad tantam quandoque duritiem deveniunt, ut ossis naturam, colorem cæterasque acquirant qualitates.

## ANATOMIÆ PRACTICÆ

## LIBRI TERTII

## SECTIO XXXVI.

## De Fluore Muliebri, &amp; Excretis p. n. ab Utero, Mola.

## OBSERVATIO I.

*Fluor Uterinus ob uterum exulceratum, Glandulas Lumbares & utero vicinas humore purulento plenas, Testiculos vitiatos. 1. Ob Glandulas totius induratas, flavum humorem crassum continentes, Hydatides in Tubarum extremitate. 2. Ab utero purulento. 3. Ab utero ulcerato, cum ingni vesicæ dilatatione. 4. In Utero fluori obnoxium humor limpidissimus repertus 5. Fluor diutius perseverans gangrenam tandem aut uteri corruptionem inducit. 6. 7. 8.*

§. 1. **L**IZABETHÆ ANGLÆ quinquagesimum jam agentis ætatis annum menstrua octennio ante fluere cessarunt, nunc inde ab anno redeuntia, sed inordinate : Per tres menses eodem Fluore corripitur albo, copioso, summaque cum virium debilitate : sensim aucto, adeo ut stanti ambulantiq; semper invitæ quid destillet : Acrimonia humoris additi naturæ loci multum erodebantur, urinaque juxta supprimebatur : Inde grumi sanguinis prodierunt, ingenti cum dolore, præsertim in *hypochondriis* : *Alvus* per dies quinque continuos *adstricta* erat : Adhibita autem incassum fuerunt à Medicis excell. pharmaca, Tandem supervenientibus intolerabilibus circa *pube* & anum *cruciatibus*, & vomitu materiæ biliosæ, mortua est.

Dillecto post mortem cadavere sequentia notavimus, 1. Omentum tenue, sine pinguedine. 2. Ventriculum magnum ac valde capacem, biliosi humoris plenum, interne rubentem, & multis quoque glandulis conspicuum. 3. Intestina tenuia in inguine sinistro contracta penitus, & crassa tum flatibus tum duris excrementis distenta, præterea variis in locis veluti occlusa. 4. Pancreas cinerei coloris, durum tactu. 5. Lienem coloris nigricantis & 6. Hepar pallidum, ad flavedinem biliosam vergens, nec sanguineo rubore tinctum : 7. Hujus vesiculæ copiosa bilis inerat : 8. Glandulæ in regione lumborum plures, conglobatæ, atque aliæ prope uterum, valde duræ erant, humorem crassum, sebaceum, flavescen-

tem



tem & puri analogum ex se fundentes quo & vasa lymphatica distenta turgebant : 9. Venarum sanguis tenuissimus fuit, sero multo dilutus, 10. Cordi Polypus erat, 11. Pulmones sani ; 12. Ren sinister duplici cavitate, pelvim efformante, præditus. 13. Vesica urinaria lorio adhuc turgebat : 14. Uterus arcte undique partibus vicinis adhæsit, fundo ejus cum recto intestino, vesicaque urinaria unito. 15. Circa Testiculos, utroque in latere, hydatides sæ magnæ conspiciebantur, lymphæ turgentes insipida : Ipsi Testiculi purulenti & ulcerati fuerunt, nec Tubarum processus rite apparuit : Liquor in arteriam spermaticam injectus, omnia uteri & vaginæ vasa implevit, indeque levi compressione, cum ex utero, tum è vagina manavit : Uterus magnus erat, intrinsecus rubeus, exulceratus, excoriatus, pure farctus, inque sinistrum magis latus inclinans : Ulcus extra uteri pomœria, in vicinam quoque vaginam serpsit, Nam ista, quasi gangræna tacta, prorsus nigricare visa est : Vasa uteri omnia cruore turgebant. *Ex literis à Clar. Joh. de Muralto, Tigur. Medico & Chirurgo die 27. Augusti 1677. ad Nobil. D. I. Conradum Peyer, Medicum Schaffhus.*

## S C H O L I A.

**V**entriculum glandulis conspicuum] De iis vide Anat. Willis Pharmac. Ration. lect. prima c. 2. In intestinis Glandulas quoque detexit dictus accuratissimus D. D. I. Conradus Peyer, Medicus Schaffhusianus, cujus Libellum Schaffhusæ anno 1677. editum consule.

*Circa Testiculos hydatides lymphæ turgentes &c.]* Vidit Excell. I. Jac. Wepferus in brutis lymphatica vasa ab uteri cornibus renuibus exordiis in ductus insignes excrescentia, liquorem suum in venas majores hypogastricas, per ligamentum uteri membrano-

sum diffusas aliquot in locis facile deposuisse, quem frustra digitis versus cornua repellere conabatur, obortis nodulis ob valvulas liquoris regressum remorantes :

*Fluore corripitur albo]* Notat Clar. Rosinckius in Dissert. Anatom. mulieris emunctæ natis se novisse, quibus perpetua humoris albi ex utero stiria manaret : eo quod arteriæ ad nates pertingentes, sanguinis impuritates eo delegatas foras non oblegarent : Hinc coryzam arte vel natura excitatam salutariter ad curationem succurrere censet :

§. 2. In Angla muliere quæ Leucorrhæa per plures annos decubuit, & tandem corrosivis matricis ulceribus misere obiit, una cum Clar. Sylvio 14. Maji 1668. Lugduni Batavorum, Glandulas totius corporis omnes Lymphaticas, seu Conglobatas, duriores flavasque extitisse, Et humorem crassum, sebaceum, luteum, puri analogum continuasse : Vasa vero lymphatica valde repleta & distenta fuisse deprehendimus : Insuper ad testes, in Tubarum extremitate, hydatides utrinque magnæ aderant. *I. de Muralto Exercit. de Lympha & Saliva, in Annexu §. 11.*

## S C H O L I A.

**G**landulas totius corporis &c.] Clar. Franc. de le Boë Sylvius Glandulas in Conglobatas & conglomeratas distinxit : Conglobatæ illi sunt, quæ ex una quali continuata substantia, & æqualem substantiam habente, constituuntur, quales in mesenterio & lumbis plurimæ occurrunt, ut & aliis in locis v. g. inguinibus, collo &c. Conglomeratas vocat illas quæ ex pluribus glandulis minoribus simul junctis constanter, quales sunt quæ non tantum Pancreas, sed etiam salivales glandulas & Thymum constituunt : Differunt quoad substantiam hæ glandulæ, quoniam sæpius in Conglobatarum medio cavitas reperitur, non autem in Conglomeratis, quod à Sienone notatum in observationib. Anat. Differunt præterea vasis peculiaribus, nam Conglobatæ vasis donatæ sunt lymphaticis, quæ omnia versus & ad communem ductum, Thoracicum dictum, propellunt liquorem in se præparatum vel aliunde acceptum : Conglomeratæ autem in peculiare cavitates suam liquorem immediate deponunt, & Salivales quidem in oris cavitatem, Pancreaticæ vero in tenue intestinum. 3°. differunt succi varietate, Conglome-

ratæ enim succum non sibi similem continent, Pancreaticus enim aliquando acidus est, aliquando pene insipidus, nonnunquam austerus, sæpius salius, sæpiissime acido salius, notante Reg. de Graaf. Tract. de succo Pancreatico ; Saliva autem ut plurimum insipida est : In Glandulis vero Conglobatis eundem sibi que similem humorem secerni excernique probatur, non solum per glandularum illarum substantiam ubique contimilem, sed etiam per vias in quas idem exoneratur, desinentes scilicet in Ductum chyloferum thoracicum, dum ex glandulis conglomeratis effunditur liquor in peculiare cavitates.

*Humorem crassum &c.]* Humor vasorum lymphaticorum non semper tenuis est & fluidus, sed interdum crassitiem adipiscitur ; notante P. Barbein in Praxi cap. 4. lib. 4. qui in hydropicæ cadavere vidit abdominis lympham primo tenuem & fluidam, deinde gelatinam, tertio concretam, tandem duram & iteatomaticam : Acrimoniam autem & corrosionis participem fuisse ostendunt matricis ulcera corrosiva fluorem comitantia.

§. 3. Mulier 40. ann. ex partu laborioso Fluore albo se laborare conquerebatur : dolorificus valde hic fluxus, nec uniformis hic semper, cum tenuis modo, modo viscida magis exiret materia, diversi coloris odorisve : Injections hic adstringentes variæ à Chirurgis variis adhibitæ, ast sine ullo successu : postquam enim per 14. septimanas misere sic vitam egit, obiit tandem, exhibuitque corpus dissecanti *uterum omnimodo purulentum*, non uno loco materiam. etiam ex fundo ipso, abdominis cavo communicantem : Dissectio hæc instituta 22. Febr. 1675. G. Blasius P. 50. observ. med. 3.

§. 4. Dec. 2. 1675. aperui cadaver mulieris 30. ann. Fluxu hæc laboraverat albo jam per 7. menses, qui ultimis temporibus gravis admodum & dolorificus, materiæ foetidissimæ :

me: Urinam parce admodum exercebat, nec unquam sine dolore: Dissectus venter vesicam urinariam offerebat mirum in modum distentam, urinæ insigni quantitate repletam, capitis humani magnitudini fere accedebat, ad umbilicalem regionem se extendens: Ossium pubis margini firmiter undique adnata, Incumbebat hæc Uteri non solum vaginæ, sed & fundo; imo pondere suo partem utramque graviter adeo comprimebat, ut non rotunda, aut saltem leviter protuberans, sed complanata, imo potius sinuosa observata fuerit: Fundus ipse substantiæ licet debite, vix à statu naturali recedentis, parte antica atque postica digiti transversi, laterali utraque duplicis digiti crassitiem habebat: hinc ampla valde quamvis ipsi incumbens vesica, extensio ejus tanta ut utriusque manus digitis vix regi valeret: vagina ab extremo pudendi usque ad orificium internum ulcere sordido affecta notabatur, scatebat hæc materia purulenta, summe foetida, cujus etiam aliqua portio ipso in ventris cavo, loco eo ubi vagina dicta intestino recto cohærebat, reperiebatur, eo quod consumpta substantiæ uteri particula materiæ illi concessus fuerit exitus, omnibus locis gravis æque hujus vaginæ exulceratio; levior quæ vicina magis orificio externo, gravis quæ interna: Nec tamen ab ulcere quamvis libera magis pars antica vaginæ dictæ, alienæ constitutionis omnino expers reperiebatur, duritiem enim insignem hic reperiebamus, imo & crassitiem; utraque tanta ut substantia vix minimi digiti crassitiem habens naturaliter constituta, duorum pollicum crassitiem superaret, cartilaginosa fere constitutionis: Atque huic substantiæ hujus, cum crassitie, conjunctæ duritiei excedenti, urinæ suppressionem, aut saltem parciolem excretionem, hinc vesicæ urinariæ extensionem summam, unice adscribendam ducebamus, angustato sc. ab uteri substantia dicta meatu urinario eidem continuo. In latere dextro *Tuba uterina*, circa extremitatem eam quæ ab utero est remotior & amplior, inflammata valde, toto reliquo corpore purulenta omnino, omni cavitate destituta, purulentus itidem *Testiculus*: In sinistro utraque pars à statu legitimo notabiliter haud recedebat: In utroque loco testibus vicino, cornubus uteri adhærebat vesica, quarum dextra ovi gallinacei magnitudinem habebat: liquore gelatinoso, pellucido, subflavo, repleta; sinistra vix juglandis, aquosa magis: *Ren* uterque sero mire extendebatur, forsitan quod urinæ excretio aliquamdiu parcius fuerit: *Vesicæ* amplius itidem, *vesica fellis* insignis quoque magnitudinis, bile turgida, *Hepar* bonæ notæ, *Pancreas* quoque: *Lienis* mira structura, numerum sive species sive figuram: *Iste* duos exhibebat Lienes intime connexos, sic ut nonnisi singulari adhibita circumspeditione separari potuerint: *Hæc* locis variis incisam substantiam, adeoque quasi in lobos quosdam parte ea quæ ventris anteriora respiciebat, divisam: Imo in Liene hoc, duplici ex corpore dicto modo composito, appendicula singularis etiam observabatur, quam lobum ejus vere nominare licebat: Circa *Renem* sinistram nucis moschatæ magnitudinem habens globosa occurrebat substantia, vasis mire irretita, dissecta hæc Lienis substantiæ similis observabatur. *Cordis* ventriculum dextrum insignis admodum occupabat *Polypus*, tenax valde, albus, fibrosus, extendebat se ad plurius digitorum longitudinem in arteriæ pulmonalis interiora: *Mediastino* circa pericardium utroque latere, vesiculæ variz statu turgidæ adstabant: In inguine sinistro *Glandula* quæ aderant, naturali in statu inveniebantur, quæ in dextro duplicis juglandis similitudinem referebant externam faciem spectantibus, licet valde essent inæquales: dissectæ plurimis ex particulis, albissimis, facile digitis resolvablebus, singulari tunica investitis compositæ videbantur: Cor, Renes, partesvæ aliz variz maculas habebant, in tunicis se manifestantes, subnigras, linea albicante circumscriptas.

## S C H O L I A.

**V** Lcus dictum uteri, hinc Fluor purulentus vesiculæ circa vasa pampiniformia, glandularum in inguine intumescencia, quæque alia huc facientia adduximus, quam causam habuerint meum non est determinare, eo quod nonnisi viribus diuturnitate afflictionis omnino destructis, adeo ut etiam vix verbum proferre valeret, in Nosocomium delata fuisset defuncta nostra, Lymphæ singulari vitio, simili omnino illi quale luis venereæ, præcipuam, si non unicam causam, variis rationibus moti habemus, plurimum hic tribuamus multa ex dictis ita ut: Hæc an correpta fuerit defuncta dicere non possumus, hoc hic monuisse satis sit, vel sanguinem luis à cunctis corruptum, (etiam non raro a malignis, quas in-

ter seminium palmam ducit) Lymphæ dispositioni pravi, ac speciatim magis coagulationi singulari, hinc circa glandulas, aliaque loca, ubi ductuum ejus motui destinatum copia collectioni, aliisque inde productis viriis occasionem præbuisse, licet nec ipse partibus aliis humoribusque pepercerit, sic ut non solum vitia alia in muliere hac observata, verum & uteri ulcus ipsum ex sanguinis Lymphæve constitutione præternat. originem duxerint, vel ex impuro congressu, seminisve pravi in utero detenti corrosiva vi ulcus uteri primo, hinc ex hoc sanguinis lymphæve vitia, quæque ab iis produci posse diximus, dependere. *Gerardus Blasius Part. 5. Observationum medicar. 5.*

§. 5. Sæpius vidimus in dissecis cadaveribus puellarum seu virginum, & allarum mulierum profluvio uteri albo, dum viverent, laborantium, quæ ob alium aliquem morbum gravem extinctæ fuerant. In utero enim earum humorem limpidissimum invenimus, qui è cavitate ejusdem guttation stillabat per verum collum in sinum pudoris, in quo candorem tantum acquirebat, ut cretam aut calcem dissolutam in aqua dixisses, & ejusdem mixtionis crassitiem quoque, in aliis majorem, in aliis minorem: An verò id fiat, i. e. ista albedo & inspissatio humoris antea tenuis & limpidissimi, acquiratur coctione aliqua, vel aëris externi appulsu, frigidi potius ut videtur, aliis judicandum proponimus. *Severinus Pinam de Notis Virginitatis lib. 1. problem. 3.*

## S C H O L I A.

**I**n *alba* & *inspissatio humoris* &c. Lymphatica vasa plurima ab utero oriuntur, quæ externam ejus substantiam perreptando, sensim coeunt, & rivulorum ad instar augefcunt, donec ad magnum chyli lymphæque receptaculum, ubi terminantur pervenerint: *Regn. de Graaf. de mul. organis c. 9.* Humorem autem in illis contentum primo limpidissimum esse, post crassitiem adipisci ostendit *P. Barbesse* in *Praxi* cap. de hydrope.

*In quo candorem tantum acquirebat &c.* Cum apud *Hippocr.* 1. de morb. mul. λευκὰ leguntur dubitari potest an intelligat fluorem muliebrem: nam & absolute τὴν λευκὰ leguntur & τὰ κατὰ μέρη λευκὰ: existimamus autem per hæc vere fluorem uterinum intelligi, præsertim puitosum, sed nomine λευκὰ aliud audiendum: *Hippocr.* enim primum ita scribit, Si mulieri à partu cum febre Alba retineantur, pessimum: Et 5. Epidem. Mulier, αἷς, in Larissa prægnans erat, 10. mense sanguis malus fluxit, 14. exiit puer mortuus; tertia die noctu secunda excreta est & τὰ λευκὰ, i. e. purgamenta alba: *Aristot.*

vero 2. c. l. 7. de hist. an. τὰ λευκὰ proprie in puellis considerat, quæ loco menstruum ipsi eveniunt, cum sanguis incoctus & crudus est: Fieri autem potest ut in acerabulis, aut cornibus, aut vasis uteri penchiali vizio accumuletur sanies quædam & quoddam πυρρὸν, quod mentes inficit, licet sanguis qui affluit ad uterum, menstruum purgationem tacturus, floridus sit & laudabilis: Etenim sensum ad partes uteri affluit, & hic moratur donec menstrua periodus advenerit, & ista quam fecit mora inficitur menstruum & exalbescit: Imo *Durerius* annotavit evenire posse & sine febre & cum febre, sine ulcere ullo uteri, ut circum hujus venas, præsertim fundum, putulentum quid & album acervetur: Et forte ista sunt λευκὰ quæ à partu consequuntur, diuturnitate temporis sanguine alborem acquirente: *Galenus* enim 10. 4. de ulu part. αἷς, Si sanguis tantam in venis & arteris moram traheret quantam semen in vasis spermaticis, seminis more alberet; ut non amplius mirum sit si in corpore ipsius uteri exalbescat humor, & præsertim sanguis. *Ballonius* cons. lib. 2. hist. 2. p. 76.

§. 6. Nob. mulierem affectus plures p. n. male habent, inter quos alii vetustiores sunt, Muliebri Profluvium & Dolores vagi. Alii recentiores, ut Febris quæ horis vespertinis vehementior sit, & jam plus 40. diebus torquet: Muliebri profluvium evidentissimum est, loci enim muliebres perpetuo sunt humidiores, adest fastidium ciborum, &c.

Ex assiuâ autem destillatione Uteri excitata fuerunt Ulcera, quæ in Gangrænam redacta, Nobilem mulierem ad mortem deduxerunt.

## S C H O L I A.

**P**rofluvium muliebri ex *Galeno* 3. de sympt. causis c. 4. & 6. de loc. c. 5. non aliud est quam destillatio uteri diuturna, per quam universum corpus expurgatur: Cujus generatio est à materia excrementitia, quæ in venis uteri existens, facultatem uteri ita irritat, ut per uterum assidue egrediatur: De causa autem proxima hoc vitium producente, dissidium est inter Scriptores; nam alii affectionem referunt in varios humores & ichores, partium principum vitio procreatos, ad uterum transusos, qui dum illius expultricem irritant, utero nequaquam affecto, tanquam rheumatismo per uterum excernuntur: Alii vero probare nituntur Utero affecto etiam procreari, cum morbi diuturnitate uteri calor redditus sit imbecillior, ideoque plurimam partem alimenti in excrementum commutari, ut aliquando etiam ex excrementorum acrimonia, abrasiones & ulcera suboriantur: Sed hoc dissidium sic dirimendum est, Profluvium id ut plurimum accidere transmissis humoribus ad uterum à partibus principibus: Non negandum tamen quin & utero affecto id symptoma

possit procreari, quemadmodum temporis diuturnitate in proposito casu factum est: Quare hujus symptomatis causam proximam (præter humores varios & ichores ob pugnantem ventriculi & jecoris intemperaciones genitos) arbitrandum est ex intemperie frigidiore & humidiori uteri, morbi longitudine cumulari, plurima parte alimenti in excrementum cedente, quod putrescens & abrasione uteri efficiens, & expultricem irritans, hujus symptomatis est causa: Dolores autem vagi plurima ex parte ex vapore ortum ducunt, qui ex ventriculi & uteri imbecillitate procreantur, cum non admodum permaneant: Febris vero Lenta, quæ horis vespertinis excandescit, absque siti & aliis symptomatibus, à materia pituitosa dominante, cum bilis & bilioli humoris subdominio, venas mesenterii & uteri obstruente exoritur. *Lalium à Fonte Consultatione 119.*

*Febris Lenta* Hipp. 1. de morb. mul. in morbo uteri per corruptionem πῶς ἐστὶ βαρύτερον, i. e. mixtem esse calorem: Ejusmodi febris invadit cum partes principales ὁσθῶν laborant, atq; Medicis incautis imponit.

§. 7. Nobilis juvenis temperaturæ biliosæ & sanguineæ, post editum partum, cum intemperanti victus ratione uteretur, non solum in toto puerperio expurgata est, sed etiam plures menses post multa aquosa excrementa interdum ovorum albuminis conditionem seferentia, semper sanguine perfusa sunt reddita: Totius etiam corporis marcor & febris



febris accessit, quæ horis vespertinis magis amplificatur, quo tempore vehementi alterius coxæ dolore tentatur, qui usque ad extremum calcem exporrigitur.

Quamvis omni conatu actum sit ut febris elideretur, inhihereturque ne in hecticam transiret, neutrum potuit præcaveri, imo accessit etiam uteri gangrena, & sic vitam cum morte commutavit.

## S C H O L I A.

**H**ic non alia causa est quam facultatis expultricis lætio, & excrementorum serosorum copia, à qua uritur: cum ex immoderata & diuturna sanguinis profusione, jecur arque ventriculus propriam temperiem amiserint, ut non sit mirum si plurima materia frigida, tenuis, serosa in dies cumuletur, & quamvis interdum acris percipiatur, id ex aliqua abrasione cervicis provenire existimandum, vel humoris serosi putredine, ex qua causa etiam falsus fieri solet: Acced-

dit quod morbi prolixitate utero inbecillo reddito, plurima pars ipsius alimenti in excrementum serotum cedit, Macrois vero generatio in morborum diuturnitate & nutritionis inopia posita est: febris vero & dolor, putredinem causam habet, reliqua eandem materiam à calore febrili agitatam, arque in vaporem tempore paroxysmi agitatam, qui ad partem affectum debilem propellitur. *Idem*

*Consultat. cxxj.*

§. 8. Domina de Bobigni laborat *sq̃ yovamio* qui erat tetri odoris, fere omnino suppresso: Vitium erat in pulmonibus & hepate, sed uterus corruptus quasi gangrena affectus, plenus tabo & sanie. *Vide lib. 4. tit. de Febribus.*

## OBSERVATIO. II.

*Caruncula ab Utero excreta ob illius canerosum ulcus. 1. Partes fetus molliores excreta pro sanie uteri habitæ. 2. Globuli Lympha gelatina, ab utero iis referto ejecti. 3. Effluxus saniei ob membranas uteri putrefactas. 4. Fœtus involucri cum utero putrefacta excreta. 5.*

§. 1. **A**lias, cum essem iunior, vidi carnem excretam à muliere septuagenaria. Et cum esset aliqua inter Paternum & me altercatio, post obitum mulieris aperto cadavere, inventa est uteri portio ad magnitudinem ovi separata ab utero reliquo, simul cum sanguine grumoso. *Saxonia Panthei lib. iv. cap. xix.*

## S C H O L I A.

**C**ognoscuntur uteri ulcera ex dolore punctorio cum excretionibus aut ichoris, aut puris, vel utriusque, quandoque cum sanguine, aliquando sine hoc, cum fetore: Et si ulcus sit inflammatorium, dolor est ingens cum febre continua: Si sit canerosum, præter dolorem & febrem, adiunt vigilie perpetue,

corpus evadit cachecticum, affectus est diuturnus, excernuntur simul cum ichore & sanguine, aliquando etiam carne portionibus, id quod ego jam bis observavi, semel anno elapso in Nobiliss. marrona, cujus carunculas excretas plures viderunt, iterum in muliere supra dicta. *Idem ibidem.*

§. 2. Cath. de Fiefs, cum secundas contraxisset nuptias, eodem tempore in morbum incidit & gravida facta, sine suspitione: Infinitis remediis usa est, etsi obstetrices quædam gravidam pronuntiarent, quod pleraque symptomata adessent, quæ 9. mense omnia desierunt, dein dolores partus irriti supervenere, & statim post omnia signa fortis emortui observare licuit, quorum tamen ratio non habita, Quare cum Luteria domum rediisset, adhuc fœtum mortuum utero gestavit, idque xv. mensium spatio à die interitus ipsius supputatione facta, præter 9. menses quibus in utero materno vixerat, Sic partes putrefactæ per inferiora eiiciebantur, quæ à Medico quodam pro sanie ex ulcere uteri manante habebantur, ut ossa quæ remanserant lienis esse censebat schirrum.

Tandem extincta aperta fuit, & copiosa adhuc sanies in abdomine reperta absque utero, & fœtus ossa aliqua jam putrida, aliqua vero integra erant, & inter hæc unum ex ossibus clavicula, jam lividum, peritonæum & abdominis musculos perforarat, ut sola cutis integra remaneret, quod in sinistro latere pro scirrhus lienis imponebat. *Franciscus Rousselus de Paris casareo scil. 4. cap. 12.*

§. 3. In Nobilis matronæ utero post mortem aperto, Globuli connexi splendida lymphæ gelatina pleni inventi, quorum particulas etiam ante exerevit quam fatis cederet. *Th. Bartholinus Tract. de Bibliotheca incendio. §. 6. & Tract. de vasis Lymphaticis.*

## S C H O L I A.

**P**er inferiora plurimum dierum spatio ejusmodi globulos dejecit mercator nostras *D. Savournin*, anno 1664. sanitati tandem restitutus, quorum origo extra intestinorum capacitatem quærenda non fuit, lymphæ quoque ortum debentes: Hic vero luctui locus, ob concretatum opus omnibus medicis

seriem affectum qui à lymphæ vitio, vel deficientis, vel abundantis vel corruptæ dependent, vel alio modo peccantis, vel intra vasa sua, vel vesiculis conclusæ, vel alieno loco effusæ perstringens: vitinam prædeat qui vices Excell. Viri suppleat & jacturam refarciat.

Y Y y y

*Globuli*

*Globuli splendida lymphæ gelatina pleni inventi* Vascularum succum à sanguine diversum, & vel Lactum vel lymphaticum vehentium ordo an ad uterum perveniat difficile est indagatu & demonstratu, præter-quam in gravidis brutis post partum,

justo tempore apertis: Tendunt huc illuc lactei ductus, vel (ut alii volunt) lymphatici, etiam ad uterum coque chylum deducunt. *Rolfincejus parte. 2. de organis Generali. cap. 26.*

§. 4. In Muliere quadam uteri membranas putredine penitus absumptas fuisse, sectio post mortem patefecit: diuque ante obitum hoc factum fuisse, effluxus præcedens saniei foetentis & putris comprobavit. *Platerus Prax. lib. 3. cap. 2.*

§. 5. Uxor N. foetum mortuum quinque menses retinuit: Quo partus promoveretur, mulier ventrem variis modis compressit, unde fluor materię putris, foetidę: Vniversus uterus, involucra, muscoli epigastrii, &c. desiderabantur. *Vite tis. de Partu difficili.*

## OBSERVATIO III.


*Mola ex membrana grumum sanguinis continente constans ab utero ejecta 1. Mola tota solida. 2. Mola paranchyma Lienis interius referens.*

§. 1. **M**ola ex sanguine temporibus superioribus vidi, compactam seu concretam ex grumis, inclusam membrana, qua dissecta, & grumum dividi sine ulla resistantia: Sanguis si quidem condensatus quasi infarctus fuit membranę, ut in apex abine videmus: Adhærebat hæc moles alii, non carneę sed membranę per totum, ambę pendebant plures libras: Aderat & tertia mola plane carneā, referens substantiam renis, magna satis, cum quibus gemelli sexu diversi prodierunt non vivaces. *Hachstetterus decade viij. casu viij.*

§. 2. Mulier quater jam pepererat & post suppressa menstrua quintum jam foetum putabat in utero habere: Cum vero in nono mense ad pariendum se accingit, pro expectato foetu globulum seu sphæram excernit albam, mucore respersam, caput humanum magnitudine superantem.

Cultro sphæra dissecta solida tota intus apparuit, cepę instar membranulis crassis & albis fabrefacta, quibus sectis nullus ichor, humor serosusve substantia emanavit: Hæc mulier cum frigidi esset temperamenti attenuante victu est præservata. *Zacutus Praxis admir. lib. 2. Observ. 155. Vide Obs. 153. ibid. de mola carneā vivente mirabili.*

§. 3. Molam observari bulbum omnino referentem in parte exteriori, Dissecta vero per medium, carnem quandam spongiosam, sicut paranchyma Lienis habebat, exterius vero membrana forti & carnosa cinctā erat. *Dom. Panarola: Pentec. 4. Observat. 46.*



## ANATOMIÆ PRACTICÆ

## LIBRI TERTII

## SECTIO XXXVII.

De Graviditate falsa, Conceptione Tuburia, Gemellorum origine, Hermaphroditis Virginitatis notis.

## OBSERVATIO I.

*Mola ingens graviditatem mentiens. 1. Vterus ulceratus carnem spongiosam & putridam continens. 2. Mola due extra matricem. 3. Membranea substantia rotunda, bullis referta utero inclusa. 4. Mola pulmentaria. 5. Mola due in utero conceptæ. 6.*

§. 1. **M**ATRONA Mildunensis, Debora Barel nomine, duorum fere annorum spatio gravissime utero laboraverat: ab initio Gravidam se esse putabat, omnia enim signa prægnationis propomodum aderant: Elapsis tamen mensibus aliquot falsę hujus prægnationis pejus se habere cœpit, mammae flaccescebant.

bant, venter vero de die in diem accrescebat, appetitus item prostratus erat, dolores quoque totius ventris continui, imprimis vero laceris dextri, atque è regione renis sinistri tam vehementes tamque maximi aderant, ut sæpissime maritum & adstantes imploraverit quo Chirurgum accerserent qui aperto abdomine horrendas illas & crudelissimas bestias expelleret: plane enim sibi persuasum habebat se gestare bestias. Tandem cum in hac miseria ultra duos annos languesceret, aucta febricula, nausea ac vigillis, nullis item usà remediis, è vita discessit.

1. Aspecto defunctæ abdomine plurimum aquæ carnis loturæ similis effluxit. 2. Uterus in magnitudinem ingentem extensus peritonæo a linea alba usque ad costas spurias & renem dextrum adeo tenaciter adhærebat ut vix avelli posset: hinc dolor ille maximus quem in dextro latere passa erat. 3. Ren sinister plane putrefactus conspiciebatur. 4. Hepar undique abscessibus putridis scatebat, hinc aqua quæ in vacuo ventris continebatur, sanguinolenta facta fuerat. 5. Utero aperto aquæ foetidissimæ puri permixtæ ultra libras sex effluerat. 6. Mola quoque in conspectum sese dabat, magnitudinem capitis longe excedens, inæqualis, nonnullis quoque in locis dura, atque hinc inde putrida ac foetida, illa autem non solum vasis cotyledonibus, verum etiam tota illa parte, quæ dorsum respicit, tam tenaciter adhærebat, ut sine dilaceratione uteri avelli atque separari non potuerit. 7. Ambo quoque testiculi præter naturam adeo excreverant ut magnitudinem pugni excederent, erantque inæquales, dari, & ad instar fere Vuæ. *G. Fabricius Hildanus cent. 2. Obser. 55.*

§. 2. Puella xlii. annorum ex scala in subterraneam cellam delapsa, nihil mali experta fuit præter dolorem colli, mox post sedatum: emersit tamen in dorso dolor post aliquot hebdomadas, quem sensim in hypogastrio dolor insequutus: Adhibita in consilium obstetrix, inspecto corpore puellæ, Gravidam pronuntiat: Morbo interim correptâ, nihil proficientibus remediis, auctaque in dies ægritudine incognita, octava hebdomada ad meliorem vitam transiit.

Mœstissimorum parentum rogatu cadaver apertum, ut mortis tumorisque causa innotesceret Statim dissecto abdomine uterus prodiit, ovi gallinacei magnitudine, ulceribus plenus, sed sine pure aut fœtore: In ipsâ autem uteri cavitate nihil inventum præter frustulum carnis spongiosæ, & putridæ, libras quatuor cum media pendens, Hepar, Lien, reliquaque viscera nullum vitium visa contraxisse. *Bartholinus cent. 1. Observat. 97.*

§. 3. Quædam civis Viennensis habuit molam extra matricem: Erat illa albißima & mundissima, circa uasa seminaria: Vivebat cum viro annos 16. quam Medicus (ut mulier petebat ante mortem) dissecuit, quo aliis mulieribus simili morbo laborantibus consuleretur: Invenit autem duas molas extra matricem, Vnam in quantitate frusti carnis supra matricem & ipsi fortissime adherentem: alteram in latere sinistro circa uasa seminaria, in quantitate capitis: Nupsit bona puella seni, & quum venerea esset, caste & honeste vixit, quum interim vir senex debitum præstare non posset: caveant igitur puellæ venereæ à senibus & nubant similibus. *Iohannes Marquardus Præctica. Theor. & Empirica cap. 5. de mola.*

§. 4. Compertum est Gravidationem aliquando degenerasse in membrancam substantiam globosamque, totam aquosis bullis rotundis, tumidis pellucidis & innumeris plenam, aliquando cum sanie fœtida & diluta: quam sane figuram jam comperimus in uxore Bibliopolæ cujusdam. *Mercatus de mulier. affectibus lib. 3. cap. 8.*

§. 5. Vidi molam ab humore phlegmatico, grosso, ad similitudinem pultis factæ per superfluam milii decoctionem in aqua, quæ tantum excrevit, ut post mortem patientis facta anatomia esset majoris quantitatis & ponderis quam residuum corporis ipsius, *Io. Arculanus comm. ad cap. de mola, lib. 9. ad Almanforem.*

§. 6. Mulier fere quinquagenaria, quæ nunquam viro nupsit, ex congressu cum adolescentulo concipit in utero, unde sequuta est inappetentia, macies & pallor totius corporis, quorundam eduliorum desiderium, cum aliis graviditatis signis: post xl. à conceptione diem percepit palpitationem quandam versus hypochondrium dextrum, ab eoque tempore melius se habuit & appetitus restitutus est: Venter in dies augebatur, mammae intumescabant 4<sup>o</sup>. mense: in mamma sinistra, rufum, postea album, in dextra lac apparuit: quarto mense fluxus menstruorum apparuit copiosus, triduo perseverans, inde ventris tumor imminutus est, postea tamen sensim denuo augebatur, menstruæ purgationes singulis mensibus



prodibant quemadmodum ante graviditatem : motus in ventre sentiebatur illi consimilis quem fœtus in utero conclusus solet exercere : Nono mense dolores parturientium passa est, ita ut vocata obstetrice omnes adstantes partum expectarent : Illi tamen dolores post xxiv horas quieverunt & nihil exclusum est : Ab eo tempore menstruum fluxus adhuc ordinatus fuit usque ad xij. mensem, in quo iterum parturientium dolores passa est sine effectu : postea vero nunquam menstrua prodierunt, ventris tumor permansit cum motu interpolato instar fœtus inclusi : Iamque elapsi sunt lx. menses à principio graviditatis, neque tumor ventris est admodum insignis, vixque enim æmulatur semestrem graviditatem : Duo tumores sensibilibus distincti, ut quoddam intestinum apparent medium : illi tumores ad hypochondria vergunt decumbente muliere, ac eadem erecta veram graviditatem referunt, medium ventrem occupantes, compressi recedebant & iterum accedebant, sæpe motu proprio instar fœtus in utero inclusi : Mammarum tumor jam dudum evanuit, & illæ admodum molles & flaccidæ evaserunt, à quibus exprimentur lactis viridis guttulæ per exiguam : toto graviditatis tempore mœrore & jejuniis se confecit, domi inclusa remanens, quod graviditas illa sine conjugæ contracta fuisset : denique anno 1636. mortua est.

Aperto cadavere Molæ duæ distinctæ inventæ fuerunt, Guiganii degebat, vocabatur Claudia Demarez : *Observatio D. Pollet. D. M. Matifconensis.*

## S C H O L I A.

**E**X congressu cum adolescentulo] Fieri molam non à sanguine solo sed etiam à semine virili, operante aliquantulum vi formatrice, indicio sunt membranæ quibus integitur, ligamenta, venæ quibus utero alligatur, supertectatio tunc juncta, incrementum, motus quidam tremulus, ita ut omnia habeat imperfecti conceptus signa, neque unquam absque coitu concipi quicquam observavit : Male *Mercurialis* molam ex solo sanguine menstruo absque semine generari posse putavit : concretescere quidem potest sanguis in utero, quod perniciolum, nam putrescit, grumescit, & prava concitat symptomata, sed tamen in molam non facessit, nec utero adhærescit, nec potest sanguis ille in carnem verti, cum careat facultatibus naturalibus, concoctricæ & alteratricæ : Recte ait *Saxonia*. Si mola sumatur pro qualibet hypertarcofi, fieri potest ex sanguine, sicut in ulceribus sæpe luxuriat caro : sunt quoque interdum abicellus glandulosi & carnei, qui augentur, nutriuntur, venas habent & arterias, quales in utero fieri non est impossibile : Verum hæc non sunt ad modum conceptus, sed sunt tumores p.n. & sanguis è vasis in capacitatem partis non effluit, sed sit per modum cuiusdam nutritionis, quod in utero quidem contingere potest, sed non erit mola : Errant pariter qui contra *Hippocr.* *Aristot.* & *Galenus* auctoritatem statuunt, molam fieri posse absque viri complexu, ex semine femineo cum sanguine menstruo, quia, inquiunt, mulierum semen quodammodo prolificum est, sicut ova gallinarum subventanea absque galli congressu sunt : Contra *Hippocrates* causam facit copiosus menses cum modico & morbofo semine permixtos, quod, ut advertit *Altimarus*, de femineo semine non debet intelligi, cum semper femineum semen modicum sit, frigidius, humidius & imbecillius virili, & solum nihil possit, nisi viulle accesserit, unde è vasis spermaticis elapsum relinquitur ab utero, aut retentum putrescit pravaque inducit symptomata, sicut ex ovis subventaneis nil potest formari, Et revera credo semen feminae esse merum commentum. Mola autem rudimentum quoddam habet conformationis, sicut supra diximus. Idem sentit *Aristoteles*, & *Galenus* 14. de usu Part. plane negat ullam unquam visam mulierem absque viro molam aut aliquam simile concepisse, etsi sæpius in somnis mulier semen effundat in uteri ca-

pacitatem, quod etsi *Galenus* dixerit, non est tamen verum : nec unquam fit in virginibus, aut aliis coitu abstinentibus, sed sæpe cum vero fœtu conjungitur, unde in tempore partus computando errores contingunt, partuique sequitur difficultas, aliàs suppressis menstruis frequentissima foret molæ generatio : Quam bene cum metreticulis ageretur, quæ se virgines simulant, si hanc excusationem violatæ pudicitia habere possent : Contrariam opinionem tueretur *Sennertus* : *Primrosius de morbis mul. lib. 4. cap. 5.* qui *Sennertum* refellit.

*Sequuta est inappetentia, &c.*] A vero conceptu, uteri hydropæ, aliove tumore per initia mola non facili discernitur, nam communia habet cum illis symptomata, sæpe etiam cum illis conjungitur : In principio enim menses supprimuntur, adiunt cibi fastidia, nausea, coloris in facie mutatio, uterus & mammae intumescunt, lumbi gravantur, unde à fœtu vix discerni potest : Verum ita distinguitur, quia in progressu mulier longe peius habet, cessant enim augescere fœtu symptomata, sed in mola ingravescent, vires magis languent, mulier ad incessum gravior evadit, artus gracilescent, dolor ventrem, dorsum & inguina sæpe compungit, respiratio est difficilis, quorum nihil adest in vero & legitimo fœtu, præsertim si sana est mulier, quæ omnia falsa sunt, nam scio gravidas peius à fœtu quam alias à mola vexatas. 2°.

Quia fœtus post tertium vel quartum mensem moveri incipit, mola autem per se non movetur, sed duntaxat cum in alterutrum latus revolvit se mulier, tanquam pondus iners, aut lapidis instar convolvitur, cum sensu gravitatis ac interdum dolore : Aut si quodam palpitante motu movetur, non tamen voluntarius est hic motus, nec in omnem situm, ut solet fœtus, atque mulier, quæ antea uterum gestavit, facile horum motuum diversitatem internoscere poterit : Sed difficilior cognoscitur si cum mola fœtus conjungitur, nisi conjectura quadam, ut ex gravioribus symptomatis, majori graviditate & ventris mole, quæ tamen non sunt necessaria : In mola corpus in dies magis magisque debilitatur, contra in vero fœtu, nisi mater aliunde agrotet : Major & certior est molæ suspicio cum paritudo tempus effluxit, interdum enim mola per plures annos perseverat, atque etiam commotitur. 3°.

*In mamma sinistra rufum, &c.* ] 3°. in mola mammarum sine lacte tument, nec verum est lac, ob caloris in mammis defectum, ex uteri sympathia, sed aquosus quidam humor: Verum hoc signum non est admodum certum, plurimas enim vidi gravidas, in quibus aquosus tantum erat humor in mammis, isque paucissimus ante partum: Tum ex sententia *Hippocr.* si menses deficient, mulieri lac in mammis generari potest, etiamsi nec gravida sit nec pepererit, Re bene pensitata, signa hæc sunt tantum conjecturalia, ferme omnia falsa aut incerta: *Primirofius ibidem.* In dicta muliere quæ annum quinquagesimum attigerat, ut vera conceptio, ratione ætatis, & quia cum adolescentulo rem habuit, cuius semen languidum & crudum, ita nec verum lac expectari debuit 4°.

*Ventris tumor, &c.* ] 4°. Præsentem mola venter in omnem dimensionem intumescit, ex fortu vero potius versus umbilicum, coactatis utrinque lateribus: Ab hydropo autem distingui vix potest: discernitur autem per ventris duritiem, & quod tumor ad digitorum compressionem & pulsationem non cedit, nec tympani sonum reddit, nec manu fluctuatio illa percipitur, quamvis temporis progressu hydrops succedere possit, Denum in hydropo ventre intumescente totum corpus minuitur, quod non accidit in mola, nam sunt interdum probe colorata: Addunt etiam quidam in mola suppositi menses, quod etiam non est necessarium & in hydropo contingit  
*Primirofius ibidem.*

## OBSERVATIO. II.

*Graviditatis opinio ob uterum magnum, humore repletum, cum sero multo in abdomine. 1. Ob Hydropem uterinum 2. 3. Ob plures calculos in utero 4. Ob distentum, durum, massam carneam continentem 5. Ob uterum extensum. 6. Ob exrescentiam in uteri fundo. 7. Ob steatoma illi innatum. 8. Ob insignem molem unius Testiculi. 9.*

§. 1. **A** Vgusta Imperatrix omnia signa veræ gestationis habuit, In cavitate abdominis erant tum ichorosi humoris, tum phlegmatis libræ 24. Vterus erat valde magnus, plenus humore crassissimo, albo. *Vide tit. de ventris tumore.*

§. 2. Fœminam recens enixam obstetrices alterum adhuc gestare fœtum credunt, quia inferior abdominis pars adhuc tumida erat. Vterus aqua cruenta repletus apparuit. *Vide tit. de ventris tumore.*

§. 3. Vidimus uxorem sericorum pannorum textoris, quæ cum utero se gerere existimaret, intumescere quotidie ventre, prægresso statuto tempore partus, malo corporis habitu, febriculâque lenta correpta extincta est.

Cum ægritudinis tempore dispar sententia inter Medicos prolata esset, quod nullus ipsorum animadverterat, Dissecto ventre uterum aqua plenum invenere. *Marc. Donatus Histor. mirab. l. 4. c. 25.*

## S C H O L I A.

**V**Terum aqua plenum ] Hydrops uteri est eiusdem tumor p. n. ex collectione feri, pituitæ, aut flatus, intra illius cavitatem aut propriam substantiam & membranas, propter debilitatum calorem nativum & malam proprii alimenti coctionem: Una causa est utriusque intemperies & debilitas, ex partu laborioso, abortu frequenti, aut frigore externo contracta: alia vero est eadem quæ & Hydropem universalem producit: aqua autem ex abdominis capacitate cæcam & inusitatam sibi viam parat in uterum: Huc accendendum vasorum Lymphaticorum vitium, quæ *Clariss. Wepferus*, Exercit. de Apoplexia p. 383. vidit in brutis ab uteri cornibus, tenuibus exordiis in ductus insignes exrescentia, liquorem suum in venas majores hypogastricas, per ligamentum uteri membranosum diffusas, aliquot in locis facile deposuisse, quem frustra digitis versus cornua repellere conabatur, abortis nodulis ob valvulas liquoris regressum remorantes: Plurimum etiam facit ad Hydropem uteri accendendum mensium retentio diuturna: Signa sunt Tumor imi ventris latus, & secundum uteri formam extensus, in ambulando gravitas & spirandi difficultas, menses inordinati, pauci, pravi aut eorum defectus, uteri osculi gracilitas & humiditas, mammarum mollities & lactis carentia, dolor imi ventris & lumborum, rigor, ac sæpe febris.

*Cum utero se gerere, &c.* ] Distinguitur ab imprægnatione, quod uteri hydropi æqualiter juxta uteri amplitudinē extendatur: si ultra decimum extendatur mensem, quotidie & posterioribus mēlibus ingravescit: In imprægnatione contra sympramata, quæ primis mēlibus attigunt, posterioribus remittunt, mamme, quæ solide sunt, molles fiunt: In hydropo uteri sanguis aliquis effluit: Distinguitur à Mola pondere: Ab uteri inflatione, pondere & sonitu: Ab hydropo ventris, quod oriatur à partibus superioribus & pergat ad inferiores: In hydropo uteri contra: Cum in cavitate hæret, os uteri clausum est: Cum in cysti, connivet, Si totum corpus bene se habeat, & præcellerit partus laboriosus, ab uteri vitio fit: Difficilior est dignotio si cum graviditate complicitur, quod accidit anno 1645. in uxore Nobil. & Clar. D. *Grenus*, Consulis Genevensis: Dissentientibus Medicis, quorū alii pro hydropo uterino stabant, alii pro imprægnatione, neutri pro juncto utroque: Vicit tamen sententia, qua hydropo uteri laborare judicata est; hinc valentissima exhibita & admodum medicamenta ad aquas deturbandas: Nono mente exacto dissidium compositum est, assatim enim, reterato uteri ostio, aquarum congeries ex uteri capacitate exclusa est, subsequente partu puelli, optime constituti: Cum de nomine imponendo esset disceptatio, Mosis illi convenire dixi, quia aquis esset ereptus.

§. 4. In Comitissa à Gleichon viduæ demortuæ utero plures calculi reperti sunt, Illaque prægnans credita *Mabius Fundam. Med. Physiolog. cap. 20.*

§. 5. Mulier se utero gestare opinabatur, exactis decem mensibus nil producitur, tumor perseverat, alii eam hydropicam iudicant, alii adesse molam, annos xvj. has molestias tulit: mortuæ uterus apparuit undique distentus, durus, crassitie quinque digitorum, pendens libras ix. cum dimidio: In capacitate massa carnea concreverat. *Vide tit. de ventris tumore*

§. 6. Fœmina à partu retinuit ventris tumorem ita magnum ut putaretur alium adhuc fœtum gestare. Vterus in tantam molem extensus erat, ut totum inferiorem ventrem solus occuparet. *Vide tit. de ventris tumore.*

§. 7. Hydropica credebatur gravida, cujus utero exterius adnata cernebatur excrescentia candida. *Vide tit. de ventris tumore.*

§. 8. Virgo abdomen gemino tumore distinctum gerebat, hinc accusata impudicitia. In mesenterio duo aderant steatomata. *Vide tit. de ventris tumore.*

§. 9. Vidi in fœmina testem in dextro latere ad magnitudinem ovi gallinacci, serositate plenum, Et dam viveret mulier se esse gravidam aiebat: In altera muliere Testes cum ligamenti & tubis ita implicatos, ut velut sine distinctione una massa carnea videretur *Dominicus de Marchettis Anatom. cap. 7.*

## OBSERVATIO III.

*Graviditatem ementita steatomata mesenterio innata:* 1. *Ejus insignis tumor.* 2. *Vesicula crebra peritoneo incumbentes.* 3. *materia viscosa in abdomine* 4. *Aqua purulenta.* 5. *Ingens copia serosi sanguinis.* 6. *Ren maximus unicus.* 7. *Hepar ingentis molis.* 8. *Magnitudo insignis Iecoris & Lienis.* 9. *Insignis ventriculi tumor.* 10. *Ejus hydrops.* 11. *Vesicula infinita viscera imi ventris obsidentia.* 12. *Hepatis Empyema abdominis tumorem efficiens, cum Lienis Intestinorumque flatulento tumore, motum fœtus exprimente.* 13. *Vide plura tit. de ventris Tumore sectione. xxj.*

§. 1. **A** Bdomen cujusdam Virginis distentum gemino erat tumore: Obstetrices gemellos ab ipsa gestari crediderunt: Sed calumniam hanc dissipavit Anatomæ, nam in mesenterio duo duntaxat inventa steatomata, &c. *Vide lib. 3. tit. de ventris tumore.*

## S C H O L I A.

**M** Esenterio innasce tumoris quoddam genus, graviditatis speciem præ se ferens, diotis terribilem, innoxium tamen refert *Cl. Velschius* in Epist. Observat. 4. &c. mulierem, ait, Pariliis vidi *P. Marquardus Slegelius* ingenti totius abdominis tumore correptam, cum aliquo lumborum dolore, quam Medici quidam gravidam existimantes, ad partum accingi jubebant, parum proficientes: Hanc postea accitus Dom. *Honoratus* bono animo esse jubebat, reique familiari operam dare, neque de onere illo die deponendo quicquam ultra cogitare: Nec enim prægnationem hanc esse, sed morbum Gallica lingua *Champignon* dictum, Mirum in modum intumuisse mesenterii glandulas, & ovaria quendam insensibilem accessisse: Tres jam eodem affectu la-

borantes fœminas sibi observatas: Tumor hic totius abdominis capacitatem eam in magnitudinem elevabat, ut geminos utero ferre videretur: Tractanti enim ventrem non aquæ sed carnis, præ tensione, duræ consistentiam præ se ferebat: Appetitus ciborum aderat, & alvi velicæque beneficio libere fruebatur, de nulla alia conquesta nisi de tumoris molestia quadam & indecentia: Habitu corporis cæteroquin erat macilentus, nigro & melancholico: Sarcoma mesenterii, ni fallor, vocat *P. Pigraus* 1. de Tum. c. 23. idque fungosum potius quam scirrhodes: Fungorum autem subita est generatio, unde adagium de subito & recens emergentibus *Champignon d'une nuit.*

§. 2. Filia N. dissecta ob aquam intercutem, ostendit in mesenterio suo insignem tumorem ponderantem libras xx. intrus refertum pluribus vesiculis, &c. *Vide tit. de ventris tumore.*

§. 3. Fœmina ventre tumore cœpit, ut Gravidam se crederet: Abdomen à cute ad peritonæum, nulla muscutorum carnea substantia interposita, vesiculis crebris, aqua limpida refertis scatebat. *Tit. de ventris tumore.*

§. 4. Vidua N. Gravidam se credidit: Ex abdomine materiæ viscosæ, crassæ, quinque potæ effluxere, & una cum hac frustum materiæ glutinosæ, magnitudine & figura uvam racemifertam referens. *Ibidem.*

§. 5. Mulier Gravidam se esse dicebat, At compuncto ventre mortuæ prodit aqua purulenta. *Ibidem.*

§. 6. Uxor



§. 6. Uxor N. prægnans iudicabatur ob ventris tumorem : Intestina tenuia admodum protuberabant : Vterus sanus sine conceptu : Ingens copia sanguinis serosi abdominis & thoracis cavum replebat. *Ibidem.*

§. 7. Anno 1623. in cadavere muliebri *Franc. Plazconus* unum duntaxat Renem invenit in medio ventre situm, tantæ molis ut initio foeminam prægnantem putaret *Rhodius Mantissa Anatom. Observ. 32.*

§. 8. Mulier ob suppressionem mensium gravida frustra habita : Hepar habuit xl. librar. pondere. *Tit. de ventris tumore.*

§. 9. Pagana credebat foetum mortuum in utero post partum remansisse : quia erat in latere sinistro durities, caput infantis referens : mortuæ tantæ magnitudinis Epar inveni, ut lobus sinister prætergrederetur latus. Splen quoque immensæ magnitudinis : *Vide tit. de Hypochondr. tumore.*

§. 10. Fœmina pro gravida habita est ob tumidum abdomen : Lien inter hepar & ventriculum latitabat : Hic insigni tumore distensus. *Vide tit. de ventris tumore.*

§. 11. Mulier in utero se habere credidit intumesciente sensim ventre : E ventriculi capacitate educæ aquæ libræ xc. membrana eius interior multis hydatibus scatebat partim disruptis. *Vide tit. de ventris.*

§. 12. Mulier novem menses gestare uterum putabatur, Nonnulla ex iis aderant quæ imprægnatis mulieribus adesse solent, instante partus tempore, præ dolore ob abdominis tumorem fatis concedit : Veriti parentes ne una extingueretur foetus, ut adempta matre superesset, recens emortuæ cadaver pene spirans secatur.

Totum corpus internum, Epiploum, Mesenterium, Hepar, Lien, Pulmões, Cor quoque ipsum & Peritonæum erant obrita vesiculis aqua purissima plenis & limpidissima, nihilque graveolens habebat. Et quod magis mirandum, unicuique vesiculæ triplex erat tunica & incolumis, integraque à corpore, sive esset superficies sive interior substantia, decidi detrahique poterat : *Hippocr. aph. 55. lib. 7.* hydatidas observavit in corpore ipsius Hepatis, sed nunquam quid tale in toto corpore deprehensum est. *Ballonius parad. 186.*

§. 13. Lysbet Gillis sibimet falso ingravidationem imaginata erat, nam per sex menses maritata fuerat : Obiit Decemb. 16. an. 1640. Et postridie cadaver apertum est, in quo viscerum naturalium *κατωτέρων* malignamque constitutionem deprehendimus : Hepar totum in empyema conversum erat, foris membrana integra existente, hinc mortis causa, nam in pus album crassum, foetidum totum parenchyma mutatum erat, venæ tantum integræ restabant, adeoque inde Hepar tumebat ut variis in locis novacula conscissum, & obtuso etiam instrumento leniter pressum pus in astantes studiosos profileret : Hepar ut triplo naturalem magnitudinem superabat, lienemque in similem molem exerefcere coëgerat, sed is durus erat, non tamen scirrhusus, & in uno ac altero loco, ad vasorum ingressum parvum purulentum apostema habebat : Quippe cum Lien sit primarium emundatorium Hepatis, omnes eius impuritates prolicet & in se attrahit imitar spongiæ, unde in omnibus hydropicis vitia lienis se ostentant priusquam Hepatis appareant : Scribente ideo *Hippocr. Omnem hydropem generari præexistente prius vitio in Liene,* quod intelligendum de symptomate tumoris aquosi, Nam quamdiu Lien in spongiosam suam substantiam aquam attrahere potest ex Hepate, tamdiu adhuc nondum Hepatis vis obruitur : sed cessante ea tractione, cum aqua restagnat in Hepate, plane hæmatosis obruitur & extinguitur, unde tunc in scirrhum aut tumorem aquosum adducitur : cum adhuc robore aliquo pellet expellit in musculos & partes externas, unde generatur anasarca, aut diffluit ex hepate in abdominis cavitatem, & generatur Ascitis, sive illud fiat disruptis vesiculis aquosis, sive per poros membranæ sensim emanat aquosa materia, sive per diapedesin vasorum transsudet, nimirum cum causa hydropis est frigus positivum : Sed cum est in causa frigus privativum, h. e. cum retorridus æstus exurit parenchyma hepatis, tunc rimis finditur, sicuti sub canicula contingit in terra, sed tunc aqua est citrina, sitis major & sitis implacabilis.

Uterus in hac muliere, quæ erat ann. 22. nec unquam pepererat, erat magnitudinis exilis ut in virginibus. Vnum autem eximium animadversum fuit, nimirum *Plurima minima plica,* quæ os uteri verum sive internum corrugans & constringunt, quemadmodum conspiciuntur apperebant : Misera hæc sibimet falsa ingravidationem imaginata erat : Qui autem tumor in ventre ingravidationem mentiebatur, à mole Hepatis & Lienis, & flatulento tumore intestinorum, productus erat : Et cum motum a flatibus in ventre sentiret, foetum viventem se commovere opinabatur : Viscera vitalia, sicuti in hydropicis fieri consuevit, erant flaccida, nam etiam bona copia aquæ abdomini innatabat, à labefactato tono & temperamento Hepatis,

& ab eadem causa enata diarrhoea eam attriverat : In auricula dextra cordis, & in cavitate ejus ventriculi, residebat crassa, viscida, conglomerata pituita, ovi gallinae magnitudine, quæ digitis protracta in longum extendebatur, tenaciter coherens. *Otho Henricus Observat. 24.*

## OBSERVATIO IV.

*In mulieris qua Gemellos pepererat, Testiculis, & extra eos ova reperta sunt.*

**D**Ecimoquarto Maij examinare nobis concessum cadaver mulieris 27. annorum, quæ non semel gemellos pepererat, jam XI. liberorum mater : Hæc ante 27. septimanas conqueri cœpit, octo mensium gravida, de lassitudine totius corporis difficilique incessu, non sine molestia doloreve summo circa locum eum qui est articulationis femoris cum osse Ischio : Octavo à partu die dolor hic insigniter exacerbatus, fortè in partu benè excluso : Tumor jam circa vaginæ uterinæ latus dextrum manifestius occurrebat, cum duritie notabili : Applicata ab obstetricibus, aniculis, Chirurgis & variis varia, etiam talia quorum pudendis applicatorum opera, non solum suppuratio promota, sed & abscessus apertio : Purulenta hinc copiose effluxit materia, sæpius satis foetida, quam etiam in urina semper reperire licebat, Dolorifica valde hæc puris per pudendum excretio : Paucos post dies usu eorum quæ mundificandi consolidandive virtute pollent locus hic apertus clausus est, brevi effluxo tempore circa natiæ partes inferiores, pudendo vicinas, viam novam materia sibi elegit, ubi etiam ulcus amplum, foetidissimo pure sordidum produxit, incurabile omnino, Extabefacta enim xij. maij obiit.

In dissecto corpore vix aliquid occurrebat consideratione dignum, uterus enim hic optime se habebat, nec ullum prioris apertionis vestigium exhibebat, nisi quod loco eo qui pudendo vicinus, asperitas major in dextro quam sinistro latere, majorque durities. Consideratione dignum in hac muliere, non tantum extra testiculum sinistrum ovum aliquod hæsisse, membranis singularibus involutum, verum etiam ex ipso testiculo ovorum par non unum à nobis separatum, quæ arcte sibi cohercebant : Hinc an Gemellorum generatio deduci queat cogitent alii. *G. Blasius observ. part. 5.*

## S C H O L I A.

**E**X ipso Testiculo ovorum par, &c. ] Ova in omnium animalium genere reperiri confidenter asserimus, etiam quadrupedibus ac homine ipso evidentissime conspiciuntur. In cuniculis, leporibus, canibus, porcis vaccis, &c. à nobis dissectis ea vesicularum ad instar, ut in avibus ovorum germina solent, sese disseccantium oculis exhibent, quæ in testiculorum superficie existentia, communem tunicam hinc inde sublevant, atque ita per eam aliquando transparent ac si brevi exitum minarentur. Ova hæc inte-

stibus generantur ac perficiuntur, eodem plane modo quo vitelli in avium ovaris solent: quatenus scilicet per arterias præparantes sanguis ad testes affluens, in membranosa illorum substantia materiam iis generandis ac nutriendis idoneam relinquit: hæc ubi naturalem magnitudinem acquisiverunt, tunicis variis investuntur, inter quas immediate à maris congressu glandulosa quædam materia excrescit, ex qua globulorum dictorum substantia componitur, &c. *Regnerus de Graaf de mulierum organis c. 11. & 12.*

## A P P E N D I X.

*De Hominis Conceptione ex Ovario, Et Gemellorum generatione.*

**I**usseras Ill. Dom. ut per compendium traderem Tibi rationem qua Conceptio Hominis ad mentem Recentiorum observatur, *Joh. Hornii, Theod. Kerkringij, Regn. Graaf, Joh. Swammerdam & Clar. Ruischii*: Accipis igitur modum quem quidem nos, partim ex lectione istorum scriptorum, partim propriis quoque observationibus animo concepimus. In Coitu nimirum prolifico Semen virile irrigat non tantum vteri fundum, sed & pars ipsius spirituosæ, sive aura seminalis per vas Deferens, sive Ductum brevem, ad Ovarium usque penetrat, adeoque ovum cæteris maturius, aut magis dispositum ac porosum virtute sua, (ut loquuntur) fecundat: Intumescit inde per modum velut inflammationis ovum, rubescit & distenditur Tuba, suamque Proboscidem ad Ovarium digitis quasi arctius amplectendo contorquet: *quemadmodum illam Tubarum rubescentiam, distensionem ac contorsionem, in recens gravida Amstelodami dictus modo Dom. Ruischius anno 1673. publice ostendit*: Labentibus hinc tribus aut quatuor diebus, Ovum illud adeo crescit ut Ovarium suum ad exclusionem stimulet: & quamvis in non gravidis ex ovario in tubas nullum foramen manifesto compareat, *In recens gravida tamen idem Ruischius observavit aperturam, quæ*

*pisum*

*pisum majus admittebas: Quin imo vidit illum Ovarii locum, quo ovum olim sedere, post exclusionem densa spongiositate, vili, que rubicundi obfessum, perinde ut in uteris recentium puerperarum conspici etiam solet. Atque hæc per abscellum quali facta exclusio, sive translatio ovi ex ovario in tubam, & hinc in uterum, proculdubio genuina ratio est nauseæ aut vomitus qui sub initium conceptionis, & primis post fœcundum coitum diebus accidere fœmellis consuevit: Porro vero ubi ovum a proboscide tubæ exceptum est, facilior omnino & innocuus delapsus in uteri cavitatem ut plurimum datur: quod si forte tamen in medio tubæ ovum hæreat, *Conceptio Tubalis Sive Tubaria*, (de qua alias scripsi) vide Observ. Præc. non sine matris miseræ exitio contingit: Caterum ovo non herenti, sed rite in uterum delato quæ eventient ulterius, & qui illud incrementa sua capiat ibi, hic accensere nihil attinget: neque enim à veterum doctrina hac parte multum recedit Neotericorum cura, nisi quod exactius multa explicent, hi ipsi, quemadmodum quod ad officium formationem attinet, apud *Theod. Kerkringium* in obstetogenia sua per singulos menses videre licet.*

Verum enim vero experitur hæc de Conceptione Hominis opinio idem cum aliis novis inventionibus satum, formanturque à multis contra ipsam variæ objectiones, Et 1°. Cum nihil à seipso moveri constet, quidnam illud sit quod ovum ex ovario in uterum propellit, 2°. Ovum semel fœcundatum non moveri à seipso, excludi ab ovario stimulat, sicut idem in gallinis accidit, dum ova grandescunt. 2. *Obi.* metus est ne ovum per tubæ angustias penetrans rumpatur: At Tubæ, etiam in non gravidis, tam sunt perviæ semper ut flatum & aquam per canaliculum admittant: In gravidis vero quantum distendantur (immane vero quantum in conceptione Tubali) supra fuit relatum: Deinde, etiam si fortassis ovum aliquod interdum frangi contingat, nihil inde damni, nisi quod conceptionis hac vice spes pereat, alia vice adimplenda. 3. *Obiiciunt*, Quare, cum bina sint ovaria non semper Gemellina nascantur? Ad hoc reponi potest rem ita se habere in Scorïa & forte aliis nonnullis regionibus, ubi fœmina uno partu ut plurimum binos, quandoque etiam plures fœtus edunt: Sub nostro autem climate quod Gemelli rarius nascantur, nisi ex cœlo atque astris causam deducere placuerit, varia tamen impedimenta hujus rei, alia ex vitiis conformationis, obstructionis, compressionis, aut intemperiei, dextra sinistrave Tuba intervenientia afferri possunt, attestante hoc sectione cadaverum femininarum, dam partes illa generationi dicte in alterutro latere non raro male affecta conspiciuntur. 4. *Obiiciunt*. Quare ab uno coitu, sicut in gallinis fieri creditur, haud singula utriusque ovarii ovula simul fœcundentur, ita enim ad subsequuturas sane generationes ajunt, iterato coitu nullatenus opus foret: *Responderi potest* quo minus hoc fiat, diversa partium obstat constructio: Ovi ductus enim gallinarum rectus est & laxior: in homine vero angustus, & adeo tortuosus, ut aura seminalis non nisi ovum proxime adjacens ordinario attingere possit, haut vero juxta per universum penetrare ovarium: Quod si vero ad plura ovula quandoque auram illam penetrare contingat, plures etiam concipiuntur fœtus.

#### De Ovario Humano atque Tubis.

Pauci præteriere dies, cum ad *Te Vellgnadi* mitterem de Hominis ex Ovario conceptione observationem, Nunc autem ad illustrandam illam nova mihi emerit occasio, dum mulier xxx. annorum, & sex jam tum liberorum mater homicidii convicta, die 14. Janv. 1676. Berolini gladio percussa ad anatomen Curiosis destinata fuit: Cætera præterii, ad partes autem genitales quod attinet, in Ovarium & Tubas accuratius porro inquirere mearum tunc esse partium arbitratus sum: *Tubas uteri* veterum plurimi aut plane ignorarunt aut aliud ipsis nomen forte tribuerunt, sicut *Vesalius* sub titulo vasorum deferentium pinxisse videtur, lib. V. Anat. c. 15. Alii pro coecis habuere ductibus, ut *Spigelius* l. 8. cap. 22. & *Higlmorus* lib. 1. Anat. c. 4. contra Nos cum *Veslingio* c. 7. atque aliis Noeticis, & *Tubas esse insignia, admodumque conspicua vasa, & in uteri fundum manifeste patere sine hesitatione asserimus.* Asserto fides accedit ex inflatione per canaliculum facta, si is in Proboscidem intrudatur, exit enim ore insufflatus aer per extremum angustum in ipsam uteri cavitatem: Quod si aquam, lac, aut similem coloratum liquorem ore contentum, per canaliculum impellas pariter is transit, & adeo quidem manifeste ut dubitationi locus relinquatur nullus: *Hæc autem sui organi descriptio.* Extremum ejus est latum, quod magis ruber & laciniatum est, Proboscis non absurde appellatum: Medium ejus capreolis crispum est & sensum angustatum: Extremum angustum, uteri fundum in summitate penetrans, atque in latere interno *Valvula* oblonga clausum: Innotescit hinc Valvulam in uterum patere, sed retrorsum neutiquam: admittit eaquidem tantisper stylum, sed non altius quam ipsa extendi retro possit: accipiendum equidem hoc erit de liquoribus, quos frustra aliquis per valvulam sursum pellere (nisi violentia interveniente) tentaret: & quamvis extremitas satis angusta in cadauere appareat,



appareat, in vivente tamen magis patere prorsus vero simile est. De *Proboscide* notandum, laceram illam & quasi attritam à Fallopio primum in observ. Anat. p. 472. deinde ab aliis quoque & à nobis talem semper observatam, neque de laciniata illius figura amplius dubitandum: Scrupulum tamen iniicere posset, quod *lacinia* soleant esse rupturæ indicium, quod si proboscidi lacinia illa non sint naturales, oportet ipsam testibus antea adhæsisse: ab istis autem per incuriam, dum intestina extrahuntur, communiter abrumpi solere: Nihil tamen hic determinatum eo, quin potius hoc ad indagandum propono dubium, num per circumspectam magis dissectionem connexio tubarum cum ovariiis forte reperiri possit. In figuris *Iul. Cass. Placentini* l. 8. tit. 18. Tubæ sua proboscide testes attingunt: Concordat & *Thomas Bartholinus* in Anat. novissima p. 152.

*Ovaria* porro sive Testes, obvelat membrana satis valida; Eam cum in dextro per longum scinderem, effluebat humor ex albo citrinescens: sinistrum servabam integrum, sed utrumque in ferventem aquam per medium horæ quadrantem simul coniiciebam: Tunc extracta induruisse animadverti, conspicuis per superficiem ovorum eminentiis, quæ tamen Ova per dissectionem magis in conspectum se dabant, suis singulis cellulis albicantia, atque inde facile exemtilia, Speciatim in sinistro, quo diviso pluscula quidem viscebantur ova, hic quidem per medium scissa, in una vero ipsius cella, quæ cæteris major, nucleum cerasi æquabat, haud ovum, sed materia spongiz obscure rubenti prorsus similis hærebat, imo qualis illa videtur fuisse quam *Ruischius* Amstelodami vidit in recens Gravidæ ovario, nominando ipsam, *densam spongiositatem*, villisque rubicundis obessum locum, in quo ovum antea sedem habuit, perinde ut uterus recentium Puerperarum: Profecto, si quod conjectura assequi licet, ex hac cella devolutum fuit ovum pro conceptione Gemellorum quos postremo partu fœmina ista ediderat: Quod si itaque apparatu tam operoso, & novis subinde per attenuatam Ovarii membranam foraminibus (quale quidem foramen à solerte natura in muliere recens gravida factum, & pisum majus æquans *Ruischius* die 15. Aprilis 1673. se vidisse testatur) ad singulas conceptiones opus est, tolerari nullo modo poterit opinio *Kerkringij*, qui Anthropog. c. 1. tam à conjugatis quam virginibus, talia ova sæpissime, & ferme intentibiliter excerni asserit: Et quamvis sibi ex relatione quorundam hoc constare addat, manet tamen incertum, cum alia hac de re interrogatæ contrarium affirmant, quicquam scilicet tale nec instante purgatione menstrua, nec stimulante libidine, nec ullo alio tempore sibi, etiam observantibus accidere.

Porro vero ad *ductum* illum *brevem* quod attinet, qui titulo *vasis deferentis* communiter ab Ovario ad uterum, aut potius ab utero ad ovarium tendit, non penetrare is mihi hoc in cadavere in cavitatem visus est: Cum tamen alii hunc ductum peruium invenerint, fides ipsorum nihil ibi derogatum, Veslingius sane syntagm. Anat. c. 7. nominat ductum Testium, & pingit ibidem titulo vasis deferentis: Vasa autem præsumuntur esse non prorsus solida, sed quovis modo pervia. Quinimo præter hunc ductum ad fundum uteri porrectum, alterum adhuc ab eo exilientem, sæpiusque delitescentem, & ad uteri cervicem protensum statuit: Unde me arbitro, ductus prior *uterinus*, alter *cervicalis* dici non absurde posset: Vterque autem eo fine, quo non tantum in cavitate uteri, sed etiam in cervice, adeoque locis pluribus, pro excipienda aura seminali canales adessent, fabrefactus à natura videretur.

Denuo autem in mentem hic venit Epistola, quam de *Conceptione Tubaria* anno 1669. (vide observat.) cum hæc de ovario humano nova opinio adhuc ignota esset conscripsimus, Leon ipsi inserta, non duplicem vterum (quemadmodum *Ben. Vassalini* Chirurgus Parisiensis, Programmatiss impressi author, crediderat, sed fœtum extra uterum in medio Tubæ conceptum ostendit: Iam vero hic fœtus non poterat primum in uteri cavitate ampla concipi, & deinde per angustum tubæ extremum, præsertim renitente valvula sæpius descripta, sursum in medium Tubæ trudi: contra autem vero magis consonum videtur principium propagationis suæ desuper accepisse hunc fœtum, & illud quidem (sive semen matris, sive ovum animatum fuerit) in media via, dum descendebat hæsisse, atque ob impedimentum aliquod ibi substituisse: Singulari certe argumento, non fieri in utero conceptionem, nisi ex testibus aut ovario aliquid descendat: Descensus autem ille non est momentaneus, & qui in ipso coitu necessario contingat, sed potest ad aliquod forte tempus differri, donec nimirum natura foramen per ovarii membranam, quasi quadam specie apostematis paraverit: Unde si primis à coitu diebus vacuos Damarum cervarumque uteros invenit Harveius, mirum adeo potest esse nemini: quinimo perspecta rei veritate ipsemet Harveius, si hæc attigisset tempora, suos de *Generatione animalium* libros, hac fortassis parte, tantisper fuisset immutaturus. *Ioh. Sigismandus Elsholtius* in *miscell. curiosis annorum* 6. & 7. observ. 197.

## De Gemellorum origine

Quantopere haftenus Gemellorum origo philosophantium animos torserit, in propatulo est; Qui in cellulas uteri causam retulere quondam, suam in rebus anatomicis prodiderunt ignorantiam: Seminis copia, aut in partes divisio, non explebat etiam mentes acutius cernentes: multo minus uteri paulo major, quam foeminis communiter esse consuevit, amplitudo: Ita Problema hoc inter incerta ad nostrum usque ævum jacuit: Meministi vero, mi *Wolgnadi* in observatione nostra de *Ovario atque Tubis* ad Temissam, pingi cellam Ovarii unam grandiusculam, materia rubenti spongiæ simili obductam, ex qua suspicabar tunc devolutum fuisse ovum pro conceptione gemellorum, quos postremo partu foemina illa ediderat: Profecto hac in opinione ego roboror in dies, & naturæ ibi magnum mysterium videre mihi videor: Illius enim cellæ præ cæteris omnibus capacitas insignis quid arguit, nisi in ipsa hæsisse, aut ovum simplex reliquis majus, aut Ova duo cæteris æqualia? De priori, si unicum peperisset foetum mater, nemo dubitaret: Iam vero, ubi de Gemellis hoc ultimo partu editis constat, posterius verum esse conjicio, nimirum istam cellam haud complexam esse ovum simplex, sed bina ova, membrana tantum tenui intersepta: Cellæ enim suis singulæ septis carneis sat crassis ab invicem distinguuntur, atque ova ut plurimum simplicia complectuntur: quotiescunque vero in cella una geminatum ovum hæret, istamque cellam aura seminalis in ecstasi venerea attingit, tunc ex ovo illo gemello in uterum devoluto, nonnisi Gemelli me iudice nasci poterunt: Atque hanc esse veram, atque unicam Gemellorum originem, huc usque incognitam arbitror: Ad Tergeminos quod attinet, cellam unam interdum trina (fortassis etiam pro pluribus plura) ova continere probabile est; neque absurde adeo hinc inferetur in *Fæminis Scoticis* esse ovaria ea fecunditate disposita, ut cellæ pleræque plusculis farciantur ovulis, cum gemellorum atque trigeminorum partus ibi sit adeo frequens. *Idem ibidem Observ. 98.*

## Conceptio Tubaria, h.e. Humani fetus extra uteri cavitatem in Tubis conceptio.

Proxime elapso mense Nov. accipiebamus ab amico literas, Luteriæ Paris. commorante, quibus is refert in aperto cadavere foeminae Parisiæ inventum fuisse duplicem uterum, addendo etiam programma Gallicum typis impressum, atque iconem æri incisam cum Lemmate hoc *Demonstration d'une double matrice.* Argumentum autem programmatæ Gallicani omisissis superfluis, Latine sic sonat.

Benedictus Valsalius, Chirurgus Parisiensis, aperuit die 6. Jan. 1664. cadaver mulieris 32. annos natæ, temperamento sanguineo, & habitu corporis satis masculo præditæ: Reperta fuerunt duæ matricæ singulari connexione à natura tam bene dispositæ, ut vera jam undecies concepisset, septem nimirum filios & quatuor filias, iusto omnes tempore, & debitæ compositionis. Atqui habebant fraterculum embryonem, conceptum in Adjutorio sive adminiculo genuini uteri, & quidem in loco ad distensionem tam inepto, ut foetus grandescens decem septimanas functis symptomatis matrem exagitarit: Tandem trium aut quatuor mensium factus foetus, carcere effracto tumulum sibi paravit in ipsa matre, excitando ingens sanguinis profluvium in universam abdominis cavitatem, id quod tribus ultimis diebus vehementissimi motus convulsivi, & denique mors subsequuta fuit.

## S C H O L I A.

**D***Uæ matricæ*) Vix credam gemino instructam fuisse utero Parisiensi illam gravidam, nisi vocabulum uteri latissime accipere velimus pro quacunque capsula foetum includente: Quotusquisque enim appictam embryi domunculam attentius considerat, dextram uteri genuini Tubam dilatatam, non autem accurate loquendo Uterum secundum esse consitebitur. Nimirum fundus uteri est locus in cuius rotunda cavitare humani foetus ordinaria lege concipiuntur: At vero extra hunc aliquando contineri & generari historiarum aliquot convincunt: De modo tamen mens hæret quo conceptiones istæ Tubariæ contingunt: concedendum 1. semen virile non tantum in fundum pervenire, sed in ipsas in. de penetrare Tubas valere: 2. Tubas inmane quantum dilatari, posse veluti infelix Catharina Bonevallia testis apud Tulpium l. 4. obs. 44. 3. Masculum semen in Tubas receptum semini foeminino commisceri, ut conjunctum deinde in fundi cavitatem pro fœcunda-

tionem & foetus conformationem resiliant: Denique in Tubis, haud secus atque utero, obstructions esse frequentes, ut loquitur Vellingius Syntagm. Anat. c. 7. Suppositis his, sequitur miscellam hanc Parisinam sub amplexibus venereis suscepisse semen maris, quod per uteri fundum in dextram usque tubam penetrans, & muliebri copulatum, dum relabi in cavitatem nitabatur, interveniente notabili quadam obstructione impeditum substitit: Virtus interim plastica nunquam otiosa, ex miscella fœcundi seminis fabricari foetum incepit, non refragante proxius loci commoditate, si quidem auctore Riolano, Tubæ uteri sunt ejusdem naturæ & substantiæ cum utero, quia mediocriter carnosæ: Porro crescente foetu magis magisque dilatari tuba incepit, imo & membranæ ipsius spissari, adeo ut sua crassitie genuinum uterum æmularetur.

*Tandem suis carcere effracto, &c.*) Tubarias ejusmodi conceptiones embryoni semper, matri ut plurimum lethales esse arbitramur: Per angustum

enim tubæ ductum remeare in uteri cavum haud valet fetus grandior, unde aut suffocatur in matrice illa facta, si ea sit spissior, aut si tenuior, vi perumpit & in cavum abdominis prolabitur, Eam rupturam insignis hæmorrhagia necessario comitatur, imo lethalis, nisi abdomine artificiose diviso sanguis effusus evacuetur, & embryo nova partus cæsarei methodo eximatur: Hujus quidem operationis, qua exciso foetu in tuba concepto, parens servata sit, etiam si exemplum nondum extat, heri tamen eam posse non magis est negandum quam partum cæsareum hæcenus

cognitum: Atqui nec illud negandum, tum in tubis variorum morborum muliebrium causas latere hæcenus incognitas, tum in ligamentis uteri tectibus, quippe quæ non simplicia sed esse concava, & è duplici membrana haud secus atque uterum ipsum componi, imo per eandem seminalem materiam, nec non alia in utero coæcervata excrementa ad inguina

expelli, ex *Jo. Veslingio Syntagm. Anat. c. 7.* & aliis abunde constat, *Joh. Sigism.*

*Elsholstius in misc. cur. ann. 4.*

& s. pag. 77.

## A P P E N D I X

### *Superfætationis extra ordinaria historia, foetui in utero corrupto & clam latenti superveniens.*

**A**ntonia Sarron, Vxor Petri à Lavadour in pago Bens Sub parochia Chatrezensi, annos nata circiter xxviii, gravi affectu detenta erat, ut vix deambulare vix respirare liceret, omnibus tentatis D. à Dorieux Medicum in auxilium vocat qui me sibi adjunxit, quo cum ipsam visitavi anno 1613. mente Julio: Interrogata de ægritudinis initio, & dolorum natura, respondit à biennio factum se exclusisse uno tantum die vitalem: Puerperiorum vero tempore contigisse ut domo incendio conflagrante præcipientem se è lecto in vicum conjecerit, hinc præ metu & mentis consternatione aucta sit debilitas, ac nocte sequenti ventrem solito tumidiorem & renitentiorem redditus ac tumor in dies auctior factus sit, Ex relatione autem conjugis, insignis anhelitus foetor ad fuit, atrocesque & implacabiles imi ventris dolores lumborum & iliorum: Hinc prædictus medicus Lorieux, nec non ex concavis oculis, labiorum morticino colore ac vultus, conjecit superstitem esse in utero foetum à præcedente partu: Nec enim raram esse super fætationem, Aut saltem relictam esse molam, quorum exclusioni incumbens, id præstitit, ut exclusa materia summe foetida & livida, mulier multo melius se habere cœperit, munia solita obire, sanitatis integræ secuta, neminem præterea in subsidium revocans: Prædicto vero Medico à Lorieux extra regionem advocato, tandem dicta mulier, sub initium anni 1614. iterum concepit: Cujus conceptionis causa uterus clausus, ac solita humorum exclusionem statò tempore destitutus, atque impatiens rei omnino heterogeneæ, in propriam pernitiem cohibita, viam istiusmodi materiæ molita est, excitato ulcere paulo infra umbilicum, latera sinistro, è quo sanies tanto foetore abominabilis prodibat ut nullus esset ferendo, idque toto trimestri antequam auxilium malo quæreret: Ulceris autem apertionem prægressus est tensivus & pungitivus dolor diu molestus, à materia exitum affectante & partes successive per contagium afficiente & inficiente: Accersitus tandem, comite dicto D. à Lorieux, in urbem reduce, exploratum volui ulcus quod superficialium videbatur, stylo introitum tantum inter cutem & musculos inveniente à latere in latus, in quo insignis durities à me animadverta, quæ tamen ad suppurationem vergere videretur: Sed cum inde stabile indicium adstruere non liceret, in subsidium quoque matricis speculum advocare licuit, ut ejus opere certius quid elicere possemus: Id enim animo firmiter impressum hærebat, malum præiens à priore, quod anno præterito curandum habueramus, non discrepare: speculi ergo beneficio, ostium uteri internum adeo dissitum erat, ut in conspectum non veniret, nullo forissecus se prodente malo præter ulcus nominatum: Graviditatem autem, quæ revera inerat, suspicati, nihil ulterius tentare visum est, ne famæ æque ac ægræ male consuleremus: Ideoque præscripto regimine convenienti, iisque quæ mundum servarent ulcus, illi valediximus, partus tempus præstolantes, qui non procul absuit, marem enim paucis post diebus enixa est, sacro fonte ablutum, sed quinta post nativitatem hora denatum: Hæc quanquam irreprehensibilia, declinare tamen calumniam non licuit: Ulceri tandem, quod in dies pejorem induebat conditionem (ac foetore & dolore augeſcentibus) aliud in vicinia accessit, duorum digitorum distantia sed in eadem altitudine, & minus: exactisq; diebus circiter xv. durum, quid eminuit, quod adstantes agnoscere non potuere, Ego autem à marito accersitus tum ut quid rei esset innotesceret, tum auxilii gratia, Explorata autem re, sola manus, citra aliud auxilium, ossa ischii foetus eduxi, quæ prima se obtulerunt, reliqua autem extrahere annixus, & resistantiam nactus, nihil ulterius tentare volui, sed eadem die re communicata D. D. ab Aujeux, nec non Domino De Benoist sub præteri.



Sub-Prætori in Præfectura. N. aliisque : nullus non optavit illi operationi interesse, quæ postridie xxij. Junii à me peracta est circa 3. aut 4. horam vespertinam, atque iis præsentibus foetus ossa eduxi, inter quæ sacrum exitum affectare videbatur per foramen majoris ulceris, quod cum admittere non posset, quia reliqua ossa coherentia alteri foramini se offerebant, sola cute à priore distincto, eam incidi, hinc demum spinæ ossa omnia colligata eduxi, humerorum & capitis: quæ posteriora ob insignem magnitudinem, omnium iudicio naturalem multo excedentia, ab invicem abscesserunt, integumentis omnino exuta & cerebro destituta; pauxilla tantum cute, in occipite & cervice, pilis vestita superstitæ; qui densi & duorum digitorum transversorum longitudinem æquabant: Cætera ossa, præter unum brachii, adhuc integri, quippe quæ cutis adhuc tegebat, ac simul partem thoracis parte dextra. (in qua cernere adhuc erat reliquias aliquas diaphragmatis & pulmonum) disjuncta erant & separata, ab ulceris fundo à me extracta, una cum lumbrico vivo, pedalis ferme longitudinis. Veritus autem ne tum ratione doloris, tum debilitatis, sinistri quid contingeret, ab operatione destiti, appositis prius quæ è re erant.

Rem autem ad examen revocantes, 1°. magnitudo & crassities ossium, inter quæ ossa femorum, quibus etiamnum decrant epiphysos, quatuor digitorum longitudinem æquabant. Et brachium integrum adhuc asservatum, quod ulnæ sextam partem coæquat. 2°. tempus à quo ulcus effundere cœpit saniem, luculentur causam demonstrant, atque maxime imperitis clare ostendunt foetum hunc non fuisse gemellum postremi quinto mense editi, quod quidam, sed imperite & malevole asserere non erubuerunt. Demum quæ causa tam atrocium dolorum, quæ tumoris illius, quæ duritiei, quæ foetoris: certe alia non statuenda quam cadaver illud in utero matris relictum. An verisimile est tantillo post partum tempore potuisse corrumpi & erumpere, etiam absque auxilio, ut ne vestigium carnis superstes fuerit, vitærum, cerebri, nervorum, tendinum & cutis; quam solam nominavimus. Adversarii nobis forte objicient, impossibilem esse novam conceptionem præsentis sceleti in utero, at ignotus illis *Albucasis*, Medicus Arabs insignis, qui simile quid adnotavit, de muliere, quæ quanquam utero gestaret foetum mortuum, concepit tamen, mortui, per putredinem in tabum resoluti, particulis versus umbilicum tendentibus, è quo, facto abscessu, attrahentium medicamentorum ope aperto, ossa integra prodire: Hæc à Guidone discere potuissent: Prædicta autem mulier obiit anno 1653. mense Septembri. In præcedentium fidem subscripsi *Ioh. Mingaultius Chirurgus Aquepersiensis*.

## OBSERVATIO VII.

*Hermaphroditorum aliquot anatome.*

§. 1. **S**uperioribus annis fœminam mihi videre contigit, quæ præter vulvam, membro quoque virili prædita erat, quod tamen non erat admodum crassum, quamobrem in ejus anatome generationis vasa admodum accurate pervestigavi: Vasa seminaria testèscque considerans, nunquid ulla inter hæc communio & consensus adesset, Tandem hoc comperi vasa quidem præparantia ab aliarum fœminarum præparantibus vasis non differre, sed deferentia, nam bipartita erant, & ex binis quaterna natura genuerat; ex quibus duo, quæ etiam majora erant, ad matricis concavum destinabantur, reliqua duo ad penis radicem, qui glandularum parastatum expers erat: Hoc tam admirabile visu & speculatu erat quam quod maxime, quo pacto natura prudens sagaxque locum satis tutum selegerat, per quod vasa hæc ad penem deferri possent, & quemadmodum meatum, qui in ipso est penne, perforarent: qui meatus in aliis tum semini tum lotio communis existit, hic vero urinæ nihil quicquam opis afferebat, nam instar aliarum mulierum urina exibat: uterus autem, necnon uteri cervix à cæterarum fœminarum matrice colloque nihil distabat, sed in testibus discrimen erat, nam testes in hac crassiores erant quam in reliquis mulieribus, sed quoad situm ipsorum nullum discrimen deprehendi. Peni scrotum contiguum non erat, imo vero scroto prorsus carebat, & duobus musculis præditus erat hujus fœminæ penis, non quatuor ut in maribus perfectis: Præterea penis hujus hermaphroditi tenui pelle integebatur, nullum aderat præputium, sed duo spongiosa corpora, per quæ duæ arteriæ ferebantur, ab illis ortæ quæ ad vesicam tendebant: *Columbus de re Anatom. lib. xv.*

§. 2. Anno 1615. In oppido Steinio, milliari ultra urbem Sancti Dionysii, Hermaphroditam puellulam multis præsentibus dissecui: penis parvus prominebat absque scroto & testiculis: sed ad orificio duplici externo, usque ad fundum uteri, duplex erat matrix, medio pariete secreta: reliquæ partes genitales simplices erant ac si fuisset unicus uterus. *Riolanus Anthropograph. lib. 2. cap. 35.*

ZZzzz

§. 3. Ante

§. 3. Ante biennium mihi puellula hermaphroditica inspicienda & post mortem examinanda oblata fuit: Infantem illum cum vivum inspiceremus, dijudicare non potuimus quoniam sexus in eo prævaleret, habebat enim panem pro ætatis ratione longiusculum, simul quoque externam pudendi muliebris imaginem. Post aperturam cadaveris, inventus est uterus cum testiculis, tubis aliisque vespertilionum, tum & sinu pudoris, in cujus superiore parte meatus urinarius quoque aderat, adeo occultus, ut in viva eundem animadvertere non potuerimus. Cæterum penis nullum habebat commercium cum vesica, eoque transversim dissecto, nulla spectabatur urethra, sed tantum duo corpora nervosa, quæ suis crurculis adherere ossibus pubis, ut clitoris mulierum. Potuisset hic sine dubio curari si longius habuisset vitæ spatium, è medio sublato pene tanquam supervacuo, postea ulcere debite tractato, ut habet *Egineta* lib. 6. cap. 69. *Van Horne microtechn. parte 2. §. 25.* Qui plura de talibus desiderat adeat *Cass. Bauhini* tractatum absolutissimum. Mulieris bene mentulatz vide exemplum apud *Bartholinum* cent. 2. histor. 57.

## OBSERVATIO VII.

*Pudendi orificii angustia pro Virginitatis nota haberi non debet.*

**N**uper cum ex Toupinamboutiorum regione femina, annos 25. nata, valde impudica, quæ viros ad coitum invitaret, in hanc urbem Parisiorum adducta fuisset, post ejus obitum pudendi orificium admodum angustum deprehendi, & ossa pubis valde depressa: Cunnus glaber erat, pilis spoliatus, quos sibi radices evellunt ejusmodi regionis mulieres. *Riolanus Anthropol. lib. 2. cap. 31.*

## OBSERVATIO VIII.

*Hymen, Virginitatis nota membrana, in aliquibus reperta, ab aliis non.*

§. 1. **D**E membrana Hymene quid observaverim dicam, Licet vulgus hominum putet nullam esse virginem quæ Hymen non habeat, Ter duntaxat illam inveni, bis in duabus parvulis puellis, semel in natu majore, quam cum dissecarem intererat Excellent. N. Est hymen membrana quædam sub nymphis ante cervicem uteri, unico foramine prædita superiore parte, ut menses effluere possint, ingressum penis prohibens. *Columbus Anatom. lib. xv.*

§. 2. Dissecta virgo hydropica anno 1673. atque observavi decantatum illud Hymen (quod quidam mambranam esse fingunt, aut si quidem mambrana est, p. n. quid est) esse quatuor carunculas myrtiformes in virginibus adeo strictas, ut foramen in medio relinquunt vix pisum recipiens. In coitu enim si fricentur, magno conatu sanguinem fundunt, unde nota virginitatis. *Ex observat. D. D. Glaseri Anatomes Professoris publici Basileensis.*

## S C H O L I A.

**D**E Hymene extat controversia, 1°. quid sit, 2°. an in omnibus reperiat? Circa primum, rejicitur Arabum opinio qui ex venulis in colli medio hymen construunt, fallum etenim est. *Fernelius* & *Ulmus* audiendi non sunt, qui latera colli adherere statuunt. Illos vero audire debemus, qui aut membranam, aut carunculas, aut utramque simul statuunt, ut *Pinaus*, *Spigelius*, *Riolanus*, *Vesalius*, *Fallopins*, *Aquapendens*, *Casseri*, *Veslingius* & alii plurimi: *Spigelius* de Hum. corp. fabrica c. 18. hanc in omnibus quas secuit Virginibus se deprehendisse testatur, nec defuisse unam notavit. *Bartholinus* Anat. reformatæ l. 1. c. 31. Respondet hoc modo, Quod *Columbus* & *Pareus* negant semper inveniri, *Laurentius* nunquam se invenisse asserit, imputandum est inopie cadaverum, aut negligentie in dissectionibus, Aut

si putarunt se virgines secuisse, defloratz forte fuerat aut si virgunculas, illæ quoque digitis nonnunquam & perulentia eam rumpere possunt. At dicent se secuisse abortus puellas binas, trimas, &c. Respondemus non credi facile posse in illis deesse, cum auctoritates & experientie peritorum Anatomicorum citatorum adversentur: Deinde si in istiusmodi aliquando deesse deprehensum est, de quo dubitatur, eodem jure quo illi dicunt p. n. adesse hanc membranam, nos dicemus p. n. abesse, &c. *Panarolus* observat. ult. pentec. v. in omnibus dari asserit, figuram & descriptionem proponens.

De virginitatis notis vide plurima apud *Riolanum* Anthropol. lib. 2. cap. 35. *Severinum Pinaum* *Capivaccium*, &c.



# ANATOMIÆ PRACTICÆ


## LIBRI TERTII

### SECTIO XXXVIII.

#### De Abortu, Partu impedito, Foetu mortuo, Puerperiis.

##### OBSERVATIO I.

*Abortus frequens excitatus ob calculum in Rene dextro. 1. Ob vaginam ateri menstrosa conformationis. 2. Abortus gemellorum ob vitiosum alterius foetus constitutionem & matris. 3. Quinto mense factus ob foetum suffocatum à tumore, aspera illius arteriae inherente. 4. Ob exiguitatem & tenuitatem vasorum umbilicalium. 5. 6. Ob eorundem brevitatem. 7. 8. Ob eorum excedentem longitudinem foetum strangulantem. 9. Ob eadem disrupta. 10. Ob foetum agram, Tumorem in jecore, &c. 11. Ob Placentam in utero derelictam. 12. Ob spasmodicos affectus à sero acri è medulla spinali effluente, excitatos, Vteropartibusque vicinis & annexis plane in fonte. 13. Ob foetum vijuræ matri illatæ notas gerentem. 14.*

§. 1.  OB. Matrona multis annis gravissimis Renum doloribus, sinistro præsertim in latere ab initio divexabatur, & quatuordecies uterum gestans, toties octavo vel nono semper mense abortivit, &c.

Eam mortuam cum secarem, renem sinistrum penitus consumptum deprehendi. Dextrum vero tumidum in immensum excrevisse, in quo per medium dissecto calculus justæ magnitudinis excreverat, &c. *Vide Tit. de Lumborum dolore.*

§. 2. Mulier Bergenlis nunquam ad legitimam posituram, consuetumque egressum infantes edere potuit; Ex utero enim omni labore protracti, omnes dudum fuere mortui & putredine correpti: Hujus vaginæ propendentis deformitatem obstetrix primum mihi adaperuit; cum quærerem ex illa, cur mulier pariens aliarum muliercularum manus ad corpus admittere non vellet: respondit hanc vaginam esse in causa, & quamvis digitus semper intrudi possit, & ad latera vulvæ interna apte collocari, tamen si cuiquam innotesceret forte, miseram illam vulgi vereri cavillationes; Cum autem vita discessisset, obstetrix rem insanam pluribus monstravit mulierculis. *I. Frid. Treublerus ad Bartholinum, cent. 2. Epist. 91.*

§. 3. Anno 1605. matrona cacoehymica circa quintum mensem imprægnationis parturientium doloribus correpta, post maximos ac diuturnos conatus gemellos cum multa aqua enixa est, foemellam sc. ac masculum. In hoc dissecando sequentia annotavi, 1. abdomen non secus ac hydropicorum, aqua plenum erat: 2. Testes extra abdomen non propendebant sed in ventris capacitate residebant, & quidem eo loci in quo vasa spermatica ad scrotum descendunt: vasa spermatica tam brevia erant, ut extra ventrem propendere non potuerint. 3. Hepar supra modum magnum, inflatum, & aliquomodo lividum. 4. Mesenterium & renes inflammata. 5. Urachus sine cavitate ulla, neque stylo reperiri potuit: imo nec ipsa vesica apparebat inflata. 6. Vesica rugosa plane & vacua, præterquam quod humor viscidus ei ad latera, non secus ac in intestinis videre licet, adhærebat. 7. Cutis undiquaque maculis, ut in febribus pestilentialibus conspersa. *Fabritius Hild. cent. 2. histor. 59.*

§. 4. Mulierem satis laudatæ sanitatis quinto mense abortientem vidi: cumque foetus fere nullam in morte mutationem persensisset, ipsum secui, desiderio impulsus an aliqua necis causa in tam robusto foetu innotesceret; cum ipsius mater valida hujusmodi abortus nullam afferret causam.

Secito corpore, In cavitate thoracis sub jugulo dextro lucidam vesicam, aqua plenam, arteriæ asperæ adhærentem inveni, quæ copiosa humoris inundatione, quam recipiebat à capite, in pueris valde humido, e ventilationem cordis prohibuerat ipsum suffocando. *Dom. Panarolus Pentec. 1. observ. 5.*

§. 5. Anno 1644. Nob. matrona quinto mense gravida, post fluxum triduanum uteri



cruentum, abortum patitur atque foetum rejicit masculum, quoad omnes partes perfectum quidem, quantitate tamen deplumatum turdum vix æquantem, exsuccumque & aridum. Vasa umbilicalia erant instar filorum communium usualium, collo circumvoluta & quasi alligata, non tamen brevia, uti duplici exemplo exponit *Hildanus*: nec disrupta, uti alias *Bauhinus* notavit. In dissectione notabantur partes singulæ discretæ, hepar albicans & exsuccum, cor pallidum, vasa umbilicalia sicca: Sub noctem secundina prodit putrida & foetida. *1. Dan. Horstius observ. Anat. 5.*

§. 6. Fœmina quædam honesta temperamento sanguineo & corpore *Concavo*, primum filium grandiusculum laboriose enixa est, postea vero septies abortiit, & quod mirum, et si diversis temporibus, & nunc brevior nunc longior à conceptu temporis spatio, nimirum nunc mense 1. nunc 2. nunc 3. imo etiam 4. & 5. abortiret, tamen omnes abortivi ejusdem magnitudinis fuerunt, pollicis articulum ferè æquantes, membrorum tamen delineationem exhibentes, & vasa umbilicalia instar fili subtilis albi. Post singulos vero abortus sanguis laudabilis & copiosus effluxit: dum vero gravida esset, vomitionibus enormibus semper infestata fuit. *Sennertus Pract. lib. 4. p. 2. §. 6. cap. 2.*

## S C H O L I A.

**P**robabile est causam primariam tot abortuum esse sanguinis materni, a quo ut altero generationis principio, per venam umbilicalem, post primam ex semine factam conformationem, affluente, perfectionem & augmentum foetus sumit, inopiam & defectum: causam autem cui sanguis iste in formatione foetus defuerit, reddere difficile est, Etenim

sanguis in corpore non defuit, quod matris constitutio sanguinea, & copiosus sanguis laudabilis post partum effluens docent; Ego in ipsis vasibus umbilicalibus querendam cenleo, cum ea plus justo exilia & tenuia fuerint, secundina contra aliquod incrementum sumptis. *Idem.*

§. 7. *Torentina Mayer*, ætatis tempore anno 1605. ad quinti mensis finem fere signis omnibus foetus vivi apparentibus, gravida fuit: circa finem vero quinti mensis foetus primo imbecilliter movebatur, ita ut vix perferri potuerit: deinde paulatim & intra paucos dies omnino cessabat moveri: mammae quoque, quæ ante lacte turgabant, tunc subsidebant, flaccescebant & exsiccabantur, aliæque signa aderant ex quibus foetus in utero mortuum esse facillime conjicere licuit: Tandem circa finem octavi mensis, parturientium doloribus correpta, enixa est masculum, quem per tres menses fere mortuum gestaverat. Longitudinem spithamæ cum dimidia non excedebat, Oculi ex suis orbitis seu capsulis propendebant: os item apertum, caput nigrum & flaccidum erat, interim tamen foetor nullus aderat: Hepar Uterinum integrum, sed flaccidum pallidumque conspiciebatur. Chorda, ut vocant, umbilicalis, quæ communiter & in omnibus ulnarum aliquot longitudine esse solet, vix spithamæ erat longitudinis. *Fabritius Hildanus cent. 2. observ. 50. & 51.*

## S C H O L I A.

**H**ujus abortus causam nullam aliam invenire potuimus quam malam ac ineptam conformationem vasorum umbilicalium: Hinc perspicuum fit crescentem foetum in utero materno paulatim pla-

centiam ab acetabulis sive cotyledonibus abstraxisse & separasse: abtracto autem Hepate uterino necessario moritur foetus. *Idem.*

§. 8. Ob vasa umbilicalia, longiora nimium, collum infantis ambientia strangulari novum. *Idem ibidem.*

## S C H O L I A.

**O**mnes propemodum foetus, quos edidit vxor charissima, prolixa, sic in lucem prodire vidi, ut vasa umbilicalia duplici convolutione collum constringerent, Obstetricum autem sagacitate, salvi evasere, quamvis vultu plumbeo, toto corpore lividi & fere exanimes prodirent, paulo post vino in os, ex ore obstetricis infuso refocillati; Hæc vero in dit-

ficilis partus causis una est, cum enim tria, ut sit naturalis, concurrere debeant, matris enixus, Pueri robur & conatus, obstetricis quoque manus, si foetus exitum affectans, ob colli constrictionem retrocedat, quanquam enitatur mater, & obstetricis officio fungatur, tertia conditionis defectu partum protrahere cense est.

§. 9. Conjug *Ioh. Cornu Paterniacensis*, dum in matrimonio vixit, ad minimum octies Abortum edidit. Causam fuisse breviter vasorum umbilicalium, seu chordæ umbilicalis, quæ ultra sesqui spithamam longior non erat, certo scio. *Idem.*

## S C H O L I A.

**Q**uæ ultra semi spithamam] In adulto foetu longitudo est ulnæ unius cum dimidia, sive spithamarum trium, ob motum faciliorem embryonis, crassities est digiti, quia ad sustinenda vasa robur

requiritur & justa capacitas; Illa si minor sit, Abortus duplici nomine potest contingere, vel ob fragilitatem comitem; vel quia vasa angustiora succiens non convehant alimentum.

§. 10. Ob

§.10. Ob vasa Umbilicalia aliquando disrupa, ubi mater brachiis sursum elevatis nimium se extendit. Abortum fieri notavi: *Gasspar Bauhinus Epist. ad Hildanum cent. 2. observ. 50. Vide Illius Theatrum Anatom. Tab. 31. Fig. 2.*

§.11. xxiv. Maii 1593. foetum abortivum sex mensium aperui, cujus motum mater paulo post sextam hebdomadam animadvertit; At à quarto gestationis mense non amplius: Longus erat pollices septem, Inclusus secundina nondum rupta, in quantitate ovi olorini nascitur, sed mortuus. Aperta secundina olidus erat, & à plantis pedum curicula abscesserat. Situ supino, in dextri lateris abdomine, è regione umbilici, tumor inæqualis ad phaseoli molem, tactu asper, visûque manifestus per cutem spectabatur. Abdomine secto jecur magnum, sed exterior gibbâque ejus superficies tota colore flava: Inferior & sima haud male colorata: at infimus ejus lobus tumorem inæqualem, asperum, tophorum particulis, tanquam confractis cerasorum nucleis, absque pure tamen, plenum continens, visu tactûque durus repertus est; Exsecto Jecore nullus cruor effluebat; quin nec vena umbilicalis quicquam sanguinis continebat, totûsque foetus gracilis erat & macilentus, Cætera viscera nihil vitii habebant. *H. Smetium miscellaneorum lib. x. p. 571.*

§.12. Mulieri venter in immentam molem excreverat ob uteri ingens incrementum; qui ad minimum libras 40. pendebat: Cujus cavitatem internam materia quædam instar pugni majoris crassa, putrida & nigricans adimplebat, quam statim à foetu, mola, aut placenta non edita, sed in utero putrefacta originem sumpsisse judicabam: Quod ultimum confirmabatur, ex eo quod ante xxv. annos, 2°. vel 3°. ingravidationis mense, vesiculam quandam aqua repletam, per muliebria absque placenta excreverat; subsequente maximo lochiorum fluxu per 6. vel 7. menses; quo cessante venter sensim magis magisque intumuit: Hanc observationem maxime utilem esse cognovi, qui ab illo tempore quartam vel quintam abortionem patientes, per placentarum expulsionem felici cum successu, duorum vel trium dierum spatio pristinae sanitati restitui. *Observ. Regn. de Graaf.*

## S C H O L I A.

**L**ochiorum fluxu per 6. vel 7. menses, &c.] Irritata vil. continuo expultrice uteri ad extranei exclusionem, quæ non desinit quousque illud foras eliminetur. Eadem est ratio fluoris sanguinis quibusdam gravidis supervientis, qui non alia ope sisti

potest quam foetus educatione, quocunque tempore graviditatis advenerit: statim enim ac ille exclusus est, fluor desinit; quod nisi fiat foetus & mater una pereunt. *Vide Obstericem Gallicam.*

§.13. Domina Ill. per multos annos affectibus spasmodicis obnoxia, potissimum vero quoties utero conceperat pathematis convulsivis, quasi hystericis supra modum tentari solebat; sub finem tertii mensis *gravidæ*, quo tempore constanter *Abortire* solebat, menstrua eruperunt, quibus per duos aut tres dies, una cum membranarum laceratarum frustulis descendentibus *abortum* expectabat: Tandem uteri sarcinam deposuit, &c. Demum apoplectica interiit.

Quoniam Uteri principaliter affecti suspicio ferebatur, quantum hoc viscus meruerat proxime inquirebam: quod in debito situ, & quoad omnia factum & rectum reperi. Circa uterum, aut appendicem ejus, nihil extabat cui tanquam causæ morbificæ imputari potuerit: At vero præcipuam & originalem morbi causam in capite quærivimus, haud frustra: Nam omnes cerebri cavitates & amfractus aqua implens, ejusque totam compagem quasi inundans cernebatur: Juxta nervorum splanchnicorum origines aqua se plurimum insinuans piam matrem à medullæ oblongatæ caudice, per duos digitos latos separaverat, proculdubio horum nervorum ductu materies morbifica à capite in mesenterii plexus descendens & dolorum & spasmodorum, & *hos consequenti Abortus*, causa extiterat. *Vide lib. 1. sect. 13. observat. 7.*

§.14. Cum in oppido Reinheimb, Phil. Rheimichii uxor concivis, conjugem ultimo mense gravidam, non tantum jurgiis prosequeretur, sed & dextræ parti capitis, ipso tum ardente Syro impingeret, editus paulo post infans, in ea ipsa, qua mater concussa fuerat parte, continui solutionem passus est: Re ad me delata, misertus pauperculae oculus illuc concessi, atq; deprehendi continui solutionem ad ipsum cerebrum penetrare, portionemque ipsius cranii fractam jam putredinem concepissee. Licet autem externa & interna roborantia fuerint exhibita, putrida etiam portio cranii execta, multaque foetida purulente materia extracta, brevi tamen infans de mortuus sequentia noranda dedit: Venulae fuerunt turgidae, ventriculi cerebri aqua repleti, cerebri substantia flaccida. Inter cerebrum & meninges aderat collectio materiei purulentæ & foetidæ. *Ioh. Daniel Horstius observ. Med. ij.*

## S C H O L I A.

**Q**uæsitum an verberans fuerit causa hujus mali? Respondi quod sic, cum etiam à minis partium conformatio vitari possit in fœtu: Sic narrat *Gemma Cosmocr.* lib. 1. c. 6. infanti eadem calvarie parte, cui in matre acies minitabatur, magnum continuicatis divortium apparuisse: Facile enim imagi-

nationi formationem mutare, etiam in ultimis gestationis mensibus, teste *Sennertio* l. 4. p. 2. sect. 4. cap. 7. Quomodo vero hoc fiat, id citatò loco ostendit, Parensque noster de causis similitud. & dissimil. in fœtu, &c. *Idem ibidem.*

## O B S E R V A T I O II.

*Partus difficultas ob corpus uteri in scirrhum concretum & vitiosum fœtus situm. 1. Ob scirrhum & perforationem uteri. 2. Ob Abscessum 3. Ob Tumorem durum cum ulcere & uteri disruptione. 4. Ob orificium arcte clausum, compressum à recto intestino sacubus impleto. 5. Ob uteri crassitiem extraordinariam. 6. Ob omenti crassitiem. 7.*

§. 1. **A**Nno 1611. 24. Maii Uxor D. A. Morge, 30. annos nata, cum quinto utero gestaret & finem noni mensis attigisset, doloribus parturientium correpta fuit circa horam x. matutinam, cum pro more prænata esset, dolores tam acerbos & motum fœtus tam vehementem sustinuit, ut vix unquam similes visos astantes retulerint quare vires protinus prostratæ fuerunt: circa 3. pomeridianam leipothymia & horrores maximi supervenerunt, quo tempore infantem in utero obiisse credo: dolores enim atque conatus ad parciendum ab eo tempore cessarunt, nec fœtus percipi potuit: Accersitus circa xi. noctis pulsus vix percipere potui, extremitates frigidae erant & sudor frigidissimus in toto; brachium dextrum extra vulvam propendebat: ideo mortem proximam prædixi: Ne itaque inventionem meam, quæ hætenus in multis feliciter mihi successit, apud vulgus odiosam redderem, manum adhibere nolui: Adstantium tamen & ægræ precibus commotus, aliquid confectionis alkermes ex aqua cinnam. propinavi: postea, quia genitalia veluti arida erant (quandoquidem ne guttula sanguinis profluebat) sacculum ex relaxantibus, emollientibus, anodynis applicui, unguento emolliente inum ventris, coxas, os sacrum & genitalia inunxi, tandem eodem unguento inuncta manu situm infantis exspiscari cœpi, qui etsi monstruosus esset, & brachium dextrum extra collum matricis propenderet, caput tamen, quod pectori incumbebat (prius tamen inuncto & clementer intruso brachio) versus collum matricis manu reduxi: verum cum uterum & ipsius collum ob virium & expultricis summam imbecillitatem supra modum clauderetur, adeoque constringeretur ut manus mea sufferre non posset ab opere desistere coactus fui, brachium mox iterum egressum est, Et circa decimam matutinam sequenti die obiit.

Miratus quod fœmina illa, alioqui sana, tam subito extincta fuisset, suasi ut cadaver incideretur: Aperto itaque ventre, vacuum sanguine seroso repletum reperi: ob ingentes enim dolores & violentum motum infantis, venæ nonnullæ in ipso parenchymate Hepatis & circa os sacrum ruptæ fuerant: inde profusionem sanguinis & mortem sequutam esse nullum est dubium: Situs autem fœtus talis erat, caput collo matricis proxime adhærebat, brachium dextrum, quod lividum, extra collum matricis propendebat: Crura versus pectus & caput ita reflectebantur, ut pedes in vertice conjungerentur, manus sinistra hypochondrio dextro ita erat imposita ut brachium crura versus poplitem amplecteretur: Exemplum pro fœtu scirrhum durissimum qui magnitudinem capitis infantis fere adæquabat, inventum. Ille autem utero non simpliciter adhærebat, sed ipsum corpus uteri in scirrhum concretum atque induratum fuerat.

Scirrhum hunc causam fuisse mortis nemo negare poterit, cum uterus ratione hujus scirrhi ita angustus factus fuerit, ut cum mulieri adesset partus, sese extendere non posset, & quia fœtus maturus & vegetus impetum talem fecerat ut venæ rumperentur, necnon hæmorrhagia & mors sequeretur. *G. Fabricius Hildanus cent. 3. observ. 57. & Epist. ad M. Doringium.*

## S C H O L I A.

**D**oloribus parturientium.] *Rondeletius* doloris pariendique difficultatis causam refert in violentam secundinæ à matrice avulsionem. Sed cum separatio hæc, si iusto tempore fiat, sæpe citra molestiam accidat; fœtusque sæpe exeat secundinis adhuc arcte adherentibus, diuque post exclusis, dolore nihilominus graviter urgente, verisimilius referendus

in violentam dilationem ductus qui ab utero ad pudendum usque progreditur, cervix nominari qui quanquam amplitudine donatus sit insigni, quia tamen fœtum, nisi admodum quoque distenderetur, transmittere nequirit, sit ut & ex hac distensione, una cum ea quæ in aliis orificiis accidit, dolor pariendique labor augeatur.

§. 2. Ho-



§. 2. Hœnesta quædam matrona juuencula bis fœtum mortuum, opportuno tamen tempore enixa, tertium grævida, tempore partus instante, doloribusque urgentibus fœtum frustra excludere allaborat: Ego prima Julii 1670. vesperi ad eam vocatus inveni satis adhuc vegetam: quærens de statu ipsius, ab obstetricibus responsum tale retuli, os uteri apertum esse, reliquaque bene constituta, situm autem infantis malum, manu tantum dextra extra vergente, capite vero & reliquis membris impervestigabilibus: cum ita per totam noctem una cum tribus obstetricibus adessem, nonnullaque corroborantia & fœtus expulsionem promoventia præscriberem, ægraque sine fastidio libenter assumeret, omnia tamen in eodem statu permanserunt, manu infantis usque ad scapulam fere exserta, & jam emortua immobili permanente, puerperaque summe debili, donec natura tandem in totum deficiente, die xxij. Julii paulo ante primam pomeridianam obiit.

Cadavere ipsius statim post mortem aperto, inferius uterum invenimus laceratum & quasi ex ulcere perforatum, fœtu masculino perfecto cum secundinis extra uterum inter intestina latitante, manu tantum dextra partim in vagina uteri, partim extra uterum prominente: præterea quoque uterus in fundo dissectus, ad palmæ crassitiem scirrhusa duritie tumidus apparuit. *Observat. Simonis Scholæ in miscell. curiosis anni 1671. Observat. 86.*

§. 3. Anno 1670. mense Augusto uxor militis laborabat 5. aut 6. diebus doloribus partus: infans primis diebus vivus persentiebatur, tandem nulla signa vitæ edens & matrem jam doloribus fractam è vivis subsequi fecit.

Aperto utero, tantus fœtor emanavit, ut etsi in atrio domus res facta fuerit, præ absurdissimo tamen fœtore nemo sat longo tempore accedere potuerit: tandem exempto jam mortuo infante, collum uteri abscessu turgidum reperi, saniemque inde emanantem terribissimo fœtore nares percellentem: Hoc autem observatu dignum circa fœtum reperi: Infantem bene formatum, & ut judicare licuit, alias sanum fuisse, Et dum instabat hora exitus, ipsummet conatum fuisse viam quærere per quam exiret: cumque eadem ob tumores eidem non patuisset, tamen tantos impetus fortitudinis proprie exeruisse, ut magnam parcem cranii in parte dextra ad intra sibi compresserit: Ex quo clare elucescit non solum vim expultricem uteri facere ad protrudendum fœtum, sed & ipsum infantem allaborare ad sui è carcere liberationem. *Ioh. Iacobus Vencest. Dobrzensky. à Negroponte, in miscellan. curiosis anni 1670. Observat. 18.*

§. 4. Anno 1670. Aug. 23. Pragæ Catharina Wolrahin, temperamenti frigidi & hum. ætatis 35. ann. quatuor jam antea proles robustas feliciter peperit, tandem de dolore uteri subinde querebatur, colore pallida, macies in dies incrementum sumpsit, tussis sicca molestabat, cum quinta prole ad nonum mensem, naturale pariendi tempus pervenit; quatuor diebus laborioso partu misere torquebatur, fœtus dextram manum exprorectam habuit, nec ultra ab obstetrice adjuvari, nec à conatu matris protrudi potuit, quinta tandem die fœtu jam extincto & illa exspiravit.

Aperto leniter abdomine, puer robustus extra uterum, omnis involucris solutus, pedibus in sinistrum hypochondrium extensis Lienem contingens, capite cum manu exprorecta, intra ossa pubis & cervicem uteri hærebat: Chirurgus adstanti ut fœtum suaviter eximat dico, quo exempto manus livida una cum parte capitis, quæ exitum tentabat, ob vehementem facultatis expellentis conatum, in acutum redacta, deprehensa; Uterus in parte sinistra, una cum secundinis à conatu pueri pedibus disruptus: In parte vero dextra, tumor quidam durus in convexum usque ad cervicem uteri instar globi se extendebat: in concavo hujus, ulcus nigrum gangranosum illum tumorem causans, qui fœtui vitam præclulit, repertum est: Sectus per medium tumor, crassitiem quatuor transversorum digitorum superabat: hæc causa detenti fœtus. *Simon Aloysius Tudecis in Miscellan. curiosis anni 1671. Observ. 254.*

§. 5. Grævida 5. mense paralyti totius corporis inferioris à coxis ad extremos pedes renatur: Ob longam in decubitu moram gangræna nates derepente occupat, qua generosioribus remediis ablata, quum nulla vitæ spes superesset, calore nativo à fœdis evaporationibus infecto, prorsus deficiente, ad extrahendum fœtum quinquemestrem, cujus nuper motum ægra mater senserat, operas suas manusque certatim conferunt Medici pariter & obstetrices: Hæ igitur manu immissa nullum fœtum in utero adesse clamant, nisi molam fortassis: At peritior Medicus tumorem statim deprehendit ex intestino recto fæcibus induratis repleto: ad uterum vero progrediens, nulla vi manum intrudere potest.

Mortuæ cadaver apertum, visumque os uteri arctissime clausum, fœtusque optimi coloris & habitus in utero mortuus, nec vicinarum partium fœditate ulla putridus, membrarumque uteri densitate inter tot molestias tutus. *Bartholinus cent. 4. histor. 27.*

§. 6. Lapidicidæ uxor maxima cum difficultate fœtum edit, qui paulo post extinguitur: Eo excluso tumidus nihilominus remanet venter, unde molæ suspicio; nihil tamen manum intrudens obstetrix præter angustiam deprehendit, Die sequenti à partu interiit.

Recluso ventre insignis uteri crassities, per totum ambitum scirrhi, tres digitos spissitudine æquantis deprehenditur. Mirum fuit quomodo & concipere, & fœtum gestare, multoque magis quomodo eniti valuerit, ac fœtus intra eas angustias, præ duritie resonantes, componere se ad exitum potuerit. *Observatio M. Benjamin Noel Chirurgi Genevensis.*

§. 7. Mulier aliquando parit difficulter ob Omenti & vicinarum partium nimiam spissitudinem & obesitatem: Nam Hippocrates scripsit Omenti magnitudinem impedire conceptum os uteri comprimendo, sic & facile partum molestat: In quibusdam enim Omentum descendit inter vesicam & uterum, ibique spissius fit. *Rondeletius pract. cap. 64.*

## OBSERVATIO III.

*Partus impeditus ob ossis Pectinis malam conformationem, quam uteri disruptio sequuta*

1. In Partus difficultate uterus laceratus, impediens scirrhum uteri fœtus exclusionem.
2. 10. Fœtus extra uterum disruptum repertus. 3. 4. Impeditus ob adnatum uteri orificio sarcoma. 5. Ob uteri orificium caput fœtus constringens, Hydropem abdominis in matre. 6. Ob apophysin non naturalem in interna ossium pubis facie aut ischii. 7. 8. Uterus disruptus prope cervicem, in cuius foramen fœtus brachium intruserat. 9. Partus impeditus ob angustiam oris matricis, huiusque lacerationem. 11. Ob vitiosam ossium coccygis & pelvis conformationem. 12.

§. 1. **A**Nno 1594. Haganoæ Alsatix mulier 40. annor. cum jam septies fœtus alioquin integre efformatos, sed mortuos peperisset, ultimo partu, 8. scil. ipsa quoque una cum fœtu, non tamen edito succubuit, postmodum nimirum quam fœtus in alvo materna extinctus animadverteretur: Instantibus autem partus doloribus, iisque vehementissimis (valide quippe puer movebatur) atque sæpius toto triduo recurrentibus, quibus prægnans misere sed frustra excruciabatur: dolorum tandem sævitia, potissimum tamen ultima nocte illis exasperatis, viriumque resolutione prostrata, interiit: Multa quidem à mulieribus astantibus tentata fuere, at sine ullo parturientis iuvamine.

Demortuæ cadaver aperiendo, vix leviter impressa novacula, musculos epigastrii cum peritonæo dividere voluimus, quo uteri situm prius cum fœtu contemplaremur: At vix inquam immissa acie, & abdomine parum dissecto, dorsum pueri vulneratur: Nos nil tale suspicantes primo uterum tactum fuisse credidimus: ideoque cautius sectionem abdominis instituendam putamus, qua peracta integer statim fœtus, omnibus numeris absolutus (licet jam inflatus & curicula abscedente ob incipientem putredinem) occurrit, atque immediate peritonæum superne contingens; inferne intestino recto incumbens, liber in ventris capacitatis inferioris, nullo neque velamine aut membrana, neque utero cinctus; situ alioquin ad partum faciliorem accommodato, capite deorsum facie ad posteriora reclinata, corporis trunco in longitudinem extenso, omnibus reliquis partibus, tam earum quæ ab utero, quam quæ ad uterum, ut & quæ in utero, (una ruptione excepta) nihil præternaturale ostendentibus: nullibi apparente neque contusione, neque vulneratione, ulcere, aut apostemate conspiciendus offertur: Ubi etsi nos ob rei novitatem admiraremur, non tam fœtus situm & figuram rectam, licet extra uterum in abdominis capacitatis factam, quam fœtum ipsum integrum & justæ magnitudinis ac conformationis circa uterum atque extra matricem visus objectum, tamen lacero, rupto, seu potius abrupto utero conspecto, mirari aliqua ex parte desimus: Causas vero huius ruptionis indagandi haud sine maiore admiratione ansam datam animadvertimus: Porro alligatus adhuc fœtus erat vasis umbilicalibus suis secundinis, quæ sursum ad sinistram, lienem versus, ad intestina & lumbos retractæ, & tanquam per convulsionem & abbreviationem vinculo- rum firmiter connexæ istis partibus cernebantur, ut easdem inde abstrahere difficile fuerit: De uteri vero substantia, quæ quidem tenuior solito apparebat, quantum equidem conspici potuit, illud secundinis, ac potissimum placentæ, seu chorio aut uterino jecori, tanquam concretum, rursusque in minorem magnitudinem (ut alias post naturalem partum contingere solet, contractum fuerat, atque adeo secundinas nequaquam amplitudine

exce-

excedere videbatur, uterus ut propterea eundem, quia conciderat, ratione potius quam sensibus agnoscere necesse habuerimus: Ceterum juxta cervicem uteri, ad os pectinis, intrinsecus sub vesica, membranae portio, usitati cultri crassitiem non excedens, latitudinem dimidiae palmarum propendebat, quae uteri abrupti particula fuit: reliquum autem, una cum proprio uteri orificio, ipsisque secundinis omne ad intestina, ut dictum est, sursum raptum, alieno loco detinebatur: unde penitus à cervice, seu sinu muliebri omnibusque vicinis partibus, quibus adnasci solet, avulsum, atque ex parte dilaceratum fuisse uterum patuit. Ex his illud maxime suspiciandum & querendum videtur, cujus vi uterus abruptus fuerit: Nos tot foetuum in partu interemptorum causam deprehendimus *offis pectinis malam conformationem*, nimis scilicet. Depressi, quod in gibbum superne, inferne autem in arcum excavatum esse oportuisset. *Leonardus Doldius Noribergensis Medicus.*

## SCHOLIA.

**N**on aliam causam, praeter dictam offis depressionem, statuendam esse existimo, cum neque in foetu imbellem & debilem, organis ad tantam vehementiam nondum praeditum, (qui solum pondere & motu locali, cum levi calcitrantione exitum quaerit) Neque in parientem referre liceat; mulier enim non confert plus ad partum, quam ut musculos abdominis comprimendo actionem uteri juvet: Opus namque ipsum, quod à seipsis parturientes praestant, non uteri est, sed musculorum abdominis, ut *Gal. 3. faculi. nat.* asserit; nulla enim vi alia ad partum excitare mulieres uterum possunt; multo minus in uterum, quia etsi partus proprie est uteri patientis & expellentis, tamen is constrictione, atque fibrarum contractione non dilatatione operatur, ut hic minus rupturae metus sit: An vero vi alicui externae, maxime jam ob haemorrhagias & dolores extenuato utero (qui quo vicinior partui est, eo tenuior evadere solet, teste *Gal. lib. de Diff. uteri*) idque obstetricis manui acceptum ferendum sit, aliis asserendum relinquo: Non minus tamen situs pueri, aliquin optimus, admirationem augete videtur, an scilicet. natu obstetricis persuaeto jam utero, an vero integro adhuc utero intus figuratus puer fuerit: sive, ante ruptionem statuatur situs factus sive post, difficultas ruptionis ostenditur: Neque etiam tutum, fuerit affirmare foetum, quia inflatus & satis tumidus reperiebatur, post mortem utriusque incipiente putredine ob inflationem & magnitudinem auctam, utero dudum attenuato abruptisse, velut a multo ebulliente dolii fundum, cum id fissuram potius intulisset quam abruptionem: Depressio autem dicta offis pectinis frequentissima est, juxta *Aranii* observationem, & quidem incurabilis partus difficultatis causa esse solet, ob quam infantes iuxta magnitudinem adepti, sine principum partium conqualatione hanc lucem aspicere nequeunt: Hanc quidem locorum angustia, non concurrentibus causis superius tractatis aliquid etiam, ad ruptionem contulerit, ego ut neque infirmare, nec tamen ex his unam aliquam hujus affectus principalem causam producere queo: qui potius hoc (una cum *Galen. 15. de usu part. 7.* dum de naturali partu scribit, mirari nos posse, intelligere autem non posse) inter

naturae rara miranda repono: Hinc tamen confirmatur aliquando necessitas partus caesarei, nisi timiditas muliercularam hoc opus abhorreret. *Idem ibidem.*

*Uteri substantia tenuior solito apparebat*] Crassities uteri variat, Nam in virginibus tenuis est substantia, in adultis crassior; & quo saepius mulier uterum gestit, eo crassior est: mensibus fluentibus crassescit uterus, & quamdiu intat mensium excretio, tumida & crassa apparet: In gravidis *Galenus*, *Vesalius*, alique Anatomici putant uterum quo magis extenditur eo magis attenuari, crassitudinem in longitudinem absumi; sed ocularis experientia refragatur, & auctoritates *Sylvii*, *Aranii* & aliorum nam a primo conceptu usque ad partum augetur secundum omnes dimensiones, & uti amplior, sic crassior paulatim redditur & mollior, ita ut postremis mensibus duos digitos crassa sit uteri substantia: adeo cum uterus à membrana substantia abit, & rubra sit, fungosa, spongiosa, moreque pumicis toraminibus pervia, in multos quasi cortices divisibilis, quod fit ob affluxum sanguinis & spirituum pro tactu copiosum: De utraque opinione ita censet *Falconburgus*: Tenuiorem revera fieri uteri substantiam, ut in dissectis gravidis observavit, sed eam videri crassiorem, quod Hepar uterinum illi arctissime connascitur, & hoc potuisse pluribus imponere: *Nic. vero Fomianus* dicit in utero gravida se se paralle hepate uterinum à membrana, & membranam admodum crassam invenisse: Recte id quidem, imbibit enim membrana, veluti spongia, affluentem uteri humiditatem, & crassiorem substantiae conditionem induit; Si tenuior aliquando p. n. reddatur, sive humoris defectu, sive nimia distentione, rumpitur de facili, a fortioribus pellentibus: idem in puerpera observavit *Salmon*: Crassissima vero est uteri substantia circa orificium internum, quod angustum, unde admiranda illa in partu dilatatio & postea coarctatio. *Bartholinus Anat. reformat. l. 1. c. 28.* A partu autem uterum spissum & crassum per octiduum manere, atque inde ad pristinam rursus redire formam, in quinque mulieribus, quas mox post partum supplicio affectas, vel in partu mortuas dissectis, observavit. *F. Platerus.*

§. 2. Matrona quaedam Lustriae, ad marginem Lacus Lemanni, totos sex dies parturiens fuerat: Ego tandem aduocatus, ipsam in agone mortis reperio, eaque ipsa nocte obiit.

Corpore aperto uterum laceratum, & caput infantuli in ventris capacitatem dimissum inveni: Hujus autem difficultatis causa fuerat scirrhus, qui magnitudinem capitis infantuli prope modum adaequabat, matrici tamen non usque adeo adharebat: Hic obstitit quominus uterus tempore praegnationis seise satis extendere, & parturientis violentum motum foetus sustinere potuerit. *Fabritius Hildanus cent. 1. Observat. 67.*

§. 3. Anno



§. 3. Anno 1607. D. *Binet* Chirurgus Parisiensis, dissecuit cadaver *Jane du Bois*: Aperto abdomine foetus intestinis incumbens repertus, lacerata enim & rupta matrice eam omnino egressus erat, simul effusa magna sanguinis copia in ventris capacitatem: *Jac. Guillemeau* cap. 13. lib. 2. de facili partu.

§. 4. Testes adduco D. *Pineau*, *Guerin*, *Lanay* Chirurgo Juratos Parisienses, me disseuisse cadaver pauperulae mulieris in Nosodochio mortuae: in cujus ventre repertus infans aquis innatans, utero circa fundum disrupto. *Idem*.

## S C H O L I A.

**N**E foetus calcitrans exitumque affectans, enormi facta uteri distensione (ad quam saepe convulsionem sequuntur) illum dirumpat & laceret, expedit illico partum promovere: quod nuperrime praestitit dictus *Binet*, imperante D. D. *Bonvart* in Typographi uxore, quae partus labores ab octava

matutina ad nonam vespertinam experta erat, cum exilis & debilis esset pulsus, omni motu & sensu privata, metu imminentium convulsionum, immissa in uterum manu, occurrente foetus capite membranas aquas continentes laceravit, iisque effusis felicem promovit partum. *Idem*.

§. 5. Expleto gestationis tempore foemina Hafniensis, foetum eniti nullo conatu perit: Extinctus embryo miserae quoque matri acceleravit interitum.

In aperto cadavere inventus quidem embryo, sed adnata uteri orificio carnea excrescentia viam occlusit, omnemque egressuro exitum interceptit: hinc suffocatus embryo, denegato ad vitam meatu frustra laborantem matrem aura maligna infecit. *Th. Bartholinus* cent. 1. hist. 94.

§. 6. Fuit apud nos Netrix 24. annor. aetatis, quae à quodam viciata gemellos concepit; foemellam, cujus situs in dextro latere, & masculum cujus sub hypochondrio sinistro illa minor, viva edita est, quanquam in tergum prodiret; hic major intra matrem suffocatus: cum enim masculus aquis emissis sequi vellet, ab orificio matricis constricto strangulatus haesit: mater paulo post expiravit.

Cum jussu Magistratus aperiretur, Omentum deerat; ruptum credo in latera ad intestina concessisse; Viva mater saepe conquesta est ventrem sibi divulsum iri: Statim in conspectum prodiit uterus, alicubi ruber, alicubi nigro sanguine infectus, alicubi lividus occupabat totam capacitatem usque ad foveam pectoris ferè? modico enim intervallo aberat sternum, seu malum punicum: Ventriculum compulerat versus diaphragma, ita ut à lateribus uteri in summo appareret: Hepar intra dextrum hypochondrium latebat: Utero aperto secundae in conspectum veniebant: Hic quaerebatur geminae ne essent, an una tantum? Vocabatur una in medio divisa in duo domicilia, interveniente amnii: Secundis dissectis infans apparebat albis sordibus obduetus: Caput mersum erat in collum matricis, & ab uteri orificio sic tenebatur, ut vi esset revellendum: Dorsum spectabat ventrem, alvus ad spinam matris versa erat, nates & pedes complicatis genibus in ventriculum matris tendebant: brachia adiacebant lateribus & genibus occurrebant. Omnino situs erat naturalis & ad exitum dispositus, si vires pariendi non defecissent prodiiisset ita ut occiput anteriora, frons posteriora matris respiceret, qui est alter ex naturalibus situs: Visa deinde sunt membra cetera propter hydropem matris: Pulmo lividus, atro sanguine refertus, Cor flaccidum, Hepar & Renes boni, Lien in sinistro latere adhaerebat ventriculo orbicularis circumferentia & nonnihil tumidus, palmae manus instar habens, sanguis intus ex puniceo niger: Judicatum est vitio Pulmonis hydropem esse ortum, cum Hepar rectè se haberet, & ex thoracis capacitatem aqua ichorosa efflueret: laboraverat autem Asthmate: In ventriculo nihil cibi erat, sed biliosa quaedam superfluitas, quae orificium acrimonia vellicaverat, unde querelae de rosione cordis: Intestina inflata nihil fere excrementorum continebant, ob jejunia & ciborum fastidia: Mammæ in rugas contractae papillis nigrescentibus conspiciebantur: Foris à ventris tumore versus latera & dorsum sultus, sanguis lividus, niger, puniceus, pedes tumidosi: Periisse judicatum est defectu virium in duplici partu: Vires autem prostratae morant, hydropem, asthmate, curis, doloribus dorsii validis: Spina enim intus elevata quasi in arcum erat, haud scio an convulsa, an pondere uteri & intestinorum tracta. *A. Libavius in cista med. Hornungi* Epist. 76.

§. 7. Ex parte matris nihil praeter naturam esse debet, ut est *εὐλασθὴς ἀσάφους*, vel *αὐτογενής* in interna ossium pubis aut ischii facie, quae obsunt foribus, ita ut nonnisi mortui emitti possint: Quod à nobis, pluribusque aliis Medicis ac Chirurgis Lutetiae visum in cadavere honestissimae mulieris, in difficili eam ob causam puerperio functae, quae dictam apophysin praetlongam praeter naturam habebat, ossi pubis sinistro innatam, intus prope

prope synchondrosesq[ue] infernum finem : Os pubis tali præditum apophysi alias dedi D. Parco Regis Chirurgo. *Severinus Pinus lib. 2. de Not. virginis cap. 5.*

§. 8. Nullus aliquando fit Partus ob minus minimè explicata pubis ossa, Tum ob ali-  
quas excrecentias osseas in prædictis viis existentes exitumque foetui præcludentes. *Syl-  
vius de Boë Practica lib. 3. cap. viij. §. viij.*

§. 9. Inter pariendum moritur femina quædam Lipsiæ : Maritus certior de matre &  
foetu esse cupiens, rogat sectioni ut præesse velim : Secto itaque abdomine, infans ex-  
tra uterum supra intestina reperitur : Rem mirati, Uterum inquirimus & ruptum illum ad  
Ilion dextrum prope cervicem, ad dimidiæ spithamæ longitudinem offendimus : Foetus  
quoque brachium dextrum, quod pridie ejus diei exeruerat & retraxerat, corruptum  
erat & foetens : *Phil. Salmuth centur. 1. Observ. 16.*

## S C H O L I A.

Hoc loco monendæ sunt mulierculæ ne vel im- pellentibus : Maritus quidam horum nimium usum  
tempestivis vel fortioribus, vel nimis urantur cum lacrymis accusabat. *Idem.*

§. 10. Uxor cujusdam militis gravida, pallida & melancholica, cum circa festum Pas-  
chatos anno 1624. ultra triduum parere non posset, vocatus, omnibusque quæ cum ipsa  
acta fuissent intellectis, ventremque ipsius ubi tetigissem, observavi tumorem durum  
magnum (quem obstetrix, nec non mulierculæ adstantes caput infantis esse putabant)  
in sinistro latere è regione umbilici tactui renitentem, quo observato, statim de felici par-  
tu cæpi dubitare : Erat enim hic tumor scirrhusus, melancholicus, ex humore terreo  
melancholico absque inflammatione præcedente genitus : Tempore gestationis nullum  
calorem, è contra segnitiam haud exigua ad omnes vitæ actiones sensit : Et quia varia tam  
interna quam externa medicamenta mulierculæ adhibuerunt, uterique os cervicis arctè  
clausum, speculum matricis uteri collo adinovendum, ad partum promovendum (quod ta-  
men ob scirrhii duritiem absque omni fructu fuit intromissum) curavi : hinc quia foetus aliter  
excludi non potuit, sectione cæsarea patientem liberandam duxi, quam tamen sustinere non  
potuit : hinc symptomatibus crescentibus, altero die circa vesperam è vita discessit.

Hujus corpus per me apertum fuit, uterumque in dextra, (sana nimirum parte) disru-  
ptum & infantem extra uterum positum : scirrhumque insignis magnitudinis, à fundo  
uteri incipientem & ad os uteri desinentem inveni : Ob quam causam parere non po-  
tuit, Disruptionem autem puto dolores partus acutos & vehementes peperisse. *Ex obser-  
vationibus Tobia Knoblochii Archiatri Onolsbacensis.*

§. 11. Anno 1593. Colonix disseui aurificis uxorem ex partu mortuam : comperta est  
matrix erumpente infante lacerata, ejusque caput in lævam ventris capacitatem dimissum,  
eademque matrix, pars nervosa, circa infantis collum contracta, quæ ipsum foetum suffo-  
carat : Mater totos xi. dies parturiens fuerat, obstetricibus, neque tandem ipso pridie  
ante obitum, frustra adhibitis, quum multo ante mortuus fuisset infans, in utero solo  
extante lævo brachio quod propendebat : Ab obstetrice præterea, aliisque matronis, quæ  
in parturientis agone adfuerant, didici angustissimi oris matricem foeminæ istius fuisse, un-  
de magnus extans foetus, per viam angustam erumpere nequiebat, robustus quantumvis  
fuerit : *Fabritius Hild. cent. 1. Observ. 64.*

## S C H O L I A.

**A**ngustissimi oris matricem fuisse ] Angustiam  
illam partim naturalem fuisse, partim quoque  
ab ætate (agebat enim tum trigessimum septimum  
aut circiter annum, neque unquam antea uterum ge-  
staverat : ) fuisse arbitror : Exhibita præterea ipsi fuit  
à matrona quadam portio validissima ad tertium ex-  
pellendum, ex qua parturientis dolores & conatus  
adeo exacerbati sunt, adeoque foetus commotus est,  
ut petens cum imperu exitum, sed viam nimis stric-  
tam inveniens, uterum dilaceravit : Ex quibus per-  
spicuum fit, hoc genus remedii non nisi consilio ma-

gno adhibendum : Ante omnia autem inspiciendum  
an membrum genitale satis aptum sit? an etiam ter-  
tus situs talis sit ut natura & medicamenti beneficio  
expelli possit : alioqui si arcta nimis invenitur via, an-  
tequam exhibeatur portio, erit relaxanda, emollien-  
da, & lubrica facienda : Si vero foetus situs est vel  
transversus, vel obliquus, vel alio quovis modo præ-  
ternaturali, tunc reducendus est manu inuncta oleo  
lilior. alb. vel amygdal. dulc. antequam exhibeantur  
portiones illæ violentæ.

§. 12. In viis causa difficilis partus est, aliquando dum ossa coccygis à prima conforma-  
tione non solum firmiorem compagem & articulationem habent, sed &, ac quidem præ-  
pue, si iusto latiora sunt, & extra ita compressa, ut intus gibba potius quam cava sint;  
& ab ossæ sacro & coccygis non satis distent, & ita foetui exitum querenti viam præcludant,  
eamque non nisi angustam concedant, ut ita vel occipite vel sincipite infans in istis an-  
gustis

gustis necessario hæreat, quæ maxima Partus difficilis causa est, ob quam & foetus & mater interdum periclitantur, imo pereunt: Quod etiam fit ob ossa coxendicis male formata & sita in claudicantibus. *Sennertus lib. de morb. mulierum p. 2. sect. 6. c. 4.*

## OBSERVATIO IV.

*Partus impeditus ob foetum mortuum, putrefactum. 1. 2. 3. 4. 5. 6. 7.*

*Ob Foetum extra uterum conceptum. 8.*

**M**ulier Senonensis, (Columba Charry) quæ Ludovico Carita homuncioni, quadrato tamen & bene habito, nupserat ab annis 48. fracta ætate & valetudine hic occubuit agens annum 68. Hæc ante annos 28. quæ nunquam antea uterum gestarat, licet jampridem nupfisset (nihil de sanitate prius admodum conquesta, certissima habuit inchoati hominis indicia: nam qui statis periodis erumpere solebant menses, illi statim substerunt: Pica primis mensibus laboravit, tempestivum embryonis motum & frequentem persensit, tumore lumborum & abdominis paulatim subcrescente mammisque turgentibus: Tandem autem decurso pene veræ gestationis curriculo labores puerperii graves & alvi tormina experiri incepit, urina ad aliquot dies suppressa (Medicis tunc varia & dubia de illa *xopoela* sentientibus) quæ postea currente veluti alveo & magna vi erupit, profuso illo ichore non tam ex vesicæ meatu, ut credibile est, scaturiente, quam ex loculis: Amnio tunica disrupta, quæ sudorem foetus & urinam continet, cum una cum istis serosis recrementis (quas mulierculæ aquas vocant) aliquis coacti sanguinis thrombus emerferit: Inde autem & mammae concidere vitæ sunt, motus infantis aut ignavus aut nullus, labores mulieris tolerabiliores: quibus omnibus attonitæ fuerunt obstetrices, quæ antea certissimum puerperium expectassent: A ludibrio autem istius foeturae totum triennium lectulo illa decubuit, ad extremam vitæ calcem de valetudine conquesta, de tumore, de duritia, de torminibus alvi (quam obviis quibusque tractandam exhibebat (de inutili & gravi illo pondere, quod pro vario gestantis motu modo in hanc modo in illam partem procumbebat: denique de languente & depravata appetentia, quam subinde acetariis & absorpto omphacio sollicitabat, alioqui perpetuo *ἀσπερ* i. e. sine cibo.

Postquam autem fato esset functa, ejus vir officiosus in uxoris manes accersivit Chirurgo, ambos valentes arte & artis usu, quibus (licet de scirrhuso tantum tumore cogitarent) dissecto mulieris abdomine, & rejecto infra peritonæo tunica, quæ intestina viscera, uterum & vesicam contingit, uterus sese offert aspectu quidem rugosus & versicolor, ut crista illa pendula quæ *Gallis* Indicis ex summo capite prolabitur, vel potius ut operimentum illud cutaneum quod illorum collum ambit: tactu autem, durus testaceus & crassus instar *τῶν ὀστέων*, i. e. eorum quæ testa teguntur: Tum novaculam in portentosam illam molem & gypseam injiciunt, qua ad aciem cultelli renitente, scalprum altius adigunt: Eorum autem alter inflicto casu in cranium vulnere, & in aliquot costas, tandem humerum dextrum impetit, à quo erumpens ossis caput certissimam fecit fidem ossium illic latitantium: Ex quo scalpellum alio transferunt, & magna vi, sensim tamen & recta, uterum secant, diductisque durissimis vulneris labris, infantem in orbem implicitum, & ex transverso in utero positum introspiciunt in penitissimo sinu & altissimis latebris stabulantem, in suamque velut cystin, quam allantoidem tunicam, quæ in utero totum foetum ambit, fuisse puto, callosissimam reconditum: Quo spectaculo inexpectato obstupescit Medicos convocat, quos in re inaudita consulant, adhibeantque in testimonium & judicium rei hujus quæ pene fidem omnem superet: Interea multis ad novum prodigium accurrentibus, & opus Chirurgorum interturbantibus, venit istis in mentem totam istam molem ex illo veluti antro & manibus & uncis Chirurgicis, qua valerent vi, abstrahere, ut arborem ex suo caudice, domumque comportare, ut privatim & apud se accuratius corpusculi anatomen sectarentur, & cum peritis de novo portento & inaudito consilia conferrent: In præcipiti autem & violenta illa laniena, non licuit opus festinantibus introspicere quod sublatum esset infantulo chorion, quæ uteri acetabula, quæ umbilici vasa, quis esset allantoidis cum utero & cum foetu nexus, cum uterus ipse, præcipue ad coxam dextram, ad nates, & ad partem spinæ dorsæ cum cute infantuli omnino coaluisset: situs infantis erat pene sphaericus, facie ad thoracem affixa, sublatis ad nates genibus, unde postea ex patula, retusa & resuma sunt conspectæ: Ossa capitis tenuia quidem, sed firma & instar cornu nitentia, cute capitis multis in locis pilosa; Caput in sinistrum brachium ita procumbebat, ut à protuberante humero auris & os occipitis impellerentur, quod incavatum ex parte introcessisse conspiceretur: Cubitus ad summum humerum



humorum reflectebatur, porrecta sola manu, quæ in pugnum adeo firmiter erat contracta, & summi digiti ita palmæ inhærebant, ut licet apparerent seriatim inter se distincti, re ipsa tamen in unum idemque vere lapideum corpus concrevisset: Dextrum autem brachium ad umbilicum manum extendebat, quæ ad carpum inadvertenter excisa fuit & in alvo matris relicta, Femur, genu, tibia sinistra dextris incumbabant, quibus tamen ita erant implicata, ut talus sinistè, pedisque planta in dextrum pedion (est pars pedis superior) implantarentur, quibus excavatum cederet & pene indissolubili nexu colligaretur: Utrumque crus in ventrem & pectus reflectebatur, certissimamque sexus femineæ notulam tegebat: Tibia utraque ad nates intorquebatur, pedibus & pedum digitis ita iacter se compactis & lapidifactis, ut factò ex oculis & tactu iudicio, totum istud opus Phidias alicujus esse dixisset, qui vel ex ebore, vel ex marmore maturæ ætatis embryi absolutissimam iconem expressisset, maxime cum in ea duritie corpusculi moles cum concidisset, imò cum cute nitida integram suam & symmetriam & polysarciam retinisset: Partes autem internæ, viscera nempe omnia, cor & cerebrum, habebant naturaliter, eodempto quod ultra modum induruerant (minus tamen quam externæ) Ita ut hodie externum istud corpusculum neque putredinem minetur neque teredinem: *Iohan. Albofius.*

## S C H O L I A.

**D**E hujusce historię fide testantur *Thuanus* lib. 17. histor. *Parvus* l. 25. de monstris, cap. 18. *Licetus* lib. 2. de monstris, cap. 45. *L. Borgesia* obstetrix in observat. p. 102. *Simone Provencherio* cum dicto *Albofo*, Medicis Senonensibus, in sectione presentibus qui in causas inquisiverunt, quorum Diatribas vide apud *Schenckium* p. m. 587. Si indurationis hujus causas queramus, varias invenimus sed incertas: Difficile enim dictu quid in utero materno à putredine consueta puellulam hanc vindicaverit & laxeam rigiditatem induxerit; Sunt qui siccitatem nimiam incusent, ortam à doloribus gestationis assiduæ & ichoris effluxu defectu: Alii frigiditate obtrivisse suspicantur, quemadmodum tella in ovis in-

duratur: Calorem plures advocant, quo velut febre hectica colliquata fuerit illa & contabuerit: Nonnulli has causas conjungunt. cum massa crassa, densa, terrenarumque partium ubertate affluente: Propius accedunt illi qui interna indurationis semina propugnant, insitamque vim quandam abditam ab externis causis excitatam: Denique à spiritu lapidifico omnia hæc alii deducunt, eandem fortis hujus petrificati esse rationem magna veri specie persuadent quæ aliorum calculorum, scilicet horum & tophorum in variis corporis partibus genitorum: Vide *Decessingium* Tractatu de Foetu extra uterum genito, sectione ultima, *Sennerium* lib. 4. Prax. p. 21. l. 4. c. 7. & alios.

§. 2. Dom. H. *Bisaccionus* Patritius Aefinas, uxorem duxit Ferrariæ anno 1571. hanc ille post mensem compressit, tum decimo incipiente doloribus partus advenientibus, & aqua plurimum fluente, delusæ fuerunt obstetrices ac matronæ: dolores illico cessarunt ventre adhuc tumido manente, atque ipsa magnam gravitatem sentiente: Nullum remedium non tentatum fuit à Medicis Ferrariensibus ut foetum educerent sive vivum sive mortuum, Tandem cum incassum laborassent, & pondus utero incumberet, movereturque ad corporis motum, anno jam præterito, putarunt unanimi consensu mulierem pari molam, pro qua educenda remedia nihil profecerunt, sic misera annis duobus cum gestavit uterum: Ejus vir duxit ex voto conjugem ad sacram ædem D. Virginis Lauretanæ, ac in patriam reversus vocat ad consultationem Medicos, quo tempore levi febre & continua tenebatur cum eisdem circa uterum symptomatibus: Hæsitabamus omnes, alius aliam rem dicebat imaginabaturque, ac post discursus multos in eam sententiam venimus Tumorem adesse in utero p. n. vel scirrhusum vel oedematofum, aut molam. Dum ita ambigimus, ac ab omni genere medicamentorum abstinemus, solo victu accommodato contenti, mulieri fluor alvi supervenit foetidissimus, erant excrementa flava, ac ut plurimum alba & livida & copiosa; singula quaque hora decies fere egerebat, En, mirum dictu, nondum visum, nondum imaginatum, cum ipsis excrementis duæ effluunt costæ parvæ: quæ indicabant nobis ob parvitatem esse costas pueri in utero existentis, rursus die sequenti duas alias emisit & exspiravit:

Exenterato cadavere, inventus est uterus putrefactus, qua parte rectum intestinum tangit, hocque ipsum totum corruptum: Inventus est foetus sine involucri, sine secundis, cujus caput non aderat: hoc putamus ex putredine dissolutum: erant integra reliqua costis quatuor exceptis, atque visceribus quæ putredine tabuerant, Quis hunc non admirabitur casum? *Horatius Angenius* lib. 2. de Hom. partu cap. 23.

§. 3. Catharina de Fiefs cum secundas contraxisset nuptias, eodem tempore in morbum incidit, & gravida est facta: Cum vero se utero gestare non suspicaretur, Luteriæ

Infinitis remediis, & quidem diuturna sudorifica (auxilium adversus morbum quaerens) usa est, etsi non deessent ex obstetricibus quæ gravidam ipsam pronuntiarent, eo quod symptomata ea quæ utero gerentibus accidere solent, in ipsa observarent, idque à tempore suppressorum menstruorum, donec etiam lac in mammis observabatur, & usque ad nonum mensem quo tempore omnia illa symptomata desiere, una cum motu ipsius foetus: dein dolores partus irriti tum supervenere, & statim post omnia signa foetus emortui observare licuit, attamen horum omnium signorum ratio non habebatur: Quare cum Luctetia domum rediisset, adhuc foetum mortuum utero gestavit, idque mensium quindecim spatio à die ipsius interitus suppuratione facta, præter antea actos novem menses quibus in utero materno vixerat: sic partes molliores putrefactæ per inferiora ejiciebantur, quæ non absque ratione aliqua per D. *Poncetum* medicum pro sanie ex uteri ulcere manante habebatur, quemadmodum ossa quæ remanserant scirrhum lienis esse censebat.

Tandem extincta §. Nonis Octobr. anni 1570. aperta fuit, Quare copiosa adhuc sanies in abdomine reperta absque utero, & foetus ossa aliqua jam putrida, aliqua vero integra erant: & inter hæc unum ex ossibus claviculæ jam lividum, peritonæum & abdominis musculos jam perforarat, ita ut sola cutis integra remanserit, qui in latere sinistro forinsecus conspiciebatur, quod jam pridem pro splenis scirrho habebatur. *Franc. Roussetus de Paris Casareo sect. 4. cap. 2.*

§. 4. Vidimus puerum putrefactum & frustulatim rejectum, relictis magnis ossibus in utero per longum tempus, quæ post in utero matris mortuæ sunt reperta, Uxor fuit Chirurgi Monspelienensis, qui post mortem, ut causam aliqujus affectus interni cognosceret, passus est illam disseccari. *Rondeletius lib. 1. Pract. c. 65.*

§. 5. Fit etiam ut conatus pariendi eo tempore sese manifestent, mulierque paritura videatur, & ad partum ab obstetrice disponatur, aquaque jam, sicuti ante partum fieri solet, effluxerit, sed his omnibus rursus cessantibus, atque evanescentibus, nullus partus sequatur, & nisi denuo hæc redeant, uti aliquando fit, foetus extinctus nunc in utero, nunc extra hunc hæreat, qui tandem cum involucris putrescens, febres animique defectus, & si nihilominus retineatur, uterum partesque vicinas simul inficiendo, matri exitium parit, sicut in quibusdam accidisse (Inter quas una quinque, supra decimum menses, foetum mortuum antequam ipsa exspiraret, profluente fœda interim eluvie, & vena umbicali propendente, utero inclusum gestavit) aliquoties vidimus, tanta corruptione intrinsecus facta, ut & uterus simul cum foetu, & abdominis musculis illius loci ex putredine nigricantibus, summe foetentia, post mortem sectione facta, deprehensa fuerint: priusque vivente matre, interdum tumor pellucidus vesicæ instar, circa umbilicum elevatus, subjectæ putredinis character, per quem foetus vertebræ cernebantur, eoque rupto eximebantur, sese obtulerit. *Platerus Pract. lib. 1. c. 9. p. 440.*

§. 6. Matrona Londinensis gravida, ad nonum usque mensem foetum utero gestavit, quo tempore dolores quasi parturitionis accidunt, qui ingentes & diuturni fuere; primipara enim erat, quod assistentes mulierculas non terruit, etsi proxima partus alia signa non accederent, ut dilatatio oris exterioris matricis: Dolores ii duos integros dies, totidemque noctes afflixere: ideo convocati Medici, qui tardantis partus causam existimarunt, quod Lucinæ nondum esset experta labores: Multa ideo præscripta quo is facilis redderetur, desieruntque tormina eo non succedente. Ab eo tempore foetum moveri nunquam observavit, ac consultatione inter Medicos & Chirurgos instituta, statutum foetum exitum affectasse, jamque defatigatum à motu cessare matremque, quæ nunquam alias pepererat, errasse circa tempus conceptionis: Tertio vel quarto ab hinc de restituta, ac moræ in urbe pertæsa, villam equo tolutario pro more patrio, vecta concessit, nulla hinc sequuta noxa; sed mense exacto pristini dolores repetunt, tota die & nocte molesti, postea, ut prius cessantes: Medici & Chirurgi convocati ejusmodi dolores colicos censent, prioresque dolores septimo mense contigisse asserunt, quo tempore, teste *Hippocrate*, exitum affectat foetus, qui defatigatus, jam quiescat; Addebant verisimile non esse eum mortuum, quod mater vividi esset coloris, vegeta & appetitu polleret; absentibus etiam omnibus signis, ex quibus *Hippocrates*, *Galenus* aliisque Medici mortuum esse foetum colligunt: In statu ergo præcedenti mensem integrum perstitit, undecimum expletem: quo exeunte, leves invadunt dolores, illico succedente cardialgia; ideo lecto se tradidit, exhibitumque vinum, morte subito invadente, antequam auxilium implorare licuerit: In demortuæ latere dextro macula nigra in ventre comparuit, Daleri magnitudine: Cadavere aperto, foetus putridus inventus, cujus caro in pus conversa ab ossibus abscedebat; Leipothymia non ante prehendente matrem quam gangræna panniculum carnosum attigerit: *Lodovica Bergesia observat. lib. 2. p. m. 20.*

## S C H O L I A.

**M**Ea sententia dolores hi fuere colici: Foetus iste maturus erat, qui stato tempore non exclusus in putredinem abiit; neglecta enim medela ejus doloris causa fuit quod ille in lucem non exierit: Quare si gravidam dolores crebro non invadant, si nihil se Obstetrici offerat; si uteri os constringatur, nedum hier, live pariendi tempus instet live non, Colici illi judicandi sunt, qui per clysteres carminantes sedandi sunt: Id si in hac agra fuisset actum, ea & foetus superstites forte fuissent. *Eadem ibidem.*

§. 7. In quatuor puerperiis difficillimis adhibitus fui anno 1605. primo Lausannæ 6. Septembris, Sed parturientem in morbis agone inveni, atque in illa ipsa hora, in qua ad ipsam accessi, è vita discessit: Post mortem aperto ventre, foetus semiputridus, Uterus vero dilaceratus conspectus est. *Fabritius Hildanus Epist. 12.*

## S C H O L I A.

**V**terus dilaceratus ] Rumpitur de facti uterum si p. n. tenuior reddatur, live humoris defectu live dilatazione nimia, vel ob putrentem foetum, &c. A fortioribus pellentibus id contigisse observavit *Salmuth.* Vide observat. Id autem contingit procul ab officio interno, ubi uteri substantia crassissima, unde admiranda illa in partu explicatio & contractio.

§. 8. Mihi ex Gallia reduci narrarunt D. D. Colet & Raisin anno 1665. se mense Aprili anni 1662. D. de la Forest, Chirurgum Aurelianensem, cum D. D. Balduino Medico Parisiensi, in Nosodochio foeminam dissecuisse, quæ diuturnos partus dolores irritosque conatus experta tandem obiit:

In cujus ventre inventus sit puellus egregius & optime formatus, extra uterum locatus, nempe in spatio quod uterum & rectum intestinum interjacet; utero in fonte & illaeso, nequaquam rupto aut pervio versus intestinum; matri autem puellus exiguo supervixit intervallo. *Monconis Tomo 2. Itiner. Italici p. 450.*

## OBSERVATIO V.

*In mulieris decima à partu hora mortuae cadavere Vterus, Hepar & Pulmones in vitio deprehensa.*

**M**ulier honesta, mollis & rara, annorum 30. febre, destillatione veteri in pulmones laborabat, foetum gestans octimestrem: imperata aliquot purgationes, phlebotomia iterata: ratio vitæ ex expressis carniū succis: contra exulceratum guttur pugnatum, In difficultate partus decoctum veteris galli cum modico cassiæ lignæ, croci & tantillo vini odoriferi, unctio pubis &c. Peperit die 7. levata febris, & omnia imperata quæ instaurant &c. prohibetur somnus in horam unam aut duas propter multas vacuationes &c. Mortua est decima hora à partu.

Apertæ uterus grumis plenus inventus est, totus venter flatibus tumens, Ren dexter purulentus, Hepar quantitate peccans, lobo uno nothis costis hærens, colore totum vitiatum, aridum ac veluti frixum, aliis partibus quasi putredine mucosum, Similiter & Pulmones, in quorum summo ad arteriam vomica pure plena erupit. *Hollerius lib. observat. propr. n. 8.*

## OBSERVATIO VI.

*Partus ad 16. mensem prorogatus, ob vitiosam capitis fetus conformationem, & illi accretum tumorem.*

**D**E stupro conqueritur juvencula; Illa in dies tumidior ad partus terminum visa est accessisse, nec tamen foetum ullum enitebatur, Hinc in olam suspicatus Medicus expellentia præscripsit, & tumido ventri cataplasma ex semine lini &c. applicuit, quibus aliquandiu usa, 16. mense feliciter peperit foetum, sed debilem, nec ultra unum alterumve diem superstitem: Caput infantis nucem juglandem vix superabat, tumor vero capiti superna parte adnatus erat, universo capite major, qui quotiens manu contrectabatur, totiens infans convulsionibus corripiebatur:

Mortuo infante caput apertum, inventaque in ipso cranio exigua cerebri portio, quam pro cerebello habuit Chirurgus, In tumore vero substantia cerebro valde similis: Hinc diuturnam istam in utero materno moram, ex vitiosa cerebri constitutione derivavit, qua impeditus foetus & fractus, subsidiariam operam matri parturienti ferre non potuit. *Th. Bartholinus cent. 3. histor. 51.*



## OBSERVATIO VII.

*Partus impeditus ob Fœtum in Vtero incuneatum. 1. Ob Fœtus transversum situm. 2. Ob vitiosum situm; Vteri disruptionem, vasorum umbilicalium convolutionem. 3. Ob Fœtus magnitudinem, situmque transversum. 4.*

§. 1. **I**nspectio aliquot honestarum fœminarum, quibus difficilis restitans fœtus vitæ filium abruperat, fenestram aperuit meditandi de captivitate hac exterminanda: luctatus etiam sæpe cum stupore situm fœtus in alvo matris incuneati mortui, meorum præceptorum nullus aggredi arduum opus: commendabatur Deo & naturæ: confisus ego iudicii maturitati, manuum dexteritati, neglectum opus aggressus sum. Glorietur *Roussetus* suo pro arbitratu in sectione Cæsarea, & securam periculi proclamet, Ego semel aggressus infausto eventu ita territus fui, moriebatur enim post quatrimum puerpera, epilepticiis convolutionibus tentata, vulnere inflicto multa salutaria promittente: ut nunquam hanc operationem in viva suaderem, veritus ne quam fors perimere decrevit, Medici manu sublatam rumor increbescerebat: At extractionem per uncus & forcipes affabre adornatos felici cum successu molitus, nunquam nisi voti compos cum atlantium admiratione discessi. *Rolsneckius Dissert. Anatom. lib. 1. cap. 13.*

§. 2. Satoris cuiusdam uxor, postquam triduum parturiendo consumpsisset, nullisque medicamentis fœtus jamjam mortuus exturbari potuisset, supervenientibus leipothymiis moritur.

Petitu mariti & obstetricis apertum fuit corpus, exemptusque infans jacens, supino quasi corpore per transversum uteri, capite sinistram, pedibus dextrum attingens os Ilion, brachio vero sinistro extra uterum pendulo. Scrutando reliqua viscera, ex vesicâ fellæ præter morem magna, bile lenta & ex viridi nigricante repleta, extraxi calculum olivæ majoris (quas regias vel Hispanicas appellant) magnitudine, nec colore & figura ibi ab similem, cæterum æqualem, & drachmam unam civilis ponderis pendentem, quem adhuc ob formæ raritatem integrum servo. *Carolus Raygerus in miscellan. curiosis anni 1673. observ. 283.*

§. 3. Matrona Bernensis adhuc juvenis, cum tertio uterum gereret, & iustum gestationis tempus absolvisset, doloribus parturientium tam acerbis ac vehementibus correpta fuit ut vix unquam similes observati fuerint: aqua quin etiam quæ fœtum comitari solet, uti quoque sanguis copiose profluxere, brachiumque dextrum fœtus primo quoque insultu erupit: Post horam tamen dolores omnes & conatus parturientium cessarunt nec deinceps redierunt, Quarto post die videns obstetrix rem in angusto positam, suavit ut uxor mea advocaretur: Illa cum ad parturientem pervenisset, brachium dextrum ex utero propendens reperit, febris quoque, leipothymia & vomitus aderant: Exhibita confectioe alkermes, inuncto ventre oleo lil. alb. & amygd. d. brachio ex orificio matricis remoto, dolores hypochondriorum, qui antea ob tensionem peritonæi acerbis fuerant, cessarunt, verum dolores & conatus parturientium (etsi dolores reliquarum partium continuo vexarent) nunquam leniri potuerunt neque medicamentis neque manu Chirurgi: Variis præstitis cæteri dolores remiserunt, ita ut cibum libenter assumeret, somnum caperet, & ita quidem ut nihil præter exclusionem fœtus desideraretur: Cum vero motum aliquem naturæ, qui nobis viam modumque procedendi ostenderet, ex consilio adstantium, in septimum usque expectarem, ecce cardialgia, cum rigore quodam & leipothymia accedente, protinus placideque exspiravit.

*Corpore aperto*, causâ deprehensa est situs fixtus præternaturalis; in transversum enim situs erat, & ita quidem ut caput sinistro, pedes vero dextro hypochondrio ita insisterent, ut in utroque latere prominentia non obscura observari posset: spina dorsû autem fœtus versus orificium uteri vergebat: brachium dextrum extra orificium propendebat, sinistrum vero, uti quoque crus dextrum (quod versus caput reflexum) mediantibus vasis umbilicalibus (qui truncum corporis bis circumdederunt) truncum corporis ita alligabantur, ut ab initio fœtus ad exitum minus commode sese parare posset, sed omnia inverso ordine acciderent: Præterea, ab initio cum fœtus, qui & maturus & robustus erat, maximo impetu se moveret, & ad exitum præpararet, sinistro pede corpus ipsum uteri versus dextrum latus dilaceraverat: *Fabritius Hildan. cent. 4. observat. 57.*

## S C H O L I A.

**E**t si difficilis partus causæ multiplices sint, omnes tamen ad tria reduci possunt, Aut enim nimis angustum est os uteri, ut in illis quæ nunquam pepererunt, aut ulcere aliquo in partibus illis laborant,

resunt, aut quibus constitutio corporis licissima est: At hæc antea uterum bis gestaverat, & feliciter pepererat, nec constitutione corporis admodum erat sicca; Altera causa est situs foetus præternaturalis, quod in hac matrona accidit: Tertia est expultricis facultatis labefactatio aut prostratio, quæ sit aut ob vitium cordis abolitionem, aut ex solo vitio uteri: at in hac matrona vires vitales ad finem fere vitæ integræ permanserunt: Causa itaque ex utero ipso petenda est, à forti foetu calcitrante disrupto, unde ejus facultas expultrix & protinus & omnino abolita fuit, hinc parturientis dolores & conatus cessarunt: Rupturionem autem illam uteri in aliis quoq; observavi: Cujus disruptionis subita illa abolitio facultatis expultricis & parturientium conatus

cessantes (si vires vitales integræ permanserint) certissima semper mihi facere indicia, idque quoties accidit, de vita parturientis actum est nisi sectio Cæsareæ admittretur: Disrupto enim instrumento, scilicet utero, cessat quoque actio, h. e. facultas expultrix & parturientium conatus, qui cum neque medicamentis neque manu excitari possint, putrescit tandem foetus, simul & secundina, hinc mors: Occurrit & alia causa propter quam dolores & conatus parturientium protinus cessant, Medicis ut plurimum incognita, nimirum cum ex motu illo vehementissimo foetus, vas aliquod internum dirumpitur, quod vidi in matrona quadam de qua §. infra: In his autem facultates omnes ob deperditionem sanguinis protinus prosteruntur: *Idem ibidem.*

§. 4. Sartoris uxor annorum circiter 30. quæ quater prius pepererat, quinto gravida facta, exactis decem mensibus, cum jam pariendi tempus instaret, atque in ipso labore foetus quandam convolutionem, levesque aliquot pariendi conatus sentiret, tandem iis omnibus cessantibus, foetum mortuum, uti postea apparuit, antequam exspiraret, adhuc quinque menses retinuit: Quo tempore cum an gravida esset, ex eo quod supra gestationis tempus tamdiu superstes maneret mulier, nec graviora pateretur accidentia, in quaestionem veniret, & de mola aliove aliquo tumore inter obstetrices consultaretur: tandem consilio meo habito (licet eam vivam non viderim) de foetu mortuo pronuntiavi, & ad foetum mortuum propellendum medicamenta præscripsi, pilulas & pessarium; quod cum unam saltem noctem retinisset, mox chorda umbilicalis propendere cœpit, quæ tandem, cum putris esset, amissa fuit: verum cum nullus sequeretur abortus, nullusque esset omnino foetum excludendi conatus, ut is promoveretur, mulier quædam ventrem illi variis modis aliquoties compressit, deorsumque impulit, unde fluor uterinus, per quem putris, alba, foetidissimaque materia ex utero profluebat, exortus est: Quo octo septimanarum spatio perseverante, accedente interim febre, corpus adeo contabuit, ut nihil in ea carnosum fere amplius præter ventrem, transversum admodum tumentem & durum appareret: donec viginti septimanarum spatio, supra decimum mensem, quo uterum gestavit, tempore exacto exspiraret.

Rogatus ut corpus aperirem, primo ventris intuitu vesicas geminas, lividas, in latere umbilicali, ubi tumor durus inæqualis adhuc transversim eminebat, deprehendi, Quibus levi negotio, cum tenuissimæ essent, disruptis, statim vertebræ ipsius foetus, una cum scapulis & costis obvia erant; transversim enim collocatus & supinus dorso inflexo, & in orbem convolutus jacebat & versus exteriora prominebat: qui exemptus diductusque adeo putris erat, ut præter cutem & ossa, quæ tamen levi negotio dissolvebantur, & quod foemella erat, nihil alias liceret, vel foetor immensus sineret cognoscere: hoc saltem manifestum erat transversum illum situm, atque eximiam magnitudinem, quam longitudo illius & capitis amplitudo, prolixis admodum capillis constans declarabant, impedimento fuisse quo minus in partu prodire potuerit, sicque retentum 20. septimanarum spatio, compatruisse, & simul vicinas partes undique infecisse, cum universus uterus, una cum involucris & omenti portione aliqua, musculisque epigastrii illius loci desiderarentur, totaque illa regio pure, foetore & nigredine infecta esset, & ad extremam usque cutem, ubi vesicæ apparuerant livescerent, corrupta: Quo in loco si forte sectio, ante extremam illam viscerum corruptionem facta fuisset, foetum eximi, matre superstitie manente credibile est. *Platerus obs. lib. 2. p. 228. & Pract. lib. 1. cap. 9.*

#### SCHOLIA.

**S**i forte sectio facta fuisset] De partu Cæsareo, aut, ut *Riolanus* mavult, *Cæsario*, tractatum amplissimum edidit *Franc. Roussetus*. Tres autem sciendum est casus esse quibus extantibus cogitari potest de hac Chirurgia 1. Cum foetus mortuus est & mater vivit: 2. Cum mater mortua est & foetus vivit: 3. Cum ambo, & mater & foetus vivunt: In primo casu non est necesse ægre parturientem manifesto periculo exponere, quia si per Chirurgiam non extrahatur, natura vias invenit alias, per anum, umbili-

cum, inguen &c. ut testantur historiz, Secundus casus frequenter accidit, ita ut (quod deplorandum) damnetur tenebris embryo antequam lucem videat, atque spes animantis cum gravida pereat, ut loquitur Imperator lib. 11. Digestor. tit. 8. Cujus culpa? an Magistratus, utpote sine cujus consensu non licet ejusmodi operationes aggredi? quem antequam impetremus, jam perit occasio: an Chirurgorum? qui metuunt ne eos idem maneat fatum cum *Vesalio*? hic enim cum dissecaret thoracem cujusdam quam

obiisse existimabat (alii referunt pro partu cæsareo exercendo) hysterica ventrem aperuisse, reperit cor adhuc palpitans: Etenim oportet ut sectio fiat in ipso fere puncto quo mater expirat, aut quamdiu infans adhuc movetur & subultat: Nec juvat os gravidæ apertum tenere imposita clavi: hic enim est error vulgi, credentis fœtum respiratione matris vivere: Tertius casus est cum fœtus vivus è viva matre sectione extrahitur: hic verus est partus Cæsareus; sed quam periculosa plena sit alex hæc operatio quilibet per se videt: Et quamvis fatendum sit ejusmodi sectionis administrandæ sæpe necessitatem incidere, tamen circumstantiæ tot tantæque sunt observandæ, ut interim in ancipiti casu nullus audeat manum operi admoveere metuens calumniam: Quod enim notari dignum est nullus post *Rossetum* inventus est oculatus testis, omnes auriti tantum, uno excepto *Doringio*, qui in epist. ad *Hildan.* testatur se presente utero in inguen dilapsum, dillectum fuisse, extractumque infantem satis vegetum, matrem tertio à sectione die ad plures abiisse: quod sibi etiam evenisse scribit *Clar. Rosinckius* p. 182. Dissert. Anatom. qui proinde omni conamine dissuadet hanc operationem in viva muliere: Ego vero impensius suaderem sectionem Cæsaream, si sciri posset per signa infantem disruptis claustris egressum fuisse in ipsam abdominis capacitatem: Imo suspicor non solum posse intra Tubam uteri fœtum concipi, quod exemplis confirmat *Riolan.* Anthropol. cap. 35. sed potissi-

imum ex eadem rupta (cum alias in uterum regressus non detur) fœtum erupisse, & sectione in inguine instituta (quod vidit *Doringius*) emissum fuisse. *J. van Horne microtechn.* §. 30. Possit tamen fœtum mortuum, matre superstiti eximi, luculento exemplo ostendit *Platerus observat. lib. 1. p. 22.*

*Transversim collocatus &c.*] Ad vitiosum infantis situm huc referendus ille cujus meminit *P. Bar-bette* Chirurgiæ Parte 1. cap. 23. Cum illius caput, matre jam parturiente, supra ossa pubis anteriora prolabitur, quod nullus scriptorum observavit: Hæc res, *ait*, animadvertione non est indigna, Nam quanto fortiores sunt parturiendi conatus, & quanto magis allaborat, tanto minus partum est productura, nisi infantis caput sursum versus, atque ad matris dorsum, & tandem ad inferiora, vel ad latus ossis pubis obstetricis manu dirigatur: Noxia sunt fœtum pellentia priusquam id obrinueris.

*Musculisque epigastricis*] Quorum opera ad fœtus exclusionem necessaria est: hinc gravidæ plerumque sunt pigrioris alvi, quia hos musculos, ob uteri distentionem, vix ad compressionem conimovet: Medicus quidam, referente *Hœslero* in *Hercule Medico*, ad pellendas secundinas resistentes admovebat emplastrum ex ovi albumine & rubrica, ad constringendos musculos ventris, qui à parturiendi conatu & extensione uteri relaxati, & in opere suo debilitati sunt; iis enim sic constrictis, & in se redeuntibus, uterus ad eas pellendas aptior redditur.

## OBSERVATIO VIII.

*Ossa pubis & coxendicis in partu distrahuntur. 1. 2. 3. 4. 5. 6. 7. 8. 9. 10.*

§. 1. **Q**uanquam miraculo distractio ossium in partu carere non videatur, tamen quia in Anatomicis ratio prius audienda non est quam sensus consulendus, inique faciunt qui quod ipsi non viderunt aliorum experientia credere negant: Nec facile hic à communi errore abscessissem, nisi Genevæ, cum Illustris Senatus nobis meretricem juvenulam, sexto post partum die in lacu Lemano suffocatam, quæ adeo facilem partum ediderat ut & heram falleret, ad sectionem offerret, contrarium me sensus docuissent. Difficile est hoc apud nos deprehendere, ubi nefas putatur ex partu mulierem mortuam secare: & quæ suppliciis afficiuntur, non prius ad mortem ducuntur quam disjuncta ossa longo temporis intervallo vicissim coierint. *Henningus Arniseus observat. Anat. 6. Idem in Hildani Operibus, Epist. 45.*

## S C H O L I A.

**O**ssa hæc an in partu à se invicem diducantur varie agitarum inter Anatomicos; Quidam diductionem omnino levissimam negant; alii in omni, etiam facillimo eam concedunt: Utraque sententia suas habet rationes: Media incedunt via *Walaus, Bartholinus* &c. qui in partu facili, ubi fœtus parvus, via lubrica, ossa late ab invicem distant, ipsaque cartilago ossibus interjecta mollis adhuc

est, diductionem non omnino necessariam judicant, sola cartilaginis laxatione sufficiente: In difficili autem partu, ubi fœtus grandior, viarum angustia, siccior cartilago, nunc ossa pubis, nunc ilium & sacrum, nunc utraque magis vel minus divelli censent. Opinioni posteriorum favet observatio *Arnisei*, qui facilem adeo partum fuisse refert ut incisa hera contingerit.

§. 2. Hi qui mulierum & virginum plura cadavera secuerunt, videre potuerunt illas quæ nunquam conceperunt, esse longe angustissimas, easdemque habuisse cartilagines inter hæc ossa sitas, quibus mediis uniuntur, admodum tenues, siccas & fere nullas aliarum respectu: Sed quibus in utero sæpius habere, pluriesque parere contigit, etiamsi longo tempore post ultimum partum obierint, in his interjectas cartilagines crassas reperiri certum esse, In iisdemque ilia & ossis sacri latera ampla, atque ossa pubis ubique, præsertim inter spinas anticas ossium pubis latitudine insigni ab invicem dissidere. Quæ vero aliquoties tantum, ut semel aut bis, pepererant, medio quodam modo habere: Quod etiam ex inspectione matricis probatur, Nam ut in his quæ nunquam conceperunt matricis corpus tenue est & parvum, sic in his quæ pluries sunt enixæ, crassius semper remanet ad extremum usque vitæ diem: & in his quæ raro aut semel, mediocris est; hæcque perpetuo vera sunt, dummodo his partibus nihil præter aut contra naturam acciderit: *Hæc autem sententia*



*Sententia ult. rursus confirmatur historia anatomica sequenti*, Anno 1579. Mense Febr. in Regio Chirurgorum & Parisiensium Collegio, cadaver muliebri dissectum, Quæsitumque an in partu mulierum ossa pubis & ilium, hæc scilicet ab osse sacro, & Ilia ab invicem distraherentur necne? major pars adstantium negabant, Alii affirmabant, Alii dubii omnino tacebant, Dubium autem istud statim solutum fuit, veritasque ex tempore eluxit, Accepto enim altero cadaveris femore seu crure integro, sublevatoque eo, cute minime secta, sed integre servata, cæterisque symphisi superpositis partibus, os pubis ejusdem lateris attollebatur, supraque alterum latitudine saltem medii pollicis eminebat: Quod oculis digitisque ab omnibus verissimum judicabatur; Ut facilius meliusque videretur, crus alterum supini cadaveris super mensa locati summe extendebatur, nulloque modo ischii flexo articulo, ambabus alteri crurium subductis & substractis manibus, sursum os pubis cum minimo conatu attollebatur, & cum eo os innominatum totum, quod, ut dictum est sæpe, componitur ex tribus, Ischii, Pubis & Ilii ossibus, quæ in ea ætate penitus coaluerant per symphysin, quæ eo loci sit sine medio, unde posticas duas synchondroses multo laxiores fuisse solito necessario concludimus: Eo enim quo diximus modo, elato crure, innominatisque ossibus resupinati cadaveris, os pubis lateris ejusdem sua spina latitudine medii transversi digiti a suo congenere distabat, atque ei superveniebat: contra vero sublatis manibus, & æqualiter positis manibus æqualis opposito apparebat: altero vero crure elato, illud quod prius eminebat, inferius conspiciebatur, unde plures non abs re mirati sunt. *Severinus Pinus de Notis virginittatis lib. 2. cap. 6. & 8. Vide Banhinum Anatom. lib. 1. cap. 49.*

§. 3. A plurimis agitata hæc quæstio, ac nostro sæculo à D. D. Laurentio & Pinæo hic dissentientibus: Ego vero experientiæ credo, adstiti quippe ab annis 40. partui plusquam quingentarum mulierum, in quibus manifeste deprehendi crepitationem & diductionem ab invicem dictorum ossium, insecto inter utrumque os pectinis digito, ubi manifestam separationem animadverti: quinimo mulieres omnes, quibus ægrior partus, tunc temporis accusant dolorem eo in loco: Imo infra coccygem imposita manu, prædictam separationem licuit mihi percipere, Nec non in quibusdam ab inani nixu extinctis facta Cæsonia sectione, reperi ossa prædicta separata & relaxata, necnon ligamenta ea colligantia, mollia facta & dilatata; eo quippe loco maxima matricis portio incumbit, *Jac. Guillemeau de facili partu lib. 2. cap. 1.*

§. 4. Vivit adhuc honesta fœmina, cui primiparæ, sub difficiliore foetus exitu, ossium pubis commissuræ (ætate satis tum matura) non solum divulsæ sunt, verum etiam uti infeliciores nonnunquam in fracturis accidit, utrinque seorsim occalluerunt, invicem separatæ, ut in scalarum ascensu ac descensu, consueta, sanis validisque pedum alternatione uti nequeat, sed alterum semper (posito prius altero pro fundamento) quasi post se trahat; digito eandem alternationem circa dictas ossium extremitates eodem tempore aperte sentiente, Aliquoties postmodum, at æquè difficulter peperit, angustia forte colliminia. *Daniel Ludovici in miscell. curiosis anni 1673. observ. 255.*

§. 5. *Fernelius lib. 6. Pathol. inter causas difficilis Partus* recenset ossium Pubis firmiorem compagem: Sed quid opus testibus in re tam manifesta? sola experientia fidem faciet, cui Medicus plus debet tribuere quam rationibus: Sæpius, atque plusquam trigies, in mulieribus mox à partu extinctis, vel paulo ante enixum, vidi præsentibus Medicis & Chirurgis, cartilaginem quæ ossa Pubis colligat, minimi digiti latitudine diductam, ita ut hiulea pubis ossa apparent si digito intus atrectarentur: Quod etiam ante cadaveris dissectionem innotescerebat, uno crure sublato, sic enim ossa Pubis mobilia deprehendes; unumque akeri supereminere: Atque anno 1631. cum publicam Anatomem instituerem mulieris, quarto die à partu suspendio strangulatæ, præsentibus trecentis Auditoribus, demonstravi commissuræ ossium pubis interjectam cartilaginem, digiti latitudine laxatam; quin etiam ossis sacri cum ossibus Ilium commissuras mobiles admodum scalpello tenuissima facillime separavi: Ossibus Ilium ossis sacri, loco cartilaginis, interjecta erant ligamenta crassa, rubicunda, quæ cavitatibus utriusque ossis inculcata erant; ossibus pubis cartilago crassa interposita erat: Potest & controversia etiam ipso sensu componi, Accipe perfectæ mulieris ossa ilium, ante inter se per symphysin, & recto ossi sacro juncta: si per hoc foramen amplissimum, caput infantis recens nati libere traducatur, fatebor ossa Pubis non diduci; alioquin sustinebo, non sine maxima ossium pubis dilatatione foetum egredi, quia spatium illud angustius reddit caro intus circumjecta. *Riolanus Anthropogr. lib. 6. cap. penult.*

**I**dem animadversionibus in *Veslingium* scribit istam diductionem ossium ilii, sacri & pubis non tantum in difficili, verum etiam in omni, etli facillimo partu fieri: Qua de re magnopere dubitandum cenico: quippe non semel vidi mulieres parvos, & tamen maturos fœtus facillimo negotio, ac sine dolore effatu digno citissime peperisse, idque vel in lecto, vel in communi sedili, & sine obstetrice, quod eam vocandi tempus non daretur, in quibus dictorum ossium nulla divulsio facta videtur, utpote per quam à vicinarum membranarum distensione non possent non magni dolores induci: Adhæc, verosimile est non nisi per violentiam, & validam à magni fœtus transeuntis pressionem hæc ossa à se invicem diduci posse, nam cartilaginosa illa connexio nimis firma est quam ut in facili partu à parvo fœtu, tam levi negotio distendi queat: *De Diemerbræck Anat. lib. 9. cap. 16.*

*Inter causam difficultis Partus* ] Mulier ob multas causas parit difficulter: Causæ vero referuntur vel ad Fœtum, vel ad Uterum, vel ad Tempus, vel ad Situm mulieris, vel aliqua Accidentia, vel ad Intestinarum & Vesicæ plenitudinem, vel ad mulieris Imbecillitatem ac spirandi difficultatem: Rursus Fœtus major crassiorq; Partus difficultatem facit, & multo magis si duplicatus egrediat, si pedem unum proferat altero replicato, vel si in brachium exeat: hæc enim difficillimum partum faciunt: Præterea uteri & mulieris constitutio, vel aliarum vicinarum partium, ut uteri magna distensio, Oris strictura, Colli uteri longitudo: Hæc enim facit, saltem, ut longiori tempore exeat fœtus: Item nimia Omenti & vicinarum partium spissitudo & obelitas: Nam *Hippocr.* scripsit Omenti magnitudinem impedire conceptum, os uteri comprimendo; sic & facile partum molestat: *In quibusdam enim Omentum descendit inter vesicam & uterum, ibique spissum fit. Stercus induratum* in intestinis retentum idem facit, cum etiam *urina* sed minus: *Aëru* præiens constitutio etiam obest vel conducit partui, si quidem aquilonia difficilem facit, austrina facilem: Sicca, fœtum & mulieris corpus exsiccando, difficilem facit partum: nimis calida, vires resolvendo; frigida, partes contrahendo: Humida omnium aptissima est: Quæ modice calida est, ut veris (quod cum autumno faciliores partus concedat) laudatur: De Situ parturientis vide scholia ad §. 10. *Imbecillitas* quæ ab ætate juvenili, vel ratione morbi est, partum

facit difficilem, quia robore opus est ad fœtum deducendum: *Morbus pectoris* aut ejus mala confortatio, quæ facit ut diutius spiritum non possint continere, hic maxime nocet, quoniam omnis expulsio fit retento spiritu, at asthmatici ex diu retento spiritu suffocantur: Pectus depressum non multum aëris recipit, qui est necessarius ut tendatur diaphragma: ipsum enim tensione sua ventriculum & partes vicinas sibi comprimit, & consequutione quadam inferiores ad expellenda excrementa & Fœtum cum musculis ventris: Hæc sunt causæ quas in parituris contemplari oportet, in aliis quippe *Obesitas* nocet, in aliis *membrorum durities* siccitasque, ut in mulieribus quæ jam senescentes incipiunt parere: tales enim difficile pariunt, quia jam obduruit & quali in asperam arteriam rugatum est collum uteri: Causarum aliarum sunt in nostra potestate, aliarum non; In nobis non est ut quæ parit autumno, aut vere, aut flante austro patiat: Sed quod nulla sint excrementa in intestinis aut vesica retenta: quod corpus sit crassum, infans minus obelus, uterus sit humidus cum puer descendit, & cauda libera sine compressione aliqua, & alia multa, Medicus prudens, & in rerum cognitione versatus exequi poterit, si mulier sit audiens dicto, qui istis causis causas poterit invenire contrarias: Incipiamus à Fœtus magnitudine, Ea à multis causis provenit, à magnitudine parentum, vel à copia seminis & uteri amplitudine: Nam quæ mulier parva est utero, parum seminis accipit, & aliquando non generabit ob parvitatem, & quod facile non dilatatur uterus, cum crescit infans, cogetur abortire: Sed quæ amplo sunt utero, & facile dilatabili, magnos infantes procreant, si sanæ sint: Magni uterum habent ut plurimum quæ magnæ sunt, & quæ jam frequenter pepererunt, vel quibus à partu venter non fuit contractus fasciis: In talibus impediatur fœtus augmentum tempore imprægnationis, post quartum mensem: Si plethora adsit, per epistalin & ex intervallis mittatur sanguis parum trahendo, & cibi copiam minuendo, vel dando imbecilliora alimenta quæ satiant & parum nutriunt: Cum appetit partus, assumant prima mensa quæ laxant, fructus, olera; Regantur hoc modo, Quiescant in lecto, donec certissimum erit infantem in lucem prodire; Duo enim commoda hinc sequuntur 1. vires conservantur pro tempore emissionis: 2. Ab aëre vel frigido vel sicco partes non constringuntur. *Rondeletius Pract. cap. 74.*

§. 6. Quomodo possibile est ut maturus & magnus fœtus per pelvis angustias, musculis aliisque partibus undequaque obstitas & infarctas, in partu transire possit? Dico, si parvus fuerit fœtus, eum per dictas angustias sine magna molestia transire posse, docente id experientia quotidiana; nam partus tempore, ab humorum copioso affluxu, adeo laxæ & laxæ fient partes genitales, ut exigente necessitate, etiam obstetricis vel Chirurgi totam manum facile admittant: Verum si magnus fuerit fœtus, vel partes per se sunt angustiores, tunc gravem & laboriosum fieri partum, atque pubis ossa, laxatis ligamentis & cartilaginibus, aliquantum dehiscere, imo cartilaginosa quoque connexionem ossis sacri cum ilii ossibus adeo laxari, ut manifeste à se mutuo recedant: Hanc dehiscenciam harum partium primi notarunt, *Hippocr.* lib. de nat. Pueri, *Avicenna* lib. 3. fen. 12. tract. 1. cap. 2. *Actius* tetrabil. 4. sermone 4. cap. 22. quam acriter quoque defendit *Sever. Pinæus* operis physiolog. lib. 2. cap. 5. 6. & 7. Contrarium sentientes evincit certissima rerum magistra experientia (hac docente omnes qualescunque rationes concidunt) qua non semel illud fieri compertum ac clarissime demonstratum est. Nos quoque anno 1654. mense Martio, puerperam sequenti post partum die mortuam, in publico theatro secumimus, in qua pubis ossa à se invicem adeo divulsæ erant, ut minimus digitus facile interponi posset. *De Diemerbræck Anatom. lib. 6.*

## S C H O L I A.

**H**æc ossium divulsio causa est quod puerperæ, quibus gravis & laboriosus fuit partus, & fetus magnus, frequenter de doloribus circa os sacrum & pubem conquerantur: quod etiam fœminæ quæ sæpius pepererunt, dictas cartilagine habent crassiores: item quod virgines seniores, his cartila-

ginibus magis ressecatis, viro locatæ difficilius pariant quam iuniores: quod denique, cum reliquæ corporis cartilagine ætatis progressu siccescant & ossæ fiant, hæ tamen in mulieribus nunquam siccantur, ac nunquam ossæ evadant. *Idem.*

§. 7. *Paræus* lib. de gener. cap. 13. scribit se olim fuisse in illa opinione, ossa ilium & pubis in partu non posse divelli, sed tandem tamen contrarium ipsi apparuisse in sectione cuiusdam mulieris, 15. die post partum suspensæ, cujus ossa ilium ab osse sacro distracta erant, & ossa pubis à se invicem distabant latitudine dimidii digiti.

§. 8. Idem observavimus hic Basileæ ante annos duodecim, cum Nobilis matronæ Gallæ ventrem, quæ ob secundinas retentas interierat, pluribus adstantibus aperiremus. *Bauhinus Theatri Anatom. lib. 1. cap. 42.*

§. 9. Experientia edoctus assero ossa pubis sæpe ab invicem in partu laxari, emollito eorum cartilagineo connexu, totamque hypogastrii regionem ad miraculum usque ampliari: Non quidem ab aquosæ substantiæ profusione, sed sua sponte, ut fructus maturi excludendis suis seminibus solent hircere. *Harveus de Generat. animal. Exerc. 57.*

§. 10. In publicis fœminarum, ex difficili partu mortuarum sectionibus, conjunctionis ossium pubis, ut & ilii ac sacri dehisceniam spectantibus multoties conspiciendum exhibui. *Spigelius lib. 2. de Humani corpor. fabrica cap. 24.*

## S C H O L I A.

**I**lli ac sacri dehisceniam] Hinc multum referre didicimus experientia quo situ donetur paritura: Nam si sedeat, impeditur dilatatio caudæ: cum enim mulier parere vult, necesse est ampliatur vulvæ foramen, non à parte anteriore, (ut aliqui falso existimant, putantes ossa pubis, quæ cartilagine media conjunguntur, & tranversum ligamentum acceperunt, aperiri) sed ad ossis sacri cum cauda articulationem: Nam cum os sacrum in caudam desinat, ita cum eo articulantur sua ipsius ossa inter se, ut ressecari possit cauda in partem anteriorem, & foramen

sic reddatur latius multo; Hæc cauda ita erigitur in exteriora, ut visu id discerni possit, si quæ parturit mulier emaciata sit: Itaque si natibus innitatur, cum non possit retrocedere cauda, partus impeditur: Si stent, non satis viribus pollent, quanquam is situs convenientior sit, modo in anteriora se flectant: Quare manibus contra lectum, aut mensam, aut aliud innitatur, ita ut sit sufficiens spatium pro obstetricæ susceptura puerum, & sustineatur à viris fortibus: Sin minus, decumbat, sed dorso tantum innitatur. *Rondeletius Præf. cap. 64. p. m. 573.*

## OBSERVATIO IX.

*Os Vteri in prægnantibus arctissime clausum repertum. 1. 2. Vteri status à Partu secundo die. 2. 3. 6. De crassitie uteri in Gravilis. 4. Vteri status sexta post partum hebdomada. 5. Vteri constitutio in Gravitate & à Partu. 7. Vterus hypogastrio adstrictus post maris partum. 8.*

§. 1. **O**s Uteri, testibus *Hippocr. & Galeno*, in prægnantibus tam arcte clauditur, ut ne quidem specilli aciem, nec ullius aëris aut aquæ (in balneo) introitum admittat; quod licet nonnulli in dubium vocent, & solummodo de levi aliqua conniventia explicent, tamen à nobis verissime visum est anno 1649. quo aperuimus & examinavimus ancillæ veneno interemptæ cadaver; in quo, inter alia, invenimus uterum à longitudinis manus foetu tumidum, ejusque osculum non modo arctissime contractum, sed tam glutinoso ac tenaci humore pituitoso obsecratum, ut nusquam tenuis stylus immitti posset, nisi majore vi per gluten illud adigeretur.

§. 2. Illud etiam vidimus in alia muliere circa 7. mensem gravida, repentino fato extincta mense Decembri 1665. *De Diemerbræck Anatom. lib. 1. cap. 33.*

## S C H O L I A.

**T**Am glutinoso humore] *Sanctorius* meth. vit. Error. lib. 1. cap. 30. ait orificium uteri non posse claudi, sed ita apertum conservari sicuti erat in muliere antequam utero gereret: at in prægnantibus solum in parte intima esse obstructum à quodam mucilaginoso infarctu, qui adeo conglobatur, & uteri foramen intimum operit; Atque in brutis,

capris præsertim, manifestum esse asserit; gravidæ enim si dissecantur, in parte uteri interna, juxta orificium, observari floccum quendam mucilaginosum cooperientem & velantem totum uteri orificium, sine aliqua orificii clausura, quod in interna parte semper maneat apertum etiam in mulieribus.

§. 3. Excluso in lucem foetu redit uterus ad priorem consuetudinem sensim & sensim: Aperto



Aperto cadavere altero à partu die, uterus conglobatus apparebat ad capitis infantis bimuli magnitudinem, albicans, in tubulis nullo sanguinis apparente vestigio. *Rolsinckius parte 2. de Organis generat. cap. 21.*

§. 3. Os uteri ita extensum & lacerum erat ut vix appareret, Uterus magnitudine capitis erat adhuc & crassitie pollicari: Intus sanguinis reliquæ & ora vasorum crasso & nigro sanguine adhuc sudantia: Vincula uteri cum ossibus Ilium, sacro & lumborum, & intestino recto firmissima, parte anteriore nulla, præterquam cum vesica admodum exigua. *Iac. Sylvius in appendice Isagoges anat. de variorum corporum sectione.*

§. 4. Falcoburgius testatur in dissecis se observasse gravidis, crassiorem videri tum temporis uterum, sed falli oculos ab hepate uterino arctissime connexo, quod separatim fucum detegit; Sed contrarium docet experientia: Nempe crassities illa in utero, fortè jam absoluto oculis conspicua, duorum pene digitorum crassitiem æquat, præcipue circa fundi illam partem qua secundina adhæret: adest etiam adstipulante Harvæo, in ea parte qua placenta utero non adnascitur: Constat hæc crassities à sanguine in tubulis uteri stabulante. *Rolsinckius cap. 21. de organis generationis parte 2.*

§. 5. Infanticida femina sexta post partum hebdomada capite patratum scelus expiat, Juvencula parvæ staturæ, obesa & sana: Peritonæo aperto non comparebat uterus prima fronte, sed vesica lotio tumida conspectum illius adimebat, sub qua delituit uterus, durus satis & constrictus, ut mirari satis nequiverim tam brevi post partum tempore contractum: Magnitudine vix pugnum æquabat: Nymphae contractæ, carunculae quoque oblitteratæ, nisi orificio vesicæ apposita: Vagina dissecta ad uteri orificium sine rugis solitis: Externa pudendi labra satis hiabant: Uteri orificium arctissimum durumque: Uterus ipse crassus & fungosus, vix pumo excipiendo capax: In ipsis parietibus crassis foraminula utrinque patebant, seu acetabula, quibus per fistulam inflatis, elevabantur vasa testibus subjecta, seu alter Tubæ inferior ramus ex valis deferentibus ortus. *Th. Bartholinus. histor. 92. cent. 1.*

§. 6. Nuper dissecui Nob. mulierem, quæ 24. horis à partu decessit è vivis, aquarum copia, quibus abundabat thorax, corde suffocato: Inveni uterum fere ad naturalem magnitudinem contractum, vix enim manus complicatæ amplitudinem æquabat, Dissecti uteri cavitas exigua erat, & adhuc coryledones, sive tubercula, granis milli simillima apparebant: Parietes uteri duorum digitorum crassitiem æquabant. *Riolanus Anthropol. l. 5. c. 1.*

§. 7. Membranas Uterus obtinet duas, Exteriorem duplicatam validam à peritonæo: Interiorem propriam, fibrosam magisque porosam: Inter has carnosus & fibrosus contextus quidam reperitur, qui in mulieribus gravidis ab affluentium humorum nutritionum ubertate admodum una cum dictis membranis increfcit, ita ut quo magis augetur & increfcit fœtus, eo carnosior, fibrosior & crassior evadat uterus, qui postremis gestationis mensibus pollicis, & nonnunquam circiter duorum digitorum crassitiem adæquat: Hæc crassities non est ex solis humoribus in porositates uteri se insinuantibus, ut multi existimant, sed est vera & satis densa caro, quæ postea musculorum instar inservit ad fœtus expulsionem: Qualem carnosam uteri substantiam anno 1653. mense Novembri, in theatro Anatomico publice demonstravi, in cadavere puerperæ, duodecim horis post partum mortuæ, Et non ita dudum privatim in muliere in partu una cum fœtu mortua: Hoc tamen carnosum incrementum post partum, humoribus & sanguine maxima copia ab utero fluentibus, denuo emaciatur & exarescit, atque sic ad pristinam formam ac magnitudinem uterus redit & contrahitur. *De Diemerbræck Anatom. lib. 1. cap. 24.*

§. 8. Nuper vidi in muliere 15. diebus à partu strangulata, uterum in dextrum latus inclinatum, & firmiter adstrictum: Ligamentum latum dextri lateris brevius erat sinistro; marem enixa fuerat: An eo modo constitutus iis, quæ inares potius quàm feminas generant? *Riolanus Anthropol. lib. 2. cap. 33.*

#### • OBSERVATIO X.

*Secundinarum retentio ob arctam cum Vtero adhesionem. 1. 2. 3. Ob eandem cohesionem cum carne Vtero adnata. 4.*

§. 1. **I**N Nosodochio nostro aperui corpus puerperæ, statim post puerperium defunctæ; causam indagans mortis, Inveni secundinam undiquaque ipsi utero tam firmiter adhaerentem, ut vix & nonnisi labore separari potuerit, eratque omnino exsanguis, ut & reliquum corpus parum admodum sanguinis habebat, respectu ejus qui alias esse solet. 2. Uteri substantia admodum crassa erat & fere duorum digitorum crassitiem adæquabat, multis tamen iisque conspicuis foraminibus instar spongiæ pervia, inter scil. duas tunicas proprias:

proprias : orificium ob recentem partum cum cervice maxime hiabat : ossa pubis nullo modo sejuncta, sed arctissime, & ut naturaliter fieri solet, firmissime connivebant : Venæ spermaticæ amplissimæ erant, ita ut infantis cujusdam minimum digitum adæquarent, sanguine refertissimæ, in exortu naturaliter se habebant, dextra tamen paulo infra exortum, alium adhuc ramum, & cum quidem insignem ab ipso trunco assumebat, eumque innox sibi conjungebat, ut ex duobus vasis unum fieret. *J. R. Salzmanni observ. p. 43.*

§. 2. Uxor D. Morel Lanistæ, præpinguis & vorax, eximie fecunditatis, 12. partu filium enititur Junii 13. 1673. hora secunda pomeridiana; Partum magnus sequitur lochiorum effluxus, ea quantitate ut jugularum bovem dixisses, hinc leipothymix, subsistunt secundinæ: Educere tentantem obstetricem conatu adhibito, prohibeo, quod arctius adhærere judicarem; perseverant leipothymix, jectigatio accedit, Puerperiorum educationem urgent iterum assidentes mulierculæ, & enixa obnixè postulat; advocantur Chirurgi, qui manum admoveere ob virium debilitatem recusant, veriti ne in ipsa operatione expiraret, Accedens alter Medicus omnia symptomata in resistentem secundinam rejicit, terros vapores emittentem: Repugno quod ante tres demum horas satis felix partus præcessisset, nec esset verosimile tantillo spatio eas computruisse; septem horis à partu occubuit.

Referato postridie hypogastrio, adeps ad trium digitorum spissitudinem se offert, Uterus bene constitutus, quo inciso ne gutta sanguinis per ejus substantiam diffusa cernitur; In cavitatis parte sinistra cotyledones manifesti erant: Parte dextra secundina utero arctissimo nexu utero adhærebat, Ita ut judicatum sit ab imperitia obstetricis partum intempestive promoventis, mortem contigisse: Aderat porro grumus sanguinis, ovi parvi gallinacci magnitudine, ad uteri ostium, à quo tetra illa accidentia provenisse verisimile est potius quàm à subsistentæ secundina, quæ illacera & incorrupta apparuit; Mortis autem causam sanguinis profusionem magnam credo, quamvis plethorica esset mulier, hæmorrhagiis obnoxia, quæ quater vel quinquies per graviditatem sanguinem sibi mitti curabat.

§. 3. Mulier Nobilis Galla, quæ jam multoties pepererat, cum ante annum in partu, ob secundinam retentam, ab hora quarta matutina, ad 8. vespertinam, qua demum, usâ prius injectionibus, sternutatoriis, suffribus secundinam ejecit, vix evasisset, anno 1588: Martii 25. denuo cum mane foetum excluderet, ob secundinam subsistentem in periculum venit, propendente interim chorda umbilicali: Frustra autem variis remediis tentatis, magnaque sanguinis grumosi continuo effluente copia, vires adeo collapsæ sunt ut sequenti die circa horam 4. vespertinam exstringeretur:

Sectione facta uterus spissus & amplus (qualem puerperis per octiduum permanere, indeque sensim se recolligere, & ad pristinam parvitatem redire aliquoties observavi) in hac quoque inventus est: Quo in longum ipsiusque cervice dissectis, secundinam, tum circa uteri orificium, quod amplum admodum erat, initium adhæsisse, tum per carneam placentam uteri interiori substantiæ adeo accrevisse, ut ægæ manibus avelleretur & tracta laceraretur, visa fuit; cui adhuc amnios tunica, chordaque umbilicalis adhærebant: Præterquam & corpus quoddam, parenchymate crasso & sublivido constans, hepatis substantiæ coctæ simillimum, propria involutum tunica, illic quoque citra connexum jacuisse observavimus: *Platerus observat. lib. 1. p. 231.*

#### SCHOLIA.

**E**X quibus, quod nondum perfecte maturo foetu mater ad partum edendum ab obstetrice sollicitata fuerit, causam fuisse ut secundina hæreret conjecimus: Cum nisi maturo penitus foetu pliculis vasorum tunc sponte, citra laborem secedentibus ab invicem, si foetus vi majore propellatur, oscula modo dicta citra dilacerationem divelli vix queant: unde postea tanta sanguinis profusio, quæ matrem è medio tollit, sequitur: Causamque hanc potius quam secundinæ retentionem, accedente nonnunquam inflammatione uteri, ob dolores illos in solu-

tione illa violenta succedentes, quare puerpera tam cito extingatur existimamus esse: cum illa retenta, ut nec foetus mortuus tam diu matre superstitè, subsistentis, demonstratur exemplis, hoc tam cito minime posset efficere: In quo quam sæpe peccetur ab obstetricibus, ut se expediant citius quam necesse erat, gravidam, postquam aliqua tantum præludia partus tulerit, ad laborandum (ut vocant) per conatus impellentibus, in opere nostro Practico exposuimus.

§. 4. Mulieri post 15. annos à connubio parere contigit, Secundæ substituerunt, evulsæ frustulatim: Obstetrix assererat superesse aliquid; *febris nata*, hinc lingua nigra, dentium intervalla scabritie nigricantia, facies *expauida*: septimo die mortua: Secta; Inventà caro oblonga adnata utero, membranarum pars quæ computruerat. *Hollerius libello obs. §. 10.*

## S C H O L I A.

**S**upereffe aliquid ] Inter signa secundinarum portionis resistentis hoc certissimum est, si uteri purgamenta foetorem cadaverosum referant; quod duobus exemplis probat *Riverius* observation. 61. centur. 1. Id quoque observavi in uxore Reverendi viri D. *Ostervald*, Pastoris Necomensis, cujus cu-

biculum vix quisquam præ foetore adire audebat: hinc conjectura facta non integre exclusas secundinas, exhibito pulvere succini cum syr. cortic. citr. conf. hyacinth. & aq. puleg. & lilior. alb. quod reliquum erat feliciter eductum, sanitasque brevi sequuta,

## OBSERVATIO XI.

*Lochiorum retentio ob rupta Vteri ligamenta.*

**C**omitis de Mauleurier uxor cum uterum gereret casu est læsa ad regionem lumborum: ferunt non attigisse partus tempus legitimum: peperit, omnia satis ex voto: Pleuritis, secatur vena sæpius, lochia supprimuntur, *ὑπὸ πνεύματι*, mors:

Aperto cadavere ligamenta uteri rupta inveniuntur, mirum hoc, Et forte ruptura hæc purgationis non legitime factæ causa fuit:

## S C H O L I A.

**A**nnon oborta pleuritide in muliere nuper enixa audacius mittendus sanguis? Uxor Domini *Boniani* Mercatoris non alia ratione videtur interiisse

quam quia sæpius sanguis missus fluentibus lochiis: hæc enim statim suppressa sunt. *Rallouius Paradigm.* 133.

## OBSERVATIO XII.

*In muliere à nimio fluxu extincta uterus valde contractus, vaginaque ampla reperiuntur. 1. Ab Vteri ruptura nimius Fluor. 2.*

**§. 1.** **I**N Nobili muliere immodico lochiorum à partu effluvio extincta, vidi uterum valde contractum, qui vix pugnum excipere potuisset, ipsiusque vaginæ capacitas major erat quam uteri amplitudo. *Riolanus Antropogr. lib. 5. cap. 1.*

**§. 2.** Domina de Mommor annum agens 25. partui proxima, circa 4. aut 5. horam matutinam male habere cœpit, sacras tamen ædes proximam adivit; tormina ex intervallis urgebant, comite sanguinis fluore continuo: triduo post feliciter peperit, imo sine obstetricis adminiculo, secundinisque paulo post exclusis circa noctem tamen eadem die obiit; asservatum ad aliquod tempus cadaver, de morte dubitantibus consanguineis.

Aperto corpore à *Pineo* Chirurgo, præsentibus D. *Fabro* & *Rallouio*, Medicis Parisiensibus, uterus ruptus, lacer & fissus parte sinistra inventus est, qua vena & arteria hypogastrica circa medium uteri corpus scandunt, quæ quoque ruptæ, è quibus magna sanguinis copia effusa est. *Guillemeau de Partu felici lib. 2. cap. 13.*

## OBSERVATIO XIII.

*Tormina partum sequuta, ob uterum grumis plenum, flatus in ventre inferiore, cum Iecoris & Renis dextri vitiiis.*

**M**ulier honesta mollis & rara, annorum 30. febre, destillatione veteri in pulmones laborabat, foetum gestans octimestrem: In difficultate partus, decoctum veteris Galli, cum modico cassiæ lignæ, croci & tantillo vini odoriferi præscriptum: Peperit die 7. contra Tormina decoctum semin. foenugr. bene loti in aqua cal. colatum per manicam Hippocr. cum saccho & modico cinnam. Syrup. capilli ven. cum succo amygd. Inunctio ex oleis, Sacculi è milio: mortua est 10. hora à partu.

Apertæ uterus grumis plenus inventus, Totus venter flatibus tumens: Ren dexter purulentus: Hepar viciatum & quasi putredine mucosum: Similiter & pulmones. *Hollerus in observat. ad consilia curandi §. 8.*

*Parti hæc tertia Observationis 57. Section. 21. per incuriam omissa, hæc translata est, pag. 1142. collocanda.*

**§. 3.** Mulier post tertium graviditatis mensem abortum edidit facili partu: Tertio post abortum die, quum toto triduo alvus esset suppressa, à suppositorio soluta est, eodemque conatu frustulum carnis solidæ per uterum excrevit, quod Hepar uterinum credidi: re vero accuratius perpenſa molam esse deprehendi: Prima fronte cordis figuram exacte referebat, suo pericardio inclusi, basi & cono conspicuam: duplici involvebatur triplicique membrana tenui: Inter intimam tunicam & extimam cavitas in altero latere erat, ventriculi instar, quam efformabat tunica à basi latiore molæ producta, ubi quoque crassior, sicuti tota basis solidior duriorque veluti adipe infarcta: Ipsam substantiam quum cultro dividerem, constare eam vidi ex fibrillis infinitis, varie invicem connexis & sanguine inter fibrillas concreto: Subtraxerat hæc mola foetus nutrimenti partem magnam, unde ante præfinitum tempus exclusus foetus. *Th. Bartholinus cent. 3. histor. 1.*

*Finis Libri Tertii.*





# ANATOMIÆ PRACTICÆ SIVE

## DE ABDITIS MORBORVM CAUSIS

Per anatomen Cadaverum revelatis.

LIBER QVARTVS ET VLTIMVS.

*De Febris, Affectibus Externis, Artuum, &c.*

SECTIO I.

DE FEBRIBVS.

### OBSERVATIO I.

*Febris excitata à sanguine vasa meningum replente & distendente, cum earum tumore phlegmonode. 1. A tenui meninge leviter inflammata, Sinu tertio sanguine referto, Superficie ventriculorum cerebri exulcerata. 2. A venis cerebri sanguine distentis. 3. 4. Ab inflammatione meningum, post vulnus capitis, sero & pure inter utramque concluso. 5. A phlegmone intra calvariam excitata. 6. Ab abscessu sub calvaria. 7. Ob cerebrum cancro affectum. 8. Ob pus supra membranas. 9. Ob dura meningis phlegmonem. 10. Ob ulcus in cerebro. 11. Ob abscessum in cerebro. 12.*

S. I. **I**UVENIS cum per duas septimanas de gravissimo capitis dolore conquestus esset, tandem Febris aucta, vigiliæ &c. Calvaria mortui ablata, vasa meningas obducentia sanguine distenta erant: Ipsæ membranæ tumore phlegmone per totum affectæ apparebant. *Vide libro primo, sect. 1. Observat. 8. & 14.*

### SCHOLIA.

**F**EBRIS aucta] Febris describi potest in hunc modum, quod sit motus inordinatus sanguinis, ejusque nimia effervescencia, cum calore & sui, aliisque præterea symptomatis quibus æconomia naturalis varie perturbatur. Pendet autem a præternaturali seu effervescencia nimia sanguinis; Fermentationem nimiam, seu præternaturalem dico, quando sanguis, (instar ollæ super ignem ebullientis) ultra modum effervescit, & turgescencia spumola rarefactus vasa distendit: Pullum celeritorem excitat, & velut liquor sulphureus incendio concepto calorem adurentem quaquaverius diffundit: Huiusmodi motus, seu fermentatio sanguinis optime illustratur exemplo vinorum effervescentium: Etenim vina, præter lenem & æquabilem fermentationem, qua prius depurantur, quibusdam temporibus adeo insigniter ebulliunt ut vasis ora excendant, & si strictim occludantur, in partes dissilire faciant: Ad hunc modum velut organo percita, ni sta-

tim à tartaro, seu fæce sua in vas aliud deplentur, effervescere non cessant, donec spiritu plurimum exsoluto, atque sulphure vel tale nûrium exaltatis, aut raucida fiunt vel in acetum degenerant: Talis effervescencia ob duas potissimum causas solet excitari, 1°. quando aliquid extraneum & non miscibile dolio infunditur (ita guttæ quædam sevi, aut pinguedinis dolio instillatæ hunc motum producant:) Vel 2°. quando vina fæce, seu Tartaro nimis opulento ditata, (propter partes sulphureas supra modum exaltatas) sponte fervores concipiunt & immaniter ebulliunt: Etenim in quacunque substantia sulphur luxuriat, ejusque particule a mixtione solutæ invicem consociantur, & una coëscuntur, ibidem tales effervescentiæ immodicæ conciliantur. Consimili (licet non eodem prorsus) modo quo vina effervescunt, ebullitio sanguinis inducitur, nimirum vel quid extraneum & minime congenex cruori commiscetur, quod

BBbbbb

cum

cum non assimilatur, perturbationem & effervescentiam inferre solet donec heterogeneum illud aut subigatur aut foras eliminetur, & particulae sanguinis confusae & perturbatae denuo extricentur, ac priorem in mixtione repetant positionem & situm: Vel 2°. sanguis præter modum effervescit, quia principium quoddam, seu elementum ejus constitutivum (scil. *spiritus* aut *sulphur*) ultra temperiem naturalem evehitur, atque effertum evadit: quo nimirum hujus aut illius particulae non congeneres cæteris, à mixtione solvuntur: solutæ plus debito impetum faciunt, sanguinis liquorem exagitant & effervescentiam pariunt, quæ minime sedantur, donec sanguis velut inflammatus, diuturno febris incendio deflagraverit: Utroque modo sive cruor, ob rei non miscibilis confusionem, seu ob *spiritus*, seu etiam *sulphuris* evecti effertationem, in vasis effervuerit, quoniam hinc compages ejus plus laxatur, ideo magis in corde accenditur & particulae activæ prius solutæ à fermento illic confecto plurimum excandescunt, & à mixtione exiliunt, & motu suo calorem intensum ac velut igneum quaquaverius dispergunt; Sub hoc tamen discrimine, quod effervescencia quæ ab extranei cum sanguine confusione dependet, sit plerumque brevior aut interpolata, quæ cum heterogeneum quodvis secernitur aut sub-

igitur, sponte sedatur: partesque sanguinis conquassatae, & extra ordinem posita facile ad situm & crasin naturalem redeunt: Quæ vero à spiritus aut sulphuris effertati inordinatio ebullitione exoritur, sit continua: nimirum hoc tota cruoris massa ita laxatur, & stricto mixtionis vinculo exsolvitur, ut tanquam liquor oleosus incendio correptus, effervescere seu inflammari non desinat, donec spiritus, aut sulphuris seu materiae combustibilis particulae maxima ex parte deflagraverint: Restat adhuc tertius præternaturalis effervescencie modus, in quo sanguis alterationem subit, quæ minime vino, lapissime autem lacti contingit, nimirum aliquando a causa morbifica ejus liquoris coagulatio inducitur, ita ut substantia illius fundatur, ac in partes secedat, fiatque crassi & terrestris à tenui secretio: Cujus ratione cruor minus idoneus in vasis circulator, quin portiones ejus gelatae in extremis defigi, aut in corde stagnare aptæ, motum æquabilem interrumpunt, aut graviter impediunt, cujus restaurandæ gratia effervescencie solito majores in sanguine concitantur, quales nimirum in phrenitide, pleuritide, peste, variolis & morbis venenatis passim occurrunt. *Willis de Febris cap. 2.*

§. 2. Barthol. Feer (*de quo lib. 1. tit. de affectibus Soporosis.*) Circa principium Novembris 1656. capite doluit: circa xj. febricitare mediocriter videbatur, die xix. lethargicus obiit, Aperto medio ventre, nihil in corde p. n. animadversum quod manifeste febrilem fomitem sanguini inesse proderet: Intra cranium, per duram meningem, tenuis quasi inflammata apparuit: verum illa discissa, vasa tenuis meningis, ad sinum tertium tendentia, triplo ampliora, citra inflammationem, ipseque unus tertius sanguine plenissimus apparuerunt, quod evenit à sanguinis circulatione impedita, vel prorsus intercepta: Superficies utriusque ventriculi aspera & inæqualis ac flaccida, humore purulento viscido imbuta, à quo inquinamenta putrescentia, massæ sanguineæ intra cerebrum admixta, febris lentæ causa evaserunt.

§. 3. Filius Dom. Porvart Regii in camera computorum Auditoris, cum bimestri Tertianâ laborasset, nec ad medicamentum adduci potuisset, cum cœlum incanduisset paulum, datur medicamentum cui indormiendum imprudens Pharmacopœus censuit, medicamentum inane fuit, movit, nihil exclusit: Ab eo tempore vix febris expers: De Dolo capitis, de quo prius non conquerebatur, queritur: dum paroxysmus repetit, repente *ἀπὸνος* fit, elatis in cerebrum vaporibus, imo & *febre ipsa jam cerebrum occupante* (unde calor acerrimi sensus apparebat) ac si febris esset Capitalis, ut sic loquar: per xxiv. horas *ἀπὸνος* fuit & *ἄνιστος* cum prehenderat: virtus erat debilis, nil natura præstitit quamvis irritata, *Convulsus interiit.*

In cerebro nihil deprehensum, venæ intumuerant parum: vi febris interiit, obfesso cerebro quoque, ut interea non esset flabellatio cordis ob respirationem non liberam. *Iac. Thevart Annot. 3. in conf. 58. Ballonii lib. 1.*

#### SCHOLIA.

**C**ONVULSUS INTERIIT] De causis convulsionis febribus supervenientis, aliisque morbis chronicis, vide Scholia ad observationem 3. sect. 13. l. 1.

*Febre cerebrum occupante*] Anno novissimo 1678. cujus ætas squallida & calida, febres vagantur sunt quæ cerebro omnes bellum indixerunt, symptomata enim aderant aut cataphorica, aut paraphorica, aut cephalalgica, ex pathognomonicis: Inter *omnes prænotia* in quibusdam observavi raucedinem & *οὐρανός, νόσος*, celi fauces vitii nihil proderent, cum deglutiendi difficultate; quorum symptomatum causa, me iudice, non alia fuit quam summa plenitudo & turgor vasorum colli, tum majorum tum capillarum, carotidum scil. arteriarum & jugularum venarum, hinc compressio & angustia ac depravatio functionis partium voci & sermoni destinatarum: *ἄλλος*

*ἄλλος*, nam superveniente hæmorrhagia narium, aut incisa altera e jugularibus, protinus illa accidentia remittebant: huic audacior factus quotquot curæ meæ demandatos habui omnes ad unum aperta vena jugulari salvos & incolumes reddidi: Ex illorum serie prior exeat Nobilis puella, Filia Excell. & Nobiliss. *Michaelis Tremulei*, Consulis Genevensis, annos xiv. nata, cui cephalæa ab anno indelinens molesta erat: febre vero (mente Julio) accedente duplici tertiana, paroxysmorum tempore adeo intendebatur dolor, ut sui impotens quid ageret nesciret; perspecta ejus temperie bilioto-sanguinea; quod jam ab anno decimo tertio catamena prodirent; nec ad iteratas sanguinis milliones tum e pede tum brachio dolor quicquam concederet, hæmorrhagiæ præterea narium esset obnoxia, Nobil.

Parenti

Parenti significavi, si penes me potestas esset jugularium alteram referaturum, quo è proximo fonte sanguis eliceretur: Consensit ille protinus, advocatoque perito venisecca, scalpellus venæ, ad minimi digiti crassitiem profunde adigitur, hinc rivulose & affluxum erumpit sanguis, cujus maxima pars mera purilago erat, ad purulentiam accedens: Ea ipsa die solatium nullum sequutum est, adeo ut auxilium irritum visum fuerit; at postmodum tanta fuit levatio, ut se doloris prorsus immunem asseruerit Nobil. puella, menti restitutus sit nitor, & iomnus, qui prius nullus, accesserit, quanquam febris ad aliquot dies cursum suum tenuerit: Eodem tempore sub cura mea habui juvenem Pharmacopæum ministrum, patria Lau-fannensem, apud Dom. Revilliod, Comate vigili, Lethargicæ febris specie imponente, affectum, ita-tim enim vocatus, sed delirans, excitabatur, Qui & ejusdem venæ sectione cito convaluit, & à sym-ptomatis cephalicis liberatus: Huic actenseo Pitto-rem phrenitide occupatum, ejusdem sectionis ope restitutum; Et Uxorem Tinctoris Setici, vocati *Sailler*, mulierem robustam, proceram, crassam, vi-

raginem, quippe quæ virilia officia in officina stre-que obit: Hæc mense Septembri ultimo, febre co-matosa affecta, cum insigni capitis gravitate, aper-ta quoque jugulari liberationem accepit: Prodeat adhuc Nobiliss. puer xi. annos natus, cui nomen *Ouvall* natione Borullus, Nepos Nob. Domini *Neubaur*, Equitum Magistri, qui una cum febre cephalalgia gravissima afflictus, quanquam moro-sus & remedia omnia respuens, admissa illa apertio-ne, affectus specie lethalis periculum evasit: Ean-dem sectionem destinaveram Theologiz candidato, Pedenontano, cui cum febre raucedo insignis & de-glutitionis impedimentum aderant, sed indicta ad sanguinis missionem hora, hæmorrhagia larga inci-dit, quæ raucedinis, febris & deglutitionis liberta-tem attulit: Ab hoc præsidio prætermisso, viri duo Clar. consistentis ætatis, pletherici, eadem tem-petate, ut verisimile est, interiere, quibus ab obitu largus cruor & aditus è naribus emanavit: De hu-jus venæ sectionis efficacia actum lib. 1. sect. 1. ob-servat. 1. in scholiis, & sect. 23. Observat. 1.

§. 4. Audimus D. Cardinalis Lotareni, qui febre velut capitali interiit, apertò capite repertas venas omnes adusto plenas sanguine, & meninges veluti tactas de cœlo & lide-ratas. *Ballonius Epidem. & Ephemer. lib. 2. pag. 129.*

## S C H O L I A.

Quibus in capite focus est, ut jam doctrinæ gra-tia Febris capitalis dicatur, oculi rubent, uo-lorque pulsatilis percipitur: est velut *vasum* venarum capitis, ut præcō quidem verbo, sed non inepto explicat *Hippocr.* initio lib. 2. de morbis, Annon arteriotomia confert? *Ibidem.* Anno 1575. capitis dolores viguere tanti tamque longi ut Medicorum opera eluderetur, &c. Unde cum tunc febre ægi vi-derentur, tamen erat nescio quæ oris siccitas, oculo-rum rubedo, pulsus in temporibus manifestus: Ac valde notandum quod *Galen.* scribit, comm. in aph. 3. lib. 7. *Rubor oculorum cum sequi possit ob venarum oculi inflammationem, maxime vero existit ob disposi-tionem in cerebro inflammationi similem:* atque tunc dolor est quidam perleverans, & habet aliquid puerorum *tho* *magis* referens: Est porro quædam inflammatio partium cerebri & membranarum, adeo ut oculorum & sinuipitis consequatur cavitas quæ-dam, cum *apoc* significet fossam & cavitatem in qua semina asservantur: *Langius* *seren* vult scribi, ut dicatur *tho* *seren* i. e. inflammari & exsiccari, quod pallor, cavitas & ariditas corporis conseq-uatur, cum insomniis & vigilia & vocatur alio mo-do, Febrilis capitis infantium dolor (proprie enim ad pueros refertur, quanquam cur non idem in vi-ris?) Ac proprie *πυρετος κεφαλικος* dici poterit: Quod valde notandum est, nam si exquisita esset inflam-matio, Phrenitis foret, Sed varietas humo-rum, si quidem humor est quidam pituitosus cum bilioso, efficit ut non sit phrenitis, sed quippiam analogon nec magna febris insequatur: *Idem ibid. pag. 114.*

*Febre velut capitali*] Dicimus paulum disceden-tes à doctrinā *Galen* febrem aliquam esse *cephali-cam*, aliam, *Lienosam*, *Ventriculi* aliam, *riepari-cam*; aut cum partibus ipsis inulta obstructio, aut impactus mordicus humor, aut corruptio contracta est: Ut si erroris convincendi sint qui & febrium con-tinuarum, & intermittentium & hæcticarum, & ma-zasimodeon sedem perpetuò in ventre inferiore con-

stituant: Contra enim sentiendum, imò, quod no-tandum est, febrium ardentium focum *Hippocr.* in capite videtur constituisse, & *Galenus* Pulmonis ve-nas: *Si in ardente febre aurium sonitus cum caligi-ne, proveniatque in naribus gravitas, mentis ex ma-lancholia aberrant*, parte 73. lect. 2. lib. 1. *Epid.* *Galenus* hunc locum explicat de febre ardente cujus focus est in cerebro, propter collectum in eo bilem quæ inflammationem excitat: Eaque febris distin-guitur ab altera, quæ sit non coacervata in cere-bro materia sed in venis inferioribus reside, a qua flatuosa exspiratio suscitatur delirium excitans: nam cujus febris ardentis materia in cerebro mansionem habet, ea continuam habet desipientiam, & sym-ptomata non ita sunt fugacia: atque materia dum ibi efferveicit, flatulentam naturam acquirit, cujus signa in variis corporis partibus apparent, prout illa in varias cerebri partes iniecit, parque hoc vel illud nervorum obfederit: Ac quæ ardens febris materiam habet in aliis partibus, non habet desipientiam affi-quam: prior febris phrenitidi simillima est, ob sym-ptomatum cognationem: sic in phrenitide sympto-matica ea est febris quæ adest: præterea ardens feb. primario cerebri affectu contracta, fere statim appa-ret, phrenitis non tam cito, si tempore acquiritur: in.ò ne in declinatione quidem feb. deliria quiescunt, quod aliter contingit in iis febribus quarum deliria sunt symptomata tantum, prout enim manifestat febris ita & deliria: Nisi quis forte objiciat duo ad-vertendum ea quæ dicuntur, 1. quod nota hæc phreni-tidis, & febris ardentis primario cerebrum impe-rentis malè assignetur, nimirum phrenitin non sub-ito nasci, contra febrem ardentem cephalicam sta-tim adorti? contra *Hippocr.* in *Epidem.* animad-vertit quendam phreniticum primo die factum, Sed hoc ex iis est quæ raro eveniunt; quanquam, ut *Galen.* in com. non ita fuit subita causæ generatio ut morbi ipsius: Si quidem prius *Hippocr.* scripsit, Non derepente morbi hominibus accidunt, sed paulatim collecti confestim apparent. 2. Quod in



declinatione febris cum phrenitide conjunctæ deliria non quiescant, quod alienum videtur, nam si febris symptoma est phrenitidis (quæ est inflammatio in cerebro & ejus meningibus impacta, ut *Gal. in Epid. explicat*) & mutuo tere sese consequuntur, non potest ea febris declinare quin & morbus ipse deserviat: Sed id dictum per comparisonem, nam quæ deliria sunt febrium ardentium symptomata, ideoque excitata quod venulas in cerebro membranisque sitas humores tantum præterfluant, non aurem impingantur, ut annotavit doctè *Galenus*, necesse est in earum declinatione paraphrosynem

§. 5. Miles in tempore dextro vulneratus fuit: septimo die febre inceptit, paulo post seu apoplecticus mortuus est.

Illi dura meninx inflammata & stupendæ crassifici fuerat; trans illam multum ichoris cruenti cum portione puris stagnavit: Tenuis meninx itidem inflammata & pure conspersa inventa fuit, ac sub illa ichor fluctuabat: *Ex Ephemeridibus Excell. I. Dom. Iohannis Burgoweri Poliatris quondam Schapphusiani, in Dissertat. de Apopl. I. I. Wepferi histor. v. Vide histor. Tit. de Vulnerib. capitis.*

#### SCHOLIA.

**V**ix vulnus insignius est, maxime si partes nervosas attigerit, cui non protinus febricula jungatur, quæ quando pus generatur, augetur: Unde prudentes Chirurghi, nisi largissime sanguinem vulnerati profuderint, tempestive plethoricis venam secant, victum tenuem & refrigerantem imperant, vinum denegant aliaque, quæ ad febrem ejusque fomitem submovendum pertinent, instituunt: In omnibus enim vulneribus, in primis partium nervosarum, labia vicinæque partes intumescunt aliquantulum & aliquomodo inflammantur; nam sanguinis, succi nervosi, & lymphæ motus perturbatur & impeditur, canaliculis per quos meant remeantque sauciis, contusis, compressis atque constipatis ab extravasato liquore: stagnantes incendium concipiunt, quod incrementa sumit, quando in pus mutatur, eorumque particula incensæ sanguini reduci magis admixtæ calorem p. n. in tota massa sanguinea accendunt, nunc majorem nunc minorem, prout scilicet inflammatio circa vulnus levior aut gravior

istam quiescere, Sed quæ delirationes in phrenitide sunt, ejus naturam necessario consequentes, & tanquam de essentia existentes, tametsi febris symptomatica declinet, non quiescunt tamen, non quod non remittantur, sed non tanta tranquillitas adest quanta in febribus essentialibus, quarum deliria symptomata sunt tantum: Quemadmodum itaque caput febris cujusdam focus esse potest, ita & partes reliquæ, ut magni intersit scire cujusmodi sit febris, ut illius sedes animo lustretur, tandemque parti quæ in vitio est legitima cura adhibentur. *Idem l. de virginum & mul. morbis c. 7. p. 10. Vide l. 2. p. 5.*

fuerit, quem merito Febrim nuncupamus, non secus ac continuas, quæ plerumque ab insigni & profunda inflammatione partis principis pendent & foventur: Febricula hæc plerumque periculo caret, nec molestiam aliquam patit, quæ alicujus momenti esset si ægri recte tractentur & sanguinis circulario reliquorumque humorum motus reparatur: si vero error committatur, raro impune illam ferunt: Apud militem istum indubie inflammationum reliquæ partium vulneratarum apparuerunt in cadavere, sc. dura meninx stupendæ crassifici, & tenuis meninx manifeste inflammata, à quibus febris excitata fuit; fovebatur autem ab ichore subcruento copioso cum pure intra spatium utriusque meningis, & sub tenui quoque fluctuante: postea à venæ sectione, & ætis frigidi admissione, particulis purtidis profundius adactis & percussis augebatur: A vini ingurgitatione, Venere & excandescencia prorsus effera reddita ægrum ad incirras redegit. *Idem ibidem.*

§. 6. Mulier leviter in capite percutitur: Tertio die Febris ingens sequitur cum rubore faciei: 5. die mors. Ingens phlegmone intra calvariam inventa; dura meninx tumens, dura, livida, copia puris suffusa. *Vide tit. de Vulneribus.*

§. 7. Miles in occipite vulneratur & moritur: Aderat rima & depressio solius cranii laminæ internæ, quæ cerebrum continuo compressit: hinc ortus abscessus sub calvaria, qui introduxit Febrem & phrenitidem. *Vide ibidem.*

§. 8. Puer vulnere in osse frontis accepto in febrem incidit, xl. post die: Alienatum & cancro affectum cerebrum in occipite inventum est. *Vide ibid.*

§. 9. Quidam percussus in capite cum maxima contusione: post quinque menses Febris oboritur cum rigore: Copia puris inventa fuit supra membrana, & intra cerebri substantiam. *Vide lib. 4. tit. de Vulneribus.*

§. 10. Studiosus vulneratur in occipite: Die nono Febris oboritur, 40. die mors: Dura mater circa tertium suum sinum, ubi torculare ascendit, prorsus livida erat. *Vide ibidem.*

§. 11. Puer glaciem transmittens in caput cecidit, unde paulo post Febris: Ulcus cerebri ovi magnitudine deprehensum est, quo dissecto aqua fetida promanavit. *Vide tit. de Vulnerib.*

§. 12. Rusticus aliquot vulnera in capite accepit, nono die Febris sequitur, xvj. mors. Sanies inventa est purulenta in ipsa cerebri substantia: abscessus in dextra occipitis parte, &c. *Vide tit. de Vulneribus l. 4.*

#### OBSERVATIO II.

*Febris ab Abscessu in Corde desinente in ulcus. 1. A concretione pituitosa in ventriculis.*

*2. A polypia in sinibus cordis, &c. 3. Mucosa pituitosa in corde, &c. 4.*

**F**ilia D. N. 14. annos nata correpta est febre cum cardialgia per intervalla recurrentes: Pulsus fere semper erat intermittens, cum dolore in summa scapula sinistra, Decubitu

bitu in sinistrum latus molesto, Tussi sicca, Dyspnœa, &c. Cor mortuæ albicans visum est, media sui parte fere exesum atq; ulceratum: In capsula cordis nullus humor repertus, &c. *Vide Tit. de Hamoptysi.*

§. 2. In corde Comitæ reperta est concretio quædam humoris pituitosi, flavescentis. Febre laboraverat. *Lib. 2. tit. de Pulsu p. n.*

§. 3. Emin. Cardinalis de dolore in Thorace conquestus (*vide lib. 2. tit. de Pectoris dolore*) febri quoqueprehenditur, 14. ab invasione die cum è medio tollens. In thorace, sub integumentis communibus, abscessus erat. Pulmonum substantia pure referta, In dextro ventriculo cordis Polypi duo. Semiputris erat Lien.

§. 4. Adolescenti crus dextrum vehementer doluit cum acuta Febre. Abscessus adfuit cum pure albo in apice gibbæ Hepatis partis, Dissectione cruris facta, in mediis musculis pus album inventum: In corde sanguis veluti mucosa pituita, Alius abscessus purulentus sub ala dextra. *Vide tit. de Doloribus Externis.*

## OBSERVATIO III.

*Febris Pulmonum inflammationis comes. 1. A Pulmone dextro inflammato & tabescente. 2. Semi-putri ab inflammatione. 3. Pulmonibus retorridis & purulentis, cum hydropothoracis dextri. 4. Ab Empyemate universali pulmonum. 5. A Pulmonum parte fere tabida, pure in thorace. 6. Ob lapides plurimos lateribus asperæ arteriæ incumbentes. 7. Ob Pulmonis substantiam pure refertam, & Serum Mediastinum replens. 8. Ob Pulmones purulentos, corruptos, Intestinorum phlegmonem, & aliarum partium vitium. 9. Ab Apostemate & hydropothorace Pulmonum. 10. Ab omnibus Pulmonum vasis sanguine plenis. 11. A Pulmonis dextri purulenti. 12.*

**I**lluſtr. Baronissa de Coudrée, ætatis ann. 65. sterilis, post casum ex rheda in partem capitis lævam, defluxum perſenſit in maxillam diuturnum & dolorificum, unde Febriſ, sudores nocturni, melancholica phantaſmata; Vario ſucceſſu dimicatum eſt, tandem Febriſ invaluit, & mortalitatem exiit.

In aperto cadavere Pulmo repertus eſt inflammatus & lividus, cum maculis nigris: Ventrículo amplius, cor flaccidum; hepar extremo lobo lieni adhærens, Uterus immenſe tumens & plane ſcirrhofus, Proſtrata ovi magnitudine referta pure: Cyſtis fellea referta lapillis & ſcirrhofa. *Ex ſchedis Clar. Dom. D. Alexandri Deodati Medici Genev. & Decani.*

§. 2. Uxori N. à partu ſubſiſterunt lochia, hinc febris, dolor lateris ſiniſtri: circa vespertam illa recrudescēbat, mane remittebatur. Pars ſiniſtra pulmonis fere magna ſui parte tabuerat & rabo infecta erat, ſana reliqua ſubſtantia. *Vide lib. 2. tit. de Phthiſi.*

§. 3. Joh. le Mire febre ingenti prehenſus eſt cum dolore pungente ac fixo ad noſthas coſtas, &c. Semiputris erat Pulmo ab inflammatione medix ejus partis. *Vide lib. 2. tit. de Lateris dolore.*

## S C H O L I A.

**S**emiputris ab inflammatione] Sanguis & quivis humor alius, in parte animalis aliqua copioſior, & ſupra vires collectus & infarctus, quia biſariam non diſſilatur, nec à partis natura vincitur, putreſcit: Unde tanta tumorum p. n. & utriuſque generis abſceſſuum colluvies, quibus Febres ſuperveniunt, nunc acutæ, nunc lentæ, nunc ſtatim ab initio, nunc ſolum, aut magis dum pus conficitur: Phlegmonis namque internis, ut phrenitidi, cynanche, peripneumonix, pleuritidi, & quæ diaphragma, ventriculum, hepar, lienem, inteſtina, renes, velicam, uterum exercent febris acuta, (preſertim cum ſunt magnæ)

una cum iſiſ invadit: cum vero parvæ ſunt, aut externe, mitior & ſimplicior, & diariæ affixis, poſt apparet, preſertim dum pus generatur: Quin & partium quarundam, tum internarum tum externarum putredo quædam paulatim lenta morte iſiſ partes corrumpit. Id quod externe ante mortem, interne poſt mortem, ſectò corpore, palam oſtendunt, cum antea nemo horum quicquam corruptum vel ſuſpicaretur: Ob id quod harum partium alterationes, & ſolutiones continui, dum paulatim ſiunt, raro ſentiantur ab ægris, etiamſi in parte ſint ſentiente. *Inc. Sylvius comment. de Febribus p. m. 108.*

§. 4. Uxori N. ſpirandi difficultas accidit; acceſſit febris, eſi levis admodum. Illi thoracis dextri ſpatium aquæ magna vieraſt diſtentum: Pulmones retorridi & multo purulento rabo prægnantes. *Vide tit. de Dyſpnœa lib. 2.*

§. 6. Uxor D. N. nata patre pulmonico, concepit, peperit, à partu ſubſiſtunt lochia, Febris, dolor lateris ſiniſtri: Pars ſiniſtra pulmonis magna parte tabuerat: purulenta materia ea thoracis parte continebatur. *Lib. 2. tit. de Phthiſi.*

§. 7. Quidam laborabat magna dyſpnœa, tandem Febre ſuperveniente obiit. Lapides variû asperæ arteriæ incumbentes immediate eam comprimebant. *Lib. 2. tit. de Dyſpnœa.*

§. 8. Vidua D. N. subito asthmate prehenditur; die 4. accedit Febris cum tussi & sputo sanguineo &c. Inventum est mediastinum plenum sero sanguineo: Pulmonis universa substantia materia purulenta erat referta. &c. *Vide lib. 2. Tit. de Pectoris dolore.*

§. 9. Duo sunt quæ inter accidentia symptomataque in febres, quæ hac tempestate grassantur, incidentia numerantur, quibus plurimum ægri torquebantur, Singultus ac Tussis: Nec ita quidem molesta esse cœperunt, vel quod totum febris tempus occuparent, vel quod brevissimo tempore divexarent: Vidimus enim incunte statim accessione ita suffocationis periculum oboriri & tussis molestias, ac si nulla vitæ spes relinqueretur, desinente accessione placide ac sedate habebant: Singultus autem in nonnullis ita molestus fuit, qui febre nocturna, mox diurna, cum destillatione in pulmones laborarent, ut omnia præter Singultum moleste ferrent: *In huius fuit Dominus de Bures*, cui antequam cessaret singultus, totum corpus intumuit: Detumesciente corpore repetiit singultus, afferens ei aliquid permolestius quam ante: nam & ulcusculum excitavit in partibus ad orificium ventriculi attinentibus, nam cum quid deglutiebatur aut calidiusculum, aut manifesta qualitate præditum, percipiebatur in imo œsophagi dolor: Illi autem à Singultu, cum abdomen inflatum fuisset, alvus biliosa reddidit, post excretionem biliosorum sequuta sunt purulenta, quod mirum est, Nec credidimus hæc à pulmonibus emanasse, quamvis hos laborare suspicaremur: cum enim à partibus superis tale quid contingit, id simul & semel fieri solet: at hic æger sæpe eam excrevit materiam.

Hic æger *Singultiens, tussiens, febriens*, ad tabem vergens, interiit; Aperto cadavere inventus est hydrops ascites in abdomine: Inventi sunt pulmones purulenti, corrupti, Intestina liveſcebant, quasi siderata superna parte: unde credibile tum singultus magnam occasionem illinc natam, tum syncopes qua prehensus est: Lien plane putris: Denique nulla in toto corpore pars inventa est integritatem suam servans: Dejectiones purulentæ, nobis admirationi fuerunt, à putri mesaræo manabant; Dejectiones antequam diem suum obiret, præcesserunt nigrae, pici liquidæ similes. *Ballonius consil. 25. lib. 1.*

#### SCHOLIA.

**S**ingultiens, Tussiens, Febriens ] Ecquid causæ fuit tum Singultus illius tum Tussis in accessionis tempora incidentis? Ac Tussim quidem eo sævire tempore quo paroxysmus repeteret ex eo conjicimus, quod febris à catarrho maxime esset, Et quæ materia subtilis acrisque, quæ rigorem sensationemque frigoris afferre solet, quiescebat aliquo loci conclusa, dum ruptis veluti repagulis deservit decurritque in extrema corporis, teriendo superiores membranas, pulmones vel vestientes, vel illis proximas, tristis ille sensus Tussim afferbat: Præterea in catarrhis febribus, quid impedit moveri quoque materiam in pulmonibus & capite ipso, quæ dum cietur, suscitatur, impelliturque, hoc molestiarum afferre solet? accedebat & nocturni temporis occasio, qua pituitæ saltæ setosæque impulsiones & molestiæ sese produnt: ut enim universalium temporum aliqua est observatio in motu humorum, ita & particularium. Sic ascarides moveri autumnio scripsit Hipp. sic in vespertinum tempus earum ascaridum motus incidit; quod & defluxionum incursionibus verum esse mulierculis compertum est. *De Tussi quædam huc pertinentia Vide lib. 2.*

**Singultiens ]** Singultus majorem difficultatem afferbat, nam xii. aut xvi. fere noctes affligebat: at leviusculis remediis superatus, relabatur recumitque cum molestissimo ulcerationis sensu circa oritium ventriculi. Quæri potest an hic æger singultiente febre laboraret. An quicumque febre detinetur, cui

tanquam *σπασμὸς* symptoma adjungatur Singultus, febre singultuosa laborabit? Nequaquam verò, Nam & qui sub finem febrium, aut principio illarum male judicati sanguinem multum profundunt, unde ratione inanitionis & exhausti singultus oboritur, ob id Singultiente febre teneri dicuntur? Nequaquam. Ergo in omni Hipp. doctrina una Singultiens febris dicitur, ut inquit *Galenus* comm. in sect. 4. Acut. cum vel toto febris tempore Singultus molestus est, vel maxima saltem febris parte, illum generet vicidus lentusque humor, impactus orificio ventriculi: Unde Hipp. negat ejusmodi febres solummodo iri, nisi aut diebus judicibus, aut urinae profluvio acris, aut abicellu: Sed in hoc ægro detumesciente corpore repetit Singultus, afferens aliquid per molestius quam ante, nam & ulcusculum excitavit in partibus ad orificium ventriculi attinentibus. Ad genus febrium Singultientium fortasse referri dicet quis febres acutas ab inflammatione aut hepatis, aut ventriculi natas, aut partium vicinarum: quæ inflammatio, ut narrat *Aetius* cap. de Singultu, singultuendi molestias afferit, quod & Hippocr. primus annotavit: Item referri videbitur, sed minus apte, Febris singultiens scenum hernia laborantium, & supinatione ventriculi: nam dum intestinum prolaptum est, præsertim Jejunum, Singultuendi finem non faciunt, & hoc in mortem præcipitare solet.

§. 10. Rarissimus affectus est quo obiit Sereniss. Venetorum Dux, *Franc. Contarenum*; cuius ægri tudinis causa ter Venetias vocatus fuit *Ioh. Prevotius*, variisque nominibus cum aliis Medicis dissentientibus disceptavit: Die ipso Solstitii æstivi inciderat in acutissimos dolores colicos, quibus erat obnoxius, iisque vix altero die liberatus ope remediorum præcalidorum, incidit in Febrem quæ typum duplicis tertianæ servabat, redibatque modo anticipando per aliquot dies, modo per totidem & plures post ponendo præportionaliter: Vigilia & sitis molesta fuit usque ad septimam, quo tempore, occasione levis medicamenti oborta est diarrhœa biliosa, quæ ad 40. usque diem perseveravit: Urinae ab xi. die semper apparere mediocris



diocris consistentiæ; ut plurimum rufæ, copiosæ, modo cum sedimento albo & lævi, modo cum suspenso boni coloris, levi & satis coherente, aderat quoq; levis tussicula quæ è faucibus videbatur aliquid pituitæ crassæ reddi, respiratio satis erat libera, difficilis tamen ad latera decubitus: ad oblata semper bene se habuit: Pulsus erant magni & fortiores quàm ætati convenirent. Ad 40. diem febris visa fuit remittere, neque ulla manifesta aderat exacerbatio: Alvi recrementa cœperunt consistentia fieri & fœces bene coloratas præ se ferre: pulsus perseverarunt robusti, retinebant aliquam non naturalem celeritatem, neque unquam recuperavit appetitum: Singulis autem 8. vel 10. diebus revertebatur manifeste febris, quæ duabus aut tribus accessionibus manifeste finiebatur post levem alvi evacuationem, vel spontaneam, vel clystere aut levissimo pharmaco procuratam, perseverabat tussicula & difficilis decubitus: Sub æquinoctium increvit tussis & catarrhus ipsis alias familiaris; cætera perseveravit in statu proposito usque ad Octobris initium, valde emaciatus: Eo tempore rediit febris bis, alternis scil. diebus, sed cum spirandi difficultate & anxietate tam insigni in principio accessionis, ut vix duos illos insultus superaret, reddita autem copiosa bile per alvum beneficio clysteris, febris illa manifesto cessavit. Inde traduxit fere mensem integrum quiete, & si tussiculam exciperes, difficilem ad latera decubitus & inappetentiam, quæ nunquam cessarunt, videbatur Sereniss. ad convalescentiam pervenisse: dormiebat enim, comedebat sine nausea, aliquando surgebat è lecto, solus etiam absque innixu parum perambulabat, pulsum servans constantem & robustum, qualem ab initio morbi habuerat: Ecce autem circa Decembr. initium spirandi repentinam difficultatem, cum anxietate & febricula, cujus obscura erat accessio alternis diebus, pulsum mira inæqualitate & parvitate: decumbere cogebatur pene rectus, neque poterat ad latera: Sentiebantur ingentia murmura ventris, & ob flatum copiam subinde cibi & potus deglutitio impediiebatur, spuebat difficulter crassa, cinerea, subflava, corruptum quid redolentia: urinæ erant crassæ cum sedimento copioso & crasso. Die 6. Decembr. in principio accessionis, dictorum symptomatum vehementia obiit, cum ex pulsu ante explorato in sequentem diem vivere posse crederetur: Medici Veneti malum semper retulerunt in insignem jecoris æstum & siccitatem pulmonis, quem consumptum & arefactum credebant: ideo mellita, saccharata, aliæque aperientia, detergentia, & mediocriter catarrhum absumentia, necnon ventriculum, & pulmones roborantia nunquam usurpare voluerunt:

Die 7. apertum fuit cadaver: Intestina omnia, crassa & tenuia, flatibus distenta erant: Jecur tumidum & spongiæ instar plenum materia alba, quæ omnem partis rubedinem abstulerat, adeo ut parenchyma varie dissectum, ubique album appareret. Cor prægrande, nullatamen materia intrus aut extra contaminatum. Cavitas pectoris lbv. circiter aquosæ materiæ continebat; dextra pulmonis pars flaccida videbatur, crasso & mucoso humore oppleta: sinistra prorsus resoluta erat in saniem albicantem, quæ tunica pulmonis ut in sacco continebatur: Ea dissecta effluxit in cavitatem thoracis sanies ad 3xvj. circiter: Plane nullum pulmonis vestigium sinistro latere, præter membranæ, quæ costis adhærebat, indicium relictum erat. *G. Hieronymus Velschius ex I. Pravotii observat.*

§. 11. Vocatus fui ad Comitum L. *Gonzacha* quarta die, qui obiit sexta: Inveni omnia vasa Pulmonis plena sanie simili lacti: Dissecui etiam puellam xiiij. annorum, Et cognovi illam ex simili defluxione obiisse; erat enim puellæ morbus jam diu in capite, ex suppressa purgatione per ulcera, nec adventantibus mensibus correpta Febri, &c. *Vide lib. 1. Sect. de catarrho.*

§. 12. Piscator in cerevisiaria taberna cum sociis potans, poculo lapideo in capite feritur: Solutio continui nulla, tumor cutis exiguus, quo litu oleorum à Chirurgo brevi discusso, Piscator ad scapham suam, & post ad compositionem rediens, non multo post Febre correptus satis concessit: Qui percusserat cædis male insimulatus, capitur, carceri mandatur, supra extincti sarcophagum ex more patriæ decollandus,

Venitur ad apertionem cadaveris, In capite cis & citra calvariam omnia sanissima, nec ullum læsionis vestigium: Aperto thorace Pulmonis lobum dextrum pure refertissimum, quantus erat, deprehendimus: In sinistro quindecim abscessus, unguem pollicis æquantes observamus, Cum ab illis abscessibus, quos à capitis contusione processisse, si quæ fuisset, impossibile erat, enecatam Piscatorem jurejurando affirmaremus, compotorem carnificis manibus ereptum libertati restituimus. *H. ab Heers Observat. Spadam. cap. 2.*

## S C H O L I A.

**O**B capitis vulnera in Jecore abscessus sæpe fieri, experientia compertum est, quos ibi localem habuisse generationem, a cerebro non ducto exor-

dio quidam falso existimant. Id si in Jecore contingat, quidni & in pulmonibus vicinioribus capiti? Quanquam citra hujus læsionem in Piscatore, quod

laxationis experti apparuit) Pulmones vitium contrahere potuerunt. Possibile tamen fuit ut primigeniz capitis affectionis vestigium nullum se exhibuerit, superstitie ea quam per sympathiam conceperant

Pulmones, quorum vitia, si substantiam attigerunt, pene sunt indelebilia: Vide tit. de Uulneribus, exempla abscessum in Jecore sequutorum capitis vulnera.

## OBSERVATIO IV.

*Febris ob affectum Oesophagum ad os ventriculi usque. 1. Ob apostema in Ventriculo. 2. Ob ventriculum inflammatum, hinc perforatum. 3. Ob Ilei intestini inflammationem. 4. Ob abscessum Mesenterii. 5.*

§. 1. **A**dolescens dysenteria cum febre correptus est: Aperti oesophagus interior, ad os ventriculi superius, & ad medium thoracem niger, corruptus, Pulmones alterati, &c. *Vide lib. 2. tit. de Dysenteria.*

§. 2. Uxor N. dolore ingenti circa ventriculi regionem cum Febre afficiebatur. Apostema in orificio ventriculi inferiori & duodeno inventum: In cavo ventriculi multum erat sanguinis: Cystis fellis maxima & turgens. *Vide lib. 3. tit. de ventriculi dolore.*

§. 3. Uxor N. Febricitabat, vomituriēbat, &c. Deprehensus ventriculus ad fundum perforatus. à prægressa inflammatione. *Lib. 3. tit. de ventris tumore.*

§. 4. D. N. laborare cœpit colico dolore vehementi: tertio die supervenit Febris: Intestinum Ileum erat convolutum, Ea portio gangræna affecta cum portione mesenterii sibi adjuncta. *Vide tit. de ventris dolore lib. 3.*

§. 5. Virgo in dolores pro colicis habitos incidit, remediis insuperabiles: succedit febris quotidie cum rigore insigni repetens, & tandem marasmus. Mesenterium pure repertum & turgidum erat. *Vide lib. 3. tit. de ventris dolore.*

## S C H O L I A.

**I**N dolores pro colicis habitos, &c.] Sicut doloribus his febris succedit, ita vicissim febris intermittens in dolores hos transmutantur, monente Ballonio ex Fernelio, paradigmata 8a. In colicis aut doloribus cavendum ne decipiamur; nam sæpe in fine febrim contingit à centro materiam regeri in abdo-

men, ibique dolores excitari colicis similes, cum in illis nulli aut exigui flatus contineantur. Sæpe humor biliolus ferit & distendit, dolorēque excitat, qui colicum mentiat; Interdum continentur abscessus, à quibus dolores colicis non absumiles excitantur.

## OBSERVATIO V.

*Febris ab Hepatis inflammatione. 1. Ab ejus vomica. 2. Ab ejus tuberculis & abscessibus 3. A lapidibus in vesica fellea. 4. 5. A bile multa in cysti. 6. A lecoris incendio. 7.*

§. 1. **R**ever. N. insignis in hypochondrio utroque tumor cum febre vehemente, Hepar tumidum, induratum retorridumque, & pumicis instar hiulcum repertum. *Vide lib. 2. tit. de Dyspnoea.*

§. 2. Cuidam aderat Febris, dyspnoea, &c. Vomica in Hepate cum maxima puris coactione reperta. *Lib. 2. tit. de Lateris dolore.*

§. 3. Sæpe Jecur animadversum tuberculis & abscessibus instar furunculorum obsideri, quorum non aliud signum fuit quam febris mediocris, cum siri, &c. *Fernelius path. lib. 6. cap. 4.*

§. 4. Inveni in vesica fellea famulæ duos insignes lapides cœruleos: laborarat diu regio morbo, ac ultimo febre correpta occubuit. *Vide lib. 3. tit. de Ictero.*

§. 5. Nob. Ictericus tandem obiit ex febre. In vesica fellis inventus lapis durissimus. *Idem ibidem.*

§. 6. Sectus à D. D. Sylvio Febricitans & ictericus, in quo folliculus fellis grandis, distensus bile. *Vide lib. 3. tit. de Ictero.*

§. 7. Filiola Dom. N. duos menses febricitaverat. In mortua inventum Hepar incanduisse præ calore, ut esset friabile. *Lib. 3. tit. de Diarrhœa.*

## OBSERVATIO VI.

*Febris ob Renes lapidibus obfessos. 1. 2. 3. Ob eorum inflammationem, hinc consumptionem. 4. Ob inflammationem eorum figuram depravantem. 5. Ob sinistri corruptelam, cum scirrbo Pancreatis. 6. Ob eorum corruptionem cum lapide in cysti. 7. Ob Vesicæ urinariae inflammationem. 8. Ob inflammationem ejus colli. 9.*

§. 1. Jog.

§. 1. **J**oh. N. ren sinister lapide angulos obrufos habente obstructus erat; febris conclusa plus in recessu quam in fonte habens.

Viduz N. ren sinister lapide obsessus erat exiguo: in magnam molem undique increverat: Febricitavit, tabida facta est. An verum illud à renibus febres marasmodos contingere? *Vide lib. 3. tit. de Diabete.*

§. 2. Filii N. aperto cadavere, nephriticus deprehensus est, Febris perseverat. *Lib. 3. tit. de Lumborum dolore.*

§. 3. Nicolæ nephriticæ Febris accessit cum lumborum dolore, &c. Ren sinister extrinsecus lividus ac tumidus; intus aqua & calculis infarctus, &c. *Vide tit. de Lumborum dolore.*

§. 4. Magnus Vir nephriticus, rigoribus & Febre inordinata prehensus est. Fuerunt juveni renes consumpti, ut portio, quæ reliqua fuit, frangeretur. *Vide lib. 3. tit. de Lumborum dolore.*

§. 5. Cl. Joh. Sperling diu nephritica supervenit Febris cum lumborum doloribus, Renes apparere penitus inflammati, Tumor vero adeo increverat ut eorum figura externa mutata esset. *Vide tit. de Lumborum dolore.*

§. 6. Matrona (*Vide tit. de ventriculi dolore*) dolore ventriculi correpta est cum conatibus ad vomitum, succedente Febre insigni. Pancreas maximum erat & scirrhosum. Ren sinister colloquarus omnino erat.

§. 7. Nob. dysuriæ renumque doloribus obnoxius, sitiebat, Febricbat, &c. Ren sinister erat albus, semiputridus intus, materiam purulentam continens. In vesica fellis lapis durus, &c. *Vide lib. 3. tit. de Lumborum dolore.*

§. 8. Quidam post equitationem urinæ passus est suppressionem, cui mox Febris successit. Vesicæ partem inferiorem gangræna invaserat: Pus copiose cum urina effluebat, à vesicæ inflammatione. *Lib. 3. tit. de Ischuria.*

§. 9. Vir lotia cum viscida materia reddens, cum Febre & Ischuria periit. Inventum est ulcus & inflammatio in collo vesicæ. *Vide lib. 3. tit. de urinis p. n.*

## OBSERVATIO VII.

*Febris à collo Matricis cancroso & ulcerato. 1. A secundinarum putredine. 2.  
A corruptione uteri, foetus, secundinae. 3.*

§. 1. **N**Ob. Matrona suppressione mensium bimestri spatio cum laborasset, tandem exortus est dolor & inflammatio partium genitalium: Ab adhibitis medicamentis acerbis auctus est dolor, aucta & Febris. Aperto mortuæ corpore totum collum matricis plane cancrosum & exulceratum repertum est. *Tit. de Hypogastrii dolore.*

§. 2. Mulieri post xv. annos à connubio parere contigit, laboravit multum à partu: Secundinæ substituerunt, avulsæ frustillatim: Obstetrix assererat superesse aliquid: Febris nata, hinc nigra lingua, Dentium intervalla scabritie nigricantia, facies *rupe*, septimo die mortua.

Secunda, inventa caro oblonga adnata utero, & membranarum pars quæ computruerat. *Hollerius lib. Observat. propr.*

§. 3. Uxor N. foetum mortuum quinque menses retinuit, accessit interim Febris. Foetus computruerat cum utero, involucris, &c. *Vide tit. de Partu difficili lib. 3.*

## OBSERVATIO VIII.

*Febris ab abscessu intra musculos abdominis & peritonæum, post conquassatum corpus à pertransiente rheda.*

**Q**uidam à rotis rhedæ circumrotatis super hypochondrio dextro fuit conquassatus, hinc Febris symptomatrica, &c. Incisis musculis abdominis effluxit materia purulenta copiosa, ab apostemate intra abdominis musculos & peritonæum genito. *Vide lib. 3. tit. de Hypoch. dolore.*

## OBSERVATIO IX.

*Febris ictum lateri inflatum sequuta, à contusione facta in subditis partibus.*

**I**uvenis (*de quo tit. de Hypochondr. dolore*) ictus in hypochondrii dextri lateris infima sede, unde Febris, &c. mors: Intestina subdita maculis lividis obrita. Sepri transversæ sedos dextra, livida. Mesenterii vasa circa originem penitus cruenta & velut contusa.

OBSERV.



*In mulieris apoplectica cum Febre morientis cadavere, vix uncia quatuor sanguinis residua reperta sunt.*

**O**lim invisi Dominam Illustrem, quæ dudum colica & affectibus convulsivis miserrime afflicta & plane attrita, demum in apoplexiam cito lethalem incidit. Huic cum pulsus fortissime vibraret, sanguinem è vena jugulari ad  $\frac{3}{4}$  iv. detrahendum præscripti, qui mox à vase pertuso tanto cum impetu exiit, ut crederem illinc totam sanguinis massam, modo sineretur, effluxuram fuisse.

Nam postridie cadavere aperto, sanguinis vix alias uncia quatuor in toto corpore residuas inveni, & tamen hic Febricitans moriebatur. *Willis.*

## S C H O L I A.

**F**ebriticans moriebatur] Non minus usitatum est cum Lethargus affectio principalis fuerit, Febrim succedere, eique tam originem suam quam solutionem debere, quippe febris post veterium incipiens, eo discusso mox sponte cessat, Talem itaque non à sanguine, ob particularum intestinarum dissidia effervescente, sed propter corporum continentium & vicinorum impulsus, cursum ejus varie alterantes ac interturbantes putamus exoriri. Enimvero recta sanguinis temperies, non tantum à particulis ejus rite commistis & subactis, sed insuper à motu cordi & vasis impresso, sive circulatione organica plurimum dependet: nempe ut liquor ejus pari & æquabili fluxus & refluxus modo ubique distluat, qui sicubi remoram, sive obicem offendens retardatur, in toto præterea alveo motus ejus impetuosius & cū tumultu febri peragitur: Hoc manifesto liquet in passionibus violentis, doloribus acutis, solutione continui, in quibus singulis cruor uno loco obstruitus, aut coarctatus, in aliis vero vehementius correptus, effervescenciam febrilem concipit: cum nempe ob finem ne circulationis filum, à quo vita necessario dependet, abruptatur, quare, ut in proverbio

dicitur, *Nemo sine febre moritur.* Nam utcumque deficiat aut depauperetur sanguis, atque partium omnium morticium vires fatiscant, tamen in agone febris instantis, aut instare visæ, mero naturæ impulsu fibræ ubique nervæ sese erigunt, ac ultimos conatus exerunt ut sanguinem interfluum propellant & motu rapidissimo circumagant: Par omnino ratio est febris lethargicæ, quæ tantum organis vitalibus à natura laborante plurimum iacitatis, & propterea sanguinem vehementer circumpellentibus exoriri videtur. *Idem ibidem.*

*Ut crederem totam sanguinis massam, &c.]* Nob. puer Bernas, Genevæ degens, annos natus x, anno 1674. ex terrore in vehementissimam convulsionem Epilepticam incidit, quæ cum omnibus remediis resisteret, quia tumebat & rubebat vultus, ex meo & D. D. Crameri consilio missus è cephalica sanguis, qui tanto impetu prosiliebat, ut totum sanguinis massam, intereadum ibi sanguinis alteri demeretur, exhaustire licuisset: paulo post admoto Inio caustico actuali citra recidivam sanatus est: paroxysmus quatuor horas excessit.

## A P P E N D I X.

*Febris brachii dextri particularis Quotidiana.*

**I**n insula nostra Mariæburgensi Majori, quidam nomine *Martin Genger*, in dextro brachio certe admirandum Febris monstrabat ludibrium: Totum brachium dextrum circa horam septimam matutinam primum frigore maximo corripiebatur, ad tactum etiam perceptibili, reliqua corporis parte naturali calore participante. Circa horam circiter octavam rigor & tremor quasi digitorum & manus conspiciebatur; tandem tribus horis elapsis calor præternaturalis ingens totum brachium quasi excandefactum reliquit: Durabat febris usque ad duodecimam, continuabat jam sexta septimana: Notabile hoc erat, Vomitus sæpius comitabatur febrem, aliquando anteibat, Post remissionem febris, præcordiorum dolores & punctiones circa mamillam dextram sentiebat, qui tamen emplastro de santalo cedebant: Curata ista febris æque tali methodo & via sicut alii febricitantes, auxiliante Deo, parvulo suo servo communicatis medicamentis, sunt restituti. *Andreas Cnosselin in Miscell. curiosis anni 1673. Obs. 205.*

## OBSERVATIO XI.

*Febris Hæctica Phlegmonarum internarum fere comes est.*

**V**idi inflammationi laxioris Intestini diutius succedere Marcorem, ac stomachi, ac vesicæ, ac renum: Fuerunt autem nonnulli qui affecti erant difficultate intestinorum, Et ut in summa dicatur, quoties præ exsiccatum cordis ipsius corpus febrilem calorem suscepit, solutu difficilem. *Hæstor Gibaltus comm. ad cap. xii. lib. i. de differ. febrium Gal.*

## S C H O L I A.

**F**ebbris Hectica est calor p.n. in substantia cordis, primum & per se inhærens & infixus: Solus calor elementaris supra modum auctus febris Hecticæ est essentia. Hecticæ febris pathognomonicum signum constituunt hæc tria, 1°. quod sit Continens, 2°. quod Exacerbatur duas fere horas post sumptum cibum; 3°. quod corpus vehementer *Consumatur*: Continencia nascitur quod cordi continenter aliquid molestum sit, ideo Cor continenter celeriter pulsus facit. Id autem vel est in materia sanguinea, vel in loco extravasato. In massam venit quod paulatim pravo victus genere sit contractum, vel quod reliquæ sint alicujus ardentis febris nondum evictæ, quæ sensim reliquum corrumpunt, & cor molestant. *In loco extravasato*, ut cum humor aliquis putrescit in parte ubi colligitur, ut crudum tuberculum in pulmones vel quando ipsa pars putrescit, ut pulmo, vesica, renes, mesenterium, &c. sed hæc partes præcipue: *Exacerbationis* post cibum causa est, vel quia cibum malam largitur qualitatem (quod potissimum in fine hecticæ accidit, cum ventriculus incipit non bene coquere) vel quia cibum & potus particulas calidas existentes dissolvit, quæ dissolutæ magis sunt cordi molestæ: Partes autem hæc sunt humor acidus & sal. Si enim oleum vietrioli in manu contineas & parum aquæ affundas, non poteris præ ardore continere, & videbis eos qui falso catarrho laborant, si bibant, febrem incurtere, quia materia motu dissolvitur. Si non bibant, imminues illam, quare & recte *Galenus* calcem vivam pro exemplo adduxit, in qua partes calidæ sunt sal. *Consumptionis* denique causa est continencia febris, unde humores inepti redduntur ad nutritionem, & ardor assiduus omnia intus depopulatur. Huc etiam facit coarctatio partium motum sanguinis ad se non admittentium. *Signa causarum*. Si humor

in massa sanguinea corruptus sit, fere æqualiter affligit, nisi quod post cibum exacerbetur, & urina exhibeat interdum sedimentum (quod sæpe in sanis nascitur, ideo quod ventriculus male se habeat) Interdum vero non præcesserunt causæ ante dictæ, æget se febricitare non putat, etsi materia extravasata in causa sit, ac proinde cor continenter afficiatur, tamen multæ contingunt exacerbationes, ob pus nunc confertim, nunc parce, nunc raro, nunc frequenter ad cor à foco veniens, unde interdum ægit subito extinguuntur.

*Succedere marcorem*] Tres gradus Hecticæ dantur, *Primi* gradus signa cedimus, communia reliquis: *Secundi* gradus signa sunt pinguedo in urina, & manifesta consumptio: consumptio autem omnium partium simul à principio fit, non scorsim hujus aut illius: *Tertii* gradus signa sunt ardor in gutture, prostratus appetitus, frequens lipothymia & facies hippocratica, consumptio totius jam fere peracta. Pinguedo in urina fit consumpta membrana interposita pinguedine, & hoc modo circulatio sanguinis prohibetur, & consequenter nutritio, unde partes concidunt. *Walens Practica cap. xi.*

*Præexsiccatum cordis corpus*] Unica quidem est Hecticæ species, sed gradibus differens, nam primum humores alibiles sive secundarii effervescent, post exsiccantur, demum in carnem & solidas partes calor grassatur, atque cum extrema macies est, Vocatur Marasmodus, sicut Marasmus in senio sine febre contingit. Humores autem secundarii sunt Ros, Gluten, Cambium: humorem Innominatum non agnoscit laudatus *Walens*, Ros illi est quod diluitur quando lavamus carnem. *Gluten* illud quod distillat cum lente assatur caro, *Cambium* est aliquid mucosum quod carni adhæret.

## OBSERVATIO XII.

*Hectica marasmode affecti Cor ex toto exsuccum. 1. Materia crassa sinistro ventriculo impa-*  
*cta reperta. 2. Cor flaccidum, aqua pericardii multa, Pulmones vitiiati, cordi acereti. 3.*  
*Auricula sinistra ulcerata. 4. Tumor durusculus in pericardio. 5. Cor durum, minus.*  
*Pericardium laxè ambiens, vasa cordis ampla, Pulmonum vitium. 6. In Hecticorum pe-*  
*ricardio & ventriculis cerebri ut plurimum aqua exuperat. 7.*

§. 1. **D**. *Sagittarii* (Serenissimi Ducis Bavarie Maximiliani Consiliarii) cor tabidum ex toto apparuit, ita quidem exsuccum & parvum, ut quod *Thonerus* de ejus cerebro ab aliis illusum recenset, id nigredinem ex usu Tabacci frequenti contraxisse, hoc ego de corde verissime affirmare possum: Sane aliquot septimanas antequam occumberet Vir Clariss. consumptis magna ex parte spiritibus vitalibus & animalibus in utroque oculo visum perdidit: Mortuus tandem est anno hujus sæculi 47. non præcise ex vomitu, ut *Hofferus* narrat, sed ex tæbe & febre Hectica consumptus interiit: febre inquam Hectica quartum magnitudinis gradum adepta. *Franc. Ignatius Thiermair. conf. 5. lib. 1 p. 75.*

## S C H O L I A.

**S**cio quidem tres solummodo gradus febris Hecticæ à Medicis constitui. Primum, cum torida humiditas absumitur: Secundum cum carnosa & adiposa substantia jam perit: tertium, cum etiam fibrosæ partes colliquantur & exsiccantur; Addere tamen quartum liceat, quando ipsam Animam (si ita loqui concessum est) vel certe ipsum mentis Archæum,

intimisque vitalitatis recessus hæc Tabes afflat; Afflat autem viros in Republica meliores: Gravissimas, inquit *Petrarcha de Sanitatis respl.* Dial. 4. Febres Medici dicunt quæ ipsis in ossibus & medullis æstuant: Quanto illæ sunt graviiores quæ in anima intus latent? *Idem.*

§. 2. Filius N. cum dyspnœa, leipothymia, &c. febricula quoque laboravit: Sinistra cordis auricula solito amplior referta erat materia crassa & compacta, quæ ventilationem caloris impendebat. *Vide lib. 2. tit. de Dyspnœa.*

§. 3. Juvenem post lateris dolorem, cordis palpitationem corripuit Febris Hæctica & hydrops: Cor fuit flaccidum: aqua pericardii exuberans, Pulmones vitiiati & cordi accreſci. *Lib. 2. tit. de cordis palpit.*

§. 4. Puerum trimum vexabat tussis, febricula, &c. Reperta est sinistra cordis auricula ulceribus excisa, &c. *Vide tit. de Syncope. lib. 2.*

§. 5. Quidam animi deliquio, &c. obnoxius, accidente Febricula consumptus est. Eo dissecto apparuit in pericardio duriusculus tumor, nucis avellanæ magnitudine. *Lib. 2. tit. de Phthisi.*

§. 6. Puerum novem annos natum XIX. Martii 1669. secui: laboraverat is Febre Hæctica per quinque fere annos. Cor autem nobis mortuus ostendit durum, longe infra suæ ætatis magnitudinem, vasis tamen præditum tam amplis, ut viri perfectæ ætatis capacitatem æquarent. Pericardium laxè illi circumdatum, falso liquore repletum. Pulmones indurati costis adhæserant, omni sui parte purulenta materia expleti. Folliculus fellis tunica virilis magnitudinis, nigricantem quandam substantiam imbiberat.

## S C H O L I A.

**I**Ta in lentis istis morbis unus naturæ error, errores multos, & multas mortis unius causas inducit: Sed quæ causa cordis vasa ita dilataverat? Annon per febres ita diuturnas circulatio & fluxus sanguinis vehementior?

*Puerum ix. annos natum*] Ad hæcticam inducendam, præter causam efficientem plurimum facit cordis dispositio, si illud natura temperamentum cali-

dus adeptum sit; quod facilius, si præcellerint aliæ febres, ulteriusque incalescit & exsiccat, uti & Cor tenerius adhuc, in quo calor ille extraneus facile imprimatur, illiusque nativum temperamentum destruit, occasionem præbet, Ob quam causam infantibus junioribus febres hæcticæ tam sunt consuetæ ut non solum prægressa febre diuturna, sed & diuturnæ in hæcticas labantur.

§. 7. Probabiliter magis quam vere scribit *Vesalius* in Viris minus aquæ, in foemellis plus inveniri: Seduxit etiam plures, ut *Banbinum*, *Iul. Casserinum*, *Claudinum* & alios, qui eadem tenui conjectura moti tradunt in Hæcticorum, Phthysicorumque & marasmo laborantium Pericardiis nihil aut minus aquæ reperiri: Ego autem in iis semper plus humoris quam in aliis offendi: Rem eam pluribus experimentis veram hucusque cognovi, & mecum alii, *Excell. Chr. Majus*, & *I. D. Horstius Anatom. Observ. 7.*

Ego ubi hoc loco (*pericardio*) nonnunquam tres, quatuor, quinque aut sex uncias, aliquando libram illius humoris inveni, tandem eorum cerebra, opera administri inspicere non superfedi: profecto in ventriculis hanc aquam quoque multo cumulationem sæpius deprehendi: In iis pedes aquæ erant tumidi, in abdomine minus, plus aquæ in thoracis cavitate erat, ac in cerebri ventriculis aqua erat sane quam notabilis. Horum quidam ante mortem amiserat *memoriam*, quidam *mente non satis constabat*, Quidam, inquit *Dn. D. Wurfserus* phthisi obiit, ac remoto cranio plurimum seri subpallidi in omnibus ventriculis & spatio inter meningas reperiit, *C. V. Schneiderus l. 2. de Catarrhis c. 9.*

## S C H O L I A.

**C***laudinum*] Hic statuit aquam illam pericardii in viventibus omnibus, tum sanis, tum ægris reperiri, sed ita quod parcius in sanis, copiosius in ægris colligitur. Sed loquitur hic Author in universum de omnibus morbis, ita tamen ut Phthisin excipiat & marasimum: nam credit hanc aquam aliis morbis augeri posse, phthisi autem & marasmo non posse: Et hæc est ratio, *addis*, propter quam inter ceteras marasmi causas ego defectum huius aquæ reponam: Ego ubi hoc loco, &c. (*Vide textum*) Idem supponit *Vasens Castellus*, disputat vero tantum quomodo naturalis bonusque humor in corpore phthysici conficiatur, & excrementitius, ita loquitur, augeatur: Dein auctores ipsi, ut *Pisinus*, vident interdum ob vim illius aquæ palpitationem cordis fieri, & mox corpus tabescere ac febrem hæcticam consequi: cur ergo ille calor, qui corpus conficit, non hanc aquam quoque continere potest? De generatione huius aquæ sic *Ioh. Anton. Van der Linden*, Ego plane ait, facio cum iis qui vaporibus illam attribuunt, quos Cor expirat: pericardii autem denicæ cogit rursus

in aquam, non secus ac in ollis ad ignem positis videmus coire guttas in operculis: argumento mihi est vapor concreſcens ad digitos tangentis arterias in his quos synochus habet, & quidem tunc cum in vigore est febris & cutis sicca. *Et paulo post*, Qui norit quomodo ab arteriis tam copiosius sæpe vapor exeat, ut tangentis digitos quodammodo humectet, facile noverit quomodo ab arteriis cordis is vapor vel exprimatur vel expellatur, qui præbet materiam aquæ huius in pericardio. *Item*, Ego hoc velim in disquisitione mitti, an non possit esse a sudore quem inter moriendum sudant cordis partes exteriores, peninde ac reliquo cum corpore manare videmus: *Hæc Lindenus*. Eadem ratione humor ventriculorum cerebri in mortuis magis est conspicuus: Eorum tunica temper madida est in viventibus, instante jam morte plus vaporis vasis exit, qui his cavitatibus capitur, & tandem in aquam convertitur: Et ut summam loquar, In ventriculis cerebri & in Pericardio paucae aquæ guttæ in homine qui sanus subito interfectus est, ut 4. 5. 6. & aut 7. inveniuntur; Si viva animalia

incidantur,



Inciduntur, minus aquæ reperitur; si corpus iam refrigerat & iacet exanime, aqua illa nonnihil augetur: quare perire *Vesalius* ait universam ventriculorum superficiem esse lubricam & aqueo humore oblitam, atque eam inter disseccandum subinde eodem humore oppletam conspici: Nimirum si aquam spongia aufers, mox aqua iterum affluit, quia cerebrum manibus pressius contrahitur, *Nunc loquamur de aqua Pericardij.* Vivi canes involucri cavitatem & cordis superficiem humectam habent, in hisque nulla diffluentis aquæ observatur quantitas, cum tamen notatu digna (etiam si semper mediocritas) in aliquandiu mortuis canibus semper occurrat: In porcis vero viventibus plus aquæ quam in canibus spectatur, uti etiam porci iamdiu mortui, illam utcumque copiosam proponunt: Hinc *Lindennus*, Certum est minore copia in vivis subito apertis, copiosiore autem hunc humorem in mortuis reperiri, Vtraque autem est similis illi aquæ que in vaporariis ad fenestram guttatim adhæret, & jamjam in se coit: membranæ intus naturaliter madent, atque plus va-

poris adventante morte amittitur, quare illæ in iam mortuis humectiores sunt, ac ubi cavitas est, aqua ex illis vaporibus conflata in fundo subsidet, ut in pericardio & in ventriculis cerebri est seclusa, ut denique aqua in pericardiis magis quam oportet augetur & varii coloris est, si corpus ægrum est, Ita in ventriculis cerebri nunc copiosior, nunc impurior invenitur, si homo non integra fruitur valetudine. *Viriusque aqua* est duplex generatio, alia naturalis, qua humor ex vaporibus oritur, altera p.n. qua humor ipse instar rosis de valis manat, & is in pericardium, si serescit sanguis; & in hos ventriculos coit, ut in hydrocephalo: Valde plausibile est quod *Hofmannus* ait, cordi solum exprimere & exudare facere humorem per vasorum tunicas, non aliter quam cum ex ligno viridi incenso exstillat aqua: Intellexero autem vasa, non coronaria, sed quibus appendet cor, quia enim fervidissimus & vaporosissimus est sanguis cum primum à corde exit, incredibile non videtur aliquid transudare per arteriarum tunicas. *Schneiderus ibidem.*

## OBSERVATIO XIII.

*Febris Lenta à Pulmonibus aridis, cretacea materia ubique oblitis. i. A Pulmone sinistro & thorace plane purulentis. 2. Ab humore lutulento intra Pulmones concluso. 3. A pulmonibus intus & extra purulentis, corruptis 4. Ab eisdem putredine fere absumptis, vasisque cordi adsitis. 5. A pulmone vesicis semipleno, aquam flavam continentibus. 6. A pulmonibus putridis, ulceratis, costis ad hærentibus. 7. A Pulmonibus lateribus per pituitam viscidam annexis. 8. Hæctica a pulmone plane putrefacto. 9. A Pulmone dextro admodum tumido & cum materia purulenta in bronchiis. 10. A Pulmone in unicam vomicam converso 11. Ab ala superiore & inferiore dextri empyemate infecta; Vomica in superiore &c. 12. Ob Pulmones superna parte adhærentes, semiputridos &c. 13. Ab ingenti scirrho in dextro lobo. 14. A thoracis capacitate sanguine putrido plena, pure in pericardio, cordis superficie erosa 15. A vitio pulmoneum, Ea defluxione acris à capite 16.*

**S. I.** *Inter febres symptomaticas refertur quæ vulgo Lenta appellatur: qui hac laborant plus debito incalescunt præsertim à pastu, motu quovis aut exercitio: vrina plerumque rubicunda est, spiritus sunt debiles & vires deiectæ, circa appetitum & somnum se mediocriter habent, Tussi aut sputo copioso carent, verum in dies, (tabidorum instar) & sine causa manifesta marcescunt.*

Quendam tali morbo defunctum aperui, in quo viscera coctioni dicata satis recte se habuerunt, Pulmones vero erant exsuccis & aridi, necnon materia fabulosa instar cretæ per totum oblitis: Non raro in hoc affectu mesenterium glandulis tali materia argillacea repletis oblidetur. *Fernelius.*

## S C H O L I A.

Videtur mihi quod huiusmodi affectio immediate fundatur in mala sanguinis diathesi, qua in temperiem nimis salam & acrem vergit, ideoque nutritioni & æquali circulationi minus aptus redditur: Etenim sanguis in corde, non secus ac oleum in lampade, si particulis salinis nimium redundet, non placide & æquabiliter, sed cum crepitu & magna partium evaporatione accenditur, quo quidem citius dispenditur, & flammam non nisi languidam & imbecillam exhibet, utrum vero sanguis salior factus ejusmodi viscerum affectiones primo intulerit, vel an viscerum dyscrasia sanguinem prius infecerit, incertum est? Probabile videtur quod alterutra affectio ab altera dependeat, & mali utriusque causæ reciproce fuerint. *Willis Tract. de Febris Cap. XI.*

*Inter febres Symptomaticas refertur quæ vulgo lenta. ] Symptomatica febris omnis in continuatum est genere, neque ulla unquam visa est intermittens: Hujus proxima materia continensque causa non in venis est majoribus, sed in parte aliquapiam, in qua aut putredinis quiddam, aut teret putridusque vapor in cor obrepit: Eius quidem genera multa, unum inflammationes sequitur, quod & ipsum est multiplex: Quum enim aut externa aut distans est inflammatio nonnisi Ephemera febris accenditur, quod solus calor partium continuatione in cor evadat: At si partium interiorum, maximeque principum & cordi vicinarum, vel phlegmone vel erysipelas est, sanguis bilivus putrescens, aut illinc in cor subit, aut tetrum putremque de se vaporem in ipsam*

CCcccc emitit,

emittit, à quo per arterias fuso Putrida fit febris: Sic à phrenitide, ab angina, peripneumonia, phthisi, pleuritide, hepatitide, splenitide & à nephritide febris fit Phlegmonodes: ab erysipelate Typhodes: eo quæque gravior quo pars affecta nobilior cordique vicinior fuerit: Nonnunquam inflammatio, quæ Febris hujus est origo, per initia quasi involuta latet, at febris eius symptomatica admodum conspicua est, quæ hoc modo à continua primaria discernitur. Vtraque acuta est & putredinis notas exhibet, sed symptomatica nullis statim periodis exacuitur: Urinæ nullum putredinis indicium habent, nisi ex affecta sede putredo obrepit forte in venas: Si non statim initio, mox tamen inflammatae sedis indicia se proferunt, Raro vel vij vel xiv die alilve decretoriis iudicio solvitur: In primaria febre continua hæc contraria apparent omnia.

Alterum febris symptomaticæ genus multo obscurius est, eam febrem continens quam *Lentam* appellavi, Oritur non e visceris partive cuiusdam inflammatione, sed à latente obstructione & putredine, quæ visceri contumaciter adhærescit impactaque est, adeo ut & ipsa visceris substantia plerumque labefactetur: Putredinis portio nonnunquam in venas effusa sanguini permiscetur: Hæc notas præfert symptomaticæ ejus quæ aut phlegmonodes aut typhodes appellatur: distinguitur autem quod omnium est putridarum mitissima; æger nullo gravi symptomate premitur, sæpe necesse ægrotare putat; Putredinis tamen notæ interdum elacent in urinis: Pullius frequens, celer & inæqualis, non tamen magnus aut vehemens: vires imbecillæ & languidæ collabuntur, ut ne progredi quidem possit æger; Corporis moles etiam si alimentum sumitur, sensim liquefcit; Diuturna etiam hæc febris est, quæ reliquarum continuarum terminos prætergreditur, nec xx. nec interdum xl. soluta.

§. 2. Filiolæ Dom. de la Vau mirum quid contigit, Febris continua, dolor lateris sinistri, is fugax fuit nec perseveravit: inde dilata est phlebotomia, bene habere visa est, Febris recruduit, difficultas spirandi, mors.

Aperto corpore, *Epiploon pure perspersum* erat, à thorace fluxerat: nam totus sinister pulmo, & thoracis pars sinistra pure plena erat: Catarrhosa erat nec expectoraverat quicquam unquam. *Gul. Ballonius Epid. lib. 2. pag. 262.*

#### SCHOLIA.

**E** *Epiploon pure perspersum*] *Epiploon* venis amplis & evidentibus conspersum est, ad excipiendam impuritatem & illuviem Lienis, ut notat Hippocr. libro de locis: *Ubi vasa*, ait, *pinguadine vacua fuerint, & à splene florescente ac aurescente in omentum defluerit, ut posse vicinum valde existens,*

*& vasa habens eaque vacua*: Et aphor 57. sect. 7. Ab hepate aquam in illud erumpere dicit, unde Hydrops: Nec vero solius imi ventris eluviem excipit, sed & medji & supremi, quod ne cui mirum videatur vide lib. 4. tit. de vulneribus observat. de Hepate abicellu tentato ob vulnus cerebri.

§. 3. Illustr. N. diu languidus cum febre *Lenta*, tussi, pectoris oppressione: Mortui imi ventris viscera integra quidem, sed sicciora: Pulmones autem sine ulcere, humore luto lento unciarum lxxx. ponderis erant. *Vide lib. 2. tit. de Phthisi.*

§. 4. Puellula cachectica pulmones habuit intus & extra corruptos, fatidos, purulentos, unde Febricula *Hæctica*: abdomen etiam scatebat sero multo cœruleo, viridi, foetido, *Lib. 3. tit. de Cachexia.*

§. 5. Puer à casu & hamoptysi sensim cœpit contabescere: In pulsu Febris deprehendebatur *Hæctica*: Pulmones erant fere putredine absumpti: vasaque cordi inserta simul perditæ. *Lib. 2. tit. de Phthisi.*

§. 6. Ill. Cardinalis cum dyspnoea, Febre lenta extinctus est: Pulmo vesicis erat plenus, aquam flavam continentibus. *Lib. 2. tit. de Dyspnoea.*

§. 7.

§. 7. Dom. de l'Aubespine cum febre Lenta extincta est, &c. [Dissecto cadavere] inventi pulmones putres, & costis adhærentes, cum ulceribus variis. *Vide lib. 2. tit. de Phthisi.*

§. 8. Puellæ, tussi, dyspnoea affectæ, tandem febris lenta & marcor accessit: Vtrique pulmones tenacis & spumosa pituitæ glutine costis coaliti inventi sunt. *Vide lib. 2. tit. de Tussi.*

§. 9. Dom. de Abbenbrouk ( *de quo Tit. de Phthisi* ) cum longo tempore catarrho acri in pulmonem illapso Tabe consumptus decubisset, tandem & Hectica febre consumptus, Pulmo illi plane suppuratus & putrefactus, membrana integra existente, repertus est, &c.

§. 10. In *phthisi* corpore aderant indicia Hecticæ non levia putridæ intermixta: Excrebatur alba materia tenax, &c. Suffocatus obiit. Dexter pulmo tumidus apparbit, adeo ut totam illam impleret cavitatem. Divisis bronchiis, alba materia fere tota referta erant. *Vide lib. 2. Tit. de Tabe.*

§. 11. N. Hectica febre consumptus obiit: Mortui invenimus pulmonem nihil aliud quam vomicam esse. *Lib. 2. tit. de Phthisi.*

§. 12. Hermann Stas diu asthmaticus, tandem Febre Tabifica confectus fuit: Lateris dextri ala superior & inferior empyemate infectæ erant. In superiore ingens vomica, parenchyma pure oblitum, In sinistro exigua vomica dispersa: Cordis auricula dextra sanguine oppleta nigro: Lien, Hepar flaccidu. *Lib. 2. tit. de Phthisi.*

§. 13. Juvenis ex dyspnoea marasmode extinctus est: Sinister pulmonis lobus succingenti membranæ, cum dextro tenaciter adhærebat, ad medias putrefactus, pure refertus; &c. *Vide lib. 2. tit. de Dyspnoea.*

§. 14. Unum admiratione dignum placet observare, quod Ego cum Illustr. I. Fr. Seraleo anno 1593. in cadavere cujusdam mulieris reperi in lobo dextro pulmonum, Scirrhum ovi gallinacei magnitudine, Et mulier hæc Febricula laboravit per multos menses, nec non Tussicula, ita ut Hectica videretur esse. *Hippol. Bosius de Facult. Anat. lect. 4. p. 40. 23.*

§. 15. Cadaver secuimus in quo repertus pulmo consumptus, Thoracis cavitas plena sanguine putrido & concreto: In pericardio pus album copiosum, Tota cordis superficies absumpta: Aderat tussis, Febricula, &c. *Vide lib. 2. tit. de Dyspnoea.*

§. 16 Pulmonis vitium ex tenui, acri multaque distillatione è capite in hunc ipsum illapsa, cum Lenta febre notavit *Iodocus Lommius* Observat. med. lib. 2. Tale quid anno 1624. in *Olav Stangeldorpio* observare licuit Patavii, qui à Febre continua in itinere Neapolitano contracta Romæ vix sanatus, extenuato corpore quum superatis Hetruriae montibus Patavium redisset, intra paucos dies ultimam cum morte commutavit: Viti eximil *Guerneri Rolsinnii* opera thorace aperto causa mali patuit. *Ioh. Rhodius cent. 1. observat. 4.*

## S C H O L I A.

**L**ommius Observat. pag. 47. Non omittendum vitium pulmonis est, quod ex tenui, acri multaque distillatione è capite profectum in hunc ipsum illabitur: scilicet hinc multus ardor & febris excitatur, quæ febris, quia Lenta est, paulatim hominem consumit: Ad hanc & tussis, & spiritus difficilis ac-

cedunt, sed ut nullum tamen vel vlcus pulmonis, vel sputum cruentum adlit: Hæc Lommius Quoad vitium autem in Pulmonibus à Clar. Rhodio deprehensum, an habuerit in cerebro originem non probat, quæ in massa sanguinea potius delituit, acri & salina. *Vide lib. 2. tit. de Phthisi.*

## OBSERVATIO XIV.

*Febris Tabifica à vomicis in mediastino, sterno, pure in abdomine. 1. A puris copia intra thoracem, post abscessum lateris: 2. Ab aqua cruenta thoracem replente. 3. Ab hydrope thoracis. 4. A pure ex pleura abscessu in diaphragma decumbente. 5. A vomica purulenta in sinistro pulmone & sinistra pleura. &c. 6.*

**I** Hæc ex gravi percussione lateris dextri versus dorsum in tribus primis costis spuriiis, à qua flatulentus œdematosus tumor procreatus, per gangrænam & cariem 1638. extinctus est: In cadavere aperto pleraque sana, nisi quod in mediastini intercapedine vomica existeret crasso pure repleta: similisque sterno sub pleura incideret, eo loco ubi mediastinum connexum erat, vomica affectum, ita ut inter sese duæ hæc vomicæ communi aditu parent: In abdomine magna puris copia innatabat, præcipue ad aquâliculum collecta, quæ ex pinguedine omenti & intestinis adnata, per Tabificam febrem eliquata fuerat: Quam suspicionem O. Heurnio auxit residua omenti & intestinorum pinguedo, quæ diffuens similem, dæm purulentæ materiæ representabat. *Bartholinus cent. 2. Observ. 59.*

E C C C C 1

S C H O L I A.



## S C H O L I A.

**I**N *mediastini inuicapedine* ) Observavit *Adr. Falcobergium* membranas mediastini antici, evidenti intervallo naturaliter non distare, nec cavitatem constituere tam late parentem quam est ipsum

sternum: cum arctissime hæ duæ membranas connectantur, nec nisi vi accedente separabiles sint, quod in præcedenti casu à vomica inclusa contigit.

§. 2. Cadaver aperiui ejusdem qui lateris apertionem admittere noluerat: In latere materia purulenta nidum habuerat, unde in thoracis cavitatem decidens, ibidemque in copia ingenti aggesta, & Pulmones continue immersos polluens, Febrem Lentam, & quasi Hecticam, à qua æger valde senex interiit, excitabat. *Willis Pharmac. rat. p. 2. sect. 1. cap. 9.*

§. 3. Cachectici pulsus, præsertim vesperi, lentam quandam febriculam prodebat: Thorax universus aqua cruenta refertus erat. *Vide lib. 3. tit. de Cachexia.*

§. 4. Multoties deprehendi integris Pulmonibus, vel utramque pectoris cavitatem, vel alteram aqua plenâ: Interim pulmones corruptos in aqua natantes vidi: unde cum *Hipp.* asserere licet in Pectore hydropem fieri: hujus rei insignia duo afferam exempla: anno 1666. in schola Bononiensi, Medicinæ Theoricæ Professor *I. Peregrinus* quinquagenarius, corporis constitutione ad phthisin proclivis, hydrope correptus fuit, à qua multo ac diuturno piperis usu seipsum liberavit, tandem in hecticam marasmodem incidit & animam dedit.

Aperto cadavere inveni dextram thoracis capacitatē aqua plenissimam ac turgidam, Pulmonem illæsum, &c. In Virgine quadam, præter alia animadversione dignissima & rarissima, deprehendi thoracis partem dextram aqua subnigra & putrida plenam, continebatque ejus aquæ cantharum & dimidium: Pulmonis etiam dextram partem, quæ in ea cavitate collocata erat, cum pleura corruptam & nigram. *Coiter in Observation. Chirurg. & Anatom.*

§. 5. Empyematicus paracentesin recusavit: Huic pus ab apostemate in pleura diaphragma corrosit, ac totum ductum ventriculi & intestinorum tunicas exteriores: Hic Febricula, siti & tenebatur *lib. 2. tit. de Dyspnœa.*

§. 6. Illustr. Comites Itali, Alexander & Octavius Blandiadi, alter xij circiter, alter x. annorum, cum ultra annum Monachii satis commoda usi essent valetudine, alacres & prompti corpore animoque, nisi quod Octavius semestri ante mortem ex febre continua, sed lenta, aliquot dies decubuit, ex ea tamen belle restitutus mense Junio 1588. Octavius puer, qui prior rursus incidit in febrem continuam, lentam tamen & mitem, cum calore & dolore prope nullo, neque aliis malis accidentibus, pro ratione tanti affectus tunc adhuc latentis, stipitum, junctus tantum erat febris difficilis spiritus, sublimior quàm pro febris ratione, citra tussim, cum lateris dolore ad tactum, quem ferre non poterat, alias fere nullo: ventris quoque aderat aliqua inflatio cum torminibus, urinæ turbidæ, Cum quotidie in peius omnia laberentur, decimo die obiit.

Difsecto cadavere, vitium incurabile, & forte à primordiis generationis illi, ut fratri, congenitum apparuit; cum enim abdominis viscera sana inventa essent, tescerato thorace reperta vomica in dextro pulmone, universam simul dextræ partis thoracis pleuram occupans: erat enim *sub tunica pulmonis* dextri, & pleura ejusdem lateris costas integre plurimum ac crassum pus: In cavitate vero thoracis dextri plurima aqua citrina, altero pulmone illæso existente.

Alter vero frater, *Alexander*, paucis post diebus eodem prope morbo decumbere cœpit, ex febre miti, continua, nullis comitata symptomatis pravis præterquam vigilis, siti *aliquantulis*, tussiebat interdum, dolorem nullum quam *sub axilla dextra* indicabat, sed *vinum desiderabat valde*, ut & frater, urinæ tamen satis accensæ erant, cum enzoremate nigricante, quæ statim turbabantur: noctu magis incalescebat, sine tamen manifesta epistemia, qui calar neque ita mordax fuit, ut in febribus essentialibus, ex materia in venis putrescente, & lentius illum conficiebat, paulatim enim vires concidebant, ut neque sedere posset, extra lectum sublimis fiebat spiratio, narium pinnæ movebantur, dolebat in affecto latere ad levem attractum: In somno conniventibus erat oculis, capite *ad pedes capitis devolvi*: Tussis erat irrita cum qua nihil extundebatur: dolor sub axilla & appetitus vini augebantur: In 7. tussis crebrior, cum qua aliquid purulenti exercebat, sed hærebat major pars in larynge & stertorem inducebat: ea nocte lumbricum rotundum alvo egressit, respiratio tandem, cum nihil effatu dignum educeretur, cœpit valde coangustari, ut esset plane orthopnoicus puer: alvus fusa fœda exercebat liquamina, omnibus denique viribus intermorientibus cessit & ipse fato 10. morbi die.

Aperto cadavere abscessus, seu vomica purulenta reperta in sinistro pulmone & sinistra pleura, eratque pulmo ille intermedio pure costis & pleuræ agglutinator, flaccidæ alias substantiæ & repletus vesicis quibusdam aqua viscida plenis. Reliqua thoracis cavitas in eo latere

latere aqua similiter subviridi plena erat: Hepar etiam durum habuit cum felle magno.  
*Ex Observationibus Hieron. Fabri Medici Bavari.*

## S C H O L I A.

**S***ub tunica pulmonis dextri pm. &c.]* Quia abscessus ille erat in loco libero, laxo & libere, jamque paulatim familiaris illis partibus redditus pus sub tunica externa contentum arterias Pulmonis non irritavit ad rillum: neque ob interjectam aquam ex thorace per poros pulmonis, quum crassius etiam transsumi potuit: sed febre tandem accensa, a colore putredinali viribus cordis obtritis mors sequuta. *Idem.*

*Dolorem sub axilla dext. &c.]* Cur doluerit sub axilla dextra, cum vitium in sinistro pulmone fuerit, causam arbitror, quod maxima puris & vomica collectio erat recto juxta spinam, ubi adfixi sunt pulmones, unde facile affectus versus dextram axillam communicari dolorque advehi potuit. *Idem.*

*Vinum desiderabat valde]* Illud in usu practico observare est, eos quos peripneumonia occupat ingenti vini desiderio, quantumvis nocentissimi teneri,

quod saepe animi deliquia eo in morbo accidunt, Imo eos quibus pulmones natura impensius calent, merito praeter ceteris delectari.

*Ad pedes caput decolvi]* *Επὶ τὴν κεφαλὴν* vocat Hippocr. cum quis modo hominis viventis decumbere non potest sed tanquam mortuum inanimumque corpus deorsum fertur: signum virium ad extremam debilitatem perductarum, cum robur universum exolutum est. Haec enim jacendi ratio nullam profecto facultatis actionem ostendit, sed potius afflictionem extremam: Hinc Hippocr. coac. 11. lib. 3. *Si protinus delabatur eger ad pedes, peritus est illi*, Pereunte, ait *Durum*, omni facultatis officio quod lucet in decumbendo, adhuc exiguum manet in supino corpore artubusque extensis ob facultatis infirmitatem, quae ipsam tamen continet dum indecore jacet: omnino autem defecit ac misero valedicit *ἔτι ἥσσον ὅτι τὸν σῆμα* in propinquo mors est.

## OBSERVATIO XV.

*Febris Hectica vitio Pulmonum inducitur, diaphragmatis, & plerarumque partium naturalium. 1. 3.*

*A vario Pulmonum vitio, mesenterio scirrhuso, Compressione aortae & caeve. 2. A Pulmone & Ictericis vitio 4. A Pulmone sinistro purulento, Glandulis Mesenterii, & adfitis Porta trunco tumidis, Sero in utroque ventre. 5. A Pulmonum inflammatione, mesenterio scirrhuso, ventriculi corrosione. 6. Ab Abscessu in Pulmonibus, & juxta Hepar. 7. A Pulmonum vitio, & partibus spirabilibus in angustum coactis ab hepatis & ventriculi mole. 8. A Pulmonum vitio, Lienis, Vesicae & Intestinorum inflammatione. 9. Ab Abscessu putrido in Pulmone, cum scirrhis, mesenterii tumoribus scirrhusis, &c. 10. A Pulmone dextro inflammato, Gangraena in fundo ventriculi, colo 11. A Pulmone toto putri, Liene, thorace sero pleno. 12. A multiplici partium thoracicarum vitio. 13.*

**S. 1.** **L***L. Domina Sporckia, Nobil. Baronis Sporck conjux, Hectica laborabat; atque una* Ascite gravissime: praecesserant multis ab hinc annis lienis uterique obstructions, una cum continuis ventriculi doloribus: Primo ad eam ingressus, adeo eam vigiliis, doloribus, imprimis ventriculi, immensa siti confectam reperi, ut non tantum non animam trahere videretur, Eapropter nihil minus quam afflictissimi hujus corporis curam cogitabam: Victus tamen precibus, ratus quoque melius esse, Celsi nostri indicio, anceps quam nullum experiri remedium, primo omnium, praemisso tamen leni clystere, confugi ad *laudannum*, nostrum perlatum, tanquam ad sacram post Denm anchoram: Dedi & vidi his oculis felicissimum effectum: namque post horam placidissimus eam excepit somnus, quo, licet diu non duraret, mire tamen se refocillatam aiebat, adeoque petebat ut usum eius continuarem: morem gessi, etiamsi multa adessent quae crebriorem opiatorum usum dissuaderent, confusus in eo praeparandi modo, qui usum Laudani mei tutissimum mihi polliceri poterat: perrexi itaq; & exhibui cum necessitas ita flagitaret, singulis ferme diebus, nunquam non felicissimo cum successu: Interdum contra Hecticam pugnatu liquore cornu cervi, sale essentiali Saturni, uti & antihectico Poterii, modo in iusculis alterantibus, modo in lulapiis appropriatis: utque vires adhuc majus augmentum sumerent, gelatinam Zuvel ferianam parandam curavi, additis quibusdam pretiosis pro virium majori reparatione: Atque his, Deo benediciente, in tantum profecimus ut ad majora progredi nobis licuerit: Aquarum moles magnis Illustrem Dominam patientem molestiis premebat, atque qua antehac movenda non erat, nunc de ea, quantum fieri posset removenda consilium ceptum, & propinatum primo apozema digecimus, aperiens, ex iis potissimum herbis confectum quae sale essentiali turgent: subjunxi hydragogum lene ex magisterio gummi Gotte, Sale Martis subduci & sale Tarrari volatili constans quibus effectum ut pars aquarum versus umbilicum secederet, pars quoque, licet exigua admodum, per alvum eiceretur, non sine tamen insigni Dominae Patientis allevatione, quae ut eo citius desiderato sine potiretur, fortiora sibi expetebat, imo jam se in portu sanitatis navigare firmiter persuasum habebat: Verum longe alia mihi mens erat, quam R. P. Confessionario ejus clare satis exposui, praedixiq; hunc esse extremum naturae conatum, quando quidem praeter alia cadaverosus odor cubiculum satis amplum implens moneret, interiora

corrupta omnia esse, Illustremque Dominam non procul ab ultima rerum linea consistere: Itaque dum discedendum mihi esset, confortantium præcipue usum commendavi, reservatis reliquis ad reditum usque meum, quo tamen opus haud fuit: paulo enim post, cum nihil minus quam mortem cogitaret, subita liporhymia correpta obiit.

Cadavere me absente, quod valde doleo, aperto, oppido apparuit quæ subitæ mortis, quæ tot aliorum symptomatum, quibuscum per tot annorum decursum confictata, causa fuerit: Mitto à Chirurgo observata, & lapidis in ventriculo reperti formam, &c. Cerebrum, quia plenilunium instabat, plenum erat & sanum: Pulmones velut arefacta spongia deformes, inter utramque alam purulenti, undique adnati: Cor valde parvum sed sanum: Ventriculus contractior siccitate, magnitudine ovi anserini, plenus materia cruda, quasi ovi putridi: Interius ventriculo accreverat lapis durus, griseus, quem abrumpere coacti fuimus, crassius pollicem, longus articulum: Diaphragma arefactum, Abdomen plenum aqua, circiter quatuor cantharorum: Hepar magnum, durum, densum & colore præternaturali: Lien parvus valde & contractus, sicut & Renes, omnia informia, Mesentericæ Venæ obstructæ omnes: Intestina flatu plena & aqua, Summa omnes muscoli tabe flaccidi, uterus & vesica tam parva, ut puerilia, sed inania: Slesvici 26. Julii 1659. Ioel Langelot Epistol. ad Thomam Bartholinum centur. 3. Epist. 49. & 50.

## S C H O L I A.

**L** Andanum) *Wilaus* Meth. med. p. 153. ait Hydro-  
pikos unius grani Opii exhibitione mori: Id  
quoque à me observatum anno 1659. in virgine 35.  
annor. quæ hydropè abdominis & pectoris, phthi-  
sique simul interit, cui cum ob pertinaces vigilias  
laudani opiari optime præparati gr. ij. fuissent exhi-  
bita, placidissimus quidem somnus obrepit, sed po-

stridie mors successit quæ nondum instare videbatur:  
Et paucos ante menses anno 1672. Vir Reverendus,  
Astunare cum pertinacibus vigilis laborans, ac  
hydropis initio, apoplecticus repente con-  
cidit ab assumpto pridie laudano, etsi  
de restitutione valetudinis pauci  
desperarent.

§. 2. Puella xi. ann. ab ephemera in hæticam incidit, Mesenterium illi scirrhum, in Hepate steatomata: circa cavam multa materia gypsea: Lien eadem scatenens, Thorax aqua limpida plenus: Pulmones materia purulenta imbuti: Aspera arteria a steatomate compressa, &c. *Vide lib. 2. Tit. de Phthisi.*

§. 3. N. Cachecticus, caco-chymus, febre continua ac tussi molesta prehensus, hinc sequuta hæmoptysis & purulentorum rejectio, & tandem Hætica marasmodies: Pulmones erant arte adnati pleuræ, Intus purulenti membrana integra, Cor flaccidius, Hepar magnum, pallidum, exangue, ut & Lien, &c. *Vide lib. 2. Tit. de Phthisi.*

§. 4. Puer ictericus factus cum febricula: Pulmo vitium insigne contraxerat vitiosus erat, Hepar velut *ὑπόχλωρον*, *Vide lib. 3. tit. de Ictero.*

§. 5. X. Martii 1676. in Puella octo annorum, quæ Febre Hætica interjerat, observavimus ventrem infimum mediumque sero valde lento repletum: Pericardium quoque ejus notabilem continebat copiam: Pulmo sinister totus purulentus pleuræ firmiter agglutina- tus: Glandulæ mesenterii omnes, similiter ac illæ quæ venæ Portæ trunco circa Hepar adsitæ sunt, insigniter tumefactæ, materiam continebant pinguem, albissimam. Hujus etiam notabantur aliæ conglobatæ glandulæ: Pancreas cum conglomeratis aliis, integre satis se habebat. *Gerardus Blasius Observat. Medic. xij.*

§. 6. Cellissimæ N. Febricula cum aliis symptomatis: Mesenterium erat scirrhum cum glandulosis tumoribus: Pulmones inflammati, in Ventriculo corrosionis & inflammacionis notæ. *Lib. 3. tit. de ventris dolore.*

§. 7. Nob. cui tumor juxta cartilaginem ensiformem (*Vide tit. de Tumoribus*) incidit in febrem Lentam & marasmo obiit. In superiore parte Hepatis aderat abscessus vesicæ plenus, qui id corripit, Alius major in pulmonibus: Tertius ad intestinum colon. &c. *Vide tit. de Febris.*

§. 8. Seren. N. arthritico accessit destillatio in pectus, Febricula, &c. Cor. pleura, pulmo, septum vi erant retracta, ac in angustum hepatis mole & ventriculi: Pulmones cum tabo, sed sine ulcere erant. *Vide lib. 2. tit. de Dyspnœa.*

§. 9. Monachus Franciscanus ex Febre Lenta, dyspnœa post menses aliquot, cum delirio ad plures abiit.

In cadavere aperto visi sunt nobis pulmones lividi & exsuccis: Lien cœruleus & exilis, Intestina hinc inde inflammata, sicut & interior Vesicæ facies: Nihil tamen in urina viventis vitii comparuerat: Cætera sana videbantur, nisi quod totius corporis habitus fuerat extenuatus. *Bartholinus cent. ij. hist. x.*



§. 10. Puella 14. annorum in Tabem incidit, Febricula continuo vexata: Reperi mesenterium refertum tumoribus duris, scirrhis, circa venam portam tumores scirrhi: in dextro lobo Pulmonis abscessus erat putridus & foetidus cum pure, &c. *Vide lib. 2. Tit. de Phthisi.*

§. 11. Nob. N. diarrhœa affectus (*Vide lib. 3. tit. de Diarrhœa*) tandem etiam febre lenta, & continua corripitur: In fundo ventriculi aderat gangræna, ut & in fine coli, ubi latuerat ulcus: In dextro latere inflammati erant Pulmones.

§. 12. Thomas N. laborat tussicula & Febricula: Totus thorax plenus seroso humore: Pulmo totus putrilaginosus, nec non Lien. *Lib. 2. tit. de Tussi.*

§. 13. Apertum est cadaver *Cathar. Mathyloo Leodiensis*, quæ nata erat annos xv. causam mortis in nullo viscere eximiam deprehendimus, nam animi anxietate ex ærumnosæ vitæ afflictionibus contracta in Tabificam Hæcticam miseriam inciderat: quippe in prava diæta cum haberetur, & pessime tractaretur ab iis apud quos victum laborando conquirebat, nullo commodo nutrimento partes sustentata, & ad incrementum naturale acquirendum fultæ fuere: Unde enata Diarrhœa, ex humorum corruptela & intemperie, viscerum naturalium & vitalium omnes vires devastaverat, cujus manifesta spectabantur indicia in visceribus omnibus valde flaccidis, præcipue autem Corde & Pulmone: Vomica etiam in dextro pulmonis lobo aderat: & supra pericardium, ubi membranz mediastini ei connectuntur: ad cordis apicem glandula nucis juglandis magnitudine solida, valdeque densa existebat: Thymus etiam glandula in jugulo eandem constitutionem obtrinebat, Sicuti etiam in Mesocolo, exque majores, & in mesenterio, sed minores, inter quas erant variz atheromatismateriam obtinentes: Plurima aqua pericardio inerat, cordi autem sanguis paucus: Sed Pancreas à magnitudine & consistentia naturali non variabat, sicuti nec Lien: Renes flaccidi erant & lucidi, præcipue in parte sima, sed ureteris utriusque extra renem in exordio progressus valde amplus: nihil tamen calculosi aut sabulosi in renibus aut vesica deprehendebatur: Omentum omni pinguedine exspoliatum erat: Hepar flaccidius & colore fusco ad luridum vergente, cæterum naturaliter comparatum: Uterus minimus erat & durissimus: Testis uterque gracilis & longior naturali figura: Tuba non apparebat, sed vas deferens à teste ad uterum aliquatenus conspicuum erat: Vasa ad fundum & colulum uteri protensa renuia erant, quoniam nondum menstrualis fuerat: Totius corporis habitus gracilis & exsuccus erat. *Otto Heurnius Histor. xv.*

## S C H O L I A.

**P**lurima aqua pericardio inerat: ) *M. Curtius* & alii, tum viventibus, tum confestim ab obitu dissectis animantibus nullam à natura inditâ aquam inanitati pericardii contendunt, Spirituum concretorum in aqueam substantiam conversione à succedaneo mortis frigore cogente, profectam hanc adstruunt: *Vesalius* contra asserit nunquam à se dissectum cadaver & pericardium, in quo non is humor

extiterit: Ratus plus in dilata quam festinata sectionis cadaverum animadvertam aquam; *Vide Isacoli* librum de equa in pericardio.

*Cor di sanguis paucus*) Ob pravam diætâ præcedentem & morbi diuturnitatem: *Car. Pili* de morbis à serosa illuvie s. 2. p. 2. cap. 4. notat in cadavere cuiusdam febre extincti vix sanguinis libram superstitem fuisse.

## OBSERVATIO XVI.

*Febris Hæctica à Glandulis Pyloro accumbentibus tumidis, eoque prementibus. 1. A Glandulis lumbaribus magnis, mesenterij vitio, &c. 2. A vitio ventriculi materia vitiosa referti 3. A corruptione crassorum intestinorum, &c. 4. A syderatione & corruptela ventriculi.*

§. 1. **F**ebre Hæctica Lutetiz quidam cumperiisset, in corpore nihil observatum, quam quod Glandulæ illæ duæ, quæ Pyloro à natura appositæ (vel potius circulus qui est in pyloro) duritiem & scirrhum contraxerant, ratione cujus proculdubio alimentis non patebat transitus. *Ex Observat. G. Bauhini.*

§. 2. Glandulæ Lumbaræ conspicuæ magnitudinis erant in corpore Hæctico, quarum cum Lymphaticis commercium manifeste videbatur: Hæctici hujus Mesenterium computruerat, Omento penitus absumpto, Ingentique aquæ ad viridem vergentis quantitate in abdomine collecta. *Th. Bartholinus Epist. 70. cent. 2.*

§. 3. D. N. dolebat circa stomachi regionem cum Febre lenta, In ventriculo reperta materia nigra, lutulenta, copiosa. *Lib. 3. tit. de ventriculi dolore.*

§. 4. Petrum N. tensio dolorifica in abdomine cum Febre valde afflixit: Inventa sunt intestina crassa livida & semicorrupta, In abdomine multi humores fetidissimi. *Vide lib. 3. tit. de ventris dolore.*

§. 5. Cuidam ponderis sensus in ventriculo, cum Febre lenta, &c. Gibbus ventriculi livebat, fundus & pylorus syderati: Totus erat putris & lacerus. *Vide lib. 3. tit. de ventris dolore.*

## OBSERVATIO XVII.

*Febre Lenta extimeli Omentum corruptionem repertum est, Ren dexter gangrena affectus, Hepar grande & durum ac tuberculosum, Intestina & mesenterium male affecta, &c.*

**C**Adaver *D. Miron* Regii consilarii, febre Lenta mortui, & adeo exsuccum ut nec carnem nec pinguedinem habuerit, sed loco musculorum fibræ rubentes remanserint, & ossa cute sicca & arida fuerint vestita, Parisiis 18. Junii 1639. apertum fuit, plurimis præsentibus, imprimis Guidone Patino, visu digna hæc notabat vir doctissimus, 1. *Omentum corruptum, gangrenatum & totum fere consumptum.* 2. Ren dexter gangrena correptus, putridus & nigro colore tinctus, cui impactus calculus in medio, crassus & longus minimi digiti magnitudine, cujus apex ureteres ingrediebatur, quos ramo bifurcato obstruxerat: hic ren adeo corruptus fuit, ut nisi aliunde mors obvenisset, mortis potuerit sola esse causa, ex suppressione urinæ brevi sine dubio sequutura: Alter Ren neque putridus erat, neque ulcerosus, sed lividus totus propter sympathiam cum dextro, qui præter figuram nihil reni habebat simile. 3. Hepar grande sed durum multis in locis, plenum putridis tuberculis de foris, & parvis abscessibus interius, ex quibus prodiit materia alba & crassa sinegmatum instar: sed magis putrida inferior pars quæ renem tangit, superior costis adnata, color lividus, Sanguis contentus crassus, lividus & putridus: 4. Lien non valde vitiosus, solo colore livebat, quod forsan vitium ab hepate illuc amplitudine sua protenso contraxit: 5. Intestina decolorata, imprimis jejunum nigriusculum, & nonnihil siccum durumque. 6. mesenterium consumptum nihil spectatoribus reliquerat præter glandulas nonnullas virides & pure foetido rectas: substantia ipsa mesenterii videbatur in pus resoluta, quod tribus ultimis morbi mensibus per ventris fluxum evacuaverat: distincta tamen erant vasa, venæ & arteriæ, ob copiam sanguinis stagnantis. 7. Pancreas durum, scirrhosum & exile. 8. Ventriculo naturalis erat constitutio, & vesica lorio plena. 9. Pulmones duo plane purulenti, pleni tuberculis nigris & cæruleis, quibus apertis effluxit pus album & spumosum cum sanguine livido & nigricante, præter partem inferiorem sinistri, quæ tota rubebat, dura & sicca, cum aquæ rubræ claræ pinta unica in cavitate. 10. Cor exile & aridum, quale illorum esse solet qui febre lenta moriuntur. *Th. Bartholinus cent. ij. Observ. xix.*

## S C H O L I A.

**O** *Mentum corruptum, &c.* Id in plerisque à tabe, aliisque morbis chronicis interemptis putridum & fere consumptum invenitur, adnotante *Willis* Pathol. cerebri cap. 9. atque sparsim toto hoc in opere colligere est: Hydropicis plane computruit.

se observavit. *Clar. T. Bartholinus Anat. refo. cap. 8.* quod contingit ob membrarum tenuitatem & vasorum multitudinem, cluviem excrementorum excipientium, quæ inibi putredinem facile concipiunt.

## OBSERVATIO XVIII.

*Febris Hæctica Putrida iuncta, cujus focus in venis mesaraicis atro sanguine tumentibus, Liene putrido, sanguine nigro oblito, Vesicula fellis atra bile repleta, &c.*

**N**Ob. mulier adolescens nupta viro Illust. provectæ jam ætatis filium illi peperit: Marito è vivis sublato, viduæ in mamilla sinistra tumor prodiit durus, &c. mox postquam sanata fuit in gravissimos dolores incidit circa osium nudam, præcipueque articulorum regionem, cum capitis intolerabilibus cruciatibus erumpentes. *Medici suspicati à lue ventrea* eos procedere, curationem eo dirigebant, atque suffitibus ex cinnabari medebantur: Accersitus ego, eam sub strato decumbentem suffumigiisque utentem, summeque ob lectum carbonibus accensis calefactum, calentem sudantemque deprehendi, & de doloribus circa ossa atque calvariam conquerentem, Febreque simul laborantem, quæ suas habebat certo tempore exacerbationes, easque præsertim post cibum sumptum: Cum & Medici & Chirurghi eam luc infectam mihi narrarent, Ego singulis exactè perpensis, ostendi arthritidem esse hunc affectum, neque dolorem illum, circa ossa se offerentem, quæ quartam luis speciem constituit, multis rationibus probavi, Quare à suffitibus illis, quibus jam diu usa fuerat, & qui Febrem Hæcticam in ea pepererant, abstinere iussimus, & pro doloribus

arthriticis

arthriticis remedia convenientia adhibuimus, verum cum præter hunc affectum, circa coxas, humeros caputque eum affligentem, febremque Hæcticam eam consumentem, febris Putrida simul accessisset, unde cardialgia, vomitio post cibum sumptum fere continua, ac menses aliquot supervixerit, tamen sensim tot morbis labefactata, tandem è vivis excessit.

Corpus demortuæ à medicis sectione divisum, atque undique diligenter inspectum hoc pacto constructum deprehensum fuit: Capitis cranium crassum atque integrum sine suturis, Ventriculi in cerebro aqua limpida pleni: Mamma sinistra, qua dum viveret scirrhus laboraret, circa radicem scirrhusa, ut & circa papillæ radicem scirrhus erat candidus, glandulam representans. In costis vena lata nigricans latebat: Hepar solum nec viciatum: Vesicula fellea exterius nigra, intrinsecus ulcerata, & bile atra, quæ picis instar splendebat, repleta: Lien totus putris sanguine nigerrimo oblitus: Venæ mesaraicæ tumentes & sanguine atro turgentes, eoque crasso & veluti concreto, quæ majoribus venis, coralli instar nigri, invicem cohærens extrahebatur, venæque ex illis ventriculi implicantes latæ & varicosæ erant: In rene dextro calculus triangularis, albus, mucro obvolutus inuentus fuit, in sinistro tantum arenulæ: In reliquo corpore sanguis, in vena cava paucus, uti & cor, quod parvum erat, exanguie cernebatur: Ex quibus præcipue his vitiis satis conicere potuimus in venis causas & putridæ & hæcticæ febris, atrophicæ, aliorumque partium naturalium symptomatum fuisse, quæ mortem illi potius quam arthritis, quippe quæ curari potuisset, peperunt. *Platerus Observat. lib. 2. p. 504.*

## S C H O L I A.

**M**edici suspicari à lue venerea, &c.) In iudicio ferendo num quis Lue venerea sit infectus, ad Momini lucernam observare operæ pretium est, maximeque ad Medici & auctoritatem & iudicium examen hoc & censura pertinet, ut ne quid præcipitanter pronuntiet, nil statuatur de quo jam exploratum diligenterque quæsitum non sit. maxime vero id difficile est, quoniam hinc & illinc multum adest difficultatis: illinc quidem, quoniam parvi non refert in æstimandis rebus istis præjudicata uti sententia: unde si in ejus suspensionem alterum conjugum vocaveris, veritatis odio aut tibi consules inimicitias: aut si non rectè pensitaris rebus quicquam absolute pronunties, querelis, criminationibus ac jurgiis donum impleas: Aut si securus nuntiū morbi minuas, opinione-

que minorem dicas, dum ad blandiri morbo volumus, ægrotumque levando opinionem tacitæ exillimationi speciosum aliquid prætexere, periculum vitæ creemus, aut vitam infelicem reddamus, tandem coacti usurpare illud, quod jam iudicio & veritatis studio anticipandum & antevertendum erat: *Balloonius Histor. 2. lib. 2. Consil.* adde his discrimen in quod conicis argum ex tallo præjudicio, cum errorem in diagnosi error in therapeutici quoque sequatur, in quod intortunium adducta hæc matrona.

*De doloribus conquerentem, &c.)* In Hæcticis si coxa doleat & intumescat, mortem instare observatum est, quod etiam fit si vermes excernere incipiant. *Vesalius in microm.*

## OBSERVATIO XIX.

*Febris Hæctica ab insigni mesenterij abscessu genita 1. A Mesenterio nigris varicibus obfuso, Pancreate obstructo, 2. Ab inflammatione Epiploï mesenterio communicata. 3. A mesenterio steatomatis referto. 4. A mesenterio calculoso. 5. A callo inter venas mesentericas. 6. A sanguine concreto in vasis mesentericis tumidis. 7. A mesenterii glandulis materia argillacea infarctis. 8. A vitio Pancreatis tumidi, leceri annexi. 9. A vitio Pancreatis tumidi, leceri annexi. 10.*

**I**n mesenterio Medici merito sentinam colluviei humorum collocarunt, ideoque eorum nutricula vocatur, nam ab eo fonte omnes morbi alvinæ regionis erumpunt, eorumque inde contumacia repetenda est: Cum enim cum hepate mediante Porta vena communicet, Cum liene per arterias celiacæ & splenicæ venam, Cum intestinis per proprias connexiones, constetque ex substantia adiposa & glandulosa, exceptioni humorum idonea, si accedat inidonea victus ratio, mirum non est si inde graves & lethales exoriantur affectus: Exemplum insigne præbuit vxor Dom. D. Crameri Medici Clarissimi, Collegæ Præstantissimi, quæ circa conjugem febre gravissima afflictum, maxque curæ commissum, dum sollicita occupatur, pede titubans subluxationem malleoli patitur, incessuique inepta decumbere cogitur, Interim morbus, cujus seminaria latebant erumpit: Nata erat annos xxv. pusillæ staturæ, delicatissima & molliter educata, vivacissimi & sagacissimi ingenii phisicum habitum, angusto pectore & depresso præ se ferens: Tota vita à carne & alimentis



alimentis prohi succi aliena, cui lactis indulgens & casei caprini recentis, quo solo per ætatem vitam sustentabat: Bimestri ante obitum, qui xx. die mensis Maii, anno 1676. contingit, de *nausea* conqueritur, accedente alimentorum omnium fastidio, imo medicamentorum etiam gratissimorum, Interim *insumvit* aqualiculus cum inflammationis notis, *levissimum contactum non ferens*: Febris se sociam lenis adjunxit, facilisque in tenui corpore & exsucco marcoris successio: Causa adscripta est pertinaci viscerum & *mesenterii infarctui*, nascentique *abscessui*: Conjecturam firmavit *vomitui* materiz pituitosæ puri remixtæ, suppurato in expuratum abeunte: Ab injectis clysteribus, leniendi ventris doloris causa, similis & copiosa, sed foetidissima educebatur colluvies: triduo ante obitum desit vomitus, nulla toto morbi decursu adfuit tussis neque dyspnoea, quanquam vitium pulmonum in suspicionem veniret.

Aperto Defunctæ cadavere 1°. Pulmones occurrunt corruptionis notas præ se ferentes, exterius variegati, maculis nigris conspersi, intus corrupti, sterno coherentes, parte dextra liberi, sinistra costis & dorso annexi, 2. discissum Pericardium feri uncias viginti circiter effudit, qui affectus *Hydrocardia* potuit dici, vel cordis aut Pericardii Hydrops 3. Cor maximum erat, pallidum, exiguum cruorem in auriculis & sinubus continens: 4. Diaphragma sine labe fuit: 5. Abdominis muscoli in lecoris vicinia, & inferius, corrupti, lividi, gangrænæ proximi. 6. Nulla neque peritonæi omenti vestigia. 7. Hepar prodigiosæ erat magnitudinis, naturalem duplo excedens, universum ventriculum cooperiens, flavedine intus & extra suffusum, ubique scirrhusum, costis nothis adnatum: 8. *Cavum abdominis implebat amurea*, seu humor feci vini albi non absimilis, commixto pure multo & pituita viscida, unde *Hydropis* species constituebatur: Abdomen enim ea feculentiaeducta concidit & resedit: Atque is fuit humor qui vomitui causam dedit, qualem etiamnum alvo exclusit: 9. ventriculus admodum expansus erat, flaccidus, rugis omnino carens: 10. Intestina crassa nigra erant & sphacelo affecta, 11. Nec non abdominis muscoli, à prægressa scil. inflammatione, quanquam febris mediocris fuerit, à penuria nempe sanguinis. 12. *Mesenterii nullæ reliquæ, quod universam putrilaginem abierat*. 13. Ingens vermis & vivus purulentiz illi innatabat, qui an ab exeso vel perforato aliquo intestino prodierit dubium fuit, nam fœtor summus ulteriorem disquisitionem prohibuit. 14. Uterus admodum parvus, apparuit, vix fabæ capax, quanquam prolem reliquerit, scirrhusus: Renes fere inculpati, et si color ad cinereum vergeret. 16. Splen integer.

## S C H O L I A.

**A** Carne, &c. abhorrens, &c.) Inter notas corruptionis lecoris substantiæ ingens carnis fastidium ponit Author *Enchiridii Med. Practici*, cum virium imbecillitate, febre lenta & totius corporis extensione, ac summo vini optimi & meraci desiderio: Causas externas, vitium alimentorum corruptorum & putridorum, ex quibus pro laudabili sanguine generatur putris quædam & maligna sanies, quæ jecur contaminat ac tandem corrumpit. Vini quoque generosi longus & liberalior usus, à quo aliena fuit Ægra: Sed casei diuturna ingestio, qui dicitur *edulium*: & abstinencia alimentorum prohi succi, satis fuit ad illius perniciem & congestionem præparata: De nequitia casei vide elegantem Excell. *Lorichii* libellum.

*Mesenterii infarctui*] Obstructiones in mesenterio, vicinisque partibus glandulosi, sæpe sequitur inflammatio, quam excipit abscessus: Cum enim natura varios læpenumero in mesenterium deponat humores, ita ut quibundam, citra noxam, multorum annorum decursu, vel singulis mensibus semel atque iterum aut citius, pituitæ acidæ aut putris, vel bilis utriusque æruginosæ, porraceæ aut vitreæ, insignis vomitu, aut per fecellum reiciatur copia, Nihil equidem ob stare potest quin diutius coerciti, vel in glandulis ac venis istis perplexis altius impacti, in, imbibique, calore accedente extraneo,

putredinem concipiant, & inflammationi febribusque variis, nec non abscessibus materiam suppeditent: Quin & eo malignitatis corruptionisque partes istæ vile sunt devenisse, ut & gangrænâ, malum omnium corruptelatum pessimum, conceperint: Causæ obstructionis hæc sunt, Venarum mesenterii nimia adstrictio, de qua Galenus lib. de diff. & causis morborum cap. 7. (quam suspicari in corpore strigoso & macilento licuit) Suppressa mensium aut hæmorrhoidum evacuatio: Sanguinis abundantia, aut ejusdem ob morbum præeuentem, exustio nimia: lecoris & vicinarum partium robur, copiam humorum instar molesti oneris, in hanc sentinam excutientium. Humor crassus, lentus, plurimus, crudus, vel à cerebro in ventriculum copiose procumbens, atque in tenues venas cum alimento penetrans, easque obcurans, vel cum spiritu sterculentio intra tubulos mesaræi contentus: Bilis flava diutius p. n. coercita crassescensque, Humor atrabilarius ab imbecilli Liene non attractus, Callus inter mesaræicas (quod observavit Benivenius) excresecens & anadolim chyli prohibens, Vel Tophi in eodem & pancreate relidentes: Febres diuturnæ, epidemiz præ cæteris, & quartanæ magnam vitiorum humorum saburram secum trahentes: Frigus intensum quo humores concentrati in corpore figurantur, diutius perpetuum: Alimenta quinetiam vitiosa crassa,

crassa, motu vehementiori, aut balneis intempestive usurpatis, in venas rapta: Saccharata vel melle delibuta atque condita, copiosius à picrocholis ingesta, aut qualitate minus laudabili prædita, *Casum* vetustus, exsuccus aut putredine squalens, &c. His addere licet variorum ciborum ingluviem, totius corporis impuritatem prava viscerum constitutione proficiscentem & post crapulam: Laboris & exercitiorum rationem neglectam: Potum vini crassi, dulcis, austeri, cerevisiæ non defecati: frigidæ usum liberaliorem, maxime post balneum ac tempore intensius æstuante: medicamentorum frigidorum & narcoticorum usum frequentem: Violentum ab assumpto cibo morum: Somnium diuturnum, Alvi suppretiones validas: & inter coenandum Affectus animi concitiores.

*Inflammatio* causas easdem quas obstructio agnoscit. Quibus addere licet & sanguinem à vena quapiam, lentum quidem, sed per artus vehementes que corporis & animi contentiones excurrentem, qui caloris regimine destitutus certoque loco coercitus & concreticens, cum amplius libere eventari nequeat, putredine concepta exardescit. *Matth. Martini de morbis mesenteris.*

*Levisimum contactum non ferens*) Ab inflammationis miculis abdominis, eoque propagata, quæ mesenterium oblidebat, phlegmone inguitamen haud caret admiratione lentum Mesenterii adeo obtusum atque hebetem esse, cum ex ipsius conformacione certum sit plurimis illud constare atque respectum esse nervis: Ex Fallopii namque in observat. Anatom. testimonio elucet, quamvis mesenterii pars superior, circa primam lumborum vertebra occasione membranae, ejusdem cum peritonæo substantia, cum primis vero arteriarum geminatum, quæ ab Aorta supra regionem emulgentium progerminant exoritur: Ejusdem tamen arterias nervorum quorundam complexu, & illo quidem robustissimo, illico circumdari, ita ut originem progressumque illarum insigniter occultet, infinitique propaginibus, adque viscera pene omnia eorundem auctum conconcretetur: Pari ratione in exortu inferioris principii, sub finem tertiæ lumborum vertebrae, nervorum abunde est: eo quod arteria ista unica, seu dictæ originis fundamentum, simul ac ab aorta procedit novo alio nervoso complexu manifeste comprehendatur, illique variis anfractibus donec in recto intestino, ad sedem usque & in parte coli obliteratur, associetur. *Idem ibidem.*

*Febris lenis*) Inflammationis in mesenterio præparata sunt febris languida, occulta & lenta, absque tamen siti & gravioribus symptomatibus, functiones ægri quotidianas haud quaquam interpellans, anorexia, tensionis ac gravitatis sensus subter ventriculum, citra vehementem, & quæ nonnisi pressu animadvertitur, duritiem: Egestionem chylosæ, haud quaquam tamen ob digestionis vitium in ventriculo concitatæ, quas ut plurimum ichor tenuis insequitur, nullo doloris sensu, modo seorsim ac sincerus, modo facibus permixtus defluens: absunt inflammationis hepatis signa, atque prout inflammatio intestinis vel tenuibus aut crassis, superioris vel inferioris, aut umbilico vicinior est, molesta: Impensius tamen ac fortius hæc accidentia suam exercere ferociam solent, partibus inflammatione oblectis, locis viciniorum in consortium trahentibus,

quo quidem in casu febris ardens magna ex parte procedit: malo deinde ad suppurationem vergente, lenta atque tædiosa minis insequitur. *Idem ibidem.*

*Nascentique Abscessus*) Evenit quandoque ut mesenterii inflammatio in Abscessum vergat, aut ex humoribus accervatis à natura ibi depositis coercitisque, vel tumores aut tophi contentum exurgant.

*Mesenterii nulla reliquia, &c.*) Licet autem Mesenterii viscus integrum inflammatione simul obsideri & suppuratione retolui possit, citra subiecti destructionem, rationi minus sit consonum (malo namque eo vehementiæ promoto subest metus, ne vel eruptione puris, aut vitiosis ejusdem exhalationibus, præter antea labefactatam chyli elaborationem, jecoris substantia corrumpatur vel erodatur, quæ reparari ullis ingeniis cum nequeat, vitari hæmatosin ac nutritionem totius, una cum viscerum omnium facultatibus everti, universi habitum plane reficari & marasmo consumi, ac tandem ex corrupto sanguine, ac facultate hepatis resoluta, substantiam visceris putridam, sanioiam, cruentam vel nigram delicti opus est) Quia tamen non raro monstra quedam in morbis & curationibus, iuxta Averroem, observare licet, idcirco admirationem hic suspendere non alienum abs re fuerit. *Idem.*

*Mesenterii quod universum*) Summa autem cum ratione Hippocrates in Coacis prædictionibus triplicem notavit ventris regionem, exindeque totidem tumorum ac apostematum discrimina tactus ministerio elicit, Conjecturæ enim teste *Mercato* l. de morbis int. 4. cap. 2. haud fallaces de salute & interitu, & num ad suppurationem perventura sit affectio ista inflammatoria, vel in abscessum migratura, capi possunt: Primam regionem utroque hypochondrio, supra umbilicum in latera deducto designavit: Alteram inferiori subter umbilicum sedē, hypogastrii nomine complexus est, Tertiam denique in medio circa umbilicum ventre notavit: Singulis autem in locis tumorum omnium oboriri posse genera docet, qui tactus ministerio ubi dispelcuntur, triplici continentur serie, seu *Durus dolens*, & *mollis indolens*: Ex dictis locorum aut tumorum differentiis suppurationem concipere possunt, Durus indolens, & mollis indolens, & hoc ipsum vel citius modo tardius, frequentius aut rarius, qui hypochondriis aut umbilico viciniore sunt, idque ob caloris interni remissionem vel intensiorem, eo quod tumores universi, quo longius ad inferas recedunt partes, tanto serius initiisque suppurantur: Quo fit ut qui sub umbilico exoriantur suppurationi raro sint obnoxii: Ideoque non iniuria Hippocrates 6. Epid. p. 2. Umbilicum harum suppurationum terminum constituit: Tumorum istorum varias observare licuit differentias, &c. *Idem.*

*Suppurato in expuratum abente*) Hinc ulceris mesenterii ortus: frequenter ulcera sordida, multotum malorum fomites, aut collectio materiæ purulentæ ac foetidæ intra binas mesenterii tunicas, majorem ventris inferioris partem occupantes, heparque sua putredine inficientes, videntur: Quæ tamen signorum adminiculo à Renum suppuratione diligenter internoſcenda sunt, eo quod Renum substantia putredine consumpta, eximiam puris copiam inter peritonæi membranas subinde fluctuare illaque

que totam ventris lumborumque regionem distendi, quandoque etiam cum dejectione, tum vomitu sinceram reddi usus docuit, referente *Fernelio* lib. 6. *Pathol.* cap. 12. Abscessum autem nonnulli, vel induuntur: materia in iisdem siccescente, vel suppurantur: In excludenda autem inde nata congerie miranda Naturæ molimina advertere licet: Quandoque enim morbus hic sponte exolvitur, erumpente ad alvum hac saburra, recludente sibi natura circa ac delitescencia spiracula, & abconditas ad hanc excretionem vias: Non raro etiam tumoris rudimenta, semel discussa, posthac quasi facta circuitu reuertuntur, *Fernelio* in *conf.* 68. authore: *Idem.*

*Cavum abdominis implebat amurca &c.*] Simul ac vero alicujus abcessus eruptio contingerit, tunc pro natura inflammationis, & humoris heterogenei, nec non loci affecti conditione, & viscerum vicinorum, quæ putridis vaporibus aut fatigantur, aut plane inhiantur, diversitate ac nobilitate varia oboriuntur symptomata, ac mirifici Naturæ in eiciendo conatus adveniunt: Hinc modo pus sincerum & albicans magnam copia, nulloque doloris sensu, per venam proximam in recti aut coli intestini cavitatem deluens, profunditur: modo inflammatione ad intestina postrema vergente, fecibus alvi permixtum redditur: (modo eadem superiora afficiente, per vomitum: *Aus si eadem late diffusa sit per vomitum & alvum simul, ut in casu præcedenti, excernitur*) Aut, quod à nobis semel atque iterum est vium, factis cuniculis magna vi per umbilicum sanies copiosa erumpit: aut per renes Naturæ ductu excluditur: Quin & *Dodæo* innotuit, inflammatione semel in abcessum delinente, nullisque sordibus alvi polluta, singulis diebus bis terve per inferiora ultra quadriennium, modico salutis dispendio ejecisse: *Annua deiectionem materia purulenta, cruenta, fecibus permixta, copiosissima, e mesenterio prodentis vidimus anno 1658 Neocomi Helvetiorum, pro Dysenteria à Theologo medicastro habitam, in viro Nobili quinquagenario, nomine Petit-Pierre, cui protento sciquipede extabat aqualiculus, A nobis frequentius Rhei & decocti traumatici, concurrentibus aliis prædiis, sanata, quanquam ad marcorem deducta fuisset: biennio tamen exalto, ob intemperantiam & intemperantem sed vitæ legem, recurrentem leibalem: Majori tamen ex parte materia, tribus supra umbilicum digitis, loco fundo ventriculi vicino, & juxta hepatis regionem collecta putrescentique, varias & dissectionum & dolorum species excitat: quæ post diversos & chronicos sibi invicem succedentes morbos, inter peritonæum & abdominis musculos copiose profusa, vel in cavitatem ventris, rupto peritonæo, defluit, aut per abcessum exterius erumpit: *Idem.**

*Febris, marcoris successio, vomitus, ventris dolores, &c.*] Abcessus isti multorum gravissimorum symptomatum, & ipsius denique mortis causa fuere: Observatum namque ex hoc fonte febres erraticas, haud tamen uniformes, cum vomitu & nausea, nec non hypochondrii utriusque tumore, *Halerius in observat.* ad consilia curandi fol. 678. Alvi cruentas dejectiones, ita ut sanguinem copiosum, nigerrimum, læpius tamen corruptum, foetidissimum, multarum librarum pondere excreverint, vel materiam multram nigram foetentemque, encau-

sto sutorio non ab similem (qualem, dum hæc scribo, anno 1677. mense Octobri, copiose excretam vidi à Pistore quodam Genevensi cui nomen Rovierte, qui primo conquestus de præcordiorum anxietate & astu cum intenso capitis dolore, siti & urinis tenuibus, obstructionum parvum in ventris indicibus, Paulo post ab usu remedium deobstruentium (Carum incurris & Pulmonum infarctum, cum febre continua, ut *Leibargo* à Pulmonibus inducto, de quo lib. 1. sect. 3. *Observat.* 39.) affectus simillimus videretur, à quo expectorantium & cephalicorum usu surrexit. Tandem soluta alvo, eiusmodi materiam, primigenii morbi reliquias, pici nigra fusa simillimam & glutinosissimam deiecit per plures dies: Enasi tamen nativi caloris & ætatis beneficio, quamvis triplex corporis æconomia insigni viro laboraret, ut ejus salvi miraculo proxima cunctis visa sit) excluderint. leipopsychias, vigiliis perpetuas, ob tetros malignosque vapores, cor ac cerebrum indidem ferientes, sudores faciei frigidos: Virium debilitatem insignem, cum siti clamosa, linguæ ariditate, tristi ventriculi sensatione & alvi torminibus fortissimis promanasse: Vide *Marcellum Donatum* *Hist. mir.* l. 4. c. 7. *Benivenium* de abditis cap. 33. *Idem.*

*Abdominis musculi corrupti, lividi, &c.*] Per consensum affecti à viro mesenterii, ut & lecur. Ex jam relatis autem operis erit exigui, cognoscere quavia Inflammationes, Tumores & Abcessus istos à vicinarum partium affectibus dignoscere liceat: *Mesenteriorum* enim in abdomine inflammatio, ac dolores secundum eorum ductum, figuram & positum protenduntur, plerumque tamen sunt oblongi ac per totum ventrem extendi videntur, cutis externa condensatur, dolor vehementissime urget, adest denique vomitus, nausea ac sitis intensa. Jecoris autem inflammatio comites habet febrem acutam, linguatum, deliria, hypochondrii dextri gravitatem, dolorem acutum, hypochondrium totum retrahentem, sese ad jugulum extendentem, tussim siccam, ingens cibi fastidium, linguæ colorem primo rubentem, mox nigricantem, sicut inexhaustam, bilis sinceræ, vitellinæ aut æruginosæ vomitum, alvi adstrictionem, tumorem in modum visceris rotundum, ac decubitus in latere affecto molestum, Prædictos æmulantur & *Diaphragmatis* tumores, de quibus consule *P. Salium Diversum* lib. de affect. parte. cap. 8. At *Mesenterii* inflammatio dolorem effatu dignum non concitat, ac nisi vehementius comprimatur, solo gravitatis sensu molesta est, febris denique lenta, ac symptomatum omnium graviorum exors, affligit: Rupto dein abcessu, pus vel sincerum, aut fecibus permixtum, citra dolorem tamen enormem, excluditur: Id quod in intestinorum, ventriculi, jecoris aut lienis inflammatione (in quibus universis dolor vehementius affligit, symptomata gravissime vrgent, neque tam sincera sanies deorsum, ob longiorem viæ tractum prodire consuevit) fieri haud quaquam posse vero non est ab simile: Tactus præterea judicio facile licet internoscere utrum malarum ex toto, vel ex parte, intumuerit: Sanies denique mesenterii discernitur ab illa quæ ab hepate defluit, eo quod hanc ad rubedinem vergere, sanguinemque corruptum indidem admixtum habere constat. Illam autem ad albedinem, vel citrinum inclinare colorem sentius arguat.

Febris



*Febris lenis, marcoris successio, &c.* ] De suppurationum internarum notis egregie *Vallesius* commun. in lib. 5. Epid. p. m. 461. Suppurationes, *air*, quum à cute non ablunt pluvium, facile deprehenduntur vel ipso Chirurghi tactu: Quum vero in alto latitant majori arte opus est ad cognoscendum: Ea quæ in thorace, aut magno alio ventre sunt suppurationes, aut parte cordi vicina, necessario Febres antecedunt, exque quum pus conficitur crescunt, fiuntque horridæ, Et quum rumpuntur novos rigores cient, & jam inde faciunt pro dolore pondus, atque adeo fluctuationes in conversionibus, durantque deinde febricula remissiores, sed ex quibus, nisi cito liberentur, tabescunt homines: Verum accedunt Suppurationes quibusdam in locis in quibus non potes hæc expectare: nam in brachio, aut parte alia longe sita à corde, potest adesse pus in alto latens, juxta ipsum os citra febrem: non quidem erit multum, neque ex inflammatione magna, sed exiguum & ex corrosione particularem juxta os, aut etiam ossis tunicam factum: Sed & quibusdam in partibus, inter inguina & alas, fieri potest ut pus lateat, cum neque febris maxima antecesserit, neque sensus ponderis, neque fluctuatio subsequuta sit: Febris quidem magna, quod longe etiam sit pars à corde, & non ex magna aliqua inflammatione, in suppurationem

attatim abeunte processerit malum, sed ex fluxione aliqua paulatim putrescente & corrodeute: Fluctuatio, aut pondus, quod non habeat pars ventrem aut vomica in insignem, sed inter musculos & periostium, aut hoc & ossa interfluat, velut imbibitum partibus pus: Quæ ergo signa in talibus expectanda sunt? certe febricula non potest abesse ubicunque pus notatu dignum collectum sit inter inguina & alas, non sub cute, sed in interioribus moram faciens, nam ubicunque ita sit, aut tenet arterias aliquas magnas, aut illis proximum est pus; per eas autem necesse est tulgines putridas in cor transmitti: Quo fit ut quibus incutis interna aliqua suppuratio est, lente, ignarique quid pariantur, tabescant cum quibuidam febriculis, quas neque an febres vocent satis sciunt vulgares Medici. Et hoc quidem commune est omnibus internis suppurationibus; magis vero iis accidit quæ sunt in ventribus, in quibus quidem dolor tunc cessat quum pus erupit, & pro eo fit solum pondus. In iis vero quæ juxta ossa, aut inter ipsa carnesque proximas factæ sunt, febris non adeo apparet, sed quanto puris generatio magis procedit, tanto magis dolores ipsi ingravescent, quia tanto magis procedit periostri, & partium aliarum sententium corruptio & exesio.

§. 2. *Celsus*. Princeps (*Lib. 1. tit. de melancholia*) Scorbuiticus, octo diebus ante mortem correptus fuit febricula Lenta. Aperto abdomine primo sese obtulit omeatum foetidissimum atque putridum: Deinde mesenterium nigris varicibus undique circumseptum, cum Pancreate induratis multis magnisque glandulis impervio: Pulmonum tam secundum substantiam quam vasa insignis erat corruptela, &c.

§. 3. Vir ann. 32. occubuit epilepsia terminata in apoplexiam; anno ante febre Lenta, deinde intermittente, laboraverat: Epiploon putre repertum est, à quo mesenterium infectum, inflammatione tentatum. (*Vide lib. 1. tit. de Epilepsia*.)

§. 4. Virgini menses suppressi cum febre Hæctica. In mesenterio erant steatomata varia In sinistro latere velut saccus plenus materia turbida. *Vide tit. de mensium suppressione lib. 3.*

§. 5. Catharina N. hæctica obiit: Viscera omnia flaccida, Vomica erat in pulmone: Mesenterii glandulæ solito majores, Hepar tabidum, &c. *Vide lib. 3. tit. de Diarrhoea.*

§. 6. Duo fratres contabuere: In sectione reperti sunt lapilli parvi in venis mesaraicis: tertius simili morbo mortuus est, sed initio Febre laborabat. *Roeslerus in miscell. cur. ann. 1670.*

§. 7. Filius N. viii. anno incidit in corruptum appetitum, hinc in Febriculam. Repertus est callus inter venas mesaraicas. *Lib. 3. tit. de Diarrhoea.*

§. 8. *Platerus* lib. 2. Observat. pag. 505. ex relatione *Chiffletii* habuit, venas mesaraicas in Hæctico sanguine crasso & concreto tumuisse, qui è majoribus venis coralli instar nigri coherens extrahebatur.

§. 9. Non raro in iis quos Febris Lenta conficit Mesenterium glandulis, materia quasi argillacea repletum reperitur. *Willis Tract. de Febris cap. 11.*

§. 10. Anno 1595. puellam annorum xii. aperui, incantata quæ credebatur, adeo miris symptomatibus per octennium correpta fuerat: Huic cor intra pericardium aquæ virulentæ innatabat, cui color viridis ac si marinam vidisses aquam: Causa mortis Pancreas erat, quod mirum in modum intumuerat, Jecoris cavæ parti arctissime adnatum, ista scirrhosum ut lapidem tangere te existimares. Dissectum candido plane intus conspiciebatur colore, haud aliter ac si albam pituitam, admodum induratum tractasses. Extenuata omnino erat, extincta Febre Hæctica. *P. Pavius Observat. 14.*

## OBSERVATIO XX.

*Febris Hæctica, Lenta à corruptione Hepatis. 1. Ab ejus putrilagine. 2. Ab ejus ingenti Abscessu. 3. Ab ejus parenchymate in pus converso. 4. A graveolente pure sub ejus lobo minimo. 5. Ab ejus duritie & vitio cystis felleæ. 6. Ab eo putri & Renum vitio. 7. A Liene post casum indurato.*

§. 1. **F** Amula quædam cum longo tempore non sine febre decubuisset, per me tandem utcunque restituta fuit sanitati, ita ut aliquot mensibus foras prodiret, Verum postea

facta recidiva, rursus aliquot mensibus decubuit, neque tunc ulla medicamenta adhibuit, nisi cum jam macie exhausta jaceret, cum *Febre Lenta*, Sitique continua & fluxu colligante: Atque cum tunc ad illam accitus essem, tumor circa stomachum apparuit rotundus, ita ut tunc apostema esse videretur, atque instante jam quasi morte, & remediis aptis adhibitis nihil juvantibus, & cum ex tactu pus sentiretur, constabat intus latere abscessum jam maturum, Chirurgus accitus incisionem in moribunda tentare non fuit ausus, nam die uno vel altero sequente obiit.

Facta post mortem incisione, inventus est lobus hepatis supra stomachum ascendisse, totius hepatis membrana illæsa quæ hepar continebat; sed ea incisa tota hepatis substantia corrupta & purulenta, vomicae instar undique effluxit in capacitatem ventris cum putore intolerabili. *Forestus lib. 19. Observat. 20.*

## S C H O L I A.

**C**um hic lobus hepatis supra stomachum ascendisset, & tumorem exterius rotundum effecisset, aliquis judicasset ex rotunditate affectum in ventriculo extitisse, nullo apparente tumore in hypochondrio dextro: at tamen hepate toto suppurato, ob magnitudinem abscessus lobus ventriculum comprehendens conscenderat: Ideo hæc consideranda, ne in consimili casu quis fallatur, etsi inflammatio hepatis & ventriculi eodem fere modo curentur, propria tamen remedia, sibi que familiaria eorum quodque requirit. Notas quibus ab invicem distinguantur vi-

de apud practicos. *Idem.* Sunt qui pro nota inflammationis, & potissimum gibba, addunt quod dolor est in dextra parte, sed illam notam falsam experientia agnovi: nam si hepar inflammetur in utraque parte, gravitas circa mendosas costas percipitur, sed in clavicula sinistra potius quam in contraria, quod dissectio docet, Hepatis enim extremitas ad sinistram venit, quare si inflammatio fiat in extremitate hepatis, dolor in ea parte sentitur. *Rondeletius Practic. lib. 2. cap. 32.*

§. 2. Ego Ictericum cum *lenta febre*, atrophiam &c. conspiciens, & regionem jecoris tractans, ibi causam mali latere dixi: Hepatis substantia fere tota absumpta erat, &c. *Vide lib. 3. tit. de Hypochond. dolore.*

§. 3. Conquerabatur quidam de *Febricula nullis remediis cedente*; dolor tandem successit in hypochondrio dextro, tumorque Jecoris cum dyspnoea: paulo post morri cessit. In aperto cadavere ingens abscessus in Jecore inventus est. *Vide lib. 3. tit. de Hypochondriorum dolore.*

## S C H O L I A.

**F***ebriola nullis remediis cedente* } Plurimi lentis febribus symptomaticis laborant, quas vulgaris febres non putat esse; eo quod nullus rigor comes sit, frigus aut horror, vel angustia, unde sine iudicio cibus ægris potigitur; nec ullas accessiones & *Intermittentia* latentis ratio habetur: Nam cum

lateat putredo, & humor conclusus sit, non sparsus per partes sentiles (à quo rigoris sentus) latens est & obscura *Intermittentia*, maxime vero id contingit si febris lentæ periodica annexa sit, quod sæpe maximo ægrotum damno contingit.

§. 4. Vidi cui Hepatis parenchyma, illæsa sola superficie, in pus versum fuerat sub languida Febre ac frequenti leipothymia. *Heurnius aph. 41. 6.*

§. 5. Lictor ictus fuit bipenni in infima Jecoris fibra, quam Lenta accedens Febricula confecit. Inveni sub vulnerata fibra plurimum graveolentis puris. *Tit. de vulneribus.*

§. 6. Fœmina per vii. vel viii. annos vix unquam sine medicamentis deiecit: Tabes cum Hectica eam confecit: Hepar repertum durum, & folliculus fellis in se se collapsus ac fere totus consumptus. *Vide lib. 3. tit. de Alvo adstricta.*

§. 7. Civis N. in cachexiam incidit cum nausea, vomitu & Febricula continua. Hepar fere totum erat putre: vesica fellis vacua, intestina croceo colore tincta, Renes sic colorati. Eorum parenchyma lividum. *Vide lib. 3. tit. de ventris dolore.*

§. 8. Latus sinistrum decidui ex loco superiore afflictum fuit Fabri lignarii, hinc febris Hectica: Cujus causa fuit læsus lapsu isto Lien, qui præter modum induruit. *Vide lib. 3. de Hypochondr. tumore.*

## OBSERVATIO XXI.

*Febris Lenta Symptomatica à Renis dextri putredine.* 1. *A Rene dextro purulento.* 2. *Ab utroque in pus converso.* 3. *A sinistro toto absumpto cum vomica.* 4. *Ab utroque purulento cum carcinomate juxta vesicam.* 5. *A vermibus in utroque.* 6. *Ab ureteribus à calculo obstructis.* 7. *A Rene putri calculum continente.* 8.

§. I. Vir

§. 1. **V**ir Nobil. Jacobus Myro, Senator Patientis, cum esset raræ texturæ & infirmæ valetudinis, circa initium Februarii 1640. incidit in Febrim continuam, quæ ex prægeandi abicessu rupto in Mesenterio, cum pravis aliquot symptomatis, præsertim vero diarrhœa biliosa & serosa, jugibus vigiliis, hæmorrhoidibus, & universi corporis coliquatione, versa est in Lentam symptomaticam, qualem graphice descripsit Scholæ nostræ lumen *Fernelius* 4. path. cap. 16. Ex hoc affectu postquam decubuisset Nob. Senator, per quinque fere menses, quibus in dies pugnatum est *arte medendi*, tandem *exitium superavit opem quæ victa jacebat*, fatisque cessit morte lenissima, sine ulla vi, ullâque torsione, quâque placidiorem nullam potuisset unquam sperare aut optare Augustus ipse, sine ullo cruciatu & tormento, quam *Adrianiæ* nomine indigitare solebat. Transactis ab excessu horis XII. dissectum fuit cadaver.

Inter cetera observatu dignissima quæ consulto annoravi & hoc unum fuit, Ren dexter, ex cujus vicio supra annos x. sævissimis doloribus nephriticis multoties fuerat divexatus) totus putris & in tabum redactus deprehensus: In cujus media substantia & cavitare oblongum & obliquum calculum comperi, angulosum, & ut ita dicam, cornicularem. Jam multum temporis erat ex quo haud dubie Ren ille non solum putris & saniosus, verum etiam totius gangrænosus affectus & corruptissimus, sui muneris nihil quicquam edebat, & propria secernendi sanguinis & feri excernendi facultate destitutus erat. Qui enim potuisset obstructo meatu à grandiore calculo, & corrupta ad eum putredinis gradum propria substantia, ut ipsius renis nihil aliud quicquam haberet præter figuram & tunicam, quæ pro renis substantia merum tabum, idque nigerrimum continebat. Et tamen nulla unquam laboravit per totum morbum urinæ suppressione: Quod sane sæpius quoque à xv. annis in hac populosissima urbe, calculosorum feracissima, observavi. Ergo non est semper verum uno Rene obstructo alterum statim cessare ab officio, cum ægrotorum plurimi urinam profundant alterius Renis beneficio ad ultimum usque vitæ momentum: *Ex Observationibus Excell. Guidonis Patini Doct. Med. Parisiensis & Facult. Decani.*

## S. C H O L I A.

**L**Entiam symptomaticam qualem describis *Fernelius*, &c. ] *His verbis*, Traditur tertia Hectica differentia ex partis cujuscumque affectione, præsertim ex Jecoris, Lienis, ventriculi, Pulmonum, Thoracis Renum, vel Intestinatorum inflammatione haud recte curata, maxime vero si putulenta evadat; Quum enim febrilis calor diutius in his persistat eoque obideat, solum certe quidem diuicilis evadit, ac tum cordi cæterisque partibus luminare siccitatem ingenerat. Cæterum hæc proprie Hectica censeri non

potest, sed symptomatica febris, cæque plerumque Lenta, id enim genus ex putredine natum est, quam etiamnum diu redolet, ejus quippe indicia in pulsu, in urinis, in siti, in aliisque symptomatis permanent. Quin & crebræ in his excandescentiæ etiam sine cibo sunt, & inæqualitates & crebri horrores, quum præsertim purulenta est collectio: Itaque omnis quæ Hectica appellatur, ex putrida febre profecta, putredinis etiamnum particeps est.

§. 2. Nicolæa N. post Febrim Lentam Orthopnoica obiit: Repertus est ren dexter purulentus. *Lib. 2. de Dyspnœa.*

§. 3. Puella purulentas urinas reddebat cum Febre Lenta: Renes inventi sunt omnino in pus conversi. *Lib. 3. tit. de urinis p. n.*

§. 4. D. N. cum ante de Renibus non conquereretur, Febricula obtigit, ischuria, &c. Ren sinister totus absumptus, vomitis plenus repertus. *Lib. 3. tit. de ventris Tumore.*

§. 5. Mercator (*de quo tit. de Urina per alienum locum excreta*) Cum lumborum dolore, urinæ ardore Febrim lentam habuit. Dexter latus renis erat expers. Sinister pure ac steatomate infectus. Sordidum carcinoma ambiebat meatum qui à vesica in rectum intestinum illi descendebat.

§. 6. Juvenis dolore renum oppressus Febre jugi extenuatus est. In utroque Renum cavo vermes crassi, albi, vivi inventi. *Lib. 3. tit. de Lumborum dolore.*

§. 7. Magdalena N. post omnimodum lotii impedimentum Febre Lenta prehensa est, Calculus acuta apice obturabat Ureteris principium, ut omnem transituræ urinæ intercluderet aditum: Oppositi renis ureter similiter obstruebatur. *Lib. 3. tit. de Ischuria.*

§. 8. Nob. N. incidit in Febrim continuam, quæ in Lentam symptomaticam abiit; Ren dexter, ex cujus vicio supra x. decem annos laboraverat, totus putris, calculum in se continens. *Lib. 3. tit. de Lumborum dolore.*

## OBSERVATIO XXII.

*Lenta febricula ab ulceribus vesicæ inducæta. 1. A Calculo in vesica citra signa. 2.*

§. 1. **D**octor. *Franc. de Figueroa*, Medicus Hispalensis ad ann. lxx. urinam cœpit emitte-  
re velut fuliginem tinctam, parum & sæpe, cum tenesmo, hinc arenæ sabulosæ  
DDddd 2 excretionē



excretionem: post Lenta febricula suboritur, quæ incrementum cum siti, linguæ scabritie: Tabe tandem brevi consumptus perit: Vesicæ locus inspectus docta dissectione, Et in illius alveo inventi sunt duo lapides inæquales, & horridi, substantia & colore subrubri, sanguine defæcati: Vesicæ corpus erat, & facies interna aphthis nigris & lividis corrupta, ut & permultis albis in circulo corrosa. *Vide lib. 3. tit. de Dysuria.*

## S C H O L I A.

**I**llud est animadversione dignum quod febris illa quæ ab ejusmodi ulceribus fovetur, aut incipit, aut desinit in hæticam, licet à putrida incipiat, ut febris quæ fovetur ab ulcere pulmonis, quo fit ut omnes fere tabidi moriuntur: quod cum in hoc ægroto etiam innotesceret, post alia auxilia imperavimus ut de lacte asinæ juveniculæ parum sumeret, à tribus unciiis incipiendo, ut paulatim ascenderet ad octo: Et licet his auxiliis profuturum spes esset (erat enim adæquatum auxilium lapidis & vesicæ extractio) libenter consulimus auxilium, hoc enim maxime urinæ acrimonia temperatur & abstergitur ulcus:

quoniam est lac asinæ, si quod aliud, renum & vesicæ ulceratæ, seu ab acri humore laceratis potissimum & efficax auxilium: iis tamen nihil proficientibus Tabe consumptus perit: Eadem symptomatum gentilitas, idem fere morbi progressus à nobis observatus in quodam Religioso; qui etiam cum dolore in fine mictus, & urina primo nigra, postea sanguinolenta, ultimo sabulosa, lente cum febre oborta ac ultimo tertiana continua, de genere ardentium, Tabe consumptus obiit: Est enim illud peculiare Tabis genus quod sequitur putridum aut corrosivum ulcus in vesica. *Caldera Tribunalis Medici pag. 225.*

§. 3. Quidam Lenta Febre detentus, foliacea sedimenta cum urina emittens. Dissecta vesica ulcus in ea repertum. *Lib. 3. tit. de Urinis p. n.*

§. 3. Laborabat vir Nobiliss. D. Gul. Poole, ultra sexagesimum aliquot annos progressus, habitu pleno, febre quadam lenta, ut plerumque solent senes, cum aperiis, virium languore, aliisque symptomatibus, qui tandem jugulatus mortalitatem exiit.

Aperto post mortem corpore, inventus in vesica urinaria calculus, durissimus, pyriformis, in medio secundum longitudinem pervius: urina ex eo tanquam canali quodam sine omni impedimento profluente, xiv. unciarum pondere constans. In hoc Nob. Viro nulla apparebant calculi signa, quæ quidem fuerint observata; nullus ponderis sensus, nulla unquam calculi in vesica coagulati suspicio: ut miretur quis non sine causa, quomodo fieri potuerit, ut tantæ molis & ponderis lapis ab ægro non discernereetur. *Fridericus Loesum Observ. 53. lib. 3.*

## OBSERVATIO XXIII.

*Febris Hætica ab uteri corruptione. 1. Ab eius affectu in gangrenam desinente. 2.*

§. 1. **H**Ac nostra memoria à corruptione uteri observatum est primates mulieres interisse, febre latente & blande ægras tractante, quod expectationem spemque Medicorum non sine infamiae nota & ignorationis suspitione decepit. *Ballonius Histor. 1. lib. 2. consil.*

## S C H O L I A.

**E**x morbis quidam sunt Febres ipsæ, quidam febres comites habent: atque ex comites febres aliquando nihil habent *αἰσθησις*, ut dicatur æger febrile necne nil intersit, aliquando sunt magni momenti: Alias mixtes sunt admodum, aut saltem tales apparent, cum in recessu petnitent moliantur, ut partes hæ quæ partis alicujus principis *ἀσθενείας* se-

quantur, ægri enim sine sensu, & nil tale cogitantibus Medicis moriuntur: Et hoc *Hippocr. 1. de m. m.* observat, qui dum loquitur de febre quæ vitium in utero, & perniciem jam perfectam consequitur, ait *ἢ ὅτι ἐστὶν ἁλυσίς*, i. e. febrem esse mixtam & manucantam, ut videtur. *Idem.*

§. 2. Mulier post partum fluore muliebri tentatur, accedit febris horis vespertinis ingravescentis; quæ in hæticam abiit, subsequente uteri gangræna. *Vide tit. de Fluore muliebri lib. 3.*

## OBSERVATIO XXIV.

*Febricula assidua in quodam cui corrosæ duæ lumborum vertebrae repertæ sunt. 1. A Glandulis in toto corpore dispersis.*

§. 1. **Q**uidam in Lumborum dolores incidit, comite Febricula & urinis admodum flammis. Illæ renibus duæ Lumborum vertebrae corrosæ sunt repertæ, una cum aortæ & venæ cavæ ruptura. *Vide lib. 3. tit. de Lumborum dolore.*

§. 2. Virgo serofulis multiplicibus vexata ex Febre hætica moritur. Reperimus mille ultra glandulas, majores, minores, à faucibus ad os pubis. *Vide tit. de Tumoribus.*

OBSERV.

*Intermittentium Februm causa deducta ab obstructione partiali ductuum  
Pancreatis lateralem.*

§.1. **A** Liquoribus publice quibusvis presentibus, in Nosocomio Academico ægrotum præter alios graves affectus, Intermittentibus quoque Febris, & quidem non raro multi fariis diutine laboratum, & tandem mortuorum cadavera dissecantes, per syringam huic rei aptam, infudimus salem volatilem liquidum, & tinctura cœrulea resectum in ductum Pancreaticum ubi in tenue hiat intestinum, qui sal quoniam nunc in plures, nunc in pauciores glandulas non penetrabat, dum in cæteras cum viciniores tum remotiores, & quidem non coloratas, tam ulteriores quam citiores admitteretur, ipsasque colore suo inficeret, obstaculum aliquod hinc inde latuisse, propter quod ne per laterales Pancreatis ductus omnes in connexas ipsis glandulas mearet, Liquor infusus impediretur, Spectatorum nemo non videbat, & procul omni dubitatione agnoscebat. *Fr. Sylvius Præcoss. l. 1. c. 30.*

§.2. Obstructionem in Pancreatis ductibus observavimus in femina febrem Intermittemtem passa: In cujus dissectione per syringam infudimus liquorem volatilem ac cœruleum in ductum Pancreatis majorem, ex quo in plerosque ductus laterales penetrabat, dum in perpaucis propter obstructionem sistebatur, unde dicto colore inficiebatur ipsa Pancreatis substantia in uno loco & non in alio. *Regnerus de Graaf Tractatu de succo Pancreatico cap. 2. Thesi 175.*

§.3. Recordor egregiam & Nob. Domicellam *Annam* de Gatinois, uxorem N. xx. ante annos Tertianam autumnali laborasse, quæ in continuam & modicam tamen mutata, totam hyemem vixit, sed insignita sævissimis stomachi doloribus, duas tresve horas statim ab assumpto cibo juveniculam graviter exercentibus, Verosimile sane fuit focum Febris causamque doloris adeo acerbis in Pancreate latuisse. Nam hujusmodi dolores deinceps observavi à Scirrhus Pancreate, gaaviter premente ventriculum, cibo distentum excitari, aut potius recrudescere & exacerbari à compressu ventriculi cibo pleni: Et nominatim in Reverendo Canonico Qui quatuor ante mortem annis de his doloribus fuit apud me semper conquestus, id enim constitit satis ex dissectione corporis: *Car. Plis. Sect. 6. de morbis. ab Illuvie serosa pag. 594.*

§.4. Vir quidam Nobilis Campanus Sanguineo & melancholico temperamento, incidit in Febrem cum quodam dolore ad Dorsum & Lumbos, & totius corporis tremore insolito, qui post paucos dies feliciter desit fluxu hæmorrhoidali, lento quidem & paucis, sed dolorifico, post aliquot dies utroque symptomate adaucto. Is auxilium Medici recusat, nullam à Medicorum præceptis opem sperans, incurabili quodam, ut agebat affectu laborans: Morbum enim magicum esse; Ingravescente affectu & Febre incandescente, accitus *D. Guido Patinus* Medicinam illi fecit, venæ sectione iterata & purgatione blanda ex cassiæ medulla, foliis sennæ & syrupo diarrhodon ægri statum perduxit ut in convalescentiæ spem lubens devenerit: Tandem quum vino multo, eoque meraciore usus esset inscio Medico, invaluit Febris, prostrata vires, fœtor corporis nulli ferendus tandem cum *ataxia* & fugaci delirio extinctus est.

In dissecto cadavere apparuerunt omnia viscera nutritia supra modum pallida, à veteri intemperie biliosa, quæ toto vitæ decursu dominatum obtinuerat, sed absque ullo eorum substantiæ vitio: Ex utroque Pulmone leviter compresso serum putre & fœtidum defluebat; Substantiæ cerebri serum multum instar feri lactis subvirescens innatabat, cujus portio in spinam dorsali decidua, Tremorem illum initio morbi concitaverat. Mortis autem causa fuit ingens abscessus in toto Pancreate latitans, cum multo pure & fœtore intolerabili pure inquam valde putrido & subviridi, cujus acrimonia glandulosum corpus pene unversum exederat atque discerpserat. *Thomas Bartholinus cent. 1. hystor. xxxix. & Epist. 23. cent. 1.*

## S C H O L I A.

**A**D febrem intermittentem producendam requiritur aliquid, quod in sanguine non existens, alias Synocha excitaretur, sed ipsi admittum una cum ipso ad dextrum cordis ventriculum deferatur, & quidem 1. A parte corporis tali, quæ per vasa sua, aut immediate aut mediate communicet cum corde: Fundamenti namque, postulatque loco hic supponimus *Circularem sanguinis motum*, abunde probatum. 2. A parte tali, perque vasa talia, in qua,

vel in quibus possit ipsum, ob causam externam, in rebus non natur. tere consistentem, ita infici & affici, ut subito, secundum aliquam saltem sui partem, in motu suo sistatur, atque ad tempus aliquod, idque nunc longius nunc brevius, impediat ne hætenus continuo ad cor deveniat. 3. Illud idem tale sit oportet, quod aut propter solam sui moram stagnationem in foco suo vel vasis, sua sponte, aut ob quamcunque aliam

causam internam, à quovis ejus Affectore nominandam demonstrandamque ac concurrentem, tale vitium acquirat, ex quo (ubi denique ipsi quocunque modo ac medio restitutus est patens ad cor aditus) vel solo vel aliis pariter determinandis juncto, cuncta symptomata, etiam diversissima & in multifariis febrium intermittentium speciebus observabilia tum commodè possint deduci, tum rationali certaque curatione confirmari. 4. Impedimentum tale sit oportet, quod ad tempus humorem prius stagnantem cogere possit, postquam vero eidem transitum quacunque demum de causa concessit, mox ad pristinam revertatur naturam novam, & proinde similem priori humorem tamdiu eodem in loco similiter sistat, donec idem, uti prior, per paratam quovis modo viam effusus paroxysmum novum producat, idque tamdiu alternatim continetur, donec tandem (ni prius perierit æger) aut sponte, aut casu, aut arte, notatum corrigatur tollaturve impedimentum, atque eo ipso intermittens curetur Febris: Si proinde omnes corporis humani humores suis in locis parari, aut etiam coacervari, posteaque per vasa sua ad dextrum cordis ventriculum deferri solitos excutiamus & attente consideremus, observabimus præter sanguinem à partibus continentibus omnibus ac singulis ad cor per venas fluentem, observabimus inquit 1. Bilem tam immediate quam mediate sanguini. 2. Lympham immediate sanguini per vasa sua lymphatica. 3. Succum Pancreaticum mediate duntaxat eidem descendente per ductum proprium, intestinalem fistulam, lacteas venas & Ductum thoracicum. 4. Denique Salivam mediate tantum sanguini per suos ductus admisceri, atque una cum ipso ad dextrum cordis ventriculum propelli. Præter quos humores quatuor cum hactenus innotuerit nulli ad dextram cordis ventriculum delati, merito ab illorum uno vel pluribus febrium intermittentium, qua intermittentium, causam deducendam judicamus, postquam ab ipso sanguine male affecto Synochum non intermittentem futuram febrem, ob ipsius motum ad cor perpetuum nemo non videt. Sanguine ergo relicto, 1. à Bile febres intermitt. deducendas nemo censébit, qui attenta mente consideraverit, nec in sua vesicula, nec in sui ductibus posse illam subito ab ulla causa externa ita infici & affici, ibidem aut secundum aliquam sui partem in motu suo ad tempus sistatur, atque iterum vel sponte sua, vel ob quancunque aliam demonstrabilem causam internam inveniat viam, perquam quocunque modo feratur ad cor, ac vel sola vel alii juncta producat symptomata superius notata: Concrevit aliquando bilis, nec difficit, in cysti sua in calculos, tum in hepaticis suis ductibus in calculosam crustam, at ut neutrum sit subito, ita nunquam observatum alterum ab interna causa, quin externa duntaxat iterum solutum, nec tamen ita ut aliquid Febribus intermitt. simile possit inde deduci: Judicatur iridem aliquando fæcor, ex albicantibus & viscidioribus alvi fecibus, in Ictero, bilem ad tenue intestinum quacunque demum de causa non deferri: Attamen non semper, subinde licet, observatur Ictero intermittens conjuncta febris, quæ proinde ab illo bilis impedimento deduci nequit. A Lympha similiter, febres intermittentes, quæ intermittentes haud videntur deducendæ, &c. ut nec 3. à Saliva, &c. 4. vero à Succo Pancreatico, Febres Intermitt. quivis merito censébit deducendas, qui omnia & singula ad ipsas producendas Requisita notata hic concurrere animo observaverit attento: Nam 1. laudatus

ille succus defertur ab ipso Pancreate, Parte tali, quæ per vasa sua & Ductus proprios mediatè, supra notatos, communicat cum dextro cordis ventriculo. 2. Defertur idem succus per vasa talia, Ductus nempe Laterales, in quorum uno vel pluribus potest ipse ob causam externam ita infici & affici, ut subito, secundum aliquam sui partem, in motu suo sistatur, atque ad tempus aliquod impediatur ne hactenus continuo ad cor deveniat. Evenit autem illud quoties nunc ab æstu aëris, nunc à vehementiore corporis motu, nunc à vigiliis protractis, nunc ab animi solitudine, aut ira durante, nunc ab alimentis, condimentis medicamentive acrioribus, vel quacunque demum causa alia, Pituira in tenui intestino plurimum colligi & acervari solita, solvitur, mox & sanguini admittit una cum ipso quaquaversum ad omnes corporis partes propellitur, quin humoribus singulis, ubivis præparatis arctius vel laxius conjuncta cum iidem per ipsorum vasa devehitur: unde superveniente subito causa externa, pituitam coagulare apta (aëre frigido, ventris algidioribus, potu gelido, animi terrore aut mœrore lumino, repentino præsertim, &c.) quemadmodum alibi, ira & in ductibus Pancreatis lateralibus, angustioribus scilicet, concrevit eadem pituita, ductus eisdem obstruit, ac ne per illos succus ibidem idcirco stagnans, in Ductum medium, ampliorem, & sic ulterius pergat, impedit. Illud autem in Pancreate, quam ceteris forsan corporis partibus omnibus, accidit facilius sæpiusque, quoniam cum Succo Pancreatici, ceteros humores omnes aciditate superantis, materia acidiorè jungitur, transportaturque facilius & copiosius pituita, quin ab eadem secedit rursus non ita difficulter, accedente causa ipsam coagulante, à qua promovetur ille secessus inter Succum acidiusculum quidem, non tamen valde acrem, atque pituitam, sed viscidiorum simul confusos tantum, neququam intremis mistos, Nec tantum obstructionem in Ductibus Pancreatis Lateralibus ex modo enumeratis causis ex parte sibi contrariis, sed &que mutuo excipientibus fieri posse probabiliter concludimus, verum ipsam non semel actu factam evidenter in cadaverum sectionibus per autopsiam evicimus. Aliquoties namque publice, &c. (*vide Textum.*)

Obstaculum illud obstructionem fuisse ab humore crasso viscidoque laterales ductus infarciendo, vel idcirco assevero, quoniam (præterquam quod nullum vel minimum, cui hoc adscriberetur occurrebat vel compressionis vel aliis angustiae speciei signum causæ antecedentes omnes, quoties innotuit, symptomata febres intermittentes comitari solita, ipsaque adeo eisdem curandi ratio maxime rationalis ac certissima cum obstructione plane convenire & amulatim quadrate deprehenduntur. 3. Talis est Succus Pancreaticus, qui ob solam sui moram & stagnationem in Ductibus suis Lateralibus sponte sua vitium tale possit acquirere, adeo tunc ex ipso partim solo, partim aliis postea determinandis juncto, cuncta symptomata febrium intermittentium etiam diversissima commodè, nec ita difficulter possunt deduci, atque rationali certaque curatione deduci: Est enim succus Pancreaticus sua natura subacidus, quod evincunt non tantum argumenta plura à me in Disquisitione mea de Febribus 2. §. 32. & sequ. proposita, sed ipsa experientia ab ingeniosissimo *Regn. de Graef*, tum sæpius alibi & hic in canibus, tum etiam semel in homine infelicitè sub trabe oppresso ac extincto instituta: Hic succus quoniam, subacidus est, idcirco simul talis est, qui ob solam sui

moram



moram & stagnationem in Ductibus suis quibuscumque sponte suaviatur, & quidem ita ut reddatur primum solito ac idior, hinc obstruentē suos ductos pituitam, si non in totum solvat & secum educat, periret saltem ac periret, atque tandem cum solus, cum aliis humoribus, postea explicandis, junctus, symptomata in febribus intermittētibz omnibus occurrentia omnia, non tantum producere possit, aut revera producat: Testatur enim experientia quotidiana quævis aciditas sponte sua redit continuo acidiora: Sic acetum quo servatur diutius eo aciescit magis: Cujus eventus ego sequentem puto rationem; acrimoniam nempe Acidorum augeri nunc, quoniam evanescunt ex parte saltem spiritus volatiles aciditatem illam temperantes, unde non mirum si conservatus liquor quivis acidus reddatur sensim acidior: Eandem ob causam, multis licet ignotam, promovetur aceri confectio in loco igne vulgari calefacto, vel sub ædium recto summo radiis Solis exposito: horum enim ope via paratur Spiritibus volatilibz citius & facilius sic ex parte paulatim efflueris: Quemadmodum autem extra corpus nostrum Acida quævis aciescunt sponte magis magisque, ita in eodem ipsa, & nominatim Succum Pancreaticum stagnantem amplius aciescere probant symptomata, tum in melancholicis affectibus dictis plerique tum, quod hic magis urget, in febrium intermittētiū finitibus observabilia, & sicut absque ullius acidi abusu sæpe oborta, ita uni acido accepta referenda: Aciescit vero Succus Pancreaticus in Ductibus suis stagnans, quoniam secedit tunc ab ipso sensim magis magisque spiritus volatilis ei secundum naturam conjunctus, ipsumque blande temperans: Hic succus Pancreaticus stagnatione, sicut dictum est, Acidior & acrior factus, in obstruentem ductus suos pituitam vim suam exerce; ipsamque incidere incipit: quæ si tenacitate ac visciditate tanta prævaleat, ut in totum ab ipso abstergeri, solvi, atque inde removeri nequeat, eandem saltem perterebrat, sibi que per ipsam vi viam aperit quam pervadat: Symptomatum omnium in Febr. Intermit. observabiliū exortum à Succo Pancreatico acidiorē, aliisque humoribus ipsi junctis deducimus, postquam verbo præmiserimus quartum Requisitum notatum hic quoque concurrere: Pituitam nempe viscidam, Ductus Pancreatis laterales obstruentem, talem esse, quæ non tantum in ipsis succum laudatum ad tempus cogere possit, ut ibi stagnet, sed insuper postquam eadem, acrimonia sua viam sibi paranti, transitum concessit, mox iterum coeat, concreseat, solutamque ex parte obstructionem reparat ac redintegret, hinc & similem priori succum tandem eodem in loco similiter sistat, donec idem uti prior, per apertam similiter viam effusus paroxysmum novum producat, idque tandem alternatim continetur, donec quocumque modo tollatur in totum obstructio ac febris, aut ipse Ager: Pituitæ viscidæ naturam esse ut personata licet, sponte coeat iterum & coalescat, evincunt non tantum viscida omnia eandem mutationem spontaneam subire solita, verum insuper pleraque febres intermitt. eradiciantia, vel etiam ingulantes dicta medicamenta, sive sint ea incidentia & diuretica sudoriferave, sive vomitoria purgatiave per alvum: Illa enim omnia videntur mihi febres intermitt. qualvis curare, quatenus pituitam viscidam in ductibus Pancreaticis hærentem incidunt, solvunt, abstergunt atque secum ad intestina deducunt, quin aliquando, diversa licet via, e corpore in totum educunt: Quod agnosceret facile quivis medicamenta Fe-

bribus intermittētibz feliciter tollendis specialia, vulgo specifica dicta, serio expendens trutinantique.

Postquam pluribus deduximus Febrium intermittētiū exortum à Succo Pancreatico in lateralibus suis ductibus obstructis stagnante, proximum jam est ut symptomata omnia, eademque diversissima in febribus iisdem notabilia, tum ab eodem, tum ab humoribus aliis cum ipso junctis deducamus: Succus ergo Pancreaticus, stagnatione notata, redditus naturali acidior, atque post perterebratam obstruentem pituitam, in tenuis intestini cavitatem effusus, mox in confluentem bilem qualemcumque insurgit, atque cum ipsa effervescētiā solito acriorem patit, & quidem pro pituitæ occurrentis varietate variantem: Quamdiu enim succus ille acidior, pituita adjunctus, oppressam tenet bilem, tamdiu *Frigus* in multis circumstantiis differens plurimum profert: Nam 1<sup>o</sup>. frequentissime in *lumborum regione*, ubi confluxus est cūm modo memoratorum in tenui intestino humorum, *Frigus* angit vehemens, quando succus prædictus est acidior pituita non valde viscida, per quam penetrans intestinorum tunicam trigoris sensu attingit: 2. In eadem *Lumborum regione* paucum vel nullum sentitur *Frigus*, quando valde viscida existit pituita salivaris, succi pancreatici penetrationem ad intestini tunicam impediens, unde tunc, aut ventris medio, tenuis nempe Intestini parte ulteriore, aut in extremis duntaxat corporis partibus frigus urget. 3. In *capitis partibus interioribus* frigus maxime molestare videtur, quando idem humore scætet pituitoso, cui se jungens succus acidus, ejulve halitus, ibidem magis quam se alibi se manifestat, ægrumque torquet. 4. Ab iisdem halitibus lenioribus, & ob admissam pituitam intestinalem magis flatulentis ad Pulmones tendentibus, excitantur in paroxysmorum initiis *Oscitationes*, uti ab iisdem per corporis habitum disperitis, *Pandiculationes*, *Inquietudines*, *Arumque lassitudines*: 5. Ab iisdem halitibus acrioribus, minutique pituitæ admixtæ habentibus, sed gradibus acrimoniæ differentibus, produciuntur alias *Horror* alias *Rigor*. 6. Ab iisdem halitibus majorem acrimoniam obtinentibus, *Dolores rodentes lancinantes*, ventrisque adeo *tormina* gignuntur: sicut ab admixta multa pituita *Dolores gravantes* magis ac *contundentes*. 7. *Pulsus* mox cum accessu *frequentior* existit, ob irritationem cordis ab halitibus tum flatulentis tum acris eo tendentibus. Idem aucto frigore paulatim redditur *minor*, ratione aciditatis auctæ in halitibus alluigentibus, sanguinisque magis coagulati, adeoque ad sui rarefactionem minus apti: Unde non mirum si præterea illa cum *Animali motu* universo *Debilior* fiat *Pulsus*, qui proinde urgente valde frigore vix, aut ne vix quidem observari potest. Ubi autem omnis Succus Pancreaticus stagnatione acrior factus effusus est in tenue intestinum, atque Bilis aut per se acrior existens, aut ob viciisam cum dicto succo factam effervescētiā acrior facta vicissim dominium nanciscitur, qui tunc fere plures attolluntur Halitus magis biliosi. 1. *Anxietatem circa præcordia* solent patere, quin nonnunquam *nauseam*, *vomitum*, aut subinde *alvi fluxum*. 2. Ab iisdem halitibus magis biliosis partim ad ventriculum, hinc & tauces alluigentibus, partim ad Cor & Pulmones transeuntibus *Situs* excitatur. 3. Bile dominium in corde quoque recuperante, Sanguis paulatim magis rarefit, *Pulsusque* major fit & *robustior*, permanente tamen priore *frequentia*, ob irritationem non minus a bilis acrimonia & sanguinis rarefactione aucta cord

contingentem : Sed imprimis 4°. calor & ardor in corde, hinc & *universo* augetur corpore, ob imperantem successive bilem : Nec mirum proinde sit tunc 5°. ardori tali copuletur *Lingua ariditas* ; cum halitus è sanguine in pulmones delato per asperam art. effusi eandem exsiccent. Nec mirum si 6°. rarefacto valde sanguine *difficiliter* procedat & *augeatur Respiratio*. Nec mirum si 7. *capitis præsertim æstus*, Dolor, pulsatioque angat ægros, postquam nulla corporis pars tot habet arterias, tantum accipit sanguinis : in cujus temporali regione cum sint anfractuosa illæ notabiles cerebri filluræ, per quas grandes feruntur arteriæ, ibidem *Pulsatio* quam alibi sentitur molestior. Nec mirum quoque si 8. tum *Vigilia* tam frequenter urgeant, tum non raro *Delirium* : vitiosi namque producuntur tunc necessario spiritus animales, moventur iidem turbulente, quin à quiete, tranquillitate saltem naturali impediuntur, quare mens illius egens turbatur, quin sæpenumero Amens fit æger. Postquam vero bilis à Succo Pancreatico, ob stagnationem suam acriore facto, similiter factæ acrioris æstus præternaturalis ac furor paulatim remittere incipit, jamque ad serenitatem tranquillitatemque pristinam universi corporis humores disponuntur, qui durante paroxysmo turbulento penitus erant confusi, jam sensim ab invicem rursum secerui ac secedere, quin eorum aliqui, una cum potu liberalius fere assumpto, per Sudorem aut urinam excerni solent.

Jam Februm earundem secundum accessum & & paroxysmorum, intervallis nunc brevioribus nunc longioribus redeuntium, diversitatem, in Quotidianas, Tertianas, Quartanas, Quintanas, cæterasque distinctarum rationem causarumque, quas puto diversissimas, proferam, explicatasque opinioni meæ applicabo. Quamvis autem Typorum humorum variationem diversam humoribus diversis vulgo adscriptam in totum haud sequar, non tamen puto humores illam diversitatem producant, faciant tamen multum, aut mediate tantum ad illius productionem. Quemadmodum ergo cujusvis Febris Intermittentis Paroxysmus novus, secundum ea quæ docui, excitatur toties quoties à Succo Pancreatico ob stagnationem suam acriore facto perforatur pituita, ductum ejus lateralem obstruens, transitque nominatus succus ad tenue intestinum ; hic post qualitercumque vitiatam cum bile effervescentiam, & alia symptomata ibidem, ac in vicinia producta, per lacteas venas, ductumque thoracicum, ac venam cavam superiorem, in dextrum cordis ventriculum, & sic porro, ita citius tardiusve penetratur perforaturque a memorato Succo Pancreatico pituita ipsius lateralem ductum obstruens : Hæc autem Pituitæ obstruentis penetratio ac perforatio citius vel tardius contingit, tum ratione ipsius pituitæ ductum obstruentis, tum ratione Succus Pancreatici eam perforantis : Quò namque viscidior & copiosior existet illa pituita, eo difficilior, adeoque tardius eadem perforabitur : & contra, quò eadem minus existet glutinosa & paucior, eo perforabitur facilius adeoque citius ; Quo rursus existet Succus Pancreaticus per se acidior, simulque copiosior, eo citius acquirit stagnatione sua majorem, atque pituitæ obstruenti facilius citiusque perforandæ sufficientem acrimoniam : Et contra quo succus idem magis existet obrusus, vel austerus & paucus, eo difficilior & tardius eidem pituitæ perforandæ sufficientem acquirit acrimoniam : Quo igitur pituita obstruens paucior erit & minus glutinosa, succus vero

Pancreaticus acidior & copiosior, eo citius continget novus Intermittentis Febris paroxysmus, adeoque *Quotidianus*, h. e. intra horas circiter 24. recurrens : Quo vero pituita obstruens viscidior erit & copiosior, succusque Pancreaticus obrusior vel austerior & paucior, eo tardius obveniet novus intermitt. Febris paroxysmus, adeoque *Quartanus* vel *Quintanus*, & sic porro. Quoties autem 1°. medio modo se habebunt Pituita obstruens, succusque Pancreaticus vel 2°. cum pituita obstruente viscidior aut copiosior concurret Succus Pancreaticus per se acidior aut copiosior ; Vel 3°. cum pituita minus glutinosa paucave, Succus Pancreaticus existet itidem minus acidus pauciorve, toties alternis fere diebus recurrent novæ februm paroxysmi, producenturque *Tertianæ*, supra cæteras febres intermittentes omnes multum in suis symptomatibus differentes, & quidem ob triplicem modo memoratum pituitæ obstruentis, succusque pancreatici eam perforantis respectum possibilem : Ex iis non ita difficulter Intermittentium febr. & multiplicium, & ex variis compositarum causæ poterunt inveniri : obstructions putatum variæ tum in variis Pancreatis ductibus lateralibus simul productæ : Difficultas vero superest magis urgens in explicanda cujusvis febris intermittens simplicis, *Quartana* scil. aut *Tertiana* multiplicatione, h. e. in duplicem triplicemve mutatione, Quam Ego arbitror accidere quoties ob erratum in Dieta, medicamentisve, aut venenis potius, perperam usurpatis patratum, pituita nova in corpore ac intestino tenui præsertim solvitur, hinc & una cum sanguine quaquaversum, ergo ad Pancreas quoque propellitur : quæ in uno pluriusve ipsius ductibus, prius non affectis, quacunque de causa iterum coagulata, obstruunt actionem à priore magis vel minus differentem producent, febrem quoque producent priore magis vel minus gravem : Atque hoc ita fieri quotidiana, si non evincit, saltem abunde confirmat experientia &c. *De curatione juxta eandem doctrinam, variasque Intermitt. februm, quoad symptomata comitantia differentia, vide ibidem.*

Thomas Willis effervescentiam sanguinis quæ *Febrem Intermittentem* constituit, unice dependere statuit à Succu nutritii assimilatione, ipsius sanguinis vitio præpedita : Dum enim succus nutritius cum sanguine non assimilatur, licet ejus particulæ velut heterogeneum quoddam, & non exactè congenit in sanguinis massa persistant, adhuc tamen cum eo sine tumultu aut perturbatione circulantur, donec iis ad turgescientiam cruoris massa saturatur : tum protinus ebullit illa, & effervescentiam febrilem concitat (non minus intensam & violentam, durante scil. paroxysmo, quam in continua) qua vel subigitur, vel foras protruditur quod heterogeneum est : cujus consortio cum sanguis liberatur, lequitur accessione febrilis intermissio, postea demum à novo hujus succi supplemento novus inducitur paroxysmus : Quapropter intermittenti præ continua hoc peculiare est, quod quædam *æstus* seu intermissio habeat tempus : Causam vero *Rigoris* & *Frigeris* quæ in paroxysmo Intermittentis excitantur, hanc statuit, nimirum Succu nutritii in materiam nitrosam & acetosam degens florem & turgescientiam, quo spiritus & calor suffusi obtunduntur (unde in toto corpore frigoris sensus percipitur, & corpora nervosa irritata in tremores eientur : Postea autem cum particulis hæc nitrosis aliqua ex parte in superficiem corporis protrusis, eorum gravamine & op-



& oppressione sanguis nonnihil liberatur, spiritus vitales se recolligunt & emicare incipiunt, & sic calor succedit intensissimus, qui usque persistit donec materia ista fermentativa penitus combusta, subacta & subtiliata, sudore aut transpiratione insensibili evaporet: Quod vero statis temporum intervallis Accessione plerumque redeant, ut non sit automatum horologicum exactius: Rationem talem reddit, quod nimirum æqualis succi nutritii portio, sanguini in

valis confluio continuo ut plurimum suppeditatur. Causam vero Periodorum, Quotidianam, Tertianam, Quartanam constituentium, adscribit diversæ sanguinis constitutioni, qua nimirum à debita temperie in diathesin modo acrem, modo acidam aut auteram pervertitur: Pro diversâ enim hujus dyseralia, succus alibilis recens advectus plus aut minus à mutatione desiccat, & in materiam citius aut tardius fermentescere aptam degenerat.

## OBSERVATIO XXVI.

*Febris Tertianâ in sene lethalis ob vitium peritonæi, mesenterii & pancreatis.*

Cum anno C. 1668. Illustr. & Rever. Dn. *Ioh. Rozycki* Episcopus Chelmenfis &c. septuagenario major Thorunii ut Commissarius Regis Poloniæ degens, 11. Aug. in Febrim Tertianam exquisitam incidisset, ab eaque adhuc in isto mense per medicamenta opportune eidem à Nobis exhibita, fortunante Deo, scil. purgationem levem, venæ sectionem, & pulverem nostrum antifebrilem ab eadem liberatus esset: accidit ut ex pravo victu, nempe fructuum horariorum atque vini cerasitis nimio usu, die 2. Sept. *recidivam passim sit*: qua iterum benedicente summo Archiatro, *beneficio pilularum nostrarum antifebrilium feliciter profligata*, hinc sanus usque ad Abbatiam Mogilnensem novem miliaribus Thorunio distantem profectus sit, ibidemque usque ad anni 1669. ultimos dies mensis April. satis vegetus, in ista præsertim ætate permansit: ubi tum ex nimio esu lactis coagulati & cremoris ejusdem, secunda vice in Febrim Tertianam recidit, ad quem ego 2. Maii veniens, post secundum paroxysmum lene evacuans porrexi: subsequuto autem 3. paroxysmo uenam dextri brachii medianam incidere jussi, tum ventriculo corroborantibus prospiciens febrem denuo, Deo propitio, abegi: Sed cum ille ex lacticiiniis, quibus admodum delectabatur, accedente ita, tertia vice in fine Junii, recidivam incurrisset, tertia Julii viribus prostratis vitam cum morte commutavit: ad quem 4. Julii ejusdem mensis vocatus accedens, cadaver cum permissione domesticorum aperire jussi.

In quo omnia secundum naturam, inventa fuere, præter peritonæum & mesenterium atque pancreas, quæ singula nonnihil corrupta & seniosa deprehendebantur: Hepar etiam durius secundum naturam esse consuevit, erat.

## SCHOLIA.

**A**pparet inde quam vera fuerit in hoc casu Clar. *Hellerii* annotatio, comm. in aph. 12, §. 2. Post crisiin tum relicta materia, tum dispositio morbola recidivas facere consueverunt, nisi antevertamus purgatione vel alteratione: Accidit tamen aliquando citra hæc ut fiat recidiva ob intemperantem victum ægri, si plura sumpsit quam conticere possit: Recidit etiam in morbum sæpe convalescens propter externas injurias, id quod præiens calus confirmat: Huc refer aphor. citatum. *Simon Scultzei in miscell. cur. ann. 1674-75. & 76. p. 226.*

*Septuagenario major*] Qui debili calore sunt, ut *Senes*, exiguis febribus tentantur, Ex quædam corpora præ debilitate caloris naturalis febricitant intensius, exterius refrigerata, atque adeo non solum secundum caput, manus ac pedes, sed & secundum asperam arteriam, pulmonem & thoracem, & internum os, ut hanc ob causam expirent frigidum, exiguum & raro, & habeant frigidas linguas: Iisdem contingunt caloris & frigoris vicissitudines, ut præ caloris naturalis extinctione admodum frigeant, de novo intentè recalciscere, hinc frigere rursum, arsiuri iterum non semel: Certe cum naturalis calor est exiguus, & is qui præter naturam magnus, accidunt hæc vicissitudines, excitata nunc flamma ingenti, à putrescentibus succis, & eorum fuliginibus, ut vel in cadaveribus aliquando nunc, ipsiutinet caloris ignei vi consumptis quibusdam, & dissipatis, apparente interno frigore: accedente enim igne cale-

scunt, cum recedit, refrigerantur: Corpus ergo ægroti, in quo frigus internum jam vincit, accedente causa caloris inflammatur, & recedente frigescit: accedit vero & recedit per vicissitudines, ut in aliis cum facit exacerbationes: Nam exigua illa febricula, quæ per remissiones superest in aliis continuis febribus, non potest, cum calor est exiguus, totum corpus calefacere, sed eam solum particulam in qua putrescens succus hæret: Quia nisi calor naturalis calorem, à quacunque causa excusetur, in corpus deferat, non potest is in totum corpus se effundere, nisi omnino sit maximus: Si enim cadaveri una in parte ignem admoveris, eam solum partem urens, reliquum corpus frigidum esse senties, neque certe totum calefacies, nisi totum occupet flamma: scil. non adsunt spiritus & arterialis sanguis, qui calorem p. n. concipientes, in totum deferant: *Vallesii lib. 3. Epid. sect. 3. Aegro 3.* Vicissitudo illa caloris & frigoris in senibus rebucitantibus, & caloris resurrectiones, qui ad extinctionem properat, ob sanguinis penuriam contingunt, calorem in totum corpus transmittentis & succi nutritii, ex alimento dato, appulsum negatum, qui ex contactu residuorum cinerum incalecit flammamque reaccendit: hoc absumpto refrigeratio succedit, donec ex iterato alimento recentis flammæ succitabulum accedat.

*Vitam enim morte commutavit*] In senibus Febres intermittentes, etiam non gravibus stipatas symptomatis, ut plurimum lethales esse experientia fidem facit:



facit: E plurimis exemplis unicum hoc sufficiat Nobilis matrona, ex Illustri *Duranti* familia, Uxor Viri Excell. & Generosiss. D. *Gallatin* Consulis Genevensis, robustissima, quæ octogesium annum pene attigerat, anno 1672. mense Maio Febre Tertiaria prehenditur, qua intra septem circuitus mea opera liberatur: Naturæ robori confisa, dimissis domesticis & à cubiculo facessere jussis, virium periculum factura, è lecto exilit, atque ad fenestras levissime contacta, flante Borea properat: Ab incaute suscepto frigidiori aëre, quinta post solutionem die redit Tertiaria, quarto paroxylino lethalis.

*Beneficio pilularum antifebrilium profligata*] Posterioribus annis, Summi-Dei clementia, innouit cortex ille Peruvianus, cujus dextro usu febrium cursus sæpe omnino intercipitur, & sine recidiva: non quartanarum solum, quibus destinatus censetur, sed & omnium intermittentium, imò ad *anapylia* non omnino devenientium: Nec juvenum solum, sed & senum, quiniuo decrepitorum: Exemplum præbeat vicinus meus, vir octogenario major, Urbis Portitor, *Gedeon Chausardus*, Illius ope, à me ipsi exhibiti quater intra biennium, Febre Tertiaria defunctus est: Tandem anno postremo Quartana quoque correptus, post alterum paroxysmum adeo illi attrita fuerunt vires, ut tertio ferendo omnium iudicio impar esset: facies enim jam *Hippocratica*, cum stertore & mortis imminenti omnibus indicis, Cardiacorum ope reluscitatus, opem meam implorat, seque certo exitio destinatum asserit: Auxilium polliceor & salutem, si modo Pulverem illum, ingratum alias, assumere non teneat, annuit, & in primo paroxylini præludio, illius *3iſs.* theriaca remixtum cum vino haurit; Illico, quali incantamento, paroxylinus, qui præ foribus erat, retrocedit; & paucis post diebus, sumpto levi purgante, à febre omnino liber evasit, Nunc salvus & incolumis, quamquam postmodum leves aliquot paroxysmos tertianarios passus sit, & ante trimestre Ophthalmiam, cui per me sanatae succellit mense sequenti erysipelas cruris phlegmonodes, à quo plenissime liberatus est, jam facillime deambulat & officio cum assiduitate fungitur: Pulvis autem dictus non ex vino solum exhibetur, aut Portionis forma, sed ex aquis stillatitiis, ubi à calore vini metus est, Et in bolos reformatus cum aliquo syrupo, conserva, &c. in iis qui portiones respuunt; atque eo modo datum observavi dimidiata dozi certe operari.

*Recidivam passus sit*] Recidivæ nihil aliud sunt quam ejusdem morbi, qui paulo ante quievit, reiteratio, ex eadem causâ intrinseca, modo & ratione quo prior, actiones affligens: Sic constat quod nihil inter ipsum morbum & factam recidivam interfit, sed unicum esse revera affectum, idque in essentia propria, cum inter recidivam & morbum primum solum remissio, non autem omnimoda intermissio fiat: Species, seu differentia, sunt variae, prout variae differentia morborum repetiuntur: Ex harum natura alia sunt impropriae, vel propriae: Impropriae Recidivæ sunt duplici modo 1. Cum quidem ad curationem morbus videtur remisisse, qui tamen ob pertinacem causam visceribus penitus infixam gravior recurrit: Sic opere Medico tritissimum est, sponte vel arte materiam in hydrope evacuare, quæ de causâ quamvis detumescat tumor, tamen malum repetit, & id fit ob rationem auditam: 2. Cum humor à parte una in alteram transfertur, qui tamen ejusdem idæ morbum parit: Proprie Recidiva est,

cum humor ad suum frontem revertitur, & ex eadem causâ eandem morbi ideam exprimit, latis istidem actionibus, ob paroxysmos & symptomata eadem, sive illud detentibus accidentibus, dum periclitatur ager; sive levioribus, quod reliquæ morbi à refocillatis viribus foras exagitantur. Alia etiam est perfecta Reversio morbi, si revertitur is qui plane remisit: Alia imperfecta est, quando symptomata & paroxysmi quidem remittunt, morbus tamen non intermitit: *Hippocrates* etiam Reditus morborum, alios *ἡ ἀρχὴ ὑποπόσις* vocat; alios *ἡ ἀρχὴ* lib. 1. Epid. l. 3. p. 954. *ἡ ἀρχὴ* salutare appellat, scil. quod rite fiat post diminutas & infidas crises, nihilque mali incuriant: *Οὐδὲ ἡ ἀρχὴ* sunt etæ quæ temerariæ sunt, & præter rationem regrediuntur cum vitæ periculo. Porro Recidiva alia est Legitima, alia Illegitima, Legitima est quando recidiva cum radice, h. e. priori morbo plane convenit: Illegitima vero, si ex eadem causâ novus morbus oritur, vel tamen aliquantulum diversus à priori.

Omnes autem Recidivæ sunt à reliquiis humorum, qui concoctione à natura separari nequeunt, quas *Hippocr.* *τὰ ἐκ τῆς ἀπομεινῆς καὶ πλείονος* appellat. 2. Epid. l. 3. & lib. 6. Epid. l. 2. v. 21. & sunt *τὰ ἐκ τῆς συστάσεως καὶ τῆς ἀπομεινῆς*: hæc *Hippocr.* affert de his quæ intra modum & ex parte vacuantur: Hoc ideo fit quod morborum causæ non sint ejusdem conditionis, sed pars alia tenuior, alia vero crassior sit: Crassi humores difficiliter & tardius sunt cocti ac tenues; unde fit ut tenuiores facilius & citius sive copia sive qualitate advertantur, excernantur: quamvis crassi nondum concocti, vel putrefacti sint: Hi aliquandiu in corpore sine febre possunt esse, & demum ex suapte natura putrescere, aut intemperie partis, quæ contrahitur aut vi morbi, aut irrita agitatione, quæ contingit quando materia agitatur & mutatur: Quid mirum itaque est si putrescentibus reliquiis materię prioris morbi, idem morbus reviviscat, & cum priore jungatur, cum ex eadem radice proveniat. Sic colligitur proprie in iis morbis, qui per crisin solent finire, & in vigore sensibili juvenari vacuatione, recidivas esse timendum: non vero in iis qui vigore exacto, per tempus declinationis paulatim decrescunt, quod à caloris nativi virtute ipsorum cruditas emendetur.

Et si ad utramque morbi solutionem coctione humorum opus est, tamen illa plane est diversa: Equidem ad criticam evacuationem satis est humores à natura devictos esse, ut sponte, vel artis subsidio ex corpore discedant: hoc si non contigerit quocunque modo morbus multiplicatis humoribus terminat, ex ipsis tamen recidiva metuenda est: Humores enim calidi & sicci, qui acutorum & morborum & crissum sunt alimentum, sunt hujus indolis, ut licet ex parte corrigantur, tamen ad eam benignitatem non perveniunt, ut sine seditione in corpore possint nostro esse: contra quando morbi per *ἀνίαν*, absque evacuatione cessant, non solum crudi humores, qui morborum talium causæ sunt, à natura subiguntur, sed etiam adeo benigni evadunt, ut in posterum naturam non lacestant, verum etiam ut nutrimentum in corporis substantiam concedant: Hujusmodi enim morbi cum à succis crudis & frigidis oriuntur, utique natura sibi eos concoctione familiares reddit: Ex eo præclare dixit *Hippocras.* *Quod in partem vertitur, id morbi reversionem non facit*; ipsa namque maturatio, & judicationis & excretionis rationem habet.

Ita deprehendimus ex quibus morbis Recidivæ incidere solent, scil. ex iis quos acres & calidi humores procreant. Hi utcumque sedati fuerint tamen revertuntur, si non est facta copiosa evacuatio, Non fit sufficienter evacuatio, sive eam Natura molitur, sive ars, quod humores ad expulsiorem inepti sunt ob quantitatem vel qualitatem: Sub horum alterutro vitio calor natus fatiscit, præsertim si via fuerint impeditæ: Etiam Recidivæ causa est materiæ morbificæ violentia, quæ præmaturam iudicationem accelerat, scil. cum adhuc omnia cruda sunt, ex quo necessario morborum recidivæ subsequuntur: Hippocr. 2. Epid. sect. 1. Et fit id ratione materiæ diversæ, uti dictum. Medici errore recidivæ sæpe reperit, si is contra præceptum Hippocr. 20. aph. 1. integre iudicata novat & movet medicamentis, vel aliis irritamentis, cum hoc tempore convalescentem plenior potius victu reficere debeat: Idem Medicus si iusta dozi remedia non adhibet, etiam Recidivas accelerat: Ea tantum, si infra modum sunt, humores agitant & corpus calefaciunt, ex quo aquosum (id est serum tanquam bilis frænum) quod bili infensissimum est absorbitur, & bilis relinquatur præcipuum febris alimentum, ut id fusius docet Hippocr. 4. de morbis p. 507. Etiam morbi Recidiva contingit, si idem Medicus intemperiem in aliquo vitæ relicta negligit, ob quam illius alimentum facile in fomitem morbi concedit; vel quando etiam in pueris corporibus vi-

ctum concedit.

Signa Recidivarum diagnostica compendiosè recensentur ab Hippocr. lib. Judicat. p. 54. Morborum reversionibus tenentur, quibus circa febrem vehementes vigilie, aut turbulenti somni accidunt, aut corporis robur solvitur, aut singulorum morborum dolores adsunt, & quibus febres non accedentibus solutionis signis, neque diebus iudicatoriis quiescent: Quod si desiciente febre, & accedente sudore urinam suavam, albam subsidentiam continentem reddiderunt, his eodem die febrium reversiones sperari: Veluti etiam si iudicatione facta urina rubra subsidentiam rubram continens reddita fuerit, his quoque febris reversio eodem die contingit, ex eaque pauci seruantur: Tertio etiam febris reversionem facit, nisi post reversionem die impari dimiserit, & plerumque si non cocta fuerint urina, neque alia signa secundum rationem processerint, morbus iudicatorio die reversionis: Quibus etiam iudicationis tempore exorta ad aures tubercula non suppurantur his solus morbi reversio pro recidivarum ratione simili circuitu contingit. Nullius autem Recidivæ suspicio incidit quando concoctionis signa adsunt. 1. Epid. sect. 2. Huiusmodi petuntur ex urinarum colore in melius mutato, aut levi quadam crassitie, quæ refrigerata parum subsidet, vel etiam quasi nubes elevatur. *Martinus Bogdanus in Thesibus Inauguralibus.*

## OBSERVATIO XXVII.

*Febris Tertianâ vitio Iecoris tumidi, retorridi, nec-non Lienis inducta. 1. Ab Hepatis immani tumore. 2. Ab Eodem scirrhoso & glandulis mesenterii tumidis. 3. A bile æruginosa circa ejus cava collecta. 4. A bile sincera intra ejus membranas collecta. 5. A Iecore duro exangui, ventriculi tunica exteriori crofa. 6. Ab obstructa cysti & meatibus per Iecoris substantiam decurrentibus. 7.*

§. 1. **M**Emini Febrem Tertianam, quæ tenuit Ampl. Presidem ante quinque annos focum habuisse in Hepate, cujus indicium Tumor inflammatorius visceris ei superites, qui in suppuratum abiit, ut constitit ex sero purulento, commixto sanguinis massæ, vena secta conspicuo, & lingua semper albescente, vapore scil. purulento tincta, quique accessu febris quartanæ exacto tandem anno mortem intulit.

Ejus in cadavere Hepar insigniter tumefactum & quasi retorridum, sed adhuc aspersum pure fuit repertum: Lien totus ambrustus & carnis instar niger. *Car. Piso de morbis à Seroja colluvie, sect. 6.*

§. 2. Recordor etiam Nob. adolescentem, *Joh. de Pouilly*, Tertianâ laborasse gravi admodum & producta, cujus paroxysmi circa meridiem à mediocri Rigore cum inciperent, sudore largo sequenti solvebantur, Febre autem ingravescente, decrepente & in continuam mutata, subito me absente suffocatus interiit.

Dissecto cadavere Hepar immani tumore, & jam scirrhoso distentum inventum, & vomica pure prægnas in pulmone, nam biduo ante peripneumonia oppressus fuerat. *Idem ibidem.*

§. 3. Non ita pridem excessit è vivis Rever. N. à Tertianâ febre comitata magno admodum tumore Hepatis, eoque duro, nec-non abdominis dextri, & eo etiam infra umbilicum porrecto confectus,

In huius cadavere, præter Hepar scirrhosum & oppido grande, observatæ glandulæ omnes dextri lateris, una cum pancreate, tumore supra admirationem magno & duro distentæ retorridæque, ut vere lapideas diceret: Hic autem, ut accepi, ante Tertianam Lenta febre hybernaque detentus extabuerat. *Idem.*

## S C H O L I A.

**G**landula omnes una cum Pancreatē] Scilicet Omenti, mesenterii, huiusque glandula majore, Pancreas *Afelli* dicta, in quibus *Fernelius* se lentarum febrium, errantium, ac latentium morborum causas ut plurimum se deprehendisse scribit: Reverta partes hāc errorum diatē ac intemperantiae depositariae sunt, vasorum melaraicorum, lymphaticorum & juxta nonnullos, nervorum impuritatis excipiunt.

*Ex sero commixto sanguinis massa, &c. §. 1.* Febrium intermittentium materiam iupponit minime esse triplicem illam cacochymiam famosam, Si quidem, *ait*, bilis, pituita aut melancholia excrementitii humores scilicet haud quaquam repertiuntur ea copia cum qua febrem in toto excitent; sed potius esse sanguinem, impurum illum quidem sive semi-sanguinem, quanquam crudum, temperatum vel etiam biliolum aut atrabilem, qui in portis hepatis & lienis earumque cum radicibus per duplex *viscus* pro-

pagatis, tum ramis & propaginibus per mesenterium & epiploum glandulasque varias perreptantibus, tandemque ventriculo & intestinis implantatis contentus putrescat, vraturve aut simpliciter ebulliat: sed sub ea condicione ut quavis alteratio minime sit continuata, sed interpolata, quacunque ratione interruptatur: Hāc enim est jam pervagata opinio de loco & de fōco putredinis intermittentium febrium à Divino primum *Fernelio* meditata, explicataque ab *Excell. Mercaro & Rudio* aliisque luculentissimis rationibus, denique experientis confirmata. *Idem ibidem.*

*Hepar quasi retorridum §. 1.* Causa Febbris Tertianae est bilis putrefacta; pendet autem hāc ex causis superius à nobis enarratis, Potissimum ex Jecore retorrido, unde scribit *Galenus* Tertianas semper fieri Jecore laborante. *Primerosius lib. 2. de Febribus. cap. 2.*

§. 4. Affligebat Nob. Scorum, & quidem juvenem Tertiana duplex, jamque *xxij* diem persequebatur, comitante usque & usque diarrhoea biliosa: Utrique malo obviam ibat Medicus peregrinus venae sectione decies repetita, Prisana, confectio diachyacinthi, aliis: Quibus minime respondentibus expectationi, æger allatum Londino spiritum Tartari, nescio quo popularium suadente, per intervalla ad guttas plures hauriebat, unde viribus quidem sibi auctior videbatur febre tamen nequaquam immutata: Successere tandem faeces alvi nigricantes, quas post aliquot dies mors sequuta,

Aperto cadavere hāc patuere, 1. Pulmo exterius atris sparsus maculis, interius pure hinc inde restagnans. 2. Pars Hepatis gibba, sanæ simillima, sed coloris obsoleti & in album tendentis: Sima, quæ felleæ vesicæ propior, cœrulea plane: neque lambebat duntaxat superficiem invisus ille color, sed in ipsam jecoris substantiam altè penetraverat: Ut conjicere hinc liceat bilem initio morbi hujus fuisse valde æruginosam, adeoque vicina omnia fœdo colore tinxisse: qua per continuam diarrhoeam tandem deficiente, non ideo à morte vacua fuit vesicula fellea, sed alia sane bile, & quidem subflava, eaque dilutissima jam distendebatur, quæ perpetuo in intestina, ut erat texturæ nimis fluidæ excurrens, non poterat non alvum identidem ad excretionem frequentes sollicitare: Sed cur æruginosa ante bilis? laboraverat ante annum quartana in qua cum præcipue triumphet succus acidus, credibile aliquid ejus in vesiculam quoque fellea sese insinuasse, & colorem naturæ flavum convertisse sensim in viridiusculum. 3. Lien triplo major naturali, & intus nigra quadam amurca hinc inde squalens. 4. Renes magni sed flaccidi. 5. In dextro cordis ventriculo dimidium cochleare sanguinis, sed lentum & pituitosum: In sinistro ne gutta quidem sanguinis reperta, adeo frequentes v. s. omnia exhausserant: Quod si in simili posthac casu sanguis mittatur parcius, Et usurpentur liberalius, non ea quibus attenuetur bilis, sed quibus nonnihil crassescat, rectius haud dubie ægro consuletur. *Olaus Borrichius Observ. 91. In actis Th. Bartholini ann: 1671. & 1672.*

## S C H O L I A.

**P**ars Hepatis sima &c.] Opinio est *Fernelii* Intermittentis febris materiam, non è venis in corporis habitum propelli, sed hanc penitus immergi, & circum præcordia adhærescere: Eamque non esse venarum succum alendo corpori destinatum, sed humorem supervacuum, qui è jecoris sanguine prolektus in propria conditur receptacu-

la antequam is Jecur transcendat: Omniumque propriam eadem & originem in prima esse corporis regione, circum præcordia ventriculum, diaphragma, Jecoris cavā, lienem, pancreas, Omentum aut Mesenterium, Quod hāc partes sint quasi publicæ corporis sentina, in quam omnis confluit, cunctisque humorum colluvies.

§. 5. Vir ætate florente, epulans liberaliter, quotidianæ vomitioni biliosæ jamdudum fuerat obnoxius, hac repente suppressa, ventriculi vehemens dolorprehendit, cum nausea & rufi inani: Huic mox cœpit corpus citra febrem ullam vehementi rigore, tanquam invadente exquisita Tertiana, ex intervallis quotidie supra vicies concuti: Exactis diebus circiter xv. putrescente jam bile, Tertiana febre corripitur, qua multis post diebus soluta, resolutio insequitur omnium corporis partium quæ sunt sub capite, nec multo post interitus.

Corporis



Corpore dissecto, tam multorum affectuum causam deprehendimus bilem sinceram, eamque prassinam, circum jecoris cava libræ pondo membranâ coërcitam, & ejus jam portio in spinâ nervos obrepserat. *Fernelius Pathol. lib. 4. de febr. cap. 10.*

## S C H O L I A.

**N**on paucos dein non admodum dissimiliter affici notavimus, quorum exemplo intelligi potest rigorem, modo sine febre modo cum febre, interdum ex præcordiis suscitari: Intermittentis quoque febris fontem in iisdem locis contineri: Id ex his quoque conficitur, quæ sæpe fieri observavimus, Tertianam diuturnam atque quartanam, in atrocem cruciatum, colico immaniorem desinere, qui nonnunquam & in artuum dolores & in paralysem faciescit: Hic dolor sine febre est, fere tamen consueto

accessionis tempore exacuitur & excandescit, primumque circuitum retinet: vix nisi vacuatione bilis mitescit, quam constat ut doloris, ita & febris causam fuisse; depellitur enim è præcordiis & visceribus in peritonæi intestinorumque membranas, eo argumento, quod & febris & sitis, & inappetentia mitescunt suborto dolore: Itaque ut doloris circa peritonæum & intestina, ita intermittentis febris sedes est circa viscera & præcordia. *Idem.*

§. 6. Anno 1580. obiit Sereniss. Princeps, Magnus Dux Etruriæ, inexpectato casu, ex febre Tertianâ, quam Medici ipsi simplicem fatebantur: Quæ causa erat ut vatia deinde vulgi & eruditorum judicia hinc inde audirentur, præsertim cum primo pharmaco assumpto statim melius habere incipiens, ex voto, quod fecerat, 12. supplicium meritos è carcere liberari jussisset: Erant qui *fungorum esui* repentinam mortem adscriberent, quo cibo ipsum maxime delectatum certum est, cum sanus viveret; Alii medicamenta non rectè exhibita incusabant, quæ sane omnia nive & glacie refrigerata gelidissime assumpserat:

In cadavere ejus Jecur durum & exsangue repertum, ut cui 3xxj. sanguinis paucis interpolitis diebus extractæ erant, subsequente siti intolerabili: *ventriculi internam tunicam* marcor quidam saniosus arroserat, reliquis visceribus bene constitutis & integris omnino. *I: Valtricus Rumlernus observ. 94.*

## S C H O L I A.

**S**[implicem] Est Tertianâ intermittens omnium putridarum securissima habeatur, observatum tamen nonnunquam periculi expertem non esse, ægrosque inopinato perdidisse: *Mercatus lib. de Febris pluribus modis lethalem fieri posse censet, 1. si humor quem natura è vasis extra vasa mittit, in membrum aliquod princeps feratur. 2. cum humor, qui è venis ejicitur, tenuis admodum est & summe putridus, qualis est bilis copioso ichore plena: 3. ob humorum pravitatem ex pravis alimentis contractam: Quæ ratio hic locum habere potest, ob fungorum etiam præcedentem; 4. ex mistione crasso-*

rum humorum cum tenuibus: 5. ex aliquo accidente superveniente: Adde his malignam humorum qualitatem, & Errata commissa, velut aphor. 1. sect. 1. quale fuit usus medicamentorum nive & glacie refrigerantium, à quibus humores *crassi* & *acidi* redduntur:

*Ventriculi internam tunicam*] Erosio illius fungorum etiam crebro non immerito adscribenda videtur: Nam inter symptomata supervenire solita, intestinorum exulceratio, ac ventris tormina recensentur: Si in intestinis vim exserant, quidni & in ventriculo primo pravum illud edulium excipiente?

§. 7. Bilem ejusque acrimoniam incusandam, ex anatome famuli Helvetici, duplici Tertianâ & simplici. Patavii defuncti videor mihi divinare: Vesica enim fellea, quia ubique obstructa observabatur, imprimis obstructis meatibus, qui per substantiam jecoris dispersi bilem ad vesicam deducunt, bilem calidum succum in corpore restitantes, & febris & rigoris causam fuisse vero sit simile: videatur *Spigelius lib. 1. de Semitertiana cap. 15. qui venas portæ pro fomite hic agnoscit. Th. Bartholinus cent. 4. Epist. 47.*

## OBSERVATIO XXVIII.

*Febres Tertianæ naturam referentes à Serositate biliosa in carnibus patrente orta.*

**A**Nno 1648. mense Augusto in Nob. urbe Lucensi, ipsiusque agro, morbi grassantes inter Epidemios sunt reponendi, non ratione essentiz, cum plures afficiant sub diversa forma, synochi scil. hemitritici, ardentis, tertianæ, ephemetæ: sed ratione causæ, utpote qui à causa communi ortum duxerunt, aëre scil. valde humido & in activis inæquali, modo calido modo frigido: Et quia hic affectus magis viguit in planitie quàm in montibus, ubi magis ventilatur aër, hinc factum est quod in montibus degentes non ægrôtaverunt, ægritudinesque variz extiterunt pro diversa patientum temperatura & varia victus ratione: Sicut enim excedens aëris humiditas corpora afficiens, ea disposuit ad putredinem, cum humiditas sit putredinis subjectum, putredoque hæc sese insinuat in humores in corporibus prædominantes, eosque vel sanguineos, hinc synochi putridæ: vel biliosos, hinc ardentis & tritæphies: vel cum pituitosis putrescens, hinc heymitritici: Nec solum variz fuerunt febres pro diversitate humorum, sed etiam pro diversitate loci in quo putrescunt: Hanc ob causam bile prædominante, modo fuit ardens, dum putruit in venis: modo Tertianæ naturam referens, dum putruit in parte determinata; Vel in carnibus ipsis, circa quas serositas biliosa inventa fuit in copia dum facta fuit cadaverum dissectio. *Ben. Silvaticus cons. 15. cent. 1.*

## S C H O L I A.

**V**el in carnibus ipsis } Quas Galenus sedem putredinis in intermittentibus febribus statuit: Quæ (inquit 2. de crisib. c. 6.) ob flavam bilem febris accenditur, sine aliquo visceris affectu, liquidem manente adhuc intra vasa bile, accendatur, Exquisita bilis, ardens nuncupatur: Si vero per totum corpus deferatur, Tertiana: Sic si ab atra bile sit febris, cum per totum corpus delata fuerit, Quartana efficitur &c. Idem asserit 4. aphor. 59. Et professio 2. de

differ. febr. cap. ultimo, ubi rem ita concludit, Quicunque circuitibus quibusdam accidunt morbi, partium superveniunt dispositionibus, vel mittentium, vel suscipientium, vel gignentium, vel attrahentium excrementa: Quæ vero nullum circuitum habent, in his nulla est pars corporis quæ præcipue sit offensa, sed humores in venis & arteriis omnibus, maximeque maximis & calidissimis consistunt. Idem.

## OBSERVATIO XXIX.

*Eorum quæ in paroxysmi Febris Tertianæ initio extincti fuere, Cor & Pulmones sanguine aggravata reperta sunt.*

**I**N Tertianæ Febris principio morbifica causa cor petens, circa Cor & Pulmones, quando immoratur, anhelosos, suspiriosos & ignavos facit, quia principium aggravatur vitale, & sanguis in Pulmones impingitur, incrassatur, non transit; Hoc ego ex dissectione illorum qui in principio accessionis mortui sunt, expertus loquor. *Harveum de motu cordis c. 16.*

## S C H O L I A.

**P**incipium vitale aggravatur } Ideoque Pulsus ingruente frigoris paroxysmo admodum rarus est & depressus, qui plane arguit calorem & spiritus vitales in sanguine à materia quadam cruda & non facile combustibili velut obrui, non secus ac ignis in foco accensus, ac dein lignis viridibus obiectus lente admodum gliscit & parum deflagrat: qui postea distillato humore crudo in flammam apertam & valde intensam erumpit, Sic etiam sanguis, materia cruda, quæ in fluore est aliquatenus subacta aut dispersa, plurimum accenditur, & quod in cruore residuum est, cum ipsius particulis fermentescens exurit, & calorem cum siti intestinum inducit: quare sanguis impetuosè effervescens pulsu vehementi & velocissimo urgetur: Secus in corde nimium congeitus suffocationis periculum induceret. *Willis lib. de Febris cap. 3.*

*Qui in principio accessionis mortui sunt } Gale-*

*nus cap. 9. l. 3. de crisibus docet multis de causis contingere, ut in principiis accessionum suffocentur ægri, strangulentur, ægre spirant, imò & moriantur aliquando: Et Hippoc. de iis scripsit, In principiis februm, sive delirium accesserit, sive alicujus membri sideratio, perituum hominem sciendum est, si non optimum aliquod signum apparuerit: Id fit propter aliquam separationem & secretionem materiei, quæ non per venas, sed per arterias aut nervos, aut inanes quosdam mæandros irrepens, insolentia quædam symptomata procreat ac progignit, contingit enim sæpe, ut moveatur materia, tum suo ipsius nutu ac sponte, utpote animata & excitata suo spiritu & ichore (nullus enim humor sine aut flatu aut ichore cito impellitur) tum naturæ vi pellente, & tum in partem aliquam vis atque impetus iste & impressio redundat. *Ballonius conf. lib. 2. hist. 1. p. 6.**

## A P P E N D I X.

*Febris Duplex Tertiana, Epileptica dicta, à Symptomate Epileptico in singulis paroxysmis periodice recurrente.*

**F**ebbris Epilepticæ meminit *G. Caldera* Tribunalis med. p. 225. novæ & à nullo Medicorum observatæ: Puellam, aîs, vidi decem annorum moribus convulsivis irritatam, cum moderata febre, sed alysmo implacido, ut nullibi quiesceret, & maxime cardiaca ventriculi laceßita: mox intra breve spatium accidens Epilepticum vidimus incepisse, contortis oculis & membris corporis universi convulsis, cerebri potentiis oblæsis, & omnino abolita pene sensatione, à quo valde delassata quievit, sed non à dolore ventriculi: mox illi vomitorium imperavimus, ex borraginis aqua tepida, solo admixto saccharo, illud enim sese nostro judicio primo obtulit, an bilis æruginosa, aut aliter deterrima os ventriculi pungeret, ut cerebrum, nervorum consensu coafficeret, & Epilepsiam per consensum ventriculi concitaret: Placidam egit noctem, neque de dolore ullo querebatur, præter morsum ventriculi, urina ad flavam declinabat, crassa, moderate confusa: Et licet de febre putrida satis moderata essent indicia, non ob hoc tantum, sed ob accidentis immanitatem, quod maximam intulit vim naturæ, sanguinem mitti jussimus die sequenti, sed ex tali, non tantum quod valentior esset revulsio, sed quia in hypochondriis pravorum succorum sentinam & fluxionis originem conjecimus (quod attendere certe est maximi momenti, nam hoc solo auxilio phrenitides, lethargos & alia symptomata præcaventur, quæ ex impio consensu oriuntur, vaporibus illis insuperatis) & cum aqua ceraforum & scorzonæræ, parum aquæ tilis admiscere, tum offerre ipsi cibum jussimus, horis aliquot ante accessionem: attamen paucis exactis horis, irrumpit fraudulenter accessio, dolores ventriculi incipiunt clamosi, Epileptica accidentia revertuntur, ut puella à Demone obsessa videretur, præ doloris sævitia nullibi quiescebat, & sic deinceps hora 10. sequentium dierum inceperunt

runt reliquæ omnes accessiones, intermittenti Tertiana periodo, ut merito illam dixeris duplicem Tertianam, cum vomitu pituitæ & bilis in principio, exurenti ardore, linguæ siccitate, oris amaritudine.

Hanc in principio febrem diximus Epilepticam: Aliud enim est febris cum Epilepsia, & Epileptica Febris, talis ab accidenti dicta: In hoc quippe differentię ratio constituitur, quod dum accidens cum febre complicatur, ab alio quam à febris principio, aut à foco diverso oriatur, licet illius occasione concitetur: hæc est certe Febris cum Epilepsia, ut quando ab apparatu epileptico, seu à cibo, ventriculo corrupto, febris occasione commovetur, seu ab affectione cerebri primigenia, seu vaporibus redditis acrioribus, veluti in variolis: sed hoc in eo differt à febre epileptica, quod nec determinato tempore concitetur, nec aliquem ordinem determinatum servet, sed prout fors tulerit, ille commovetur apparatus: At vero in febre Epileptica, quia certum ordinem servat, determinato & tempore & loco, eandem febris causam, ejusdemque mineram & putredinis focum: ideo illud accidens peculiare & gentilitium hujus febris videtur, ut merito hæc febris dicatur Epileptica, & non ut sopor, lethargus & phrenitis, ex frigido aut calido humoris apparatu: hoc enim peculiare habet in hoc casu accidens epilepticum, nam præter causam fixam, focum determinatum habet, in loco, quo quadam velut necessitate cum cerebro consentit; in venis nempe quæ os ventriculi circumdant; ibi enim ramus nervi insignis à sexto cerebri paris superiori orificio implantatur, & in reliquum ventriculi corpus postea distribuitur: nec parum ad os facit qui os ventriculi ipsum amplo foramine septo transverso adhæret, quo doloris & humoris appulsu, mox cum cerebri substantia & nervorum principio consentit, ut in septi transversii inflammatione apparet.

Quo supposito, consensum epileptici accidentis in hac febre, non tantum fuisse os ventriculi causam existimamus, sed singularem humoris apparatus, accerrimi nempe & mordacis, cujus appulsu cerebri & membranarum substantia vellicetur; & nedum illa tantum, sed focum peculiarem febris in venis quæ os ventriculi coronant; quo certe vidimus in hac duplici tertiana epilepticum accidens per accessiones incrementa advenisse, in declinatione evanescere, & in singulis postea reverti tam statuto ordine, ut ita proprium videtur accessions accidens, quasi tertianæ intermittētis rigor: Nec sit mirum hanc febrem ita denominari, si ob similem causam, & consimile accidens, nominare placuit Galeno, ob singultum singultuosam febrem, quia in illa est etiam focus intra venas ventriculi, & accerrimus humor, qui determinato & tempore & loco tale concitat accidens, præfixo nempe accessions tempore; aliter ac ubi est febris cum singultu, ex alio quam à febris principio ac foco; ideo non statuto ordine, sed quando casu incidit irritatio, quæ est illis differentię ratio.

Hanc febrem ex talo sanguinis missione repetita curavimus, hirudinibus postea hemorrhoidalibus venis adaptatis, qua mitiora vidimus accidentia: postea jam capite receptam (non parum enim occasione accidentis confluit) vena in carpo secta derivari curavimus, frænatis intus humoribus cordialibus aquis, cum pulvere crystalli præparati interdum ʒi. ex confect. hyacinth. quibus febre reddita mitiori, protinus demisit epilepticum accidens: Ideo syrupo regio & persico repurgata, divino auxilio convaluit ex atroci & singulari morbo.

## OBSERVATIO XXX.

*Febris Quartana focum ut plurimum habet in Liene atro sanguine turgente & adusto, Cujus parenchyma in substantiam pici similem sæpe resolvitur. 1. A Liene majori, putri & corrupto. 2. A Lienis non naturali constitutione, ac Porta, hujusque ramorum à Glandulis vicinis tumidis compressione. 3. In Quartanarii cadaveri exhibuit in corde & vas frusta magna pituitosa. 4. Quartana affectus, neglecto remedium usu, lethalem musculorum abdominis abscessum incurrit. 5. Quartana à Iecore inflammato, cum vitio Lienis, Pancreatis, ventriculi, intestinorum. 6. Quartana ab Hepate scirrhoso, cui successit hydrops &c. 7. Inducta à vitio Iecoris & cystis felleæ. 8.*

§. 1. **L**ienis viscus, est focus frequentissimus plerarumque febrium sive continuarum sive intermittentium, quæ ex inflammatione maxime sanguinis fervidi, tenuis & atrabilaris succenduntur: quæq; febres adustionem sanguinis, partim linguæ nigrore, partim urina fulgorem quendam emicantem præ se ferente demonstrant, ut ex dissectione cadaverum eorum, qui ab ejusmodi febrium violentia perierunt, nec non ex excrementis, atq; etiam ex solutione ejusmodi febrium deprehendere est: In dissectis namq; cadaveribus, aut Lien totus sanguine atrorem fulgentem præ adustione retinente carbonis instar turgere



conspicitur (ut sæpe alias & nuper à me animadversum in Ampl. Præfide Michaelæ Bouvero extincto à quartana continua) Aut vero ejusdem Lienis parenchyma in succum quandam piccum ac fulgentem dissolutum cernitur: cujus particulæ quandoque per alvum rejici solent, *picem fuscam* substantia sua & nigrore fulgente *referentes*, ut animadverti quoque in mulieribus præsertim melancholicis à natura, post diuturnas febres: C. Pifo de morbis à sero sectione 1. Theorem. 3. p. m. 40.

## S C H O L I A.

**E**X inflammatione sanguinis fervidi] Cum duplex sit melancholicus humor, alius veluti sanguinis limus, faciei vinorum crassorum proportionē respondens, temperamento frigidus, qui proprie melancholicus humor dicitur, Alter vero multo tenuior, temperamento calidus, genitus vel ex sanguinis fæce, vel ex flava bile, vel ex pituita falsa multam bilem flavam admixtam habente, qui proprie atra bilis dicitur, Ideoque duplex Quartana statuenda est, una genita ab humore melancholico frigido, vi ignei caloris correfacto, quæ vera seu legitima, seu exquisita Quartana vocatur, Altera ab humore atrabilario, quæ notha seu illegitima, seu spuria Quartana appellatur; In magno igitur errore versantur qui unam ejus causam agnoscunt, nempe melancholicum humorem frigidum & siccum, adeoque quamlibet Quartanam nonnisi calidissimis medicamentis curant &c. *Autor Enchiridii med. Practici p. m. 364.*

*Picem fuscam referentes &c.*] Triplices sunt nigre dejectiones, 1. ex sanguine, qui è venis excidens in grumos concrevit, 2. ex humore melanch. naturali, seu fæce illa sanguinis quæ circa lienem colligitur & fusa manet nec concrevit: 3. est ex bile atra, nigra, splendente, acri; 1. non adeo periculosa nisi forte putrescat, venenique naturam induat, aut causa unde provenit, sit magna: 2. aliquando fit cum ægri cominodo, etsi lienis debilitatem arguat, ideo videndum criticè an symptomaticè fiat; 3. pessima est, utpote quæ fit ab humore pessimo. *Sennertus lib. 3. Pract. p. 2. f. 2. cap. 7.*

*Sanguine arrorem fulgentem*] Sanguinei, & quibus faciei color floridus facile in Quartanas incidunt: Eorum autem notat duo genera *Ballonius* cons. 64. lib. 1. ex quibus duæ quartanæ differentie exurgant, variam mēdendi rationem exposcentes *Tō ἱερόδωρος, αἷς*, duo sunt genera, alii calidi & humidi sunt, hepaticique dicuntur, & multum sanguinis generant, pulsus habent plenos, elatos, magnos, febribus continuis, synochis putridisque sunt obnoxii; & cum perspiratione careant, fiunt melancholici, non atrabilari, sed melancholici à fæce sanguinis & crassitie, & veras legitimasque quartanas habent, cum sanguis non bene repurgatus, aut cum plus æquo succrescit in corpore, Et tales quartanæ sunt longæ quidem sed securæ; De iis dixit *Hippoc. Prærubri melancholici fiunt*: Alii colorem habent rubrum, & hepar præcalidum habent; sed calor in humiditate, positus non est, sed in nescio quo squalore, siccitate, humiditatis inopia: Et hi tametsi rubore alias fugaci, alias non fugaci perfundantur suffundanturque, tamen hoc non est indicium abundantis sanguinis sed calidioris Hepatis, sanguinem acrem, subtilem serosumque generantis: Sic sunt pauci sanguinis, pulsu satis celeri, non elato, non pleno &c. qui in atrabilariam naturam immutatur: Priores *ἱερόδωρος* facile ferunt venæ sectiones: Posteriores nonnisi summa cum difficultate, vix enim sese recipiunt recolligunt, hypochondriacis morbis laborant & obstructionibus mesenterii &c.

§. 2. Joh. Formageus dum juvenis esset valde famelicus erat & ciborum appetens: vix famem satiabar: Observarunt primarii Medici eos, quibus aut imbecillis est Lien, utpote non satis officiose expurgans Hepar, aut putris, voraces esse, ac velut vouldmo quodam generaliter dicto occupari: Ac revera hic de quo nunc agimus, *Splenicus erat, corpore & habitu melancholicus per adustionem*, sed tamen moribus & animo satis festivus & hilaris: Sed literæ illæ interiores, quibus vitiosissima etiam natura potest emendari (exemplo *Socrati*) illum ad istam æquitatem & hilaritatem traducere potuerant: At febre *Quartana longa, qua detentus fuerat*, & dolor fixus ad hypochondrium sinistrum, & apertio cadaveris satis testantur *quale vitium in Liene fuerit*: Et cum cibum ingesserat *conquiescebat dolor*. Præter autem naturale & insitum ipsi Lieni vitium, quod corpusculum istud in tantam corruptionem adducere non poterat, sed juvare tantum, causa erat *αεχμή*, quæ noxam magnam intulerat ipsi Lieni: Nam cum forte in equum conscendisset, artis equestris parum peritus, tanta vi ab equo depressus ac decussus est in solum, ut mirum fuerit cur repente oppressus non fuerit: inciderat in latus sinistrum, & Pulmo & Lien vitium ceperant: Ad medium mensis Martii dolore cœpit pedem dextrum, revera arthritidis erat, eaque residua ex febre illa quartana de qua dictum, nam narrabat se diuturnitatis tædio affectum omnia remedia undique quæsisisse quibus posset cito febre ista defungi: Consultum est ut hauriret cyathum aceti destillari aqua diluti: Revera febris visa est extinguui: Sed vice illius totum *corpus scabie est infectum*, nec non ab eo tempore in magnis temporum mutationibus articularibus doloribus est impeditus: Cum ergo duos integros dies magno pedis articulo laborasset, & ad anodyna more solito confugisset, dum cessat dolor iste, paulò post doloribus hypochondriorum, & præsertim sinistri conqueritur, in neutrum decumbere poterat: Erecta cervice spirare eogebatur: Murmur erat magnum & flatuum ilias, dolores istos à flatibus esse putabamus: alii vero ab illius refluxu materiæ, & orgasmo materiæ antecedentis, quæ ejusdem erat naturæ *cum ea qua dolores articulares committebat*; Mors, quæ repente ingruit non fuit (ut putabamus) recursus illius materiæ

materiæ quæ in pede dolores excitaverat, aut suppressæ materiæ virulentæ & antecedentis commotio, sed rupta velut vomica interiit, Etenim in hypochondrio sinistro adeo potens erat *pulsatio* ut quæcunque ei hypochondrio superessent ea subsultarent, & pulsatio talis percipiebatur qualis in abscessibus ad suppuratum tendentibus: Nunquam memoria nostra tam alte palpitans pulsansque hypochondrium contigeramus; ut mirum non fuerit *si ei pars hæc doluerit semper*, & si ita repentinae cladis interitusque causam intus foverit: Ac initio quidem tanti momenti rem esse non putabamus: ac nos fateri oportet mali essentiam ignorasse deceptosque similitudine tantum: Nec illud evenisset, magna artis nostræ, quæ multis est auxilio, calumnia, quod contigit, Nam tribus à venæ sectione horis, derepente arteria vasisque aliis, ut credibile est, in Lienis regione ruptis interiit: Sed mirum quod contigit, *natura conabatur per vas venosum in capacitatem rejectare eum sanguinem*, qui sua copia & quantitate molestus erat, unde adeo intumuit induruitque ventriculus, ut saxeus lapideusque esse videretur: Sed credo libera non erat via quæ id præstaretur.

Aperto autem cadavere, putris & semilacer inventus lien, & in magnam molem excreverat, sed corruptione propriæ substantiæ in partes veluti minimas concisus & semerosus videbatur, Lobi pulmonis sinistri adhaeserant costis, & in *Liene sanguis concretus erat*, qui è propriis vasis effusus, tandem ruptis tunicis quibus concludebatur, inopinatam mortem intulit. *Ballonius cons. 107. lib. 1.*

## S C H O L I A.

**Q**uartana longa qua detentus fuerat &c.] Vix quis diuturna febre quartana, & nulla arte medica curabili detinetur, quin vitium sit in liene & antecedens & consequens: antecedens, infirmitatem aut in substantia ipsa aliquid latens & contra naturam, quod congenitum affinemque morbum accersat, pariat, alar, foveat, & in multos dies ac annos etiam deducat: Si enim quandam congectionem humoris melancholici sustuleris, quæ autumnalis aut hyemalis quartanæ febris author esse potest, fere sit ut diuturnæ quartanæ focus habeant in liene; sed tanto diuturniores fiant, quanto vitium est interius, ut totius substantiæ esse dicatur morbus, & *æmæsiæ* contingat in parte ipsa. Consequens autem vitium voco, illud quod sequitur ex longa obsidione & occupatione ipsius partis, nam non potest fieri ut morbus aliquis in parte diutius stabuletur, quin partem ipsam, in qua residet, infirmet officiatque, imo deteriorem faciat quam antequam morbus ipse eam occuparet: Dolor autem qui illum sæpe attingebat in sinistro hypochondrio, satis indicabat subesse quippiam contra naturam, si verum illud quod scribit *Hippocr.* Ubi dolor & calor ibi morbus.

*Quale in Liene vitium fuerat*] Pletisque visum tantæ in ea febre diuturnitatis causam non aliunde petendam, quam ex canerosa dispositione in corpore lienis: nam quas Quartanas solus humor melancholicus accendit, ea non sunt ita diuturnæ: Sed cum lienis ipsius temperies est immutata, citra inflammationem aut scirrhum, aut obstructionem quod de Hepatis *æmæsiæ* docet *Galen.* cap. 8. l. 3. de loc. aff.) mirum quam protrahantur affectus ipsi: At cum non sit in manu Medici situm istam aut partis *σπλῆν*, aut *σπλῆν*, aut notam quæ elui non potest, & quæ lanis Assyrio colore tinctis similis est, tollere, non est quoque in potestate illius ut morbos inde natos & altos tollat: Ea dispositio quo magis medicamentis irritatur, magis ægretur medendo.

*Cum cibum ingesserat conquiescebat dolor*] Sic credebatur esse ab inanitione, ac palliativa erat ista doloris cessatio: atque eo modo multa fiunt & adhibentur quæ dolorem leniunt, cum tamen ea non sint legitima doloris sedandi remedia, sed id sit per accidens.

*Totum corpus est infectum*] Notat *Rhodus* cent.

1. observ. 12. quosdam se novisse Paravii qui scabie fœdarentur nili Quartana quotannis correpti: atque *B. Silvanicum* Cucullatum novisse Quartana correptum quæ scabie solvebatur.

*Quæ articulares dolores committebat &c.*] Revelata ut multis colligebatur argumentis, contra paradoxon *Fernelii*, dolores isti articulares non à capite erant sed ab interno corpore: Credibile esse putabamus quod *Hippocr.* in Epid. scripsit part. 3. lect. 4. lib. 6. Cui intestinum in dextra parte dolebat, & articulorum morbo laborabat, erat quietior; postquam hic curatus fuit, erat dolentior: In communis causæ reddit *Galen.* 1. Quod duobus doloribus una non eundem locum instantibus, major obsecrat minorem: 2. Quod humorum in artus currentium impetus ad colon intestinum conversus est.

*Natura conabatur per vas venosum in capacitatem rejectare*] Plerique eructatione viscerum in ventriculum aut sanguinis aut humoris, à subita repentinaque morte sunt vindicati: Atque cum in *tenium Galen.* cap. 1. lib. 6. de loc. Lien, ait, Hepatis exemplo excrementa ex se rejicit, ita ut & vomitione melancholicum sanguinem aliquando excernat, qui interdum per inferiora quoque decedit: Et cap. 6. lib. 5. Sunt, *inquis*, qui putent nequaquam fieri posse ut sanguis vel ab hepate vel à liene effluens per ipsum evacuetur: verum per artis exercitationem utramque opinionem contemplant mihi, visa est per ipsum ventriculum fieri evacuatio ex dictis visceribus: Juvantur verò ægri tali excretionem, si modo sint ferendo, Item si non sit perennis generatio sed tantum congestio.

*In hypochondrio sinistro pulsatio*] *Παλῦς* iste & pulsatio aneurysma subesse declarabat; Nec enim de vera palpitatione hoc potest audiri, quæ à spiritu crasso & flatulento fit: Sed pulsus & palpirationis nomine audienda vehemens & perceptibilis quædam morio arteriarum, aut magnæ arteriæ dorso incumbentis, eo modo quo in magnis inflammationibus ac præcipue cum ad suppurationem tendunt, contingit: Nec enim omni inflammationi pulsus adest, sed si ea sit ingens & suppurato proxima, ut ait *Gal.* cap. 1. l. 3. meth.

*Si ei pars hæc doluerit semper*] Quoties apud *Hipp.*

ΕΕΕΕΕ 3

*Hippoc.* legitur Hypochondrium hoc vel illo modo contentum esse, in eo febrilis affectionis sedem esse oportet, ait *Gal.* comm. in hist. 2. sect. 1. lib. 1. Epid. Atque ad perpetuam memoriam hoc est menti insigendum, quoties quis etiam dum rectus agit de dolore hypochondriorum, præsertim profundo conqueritur, oportet non temere securum esse, sed versandum est de re aliqua latente: Declarat hic noster æger, & *Apollonius* sect. 3. lib. 3. Epid. hist. 13. cui consuetus dolor erat ad dextrum hypochondrium, & hic mortis tandem causa fuit, cum levi alia de causa laborasset: nam mirantur aliqui sæpe nos levi de causa in morbos incidere, at hæc per se non est causa sufficiens, Etenim, ait *Galen.* comm. in part. 15. sect. 1. lib. 3. Epid. Sunt quædam quæ per seipsa morbum committere nequeunt, quæ si ad corpus morbo opportunum accellerint, totius causam morbi creduntur sustinere.

*In Liene sanguis concretus erat*] *Hippocr.* aph. 20. lib. 6. ait, Si in ventrem sanguis p. n. effunditur, necesse est suppurari, Græce *ἐν τῇ κοιλίᾳ* i. e. *ἐν τῇ κοιλίᾳ*,

corrumpi & in pus verti, Ac primum nosse oportet id quod placet *Hippocr.* Si unquam sanguis a propria cavitate in aliam quamcunque pervenerit, omnino est impossibile ut sanguis permaneat: Sed an necesse suppurari? Non placet *Galen.* cum suppurari sit nomen mutationis unius in sanguine tactæ: itaque generalius refertur ad *τὸ ὀδυνην*, i. e. viciari: Nam tribus modis viciatur sanguis, aut enim in pus vertitur, aut livescit, aut grumescit: grumescit autem præsertim si in magnam cavitatem ceciderit: atque non mirum si in ægro nostro non suppuratus fuerit sed nigrefactus & in grumos versus, erat enim magna pars ejus in amplam cavitatem delapsa: deinde aneurysmatis ruptio repentinam mortem attulit: Sic ille magnus & apparens pulvis significabat contineri aliquid contra naturam in capacitate ista & arteriam dilatam valde: Atque huc pertinere potest aph. 23. lib. 4. Quibuscunque ex morbis acutis, aut diuturnis, sive quovis alio modo extenuatis, nigra bilis, sive uti sanguis niger deluget exierit, potitridie moriuntur.

§. 3. Michael Tedler ann. 25. anno 1640. cum per 16. circiter menses Quartana laborasset, non obstante eo quod diversis accommodatis remediis usus esset, ad superandam quam ex victu pravo contraxerat cacochymiam, tandem morbo medelam superante noctu inter 23. & 24. Martii decessit: fuitque hic ejus vitæ exitus: aliquot diebus ante mortem à corrupto viscerum tono pedes & crura tumescere cœperunt, Viresque & appetitus paulatim dejiciebantur, manebat tamen idem febris circuitus, cujus paroxysmum etiam nocte, quæ ipsi penultima fuerat, passus est, sed & die subsequente ante vesperam, novo eoque vehementiori paroxysmo correptus fuit, qui ipsum mane ante tertiam abstulit.

Aperto in defuncto abdomine, hæc præcipue p. n. deprehensa fuerunt: Lien præter solitum, triplo major erat, flaccidus tamen & sanguine nigro ultra quam decet insuccatus: circa autem ejus arterias, earumque ramos, ad ventriculum & ad Portæ venam tendentes, glandulæ erant multæ, quæ comprimendo ductus angustabant, & visceris hujus (ut facile colligere est) obstructionem faciebant, simulque feбри huic dum viveret occasionem præbebant, & omnium medicaminum vires eludebant: Sed & hujusmodi aliquot glandulæ erant circa vesicæ felleæ ductum ad intestina tendentem, eumque ita comprimebant, ut vix aliquo conatu instrumentis tenuissimis esset transitus: Et harum glandularum omnium maxima firmiter etiam Portæ trunco ad finem Pancreatis necessebatur: adeo ut mirum non fuerit nutritionem ipsi defecisse, & Ictericæ paulo ante mortem signa se in mutato corporis habitu obtulisse, & alvum (de qua tandem etiam querulus fuerat,) segniorem redditam: In Thoracis dextra parte etiam modica aquæ quantitas colligi cœperat, Pulmo tamen mediocriter habitus & liber: sinister autem Pulmo passim partibus continentibus erat adnatus, non corruptus quidem, sed flaccidior tamen & aquea spuma impletus: Reliqua à naturali constitutione non multum aliena erant. *O. Heurnius observat.* 22.

§. 4. *Helidens* secuit aliquando in Hospitali Bononiensi virum quendam, qui febre Quartana, qua diu detentus fuerat, tandem mortuus est: Posteaquam autem cadaver istud aperuit, reperit in corde, venis, & quasi omnibus membris, frustra magna, longa, alba, pituitosa: Hoc est proculdubio id quod in venis cruditatem appellere solemus: *Ex observationibus Laurentii Scholtzii.*

#### SCHOLIA.

**D**E iis corporibus pituitosis mentio sæpe facta lib. 1. pluribus in locis: Pituitam autem Quartanæ originem aliquando dare asserit *Hollerius*, quæ tam crassa est ac continuax quam ipsa atra bilis: Neque id, ait, repugnat Græcis aut Arabibus, nam pi-

uita consistentia crassa, quantitate pauca, quartanos aut etiam rariore circuitus facere potest: Sic *Rhazes* docet Quartanam fieri successione Quotidianæ & Tertianæ, adustis scil. aut incrassatis humoribus.

§. 5. Quartana affectus neglecto remediorum usu abscessum musculorum ventris incurrit. *Vide lib. 3. tit. de ventris Tumoribus.*

#### SCHOLIA.

**N**eglecto remediorum usu] Intermittentes febres per se minime lethales sunt, etsi exquisitæ ad-

modum acutæ existant, cum ipsarum causa procul à corde in ventre inferiore existat, circa excrementorum



rum sentiam, à quo loco melius quoque expurgari potest: Fie tamen quoque si diutius perleverent, aut frequentius infestent, ut viceribus vicinis letis, Hepate, Liene, Ventriculo, Intestinis, novi inde morbi

& graviora periculosioraque sequantur symptomata, ut colicus dolor, uterinus, hydrops, similiaque quæ ob errorem ægri, nonnunquam & Medici, possunt accidere. *Plateri Prax. lib. 2. cap. 2.*

§. 6. Juvenem, cui perperam fuerat exsectus testis, *febris quartana* prehendit, ac in eas redegit angustias, ut nequiverit unquam in cubili quiescere; necdum urgente etiam vel maxima dormiendi necessitate, sive nocte sive die, somnum capere, nisi vel pronus consideret in sedili, vel caput in lecto haberet sublime, interdita ipsi quasi omni decumbendi copia: corpore enim vel minimum, sive rectorum, sive in alterutrum latus inclinato, dici vix potest quam acerbos illico persentisceret dolores cum in lumbis tum in ventre, quorum cruciatibus, qualibet febris accessione tam miserandum in modum excarnificatus fuit, ut oppressus miseris, non invitus è vira discesserit.

Invenit autem Anatome Jecur inflammatum, Intestina vitellina, ventriculum vero atra bile perfusum, eandemque in turgidis omenti, ac multijugis Lienis venis (quarum congeriem perperam vas breve vocant) adeo copiosam ut coram omnibus digito inde exprimeretur: In varicosis vasorum spermaticorum anfractibus, vesiculisque sub vesica positis, ob exsectum alterutrum testem, plurimum stabulabatur seminis: Sed admirationem movit Pancreas, supra infraque ut turgidum & extuberans, sic intus sordido pure, ac viscida pituita impendio nimis infarctum: cujus pondere depressis occlusisque venæ cavæ, ac arteriæ magnæ tunicis, visceri huic suppositis, ut juvenile hoc corpus emarcuit, genio suo defraudatum, sic excitavit contumax ipsius obstructio summas illas præcordiorum angustias, quæ comitabantur quascunque febris accessiones: incalescente proculdubio putrida hujus visceris proluvie, sive ab incendio febrili, sive à pulvinorum calore: cujus vapores deinde in ventrem, spinalem medullam cerebrumque delatos, ecquis non videt excitasse dira illa symptomata quibus corpus hoc quotidie fuit exagitatum. *Tulpius observ. med. lib. 4. cap. 32.*

## S C H O L I A.

**D**E vero Pancreatis usu &c.] Quamvis inter medicos necdum convenit de vero Pancreatis usu, certo tamen certius est inibi locorum inveniri diutinos ac inextricabiles morbos, veluti tabem dorsalem, febres productas, scirrhos, abscessus, steatomata, vomitum, inquietudines, vigilias, aliosque

perniciolissimos affectus, qui ex hoc fonte, quasi ex Pandoræ pyxide non infrequenter etumpunt, ad pernitiem humani generis, testibus *Fernelio*, l. 6. c. 7. *Riolano Anthropol.* l. 2. cap. 6. & *Hildano* cent. 1. observ. 71. Huc refer quæ supra adducta sunt de febrim intermict. origine ex Pancreate.

§. 7. Quinquagenarius, aut circiter, è febre *Tertiana æstiva* Autumno in *Quartanam* simplicem, hinc in triplicem degeneravit, atque ad Novembrem in hydropem: Desperatus est à Medicis, quia Practici confirmatum hydropem dicunt post secundum mensem: Relata causa ad Hepar refrigeratum, partim morbo, partim usu aqua destillatarum, acetosæ & cichorii, quibus plurimum usus fuerat.

Mortuo Febr. initio inventa sunt syderata intestina, similia aquatilibus colubris: Omentum corruptum: Hepar multis occupatum scirrhis. *Hollerius observ. 20.*

## S C H O L I A.

**E**Tertiana æstiva in quartanam &c.] Quartana vel primo incipit, vel aliis febribus succedit, præsertim Erraticis; Cum primo incipit, ab humore fit frigido siccoque: cum aliis febribus succedit, fit ab humore adulto; Et hujus origo potest esse He-

par fervidius atram bilem generans: *Hollerius* docet Quartanas fieri vel vitio Hepatis sanguinem adurentis; Vel vitio Lienis melancholiam non expurgantis; vel vitio ventriculi crudum humorem generantis.

§. 8. Dom. *Magnus* ait in vulgari Quartanarum foetura, observasse se plerosque toto autumno & hyeme quartanarios decubuisse, ac tandem interiisse, in quorum mortuorum cysti lapis loco felle concreverat, His Quartanis Jecur author fuit. *Ballonius Parad. 135.*

## S C H O L I A.

**J**ecur author fuit] Bilem generans nimioque calore adurens; quippe à bile atrata vel exsiccata plerumque originem ducunt calculi vesicæ tellex: Hinc narrat *Haisfeldius* & *Swamingius* in historia Chri-

*stiani Secundi* Danorum Regis inventos plurimos lapillos parvos in ejus cysti feltea, quia vinis generolis frequentius circa vitæ finem utebatur. *T. Bartholinus.*

## O B S E R V A T I O XXXI.

*Febris Semitertiana ortum habet plerumque ab inflammatione mesenterii, Omenti, Intestinorum vicinarumque partium. 1. 2. 3. 4. Pestilens ab Hepatis, Pulmonum, imo Cordis*

*inflammatione, hinc fideratione. 5. Extincta mulieris Hepar exsiccatum repertum, cum lapillis in cysti, Pulmones suppurati. 6.*

§. 1. **Q**uidam ex gravi dysenteria in Semitertianam spuriam incidit, quæ postea febris intermittens facta fuit: Aegro 40. die mortuo, & corpore aperto, inventa est interna ventriculi tunica levi erysipelate inflammatorio affecta: Venæ mesaraicæ, & quæ ad ventriculum tendebant, atque omentum, crasso nigroque sanguine refertæ erant, imo Omentum semiputrefactum ab inflammatione Erysipelatode, quæ in omnibus venæ portæ ramis minoribus inerat. *Adrianus Spigelius lib. 1. de Semitertiana cap. 15.*

§. 2. Ego plures qui febre quotidie seclè exacerbante, præcipue circa vesperam, aut statim post meridiem, in modum duplicis Tertianæ continuæ, vel Semitertianæ, perierunt, secui, & in his putredinem non in vena cava, sed inflammato alicujus primæ regimvis viscere, vel alia aliqua recondita parte, inflammationem paulò minorem quàm ut dolore ab ægro, vel tactu hypochondriorum à Medico & ægroto cognosceretur, deprehendi: *Idem ibidem cap. 16.*

§. 3. In dissectis Semitertiana mortuorum cadaveribus, reperi inflammationes ex sanguine bilioso & pituitoso factas circa jecoris cavam partem, in ventriculo, intestinis tam crassis quàm tenuibus, Mesenterio, Omento, Liene, & sæpius in una partium commemoratarum, aut pluribus; aliquando etiam in omnibus, quæ celeris mortis causa erant, superveniente gangræna vel sphacelo: Præterea in plurimis dolores in ventre immanes vel continuos, qui certis horis plerumque exacerbabantur, vel intermittentes eos affligebant, orti fuerunt, ex facto abscessu, sanie ac pure, aut bile saniosa & concocta per fecesum vel vomitum redditis. *Idem cap. 14.*

§. 4. Rarissime Semitertiana laborant, qui firmis sunt visceribus, sed ii qui distillationibus laborant, Jecur habent obstructum, aut Lienem, aut mesenterium, Pulmones male affectos, per longa intervalla colicis doloribus infestantur: Nullius eorum, qui à Semitertiana perierant, cadaver inspexi, in quo Pulmones & Jecur non male haberent: vel una cum his Caput, Lien, Renes, mesenterium, Intestina magna ex parte inflammata, & in aliqua parte gangræna correpta erant, præsertim quo loco Ileon colo jungitur. *Idem l. 2. c. 11.* In quodam juvene Belga, qui post Dysenteriam in Semitertianam incidit, & die 20. mortuus est, reperi intestina tenuia inflammata; Ileum, qua parte colo & cæco adhærebat, sphacelatum. *Idem ibid. c. 16.* Adolescens quidam Gallus Semitertiana correptus 27. die mortuus est: in cujus cadavere dissecto tenuia intestina inflammata fuerunt deprehensa, & Ilei portio magna versus colon sphacelata; Jecoris etiam cavæ parvis portio inflammata fuit, *Idem ibidem.*

#### SCHOLIA.

**E**X vulgata sententia, Semitertiana febris ex continua Quotidiana & Tertiana Intermittente est composita: At cum non solum antiqui & recentiores de febris hujus natura non plane consentiant, verum etiam mixtura illa febris Tertianæ & Quotidianæ, bilisque ac pituitæ non semper locum habere videatur, multoque graviora in hac febre adint symptomata, majusque periculum quàm quod solum ex pituitæ ac bilis mixtione provenire possit, Ego meam hic sententiam propono: Equidem non negaverim febres tales ex continuis & intermittentibus complicatas dari posse, libenterque concedo cum Plateæ simul & eodem tempore in venis mesaraicis & vena cava humores putrescere posse, ac quidem vario modo, ex diversitate materiæ vel tertianas vel quartanas simplices aut duplices, nothas aut legitimas, cum continua complicari: febresque quæ varias exacerbationes & mutationes in symptomatibus habent, excitari posse; Modo hoc observetur non necessarium esse ut una harum febrium semper sit quotidiana: sunt enim quotidianæ febres raræ omnino & semper longæ, cum Semitertianæ sæpe sint satis frequentes, imo interdum epidemice & non semper diuturnæ: Ideo sufficit ut una sit Intermittens, altera continua cujuscunque etiam generis: quomodo illæ de variis differentiis & gradibus controversiæ tolluntur: Verum his omnibus concessis, sum in ea sententia, etiam febres naturæ suæ intermittentes,

Tertianas præcipue, seu simplices, seu duplices, seu triplices, vel etiam, si cui ita libet, quotidianas, Semitertianas dici posse, Eas scilicet, in quibus causæ morbificæ pars aliqua & ventriculum, intestina ac vicina loca detrusa, inflammationem, atque inde febrem symptomaticam excitat, ut ita hæc febris, ratione intermittens sit horrida; ratione symptomaticæ, continua: ut enim natura in continuis febribus interdum partem materiæ ad partes aliquas privas, ut pleuram, pulmonem, fauces deponit, ita non est impossibile eandem etiam in intermittentibus partem materiæ cum sanguine ad intestina & ventriculum ac vicina loca depellere, quæ ibi hærens inflammationem excitet, unde etiam febres hæc tam periculosa sunt: Atque ita rem se habere observationes allatae ex *Spigelio* docent: *Perseus* illud & hoc quod febres hæc sunt frequentiores quando dysenteria contagiosa grassatur, ut idem docet lib. 2. cap. 10. Materiæ enim ad intestina impetus est in utroque malo: Accedit his & illud quod febres hæc solvuntur doloribus colicis, alvi fluxu, dysenteria, quæ omnia humorem ad intestina impetum habere indicant; & ut idem lib. 2. cap. 14. docet, Aliquando in momentaneam apoplexiam & paralyin mutantur, quæ proculdubio ex primis viis ortum habet, estque talis qualis colicam quandoque sequi solet, quod vel ex eo patet, quod febris hæc ex paralyi, superveniente dolore colico, quandoque solvi solet: Scribitur

que, Idem, se longo usu edoctum dolores hosce collicos, post duplices tertianas & tales febres sequi, quod ortum habeant tales febres ab abscessu plerumque consistente in pancreate, mesenterio vel cavo jecoris, è quibus materia ad intestina depellatur.

Ex quibus omnibus apparet materiam Semitertianam non semper in vena cava, quod *Spigelius* concedit, sed in venis mesaraicis etiam contineri, & proinde ex febre primaria & symptomatrica componi: Et primò quidem natura sua febrem intermittentem esse, cui postea continuus calor accedit ex inflammatione ventriculi, intestinorum & vicinarum partium, ex sanguine ac humoribus vitiosis in ea loca & extremitates vicinorum vasorum mesaraicorum coalescentium confluentibus excitata: Unde ipse *Galenus* lib. de Typis scribit, non semper continuas, sed etiam intermittentes reperiri semitertianas, i. e. ut *Spigelius* explicat, non omnibus morbi totius temporibus: nam primo potest intermittens esse tertiana sola, huic postea accedit alicujus visceris inflammatio, qua sedata nihil hominis potest febris intermittens remanere: Imo fieri potest ut sæpius hoc modo febris mutetur, prout sæpius nova alicujus partis inflammatio accedit.

Atque ex his causis horrores & rigoris, Et cur in febre hac continua toto morbi decursu horrores & rigores toties accedant, febresque hæc *semisæpe* appellentur, reddi potest: Fit hoc primo ordinate, & nunc sæpius nunc rarius pro febris intermittens natura, quæ potest esse tertiana simplex, duplex, triplex, vel etiam quotidiana forsitan: deinde inordinate, cum inflammatio novam partem occupat, vel dum pus fit, secundum *Hippocr.* 2. aph. 47. Sunt enim hæc partes, quas inflammarum diximus, membranosæ, & proinde iis affectis facile rigor vel horror excitari potest: Neque ex rigore vel horrore semper initium novæ febris colligere licet, sed sunt rigores & horrores etiam inflammationibus proprii, ut modo ex *Hipp.* 2. aph. 47. dictum, qui etiam in coacis scribit, Qui iubinde exudant, rigentque, lethale, ac sub finem morbi suppurationem habere deprehenduntur, alvosque perturbari: Ita ibidem, *Rigor in phrenitici accidit*, Et habentur in coacis plures aphorismi, qui docent Rigores non solum in initiis febrium accidere, sed alias etiam ex materiæ commotione: Et experientia id confirmat; refert enim *M. Donatus* hist. mirab. l. 5. cap. 5. cuidam in musculo temporali vulnerato septima die supervenisse rigorem, eumque ad 45. diem riguisse, & quotidie fere semper sudasse, alternatim rigoribus succedentibus sudoribus: Et ipse egrum vidi inflammatione auris, quæ tandem ad suppurationem pervenit, laborantem, eodem die ter riguisse, idque aliquoties accidisse etsi per intervalla longiora: Et omnino facilius ex hisce quæ diximus, omnium qui in Semitertiana accidunt causam reddere licet, quam ex difficili illa & non semper probabili febris intermittens & continuæ mixtione, præcipue si hoc præsupponamus, quod à doctissimis Medicis approbatur, nimirum eundem hominem posse pluribus tertianis laborare, si in diversis & pluribus ramis mesaraicis causa febris contineatur: hinc enim fieri potest, ut non solum antequam una febris

solvatur, alius paroxysmus invadat, sed & accedens inflammatio calorem præcipue continuat, unde febris est continua: Toties vero rigor & horror invadit quot numero sunt Tertianæ: neque enim duplici vel triplici saltem Tertiana, sed quatuor vel quinque Tertianis homo laborare potest, prout febrilis materiæ sedes in tot locis consistit.

Ex his facile etiam patet quæ nam sint Semitertianæ causæ; Nam si ea ex continua quotidiana tertianæ intermittenti, vel aliomodo complicata continua & intermittente constet, etiam causæ utriusque febris adsint necesse est: Si vero sit Tertiana cum inflammatione alicujus partis, causæ illæ omnes quæ Tertiana constituit possunt, locum habent: Si nimirum materia in pluribus venarum mesaraicarum ramis colligatur, & putrescat, parsque ejus effusa ad intestina, vel ventriculum, vel alia loca vicina, ea inflamet: Habet tamen humor hic proculdubio peculiarem qualitatem, ob quam ad hæc loca fertur; sicut & in dysenteria humor peculiarem qualitatem, qua intestinis infestus est, obtinet: Unde & epidemix sæpe ac contagiosa sunt semitertianæ, imo nonnullis locis familiares sunt hæmitritæ, sicut *Galenus* Romæ & in Æthiopia, totoque littore, tractuque terræ ubi cælum est calidius cum adventitia humiditate, frequentem esse scribit:

Signa hujus Semitertianæ quod attinet, quam esse Tertianam intermittentem simplicem, vel duplicem, cum inflammatione alicujus visceris diximus, Febris ipsa quidem intermittens suum typum observat, sive sit simplex, sive composita; calor tamen ob inflammationem est continuus, eaque etiam suis signis se prodit; adsuntque vomitus, dolores ventris, alvi fluxus: clysteres injecti nihil facis educunt, sed merè clysteris materia sine excrementis, prout erat injecta, statim, vel modico post injectionem tempore, exit, quod signum inflammationis intestinorum in ejusmodi febribus frequentissimum esse solet: *Sennertus* lib. 2. de Febris cap. 21.

*Vel tactu hypochondriorum &c.* ] Plerique ex iis quib' præcipua cura est de contrectandis hypochondriis, cum nec inæqualitatem, nec tumorem, nec renitens quod tactu deprehendunt; propterea jubent securos esse ægros: Tamen autem *Hipp.* in coactu, in omni morbo hypochondrii qualitatem in equalitate & substantia, in eoq; doloris vacuitatem laudat, non præterea latere nos debet subesse substantiæ totius vitium in viscere contento in hypochondriis: nam *Gal.* cap. 7. l. 5. de loc. declarat quomodo superficies corporis sæpe colore auriginolo infecta decurpataque sit, cum nulla existat obstructio aut inflammatio aut scirrhus in Hepate, Sed, ait, secundum substantiam temperiei ipsius partis mutatur: ut sit temperamenti quædam alienatio: Sed sit ita, inquam, aliqua obstructione aut tumore laboret Hepar, an propterea tactus fidem faciet? Audiatur *Galenus* c. l. Constat, inquit, Hepar intra musculos locatum esse quod cum tribus contegatur musculis, fieri non potest ut tactus aliquam illius notitiam præstet, nisi vel magna in eo oriatur inflammatio, vel incumbentes ei musculi valde extenuati sint: At affectus Hepatis cognitionem alia arte venandam esse tradit. *Ballon:*

§. 5. Novi mulierem (eo morbo detentam) cui cum urina fluebant primo fursurea quædam, inde & pelliculæ magnæ, & postremo pus manifestum villis, festucis & tunicis variis intertextum: Profecto ea membranarum defluxio, pro quantitate sui, certum morituris prænuntium misit, nam ex hepatis, aut pulmonis, aut cordis sideratione contigerant, ut etiam per anatomen deprehensum est: Plerisque dissecto corpore universa hæc viscera, aut major illorum portio, nunc nigra ut carbo quispiam visa est, nunc suppuratis pustulis plena:



plena: fit enim facillime ut per consensus tunicarum pituita concretescens jugiter adhærescat, eademque salior aut virulentior, subjectam œsophagi linguæque substantiam depascatur. Possem plurimos recensere, ut mulierem Æthiopis symbolo, & sub igni Hierosol &c. *Corn. Gemma de febre pestilenti Hemitritæ.*

§. 6. In Ill. Domina à Calmontio febris erat assidua, alias interdum, alias nocturnæ exacerbationes habens: una dies levior, altera acerbior, in morem *ἡμιτρίτης*, aut *ἡμιστάτης*: Si forte remissio aliqua erat, minima occasione prehendebat Horror; cum perfrictione quadam, ita ut ad hemitritæon accedere videretur: *Anxietas erat summa*, quæ à calore acri omnia confundente & os superius ventriculi molestante contingebat: Implacabiles erant dolores renum, urinæ fere crudæ: conjiciebamus circum ventriculum collectam esse humorum copiam, unde *defectiones animi* excitato vapore sequerentur: Sed mirum quod apparuit, nam cum habitum corporis haberet tumidiusculum, pituitosum, minime diffabilem, corpus internum æstuabat, omnia quæ excernebantur erant biliosa, tota massa sanguinis erat corrupta, Et quod mirum, pulsus erat vibrans, qualis in ingentibus inflammationibus apparere solet: Cumque esset annosa, mirabantur Medici, quomodo in febris assiduitate ista Pulsus vibratio, elasto, magnitudoque tamdiu perstitisset: at animosa erat mulier, nullis aut corporis aut animi laboribus defatigari solita, nulli pene celeritate cedens, irasci celeris, ad omnes actiones expedita: cor compactum habebat, & facultatem vitalem omnium validissimam (nec enim tamdiu, tam violentæ diræque febris molestias tulisset) Itaque pulsus erat validus cum facultas vitalis esset valida, auctus erat usus, instrumentum cedebat, ut mirum non fuerit, si talis pulsus extiterit: Sed quod magis mirum fuit, est quod uno die quinquies aut sexies rigeret, ac si nova accessio foret: Statim ab isto horrore, calor adurens surgebat, manum tangentis feriens, adeoque vola manus & planta pedum incaluerat ut nullus ferè cum calorem ferret, obiit die 27. totius morbi.

Aperto cadavere: *sinistra pars Pulmonis erat purulenta*, Et cum *ira esset præcipitis*, in cysti cholidocho novem lapilli, ciccribus rubris duplo majores inventi sunt: Hepar incendio incanduerat, totus sanguis putris erat & lacteus. *Ballonius lib. 1. consil. 77.*

## S C H O L I A.

*Sinistra pars Pulmonis erat purulenta*] Non alienum erit monere Galeno, comm. in p. 5. sect. 3. l. 1. Epid. placuisse cum veteribus febres istas *ἡμιτρίτης* inflammationem sequi partium internarum: quod & in hac muliere observatum est, totum enim corpus internum incendio conflagrabat. *Ballonius*, ibidem: vide supra quæ de Pulmonibus, aliisque partibus male affectis, afferuntur ex *Spigelio*; Et lib. 1. Epid. p. 35. Febres quæ toto mense Junio, Julio & Augusto anni 1573. vagantur sunt, ad hemitritæos & *ἡμιστάτης* accessisse, à phlogosi viscerum natas fuisse, ac inflammationis fuisse loboles.

*Defectiones animi, Anxietas &c.*] Ab oblesso ore ventriculi, huic enim vicinæ partes, hac in febre, maxime patiuntur: Sic apud *Hippocr.* 5. Epidem. Diopirhis sorori in febre semitertiana circa accessionem os ventriculi graviter dolebat: talisque oris ventriculi dolor aliis similiter contingebat.

*Anxietas erat summa &c.*] Apud Galenum duplex est *ἀνυσμός* unus *νυκτικός*, alter *αἰματικός*: Ita enim ad part. 43. lib. 2. prothet. Bifariam ægri sunt *ἀνυσμοί*, uno modo cum virtus à corpore gravatur, nullamque figuram retinent ægri: alio modo, cum os ventriculi à pravis mordetur humoribus; Priores perniciosè afficiuntur, posteriores sunt nauseabundi: Ad duas illas causas, malignam qualitatem accensibis: Imo virium infirmitas non videtur causa, cum sæpe post magnas vacuationes multos videas valde imbecillos, qui quiescant nec subinde mutantur: Itaque aliqua latens causa, ut venenata qualitas esse videtur, quæ homines, jactari faciat, 1. quæ in semitertiana febre sæpe concurrat, accedente molestia ori ventriculi inflammato.

*Ira præcipitis &c.*] Sic apud *Fernelium* lib. 6. c. 5. Decrepitus senex in iram mire propensus, post decessum sine cysti & sine felle inventus est, in cujus sede calculus ingens concreverat.

*Totus sanguis putris erat & lacteus*] In venæ sectione nonnunquam lac loco feri prodiit: Lac autem istud lecta vena in pelvi conspicuum à putridis humoribus diligenter est distinguendum, qui sæpe sapius lactis speciem referunt & calidi nativi extinctionem notant: Nollem dissentire, accedere tamen non possum *Riolan.* qui pag. 188. contra *Pecquerum* scribit, *Dum in educto sanguine per phlebotomiam & vasculis excepto, superficies digiti minimi crassitie albicans apparet, non iam à putredine sanguinis nasci, quam ab ista chyli portione profluente cum sanguine qua supernat*: Enimvero superficies illa candicans gelatinæ similis in emissio sanguine, plerumque in morbois condensata conspicitur, & vidi corii instar crassam lentamque, sæpe in febribus acutis hoc anno observatam: Quis in chylo concretionem talem animadvertit? Expositus aeri demptus ex lacteis chylus, permanet liquidus: In quibus superficies sanguinis durior est & candicans, subjectus sanguis in pelvi sine fibri plane est putridus, imò vidi in hujusmodi ne guttulam coloris rubri: Nostri contra quibus lacteus fuit sanguis, sani erant: A pituita igitur lenta oritur superficies alba, crassa, quam à chylo credimus divertam. Considerata autem insertionem & progressu lactearum thoracicarum, vili sumus nobis invenisse viam qua lac cum sanguine aliquando emittitur. *Bartholinus in Dubiis de Lactem cap. 1.*

*Alias interdum, alias nocturnæ exacerbationes habens &c.*] Similem paroxysmorum anomaliam vidi in Nob. Matrona, Uxore Nob. & Clar. Dom. Consulis *A. Domonova*: Unde verisimilem credidi de Semitertianæ origine *Spigelii* sententiam: Dicta Matrona anno 1674. mense Januario 60. ætatis anno, de dolore ad nothas costas sinistro latere conqueritur, qui statim enemate & fotu sedatus: Postridie trium horarum rigor succedit, & postmodum calor: desinente paroxysmo, ob lumborum dolorem, cum urinæ

narum paucitate, consentiente complexionem sanguinea, rubore vultus se prodente, Saphena tunditur: Die sequenti tertio febris insultu corripitur, honore praegresso; ac circa noctem alius paroxysmus cum rigore & nausea adoritur: praesentibus plurimae caechymiae indicibus, porrigitur Sennae & rhei infusio, cum syr. Emetici *Sala* ziiij. quia in vomitum erat prona, ante nephritidi obnoxia, unde infra quater copiose bilem, supra plurimum phlegmatis, cum manitello levamine exclusit: Die sequenti unicus paroxysmus, isque levis advenit, cum restitutione libertatis lotii, plurima hypostasi crassa onusti, sed livorem manifestum praese ferentis: Porro cum Matriona virilis esset animi, *Spasmi* accessit; quae deinceps urinae fluxerunt, oleum colore & consistentia retereabant, sed paucae erant: Linguam ad radicem nigra, quasi a caustico appresso, cum singultu & de-

glutiendi difficultate; hinc phlegmones interne opinio enata: Morbi die 10. infida levatio, nec diuturna, ingruente enim catarrho suffocativo extinguitur. Post obitum pars summa anterioris thoracis livida & siderata fuit, a phlegmone partes summas pulmonis cum oesophago oblidente: Negata cadaveris apertio, assertionem confirmare non potuit: Ingruente catarrho ab incauto Pharmacopoeo unciae tres vini Emetici dantur; cui quia inefficax, subjunctae unciae duae oxymelitis scyllitici, inani tamen effectu, ob necrosin partium dictatum: Et quia praecipites illi catarrhi per venas jugulares feruntur in partes spiritales: Annotatum enim a Clar. *Segero* quotquot ab iis extincti fuerunt, in corde Polypos exhibuisse, ob concretionem icil. subitam sanguinis in illis: Unde Cl. *Kerkringii* opinio est eos non praexistere, sed momentaneam habere generationem.

## OBSERVATIO XXXII.

*Febris Erratica à Iecore orta, in cujus sima vomica. 1. Vitis Lienis inducta. 2. vitis mesenterii glandulosa. 3. A mesenterio glanduloso, Pancreate scirrheo, Pulmonum labe. 4. Ab obstructionibus vasorum. 5.*

§. 1. **Q**uidam natus anno 42. totus cholericus, (*vide histor. lib. 3. sect. 17. observ. 2. §. 6.*) febrem habuit quandam Erraticam, atque tumorem durum tensivumque in hepatis regione: Febris minime erat intensa & periodica, sed hecticæ similis, quæ incerto tempore subinde per totum corpus diffundebat æstus solito majorem, qui interim prius, interdum tardius remisit.

Aperto cadavere invenimus vomicam simæ partis hepatis, cujus non parum putrescebat innatam. Reliqua bene constituta erant. *Coster libello observ. Anatom. & Chirurg.*

## S C H O L I A.

**E**rratica Febris neque facile à quovis dignoscitur, neque curatur, omnis enim cognitio certa à quodam firmo & fixo capienda est, cum in his febribus nil certi & ordinari sit, nisi quod inordinatae sint, & subinde moveantur, de una natura in aliam, (quod erraticas & mutabiles facit) ab omnibus ordinatis distinguuntur: Hæ omnino typorum expertes sunt, id est, neque quotidianæ, neque tertianæ, sed præter modos enumeratos, adhuc citra dictum ordinem fiunt, i. e. quæ tertianæ paroxysmum, deinde quotidianæ, vel tertianæ, vel quartanæ, & tunc tardant, nunc accelerantur; Tales vero inordinatae dicuntur: & sunt, quarum multæ particulares differentiae sunt, quas difficile est enumerare; Hæ solent autumno fieri, ob diversitatem humorum in corpore congregatorum: æstatis tempore & autumnus, temporis inordinatione solent fieri, post longas febres & spurias in corporibus debilioribus: Non enim

possunt istam diversorum humorum naturam vincere, & derivare, qui multi sunt, & si ad vires referantur, multi simul: Sed si particulatim & seorsum sumantur, pauca est humorum quantitas, quæ est in causa, quod ex eadem materia duæ vel tres accessiones fiant consequenter, vel quod bona fiat expurgatio: Plato illa recrementa vult subinde ab intemperatura visceris alicujus generari: pauca retineri in corpore, & cito putrescere ob caloris imbecillitatem: Ad earum curationem necesse est diligenter inspicere cujus visceris vitio id fiat, ventriculi, hepatis, vel lienis: Si tumor aliquis in parte interna, aut gravitas sentiat: Talis pars in causa est, vel intemperies: Quare indicatione sumpta à parte affecta, intemperaturæ remedia intituere oportet: In hisce febribus liberare ægrum obstructionibus, bonam procurare actionem & lubricam alvum habere potissimum est. *Rondeletius Pract. p. m. 812.*

§. 2. *Æger febre primo quidem Tertiana per annum afflictus fuit, modo simplici, modo duplici: postmodum quartana & erratica: Totus Lien durus erat, plumbei coloris, magnus, crassus, in quo materia feci vini rubri similis continebatur. Vide l. 3. tit. de Hypoch. tum.*

§. 3. *Filiolus N. Febre inordinata prehenditur: Glandulæ per totum mesenterium scirrhosæ deprehensæ: Lien & Hepar puncticulis tartareis, perduris undique erant repleta. lib. 3. tit. de Diarrhæa.*

§. 4. *Puella annos 13. nata, nomine Dentand, macilenta, sed vivida, morbis crebro tentabatur, palpitationi cordis crebro obnoxia: Appetitu omnino carebat, imo ad capescendum cibum; per 6. vel 7. annos adigenda erat: Libera erat respiratio, præterquam in scalarum ascensu, quas ubi superaverat, anhela erat: Ingestus cibus statim in os recurrebat, nec tamen excludebatur: Sub medium Maji mensis, anni 1676. febre Erratica prehenditur, ab initio & in progressu lumbricos aliquot excludens, unde morbi origo crediti: Capitis dolore vehementi afficiebatur, cum vigiliis, qui quanquam remitteret, nunquam ex toto desinebat: Abdomen nec tumidum erat, nec depressum; Nulla tussis fatigabat; sexto à decubitu die cordis palpitatio vehemens urget, accedunt convulsiones, die 8. mors, Aperto cadaveris pectore, Pulmonis lobus dexter intus & foris omnino putris apparuit, undique*

undique costis & dorso cohaerens, cujus portio cum sternum adempta, diaphragmati etiamnum adnatus: Lobus sinister à connexione liber erat, sed in corruptelam vergens, variegatus, scirrhis parvis per totum obsessus, cum abscessu purulento in declivi parte: Cor maximum fuit sed flaccidum, in conspectum omnino veniens statim remoto sternum, quia à lobo sinistro pulmonis nequaquam antè cooperiebatur, illum ad latus sinistrum propellens: Vasa coronaria, id cingentia, nigra erant & sanguine turgida: Jecur sanum sed maximum: Ventriculus mollis, sed flaccidus, exolutus & ultra modum expansus, qualis in iis visitur qui crebra cibi & potus ingurgitatione ejus tonum vitiant: Mesenterium maximis glandulis, & steatomaticis erat refertum, sinistra praesertim parte: Pancreas durum & scirrhosum, cujus ductus Wirsungianus atro sanguine turgebat:

## S C H O L I A.

**I**N causas vehementiae capitis doloris inquirere non licuit, prohibente ejus apertione matre: Palpitationis autem cordis obscura fuit causa, An contingebat, quia Pulmones vitari sanguinem ab eo transmissum non excipiebant? Aut potius hic contagionis labe inquinatus, ad cor refluus, illi incongruus, molestiam pariebat? An ab hypochondriis, mesenterio scirrhoso, maxime pancreate, atro sanguine turgido, quo etiamnum vasa cordis coronaria mire distendebantur, causa repetenda? An cordis in lignis illa magnitudo nativa fuit; aut palpitationis diuturnae effectus fuit? Mirum vero fuit quod in tanta Pulmonum corruptela, major respirationis difficultas non fuerit, sed tantum in ascensu, maxime quod undique, ante & retro, ipsi etiamnum diaphragmati cohaerent: Tussim vero perpetuam non fatigasse adhuc magis mirum; An ideo quia Pulmonum parenchyma omnino vitiatum puris stimulum & acium humorum non persensit? Febris autem lentae & putridae causa referenda videtur tum in obstructionem ductus Pancreatici & mesenterii, tum in Pulmonum gravem corruptionem.

§. 5. E succo mordaciori depradante, & viscosiori vascula infarciendo, adeo contabuit corpus aegrotantis quadragenarii, ut Tabem exquisitissimam configurabant, Ex denegata namque debita nutritorum *αιασιος* superficies & extrema non solum contabuere, sed increvit Febris Latica, vaga & incerta, obturationum soboles, quae hecticam ita mentiebatur, ut ipsam adesse Medici alioqui peritissimi pronuntiabant: Cui ut occurrerent *παλαίστονας* imperant, profiliunt symptomata graviora, quibus magis ingemiscens exspiravit;

Dissecti cadaveris ventriculus & duodenum lactis coagulo infarciebantur. *Bennetius Theatri Tabid. Exercitat. 26.*

## S C H O L I A.

**Λακτομασία**] Lac assuetis, optime constitutis, a videque petentibus exhibere vice carnum, dum sanguis turgidior & calidior scaturierit, substituisse accommodatum arbitror; & quibus acer aut bilis inter fluida exuberare, modo vasculorum confinis adhuc conclusa retinentur; eminus scilicet patescere prima symptomatum phthisis dicaturum *πύρεν*: Eius tamen utrum vero phthisicis prorsus interdixisse ob causas insequentes necesse duxi: Qui etenim per acrioris succi extravasati depradationem emarcuere, caleosam ejus partem in ipsissimum cogunt, unde vascula pertinaciter obturantur: Qui à succis putrentibus incaluerit, butyrosam in bilem tabumque demutant, citiusque si mellita aut saccharata admiscueris, quibus dein aquosa stagnatio spiritalia sufficit, iis pectus magis infrigidatur,

unde anacatharsis vel remoratur vel reprimatur, plerisque denique capitis dolorem intulit. *Παλίστονας* *Bennetius*: Et nos infelicem *παλαίστονας* usum in quatuor viris eodem anno vidimus, ad profligationem Podagrae à Medicis quibusdam Pariliensibus praescriptae: Priori, insultus podagricus, qui mensstruus fere erat, constitit, per septem menses, sed nonus lechifer fuit, à suppressione humoris anthraxidem committentis, ejusque in partes nobiles *μύλας*: Secundo lischuria lethalis 17. die inducta: Tertio ad tempus ferocia podagra mitigata, sed paulo post calculus renum successit, hinc in vesicam devolutus: Quarto venter hydropici in morem intumuit, menstruumque spatium in saburra deplenda (quae tota erat lac coagulatum) insumptum.

## OBSERVATIO XXXIII.

*Febris acuta ab intestinalium inflammatione, subsequente vicinarum partium putredine &c. 1. 2.*

§. 1. **F**ebre acuta correptus Fridericus filius Celsi. Principis Norvegiae &c. 1657. sexto die Parisiis extinguitur: Aperto defuncti corpore, visa est cerebri partium integritas summa, cor ipsum quale in sanis: Pulmones per febrile incendium à constitutione naturali aliquantum degeneres: Hepar parte sui cava & majore lobo, à calore febrili ex succum & subnigricans: Lienis color immutatus, vergens in coeruleum, Omentum exaruerat: Renum parenchyma parte sui interiore subangustum & subdum: Mesenterium magna sui parte putrilagine & sanie velut quadam conspersum: Intestina subtumida & subnigricantia, Intestinum Ileum duobus in locis exesum & perforatum: In vesicae cavo glandulosa quaedam substantia ad nucis avellanae magnitudinem non adhærescens sed mobilis: Denique per totas alvinas regiones prorupta & effusa tam ingens vitiosorum & feroforum humorum saburra ut aequare videretur pondus librarum quarum & trium.

S C H O L I A.



## S C H O L I A.

**P**robabile videbatur Medicis Parisiensibus mortem contigisse ex intestinorum inflammatione ob aurem illam & corruptam biliosorum humorum illuviem, qui cum exitu suo prohiberentur propter constricta & coangustata intestina, inultratum sibi viam in abdominis spatia patefecerunt, pereso & perforato ileo intestino, unde vel modica compressione exidentes totum abdominis capacitatem abunde replebant. Hinc acerbissimi illi in alvinis partibus dolorum mortui: hinc hypochondriorum obstinata & pervicax distensio, hinc febris, animi defectiones, obortoque tandem fædo vomitu, mors brevi consequuta. Observandum monent jdem

medici decubuisse & occubuisse Principem mente Augusto, canicula regnante fervida, jilque temporibus quibus apud Parisienses vili sunt morbi complures quos cumularior bilis eaque maligna & effera excitavit, cum plurimorum interitu. Notant præterea quum in morbum illum incideret tentatum fuisse Bubonocèle inquam ajunt ab annis tenetioribus fuisse proum; Inde suspicabantur nonnulli hinc repetendam primam labem & originem mali, quanquam intestinum tum perfectissime in proprium locum sit reductum, aperto tamen corpore, inspectisque singulis particulis desit illa suspicio. *Th. Bartholinus cent. V. hislor. IV.*

§. 2. Homo tres septimanas afflictus fuit complicatis morbis, Epatici fluxus, hentericæ diarrhææ cum acutissima Febre: Infra Ileon intestina omnia erant livida, gangræna correpta, cor quasi totum. *vide lib. 3. tit. de Diarrhæa.*

## OBSERVATIO XXXIV.

*Febris Ardens ab inflammatione meningum, quam sequuta sideratio cerebri. 1. Ardens ab Abscessu sub cranio, putredine meningum & particule cerebri. 2. Ardens ab abscessu in cerebri substantia, Inflammatione meningum. 3. A sanguine pituitoso & seroso in vasis cerebri. 4.*

§. 1. **Q**uidam sæpius in dies ebrius, post computationem favillima cephalalgia corripitur cum omnium sensuum deiectione: Acutissime febriebat, rubebat facies cum tumore, pedes manusque jactabat, nec verbulum proferebat: Dixi cerebri sphacelo correptum esse: die 3. obiit: Inveni meningas valde lividas omninoque sideratas &c. *(vide Tit. de cap. dolore lib. 1.)*

§. 2. Agricola cujus caput diu Solis radii verberaverant, in dolorem capitis gravativum illico incidit, *Febrim ardentem*, succedente die v. phrenitide & 9. morte. Dempro cranio visus tumor avellante magnitudine, pus fœtidissimum coloris viridantis continens: meningis putredine tactæ erant & portio cerebri subdita. *Lib. 1. de capitis dolore.*

## S C H O L I A.

**F**ebrem Ardentem. ] Febris Ardens (seu Causus) est de genere *Continuarum*, quatum accessio ad plures dies sine *crisi* protenditur; Harum differentias & generationem sic explicat Eruditissimus *Willis* lib. de Febr. cap. 7.

Febris continua est, cujus accessio ad plures dies sine *crisi* protenditur; sua habet remissionis & exacerbationis tempora, Intermissionis vero nequaquam; Exardescencia modo est remissior, modo intensior; usque tamen febricitant ægroti, donec à crisi, aut insensibili convalescentia morbus in totum solvitur.

Plures autem sunt modi, quibus sanguis effervescent febrim continuam inducit, quorum præcipui ad hæc capita revocari possunt; 1. est cum *Spirituosior* Et subtilis sanguinis portio nimis incalescit, & exardescencia quadam afficitur, quæ idcirco reliquas cruoris partes exagitat, & in orgasmum quandam incitat, adeo ut Sulphur, seu oleosa sanguinis pars plus dissolvatur, & magis in corde accendatur: etiam propterea adest inter omnes cruoris particulas *obstructio* quædam seu perturbatio, qua nimium confusa & extra ordinem posita denuo statim extricari, atque in priorem situm redigi nequeunt, quare in toto corpore fetuor & incandescencia solito major excitatur: cum vero Spiritus solummodo in culpa sint, eorum æstus & inordinatio intra breve tempus solent sponte sedari: idcirco hæc febris sæpe intra

diem terminatur, raro extra triduum extenditur: adeoque febris *Ephemera*, aut *Synochus plurium dierum* appellatur.

Secundus Effervescentiæ modus, sive gradus est, quando pars *Sulphurea* sive oleosa sanguinis nimis excalefacta fervorem concipit: tunc enim & immodice in vasis effervescit, & plurimum in corde accensa deflagratione sua calorem valde intensum in toto corpore producit, Equidem sanguis, quoad temperiem suam, à conditione sulphuris maxime dependet; Quando ob cruditatem sulphur minus dissolvitur, fit cruor aquosus & frigidus, ac in vasis pigre movetur, sin ultra crasin naturalem pars sanguinis sulphurea, seu oleosa incalescat, statim effera, & cum cæteris improporcionata condit, ita ut fere tota à cordis fermento velut in flammam acta sanguinis massam immodice effervescente & ebullire cogat, Quemadmodum enim cum vina fæce opulencia prædita, a sulphure nimis rancido in fervorem concitantur, aut veluti fœnum nimis madide repositum, ob ventilationis defectum particulis sulphureis à mixtione solutis, sponte incendium concipit: pariter cum sanguis non rite ventilatur, quin ab evacuatione cohibita, propter rei calidæ ad mixtionem, vel *dispositionem* uberiorem, aut ob aliam causam, sulphuris particule densius agglomerari incipiant, statim, totus ejus liquor à sulphure soluto, & in corde inflammato immodice ebullit, & hu-

FFFFF

julse di

est valde acuta, & sanguis fere totus cito inflammatur, & summe æstuat, quicquid succi nutritii cruori affunditur, statim adurit & incendio absumitur: quarum purum aut nihil ejus in paroxysmi materiem in massa sanguinea continetur: Sin vero hæc febris sit minus acuta, & sanguis nō licet & per partes solummodo deflagrat, succi crudi supplementum non prorsus aditione absumitur, sed initioni incendio in materiam fermentativam pervertitur: quæ cum ad turgescentiæ plenitudinem in vasis assurgit, fluorem concipit, & effervescencia sua calorem febrilem, prius in sanguine gliscntem, velut novi pabuli accessu incendit: Hujus materiæ efflorescentia non raro cum levi rigore aut frigore incipit, & aliquando in madorem definit: plerumque vero transpiratione insensibili exhalatur: In singulis paroxysmis; præter succi nutritii degeneris penum, aliquid e materia sanguinis adusta & concremata evaporat: quare morbi crisis diu protrahitur, ut raro intra dies x. aut xiv. iudicetur; quin ut plurimum, in febre hujusmodi, paroxysmis & remissionibus intercalata, vix intra dies xx perfecta morbi solutio contingit; atque aliquando sine manifesta diacrisi lentum remittit, & de inlonga declinatione in mortem aut salutem terminatur: Quod vero hujusmodi remissio & exacerbatio juxta typos febris intermittens varientur, ut diebus modo singulis, modo alternis, & interdum nonnisi intra quatuordecim vices suas repetant, hujus ratio à doctrina febrium intermittentium petenda, mirum juxta quod sanguinis dyscrasia diversimode se habeat, succi nutritii degeneris supplementum citius aut tardius ad turgescentiæ plenitudinem assurgit, & proinde effervescencia sua modo crebriores, modo rariore in hac febre paroxysmos efficit.

*Tertius Effervescentiæ gradus*, (qui & distinctam Febris continuæ speciem constituit) à fermento quodam maligno & venenato inducitur, quo cum sanguinis massa imbuitur, & Spiritus, & pars sulphurea una fervorem concipiunt: eorumque excandescencia non prius sedatur, quam aut materia ista maligna absumpta sit, & foras eliminetur, aut etiam à veneno ejus corruptivo sanguinis coagulatio, & veluti putrefactio quædam inducatur, qua & circulatio impeditur, & spiritus vitalis extinguitur: oriri solet hæc malignitas, vel à contagio quodam ab extra suscepto, vel à miasmate quodam intus in nobis genito: Iuxta hosce modos Febris maligna, Variola, morbilli, etiam pestis origines suas deducunt, & contagio suo late in plures grassantur.

Sunt itaque tres Effervescentiæ gradus, sive modi, e quibus febrium continuarum species determinantur: A subtili sanguinis effervescentiæ portione, seu Spirituum ebullitione oritur *Ephemera*, necnon *Synechus* unius aut plurium dierum: A sulphurea,

seu oleosa sanguinis parte nimis excalefacta, & accensa, febris purida concitatur: dein 3<sup>o</sup>. e miasmate venenato, sanguinem inficiente, ejusque liquorem congelante, febris maligna dependet. In singulis horum à succi alibilis recessus in sanguinem congesti depravatione, seu potius corruptione, varii paroxysmi, inæqualitares & motus critici oriuntur: Videndum porro quo pacto effervescencia sanguinis in febre continua differt ab altera illa, quæ intermittentes constituit.

Dico igitur quod effervescencia sanguinis in febre intermittente Unice dependet à materiæ cujusdam fermentativæ, & cum cruore non rite miscibilis commixtione, ejusque ad turgescentiæ plenitudinem congestionem: Propter unius effervescentiæ cum sanguine in vasis, & deflagrationem in corde, paroxysmus inducitur: ejus distillationem *arrogantia* sequitur, ut paroxysmorum interstitio, neque Spiritus, neque Sulphur impetum faciant: verum integre servato mixtionis vinculo, liquor æquabiliter & sine tumultu in vasis circulator: E contra in febre continua Spiritus aut sulphuris, aut simul utriusque inordinationes propria *induratio*, etiam sine alterius miscela, sanguinis ebullitionem concitant: quare ad *arrogantiam*, præter materiæ excrementitiæ distillationem, sanguinis accensi deflagratio, ejusque ad debitam crasin reductio requiruntur.

Constitutio sanguinis in febre continua est ejusmodi ac vinorum, cum nimis à fæce opulenta effervescunt, nimirum & spiritum pollent, & Sulphure exaltato turgescunt, ideoque sua sponte, sine alterius mixtione fervorem concipiunt vel immaniter ebulliunt: In febre Intermittente commovetur sanguis eo ritu, ac vina, cum propter aliquod non miscibile jis confusum, effervescencias concipiunt: Insuper in hac febre cruoris diathesis ejusmodi est ac vinorum, cum in casu & declinatione sua, mucilaginosâ, rancida, aut etiam acida sunt in quibus nimirum spiritus deprimitur, interitum ut sal, aut Sulphur aut utrumque simul cæteris emineat, & inordinatione sua totum liquorem afficiat: Febris Intermittens periculo ut plurimum vacat, quoniam partes sanguinis constitutiæ, licet crasin paululum mutarint, utrumque mixtionis vinculum servant; & dum sui juris sunt, æquabiliter in vasis circulantur, quin & succum nutritium in materiam non omnino præter naturam, sed plenitudinæ & turgescentiæ sua magis infestam pervertunt: In Continua febre, præter intemperiem, sanguinis mixtio & liquoris compages nonnihil solvantur, ut corruptio ejus facile solvatur: quare hic morbus sæpe in mortem terminatur: Insuper succus alibilis in materiam penitus vitiosam & omnino naturæ infestam depravatur. *Willis de Febris cap. viij. & x.*

§. 3. Fœminæ graviter caput contusum: accessit Febris acuta: Inventus fuit abscessus in cerebri substantia, Membranz ipsum investientes lividæ. *lib. 4. tit. de vulneribus.*

§. 4. Mulier æ ingenti animi moerore: Febre ardenti cum capitis dolore &c. corripitur: Sanguis e ductus majori ex parte pituitosus, crudus & serosus fuit, Dum mortuæ ferra cranium removeretur, effluxit aqua loturæ carniū similis: Tenuis membranæ & plexus choroidis vasa aquoso & pituitoso sanguine turgabant. *Vide lib. 1. sect. 7. observat. 16.*

## S C H O L I A.

**C** Arolus Pifo febres continuas serosum humorem, pro partiali subjecto agnoscere statuit.

sect. 6. lib. de morbis à fero.

FFFFF 2

OBSERV.

*Febris Acuta à Pericardii inflammatione 1. Ardens à Pericardii & Pulmonum phlegmone suppurata. 2. Acuta ob foetidum humorem sinistram Cordis sinum replentem & totum fere thoracem. 3. Acuta à Mediastini tumore inflammatorio. 4. Pericardium eorum quos Causus extinxit exhaustum repertum, Cor marcidum. 5. 6. 7. Juvenis ab Ardente extincti cordis ventriculi sanguine flavescere, illis affixo, pleni reperti. 8. A Cordis phlegosi & vasorum ejus tumore. 9.*

§. 1. **C** Vidam cum Acuta febre erat sitis ingens, anxietas, dyspnoea, tussis sicca &c. Sectio palam fecit fuisse pericardii inflammationem &c. *Vide lib. 2. tit. de Lateris dolore.*

§. 2. Agricola plaustrum foeno onusti eversionem in se sustinens, de dolore pectoris conqueritur, Et diebus aliquot elapsis Ardente febre conflictari coepit. Pericardium scatebat pure copioso cui velut immersum cor &c. Pulmo ejusdem labis particeps. *Vide lib. 2. Tit. de Pectoris dolore.*

§. 3. Civis M. post melancholiam Acuta febre lethaliprehenditur: Tota fere cavitas thoracis tenui, prærubro & foetidissimo humore oppleta erat, nec non sinister cordis sinus eodem humore plenus erat &c. *Vide Tit. de Syncope.*

§. 4. Nobilis Febre Acuta detinebatur, cum spiratione frequenti, tussi, angustia ad sternum, syncope. Inventus in Membranis intersepientibus tumor inflammatorius, quicquid parte communicabatur pericardio. *Lib. 2. tit. de Pectoris dolore.*

§. 5. Patavii puer quidam frequenti ficuum cibo scirrhum contraxit Iecoris, nec longe post in Febrem incidens Ardentissimam, die periit critico.

Eius dissecandi cadaveris facta copia, aperto abdomine, extra in foetida natante aqua, ficcus thorax, pericardium expers aquæ, maximo & continuo cordis æstu depastæ, corrugatum conspiciebatur. *Observatio Iesseni à Iessen.*

§. 6. Invenis quidam intra triduum Febre Ardentissima, maximisque symptomatibus correptus mortuus est: Secto corpore Cor torrefactum pyri tosti imaginem representans, absque ulla pericardii aqua inventum fuit. *Dominicus Panarolus Pentec. 1. observat. 31.*

§. 7. Ardente Sirio juvenis in Causum incurrit, cum lingua nigra, Siti clamosa, viscerum ardore & nimio viscerum caumate pressus, applicitis remediis convaluit: Post duos menses debilis factus iterum incidit in Ignem; curatio non potuit efficere quin macie tabefactus e vita migraret.

In ejus sectione inventum est cordis involucrum rugosum, & cordis ipsa substantia marcida; Nec mirum; quum omnis fere humor qui in pericardio natura sua continetur, ab affante calore fuerit exhaustus. *Zacutus Pr. Adm. lib. 1. Observat. 142.*

## S C H O L I A.

**P**ericardium expers aqua &c.] Exhausta ab ardore febrili lymphæ. Vasorum lymph. inter ceteros usus hic est, ut aqua quibusdam partibus certos in fines apportent, imprimis cordi, live ad sanguinem aliquin crassorem nonnihil diluendum, live calidiorē temperandum: hinc in inflammationibus, calida

totius temperie, affantur facile & exsiccantur, unde æstuat ob humiditatis hujus defectum ebulliens sanguis, & ad febres ardentes producendas operam confert infelicem. Th. Bartholinus cap. 7. de vasis lymphaticis.

§. 8. Sanguinem grumofum in sinistro & dextro ventriculo cordis interne affixum semel tantum observavimus, in tot quos secavimus, In quodam juvene Febre ardentissima mortuo, non concretum, nigricantem & stagnantem, ut in aliis, sed maxime rubrum; aliquantum flavescens, in cordis ventriculis maxime adhaerentem, ut secar non posset citâ lacerationem. *Panarolus Pentec. 2. observat. 29.*

## S C H O L I A.

**E**xperientia, ut ait Gal. de sanit. tu. fidem inventorum comprobatur, sed non nimis curiose experiri aliquid debemus, sed solum ad indagandam veritatem; alioqui, aut negligentia talpas nos reddit, aut nostræ opinionis amor vitrum lutorum oculis

nostris imponit, vnde confundimur & fallimur: Hoc dixi, nam aliquando secando corpora, dum aspiciunt, aut in aliquo magno vase sanguinem concretum, sicuti in omnibus cadaveribus apparet, statim aut sanguinem grumofum, aut cornua cer-

vorum,



Vorum, aut vermes lethales in corde reperisse asserunt cum revera nihil horum sit, sed sanguis frigiditate ca-

daveris concretus cum adipe, qui secundum vasa vo-  
lubilia & tortuosa ita diuersas figuras ostendit.

§. 9. Liçtori cuidam Febre Acuta prehenso statim livere cœpit supercilium sinistrum, & antequam viginti duæ elapsæ essent horæ, totum corpus *Sphacelo* fuit tentatum, ipseque exspiravit.

Ego gravem subesse aliquam cordis affectionem suspicatus, curavi ut disseicaretur cada-  
ver: Quo factò cor invenimus duplo majus quam in sanis esse solet, cum venis tumentibus  
& inflatis ad digiti crassitiem. *Hercules Saxonia Praelectim. Practic. Parte 1. cap. 1. §. 5.*

## OBSERVATIO XXXVI.

*Febris Ardens à Pulmonibus inflammatis, qui nigri & corrupti reperti. 1. A Pulmonum Ery-  
sipelate. 2. Acuta à Pulmonum inflammatione in sphacelum desinente. 3. Acuta epidemica à  
suppurato sinistro pulmonis lobo, Et puris collectione infra diaphragma 4. Acuta ab inflam-  
mato pulmonis lobo sinistro & latere sinistro vicino. 5. A puris copia in thorace. 6.*

§. 1. **Q**uadragesarius febre ardentissima correptus doluit etiam à latere: detractus me-  
diocriter sanguis ad vascula duo: perseverant omnia neque cedit dolor reme-  
diis: Sexto die detractus iterum sanguis ad duo vascula *putris & corruptus*: Sudor 7°. levis,  
tenuis & tantum in capite & thorace: nihilo melius habet: deliria nocturna, æstus & in-  
quietudo magna, *urina turbida*; sudavit; 9°. & 11°. nihilo levata febre, 10. levius habere  
visus, nocte eadem patitur: 11°. *urinae* subsident, sed divulso & nigro sedimento, sudat ut  
prius: pulsus perpetuo frequens & magnus cum pauca inæqualitate: Iam tendines ma-  
nuum sine manifesto membri motu revelli sentiuntur: *urinae* bene coloratae & corporatae  
cum sedimento nigro: 13°. floccos colligit, manibus revelluntur digiti, delirium fere perpe-  
tuum: 14°. media nocte mortuus est: *Pulmonibus corruptis nigricantibus* inventus est. *Halle-  
rini libello observat. §. XIII.*

## S C H O L I A.

**F**ebre ardentissima correptus, doluit etiam à la-  
tere: Sanguis eductus *putris, urina turbida &c.*  
Advertendum est diligenter (quod maximi est in praxi  
momenti & à paucis animadversum) non omnes  
perpetuo febres quæ cum partium inflammationibus  
conjunguntur esse symptomaticas, sed quasdam  
etiam esse Essentiales, quibus inflammationes præ-  
dictæ succedere solcant: Fit enim plerumque ut  
sanguis corruptus, aut pravis humoribus repletus,  
postquam febrem excitavit, exagitetur à natura, &  
tanquam sibi noxius expellatur ad partes debiliores,  
aut humori recipiendo magis idoneas, unde in iis  
inflammatio producitur, quæ febrem istam non efficit,  
sed illi potius succedanea est. Sic nobis frequenter  
in usu practico videre est ægros, ab initio febre conti-  
nua laborantes per unam aut alteram diem antequam

dolor lateris & alia pleuritidis signa appareant: sic  
multi 30. vel 40. die febris in phrenitiden incidunt:  
Sic arthritici fere omnes, antequam dolore, tumore,  
inflammatione articulorum afficiantur, febre conti-  
nua per unam aut alteram diem laborare solent: Sic  
qui erysipelate tentantur, febre aliquandiu afficiun-  
tur antequam erysipelas appareat: Id ipsum ostendit  
*Urinarum* dispositio, quæ in huiusmodi inflammatio-  
nibus notas putredinis in venis contentæ manifeste  
produnt, initio enim crudæ apparent, in progressu  
vero signa concoctionis in dies incrementis osten-  
dunt: Tum Sanguis in vena admodum corruptus ap-  
paret interdum, quæ non fierent si febres ejusmodi  
essent tantum symptomaticæ, aut ab illis inflammatio-  
nibus simpliciter dependentes. *Riccius Pract. lib. 17.  
cap. 1. Vide Placitum e quo hac doctrina desumpta.*

§. 2. Intimus Sac. Cæs. Majestatis consiliarius, à parente podagrico ortus, circa annum  
35. doloribus arthriticis infestari cœpit, à quibus ut liberaretur emplastris quibusdam à  
Chirurgo oblaris est abusus: Sed incidit in scyllam volens vitare charybdin, nam post  
unum vel alterum annum correptus Ardente febre, cum erysipelate Pulmonum suffoca-  
tus interiit.

Cum autem mors semper fere imputaretur Medicis, quasi terminum accidentalem  
potis essent devincere ideo hanc ut calumniam fugerent, ad corporis dissectionem con-  
fugiunt, in qua Pulmo, post remotum sternum, niger adeoque tumidus sese obtulit, ut  
naturali suo reddi non potuerit hospitio: Epar magnum plurimo nigroque sanguine con-  
spersum, cum cysti fellea omni bile destituta examinanda se obtulerunt, Cum autem suf-  
ficiens mortis causa in Pulmone inventa fuisset, dubii fuimus an aliæ investigandæ forent  
particulæ: Ultro ergo progressi, in utroque rene duo magni calculi inventi fuerunt ponde-  
ris 3vj. nullo signo præcedente, sive arenulas, sive pedum corpore, sive lumborum gravi-  
tatem sive *urinae* indigentiam consideres: Nam copiosiores justo fundebat *urinas*, sed aquæ

FFFFF

simili-

simillimas, Sitimque adeo intolerabilem patiebatur, ut nullo potu ea sedari potuerit. *Martinus de Pozzo Observ. 32. Miscell. curios. anni. xv.*

§. 3. Gener. Viri D. Thomæ Trenchard, Equitis aurati, famulus à pedibus, annos circiter xxv. numerans, proceræ staturæ, temperamento bilioso, cum ex officio multum incaluisse, hausto cerevisiæ, forsan frigidioris poculo, incidit in tussim, cum pectoris angustia & spirandi summa difficultate, accedente Febri Acuta, cum intensa siti, & malarum rubore, pulmonibus laborantibus & inflammatis familiari: Hic ut erat robustus initio hunc affectum parum curans de vocando Medico parum erat sollicitus: Eo vero indies ingravescente, Herus, servi amantissimus, me accersiri curavit, Ad quem ingressus, pulsum inveni tangendo magnum, adosum quodammodo & languidum: consideratisque symptomatis, hominem peripneumonia laborare affirmavi, dato simul *Hippocr.* oraculo, Quod pauci eam evadant: Ego tamen sine cunctatione, cum tertius esset à prima invasione dies, basilicæ dextræ incisionem institui, & detraxi circiter septem sanguinis uncias, cum *virium imbecillitas largiorem profusionem non admitteret*, etsi sanguinis plenitudo adesse videretur: Sequenti die ad materiam impetum à pectore avertendum, & humores vitiosos evacuandos, *exhibui mannam*, decocto pectorali dilutam, adjecto syr. rosar. sol. cum agarico: Leniter inde purgatus fuit, sed symptomata omnia ingravescebant, ut de salute ejus omnino desperarem, maxime cum sputum non procederet, & febris *excandesceret*: *Hic ut* subvenirem, *prescripsi Eclegma*, ℥. conserv. viol. & borrag. mucil. sem. psyll. & cydon. cum aq. decoct. malv. violar. & lactucæ extr. ana ℥j. tab. dialth. ℥j. B. emull. iv. frig. femin. & papar. alb. ℥ij. syr. violar. & juiub. ana. q. s. m. f. Eclegma. Pectus unguento pectorali & resumptivo mixtis inungi curavi, &c. Cum vero in lipothymiam creberrime pronus esset, & refici necesse haberet usus sum, ex imitatione Valleriolæ, succo ex vervecu cordibus expresso, addito tantillo confectionis Alkermes: Sed sicuti exitiale signum est, ubi nunquam ullis auxiliis, ratione recta administratis recreatur natura, ita & in hoc ægro contigit frustra adhibitis præsidis, 7°. tandem die, morbi magnitudine superatus, naturæ cessit.

Hujus corpore, Nobil. Heri iussu à me dissecto, omnes in infimo ventre contentæ partes apparebant bene constitutæ: Pulmones vero membranæ costas succingenti in utroque latere per plures fibras erant connexæ, unde difficultas spirandi ex parte proculdubio processit, forsan etiam inflammationi ansam præbuit, Substantia eorum erat nigricans & sphacelo correpta, Ex hic fuit morbi exitus, ut verum sit quod Celsus ait, Peripneumoniam scilicet vehemens & acutum malum, quod plus periculi quam doloris habeat, paucique ea correpti evadant. *Fridericus Loesius obser. iv. libr. 2.*

## S C H O L I A.

**C**um *virium imbecillitas largiorem, &c.* ] Peripneumonici sæpe imbecilli sunt & delinquent animo, ob incendium & obsidionem partis principis, & tamen non oportet esse valde timidos in secanda vena, imo audeat mittendus sanguis: Nobil. mulieri ait, *Ballonius Epis. lib. 1.* post horrores acuta febris orta est, cum lingua aspera, dolore lateris acuto, dyspnoea, secatur vena, non quievit, deinde repente sedatus est, evanuit potius: 4°. rubent insigniter genæ, deliria, mentis alienationes, frequentes surrectiones, jactationes, nullus lateris dolor, caput dolebat, febris duplo major, lingua torrefacta apparebat, & mucore plena: Peripneumonica facta est per translationem, alvus liquidis ducitur excrementis, vicissim interit: Debueramus ullam pluribus venæ sectionibus exercere præsertim cum Peripneumonia adessent argumenta, nam morbus iste maxime phlebotomiam postulat.

*Basilica dextra incisionem &c.* ] Sicut volunt Medici, vera Peripneumonia oritur excusso tenui & bilioso sanguine, à dextro cordis sinu in venam arterialem, unde totum Pulmonis corpus inflammatur, sectio venæ videtur potius celebranda ex interiore dextera: Tamen Fernellius ex sententia quorundam, in inflammatione Pulmonum, secari vult internam cubiti finitimi: ratio ejus hæc est, quia Pulmonum venæ ex dextro cordis sinu prodeunt, hic autem in sinistram parietem venæ causæ inferitur, qui per alam sinistram in cubitum excurret. *Ballonius conf. 37. lib. 1.*

*Exhibui mannam, &c.* ] Peripneumonia & Pleuritis, quoad curationem, & maxime circa purgationem, eadem est ratio; Imo quibusdam Pleuritidis legitima non datur citra coactos pulmones: Quantum vero in hac ( *inquit auctor Encheiridii med. Pract.* ) prodest venæ sectio, tantum nocet purgatio, quantumlibet blanda & leniens: ea enim commotis humoribus fluxionem auget, Aut si jam fluxio constitit, eam renovat, magno ægri damno: Huc accedit quod in malis thoracis alvi fluor noxius est: ideo toto curationis decursu à catharticiis abstinendum, alternis tantum diebus alvus dura clystete emollienda: Adde quod cathartica ex affecta parte nihil evacuant. *Riverius cent. 1. obs. 98.* Purgationem in peripneumonia interdum ante septimum convenire ait, in pituitosa scil. & ubi æger multa pituita refectus videtur: quod in quodam simili laborante feliciter præstitit, qui ejus etiamnum magnam quantitatem evomuerat; Alias perniciofa, ait, censetur: In dicto autem juvene biliosa erat Peripneumonia.

*Eclegma, &c.* ] Quod tenuitatem & mobilitatem humorum infringere valebat; alias ad crassos & obstruentes humores valent quæ moderate humida, Si viscosi, non solum opus humiditate, sed & deterfione ex aridis, sic melicratum ad crassa, oxymel ad viscosa conducit.

*Pectus inungi curavi* ] Litus ad thoracem an pulmonicis confert? videtur quod non, nec enim attingit corpus Pulmonis: Primarius Medicus duas ob causas

ab causis hinc thoracem, cum ut per diaphoresin thorax evacuetur, hæc autem in pellendis morbis primas tenet: Si enim æger calido est, acri & mordaci sanguine litus iste est bonus: Si cruditas est, valet ad

mitificandum, & aliqua ratione coquendum, tum ut pituita, quæ præ colore & siccitate membranis adhærescit, difficultatem spirandi & dolorem infert, facilius eluatur. *Ballonius Epid. lib. 2.*

§. 4. Illustr. cujusdam Comitis Filiolus trimus, vigoris supra ætatem solidi 1. Dec. anno 1653. tumorem pone aurem sinistram, ad juncturam maxillæ inferioris radicatum, sed tamen usque in collum protensum, cum dolore ardente monstrabat: qui indolem suam provido Medico mox sequenti die cum febris Acuta Epidemica, gravi anhelitu & tussi sicca, constanter in mortem usque tenentibus hunc Pusionem, loquebatur: Die 5<sup>a</sup>. hujus virulentia Epidemica sobole, successit alvi profluvium atro carbone nigrius & effusissimum cum dysphoria potius quam allevatione patientis persistente tussi illa sicca & præcordiorum quasi præfocata spirandi difficultate, nuncio hujus veneni in spiritu vitali & liquoribus naturalibus jam habituati & tyrannidem suam exercentis: Cimmericis plusquam ignorantia tenebris occæcati duorum medentium oculi, hanc catastrophem e summa virulentia non advertentes, catarrhi figmento, quo totus orbis eluditur, afflictis parentibus & adstantibus singulis imposuerunt: Post 4. septimanam per alvi recrementa rejecto vermiculo, totus in eorum expulsiōnem incubuit Medicus: etiam mercurium vomitivum exhibere paratus: Interea cum indies magis arjetaret pro suo mercurio, Tumor oedematosus albus, nitens, circa Puelli hujus medicamenti inundati malle olos, in utroque pede exortus, supra furas, subito perreptat abdomen, & prima vice manum & faciem dextram occupat, ultima, & mortis, sinistram quoque, cum summa palpitatione illius lateris dextri: Die xi. Januarii exhibitus mercurius dulcis ad tria grana in pulve: Ex hoc deiecit hic æger octo sedes fortidas mucosas (vermem vero nullum) liquidas, colore fere gryleo, cum allevatione respirii & tussis illius continuæ, remissione etiam palpitatione dextri lateris, adeo ut cum hætenus ne manum quidem ferre posset, hic dextro lateri (quod pluribus septimanis non factum) incumberet, & indormiret satis placide, Die 12. insequente propinata quinque guttæ tincturæ martis in cerevisia: hora octava insequente ægrum sat bene comedentem & avidæ, & solito pauciores urinas vidimus: Die 10. alternata vice usutincturæ Martis seposito, surrogatus est mercurius dulcis, dozi trium granorum, vermium & incipientis hydropis causa: qua tota die nil nisi duas ante mediam noctem dejectiones coctas, naturales, compactas habuit, & melius illa nocte quievit: mirabantur nobiscum astantes effectum & notabilem meliorationem, sed tamen perfidam ex hujus medicamenti usu bis repetito, Nam continua tussis & pleuram dextram circumfiliens palpitatio, remissior in tantum observata, ut pluribus, ac nunquam hætenus, horis æger huic lateri incubuerit, hodie de nullo querulus: Secundo tumor, tempore vespertino, in pedibus & suris prominentior semper, solita mensura circa suram utramque, ad duos transversos digitos monstratus, spem Illustr. parentibus faciebat meliorem, quam tamen minus tutam satis semper prædixi: Die xiv. eadem euphoria perseveranti ægro, post somnum præterita nocte satis commodum, denuo mane expergefatto exhibitæ sunt guttæ 4. vel 5. die de tinctura Martis: satis tota die commode valuit: Die xv. spes hæc meliorationis, prout prædixeram, concepta frustrari coepit penitus, etsi domestici latius sperarent: mihi unico nomine suspectus fieri coepit, quod cum febris æstu immanius recidivante, præteritam noctem duxerit totam insomnem, mox omnem cibum tam subito respuebat, vix respirium ducens & quasi suffocandus: Die xvi. ubi ex enemate ægri euphoria sperabatur, præcedens nox insomnis & inquieta hujus injectioni successit: manus faciesque sinistra, itemque latus ad oculum intumescere: Abdomen mensuram solitam, qua in dies tumor explorabatur vel vel diminutus, in sex transversorum digitorum incrementum per horas notabile elongavit: pedum itidem tumor albus, oedematosus, nitens, circa suram ad duos transversos digitos adauctus, & ad genua extensus cū respirio anxio & agonizante: Ideo seposito usutincturæ Martis, de spiritus alis cerevisiæ usuali commixto, propinatum est ægro, ut urina, quæ deficere sensim coepere, liberius succederent: Die xvij. incrementum sumente tumore & dyspnoea, mane æger sumpsit medullæ seminis ebuli curiose excorticati grana vij, cum gr. iij. Mercurii dulcis in pulve è contusis amygdalis facta: interdiu bis deiecit liquamina mucosa recrementis alvi commixta: circa vespertinam satis vegetus: Ex quo post mediam noctem præfocationis sibi imminentis quasi præfagium excitus puerulus, hora secunda antelucana cum morbo vitam quasi præfocatus & anxius finivit.

Die sequenti apertum & exenteratum est corpusculum puelli: Antequam Chirurgus novaculam admoveret, invitavi Medicum Corrade & D. Davissonium, curationis comites, velint dispicere an putatitii & toties incusati vermes tantorum facinorum & mortis



reatus postulandi fuerint, An potius, quod fieri amat in febrium harum Epidemiarum, maxime castrensiū procrastinata curatione, viscus aliquod naturale, etiam Hepar ipsum eschara vel lethali characterisatum: vel hospite malignitate habituata exsolutum occasio-  
nalis causa fuerit illius hydropis, ad prædictas mensuras, duabus ante mortem, he domadi-  
bus subito tumefacientis, sub cuius adauetu præfocatus videbatur hic puerulus: Aperto  
tamen abdomine, vermis nullus inventus: Sed ecce post hanc exenterationem, quod pro-  
gnosi Medica nullus nostratium augurari potuit, in sinistra parte obviabat magna diaphrag-  
matis propendens instar sacci, purulenta ex albo virecente, è totali suppuratione sinistri  
lobi Pulmonis, salvis corde & pericardio, adeo infarcta ut liquamen illud purulentum,  
postquam scalpellum à Chirurgo per musculos intercostales in cavum thoracis penitus in-  
truderetur, instar fontanæ profiliret, & è cavo thoracis, postmodum aperti, supra mensuram  
dimidiæ ollæ effunderetur, de parenchymate vero pulmonis ne vestigium quidem compa-  
reret reliquum: In abdominis cavo vero aqua inventa nulla. *Andreas Cnoselius in methodo  
med. feb. Epidemias.*

§. 4. Filiola N. Febreprehenditur acuta cum tussi, &c. Latus sinistrum purulentum erat  
& pars Pulmoni, quæ illud contingeret. *Vide lib. 2. tit. de Tussi.*

§. 5. Iuvenis inter 6. & 7. costas vulneratur. Sequitur Febre acuta, anxietas, gravitas in par-  
te, &c. Ingens inventa inter thoracem & Pulmones copia puris. *Vide tit. de Vulner.*

## OBSERVATIO XXXVII.

*Febre Ardens à Iecore retorrído, in quo sanguis ater & corruptus.* 1. A Iecore extremis par-  
tibus inflammato 2. A Iecore maximo inflammato. 3. Febre Acuta extincti Iecur  
disruptum inventum est & combustum. 4. Ardens vulnus Hepatis sequuta. 5. Ab  
Hepate bile undique suffuso, flavissimo, &c. 6. A portione Hepatis inflammata. 7. Ab  
immani Ejus tumore, intus duri, retorrídi. 8. A bile acerrima è cysti emanante, adusta  
sanguine in corde, &c. 9. A dextri Hepatis lobi & Splenis inflammatione. 10. A Liene  
phlogosi laborante.

§. 1. **P**atricius Venetus (de quo Tit. de Narium aff. lib. 1.) ad olfactus privationem usus calli-  
dis medicamentis, in febrem continuam incidit, quæ intra nonam eum jugulavit.  
Repertum illi Iecur valde obstructum, durum, & quasi lapideum nigri coloris, carbonum in-  
star, sanguinisq; in eo contentus perinde erat atq; atramentum valde ater & corruptus.

§. 2. Filius D. N. ix. annorum febre eipyrica correptus est: Hepar erat consuetæ magni-  
tudinis, in extremis partibus rostum, nigrum, durum. *Vide lib. 3. tit. de Mixtione difficili.*

§. 3. Filius Dom. N. novem annorum, bonæ complexionis ægrotavit diebus xxxij. febre  
Ardentissima, quæ spatio paucorum dierum consumpsit puerum. Mortui inveniebatur He-  
par immensæ magnitudinis prorsus sanum, nisi quod in extremis partibus esset rostum, ni-  
grum & durum. *Bartholinus cent. 3. hist. 34.*

§. 4. Aurifaber habebat ministrum macilentum & longæ staturæ, qui incidit in febrem sa-  
tis acutam: Monitus à sodalibus, accepit vinum malvaticum cum zinzibere & aliis aromati-  
bus ad provocandum sudorem: sed cum ex hoc levi sudore parum iuaretur, monitus ac-  
cepit ab eisdem Theriacam & intravit balneum, ut magis postea provocaret sudorem, quod  
& secundo fecit, sed res semper cessit in deterius: Vocatus, adhibui refrigerantia & omnia  
quæ possunt moderare illum æstum sed frustra, & intra paucos dies exhalavit animam.

Secui corpus, Hepar ex nimia illa caliditate combustum fere inventum, ita ut haberet  
quatuor rimas in gibbo. *Ex observation. D. Joh. Hesi med. Norici.*

§. 5. Duobus Iecur vulneratum fuit, ut post mortem videre licuit, qui quotidie bilem  
evomebant & intensissima Febre ardebant, &c. *Vide tit. de vulneribus.*

§. 6. Filia Viduæ N. 14. annos nata laboravit febre *Afidua* cum ventris tumore, in quo per  
vices dolor quidam punctorius: Aperto cadavere inventi sunt muscoli abdominis in loco  
tumoris, putredine affecti: Hepar colore flavissimo adhærebat peritonæo undique dia-  
phragmati, & mole sua mediam thoracis partem replebat, ut ipsi cordi omnino esset vici-  
num. *Vide lib. 3. tit. de ventris tumore.*

§. 7. Scotus febreprehenditur *Afidua*, &c. Aperto mortui abdomine primo se obrulit  
Hepatis lobus orificio ventriculi posteriori affixus diaphragmati nothisque costis, ut non-  
nisi frustillatim avelli potuerit, Portio hæc illius nigricans ex inflammatione quæ præce-  
sserat, reliquum hepatis recte se habebat. *Platerus Observ. p. 471.*

§. 8. III.

§. 8. Ill.N.inflamatorio Hepatis affectu, Febreque *Continua* prehensus fuit: Iecur illius immani tumore extuberans repertum, interius ligni instar durum & retorridum: Vide *L.3.tit.de Diarrhoea*.

§. 9. Anno 1670. Auriga ex Febre continua ardente quasi furibundus, in via Regia demortuus, jussu Sereniss. Electoris Saxoniae secabatur: In exenterato cadavere inter cetera observavi viscera omnia bene constituta, excepto quod in ventriculo neque cibus neque chymus sese offerret: Erat autem repletus materia viscosa fluidiore, ex viridi nigricante, gelatinae spissiori, adhuc tamen fluidae similis, quoad mensuram cantharum Misnicum ferme excedente: E cystide fellea adhuc integra & illaesa, ovo columbino majore, exsudasse vidi tenuiorem bilis portiunculam, duorum vel trium digitorum transversorum spatio, circum circa superas internasque & adjacentes partes undiquaque croceo colore tingentem, irrigantem, itaque corrodentem ut partes ea illinitas & attactas putredinem acquisivisse manifeste non solum apparuerit, verum & praeter hepatis substantiam magnam partem hypochondrii dextri tingendo rodendoque putridam reddiderit, illaesa plane vesicula biliaria: Unde facile colligendum erodentem vim bilis simul genus nervosum tetigisse & aegrotum furiosum reddidisse: Venulae insuper & arteriae in cerebro turgabant sanguine nigricante, Eque corde dissecto sanguis nigerrimus, picis ad instar liquidae dimanabat. *Melchior Fribe in miscell. cariosis anni 1673. Observat. C.*

§. 10. V. Veinmanni filius, cum Patavii diu misere affligeretur, tandem in Febrem incidit vehementissimam, cum urinae suppressione, cui postea stilicidium advenit, cum faecum retentione & maxima hypochondriorum tensione, ita ut summe imbecillis evaderet: vermes quidam subesse supplicabantur, cum *nares semper vellicaret*, atque ideo miterum clysteribus perpetuo sollicitabant: Ego inflammationem & faecum retentionem solam causam divinabam, quare adhibito fomento ex absinthio, agrimon. cuscuta & carduo melius habere coepit, expulso etiam sudore, urina reddita & faecibus exercitis: cum vero naturae debilitas nullis medicamentis tolli posset, obiit.

Secto cadavere, vesicam invenimus maximae molis, musculis adnatam, urina aliisque excrementis plenam una cum ureteribus: Renes in puero tantae magnitudinis quanta vix esse poterant in adulto: Splenis quoque & dextri Hepatis lobi inflammatio aderat, vermes nulli. *I. Valdr. Rumlerus observ. 40.*

## S C H O L I A.

**N** *Ares semper vellicaret*) Incertum id vermium indicium: Vapores enim ichoritque actiores quicumque id facere solent, propter tunicam ventriculo oris & naribus communem: Hunc vero affectum tensio hypochondriorum satis indicabat, Neque inepta erat inflammationis suspicio, cui plerumque alvus contumacior obstat. *Vesebius.*

§. 11. Observavi Lienem rubentem & acidum in quodam Duce militum: hic quamvis esset Hepate benese habente, nihilo tamen minus & siti immoderata angebatur, & ardente Febre cruciabatur, Fuitque hoc visum anno 1563. *Hippol. Bosius de Facultate Anat. Lect. 2. p. 14.*

## OBSERVATIO XXXVII.

*Febris Ardens, cum lumborum dolore ab inflammatione Penis sinistri in corruptionem abeuntis. 1. 1.*

§. 1. **S**ereniss. & Potentissimus quidam Princeps, annos 33. natus, natura plethoricus & corpulentus, cum quodam tempore aestuante Sole inter venatorum turmas summo mane campos ingressus esset, non prius venari desit quam sol ad occasum inclinans eundem abstinere cogeret: Ibi vehemens ac violenta corporis, sub pondere gravis, & nedum optime post tot morbos compositi, agitatio, occasionem & causam fatalis morbi certo provocabat: Ibat enim venatico curru per invia tanto animi aestu, ut eum auriga non satis audacter pro reverentia Majestatis, Regem saxis, fulcis stipitibusque superveheret, Dux ipse, ex excusso à curru homine, habenas raperet, & animo alacriter indulgens, cursumque nulla lege temperans, nec curru parceret nec ipse sibi: Altera post mediam noctem hora tristem effectum exercere coepit violenta voluptas, ac primum quidem nephriticis correptus cruciatibus praeter morem doluit: Repetitur ea die bis terve balneum, neque calculum neque dolorem loco movit: altera tamen dies benignior visa est, jamque cum venatoribus nova expeditio designabatur, quamvis interim sitis faucium molesta & quaedam inappetentiae fastidia non desisterent: Quarta morbi die vehementius exarsit renum viscerumque vicinorum dolor, quem excepit ingens ventriculi & praecordiorum, atque totius corporis concussio, cum vehementissimo ad vomitum conatu, & omnium, ut videbatur, vitalium immiti conflictatione: Apparebat ex illa naturae violentia omnes quicumque in tanta corporis

## OBSERVATIO XXXIX.

*Febris Ardens vitio Pulmonum & Renis dextri. 1. A Pulmone vesicis obsito, Hepatis tumore inflammatorio, &c. 2. A Iecoris, Vesicae, Intestinorum, inflammatione Erysipelatode 3. A viscerum omnium putredine &c. 4.*

§. 1. **N**Ob N. Vulneratus fuit sclopeto in brachio sinistro, & xxx. die à vulnere moritur: Pulmones deprehensi sunt omnino purulenti ac scirrhosis tumoribus referti: Ren dexter putris, cum puris copia in vesica. *Vide lib. 4. tit. de Vulneribus.*

§. 2. Adolescens orthopnea inveterata laborans, Febre funesta jugulatus est: Inventus hepatis inflammatorius tumor: Thoracis hydrops in uno latere: Pulmo vesicis, in quibus viscidus humor refertus. *lib. 2. tit. de Dyspnoea.*

§. 3. Nob. Venetus ardentissima febre correptus fuit ex pituita salsa, cum maxima albedine & lentore linguae, cum siti inextinguibili, vigiliis & extenuatione corporis: Obiit Tabefectus.

Dissecto cadavere, invenimus in rene sinistro abscessum iam suppuratum, Iecur, vesicam, intestina, erysipelate detenta, ex qua inflammatione erysipelacea obiit. *Bened. Silvaticum Epist. ad Beverovicium, in hujus Exercit. de calculo.*

§. 4. Vidi qui in Acuta Febre, utroque contento hypochondrio plurima per alvum deieceret, nigra porracea, cruenta, flava, graveolentia: Ei brevis interdum cataphora, levis surditas: temporarium delirium, à quibus parotides expectabantur: Ad xxvij dolor sub auribus, unde magis illae sperabantur: Verum praeter imbecillitate naturae, recurrente materia, orta gravi dyspnoea, mortuus est. xxx°.

In altero quoque eadem omnia & graviora quoque, singultus, animi deliquium, frequens mutitas, pullus deficiens, Sub xxx<sup>um</sup>. levi parotidum significatione edita & orta dyspnoea, alteri similiter obiit.

Utroque dissecto omnia viscera marcore confecta & abscessu putria inventa sunt. *Hollierius committ. aphor. 17. sect. 2. Coacar. Hipocr.*

## OBSERVATIO XL.

*In vesica fellea eorum quos Febris ardens aut diuturna rapuit, saepe lapides deprehensi.*

**A**Renulae febricitantibus non paucis (maxime morbo jam defunctis) copiose cum urina minguntur, nulla vel praesente vel praeterita etiam nephritide, sero à venis omnibus aut certe majoribus) *vbi exustio humorum. vignet*) sabulum hoc rapiente: Quod minus mirum videbitur iis, qui bilem totam intra propriam vesiculam in Lapides, alias numero paucos, alias numerosissimos induratum aliquando viderint, apertis eorum corporibus, quos febris ardens aut etiam diuturna rapuerat. *C. V. Schneiderus l. de catarrhis speciatiss. Cap. de Arthride.*

## SCHOLIA.

**V***bi exustio humorum vignet*) *L. Souberius* cap. de Urinis non in solis renibus aut vesica, *air*, gignuntur arenulae, sed si bone judico, plurimum intra vasa, venas inquam & arterias, idque per febres aut diuturnas. quae humores accendendo, horum crassiores partes sic adassant, ut tandem, in arenulas redigantur: Atque id est quod nostri dicunt humores utque ad incinerationem corrumpi, seu putredine seu ustione, quo fit ut nephritidi nequaquam obnoxii, febrem solummodo passi, cum urina plurimum arenularum excernant.

*Sero à venis omnibus, &c.*) In massa sanguinea, tanquam in oceano & communi fonte Corporis humani inest materia sabulosa, de qua lapilli gignuntur: Cum enim materia lapidum, inquit *Zacutus*, in corpore nostro sit mucus, seu humor viscosus, lentus & crassus, ut passim *Galenus* edocuit, si ad sit tortius calor, quis dubitat in quovis loco, ubi haec repantur, gigni posse? Sic in podagricis, tophi, gyp-

scique lapilli inveniuntur: Quin & in abscessibus arenas lapillosque generari testatur *Marcellus*, qui à femoris notabili tumore dissecto extractum fuisse lapidem album, ovi gallinaei magnitudine proximum asseverat: quid plura, non ne in venis & arteriis generantur lapides proutnotant *Gemma*, *Fernelius* 5. par. c. ult? In vena Portae oriri auctor est *Columbus* Anat. l. 15. In venis hepatis, in parte cava repertos *air* lac, *Cameniscus* in *Epi. math.* l. 5. *Epi. Matthaei* *Gradus* confirmat arenas exustione sanguinis in venis gigni, Quoniam, *air*, in urinis emittitur interdum materia arenosa subtilis, cum urinae substantia multo permixta, & non est relidens, imo saepe adherens superficiei urinae, & de hac non possumus prognosticare supra futurum lapidem, quoniam ejus materia magis pendet ex adustione materiae in determinatis membris ut renibus & vesica; & haec arenulae contingunt in multis cholericis, etiam in pueritia, ut contingit in me *Iob. Matthaeo*.

Etiā



Etiā apparentia in declinatione febrium, & post longas febres, Et distinguantur etiā tales Arenæ ab eis quæ significant super lapidem, quoniam si fricenter digitis comprimendo, facile dissoluntur, &c. Hæc est docta hujus viri sententia, ex qua causam & differentiam arenularum in venis ortarum, ab eis quæ in renibus & vesica generantur, colligere licet: Nam ut ait Ludov. Mercatus 4. de morb. int. c. 10. Arenæ quæ generantur in venis subtiliores sunt raroque aut nunquam subsident, sed cum urina innatant sedimento immersæ: In renibus vero, aut vesica subortæ subsident, Cujus rei causam uterque Author non expressit, sed ea est, Nam in determinatis locis

mucosus humor retentus, in angustiori loco per moram ab astante calore diutius corretur, & ab humiditate spoliatus in graviores vertitur arenas, quæ subsident: In vasis verò è contra, ab uno enim loco ad alium cum remeet humor, non ita aduri potest & exsiccare: quare vasorum arenæ non assumpta ex toto humiditate innatant. C.V. Schneiderus l. 3. de catarr. c. 7. Arenulas calculi renum indices, ab iis quæ ab adustione humorum sunt, distinguit Riverius Pract. l. 14. c. 1. has naturæ salinæ esse dicens, atque in calida urina dissolvi, neque ullo modo apparere: Illas nequaquam.

## OBSERVATIO XLI.

*Febris acuta ab inflammatione iuxta musculos lombares internos, in abscessum desinente.*

**D** Om. N. famulum habebat, qui ex contusione lumborum in eorundem internam inflammationem vehementem, febrem acutam excitantem inciderat: Quo vita defuncto, cum venter aperiretur, ac intestina removerentur, animadverti in internis musculis abscessum à renum regione ad fundum vesicæ exporrectum delitescere, ex quo aperto magna puris copia exiit. *Observatio Jac. Oesthai Praefuli Aischsettensi Medici.*

## OBSERVATIO XLII.

*Gravida Acute, febriens infantem enititur cujus ossa vi æstus febrilis friabilia reddita sunt.*

**G** Ravida febre acuta & inflammatione circa umbilicum subito, correpta, opinione citius & αλόγως liberata fuit: Æstum vero, febrilem in fœtum transiisse eventus docuit, nam mortuus ex utero extractus ossa habuit in pulverem rubicundissimum redacta, tanta vis ignis febrilis fuit: *Matthias Jacobæus observ. 116. in Actis Bartholini ann. 167.*

## OBSERVATIO XLIII.

*Febris Ardens à sanguine intra vasa æstuante, citra labem interiorum viscerum.*

**F** ebris Ardens confecit intra ix. dies puellum quinquennem, optimi habitus & formosissimum, filium Nobil. Domini Theodori Burlamachi Genevensis Aderat, præter signa pathognominica palpitatio cordis, æstus insignis circa hypochondrium sinistrum & ultimis diebus spasmodici motus.

Dissectum est cadaver i. Aprilis 1677. in quo viscera omnia rite constituta apparuerunt, Iecur tamen naturali majus, Cystis fellea parva & inanis: Cordis sinister ventriculus continebat corpus concretum liberum, candicans fabæ magnitudine, longiusculum, sebo concreto simile palpitatio cordis causa: Intestina vacua, flatibus distenta, à crebrius exhibitis purgantibus: Pulmones ad aliqualem livorem vergebant: Sedulitas muliercularum fatum acceleravit, vel forte promovit, quæ malignitatis suspicione, pipiones singulis momentis cordis regionis admovebant, unde auctus feruor sanguinis, circulatio sanguinis, irritata, adeo ut pulmones flabellando cordi impares fuerint, atque ab extraneo calore natus prostratus sit.

## OBSERVATIO XLIV.

*Febris Continua, Tertianaria, à seroso humore in vasis cerebri accenso & totius i. A pure intra cranium & membranam subsistente. 2. A Plenitudine vasorum tenuis meningis, cum apostemate in proxima cerebri parte. 3. Ob partem cerebri cum membrani, putrefactam.*

**I** llustr. virum temperamento cal. & humidum annum supra 63. agentem, circa solstitium hybernum anni 1606. Borea de repente sævient, de mane horripilatio cum ingenti lassitudine invadit, unaque siti vehementi & oculorum caligine: facies insolito rubore saturato ac livori propiore suffunditur: urinæ copiosæ, tenuës & aquæ, instar pellucidæ: hisce symptomatis totum diem vrgentibus appetente nocte somnolentia gravisque torpor ac stupor

ac stupor & in motu atonia : taciturnitas denique, oblivio & desipientia quædam obrepunt : Atqui cum non sine stupore omnium insolentem animi stuporem ac desipientiam in Heroë mirantium, quid rerum ageret prorsus inscius & multum ab illo Hectore mutatus transgisset duas horas, ecce derepente evigilat atque ad se redit, sed attonitus & immemor eorum quæ sibi evenissent : tum vero primum à pulsu majore ac velociore, nec-non crebro & inæquali, simulque igneo in toto habitu calore Febris emicat eaque acri comitata siti, & quæ plurimam noctis partem inquietam traducere cogeret : Sequenti die assidua quidem & vehemens sternutatio, una cum tussi & rauedine exercuit, indeque febris deferbuit paulatim, sed ea sequenti luce denuo ingravescere cœpit : Atque hunc cursum tenuit febris in xv. usque diem, nisi quod à secundo paroxysmo in dies lentescens magis magisque tandem prorsus elanguit : Secundus morbi recursus à priore nihil omnino discrepavit, nisi quod nulla sternutatio excretionve subsequuta, sed alterius brachii, in quod caput repandum inclinabat, torpor & tanta imbecillitas ut illud attollere per aliquot menses ei non fuerit integrum. Tertio febris repetiit sub novilunio in Februario incidente, flante desubito Borea, sed & 4. 5. 6. & 7. imo quoties constitutio aëris mutaretur usque ad annum 1608. recurrit inquam febris sed longè levioribus symptomatis : Circa deliquium Lunæ quintæ anni 1608. prægressis per unum & alterum diem coryza multaque spuitione, & insigni colli gravitate febris recrudit terrificis, magis quàm unquam comitata symptomatis, 2°. scilicet deliquii die Borea faviente, cum ab hac causâ serosa colluvie introrsum vi frigoris compulsa, plurima mictione urgente & sopore jam sensim premente sese æger commixisset, ecce subito horrore insolitaque rigescit gravitate & pandiculatione, oscitationeque & sopore opprimitur atque mentis quadam hallucinatione : Ea potro gravitas brevi adeo concrevit, ut sponte conciderit genibus labantibus : reducto autem in lectum Sopor sensim, unaque oblivio ac veluti desipientia obrepunt, quorum ille quidem circa primam noctis vigiliam solutus est, hæc contra evidentius auxere, ita ut quanquam ad interrogata non absurde responderet, tamen garriret & nugaretur præter consuetudinem : Ab eo tempore vrens calor per universum corpus paulatim se prodere, sitisque urgere totam noctem una cum sequenti luce, urinis tenuibus alioqui ut ante, & instar aquæ perspicuis, copiose fluentibus : eam diem excepit nox sopore in turbido & inquieto traducta : à quo evigilantem gravitas statim opprimit pariter cum oblivione & desipientia, ut vel lectum commingeret, moxque sopor horrorque, & tanta in motu atonia, ut statuat vel catalepticum in lecto diceres : sub vesperam tamen primum evigilare, nugari, æstare, sitire ; reliquam noctem sopor sed turbidus interruptusque tenuit, febris ardor inde remissior : Quinto morbi die, ecce paroxysmus hora consueta, sed longe gravissimus repetit, cum ingenti extremorum refrigeratione, oblivione, desipientia, commictione lecti, comate vigili, aphonia, sensu sepulto, motuque abolito, & tanta corporis gravitate ut plumbeum crederetur : neque vero quicquam deglutire, vel ad oblata generosa quæ somnum excuterent sensus alicujus superstitis signum ullum dare, respiratio crebra difficilisque admodum & parva ; pulsus è magno & renitente, parvus, creber & mire inæqualis, vultus magis quam ante flammans, sed oculi lacrymes prægnantes : à meridie ad nonam largus sudor sese adjunxit, tandem circum x. noctis æger sensim somnum excutere, ad se redire, sed inde æstus vehementior, qui tamen lentescere cœpit declinante die : Hoc die de mane de natium dolore querelæ, nam cum corpus illi à natura vastioris molis à sopore illo gravissimum redditum, durante per 15. horas veterno, totum in nates procumberet gangræna successit, cujus cacoëthia adjuncta vehementiæ paroxysmi quarti anticipantis, si ve rigori, qui ex Hippocr. in continua febre, corpore jam debili lethalis est, oppressus naturæ cessit.

*Aperto cadavere*, Aqueam in capite impuritatem confirmavit reperta aqua plurima in toto capite stagnans, & adhuc in cadavere reses, nec ab ardore febrili resiccata : Febrem autem in sanguine inflammato hæsisse argumentum est, quod sanguinis massa ardore febris pene exsiccata exhaustaque est, ut dissectio docuit, cum in vasis vix libra sanguinis restisset in demortuo. *C. Piso de morbis à sero sect. 2. p. 2. cap. 4.*

## SCHOLIA.

**H**Æc est morbi historia & diuturnitate, & gravitate symptomatum, præsertim cephalicorum magni & insignis: de cujus specie sic statuo, ut si parapoplexiam, vel apoplexiam levem, sive febrem *tertiana*, eamque Comatosam indigitemus, parum à vero aberrare credam, Si ætente *Hippocr.* orationem qua breviter & graphice Apoplexiam levem circumseribit, *Qui icti & siderati dicuntur, cum cerebrum multa immunditie vitioforum humorum repletum fuerit, anterior pars capitis primo dolorem ipsis inferi, & suspicere non possunt aliqui ambobus oculis, aliqui altero, & sopor ipsos tenet, & desipiunt, & tempora salivunt, & febris tenuis habet, & corporis impotentia.* Si hanc

*Hippocraticam* Apoplexiæ circumscriptionem consideremus, nullus dubitationi locus relinquitur, Febrem hanc omnino esse eandem cum *Hipp.levi* Apoplexia: atque si circumlocutione uti placet, & latius definire, esse eam Febrem continuam naturæ Tertianarum, sed cum comate pervigili complicatam, Nam immunditiæ multæ cerebri mucosæ crementis conspurcatæ clara fuerunt indicia, 1. Stenutatio assidua plurium dierum. 2. Tussis cum cantu. 3. Oculi sine causâ manifesta collacrymantes. 4. Sopor singulis epilepticiis exacerbationum periodicarum conjunctus & adeo contumax, ut nisi xv. horis exacte solveretur. 5. Aqua reperta plurima stagnans in toto capite. *Vide plura l.c.*

§. 1. Huic febri comatosæ similem & germanam omnino vidimus in Nob. matrona 63. annorum, habitus eufarci: Similis inquam fuit in omnibus, sive idæam febris, sive syndromen symptomatum spectes: in his tamen duobus discrepans, quod & episemas tempus ac initium exacerbationum non adeo pertinax, cum horas duntaxat novem desipientiaque premeret, & calor citius emicaret, Et vero non fuit producta, aut recursibus distincta; sed in quinti paroxysmi initio fatalis exitit.

Vasa similiter sanguine exhausta in cadavere reperta, & caput plurima scatens aqua: sed speciatim vesica cholidochos distenta prægnansque pluribus calculis fabæ molem excedentibus, iisque viridantibus. *Idem ibidem.*

§. 2. Adolescens in sinistro bregmate lapillo percutitur: Circa diem xx. febris assidua eum corripit: Non parva puris copia inter cranium & membranam reperitur. *Vide lib. 4. tit. de Vulneribus.*

§. 3. Melancholicus juvenis (*de quo lib. 1. tit. de Paralyfi.*) laborabat Paralyfi & convulsione cum Febre insigni; paroxysmi erant admodum frequentes, ita ut multoties quateretur. Eo mortuo, in latere dextro admodum turgabant venæ tenuis meningis multo sanguine nigro & concreto. Ea pars nigricabat, & apostema continebat, in proxima cerebri parte.

§. 4. Mulier Tinea tentata, crebris lotionibus sanata, in capitis dolorem ac febrem continuam lethalem incidit: Media pars totius cerebri, cum membranis (erat dextra) putrida inventa est, ichore citrino referta. *Saxonia Prælect. Pract. p. 1. c. 1.*

## OBSERVATIO XLV.

*Febris Continua focus in Pulmonibus inflammatis habens. 1. Ab inflammatione Pulmonum in abscessum desinente. 2. 3. Ab Erysipelate Pulmonis. 3. 4. Ab inflammatione partis sinistræ Pulmonis posticæ, in corruptionem desinente. 5. A Pulmonibus Tumentibus, ex parte duris, aqua fetida plenis. 6. Ab eorum inflammatione circa partes extremas, Sanguine crassiori in eorum substantiam effuso. 7. A dextræ partis cum pleura corruptione. 8. A tumentibus Pulmonibus & Abscessu tentatis. 9. Peripneumonicorum quorundam Pulmones sanguine putrido turgidi, indurati. 10. Pulmones cum corde sanguine turgidi. 11. A Pulmonibus syderatis, Aqua virofa in thorace. 12. Continua à Pulmone & Pleura uno latere corruptis. 13. Ab inflammatis Pulmonibus & Iecore. 14. A sinistra parte inflammata. 15. Ab humorum in eos influxu, unde tumores reperti. 16. Ob fluxionem è cerebro in Pulmones; unde peripneumonia mendosa. 17.*

§. 1. **V**entriculo nimis incalescente Pulmonis inflammatio perniciofa, decreto *Hippocr. de morbis lib. 2.* Quali *Ovenus Lunge* suæ familiæ postremus, Cimbræ nobilitatis decus *Patavii* anno 1617. abripitur; qui juvenis sanguineus vehementi in gymnasticis exercitio febrem continuam sibi attraxit, inflammatis Pulmonibus; quos corpori exemptos, ita deprehendimus affectos, antequam ad suos in patriam transportaretur. *Ioh. Rhodius cent. ij. Observat. 1.*

## SCHOLIA



## S C H O L I A.

**I**nflammati pulmonibus, &c. ] Peripneumonia definitur solet Inflammatio pulmonum cum febre acuta, tussi & respiratione difficili: Hoc affectu laborantes in pectore phlogosin insignem, cum pulmonum intumescencia, & dolore interdum pungitivo perferunt: anhelitum laboriosum & brevem, sive, ut *Hippocr. ait*, sublinem ducunt; Febris cum siti immani, vigiliis & tussi molesta urget, cui etiam sputum sanguineum, aut sanguine interspersum succedit: E quibus signis manifesto liquet morbum hunc oriri, in quantum sanguis febriliter effervescentia vasa pneumonica minora non facile trajicit, sed intra ductus eorum hærens primo obstructionem, dein plus aggestus & extravasatus, phlegmonem cum calore, tussi & sputo discolori parit: Porro quatenus sanguis ita coacervatus & stagnans ductus pulmonares hos inflat, & illos comprimit, respirationis difficultas & angustia: & quatenus iste fibras nerveas vellicat aut distendit, sæpe dolore excitatur. Quod si inquiratur, quomodo phlegmone in pulmonis compage, mere vesiculoia & excarni concrevere possit; & qua ratione ab affectu isto in carne musculoia, aut visceris parenchymate excitari solito, differat? Dicendum erit, quamvis prædictæ partes quoad texturam varient, tamen affectus rationem in iis singulis prorsus eandem esse: Nam vasa sanguifera perexilia, tum in pulmonibus ductus omnes tracheales, tum in musculis fibras carneas, tum denique in parenchymatis fibrillas & stamina nervea, cum plexibus densissimis, velut corymbis, ubique pariter amplexant, vincunt & varie circumligant: Quod autem phlegmonem parit, ipse est sanguis, qui dum valde effervescent, simulque in transitu suo impeditur, ubique locis ac præsertim in pulmone, cujus vasa in plexus minutissimos ramificantur, primo obstructionem, & consequenter inflammationem citat. Itaque peripneumonia ratio formalis, & causa conjuncta in hisce duobus consistunt, videl. quod sanguis febriliter effervescent, simulque quod intra pulmonum ductus angustiores hærens, obstructionem ibi inflammatoriam creat: Nisi bina hæc concurrant, à morbo isto immunitas est; nam in febribus plerisque aliis, ac imprimis in causone, sanguis utur vehementissime æstuans, & tota præcordia inflammans; quin etiam in pica, inalacia & hydropse pectoris, iste lentus admodum, & intra ductus pulmonares plurimum hærens, peripneumoniam haud concitat: Ad hanc producendam opus est ut utrique affectus conveniant & vires jungant: Attamen cum utriusque diathesis jacta est, modo hæc, modo ista prior, in actu est, & quodammodo alterius causa, aut saltem occasio existit: Nam interdum sanguis in febrem concitus, obstructionem pulmonarem facit: quandoque item iste in pulmone remoram offendens, à propria obstructione effervescentiam febrilem concipit: Attamen ad morbi hujus procatarxin constituendam, sanguis una ad effervescentiam, simulque ad vasa pulmonaria obstruenda, aptus esse debet.

Cujusmodi hæc liquoris sanguinei diathesis ad peripneumoniam inclinans fuerit, cæsi non facile

designatu fuerit, ejus tamen ratio ex phlebotomia in hoc morbo, semper cum successu optimo celebrata, nonnihil elucescit: Enimvero sanguis è quibusque hoc morbo, prout etiam pleuritide laborantibus, detractus, postquam refluxit in superficie sua, loco cremoris coccinei pelliculam subalbida, aut alias discolori, quæ item tenax admodum & viscida est, succrescentem habet; unde conjicere licebit massam sanguineam in compage sua nimis strictam, dum inter circulandum recrementa sua dimittit, nimis incrassari & quasi lentescere, proindeque tum ad effervescentiam, tum intra vias angustiores, & præsertim pulmonares hætere nimis proclivem fieri: Quod amplius inquiratur, unde nam hæc sanguinis dispositio, quasi instar vini penduli, sit tenax & viscosus, procedat: hujus ratio generalis hæc est, vid. quod cruoris partes crassiores à subtilioribus non satis comminuuntur, ita ut omnibus æqualiter mixtis & mutuo subactis, demum humores utiles in munia quibusque appropriata cedant, atque inutiles per cloacas idoneas continue amendantur: Verum è contra, in quantum sanguinis particule sulphureæ, una cum salinis & terrestribus nimis evectis combinantur, cæteras quasque irretiunt & inviscant, proinde liquor ejus recrementa quæque & impuritates intra se continens, instar glutinis lentescit, & propterea diathesis peripneumonicam concipit: Enimvero unicuique obvium est, sanguinem quatenus ita lentescit, ad vasorum ductus angustiores (qui certe in pulmone perquam angusti sunt) obturandos aptum reddi: insuper ob eandem rationem, etiam ad effervescentias febriles incundas inclinari: videl. in quantum iste sæculentias quasque & recrementa sua intra proprium sinum pertinaciter retinens, ab iisdem tubinde in plenitudinem aggestis; in turgescentiam immanem (à qua necesse est pulmonis inflammatoriam obstructionem incipi vel augeri) cogitur. Insuper ad morbi hujus procatarxin, non raro pulmonum vitiositas accedit, atque ad hanc partem afficiendam generalem istam sanguinis dyscrasiam determinat: Nam ut cruor lentescens effervescent, præcordia firmiter & robusta sæpe noxam ab illo intentam evadunt, atque labe in pleura, aut circa habitum corporis defixa pleuritis, aut rheumatismus potius quam peripneumonia excitatur: Attamen pulmones teneri, tussi obnoxii, aut propter hæmoptoen, aut alios pectoris affectus in conformatione prius læsi, à sanguine (dum in compage sua nimis strictus & tenax est) ebulliente, oppilationem *πνευμάτιον* facillime concipiunt.

Hæc de peripneumoniae causis conjunctis & procatarcticis; ad evidentes quod spectat, huc referri debent quæcunque sanguinis crasin subito pervertunt, aut diapnoeam liberiores cohibent: uti imprimis sunt caloris & frigoris excessus: vini aut aquarum ardentium potus immodicus, vehemens exercitium, aquarum quarundam & præcipue glaciatarum potus: Porro nonnunquam maligna aeris temperies hunc morbum pluribus accerit, & epidemicum facit. *Willis Pharm.*

rat. p. 2. s. 1. c. 8.

§. 2. 1601. in Ducatu Urbini, totaque Piceni regione hyems frigidior, æstas humidior

G G g g g 2

fuit;

fuit; autumnus frigidus & humidus; hyems denuo borealis, deinde placidior circa solstitia atque vernalis, etenim Austri Favonii, boreales alternatim viguere, bis terve tantum pluviae: quare Martio & Aprili, tota in regione Pisauri, atque Urbini, grassabantur tumores circa fauces, frequentes pleuritides, tussis, difficultates anhelitus, Thoracis dolores, frequenter lethales Peripneumoniarum excruciant, quarum aliae primo insultu fatigabant, plurimae ab angina & pleuritide ortum ducebant, & in septima saepe, raro XI. interficiebant, neque hominum maiorem partem occupabant, sed senes destillationi obnoxios, immoderationi victus deditos atque exercitiis violentis: plures ruris incolas quam urbanos, eosque calidos atque crassos: febre prima die cum rigore, deinde continua corripiebantur, cum siti magna & lingua excrementosa humida, modo aspera & rubra, gravitate thoracis premebantur, levi dolore ad claviculam, costas, spinam, humeros vagantes, densa & calida respiratione, tussi tum sicca tum humida, cum sputo viscido, spumoso, crasso raro, subflavo, subcruento, subnigro, rarissime purulento: ægre sputa deiciebantur, aut nihil; floccos aut paleas à parietibus carpentes, 4. & 5. delirii peribant: Hanc febrem non admodum magnus calor, nec tactu insigniter mordax concomitabatur: urinae crassae & confusae inter initia apparebant, quae si statim attenuarentur, moriebantur, Si vero paulatim clarescebant, sanabantur: eorum color est subrufus, pulsus magnus & mollis, aliquando intercurrentis erat, in salvandis validus in morituris languidus, frequentissimus: Efflorescebat malarum rubor & oculorum: facilius supini & in latus decumbebant; alii recta cervice spirare cogebantur.

Quamvis auxilia necessaria adhibita fuerint, maxima ex parte tamen plurima pars ægrotum interibat: Sectis cadaveribus, reperti sunt pulmonum abscessus, ex quibus multa materia foetens prodibat. *Lelium à Fonte consult. ij.*

## S C H O L I A.

**T**Riplici affectuum genere homines constiteri satis constat, Angina, pleuritide, atque potissimum peripneumonia cuius maxime notae traduntur: Est autem inflammatio pulmonis cum febre acuta: Locus affectus centendi sunt parietes vasorum & partium magis nervosarum Pulmonis: communicatur autem affectus toti pulmoni, praesertim partibus proximis illi quae inflammata est: Quam quidem affectionem interdum in sanguinem pituitosum atque biliosum referendam cenico, nullo alio affectu praecedente, ex dextro cordis sinu in pulmones vehementius excussum, qui non modo pulmonis venas & arterias, verum etiam totum ipsius corpus praeter modum implens atque distendens, etiam totum ipsius corpus praeter modum implens atque distendens, coarctatur ac putrescit, ac pulmonis inflammationem accendit; non eam quidem aliarum more collectam, sed toto viscere diffusam: Quamvis *Galenus* dicat. de c. Pul. c. 12. non accendi à bile pulmonis phlegmonem, cum humor biliosus sit subtilis & facile elaboratur, Respondeo 1°. vel bili permisceri pituitam, quemadmodum in hoc tempore: vel colligi humores paulatim, vel aliunde corrivare: Sanguis biliosus, cum eo nutriantur pulmones, Paulatim colligitur & peripneumonia potest constituere: In id vitii plurimos praecipitat angina & pleuritis antecedens, cum humor heterogeneus ex sanguine, bile, & catarrhali excremento perfusus in pulmones irrumpit per ora venarum arteriosarum & arteriarum venosarum, ex parte vero à cerebro prolabitur: Phylis causis accedant Astrologicae, Eclipsis scilicet praeterita, atque Saturnus in mundi themate in sexto domicilio, in domo Martis repertus, ex opposito horoscopi respiciens; quae praesertim senibus in hac tempestate morbos acutos minantur, ut ex iis peripneumoniis, si earum causas perpendamus, aliae ex sanguine pituitoso, excremento catarrhali permixto, atque bile oriundae sint aliae vero ex bile melancholicae portione permixtae & ex iis aliae acutiores & interficientes 4. die, vel 7. aliae mitiores: Praeterea aliae incipientes & essentia-

les; sed raro plurimae ex angina, pleuritidis vel catarrhalis excrementi successione. Inter signa à posteriori desumpta, enumeratur febris assidua & acuta; difficultas spirandi vehementissima, & major quam in pleuritide, si quidem, ut scribit *Galen. 2. de loc. aff. 8.* tanta inducitur difficultas, tanta angustia, ut ægri videantur suffocari Perterea dolor gravativus, ut ægri sensum cuiusdam gravitatis thoraci incumbens potius quam dolorem sentiant, cum pulmones tenui admodum sensu praediti sint; Pulvis molles observantur, languidi, inaequales, ut refert *Gal. 4. de caus. Pul. 12.* Tussis interdum sicca, in principio praesertim, postea temporis progressionem multa & varia apparent, modo alba & crassa, modo flava, aliquando nigrore aliquo perfusa; adest etiam rubedo maxillarum; Inter signa quae ab antecedentibus desumuntur, praeter aeris praecedentis inaequalitatem; huiusmodi affectus producendi accommodatam, non praetercunda est cibi portionisque immoderatio & labores nimii; Signa causarum ita perpenduntur, dum est à bile, quod raro accidere intelligo, ægri calidissimum aerem respirant, aquae frigidissimae, tum aeris cupiditatem habent; Dum est ab aliis humoribus, summus ille estus non ita apparet, neque cetera symptomata sunt ita gravia & periculosa; Signa lethalis peripneumoniarum describuntur ab *Aëtio*, quod die quarta aut septima interficit: vigiliae aut somni breves, stuporem aut delirium inducentes: Quorum signorum omnium facile est rationem reddere, si quis voluerit naturam huius morbi & partis memoria tenere. Spirandi namque difficultas & angustia premit, ex inflammatione in pulmone bronchia angustius cogente, quae aeris attractionem impedit; Nullus est doloris sensus, nisi gravitatis, quia pulmo sensus est expertus: membranae autem interieptantes, à pleniori pulmone depressae, dolorem gravantem producant, extremis potissimum partibus quibus alligantur, quia major ibi extensio, ut ad os pectorale & spinam exporrigatur; Exipuant semper aliquid, ob laxitatem partis affectae, & quae semper

semper aliquid reludat, sentiuntque calidam respirationem qua partim plurimum emando, partim plurimum aerem frigidum attrahendo, allevari queant: Acuta comitatur febris, cum rubore insigni maxillatum, ex fuligine sanguinis putrentis, ex qua causa delirium concitatur, &c.

*Urina crassa & confusa* ] Propositis affectibus præter accidentalem febrem, etiam essentialem & malignam accedere duo sunt quæ suadeant, cum delirium superveniens, tum urinae confusæ, Nam peripneumonia pectoris & aliarum partium contentione, ex heterogeneo excremento ut plurimum genita, & in fine, non deberet in septima die interhecere: cui potius deberet accidere coma quam delirium, cum hoc à vaporibus ferventibus & biliosis contingere soleat, unde Hippocr. 7. aph. 12. In peripneumonia phrenitis malum: qui affectus non solum esse ita lethales, cum à materia pituitosa ut plurimum pendeant, & multi ex his evadere deberent, unde Hipp. in proposita constitutione, dum hæc pe-

ripneumonias proponit, dicit fere omnes evasiles: Loria etiam confusa possunt esse à calore febrili materia morbosam agitante, à qua vapores ad caput exhalantes delirium accerunt: hæc enim confusio & crassities non semper ostendit coctionis gradum, cum in principio in senibus pituita sententibus id non facile contingat, ut ob id non sine ratione colligendum sit, iis febrem essentialem malignam sæpe conjungi. Idem.

*Ab angina & pleuritide ortum ducebant* ] Quandoquidem dissecatis cadaveribus, soli pulmones affecti apparebant, quanquam varia symptomata fatigaret, tumores circa fauces, lateris & pectoris dolores &c. Inde confirmari posse videtur opinio eorum qui Anginam exquisitam sedem in pulmonibus habere statuunt: vide c. de Suffocatione §. 12.

*Frequentes Plenitudines, &c.* ] Inde quoque verisimilis redditur eorum sententia pleuritidem ab inflammatione pulmonis deducunt. Vide lib. 2. cap. de lateris dolore §.

§. 3. Melchior de Fresnoy annos 4. natus febre corripitur continua, sed quæ exasperationes haberet: catarrhus erat, *sussis sicca, nec præ tenella ætate quicquam excernere poterat*: tamen inanis semper erat tussis & tenuis humor eludebat spiritum: Vomitiones frequentes, alvus albicantia deiecit, deinde substitit: urinae tenues crudæ, decolores pro febris vehementia: medicamentulo alvus sollicitata reddidit multa biliosa: tussis perseverabat: dolores ad sinistrum hypochondrium sed vagi nec eodem modo perseverantes, deinde sinistram lateris partem occupabant: alvus soluta est, viridia excreta, chylosa, *sitis quæ expleri non poterat*: magnum in pulmonibus conceptum incendium conjectum est: hinc dolores ad sternum & latus sinistrum, sed qui ad latus sinistrum non perseverabant: Medici putabant vomitiones ad imbecillitatem ventriculi oriri: Quod in eam suspicionem eos adduxit, est frequens dejectio, multa que rerum variarum, putridarum, viridantium: aliquando animus paulum deficiebat: & nos animi defectiones & frequentes vomitiones in alio observavimus, cui inflammatio pulmonis à pleuritide aut fugaci dolore lateris oborta fuerat. Febris non erat admodum vehemens, destillatio erat magna, eludebat spiritum: sensim conficiebatur; & incautis nobis cum cibum appeteret, biberet avidissime; 20. die, item cum de purgando eo cogitarent Medici, sublatus est: *debuerat missi sanguis*.

Aperto cadauere nihil p. n. in pulmone contentum inventum est: una pars pulmonis veluti stipula ardente deflagraverat, lobus unius pulmonis vivebat, Hepar quoque veluti deflagraverat *Ballonius consil. lib. 1. consil. 27.*

## S C H O L I A.

**D**efectus animi, frequentes vomitiones, &c. ] Quæstio hoc loco moveri potest, An inflammatio Pulmonis, live ea sit phlegmonosis live erysipelatois, habeat hæc sibi conjuncta, *Defectus animi, Vomitiones, Tussis sicca, Alvi stiores*, ac si per se primoque alvus interior laboraret, *Fugacem genarum ruborem, Sitim inextinguibilem, Febrem non ita magnam omni tempore*, sed ex intervallis ferocientem & prodentem scilicet? Hoc fortasse pauci ante nos animadvertunt, & sic alium morbum pro alio curamus: aut falso vomitiones & alia accidentia quæ narravimus, ad alias partes referimus; rati hoc non ad pulmones, quæ tamen præcipue affecta pars est, pertinere: Et ut quod sentio obiter dicam, cum ad puellum asciti essent tres celebres Medici, unus solum affectum pulmonem intellexit, & quandam speciem peripneumonix suspicatus est, unde sectionem venæ suavit; Sed falso subesse ulcus cogitavit, nesciens inanem hanc tussim erysipelatis pulmonis pathognomonicum esse: Omnes ignoraverunt vomitiones illas, frequentes, dejectiones frequentes, ingentem admodum sitim & opinionem majorem, in inflammatione pulmonis apparere solere:

quorum ignorantiam ut detegam, ne forte sese excusent quod nullo loco legissent, aut animadvertissent talia symptomata contingere inflammato pulmone, citabo Hippocr. qui illum puelli morbum mihi vere expressisse videtur: Ita lib. 2. de morb. in omnibus suis observationibus ex monumentis admirandus, *Erysipelas in pulmone fit cum Pulmo nimium fuerit resiccatus, quod contingit ab ardore, febribus, labore, intemperie*: Et cum perresiccatus fuerit, plurimum sanguinis ad se trahit, maxime ex magnis venis tenuissimum ac debilissimum: Postquam traxis, febris ex ipso fit acuta, tussis sicca, repletio in pectore, dolor acutus in anterioribus ac posterioribus partibus, maxime circa spinam magnæ venæ calefactæ vomunt subcruenium, aliquando lividum, vomunt pituitam & bilem animo linquntur ob sanguinis transmutationem de repente contingentem: atque hoc maximum signum est in pulmone geniti erysipelatis & si assidua febris invasio perseveraverit. Itaque ex contextu Hippocr. apparet hæc maxime symptomata erysipelate tentato pulmone contingere solere, dolorem sterni, vomitiones, tussim siccam, deliquium animi; quod mirum esse potest; Sed hæc



§. 4. Multi incauti eripiuntur ob inflammationem Pulmonis, quorum in Pulmonibus nihil reperitur aperto cadavere, nisi quod *vestigium aliquod flammæ* apparet, Et hoc idiotæ non animadvertunt, Quod accidere verisimile est cum Erysipelas Pulmones obsidit. *Baltonius Epid. & Ephem. lib. 1. p. 23.*

## S C H O L I A.

**E**rysipelas Pulmonis aliud à priori describit *Hippocr. l. de morb. int. text. 8.* Cum pulmo, *ait*, ab igne tacto tumet (*ut dicitur*) hæc inflammatio præcipue fit à sanguine, cum in seipsum pulmo attrahit sanguinem & continet, hic autem morbus ætate sub caniculam præcipue fit, Sic igitur æger ab hoc afficitur, Tussis incidat sicca, & rigor, & febris, & recte cervicis spiratio, & labor vehemens in pectore,

(*ob tussim*) & nares dilatat & aperit, ut equus currens, & linguam exerit, ut canis ætate ab aëre, quæ est in æstu iunio, ustus, & tumor habet pectus, & paucis atque longo intervallo lingua hæseat, & rubor in oculis, & pruritum sentit in toto corpore, præ labore decumbere non potest, sed ipse se ipsum præcipitem jacit ac devolvit inquietudine laborans, &c.

§. 5. Vir Rever. biliosus & melancholicus, post multos animi corporisve labores multam sanguinis rubicundi cum tussi copiam rejecit, qui auxiliorum ope visus est melius se habere, quamvis febris Assidua reliqua fuerit, quæ bis septem diebus transactis aucta est, post cibum & nocturnis horis magis increfcens: conquestus etiam est per biduum de sinistri lateris dolore, eoque non admodum intenso, cui per hoc tempus aliqua tussis, somni breves, difficilis spiratio conjunguntur, nihilominus desistente dolore, febris in dies magis augefcit, & præter somni breviteratem, in hoc tempore adest siccitas & ariditas linguæ sine siti, dolor universi corporis, dorsi præsertim, mingendi difficultas, lora clara & fæces duriores: Ego supposito sanguinis profusionem præcedentem à Pulmone fuisse, & cum non præcesserit dolor, potius per anastomofin factam esse quam per diæresin, existimo in substantia Pulmonis laxiori relictum, illius partis inflammationem concitavisse, deinde corruptionem & gangrænam; & ob id non esse mirum si in primis diebus adfuerit tussis & dolor, deinde parte affecta canerosa reddita, omnia deliruerint. Febris assidua à cibo & horis nocturnis ingravescentem ex affectione proposita proficiscitur: An vero etiam febris fixa jungatur, in dubio reliquo. Mingendi actio fere ablata, & siccitas linguæ sine siti, proveniunt ex facultatis harum partium deficientibus; cum non reperiantur aliæ causæ in quas possint referri, quia ratione siccitatis cum non percipiatur sitis ob delirium, sequitur ex defectu facultatis sitiferæ symptomata procedat; Idem dic de mictione fere ablata.

Alii Medici putabant morbum futurum diuturnum, cum symptomatibus augefcientibus spatio duorum dierum suffocatus obierit. Antequam secaretur cadaver, sciscitatus quæ mea esset opinio: respondi corruptionem Pulmonis in parte sinistra versus dorsum vergente, quemadmodum in consultatione dixeram, Et secto cadavere ita inventum est. *Lælius à Fonte consult. xlix.*

## S C H O L I A.

**P**arte sinistra] Adnotavit *Joubertus cap. 7. de affect. Thoracis* in Pulmonia non esse necesse totum Pulmonem inflammari non sæpius unum aut alterum lobum tantum id pati, quod infinitorum cadaverum apertio ipsum docuit.

De sinistri lateris dolore] Vide quæ dicta sunt de Pleuropneumonia lib. 2. Ut hinc constet sæpius affici Pulmones cum sola pleura in vicio esse credatur.

§. 6. Rev. Pater post multos labores & in aëre permittose moram, ut & sub radiis solaribus, febre Assidua cum destillatione ad partes spirituales, tertianæ duplicis formam referente fuit conflictatus, à qua transacta x 1. die visus est evasisse: Deinceps dum in novis erroribus versatur, in febrem Assiduam delapsus est, quæ à longo rigore exordium sumens, cum dolore sinistri lateris, cujusdam gravitatis thoraci incumbentis, cum tussi initio sicca, deinde progressionem humidam, in qua pituitosa flavitie & cruore perfusa apparent, spirandi difficultate vehementi, cum pulsibus mollioribus, languidis & inæqualibus, malis rubentibus. Hic 14. die recidivæ suffocatus obiit.

Visum est secare cadaver, cum omnino ego præfagirem in pulmonibus offensionem esse: Secto cadavere, inventa est altera pulmonum pars aucta in magnitudine, ut quadruplo major esset quam altera, & durior: qua secta multa aqua foetida fuit expurgata, & caro inventa densa, dura & rubra, quemadmodum esse solet Hepatis caro, & ab eodem latere etiam muscoli intercostales non sine læsione inventi sunt. *Lælius à Fonte consult. c.*

## S C H O L I A.

**T**ussis humida, &c.] Notandum in febribus continuis aliquando accidere excreationes cruentas aut subcruentas, unde non illico colligendum

adesse Pleuritidem aut Peripneumoniam. Hinc *Hippocr. aph. 47. 4. In febribus non intermittentibus excreationes sanguinolenta liventes, graveolentes biliosæ*

GG3333 4

biliosæ

*biliosa, omnes mala sunt.* Quæ materia non tam thoracis est quam aliarum partium, qui excrementum deponunt in Pulmones, ubi per moram alienum induit colorem, Aut contingit talis excretio cum humor in Pulmonibus congestus, accedente febre essentiali, solvitur, & extunditur: Talein excretionem *Simplicius* vocat *Hippocr.* veram autem à Pulmone manentem, *Avicenna*, quæ index est inflammationis partes thoracicas obidentis: sic *Pythion* 3. *Epidem.* part. 4. sect. 5. sexta die varia & cruenta extullivit, cum tamen nec pulmonicus nec Pleuriticus foret, Nec à capite malum esset, sed tantum ab influxu materiz, cujus ea non aderat copia ut inflammationem pareret, aut forte incendium non conceperat.

*Cum destillatione ad partes spirituales* Nec tamen inferendum quæcunque è pulmonibus extunduntur ea è capite defluxisse sicut enim cerebrum ob sanguinis copiam, qui sinus ipsius membranarum implet, si crudus sit, excrementa continuo colligit, ita & pul-

mones, quorum vasa sanguine plena sunt, illi excrementis scatent, copiam illius coacervant.

*Post multos labores* Sunt ex Medicis qui causas procatarticas negligunt, sunt qui pluri faciunt nam cum extra corpus positz sint, videntur negligendæ, tamen addiagnosin & curationem non parum habent momenti: Vulgus fere totus est in causis externis & frustra eas causas tanti facit, Nec enim videndum quod morbum faciat, sed quod tollat, at *Celsus*, Externæ causæ internas & autem cedentes quasi irritant & provocant, ab externa enim causa fere fit initium motus. Huc pertinet quod *Gal.* scripsit 1. *Epid.* ad histor. *Sileni*, Causæ externæ diarias febres excitant si corpus morbo non sit opportunum, Et ita laboraret *Silennus*, sed quia jam ad aliquid deterius aptum & comparatum erat corpus, ideo gravi morbo est implicatus, unde statim morbi initio gravia diuque symptomata appa-

uerunt, &c.

§. 7. Nob. N. annorum xl. constitutionis sanguineæ, pleniorisq; habitus, circa 4. Febr. 1617. cum febrilibus accidentibus incidit in pectoris angustiam, respirationis difficultatem, subsequens puto cruento & concurrente urinæ suppressione: Prout autem erat vir magnanimus, ita parum vel nihil hunc affectum curans, Heidelbergam proficiscitur, ibique deterius habens, venæ sectionem instituit, & post biduum Darmstadtum repetens, omnia symptomata magis ingravescere sentit, unde Francofortum sequenti die sese confert, ibique Medicorum opem frustra implorat viribus naturæ, ob gravia symptomata succumbentibus. Aduit autem præter signa Peripneumoniam comitantia, Difficultas urinæ, qua mirum in modum affligebatur, cui fortassis ansam præbuit *denegata feri copiosioris dissipatio* per habitum corporis, ob aëris hybernici frigidioris inclementiam, in quo prædictum iter initio morbi suscipiebatur, inprimis cum alias etiam nephriticis obstructionibus eger interdum laboraret. Desit ea difficultas urinæ remedium usu, sed adhuc sputum cruentum, dyspnœa, nullus dolor in pectore, calor p. n. summæque virium imbecillitas aderat, ex quibus signis facillime Pulmonum inflammatio lethalis colligebatur. Ingravescente ergo virium imbecillitate 25. Febr. tumor pedum succedit symptomaticus. Ac 26. viribus pedetentim oppressis, & uno atque altero pedum digito livescente atque emoriente, circa vesperam, præcedentibus diebus præeuntibus levibus deliriis, sæpius cum sopore quodam obortis, animam reddidit.

Aperto cadavere, in pectoris cavitate serum sanguinolentum copiosum aderat; Pulmones, quorum substantia alias spongiosa, undique sanguine crassiore, qualis venosus est, scatebant, extremis eorundem partibus induratis & nigricantibus: Cor flaccidum & intus penitus exangue, conspiciebatur, à intestina sanguine putrido flatibus permisto replebatur, unde paulo ante mortem copiosius sanguis odoris deterrimi, ob imbecillitatem retentricis summam, etiam excernebatur. *Horslius observ. ix. lib. 3.*

#### S. C H O D I A.

*Denegata feri copiosioris dissipatio* A redundante & æstuante in vasis sero potest oriri Peripneumonia, si præsertim fervida adlit viscerum intemperies; Id enim sponte, præ copia vel accedente an-

hientis calore, aut etiam frigore, (unde suppressio sanguinis) fervorem & incendium concipiens, à sanguine secedit, exundatque in Pulmones, ob raritatem & motum ad excipiendum opportunos.

§. 8. D. Francisca Chapuis uxor D. Rival Aurifabri Genevensis ætatis annorum 36. à sex mensibus gravida; nephriticis doloribus obnoxia, quæque sæpius calculos excluserat, quinta morbi die, 12. mensis Januarii anni 1672. me accersiri jubet, Pharmacopæi curæ ante commissa; Erecta cervice spirabat, cum febre continua; gravativo pectoris dolore, ruffa quando sicca aliquando humida, rubore intenso genarum, siti inexhausta, lingua arida: accesserunt vigilæ & non à morbi die, *Siquæ* cum delirio & deglutiendi difficultate: Eductus sanguis fuit omnino corruptus, & quem triduo ante obitum, etiam urgentibus spasmodicis temerario ausu Pharmacopæus, incisa utriusque manus, eodem tempore salvatella, educi curavit: Urgebant præterea hypochondriorum dolores & flatuum superne & inferne eruptio. Primo ad ægram ingressu Peripneumonia laborare pronuntiavi, eaque lethallitum ob graviditatem, juxta aphor. 38. sect. 5. Tum ob vehementiam symptomatum, sanguinisque corruptelam: Pharmacopæus uni nephritidi intentus fuerat (etsi nullæ tunc ejus essent

essent querelæ ac libere permearent urinæ, quæ subjugales semper fuerunt) ac febris extinctioni: Urgebant assidentes mulierculæ abortivi exhibitionem, quo dispendio foetus salvaretur mater. Ea XIII. morbi die extincta, Magistratus cadaver aperiri iussit, quia maritus pridie obierat; quanquam morbo omnino dissimili, convulsus & catalepticus: Suspicio enim fuerat assumptæ in cibo cicuræ.

Aperto cadaveris abdomine, in cōspectum venit uterus, cui foetus firmissime annectebatur, & non ita pridem extinctus, intestina, tum tenuia, tum crassa, flatibus mirum in modum turgabant hinc illa anxietas & orthopnoea toto morbi decursu urgens. Accedente extraordinaria hepatis, etsi sanissimi, magnitudine & vitio pulmonum: Cystis fellea 44. lapillos cōtinebat, quorum major fabam æquabat splen integererat; Renes flaccidi, male colorati, omnique pinguedine destituti: ureteres summe dilatati, in longitudinem producti, contorti flaccidi. Referato thorace, prodiderunt se in pulmonibus vestigia inflammationis, qui tumentes, lividi, male colorati, taboque & pure undique distenti, in conspectum venerunt: Edacem fuisse postea didici, etsi inter dissecandum assidentes, percunctanti mihi & magnitudinem jecoris admiranti, negaverint.

## S C H O L I A.

**G**RAVATIUS pectoris dolore, tussi, robore, &c.] Sicut phlegmone pulmonum manifestis aliquando se prodit indicis, sic sæpe latet etiam exercitatos illius cognitio adeo ut variè illudat peripneumonia. Id quod accidit non tantum ratione humoris illam committentis, qui varias affectus ideas expromit, sed præsertim partis affectu: Prout enim Pulmo partibus summis vel imis; anticis, posticis aut laterilibus, laborat; profundis & intimis aut superficialibus ac externis, ita hac vel illa specie affectus se prodit: His adde varias illos constituentes partes, parenchyma ex vesiculis innumeris conflatum vasa arteriosa & venosa, ac trachæa arteriæ truncum & ramos, connexionem item & cum variis partibus coherentiam, à quibus singulis singulare quid exurgit: Summæ Pulmonum partes inflammatione sistentantur, quia his appenditur trachæa arteria, anginosum quod exoritur, affectione summam guttur pertingente, adeo ut quidam eam angine speciem (cynanchen vocant) in qua nihil neque foris neque intus apparet, meram tobolem peripneumoniæ esse arbitrentur, si supremas pulmonum partes invasit affectio, Non secus ac urinaria vesica calculo laborans, sui affectus in summo cole indicium exhibet. Imorum pulmonis latorum phlegmone obsessorum paulo difficilior est dignotio, quod hi fere liberi, nullique parti adstricti, nisi forte aliquando diaphragmati (quo in casu cum hoc sursum retrahatur, difficilior evadit respiratio) cohercant. Vasa præterea tantum minima, eaque fere capillaria, eos perreptent, unde parcius inflammationis materia, hinc noxa gravis emergere nequit. Sin laterales pulmonum partes phlegmone habet, pleuritis fere ejus comes est, quia exsudans per porosam & meabilem eorum tunicam sanies pleuræ affigitur, à qua eroditur unde affectus prius symphaticus idiopathi-

cus evadit, hinc peripneumonia pleuritis specie primo imponit, ac in progreßu uterque affectus consociatur. Posticam in pulmonum partem si fluxio irrumpat, dorsalem pleuritidem invehit, de qua Hippocr. lib. 3. de morb. tit. 40. Practicis fere intactæ, cujus afficiens signum est mictio rubra, incalescente icili sanguine in majoribus vasis pulmonum illi regionis subittraris. Obscurior est hic affectus in infantibus, qui quæ ledunt cessari nequeunt. Anno 1669. obiit mihi puella duos annos nata, quæ citra tussim & dyspnoeam intra quindecim dies cum miti febre tabida interiit; Dorsum illi totum statim post obitum intente livebat, ab inflammatione proculdubio vicinæ pulmonum partis. Antici pulmones inflammari fere vultu rubore suffuso, præsertim malis, se produnt: Sed maxima & præcipua exurgit differentia pulmonis inflammationis, prout partes intimæ aut superficialiæ obsidentur, ratione valorum quæ in partibus profundis insigniora sunt, minora in externis, unde gravior aut mitior, affectus. Hinc de affectu sede olim plurimum fuit digladiatum, teste *Aureliano*, alii si quidem venas Pulmonis tantum comalo teneri volebant, ut *Diocles*, *Erasistratus* vero arterias, *Apollonius Herophilus* utraque vasa. *Asclepiades* autem bronchia ipsa: *Praxagoras* partes pulmonis quæ sunt spinæ conjunctæ: *Demeetrius Herophilus* cum *Celfo* voluit Pulmonem totum affici, Ex parte enim si fuerit tumor ille pleuritici esse dicebat: *Soranus* totum corpus hac passione vexari dicit, sed vehementius Pulmonem, atque inde nomen desumptum Peripneumoniæ, Differentias ab humoris incumbens diveritate missas facio, quas repete ex Hippocr. lib. 2. de morbis, De Victu acut. & lib. de morbis internis.

§. 9. Quidam in Febrem Assiduam lapsus est cum tussi, dyspnoea, dolore ad dextram thoracis partem. Pars dextra pulmonis fuit inventa corrupta, Et ejusdem lateris pleura male affecta. *Lib. 2. tit. de Lateris dolore.*

§. 10. Circa novilunium mensis Novemb. anni 1607. cum Virum Illustrissimum jam quindecim dies febris, arthritidis, sopor aliæque symptomata crudeliter exercuissent, ecce de repente insolita accessit respirandi difficultas, ad sublimem accedens & recti spira, eaque dolore universi thoracis superioris comitata, atque gravi illo quidem magis quam puregente, & una tussicula, sed rara. Eo dolore quarto die evanescente, supervenere sopor generumque rubor, febre interea spirandique difficultate in crebrescentibus. Quem morbi progressum tamen ipse non viderim, sed ex relatu tantum ægri & domesticorum, atque triduo duntaxat ante obitum vocatus fuerim, Illico Peripneumoniam urgere & jam ad suppuratum & brevi ad mortem tendere significavi, cum tamen pro febre simplici catarrho conjuncta duntaxat



tatione & conflictu referre, quanta enim vis potentia materia in ramis aspera arteria cumulare-  
tur? nonne ea hic stagnabit? nam non potest decur-  
rere: Nec Pulmonum vasa illam inbibere posse vi-  
dentur, cum sit iam cruda: At rami aspera arteria  
sunt in nervi anima, si illa materia potentiam concu-  
perent, nonne spiritum omnino intercluderent? Signu-  
m exponit in laryngis cicatricem in bibendo aliquando  
decerat, quam vehementer homo torquetur? Hoc  
quoque corum exinde evadit, quod dum aliquid  
cibi vel potus deglutitur, necesse est gulam dehisce-  
re, hinc per naturæ solertiam factum est, ut verius  
guttur diducta anteriore gulæ parte, tunc fiat ipsius  
gutturis depressio, ob quam prohibetur respiratio,  
cum enim cibum deglutimus, clauditur epiglottis ar-  
etissime: quare si quando fit deglutitio, omnino spi-  
ritui negatur via, quanto magis cibo atque potui in-  
tercludetur ingressus? Autopsia quoque ostendit  
gutturis cartilagini Arytaenoidi operculum quod-  
dam cartilagineum à natura esse superimpositum,  
quod lingulam vocant, cujus magnitudo æquipollet  
cartilaginis hiatus, quo exacte claudatur, at id fru-  
stra à natura conditum esse credendum, si ului dicto  
non interserviret: Quoad experimentum per coloratas  
potiones factum, id in canibus tentatum non succes-  
sit. Si quicquam repertum in bronchis, illud *Baronium*  
fuisse aut vel humoris bilioli, vel porracei vel crocei a-  
liquid: aut si fides danda, auctori libelli, de corde, id  
potius per quandam transcolationem aut resudatio-  
nem per poros ignotos factum, credendum. Ex his  
constat, si nihil quicquam tenuioris substantiæ per  
haustum aut linctum in asperam arteriam descendat,  
nihil quoque pituitæ aut humoris potu crassioris  
lenti sinus ac viscidum, in pulmonem descendere posse:  
Demum, concessa portio aliquam per dictam  
viam in pulmones prolabi, an inde argues toram il-  
lam illuviem, quæ per anacathasin extunditur, è  
capite in asperam arteriam exillasse? si ipsa in e-  
gressu rursus excitat, cur non iterum in ingressu? At  
vero peripneumonia, si ejusmodi humoris in pulmo-  
nes illapsum causam agnoscit, cur eadem non omni-  
bus æque contingit, quibus catarrhus familia-  
ris est?

*Ephidrosis* ] Mali sunt *air*, *Hippocr. 4. acut.* Sudores  
circa caput & clavicularum apparentes, sunt enim  
vincente ægitudine ob æstum, impetum & violentiam;  
si que sudores omnino sunt symptomatice, à  
quibus ægri imbecilles facile exolvuntur.

*Sudor toto corpore diaphoreticus* ] Sudorem ube-  
rius manentem, etsi criticum ægris, perniciosum  
esse, prostant exempla. Unum afferam insigne quod  
anno 1674. accidit: Uxor Mercatoris Geneven-  
sis, exente Julio febre prehenditur intermit-  
tente, cujus paroxysmi inæquali admodum pa-  
ssu incedebant; aliquando xxiv. horarum spa-  
tium explentes aliquando quinta aut sexta desinen-  
tes, nullo invasionis observato tempore aut ordi-  
ne, alias alternis diebus, alias bis unica adorsen-  
tes: Comes fuit capitis dolor, quem mulcebat epi-  
thema ex nucleis persicorum aquis verbenæ, sambu-  
cæ, ol. rosæ, &c. comparatum, Fatigavit ab  
initio nausea & vomituro, sedata ab exhibito sa-  
le vitrioli, cujus ope pituita multa & bilis exclusa:  
Cardialgia biduo post exurgens, desit usu Emul-  
sionis seminum citri. Sudores multi ab initio mor-  
bi, humorum exuperantiæ argumenta. Sanguis  
tum è brachiis, tum ex venis ani elicitus, sero  
distillabat; hinc crisin per sudores adfuturam præ-

dixi: Die morbi xxi. manu pulsui admota, leves  
moleculæ percipiuntur, cum in cataphoram incli-  
natione, quæ exuperantis cacoehymix serosæ in-  
dicia; Cucurbitulas siccas à cervice ad imos lum-  
bos admoveo, quantum subsidio deficiunt  
contractiuncula, & excussus sopor: Ingreffente  
xiv. die universalis convulsio, sed nec vehemens  
nec diuturna corpus contutit, crisis proxima pro-  
dromus, Sudor enim ubertim manat, quem ul-  
tra bihorii spatium protrahi prohibeo, exolutionis  
virium metu; Ægram tamen adstantes sudoribus  
diffundere ad plures horas concedunt; unde leipo-  
thymia ingruit. Stragulis partem ideo detracti  
jubeo & indutium, non secus madidum quam si  
aqua immeritum fuisset, cardiacisque recreare;  
Statim resurgunt vires, recolligitque se natura,  
pugnam instauratura: Redit sudor, sed cum con-  
tractiunculis, quæ metum incuriunt assidentibus,  
non item Medico, qui peripsecto virium tenore,  
& crisin indole, quas semper prægrediuntur  
symptomata, formidanda quidem si die non cri-  
tico, & si natura certamini impar sit; nequa  
quam ubi virium robur constat, & dies legiti-  
mæ pugnæ indicta adest. Terror tamen mulier-  
cularium animo impressus, consilio meo prævalet,  
qui rem naturæ committendam suadeo, nihil mo-  
liendum ea die quod naturæ vim inferat, satis  
esse illi auxiliatrices porrigere manus, Si quod  
aliud urgeat, eam jam freno potius quam stimu-  
lo indigere. Alii tamen advocantur Medici, qui  
mulierculis, de hystericeis symptomaticeis sollici-  
tis, credulas aures præbent; quanquam toto  
morbi decursu, ne minima uteri affecti indicia se  
exhibuerint: Internis femoribus vesicatoria affigi  
imperant, quorum vis ab inexhausto madore e-  
luta, etsi toto quadrihorio hæserint. Spe frustra-  
ti, porro ferrum ignitum ibidem admovendum  
convolant, quod prudens Chirurgus affigere re-  
cusat: (mihî vero obitanti febrem à feri organi-  
smo ortam esse, cujus portio ad cerebrum delata  
initium nervorum vellicet; Diem esse criticam,  
cum expulsiōne critica, quæ naturæ regimine  
concedenda sit, præfente virium tenore; acci-  
dencia terribia, cum sudoribus finem habitura;  
Medicum eo in casu spectatorem esse debere, non  
actorem; Ex consilio Galeni, ea die ne clysteri  
quidem locum esse, Cucurbitulas scarificatas pri-  
die, occurrentibus iisdem symptomatibus, profi-  
cuas, ere potius futuras si quod moliendum, quod  
naturæ motus non adversarentur; interim cere-  
brum degravare valerent; & liberare tum à levi-  
bus spasmodis, tum à cataphora;) Reponunt cuncta  
hæc esse hysterica, cavendum esse ne vapores gra-  
vius caput occupent, lethalesque accerant spasmos;  
qua de causa præscriptis ante vesicatoriis va-  
lidiora imperant, atque sequentem visitationem ad  
horam viii. vespertinam indicunt: Sed ut ante, irri-  
tus sit cataplasmatum effectus, à sudorum copia,  
qui adeo ubertim manarunt, ut simul cum iis anima  
evolarit septima hora, circa sextam adveniens non  
madidam modo ægram, sed aquis innatantem in-  
venio; Pulsus plenus adhuc, sed undosus & obrurus,  
cujus nec systole nec diastole discerni poterat: Ut  
non modo verisimile sit, sed etiamnum certum, si  
ceorcitus fuisset sudorum impetus, protrahendumque  
eruptionis criticæ tempus, ægram morbo defungi  
salutariter potuisse.

## S C H O L I A.

**D**iarrhoea] Sive bile ex choledochis, sive recrementis sanguinis succique nervosi ex arteriis & ductu Pancreatis in intestina effusis, Hippocr. mala 6. aph. 16. Velschium.

Diarrhoea superveniente] Cur peripneumoniz & pleuritidi fatalis pleuritumque sit superveniens diar-

rhoea, causa refertur in propagationem inflammationis quæ à partibus spiritalibus ad naturales transierit. Inflammatum Jecur fuit per consensum à Pulmonibus, cujus inflammationis diarrhoea soboles fuit.

§. 16. Illustr. & Reverend. Matthæus Zane Patriarcha Venetiarum, sanguineæ & biliosæ temperationis, qui aliquibus abhinc annis difficultate excretionis *fecum* laborabat, quæ duriores & *Ictericorum* similes deiciebantur, vigiliis obnoxius, mense Julii, post multos animi corporisque labores, præcipue *ad iram concitationem*, in Febrē Assiduam delapsus est, quæ in principio accessionalis videbatur, cum longo rigore invadens: secunda autem major accessio primæ correspondens per decem horas anticipavit, in cujus remissione sudor copiosus insequutus est; deinde febris continens fuit animadversa, aliquot horis nocturnis augmentum capiens. Lotia erat sanorum similia & fæces, aderat maxima spirandi difficultas cum tussi, & albæ pituitæ exspuitio, interdum etiam putrida: *rubor maximus in genis*, non poterat in sinistrum latus nisi cum difficultate decumbere: aderant vigilæ & somni breves, cum sudatiunculis circa pectus & collum; siccitas linguæ & labiorum albedo: pulsus magni, interdum molles, qui in sexta die in quarta pulsatione facti sunt intercepti, quo tempore etiam biliosa dejectio successit. Adhibitis remediis res tamen semper in pejus delapsa est, ex quo factum est ut alter ex Medicis pronuntiaret febrem esse redditam malignam, de inflammatione Pulmonis ne verbum quidem, 14. die vitam cum morte commutavit.

Secundo cadavere, fuit inventus tumor in parte sinistra pulmonis, ex cujus sectione materia foetida fuiteducta: quæ mea duntaxat fuit sententia, atque *lapis in vesica fellea ingens*, totam vesicam replens. *Alius à Fonte Consultat. 32.*

## S C H O L I A.

**F**æces *Ictericorum* similes deiciebantur] Albicantes scil. & paucæ, non sollicitata earum excretionē stimuli defectu, à bile alio delata ob negatum exitum à calculo vesicæ felleæ replente.

Post multos animi corporisque labores] Hipp. 2. de morbis. *Erysipelas in pulmone fieri ait, cum nimium fuerit resiccatus, quod contingit ab ardore, febribus, labore, intemperie, Et cum perresiccatus fuerit, plurimum sanguinis ad se trahit.* Inflammatio autem hic potuit facile contingere sanguine bilioso reddito, à bile non exclusa, sed illi commixta, impedita illius exclusione ob calculum in vesica: Anno 1672. curanda mihi obtigit mulier inflammatione

pulmonum laborans, cujus cystim felleam replebant 44. calculi.

*Ad iram concitationem*] Fernelius lib. 6. cap. 5. pathol. annotat decrepitem quendam senem in iram mire propensum, post decessum sine felle ac sine cysti inventum esse, in cujus sede calculus ingens concreverat.

*Rubor maximus in genis*] Hippocr. 2. prognost. meminit ruboris genarum in purulentis, ob calorem pulmonum & ob assiduam tussiculam, ait Galen. in comm. part. 60. In Coacis peripneumoniz signum *ῥυβρῶς* dicit, politico dicendi modo, i. e. ruborem genarum.

§. 17. Illustriss. & Rever. Offredus de Offredis, sanguineæ & biliosæ temperaturæ in æstatis initio, post usum glaciei luculentum, ac labores corporis vehementes, in febrē assiduam est delapsus, quæ cum ventriculi offensione & alvo liquidiorē, in principio per circuitus succendi visa est, cum immensa respirandi difficultate; ut decumbere non posset & suffocari videretur, cum rubore genarum ac linguæ & labiorum siccitate & albedine cum tussi & pectoris gravitate quadam, cui in fine tertiæ diei sudor copiosus successit: in toto tempore vigilæ, circa frontem & collum sudatiunculæ, lotia alba crassiora, fæces vero sanitatis similes: Pulsus magni, molles urinæ quales sexta die (dum per tres horas somnum capit) præter sudorem universalem deiciunt, biliosa, lotia turbulenta prodeunt, maculæ magnæ, cineritiæ per cutim erumpunt, pulsus magni, molles, sed in quinta pulsatione intercurrentes percipiuntur: In fine sextæ diei succrevit delirium, pulsus redditi sunt in horas languidiores, in fine septimæ ad meliorem vitam fuit perductus.

Secundo cadavere, *Pulmones fuerunt inventi tumentes & pravi coloris*, sed non fuerunt secti, cum operatio fuerit facta ab ignaro barbitonsore. *Alius à Fonte consultat. 112.*

## S C H O L I A.

**I**n febrē assiduam est delapsus] Hinc stabiliri potest Plateri opinio, statuētis plerasque febres, quæ vulgo pro symptomatice habentur, primarias esse,

quibus cœu comites, inflammationes succedant; cum sæpe contingat ut sanguis præ copia, fervore, tenuitate aut impuritate naturæ gravis, in venis sub-

H h h h h

histeris

littere nequeat, & vel statim in prima febris invasione, vel in progressu vi naturæ propulsus, è venis vel arteriis) in partem aliquam decumbat, hinc in parte, in quam decubuit, novum morbum pariat, febrem scilicet comitatam non symptomaticam, ut hætenus creditum, cum morbum non sequatur sed illum præcedat illiusque causa sit: Indicium est sic contingere, quod hæc febres, antequam doloris aut inflammationis alicujus partis indicia se proferant, cum horrore & subsequente caloreprehendant & quandoque horis aliquot præveniant. Tales febres sæpe oriuntur, cum in viscera aliqua interna, præsertim carnosa & sanguinea, venis que copiosis re-

ferta & cordi vicina, tales influxus fiunt, quod ob situm & constitutionem ad influxum humorum recipiendum frequentissime fit in pulmonibus. Vide Riverii Pr.

*Pulmones fuerunt inventi iumentis* Hippoc. 3. de morb. tit. 14. morbum affinem describit. *Quum pulmo tumuerit præ nimio calore repletus, iussis tenet foris & dura, & erecta cervicis spiratio, & accretum respirat, & frequenter anhelat, & intumescit, & nates expandit velut equi ex cursu, & linguam frequenter exerit, & pectus semper ipsi ligari videtur & gravitas in ipso esse, &c.* Sallustius de Erythelate Pulmonis interpretatur.

§. 18. Dissecui comitem A. Gonzagham, & inveni omnia vasa Pulmonis, ex triplici genere, magis tamen asperæ arteriæ ramos, plenos sanie simili lacti, adeo ut nullus prorsus adesset sanguis. Erantque Pulmonia mendosa: Dissecui etiam puellam 13. annorum, cujus morbus jam diu erat in capite, à suppressa purgatione per ulcera, nec adventantibus mensibus correpta febris. Omnes hujusmodi fluxiones necessario adducunt febrem æstuosam, non tamen ardentem, quoniam materia putret prope cor, & implet vacuum pectoris, & est humida & cruditatibus permixta. Vide sect. 17. Observ. 2. lib. 1.

## OBSERVATIO XLVI.

*Febris Lethargica à Pulmonibus putredine affectis.*

**V**Idua Domini Garnier annos 45. nata in morbum incidit: habitu erat satis succulento, alba, genis rubentibus: Ægritudine aliqua animi detinebatur qua sese eximere non poterat facile: Circa æquinoctium autumnale, cum præcessisset temporis constitutio inæqualis (qualem pauci admodum animadverterant) putredinis parens, in morbum incidit. Primum totum corpus maculis rubris, ac si morbillis laboraret, aut si ingens æstus foret, erat defædaturum, nonnullus corporis torpor, appetentia dejecta, ignavia, rerum omnium contemptus, cum alioqui prudenter rerum omnium satageret & ad omnia munera obcunda esset alacris, quod magnam morum dissimilitudinem significabat, & ad judicandum de dubio ancipitæque exitu occasionem porrigebat, Febris continua fuit, de nocte maxime exacerbabatur, nec exacerbationis ullum erat signum quod anteiret, Sed confusa erant omnia: magna non ita febris apparebat ut ea nos moveret: Febres eo tempore grassabantur mali ingenii, Urine fallaces erant, nam nec incendii indices erant magni, & sedimentum laudabile satis, & entorema continebant: Comatosa erat, nec nisi interrogata respondebat, alieni tamen judicii nullum erat signum: capiebat satis belle cibum oblatum: Diebus iudicibus nihil natura movit, nihilque excrevit nisi arte sollicitata: Dejectiones variae, putres admodum, Sanguis bis missus plane putris: Vires plurimum dejectæ apparebant, præsertim animales, quarum etsi non magna necessitas est in morbis, tamen ad judicandum nobis magnam præbent occasionem: Primis decem diebus exactis omnia satis moderata pacatæque fuerunt, sed ab xi. aut xii. die magnum apparuit incendium: Ex intervallis graveolentissima dejectiones, levia deliria, oculorum lacrymæ involuntariæ, genarum, ac præsertim sinistrarum, rubor satur admodum. Tandem cum urinam redderet involuntariam, aut retineret ac si suppressa esset, involuntarie quoque alvus descenderet, xiv. morbi die ab illa exacerbatione manifesta, xx. autem totius historię morbi, cum sudore magno (nullus autem toto tempore febris apparuerat) deliria, risus, taciturnitas magna, tremores & quasi subsultationes manuum aderant: Potus omnes sine discrimine admittebat, non sitiebat graviter febriens; potus veluti in profundum descendere videbatur: Cum colluere os aqua juberetur, non poterat ore rejicere, bene ratiocinabatur, Interiit.

Aperto cadavere reperti sunt pulmones veluti putres, costis adhærentes, Intestina plena fugaci tetroque flatu, cum serosis humoribus in spatiis & inanibus foraminibus abdominis, qui meteorismum inserebant. Ballonius cons. 45. lib. 1.

SCHOLIA.



## S C H O L I A.

**I**N morbum incidit, &c.] Hæc historia intelligi volumus sæpe morbum satis securum apparere, cum tamen per se funestus sit, nec satis prava diatheseos argumenta appareant; In plerisque initio morbi observamus totam corporis cutim maculis rubris suffusam, quibus tamen nihil præterea alienum contigit, sæpe enim, aut sanguinis ætus, aut cum fervore quodam juncta malicia aliquid tale promittit, sed illud periculi nihil junctum habet, sola aut sectione venæ, aut blando cathartico quicquid est prævenitur: Tamen tribus quatuorve argumentis malignitas & cacoethia morbi deprehendi poterat, 1. in eruptione illorum exanthematum positum erat, nam nisi ingentis incendii, tanquam manifestæ occasionis excusatio subsit, quoties apparent, aliquid maligni subesse demonstrant. 2. In dejectione virium subita, quoties enim virtus non constat, nulla præsertim præeunte evacuatione manifesta, aut simili aliqua re quæ jacturam faciat virium, aut cum febris vehemens non adest, malum illud est ut signum, Arguit enim aliquid aliud subesse latens, quod minimo momento magnam in viribus ac æconomiæ naturalis: mutationem afferat, & quod notandum est, quodque Medicis fraudi fuit, facies non concidebat ullo modo, at ex Hippocr. Febricitantium non omnino leviter, corpus idem permanere & nihil minui, vel etiam plusquam postulet contabescere, malum, Nam illud morbum fore longum significat, hoc autem imbecillitatem: Ubi Galenus notandum vult hyeme, & cum plenitudo magna est, non collabi habitum corporis, & tamen malum non esse signum: Sed cum mediocritas febris est, & tamen non mutatur corpus, nec in colore, nec mole, nec charactere, aut cum in his immutatur plus justo, Dubium non est quin hoc malum non sit; Nam non concidere nec collabi, & meatuum densitatem significat & contumaciam materiæ: Concidere autem plus quam ratio postulet, imbecillitatem magnam significat, ita tamen ut collapsus illius non sit causa aliqua externa, At in muliere proposita febris erat *intermittens* *hæmorrhagica*, & tamen non concidebat, nec moles, nec color mutabatur, nec character, quod nec ad securitatem, nec ad diuturnitatem apparebat, cum xxiv. die interierit.

*Vicesimo totius morbi historia die, &c.]* xxiv. die interit, qui xlv. erat exacerbatione, Nam per xlv. dies satis alacriter habebat, & in actionibus naturalibus & animalibus, ac omnia pene securitatem pollicebantur. Sed quod intus venenum latebat, cum natura nihil movisset, signa suæ malignitatis cœpit edere, hinc febris continua, acerrimi caloris perfusio, mox ejusdem contemperati significatio, Atque ita morbus fuit acutus, si ratio habeatur exasperationis morbi, non totius historie Dicendum ergo verisimile fuisse morbi quidem ratione citius quidem illam interire, sed ætatis ratione, quæ adhuc constabat, factum ut qui morbus ante perimere deberet, prorogaretur: Ita Silenus (hist. 2. sect. 3. lib. 1. Epid.) cum à causis procatartecis in morbum incidisset, non tam lethali morbo est implicatus ob causas procatartecicas, quam quia occasiones aliæ essent quæ corpus morbo opportunum reddebant, alioqui ratione causarum externarum in levem febriculam lapsus fuisset, sed lethalia symptomata quæ primum atque statim apparuerunt, indicio fuisse restagnare materiam malam, quæ

à causis illis externis excitata lethali morbo ægrum implicuit, Ergo cum funestissimo morbo detineretur, ejus tamen vim sustinuit propter ætatem ad xlv. diem.

*Genarum rubor satur admodum]* Sæpe & optimus color & character in ægris apparet, cum tamen morbus ad interitum tendat, tribus de causis, 1. ratione aliquando ipsius febris, quæ sursum multum tenuem vaporem effert; qui viriditatem aliquam faciei, fallacem tamen, affert solet. 2. Si febris ea non sit ingens aut colliquans: Observavimus enim aliquando febres colliquantes & pestilenciales (quas pestilenciales heclicas vocat Galenus) primo quoque tempore in speciem quandam marasmi ægros coniecisse. 3. Si qui ægrotat Pulmonum vitio sit obnoxius: qui enim ita affecti sunt, rubore sæpe suffunduntur, qui Medicis minime advertentibus imponit maxime; quod in hac muliere apparuit; Accedit quod qui præpingues sunt, ac optime habiti, non ita facile collabuntur, aut si extenuentur, illius extenuationis magna non sese produnt argumenta.

*Vires plurimum dejectæ apparebant]* Tribus de causis patuit, sed non manifesto, malignitas morbi, 1. ob eruptionem Papularum, quæ malignum quid subesse declarabat: inquit enim Galenus hist. 4. sect. 3. 3. Epid. Initio sæpe morborum lethalia symptomata apparere, non quidem ratione ipsius morbi qui clemens & mitis apparet, sed ob latentes prava humores, qui virulentia suæ semine excitato, in lethaliibus symptomatis elucescunt. 2. Ob tam brevem virium calum, nam cum alacris, expedita robustaque foret, brevi attonita, stupida, comatosa, omnium obliuosa reddita est & delira. 3. Quia in diebus criticis nihil natura movit, nullus sudor, sola *ipidrosis*, quæ in morbis illis suspecta esse solet. Coma quodammodo vigilans, non tam ab oppressione tuit, tamen multa in cerebro humiditas contineretur, quam in infirmitate facultatis animalis in cerebro sedem habentis, Testis involuntaria excretio stercoris, Testis quoque esse potest quod medicamentis & sectionibus venæ ex arte & recte præscriptis nil allevatum sit cerebrum, quod contingere non solet cum ab oppressione tantum laborat, Nulla enim tam valida cerebri est oppressio quam medicamenta & sectio venæ commode præscripta non minuant, 5. Observavi sæpe eos aut extreme laborare, aut interire, quibus acris calor & ejusdem temperati ex intervallis vicissitudo est: Nec enim vicissitudo solum calor & frigoris mala est, ut in Coacis & Prothet. voluit Hippocr. sed vicissitudo acris calor & remissi mala quoque, quod vocat *ἀνδροπαλινδρῶν*; De priori vicissitudine quod mala sit, non dubium, præsertim in acutis, nam significat hoc extinctionem calor naturalis, qui uniusmodi cum sit, partibus omnibus blande aspirat, & dominium febrilis calor, qui cum expanditur ad partes eas calefacit, cum ad centrum revocatur per modum inflammationis, easdem deferens, ex eventu refrigeret: In acutis itaque malum hoc, sed & in mitioribus morbis longum fore morbum significat, nam & focum multiplicem significat, & materiam *impositam*.

*Comatosa erat, &c.]* Aderat comatosa affectio cum vigiliis, & cum dormiret, quamvis comatosa, facile

facile tamen excitabatur, Coma autem aliud simplex est aliud Vigilans : hoc ab uno humore non fit, omnium iudicio, sed à mixtione humoris tenuis calidi, & crassi frigidi : Tamen apud *Galenum* in part. 1. Protrh. Comatis vigilis duplex est causa, una sanguinis copia, qui ratione copiarum comatosam affectionem invehit, ratione autem tenuioris substantiæ, quæ in illo est, vigilæ quoque accidunt. Altera cum bilis mixta est pituitæ, Utrum deterius? posterius. His autem signis deprehendes à sanguine esse, præter ea quæ dominatum ejus denotant, nimirum si primis diebus celebrata ex arte sectione venæ, aut usurpato alio remedio, & copiam sanguinis evacuare solito, & acrimoniam tenuioris ejus partis temperare consuevero, non cesset coma vigilans, talis symptomatis causam statuere oportet bilem pituitæ commistam, cujusmodi affectio fuit mulieris nostræ.

*Cum serosis humoribus qui meteorismum inferebant* ] Cur venter non detumescerebat quamvis abunde alvus ferretur? An ista ventris elevatio conferebat? In quovis morbo (aph. 35. 2.) partes quæ ad anum ventrem & umbilicum attinent, habere crassitudinem bonum est, extenuari vero ac collabi malum. Collapsus ille malus, & ut signum, quoniam indicat ea extenuatio naturæ imbecillitatem, Et ut causa, quoniam cum partes subjæctæ à succulento quadratoque aqualiculo cum juventur, casu illo ac extenuatione deterius habeant, ac propterea nec bona in ventriculo *quæant*, nec in hepate *quæant* fiat. Itaque ab æquali hypochondrio juvatur & coctio & excrementorum expulsio, At in ista muliere an laudabile? nequaquam. Nam cum è natura habet, molle, aqualè esse debet, nec depressum, nec elatum, nec calidum, nec frigidum, non durum, non meteorum, nec cum horboris, qui aut humectata alvo, aut urinæ profluvio, aut flatu cessant in febribus essentialibus (nam tum motu naturæ fit) non autem in symptomaticis, cum aut pulmo, aut jecur, aut lien laborat (nam tum symptomatis rationem habet & inani conatu id fit) *Hippocr.* sententia 4. aphor. At contigit in ista muliere ut alvus fluere, tamen falsam speciem æqualitatis hypochondriorum referebat, & murmur obaudiebantur, quæ non cessabant ulla excretionis ratione, Sic suspecta erat illa hypochondrii elatio, nam inventa intestina plena flatu cum serosis humoribus in spatiis abdominis, qui meteorismum inferebant, Sic elatio, subductioque alvi non quicquam de meteorismo detrahebat: Ac primus *Hippocr.* in Coacis observavit meteorismum in morbis, alvo & suppressa & subducta; utrumque malum. Verba ejus sunt *Quibus Præcordia eleuantur alvo suppressa, malum, maxime autem in morbis tabidis longis, & quibus alvi humectantur*, supple, quibus præcordia etiamnum eleuantur, *malum*, Elevatur enim tam à maligno, sive sit status, sive humor tenuis, serosus, putris, Ideoque in illa Parotides expectabamus: Ad tale expectandum invitabat alia *Hippocr.* sententia in Coacis, *Hypochondriorum distensio cum Sopore anxioso in caput dolente, parotidem excitat.* Sed quia graveolentissima excernebantur, elato manente hypochondrio comate perseverante, si parotis contigisset, malum ut signum, apparituram credebamus, Verum enim quod scribit *Hippocr.* *Ex hypochondrio diu afflicto, & alvo graveolenti, abscessus circa aurem occidit.*

*Pulmones veluti putres* ] Unde coniecimus hanc à Pulmone Lethargicam fuisse. Vide lib. 1. Tit.

de Soporosis affectibus in hist. Dom. le Boindre.

*Urine fallaces erant* ] Non satis laudabile scilicet mentum habebant, hinc mirum cur interierit, Nam *Galenus* c. 3. lib. 3. de Crilibus, ait observasse se nunquam quæquam interfuisse qui judicaretur cum urinis coctis, Et hinc colligunt quidam neminem interire posse apparentibus signis coctionis in urinis aliter tamen res habet, nam *Galenus* non solum vult requiri coctionem sed & excretionem: tamen enim fit & cocta & secreta materia, tamen nisi ex cernendo natura sit satis, interibit etiamnum ager *Ballonius*. Adde hic Pulmones præsertim fuisse affectos, at ex *Galeni* præcepto, In morbis eorum ad spura potius quam ad urinas attendendum esse.

*Cum sudore magno* ] Verum illud comperi, Qui à levi sudore somni sunt expertes, & rursum ardore febrili conflagrant, malum: Nam qui bene judicantur, suaviter dormiunt: Et quod levis sudor inanem conatum naturæ significat, quum melius esset per alvum incumbere quam frustra excretionem moliri, quod in hac ægra maxime apparuit.

*Graveolentissima dejectiones, Involuntarie alvi descendere* ] Quæ excernebantur erant graveolentissima, proptereaque non poterant non sollicitare facultatem expultricem intestinorum, & tamen non meminerat querere matulam. Quod arguebat impotentiam iudicii, & rationis evertionem, involuntaria enim erat excretio. Hujus duas causas reddit *Galenus* 2. Protrh. Aut cum mens ægrotat, aut cum partes per quas excretio fit non sentiant: adde cum humor per se mordax non est, ita ut sponte feratur, quanquam vix fieri potest quin sentiat si intestina valent: Textus *Hippocr.* est, *Si ex ventre tenuis ægro non sentiente exeant, si exira se non sit, malum, ut Hepatico*, i. e. Excretio illa tenuis materiæ, non sentiente ægro facta, declarat vel non generari bilioium humorem ob imbecillitatem Hepatis: Vel si generetur, non excernitur (quanquam hepatica excrementa maxima ex parte acia sunt) sic declarat propriam affectionem Hepatis: Non abs re autem adjectum est, *Si æger apud se sit*, ne quis putet istam involuntariam excretionem læsa ratione fieri, ita enim signum imbecilli Hepatis non ita esset manifestum, sed præterea denotaret affectum cerebrum. Item non declaratur ulla offensa nervosi generis, propterea quod integra sunt intestina. Siergo in voluntaria sit illa excretio stante ratione, non lætis intestinis, signum est imbecilli omnino Hepatis. *Ballonius* lib. 1. conf. xlv.

*Circa æquinoctium Autumnale* ] Autumnales morbi, & præsertim febres pessime sunt, Et levi de causa febris reperit ob humorum adustionem & potentioris vim putredinis: nam cum humores per æstatem adulti sunt, imo & partes internæ quantulumvis siccatae sint, & squallidae factæ, maxima est in febrem aptitudo & proclivitas: nec facile morbi tales depelluntur, quia habituales sunt: Ac præclarum esset philosophari de humorum & morborum autumnalium proprietate, Nec enim in ætate temporis horum malorum author esse videtur, ut placet veteribus, Est alia quædam addita & secretior causa, An quod eo tempore serum dominatur, ut placet *Hippocrati*? An quod ubi est infirmitas, ibi est morborum proventus & contumacia, At autumnus peculiarem hominibus conciliat imbecillitatem, Nec vis elucet & apparet ut aliis in temporibus: Quod declarant ipsæ arbores quæ folia relinquentes, omnes senescunt,

Si id

Si id quercubus evenit, cur non homini quercubus imbecilliori? *Ballonius Ephemer. & Epid. l. 2. p. 176.* Quod suspicio esse debeat venenatæ vis in omnibus fere morbis autumnalibus, id patet maxime, Agui facile emaciantur, liquefcunt ac extabescunt, cum tamen videantur sat belle habere, & nullum aut exiguum dolorem se sentire fateantur: Febres lentæ sunt, continuæ symptomatice, nam in diathesi consistunt & contumaci quadam obstructione & vitio partium; declarant dolores qui paroxysmis & exacerbationibus redeuntibus sentiuntur, &c. Nullus credat quæ sit fœtura symptomatum illos morbos comitantium, ut Medici circa ea debeant potius esse spectatores quam actores: Idem ingenium videntur habere quod & carcinomata, ac non mirum si agrelcant medendo. *Idem ibidem pag. 181.*

*Deliria &c. bene ratiocinabatur*] Qui fieri potuit ut male affecti cerebri tot essent argumenta, nempe coma quodammodo *apathia*, tremores nonnulli, risus, deliria, excretiones involuntariæ, obliuio & defectio omnium rerum, dissimilitudo morum omnium, *adynamia*; (quam *paralyticam* uel *senilem* malam esse ait *Hippocr.* in *Coacis*) Si inquam tot tantaque fuerint male affecti cerebri argumenta, qui fieri potest ut tamen ratiocinatio integra fuerit?

Respondet *Galenus* l. 3. de sympt. causis cap. 3. Ex actionibus quæ ab uno principio manare cernuntur, quædam magis una qualitate gaudere quam altera,

ut coctio, quia sine motu aliquot sit, in calido & humido consistit potius: attractio expulsioue, quoniam cum motu aliquo impetuque sunt, in sicco potius consistunt: *Ballonius* ait aliud esse lædi offensive cerebri in eis functionibus quæ animales esse dicuntur, & ad ipsius *opæ* pertinent, Aliud lædi in iis quæ ad eam partem pertinent quæ mentis & consilii est: priori modo dicitur læsum in animalitate, posteriore in ratiocinio. *Vide Consilium supra citatum pag. 207.* Excell. *Wilis* solutionem ex partium cerebri distinctione querit, Delirium excitatur *ais parte 2. lib. de Anima Bruor. c. 10.* in quantum spiritus animales, aut nimis irritati, aut in confusionem acti, huc illuc intra globosam cerebri compagem (ubi phantasia & memoria sedes habent) *arantur* & tumultuose moventur, Eiusdem partis aut regionis incolæ spiritus, somno primum occupari, & ante alios quosvis otio indulgere incipiunt, qui phantasiæ & memoriæ actus creant, hi nempe à cerebri exterioris poris in quibus exspatiari solent, decedentes, in penitiora ejus meditullia se recipiunt, ubi tanquam otiosi decumbentes, spiritus ibidem consitos in partem desiderium allecant, aliosque inde in nervolum genus emanantes, ab effluxu revocant, ac ad otium sollicitant. Ob spiritus autem animales intra cerebri meditullium, sive corpus callosum, irregulariter commotos, Animæ rationali conceptus incongrui & notmata confusa objiciuntur.

## OBSERVATIO XLVII.

*Febris assidua à Pulmonibus purulentis, duris, cum vitio Cordis, Pericardii. l. Ab Anærysmate cœliacæ arteriæ, obstrata à pituita concreta. 2. A massa pingui libera, in sinistro cordis sinu, cum vomitis pulmonis. 3. In mulieris peripneumonica vena cava reperta substantia carnea è corde exorta. 4. Febris assidua ab abscessu sub ala sinistra, & suppuratione septi transversæ. 5.*

**S. 1.** **Q**uatuor annorum puella febre Continua extincta erat: hæc curiositati nostræ anatomicæ immolata post mortem, *Pulmones exhibuit costis & sterno firmissime adherentes*, multis locis duros, multo pure fluentes, & utraque parte, quod rarius occurrit, pure repletos: Pericardium, panni lanei crassitie, nigricantem cordis circumdabat substantiam: Interim neque dyspnœa, neque tussicula ulla, neque phthiseos specie laboraverat: reliquo enim corporis habitu bene constituta, carne solida & pingui erat. Addo verò plurimos me in hacce nostra Hollandia secuisse, qui Pulmones altera parte habebant exulceratos: raros qui utraque, qui tussi aut dyspnœa laborabant non adeo multos. *Theod. Kerckringius Observ. Anat. 72.*

## S C H O L I A.

**P**ulmones costis adherentes] *Riolanus Anthrop.* lib. 3. cap. 11. de Pulmonis ad costas adhesionem disputans, Hæc colligatio, inquit, si ampla & arcta fuerit, ita ut pulmo costis immediate adhæreat, molestam dyspnœam, etiam in sanis hominibus, affert: Huic ex adverso occurrit *Massa*, & affirmat istam coherentiam Pulmonum cum Pleura cordi utilem esse, ne Pulmonum mole prematur, nec ullam spirandi difficultatem afferre: Conciliatio difficilis, si dicas coherentiam nativam dyspnœam non inferre: Revera anno 1671. circa Christi natalitia, cum discendum curarem quadragenarium rusticum, ex casu in dorsum mortuum, (de quo lib. 2. tit. de Respir. difficil.) Pulmones undique in illo per breves fibras pleuræ annexos deprehendi, quem nulla unquam dyspnœa vexaverat. Eam autem quæ vi morbi progressi aut comitis accidir, anhelitus difficultatem

parere, ut quibus pulmones tumentes sunt, aut parenchyma crassum, vel vitium adest simul in vasis pneumaticis, aut diaphragmate, &c. quorum lésiones illi Pulmonum coherentiæ imputantur.

*Qui tussi aut dyspnœa laborant non adeo multos*] Nisi exempla occurrerent quorundam quos exulceratio Pulmonum male habuit, hæctica febre non accedente, imo præsentem habitum corporis eufarco cum libertate actionum omnium vitalium & naturalium, vix fidem obtineret allatum exemplum. Verisimile est vitium in solis consistisse Pulmonibus, procul à corde; cætera hæmatosin rectè processisse, Cum accedat Phthisis, totam cruoris massam sanguine, aut alia quadam diathesi vitiata infici, ob quam alendo corpori ineptus fiat, simulque labem Pulmonibus inurat. *Vide Bennetts Theat. Tabidorum Exercit. & alias.*



§. 2. Anna Burgunda, 33. annum nata, sanguinea, potatrix meri nulli secunda, Inguvie dedita, Febrem incurrerat stipatam siti, cibi fastidio, vigiliis, orthopnoea, corporis jactatione, aliisque symptomatis: Inter quæ non obscurum locum habebat Pulsatio vehemens supra ventriculum: quem pulsum ergo arteriæ celiacæ multis animo meo versatis, conjeceram, quibus elevandis, malis nulla præsidia profuere: verum indies augescente pulsatione, diutinos labores & extrema virium detrimenta jam passam mors occupavit.

Cadaver disseccando, compertum est Mesenterii membranam, quæ à peritonæo deducitur, multo circum cruore suffusam atque intentam, nihil interim mali mesarzi vasibus expertis: quoniam autem nobis opinio fuerat male patientis arteriæ celiacæ, ad hanc nos perlustrandam nostrum studium appulimus, eandem ab omni proximo corporum objectu expedientes. Exorti igitur ab inferioribus, postquam ad arterias emulgentes pervenimus, superata jam parte quæ magnæ arteriæ primos divaricatus sentit, corpuscula offendimus tria ex pituita concreta (hujus est uber modus arteriæ longèque amplior quam venæ) vi caloris opinor sibimet incumbentia, quæ obturabili cujusdam modo arteriæ ductui sic offarcta transversim erant, ut spiritui se transfundenti præcluderent viam: Continuo autem ad superiora factò transgressu, tandem celiaca sese obtulit, ita dilatata ut compressum pugnum admitteret, quæ naturæ suæ modo vix annularis digiti crassitudinem æquat, in quo sinu sanguis abunde stagnabat ater, grumosus, in putredinem abeuntis imaginem præ se ferens: à quo uno arteriæ sic depravato statu profectam interitus causam nemo est qui dubitet. *Ex observat. Nicolai Larchei Medici Rom. apud Severinum lib. de Abscessibus p. m. 280.*

§. 3. Cum Myrtilleti studio Medico vacarem, & inopinato quidam è Sereniss. Electoris Satrapis octiduo spatio à Febre quadam symptomatrica jugularetur, exenteratio demandata est Archiatro, & sequentia notatu digna memoriæ infixi.

Abdomine secto, omnia salva & justo loco posita invenimus: Ubi vero sternum à costis separatum, & pleura dissecta, statim animadvertere licuit utrumque lobum Pulmonum valde flaccidum, dorso cum pleura firmiter adnatum. Lobis in superiore parte dissectis & manibus compressis, nihil erat conspicuum nisi spuma; sed circa medium alia sectione per transversum administrata, iterum lobis compressis, subito multæ parvæ vomicæ, instar apicum digitorum eruperunt, quibus uterque lobus ad infimam usque partem, qua diaphragma appropinquat, refertissimus erat. Corde aperto, in sinistro ejus ventriculo, invenimus massam quandam fibrosam, pinguedinem referentem, nulla parte adnatam, sed liberam ovi columbini magnitudine.

## S C H O L I A.

**M** *Assam quandam, &c.*] Hujus materiæ facit mentionem *Clar. D. D. Wepferus* Dissert. de Apoplexia p. 124. Sed nullus dubito quin eandem materiam in arteriis invenissemus si modo inquisitio debita facta fuisset: Interim hoc miratu dignum, Nobilem illum nunquam de ulla pectoris angustia

conquestum, sive tussi, sed exercitio equestri & chorearum quotidie vacabat, cum tamen pulmonum minima saltem pars in superiore parte sana esset. *D. Gorbos. Christianus Wincerus in Miscell. cur. anni 1671. Observ. 133.*

§. 4. Vidi ego in dextro cordis ventriculo mulieris, quam Peripneumonia sustulerat, radicem enatam, carnosam, albidam, flaccidam, quæ prodiens ex corde, & cavam venam subiens, propagabatur usque ad caput & os sacrum: Eadem carnea substantia ex sinistro ventriculo prodibat: Quod in quatuor cadaveribus Peripneumonicis subinde observavimus. *Observatio Nereti Neretii Medici Florentini.*

§. 5. Virgo dolebat sub ala sinistra cum tussi, Febre assidua. Inventum septum transversum in interiori parte suppuratum, cum abscessu sub ala sinistra. *Lib. 2. tit. de Lateris dolore.*

## OBSERVATIO XLVIII.

*Febris Continua à Iecore inflammato, & corde hinc marcido. 1. Ab Abscessu in concava Iecoris parte. Spigelii obitus. 2. Ab inflammatione extremi lobi Iecoris dextri, cum Mesenterii parte colo alligata. 3. Ab insigni Iecoris tumore. 4. A vitio Iecoris, cum lapillis in cysti. 5. Ab Hepatis tumore cancroso. 6. Ab inflammatione Lienis, Hepati communicata. 7. A Liene inflammato. Fernellii obitus. 8. A phlegmone Hepatis partim suppurata, partim in scirrhum desinente. 9. A Tuberculis & furunculis id obfidentibus. 10.*

§. 1. Anno

§. 1. **A** Nno 1596. Virum quinquagenarium dissecui: hic inflammatione Jecoris laborabat, quod visui torrido ac adusto conspicebatur colore: petrusa autem ejus membranula, parenchyma universum in putrilaginem abierat, maximamque puris copiam effundebat, potissimum ea sui parte gibba quæ diaphragmati adhereret: Adfuerat Continua febris, quæ cordis succulentiam nativam ita consumpserat pyri in modum uti contractum conspiceretur, flaccidum plane, haud aliter ac si pulmonem terigisses: Huic pulmo variis locis costis adnatus conspicebatur. *Pet. Parvius observat. 19.*

§. 2. Expendenti mihi aphoristicam Div. Hipp. sentent. quod sc. *Ex bubone febres omnes mala præter diarias*, Cum inviscerem præcl. Virum Adrianum Spigelium, Celeberr. Anatomicum, è vivis sublatum, cum bubone sub axilla sinistra anno 1625. annor. 47. non levis mihi scrupulus occurrit, nunquid ex bubonibus fiant solæ Ephemeræ, vel putridæ etiam: Ex Hipp. enim sententia in aph. proposita: expressa luce clarius statui videtur, ex Bubone febres putridas quin etiam fieri posse: Non enim dixisset, *Ex Bubone febres omnes mala præter Ephemeræ*, si ex bubone fierent solæ febres ephemeræ: Cui subscribentes omnes fere Medicinæ scriptores asserunt, fieri posse ex Bubonibus, non solum febres Ephemeræ sed etiam putridas. Arque de putridis id palam fit ex præsentis Spigelii morbo, à quo extinctus est, quem ferè continuè observavi 63. dierum spatio quibus decubuit. Hic etenim Vir Præclar. ex indicis digiti punctura, dolorem & tumorem insignem in sinistro brachio passus est, cui successit abscessus seu bubo sub axilla, cum dolore adeo gravi, ut non solum brachium, sed & totum corpus immobile factum sit, cum Febre acuta sine annotationibus manifestis, inappetentia, vigiliis & gravi virium languore: vigesima sponte erupit abscessus & multam saniei copiam triduo effudit, subcruentam, foetidam, liquidam, à qua remisit dolor, adeo ut in latus affectum decumbere potuerit, quod antea fieri non potuerat: Perstitit tamen Febris vehementia, cum tensione & dolore dextri hypochondrii ad claviculam usque; cui successit diarrhœa, primo biliosa, mox & saniosa, non dissimilis materiæ ex abscessu emanantis, quod ansam præbuit dubitandi nunquid esset dysenteria vel abscessus Jecoris: cum vero nulla præcessissent tormina, non ramenta, aut intestinorum erosiones, in Jecoris abscessum conspirarunt sententiæ, cum præsertim præteritis annis abscessus ventriculi per vomitum expurgatus fuerit: Interim plurima interna & externa fuere præscripta, cum durante febricula, cum dejectione materiæ saniosæ 63. die extinctus est.

Dissecto cadavere, occurrit abscessus in concava Jecoris, juxta prognosticum. *Ben. Silvaticus cent. ij. consil. 18.*

## S C H O L I A.

**E**X his patet Putridas quin etiam febres ex Bubonibus fieri posse, quod præteritis annis à me fuit observatum in Nob. matrona, undecima extincta febre pestilentiali, cum bubone in inguine dextro suppurato & aperto: Quod si Galen. consulamus, l. de differ. febr. ubi de Ephem. ex bubone, adstruit expressissimis verbis solas Ephemeræ ex Bubonibus fieri: Quæ ex Bubonibus, inquit, febres fiunt, calefaciunt temper partes continuas, donec ad cor usque calor febrilis propagatur, Non pervenit autem ad ipsum putrida fuligo, sed ibi permianet, loco bubonis circumscripta, sola alteratione per continuum facta, usque ad cor perveniente calore, eo prope modo quo in iis qui Solis calore deurantur: E quibus verbis compertissimum redditur ex bubonibus putridas fuligines ad cor non elevari; arque ideo neque febrem putridam fieri: Pro solutione contradictionis qua dissentire videtur Hipp. à Galeno, statuendum Bubones factos à causa occulta non inferre putridas, sed significare noxam viscerum principum, ac propterea malas esse ratione signi, non ratione causæ: Non enim excitant febrem putridam, quoniam putredo illa cor non subit per vapores putridos; ideoque ubi legitur in aphor. *Ex bubone febres*, legendum, *cum bubone febres omnes mala præter ephemeræ*: alix enim omnes possunt esse cum bubone, & non ex bubone: dein probatur, Putridus vapor in cor exhalans, & ab eo remota parte ignobili, non inducit febres malas: sed emunctoria sunt

partes ignobiles & inguinum partes distant à corde, Ergo ex se non possunt facere febres malas, sed solum eas significant, putridis etiam fuligibus ad illud pertingentibus, ex Hipp. 2.6. Epid. 10. quod *Abscessus veluti glandularum signum quidem sunt germina habentium, cum aliorum tum præcipue viscerum, maligni autem sunt*: Ubi intelligit per germina habentium, affectionem earum partium cum quibus habent rectitudinem, Arque ideo si bubones appareant retro aures, significant affectionem cerebri, Si sub axillis, cordis, si in inguinibus hepatis: Subjungit tamen, *tum aliorum*, quia non semper servatur hæc rectitudo, ut in calu nostro, in quo jecur erat affectum, & nihilominus bubo factus fuit sub axilla sinistra, non servata rectitudine & convenientia: neque ratione situs, quia fuisset in parte dextra: neque ratione loci, quia fuisset in inguine, & non sub axilla sinistra: Cujus tamen diversitatis causa provenit à punctura digiti valde dolorifica, Semper enim natura adfuit, medio sanguine & spiritu, in subsidium partis dolentis, ideo confluxit ad brachium sinistrum hæsitque materia in glandula, & non ad manum & digitum decubuit, duplicem ob causam, vasorum sc. copiam in glandulas diffusorum, per quæ fluit materia 2. Ob laxitatem dictarum partium, cujus ratione expultrix materiam quæ confluxit, inde repellere non potuit.

*Ex indicis punctura*] Non secus atque in nobis viscere aliquo male affecto aliud eodem modo affici-

tur : ac digiti etiam morbus in linguam decumbit, tamen quæ interjecta sunt multa nihil mali sentiant: Sunt enim unius animalis partes, inestque in his po-

tius quam aliis quedam ad se invicem effectio: *Synesium lib. de Insomniis.*

Anno 1677. 18. Julii dissectum est Genevæ cadaver Juvenis Francofurtensis annos 20. nati, qui subita morte abreptus est: boni erat habitus & robustus, à vino abstinens apud hospitem, solam ingerens aquam: Inter sodales mero indulgens: Dicto anno à vere ad finem æstatis Epidemicæ fuerunt febres Tertianæ simplices & duplices, paucissimis, imò nemini, quod sciam lethales: Febre autem prehensus hic quoque Juvenis continua, sed non ardente, accedente primis diebus diarrhœa copiosissima, biliosa; cum quadam cataphora, & carnis rerumque omnium fastidio: Toto morbi decursu; qui trium septimanarum, siticulosus admodum fuit, pristinam officinalem tamen fastidiens, frigidam anxie exposcens: Pridie ante fatalem diem gravis leipothymia, comite totius convulsione prehendit: Postridie frigidam petens, his vocibus Gallicis, *Je boirois bien de l'eau du Rhosne.* Ego libenter aquam Rhodani biberem, dum vocem ultimam profert, intercepta ultima syllaba, & in faucibus hærente, exanimis concidit.

Postridie cadaveris anatome instituta: In medio ventre nullum insigne vitium deprehensum est, forte quia à minus accurata manu sectio peracta est, Cor intus & extra sanum apparuit, Pulmones dextra parte costis annexi, coloris erant variegati, In imo ventre sat notabilis aquæ cruentæ copia reperta est 2. Jecur immensæ magnitudinis & crassitiei, (qua de causa vorax erat juvenis) ima parte livens & niger, prægressæ inflammationis notas gerens 3. Cystis fellea omnino exhausta 4. Intestina & ventriculus immensæ amplitudinis, flatu admodum turgida: 5. Mesenterium ad ortum, circa lumbos manifeste livens & rubens, cum annexa coli parte: 6. Ren dexter insignis magnitudinis, sed integer. 7. Lien formæ rotundæ sed citra aliud vitium: Fœtor insignis ex eo ventre nares feriebat: Ex his causa morbi non subitæ mortis apparuit, nisi ad tetrum halitum cor ferientem & cerebrum, syncopen & convulsionem inducentem. Mirum vero Lumborum abfuisse dolorem aut æstum.

§. 4. Illustr. N. Febre continua prehensus: Jecur immani tumore extabuerat, vitium in superficie, interius durum. *Lib. 3. tit. de Diarrhœa.*

§. 5. Socrus N. colico dolori obnoxia in Febrem assiduam iucidit: Cystis fellis lapillis erat plena: Hepar albicans. *Lib. 3. tit. de ventris dolore.*

§. 6. Vidua N. per multos menses decubuit Assidua febre affecta: præterea percipiebatur tumor in abdomine versus umbilicum, ad dextram partem inclinans, isque durus, qui non erat dolorificus nisi cum premeretur, Aliquando dolores acres humerum dextrum occupabant, & latus ipsum ut pleuritidem mentirentur: Aperto cadavere inventum est Hepar tumoribus scirrhis, & magna ex parte suppuratis refertum: in cujus extremo adnati erant duo tumores cancrofi, usque ad umbilicum prominentes, qui in Hepate esse non putabantur, quia non erant in loco hepatis naturali. *Vide lib. 3. tit. de ventris tumore.*

#### SCHOLI A.

**D**olores acres occupabant humerum dextrum] Unum animadvertere oportet quod ad therapiam & diagnosin imprimis facit: Omnes Jecorarios, i. e. quibus grandius Jecur, amplius, tumentibus & calidius, cum febribus magnisprehenduntur, maxima ex parte tempore urgentis febris dolores in claviculis & secundum omoplasas sentire satis vehementes: In pleuritide quidem, cum uno loco inflammatio aut phlegmone consistat, tamen in parte longe remota, ob communicationem & continuitatem membranarum, dolor intolerabilis sepe sentitur, qui majores sæpe molestias exhibet quam ipsa pleuritis: Et signa diagnostica pleuritidis, aut superiores aut inferiores partes occupantis *Hipp. 2.* Acut. desumit ex dolore aut claviculas, aut ileos regionem occupante: Hepate accenso aut inflammato, aut per insignem febrem æstuante admodum, dolor potest ad jugulum pervenire: Repetio enim bifariam dolorem tensivum ratione ipsius jecoris surgere, Aut enim Hepar nothis costis alligatur, & tunc dolor ad clavicula percipitur ratione distantæ membranæ: Quibus non alligatur, à vasorum ipsorum potius quam membranarum distensione dolor surgit, Et, ait *Galen.*

2. de loc. proprius venæ arteriæque dolor veluti in longitudinem extensæ chordæ speciem refert: Quod notandum, ne cum hos dolores in febribus aut inflammationibus Hepatis ortos videris, frustra de catarho comminiscaris: probabile enim est dolores pro partium affectarum situ esse aut *crassius aut rariius*: *Ballonius consil. 77. lib. 1.*

*Neque in Hepate esse putabantur &c.*) Notat *Cl. Glisson* Anat. Hepar. cap. 2. non eundem esse in vivis & mortuis Hepatis situm, cum altius positum in his reperitur: Nempe fato functis ventriculus, hepar & diaphragma sursum, quantum eorum connexiones sinunt, propelluntur; partim ut hoc pacto pectoris inane impleatur; quod alias, recedente è pulmonibus spiritu, cōtingeret, partim etiam quod musculus abdominis post obitum frigescens simul rigidiores magisq; tensi evadant; unde fit ut viscera inferiora vehementiore nisu sursum agantur quam ut diaphragma ei motui resistendo sit, partesque istas superiora versus impellant.

*Hepar tumoribus scirrhis & magna ex parte suppuratis, &c.*] Hepar Tumoribus & frigidis & calidis obnoxium est; imò hi aliquando ab importuno



nio remedium usu, in illos desinunt: Calidi tumores, inflammationes dictæ, oriuntur ab affatim facta humorum calidiorum affluxu, accedente aliquali partis obstructione: In abicellum facile illi abeunt, plerumque lethalem, quare Medico curæ sit ne eo affectus vergat: Nec minus cauto opus est ne duri & scitthosi tandem evadant nimio refrigerantium usu dum suppurationem arcere satagimus: Frigidi autem Hepatis tumores, vel ejus parenchyma obsident, vel vala, vel tunicas; horum unum, vel duo, vel plura; Qui totum simul parenchyma occupant, œdematosi tere sunt, quorum soboles est aut hydrops aut cachexia; sicut horum quandoque causa sunt: Hoc in affectu totum viscus spongiæ ad instar æqualiter totum intumescit, humores serosos undiquaque absorbens; à quibus vala & tunicae flaccescunt, humectantur, crassitiemque non naturalem adipiscuntur: Hinc intumescit in immensam molem excrecit, solitumque pondus duplo aut triplo superat, Tumores Hepatis peculiare triplicem habent originem, impedito nempe sanguinis è sinibus vaforum Capillarium Portæ transitu, in ultima venæ cavæ capillamenta per ipsius Hepatis substantiam vel ob itagnantem humorem biliosum, quia is è Portæ sinibus in pori bilarii oscula minus expedite pertranseat; vel ob utriusque hujus transitus commune aliquod impedimentum: A primo illorum tumorum imminet atrophia aut saltem diminuta nutritio: A secundo, Icterus flavus vel niger, conspurcatus sanguine, unde varie ægritudines: Tertius utrumque malum invehere aptus est: Sunt præter hos alii quidam tumores, ad hepatis parenchyma potius referendi, videlicet struma, steatoma, atheroma, meliceris.

§. 7. Vir Illustr. Dominus Thomas Trenchard, ætatis consistentis, temperamenti melancholici, habitus gracilis & rari, spleneticus, hæreditario quodam jure à parentibus derivato, acutissimis ventris doloribus, colicæ æmulis, crebro molestatus; Hic Nobil. affinem in Comitatu Hamptonensi invisitus, eo loci profectus incidit in *febrim continuam*, satis acutam, cum vigiliis, & sinistri hypochondrii dolore, ad humerum usque tendente, in quo acerbos admodum dolores passus est, ut de nullis aliis esset querulus: Adhibito in consilium Medico, Venæ sectio instituta basilicæ dextræ, neglecta rectitudine, quam observare solent Practici, præmissa tamen pro more clystere: Julapia quoque & alia exhibitæ, quibus nihil proficientibus, sed malo in peius ruente me quoque Dorchestria accersiri curat: Conscenso equo, quinque milliaria progressus, ab alio servo in via obviam facto, iter differre jussus, quod Herus melius haberet, Domum revertor, hyeme validissima. solstitio proxima, nive omnibus candescentibus: Quid sit elapso solum die iterum vocor, quod essem ei ordinarius; sed antequam ad eum pervenire poteram, morbo superatus naturæ satisfecit.

Dissecto à morte corpore, Omentum in se circumvolutum, & umbilicum versus ad formam orbiculi conglobatum invenimus: Lienem vero totum putrefactum, & parte interna pene absumptum, mala adeo materia, picis instar liquida, nigra, foetente, ut minime essemus ferendo; Hepar etiam, sima sui parte, in consortium malignitatis raptum erat, ubi putredine corripui incipiebat; Reliqua salva conspiciebantur. *Fridericus Lossius, Observ. 45. l. 1.*

## S C H O L I A.

**O**mentum in se circumvolutum, &c.] Proculdubio in hoc subjecto Omentum viciosos à liene humores in se suscepit, cum iis tantum partibus adherescat ad quas rami splenici furculi perveniunt, unde

§. 8. *Ioh. Fernellius* uxoris morte ita repente percussus ac prostratus est, ut ante xij. ab ejus finire diem, ex summo animi mœrore ac angustia in febrem inciderit Continuum: Ad septimum hujus morbi diem cum urinæ inclarescerent, & febris symptomata omnia multò leviora facta essent, qui illi opem ferebant Medici felicem exitum una cum ægro expectabant: Verum ad xi. mirum in modum exasperata sunt omnia, ideoque æger urinarum cruditate, atque aliorum symptomatum sævitia perterritus, ac mortis metu percussus Doctissimos Regis & urbis Medicos aliquot in consilium adhibuit. Hic febre Quartana aliquando conflictatus fuerat, & toto vitæ curriculo non solum vino oligophoro aqua abunde diluto usus est, sed etiam extra pastus æstate, frigida potu sitim explere solitus erat, unde Lien non parvum latus videbatur: Inde enim acoris cujusdam sensus ori ac faucibus integrum jam biennium inerat qui nullis remediis discuti potuerat: Quum ergo causæ quædam externæ, hæque graves admodum, acerbissimum mœrorem attulissent, superveniente uxoris obitu, quo omnia exasperata sunt, humor in Liene collectus tandem incallescens atque putrescens, inflammationem ejus visceris peperit, unde & febris accensa est continua, quæ sensim increfcens, ita naturæ vires omnes attrivit, ut cum xvij. die nobis mors immatura eripuerit, anno ætatis lxxij. Christi 1557.

Causam interitus ex anatome pervestigantes, è lienis inflammatione perniciem manasse judicavimus; quum & valde tumidum & prorsus lividum ac virescens id viscus esset; & scalpello dissectum magnam saniei instar picis nigerrimæ copiam profuderit. *Gul. Plantius in ejus vita.*

## S C H O L I A.

[**A**cris cujusdam sensus, &c.] Ob succum Pancreaticum acidiorum redditum, juxta *Frang.*

*Sylvium*: Clar. *Willis* quartanæ originem non humori melancholico adscribit, sed sanguinis liquori, à natura

dulci, spirituosâ & balsamica, in acidam & nonnihil austeram, instar vini acceſcentis, degenerante; ob spirituum penuriam, atque sanguinis partem terreſtrem seu tartaream (quæ constat imprimis ſale &

terra) nimiam exaltationem, unde in fluorem creta-  
tâ acorem sanguinis maſſâ inducit; Vide plura apud eundem lib. de Febr. cap. 4.

§. 9. Ampliſſimus Præſes M. *Bourvetus* extinctus à Quartana continua, eaque conjuncta cum phlegmone Hepatis, ex parte ſuppurata, & ex parte in ſcirrhum degenerante: Cujus phlegmones Hepatis initium Quartanam præceſſerat vel annum integrum ante. *Car. Piſo de morbis à ſero ſect. 1. p. m. 40.*

§. 10. Sæpe Jecur animadvertimus Tuberculis & Abſceſſibus inſtar ſurunculorum obſideri, nullo hypochondrii dolore, nullo tumore, nullo decubitu difficili: *Febris* ſolum inerat non admodum ardens, cum ſiti, cum ſibi ſtudio, cumque alvi profluviio interdum in menſes multos perſeuerante: ut idcirco difficile malum, quemadmodum & ſubſtantiæ corruptela, ab intemperie calida, aut ab obſtructione internolceretur. *Fernelius Pathol. lib. 6. cap. 6.*

## OBSERVATIO XLIX.

*Febris Continua à corruptione gangrænoſa in parte Renis interna. 1. Ob Apoſtema in fine ureteris. 2. Ab Abſceſſu in ſiniſtri Renis parte exteriori. 3. Ab inflammatione Teſticulorum & meatus urinarii. 4.*

§. 1. **J**uvenis poſt diuturnam gonorrhæam, cibi potionisque immoderationem febre Affidua afflicta, quæ horis vespertinis magis augetur & amplificatur cum lotiis craſſioribus & pituitosis: xi. die diarrhœa varia ſubſequuta eſt, quæ uſque ad xix. permanens, vires maxime deſecit, unde ſiccitas linguæ, faciei rubor, inquietudo & totius macrorum ſuſceſſit, xx. lotia uberiora prodeunt & turbulenta, quæ tamen clareſcunt: Quamvis varia adhibita ſint, ſemper adaucta eſt febris & ſymptomata ſuccreverunt, adeo ut xxx. acceſſerit rigor, cui ſuſceſſit febris vehementiſſima cum rubore genarum & pulſuum maxima frequentia & celeritate, quare die xxxiv. in plenilunio interiit.

ſecto cadavere, inventa eſt corruptio gangrænoſa in parte interna Renis dextri, ut lotia turbata gradum coctionis, quemadmodum erat opinio alterius Medici, non ſignificarent, ſed ex mea ſententia alterius Renis corruptionem: Adeo ut etſi *Galenus* non comminiſcatur niſi de lotiis turbidis quæ ex gradu coctionis ſuboriuntur, Medicus, ſi ſit Philoſophus, debeat etiam alias cauſas indagare. *Lalius à Fonte Conſult. 133.*

§. 2. Matrona nephritica, febre continua laboravit, quæ ad maraſmum lethalem ipſam deduxit, genita quo tempore pus conſciebatur in apoſtemate, quod calculus à rene in ureteris finem delatus, excitaverat. *Vide lib. 3. tit. de Hypogaſtrii doloribus.*

§. 3. Illuſtr. Abbas à 14. diebus, temperaturæ ſanguineæ, poſt cibi potionisque immoderationem, duobus affectibus potiſſimum detinetur, ſc. diſtillatione à capite in ſubditas partes, Alter eſt Febris affidua ſine certo ordine tenens, poſt cibum & horis vespertinis more duarum tertianarum increſcens; in quibus ita ſe habet ut ſe vix morbum perſentire aſſeveret, cum dormiat plus conſueto, nulla caloris mordacitas perſentitur, urinæ tamen copioſæ prodeunt albo ſedimento refertæ, hæque multo uberiores quam ingeſtis reſpondeant optime: optime ſe habet ad ea quæ offeruntur: horis vespertinis facies rubicundior inſpicitur, præſertim circa genas, nares & aures, quam aliis temporibus: adeſt tuſſis ſicca, affidua; pulſus humiliores & frequentiores percipiuntur: ea quæ excernuntur ſunt ſimilia ſanorum: In regione Renum non mediocrem fervorem experitur, neque ſine adminiculo incedere poteſt: xx. die facta minoratione ex flore caſſiæ, præter excrementa fecalia multus ſanguis corruptus ſœtens fuit excretus, tandem die 40. interiit.

ſecto cadavere inventa eſt corruptio & abſceſſus in ſiniſtri Renis exteriori carne, me ita prædicente antequam cadaver ſecaretur. *Lalius à Fonte Conſult. 68.*

## S C H O L I A.

**A**lter ex Medicis in principio pronuntiavit ægrum ex duplici Tertiana affluua laborare, ac progreſſu temporis redditam eſſe malignam decrevit: verum talis opinio ſine examine non eſt prætereunda, Nam febris Tertiana ſputia cum ſit morbus calidus totius, ex bile prædominante, eaque in venis putrente proveniens, indicatur ex pulſu maximo, frequenti & celerrimo, non ita tamen ac ſi ſola bilis febrem incenderet: ex excrementis bilioſis, tum dejectionibus, tum urinis: ex calore acrimordaci, ſiti, ex cauſis præcedentibus, quæ bilem au-

gere potuerint: ex febre quæ ordinare augeſcit ac etiam inclinat: Talia autem in propoſito calu non inveniuntur: neque oris amator & inappetentia, quæ ſunt bilioſarum propria: præterea ex hac poſitione ſymptomata in hiſtoria propoſita in ſuas cauſas non poſſunt referri: Nam quod ad cauſas externas ſpectat præceſſerunt quæ ſanguinem cumulare potuerunt: Febris vix ab ægrotato perſentitur, quod in bilioſis febribus accidere non conſuevit, ob vapores acres qui ad ſuperficiem tranſmiſſi, dolorem latitudinalem efficiunt: Deinceps in febribus bilioſis

conjunguntur vigilie, non somnus plus conlecto diuturnus, ut in pientia casu: Calor percipitur actis, in hoc tempore tunc nullus; lotia sunt lubrica, neque ita copiosa & aiba, ut videtur est in hoc tempore, ut ubertime reddantur: Neque in febre biliosa agri bene se habent ad ea quæ offeruntur, ut in viro illustr. contingit: Deinceps febres biliosæ habent ordinatum auctoris & remissionis ordinem, qui non observatur in præsentia, quamvis semper post cibum & horis nocturnis magis increseat, nam assidue sine certo ordine increvit & minuitur: Neque in biliosa febre facies inflammata horis vespertinis rubicundior circa genas & nasum, & tussis assidua sicca percipitur, & Excreta sanorum similia, aut difficultas incedendi, aut standi sine adminiculo reperiuntur, quæ omnia in præsentia casu sunt manifestiora quam ulteriori demonstratione egeant. Reliquum est propositam Febrim in alias & veriores causas referamus, in sanguinis scil. ad Renis sinistri carnem de fluxione, inflammationem & corruptionem efficientis: Neque mirum si dolorem non persentit in renis regione, cum viscera non sentiant, sed sensus solum in pellicula cooperiente reperiatur, quæ aliquando renum fervore aut inflammatione præcedente assumitur: quemadmodum fortasse Viro illustr. contigit, qui alias dolore vehementi in dorso costis nothis altiore, usque ad lienem se extendente,

§. 4. Sacerdori rophus in meatu urinario obortus est urinam suppressens: Tonsor catheterem imposuit, hinc dolor, inflammatio, Febris Continua, &c. In mortuo rophus reperi- tus est, ac ex violenta pertusione catheteris ingens inflammatio testiculorum. *Vide lib. 3. tit. de Ischuria.*

## OBSERVATIO L.

*In quodam à febre duplici Tertiana Continua extincto, vermium in ventriculo & intestinis quantitas ingens deprehensa.*

**F**ebre duplici in Tertiana Continua correptum mortuum secui, in quo quanta esset vermium copia dictu incredibile est; ipsi enim in ventriculo & intestinis conglomerati atque coacervati per œsophagum ad os usque ascenderant, absque eo quod alexiteriis remediis copiose agro administratis enecati fuissent, Vermes porro ex materia heterogenea genitos, aliquos albos, aliquos rubros & alios nigricantes aspeximus. *Dom. Panarolus Pentec. 1. Obscv. xli.*

## OBSERVATIO LI.

*Febris continua à Mesenterio pure referto. 1. Ab ejusdem abscessu. 2. Ab ejus tumore & abscessibus. 3. Ab ejus & coli inflammatione in abscessum desinente. 4.*

§. 1. **V**irgo in dolores colicis similes incidit; contra quos cum nullum remedii genus valeretur, misella febre quotidie cum rigore insigni repente, doloribus jam dictis associata post paucos menses marasmo consumpta est.

Dissecto ventre, ingens copia puris, quo tum mesenterium refertum, ac quasi turgidum erat erupit. *Ex observation. Th. Mermannii Archiatri Bavarici.*

## S C H O L I A.

**C**um nullum remedii genus valeretur] Ignoto scil. morbo: Diagnosim autem abscessuum mesenterii, ait *Riverius pract. lib. 13. cap. 3.* interdum facilis est, interdum difficillima: Si ab inflammatione ejus partis fiat, ea ante percepta & diutius perleverante, indicium est inflammationem discuti non potuisse, sed fuisse suppuratam atque in abscessum conversam: At verò, quando abscessus ab humoribus pravis, in mesenterio diu commorantibus, ac tandem putrescentibus exoritur, difficillima est illius diagnosi; ita ut plurimi auctores, qui talium abscessuum observationes scripserunt, eos non nisi post mortem & dissecta cadavera innotuisse referant: Licet enim ut plurimum tactu dignosci valeant, aliquando tamen tam ab-

te sepulti sunt ut neq; tactu ipso deprehendi possint; & partis sensus adeo est obtusus ut nullo dolore interdum se prodant: Quomodo autem hæc (quæ variis modis contingunt) distinguenda sint; vide loco citato.

*Febre quotidie cum rigore insigni repente]* *Spigelius lib. 1. de Semitertiana* febrim hanc, crebris horribus insignem, plerumque ab intestinorum & mesenterii inflammatione oriri observavit. *Iacotius comm. ad aph. 9. lib. 3. sect. 2.* Coac. *Hipp.* meminisse puellæ quæ in levem quandam febrim incidit tertianæ intermittenti haud dissimilem, sine dolore in ventre, in cujus corpore dissecto magna puris quantitas circa uretrum inventa est, cum intestinorum colore subnigro: *Idem comm. aph. 76. l. 5. s. 2.* obser-



observavit in febre Tertianâ cum rigore non ita ordinato exortam suppurationem in imo ventre, cujus nullum signum memoratu dignum præcesserat, unde subito effuso pure supra intestina, aut intestinis ipsis ad sphacelissimum perductis improbita mors sequuta est.

*Febre associata*] Absque febre genitum mesenterii abscessum memorat *Rhodi* centur. 2. observ. 95. in quodam Chirurgo *Paavino*, qui initio sanior,

§. 2. Illustr. N. Febre valida correptus cum vomitu, 14. transacta, in alvi cruentam dejectionem devenit, ita ut sanguinem nigerrimum, corruptum, pessime olentem, ad 15. libr. pondus excreverit, unde animi deliquio correptus, omnes eum proxime morituum credidimus: nihilominus cibus per intervalla optimis reffectus, vires resumpsit, ita ut, etsi Febri Continua, licet non ita intensa & uniformi continuo vexaretur, nihilominus salutis spem præberet: sed tamen cum quotidie feces conspersas sanguinolenta saniosaque materia excerneret, in diesque magis, ac magis emaciaretur, infinitis prope remediis adhibitis, 63. à decubitus die occubuit, cum tamen postremis diebus *ingens urina profluvium* supervenisset, ita ut quinque libras & amplius quotidie per plures dies emitteret.

Cadaver dissectum fuit, atque in mesenterio ea in parte superiori, qua intestino recto annectitur, ulcus sordidum, ad spithamæ longitudinem adinventum: unde ea in parte collectum abscessum coniecimus, illoque disrupto, putridum sanguinem ea in copia profluxisse non dubitavimus: Sed quod mirum est, *nunquam* per totum ægitudinis tractum, præterquam extrema die, qua illi venter intumuit, *de illius partis dolore conquestus est: Marc. Donatus histor. mir. lib. 4. cap. 7.*

## S C H O L I A.

**N**unquam de illius partis dolore conquestus est] *Fernelius* mesenterium sine dolore inflammari solumque gravitatis habere sensum docuit: At *Riolanus* exquisito præditum observavit: Admodum sensibile esse arguit dolor Colicus nothus, & origo ejus à peritoneo cujus dolor acer: Multitudo nervulorum, à plexu mesenterii maximo oriundorum, oculis obvia, dubitare non sinit de ejus sensu: facit eorum exiguitas ut hic ipse multiplicior sit quam exactior, nisi cum plurimi simul dolent: *Clar. Willis* in Nervorum descriptione cap. 27. existimat acerrimos cruciatus qui in colico dolore notho excitari solent, non à materia excrementitia intestinorum cavitatibus inclusa, neque semper ab humore acri eorum tunicis impacto; ac sæpius à succo nervoso acrimonia quadam imbuto, atque intra hunc plexum stagnante provenire. *Marc. Donatus* ait mesenterium esse partem instrumentalem ex similibus constructam, venis, scilicet arteriis, membranis, glandulis & adipe: quæ omnes partes (membranæ duntaxat exceptis) sensu carent: quæ etiam membranæ cum plurima pinguedine circumvestiantur, rationi haud dissimile est nullo, vel saltem hebeti sensu donari, & per consequens dolore nullo effatu digno mesenterium ipsum: Objici-

deinde biliola & pituitosa cum dolore & debilitate virium reddidit: fæces, præter eas quæ clysteribus evocantur, nihil puris habebant: Præterius credidit mesenterii abscessum adesse; Nec absolum eorum rupto, loco nempe interiore, nullam perferens febrem, à qua, ut & torminibus plane immunis erat: Recte divinasse docuit eventus, quum paulo post in mundo excessisset.

tur hystoria à *Benivenio* allata cap. 33. de quodam *Iuliano*, alvi torminibus diu vexato, in cujus mesenterio abscessus repertus; Difficultati satisfacit, dicens, dolorem illum non in mesenterio, sed in intestinis per consensum excitatum, ea potissimum in parte, cui mesenterii pars abscessu laborans jungebatur, qui quidem cum multa materia repletus existeret, suo pondere intestina comprimendo, vel deorsum trahendo dolorem in illis excitare potuit: quinimo & abatrabilari materia contenta, acri & mordaci, potuerunt extolli vapores eadem qualitate præditi, qui intestinorum tunicas, insigni sensu donatas vellicando dolorem generare potuit.

*Ingens urina profluvium*] *Warrhon* adenogr. cap. xi. à lubricitate nimia valorum mesenterii urinæ copiosissimam profusionem (qualis in diabete contingit) oriri censet; Ut ejus retentionem diuturnam, magnæque simul quantitatis excretionem, asperitatis certum indicium esse ait, quippe quod asperitas retentioni, lævitas autem excretioni perpetuo favent. *M. Donatus* causam deducit à facultatum naturæ debilitate, inducta à sanguinis effusione, unde serosus & aquosus sanguis genitus sit, quod in cachecticis evenire consuevit: hinc sero venis oppletis, id per consuetas vias tandem externi contingit,

§. 3. *Isabellæ N.* venter intumuit, accessit Febris Continua ad extremum durans: Mesenterium tumore miro turgebat: In eo infiniti abscessus. *Lib. 3. tit. de ventris tumore.*

§. 4. *Juveni* dolor fixus in hypochondrio sinistro, in regione coli cum ardore, siti, Febricula Assidua &c. Inventus est abscessus in mesenterio & colo, ea potissimum parte quæ fundo ventriculi subternitur. *Vide lib. 3. tit. de ventris dolore.*

## OBSERVATIO LII.

*Febris Continua à Pulmonum putredine, Renis dextri, Duodeni, Omenti, colli vesicæ, &c.*  
Obitus *Francisci* primi Galliarum Regis. 1. *A vitio Hepatis purulenti, Coli nigrescenti, Epiploi putris.* 2. *Hepatis sphacelati, Pylori, Epiploi inflammatione, ac tenuium intestinorum inflammatione.* 3. *A lobo Hepatis inflammato, Pyloro, Pancreate, Mesenterio induratis, Pulmonibus purulentis.* 4. *Ab humore putrido in capsula cordis, calculo circa valvulas dextri ventriculi, cum vitio pulmonum, hepatis, lienis.* 5. *A corruptione inducta Jecori, Lieni, Intestinis, veneno adscripta.* 6.

§. 1. *Fran-*

§. 1. **F** *Ranciscus primus Galliarum Rex* Febribus Intermittentibus postea Continua occubuit, referente *Thuano* tomo xv. historiar. lib. 3. calendis Aprilis anno 1546. Man facta est dissectio corporis Secto abdomine, omentum ruptum ad pubem & ad ventricu- culum sese exhibuit, sic ut intestina, suo veluti velamine ablato nuda spectarentur: Sed qua parte duodeno & pyloro incumbibat nigredinis speciem & corruptelam referebat, Duo- denum putre, purulentum: Ventriculus inferiore tunica ruborem cum nigrore mixtum re- præsentans, humorem atrum, majorem etiam quam pro ratione assumptorum copia, con- tinebat: Gula ulcerata saniem subruffam eructans: Putris pulmo, dextra parte costis ad spinam sic pertinaciter hærebat, ut inde sine dilaceratione divelli non potuerit: qua par- te sectione facta vitosa sanies effluxit: Cor & Iecur, Ren sinistè plane illæsa, Lien non admodum insigniter affectus: Ren dexter ultima parte pure scatens, à quo exortum vas seminarium exemptum, colluviem in partes adjacentes effuderat, sic ut in illis omnibus insignes corruptelæ apparerent: In collo vesicæ, ulcus latum pure multo refertum: Sub pube dextra omnia purulenta, & ipsa substantia gangrænosa Scrotum, parastatæ & partes omnes testes ambientes simile vitium contraxerant: Animæ rationalis sedes integerrima: Tam variorum affectuum, tam diversos focos obsidentium certæ cum sint causæ, nullum tamen ad generationis primordia referendum esse, aut in posteros transire posse affirma- mare non dubitamus. *I. Cosma Holtzschii. Observatio.*

§. 2. Dysentericus Febre continua affectus interiit: Hepar erat sphacelatum & Epiploon cum Pylori inflammatione & tenuium intestinorum *Lib. 3. tit. de Dysenteria.*

§. 3. Scoto dolor erat ventris, lumborum, cum Febre assidua, siti, &c. Hepatis lobus orificio ventriculi posteriori erat affixus, qui nigribat ab inflammatione: Cum Pyloro induruerant pancreas, mesenterium: Pulmones purulento ichore erant pleni. *Vide lib. 3. tit. de ventris dolore.*

§. 4. Mercatoris filia, antea frequenter hæmorrhagiæ obnoxia, ac proinde cachexia fere consumpta, in febrem biliosam Continuum incidit: Ordinatam vinum laxativum (cum ab aliis omnibus abhorreret) inde pejor habet: Enema præscribo, leniendi ventris gratia, simul non neglectis alterantibus & corroborantibus: Succedit autem pervigilia, dolor capitis, intumescencia ventris, cardialgia frequens, fit pulsus intermissus, convulsio- nesprehendunt, *αποφύξια* tandem totalis adest, fluxu alvi symptomatico succedente: Pro- gnostico facto, roborantibus tantum naturæ suppetias ferre conati sumus, imprimis tunc temporis ubi exacerbatio *καρδιαλγίας* vehementissima affligebat, quam admodum leniebat roborans istud cujus usum mihi commendaveras in palpitatione cordis dolorifica, Chrysolithus videlicet præparatus cum lapide bezoar, margar, magisterio, &c. Hoc sæpius adhibito, non tantum ad miraculum vehemens cordis dolor remittit, sed rediit etiam apperi- tus cum somno moderato: vires vicissim colliguntur quadantenus: pulsus, qui per octiduum fere nullus, jam vermiculans, post intermissus redditur: Sed plenaria restitutione gravius erat malum, ob incipientem hydropem: qua de causa virium recolectio diuturnior esse non potuit, ideoque paulo post naturæ debitum soluit.

Post mortem aperitur: abdomen ichore foetido plenum, Omentum putrefactum, Lien atque Hepar scirrho laborant: Pulmones pleuræ adnati, cum capsula cordis, in qua humor putridus: cor duplo majus, bubulum referens, inveniuntur: quodque notatu dignum, circa valvulas dextri ventriculi calculus ex Tartaro concretus, instar minoris castaneæ, nucis compressioris, membranosa valvularum substantiæ adnatus conspicitur, vehementioris *καρδιαλγίας* proculdubio causa proxima *Greg. Horstius observat. lib. 4. obs. 47.*

## S C H O L I A.

**C** *Alculus καρδιαλγίας causæ* ] Et proculdubio vasa ordinariam circuitum, qui hinc incaluit, putre- febris continuæ ob interruptum sanguinis per- dinem contraxit, &c.

§. 5. Curæ meæ commissus est Dominus *Contant*, febre Continua laborans, cujus primis diebus comites fuere vigilæ, capitis dolor: præsertim occipitis, durities & contentio utrius- que hypochondrii sine dolore, cum mœstitia summa, quam pariebat metus ne simili mor- bo, qui fratrem extinxerat, detineretur: Robur nihilominus aderat virium, *ὁρδωρόδω* erat, per cubiculum, imo aream deambulans, appetitu non carens, maxime vini, quanquam solis iusculis ex Medicorum præscripto uteretur & prisana officinali: Ter illi missus fuit sanguis ante diem septimam, bis in brachio, semel in pede, quæ venæ sectio eum immunem omnino reddidit à capitis dolore: enematis alvus quotidie subleuebatur, exhibebantur Iulepi hep- atici, focus hypochondriorum adhibebantur à quorum usu remittebat eorum durities manifeste:

Hiii

Tandem

Tandem symptomatis omnibus remittentibus aut mitescantibus, cum evidentibus coctionis in urinis notis, octava die lenis purgatio & epicrastica exhibita est, cui non defuit operatus successus: Toto eo tempore, quanquam non remitteret febris, sublevatum se testabatur, solitis deambulationibus insistens: Res eo in statu ad xi. usq; qua se lecto tradere coactus fuit: xii. incanduit febris, dejectiones aliquot biliosæ superveniunt, sitisque intenditur quæ parva hactenus fuerat: *Buyatius* Medicus vacuationes symptomaticas aliquando dari pronuntiavit quæ periculum denuntiant, hanc vero ejusmodi esse non credere, qua de causâ venæ melleoli sectionem ad diem sequentem præscripsit, dummodo levis illa diarrhoea consisteret: At vero cum die xiii. auctior foret, sanguinis missio facta non est: quamobrem injecto, juxta dicti Medici præscriptum, clystere, xiv. fluor ille ventris multo liberalior fuit, viresque ægri deiciebat, qui tamen circa vespertinam substitit pæne, sed succedentibus atrocibus hypochondrii dextri doloribus & totius ventris: Accersitus D. D. *Mouton*, dolorem illum, adscripsit humorum metastasi factæ à parte ignobili ad nobiliorem, periculumque denuntiavit Dom. D. *Monfnerius* xv. die morbi superveniens, rite explorato morbi & ægritudine, in hepate factam esse humorum depositionem asseruit, nec procul abfuturam mortem, quæ die sequenti adfuit circa noctem & morbi 17. Septembris. 27.

Postridie cadaveris disseccandi gratia cum locum dictum adiissem, rem peractam reperi: avidus tamen cognoscendi hypochondriorum & intestinorum statum, ob summos dolores quos ea in regione perpessus erat æger, qui paulo ante obitum toxico se infectum fuisse credere mihi dixerat, laxatis futuris coram Dom. Garnier, deprehendi ventriculum sanum & integrum, at hepate & lienem omnino putrefacta, præsertim hepate quod lividum erat & lactis coagulati instar friabile: Intestinorum unnicam anteriorem corrosam & laceram diversis in locis, cum ulcere, cujus oræ callosæ erant, è quo materia purulenta prodibat, tantæ amplitudinis ut apicem auricularis digiti posset admittere, ac substantiam intestini cujuspiam omnino pervaserat, quod quale fuerit designare non potuit, quia in abdomen confusa conjecta essent: cujus capacitate serositas biliosa exundabat, abominando & horribili fetore prædita, cujus libræ circiter sex eductæ fuerant ab eo qui dissectionem susceperat: Neque cor neque pulmones vidi, graveolentiam veritus, quæ referente Dom. Garnier, in statu erant naturali, si Pulmones aridiores non fuissent. Dabam Villetæ Antonie anno 1662. Octobris 2. *Julien*.

## S C H O L I A.

**N**Os infra signati, examinatis interioribus partibus cadaveris Dom. A. Constant: intestinis pluribus in locis exulceratis, è quibus unum perforatum: Hepate & Liene corruptis intra bidui spacium, per quod doluerunt, Aquis & serositatibus intra abdominis capacitatem, extraordinarie fætidis collectam, aliisque symptomatis funestis, concludimus dictum Dominum morte violenta occubuisse, inducta à causâ maligna & veneno lente actionem exerente, quod substantia se non prodidit, sed tantum effluviis: Quod asserimus 2. Octobris 1662. *Mon-ton D. M. Garnier Julien*.

Dominus Corbet, Procurator Regius Viennæ Delphinatus, relationem præcedentem, quia res est momenti, communicatam mihi voluit; Ea præsertim de causâ quia rumor erat defunctum à veneno exhibitum interiisse, quamobrem sententiam meam quoque ut proferrem voluit.

Ego D. Medicus Facultatis Monspeliensis, Lugdunensi Aggregatus, infra signatus, certum facio me legisse, & ad amussim examinasse relationes factas à Dom. *Mouton* Doctore Medico, ac magistris *Garnier* & *Julien* Chirurgis Delphiacibus, morbi & eorum quæ adnotata sunt in cadavere aperto Domini A. Constant: Qua de causâ cenleo morbi & mortis causam adscribendam esse insigni caco-

chymie & corruptionis humorum, cujus malignitas proles est & alumina: nec non vermium copiarum febris comitum, quandoquidem æger morbi initio famelicus fuit: Intestinorum unum perforatum fuit, è quo materia exiens, universum abdomen implens, putrida, abominando fetore donata fuit (proculdubio ob lumbricorum ingentem copiam mortuorum & in intestinis corruptorum; quos proculdubio videre licuisset iis apertis) & intestinorum anteriorem tunicam exulceravit: mesenterium & epiploon corruptis, nec non hepate & lienem, ante intemperie affecta & impuritatibus infarcta: quandoquidem ab initio morbi observata fuerat intignis in utroque hypochondrio tensio, iis familiaris qui prava utuntur dieta: Neque enim locus est constituendæ legitimæ exhibiti veneni suspitioni, cujus nullum signum univocum extat, cum ventriculus (qui primam veneni impressionem, ore dati, semper excipit) integer & sine labe repertus sit: Adde his memorata symptomata febribus à vermibus inductis sæpe familiaria esse, quod hoc tempore præsertim innotescit, quæ Delphinatum finitimasque regiones peragraverunt, (Gratianopolim præsertim anno 1650) plurimis funestæ: Atque hæc est mea sententia quam propria manu firmavi: Lugduni x. Octobris 1662. *Grm.*

OBSERV.



## OBSERVATIO LIII.

*Febres continue lethales, exustis visceribus ob denegatum potum.*

**S**unt quidam qui eandem fere legem in omnibus febricitantibus servant, nimirum ut caveant maximopere à frigidæ potu: quam ob causam anno 1649. infinitus propemodum ægrorum numerus è vivis sublatus est, cum tamen febres essent continuæ, cum mixture diversorum humorum, & præcipue bilis, non tamen solæ, qui cum Sici maxima torquerentur exusti obibant.

Secundis cadaveribus ventriculus, cor, pulmones & reliqua viscera tanquam exusta apparebant. *Domin. Panarolus Pentec. iv. Observ. viij.*

## S C H O L I A.

**F**rigidæ potus sicut in febribus ardentibus, æstate media, in juvenibus optima temperie prædictis, timentibus, optimus, communi Medicorum consilio approbatur, ita etiam in febribus, ubi humores sunt mixti, tanquam inutilis & insalubris existimatur: Quare diligenter advertat Medicus ne ipsum administrando aut auferendo ægrotum morti exponat: Ego vero humectando & refrigerando, (dicta temperare) sequenti modo mileros ægrotantes sanitati restitui, cum ubique cadavera per urbem deferrentur. 1°. priusnam hordeaceam non quinque aut sex

unciarum, sed xij & xv. imperabam: 2. immediate ante prandium vel coenam 8. aut 10. uncias aquæ hordeaceæ administrabam: quo facto in omnibus aut urina copiosa, aut alvi fluore oborto, surdi & fatui paulatim absque febre remanserunt, & diligenti postmodum cura adhibita, fatuitate & surditate fugata, integræ fuerunt sanitati restituti, non neglectis interim aliis prædiis, sed in hoc salus tantum consistebat: Aquæ isti hordeaceæ imposuimus aut frondes, aut cortices citri incisos cum succo limonum, qua mediante nullus perit. *Idem ibidem.*

## OBSERVATIO LIV.

*Febre continua extincti vasa omnia sanguine depleta reperta sunt.*

§. 1. **A**nno 1641. Novemb. v. dissectum fuit corpus Principis *Ferdinandi*, Hispaniarum Regis Fratris, qui lxxxix. diebus Febri continua obiit, ætatis xxxij. ann. Sublatis, corde, hepate, pulmonibus, adeoque dissectis venis & arteriis, vix cochlear cruoris in cavum thoracis confluit. Plane nimirum ostendit hepar exangue, cor vero instar crumenæ flaccidum: Biduum ante mortem plus edisset si ipsi concessum fuisset: Fuit nempe per venarum sectiones, purgationes, hirudines ita exhaustus, non desinebat tamen Tertianæ typum servare. *Helmontius Tract. de Febribus cap. 4. §. 16.*

§. 2. In cadavere febre extincti in vasis vix libra sanguinis superstes fuit. *Car. Piso lib. de morbis à sero sect. 2. p. 2. cap. 4.*

§. 3. Anno 1663. obiit in Gallia Serenissimus Princeps H. ab A. D. L. annos 63. natus, pusillæ staturæ sed vividæ & robustæ constitutionis: Huic febre continua prehenso tam stricta diæta imperatur, quanquam largiori alimento, si concessum fuisset, libenter indulisseti tamque frequentibus venarum sectionibus ex deplentur, ut aperto post obitum corpore, vasa omnino exhausta reperta sint, viscera autem omnia integra, nullatenus, ut in senæ, flaccida & marcida. Adeo ut facile constiterit magis illi funestam fuisse medicorum industriam & sedulitatem, quam ipsam vim morbi.

§. 4. Febres ardentes alimentarios humores corporisque substantiam calore suo absumunt: scribit *Hippocr. lib. 1. de morbis, Qui ex febre ardente moriuntur*, omnes ex siccitate moriuntur, Et referunt authores quidam sanguinem totum fuisse absumptum, ut scribit *Argenterius ad cap. 2. lib. 2. ad Glanconem de Musio Medicis*, Arcis Pisane Præfecto, in cuius cadavere ne gutta quidem sanguinis reperta est. *Primirosius de vulgi erroribus lib. 2. cap. 6.*

## OBSERVATIO LV.

*Febris continua à nimia obesitate inducitur.*

**O**blati mihi sæpe infantes ex iis quibus lac nimia copia fuerat exhibitum, qui febre Continua brevi tempore extincti: quorum dum mortis immaturæ causam indagabam, omnes ita pinguedine obesos juveni, ut vix scirem quo cultrum anatomicum adigerem, *Vide lib. 3. tit. de vomitu.*

*Febris Lipyria à Pulmonum inflammatione, exsiccatione & tabe se prodente, i. Ab Erysipelate eorum. 1. Ab eorum inflammatione maculas relinquente. 3. Typhodes ab inflammatione Pulmonum in suppuratum abeunte. 4. Lipyria ab Erysipelate ventriculi. 5. Ab Hepatis inflammatione in abcessum, ulcus & gangranam desinente. 6. Ab inflammatione extremorum Hepatis loborum nigredine se prodente, Lienis communicata, cum insigni cystis felle magnitudine & repletione. 7. Febris Leipyria tertianaria ab uteri inflammatione corruptionem irvehente, cum Pulmonis partis & Iecoris vitio. 8.*

§. 1. **I**llustriss. Marchesia Rangona tribus ab hinc diebus sollicitatur febre continua, è genere ardentium, imò etiam *Leipyria*: pulsus enim 1. magnus est, celerrimus, frequentissimus atque etiam durus nonnihil, languidus tamen, qui Galeno teste, biliosas febres non omnes consequitur, sed lethales tantum.

§. 2. *Sitis licet non sit insignis*, ob humorè à cerebro in os assidue delabentem, insignem tamen calorem febrilem intus urentem indicat, alias enim ægra non sitiret, nec aquæ potuinusque adeo expeteret. 3. Vigiliæ quoque immodicæ febris hujus naturam patefaciunt, quippe quæ vaporum à bile putrescente in caput elatorum acrimoniam consequantur: Cæterum quoniam cerebrum destillationis principium multis subfrigidis abundat excrementis, fere continuè in somnum propensa est, dormire tamen vix potest brevi etiam temporis spatio, unde colligitur *Coma vigil.* 4. Temporum insignes pulsationes dictæ febris pariter sunt indicia, humores enim biliosi facile sursum tendentes temporum arterias subeunt, eoque congressu membranas, tum internas tum externas invadunt feriuntque, ideo. 5. capitis dolorem suscitant, ita ut. 6. *quædam Delirii præludia* detegantur: quandoquidem morbum perquam gravem & acutum minime (ut deberet) sentire videtur: interrogata enim quomodo se habeat? ut plurimum bene respondet: Quod mentem laborare indicat iuxta aphor. 6. sect. 2. 7. adest Spiratio frequens, laboriosa, & cum stertore quodam, à virium languore, usu aucto, ob viscerum, præsertim spiritalium, ingentem æstum atque viarum spiritus angustiam, capitis fluxionem in asperam arteriam consequentem, unde stertor: 8. lungitur huic febre *dolor dextri lateris, non punctorius & acutus*, sed admodum mitis non continuus, sed longo temporis intervallo interjecto leniter suscitatus, qui parte laborante exterius pressa excitabatur, minime certo loco circumscriptus, sed modo hanc, modo illam dextri lateris partem invadens. 9. Excrementa, ut fæces & lotia, multa bile referta sunt: nec obstat quod pituitosa etiam admixta biliosis excrementa conspiciantur, nam ex præcedentibus cruditatibus sunt collecta: quæ cum spumosa sint, magnam viscerum & venarum ebullitionem indicant: fæces non solum biliosæ spumosæque conspiciuntur, sed læves etiam ac nonnihil pingues, quæ nativum viscerum calorem ab ingenti calore putredinali & febrili violatum denotant, ut humores primum eliquantur, deinde carnes & pinguedines: Lotium autem primis morbi diebus rufum fuit & saturatum, tenue tamen, infirmi caloris nativi soboles, crudique morbi indicium, deinde confusum apparere cœpit ob sanguinis & humorum, qui in venis sunt majoribus confusionem, corruptionem & putredinem, cum putredo omnia perturbet, permisceat & confundat: 10. Sudores circa caput, collum & pectus, una cum copiosiore urina erumpere cœperunt, qui mali, quia nullo in cæteris excrementis apparente coctionis signo, exigui, subfrigidi, febre non deficiente & in die pari promoti sunt: 11. Insignis calor percipitur circa thoracis & ventris regionem, licet exteriores corporis partes interdum frigidæ, nonnunquam moderatè calidæ contingantur interiores tamen semper uri affirmat ægra hinc linguæ nigredo, tametsi non multum arida cernatur, ob materiam à cerebro in os assidue distillantem: Ex quibus colligimus *febrem hanc putridam & continuam, non solum biliosam & ardentem esse*, verum etiam *Leipyriæ naturam æmulari*, cujus focus est in venis quæ ad partes spirituales ad jecur & hypochondria spectant, quod patet ex illarum partium æstu, dolore, atque hypochondriorum, præsertim dextri, elevatione potius quam renitente tumore, Febris autem binas exacerbationes quotidie habet, mane nimirum & vespere, leve tamen, ac tertio quoque die, sed per dies pares manifestata excandescencia apparuit, Cum vero maxima esset inter nos opinionum ambiguitas, statim discessi non amplius rediturus, verum hora quinta circiter sequentis noctis (die morbi quinta) summis precibus accersitus, Ill. Ægram inveni valde siticulosam, anxiam & inquietè se jactantem, cujus extrema frigida non amplius recalescebant, difficulter & cum stertore respirantem, promptè tamen loquentem, Quibus omnibus exacerbatis symptomatibus præceps destillatio ita impetuosè accessit, ut præclusa spiritus via temporis brevissimo momento præfocata perierit.

Dissecto cadavere reperti sunt *Pulmones pene tabefacti & exsiccati*, præsertim quoad partem sinistram, Etenim, licet secundum propriam substantiam, in sumam maciem siccitatemque dextri quoque Pulmones ob eandem causam incidissent, multa tamen excrementitia humiditate suffusi ob inflammationem à sanguine pituitoso ea in parte incepram, molles & flacidi apparebant, imo corruptio quædam in membrana pulmones succingente ejusdem lateris dextri manifestè concipiebatur: Partes igitur internæ, ut prædicebam, non autem externæ, afficiebantur, nisi alio quodam leviori & peculiari affectu: *Zecchini consultatione xxvj.*

## S C H O L I A.

*Mo etiam Leipyria*) Cujus species apud *Avicennam* ab erysipelate circum Pulmonem consistente, quemadmodum scriptum est apud *Avicennam* lib. 5. cap. 89.

*Pulsus magnus, durus, &c.*) De pulsu in hac ægra peculiaris est ratio: Peripneumonia enim laborantium Pulsus ideo molles evadunt, quia pars inflammata (Pulmo) suapte natura humida mollis est & laxa: ac cessante hac causa rationi consentaneum est effectum quoque inde pendentem cessare, quod hic locum habuit, cum pulmones reperti sint pene tabefacti & exsiccati, quorum partes internæ potius afficiebantur quam externæ: *Zecchini ibidem.*

*Sitis licet non sit insignis*) Cum vident Medici plethoræque febre satis insigni laborantes parum sitire, aut nullam probabilem rationem afferunt, aut distillationem à capite causantur Melius Galenus part. 1. lib. 4. Acut. Interdum Causa in una parte, interdum in toto corpore gignitur: Si in toto corpore, Sitis omnino parva, Cum in una parte, non necessario, nisi pars ipsa situm afferat: Omnium autem primum id facit os ventriculi, deinde stomachus, post Pulmo, subinde jejunum intestinum, Id quod notandum, Atque inde colligere possis attractionem ichorum in totum corpus, non tantum in majores venas, causam esse Causæ: Sic in habitu corporis accenduntur ichores, & febrem committunt, & dolores ætatem parient, & sudoribus solvantur, Et ab habitu maxime sudor manat; Si ergo ventriculus, hepar, os ventriculi, jejunum intestinum, stomachus, & sitis & febris sunt foci quidam, item & corpus totum plenum ichoribus, quid est cur ad generationem febris continuæ, recurremus ad venas internas majores? *Ballonius consil. 31. lib. 2.* Sed præter defluentem à cerebro pituitam sitis vehementiam exinguentem, altera in hoc casu subest causa, scilicet instrumenti propria affectio, quandoquidem Lingua nigra fuisse dicitur, quanquam non arida, ob assidue distillantem in os à cerebro pituitam: Lingua cum sit nigra exustaque, totus stomachus, cui illa continua est, eo pene modo affectus est; hinc arentibus iis partibus & supra modum siccatis, non percipitur sensus indigentia, quia nervus subjectus linguae non est eo modo affectus & dispositus quo esse debet, atque superficie exusta & torrefacta, in quibus causæ sitiferæ prima impressio & sensus esset bebet.

*Continue in somnum propensa est*) Huc refert quæ lib. 1. de Soporosis affect. dicta sunt ubi de Lethargo à Pulmonibus.

*Coma vigil.*) *Avicenna* notavit pueros ardenti febre biliosa correptos interdum somnolentos potius quam vigiles esse præ nimia humiditate huic ætati familiari, quæ ratio huc pertinet.

*Quædam delirii præludia*) Delirium tacitum non omnes agnoscebant, quamvis enim nec abiurda loqueretur, nec temeraria moliretur, nihilominus quia morbum gravissimum acutissimumque fere non sentiebat, atque sibi ipsi in singulis propemodum dissimilis erat, mentem ægrotare facile intelligebatur. *Zecchini.*

*Dolor lateris*) Cum dolor hic non sit punctorius & acutus, sed admodum mitis, non continuus, sed longo temporis intervallo interjecto leniter suscitatus, cumque certo loco minime sit circumscriptus, sed modo hanc modo illam dextri lateris partem invadat, haud quidem Pleuritidis accidens (ni fallor) censeri potest, cum præsertim nulla vel exigua tussis adsit, eaque rara admodum excitetur, notha namque pleuritide laborantes assidue tussire solent, Quamobrem dolorem hunc aliunde pendere arbitror, nimirum à sanguine bilioso pulmonum venas replente ac partium inflammationem quandam suscitante, quo quidè certis quibusdam horis magis minusve fervescit, ideoque membranam pulmones ambientem distendente, dolor ille concitetur: nam licet pulmones non sentiant, eorum tamen membrana sensu aliquo non caret: Quod autem cutis affecti lateris cum carne subjecta contrectata doleret, non tamen existimare debemus dolorificum hunc affectum fuisse tantum externum, quamvis consultores ita sentirent, nam præter externum affectum, quem non nego, quique nullius est momenti, cum ægrotæ super illud latus facile cubare possit, alium cumque graviores affectum, Pulmonum lateris dextri substantiam & membranam simul læsisse vexando, hinc patet quod super latus oppositum nullatenus cubare possit, certissimum sanè interioris affectæ sedis argumentum. *Zecchini.*

*Non punctorius*) Quod dolor lateris non esset punctorius & acutus sed mitis, ex eo Consultores allerebant notham esse pleuritidem, h. e. musculorum costalium externorum inflammationem, quod præter febrem continuam, lateris dextri dolor & spirandi difficultas cum tussicula quadam adessent, & parte laborante exterius pressa dolor excitaretur: Confirmabant, quia si fuisset Peripneumonia, ut ego affirmabam, tria potissimum habuissimus signa, 1°. Pulsus mollem (qui tamen in hac ægra durus erat) 2°. maxillæ apparuissent rubore suffusæ, ob vaporum copiam quæ ab inflammationis & ebullitionis loco excitantur. 3. cruentum aut rubro colore infectum sputum excerni solet, ut docet Gal. de loc. cap. 9. quod in hoc morbo non fuit observatum: Quod spectat ad lateris dolorem, argumentum facile diluitur si prius consideremus quid sit Pleuritis exquisita & notha, quidve Peripneumonia: Exquisita Pleuritis, ut omnes fere arbitrantur, est inflammatio membranae costas cingentis, vel musculorum illi continuorum in parte interna: Notha autem est musculorum externorum lateris inflammatio: Interdum verò dicunt Pleuritidem falso putaram, esse dolorem cum insigni spirandi difficultate, ac cum febre, procedentem à copia crudorum succorum, qui in vacuum thoracis locum, aut in pulmonem repente se ingerunt, membranamque succingentem distendunt, Nos autem cum *Hippocr.* in lib. de loc. in hom. 91. Pleuritidis nomine Pulmonum alterius duntaxat lateris inflammationem intelligimus: Peripneumoniam autem nomine, Pulmonum secundum utramque partem inflammationem esse



**affirmantes** : Quare semper in hac fui sententia ut Lateris dolores magna ex parte ad pulmones pertineant, raro autem ad membranam illam costas circumcingentem, cum in pluribus præsertim corporibus post obitum dissectis ægrotum, qui communiter accepta Pleuritide periisse judicabantur, non membranam hanc affectam fuisse, sed Pulmones observaverim una cum sua membrana laceratos & corrosos : Sed ut ad institutum redeam, Illustr. ægram non laborare musculorum costalium inflammatione assereram, quod alii censebant, nam cum diligenter observarem laborantem hanc decubitem in partem affectam facile sustinere non posse, posse autem in latus oppositum cubare, certo assereram eadem affectam internam esse Pulmones, nempe una cum membrana eos circumcingente : Ex dolore namque gravi, sed non punctili, cum stertorosa & difficili respiratione, atque pulsu magno, languido, & cum multiformi inæqualitate, facile intelligebam Pulmones inflammati. Nec obstat quod de tribus signis deficientibus assereretur in medium, quoniam incipientes morbi omnia statim signa manifeste haudquaquam expriment, Atque ut ordine retrogrado procedamus, quod ad excrera attinet, etsi in hoc affectu non semper ab initio intertussendum aliquid ex Pulmone excernatur, plerumque tamen per morbi incrementum ac vigorem eruentum ex eo detruditur, quoniam illud est quod tenue ex inflammato loco tandem exudar & excernitur. Neque etiam inter hujus morbi iniqua tanta in loco inflammato ebullitio excitatur, ut vaporum sublatorum copia male rubore coassiciantur, De Pulsu autem peculiaris est ratio alibi annotata. Cur vero inflammationis hujus signa, sitis nempe, dyspnœa, & tussicula manifeste apparent, alia autem, nempe pulsus mollis, malum rubor, & sputum eruentum inflammatione inchoante delitescerent, ea ratio adduci potest, quod hæc unum duntaxat morbum, peripneumoniam videlicet, sequebantur : illa vero non solum hujus incipientis morbi ioholes erant, sed, & destillationis, & febris, & angustia cujusdam valorum ad Pulmones pertinentium, qui quidem affectus jam insignes erant & patentes. *Zecchini.*

*Insignis calor circa thoracem & ventris regionem* ) Hinc *Vallesius* 1. Epid. l. 3. egro 1. notat, & ex eo *Riverius*, Peritatum esse febres acutissimas & perniciosissimas fieri sine interna aliqua phlegmone : Quare nunquam omittendam curam hypochondriorum, thoracis, capitis, uteri, renum & venter, ut omni ratione investigemus quæ harum partium insigniter laboraret, ut ei, quod ad fieri possit, subveniatur.

*Febrem hanc non solum biliosam & ardentem, &c.* ) Consultores febrem hanc malignam censebant, quod ferina symptomata morbi essentia, calori sc. febrili, minime responderent. Ego autem talem non judicavi, quia morbi maligni non solent decrefcere aut remitti, saltem ante eorum vigorem : quare cum hæc statis

§. 2. Erysipelas Pulmonis paucis attingunt, quia forte raro occurrit : Ejus exemplum vidi mense septembri anno 1678. in puella xv. menses nato, filio Dom. de la Combe Diversitoris, cujus domui appender insigne trium Regum, Traditus fuerat nutrici educandus extra domum, cui redditur bene habitus & pedibus valens, sine auxilio deambulans xiv. dicti mensis : Die sequenti, scil. xv. febre corripitur, quam comirabatur sitis inexhausta, vomitus omnium ingestorum ac diarrhoea, (aut potius Cholera morbus) ac oculorum motus convulsivi : Ab exhibitis granis vi lapidis bezvartici orient. & tantundem margaritarum præparatarum, ex aqua cerasor. nigr. cum saccharo cando, melius se habuit, nam sedatus vterque fluor, oculis nitore & conniventia rediit, adeo ut omnia in tuto viderentur, Sed exactis xij horis convulsiones, in oculis tantum manifestæ redeunt, calor intus refugit, adeo ut ad actum omnino frigeret, cavantur oculi, ambiente eos insigni livore, mors denique desinente sexta die obrept.

Consternati parentes, quod ante annum alius puellus morbo acuto quoque fuisset abreptus, apertionem cadaveris optarunt, Hæc priusquam susciperetur, anasarca per totum affe-

quibusdam horis remitteret, malignam non credidi. Nisi malignitatis nomen late signatur pro magno & pernicioso, quomodo *Hippocr.* 2. Epid. febres autumnales, quibus cum cardialgia ferinaque symptomata coniunguntur, minus malignas appellat, quod temporis familiares sunt : Nam licet interdum febris ita remitti judicaretur, ut nonnihil ægra quiesceret, non tamen ipsam febrem suscite natura remisisse judicandum est, sed ipsius duntaxat declinationem exacerbationis factam fuisse : Quare hinc deceptionis occasio erat, quia illi qui aderant, comparantes statum præsentem declinantis exacerbationis quietiorem cum statu ejusdem acerbiore, ægram melius sese habere, febremque declinare falso existimabant. Ita 1. Epid. *Philiscus* corripitur febre tam acuta & maligna ut die 6. objerit, tamen secunda inclinante die cuncta symptomata remittebant, nec non tertia die mane & usque ad meridiem visus fuit immunis à febre. *Zecchini* ibid.

*Præcepta destillationis &c.* ] In questionem vertebatur num ejus inhibenda gratia, & suffocationis periculi vitandi, phœnigmo, dropace, vel in incipite inustionibus, more *Hippocr.* redundantes in cerebro humiditates exsiccare & foras trahere expediret ? Illi statim præstandum contendebam, at Consultores obiciebant, Si futura times capitis excrementorum à calore febrili fluxionem, cur id remedium proponis quod valentius excrementa capitis liquabit quam febrilis calor ? Resp. Liquaros à medicamento humores foras quoque prolici, unde impetus fluxionis cohibetur : cujus operis simile erat exemplum apud Galen. 5. meth. med. cap. 14. *Zecchini.*

*Pulmones pene tabefacti, &c.* ] Verisimile est Pulmones tantam immoderationem siccam, tabidamque affectionem hanc, tam brevi temporis spatio quo ægrotavit minime contraxisse, sed multo antea, cum ex naturali quadam ad ipsam propensione, accedente senili atate, tum etiam ex victus ratione prægressa : quippe cum animi & corporis laboribus, vigiliis & frequenti jejuniis, pietatis causa, dedita esset. Id.

*Hypochondriorum, præsertim dextri, elevatione.* ] Quamvis primo aspectu suspicio mihi nata sit incipientis in hepate inflammationis, quod simul observassem tumorem quendam adhuc etiam subsistentem circa jecoris regionem : cum corporibus nonnullis à natura datum sit ut hepar fibris quibusdam ita costis inferioribus hæreat, ut hoc vicere laborante distentoque costarum regionem dolor infester, atque pleuritidis speciem referat, quod multis ab hinc annis observavi & experimento comprobavi : diligentius tamen singula mecum perpendens dolorem hanc ex Pulmonum illius lateris inflammatione proficisci existimavi, difficultas enim spirandi, angustia, stertor, pulsus magnus, languidus, atque multiformiter inæqualis, una cum sputo intertussendum spumoso excreto, comiteque dolore, licet non punctili, Peripneumoniam cumulatissime indicant.

Ann se obtulit, ubique enim digitorum impressa vestigia remanebant: Aperto abdomine, omentum vix umbilicum pertingebat, pinguedine destitutum: In ventriculo & intestinis flatus. *Colon*, in vicinia cysti stellæ, atque lato ambitu impense flavescibat: *Jecor* pallidum erat, qui color familiaris peripneumonice, tincturam ad se attrahentibus pulmonibus: Annexa illi *Cystis* turgida, exterius coloris saturate viridis: fovea, cui inferitur, admodum excavata, quæ duos digitos complicatos admisisset. *Mesenterium* glandulis, scatebat innumeris magnitudinem naturalem excedentibus, ab obstructionibus tumidis, quod intempestive puero solidioribus fuisse exhibitus: Vnde atrophiam illi imminerebat, si vita fuisset protracta: *Ren* uterque quam decebat major, ovum gallinaceum maximum mole æquans. Sinistri vitiosa erat figura, parte enim convexa planus erat, quasi a superincumbente pondere depressus: Discissus arenulas plurimas pelvi inclusas continebat, nec non vreter subditus, puri remixtas: Cui forte Anasarcae ortus adscribendus, quod unicus Ren esset in officio, sero hinc in habitum effuso: *Thorax* autem mortis causam continebat: *Cor* pro ætatis ratione majus. *Pericardium* aqua destitutum, *Pulmones* parvi, exangues, antica parte colorem nativum & formam servantes. Postica rubicundissimi, inflammationis erysipelaceæ notas gerentes, citra duritiem & renixum: Respiratio non multum difficilis fuit, illi similis quæ ob usum aductum accidit: Tussis toto morbi decursu absuit, quod sola intemperies citra humoris copiam molesta esset.

§. 3. Tantum in Leipyria febre renitentiam alexipharmacis omnibus observavimus, ut mortuis ægrotantibus, secto pectore, maculæ nigerrimæ inventæ fuerint, per totam Pulmonum substantiam dispersæ & alte penetrantes: Pulmones hoc modo variegati *Pardis* pellem æmulabantur. *Dom. Panarolus Pentec. 2. Observ. 14.*

§. 4. Quidam longo tempore ob vulnus in pulmone decubens, eo tandem putrefacto à Febre Typhode contabuit: Illi media pars pulmonis consumpta ac pure soluta spectabatur. *Vide lib. 2. Tit. de Phthisi.*

§. 5. D. Rubat. (*Vide lib. 3. tit. de Ventriculi dolore*) de ventriculi æstu conquerabatur: aderat Febris leipyria: Fundus ventriculi parte interna nigricabat, tanquam ab igne ustulatus. Pars externa lienem respiciens livebat, & pars coli vicina.

§. 6. Famulus cerevisiarii Delphensis misere ultra annum decubuerat, annos natus 36: Per integrum annum dolore hypochondrii dextri conficiebatur, atque in autumno febrem habuit non observantem typum, lentam tamen, qualis in corruptela substantiæ lecoris fieri solet: duravit deinde hæc febris, typum non retinens aut observans, per totam hyemem sequentem, quæ neque hominem in vere reliquit, & perduravit deinde ad ætatem usque &c. Cum autem per annum quasi tabe consumptus foret, maximos dolores perpeffus, ac tunc faciem ictericis similem haberet, qualis contingere fere solet omnibus jecinorosis, tandem C. Ericium accertivit, quo statim repudiato cum opem non sentiret, variorum Empiricorum opera usus est, ita ut tandem ad extremam atrophiam deveniret: Ego quoque accitus, hominemque inspecto, admirari cepi, cum in vita virum magis consumptum macilentiorumque nunquam vidissem, cui tantum pellis rugosa una cum ossibus restabat, Iecore enim ita contabescente totum corpus tabe absumptum conspiciebatur: Deinde huic non solum facies erat citrina, sed universum corpus flavum evaserat, etiam albedine oculorum in citrinum colorem plane conversa, quod & jecinorosis & ictericis evenire solet: Aderat & huic Tussis sicca, admodum molesta, hominem omnino conficiens: hypochondrium deinde dextrum apparebat durum & valde subtumidum, & omnibus conspicuum, musculis abdominis plane consumptis & extenuatis: urina vero tenuis erat, sed supra modum tincta & ignea, ut vinum rubrum ac diaphanum videretur: Sed & oris siccitas cum molestabat, præsentia febre hectica, ac pulsu vix apparente, & magis sub noctem intensa: cæterum modo alvus adstricta erat, modo admodum liquida & plurima biliosa liquationis instar egerebat: postea iterum fuit arida & sicca: Præterea aderat & cibi fastidium sitisque inexhausta, ita ut aquam frigidam ac gelidam magna in copia hauriret, Ad hunc postquam ultra annum laborasset, ingressus, cum ab initio huic sanguinis detractio esset prætermissa, idque male in Epatis inflammatione & apostemate, nunc id nullo modo licuit, in homine jam tabe & hectica febre consumpto, ipsoque humido radicali etiam absumpto: Ego vero apostema in hepate confirmatum atque incurabile pronuntiavi, & non diu post meam opinionem confirmavit cadaveris sectio: nam tumor admodum durus paucis diebus è regione epatis ita in immensum excrevit, ut omnibus appareret, non sine dolore: quod signum erat abscessus futuri, nam si simplex scirrhus fuisset minus doluisset: quare prædicto prognostico cum pro deplorato habuimus, cum apostema Epatis confirmatum non curetur, At postea cum idem tumor laxior fieri inciperet, febre magis invalescente, suppurationem expectavimus: Hinc cum apostema maturum appareret, & materia satis esset deducta ad saniem, remittebantur quidem prædicta acciden-

tia, gravitas tamen major remanebat, cum materia in uno loco magis congregata videretur, & tactu lenitas & mollietates sentiretur, durities quæ prius sentiebatur, in totum ablata. Statim autem cognovimus ex dolore redeunte, ruptionem appropinquante, punctione & febre rursus incrementum & gravitate majore: Cum tamen per se non rumperetur abscessus, ut Chirurgus ruptionem juvaret imperavimus: Verum cum ejusmodi ingens apostema non rumperetur, Chirurgum incitavimus ut ad incisionem procederet, sed in corpore debili & exhausto id tentare noluit, vel non audebat; existimabat enim quod tandem per medicamenta apposita rumperetur: Verum cum illud non succederet & escharam quasi induxisset, denuo me in consilium adhibuit: Ego autem cum ex signis presentibus animadvertirem quod pus totam ventris cavitatem occuparet, potissimum è regione Epatis, ubi tumor ingens laxior apparebat (nam motio puris & fluctuatio quædam exaudiebatur) ulcus jam factum in Hepate, malignum, putridum & corrosivum iudicabam, quod hominem subito è vita tolleret, nisi ultiò (ut veteres Medici facere solebant) vel incisio aut apertio statim fieret scalpello vel phlebotomo aliquo, quæ licet etiam in homine deplorato & viribus exhausto periculosa haberetur, tamen tentandum fore, ne æger statim ex putredine puris intus collecti exspiraret, Ideo & secundus Chirurgus advocatur qui incisionem statim agenda censuit, præhabito tamen prognostico quod cura coacta & periculosa foret, tamen tentanda ne ulcus in pejus procederet: interim si fieret, atque æger animo delinqueret, sicque vitam finiret, id in manu nostra non esse, cum vires exhaustæ essent, interea porius anceps quam nullum remedium adhibendum: Cæterum ægro ipso, tum amicis assistantibus consentientibus, Chirurgus dextre suo officio functus est; prima vice post adhibitam incisionem sanie virulenta & sanguinolenta absque pure exeunte, at cum vulnere impositum esset linamentum, quod secunda visitatione amovebatur, materia viscosa, purulenta, foetida, copiosa emanavit, cum tanto foetore ut totam domum eo impleret, ita ut vix quisquam nostrum in cubiculo apud ægrum persistere posset: Cum vero materia foret vitiosa, ut eo minus exire posset, denuo coactus est incisionem ampliorem facere, quod etiam dexterrime peregit neque interiora laesit: exivit tunc materia admodum foetida & purulenta amurcæ similis: unde conjecimus omnia interiora corrupta, & hepar similiter & ægrum non evasurum amicis prædiximus, juxta aphor. xlvij. 7. Tercio autem die ab incisione caro exterius facta est livida ac in gangrænam mortificata: nec tantum caro externa, sed & interior, quod cognovimus ex ingenti putredine & foetore qui ex loco inciso exhalabat dum vulnus reficeretur, non aliter quam ex homine cadaveroso & demortuo: præterea dum Chirurgus paulatim pus propelleret, & ad exteriora labia vulneris deducere tanta cavitas apparebat ut & interna tandem etiam corrupte, spectarentur: Paucis, septimo die ab incisione peracta mortuus est.

Eo demortuo cadaver incisum, Et in tota ventris capacitate reperta copia puris valde fortentis, ut præsentis in cubiculo perdurare vix potuerint. Occupabat autem pus tam partem sinistram quam dextram sub toto abdomine, usque ad imum ventrem, & repertum est omentum à pure virulento consumptum, peritonæum quoque disruptum & putridum conspiciebatur, similiter & intestina nigredine & plumbeo colore infecta spectabantur: Hepar autem durum videbatur, ingentis magnitudinis albicans autem circa stomachum, sed in gibba sui parte, prope nothas costas, nigrum, exustum ac plumbeum, in esthiomenon transmutatum: erat enim hepar circa illam partem potius esthiomenatum, ut ita dicam, quam ulceratum: & in parte gibbosa, paululum deficiente à costis, gangræna infectum: Et vix pus in hepate conspiciebatur, potius vero in concavitate ventris, quod ab hepate disrupta membrana eo defluerat: præcipua autem Hepatis corruptio erat in parte dextra, versus costas spurias, & circa musculos: intercostales quinetiam similiter nigredinem contraxerant: Costæ quoque spurix tanquam igne combustæ ex esthiomeno, nigræ & exsiccationem contraxerant, ita ut carbonis instar nigræ adustæ frangerentur: Ulceratio vero ad musculos abdominis processerat, magis in parte dextra, qui muscoli similiter tandem nigredine & gangræna affecti erant: In parte vero hepatis esthiomenata potius virus & sanies spectabantur quam verum pus: mirum fuit quod hic tamdiu vixerit: Antequam autem in illam tabidam & siccam dispositionem, tum dolorem dextri hypochondrii incidisset, multis ante annis fuerat valetudinarius: (P. Forestus Observat. X. lib. XXI.)

## S C H O L I A.

**V**erisimile est hunc prius inflammatione hepatis laborasse, deinde duritiem subsequantem, postea apostema, deinde abscessum, tum ulcus: ita ut ex gibba ejus parte esthiomenata tum gangrænata, sanies ad partes circumstantes fluxerit, & partes adiacen-

tes, ut costas ipsas, esthiomeno infecerit: Et quia ingens fuit abscessus, etiam in parte concava, facta disruptione pus etiam defluxit in capacitatem ventris: intestina tum omentum ipsum ac peritonæum inficiens: Diaphragma tamen nullo modo læsum spectabatur.



bat, quare & mente conficitur per totum morbi decursum, nisi paucis horis antequam moreretur, cum falso imaginaretur se cerevisiam coquere. Solent enim mori, ut longa observatione animadvertimus, plerumque ea imaginari atque facere, & illas actiones obire quas in vita maxime exercuerunt. *Idem Ibidem.*

*Febre magis sub noctem intensa* } Galenus 1. aph.

12. ait morbo laterali & phrenitidi magna ex parte per tertium diem accessiones fieri: Suppurationibus autem quæ ventri eveniunt, aut hepati & tibi, cotidie & magis ad noctem: qui vero ex liene laborant, & omnino ex atra bile, per quartum. Cur Empyematicis Febbris subnoctem ingravescat vide lib. 2. Tit. de Phthisi §.

§. 7. Puer novennis, filius Dom. Bruyere Genevensis, strigosus, scabie diu infestatus, quam nec purgationes, nec usus feri lactis, aut alia præsidia delere potuerunt, Tandem mense majio 1677. febre prehenditur continua, cum extremorum frigore, vomitu continuo ingestorum & deiectionibus crebris, imo cholera, unde ad marasimum intra quatrimum deductus, quarta dies illi lethalis fuit: Quæsitum a parentibus quæ causa fuerit morbi: Respondi cum Dom. D. Cramero adesse inflammationem visceris alicujus naturalis aut plurimum; à qua instar cucurbitulæ raperetur calor exteriorum partium ad interiores, iuvante penuria sanguinis in toto, cujus portio restitans tota circa locum inflammatum consisteret.

Quod superstes esset frater similiter macilentus, scabie quoque herpetis naturam miliarum emulante infestatus, optarunt Parentes dissectionem cadaveris, quæ die 8. maii instituta est, me præsentem & D. D. Cramero: Reserato thorace Pulmones flaccidi se exhibuerunt, exsanguis, paucum cruorem nigrum continentes: quorum dexter lobus costis & diaphragmati arctissime adhærebat, sinister liber erat: Cor omni pinguedine exutum erat, marcidum, rugosum: pene nulla in pericardio aqua: Aperto abdomine, peritonæi & omentum nulla vestigia, intestina flatibus tumida: Ventriculus vacuus, parvus, vix ovum anatinum æquans; mesenterium pluribus glandulis duris refertum: Iecur magnum, aliquibus in locis parte convexa scirrholum, concava parte circa extremos lobos gangrena infectum à prægressa inflammatione: Cystis fellea insignis magnitudinis, viridis coloris, tumida, ovi gallinacei mediocris magnitudine: quæ dissecta effudit bilem succo porri coloratiorem, olei consistentia, unciarum duarum circiter pondere: Lien forma erat pene rotundus, simili ac jecur circa extremitatem infimam labe infectum: Renes ambo sani sed majores naturalibus: Cætera rite se habebant. Per sanitatem paucissime edebat, ob angustiam scilicet ventriculi nativam, qui rotundus erat. *Vide Gal. in arte parva.*

§. 8. Domina de Bobigni, cum per annos aliquot sensim atque paulatim emacruisset, omne alimentorum genus fastidivisset, & ut loquitur Hippocr. *ἀπονηνομένης ἔχει πρὸς τὰς προσφορὰς*, tandem repente ac inopinato est extincta, ac cum cibum nec caperet nec appeteret (apud Hippocr. autem *λαμβάνειν* significat cum aliqua appetentia accipere) quotidie vivendo moriebatur & moriendo vivebat, prehensa est paronychia febris Tertianæ typum referentis: tertio post die idem paroxysmus, a quo revaluit & fuit *ἀπὸ τοῦ*, & habebat more solito, locum & deambulationem cogitans: At accessit rigor *πρὸς δέξιμον* Tertiani & tertii paroxysmi: fuit rigor ingens & tantus ut ab eo non potuerit, ut loquitur Hipp. *ἀναδερμαίνεσθαι*: Totum erat sane *λευπρὲς καὶ*, interna conflagrabant incendio: sequenti die fato concessit: conquirebatur maxime de dolore ad hypogastrium.

*Invenitur aperto cadavere Pulmo aliqua ex parte inflammatus*, Epar exsuccum & mali coloris: Sed *uterus* erat *corruptus* & quasi gangrena affectus, plenus tabo & sanie, quæ erat *δυσώδης*: Maritus per tres annos fere abstinerat à congressu: forte si ager fundusque cultus fuisset melius cum ea actum foret: laborarat olim *πρὸ γλυκακείας*, qui erat tetri odoris, aliqua ex parte & fere omnino suppressus erat: Interiit fere à veneno interno & genitivo: Hæc cum alias fecunda esset, (quod mirum) cum foemellam conceperat, fluebat ista materia, etiam copiosa: cum marem, aut minor erat aut sistebatur. *Jacobus Theuari Nota. 2. in cons. 96. lib. 3. Cons. Ballonii.*

## S C H O L I A.

**P**ulmo aliqua ex parte inflammatus, sed uterus corruptus. ] Ob duplicem focum febrilem febris reddita est intensior, alias ut notat Ballonius *lib. 2. Epid. p. 122.* cum partes principes laborant *ἡ νόσος* febris maxima ex parte est veluti lenta & symptomatrica, ægrique incautis medicis eripiuntur: Quo modo *Condei Principis* vxor à partu interiit à corruptione uterorum, quod non animadvertunt Medici: Hippocr. 1. 1. de m. mul. hoc animadvertit, qui non requirit febrem ardentissimam in morbo uteri per corruptionem: imo ait, *οὐκ ἀσχηρὲς*, i. e. blandus miris & debilis calor est.

*Uterus quasi gangrena affectus* ] Quæ sæpe sequitur illius inflammationem à subsistentibus lochiis, & sanguine intra uteri fungolos parietes concluso, tunc remanet tensus uterus ac durus, non secus ac si contineret adhuc foetum: Eo in casu *Fernelius* e brachio ducit hic sanguinem: *Pereda* monet considerandum an huc huius sanguis, sed in quam partem influxit, & quænam venam secare jubet. Revera utilius & securius est e pede mittere, ut irretitur uterus ad excitationem istius sanguinis putris & lethiferi. *Riolanus Encheir.*

*Anat. cap. 36. lib. 2.*

OBSERV.

*Pueri Febre maligna affecti viscera vitalia & naturalia varie affecta fuere. 1. Mulieris ab eadem extincta Pulmones putridi, Hepar inflammatum ac ventriculi tunica interior, Ileum intest. ex parte gangranosum. 2. Febris maligna ut plurimum ab inflammatione ventriculi & viscerum pendet. 3. Maligna, putrida & heclica juncta à Pulmonum vitio, Iecoris, Lienis. 4. In Puella à febre maligna mortua, Ventriculi vitium notatum, Hepatis, Cystis fellea, Intestini recti. 5. Febris maligna in Thorace sedem habens, cujus cavitas aqua putrida, subnigra plena, Pulmones unius lateris & pleura corrupta. 6. Febris maligna à multiplici viscerum naturalium & vitalium vitio. 7. Ab inflammatione, hinc necrosi eorundem omnium viscerum. 8. A veneno exhibito, viscerum prope omnium naturalium corruptionem inducente. 9. Febris maligna ab inflammatione Renis sinistri, nigredine se prodente, spinali medulla communicata. 10. In pluribus partibus quorundam à febre maligna extinctorum Vermes deprehensi. 11. A febre maligna mortuus habuit omnia viscera nigricantia, sphacelata, ventriculum putridum. 12. Alius ventriculum pustulis plurimis conspersum. 13. Alius in cysti fellea calculos. 14. Feb. maligna ab inflammatione plerorumque viscerum. 15. A vitio ventriculi & Iecoris post venenum assumptum. 16. Ab ardore febrili in malignis aliquando sanguis concrevit in venis. 17. 18. Aliquando fluidus permanet. 19. 20. Calculi in vesica fellea febre maligna laborantis. 21. Ob ventriculum cordis dextrum extraneo corpore repletum, Sinistrum ex parte. 22. A Pulmonis & Lienis sphacelo, quorum sola tunica superstes: Ubi industrii Pictoris industria cerebri conformatio describitur. 23. Malignus morbus, pustulis malignis in frammillam sinistram se prodens, Ob labem Iecoris maculis luteis conspersi. 24.*

**S. I.** **F**iliolus septennis Ill. Baronis de Himton. ob varios in victu errores, doloribus intestinorum jam pridem obnoxius, Novembri elapso vomitionibus porraceis, alvi fluxu putrido, æruginoso interdum & variegato tentabatur; febre insuper exacerbationibus sub noctem cum anxietate, morfu ventris, nausea, stridore dentium, frigore extremorum, & siti inexplebili stipata: Per totum morbi cursum intractabilis pessime se habuit ad oblata, medicamenta pariter & alimenta, solis gelatinis ex C.C. & rasura Eboris in cerevisia tenui solutis refocillatus, quas etiam sæpissime, præmissis ructibus aliquot acidioribus, anxius exstomachavit: Fauces interim aphthiis & albicante mucilagine usque ad linguae radicem conspurcabantur. D. D. *Meara* memorata symptomata & una cum materia membranosa rejecta de phlegmone & sphacelo ventriculi hæsitantem tenuerunt, Eam tamen non esse ex nobilitate partis affectæ, morbum tam lethalem in tot dies productum ferendo imparis, ex partium necessario consentientium incolumitate, ex euphoria denique adjectionem consequente, passus est sibi persuaderi: Ob similitudinem potius substantiæ, materiam jam prope lumbricorum formæ dispositam, vel forsan particulas esse lumbricorum putredine fractas coniecimus. Circa 8. morbi diem accersitus sum, consentiente autem D. D. *Meara* ad expurgandam morbi mineram in primis viis malignitate vermiformi putrescentem, infusum Rhei mane exhibetur, coctione quadam in urinis apparente: ix. quo septies ferebatur alvus, excretionibus summum incendium redolentibus, sub nocte tamen ingravescere febris consuetis stipata symptomatis. x. Summo mane substantiam quandam nigricantem, viscidam & quasi cutiformem summa cum inquietudine evomuit, ex quo sedatior aliquantulum ad somnum se composuit: nox eadem: xi. delirus in lecto contineri noluit, laudano vero opiato sub nocte consopitus sibi restitutus est: xii. consimilis materię semel ac iterum cum priori molestia portio eiiciebatur. xiii. xiv. Nausea, vomitus & diarrhoea aliquantulum sedabantur, ita ut appetitu quodam ad juscula incitari videbatur: Exacerbationes nocturnæ omnino cessabant, nisi quod pro stridore dentium narium pruritus continuo scalpendi impetu urgebat. xv. Sedatis igitur symptomatis, discessimus, Pharmacopæo interim junctis consiliis infusum rhei repetendum cardiaca, aquam deinde caponis cum scoleboticis destillandam ad fercula ordinaria curavimus: xx. alvus decies dato pharmaco ferebatur, nocteque sequenti refocillatus muliercularum curæ à Pharmacopæo tradebatur: At, at, quod per diem unam vel alteram delituit venenum iam tandem majori cum ferocia excanduit, ita ut perseverante fluxu, rebeli & colliquativo, emaciatus ad marasimum ducebatur: xxviii. denuo vocatus, in tam stupenda macie, qua potui diligentia viribus incumbo, cæterum de felici eventu omnino despondens, in morbo pariter ac ægro intractabili, modis tamen quibus licuit omnibus contendimus: cataplasmatibus præsertim, anodynis & roborantibus τὰ κατὰ τὸ ὄμφαλον καὶ τὸ ἤπαρ munimus: analepticis exanguem reficimus, præcipue laudano opiato tanquam sacra anchora hæremus, sine quo continuo egerendi conatu fatigato, vel minimas parare inducias impossibile duximus: Hisce tenta-



ris, alvus supra quam sperari potuit denuo sistitur, regio abdominis mollior & plenior asurgit, excrementa, quæ bis tantum vel ter in die deiecit, coqui parumper & ad mediocritatem quandam reduci videbantur, perseverante tamen nausea & rerum omnium fastidio, seseque per intervalla prodit pestis cum fluxu bilioso, sincero, pingui, spumoso, foetido conspicua & ipsissimis visceribus radicitus impacta: xxxvij. materiam jam quarto vermiformem rejecit, unde continuo in pessum euntibus novo opus esse consilio, si quicquam adhuc superesse remedii speraverint, propono: xxxviii. Clar. D. *Dikes* accersitus, vix dum audita historia conceptæ opinioni de morbi causa calculum suum adiecit, de prognosi autem paulo confidentior, fluxum istum perniciosum nec frenari posse nec deberi pronuntiavit, nec exangue skeleton renutriti, nisi veneno in ipsa culina & organis nutritui intervenientibus hærente per cathartica profligato: Vicit viri sententia, feliciori forsan omine obeunda in principio morbi & constantibus viribus, ubi nec macies, nec facultatis lapsus cæteris omnibus intentionibus ingentius præpolluere: Eadem nocte Marc. dulcis cum resina Gialap. in syrupogaryophyll. propinabatur: frequenter deiecit foetida & pingua sine evidenti virium ruina, de vermibus autem sollicitus, eosque medicamento parere nullus dubitans, repetitionem hortatur pulveris & infusionem hydrag. vice Iulapii: xli. Summo mane sub priori regimine administratur purgans ut ante, sed in minori, ut par fuit, quantitate & minori molestia: sub nocte levi deliquio, tremore manuum & motus impotentia affligebatur: hinc vino albo Valleriolæ concessio, & laud. op. gr. i. ad ulteriorem spirituum dissipationem præcavendam, somno se commisit: xiv. sub mane, sudor diaphoreticus tempora & frontem occupavit, qui post horam unam vel alteram laxatis spiraculis per totum corpus calidiusculus erupit, sub vesperam, recreato parum & ad motum habiliori, carnes vitulinæ (poscenti sane) offerebantur, quas tandem succo spoliatas expuit, noctemque sentit insperato prægressis auspiciorem, cessante forsan natura & indomita pesti succumbente: xlv. Hæc interim tanquam læta auguria D. *Dikes* una cum filius. Patre in ulteriora erigunt tentamina: Sub nocte repetitur pulvis compari regimine, minori tamen evacuatione, ita ut natura penitus deficiente nihil ultra periclitari placuerit, præsertim Doctore se subducente: xlix. Mane sanguis tenuis & ichorosus, tanquam ex liquamine Pulmonis, reciprocatione spiritus per asperam arteriam in os ferebatur, linteis intromissis emulgendus: hora 3. pomeridiana frigidum & exangue simulacrum tanquam exuvias deposuit Nobilis infans.

In aperto cadavere, rudi & inexercitata manu apetto, quæ observari potuerunt hæc sunt 1. Ecchymomata circa musculos transversos 2. Peritonæum nigricans & putridum 3. Omentum sicut & mesenterium extenuatum & omni pinguedine spoliatum, 4. Ventriculus laxus & inanis. 5. Intestina flatibus distenta, pellucida, excrementis vacua, internis quin etiam tunicis & fibrarum omni genere exuta. 6. Ileon colore flavo variegatum. 7. Epar in parte concava lividum: Vesicula fellea quintuplo quam par est tumidior. 8. Pulmones exusti, aridi & mucagine alba obductis 9. Cordis ventriculus sinister sanguine grumoso repletus. 10. Venæ majores vice sanguinis sero repletæ *D. Bidgood in histor. rarioribus Edmundi de Meara, p. 161.*

## S C H O L I A.

**Q**uia dissidium fuit inter dictum D. Bidgood & D. Meara circa ideam morbi, hic controversiam natam asserere placet, Ego sane (ait *Edm. Meara*) Cum conspexissem dejectiones foetidas pingues, cum obiecto vitore nigrescentes, nec non materiam vomitu rejectam carnis putridæ ac nigricantis frustulis simillimam, fateor me non tam hesitantem quam confidenter pronuntiasse Nob. Puerum correptum fuisse phlegmone & sphacelo, vel ventriculi, vel alterius cuiuspiam visceris ventriculo vicini, tanque in consensum trahentis, unde frequens nausea & pertinax anorexia: Sed quum aliis aliud videretur, & considerassem signa abscessuum in visceribus latitantium non semper esse ostensiva, ac promptum non esse partium substantiam putridine liquecentem à mucoo verminoso, vel materia in vermes abitura distinguere, nonnullaque in hoc ægro tympnata conspicerentur, non minus antecibus verminosis quam viscerum abscessibus communis, statui nec meis votis, nec aliorum placitis pertinaciter obniti, sed quancunque rationem, quantumvis ambiguam, unde aliqua spes salutis, (quæ in viscerum sphacelo nulla est) alluigeret, amplecti, præsertim quum ægri vires nondum concidissent

penitus, ideoque omnino deferendus non videretur: quare ut mori, alias inevitabili occurreret, elminthagogis consensi: Quam rectè autem conjecerim vitæ aliquod putrilaginem concepsisse, satis ostendunt multa à Dom. Bidgood in cadavere annotata: Quid enim aliud arguunt epiploï & mesenterii absumptio, cavorum hepatis livor, peritonæi nigrities & putredo, musculorum abdominis lugillatio, nisi omenti & mesenterii corruptelam hinc ad cava hepatis, inde ad mesenterium & abdominis musculos serpentem? hæc autem à vermibus non processisse testatur ipsum interancorum stabulum à putredine immune, & nulla in eo vermium aut verminosa materię inventa vestigia: Quare non possum non mirari D. Bidgood, harum observationum testem ocularem, adeo adhuc de morbi causâ ambigere, ut videatur dolere elminthogoga à D. Dike administrata tempestivius, h. e. in morbi initio, non fuisse exhibita: In omenti enim aut mesenterii sphacelo, quid obsecro præstitisset Mercur. dulcis cum resina Gialapæ, etiam constantibus viribus exhibita, nisi ut mortem properantem accelerarent? *Haftenus D. Meara.*

*Responsum D. Bidgood.*] Quam confidenter D. D. Meara



*Meara* de sphacelo ventriculi pronuntiaverit, discedentis auguria de lato eventu satis abunde testantur: liberum autem sibi sit sua fœui conjectura: optaverim tamen stabiliora in sui gratiam fundamenta quam quæ ex anatome defuncti ducebantur: Novit sane vir in praxi exercitissimus, morbi epigenesin ab essentia suis propriis diacriticis dirimere: quid aliud ex immunitate interaneorum, quibus nulla vermium aut verminolæ materiæ vestigia, colligere voluit? quibus datis propagata putredine partes vicinas corruptelâ subire nobis quidem assensum videtur: Itane vero ipsissimum interaneorum stabulum à putredine immune? quomodo tandem fibris & tunicis exuta, maculisque insuper variegata se videnda obrulerunt, minera scilicet morbi una cum partibus exclusa, rabe prius venenosa per plures septimanas liquatis? Non est igitur ubi ulterius Clar. D. mitteretur me in tam obscura & recondita morbi natura hæsitare, quin sibi potius suæque sagacitati plaudeat, qui tam infallibiliter de morbo pronuntiat, cujus nulla dari signa ostensiva lubens proficitur.

*Responsum Doct. Meara*: Confidentiam meam de sphacelo, non ventriculi magis quam mesenterii aut alterius partis ventriculum in consensum trahentis (quam utinam rationi nimis contonam non comprobasset lucuosus Nob. Pueri obitus) & tu probe nosti, & abunde testatur literæ ad D. Poulet paulo post discessum meum exarata, tum prognosticum de eventu morbi minus prospero, cujus occasione tume clam fugillare solebas: Si autem tecum felicitiora pollicente aliquando consentire visus sum, id ideo factum antea significavi, & jam profiteor, tum quia non ignorabam latentium abscessuum signa non semper esse ostensiva, ideoque non oportere medicum prognostici nimis esse securum &c. Equidem in principio abscessum non sine causa mihi visus sum suspicari, de quo tamen ob nonnulla symptomata aliis etiam morbis communia ambigi posse non dubitabam. Iam vero, ex observatis in defuncti cadavere, colligo abscessum non amplius probabilem sed plane demonstrabilem esse: nec stabiliora quero fundamenta quam quæ ex dissectione anatomica eruta sunt: abscessum si quidem omenti & mesenterii investigatis viventibus ægris medicos exercitissimos diu tenet suspensos, in dissectione obvia est & perfacilis? Enim vero imponit mihi Dom. tua, dum ait me infallibiliter de morbo pronuntiare, cujus nulla dari signa ostensiva profiteor: Dixi, fateor, abscessum in visceribus latentium signa non semper esse ostensiva: atque hinc rectius collexisset Dom. me insinuare voluisse ejusmodi abscessuum signa, licet non semper sint, esse tamen aliquando ostensiva, prout revera accedente dissectionis face anatomica, innumeri viscerum abscessus, quorum in vivis nulla fuit suspicio, ad oculum non raro monstrantur: Hinc ego me recte collexisse arbitror mesenterii & omenti sphacelum, non autem vermes, morti Nob. Pueri occasionem præbuisse, quum in intestinis & ventriculo nulla putrilaginis aut vermium, In mesenterio & omento luculenta apparuerint vestigia corruptelæ & sphaceli, hinc ad peritonæum & abdominis musculos, inde ad hepatis cava serpentis: At tu ais me concedere corruptelam alicujus organi partes vicinas propagata putredine subire posse? Fateor, sed nec falsus sum, nec fatebor, membrum incorruptum & putredinis expertum, qualia fuerunt hujus ægri ventriculus & intestina, partes vicinas propagata, quam non habebant, putredine corruptere potuisse: Tu quidem in historia, intestina fibris ac tunicis exuta fuisse dixisti, quæ facile in diuturno fluxu à transitu materiæ purulentæ ex mesenterio & omento putrilagine liquefactibus, salva

& integra intestinorum substantia, abradi & absumi potuisse non dithcor; at quomodo eadem substantia integra & incorrupta, materia verminosa illic contenta, mesenterium, omentum, peritonæum, abdominis musculos & cava hepatis ita corrumpere poterit, ut necrosi & sphacelum illis induxerit, explicatu arduum est: hunc nodum tua prævidit sagacitas, proptereaque in chartula data addidit intestina inter dissecandum maculis variegata apparuisse: Ego hic, ne quid gravius dicam, candorem in te desidero: In citata morbi historia dixisti intestina visâ pellucida, de maculis alium silentium: cur iam maculis variegata prodeant, facile est citra virgulam divinare.

*Fauces aphthæ & albicante mucilagine &c.* ] Quandoque in febribus, ac præcipue circa earum declinationes contingit linguam, palatum, gingivas, interioris oris & guttulis cavitatem, materia vitiosa, albicante & velut quadam crusta obliniri, quæ sæpius deterfa, statim nova repullulat, & si diligenter os fricando & colluendo, crustosa hæc materies crebra vice abstergeatur, suffocationis periculum ægri non raro subeunt: Ejusmodi affectus recens natis sæpiissime excitatur, solent enim plerumque intra dies xiv. effervescencia externa, cum maculis latis & rubris per totam cutem suffundi: Quod si hæc ruboris suffusio minus liberè erumpit, aut debito citius evanescit, ut plurimum crusta hæc albicans in partibus oris succedit: Hoc symptoma, quando hoc ritu infantes molestat, lactis vitio solet adscribi, ut pote quod acre nimis affectionem oris ulcerosam inducat: In febricitantibus idem vaporibus crassis & fuliginosis à ventriculo elatis vulgo tribuitur: Mihi autem verisimilius videtur quod in utriusque affectus hic à totius sanguinis, (& fortian aliquatenus humoris nervosi) impuritatibus circa has partes depositis oriatur: etenim, quociens in utriusque humoris massa aliquid extraneum intime confusum continetur, quod nec sudore sit distillabile, nec per urinas facile amandatur, illud sæpiissime cum serosa colluvie circa os defigitur, unde affectus catarrhales, tumores, sputationes molestæ cidentur: cum enim pro masticatione ciborum humor salivaris hic loci ubertim suffundi debet, per patentem hæc & affluens excretionis vias, natura sæpe quod superfluum est, aut alias molestum foras amandare nititur: hinc à mercurio exhibito, cum & cruor, & succus nervosus, particulis ejus minutissime divisus abunde refertur, easque sero obvolutas excutere moluntur, quia nec per urinam, sudorem aut alia via mercurialia hæc corpuscula intime confusa exterminare queant, quod reliquum est per arterias, aliosque ductus, qui salivam ori suppeditant, eadem ieroso latice obvoluta expellere nituntur: Pariter etiam in febribus, cum à longiori sanguinis desagracione materies adusta plurimum congeritur, cujus non minima pars post critin residua, adhuc cruori & succo nervoso confunditur, aut cerebro aliove loco defixa ab eodem denuo resorbetur, probabile est quod hæc materies diuturna coctione perassetur, adeo ut fere glutinis instar crassescat, quare nec sudore, nec transpiratione insensibili distillabilis, nec per vias urinæ externi habilis, quod demum arteriolis aliisque salivæ ductibus in palatum dehiscitibus, (ut pote usitatæ excretionis via) sensum exudet, & protinus præ crassitie sua in lentorem ipsum concresecat: Eadem ratio tenet de infantibus, quorum sanguis à sordibus in utero contractis impurari factus, statim efflorescentia exterioris facta depurari satagit, quæ si ob materiæ crassitiem haud ite succedat, statim hac via, velut potentiori, impuritates viscosæ exterminantur: Novi quendam in declinatione febris, cui non solum hujusmodi lentoris in crassitie

tio in partibus oris successit, verum salivario copiosa; velut ab assumpto mercurio, cum fœtore anhelus, item linguæ & gingivarum intumescencia per plures dies ciebatur. *Thomas Willis lib. de Febribus cap. x §. 1.*

*Pauces interim aphthæ*] uex plurimorum sententia causæ Aphtharum sunt defluxio è capite quasi stillante. Rectius sentiunt qui earum originem ex humoribus serosis & acris in toto corpore redudentibus, tanquam causâ antecedente deducunt: Sic aphthæ huius venereæ soboles ex massa sanguinea

§. *In sede febrium facio cum Sylvio esse intestina tenuia*: Id sensus docet, exempla obvia sunt, unum communicabo ex schedis paternis, Mulier germana Patavii, robusta & corpulenta, nonnihil pinguis, sexagenaria, nihil excrevit per alvum spatio novem dierum, nec chyliterem admittere voluit: Incidit in febrem Malignam cum vomitu bilioso, moritur post biduum.

Aperto cadavere pulmones fere putridi, Hepar parum scirrhosum & inflammatum, Ventriculi tunica interior inflammata, Intestinum Ileum in medio gangranosum & putridum (ut ruptum sit inopinato ex contactu) tota pars, supra gangranam ilei, inflammata intus in tunica interiore, ut supra modum venæ mesaraicæ magnæ & turgidæ fuerint: Pars Ileii inferior tota coaluit, ut nihil pertransire potuerit: A quo succo ista inflammatio sit, sensu dijudicare non possumus, nisi facem experientia sua præferat Magnus *Sylvius Thomas Bartholinus centur. ii §. Epist. 86.*

## S C H O L I A.

*In sede febrium facio cum Sylvio esse intestina tenuia*] *Clar. Sylvius Præcox lib. 1. cap. 27.* censet Febrium omnium continuarum causam esse bilem aut lympham (sub qua succum pancreaticum, ipsamque adeo salivam comprehendit, quatenus ipsa deferuntur ad cor) aut utramque vitiosam, & in dextro cordis ventriculo effervescenciam continuam producentem: Intermittentium vero succum Pancreaticum aliqua tui parte, in uno pluribusque Pancreatis ductibus lateralibus obstructis, stagnantem, ac mora sua ibi acrioris factum, atque acrimonia ista acida per pituitam plus minuse vitiosam & ob-

veniunt, tanquam ejus retinimento, nec à cerebro arcessuntur.

*Premissis rursus acidioribus*] Hinc *Sylvij de la Boë* sententia firmari videtur, qui à succo pancreatico acidioris, vel vomitu excreto, vel per halitus assurgente Aphthas produci censet, præsertim in infantibus, qui acidum ex ore spirant, tormina patiuntur, lac concretum sursum ac deorsum excernunt, alvi excrementa viridia & acidum odorem habentia desiciunt, denique insultus epilepticos sustinent à redundante & vitioso succo illo pancreatico.

structionis causam, via vi parata penetrantem, ac in tenue intestinum effusum, vitiosamque ibi cum bile ac pituita effervescenciam excitantem, quæ ad dextrum quoque cordis ventriculum per intervalla perveniens, pullum p. n. frequentiores inducat. Hinc, cum bilis, tam per meatum Cylticum dictum, quam Hepaticum, in Intestini duodeni finem, vel Jejunii initium deferatur, Pancreaticus quoque succus per ductum à Virungo repertum, in tenue Intestinum hians, effundatur, merito febrium sedes Intestina tenuia statuuntur.

§. 3. Credo *Helmontio* sedem malignarum Febrium esse in ventriculo: Id testatur *Anatome* illorum qui eo morbo extincti fuerunt, Observatus epim est ventriculus cum Intestinis inflammatus: Unde ingens illa sitis, vomitus, faucium ardor & alia apparentia oriuntur: Ex hujusmodi profecto sectionibus & oculari demonstratione certius de sede affecta indicamus quam rationibus & conjecturis: Firmat historia supra §. citata &c. Non absimilia vidit in dissecis febricitantibus. *Spigelius lib. 1. de semitertiana cap. 16.* Romæ infiniti ægroti anno 1649. febre continua occubuerunt, in quorum sectis cadaveribus ventriculus & reliqua viscera tanquam exusta apparebant, teste *Panarolo Pentecoste 4. obs. 8.* quare refrigerio & humectatione postea multos sanatos scribit. *Th. Bartholinus cent. 3. Ep. 4.*

§. 4. Nob. adolescens relicta Germania, Brixia ad diem 27. Junii anni 1572, in itinere alvus ei primum fluere cœpit, idque durans per dies forte xv. debilem valde reddidit: Quæ fluxu tandem cessante, iterum convaleuit, nisi quod faciei color usque cineritius remansit: Porro circa Januar. medium alvus ei strictior reddita, remansitque deinceps semper ita, ut nisi suppositorium adhiberetur rarius sedes haberet forte tertio vel 5. nonnunquam etiam sexto die laxari prunorum atque passulatum, uvatum coctarum non potuit: nihilominus tamen comedit multum & hilariter nullos sentiens dolores; aut capitis gravedinem ullam; victus ipsi cum cæteris nobis communis: Ei vinum sine aqua, & extra prandium vel coenam nunquam bibenti, nec excessum ullum facienti, semper fuit gratissimum: Ingruente æstate ei in facie pustulæ obortæ sunt rubicundæ;que ad diem Aprilis 29. Febri tertiana duplici laborare cœpit, à quo Doctorum auxilio mox liberatus nunquam satis feliciter valuit: Coenans nihilominus ac prandens more solito; usus subinde lactis sero usque ad decimum septimum Junii, quo denuo per integros decem dies incepit vi febris putridæ & hecticæ decumbere, ac Medicorū præscriptionibus parere, quoad 26. præscripti mensis, statim post solis occasum vitæ diem ultimum clausit,

Hujus igitur cadaver cum post horas x. vehementer intumesceret, nigerque sanguis è naribus erumperet, diversa suspicatus ut aperiretur omnino volui: Quocirca in aperto corpore primum Pulmones pustulis affecti, omnino putridi sunt reperti: Lien nigrior & grandior, Jecur ponderosum adeo & plâne exsiccatum; Stomachus cum reliquis partibus purus & integer, continens adhuc aliquantulum brodii hordeacei, 4. horis ante mortem sumpti, apertum corpus foetidissimum edidit odorem.

KK k k k k

Cum



## S C H O L I A.

**P**arentes defuncti venenum fuisse propinatum suspicabantur, quibus manum nondum dare potui, cum cordis constitutio reperta fuerit integra, nec vidi cur decedendum sit à causis manifestis & cognitis ad obscuras & dubias: sufficiens enim videtur scirrhus Epatis ad virium debilitatem: bilis quoque copia in ventriculo retenta & coacta, ad exulcerationem & extinctionem calidi nativi atque exsiccationem humoris radicalis: ipsa symptomata indicabant proleptiam bilis & motionem ejus, quæ tanto deterior quanto magis recedit à naturali colore, uti fuit reperta prasinæ, æruginea & atra, ejus exhalationes & vapores convulsiones, phlogoses & alia procuraverunt: Sententiam rogatus à Clar. viro existimavi malignæ

febris fuisse symptomata: Ideam enim morbi quarto die ad exitum properantis id indicare, & quod fere in malignis febribus ventriculus, intestina &c. observentur læsa & inflammata: Orta autem febris à bile, cæque à naturali statu declinata, propter Epatis scirrhum, sine dubio connatum, quo transcolatorium ejus minus fuit interceptum: Epilepsiam vero à bile suscitari *Averroës* comprobat, & à maligna venenatæque qualitate *Fernelius*: Frequens sane id symptoma febribus malignis, præsertim in heteriore ætate.

*Intestinum rectum nigricans*] Idem quoque *Cent. ii. hist. 2.* notat intestinorum vigorem familiarem esse illis quos malignitas aliqua iugulavit.

§. 6. Virgo 31. annorum integro biennio ante mortem laboravit copiosissima narium hæmorrhagia quæ nonnisi venæ sectione sisti potuit: paulo post incidit in cachexiam & hydropis initium tumescentibus pedibus & ventre inferiore, remanente cachexia: Menses fuere inordinati, aliquando non fluebant penitus, aliquando nimis erant copiosi: perduravit tamen hæmorrhagia, quæ alternis diebus increfcebat, xiv. vel xv. die ante interitum corripiebatur tussi molestissima & sicca, nonnunquam quid foetidi expuebat: sentit punctiones & dolores in regione Hepatis, evomebat bilem corruptam, prasinam ac cum ea vermem oblongum aliosque simul vermiculos: Ego ad eam vocatus *deprehendi febrem malignam*, quam comitabantur subsequencia symptomata, delirium, vigilia, inquietudo, sitis inextinguibilis, vomitus materiæ corruptæ, dextræ partis faciei resolutio levis, hypochondrii sinistri ac lateris pectoris sinistri maximus dolor ac æstus: Nulli lateri incumbere potuit, color faciei flavus ac subniger: urinæ erant subnigræ, ex dextra nare frequenter per intervalla aliquot sanguinis guttulæ promanabant: Post multos perpressos cruciatus morte occubuit.

Mortuam secui, atque primo occurrit vena umbilicalis (quæ in omnibus adultis minus ligamenti obtinet) sanguinis copia turgida atque extensa; in quibusdam locis, ubi hæc vena contorquebatur, instar varicum tuberosa: Hepar justam habuit magnitudinem, sed erat album, tuberosum, inæquale, durum & exangue, ut vix sanguinis guttula ex dissecto epate exierit, ex gibbo nihil, ex sinia parte parum, Thoracis capacitas dextra erat aqua subnigra & putrida plena, continebatque ejusdem aquæ cantharum & dimidium: Pulmonis dextra pars in ea cavitate collocata cum pleura corrupta ac nigra fuit: Ventriculus mirum in modum copia tum fæcum tum flatuum inflatus ac tumidus reperiebatur: Inveni & duas vesicas urinarias, alteram naturalem & in sua sede collocatam, alteram ex matricis collo dextro latere prognatam, naturali vesica duplo quasi majorem, lotio plenissimam & duabus tunicis, ut naturalis vesica præditam: Hic nullus meatus aquam vel immittens vel emittens conspiciebatur: Vteri corpus erat scirrhosum callosumque: reliquæ partes satis integræ apparuere. Caput non aperui, *Volcherus Coiter libello observat. Anat. & Chirurgiæ.*

## S C H O L I A.

**H**ic inquirendum unde febris malignitas & pulmonis corruptio enata sint? hoc quælitum nullam difficultatem habere videtur: satis enim notum est malos humores ad putredinem aptos, facile putrescere si visceri alicui calido impacti atque infarcti, eventatione destituantur: Porro acrimoniam putredinemque acquirere, qua continentia atque proxima quæque corrosum putrefaciuntque,

quæ multo magis faciliusque contingunt si hi humores ab initio acres fuerint: Idcirco nemo de hujus pulmonis corruptelæ & malignæ febris, quæ ex corruptorum humorum malignis vaporibus procreata est, causis ambigere poterit: *Idem.*

Malignam febrem à vitio Pulmonis substantia oriri ostendit *D. Panarolus* *Pentec. 2. obs. 14.*

§. 7. *P. de Malortie*, Vir magni in militia nominis, ætatis annorum circiter 42. continuis vomitibus per aliquot retro menses vexatus, qui nec bolis ventriculum detergentibus & aliis catharticis; nec corroborantibus internis aut externis sisti poterant, cum siti intensa, bilis copiam maximam in ventriculum confluentem indicantibus, sub finem Maii incidit in febrem quæ duplicis tertianæ, vel quotidianæ continuæ typum præseferbat, à multa biliosorum & pituitosorum humorum simul

K K k k k k z

copio-



copulatorum putredine : ex duplici Tertianâ post octo dies facta est continua simplex : vomitus non desinebat ; capitis dolor comitabatur & ardorem in lumbis percipiebat : Post injecta enemata emollientia & refrigerantia spatio trium dierum bis missus est sanguis ex cubito , qui pituitosus & crassus erat : postea hirudines venis sedalibus appositæ sunt , quæ capitis dolorem & renum æstum placarent , sed instabatur ventriculus dolorificè & hypochondrium dextrum , unde compatiante Hepate , & ad inflammationem tendente , sexta die auriginosus evasit , sed tamen absque febris remissione , quod juxta *Hipoc. Aph. 62. Sect. 4.* perominosum est. Die 8. ( cum septimæ sine evacuatione ulla critica effluxisset ) purgatus est leni infusione rhei & agarici in aq. endiviæ , cum addita Elect. Carhol. ʒiſſ & Syrup. ros. laxat ʒvj. & conf. hyacinth. Si ad vires respiciendo , quia pulsus erat contractus , propter oppressam naturam à vaporibus malignis , unde sese expedire non poterat nec explicare : Vires deinde cadentes fulcire studuimus aquis & pulveribus cardiacis , & præcipuè lapide Bezoartico orientali , varie & extra partem , & in ipsis ferculis administrato. Non dabat magna virium prostratio insignibus sanguinis evacuationibus locum , pugnavimus tamen cucurbitulis , venæ sectionis vicariis , ad partes infimas cum leni scarificatione , & citra illam , ad revulsionem vaporum malignorum à corde : Enemata frequentia in eundem finem , vel quotidie , vel altero quoque die injiciebantur.

Die nona obiit, Introspectum cadaver exhibuit nobis epiploon corruptum cum fibris non coherentibus : *Mesarium* scirrhosum in sua origine & corruptum , *putrem lienem* , Cavam epatis partem scirrhosam & inflammata , *Pulmonem* , qua costas attingit , inflammatione tentatum , *Pancreas* putrefactum , *Ventriculum* pure repletum & in fundo pituita crassa ac viscida , unde vomitus illi pertinaces , infarctum : internam ejus tunicam aliquantum exulceratam . Nihil in renibus & ductibus urinariis , omnia inibi alias integra , sed absque sero ullo : Intestinorum internam tunicam iidem , ut ventriculi , nonnihil ulterius justo abrasam & ad exulcerationem pronam. Sic in misero illo corpore *ὁδὲν ὕμης* fere repertum , *Riverius*.

## S C H O L I A.

**C**avam Epatis partem inflammata . *Pulmones* quam omittendam curam hypochondriorum , *ca-*  
*nflamm. tentatos*) Ex *Riverio* Prax. lib. 17. cap. pitis , thoracis , uteri , renum & vesicæ , ut omni ra-  
2. In febrium acutissimarum & perniciosarum cura- tione investigemus quæ harum partium insigniter la-  
tione hoc diligenter advertendum rarissime eas boret , & ei quoad fieri potest subveniatur : Quod ex  
fieri sine interna & peculiari visceris cujusdam affe- *Vallesij* comm. in lib. 1. Epid. ægro 1. desumpsit.  
ctione & plerumque inflammatione. Quare nun-

§. 8, *Dux Candaleus* obiit Lugduni xxvij Januarij anni 1658. circa sextam vespertinam , extinctus à febre continua maligna : Postridie eadem hora dissectus est à Magistris *Regnant & Charavet*, Chirurgis , coram DD. *Rhodio* , *Grassio* , *Guillemino* , *Garnerio & Falconeto* Medicis Urbis Aggregatis , atque hæc in cadavere adnotata. 1. Totius dorsi epidermis inflammata & ex dimidio divulsa , Ad partem lumborum infimam gangræna duobus in locis , unaquæque latitudinis semicoronati argentei quam plurimæ minores circumcirca ambiebant 2. Aperto capite , non solum cerebri meninges phlegmone tentatæ fuerant , & vasa plurimum distenta ac repleta sanguine adusto nigroque , sed & tota cerebri substantia , præsertim cerebelli , reliquis partibus magis inflammatis cum siderationis initiis 3. Pectore explorato , muscoli omnes phlegmone occupati & exsiccati comperti sunt , mediastinum , pleuram , septum transversum inflammatio quoque invaserat , necnon universos pulmonum lobos , parte postica sideratione omnino correptos : pericardium paucissimam aquam continebat : cor inflammatum , admodum flaccidum , quod immersum vini spiritui , in quo plurima aromata infusa fuerunt , cardiaca & putredini reluctancia , condituræ gratia , inde summe foetens exemptum est : 6. In imo ventre Epiploon corruptum apparuit , cum maximæ intestinorum partis mesenterii & pancreatis inflammatione , 7. ventriculi internam tunicam phlegmone etiamnum invaserat , in qua alicubi conspicuæ maculæ lividæ , præsertim qua Iecur spectat , 8. cujus tota substantia inflammatione correpta erat & sphacelo tacta , pæne in tota parte cava : 9. Splen incendium conceperat , in colore immutatus. 10. Renes quoque æstus notas præ se ferebant , & maridi erant , Venæ omnes , cava & azygos sanguine destitutæ , 11. Exempta viscera & pelvi cupreæ imposita , horæque spatio tantum in ea detenta , eam decolorem & nigram reliquerunt.

§. 9. Ego subsignatus certum facio me Romaniolam veuisse 26. Septembris anno , 1662. accersitum à D. *Antonio Galian*. morbo detento , febre scil. continua molestis symptomatis stipata , nempe dolore continuo torius ventris , accerbiori tamen ad hypochondrium dextrum : siti inextinguibili , sudore frigido capitis & pectoris , vigiliis pere-

vigiliis perpetuis, & caloris naturalis extinctione A quorum symptomatum violentia postmodum circa vesperam extinctus est:

Die sequenti urgente Nob. Matrona Maria Chol, uxore defuncti Dom. *Clandii Galiani, Romaniola Domini*, cadaver à Magistro Claudio Garnier Chirurgo, Cremii incolae sectum; in quo partium nobilium insignes lésiones à nobis deprehensæ sunt & viscerum imi ventris, scil. hepatis, lienis, intestinorum, mesenterii & omenti: Hepatis enim & Lienis substantiam putredo invaserat, extraordinario fœtore se prodens: Exulceratio aderat in intestinis, præsertim tenuibus, quorum unum exiguo foramine rotundo terebratum erat, exitum materię purulentę, pulti simili, bili commixtę, admodum fœtidę concedente: Omentum & mesenterium ardore tosta & pene putrefacta: E quibus enumeratis partibus compressione facta exsudarant biliosus humor, à quo abdominis capacitas replebatur necnon à flatu odoris teterrimi: Insignis illa dictarum partium intemperies, atque maligna corruptio, suspicionem faciebant morbum ab exhibito veneno inductum esse, sed lente operationem suam exerente, cujus natura ab effectis demum intelligi potest, alienis omnino à morbis vulgaribus: Supra dicta vera esse assero, in quorum fidem nomen mecum apposui, *Mouton D. M. Octobris 2. 1662.*

## S C H O L I A.

**H**epatis substantiam putredo invaserat, fœtore se  
[&c.] Ad Febrem malignam pertinet febricula illa lenta, quę imperitos Medicos sæpe latet, à *Gal.* 5. de l. aff. cap. 7. descripta, ex sanguine sanio in jecore ob imbecillitatem ejusdem genito, & postea

ibidem putrescente, sicut in fluxus hepatici progressu aliquando evenit: Prava enim est cujuscunque sanguinis corruptio, quę malignum vaporem exspirat: Hanc sæpe curavit olim *Joh. Prevesius*, ait *Velschius* in observat. Epilagmate.

§. 10. Ill. Comes annum agens 52. corripitur febre lenta assidua, horis vespertinis magis ex-candescente, ante 7. exhibetur leniens à Medico: loco venę sectionis, admoventur sanguifugę venis quę in extremo ano sunt positę, quę interdum purgare consueverant, sistitur sanguis à Barbitonfore caligine pulverisata aceto permixta, febris adaugetur, superveniunt maculę in toto corpore latiores, violacei coloris, sensum & motum utriusque cruris amittit, lotium supprimitur 14. die obiit.

Dissecto cadavere intelligo renem sinistram compertum esse nigrum, & ab eodem latere etiam spinalem medullam affectam. *L. à Fonte consulti. 59.*

## S C H O L I A.

**E**X propositorum accidentium diligenti animadversione, pro certo habendum Ill. Comitem ex maligna febre laborare, quàm non vulgaris putredo peperit, sed hostilis & perniciofa, eaque in humoribus alimentariis accensa, quamvis Medicus primo loco dicens vix febrile affirmet (quandoque enim febrium malignarum cognitio non facilis est) quod accidentia quę postea supervenerunt manifeste declarant, ut maculę latiores rubrę, violaceo colore perfusę id palam faciunt: Nervus vero deperditus utriusque cruris & coxę, atque actio vesicę ablata & deperdita, non solum hæc in evacuationem venarum hæmorrhoidalium, importune ante venę brachii sectionem administratam, sunt referenda, sed etiam in suppressionem earundem, ex caligine aceto acerrimo permixta factam: Sanguis enim ad partes superiores depulsus, malignam in renibus inflammationem produxit, quę spicali medullę communicata, potuit spiritum ac virtutis animalis influxionem arcere, quę per propagines nervorum sexti paris vesicę impertitur, verum etiam ex medulla spi-

ne, quę partes inferiores lumborum trajicit, excurrit, ut vegetioris sensus compos effecta, ea quę ex naturę legibus sibi molesta sunt persentiens, excutiat atque depellat: iter etiam præcludit spiritibus ne fluant per nervos qui ad coxas & crura, ex infimis lumborum vertebis, atque ossis sacri 4. foraminibus emerferunt, omnes fere in unum funiculum conjecti parte posteriore, quę coxa amplissimum gerit, in crura protrudunt; Imo & humoris repulsi malignitate sentiendum est copiam spirituum dissipari, qui ad spinalem medullam & partes infernas delegantur. *Idem.*

*Febre Lenta, assidua*] Hinc patet errare *Platerum* dum negat à Renum putredine perseverantem febrem induci, quod portio putrescens minime subsistat sed per urinam continuo diffluat; Nam à corrupta parte per venas, in sanguinis circuitu, vel vapor vel portio putrescens ad cor remeare potest, unde febris generatio & augmentum; quod probant exempla adducta.

§. 11. Grassabantur febres malignę petechiales in obsidione Hafniensî 1659. intra & extra muros: Multi qui de dolore ventriculi conquerebantur, concitato vomitu, vermes spithamam longos revomuerunt, & febre extincta ad sanorum consortium redierunt; quod sæpe quoque in Noosdochiis sibi commissis observavit Exercitatus Medicus & Chymicus D. *Abasverus Paynk.* De verme admirando è dextra nare Nob. viri Cæsennatis post febrem acutam rejecto, legendę disputationes tres apud *V. Alfar. à Cruce* cent. 3. de quæst. per *Epist. Bartholinus* cent. 6. *histor.* 29.

Medici tũ præclarissimi tũ fide digni mihi significarunt non unum vermem, sed aliquot,

K K k k k k 3 in

In hominis lenticulis extincti vel oppressi cerebro inventos, qui num in cerebri substantia, num in duræ matris sinibus latuerint, non sat scio: *Coiser in appendice observ. Anatom. & Chirurgic.*

Ex corporibus eorum qui febre Hungarica, Theriode mortui sunt, vermes nonnumquam confertim prorepisse animadversum sunt: Id quod experimento didici cum nemo subesse suspicaretur: Nonnulli crassi quidem sed non ita longi per aures prodisse visi sunt, quales etiamnum in Peste observavi, unde evincitur eosdem facile in sævissimis capitis doloribus, ex prava venenataque eluvie, quæ in cerebri ventriculis aliquibus coacervatur, nasci posse: Fidem faciunt Anatomici nonnulli, qui inibi conspectos deprehensosque testantur: quæ causa etiam fuit cur vulgus circa initia hujus luis febrem hanc Cerebri vermem multis in locis nominavit. *Conradinus cap. 10. febris miscell. Hungar. theriodis.*

Cuidam Matronæ post capitis vehementissimos & diuturnos dolores, pestilentis hemitritæ, dissecta calvaria magnam putredinis vim ostendit circa substantiam cerebri, Et inter meninges tum vermiculorum tum cimum incredibilem copiari. *Gemma in appendice oper. cosmocrit. de Hemitr. pestilenti.*

§. 12. Joh. Jac. Heilmannus Med. & Chym. doctissimus historiam retulit de quodam febre maligna apud Germanos laborante, cujus nasi extremitatem rubra quædam macula obsederat, symptomatibus benignum quid portendentibus, nec cibi appetitu plane dejecto, unde certam recuperandæ salutis spem æger conceperat: Sed nox obitum præcedens sinistra portendebat, omnia quippe in deterius ruebant, ignisque quidam internus viscera comburebat, cujus ardorem externo ac culinario igni nihil cedere ajebat, donec latius serpente veneno miserrimam vitam cum felici morte commutaret.

Dissecto cadavere omnia viscera nigricantia erant & sphacelata, quin & ventriculus ipse adeo computruerat ut sine ruptura & læsione digitis attrectari nequirit, quocunque enim digitorum attractu disrumpebatur, cavitasque relinquebatur manifesta.

§. 13. Post febrem ardentem passus est in Galliis recidivam Generosus quidam Polonus: Medici de recidiva consulti variis portionibus medicatis, venæ sectione & aliis remediis frustra contra prostratas vi morbi vires luctabantur, nam potiones omnes vel respuebat vel assumptas revomebat, unde fatis cessit.

In aperto cadavere nullæ partes ullum vitium visæ sunt contraxisse, sed omnes nativæ temperie sanæ comparebant: In ipso tamen ventriculo pustulæ quamplurimæ hinc inde conspiciebantur, quas à calore malignæ febris fuisse elevatas tanto minus dubito quod semper fere ventriculus in hujusmodi febribus vel escharam vel inflammationem, vel alia hujus census contrahat. *Th. Bartholinus cent. 3. histor. 92.*

§. 14. Patavii in collegium Anatomicum ceciderat deportatum febre maligna extinctum, in cujus vesicula fellea calculi in globum convoluti, instar globulorum asperorum thoracis inventi sunt: quibus fractis substantia picem nigram æmulari videbatur, forte ex bile supra modum assata & incrassata. *Ex observ. Joh. Bilgeri Medici Campodunensis ad Greg. Horstium Tom. 1. p. m. 142.*

§. 15. Mulier spatio novem dierum nihil per alvum excrevit, quæ tandem in Febrem malignam incidit: Pulmones fere erant putridi, Hepar parum scirrhosum & inflammatum: Intestinum Ileum in medio gangræna obsessum, cum inflammatione in interiore tunica. *Vide tit. de ventris dolore lib. 3.*

§. 16. Agnovi virum qui uxorem reliquit, & ab ea se separavit, & dedit ei venenum, quo facta est Tymphanitica, & supervixit paucis annis forsitan sex aut septem, & ego curavi eam, sed sanare non potui: Jecur autem per venas corrumpit colorem linguæ & perducit ad lentas febres, & morbum facit similem naturali: Et ego vidi Hieronymum Bertolium ita laborasse quasi esset amphimerina, sed quia eo pervenit ut lingua esset omni fuliginis nigrior, & adeo aspera & arida ut appposito orichalco non posset avelli, ideo existimavi esse venenum: Eoque dissecto apparuit ventriculi imum quasi excoriatum, & jecoris superficies tota convexa nigerima, *Cardanus lib. 2. de venenis cap. 1.*

§. 17. Vidi aliquoties in febribus ardentibus malignis concretum sanguinem intra venas, instar medullæ sambucinæ, quod observatum fuit à Fernelio in Physiologia. *Riolanus Encheir. Anat. lib. 2. cap. 27.*

#### SCHOLIA.

**S**imilem sæpenumero ex venis maligne febricitantium se collegisse affirmat S. Pauli Digress. de Febr. malignis §. 80. adeo dissimilem florido & naturali sanguini, vix ut duodecima illius pars sanguinem, cumque crassum foeculentumque representa-

rit, valde tenacem & glutinosum, sero omni carentem, ita ut rotare vasa & invertere, quibus exceptus erat sanguis, licuerit: Ejusmodi sanguis ardore fit, *ait Lindennus in Selectis pag. 644.* depalcente quicquid est chymosi in massa: Piceus vero, cum igne

oritur



uritur occulto, quasi cineris dolosi; Tunc vero nigrorem concipit exultione biliosi; lentorem vero

exsiccatione fibrosi quod in eo est.

*A Fernelio &c.] lib. 6. Physiologiae cap. 7.*

§. 18. Vidit Dom. *Paylon* doctiss. Medicus & Anatomicus Parisiensis, in juvencula mortua febre ardenti, sanguinem concretum intra venas, à claviculis usque ad inguina: & intra arterias sanguis concretus erat similis sebaceæ substantiæ, sive medullæ sambuciæ porosæ similis: *Riolanus in sine Anthrop.*

§. 19. Sanguinem in cordis ventriculis & vasis majoribus fluidum, nec post obitum grumescens in cadaveribus febri continua defunctorum aliquoties, & nunquam v. s. emissum febre maligna ægrotantibus observavi. *I. Jac. Wepferus Exercit. de Apoplexia. p. 429.*

§. 20. Non solum existimamus cum aliis medicinam facientibus, vivorum pestiferorum sanguinem extra corpus manere fluidum, sed etiam peste extinctorum in corpore similem fluiditatem servare, Quemadmodum hoc semel per experientiam didicimus. *R. de Graaf de succo Pancreatico cap. 8.*

#### S C H O L I A.

**S**I inquiratur quas mutationes in substantia, aut consistencia sua sanguis veneno infectus subeat, ut propterea vitæ sustentandæ minus idoneus reddatur? Respondeo, venena quædam sanguinem fundunt, ejusque serositatem nimis præcipitant, ut sunt pharniaca, quæ vel purgatione deleteria, aut urinæ profluvio, aut totius intumescencia, vel discoloratione, vel pustularum eruptione plurimam serosi laticis secretionem faciunt: Interea magna ebullitio cruoris massæ inducitur, qua spiritus vitales valde disperduntur, salis & sulphuris particule à coctione nimia exaltantur, & sæpe assantur, ut ideo lèteritia aut flava aut nigra inducatur: Sunt alius generis venena longe periculosiora, quæ *Sanguinem congelant*, ejusque mixtionem destruendo corrumpunt, sc. massæ sanguineæ primo *congelationem*, deinde putredinem inducunt: cum enim spiritus cruoris à veneni contagio profligati dissipantur, liquoris mixtio æquabilis solvitur, quare particule crassiores se mutuo im-

plicant & (instar lactis ab infuso coagulo, aut spontanea acelcentia) invicem coagulantur: hinc cruor in vasis grumescit, ut minus prompte in iis circuletur: Hujus portiones coagulata, interius in cordis sinus delata illic stagnare aptæ sunt: adeoque crebras syncopas & leiporhythmias patiunt; exterius advectæ, & inter circulandum in cute defixæ, modo uberius congestæ, per totum nigredinis suffusionem inducunt: modo parcius dispersæ maculas tantum, aut vibicum instar stigmata purpurea, cæteraque malignitatis phænomena efficiunt: Sanguinis autem coagulatio ipsam ad putredinem seu corruptionem cito deducit, uti videre est in sanguine extravasato, qui cito nigrescere & putrere solet: Etenim spiritu exhalato, in cruore residuæ sulphuris & salis particule à se invicem discedere, & mixtionis vinculum dissolvere, unde putredo solvitur, incipiunt.

*Willis de Febris cap. 12.*

§. 21. Patavii in cadavere Germani febre continua mortui calculi reperti trianguli, quadranguli, omniumque formarum, carbonis in modum nigri.

In cadavere Cucullati cœnobitæ, febre Maligna extincti, Offredus septem calculos angulares nucis avellanæ magnitudine observavit. *Ioh. Rhodius cent. 3. observ. 2.*

#### S C H O L I A.

**C**Alculi reperti trianguli, nigri &c.] Sicut cysti fellea calculis obiecta oritur lèterus, remeante scil. bile in Jecur & venas, hinc in habitum corporis diffusa, Eodem pacto ab eadem in Jecore coercita, vel ad venas translata & putrente, febris

nasci potest; quæ maligna evadet si bilis ætuginosa sit vel atra, qualis fuit illa Germani de quo supra, in cujus cysti reperti calculi carbonis in modum nigri, atque scil. & retorridæ bilis soboles.

§. 22. In corde viri 28. annorum à Veslingio anno 1642. dissecti, observavimus ventriculum dextrum phlegmonoso corpore pingui repletum, quo imo cono firmiter annexum, ascendit ad parentem venæ arteriosæ ductum illumque obturavit: In sinistro ventriculo ejusdem substantiæ minor portio aderat: Ut interceptam sanguini viam refarciret provida natura, patuit anastomosis illa amplo foramine, inter venam cavam & arteriam venosam, qua sanguis, ut in fortu, in sinistrum ventriculum ferebatur; Sive quod natura coalescere orificium hoc non siverit, sive quod leviter coalitum urgente necessitate vi referatit, & sanguinis impulsu; certe longo tempore materia à phlegmone fuit congesta, & à calore cordis assiduo exsiccata & indurata; Quin mortis attulerit homini necessitatem, vix dubito: Febre maligna intra triduum extinctus fuerat, quod aucta per calorem malignum materia, meatum sanguini liberum interceperit. *Bartholinus cent. 2. histor. 46.*

§. 22. Pictoris depingo originale, per orbem notissimum, ignota Febre deletum: incidit in febrem presenti anno & mense, quam tertianam intermittentem credidit simplicem simplex Medicus, qua de re alterius veterani consilium dum explorat, missionem sanguinis fore necessariam pro exigentia morbi, & temperamenti sanguinei, percipit, & exequitur: mox ratione delicatæ complexionis blandam solito more præscribit solutivam ptisanam, ne activiori medicamento quateretur nimis abdominosa moles: quo peracto per quinque contiguos dies visibili febre immunis statuitur, unde præparatam

KK kkkk 4

materiam

materiam quinque syrupis expurgandam pharmacum construunt, propinant; & hoc mixtas in humoribus evacuavit vires, moxque leve sequitur subdelirium, brevique quasi positus in Apoplexia obiit, cedens tandem naturæ, quam toties vicerat picturis, Inexpectatæ morti. Attoniti Domestici cadaveris Imperant dissectionem, cui præsens quæsitus ego, lividi primò corporis intensè rubentes observo genas, mox pectus secari satago, in quo sani cordis incredibilem vidi magnitudinem, Talem pulmonis corruptelam, ut illius substantia dissoluta simplici tantum membrana, tanquam in sacculo contineretur, quo reciso, copiosa effluxit, nigerrimi & foetidissimi sanguinis, ac corrupti Pulmonis quantitas: Simillimum pulmonis vidimus Lienis statum, cujus integra tantum membrana fluidam pariter, ac corruptam illius substantiam, præter nonnullas Malpighii glandulas continebat: Ulterius, metastasim in capite conjiciebant aliqui, quorum gratia cerebri tentavimus dissectionem, ideoque secato cranio crassissimo, suturisque adeo compactis ut deesse viderentur; Ablata dura meninge, tenuis occurrit admodum crassa, ut attoniti suspicaremur an tenuior aliqua inferius lateret, triplicique cerebrum illud involueretur meninge, quod non successit, sed hoc unum observabile, Piam matrem crassitie & densitate duram æquare: Ablatis itaque duris hisce meningibus, corticales cerebri anfractus ita pulchrè distinctos detegimus, hoc est, inter se adeo separabiles, ut notabilia vacua remanerent, cum in aliis capitibus arcta contiguitate anfractuose copulenter: Anfractuum ergo hæc conformatio verè industria, dum æquè benè ac intestinorum gyri semetipsis distinguerentur, & ideo si pia mater per corticales cerebri ambages undequaque se insinuat, cum illa crassa adeo extiterit, per consequens illa ablata notabile remaneret spatium inter anfractus, tanto magis considerabile quanto copiosiores gyri: substantia verò cerebri universa naturalis omninò & sana, præter solitam serositatem in minima quantitate, & corporis colorem nonnihil flavescentem.

## S C H O L I A.

**S**ymptomata totius morbi progressu inobservata non scrutor, incredibile nullatenus nullam extitisse diagnosim tanti morbi, ut assistens fateatur Medicus: equidem febris latuit maligna, de qua loquitur *Fernelius* lib. de Febr. cap. 17. *seric mitis ut interium verò conturbans*: ex occultis autem emerit excitata pharmaco, dum duplex inflammatio purgantium non resistit viribus, febrileque fermentum mutans à pharmacovires, effrenatas concitat sanguini effervescencias, inflammatoque parti, flammias adauget; quamobrem non immeritò cum antiquis recentiorum consensus, nunquam satis purgantium reprobat damna in inflammationibus, cum autem præcipuus in febricitanti sit scopus statum noscendi sanguinis, utrum nempe in compage sua nimis sit stricta, quapropter excrementa intricata sanguini adeo compliceantur, ut secreti ab ipso nequeant, quod sanguinis coagulationem nonnulli vocant, an diverso modo subvertatur cruor, quando scilicet ab heterogeneis particulis fermentativis secedit in partes, adeoque dissolvitur, ut corruptus usque ad fibras communiter nuncupetas, & tunc per parenchymatum poros se insinuans alicubi stagnat, putrefit, partesque ipsas corrumpit, ac universo sanguini maligna communicans vitia, unde spiritus non elaborat sanguis, quinimo veneni allumens naturam hos inficit, vitamque malignè perimit: ita affectus sanguis in hoc casu in partes spongiolas irruens intime filtratur, inde corruptivam inducens fermentationem, illas adeo alterat, ut nec propriam retineant substantiam, sed in foetidissimos degenerent choreas propria parenchymatis membrana simpliciter inclusos.

Quid autem sentiendum de rara pia matris crassitie & diducta anfractuum cerebri contiguitate? Verè suspicor multum contulisse suæ perfectioni in pingendo, cum in hac arte excellens fuerit si quis alter, Ecquidem hoc unum est quod cogitatio sit ab anima, non ab organis, ideoque cum bruta non cogitent, illa probabilius catere statuunt Cartesia-

ni; cogitationis autem scrutari vires, animæ ut essentiam indagare, idque exigere videatur aliquid supra animam, quia in tantum materialia, & omnia mortalia, cognoscit anima, quæ ut aliquid supra illa, cum sit immaterialis & immortalis, nullatenus in operando depêdet anima ab organis, ita in fatuis, in quibus principes animæ facultates non exercentur uti debent, aliquid in cerebro insoliti apparet. Ergo scrutari animæ operationes à corpore dependentes, nil aliud est quàm organorum vires contemplari, quid scilicet, & quomodo concurrant in operationibus, & ad id non requiritur aliquid supra animam, cum hæc sit supra sui corporis organa: polita ergo tantæ cognitionis possibilitate, quærendum ellet utrum à particulari cerebri conformatione dependeat ingeniorum diversitas: profecto cerebri anatomie suam detegit in omnibus structuram ferè consimilem, quamvis probabili conjectura suspicari possemus an cerebri fibræ *Willisianæ* in omnibus ejusdem sint modificationis, quod non ita facile oculis observabile: Interea ingenii vires in particulari animati cerebri conformatione dependere firmiter credo, verum non tantum in hoc, sed à diversa sanguinis constitutione, ex qua major vel minor spirituum perfectio & copia consistit; ita accidit maniacis, in quibus non pervertitur cerebri structura, sed spiritus animales ab indole miti & benigna in acerrimam degenerant, ita hypochondriacis, in quibus sanguis acer, spiritus gignuntur nebulosi, ex quibus tot phantasmata.

Cum ergo ingenii vires consistant in particulari sanguinis, & animali cerebri configuratione, possumus industriam eructe tanti pictoris: & primò cordis insolita adeo magnitudo arguit copiam notabilem rarefacti sanguinis, qualibet systole expulsiæ, quæ dum in anfractus cerebri perveniebat, capaciores exigebat, ut facilius & celerius filtraretur, ne sanguis subsequenter irruens ita copiosè sua mora noceret: ex copioso autem sanguine rarefacto natura-

ra'iter,

liet, copiosi & spiritus, ex quibus ingenii robur : verum quamvis spiritus sub tenuissimo liquore concipiantur, summe sunt tamen exhalabilitatis, quapropter pia meningem crassiorem effecit natura, ut illos retineret facillime dissipabiles, à nimis laxa cerebri structura, tum etiam ut cerebri anfractus sua interpolatione dilataret ad faciliorem sanguinis instillationem : copiosi ergo spiritus, cum libere

per ductos cerebri anfractus permearent, libera etiam fluiditate per corpus callidum exipari poterant. Unde ita ingeniose imaginabatur, ut puratantum originalia per Italiam celeberrima imaginationis suae viribus abstracta depinxerat nullis unquam deditis exemplaribus. *Ex Communicatione Excellentiss. & Clariss. Dom. D. Joh. Baptistae Fanioni, Medici & Professoris Taurinensis.*

**S.** Erenissimus *Christiannus Dux Brunsuicensis & Luneburgensis*, cum multis annis inordinate vixisset, cruda multa assatim ingessisset, acetariis, oleribus, fructibus hortensibus crudis, & ejus generis difficilis concoctionis cibus corpus onerasset, incidit in febrem quartanam, qua curata aliquandiu bene habuit : Notandum tamen quod in ipsa febre quartana cum usus esset vomitorio ex rad. azari, & multas cruditates magna cum perturbatione & molestia rejecisset, (nam oleribus & difficilis concoctionis cibus se ingurgitaverat) juravit se nunquam vomitorium deinceps assumpturum ; Quod cum ego animadverterem, & tamen Princeps ipse una mecum quamprimum restitui vellet, neque id absque vomitoriis commode fieri posse perspicerem, pilulis meis febrilibus, quibus ante singulos paroxysmos usus est, admiscui aliquantum pulveris rad. azari, quod tamen in parva quantitate fuerit, saepius tamen usurpatum multa per vomitum eo ipso die, quo assumptum erat, rejecit, & q. excrementa viridia, tenacissime coherentia, quod omnibus adstantibus admirationem movit, convaluit post id & rectius habuit : Postea tamen cum iisdem crudis & difficilis concoctionis cibus iterum usus esset, incidit in gravem morbum, quem quidam, & aliqualem calorem naturalem praeter naturalem perciperent, Febrem malignam judicaverunt, quod ego postmodum adveniens falsum inveni : Nam cum nossem Principis, qui alioquin temperantissime vixit, in rebus crudis & cibus herbaceis intemperantiam, statim prospexi ex cruditate ortum quicquid mali erat, neque in eo deceptus sum, nam post aliquot dies propinato aceto bezoartico, & aliis medicamentis ad rem pertinentibus, ejecit Tæniam, sive vermentatum, ruptum & per partes emissum ; ita tamen ut tota longitudo vlnas circiter novem compleret : id factum est die 22. Maii 1626. Antequam is excerneretur, & aliquot diebus post, quiescere non potuit, sed corpus hiuc inde jactavit, donec exhibitis medicamentis expulsivis alexipharmacis (propter suspicionem veneni, vel ex mortuis vermibus intrinsecus nati, vel extrinsecus dati) cordialibus & confortantibus paulum tranquillior fuit : Interim die 1. Junij advertimus infra sinistram mammillam novem pustulas lividas, sive tubercula sicca, instar fragi per medium dissecti & appositi, ejusdem cum fragis, sed obscurioris aliquanto coloris & asperitatis, sine pure protuberasse, unde veneni suspicio aucta est : Vires inde fractae & mentis hallucinatio nonnulla sequuta est, loquutio etiam ita praecipitata fuit, si quid diceret rari intelligere potuerint, nisi quid esset saepius rogarint : Initio Princeps multum vomuit, praesertim assumpto cibo & potu : cerevisiam ; qua alias delectatus fuit ; vinum fastidians, semper rejecit, vinum tetinuit, neque quicquam incommodi inde sensit, aut caloris praeter nat. concepit : Pulsus initio propemodum naturalis ; urinae quales jumentorum ; postea prope ad statum naturalem in colore, substantia & sedimento pervenit, pulsus vero magis magisque languidior factus : In medicamentis assumendis difficilior fuit ; nam vetita assatim appetivit, concessa respuit, & cum corpus maxime calidum servare debuisset, omnia tegumenta rejecit, & praeterea aqua rosarum, & aliis refrigerantibus caput inundavit ; cum tamen neque in pulsu, neque in urina, neque in tactu totius corporis ullum caliditatis signum appareret : Medicamenta, tum quae ad exonerandam saburram, tum quae ad excludendos vermes ; extinguendum venenum ; conservandum cor & reficiendas vires vires singulari virtute facere videbantur, diligenter administrata sunt ; omnia tamen in pejus ruere, pulsus sese subducere & vires in horas labasci, appetitus posterni, donec tandem spretis omnibus humanis placide obdormierit d. 6. Junij 1626.

Aperto ad condituram cadavere, propemodum omnia viscera sana inventa sunt ; solus ventriculus & intestina vitium contraxerant : Ventriculus enim mucoso phlegmate redundabat, & tunica ejus interior obscuriore, quam pro natura, colore imbuta fuit : Intestina etiam plurimum pituitae crassae & mucosae continebant, & interior tunica, in intestinis tenuioribus fere nigricans, rugas instar plicarum orbiculatim in intestina intrinsecus continua serie ambientes formaverat. In Colo vero de lato verme, sive tænia, particula ad longitudinem prope quinque ulnarum reperta fuit : Pul-

mones



mones plane integri fuerunt : Cor nihil vitij habuit , nisi quod dexter ventriculus solito flaccidior visus sit , & in eodem vesicula albicans ad longitudinem & crassitudinem digiti , utrinque acuminata , pisciculum dixisses , qua discissa & rupta , cum aquam contineri putassemus , materiam pinguem , crassam instar axungiae reperimus : Hepar magnum fuit & omni labe caruit , nisi quod quatuor quinque locis ad magnitudinem felii menthae , maculae lutei coloris apparuerint , carne subiecta similiter ad corruptionem vergente ; reliquis partibus tum quoad colorem , tum quoad substantiam omnibus integris : Lien , quemadmodum & Renes omnis labis fuerunt expertes , Membrum virile supra modum flaccidum una cum scroto nigrorem contraxerat. *Ex observationibus Adami Luchtenii Regis Daniae Medici in Actis medicis Bartholini anni 1672. p. 25.*

## OBSERVATIO LVIII.

*Febris Epidemica Nervosogeneri & Thoracis partibus infesta 1. Febris Epidemica ab inflammatione Pulmonum 2. 3. Epidemica vermiculosa. 4. 5. 6.*

§. 3. **C**irca æquinoctium vernale anni 1661. puella novem circiter annorum ægrotare coepit , imprimis absque calore & siti intensis , appetitus dejectio & virium languor accesserant : insuper vertigo fere continua molestabat , cum crebro leipothymiae metu , ut sæpius animi deliquium instare putaverit : cujus ægritudo quoniam Tussis crebra & humida stipata fuerat , primo tantum frigoris susceptio putabatur , verum intra paucos dies ista Tussis plane convulsiva evanuit : adeo ut inter tussendum , diaphragmate sursum elato , & cum systole sursum trita , ita aliquandiu retento stridor ingens & velut suffocativus ederetur : dein apertius Febricitans , ac de siti & calore conquesta , noctes insomnes cum insigni corporis agitatione ducebat , atque prope diem delire loquuta de veste sua in aquas delapsa querebatur ; cumque omnia in pejus ruerent , moribus convulsivis primo in artubus , mox in facie & subinde toto corpore tentari coepit , paroxysmi crebra vice , nempe bis aut ter intra horam repetentes , gravissime urgebant ; adeo ut misella hæc intra nycthemeri spatium , aquo affectiones spasmodicæ graviores exortæ fuerint , spirituum animalium tenore labefactato penitus fatum obierit : Dum paroxysmi convulsivi urgerent , pulsus erat plurimum inordinatus , ac sæpe intermittens ; etiam vomitione crebra afficiebatur.

Cadavere dissecto , symptomatum in hac febre præcipue urgentium rationes & vestigia clarius patebant ; Nam calvariae olla amota , statim vasa meninges perreptantia , sanguine plurimum turgescere conspiciebantur , quasi fere tota cruoris massa in capite aggereretur : Venis enim circa viscera imi ac medij ventris scissis aut disruptis parum sanguinis effluxit : Porro membranae istæ , ubi cerebellum investiant , atque altius intrata ipsum à cerebro derimunt , sanguine pluribus in locis extravasato suffusæ , colore atro purpureo insigniebantur , ut minime dubitandum esset , quin phlogosis sive inflammatio , illic circum circa excitata , convulsionum adeo atrociter instantium causa fuerit : Integumentis hisce ablatis , cerebri substantia prorsus madida , & humore aquoso supra modum irrigata videbatur : quinimo ejus cortice exempto , ventriculi omnes aqua limpida erant impleti , cujusmodi pellucidi liquoris plusquam libræ semissem eximere licuit , Ventre inferiore aperto , viscera omnia in eo contenta sanis facta & sana recta inveni : ventriculus , licet inani vomitione crebro laceratus , nihil præter liquorem nuper ore ingestum continebat : etenim neque in ipso , nec in appendice ipsius lumbrici , aut acres humores ( qui sæpe ejusmodi convulsionum causa perhiberi solent ) reperiebantur : Intestina tenuia pluribus in locis mutuo involvebantur , à viscerum istorum motibus convulsivis ; Thorace aperto , pulmonum cava valde rubicunda , & velut suffusa , imo in quibusdam locis quasi livida & fere nigra apparebat , ex eadem ubivis discissa ichor tenuis & spumofus exudabat : *Th. Willis pathol. Cerebri cap. 8.*

## SCHOLIA.

**E**X his phaenomenis prædictæ febris pathologia facile colligitur , nempe in hac ægrotante , licet & in plerisque aliis , sanguis febriliter effervescenti statim recte menta suatum in Pulmones , tum in cerebrum deponere , quare serosa colluvies utriusque compagem illico inundabat , dein propterea sanguis , & hic & illic à debita circulatione præpeditus , circa partium affectarum confinia plurimum coacervari , demum stagnare , poros & meatus in-

farcire , & quasi phlogosin inferre coepit : hinc observum in Pulmonibus copiose aggestum & calore assatum , tussis molesta cum sputo crasso & decolori plerumque isti morbo supervenit : Atque ob similem affectionem intra 3. 4. 5. 6. excitaram , vertigo , scoatomia , stupor , aliæve pathemata cephalica laborantes fere constanter incelebant : cujusmodi affectus in hac puellula , propter cerebri constitutione prius invalecundinariam graves facti

apoplexiam terminabantur : Si prae dicta agriundi ratio formalis & causa inquirantur , facile hic constat liquorem cerebri & nervosi generis irriguum fere simul atque sanguinem in culpa , & symptomatum praecipue urgentium causam immediatam fuisse : Nempe in quantum iste latex , statim à primo morbi insultu solito pauperior & quali effectus evaleat , propterea in toto corpore languor & enervatio cum lassitudine spontanea ac impotentia ad motum , cumque subita corporis intabescencia aegrotantibus accidebant : Porro quatenus idem liquor partientis heterogeneis , sc. partim narcoticis partim explosivis referretur , idcirco stupor , somnolentia sensus sensuum & musculorum subsultus & contractura , nec non vertigo , scotoma aliæque affectiones cephalicae graves suboriebantur : Porro aliquatenus ob succi nervosi labem , non cito aut facile emendandam , morbi solutio aut sanatio ardua ac diuturna extitit : At vero siquidem laticis huiusce vitium à sanguinis dyscrasia , etiam à cerebri constitutione prava necessario dependet , quales eorum diatheses morbidae fuerint & quo ritu hæc febris symptomatis ortum vel fontem præbuerint , videamus : Quoad prius , videtur quod ob anni constitutionem calidam & humidam , ac à Borea (cujus nimirum corpuscula sanguinem & succos corporis nostri conditura velut nitrosa imbuunt , eosque exagitando contra putredinem muniant ) minime perlatam , sanguis in plerisque hominibus , ac praesertim in pueris , adolescentibus & feminis , instar aquae stagnantis , proindeque situm contrahentis , valde imputus , particulis heterogeneis refertus , atque ad lentorem & aquositate vergens evaleat , in quo sc. spiritu ac sulphure puriore aliquantum depressis , particulae aquosae , cum sale & sulphure imparo simul evectis , nimis exaltarentur : quapropter sanguis tum propter crasin eius vitiatam , ob particulas heterogeneas in sinu ejus uberius congestas , effervescentiae febrili aut sua sponte , aut occasionaliter , aut propter contagium suscipiendae habilior factus est : proinde ut plurimum hoc tempore febricitarent ; Attamen sanguis à miasmate febrili & suscepto effervescens , non statim cum aperto incendio , sed tanquam ligna viridia loco imposita , cum flamma velut suppressa ac fumo plurimum obvoluta exardescere : quapropter materies morbifica , intra massam ejus aggelata non (uti in febre regulari) deflagrando absumi , ejusque reliquiae statim tempore per crisin exterminari solebant , sed tamen mox à febris initio istius materiae portio ingens in caput vel thoracem , vel simul in utrumque iustitia , & postea iisdem partibus continuo suppeditata , aut praedictas cerebri & nervosi generis affectiones , aut nullam cum dispositione tabida , vel simul utraque inducebat : atque ob hanc rationem circa initia huius morbi , cum pulsus debilis celeriore , & urina rubicunda & contentis saturata , sanguinem ab intemperie febrili effervere indicabant , aegrotantes de calore aut siti minime conquesti sunt , quia nimirum sanguis effervescens impuritates & recrementa sua illico in liquoris nervosi penum , aut in pulmones deponebat : quare intra hæc receptacula symptomata peiora statim acciebantur : postea tamen morbo in statum evecto , calor nonnulli acris , cum linguae scabrie in aliquibus satis molestus esse solebat : quinimo in omnibus febris lenta & velut hectica perdurabat , quæ nec sudore nec transpiratione inmensi ita in totum amoveri potuit , quin illa quotidie , praesertim à pastu , licet tenuissimo , redintegraretur : quod equidem ita contigisse videtur quia succus nervosus faculentis à sanguine de-

positis satur , eas postea haud in copia tam uberi excipiebatur , quin recrementa isthic una cum humore nutritio ( siquidem & hic particulis solidis alendis minime absumeretur ) intra massam sanguineam restantia , ipsam usque febriliter effervere fecerunt :

2. Praeter hanc sanguinis diathesin morbidam ab anni intemperie contractam , videtur & cerebrum ab eadem ratione in parthemata praedicta proclive factum : cum enim longo temporis tractu ventri austrini cum humidiori aeris constitutione jugiter spirarent , proinde cerebri meatus & pori plurimum laxati & aperti , ejusque compages nimis dissoluta , humoribus serosis & particulis quibulvis heterogeneis aditum facilius praebant : quare sanguis valde faculentus & aquosus , quam primum à febre efferveret , recrementa serola & sordes suas statim intra totius corporis poros nimis potenter ingerebat . Enim vero , quotusquisque est qui non humido caelo de capite nimis oppleto & spirituum torpore queritur ? quia scilicet excrementis humoribus in cerebrum à tali occasione laxatum irruunt : E contra hujus poris à frigore intenso aut sicciori aëre constrictis , sensus & facultates omnes vegeti magis & expediti possunt .

Hinc symptomatum & accidentium praedictam febrem concomitantium facile erit rationes extricare : 1. enim quod hæc febris anomala in pueros , adolescentes , feminas & viros phlegmaticos potissimum defluebat , in causa erat , quoniam in istiusmodi corporibus sanguis aquosior , minus perspirabilis , proindeque colluviem serosam , & faculentias heterogeneas congregare aptus est , quin & cerebrum humidius debiliusque existens , sanguinis recrementa quavis facile suscipit : quare observare licet ejusmodi personas in convulsionem propter alias rationes oriundas , magis proclives reperiri . 2. Insignis Atrophia tam cito huic febre supervenit , quoniam ob succi nervosi depravationem nutritus munia ab eo pendentia ( quæ prout alibi ostendimus , sunt maxime activa ) protinus defecerunt , quamvis enim minime concedimus humorem nervosum solummodo nutritivum esse , sed materiam partibus alendis destinatam in massa sanguinea preparatam per arterias dispendari ; attamen arbitrari fas sit liquorem cerebri & nervosi generis irriguum , sub ratione causae efficientis alimentatione plurimum conducere : hic enim spiritu animali turgescens : succum nutritivum cuilibet parti à sanguine allatum actuat & vigorat , cumque in corporis alendi meatus ac intimos recessus admittens & velut intro manuducens , assimilatur : quare cum hic liquor æconomus adeo depravatur ut spiritus animales , circa nutritionis opus requisitos , haud rite suppeditet , membra quolibet ac partes , veluti stomachus in tono suo vitatus nutrimentum quodvis oblatum , vel respuit , vel proprium in utrum recipere nequeunt : propterea quidem in hoc morbo moles siue habitus corporis ut plenior aut obesus , plus ac citius deterebatur quam in febre causione , ubi à calore intenso , aut sudoribus copiosis longe plus evaporat : cujus ratio est , quoniam in febre ardenti , licet sanguis valde effervescens copiosius exhalat , interea tamen aliquid nutrimenti jugiter apponit , quod singulae partes , liquoris nervosi beneficio adjutæ , facile excipiunt & assimilant : verum in ista lucida & turgida , quamquam materia nutritiva satis appareretur , tamè spirituum animalium defectu nutritio prorsus inhibebatur . 3. Ob praedictas rationes etiam febris ista diutissime protracta vix ullam cricem judicari , ac difficulter medicamento-



totum ope curari solebat, materies enim febrius ita-  
tum à morbi initio in liquorem nervosum irrepens,  
ab ejus sinu ægre postea, & nonnisi longo tempore  
exterminari potuit: quippe hic latex moru tegni, in-  
que valis obstrictis lente scaturiens, non uti sanguis  
effervescentiam depurativam, sive fermentationem  
sponte concipit, neque medicamentorum vires ad  
eum facile ac illibate pertingunt, sed aut aliis par-  
tibus prius impenduntur, aut siquidem heteroge-  
neantur, à cerebro incongruum quodvis respuen-  
te, prorsus excluduntur; æquidem ob hanc ratio-  
nem, quævis cerebri & nervorum affectiones, me-  
dicinæ velut opprobrium facientes, difficillime  
sanantur. Itaque in hac febre, si quando labes cere-  
bri & nervoso generi impressa tolleretur, vel tussis  
immanis cum sputo copioso, vel tumores & absces-  
sus in collo succedebant; scilicet materia morbifica à  
sanguine reisorpta, & rursus deposita vel in thora-  
cem, vel in glandulas & emunctoria juxta cervicem  
conflata: Cæterum hic morbus contumacior ex-  
istit, quoniam & sanguinis dyscrasia non facile e-  
mendaretur: nam licet ab initio latex ejus recte-  
mentis usque in nervosum liquorem sustulsi minus  
ac inertius efferveret, postea tamen receptaculis  
hinc completis, & facultatibus morbi ficæ, ac insu-  
per materia nutritia partibus solidis atendis minime  
impena, usque in cruore reclusis ipsum aggrava-  
bant, &que propter molesti hujus non miscibilis  
exclusionem, effervescentiam non secus ac in febre  
hæctica assoler, aut fere continuam aut subinde re-  
petere aptam inducebant: Enim vero sæpius ob-  
servari in hac febre, à jusculis avenaceis, decocto  
hordei, alioque victu tenuiori, non minus ebullitio-  
nis in sanguine concitari quam à jure carniū con-  
summato: nempe utrobique succus nutritius, e  
chylo in sanguinem suppedtatus, siquidem in nu-  
tritionis opus non impendebatur, velut quoddam  
heterogeneum, & non rite miscibile sanguini mo-  
lestiam inferebat: atque ob hujus succi superflui  
particulas, cum sero copiose amandatas, *Urina* valde  
*crassa*, rubicunda, & contentis plurimum saturata  
exiit: Etiam ob hanc rationem alvus pluri-  
mum soluta fuit, in quantum sanguis, sueco nutri-  
tio satur, minorem chyli portionem & visceribus  
exiugebat, atque istius, quod ipsi inferebatur par-  
tem intestinis reinfundebat: Intemperies insuper  
febrilis tamdiu cruori inhærebat, quia donec regi-  
mine animali restituto nutritio rite perageretur, ma-  
teries ista superflua in massa sanguinea congereba-  
tur. *Willis l. c. ubi vide hujus febris curacionem.*

*Intra nycthemeri spatium satum obierit* ] Febrem  
hanc epidemicam acutissime protractam ait, vix  
critice judicam, medicamentisque refractariam:  
Hujus tamen puellæ satum acceleratum fuit, morbi-  
que historia brevior, ob accedentem spasmodicam  
frequenciam & vehementiam.

*Membrana cerebri sanguine pluribus in locis ex-*

*travassato &c. Pulmonum caro valde rubicunda*  
*&c.* ] Aliquando vis ipsius febris in partem aliquam  
sævit, ut æger tantum vel se capite dolere dicat, vel  
renibus, vel aliqua alia parte: Quod evenire puto,  
vel cum peculiaris in parte aliqua infirmitas est &  
vitium, vel cum febris ipsius subjectum est potius  
quidam teter vapor, qui prout vel in illas partes, vel  
in has repit, ita quoque sui notas & signa exhibet:  
Audivimus observatum esse ab *Hippocr.* in Coacis  
(locum videre non contigit) rigores aut horrores  
inanes in febrium paroxysmis, translationem in ca-  
put asserere symptomaticam, id est, dum effertur va-  
por febrilis a foco, aut tenuis ichor, qui naturam  
perturbans & calorem afficiens, eundem foris intro  
revocat, unde aut rigor aut frigus insequitur perio-  
dicum: Quod si hoc frustra fiat, & potius recta ca-  
put vapor appetat, ac si constituatur simeturque se-  
des in capite, dolor oboritur lævissimus, & aduren-  
tis in toto capite caloris sensus excitatur, in cæteris  
partibus nil simile percipitur, Et vulgus se febrem in  
capite habere narrat: Item in passim vagantibus  
febris periodicis, cum semen morbi extinctum vi-  
deretur, certis quibuidam diebus, ac si novus paro-  
xysmus suscitandus foret, calor aut in capite sum-  
mus, aut in alia parte, & dolor excitatur: quod fit  
aut ob paucitatem materię, aut quia ea nondum sa-  
tis apta est ad putrendum & motum: Denique in  
febrium ineuntibus paroxysmis, præter consuetudi-  
nem quædam symptomata apparent, aut ingens  
capitis solius dolor aut brachii, aut cruris, aut ve-  
lut incubus, aut suffocatio: nonnullis quædam con-  
tractiunculæ convulsionibus similes, non autem ma-  
nifestus quidam calor apparet in toto corpore, à quo  
febris suam essentiam nanciscitur: Quod fit meo  
judicio propter aliquam separationem & secretio-  
nem materiei, quæ non per venas, sed per arterias,  
aut nervos, aut inanes quoddammodo irrepens,  
insolentia quædam symptomata procreat ac gignit:  
Quod & confirmant ea quæ scripsit *Gal. de Cris. l. 3. c.*  
*9.* dum rationem reddit cur in principiis febrium, sive  
delirium accesserit, sive alicujus membri sideratio,  
periturum hominem sciendum est, si non optimum  
aliquod signum accesserit: Ex quibus omnibus ap-  
paret, contingere sæpe ut moveatur materia, tum  
suo ipsius nutu atque spontes, utpote animata &  
excitata suo spiritu & ichore (nullus enim humor  
sine aut flatu aut ichore cito impellitur) tum natu-  
ræ vi pellente, & tum in partem aliquam vis atque  
impetus iste & impressio redundat: unde quæri  
posset an satius sit in unam tantum partem vim istius  
tempestatis febrilis redundasse, an in totum corpus:  
nam si in totum corpus malum æquabiliter repar-  
tetur & partes & facultates læduntur: contra me-  
lius esset diffundi hoc totum virus & in multas cor-  
poris partes dissipari, quàm ita confertim & gre-  
gatum in unam principem partem insultasse atque  
impetu ruisse. *Ballonius.*



§. 2. Temporibus inconstantibus morbi equidem sunt inconstantes, dummodo illorum perduraverit inconstancia: sed quando ipsorum inæqualitas uniformis aliquandiu persistit, prout factum est per duos annos fere continuos, ut plurimum fuerunt austrini, ventosi, frigidi, pluvii, & cum maxima aquarum illuvie, morbi supervenientes constantes apparent & fere uniformes: Cujusmodi sunt febres hoc tempore grassantes, non Bergomi tantum, sed Bononiæ, Venetiis, in Foro Julienti, agro Patavii, Vicentiæ & fere ubique locorum; In his enim omnibus locis populariter sævierunt febres, non quidem vere Pestilentes, quia licet multos interfecerint, ut plurimum tamen fuerunt salutes, nec alicui communicatum fuit contagium, sed sunt Ardentes spurie, ad continentium naturam accedentes invadentes, cum dolore capitis, colli, lumborum & totius corporis perseverantes, cum siti, vigiliis, comate vigili, paraphrenitide, & aliquando cum vera phrenitide, vermibus & cum peticulis erumpentibus, plerumque rubris, aliquando violaceis, nigris diversis temporibus, ut plurimum circa septimam, & in puerulis cum morbillis & variolis, Et urinis tenuibus, aliquando crassis & turbidis, & aliis accidentibus malum morem harum febrium commonstrantibus: hæque febres viros magis quam mulieres affligunt, eosque ut plurimum infra secundum senium constitutos, si præsertim plethorici, biliosi, aut melancholici fuerint, si locorum humidorum fuerint incolæ, si incomposite vixerint, immodice in caluerint, veneri indulerint, vitiosisve succis redundaverint, raro Claustrales, tanquam minus incompositè viventes.

Originem autem habuerunt hæc febres ut plurimum à putredine circa viscera naturalia, ideoque & vermes fuerunt excreti, & diarrhoeæ non raro subsequutæ, cum critica tum symptomatice: Fere tamen semper sese insinuavit putredo in totum venosum genus, non sine aliqua Pulmonum inflammatione, ut apparuit ex dissectione Cadaverum: Hincque factum fuit ut fere in omnibus apparuerint peticulæ; pluribus supervenerint sudores aliquando diaphoretici, non raro salutes, & fere omnes judicati sunt per urinas copiosas. *Ben. Silvaticus consil. xiv. cent. 1.*

## S C H O L I A.

**H**arum febrium sicuti causa adæquata fuit vel insignis exstio, vel excellens & vera humorum peccantium corruptio, aliquando superante natura, aliquando eadem superata, ita causa communis fuit inæqualis ætis intemperies, quoad activas qualitates, cum excessu humiditatis quoad passivas: Hinc enim accidit ut caput pluribus humidius sit redditum quam conveniat, & interna viscera vitiosis humoribus cujuscunque generis, à prædominio tamen serolis & biliosis fuerint repleta, impeditaque ipsorum ventilatione, cum à cutis constipatione, propter ambientis frigiditatem, tum ab internis obstructionibus computruerint, & putrescendo febrium prædictarum causæ fuerint, cum enariatis symptomatibus pro varia parte affecta & diversitate dispositionis partium principalium; Foveri quidem potest hæc febris ab annonæ charitate, cujus merito facta est major congestio vitiosorum humorum; hancque ob causam pauperes febricitant magis quam divites & frequentius intereunt; non tamen annonæ charitas fuit causa principalis harum febrium, ut quispiam suspicari posset, non enim divites his febribus fuissent correpti, utpote qui annonæ charitatem non fuerunt experti: Quæ cum ita sint, sperandum etiam est morbum hunc pestilentem non futurum, dummodo austrinæ constitutiones tandem non perdurent: ut hinc aer non solum intemperatus fiat, verum etiam corruptionem & putredinem concipiat per admisionem vaporum putridorum: Quod ne fiat, ventilationes, ignis accensionem, viarum mundities & diligenter cadaverum humorum erunt necessarii: Pro curatione autem harum fe-

brium insistendum refrigerantibus, exsiccantibus, divertentibus à partibus principibus, deobstruentibus, bezoarticis & vires conservantibus: Ideo inter Chirurgica principem locum obtinet venæ sectio: Si vires non permiserint, venarum sedalium apertionem laudamus, & ratione revulsionis à partibus principibus, & ratione vacuationis à venoso genere: Postea cucurbitulas cum scarificatis, tum non scarificatis, lumbis & internis partibus applicandas censemus, frictiones & inunctiones injungimus, dummodo natura non tentet excretionem materię per alias partes corporis: Vesicantia præsentaneum & tutissimum semper remedium tuere: Inter Pharmaceutica laudamus blandas alvi subductiones, cum natura non transmittit cum impetu ad cutem: Largæ potationes aquæ hordeacæ aut feri lactis caprini cum spiritu chalcanti, refrigerant enim, sitim sedant, urinam movent, sudorem alliciunt & omnibus intentionibus satisfaciunt; non omittis Bezoarticis, frigidis vel parum calidis, nec valde adstringentibus: Medicamenta ex citro sunt tutissima, Aqua ex toto citro: Margaritæ præp. c. c. sunt exsiccantia: diuretica, sudorifica temperatissima, Inter externa Oleum scorpionis *Masthioli*, &c. *Idem.*

[ *Supervenerint sudores plurimi.* ] Ad sudorem proclives esse qui Pulmones habent calidos, quia tenues obtinent humores, observat *Walen* in sua methodo medendi: Ita phthisicos sudoribus continuis ferme diffluere videmus, & in tantum debilitari ut Medicus vel maxime accessum habeat viribus illorum succurrere & sudores impedire.

§. 3. Sæpe decipiuntur Medici, Peripneumonix speciem pro febre mali moris & maligna judicantes, ac pro tali curantes: Et dum febres hujusmodi epidemicas vagantur, Si corpora eorum qui perierunt secta sint, maxima ex parte inveni labem, vel in extremis lobis, vel in parte postica pulmonum, quæ ad gangrænam perexiguam tendebat: Id ipsum etiam, accepit à Doctore celeberrimo, qui se eadem experimenta multoties observasse testatus fuit: Ideo caute in his procedendum est ut cognoscatur pars affecta.

## S C H O L I A.

**I**N Pulmonum affectibus non plerumque respiratio laeditur, quod provenit, partim ex natura affectuum, partim ex situ, Nam Tabes, vel ulcus Pulmonum, ex se respirationem non laedit nisi per accidens, cum scilicet pus vel pituita in arteriis eorum recipitur: Similiter pituita, quae in pulmonum substantia recipitur, respirationem parum aut nihil laedit, nisi cum vasa obstruit, & aëris ad cor ingressum vel egressum cohibet: aut pulmones magnificando, inanitate replet, quae ad libere respirandum requiritur, repleri facit: Imo neque ex inflammatione particulari pulmonis, quae scilicet extrema loborum ejus, vel partem aliquam externam, & maxime posticam obfideat, nisi maxima sit: ex illa enim cor potius praefocationem patitur quam magnam aëriationem; neque ob id arteriae occluduntur, vel comprimuntur, Et ideo non sequitur neque ratione or-

gani, neque ratione aëti caloris necessitas magna respirationis, neque impedimentum illius, nisi leve: *Inde saepe decipiuntur Medici, quia haec est Peripneumonia species, &c.* Ideo caute in his procedendum est, ut cognoscatur pars affecta; Quae ex levi, sed angustiosa respiratione, & subdificili in aliquo latere decubitu, sicuti ex pulsuum mollitie, ex sudore circa pectus & cervicem, cum adsunt malignitatis notae, colligi debet: Et maxime cum alvus bene ab excrementis abstergitur, & videntur hujusmodi ex sanguinis evacuatione sublevari, licet parum habita ratione languoris virium & febriculae convenire videatur: Cognoscitur etiam ex Pulsuum inaequalitate, nam ex parte affecta celeriores & majores, vel crebriores & oppressiores erunt. *Sebastianus Nasus m:th. med. Parte 2. p.298. Vide Lat. à Fonte.*

§. 4. Initio hyemis 1663. districtu domini Veneti universo, morbus quidam malignus & epidemicus grassabatur, quo plusquam lx. millia hominum, ut ferebatur, cum horrore & febris corripiebantur: Horum nonnulli cito interibant, ceteri brevi evadebant.

Sectione cadaverum instituta, mira & vix credibilis vermiculorum minorum copia apparuit, causamque, quae vel experientissimis nondum in mentem venerat, manifestavit. N. S. Gemmarius, ex illis locis redux, quamprimum ad nos appulit male habere coepit, sibi propterea metuens ne simili morbo decumbere cogeretur, consilium nostrum expetiit: Purgandum censuimus spec. diaturbich cum Rhabarb. 3j. pulv. sem. santonic. Jalap. ana 3ß. m. duas dozes sumpsit, juravitque se copiose purgatum plusquam bis mille vermiculos vivos excrevisse. *G. H. Velschins observat. Medico Physic. hecatostea 2. §. 59.*

## S C H O L I A.

**A**Nno 1675. mense Augusto & Septembri, vaga est febris epidemia apud Segulianos finitimosque locos, adeo maligna, ut *Burgi*, Metropoli, Urbi populosa quidem, sed non magnae, plusquam sexcenti menstruo spatio interierint: Res ad Regem delata, qui Medicum atticum mittit, exploratum num Pestis immineret, & an Medici Patrii

congruis uterentur remediis, Sed non multo felicior successus penes ipsum fuit: Interim casu innotuit vera luis illius antidotus, Omnes ad unum agri lumbricos, eosque vivos, egerant, qui veno irrorati citissime necabantur; hinc concessio vino, quo severe agri interdicebantur, morbus ex lethali salutaris factus.

§. 5. Non unum vermem, sed aliquot in hominis lenticulis extincti cerebro inventos narrat *Coster* in appendice Observat. Anatom.

§. 6. In capitibus eorum qui Febre Hungarica mortui sunt, cum saevissimis capitis doloribus, deprehensos vermes testatur *Conradinus* cap. 10. de Febre Hungarica. Vide lib. 1. sect. 1.

## OBSERVATIO LIX.

*Exanthematum Pestilentium origo in partibus internis, Imo quandoque in Perioestio, sedem habere ostendit Anatome.*

**I**dicus *Petterd*, miles Anglus, robustus, mense Maio, peste correptus, carbunculum in manu habuit: Ad hunc tertia morbi die vocatus est magister Cornelius Chirurgus; Ipse ante ades in quibus decumbebat aeger mihi casu obviam factus, rogabat ut una cum ipso intrarem: Invenimus aegrum jam morti propinquum, corpore plurimis exanthematibus purpureis obsito, quapropter ipsum Deo commisimus: Post discessum disputatio inter nos orta est de causis, origine & forma exanthematum: Ego inter alia cum *Fernelio* statuebam illa non esse solius cutis maculas, sed etiam partium subjectarum: Alter id negabat & dissectione unius aut alterius exanthematis sed id facile demonstrare possedicebat; Convenit inter nos ut in cadavere praedicti militis (qui intra semihoram a nostro discessu moriebatur) refrigerato, postera die levem incisionem experiundi gratia faceremus: Ipse in femore levem in cute tantum fecit dissectionem, credens subjectas carnes maculatas non esse: Verum se plane deceptum videns, altiore facta incisione

incisione istarum macularum progressum inquitivit, ac *Fernelium* veta dixisse confessus est: nam invenimus maculas illas ab ipso periostio initium ducere, & latiore basi pyramidis instar per medios musculos recta sursum usque ad cutem ascendere, atque ibi in conum terminari: Chirurgus hac experientia nondum contentus, in brachio supra cubitum alia facta incisione, idem adhuc semel inquisivit: ubi invenimus basin duorum exanthematum (quorum progressum quaerebamus) adeo profunde situm non esse, neque ad periostium usque pertingere, sed à duro tendone cujusdam musculi originem sumere. *Diemerbroeck de Peste lib. 4. historia 32.*

## S C H O L I A.

**T**Radunt Jac. Pontium, Medicum Lugduno Batavium, quondam ejusdem rei periculum fecisse, & invenisse quod exanthemata ab ipsis ossibus initium ducerent: Proculdubio etiam *Fernelius*, ejusdem rei oculatum experimentum sumpsit, nam lib. de Febrib. cap. 18. inquit. *Exanthemata in corporis summa, ita & interiora viscera musculos, nervos, ceterasque partes solidas obsident, ex hisque primam ducunt originem.* Sic etiam *Ioh. Morrellus* scribit non tantum exteriorem corporis habi-

tum, sed & interiora viscera atque musculos ejusmodi papulis oblidi, non secus ac per variolas & morbillos: *Anne Hepar, Lien, Pulmo*, aliaque interna viscera, hujusmodi pestilentialibus exanthematibus etiam infestentur, de eo ocularem experientiam non habeo propterea quod licet contagium à dissectione musculorum patvi faciam, illud tamen ex apertione cavitatum abdominis & pectoris, fusius in altantes irruere posse credam. *Vide Exc. Barthol. conf. de Anat. Pract. §. 3. p. 13.*

## A P P E N D I X.

## De Exanthematum Pestilentium, Bubonum, &amp; Carbunculorum generatione, ex Eodem.

**N**emo Medicorum hactenus Bubonum, Carbunculorum & Exanthematum historiam à vero certoque fundamento descripsit: fortasse quia vel naturæ veneni pestilentis ignorantia, vel rei gravitas, vel contagii metus omnes à curiorem hujus necessariae scientiæ inquisitione deterruit: Hinc erratum non in una aliqua parte, sed in toto, ut demonstrabimus: Venenum Pestilens cum sit aëreum & subtile, corpus humanum subiens raro ad cerebrum primo, vel hepar una cum humoribus defertur, sed partim ob substantiæ tenuitatem, partim quia cum inspiratione plerumque in pulmones adducitur, facillime ac citissime venenatam qualitatem imprimit sanguini arterioso, è dextro cordis ventriculo in pulmones impulsio, qui ista labe infectus ad sinistrum cordis sinum descendens, vitalitatis arcem impugnare ac labefactare incipit. Huic insensibilissimo tyranno cor se statim opponens, fortiter cum eo colluctatur, omnesque vires intendit ut dirum ac molestissimum hostem quam citissime foras expellere ac longissime à se ablegare possit: Hoc autem venenum, si paucum ac debile, & solummodo tenui seroso vehiculo junctum fuerit, interdum vel solius naturæ vi, vel medicamentorum tempestivo subsidio, brevi temporis spatio cum sudoribus per poros cutis expellitur & dissipatur, antequam sanguinis massæ aliqua pars ab ejus contagio corrumpatur: atque tunc unica forti sudatione ita restituantur tales infecti, ut nullum mali vestigium relinquatur; Si vero venenum fortius, & ipsius cordis penetralia altius ingressum fuerit, eique firmiter inhaerit, tunc ab ejus pravâ infestaque qualitate stimulatum viscus, istius veneni quam maximam potest partem longissime à sese, qua data commodiore via, dispellit, eamque interdum cum impetu, una cum seroso lymphatico vehiculo, ad axillarum glandulas (quæ vulgo dicuntur esse cordis emunctoria) deponit, antequam ab ejus conturbamento aliqua sanguinis arteriosi pars in arteriis majoribus notabiliter corrumpatur, quæ in iis insigni acrimonia salvas lymphatici influentis liquoris particulas, cum effervescencia quadam figendo (sicut in Chymia, aquæ tartari particulæ salæ, affusione pauxilli olei Vitrioli, illico cum effervescencia quadam figuntur & coagulantur) insignem dolorem, & propter earum impeditum profluxum, conspicuum tumorem faciunt, quem *Bubonem* appellant Medici: Reliquam veneni partem cor quaquaversum à se dispellere, & quam celerrimè potest è suis & arteriarum liminibus ad alias partes exturbare nititur, antequam ab istius infensi hospitis contubernio, & ipsum & ipsius proximum nutrimentum, vitæque fulcrum, sanguis spiritusque vitalis corrumpantur & extinguantur. Hanc fortem expulsionem etiam molitur per arteriam aortam, in quam sæpe magna hujus perniciosi veneni pars deposita, una cum sanguine arterioso, cui immiscetur, sursum ad cerebrum ascendit per arterias carotides, in eoque varia symptomata excitat: Ab ejus veneni malignitate gravatum ac stimulatum cerebrum cum suis membranis, illius quam maximam potest par-

L E L I I I 2

tem



tem, ad glandulas in faucibus & pone aures deponit, quæ in illis Salivæ liquoris fixationem cum effervescencia inducens, Tumorem dolorosum facit, ut sub axillis fieri dictum: Sæpe etiam cor magnam istius veneni partem per ejusdem arteriæ aortæ ramos descendentes, ad inguinum glandulas propellit, quæ & ibi Bubones excitat: Si vero venenum illud acerrimum sit, & à corde per arterias aliquas, una cum sanguinis parte cuti inhæret, ad cutem propellatur, in eaque nonnihil subsistat, quocunque loco subsisterit, caustica & deleteria sua vi particulam, quam occupat, adurit instar calterii potentialis, & mox unam pluresve exiguas vesiculas (quales per ambustionem etiam oriri solent) excitat, sicque illam enecando *Carbunculum* facit: Quia autem venenum illud cum sanguinis, cui inhæret, parte à corde huc illuc, qua data via, propellitur, hinc fit, quod non semper in uno, sed multoties in diversis corporis partibus Carbunculi excitentur: Si vero non ad cutem, sed ad aliqua viscera, partesve interiores hæc veneni propulsio fiat, tunc in iis Carbunculi oboriuntur, gravium symptomatum causæ & ægris lethales, quales interdum in membrana Pleura, ventriculo, intestinis, pulmonibus, renibus, generari docet usus: Notandum tamen Carbunculos non semper hanc internam causam habere, sed interdum etiam, licet rarius, à fomite aut contagio extrinsecus in cutem incidente, eique, mediante nonnihil viscoso vehiculo, adhærente, excitari, atque tales sæpe curriculum suum absolvere sine ulla notabili cordis lésione, præcipue in talibus hominibus quibus cor validum est: Carbunculus autem ut plurimum ab exili adurente pustula, interdum à pluribus parvis pustulis, seu vesiculis paulo post in unam vesiculam coeuntibus, rarius sine vesicula seu pustula exordium sumit: hinc pars pungitivum dolorem sentit, qualis in gangræna adesse solet, & brevi magis magisque emoritur, ac nigrum vel cinereum colorem acquirit: Quæ vero Carbunculum in circuitu proxime circumstant partes, alterantur (sicut etiam in gangræna & sphacelo fieri solet) valde inflammatur & acriter dolent, easque natura coquendo ad suppurationem deducit, antequam perfectæ mortificationis labe in illas quoque proserpat & mediante illa suppuratione corruptam ac emortuam particulam à sanis separat ac ejicit: Fiunt igitur Bubones & Carbunculi à veneno pestilenti, quod cor ex sese per arteriarum cavitates ad alias partes expellit: In quo expulsionis opere si cor, vel ob summum veneni acumen, ejusve firmiorem inhæSIONem, vel ob propriam debilitatem, aliudve impedimentum, diutius occupetur, neque satis cito & fortiter se expedire possit, facile multæ spirituum vitalium (i. e. subtilissimæ sanguinis arteriosi) particulæ, ante veneni ex arteriis egressum, sine putredine corrumpuntur & quasi extinguuntur, atque tales cum reliquo nutritio sanguine ad frigidiore partes, nempe membranas, tendines, ligamenta & periosteum delatæ, ob earum subfrigidam constitutionem, mox in iis paulo crassiores evadunt, summamque mobilitatem deponentes, ex illis partibus pyramidalis forma, à latiore basi paulatim versus cutem in acumen ascendunt, (instar fumi lampadis recens extinctæ musculorum aliarumque intermediarum partium substantiam porosam, ob aliqualem superstitem tenuitatem, insensibiliter transeunt, usque dum ad cutem perveniant, in qua ob externum frigus nonnihil condensatæ, & à cutis densitate, detentæ, magis constipantur, & maculas illas constituunt, quas *Exanthemata* appellamus: Quæ maculæ majores vel minores, & hujus vel illius coloris sunt, prout magis vel minus corrupti sunt illi spiritus arteriosi, & majore vel minore quantitate, à partium calore magis minusve sursum, seu versus cutem feruntur: plerumque autem sunt coloris obscure purpurei, & exactè rotundæ, granum piperis majusculum, vel etiam parvum, in circuitu magnitudine referentes: aliæ formæ, aliique colores non tam communes frequentesve sunt, quamvis interdum reperiantur: Tandiu autem per illas intermediarias partes corrupti illi spiritus arteriosi versus cutem ascendunt, quousque à partium calore propelluntur, quo deficiente, mox in partibus quasi coagulati subsistunt, sui que coloris (purpurei, subnigricantis, violacei, alteriusve) maculas in illis relinquunt, quæ in cadaverum pestilentium dissectione, non minus intus quam foris inveniuntur, & plerumque ab aliqua membrana, ligamento aut periosteum, latiore basi in acumen versus cutem assurgere comperiuntur: Interim quia partibus quibus inhærent nullam molestiam aut corruptionem inferunt, videtur venenum, quod dictos spiritus corripit, in iis esse extinctum & emortuum, eæque sine veneno esse: Posuimus verò Exanthemata oriri ab arteriosi spirituosioris sanguinis sine putredine corruptis seu extinctis particulis, per arteriarum minimarum extremitates exclusis seu expulsis: Illa est vera Exanthematum materia, quam veram esse varia docent: 1. Quod insensibiliter, sicuti solent spiritus, transeat partes carnosas aliasque intermediarias. 2. Quod exanthemata pestilentia sint sine tumore. 3. Quod persistant sine inflammatione. 4. Quod sint absque dolore, 5. Quod non lædant manifeste partes

per quas transeunt & quibus inhærent. 6. Quod non separentur instar carbunculi, nec suppurent instar ulceris: Quæ omnia, aut saltem aliqua ex his necessario adesse deberent, si, secundum opinionem vulgarem, producerentur ab alicujus humoris putredine, inflammatione vel ebullitione: Verum viam esse, quam posui, docet Anatome, quæ primo ostendit Exanthemata non esse solius cutis maculas, sed illas ab interioribus partibus initio sumpto ad cutem ascendere nec minus inhærerere interioribus quam cuti: Deinde demonstrat multo latiores arteriolas versus interiores membranas hiare quam versus cutem; atque hinc naturam laceratam longè facilius corruptas spirituosas sanguinis arteriosi particulas effundere, & per latiores vias deponere versus interiores membranosas partes, quam per angustiores versus cutem: quæ tamen ob tenuitatem jam deficere incipientem, à vicinarum partium calore propelluntur, ac per incumbentium carnosarum partium latiores poros ascendunt ad cutem, in qua sub cuticule densitate, à frigore externo incrassati subsistunt, dictasque maculas efficiunt, quæ semper longè periculosiores sunt quam Carbunculi aut Bubones; non ut causæ, sed ut signa; quia in his cor adeo validum est ut perniciosum venenum versus externas partes depellere, & sanguinem à pestilenti corruptione præservare possit: In illis vero adeo debile est, ut nec venenum foras expellere, nec sanguinis corruptionem avertere possit, quod brevi sequuturæ mortis indicium est: unde fit quod ex sexcentis peste laborantibus vix unus evadat cui exanthemata in cute apparent. *Diemerbroeck lib. 1. de Peste cap. xiv.*

## OBSERVATIO LX.

*Variolæ lethales ob adjunctam Pulmonis inflammationem. 1. Variolæ & Morbilli etiamnum partibus internis bellum indixere. 2. 3. 4. 5. 6. 7. 8. 9. 10. In hepate pueri à Morbillis extincti vermes reperti. 11. Morbillis retrocedentibus uteri sphaelus cito lethalis succedit. 12. Ossâ quorundam à Variolis extinctorum erosa fuere. 13. Hepatis gangræna successit 14.*

**S. I.** **Q**uamvis morbi anno 1675. epidemii, paucis exitio fuerint, malignitatis omnis expertes, inter quos *Variola & Morbilli*, tota æstate vulgares, nonnullis tamen lethum intulerunt, vel ob prævium morbidum apparatus, vel quia pars aliqua nobilis ante debilis fuerit, in quam sævitiem suam clam exeruerint; vel quia partibus etiamnum internis pernitiem attulerint; vel ob naturæ ignaviam, quæ virulentum humorem omnem foras pellere non potuerit: vel quia ejusmodi exanthemata certis quibusdam familiis magis injuria sint; indicio sunt foveæ altius vultui insculptæ aliique navi superstites: Mitto in curatione errores nimium frequentes, & abusus remediorum quæ à centro ad peripheriam turgentem sponte humorem incitant, à quibus incandescit & efferatur, præcepsque in partes principes irruit: Lugubri fato Serenissimus Princeps *Georgius, Hassia Langravius*, qui cum Seren. Fratre paucos ante menses Genevam appulerat, annum xvij. agens, nobis reluctantis ereptus est: Junii die xxv. pro more mensæ accubuit; bihorio post, hora scil. secunda pomeridiana, supervenit vomitus, phlegmatis non cibi, nihil enim in prandio assumpsit, accedente lumborum & imi ventris dolore: Qui S. P. à consiliis Medicis erat, Excell. & Clariss. Dom. *Combach*, nephriticum affectum suspicatur, quod alias non semel S. C. arenulas cum lotio exclusisset, idque mali per Illustri Familix gentiliū esset: Quamobrem clysterem lenientem & anodynum præscribit, à quo bis alvus commota, nequaquam tamen remittentibus symptomatis: quin protinus se iis adjungit febris, veloci pulsu & magno se prodent, siti & aliis: Quæ cum mihi narraret Clariss. Medicus, ab Ejus sententia discedere coactus fui, atque perpensis ejusmodi symptomatis, tunc familiaribus illis qui Exanthemata illa sinu fovebant, de Variolis aut Morbillis imminentibus, protinus suspicio innata est, vel maxime quod in florido vultu oculi splendore micarent, neque adhuc S. P. tributum hoc pependisset: Cùm præsidia necessaria animo versarem, illico celebre illud & necessarium se obtulit, Sanguinis missio, protinus, & priusquam exanthemata se proferrent, quarto fere die erumpentia, celebranda; ne elapsa occasione periculum internæ phlegmones, aut nimii sanguinis æstus incurreret S. P. At quia cum admodum Splendida Persona res erat, citra Seniorum & Saniorum consilium nihil moliri placuit: Porro quod nox ingruens generosi illius remedii usum prohibere videretur, interim oculorum, faucium, æstus & vigiliarum imminentium provisio habita, præscripto collyrio, gargarismate, julepo, refrigerante & humorum tumultum compescente: Postridie Junii xxij. simul cum aurores tres alii advenere convocati Medici, experien-

tia & doctrina celebres DD. *Alexander Diodati*, Facultatis Decanus, *Stephanus le Clerc* Senator, & *Iohannes Bonetus*: qui exploratis explorandis, consultationeque nobiscum inita, unanimi consensu propositam sanguinis missionem adprobarunt, eamque sine remota faciendam, Eo quod, experientia teste, ii, quibus mature demitur, facilius & felicius morbo defungantur, quia dempta sarcinæ parte, levataque eo, quo velut onere premebatur natura, reliquum facilius superet, expellat & concoquat: Additum febrem Exanthematum productricem de synochorum genere esse, quas sanguinis fervor inducit: Pustulas emergere prægresso ejus in vasis orgalino, fermentatione, & despumatione, quæ non potest esse non nimia in juvenili ætate, temperamento sanguineo, tempellate vernali simili, accedente uberiori victus ratione, sanguinis feraci: Consentire regionem natali S. P. solo tepidiorem: Nec prohibere inassuetudinem, alias præclusum iri fores non venæ sectioni modo, sed cuicumque alii remedio: Imo allatum decantatum illud, primam venæ sectionem perpetuo salutiferam esse: Apud nos ex arte factam efficax esse, citum & tutum præsidium: Interni æstus viscerum argumenta esse; linguam asperam, ad radicem nigricantem, incipientis alicubi phlegmones aut cacoethiæ præsagium: E qua autem vena, & quæ quantitas sanguinis demenda esset ulterius perquisitum: ac citra discordiam alterutrius pedis vas tundendum esse decretum fuit: Ejus quippe beneficio totius corporis depleri vasa, stante circulationis sanguinis doctrina; hinc beneficium in totum redundare: Febres plerasque tunc vagantes cephalalgiam, imo & delirium sibi adsciscere; quæ symptomata ejusmodi auxilio præcaverentur: Minus terrificam fore inexperto S. P. quod obtutum oculorum effugere liceret: Minorique virium dispendio fieri, quod pedes à fonte caloris sint dissiati.

Tertio ergo à decubitu die, ante septimam matutinam, utroque S. P. pede in calidam demerso, quo tumentioris venæ electio fieret, è dextro sanguis eductus est, qui citra aliqualem virium casum rivulose ad uncias septem effluxit, vas dividente perito Chirurgus & venifeca Mag. *Dentand* juniore: Reclinato in lectum S. P. temperandi interni æstus gratia, & roboris partium principum, exhibitum Julep perlatum: Circa meridiem leves pustularum efflorescentiæ, quæ sub vesperam delituerunt, saltem oculorum aciem effugiebant: Quamobrem è re visum fuit iis quorum curæ commissus S. P. expulsivam Emulsionem præbere, ex semin. mali citrii, card. bened. napi aq. scorzonæ. scabios. borrag. conf. hyacinth. margar. pptis, &c. quo latentes variolæ iterum se proferrent, & impugneretur cacoethia jam tum suspecta; Arebant enim fauces & radix linguæ cum nigredine, absque *αἰσχρολογία* siti: Admotus eodem tempore vivus pipio cordis regioni, speciebus cordialibus temperatis conspersus.

Nox sequens implacida fuit & insomnis, per quam pustularum, sed exiguarum in vultu & manibus, sinistra præsertim, copia emerit: Febris erat mediocris, sitis non intensa: ideoque ad reliquiarum latentium faciliorem eruptionem, tantillum vini oligophori, ejusque dilutissimi (quod avide expectabat S. C.) semel concessum adjecto ovo sorbili: Linguæ fauciumque scabritici leniendæ ergo, præscriptus est astacorum succus, cum aquis convenientibus elicitus: Ad noctem sequentem præscripta Emulsio cardiaca leniens, leviter diaphoretica, quia natura segnius operi incumbere videbatur: admotique iterum cordi & plantis pedum pipiones, quo infra revellerentur vapores mentis arcem invadentes.

Die v. Junii xxix. hora iv. matutina, exhibuit se nobis vultus pustulis, sed latioribus conspersus; jectigatio insignis erat & mutandi cubilis subinde desiderium: quod quanquam, retrocessionis metu, severe prohiberemus, consequi tamen à S. P. omnino sui juris, non licuit, quin in aliud grabatum transilierit: Interim linguæ scabrities cum faucium nigredine augeri, ac raninarum venarum intumescencia: Unde jam tum phlogoseos partium spirabilem opinio innata, consiliumque de iis ferro dividendis captum, quæ apertæ atrum cruorem, quanquam saliva multa dilutum, effuderunt: Ptyalismus frequens S. P. molestus erat: Inspectæ fauces crassa phlegmata adhærentia ostendebant; Ad meridiem & vesperam intendebatur linguæ siccitas, cum appetitus potus imminutione, ea propter ad bibendum compellendus fuit S. P. quo pulmones humectarentur, (quos arefcere vox fusca & obscura ostendebat) & fauces crassa pituita obsessæ eluerentur: Siccitatem adaugebat linguæ *αἰσχροτία* & æris (ore perpetuo hiantē) introsusceptio: Pustularum magna erat inæqualitas, quædam enim depressæ, aliæ eminebant, hydatidibus aut phlyctænis similes; differebant & magnitudine, paucæ erant magnæ, minimarum & miliacearum ubertas; præsertim in facie & malis, in quibus, cum rubore *ἰσχυροπλάττω*, densissime confitz, herperis miliaris speciem præ se ferentes, adeoque affectus ex variolis & morbillis misti, cum suspitione affectuum pulmonum, quanquam abesset tussis & libera esset respiratio: Iteratum Julep perlatum & Emulsio ex cancris.

Die



Die vi. Junii xxx. manē exanthemata paulo extantiora, linguæ siccitas adaucta, scabrities, nigrities: Vox propemodum rauca & tremula: deglutitio difficilis, sitis absentia, pulsus creber, sed sine anomalia, parvus & dispar affectui, calor mediocris, anxietas summa & volutatio in lecto; urinæ à naturalibus non aberant neque colore neque consistentia, partium thoracicarum præsertim affectuum indicium: Quæ cuncta oppressam naturam ob materiam in præcordiis latitantem arguebant: Eapropter ad cucurbitularum subsidium confugiendum fuit, eo in casu venæ sectionis vices obtinentium: quæ senario numero admotæ sunt lumbis, natibus & internis femoribus: quæ quantumvis addita fuerit scarificatio, nequiquam tamen cruoris elicuerunt, quod totus in pectus confluxisset: Exinde portectus fuit Pulvis ruber Pannonicus, cum cornu cervino præparato philosophice, ex aquis scabiosæ, card. ben. Paulo post obrepsit somnus, sequutus sudor pustularumq; nova eruptio: lingua purior apparuit, minus aspera & crassa: Nocte instante, hora octava, sudor iterum prorumpit, quo deteriso S. P. hilaris fuit, vultus tumentior & exanthemata manifestiora.

Nox præcedens diem morbi vii, Julii primam, implacida fuit quam S. P. sine somno transegit: Variolarum eadem quæ pridie conditio; febris fuit manifestior, pulsus inæqualis & debiliior, alvus dura, cuius molliendæ gratia injectum clystma ex carniū jusculo, oleo amygdalino, saccharo & paucō nitro depurato ad refrigerium: unica sequuta dejectio, sed larga cum scybalis: Pustulæ in brachiis & collo tumorem servabant, subsidentibus iis quæ in vultu: Genæ, dextra præsertim, herpete miliaceo infectæ videbantur, rubore intenso suffusæ: Calor totius acer & mordax, pulsus creber: Circa quintam vespertinam somnus obrepsit suavis, cum *ἰριδισμός*; expectectus hilaris fuit S. P. cœnam sumplit, exacto bihorio Julep perlarum.

Diem viii. Julii secundam, nox præcessit quieta, etsi somni fere expertus: Faciei variolæ eodem in statu, in brachiis & manibus exertiores cum maturatiōis levibus indiciis: Pulsus quam pridie sedatior, lingua adhuc purior, abscedente fœda crusta circumvestiente: Data hora vi. dozis apozematis refrigerantis, alterantis. x. clyster injectus ob subsistentem alvum & ad refrigerium: A prandio animi angor S. P. occupat & de morte imminente cogitatio: Vesperti alvus sponte & copiosissime solvitur, serosis prodeuntibus, superstitie ad dejiciendum inani stimulo, quamobrem lectum ut repeteret sollicitandus fuit S. P. cui redditum somnus duarum horarum invasit, à quo mœstus experrexit, respondere laceffitius renuens. Dehinc Pulsus de magnitudine remittit, sique crebrior, cum caloris intensiōe, tactum acriter ferientis, linguæque iterum aspera fit, à disruptis eam obsidentibus pustulis. Potum ex toto malo citrio dissecto, cum aqua & saccharo avide exoptabat, qui illi paratus ex decocto radic. scorzonæræ, cornu cervino, portiuncula citruli & saccharo. Ad septimam vespertinam somno iterum præhenditur S. P. quō solutus ter alvum, at minus copiose deposuit: Pustulis, in magnitudine admodum inæqualibus, interspersæ erant maculæ morbillis affines; exanthematum autem plurimæ subsidebant & retrocedebant: quædam puriformia erant, at revera inania. Labia, palpebræ densissime ab iis obsidebantur. Oculorum aderat tubor cum coruscatione: Sinistri adnata tunica ad minorem canthum ecchymosi erat fœdata: Alvi cohibendæ causa præscripta est tinctura rosarum julepo Alexandrino commiscenda: Vaporibus cerebrum percellabatur, quos revellere satagebat pipionibus plantis pedum applicatis. Cordi item admotus sacculus ex cardiacis pulyeribus conflatus. Quoties potus & juscula offerebantur, præmittebatur Pulvis ruber Pannonicus cum margaritis.

Dies ix. Julii iii. noctem sequuta est pacatiorem, hilari & benigno vultu nos excepit S. P. oculis nitor restitutus, pulsus vero creberrimus, parvus, calori, qui acriter tactum feriebat, non consentiens: alvus substitit, sitis mediocris, semel enim per noctem potum expetiit. Exanthematum eadem conditio: Circa meridiem S. P. taciturnus fuit, vix ad interrogatus respondens. Pulsus plenior & æqualior apparebat. Sub vespertinam *ἰριδισμός* somnus irrepsit; Sopor proximus; excitatus occupati cerebri indicia dabat, vellicationem regre ferens & protinus in somnum relabens: Exinde manifeste vires collabi; inde spes, in sola juvenili ætate, collocata, retro collapsa referri; pulsus enim cum inæqualitate in horas minor fiebat: sopori etiamnum stertor accessit, eluro gutture desinens & absterfo viscido adhærente illi mucore, Ad merinoctium major virium ruina, vitalium & animalium: pulsus ex intervallis delitescibat, ex intervallis resurgebat, colluctantis naturæ cum morbo argumentum, hujus autem dominatum tenentis. Frigescebant extrema, ob retrocessum caloris ad intimas partes quem revocare tentabamus pipionum applicatione.

Dies x. Serenissimo Principi fatalis fuit. Julii iv. circa secundam matutinam incanduit febris, non tam ex pulsus micatione quam vultus rubore & calore acriter feriente manifesta. Subsequutus est universalis sudor, ubertim manans & calidus, sed infrugifer, imò

noxius, subsecuto inde spirituum, ac proinde yrium insigni resolutione, Interim dum animæ consulit Venerandus Pastor ingruit valida sed brevis totius convulsio, animæ abiturientis opinionem faciens, ad horas tamen aliquot cohibet cardiacorum efficacia & auxilio, quæ tandem horis pomeridianis terris valedixit, eam efflante lenissime & citra ullum suspirium Serenissimo Principe.

*Observata in cadavere Serenissimi Principis Georgii Hassiæ Lantgravii, &c.*

- 1°. Nullæ maculæ, seu petechiæ in habitu corporis deprehensæ, at insignis livor à summa cervice ad imos lumbos expansus: Pustulæ plurimæ artus & pectoris regionem obsidebant, nullæ in abdomine notatæ.
2. Aperto corpore, Intestina flatibus tumida apparere.
3. Musculi abdominis & thoracis excarnes & sine pinguedine.
4. Omentum lacerum, discerptum, mediam duntaxat intestinorum partem cooperiens.
5. Mesenterium integrum.
6. Ventriculus contractus & inanis.
7. Hepar summum incolume, sed magnum, Extremi lobi nigricabant.
8. Lien sine labe.
9. Cystis fellea cruorem nigricantem continebat.
10. Pancreas naturale.
11. Renes salvi: Sinister dextrum duplo mole superabat. Pelvis dextri aliquid mucicon-  
tinebat.
12. Copia insignis cruoris nigri in cavitate pectoris & abdominis.
13. Cuncta massa sanguinea nigricans, adusta, naturali crassior.
14. Pulmones sinistra parte liberi; dextra infimæque costis & dorso annexi fibrarum  
membranarum ope, (*idem observatum in Cadavere Serenissimi Fratris Parisiis dissecto, referente  
Clariss. D. D. Combach.*) Parte dextra concava inflammata: Lobus sinister superior maculis  
nigris conspersus erat: In dextro animadversus abscessus incipiens, jamque purulentus.
15. Cor integrum, sed parvum, quale generosis adscribitur.
16. Pericardium humore pene destitutum.
17. Vesica urinaria inanis & parva.
18. Lingua & Fauces variolis obsitæ erant.
19. Ab iis immunis epiglottis & tota aspera arteria.
20. Caro musculosa valde sicca & nigricans.
21. Cerebrum integerrimum.

**SCHOLIA.**

**I**nteriorem viscerum examen non Variolas solum Serenissimo Principi funestas fuisse, sed præcipue cacoethiam, ex intenso metaphreni lumborumque livore se prodentem, palam facit: Cladis vero potissima causa extitit Pulmonum non una simplexque lætio, quorum uterque lobus diversimode affectus fuit: Porro quanquam cum exanthematis solis pugnam in statu existimata sit, Malignitatem tamen, etiamnum ab initio, & cum suscepta consultiario suspecta fuisse, testimonium perhibent qui deliberantibus Medicis adstiterunt: Revera levis Phantasie error ingruente morbo: Lingua aspera & ad radicem atroce tineta: Pulsus calori acti non respondens: Urinæ toto morbi decursu naturalibus affines, Sitis exigua præsentibus causis sitiferis, infidam jam tum morbi indolem designabant: Hanc vero cacoethiam inflammationi cuiuspiam internæ adscribendam esse, potius quam humorum occulto vitio, recensita signa innuebant. De Pulmonum læsione etiam aperte non constaret, quia respiratio sat erat libera, aberat tussis, halitusque oris nihil ingratum afferebat, Ex lingua tamen, quæ in morbi progressu ~~serenissimo~~ apparuit, densa, tumida, ~~et aspera~~, ac raninatum venarum illi subditarum intumescencia, Illos inquam labis non fuisse expertes jam tum quodammodo constabat. Nec aliò consilio illorum vatorum facta fuit apertio, quod beneficium ejusmodi phlebotomes in ipsos pulmones contrivari non ignoratemus: Iteraræ enim, in brachiis faciendæ ex artis legibus, ad inflammatio-

nis progressum cohibendum, nobis est accisa potestas, æque ad nutum aliorum Medica præcepta fuerit concinnanda.

His concurrentibus, mirum nemini sit abreptum fuisse desideratissimum Principem, quem è mortis faucibus nullæ manus, nisi Divinæ eripere valebant: Præsidia enim variolis advertantia, omnino alia sunt quam quæ Pulmonum phlegmoni destinantur: Hæc multiplicem & repetitam venæ sectionem exigunt; exhausti quippe pulmones, & ad sanguinis egestatem deducendi, quo progressus inflammationis arceatur. At noxiam esse sanguinis missionem ab exanthematum eruptione, imo lethiferam esse, vulgaris rumor est: contrarium tamen docente experientia, qua teste multi letho proximi, jamjam suffocandi, saluti restituti, statim ac ad aperta vena est affatim erumpentibus variolis, quas ad exteriora præsidium id evocat, nedum retrocedere cogit, quod ab imperitis traditum. *Fidem faciat Nob. juvenis ex Illustri Chabotiorum familia, annos xvii. natus, qui per paucos retro dies ante S. P. fatum Variolis prebensus est: hinc ad maturitatem deductis, levis alvi fluxus supervenit; hinc subita earum delinescentia, febris exandescencia, imo phrenitis, præcipitem enim se, nisi causâ fuisset, per fenestras dedisset: Pulverum alexiteriorum & expulsi-  
vorum exhibitionem cæteris adstantium urgenti strenue obstitimus Ego & Excell. ac Clar. D. D. Alexander Diodati, qui præscripta in malleolo vena sectione, (unde sanguis, etiam pede in aquam non de-*  
merso



morbo manans, eodem ipso momento sedarum delirium, assu deservit ac exanthemata uberim erumpere) desperata valetudinis Nobiliss. juvenem saluum fecimus.

Malignitatis autem habitam fuisse rationem Medicamentorum præscriptorum series ostendit, quorum ope tota exanthematum materia ad corporis ambitum detrusa fuit: nulla quippe in interioribus visceribus visui se obtulerunt, quæ pulmones si excipias, salva & illæta fere apparuerunt.

Cruor ater in capacitate abdominis & thoracis repertus, dubitandi anam præbet, cultrone anatomico ejus effusio adscribenda sit, an causæ intrinsecæ, quandoquidem dissectio anatomica conditura cadaveris gratia præcipue suscepta, accuratam & sedulam manum postulare non videbatur, ut ideo ab incauta vasa majora læsa esse videantur, quod Clar. D.D. *Combachio* placuit: Si tamen effusi cruoris qualitas, attriti, crassi & pene concreti perpendatur, Si pulmonum affectus, gravi inflammatione imo & abscessu tentatorum, Nil absurdi dicturus videtur qui sponte referata fuisse vasa sanguifera asseruerit, sanguinis acrimonia eorum quodpiam erodente, vel oriencia ut hiaræt cogente: Totus enim in thoracis capacitatem confluerat, inde per discissum septum transversum in abdominis cavum, quamobrem insignia vasa inanitia se obtulere: Inde ratio deducenda videtur quod admotæ cucurbitulæ, quamvis adhibito scarificatu, franes remotæ sint: Illam autem valorum refectionem, & cruoris extravasationem, tum demum contigisse censendum est, cum gravis syncope quatuor ante obitum horis S.P. pene abstulit, tunc temporis à nonnullis disrupto interno tuberculo adscripta, aut tetro cuiuspiam vaporis ori ventriculo infecto; At fugax illa fuisset, nec tanto molimine ad virium revocationem

nem opus fuisset, quæ exinde manifeste atteri, opinioneque citius collabi vitæ sunt: Candidæ denique Animæ ab argastulo separatio ipsi innuere videtur, citra vel leve suspirium superna repetentis, quod mortis genus iis præsertim accidit quos subita sanguinis eruptio abripit: Gravis lucta alias juvenum obitum præcedit, natura quoad licet cum morbo dimicante.

Vitæque cum genitu fugit indignata subymbras, quod certamen in S.P. observare non licuit, ob naturam præditiis suis destituta, sanguine scilicet & spiritibus.

Cruoris color ater, incendiis febrilis interiora devastantis index fuit, qui vix & ex intervallis tantum ad exteriora se expandebat, retractus ad viscera ab eorum caumate & phlogoscos pulmonum magnitudine. Inde quoque cautela repetenda quod pepalimum nullum receperint pustulæ, qui à calore tepido non intento perficeretur, & quia puris generatio sanguinem dominii naturæ capacem, nec omnino ab ea alicuium supponit.

Dum conditura incumbere Chirurgi maculæ, ante non animadversæ, oculis se obtulerunt, quæ judice Clar. D. D. *Combachio*, Petechiæ erant; Assensum vero ut non præberem, (parcat Vir. Excell. & mihi amicissimus) in causa fuit, 1°. Petechiarum indoles, quæ in mortuis se produxerunt, sed statim ab excessu, dum caloris superiunt vestigia, tennem materiam ad ambitum trudentis, adhucnum mobilem: Extincto vero calore, oclusis omnino poris & dentatis, humoris nulla expulsiō expectanda: 2°. Earum macularum origo, quæ nihil aliud fuerunt quam pustularum, seu variolarum, toto morbi tempore admodum depressarum reliquæ, absterisa scilicet eminentiori & cutis superficiem excedente parte, à frequenti per spiritum vini elotione imo & absterisione.

§. 2. Observatum quosdam ab interitu dissectos, quibus Jecur, Lien, Pulmones, omniæque interiora, haud secus atque cutis, sordidissimis papulis manantibus scaterent. *Fernelius lib. 2. cap. 12. de abd. rerum causis.*

§. 3. Id mihi videre licuit in duabus puellis, quarum una quatuor, altera 17. annos nara erat: utrique enim ex morbillis mortuæ & dissectæ interiora viscera crustosis pustulis, his similibus quæ in cute emergunt, obsita visa sunt. *Pareus lib. 19. cap. 1.*

§. 4. Illustr. quidam Comes Variolis correptus ob febris & *Dysenteria* vehementiam septimo die morbi mortuus est. Dissecto Jecur, Lien, Pulmones & intestina haud secus atque ipsa cutis sordidissimis papulis manantibus scatebant: unde forsitan factum quod in extis Gloriosissimi Romanorum Regis talia quidam notantes, dixerint gravissimis affectibus obnoxium fuisse, quos propter ad senium non aspirasset. *I. D. Horstius observ. Anat. 9.*

#### SCHOLIA.

**D**ysenteria vehementiam] Alvi fluxus sanguineus lethalis solet esse in variolis, adeo ut *Rivinus* ex omnibus pueris Variolis laborantibus unicuique evasisse asserat.

§. 5. In aperto cadavere Illustr. Principis Regiæ Mariæ Auriacæ, Londini Variolis extinctæ. 1. Cutis exterior fœdata hinc inde apparuit tumoribus sublividis, & totum dorsum, hypochondrium utrumque & thorax, cum pustulis magnis sanie multa repletis: 2. Aperto abdomine Omentum apparuit semiputridum & superiori parte aliquantulum consumptum; nec non prope Lienem valde inflammatum: 3. Lien omnino mollis flaccidus & semiputris: 4. Ventriculus anteriori parte inflammatus, intus aphthis multis, & in fundo longiori glandula præternaturali obsitus. 5. Hepar parte sima maculis fœdatum & prope ad gangrænâ usque inflammatum, cum summa parenchymatis flacciditate. 6. Pulmones ex utraque parte pene putridi & sanguine nigricante pleni, & tota superficie maculis & pustulis insignibus confersi. 7. Cor molle, laxum, flaccidum & parenchyma ejus ferme consumptum. 8. Renes satis sani, nisi quod sinister ad inflammationem rendere videbatur. *Th. Bartholinus cent. 3. obs. 29.*

#### SCHOLIA.

**E**tiam interna viscera exanthematis fœdari non semel vidimus, Plerumque in pulmones sese exonerans infectus febris acutæ sanguis, putredinis in illis labem imprimit. De picatore refert ab *Heer*

Obsev. Spudan. 12. Pulmonis lobum dextrum pure habuisse refertissimum, in sinistro quindecim abscessus. Similis abscessus materiæ fœtantis in morbis acutis in statu Urbani 1061. grassantibus observavit

*Lælius*



Lellus à Fonte conf. 3. Causam invenio nullam nisi transeat, moramque trahat in viscere maligno affa-  
quod per circulum has partes universus pene sanguis fariſcente.

§. 6. Infans nuper natus Variolis inficitur quibus suffocatus interiit: Cadaveris reſecti thorax aqua viridi repletus cernebatur. Parentibus persuasum ex ulcere dimanasse, quod ex collo improvide depulerant: crediderim verius ex pustulis exstillasse, quibus in variolis etiam Pulmones solent infestari, unde suffocatio: Vesicula biliaria versus intestinum duodenum obturata causam aperiebat obstinatae alvi quam infans passus fuerat: Hepar, ut in infantibus solet, inusitatae & magnitudinis & figurae, exsuccum tamen & pallidum supra intestina instar omenti sternebatur. Lien à sano vix differebat. Pancreas pustulis plenum, & cor circa basin profundius adipi immergebatur. *T. Bartholinus cent. 4. histor. 42.*

§. 7. Equitis Torquati D. de Rochefort, filio annos 12. nato erumpunt Exanthemata: Cum deservire viderentur, sputum & expectoratum cruentum, nec non meum cruentum, idque abunde: Coguntur Medici, etiam praesentibus exanthematis, venam aperire, *Evacuato per viam urinarum sanguine*, tandem moritur.

Aperto cadavere, internum etiam corpus catthymatis scatebat: Rupra erant vasa sanguinis, & in regione renum multus collectus erat: Hoc symptoma novum deprehensum est. *Ballonius Epidemior. & Ephemer. lib. 2. pag. 207.*

## S C H O L I A.

**E**vacuato per viam urinarum sanguine] Inter signa maxime lethalia variolarum, utinam sanguinem, & sanguinis per alvum, os, nares excretionem, &c. recenset *Riverius*, quod ejulmodi sanguinis eruptio summæ sanguinis acrimoniae & malignitatis in-

dex sit, & naturam ad praeposteram excretionem excitet.

*Rupra erant vasa*] vel potius crosa à sanguinis acrimonia.

§. 8. Experientia confirmat quod saepius interius etiam undique variolarum eruptionibus viscera fuerint infecta, quemadmodum scio id ipsum in corpore demum cuiusdam Landgravii junioris, ex variolis obeuntis, fuisse observatum, ubi propter malignae materiae copiam, non tantum exterius undique totum corpus inficiebatur sed interius etiam ipsa viscera pustulis scatebant. *Gregorius Horstius oper. Tomo 1. p. m. 140.*

§. 9. Unum in mentem revocabo, Variolas inter morbos cutaneos reponi, quia id quod in iis manifeste se prodit, est cutis fordatio: nihilominus in dissectionibus fere semper viscera reperiri, non secus quam cutem, his tuberculis conspersa, lienem, jecur, pulmones, pancreas, & reliquas interiores sedes hac labe infectas. *Roder. à Castro, Qua ex quibus lib. 3. c. 16.*

§. 10. Grassantibus Amstelodami Variolis anno 1669. inter alios unus, cui posteaquam cum ardentissima febre natura variolas foras protrussisset, ex subito percussae intro recessere; nec procedebant ad requisitam hoc in morbo, si sanandus sit, maturitatem: hinc puer omni expectatione citius suffocatus subito interiit.

Quantumlibet ingrata videretur ejusmodi corpusculi contrectatio, tanti mihi tamen videbatur scire tam subitae suffocationis causam, & viscerum interiorum tali in morbo constitutionem, quam nisi cultro suo Anatome revelaret, perpetuis tenebris involveret sepultura: Inveni ergo Pulmones ita undique Variolis intus & foris plenos, ut nihil prorsus in iis sani conspiceretur. Erant autem Variolae istae in vigore suo, maturae & pure turgentes, quae etiam flavae cuiusdam aquae tantillum in cavitatem pectoris infuderant: ut mirum non esset tam misere afflictum viscus non sufficere potuisse respirationis officio: Ubi descendendo ad inferiora, ecce tibi Lien, non minus quam Pulmo infectus, tumidus & durus: Intestina hinc inde tantummodo apparebant vestigia Variolarum, quasi gemmis distincta, sed Hepar intactum & sanum persisterat. *Theodorus Kerkringius Observ. Anatom. lxii.*

## S C H O L I A.

**P**ulmones ita undique, &c.] Observavit Mag. Ludovicus Noël Chirurgus Genevensis peritissimus, jam nonagenario proximis, visitationi cadaverum praestectus, Quotquot Variolae adoriuntur, nisi pe-

ctus iis obstrum sit, Peripneumonicos interire; quia nempe humor variolas committens in Pulmonibus cohibetur, nec foras extruditur.

§. 11. Puer cum Morbillis laboraret, & ratione eorum vita functus esset, dubium erat inter nos morbillisve partes tum interiores, viscera puta affecissent & oblaxissent: Clariss. Campolongus puerum aperiri iussit ut viscerane aliquid passa essent cognosceret, Eo ergo aperto, habita primum ratione Hepatis, cum in sanguine hic morbus sedem habere censeatur, invenimus vermes plurimos in ipsis venae Portae ramis, & quidem in ipsis Hepatis ramis: quorum alii quidem viventes adhuc, alii vero emortui: hi rubri, & pro ratione loci

loci in quo continebantur oblongi erant, satis item magni, sed molles ad tactum, gibbosi item quoad superficiem, ratione corporis concavi in quo geniti fuerunt: *Ex observationibus Joh. Banbini.*

## S C H O L I A.

**I**Nter Medicos fuit disceptatio non levis, quando nimirum & quid loco hi geniti fuerint. Existimavit unus genitos esse in intestinis, & hinc per venas Mesaraicas in Portam, & de hac in alias venas Hepatis deductos fuisse: Alter putavit genitos quidem in Hepate, non tamen in utero puero existente sed eo mortuo, Tertius determinavit genitos esse in Hepate pueri viventis, atque genitos esse ex sanguine pituitæ permixto; Cujus sane opinionis & ego sum. *Idem.*

*Vermes plurimos*] Vermes in variolis observatos

quoque memorat *Tb. Bartholinus cent. 5. hist. 20.* Cum Variolæ, inquit, infantes adultosque 1656. per Universam patriam defœdarent, & sequenti anno per multorum mortes vagarentur, observavit Bergis Norvegorum *D. Tremblerus* in filiolo lanionis 4. annor. qui variolis decumbebat, & jam vix spiritum amplius haurire poterat, vermen spichamæ longitudine e naribus extractum ab adstantibus, quo extracto statim è vita discessisse. De variolis verminosis plura annotavit *Rhodius cent. 3. obl. 64.*

§. 12. Anno 1675. Dominica SS. Trinitati sacra, venit Thorunium Illustr. Comitissa à Diothof, &c. cum Nana Russa, 36. annos nata, jam per octiduum *nephriticis doloribus* gravissime divexata, quibus tandem paulum sopitis, novum symptoma supervenit, Morbilli purpurati cum febre continua, qui cum altera die mox evanuiscent, natura jam & doloribus nephriticis summe debilitata succumbente, accedentibus levissimis convulsionibus, eadem vitam cum morte commutavit.

A morte ipsius Illust. Domina causam ejusdem *mortis repentina* indagare cupiens, ut sectio cadaveris institueretur rogat, quam etiam me presente peregit Georgius Grunach, Chirurgus, ubi cum *cor inventum est flaccidum sine ulla pinguedine, & absque humore in capsula ejus Pulmones lividi*: Ren sinister, omni itidem pinguedine, destituebatur, in quo calculus phaseoli magnitudine repertus est: Ren autem dexter naturali similis fuit, in quo etiam calculus qualis in sinistro, sed minor latitabat, In ureteribus nihil, Vesica ab urina vacua: Uteri autem fundus tam ab extra quam ad intra sphacelo correptus fuit, qui etiam absque omni dubio tam repentinæ mortis causa erat. Hoc in casu Epigenesis *Rod. Castrensis* pulchrè confirmatur, Vide I. Quæ ex Quib. *Simon Schultzeus in miscell. cur. ann. 1674. 1675. & 1676. pag. 221.*

§. 13. Quoad prægnosin Variolarum & Morbillorum, affinitate summa conjunctorum affectuum, asserere licet subesse deleteriam & contagiosam qualitatem, non humoribus solum & partibus carnosiss infestam, sed ipsis etiam ossibus, quæ ab ea lue non secus ac à Venerea corrodantur. Id quod non solum anno 1568. experiri licuit, sed & sæpius per longum vitæ studium à Deo mihi concessum. Insigne vero suppeditavit exemplum & mirum puella quinquennis circiter, filia *Claudii Pique* Regii Bibliopecti, quæ ob Variolas decubua per mensem, natura autem veneni non potente, abscessus sterni regioni innati sunt & humerorum commissuris, hinc humor virulentus sterni ossa omnino corrodit & separavit, simul cum epiphysibus ossium humeri, simulque partem maximam capitis homoplatæ: Testes habeo Dominum *Myron*, Regis Consiliarium & Medicum, & *J. Doreau*, Comitæ *Bryanei* Chirurgum, coram enim illis dictam puellam cultro Anatomico subjeci, in qua prædicta à me deprehensa sunt: *Rolinus Marie*, Conspiciliorum Venditor Parisiensis, ad me adduci curavit puellam quatuor annos eum duobus mensibus natam, cui universum corpus pustulis conspersum erat, ossa præterea brachiorum & crurum putridis abscessibus, fracturis cum putredine, tentata, comite febre ardente, cui manum admoveere recusavi, postridie morte succedente: In multorum præterea gingivarum caries & putredo deprehenditur, magno cum fœtore: ejusmodi corruptio ortum ducit à putridis vaporibus, ex interioribus partibus ad os elatis, ac plerique eorum quanquam magna adhibita diligentia intereunt; In multorum præterea cadaveribus à variolis interemptorum impressus nævus & intemperiei notæ insignes in visceribus observantur, in jecore, liene, intestinis, hinc plurimi in hydropem delabuntur, phthisin, raucedinem, dyspnoeam, diarrhoeam cum ulceribus intestinorum, ac tandem mortem, prout pustulæ in partes internas sævierunt non secus ac in exteriores: Quoad has, non solum inde deformes evadunt, vultus præsertim, à pustulis & ulceribus cutem pervadentibus & carnem subditam erodentibus, unde fœdæ cicatrices superstites sunt, sed & quandoque motu articuli privantur, cubitorum præsertim, carporum, genuum & pedum: Quibusdam cœcitas omnimoda inducta, alii audiendi facultate orbatii sunt, alii odorandi, ab excrecente carne in narium & aurium canalibus, quod in cæteris corporis partibus accidit, tant

ram interioribus, quam externis: Tandem assero, omnes abscessus, quibus ob variolas tentantur puero, & morbillis sufficienter non erumpentes, veneni & malignitatis expertes non esse, ob humoris virulentiam, ob idem difficillimam esse curationis. Paucis, Si corpus & variolis & morbillis non rite expurgetur, æque molesta & periculi plena exoriantur symptomata ac à Lue Venerea. *Parvus operum lib. 20. cap. 1.*

§. 14. Mitto programma quod immaturus Episcopi Halberstadenfis ad nos obitus à me vice Rectore Academico exegit, ut haberes ansam de gangræna Hepatis, quæ sive causa sive affectus extitit, una cum variolis in tam tenello corpore deprehensa fuit, cogitandi. *Henningus Arnifaus Epist. ad Greg. Horstium.*

## S C H O L I A.

**C**Asus est annotatione dignus cujus exemplum neque vidi neque legisse memini: frequenter tamen id ipsum fieri posse non dubito, cum experientia confirmet quod sæpius etiam undique variolarum emptionibus viscera fuerint infecta: cum autem necessario febris sanguinea cū putredine majori concurrant in tali casu, facillime fieri poterit, ut prævalente calore febrili in *Septimo* in visceribus sanguificationis præ ceteris corrumpatur, imprimis cum propter cutem undique pustulis exulceratam & in-

crassatam transpiratio & ventilatio difficilior sit: Si enim inflammationes internæ, ipsiusque jecoris, teste *Hild.* de Iphacelo, non raro desinant in gangrænam, non video cur non idipsum sæpius etiam heri posset tunc temporis, ubi variolis, undique satis quidem expulsi, gravissima symptomata partium internarum inflammatarum nihilominus perdurant, eo usque donat ægrum penitus jugulent. *Gr. Horstius Tom. 1. p. m. 140.*

## OBSERVATIO XI.

*Variolarum nova species, Rossalia dicta, lethalis duobus infantibus, ob supervenientem Pulmonum inflammationem & abscessum.*

**P**uellæ septenni & puero novenni quomodo Rossalia internecioni fuerit, adscribam; Scilicet cum uterque in vado jam constitutus esse putaretur, præter expectationem novo symptomatum turbine abripitur, vitæque naufragium pati cogitur, illa quidem maturius, hic vero paulo serius, cum enim consueta symptomata, ut pote 1. Intensus calor, 2. rubor universalis. 3. sitis. 4. delirium, 5. catarrhus ad fauces, 6. appetitus dejectio, &c. remississent, cuticula squamatim excoriari inciperet, dolores quin etiam extremorum lenirentur, Ecce, morbi die XII. *novus rigor* puellam *invadit*, quam novus calor urentissimus insequitur, tanta pravorum symptomatum syndrome stipatus, ut ante diei naturalis elapsum spatium, *vita cum morte permutatio* oboriretur. Sic Rossalia quidem tota evanescebat, sed pessimam post se sobolem relinquebat: quippe pedibus, cruribus, scroto, ventre ac facie puer intumescerebat, cum genarum nonnullo perpetuo quodam rubore. Febricula irregularis ipsum fatigabat, *tussiebat*, sed pauca expectorabat, eaque spumosa saltem & pituitosa, difficulter respirabat: septiduo antequam moreretur, noctu tanta respirationis difficultate corripiebatur, ut nonnisi erectus spiraret: nullibi præ summa anxietate consistere poterat: de pondere intra pectus conquerebatur subinde, sternebat moribundorum instar, facies tota nunc pallecebat, nunc lurida reddebatur, nunc aliter pingebatur: Pulsus intercipiebatur frequentissime, uti & respiratio: breviter jamjam expiraturum credebant omnes: Post exhibita discutientia, resolventia, expectorantia, & spiritus ac cor reficientia, meliuscule nonnihil habere incipiebat, donec à meridie rupto pulmonum abscessu, & pus & sanguinem atrum tussi rejiceret: De abscessu itaque certior factus, institi abstergentibus, putredini resistentibus & expectorationem promoventibus; interpolitis interim roborantibus necessariis, sed quid sit? Septimo à paroxysmo isto suffocativo die anxietas eadem revertitur & circa meridiem ægrum perimit. Cum igitur Pulmonem inflammatum fuisse, & in abscessum inflammationem dudum transiisse, ex signis minime fallibilibus didicissem, ut pectus primo omnium aperiretur suavi.

Eo aperto, *tota Pectoris cavitas aqua citrina differta*, Pulmonesq; ambo toti lividi & gangrænosus conspiciebantur: Quin sinister dissectus in interiore sua substantia magnum itidem abscessum ostentabat, reliquaque ipsius substantia digittis contrectata facillime difflebat: Postquam ad abdomen perventum est, innatabant simili aquæ tota intestina: Omentum prope consumptum viscebatur & ad superiora retractum: Hepar pro individui ratione portentosæ magnitudinis erat, subpallidum, & tam longo, qua ventriculum contingebat, lobo præditum, ut non tantum totum ventriculum tegetet, sed & in sinistrum usque hypochondrium exporrigeretur, atque Lienem, qui minutulus erat, de sede sua versus renem sinistrum deprimeret: Vesicula fellea & ipsa prægrandis erat atque pallefens: Hæc pueri est historia. *Michael Doringius Epistol. xviii. ad Sennertum.*

SCHOLIA.



## S C H O L I A.

**I**llud tacere non possum auctores qui de Variolis & morbillis scripserunt, in enumeratione specierum ut plurimum esse mancos, & nonnisi solarum distarum duarum specierum meminisse, cum tamen experientia multo plures suggerat, quod vel mulierculis nostris notum est: Proteram igitur ipsis utilitas nomenclaturas, quæ sunt *Blattern*, *Schaffblattern*, *Masern* und *Riselen*, sive *Roethelen*, corrupte enim proloqui videntur: Sub nomine die *Blattern* Variolas communiter sic dictas intelligunt, quæ non una sed multiplici facie erumpunt: quippe alie minores, alie majores, alie mediocres exstant: Alie præterea ichorotæ, alie saniosæ, ut sic appellæ, apparent. Nonnullæ tarde, quædam immature protruduntur: quædam facile quædam difficulter, & cum gravibus symptomatis expelluntur: quædam protinus acuminantur ac circulo cinguntur rubeo, alie sublidunt per multos dies: quædam cito quædam lente suppuriunt, &c. *Die Schaffblattern* per Crystallinos exprimit Ingrassias de Tunn. p. n. tom. 1. p. 194. Quoniam scilicet in his quædam per universum corpus dispersæ pustulæ efflorescunt, lupini magnitudine, plus minuve altæ ac instar crystalli resplendentes, quibus deinde appertis aquositas quædam effluit: Hæc omnium minus periculosa sunt, & quandoque ex improvise citra notabilem calorem & invaletuinem infantesprehendunt: Ingrassias nihil aliud quam phlyctænas bullasve, ab Avicenna velicas nuncupatas esse opinatur: *Die Masern* Morbilli sunt, qui gravibus nonnunquam, perinde ac Variolarum nonnullæ, stipantur symptomatibus, cæteroquin nisi error quidpiam interveniat, non frequenter lethales: *Die Riselen* sive *Roethelen*, à rubore præculdubio sic denominatæ, nostratibus sunt pustulæ, aut tubercula pusilla, rubea, nunc magis minuve copiosa, suis circum, ferentis ut plurimum singulariter ab invicem distincta, acuminata, morbillorum instar, cum calore ac tussi invadentia, quandoque etiam hæmorrhagia vel vomitus præcedunt: disparant instar morbillorum, & hac hyeme plerumque alvi fluxu judicata sunt, at hæc magis quam morbilli periculo vacant: Nescio an satis recte ad *Migliarinum*, quasi miliare seu miliarium Ingrassias retere possim, eo quod illi granis ista tubercula non valde sint ablimilia, hæc quandoque cum morbus solitarius invadunt, quandoque Variolis interasperguntur, quandoque etiam his persanatis demum superveniunt: Prædictas species, alia quædam insolentior, contagiosa tamen & ipsa, ante annos aliquot primum mihi observata est apud. D. Abr. Scillerum, ubi quarto quintove die à primo intuitu corpus universum a capite ad calcem usque tanto rubore perfundebatur, ac si universali erysipelate occuparetur: terminabatur 7<sup>o</sup>. 9.ve die, rubore disparente sensim atque epidermide squamata postea decidente: Consultui super isto affectu varios auctores, qui tamen cum agnovisset, vel descripsisset invenire neminem præter citatum Ingrassiam: is enim l. c. p. 194. peculiarem quandam morborum speciem, a cutis sanguinis, uti opinatur, occultam infectionem insequentem introducit, quam Neapolitani vulgo Rosfaniam, sive Rosfaliam nuncupant: Si quidem maculæ per universum corpus plurimæ, magnæ ac parvæ, ignitæ ac rubæ, cum vix effatu digno tumore, instar multa (ita habet textus Ingrassias) scorsim distincta erysipelata, dispersæ sint, ut totum corpus ignitum appareat: Dices istam descriptionem non quadrare affectui à me nominato? Imo vero quadrat, aio. Si enim tempora istius affectus diligentius perpendas,

ovum ovo non est tam simile quam meus iste observatus affectus Rosfalia: præterito namque autumno aliqua multa exempla iterum mihi oblata sunt, quæ effecerunt ut hæcenus cum diligentius paulo de eo cogitarem, tum pro singulari ad te scribendi argumento, eundem nunc selegerim: Verum itaque est de initio & inclinatione, quomodo scribit Ingrassias, quod maculæ per universum corpus plurimæ, magnæ ac parvæ, ignitæ ac rubæ, cum vix effatu digno tumore, instar multa (agnosce verba Ingrassias) scorsim distincta erysipelata dispersæ sint: hoc enim liquido affirmare possum, quod non tantum in principio res sic se habeat, sed & in declinatione, cum rubor iterum disparere ac calor remittere incipit, maculæ instar petechiarum hinc inde sub conspectum veniunt: postquam verò morbus ætatem suam plene assequutus est, totum corpus, ut loquitur Ingrassias, ignitum apparet, ut haud immerito ignito erysipelati id assimilare queas: & tenuiore enim ac feruiliore sanguine oritur ille rubor atque notum alias erysipelas, &c. Præterea circa Rosfalia sequentia etiam præterito anno annotavi, Nimirum urgent plerisque graves capitis dolores 2. catarrhi ad pectus & tantes delabentes, quorum illi tales & Pulmonum inflammationes, hi pro materis diversitate metum suffocationis, vel ob humores viscidos in vias respirationis decumbentes, vel tonsillarum & adiacentium partium inflammationes invehunt, 3. calor urentissimus, adeo ut sublato lecto faciem altantium non minus feriat quam si ad focum aliquam consisterent. 4. Sitis inexhausta 5. immutatio cutis siccitas & asperitas 6. vigilie assidue 7. Deliria nunc magis nunc minus gravia: Atque hæc in ipsa morbi ætate maximam partem videntur: In augmento nonnullis nates stillant sanguine: omnibus vero toto morbi decursu appetitus prostermitur & alvus obstruitur, urina impente flammæa est, crassa & cruda: pulsus admodum celer ac durus: ubi vero ad declinationem vendit, calorque ac rubor corpus paulatim deserere incipiunt, tunc demum 1. maculæ illæ petechiales quarum supra meminimus 2. Rubor genarum, pulmonum inflammationis certus index, qui pridem ob universalem totius corporis exandescientiam tam distincte animadverti non poterat, conspiciuntur: Terminatur ut plurimum translatione materis ad articulos extremorum, cum tam dolorifico tumore ac rubore, qualis apud arthriticos esse solet: hinc cutis reliqua corporis squamationem detrahitur: mox pedes ad talos & ad furas usque intumescunt, urinæ crassescunt & rufescunt: hypochondria tenduntur primum & respiratio difficilis redditur, paulo post abdomen ipsum in tumorem attollitur: isti autem nonnisi magno labore & post multas demum septimanas, seu hydropici incipientes, ad præstinam sanitatem deducuntur. *Idem ibidem.*

*Vita cum morie permutatio, &c.* Ergone nemo moritur in morbi declinatione? Sed revera obiit à *sempre* morbi succedanei, scilicet inflammationis pulmonum & pectoris hydropico, à quibus suffocatus miscellus patit.

*Novus rigor invadit* Solabatur me quidem initio aphor. 58. 4. Si Rigor febre ardente laboranti superveniat, morbi solutionem promittit: turbabar tamen protinus non tantum 46. ejusdem sec. *Si Rigor incidat febre non intermitte, agro jam debili, lethale est:* Et 29. Si in febribus sexto die rigores hiant, judicatio erit difficilis: quo tritum Medicorum axioma verificatur, In dies pares non incidit morbi motus qui salutaris

fit. *Iidem ibidem.* Sed notanda est Rigoris origo, omnis enim aut ab ulcere, aut à vase citati aphorismi spectant rigorem à materia vasis conclusa ortum, quæ criticam expectat expulsionem: In prædicto puero rigore peperit purulentus humor abscessu conclusus.

*Tussis erat, difficulter respirabat*] Tussis & difficultas respirandi male catarrho imputatur, quæ potius ab inflammatione pulmonis & thoracis hydropce ortum duxit.

*Tota Pectoris cavitas aqua citrina referta*] Quæ ratione aqua illa in pulmone & thorace generetur omnino consideratione dignum: Ego in ea sum sententia, cum Hepar & Pulmo frequentissime simul afficiantur (id quod in asthma, ut hoc obiter dicam) semper fieri puto, potest materia illa ex Hepate per venam arteriosam ad pulmones derivari, vel etiam in ipso pulmone generari: Cum enim Pulmo viscus sit, quod non solum pro sui nutritione alimentum coquit, sed etiam sanguinem cordi præparat, si male habeat, in coctione illa multa excrementa & etiam abdomen aqua repletum fuerit, ea proculdubio in pe-

ctus inde regurgitabit. *Sennertus Responsione ad Doringium, Epist. xx. cent. ij.* Sed cum Variolæ non solum in externis partibus, at etiam in omnium viscerum superficie erumpere soleant, Quid vetat idem de Rosalia asserere, atque ex pustulatum, pulmonum tunicam ambientium diuturne, aquæ congectionem in pectore deducere; Ejus autem quæ in abdomine reperiuntur, à pustulis in jecoris, lienis, omenti, mesenterii, aliarumque partium imi ventris membranis obortis, apertis? Humorem autem Rosaliam facientem lymphaticum esse, ostendit pustularum pelluciditas, ob quam Crystalli nomen indidit Ingrassias: Utque à sanguinis in arteriis & venis *supiori & limi*, ejusque incutem viscerumque membranas deipumatione oriuntur Variolæ & Morbili; Sic ex humoris, lymphaticis vasis conclusi, limpidi & pellucidi, ebullitione, atque eas in partes transmissione & depositione, Rosalia origo videtur arcessenda. De Rosalia agit Martianus, *commun. in v. 20. lib. 2. Epid. sect. 3.* negatque affectum esse lethalem, nisi accedat culpa Medici, præsertim si sanguis fiat missio, quam omnino noxiam dicit.

## OBSERVATIO LXII.

*Plerumque à Febre Pestilenti extinctorum interiora viscera à phlegmone siderata reperta sunt. 1.*

*Pestis & Febris Pestilens ventriculum præsertim adurit. 2. 3. 4. 5. Carbunculus Pestilens in ventriculo. 6. 7. In quadam Pestilentia serpentes, lacerta. 8. 9. In alia Bufones. 10. In alia vermes in corde reperti. 11. Pestis Bobus infesta, quorum cystis felis lapidea facta. 12. Bubones stiferi vermiculis scatentes. 13. Caro substrata in lethiferis vstulata.*

§. 1. **N**Ovi mulierem cui in pelliculas crassas & glutinosas non solum Lingua, sed & Oesophagus universus cum ventriculo, tandem & intestinorum tunicæ putruerunt: Hæc inter initia sitiens magnopere, vinum austerum & rubrum sumpserat in uno die, prope ad quantitatem librar. sex, unde sic illi guttur incanduit ut nec liquidiores cibos transmittere, nedum medicamenta potuerit: Obiit illa miserrimo fato damnans humana præsidia, multumque impatiens, quod ne potui quidem accipiendo in acerbissima Siti, viam aut instrumentum commodum reperirent: Urina huic alba semper inter calores maximos totius corporis, in qua tamen odor gravis & pisculentus in dies augebatur, unaque fluebant primo furfuracea quædam, inde & pellicula magnæ, & postremo pus manifestum, villis, festucis, tunicisque variis intertextum, Aderant Singultus, ructus assidui cum tanta doloris acrimonia circa præcordia, ut tanquam parturiens miserrime clamitaret: Sed post deliria parva ventris torsio supervenit, ac primum fœtida purulenta dejectio, per sedem incredibili copia profluxerunt: inde & sanguis per os & per pollicum, cum dolore punctili vehementi: atque ita per acerbissimos cruciatus extincta est paulo post vicesimum diem.

Profecto ea membranarum defluxio, pro quantitate sui, certum morituris prænuntium misit, nam ex Hepatis, aut Pulmonis, aut Cordis sideratione contingerant, ut etiam per Anatomen deprehensum est: Plerisque dissecto corpore universa hæc viscera; aut major illorum portio: nunc nigra, ut carbo quispiam visa est; nunc suppuratis pustulis plena: Fit enim facillime ut per consensus tunicarum pituita concrefcens jugiter adhærescat, eademque salior aut virulentior, subjectam oesophagi linguæque substantiam depascatur. *Gemma Cosmocris. lib. 2. cap. 4.*

§. 2. Plerumque notavi Pestem circa Stomachum prima sedilia locasse: Quidam enim continuo Vomitu dejectus, dolorem capitis ingentem sensit, ac mox delirium, deinde & soporem per intervalla passus, xvj horarum spatio obiit, multis deliquiis præviis.

Optabam autem scire unde tam celeriter, tantoque symptomatum furore oppetivisset, nec Chirurgus adesse cuperet, tandem cultro dissectionem institui, ac Stomachum illius inveni eschara triplici jam perfecta pertusum: Qualiter olim videram Stomachum ancillæ perforatum quæ Arsenicum volens biberat. *Helmont Tamuli Pestis p. 109.*

§. 3. Chirurgus Arenacensis cadaver Peste cum Vomitu mortuum disseccuit, & reperit in ventriculo, à latere orificii superioris, locum quendam longiusculum, circiter magnitudinis articuli pollicis, qui nigricabat instar carbunculi: Has autem escharas ab inflammatione, & magno æstu febrili ortas certum est. *Diemerbroeck. lib. 4. de Peste histor. 15.*

§. 4. Car-

§. 4. Carbunculis ventriculum atque intestina affici posse, Naturæ scrutatores varii, fide digni, in cadaveribus apertis observarunt: nec vel experientia vel ratio contrariatur, hinc vomitus vel singultus. *P. Barbetæ Tractatu de Peste.*

§. 5. Neotericus quidam refert intus in corpore carbunculos, anthraces & exanthemata, qualia forinsecus efflorescebant, apparuisse; Mihi hoc antea erat inauditum, credo tamen verum *D. Gallus Eisebrennerus Epistola ad Gesnerum.*

§. 6. Carbunculus pestilens non externas modo partes obsidet, sed & quandoque interiores, utrasque interdum: Sicorprehendatur, nulla exterius nota apparente, mors præforibus est ægris edendo, bibendo, ambulando, fato cedentibus: Si pulmo, diaphragma, aliæve respirationis organa occupentur, mors intra horas xxiv. obrepit: deficiente enim respiratione suffocatus æger extinguitur: Si cerebrum, phrenitis definet & furor, ac tandem mors sequitur: Si excretionis lotii destinatas partes venenum aggreditur, ischuria ægrum necat: Lethale quoque est si ventriculum invadit, id quod accidit Gubernatori Nobilium puellarum in dicto *Hofel Dien*: Erat is juvenis Monachus, proceræ staturæ, erectæ, robustus & quadratus, Ordinis S. Victori sacri, quem febris continuaprehendit cum ariditate & scabritie linguæ quæ & nigra, ob summum interiorum æstum & vapores putridos inde elatos, (ex vulgi enim sententia, si impense calet furnus, ad eius ostium calor diffunditur,) linguam canis instar præ cursu anhelis exerens: sitis inextinguibilis molesta erat, comite leipothymia, vomituritione, morte tandem triduo post succedente & præcedentibus torius convulsionibus: Nobiles puellæ adeo celeri conspecta morte & symptomatum vehementia, veneno interemptum fuisse asserebant: quamobrem dicto Xenodochio præfecti aperiri cadaver Monachi jubent, Ideoque Medicus & Chirurgus mecum convocati.

Eo dissecto, in fundo ventriculi vestigium simile ab impresso cauterio actuali reperimus, cum eschara vel crusta unguis magnitudinis: reliqua ventriculi pars contracta erat & dura: Inde omnium consensu judicatus est sublimatum vel arsenicum assumptum, visa eschara profunde penetrante: Dum vero cadaveris dissectionem futura jungerem, plurimas nigras maculas hinc inde per corpus sparsas adnotavi: tunc revocato cætu, coram illis ostendi purpuram esse vel exanthemata: Cum vero obstarent Medicus & Chirurgus, pulicum morsus esse asserentes, negavi id ob multitudinem macularum, assumpta præterea acicula, eaque profunde plures in partes adacta, cutim elevavi, postea forficibus dissecui, atque subdita caro nigerrima deprehensa: Color præterea lividus consideratus, nali, auricularum, unguium, imo totius corporis solito nigrior; vultus præsertim, ea immutatio ut vix agnosceretur: Sic mutata sententia unanimi assensu relatum Monachum, Carbone pestifero extinctum esse, non alio veneno. *Paræus Operum lib. 22. cap. 36.*

## S C H O L I A.

**N**on externas modo partes] Quod & *Celsus* lib. 5. cap. 28. asserit, quanquam Commentator *Rubens* obstat, & merito videatur, cum externi signa afferat *Celsus*: Id ipsum asserente *Plinio* lib. 26. cap. 1. qui duos Consulares obiisse Carbunculo refert:

quorum alter *Julius Rufus*, Medicorum inscitia lectus, Alter *Q. Licinius Bassus*, pollice lævæ manus evulsa acu ab semetipso, tam parvo vulnere ut vix cerni posset.

§. 7. Ad militem quandam peste laborantem, una cum Adolpho Fildar Chirurgo vacutus fui, huncque carbunculos quatuor habentem & gravissimis symptomatis infestatum invenimus, nempe summa anxietate & inquietudine, magna virium dejectione cum crebris deliquiis & vomitu violento, qui jam per aliquot horas duraverat: Præfagio mortis facto, tamen antidotum exhibuimus, quod cum revomisset, paulo post animam creatori reddidit: Inter me & Chirurgum incidit sermo de causa vomitus pestilentis: cumque ego inter cætera statuerem illum plerumque induci à veneno pestifero ventriculi tunicis, & imprimis ipsius orificio superiori firmius infixio, eique magis quam aliis partibus communicato propter cordis viciniam, &c. Dixit ille hunc vomitum plerumque induci à carbunculis in ventriculi tunicis enatis, idque se ab experientia scire: nam ut illius vomitus causam certius cognosceret, se aliquando cadaver Peste cum vomitu emortuum, ac jam refrigeratum dissectuisse, & in ventriculo à latere orificii superioris invenisse locum quandam longiusculum, circiter magnitudinis articuli pollicis, qui nigricabat instar carbunculi, quæ nigredo tunicas ventriculi transiens, æque foris quam intus conspiciebatur: Etiam, si vellem, se quoque in prædicto mortuo milite illud demonstraturum promisit, Verum nobis non placuit irritare crabrones, & aperta abdominis cavitate contagii periculis non exponere: illud credere quam videre maluimus. *Isbrandus de Diemerbroeck de Peste lib. 4. histor. xv.*

M M M M M M

S C H O L I A



## S C H O L I A.

**V**erisimile est carbunculos interdum ventriculi tunicis non minus quam aliis visceribus nasci, ac multoties lethalem vomitum inducere: Verum ab hac tamen causa vomitum pestilentem non semper dependere, vel inde liquet quod multi cum vomitu evadant, quod fieri non posset si à carbunculis semper induceretur.  
*Idem.*

§. 8. Memoratu dignissimum atque horrendum quod in Pannonia contigisse narrant, natas passim in humanis corporibus vipers ac lacertas anno 1540. quæ mille hominum in dies post cruciatus acerbissimos interficerent, nulla Medicorum arte vel industria succedente. *Saxonia Panthei lib. x. cap. 1.*

§. 9. Eo ipso tempore quo sudorifica febris in Britania viguit, Pannonia propriam quoque humidæ pestilentis vim fuit experta, dum non modo natas passim in humanis corporibus vipers ac lacertas narrant, &c. Sed altera Pestilenti febre tunc quoque vexant: quam nunc sæuissimam experiuntur, Theriodem, sive vulgo Vermem vocatam, à Vermium copia in cerebro ipso magna ex parte redundantium: Cujus meminit *Jordanus de Pestis phenomenon tract. 1. cap. 9. Idem ibid. cap. 38.*

§. 10. Anno 1637. quo sereniss. Dux Saxonis *Bernardus Weimar* Burgundis Comitatum invaserat ingenti clade, corpora utrinque cæsa aerem putore adeo infecerant, ut Pestilenti febre multos passim abripi notaverit Vir Principis dignitatis: Hominum equorum cadavera non alia stragis indicia aperta exhibebant præter lecora Bufonibus scatentia: Miasma illud pestilens, intro cum aëre susceptum, seminiis ejusmodi infectum similia animalcula in corporibus gignere potuit. *Ex communicatione Excellentiss. & Nobil. D. Stoffelij Sereniss. Principum Witterbergensium Consiliarij & Ephori.*

§. 11. Vermes aliquando in Pestiferis febribus, in ventriculis cordis fuisse genitos audivimus ab hominibus fide dignis, qui ejusmodi ægrotantium cadavera secure, quamvis verisimile sit raro admodum istud contingere. *Vidui Vidui junior de curatione membratim lib. 7. cap. 1.*

§. 12. Tota cystis interdum lapidescit, quod testatur *Fernelius* lib. 6. Pathol. cap. 5. qui in decrepiti cujusdam senis cadavere, loco vesiculæ felleæ lapidem invenit: In Polonia olim innumeri Boves exorta quadam Peste interiire, in quorum cadaveribus dissectis nihil fuit repertum, nisi quod vesicula fellea tota in lapidem fuerit conversa. *Gothofr. Meibius Fundam. Med. cap. 16.*

§. 13. Didici ab *Athanasio Kirchero* pestiferos Bubones verniculis scatere, quibus tempore pestis aër refertus est: iisque adeo exilibus ut solo sinicroscopii adminiculo deprehendi possint. *Monconis in Ephemerid. pag. 62.*

§. 14. Dum Parisiis in Nosodochio dicto *l'Hôtel Dieu* artem Chirurgicam facerem, Peste laborantes ægros invisi, atque in quibusdam tumores in emundatoriis apparentes postmodum delitescentes animadvertens, morte subsequuta, Curiosus in parte indagavi causam, atque adacta novacula, deprehendi carnem ustulatam, quasi à ferro candente inustam. *Paravi Operum lib. xxij. cap. 36.*

# ANATOMIÆ PRACTICÆ

## LIBER QVARTVS


### SECTIO II.

#### De Tumoribus præter naturam.

##### OBSERVATIO I.

Tumor in Capite, propriam cerebri substantiam continens, ab erosa utraque cranii tabula.

1. 2. Tumor prope musculum temporalem, à materia è cerebro per foramen in cranio egesta.
3. Natta in sincipite, vas sanguiferum ex cranio accipiens
4. Nattæ varia materia.
5. Tumores capitis Lympham variae consistentiæ continentes.
6. Tumor cerebri substantiam continens.
- 7.

§. I.  **AL** ENVS lib. de Tumor. contr. nat. ait *phlegmone saepe tentari ossa*, quod verum nobis compertum: & id ipsum affirmante Hippocr. 2. 2. Epid. Nec solum inflammationi obnoxia sunt, sed & cariei & putredini, præsertim in Luo venerea affectis & Elephanticis, quorum cutis & caro sepe exterius sana apparet quibusdam in locis, cui subjacent ossa cariola, foraminulenta, corrupta, imo sæpius cum deperditione plurimæ eorum substantiæ: Quod nonnisi veneni participem materiam agnoscit, facultatis inexplicabilis: Fidem faciet historia sequens: Quæsto Viduæ Illustr. militiæ Præfecti, nomine *du Fresnoy*, Sylvanectinus accersendum me curavit ob tumorem quem in capite gastabat, inter os occipitale & parietale, ovum gallinæum magnitudine æquantem, Dubius an aperiendus esset, pus subesse ratus: Aderant Medici duo totidemque Chirurghi, artis periti, quibuscum ea de re consultatio habita: Perspecta Tumoris specie, ejusque incremento, non repentino sed lento, adnotataque in eo pulsatione (quæ erat ipsius cerebri) quam à substrata arteria pendere existimabam (compressio enim manu tumore, subsidebat is & imminuebatur) certo credidi adesse aneurysma, negavique aperiendum Tumorem hæmorrhagiæ, hinc subsequuturæ mortis metu: Medicorum vero alter, è Chirurgis item unus, periculi expertem esse apertionem asserabant, purique conclusio exitum concedendum: Ad litem inter numero pares dirimendam censui advocandum Dom. *Fabrum* Regis medicum ordinarium, cujus esset de apertione facienda aut secus, determinare: qui illico consensus cæteris, adesse pus, quod nullo periculi metu vacuandum esset: A me tamen monitus de aneurysmatis suspitione, ob signa assidentia, mutata sententia, non attingendum esse tumorem pronuntiavit, ac cum eo non secus ac cum aneurysmate transigendum, quæ mea fuerat opinio: Re deliberata Lutetiam reversus sum, at æger triduo post è pago Sylvanecto proximo Chirurgum accersendum iussit, qui statim, nec hæsitabundus, pure refertum Tumorem dixit, periculique expertem esse apertionem: quæ ab eo instituta est, prodeunte non pure, sed propria cerebri substantia, quam biduo post mors excepit.

Defuncti caput apertum fuit per *Adamum Hannequin*, & *Hamardum Cheronium*, Barbitonfores & Chirurgos Sylvanectinos, qui unanimi consensu asseruerunt Tumorem ex propria cerebri substantia conflatum esse, ac deperditione utriusque cranii laminæ ad magnitudinem Nobilis rosati: Cautus ergo sit Chirurgus in aperiendis ejusmodi Tumoribus. *Ambr. Paræus Oper. lib. xy. cap. xxij.*

##### SCHOLIA.

**P** *Hlegmone Sape tentari, &c.*] Inflammationis cutis causam vix percipiet quisque circulationis sanguinis gnarus non erit, quam ex Clariss. Anatomici *Isbrandi de Diemerbroeck* Anatom. libro secundo, capite octavo, huc transferre æquum est.

Uti Pulsus est, Sanguinem in corde dilatatum per arterias ad omnes corporis partes propellere, ut eo omnes nutrantur, & singulae aliquam ejus partem propria facultate coquant, immutent, atque in substantiam sibi similem convertant, eamque apponant, residuum vero per venas ad cor remittant, ut in eodem iterum dilatetur, spiritalis fiat, novumque vigorem resumat.

Cum autem continua Pulsus reciprocatione sanguinis assidua fiat à corde expulsio, necessarium est ut cor cava assiduo hauriat quod deplendis denuo ventriculis sufficere queat: Verum quandoquidem cava nunquam exhausta, & præterea arteriae, in quas continua expulsio fit, præter modum non intumescunt, necessario sequitur motum hunc circulariter procedere, & sanguinem ex corde continue propelli in arterias, ex his in venas & partes nutriendas, inde à venis minoribus redire ad cavam, & sic tandem ad cor: Hanc circulationem imprimis confirmant tres efficacissimae rationes.

1. *Sanguinis à corde in arterias propulsi copia:* quæ tanta est, ut ejus ne centesima quidem pars ab assumptis alimentis subministrari possit, cum illa propulsio æque procedat in homine qui per biduum triduumve jejunavit, atque in alio qui bene pascitur: ac proinde nili sanguis ex arteriis per venas reflueret ad cor, brevi in corde deficeret materia propellenda: præterea distumperentur etiam omnes arteriae brevissimo tempore, & partes, in quas influunt, micum in modum intumescentes: Quippe Cor hominis sani, florentis ætatis, una hora ter mille, vel paulo plures pulsus facit: *Cardanus 4000. Bartholinus 4400. Rossignolus in scripto numeravit 4420.* Si singulis pulsibus in aortam propelleretur sanguinis duntaxat scrupulus unus (minimum pondus nothino, nam drachmas duas, imo plus expelli, in vivorum canum sectionibus docet autopsia) Præterea si in venæ sectione homini in brachio facta, quantitatem sanguinis certissime profluentis consideremus, ac simul perpendamus quantum interim per myriades aliarum venarum, quibus per nullam ligaturam circulatio impeditur, eodem tempore circumferatur, quod univertum cor transiit, facile animadvertemus in homine singulis pulsibus non paucas guttulas non unam vel duas drachmas, sed multo plus, forte semiunciam, vel unciam totam transire, quod ipsum melius adhuc apparet in arteriotomia, in qua, si quod ex parva arteriola secta singulis pulsibus expellitur notemus, & quantum per omnes alias iisdem pulsibus propellatur computemus, valde magnam copiam per cor transire observabimus: cum certum sit tantum singulis pulsibus à sinistro cordis ventriculo in arteriam propelli, quantum ex singulis & omnibus arteriis propelleretur si apertæ essent, facta computatione una hora per cor transirent sanguinis libræ mercatoriae circiter octo, ergo spatium quatuor horarum transirent ultra xxx. libræ, atque verosimile vix est tantum sanguinis in toto hominis corpore contineri: Cum autem à tanta copia neque arteriæ præter modum distendantur, neque partes illæ intumescant, neque etiam cava alique venæ inaniantur, certum est sanguinem in arterias impulsam per venas reflueret ad cor.

2. *Sinus valvularum in venis,* quitalis est ut sanguis per eas libere possit profluere ad cavam, nihil vero à cava ad minores venas, imo si fistula Cavam in dextera, nihil illius status minores venas ingreditur: Si contra minores venas intes, mox status progreditur ad majores & sic ad Cavam.

3. *Ligatura in venæ sectione,* hæc quippe in brachio & crure iniicitur supra locum secandum, atque inde subitus intumescit vena, quia sanguis per arterias versus extremas partes impulsus, per venas redit & sursum ascendit, cumque ad ligaturam pervenit, sistitur, unde tunc vena intumescit infra ligaturam, & sanguis ulterius ascendere nequies, cogitur per inflictum vulnusculum effluere: soluta ligatura iterum desinit ejus effluxio, quia tunc sanguinis per tubulum suum satis patulum facilius potest ascendere, quam per angustum vulnusculum egredi: (*Si sanguis à ligulari sit mittendus, vena supra ligaturam rumpet, ibique ruiditur: is enim à sinibus cerebri per iugulares in axillares, hinc in cavam corde superiorem viam affectat*) Ad hæc si ligatura illa tam stricta iniiciatur, ut sanguis per ipsas arterias versus inferiora permeare nequeat (quæ aliqui profundius sitæ à mediocri ligatura non facile occluduntur) tunc etiam nihil effluit ex incisa vena, quia sanguis per arterias non impellitur versus inferiora, quiper venas ad superiora ascendere possit; rursus vero soluta nonnihil illa ligatura arcta, & arteriæ pulsus libenter penetrante, mox iterum ex incisa vena effluit sanguis: Præterea etiam quælibet venarum & arteriarum in vivis animalibus ligatura vel compressio, ostendit sanguinem per arterias propelli à corde, per venas vero profluere ad cor: nam supra ligaturam, scilicet versus cor, intumescunt ligatæ arteriæ, ob denegatum sanguinis transitum: detumescunt autem venæ, ob liberum sanguinis ad cor exitum: Contrarium contingit intra ligaturam.

Hæc tres rationes solæ satis efficaces sunt ad dictæ circulationis probationem, Alias vide apud Harveyum, Riolanum, &c. Unum adiciam de modo circulationis, de quo dux sunt sententiæ, una Riolani, quam pauciores sequuntur; altera communis, quam maxima Philosophorum pars amplectitur, statuitque Circulationem sanguinis fieri per anastomoses quatuoruncunque arteriarum & venarum, quibus oscula arteriarum cum venarum osculis ununtur, & in se mutuo patent, ita ut ubicunque sunt tales Anastomoses, ibi fiat circulatio: Inde ego concludo, ubi Anastomoses illæ non sunt, ibi circulatio non fit: Hanc sententiam defendere admodum difficile foret, quippe Anastomoses illæ in majoribus valis paucæ sunt, & licet forte in minimorum vasculorum exilibus sinibus copiosiores esse possint (quod nihilominus per autopsiam ubique non patet) tamen propter summam talium venarum angustiam paucissimum sanguinis per eas transire, imo ne sexta quidem vel decima pars, quæ per arterias propellitur, venas subire possit: Præterea, quo modo quæso à sanguine per illas Anastomoses transeunte nutrientur partes, quibus in transitu isto nihil conceditur vel tribuitur? Deniqueposito circulationem solummodo fieri per dictas Anastomoses, quomodo tunc in Anasarca (in qua serum non solum vasis concluditur, sed partium substantiæ necessario inhæret, totam enim copiam in solis vasis cumulari nemo sanus dixerit) circulatio illa procedet & partium substantia in venas an serum illud, quod in isto morbo crudius ac crassius est, per exhalationem ex arteriis egestum, rursus per inhalationem ingreditur in venas ut per eos circuletur, & inde ad vias urinarias defluat, per easque expellatur, sicut morbum hunc per copiosum urinæ fluxum nonnunquam solvi praxis & Medicorum observationes docent? Quomodo etiam magni



partium molles tumores sæpe brevi tempore subsidunt, sine ulla manifesta vacuatione, si humores extra vasa in ipsa partium substantia contenti non redeant in venas? & quomodo eas cum arteriis ad fines suos unitas ingredi poterunt? At qui hæc satis superque communis sententia errorem demonstrant.

Ex dictis bene perpensis verus Circulationis modus statim innotescit, patetque sanguinem non tantum circulari per dictas Anastomoses, verum etiam per ipsam partium substantiam: Impellitur enim per arterias copiosus sanguis, cujus bona quantitas per minimarum arteriolarum fines effluit in poros substantiæ partium, ejusque ad nutritionem tantum apponitur cuique parti, quantum necesse vel apponi vel assimilari aptum est: reliquum vero ulterius procedit, & hiantia minimarum venarum partium inhaerentium oscula subit, atque sic ulterius progreditur ad majores venas. (Sanguinem in partium poros influere, per eosque in venas redire, liquet ex iis quæ diximus de hepate lib. 1. cap. 13. & de cerebro lib. 3. cap. 5. & 11. & ex quacunque levissima cutis læsione, è qua vasis illæis ubique mox sanguis exit) Verum quia minimæ arteriolæ in partium substantia apertæ desinentes, angustissimæ sunt, hinc quidem multo plus sanguinis transeunt quam ad nutritionem opus est, sed interim non minor sanguinis copia superest, quæ per eas in poros substantiæ effundi nequit: hæc ut in arteriis non restagnaret & corrumpereetur, aut partibus molesta esset, Protoplastes ante dictas Anastomoses, ut illa redundantia per eas transiret in venas, concecit: qualem in ignem anastomosen annoravimus ad ingressum Lienis, Item duas alias in factu existentes, unam scilicet in ejus corde per foramen ovale, alteram in arteria pulmonari, qua parte cum aorta conjungitur: Præter quas magnas, etiam verosimile est plurimas parvas & minimas anastomoses dari.

Non est quod à sanguine extra arterias in substantiam partium effuso, metuantur Tumores, inflammationes, putredines, apostumata, &c: nam propter arteriolarum in substantia desinentium angustiam, non plus influit quam per poros commodè transire, & a venarum osculis rursus imbibiri potest. Atqui, dicat aliquis, in valida corporis exercitatione & calefactione sanguis multo validius & majore copia impellitur quam aliis temporibus, ergo tunc saltem nimia copia influet in partium substantiam & dicta mala producet? Respondeo tunc sanguinem ratione majoris caloris esse tenuiorem, & poros quoque latiores, ut facilius transire possit: Verum si pori, vel à contusione, vel à subita refrigeratione aliave causâ angustiores evaderent, aut sanguis in partibus crassior fieret quam ut venarum angustâ orificia subire posset, tunc brevi tempore nimia ejus copia (nam influxus per arterias continue procedit) in partium substantia cumlaretur, atque dicta mala statim generarentur: *Hæc enim est vera & frequentissima causa pleuritidis, peripneumonia, angina, phlegmones omniumque inflammationum cum tumore.* Quam

causam non percepit illi qui per solas vasorum anastomoses circulationem fieri arbitrantur: docent enim ob denegatum commodum sanguinis transitum, vasa quidem ad summum repleti, hincque partes à repletis vasis in tumorem distendi (quasi vero vasa ita distendi queant ut inducere possint duorum triumve digitorum altitudinis tumores, quales sæpe conspiciuntur) sed quia in repleta vasa plus sanguinis impelli nequit, hinc sanguinem in iis coacturatum novo arteriosi sanguinis affluxu destitui, sicque refrigerari, non vero inflammari: verum non considerant sanguinem totum per venarum anastomoses non transire, sed majorem ejus quantitatem in poros substantiæ partium impelli: & quibus si non satis cito redundans quantitas in venas profluat, ob causas supra dictas, tunc necessario fieri partium tumorem, & quia singulæ affluentes guttulæ arteriosi sanguinis suum conferunt calorem, hinc à sanguinis in parte nimio augmento fieri nimium augmentum caloris, & ab hoc intenso calore fieri sanguinis cumlari effervescentiam, partisque inflammationem cum tumore: Inicias tamen non eundem, illam effervescentiam interdum etiam fieri posse à paucis, sed acris, & ad effervescentiam prono sanguine, in aliquam partem effuso, tuncque fieri inflammationem sine insigni tumore, ut in Erysipectate.

Hujus Circulationis sanguinis (intelligo sanguinem cum aliis quibuscunque admixtis humoribus) multiplex & summa est necessitas atque utilitas: 1. Per eam quælibet sanguinis particula paulatim & ordine quodam apte sunt ad nutritionem; nam cum in corde non fiat longa coctio, sed tantum celeris quædam dilatio, propterea chylus primo transitu per cor non acquirit summam sanguinis perfectionem, sed pluribus transiibus modo hæc modo illæ particule subtiliores, & corpori alendo magis apte evadunt.

ij. Cum sanguis in partes propulsus, quo longius à caloris sui loco recedit, eo magis refrigeretur, & ad alendum minus aptus evadat, omnino necessarius est ejus reditus ad caloris fontem cor, ut in eo de novo incalcescat & attenuetur, sicque novam perfectionem induat, qui reditus per hanc circulationem procuratur.

iii. Sine hac circulatione, neque sanguis ad partes alendas propelli, neque à nutritione residuus una cum chylo ad cor referri posset.

iv. Hujus beneficio medicamentorum assumptorum & applicatorum vires per totum corpus, aut magnam ejus partem feruntur.

v. Per hanc sanguis in continuo motu permanet, atque sic à congelatione & putredine præservatur.

vi. Per hujus cognitionem, causæ multorum morborum clarissime innotescunt, de quibus antehac aut nihil, aut obscure scriptum, & graviter inter medicos altercarum ac dubitarum fuit.

vii. Per eandem etiam Medici cætas plurimorum morborum curationes instituere noverunt, de quibus alioqui magna ex parte per incertas conjecturas indicæ conlueverunt.

§. 1. Juvenula infantem peperit, cujus caput nucem juglandem vix superabat, Tumor vero capiti adnatus, universo capite major: Capite aperto inventa in ipso cranio exigua cerebri portio; In Tumore vero substantia cerebro similis. *Vide lib. 3. tit. de Partu difficili.*

§. 3. Puerulo trienni ( *De quo lib. 1. Tit. de ocul. affectibus* ) duabus ante mortem septimanis exortus est Tumor prope muscolum temporalem sinistram; quem, ab obitu, ablata cute vidimus peculiari, eaque crassa satis membrana obductum intra cutem craniumque hærere; cranium exiguum habebat foraminulum per quod materiam eiecerat natura.

§. 4. I. Eberlin Vir robustus, 50. annorum, qui ex scala præceps paulo post Apoplecticus interiit, in syncipite dextro habebat tumorem cum folliculo, quos Nattas vocant, olivarem, nucæ juglande minorem, qui vas sanguiferum ex poro cranii emergens recipiebat.

## S C H O L I A.

**N**atta, Tumoris cum folliculo species, non infrequenter caput occupat: omnes arteria quædam, à qua nutrimentum & augmentum capiunt, præditæ sunt: Succinguntur intrus peculiari tunica: Contenta non unius generis sunt: In quibuldam invenio substantiam pinguem flammam concipientem: in plurimis cretaceam solam vel sero persulam: Familia hic est inter primarias hujus generis tumoribus obnoxia: Si basis angusta sit, sera equina sensum magis magisque contracta decidunt, quod aliquoties a me factitatum fuit, si verò basis amplior ac constrictionem respuat, in summitate vulnus oblongum infligo, contenta exprimo, ac basi, vbi, ceu per pediculum, nutrimentum suscipit, indo cum

pauillo gossypii butyrum antimonii solum, vel cum linimento digestivo permixtum, ut scaturiginem obrurem: nisi enim pediculus abscindatur aut erodatur, brevi repullulant: Tumores hujusmodi à Chirurgis temerariis & imperitis uno ictu amputatos novi, largissima subsequente hæmorrhagia, quæ vix sisti poterat, non sine virium prostratione, Antimonii butyrum nullos dolores, nullum pruritum excitat, nisi imprudenter labia cutis capillatæ attingantur, interna enim pellicula sensus expers est: Natta apud istum, vas sanguiferum è cranio emergens acceperat, quod proculdubio furculus arteriosus a dura meninge ortus fuit: *I. Jac. Wepferus Histor. Apoplect. 10. p. 321.*

§. 5. Homo procerus, sanguineus, habitu corporis robusto, ob furta strangulatus, Nattam gerebat in capite: In hac denso involucro aperto latebat farinacea materia: In aliis Nattis ex se ruptis purulentam observavi. *Th. Bartholinus cent. 1. histor. 32. §. 33.*

## S C H O L I A.

**F**arinacea materia] Natta, Testudo, Talpa ad melicerides, atheromata & steatomata referuntur, quorum materia peculiari tunica aut folliculo clauditur. Platerus non ab humoribus excrementitiis horum Tumorum generationem deducit (eo quod quæ ejusmodi originem nata sunt, stabilia sunt, sed putredini opportuna) sed ex succo alimentari parti nutriendæ destinato, qui si justo crassior, in similes tumores degenerat, ex quibus Sarcomata fiunt: sin admodum crassus, Scirrhi: Tumore vero non adeo duro existente, tandem in abscessum transire docet, diversam materiam continentem pro succo, qui Tumorem genuit, diversitate ac cum aliis humoribus mixtione: nec tamen sicuti abscessus à sanguine genitos in pus

abire, sed in aliam substantiam propria cysti conclusam: Hinc Meliceridum Atheromatum, Steatomatum originem deducit: *Sennerius*, cur talis humor è partibus effluat, atque inde sub cute tumor excutetur, causam esse putat Quod membrana unamquamque partem veliens & ambiens jam vi externa & violenta, sed interna, rumpitur, aut eroditur & exulceratur, ut ita facta via vi, succus alibilis ablato repagulo erumpat, cum non sistantur aperte: Id tamen ne temere fiat Natura provida non permittit, sed ipsam membranam amplius extendit, effluentemque succum cohibere nititur, quod in arboribus fieri videmus, in quibus exteriori cortice læto simili plane modo nodus formatur.

§. 6. vj. Aprilis 1671. in infante 13. septimanarum, caput multis modis deforme reddebant Tumores varii, Tres imprimis, quorum unus superiora versus se extendebat, alter inferiora magis respiciebat, Tertius anteriora petebat: Diversæ naturæ dissecsti observabantur. Primus enim, qui superior & maximus, aliqua parte cartilagineæ substantiæ erat, alia membranosa: Illa cavernulis plurimis prædita, utraque liquore purulento, plumbei coloris, repleta; Secundus, qui inferior, vesiculam repræsentabat, hydatidibus variis donatam. Continebant hæc, figura & magnitudine differentes. Lympham modo liquidam, modo viscidiorum: quod vero ab hydatidibus liberum, limpidissimam exhibebat aquam: Tertius, qui anterior, variæ conditionis substantia constabat, molli imprimis spongiosaque, ejus siquidem exteriora spectentur: durior vero cavernosaque, si interiora cranio vicina: Lymphæ crassioris insignis hic occurrebat quantitas: Præter dicta notabile hic. intra meningem tenuem & cerebrum Lymphæ pellucidæ tenacisque insignem contentam fuisse copiam: II. Eo loco quo auricula naturaliter situm obtinet, & excrecentiam ossæ, semicircularem & sinum notabilem se exhibuisse, nullum vero ad anteriora auris transitum: III. Circa tempora vas aliquod occurrisse materia nigricante repletum: IV. Tumorum horum primum aliquot diebus antequam dissecaretur cadaver, apertum subito fuisse, naturæ imprimis opera, magnamque Lymphæ copiam effluxisse, hæc affuso aceto præcipitationis ope

ope coagulum exhibuit coloris lactei; evaporatione vero leni gelatinosam, aut flavescen-  
tem magis materiam: Quæ res speculationi illi ansam præbuit, Annon in Lympha ipsa  
nutritionis nostræ fundamentum constitui jure queat, Quod valde probabile videtur,  
& præter alia etiam *Pueri hujus summa Extabescencia* valde suadet. *Gerardus Blasius Observat.*  
*med. 1.*

§. 7. Juvenula xvj. mense feliciter peperit foetum sed debilem: Caput nucem juglan-  
dem vix superabat, Tumor vero capiti superna parte adnatus erat, universo capite major:  
Mortuo infante Caput apertum, atque in ipso cranio inventa exigua cerebri portio, quam  
pro cerebello habuit Chirurgus, In Tumore veto substantiam cerebro valde similem *Th.*  
*Bartholinus Cent. 3. histor. 51.*

## OBSERVATIO II.

*Tumori, seu Sarcomati oculo dextro subnato, resecto, aliud sub oculo sinistro successit, Ex  
fungosa & pituitosa substantia constans utrumque, atque à dura meninge ortum ducens.*

**P**Vella quinque annos nata concrementum carneum Oculo dextro subnatum habuit,  
pugnum contractum æquans, à plerisque Chirurgis pro Carcinomate curatum: Hæc  
meis manibus commissa tractanda, nulla propemodum habita medicamentorum fiducia,  
Sarcoma resecui simul & inussi, quod brevi coalitum est: 70. vero aut 80. à resecto die,  
Tumor sublividus, inæqualis, indolens, tactui nonnihil cedens, multis undique circum  
venulis septris, sub oculi sinistro palpebra subnatus est, qui paulatim adauctus, jam totum  
sinistri lateris tempus, & auriculam, necnon cervicem late occupabat, quin & genam,  
adeo ut os obstrinxerit ad capiendam escam angustissime: Eodem ipso tempore ex ad-  
versa parte simillimus huic tum figura tum colore, tum etiam progressus more modoque  
erupit, quæ itidem tubercula maximam colli partem sic obsederant, ut junctis utrisque  
operis cervicem humeris exæquassent, quod vitii complementum duorum cum semisse  
mensium curriculo peractum est: Illud autem silentio non obducendum est, quantumvis  
tubera naturæ modos excederent, eam tamen puellæ patientiam fuisse ut nunquam fuerit  
de morbo conquesta vel vagitibus molesta: Tandem pridie Cal. Novembr. obiit.

Tubera hæc infecta *Fungosam* & *pituitosam*, suo folliculo contextam *substantiam* nobis  
aperuerunt: Adhæc & aliud relatu dignum offensum est, Cranium tractantibus nobis,  
mirum foramen è rimis calvariæ peramplum, à dura meninge ad tubercula ista petens, per  
quod scil. materia de cerebro ad tumores alendos transmitti fuerat consueta: Postremum  
dictu mirum ad hæc cuncta erit, pedes utrosque puellæ negatos diremptosque primordio,  
alimento scil. amplo à superioribus ad se rapto. *Nicol. Larcheus Med. Romanus ad M. Aur. Seve-  
rinum in lib. de Abscessibus p. m. 150.*

## S C H O L I A.

**F***ungosam substantiam &c.* Cujus origo fuit à  
meningum cerebri occulto vitio: Inde enim  
fungi plerumque pullulant, quanquam & aliis in  
partibus subnasci notat *Sennertus* Epist. ad *Febr-*  
*ium Hild. Cent. 2. Observ. 36.* Quod vero pedes  
utrosque puellæ defuisse nanat *Larcheus*, alimen-  
tumque ad superiora raprum dicit, *Glissonii*, *War-*  
*stons* & aliorum sententiam firmare videtur, succum

nutritium suppeditare cerebrum quibusdam partibus,  
qui ad crura non transmissus, & in capite redundans,  
extuberantiam illam produxerit: Cæterum Tumo-  
rum ejusmodi cysti conclusorum, ea est indole, ut si  
dum resecantur vel fibrilla supersit, post liminio re-  
nascantur, eoque magis si ad canceri naturam acce-  
dant, qui raro aliqua in parte demitur, quin in alia  
cerum gerneret.

## OBSERVATIO III.

*Monstrosus Menti Tumor, Steatomatous, cui ulcus cavum & profundum adjunctum.*

**M**Entum cuidam seni mulier? Bavaræ adeo excrevit, ut mediam ulnam Augustanam  
in longitudine & latitudine etiam adæquaret, duritie Scirrhum repræsentaret: Pars  
dextra Gingivarum increvit: & ex ore ad pugni, vel ovi anserini magnitudinem excrevit:  
Qui Tumor ulcus cavum ac profundum habuit, ad medii digiti longitudinem, eo in loco  
ubi dens evulsus fuit: hoc cibus humidus & potus eo appellens formavit: Tumor Menti fuit  
durus & renitens, concolor & solum dolens ob pondus, at gingivarum laxior: In mento  
exulceratio nulla, nisi ubi ab adpellente attritum fuit: Excrevit tandem in ingentem  
moles, & oris introitum quasi totum occupavit: Mors itaque lepta superveniens do-  
loribus eripuit.

Aperto Tumore in cadavere, caro nulla fuit visa, putredo nulla, sed quod excrevit  
steatomati, seu Nattæ Italarum, simile fuit, sebum referens, Tota moles resecta à corpore  
pondebat.



pendebat libras sex ponderis Augustanorum, & quartam partem libræ, quod sunt uncie centum. Dissectus Tumor, spongiosum album erat quod accrevit, sebum compactum referens, ut in abdomine & renibus boum videre est, sine ulla humiditate: Cavum quod erat, à dente exempto relictum, illud continebat quod ex potu & cibo eo declinavit, partes vero ejus nec erant humidæ, nec putredinem passæ sunt.

## S C H O L I A.

**M**onstrosum hunc Tumorem cur in numerum, Natta Italorum posuerim, paucis exponam: Retulit ægra sensim admodum Tumorem hunc accrevisse, primordia sumpsisse in ore: Cum enim primum senium ingressa, serviret quibuldam Parritiis & mercatoribus in coemendis variis, & majori onere carnis pondus ex macello portaret, sensit aliquid in ore distendi, seu, ac vulgariter pronuntiavit, rumpi, quod ob absentiam doloris plane neglexit; Gingivarum itaque pars dextra luxuriare cepit ac intumorem attolli: Intumuit & simul mentum, cujus cutis æqualiter in latitudine & longitudine ita ab succrescente distenta fuit, ut intra annum monstroso tumore extuberaret: Qui putus erat admodum ut scirrhum mentiretur, eum tractare volui, cum in nervosis locis scirrhos tractatos in cancroso degenerasse viderem ulcera: Nec Chirurgus manum admoveere voluit, qui negavit se toto cursu praxis suæ, qui fuit annorum lxiv. talem tumorem contempisse: magna vero hæc moles, & monstrosus Tumor menti, nullam læsit facultatem, quamvis extuberans ex ore gingiva cibi introitum præpediret: Dolor nullus nisi à pondere: renitentia & durities ubi tangeres; sola caro gingivarum luxurians mollis erat, concolor, tamen ob distensam cutem vasorum divaricationes oculis expositæ erant: In exulcerata luxurie gingivæ factor ex assumptis.

Peccetius l. i. c. 28. Nattam ex genere Tumorum steatomaricorum esse scribit, oriturque in omnibus corporis partibus, eandemque cum illis agnoscere causam: Steatoma vero, Tumorem esse exprimentem saniem sevo similem, ob pituitosum humorem sensim lenteque auctum, coadunatum & induratum, seu in substantiam sevo similem coactum: Idem c. 25. Et hanc Nattam in nostra ægra fuisse steatomatolum tumorem ex Pauli descriptione l. 6. affirmare possumus, quia eius contentum sevo simile fuit, Tumor ipse durior, ac ad tactum renitens, fundum solidiorem habens, maxime ubi adhæsit incurvationi maxillæ: Aetius Terrab. 4. l. 3. c. 8. Steatoma ait esse Tumorem adipem in se continentem, mole tuberum, concolorem & ad tactum lenem, in principio quidem pusillum sed temporis progressu ampliatum: A meliceride & atheromate discerni tactus mollitie, quod videtur cum mente Pauli pugnare, qui ait dignosci stea-

toma à reliquis abscessibus, quod durior sit illis & ad tactum renitens: Sed Aetius mollitiem hanc respectu Strumæ potius intelligit quam atheromaris & meliceridis: In causa omnes Chirurgi consentiunt, quod ab humore pituitoso prodeat: Mihi videtur Platerus noster propius accedere & veram causam assignare Tract. 3. c. 3. Vbi succum nutrientem crassiores horum abscessuum causam ponit, peccantem vel qualitate vel quantitate: Ut enim ejus symmetria ad alendas partes adprimè conveniens est, sic ejus anetria earum substantiam depravat: Natura adpullum si quidem succum cum discutere nequit, qui aut uberius aut corruptus, mutare aggreditur, in sano corpore adpositione decenti, in ægro indecenti: Humor itaque alibilis, seu nutrimentum hoc adpullum, vel adhæret, vel adnascitur, vel innascitur parti, quare ipsa incrementum sumit, non dissimile sibi ipsi colore, cum ille qui apponitur succus sit familiaris, & similis illi parti cui apponitur, & quasi alimentum, sæpius sola copia luxurians, afferens secum mollitiem aut duritiem; succus si quidem hic est alimentum tertiz coctionis soboles, cujus peccatum nullum aliud quam quod crassius est, aut tenuius, aut copiosius: Nostræ ægræ ideo album erat, & crassum ac durum, quod alimentum hoc futurum luxuriabat circa nervosas & osseas partes, illarumque futurum alimentum erat, unde & membrana ex eo generata sunt, quibus humor inclusus cohererebat: In scirrhum non abiit, quia calor coquens harum partium fuit in alimentum, ut sic loquar, adpositus non induratus, qualis ad scirrhii perfectionem requiritur: quare ex adpulso quotidie alimento in molem excrevit pars: & quia succus familiaris fuit, qui sensim, non adspici in illum locum fluxit, indolens mansit: Recte porro nos non manum adhibuisse docemur illo Peccetii l. i. c. 28. Natta, quæ valis est implicata, nullo pacto attingi debet propter periculum quod sanguinis hæmorrhagiæ incit: Memini me in Italia in quodam ordinis S. Francisci in collo Nattam eximi vidisse, quam magna hæmorrhagia, hinc mors excepit: Nos non hujus causa, sed quia à nervosis partibus non pendula fuit, sed ita firmiter adhæsit ut ipsum mentum esse videretur.

Spasium itaque & calumniam declinare decrevimus. Hæchstetterus casu vii Decade vi.

## OBSERVATIO IV.

*Tumor Collo ad natus, cum brachii intumescencia, à copiosa pinguedine & sevo inter musculos.*

1. *Tumor affixus asperæ arteriæ per totum collum radicibus diffusus.* 2. *Tumor circa laryngem à Ductu salivali devio.* 3. *Infra mentum durus, ab obitu evanescens.* 4.

§. 1. **V**bi sanguis sulphuris sui & salis legitima proportionem orbat, facilis est putredo, aut vermibus apta corruptio, & succorum benignorum degeneratio, quæ sæpe in generationem copiosæ pinguedinis, sive caseum, live lardum, sive aliud quid mentiat, faceßere potest: Conspectissimum id erat 1670. in Nosodochio Argentinenfi, ubi exenteravimus puerum, cujus collo, supra axillam sinistram, ingens Tumor accreverat, cujus, separato bino involucri, cutaneo & proprio, substantia steatoma verum erat, pondus librarum v. civilium: Brachium ejusdem lateris admodum cum manu totum æqualiter intumuit;

multis; dissectum copiosissimam infra cutem exhibuit pinguedinem, effluente copiosissima aqua ex musculorum interstitiis: Omne vero reliquum corpus macies excederat: ascites abdomen. *Ioh. Val. Willius in Aëlis med. Thom. Bartholini anno 74. & 75. & 76. p. 134.*

§. 2. Viduæ N. Succrevit paulatim Tumor insidens firmiter lateri asperæ arteriæ: Ad instar carcinomatis repertus est, radicibus diffusis per quamcunque colli partem *Lib. 3. tit. de Deglutitione lasa.*

§. 3. Quos Ductus Salivales curiosa D. D. Nic. Stenonis sæculo nostro manifestavit industria, mihi in Vitulo dierum xiv. perscrutanti, quod in eo sese animali clarius quam in homine ostendant, quiddam occurrit quod observasse non pigebit Chirurgo, dum aliquando circa Tumorum expugnandorum contumaciam nequicquam suam ludunt operam: Deflexerat enim Ductus ille (cujus radices Parotis conglomerata, quique ostium suum in buccis reperiens, ibi se exonerat) versus laryngem, ibique humoris sui, qui ore excipi solet, exitum non inveniens, Tumorem ingentem excitaverat, lenta materia redundantem: Annon hæc Fistularum, ad stuporem perpetuos usque humores suppeditantium ut causa dici, ita ex eadem posset inveniri via easdem facilius persanandi. *Theodorus Kerkringius Observationum Anatomit. Lxviiij.*

§. 4. Ianus N. Phthisicus obiit, (*Vide lib. 2. Tit. de Phthisi*) Ante semestrem spatium obortus tumor infra mentum durus, quo impedita fuit solidorum deglutitio &c. In aspera arteria nihil heterogeneum visum, nec ullum istius tumoris vestigium, unde verosimile est à flatribus fuisse excitatum.

## OBSERVATIO V.

## Bronchoceles varia materia. 1. 2. 3. 4. 5. 6.

§. 1. **C**ongronæ vox ab Hippocr. usurpatur 6. Epid. 3. 14. & Bronchoceles significat Latinis. **H**erniam Gutturis, Tumor est Gutturis & collo innatus; à Græca voce βρόγγοις, proprie significans eminentiam aut appendicem rotundam arborum truncis innascentem: à Plinio l. 17. c. 24. dicitur *Fungus, Clavus, Patella*: *Theophrasto* l. hist. plant. c. 13. olivæ vitium est à Sole exustæ: Affectus mulieribus familiaris, proat à nobis de aneurysmate dictum: Bronchoceles autem vox generica est, multas sub se complectens species & differentias: Aliquæ enim ad melicerides accedunt, aliæ ad steatomata, aliæ ad atheromata: Aneurysmatis quædam soboles sunt: In quibusdam reperta caro stæpida, i. e. dolore carens, vel parvum inducens: Suum unaquæque signum dat, & an curationem admittat vel secus: aliæ parvæ sunt, aliæ magnæ colli anticam partem totam obtegentes; quædam cysti carent, aliæ habent: Quæ curationis capaces sunt aperiri debent cauterio actuali vel potentiali, aut scalpello, atque simul & semel exempto corpore extraneo ibi concluso: Nisi licet, repetitis vicibus auferatur, ulcere postmodum ex arte curato & ad cicatricem deducto. *Paræus operum lib. viij. cap. 1x.*

## S C H O L I A.

**B**ronchocele est Tumor colli vicinus laryngi, qui originem habet ab humore ibi collecto, vel à glandula thyroïdis cartilaginis productione, quæ sarcoma producit: vel est abscessus ex atheromate aut steatomate, vel hydrops; Bronchocele, non ut plerumque vitium est, ex immodicis clamoribus, aut ex potu aquæ ex liquefactis nivibus, quæ Alpinis aliisque montanis in usu est, sed ex crassa lentaque pituita, quæ eo sensum è capite, ejusque partibus externis per aures posteriora devolvitur ex *Fernelio*: Dubitare licet an materia contineatur inter muscu-

lum latum & cutem: an sub musculo lato tota sit abscondita: nam ibi collecta materia non potest extrahi, quia ipsius musculorum insinuata: Si extra pateat, poterit sanari & eradicari: A flatu solet incipere, qui distendit separatque cutem à membrana carnosa, vel ipse musculus latus à subjectis partibus separatus: In istud spatium sensim fluit materia, pro cuiusque temperamento & constitutione varia: Sensum accrescit & nutritur non per venas sed per tubulos quos natura creavit. *Ioh. Riolanus Enchirid. Anat. lib. 4. cap. 7.*

§. 2. Anno 1626. Bronchocele in opifice inauratore anteriorem totam colli partem apprehenderat, alto plus quatuor digitos tumore: qui aneurysma est existimatus à compluribus, propterea quod sub eo, vivente homine persentiretur pulsatio non exilis: Nihilominus id equidem retuli ad jugulares arterias, quantum ex suimet compressione necessarius erat sensus: Reperta est cystis sanguineæ prope membranæ, quæ amplo veluti succo ab externa facie ad usque tracheam arteriam ab ea compressam extendebatur: Intus laminulæ veluti sanguineæ concrementa, & carnes pulmonis atrioris substantiam referentes, universam loci amplitudinem complebant, nisi quod superne concretus humor flavidior, gelatinam vulgarem propemodum referens, existerat: Dices nunc nostro parergo corollarium quod est, Non injuria quidem magistro inauratori productum istiusmodi vitium, quod genus opificum *I. Langius* judicio mihi, subjectum est bronchoceles viroso argenti vivi contagio. *Idem ibidem p. 169.*

§. 3. Ac

§. 3. At Bronchocelæ quæ multifidæ sunt, glandulas continent prærubras & præduras: Tales enim visæ in puella Parthenophylacii D. Mariæ, per nos secta. *Idem ibid.*

§. 4. Homo sub-Alpinus Bronchocele prævastam multos annos cum angore passus, tandem ab ea strangulatus oppetiit: Quam nos vitiatam partem, grumos ingentes sanguinis undique circumfusus, cum adnatis quibusdam carunculis offendimus: Porro sunt mea quidem opinione Bronchocelæ pleræque cum super-vomitu vasorum impense dilatatorum complexæ. *Idem ibid. p. 172.*

§. 5. A pueritia deturpabat Bronchocele collum *Petronella Desnod*, ancillæ meæ, quæ phthisica obiit anno 1660. cum hydrope pectoris & abdominis: Invalescente morbo, colli tumor augmentum sumebat, ut ad pectoris angustiam accederet trachæ arteriæ compressio ab illo tumore, hinc respirandi summa difficultas.

Ea defuncta cadaver aperiri jussi & Bronchocele dissectari, quæ nihil aliud erat quam ingens glandula albescens, pure undique scatens & imbuta, illi omnino simili quod Pulmonum substantia continebat. *Ex observat. propriis.*

§. 6. Bronchocele, teste *l. Langio Epist. lib. 1. 43. Tumor est pendulus circa guttur, à bocii ventrosi poculi similitudine (bocium appellatum) Inter cutem & asperam arteriam, auctore Celso incrementum accipit, in quo modo caro pituitosa, modo humor aliquis melli, adipi aut pulci similis membranulæ includitur: Pro humoris tum calore tum concretionem, & caloris magnitudine, temporisque spatio aliæ atque aliæ formæ, in aliis & diversis abscessibus fiunt, nempe duræ, molles, liquidæ, rubræ, flavæ, albæ; crassam enim materiam in duritiem temporis processu cogit calor vehemens: quæ si nigra sit carbonis speciem repræsentabit: Mediocrem vero calor mediocrem in pus mutabit, liquidam digeret: Hæc quidem communi omnium sententia Bronchocele est materia, Verum ego quæ compererim in resectis compluribus defunctorum Bronchocelis referam: Anno 1625. *E scella Bronchocele cadaveris,educta struma* libræ unius pondo, quæ sic adstricta gutturis venis, ut mirum quomodo fuerit avulsa, *Tempora huic homini pressa*, atque invicem adducta, sic ut confirmaret aperte iudicium Physiognomorum nostrorum: qui temporum angustiam naturalem strumarum effectricem ponunt. *M. Aur. Severinus lib. de Abscessibus reconditis p. 168.**

## S C H O L I A.

**T**empora huic homini pressa. ] Ad mali productionem confert prava capitis constitutio: Nimirum cum existente magna capitis prominentia postea, deest antica, cum compressis temporum lateribus ac sinapite; quibus nexibus coarctatis, cum non habeat effluxum humor per transitus & emissaria an-

teriora, recurrere cogitur in posteriora, & ad glandulam pituitariam, unde vitium in fauces traducitur denum: Adhæc est debilitas capitis nativæ his præsertim pueris quibus diu manserunt inconsuta futura, & incommillæ commilluræ. *Severinus Tract. de Padanchone. part. 3.*

## O B S E R V A T I O VI.

Strumæ suffocationem afferentes, ad stomachum, pulmones, mesenterium diffusa. 1. 1. Strumarum insignium collum obsidentium anatome. 3. Strumarum pertinacia pendet à seminario subtus delitescente. 4. Magnæ in colli ambitu, sub axilla sinistra, ortæ ab internis Pancreatis &c. 5. Struma ingens sub inferiore maxilla, à Iecore iis infecto pendens. 6. Strumarum Anatome 7. A faucibus ad os usque pubis exporrecta. 8. Strumæ per totum diffusa. 9.

§. 1. Juvenis strumis, quæ gulam asperamque arteriam simul adeo compresserant, ut neque porus vel ipse aer transire posset, intermoritur: Dissecto cadavere, repertæ fuerunt in orificio stomachi, pulmonibus, omento, mesenterio, pancreate, ipsis intestinis & circa vesicæ collum. *Nicolaus Fontanus Respons. & cur. Med. pag. 66.*

§. 2. Juvenis 14. Decembr. 1656. universum collum strumis obsitum habuit Amstelodami, Cujus cadavere aperto mesenterium universum strumis inventum & viscera pectoris repleta. *Henricus Roonhusius Observat. Chir. Belgic. part. 2. p. 167.*

## S C H O L I A.

**I**unguntur nonnunquam in vno corpore diversis in locis scrofulæ, sed non credo dependentiam: Strumosos esse sano mesenterio contra *Riolanum* olim defendi: Ex inventis novis lux non pauca affulget, quam veteres ignorarunt, Lactæ enim thoracicæ in mesenterio exortæ colli venas ingrediuntur: An autem immediate chylum suum glandulis colli

infundant, dubito: Mediate vero id fieri per ceculum non equidem negaverim, sed tum non magis strumæ in collo enatæ a mesenterio dependent, quam in reliquis partibus quæ succo nutriuntur: A jugularibus autem lymphaticis ortum & incrementum scrofularum colli majore specie veri deducit *Doct. Jac. Henr. Paulli Bartholinus.*

§. 3. Testor me in cadaveribus eorum quos strumæ in partibus exterioribus scrodebant, reperisse plurimos tumores strumosos in mesenterio, alios magnitudine nucis juglandis, alios avellanæ, pisi, imo pugni molem æquantem, materia gypseâ vel purulenta repletos. *A. Parvus Operum lib. 7. c. 21.*



§. 3. Nobilis Austriaco adolescenti, aliquandiu in Galliis versanti coeperunt scrofulæ in ambitu colli nasci, nec solum illic, sed & sub axillis glandulæ intumescere atque indurari, uti & exiguae in pectore, dorso sub cute se patefacere, augebanturque illæ in collo in dies, Et licet Medicorum opera uteretur, nullus tamen inde successus sequebatur: Martio mense anni 1670. cum priora parum profecissent, ad fortiora progressi *unguento ex hydrargyro cum iunxerunt*, unde expulsiō frequens & copiosa subsequuta, coeperuntque grandiores scrofulæ nonnihil detumescere, sed mox iterum cessante spuitione augeri: Emplastrum de *Vigo* fuit appositum, additis variis emollientibus: Tandem maioribus & eminentioribus strumis, cataplasmata, ut si fieri posset suppurarentur, imposita fuerunt: diu hæc sed sine fructu usurpata: bona interea victus ratione usus, atque Dieta, ut vocant, cum usu decocti Guajaci ad sudores movendos ad multos dies: Cauterium in utroque brachio inustum, assumptis iridem quæ defluxiones caverent cerebrum siccando: Cum nulla spes, cum ad thermas sulphureas ablegarunt. Verum huc Basileam veniens mense Iulio, meum quoque consilium audire voluit: Cum itaque horrendum illum affectum inspicerem, multasque glandulas durissimas, ab utraque aure ad thoracem usque universum collum occupasse, adeoque implevisse, ut caput voluti collo duplo ampliori insertum appareret, præter alias glandulas sub axillis satis magnas, atque parvas quasdam sub cute in thorace hinc inde prominentes, exiguam aut nullam curationis spem conspiciens, suasi ut in patriam thermarum illarum sulfurearum, quas Medici Lugdunenses suaserant, utendarum causa proficisceretur: Verum cum & apud nos in Helvetia vicinæ tales haberentur thermæ, maluit illis eo loco uti: quare eo profectus, & septem septimanarum spatio eas bibisset, denuo huc rediit nihilomelius se habens, nisi quod iuxta dextram aurem tuberculum lividum supra tumorem eruperat, & iuxta sinistram protuberantia magna, tumorque durissimus colli anteriora premens deglutitioni & respirationi impedimentum magnum afferebat: Misericordia motus, volui adhuc quædam experiri ex efficacioribus, nam sectionem aut ustionem in tam magna mole, locoque nobiliore, ob colli venas majores suadere neutiquā potui: Adhibui itaq; emplastra ex cranio usto, luto fornacum usto, ebore fossili, additis gummatibus multis & melle scyllitico, sulfure trito aliisque efficacioribus, unde videbatur tumor aliquo in loco leviter minui, sed mox iterum increescere: Tuberculum quoque illud prope aurem dextram, nucis instar adauctum, tandem cuticula abrasa sanguinem emittebat, & medullosa materia ex eo prodibat unde tamen non subsidebat: dein etiam in medio tumoris enascebarur oblonga caro dura extuberans, qualis in cancro prodire solet, adeo ut *Scrofulas aliquas in Cancrum degenerasse crediderim*. Hisce peractis, coeperunt pedes admodum tumere, atque difficultate spirandi & deglutendi maxime angī, donec 20. Octobris subito, accedente quadam defluxione, suffocatus sicque extinctus fuerit.

Sectione facta per longitudinem colli, tribus in locis trium digitorum profunditate, antequam muscoli conspicerentur, latera vulnerum, sicuti porcis in dorso apertis lardum spissum, album, sic & hic alba spissa, crassa apparuerunt: in quibus undique toto ductu glandulæ nunc parvæ, pisi, nunc majores fabæ instar, sed mutuo sibi cohærentes, & totam illam albam, mucosam sedem, undique opplentes, deprehensæ fuerunt, quas sane remediis absolvere uti fuisset impossibile, ita sectione eas eximere, ob mortis periculum, inconsultum. *F. Platerus. Observat. lib. iij. pag. 693.*

## S C H O L I A.

**O** Riuntur Strumæ ex humore crasso & lento, quem vulgo pituitosum esse statuunt cui interdum etiam melancholicus admiscetur: *Platerus* tamen non sine causa hic monet non satis rectè vulgo statui ex sola pituita aut melancholia hos glandularum tumores deduci: Et his enim si strumæ, & eiusmodi tumores alii ortum haberent, non tam diuturni essent, sed putredini & corruptioni obnoxii, & in pus mutarentur, ut alii ex humoribus simpliciter excrementitiis orti tumores, ipse vero è succo nutriente hos tumores oriri statuit: cum enim Glandulæ quum aliæ carnes crassiore succo nutrantur, si is quantitate & qualitate moderatus sit, eas in suo naturali statu conservat: Si vero qualitate, & imprimis quantitate excedat, tumores varii excitantur: Etenim si aliquid humorum plane excrementitiorum admisceatur, tumores ejusmodi citius in abscessum abeunt: Si vero succus ille nutrens solus sit, sed copiosior quam ut parti omnis apponi possit, in ejusmodi tumores degenerat:

naturaliter enim talis humoris non plus in corpore generari debet quam ut partibus illis nutriendis sufficiat: Si vero plus eius generetur, talium tumorum causa est: natura enim ut vitiosos humores alios ad alias partes protrudit, ut in scabie, erysipelate, bubonibus, &c. videre est, ita etiam quod in alimento est ignobilius non partibus nobilibus apponit, sed glandibus, unguibus, capillis, quapropter, etiam si talis ignobilis, fæculenti & crassi alimenti plus generetur, natura rectè agens ad illas partes cum quibus habet convenientiam, glandulas scilicet protrudit, ex quo proinde etiam carnem, aut carni quid simile generare tentat: unde etiam author *Defin. medic.* Strumas dicit carnem siccam: & *Aëriū ex Leonida*, carnem subalbescentē facile augeicentem: Et quidem peculiarī membrana Strumæ includuntur, quæ & ipsa à facultate formatrice, quæ omnibus partibus viventibus insita & nunquam otiosa est, producitur: Dum enim ab humore affluente superfluo membrana distendi-

tur, & forsan etiam rumpitur natura novæ quali membranæ texturam aggredditur *Sennertus Pract. lib. 2. part. 1. cap. 25.*

*Unguentum ex hydrargyro cum inunxerunt*) Strumas unus alexicacos Hercules vincit & opprimit: sanat autem profusa per os maligna pituita quæ in capite redundabat, illincque in subjectas partes dilabens illarum causa fuerat: *Ballonius conf. 34. lib. 3. De Salivatione artificiali vide Rolsinccium meth. spec. p. 589.*

*Scrofulas aliquas in cancerum degenerasse*] Quidam artis periti in Chæradum cognitione & curatione

§. 4. Variæ sunt Strumarum species sive à loco sive à materia: Externæ diu sunt innoxia, sed internæ brevi periculosa: sunt autem vel expituita sola, vel permixta cum sanguine aut atra bile: quorum humorum concursus, si quidem exsicceetur à præstante æstu, producit nonnunquam in strumis vel gypsum vel verus calculus: Struma à sanguine ac pituita, vertitur facile in pus: sed eo quæ non tendit, elice illam cum involucro cui includitur, sed potius conjunctim quam segregatim: Cavendum enixe ne quæ remaneant reliquæ, quas tamen tolles deinceps pulvere mercurii præcipitari, caute illis insperso: Sed maxima molestia erit à seminibus sub qualibet struma clanculum delitescentibus, quæ licet mole sint exilia, neque multum discrepantia à forma seminum lupinorum, producant tamen perniciosissimam inexpugnabilem strumarum segetem: *Semina autem hæc obtulit nobis aliquando orphanotrophium publicum, in collo puellæ ab hoc morbo suffocata: Erant vero hæc adeo frequentia, ut non quina aut sena, sed interdum dena vel vicena occurrerent in eodem loco: sed eo semper ordine ut majora incumberent minoribus, declinante sensim usque eo ipsorum magnitudine, ut tandem vix æquarent semen sesaminum, inclusa nihilominus qualibet sua tunica & apta producere majorem strumam: Manentibus itaque his seminibus, repellunt continenter eadem strumarum germina. N. Tulpius observat. lib. 1. cap. 46.*

#### SCHOLIA.

*Semina autem hæc*) *Riolanus* Encheir. Anat. 2. 18. In mesenterii glandulis sedem & radicem ponit omnium strumarum in corpore, easque nunquam foras erumpere ait nisi Mesenterium fuerit strumofum: quod verosimile non videtur *Excell. Th. Bartholino Anat. Reform. lib. 1. cap. 20.* quia 1. ut remotæ causæ esse possint & per accidens. 2. inter strumas capitis & mesenterii glandularum nulla communio. 3. plures sunt strumosi qui sanas habent glandulas. 4. Omnes forent strumosi, quia in omnibus hæc glandulæ. 5. Sub-Alpini strumosi aliam mesenterii con-

formationem haberent. 6. *Struma* à quovis humore cujuscunque regionis impletur: Nota vero *Riolanus* non absolute dicere, Strumas in collo emergere nisi affectum sit mesenterium, sed cum adjectione Magno numero: *Excell. Bartholinus* tamen de tectis lacteis Thoracis, cap. 3. in Dubiis, Mesenterii sympathiam cum collo agnoscit & axillis per tubulos lacteos, ob quam præcitem circa jugularem externam emergant ejusmodi tumores, quia proximior est intectioni lacteorum ramorum.

§. 5. Puella Leodiensis ann. 14. cum diu Strumis multis, magnis & hinc inde suppuratis atque exulceratis in colli ambitu, & sub axilla sinistra laborasset, tandem 28. Octobris 1638. extrema macie consumpta obiit.

Aperto cadavere plurima notatu digna in abdomine, thorace capiteque deprehendimus: Etenim, præterquam quod abdomen & thoracis pars dextra citrini coloris aqua repleta essent, ipsum quoque pericardium tanta ejusdem aquæ, sed paulo candidioris copia turgebat, ut ad scalpelli ictum cum impetu prosiliret: Sinistra autem thoracis pars aquæ experts omnino erat: Auricula cordis dextra tumida in suo sinu humorem continebat viscidum flavescens: Cordis vero viscus lividum, duriusculum exsuccum ac exhaustum erat: Iecur passim fibrillis membranis diaphragmati, peritonæo, ventriculo, & immediate suo parenchymate, cartilagini ensiformi annectebatur, & in sinistrum usque hypochondrium se supra ventriculum extendens arctissime Lieni adnatum erat: Lien solito major longiorque ad renem sinistrum usque se demittebat, & cum ejus membrana adiposa firmiter coaluerat: Mesenterium, Omentum, Pancreas, innumeris magnitudinis notabilis Strumis scatebant: Imo ipsi peritonæo, diaphragmati, mediantino, vterique ligamenti plures infederant, alix quidem castaneæ, alix nucis avellanæ, aliæ cicercis magnitudine: Ad orificium ventriculi superius duas notavimus, glandis quercinæ magnitudine & effigie, Trunco venæ Portæ una magna admodum incumbens: Iecur, Lien Pulmo, præter Strumas majusculas quas hinc inde obtrinebant, tota interius exteriusque quasi grandine conspersa erant, multæ etiam, militi coriandrique grana vix superantes, in intestinorum tunicis conspici poterant, ut & in singulis renibus hujusmodi minuta unita: In duræ meningis parte dextra unam quoque ipsi

pisi magnitudine reperimus, quæ cranii interiori tabulæ adhæserat, & in ea cariei rudimenta excitarat: In cerebri ventriculis & basi aqua copiosa erat, ipsa substantia alias satis firma: Quasunque autem alibi Strumas disseccaremus, ex eandem prorsus materiam cum illis continebant quæ in collo & sub axilla jam suppurari & exulcerari cœperant: Erat autem illa serosa & uberi vacino ovillove non absimilis, in una quidem magis alba, in alia flavescens magis. *O. Hewnins observ. x.*

§. 6. Retulit mihi *D. Regemorterus*, se in aperto cadavere viri cujusdam (qui per aliquot annos ingenti Struma, iuxta imam inferioris maxillæ regionem laboraverat) reperisse Hepar intus forisque innumeris glandulis, pisi fabæq; magnitudine, refertissimum: Eadem transversim sectæ, nihil prorsus humoris effundebant, verum ex gypsea quadam pituita compositæ in figuram substantiamque adenibus persimilem condensabantur: Indeque Hepar in ingentem molem, atque immane pondus excrevit, adeo ut duplo majus, triploque gravius solito conspiceretur. *Franc. Glisson Anatom. Hepatis cap. viij.*

§. 7. Anno 1663. die 22. Junii *Cl. Sylvius* in Nosocomio Leydensi secuit Saram Iansen, 20. circiter annorum, Virginem, in cujus cadavere occurrebant, (*Vide lib. 2. Tit. de Respiratione laesa*) Glandulæ plures notabiles in Mesenterio: Ex Glandulis colli Conglobatis dissectis & pressis albicans quædam materia pultacea & veluti gypsea erumpebat: Conglomeratæ vero vicinæ nihil mali erant passæ, Ex glandulis mesenterii dissectis plane similis materia exprimebatur.

## S C H O L I A.

**N**onnisi emollientibus singularibus gypseam illam glandularum materiam emolliiri posse aiebat: Quærenda putabat ejusmodi remedia quæ non tantum emolliant sed materiam magis fluxilem reddant, scrofulariam, squillam & ex ea parata medi-

camenta, ut & gummata, galbanum, sagapenum, ammoniacum, &c. commendabat. *Ex Observationibus D. Joh. Henrici Brechfeld Medici Dani. In Actis medicis Th. Bartholini anni 1673. Observat. xvij.*

§. 8. Scrofulæ sunt Tumores p. n. glandularum colli, propria tunica contenti: *Partes affecta sunt Glandula conglomerata colli, Salivales* hodie dictæ: Causa, Glandularum totius corporis munus (quod certissimum esse puto) est Lympham transcolare: Necessè est ergo Lympham crassiorem hujus affectus esse causam, unde illarum primo durities, postea sensim accrescens, pertinaxque tumor: Interdum mobiles sunt, interdum ossibus adhærent: Interdum Glandula salivaris inferior, interdum & superior afficitur: Interdum hæreditariæ sunt, interdum epidemicæ: Ossibus adhærentes fere incurabiles: In hisce non utor nisi cura palliativa, ut & in illis quæ in cancerum vergunt atque dolent: Indicationes curativæ, Lympha crassa incidenda, temperanda, vacuanda: Glandulæ emolliendæ, humor, si præest, discutendus vel maturandus, & tandem escharoticis, ubi aliter fieri nequit, absumendus: Virgo biliosa, macra, scrofulis multiplicibus vexata, fatis cessit, febre continua illam emaciante, h. e. hectica.

Aperto cadavere reperimus mille ultra glandulas, majores, minores, à faucibus ad os pubis usque: Ejusdem erant coloris, flavi scil. quem aperta cute oculis nostris obiiciebant Scrofulæ in collo. *Barbette prax. l. 2. c. 2.*

## S C H O L I A.

**S**crofula sunt Tumores p. n. &c.] Glandulæ dividuntur in sanas & Morboas: Morboas in *Pensiles*, *Concatenatas* & *Late Connexas* *Pensiles* sunt Polypus, Glandulæ in inguine, Bronchocele, Sarcocèle. *Concatenata*, quasi catena globulorum, ab auriculis per colli longitudinem ad claviculas descendunt, & majores cernuntur in pueris rachitide laborantibus, in strumosis, & in corporibus obstructis & cachecticis: *Late Connexas* generali nomine. *Scrofularum* veniunt, ac in duo genera dividi posse videntur, Earum enim alix perpetuo augentur, alix modo minuuntur, modo stabiles permanent, modo de loco in locum transferuntur: Illæ generali nomine Scrofularum apud authores veniunt: Hæ appellantur ut plurimum generali nomine *Strumatum*, quas Reges Angliæ atque Galliæ solo tactu mederi vulgo creditum est: Ut vero lucidius hæc species ab invicem discernantur, hic signa nonnulla distinctiva afferam. 1. Scrofula mollior est, Struma durior: Illa pallidior, & frequenter ejusdem coloris cum cute, hæc è rubro livescit: Si

vero aliquando contingat Scrofulas rubescere, color floridior est minutque lividus: Porro scrofula mollior est, & ut plurimum minus profunda: Struma immobilior profundiorque, Item altius in tumorem attollitur Scrofula, Struma magis compressa jacet: Acutius quoque hæc sentit & dolet, Scrophula est stupidior: Ad hæc racematum frequentius crescit, rarius Struma.

*Tumores p. n. glandularum colli propria tunica contenti*] *Waribon Adenogr. cap. 40. Scrofularum à Strumæ distinctione facta, utrarumque generationem tradit, Scrofulæ, inquit, perpetuo augentur, & ad ingentem magnitudinem excresecunt, nempe ad xxx. librarum pondo & amplius: Verum præter glandulosas carnes, habent quasi in cystulis varii generis succos congestos, qui earum molem plurimum adaugent: credibile est hosce succos concretos excrementa quædam esse rejecta à carne glandulosa in ejus nutritione: carent enim hæc glandulæ vasis cujuscunque generis excretorii, & propterea necesse habent ex-*



crementa sua in cystas, in substantia earum efformar-  
ras, congerere. Quæ una ratio est cur in tantum mo-  
lem excrescant: Altera esse potest, quod earum venæ  
improportionatæ videantur earundem arteriis: hinc  
enim sanguis per arterias effusus copiosior est quam  
is qui per venas reducitur, unde necessario fit ut ex-  
dem in dies augeantur, Accedit quod nervus earum  
glandularum perquam exiguus est, uti ex sensu earum  
obtusio videre est: Si enim illas (cutaneis partibus  
prius dissectis) aculeis pungas, dolorem vix perci-  
piunt, Cum ergo exiles adeo nervos habeant, certum  
est incrementum ab arteriis potissimum accedere,  
nervosque superflua materię vel auferendæ, vel in  
alias sedes transferendæ impares esse.

Posterioris generis tumores, qui à nobis specialiter  
*Strumæ* dicuntur, non perpetuo augentur, sed  
modo crescunt modo minuuntur, tandemque eva-  
nescunt, modo stabiles permanent, modo à parte ad  
partem transferuntur: Hæ *Strumæ vase Reductorio*  
magis proportionato gaudent, eoque potissimum no-  
mine à priore genere discriminantur: Cujusnam au-  
tem generis vase id fieri putandum est? Profecto  
præter arterias, venas & nervos nullum illic aliud ad-  
huc est repertum: Videntur utcumque venas obtine-  
re suis arteriis proportionatas magis quam in Scro-  
phulis fieri diximus, quæ causa est cur non perpetuo  
augeantur, Venæ enim tantundem reportare possunt  
quantum arteriæ affundere, nisi forte contingat San-  
guinem per strumæ substantiam transcursum impe-  
diri, quo casu Strumæ quoque continuo augentur, ni-  
mirum donec vel indurentur in scirrhum, vel liber  
sanguini transitus per earum substantiam iterum con-  
cedatur, postquam enim indurata fuerint, nequeunt  
amplius sanguinem ab arteriis recipere, nec se ulte-  
rius distendi patiuntur: concessio autem sanguini li-  
bero transitu, quantum illius ab arteriis allatum est,  
tantundem pariter à venis regetur, adeoque aug-  
mentum cessat: Quomodo autem hi Tumores de  
loco in locum transferuntur? Nervorum certe ope-  
ra potissimum id fieri credibile est, Scruimus enim  
nervos posse aliquid vel afferre ad partes, vel ab illi-  
dem auferre: Ulterius statuendum est, ubi nervus ali-  
quis turgidulus redditur, facile cum eructate portio-  
ne humoris, quo turget, in partium interstitia, in que  
terminatur: Si vero aliunde contingat ut idem ner-  
vus depleatur, fieri potest ut iterum attrahat mate-  
riam prius effusam, eamque sic in se attractam, vel ad  
glandulas suas emunctorias, vel ad alias corporis  
partes derivet: Si eandem ad glandulas emunctorias  
deferat, materia excernitur, Struma minuitur & non-  
nunquam evanescit, nulla nova in ejus locum suc-  
crescente, quemadmodum frequenter accidit in  
Strumosis iis qui unguentis ad Salivationem moven-  
dam illinuntur, Si quidem in illis, nervi humiditates  
suas in glandulas emunctorias, nempe maxillares &  
tonsillas copiose exspuunt: unde iidem nervi depleti  
humorem denuo ad se rapiunt, nimirum eundem  
quem prius eructaverant, & ad dictas glandulas  
emunctorias deferunt, è quibus per salivam excer-  
nitur, Strumæque absumuntur: Sin vero nervus se in  
alia carniū interstitia exoneraverit, exsurgit statim  
novum Strumæ rudimentum, in quod materia Stru-  
mæ prius genitæ sensum derivetur, adeoque Struma à  
parte in partem defertur: Verum præter genus ner-  
vosum, ipsum venosum quoque translationi huic non  
parum auxiliatur: postquam enim nervus in hunc  
modum coeperit deplete humorem in Strumæ cysti  
congestum, partes circumjacentes protinus flaccel-

cunt, arteriæ minus protendantur languidiūque san-  
guinem effundunt, inflammatio omnis, si quæ prius  
aderat, cessat, parsque affecta temperatior redditur,  
transitus interim sanguinis per eandem liberior mul-  
toque expeditior fit, & in venas haud difficulter af-  
fugitur: nec tantum sanguis de novo affluens, sed &  
ille grumulosus, qui ab arteria prius in partem effusus  
hærebat, nunc mobilis evadit, unaque resumitur &  
circuitu solenni circumducitur, scilicet tota illa portio  
ejus, quæ laxata jam partis perspiratione, non prius in  
auras avolaverit: Tres itaque exterminandi Strumæ  
modi enumerari possunt, nimirum cum vel radicalis  
earum materia in cysti congesta, à nervo resorbetur  
vel sanguis affluxus facile a venis reducitur, vel trans-  
piratio libera parti conceditur: Translationis vero,  
causa prima & præcipua est nervus, qui primum ru-  
dimentum novæ strumæ ex materia à parte detracta  
cengerit, verum ad hujus rudimenti complementum  
arteriæ & venæ quoque nonnihil contribunt: Stru-  
mæ varic à partibus ad partes transferuntur, modo à  
latere ad latus, modo à superioribus corporis parti-  
bus ad partes transferuntur, modo à latere ad latus  
modo à superioribus corporis partibus ad inferiores,  
aut contra: modo ab exterioribus ad interiores, vel  
vice versa, modo ab articulo ad articulum, vel modo  
aliquo ab his mixto.

*Lympham crassiorem*) Aliquid austeri simul pec-  
care statuit *Deckers* notis in cap. cir. eo quod in  
cancerum aliquando vergant: cancerum autem ex aci-  
do austero produci probat ex doloribus lancinanti-  
bus, pungentibus, quodque semper propemodum  
cancro laborantes sint melancholici.

*Vnde illarum prima durities*) Glandulæ morbo-  
sæ aliz molles sunt, aliz duræ: molliores facilius sunt  
curationis, siue enim discutere velis, siue suppurare,  
facilius cedunt, duræ difficilior.

*Interdum mobiles sunt*) Mobiles sunt omnes quæ  
inter partes cutaneas generantur, ubique fixæ sunt:  
quæ vero in musculorum interstitiis fiunt, eorumque  
fibris adnascuntur, non libere moventur, sed ad mo-  
tum musculi: Illæ vero quæ periostio, aut ligamentis  
articularum adnascuntur, immobiles planæ sunt. De  
Struma costis adherente, vide historiam ex Pana-  
rolo.

*Interdum hereditaria, &c.*) *Platerus*, qui causam  
in semine & facultate formatrice in utero quærit  
Scrophulas, ubi sunt alicui loco familiares à pa-  
rentibus in liberos propagari statuit.

*Atque dolens*) Ut quæ inflammatae sunt, sua enim  
sponte dolent: quæ ea carent, nisi vis aliqua infera-  
tur, indolentes sunt: Inflammatae porro differunt in-  
ter se, quod aliz ad suppurationem tendant, aliz ad  
indurationem, scirrhum & dispositionem cancerosam,  
aliz ad ulcerationem, eamque vel simplicem vel si-  
nuosam, vel cavernosam, vel etiam ulcus cum carie  
ossium.

*Indicationes curativa, &c.*) Vide Scholia prima  
sub finem.

*A faucibus ad os pubis*) Glandulas concatenatas  
vocat *Warthon*, cum quasi catena globulorum ab au-  
riculis per colli longitudinem, ad claviculas descen-  
dunt, & majores cernuntur in pueris rachitide labo-  
rantibus, strumosis, in strumosis, & in corporibus ob-  
structis & cachecticis.

*Ejusdem coloris*) Quædam cuti concolores sunt,  
aliz discolors: priores perpetuo benigniores: po-  
steriores, nimirum è rubro livescetes, maligniores  
habentur. *Idem*

*Salvator*

*Salvales hodie dicte*) Inter vasa Lymphatica superiora unguis sunt ductus Salivales dicti, tam superiores quam inferiores intra oris cavitatem internam conspicui, qui magnam Salivæ copiam continuo in os vel ventriculum deponunt: horum ductum superiorum inventor primus est Clar. Anatomicus *Nicolaus Steno*: Inferiorum Excell. *Warthon*, qui de eorum usu cap. 21. Adenogr. sic disserit: Vtus harum glandularum Scriptores hæcenus latuit, ut & ipsæ Glandulæ: utcunque certum videtur esse partes excretorias, munereque publico fungi: ubicunque enim vas Excretorium peculiare reperitur, non putandum est frustra conditum fuisse, sed speciali cuidam excretioni destinari: Cumque excretio quælibet determinati excrementi, humorum residuorum depurationi interviat, quod in emolumentum totius cedit, sequitur hoc ipsum esse officii publici: Restat adhuc inquiramus quem peculiarem humorem hæc glandula tecternat, unde eundem excipiat & quis sit ejusdem post excretionem usus: certissimum est humorem hunc salivam esse: at per Salivam non intelligo crassum illum viscidumque humorem, qui è tonsillis scretu aut tussi (sputum dicimus) exprimitur, sed illum tenuem & aquosum quem Græci *σαλiva* vocant: hujusmodi vero humorem ex hac glandula, per suum vas in os expui oculavi experientia testari possumus: enim vero in partis hujus canali, tam in homine quam in bove, humorem salivalem manifeste deprehendimus, neque quicquam præterea inerat: quare cum vas hoc adhuc nomine careat, licebit appellare Canalem Sive Ductum Salivalem, si quidem tenuem illum humorem, quem proprie Salivam dicimus, quique ad masticationem necessarius est, sub anteriore inferioreque in lin-

guæ parte in os effundit: Iam inquirendum è quibusnam partibus, & per quas vias hic humor in glandulas salivales derivetur? Credibile est è Nervo genere profundi, siquidem corpora tum humidiora, tum sicciora (modo hypochondriaca) salivam copiosius expuunt: illa, quod eorum nervi quoque superflua humiditate madescant, hæc per consensum nauseantis ventriculi: Etenim nervus sexti paris, cujus magna pars in ventriculum disseminatur, origine haud longe distat à nervis ad has glandulas delatis: Unde nervi maxillares facile per consensum cum inordinato motu ejusdem sexti paris, excitantur ad consimilem motum moliendū, & copiosas humiditates in maxillares glandulas exprimunt, &c. cujus rei testimonium ulterius exhibent masticatoria omnia medicamenta, item acia quævis & pungentia in ore retenta, salivam quippe copiose proliciunt: Porro in magnis salivationibus, quales Mercurii opera ciuntur, nervi multum exsiccantur & à superflua humiditate liberantur: quod vix contingeret si nervi ad sialismum nihil plane conferrent: Præterea haud facile dictu est, in quem alium usum tanta nervorum copia in has glandulas deferatur? certe plane motui nihil conducunt, nec multū sensui, quoniam ab objectis sensibilibus longius absunt: quare aliquid vel apportant vel auferunt: afferre autem, non auferre aliquid, ex eo constat quod ea glandulæ sint excretoriæ: Deniq; major est quantitas materiæ salivæ per has glandulas excretæ, quam facile credas ab exiguis illis arteriis & venis quæ ad partes has deferuntur adferri posse: Non negamus tamen quin forte arteriæ quoque aliquid ad hanc humoris illius accumulationem conferant.

§. 9. *Riolanus* lib. 2. Anthropogr. cap. 5. de mesenterio, scribit Scrofulas in corpore nunquam erumpere nisi mesenterium strumofum fuerit, Quod etiam testantur *Guido & Ingrassias*: Eiusmodi mesenterium fere innumerabilibus glandulis repletum reperi in Nob. Dominæ cadavere, quod quoniam totus corporis habitus scrofulis quasi refertus erat aperui, & in *hydropis*, qua obiit, causam inquisivi *Ioh. Scultetus Armament. Chirurgii observat.* 39.

## OBSERVATIO VII.

*Mamillæ Sinistræ Tumor, in ulcera desinens, lethalis ob insignem interiorum viscerum lationem. 1. Mamma Tumor scirrhusus, radicem habens scirrhusam, in costis venam nigricantem. 2. Mamma Tumor cum exulceratione, cujus Glandula exulcerata, putrescentes, cum vitio Vteri. 3. Mamma Apostema ex lacte coagulato, congestum habens pus inter glandulas & muscolum pectoralem. 4. Mamma Strumosa ob strumas in Pancreate, Mesenterio, Iecore & Testibus. 5. Mamma Tumor, pro cancro habitus, substantiam habens durissimam conclusam. 6. Mamma cancer excitatus à vitio viscerum tuberculis obsistorum. 7.*

§. 1. **N**obilis Matrona cum forte sordes abluendi ergo balneum esset ingressa, nescio quid in cupa apprehendere annitens, sinistra mammilla læsa est, verum quia parum aut nihil inde doloris sensit, tanquam levius vulnus contempsit & neglexit, Subsequentibus inde diebus loco affecto Tumor quidam, interdum indolens fere, succernvit, qui tamen citra negotium industria Chirurgi sublatus est: Enatæ successu temporis plures pustulæ sunt, quæ in ulcera tandem terminarunt; Sollicita interim Nobilis Matrona de Cancris successionem, Medicorum consilia adiit, verum nescio quo fato se Paracelsico concredidit, qui indubie deleteriis pharmacis porionatam necavit.

Vocatus ad condituram & sectionem defunctæ, sectionem ab ensiformi cartilagine ad os usq; pubis molitus sum: hic sese primū aqua intra peritoneum copiose collecta obtulit, cujus flavescentis Chirurgi assistentis pelvim bis complere licuisset: Stomachus & intestina portentose inflata & aqua turgida erant, Hecur durum, lapideum, & integre labefactatum: Lienis vestigia nulla, præterquam putrida & foetentia: Pulmones, dextri præsertim lateris, putridi ac nigricantes: Cor exiguum admodum, in se contractum & corrugatum, huic pericardium ita adnatum videbatur ut unguibus avellere opus habuerim: In dissecto utero



materiam albam, lapidefactam atque durissimam, ut vix cultro discindere licuerit, invenimus: Mammæ crucis in modum divisi, quarum caro dura admodum, nigrescens, sed non omnis putrida conspiciebatur. *Ex observationibus Georgii Garneri, Medici Austriaci.*

§. 2. Mulieri viduæ in mamilla sinistra Tumor sensim excrefcens prodit durus, quem alii scirrhum, alii cancerum esse indicabant, qui cum diu durasset, tandem in abscessum conversus & suppuratus, in ulcus abiens sanatus est, relicta cicatrice admodum inæquali, labiisque duris, &c.

Hæc tandem plurimis morbis labefactata, è vivis excessit, &c. mamma sinistra quæ scirrhum laborarat, circa radicem scirrhosa, ut & circa papillæ radicem scirrhus erat candidus, glandulam representans: In costis, vena lata nigricans latebat. *Platerus obs. l. 2. p. 503. Videtis. de Febris.*

§. 3. Nob. Matrona sinistra mamilla læsa est, verum quia parum, aut nihil inde doloris sensit, tanquam levius vulnus neglexit, Subsequentibus inde diebus loco affecto tumor quidam, indolens fere succrevit, qui tamen citra negotium Chirurgi industria sublatus est, Enata successu temporis complures Pustulæ sunt, quæ in ulcera tandem terminantur: Sollicita matrona de canceri successione Medico, sed Paracelsico se concredidit, qui deleteriis pharmacis potionatam necavit. Mammæ mortuæ crucis in modum divisi, quarum caro dura admodum, nigrescens, sed non omnis putrida conspiciebatur. In utero dissecto materiam albam, lapidefactam, adeoque durissimam, ut vix cultro discindere licuerit, invenimus. *Ex Clar. D. D. Georgii Garneri observationibus.*

§. 4. Infanticida fœmina sexta a partu septimana capite patratum scelus expiat: Sinistram mammam ex lacte concolato Apostema occupavit, quod ipsa natura exiguo facto foramine cepit expurgare: Glandulis ad pectoralem musculum usque remotis, inter has; & musculum dictum magna puris copia sinum efformavit, illæso musculo. *Th. Bartholinus cent. 1. histor. 92.*

#### SCHOLIA.

**E**X lacte concolato apostema occupavit] Notat *Domin. de Marchettis* Anatom. cap. 10. Quod quando mulieres lactant, tunc canceri in mammis generari non possunt, licet multi tumores, ut ait, ipsis

innascantur, qui quidem facile curantur: Temperamento lactis impediende ne Cancer generetur, quia sua temperie retundit acrimoniam sanguinis adusti.

§. 5. In ea muliere quæ strumofam habebat mammam dextram, utrumque Testem strumofum deprehendi, utero æqualem, lecur vero multis glandulis albis & latis, foris & intus conspersum erat: Totum denique mesenterium & Pancreas strumofum. *Riolanus Anthropogr. lib. 5. cap. 1. & Schola Anat. cap. 3.*

#### SCHOLIA.

**T**umorum & ulcerum Glandulosi partibus innascentium, causam non à sanguine, sed à Liquore Nerveo vitiatò deducit Ingeniosissimus *Willisius* Tract. de Anim. Brutor. part. 2. cap. xij. Observare est ait, stigmata corrosiva haud potissimum in sanguine producta partibus affigi, sed multo frequentius in liquore nerveo procreata, cum latice ejus in partibus nervosis, aut earum emunctoriis deposita, Apostemata, ac ulcera phagedenica, septica aut alias cacoethica producere: Hæc enim sæpiissime in Glandulis, vel juxta tendines aut membranas excitantur: Cumque humor ab iis decidens primo tenuis & aquosus est, postea attritus, valde fœtidus, & corrosivus evadit, indicio sane ipsum Liquorem nerveum in ejusmodi putrilaginem abire: Horum ratio si inquiratur, facile occurrit laticem cerebri & appendicis nervosi irriguū, una cum spiritu subtili salis volatilis copiam ingentem in se continere: Si quando igitur adeo depravetur iste, ut spiritu depresso particula salinæ in fluorem degeneres sibi met corpuscula sulphurea asciscant, plane corrosivus & stygius evadit. Quapropter Tumores ac ulcera maligni moris in partibus Ner-

veis, earumque emunctoriis præcipue contingunt, ac ibidem à levi occasione excitantur (uti cum Mammæ muliebri læsioni parvæ cancer succedit) quia si quidem humor nerveus in transitu suo impeditus alicubi stagnat, statim spiritu depresso, aut avolante, particula salinæ, à volatilitate in acorem degeneres, consortia aliena mox ineunt, atque corpuscula aut testria, aut sulphurea, aut alia alius generis sibi met arripientes, in Tumores aut Scirrhosios aut Strumofos, aut Cancerofos congelari incipiunt: Cumque hoc ritu à liquore Nerveo stagnante, & concretionem heterogeneam moliente, Tumoris velut minera in quapiam parte conflat, ejusdem liquoris jugiter affluentis supplementa in partem vitiositatis indolem pervertuntur, quibus etiam accedunt impuritates atrabiliaræ à Sanguine aliisque humoribus suffusæ, quæ iunctis viribus (velut cum diversi sales ac sulphura coniunctim destillantur) efferationem augent atque in parte affecta materiam septicam, ac instar aquæ stygiæ eicharoticam constituunt. Iuxta hanc aitiologiam Tumorum ejusmodi anormalorum, uti & affectus Strumosi phænomena aptissime explicantur.

§. 6. Ego aliquando ad nobilissimæ mulieris disseccandum cadaver vocatus, reperi in altera ejus mamma corpus, quod crassitie gallinacæ ovum æquaret, durum & compactum, asperiusculi calculi adinstar, pro Cancro & Medicis & Chirurgis, dum ipsa viveret, habebatur, quod illi hæc durities, dum vel leviter comprimeretur, esset valde dolorifica. Sed & paucis ab hinc annis vocatus ad curam mulieris quæ pari modo laborabat, Medicis Chirurgisque Cancrum subesse affirmantibus, fortiter obstiti, non enim profundius defixus hærebat tumor, non erat partis habitus à nativo calore mutatus, non venæ in ambitu tumentes non ulla, aderant alia

Canceri



Canceri syllogistica singa : nam & illi mulieri stata & sua periodo fluebant menses facie totoque corpore bene habita & colorata viscebatur, ab omni dolore immunis, nisi cum pars affecta comprimeretur : Sed nec ex eo tempore vel tantillum accrevit Tumor, nullum aliud malignum accidens supervenit, imo etiam nunc alacris vivit, corpore & mente bene composita. *A. Pareus Operum lib. 6. cap. 18.*

## S C H O L I A.

**P**ro Cancro habebatur.] Chirurghi vulgares multos alios perversos tumores & pustulas, sicuti & furunculum, & carbunculum, cancos quoque nominant, Uti & tumorem sub oculo in illius orbita natum : polypum in naribus, gangrænam gingivarum, ulcera preputii Cancros vocant: Aquibus tamen verus Cancer longe differt, Carcinus dictus. Hic extrinsecus in omnibus fere corporis locis nasci potest, nec semper uno modo prodit, sed forma nonnihil variat, aliquando cum tumore alio compositus : Tuberculo exiguo vix dum conspicuo, ab initio emergit, mox ad pili, inde avellanæ, postea nuucis, tandem ad pomi minoris majorisque magnitudinem sensim excrevit, Cancrum verum dictum, unde nomen obtinuit, apposite sua circumscriptioe & forma referens, non altacum, quem Cancrum nostri quoque vocant, & venas in eo cancro pedibus illius assimilantes, inde Cancrum appellari falso putant sed verum cancerum, eumque potissimum marinum, cum uti ille, sic & hic tumor, rotundus sit, inæqualis, tuberculis quibusdam exuberans, & venis in ambitu turgidus, colore lividus & obscurus, durus insuper, duraque veluti crusta, uti cancer obductus, firmiterque parti subjecti hærens: unde quoque quod quicquid apprehenderit, pertinaciter retineat, cum cancerum appellatum Archigenes putavit : Dolorem alioquin cancer ab initio fere nullum, aut contemnendum saltem affert, unde & tunc nihil quasi æstimatur, negligiturque, punctioibus tantum quibusdam cutis, ac si acu fierent, se patefaciens, quæ tandem una cum tumore augentur atque incrementum : Tandem vero tumor hic cute aperta retractaque denudatur, tuncque Carcinoma dicitur seu Cancer exulceratus : Equo sensum sanies putris, putridas, subtrava vel subviridis, innox nigricans continuo emanat, caroque inæqualis & corrupta nonnihil apparet, & strias vel styrias procul exertas & prominentes profert : quam labia tumescencia, dura atque invertia ambiunt, quæ interdum adeo augentur, ut reflexa magnam faciei partem occultasse, alias in collo totam auriculam illi veluti innatam continuasse observaverim : sanguis, quoties nudum Carcinoma relinquatur, ex eo defluit? *Platerus Præceps lib. 2. cap. 17. & observat. lib. 2. p. m. 523. ubi plurima exempla cancrorum, diversas partes obsidentium pro aliis tumoribus, ab aliis acceptorum.*

*Corpus durum & compactum in mamma, &c.]* Duros quatuor affectus ac Tumores incurrunt mammae, Glandularum, Strumarum, Scirrhi, Canceri: Sed hic quidem ex adultis perpetuo gignitur succis, quam ob causam & teterrimus ipse est & gravissimis symptomatis torquet. Reliqui omnes, ut non ex adultis humoribus profiscuntur, sic longe minus infesti sunt.

§. 7. Clinicæ mulieres mammis puerperarum sacculos pulvere salviae, suberis, sales & myrtillorum, gossypio exceptos & repletos admovent: his quibus tenellus Pulmo & fluxionibus inopportunus, periculum creant, nam inde incalescit pars, ac ob viciniam, mammae pectoris noxam communicant, si vel minima ingruat aeris intemperies : Accedit aliud à sacculi duritie malum, confusione in mamma facta, cui vix mederi licet, Id olim observavi in matrona cui ab admoto ejusmodi sacculo confusio in mamma accidit, unde emerfit tuberculum fabæ magnitudine, rubrum, quod nulli cessit remedio, quia ab initio neglectum: Ter ab eo tempore peperit, & quamvis alia admota, impressa tamen labes remansit, augmentum perpetuo sumens, nedum desinens : In postrema graviditate latus affectum torum obsessum fuit

Has ob res, ut hoc utrumque genus facillimi discretus est, ita difficilius aliquanto ceteri distinguuntur. Sed scirrhus totum frequentius mammae corpus occupans, ininobilis est propemodum, Strumæ Glandulaeque, neque totum mammae corpus occupant, neque ininobiles sunt, sed prehensæ digitis huc illucque distrahi possunt: Difficile autem Glandulis & Strumis discrimen poni, ac multi facile confuderint utrumque nomen, propterea quod ostenderit Galenus Strumam esse scirrhum in glandula : Glandula autem quid sit, nisi indurata quasi scirrhodes tuberculum plane non invenies apud eundem virum ubilibet, nihilominus apud Aetium Tetr. 4. ser. 3. c. 5. leges accedere aliquid ad strumas glandulas: Ad omnem modum deteriores sunt plane strumæ, ac difficiliore contumacioreque glandulis, ino quæ longos in annos naturæ & medicamentis inexcussæ manent : quanquam autem per dierum intervalla rarum & momentaneum excitent dolorem, ceterum immutationem nullam doloris aut tactus inferunt: Itaque falluntur hi qui affectum ejusmodi sub mammis Cancrum arbitrantur insanabilem, & curatione tantummodo fucata tractandum volunt: Porro cum non hæreat quanquam subjectæ carni, concolor sit, venisque turgentibus sepius non varicescat, Cancrum, nisi quis inruditus, non dixerit: Itaque cum ejusmodi Tubercula mihi se offerunt, extrahenda statim propono, ne vitii mora negotium posthæc incurabile facessant: Nimirum potest scirrhus in laxa parte, facta succorum acriorum cumulo, in affine cancerum facessere, Severius de Abscessibus Anom. l. 3. p. 192.

*Corpus durum & compactum, &c.]* Interrogatus *Hildanus Cent. 6. observat. 39.* esset ne Verus Cancer mammae, in quo similis materia alba, &c. reperta fuerat? Affirmative respondet, Materiam illam crassam, albam ac sevo similem, in medullis tumoris cancerosi repertam, nullam afferre dubitationem verumne sit cancer, quod se observasse asserit: ut plurimum tamen nucleum canceri durissimum esse : quod subtiliores materiaz, ratione doloris in loco affecto conservatae, per ulcus effluant, remanentibus crassioribus quæ in scirrhum concreverunt : Quod si dolor fuerit vehemens, continuus & diuturnus, uti plerumque fit in cancro exulcerato, humores indifferenter ad partem affectam confluere, ex quibus biliosi facile evacuantur per ulcus, uti & sanguis ipse, (quotidie enim fere sanguinem ex carnosissimis ulceribus exillare videre est) atrabilaris vero in scirrhum, & pituita in sebum concrevit, quæ tractu temporis, ob malignam vim humoris atrabilarii, & intemperiem calidam partis affectæ, paulatim quoque in scirrhum abit, & naturam canceri induit.

Cancro, malignitatis eximie notas ferente: Cum irritam optimorum Medicorum videret operam, Empirico se commisit, qui post partum sanitatem successuram asseruit, interim tumorem augmento prohibere sategit, nummosque emulgens, gnarus vaser ille mortem illico ac lac in mammasis reperet successuram aufugi: quod etiam contigit, quia morbus statum attigerat: Matrona hæc opinionis conceptæ ad finem usque fuit tenax, id mali non aliunde quam à contusione facta ortum fuisse.

Ejus cadavere aperto, viscera omnia præcipua tuberculis avellanarum majorum magnitudine & rubris obsita reperta sunt: quorum origo fuit à lacte repercussuentium usu, post præcedentes partus eo translato, *Lodoica Borghesia, alias Boursier, Obstetrix Gallica, Observat. lib. I. p. m. 140.*

## OBSERVATIO. VIII.

*Tumor infra cartilaginem Ensiformem ab abscessibus juxta hepar. 1. Tumor juxta stomachum ob lobum hepatis illuc productum. 2. Ob lobum lienis. 3. Infra lienis regionem ob Ileum flatibus distentum. 4. Ob partem Ilei conglobatam. 5. In latere sinistro ob incrementum mesenterii. 6. Circa macronatam cartilaginem ob excrecentiam in gibbo hepatis. 7.*

§. I. **N**Ob. Ioh. Chr. à Gich ante quinquennium, ex maxima refrigeratione crurum totiusque corporis, & vehementi subitaque animi consternatione, tussi fuit correptus & destillatione, quæ paulo infra cartilaginem ensiformem tumorem excitarunt, qui fuit subdurus colore æqualis, & sine dolore sensimque, ægro vis percipiente auctus est: accedente vero victus ratione prava, cum insuper curis & studiis continuis obrueretur, & necessarius remediorum usus negligere, supervenit cachexia, appetitus dejectio, vomitus creber à vehementissima Tussi oboriens: Tandem tumore illo insigniter aucto, & cute abdominis, ob illius incrementum nimium extensa, æger curvatus, & in se quasi retractus, cum summa molestia & dolore ingredi coactus, & se oleis stomachicis satis calidis sæpius cum valentiore frictione inungere compulsus fuit: sed Tumore, tussi, appetitus prostratione, virium omnium debilitate indies magis magisque ingravescentibus, & supervenientibus insuper faciei & pedum tumoribus, ad *D. Volcherum* confugit & chirurgos: Ille tumorem istum judicavit esse abscessum, & sectione opus fore, quod cum æger concederet, & alii ejus sententiæ subscriberent, hamato cultello, ad pugni magnitudinem elatum mollem & acuminatum aperuit: quo facto, non sine admiratione adstantium, magno impetu eruperunt *plurima vesica*, partim disruptæ, partim integræ, tenui & pellucida aqua refertæ: harum aliquot magnitudine erant ovi gallinacei, vel ovi columbini, nonnullæ minores quæ inter tussendum satis longe protrudebantur: Cum his vesicis simul emanabat humor quidam crassus, visco concreto, vel etiam sevo non dissimilis, præterea aquæ purissimæ non parum: Unde triplicem materiam ad hunc tumorem, quem abscessum steatomicum esse judicaverunt, concurrisse existimabant: Vesicarum, secundum observationem Medicorum & adstantium, fuisse ultra trecentas compertum, quæ quaternis vel quinis vicibus exierunt, & vix capaci satis vase, quod quatuor libras continebat, excipi potuerunt: Deprehensum est vesicas istas in abdomine, (quod *D. Volckerus* sæpius in anatome corporum sese animadvertisse perhibebat) primo fuisse generatas, deinde per violentissimam tussim in istum locum propulsas, Quia ab aliis musculis est liber, & abdominis longi muscoli satis procul à se distant, & propterea facile abscessus admittunt: Estque verisimile à violenta ista concussione, & tussi continua vesicas fuisse liberatas, & ex colluvie pravorum humorum non exiguam esse generatam putredinem: Tertio die post apertionem ita frequenter vesicæ exire cessaverunt, ac sequutum est pus foetidum, & viscidus humor, non ita tamen copiosus ut antea, postea materia reddita est tenuior, livida & foetida admodum: Exhibita medicamenta tum purgantia tum abstergentia, itemque per vices corroborantia & exsiccantia cum minimo tamen fructu: æger enim inde non quidem debilior factus, sed non sensit inde magnam levationem: mansit fastidium cibi, præsertim carni, tussis tamen remisit, venter intumuit, reliquis membris atrophia laborantibus, nec absuit febris lenta, Bona tamen victus ratione, & Medicorum diligentia fere annum supervixit & tandem marasmo obiit.

Post obitum, observatum fuit primo Hepar grandius solito & colore livido, In superiore parte versus diaphragma, abscessus sese in eo obtulit plenus vesicis, & materia putrida circumdatus, quasi cartilaginosa membrana, qui corripit Hepar & erodit usque ad Cystin felleam: Similiter in pulmonibus adhuc major abscessus inventus, fuitque putrida materia contenta in utroque abscessu, ferme 6. librarum pondere: Tertius abscessus magnitudine ovi anserini, infra Hepar ad intestinum colum erat annexus, cujus membrana erat pariter densa:

denſa: Meatus iſte felleus in inteſtinum quoque fuit interceptus, & in ejus exitu collecta materia puris albi, in peculiari abſceſſu magnitudinis ovi columbini: Cor ſatis naturaliter ſeſe habuit, attamen exangue, inque loco ſanguinis fibræ nigræ, viſcidæ ſunt repertæ: Ventriculus, lien renes, omnia adhuc fuere integras *Ex Obſervationibus Joachimi Camerarii.*

## S C H O L I A.

**P**arima veſica] Quæ ortum debent vaſis glandularum ſeroſis ab *olao Rudbeck* repertis hæc p. n. affecta varios poſſunt inducere morbos, præſertim, humore aliquo viſcido, craſſo vel mucilaginolo obſtructa, Aſciten, &c. Siquæ illa, quæ inter musculos abdominis & peritonæum repunt, aliquo obſtaculo occludantur, veſiculæ eo loci generari poſſunt, ruptæque tumorem hydropicum intercutem, musculos & peritonæum facili negotio procreant.

§. 2. Famulæ febre lenta affectæ apparuit circa ſtomachum Tumor rotundus, ita ut ibi apoſtoma eſſe videretur, Invenit eſt lobus Hepatis ſupra ſtomachum aſcendiſſe. *Vide tit. de Febris.*

§. 3. Nobil. Dom. N. Obſtructionibus hypochondriorum & tumoribus ab adoleſcentia obnoxius, tandem in hydropem lethalem incidit: Dum contrectarentur à Medicis præcordia, obviuſ fit Tumor globosus, in epigaſtrica regione, ad lævam deſcendens, cuti concolor, indolens, pomum mediocre per medium diſſectum referens: quem ante plures annos ſe geſtare aſſeruit: Inſpectis viſceribus, exhibuit ſe Lien impenſe magnus, hypogaſtricam regionem attingens, cui adnata erat ecphyſis illa exterius protuberans. *Vide lib. 3. tit. de Ventris Tumoribus.*

§. 4. Memini me vidiffe ægrum, cui infra Lienis regionem enatus Tumor durus, quem per duos annos geſſit: Medici qui illum ſub cura habebant, quia multam urinam emittebat, ſoribus & litibus Tumorem illum diſcutere nitebantur, ſed irritis remediis, & ſupervenientibus aliis accidentibus obiit æger.

Ego vero cauſam ſciendi avidus cadaver aperiri iuſſi: Tumor ille extendebatur uſque ad extremitatem Ilei inteſtini, quo aperto nihil præter faeces admodum induratas reperimus, quarum pars ex intervallis, ratione ponderis excernebatur, rotunda, virideſcens & duriffima, ſed clyſterum ope: Intenſus autem calor proximæ Aortæ advenientes novas faeces indurabat, quæ prioribus adjungebantur. *Sanctorius in Artem parvam p. m. 611.*

## S C H O L I A.

**S**imili in caſu idem improbat acres clyſteres, ſotus & inunctiones calidas, quæ ulterius materiam exſiccant, Exhibet oleum amygdalinum ad uncias xxx, teris vicibus: Enematis utitur ex eodem oleo & hieera.

§. 5. Pueri triennis inteſtina turgida & lucida ſunt reperta: Vna tenuis inteſtini pars intra ſe contracta ac convoluta erat, quaſi in ſe inſarcta, ut duritiem quandam, tanquam Tumoris ſpeciem referret. *Vide lib. 3. tit. de Ventris Tumore.*

§. 6. Scotus dolebat in hypochondriis, lumbis &c. Supervenit Tumor circa coſtas nothas ſiniſtri lateris ad os xiphoides prominens: Induruerant pancreas & meſenterium, & in molem ſupra modum latam, longam & craſſam excreverant &c. *Vide lib. 3. tit. de ventris dolore.*

§. 7. Matronæ aderat Tumor durus ad tactum circa mucronatam cartilaginem, renitens, oblongus: Gibba pars hepatis videbatur tanquam novum corpus ſimæ ſuperſtratum, à qua dependebat Tumor oblongus inſtar pyri. *Vide lib. 3. tit. de ventris Tumore.*

## O B S E R V A T I O IX.

**Tumor & elevatio coſtarum, ob Tumorem intra pectoris cavitatem. 1. Bubo ſub axilla ſiniſtrâ à lecoris abſceſſu ortus. 2. Tumor totius in phthiſico à cauſa abdita. 3.**

§. 1. **C** Vidam coſtarum Tumore ſuborto, folliculus membranaceus circa jugulum, aquæ bullis nigris, & maſſa trium librarum carnea laminatim concreta reſectus, coſtiſque affixus deprehenſus, vna cum aqua in pectore & ſaniſis pulmonibus viſis. *Schenekius Filius in Obſervat.*

§. 2. Præcl. Adr. Spigelius è vivis ſublatus cum Bubone ſub axilla ſiniſtra: Repertus abſceſſus in concava lecoris parte. *Vide tit. de Febris.*

§. 3. Ioan. N. tabidus interiit: in pulmonibus nihil commemorabile reperitur quod morrem attulerit: decem ante eam diebus tumidum corpus, ſed Tumore fugaci fuit: *Vide lib. 2. tit. de Phthiſi.*

## O B S E R V A T I O X.

**Tumor in Abdomine à duobus tumoribus cancroſis in hepate. 1. Plures Tumores à tumoribus in meſenterio. 2. Tumor in ſætu ab inteſtinis extra ſitum. 3. Ad umbilicum à rupto peritonæo. 4. A ſcirrho fundo uteri adnato. 5. Ab omento conglobato. 6. A pure inter musculos tranſverſos obliquos concluſo. 7. Ab Hepatis Abſceſſu. 8. A parte Lienis indurata. 9. A Rene excreſcente prope umbilicum ſe efferente. 10. Tumor circumſcriptus circa umbilicum à prolapſo illuc hepate. 11.**

§. 1. Vidua



§. 1. **V**Idua N. habebat Tumorem in abdomine versus umbilicum, ad dextram partem inclinantem, durum: In extremo Hepatis adnati erant duo tumores cancriosi, usque ad umbilicum prominentes, pugni magnitudinem æquantes, fere continui: In Hepate esse non putabantur, quia non erant in hepatis loco naturali &c. *Vide li. 3. tit. de ventris tumore.*

§. 2. Nicolaus N. varios Tumores circa umbilicum, premens manibus, percipiebat: In mesenterio sex tumores tunicati deprehensi, pugnum adæquantes. *Lib. 3. de Ventris Tumor.*

§. 3. Fœtus diversos cum visceribus extra naturalem abdominis cavitatem propendentibus natos Medicorum solertia nobis commemorat: Quod xij abhinc annis videre mihi datum fuit referam: dum nempe primipara, hac in urbe, vivum enixa fuerat puellum, prope umbilicum in sinistro latere, rotundo tumore, & caput infantile magnitudine multum superante, deformatum, qui tamen sacro ablutus fonte, paulo post interiit.

Quare ut adpareret quid intus aleret tumor ille, apertio ejus fuit concessa, ubi portionem magnam intestinorum inclusam deprehendimus, copiosa flavescente aqua abdominis viscera, cæterum naturaliter se habentia, nec ulla labe deturpara, circumfluente: Innotuitque una cum peritonæo tendinosam illam musculorum abdominis partem, quæ lineam albam constituit, fuisse disruptam, sicque per datam portam erumpentibus intestinis, extensioni aptam cutis substantiam cecidisse, ac tumorem istum, ob regionem umbilicalem, quam occupaverat, inter omphaloces referendum: In cujus causam occasionalem cum inquireretur, non nisi à saltu in terram è loco altiori circa finem gestationis facto, rupturam illam accidere potuisse, Puerpera retulit; damno suo confirmans quantis gravidæ subinde exponantur periculis, dum præter tot morborum, quibus obnoxie sunt, molestias, facile etiam levissimo quandoque ab errato noxam fœtus indelebilem imprimunt &c. *Lucas Scroeckius Junior. I. Filius. in Miscell. curios. annor. 6. & 7. 341.*

§. 4. Primiparæ difficilis partus contigit quia inferiore adhuc abdominis parte erat tumida, obstetrices alium adhuc latere fœtum dicunt: Ego omphalocelen adesse pronuntiavi cum vteri hydrope: Sectione facta umbilicus ruptus, ac uterus aqua plenus reperiuntur. *Vide lib. 3. tit. de ventris tumore.*

§. 5. Vxor N. gravida partui proxima, Tumorem durum, magnum, quem obstetrix caput infantis esse putabat, in sinistro latere, è regione umbilici gestabat; Scirrhus erat insignis magnitudinis in fundo uteri incipiens, *Vide tit. de Partu difficili lib. 3.*

§. 6. In Nobili adolescente, annos 19. nato, Omentum versus umbilicum ad formam orbiculi, latitudine palmi conglobatum multis glandulis differtum observavi, quod totam illuviem exceperat, Liene pene consumpto, & Mesenterio ac Pancreate putrefactis ex abscessu. *Riolanus Anthropol. lib. 2. cap. 13.*

## S C H O L I A.

**S**Aepe observavi, ait *Riolanus Anthropol. lib. 2. cap. 13.* Tumores abdominis prominentes versus umbilicum, qui neutiquam fiebant à humore intra musculorum abdominis spatia concluso, Ab omento multis humoribus, fæcto & fæto produci, quod est annotatum ab Hippocr. lib. de Loc. in homine, ubi *vasa pinguedine vacua fuerint, & à splene florentia ac augefcente in omentum defluerint, ut pote vicinum valde existens, & vasa habens eaque vacua &c.* Aphor. 57. lib. 7. id aperte declarat, *Quibus hepar aqua plenum in omentum eruperit, iis venter aqua repletur, & moriuntur: Fit Hydrops,* ait idem 1<sup>o</sup>. de morbis mulier *incalcescente Liene, & ebibente aquam liberaliter haustam, quam tandem in Epiploon deponis:* Et lib. 4. de morbis, asserit vitio Lienis Hydropem fieri: Erasistratei, autore Galeno. lib. de Atra bile, existimabant Omentum Lieni ad-

nexum esse instar Mesenterii, ut sordes ejus visceris exciperet: Lutetia inventum fuit in Epiplois, ad vesicam usque pendens, membraneo quodam veluti sacco, apoplema pure ibidem coactervato distentissimum, ex *Rouffeto* li. de Partu Cæli. Non mirum igitur si omenti substantia facile augeatur & intumescat, & quamvis tenuissimum sit, in tanta tencritudine dum humoribus differtum est, insignem crassitiem acquirit, æqualem peritonæo, quod sæpe observavit idem *Riolanus:* Itaque ob adhesionem quas habet omentum cum hepate, ventriculo & liene, humores ab his partibus in ipsum derivari possunt: Vidit Aquapendens omenti marsupium universum, atro crassoque humore refertum: Imo status hypochondriacos, in melancholia stultenta Dioclis, hac cavitate concludi, & sinistra parte percipi certum est.

§. 7. Reverend. Episcopus Colonienfis D. Antonius, ex Comitibus à Schauenburg, constitutione corporis sanguinea, circiter annos xl. natus, ex alia febre in quartanam incidit, in Autumno anni 1557. Aqua ubi circiter vernum tempus nonnihil respirasset, huic neutra adhuc valetudine fretò, se insinuat Ambrosius ille Magyrus, annuis mendacium libellorum vel prognosticorum plaustris nimis notus, qui eum quidem graviter laboraturum prædixit, evasurum tamen si à medicamentorum usu caveret: Interim venam illi pertundi jubet balneumque præscribit, confusus hic prognostico, opem Medicam tamdiu respuit, donec à capite & finitimis

timis partibus primum circa sinistram scapulam decumberet humoris copia; qui neglectus lento defluxu musculos ventris sinistros interfecit: ubi excitata phlegmone, pus genitum copiosum putidissimumque continuas partes decubitu assiduo viciavit, tandemque ad lævum perinxi latus resedit cum tumore, qui à Chirurgo sectus ingentem foetidissimi puris quantitatem reddidit: hoc tamen postea non nisi ventre compressio fluxit; quare viribus indies magis ac magis flaccescentibus, post septimanas tres, de ventris inferioris incisione, ex cuius sinu pus defluere existimabatur, ab iis serio agitur qui curationi intererant; Ego eo ablegatus, vulnere conspecto, corpus emaciatum, viresque impendio prostratas, cum pulsu debili, ac de hora in horam magis inclinante, comperi: Quare nihil spei in sectione ponendum esse, sed extrema imminere iudicavi: hora matutina mortem proximam significavit pulsus interceptus: paulo post hic in Domino obdormivit.

Ventre circa umbilicum inciso, tanta copia puris putidissimi effluxit, ut ex ventris pleno cavo id exundare jam crederent, qui antea in ea opinione fuerant: At sectionem prosequuti, inter musculos transversos & obliquos cloacam deprehendimus: In sinistro autem latere cor erat flaccidius, ex gravi & continuo exhalante ferienteque vapore putrido; Atro ad hæc sanguine nigricabant venæ cor cingentes: In vesicæ collo coctum delitescere pus album, quare nec urinam continere potuit aliquandiu, quod ad calculi lationem referebatur, sed aliunde id contractum apparuit: In ventriculo quiddam instar humoris biliosi innatabat; Reliqua viscera, uti & universi corporis partes, videbantur illæsa. *Wierus lib. observationum.*

## S C H O L I A.

**S**i à medicamentorum usu caveret) Observavit tamen *Ballonius* tempestatem quandam (*paradigmati* 132.) in qua magna fuit Quartanarum teges, ac quibus sæpe adhibita medicamenta & pugnatum remediis generosioribus, iis omnibus productam fuisse febrem: qui vero remedia neglexerunt principio exacto, eos intra breve tempus incolumes extitisse: Item anno 1571. multos quartanarios decubuisse, ac eos qui sine remediis derelicti sunt omnes pene convalescere: quibus curiose adhibita remedia, eos fere interivisse: *lib. 1. Epid. & Ephem. p. 27.* Quod ergo videtur illi *Ambrosio Magiro* quem increpat *Wierus*; Sed distinctio Quartanarum adhibenda & subjectorum quibus insident: Primæ illa tempestate (anno

1581.) veræ fuere Quartanæ & primariæ, alteri non succedentes sibi, ut in *Illustr. Episcopo*, qui ex alia febre in Quartanam incidit: In altera tempestate eos adhibitis remediis fere interivisse refert qui macilentissimi & torrent, quod febres illæ potius à bile essent ultæ quam à force sanguinis: Cum ejusmodi mirius agendum esse constat, nec remediis bilem ustam efferendam: *Illustr. autem Episcopus* sanguinæ memoratur fuisse constitutionis, cui plethora in caco-chymiam abiit, utriusque remedii, purgationis scilicet & sanguinis missionis indigens, quorum neglectu copiosius eongestus sanguinis, caco-chymia inibutus, in musculos imi ventris decubuit, ibique lethalem abscessum induxit.

§. 8. Qua parte recti musculi ad sternum pertinent, puero cum abscessu in ventre Tumor manifestus, digito cedens obtigit: Vocati fere omnes judicarunt abscessum in rectis musculis: alii in ventre, quia attenuato vehementer puero & consumptis musculis facile emineret tumor: Paucissimi in Hepate, quod quibusdam Hepar totum ventrem ad partes sinistras pertendat. Aperto loco exiit pus virosum & graviter fetens, corrupto peritonæo: Abscessus sedes in parte Hepatis, quæ illic perveniebat, Quod magis apparuit mortuo & dissecto puero. *Hollerius libello observat. §. xxx.*

§. 9. Ante annos quatuor venit *Laufannam* mulier 30. annos nata, Tumore magnitudinis infantis in sinistro latere sub umbilico laborans; rotundus erat ille, & facile ex una in alteram partem ducebatur.

De hoc Tumore multæ variæque fuerunt opiniones, Tandem mortua per dissectionem à me adhibitam veritas annouit: Invenimus enim Lienem adeo magnum ut inferior pars ipsius (quæ in tumorem rotundum indurata erat) ad os pubis fere propenderet *Fabritius Hildanus Epistola lv.*

## S C H O L I A.

**E**pistolam integram, quæ multa ad *τῶν τῶν* Tumorum duros, & eorum qui abdomini innascuntur, horumque curationem complectitur, notatu dignissimum, exscribere placet, Si affectum illum, de quo scribis, videre (summo opere enim in hujusmodi affectibus requiritur ocularis inspectio) & manu mihi tractare liceret, sedem ipsius invenire non usque adeo esset laboriosum, ut arbitror; Tumorem tamen hunc ex causa primitiva originem traxisse rationi consonum est, quandoquidem equo dejecta

mulier, facile inde sequi potuit contusio, confluxus humorum, tandemque Tumor: qui quia contactu durus est & doloris expertus, forsitan aliquid de natura scirrhii contraxit; Ad scirrhii tamen generationem longum requiritur tempus, ideoque si recens est morbus, vix scirrhosis tumoribus erit annumerandus: Sæpiissime mihi occurrunt Tumores rotundi, tactu duri & doloris expertes, in quibus nihil reperitur præter aquam, quæ durissima membrana continetur, Horum Tumorum unum ex abdomine puellæ novem



annorum excidi, quæ convaluit: Oriuntur item Tumores ex pituitosis humoribus, qui nihilominus tactu sunt duri: In Matrona tumorem ex contusione ortum ad carpum dextrum curavi, qui adeo durus erat ut ab omnibus scirrhos exquisitus judicaretur: aperto tumore humorem larido non absimilem ex eo extraximus, qui acri expolitus intra xxiv. horas in lapillos concretus est: Membranam quoque postea extraximus densissimam: In hujusmodi autem tumoribus membrana extenditur humore, non lecus ac inflata vesica, quæ & tactu dura percipitur, quamvis nihil præter statum contineat: De sede autem Tumoris, de quo scribis, nihil certi aurius statuere, cum ad id inspectio ocularis sit necessaria: quia tamen in externa parte abdominis percipitur tactu, & ipsius magnitudo facile circumferri potest, utero vix inhaerere existimo: Vterus enim dorso incumbit, ossi item sacro & lumbis annectitur, adeoque intestinis obregitur, ut in ipso tumores & scirrhos, nisi in maximam magnitudinem excreverint, exterius percipi non possint: Ego in dissectionibus aliquoties scirrhos satis grandes in utero inveni, qui tamen cum in vivis essent exterius non percipiebantur: De mesenterio idem statuendum: Neque si in Vesica lateret Tumor ille, facile perciperetur tactu; Vesica enim mole viscerum intestinorumque sub ossè pubis deprimitur: adeo ut in ipsa tumores & calculi, quantumvis magni fuerint, in externa parte ventris non appareant, nec manu apprehendi possint: Sed & excernendo urinam maximam pariunt difficultatem tumores in vesica: at in illa virgine nulla, aut saltem exigua est difficul-

tas: In Omento scirrhos nunquam, phlegmones aliquoties mihi videre contigit: in ipso tamen omnium generum tumores posse oriri non dubito, sed exterius vix percipientur: Vidi quoque Tumores & Abscessus inter musculos abdominis: Ante aliquot annos vocatus sum ad Matronam quæ de dolore magno è regione ventriculi aliquantum ad latus dextrum conquereretur: Ego tactu Tumorem ad latus lineæ albae, sub musculo recto apprehendi, quamvis exterius nihil apparet: Author fui ut musculus & cutis usque ad abscessum incidere: Spectum vero consilium, quod nullum indicium abscessus conspicuum esset; non diu post ad interiora ruptus est, In vacuum ventris defluxo humore, de novo exorta est febris, leipothymia & dolor magnus sub umbilico, ita ut paucis post diebus è vita decesserit: Sabaudus quadragenarius & robustus, ex contusione Tumorem sub regione hepatis contraxerat: laborantem inveni febre, ardore magno, nausea, gravibusque aliis symptomatibus: Summam, sed frustra, adhibui diligentiam ut in halitum resolveretur materia, tandem inter peritonæum & musculos abdominis materia conflavit & abscessum excitavit, qui exterius vix percipi poterat, Abscessum incidi, unde pus fetidum effluxit; ulcus per menses aliquod apertum servavi, donec tandem sanitatem recuperaverit: Ex hujusmodi autem tumoribus abdominis, difficultatem aliquam in excernendo urinam consequi posse rationi consentaneum est: quantum enim ad expulsionem urinae faciant muscoli abdominis, omnes sciunt Anatomici.

§. 10. Interdum Ren dum extuberat supra modum, versus umbilicum prominet, quod scirrhosum mesenterium æmulatur. *Riolanus Anthropol. l. 2. cap. 26.*

§. 11. In Nosocomii nostri Pædotrophio Vienna, infans natus cum tumore circa umbilicum ad pugni magnitudinem, coloris lividi: Chirurgus loci, omphalocelæ gangræna tactam ratus, medicamenta calidiora gangrænam, & tandem sphacelum compescencia applicuit, inde aucta inflammatione infellus expiravit, Medicus ordinarius, D. D. Vrsinus, aperire cadaverculum iussit.

Inchoata sectione ad Tumorem dictum, vixque cuspidè cultelli adacto, jam Hepatis substantia in conspectum prodiit, Inde parebat Tumorem ex prolapsæ Hepate (forasan à conformationis vitio) & non ex umbilici protuberantia ortum traxisse, divulsa linea candida quæ inter rectos musculos constituitur: Cum vero mihi cadaverculum pro confectione sceleti concessum esset, præter inflammationem Hepatis, ac dispositionem gangrænosam in mesenterio, observare mihi nihil licuit insoliti ac curiosi. *Laurent. Voltzfrigel Miscellan. Curiosorum anni 1671. Observ. 88.*

#### OBSERVATIO. XI.

*Tumores in Hypogastrio, vel interfemineo, à Renibus suppuratis interdum excitantur:*

1. Tumor supra Inguen à foetu ibi concluso. 2. In Inguine à copia puris ibi collecti. 3. Hypogastrii à scirrhus in vesica. 4. A steatmate prope vesicam. 5. Inguinis apostema vermibus scatens. 6. Infra Inguen ob putrem pulmonem è regione mali. 7. Circa pubem incipiens, ad umbilicum extensus, à materia purulenta inter duas tunicas mesenterii collecta. 8.

§. 1. **A**bscessus musculorum abdominis, qui fiunt in imo hypogastrio, antrorsum vel retrorsum, vel etiam in interfemineo, sæpissime accidunt ex suppuratione renum, transfusa & delabente purulentia intra duplicaturam peritonæi, ut à nobis multoties observatum fuit in apertione cadaverum post obitum *l. Riolanus Anthropol. lib. 2. cap. 24.*

§. 2. D.



§. 2. D. Contia gravida facta, paulo supra regionem inguinis dextri, Tumorem cum duritie ovi magnitudine habuit. Dissecto mortuo latere fœtus quinque pollices longus reperitur, &c. *Vide lib. 3. tit. de Hypogastrii Doloribus.*

§. 3. Rudolphus N. cum dolore intestini coli, Tumorem mollem habuit in inguine dextro, Ibi, in principio coli, ingens fuit cumulus puris, quod partim eo descendit, partim procreatum est. *Vide Tit. de ventris dolore, lib. 3.*

§. 4. David N. Tumorem durum è regione Vesicæ gestavit : Scirrhus magnitudinem ovi gallinacei æquans in ipsa vesica deprehensus. *Lib. 3. tit. de Ischuria.*

§. 5. Olzus N. circa inguina Tumorem gestavit exiguum qui in magnam molem excrevit. Prope sinistrum vesicæ latus tumor comparuit, capitis virilis magnitudine, vesicæ adnatus. *Vide lib. 3. tit. de Ischuria.*

§. 6. Vidi in Puella Tumorem magnum inter Ilia & Inguina, quem incidendo Chirurgus quidam, me præsentem, reperit plenum vermibus : Quidam miles Mutinensis in Hospitali Carmelitano habebat multos Tumores intrinsecus & extrinsecus, quos vidimus post ejus mortem (nam ex illis mortuus est) qui Tumores erant pleni Vermibus parvis, qui videbantur pediculi. *Gab. Fallopius de Tumoribus p. n. cap. 4.*

## S C H O L I A.

**R**esectam didici ab Illustriss. Dom. de Mayerne mulieri mammam Carcinomate affectam, quam cum microscopio examinaret, infinitos vermiculos animadvertit : Hinc forte ratio deduci potest cur mulier, de qua *Mauritius Cordem* comm. 7. in lib. 1. *Hippocr. de m. m. Cancro ulcerato* totam faciei

partem dextram depascente liberata sit, continuo adnotis pullis gallinaceis in laminas diicissis : suavitate scilicet carnis affecti vermes illi adhererunt, relicta inluaviori. Ideoque crebra admotione factum ut adherentibus vermiculis, pars affecta ab illis liberata sanitatem consecuta sit.

§. 7. Dom. *Crozonius* querebatur de Tumore paulo infra inguen oborto, & ad natem propinquam : dolorificus erat, diuturnus, digitis cedens quidem aliquatenus, sed eorum non manebant pressa vestigia, ut in *phymatis* phlegmaticis : Diutina præterea quadam *tussi* molestabatur : Tandem cum dolores multos sustinisset, & ad dietam à Chirurgis male revocatus fuisset, temporis successu Tumor, qui summam natem occupabat, in suppuratum est versus, pus in profundo delitescat : Excreta tanta copia ut omnem fidem & opinionem superaret.

Mortuus est, Pulmo inventus est putris è regione ipsius mali. *Ballonius consil. 46. lib. 2.*

**P***hymatis.* Quibusdam visum est esse, in ipsa præfertim nate, meliceris, sed argumenta & signa ejus non relucebant. *Idem.*

*Tussi molestaretur* ] Inde arrepta occasio inquirendi fontem & principium mali : dictum Tussiculolos nonnunquam abscessu ad scrotum oborto capi ac detineri, id quod huic contigit : Et quæ materia & obsedit scrotum, & obsessum tenere potuit, majore sui parte abscessit in inguen & propinquas

contiguasque partes : Et cum natura esset melancholicus, Tumores illi ad Varicosos potius accedebant, & nonnihil de natura Lupiarum retinebant. Magna vero polita est vis in diuturnitate ista tussis & natura temperamentoque ipsius ægri : adductus est locus ex sect. 1. lib. 1. Epidem. huc maxime pertinens. Nec repugnat rationi ut tussis diuturnæ cessent quoniam testis intumuit, Et Testis tumor à tussi cessat ac allevatur : quod mirum esse debet. *Idem.*

§. 8. Cuidam circa pubem Tumor prognatus qui vesicæ orificium compressit, interdum augebatur, interdum minuebatur, unde causa flatibus adscripta : ita tamen tandem auctus ut sese ad umbilicum & latus sinistrum extenderit. In mortuo inventa collectio materiæ purulentæ inter duas mesenterii tunicas, quæ occuparat majorem inferioris ventris partem. *Vide lib. 1. sect. 9. observ. 37.*

## O B S E R V A T I O XIII.

*Tumor in Dorso ad suppurationem deductus, pus ad thoracis cavitatem effudit, in quo Empyema induxit. 1. Spina Dorso Tumor flatulentus salvis visceribus. 2.*

§. 1. **A**Nno 1670. Turnonii mulieri in Dorso juxta vertebrae enatus Tumor ex meliceris genere, capitis infantis magnitudinem æquans, qui tandem mortem induxit. Aperto cadavere, cavitas pectoris pure repleta reperta est, quod erosa pleura & obviis membranis & musculis viam in dictum locum sibi fecerat, ex illo tumore effluxum. *Ex communicatione D. Bailly Chirurgi Genev.*

§. 2. Dom. de *Salinis*, Nobilis Benearenensis morbo chronico diu detentus, tandem inflammationem gutturis, & Spinae dorso Tumorem passus est, quibus periit. Dissecto cadavere omnia viscera sana reperta sunt, & Tumor ille dissectus nihil nisi ventum emisit.

## S C H O L I A.

**N**isi ventum ] Necessè est igitur venenatam quandam in hoc vento incluso latitasse auram: Vel aërem ibi à calore debili genitum & corruptum medullam infestasse spinalem, cujus affectus pericu-

losissimi sunt, quia substantia eadem qua cerebrum constat: est enim cerebrum oblongatum & ejus appendix. *Petrus Borellus Observ. 8. cent. 1.*

## OBSERVATIO XIII.

*Tumor in Lumbis à medulla spinali nuda obortus. 1. Ab abscessu in Rene vicino. 2. Tumor in Lumbis varias nervorum propagines habens. 3. 4. Tumor è regione Ossis sacri, per ductum hepatis insertus. 5.*

§. 1. **P**uella præfecti cujusdam in Marchionatu, cum septimanarum esset circiter XVII. ante biennium aperta fuit. Mater dum utero gestaret, de scalis delapsa super dorsum, dein terrore perculsa ex conspectis cujusdam gravissimis ulceribus, puellam hanc convenienti tempore enixa est, cui spina dorsi perfecte luxata erat. Supra vertebrae lumborum Excrescentia magnitudinè ovi, mollis, diversi coloris, cui secundinam applicarunt, cataplasmata apposuerunt, tandem meum consilium triduo ante mortem experire: Cum viderem Excrescentiam hanc vesicæ instar humore repletam, & metuerem ne forte ex aciori humore ossa læderentur, ut aperiretur suaseram: Ipsis resistentibus, jussi applicare ol. chamæmel. & rosar. ad doloris & caloris mitigationem, quod cum ea nocte ter applicatum fuisset, rupta vesica materia serosa, purulenta, foetida, effluxit & vesica concidit: Altera die abstergentibus & anodynis uti jussi: Tertia die convulsionibus correpta obiit.

Aperto ergo loco affecto, meatum nullum qui ad abdomen penetraret reperi, licet essent qui existimarent urinæ portionem ex vesica eo deferri: Verum ipsam spinalem medullam denudatam reperi, ita ut duæ vertebrae lumborum desiderarentur, integris reliquis existentibus. Ossane hæc ab ipsa materia foetida acri fuerint putrefacta dubium apud me est, cum nulla ossium frustula à me fuerint reperta, nec in reliqua vertebrarum parte læsionem observare potuerim. Facile ego patiar mihi persuaderi naturale hoc esse vitium, idque ex casu matris. *Ex observationibus Clar. Viri Caspari Bauhini.*

§. 2. Rogatus una cum Chirurgo hujus Civitatis, accessi, puellam 9. circiter annorum, quæ Tumorem insignem habuit in dextro latere circa lumbos: Diu illam tractavit Chirurgus mollientibus, tandem me præsentem aperire decrevit, effluxitque ex inflicto vulnere puris cum sanguine permixti sat magna copia: Abscessus a pertus deinde convenientibus remediis tractatus, sed elapsis tribus septimanis vitam cum morte commutavit patiens.

Apertum cadaver nihil aliud notabile exhibuit præter renis dextri conformationem: Illius namque parenchyma plane consumptum erat, sola restante pelvi magna, crassa, dura & sabulo plena, ex qua egressus ureter itidem magnus & crassus, qui antequam desineret in vesicam, sabulo fragmentisque minoribus lapillorum repletam: Ureteris autem parietibus sat firmiter adhæsit calculus, figura & magnitudine caryophylli aromatici, intus habens materiam nigricantem quasi pro basi, quam omnes circumstantes mecum pro concreto sanguine habuere, cui extrinsecus adnatus cortex albus instar sacchari candi, aut tartari crystallisati pellucidus.

## S C H O L I A.

**F**orte grumus sanguinis ab exulcerato rene ad vesicam tendens, in via adhæsit parietibus ureteris, qui successu temporis à præterlabente sero sabuloso sensim incrustatus, grandior adhuc evasisset, si diutius supervivisset mortua: Non enim novum calculos in vesica aut renibus, insularum more fieri, quæ ex parvis initiis sabulosis, medio in humine, dum subinde positus fundamentis aliquid accedit teræ, aliunde vi atque impetu aquarum avulsæ, in spatiosum excrescunt ambitum. Sic dum grano arenæ in renibus aut

vesica aliud adjungitur granum, huic aliud, aliis alia, calculus inde excrescit non usitate magnitudinis. sic acui crinali adnatus lapis, Vide *Bartholinum cent. 2. Epist. 78.* Quem generandi modum demonstrant pelliculæ illæ quibus instar capæ componitur calculus, quæ si recentes & friabiliores, tandiu separari possunt, donec ad centrum & primum calculi ortum fuerit perventum. *Carolus Rayger in miscell. cur. ann. 1672. Observ. 285.*

Afferam hic exemplum accurata bilance ab anatome pensculatum, Tumorem videlicet rapiformem in lumbis, foetui in vulva enatum, ob rapam prægnanti matri improvide dene-gatam: Cujus repulsæ ergo lumbos suos ubi percussit, mulier animi impotens læsit tantopere tenellum foetus sui corpusculum, ut inde in lumbis enata sit ipsi insignis rapa: quam angustiori pediculo innixam quo auferret Chirurgus, constrinxit eam arctissimo filo, deinde satagens emortuam scalpello excidere, Verum antequam res eo devenit, jam emoriebatur infans.

Cujus

Cujus defuncti cadaver ubi perscrutata fuit anatome, vidimus spinæ medullam plane lacera-  
ceram, & nervorum propagines tam varie per tumorem dispersas, ut non fuerit in manu  
Medica excrecentiam hanc quocunque modo demere, quin protinus demeretur & ægro  
vita, à qua sæviri propterea sedulo deterrenderunt Chirurghi, quoties se offeret simillimus  
tumor jam sexies nobis visus. *N. Tulpus Observ. lib. 3. cap. 30.*

§. 2. Paupercula 7°. mense prægnans, cecidit supina in lumbos, sed sine evidenti cutis  
noxa: at infans in lucem editus habuit insignem Tumorem in lumbis, quo ad aperto effluxit  
ipsi quidem frequens aqua sed non minus ipsa vita.

Qua sublata, vidimus spinæ vertebrae ut laceras sic late à se invicem disparatas, & nervos  
spinalis medullæ tam perplexo errore per tumorem dispersos, ut vix ullibi posuisses scal-  
pellum sine manifesto vitæ periculo: *Idem.*

## S C H O L I A.

**P**Rægnans cecidit, &c.] mulieribus gravidis ut plu-  
rimum damni dant repentinus terror & inopina-  
tum infortunium, sic nihil æque illas offendit atq; im-  
portuna repulsa, aut gravior aliquis lapsus, lædens  
insensibile vel hanc vel illam corporis partem: Cujus  
offensam licet flocci sæpenumero faciant prægnan-  
tes, plurimum tamen detrimenti capit inde fetus,  
etiam debite formatus, quem talia infortunia tam  
trepiditer nonnunquam deformant in ipsa vulva, ut  
nuda arte id postmodum dispellas. In quo certe ap-  
paret impervestigabilis Dei potentia, cui æque faci-  
le est hominem immutare ac formare.

*Insignem tumorem*] Obtulit se nobis haud diu post  
simillimus Tumor, sed dissolutus in ipso partu, eventu  
tamen æque infelici, cum ob gangrenam consumen-  
tem illico effactas laceri tumoris oras, tum ob de-

nudatos nervos per tumorem passim dispersos, quos  
circumfluit aer adeo immutaverat, ut non licuerit  
infanti vitam prorogare ultra diem tertium.

*Vix posuisses scalpellum, &c.]* Eam calamitatem  
si quidem retinuit Chirurgus, cave sis improvide  
unquam aperias quod tam facile occidit hominem:  
Sed notes idem periculum quod hic animadvertum  
in lumbis, utique evitandum in molli illo tumore  
qui intidet nonnunquam dilatatis calvariae suturis, in  
quem novacula directa lædit facillime cerebrum illic  
effusum, Et nihil sequius cogitans nocet illi cui ve-  
neras auxilio: Quoad ejus itaque in tantis tenebris  
fieri poterit utere acri circumspeditione, & confuge  
potius in tumore tam ancipiti ad emplastra & to-  
menta discutientia quam ad sectionem vitæ humanæ  
adeo pernitiosum. *Idem.*

§. 3. Anno 1608. Matrona Paterniacensis gravida, cum artolaganos, qui veluti vento  
inflato extuberant. avidè appeteret, nec concederentur, reliquum gestitationis tempus  
multis cum molestiis contrivit. Tandem xx. Martii puellum non tantum supra modum de-  
bilem & extenuatum, verum etiam rei appetitæ signatum peperit. Nam è regione ossis sa-  
cri Tuberculum habebat, quod horum artolaganorum formam omnino præ se ferebat, ad  
ovi anserini magnitudinem elevatum, inæquale tamen, aqua & flatu repletum: membra-  
na, qua investitum fuit, adeo tenuis atque porosa erat, ut humor serosus copiose per illam  
exsudaret, hinc vires adeo imminuebantur ut quarta die ætatis exspiraret.

Ante sepulturam quum partem affectam inspicerem, cavitatem ductumque inter 4. & 5.  
vertebram lumborum inveni, Non tamen in medio spinæ erat ille ductus, sed aliquomodo  
ad latus dextrum, vergebat: mater enim cum cibum hunc avidè appeteret, dextra locum  
ilium fricaverat. Rotundus erat ductus ille & communi periostio investitus, ejus magnitu-  
dinis ut minorem digitum facile exciperet. Per ductum autem huncce vas quoddam mem-  
branosum, suisque quoque venis capillaribus præditum, ex ipso cavo hepatis, extra cutem  
(ubi dilatatum exuberantiam illam efformeverat) descendebat: Ad latera præterea duo alia  
vasa, quæ ex arteria magna proveniebant, tuberculo inferebantur. *Hildanus Centur. sij.  
Observ. 56.*

## OBSERVATIO XIV.

*Mentula & Scroti monstruosus Tumor, à materia subcandida crassa glutinosa, uberi  
vaccino simili, &c. genitus.*

**C**onsistentis Vir ætatis, habitus crassi sed cacoehymici, ruber facie, monstravit in No-  
socomio monstruosam mentulam, verrucis prægnantem innumeris, acinos botris ad-  
glomeratione æmulantes: Pars quædam tumida, renitens, cuti concolor, instar globi rotun-  
da abdomini adhærebat, quæ capiti modo nati infantis magnitudine respondebat, hæc  
carebat verrucis: Coles ad stuporem magnus, tumidus, longitudinis cum scroto circiter  
ulnæ Augustanæ. Præputium retroactum citra glandis radicem nescio quem tumorem cri-  
stæ dedit, qui copiosis, subfuscis verrucis luxurians, glandem instar collaris moderni, quod  
ex multiplici panno ad fimbriam flocculis exornato conficitur, ambivit: Glans tuberosa &  
in vesicam quasi sublata, palma fuit longior & pugno major, ob ligamentum aliquomodo  
retracta, quam verrucæ obtegebant copiosissime, quales in collo Gallorum Indicorum conf-



piciuntur cum furor eos agitat. In hoc tuberoso virgæ capite Sinus fuit repertus, in cadavere dissecto, in quem è pene defluxit serum (Aberat enim corpus penis à scirrhoso hoc excavato tumore spatio fere trium digitorum) quod per foramen saltem stillavit; at canalis ligneus, quem panum vocant, immissus, libere & affatim fluxit, omne id quod ex vesica eò depositum fuerat; intrusit & eum retinuit sine aliquo dolore: Corpus penis non intumuit, ut sectio docuit, sed quod ambiebat testes & colem, scirrhosum pro hospite recepit tumorem, ac innumeros in superficie cutis luxuriantes monticellos verrucarum. Undique enim compressæ, copiosæ, parvæ, duræ, ac arcte in se invicem glomeratæ ac connexæ pustulæ, verrucis myrmeciiis non dissimiles, cutem colis & scroti ambiebant, vestiebant ac cooperiebant. Scrotum ipsum durum, renitens, extensum, magnitudinis capitis viri, tuberosum, inæquale, quasi herniosum, ac si sarcocoele universi scroti esset: cutis superficies verrucis copiosissimis tegebatur: monstrosiorem mentulam vidi nullam: Cum miles esset, quibus venus ludo est, & scottari ab eis non alienum, luis venereæ credebatur soboles; at Medicus & Chirurgus ejus Nosocomii miserum ad me ablegarunt, cum nullam aliam haberet labem: Vulnus ante plures annos in bello glans penis accepit ab hasta, quod neglectum fungosa contraxit labia, quæ tamen non potui observare: A glande præputium fuisse retractum retulit, quod tamen in verrucosus intumuit monticellos: Scio monstrosiorem fuisse hanc mentulam quam meus depinxit calamus, aut delineatio pingentis: Hæc mentula resecta à corpore, ad pensam ad libram & dissecta fuit, cum miser anno 1626. in Nosocomio ex cachexia hydropica exspirasset. *Hachstetterus Casu viii. centur. vi.*

*Hanc eandem historiam ibidem pertexit, ac his verbis describit D. Daniel Geiger, qui dissectioni interfuit.*

Quod nuper me dissectioni scroti alicujus monstri interesse passus sis, Vir Exc. gratias quas possum maximas ago, memorabilis certè, nec mihi unquam hætea visus fuit affectus: Quod vero etiam ex me quid illic observarim scire desiderasti, nescio an tuo isthoc desiderio satisfacere queam.

Cum hic æger anno 1626. Novembris 18. die mortuus esset in Nosocomio, cachecticus, & jamjam ad hydropem pede lento gradiens, cum pedes ejus jam sentirent molem, pectus angustiam, anxietatem, & spiritus sublimis esset ac difficilis, placuit cadaveris monstrosam dissecare mentulam, quam à corpore resectam & phalangi ad pensam, librarum pondus habere cognovimus quatuor & mediam: Cui sectione aperta, penis adparuit corpus albidum, compactum, durum, renitens, cuti firmissime adhærens, quod ad corpus usque penis dissectum, ipsum integrum consuetæ longitudinis & latitudinis apparuit, facilis ejus à tumore scirrhoso erat separatio, Glans penis fuit exigua, colore albida, sed ejus cutis globosa, in tumorem extensa, in superficie tuberosa, verrucosa, seu innumeris verrucis invicem compactis supervestita: intus sinum quendam habuit, qui videbatur in scirrhosa illa duritie insculptus, in quem penis ab hoc sinu longius retractus serum deposuit, quod per panum ex corpore exiit. Tumor hic originem sumpsit, serpsit appositione ab hac parte laxa, & totum penem ambivit, & in sacco testium maximam molem causavit ac si Sarcocoele universi esset scroti: Testes vere Testiculos nominare poterimus, quorum jam tumori scirrhoso adhærebant membranæ vestientes, ipsi corporis exigui, contracti ac corrugati, imminuti, corrupti, fundentes incisi nescio qualis putredinis sub cæruleum colorem: Scrotum itaque hoc magnum, inæquale & decies aut pluries communi scroto majus, durum subalbidum humorem continebat, siccum, renitentem, & in dissecando sonorum, ac si acies cultri cartilagosas pertransiret partes, non dissimilem uberi vaccarum.

#### SCHOLIA.

**V**idetur Tumorem illum Scroti præternaturalem, pustulis verrucosis (verrucarum nomē hoc quadrare omnino mihi persuasum habeo) parvis, copiosis, ac arcte invicem compressis, in circumferentia seu cute refertum, plane scirrhosum fuisse, suamque originem & incrementum à pituita quadam crassa, lenta ac indurata traxisse: *Galenus* enim duplicem constituit scirrhum, unum durum, indolentem & pertinacem, renitentem, ex humore melancholico naturali oriundum: alterum vero subdolentem ex crassa & glutina quadam pituita proveniente: Hanc si ego distinctionem cum nostro tumido scroto conferam, vix me falli puto si & illud Scirrhum minus exquisitum, vel œdematosum, seu Oedema scirrhosum dicam, qui à pituita crassa glutinosa & lenta

suam habuerit initium, quod ex sequentibus evidentius patebit, Nam 1°. prava defuncti victus ratio, & cacoehymica ejusdem corporis dispositio subscribere videtur. 2°. materia in illo Tumore contenta, quæ subcandida, crassa, glutinosa & pinguedinis instar solidioris indurata, uberi vaccino limillima fuit, adeo ut non tantum videri, sed & sectione audiri potuerit. 3°. Locus, Scirrhus enim vterq; partibus ut plurimum corporis siccioribus & durioribus, utpote ligamentis, tendonibus ac musculorum capitibus accidere solet; rarissime mollioribus. Hic autem præputiū Halebardæ ictu læsum, & tenere neglectum, fluxionē primo recepit, à quo tandem crescendo malum ad scrotum etiam & proxima vasa spermatica devenit: Est autem præputiū, seu universa corporis cutis, ex genere spermaticarum

maticarū seu nervosarū, adeo ut *Gal.* nervū sanguine prædictum nominavit. 4. Principii & incrementi ratio, incepit enim primo in præputio, ab hoc sentim sese extendendo totum occupavit scrotum, quod scirrhosorum minus exquisitorum signum certum. 5. forma externa, fuit enim tumor magnus, immobilis, durus & bilis carens. 6. Color, concolor enim fuit, & corporis, seu potius scroti, vivum colorem tenuit: Ex his patet tumorem hunc vere Scirrhosum, sed minus exquisitum fuisse: Ego valde dubito an non etiam tenacissimæ huic pituitæ melancholici succi quid commixtum fuerit: color enim dissecti tumoris quibuldam in locis plumbeus, vel ad plumbeum inclinans visus fuit, & in Testiculis (quibus tamen utrisque duos exteriores tunicæ *inobstante* & *epidymide*, ut mihi visum, defuerunt) humor quidam ater & succus laticavit, ac venæ & arteriæ dissectæ cruorem valde crassum, nigrum & siccum quasi exsillarint: Non vereretur etiam hunc Tumorem Carnosum dicere, cum *Peccetius* cap. 23. l. 1. Stru-

mas, seu glandulas (quibus eadem fere cum nostro Tumore materia est) non tantum scirrhosos, verum etiam ex Aërio, Carnosus vocet Tumores: Sarcocelen vero nominare nequeo, cū & hæc substantia dura pedetentim circa testes genita sit, quam non subrubra sed albida fuerit, & quæ originem in pene, non in scroto sumpserit. Notham igitur si Sarcocelen quis dixerit, cum & illa scirrhosis sit Tumor, menon habebit repugnantem. Ex contusione vatorum spermaticorum *F. Plateri*, succo ex vasis illis exsudante copiosiori, fieri sarcocelen scripsit. Credibile luxuriantem humorem nutrientem mentis cutem copiosiorum agglutinatam hunc scirrhosum dedisse Tumorem: Est autem nutritivum cutaneorum ac nervosorum corporum ultimum subalbidum, hinc factum ut & verrucarum corpora glandulosa ac albida dissectione inventa sint. Non sunt mihi cum illis rixæ qui omnia suis humoribus adscribunt, & ex colore tumorum de causa eorum argumentari volunt. *Idem Geiger.*

## OBSERVATIO XV.

*Tumor Glandulosus sub Scapula sinistra, à Glandula non morbosa sub cute conclusa. 1.*

*Struma in Humero sinistro ad pectus & dorsum diffusa, costis adhærens. 2. Tumor*

*Humero innatus ob subjectam ossis cariem. 3. Tumor in scapula sinistra lapidem continens. 4. Tuberculum circa Foveolam à Pulmonibus ortum ducens. 5.*

§. 1. **V**eneficæ vetulæ, ob veneficium suspendio enectæ, cadaver in domo collegii dissectum fuit; Quod potissimum observari dignum, erat Glandula quædam sub scapulæ costa inferiore lateris sinistri sita, quæ formam mammillæ cum papilla propendente referebat: Detracta cute, Glandula ipsa in conspectum venit, cujus figura erat hemisphærica, latior circa basin, qua panniculo carnosio adhærebat, sensimque contractior facta in papillam desinebat: latitudo circa basin erat duorum pollicum, altitudo fere unius. Substantia ejus illi mammarum simillima, alba quippe, mollis & spongiosa: vasa habebat arterias, venas & nervos: E medio ejusdem papillæ teres, magnitudinis pennæ cygneæ, longitudinis pollicis unius propendebat: Meditullium erat substantiæ glandulosæ, ejusdem generis cum illa totius mammillæ cui continuabatur: exterius productione cutis tegebatur, quæ etiam firmiter mammillæ adnascabatur: papillæ hujus substantia glandulosa aliquomodo pervia erat: Etenim moderata mammillæ compressione gutta cruoris ex ea exprimebatur: Nihil præternaturale aut morbosum in hac glandula reperiebatur nisi quod in numero partium redundabat: Num vero Glandula hæc in prima partium formatione ortum duxerit; an potius à causis adventitiis succreverit, judicare non licuit. *Warthon Adenographia cap. 38.*

## Appendix de Glandulis sanis varias corporis partes occupantibus in Milite.

Glandulas sanas valde numerosas nuper vidimus in milite quodam, in Nosocomio Saubaudiculi London, curationis gratia tunc morante: In cujus brachiis & femoribus modo simplices, modo racematim crescentes sub cute deprehendebantur, & vel in panniculo carnosio, vel cute adiposa sedem habebant: Omnes autem mobiles erant & indolentes, licet pressu scule contrectarentur. Chirurgus expertissimus, ut huic malo occurreret salivationem inuncto Mercurio movebat, sed frustra; quanquam enim ager ad tempus levaminis aliquid percipere visus est, paulo post tamen morbus, ut prius, incruduit: Chirurgus me præsentem, facta incisione, unam majusculam ex femore dextre extrahebat: quæ citra ullum putridum aut corruptum humorem tota ex solida glandulosa atque alba carne constabat: Quod satis demonstrat dari Glandulas adventitias plane sanas, nisi quod in numero partium præternaturalium recenseantur. *Idem ibidem.*

## S C H O L I A.

**G**landulas Vir Clar. dividit in *Naturales*, sive *perpetuas*, & *contingentes* sive *adventitias*: Adventitiæ ait, raro ab initio generantur & ad numerum partium naturalem vix spectant; verum de novo ut plurimum crescunt: Dividit eas in Glandulas quomodo formatas, & in glandularum rudimenta sive primordia: rudimenta hæc quanquam perfectam

glandularum naturam nondum adeptæ sint, quia tamen eo versus tendunt, in earum originem inquirat. Ad primordia spectant pars mittens, materia missa, & locus recipiens: Pars mittens necessario est vel vel canalis aquosus, vel vena, vel arteria, vel nervus: Verum neque vena, neque canalis aquosus (quo Scrofularum originem deducit *P. Barbet*)



quicquam mittere possunt, quia ea vasa tantum reductioni inserviunt: Verum arteriæ, quæ impetuosè sanguinem in omnes partes impellunt, ad hunc affluxum aliquid forte contribuunt: etenim extremitas arteriæ sanguinem in carnem, in qua terminatur, protrudit, venæque extremitas illi respondens eundem ob impedimentum aliquod, nonnunquam haud expedire recipit & deducit, unde pars illa nonnihil intumescit: motus vero sanguinis sic præpeditus eundem ad novos sibi rivulos querendos aptum reddit: Verum sola hæc aptitudo insufficientis glandulæ principium materiale videtur: Etenim materia, quæ primum rudimentum ejus præbere debet, oportet sit mitior multo molliorq; sanguine, imo ut genituræ animalium, vel ovorum albumini analogice respondeat: Primum enim rudimentum glandularum adventitiarum ad formationem tendere videtur: Sanguis vero solus acrior est quam ut formationis principium materiale haberi possit, quin potius extravasatus statim putrescit: hæc vero materia ut plurimum absq; putrefactione in cellulis suis stagnare observatur: Quanquam igitur arteriis vim cōcitandi fluxum sanguinis, ad prima rudimenta glandularum novarum, vivificandi gratia, concedendum sit, negandum tamen easdem primam materiam, ex qua generentur, subministrare, Quare aliud glandularum adventitiarum principium materiale querendum est: *Nervus* itaque restat perpendendus. Monstratum familiaritatem magnam & commercium inter nervos & glandulas intercedere, nervosq; aliquid vel afferre ad illas vel ab iisdem auferre. Impossibile autem est ut nervi ab his glandulis aliquid auferant priusquam ipsæ existant, sed necesse est aliquid afferant, ut materia suppedietur ex qua fiant. Succus quem nervi expiunt multo delicatior molliorq; est sanguine, multoque similior naturæ spermaticæ: Si ergo contingat nervi turgentis & repleti extremitatem effundere materiam ejusmodi in carniū interstitia, materia sic effusa statim formationem molitur, & primo cystim sive amiculum, quo tanquam chorio involvatur, effingit: quia vero nova subinde materia è nervo hac confluit, fit ut cystis hæc sensim distendatur, cumq; ex ipso augmento necessario extremitates arteriarum & venarum proximas comprimatur, accidit ut libero sanguinis transitu nonnihil impedito, aliqua ejusdem portio intunicam formatæ cystulæ deriveatur, novosque in ea rivulos exculpat, qui postea in arterias facessunt; quia vero pars in quam hi rivuli inniuntur virtute formatrice prædita est, ne sanguine jam affuso opprimatur, rivulos alios venales efformat, per quos in extremitates venarum circumjacentium superflua ejusdem portio exoneretur: Atque adeo habemus primum glandulæ de novo productæ rudimentum, ejusque generationis modum. Partem mittentem *Nervum*, nimirum, Partem vivificantem,

*Arteriam*; Partem exonerantem, *Venam*, item materiam illam *albumini ovorum similem*: Partem recipientem, *carniū interstitia*, & specialius *interstitia*, immediate eandem materiam, seu ovum de novo formatum, investientem. Diximus modo Sanguinem non esse materiam idoneam ad glandulæ noviter formatæ generationem, & consequenter haud arterias, nedum venas aut canales aquosos primam ejusdem materiam suppeditare: Cūque in locis plurimis, in quibus glandulæ generari solent, nulla alia vasa præter canales istos, scilicet arterias, venas & nervos, reperiantur, exclusis jam canalibus dictis, ut & arteriis & venis, prima hujusce materiæ congestio solis nervis asserenda est: Utque hæc sententia clarius constet, in memoriam revocanda sunt quæ adstruximus, nervos potissimum seminis materiam in testiculis suppeditare. Cum ergo nervi possint succum seminali similem in alias partes ecludere, cumque prima glandularum adventitiarum materia sit ejusdem prope conditionis cum succo seminali, credibile est eandem è nervis similiter originem ducere. Patet hoc luculentius, quia juvenes cælibes frequenter strumosi sunt, postea vero matrimonio conjuncti nonnunquam ipso curantur, materia nempe olim ad strumas fluens, ad alias jam partes, restes scilicet, divertitur: Idem ulterius probatur, quoniam glandulæ de novo formatæ, conformationem quandam, arterias etiam, venas, nervos & canales aquosos in se distributos habent, & ad aliarum partium viventium morem augentur: unde constat eas primo genitas fuisse ex materia simillima seminali, utpote formativa virtute prædita, quam certe nulla pars, præterquam nervi, eis suppeditaverit. Accedit quod nervi in earum substantiam, prout in glandulis naturalibus sit, disseminentur, uti ex doloribus acutis palam est, quibus strumosi sæpe in partibus affectis obnoxii sunt: Si autem nervi nihil contriherent ad earum generationem, vix cōcipi potest qua ratione se in earum structuram postmodum ingererent: concludendum itaque videtur Nervos primam glandularum de novo formatarum materiam suppeditare.

Hactenus generatio primorum earum rudimentorum, jam videndum quomodo eadem in glandulas adventitias perfectas abeant: Diximus modo rudimenta hæc ita se habere ad glandulas formatas, ut ova ad pullos; quare, quod in ovo fit quando generatur pullus, idem hic quoque, quanquam modo multo imperfectiore, peragi videtur: habet enim pariter in se materia hæc in cysti conclusa vim quandam plasticam, ratissime vero perfectam adeo ut integrum animal conficiat, (quanquam tamen aliquando in hujusmodi cystulis monstrum generari cernitur) sed loco animalis frustulum aliquod carneum gignit, sicut in utero, deficiente formatrice mola gignitur.

§. 2. Puero XII. annorum ab incunte ætate struma humerum sinistrum hinc inde ad pectus & ad dorsum vergens in tantam molem excreverat, ut xl. fere libras ponderaret.

Mortuo secto cadavere, ita firmiter Struma costis adhærebat, ut transacta prius atrophia dilatationem ipsarum ad respirationem prohibuisset. Struma porro substantiæ cartilaginosa erat, ut gladio maxime resisteret.

• Sed mirum audias Lector, quam recte & quam docte puer iste ante mortem loqueretur: Credo equidem hoc evenisse quoniam purgato capite materia ex illo ad strumam quotidie fluente optima fieret ratiocinatio. *Dom. Panarolus Pentecostæ 1. Observ. xxi.*

§. 3. Vincentius Balduinus, Vir infraactæ ætatis, vixit aliquandiu miserandum in modum ob Humeros, intra annos xv. quater effractum, quod paulatim increfcens, sive ex viscido ossis contusi succo, sive sanguine eo uberius affluente, in eandem devenit molem, ut nec pectus



pectus nec scapula immodicum ipsius pondus fuerit amplius ferendo, excitatis non solum maximis nervorum doloribus, verum etiam summa spiritus difficultate, ob luxurians pondus, thoracis motum continenter impediens, cum indefatigabili vigilia: quibus è salebris quo evaderet, usus fuit consilio variorum Chirurgorum, quorum alii tumorem emollire, atque in pus convertere: alii contra luxuriam ipsius arctiore fascia coercere, ac nonnulli vitiatum os ferrula præcidere adnixa fuere, sed omnes successu infelici, venæ enim ac arteriæ huius tumoris latiores erant quam ut pollice humano potuissent obturari, ac proinde magis impedimento quam auxilio fuere fasciæ: mortemque adeo non distulisset quam maturasset amputatio improvide instituta.

Facto autem vivendi fine, docuit anarome omnia sub cute visci crassitiem ac steatomatis induisse naturam, parumque discrepasse à vera natura canceri: cuius nomen fortassis propterea huic ossis vitio, haud male impositum à Celso: Ipsa vero ossa erant non modo à se invicem sejugata, verum quasi malleo minutatim confracta, ac præ irriguo madore adeo tenera, flaccida ac mollia, ut instar cærx facillime confringerentur. *Tulpius Observat. lib. iv. cap. xij.*

## SCHOLIA.

**A** Vera natura canceri] *Celsus* lib. 8. cap. 10. allerit ossium fracturæ, præter inflammationem ac distensionem nervorum, interdum quoque cancrum intervenire: Ecquid vero per Cancrum ibidem loci intelligatur, variæ variorum sunt conjecturæ, neque minores sententiarum conflictus: verisimile tamen non est verum hic designari cancrum, nedum sphacelum perperam excogitatum: at si quis conjecturæ locus, videtur hæc vox adumbrare callosum illud Tumoris genus, quod plerumque sequitur calamitosas ossis fracturas, vel inmedicabilem illam eorundem molliem quam imprimit ossi acida pituita, solidam ipsius substantiam plane corrumpens: cuius perniciosis tumoris natura, quantumvis haud parum discrepet à cancro genuino, in

eo tamen cum ipso convenit, quod uterque nullis cedat remediis, conspiretque perindeque in perniciem ægrotum.

*Ossa flaccida ac mollia*] Eandem alienationem ossibus imprimit acida ac maligna quardam pituita per habitum corporis effusa, quam interdum quinquaginta vidimus occupasse loca, ac occupare tantum non solida ossa, verum etiam carnem, membranas, nervos, ligamenta aut quicquid illis obvium, parum interim aut nihil proficientibus remediis, quibus intensissimum hunc hostem særegimus domare, sive iponte ex latebris suis prodeuntem, sive à variolis hanc in arenam productum. *Vide Hild. cent. 4. obs. 69. Idem.*

§. 4. Lapidis materia est humiditas crassa, viscosa, phlegmatis, aut saniei, aut sanguinis, aggregati in Apostemate, & hoc est rarum: 2. Junii 1567. Ill. vir Carolus Tiercelin, majoris ordinis Regii Eques, cum diem extremum obiisset, corpore ejus dissecto, in scapula sinistra Tumorem insignem habere repertus est partibus internis, qui novacula apertus, lapidem quadratum durissimumque continebat, qui à sanguine coagulato ex lanceæ ictu genitus fuit: *Ferrandus Senior l. de Lithiasi p. 11.* Ob lanceæ ictu & concussionem in latus sinistrum, remanserat ingens Tumor præter naturam, in cavitate cujus inventus est ingens lapis, quadratus, diversi coloris, ingentis duritiei. *Idem l. 1. fol. 34.*

§. 5. D. Hallerus à multis annis habebat Tuberculum circa Furculam in latere dextro pectoris, crescens & decrescens: Tuberculum crudum pulmoni adnatum circa Furculam in latere dextro inventum. *Lib. 2. tit. de Hamoptysi.*

## OBSERVATIO XXV.

*Brachii totius tumor pellucidus à lymphâ conclusa.* 1. Manus tumens ob ossiculum pollicis cariosum. 2. Tumores œdematosi circa articulos manuum, ob corrupta ossa. 3. Paronychia male tractata digiti corruptionem & ossis cariem intulit. 4. Clavorum in pedibus pertinacia inde est quod in periostio radicem haleant. 5. Tumores circa articulos digitorum ob viscerum corruptelam. 6.

§. 1. **V**Idua N. tabida post pleuritidem interiit: Triduo ante obitum brachium totum admodum intumuit pellucidum admota candela: Incisum lympham copiosam emisit. *Vide lib. 2. tit. de Expositione sordida.*

§. 2. Puer doluit in pollice manus sinistra, Chirurgus manum aperuit, effluxitque sanguis cum aliqua sanie: Tumorem per semi-annum gessit. Tabidi mortui (*Vide lib. 2. tit. de Phthisi.*) cadaver aperuimus, Ibi vidimus spinam ventosam in metacarpi prima regione: Ossiculum pollicem sustinens erat exesum: non autem, quod alias fieri solet, erat nigrum sed album: Tendo quoque erat albidioris coloris, muscoli minime putridi. *Ex communicatione Clariss. D. D. Mangolt Medici Basileensis.*

## S C H O L I A.

**S**pinæ ventosæ materia est serum acre malignitate præditum, & semper articuli afficiuntur: Generatur si pituita utilis putrescit & acris fit: Ossa primo ea corrumpit absque dolore; hinc humore ex

osse transsudante periostium afficitur (in puero sine putredine contigit) quod sanum mansit: Initio nullum dolorem sentit, tandem de dolore conquestus est. *Idem.*

§. 3. Puellæ sex annorum tota vita morbis fuit obnoxia, præsertim Tumoribus Oedematosis circa articulos manuum, quibus apertis ossa corrupta inveni, nulla tamen fere materia aderat. *Lib. 2. tit. de Phibisi.*

§. 4. Ancilla Viri Rev. D. N. Paronychia correpta est, Illico implorat auxilium Matronæ cujusdam, quæ certam opem omnibus pollicetur beneficio herbæ cognominis: frustra hæc per plures die admovetur, nam post ingentes dolores tandem digitus gangræna & sphacelo corripitur, ut ad amputationem deveniendum fuerit, quæ à Magistro N. peracta est, præciso supra secundum articulum digito.

Eo secundum longitudinem, post amputationem, aperto, caro & tendines omnino corruptuisse apparuit: nigredine tetra affecta Ossa, quasi calcinata fuissent, cinerei coloris & friabilia evaserant; adeo ut ineptam esse curationem, nedum insufficientem & affectui imparem cuivis manifestum fuerit.

## S C H O L I A.

**P**aronychia tumor est in digitorum extremitatibus, insignem dolorem movens, originem habens ex humore acri & maligno, tendines, nervos, periostium, imo os ipsum corrodere valens: Præmissis foris emolliente & anodyno, fiat dissectio partis affectæ secundum longitudinem digiti, & occurrat plerumque macula una, item & altera rubicundior, humorem aliquem acrem, exigua tamen quantitate exhibens, mali omnis causam: Post apertionem, primo quoque tempore perficiendam, Theriaca in spiritu vini soluta digito applicetur, toti ve-

ro manui Defensivum, sic curatio plerumque nyctihimeri spatio perficitur.

*Amputationem, &c.* Si hæc pars negligentia Chirurghi aut patientis, in gangrænam degeneret, extirpanda est: Id vero observandum ope forcipis peragendam non esse in secundo articulo, quia os plerumque assulatim effringitur, unde cura protrahitur, vel forte inutilis est, ratione fragmentorum superstitium: sed amputationem fieri debere per scissuram, post carnis circumcissionem, quomodo peragitur in artubus.

§. 5. Verrucæ genus album, rotundum, clavorum capiti simile in digitis plantisque pedum plerumque enascitur, in incessu molestiam & dolorem pariens: hoc sæpius resectum subinde renascitur: Pertinaciæ causa in proximo Periosteo, a quo deducuntur, pendere animadversa est: quo si non pertingat medicamenti aut ferri vis, non mirum si malum identidem sit redivivum: Ab iis resectis gangrænam & mortem sequutam esse narrat *Borellus* cent. 1. Observ. 82. dolorem enim consequutus humorum affluxus; hi angusto loco coerciti, putredinem concepere, ad quam gangræna, sphacellus, mors.

§. 6. Cuidam malus in facie color, & circa digitorum articulos Tumores. Omnia viscera interiora corrupta erant ac fœtidissima. *Lib. 3. tit. de Inappetentia*

## O B S E R V A T I O XVII.

*Femoris steatoma gypsea pituita & calculis reſertum. 1. Crurum tumor à tumefactis eorum glandulis. 2. Femoris tumor ob carnem mucilaginosam lardo similem. 3.*

*Crus Oedematofum ob Emulgentem venam femorali insertam. 4.*

**I**da famula N. percussa vehementius, sensit ex inopinato illo terrore nescio quem sibi oriri dolorem circa genu, cum tumore femoris in dies usque eo invalescente ut post annum septimum videretur, plurium Medicorum calculis, si non excedere saltem suo pondere accedere quam proxime ad illam strumam quam vidit olim *Benivenius*, ponderantem lx. libras *Observ. 14.* Quam molem hæc virgo septem annos amplius tulit tam animose, ut nemo domesticorum animadverterit unquam quicquam vitii in ipsius incessu: Verum erosa paulatim summa tumoris cute, intumescantibus ipsius venis, incrementum in dies pruritu, & carne magis ac magis livescente, nequirit ipsa malum suum diutius clam habere, sed coacta id detegere imploravit tandem pudibunda ac mortens opem Medicam, expectans obnixè Tumorem hunc scalpello sibi amputari: qui tamen pervenerat jam tum eo incrementi ac malignitatis ut nemo id auderet: quocirca festinet etiamnum invisum hunc hostem; & circumferens eum quocunque, incedit non minus expedire ac si nihil vitii femori inhaereret: compescens interim malignum hoc carcinoma, ultra annum xvij. solo plumbi unguento, cujus litu nihil simili huic tumori utilis.

Dissecto autem post obitum tumore, videmus eum ut foris glabrum ac inæqualiter protu-

protuberantem, sic intus stearomate, gypsea pituita, induratis calculis, dilatatis venis ac sinuosis anfractibus undiquaque repleto, at extrinsecus expanso femoris musculo adamussim tectum. *N. Tulpinus Observat. lib. 3. cap. 51.*

§. 2. Sectus à D. Sylvio febricitans & ictericus, ejus privatim aperta crura infinitas glandulas sub cute latere docebant: ut forsitan non incredibile sit annexas esse per universum corpus cutis interiori faciei glandulas minutissimas, ex quibus sudor exprimitur: adeo ut pori corporis non sint nisi harum glandularum minuti ductus: Esse autem has glandulas in sano corpore adeo minutas ut visum pene effugiant, in morbooso conspectiores. *Olavi Borrichius cent. 3. Epist. Th. Bartholini, Epist. 97.*

## S C H O L I A.

**E**scit haec Glandula, &c.] Cutis est membrana crassior, quoad maximam partem ex filamentis vasorum sanguiferorum, nervorum fibrarumque nervorum varie inter se complicatis contextas, quibus Glandulae numerosae & Lymphæ ductus, sive sudoris & vaporum vasa excretoria densissime interponuntur: Hujus substantia duplex à plerisque Anatomicis perhibetur, exterior nervea, & interior carnea, seu potius glandulosa; pro hujus exemplari aurantii cortex adducitur: Si cutis nuda per microscopium inspicitur, ex observatione Clariss. *Malpighii*, primo seie offert corpus reticulare, cujus foraminibus crebris continentur non solum ductus sudoriferi, sed & plurimae papillae pyramidales, per ordines parallelos è cute etumpentes, & in cuticulam, ubi in plures velut fibrulas dividuntur, protentae, quas idem Author Tactus sensorium statuit: Insuper his, substantia cutis habet Glandulas plurimas, quibus mediantibus Lympha, sive materies hidrotica, ex arteriis per lymphæ ductus, sive vasa excretoria, ad poros deducitur: Enimvero observavit accuratissimus *Stenon*, singulis poris suas glandulas subjacere, quae juxta *ipsius* uium majores aut minores existunt. *Willis operis posthumi p. m. 202.* Profecto humorem quendam Lymphicum in glandulis cutaneis, quae singulis foraminibus sudatoriis subjacent, propter

usus quoddam recondi, quin & juxta copiam, & moram ejus diversimodam, Glandulas has plus aut minus turgidas existeri, inspectio microscopica plane detegit: Latex iste à sanguine per arterias in glandulis hinc deponitur, nempe ut sarcinula hac deposita, facilius iste per venas redeat, interim illic repositus suos habet usus, &c. *Idem p. 207.* Impeditur Lymphæ motus per vasa Lymphatica, tum quando ipsa est glutinosior, adeoque ad motum lentior ac ineptior: tum quando ex parte compressa, vel quovis modo angustata sunt vasa ipsa: Quoties in vasis suis obstructio subsistit, & magis magisque accumulata nimium ipsa distendit & tandem rumpit lymphæ, toties eadem in loca vicina, vel cavitates propinquas effunditur, atque tunc alia via & alia quam decebat, movetur Lympha: Ex hac ejus per vasa sua in corporis habitum distributa & obstructa, hinc rupta, effusione in partes vicinas producuntur Dolores varii & Tumores, Catarrhis vulgo adscripti: inter quos haud postremum locum tenent qui partem brachii superiorem usque ad humerum ipsum occupant, & quandoque collum ipsum affligunt: Ad quos etiam referendi qui dolorem ichiadicum mentuntur, atque incessum impediunt, in naribus hærentes. *Franciscus Sylvius Prax. med. lib. 1. cap. 50. §. 9. 10. & 11.*

§. 3. Triplex datur generaliter in corpore humano Tumor seu eminentia: 1. Naturalis, sic protuberat caput, humerus, genu, &c. non Naturalis, uti gemino colle sororiant pleni lactei sinus, & venter gravidarum acuminatur: 3. Præternaturalis, cujus quamplurimae dantur species, prout vel ab humore vel à flatu, vel mole quadam seu substantia corporea, in omnes dimensiones partes organicæ præter naturam distenduntur: Videas hic varias variis in partibus, non dicam monstrosas sed morbosas Tumorum differentias, prout hoc vel illo loco natura aberrans humores congerit, non solum in triplici ventre, sed præprimis etiam in artubus: Prodeat in proscenium infans triginta mensium, quem parentes ad me adduxere 1671. die 30. Maii, addita relatione à duobus fere annis sinistrum femur primo sensim, deinde magis magisque intumuisse: Adhibiti in consilium tonsores, balneatores, carnifices, uti vagum vulgus solet circumerrare, multa incassum applicarunt, quia in tantum excreverat ut magnitudine corpus ipsum quoque tumidum longè superaret, neque binis cum dimidia spichamis viri emetiri circumferentiam posset: adeo huc omnes opes succi nutritii tanquam ad inutile receptaculum ferebantur, marcescentibus interim totius corporis reliquis partibus, utpote alimento necessario defraudatis: Extimam cutim venæ quamplurimae discurrebant, ceu portitores, ipse vero Tumor hinc & inde contrectatus resistebat, durus, æqualis, uno saltem loco sub poplite quandam præ se ferens mollitiem: Ipso ergo aspectu longius à statu naturali recesserat partis hujus quantitas & conformatio, quam ut viribus vel manus vel artis ad debitam proportionem reduci posset: neque spes ulla suberat vel discussionis vel suppurationis per ulla præsidia impetrandæ: Cum tamen parentes auxilium efflagitarent, adhibuimus cataplasmata quædam & emplastra emollientia: & in parte sylvestri, ubi videbatur mollior Tumor, & materiz suspicio adesset, ferro aperuimus, sed nihil præter sanguinem exiit, & glandulosa quædam corpora in conspectum se prodebant: Cum itaque magis confirmaremur nullo eum modo posse ad pepasum reduci, neque sectioni ullatenus adfore locum, clausimus vulnus, & præter interna, ad anxie-



tates sudoresque colliquativos directa, nil amplius tentavimus: Circa finem Julii, ob decubitus humorum, prope nuper apertum vulnus, & jam consolidatum, uno alterove loco sponte nova erupit fissura, & multum profudit sanguinis, donec fato placide fungeretur.

Unde eo nos contulimus spectaturi qualisnam materia inibi contineretur, ubi facta per longitudinem incisione, apparuit caro per totum mucilaginosa, compacta, instar lardi antiqui, pinguedinem mentiens, & tota per intersepta spatia interspersa glandulis, semina cucumeris quam accurate representans: Sanguis fere nullus apparebat, feri modicum, pus nullum, nisi in superiori circa inguen loco, ibi enim modicum puris albi continebatur, & circa os ipsum Femoris quod etiam cariei senserat primordia: Corpus ipsum à putredine jam impetitum dubitabant parentes sectioni committere, quare consuevimus cutem, quod nota dignum, solito crassiorem, licet extensione tanta facta prius quasi ruptura videretur. *G. Wolfgangus Wedelius in miscell. curiosis anni 1673. Observat. lxxix.*

§. 4. Oblatum mihi fuit cadaver disseccandum, in quo ubi ad Renes pervenimus, adeo luisse in iis naturam vidimus ut admirationem omnibus pareret: Quatuor sunt renes in una mole conjuncti, sinibus tamen atque valis inter se divisi: Plures adhuc extabant propagines ab emulgentibus quam sint notatae in figura: Non est quod hic plurimis agam in exaranda causa tam alienae à naturae ordine compositionis; Quod hic nobis dicere conveniet, est nos posse putare hunc hominem fuisse salacem, ob vasorum seminalium abundantiam: Præterea quod si diutius vixisset (quod illi forte natura concessisset, cum optimo corporis habitu in cæteris constituisset, sed licarium trucemque factum jus laqueo de medio abstulit) censendum est crure sinistro fuisse tumoribus œdematosi subditum, propter emulgentem, quæ supra Renem ferebatur, in femorali statim insertam: nam interea dum naturalibus adhuc viribus pollebat (non enim supra 40. annum vixisse facies ostendebat) sugebat valide serosum humorem: interea & si aliquid labebatur, facile exercitio, & nativo calore robusto, in halitus absumebatur, quod non æque præstitisset si ætatem virilem attigisset. *L. Botallus operum p. m. 62.*

## S C H O L I A.

**C**onjectura admodum infirma est quam de tumoribus œdematosi sinistri cruris affert *Botallus*: præterquam enim quod tales à sero non proveniant, sed à pituita, etiam per arterias debebat humor in crus effluere, juxta doctrinam de sanguinis

circulatione: Nunc vero sanguinis portio per cruralem sinistram reflui, facta aliquali digestionem per emulgentem sinistram, iterum supra renes venæ cavæ descendenti infundebatur. *I. Van Horne, ibidem.*

## O B S E R V A T I O XVIII.

*Tumor in Genu excitatus à steatmate xvi. librarum ponderis innato. 1.  
Cartilagineus cavitates habens sero repletas. 2.*

§. 1. **P**atella (sicut & os Tibiæ) ut plurimum cariei obnoxia; exinde sæpius fit ut homo summis cruciatibus, ni mature succurratur, torqueatur: Ratio est quia multis nervis, tendinibus, venis, arteriisque composita est, quæ nimium motu illico humores concitat, qui haud facile medicamentis cedunt, sed collecti per sæpe præter dolores, Tumores plurimos eosque pertinacissimos concitant ut pro multis exemplo fuit ancilla fratris mei, cui cum post obitum in leprosinario secuisset genu, Steatoma librarum quindecim adstantibus ostensum fuit. *Nic. Fontanus Annot. in cap. 1. Epitomes Vesalii.*

§. 2. Latomum secui lapsum ex alto, qui in genu sinistro sub cute scirrhum habuit patellæ simillimum: Sectus autem is vera erat cartilago, & in ea parvæ aliquot cavitates cum sero: Crus fregerat ad caput coxæ, fregerat & sternam medium, disrupta & vena cava. *Jacobus Sylvius operum pag. 45.*

## S C H O L I A.

**L**apsum ex alto, qui in genu sinistro sub cute, &c.] *Sarcoma* frequens in parte postica ex contusione femorum à Longa & dura scissione sive equitatione: Eleganter Sarcomatis materiam exponit *Fernelius*, Non ex humoris, *ait*, cujusquam fit affluxu, sed ex solo partis alimento, hæc enim quia aut intus, aut foris exulcerata est, ni cohibeatur, assiduo alimenti accessu diffunditur atque luxuriat, sæpe etiam vena-

rum & arteriarum instar ductus producit, per quos alimentum sumit: Sic integra cute, cum subiecta caro contusa ruptaque est, ingens tumor sensim exurgit, qui cæterarum partium mole alimentum capefit, nullo quidem dolore, sed exquisito sensu & naturali calore præditus. *Riolanus Encheir. Anat. lib. 5. cap. 3.*

O B S E R V.

Femorum & Tibiarum Tumor ob vitium hepatis, splenis, pulmonum, genitalium. 1. Tibiarum tumor ob vitium renum, hepatis, pulmonum. 2. Manus sinistrae pedisque tumor ob hepatis vitium. 3. Tibiarum & Pedum ob Pulmonis vitium, Vteri. 4. Crurum Pedumque inflatio ob Lienis & Jecoris vitium. 5. Pedum & surarum tumor ob suppuratum pulmonem sinistrum. 6. Pedes Oedematosi ob hydropem thoracis & lienis vitium. 7. Pedum tumor ob jecoris, lienis, mesenterii vitium. 8. Pedum Oedema, ob thoracis, hydropem, hepatis lesionem. 9. Ob pulmonum cordis, jecoris, renum vitia. 10. Ob vitium jecoris, pulmonum. 11. Ob vitium hepatis. 12. Pedum tumor ob glandulas subcutaneas tumidas. 13. Pedes vesicis obfiti, ob bilem in cysti cohibitam &c. 14. Pedum Tumor oedematosus ob pus ex hepatis abscessu, in mesenterium & Omentum illapsum. 15.

§. 1. **Ll. N.** femora cum tibiis hydropicorum instar aqua erant tumida: Hepar in duabus partibus erat syderatum, Splen putridus, Penis, Testiculi necrosi affecti, Pulmones nigri, purulenti. *Vide lib. 3. tit. de Ischuria.*

§. 2. **D. Mar. N.** diu asthmaticus fuit, hinc tumor hydropicus tibiae sinistrae, post & utriusque: Pulmones erant contracti, in quibus serum continebatur, Jecur ex parte scirrhusum, Renes hydatidibus scatebant. *Vide lib. 2. tit. de Dyspnoea.*

§. 3. Puella cachectica latus sinistrum habuit, manus pedesque tumida, dextrum extenuatum: Hepar valde magnum habebat, ex parte corruptum, Lien integre sanus praeter spem. *Lib. 3. tit. de Cachexia.*

§. 4. Viduae **N.** venter intumuit ut in praegnanate: Pedes ac tibiae in tumorem sublatae durum: Hepar & Lien erant sine noxa, Pulmo semiputris: Uterus libras 87. ponderavit varia materia, etiam pilis infarctus. *Vide lib. 3. tit. ventris tumore.*

§. 5. **Dom. Penso** magno abdominis Tumore, & Crurum Pedumque Inflatione laboravit: Lien illi maximus erat totum implens abdomen: Jecur valde durum, obstructum. *Lib. 3. tit. de ventris tumore.*

§. 6. Puello trimo dyspnoea, tussi affecto, in pedibus & suris tempore vespertino tumor accidebat: In sinistra parte abdominis propendentia instar sacci è diaphragmate obviabat, purulentia referta, à suppuratione sinistri lobi pulmonis. *Vide tit. de Febris.*

§. 7. **Thomas N.** febricula, tussi, dyspnoea detentus, cum Tumore Pedum neque noctu neque die desinente. Totus pulmo scatebat seroso humore: Pulmo & Lien putrilaginosi. *Vide lib. 2. tit. de Tussi.*

§. 8. **Celsissimæ N.** corpus squalidum, si crura & femora oedematosa, excipias: Jecur fuit exangue & decolor, Lien prætumidus, mesenterium scirrhusis & glandulosis tumoribus refertum. *Vide lib. 3. tit. de ventris dolore.*

§. 9. Quidam in Cachexiam cum Oedemate Pedum & dyspnoea incidit: Thorax totus aqua cruenta scatebat: Hepar albicans & duriusculum. *Vide lib. 3. tit. de Cachexia.*

§. 10. **Vicentinus** (de quo tit. de Phthisi.) Pulmones habuit debiles, unde tussis, &c. accidebat hydrops pedum non abdominis, qui digiti imprimendis vestigia servabant. Apertum cadaver prodidit cordis auriculam dextram sanguine distentam. 2. Pulmones lividos, flaccidos. 3. Serum copiosum in thoracis cavitate. 4. Jecur lividum, scirrhusum. 5. Lienem majorem solito, flaccidiorem. 6. Grandem calculum in rene dextro, &c.

§. 11. **Nobilis** in melancholiam incidit: universum corpus frigere videbatur, Pedes processu temporis oedematosi facti sunt: Hujus hepar colore undiquaque nigrius quam secundum naturam apparuit: sed tamen minus nigricans quam Pulmonis sphacelo correpti substantia: impressorum digitorum vestigia facile retinuit nec minus facile soluta parenchymatis unitate rimas contrahebat. *Lib. 1. tit. de Melancholia.*

§. 12. **Catharinæ N.** Pedum erat insignis Tumor cum macie totius & dolore hypochondrii dextri: Hepar erat grandius, in cujus medio macula alba, tactu cartilagini molli similis, totum parenchyma penetrans. *Lib. 3. tit. de Hypoch. dolore.*

§. 13. **Tentabatur N.** superiori vere ascite simul & tympanite, jam biennium ex difficillima quartana restitutus, sed cum ex eo immemor sui, monitorumque Medicorum, totos dies mensesque, inter rationum libros sedentarius consumeret, ut erat prius facto abdomine tardus, & angusti inter anhelandum spiritus, aggravari paulatim hæc mala sensir,

sensit, reciprocari frequentius, anhelitum & suffocationem minari, tendi ultra abdomen, potissimum autem musculos sartorios in utroque femine durissimos evadere & gelidissimos, pedes quoque & crura in tumorem metuendum ampliari: Advocati tres Medici nihil reliquimus intentatum; sed vicerat infesta morbi vis, & præsertim arctus ille suspiriosi pectoris meatus jussu factorum exsequebatur: Dum autem formenta Medica adhibentur, imperata in cæteris sub genu utroque interno cauteria, quæ ipsa eadem hora, qua cutis lixivo sali paruit, aqua limpida & copiosa stagnare cœperunt, argumento & malum non solis flatibus, sed humori etiam male nato per interiora femorum decumbenti adscribendum, & liquorem illum invisum in pedibus, non solum musculorum intersticia, sed glandulas quoque quæ sub cute latent nondum, quod sciam, descriptas, occupare, inque tumorem formidandum attollere: Illas autem glandulas jam ante plures annos, in apertis à morte hydropicorum pedibus videre contingit: proxime adjacent cuti, infinitæ numero, suntque ex genere conglomeratarum: hæc cum sibi relictæ minutissimæ sint, & fere oculorum aciem effugiant, intumescunt oppido, aqua ex supernis allapsa & distendente: Neque forte alienum fuerit suspicari ab his ipsis glandulis exprimi potissimum sudores & alia quæ ex minimarum venarum tunicis exsudare hætenus credita. Enimverò, non in solis pedibus hæc glandulæ mihi observatæ, sed & in brachiis hydropicorum; nuper etiam in hydropici fabri tignarii abdomine. *Olaus Borrichius Observat. 98. Actorum Medic. annor. 1671. & 1672. Th. Bartholini.*

## S C H O L I A.

**H**ippocr. olim lib. de Glandulis seu ἀδέν, inquit, ἡν ἡ γὰρ τελεῖται; at licebit hodie forsitan non injuria convertere, seu τελεῖται ἡν ἡ γὰρ ἀδέν: Sunt autem pili in universa cute sparsi, quorum ubique comites glandulæ: Quin & antiqui obsecere hydropem non tantum in magnis hætere cavitatibus, sed & cuti proxima occupare, unde non *intercutem* modo appellavere, sed & in eodem malo laudavere scarificationes, ut est apud *Celsum* lib. 3. cap. 21. Quæ superficiem duntaxat lambunt, cum paracentes penetrent ad ulque cavitates majores: Pater & hinc explicatio dicti *Hippocr.* lib. 6. aph. 8. *πῶς ὁ δὲ γὰρ ἀδέν ἡν ἡ γὰρ ἀδέν, ὃ παρὰ τὴν ὑπόκρινται*: Igitur difficulter sanantur hydropicorum ulcera, quod glandulæ sub cute delitescerent novam quotidie & malignam subministrarent materiam. *Idem. ibidem.*

*Ex difficillima quartana resistimus, immemor sui* ] Adjiciam hic non inconvenienter Quartanariis utile esse ut, ditculo licet morbo, diu paroxysmi tempus observent, & abstinencia recidivam declinent, nisi ament fata hydropici dicti, qui curatus rogabatur sollicitè ut horam paroxysmi diu reverenter haberet, etiam paroxysmis omnibus sublati; sed monitorum negligentior, cum aliquando totas sex hebdomadas, hinc accessionis ultius indicio exegisset, aliquando infesta illa hora, qua paroxysmus recurrere consueverat, lacti acidiusculo liberalius sese ingurgitaverat, redeunte ipso momento quartana, & diu pertinaciam suam retinente: usque adeo verum illud *Celsi* 3. c. 16. *Si febris quiescit, diu meminisse ejus diei convenit: eoque vitare frigus, calorem, crudelitatem, lassitudinem: facile enim re-*

*vertitur, nisi à sano quoque aliquandiu timeatur. Idem ibidem.*

*Ex genere conglomeratarum* ] Distinctionem Glandularum in Conglomeratas & conglobatas, vi supra ubi de Strumis.

*Aqua ex supernis allapsa* ] Exc. *Platerius* lib. 2. Prax. cap. de Extuberantia, hydropicorum pedum tumorem à sero in eos defluente ex abdomine deducit, non solum eo argumento quod defluente decursum in crura humore ventris tumor nonnihil subsideat: uti & quod liberior sit respiratio, refluxente vero illo hæc rursum redeant; Sed & quod sponte vel arte aperta in pedibus tumentibus cuticula, sero tunc sensum extillante, successive ventris tumor decrescat: aut si affacim erumpat, vel diu effluxus hic perseveret, penitus quoque recedat, multæque mensuræ aquæ per hanc viam sæpe effluant, quam nonnisi in abdominis cavitate collectam fuisse ex jam dictis facile licet colligere; cum in pedibus, non solum dum tument, sed & postquam ex parte ob effluxum aquæ detumuerunt, tamen semper adhuc aquæ copiam profundunt, tanta mensura contineri minime potuerit; nec tumor alius in ascite quam in ventre appareat: Dein, & cum ex latione viscerum in abdomine contentorum, in ventrem aqua labitur, quæ frequentior est ascitis causa, nec alibi quam in ventre hujus aquæ scaturigo sit, pedesque quoque intumescant, idque antequam sæpe in ventre tumor observetur, eam ipsam ex abdomine in eos influere, cum extra abdomen nullibi alias collecta fuerit, hæc quoque sufficienter comprobant.

§. 14. *Georgius Gebhardus* (lib. 2. tit. de Tabæ) variis morbis detentus tandem contabescens obiit; In vesicula fellis, & meatu ejus choleram ad intestina deducente, obrulic sese massa quæpiam nigra, specie vitreorum lapillorum, qui pileis, ornatus gratia annecti solent, adeo quidem ut bilis reciproco gradu, propter obstructionem spinam dorsæ perforando ad pedes deflueret, ubi concitavit ampullas aut vesicas ovi columbacei magnitudine vel etiam majores, tantum ardorem ac dolorem moventes, ut mirum sit quod non singulis horis æger in syncopen incideret, quibus apertis nil nisi cholera ichori commixta exivit. *Ex D. D. Joh. Fabri Observat.*

S C H O L I A.



## SCHOLIA.

**E**xciatvis ampullas tantum ardorem &c. Cholera exivis ichori commixta. ) Horum Exanthematum generationem tradit Plato in Timao, Quaecunque in corpore inflammantur ardenteque, à bile flava id habent, cum enim foras exhalat, Græce ἀνατρεῖν ἢ ἰχθυον ) reservens, omnis generis tumores, (φύματα) emittit: Inclusa gignit morbos exurentes plurimos: maximumque cum puro sanguini admixta fibrarum genus ex proprio ordine depulerit, quæ fibræ eo sanguini datæ sunt, ut nec nimis tenuis nec crassius foret, nec præ caliditate, cum humor sic, è corpore effluat, & ne præ densitate motioni sit ineptus, & vix in venis sese convertat. Hunc locum commentario illustrat Ballonius consilio 4. li. 3. Non est dubium, ait, quin bilis cum accensa fuerit, & foris & intus, excitato summo ardore & deflagratione, molestias non inferat: Quod ante de pituita alba dictum est, quæ haberet suam quandam foras ἀνατρεῖν, idem & de bile dici potest: Unde cum Hippocr. bonum esse αἴτιον erysipelas foras exire, id non fit nisi per istam exhalationem & translationem intus foras: Mirum autem cur dicat bilem in habitum corporis effusa φύματα gignere, intus vero πνεύματα υγιήματα, φύματα enim flatum significat, & aliquid spirituosum, aut inflationem, Et idem facit foris bilis, quod pituita intus, hæc enim molesta est ob flatum πνεύματα, quid est aliud quam dicere καὶ τὰ φύματα? nam φύματα φύματα & πνεύματα habent aliquid συζυγόν. Dicendum est bilem ubi fervet in habitu corporis, non tam tuberculum, aut vere tumorem excitare, quam tumorem improprie & potius pustulas: Et πνεύματα & φύματα ad pituitam potius quam ad

flavam bilem referenda sunt: Tamen quoniam ubi bilis cum sanguine fervet, bullæ & tenues vesiculæ excitantur, ideo parum Medice fortasse ea omnia nomine τὸ εὐρύματιον comprehendit: τὸ γὰρ εὐρύματιον in bullante humore dicitur: Et ebullientis sanguinis eruptio εὐρύματιον ab Euripide nominatur, quam significationem Plato sequutus: Sed quaeritur hic, Cur bilis cum sanguine mixta fibras à proprio ordine dimovet? Quomodo id fit? Primum quid est fibrarum genus ἐν τῷ τέρεινι deturbare? an fibras elidit, destruit; ut sanguis exers fibrarum dicatur? Id videtur Plato, & Hippocr. 1. de morbis primus statuisse, "Sanguinis, inquit, ad sapientiam maxime facit, cum bilis commota ad venas & ad sanguinem ingressa fuerit, sanguinem ex consueta consistentia ac motu emover, terosum facit ac calfacit: Calfacto hoc corpus concalescit & homo desipit sanguine in se- rum transmutato, motu non solito contingente & præ febre.

Cum itaq; Plato ait à bile, cum puro sanguine mixta, fibrarum genus elidi & perturbari, id videtur esse quod scribit Hippocr. A bile sanguinem subeunte ipsum sanguinem tripliciter affici, i. suam consistentiam amittit, attenuatur enim, id quod non fit nisi fibrarum vitio: Item ex proprio motu dimovetur, & alium quendam cursum inflectit 3. calefcit, Vnde hæc per bilis subeuntis vim & potestatem: Plato tamen paulo obscurius loquitur quam Hippocr. nam αἴτιον genus fibrarum à proprio quodam ordine deturbari ob ipsam bilem: Non dicit fibras corrumpi, non sanguinem attenuari & in ichorem resolui.

§. 15. Quidam cum febre & dolore ad hypochondrium dextrum pedes habuit oedematoso tumore inflatos: Epar in se conclusum habebat abscessum, ex quo pus in omentum & mesenterium influxerat. Vide lib. 3. tit. de Hypochondr. tumore.

## OBSERVATIO XX.

*Tumor Oedematofus manus sinistrae, cum ulcere in vola, ab ossibus metacarpi corruptis & demortuis integro perioestio.*

*Pædarthrocace Severini, Spina Ventosa, Ventus Spineus.*

**D**um Patavii Studio Medico operam dedi, Nob. quidam Studiosus laboravit per aliquot menses oedemate manus sinistrae, quod post universalium usum sub præstantissimis topicis nunquam diminui, sed tandem in vola exulcerari coepit: Quare adhibuimus in consilium Exc. Spigelium, qui postquam ulceris qualitatem specillo explorasset, & os corruptum terigisset, statim tumorem vocavit *Spinam ventosam*, quæ *Malum est incurabile & amputationem partis affecta requirit: Provenit autem Spina ventosa ab humore qui occulta & insensa qualitate primum ossa, citra omnem perioestii læsionem, atque doloris sensum, corrodit, deinde Oedema efficit minime dolens, & post aliquot menses partem exulcerat: Consensu ægri obtento, manum extremam supra radii & cubiti appendices scalpello falcato ac ferra resecai: cubitoque splenis, vesica & fasciis obligato.*

In parte amputata reperi ossa metacarpi quidem corrupta, sed perioestio undique, præterquam in loco illo ubi ulcus, adhuc contenta. Hunc gravissimum affectum fuse describit Marcus Andr. Severinus lib. 5. de Abscessuum recondita natura. Ioh. Scultetus Armam. Chirurg. Observatione xc.

PPPPPP

SCHOLIA

## S C H O L I A.

**P**rovenit Spina ventosa] Quia accuratè & succin-  
tè hunc morbum describit P. de Marchetti, ad  
calcem sylloges observat. Medico Chirurgic. hic atte-  
xere placuit quæ de eo tradit: Materia hujus morbi  
est Pituita, Locus effectus semper articuli, nunquam  
vero internodia primario, quæ tamen si aliquando  
corrumpantur, id fit ratione sympathiæ: Modus ge-  
nerationis hic est, Si pituita nutritioni articulum  
dicara putrescat, aut quodammodo fiat acrior, primo  
ossa corrumpit, & quidem nullo dolore, quibus po-  
stea corruptis, periostium labefactatur, cujus signum  
Dolor pungitivus, acutus & lancinans, ita ut patiens  
referat se veluti spina pungi, unde Spinæ nomen mor-  
bo inditum: Dum vero hujusmodi dolore æger dive-  
xatur, atque periostium eroditur, nullus adhuc ap-  
paret tumor, corruptis vero, & quidem primario osse,  
secundario vero periostio, materia pituitosa libere  
permeans per loca carnosâ, attollit articulum affe-  
ctum in tumorem i. mollem & laxum ac doloris ex-  
pertem, cuti concolorem, qui patefactus durior eva-  
dit, confluyente eo humorum copia, quorum tenuior  
pars exhalat, superstitie crassiori: ex quo insuper  
emanat materia serosa, atque specillo os corruptum,  
prout dixi, se prodit: Ad xxv. annum circiter ut pluri-  
mum observavi tum viros tum fœminas huic morbo  
obnoxias, non vero proveciori ætate, nisi antea eo-  
dem tentati, necdum convaluerint. Signa pathogno-  
monica sunt, dolores ab initio instar puncturæ spinæ;  
articuli affecti, adolescentia, tumor, mollis, laxus, qui  
hians serositatem effundit, cui si pus immistum fuerit,  
hujus ex corrosis partibus carnosâ aliqua portio gi-  
gnitur: Quod ad prognosticū, Hic morbus ægre sana-  
bilis, tum ob assiduam materiæ confluxum, tum ra-  
tione corruptionis ossis, quæ quo gravior, difficilior  
evadit sanatio: Incipiens facilius cedit antiquo, nun-  
quam tamen sanandus nisi remota fluxione & sub-  
lato toto osse corrupto, vel igne vel ferro: Curationē  
quod attinet, statim ac patiens conqueritur de dolore  
pungitivo, spinoloveluti, in articulis vel manuum, vel  
pedum, cubitorum aut genuum, quanquam hoc ra-  
tius, live malleolorum, statim, nullo licet apparente  
tumore, sectio ejusdem est facienda, à qua non tam  
cito demittendum specillū, quo os corruptū inæquale  
percipitur, indicio ejusdē ante ipsū periostiū corrupti:  
Tunc vero prima elicitur indicatio, nepe ejus caviem

abradendi, sine cujus præsidii ope, tū in ulceribus, tum  
in vulneribus, nunquam ad firmam cicatricem dedu-  
cuntur: Osse vero sublato, curanda carnis generatio,  
cicatrice tandem inducta: Quod si ob loci profundi-  
tatem ferramenta abrasoria inlinuari non possint,  
utendum igne actuali, Dilatato igitur foramine, se-  
ctione, spongia præparata, radice gentianæ, medulla  
sambuci aut lorgi, in idem demittenda cannula ferrea  
utrinque perforata, mox candenti ferramento os cor-  
ruptum inurendum, quouique perito artifice ex usu  
videatur futurum, ut statim abiceat: Tum vero  
curationis quod superest modo superius proposito  
prosequendum: Quia vero interdum accidit ut totum  
internodium, maxime in pueris, digiti manus vel pedis  
sit corruptum, hoc casu neque ignis, neque ferramen-  
tum juvant, quorum loco utendum Trepano tenuio-  
ri, quo perforanda media pars ejusdem, à qua, foricu-  
lis affabre in hunc usum paratis, partes laterales se-  
candæ, atque totum internodium paulatim educen-  
dum volsella, cujus vacuus locus progressu temporis  
carne oppletur, qua quidem in pueris duriore quo-  
dammodo facta, & veluti callosa, ossis vice fungitur:  
quanquam ubi totum internodium est ablatum digi-  
tus, musculis ad caput suum adductis, & cedente  
carnis mollicie, decurtatur: Quod si Medicus acce-  
dat facta jam soluta unitate ab ipsa materia pituitosa,  
ex putredine aciori facta, tota curatio dirigitur ad  
ablationem ossis corrupti, machinamentis & indu-  
stria superius propositis, quibus aliquando duo, tria  
aut plura quin etiam ossicula evelluntur: In ossis ve-  
ro ablatione, ulatione aut evulsionem, cavendum ne ten-  
dines offendantur, metu convulsionis: Hæc est cura-  
tio topica hujus morbi, cui totius corporis cura præ-  
mittenda, phlegmagogis, hidroticis, &c.

Malum est incurabile & amputationem partis  
affectæ requirit) Scilicet consummatum & cum pro-  
posita prætidia non suffectura videntur: Imminentis  
Præsevationem tradit Severinus libro dicto cap. xx.  
Curationē, ubi malum levius est, per scalpri abrasio-  
nem, cap. xxj, ac si profundius sit, per Trepanationem  
& ferri candentis admotionem, Ibidem. Pædarthro-  
cace in puero à nutrice lue venerea haustam, mer-  
curialibus sublatis non sine labore magno tradit L.

D. Horstius manud. ad Medic.

p. 1. cap. 2. S. 2.

## OBSERVATIO XXI.

**Tumor in capite Pulsatorius Aneurysma in meningibus sequutum.** 1. In summo pectore à  
dilatatione insigni Aortæ. 2. Aneurysma quartam thoracis partem interius occupans. 3  
Sub sinistra homoplata, ob sanguinem ex magna ad caput ascendente arteria, in musculorum  
spatia effuso. 4. Aneurysma Aortæ arteria. 5. Tumor colli pulsatorius ab Aneurys-  
mate arteriæ carotidis. 6. In Dorso tumor pulsatorius ob Aneurysma aortæ è directo. 7.  
Brachii tumor pulsatorius infelicem venæ sectionem sequutus. 8. Sub clavicula dextra ob  
aneurysma arteriæ magnæ. 9. Cruris ob dilatationem ejusdem arteriæ. 10. Cruris ruptam  
arteriam cruralem. 11. Aneurysma sit arteriæ tunica Interna corrosa aut rupta, Externa  
dilatata. 12.

§. 1. **Q**uidam à bipenni in capite graviter vulneratus ad suturas sagittalem & corona-  
lem, cum dextri sincipitis læsione, convaluit relicta ob abscessum ossis in loco  
affecto præternaturali mollicie, & quadam cerebri debilitate, cum vagis capitis doloribus,  
ob quos tenuem victum semper observavit: Ad finem vergente anno 1671. (ictus ante 30.  
annos) in dicto sincipitis loco tuberculum exortum est, primum cerasum, mox juglandem  
adæquans, quod tamen fidens tenui suæ dietæ sprevisse visus, donec surgente hoc anno  
1672. quotidianum tumoris augmentum advertens curæ Chirurghi se concrederet: Hic

omnia

omnia examinans, in mollis ac pulsantis tumoris in dies accrescentis medio, vesiculam quandam observavit coloris rubri, quam metu inevitabilis hæmorrhagiæ nonnisi post aliquas visitationes cauta manu aperuit, sanguine, ut in Aneurysmate fieri solet, saltuatim profiliante, donec aptis ad id medicamentis applicitis sisteretur: Acuta post dies aliquot febris supervenit, cum ingenti siti, vigiliis singultu, urina confusa, & tandem erysipelate totius capitis ac unius pedis, quæ symptomata remediorum vi ad tres vel 4. dies remissiora visa sunt, at tandem recrudere cum non dubiis suppurationis signis: hinc tumorem latius aperuit Chirurgus, ut & retento puri exitum daret, & sibi viam pararet, cujus ductu Aneurysma detegeret: Cum sanguine extravasato nigricans & foetens ichor primum effluxit, quo sensim vacuato post dies aliquot tenue, nec satis coctum pus, hinc inde inter cranium & duram meningem diffundi ac moveri quotidie videmus, ad cujus egressum collutiones varias adhibuimus, quæ tamen valde exigua puris partem, ob figuram cranii aliasque difficultates eduxere, relicta autem purulenta ac corrupta materia, quarto ante obitum die universalem induxit torporem.

Mortuo ægro veram morbi ac loci affecti naturam investigare animus erat, sed reluctante vidua, non nisi novacula aperire licuit communia capitis integumenta, sub quibus circa cutem deperditionem utriusque laminæ dextri sincipitis offendimus, ad magnitudinem thaleri uncialis, per quam extraximus conspicuam grumosi cruoris copiam, duræ matri immediate incumbens: Si cranium aperire licuisset, veram Aneurysmatis duræ matri incumbens sedem ac naturam didicissemus. *Henricus à Moinichen Observat. 78. Aëlorum Medic. Bartholini annor. 1671. & 1672.*

§. 2. I. Pauli anno 1641. Tumor cum valida pulsatione circa claviculæ sinistræ & sterni conjunctionem subortus est, qui in tantum increvit ut exterius puggi magnitudinem multum superaret: tandè ex continua sanguinis excretionem obiit. In thorace partim sese conspectui dedit dilatata arteria aorta ascendens, cujus paulo supra divaricationem tanta erat amplitudo, ut duas libras sanguinis & ultra capere posset, quæ excelsa videbatur. *Vide l. 2. f. §. Obser. 8.*

§. 3. Disrupta arteria & facta in carne Aneurysmate, Aneurysma in carne eadem ratione ut arteriæ pulsare sentitur, in quo manifeste caro sanguinem dilatatione non attrahit, sed in eam sanguis pellitur: Quale miserandum exemplum in Exper. Viro Iohanne Elemanno vidimus, cui disrupta arteria in Aneurysma quartam thoracis partem occupaverat: quale & observavit *Riolanus Anthropol. lib. 6. cap. 12. Ioh. Walæus Epist. 1. ad Th. Bartholinum de morbo Chyli.*

§. 4. Cum Ioh. Fabri, acutissimus & sedulus Palatii Monspeliensis Scriba, præcipuam juventutis partem in comestationibus, frequenti atque intempestivo meracioris vini potu transgisset, cepit circiter quinquagesimum ætatis annum ægre respirare, & molestissima cordis palpitatione laborare: Ad huius morbi depulsionem fuere non solum à nobis, sed & à nostræ Academiæ præstantioribus Medicis præscripta varia præsidia: Quæ cum contumax & pervicax morbus, ob perseverantem malam victus rationem, prorsus contemneret, deterius habuit, & transactis aliquot mensibus, quibus Medicorum consilio nullo medicamento usus est, (volebant ii curationis partem chronici affectus naturæ committere) cœpit de illius partis, quæ est sub sinistra homoplata, queri: Inspecta, & optime animadverta doloris sede Tumor insignis mihi apparuit, tactu mollis & cum pulsatione, & digitis pressus totus fere deltescens, & his ablatis recurrens: Cum vero hic morbus jam altas radices egisset, essetque deploratus, vitam, cum morte commutavit.

Ut autem & constitutionis morbi, & ejus causæ certiores essemus, Tumore tentatam partem dissecuimus, ex qua sanguis copiosus, sed olidus profiliit, quo plane evacuato & deterso, apparuit nobis prima arteria sub corde, ex magna ad caput ascendente orta, maxime dilatata & dilacerata: Hæc descendens intercostalium musculorum regionem perreptat: In musculorum spatiis coacervatus sanguis, temporis diuturnitate putrescens, illius loci vertebam & costam ita labefactavit, ut cariola à nobis visa sit. *Antonius Saporita de Tumor. p. n. l. 1. c. 43.*

## S C H O L I A.

**S** Ennerius Pract. l. 5. p. 1. cap. 43. censet morbum hunc, quem Saporita describit, Aneurysma non fuisse, sed sanguinis arteriosi, ex ruptura arteriæ, in vicina loca effusionem & corruptionem: Etenim, si ex ejusmodi effusione fieret Aneurysma, certè ille in latum, & longum, & circumcirca se diffunderet, cutemque alieno colore tingeret, sicut contingit in contusionibus & venæ sectione male peracta, atque id facilius ob sanguinis arteriosi tenuitatem, quod non

accidit in Aneurysmate, in quo suis limitibus circumscribitur: Neque sufficit, quod *Platerus* scribit, sanguinem sub cute sibi sinum formare (qua de causa incorruptus permaneat, quod sic influentis caloris influxu non destituatur,) instar eorum in quos se arteriæ, in crassa cerebri membrana insinuant, cutemque sanguini extra arteriam effuso esse illi loco arteriæ, & sanguinem circa corruptionem in arteriam remeare posse: Etenim sinus illi à natura facti sunt, membra-



hisque exacte clausi, ut nihil omnino ex iis effluere possit: Talem vero sinum sanguis arteriosus sibi nullo modo formare potest, sed ubi ex arteria excidit, unde quaque se se diffundit, & cum sub cute omnia sint

supra, facile, qua via aperta est, in vicinas partes erumpit, quod & sanguinem venosum, qui crassior, est facere videmus, sanguisque ille in alieno loco putrescit, quod historia à Saporita allata ostendit.

§. 5. Excitari posse Aneurysma in ipsa quoque Aorta, licet mirum videatur, Experientia tamen docuit, & tale Aneurysma favore Nob. D. *Gulielmi Riva*, Anatomici famosissimi videre mihi contigit Romæ in suo Museo, in quo, inter multa alia rara anatomica, conservat Cor in certo quodam liquore cum aneurysmate Aortico, sarcoticis farciminatum involucris, ejusdem cum arteriæ dilatatione maxima, aliorumque cordis vasorum cruento sanguine infarctorum, amplitudine chyliifero thoracico ad digiti æquamen turgido se deplere vetans: Quod in Lauræ Peronæ cadavere 31. Mart. 1664. in publica administrata sectione detexit; *Figuram vide miscellan. med. anni 1670. observ. 18. Ex observat. Ioach. Georg. Elsnneri.*

## S C H O L I A.

**V**arices venarum in variis corporis partibus oriri posse constat ex authorum observationibus, imò in vasis internis, uti varices in vasis pulmonis olim annotavit *Hippocr.* Nec mirum, venæ quippe valvulis ubique abundant, hinc sanguis copiosus & crassius à venis majoribus ad minores fluens ob crassitiem & suam viscositatem ad valvulas vasorum subsistens, & inde incrementum capiens, venæ tunicam facile distendere potest, ut non incongrue liceat quoque decilionem dare cur frequentissime in cruribus varices oriantur, scilicet valvulæ in ramo crurali fortissimæ, imò duplicatæ sanguini incurrenti valide insistunt: Aliter plane res se videtur habere in varicibus, vel potius aneurysmatibus arteriarum: ibi

enim sanguis remoram ducens in arteria, summam sepe acquirit acrimoniam qua erodit internam arteriarum tunicam, & hinc excitat Tumorem cum forti pulsu, quod in arteriis carotidibus in collo ut plurimum accidere solet, & interdum quoque in aliis minoribus, raro vero vel nunquam in majoribus: In his enim ratio vix ac ne vix ejusmodi distentionem admittit, cum tunicarum illarum fortis resistentia istum impediat, nec valvulæ adsint, motus quoque celerior sanguinis quam in venis extet, quæ omnia impediunt ne tam cito excitetur aneurysma.

Excitari tamen quoque posse in  
Aorta citatum exemplum  
probat.

§. 6. Pauperrimi cuiusdam viri Aneurysmate extincti cadaver dissecuimus: Videbamus sanguinem copiosum, tam serosum quam grumosum, tunicas arteriarum utrasque erosas, & claviculam sinistram maxima ex parte carie erosam. *P. Barbette Prax. lib. 2. cap. 3.*

## S C H O L I A.

**A**neurysma est tumor p. n. digitis illum comprimantibus facile cedens, illisque ablatis statim rediens, cum forti pulsu: Pars affecta sæpissime, imò fere semper, ob arterias carotides, collum est, Observavi tamen illud in genubus & brachiis: Causa est humor acris, serosus, biliosus, internam tunicam erodens, imò & externam crassiorem, imò & viciniora sibi ossa: Parva curatu difficillima, magna incurabilia, nec curatum in collo vel vnicum vidi: Palliativa cura diu vivere possunt: Chirurgi artis pro-

priæ ignari Abscessum iudicant, eoque aperto scapello, moriuntur ægri illico in eorum præsentia: Tumor ab initio statim comprimendus, humorque acris repellendus: utrumque commodè fit per tenuem laminam plumbeam: Quidam volunt ut sanguis affluens intercipiatur, arteriam supra & infra Aneurysma ligando, illudque postmodum excidendo curare, Sed hoc remedii genus dolorificum, nec tutum est, mallet ego vitæ conservandæ ergo brachium vel pedem amputare. *Idem.*

§. 7. Cum anno 1557. Nob. *Leonardus Velferus* ex Aneurysmate interno, quo diu variis symptomatibus conflictatus laboraverat, tandem obiisset, defuncti cadaver, ut mortis & affectus causam indagarent, sectum, à quibus hæc visa *Achilles Gasserus* ad *Vesalium* transmisit: Secto ventre apparere membra naturalia satis bene disposita, In ventriculo & intestinis nullum erat vitium, Hepar integrum & valde magnum, Vena cava item maxima quanta forte nunquam visa: Ea rupta erat qua parte Aneurysma ipsam attigit: Lien admodum brevis, & exterius ex parte subalbidus, ac quasi semiputridus: Cor magnum sano simile & plurimo sanguine abundans: In ipsa Aorta dilatatio non modica, ad palmæ magnitudinem, quæ costis & dorso vertebris ita erat adnata ut integra separari nequiverit. Ea igitur divulsa, emanavit sanguis tenuis, ruber, & qualis esse solet arteriosus, qui contentus fuit concreto quodam cruore, seu carniformi materia fibris destituta, quam rursus circumdedit subalbida & dura quædam substantia transversæ digiti spissitudine, colore & specie lardo suillo elixato non absimilis: Tota autem Aneurysmatis compages, cum suis contentis

contentis pugnum non parvi hominis, sed ovi struthio cameli magnitudinem fere æquabat: Costæ circa locum aneurysmatis incicium erant quasi cariosæ, una prorsus (ex fortissimis proculdubio impressionibus) rupta & fracta, similiter & dorsi spondyli eo loco, quo supra diaphragma aneurysmati connexi erant, spongiosi, & ita arrosi, ut uni atque alteri suprema minimi digiti superficies inseri potuerit, citra tamen insignem fœtorem: Pulmonum nulla læsio, licet æger copiosum sanguinem ante obitum ipsum exspuerit, adeo ut eo sputo suffocatus adstantibus videretur: Extrema cutis, ubi in dorso Tumor & pulsatio in vivente notari poterat, à morte livida & sanguine suffusa ad instar flagellatorum: *Ioh. Valsl. Rumlerus observat. lxxxix.*

*Eadem historia ab Adolpho Occone, paulo aliter descripta.*

**A**Nte annos plus minus xl. habui cum collegis in cura quendam Patritium, Nob. L. Welferum: Is ex saltu & concussione equi ferocientis incidit in vehementissimum dolorem Dorsi, qui nulla erat medicabilis arte, plurimis & diversis cuiusque generis tentatis: Tandem ex Belgio huc vocatus Vesalius, cui in Anatomicis administrationibus suo tempore par non erat, nedum superior, Is ut deprehendit Tumorem aliquem haud ita magnum in Dorso circa vertebrae aut spinam pulsantem, statim dicebat esse *anévrysme* ex dilatatione aortæ arteriæ: Nam ut in varicibus videmus contineri sanguinē in media vena, ita in hoc affectu in media aorta arteria, idque ex saltu seu concussione equi contigisse & incurabilem fore Idem assererat se ejusmodi affectus vidisse in Gutturē, in pectore, in poplite, in brachiis, & semper inferre extremos dolores & tandem siderationem, nec curari nisi abscissa parte affecta: In ejusmodi Aneurysmate se quandoque reperisse humorem concretum instar glaciei aut humoris crystallini: Interdum veluti sanguinem concretum, aut molam, In vivis corporibus verum sanguinem deprehendisse: in defunctis nigrum & sideratum, & cum gravissimis doloribus ægros mori, sponte interdum fieri ejusmodi vasorum dilatationem, interdū ex causa antecedente, qualis fuit in hoc nostro ægro, qui supra biennium hoc gravissimo morbo conflictatus, omnique auxilio medico destitutus, tandem in manus Empirici incidit, qui salutem pollicitus exhibuit catapotia nescio qualia, ex quibus in sanguinis sputum incidit & miser ille in sinu conjugis tandem extinctus 25. Junii 1557.

Dissecto corpore reperimus id quod Vesalius prædixerat, in ipsa Aortæ arteriæ cavitate Tumorem prægrandem, durum carnosum, ex sanguine arteriali concretum, qui foras etiam protuberans, in dorso dolorem & pulsationes inferebat, ejusmodi nimirum qualis in arteriarum pulsu deprehendi solent.

## A P P E N D I X

### *De infelici Aneurysmatis apertione.*

**I**ncurabilem fore) Sacrifico cuidam, Mag. Iohanne Mailleto, cum ad humeri dearticulationem Aneurysma subesset nucis juglandis magnitudine, edixi ne id sibi aperiri curaret, alias vitam in manifesto futuram discrimine: tutius ipsi futurum si conduplicatis linteis in solani & aizoi succo maceratis, caseo recenti & seroso admisto: Si unguento de bolo, emplastro contra rupturam, aliisque refrigerantibus & adstringentibus mali impetum retunderet, si laminam plumbeam imponeret, caligisque uteretur brevioribus: ut ad eam continendam esset illi thorax ex quo caligas subnecebat fasciæ loco, interim vitaret omnia quæ sanguinem attenuant & incendunt: præsertim vero à vocis omni contentione sibi temperaret: Hæc diata etsi per annum esset usus, efficere tamen nequivit quin tumor cresceret: Quo animadverso Tonsorem adiit, qui ratus tumorem illum esse ex genere vulgarium apostematum, pyroticum escharoticum, quo apertionem molieretur, sub vesperam apposuit: Exacta nocte sub auroram tanta sanguinis, rupto tumore, prorumpebat copia, ut attonitus omnium opem imploraret, atque me vocari juberet, qui ipsi hæmorrhagiam tantam sisterem, pœnitere quod monitis minus obsequens fuisset: Vocor igitur, sed cum vix dum ædium limina attigissem, jam animam cum sanguine reddiderat: Quare tyronem Chirurgum diligenter monitum velim ne temere aneurysmata, nisi forte exigua, & in parte ignobili nec insignibus vasis prædita, aperiat, hanc potius curationem aggrediatur, Cutis superincidatur dum patefiat arteria, patefacta ipsa scalpello undique à circumstantibus partibus diducatur, ipsi retusa & incurva acus introrsum filum trahens subiiciatur, ligeretur, hinc abscindatur, intorti fili lapsus ex sese expectetur, dum natura abscissæ arteriæ oras regenerata carne obducatur: dehinc reliquum curationis simplicium vulnere modo obducatur. *Idem ibidem.*

§. 8. Neapoli quidam 1644. mense martio, *quum venam sibi jussisset secari*, arteriæ passus est incisionem: Sequutum Aneurysma, quo neglecto abscissum brachium: Visus illo abscisso magnus arteriæ hiatus, adhuc versus alas superstitis: Brachium detruncatum dissecuimus; Vix aperta scalpello cute, sanguis exivit copia nigri, sed tenuioris: mox obviam habuimus amplissimo spatio, inter musculos facto, sanguinis crassi & in grumos concreti largiorem quantitatem, quæ extra naturale vas effusa (sive post ligaturam) necessario computruit: Ad arteriam secandi ordine digressi, ruptam eam vidimus, & in frustula exigua ita divisam ut per partes exiliret, ea tantum parte integra quæ loco inferiori sita puncturam effugerat: Nec alia venæ conditio, quæ nusquam apparuit: Tandem arteria à brachio separata, nihil sani ostendit præter subjectam partem, quæ utramque tunicam illæsam servaverat; In sana autem arteriæ parte sinus videbatur, quem valvulam credidi, sed exiguus nullus, nisi ostiolum putredo absumpserit, sicut abradentibus nobis visum. *Bartholinus centur. 2. histor. 9. Fuge historiam tradidit historia singulari Panormi edita, de Aneurysmate.*

## S C H O L I A.

**Q**uam venam sibi jussisset secari) Aneurysmatis duplicem agnosco generationis modum, unum à caula externa, vulnere i. e. arteriæ, sed non tam firmiter quin sanguis impetuose ittuens in imbecillum tunicæ partem eam in tumorem non attollat: Alterum ab interna, Quæ est apertura seu anastomosis arteriolæ, è qua sanguis egrediens in interstitium musculorum densatur in thrombum, qui sensim adaugetur, magisque per moram excoctus, in carniformem massam transit musculis haud absimilem, quæ & reperitur concava, & in sui centro copiam nigri concretique sanguinis continet: Hæc à me sustulso experientia dicuntur, per dissectionem hujus affectus acquisita, de quo tractatus à me editus Panormi

anno 1644. Confirmat hanc experientiam *Bogdani* observatio 8. Nunquam vero potui concipere, quomodo rupta interna & crassa arteriæ tunica, integra remanet externa tenuissima, araneorum telis similis, (quod placet *Sennerto* L. 5. p. 1. cap. 43.) Aneurysma possit generari, cum ejusmodi tunicarum distinctio omnino sit à rei veritate aliena, Sicut autem prior casus attingendo comprimendoque tumorem sanari potest, ita secundus curationem vix admittit, nisi quis velit comprimendo arteriam, cutemque dividendo, globum carneum auferre, arteriamque disruptam sarcoticis adhibitis nova carne replere: *I. Van Horne Microtech. §. 36.*

§. 10. In Collegio Rhemeni euidam Sacerdoti Aneurysma erat in cruribus: Aperto cadavere reperta est magna dilatio arteriæ, & sanguis in ea arteria concreverat induratusque: Indurationis causa tribuebatur immoderato rerum refrigerantium usui. *Jac. Thevart. Nota 8. in consil. 107. lib. 1. cons. Ballonii.*

§. 10. Dom. Pelet civis Monspeliciensis quinquagenarius, atrabilario temperamento præditus, cum gravissimis curis esset afflictus, post multa symptomata melancholiam hypochondriacam attestantia, passus est tumorem sub clavicula dextra eminentem, & ovi dimidii magnitudinem æquantem, mollem & reliquæ cuti concolorem, in quo pulsatio insignis apparebat: Indicatum fuit esse Aneurysma insanabile.

Eo defuncto, inventa est arteria magna ascendens à corde ad claviculam ita dilatata, ut brachii fere magnitudinem æquaret, & ovum gallinaceum in suam cavitatem facile admittere potuisset: Præterea tunica illius admodum densa & cartilaginea evaserat; quod admirabilem naturæ providentiam notat, quæ tunicæ maxime dilatatæ ruptionem evitare contendens, eam densiorem ac duriorum effecerat: Sic vidi Renem xxij. calculis refertum, in magnitudinem altero rene quadruplo majorem excrevisse, & quasi natura eum amplificare voluisset, ut calculos illos cum minori incommodo continere posset. *Laz. Riverius cent. iv. Observat. 34.*

§. 11. Nos nuper lethale Aneurysma vidimus in Iuvene Nob. ex læso femore, nec mirabamur, quia arteriam magnam cruralem ruptam in apertione vidimus, unde in tantum tumorem femur excreverat, prorsus quasi scirrhum, ut non tantum ea copia sanguis ex aperto post mortem femore effunderetur, quæ tres mensuras nostras impleret, sed ex sinibus, inter musculos vastos efformatis, sanguinem grumofum, parenchyma hepatis maximi forma & magnitudine referentem, extraheremus. In isto Viro nec sectio tuta erat, aut possibilis, propter magnæ arteriæ, & inter musculos delitescens ingentem rupturam, Nec ligatura sufficiens. *T. Bartholinus in miscell. cur. ann. 1674-75. & 76. p. 58.*

## S C H O L I A.

**E**x eodem loco felicem Aneurysmatis curam post infelicem V. S. adduco: Anno 1655. Tonsor feminae sexagenariæ arteriam pro vena hepatica secat: sanguinis cum impetu fluit floridus, brachium-

que intumescit cum quadam renitentia, Empiricus hic sanguinis copia sat larga pro morte emissa, quasi re bene gesta vulnusculum deligat: Interea tumor ubi sanguinis per arteriæ ostiolum in musculorum spatia



spatia effusi copiam indies attollitur; nec ullis fo-  
mentis diluti potest Ipso tandem medicaltro ex de-  
speratione fugiente: menstruo post spatium alius ad-  
ciscitur Chirurgus cum Medico, qui periculi magni-  
tudinem attendentes, statim adstringentibus & aëta  
ligatura tanto malo obviam decenter eunt, sed post  
factum & callo eventum: vesiculæ enim plures & tu-  
bercula, quasi aneurysmata, circa medianam & ce-  
phalicam hinc inde oriuntur, quæ tractu temporis  
sponte rupta tantam sanguinis copiam effundunt, ut  
selectissimis remediis sisti non posset fluxus iste per  
quatuor septimanas, eo quod ob ingentem tumorem  
arteriæ orificium, etiam sagacissimis oculis non pater-  
ret, donec in putredinem gangrenosam abeunte  
toto brachio, sanguis grumulosus, ovorum gallinarum  
magnitudine frustillatus ac insigni cum foetore exiret,  
ac omnis caro musculosa, quæ interim omnimode  
computruerat (præter tendines, nervos arteriaque  
ossia ac periostia) diffunderet ad humerum usque: Tum  
deum in conspectum veniens Arteriæ osculum con-  
venientur obturatum, & caro ablata sarcoticis, pro-  
baque diæta spatium bimestri integre restituta fuit ad  
miraculum usque: *Horstius* ejusmodi errorem fæli-

citer correxit laudato opiato; super imposito Empli-  
stictico Crollij.

Eodem fere modo curatum est hic Aneurysma,  
quod femina quædam filium proprium 7. ann. bacu-  
lo ad sinistram capitis partem capillatam, qua caro-  
tidum transitus est, graviter percuciens, excitaverat,  
unde tumor pulsatilis, avellanæ primo magnitudine,  
nigricans, mollis & digitis cedens statim oboritur, &  
octidui spatium in tantum augetur, ut dimidiam capitis  
partem à futura sagittali per tempora & frontem ad  
oculum usque sinistrum occuparet: Consulit Medici  
anceps remedium certissimo vitæ periculo præferen-  
dum censentes, scalpello vulnuculum infligunt, flo-  
ridique sanguinis parte quadam emissâ, quadam vero  
arctissima ligatura & stypticis cohibita, dum crebro  
id agunt brevi restitunt, idque eo quod in teneris  
adhuc omnia tenera & coalitu facilia: vel quod arte-  
ria læsa os subiectum habuerit diutius, ut arctissime  
potuerit contrungi, Hinc arterias temporum &  
frontis feliciter aperiri posse asserit *Riolanus*  
*in Encheir Anat. p. 332. Johannes Michael*  
*Febr. in miscell. cur. ann. 1674.*

75. & 76. p. 55.

§. 12. Arteriæ omnes, exceptis iis quæ per cerebrum partesque omnes alias consistentes  
magis, dispersæ sunt, tunica duplici gaudent: harum interna corrofa aut rupta, externa in  
tantum distendi potest (absque ruptura, quicquid alii contradicant) ut Aneurysma causetur:  
Nihilominus ubi tumor hic pugni magnitudinem habet, haud fieri potest quin simul etiam  
externa corrofa aut rupta sit: Anatome sententiam nostram confirmat: Poterit tamen &  
tumor hic excitari ab arteria dissecta, præsertim si tunica exterior undique uniatur mus-  
culis, & interna propter continuam pullationem aperta maneat. *Barbette Chirurgia cap. 16.*  
*p. 2. lib. 1.*

## OBSERVATIO XXII.

*Varices imi ventris ab Iliacis venis ortum ducentes.*

**M**Vlier xxv. annorum ob uteri angustiam maxime in partu periclitata est, ita ut nun-  
quam pristinae sanitati restitueretur, sed tribus post partum elapsis annis mortua est:  
Misericordia quæ ipsam parientem & post partum excruciat hæc fuit: Venæ duæ serpentum more  
volubiles, tortuosæ & varicosæ, ab Iliacis venis externè ad umbilicum usque ascendebant,  
majori crassitudine quam digiti pollicis, quæ insipienti similitudinem literæ lambdæ Græ-  
corum referebant: maximus deinde secundum mulieris motum fluxus & refluxus fiebat,  
non sine maxima ipsius patientis læsione; cum enim supina decumberet, statim syncope  
corripiebatur: quare necesse erat, aut in latus jacere, aut orthopnoicorum more cubare:  
Accidit aliquando ut fortissimo deliquio corriperetur, & mortua est.

Secundo cadavere, venas illas, alteram ab Iliaca dextra, alteram à sinistra in unum coeuntes  
globum in umbilici regione observavi, ut quasi in magnam cisternam terminarent: umbi-  
licus denique ipse aperto emerito vase (nempe vena umbilicali) Iecur continuo impulsu san-  
guinis percutiebat, cum ipsa semper menstruata fuisset: Monstruosum aspectu tum ipsa vi-  
vente tum mortua. *Dom. Panarolus Pentecoste 1. Observat. 7.*

## S C H O L I A.

**M**isericordia quæ ipsam parientem &c. ] Quandoqui-  
dem refert quid venarum dilatatio ad sanguinis  
motum alterandum faciat explicare, notandum  
est, aut ob partis cujusdam compressionem, aut  
sanguinis copiam, vel (sive id ipsius ponderi, sive  
relaxato venarum tono, sive cordi sanguinem non  
debita vi impellenti debeat) retinendi difficulta-  
tem, venas potissimum ampliari: Et propterea in  
Gravidis, propter venam Cavam & utramque Ili-  
acam in infimo ventre à moleretur compressam, tum  
propter sanguinis & humorum incrementum, & dif-

ficilem ab inferioribus partibus ascensum: Et in  
tristibus & melancholicis, propter cordis motum  
languidum, venas tibiarum in magnos Varices di-  
stendi sæpenumero contingit: sanguis scilicet in re-  
ditu præpeditus, aut sufficienti vi à tergo non im-  
pulsus, in venis inferioribus diutius sistitur, & ran-  
dem pondere suo ac mole eas distendit, ut sibi  
amplius spatium acquirat: Atque ideo ubi lecto  
rursus se tradunt, vel istæ factum enixæ sunt, pro-  
pter faciliorem sanguinis versus cor recursum, venas  
istæ protinus inaniuntur: verum cum longa contine-

PPpppp ↑ tudine

tudine ampliatæ fuerint, non ita facile in pristinum tonum restitui possunt aut coarctari, quin sanguinem à corde & vena cava divertendo, circulationis filum seriemque valde interrumpant: unde pulsus deficientia & virium languor (imo *syncope*, ut in *casu prædicto*) propter venas illas valde dilatas succedunt: Atque hoc non ita pridem in quodam rustico, xl. circiter annos nato, & longa tristitia pene confecto accurate observavi: Tanta enim varice, sive vena dilata in parte anteriore tibiæ sinistræ adeo vere laboravit, ut magni sarcininis instar à malleolo ad genu usque turgeret, & ejus incessui valde molesta fuerit; quantum quoque ex tumoris magnitudine conjicere potui, tæpe duas libras sanguinis continebat: cum vero in humum reclinatus tibiæ erigeret, aut manu sacculum istum sanguinis sursum versus leviter urgeret, tumor ex sanguine in venam cruralem & cavam transmissus, paulatim evanuit: Cum autem in pedes iterum erectus staret, intra breve spatium folliculus iste in pristinam molem assurgebat: quod à sanguinis novi influxu fieri certum est: Cum vero præter ponderis illius molestiam se insuper imbecillum & si paulo diutius iste tumor perleverat, se valde languidum conquereretur (quod detento sanguini & intercepto cordis pabulo imputandum puto) ad utramque molestiam præcavendam consului ut valde stricta caliga, aut fascia, tibiæ semper adstringeret, & emplastrum adstringens adponeret, quo in posterum valde levatus tuit. *Richardus Lower Tract. de Corde pag. 118.*

*Continuo impulsu sanguinis*] Manifestum est in Varicosis sanguinem e vena cava ad majores, à majoribus ad minores venas descendere: Id enim in varice femoris, pedis & hamorrhoidibus obvium est: Verum ille motus sanguinis potest p. n. contingere, quod debilitata venæ sanguinem sursum non mittant sed colligant, & quod humores sua gravi-

tate motui naturali sursum renitentur & descendant, unde in inferioribus venis cumulari, accedente semper ex arteriis novo sanguine, earum dilatationem & varicem faciant: Ita fontes artificiales circa eo loca è quibus ascendunt, rimas potissimum agere observamus, tandem à gravitate aquæ divulsi, quæ tamen ex natura fontium sursum deberet ascendere: Et omnino verosimilius est hac ratione Varicem fieri, quia humores in varicosis, quando ad motum in exercitio impetum habent, majorem venæ dilatationem non faciunt, sed ubi ab exercitio quiescere, quod minori motui humores obniti possint & gravitate sua descendere. *Waleus Epist. de motu chyli.*

*Maximus fluxus & refluxus fiebat*] In interna venarum capacitate sitæ sunt valvule, quæ in artus disperguntur; frequentius in ramis majoribus: In capillaribus & trunco cavæ nullæ: Actio ejusmodi ostiolorum est ut sanguinem quadantenus remorentur, ne confestim ac fluminis instar, aut ad pedes, aut ad manus & digitos universus influat colligaturque, duoque incommoda eveniant, tum ut superiores artuum partes alimenti penuria laborent, tum vero manus & pedes tumore perpetuo premantur: Deinde etiam robur addunt venis, quæ alias facile distendi aut laxari potuissent, cum membranosa tenui substantia sint conflata: Novum usum adjecit *Harveus* ut exacte clausæ sanguini ab infernis remeunti sursum, ne ab extremis ad centrum corporis sanguis confestim excurreret obstitant. *Roslinus Dissertat. Anatom. p. 864.*

Atque hic videtur consistere causa varicum, quod sanguis crassior, & gravitate sua motui sursum renitens, in Valvulis diutius retentus, dilatationem valvularum faciat: absque his si esset, uniformiter intumescerent venæ & non varicum modo. *Th. Bartholinus Anat. Libello 1. cap. 2.*

## OBSERVATIO XXIII.

*Erysipelas cutem tantum afficiens illa subjecta carne.*

**I**Ac. de Vala octo annos ante obitum Erysipelate laboravit in utraque tibia, à quo quidem nullam huc usque amplius molestiam sensit, rubor tamen permansit: Occupaverat rubor ille pedem quoque, sed ille colorem & cutim mutavit: Nunc iterum pes dolet, supraque & infra ruborem illum pedes valde tument & splendidi fiunt.

In cadavere dissecto, Liquor tenuis & serosus repebat in corporis habitu inter musculos & pinguedinem, unde ipsa pinguedo mollior. Facta incisione in *Tibia Erysipelate affecta*, vidimus substratam carnem integram, cute tantum læsa, à qua cuticula facillime separabatur. *Vide Tit. de Hamopetysi lib. 2.*

## SCHOLIA.

**O**ccupaverat rubor ille &c.] Erysipelas est Febris continua, à sanguinis parte tenuiore corrupta & inflammata originem habens, quæ ut Natura se liberet, eam in corporis aliquam partem externam expellit: in qua tumor, aut potius (cum tumor adeo notabilis sæpe non appareat) macula rubra lata, dispersa oritur: Vulgo creditur à bile flava originem habere, at quidam potius ex sanguine tenui oriri asserunt, 1°. enim color sanguinis potius quam bilis indicium est, qui ruber est; cum si à flava bile esset pallidus aut flavo colore potius, ut in letero, pars affecta

ringi deberet: Quanquam vero interdum ex rubro nonnihil ad albedinem vergit color, tamen non omni, sed saltem alicui differentie compo- nit: Insuper quanquam calor satis vehemens sit, tamen non est tam acer ut in affectibus à bile flava: unde non tam frequenter exulceratur hic tumor ut herpes, & alii tumores ex bile nati: Et cum exulceratur Erysipelas, id non tam ex ipsius natura est quam ex transmutatione: Idem etiam hoc testatur quod qui calido & sicco temperamento sunt, ut macri, fusci, nigri, quod flavæ bili generanda accommodatissimum est, rarius quam

quam sanguinei & obesi, carnosus, rufi, hoc malo infestantur. Et quod carnosae corporis partes, ut femora, crura, facies, collum, manuum & similes, crebrius quam alię occupantur.

*Liquor tenuis & serosus.* ] Recte si sentire videntur qui non in plerumque simpliciter, & copiam sanguinis, sed potius depravatam & peculiarem qualitatem, quae à sanguinis crudioris putrefactione & corruptione provenit, causam huius mali referunt: Maligna enim illa qualitate natura stimulat, humorem vitiosum ad ambitum corporis expellit, ubi nimirum sanguis, imprimis qualitate peccat, atque calidior & biliosior, & peculiari modo Naturae infestus collectus est: hic enim si quaecunque initium motus, seu in corpore seu extra corpus nactus fuerit, in venis agitur, atque ex iis à natura eiectus ad superficiem corporis erumpit.

*In tibia Erysipelate affecta.* ] Decumbit hic humor in carnosarum partium superficiem, ut crura, ubera, faciem, brachia & similes partes, modo in hanc modo in illam, prout haec vel illa imbecillior est, ex vulnere, fractura, contusione, calefactione, fatigatione: quo facit etiam sitis, unde plerumque crura occupantur, ut & raritas & mollietates membri, unde nonnullis in facie vel mammis oritur.

*Vidimus substratam carnem integram.* ] Etsi verum sit potius à sanguinis tenuiori parte oriri hunc morbum quam à bile flava, tamen à vera

inflammatione etiam differt, quod minus tumeat, minus pulset, minus renitatur & tendatur, non tamen minus, sed etiam magis rubeat & caleat: In vera enim inflammatione sanguis crassior est, & in musculorum cavitatem & spatia effunditur, hincque facilius suppuratur quam discutitur: contra in Erysipelate sanguis est tenuior, calidior & ex capillaribus venis per poros in cutem dispersus, unde & facilius discutitur quam suppuratur: Quod si in Erysipelate major sit tumor, id potius nothum est quam exquilitum & purum.

*Octo annos ante obitum Erysipelate laboravi.* ] Etsi plurimos saepius sine ullo periculo invadere soleat, tamen danda est opera ut diligens curatio adhibeatur, ne aliud malum inde procreetur: Nam *Erysip. ab exterioribus ad interiora converti malum est, sicut contra ab interioribus ad exteriora bonum.* 6. aph. 25. Ex materia enim illius ad interiora recursum, sive à prava curatione, ut medicamentis repellentibus, sive aeris frigore id accadat, acri etiam in maximum periculum coniici solent: *Malum etiam (7. aph. 2.) ab Erysipelate pueredo & suppuratio:* quare in curatione diligentia adhibenda: quae tutius à Germanorum experientia & observatione quam exteriorum libris peti potest, Naturae scilicet

motum juvando & materiam ad interioribus ad exteriora excutiendo.

*Sennertus Lib. 2. de Febr.*

*cap. 15.*

# ANATOMIÆ PRACTICÆ


## LIBRI QUARTI.

### SECTIO III.

#### De Vulneribus, Plagis.

##### OBSERVATIO I.

*Capitis contusio letalis ob sequentem cerebri Commotionem integro cranio & meningibus. 1. Ob sequentem cerebri debilitatem, in quo genitalis lapus, serum collectum. 2.*

§. I.  Go vidi in actu practico, anatomizando capita mortuorum à simili casu, non rupto cranio, nec panniculo aliquo laeso: à sanie enim descensa per poros cranii supra panniculos causatur febris & rigor, & vomitus & singultus, & alienatio, & alia accidentia similia praedictis, per compassionem membrorum inferiorum ad cerebrum, & cerebri ad panniculos, propter sanie eos corrumpentem, & putrefacientem, & tandem mors sequitur. *Iac. Berengarius de Fractura cranii p. 2. cap. 5.*

##### SCHOLIA.

**I**nterdum contingit cerebrum moveri & agitari à casu ab alto, vel contusione, vel aliquo modo concuti, & aliquos nervos in eo rumpi, vel aliquas venulas, non rupta cute vel cranio; vel interdum cute & non cranio, Et secundum

nervos ruptos accidunt membris, ad quae vadunt tales nervi, varia accidentia: Et de ista latione nervorum mentionem facit Gal. ad aphor. 58. 7. Et signum lationis huius ab eo ponitur, quod isti efficiuntur sine voce statim: Et hoc si ad manus tuas



tuas adveniat patiens qui loquelam subito amittat, & qui percussus fuerit à re potente movere cerebrum, vel quod ceciderit ab alto, cum conditionibus quæ te persuadeant ipsius cerebrum pati potuisse, etiam non rupta cute, vel rupta cute & non cranio, vel etiam fracto cranio; firma iudicium tuum sub hoc, quod cerebrum possit esse motum, visis malis indiciis, non solum de amissione vocis, sed etiam possunt evenire omnia accidentia prænarrata, quamvis subito non eveniant, & ita non solum judicabis rupturam aliquorum nervorum prædictorum, sed forte rupturam alicujus venulæ panniculis contentæ: Sed non ita cito veniunt accidentia venæ ruptæ sicut nervorum ruptorum, sed veniunt eo tempore quo sanguis incipit postea sub osse putrescere, tardius & citius secundum quantitatem sanguinis, & etiam secundum locum: quia si inter cranium & duram matrem, tardius veniunt accidentia quam si inter duram & piam: & tardius inter piam & duram, quam inter piam & cerebrum: Causas non recto quia per se notæ sunt: Et ista species læsionis est difficilis cognitionis, tamen possibilis, maxime per expertos, considerata ægritudinis essentia, & causa & accidentibus: sed difficilior est cura, quia Medicus forte nescit locum sanguinis & saniei, & necessario delistit à rationabili cura, & sic moriuntur pauperes ægri: Tamen si datur curandi ratio, talis est, scil. quod totum caput medicinis debitis regatur: Adverte Lector, quod accidentia prænarrata in læsione panniculorum & cerebri, possunt fieri à sanguine putrescente sub cranio secundum loca ad quæ vadit, & secundum quantitatem: ideo non mireris etiam si non læsis panniculis nec cerebro, sed solum à venis ruptis, vel forte nervis, accidant prædicta accidentia, quia etiam possunt accidere multa ex accidentibus prædictis, non læsis panniculis nec cerebro, & maxime si contingat sanie aliquomodo descendere à superioribus per rimulam ossis, vel forte per porositates ossis resudare ad intra cranium, maxime quando sanies non habet à vulnere liberum exitum. Sint ergo Medici diligentes, & prudentes, & solliciti, quia periculum est in mora, & non dedignentur

sæpe visitare ægros, quia per longam moram cum eis veniunt in cognitionem ægritudinis, & consequenter quoque curæ. *Idem.*

*Propter sanie panniculos corruptentem* Signa materiam defluxam supra panniculos, vel ibi gonitram demonstrantia sunt hæc, febris intentus tremor & destructio rationis, & alia accidentia in læsione panniculorum & cerebri, sicut ait Avicenna cap. de Fractura cranii, *Et accidunt ante saniesitatem, aut post ipsam, ægritudines mala ex febribus, & tremore, & destructione rationis & aliis*: Posito enim quod apostema in capite non veniat ad sanie, adiunt & tremores & febres, & alia prænarrata accidentia, & ita à sanie contenta sub cranio potest fieri paralytis, & spasmus, & apoplexia, & alia ægritudines, sicut etiam ait Princeps loco citato, *Et cum verificatur necessitas extendendi (id est fricandi) os, & extrahendi ipsum, tunc cessant, & non expectetur complementum generationis saniei* (scil. in fractura vel sub osse) *quoniam pus est causa malorum accidentium*, Verum est quod apoplexia non evenit nisi ex oppilatione coarctatoria à materia defluente ad ventres cerebri, & hoc potest fieri si panniculi sunt fracti, vel alio modo sanies sit in cerebro, puta si in pia matre sit rupta vena quæ causet sanie apoplexiam causantem, Et ita etiam causabit diversa accidentia secundum loca ad quæ transmittetur hæc sanies, & secundum quantitatem, & etiam qualitatem saniei efficiuntur majora & minora accidentia, & secundum quod talis sanies habet exitum liberum, quia stante etiam tali materia, quæ non expurgatur, facies mala accidentia. Ut ego vidi in N. qui habebat Filuram capillarem in cranio, per quam descenderat aliqua materia, Et adhibita cura cum instrumentis, ut videretur an rimula penetraret interiori superficiem cranii, inventum est quod sic cum rasporiis, & per filuram dilataram exhibat modica & fere nulla saniei quantitas, & cessavit febris statim acutissima, & inquietudines, & vigilie, & omnia mala accidentia, & hoc vidi etiam in quamplurimis aliis.

*Berengarius cap. 8.*

§. 2. Filius Dom. Bernardi ab Hatzvelt. decennis, ex alto cecidit, mox vomuit, sanguinemque per nares & aures egressit: verum neque loquelam neque sensum aut motum amittit: Quum autem nec vulnus nec contusio extra appareret sine febre, morbus neglectus est planè, capite alioqui *perpetuo dolente*: Post menses quinque aut sex, collum relaxatum est, adeo ut nullo modo caput erigere, aut erectum, nisi beneficio numellæ ex pelle & xylo contextæ, continere posset: Demum asthmaticus evasit, & relaxatis ligamentis, decimæ undecimæ & duodecimæ vertebrarum metaphreni, Gibbosus factus est: Coxam quoque dextram imbecillius movebat: Sub claviculis, ex utroque sterni parte, atheromata conspiciebantur: Quum circiter biennium ita cruciatus fuisset, variis adhibitis præsiidiis à D. *Henrico Bottero*, collum in integrum, voxque & loquela ex parte restituta: Deinde exortus tumor ad sinistram aurem, inter jugulares venas & asperam arteriam, qui sensim in maximum abscessum auctus, à me incisus fuit: 10. 20. & 30. diebus ultra libras sex materiæ ejecit, extrillavit ea quotidie copia satis magna: Hujus vacationis beneficio Dolor Capitis, omniaque ferè symptomata ex parte lenita sunt, ac vires in dies imminutæ: Circa 28. martii novus incidit catarrhus, qui in pulmonem & stomachum influens, tussim, nausæam & vomitum provocavit, sinistram latus resolutum fuit: Nonnulli quoque paroxysmi epileptici acciderunt, & *ulcus in collo penitus exsiccatum* est, ita ut 6. aprilis 1593. decesserit.

Cadavere inciso viscera sic affecta comperimus. 1. Incisa cute, in tumoribus sub claviculis reperta est copia sat magna puris, instar pultis, quæ costis & sterno cariern induxe-

Induxerat : 2. Cystis fellis prægrandis, & intestinum duodenum ubique bilioso humore refectum. 3. Epar scirrholum & obstructum. 4. Pulmo vbique puitosis & viscidis humoribus oppletus. 5. Lapides quam plurimi ex gypsea materia concreti, & cysti inclusi proxime cor : nimirum in ea parte qua aorta ex corde prodit, & ramos suos versus jugulum mittit; quorum unus magnitudinem nucis superabat, reliqui parvi: adhærebant autem non tantum arteriæ aortæ & ipsius ramis, qui jugulum petunt, verum etiam asperæ arteriæ & sinistro recurrenti nervo, Ex quibus facile colligitur ratio vocis & loquelæ ex parte amissarum. 6. Capite aperto, lapidem ex simili materia concretum & membranæ inclusum, in parte posteriore capitis sub sutura lambdoidea, inter duram & plam mattem invenimus, adeo adhærentem duræ matri, ut non nisi violenter avelli posset. 7. In tribus cerebri ventriculis, h. e. duobus anticis & medio, ultra duas libras aquæ limpidæ reperimus : 8. Ulcus in collo, tum ad asperam arteriam, tum etiam ad os basilare, & foramen quo spinalis medulla vertebrae ingreditur, penetrabat : Ita ut materia ex ulcere manans, tum ex pectore, tum ex capite confluisse intelligeretur : Verum ob angustias viarum *subtilior pars effluxerat*, crassa autem in lapides concreta erat, quales prope cor viscebantur. *G. Fabricius Hild. cent. 1. Observ. x1.*

## S C H O L I A.

*Subtilior pars effluxerat* ] Lympham fuisse indicat tum aquæ limpiditas, tum concretio sequuta, Illam enim mora tandem variis consistentiæ gradus acquirere alibi indicatum.

*Morbis neglectus &c.* ] Comotio cerebri duplicem eventum habet, aliqui enim ab ea ad se redeunt, alii moriuntur, Qui redeunt, iterumque loqui & moveri incipiunt, id quandoque absque gravibus symptomatis consequuntur, restituta facultate animali, spirituumque comœatu libertati pristinae reddito à meatibus apertis : Quandoque ad se redeunt ægri, loquelæque redit, consequentibus tamen gravissimis symptomatis, à disruptione vasorum, sanguinis circa cerebrum & in ejus substantiam effusione, ad quæ febris acuta, delirium &c. Subsequuntur : vel repleto cerebro, so-

por gravis, stupor, paralysis : Imò læsa cerebri facultate naturali, concoctrice & retentrice, materia eiicitur, ad nervos detruditur, sequuntur & alia symptomata, ut colli relaxatio, tumores periculosi in capite, coecitas, obstructis nervis opticis &c. Si mors succedat, id fit ob inflammationem subsequentem, putredinem, sphacelum cerebri; aut hujus portionem abruptam, nervum vel membranam avulsam, vas insigne disruptum, &c.

*Collum relaxatum est &c.* ] A paralytica nervorum utriusque lateris resolutione : quæ si in alterutro tantum contingat, capitis accidit distortio, ut in sinistram vel dextram partem inclinet, de qua consule *Arnoldum Boerhaave de affectibus omissis cap. v.*

## OBSERVATIO. II.

*Percussio sinistrae partis capitis, lethalis ob utriusque meningis phlegmonem, cranii Fissuram.*

1. *Casus lethalis ob Rimam calvariae & sanguinis effusionem.*
2. *Ob longissimam Frontis Rimam, ad sellam equinam productam &c.*
3. *Vulnus duplex lethale ob Fissuram inconspicuum & venarum ruptionem.*
4. *Ob Rimam patentem & coecam, cum depressione, læsione cerebri & meningum.*
5. *Ob Fissuram in osse Temporum latentem.*
6. *Ob Fissuram Bregmatis ad dextrum Temporum os productam, & læsionem venarum jugularium.*
7. *Fissura ossis petrosi, cute integra, unde dura mater sanguine & pure suffusa.*
- 8.

§. 1. **M**illes quidam in tempore dextro, supra musculum temporalem, cæsim vulneratus fuit Mense sept. 1634. Primis septem diebus nihil observabatur quod periculum aliquod minaretur, postmodum vino se obruens, Venere abutens, & ad excandescentiam, propter authorem vulneris præsentem, commotus febrile inceptit, venæ sectio omittebatur : minus curatè vulnus deligabatur, & ob supinam tonsoris negligentiam minus ab aëre frigido custodiebatur : supervenerunt vomitus biliosus & convulsiones, paulo post ceu apoplecticus mortuus est.

Vulnere ad cranium denudato, ac ablata cuti, musculus temporalis integer inventus fuit: pus laudabile & bene coctum occurrit: Cranium vero ubi aëri patuit, denigratum & cariosum reperiebatur cum fissura: Remota cranii olla, dura meninx inflammata & stupendæ crassitiei fuerat, trans illam multum ichoris cruenti cum portione puris stagnavit: Tenuis meninx itidem inflammata & pure conspersa inventa fuit, ac sub illa ichor fluctuabat. *Ex Ephemeridibus Exc. D. Joh. Burgouveri Poliatri Schaffusiani.*

## S C H O L I A.

**S**uper venerunt vomitus, convulsiones &c.] Dum humores tum intra partium vulneratarum poros stagnantes, tum extravasati mitiores erant, neque vomitus neque convulsiones ante diem septimum afflixerunt; Postquam vero tum ob febrem vinique abusum aciores evaserunt, tum ob animi motum impensius agitati fuerunt, primum vellitatis nervis vagi parvis vomitum ceciderunt, deinde aucta illorum malignitate, ipso nervorum principio irritato, convulsiones universales concitarunt.

*Ceu apoplecticus moriuntur est.*] Ceu apoplecticum mortuum scribit vir Doctissimus, quamvis enim ante supremam horam omnes actiones animales abolitæ fuerint, noluit tamen hunc symptomatum concurrentium lethum afferentem Apoplexiam simpliciter dicere, cum febris sanguinem spiritibus or-

bans, vomitus illorum instaurationem prohibentes, & convulsiones residuum dissipantes quoque ad mortem accelerandam symbolum contulerint: Quicquid vero apoplectici militi isti obvenit, ichori & puri intra meninges cumularis, cerebrum prementibus & reliquias spirituum animalium quasi suffocantibus attribuendam existimo: nam ob duram meningem stupendæ crassæ ichori exitus, vulneris labiis coarctatis, penitus intercludebatur: unde etiam sub cure incisa pus laudabile inventum fuit, quod ab ichore, si via paruiisset, dilutius evasisset: Ejus exclusionem proculdubio Vir peritissimus adjuvasset, nisi re demum conclamata accersitus fuisset; *I. Jacobus Wepferus*

*Dissertat. de Apopl.*

p. 339.

§. 2. Juvenis temulentus ictus vehementer in Pectore concidit repente attonitus in terram: Causa fuit partim evidens calvariarum rima, partim sanguis ubertim effusus supra & infra cerebri membranas. *Vide lib. 2. tit. de Suffocatione.*

§. 3. Sexagenarius ebrius, delapsus ex altiori loco contraxit in calvaria amplissimum vulnus: mortui interiora capitis perscrutantibus, obtulit se primum frequens humor replens ventriculos cerebri: mox longissima rima excurrente continuata serie per frontem, oculique foramen usque ad sellam equinam, prope ossis cuneiformis medium, quo loci animadvertimus ingens ossis cuneiformis fragmentum, ita sejugatum à reliquo osse, ut manifeste elevaretur supra quascunque partes circumpositas &c. *Vide historiam lib. 1. Tit. de soporosis affectibus ex Tulpio.*

§. 4. Ianitor Castellii Bracznii venabulo supra tempus sinistrum inflicto prostratus, duobus capitis vulneribus cum contusione, exigua valde cranii fractura (quæ nonnisi calva per ferram ablata, & quidem atramento inflicto, pili tenuitate apparuit) brachio tamen dextro resolutus: nam in illa capitis parte, non in sinistra, venæ disruptæ multum cruoris intra cranium effuderant, sine mente, sensu, voce, in tertium diem supervixit. *H. Smetius miscellam l. 10. p. 528.*

§. 5. Studiosus quidam ab alio Lipsiæ vulneratur in Occipite, rima satis patente & (ut ex sectione post patuit) etiam cæca, patente quidem illa ob plagam seu vulnus exorta, coeca autem forsitan ob casum, ceciderat enim; Cranium item erat depressum & fissum, ita ut ossicula membranam pungerent; vocor cum aliis Chirurgis, eosque eodem emplastro, tam ad fracturam cranii, quam ad vulnera brachii, & alia carnosæ uti cerno: Ego vero emplastro de Betonica, ut ad fracturam cranii utantur moneo, & descriptionem Patavinorum exhibeo: illi contra suis sarcoticis pergere: ego itaque facto prognostico discedo: Die nono febris oboritur, quam paralytis partis dextræ (vergebat autem vulnus ad latus sinistrum) excipit, subsequente desipientia & oblivione: Restituitur quodammodo pure ad inferiorem cerebri partem circa palatum delato (ut ex sectione postea patuit) verum circa 28. diem omnia feriora: non enim tantum febris, oblivio, paralytis iterum dextræ partis, quæ & fortior, rursus oboritur, sed & substantia cerebri simul cum utraque matre rimam illam satis dehiscientem egreditur: Tonsores hanc videntes carnem spongiosam (cum tamen gyri cerebri adverti possent, ut & substantia membranarum tactui pateret) putabant, & eam ex Theophrasto acerbis aspergunt: at die xl. vulneratus moritur.

Aperitur



Aperitur cranium, & inter secandum copiosissimum pus ex naribus rejicitur, materia nimirum illa per vulnus expurganda ad os ethmoides delata, unde etiam de gravedine supra nares conquestus fuerat: Remoto cranium, ad oculum *quales fungos Tonsores isti*, maximo sui cum dedecore & vulnerari incommodo arrosissent, attendebam: Sinistra pars cerebri multo laxior apparebat, duraque mater, qua erat egressa, itemque circa tertium suum sinum, ubi torcolare ascendit, prorsus livida, Reus itaque ob malam Tonsorum curationem absolvebatur. *Phil. Salmuth. cent. 1. Observat. 12.*

## S C H O L I A.

**Q***uales Fungos Tonsores isti*] In capitis vulneribus excrementa quædam apparent & exeunt, quæ non Barbitonsores solum, sed & præstantissimos Chirurgos, in errorem seduxerunt, ut ob similitudinem pro substantia cerebri agnoverint, quod monet *Hipp. 6. Epid.* Affectus autem ille Fungus à similitudine appellatur, quia est caro mollis, levis, pallida & spongiosa, quæ quidem cito exerecit, lento vero pede retrocedit: quibus notis à substantia cerebri distinguitur, quæ lentius allurgit, solidior est & suis gyris aliquando se prodit: Eorum generationem tradit *Fabritius Hild. Cent. 1. Observ. 15.* Quemadmodum *air*, in stipitibus arborum humores semiputridi per corticem extuberantes in fungos coalescunt, sic fracta exemptaque portione aliqua cranii, ac dura matre læsa, statim humores cerebri circa plagam affluunt, qui sive ossis (ut *Al. Aphrodisæus* voluit) sive aeris frigiditate condensati, instar

fungi concresecunt, atque interdum adeo intumescunt ut extra cranium emineant, Possunt & ex flatu procreari, si enim calori cerebri imbecillus factus in materiam, quæ circa vulnus collecta est, aliquid agere intendit, flatum procreat, qui quum per tenuem meningem expirare nequeat, eam in altum elevat: Observavi enim hæcenus in his qui fungis affecti mihi occurrerunt, tenuem meningem ut plurimum integram, crassam autem disruptam fuisse, crassa enim rupta, tactaque digestionem vulneris, natura statim incipit carnem supra tenuem meningem generare, quæ loco tegumenti incumbit, ne ex aeris injuria nocumentum contrahat: Si namque humores copiose, aut flatus circa plagam colliguntur, tenuem membranam simul cum adnata carne facile ad instar fungi in altum elevant: *Vide Langium Epist. Medic. 6.*

§. 6. Non alia re magis deludi tum Medicos tum Chirurgos quam capitis vulneribus ita notum ut nullus ignoret: inde exortum proverbium Capitis vulnera lenia sæpe videri cum sint periculosissima. Et quæ fatalia apparent omni subinde carere periculo: Confirmavit hoc mihi miserabile pueri novennis fatum: is præceps in caput ceciderat, inde domum delatus maximis cepit urgeri capitis doloribus, facies & caput totum paulatim intumescere: ipse febre continua laborare, postea excæcari, ac tandem debilitatis paulatim nervis, omnibus torpere membris, ac postremo Apoplexia enecari.

Chirurgis interim nullam in osse fissuram animadvertentibus, ubi defuncti jam doloribus & vita caput aperio, accuratius licuit contemplari quid intus latuerit mali: Detracta itaque cute ex capite statim plurimum effluxit aquæ: Circa temporales arterias *hydatides reperta quamplurima*, quarum pars, incrassatis humoribus, atheromata, pars steatomata, & quædam etiam melicerides referebant, quod mihi circa venas in hepate cæterasque corporis partes sæpius contigisse visum est, sed circa arterias, præterquam in hoc puero, hæcenus nunquam: Prosequens autem curiosius indagationem, in dextro osse temporum fissuram inveni exiguam: Dissecto autem cranium nulla in meningibus sese obtulit inflammatio, sed aquæ tantillum in cerebro substantia plane flaccido: Nervi autem optici maxime labefactati debito crassiore induerant spissitudinem, & ita erant fragiles ut ad manuum contactum dissolverentur. *Theod. Kerckringius Observat. Anatom. lxx.*

## S C H O L I A.

**H***Ydatides reperta plurima*] Efformatur à lymphæ valis propriis expressa & vesiculis excepta, quales in plurimis corporis partibus observatur: Rarum vero circa arterias temporum emeruisse,

cum venas tantum vasa lymphatica ambire animadvertitur sit: Humoris autem illius in atheromata, steatomata concretionem in abdomine hydròpica mulieris observavit *Barbette Prax. l. 3. c. 4.*

§. 7. Hafniæ 1627. prope Oenopolium repertus est horis vespertinis *Radkerns Faust*, sive lapidis angularis allisu, sive alia ratione contuso mortuus: Nullum externum vulnus, nec ullum repentinae mortis indicium comparuit, nisi quod supra futuram coronalem levis excoariatio cutis fuerit: Igitur Prætoris Urbani jussu cadaver inspiciunt aperiuntque Urbis Chirurgi.

Dissecta cute pilosa invenerunt fissuram ingentem à superna futuræ coronalis parte ad dextrum Temporum os & oculos protensam: Inter cutem capitis calvariamque copiosius sanguis ad dextrum quoque oculum confluxerat. Calvaria dissecta, in dextro latere incumbibat cerebro coagulatus cruor, à regione oculorum ad aurem usque diffusus, quo absterso, in conspectum venit Fractura ossis

QQqqqq

Tempo-

Temporum, longitudine articuli unius cum dimidio, & duos digitos transversos lata: Os Temporum in quatuor partes erat divisum cerebroque impactum venas jugulares internas læserat, unde sanguis ille in cerebro stagnans, & copiose per os naresque cada-veris effusus emanarat. Cur periculosa sint Ossis Temporum vulnera, videndi Hipp. lib. de vuln. cap. Arantius in comm. Pavius ib. aliique. Bartholinus cent. 5. histor. 5.

§. 8. Quidam cum baculo ad sinistram capitis partem supra aurem percussus, non existimabatur insigniter læsus, nam cutis integra nullam læsionis notam ostendebat, osse interim petroso, quod subest fisso, ac secundum latitudinem magnam rimam habente: Huic mox supervenit *Sopor*, non tam profundus tamen quin interpellatus facile excitari potuerit: Excitatus vero facile iterum oculis conclusis in soporem relapsus est, donec tandem post dies 14. gravem soporem, à quo excitari non potuit, mors sequeretur: Decubitus toto tempore erat supinus, urina & alvus raro reddebantur, tandem etiam citra sensum profluebant; *lenta* admodum, sed nunquam remittens *febricula* aderat.

Capite huius post mortem aperto, reperta est durior cerebri membrana sub osse petroso, sanguine omnino suffusa, purulento etiam circa cerebrum humore consistente. *Dodonæus medic. Observ. 1.*

## S C H O L I A.

**C**oncussum fuisse cerebrum aperto capite satis apparuit, quanquam & hoc ex ipsa ossis petrosi insigni rimâ satis manifestum: Neque enim tam violentus ictus absque cerebri concussione fieri potuit: Cur autem non statim mutus factus fuit? Quibus enim cerebrum aliqua ex parte concussum fuerit, necesse est statim mutos fieri aph. 60. 7. Sed hic aphor. non de quavis cerebri concussione, sed de violentissima tantum, veluti cum cerebrum concuti contingit, ob casum aliquem totius corporis violentum ex locis altioribus factum: jacent enim tunc eodem quo apoplectici modo, absque sensu & motu: Cum vero minus est violenta concussio, non statim muti

redduntur, sed tardius & aliquot dies post demum, velut percusso huic contigit, tum & illi de quo Hippocr. 5. Epid. *Qui capite*, ait, *percussus est à Macedone*, corruit, tertia die voce destitutus erat, anxietus, febris tenuis, pulsus non valde in temporibus, nihil omnino audiebat, neque sapiebat, non quietus, sed quarta movebatur, humiditas circa frontem, & sub nasum, & usque ad mentum, & mortuus est: Veluti enim ad maximos & violentissimos casus omnia gravissima succedunt, ita minores molesta consequuntur accidentia, aut tardius superveniunt. *Idem.*

## OBSERVATIO III.

*Vulnus capitis lethale, ob læsionem cranii & meningis duræ, unde collectio feri in dextro ventriculo, puris in sinistro. 1. Ob læsionem substantiæ cerebri, cujus portiones ante obitum extantes ablatae sunt. 2. Ob pertusum tertium cerebri ventriculum. 3. Ob utramque meningem & ventriculos læsos. 4. Punctura ossis Frontis leth. ob meningem læsam, salvo cerebro. 5. Temporis, ob compressum cerebrum ab osse depresso. 6. Temporis dextri, ob læsionem duræ matris malè curatæ. 7. Bregmatis sinistri, ob saniem inter cranium & duram matrem effusam. 8. Verticis & musculi masseteris, ob læsum cerebrum, cranium & meningem. 9. Frontis juxta supercilium, ob membranarum phlegmonem & sanguinis per cerebri anfractus diffusionem. 10. Temporis dextri à sauciis vasis intra cranium. 11. Temporis dextri, ob sanguinem circa musculum effusum, os subditum perforatum, congestionem sanguinis inter cranium & meningem, inter utramque & in ipsa cerebri substantia, cujus duo fragmenta eduçta. 12. Frontis infra orbitam oculi, ob læsionem ossis cribrosi, dextri cerebri ventriculi, & sanguinis ad basin usque ac cerebellum effusionem. 13.*

§. 1. **H**enricus N. gladio in capite vulneratus fuit: Chirurgus hoc vulnus flocci fecit, dicendo esse tantum vulnus simplex nec cranium læsum, quod etiam intra 14. dies consolidavit; & ita ejus negligentia factum quod Henricus tandem septima hebdomada à vulnere, postquam aliquoties vulnus recrudit, fuerit mortuus.

Sed separata cute deprehensum quod non solum vulnus cæsum factum cranium, & quidem os syncipitis sinistrum, prope angulum quem facit futura coronalis cum sagittali, penetraverit, existente in cranio foramine crassitie pili, longiusculum tamen: Aperto porro cranium, & dura mater ipsumque cerebrum læsum, apparente in margine vulneris corruptione ac putredine: In dextro cerebri ventriculo eximia quantitas materiæ serosæ: sinister autem cerebri ventriculus anterior plenus erat succosæ & purulentæ materiæ, ita ut vix

tria

tria cochlearia eam ceperint : *Paulus Ammannus Medicina critica casu xciiij. Sequitur Responsum Facultatis Medica Lipsiensis.*

## S C H O L I A.

**A**D 1. Questionem, *An capitis vulnera, ex doctrina Hippocr. qui nullum capitis vulnus conseruandum esse scribit, per se lethalia & maxime periculosa sint?* Respondemus, Quod quidem in genere omnia capitis vulnera, etiam si cranium modo superficialiter sit laesum, non sine periculo sint, praecipuis circa suturas : Attamen non omnia capitis vulnera per se, simpliciter & absolute esse lethalia, dum magna est differentia inter vulnera lethalia & inter periculosa : sed experientia monstrat, quod non tantum cranii vulnera, verum etiam meningum, quin ipsius cerebri, praesertim ratione corticis ejusdem, feliciter fuerint curata, sitam a parte patientis quam Chirurghi nihil intermissum.

Ad 2. *An vulnera capitis, ubi cranium quidem laesum, vulnus autem ex negligentia nimis cito consolidatum, vulneratum etiam usque in vij. hebdomadam vixit, & iterum munia sua obivit, pro lethali- bus habenda?* Quia vulnera cranii ex incuria, vel negligentia, nimis cito consolidantur, & ita purulenta materiae exitus intercipitur, hoc non tam vio-

lentie laesionis, quam errori à Chirurgo commisso imputandum, Et propterea vulnera talia pro simpliciter lethali- bus non reputanda.

Ad 3. *An vulnera cerebri in, & per se sine lethalia?* Non omnia vulnera cerebri, sed tantum illa simpliciter sunt lethalia, quae medullam ejus penetrant : quae autem solum corticem cerebri laedunt, sunt quidem satis periculosa, absolute tamen lethali- bus semper non annumeranda.

Ad 4. *Annon in vulneribus capitis & cranii, quae ex incuria nimis cito consolidantur, multum serosa ac purulenta materia retineatur, cujus acrimonia cerebrum corrodat, & pater postmodum necessario moriatur?* Non negandum quod purulenta & serosa materia retenta, tantam acrimoniam tractu temporis contrahat, quae non tantum cerebri substantiam, alias mollem & spongiosam, verum etiam ipsum cranium corrodat, inde necessario varia & periculosa symptomata, nisi evacuentur tempestive, subsequuntur : Ideo ob has causas omnes causa mortis in vulnerato lethico tibi minime imputari potest &c.

§. 2. Notabile exemplum nobis Ultrajecti occurrit mense Januario anni 1670. in ancilla Dom Solingen, Medici & urbis Poliatri, cui gravis lapis (ad minimum ponderis 30. librarum) è summitate domus cecidit in superiorem dextram capitis partem, cum magna ossium bregmatis & frontis, circa futuram coronalem diffractione ac depressione, cerebrique laesione : quod cerebrum, biduo post 14. fractorum ossium exemptionem, meningibus adhuc intactum, sursum è lato vulnere epullulare incepit, idque paulatim tanta altitudine, ut primo columbini, postea gallinacei, denique anserini ovi magnitudine extra cranium extaret, eaque protuberante parte magno cum foetore sponte separata, rursus de novo repullulavit, & sic diversis vicibus aliquae putridae partes sponte deciderunt, ita ut durante curatione, substantiae cerebri putridi quantitas ad pugni magnitudinem separata fuerit, agra tamen in illo statu vixit usque ad xxxvj. diem, scil. ad x. mensis Februarii, quo mortua est : Eoque toto tempore in vita ipsi mens constitit, actionesque animales principes bene peragebantur, etsi durante curatione sinistri totius lateris (in quod lapis non deciderat) continua paralyti ab ipso principio detineretur, & bis terve convulsionibus ac singultu corripere- tur.

Post mortem ablato cranio, in dextra cerebri parte magna cavitas inventa fuit (propter substantiae cerebri partem putredine separatam ac per vulnus expulsam) sese cum putredine extendens per ejusdem lateris ventriculum superiorem ; simulque à latere ventriculi tertium, seu medium transiens, usque ad os sphenoideum : *De Diemerbroeck Anatomia lib. 3. cap. 5.*

## S C H O L I A.

**H**ic memorandus casus docet quam dubia sint illa omnia quae de principum facultatum animalium sedibus aut distinctis, aut toti cerebro aequaliter adscriptis, vulgo traduntur : Cum in hac

agra vita mentisque illae actiones usque ad xxxvj. diem persisterint, haec neque magna cerebri putredo, neque substantiae ejusdem ad pugni magnitudinem ablatio impediverit. *Idem.*

§. 3. Quidam antea bis in capite vulneratus, quo loco sagittalis coronali jungitur, bis trepanum passus & curatus, poculo feritur in capite, illo ipso in loco qui inter duo trepana medius erat : Vocatur Chirurgus audacissimus & imperitissimus, quique factis suis testaretur verissime scripsisse Hippocr. lib. de Lege : *Imperitia malus est thesaurus maleque opes recondita, securitatis animi & latitiae expertus, timiditatis & audacia nutritus* : Ille, ut erat amantissimus poculorum & magnus helluo, appposito ovi albumine, bolo & stuppis, biduo laesum non videt : Interim laesus, utroque brachio cruribusque captus, vocem etiam amissa, mortuo simillimus jacebat ; Vocor rus sesquihora Leodio dissitum : Viso laeso, Chirurgum accersendum curo, quo nusquam invento, à fabro ferrario instrumenta quae habet Chirurgica peto, quibus cum post ablationem ficcissimarum stuparum os depressum levasset (quo depresso, ut scribit Galenus libro primo, de plac. Hippocr. & Plat. gravissima sequuntur incommoda, corpusque uni-

QQqqqq 2 versum



versum sensu motuque, spiritu & voce protinus spoliatur) statim vocem membrorumque usum recuperavit, atque in lecto sedit: me digresso, monitisque adstantibus quid vellent Chirurgum facere, ille reversus os à me nullo conatu ablatum, nec enim adhærebat, reposit, eademque quæ prius imposuit, sequutis quæ præcesserunt symptomatis: iterum vocatus, eodem quo prius successu eadem facio: cæterum os mecum defero: Ille nullo negotio os istud, quasi hoc ad curam quicquam faceret se conferruminaturum rusticis pollicetur: Veniunt ad me qui os repetant, reddo, Ille cranium rursus aprat & nescio quomodo hominem occidit.

Biduo post accersor à Magistratu loci, cadaver visitaturus: Invenio sub osse foraminulum, quod dura piaque matre transitis, in os basilare desinebat; præsentibus aliis Chirurgis quæ præcesserant narro (nam qui curaverat non comparebat) fatentibus omnibus non nisi tenuissimo specillo vulnusculum illud pridie mortis quam tertium transibat ventriculum cerebri inferri potuisse: verisimile censui ipsum, ut semper erat, ebrium, specillo ita miserum jugulasse dum os se posse reponere stultè credit & stolide credit. *H. ab Heers Observ. med. 22.*

§. §. Nob. quidam Francofurti nocte illuni & tempesta, per plateas divagatus in vigiles urbis incidit, à quibus in osse sinistro capitis ad suturam coronalem bipenni acura punctum: In hypochondrio autem dextro vulneratus, illico concidit aphonos, die tertio superveniente Epilepsia forti & convulsionibus expiravit.

Aperto cranium, valde profundum vulnus, & utramque meningem, ipsosque cerebri ventriculos penetrans, adeoque angustum, ut sanguis, cujus magna copia ab basin cerebri defluxerat, nullo modo evacuari posset, repertum. *B. Timæus Responsior. medic. 19.*

#### S C H O L I A.

**S**anguis cujus magna copia ad basin] Sanguis corruptus putrescentique si in nervorum genus feratur, Convulsionem excitare potest: Sicuti ex ictu capitis Calvariam penetrante, nondum tamen cerebri substantiam dividente, (unde apoplexia potius sequeretur) sed cerebri meninges duntaxat vulnente, quandoque accidit; effuso tunc sanguine retentoque sub calvaria, qui putrescens maligna qualitate cerebri membranas inficit; quorum contentu, tum quod subsidens nervorum principium è cerebri basi productum occupet afficiatque, convulsionem quæ capitis vulnera sequuntur, parit: *Platerus prax. lib. 1. cap. 2.*

*Utramque meningem penetrans, &c.]* Signa læsionis panniculorum sunt hæc, sit dolor notabilis capitis fixus, & intra caput, & dolent oculi, & simul cum percussione, vel parum post venit talis dolor, & natura doloris est quod sit pungitivus, & fixus, & accidit vomitus cholerae, quia illa est magis mobilis, & hoc accidit per compassionem stomachi ad cerebrum per illos notabiles nervos descendentes, teste *Galeno 3. de locis capite septimo*, Et interdum fit colica ob eandem causam, & universalis intestinorum dolor, quia omnia intestina sensum habent à nervis prædictis, Et appetitus dejectio, & degestivæ & expulsivæ debilitas, & omnium virtutum simul, ob eandem causam, & oculorum rubedo, tunica enim oculorum ortum habent à panniculis cerebri; Et venit febris ex dolore, quæ est ephemera ex agitatione spirituum animalium in cerebro, maxime si læsio est notabilis, & quod subito accidat febris; potest tamen evenire & putrida febris, sed non ita subito, ex putrefactione alicujus materie, vel in venis vel extra venas, in capite & alibi: Et pustula in facie accidunt ex humoribus ad eam elevatis, & sanguis ab auribus à palato & à naso fluit, & etiam interdum exit sanguis è partibus sub osse contentis, ab aliqua vena in panniculis læsa, & apparet nigredo lingue, & etiam singultus, quod pessimum signum: Quæ accidentia sunt majora vel minora pro magnitudine vel

parvitate læsionis, & etiam secundum panniculū, quia majora sunt accidentia læsa pia matre quam dura, & secundum locum læsionis, quia si lædantur isti panniculi in loco in quo sunt notabiles venæ in panniculis (quod difficile est aliter fieri, maxime in pia matre) à venis illis exit sanguis qui putrescit & facit seræ accidentia: Et etiam raro læditur pia mater quin lædatur cerebri medulla, ideo sequuntur apoplexia, destructio vocis & rationis, quia læsa pia mater læditur totum cerebrum: Nam pia mater pro majori parte sit ab arteriis & venis, per quas arterias deferuntur spiritus vitales in reti mirabili præparati, ibi facti animales: Et hæc pia mater non solum tegit cerebrum extra & illud nutrit, sed etiam intra ventres ejus ingreditur, & per ostificia arteriarum ejus ingreditur spiritus prædictus ventres cerebri: hac de causa accidit destructio rationis & scotomia: Et accidit in istis vulneribus tremor & rigor, quia contrahitur in se cerebrum, fugiens & expellens nocivum: Et ex eadem causa fit spasmus non proportionatus ad materiam; & uterque spasmus potest in brevi tempore supervenire; & ita etiam fit paralysis & tortura, & stupor membrorum à materia transmissa ad illas partes: Apoplexia à materia oppilante ventres cerebri, Et syncope ex compassionem cordis, cor enim comparitur cerebro, & à contra: Hæc omnia signa veniunt subito, vel quasi, si panniculi sint læsi, ut supra: Si vero isti panniculi essent contusi inter commissuras exeuntes, quia dura mater est ibi, talia accidentia sunt debilia, & veniunt ad notabile tempus, tardius & citius pro magna vel parva læsione, pro corporum mundicie vel immundicie, fortitudine vel debilitate, pro tempore anni, regione, ætate, regiminis in sex rebus non naturalibus, & modum curæ adhibita: Sed accidentia quæ sequuntur ad prædictam contusionem inter commissuras, non sunt per contusionem tantum, sed sunt etiam per putrefactionem panniculi læsi, vel quod aliunde transmissa est illuc materia, quæ non regulari à natura putrescit, & per modum continui se ipsam augmentat, quia quod tangitur à putrido, putrescit,

putrefit, & cum venit ad certam quantitatem determinatam, incipit febris & alia accidentia, & tandem sequitur mors nisi cito succurratur, & quamvis etiam tunc succurrere sit difficile, & dato etiam quod res à principio esset nota, & esset talis ut supra, sed tanto plus est difficilis quantum est occulta sensibus, & non cognoscitur hoc, nisi jam facta sanie in loco, à principio enim est occulta,

& nescit Medicus quid agere, nec ubi agere debet quia ægritudinem & locum ignorat: Et talis species læsionis est inter alias mala, & difficillima ad cognoscendum: Adhuc etiam vigilia, & angustiatur æger & est totus prostratus: Interdum tanta est panniculorum lætio ut certificetur visu & tactu. *Berengarium cap. 3.*

§. 5. Hafniæ 1658. novitius Chirurgus gladio subtili per os frontis vulneratur, punctura per membranam duram & piam penetrante, vix cerebrum attingente, quod ex dissecto cadavere comparuit: Quarto tamen die sine ulla membranarum inflammatione è vivis excessit. *Th. Bartholinus histor. 70. cent. 5.*

§. 6. Hoc anno 1671. mense Aprili, Uratislviæ, ancilla quædam servi cujusdam nimiam jocandi licentiam frænatura, cantharo parvo ligneo, quem forte sorditiem detergendo lavabat, circa Tempora percussit, qui scalas quidem descendit, in atrio tamen in terram concidit & expirat.

Aperito capite, interius nulla certa vestigia mortis causæ inventa fuerunt, nisi quod os Temporis ex ictu aliquatenus versus interiora incurvatum fuerit. *D. Philippus Jac. Sacchi in miscell. Cur. anni 1671. Observ. 123.*

## S C H O L I A.

**C**irca tempora percussit! An musculus temporalis sit secundus multi dubitant: Negat *Marchesii* Observat. 15. quoties vulnus aut contusio fuerit cum fractura ossis: 1°. quod plerique sic vulnerari moriantur, ex *Hipp.* sententia, accedente propria illius experientia, qui observavit musculo temporali à quibudam barbitonsoribus perperam læso, quarta die patientes convulsos obiisse. 2°. Quod fracto osse sub ipso musculo, omnino lethale sit, ac proinde sectio hujusmodi sit supervacua: quod & idem sæpe vidit & publice demonstravit, in quibusdam solam rimam in osse subjecto musculo temporali repentinæ mortis causam fuisse, cum falso Apoplectici haberentur, sola præsentente contusione, quæ nonnisi gravis, cum ossa subjecta frangit, & musculum ipsum, tum partes internas ipsius cerebri, unde certa mors: Quod si ex symptomatibus innotescant hæc læsiones, extra musculum, parte ejusdem decliviori, sectionem faciendam, ibique trepanationem administrandam vult, nec non lato postmodum specillo deprimendam membranam ipsam, quo exitus puri pateat:

§. 7. Memini Lipsiæ aliquando Facultatem Medicam convocari ob vulneratum quendam punctum circa os temporis, ita ut dura membrana simul læsa esset, post aliquot vero septimanas extinctum convulsione partis læsæ, & paralyti partis oppositæ, tanquam symptomatis consuetis præsentibus: imprimis gravitate quadam intolerabili circa oculum partis affectæ conjuncta.

Aperitur cranium, & punctura conciliata manifesto se prodit: Inter membranas autem & substantiam cerebri ingens copia puris, libræ civilis unius pondo, quæ & proculdubio causa curationem male administratam arguebat, quod statim suppressa puris via vulnus intempestive Chirurgus glutinaverat: absolvebatur itaque reus. *Ph. Salmuth. cent. 1. Observ. 17.*

## S C H O L I A.

**P**ost aliquot septimanas, &c.] Flaccescit latus oppositum, vel circa plagæ initium, vel aliquot diebus post, si quidem contingit protinus ab ictu convulnere, propelluntur humores à violentæ concussionis impetu ad loca quam remotissima, sive ad ventriculos cerebri, vel meatum spinali medullæ insculptum: quo delata penetrans hæc vis, adigit (ut cum *Castio* loquar) fluidam hanc materiam potius ad partem oppositam quam plagæ vicinam: quo tamen, si quidem tenderet humor nervos resoluturus, retrocederet necessario ad motus sui principium, & ad terminum à quo primum fuerat depulsus, cum contra motus violentus sequatur motorem, tendatque potius ulterius quam subsistat in propinquo: quod apparet in clandestina ossis oppositi fissura: At si nervi resol-

vantur aliquandiu post inflatum vulnus, verisimile est ab illata vi humores quidem fuisse agitados, sed non exiisse ex parte affecta: verum illa paulatim incaléscente, sive à putredine, sive à febre, credibile est eosdem illos humores denuo moveri, & ab exsuscitato hoc calore tandem quoque propelli ad partem oppositam, seu locum maxime remotum à motus principio, & præcipue à latere dolente, unde hostem suum depellere satagit natura. *Nic. Tulpinus observ. l. 1. c. 1.*

*Convulsione partis læsæ & Paralyti partis oppositæ*] Capitis vulnus aliquando sequitur convulsio partis oppositæ, aliquando ejusdem paralyti: Quandoque convulsio in parte affecta & Paralyti in opposita: Posterioris hujus ratio hæc esse videtur, quod

quod cum ad partem laesam fiat humorum & spirituum concursus, tum ratione doloris attrahentis, tum naturæ, præsidia sua eo ubertim transmittentis; his ex causis pars sana paralytin incurrit, defectu spirituum qui toti ad partem afflictam confluunt. Hæc autem convellitur, ab iis spiritibus confertim ad eam irrudentibus: Cum enim, docente *Placero* de funct. læsion. cap. 2. Spiritus animalis in nervis quoque contineatur æque ac in cerebro, cujus propagines sunt, si præterea cerebri parte læsa, iis ruri-

gida, amplior fiat & a<sup>7</sup>ig<sup>9</sup> ad nervos eorum confluxus, partem laesam inde convelli verisimile est: accedente maxime, juxta *Excell. Willis*, copula elastica, sive vapore nitro sulphureo, qui spiritibus immittit eos in explosionem, potiusquam in fluxum aut irradiationem adigit, unde eorum contractio & motus anomalus partium in quas irrumpunt: Copulam autem eam elasticam suppeditat ichor & sanies ex parte vulnerata exsudans.

§. 8. Vinitor robusto & bene habito secundum naturam corpore, cum contentionem cum suæ sortis homine habuisset, incalcescenteque ira ligone hostem impeteret, alter jacto lapide incussit contusum in capite vulnus, secundum os bregmatis, parte sinistra, accepto vulnere: concidit æger & sine sensu stupidus aliquandiu manens, exsuscitatus resurgit, in ædesque deductus, accersito Chirurgus, optime tractatur: Quum dies aliquot sine verendis symptomatis constaret æger, præter dolorem, quem tamen ingentem ex vulnere percipere se aiebat, existimatum est vulnus lethale non esse, imò nec periculosum: Tandem quum post 7. augeri febris dolorque cœpisset, & æger per noctem aliena loqui, contrahi-que manus digiti viderentur, Medicum accersiri voluit: Ego vocatus, vulnus intueor, vulnerati faciem, aspectum, verba attendo: video hominem balbutientem, & gravate atque aliena loquentem, contractisque manuum digitis atque convulsis brachia attollere non posse cerno, sed veluti resoluta jacere: Tum his spectatis lethalibus signis, in præcipiti rem laborantis esse denuntio, ac brevi ægrum moriturum: quumque interea audirem missum esse per initia sanguinem, purgationem autem non adhibitam, quam in capitis vulneribus plurimum valere docent *Hipp. & Gal.* constarentque adhuc satis vires, purgans præscribo, quod feliciter, & sine molestia operatum est: perstant nihilo secius symptomata illa gravia, resolutio convulsioni juncta, atque delirium, quibus pro ratione mederi studeo: Sed nihil proficientibus omnibus, æger in deterius lapsus obiit die xiv. ab accepto vulnere.

Dissecari cadaver sui jussere: E regione vulneris, inter cranium & duram meningem, sæ multa puris copia inventa est, membranaque ipsa prætumida & decolorata, qua parte vulnus insederat, etsi nulla tamen in cranio subesset fractura scissurave aliqua, sed sola ex ictu concussio: unde factum est ut ictus violentia & contusione venulæ pericranii, sanguinem fundentes & ruptæ, saniei genitæ materiam præbuerint. *Valleriola lib. 3. Observat. 8.*

#### SCHOLIA.

**I**nter cranium & duram meningem, &c.] Quomodo ad meningas ulque sanies penetravit, quum nulla esset in osse fractura aut rima, mirum potest videri: Sed mirari desinemus si intellexerimus conspirabile esse universum corpus, & ab ictus violentia incusso in caput lapide gravi, non solum externas partes capitis, sed & internas quoque per consensum atque viciniam affici: Neque enim solum censendum venulas, quæ in pericranio sunt, ecchy-

mosin facere in hujusmodi capitis contusionibus, sed & eas quæ intra cranium duram meningem vestiunt: quod dura meninx pericranio alligata sit, & ab ea per suturas pericranii ortus sit: Itaque quum ab ictu concusse & ruptæ duræ meningis venulæ fuerint, ab illis saniem prodixisse, quæ dissecato cadavere intra cranium reperta est verisimile est: ut verissimum sit quod ab *Hipp.* lib. de cap. vulner, dictum est, vulnera capitis etiam exigua non vacare periculo, &c. *Idem ib.*

§. 9. *Elco Amsonius*, Frisius, studiosus, in seditione populari quatuor vulneribus faucibus, uno in vertice, altero in musculo massetere sinistro, utroque calviam penetrante; tertio in dextra frontis parte: quarto in manu sinistra: Is sexto vulneris accepti die Epilepsiam ter patiebatur, die vero nono, gravem capitis dolorem, cum vigiliis, febris continua, delirio & siti questus (quamvis horum quædam largiori veteris cerevisiæ potui propter sitim & febrem, alia deficiente causa, adscribi posse videbantur) tandem 15. morbi die exspiravit.

Postridie mortis caput examinatum est, Inventumque vulnus temporis sinistri penetrasse & cranium & utramque meningem, in ipsam cerebri substantiam, ad duorum pollicum altitudinem una divisione, & altera ipsi proxima, unicum modo pollicem profunda: Os autem cranii fissuram, imò rupturam verius habebat, quæ ab ipso vulnere (quod latitudine pollicis in massetere supra aurem eminebat) & per transversum digito supra futuræ lambdoidis initium usque ad aurem sinistram ferebatur: Sub cute, passim in occipite, & in tempore dextro, & frontem versus, contusiones, cum sanguine coagulato interfuso: sicut etiam inter calviam, potissimum circa verticem, & lambdoidis initium ex sanguine grumoso macula ossi inhaerens, medixq; palinæ latitudinem ædæquans visebatur. *H. Smetius miscell. l. 10. p. 560.*

§. 10. *Claudius Finalis* (de quo tit. de Soporosis affectibus) lapide ictus supra supercilium sinistrum, ubi excitatum vulnus contusum, tertio die extinguitur. Sublato cranii fornice in conspectum venit dura meninx livida & nigricans: Pia semiputris & foetida, cum insigni sanguinis extravasati, & in grumos concreti, cum anfractibus, tum in ventriculis copia &c.

§. 11. Si sclopetorum globuli, vel aliud quodcunque telorum genus profundiora cerebri per-



perrumpat, nullus mortalium evadere mortem poterit, Cujus rei fidem mihi fecit Illustr. ac Fortissimus Heros *Henr. Ludov. Maximilianus Comes in Pappenheim*, &c. Cui anno 1633. 27. Junii, in obsidione arcis *Altæ Stollæ*, tempus dextrum sclopeti globulo, in parte elatiore transfixum fuit, globulo in sinistro latere profundiora cerebri petente, unde omni sensu & motu privatus concidit, ac paulo post anno ætatis 23. expiravit: Eo conditura causa eviscerato, nihil fere sanguinis in cava descendente & arteria aorta reperi. *I. Iacobus Wepferus Dissertat. de Apopl. p. 228. & 345.*

## S C H O L I A.

**P**rofundiora cerebri perrumpat, &c.] Mirabilis est capitis vulneratio quam recenset *Valeriolæ* Observ. l. 4. observ. 10. de milite, qui auci tonnenti globulum excepit in tempore sinistro, eo paulo alius egrediente, ex opposito latere, distracto & dilacerato utrinque cranio, qui citra apoplectica symptomata miraculo integre curatus fuit, nisi quod fortiter & cæcus maneret: Existimat equidem *Valeriolæ* nec cerebri membranas nec cerebrum ipsum læsum fuisse, quod tamen nequaquam mihi probabile videtur, non enim duræ matris condicio humilis est intestinorum constitutioni in abdomine, quæ non raro illicia manent gladio vel sclopetorum globulis cavum abdominis penetrantibus: lubrica namque sunt, liberioraque armorum impetui cedere possunt: dura vero meninx pertinacissime cranio, maxime autem circa suturam sagittalem validissimis fibris accretæ est, adeo ut magno nixu cerebrum detegentibus avellenda sit: unde globulo petita, vel centies rupta fuisset, imprimis quia globulo à sinistro tempore ad oppositum transeundum fuit: Non minus à verosimili abest iudicatis & cæcitatæ causa quam ibidem addit, scilicet ab ictu, concusso cerebro, sanguinem in opticos & auditorios nervos incidisse & obstructionem peperisse, nam præterquam quod nulla in his nervis cavitas appareat, sanguis in profundioribus cerebri partibus, unde hi nervi exiunt, citra gravissima symptomata, quorum tamen nulla mentio ab ipso fit, citius nunquam fuisset, imò vix ulla arte curari potuisset: Non minus admirandum est vulnus Nob. Poloni juvenis & boni corporis habitus, qui telo ictus infra temporum ossa, versus prominentiam ossium jugularium utriusque lateris, recta ad Regis tentorium perrexit, ubi ab equo prolixiens se Regi ostentavit, telum adhuc ita artificiose quali & æqualiter per medium capitis infixum gerens, ut nulla pars illius magis aut minus ex uno aut altero latere prominere, ac præter tebrem symptomaticam vix alia graviora, quam quæ vulneratos communiter commitari solent, passus est symptomata, eapropter solis Chirurgis cura commissa fuit, qui motum ad una statione ad alteram exercitum commodè sequi valuit: Ex his exemplis elucet citra apoplexiam, aut aliam graviorum symptomatum colluviem, non solum intra cranium & duram matrem, sed & intra hanc & tenuem, quin etiam in ipsam cerebri substantiam, modo non quoque in ventriculos anteriores, innoxie sanguinem effusum fuisse: Verum merito hæc inter monstra recensenda sunt, Quotusquisque enim

mortem, vulnere cerebrum penetrante evadet? si quid in re oblecta divinare licet, minutiora tantum vasa tum à globulo tum à telo læsa, minusque sanguinis profusum fuisse existimo: Præterea utrinque sanguinis exitus patuit, qui alias gravius capite contuso, magno ægri commodo non raro trepano parandus est: Denique in ambobus his admirandis capitis vulneribus, nec telum nec globulus æneus nobiliorem cerebri partem, medullas scilicet profundiores substantiam, ubi spiritus generantur, & unde in nervos derivantur, attigerunt: quæ si læsiata fuisset, proculdubio de utriusque vita actum fuisset cum supernarum cerebri partium vulnera haud adeo, experientia teste, incurabilia sint: Quæ luculentius confirmat *V. Coiter* Miscell. Observ. Anatom. & Chirurg. p. 122. his verbis, *Quod summa admiratione dignum existit, breviorum viventium cerebrum detexi, vulneravi, & intactis nervis eorundemque principio, & ventriculis, mediis illis, exemi; ac nullum vel vocis, vel respirationis, vel sensus, vel motus offensionis signum in eis deprehendi: Aves absque cerebro aliquandiu vivunt, ut quilibet in gallinis vel pullis gallinaceis, si rostrum superius cum dimidia capitis parte abscideris, cerebrique majorem exemeri pariem, experiri potest.* Vix autem & auditus in Nob. Polono ilecti manserunt, secus ac in n. i. ite apud *Valeriolam* factum est, quoniam telum Tartareum, globulo acutius, duram meningem citius perforavit, minutique hanc membranam extendit vel contulit, unde etiam nervi optici & auditorii nec abrupti nec loco moti fuerunt, quorum alterutrum vel utrumque in milite tactum suspicor: Quod si vero globuli vel telum quodcumque profundiora cerebri perrumpat, nemo evadere potest. *Idem ibidem.*

*Nihil fere sanguinis, &c.* Illustr. Comitæ fatum fidem facit non solum alibi læcio vas sanguifero insigniore, verum etiam intra cranium lacerato maximum sanguinis provenum perdi, quamvis mole quibuldam vas in medio & imo ventris atq; artubus impares sint, si sinus & carotides juxta infundibulum excipiantur; atque totam cranii cavitatem oppleri posse, nisi vulneris amplitudo cumulationem impediat: nam cava descendens ut aorta vacua, plurimum cruoris statim post ictum emanasse docent; Ejus effluvium promovit quod rheda statim post illatum vulnus per loca aspera vehebatur; unde forte vasa majora magis sanguine exhausta visa sunt quam alias observatur. *Idem p. 346.*

§. 12. Vetula quædam Furiarum non postrema consuevit maritum sæpius egregie verberibus dedolare, quod plerumque patienter pertulit: Mense Julio 1673. cum nescio quas sordes scopis abstergeret, indignabunda uxor accurrit ac verbera intentavit, verum patientia tandem aliquando in furem versa, à Marito scopis in tempore dextro fortiter percutitur, adeo ut dissolutis ac avolantibus scopis, acuminata scopisque infixa baculi pars tempus transiret: sanguine largissime ex vulnere emanante, à vicina amice monita ut illius curam gereret, verum renuit, mire in virum convitiis debacchata est, ac se jugulum propediem ipsi fracturam minabatur: In cœna irarum plena cibos devoravit ac potu se ingurgitavit: mox tamen foco assidens omnia assumpta evomuit, postea lectum petiit, surrectura nescio quam ob causam humi cecidit, & juxta lectum mane mortua inventa fuit.

Ex Illustr. Supremi Dicastri Hassiaci mandato, Excell. D. Combachius cum Chirurgo vulgus contemplatus est, invenitque vulnus primo aspectu exiguum & quod regeretur apice minimi digiti, verum indito vulnere stylo deprehenderunt baculi acumen altius penetrasse: cuius res maritus conscius factus, mox fuga sibi consuluit: detracta cuti circa musculum temporalem omnia sanguine suffusa erant: Remoto musculo temporali, in osse foramen rotundum, ac si sclopeti manuarii globulo pettusum & efformatum fuisset, occurrit: Ablato cranio, inter illud & duram meningem, item inter utramque meningem, imo in ipsa substantia cerebri plurimum cruoris inventum fuit, Ex substantia quoque cerebri duo fragmenta à baculo avulsa extraxerunt: Quibus rite expensis merito Vulnus lethale judicarunt. *Observatio Excell. & Clar. Dom. D. Ludovici Hermanni Combachii, Ludovici Filii, aula Hassiaca Medici, communicata Excell. D. Wepfero; qua est hist. 12. Exerc. de Apoplexia.*

## S C H O L I A.

**V**ulnus vetulz isti illatum gravissimum omnino reputandum, quo arteriæ temporalis ramuli lauciati fuerunt, ut ex larga hæmorrhagia statim eveniente patet; musculus item temporalis, os, meninges ambæ, cerebrum ipsum cum arteriarum ramis anfractus intercurrentibus pertundebantur & lacerebantur, nõ tantum spirituum animalium deliquium peperit, quin diu post acceptum vulnus plures actiones animales adhuc perficere potuerit, & ceu extra periculi aleam posita secure suis manibus indulserit; nam facinus mariti ante huc diem insolitum phantasie obversans, adeo irascibilem vim commoverat, ut sopito omni rationis imperio propriam valetudinem negligeret, in memoria convitiõrum & criminationum ideas divite proventu fide reconditas concitaret, illas plenis faucibus evomeret, rabide instat ultrices manus viro illatura, hinc inde oberraret, cibos ira præcordiis ferventibus voraret, potum intemperanter ingurgitaret, omninoque se verbis & gestib. ostentaret qualem se antihac ad iram concita læpius furibunda præstitit.

*Omnia assumpta evomit*] Capitis contusionibus fortioribus, imprimis si vas aliquod sanguiferum intus rumpatur, aut cranium lundatur, ejusque ut & cerebri vulneribus Vomitus accidere frequenter observatur, aliquando primo statim die & paulo post vin illatum, aliquando demum post diem unum vel alterum elapsum: *Hippocr. l. 6. aph. 50.* cerebro vulnerato necessatio bilis vomitus supervenire tradit, quod tamen non omnibus nec statim primo die contingere commentatores tradunt, quosdam enim alias ad vomitus minime proclives non vomere; alios vel assumpta solum, vel pituitam vel bilem multo sero dilutam, idque demum quarto, aut tardius vomitu rejicere scribunt: Anus ista, quæcunque iratum plena post inflictum vulnus devoravit & ingurgitavit, brevi rursus evomit: forte bilis vomitus non emanasset, nisi vitæ filum præpropere abruptum fuisset, quoniam illa abundante testantur animi motus vehementiores, ad quos proclivior erat & à quibus propemodum continue agitabatur: Causa vomitus istius adscribitur contentui ventriculi cum cerebro per nervos insignes, non solum orificia illius ambientes, sed etiam per universam ejus struem diffusos, tunicis in-

meros, ac cum earum fibris coalitos & pene concretos: Sed cur noxa quam cerebrum ejusque meninges in his capitis affectibus experiuntur, prius in ventriculum redeundet quam in alias partes mediæ & imi ventris, quæ nervis æque luculenter dotantur, & quædam eorum insuper nervorum principio propiores sunt? non sine causa ambigitur. Apud anum istam cita ventriculi inversio vulnere superveniens adscribi posset nimis ejus oppletioni, & cibo & potu & post ictum factæ, à qua ventriculus ob hæmorrhagiam prægressam debilitatus magis aggravabatur, ejus nervi ad contentorum amplexum fortius cogebantur, & cerebrum in subsidium accedentes vehementius alias noxa affectum, amplius irritabant, unde veluti exandescens hanc excretionem imperavit: Verum, quoniam non raro vacuo stomacho graviter capite læsi vomunt, nodus his minime solvitur, atque omnino consensus cerebri cum ventriculo major quam cum aliis partibus fatendus erit, ob quam citius quam cum aliis comparitur, quamvis noxa gravius sollicitante cerebrum, nec ceteræ immunes permaneant, unde quoque singultus, convulsiones aliæve symptomata tandem superveniunt: intra cranium vomitus illecebræ, tum sanguis extravasatus exortum parvi vasi attingens, tum potissimum segmenta crani in tempore, pertusi, tum baculi fragmenta cerebro ejusque meningibus infixæ apud anum istam reputari possunt. *Wepferus ibidem.*

Recte vero censet Vir Excell. noxam in ventriculo potius illuciscere ob eximium consensus præsertim si cibo vel vitiosis humoribus tunc temporis turgeat. At cū eo inani vomitus bilis accidit, præcordiorum quoque spasmus & concussio inculanda venit, jecoris, ejusque vesiculæ ac pororum choledochorum, bilem primo in intestinum, hinc in ventriculum excurientium, ab æquali ramorum sexti paris, per eas regiones diffusorum, ipsi dicitur.

*Humi cecidit, &c.*] Proculdubio apoplectica, quia obmutescens opem implorare nequit, atque invalescente sanguinis intra cranium effusione, cerebro sanguinis pauperiem majorem experiente, magisque subsidente, compressione accedente forti apoplexia exspiravit. *Idem ibidem.*

§. 13. Nuper Studiosus Jurium egregius, infra orbitam sinistri oculi, prope nasum, absque ulla læsione oculi à milite ense punctum vulneratus fuit. Paulo post loquela & ratione privatus per horas 24. sed jectigans, tandem revera cum stertore Apoplecticus mortuus est.

Aperto à me cranio, vidi vulnus per orbitam oculi & os cribrosum prope cristam galli factum, dextro quoque cerebri ventriculo inflictum fuisse: ex quo etiam magnam portionem sanguinis attri, grumosi & fibrosi, ad crassitiem & longitudinem mediæ digiti extraxi: Basis cerebri & regio cerebelli copioso sanguine extravasato refertæ erant, præterquam quod tota cerebri moles quasi ab inflammatione etiam rubicunda apparerent. *Observatio Cl. D. D. Maximiliani Henrici Egermeieri Professoris Friburgensis, ad Exc. Jac. Wepferum transmissa; qua est hist. xi. Exerc. de Apoplexia.*

## S C H O L I A.

**E**NSIS apud Juvenem istum per os maxillæ superioris secundum tenerrimum, & os cribriforme, ambo impetui non magno facile cedentia adactus, juxta cruram galli transversam à sinistro latere ad dextrum ventriculum usque transiens, proculdubio laciavit ramum anteriorem carotidis insignem, ad pennæ gallinacæ magnitudinem accedentem; item ramos anteriores, qui prope cruram galli junguntur, ac sursum reflexi pluribus anfractibus prospiciunt, nam ensis loca hæc attigit: præterea omnia usque adeo cruore suffusa erant, ut nonnisi insignia vasa sanguifera incisa fuisse necesse sit: denique præter meninges etiam substantiam ipsam cerebri antèrè vulneravit, nam usque ad dextrum ventriculum penetravit.

*Per horas 24. se jectigans*] Jectigatio an convulsivus motus corporis fuerit, quo non raro alicubi nervoso genere graviter afflicto præ anxietate varie jaectantur ægri, nullibique locum aut situm quieti aptum reperire possunt, non mihi certo constat: qualiscunque fuerit, animalis omnino dicendus erit, qui xxiv. horis quibus perduravit, à musculis spirituum animalium irradiatione cõsurgens; gaudens, ac molestiam quandam declinaturis perficiebatur: quoniam namque cerebellum & postica pars cerebri adhuc sufficienter per ramos arteriarum vertebrarum & carotidis posticæ, forte etiam per quosdam anteriores it-

rorabantur, spiritus animales ad hos motus tantillo temporis perniciendos abunde produxerunt & suppeditare valuerunt. *Wepferus l.c. p. 361. & 364.*

*Dextro quoque cerebri ventriculo insitum fuisse*] Signa læsionis cerebri sunt eadem quæ læsionis pituitatis, addito hoc quod exit medullaris cerebri substantia, quamvis sit possibile quod cerebrum sit læsum, maxime à re subtiliter perforante, vel à re incidente superficialiter, & diminute tamen, & non exeat aliqua pars medullæ cerebri, exit tamen in pluribus, & teneas hoc esse cerebrum si exit aliqua substantia alba quæ appareat medulla, quia non potest esse nisi cerebrum, & maxime si exit in primis diebus apte tempus generationis saniei, quia interdum aliqui dicunt cerebrum exire à vulnere, & est forte sanies. Non negamus quin & post notabile tempus, & etiam tempore quo adest multa sanies, possit exire substantia cerebri, quia circa xiii. diem vidi ego exire substantiam cerebri, & etiam supervixit ille: Dico præterea quod hæc signa à Doctõribus scripta habent veritatem in pluribus, tamen vidi ego læsionem in panniculis & etiam in cerebro, & non fuit febris, neque aliquod malum accidens: Prædicta signa sunt quando cerebrum læsum est à re incidente, contundente & perforante, cum manifesta cerebri & cranii læsione, & etiam cum occulta. *Berengarius c. 14.*

## OBSERVATIO IV.

*Contusio capitis lethalis post trimestre, ob copiam puris supra meninges & cerebrum effusi. 1. Ob cranii fracturam & depressionem. 2. Sincipitis, ob sequutum serosum abscessum, tertium ventriculum prementem. 3. Temporis sinistri, ob sanguinem effusum in cavitatem ossis sphenoidis. 4. Ob genitum in substantia cerebri abscessum. 5. 6. Ob sequutum abscessum in opposito latere. 7. Ob copiam puris inter utramque meningem collecti. 8. Ob inductam subdita cerebri parti putredinem, salvo cranio. 9. Ob sequutam cerebri substantiæ necrosin. 10.*

§. 1. **V**ulnera capitis non solum periculum minantur ad xl. usque diem, ut vulgo creditur, sed diutius quin etiam, cum sæpius observaverim quosdam vixisse ultra tres menses à vulnere inflicto. Quidam enim percussus solea equi ferrea mense Junio, cum maxima contusione capitis, absque tamen ullo horum symptomatum quæ in his vulneribus alioqui suboriuntur, Cui licet secundo loco contuso sanguis extra vasa effusus eductus sit, atque omnes partes contusæ expurgatæ medicamentis propriis, vulnere mensis spatio angustiori reddito, nunquam tamen id ad cicatricem deductum, aliqua portione puris continuo emanante, etsi læsio in osse nunquam apparuerit, nullumque symptoma; Mense tamen Octobri oborta est febris cum rigore & vomitu; atque quarto die ab his symptomatibus obiit æger.

Aperro cranio, maxima copia puris inventa fuit supra membranam, & intra substantiam cerebri. *Marchetti Observ. 15.*

## S C H O L I A.

**F**ebri cum rigore] *Nicolas* inquit quod Rigor in vulneribus capitis, sive cum sive sine fractura, & similiter in vulneribus nervorum nobilium eveniens, spasmus futurum prænuntiat & mortem: Nam rigor in his casibus causatur ex materia quæ fluxit à cerebro ad nervos, ubi & spasmus faciet & tandem sequitur mors: Nota tamen quod possit esse Rigor, nec sit signum mortis, quod sit ab alia causa quàm à solu-

tione continui, nempe à sanie vel apostemate; possibile est enim ut sit febris continua vel interpolata in tali subjecto, & febris sit ægritudo, & non accidens ad prædicta & ab istis febribus causabitur rigor. Sed Rigor factus à vulnere in capite, stante læsione cerebri vel panniculorum, & stante sanie contenta sub osse, arguit virtutis debilitatem & consequenter mortem si perseverat. *Berengarius cap. 13.*

§. 2. *Franciscus Helm.* bene potus æstuante cœlo 23. Janu. 1655. lamina ferrea in osse sincipitis percussus, derepente quidem mutus factus, sensibus tamen & motu integris, adeo ut eo ipso, non minus ac postero & tertio die, in conclavi & atrio deambulare iracundus & musitans, sæpiusque manu elevata percussori quasi minitatus: Nocte diem 17. præcedente



dente supervenere convulsiones & lipothymiz, quibus paulo post est extinctus.

Plaga post mortem demum, à Chirurgo incisa cute & pericranio, aperta est, craniumque depressum & fractum repertum. An meninges fuerint læsæ non liquet, cum cranium aperire Chirurgus neglexerit. *B. Timæus Respons. Med. 12.*

## S C H O L I A.

**Q**Uæsitum an contusio hæc & fractura cranii ex se & simpliciter pro lethali habenda fuerit? &c. Contusiones & fracturas cranii periculosas quidem esse, sed non simpliciter & absolute lethales, nisi adeo vehemētes sint ut vasa cerebri & circa cerebrum rumpantur, sanguisque ex iis ad principium nervorum effundatur: quod in præsentī calu non contigisse constat, quod neque per os, neque per nares aut aures sanguis effusus sit, nec sopor aut stupor sequutus: Aphonia quidem concussionem arguit, sed minus vehementem, cum sensus & motus integri permanserint. Inflammatio autem & convulsio, vera mortis causa, præcaveri potuissent ope congruentium remedium, præsertim V.S. & apertionis cranii ejusdemque elevationis. Quibus accessit ira vehemens, aeris calidior constitutio & crapula, &c. *Idem ibidem.*

*An meninges fuerint læsæ non liquet*] Dubitatur in judicando an accidentia talia sint per solutionem continui in panniculis & cerebris, an per apostema, an per sanie contentam sub cranio, cum prædicta signa sint communia omnibus prædictis dispositionibus: Ut ergo removeantur tales dubitationes Medicus sit prudens & diligens in judicando, quia talia accidentia si veniunt subito, sunt per læsionem panniculorum & cerebri, Et dicimus illa necessario esse ex illa causa, etiam si veniant parum post. Et ultra hoc Medicus oculata fide videt notabilem fracturam, vel incisionem, vel perforationem, vel si non videt, certe considerata causa lædente, si fortis fuerit, judicabit illa accidentia sequi solutionem continui: Et quilibet est certus quod si talia accidentia veniunt subito, vel parum post, quod ibi non sit sanies aggregata, vel apostema, ergo sunt per solutionem continui: Et ultra hoc veniunt accidentia fortia prædicta, & sunt subito in suo statu, & sic non contingit in accidentibus apostematum nec saniei contentæ, quia in illis talia accidentia habent principium, augmentum

& sua tempora longiora. Sed quia accidentia saniei & apostematum, maxime calidorum sunt similia, & etiam conveniunt in hoc quod non veniunt nisi ad tempus notabile, erit etiam dubium an sint per apostema an per sanie? Pro quo dubio noto distinctionem accidentium prædictorum, & dico quod accidentia apostematis sunt majora quam saniei contentæ intra cranium, quia apostema est majoris nocimenti cerebro & panniculis quam sanies: Demum noscitur sanies, quia aliquid tenuis refudat à fissura cranii si qua sit, & cranium est male coloratum, maxime si sanies sit multa & male conditionis, Et si fissura sit angusta vel forte nulla. Interdum enim est multa sanies supra panniculum, laudabilis tamen, & non facit mala accidentia, sicut contingit in vulneribus & fracturis, in quibus magna ossis pars est amota, & panniculus est detectus, a quo sanies libere exit, & bene mundificatur & expurgatur, Sed sanies faciens prædicta accidentia est mali odoris. Sanies etiam labiorum est mali modi, & majoris copię quam in apostemate, quia in apostemate labia sunt licca & mali coloris, caput quoque est calidius in apostemate quam in sanie: Quando vero sanies est intra cranium, ipso non fracto, per venulam aliquam ruptam in panniculis, cranium est male coloratum, & æger sentit gravedinem in ea parte in qua est sanies, & interdum sanies exit per palatum, per nares & per aures: Præter alia signa considerentur causæ apostematis & saniei, ut an corpus fuerit plethoricum, qualiter regulatum, & cum quibus medicatum: Et inter omnia, si dubitat Medicus de sanie, debet aperire angustam fissuram, vel si non est fissura, debet cranium perforare & certificari an sit sanies, quia in omni fere ægritudine sunt signa dubia, ideo Medici sine mora debent talia facere. In illis tamen signis distinguendis magna est difficultas, & non agnoscuntur nisi ab experito, qui conjectura aliqua hoc cognoscat. *Berengarius cap. 9.*

§. 3. Maria N. post contusionem syncipitis, per integrum annum de Vertigine querelas habuit, tandem Apoplexia fortissima subito obiit. Inspecto cerebro, in sinistro latere tumorem, humore limpidissimo plenum, magnitudinis ovi Gallinæ, qui tertium cerebri ventriculum ex parte compressit aspeximus. *Tit. de vertigine.*

§. 4. M. P. impacto in sinistra tempora palo, graviter ictus concidit: Post obitum sinister musculus temporalis ruber, lividus & contusus apparuit: Remoto cranio, sanguinis circiter 3iij coagulati & nigri invenimus, qui lateralem ossis sphæroidis sinistri cavitatem adimplebat, &c. *Vide lib. 1. Tit. de Soporosis affectibus.*

§. 5. Fœminæ cujusdam caput graviter contusum fuit, delabente assere quo officina claudabatur: A Chirurgo quodam divisa fuit cutis & caro ad os usque & pericranium abrasum, una cum ossis substantia aliqua: Vulnus diu apertum relictum est, nec ulla ossis fracti indicia aderant; Cumque os tandem abscederet, portio quædam ossis, quæ separabatur, vi quadam ablata fuit à Chirurgo, moxque sanguis ex osse refudans visus est: postea febris acuta, cujus antea expertus erat, ipsum invasit, tandemque interiit.

Post mortem aperto cavite, inventus fuit Abscessus in cerebri substantia, & membranz ipsum involventes lividæ. *Isaacs Catiernus Observat. Medic. viii.*

§. 6. Procurator Nationis Germanicæ Patavii ex levi capitis Contusione, neglectis remediis per imprudentiam, primo pedum brachiorumque paralyti, moxque maruro indel. facto cessit.

In elevato

In elevato vero cerebri systemate nullum alicujus momenti vitium; præter abscessum in opposito latere enatum apparuit. *Bartholinus Comm. in Padanchonem M. A. Severini Exerc. I.*

§. 7. Quidam ex levi capitis contusione incidit in paralyfim, post obiit. Illi repertus abscessus in opposito latere. *Vide lib. I. Tit. de Paralyfi.*

§. 8. Quendam vidi æstate, parte media bregmatis leviter vulneratum, cute tantummodo & pericranio læsis, absque ulla offensa cranii: hic patiens nullum passus est symptoma; neque morbi principio, neque die quarta, quem tamen septima invalit rigor insignis, cum concussione totius corporis, quod remisso frigore incallescere cœpit, prout contingere solet in Tertianis: Ego vero post intermissionem febris ipsum terebravi, licet nulla materia ex foramine efflueret: Cum vero membrana utcunque humore diffunderet, in illam infudi sanguinem palumbi, ex ala statim eductum, corroborando ipsius caloris; qua tamen sequenti die nigrescente, applicui aquam vitæ ad XI. usque, tandem Balsamum nigrum occidentale, ægro tamen XIV. extincto.

Secundo cranio, atque bene undique deterfo & abluto, ac diligentissime ad Solem quaquaversum inspecto, nunquam potui in eo rimam aut aliam aliquam noxam videre: Verum secta membrana dura, sub vulnere, inter ipsam & piam, maximam puris copiamprehendi, non sine admiratione, nullam fuisse rimam in osse, atque patientem *nullum passum esse symptoma* ad septimam usque, perinde ac si non fuisset vulneratus: ut propterea septima illud symptoma contigisse liceat conjicere, contusione facta in membranis & cerebro, cujus causa aliquod vas fuerit disruptum, ex quo sanguis effluxit, qui cum omnium consensu extra vasa concreseat & putrescat, ideo copiosa materia purulenta supra cerebrum congesta fuit, ægro mortis causa. *Marchetti Obs. Medic. Chirurg. 14.*

## S C H O L I A.

**D**ubitare hic quis posset an secunda sit dura meninx, quo exitus pateat saniei supra piam & cerebrum collectæ: quod scilicet puncta dura membrana convulsionum certum imminet periculum, ac proinde mortis? Id tamen nullum censemus, factis duabus terebrationibus ossis, & patefacto usque adeo foramine ut longa sectio fieri possit supra duram membranam, & quidem hac ratione, quia magna vulnera capitis, quæ non solum secant membranas, sed etiam cerebrum, sanantur: Quando igitur certo constat materiam inter utramque meningem collectam esse, tunc tuto possumus devenire ad hanc operationem, utcunque periculi non expertem, cum alioqui nullo adhibito remedio certa mors imminet, atque ex Celso, Præstet anceps remedium experiri quam nullum, impiumque sit relinquere ægrum remediis destitutum, Quod *Glandorpio* feliciter cesser in Bremen-si pugili.

*Nullum passus est symptoma* ¶ Quam infidæ sint ejusmodi capitis contusiones, & quam cautum deceat esse Medicum in præcavendo successu, ostendit *Pachegnus* apud *Riverium* observat. commun. 38. Puella, inquit, annos nata 20. lapide percutitur paulo supra frontem, non deserit consueta munia, sed post dies tres de dolore capitis obta-

conqueritur, somnolenta fit, febris exigua admodum, 17. die motus convulsi apparent, 20. rupto abscessu & excreto è naribus vitescente pure moritur. D. *Viventius* in posteriora cecidit, dies aliquot negotiis invigilat, post delirat, frigere se dicit, somnolentus fit, manum subinde capiti admove, 11. die rupto abscessu ore excrevit materiam purulentam & statim mortuus est. *Nepos* meus à contusione capitis, statim tristis factus est, de levi capitis dolore conqueritur: post mensem incidit in febrem continuam cum somnolentia & capitis dolore, surgebat subinde & clamabat, 7. die morbi excreto pure per nares statim obiit. A. *Boorini* cap. 1. de affectibus omissis, censet ejusmodi abscessus genitos esse inter cranium & duram meningem, *Vide lib. I. cap. 1.*

*Ipsam terebravi, &c.]* Circa modioli usum observanda cautio quam affert *Marchetti* Observat. x. v. scil. Eminentias rotundas undique circa vitream laminam, osse terebratione educto, esse signum manifestum aciem modioli non pervenisse ad membranam ipsam, neq; perforationem fuisse causam mortis ipsi patienti: prout vice versa iisdem non apparentibus, indicium esse membranæ læsæ, ac proinde lethale, plurimis enim locis cranio adhæret.

§. 9. Anno 1636. *Cæsarianus* quidam miles à Suecico Equite cæstra duobus repetitis ictibus in capitis occipite ita mulctatus fuit, ut expugnatus humique prostratus semimortuus in xenodochium Ulmense fuerit deductus: Hic sine cruento vulnere, absque ulla cranii aut fissura, aut evidenti quapiam depressione, elapsis circiter novem septimanis, cum & expedite loqui & ingredi valeret, nullosque amplius ex contusione dolores sentiret, & recreandi animi gratia sæpiuscule obambulando genio suo indulgeret, de abitu cogitare cœpit. Verum dum proxima quavis data occasione certo sibi navigio discessum decrevisset, noctu salvus, ut quidem omnibus videbatur, somnum atque quietem capiens, subito in ipso sopore extinctus & mortuus est.

Cruciformi instituta curis capitis sectione, pericranii ab osse separatione, & cranii in orbem facta dissectione, partiumque omnium diligentissima inspectione, ne minima in cranio

in cranio rimula, nec ullum etiam levissimæ depressionis vestigium animadversum, verum in percussæ partis subjecta cerebri substantia, non secus ac in putridis pomis usu venire solet, ad digiti crassitiem enormis, & ad ventriculos fere anteriores penetrans putredo, & aliqualis piæ matris corruptio inventa, reliqua cuncta illæsa apparuerunt. *Ioh. Georgius Greifelinus in Miscell. curiosis anni 1670.*

## S C H O L I A.

**A**d mirationi fuit quod lædens illa vis, morbi & necis author, non proximas potius, sed interiores magis partes percutiendo læserit, quamvis experientia plurima talia observavit exempla. 2. Quomodo in cerebro temperati illi & pellucidi animales spiritus tam graviter turbari possint, ut & ipsi in momento quasi cerebri siderationem admittant, partibus exterioribus salvis, Et 3°. quare putredo illa insignis in ipso cerebro suborta, & piæ matri communicata, nullos unquam partium internarum dolores, nullamque vel externorum vel internorum

sensuum depravationem induxerint, sed ex improvviso omnem sentiendi facultatem cum ipsa vita abstulerit: Hac igitur observatione Chirurgi notent ut nullas capitis percussiones, etiamsi partes cerebri continententes illæsas invenerint, leves judicent: Nec percussis unquam indubitatam salutem promittant: nullisque iis, in diæta præsertim, errores concedant, sed eos potius arte, caute & prudenter diffidentia ita tractent, quo Sacræ artis vera lumina existant. *Phil. Salmuth. Cent.*

1. *Observat. 12.*

§. 10. Alteri vulnus illatum in superiore capitis sinistra parte, cum instrumento retuso sed nonnulli ponderis, quod existimabatur periculi exors, utpote cranii osse illæso, idcirco etiam negligentius curatum: ex castris, ubi vulnus acceperat in vicinam urbem delatus fuit. Supervenit huic & Sopor: Decubitus quoque supinus fuit, pulsus parvus ac creberimus, mens nonnihil læsa, ad interrogata enim haud rectè respondit, Huic ingravescente malo universum dextrum latus resolutum est, (cum tamen in sinistra capitis parte vulnus esset) inde perniciosus sopor, à quo excitari non potuit, brevi vitæ exitu subsequente.

Cranio hujus sublato, reperta est dura meninx sinistra parte livens, ac similiter sub hac cerebri substantia, quæ apparebat, sphacelo correpta: dextra cerebri parte cum sua membrana haud male affecta, cranio etiam undequaque integro, nec tamen ullam rimam aut fissuram habente. *Dodonus Observat. 2.*

## S C H O L I A.

**A**pparet & huic concussum fuisse cerebrum, nam dextræ partis resolutio vulneris occasione non videtur accessisse, sed aliam ac majorem causam habuisse, ipsam videlicet cerebri ab ictu per instrumentum gravioris ponderis concussionem. Reliqua symptomata vulnere successisse potuerunt: capitis siquidem osse tenus vulneribus, etiam osse cranii haud læso, gravia quandoque symptomata accedunt, ac tandem ipsa mors. Aer frigidus hisce vulneribus inimicus, à quo nisi vulneratus se non contineat, sæpe in periculum adducitur: complures referti possent qui ex levi vulnere capitis, perierant tantum vulnerato, obierunt, qui se aëri frigido exposuerant: Supervenit autem istis sensuum stupor, ac tandem profundus ac noxius sopor, nonnullis etiam febris, deinde mors, sed resolutionem alicujus partis non meminisse in quocumque capite vulnerato, quàm in hoc, me observasse: quamobrem non vulnus modo, sed cerebri concussio morti occasionem præbuisse videtur. Cur autem

alii ex levi capitis vulnere perierint, qui sui nullam aut exiguam rationem habentes, aëri frigido se exposuerunt, nulla alia apparet causa quam quod frigidum, per denudati ossis cranii poros, ad cerebrum perveniens, sphacelo inducto ipsum vitiaverit, quo superaccedente ægri haud diu vivere potuerunt, Nam ut aph. 51. 7. Quibus cerebrum sphacellatum, id est, corruptum est, in tribus diebus pereunt, Si vero hos effugerint, sani fiunt. Et in Coacis prænot. Cerebro corrupto, alii in tribus diebus, alii in septem pereunt: hos vero si effugerint, servantur: Cujus sententiæ postrema verba veritatem de sphacelo confirmato habere non possunt, ut *Galenus* ait, sed de incipiente tantum, & levi ad sphacelum dispositione prævia accipi debent, à qua æger diligenti habita curatione restitui potest, ut & ait *Hipp.* 3°. de morbis, Quod si morbus leviter, inquit, corripitur, ubi sanguis discessit melius æger habet, Si vero vehementer correptus fuerit, cito perit.

## OBSERVATIO V.

*Fractura ossis Frontis lethalis ob sequutam cerebri suppurationem. 1. Vulnus Temporum, ob apostema in cerebro sequutum. 2. In palpebra superiori, ob excitatum in cerebro apostema. 3. Frontis, ob fracturam cranii, Fissuram duræ matris, & lecoris sequutum abscessum. 4. Frontis & bregmatis, ob ossis fracturam & vomitum in contigua cerebri parte. 5. Vulnus lethale ob fracturam cranii & sequutam cerebri phlegmonem. 6. Ob fracta ossa bregmatis cum Introessione & Contusione muscoli temporalis. 7. Ob Cranii fracturam, hinc cerebri ad corpus usque callosum consumptionem. 8. Ob Cranii fracturam, & fragmenta cerebro impacta, cum sanguinis diffusionem. 9. Ob Striatorum corporum lesionem. 10.*

§. 1.



**§. 1.** **P**Ver octo annorum ob effractum frontis os, haud procul à sutura coronali, adeo depressa fuit subiecta cerebri medulla, ut adempta libertate destitueretur quasi omni motu, qui tamen paulo post iterum rediit, ad aperta per exemptum fragmentum via per quam exitum ubi invenit lacerum cerebrum, extulit seipsum longe lateque supra os fractum, extimamque calvariae superficiem, idque incremento tam uberi, ut Chirurgus necesse habuerit, (quod tamen sine praesente vitae interitu factum) tantum parti huic nobilissimae, & ad vitam summe necessariae adimere, quantum recipiendo fuisset vacua ovi galinacei testa.

Ex qua cerebri praecisi dilaceratione protinus expullulare ingens Fungus, primum quidem mollis ac albus, at mox duriore callo, ac cinerea crusta obductus, quo luxuriante tumore in dies, magis magisque increcente, ac in maiorem molem elevato, neque spiritu vini, aut aliis remediis usu comprobatis, vel tantulum imminuto, *resolvebantur* tandem die *xl. nervi lateris oppositi*: manente adhuc firmo ac illibato tam animi quam corporis rebores, licet biduo post vivendi finem fecerit, sub sudore frigido ac crebris nervorum distensionibus, *conversa* jam tum in *pus maxima laceri cerebri parte*. Cujus corruptio eo maiorem admirationem excitavit in Medicis, quo minorem viderant vitium iacturam biduo ante mortem quae proculdubio morbo diutius reluctabantur, cum ob uberem humidi radicalis copiam, tum ob solida incrementis corporis fundamenta. *Tulpius Observ. lib. 4. cap. 1.*

## S C H O L I A.

**I**ngens Fungus.) Fracto vel contuso cranio Fungi nonnunquam, seu tumores laxi mollesque adnascuntur: *Ingraffius* de Tumoribus p. n. tr. 1. cap. 1. fieri scribit non secus ac fungos in lucernis hyemali tempore in ellychnii vertice Diiscooperta enim revelataque cerebri membrana, quaedam prius substantia gossipinae lanuginis imaginem repraesentat: deinde vero per halicum discussi vapores fumique, ob aëris frigiditatem in eam substantia conglobati paulatim ab interiore calore deurantur siccanturque, donec fungo similis substantia appareat, alteratam ab aëre esse membranam significans, *Langius* sicuti in stipitibus arborum humores semiputridi per corticem extuberantes in fungos coalescunt, sic vulnerato cranio humores cerebri affluere, qui ossis frigore condensati in speciem fungi concreverunt. Suae Fungi qui sine noxa vitae & emergunt & decurrantur, Vide exemplum apud *Cornarium* ad lib. 1. Discor. *Schenerium* lib. 1. Observat. 5. *Paracelsus* lib. 9. Chirurg. c. 19. Quomodo sit tractandus, *Hildanus* cent. 1. Observ. 15. Sed curationem reddit difficile si insigni cranii vulnere laesa sit membrana cerebri, vel ipsum cerebrum, Anno 1649. Puella 4. annorum vulnerata, ingenti in capite vulnere prostrata, cum insigni cranii contusione & fractura, patente cerebro, curatur à Chi-

rurgo perito: Exactis sex hebdomadis labia vulneris livida apparverunt, fungique duo protuberabant nigricantes, cerebri in formam anfractuosi: periculum abesse Chirurgus opinabatur: Ego vero spachelata parte videns male ominabar: Fungorum frustula sine dolore rescissa, sed paucis interjectis diebus vulnerata obiit, *Th. Bartholinus Histor. cent. 1. Obs. 57.*

*Conversa in pus cerebri parte*] Apostemati cerebri insigne exemplum exstat apud *G. Horstium* Observ. 1.9. Observ. 14. Vere mihi credas, ait *l. c. Bilgerus* cerebrum apostematum magnitudine ovi anserini extra calvariam corruptum propendebat & fermenti instar fermentabat: atrepto specillo in cerebrum sinistri lateris apostematum intromissi, & sensim atque sensim cum specillo progredior usque quo posticam capitis partem pertingo, agro interim negante quicquam sentire: Decem vero diebus elapsis, supervenientibus ingentibus convulsionibus, juxta meam prognosin, vitam cum morte commutavit: praedictus tamen patiens, omnibus sensibus integris, quod mirum, rationis, memoria, &c. utebatur.

*Vitium iacturam, &c.*] Constat scilicet. quandiu corpus callosum & cerebri medullium intacta fuerit, vitio intra corticalem cerebri partem coercito.

**§. 2.** In Nosocomio Patavino 1645. caput aperuimus viri in osse temporum vulnerati, qui x. die decessit; vulnus ad cerebrum penetraverat, ubi apostema excitatum pure copioso abundans *Th. Bartholinus cent. 2. hist. 34.*

**§. 3.** Rusticus phalange in palpebram superiorem oculi sinistri vulneratur, & die 9. obiit: Interius orbita oculi in superiore parte punctim ita laesa conspiciebatur, ut una etiam ossiculum in duram meningem imprimeretur. In cerebro tantus abscessus purulentus latebat, ut superior cerebri substantia omnino in pus conversa videretur. *Vide tit. de Soporosis affectibus l. 1.*

**§. 4.** Curandum suscepit Polonum, cui cum instrumento isto bellico acuto, quod Poloni Schikan vocant, frontis ossi supra oculum sinistram, grave vulnus inflictum cum cranii fractura, ut ipsa cerebri substantia egrederetur.

Cum die 14. obiisset, aperto capite inveni non solum fracturam in cranio, sed & fissuram in dura matre, non aliter ac si tenuis pilus fuisset superinductus, per quam substantia cerebri videtur fuisse egressa: Dum abdomen fuit incisum, in Hepate apostema insigne maximi fœtoris inveni: Et hoc observandum quod octiduo ante obitum ex vulnere nullum pus amplius egressum sit, sed plane evanuerit: Pariter Parvus & Pigraeus attestantur ex cap. vulnerebus non solum in Hepar transire apostemata, sed & ventriculum, intestina & mesenterium, consentientibus Pecquetto, Barbette & aliis. *Ph. Jac. Sochs in miscell. cur. anni 1671. Observat. 119.* Ex commun. *Anton. Statlender*, Chirurgi Thorunensis.

§. 5. Sicuti inter cranium ac duram membranam nasci vomicam comperimus, ita quandoque inter duas meninges, duram ac tenuem, idem fit: interdum vero intra ipsum quoque cerebri substantiam: Nob. in conspectu duo periculosissima vulnera accepit: utrumque in sinistra capitis parte, unum in fronte, gladio caelim adactum: alterum in averfa capitis parte, in declivitate ossis bregmatis, globulo plumbeo illatum, non in directum emissio, sed qui inflexum leviter in dexteram caput in transitu destrinxerat, &c. Cum utrumque vulnus penè consolidatum esset, jamque æger certo gressu ad sanitatem vadere videretur, præter expectatum extinctus est, exacta 4. septimana ex qua vulnera illa acceperat.

Dura meninx, qua terebrato cranio subjacebat, & aliquanto longius circumcirca, repente in sphacelo corrupta, nigricabat penitus, cum omni antea tempore, & paucis adhuc ante mortem horis colorem, omnemque constitutionem naturalem integra retinisset: Apertum caput exhibuit illam ossis frontis fracturam, quæ licet profunda, atque ad superficiem internam penetrans, & digitos aliquot transversos longa, toto illo quatuor septimanarum spatio nunquam ullo pravo symptomate molesta fuerat, aut vicini vulneris consolidationem præpediverat: Quum autem ablata in orbem superiore cranii parte usque ad aures, & detracta quoque dura meninge eximendo cerebro intenti essemus, profluxit subito per aurem dextram magna sanguinis vis, non minus unciiis octo aut decem, quantum conjectura æstimare licebat, à naturali statu penitus demutati, non crassi aut grumosi, sed liquidioris etiam quam par erat ac summe atri: Attente indaganti unde is prodiret, deprehensum est vomicam in contigua cerebri parte, intraque ejus substantiam latuisse, cujus tunica à Chirurgo disrupta fuerat, dum manum inter residuam cranii portionem ac cerebri corpus adigens digitos longius introrsum usque ad latus impellit: Toto tempore quod vulneribus supervixerat æger, conquestus fuerat de ingenti ac valde cruciabili dolore in isto capitis latere, non fixo una semper in sede, sed qui vicissim modo in fronte paulo supra supercilium, modo in supercilio affligeret.

## S C H O L I A.

**A**pparet Vomica istam habuisse originem ex sanguine effuso è vena disrupta ex percussu ictus, quo diversum occipitis latus à globulo plumbeo læsum fuerat: Cujusmodi percussiones in capitis ictibus ac vulneribus satis esse familiares notum est: Quod vero sanguis, eo quem diximus modo,

corruptus nec in pus excoctus fuerat, eius rei causa adscribenda est calor in capite debilitati, quem valde infractum fuisse ipsis primum vulneribus, jactura quæ sanguinis ex iis profuli, deinde cranii terebratione ac cruciatibus istam curationem comitantibus notum est *Arnoldus Boottius de affectibus Omissis c. 3.*

## A P P E N D I X

*Qua via in vulneribus capitis sanguis in auditorium meatum feratur & per aures erumpat.*

**P**rofluit subito per aurem dextram magna sanguinis, &c.) Cum nuper in medicorum corona hanc questionem moverem, Quare ossa quæ musculis temporalibus subjacent, pericranio, uti alia ossa non sint tecta atque investita, risu fui exceptus: Verum cum mihi sexto Januarii 1656. ab Ampl. Senatu hujus urbis esset demandatum aperire cranium cadaveris Fabri murarii, tunc temporis mea opinio, quæ hactenus fueram gravidus, satis superque confirmata est. Nam quamprimum insignem in superiori parte cranii depressionem observaveram, simul etiam magnam concreti sanguinis massam inveni, qui partim per aures effluerat, & partim meatum auditorium obsederat: Deinde vehementi desiderio viam cognoscendi tenebar per quam sanguis in meatum auditorium descenderat: Hanc cum accurate investigabam, simul etiam rationem & causam detexi, quare pericranium hoc loco musculos temporales tegat, minime vero os ipsi subjectum: Primo sententiam & responsionem quam *Clar. Tulpus* ad questionem propositam, Unde scilicet hic esset sanguis qui sæpissime in vulneribus capitis per aures effluit, veram & opportunam inveni, nam expertus sum sanguinem à superiori capitis parte inter cranium & pericranium descendisse, atque ita spatium quod est intra os parietale & petrosum intrasse, inde vero tanquam per cribrum in meatum auditorium ulterius transcolatum esse: Deinde in hac demonstratione os petrosum magna distantia ab osse parietali remotum inveni, adeo ut eo loco ubi ossa à se invicem recesserant, motus notaretur, incipiens ab osse petroso & in parietale delinens, ubi tum in osse jugali dentata quadam symphysis ab interiori parte callo obsita (uti liquet in omni articulatione) illisionem impediens conspicitur: Ex his concludi potest, quod Pericranium, si os musculis temporalibus subjectum investisset, sine ulla dubitatione tum etiam se inter os petrosum demisisset, verum ex ejus motu & illusione in masticando, loquendo, & alia quavis motione semper intolerabilem dolorem percipisset. *Paulus Barbesse Anatom. Practica lib. 2. cap. 1. Ex communic. Jobi Mekereus Chirurgi Amstelodamensis.*



§. 6. XVI. April. 1676. in puero x. annorum, ex fractura cranii defuncto, ubi calvarie parrem superiorem debite abstulimus, inveniebamus ad duram meningem, eo loco ubi fractura se exhibebat, & trepano apertio facta, purulentæ materiæ notabilem quantitatem: meningem hæc à cranio separaverat, ac tæ adeo eidem adhærens, ut nullo instrumento separari posset, imo ipsam meningem suppuratam hic reperiebamus, Nec sola meninx pus hic exhibebat, etiam sub ea cerebrum se offerebat magna satis parte purulentum, Imo & sinus longitudinalis non exiguam puris quantitatem continebat: In latere opposito, in quo integrum cranium, gravis notabatur cerebri inflammatio cum vasorum insigni amplitudine: Repleta hæc sanguine concreto summe nigricante; eodem etiam repletus sinus longus, à quo similiter ac ramis omnibus, per tenuem meningem cerebrique anfractus distributis, materia quædam lenta alba, similis Polypo cordis dicto, continebatur: Ventriculi cerebri aqua in totum repleti tenui satis alieno nullo colore saporeve gaudens, Pectus repletum aqua purulenta, qualem jam per aliquot annos expectoraverat; Imo pulmo uterque ea parte quæ dorso vicina, fere consumptus. *Gerardus Blasius observ. Med. xvij.*

§. 7. Nobilis Virgo febre continua correpta est, cui successit delirium, media nocte custodibus obdormientibus è lecto surrexit, cubiculo exiit, aut è fenestra cecedit, aut ad mensam offendit: Attonita ex ictu casuve facta est, vomuit, nihil in cute apparebat, sex horis post interlit.

Ossa bregmatis extracta erant & intro detrusa, reliquum os ad futuram lambdoidem fissum erat: musculus temporalis plane confusus: Fundum ventriculi deprehendimus subrubrum & maculis rubris perspersum, ac si ictum aliquem vimque passus fuisset: Admirationi id fuit: At credo à casu id fuisse. *Ballonius Histor. 4. Tom. 2. consil.*

§. 8. Puero ex alto baculus in sinistram capitis partem perpendiculariter decidit, unde fractum cranium: Successit convulsio, paralytis, mors die xv. exhausto ad corpus callosum usque cerebro *Vide lib. 1. sit. de Paralyti.*

## S C H O L I A.

**A**d corpus callosum usque] Cerebri duplex substantia est corticalis & medullaris; quarum illa, docente *Willis Anat. cerebri cap. 10.* spirituum animalium productioni: hæc eorundem dispensationi inservit: atque hanc spirituum emporium potius quam officinam esse inde probat, quia animalia quæ memoria, imaginatione & appetitu excellunt, cerebri medulla ampliori instruuntur, prout observare est in homine & quadrupedibus perfectioribus: at quæ facultatibus istis parum pollere videntur, uti quadrupedes minores, item volucres & pisces, iis Cerebri cortex uberior, sed pars medullaris minima existit: Experimentum inter pueros familiare est gallinæ ca-

put acu transfigere, interim illa, cujus cerebri moles transadigitur, aliquandiu vivat valeatque: Cujus ratio est, quod ejusmodi animalibus fere tota cerebri compages sit mere corticalis, quare à tali noxa illata, (quandiu medulla immunis perstat) spiritus in minori copia generantur, at eorum commercia ad vitam necessaria haud ideo statim interrumpuntur: Hinc vero simile miranda quædam vulnera capitis, cum evidenti cerebri latione, cujus etiamnum particulæ vita superstitie demptæ sunt, non lethalia fuisse, quod cortice tenuis offensum fuerit, illata medullari substantia; quanubi vitium attingit, satis concedendum fuit.

§. 9. Anno 1663. Decembris 23. Nobilis quidam à rustico fuste in vertice percussus fuit, ictu tam vehementi ut protinus in terram tanquam apoplecticus corruerit: ac carni fragmenta quædam in terram dissecta sint, quædam in cerebrum intrusa apparuerint: Statim obligatum vulnus, necessariaque medicamenta adhibita, sed neque loquela neque auditus restituta, nam immobilis jacuit ad xxx. usque Decembris, qua die circa ix. noctis obiit.

Aperto cranio, reperta est fissura à sincipite ad occiput pertingens: fractura in osse frontis, cujus fragmenta quædam per duram & piam matrem cerebri substantiam subjerant: Ejus ventriculi & substantia sanguine effuso foetidissimo repleta: *Tulpius responsion. Med. viij.*

## Striatorum corporum vulnus

§. 10. Insoliti ensis rarum vulnus, pugnabant nempè armata manu strenui bini cives anno 1675. 12. Septembris, quorum unus in Orbita alterius nomine *Cynela* oculi internum consauciavit canthum: cutis, cuius palmaris extremitas Phlebotomum crassitie non excedebat: Inflicto vulnere statim vertiginosus varios voluitur in gyros, tandemque concidit: hinc ducitur ad Chirurgum, qui attonitus hæret, parvam dum adeo cernit continui solutionem, interea vulneratum audit semi delirantem: explorat hic, sed frustra, stylo penetrationem: ingressum enim negabat vulnus ob parvitatem: inde exequitur, quæ prima vice exigunt vulnera, spectatorem se prebens, quid inde sequiturum, foret, Interea cum miser omnino in Nostocomium transfertur, ibique diligenti cura phlebotomias varie iterant, dum immani fremebat delirio convulsivisque torquebatur moribus, tandem decimo quarto die horrida rigidus convulsione Morti succubuit.



## S C H O L I A.

**C**Adaveris dissectioni me invitat Anatomicus noster *Dominicus le Roy*, presentibus pariter Chirurgis qui Curationi profuere. *Dominico* scilicet *Pasqualono* & *Ioanne Curio*: vulneris ergo 1°. observamus progressum, Phlebotomatum n. extrinsecè apparebat prope oculum: Interne verò oculus abrasus, & ob humoris affluxum in tumorem elevatus, perforata postmodum interna Orbitæ parte sub processibus malaribus in corpus striatum intus penetravit, & quod notandum, ne gutulam quidem sanguinis extraxerat ibi vidimus, nihilque aliud præter naturale, sed ex simplici solutione continui peritūle fatendum.

Ex hac historia clare patet, quidquid probabili conjectura docuerat *Uvilius* in sua incomparabili Cerebri Anatome: profecto simplex continui solutio in cerebro, dummodo in callosum nō peringat corpus, necessario non interficit: docent hoc Historiæ à *Clarissimo Wepffero* Exercit. de loco. Affect. in Apop. p. 224. citato, de milite quem recentior *Valerius*, affecto vulnere per utraque tempora penetrante ex globulo ænei tormenti integre sanato, nisi quod cæcus & surdaster evaserit: cæcum crederem, quia sub tubo longitudinali, & supra nervos opticos falx cerebri ex necessitate vulnerata fuisset, qui in consolidatione debet abbreviari, & cum dura meninx cranio arcte alligetur, per consequens se abbreviando juxta latitudinem, falx nequit tecum duram matrem trahere, sed potius corpus callosum cui annectitur in aliqualem rapiet ascensum, ex quo nervi optici fortasse loco dimoti fuerint, & hinc cecitas: surdaster verò, quia ex fractura temporum ossis, sanguis per squamulam illius futuram descenderit, suæque mora interna auditus organa alteraverit: Sanus denique evasit, quia per corticales tantum cerebri ambages vulnus penetravit, nullamque callor si corporis, aut medullæ oblongatæ partem læserat: ita dicendum de strenuo Polono telum gerente per medium capitis ex utraque parte infixum.

Interea si anfractuum cerebri simplex continui solutio, dummodo sine affluxu sit humoris, ex se non est lethalis, non ita tamen in Corpore calloso, medulla oblongata, aut cerebello, in quibus inevitabilis mors; pari non tamen modo, nam secto in vivo animali cerebro, cordis non tollitur motus, aut respiratio, si vero cerebellum attigeris, statim vitales cessant motus juxta *Willisi* De Const. Anim. lib. 4. cap. 1. hypothesi, quod in Regia etiam Academia Gallie felicissimo experimento confirmatum vidit Eruditissimus *Du Hamel*: Nemo tamen ignorat vires, quas in striata retulit corpora *Willisius*: equidem in illis olfactorii terminantur nervi, optici in thalamos è quibus fibras illuc emittunt, medulla oblongata fibrillis patiter in illa desinet, unde impressiones omnes quæ à sensu exteriorum Organorum ad cerebrum perveniunt, necesse est striata corpora penetrare, & si denique nervorum Origines eo desinunt, centrum erit omnium impressionum, sensorium commune, in quo sensus viget interior & Regia animæ: Hinc est quod læso ex simplici vulnere striato Corpore, quamvis sine humoris affluxu, statim concidit corpus, hinc delirium, convulsio, & denique mors.

Primo itaque ex inflictio vulnere sequuta statim fuit Vertigo, ex qua Corporis prolapsus, quoniam ex recisis nonnullis in striato corpore fibris, spiritus in illis contenti non ordinario influxu Medullam oblongatam irradiabant, sed dispersi per cerebrum undequaque circumvolvebantur, & hinc vertigo, spiritus autem ita circumvoluentes influxum nervis suspendebant, unde corpus necessario concidit.

Secundo, delirium non tam à natura spiritum deducitur, sed etiam à motu, dum in confusionem, agitati, huc & illuc sine lege tumultuose feruntur, unde ex recisis nonnullis fibris in corpore striato, spiritus per cerebrum tumultuantur, Dextro striato corpori sano cogitationes varias, & perturbatas cient, ex quibus delirium: cum autem sine lege per cerebrum agitentur spiritus, inordinate pariter in nervos irruunt, & tunc convulsiui oriuntur motus, & sic læso corpore striato per consequens etiam commune sensorium nec integras recipiet species, nec voluntarios efficiet motus, commerciumque omne, cum cerebello intercipietur.

Ac si ex unico tantum striato Corpore sequitur hemiplegia, cur ergo ex recisis fibris hæc sequuta non fuerit potius quam convulsio, & si convulsio, cur universalis, dum sanum dextrum erat striatum Corpus, & reliquæ partes? Ad hæc responderem quod paralyticis contingit, cum spirituum per nervos deficit influxus, culpa viarum vel spirituum, equidem recisis in sinistro corpore striato fibris, certe non omnibus, quia paruum erat vulnus, ordinariæ phlebotomiz simile, per consequens spirituum non totalis intercipiebatur influxus in parte sinistra, nihil autem omnino in dextra: Vltius nervorum in voluntario motu termini, non omnes in striatis Corporibus, equidem in tota medulla oblongata radican- tur, fibræque striatorum Corporum ad commercium inserviunt, quatenus sensuum organis, medullæ oblongatæ, & per hanc cerebello se insinuant, unde lætis nonnullis in striato Corpore fibris contingeret tantum falsa objectorum representatio, non verò interciperetur totalis spirituum influxus, influxus tamen spirituum à falsa imaginatione promotus, ob male representata objecta erit inordinatus, ideoque ex delirio convulsiui motus: dummodo autem aliquis è corpore striato in medullam oblongatam permaneat influxus, ab illa postea in omnes continuabitur nervos quæ propter convulsiui potius motus, quam paralyticis sequuti fuere.

Cur verò motus convulsiui in parte tantum sinistra non contingerint, eo modo quo fit hemiplegia, ratio est, quia inordinatus spirituum in nervos influxus, non tam tumultuabatur in parte sinistra, sed etiam in dextra, quamvis sana, Etenim spirituum agitatio per totum cerebrum delirium progignens, inordinate pariter dextro striato Corpore sano confusas efficiebat cogitationes, quamobrem non mirum, si etiam ab illo spiritus tumultuariè & irregulartiter nervos irradiabant, unde convulsiui Motus.

*Observatio communicata ab Excellentiss. Jo. Baptista Fantono, Sereniss. Principis Pedemontii, &c. Medico.*

OSERV.

## OBSERVATIO VI.

*Vulnus Exiguum Frontis lethale, ob rimulam in osse & sequutam cerebri phlegmonem. 1. Ob pus inter cranium & duram meningem, Et os corruptum. 2. Leve, jam trimestri consolidatum, lethale ob pus supra membranas & cerebrum effusum. 3. Frontis exiguum leth. ob puncturam utriusque meningis & cerebri sequutum abscessum. 4. Ob vitium meningibus & cerebro communicatum, nigredine se prodens. 5. Ob sequutum abscessum infra substantiam cerebri. 6. Sinistri bregmatis, ob pus intra cranium & membranam subsistens, ac cerebri ea parte consumptionem. 7. Neglectum lethale ob sequutam meningum phlegmonem, illeaso cranio 8.*

§. 1. **M** Emini olim dum Avenione Medicinam facitarem, casum accidisse huiusmodi, Mut non satis perspecta Rima, mulieri cuidam secundum frontem vulnerata, mortis causam attulerit: Ad cauponam cum multi insolentes impurique homines accederent, ubi se mero impleissent, unus assidentium probe potus & hospitæ cum propinasset, illaque reuissit, gestans manu vitreum poculum ioco vinum in illam cum proicere vellet, una & poculum vino plenum projecit, vulneratque exiguo ac plane contemnendo vulnere mulieris frontem: Accitus Chirurgus linimenta admovent, nullus capitis dolor, nulla verenda symptomata nec primo nec altero die insequuta sunt: tertio dolor gravis, febris, totius faciei ingens tumor, rubori & inflammationi conjunctus: mox delirium & convulsio quædam, interceptaque quasi vox: Apertum vulnus, adhibitique multi Medici & Chirurghi, magnitudine casus inopinati acciti, *rimula vix conspicua* apparebat, quinto die mors.

Dissectum cadaveris caput Prætoris urbani iussu; ingens phlegmone intra calvariam inventa; dura meninx tumens, dura, livore affecta, & ingenti puris copia suffusa: erat autem tanta puris congesti copia, ut librarum fere duarum pondus æquaret: Hic eventus miserrimus fuit, illud ut verum esse fateamur quod notavit *Paulus*, Rimam in capite mortis nonnunquam causam extitisse. *Valleriola lib. v. append. locor. comm.*

## S C H O L I A.

**R** *Imula vix conspicua*] Cujus ratione abrasione utendum fuit, quo ejus progressus animadvertetur: Notat verò *Marchetti* Observat. Med. Chirurg. xv. Non solum totam abradendam rimam, aut sedem instrumenti ad fundum usque, verum si alterutrum descendit usque ad medullam, omnino deveniendum esse ad terebrationem, nullo licet alio

præsente symptomate, hac ratione, quia materia purulenta ex labiis vulneris ad medullam defluens, per ejus vasa ad membranam etiam penetrat; inter quam & cranium congesta, patienti mortem infert: quod in plerisque observavi, qui propterea administrata perforatione omnes convaluerunt.

§. 2. Adolescens fuste lignea è salice, levi quidem illa sed ex alto demissa, accepto contemptibili vulnere in capite, xi. die moritur: Qua parte telum impactum fuerat, Os livens apparuit: E regione partis vulneratæ, inter cranium & duram meningem, pus inventum est &c. *Vide tit. de Paralyfi lib. 1.*

§. 3. Alium vidi leviter vulneratum medietatis capitis parte, non detecto osse, & nullo apparente symptomate, qui à Chirurgis sanatus, tribus post mensibus, quibus incolumis semper vixit, correptus fuit febre maligna, sine ullo symptomate vulneris capitis: Post septimam dolor capitis subortus loco vulneris inflicti tribus ante mensibus, in quo jam ad cicatricem deducto nihil apparuit, ægro xiv. mortuo.

Secta calvaria modo jam dicto, pus supra membranas & cerebrum deprehendi: ut propterea vulgi opinioni credendum non sit, post xl. diem capite vulneratos ratione vulneris mori non posse. *Marchetti Observat. p. 39.*

§. 4. Anno 1602. 13. Martii, *Caroli Cornicii* Studiosi caput aperuimus, qui punctim ense tenuissimo, in dextra frontis parte, qua capillitium attingit, ante xvj. dies noctu ictus fuerat: Vulnus angustum erat admodum, ut communis pisi quantitatem non admitteret: Calvaria cum utraque meninge perforata in Cerebrum alte penetrarat, abscessumque fecerat, in

RRrrrr 3 quo

quo puris albi unciae fere tres latebant: Abscessus labia rubescebant, venae in tenui membrana sanguinis ruborem nigricantem praese ferebant: Undecimo vulneris die cum Epilepsia febricitabat, inde per duos dies naturales totos cum quadrante mediocriter habebat: Tandem XIV. morbi die paroxysmo febrili (miriori tamen quam priori) reverso moritur. *H. Semetius miscell. lib. x. pag. 578.*

§. 5. Periculum maximopere in capitis vulneribus apparet, in quibus facillime & levissimo negotio mors subsequitur, propter facilitatem inflammationis pericranii & periostii, ex quibus oritur inflammatio membranarum ipsius cerebri, quo facto crebro mors imminet: Quare consulit *Hippocr.* l. de vulneribus imperans vulnera capitis, etiam levia, non esse contemnenda, experientia edoctus mortem facillime huiusmodi vulnera comitem habere, ut pluries experti sumus, & praecipue in quodam Coquo, qui cum a puero vulnus levissimum & nullius fere momenti recepisset, septima die convulsus obiit.

Reserato capite, è directo vulneris paucam nigredinem, penetrantem duram & piam meningem vidimus usque ad corpus callosum. *Dom. Panarolus Pentec. liq. Observat. xxxviij. p. 39.*

§. 6. Quendam vidi leviter fauciatum summo vertice, in quo exiguum abscessum infra substantiam cerebri prope nervorum exortum reperi: Is avellanae nucis molem vix aequabat: Semestre post inflictum vulnus obiit, agro valetudinem obtinere nusquam concessum. Hinc discite temerariam esse non debere vulnere cerebri prognosin. *Pet. Pigray Chirurgia lib. 4. cap. 6.*

## S C H O L I A.

**T**emerariam prognosin ] In capitis vulneribus admodum cautum esse debet Medicum, ob varietatem supervenientium symptomatum, quibus obviam eundum: Observatum quibusdam temporibus omnia properandum vulnera, parva aequae ac magna, lethalia fuisse, ob aëris peculiarem constitutionem, cognitioni nostrae imperviam: Annus quidam à me adnotatus, in quo capitis omnibus vulneribus prope

superveniebat gangraena, ea ambiens duorum aut trium digitorum latitudine, quibus accedebat exigua febris, quanquam pauci interirent: Plurima alia vidi nullis manifestis itipata symptomatis, quae tamen mors fere sequebatur, quanquam levia essent, si praeteritum febris tertio ab ictu die invaderet: In omnibus tamen quibus lethalia fuere, repertus in substantia Iecoris abscessus. *Idem.*

§. 7. Adolescens annorum xvij in sinistro hregmate parvo lapillo à puerulo vulnus recepit: Hic Chirurgus statim se concedidit, qui ineptissima gravique manu, ac linreis asperis sic crudeliter vulnus exiguum ac tantum curaneum tractabat, ut in dies id magis recrudesceret & carnem sanam consumeret. Puer autem in reliquis omnibus se bene gerebat & hero suo inferviebat: Circa 18. diem ab accepto vulnere, se ad me contulit patiens, ut lustrarem quomodo se res gereret, huic cutis circumquaque ad cranium usque sinuosa erat, & sinu quidem vasto, in quo pus multum continebatur, ex carne ipsa colliquescente & humore qui eo ferebatur putrescente, quod pus tantum exire poterat cum manu premebatur: hoc ipse videns cavitatem hanc ad inferiorem partem aperiendam esse monui, quo putredo & ipse calor extraneus cerebrum suppositum non afficeret: Id se facturum pollicitus est vulnerarius, nullam enim eo tempore sedem habebamus permanentem, sed cum exercitu Regio ultro citroque ferebatur: Circa diem 24. accitus ad eum me contuli: febricitabat hic jam à quatrduo febre assidua, graviter oculos aperiebat, soporosus, oculis tumidis & viribus propemodum deiectis, urinae sanae: Sinus autem adhuc integer erat foetidoque pure refertus, quod ignarus ille nihil earum quae jusseram praestitisset: Haec omnia cum viderem, non dubitavi cerebrum affectionem jam conflasse ex vicina putredine, unde Illico cutis & ossis perforationem ad eundam esse persuadebam: At stupidus ille cum audisset os perforandum esse, Nihil febris esset, inquit, vulnus facile curam susciperet: xxvj. expiravit:

Iussi Calvariam cadaveris aperiri, Annuat vulnerarius, fretus mortem contigisse febris injuria, non capitis affectu, cum sciret os à vulnere ne minimum fuisse offensum: Os quidem integrum omnisque injuriae expertus novit, invenit tamen non parvam puris copiam inter cranium & membranam, quam ex supernis partibus stillasse non poterat non censere, vidit & cerebrum totum ea parte liquatum & in pus versum: quod nullam aliam ob causam factum fuisse putare debebat quam cervicosa lethali que sua ignavia: *Botallus de vulneribus scelopet. cap. 18. §. 29.*

§. 8. Virgo Nob. cum in choreis incaluisse, & capite in postem incidisset, vulnusculum in vertice contrahit, ubi cutis vix laesa fuit: Illa quia neque dolorem, neque inflammationem sentiebat



sentiebat, primo & secundo die vulnus, aut potius contusionem, plane neglexit: Terrio die incepit parum dolere, quare *Barbitonforem accersivit*, qui rasis crinibus cutem vix læsam animadvertens, Virginem irridebat, quarto vero capitis gravitate & febricula correpta est: Ego sexto die morbi ad ipsam vocatus, comperi ipsam delirantem, faciem & oculos inflammatos, & linguam aridam, ita ut sequenti die de vita discesserit.

Aperto capite sanguinem sub cranio collectum, & cerebri membranas inflammatione correptas invenimus, cranium tamen nequaquam læsum fuit. *Fabritius Hildanus cent. 1. Observat. 21.*

## SCHOLIA.

**V** *Vlnusculum in vertice, &c.*] Hinc perspicuum fit vulnera capitis, quantumvis minima, præcipue quæ circa futuras occurrunt, non esse negligenda: Infiniti enim ramuli venarum & arteriarum, ex una & altera parte membranarum cerebri, circa futuras concurrunt & futuris inseruntur quorum beneficio cerebrum cranio alligatur & suspenditur: Quapropter contusiones ea in parte facile ad cerebri membranas, magno cum ægrotum periculo, extenduntur. *Hildanus ibidem.*

*Barbitonfor cutem vix læsam animadvertens, &c.* Familiaris læpe error vulgaribus Chirurgis, qui si nec tumorem nec insignem læsionem animadvertunt, læculos esse ægros jubent ac si nihil finitri subsequi possit: Insigne exemplum vidi Genevæ anno 1667. mensis Julii: Juvenis, nomine Varinus, causatum forensium Procurator, dum in caupona comibonè blasphemus in Deum insurgentem increpat, ab eo poculo stanneo in sincipite percutitur: levis inde cutis læsio: Chirurgo se committit, qui sex dierum spatio cicatricem inducit, superstite tamen capitis gravitate,

quam robustus æger neglexit: post trimestre insignes dolores ventris succedunt comite diarrhoea biliosa: postea febris intentia accidit cum delirio, intra verba subitente, comate, vultus rubore, oculis flammeis: per octo dies cruorem mucosum, aut pituita perfusum, copiosissimum ore & naribus effudit, centesimo die ab ictu accepto obiit: Iudicium meum fuit & Clarissimi Medici Senioris Dom. le Clerc, hæc omnia ab intempestive ocluto & negligentius tractato vulnere contigisse, quod capitis apertio demonstrasset si nobis ejus referendi copia facta fuisset.

*Febricula*] Cur præterente inflammatione membranarum cerebri febricula tantum orta est, quæ acuta fere esse solet? Dic febrem hanc fuisse symptomatice, cujus focus procul à corde dislitus erat, ut sola fuligo ad cor permearet, putredine in venas non diffusa: Quando ejusmodi in casibus acuta succedit febris, tunc contingit cum essentialis jungitur putrida, humoris portione ad partem dolore affectam & debilem excussa.

## OBSERVATIO VII.

*Capitis vulnus lethale ob cranii particulas in ambas meninges defixas, hinc subortum Apostema.*

1. *Bregmatis sinistri, cum Contusione dextræ partis cranij, cujus fragmentum membranas penetrabat.*

§. 1. **R**uricola quidam mediocris staturæ annor. circiter 33. cum arborem altiore m cerasa decerpenti gratia ascendisset, ex improvviso de cacumine in lapidum acervum, ad radicem arboris collectum cecidit, atque calvariam, os nimirum frontis & temporum ita perfregit, ut ab hac contusione & violenta contusionis solutione, meninges, seu utrumque cerebri involucrum, non modo graviter disruptum atque divulsam, sed etiam mediocris cerebri portiuncula simul elisa fuerit, His ita animadversis, statim vicini Balneatores vocati per tres septimanas fere vulnus obligarunt, donec vulneratus ob paupertatem in Nosodochium Vlmense receptus fuit, ubi postea vulneris hujus curatio G. Riedlin demandata fuit, qui summa per quinque septimanas adhibita diligentia effecit ut cerebrum, ea quidem parte qua propriis nudatum membranis Dei beneficio & naturæ bonitate, nova quadam cuticula membranosa, proveniente à pericranio interiori, non tantum contactum ac consolidatum fuerit, sed & toto illo tempore nulla omnino graviora symptomata animadvertere licuerit: Quia vero locis duobus distinctis atque latentibus, sectione demum patefactis, mediocres cranii portiunculæ in ambas cerebri meninges adeo fortiter depressæ fuere, iisdemque tam arctè incubuere, ut osscula hæc nulla propemodum arte, neque per ullum Chirurgicum instrumentum elevari, atque in pristinam suam stationem seu locum restitui potuerint, tandem sub finem canicularium accidit ut per lateenter abscedentes particulas, ex utriusque involucri cerebri compressione dolores, ex doloribus humorum affluxus, & ex humorum putredine tandem apostema subortum fuerit, quod postea convulsionibus ansam præbuit, quos paulatim mors subsequuta est, Non quidem ex vulnere cerebri per se ita lethali, sed ex supervenienti accidente factum fuisse plane existimo, Quod ex dissecta & aperta calva innotuit. *Observatio. Mosis Heldt Medici Vlmensis, apud Horstium Tom. 2. lib. 2. Observat. vj.*

§. 2. Nobil. Iuvenis ætatis annor. 23. temperamento calidus & humidus 27. Julii 1618. nocturno tempore in tumultu publico lædebat, ita ut vulnus appareret in regione bregmatis sinistri usque ad os ipsum, quod transversim rimam conspicuam exhibebat, prope quam de substantia cerebri portiuncula nucis avellanæ minoris quantitate eximebatur: In altera parte versus posteriora contusio aderat, osse bregmatis dextro versus interiora compresso: mox à vulnere & contusione, forte simul & semel à diversis adversariis factis, vomitus, ingens hæmorrhagia, *άναδνρία* & sopor p.n. adfuerunt: 28. Julii, Sopor hic continuabatur, ubi *dextri lateris convulsivi motus* interdum, *sinistri vero lateris totalis paralysis* observabatur: Deligato vulnere sensus aliquis per clamorem apparebat, subinde rursus ingruente somno, qua ratione 29. & 30. Julii fere in eodem statu permanit; At 31. Julii paulo vegetior à somno astantibus manus obtulit, & signa intellectus exhibuit, nondum auditu & lingua operante: hic clystere adhibito, ob obstructions à tempore læsionis hucusque persistentes, alvum laxam reddidimus, unde 1. Aug. loquela primum, absque tamen auditu, quodammodo sequebatur, sed non sine gravibus convulsionibus Epilepticis interpolatis: At 2. Augusti tam intellectus quam sermonis & auditus operationes exactiores erant, pulsu febrili, quam ob causam mutationem intra 24. horas prædixi lethalem, qua ratione sequenti 3. Aug. ante meridiem, recurrentibus iterum animalis facultatis læsionibus, vitam cum morte mutavit.

Demortuo 4. Aug. cranium apertum fuit, ubi vulnus dextræ partis tantum cutaneum usque ad os cranii deprehendebatur: at contusio sinistræ partis tanta erat, ut admiratione omnino dignum, quod animalis facultatis operatio eousque sese colligere potuerit: tota enim regio bregmatis sinistri contusa deprehendebatur, ut cute remota, sua sponte octo ossa separarentur, de quibus unum acutius in ipsam substantiam cerebri, per utramque meningem impressum inveniebatur: Ab hac contusione rima sub vulnere prædicto suam originem habebat, & ad auris usque os petrosum in latere sinistro progrediebatur. *Greg. Horstius Tomo 2. lib. 2. Observat. 1.*

## S C H O L I A.

**D***extri lateris convulsivi motus, Sinistri totalis paralysis.* Quidam, ut *Cassius & Areteus*, statuerunt nervos in exortu suo ita implicari, ut dextri sinistorum, & contra sinistri dextrosum partes perreptent, seque mutuo intersecent: Hinc ergo facile respondent cur dextris quomodocunque affectis, sinistri vel convulsionem vel paralyin patiantur. (*Quam opinionem quoque tueretur Prosper Marrianus com. in Hippocr.*) Sed optime hæc ipsa *αυτοψία* refutantur, quia reclamant observatio Anatomica: Alii non ad nervos, sed ad plexus arteriolarum respiciunt, quos ita quoad dextram & sinistram partem implicari ac divaricari volunt, ut facili negotio possit fieri materiæ denegatio vel transmissio: hinc igitur dextra laborante sinistram resolui statuunt, propterea quod illi spiritus jam non amplius transmittantur: Sed hæc opinio suis tutoribus relinquitur, tum quod vasa arteriarum & venarum, quoad utramque partem non ita inter se implicentur quemadmodum præsupponant, tum etiam quod spiritus animalis, qui sensus & motus author est, non per arterias sed per nervos distribuatur. Relinquitur probabilis responsio *Laurentii* lib. 10. qu. 6. ubi inquit, Potest è vulnerata parte dextra ichoris portio *αυτοψία* in superiorem ventriculum dextrum decumbere: ab eo in sinum tertium, qui communis est cavitas: in eo sinu qui continetur humor velut in centro est cerebri: quare si formæ elementaris motum sequatur, in decliviorē partem decumbet: at sanæ partis situs declivior esse solet, decumbit enim æger in sanum, non in latus laucium, doloris metuens: Quid ergo impedit quo minus è tertio sinu in quartum, & ab eo in spinalem medullam, è diverso percussæ partis, interdum decumbere possit humor, unde paralysis? Affertur potest & alia ratio, quod per vulnus natura excrementitium humorem excernere soleat, tum per fluxum sanguinis, tum per medicamenta, quæ trahunt hauriuntque hu-

morem, ita ut bene expurgetur pars affecta: at opposita pars quæ non expurgatur, facile afficitur, vel per sympathiam, vel materia ad eandem transmissa ac decumbente: *Gul. Ballonius*, libello de convulsionibus, plures recenset causas: Quibusdam, *αιρ*, videtur id fieri propter spiritus & sanguinis partis sanæ consumptionem, idque ob inflammationem lauciata partis: Et credibile est partis sanæ naturam sedulam ac sui diligentem suas copias ac suppetias ad partem læsam misisse, unde ea pars sana postea paupertate spiritus & sanguinis laborat: Hujus rationis author aliam & rationem adduxit: Ait enim convelli partem sanam, resoluta ægra, per translationem humoris morbifici à parte læsa in ægram sanam: hic enim humor cum teter sit, in cerebro aut convulsionis aut furoris occasio existit: Si vi naturæ in faciem effunditur, *cryspelas* promover, quod solutionis morbi & vitandi periculi causa observatur: Sin pars frustra nititur excutere illam sanam & virus, concussionem frustra tentata, motu convulsivo id exundare ac exigere nititur: Et cum in vanum id fiat, consternatur natura, ac victa morboque superata procumbit: Aliis æquius esse videtur si ad simplicem sympathiam, quæ sine materia fit, saltem analogam confluxerint, cum consensu sit dextrarum partium cum sinistris: Verum omnibus diligenter subductis, rationi videtur affinius, ut convulsio partium sanarum ad extremum potius naturæ conatum referatur, Est enim parti sanæ, incolumi & à læsione tutæ, vi & necessario occumbendum, id quod citra manifesta argumenta reluctantis naturæ fieri nequit: Itaque cum capite laucius, particula tantum læsus sit, cetera vero sanus, mirum non est si motibus quibusdam inordinatis natura sese tueri velit adversus instantis mortis & dissolutionis impetum, & quoad ejus fieri potest obstat. *Videatur dictum Ballonii commentarium, ubi suse ea rationes ad examen revocantur.*

OBSERV.

## OBSERVATIO VIII.

*Capitis vulnera sequuta cerebri substantiæ & ventriculorum putredo. 1. Temporis dextri lethale ob factum Abscessum in cerebri penetralibus. 2. Occipitis, ob Fissuram in interna ossis parte, & sequutum Abscessum. 3. Casus lethalis ob sequutam cerebri suppurationem & ulcus. 4. Vulnus rotundum & angustum juxta suturam sagittalem lethale, ob sequutam putredinem dimidiæ partis cerebri &c. 5. Cicatrice jam obductum lethale, ob cerebri partem putrefactam. 6. Lethale ob iungens in cerebro Apostema, specie batur curatum. 7. Faciei à sclopeto inflitum leth. ob læsionem meningum & sinistri cerebelli principii necrosi affecti. 8. Occipitis & verticis ictus lethales ob Abscessus in cerebri substantia genitos. 9. Occipitis à sclopeto, ob sanguinem circa basin cerebri effusum, ac cerebelli syderationem. 10.*

§. 1. **A** Perui quam plurimorum in capite vulneratorum cerebra, in quibus plusquam cerebri partem dimidiam undiquaque putrefactam, Eiusdem lateris ventriculumpure foetido, viridi & crasso refertum, Atque in cerebrali substantia apostemata putidissima deprehendi. *Coiter libello Observat. Anat. & Chirurgic.*

§. 2. Dom. de Villeneuve catapultæ ictu circa Tempus dextrum laesus est insigniter: Effractum os partim Temporis dextri, partim frontis: Occalluit tandem pars longo tempore: Cum Londinum venisset, speciem quandam pareseos in parte eadem, nimirum in brachio pati visus est: tandem venit Lutetiam: sexagesimus aut septuagesimus dies exactus erat, ut plene restitutus & securus videretur: Cum vino Venerique paulum indulgere vellet, dolor in veteris vulneris loca obortus est: intolerabilis erat, iniquies, vigiliæ, dolor lancinans, levia deliria, intra verba solum: febris assidua, omnibus provisum remediis, Denuo aperta cicatrix, nil profectum, dolor mox in parte antiqua sæviebat, mox in alteram partem, velut desultorius redibat, comatosus factus, mors.

Aperto cranio, nescio quæ sanies, sed exigua, in parte, in qua dolor fixus videbatur, apparuit: sed in cerebri penetralibus abscessus erat, à quo credibile manasse saniem tam sævi doloris parentem. *Gul. Ballonius Epid. & Ephem. lib. 2. p. 251.*

## S C H O L I A.

**C**um veneri indulgere veller. ] Quam noxia sit venus in capitis vulneribus demonstrat *Fabritius Hildanus* cent. 1. Observ. 19. Exemplo Iuvenis, qui vulnere afflictus capitis, & pene sanatus, ex veneris intemperantia in febrem lethalem incidit: Non minus periculosum esse vulneratis nervis ostendit idem ibidem observat. 22.

*Speciem quandam Pareseos.* ] Hippocr. prognost. est in Coacis *Quibus Tempora secantur, iis ex adversa sectionis parte convulsio contingit: Iacotius* comm. in Coacas duas causas reddit, unam quidem naturalem musculorum motum; alteram evapora-

tionem & saniei suppressionem, quæ cerebrum petens spiritus animales dissipat torporemque inducit: principia vero nervorum afficiens, in parte quidem oblixa resolutionem, in ea quæ vero integra est, convulsivos motus excitat: *Clarius Fabritius Hild.* cent. 2. Observ. 8. Dum oppositus musculus, seu partis sanæ, fungitur officio suo, maxillam ad se trahit, læsus vero, quia interim quiescit, fit ut maxilla versus partem sanam non sine maximo dolore & vitæ discrimine trahatur: Interim tamen aliquid putridi vaporis communicari ex convulsione brachii apparet.

§. 3. Miles acinace sauciatus fuit in posteriore capitis parte, cum læsione ossis occipitis: Die xxij. obiit Interna ossis fissi superficies corrupta apparuit, Et Abscessus magnus in sinistro cerebri latere latitans. *Vide lib. 1. tit. de Paralyfi.*

§. 4. Anno annos xvj. puer Nobilis Herbrorum gentis decem annorum, hyberno tempore cum æqualibus pleno, ut solent, cursu glaciem transmittendo, in caput cecidit, unde paulo post ille Febri correptus est, Advocatis Medicis, omnem in curanda hac febre diligentiam, ac frustra impenderunt, xi. die puero satis concedente.

Demortui cranio aperto, ulcus cerebri ovi magnitudine deprehensum, quo dissecto aqua foetida promavavit. *Observatio Tobia Cneulini Medici Augustani.*

§. 5. Bononiæ quidam ab equo calce vehementer percussus in capite, juxta suturam sagittalem vulnus accepit rotundum & angustum, ad cranium vix penetrans, Ob percussione vehementiam *Arantio*, Chirurgus felicissimo, offensionis cerebri suspicio oriebatur, quare incisa capitis cute in formam crucis vel x. literæ, os detexit, quod etiam terebra perforavit ad interiorem fere laminam usque, nam ob sanguinis effluvium profundius penetrare nequivit: 2. die rigor febrilis, quem sequebatur æstus, supervenit: A principio

con-



conquestus est de capitis, præcipue de colli intenso dolore lassitudineque brachiorum: Febri quartanæ, qua ante diu laborarat, rigor; brachiorum lassitudo, casui; colli dolor, contorsioni inter cubandum assignatus est: Paucis diebus post facta evacuatione & sanguinis missione, febris omnino remisit, mitiora sunt reddita omnia symptomata, *nunquam* tamen *vulnus mihi placuit*, erant enim vulneris labra tenuia, squalida, depressa, flaccida & mali coloris, minime (ut in non lethalibus vel non periculosis) subdura & tumida, mediocriter, absque inflammatione tamen, & vividi coloris: xix. die accessit rigor, & cum eo maxima atque violenta inferioris maxillæ conquassatio, *vomitibus biliosis*, singultus, capitis ingens dolor, inquietudo, delirium, vigiliæ, facultatis ventriculi retentricis imbecillitas & colli rigiditas: Rigor erat frequens, inordinatus, absque calore comitante, ut in quartanæ rigoribus contingit: sequenti die, excepta colli convulsione, inquietudine, maxillæ concussione, omnia symptomata multum remiserunt, & tandem mortuus est.

Apertum fuit caput, & invenimus putredinem dimidiam cerebri partem occupasse; in ventriculo laterali & medio, qui tertius dicitur, plurimum tum puris tum aquæ subrubro colore tinctæ vidimus: dura membrana fuit integra, & è regione vulneris aliquo usque libera à cranio, accreverat in illo loco membranæ caro laudatæ, quæ etiam cranii foramen obturarat, *Coster in Observat. Anatom. & Chirurgicis.*

## S C H O L I A.

**H**oc idem in multis similibus vulneribus interceptisprehendi; unde periculosiora penes me sunt cranii vulnera, in quibus integra cute cerebrum læsum est, vel ubi sub dura membrana læsa vena vel arteria (quod levi de causâ contingit) sanguinem effundit, quam si simul membrana sit vulnerata: Si quidem horum plures atque illorum vidi curatos, nam membrana dura cerebri ob suam densitatem atque crassitiam, nec sanguinem emillum, nec pus sub ea genitum emittere potest: Hac de causâ nisi reprehensionem & calumnias metuerem, in gravibus & periculosis capitis vulneribus, ubi vel contusionis capitis, vel perrupti vasis sub membrana manifesta haberentur signa, auderem hanc durâ cerebri membranam perfcindere: etenim ut in omnium, sic in horum vulnerum curatione, præcipuum est perficere ut vulnera optime expurgentur, nam omne quod tangitur à putrido putreficit. *Idem Ibidem.*

*Vomitibus.* ] Vomitus in læsione capitis aliquando argumentum debet esse ad maiorem cautionem quam ad concludendum de fracto cranio: Et hoc notandum est, quia multi hac in re hallucinantur: Sic multis de causis post casum aut ictum potest vomitus succedere, & tamen non erit fractura ulla: Servus N. cecidit in caput, vulnus factum, vomitus satis

frequens, nil tamen cranium læsum erat, Recens erat cernatus: *Ballonius Epidem. lib. 2. pag. 215.* Contingit vero ejusmodi in calibus vomitus per sympathiam affecta dura meninge, quæ quamvis motu careat, cum plurimis in locis cranio firmiter alligetur, probabile tamen est eandem in partibus quibusdam aliquando saltem contrahi & corrugari: Certe in sternutatione contrahi ipsam & remitti extra dubium est: Hinc cum ab hujus læsione vomitus aut motus convulsivi invisceribus aut membris succedunt, in causâ est hæc membrana, quæ alicubi contracta aut diducta, eodem spatio molem intus contentam implicat: Singultus eidem causæ assignandus: Quod & accidit compatiente cerebro ventriculi orificio per nervos sextæ conjugationis.

*Nunquam vulnus mihi placuit.* ] Inter signa quæ mortem prælagiunt, cum Medicus videt febrem, & aliquod malorum accidentium, cum depressione labiorum vulneris, & malo colore sine sanie, arguat indubitatam mortem: Et si videat denigrationem ossis, quæ non remouetur ferro camfricando, signum est quod non sit ex Medicina, sed arguit saniem malam & corruptam sub cranio, quæ si corrumpit os, etiam corrumpit panniculum: Præsentibus ergo signis prædictis signis prædicetur mors. *Berengarius cap. 13.*

§. 6. Miles hasta læsus in ipsa cerebri substantia, cicatrice obducto vulnere, & eductis quamplurimis ossium fragmentis, septem & ultra septimanas sanus aliis inserviebat ægris: In octava vero convulsus cum moriebatur, causam subitanæ mortis intueor, Vnam cerebri partem corruptam, putridam (visu admirandum) imo consumptam & in putredinem conversam vidi. *Observatio Samuelis Costeri Med. Amstelodamensis.*

§. 7. E Nosocomio Patavino quidam ex vulnere capitis accepto curatus, ut quidem credebat, certa salutis fiducia cum exiret, xl<sup>o</sup>. à vulnere die morte inopinata defungitur: Causa exitii cum variantium opinionibus incerta esset, mox aperto cranio evidentius comparuit, ingenti viso in substantia cerebri Apoplemate. *Th. Bartholinus comm. in Padanobonem A. Severini Exercit. 3.*

§. 8. *Claudius Ruban* Moduno Helverius, ann. 24. habitus carnosus, pagi Regnans in Comitatu Montbelgardensi incola, Sabbathi vespere diei 18. Febr. 1671. statione peracta domum rediturus, itineris non mediocriter forte potum comitem, intra urbis novæ Montbelgardi portas, aliquot passus præcedebat: Expecta me, acclamat sequens, directâ (forte jocando) in præeuntem bombardâ portatili, vel displodam: Dictum factum, & displodâ bombardâ, quam plurimorum conatus tota die explodere non potuerat, vulne-

ratus

ratus *Claudius*, super portæ mediæ limine consistens, tota molè concidit : Ab occurrentibus & ipso reo erigitur, à diversis in facie locis sanguine diffluens, ad Chirurgum ductus : Circa horam 1. pomeridianam à S. P. iussus illum adiri : Vocatus Chirurgus clavum dispiosorium, dimidiam digiti minoris partem longum ostendit, quem à posteriori temporalis musculi dextri latere, immediate supra os jugale suo apice, ( ut in vulnus intrusionem ostendebat ) ad ossis maxillæ inferioris apophysi adactum extraxerat : Exponit insuper ferreæ mineræ globulos octo rotundos, quos e malæ sinistræ totidem vulncribus avulserat : Horum unum infra os jugale penetrabat, alia paulo inferius perspersa erant, digitum transversum plus minusve profunda : Imperitia Chirurgi phlebotomia prætermissa fuerat : quare præmisso clystere e brachio sinistro vena rufa est : Successit brachii sinistri paralyfis : circa horam 1. matutinam, quæ diei 5. initium erat, aphonus & veternosus factus est, crus sinistrum resolutum, accesserunt sudores copiosissimi, animi deliquia sine febre : hora 11. matutina mortuus est.

Trihorio post mortem elapso, examinata octo faciei vulnera panniculum carnosum non perforasse, sed in eo subitisse inventum est : unicum ad os zygoma, aliud paulo inferius pervenerat : Aperto cranio, vulneratæ meninges, & sinistri cerebelli principium nigrum & corruptum apparuerunt, & ex ipsius substantiæ intimis, ossis ex conico acutum cranii forte frustulum extractum est : In profunditate vulneris, ab adacto clavo dispiosorio, aliud ossis frugmentum octava parte majus, ex confracta bazi ossis temporum, in musculo massetere invenimus : Quum cranio reposito reductum pericranium & cutis consuerentur, vivi lumbrici prægrandes in conspectu nostro naribus egressi sunt, e ventriculo illuc ascendentes, quorum forte insignis copia ibidem stabulabatur. *1. Nic. Binningerus cent. v. Observat. L.*

§. 9. Rusticus cœlebs annorum 30. sanus & boni habitus, ebrius à compotatoribus sociis aliquot vulnera in occipite & vertice ad calvariam usque accipit, postquam prius verberibus iidem commilitones atrociter totum ipsius caput, nucham & sinistram axillam excepissent : Vulneratus prima quidem vespera vulnera Chirurgo liganda commiserat, sequentibus vero diebus, ope nescio quarum herbarum consolidantium, spreto & valedicto Chirurgo, ad cicatricem fere ea perduxerat, cum nona à vulnere die febris & scotomia supervenit, & xiv. sinistri brachii ac cruris resolutio, quibus præsentibus Chirurgum denuo in auxilium & consilium vocat : Chirurgus necessariis adhibitis nihil proficiens, die xxi. rem ad me defert, qua examinata, & cum Collegis communicata, *Trepanum adhibendum duxi* : Divino igitur auxilio implorato, & eute die eadem per chiasmum secta, die sequenti xxij. cranii perforationem, *non obstante Plenilunio*, modio ἀδανύσας institui, præmisso prius clystere, capitisque convenienti inunctione : Exsecto osse festucæ meningi incumbentes sublatae sunt, & membranæ ipsi mel rosaceum impositum est : Os vero resectum fuit linamentis siccis mollissimis cum pulvere cephalico, totoque curationis tempore, tam quoad externa quam interna, nil intermissum fuit quod ipsa fractura cranii alias requirit : Septima die lethargico sopore captus, dextri oculi & oris occlusionem crebrasque vomitiones patiebatur, sequentibus vero melius habuit, emanante per foramen pure fœido, pauxillo tamen, ac nona quidem pedem movere cœpit, recurrenente tamen die 14. sopore, emanantibus autem vomitibus, venis vero frontis arteriisque clatis ac turgentibus : xv. nulla nec ad melius nec ad pejus mutatio sequuta : xvj. verò & sequentibus scotomia major facta, accedentibus oculorum convulsionibus & distortionibus, adeo ut 24. hora 4. pomeridiana, sine tamen accessione aliorum symptomatum, animam exhalavit.

Sectione post mortem instituta, sanies inventa est purulenta in ipsa cerebri substantia : In dextra occipitis parte, pellicula instar abscessus contenta, unciarum quatuor : Ipsum cranium plurimis contusionibus contortum, Matris vero duræ venulæ subfusco sanguine instar picis distentæ : hæcque ipsa & pia meninx discolores, illæque à contusionibus læsæ, erant : Saniei autem suprædictæ globulus alias purulentus, vasculo carnei inclusus, proxime adhærebat, ut mirum non sit quod mortuus fuerit : mirum autem sit quod tamdiu sine gravibus symptomatibus, delirio potissimum, supervixerit. *1. D. Horstius observat. Anatom. I.*

## S C H O L I A.

**T**repanum adhibendum duxi.) De Trepano non tantum dubitant multi an tutò adhibeatur, sed & sunt qui omnino id reliciant, dum statuunt

quamvis cranii fracturam sine Trepano, sine cranii apertione curari posse : Non difficeor absque cranii perforatione multas fracturas cranii, præsertim hybernæ

hybernatione tempore, & apud Germanos, quibus non ita lethales ut Neapolitanis, Florentinis &c. accidunt, curari posse: At non omnes nec semper, ut alias statuunt antiqui Hebræi, *Vgo Lucanus*, *Theodericus* alique, quorum alii internis vulnerariis positionibus id fieri posse profitentur; alii vero extrinseca medicamenta commendant, spreto & rejecto Trepano: At sæpe in cranii fracturis non potest removeri materia exsiccanda (loquor verbis Galeni) nisi fiat apertio, ob defectum scilicet ligaturarum, præsertim si *pūym* accidat internæ laminæ salva manente externa, aut *Exumopu*, quamobrem tunc Chirurgus adhibendus, ossisque particula circa fissuras eximenda, ut vitus egrediatur per viam liberam, osse scilicet amoto. Multæ igitur fracturæ cranii curari possunt, & sæpe sine apertione, si simplex *phāme* contingat, si *pūym* tanta sit ut materia exire possit: Sed non omnes, ut noravi jam antea, nec semper, quemadmodum D. Iuris apud nos nullis medicamentis externis aut internis menti & sanitati restitui potuit, qui tamen Trepano adhibito salvus evasit: uti etiam Nobilem ante sexennium Gillæ feliciter à me curatum recorder. Quando vero adhibendum, quando reiciendum? Si certò constet cranium non depreßum, nec ita fractum esse ut cerebrum inde ledatur, sique saniei tam exigua quantitas sit, tantumque naturæ robor ut medicamentis absumi & dissipari facile possit, & contrarii certa symptomata desint, Trepano non opus est: Sæpe enim à contusione cranium ipsum non leditur, sed nervus, (quem calum proponit Hippocr. 58. aph. 5.) aut vena, è qua effusus sanguis in ipsa cerebri substantia putrescit sæpe & mortem infert, uti nostro ægro accidit: Aliquando evenit (inquit Celsus) ut os quidem totum integrum maneat, intus vero ex ictu aliqua vena rupta aliquid sanguinis mittat, qui coctus dolores infert oculisque obæreat: quo in casu summe conducit phlebotomia & clysterum usus: sæpe etiam interna purgantia exhibentur si temperamentum frigidum sit & phlegmaticum, corpusque robustum sine febre. Si vero id non certo constet, & accedant accidentia mala, incisio instituenda: cum etiam fracto cranio facile festucæ & frustula membranas lædant, ac in ipso fissuræ loco enata humiditas in saniem abeat & ad membranas distillet, unde communiter interire solent qui à capitis vulneribus moriuntur, mature cranium aperiendum ut sanies exire possit, festucæ & aliæ res c. n. removeantur, quarum præsentiam febris, vertigo tenebrosa, scotomia, dolores acuti, vomitiones, sopor, torpor, paralysis, delirium &c. nunc coniunctim nunc sigillatim, pro alia atque alia vulneris, subjecti, loci & aeris constitutione, indicare solent: Febris si accidat post 7, eo scilicet tempore quo terminari debebat, concurrentibus simul iis quibus *noster* vexabatur, putredinis in cerebro, meningibus aut cranio certum sit indicium, vel Hippocr. decreto, ob quam etiam potissimum & nos apertionem moliti sumus. Idem autem fere nobis evenit in nostro ægro quod *Glandorpio* in pugili Bremense, alio tamen successu, Cum pugili illi graviter in capite vulnerato 3<sup>a</sup>. die gravia symptomata supervenirent, & *Glandorpius* suspicaretur materiam intra cranium collectam esse, cranium aperuit: Cum vero nihil efflueret per foramen, duram quoque meningem in tumorem elatam scalpello incurvato aperuit, quæ saniei intra duram & piam materiem contentæ maximam

copiam emisit, quæ ipsa hoc modo evacuata, & adhibitis simul necessariis aliis, æger sanitatem pristinam recuperavit: Ita etiam in nostro ægro exigua portio saniei per foramen exivit, ut non potuerimus non exstimare intra tunicam, aut ipsam cerebri substantiam anguem latitare: Ipsa quidem apertio in decliviori parte, uti patet, lateris dexteri, juxta suturam lambdoideam facta est: In decliviori inquam, non in inferiori, cui loco os subtrahere maximum periculum pronuntiat *Nicolas Berengarius* vero contrarium aliquoties se vidisse probat: Nec etiam magnum foramen factum est, uti alias in vertice fieri solet.

*Non obstante plenilunio.* } Cum *Celfo* plurimi ultra quartum diem Trepanum haud differendum putant, alii contra cum *Mercato* omnino differendum putant, quod sub initium materia non sit fluida, ac meningis p. n. sint inflatæ, uti alias in plenilunio s. n. esse solent: Nos vero die 22. adhibuimus Trepanum, ac Luna quidem turgida: Utile est Astrologia Medico, sed non necessaria semper; uti enim sub quovis cælesti statu purgandum quandoque corpus venit, ita etiam vena sæpius secanda, cranium aperiendum, ferrum & ignis adhibenda sub quovis cælesti statu, si scilicet electitium tempus non detur, si morbus non ferat moras: Nostrum igitur erit potius, instat *Guidonis Brucensis*, brumali tempore, tium horarum ipatio plantas instrumento, loco solis operante producentis, obstantibus & maleficis syderibus, calori & frigori peccanti inde emananti, corporisque nostri advertitibus & insequentibus incommodis obviam ire, quam ægro remedia subtrahere ad benigniores remotos & ostantes Planetarum aspectus, frigidiorum aut calidiorum aeris elementiam, Lunæque deliquium, præ quibus sæpe moriendum esset ipsi ægro.

*Quod tandem sine delirio supervixerit.* } Admiratione dignum est quod omnis delirii speciei expertus fuerit, & quod tam longissimum tempus vitæ natura dederit, 46. scilicet dies? An quod substantia saltem læsa fuerit, non spiritus, non ipsi nervi? Et quod ægri quandoque ad aliquot menses supervivant, etiam ipsis meningibus lætis, testantur *Pavv.* in lib. Hipp. de vulneribus, etiam sine delirio, referente *Vallesio* comm. in libr. 5. Epidem. Antiqui non credebant Cerebrum inflammari posse, at hic casus eos refutat, ut & *Galen.* 2. de symptom. causis cap. ult. *Paulus* lib. 3. *Avicenn.* *Salvus* & alii, quorum tamen plerique delirium adfuisse testantur: Sed nec in membranarum, nec in ipsius cerebri inflammatione, semper adest delirium: Illud olim probavit *Nereus* filia 5. Epid. titul. 47. & æger in Dealcis horto decumbens: Quod vero ipsius cerebri inflammationem spectat, ea quandoque non delirium, sed sensuum obliterationem, tremulas & obscuras desipientis, ex 1. *Prorrh.* 33. periculosiores tumultuariis infert, si scilicet non ipsi nervi, nec ipsi spiritus consequenter afficiantur: Non semper vero læsum cerebrum sequitur delirium, nec semper ipsa mors necessario, tertio die, nisi cerebrum syderatum sit: Syderatum autem est me iudice, si id læsum aut vulneratum & inflammatum est, ut spirituum animalium tam fixorum quam mobilium constitutio præternaturalis fiat: ut illi ipsi spiritus, tum fixi tum mobiles, non sint temperati, ténues, puri, lucidi, & ordinati, nec certo quodam ac regulari modo moveantur. *Idem.*



§. 10. Jacobus Bexius ictus à sclopero in occipite, concidit protinus in terram, foris vix læsus, sed intus tam vehementer offensus ut inciderit illico in febrem ac graves convulsiones: Quibus permoti, perforavimus confestim calvariam, licet extrinsecus nullas egisset rimas: quo auxilio eliciimus quidem sanguinem supra cerebri membranas effusum, attamen, neque festina hæc acceleratio, neque remedia satis maturæ adhibita tantum potuere, in præcipiti hoc periculo, quin nihilominus sexto die perierit æger.

In cujus capite terebram dum circumageret Chirurgus, vidimus per integrum os erupisse innumeras sanguinis guttulas, coöperientes instar roris universam calvariam: quibus spongia aliquoties deterfis repullulare continuo & alias, monstraturas quasi digito nihil naturæ esse invium, sed omnia pervia, neque ossa ullibi tam solida quin per ea libere permeet tum sanguis tum pus.

At dissecto post obitum cadavere, licet apparuerit calvaria foris illæsa, ostendit tamen intus varias fissuras, docens suo exemplo quid per *Infortunium* suum velit *Hippocr.* l. de vuln. cap. Vere enim infelices sunt illi ad quorum abditos morbos nec oculi nec mentis penetrat acies. Sed præter occultas hæc rimas, videre fuit prope plagæ locum, extimam cerebri membranam non minus lividam quam flacidam, & non uno loco cruore atro sæde obductam. At cerebellum erat plane syderatum, ceu vero sphacelo, corruptum, Venæ utique passim laceræ, & circa basin cerebri ac *Rete mirabile*, tantum concreti sanguinis, ut nullus miraretur occubuisse hominem tot calamitatibus circumventum. *Tulpius Observ. 2. lib. 1.*

## S C H O L I A.

**Cerebrum Syderatum.** Vere naturæ genius aph. 11.3. Coacaram Prænot. Cerebro syderato, alii quidem tertio, alii vero septimo moriuntur die: illos autem si effugerint, servantur: At quibus ex his dissectis invenitur os dissociatum illi pareunt: Qua circumlocutione designatur proculdubio principium corruptionis: licet sphaceli vox latius sese extendat: qui enim servaretur alias aliquis post diem 7. etenim quod semel integre emortuum, id reviviscit nunquam, quippe à privatione habitus denuo comparari nequit. Sed quid sibi vult os dissociatum? *Disruptum est os?* Annon corruptionis labem vitiatæ calvarie communicatam? cujus indicium fecit in hoc ægro dissoluta illa ossis laxitas, à qua promanarunt guttæ sanguinæ, præter consuetudinem terebranti Chirurgus oblata, non secus ac gangrænam præcedit aquosa caris vesica, & sphacelum gangræna. Quasi diceret vir inclutus, Si quidem à cerebri vicio eatenus immutetur os ipsi proximè impositum, ut dissoluta compage discedat evidenter à naturali sua soliditate (quod in hac calvaria evidenter factum) ædum erit de vita, & necesse hominem mori à tam despera-

ta corrupti cerebri conditione. *Idem.*

**Rete mirabile** ] In brutis plerisque existere mirabile illud Rete, præsertim in quadrupedibus, plurimi concedunt Anatomici: An vero in homine tale reperiat quale describit *Galen.* lib. 9. cap. 4. de usu partium, ambigitur. Quidam enim manifestum asserunt, alii obscure ac tantum ejus rudimenta concedunt: alii novum, situmque diversum à Galenico fingunt: nonnulli illi plexum choroidæum substituant: Varias sententias qui scite desiderat, consulat inter cæteras *Cl. Guern. Rolfinckius Dissert. Anatom.* l. 6. c. 34. & sequ.

**Perforavimus confestim calvariam** ] Quamvis ferramenta plerumque adhibeantur calvarie vel fractæ vel fissæ, conveniunt nihilominus etiam integre, præsertim si metus sit disruptarum venarum: educitur quippe hac ratione non tantum sanguis effusus, sed impediuntur simul inflammatio, putredo, delirium, febris aliaque simul exitialia symptomata: quanquam scopum hunc non semper attingat ars, ut ostendit aliarum exemplum.

## OBSERVATIO IX.

*Vulnus capitis cum Dedolatione lethale, ob pus inter utramque meningem collectum. 1.*

*Ob Fracturam cum Dedolatione, sequentumque Apostema cerebri. 2.*

§. 1. **M**iles Hispanus in Capite vulnus acceperat cum ossis Dedolatione, primis 4. diebus sat bene habebat, statim tamen initio sanguis ex arteria impetuose profluxit, ut vix triduo exacto sisti potuerit. Post terebrato cranio plurimus sanguinis extravasatus eductus est, & usque ad vii. non male habuit, qua tamen statim vomitus supervenit copiosus: subsequuta quoque est ossis denigratio usque ad x. qua alius Chirurgus superveniens Empiricus, tollendæ nigredini aluminis parum ossi instravit, sed magno ægri nocumento, subito enim partis affectæ, quæ dextra erat, Paralysis, ægro etiam auram quandam à pollice pedis usque ad superiores partes elevatam, sentiente, & resolutioni paulatim progredienti, deliriis frequentibus adjunctis: Die xiv. qua novilunium inciderat, insignis mutatio facta, & defluxio à capite ad partes interiores ægrum erectum & quasi strangulatum è vita sustulit.

Secundo cadavere, ex cerebro per os biliosa multa prodibant, ex naribus purulenta cum impetu; nec non mucosa & sanguis plurimus intra meningem duram & calvariam collectus extra venas. Ipsa dura meninx, qua plaga erat, puris acrimonia erosa & plane marcida

SSSSS

appare-

parebat: *Vena* autem cerebri & cerebelli sanguine refertissimæ, ita ut minutissimas quæque, ceu *nigriores*, facile conspiceretur licuerit: hæc tamen omnia evidentiora in parte affecta se offerebant oculis quam altera. *Ioh. Valerius Rumlernus Observat. 17.*

## S C H O L I A.

**V**ene nigriores] Aluminis vi adstrictiora repressis humoribus & sanguine.

*Empiricus tollenda nigredini*] Si panniculus, & non est nigredo à Medicina, sed quia corruptus est panniculus, tunc medicus arguat mortem: Nota tamen quod possit contingere ut Os sit nigrum, & non à medicina, nec ob corruptionem factam à sanie inter os & panniculum, & non ita periculosum erit ut supra: Quia contingit ut contundatur cranium in aliqua parte venosa cranii, aque rumpantur venulæ illæ quæ sunt in porositatibus cranii, & fractura non penetrabit interiorem tunicam cranii, & sanguis in medullis cranii, id est in porositatibus & spongiositatibus ipsius putrefiet, & ita fiet nigredo in osse, quæ non removebitur levi frictione cum ferro: Itaque cum Medicus videt talem nigredinem cum qua non sunt sæva accidentia, sit sollicitus in aperien-

§. 2. Rusticus consistentis ætatis, robustus, in capite quinque accepit vulnera cum fractura & dedolatione ossis. Isterebratione, quæ tamen necessaria erat, instituta non amplius convalescens, undecima obiit *continue febricitans*, quod signum erat apostematis in cerebri substantia enati, quod tamen in dissecto nondum suppuratum aut maturum reperi-  
tum est. *I. Valerius Rumlernus Observ. 33.*

## S C H O L I A.

**T**erebratione quæ necessaria erat] Terebrationem, ubi necessaria videtur, aliquando cum successu omitti ostendit Excell. *I. Jac. Wepferus* Exercit. de Apoplexia p. 340. exemplo somnambulonis cuiusdam, cui ex casu cranium fissum cum collectione sanguinis sub eo: Itali, *sic*, alique locorum calidiorum incolæ protinus Trepanum arripendum statuerent, idemque Exc. D. D. Burgoverus facturum erat, nisi æger & adstantes ab auxilio his in locis insolito abhorruissent. Itaque aliis remediis sanguinis ulteriorem profusionem intra cranium prohibere & jam extravasatum absorbere annixus est. Venæ repetita sectione sanguinis copiam imminuit; ejus motum, à casu & à grumis, hinc inde in toto habitu incendium capientibus (artus enim mite erant conquassati) perturbatum & impetuosius factum coercuit, venæque sanguinis quantitate aliqua detracta quasi famelicæ reddidit, ut avidius effulum reorbuerint, quorum etiam pertinuit victus tenuis & refrigerans: Exhibita Tinctura traumatica, & foris applicitis sacculis herbis cephalicis farctis & in vino coctis, sanguinem extravasatum in grumos abiturum ac putrilagine sua graviora damna allaturum, ita disposuit ut vel vala sanguifera, vel glandularum poros denuo subintare potuerit. Idque fecit non sine felici successu nec sine exemplo, cum etiam ab aliis citra cranii perforationem idem non raro ex voto præstitum sit: Sanguinem extravasatum in auras tenues abivisse & halitus instar evanuisse credere nequeo, oblitus enim cranii crassities & duræ meningis densitas, ob quam pertinacissime etiam aquam meram in hydrocephalis destinet, ut nullo ingenio citra incisionem, periculi plenissimam, auferri possit: Quotidie observamus in tenellæ ætatis puellis tumores in fronte ad dividiæ ovi gallinacii magnitudinem, ex forti allitione assurgentes & atrolietcentes à sanguine suffuso, protinus admoto frigido ferro subsidere, aut percussione hac in principio neglecta, applicito carnis calefactæ frustulo, paucarum horum intervallo citra manifestam evacuationem evanescere. Alias quoque in præxi animadvertimus pulveribus contra calum, ungu-

do os, & in removendo omne quod denigratum est, ne illa corruptio descendat, potest enim sanari, si vero mora interveniat succedet malum. Sane potest forte sanguis ille à medicina exsiccati, & maxime in capite mundo & obediencie, os tamen illud denigratum necessario cadit, i. e. natura expellet, & à sanie & à medicinis: vel Medicus debet removeere usque ad partem sanam cum raspatório vel alio modo: Tutius tamen est aperire donec removeatur totum os dubitatum & causa nigredinis tollatur, si possibile est: Nam si est à sanie vel panniculo corrupto, facta apertura potest expurgari sanies, & ita forte sanabitur, potest etiam mundificari panniculus. Quia pluries ego vidi panniculum detectum in notabili quantitate, & alteratum in superficie, ubi cum mundificantibus procellum est, & ægri sanati sunt. *Berengarius cap. 13.*

potabilibus, ex quorum numero Tinctura Traumatica est, decoctis Traumaticis grumolum sanguinem dissolvi, partimque intra vala sanguifera reorberi, partim ejus excretionem facilitari. Quidam priapota prius à cervice ad imas suras, postea à sterno ad tibias percussus, paulo post difficulter respiravit, circa præcordia summe angebatur, tormina ventris patiebatur, cum dolore prius mingeat, & tandem aliquandiu urina substitit. Cruorem tussi, vomitu, cum facibus alvinis & urina egressit; Tinctura traumatica aliquoties assumpta, & foris grumos dissolventibus & victu tenui periculo convaleuit.

*Descriptio Tinctura Traumatica.*

℞. Butyr. majal. ℥iij. liqueant lento calore in vase terreo vitreato ac despuerentur, adde flores, & folia herbar. rec. quarumlibet perfectam maturitatem adeptarum ac minutim incisarum, scil. herb. chærefol. petrosel. ana man. ii. plantag. utriusque, nasturtii aqu. anagall. beccabungæ, solani, melissæ, virgæ aureæ, pentaphyll. veronicæ, bistortæ, nicotianæ, Salv. nobilis, hyperici, centaur. min. ana man. jß. digerantur in loco tepido, & quotidie bis terve bacillo agitentur, donec herbar. omnes accesserint: postea coquantur lento calore, & fortiter exprimendo colentur: colaturæ indantur lumbricorum terr. aqua plantag. & acco-  
to, ubi idæi lotorum & minutim concisorum seiscuncia: iterum coquantur lento calore ad consumptionem succorum; percolato admisceatur mellis despumati libra una; tertetur in vase terreo vitreato: datur drachma una, vel etiam duæ scotim, vel in juscule solutæ, quoties suspicio grumoli & congelati sanguinis obvenit: Quinetiam in principio Pleuritidis commode datur.

*Quod signum erat apostematis*] Apostematum signa, incipiendo à calidis, sunt hæc, continua febris, cujus calor non est multum fortis sub tactu, facies & caput reliquo corpore calidiora, mentis alienatio, vigilæ, nonnunquam somnus accidit à quo æger excitatur cum clamore & saltu, linguæ nigredo, asperitas, sumbriatum collectio, oculi lacrymantes, quandoque ophthalmici quando sicci.

Cui

Cui sanguineum accidit Apostema, insunt prædicta accidentia cum visu, sopore, & oculorum dolore, garrulitate, ineptia, febris est intensior & faciei color rubeus. Cum ex cholericò humore, faciei color ad croceum declinat, insania comitatur, salutus, calor tactus est acutus & purgens. Si sit aliquid melancholiz mixtum, sunt ineptiæ, garrulitas, timor & fletus: At si adest notabilis phlegmatis admixtio, sit obstupescitio non continua: In istis tamen omnibus pulsus est debilis, parvus & durus, & varietas multa anhelitus, spiritus quandoque angustia, stomachi subversio, & tument ad tenium panniculi, & exeunt per fissuram cranii colorati colore materiæ, & efficiuntur immobiles. Apostema vero frigidum capiti eveniens est à prædominio phlegmatis. Signa sunt febris modica, debilis, stupescitio, sopor: ægri vix ad interrogata respondent, frequens est oscitatio, mentis confusio; os apertum claudere obliviscitur, aliquibus est ventris solutio phlegmatica, & interdum constipatio ventris, & eorum urina ut asinorum turbida est, tremor extremitatum & sudor, & facies livida & tumida, magnus pulsus & fluctuosus, ut peripneumicorum, & anhelitus tardus & varius.

Quod autem cerebrum possit apostemati probat Princeps contra *Scrapionem*: Sin Apostema est in anteriore parte capitis, corrumpit imaginationem, & tunc incipiunt colligere villos, & paleas

& similia, & imaginantur quæ non reperiuntur. Si in medio, corrumpit cogitationem. Si in posteriori, obliviscuntur, ita ut quandoque petant aliquid, quod si eis præsentetur, non recordantur se quæsiisse: Si autem Apostema sit super omnes partes, apparent hæc omnia: Et si cum eo apostemetur cerebrum, rubet facies & oculi, & exeunt oculi multum, si materia est sanguis: Si vero est cholera, ad citrinum tendunt; & ita res apparent rubræ & citrinæ secundum humorem prædominantem: Quod si sit à cholera adusta, est illud quod perimit. Signa autem sunt quod communitas accidentium ejus accedit cum demonio, odio & rixa, & oculi sunt conturbati: Signa apostematis frigidi in capite (licet raro contingat, tamen possibile est) sive à causa antecedente, siue à primitiva (à qua primitiva rarius contingit) sunt hæc, 1. est tota lenis febris lenta: necessaria enim est febris ab humore putrefactio in cerebro, inquit *Avicenna*, & propter hoc separatur à subeth. Talia vero Apostemata ego non credo fieri nisi per modum paulatinæ congestionis, quia per modum defluxionis non possunt fieri: Si tamen fiant, hoc erit per choleram illi mixtam, Credo etiam quod si in cerebro, siue per fluxum siue per congestionem fiat apostema, quod possit esse tale ut non adsit febris, considerata qualitate & quantitate materiæ, & loco & tempore apostematis, & considerato modo terminationis ejus. *Ex Berengarii lib. 2. de Fractura cranii cap. 7.*

## OBSERVATIO X.

*Ictus Capitis lethalis, ob fractam laminam secundam prima illesa. 1. 2. 3. 4. 5. 6. 7. & 8.*

§. 1. **N**Ob. quidam Eques turmæ Ducis Stempiani, dum in disiecta murorum castri Hisdini parte propugnaret, glande tormento manuario missa ictus est in bregmate, alioqui casside armato. Cassidem quidem glans impulsit depressit, non fudit, imo nec cutem musculosam, nec cranium, quod saltem cerni posset, nihilominus 6. die apoplecticus interiiit.

Ego vero sciendi avidus quæ ipsi iusta interitus causa extitisset, cranio diviso animadverti fractam laminam secundam, testâsque ex se remittentem, quibus tanquam aculeis cerebri substantia assidue compungebatur, integra interim cranii lamina prima. *Parvus lib. 9. c. 8.*

## S C H O L I A.

**N**on absurdum est oppositam ei quæ ictum exceperit, ossis ejusdem, ac non diversorū ossium partem findi, in his hominibus quibus cranium est bene conformatum, & futuris, ut natura fert & solet, distinctum: fuitque, & est germana hæc *Hippocr.* mens & sententia. Idq; ut magis intelligatur, notandum ictui oppositam ejusdem ossis partem intelligi

duobus modis: 1. cum fractura in eadem est ossis icti superficie, ut si parte alterius ossium bregmatis, quæ est ad suturam lambdoideam, icta, filia altera sit quæ est ad coronalem: 2. cum non quæ ictum exceperit superficies & lamina, sed quæ subiecta est, filia extiterit, cujusmodi fracturæ genus fuit in memorato Equite. *Idem.*

§. 2. Anno 1651. Castrensis bajulus plumbeis globulis à bombarda emissis in capite percussus, cranio multis fracturis disrupto obiit.

Aperto cranio; portio tabulæ secundæ duræ matri incumbens, & omnino à prima separata reperta est, sine ulla fractura extra in hoc loco apparente: quod ab ictu percussione factum fuisse existimo: Si cataplasma infra dictum fuisset admodum, per ejus in eo notam id forsan perceptum fuisset, & trepano extrahi, & sic curari æger potuisset; ceciderat autem hæc portio ex angulo à futura coronali & sagittali conflato. *P. Borellus Centur. 2. Observat. xx.*

## S C H O L I A.

**S**ine fractura apparente] Fracturas occultas detegendi rationem aperit, *Idem ibidem.* Nob. Comes Breviensis casu retrorsum ab alto, quasi omnino mortuus remansit, nullus tamen tumor nec cavitas appa-

ruit: Quare *D. de Pimpernelle*, & *D. le Inif*, peritisimis Chirurgis, convocatis, cataplasma ex farina fabarum admodum fuit toti capiti, deraso capillitio, & quoniam res urgebat, cum æger loquelam amis-

SSSSSS 2 set,



§. 4. *Rederns* Studiosus, vulneratus circa os frontis, primis diebus non admodum periculose laborare videbatur, etiamsi rima vulneris per ipsum cranium circa os frontis penetraret, nullis etiam symptomatibus periculosis apparentibus: at vero cum ictu isto cranium non tantum pertusum, sed etiam (quod post mortem anatomia capitis monstravit) particula de lamina interiori omnino per meninges in cerebri substantiam transadacta esset, fieri non potuit quin paucos post dies pars læsa inflammationem pateretur, quam ob causam non tantum ingens æstus, imprimisque capitis subsequeretur, sed simul etiam 1°. spasmus cynicus in parte opposita, convulso scil. musculo temporali sinistro, cum læsio esset in dextra parte, ac dein convulsivi motus in partibus aliis se osterebant, sensim facultate animali primum, ac dein vitali quoque resolutis. *Horstius ibidem.*

§. 5. *Rinaldus Cortesius* Chirurgus cranium ostendit, in quo inferior cranii lamina seu tabula, sine ullo in exteriori apparente rupturæ signo rupta erat. *Schenckius ex Petro Sphererio.*

§. 6. Anno 1626. mense Julio Nobiliss. inclytæ Reipub. Ulmentis Duumviris scripto retuli, quod *Bartholomæus Schaffer*, militem Cæsarianum, à rusticis in capite læsum visitare volens, invenerim jam mortuum, & præsentibus multis, in causam mortis, quam xx. læsionis die oppetiit, diligentissime inquisierim, cujus solitaria fuit Vulneris in Occipitio, circa futuram lambdiformem, dextra parte, cum rima & depressione solius laminæ cranii internæ, quæ cerebrum continuo compressit, à Barbitonsoribus simpliciter curatum: Cum autem in hac cranii noxa, purulenta materia, (quæ per rimam laminæ internæ occultam, exterior enim erat salva & integra, ad cerebrum delapsa est) absque Chirurgiæ neglectæ auxilio non potuerit expurgari, multo minus interior lamina cranii, cerebrum continuo deprimens, idque idoneis instrumentis elevari, ortus est Abscessus sub calvaria, qui introducta prius febre & phreniside, ruptus dextrum cerebri ventriculum replevit, & subitaneis convulsionibus necem intulit ei, cujus vita in principio læsionis, debita cranii perforatione per Trepanum, & per vinctes elevatione, proculdubio conservari potuisset. *Ioh. Scultetus Armam. Chirurgici Observ. 15.*

§. 7. *I. Jac. Remlingner*, Studiosus, furca fœnaria percussus in sincipite, paulo supra frontē, & ad initium musculi temporalis dextri vulneratus, ubi vivendi finem fecerat, aperto cranium inspicitur. In quo deprehendi fracturam trigonam, in cranii lamina interiore, sub sinistro vulneris initio, nulla in superficie exteriori fractura, imò ne fissura quidem apparente. Præterea in dura meninge, frontem versus, multa erat rubedo, ad palmi latitudinem, phlegmones signum: Sub dura vero membrana tumor latitabat multumque puris liquidi. Tenuis autem meninx erat & ipsa rubicunda, ac sub ipsa pus crassiusculum & subrufum: nequaquam tamen æger deliravit, neque convulsionibus passus est: solummodo febricitavit continuè, idque à 4°. vulneris die usque ad finem, qui fuit 9. quo expirabat. *Smetius Miscellan. lib. x. p. 570.*

§. 8. Vulneratur quidam supra nares pugniunculo, quem stiletum vocant: Vulneris quantum fieri potest apertum servatur (tractatur enim à Chirurgo peritissimo) & secundum methodum curatur. Septimana nona (cum antea de dolore frontis gravativo conquestus fuisset) Epilepsia subito corripitur & moritur.

Aperitur cranium, & in loco vulnerato reperitur lamina interior intrusa, quantitate grossi majoris, non aliter atque in ollis perforandis contingere solet; Cerebrum quoque totum ex una parte purulentum, ut ratione alterius partis sanæ incedere adhuc potuerit, quemadmodum de phthificis constat. *Philippus Salmuth cent. 1. Obs. 52.*

## S C H O L I A.

**S**eptimana nona, Cerebrum purulentum] In vulneribus capitis sæpius contingit ægrum venire usque ad xx. diem live xxi. sine aliquo malo accidenti, at circa tale tempus superveniunt pessima accidentia, & moritur æger, & hoc ut plurimum contingit à sanie retenta in capitis profundo. Et ego miror cur non ante superveniunt talia accidentia, An forte quia sanies tunc, vel parum ante, incipit aggregari, à super-

rioribus descendens per poros cranii? vel ex malo regimine ægri in diætâ? vel forte à Medico operante indebite? vel forte à virtute illius diei inter alios dies criticos & à similibus? vel quod à principio materia cucurrit in locum, quæ prius non est putrefacta, forte per medicinas applicitas, vel à virtute illâ regulante, & tunc incipit putrescere, & febrem & prædicta accidentia inferre, à quib. causatur mors. *Berengar. c. 13.*

## O B S E R V A T I O V.

**Ictus supra dextrum supercilium lethalis, ob sanguinem in occipitio effusum, inter utramque meningem collectum, unde sequuta vicini cerebri corruptio.** Obitus Henrici II. Galliarum Regis. 1. **Vulneris Frontis lethale ob Contrassuram in Occipitis osse, & effusionem sanguinis ac saniei in subditam meningem.** 2. **Percussio in una capitis parte lethalis ob contusionem cerebri, & saniei collectionem in parte opposita.** 3. 4. 6. **Osseis frontis vulneris lethale, ob abscessum circa occiput excitatum.** 5. **Vulneris in altero temporum lethale, ob fissuram**

*in opposito latere. 7. Contrafissura duplex à casu in muscolum temporalem. 8. Casus in occipite letalis, ob sequentem fissuram ossis Frontis. 9.*

§. 1. **H**ENRICUS Rex felicis memorie, compositis Gallie rebus, & pace cum finitimis parta, dum Filie & Sororis nuptias celebrari, & festivo hastiludiorum exercitio festiviores reddere conaretur, procurrens & ipse in catadromo, pyxidata lancea adeo gravem ictum pectore excepit, ut ictus vehementia lamina ductilis, qua è galea prospicitur, surrigeretur, & dissultantis in frustra lancee truncus supra dextrum supercilium impingeretur, cutisque musculosa frontis ad minorem usque oculi sinistri canthum laniaretur, multis ejusdem trunci frustulis in commemorari oculi substantiam depactis, penitus tamen intactis & illæsis ossibus: Fuit vero inde commoti & concussi cerebri tanta vis, ut xi. ab ictu die interierit.

Post obitum dissecto cranio, in parte ictui opposita, ad mediam occipitis futuram effusi inter crassam & tenuem meningem sanguinis copia comperta est, & corruptæ cerebri substantiæ, quantum pollice regi posset, indicia ex coloris nativi in flavum mutatione apparuere: Quæ causæ Regi Christianissimo mortis consequutionem attulerunt, non sola vulnerati oculi læsio; plerosque enim alios vidimus, qui ex longe gravioribus oculorum vulneribus non interiere. *Amb. Paræus lib. 9. cap. 9.*

#### SCHOLIA.

**I**llæsis ossibus] Aliquando evenit ut os quidem totum integrum maneat, intus vero ex ictu aliqua vena in cerebri membrana rupta, aliquid sanguinis mittat, isque ibi concretus magnos dolores moveat oculoque obæcet. *Celsus cap. de curatione calvae:* Firmat *Carpus* parte 1. de Fract. cranii. Repetio, *ait*, alias species læsionis in capite quæ carent peculiari nomine: Una est quod interdum non fracto cranium rumpuntur aliqui nervi cerebri, vel aliquæ venæ in panniculis ejus ex motu forti, vel ex calu & percussione cum re gravi, potente movere cerebrum, & maxime in corpore sicco, ut sunt corpora senum, quibus magis aptum est moveri & rumpi cerebrum

propter medullam eorum exsiccata & diminutam, ut patet ex comm. *Galen.* in aph. 58. 6. Experientia hoc vidi in magnifico N. qui plures habuit contusiones à re ponderosa, & nullam habuit in cranio fracturam, & adhibita omni cura mortuus est. Et non dico tantum ex ruptura nervorum cerebri (quia isti sine voce fiunt, maxime si patiuntur nervi à reversivis orti, qui dicuntur nervi vocis) sed credo quod ipsi fuerit rupta venula aliqua cerebri, & forte aliquis nervus, à qua venula inducta fuerit mors, propter sanguinem ibi in loco non cognito putrefactum: Et illa læsionis species est mala, & causa interitus, quia Medici nesciunt locum venæ.

§. 2. Vir sexagenario proximus, à caballo sternaci excussus, frontem pavimento, durissimis lapidibus constrato, allisit, acceptoque eo loci ex lapsu vulnere, aliorum subsidio elevatus, semianimis domum refertur, mox bilem eructat, & nares ei cruentæ, certo, si *Hippocrati* fides, cerebri concussi & venulæ alicujus ruptæ indicio. Instituto diligenti scrutinio, Vulnus vix cutem penetrasse ego & Chirurgus invenimus. Interim elota alvo enemate, sanguinis aliquid in corpore plethorico de cephalica detractum: Sequenti die omnia graviora & prorsus lethalia, corpus enim febris incaluit cum obstupescencia & despicientia, atque ad interrogata omnimoda obmutescencia, quæ ex *Hipp.* 7. aph. 14. in capite læso mala pronuntiat: unde pessime de eo sperare cœpimus. Nihilominus manum tanquam deplorato admovimus, & Chirurgus nequicquam eorum omisit quæ ars his in casibus præscribere solet, quo certius pateret si quæ noxa frontis ossi inflicta esset, quod *Hippocratis* oraculo moniti verebamur. Vulnus in fronte inflictum dilatavit, sed os integrum & noxæ expers inventum, neque sedula capitis contrectatione, ægro plane stupido & muto, quicquam animadvertere potuimus, quanquam fracti cranii multa erat conjectura: Iraque de aperienda per trepanum calvaria consilium initum, Sed quid sit misellus iste senex, cum per totum fere diem quasi comate quodam correptus esset, sub vesperam horrendo spasmo convulsus, paucarum horarum spatio mortalitem exiit.

Aperto à morte cranio, in opposita fronti occipitis parte, Rima, seu Contrafissura, quam Græci *σπινθη* vocant, reperta, & magna cruoris sanie permixti copia crassæ meningi incumbens, unde mors. Ut vere dixerit *Celsus*, Evenire interdum solere ut altera parte ictus infederit, & altera siderit. *Fridericus Lassius Observ. Medic. 1. Lib. 1.*

§. 3. *Nicolanus Florentinus* dicit se hoc vidisse in quodam artifice percusso in capite clava: facta fuit apertio in parte affecta ac nihil fuit repertum: tertia post die successit febris, & facta fuit apertio in parte opposita, & reperta est sanies in magna copia, & Ego expertus sum, in multis postquam mortui sunt, in quibus nihil aderat in parte affecta, & ubi feci apertionem in parte opposita, reperi copiosam saniem collectam & magnam contusionem. *Gab. Fallopius comm. in lib. Hipp. de cap. vulner. cap. 14.*

**I**n parte opposita ] Quamvis hanc Fracturæ speciem rifu excipiat *Paulus*, nec in capite humano, duro nempe & pleno ut in vitreis vasis vacuis, Contrahituram dati posse putet, à me tamen aliquando visa & observata est: Nec valet eorum ratio qui ideo putant naturam ex multis ossibus, suturarum compage contextis, caput conflavisse, ne unius par-

tis fractura in oppositam protenderetur: locum enim id forte potest in his quibus futurae sunt expressæ & naturaliter sitæ ac constitutæ, ac non in his quibus vel desunt, vel è natura sitæ non sunt, vel lupt admodum consertæ; atque ita oblitteratæ ut unum veluti os ex multis coaluisse videatur: Id fiet sequentis historię commemoratione manifestum.

§. 4. Massi, dispositorum equorum custodis, servo cuidam gravis lapidis ictus in bregmate dextro est inflictus, unde vulnus quidem exiguum sed grandis contusio tumorque extitit, quare quo certius pateret si quæ noxa ossi inflicta esset, quoque facilius concretus sanguis exprimeretur, cute patefacta latius apertum vulnus est à Chirurgo; Divisione peracta os integrum animadversum est, quanquam ejus fracti multa erat conjectura, quod statim ab ictu æger in terram prociderat, vomuerat, & alia fracti cranii signa pertulerat, quo factum est ut XXI. morbi die interiret.

Ego vero advocatus, qui qua ex causa interiisset edicerem, diviso ferra cranio, comperi in parte ictui opposita ingentem saniei copiam, & in crassa meninge, ipsiusque etiam cerebri substantia abscessum, futuram verò nullam, præter duas squammosas: Ratum ergo illud est *Hippocr.* autoritate, ratione & experientia confirmatum, alia parte ictum, & alia fracturam esse posse: In his præsertim quibus aut nullæ futuræ erunt, aut illæ admodum arctæ, & valido adhæsu adeo consertæ ut vix appareant. *Parvus lib. 9. cap. 8.*

§. 5. Observavi ego cum Turnonii medicinam facerem, anno 1599. puerum x. aut xij. annos natum, die xlv. ex vulnere in Frontis sinistra parte accepto, in febrem & resolutionem alterius lateris, i. e. dextri incidisse, cum tamen à primo morbi die ad xl. usque bellissime se habuisset, nec ulla nobis in dilatato vulnere vel rimula quidem apparuisset.

Eo tertia die vita functo & dissecto, alienatum & cancro affectum cerebrum *ἐν τῇ δακρυματὸς* in occipite inventum est; nam & ibi aliquot rimæ in osse conspicuæ erant: Et quod de *Henrico secundo* Rege diximus, ex vena eadem parte, i. e. in occipitis tenui omento rupta, sanguis erumpens, cerebro vitium fecerat, & inflammationem in eo excitarat, à qua abscessu facto, & xl. illa die, ut verisimile est, aperto, pus in spinalis medullæ nervos dextros decubuerat, atque resolutionem dextram creaverat. *Franciscus Vertunianus Comm. in lib. Hippocr. de cap. Vulneribus.*

§. 6. Est quædam species læsionis à me ter visa in actu practico in capite, à qua decipiuntur Medici, scil. quod osse non fracto interdum à re gravi contundente, vel casu ab alto, pars cranii (qualiscunque sit pars, an anterior, an posterior, an lateralis) percussa percutit partem sibi oppositam, ita quod commissura percutit commissuram propinquam, & etiam longinquam (dico longinquam, quia possibile est quod os frontis impellat ossa bregmatis, à quibus componitur in eorum medio sagittalis futura in osse *Laudæ*) & quia à commissura qualibet exeunt villi nervorum, & ipsa dura mater conjungens se *Almocati*, & aliqua venula, nervi & venulæ, & panniculus ipse inter duo ossa contunduntur, deinde in successu alicujus temporis putrescunt (quia omne contusum necesse est putrescere & in saniem converti) & supervenit febris, & alia mala accidentia, & inde mors: Et in hoc Medici hæsitant, & credunt aliqui quod stante contusione in una parte, etiam cum fractura illius partis, vel sine, quod fractura sit in opposita parte per apparitionem saniei in opposito loco, sine fractura cutis, quia ubi panniculus est coarctatus, & contusus à commissura, ibi fit à sanie genita tumor aliquis, & sanie aggregatio, Et ego ter vidi anatomisando capita, Et similes casus reperi absque fractura oppositis ossis. *Jac. Berengarius Carpensis Tract. de Fractura cranii.*

§. 7. Orphanus annorum xv. passerem dimittebat in aërem: passer in murum proximum convolabat, Puer aviculam ad se allicit, allecta non redit, conscendit ille murum, passer progreditur, insequitur puer, aberrat hic, & è muro in sinistram temporum partem cadit: lapsus humi se tollit, interrogatus à commilitonibus nunquid cruciatum sentiat, arridet, murumque xv. pedes altum, è quo deciderat, aspicit, hinc ad scholam se confert, cœnat quoque, ut solebat, largiter, & cubitum it: media nocte magna cum animi perturbatione è somno evigilat, sanguinem cum bile evomit, circa diluculum insanire incipit, accurrunt curatrices, cumque quantum fieri potest juvant: Ego orphanorum ordinarius accersor, causam mali inquirō, Chirugos adesse jubeo: Illi omnia



nia tentant, ac probe investigant singula, verum nullam inveniunt contusionem, aut cranii impressionem: Venam incidi curo, clysterem injici, foveri caput ac tueri contra symptomata, quæ sæpius orta in simili casu vidimus: Postridie tuberculum circa musculum temporalem apparet, quod ad cranium usque aperimus, quo aperto cranium in multas fissuras contusum conspiciamus, nullum tamen fragmentum, aut cranii particulam excipere potuimus, quapropter ad Trepanum, Verum sanguis per ipsum cranium, non vero per fissuras futurasque, tanta copia fluebat, ut terebræ nullus prorsus esset usus: paulo post, sanguine sese sistente, ad terebram redimus, nullo tamen successu, confestim enim puer incurabili casu oppressus perit.

Sectio cranio, præter fracturam hanc & fissuras, adhuc vidimus in latere opposito duas alias Contrafracturas triangulares, quæ quomodo potuissent inveniri expertis considerandum relinquimus: Membrana crassa ac pia mater expansæ erant instar tympani, quarum venæ capillares adeo intumuerant, ita ut non cerebri, sed manuum potius venæ viderentur: Inter cranium meningasque cruor concretus magna abundantia conspiciebatur, non secus ac pia mater & ventriculi, qui præter cruoris copiam, aquæ quantitatem continebant aliquam, ut & cerebellum. *Nic. Fontanus Annot. in caput 1. Epitomes Vesalii.*

§. 8. Puer à muro xv. pedes alto exciderat, in quo fractura cum multis fissuris, mox deprehensa fuit circa musculum temporalem, Sed post mortem secto cranio, adhuc duæ aliæ Contrafracturæ in latere opposito repertæ sunt. *Idem Annot. in cap. 1. Epit. Vesalii.*

## S C H O L I A.

**Q**uærendum quomodo interdum fieri possit à plurimis decantata illa contrahisura, qua cranium dicitur findi in parte opposita illi in qua ictus fit: Hanc *Hippocrates* creditur describere lib. de Vuln. cap. his verbis, *Os sub vulnere frangitur alia capitis parte quam qua ulcus est & os nudatum est*: Hic locus *Hippocr.* Contrahisuræ certitudinem plurimorum animis firmissime impressit: Has contrafracturas strenue negat *Gab. Fallopius* de cap. Vuln. cap. 13. & rem probat non tantum *Galenii*, *Pauli* aliorumque autoritatibus, verum etiam propria experientia, scribitque se centies & pluries capite percussos vidisse, nunquam tamen contrafracturas invenire potuisse: Experientiæ *Fallopii* etiam nostram adjungamus, qui in castris non centies, sed ducenties & pluries hujusmodi capite graviter percussos milites, præcipue equites tractavimus, nunquam tamen ullam contrahisuram observare potui-

mus: Interdum quidem fissuras in utroque latere invenimus, sed in iis solummodo quibus caput utrinque percussum fuerat: & sic proculdubio etiam contigit in puero illo *Nicolai Fontani*, in quo licet manifesta ex casu læsio, cum fissura, mox deprehensa sit in uno latere, ignoratum tamen fuit annon etiam puer in oppositum latus percussus fuisset, vel lapis aliquis ex muro, sorte ruinoso, post illum descendens in illud latus descendisset, quod maxime verisimile est: Ita ut nos calculum nostrum iis adjiciamus qui contrahisuras fieri negant: Quantum ad citata *Hippocr.* verba, ille non loquitur ibi de contrahisura, sed docet interdum pus sub cranio alia parte colligi quam qua os fractum est, idque etiam nos aliquoties vidimus, sed hoc nihil probat pro contrahisura. *De Diemerbroeck Anatom. lib. 9. cap. 4.*

§. 9. Rusticus annorum circiter xl. famulus Nobil. Domini *Deodato Deodati* hyeme rigidissima, & terra stricto gelu constricta, plaustrum lignis onustum ducens, male compositos fasces quosdam & casum minantes compositurus id conscendit, sed male obfirmatis pedibus supinus cadit in dorsum; unde luxatio carpi, altero die sopor, delirium, quarto mors.

Dissecando caput, primum examen fuit occipitis, quod casum primo exceperat, in quo levis contusio, sed os integrum: Pergendo ad anteriora fractura maxima in initio bregmatis sinistri se exhibet, ad oculi usque orbitam exporrecta: Casum autem in posteriora fuisse innuebat insignis ecchymosis in parte postica pulmonum ad dorsum, cum sanguinis concreti copia ad ovi magnitudinem, Nec-non in parte Jecoris concava.

## OBSERVATIO XII.

*Vulnus Frontis lethale, ob hiantem suturam lambdoideam, & saniem supra meningem duram effusam.*

**Q**uendam parte anteriore frontis pugione satis graviter vulneratum mihi videre contingit, cujus vulnus penetrabat usque ad meditullium: In hoc aderant omnia symptomata vulneribus capitis communia, alienatio nempe mentis, vomitus, aurium tinnitus, & alia ab *Hippocr.* enumerata: Et licet de dolore alicujus partis non conquereretur, secunda tamen die ipsum terebravi, symptomatibus hoc præsidium postulantis

lantibus, & membranam aliquantulum inflammata deprehendi, cujus causa usus sum remediis spectantibus inflammationem: licet verò meningem deprimerem, & patiens obstructis naribus ipsam propelleret, nec quicquam perforatione peracta effluxisset, obiit xiv.

Sceta calvaria loco vulneris, nec membrana, nec cerebrum ullam noxam exhibuerunt, vitrea quinetiam illæsa, quanquam futura lambdoides laxata fuerit, crassitie digiti auricularis, pauca materia saniosa intra futuras ipsas, & supra duram membranam delitescere: Cui similem casum me nunquam observasse memini, licet contrasissuras in multis calvariarum partibus viderim, non tamen in futuris, quanquam earum apud autores prostant exempla. *Marchetti Observat. Medic. Chirurg. 15.*

## S C H O L I A.

**A**lienatio mentis] Notandum quod si contingat ex aliquo ictu incidere patientem in mentis alienationem cum privatione sensus & motus, nisi alia symptomata ab *Hippocr.* enumerata accedant, nullum vitæ periculum imminere, ac proinde prætermittendam quancunque operationem, sectionem videlicet & perforationem ipsius calvariarum: Vidi siquidem aliquos exprolapsu, aut ictu, læso capite, apparente solo hoc symptomate, sequenti die omnino liberatos. *Idem ibidem.*

*Adversant omnia symptomata*] Præter signa ab

*Hippocr.* proposita, observandum quod semper alvi fluxus vulneribus capitis accedens, absentibus licet aliis symptomatibus, cerebri læsi signum esse, propter scilicet ejus consensum cum nervis sexti paris qui orificiis ventriculi adnectuntur, quorum ratione inferius laxatur & alvi fluxus statim succedit: Hi vero fere omnes moriuntur, ob læsum cerebrum parte interna, qua in spinalem medullam exporrigitur, ubi nervorum ortus: Omnia tamen remedia in his casibus statim administranda quæ ad artis opera spectant, ab *Hipp.* proposita: *Idem ibidem.*

## O B S E R V A T I O XIII.

*Vulnus Sincipitis lethale ob arctam duræ meningis cum cranio adhesionem, cujus ratione pus exire non potuit.*

**P**uerum quadrimum ex phthisi mortuum anno 1596. dissecai: Huic dura mater ubique, instar periostrii, vitreae tabulae adherens neutiquam avelli potuit, nisi prius incocto in aqua cranio: Itaque venæ quæ alioqui per externam partem duræ matris, quæ cranium respicit (duplicem enim duram matrem cum Columbo assero) expanduntur, illæ in parte interna versus cerebrum conspiciebantur: Erat nihilominus vacuum aliquod inter duram & piam matrem, hæc enim cerebro adhærebat, illa cranio, Plagas & contusiones in hujusmodi calvariis maxime periculosas esse nemo dubitat, tum quod membranae cerebri facillime læduntur, tum etiam quod earum ruptis venis sanguis inter cerebrum & duram matrem effunditur: Venæ enim, ut dictum est, in interna parte duræ matris sitæ sunt, ita nullo modo sanguis extravenatus evacuari possit, quamvis cranium terebello perforetur, ut ex sequenti historia liquet. Rusticus in pago Genevæ proximo, Chesno dicto, vulnus circa dextrum os bregmatis baculo accepit, mox in terram cecidit, vomuit & loquelam amisit, Neglecto primum morbo, tandem 8. post die vocatus sum: Inveni ipsum febricitantem & delirantem, lingua arida, oculis rubicundis, Quum autem nec rima nec fractura appareret, cranium perforavi; nihil inveni vacuum, sed dura mater ita adhærebat cranio, ut styli acies inter cranium & duram matrem minimè posset immittere: Unde quum nihil puris exstillaret, perforatio inutilis fuit, ipse xiv. post die à vivis excessit: Quamdiu dura mater resecta fuit, nempe ab 8. die usque ad supremum, motus cerebri, quantumvis continuus, minime percipiebatur, verum ea fuit distantia inter cerebrum & duram matrem ut pulsus cerebri membranam non attingeret: Hinc perspicuum sit cerebrum moveri, non autem ipsius membranas tantum. *Fabritius Hild. Centur. 1. Observat. 7.*

## S C H O L I A.

**D**ura mater calvariarum connectitur futurarum operatione, ut penile & rectum teneat cerebrum, tum etiam ut per futuras egressa pericranium procreet: Spatium verò inter futuras rectè natura reliquit liberum, ut vacuum quoddam esset inter duram matrem & calvariam, has nimirum ob causas 1°. ne quicquam ipsius cerebri systolæ & diastolæ obstaret: 2°. ne venæ & arteriæ per extremam duræ matris partem spariæ levi aliquo ictu in cranio facto rum-

pererentur 3°. ut ruptis in dura matre venis, sanguis non inter duram & piam matrem, sed inter duram matrem & cranium effunderetur, & perforato cranio facilius extraheretur.

*Quum nihil puris exstillaret*] Meningis duræ incisionem, ad putis sub ea conclusi educationem, tentare non est ausus *Hildanus* convulsionum metu, quas subsequuturas credidit, cum tamen inanem esse parebit inferius.

O B S E R V.

## OBSERVATIO XIV.

*Capitis ictum, & ventris levem puncturam, mors sequitur, neutri imputata.*

**C**ornelius Bethlemita ictus cantharo in fronte, ac ventre leviter gladio puncto, procedit remulentus in gradus, sisloque sinistro temporum osse, excessit tertio post die è vita: comprehensus interim ac in custodiam traditis qui ipsum indignis exasperant modis; confitente altero ventrem à se vulneratum, alterato vero accusato de vi fronti illata.

Cujus inopinatae mortis causam, jussu Judicis, inquisituri Medici, invenere nec ventris vulnere, quod ad interiora neutiquam penetrabat: Nec frontis contusioni mortem hanc imputandam, Verum vitam ademptam fuisse partim per inflammationem cerebri, ab effracto osse excitatam; partim vero, & quidem potissimum ob jecur, septum transversum ac intestina, ut summe inflammata à morbo rixam praecedente: Sic undiquaque foetidissimo pure perfusa ex inveterato abscessu, per turbas hasce id temporis disrupto: quo lumine Judici Praelato absolutus fuit uterque reus caedis intentatae.

## S C H O L I A.

**P**urimi itaque interest sententiam suam haud leviter ferre, nedum in te tam gravi amicitiae aut hostilitati aliquid dare, quin potius soli veritati litare: Cave sis ergo Medice aliter loquaris, aliter sentias, sit tibi religio nunquam Judicem in fraudem illicere: Certus aliis vulnera, aliis curantis culpam; aliis propriam pertinaciam, lethalemve aliquem morbum clanculum alicubi in visceribus latitantem

mortem accelerasse: quorum additorum morborum causa haud satis fuit inquirisse in naturam vulneris, nisi simul perleruteris corpus universum, ne inconsiderate alleveres quenquam lubiisse speciem ejus ut occisi quem fors tua peremit, Neque enim minores Deo poenas dabit qui intonem damnat quam qui fontem absolvit. *N. Tulpius Observat. lib. 4. cap. 6.*

## OBSERVATIO XV.

*Vulnus capitis lethale ob agri debilem constitutionem, & alium morbum accedentem.*

**A**nno 1586. 5. Novem. aperuimus caput Pandochæ ad Cygnum aureum, cui vulnus exsim die Octob. 11. inflictum fuerat digitis quatuor supra aurem sinistram: Exspiraverat hoc die circa 9. matutinam, Et quanquam vulnere mors imputabatur, deprehensum tamen est calvam non omnino penetrasse, imo ne rimulam quidem tenuissimam intulisse: Et licet puri quid simile intra cranium parti læsæ adhereret, transsudasse tamen id potius putandum: quia illic perquam tenue os cranii, propter vulnus in calvam alte adactum existerat: Quin & squama pollicis latitudinem habens, necdum omnino separata cranio intus adhærebat, infra quam caro novella, squamæ separationem moliens, succreverat, vulnus jam cicatricem majori ex parte duxerat, adeoque æger ipse ante dies aliquot in culinam descenderat: Sed incidit in dolorem lateris, ut difficulter spiraret, & sanguinem mittere opus fuerit: Is vero cacoehymus ac decolor dicebatur fuisse: Sane ille qui circumsecto capite effluebat, valde nigricabat, adeoque talis cruoris aliquid coagulati, aperto cranio, intus circa verticem latitudine Daleri inhærebat. *H. Smetius Miscellan. lib. 10. p. 561.*

## A P P E N D I X.

*De difficultate curationis Vulnerum capitis apud Florentinos, &c.*

**R**etulit mihi *Alexander Minchius* se observasse longa experientia in capitis vulneribus cum fractura ossis, quorum hoc anno 1566. Florentiæ nullus evasit, quod ægri, quod morti viciniore sunt, eo melius semper se habere dicant: Sunt autem Florentiæ capitis vulnera fere semper lethalia, adscribunt id æris subtilitati: Decussatim locum incidunt & terebra os perforant, rebusque p. n. exemptis, vulnere pecias cum oleo rosaceo omphacino applicant; in circumferentia etiam eodem loco locum inungunt ad inflammationem prohibendam: hujusmodi vulneribus affecti aliquando usque ad 14. bene se habent, dein perniciofa symptomata, tandem mors excipit: Primis diebus à vino & carnibus arcentur, sanguis è basilica dextra ad revulsionem mittitur, temperantia imperantur, corpora purgantur diacassia & diaphœnico: vulnere mel rosatum cum oleo rosato infunditur: Prescribuntur syrupi præparantes, fenestras clauduntur & ignis in cubiculo accenditur. *Jeremias Martinus Observat. Medic. 18.*

Ipso eventu sæpius verissimum deprehendi, cum in Nosocomio Florentino praxim assistentis



afflictis titulo exercebam, ex xl. quos uno anno habuimus in capite, etiam leviter vulneratos, vix quinque evasisse: frequens enim hoc ibidem est ut levissimæ capitis plagæ mortem inferant, cujus rei certum indicium habetur si vulneratus statim in terram cadens vomere incipiat, hoc enim meningas & nervos compati ostendit: crediderim fortasse ex nimia & pene superstitiosa curandi diligentia hoc evenire, qua vulneratum statim ab hominum consortio separant, venam secant, præparant humores, purgant, non spernenda quidem intentione: interim tamen siti & fame ferè enecant, sola panatella exhibita, in vulnere perpetua putrefactione desudant lumenque penitus arcent, quibus vel solis naturam debilitare possunt: Ipsi tamen aëris subtilitati adscribunt: quod sane ut negari non debet, ita reliqua an tantopere conveniant cuivis judicandum relinquo. Senibus in Etruria crurum vulnera & fracturæ eodem modo ferè semper sunt lethalia quo capitis Florentiæ, easdem fortasse ob causas: ut enim sæpe multa fiunt negligenter ita interdum quædam etiam cum cura citra necessitatem. *Ioh. Vdalricus Rumlerus Observ. Medic. 76.*

Vulneribus ac plagis recentibus singularis est cœlestis utilitas, neque ictibus capitis exceptis: Utinam igitur in procurandis faucibus hominum capitibus in medentium omnium usu esset hodierno die Neapoli; Non sic fortasse miserè præterque opinionem sæpe cederent levissimæ plagæ: Porro sentiunt rectius quam nos Medici Melitæ, qui quod audio, non meliorem volunt in his (capitis vulneribus) curandis esse, quam medicinam Christi & Samaritani: Evenitque res feliciter, ita ut ex vulneratis centenis vix depereat unus nobis; quemadmodum contra è centenis vix servatur unus nobis: Causentur cœlum, obijciant tenuitatem, humiditatem, varietatemque aëris & ventorum. Equidem medicamenti importunitatem perniciosi mortisque hominum causam maximam opinor: atque id eo maxime quod quam maxime adstruunt medentes corporum humiditatem atque languorem, madescentibus ad putredinem non oportet foveri conterique. *M. Aurelius Severinus Chirurgia Trimembris l. 5. c. 21.*

## OBSERVATIO XVI.

*Hepatis abscessus in capite vulneratis aliquando repertus.*

§. 1. **N**Otandum sæpe vulnerato cranio excitari apostema in Hepate, Id quod à me *Roberto Greauime*, Parisiensis Facultatis Medicæ Rectore & *Binosquio*, Chirurgo Jurato in tribus ægris nuper animadversum.

## S C H O L I A.

**S**I obijcias, ejusmodi abscessus ante inflictum vulnus in Hepate delituisse? Respondeo ægros prius fuisse vivido faciei colore præditos, nec ulla hepatici affectus eoidisse indicia: Hæc forte causa est, Quod natura, ob ictus vehementiam, læsionem percipiens, in subsidium colligit & convocat copias & vires, sanguinem scilicet & spiritus, versus cor & hepatis, non secus ac per timorem contingit, unde sublequitur hepatis inflammatio; quod cæteris partibus commune est, quum uberius, quam pro nutritione

requiritur, affluit sanguis: Hepate enim accepta spirituum & sanguinis nimia copia turgente, cui ventilandæ impar est ob vatorum angustiam, oritur febris & phlegmonosus affectus: Nunc cum *Mauricio Cordo* dicere malis, Naturam oneri succumbentem, materiam purulentam partem per venas ad jecur amandare: fidem facit obitus, quotquot ictis in capite, abscessus in jecore obortus est. *A Pavens Operum lib. 10. cap. 9.*

§. 2. Plurimos vidi capite vulneratos, nullo vehementi symptomate accedente, morte tamen sequuta, si præsertim febris tertio die invaderet: Sed in omnibus fere qui sic interierunt, abscessum reperi in substantia jecoris. *P. Pigray Chirurg. lib. 4. cap. 9.*

## S C H O L I A.

**C**Onquestos ante obitum de dolore, &c.] Obseravi sæpius quod quando in vulneribus capitis cum fractura collum dolere incipit, parte posteriori postica & laterali, tunc materia purulenta delabitur ad thoracis & abdominis cavitatem, quæ longiore mora, cum pulmones tum pleuram, aliquas nempe ipsorum partes erodit, ex quibus multa sanies emanat, quæ postmodum ad abdomen deluit, cum Jecoris & Lienis labe, in quibus varias pustulas excitat: quibus disruptis, perinde ac ex pulmonibus & pleura, ita & ex his materia purulenta effluit: Quanquam hujus observationis ignari existunt abscessus obortos in his partibus, quorum ratione patientes moriuntur, non ex ca-

pitis vulnere, quod ex capite copiosum pus posse ad inferna viscera delabi non sibi persuadeat: Prout in plerisque observavi mediam thoracis & abdominis cavitatem fuisse pure repleam: Quam observationem multis tum in theatro Anatomico, tum in valedictorio S. Francisci demonstravi. *Petrus de Marchettis Observat. Medico Chirurg. xv.*

Dicunt quidam se observasse in plerisque eorum qui à vulnere capitis insigni interierunt, abscessum in concava Jecoris parte: Qui id fiat quæstione dignum est: Primum illud est verum quod *Hipp. & Galen.* scribunt, præciso cerebro & febre & bilis vomitum supervenire: bilis revomitur, at Gal. affecto ventri-

ventriculo qui cerebro comparitur; ad os enim propago nervorum insignis pertingit: Imò, ait *Galenus*, in magnis doloribus, & vehementi mœrote, ad ventriculum biliosa superfluitas confluit, maxime si ventriculus male affectus fuerit: unde ergo in concavo Hepatis abscessus fiet? Quidam dicunt à cerebro, per continuitatem membranarum internarum, imperpiscuarum, sensim pus manare & progredi eo donec ad hepar pervenerit. Id non est probabile: Afferam meam conjecturam, quando demonstrationem aut *dissectionem* tibi huic adducere nequeo, desumamque ex eo *Galeni* loco, supradicto: Vulnerato cerebro, membranisque affectis, os ventriculi coarctatur, humoresque perturbantur, unde bilis vomitio: Si multa sit bilis evacuatio, ea ab abscessu vindicare potest: si pauca, & frequens est nausea, aut quia æger vomere non consuevit, aut quia bilis crassior, motu difficilis & quodammodo incuneata: aut quia libertas meatuum non est, dum humor movetur & non excluditur, oppressionemque facit aliquam,

potest in concavo hepatis colligi, & inflammari, & præter symptomaticam febrem, quam excitat *ruptura* capitis essentiali febrem concitare: hinc collectio, hinc inflammatio, hinc abscessus: Accedit quod in vulneribus capitis negant dandum pharmacum: si daretur, & vacuaretur bilis commota & non excludita, ab abscessu liberaretur æger: Nunquid in febribus essentialibus abscessus in concavo hepatis fieret nisi Medicus daret operam purgationi? Et quia os comparitur ventriculi, natura suas superpetias mittit ad eam partem, obfuturas quia non excluditur materia: phlebotomia & purgatio esset vindex ejus abscessus: Et nuper in quodam qui pugione vulneratus erat, tamen in internam capacitatem vulnus circa nothas costas, qua pertingit diaphragmatis extremum, non penetrarat, tamen in Hepate repertus est abscessus, unde id? forte eodem modo quo in vulneribus capitis. *Gal. Ballonius appendice libelli de Convulsionibus.*

§. 3. Paulus Marquardus Slegelius observavit omnes illos qui ex vulneribus Hepatis mortui sunt, conquestos ante obitum de dolore lienis aut hepatis, atque in cadaveribus illorum semper invenit abscessum Hepatis, quem per transumptionem fieri arbitrabatur, quia tunc temporis vulnus plane siccum conspiciatur, & inter lethalia signa certissimum putetur. *Velschius Episagm. Observ. med. 56.*

§. 4. Dicunt quidam se observasse in plerisque eorum qui à vulnere capitis insigni interierunt abscessum in concava Jecinoris parte: atque id à plerisque Chirurgis observatum esse scio. *Ballonius loco supra citato.* Quæ ratione id contingat quæstione dignum, Ac præter ea quæ ex *Ballonio* & *Marchetti* adducta sunt, in considerationem adduci merentur quæ affert *Vallesius* comm. in sect. 2. lib. 6. Epidem. p. m. 595. de vario humorum motu sursum aut deorsum, unde generatio Abscessuum. *Quum sunt venæ temporum non subsidentes*, inquit Hippocr. *sed tamida, neque color splendidus, & difficulter redditur spiritus, & adest tussis sicca non ferina, expectare oportet abscessus ad articulos*: Dices hæc signa esse raptus humorum in superna, igitur capiti timendum esse potius? certe ita est, significant hæc rapi sursum humores, quibus proinde si accedat aliquod aliud pernitiosum, eorum quæ convulsionem aut dementias solent præmonstrare, capiti timere oportet: Si vero nullum horum accedat, expectare oportebit parotidas, aut abscessus ad articulos, superiores quidem plerumque, nonnunquam tamen etiam inferiores: Non raro enim qui in caput ferri cœperunt humores, inde percussii retrocedunt in partes humiliores; Neque mirum cum dictum sit sect. 5. lib. 2. Si caput doleat in pectus descendit, deinde in hypochondrium, deinde in coxam.

§. 5. Quidam in capite graviter vulneratus, cum non sine vitæ periculo evasisset, post menses aliquot icteritia, duritie cum dolore in regione hepatis laboravit, &c. obiit vero ille eodem die.

In dissecto capite nullum vitium apparuit, Hepatis vero substantia fere tota absumpta, ipsiusque loco putrilago, &c. *Videlib. 3. tit. de Hypoch. doloribus.*

## OBSERVATIO XVII.

*Oculi dextri Vultus lethale, ob læsum cerebrum, quod dextra parte purulentum, sinistra pituita serosa plenum. 1. Ob cerebellum simul læsum. 2. Externi oculi anguli, ob læsionem cerebri. 3. Palpebræ inferioris, lethale citra ullam aliam noxam. 4. Orbitæ superioris ob sequutam meningis & cerebri corruptionem.*

§. I. Vidi

§. 1. **V**idi juvenem annorum viginti, faucium oculo dextro, fracta orbita, à primo statim die *apavor*, convulsus dextro brachio & femore per XI. dies, tandem interiisse :

Dissecto capite cerebrum dextrum totum fuit purulentum, sinistrum plenum serosa pituita. *Ballonius libello de convulsionibus. p. 37.*

## S C H O L I A.

**G**alen. comm. in aph. 2. sect. 5. Convulsio ex vulnere lethalis, Ex vulneribus, *ait*, fiunt convulsionones ratione sequentis ipsa vulnera inflammationis, cum partes nervosas attigerit, & primum convelli videntur quæ è directo sunt partium inflammatione laborantium, deinde postquam cerebrum, quod principium est, attigerit inflammatio, ad totum

extenditur corpus, Et comm. ad part. 2. lib. 1. pro-  
rhet. Ut in externis partibus affectiones incipiunt, & non totæ vel inflammantur vel intument, ita cerebrum cum insignem magnitudinem habeat, multæque nervorum propages, phlegmonem ejus alias ab aliis incipere oportet : quæ verò parte affecta fuerit, & nervorum propages attingi convenit. *Idem.*

§. 2. Famulus nob. de Montespan Gondrin, Tolosæ, in orbita sinistra oculi ense sauciatus fuit anno 1636. Existimans autem vulnus parum penetrasse, emplastrum diapalmæ tantum admovit, quo admoto, non solum spatium duarum leucarum ambulavit, sed etiam cum sociis genialiter vixit, ac si sanus fuisset, nullo enim dolore agitabatur, tamen crastina die mane mortuus repertus fuit.

Aperto cranio, perceptum est manifestissime vulnus orbitæ ad cerebellum penetrasse: *Petrus Borellus Observat. 19. cent. 2.*

## S C H O L I A.

**F**eliciores successu palpebræ sinistrae offensam, quæ ad membranas & cerebrum ipsum transit, sanatam fuisse refert Idem Observ. 18. Trepano, *ait*, fronti chirothecarii, qui ictum passus erat prope palpebram sinistram, admoto à D. *le Iuis* Chirurgo Pa-

risiensi, non solum membranarum cerebri, sed & ipsius substantiæ corruptæ portio apparuit, quæ ab eo ablata & separata fuit, & tamen æger curatus remanuit.

§. 3. *Ioh. Beckler*, homo sanguineus, ad iram pronus, aliquando cum Nob. puero gladio obtuso pugilum more contendebat, cumque puer Becklerum sub oculo sinistro leviter vulnerasset, vulnere solam palpebram inferiorem penetrante, oculique exteriorem tunicam parum contundente; Ille sive ira percitus, sive dolore victus, abjecto gladio humi procumbit: in lectum delatus nihil loquitur, post aliquot vero horas fortissime *Epileptico paroxysmo* correptus obiit.

Post mortem ablato cranio, examinatoque diligentius vulnere, nulla læsio, præterquam quæ exterius videbatur, deprehensa fuit. *Iohannes Matthæus Observat. Med. casu vij.*

§. 4. Oculi lethale vulnus in cive quodam hic vidi, qui gladio acuto, ad extremum dextri oculi angulum vulnus, salvo oculo, per orbitam, qua nervus opticus oculum ingreditur, in cerebrum usque profunde penetrans accepit, unde vasis passim discissis, magnæ sanguinis copia in cerebrum effusa reperta est: E quo vulnere ipse apoplecticorum more statim attonitus concidit, & circiter horam nonam postea mortuus est. *Sennertus præf. lib. 3. part. 4. cap. 3.*

## S C H O L I A.

**N**otandum de vulneribus ad cavitates quæ sunt inter utramque calvariae laminam super oculos penetrantibus etsi non sint lethalia, quod cerebrum non attingant, difficillime tamen ea sanari, & plerumque in fistulas & ulcera cacoethica transire: quia colligitur in iis materia, nisi Chirurgus peritus

& diligens sit) quæ putredinem contrahens, ossa & cartilagine corrumpit: cum oculis vero ea est asinitas, ut materia purulenta ex vulnere ad eas cavitates defluens, acrimonia acquisita in conjunctivam decumbat, & oculi *opthalmum* efficiat.

§. 5. Quidam vulnus acceperat cum tridentis acuto radio in superiore dextri oculi palpebra, sub ipso supercilio, oculi bulbo haud læso: exigui momenti vulnus habitum, cito quoque in palpebra coaluit: Interim vulneratus sopore correptus fuerit: Adhibita fuerunt multa capiti remedia, non etenim ex tam exiguo vulnere, sed alia ex causa putabantur talia supervenisse accidentia; cum vero nullis remediis affectus cederent, superveniens noxius *Sapor* vitæ finem fecit.

De causa mortis cum dubitatio esset & conjectatio primum, exemptus est oculus, atque tunc compertum radium non tantum palpebram vulnerasse, sed ulterius progressum os illud penetrasse, quod cavitate sua oculi bulbum continet: Exempto vero & frontis osse, apparuit durior membrana & vulnerata & sanguine multo perfusa, jam corrupta cerebri proxima vulnere substantia ac vitiata, quæ procul dubio exitii causa. *Des. Jacotinus comment. ad aphor. 3. lib. 1. sect. Coacar. Hippocr.*

## S C H O L I A.

**H**ippocr. 1. *Protrb.* statim in initio, & in Coacis *pianot.* querit an hic affecti phrenitici sint?

*Qui soporosi, inquit, inter initia sunt, cum capitis, lumborum, præcordii, collique dolore, vigilantes, nunquam phre-*



*phrenetici sunt?* Respondet Gal. in comment. phreneticos, nō appellari (proprie sc.) nisi febricitet æger, continuo deliret, ac continuate dementiæ, quodque simul cum febre fiat phrenitis agnosci: Phreneticos tamen & hos esse, qui soporosi existentes sapiunt, sed & delira quandoque loquuntur, atque à præsentibus expergefacti stupefactis similes videntur, & tales quidem fuisse de quibus Hippocr.

Epid. lib. 3. Sect. 3. sic scribit, *Itaque phreniticorum quisquam insaniuit, ut in aliis, sed alia quadam in somnum delatione capite gravati moriebantur*, ex quibus apparet hunc cui punctum os lætum phreniticum dici potuisse, cum ex ipsa excitatus mox in soporem relapsus, subinde ad interrogata rectè responderit, quandoque vero aliena. *Idem.*

## OBSERVATIO XVIII.

*Vulnus Nari & Genæ inflictum lethale, ob relictum ferrum vulneris causam.*

**A**Nno 1606. quidam mulquetum exoneravit, crepante tubo pars ejus sex longa pollices, sesquidigitum lata, per narem ultra auriculam sub pericranium ipsi adacta: quod cum Chirurgus, etsi senex, non animadvertisset, narem genamque contiguam contigit, ferro secante intus relictō: dum illi medetur, quoties faciem tangit, sanguinis plurimum, ferro acutissimo carnem scil. scindente, emanabat:

Nono die mortuum (nec enim vivum vidi) visens, sectis à Chirurgo futuris, cum illum rasorii apicem frangentem viderem, admotis digitis ferrum adduco: hunc educto ferro, vel potius ferra, curari potuisse certissimum est: Insano enim enim dolore & nimia hæmorrhagia enectus est. *Henr. ab Heers Observ. med. viij.*

## OBSERVATIO XIX.

*Vulnus Brachii lethale ob sequutam gangranam & subsistentem globulum plumbeum intra os humeri. 1. Ob vitiosam viscerum constitutionem. 2. Punctura Brachii lethalis ob læsum cum vena nervum. 3. Carpi vulnus lethale ob arteriam substratam per longitudinem divisam. 4. Vulnus interni brachii lethale, ob profusam hæmorrhagiam, Vbi de viribus aquæ stypticæ. 5.*

§. 1. **C**Um obsidione premeretur Rothomagum anno 1562. Navarra Rex globulo plumbeo è sclopeto emisso in humero vulneratur: mox curæ commissus fuit, & Mag. Gilberti, ejus Chirurgi Montpelienfis, & aliorum: globulum, quanquam sedulo exploratè, reperire non licuit, unde conjectura assequutus sum eum per caput ossis, hujus cavitatem subingressum esse, unde imperscrutabilis esset: Plurimi corporis cavitatem subiisse, ubi delitesceret, affirmabant; Quæ sivit à me Celsiss. Princeps *A Rape Suryon* num vulnus esset lethale; quod affirmavi, eo quod vulnera quæcunque majoribus artubus inflicta sunt, maxime si contusa sint, ex omnium sententia, exitiosa sint: Cæteris Chirurgis, & ipso Gilberto, sanationem spondentibus, consultatio facta jussu Regis, Reginae matris, Eminent. Cardinalis Borbonii, Ægri Fratris, & aliorum: nullus eorum à prognostico recessit, quæ causa fuit ut dictus Princeps, in cujus benevolentiam deveneram; pertinaciam objecerit, quod solus cæteris obluatarer: Respondi, si forte sanationis signa deinceps illucescerent, me quoque cæteris assensurum: Plures dehinc institutæ consultationes, sed opinionis tenax fui, gangranam semper prædicens brachii, quæ revera successit, actandem obitus xvij à vulnere die.

Nuntiata Regis morte dictus Princeps *A Rape Suryon* globulum inquiri jussit, ejusque mandato lubenter parens, asserui sine magno labore illum me reperturum; quod plurimis præsentibus factum: Ipsam cavitatem ossis, humeri parte superna, subintrarat, quem dictus Princeps Regi & Reginae exhibuit. *Parvus Apologia p. m. 1221.*

§. 2. Quidam vulnerati fuere in partibus ad vitam non necessariis, qui tamen mortem obiere, vel ratione constitutionis temporis, vel cacochymia redundantis, & ad partem læsam confluentis, vel aliarum causarum: Revera eadem tempestate, eodem anno, imo die, multis æque periculosa inflicta fuere vulnera; contingit tamen ut qui gravius fuere vulnerati, imò morti adjudicati, aliquando evaserint; sublata admirationis causa post cadaveris apertionem, nam præter vulnus alia mortis causa manifesta se exhibuit: Id recens contigit Nob. du Bellay, Baroni in Touarcé, Regi d'Ivetot, qui sclopeto in brachio sinistro ictus prope Rothomagum, fracto cubiti osse, quanquam vulnus rite fuerit ad digestionem perductum & mundificatum, ac caro laudabilis, rubra & granulata gigneretur, nulla intemperie & charactere naturali brachii, tam supra quam infra vulnus, contigisset mutatio, nulla accessisset phlegmone, pauca vel nulla febris, nihilominus xx. à vulnere die domum delatum febris maligna & ardensprehendit, tricesima die lethalis, industriam & curas doctissimorum Medicorum, inter quos eminebat Dominus Ambrosinus Medicus Regius, nulla in parte vulnerata, vel in ipso vulnere superveniente, præterea vitiosa constitutione.

Aperto cadavere pulmones deprehensi sunt omnino purulentiae scirrhusis tumoribus referti, Ren dexter putris cum puris copia in vesica; à quibus non à vulnere mors pendebat. *Jacobus Guillemeau operum p. m. 8. 2.*

§. 3. Ante annos aliquot Sartoris cujusdam Argentoratensis uxor venam sibi brachii dextri secari curans; puncturam nervi à Barbitonsore passa est: subsequuti statim sunt dolores acerbissimi, qui nullis placari poterant remediis: supervenit phlegmone ingens, deinde spasmus; tandem doloribus, vigiliis & inediis enervata, incidit in convulsiones epilepticas, & foetu mortuo (erat enim gravida) excusso, diem suum obiit extrema septimana:

Ex brachio, quod erat abbreviatum, & in tumorem insignem, eumque laxum & mollem, & qui prementibus digitis cedebat facile, foveasque admittebat profundas, aperto, maxima serosi humoris copia effluxit, grumi quoque sanguinis plurimi, ilque putridi & foetidi, convulsionum procul dubio causæ, à dissecatore extracti: *Bernardus Suerus de inspect. vulnerum lethal. & sanabil. parte 1. §. 2.*

## S C H O L I A.

**P**uncturam nervi &c. ] Anno 1669. Charissima conjugi Joh. à Spanheim. à venæ sectione totum intumuit brachium, subito prius tumore ad magnitudinem ori columbini circa puncturæ locum: dolor erat ingens cum contractionis metu, extendere enim brachium non valebat: multa tentata sunt præ-

sidia, sed hoc unum profuit, stillicidium scil. sanguinis equi è vena pettula, à quo statim explicare valuit brachium cum remissione doloris: Ad discussionem tumoris, in loco icti superstitis, admovi emplastrum ex gummi elemi, cujus ope intra octiduum penitus disparuit.

§. 3. Nob. Germanus anno 1645. in singulari certamine acutissimo gladio in carpo manus dextræ vulneratur, ictu versus cubiti flexuram tendente: Diu prostratus jacuit, in pago semihoræ spatio ab urbe distito: Interim multus profunditur sanguis, qui cum impetu & saltu exiliebat, unde de læsione arteriæ constabat, urbem semianimis deferretur ob enorme sanguinis effluvium, cura tamen sedula trium Medicorum, totidemque chirurgorum vita ad xv. prorogatur diem.

Ad aperto post fata brachio, inventa est arteria secundum longitudinem divisa, ad quinque digitorum longitudinem: hinc cum adhibita enæma osculum tantum arteriæ apparens attingerent & obturarent, hiante reliqua fissura, non mirum universum sanguinem hac via exitum affectasse & letho fores aperuisse.

§. 5. Notissimus hodie liquoris illius Stypici usus, quam Gallus ante triennium per Europam circumtulit, ubere ob divenditum hinc inde secretum marsupii proventu: Est sane cur inventum laudemus in vulneribus, cæsim inflatis, sed in punctim non perinde experimur utilem, Quin & in hæmorrhagia narium compescenda sæpe inutilem deprehendi, scil. quoties ora vulneris ubique attingere licet est suus ipsi honos, cæteroquin habescere vel quod sequitur exemplum clare docuerit.

*Joachimus Nichel*, civis noster, in duello faucibus, ictum gladii excepit interna brachii dextri parte, paulo supra cubitum: penetraverat autem ferrum largo & profundo vulnere ad ipsam usque alam, fissa quoque, quemadmodum postea constitit, arteria, vocatus Chirurgus familiaris *C. Vrsledius*, ex arte vulnus tractavit ad xi. usque diem, ambiguus tamen futuri ob ichorem tenuem & sanguinolentum quotidie profluentem, nullo puris laudabilis indicio: Sed ecce xi. die improvise tanta vis arteriosi sanguinis subito prorupit, ut æger in deliquia ageretur, & in metum Chirurgus, scil. grumus sanguinis, qui jam ante hiatum arteriæ malefido obice clauserat, nunc demum in pus conversus laxaverat januam exituro cruori: Accersitus ego, tentatis jam frustra aliis, quæ ratio & consuetudo in simili casu suggererant, propono aperturam vulneris ad usque locum male affectæ arteriæ, sed renitente ægro ventum ad aquam stypticam, quæ per aliquot dies subinde injecta licet bis reverterentur immensæ illius sanguinis profusiones, novissime tamen stetit rivus in articulos omnes artis exeunte, qui una adfuit *Ph. Hacquardo*, cui artificium conficiendæ aquæ illius stypticæ jussu Regio crediderat Gallus, visus sibi tum defunctus periculo æger, mo omnia alia suspicante, tum ob superventum ardentissimæ febris, tum ob respirandi iter angustius. Quid plura? succedunt spasmi, tumores brachii, & in manu summi dolores, xviii. die obiit æger, laudatur nihilominus aqua styptica, quod egregie fecisset officium.

Aperitur jussu Magistratus cadaver, ut de causa mortis constet; mirum dictu, deprehenditur arteria adhuc quidem aperta, sed via quam gladius fecerat, circa arteriam grumis ab aqua styptica generatis obsidetur quo minus cruorem profundat: Interea postquam arteria per vulnus obstructum nihil posset effundere, memor tamen sui officii alio derivarat sanguinem, scil. vicinorum muscutorum interstitia oppleverat omnia, nec eo contentus liquor proserpserat ad usque medium pectoris: namque inter costas, sternum & pectoralem muscolum dextrum, inventæ nobis vel tres libræ corrupti & foetentis jam sanguinis, unde asthma, febris, & denique mors ipsa pependerunt. *D. Olavi Berrichii in Actis Med. Exc. T. Partholint ann. 1674. 1675. & 1676. p. 78.*

## OBSERVATIO XX.

*Inguis vulnus intumescens totius corporis sequuta.*

§. 1. **R**obustus juvenis nocturnis horis à duobus ebris circumvenitur, punctumque gladio duobus locis transfigitur: Primum vulnus prope claviculam dextram antèrius inflictum, an ad thymum, vel jugulum, vel pulmones penetraret, non facile dijudicavimus, conciderant enim labia vulneris, nec stilus profunde adigi poterat, Posterius vulnus alterum prope scapulam sinistram thoraci adactum, stilo persequentes, intercutaneum deprehendimus: Sanguis expuebatur, difficultas spirandi urgebat, *in- morque* non faciem solam *invasit*, sed *universum corpus* reliquum, quod velut spongia vento plena, quocunque tangebatur, palpantibus occurrebat: Postridie venæ sectionem suasi & inunctiones ex carminativis, quibus nonnihil tumor remisit, sed cum profundo suspirio per vices rediit, semperque de sinistri magis lateris dolore quam dextri conquestus, sicco vulnere & solidationem urgente, donec 14. die anhelus exspiraret.

In dissecto cadavere, cætera sano, nullum vulnus profundum invenimus, nec ullam partem internam læsam observare potuimus: Sed ingens copia materiæ purulentæ candicantis, in sinistra cavitate thoracis, instar empyematis profiliit, sine insigni fœtore, quæ aliquot mensuras nostras facile implevit, & diaphragmati incumbens respirandi difficultatem & dolorem ejus partis auxit: sinister pulmo inusitatæ parvitatæ, sed cætera sine manifesto vitio: Ex pericardio crassissimo pus quoque emanavit: *Thom. Bartholinus cent. v. histor. xij.*

## S C H O L I A.

**H**inc dubium, an ex vulneribus homo perierit, an potius ex apostemate thoracis interno, quod forte in conflictu ruptum fuerat: Nullus alioqui sanguis extravasatus inventus, paucus in corde & pulmonibus, nisi hinc in thoracem destillavit & in pus postea sit convertum.

*Tumor universum corpus invasit*] In hujusmodi vulneribus quomodo inflatio corporis sequi possit, inquit *Smetius* lib. 10. Miscellan. p. 541. Juvenis quidam, *ait* Lambertanus ex conflictu subter axilla dextra, ad musculi brachium adducentis insertionem, vulnus acceperat, quod punctum enit angusto illatum, inter tertiam quartamque costam in pectoris cavum usque penetrarat: Postridie vulneris accepti, manè toto corpore turgidus & tumefactus apparebat, toto nimirum thorace, dorso, ventre, ictero, nec minus collo, humeris, brachiis, imò vultu & vertice ipso, adeo ut ne palpebras quidem aperire posset: Tumor eratensus & cum dolore non parvo, distensus nempe nervosis fibræ, quæ cutem carni alligant, sensumque præbent: Hujus insolentis monstruosi symptomatis causam deprehendi efflationem pectoris, per vulnus axillare obstru- ctum, subter cutem accidentem, quomodo vide-

mus vesicam recentem flaccidamque inserto calamo per flatum intumescere: & licet laniones pellem ovillam, antequam & quo facilius deglubant, flatu distendere alicubi solent: Linimentis discutientibus intra 4. aut 5. dies evanuit tumor. Similem historiam narrat *P. Estanove* apud *Riverium* cômunicatarum observationum prima: & *Sennertus* Pract. lib. 3. p. 6. sect. 2. c. 4. rationem à *Smetio* allatam clarius explicat, pulmo *ait*, respirationis organum est, per quem fuligines e corde expelluntur & aer attrahitur, quæ actio pulmonis substantia integra & valis omnibus salvis recte perficitur, & aeris ille comneatus est ad cor & fuliginum à corde: si vero pulmo vulneretur, & simul inter musculos duos, vel musculos & cutem aëri via pateat, quod in utroque vulnere factum: aer, ut debebat, non recta per os & pulmones ad cor transit, neque rursum fuligines recta e corde ad os, sed aer e vulnere, quasi e folle, in spatium inter cutem & musculos inflatum, & hinc porro in vicina penetrat: Etsi catarrhi ac serosi humores à capite sub cutem totum musculosum genus pervadere, & per collum ac dorsum ad crura usque & pedes penetrare possunt, cur non & aer ac spiritus flatulentus idem facere possit?

§. 2. Simon Ibsen in platea urbis nostræ 1660. punctum per pulmones vulneratur, primo die insequenti pectus intumuit, altero abdomen quoque: tertio die, qui vitæ ultimus, universum corpus.

Vulnus in cadavere deprehensum fuit tale, gladius punctum inter quintam & sextam costam lateris sinistri penetraverat per diaphragma: quo vulnere ventriculus & pars aliorum viscerum, & lientis portio in thoracis cavitatem pervenerant, ventriculus ipse vulnerantis gladii injurias sentit: Sinister pulmonis lobus perforatus, vulnere supra cor ad rectum pulmonem pertranscunte & 3. costam perfodiente. *Idem cent. 6. hist. 89.*

## S C H O L I A.

**N**empe flatibus abundat corpus, quibus etiam sanguis impletur & tumet, hic vero per pulmones eructat suos flatus, quibus in respiratione inflantur, ac si vulnerati pulmones non apti sint excipiendis flatibus & separandis, hi resistunt in corpore & in tumorem elevant: hinc 1. lætionis die,

quia robustiores adhuc pulmones, plerumque pars tantum corporis superior intumescit. Fortan tamen tumet corpus, quia pulmonibus lætis circulatio sanguinis tardatur, unde friget corpus, flatibusque genitis intumescit. *Idem.*



## OBSERVATIO XXI

Thoracis vulnus lethale ob copiam sanguinis in cavitatem illapsi, illæsis pulmonibus 1. 2. Ob Diaphragma perfectum, per cuius hiatus intestina thoracem subierant 3. 4. Ob pertusum Diaphragma & Pulmones 6. Lateris dextri, ob læsum Diaphragma & Hepar 6. Ob Diaphragma perfossum, per quod ventriculus in thoracem viam sibi fecit. 7. Ob partem Diaphragmatis carneam per cuius hiatus Coli pars irrepsit 8. Ob pertusum Diaphragma, per quod ventriculi & coli pars thoracem ingressa. 9. Ob perfossum Diaphragma, Hepar & Ventriculum juxta pylorum. 10. Paracenesin Thoracis mors sequuta ob læsum pericardium. 11. Vulnus lethale ob leviter læsum Diaphragma parte carnosâ. 12.

§. I. **D** Om. de Montgeron inter 4. & 5. costam vulneratus fuit, & pugio quidem rectè adactus erat, & mediastinum penetraverat, dein paulum inflectendo oppositam pene partem attigerat, & minima etiam sectione sedes ipsius pugionis indagari poterat, & fluenti sanguini, deinde suppresso exitus parari, ac si contraria & opposita fuisset apertio: Sed ut sæpe summorum virorum, & fiduciam rerum magnarum habentium, cæcitas est maximæ, etiam in rebus minimis, quod ratio, quod tactus, quod tumor quidam eminens principio dictitabat, nimirum fieri debere eo loco apertionem, id differtur, negligitur, tandem necis occasionem allaturum: ingens fuit hæmorrhagia, insignis alicuius rami venæ αζύρου cæsi argumentum: Jussus omnino quiescere, nulla tussis pene toto morbi tempore, difficultas spirandi exigua, poterat in utrumque latus dormire: Quidam ex Medicis volebat experiri num alacer esset in se erigendo, jubebat ut æger paulum se erigeret, maxime ut detegeretur num aliquid in capacitate esset, quod motu ipso deprehenderetur: Sed ut inter pares invidia facile se jactat, aliis id non placuit, maxime verò quod ejus opinionis authores primi non essent, & tamen id ad explorandum maxime fuerat opportunum: Post 4. diem initum consilium (quoniam vulnus ad cicatricem tendebat) super iis quæ ad vulnus attinent, num tuto sinteretur claudi, an verò dilatandum foret, an omnino claudendum, divisæ fuerunt sententiæ: Alii omnino debere claudi censuerunt, quod multum sanguinis & spiritus effluxisset, quod nil alienum videretur in capacitate contentum; quod Galeni & Guidonis consilio vulnera thoracis primo quoque tempore ad cicatricem essent ducenda, alioqui fistulæ metum esse & sphaceli alicujus, aut syderationis in pulmone, qui alioqui alieno aëri & externo assuetus facile affici alterarique posset: Naturæ negotium dandum, viam esse ad os, ad urinas aut intestina: Pleuritides beneficio naturæ transumpta exuctaque materia curari: Alii contra nitebantur, suspecta esse ægri bona & præter rationem allevationem: Insigne vas incisum, sic non esse probabile ut intra quattriduum clauderetur, *Formidabilem esse cicatricem externam*, quod cum pars interna sit membranosa, proptereaque amplius vulnere diducatur quam carnosâ, & tardius coalescat quàm ipsâ carnosâ, metus sit ne falsa opinione internæ membranæ ad cicatricem perductæ, præter opinionem vulnus refricetur & refringatur: ac tum forte non amplius locus erit pyulco, aut evacuationi suppressæ saniei: Dicebant nihil referre si bene habere videretur primis diebus, sed expectandos alios dies criticos, & quid serus vesper traheret: In his vulneribus tuta omnia timenda esse, Non metum esse debere fistulæ nisi vulnus consenuisset. Non ita metuendum esse ab externo aëre, quod plus detrimenti esset, affuturum à suppressa sanie aut pure quam ab externo ambiente: Et quod dictum est naturæ opus committi debere, & alias tutiores vias confinxisse naturam contra dictum novercam & brutam esse naturam, & aliquando veluti consulto pus & saniem ad tempus servare, quod cum commodè excerni non potest, repentinâ mors obtingit: Sic satius esse cum vulnus hiet & pateat, si quid alienum sit, illac expurgare, quam aut novas vias comminisci, aut oclusum obseratumque vulnus denuo aperire: magna enim esset ignorantie suspicio, & juncta crudelitatis opinio, imo & tutissime fieri illo loco, & vulnus patere affirmabant, & locum esse idoneum sectioni in purulenti: Qui præerat, omnia sic moderari voluit, ut utrique parti abblanderetur, at istæ blanditiæ & temperamenta ægrum perdidit, desitum est vulnus cicatricem contrahere, triumphus ante victoriam canebatur: Porro supprimitur sanies in thorace multa, febris perseverat, alvi profluvium, macies, tan levis repente difficultas spirandi, *πρυξ* & inde mors: hæc contigit circa 33. diem à vulnere.

Apertum cadaver, 3. aut 4. libræ sanguinis saniosi in capacitate thoracis inventæ sunt: Corpus ipsius Pulmonis non erat vulneratum, sed tamen per ichoris contagionem erat

velut tabo infectum: & membrana succingens erat siderata: mirum quod toto morbi tempore nulla pene tussis fuit: Si tantula pars humoris pleuritici facientis tussiculas infert, cur non tanta sanici pars in thorace & circum mediastinum suppressa? Nullus dolor lateris, nullum sputum cruentum. *Gal. Ballonius Paradig. m. 1. & Consil. xxij lib. 11.*

## S C H O L I A.

**F**ormidabilem esse cicatricem externam ] Qui thorace vulnerantur, exteriori parte sanescunt, interiore vero non, suppurati fiunt: & si interiore parte cicatrix infirma est, vulnus facile refricatur supra cicatrice *Ballonius.*

*Vulnus refricetur & refringatur ]* In thorace, & frequentius in pulmone arescit sanies, & calore in

crustam versa cicatricis falso credita imagine nobis imponit, donec ob thoracis motum & partis molliorem, levissima occasione excussa crusta, vulnus re-  
crudescat: Si interna & externa pars simul sanescat, evadunt; si simul interna & externa, & cicatrix debilis fuerit, vulnus iterum aperitur. *Ballonius.*

§. 2. Idem contingit alteri xgro Andegavensi, licet enim ingens copia materiei in capacitate thoracis contineretur, nil ore rejectabatur, nulla molesta tenebat tussis, quod mirum est, & forte eius rei ratio difficilis ad agnoscendum. Licet quotidie per vulnus fluere fere sanguis saniosus, tantum quantum continere poterant decem vascula quibus Tonsores in phlebotomiis uti solent: Incredibile dictu quantum intra dies novem sanguinis impuri per vulnus emanaverit: Insigne enim vas erat vulneratum &c. *Gal. Ballonius consilior. lib. ij cons. xxij.*

## S C H O L I A.

**S**uppresso exiens parari &c. ] Suppuratos incidimus vel urimus inter 5. & 6. costam, non procul a transversis vertebrarum processibus, eo enim in loco facilius colligitur materia: Ustio autem fieri debet ferro ad cultri formam facto, excepta cuspidate: Itaque instituenda est ut exteriorum intercostalium musculorum fibræ transversim incidantur, & interiorum fibræ mancant illæ: Facilius enim

curatur vulnus externum quam internum: Hoc olim Lugduni fieri vidimus: Inde pus per syringam extrahendum est, nam propter crassitiam sponte sua non efflueret: Sub costis secundum longitudinem parvi canales existunt: qui venas, arterias & nervos recipiunt, quæ vasa ne lædantur dum suppuratos incidimus vel urimus cavendum est. *Johan. Posthius Observ. in Columbi Anat. p. 521.*

§. 3. Anno 1617. cuidam cultellus & longus & acutissimus inter 4. & 5. costam adigitur: curatur toto octiduo, à russi, respiratione impedita aliisque symptomatis liberrimus, ita ut ambularet muniaque domestica probe obiret: Die 9. cum Chirurgo & sibi sanus videretur, subito animo linquitur, & post apnoeam anhelationemque maximam, 24. hora moritur.

Seçto cadavere, inventa fuit costa nitidissime secta & diaphragma omnino perfectum, quæ causa fuit cur sanguine thoracis cavitatem non occupante, de respiratione non conquereretur: & quia diaphragmatis solutio continui erat strictissima, etiam ab illa parum incommodi sentiebat: inflammatione superveniente tenuia intestina in thoracis cavum irreperunt, pulmonemque & cor suffocarunt: etiam thorax, qua parte vulnus acceperat, gangranam contraxerat: In abdomine puris multum. *H. ab Heer Observ. xxv.*

## S C H O L I A.

**S**ine dubio huic moriendum erat, quis enim sectionem in abdomine, per quam intestina deorsum traheret, etiam si rei, quæ omnes latebat, gnarus esset, moliri ausus fuisset? Qua via pus in abdomine

collectum eduxisset? inflammatione fortia quæque eccoprotica, quibus solis pus, ut hydropicorum aquæ, in intestina trahi poterat, contra indicante? *Idem.*

§. 4. Alter erat Capitaneus: Huic glans manuario tormento emissa per sterni fines, juxta cartilaginem Xyphoidem subiens, diaphragmatis partem carneam transfodit; atque per interstitium, quod quintæ & sextæ costæ nothis interjacet, excessit, vulnere externa parte cicatrice obducto: restabat ipsi nihilominus ventriculi debilitas, ex quo intestinorum dolor, colico similis, sub vesperam, & de nocte præsertim exsurgebat: qua de causa cœnare ipse, nisi ad modum parce, non audebat: sed 8. demum mense, acrius solito sæviante per imum ventrem dolore, è vivis excessit, etsi ad minendam doloris acerbitatem nullum remedii genus esset prætermisissum.

Mortui cadavere dissecto, animadversum magnam coli intestini partem flatu multo turgidam, ipsi per diaphragmatis vulnus in thoracem irrepsisse, vulneris tamen amplitudo vix minimi digiti capax erat: *Idem ibidem.*

§. 5. *Henricus N.* proprio gladio se confodit infra costam quartam: vulnus pulmones & diaphragma penetrarat, quod transfossus in nerveo circulo: Pulmonis nihil fere repertum in sinistro latere confosso, quod cum pure exierit: ventriculus totus ascendebat in sinistrum thoracis latus, *Vide lib. 3. tit. de vomitu.*

§. 6. Miles quidam die 2. Martij, anni 1678. ex inflicto penetranti vulnere in octava costa dextri lateris: periit hisce symptomatibus: toto morbi decursu vix febricbat, calore mitissimo; non valde anxia spirandi difficultas; die sexta vermes vomuit, inde pulsus formicans, septima denique obiit: qua de re cum mecum verba faceret Eximius Anatomicus, Chirurgiæ Doctor Dominicus de Roy, firmiter asseruit palpabilem diaphragmatis & hepatis læsionem, quod ex situ vulneris necessario inferbat; Cum reverà ex reliquis signis internoscere nequiret: quapropter una cum Clariss. Medicis *Emanuele, Oselia, Revelio* & aliis, cadaveris aggredimur dissectionem, & dum epigastrii scrutamur viscera, primo hepar levi affectum intemperie ob vulnus satis profundum notavimus, simulq; vulneratum diaphragma, 2. Vesiculam felleam omnino vacuum. 3. enormem sed incorrupti sanguinis per abdomen extravasationem, à qua tamen nec minima contentarum partium alteratio.

## S C H O L I A.

**P**enetrantis vulneris situs, infalibilem detegebat hepatis & diaphragmatis læsionem: parum tamen varia congerit Galenus signa in Arte medicinali, quæ cum hic parum aut nihil conferant, non attingo: primo itaque

*Febris aderat levis, calore mitissimo*] Ratio est, quia valida Febris è fermentativa procedit commotione obviatum fermentum, quod vel intinè sanguineis intricatum particulis, illas ad invicem coagulat: vel adeo dissolvit ut in acres & malignos degenerent ichores, ideoque fortes febres ut plurimum sunt essentielles, & si aliquando symptomatice, ardentiores tantum sunt quæ a magnis gignuntur inflammationibus, cum sanguineæ & biliolæ res particulæ, inflammatae parti congestæ nonnullæ recirculanti sanguini miscentur, quæ fermentativa exagitatione insolentes succitant effervescantias: cum autem nullæ in illo aderant inflammationes, sanguisque extravasatus per abdomen fluctuaret, & reditus sanguini misceri nequirit, hinc est quod valida non invaserit febris, sed tantum levis ex solutione continui: Rarus extravasatus supra viscera sanguis, dummodo defixus alicubi non congeratur, si illa alteret, rigorificæ excitantur febres, ex fibrarum læsione, non vero exinius calor, uti in ardentibus. Hinc est quoque quando de sanguine extravasato ambigitur, præcipue in abdomine, si levis in febre rigor identidem invadat, infallibile iudicium quod alterantur partes,

*Secundo, extravasatus sanguis septem diebus incorruptus servatus*] Profecto nil communius, quod sanguis extra venas, sit veluti piscis extra aquas, quæ de se facultatem quandam sanguinis præservatricem venis assignavit nimis credula Antiquitas: extravasatum non semel vidi post septimum diem sanguinem, degenerantem tantum in colore, ex florido in atrum: Intertur hoc ex eo quod ut sanguis pus fiat, necessario aliquo includi debet loco, ideoq; suppurantia viscidula fore docet Avicennas cap. 28. lib. 4. sen. 3. tract. 1. non tam ut cutim constipent, sed ut humorem in loco magis coacervent, & coacervatos firmitus retineant. Hinc cum extravasatus sanguis per abdomen undequaque diffuset, ita citò non corrumpetur: Uterius, contentiunt Anatomici bilem ratione suæ amaritici sanguinem à corruptela defendere, quapropter cum bilis hoc in cadavere in cystim felleam non fuerit segregata, per consequens bile imprægnatus sanguis non ita citò subditus corruptioni: Cur verò nullum ex sanguine extravasato intigne symptoma? ideo quia nullam ex illo contraxere labein viscera, quæ alterantur in alteratione sanguinis, qui septem diebus incorruptus permansit: Unde symptomata ex sanguine extravasato non nisi postseptimam apparent, cum antea

non corrumpatur & partes non lædat: si verò citius aliquando se produnt in vulneribus signa, uti in abdomine vomitus, diarrhœa, mictio sanguinea, id ratione læsarum partium contingit, non verò ex sanguine extravasato.

*Tertio, vesicula fellea bile vacua*:] Hoc rarum, cum communis observatio, ex Clarissimo Glissonio mediocriter semper reperitur plena: arguitur nullatenus ex læsione hepate, quia cum sit ad segregandam bilis à sanguine, ex solutione autem continui, & intemperie, merito læsam sequi debuerat actionem, tantò magis, cum ramificationes quasdam cysticas disiectas ex situ vulneris posset dubitari: Vacua ergo reperta est cystis, non quia omnis in intestina descenderit bilis, alioquin inancem ferè semper in dysenterijs, & alijs alvi fluxibus inveniremus, Verum quia ab hepate non segregante, recipere nequibat per ramificationes cysticas, vel juxta nonnullos, per meatum cysticum, Nullatenus ex suppressa bilioli humoris sequestratione ulla apparuit ictericæ nota, quæ adesse necessario debuerat, Quod contigisse suspicor, quia ictericia provenit ex regurgitatione potius bilis in sanguinem, quam ex impedita illius segregatione; cum sit valde probabile, quod bilis ita flavescens & amara evadat potius in cystide, & non sit hujusmodi in sanguine, qui alioquin etiam amaresceret, unde obstructions in ictericis esse possunt in meatu potius cystico, quam in ramificationibus proprijs, per quas ab hepate bilem assumit, quæ nondum amara, dum in residua aliquandiu in cysti contenta miscetur, flavescit & amarescit, sicuti ex miscella vini in aceto fit acetum, & chyli in sanguine fit sanguis: turgida itaque bile cystis, dum evacuari tentat, descensumque in meatum cholidocum promoveret, cysticum repertiens obstructum, cogitur bilem evomere, & demittere per easdem vias per quas admiserat, cum hæcenus obstacula per valvulas non reperiantur,

*Quarto, Vermes evomuit sexta die, pulsus formicans septima obiit*:] Vermes evomuit, non mirum, quonia non extravasatus supra intestina sanguis, superfluo calore corruptivam inducebat in intestinis fermentationem, ex qua vermes, tantò magis cum bilis amara à cysti tellea in intestina non descenderet, si in vesica non colligebatur vicio hepatis; Hinc defectu amaritici in intestinis, facilius oriebantur vermes, credendum nullatenus aliquid per porum biliarium evacuatum fuisset in intestina: autem bilis fuerit, an diversus humor, certè per porum biliarium non tam bilis, sed omnia sanguinis recementa expurgantur, heparque organum est depuratorium non tantum bilis, sed excrementorum omnium sanguinis, quæ varijs in partibus secerni statuerat antiquitas.



*Pulsus semper parvus, inde formicans* ] Hoc ex paucitate contenti sanguinis intra vasa circulatoria, cum, major quantitas fuerit extravasata & non circulet; Unde cum parum sanguinis expellebat cor qualibet systole, parva per conseq. arteriæ dilatatio, & pulsus parvus; continuò autem difflebat sanguis

sensum in abdomen, hinc de die in diem minor reddebatur sanguinis quantitas in venis, ex qua pauci spiritus, denique pulsus formicans & mors. *Observatio communicata ab Excell. & Clariss. D. Dom. Joh. Baptista Fantono, Medico Taurinensi.*

§. 7. Cùm Diaphragma vulneratum est, ponderis sensus eo loci molestus est, delirium invadit, per nervorum qui à sexta conjugatione in diaphragma effunduntur sympathiam: dyspnœa, tussis & dolor acutus ægrum male habent, sursum illa convelluntur, adeo ut inspirationis vehementia contingat aliquando ventriculū & intestina per vulnus in thoracis cavitatem pertrahi, quod ego in duobus observavi: Horum unus Latomus, medium Diaphragma, qua parte nervosum est, transfixus, triduo post interiit.

Dissecto ventre inferiore ventriculū cum non reperirem, rem monstro similem arbitrabar; sed tandem anxie perquirens, raptum ipsum in thoracem animadverri, etsi vulnus pollicem vix esset latum: Erat, verò ventriculus flatu multo, paucò admodum humore distentus. *Parvus lib. IX. cap. XXX.*

§. 3. Studiosus quidam melancholia vexatus proprio gladio se confodit, vulnere intra 4. costam in thorace adacto, & sub nona costa in tergo gladio penetrante &c.

Mortui corpore aperto, deprehensum est vulnus per diaphragma & pulmones penetrasse, & quidem diaphragma transossū fuit in ipso nerveo circulo: Ventriculus verò totus ascenderat in sinistrum thoracis latus &c. *Vide historiam integram lib. 3. cap. de vomitu §. ex Sennerti pract. lib. 2. part. 2. cap. 15.*

§. 8. Francisco Dalon, Capitano ad Rupellam, glans manuario tormento emissā, per sterni fines juxta xiphoidem cartilaginē subiens, diaphragmatis partem carneam transfodit, atque per interstitium, quod quintæ & sextæ costæ nothis interjacet, excessit: Vulnere parte externa cicatrice obducto, restabat ipsi nihilominus ventriculi debilitas: Ex quo intestinorum dolor, colico similis, sub vesp̄eram & de nocte præsertim exurgebat, quæ de causâ cœnare ipse nisi admodum parce non audebat: Sed octavo demum mense, acrius solito sæviente per imum ventrem dolore, e vitis excessit, etsi ad minuendam doloris accerbitatem nullum remediū genus prætermisissim.

Mortui cadaver dissectum, animadversumque magnam colī intestini partem, flatu multo turgidam, ipsi per vulnus diaphragmatis in thoracem irrupisse, vulneris tamen amplitudo vix minimi digiti capax erat. *Parvus lib. 9. cap. 30.*

§. 9. M. lici cuidam gladius anceps paululum infra cartilaginē xiphoidem intruditur, dolor exoritur, ut & hæmorrhagia, maxima syncope obruit, respiratio intercipitur, singultus supervenit, inferior venter circa pubem plane gracilescit, supra umbilicū & circa thoracem intumescunt partes, loquelam amittit, ac in ipsa syncope moritur.

Aperitur corpus, invenitur ventriculi orificiū, & pars sinistra ejus, cum portione duodeni & colī intestini ad thoracem per vulnus (quod in ipso erat foramine, stomacho viam pro descensione ad abdomen largiente) delatum, ac inferior abdominis capacitas circa pubem sanguine abundabat grumoso. *Matthias Glandorpins specul. Chirurgorum Observat. 28.*

§. 10. Generosi juvenes, post enata jurgia, singulari certamine decertabant, factumque est ut alter alterum sub imam sterni sedem, trium digitorum latitudine à cartilagine ensiformi, versus dextrum latus gladio perfoderet: Nempe cum ille inclinato paulum antrosum pectore, dextrum latus aliquantulum obverreret, mucro pectus ipsum haud altè penetrans, mox deorsum in abdomen & sinistrum versus ad spinam usque adactus est: Idem lētus duas sterni cartilagines in dextro latere discidit, & deorsum vergens diaphragmatis ambitum perforavit: indeque recta tendens, gibbum cavumque hepatis, & ventriculū juxta pylorum iterum atque iterum perforavit, tandemque ensis mucro spinæ dorsi, paulo subter diaphragma, illisus est: *Invenis* quidem primum *animo defectus*, mox quæ in ventriculo erant, sed cruenti nihil, evomuit: & quod mireris magis, licet diebus septem superviveret, & interea quotidie vomeret, nihil tamen sanguinis toto eo tempore per os eiecit; per sedem verò noctu atque interdū *ingentem coagulati sanguinis copiam*, una cum alvi fæcibus profudit, quin etiam *enemata*, quæ in eum finem crebro indita erant, eodem semper plurimum tangebantur: Mirari itaque vehementer sumus unde nam sanguis iste profueret:

Dissecto autem post obitum corpore, omnia, ut jam dictum est, invenimus, nihil verò sanguinis in ventriculo ejus repertum est. *Gliston. Anatom. Hepatis cap. IX.*

## S C H O L I A.

**I** *Veneris animo defectus est* ] Vulnere hepatis, si majora vasa dilaceraverint, mortifera habentur, loque vel eo magis veri simile videtur, quod sanguis illa vase rapide percurrat: quapropter (preterquam quod fibræ transversim sectæ redinte gratiori ineptæ sunt) tria magna mala necessario eveniunt, 1. fit totius corporis debilitas, ob jacturam sanguinis, 2. vasorum fines aperti servantur, impediturque eorum coalescentia ob jugem sanguinis effluxum. 3. Sanguis in abdomen citius putredinem induit & gravia symptomata apportat, animi deliquia &c. acceditque huic inale quod sanguis ibidem stagnans ægre educi queat.

*Per sedem ingentem coagulati sanguinis copiam* ] Fit sæpe in vulneribus hepatis ut sanguis plurimum per alvum dejiciatur: Merito itaque querat aliquis, quonam ductu sanguis ille ad intestina pertingat? Crediderim sane in ejusmodi vulneribus, non solum venarum sed & pori bilarii ramos dilacerari: Imo vero fieri vix potest, ut ramus aliquis venæ portæ abscindatur, quin simul etiam pori bilarii pars proportionalis amputetur, siquidem in eadem communi capsula continentur: Preciso igitur pori bilarii aliquo ramulo (cui id officii à natura datum est ut bilem in ductum communem, indeque in intestina deferat) sanguis in eum decumbens, facile eodem curriculo in jejunum penetraverit: Natura profecto laessita, nova sæpe ac mira conatur, ut verissimi-

le omnino sit eandem in hoc casu per oscula poribilaria à vulnere hiantia, extravasatum sanguinem efferre.

*Nihil sanguinis in ventriculo repertum est* ] Hujus rei hanc causam fuisse arbitror, quod vulnera ventriculo inflata sanguinem omnem in abdomen effunderent, nullum autem in ventriculi cavitatem deponerent: Idque equidem credo libentius, quod aliter causa fontica asserri nequeat, cur nihil sanguinis in ventriculo repertum, aut per vomitionem ejectum sit: tum etiam quod ventriculi venæ inter externas, non autem inter internas illius tunicas prorepant; unde saltem constat fieri posse, ut vasa illa foras, non autem in cavitatem ventriculi sanguinem suum effundant: Denique quod in hoc cadavere, feri sanguinisque plurimæ libræ in abdomine repertæ fuerint, quorum pars aliqua è vulneribus ventriculi (foras non intro stillantibus) promanare potuit;

*Enemata sanguine tingebantur* ] Quid autem de intestinis dicendum est quæ sanguis glutinosus impleverat, præsertim cum de aditu nullo constaret per quem illuc pertingeret? Ego certè (si quis nunc meam sententiam requirat) sanguinem illum à vulnere hepatis, per vasa pori bilarii transversim scissa profluxisse arbitror, eo nempe modo quo jam diximus. *Idem.*

§. 11. Vidi qui thoracis muscolum inter 4. & 5. costas secturus (quamquam ego semper maluerim, longa experientia edoctus, intra 5. & 6. fieri, vel potius infra membranam quæ 6. infernè vestit) ipsum pericardium omnino persecuit (quod cadavere dissecto innotuit) unde leipothymia correptus, redeunte postridie Chirurgus, mortuus inventus est. *H. Heers Obser. Medic. xxij.*

§. 12. Vulneratus quidam Delphis à Chirurgo imperitiore, aut negligentiore saltem non adeo bene tractatus, etiam duobus vulneribus externe occlusis, sanie collecta in ventre & paulo supra diaphragma, tabe tandem consumptus obiit.

Facta incisione, viscera interna læsa non videbantur, nisi quod levis cicatrix, nondum tamen curata, in parte carnosâ diaphragmatis apparere videretur: Dubium erat judicium, utrum ex vulnere per se lethali, aut potius Chirurgi imperitia obierit. *Forstius Observ. Chirurg. lib. 6. Scholia ad Observ. iij.*

## S C H O L I A.

**S**epti transversa vulnera, parti nervosæ inflata, non ea solum de causa lethalia sunt, quod id continuo est in motu, quietem autem desiderant quæ sananda sunt, sed etiam quia nervosum est, nervosa autem corpora semel divisa, vix coeunt; ipsa ejul-

dem pars carnosâ vulnerata sæpius lethum infert; saltem difficilis gravisque est curatio, præsertim si jam phlegmone occupavit, quod in ea vulnera sanies defluat, quæ impedimento est ne labra solutæ unitatis invicem coalescant.

## O B S E R V A T I O XXII.

*Vulnera duo pectoris levissima mors sequuta. 1. Pulmonis, cui præcisus lobus; cum parte thoracis proxima coalescentia. 2. Vultus Thoracis sequutus Abscessus hepatis. 3.*

§. 1. **E**X mandato Prætoris Urbani jussi Chirurgi infra scripti examinare cadaver Fabri Illustr. N. qui non ita pridem vesperi gladio est vulneratus: Ubi primo inventa exigua punctura supra claviculam in dextro latere prope collum, & aperto corpore nihil prorsus ex interioribus læsum, quanquam & cor & pulmones extra-xerint, inventum: Sed cor valde tenue & exile, nec pulmones ea magnitudine aut robore naturali in sinistro latere secus ac in dextro: Præterea puncturam habuit sub sinistra scapula postica versus alas brachii, sed non penetravit: Alioqui reperta magna quantitas materiæ semicoctæ in pericardio, & sinistra pectoris cavitas ea materia fuit repleta: unde fluxerit ista materia certo sciri non potuit; neque dicere licuit hominem hunc ex duabus hisce puncturis mortuum &c.

Cen-

## Censura Medicorum.

**N**Os omnibus circumstantiis perspectis, duas istas puncturas lethales neutiquam fuisse pronuntiamus, sed quod collecta in pericardio & sinistro pectore materia potuerit ex aliis pulmonis internis affectionibus & morbis originem suam traxisse, sine ulla externa causa, sive punctura, cæsura, aliisque infelicibus casibus. &c. *Bartholinus Cista medica loculo 60.*

*Nihil prorsus ex interioribus laesum* ] circa penetrantia Thoracis vulnera accuratum requiritur Chirurgi judicium, ac notandum quod habet *Columbus*

lib. xv. Anatomia, Pulmonem, *ait*, in pluribus pleurae connexum vidi, nunc in altero latere, nunc in utroque: atque hæc pulmonum in nonnullis cum pleura connexio in cautia plerumque est ut Medici decipiantur, penetrantia thoracis vulnera nequaquam agnoscunt: quippe qui hoc Chirurgorum axioma putent, omne thoracis vulnus penetrans extra spirare: At in his quibus hæc pulmonum connexio cum membrana succingente contingit, possunt vulnere thoracem perforante laborare, neque tamen respirare vulnus cernitur.

§. 2. Petro Antonio infligebatur prope urbem Briellam ingens vulnus sub papilla sinistra, sed eo ob rumulentiam floccifacto, neque implorata alicujus ope, erupit post tridie ex hiante vulnere non exigua pulmonis pars, adæquans magnitudine sua tres transversos digitos: quod grave infortunium non promovit tamen hominem temerarium plagam hanc cura habere; Sed contulit nihilominus se satis inconsiderate Amstelredamum, bidui itinere inde distans, nec coercens pendulam pulmonis partem fasciis, nec implens vulnus linamentis, usque dum reficeretur in nostro Valetudinario, in quo illico imperatum emortuam pulmonis partem, filo prius constrictam, forfice excidere, coalescente residuo lobo in ipso vulnere; cujus oræ coaluerant firmiter intra diem xiv. ut vix quicquam impedimenti manserit præter levem tussiculam, interpolatis vicibus duntaxat molestam: Partem autem hanc lanci impositam vidimus pendere circiter tres uncias, grande me Hercules pondus in viscere tam raro ac levi.

Huic homini (velut ostendit sectio post sexennium ipsi adhibita) accreverat duntaxat pulmo in ipsa plaga, quocirca etiam nihil inde perceperat incommodi præter levem tussiculam, sed non ita molestam, quin potuerit cum illa non tantum quocunque locorum navigare, verum etiam continenter popinis ac comestationibus interesse, homo dissolutissimæ vitæ.

## S C H O L I A.

**N**on exigua pulmonis pars] Creditum hæcenus, ut non servatur cui pulmo medius vulneratur, ita utique vix restitui qualemunque ipsius plagam; sed usus qui omnium præceptorum superat præcepta, docet evidenter nihil hic trepidandum, sed caute decurrendam semitam, quam nobis prævivere veteres: Præcide (inquit Celsus) quicquid ex jecino-re, liene, aut pulmone extremo dependet; l. 5. c. 26.

*Filo prius constrictam*] Sed quorsum retentus præcisus pulmo in coalescente vulnere? Ne ex lateris retractæ partis venis fluere frequens sanguis versus septum transversum, eoque in pus conversio sequeretur inde misera illa mors, quam suo more recte innuit *Hippocr.* in Coacis prænot. asserens vulneris thoraci intincti, si quidem extrema pars sanetur, interna vero nequaquam, suppurationis periculum esse.

*Cujus oræ coaluerunt firmiter*] At dicat quis, an non vulneris oræ, amplexæ pulmonis extremum, impedire evidentiter hoc ipsum motum, excitantque propterea gravem spiritus difficultatem? Sed respondeo pulmonem paucis corporibus esse omnino liberum, sed plerumque agglutinati vel huic vel illi costæ: neque tamen propterea evidenter lædi respirationem, nisi accreverit ubique locorum, quod incommodum non semel videre theatra Anatomica. *N. Tulpus Observ. lib. 2. cap. 17.*

In quodam qui pugione vulneratus erat, tamen in internam capacitatem vulnus circa nothas costas, qua pertingit diaphragmatis extremum, non penetrarat, tamen in hepate repertus est abscessus, unde id? Forte eodem modo quo in vulneribus capitis. *Ballonius lib. de convulsionibus.*

## OBSERVATIO XXIII.

**Pectoris vulnus lethale ob Cordis simul & Aortæ lesionem.** 1. Ob sinistram cordis ventriculum laesum. 2. Ob discissam arteriam venosam, paulo supra auriculam cordis sinistram. Obitus Henrici Magni IV. Galliarum Regis. 3. Ob transfossos Pulmones & vasa cordis majora in basi læsa. 4. Ob cor discissum. 5. Ob cordis ventriculi dextri lesionem, illæsis Pulmonibus. 6. Ob cor trajectum, quinto die lethale. 7. Ob cor ad dextrum usque finem laesum. xv. demum die lethale. 8. Biduo post lethale ob cor laesum ad ventriculum usque dextrum, & aliud vulnus diaphragma, ventriculum & hepar penetrans. 9. Ob basin cordis, ejusque conum globulis duobus transverberatum, & brachij vulnus. 10. Ob laesum Pericardium ad cordis usque substantiam, & Pulmonum lolum. 11. Ob vulneratum cor & pus in pericardio diu contentum. 12. Vulneri Thoracis fistula succedit, e qua pus egressum pericardium & ipsum cor corrodit. 13. Nono demum die vulnus lethale quod ad cordis cavitatem penetrarat. 14. Vulnus cordis 5. die lethale. 15. Ob



*Ob atriumque cordis ventriculum pertusum. 16. Ob cordis substantiam laesam. 17. Oblatum sinistrum ventriculum. 18. Ob vulnus dextrum ventriculum attingens. 19. A Thoracis vulnere pulmo ad denudationem usque cordis consumptus. 20. 21. 22.*

§. 1. Superioribus annis pectus cuiusdam bene poti ferro trajiciebatur, ut cor & aorta mortifere sauciarentur. In sequenti die, Judicis rogatu, corpus defuncti incidebatur, eumque Chirurgus in duas partes pectus diduceret, de eo humor non limpidus, sed crassiori urinx & potulentæ materiz assimilis ubertim profluebat: Prope credidissem ea sectione stomachum fuisse sauciatum: ac detracto sterni osse, introspexi in cauum pectoris, ac continuo deprehendi intus magnam vim cruoris gelati, qui supra diaphragma continebatur: huic vero multa crassior aqua innatabat, de qua etiam ille humor, patente jam thorace, erumpebat. *Schneiderus de catarr. l. 3. c. 3.*

## S C H O L I A.

**M**ulta aqua crassior innatabat ] Qualis fuerit ille humor apertum faciam, si sanguis ex brachio extrahitur, & pelvi excipitur, ille jam gelatus subsidet, supra eum autem humor quidam aquatior fluitare solet: Ita hic in imo pectoris cruor extabat, & circa eum fluebat aqua, at ea tam multa reperiebatur, ut nemo non intelligeret eam de potu tam largo increvisse: Aliquando etiam cuiusdam juvenis vulnerati sanguis sili non poterat: ebrius erat sauciatus, ac ipse vulnus die noctuque fluxerat, is vehementer sitiebat, quantum is cerevisiæ hauserit vix dici potest; tandem adhibitis remediis stetit sanguis ac paucis post diebus vulnus recrudescerebat, quia arteria à Chirurgo minus clementer tractata fuerat: quare sanguis iterum profluebat: Ego sedato illo profluvio, maxime consideravi sanguinem illum, quo pavementum, lintea, mensæ & scanina madebant: guttæ hujus sanguinis maxima ex parte erant aquosæ, quarum in medio extabat oppido quam exiguum sanguinis verecundi vestigium; Qui hoc con-

templabantur, omnes summa admiratione afficiebantur: Nuper etiam quidam, cum epulatus noctu tenderet quo saturi eunt, de alto ceciderat: sanguis extemplo mittebatur, Chirurgus subito exclamat: O vinolentum sanguinem! adeo illius odor nates percutiebat: postero die hunc sanguinem contemplantur, incredibilem vim aquæ fluitantis noravi: Ex his igitur, & similibus, satis intelligi licet chylum, & imprimis potum, sanguini illico misceri, & hunc ad singula membra ferri: Sanguis itaque non aptus est ad corpus alendum, nisi is multo chylo sit inebriatus, & hoc est quod *Gal.* confitetur, sanguinem etiam post mortem inveniri in corporibus eorum qui fame sitique interiere, ac talis semper est crassior: Sanguis, inquit *Harveus*, est post cibum & potum tenuior & serosior: post sudorem & urinam, crassior: addo hic, & multo crassior longinqua inedia: A cæna & à prandio, & maxime à largiore compositione dilutissimus: hanc faciunt allata exempla. *Idem.*

§. 2. Vidi quondam Noviomagi virum cum alio pugnanti, cui, me adstante, medius thorax ab adversario suo perfoctus fuit gladio; ictu sinistrum cordis ventriculum (quod postea in aperto cadavere vidimus) penetrante: Ille eo ipso momento quo vulnus accepit, quasi fulmine ictus concidit, moxque extinctus est: cum autem concideret, statim accessi, & ejus pulsus in carpo ac temporibus exploravi, sed nusquam arteriarum ullam pullationem percipere potui, propterea scilicet quod sanguis per vulnus cordis in thoracis cavitatem effluens, non impellebatur in arteriam magnam; sicque sanguis arteriarum immobilis substitit; nec ulla arteria pulsavit. *De Diemerbroek. Anat. lib. 6. cap. 2.*

## S C H O L I A.

**H**inc deducit vir eruditiss. arterias nullam propriam pulsificam facultatem habere, sed earum motum solummodo procedere à motu cordis: qui motus in depressione arteriarum adjuvatur quidem

non nihil ab earum fibris transversis, sed hæc tamen fibræ per se omnino non moveantur, nisi prius distensio fiat à sanguine e corde impulsio: *Willis* illis motum adscribit. *Vide lib. 2. de pulsatione cordis.*

§. 3. Anno 1610. Maij 16. Henricus Magnus Galliarum Rex, rheda vectus à parricida Ravallac percussus, cultro bis in pectus adacto, statim interiit, præmissis aliquot vocabulis & ejecto per os sanguine.

Postridie aperto corpore, notatum vulnus in latere sinistro, inter axillam & mammillam, transversæ digiti latitudine, tendens supra musculum pectoralem ad dictam mammillam, quatuor digitis profundum, cavitatem thoracis non attingens.

Alterum vulnus inferiore fuit loco, inter quintam & sextam costam, in medio ejusdem lateris, pectus penetrans, latitudine duorum transversorum digitorum, & lobum unum sinistri pulmonis perforans, inde truncum arteriæ venosæ discindens, ita ut minimum digitum admitteret, paulo supra cordis auriculam sinistram: inde pulmo uterque hausit sanguinem, qui per os rejectus est: quo iterum adeo infarcti fuere, ut omnino nigri quasi ab ecchymosi apparuerint: Insignis quoque sanguinis concreti copia in cavo thoracis reperta est, necnon tantillum in ventriculo cordis dextro, qui, necnon insignia vasa inde prodeuntia, præ vacuatione subsidebant: Ac vena cava, qua ictum respiciebat, juxta

cor, præ contusione ab ictu cultri inducta, nigricans apparuit: Ideoque ab omnibus sancitum id vulnus unicam & necessariam lethi causam extitisse: Cæteræ corporis partes integerrimæ & sanæ visæ sunt, corpus enim optima temperie donatum erat ac rite conformatione. Actum Parisiis anno & die dictis. ( *Medici Regii subsignati A. Petit, A. Milo, Plumas, Regnardus, Magister, Falesius, Mayernius, Hupertus, Mirrhens, Carrens, Aubertus, T. velinus, Plumas junior, Altinus, Pena, Luffonius, Sequinns.*

§. 4. Per lulum & jocum Auriga Fratris D. Erasmi Bartholini & famulus peregrinus, strictis gladiis in fœnili congregientes 9. Sept. 1673. tragicum exemplum præbuerunt: Ex improvise enim latus gladius sub dextra brachii ala immergitur corpori famuli inter costam secundam & tertiam, penetratque pulmone dextro vasa cordis majora in basi cordis lædit, & in sinistro demum pulmone se sistit: Dictum factum, sed sine dolore, concidit famulus, *Torchillus Petri*, annorum 18. nescius se vulneratum, antequam conspecto gladio cruento in leipothymiam incideret, Chirurgus statim advocato, quia ex vulnere altiori nihil sanguinis stillabat, venam in brachio dextro aperra nihil quoque cruoris profudit, sinistra parum, unde ad se rediens æger reum amicum absolvens, se dormire velle ait: & quanquam à somno retardaretur, tamen paulo post placide obdormivit, sine ullo doloris sensu & signo:

In aperto per Chirurgos Urbis, *Bojam & Aspachium* corpore defuncti, invenimus pulmonem dextrum costis adnatum, totumque pulmonem quoque aridiorem ad phthisin vergentem, quippe artem figulinam didicerat, & æger diu inde recesserat. Cavitatem thoracis grumolus sanguis copiose implebat, à quo, impeditis pulmonibus, cordeque liquore suo destituto suffocatus.

#### SCHOLIA.

**C**ur sine doloris sensu insigni tam altum vulnus pertulit? Triumphat *Arist.* in cordis victoria: Nervis in basi cordis dilaminatis hicque dillectis adscribendum istud beneficium, qui ad sensum magis, quam motum in corde promovendum ab Anatomi-

cis plerisque destinantur.

Unde ad somnum propensio? Quia cessante sanguinis alio derivati ex corde influxu, cerebri ventriculi conciderunt. *Thom. u Bartholin. in Actis Medic. anni 1673. Observat. xxi.*

§. 5. Juvenis quidam, in vicinia strenuus, sed desperata audacia, anno 1656. adit inimici ædes catapulta armatus, foresque pulsatur, Egreditur ille sclopeto quoque instructus, atque præ foribus stat: Aggressor ictu irritato sclopetum explodit, alter sine mora tam apposite pectus ferit illius, ut illico conciderit exanimis: *Aperto pectore cor per medium transversum verberatum repertum est.*

§. 6. Non meminime unquam legisse exemplum vulnerati Cordis adeo rarum, atque ego meis vidi oculis, Anno 1660. 5. Aprilis Culenburgum vocatus fui, ut inviserem cadaver Georgii Jacobi VVeyman, juvenis xxij annorum, dum viveret robusti, gladio vulnerati & mortui, atque una cum aliis judicarem vulnusne an alius casus mortis causa fuisset: Cadaveris visitatio, sectio & apertio à me peracta fuit: Primo intelleximus, ex relato sarrapæ, hunc juvenem post inflictum vulnus per quinquaginta aut sexaginta passus processisse, tuncque concidisse, & syncope correptum ab aliis demum delatum fuisse, sed tunc eum paulo post ad se rediisse: Medici & Chirurgi, qui illum tractaverant, dicebant prima & secunda die vix sanguinem effatu dignum ex vulnere angusto, (tenui enim gladio inflictum erat) effluxisse, sed postea vulnere aliquantillum dilatato, tantam profluxisse copiam, ut singulis religationibus coacti fuissent, obstructo vulnere, hæmorrhagiam cohibere: addebant ægrum semper mente sanum, nec de interno aliquo dolore unquam conquestum fuisse, & corpus satis commovisse, & liberaliter tussisse ad sanguinis effluxum promovendum, quotidie etiam aliquid edisse ac bibisse, usque dum tandem deficientibus viribus moreretur, postquam ab inflicto vulnere vixisset dies novem & horas vij.

His auditis ad cadaveris visitationem accessi, omnibusque demonstravi vulnus inflictum fuisse inter quinam & sextam costam dextri lateris, latitudine circiter pollicis antequam costæ in cartilaginem abeunt: Sublato osse sterni, inveni thoracis cavitatem in latere vulnerato, usque ad mediastinum, sanguine omnino repletum, coque inde spongiis evacuato. vidi ictum gladii, illæso pulmone, transversim sub sterni transisse in superiorem partem dextri ventriculi cordis, supra valvulas tricuspidales, prope ingressum venæ cavæ, nec ulterius processisse: Pericardium sanguine coagulato prorsus repletum ac distentum erat.

#### SCHOLIA.

**M**irum certe omnibus videbitur quomodo hic homo, cum tali vulnere tot diebus & horis supervivisse potuerit: Rationem tamen fuisse puto, quod vulnus admodum angustum fuerit, & supra valvulas inflicto, ita ut in constrictione cordis, totus, qui dextrum ventriculū & cava confluerat, sanguis propter valvularum tricuspidum impedimenta, per vul-

nus expelli non potuerit, sed maxima ejus pars per venam pulmonarem, quæ vulnere multo latior est, in pulmonem fuerit propulsa, atque inde porro ad sinistram ventriculū & arteriam aortam, ita ut nonnisi paulillum singulis pulsibus à vulnere in pericardium & thoracis cavitatem expelli potuerit, unde etiam vires rarius collapsæ sunt.

Vul-

*Vulnera cordis*) Cor princeps & regium viscus est, e quo vitalis liquor, cum perenni calore, vice nujus sustentaculo, quaquaverlum ad totum corpus continue diffunditur, quo reliquæ omnes partes pauxillum destitunt, concidunt & moriuntur. Eapropter graviores ejus morbos maxime periculosos, & imprimis vulnera omnino lethalia esse pronuntiavit Hippocrates, cum quibus licet nonnullos per exiguum tempus vixerint, nunquam tamen sanari potuerunt; imo plerique eo tere momento quo vulnus in ventriculos penetrat, tanquam fulmine icti concidunt, quod meis oculis bis terve factum vidi, ita ut mirarer quomodo tam subito posset homo omni sensu, motu & vita privari; Ratio tamen manifesta est, quia sanguis qui ex corde

in arteriam magnam, per eamque ad omnes partes, atque etiam ad cerebrum propelli debet, per vulnus expellitur in thoracis cavitatem: nullo autem sanguine ad cerebrum propulso, etiam illico nulli spiritus animales in cerebro moventur (motus enim cerebri, & hinc spirituum animalium totus dependet à cordis motu sanguinem impellente, hinc illico deficient facultates principes, & sensus, omnisque motus omnium musculorum, etiam respiratoriorum statim definit, sicque homo repente moritur: Si tamen vulnus admodum exile in ventriculos penetret, tunc interdum, etsi raro, contigit hominem tam subito non corruisse, sed per paucas horas adhuc vixisse. *De Diemerbroeck Anatom. lib. 2. cap. 2.*

§. 6. Vidi alium cui quaternos bombarda globulos quidam medium Cor traiecerat, ad quintum diem supervixisse.

## S C H O L I A

Cum ante 29. annos Monspelii aliquandiu Chazetrem, Medicinæ quidam candidatus arteriarum motui curiose noscendoaddictus, cani vivo thoracem aperuit, & videamus, inquit, quousque cor vulnerari vivo animante possit, moxque rasorio decussatim cordis conum findit, ad duorum & amplius digitorum altitudinem, deinde canem scalæ ad ligatum vinculis expedit, qui cum infano latratu manus nostras fugiens ad herilem domum recurrit tanquam nihil passus. Quid ei acciderit nunquam rescire potuimus: decreveramus enim experiri curamne admitteret:

Vidi enim Felicem Platerum Basileæ Cor porci domi suæ macerati in anatomicum theatrum afferentem, ostendisse bacillum acutum, puerilem digitum minorem longitudine æquantem in cor dicti porci adactum: Examinatus scrophascus, quando tereti bacillo, quo porcos agebat, ictum hunc inflixisset? plusquam semestrem esse respondit: vixit hic tandiu porcus, non diu post, si lanium evalisset, victurus: Totum enim eper vesicis aqua flava plenis refertissimum eodem tempore ostendit Platerus; sicque brevi tempore hydrope interiturum prædixit. *Henricus ab Heers obser. med. 11.*

§. 7. Ehippiarius Leodiensis e Lupanari domum rediens, uxori gravidæ pomum offert, illa conscia unde veniret, da inquit pomum illud meretrici cui affectus mihi debitos dedisti: Iratus ille per dextram papillam pugionem miseræ in cor adigit: Accersor hora secunda post merinoctium: viso vulnere & symptomatibus, iubeo illam omnibus Sacramentis muniri, vicinamque mortem prædicens, ordinato tantum limonum succo, siti levandæ, qua valde premebatur, cum cerevisia miscendo, ad lectum redeo: Sub meridiem diei sequentis cum expirasset, amici ehippiarii, ut affinem pœnæ subducerent, spargunt validum à me datum læsæ pharmacum, inde illam abortivisse & expirasse.

Scabini re audita me accersunt, iussis vocari inimicissimis mihi Medicis & Chirurgis, Imum ventrem primum aperio, embryonem masculum omnibus stupore atronitis ostendo in matrice sua hærentem: Dein thorace aperto, ex vulnere cordis omnibus mortuam asseverantibus, embryone sudario meo clanculum involutum famulo domum ferendum trado, ex quo sceleron confeci &c. *H. ab Heers Ibidem.*

§. 8. Creditum hætenus fuit corde vulnerato non posse quemquam, vel ad unius horulæ momentum, vitam producere: quam sententiam ratio firmat & experientia: cum enim vita nostra à spirituum incolumitate dependeat, quarum officina fabricaque in ipso corde sita est, corde vulnerato spirituum generationem impediti ac prorsus cessare necesse est, verum historiam valde memorabilem hoc loco proponere visum fuit, Historiam inquam militis, qui in corde faucibus vitam ultra 15. dies sustentavit, qualis nec in veterum nec in recentiorum Medicorum Observationibus ulla nobis hætenus occurrat, Andreas Hefevanger &c. Vulnus in pectore à commilitone accepit anno 1607. die 22. Augusti, sub vesperam, obiit die 8. Septembris hora una post exortum solis, qui erat dies 16. à vulnere inflicto.

Defuncti cadaver apertum examinatum fuit, ecce aperta pectoris cavitate, evacuatæque haud parva materiæ purulentæ minime fœtens copia, deprenhendimus admirandi vulnus in cordis usque sinum dextrum penetrasse, istamque fere cordis partem

VVVVVV totam



totam contabuisse, sinistra parte manente incolumi, in qua continetur primatia spirituum vitalium officina.

Hujus igitur unius beneficio vita Andreæ ad 16. diem conservata fuit: *Gothofredus He-genitius in Itinerario Frisiae Hollandicæ p. 26. inscripsit Tabula pensili in Bibliotheca Academiae Groningana, quam appendit Nic. Mulerius.*

§. 9. Prodeat exemplum cujusdam occisi, qui biduum vixit post evidens vulnus inflictum Cordi, Diaphragmati, ventriculo ac Iecinori. Extra portam Antonianam ivere nobiscum plurimi Medici spectatum cadaver cujusdam hominis interempti à duobus vulneribus, penetrante altero per Epar ac ventriculum in septum transversum: Altero vero per membranas mediastinas & involucrum Cordis, in profundissimum dextri ventriculi recessum, cum tam effusa sanguinis copia ut illi undiquaque innataret nobilissimum hoc viscus, quod tamen fuit adeo validum, ut extenderit huic homini vitam usque in finem diei secundi. *Tulpius observ. lib. II. cap. 18.*

§. 10. Fratres duo inimico obviam facti, uterque sclopeti ictu cum lædit, minor natu Thoracem duobus globis transverberat, Alter pila in brachium sinistrum adacta totum es comminuit sub finem musculi deltoidei, tota carne ita lacerata, ut nonnisi extrema cute, vix duos digitos lata, brachium reliquo corpori adhereret; Die post vulnera quinto, duo Medici totidemque Chirurghi vocati, ut de ictu brachii sententiam ferrent, lethalem censerent necne: Omnibus qui Gangræna jam humero tenus omnia occuparent, mortalem esse brachii læsionem affirmantibus, ac septimo post ictum die mortuo egro, ex officio Dom. Scabinorum, decem advocatis Medicis, multisque Chirurgis.

Thorace aperto, basim cordis ejusque conum, cum insigni laceratione transverberatum globis duobus offendimus? Itaque unanimes, reclamantibus aliquandiu qui primæ visitationi interfuerunt, conclusimus ictus cordis primario & per se, brachii autem secundario tantum & per accidens mortis causam attulisse: Mirantibus quomodo ad septimæ diei finem, corde tam graviter læso vitam produxisset, ostendi comment. in aphor. 18. sect. 6. qui ait sola cordis substantia læsa, si ad ventriculos vulnus non penetret, aliquos dies posse egro vivere, dum phlegmone superveniente abripiantur. *H. ab Heer Observ. II.*

§. 11. Captivus nescio qua mentis perturbatione se ipsum vulnerat cincto proprio sub mammilla sinistra, recta versus Cordis regionem ultra manubrium usque adacto, qui per octiduum vivens absque gravioribus symptomatibus nona tamen moritur.

Hoc post mortem aperto, vulnus per lobum pulmonum in capsulam Cordis, ipsiusque cordis substantiam penetrans, observabatur, ita tamen ut non aliquem ex ventriculis læderet, sed profunditate satis aperta, in intermedium utriusque ventriculi septum intro eunte deprehenderetur. *Greg. Horstius, lib. I. Observatione 18.*

§. 12. Transactis proximè annis Sabaudici tempore belli in Genuenses, expugnato armorum impetu Goæ oppido, Martis inter Victimæ, quæ occubuere, respirant aliquandiu nonnullæ; & ex restituitur sanitati, venerandi Hospitalis S. S. Lazari, & Maurity fuisse subsidio consignatur; cura, & charitate Peritissimi Chirurgiæ Doctoris Dominici de Roy: Hic crudeles Martialium fulminum lusus dum perlustrat, inflictum supra cor cujusdam nomine *Lucy Corsui* incurrit in vulnus; exploratâque fidi styli penetratione, vulneratum cor affirmare non formidavit: Hinc cum post tres supra viginti dies importuna querulus lipothymia, continuisque cordis tumoribus visitaret; obiit denique dubia relinquens judicia, utrum nempe cor ita diu vulnus perfure queat: quapropter curiosam cadaveris dissectionem aggrediens supra laudatus *De Roy* coram Medicis Regiis nonnullis, Clarissimisque Professoribus. Hæc vidimus.

Primo pericardium in parte superiori vulneratum, quo dissecto insignis diffluxit albicantis puris copia, quam intra, ita diu innatans cor, intensam conceperat intemperiem; ex qua exterius cordis fibræ putrescebant: Cordis verò vulnus supra dextrum ventriculum levius penetrans apparuit.

#### SCHOLIA.

EX hisce elucescit primo inter præcipua vulnera cordis symptomata, frequentem extitisse cordis tremorem, & lipothymiam: tremulos

itaque primo patiebatur cordis motus, & merito. Nam si ab aucta in pericardio aqua hos observaverit motus in simia Galenus 5. de locis Aff. cap. I.

cap. 1. tantò magis à copioso pute, in quo innatabat cor: sed neque per hoc tantum, verum quia ob corruptas extrinsecè cordis fibras, ab intensa Intemperie puris vitio contracta, illius motus imminui, variari necesse erat: cum reverà motus non tam cordis, quam reliquorum musculorum à carneis procedat fibris, nervi autem spirituum affluxum suppedient, suaeque vigoratione motus promoveant: Vnde tremulos cordis motus inter affectus spasmodicos placuit nonnullis recensere: Interea ex tremulis cordis motibus, sanguis vario & perturbato impulsu, in pulmones & cordis sinus ferebatur; ex quo pulsus inaequalitas & lipothymia. Pulsus primo inaequalitas, cum hic procedat à cordis motu, qui si tremulus & inaequalis, inaequalis & pulsus: lipothymia vero ab inordinato & molesto sanguinis motu vel quiete in cordis sinibus aut pulmonibus: dum enim cor vario & tremulo afficitur motu, sanguis mox nimia copia sinus infestat, vel pulmones opprimit, & hinc imminens praefocatio: mox sufficienti non influens quantitate, sinus dum integrè non replet, cor inani conatu fatigatur, & paulatino languore se deficere monet eger: quapropter cordis solutio continui quamvis levis, intesa illius intemperies, ex qua externarum fibrarum putredo, & insignis retenti puris in pericardio copia, si cordis tremores & lipothymias inducerent mirum non erit: Mirum quid verò, trium supra viginti dierum spatio, cor tot morborum generibus laborans adhuc palpitasse; Cor illud, quod delicate adeò constitutionis, ut apud Antiquos simplex vteri, vel hypocondriorum vapor, necessaria inducebat deliqua; nunc verò humorum vicia & corruptionem tolerabit? Quas retentum pus non excitat tragedias? Si inter musculorum ocietur intersticia, quot non efficit sinus? quæ caro non corrumpitur, & quas non progignit caries? in hoc ergo ita diù innatabit Cor viuum; ideo, dicet ne quispiam, quod pus ratione caloris cordis, adeo fuisse digestum, ut propriam amisisset naturam, omneque corrumpendi vitium: verum si ita, cur extrinsecè cor universum perulentam albedinè, intensamque adeò conceperat intempe-

riem, ut externæ fibræ putrescerent? equidem patiebatur corporis damna æquè bene ac cæteræ partes, ut observamus cor nobilem esse partem ratione officij, non autem substantiæ. Læto enim corde læditur sanguinis motus, ex quo pervertitur corporis œconomia, non quia uti fons caloris, spirituum opifex, & hæmatoseos auctor, vita per consequens ab illo principaliter dependeat; quiescit quidem illa in illius motu, non verò in qualitate suæ substantiæ: caloris, spirituum & sanguinis fons sanguis est, non cor; quamobrem venea deleteria qualitate cor primario non afficiunt, sed sanguinem; enecantque non quia cor corrumpunt, sed quia sanguinem inficiunt, cum reverà cor venenorum maleficiis non magis subiaceat quam reliquæ partes: vnde dum vipera morlu digitum ferit, cor non aura vulnerat, sed insinuato recirculanti sanguini veneno, spiritus extinguuntur, quorum iacturam perferens cor languet, secumque reliquæ partes deficiunt: Hinc est quod remedia cardiaca immediatè, specificè & primario cor non respiciunt, sed immediatius sanguinem, cum quo dum miscentur spiritus vivaciores excitant, efficiunt, sanguinis promovendo accensionem, & naturalem fermentationem, ideoque à spiritibus & sanguine vegetiori firmius pulsat cor.

Concludendum quinto cor morbos tolerare, ac reliquæ partes, suumque principatum non consistere ex eo quod substantiam habeat reliquis partibus nobiliorem, nec tanti esse scrupulosa nonnullorum argumenta concludentia, cor non posse putridum febricitantium sanguinem per ventriculos fluctuantem tolerare, dum simplex aura, quæ à minera putrescentium humorum inter alas & inguina exhalat, illud alterat & corrumpit. Hisce nugis ipse 6. de locis Affec. cap. 7. respondet *Galenus*, probans pus in Pulmonis vomica sæpè cordis ventriculos permeare, inde in arteriam magnam, tandem per arterias emulgentes lege circulationis in renibus per urinas expurgari. *Observatio communicata ab Excellentiss. Dom. D. Iohan. Baptista Fantono Medico Taurinensi.*

§. 13. Ex vulnere sterni, ad quartam costam, sinistra in parte, suborta fistula in quodam Veronensi, cum per aliquot menses eadem laborasset, ad ejus curationem me vocavit: cujus corpore primo expurgato, nulla licet spe salutis, ratione maciei qua confectus erat, necnon febris & virium imbecillitatis, immissa furunda copiosum pus eduxi, à quo aliquot diebus post diebus syncope correptus æger vitam cum morte commutavit.

Dissecto cadavere, inveni capsulam, & fere totam cordis substantiam ad fibras usque ab ulcere exesam, *Marchetti observ. Med. Chirurg. 47.*

## S C H O L I A.

Videant an constare possit sententia *Aristotelis lib. 3. de partibus animal. c. 4.* quod Cor nullum vitium grave diu patiatur: si quidem

hic pateriens diu vixit, quætidu scilicet ulcus & fistula penetravit ad cavitatem aut ventriculum sinistrum ipsius cordis.

§. 14. Anno 1624. miles quidam Mutinensis, vulnere in cavitatem Cordis penetrante tuex cadaveris dissectione patuit, cum insigni inflammatione dies novem superstes fuit, *Ioh. Rhodius cent. 11. Observ. 39.*

§. 15. Iuvenis petulanus Hafnię Naclerum, alioquin amicum, cultro transfixit, inter tertiam & quartam costam sinistram: Vulnus sub sterno ad cordis penetravit ventriculum dextrum, ut aperto post mortem cadavere patuit, foramine angusto & obliquo: latus tamen non solum ex suburbio domum pedibus ivit, sed per quinque dies supervixit: Quantum conjectura assequor, propter angustum obliquumque cordis vulnus, concidentibus labiis, circulatio per tot dies perstitit non interrupta, *Th. Bartholinus Histor. 77. cent. 1.*

§. 16. Ingolstadii quidam studiosus à Typographo punctim latus in sinistra parte thoracis, vulnus ipsam cordis substantiam, utrumque ipsius ventriculum transversim penetrans, accepit, plater tamen bene longę spatium vulneratus cursus confecit, mente porro & sensibus integerrimis ferme per horam integram ita constitit, ut loqui & Deo se commendare potuerit.

Vulnus, adaperto post mortem corpore Medici, Professores omnes & alij spectatores, non pauci viderunt, atque armorum genus ex vulneris forma dignoscere & in iudicio explorare potuerunt: *Ex Observationibus Cyriaci Lucij Medici Ingolstadiensis.*

§. 17. Vidi, dum apud Taurinos agerem, Nobilem quendam, qui singulari cermine cum alio decertans, accepto sub sinistra mamma vulnere, in cordis substantiam penetrante, libertatis in adversariam aliquot ense ictibus, ipsum fugitantem ad ducentos passus est prosequutus, donec in terram caderet.

Dissecto cadavere, vulnus comperi in Cordis substantia, amplitudine quę digitum capere posse, ingentem præterea sanguinis in diaphragma effusi copiam, *Pareus lib. 9. cap. 30.*

§. 18. I. Hasselroth Vesphalus, cum quodam Nobili duello decertans, vulnus in medio Thorace, paulo supra sternum accepit, subitoque concidens illico mortuus est.

Aperta explorandi gratia pectoris cavitate, magnum profundumque in Cordis usque sinum sinistrum penetrans vulnus deprehendimus, unde effuso sanguine arterioso, & dissipatis spiritibus vitalibus, vulneratum necessario & quidem subito mori oportuit. *B. Timæus lib. 6. Observ. 38.*

§. 19. Vifa sunt cordis vulnera ad tempus: comprobat hoc *Gulielmi Riva Romani* Chirurgi observatio, qui in *Francisca* quadam à *Tulpha*, viginti circiter annorum, septem vulneribus fauciata, observavit, in qua mors usque ad quartum diem protracta est: secto cadavere duo vulnera in dextrum usque cordis sinum penetrantia vifa fuere. *Dom. Panarolus Pentecoste V. Observ. 45.*

§. 20. In vulnerato decumbente in Nosocomio, & in altero vulnerato antea in eodem Nosocomio, qui ultra annum cum dimidio ibidem decubuerat, in sectione ipsa tota substantia pulmonis adeo cum pure longo tempore excreta videbatur, ut Cor denudatum sine pulmone, (dictu mirum) spectaretur. *Petr. Forestus schol. ad Observ. 37. lib. 2.*

§. 21. Quidam longo tempore decumbens ob vulnus in pulmone tandem contabuit, Nam media pars pulmonis consumpta ac pure soluta conspiciebatur. *Petrus Forestus lib. 2. Observ. 37.*

§. 22. Vidimus quendam pugionis ictu interemptum dissecto pectore, rursusque per vulnus pugione adacto mucronem neque cordis neque pulmonis vulnere respondisse: Tanta est in cadaveribus cum vulneribus positurę differentia. *Alex. Benedictus Antom. lib. 3. cap. 12.*

#### OBSERVATIO. XXIV.

*Vulnus Thoracis lethale ob Arteriam Venosam dissectam 1. Ob laceratos ramos vatorum subclavio- rum. 2. Ob Pulmonem dextrum vulneratum, effusumque sanguinem. 3. Ob Pulmonis parenchyma pertusum. 4. Ob conceptam in Pulmonibus putredinem, & Ductus chyli feri lesionem. 5. Ob lesionem pulmonum & Oesophagi. 6. Ob pus intra cavitatem Thoracis subsistens. 7.*

§. 1.



§. 1. Anno 1638. Nobilis quidam inter epulas pugione ob longo sub ala lateris dextri, inter tertiam & quartam costam vulneratur: profusa ingenti sanguinis floridi & spumosi copia, subsequenteque omnimoda virium prostratione, & frequentibus animi deliquiis, die iij, e vita discessit.

Aperto thorace quævis cavitas sanguine grumoso vndique videbatur referta: *Inveni lobum dextrum* pugione perfoſsum, Arteriamque venosam vulneratam, vnde inſequi sanguinis profluvium, & exinde ſpirituum vitalium diſſipationem, ſyncopen mortemque oportuit. *Balth. Tiquem Reſponſ. medic. XVI.*

## S C H O L I A.

*Inveni lobum dextrum pugione perfoſsum &c.* ) Pulmonis vulnera penetrantia non omnia eſſe lethalia, modo vaſa inſignia intacta maneat, multa teſtantur exempla; ſed inter cætera hoc illuſtre, Anno 1669 Nobilis Sabaudus, nomine

D. de Seiſſel, in ſingulari certamine peſtus habuit, parte dextra, ab acuto gladio omnino tranſoſſum, evaſit tamen incolumis intra XV. dies: Ac poſt aliquot meſes vtramque cicatricem, tam in peſtore quàm dorſo, viſendam mihi exhibuit.

§. 2. Illuſtriſſ. Comes Solmenſis, poſt moram annuam Geneva diſcedit xx Aprilis anno 1674. Comite Nobilium cohorte, inter quos Sereniſſimi Principes Saxo Gothanus & Churlandiz: Inſidias veriri itinere terreſtri inſtituto, lacui ſe committunt: In reditu naumachia feſtiva committitur, diſpoſitque vtrinque ſclopetis, Sereniſſ. Principis Churlandiz ſamulus catapultæ præter pyrium pulverem plumbeas quoque glandes immittit, quàm explodere in aquam credens, vacillante cymba, elevatoque ſclopeto, tres vno iſtu feriuntur Nobiles, vnus in brachio, ſecundus in femore, tertius, Nobiliſſ. *Raban Henricus Vſſelius* Saxo, in peſtore: Hoc in Chirurgi periti, *Lamont*, ædes delato, tres convocantur Medici cum Chirurgo; à quibus in diſquiſitionem adducitur tentandane eſſet thoracis paracenteſis, ad exhauriendum cruorem in cavum thoracis effuſum, quæ miſſa facta eſt, ob virium ſummam imbecillitatem, pallore vultus ſe prodentem, reſpiratione deficiente, pulſu exili, per leiporhymias, ephidroſes, quodcunque remediū generoſioris uſum reſpuentem, ita vt Deo & Naturæ committendus videretur: Per vera 48. ab iſtu hora mors obrepiſit.

Sexta poſt hora peſtus apertum eſt, deprehenſaque globuli via, nam is tranſverberato humeri muſculo, parte ſiniſtra, ſimulque peſtorali; effractis tertia & quarta ſupremis coſtis, obicem in ſterno naſtus, cavum peſtoris ſubierat, pulmonumque ſummis lobis leviter ſauciatis, ramis vaſorum ſubclavioꝝum dilaceratis, mediaſtinum pervaeſerat, coſtas item tertiam & quartam oppoſiti lateris perſregerat, demum ad axillam, inter os & carnem viam vi ſibi faciens, ſubſtiterat: Cordis ſinus ſiniſter ſanguine vacuus repertus, qui totus in cavitatem thoracis confluxerat; qui inde pondere librarum 12 civilium pondo eduſtus: *Ex Oratione funebri à Nobiliſſ. & Excell. Dom. Stoffelio, Sereniſſ. Principum VVittebergensium Gubernatore, in funeris reditu habita.*

§. 3. Iacobus N. Sica iſtus, vulnus inter 4. & 5. coſtam, iuxta mammillam dextram, verſus os ſternum, deorſum adaſtum acceperat, per quod multum cruoris contento ſpiritu extrudebat: A quo x. vulneris die mortuum aperui, lobumque pulmonis anteriorem, in longum læſum, duorum pollicum latitudinem, altitudinem vero pennæ ſcriptoriæ animadverti: Poſterior vero lobus aciem ſicæ exceperat vulnere anguſto, æque vt alterum profundo: Totus pulmo ſubdurus, tunicula eiùſdem, ſicut & membrana thoracis, rubicunda, aſpera, tanquam inflammata: Cavitas thoracis ſanguine aquoſo, purulento plena, cordis tunica ſimiliter aſpera, ſubdura, ac ſi phlegmone tentata fuiſſet: Pulmones autem ſiniſtri lateris integri & incolumes inventi: *H. Smerini miſcell. lib. 10. p. 558.*

§. 4. Generoſus vir nocturno tempore gladio per latus dextrum tranſfixo occubuit. Sequenti luce vulneris profunditatem inveſtigaturi Medici & Chirurgi conveniunt: Quartam coſtam acie gladij tranſverſim diviſam, & pulmonis parenchyma pertuſum obſervant, vulnere ſupra cor tranſcunte: Inter pleuram autem & ſiniſtri lateris Pulmones dependebat ab axillis magna pinguedinis copia, ordine longo ſecundum rectum thoracis ſitum diſpoſita, pulmonibuſque impoſita: In adverſo latere pulmones fibris, thoraci alligabantur. *Bartholinus cent. 2. hiſtor. 15.*

## S C H O L I A.

**G**ladio transfixo ) Pectore vulneratos non eadem fors manet. si vasa majora intacta maneant, etsi transversim gladius penetrarit, evadere possunt, exemplum suppeditavit annus 1668. Nobili Sabaudo Dom. de Seissel, annos xx. circiter nato, in singulari certamine gladio

acutissimo pectus confoditur infra mammillam dextram, adeo ut cuspis semipede extra dorsum prominaret: convaluit tamen intra breve tempus, mihi que utramque cicatricem post trimestre licuit videre & contrectare.

§. 5. Illustr. Baro de Heiden &c. in pugna Fionfensi circa mediam dorsii vertebram sclopeto latus, globulo subter sinistram scapulam exeunte, initio equidem non adeo male habuit, consueta tantum vulnorum symptomata passus: Post 14. dies observatus in linteis *copiosus albicans humor* & continuans per intervalla, nescius tamen unde aut qualis esset; neque Medico aut Chirurgo, quorum opera utebatur, quicquam de eo monentibus: hælit verò per integram hyemem Ottenfoniæ: mense Aprili in has oras delatus statim me vocandum iussit: Inveni Illustr. Dom. Patientem debilem valde, macie confectum, atque singulis circa vesperam diebus leviter incalescentem: Quæsi vi statim de Pulmone læso, etsi tibi de eo nihil constare hætenus dicebat: vulneris os superius consolidatum erat, inferius stillabat consuetam sanie: sperabam optima quæque, verum biduo elapso, adverti supra notatum liquorem albicantem, paululum tamen flavescens, tanta in copia effluxisse, ut non solum linthea quintuplicata, indusium lodicelque imbuerit, sed quoque limbos inundaverit: miratus insolitam materiam, statim cogitare coepi, cum diversa plane esset à sanie & ichoribus, annon liquor Chylosus, toti ad nutritionem destinatus, inordinata hac via proflueret, quandoquidem Dom. Patiens bene appeteret, cibisque euehymis & delicatissimis uteretur, corpus tamen in dies magis magisque contabesceret: Cogitavi serio de eo, neque quicquam aliud reperire potui: Conclufi igitur nihil magis à re Illustr. Patientis fore quàm si vulneris os superius aperiretur rursus, quo debita læso Pulmoni remedia applicari possent, sed Dom. Baro renuit plane, libereque profitebatur se tantum super eo horrorem animo concepisse suo, ut mallet mortem potius quam sectionem experiri: Exclusus ergo saluberrimo consilio, quicquid alias remediorum superesset conquifivi sedulo, institutaque accurata Dieta, adhibitis quoque interius & exterius selectissimis Balsamicis, imprimis è tenerrimis corn. cervinis petitis, Deo benedicente in tantum profeci, ut non solum febricula, sed & fluxus 14. dies remitteret, habitus quoque corporis usquequaque floridior appareret, magno cum Dom. Patientis gaudio, qui omni se defunctum periculo putans, paulo largius absente me se invitaret, usus quibus delectabatur, imprimis calidioribus, quæ tamen maxime noxia sibi fore prædixeram: Recurrit itaque fluxus, atque continuavit ad vitæ usque finem, quem ex nimia animi corporisque commotione sibi acceleravit: namque cum digladiantes non procul à conclavi suo ministros vellet compefcere, neque ii dicto morem statim gererent, adeo commovit se, ut primum Epilepticis convulsionibus, postea hemiplegia lateris sinistri corripere, quæ eis paucos dies corpus exsuccum viribusque destitutum è medio sustulit.

Cadaver præfente Dom. Holstio Poliastro Tonnigenfi apertum, in inferioribus nihil notatu dignum præbuit, tantum Pulmones ea, qua vulnus inflictum parte, in ingnem putredinem conceperant: Id vero leve primitus fuisse, omnisque periculi expertis autopsia monstravit: Quam ergo conducibile fuisset, quamprimum liquor albicans conspectus, vulneris interiora indagasse, aut saltem orificium superius apertum servasse: *Joel Langelos ad Thomam Bartholinum in hujus Epistolæ centur. 3. Ep. 37.*

## S C H O L I A.

**C**opiosus albicans humor ) Si quid conjectura assequor, Læteus thoracicus latus quoque fuit, unde larga illa materiz chylosæ copia fluxit, atrophia subsequente: Hinc etiam selectissimis balsamicis plus præstitum quam quavis sectione, quippe coaluisse istis tenellas ductus

membranas inde suspicamus, quod repetito chyli cursu naturali, habitus corporis floridior appareret: Vulneris tamen apertio nullis fuisset pulmonis in gratiam, in quo putredinem notati refert. Non valde tamen repugno tux conjecturæ eruditissimæ, nempe liquorem chylosum,

sum, toti ad nutritionem destinatum, inordinata ista via profluxisse: Est quippe liquor ille nutritus ubique sanguini mixtus, & pro partium indigentia ad nutritionem elicitur, quod olim de rore & cambio Medici tradiderunt, nescii chylum in sanguine delitescere, facileque separari tunc putredine, quod in venæ sectione nonnullorum observavimus, lac nempe seu chylum, à sanguine separatum in pelvi produsse: Hoc succo nutrirī partes nostras, non sanguine, sunt qui sibi persuadeant, quibus nescio quid opponi possit quod stringat: Si enim sanguis in partium alimentum cederet, continua chyli confectio, seu ciborum ingestione opus non esset, si quidem ea est in corpore sanguinis copia, ut ad menses plusculos sufficeret pro partium nutri-

tione: At quia chylo nutriur chyli quoque continua fit generatio, nec incediam ferre possumus: Et tali sane nutrimento in utero assuevimus, non sanguinis, si recentiorum observationibus & suspitionibus credimus: Eadem ratione Lac, seu candidum lactum ex sanguine arteriarum thoracicarum per glandulas mammarum secerni verosimili conjectura suspicantur alii, donec sui generis vasa lactea, ad mammas chylum ex mesenterio deferentia detecta fuerint: dubitandum enim vix est huiusmodi ductus in corpore latere: Quicquid sit, lactis ubertate diffiunt papillæ tam feminarum quam virginum, imo nuper natorum ut ex hoc principio nuper acculatam, virginem absolverimus, &c. *Thomas Bartholinus Epist. 38. cent. 3.*

§. 6. Civis Batavus 16. Septembris 1629. in pectore punctum vulneratus est, ictu transeunte os sterni, seu scutiforme, per pulmones in Oesophagum, superveniente febre ac *singultu*: Oetiduo post vulnus illatum mortuus est.

Aperuimus cadaver: invenimus secundum conjecturam nostram partes ante dictas læsas: Thorax plenus erat sanguine seroso cum potu, qui ex gula effluerat. *Jacobus Bontius Medic. Indorum observ. 12.*

§. 7. Vagus Chirurgus, nomine Edelphus, Nobil. Juvenem, gladio sub brachio sinistro læsum, ictu in thoracem penetrante curans, quicquid quinque presentes clamorem Medici, Chirurgi aliis multis suffragantibus, nunquam costæ apertionem admittere voluit, certam salutem potionem ex oculis cancri præparatis pollicens; vulnere autem, quocunque loco esset, nec turundam imponebat, nec ullis utebatur balsamis, emplastris, &c. Cum eam potionem sedecim dies bis quotidie bibisset nullo profectu, iamque pure thoracem distendente, respiratione pene ablata, morti esset proximus, Pater anxius Medicos revocat, quibus, reclamante Edelpho, latus aperientibus, maxima puris copia per intervalla educta copia, æger melius habere se dixit: Nihilominus miser Nobil. quicquid peritissimi artis tentarent, in horas macrescens, tandem quinto post anno phthisicus obiit Pulmones enim puri innatantes, illius tantum imbibebant quantum tussi perpetuæ inducendæ sufficeret: Ille autem mature, sectione thoracis facta servari poterat. *H. ab Heers Observ. Med. 22.*

## OBSERVATIO XXV.

*Vulnera Pectoris & Hypochondrii dextri lethalia ob Pulmones perfossos, Hepatis & Spinalis medullæ lesionem. 1. Pectoris & Abdominis ob læsum alterum pulmonum lobum, Diaphragma, Ventriculum & Lienem. 2. Hypochondrii dextri ob vulneratam infimam lecoris fibræ. 3. Ob ventriculi fundum læsum. 4. Ob substantiæ Hepatis lesionem & truncum venæ cavæ. 5. Ob Colon per transversum penitus dissectum. 6. 15. Ob vulnus Hepatis. 7. Portiuncula Hepatis abscissa regenerata. 8. Vulnus Abdominis lethale ob pertusum Ileum intestinum, Copiam sanguinis in abdomen effusam, Mesenterium perforatum. Mors Henrici tertii Galliarum Regis & Poloniæ. 9. Ob discissum Ileum intestinum. 10. Ob lesionem interiorum viscerum, Intestinatorum corruptionem & Abscessum purulentum. 11. Ob Intestina crassa & tenuia confossa. 12. Ob Colon transversum sectum. 13. Ob Ileum Intestinum duobus in locis læsum. 14. Ob Ileum transfoßum, Vulneratas venas & arterias mesaraicas. 15. Ob umbilicalem venam abscissam. 16. Vulnus Intestini Coli firma cicatrice coaluisse deprehensum. 1. Vulnus abdominis lethale ob venam cavam discissam 18. 19.*

§. 1. Interfectus fuit 8. Julii anni 1602. Gallus quidam, *Samuel de Bonnan*, duobus ictibus, quorum alter Hepar transibat, & ad spinam dorsi finiebat: Alter vero supra mammillam sinistram ad latus Pulmonem perforabat. *Joh. Rud. Salzmännus Observ. Anat. pag. 14.*



§. 2. Caupo ab Equite explosione globuli e sclopo breviora ita 17. Iunii vulneratus, ut d. 23. ejusdem obierit : In cadavere externe hoc animadversum, quod ictus globuli supra sinistram thoracis partem per muscolum pectoralem intraverit, & circa Lienis regionem per costas spurias egressus rursus fuerit ; Abdomine aperto, separatis cute, musculis & peritongo cum omento, portio Lienis, quæ antrosum in parte summa protuberat, globulo prorsus perforata, duæque costæ spuria fractæ ac contusæ apparuerint : pariter à globulo transeunte, ventriculus in parte inferiore ejusdem lateris, diaphragma in superiore parte, sinister pulmonum lobus in extremitate, ut & una costa sub musculo pectorali penitus fuerit vulnerata atque violata, *Paulus Aeginetus Medic. critica casu 48.*

## S C H O L I A.

**L**ethalitas vulneris non solum ex læsione unius partis principalis, verum etiam ex læsione plurium & minus principalium æstimari debet : jam in hoc vulnere pulmones, diaphragma, lien, ventriculus, costæ læsæ sunt : Etiam vulnera, quæ secundum Celsum, ut plurimum lethalia sunt, per se, non per accidens, lethalia sunt, &

ideo reus ordinariam declinare non potest. Curandi impossibilitas arguit lethalityatem vulneris, exemplo illorum vulnerum quæ in summo femore sunt, ubi deligatio decens fieri non potest : Hic multo magis lethalitas erit per se, quandoquidem tot internæ læsiones & fracturæ concurrunt. *Idem.*

*Responsum Facultatis Medice Lipsiensis.*

Licet interdum contigerit quod læsiones in ejusmodi partibus fuerint curatæ, & patients (exempla prostant in observationibus Medicorum & Chirurgorum) fuerit servatus, tamen raro contingit : centum enim moriuntur prius quam unus restituitur. Iure itaque cum Galeno & Celso hæc vulnera huic classi adscribuntur, quod nimirum sæpe, & ut plurimum interimant, & curationem difficilem habeant : Et quoniam in hoc

individuo non una saltem, sed duæ vel tres partes principales variis modis læsæ fuerint, simulque accessit curandi impossibilitas, dum labia vulneris statim post ictum aut vulnerationem coiverunt, adeoque sic nullis medicamentis idoneis tractari potuit, ob hanc, & alias, in anatomia fundatas rationes, pronuntiamus quod vulnus istud merito pro lethali per se habeatur, quo etiam patients necessario obiit.

§. 3. Lictor ictus fuit bipenni in infima Iocinoris fibra, unde macore confectus obiit ante diem 40. Inveni sub vulnerata fibra plurimum graveolentis puris collectum, *Vide lib. 2. tit. de phthisi.*

§. 4. Villicus quidam in hypochondrio dextro sub costis spuriis punctim, gladio valde lato, qualis carnificum esse solet, vulneratus, multa cruenta vomuit & per alvum deiecit, supervenere sudores, syncope extremorum, frigus & convulsiones, tertio die mortuus est.

Aperto abdomine, vulnus in ventriculi fundo adeo magnum deprehendi, ut totam ejus substantiam à parte dextra per sinistram penetraret, venis & arteriis, quarum larga ibi seges est, penitus diseissis, unde ingens sanguinis copia partim supra partim infra rejecta, partim in spatio abdominis collecta, dolores vehementes, cordis anxietates, leipothymias frequentes, vigilias, deliria, convulsiones, tandemque mortem intulit, & quidem necessario, quatenus nec sanguis ex venis & arteriis, confertim erumpens sisti, nec remedia convenientia admoventi, nec alimenta retineri, coqui & distribui, nec vires ex insigni sanguinis profusione & dolore vehemente collapsæ instaurari, nec ipsum vulnus adeo profundum & penetrans solidari potuit. *B. Timæus Responsorum Medicinalium 19.*

## S C H O L I A.

**E**T si ea tantum ventriculi vulnera pro lethali-  
bus habeantur quæ orificio ejus superiori infliguntur, attamen & illa quæ ventriculi fundum, venasque & arterias gastricas majores penetrant, & valde magna sunt, quale hoc fuit, mortem necessario inferunt, nec obstant exempla profundorum vulnerum ventriculi sanatorum, quale est Bohemi rustici venabulo lato vulnere in ven-

triculo percussi, de quo *Julius Alexandrinus*, lib. 6. Therap. Galeni ; ad plures annos superstitis ; & alterius Bohemi, qui cultrum novem digitos transversos longum deglutivit, qui persectionem ventriculi exemptus est, de quo *Sennertus* Practic. lib. 3. p. 1. sect. 1. c. 19. Rara ea sunt, singulari naturæ robori adscribenda.

§. 5. Andreas Feiber locum tenens, &c. In dextro hypocondrio gladio acuto punctum vulneratus multum sanguinis profudit; de dolore ad jugulum usque ascendente querulus, supervenit vomitus biliosus, dejectiones cruentæ, oculorum icotomia, deliquium animi & paulo post mors.

Aperiui abdomen, deterfoque sanguine, Epar scrutatus deprehendit non tantum substantiam eius, sed & venæ cavæ truncum vulneratum, unde vulnus pro simpliciter lethali pronunciandum judicavi. *B. Timæi Respons. medicin. 20.*

§. 6. Tympanista quidam in Castris Suecorum à milite in hypocondrio dextro, paulo supra regionem umbilici gladio acuto vulneratus, de vehementi abdominis dolore conquestus multum sanguinis per alvum deiecit: supervenere & ventriculi subversiones, & singultus, frequensque animi deliquium, hora quarta mortuus est.

Aperto abdomine, absterfisque, quibus refertum erat, excrementis & sanguine, intestinum Cœcum totum, undiquaque per transversum dissectum sphacelatumque repertum est, *Balsazar Timæi Respons. Med. 17.*

§. 7. Nos duos in cura habuimus quibus Iecur vulneratum fuerat (ut post eorum mortem videre licuit) hi quotidie bilem evomebant & intensissima febre ardebant, tussique continua afficiebantur. Alterum & nuper curavimus qui *gibbam Iecoris partem contusam* ex equi calce habebat; periit cum maxima siti & æstu, bilem continuo vomebat, nec ullo pacto excernere poterat uno verbo expediam, Iecoris *ulcera* atque *vulnera* lethalia *Brassavolus comm. ad aph. 18. lib. 6.*

#### SCHOLIA Ad §. 7.

**G**ibbam Iecoris partem contusam) Contusiones in parenchymate hepatis sunt valde periculose, præsertim si magnæ fuerint: Sanguinis enim transitus per partes contusas difficulter peragitur, simulque etiam separatio humoris fellei plurimum impeditur: Deinde sanguis restitans tumorem efficit, tandemque forsitan inflammationem, morbum scilicet hepatis periculosissimum: quippe si eadem in suppurationem disinat, spes omnis conclamata videtur: sin indurescat, cachexia, cachexia, icterus, atrophia hydrops præ foribus sunt: cōnandum quidem enixè ut tumor ejusmodi discutatur, verum hic labor, hoc opus est; forte discutientium ope sanguinis effusi, & ubi contusio facta erat, restagnantis pars aliqua à vesicæ felleæ ramusculis capillaribus, ad ea loca pertingenribus (hand aliter sane quam aliæ ejusdem sanguinis partes à venæ cavæ osculis) absorberi queat, possintque adeo tria ad hujusmodi discussionem concurrere, nempe transpiratio insensibilis, & materiæ extravasatæ partim in cavam reductio partimque illius excretio in porum bilarium: Licet enim ex communi naturæ instituto, porus bilarius, præter humorem felleum, nihil ex hepate efferat, si quid tamen hoc pacto præter naturæ ordinem evenerit, haud videtur ratio commoda assignari posse, ob quam extrema illius capillamenta oriri debeant, præsertim materia illuc decumbente & quasi in oscula eorum sponte incumbente. *Glisson Anat. Hepat. c. 9.*

*Iecoris vulnera lethalia esse*) Vulnera si cæsum infligantur vix fieri, potest quin vasa lédantur, Sin punctis fiant, poterunt vasa fortuito evadere. Sunt quidem necessario vulnera illa mortifera, maxime quæ vasa pariter & parenchyma discindunt, Illa tamen periculo quoque haud carent à quibus parenchyma solum léditur, sanguis enim ad ea loca affluens impurus est & bili commixtus, nec facile evacuari potest: vel si id contingat, partes tamen ab invicem disiunctæ, (friabiles cum sint, glutineque illo careant quo aliæ partes facile denuo coalescunt) egre admodum consolidantur. *Glisson Anatom. Hepatis, cap. 9.*

*Iecoris ulcera*) Soluitur etiam parenchymatis Epatis continuitas ab erosione, quemadmodum in ulceribus ejus videre est, quippe ulcera non solum vulneribus, contusionibus, suppurationibus, aliisque antecedentis continuitatis solutionibus adveniunt, sed & erosionem aliquando immediate consequuntur, nullo alio dissolutionis genere præcedente. Imò vero fieri non potest ut solutio ulla continuitatis in ulcus abeat, priusquam partium ab invicem separatarum erosio aliqua accesserit: ulcus enim tria in se completitur, solutionem nempe continuitatis, partis substantiæ jacturam, atque erosionem: Si quid horum absit, ulceris absentiam haud perfectè obtinuerit: enimvero solutionem

rem continuitatis, una cum defectu in numero partium, facile sine ulcere reperiatur, quemadmodum in vulnere recenti cum particulæ alicujus abscissione videre est: Si autem eorum alterutri erosio supervenerit, vulnus statim in ulceris naturam degenerat, adeo ut ulcera à vulneribus, aliisque continuitatis solutionibus, erosione potissimum distinguantur: *Idem ibidem.*

§. 8. Helvetius 30. ann. in conflictu gladio Helvetico e regione hepatis percussus fuit, maximumque vulnus recepit: Sanguis copiose effluxit, ita ut in animi deliquium incideret: Advocato Chirurgo, cum vulnus explorare, & medicamenta ad sanguinem sistendum imponere vellet, frustum Epatis ad ostium vulneris sese offerebat, quod cum forcipibus apprehendisset, integre extraxit: ac quamvis sevrissima supervenirent symptomata, nihilominus optime convaluit: Post annos tres febre continua correptus intra paucos dies obiit.

Cadaver ejus incidimus, latusque prius exhibuit cicatricem longitudinis spithamæ e regione Hepatis: portiunculam vero quandam infimi ejus lobi abscissam fuisse, vulnusque cicatrice eleganter obductum reipsa comperimus: Reliquæ vero partes corporis, imo & ipsum hepar nihilominus secundum naturam se habebant. *Fabritius Hildanus, centur. Observ. 34.*

§. 9. Nos subsignati Consilarii, Medici & Chirurgi ordinarii Regis, ratum facimus hesternæ die mercurii, secunda præsentis mensis Augusti anni 1589. ex mandato Domini Præfecti Familiæ & annonæ Regiæ, visisse & diligenter examinasse cadaver defuncti felicissimæ memoriæ & Christianissimi Henrici tertii, dum viveret Galliæ & Polonia Regis, qui eadem die è vivis decesserat, circiter hora tertia post mediam noctem, ob vulnus, adacto cultri cuspidem, in ventrem inferiorem pridie inflictum, juxta umbilicum parte dextra, circa horam octavam vel nonam, & ratione symptomatum supervenientium suæ Majestati Christianissimæ statim & ab accepto prædicto vulnere: Cujus vulneris causa & accidentium subsequantium ampliorem relationem Senatui exhibuimus.

Quo autem amplissima cognitio haberetur profunditatis illius vulneris, ac simul partium interiorum læsarum, dissectionem ventris illius inferioris instituimus, necnon pectoris & capitis: post sedulum examen partium omnium imo ventre contentarum, invenimus portionem intestini tenuis, Ileum dictum, penetranti vulnere affectam, ad latitudinem cultri pedalis longitudinis, qui cruentus nobis exhibitus est ad latitudinem quatuor digitorum in reditu ad locum vulneris exterioris: Interiora ventris rimantibus, & ejecta sanguinis per dictam capacitatem effusi maxima copia, cum insignibus sanguinis concreti grumis, apparuit quoque mesenterium duobus in locis perforatum, dissectæ etiamnum venæ & arteriæ.

Partes omnes nobiles, tam naturales quam animales, pectore, imo ventre & capite contentæ, rite & secundum naturam constitutæ erant, ac pro ætate probe temperatæ, citra læsionem aut virium; id solum arguendum erat, quod prædictæ partes omnes (ut & venæ & arteriæ, tum majores tum minores) exangues erant & sanguine destitutæ, qui ubertim effluerat per vulnera illa interiora, præsertim e mesenterio, ac cohibitus fuit in cavitate illa, tanquam loco extraneo & contra naturam: Quamobrem necessario, ac intra circiter octodecim horas, mors Christianissimi Regis subsequuta est, quam præcesserunt crebræ animi deliquia, ingentes dolores, suffocationis sensus, nausea, febris continua, & sitis intolerabilis cum maximis anxietudinibus: Quæ symptomata parvo temporis spatio ab inflictio vulnere contigerunt, ac sine ulla intermissione ad integram usque & ultimam mortis syncopen perstiterunt, quæ ob rationes dictas, ac symptomata, quantumvis accurata accessisset diligentia, inevitabilis erat: Sic subsignavimus propriis manibus in Castris sancti Clodovæi prope Lutetiam, die Jovis horis matutinis, Augusti tertia 1589. Medici assistentes

*Faber, Dortomanus, Regnardus, Heroardus.*

§. 10. Quid officij nostri ratio requirat, circa vulnorum iudicia, collegialiter fuimus recordati, Ergo consideratis omnibus, tandem pronuntiamus, Si in vulneris inspectione observatum, quod Vriæ vulnus punctum inflictum, quatuor transversis digitis sub umbilico in abdomen penetravit, quo intestinum tenue, Ileum alias vocatum, *latitudine digiti læsum & perforatum*: quod utique iuxta relationem Medici & Chirurgorum vulnus istud



istud non solum insanabile, periculosissimum, sed etiam pro simpliciter & absolute, & per se lethali habendum sit, quoniam impossibile fuit hoc modo lætū intestinum, tanquam vnum ex gracilibus & plane membranosis, vllō modo consolidare.

Nec attendenda hic curationum aut exemplorum monstra, licet enim tum vulnerati quidam patientes propter vegetam naturam, & alias causas, adhuc per aliquot dies vivere interdum potuerint, tamen necessario demum moriuntur, quoniam præter curandi impossibilitatem, etiam retentio chyli, & ejusdem distributio pro sanguificatione & nutritione amplius fieri nequit, imò propter hanc vulnerationem dum substantia intestinorum maxime nervosa & fibrosa est, gravissima & funesta symptomata subsequi solent, hinc lethalitatis ratio manifeste apparet.

Vbi monendum pariter, quod & in intestinis tenuibus sæculentæ impunitates contineantur, quæ à puritate chyli pro confectione sanguinis, ad hepar transmittendi, indictis intestinibus tenuibus à natura separatæ, & postea successive ad intestina crassa ablegantur: hinc non absurdum sit & fæces aut excrementa ex intestinis vulneratis tenuibus, in abdominis cavo reperiuntur, & inibi, ut omnes extravasati humores, præsertim in cadaveribus vel defunctis statim fœtere ac putrescere incipiant.

Repetimus itaque ex præmeditato consilio, vulnus istud utique per se & simpliciter, ex adductis rationibus lethale fuisse, *Judicium est Facultatis Medicæ Lipsiensis.*

§. 11. Vir ille qui Delphis in abdomine anno 1574. vulneratus est, ita leviter primum vulneratus esse videbatur, & omnes Chirurghi qui illud vulnus conspexerunt, illud prima fronte prorsus non lethale esse judicarunt, & ob id plurima remedia ad ejus curationem frustra tentarunt: Sed postea corpore defuncti inciso & vulnere latius aperto, inventum est vulnus illud penetrasse viscera interiora, adeo ut intestina nigra & corrupta spectarentur, & animadverterimus abscessum purulentum intus latuisse, cum tanta corruptione & virulentia, ut ob putorem in cubiculo, in quo cadaveris incisio fiebat, morari non potuerimus: Notandum etiam in morte ipsa totum colore viridi ad citrinitatem declinante infectum fuisse, magnam in corpore arguens corruptionem, ut isti Chirurghi imperitè judicarent hominem icteritia affectum. *P. Forestus lib. 6. Observ. Chirurgici ij.*

§. 12. Jacobo ab Aqueria Arelatensi quum acutissimo ense venter esset perforatus, transmissio peritonæo, ingens in intestinis tum tenuibus tum crassis vulnus accepit, exeunte utique per vulnus stercore: Ad quem vocati, magna angustia hominem confictatum invenimus, sese præ dolore jactantem nec uno consistentem loco: Tertio mox die vulnus lividum fieri, pus manare fœculentum, sordidum, nigrum, fœtens apparere, stercus per vulnus continuo prodire, crassorum intestinorum vulneratorum indicium, tum vero extrema frigescere, præcordia verò immenso calere (intro conceptæ phlegmones testimonium) cœpere: sitis ingens, æstus maximus, sudor frigidus secundum frontem & faciem totam atque cervicem apparere, lethalis prorsus morbi indicium: Quarto die pulsus deficere, mox delirium, dein vox deficere cœpit, luminâque tenebris offundi, inde die quinto mors.

Dissecto cadavere, intestina tum crassa tum tenuia multis vulneribus confecta reperta sunt, iugensque circa umbilicum tumor phlegmonosus, thrombi ingentes sanguinis congesti multo plurimi: lacerata interanea omnia. *Fr. Valleriola observ. 9. lib. 11.*

§. 13. Ictu obliquo vulnerabatur quidam Monspeßuli, in abdomine, duobus digitis transversis à linea alba curatur quam diligentissimè, verum ex altera parte abdominis dolor vehemens, rubedo & alia signa inflammationis: præterea symptomata quoque vulneratis intestinis consueta oboriuntur. Chirurghi igitur ampliationem vulneris urgent, Medici verò propter lineam albam denegant, ne potius novo, eoque periculosiore vulnere quam primo extinctum rei cognati forsan prætereundum possent: moritur 4. die.

Aperitur cadaver, & colon per transversum spatium abdominis vulnere dimidiæ spiræ sectum invenitur: Reus condemnatur. *Ph. Salmuth cent. 1. observ. xvij.*

§. 14. Aperui militem quendam in Nosodochio nostro, qui triduo ante gladio transfossus erat, ad latus infra umbilicum, in quo icu Ileon intestinum duobus in locis insigniter læsum fuit: apertoque abdomine lumbrici tres vel quatuor in abdominis cavitate inventi fuerunt, quos per vulnus illud Ilei una cum stercore exiisse conjeci. *I. R. Salzmännus, Observ. Anatom pag. 10.*

§. 15. Vulneratus quidam ad lætera umbilici punctim, reposito intestino & omento, quod parum prominebat, de dolore imi ventris, angustia præcordiorum, motu convulsivo cervicalis,

vicis, vomitibus, tertio die accedentibus, moriebatur placide: mirari subibat hunc subitum ex vita discessum:

Aperto cadavere, à vulneratis venis & arteriis mesaraicis sanguinem copiosum, cujus tamen ne gutta quidem toto decubitus tempore apparuerat, sub omento delitescere, totumque abdomen replere. Post & intestinum ileum mucrone transossium animadvertum. *Guern. Rolfinccius Dissertat. Anatom. lib. I. cap. xiii.*

§. 16. Adolescens quidam post vulnus exiguum inter umbilicum & costas mendosas, mox humo procumbens quaprimo exspiravit; Vocatus, miratus sum cum tam levi vulnere accepto, & circa locum, (mea quidem sententia) *hand ita periculosum*, tam subite decessisse.

Sequenti die cadavere dissecto, causam pervestigans, inveni interiora omnia illęsa, præter umbilicalem venam, in adultis ligamentum potius, quæ quidem vena plane abscissa fuit. *Fabritius Hildanus centur. 5. Observ. 53.*

#### SCHOLIA.

**I**nfans quandiu gestatur in utero per venam umbilicalem ad se trahit alimentum: nato puero, vena illa (ne penitus sit inutilis) sensim indurefcit in ligamentum, cujus beneficio hepatis umbilico alligatur: ligamento autem abscisso, hepatis sursum retrahitur, & diaphragma adeo comprimit ut homo neque respirare neque exspirare possit, imo suffocetur illico.

*Locum hand ita periculosum*) An umbilicus abscissus vel ruptus subito mortem inferat, quod Ægyptiorum supplicio permoti, *Laurentius*, & alii crediderunt, disquirat *Thom. Bartholinus*,

*Anatom. Reform. lib. I. cap. 37.* Contraria, inquit, exempla vidit *Riolanus* experientissimus, & quivis ex Omphalocele iudicare potest, Si mors sequatur, ex accidenti evenit, legis quoque interioribus & parulo ad rerum nostrarum penetrationem ostio: suffocari credit *Sperlinger*, quia ressecto umbilico collabitur Epar, a quo trahitur Diaphragma respirationis organum, sed 1. non subitam mortem infert hæc spirandi difficultas: 2. alio ligamento valido suspenditur Epar à peritonæo. Ancillam tribus vulneribus circa umbilicum impetitam narrat idem centur. v. histor. lix. Idem.

§. 17. Orta forte inter ebrios rixa, vulnerabatur graviter cum in pectore tum in ventre insignis decoctor *I. Schram*, penetrante cultri acie in latius lateris dextri intestinum, quod licet ultra 30. horas pependerit extra corpus, iam abunde refrigeratum, reductum tamen tandem in suum locum, rediit nihilominus ad pristinam temperiem, sine villo corruptionis metu, sicut inculcat *Galenus* satis apposite lib. 6. aph. 58. profluentibus interim cotidie per vulueris hiatus, partim fecibus alvinis, partim crudis ac indigestis cibariis: quibus quantumvis pro innata ingluvie nimis quam frequenter se obrueret hic belluo, glutinabatur tamen non minus prospere intestini vulnus, ac si habuisset exactissimam vitæ suæ rationem: At vero sanato quidem intestino, sed disiunctis interim discissi peritonæi oris, incidit tandem in plagæ loco, in insignem prolabantium intestinorum herniam; quæ negligentius habita, degeneravit sexto anno, post inflictam plagam, in tam vehementem gangrænam, ut brevi hominem occiderit suæ sanitatis vere socordem: Chirurgus autem qui vulnere præerat, satagens id inuenire in ipsis intestinis, & deinceps fibula, vel potius futura connectere disiunctas ipsius oras, amputavit non modo plagam, sed eduxit satis confidenter intestina, qua licuit, ex abdomine, quæ inconsiderata ipsius temeritas, tantum abest ut invenerit plagæ locum, & asseruerit ægrum ab hernia, ut induxerit potius in intestinis cum dolorem intolerabilem, tum frigus propemodum insuperabile.

Verum enim vero dissecto post mortem hoc cadauere; vidimus euidenter veram obitus causam fuisse syderatam herniam. Sed vulnus ante annos sex inflictum, coaluerat tam densa ac firma cicatrice, ut vix guttula liquoris per illud amplius transsudasset: Insidibat autem id in suprema intestini coli regione; prope membranam illud ligamentum quod per longitudinem ipsius excurrere, quasi robur ac stabilimentum concedit anfractuosa ipsius fistula. *Tulpius Observ. lib. I. cap. 20.*

§. 18. Iuvenis Sabaudus in conflictu vulnus paulo infra umbilicum acie gladii recepit, ex quo intra paucas horas obiit: ego cum ventrem dissecauissem, ipsum sanguine plenum reperi: vena enim caua, e regione renum, acie gladii vulnerata fuerat. *Fabritius Hildanus, cent. 3. Observ. 57.*

§. 19. Anno 1594. Virum secui qui sibi ipsi cultro violentas intulerat manus, in abdominis regione dextra, statim sub costis, quo vena caua, tam magna sanguinis copia in capacitatem effluerat abdominis. *P. Pavvius, Observ. Anat. II.*

#### SCHOLIA.

## S C H O L I A.

**V**T inveniri *plaga locum*] Cur tam difficilis inventu latus intestinorum locus? an quia perpetim moventur, & vix momentum servant illum situm quem invenit ingrediens cultri acies? sive ob naturam motus peristaltici, sive ob assumptum alimentum, vel spiritum ipsa inæqualiter intendentem: Quibus accedit quod in obvis corporibus reperiatur

interdum tantum carnis ac pinguedinis in abdomine, ut Chirurgo nec oculis nec digitis liceat ad intestina penetrare, nedum acum eo perducere, vel filum ira circumagere ut requirit suendi illa ratio: quam speciose in intestinorum vulnere satis describit *Ambr. Pareus lib. 9. cap. 34. Idem.*

## OBSERVATIO XXV I.

**Dorsi & laterum vulnera lethalia ob puris copiam in thoracem effusam. 1. Lumborum ob laceratam spinalem medullam. 2. Natis ob laceratam spinalem medullam ad os sacrum. 3. Natis ob incongruam victus rationem lethale. 4. Femoris circa ramos Iliacos, ob horum discissionem. 5. Cruris ad dorsi regionem ob laceratum intestinum rectum, mesenterium & dextrum ventriculi latus. 6. Natis, ob insigne vitium viscerum naturalium. 7. Cruris ob arterie lacerationem & Digitorum, ob nervos ad ossa discissos, sequutasque convulsiones. 9.**

§. 1. **N**obilis Juvenis à famulo domus suæ, quatuor acceptis secundum dorsum & latera vulneribus sica mucronata & bene acuta inflictis; spatio medio inter sextam & septimam costas sinistræ partis, descendit in ima telum, peritonæo perforato duobus locis: Reliqua duo vulnera peritonæum minime attigerunt, quod secundum musculos externos oblique telum adactum fuisset, brevique hæc duo vulnera, quod in cavitatem pectoris non descendissent, curata fuere, læsis utique externis tantum musculis: At vero quum reliqua duo graviora penitus essent, peritonæo utique per-ruso; majus nobis negotium fecere, Nam post quatuor ab acceptis vulneribus dies, horror gravis, acuta febris, anxietas, insomnia, gravitas in parte percipi, ut *decumbere in dextrum latus minime posset*, dolorque oriri cœperunt, inflammationis utique indicia in sup-purationem tendentis: Eventus autem rei rem plena fide confirmavit, nam mox post xx. diem purulentus æger factus est, quem affectum indicabant assidua febris, quæ interdum remissior noctu vehementior, sudor frequens, tussicula sicca sine notabili sputo, oculorum cavitas, pallidus faciei & labiorum color, rubentibus tamen sæpe maxillis, præsertim hora una post acceptum cibum, quo tempore intendi febris videbatur, & cale-re magis summæ circa arterias partes reliquo corpore apparebant: Ad extremum vero & curvari ungues & tumere pedes cœperunt, quum jam morti proximus esset, quæ mi-sero juveni post duos ab acceptis vulneribus menses tabido occidit.

Ingens inventa inter thoracem & pulmones copia puris, ut nisi spectator ipse fuisset, vix certe crediturus eram tam ingentem puris copiam intro contineri posse, ut quæ mensuram xx. sextariorum æquaret. *Franc. Valleriola Observat. vij. lib. ix.*

## S C H O L I A.

**I**ngens copia puris] Undenā tantā puris copia gigni potuit? Neque enim verisimile habet ex citu. o sanguine tantam copiam genitam fuisse, cum vix è vulneribus duobus penetrantibus & punctim factis libra una effundi intra cavum pectoris potuerit, tamen ex sanguine qui malam habeat transmutatio-nem pus gigni dicat Galenus. Censendum vero pus intra thoracem contentum à sanguine quidem putrefacto ortum habuisse, neque enim aliter fieri po-est. Tantam vero copiam non à sanguine solum putrefacto, sed & ab ichoribus qui quotidie à vulnere inter internas partes effluebant, genitam fuisse: corrupto etiam nimirum quod ad partem destina-batur alimento, & in pravam qualitatem à calore

putredinali partis demutato, pus fiebat: Unde magna tandem aggesta puris copia, quum quotidie aliquid jam genito puri adjungeretur, effectum est ut post diuturnum tempus sensim congestione facta, nec ullo pacto evacuata, ingens puris copia creve-ret, quæ respirationem mole sua impediens, ægrum mittere tandem in mortem deduxerit. *Hæc Valleriola.* Vel dicendum ab acceptis vulneribus hiancia vasa sanguifera, sanguinem ad nutritionem partis illuc deductum, in capacitatem thoracis effudisse, qui con-tagio puris prompte illius naturam induerit, hinc fraudatis cæteris partibus alimento, quod totum il-luc prorumpebat, atrophia & marcor inductus, &c.

§. 2. Die 17. Dec. 1643. Famulus Eminent. *Cardinalis Columnæ* vulneratus fuit sclopeto in ventre inferiore, vulnus autem erat hujusmodi, A dextra parte prope spinalem medul-lam, quatuor digitis sub regione renum ingressus erat, & transibat per medium spinalis medullæ, usque ad partem sinistram exituserat, ita ut necessatio colligatur in dicto instru-mento adfuisse saltem duos globulos, quia unus inventus intus fuit, figura vitiatus super residentiam ossium, & alter ratione orifici: sinistri exitum petierat, & hoc totum vidimus ex ipsius dissectione post mortem, vixit tantum horas xxx. circiter: Qua occasione statim

XXxxxx

obses-



observatum fuit hepar in sinistra parte & Lien in dextra, necnon etiam observavimus ventriculos cordis situm & venam azygos omnia mutata. *Marcellus Lucius Medicus Romanus ad Panarolum in hujus observat. Pentecoste. v. §. vij.*

§. 3. Anno 1633. 28. Junii Illustr. Comes D. *Joannes de Merode* Generalis, tribus globis faucibus atque, duobus sub humero dextro ad cubitum summum transeuntibus; tertio vero per natium sinistram os sacrum perforante; adeoque intra vesicam atque intestinum rectum ad os pubis in femore dextro usque penetrante, ibidemque subsistente: Vir erat annorum xl, staturæ excelsæ, corporis robusti, elegantis & solidi, barbæ tenuis & rufæ, capilli nigri & subcrispi. Primo ingressu, vulnus in natium sinistra lethale esse conjiciebam, quod per alvum cruenta aliquoties excerneret, unde intestini recti læsionem præmetuebam: Dolores præsto aderant ingentes, atque ex equitatione citata ab accepto vulnere aucti, ut ventri pronus sæpicule incumberet: Sermo & animus viribus cum robustissimis constabant, verecundia tantum exule, unde male ominatus, Sacerdotibus curam animæ commendavi. &c. Die 4. Julii (qui erat septimus & criticus) superuenit à meridie singultus, nuntius iste pessimus: Die 7. Julii Chirurgis vulnera relingantibus, nulla prout antea materia reddebatur, letho in foribus præstolante, vesperi intra 7. & 8. singultu magna cum violentia iugulante, placide exspiravit ratione, sermone & sensibus integris, viribusque parum labefactatis.

Sed multa patuere ex conditura cadaveris, nobis incognita, cujusmodi juxta læsionem ossis sacri, inevitabilem istic mortis necessitatem, concione teste, inferebant.

Ista autem ex anatomica sectione omnibus innotuere: 1. Intestina inflata, magna putredine, livore & foetore infecta, pariterque partes ad pubem circumstantes eadem labe notatæ. 2. Vesica quidem læsa & immunis, sed 3. Renum alter totus corruptus & marcidus, alter itidem infectus, sed paulo minus: 4. Hepar intus & extra totum infectum, putridum lividumque, ut ad contactum etiam dehisceret. 5. Lien eadem sanie ex toto corruptus & putridus. 6. Aperto medio ventre, Pulmones magnam partem putridi, lividique. 7. Imo cor ipsum cœruleo citrinoque colore ac tabo conspicuum. 8. Cerebrum tandem ferre illæsum & naturale, extra quod venæ hinc ipse livore sparæ videbantur. 9. Atque ita viscera trium cavitatum, exceptis cerebro, ventriculo & vesica, omnia singula eatenus infecta & corrupta, ab antecedente forsitan chronico & contagioso morbo, reperta fuere; unde alias vel levi incidente febricula naturæ debitum solvisset. *I. P. Lotichius lib. vij. cap. viij. Observat. ix.*

§. 4. Consuetudinem alteram esse naturam tradunt Philosophi & Medici, cujus proinde summam haberi rationem, ne vis naturæ inferatur, æquum est: Nobilis Silesius anno 1672, Parisiis ense in una nate vulneratur, vulnere mediocriter profundo, nullo superveniente insigni hæmorrhagia, nec ullo metuendo symptomate: Medici Aegrū vino pro regionis more assuetum, interdiciunt; solisque jusculis sustentant, quibus Natio Germanica paucissimis utitur: Languor virium huic insolitæ diætæ succedit, & paulo post mors.

Aperto vulnerati cadavere, viscera omnia integerrima reperiuntur: Vulnus citra notas phlegmontes; nullum vas insigne læsum aut nervus: Solus ventriculus jusculorum copia turgidus & distentus, quæ vino non sustentatus concoquere non potuerat, mortis causa fuisse deprehenditur.

§. 5. Cadaver J. Caspari dum inspiciebatur judicialiter, observata duo vulnera punctim facta in sinistram femur penetrantia, pulmo distantia ab inguinibus prius profunde femur læsit: Alterum, quod duobus digitis transversis à priori distabat, pedem penetravit totum lædendo tres musculos, perforando arteriam & venam, *quæ hiatu transversæ digiti dissectæ*, quo facto sanguis una cum spiritibus vitalibus copiose effluxit, & mors ipsa necessario subsequuta, *Paulus Ammannus Med. crjt. casu xli.*

#### S C H O L I A.

**C**ontroversia fuit, an vulnus istud per se lethale fuerit, vel an ex accidenti lethale factum? Item an incurabile fuerit? vel annon magis mors exinde consecuta, quod vulneratus non deligatus, & sanguinis effluxio cohibita fuerit? Ideo pronuntiamus, quod quidem arteriarum & venarum vulnera, per se & absolute nullam inferant lethaliitatem, nisi forsitan in locis, ubi nulla ope humana sanguinis fluxus sisti potest: Hinc, quia vulnus hoc femori inflatum, arbitramur unanimiter quod etiam si arteria & vena dissecta, & aliquot muscoli læsi, nihilominus sanguis in hac parte affecta per convenientia præsidia chirurgica sisti, Paciensque curari potuisset, si modo curam ipsius sedulam gessissent adstantes. *Judicium*

*Medicorum & Chirurgorum Wittebergenfium. Sequitur Responsum Facultatis Medicæ Lipsiensis.*

Contulimus meditationes nostras cum Responso VVittebergenfium in concilio nostro, & explicationis ergo hæc subjungere placuit, quod *vel lethale*, & vulnera lethalia ab *Hipp. Galeno, Celso* & aliis Medicis duplici modo sumantur, 1. occurrunt sæpe vulnera quæ sunt *lethalia ex necessitate*. i. e. quæ mors subsequitur, etiam si Chirurgus de diligentia sua nihil remittat, v. g. quando cor, majora pulmonum vasa perfodiuntur, (*Hippocr. 18. 6.* Deinde dantur vulnera *quæ mors ne plurimum excipit*, vel *vel* *si* *non*, quæquam Chirurgus officio suo fungatur

Observatum tamen ea aliquando fuisse curata: v. g. vulnera ventriculos cerebri penetrantia, substantiam pulmonum, Diaphragma ludentis: Præterea existunt etiam vulnera, quæ quidem in se non lethalia, v. g. quando muscoli, venæ & arteriæ minores læduntur, sed ex incuria Chirurgi, aut patientis mortem causantur.

*Hæc ad præfens vulnus* applicantes, deprehendimus, quod non quidem ex necessitate lethale fuerit, quamvis *Hippocr.* Celsus & alii lethalibus adscribunt, 1. ratione contentorum, dum sanguis & spiritus virales profunduntur, 2. ratione modi effluxus, dum cito & quasi cum impetu effluit. 3. Denique ratione difficilis consolidationis, quia arteriæ in perpetuo dilatationis & constrictionis motu sunt, & hinc difficilis speranda est consolidatio: Ergo pertinebit ad secundam vulnorum classem, nulla enim negligentia Chirurgi adduci, multo minus in hac parte affecta sanguis per convenientia remedia chirurgica sisti, ergo nec a Chirurgo negligi potuit: Licet enim aliquando læsiones arteriarum curatas

fuisse constet; attamen hoc tantum verificatur de minoribus, non obstante etiam artuum amputatione, magnum enim discrimen intercedit: Chirurgus siquidem amputaturus artus, prius adhibet strictissimam ligaturam, deinde sanguis statim cohibetur, quod in hoc casu non potuit fieri, quia in tali parte vulnus inflictum, in qua nulla ope humana sanguinis fluxum coercere valuerunt, nimis enim angustum fuit orificium vulneris, quam angustiam caro musculorum & pinguedo ocludens adauxit, ut hinc arteriæ & vena magna (quæ hiatu transversii digiti dissecta) consolidari non potuerit: E quibus omnibus apparet quod vulnus præfens non quidem per se, ob tres musculos, venam & arteriam dissectam, sed per hoc accidens, scilicet ob sanguinis & spirituum vitalium momentaneum effluxum, lethale fuerit, & ita nec à Medico, nec Chirurgo præcaveri hoc potuerit: accedit hic, quod vulneribus interierit antequam Chirurgus advocatus comparuerit, ideo ex eventu, cum Sennetto concludendum, quod hoc vulnus lethale fuerit.

§. 6. Lustrarunt 3. Febr. 1662, Chirurgi Nostri Urbani cadaver servi cuiusdam cæmentarii violenta morte extincti, & sequentia notarunt: Caput intumuerat & facies nigricabat, circaque collum papulæ fuscæ: Scrotum cum reliquis partibus vicinis intumuerat, nigricans, gangræna oblitum: crus dextrum nigricans cum hydatidibus, sinistrum non nihil sanioris erat coloris, sed hydatides ovi gallinacci magnitudinem superabant: Vulnus ex crure sinistro ad dorsi regionem penetrarat:

Aperto abdomine visum est vulnus penetrasse intestinum rectum & mesenterium, cuius vasa læserat, unde ingens illa sanguinis profusio, & ex residuo cruore stagnante gangræna, quæ mesenterium occuparat. maximamque intestinorum partem dextræ lateris, & dextrum ventriculi latus infecerat. Non igitur dextræ partes sinistris fortiores, ut vulgo creditum, ideoque affectis partibus sinistris, dextræ lateris quoque habenda ratio. *Thomas Bartholinus cent. IV. Epist. 29.*

§. 7. Generos. Militiæ Dux Generalis J. Ramsay Scotus, accepit 13. Febr. 1638. inclinato parum antrosum, corpore in sinistræ natis partem superiorem & externam, introsum, & deorsum leviter tendens vulnus, ex quo statim concidit, cum insistendi illi cruri impotentia, necdum remittente, effluxit ex hoc vulnere, & quidem statim in principio satis copiose sanguis, nullo notabili ex ustione (quæ utpote levis admodum 5. die remisit) labiorum vulneris adiacentiumve partium tumore aut inflammatione suborta, sed generato paulo post laudabili, licet paucio pure: unde confestim ad cicatricem properavit vulnus, quod 25. Martii plane occlusum, quamvis etiamnum lividum sit & doloris particeps. Primis diebus obortus est, adhuc durans, etiam auctus, circa lumborum inferiorem & sacri, imo totius ischii ossis sinistri regionem, dolor vehemens, per intervalla, maxime ad aëris mutationem, nunc remissior nunc intensior, cum tensione & suturam per totum spinæ dorsi ductum ad cervicem, deorsum vero ad extremos articulos isque tractione convulsiva, eaque valde molesta, ad oleorum tamen nephriticorum inunctionem aliquomodo emendata, licet sæpius recurrente. Huic comites factus est sinistri cruris, dimidiam & externam partem infestans, & contactum pati nescius, atque cum stupore aliquo formicans dolor, ad articulorum extremitatem protensus: Die Martii 12. obortus est circa sinistrum pedum, & in metapedio, in parte exteriori maxime, tumor expansus, cum dolore mediocri, ad contactum tamen ingravescente, qui applicatis à Chirurgo ad utrumque malleolum vesicatoriis, & effusa aqua citrina, intra triduum subsedit & evanuit, relicto ad hoc tempus ibidem dolore: His accessit circa Martii. 22. sinistri testiculi cum dolore inflammatio: circa idem tempus emisit urinam albicantem, cum simili sedimento, coque crasso, tenaci & paucio: Percepit præterea ad internam sinistri femoris inflexionem, prope illum locum quo fertur in scrotum, spermaticis vasibus dicata peritonæi productio, dolorem satis molestum, nullo adhuc ne hic nec alibi apparente tactui, multo minus visui tumore aut stabili saltem rubore: Quibus tandem adde miram quandam, quamque exprimere nequit, in abdomine temporibus incertis divexantem molestiam, & talem quidem quæ nec proprium ferat

contactum. Re itaque deliberata cum Excell. D. Fausto, Fr. Sylvio & G. Molthero, omnia tentata pro salute recuperanda: Tumor vero in scroto in dies augetur, atque Ecchymomata insuper partes non tantum externas, sed & fauces, linguam & palatum occuparent, doloresque dorſi magis magisque urgerent mecum quoque consilium experiri, Vocatus deprehendo Herniam &c. (*Vide lib. 3. tit. de Herniis*) Præterquam noto quoque Ecchymomata supra jam tacta, quæ verebar non critica esse (uti fuerunt in puello epileptico & sexagenario arthritico, de quibus *Greg. Horſtius lib. ix Observat. xi.*) Suspicabar à debilitate viscerum sanguinem adustum ex venis, per subsultum quasi, effundi in musculos: Suasor fui 1. ut materia adusta tartarea in hypochondriis incuneata, præpararetur, & evacuetur: ut 2. Renes, sinister maxime ab heterogeneis viscidisque, puri non absimilibus humoribus excrementitiis liberaretur: ut 3<sup>o</sup>. Viscera singula concoctionis firmarentur: Atque 4. quoque Herniæ, & 5. Ecchymomatibus prospiceretur: ast omnia incassum, sequenti enim mense moritur.

Corpus Defuncti 19. Junii, à me apertum sequentia notanda dedit: *In musculis* observabantur *Ecchymomata* & ecchymomata tot & tanta, ut majores muscoli plerique putridi fuerint, maxime oblique ascendentes & transversi in sinistro latere: Peritonæum in eodem latere nigricans & putridum conspiciebatur: Vasa mesenterica crassa materia biliosa turgebant: Ventriculus cum intestinis modicum aquæ continebat; Hepatis vero color, quoad concavam partem, nigricans & cinereus: quod externam flavescens, substantia autem scirrhusa erat: Renum loco portionem pinguem quasi; Lienis vero loco ovi gallinacei quantitate nigrum frustum, sanguinis coagulati facie inveniebamus: Cavitas, circa vesicam, abdominis aqua repleta erat, ut & scrotum circa sinistram testiculum, potissimum dextro longe minorem: Vasa testiculorum varicum modo consistebant: Dextri testiculi substantia spongiosa & putrida, tunicaque adnata erat in dextra scroti parte caro adiposa: Pulmones copiose pus dabant: In cerebro nil poteramus p. n. aut notabile invenire, præterquam magnitudinem ingentem omnino: omnes vero venæ destitutæ fere erant sanguine, refertæ sero. *1. Dav. Horſtius Observat. Anatom. v.*

## S C H O L I A.

**I**n *musculis Ecchymomata*] A causa interna non sunt valde familiaria, uti nota sunt quæ à causis externis, contusione aut casu fiunt: Ecchymomata, transfusiones, melasmata, denigrationes schirris althines putat *Gal.*: Fiunt enim illi affectus sanguine ex ipsis venis effuso, nunc tunicis earum contusis, nunc ipsarum finibus reſeratis: Hinc in Ramsæi venis fere nullus sanguis fuit repertus, nuda aqua & serum. *Idem.*

§. 8. Malo fato Illustr. G. Rosencrantzii Filius ab alio Nobili in crure sinistro vulneratus, ingenti hæmorrhagia pene statim occubisset, nisi sedula Chirurgorum opera vulnus fuisset obligatum: Tanta tamen sanguinis copia ex vulnere profluxit, ut convulsionibus imminentibus extrema videretur pati: Dilata vero mors fuit ad xiv. diem, quo superveniente febre, virium defectu & crebrioribus convulsionibus, expiravit placide.

Sectioni cruris à Chirurgo institutæ, præsentem observavimus vulnus cruris penetrasse musculum fascialem, seu sartorium, ad arteriæ cruralis divaricationem primam, quam amplo foramine læserat, unde ingens illa hæmorrhagia, sursumque ad regionem perinæi defuisse: Observata in vicinia musculorum tricipitis & lividi cavitas ampla, ovi magnitudine, gangrænam minitans, sanguine purulento conspersa: Ipsum vero hiatus arteriæ cruralis, quem in divaricatione gladius infelix effecerat, grumofus sanguis obturarat, quæ causa fuit, quod universi sanguinis effluxus inhibitus fuerit, ne, sicut plerumque fieri solet, mors repentina sequeretur: magna dexteritate Chirurgorum turundas longiusculas & stilos immitentium cautum fuit ne abraso grumoso sanguine exitus superstiti sanguini aperiretur: *Thomas Bartholinus in Miscellan. curiosi, anni 1671. Observat. 161.*

§. 9. Periculo non carent digitis inflata vulnerata, ob tendinum nervorumque contextum, quibus etiam leviter punctis convulsio succedit, si per transversum rescindantur, minus periculi? Juvenis triplici in digitis manus dextræ vulnere sauciatur: dextre curatur, sed postridie orta convulsio, quæ in dies exacerbata xi. die eum extinxit. Cum præscissi nervi tendinesque convulsiones excitare non possint, suspicabar nervum tendinemque semisectum hasturbas creasse, neque inflammatio partes læsas corruerat, quia exsanguis, sed tam sana vulnera, etiam post mortem viscebantur, quasi nuper inflata:

Cada:



Cadaver lustratum, & tria deprehensa vulnera, quorum primum satis amplum conspiebatur in flexoribus secundi internodii pollicis manus dextræ, nervisque amputatis ad ipsum os primum pollicis, & metacarpo proximum penetrabat, paulo infra flexuram secundam; Alterum erat ejusdem manus medii digiti, qui in 2. internodio amputatus erat prominente osse: Tertium, in ejusdem manus anularis junctura secunda, & præter ea in toto cadavere nullum observatum, Interrogatis iis qui ægro adfuerant, adeoque exquisitis iis omnibus, quæ decumbenti acciderant, æstimataque vulnerum constitutione, pronuntiatur vulnus pollicis, ut non sua natura lethale, periculosissimum tamen, & ob sequuta symptomata gravissima, veluti convulsiones vehementes totius, ægro lethale extitisse. *Bartholinus cent. 4. hist. 50.*

## OBSERVATIO XXVII.

Epigastrii *Vulnus lethale, obfundum stomachi perfoßum. 1. 2.*

§. 1. **M**ercator anno 1624. 13. Octobris cultello foditur in abdomine, in regione Epigastrii, multo cibo potuque fæctus, Alio in thorace ictu fossus fuit inter iv. & v. costas, sine tussi vel sanguinis sputo, cum respiratione tamen difficili, sequitur singultus, sine ullo tamen vomitu, nec abdominis plaga quicquam ingestorum egerebat: Pulsus, cum vocarentur Medici, parvus, cæterum extrema cum naso algebant, abdominis dolor & durities magna: vixit horas xxx. à læsione.

Secundo cadavere, invenimus fundum stomachi perfoßum, & cum inde manifesta & necessaria mortis causa adfereretur, ad superioris vulneris investigationem ictum non est, & Ogeri iudicio meoque, male, notabile enim erat & particularem disquisitionem merebatur. *H. Heers Observat. Med. xxv.*

## S C H O L I A.

**M**irabantur quidam nihil sanguinis per vomitum aut secessum ejectum, nihilque cruoris in ipsa ventriculi substantia apparuisse: sed qui notabant ventriculum cibo potuque tensissimum, stomachiq;

substantiam carnis & venarum minimum, membranarum exanguium plurimum possidere: inter peritonæum autem & intestina multum defluxisse sanguinis, mirari, vel morari potius desinebant. *Idem.*

§. 2. Architectus *Pauli III. Summi Pontificis*, cum apud Anconam ageret, ense perfoßus fuit inter umbilicum & os ventriculi transversaliter, hoc est, ab uno latere ad aliud, adeo ut ab utroque latere vulneris oscula magna apparerent, Ad quem cum Chirurgi accesserunt, intus intestina reduxerunt, quæ illasæ esse dicebant, quia nullum intus stercus exierat, ac sic *cuius vulnera conjuerunt*, ab utraque parte orificium dimittentes, in singulo quorum linamentum immittebant:

Sequenti vero die obiit, cuius cadaver diffecare fecimus, & stomachi infimam partem incisam conspeximus. *Amatus Lusitanus cent. 1. curat. 67.*

## S C H O L I A.

**I**n testina illasæ esse dicebant) Cæcutiebant hic Chirurgi in hoc quod dicebant intestina læsa non esse, quia inde stercus non exierat: quum si intestina gracilia læsa fuissent, non inde per ea stercus emitti necessarium esset, quia in intestinis gracilibus stercus nullum reperitur, sunt enim viæ deductionis chyli, ex quibus mæfaraicæ hiantes ad jecur alimentum trahunt, unde *Avicennam* in hac re hallucinari, qui stercus formam substantialem in stomacho recipere contendit, certum est: *Idem ibidem.*

*Cuius vulnera conjuerunt*) Dubium an ventris vulnera ex toto debeant sui, vel potius in illis orificium

aliquod sit dimittendum? Cui respondet P. ab *Argelata*, non intelix Chirurgus, quod ex toto debeant sui vulnera ventris, quia aliter intestina multum alterarentur: Dicit forte aliquis? imo oppositum arguendum potius videtur, quia si non aliquod orificium ibi maneret, sanguis concretus abscessum faceret? Respondet *Argelata* ventris partes esse exanguies, & quod pauculum illum sanguinem natura ad emunctoria emittere poterit, & eo magis si à Medico cum medicamentis sanguinem dissolventibus adjuta fuerit, inter quæ coagulum leporis palmam obtinet. *Idem ibidem.*

## OBSERVATIO XXVIII.

Casus in Dorsum lethalis ob quinque vertebrae vitiatas. 1. In Latus ob læsum Lienem 2. Ob læsum Hepar & ruptam Velicam fellis. 3. In Pectus ob contusionem auriculæ cordis & Inflammationem lobi Pulmonis 4. Ex casu Colon peritonæo adnatum. 5. Lethalis ob rupturam venæ cavæ. 6. Verbera mors sequuta ob sanguinem per habitum corporis & viscera effusum, Inter cranium & duram matrem. 7. Concussio corporis à rheda lethalis ob vim Pericardio illatam & Pulmonibus. 8. Ob abscessum genitum inter musculos abdominis & peritonæum. 9. Ictus lateri inflictus lethalis ob contusum diaphragma venasque vicinas disruptas. 10.

§. 1. **B**Ajulus quidam dum calcem ædibus extruendis in altum deportat, de scalis quatuordecim pedes altis in trabem subjectam supinus decidit, ita ut vertebrae dorfi dislocatae, ac proinde dissolutae fuerint: Hic nihil relinquit intentatum ad pristinam recuperandam valetudinem, verum frustra, quandoquidem corpore incurvato, & facie terram versus vitam suam miser finit.

Dorso mortui aperto, quinque vertebrae conglobatas conspicati sumus, cui adhærescebat collectio quædam viscosa ac bituminosa, cujus collectionis causam esse puto humiditatem spinalis medullæ, tenacemque illam vertebrarum materiam iis inhærentem ipsumque adeo humorem, qui ipse sedem suam in ossibus habet, ut casus expressum, quæcum natura expellere nequirit, in gypsum quasi calore naturali omnia illa inspissante, conversa sunt. *Nic. Fontanus annot. in cap. 1. Epitomes Vesalsj.*

§. 2, Faberlignarius ex loco superiore deciduus, læsum habuit latus sinistrum: Inde læsus Lien qui præter modum induruit. *Vide lib. 3. tit. de Hypoch. tumore.*

§. 3. Puer à Præceptore in scamnum violenter protruditur, hinc queritur de hypochondrio dextro: Hepar evaserat durum, & vesicula fellea disrupta fuerat. *Lib. 3. de Hypochond. dolore.*

Christianus Sudi Gallus, annorum octo, dum pueriliter inter scabella & mensas vitulatur, offendit inopinato casu pectus, quod allisum capiti sedibus ictum excipit gravissimum: Ille tamen ne in offensam Parentis incurreret, dissimulat factum, sed ex eo tempore ad ludendum segnior, paucibus post mensibus pallefcere incipit & de ventris doloribus conqueri: Advocatus ego, lapsusque illius ignarus, præscribo quæ lumbricos excludant, quod ex pallore, ex nubilis sub oculo utroque ductibus, frictione narium, tenso abdomine conjicerem verminare puellum: & quidem eo successu propinata illa pharmaca, ut prodirent tandem lumbrici longi tum per os, tum per secessum: Nihil tamen confirmator sanitate puer, non ita multos post dies ex ægritudine decessit, me non parum sollicito, cur ejecto hoste periisset. Nata mox suspicio non exclusos lumbricos omnes, sed residere adhuc ferocissimum, eumque fortassis intestinum alicubi perforavisse, hinc labem & mortem consequutam: Illud ipsum mihi tamen ambiguum, quod notassem ante eos, quibus erosa à lumbricis intestina, clamorosa plerumque morte obire, hunc autem nil tale passum. Quid multis? convenit inter me & curiosum parentem, ut Chirurghi manu aperiretur, hac enim via duntaxat tolli dubium.

Aperitur ergo novacula Georgii Urstedii: Nulla in intestinis erosio observata, sed plures adhuc vivi lumbrici in colo notati: Renes fere quam in adulto majores: Dextra cordis auricula sextuplo major sinistra, sed livido sanguine coagulato referta; scilicet illa parte ante quatuor menses ictum receperat: In dextro cordis ventriculo frustum carneum oblongum, sed nusquam annexum, in sinistro pinguedo item libera & vermiculo cætera non dissimilis, Pulmo dexter, quæ lividam illam cordis auriculam spectabat, flavus & pene putridus, sinister autem costis adnatus. *Olans Borrichius in act. med. Thom. Bartholini ann. 1674. 75. & 76.*

§. 4. Colon intestinum in dextro latere ad exortum suum pertinaciter adhærebat, & adnatum erat peritonæo, ut & in sinistro latere, non tamen tantopere: Utrobique autem apparebat quasi sanguis paucus suffusus, unde conjeci hominem aliquando ab alto desiliisse & læsas fuisse has partes, & postmodum coaluerint. *Joh. Rudolphus Salzmannus Observat. p. 53.*

§. 5. Quendam secui lapsum ex alto: aperto ventre inferiore mox effluxit sanguis multus in spatium, fracta vena cava effusus: Hepar habuit magnum, pallens, quale est coctum & cocti modo tenerum & fragile. *Jacobus Sylvius observatorum in variis corporibus secandis &c.*

§. 6. Adno 1601. aperui corpus mulieris in Nosodochio nostro, quæ se gravidam esse putabat, at falso; Aperta fuit jussu Consulis, ut an ictus & verbera, quibus misere tractata fuit: mortis causa fuerint, pateret, quod ita esse deprehensum fuit: præterquam enim quod per universum corpus sanguis inter cutim & carnem effusus fuerit, etiam ipsa viscera non parum læsa fuerint: Et intra cranium & duram matrem magna sanguinis copia continebatur, *Joh. Rudolphus Salzmannus Observat. Anat. p. 7.*

#### S C H O L I A.

**V**erberibus ad necem usque, sed quæ quarta decimum die accidat, crui a nefariis quibusdam in Italia, quos placida morte, & cujus nullæ exterius notæ elucescant, fama est: Utuntur sacculis, in tucetorum aut hilarum formam effictis, arena refertis,

quibus in numerum artus & truncum reperitis ictibus feriunt, certo dimenso, eo modo exceptus vix dolorem aliquem percipit, liberatus lassitudinis tantum sensum percipit, eaque die & postera *opd&ant* est; tertia fit clinicus, accedente levi febre, quarta

extinguitur: Ab ictuum scil. frequentia venarum capillares habitus, imo & viscerum dirumpuntur, fibræ musculorum dissociantur, hinc putredo sanguini & carnibus inducitur, quæ mediante sanguinis circulatione ad cor traducitur.

§. 8. Agricola plaustris feno onusti everisionem & ruinam in se sustinens, de punctorio ac gravativo simul dolore in pectore conqueritur, & de quadam cordis compressione, ac spirandi difficultate: Pericardium defuncti scatebat pure copioso, cui velut immersum cor: Pulmo ejusdem labis particeps &c. *Vide tit. de pectoris dolore. lib. 2.*

§. 9. Quidam à rotis rhedæ fuit conquassatus, sine costarum notharum fractura: creditum jecur læsum ratione situs: Incisis musculis abdominis, ex dextro latere materia purulenta copiose effluxit, integro jecore, apostema enim intra musculos abdominis & peritoneum continebatur, *Vide tit. de hypochond. dolore. lib. 3.*

§. 10. Cum anno 1654. pugiles nonnulli in palæstra publice digladiarentur, Tympanista quidam interveniens, arrepta clava lignea athletharum non neminē ad pugnam provocavit, primoque statim congressu vehementi ictu in latus sinistrum percussit; unde subito concidit sine sensu & motu: In vicinam cellam vinariam à sodalibus deportatus, infusoque in os vinogenoso, paululum respirare visus est, brevi tamen post è vita discessit.

Detecto inspectoque cadavere, latus sinistrum circa costas mendasas & dorsum sanguine multo undique suffusum deprehendi: Aperui corpus, ipsumque diaphragma, in utraque superficie, tam quia cor, quam qua Lienem spectat, valde contusum, venasque à vicinis venarum cavæ & arteriarum magnarum truncis prodeuntes, disruptas inveni, ex quibus ingens sanguinis copia profluxerat: Hinc dissipatis spiritibus & impedito diaphragmatis ad respirationem & vitam summe necessario motu, aliter fieri non potuit quin ictu tam vehementi percussus moreretur. *Balthazar. Timæus Respons. Medicin. xv.*

## OBSERVATIO XXIX.

*Alapam mors subita sequitur nullo lesionis in cerebro apparente signo 1. Ictus ad nuclum lethalis ob effusum sub cranio cruorem & meningis phlegmonem. 2. Ictus pectoris lethalis ob Pericardium allisum & extremam costam fractam. 3. Lateris versus dorsum percussio lethalis ob excitatam in mediastini intercapedine vomicam. 4. Pectoris, ob contusionem intus excitatam. 5. Lethalis Perc. pectoris, ob vitiosam viscerum constitutionem. 6. Casus in Dorsum lethalis. exinde læso hepate, renibus 7. Hypochondrij sinistri percussio lethalis ob fissuram in Liene excitatam. 8. Hypochondrij, dextri ob lesionem intestinorum, diaphragmatis, vasorum mesenterij. 9. Hypogastrij, ob puris copiam in inguen devolutam. 10. Hypochond. sinistri, ob sauciatum Lienem. 11.*

§. 1. **A**nte paucos annos uxor accepta à marito alapa repente concidit & exspiravit: Medici aperta calvaria & cerebro inspecto, ejusque membranis reliquisque vasis, maritum insontern indicarunt: *Ioh. Rudolphus Camerarius memorab. medic. cent. x. §. 43.*

## S C H O L I A.

**B**enignus Obler. 110. de Abditis narrat juvenem accepta alapa inter lites, in apoplexiam incidisse quæ paucis horis ægrum strangulaverit: Quibusdam ab ictu materiam commotam fuisse opinantibus, aliis in humiliorem locum, quo diutius obdormierat causam rejicientibus, nonnullis in lautiozem victum quo juvenis vius fuerat; unde indicium apud Prælidem mansit indicium. Parentis mei b. m. *Andrea Bonci*, Medici celeberrimi, sagacitate quidam ob inflictam alapam in vitæ discrimen adductus è carceribus liberatus est, Hic hominem calumniosum is lascivientem strictissima alapa percutit, qui injuriam adeo ægre fert, ut jejuniis se macrare decreverit, quo mors superveniens percussori imputaretur: Cum nullo molimine ad cibum sumendum intizaretur, jamque quadriduum exactum esset, quo tempore fames amplius molesta non est, accedens Parens, qui curam illius susceperat, hoc commentum obitratum ad obitum ulque jejunii deliberationem excoquit: Fingit à Magistratu judicium de re petiri ei: Se inimicum culpa liberale, quod ad totam alapam mors sequi non posset: non idem esse de jejuniis, quod mors septimo die necessario sequatur;

Quo testimonio audito, protinus reum absolutum esse, ac è carceribus eductum, ipsum vero, quod propriæ necis author esset, ex Senatusconsulto, post fata, trahæ impositum, pro more, ad patibularium ex Urbe vehendum: Quibus auditis illico alapa percussus jejuniis solvit, cibumque poscit: Percussor vero carceribus exemptus, gratiasque vero parenti agens pro restituta libertate, ab eo querit, num alapæ ea vis esse potuerit ut in mortis periculū adducere valeat? Cui Parens respondet, percussum cacochymum fuisse, biliosum, in quo vitiosi humores congesti, accedente causâ procatartica, conturbati fuerint, latentemque morbum, atque erumpere paratum excitaverint: Eundem si ante rixam cacochymiam biliorum purgatione exclusisset, morbum evaturum fuisse: Tum percussor, gratias, inquit, ago pro salutari monito, nunquam enim deinceps cum quopiam altercabor quin eundem prius sic adortiar, Cui tibi corpus expurgati & venas sanguine depleti, denum te prout promeritus es mulctabo. An vero colaphus gemina mortis causa sit egregie dilquirit *Paulus Zacchias Quæst. Med. Legal. lib. 5. tit. 2. qn. 10. §. 3.*



§. 2. Caspar N. in Caupona bene potus, cum Jacobo N. domum tendens, lapide Nucham Jacobi petiit, tam vehementer ut quattriduo post obiret.

Inspectione cadaveris habita, observarum quod Jacobo venulæ disrumpæ multumque sanguinis crassi & congrumati sub cranio collectum, ac dolore intolerabili per hoc triduum fuerit correptus: Queritur an dictus Jacobus ex jactu lapidis in Nucham, Vel magis ex malo regimine obierit?

## S C H O L I A.

**R** *Esposum Facultatis Medica Lipsiensis.* ] Ad Questionem respondemus ita: Si verum quod Jacobus N. lapide jactus paulo supra collum, quo calvaria latitudine imperialis, citra tamen ullam lationem, fuit denudata, ipse quoque statim in terram cecidit, alterato oculo torvum subinde videns, omnibus sensibus destitutus; loquela privatus, quæ symptomata 4. die mors excepit, apertoque cranio mater dura terentii latitudine livida, sanguine suffusa, sub qua cochleare sanguinis coagulati reperiuntur, hinc quoque nulla Trepanatio, quia cruor sub meningibus cerebri collectus, multo minus emplastra, cysteres vel venæ sectio, pro revulsionem prodesse potuerunt: Ideo unanimiter concludimus, ex fundamentis artis nostræ, quod rebus sic se habenti-

bus, Jacobus N. à jactu lapidis, in Nucham facto, necessario obierit, minime vero ex malo regimine.

*Nucha* ] Anatomicis est medullæ spinalis initium, & omnium nervorum: Nec dubium quin jactu isto læsæ fuerint vertebrae cervicis, & potissimum *Atlas* & *Epistrophe*, & præ cæteris ejus *Dens*, utpote à cujus luxatione insanibilis Angina oritur.

*Sub cranio collectum* ] Trepanatio an prodest quando sanguis congrumatus est sub meningibus? Dico si non totaliter, tamen in tantum juvat: Et quis hanc circumstantiam semper potest ariolari vel præsupponere? aut estne propterea trepanatio in tali casu dubio procul intermittenda? *Paulus Annannus Medicina critica casu xxiiij.*

§. 3. *Claudius Bouvot* ex pago *Longeville* in comitatu *Montbelgarden*si, anno 1668. 23. Sept. à *D. du Commun*. Titione in pectus sinistrum projecto ictus subito concidit exanimis & mortuus: Chirurgus in absentia mea autographo deposuit Tempora sinistra absque vulnere livida fuisse; quibus apertis sanguinem extravasatum musculo crotaphitæ superjacentem invenisset, interioribus cerebri, ipsoque cranio sese naturaliter habentibus: In exterioribus thoracis nihil apparuisse quidem vel contusum vel sauciatum: hujus vero apertura facta, quintam sinistri lateris venarum costam fractam occurrisset: cujus dentatæ extremitates Pleuram & Pulmonem perforassent, ipsique Pericardio, circa cordis apicem, rubram striam, pro fracturæ latitudine sine vulnere impegerint: Quod eo manifestius constabat quum thoracis latera comprimerentur, tunc enim fractæ costæ extremitatem alteram directè ad Pericardii vibicem allisisset: Nullam in toto illo latere fuisse sanguinis expansionem vel præter dicta malam conformationem asserbat: In dextro vero Pectore Pulmonem integrum lividum, tumidum, & membranæ pleuræ strictæ ab imo diaphragmatis & verarum costarum, à mediastino ad dorsi vertebrae & claviculas coalitum, ita ut nonnisi laceratus separari à membrana & costis potuerit: In ventre inferiore expansa erat bilis in jecur, vacua ejus vesicula.

## S C H O L I A.

**S**uper his ut sententiam ferrem meam, & an illa percussio lethalis nominari debeat, à Senatu die 27. Octobris, jussus, citra melioris informationis & veritatis præjudicium ita senti: Livorem sinistorum temporum ab ejusdem titionis reverberatione forte ortum, quum unicum accepisse pulsum constaret, & titio ipso à pectore ad tempora spatio longior non esset: Talem vero contusionem sua natura lethalem dici non posse, quum fuerit superficialia, non vulnerato musculo temporali, cujus vulnera ne quidem lethalia esse pluribus Observationibus *P. de Marchetti* & aliorum certum est: Costæ fracturam, Pul-

monis vulnusculum, & pericardii percussione, separatim vel etiam conjunctim tam repentinam mortem sua ipsa natura necessario non potuissent excitare, ut illa omnia pluribus & rationibus & authoritatibus stabilivi ex *Fabrizio Hild. Parao, Fallopio, Th. Bartheolino* lib. 2. de Thor. &c. Sique Pulmones dextri non ita costis adhæsisissent, & respirationis usum in valde adirato non denegassent, talem forte incussum non exitiosum fuisse: Quorum tamen decisionem, quæ fori non esset nisi ex parte mei, Juridico & sapientiori committebam. *I. Nic. Binningerus cens. ix. Obser. lxxxv.*

§. 4. *J. Haxius* graviter percutitur in latere dextro versus dorsum: In mediastini intercapedine vomica reperta, Et similis sterni sub Pleura insidebat. *Vide sis. de Febribus.*

§. 5. Rusticum eques in thorace sclopeto percussit, qui post septimanas aliquot exspiravit. Post apertionem pectoris, intrinsecus contusionis signa eo in loco apparuerunt. *Vide sis. de Hamoptysi lib. 2.*

§. 6. Anni 1662. Martii 26. ante meridiem hora nona rusticus ebrius, ætatis consistentis; ex pugno pectori inflicto supinus sternitur: Ex templo conqueritur de frigore, dolore lumborum, ita ut zgre deambulet, attamen ejus diei vespera extra urbem ad suam familiam se confert, quæ sesquihora distat, decubuit, sanguinem sputat, punctationibus gravissimis in utroque latere excruciat, sitis ingens, & tandem mentis vacillatio adfuit, quam excepit convulsio & mors, 30. Martii, hora ipsa meridiana.

Jussu

Iussu Illustr. Magistratus Bernensis cadaver inspeximus, & quid exterius, quid interius apparuit, hoc modo notavimus. Dorsum à scapulis ad lumbos lividis longiusculisque maculis, quasi vibices verberum essent notamus, quæ novacula incisa nulla suffusi sanguinis vestigia, & ideo coagulati præbebant: Pudenda livida etiam gangrænam quandam innuebant: In sinistro cubito, circa olecrani protuberantiam, ex ecchymomate sanguinis, quod ex baculo ferebatur adesse, livor, sine tamen ossis fractura, luxatione articuli & carnis discissione, fœtor tantus, qui nec suffitu odorifero, nec igne inflammante poterat emendari: Aperto abdomine, hepar, lien, stomachus, renes & intestina omnia salva lustravimus, in figura, colore & situ, nisi quod intestina flatibus turgabant: In thorace externe sub mammilla dextra, uncialis nummi macula livida, ex memorato pugno aderat, sine effusione sanguinis itidem, vulnere, fractura, sine luxatione costæ, sine totius compagis, quæ sternum dicitur, læsione: Dum intimum thoracis claustrum inspicimus, omnia contenta quasi fumo fusca forent, visa sunt, & utriusque lateris pleuræ Pulmonis lobi firmissime hærebant: Pulmo siccus & lividus notis interstructis in superficie: Intus putridus & quasi pus siccatum apparebat: Cor vitæ princeps & moderator, illæso Pericardio & ejus aqua, omnino flaccidum: Cum dextrum ventriculum ferimus, apparet materia subalbicans, pancreati omnino similis: dum istam trahimus, semiulnam, vel quinque digitorum, longitudinem æquat, & duos transversos latitudine, sanguini coagulato qui ex venâ pertusa in sanis & pelvi exceptus concrevit similis: Cum tamen simile quid veræ pinguedinis interspersum esset, cum tenacitate, quod nec unguibus cedebat, diversum quid judicavimus: Ventriculus iste præterea sanguine putrido, i. e. sine fibris scatebat: Dum sinistram cordis foueam scrutamur, siquidem dextro thalamo ipsa nobilior audit, etiam parem in ea materiam & longitudine & visciditate reperimus, Ex his Cordis Polypum dicimus, & uterque ponderebat ad minimum uncias quatuor, Caput etiam apertum, sed nulla offensionis nota vel in cute, vel in pericranio, vel ipso cranio & meningibus apparuit. *Martinus Bogdanus apud Bartholinum Epist. xl. cent. xv.*

## S C H O L I A.

**S**ætas, temperamentum siccum, vita laboribus austicis allucta & dedita, calidor veris præsentis constitutio, & in hoc casu dispositio nobiliorum viscerum & ebrietas expenduntur, sine ullo vulneris lethalis indicio, & circumstantiis incognitis, inculcare morbum malignum pectoris possumus, qui Pleuroperipneumonia dici potest ob *omnes* symptomatum: Etsi supinus ex percussione cecidit, & extemplo dolorem utroque in latere pungentem cum lassitudine spontanea percepit, cum tamen nec consilio nec auxilio Medici usus sit, sed frigoris molestiam symptomata narrata cumulatunt in ebrio irato, indignabundo, vindictæ cupido, difficulter proxima mortis causa à nobis potest definiri, vel ex his certa nota quæ vel reum vel mortuum ipsum inculparet: Viscera pectoris omnimode læsa, etiam à majori tempore causam indicant: Sit causa concomitans lapsus, ebrietas, iracundia, vindictæ cupido, quæ omnia facile abditas & latentes causas irritant & explicarunt: attamen intolerabilem fœtorem, vibices in dorso sine sanguinis coagulari præsentia, & pudenda livote circumfusa, neutiquam nudius tertius potuerunt causari: Equidem olecrani regio suffusa quidem sanguine erat, & ictum majorem quam ullibi monstrabat, est tamen sine luxatione, fractura & vulnere, nec cum his tanti habenda esset præsentibus, quod hujusmodi plagas non sufferunt sine discrimine vitæ? Itaque dictus putor ex maligna putredine pullulavit, ejusque characteres maculæ lividæ, quæ etsi in nullo ægrotantium adhuc à nobis observatæ sunt, Fortitan summo cum infortunio se primum in hoc mortuo explicaverunt: Hujusmodi Pleuropneumo-

nia Medicis maxime cognita est, quæ neutiquam præsupponit ejusmodi procatasticas causas, sed contagium, aut victum, aut cælum hac hyeme huic regioni diversum, & præsynectica habet peculiarem malignitatem & sanguinis corruptionem: Optime hic memorandum quod *Valerius Maximus* lib. 9. c. 12. reliquit, *Fine namque vitæ nostræ variis & occultis causis exposito, in primis quadam immutentia supremi sari titulum occupant, cum magis in tempus mortis incidant quam ipsam mortem ascerant.* Itaque putamus quod verbera & lapsus dici possunt mortis causa, sed remota, aut primaria & proxima neutiquam: Nulla observata est fractura, contusio, vulnus, nec sanguinis aliqua profusio in cavitate thoracis: materia (seu purulentam seu polypodeam vocamus) in corde à nobis animadversa, alicujus venæ diæresin testari posset, sed omnes venas cordis salvas vidimus, tum etiam eas quæ in modum coronæ cor ambiunt: Itaque coagulatio ista à caloris p. n. violentia provenit, seu, ut clarius ex neotericis dicamus, absumpto sulphure ob tantum febris æstus, non tantum fœtor & putredo excitata, verum etiam sal coagulandi virtutem exercuit: hac de causa sanguis reliquus sine fibris lychnum vitæ alere non potuit, quod cum sal omnis ad cor conflueret, quo reliquæ partes destitute hujusmodi fœtorem conceperunt & exhalarent: Pulmonum lobi utrique lateri affixi non per fibras, sed per gluten, intus purulenti exsuccique eandem pleuropneumoniæ confirmant, & ex eadem deliria seu paraphrenitæ, convulsionem & suffocationem: Hoc modo iussi casum ex nostræ Medicinæ fundamentis exponimus & subscribimus. *Io. Christ. Wilhelms M. D. Martinus Bogdanus D. Med.*

§. 7. Anno 1587. quidam ex casu ab alto septima die interiit: Casus autem hic erat, decidit è trabe, & corporis partes insensibiles redditæ, sine dolore tamen, sensu solo aboli-

abolito, & solis abdominis musculis ad motum diaphragmatis mobilibus. unde de sextiduanâ recrementorum & urinæ retentione conquerebatur, sed absque dolore ullo: Ego clysteres fortiores injici curavi, sine fructu, iisdem ob retentricem & expultricem emortuam, statim rejectis seu potius refluentibus: Syringa & cereo explorata vésica, urinam non continebat, æger ipse catheterem immissum non sentiebat, molestiam tantum circa renes in lumbis percipiens.

Sectio post obitum cadavere, hepar ejusque tota regio quasi inundata reperta est, quemadmodum & ventriculus: Renes muco repleti & adeo obstructi ut nihil potuerit præterlabi: vesica tota exsiccata quasi, una cum vtericibus, Liene autem tumido, & ventriculo cordis utroque tenui, sanguine distento, unde proculdubio suffocatus interierat: Respiratio viventi magna erat & crebra, sudore gelido semper madebat corpus, *Ioh. Valerius Rumlerv. Observ. xij.*

## S C H O L I A.

**S**olis abdominis musculis ad motum diaphragmatis mobilibus] Omnes enim tam oblique ascendentes quam descendentes & transversales dicti, exceptis solis pyramidalibus, ad costas pertingunt: unde gravissima læsio colligitur, si ad illarum tantum septique motum, non propriis viribus moveantur, quibus utique & perficiendis validissimas

fibras & aponeuroses cæteroquin acciperet.

*Inundata*] Elegans sane observatio *Riverij* de sero urinario ab instructione emulgentium & renum vitio restagnante, v. l. præsertim curato, cent. 1. obs. 2. quæ hic quoque administrari poterat, imprimis quod à casu orta. *Vesichim.*

§. 9. Ictus fuit Scipione in regione Lienis, Juvenis 14. annorum, qui postridie obiit licet foris nullum inspiceretur vulnus: quo etiam caruit Textor à simili ictu *Oudekerkæ* occisus. Vidimus in utroque cadavere Lienem ut mollem, sic in gibba parte, in qua tamen Ictum exceperat, illæsum, ut in cava contra evidenter Fissum: vel potius ampla rima tantum dilaceratum, ut in illa facile duos occultasses digitos: mirum erat quod rimas egerit & non potius cesserit ictui molle & pendulum viscus, sed quid non læderet penetrans baculi vis &c, *Tulpius lib. 2. Observ. 29.*

## S C H O L I A.

**E**xinde patet quam verum sit illud tralatitium Cursoribus Lienem excindi posse, quod a plurimis traditum *Plinio* l. 11. c. 37. *Georgio Beronio* l. 18. Med. cap. 1. *Robb. Flud.* qui canis lienem à peritro Chirurgo superstite adhuc cane exemptum fuisse tradit: *Leonardo Fioravanti*, qui Nob. foeminam splenicam lethaliter decumbentem liene extracto convalescere ait: *Franc. Rouffeo* qui l. 4. de partu cæli c. 5. totum lienem à Chirurgis quoque exemptum fuisse refert: Imo quibusdam defuisse observationum, testibus *Aristotele*, *Schenckio* de *Ottelio*, *Hollerio*, *Laurentio Zacutus* abesse, vel eximi posse admittere videtur, Non hoc mirum, ait, videri debet, quum Lien sit per accidens necessarius, sicuti recrementa tum alvi tum vesicæ: At hanc Lienis excisionem omnino impossibilem judicamus, cum arteria splenica, & rami venæ portæ splenem ingredientem, extracto splene nullo modo consolidari,

& homo ab interitu præsentissimo liberari nequeat. Non inficias quidem imus in quibusdam Lienem defuisse, non secus ac interdum alia viscera, errore naturæ, sed defectum tamen resarciunt: consequentiam tamen negamus, quod quia quidam sine Liene vivere potuerunt, ideo omnes eo carere queant, Vivant pecudes Cretenses sine liene, quod scolopendia vescantur, ut tradit *Vitruvius* l. 1. c. 4. nemo tamen exinde evincet quod is omnibus vita superstite eximi queat: Authoritates allatas in dubium vocant, & jure quidem *Vesolius*, *Conringius*, *Highmorus* & alii: *Cælius Aurelianus* l. 3. c. 4. Quidam etiam, dicunt, decidendum vel auferendum Lienem ordinate ausi sunt, quod quidem voce dictum, non autem officio completum accepimus: Hinc *Knoblochius* instit. Anatomic. disput. 7. Lienem ob præcipuam cum præcipuis partibus connexionem excindi posse negat.

§. 9. Quidam ictus in hypochondrii dextri lateris infima sede, post extinctus est: Intestina in latere læso maculosa erant: Diaphragma ibidem lividum: Mesenterii vasa circa originem penitus cruenta & velut contusa. *Vide lib. 3. tit. de Hypochond. dolore.*

§. 10. Renum mirandam formam *Leonardus Doldius*, Noribergensis Medicus, reperit in cadavere *Andræ Helten*, qui anno 1602. 17. Octobr. anno ætatis xvi. mortuus est, postquam ex ictu in ventrem supra pubem accepto, diuturno morbo laborasset, & post mortem apertus puris copia circa utrumque inguen tanta reperta, ut mensuras duas Noribergenses æquaret. *Casparus Bahhinus in Theatro Anatomico.*

§. 11. Quod nonnulli de extirpatione Lienis nugantur, non tam rationibus quam risk refutari debet, quandoquidem membrum est venis arteriisque plenissimum & ad extirpandum periculosissimum: sic vidimus aliquem derepente extinctum, cujus Lien ictu baculi fauciatus fuerat. *Nic. Fontanus Epitom. Vesalii pag. 22.*



## ANATOMIÆ PRACTICÆ

## LIBRI QVARTI.

## SECTIO IV.

## De VLCERIBVS, SPHACELO.

## OBSERVATIO I.

*Vlcera capitis manantia in infante lethalia, ob serum sub cranio suppressionem. 1. In muliere, ob cerebri partem exinde putrefactam. 2. Vlcus occipitis nativum in infante, obstetricis errori adscriptum. 3.*

§. 1. **B**imulus Princeps Serenissimæ cujusdam in Germania Familiæ, diarrhœa, atrophica, aliisque symptomatibus defunctus 26. Julii, 1676. exenteratus: Magnum illi, elegans, candidumque cerebrum, sub quo inter cranium octo & plura cochlearia aquæ cruentæ inventa: Externa capitis ulcuscula prorsus evanuerant. *In actus Med. Th. Bartholini, annor. 1674. 75. & 76.*

§. 2. Mulieri Tina alias tentata, ac capitis lotionibus sanata, in capitis dolorem ac febrem continuam incidit, 30. post die morte succedente.

Sublato cranio media pars totius cerebri, cum membranis, (erat autem dextra) putrida inventa est, ichore citrino referta. *Saxonia Præf. præf. p. 1. cap. r.*

§. 3. Nuper accita fuit ad amicam quandam meam parturientem, cui obstetricari non licuit, eo quod extra urbem pernoctandum mihi fuisset, injuria sit illata aliis puerperis quæ mea opera utebantur: Ideo ad alteram obstetricem eundum fuit: Postridie rogat me maritus visitare natum infantem, qui eo judice ab obstetrice necatus credebatur, Fœtus septem mensium, ritè conformatus mihi offertur, cujus caput angustum, occiput planum, depresso & lacerum, simile capiti leporino excoriato; capilli posteriora capitis cingebant, instar coronæ cœnobitæ, capitis posterior pars scapulis annectebatur, quod aperiri jussi: Id à perito Chirurgo præstitum, qui posticam illam capitis partem, quæ excoriata videbatur, reperit tenui membrana amictam, sub qua recondebatur os occipitis inversum, superna parte deorsum spectante: Ab erat omnino substantia cerebri, cujus spatium occupabant ossa solidissima & dura: Aliquot post septimanis narratum mihi puerperam illam, sex ante partum hebdomadis, fuisse à marito in regione lumborum terictam fuisse, unde deformitatis causam in fœtu repetebat: Nisi dissectus fuisset, mortis causa adscripta obstetrici fuisset: *Lodovica Borghesia, alias Boursier, obstetrix Gallica. Observati. lib. 2. p. 70.*

## OBSERVATIO II.

*Vlcus in pectore tumorem caustico apertum sequutum, sanguinem fundens, originem ducens à vena in pulmonibus, ad cor usque pertingente.*

**M**ulier quædam xxix. annorum, uxor aurifabri, quarta quarti puerperii hebdomade, 1631. paulo infra dextram claviculam, per octiduum, ingentem dolorem sensit, qui adhibito oleo anodyno cessit, descenditque in latus modo dictum infra mammam, ibique dolorem fixum, immensum, cum febre, angustia pectoris, cephalalgia, leipothimiis, aliisque pravis symptomatibus ad xiv. fere dies causavit, qui neque linimentis nec emplastris leniri potuit, donec latitudinis palmæ, infra mammam, tumor quidam exiguus absque inflammatione se manifestaret, qui cataplasmate sensim emollitus accrevit, ita ut puris latitare copiam dubium nullum fuerit; cumque dolores intensissimi dies noctesque urgerent, consultum duximus caustico potenti naturali naturæ imbecilliori succurrere, hostique lancinanti exitum parare, qui tanto erupit impetu, ut prima vice ad libram semis tenuis subcruenti puris, nec minus singulis plagæ aperturis emanrit: atque ægrâ melius statim exinde habere cœperit, haud exiguam de convalescentia spem habiciens, tertia vero die hæmorrhagia copiosa media nocte per vulnus inflatum sponte subsequuta est, quæ vix cohiberi potuit, sæpiusque eam invasit, concomitante semper dyspnoea, quæ non nisi sanguine profuso desit; cumque vires in dies consumerentur, tandem revertente gravissima respirandi difficultate xlvij. die morbi expiravit. Post

Post mortem corpus cum aperiretur, ac ulceris sedes & cruentationis causa investigaretur, mira viscerum quorundam reperta fuit conformatio; Ac dissecto quidem thorace, invenimus ingentem vomicam; sinistrum lobum pulmonum magna ex parte corrodentem, atque ad cordis usque substantiam pertingentem, adeoque non tam dyspnœæ aliorumque symptomatum, quam hæmorrhagiæ iteratæ ipsiusque mortis causam infallibilem: Reliqua Pulmonis substantia jaspidis colorem viridellum referebat: Cor magnum adipe copioso oblitum: In abdomine naturaliter Lienis Renumque parenchymata, ut & ventriculus, mesenterium, uterus, conformata erant, excepto hepate, cujus moles horrenda, atque in tantum excrevit, ut quatuor libras cum semisse ponderi responderet, substantia scirrhusa, cui fellea vesicula bile repleta appendebat: Dorsalis spina incurvata fuit, ex qua gibbus in tergo non contemnendæ magnitudinis.

## S C H O L I A.

**L**icet ex asthma, quo sana molestabatur cōtinuo, lecur obstructum & durius semper fuerim suspicatus, quod pondere suo diaphragma deprimeret, & liberum ejusdem motum impediret, necnon hydropem tandem sequuturum prognostico dixerim, attamen de tanta excrecentia & mole nunquam cogitare licuit, atque mors ex vomica vel hæmorrha-

gia hunc prævenit morbum. De qua sanguinis profusione quæritur, an ex vena in pulmonibus per abscessum exela, an vero è lochiorum per venas mammarias regurgitatione ortum duxerit? mihi opinio probabilior videtur: *Observat. D. Jeremie Erhardi apud Hachstetterum Decade. x. casu. x.*

## O B S E R V A T I O III.

*Vlcus in Ano lethale ob intestini recti exulcerationem in gangrænam desinentem.*

§. 1. **H**elmstadii nuper mortuus est D. Cellarius Abbas Marienthalensis &c. Hic laboraverat ante hac hæmorrhoidibus, modo cæcis modo apertis, sed per aliquot menses nihil inde mali senserat: Tandem appetitus illi plane prosternebatur, & pituitosæ materiæ magna copia rejiciebatur, uti deinde quoque medicamentis incredibilis plane viscidæ & vitreæ pituitæ copia, in globulos ovi gallinaucei magnitudine compacta, per alvum educebatur; Hinc quidem non parum debilitabatur, jam tamen sublatum erat malum, & appetitus viresque redire incipiebant, cum præter opinionem de acutissimo dolore circa intestinum rectum conqueri cœpit: Ano aperto, speculoque non nihil dilatato, nihil videre licebat, nec anodyna injecta & ad anum apposita quicquam juvabant: Tandem nono die in clunibus, prope anum, tumor se manifestavit, qui cataplasmatibus maturantibus apposis mox emollitur & dein aperitur, exeunte materia foetidissima, maxima in copia, quæ stercus plane referebat, uti dein etiam quoties alvus excernenda erat, per vulnus exhibat: Adhibita ulceri fuere mundificantia remedia, sed frustra; semper enim id nigrum foetidumque mansit, & sursum in carnem clunium latè sese propagavit, unde tandem doloribus & gangræna confectus obiit.

Post mortem inspectum vulnus, apparuitque in intestino recto apertionem esse magnitudinis monetæ currentis, quæ sex grossos marianos valet: Intestinum hoc totum nigrum fuit usque ad flexionem quam supra os sacrum facit: Vesica quoque illi adhærens collo suo gangrænae principia contraxerat, unde etiam urina cum difficultate emittebatur. Ex clunibus vero utriusque lateris, magna frustra carnis nigerrimæ detrahi poterant: tanta fuit ibi corruptio, ut mirum tamdiu virum hunc vivere potuisse. *Julius Georgius Behrens in Miscell. cur. anni 1672. Observat. 181.*

## S C H O L I A.

De affectu huic finitimo vide *Sylvaticum* centur. iij. consil. xv. & xvj.

## O B S E R V A T I O IV.

*In puero Tuberculis & Vlceribus cum ossium carie per triennium scatent, & Sinu ad lumbum sinistrum, deprehensum est lecur magnum costis agglutinatum, Abscessus juxta vertebrae dorsales superiores, citra lucem veneream.*

**P**uer annor. 10. temperiei cal. siccæ, & adustæ, jam per duos annos tuberculis quibusdam laborat in diversis partibus corporis, quæ nonnisi longo tempore suppurantur, & ubi rumpuntur, ulcera fiunt cum ossis corruptione: Factus est abscessus ad musculum lumbarem sinistrum, quo rupto, sinus permanit deorsum vergens, in cujus extremo videtur os costæ corruptum, Habet præterea ulcera alia in digito dextræ manus, in cubito prope manum, in quibus apparent ossa corrupta: habet tuberculum ad cubitum sinistri brachii, quod & ipsum videtur continere materiam putulentā, licet parum dolorosa sit, deniq; sæpe hinc inde emergunt tubercula, ut uno rupto alterum succedat: Sinus vero ille qui est ab lumbum sinistrum, dū stilus transmittitur, penetrat ad costam & sentitur os asperum, ita ut

vide.

videatur adesse aliqua corruptio, quæ tamen videtur esse parva, quia sordes pauca est & boni odoris, & caro etiam proba conspicitur.

Hic puer nullis medicamentis potuit sanari, sed transacto triennio ab initio morbi, febre continua consumptus, orta prius convulsione ex ulcere cum ossis corruptione in calcaneo; Eo dissecto, invenimus Jecur magnum valde, costis agglutinatum validissime; quod ex natura illi contigisse putavimus, unde malus humor ossificus in jecore genitus corrumpibat ossa in abscessibus: Præterea invenimus non magnum abscessum juxta vertebrae dorsii superiores, membranis ipsius spinæ obvolutum, in quo pus continebatur coctum non magna quantitate.

## S C H O L I A.

**P**artes affectæ sunt externæ, quæ ad sensum apparent, ubi sunt tubercula & ulcera: sunt etiam partes internæ, cerebrum, jecur & lien, quæ videntur laborare per essentiam ob morbi diuturnitatem: Affectus multi sunt, interni & externi, Interni, in cerebro intemperies humida & impuritas, quia non fuit expurgatum nec in utero nec extra, nam dum lactabatur, nec per ulcera capitis manantia, nec per aures, nec per vomitum expurgatus est: Jecur & Lien laborabant obstructionibus, nam tumida sunt, præsertim Lien, In partibus externis affectus sunt, Tubercula oedematosa, sed participantia de phlegmone: aliqua fuerunt de natura furunculorum in facie & in collo: Præterea laborat ulceribus malignis, in quibus omnibus apparet corruptum, ut magna suspicio fuerit infectionis à Gallico morbo, sed nec pater nec mater pueri eo labora-

tunt, & dum lactaretur à pluribus nutricibus, nihil apparuit per septem annos, quod illius morbi suspicionem fecerit: Causa tantorum malorum in visceribus constituenda est, nam capitis intemperies & viscerum, excrementa multa gignunt, & prævos humores, pituitosos, melancholicos, qui transmittuntur ad partes, præsertim à capite ad glandulas & loca imbecilla, & fluxio est externa per suturas calvaria, & sensim colliguntur humores in parte, qui non nisi longo tempore ad suppurationem veniunt, unde humor pravitatem acquirit, & ossa corrodit & quasi in pulverem reducit: nam natura hujus humoris videtur à tota substantia ossibus contraria, quia illa magis afficit quam carnes & alias partes, quod etiam solet accidere in morbo Gallico, &c. *Rodericus à Fonseca Consili. Med. lib. 1. cons. 42.*

## OBSERVATIO V.

*Vlcus Tibiæ sinuosum ob subditorum ossium vitium. Spina ventosa. 1. 2. 3. Vlcera Tibiarum & Femorum à Jecoris & Lienis vitio pendentia. 4.*

§. 1. **I**nflati & inflammati ossis exemplum nuper in nostro Xenodochio habuimus in juvene 18. annorum, Daniele Cheva: Hic à sex annis gravissimum dolorem in tibia dextra habuit, multis remediis frustra adhibitis, nos tandem levaminis & curæ gratia accessit: Cum hinc & inde ulcus sinuosum perquirimus, scabritiem ossis & teredinem ex acredine materiæ & subesse animadvertimus, & ipsum os præter modum distentum: Multa remedia quoque nostri Chirurgi frustra applicarunt, tandem consensus ut inutile membrum gladio rescinderetur.

Crure ablato & denudato, fibula integra fuit, sed connata tibiæ circa malleolum tarso: Tibia p. n. crassior, à tarso ad genu magnitudine improporcionatè aucta erat, & veluti ex inflammatione inflata, hinc & inde carie vitata: *Cum Tarso ossibus*, uti astragalo, calcaneo, cymbiformi, cubiformi connata tenaciter & immobiliter per symphysim, quasi unita à natura coaluissent, sine vestigio aliquo quod antea divisa fuissent. Cum ante hunc morbum motus constaret, & nihil obesset quin in quamcumque partem permobilis esset: Periostium ubi os à pure non arrosus erat, integrum apparebat: Quatuor septimanarum spatio vulnere sanato, & fonticulo in femore inusto, *quo materia acris*, si quæ ex internarum partium vitio transmitteretur, locum & exitum haberet, ad suos ipsum dimisimus: *Martinus Bogdanus Observ. 12.*

## S C H O L I A.

**C***um Tarso ossibus*] Affectus ab Arabum interpretibus ventosa Spina dictus, omnibus quidem ossibus est communis, præcipue tamen in ossibus tarso & carpi occurrit; ut caries à causis externis, ita hæc corruptio ab internis: Observavimus talem in sterno, ossibus humeri, cubiti prope epiphyses, circa dorsii spinam, sæpius in carpi & tarso ossibus, fluente ex internodiis pure, & ossa erodente: *Guern. Rolsneccius. Dissert. Anat. lib. 2. cap. 47.*

§. 2. *Ventum seu flatum spinæ*, ad mentem Arabum appellamus, affectum quem vulgus, voces invertendo, *Spinam ventosam*, & *Severinus*, nova nomenclatura, *Padaribrocacem*: Hujus cum tanta vis sit ut acutissimo dolore ossa corrumpat & carie excedat, vix alia ra-

*Quo materia acris, &c.*] Curationem difficilem idem statuit, fomitem visceribus suppeditantibus perennem: Puella annorum xv. mensibus apparentibus ordinataque fluentibus periodo, restituta: Aliam mensibus licet apparentibus, non habentem melius per *analeptis*, salivationem mercuriali inunctione excitatam, & duodecim dierum spatio continuatam, feliciter restituit.

Y Y y y y

tionis



tione perfectè sanari potest quam membri affecti amputatione : Qua 1646. 18. Aprilis Patavii, viro & puellæ pedes ablatos vidimus, & feminæ cuidam digitum : E quibus unum dissectum inspeximus, ossa calcanei & metatarsi tam carie corrosa exhibentem, ut nullo negotio cultelli manubrio conteri & quasi friari potuerint : Nec alius affectus est quem *Rondeletius* de dignot. morb. cap. 10. Tumores ossium putrescentium in pueris à morbo Italico, ob cacoethicam quandam sanguinis dispositionem, parum peritè ad claudas referendos existimabat. *G. H. Velschius Observ. Medic.* 81.

§. 3. Ante xv. præter propter menses hunc casum accidisse memini in Illustr. Dom. *Baronissa de Merode*, de quo varia fuerunt Medicorum judicia: Ego autem eodem conspecto protinus judicavi eundem esse, quem alias videram Neapoli apud Cl. *Severinum* : Quare, cum juxta consilium *Argelata* non posset os morbosum removeri, necesse fuit ad ultimam anchoram, amputationem scil. tibiæ nos procedere.

Qualis autem ossis ipsius constitutio postea per Anatomen innotuerit, addere non gravabor : Remota cute, quæ admodum erat propter extensionem attenuata, invenimus tendines musculorum peroneorum, ut maximum tendinem qui calcaneo est affixus, & crassitiem naturaliter insignem obtinet, instar chartæ alicujus tenuem ; solum calcis os erat affectum, atque in magnitudinem insignem adauctum, ut libræ unius cum dimidia pondus æquaret : non solum autem porosum redditum erat, sed pori illi erant repleti materia cartilaginea, qualis quoque cartilago extrinsecus os ambiebat, & cartilagini callosa materia desuper erat adnata. *I. Van Horne microtech.* §. 85.

## S C H O L I A.

**I**nvenimus tendines musculorum, &c. ] Huc pertinent Gangliodes abscessus ; de quibus *Severinus* lib. 4. de recond. Abscessuum doctr. cap. 8. A me, inquit, frequentissime in notodochio Incurabili, observatum gangrenas & cum necrosi absces-

sus lente accessisse, atque exitisse vitiatos infra tendines ac nervos, qui antipathia quadam, & occulta humoris proprietate potius & prius quam carnes aut muscoli fuerint obsessi : *Vide ejusdem Medic. Efficacem, part. ij. cap. 22.*

§. 4. Aperui corpus cujusdam Nob. Galli hydrope mortui, in quo omnia præter hepar sana erant, quod induratum admodum & quasi callosum, plurimisque tuberculis ceu glandulis undiquaque refertum erat : Lien quidem sanus, triplo tamen major quam alias esse solet.

In hoc corpore verum esse reperi quod *Hippocrates* lib. 2. Prothet. dicit, *Quicumque habent splenes magnos & neque sanguinis eruptiones ipsis contingunt, neque oris graveolentiam, horum Tibia ulcera prava habent, atque ex his cicatrices nigras* : Habuit enim Nobilis ille ulcera prava & cancrofa, non quidem in tibiis tantum, præsertim dextra, unum prope genu magnum spinosum & anfractuosum, sed & in utroque femore, unum similiter anfractuosum & sinuosum. *I. Rudolphus Saltzmannus Observat. Anat. pag. 37.*

## S C H O L I A.

**U**lceratibiarum & varices Lienis vitio suppulture multi attestantur : *Tulpius* lib. 2. observ. 30. putat signa à *Hipp.* & veteribus commemorata, indicare magis humoris melancholici putredinem quam Lienis magnitudinem auctam : *Arra quippe bile*, ait, *circa lienem putrescente, vitatur non tantum os, sed erumpunt utique varices, & leduntur tantopere crura, ut meminim vidisse in una quartana, à purida hac bile ultra viginti ulcera,*

*non minus profunde cruribus impressa ac si candens ea inisset ferrum* : Verum quod istud sanguinis vitium à Lienis vitio proveniat plus satis notum : *Got. Moebius Fundam. Physiolog. cap. 17. §. 27.* At allatum exemplum in culpa esse posse quoque Hepar manifestum facit, quod ut ab officio multifariam aberrare potest, ita multiplicem lationem invehere : Sic quicquid delirant Reges plectuntur Achiv.

## OBSERVATIO VI.

*Ulcus sordidum Genu, à ligamentis, cartilaginibus, ipsisque ossibus putrilagine infectis.*

**N**obilis quidam Juvenis, robustus, optimo corporis habitu præditus, contra hostem in Belgio strenuè dimicans, ictu sclopeti ad sinistram rotulam vulnus recepit : In proximam urbem quidem deductus, ibique à Medicis & Chirurgis curatus fuit : Interim tamen ob doloris vehementiam & diuturnitatem hydrarthros sequutus est, quare in patriam deportatus est : ubi per multos annos ingentes dolores & cruciatus perpeffus est : Ichor enim acris cum ad tempus fluxisset, in sordidissimum ulcus degeneravit, cum tanto dolore ut vix suffulcris incedere posset : Tandem anno 1582. *D. Cosmus Slotanus* præstantissimus Med. Chirurgus ad eum vocatus fuit mecum, ad quem cum pervenissemus, genu mirum

mirum in modum intumefactum, reliquum vero crus extenuatum invenimus: Genu variis locis ulceribus fordibus scatebat, cum ossibus cariosis & doloribus maximis, qui dies noctesque ipsum exercebant: Hinc viscera omnia interna mirum in modum labefactata & obstrueta fuerunt: Mansit D. *Slotanus* apud ægrum per menses aliquot, atque cum adhibuit diligentiam ut æger non parum sublevatus fuerit, omniaque ad optatum scopum tendere videbantur, nunquam tamen integrè sanatus fuit: ob maximam enim obstru-  
ctionem labefactionemque internarum partium, in vigiliis D. *Michaelis* obiit,

Sequenti die cum cadaver aperuisset *Slotanus*, interiora viscera omnia, præsertim Hepar, mirum in modum à naturali statu discessisse vidimus, & in vesica fellea lapidem nucis moschatæ magnitudine & figura invenimus: Genu cum inspexissemus, ligamenta, cartilagine ipsaque ossa putrilagine infecta & consumpta erant: *Fabritius Hildanus lib. de Ichore & Meliceria cap. 27.*

## S C H O L I A.

**O**ssa putrilagine infecta] Ossium caries cum variis gignatur modis, quosdam nostra animadversione imprimis dignos describere institui: Humores præternaturales quavis de causa sive generali sive speciali, os penetrantes aliquando Hyperfarcosin ulcerosam cum ossis humiditate, aliquando Ossis cancerum, seu spinam ventosam producant, affectus necessario distinguendos: *Hyperfarcoseos ulcerose cum ossis humiditate*, causa phlegma præternaturale ossis temperiem, atque duritiem auferens: Molliori huic fundamento caro insistere nequit, unde naturalem suam essentiam etiam amittit: nutrimentum ipsius ex sanguine constans, in sarcoma molle spongiosumque transit: hoc sensim incrementum sumit, tandemque ulcerationem secum affert, qua tendines, ligamenta & nervi corrumpuntur, membrumque totum periculo subicitur: Medicamentis non est quod hic aliquid laude dignum effici posse tibi

persuadeas, antequam fundum, h. e. ipsum os attigeris: osse enim curato, illico & ulcus curabitur & caro naturalem induet: Incisione itaque hic opus, profunda adeo ut os ipsum in conspectum veniat: Quod si excresecientia magna concomitetur nimis, fiat extirpatio ejus: si vero repullulare obieretur, cauterium actuale planum applicetur, habita semper ossis consideratione. *Ossis Canceri* causa humor acris, primo os corrumpens, mox periostium perforans: hic ulcus statim accedit & carnis & cutis, quod etiam curari non potest nisi prius ipsum os curaveris: Ulceris foramen valde exiguum est, labia pallida, materia effluit tenuis, caro mollis & aliquomodo tumefacta, at minime ut in hyperfarcosin ulcerosa fieri diximus, sua sponte increvit: Et hic quoque sectione, sed per ossis longitudinem, utique ad ipsum os, est molienda, & mox contingentia corruptionem applicanda. *P. Barbetæ Anat. Pract. l. 1. c. 3.*

## OBSERVATIO VII.

*Fungosa caro ex ulcere tibiæ pullulans, ob foramen in osse ad medullam usque penetrans..*

**V**irgo ulcere in tibia dextra longo temporis spatio laborabat: Ex hoc autem ulcere fungosa caro adeo copiose erumpebat, ut Chirurghi aliquando illam pondere duarum librarum abscinderent: quamvis autem fundicus abscissa esse videbatur, mox tamen cum impetu denuo proveniebat.

Tandem Tibia ex consilio Medicorum ad poplitem abscissa fuit: post operationem abrafa carne, & osse denudato foramen rotundum, ad medullam usque penetrans, in ipso repertum fuit: Operatio ad votum successit, sed cum cuncti ipsam evasisse sibi persuaderent, ecce fungosa caro, quæ denuo ex trunco ipso propullabat, easdemque fere ut antea molestias parit: ad annos tamen circiter duos post operationem factam supervixit. *Fabritius Hildanus cent. ij. Observat. 36.*

## S C H O L I A.

**F**ungosa caro, &c.] Fungorum in vulneribus capitis solum mentionem faciunt Medici, Sed in aliis quoque partibus eos nasci posse ostendit *Sennertus apud Hildanum observ. 35. & 36. cent. ij.*

## OBSERVATIO VIII.

*In iis quos Carcinoma Ulceratum sustulit, sanguis adustus intra vasa repertus, cum labe Jecoris, illaeso Liene.*

**L**ien non potest esse humoris melancholici sedes & vasculum, quia sanguini permixtus in nutritionem partium solidarum impenditur: Dum autem à sua natura degenerat, ut in quibusdam *Carcinomate ulcerato* sublatis vidimus, sanguis adustus exsiccatus, & in capillamenta conversus intra venas spectatur, cum insigni labe Jecoris, sed exiguo aut nullo Lienis vicio: quod certissimum est indicium Lienem humoris melancholici, sive naturalis sive contra naturam affecti non esse conceptaculum. *Riolanus Anthropol. lib. 2. cap. 21.*

Y Y y y y 2

OBSERV.

## OBSERVATIO IX.

*Fistularum pertinacia & curationis difficultas inde est, quod earum principium altissime excurrat, & fundamentum in ossibus habeant. 1. 2. Fistula in Inguine sanie imi ventris eructans. 3. In Femore orta à Lumbis. 4.*

§. 1. **F**ilia Pictoris, Nicolai Aliz infestata aliquandiu acerbo lumborum dolore, incidit tandem in molestam Inguinis fistulam, quæ perenni suo cursu usque eo consumpsit tenelli corpusculi vires, ut brevi excesserit à vita.

Cujus mortis causam inquisitura Anatome, invenit evidentem cariem in costa spuria, emittentem continenter in subjectas partes tantum acrioris ichoris, ut illis erosio prodierit inde Fistula, ut longa & anfractuosa, sic eludens quamcunque opem Medicam.

§. 2. Quam artis impotentiam non raro quoque videre est Fistulis prope anum exortis; Quarum principium excurrit nonnunquam altissime sive ad Lumbos, sive Thoracis vertebrae, imo interdum ad ipsas scapulas, quas Scopula aperta vocat *Corn. Celsus*; Quibus in locis equidem non semel offendi fontem remotissimarum & immedicabilium Fistularum.

## SCHOLIA.

**E**arum inaccessa caries, quo minus exploretur specillo impedit tortuosus ipsarum flexus: qui etiam remoratur clysteres eluendo ulcere dicatos: Excluditque manui exenturam os intus vitiatum: quo tamen minus mature sublato, tollitur immatura morte homo, & obstat obnixè ne à Medico sanetur Fistula à remotiore carie originem trahens: Cujus oras licet forfice diducas & amplices (quod tamen ad cutaneas fistulas summe utile) operam

nihilominus ludes, nec pervenies unquam ad remotissimum sinuosorum flexuum principium, à quo descendunt tot ramuli, & tam frequentes rivuli per profundiores musculos ac tendines, ut licet specillum vel dexterrime immittatur in tortuosam ejusmodi Fistulam, neutiquam tamen attingat, nedum immutet, vel tollat cariem genuinam perennis ulceris causam. *N. Tulpus lib. 3. Observat. 28.*

§. 3. Februar. x. 1673. in juvene viro, ex phrenitide defuncto, præsentè D. Dormont, Lienem inveniebamus consumptum, adeo ut nonnisi globuli, magnitudinis diversæ sese exhiberent, vasis omnibus splenicis ad dictos globulos debite excurrentibus, varie licet divisis: Globuli ipsi separati tunica tegebantur separata: Exterius omnes nigricantes, interiorius rubicundioris coloris: Ventre ipso puris saniosi fortidissimi insignis copia continebatur: Effluerat hujus notabilis quantitas per foramen naturæ ipsius opera in inguine factum ad pluries dies: Jam vero ab aliquo tempore fluxio hæc suppressa. *Ger. Blasius Observat. Med. 24. Parte 1.*

§. 4. Puero Dom. N. filio oborta est fistula in dorso, qua sponte occlusa, alia emerit in femore: In lumbis, ad psoades musculos ulceris vestigia, unde initium ducebat Fistula. *Vide lib. 3. tit. de Ventris tumore.*

## SCHOLIA.

**F**istularum pertinaciæ causa unde repetenda ostendunt allata exempla: Pettinacissimæ & tandem tabem inferentis, exhausto totius cruore, exemplum mihi occucurrit anno 1652. cum eo tempore incumberet cura Medica pauperum Gallorum advenarum, vel urbis incolarum, inter illos commissum habui quendam nomine *Bourgeois*, Prætoris Urbani Apparitorem, Virum raræ texturæ, annos circiter xxx. natum; Malè illi, bene se habenti, leviter rubebant; vino modice utebatur, in victu temperans: Morbo prehensus utitur calceolarii agyrtæ opera, qui antimonio exhibito ipsum ad hypercatharsin deducit, unde vir natura debilis ad Orci fauces compellitur: Vix recreatum, pravoque victu deinceps sustentatum, pleuropneumonia vehementer adoritur; E qua mea ope emerxit, sed superstite in pectore, sub mamma dextra, fistu-

la, quam præcesserat abscessus inibi excitatus, quamquam universam materiam pectore contentam exhaustisse videretur libera & liberalis purulenta anacatharsis: Adeo copiosam eructabat Fistula sanie, ut illius occludendæ omne concideret consilium: Indito tenui stylo & longo, origo ejus superior esse deprehendebatur & inter musculos pectoris deerrare; qua de causa inito cum aliis consilio, discissa est forfice (quantum alte progredi licuit) secundum longitudinem Fistula; sed cum ad clavículas usque factus esset progressus, nec exortus pateret; ingressus præterea, ob tortuositatem non pateret amplius stylo, res naturæ committenda fuit, & usui decocti traumatici pectoralis, hydromelitis forma præscripti, à cujus usu vitam per triennium produxit, Apparitoris officio ad ultimos usque dies functus æger.



Sphacelus totius corporis sequutus cordis ejusque vasa intumescationem. 1. Vtriusque Tibiæ ob tumorem scirrhusum vicinam cavæ descendenti. 2. Ob obstructam venam cavam. 3. Pedis dextri, ob viscerum omnium corruptelam. 4. Cruris, ob vitiatam arteriam quæ fibulam petit. 5. Crurum & Tibiarum, ob vitium Iecoris & Pancreatis. 6. Cruris, ob sinistrum cordis ventriculum carne glandulosa infarctum, & impeditum arteriæ motum. 7. Crurum & Tibiarum, ob vitium Iecoris, Pancreatis & Lienis. 8. Digitorum Pedis ob vitium Pulmonum, Cordis. 9. Humeri dextri, ob consumptionem lobi dextri Pulmonis, Cordis vitium. 10. Manus, ob sanguine cor exhaustum & Pulmones. 11. Scroti & vicinarum partium, ob vitium Mesenterii, Intestini recti. 12. Digitorum pedis, ob Pulmones sanguine tumentes, Cor exangue, sanguinem putridum in Intestinis. 13.

§. 1. **C**UIdam febre acuta prehenso livere cepit supercilium sinistrum, & elapsis 22. horis totum corpus sphacelo prehenditur: Cor inventum duplo maius, ejusque venæ inflatæ. *Vide tit. de Febris.*

§. 2. Quidam, alioqui bono temperamento præditus & ætate integra, incidit in gangrænam utriusque tibiæ, latente causa, nisi quod antea tibiæ & pedes assidue frigebant, ingravescabant & quasi stupore tenebantur, utut sit supervenit Gangræna, nulla præcedente febre aut causa externa; ita paulo post obiit, oborto ad usque genua sphacelo.

Aperto cadavere invenimus tumorem scirrhusum circa venam cavam descendentem, nempe intra renes, ubi hæc vena ad utramque tibiæ bifurcatur: Scirrhus in magnitudinem auctus ita constrinxerat venam cavam & arteriam descendentes, ut nullus sanguis ad crura nutrienda & vivificanda permeare posset. *Fabritius Hildanus Tract. de Gangræna cap. 4.*

## S C H O L I A.

**M**Ajorum articulationum luxationes sequitur Atrophia, cum quia mucoris copia obstructio-  
neni parit atque nutrimenti distributionem impedit,  
tum quod caput ossis suo loco motum comprimit,  
vasa, prohibetque quo minus sanguis & spiritus ad  
partes subjectas deferantur: Quod si hujusmodi

ægri ad senilem ætatem pervenerint, aut longiori morbo consistuntur, tandem in Gangrænz discrimen veniunt, (ut & si magna sit causæ efficacia, qualis in prædicto ægro) Idem accidit obstructa vena cava, ut ante aliquot annos observavi. *Idem ibidem.*

§. 3. Gangrænam accidisse obstructa vena cava ante aliquot annos observavi. *Idem ibidem.*

§. 4. Quidam multo tempore pallidus admodum fuit, cibum potumque averfabatur, pituitam crudam cum pure vomebat, &c. Supervenit pedis unius digiti sphacelus, mox dextrum pedem gangræna occupavit, &c. Hujus omnia viscera corruptissima fuere, multo pone consistente pure, &c. *Vide lib. 3. tit. de Inappetentia.*

§. 5. In cujusdam cordis sinistro ventriculo glandulosæ, sed nigricantis carnis libræ duæ repertæ: Huic sinistri cruris gangræna obvenit, non tam ex cordis vitio, quam ex ea gangræna impedito arteriæ pulsu; ante enim aliquot annos ex sclopeti ictu vitiata fuerat arteria quæ fibulam petit. *Vesalius lib. 1. cap. 5. Anatom.*

§. 6. *Thuanus* diu conquestus de dolore colico, tandem repentina Gangræna correptus est, à pede dextro ad superiora celeriter reptante, ex decubitu serosi humoris crura & tibia infestantis, cum diris cruciatibus intra sex horas expiravit. In eo deprehensum Jecur induratum, & Pancreas ipsum Hepar mole adæquans. *Vide historiam lib. 3. tit. de Ventris doloribus.*

## S C H O L I A.

**C**eleriter reptante] Notat *M. Aur. Severinus* lib. de Abscessibus p.m. 182. Gangrænas & cum necroti abscessus, lente accessisse, ob vitiatos infra tendines ac nervos, qui antipathia quadam, & occul-

ta humoris proprietate, potius & priusquam carnes aut muscoli fuerint oblecti: Quæ autem ex influxu humorum ortum habet, celerioris esse morus, ac incrementa evidentiora esse, ut patet ex exëplo allato.

§. 7. *Jacobus N.* interiit ac si sphacelatum corpus esset: Ventriculi facies extrema erat vermiculata; Pylorus talis & pene restrictus, facies interna corrupta & putris; gangræna erat & syderatio ventriculi. *Vide lib. 3. sect. 7. observ. 11.*

§. 8. Ill. Thuanus conquerebatur de dolore circa regionem coli & stomachalem; tandem inopina gangrænosus correptus est, à pede dextro ad superiora celeriter reptante: Jecur erat induratum, factum pituita vitrea: Pancreas maximum, scirrhusum, glandulis differtum: Lien valde exilis. *Vide lib. 3. tit. de ventris dolore.*

## S C H O L I A.

**A**d superiora celeriter reptante] Quod de Gangræna tradit *Athanasius Kircherus* Operum lib. 9. observatione dignum: Eam nihil aliud esse statuit præter congeriem venenatorum vermiculorum, qui corrodingo carnem ejus corruptionem

inducant: quamobrem autem tam celeri gressu partem depopuletur, id ideo esse quod ii vermiculi adeo numerosa prole pullulent, ut deprehensum sit unicum chartæ albæ impositum, unius *Miserere* spatii quinquaginta alios peperisse.

§. 9. Nob. N. febre prenditur cum dyspnœa, pectoris angustia, hæmoptysi, &c. tandem unus atque alter pedum digiti livescunt: Pulmones sanguine crassiore scatebant, indurati in extremis partibus, Cor flaccidum & exangue: Intestina sanguine putrido replebantur. *Vide tit. de Febris.*

§. 10. Uxor N. à pleuritide gangræna correpta interiit: Tunica lobi dextri pulmonis superstes erat, parenchymate consumpto, Cor paucum sanguinem, atrum & exustum continebat, Pericardium pustulis exasperatum, &c. *Vide tit. de Exspuitione purulenta.*

§. 11. Uxor N. paulatim morbo intricato correpta est: Tandem extremitates digitorum, & tota manus paulatim sphacelo corripuntur. Cor sanguine plane exhaustum: Arteria venosa summe distenta & sero referta reperta est; Scirrhi, pus, serum in pulmonibus, steatomata in mesenterio, &c. *Vide lib. 2. tit. de Phthisi.*

§. 12. Lustratum cadaver cæmentarii, cujus scrotum cum partibus vicinis intumuerat, nigricans, &c. Vulnus penetraverat intestinum rectum & mesenterium, cujus vasa læserat, unde ex cruore stagnante gangræna, quæ mesenterium occuparat & intestinorum partem. *Vide tit. de Vulneribus.*

§. 13. Nob. laborabat febre, dyspnœa, hæmoptysi, pectoris angustia, tandem viribus oppressis & digito uno atque altero pedum livescere obiit, &c. In pectoris cavitate serum sanguinolentum multum aderat; Pulmones sanguine crassiore scatebant, extremis eorum partibus nigricantibus: Cor flaccidum & pene exangue, intestina sanguine putrido plena, &c. *Vide lib. 4. tit. de Febris.*

## O B S E R V A T I O XI.

*Brachii Gangræna ob illius epiphysin, ubi cubitus ipsi jungitur, contusione superficiali affectam.*

**A**ccidit abhinc aliquot annis ut Illustris cujusdam hujus Regni Senatoris Barbitorem domesticum temeraria lubido incessest moderandi cursum equorum: at verò ille delapsus de curru humerum, citra luxationem ullam vehementer offendit: Applicat ipse sibi cataplasmata, & mitigata quidem symptomata fuere, sed quæ per intervalla recrudescabant, quibus cum non commodum posset reperire medicamen, Gangræna brachium occupabat tam latè, inferne sursum versus serpens, ut flectentibus cubitum infestatis musculis, ad humerum attollentem seu deltoidem pergeret: Æger advertens summo se versari in periculo, exoravit Dominum sibi ut liceret Hafniam curriculo abire, consulturo Medicos ac Chirurgos: Vocor ego, & popularis ejus Regius Chirurgus Dom. le Sage, ad hunc ægrum instantissime membri amputationem urgentem, quam illi dissuasi-mus penitus, auctoresque contra eramus toleranter potius malum ferret quam ut præsentissimo vitæ periculo sese objiceret, spe vel omnino nulla vel dubia recuperandæ valetudinis reliqua, imo si brachium amputaretur: Qui mortem & vitam juxta æstimans, durissima quæque experiri se malle aiebat quam ita torqueri diutius, ceu in quæstionem datus: Convenit ergo inter nos omnes est ut amputaretur methodice os humeri, & enchiresis per P. *Hachvard* ex sententia perficitur: Quam vero brachium graveolens, quam fœdum aspectu, tactu motuque carens nondum recisum à synceris partibus, pustulis hinc inde excitatis, ichoroso sanguine, aut sanie ichorosa potius manantibus haud facile creditu est: Admirandum vero quod nulla sui parte læso; aut nullo sphacelo corrupto osse humeri, brachium universum immedicabilis hæc gangræna obsederit.

Obsedit autem ideo, quod solum illius epiphysis, ubi per ginglymum cubitus ipsi jungitur,

jungitur, & quidem ad illius tuberculum externum, tantam contusionem superficiariam, aut certe non profundiorē & capaciorem quam quæ capere pisum quodvis vulgare posset, esset passa, ne minime quidem in epiphyse illa apparente signo syderationis aut sphaceli, sanæ omnino simili, ita ut ea videri poterat eodem die contusa qua amputabatur brachium. Sed quis unquam ulla ratione tale quid vel indagare vel assequi poruisset, nisi casu fundus huius calamitatis solertia filii fuisset detectus. Atqui æger ille brachio truncatus octiduum quidem adhuc superfuit, sed horrendis totius corporis convulsionibus correptus. Atque puto me hoc exemplo ad oculum veluti demonstrasse, qui fiat ut ob leviculam ossis humeri epiphyseos contusionem, citra ullum illius sphacelum gangræna universum membrum obfideat. *Simon Pauli Tract. de Febribus malignis p. 69.*

## S C H O L I A.

**E**piphyes ossium sanguinolentæ, ac peculiari & proprio modo medullosæ cum sint ac prepingues (os præsertim sacrum unicuique nostrum præ aliquam multis aliis ossibus, imo omnibus totius corporis sanguinolentissimum sit) Gangræne & sphacelo maxime obnoxie sunt; accidit ut ubi in extremis ossibus, v. g. ad malleolum tibiæ aut fibulæ fracturam quis patitur, aut cui dicto loco os fractum est, is longè tævioribus symptomatibus, vel satim gangrænam minitantibus, vel spatio bidui aut tridui ipsam gangrænam inducentibus infestetur quam si media tibia frangatur: Sane ita ratiocinor, maxime cum notum pinguis & unctuosus naturaliter ligamenti ac tendonibus bellum indixisse, quæ epiphysebus annexæ sunt aut firmiter adherescunt, probabiliter ergo defendi posse arbitror, ideo tanto facilius gangrænam infestare epiphyse, & iis similia ossa, v. g. os sacrum, quanto pinguiora & medullosiora aliis ossibus sunt, licet alia excavata, v. g. femoris aut tibiæ, longè maiorem copiam medullæ continere appareant, quæ tamen minime, seu epiphyse effractæ, ea stillare quasi guttaturum queunt, solida quippe ea, non potius instar puniceis aut spongiæ sunt: Contusis enim epiphysebus, aut iis effractis, (ossis calcis, aut calcanei, itemque carpi, metacarpi, necnon pedii ac metapedii ossium eadem est ratio) aliter fieri non potest in vivo corpore quin medullosa eorum substantia & effluat & corrumpatur, quam corruptam imbibere ligamenta, tendones, venæ, arteriæ (ob cir-

ulationem sanguinis) coguntur, cujus beneficii inficitur ipsa totius corporis sanguinea massa, quæ corrupta & gangrænosa existente, mors necessario tandem insequitur. *Idem ibidem.*

*Citra ossis sphacelum, &c.] Severinus lib. de Abscessibus pag. 182. duplicem Gangræne generationem ac modum ponit, 1º. ex influxu, i. e. ex humoribus quibusdam venenosis ad partem aliquam allaplis, qui calidum ejusdem nativum extinguunt & membrum in mortem præcipitant, (id quod in febre continua, maligna & pestilenti fit) & cum dolore gravissimo, & pustula quadam, sub qua est macula nigra, extremis ut plurimum partibus, utpote pedis pollice ad usque tibiæ & totam coram brevi transeunt, 2º. Ex Abscessu & corruptione subiectorum quarumlibet partium solidarum, puta ossis, cartilaginum, chordarum, Favet *Parvus* lib. 15. c. 12. qui in gangrænosis humorum influxibus interdum ossa primum imbui, atque ab his inflammationis initium habere statuit. Ex ossæ quidem male habito exemplum ponit ibidem *Severinus*, cujusdam Illustris gangræna secundum totam tibiæ sinistram extalo progressam, affecto: ab ossæ, inquam, progressam opinatur, cum quod perpetuis podagræ insultibus subditus fuit, cum quod confestim & à principio se prodidit alienatum os utrinque, quare non multo post tempore necessum fuit totam excicari secta tibiæ; ex quo affectu evalisse septuagenarium mirum fuit.*

# ANATOMIÆ PRACTICÆ

## LIBRI QUARTI.

## SECTIO V.

## De FRACTVRIS.

## OBSERVATIO I.

*Fracturam ossis Humeri sequutus tumor cum ossis carie. 2. Brachii non coalescens ob cariem subditam. 3. Fracturam Vlnæ & Radii sphacelus lethalis sequitur. 4. Ossis Femoris, lethalis ob fragmenta ossium relicta. 5. Femoris sua magnitudine lethalis. 6. Occulta ossis Femoris Fractura, cui successit ejusdem ossis ad ischium luxatio. 7. Fractura spontanea*

Y Y y y y 4

ossis



*ossis Femoris. 7. Fracturam ossis Femoris sequutus insignis tumor ob callum extuberantem nec coherentem. 8. Tibia Fracta non coalescens ob ossiculum ab osse tibia separatum, & sphaceli initium in inferiore ejus parte. 9. Humeri dextri & Femoris Fractura spontanea. 10.*

§. 1. **V** *Incentius Baldwinus*, Vir infractæ ætatis, vixit aliquandiu miserandum in modum, ob humeros intra annos quindecim quater effractum, quod paulatim increfcens, five ex viscido contusi ossis succo, five sanguine eo uberius affluente, in eam tandem devenit molem, ut nec pectus nec scapula inmodicum ipsius pondus fuerit amplius ferendo, excitatis non solum maximis nervorum doloribus, verum etiam summa spiritus difficultate, ob luxurians pondus thoracis motum continenter impediens, cum indefatigabili vigilia. Quibus è salebris quo evaderet, usus fuit consilio variorum Chirurgorum, quorum alii tumorem emollire atque in pus convertere: alii contra luxuriam ipsius arctiore fascia coercere: ac nonnulli vitiatum os serrula præcidere adnixa fuere, sed omnes successu infelici: Venæ enim ac arteriæ hujus tumoris latiores erant quam ut pollice humano potuissent obturari, ac proinde magis impedimento quam auxilio fuere fasciæ: mortemque adeo non distulisset, quam maturasset amputatio improvide instituta.

Facto autem vivendi fine, docuit anatome omnia sub cute visci crassitiem ac steatomatis induisse naturam, parumque discrepasse à materia veri canceri, cujus nomen fortassis propterea huic ossis vitio haud male impositum ab industrio Celso. Ipsa vero ossa erant non modo à se invicem se jugata, verum quasi malleo minutatim confracta, ac præ irriguo madore adeo tenera, flaccida ac mollia, ut instar ceræ scalpello facillime conciderentur. *Tulpinus Observ. lib. 4. cap. 12.*

## S C H O L I A.

**A** *Materia veri Canceri* ] *Cornelius Celsus* lib. 8. cap. 2. asserit fracturæ ossium, præter inflammationem, ac distensionem nervorum, interdum quoque Cancrum intervenire. Equid vero per cancerum ibidem loci intelligat, variæ variorum sunt conjecturæ, neque minores sententiarum conflictus, verisimile tamen non est verum hic designari cancerum, nedum sphacelum perpetam excoGITatum. At si quis conjecturæ locus, videtur hæc vox adumbrare callosum illud tumoris genus, quod plerumque sequitur calamitosas ossium fracturas, vel immedicabilem illam eorum molliem quam imprimit ossi acida pituita, solidam ipsius substantiam plane corruptens, cujus perniciosissimi tumoris natura, quantumvis haud parum discrepet à genuino cancro, in eo tamen cum ipso convenit, quod uterque nullis remediis cedat, conspiretque perinde in perniciem ægrotorum. *Idem ibidem.*

*Sive ex viscido succo, &c.* ] Eandem alienationem ossibus imprimit acida ac maligna quædam pituita per habitum corporis effusa, quam interdum quinquaginta vidimus occupasse loca, ac depascere tantum non solida ossa, verum etiam carnem, membranas, nervos, ligamenta, aut quicquid illi obvium, parum interim, aut nihil proficientibus remediis, quibus insensissimum hunc hostem lægemus domare, five sponte ex latebris suis prodeuntem, five à variolis in arenam hanc productum. *Fabr. Hildani centuria 4. Observ. 69.*

*Cujus nomen fortassis, &c.* ] Canceri ossis generationem & curationem affert *P. Barbette* in sua Anatomia Practica cap. 3. quem eundem facit cum Spina

ventosa, de qua proxima sect. quanquam discrimen adsit, quod hic ulcus supponat, cujus non meminit *Tulpinus*. Causa ejus est, *air*, humor acris, primo os corruptens, mox periostium perforans: Hic ulcus statim accedit & carnis & cutis, quod curari non potest nisi prius ipsum os curaveris: Ulceris foramen valde exiguum est, labia pallent, materia effluit tenuis, caro mollis & aliquomodo tumefacta, at minime ut in hyperfarcosi ulcerosa, de qua mox, sed sponte incretuit. Ibi sectione utitur per ossis longitudinem usque ad ipsum os, mox corruptionem corrigentia applicat. Alterius speciei Ossis corruptionis ibidem meminit, quam à supercrescente carne, & ulcere adjuncto, *Hyperfarcosin ulcerosam* vocat; Cujus causam, *air*, est phlegma præter naturale ossis temperiem atque duritiem auferens: Molliori huic fundamento caro insistere nequit, unde naturalem suam essentiam etiam amittit: Nutritum ipsius ex sanguine constans in sarcoma mole spongiosumque transit, quod sensim incrementum sumit, tandemque ulcerationem secum affert, quo tendines, ligamenta & nervi corrumpuntur, membrumque totum periculo subicitur. Medicamenta inutilia esse statuit, atque fundum ipsum, hoc est os ipsum attingi vult, osse enim curato illico & ulcus curari dicit, & carnem naturalem constitutionem adipiscit Incisione itaque esse opus, profunda adeo ut os ipsum in conspectum veniat: Quod si excrecentia magna nimis concomiteretur, extirpationem consulit: quod si repullulare observetur, ad Cauterium actuale planum transit, habita semper ossis consideratione.

§. 2. Vir quidam Lugdunensis, sexagenarius, ex arthritide pituitosa in articulis humeri & cubiti dextri, jam fere bimestre spatium obtuso dolore torquebatur: nullis utitur remediis, solam sibi partis illius quietem imperat, dum brachium affectum fascia obvolutum & pectori innixum continuo haberet: Is alioquin sanus & valens, in publicum hora diei circiter 8. progressurus, dum chirothecam in manum affectæ partis induere levissimum conatu adnititur, brachii os, quatuor aut quinque digitis infra humerum, transversim effregit:

effregit: Vocatus ego confestim, rem non sine admiratione conspicio, exploro, & per Chirurgum ipsum restituo, quæ convenient remedia jubeo admoventi. Elapso triduo, ægrum reviso, num apposite restituta essent omnia exploraturus; remotis fasciis & assulis, naturalem ossis firum rediisse vidimus, & appressis digitis persensimus: Sed ecce, paulo inferius circa cubiti articulum nova se & nondum conspecta obtulit ossis ejusdem fractura, dolores urgent clamosi, restitutioni itidem sedulo incumbimus: Inde placata omnia, & nunc belle quiescit, nondum tamen ab eo tempore fasciæ explicatæ, nec visum uti se habeat pars ea: Miratus sum diu tantam ossium fragilitatem in eo homine qui se ullis ossium affectibus, vel à lue venerea vel aliunde contractis pernegavit.

Cæterum, quod ad eum virum attinet de quo ad te scripsi, Restitutis bis tæve, ut ex arte erat, ossibus, admotis fasciis expectabatur à nobis debita & conveniens agglutinatione per callum, uti natura facere consuevit, sed frustrata est spes nostra, nam agglutinationem ne aggressa est quidem natura, quamvis quiete diuturna, foribus ad partem & aliis admotis adiuta sedulo fuerit. Hoc unum obtinuit ægrotans quod indolenter (quantam ad eam partem) ab eo bimestre spatium vixit; Brachii motum liberiores experiri se credebat: Is paulo post ex inveterato renis ulcere diem postremum obiit.

Vidimus demortui sectum brachii os, illud carie omnino computruerat: Unde conjecimus eum ægrotum, quamvis id pernegasset contumaciter, lue venerea medullitus ea in parte exesum fuisse: Ita nobis exemptus scrupulus qui diu animos nostros exagitaverat. *Philibertus Saracenus ad G. Fabritium Hildanum in hujus cent. 2. Observ. 66.*

§. 3. Strenuo militis duci globulus plumbeus à bombarda hostili emissus utrumque os brachii sinistri prope carpum perfregit, & vulnere penetrante sauciavit brachium: Antequam pugna excederet, statim intolerabiles sentit dolores, qui frigore hyberno exaucti sunt, cum quatuor horas equitando in via impenderet, antequam in proximam civitatem delatus Chirurgi manui subiceretur. Sedula opera in hujusmodi casu difficili adhiberi solita, non impedit gangrænam parti læsæ imminentem, quæ in externa manu & brachio se non prodit sanorum similis, Sed cum intolerabili cruciatu interno interiora pervagabatur, & dolores sensim ad totum brachium & scapulam sinistram diffundebat, cum tumore, sed striis quibusdam lividis sanguinis secundum brachii longitudinem ascendentibus: Ampliato demum vulnere, immissaque manu Chirurgus observavit interiora frigida & sphacellatam manum assistentes vidimus: cumque nihil in medicamentis spei amplius superesset, de manuum operatione cogitatum mature fuit, ipso etiam viro generoso urgente, ne serperet ulterius malum, quod interne latius protensum videbatur: Quanquam vero parum profuturam membri læsi amputationem judicarem, anceps tamen remedium cum prognostico dubio experiri statuimus.

Brachium medium serra resectum prognosticon omninosum confirmavit: Primo quippe copiosus ichor fluxus effluxit ex musculorum interstitiis, cui tandem sanguis successit ex vasis suis, qui facile aqua styptica constitit: Septimo hæc die peragebantur, & eodem circa vesperam exspiravit æger.

In amputato brachio vulneris conditionem interiorum rimati, vidimus ulnam fractam, & læsum quoque radius, fragmenta ossium tendinibus musculorum manus incumbentia & vellicantia, amplum hiatus forentem, sphacelata omnia.

## S C H O L I A.

**D**olorum magnitudo ex tendinum punctura ab osse fracto & aculeatis ejus frustulis, necnon pilis in vulnere latentibus, à tunica pellicea sine dubio abradis, repetenda est: Sphacelus vero à venenati globuli ictu ortus, sive veneficam qualitatem naturæ suæ debeat globulus à nitrato pulvere protusus, sicut plurimis persuasum: sive globulus iste fatalis veneno per artem fuerit imbutus. Hisce sane vulneribus, præsertim in nervosis partibus, malignitas fere semper conjungitur, quod ex partium affectarum decoloratione, mortificatione, leipothymia, & ceteri fato colligimus: imo febris in nostro ægro vel nulla vel exigua, mente sibi semper ad extremum spiritum constante: Ex observatione *Plazzoni* l. de Vulner. sclop. cap. 30. Vulnus à sclopeto una cum ossis fractura illatum, si minutum sit, certissimum ac lethaliissimum genus

fracturæ existit: Nam carnosa & nervosa substantia non solum à qualitate venefica, ustione, contusione & attritione læditur, sed etiam propter ossis fracturam partes magnopere alterantur, hinc & vehementes inflammationes, dolores, convulsiones & gangræna oriuntur, quæ omnia ut plurimum mortem ipsam inducunt: à convulsione tamen non ster æger immunis fuit. Cæterum de globulo veneno imbuto magna nobis oborta suspicio, quia statim ab ictu accepto de immodico dolore conqueustus fuerat, strenuus Dux & miles, & cito ad cor penetravit mali vis: Variis tingi solet, etiam succo alii, ne vulnera admittant curationem. Globulus nobis visus, infortunii causa, aliquod monstri videbatur alere: Incisuris enim multis distinguebatur, arte factis, quo sine nescio, certe non bono: una incisuræ adhaerebat frustulum ossis, ab ulna fracta

fragmentum

fragmentum. Ichor vero ille flavus copiose ex brachii amputati trunco stillans infectarum partium argumentum erat & putredini vicinarum: digito compescere voluit Chirurgus, sed eo remoto fontis instar prorupit serum; Ex tale quoque ex vulnere sclopeti, puris loco, stillabat; Quicquid sit, ex levi, ut videbatur vulnere, sed lethali, magna tragedia excitata: Lethalissima verò hæc vulnera globulorum pronuntiant artis periti, quod non solum nervosæ partes solvantur sed & lacerentur, & affectio non tantum cerebro communicetur ratione vulne-

ris, sed quod magis est, ratione nervorum venefica qualitas immediate cerebro communicari potest & ægrum subito interficere: Non vero per nervos solos cerebrum inficitur, sed per vasa sanguinea, hic quoque affecta, cor ipsum infestatur. Hinc in nostro ægro leipothymiz anxietatēque frequentes, & ad ultimum halitum recurrentes observatz, nec cerebrum læsum ex actionibus apparuit. Forsan nisi fatum præcipitasset cor affectum, etiam ad cerebrum serpendo penetrasset venenatus vapor. *Th. Bartholinus in Actis Medicis annor. 1674-75. & 76.*

§. 4. Anno 1629. sub finem Martii, visitavimus mortuum ex vulnere femoris cum omnimoda ossis fractura. Invenimus os etsi pessime repositum, ex parte tamen coaluisse: Maxima & acutissima ossium fragmina in vulnere relicta, ad minimum corporis motum dolores læso summos concitabant, novamque movebant hæmorrhagiam, unde post longam atrophiam, gangræna totum crus occupante, septimo à vulnere mense mortuus est. *H. ab Heers Observ. Med. xxii.*

#### SCHOLIA.

**L**ites sequuntur ingentes, Chirurghi enim ex vulnere mortuum testabantur: Negabant Medici dicentes à perito artis curari potuisse, nec ullum vitæ, sed claudicationis periculum adire potuisse: Ego arbitrer à Dom. Scabinis adhibitus, mihi ex tempore qui *Hippocr.* meum domo affertet, statimque exhibui textum qui est l. i. de morb. sect. 5. *Hæc autem cum sunt ex necessitate contingunt, In vulneribus quidem si crassi nervi, & musculorum capita in se-*

*moribus præsertim vulnus acceperint, necessaria est claudicatio: Moritur etiam si quis vulneratum habet cerebrum, aut spinalem medullam, aut jecur, aut septum transversum, aut vesicam, aut Venam multum sanguinem effundentem, aut Cor, Ex vulneribus autem minime mori contingit, si his paribus vulnus acceptum non fuerit.* Hæc verba omni luce clariora quoniam Legulei literarum aucupes torturi sunt, tempus nos docebit. *Idem.*

§. 5. *N. Lerautius*, natione Xanto, habitatione Genevensis, annos natus circiter 35. pedibus agilis, hinc victum quaeritans, multorum in gratiam varia peragrans loca, Anno 1677. mense Octobri desinente in reditu è Burgundiæ Comitatu Genevam reperens per Montem Jurassium, nivibus jam oblitum, sclopeto manuario instructus, hoc infaulte exploo, glande femur parte domestica trajicitur, spirhamz distantia ab inguine sex digitis supra genu parte sylvestri, id egrediente, unde protinus in terram concedit ob fractum os femoris. Integro trihorio humi prostratus jacer, & nivi incumbens, antequam ullus viator occurreret vel qui auxiliares porrigeret manus. Hinc lecticæ impositus post tridui iter Genevam pervenit: Postridie ad curam advocor cum perito Chirurgo *Joh. Lamont*: pridie sanguis è brachio opposito missus fuerat: quamobrem cum femur insigniter intumuisse, atque quâ parte glans exitum habuerat foramen impar esset transmittendis ossium fragmentis, per crepitationem se manifestantibus, ideoque vulnus ampliandum esset, metu novi humorum affluxus, venam *æst. 15.* in brachio sinistro aperendam volui, parcam tamen fieri sanguinis missionem, tum quia jam præcesserat, tum quia febris mitis erat, nec de hæmorrhagia insigni à vulnere mihi constabat: sanguis omnino putris eductus est, unde adstantibus desperata ægrum esse sanitatis prædixi: Paucis post horis ampliatus est vulnus, per quod eductum est primo ossis fragmentum pollicaris latitudinis, duabus acutissimis eminentiis præditum, parte interna nigrum & cariosum. Post intrusis iterum digitis aliud, sed musculis vicinis coherens deprehensum, cui extrahendo vossellis & forcipibus opus fuit magnâque vi adhibita; quinque id digitorum transversorum latitudinem longitudine æquavit, pollice circa medium multo latius; in extremis etiamnū acutissimum, ut Chirurghi pollex inde violatus sit ad aliquot dies, minora aliquot quoque prodierunt cum paucio sanguine: Dehinc occlusum est vulnus, superiore, quod in introitu fecerat glans, laudabile pus jam fundente: Nox succedens implacida fuit, nec non dies subsequens cum insignibus doloribus, præsertim circa locum ampliati vulneris: paulo post pulsus vacillare incipit, & sudore corpus diffuere: Inspectum vulnus gangrænz indicia præ se ferre incipiebat, dolor omnino defierat, imo sine sensu id contrectatum, viribus ulterius titubantibus; Ideoque mox Pastorem qui animæ consuleret advocari jussi, cujus discessum statim excepit mors.

Ob indicia imminentis gangrænz exterius, intra eam majorem latitare ratus, præcepi Chirurgo ut novaculam admooveret, glandis viæ insistendo: Caro ossi fracto superstrata sana erat. quanquam juxta vulnus amplificatum, livere inciperet (abscedente epidermide,) sed non profunde: Os vero femoris, sex digitis supra genu, cujus patella obvia erat, omnino effractum apparuit, superstitibus duobus fragmentis prioribus duplo majoribus, cum aliis



aliis minimis. Cruor niger mediocri copia occupabat ossis effracti & exempti locum. Ut hinc conicere licuerit soli fracturæ magnitudini mortem fuisse impurandam, quanquam concurrere potuerit, sanguinis vitium cuius massam inquinatam esse & corruptam ostendit iterata venæ sectio: Insanabilem autem fuisse fracturam manifestum est, ob insignem ossis partis jacturam.

§. 6. Obiit puer annorum 12. in Xenodochio Basileensi 20. Augusti 1673. qui saltando fregit femur, in quo fissura, facta, Per biduum magno tamen dolore, scalas descendit & ascendit: Non observata fractura, a quodam Mago male curatus: Tandem Chirurgo accersito, omnia semper in pejus ivere, ut pure collecto febris accesserit lenta; hinc cacochymia, defluxiones ad partem debilem, os ischii & caput femoris, non sine magno dolore; Tandem luxato osse femoris ex acetabulo, & facto ulcere paulo infra trochanterem majorem, dolor mitigatus est: febre autem non cessante, & materia purulenta in femore multiplicata; tandem obiit.

Sectus fuit à D.D. *Glasero*, qui ulcus sordidum deprehendit, & secundum ductum vasorum & interstitia musculorum cavitatem magnam, ut & musculos ab osse femoris omnino separatos; In hac cavitare ingens puris copia visa est, quæ à genu, ubi primo tumorem fecit, premendo, ad ulcus ascendit, nec substitit prope genu, sed protraxit se secundum ductum nervorum, & musculorum interstitia ad talum usque, ubi etiam humor & pus observabatur: Separatis à femoris osse cute & musculis, fissuram ossis deprehendimus, secundum longitudinem simul & transversum, ut in margine patet: musculi omnes laxi ex humoribus madefacti erant, imprimis nates constituentes: in acetabulo erat mucosa substantia indurefcens: prope genu sub patella similis mucus erat: In imo ventre nullum ingens malum inventum est, nisi quod à cacochymia viscera essent debilitata & pallidiora, alias in statu naturali plane consistebant. *Ex communicatione D.D. Io. Georgii Mangoldt Medici Basiliensis.*

## S C H O L I A.

**H**inc ratio datur totius morbi, hic puer hinc inde petulanter saltans fregit os, unde derepente ingens dolor obortiebatur; domum redux intolerabilem dolorem sentit, reticens saltum, per biduum tamen adhuc (quoniam erat fissura, & dimidia pars ossis consistebat) per scalas ascendit & descendit, sed tantum extremis digitis pedis (qui dexter fuit) innixus; Modo decumbebat, modo non, dolore interim continuante, tertioq; die adeo intensus est, ut fere amplius consistere non posset, propter solutam unitatem prioris & tendinum puncturam ab osse fracto: Ob istum morum autem fissura se magis dilatavit, & musculos pressit punxitque, unde motus latio & genu incurvatio, quod musculi genu hecuentes affecti essent ab osse fracto. Quoniam autem fractura non esset nota, & parentes putassent puero à saga mali quid accidisse, accusarunt sagum, qui talia sanare profitebatur, sed hic nil profecit cum malum ignoraret: adhibuit suæ sortis remedia & malum auxit, si quidem intumuit genu & totum femur usque ad caput femo-

ris, nec dolor mitigatus est. Tandem frustra accersito Chirurgo perito, nomine *Schwariz*, pure jam presente, dolore aliquatenus mitigato, (nam pure facta omnia miriora fiunt) & presente febre lenta, à materia purulenta excitata, ulcus factum est à natura paulo infra trochanterem majorem, unde puris copia quotidie evacuabatur hinc tumor prope genu, & dolor plane incepit evanescere, sed diuturnitate temporis, & imbecillitate corporis secundum musculos & vasa, pes infra genu ad talum usque intumescere cepit; propter copiam puris ulcus toto reliquo tempore apertum servabatur; à pure musculi ab osse separabantur & semiputidi erant, quod femur esset fractum, ideo exterius tangendo apparuit duplex os esse, aut instar ossis quædam materia juxta tendines musculorum orta; Interim cacochymia orta fluxiones ad partem debilem fiebant, hinc musculi laxi, & tandem luxatum est caput femoris ex acetabulo; Interim febre omnino consumptus & emaciatus tandem obiit. *Idem.*

§. 7. Dominus *Marchandus*, Jurisconsultus Parisiensis, passus est defluxionem in genu articulum toto octimestri ipsi molestant, qua de causa usus est opera plurimorum tum Medicum tum Chirurgorum, at sine fructu, quod malum ab osse duceret originem: Dum quadam die in lecto de latere in latus se convolveret, effractum illi est os tibiæ juxta genu, morte paulo post subsequuta.

Apertum fuit Femur, repertaque fuit fractura & separatio apophysis ossis illius, quod carie & putredine infectum erat, quanquam lue nunquam laborasset. Ideoque recte ab antiquis traditum ossa triplici morborum genere affici posse, Intemperiei, compositionis & solutæ unitatis.

## S C H O L I A.

**N**otent Tyrones ossium epiphyses sæpe divelli, quod luxationis quoddam genus est, vix sanabilis, teste *Columbo Anat. c. 2.* quod ejusmodi ossium conjunctio & *coaptatio* non fiat ossis unico capite acetabulum subeunte, sed pluribus tuberculis totidem sinus subintrantibus, cujusmodi reductio difficillima est, a causa interna vel externa: externa, quandoque Chirurgi errore; interna, humoribus quibuscumque illa-

psis in quempiam articulum, inibique retentis; quod in lue Venerea & Variolis sæpenumero accidere videmus, vel ob alium aliquem humorem lue non inquinatum, quod accidit prædicto Jurisconsulto, *Paræus Operum lib. xv. cap. xxi.*

*Malum ab osse duceret originem* Arabes Spinum venteum vocant; Pædarthrocacem M. Aurel. *Severinum*, cujus dabuntur exempla hoc libro.

§. 8. In Fracturis ut aliorum ossium, ita & femoris curandis sæpe vitia advertuntur, primo in figura, deinde in callo: In figura, dum non rite extenditur, conformatur, deligatur, deponitur. In Callo, dum ille fit nodosus, ubi conjungitur, & monstroso callo, qui insigni eminentia nodis in arborum ramis subinde comparentibus respondet; similis est. Talis monstrosus callus apparebat in utroque femore Pilæ magistri aulici lusoriæ.

Eo forte suffocato, & post anatomen cocto ad sceleti structuram, uterque ab invicem abscedebat callus. *Rolfinkius Dissertat. Anat. lib. 2. cap. 49.*

§. 9. Scriba rusticanus cum Norvvgiam, sylvis asperrimis collibus & montibus horridam, equo circumiret, procul Bergis lapsu graviore Fracturam tibiæ sinistræ passus dolores sentit gravissimos: Vicini rustici hominem miserum hospitio exceperunt, & pedem fractum sine extensione instrumento ligneo excavato firmiter incluserunt; summâque cum diligentia oleo ex cineribus inunxerunt; Hunc in modum lecto affixus inter rusticos annum complevit, & tandem magna cum difficultate ex Septentrione Bergas delatus fuit, Ad consilium vocatus Medicus,prehendit os tibiæ cum fibula esse fractum, quinque digitorum latitudine supra malleolum, ita ut pars tibiæ inferior fractæ, cum parte superiori callo ad latus firmissime connexa fuerit, latitudine trium digitorum, fibula autem fracta inferior nusquam firmata in musculis oberraret, ut moto pede exacte sentiri posset: ob callum firmiorem extensionem nullam fieri prædixit, at rogatu amicorum instrumentum efformavit, quo utrumque os in diversa trahebatur, sed frustraneo conatu, cum cutis sola eo usque extenderetur, ut jam dirumpi videretur, illa præsertim in parte, cui extuberantia ossis superioris fracti adnectebatur, Ideoque & hoc in loco, & alibi, vulnus metuendum esse adstantibus monstravit, iussitque ut Chirurgi instrumentum remitterent, quia nec æger amplius perferre posset: Inflammatio statim oborta, cui sedandæ externa applicabantur, & ad doloris mitigationem interna propinabantur: Igitur abscissionem pedis suavit Medici, ut ad officium è lecto rediret; Sed æger acerbius credens mutilari quam extinguï, maluit, persuasus quorundam agyrtarum blanditiis, ut instar ossis fracti, jamque in suum locum repositi, pars deligaretur fortioribus adstringentibus, atque emplastro catagmatico, quod absque ulla ratione, aut consensu Medici, approbaverunt Chirurgi, unde dolores fere intolerabiles cum tumore novo surrexere: Quibus nihil proficientibus, sero æger à doloris acerbitate & longo decubitu fere insanus, tibiæ magis amissionem optabat quam cruciatus diuturniores: Die itaque 5. Martii 1655. operatio commissa est Chirurgo peritissimo, qui, carne prius ad os incisa, nudatum os feliciter abscidit.

Peractis deinde peragendis, Dissecti membri cutem cum musculis aperuit Medicus, calli formam lustraturus: Ossa tibiæ fractæ tanta firmitudine connexa erant, ut parvo cultello dissolvere nequiverit: Officulum autem acutissimum cuticula adhærebat tenuissima ossi inferiori: Fibulæ ossa fracta nullo modo conjungebantur, id quod ex commotione persentiebatur antequam essent rescissa; Inferior pars ossis tibiæ, ubi quædam cavitas conspiciebatur, nigricabat & sphacelum minitabatur: Optime inde convaluit æger & artificioso pede amissi damnum compensat. *Th. Bartholinus cent. 3. Histor. 85.*

§. 10. Nob. quidam Pomeranus annos 44. natus, circa solstitium hybernum anni 1593. gravissimis in dextro humero, nullo vel tumore vel qualitate p. n. affecto, doloribus, nocturno potissimum tempore torquebatur: Quorum leniendorum causa primum Tonforis cujusdam operausus est, qui neglecta morbi causa, parti affectæ multis septimanis medicamenta calida attrahentia & exulcerantia applicavit: Sed magis subinde auctis doloribus, & succedente in super femoris dextri dolore, à me consilium petiit: Urinæ tum erant aquosæ & crudæ, appetitus mediocris, mens integra, vires tantæ ut interdum cum dolores remitterent, in area domus obambulare posset, Etsi vero ipsi convenientia quædam remedia adhibebam, tamen parum aut nihil profeci: Cum post me aliorum quoque Medicorum auxilium frustra expertus esset, omnem deinceps recuperandæ valetudinis spem abiecit: Porro Dominica Exaudi anni 1594, matutino tempore è lecto in sellam sublatus, maximo tremore & concussione totius corporis oppressus, eoque simulac lectum repeteret iterum relevatus est: Eadē die circa vesperam doloribus Femoris ingravescentibus, contenta voce exclamare cœpit halt! halt! halt! Uxor itaque ipsius ad eum in lecto decumbentem accurrens, femur affectū utraq; manu cōprehendit; idq; media parte introrsum, versus sinistram pedem subito inflecti atq; incurvari sensit, sic ut genu dextri pedis inguen sinistram respiceret: Visa tum est ægro arbor in pedem decidere, ejusque casu, in quo se manifestum fragorem percepisse aiebat, confringi. Cumq; uxor & alii eadem cum ægro opinione essent, ac femur plane confractum esse arbitrarentur, sequenti die Chirurgum pro curatōne accersiverunt, qui affectum locum diligentissime inspiciens atque contrectans, præter inflexionem, quæ postmodum

in dies magis magisque aucta est, nullum vel fracturæ vel tumoris p.n. indicium in eo deprehendere potuit. Hanc femoris inflexionem octo diebus antecesserunt, & totidem etiam consequentæ sunt urinæ cruentæ, quæ tamen postea ad naturalem statum redierunt: Ratio quoque circa illud tempus ut plurimum turbata fuit, vires prostratæ, dejectio apertius: Facta inflexione, æger cruciatus in femore sensit intolerabiles ut se loco dimoveri non pateretur, sed quinque septimanis continuis in loco immotus jaceret, donec tandem ipsa solstitii æstivi die vitam cum morte commutaret.

Mortuo ægro femur incurvatum nullo negotio extendi atque in pristinum statum reduci potuit, ac tum demum fractura, media ipsius regione, se conspiciendam exhibuit, commissura partium fracti ossis adeo æquali ac si ferra esset incisum: Similis fractura mortuo jam ægro, in medio quoque ossis humeri dextri deprehensa est, cujus tamen nullum ipso adhuc vivente vestigium animadverti potuit, & semihora ante obitum amici adstantes utrumque brachium citra omnem difficultatem ab ægro elevari atque extendi videbant.

*Jacobus Seidelius Observat. Med. iv.*

## S C H O L I A.

**P** Ræter causas fracturarum ossium à *Galeno* 2. de Fracturis text. 9. enumeratas, facit & ipsorum fragilis constitutio, cujus causa parvum impetum non sustinent: A carie impropria, quæ lucem sequitur, fragilitas ea inducitur, maxime si inunctio mercurialis accessit: Mirandæ fragilitatis exempli affert *M. Donatus* Hist. mirab. l. 4. c. 5. de quodam, qui arrepta mali autantii parte, in socium antecurrentem proficienda, os humeri dextri sibi perfregit: quo vix terruminato, cum noctu, lectulo cubans, brachium alterum demitteret, matulam arrepturus, brachii os sinistrium perfregit: Laboraverat autem is per plures annos luc Venerea lævissima: Fuit & à *Capivaccio* commemoratum quod quidam nucleum amygdalinum pavimento illidere volens brachium fregerit: *Fabritius Hildanus* cent. 2. observ. 66. historiam affert Lugdunensis cujusdam, qui sanus & valens dum cheirothecam induere levissimo conatu adnitiur, brachii os, 4.

aut 5. digitis infra humerum transversum effregit: Qui tamen vel ullis se ossium affectibus, vel à luc venerea vel aliunde contractis laborasse pernegavit: *Idem* observat. 68. narrat historiam mulieris 59. annorum, quæ mane recentem subuculam induens, manibus tursim expositis, brachii os magno dolore rumpi & conteri sensit, Quæ quoque ab ea luc semper immunis vixit: Causam autem esse putat venenum aliquod occultum, ab insigni humorum corruptela profectum, quod totam ossium substantiam quoquo verum permeans, inenarrabili modo corruerit: In exemplo vero à *Seidelio* allato, causæ fracturæ non in ossæ femoris querenda videtur, Sed in valida convulsione musculorum id inveniunt, quæ os Femoris non obsequens, nec incurvari aptum disruperit: Fidem faciunt comitantia & prægressa symptomata, tremor & concussio totius corporis, urinæ cruentæ, rationis perturbatio, &c.

## ANATOMIÆ PRACTICÆ

## LIBRI QVARTI.

## SECTIO VI.

## De Luxationibus &amp; Ambulatione læsa, aut Motu impedito ob Ossium vitia.

## OBSERVATIO I.

*Luxatio vertebrae secundæ cervicis non semper illico lethalis. 1. Manuum & Pedum Eluxationes ob ligamentorum putredinem.*

§. 1. **R** VSTICVS quidam ex arbore decidit, cervicisque vertebra secundam, prope atlantem (ut ex mortui sectione observavimus) luxatam habens, hoc modo per quam plurimos dies vixit: Ubi alios brevi temporis spatio mortuos vidimus, quanquam admodum magna esset luxatio. *Domin. Panarolus Pentec. 2. Observatio 26.*

ZZzzzz

§. 2. lxx



§. 2. In pueris gulosis frequentissime, si constitutio aëris præcedens fuerit valde humida, membra aliqua putrescunt: quod vidi in filio mei vicini, in quo factæ fuerunt omnium articulorum pedis & manus eluxationes: atque ob ligamentorum putredinem, ossa juncturæ ab obitu putrefacta apparuerunt. *Rondeletius Tract. de Dignoscendis morbis.*

## OBSERVATIO II.

*Claudicatio pendens à cervice femoris fracta citra Luxationem.*

§. 1. **F**elis, cum juvenis admodum dejecta fuisset per scalas, atque inde altero crure semper claudicaret, putabatur in lapsu illo luxationem esse passa.

At vero cum illam secuissem, inveni cervicem femoris fractam, capite ipso femoris non luxato, in suo acetabulo etiam num hærente: Hujus sceleton etiam servavi vel propter hanc causam. *G. Hofmannus comment. in Galenum de usu part. liv. xv. cap. ult.*

§. 2. Rarissimi habendum loco exempli adnotavit *Paréus*, in viro ætatis constantis, quadraginta annorum, se epiphyisin hanc à reliquo osse avulsam vidisse: Valida quidem est connexio, sed affluentibus humoribus ita laxari vincula horum ossium posse, ut quod naturaliter unitum, divellatur vero admodum simile est.

## S C H O L I A.

**I**nfantès licet multis aliis innumeris periculis sint expositi, illorum tamen in eo præcipue misera est conditio, quod capita ossium, imprimis autem ossis femoris, à reliquo osse recedant & divellantur, levi interdum de causa: Laxam hanc esse conjunctionem infantium tenellorum agnorum, &c. si coquantur, res ipsa docet: solis primis digitis leviter impressis *Infans* à *Matre* sua liberari queunt: securitas parentum si accedat, & nutrices nimis mature pedibus incedere & inniti jubeant infantes, jam huic malo aperta porta: In pueris & adolescentibus sæpe eadem separatio ossis femoris ab ossis cervice occurrit, & communiter habetur pro luxatione, magno cum ægrorum detrimento: *Ægrorum* error felicem impedit curationem: In utroque quidem casu extensio necessaria est, sed tamen conducibilis est rem exacte

tenere & judicio comprehendere *Rossincius Dissertat. Anatom. lib. 2. c. 49.*

Hic *Rossincii* locus mihi in memoriam reduxit quod hujusmodi recessum hujus epiphytis antehac in uno aut altero viderim, qui a Chirurgis & aliis præsentibus Medicis pro Luxatione habebatur, licet caput ossis femoris extra elapsum nusquam elapsum sentiri posset: interim tamen os femoris versus posteriora reflectebatur, ejusque superior pars sine capite nonnihil fortum versus ascendere sentiebatur, sicque crus illud brevius evadebat altero: atque tunc temporis, etsi de modo hujus luxationis dubitaremus omnes, nemo tamen nostrum de hujus epiphytis recessu ab osse cogitavit, quem tamen in istis ægris factum fuisse jam satis percipio. *De Diemerbroeck, Anat. lib. 10.*

## OBSERVATIO III.

*Ambulatio læsa ob cerebri, medullæ spinalis, articularum omnium molliem. 1. Ob os Femoris acetabulo accretum, Femur altero brevius. 2. Ob Rotulam, ope calligenæ annexam, Femur ossi Tibiæ. 3. Ob topbos in Genu dextro, Serum in sinistro Talo, Tendines contractos, aridos. 4. Ob pus collectum circa articulationem coxæ & femoris. 5. Ob acetabulum ossis innominati amplius, caput insertum iusto minus. 6.*

§. 1. **J**oanna Pfeiffer à morbis complicatis extincta est: Illi cranium à teneris à copia humorum extensum fuit, hinc caput proportionem corporis excedebat: Excedens illa cerebri humiditas spinam dorsæ & procedentes nervos adeo irroravit, ut à quatuor annis ne suffulcris quidem incedere potuerit, & vix sedere: Articuli omnes & ossa instar ceræ flexilia. *Vide lib. 2. tit. de Phthisi.*

§. 2. Habeo in Musæo meo os Ilii, hominis ætate provecti: In hoc osse caput femoris suo acetabulo tam firmiter simul & eleganter innatum est, ac si cum osse coxendicis unum & quidem continuum esset os, ita ut an unquam ibi fuerit junctura, nonnisi artis peritis notum sit. Ex oculari autem inspectione etiam nunc manifestum fit, femur à majore sive exteriori processu, usque ad interiorem sive minorem, olim glande plumbea tractum, mirumque in modum confractum, & quamplurima ossicula extracta fuisse, hinc femur altero brevius evasit: Globulum autem plumbeum prædicto modo os perforasse, inde conicere licet quod foramen in osse circa processum majorem, parvum, ex adversa vero parte magnum existat, experientia enim docet globulum in suo ingressu parvum, in egressu vero magnum relinquere foramen: Porro cum femur tam prope iuncturam perforatum, mirumque in modum fractum comminutumque fuisset, dolores ingentes & affluxus humorum supervenissent, crosa fuerunt ligamenta & cartilagines, ita ut caput femoris cum suo acetabulo mirando quodam modo in unum coaluerint. *Fabritius Hild. lib. de Ichore & melic. cap. xxv.*

§. 3.

§. 3. Habeo in Museo meo crus integrum hominis consistentis ætatis, in quo femur cum osse tibiæ in genu ipso, tam eleganter connexum est ut ne vestigium quidem iuncturæ appareat, Imo & rotula ipsa mediante callo tam arcte annexa est genu, ut nullomodo separari possit, sed ita incurvatum genu ut certum sit hominem gralla incessisse. *Fabritius Hild. lib. de Ich. & melicer. cap. xxv.*

## S C H O L I A.

**F**Requenter post curationem ichoris & meliceriæ iuncturam adeo rigidam & induram remanere videmus, ut neque in hanc neque in alteram partem deflecti possit, Hic plerumque in longum tempus Chirurgos diu multumque laborare vidi, quo iuncturarum nervos & ligamenta emollire possint, sed oleum atque operam perdiderunt: Ichor enim ille qui ex toto corpore ad articulum vulneratum fluit, &

acrimoniam contrahit, primo ligamenta & vincula, quæ articulum cingunt, deinde etiam cartilagine, quibus iunctura incrustata est, erodit & absumit, hinc fit ut ossa à suis cartilaginibus & vinculis denudata, inter se per callum (quod ante me nullus, quod sciam, observavit) tam firmiter coalescant ac si nunquam ea in parte fuisset articulus, quod allata exempla probant. *Idem.*

§. 4. *Ferdinandus iij* Romanorum Imper. (*Vide lib. 3. tit. de Vomitu*) infirmam est nactus pedum constitutionem, plerisque Austriæ Ducibus familiarem, qua quidem factum est ut crebris artuum doloribus, h. e. Chiragra & Podagra à quinquennio adeo enervatus, ac tandem usu pedum omnino privatus, vitam sedentariam ducere cogeretur: Et quidem tendines utrumque genu investientes penitus contracti fuerint, nec illos ullomodo in rectum extendere, vel iidem insistere potuerit.

Dextro, mortui, discisso genu, calcis tophi reperti, Sinister talus acre serum in se continebat, utriusque pedis motum impediens: Tendines adeo contracti, rigidi & aridi, ut in rectum extendi non possent: *W. Hæferus Herculi. Med. lib. iij. cap. iij.*

§. 5. Puer 16. annor. ante menses 10. petitus est setaceo in ventrem anteriorem: relatum ipsi alvum & vesicam involuntarie excrevisse, cum procidentia paulo post ictum, nihilominus perhibetur aliquot septimanis post, sublevatione oneris, in hoc vel alia mala incurrisse: Ut ut sit, dissectum abdomen, post claudicationem & varios affectus, repertum pus copiosum utrinque circa inguen & adenes, quod non solum capacitatem illam glandularum, sed omnem circumcirca articulationem coxæ & femoris replevit, atque sub cute peculiari membrana, intrinsecus ab adenibus ascendens, quidam tumor ad Ilium usque, ex utraque parte conspiciebatur, ut mirum fuerit videre tamdiu pus retentum esse, neque tamen ad visum aliquid ruptum apparuit. In dextro autem latere pus crassius & albidius & quasi sebaceum videbatur. *Leonardus Doldius in cista Med. Hornungi Epist. 243.*

## S C H O L I A.

**M**Ea conjectura erat, ex ictu sanguinem concretum hærentem circa alvum & vesicam urinariam, has partes comprimendo, exitum quævisse: eundem à glandulis receptum, & in pus mutatum, ac refluxisse etiam ad alterius inguinis glandulas hinc infra supraque replevisse, ut certe palmi latitudine utrumque (utrinque) simile læcco in suum pus tunica

latuerit, excepto illo quod in articulatione & femorum interstitio musculorum continebatur, Alii tamen omnem hanc collectionem tribuebant rupturæ internarum partium, ex onere sublevato, cum tamen nihil foris apparet, neque hernia aut simile quid aliud: Et quia venter tandem intumuerat, alii viscerum vitium & hydropem vocabant. *Idem Ibidem.*

§. 6. Neptis quædam mea sex præter propter annos nata, quod pes alter altero contractior esset, claudicabat: primum ad Operatorem quendam deducta, facili operatione manuum corrigebatur vitium, levi tantum tractione, quod brevius erat crus reddebatur alteri æquale: sed vix erat è manibus dimissa Magistri, eccetibi malum integrasceit, & quam leviter correctæ erat, tam subito redibat claudicatio: Convertuntur ergo parentes ad hos membrorum distortorum Correctores: itum est ad varios qui varie suam prodebant imperitiam: Alius Os innominatum susque deque moveri dicebat, alius incurabilem esse morbum severe pronuntiabat, cur tamen ita esset non addebat: Non nego me diu admirandum hæsisse in perquirendo causam huius incurabilitatis, donec oblata est puella mortua, quæ eodem morbi genere viva laboravetat.

Perscrutanti regiones illas, occurrit ossis innominati acetabulum debito largius multo & profundius: caput autem, quod ei inferebatur, non tantum ei non proportionatum, sed etiam præter morem exiguum, laxatis igitur nonnihi ligamenti sursum ac deorsum ferebatur caput ossis femoris: Adhibita autem manu extrahebatur ad acetabuli anteriorem partem: Vnde apparebat qualis spes perfectæ aliquando sanationis: Sed quis attingat medicamenti hæc relaxata vincula? aut quid juvent hic adhibita ferramenta? quibus nonnulli ita misere eos quos curandos suscipiunt, cruciant, ut fere prætet in equuleo distendi quam in manus eorum incidere? *Th. Kerckringius Observat. Anatom. 61.*

Z Z z z z z

OBSERV.

## OBSERVATIO IV.

*Cervicis immobilitas ob vertebrarum ligamenta indurata, & tophos innatos. 1. Totius ob ossium omnium unionem. 2. Brachium inflexile ob ossium in cubito agglutinationem. 3. Inflexio Lumborum impedita ob symphysin nativam vertebrarum lumbarium. 4. Inflexio in anteriora impedita ob appendicem acutam in osse sterno. 5.*

§. 1. **I**N seibus siccata humiditate, & intermediis ligamentis induratis, vertebrae in unum coalescere notat *Perwius*: In Principibus personis, arthriticis & podagricis, non solum brachiorum & digitorum *adiposae* seu flexus, calce intenerata, sed & cervicis vertebrae rigidas observavit non semel, ita ut neque manum ori admoveere, neque caput ad latera, nisi cervice & thorace super lumbis moto, flectere potuerint.

§. 2. Ioan. Bertonius Medicus Sceletum mihi dedit, quem ego domi asservo, in quo ossa omnia, i. e. omnes totius corporis articuli, à capite ad extremos usque pedis digitos unici conspiciuntur: Romae in Xenodochio incurabilium diu vitam traxit: vivens autem quem senem vidit dictus Medicus, nihil aliud movebat quam oculos, linguam, penem, abdomen thoracem: nam cartilagineae quidem costis articulae erant, sed nondum coaluerant, reliquae corporis partes omnis motus expertes relinquebantur. *Columbus Anatom. lib. 15.*

§. 3. Habeo in musæo meo ossa sinistri brachii, hominis consistentis ætatis: In eis ossibus cubitus non flectitur, sed mediante callo omnino & undique, veluti si continuum esset os, agglutinus atque coniunctus est: Quæ vero hujus affectus fuerit causa me latet, in cimiterio enim reperta fuere: Arbitor tamen fracturam & ulcera circa cubitum adfuisse, idque inde coniicio quod etiam nunc callus exuberans in ipso humeri seu brachii osse appareat: fracturam hancce sequutam fuisse inflammationem & affluxum humorum maximum, nec non circa cubitum abscessum verisimile mihi videtur: hinc ab humore acri, qui ob doloris vehementiam ad articulos sauciatos cum impetu solet fluere, ligamentis erosus ac putrefactis humor ille lentus qui articulis inest effluxit; postea quoque à prædicto humore isto acri *crustula illæ cartilagineæ*, quæ appendicis ossium tegunt similiter *erosæ* fuerunt, ita quidem ut partes spongiosæ apophylium, tam ossis humeri, quam etiam radii minoris & scapulae majoris, sese ad invicem attigerint, inde nutrimento ad utrumque os delato, callum productum fuisse censeo: Ab ipso porro callo articulus, uti dixi, veluti vinculo ferreo colligatus fuit. *Fabritius Hild. Observat. lxxvij. cent. iiij.*

## S C H O L I A.

**C**rustula cartilaginea *erosæ*] Ipsa etiam ossa pueri *I. Rhodius* cent. 3. obs. 92. ut in costis tanquam stili-  
ab acri destillatione tartarea sic *erosæ* memorat licidii vestigia in ossa coxendicis desinerent.

§. 4. Anno 1673. Gen. Capitaneo Fabritio Genevensi, milites conscribenti in urbis vicinia, ad reparandam cohortem, obtulit se juvenis Friburgensis Helvetius, proceræ staturæ, peregrinantis amictu, ex iis qui D. Jacbi fanum adeunt: Huic paucos post dies cum cæteris commilitonibus in pago semihoræ spatio ab Urbe dissito, lacui vicino, Vangeron dicto, iurgium intercedit, Solus octo ex illis oppugnat, duos posternit, sex vulnerat, tandem pluribus vulneribus confossus occumbit: Observatum est illum in dimicando nunquam corpus inflexisse, sed erectum semper gladium evibrasse: Tunc rigida hyems erat, ac fossa superficialia cadaver conditum: Moniti aliquot Chirurghi, cadaver cymbæ impositum trans lacum evehunt, ac scelerati gratia, quod perito Chirurgo L. Baily constructum à Anatomico cultro expositum fuit atque ab eo annotatum vertebrae lumbarae lineis quidem distinctas omnino tamen nativæ symphysi colauisse, ut ideo inflectendi corporis negata esset potestas.

§. 5. Observavimus in sene appendicem in osse sterno, indicis digiti latitudinem adequantem in fine acuminatam; Ille se flectere haud poterat in anteriorem partem, terram versus, sine molestæ puncturæ sensu. *Rolfincius Disquis. Anatom. lib. 2. cap. 4.*

## OBSERVATIO V.

*Statura recta impedita ob magnæ arteriæ duritiem infra & supra  
Renes ac omentum ventri adnatum.*

**E**Piscopus de Wetta non potuit recte stare, sed semper coactus erat aliquot annos incumbere alicui pulpito: Post mortem dissecto corpore arteria magna, infra & supra renes quatuor digitos, dura erat & vitri in modum frangibilis: Omentum præterea adnatum erat ventri, umbilico excepto. *R. Solenander conf. Med. sect. v. conf. 16.*

## S C H O L I A.

**A**rteria magna dura] *Coiter* lib. Observat. Anat. à Falloppio dissectum fuisse cadaver cujus arteria  
Chirurg. ait à fide dignis sibi narratum Patavii aorta tota erat ossæa.

ANATOMIÆ



# ANATOMIÆ PRACTICÆ


## LIBRI QVARTI.

### SECTIO VII.

#### De Decubitu supino aut in Latera impedito.

##### OBSERVATIO I.

*Supinus Decubitus impeditus ob ventriculos cerebri aqua distentos, unde insomniorum, tremoris cordis &c. Origo. 1. Ob seri descensum in quartum ventriculum*

§. I.  CADEMICVS Oxoniensis, hydrope pectoris extinctus, postremo morbi decursu, somnum nisi prona facie & inclinato capite capeßere non potuit: si enim capite in pulvinar reclinato somno se componeret, intra tertiam horæ partem horrendis insomniis & terroribus tristis semper evigilavit: quin & tremore cordis & ejusdem oppressione maxima diu postea afflictus fuit.

In cerebro autem post mortem aperto Ventriculi aqua summe distenti reperiebantur, nulla autem præterea notabilis culpa in toto capite apparuit. *Richardus Lower Tractatu de corde p.m. 158.*

##### SCHOLIA.

**Q**ua incommoda ex Supino decubitu obveniant, & quis sanis conveniat, juxta leges circulationis sanguinis, ostendit eo loco *Clar. Lorrer*; Cum motus cordis debilis intermittens est, hos capitis affectus scil. vertiginem, scotomiam, caliginem oculorum & leipothymiam inducit: Quorum symptomatum ratio in hoc sita est, quia, cum spiritus animales vitæque ipsa à continuo sanguinis appulsiu dependent, si cursum ejus sistatur paululum, aut sufficienti copia non suppedietur, tum propter ejus defectum caput statim vacillat, oculi caligine obducuntur, & tota corporis compages in primum rueret apta est; atque ideo syncope affectos in dorsum & humum sternimus ut citius ad vitam restaurentur, quoniam ut cor debile fuerit, poterit tamen in eo situ sanguinem, quasi ductu horizontali in caput proicere, quanquam in erecto corporis situ sanguinem eo suffundere non potuerit, ex cujus influxu sensus & vita redit, & imago ista noctis statim evanescit: Ex adverso autem, ubi cordis motus corripitur, & sanguis impetuose nimis in caput traicitur, membranas vellicando & succutiendo capitis dolorem infert, & spiritus animales per somnum in cerebro concentratos, & quasi ab opere feriantes, rapidiore suo motu exagitans & loco pellens vigilias inducit, non ablimili forsan ritu ac juxta lenem & placide murmurantem rivulum somnus nos cito occupat: at juxta vortices & catartas terrore potius excitamur & expergiscimur: Atque hi sunt effectus præcipui qui motus cordis varios velut umbra corpus sequuntur, Ostendendum, vero quomodo fluxus sanguinis, pro diverso corporis situ & figura alteretur, & quid alterationem istam consequitur.

Quemadmodum (ut prius dictum) pro animalium diversitate influxus spirituum in Cor diversus quoque est, ita pro vario corporis situ & figura sanguinis per

partes fluxus discrimen subit: Cum enim certissimum sit sanguinis venosi refluxum non ab attractione cordis ulla, sed à propulsiu arteriosi sanguinis provenire, facile est concipere quantum partium quoque situs ad facilitandum motum conferat: Veluti enim in homine, cum in pedes erigitur, sanguis à venis jugularibus, & vena cava descendente citius & facilius suo quasi pondere in cordis sinus delabitur (simili modo atque venæ in manu elevata mox vacuæ, in demissa vero turgidæ & plenæ cernuntur) qui vero est in partibus interioribus, vena cava ascendente, difficilius & contra naturam suam, solum ab arterioso sanguine versus cor propellitur, & vi quadam urgetur, in planum autem jacente corpore sanguis æque facile ab utrisque reddit: Operæ pretium erit advertere in quo membri situ sanguis citius partem eam pervadat, & quid citior & tardior ejus cursus producat: Prout itaque nox & dies, somnus & vigilia, mutuo se excipiunt & vices mutant, ita situs corporis humani, pro naturæ indigentia, erectus aut proclivis est. 1. Itaque in homine erecto, quoniam sanguis à superiore corpore nullo fere alterius adminiculo satis facile in cor defluit, & sanguis ab inferiore parte corporis non nisi sanguinis arteriosi impulsu, & quandoque musculorum contractione in exercitio ægre usque sursum urgetur: Ideo circuitu ejus in partibus superioribus celeritatem quoque fieri necesse est, quod & postea magis patebit. 2. In proclivi autem corporis situ, cum corpus à motu quoque quiescit, prout partes extremæ magis reliquo corpore elevantur, ita circuitus sanguinis citius aut tardius per illas expeditur: Effectus autem & incommoda quæ celerior aut tardior sanguinis transitus in partibus post se relinquit, duo præcipue sunt, 1. Humoris serosi accumulatio. 2. Caloris vitalis diminutio, Quæ & in extremas corporis partes (pedes & caput) maxime

ZZzzzz 3 *redundant*

redundant. 1. In pedibus, præsertim morbidorum, & eorum qui exercitio commode uti non possunt, cum sanguis ægrius (dum erecti sunt) versus cor ascendat, ideo stagnatione sua & transitus mora vasa capillaria minora sua copia distendit, & in habitu corporis aggeritur, unde pedum tumores œdematosi & hydropici: Rem ita se habere constat, quoniam cum lecto se tradunt, & pedibus cum reliquo corpore in situ æquali collocatis recumbunt, serum illud cum venoso sanguine per circuitus resorbetur, unde partibus iterum inanitis tumor ante proximum diem prorsus evanescit: 2. Præter autem humorum congestionem, & tardio rem in partibus inferioribus circulationem, etiam caloris diminutio supervenit; nam utut de die minus frigoris sentiamus, quia exercitio & ambulatione sanguis utque propellitur, & proinde novo sanguini, & à cordis quasi incude adhuc recenti via aperitur: In lecto autem repositi, si pedibus reliquo corpore declivioribus quieti nos tradamus, non ante incalescent quam pedibus magis elevandis lectus componitur: Cujus hæc ratio esse videtur, quia ex elevatione ista sanguis venosus citius à pedibus recedit, & proinde liberius & copiosius sanguis arteriosus influit, & cum illo calor in partem restituitur: Atque adeo hoc familiare est plerisque frigidiore temperaturs hominibus, quorum sanguis terroso latice magis abundat, ut propter frigoris sensum somnus non ante obrepit, quam lectus ad pedes altius erigendos de novo sternitur: Ut autem pedes propter tardio rem sanguinis venosi recursum intumescunt & in frigidantur: ita cerebrum, si caput in somno nimis demissum fuerit, licet calvarie integumento inclusum frigus minus sentiat, quia tamen ex isto situ sanguis non ita facile redit, inundationem & irrigationem nimiam conficitur: Quis enim ex illis est qui ita cubat, quin proximo mane de capitis torpore, somnolentia, gravedine, aurium tinnitu, faciei intumescencia conqueritur? qui omnes affectus postquam experrectus est, & sanguis denuo humores istos in transitu resorbens secum in cor detulerit, paulatim evanescunt.

Hic vero paucis ostendendum quis capitis situs inter dormiendum maxime saluti confert: In quantum igitur cerebrum humanum Rete mirabili, quod feri superflui partem à sanguine excipiat & à cerebro prævertat) omnino destituitur, atque vasa sanguifera, tortuosa licet ductu ad frangendum sanguinis impetum formata fuerint, cum tamen illibatum in cerebrum deponunt, ideo fieri non potest quin serosior & aquosior sanguis, præsertim super planum jacente corpore & capite pariter reclinato in cerebrum influat: Cumque præterea in ejusmodi situ sanguis in caput suffusus, non tam prompte & subito quam cum erecti sumus a capite recurrit, necesse omnino est ut ipsum, & præterea totum systema nervosum à nimio sero irrigetur: Id quod malo suo experiuntur quorquot affectibus spasmodicis, hydropi cerebri, vertigini, paralyti, lentum torpori & hujusmodi capitis morbis obnoxii sunt: Si enim capite demisso, & cum reliquo corpore æquali, somno se tradant, propter cerebrum & nervos sero nimis irrigatos, proximo mane de vertigine, scotome, capitis gravedine, membrorum tremore, lingue balbutie, totius faciei tumore passim queruntur & præ se ferunt: quin sæpenumero inter dormiendum, aut turbulentis insomniis aut incubo tentantur, & toto mane insequente torpidi & graves sibi videntur, somnumque vix aut ne vix diu postea excutiant: E contra qui

capite altiore decumbunt, quia ex situ isto sanguis, ejusque serum, suo pondere a cerebro facile delabitur, ideo dulces & quietos, licet breviores somnos capiunt, & proximo mane multo alacriores & vegetiores evigilant, & ad omne opus & studium magis prompti atque expediti sunt: Atque hic obiter notandus pessimus aliquorum mos, qui nocturnis & feris potationibus indulgent, quo cerebro nihil magis injurium potest esse, Cum enim ob situm corporis proclivem urina à renibus secreta non ita facile & prompte, uti cum erecti sumus, in vesicam per ureteres delabatur, Cumque vesicæ cervix ex proclivi situ, urina pondere non adeo gravetur, atque spiritibus per somnum in cerebrum aggregatis & quiescentibus vesica ejus oneris sensum non ita percipiat, sed officii quasi oblita, ea copia urina aliquando distenditur, ut majori recipiendæ spatium vix detur, inde fit ut ob impeditum per renes & ureteres urina decursum, in totum corpus regurgitet, hinc in cerebrum affluxus, inde paralytis, tremor, hydrops cerebri, lethargus aut apoplexia.

Quia autem supinus corporis situs ad planum proxime accedit, ostendendum etiam quid incommodi ex ista corporis positione in somnis evenit: Quod ut clarius fiat, præmittere oportet animalium cerebra pro diversa corporis figura variè quoque constituta esse, nullibi vero magis, quam quoad sinus & ventriculos cerebri discrimen occurrit, In quadrupedibus enim, quæ prono in terram capite feruntur, uti cerebellum supra cerebrum aliquantulum incumbit, ita & sinus laterales inter utrumque descendentes, superiores quoque sunt, & ventriculus pariter quartus cerebello subiectus supra reliquos cerebri ventriculos collocatur: In homine autem, cui caput supra reliquum corpus eminet, cerebrum utique cerebello incumbit (intercedente tamen dura matre, & ad utrumque calvarie latus satis firmiter attensa, ne cerebellum pondere suo comprimat) pariter quoque & sinus laterales magis in demisso siti sunt, & ex latere inferiore occipitis utrinque oblique feruntur antequam in venas jugulares terminantur, unde fit ut prostrato in lectum corpore, ex supino ejusdem situ, ubi collum occipite magis attollitur, sanguis in venas jugulares ascendere potius quam influere necesse habet, atque hinc est quod ob retardatum ejus motum & circumscriptum, continuo aggestum, nec facilem exitum natum, profundas istas foveas utrinque in occipite imprimi, atque prout homo in hoc aut illud latus quiescere solet, ita sinus illi plus in uno latere quam in alio semper excavantur, prone cuilibet internam occipitis partem, in quo cerebellum recumbit, contemplanti facile patet: Ob sanguinis autem refluxum impeditum, & valorum exinde intumescens, foveas istas in occipite imprimi, ex hoc constat, quia supra sinum longitudinalem, e quo sanguis satis libere decurrit, ne minimum ejus in calvaria vestigium extat, nisi in inferiore parte, ubi in sinus istos laterales sese exonerat: Si vero refluxus ista cohibetio in tam durum os temporis tractu adeo valeat, ut sinuosos & profundos tractus in eo sibi excavet, quanto magis sanguis ipse ejusque serum in cerebrum redundet ipsumque aggravet? & licet venæ omnes sanguinem quaquaversum à cerebro excipientes, in sinus non directe aperiantur, sed velut ductus communis in duodenum aut ureteres in vesicam, scilicet intra duplicaturam duræ matris aliquanto spatio incedant: Et quod maxime observari dignum est, non osculis versus occiput (qui rectior exenti sanguini)



(sanguinis) sinus laterales via foret) sed versus frontē, recto quam cursus ejus est, apertis hiant; quo fit ut intitu, spalmis, &c. in venas cerebri à sinibus re-  
tundi aut urgeri non possit: sed quo magis sinus ejus copia turgescunt, eo magis duplicaturam istam comprimendo, regurgitationem ejus in venas prohibet: At vero quocunque modo, live in sinibus live in venis, sistitur, malum tandem in cerebrum resilit, atque inibi futuris morbis & materiam congerit, & fontem abunde subministrat: quippe Serum ob hujusmodi causas inter anfractus cerebri accumula-

tum, piam matrem contigue distendit, donec tandem vel acrimonia sua eam erodit, vel copia pertrumpit, unde in basin cerebri defluens, medullam oblongatam atque nervos ex ea ortos stagnatione sua corrumpit, aut acredine sua continue lacessit, unde hydrops cerebri, convulsiones & diu morbi apparatus in capite accumulatur: Si vero illud serum à substantia cerebri imbibatur, paralysis, sensuum torpores, lethargum, somnolentiam, aliosque graves affectus capiti inducit.

§. 2. Adolescens phthisicus per plures hebdomadas non potuit supinus in lecto decumbere, quippe ab illo situ convulsiones patiebatur: Post obitum ingens feri flavi & salii copia intra omnes feri ventriculos fluitabat, qui capite reclinato in quartum ventriculum, supra medullæ oblongatæ caudicem prolaberetur, convulsiones ciebat. *Willis Pathol. cerebri cap. v.*

## OBSERVATIO. II.

*Decubitus in sinistrum latus molestus ob tumorem inflammatorium in parte sinistra Pulmonis.*

1. Ob tumorem in parte dextra pulmonis
2. Ob Pulmonem sinistro latere consumptum.
4. Decubitus supinus & ad latera impeditus ob arctam pulmonum cum thoracis costis omnibus anterioribus cohesionem.
5. In sinistrum impeditus ob dextrum pulmonem costis affixum.
6. Omnino impeditus ob Pulmonum coherentiam cum costis, vertebis & diaphragmate.
7. In lævum latus impeditus ob Pulmonem utrinque costis & diaphragmati adnatum.
8. Ob pulmonem costis & diaphragmati adnatum, cum cordis erosione.
- 9.

§. 1. **V** Ir Ill. febre continente prehensus cum spirandi difficultate & tussi, &c. Non poterat in sinistrum latus nisi cum difficultate decumbere: Secto illius cadavere, inventus fuit tumor in parte sinistra Pulmonis. *Lalius à Fonte. Consult. 32.*

## SCHOLIA.

**C** ompressa parte sinistra affecta ab occurssu costarum & à superincumbente onere partis dextræ Pulmonum: Alias familiare est Peripneumonici, quibus utraque pars phlegmone obducitur, quo aëri introcundi facultas concedatur, ut ad erectum corporis situm cogantur, quod sic thorax facilius dilatetur, nec ut in decumbentibus in se concidat, eo quod pectoris partes in ipinam declinant, qua erecta

thorax etiam simul fertur, non amplius seipsum gravans, ut *ait Galenus 4. de loc. cap. 1.* Bronchia præterea eo in situ apertiora manent, nec à parenchymatis mole comprimuntur: At in dicto Egro salva fuit & incolumis pars dextra pulmonis, ut reiturgere coactus non fuerit, sed supino in decubitu permanere, virium debilitati convenientiore.

§. 2. Quidam decumbere neque in supinis neque in latera poterat, cum dyspnoea, &c. Thorax univertus aqua erat plenus, In dextro Pulmone tres lobi digiti crassitie & longitudine, *lib. 2. sect. 20. Obs. 12.*

§. 3. Vir Nobilis multis annis phthisicus, Pulmones habebat dextri lateris duplo majores solito, Vnde forsan Causa quod æger semper in latus dextrum, etiam invitus decubuerit. *Vide lib. 1. tit. de capitis dolore.*

§. 4. Obiit quidam vera phthisi: In cadavere dextrum pulmonem plane consumptum invenio: Pulmonem autem illi consumi præfagieram ex copioso pure, & dextrum quidem ex denegato in sinistrum latus decubitu, &c. *Vide lib. 2. tit. de Phthisi.*

§. 5. Novi Nobilem qui à diuturna capitis distillatione in spirandi difficultatem sine stertore inciderat, atque malo progrediente eo devenerat, ut in alterutrum latus, dextrum videlicet & sinistrum non sine labore & anxietate quadam cubare posset, In dorsum nequaquam, ob ingentissimos dolores & cruciatus, quos in spinam jacendo, juxta anteriorem thoracis partem experiebatur: In ventrem autem commodior minusque molestus huic erat Decubitus: Vitam hanc miseram hisce tormentis mensibus & annis duxit.

Dissecto cadavere, observatum fuit Pulmones thoracis costis omnibus anterioribus ita pertinaciter hære, ut non nisi cultello sejungi possent. *Zecchini consultat. 1.*



## S C H O L I A.

**I**dem l. c. disquirens causas difficilis in latus sanum Decubitus, cujus causa difficilis reddebatur respiratio, An id contingit, *ait*, quia cum pulmones lateris sinistri, qui à dextris separantur, multis excrementis pituitosis repleti, ideoque ægre sequentes, cubante ægro in sinistrum latus, à dextris pulmonibus concidentibus pressi, ægrius etiam atque difficilius ita sequuntur, ut parum alacriter spiritus edatur? Quod autem hoc tempore oppositum doleat latus, id in morbum quendam à veteribus dissimulatum relictum puto, nimirum in quendam p. n. pulmonum ejusdem lateris, cum membrana costas internas vellicente pertinacem adhesionem, unde in Decubitu ad sinistrum latus eo tendentes dextri lateris pulmones, & membranam cui hærent, quasi secum trahentes & distendentes, doloris in parte sunt in causa: Hippocr. quidem lib. de Loc. meminit thoracis cujusdam affectus pleuritis, in quo pulmo-

nes pituitosi humoris interventu costas agglutinantur, Sed morbus hic brevi dierum spatio, videl. in 7°. die solvitur: At vero ille de quo nunc, si inter initia non curetur, mensibus & annis progreditur, nec nisi cum ægri vita finitur.

*In ventrem autem commodior.*) Hippocrates tamen In coacis lib. 3. tract. 1. §. 13. Aegrum jacere in ventrem, si est insuetum, malum esse dicit, quia delirium indicat & circa ventrem labores: Ad quem locum *Duretus*, In omni habitu decumbendi, nullius est major è natura egressio, nec magis actio indecora, quam ejus qui fit in ventrem: Itaque si nulla excusatio est consuetudinis, nec partis afflictæ, certum est ægrium regi dementia &c. Excusatio autem hic est partis afflictæ, Ex supino enim decubitu aut ad latera, avulsio fiebat violenta & distractio pulmonum gravium à pleura cui cohærebant.

§. 6. Observavi in Nobili juvene phthisico dextram pulmonum partem magis affectam, adeo costas inviscatam, ut potius lacerata fuerit substantia ejus in aperto cadavere, quam à costas evelleretur. Ille dum viveret decubitus in partem sinistram non ferebat.

## S C H O L I A.

**A**ccidit cum pulmones afficiuntur gravis Decubitus, modo in partem affectam, modo in oppositam, juxta affectus variationem: Fit primo gravis in partem oppositam, 1°. cum Pulmones costas adherent, & cum illis inviscati sunt, ita ut ex decubitu convelli videatur pars affecta; ut in dicto juvene 2°. Cum Pulmo tumore aliquo apostemato afficitur, vel repletionem pituitæ, ratione cujus multum graviter in oppositam partem non fertur decubitus, ob compressionem alterius partis non affectæ: In parte vero affecta Decubitus non fertur, cum ipsa

inflammatione laborat, Et maxime si minus affecta pars pituita repleta sit: Cum vero omnes partes Pulmonum, vel saltem internæ afficiuntur, & magna sit respirationis angustia undequaque comprimuntur. Ideo Decubitus secundum nullam ferre possunt, sed stare coguntur, ut accidit in asthma: Si tamen affectus non sit interior, nec in omni pulmonum substantia, non solum decumbunt in quod libet latus vel positionem: *Sebastianus Nasus meth. med. Parte 2. pag. 298.*

§. 7. D. Marcus N. (lib. 2. Tit. de difficili respirat.) decumbente toto morbi decursu non potuit, dies noctesque in sedili transigens: Pulmones costas, vertebrae & septo tam arcte cohærebant, ut violenter ab iis partibus divellendi fuerint.

§. 8. Puella annos quatuordecim nata patiebatur dolorem in summa scapula sinistra cum febre, à cujus invasione notavimus quod cum dolor prædictus in eadem parte fixus permaneret, neque ad thoracem vlllo modo pertingeret, tamen non poterat in illud latus decumbere quin statim tussi corripere &c. Dissecto ejus cadavere inventus est pulmo costas utrinque & diaphragmati undique adhærens, tum etiam pericardio &c. *Riverius observat. 77. centur. 1.*

§. 9. Fibia D. N. febre correpta cum cardialgia &c. non poterat in sinistrum latus decumbere quin statim cardialgia & tussi corripere, ita ut perpetuo super latus dextrum decumbere cogeretur: Aderat etiam per intervalla dolor lateris pungens, qui magis vrgebat cum ægra in latus sanum decumberet; Et contra gravior erat difficultas spirandi quando supra latus dolens decumbebat: Pulmo costas undique & diaphragmati adhærebat: Cor media sui parte fere, quæ diaphragma respicit, exesum atque ulceratum &c. *Vide Tit. de Hæmoptysi.*

## OBSERVATIO III.

**Decubitus impeditus ob cavitatem thoracis sero repletam.** 1. Decubitus in dextrum latus impeditus ob puris copiam in sinistro latere, Abscessum in eodem. 2. In sinistrum, ob cavitatem dextram aqua plenam, Pulmonem ibidem consumptum. 3. Ob aquæ libras vi. in cavitate dextra. 4. Supinus & in latera ob aquam totam replentem. 5. 7. Supinus impeditus ob mediastini inflammationem. 6. Decubitus dexter impeditus ob copiam puris inter costas & pulmones. 8. In latera impeditus ob aquam in cavitate dextra, Pulmonem cum pleura ibi corrupta, Ventriculum tumidum. 9. Sinister ob cystin humore plenam in sinistro pectoris latere. 10. Dexter, ob propendentiam sacciformem in diaphragmate. 11.

§. I. Henricus

§. 1. **H**enricus N. orthopnoea laboravit, cujus occasiones omnium capessere non poterat, sed semper erectus ambulare cogebatur: Capacitas thoracis sero erat referta, *Vide lib. 2. tit. de Dyspnoea.*

## S C H O L I A.

**S**ero erat referta. ] Apud *Ballonium* lib. 1. Epid. pag. 17. Ioh. Platearii vidua hydrope pulmonis laborabat, quo interiit. Difficultatem spirandi per annos xxx. habuerat: In dextrum latus facile inclinabat, in sinistrum non poterat citra syncopen: E capacitate thoracis aquae libræ sex putrentis educuntur. Hic & illic difficultas occurrit: In *Henrico* quidem, cur erectus facilius somno fruebatur, cum pondere aquarum diaphragmatis motus sisti debuisset, contra decumbenti facilior esse respiratio, eo sarcina & pondere liberato: An quia ob decubitus, pulmones ejusque bronchia, sero sursum remeant, aerem facilius admiserunt? Cur item *Platearii* vidua (e cujus capacitate thoracis aquae libræ sex educæ sunt) facilius in dextrum latus declinare potuit, si æqualiter aquis obrutus thorax? An forte unum tantum latus, idque dextrum, obiectum, læso autem forte inter dissecandum mediastino, in utrumque serum confluit unde totum thorax occupatus creditus? An ex decubitu in sinistrum latus, tota aquarum moles illuc corrui, quæ cordi molestiam peperit, eoque majorem quod aquae illæ erant putrentes & fetidæ, unde syncope? Nuperis diebus, exeunte scil. Novembri anni currentis 1678. obiit

D. *Enemond*, Forensis Scriba, vir sexagenarius, qui universam Indiam Occidentalem peragraverat: Vox erat illi fusca & humilis: Laboravit ille simul phthisi, hydrope abdominis & thoracis: priorum duorum affectuum clara erant indicia: posterioris apud me suspicio vel conjectura: Somnum, nonnisi erectus, sicut *Henricus* capessere poterat, metu imminentis suffocationis: facillime excreabat materiam purulentam, ut hinc oppressionis Pulmonum, & difficilis spirationis causa arcessenda non videatur: Neque à mole aquarum abdomen obsidentium, mea enim opera ab iis liberatus fuit, morsulis scil. de *mochocanna* (facillime enim erat solutionis) diureticorum usu, & hepar roborantium, adeo ut intra mentrum spatium & abdomen & tibis omnino detumuerint: De superstite autem Hydrope pectoris conjectura fuit, quod nihilominus stomachi oppressio æque pertinax fuerit, quæ à paucissimo cibo intendebatur: Firmior vero accessit conjectura ex suspirio ingruente somno, & manus, aliquot ante obitum diebus, tumore oedematoso: Paracentesim in thorace demortui, nedum cadaveris apertionem à vidua consequi licuit, quo res aliis dubia innotesceret.

§. 2. Puellus decimestris tabidus interiit: Ante obitum citra insignem ejulatum dextro lateri incumbere non poterat: In sinistro thorace insignis puris copia deprehensa, In summa parte, eodem latere, juxta claviculam abscessus aderat ingens, tertiam cavitatis partem implens. *Vide lib. 2. tit. de Phthisi.*

## S C H O L I A.

**I**nsignis puris copia. ] Inter signa Empyematis pectoris, ejusdemque hydropis, recensetur *Decubitus* in sanum latus diuicilis, quia materia peccans in tali patientis situ pulmones adeo comprimit, ut libere moveri nequeant: His adjuuge *Respirationem*, in inspiratione tantum difficilem, ob pulmones propter materiam collectam libere se expandere non valentes, Facilem vero in expiratione, cum materia suo

pondere pulmones comprimat: *Pulsus* celeres, vehementes, frequentes, parvos, inæquales, inordinatos. *Febrem* prægressam cum accidentibus vehementioribus: *Inundationem* quæ interdum in thoracis cavo percipitur. *Tussim*, tunc saltem empyemati conjunctam, ubi materia in bronchiis pulmonum continetur, interiorum asperæ arteriæ tunicam vellicans.

§. 3. Sartor asthmate diu laboraverat: in sinistrum latus cubare non poterat: In thoracis cavitate dextra aquæ ad lb xv. reperio, Pulmone ex ea parte prorsus consumptio. *Vide Tit. de Phthisi lib. 2.*

§. 4. N. Vidua in dextrum latus facile inclinabat, in sinistrum non poterat citra syncopen: E capacitate thoracis aquae libræ sex putrentis educuntur. *Ballonius Epid. lib. 1. pag. 17.*

§. 5. Cachecticus difficulter spirabat, neque supinus neque in latera decumbere poterat, Thorax universus aqua cruenta repletus erat. *Vide lib. 3. tit. de Cachexia.*

§. 6. Quidam quoties quiescere supinus cupiebat, statim animo deliquio corripiebatur: Membranz in eo intersepientes maxime erant inflammatae. *Vide lib. 2. tit. de Syncope.*

§. 7. Rever. N. febre prehensus, sedens tantum & erectus spiritum ducebat: Vniversus illius thorax aqua pura plenus inventus & in stupenda copia. *Lib. 2. tit. de Dyspnoea.*

§. 8. Juvenis inter 6. & 7. costas vulneratur, sinistro latere: Quatuor ab acceptis vulneribus diebus, gravitas in parte percipitur, ut decumbere in dextrum latus minime posset: Ingens inventa copia puris inter thoracem & Pulmones. *Vide tit. de vulneribus.*

§. 9. Virgo febre maligna prehensa, dolores sentiebat in regione Hepatis, nulli Lateri incumbere potuit: Hepar erat durum, ruberosum: Thoracis cavitas dextra aqua putrida plena: Pulmo dexter cum pleura corruptus: Ventriculus fecibus & flatibus distentus. *Vide tit. de Febris.*

§. 10. Puella

§. 10. Puella quædam ægre admodum & lente ambulabat, magnâ cum difficultate ascendebat, nec unquam sinistro latere prostrata jacere poterat: Aperto thorace, comperi tantum ejus dextrum latus integrum: In tertia circiter sinistri parte continebatur cystis plena liquore cremori simili, ad quantitatem circiter trium pintarum &c. *Vide Tit. de Pectoris dolore lib. 2.*

§. 11. Puellus trimus cum dyspnœa & tussi sicca dextro lateri plurimis septimanis incumbere non potuit. In sinistra parte abdominis obviabat magna diaphragmatis propendens instar sacci, purulentia, & totali suppuratione sinistri lobi Pulmonis, infarcta. *Vide tit. de Febris.*

## OBSERVATIO IV.

*Decubitus in latera impeditus ob mesenterii incrementum. 1. Ob Iecur tumidum, hydropem pectoris. 2. Ob vomitum hepatis. 3. Ob Abscessum regioni hepatis adnatum. 4. Ob adhaesum Hepatis cum diaphragmate. 5. Decubitus omnis impeditus ob hepar infarctum, Pancreas maximum. 6. Ob vitium Pancreatis. 7. In latus dextrum ob Lienem justo majorem. 8. In latera ob Lienis magnitudinem, Pulmonis sinistri adhaesionem. 9. In dextrum latus impeditus ob grandem calculum in rene dextro. 10. 11.*

§. 1. **S** Coto dolor erat in hypochondriis, lumbis &c. Supervenit tumor circa costas notas, post late diffusus, adeo ut dorso semper miser incumbere cogeretur: Cum pyloro induruerant pancreas & mesenterium, inque molem supra modum latam, longam & crassam excreverant, multumque ponderantem &c. *Vide lib. 3. tit. de ventris dolore.*

§. 2. Seren. Venetorum Dux febre affectus typum duplicis Tertianæ servante, inter alia symptomata difficilem habuit ad latera decubitum. Aperto cadavere Iecur tumidum repertum &c. Cavitas pectoris f. v. circiter aquosæ materię continebat. xx. *Georgius Hieronym. Velschius Episagm. Observat. vij. 1.*

§. 3. Civis Noribergensis de molesto quodam hypochondrii dextri dolore &c. conqueri cepit, neutrique lateri incumbere potuit, tamen facilius dextro atque sinistro, ad quod quid ponderosi in corporis commotione perlabi sensit. &c. Aperto cadavere inventa vomica sinæ parti Hepatis connata &c. *Vide lib. 3. de Hypochond. dolore.*

§. 4. Matronæ in dextra parte, ad Hepatis regionem membranæ adnatus erat abscessus, unde in illud latus decumbere non potuit. *Vide lib. 3. tit. de ventris tumore.*

§. 5. D. N. de stomacho querebatur cum pondere, nec in latus alterutrum decumbere poterat: Hepar, quod putre, superiore parte adhærebat diaphragmati: Pulmones fere putres. *Vide tit. de ventricul. dolore lib. 3.*

§. 6. Vir Nob. dolore hypochondrii dextri per plures annos conflictatus, cum ventriculi & diaphragmatis compressionem: Sub morbi finem dyspnœa, dolore ejus lateris & abdominis ita erat vexatus, ut neque in dorsum nec in latus posset recumbere, sed cogeretur residere in lecto. Hepar repertum magnum, multis abscessibus refertum, & materia quadam indurata: Pancreas erat admodum magnum. *Vide lib. 2. tit. de Dyspnœa.*

§. 7. Juvenis à febre quartana in eas redactus angustias ut nequiverit unquam in cubili quiescere, sed vel pronus confidebat in sedili, vel caput in lecto habebat sublime, interdicta ipsi quasi omni decumbendi copia &c. Huic post mortem invenit Anatome inter alia, Pancreas supra infraque ut extuberans ac turgidum, sic intus sordido pure ac sordida pituita infarctum &c. *Tulpius lib. iv. Observat. cap. 32.*

§. 8. Cuidam Lien quadruplo auctior, durior repertus: Incumbebat vivus dextro hypochondrio ægerrime, sinistro facilius, pondere enim lienis sentiebat intestina gravari. *Vide lib. 2. tit. de Dyspnœa.*

§. 9. Ioh. N. de doloribus hypochondriorum conquestus, in neutrum latus decumbere poterat: Lien putris in magnam molem excreverat: Lobi pulmonis sinistri adhæserant costis, &c. *Vide tit. de Febris.*

§. 10. Hydropici & phthisici ren dexter in orificio vreterum grandem calculum continebat, acutum &c. aliosque alibi minores & arenulas infinitas, quæ causa est quod in dextro latere æger fuerit decubitus. *Bartholinus cent. 2. histor. 37.*

§. 11. Matrona de dextri præsertim lateris dolore, ita ut nec contactum aut decubitum in illam partem ferre posset, conquerebatur &c. Mortuam cum secarem, dextrum renem tumidum in immensum increvisse deprehendi, in quo per medium dissecto calculus iustæ magnitudinis excreverat, sinum secundum omnino adimplens &c. *Ex Observat. Fel. Plateri.*

OBSERV.



## OBSERVATIO. V.

*Supinus Decubitus impeditus, & Status celsus molestus ob Iecur induratum, Pancreas maximum.*

§. 1. **I**llustris Thuanus conquerebatur de sensu ponderis ad regionem stomachalem dum stare vel ambularet: At incurvus sedens, vel in lecto recumbens, nullum aut exiguum tumorem percipiebat: Iecur illi erat induratum, rotundum, Pancreas mole & pondere Iecur æquabat. *lib. 3. tit. de ventris dolore.*

## S C H O L I A.

**I**ecur erat induratum. } Agnoscitur scirrhus tactu, nisi cum venter flatibus intumuerit, tunc enim hepar infra residet, musculi ventris sursum elevantur à flatibus, qua occasione decipiuntur Medici cum venter detumuit, quia duriciem vel tunicam viscerum inveniunt: Memini me vidisse quendam, qui tales tumores duos à paucis diebus factos esse assereret, quod tunc primum apparerent: Aegrotantes sunt interrogandi num gravitatem & pondus sentiant in hypochondriis, vel si dolorem sentiant circa homoplatas, aut claviculas, si in utrumque latus decumbere possint, Nam qui tumores illos habent, non nisi super partem affectam dormire possunt aut quiescere, non in latus contrarium, vel supra dorsum: *Rondeletius Practica cap. 35.*

*Pancreas mole & pondere &c.* } Cum Pancreas à ventriculo tegatur, tumores, illius difficillime tactu deprehendi possunt: Non exigua tamen eorum conjectura haberi potest ex iis quæ in *Thvano Riolanus*

annotavit, si nempe ponderis & gravitatis sensus in regione ventriculi percipiatur, & nullus tumor nullaque durities in hypochondriis appareant: alia tamen obstructionum latentium indicia adsint, qualia in hepatis, lienis ac mælenterii obstructionibus proposita sunt: Quibus addi possunt dolor & alia symptomata ventriculi propter viciniam patientis, respiratio difficilis ob septi compressionem. Quibus signis alias coniecimus nos Dom. N. scirrhum habere in Pancreate, eumque etiamnum tactu deprehendere potuimus, manu ad latera ventriculi versus medium profundius adacta, cum esset valde macilentus, & duriciem in ea parte animadvertimus, quæ digitis compressa dolorem ipsi non mediocrem inferebat: Et in scorbutici diagnosi hoc annotavimus, in omnibus prope scorbuticis tumores huiusmodi pancreatis generari, cum in iis angustia, oppressio & gravitas in regione ventriculi percipiatur; *Riverius Practica lib. 13. cap. 4.*

## OBSERVATIO VI.

*Decubitus in latera & supinus impeditus ob calculum in vesica. 1. Supinus impeditus ob molem uteri. 2. 4. Ob constitutionem varicosam Iliacarum venarum. 3. Ob uteri molem immensam, aquam in abdomine. 4.*

§. 1. **I**uvenis excarnificatus à duobus calculis in vesica urinaria, clanculum latitantibus, coactus fuit integrum annum sedendo transigere, & continenter caput ita sublime habere ut nunquam id licuerit ipsi in pulvinar inclinare, quin Tetano corripere, &c. *Tulpius lib. 3. c. 2.*

§. 2. Viduæ N. venter intumuit sicut prægnantis: si antrosum propensa ventrem scamno imponens suffulciret, maiorem quam ex cubatione, aut alio situ levationem sentiebat: Uterus ad libras lxxxvij. mercatorias ponderavit. *Lib. 3. tit. de ventris tumore.*

§. 2. Mulieri venæ duæ ab Iliacis ad umbilicum usque ascendebant, pollicis crassitie: Secundum mulieris motum maximus fiebat fluxus & refluxus: Si supina decumberet statim syncope corripiebatur: Venæ illæ dextra & sinistra, in unum coeuntes globum, in umbilici regione terminabantur: Umbilicus ipse, aperta vena umbilicali, Iecur, continuo impulsu sanguinis percutiebat. *Vide tit. de Tumoribus.*

§. 4. Mulier querebatur de dolore ventris, lumborum & anxietatibus circa præcordia, quæ augebantur dum capite demissiore decumberet, ut semierecta continuo quiescere teneretur: Ingens aderat tumor rotundus in abdomine cum copiosa aqua; quem uterum esse cognovi ex adhærentibus illi testiculis, tubis &c. *Vide tit. de ventris dolore lib. 3.*

## ANATOMIÆ PRACTICÆ

## LIBRI QVARTI.

## SECTIO VIII.

## De Arthritide, Podagra, Ischiadico dolore.

## OBSERVATIO I.

*Arthride diu afflictorum membra affecta exesa reperta sunt.*

**I**N *Arthriticis, Podagricis* maxime, *membra intrinsecus* diuturnitate adeo perforari ductibus sinubusque oblongis angustis, atque si tincis vel xylocampis exesa essent, sectio ostendit, præsertim carnosus in locis musculorum, quorum spatia nervi, citra omnem annexum pervadunt, per quæ & *desfluxiones, nervi ductum comitata*, feruntur, à quibus & continua destillatione humoris ampliata spatia, veluti attrita, vel levi ex causa humores commotos *suscipiunt*; unde præcipue accidit, ut diuturna Podagra laborantes facile in hunc affectum incidant; malumque sit propter organi hoc vitium immedicabile: Impediri tamen potest ad tempus si corpus non admodum exagretur, atque adstringentium usu, quibus membra laxata nonnihil coarctantur: *Plâterns Observation. lib. ij. pag. m. 510.*

## SCHOLIA.

**I**N *arthriticis membra intrinsecus.* Locum affectum, fluxionem Arthritidis parentem, ex capitis interioribus manantem, Articulum esse censent qui illam suscipit, illiusque interiori sedem affici plerique credunt, ideo quod dolor iuxta articulos, colique mobiles, potissimum sentiatur, vel potius quod per motum articuli dolor augeatur: Verum cum Articulus mobilis intrinsecus ex duorum ossium extremorum mutuo nexu componatur, nulloque periosio toto hoc spatio, quo invicem juncta sunt, investitur, sed cartilagine solum incrustetur, nulliusque nervus hæc loca subeat, & proin hæc omnia sensu Tactus destituta penitus sint, dolor in interiore hac sede articulorum fieri nullo modo potest: Vti neque in articuli femoris interioribus, ubi licet teres ligamentum sit, cum tamen illud cartilagineum & insensibile existat, illius causa dolor aliquis in eo loco laborari potest: Dein & cum ossa in articulis adeo exacte junguntur, ut nullum spatium inane relinquatur, atque in ambitu articuli extrinsecus membranæ ligamenta illis connata ambientiaque, ea penitus ocludant, ut nihil ad interiora illorum perferri possit, quo pacto humor arthritidem gignens eo perveniet? cum nulla ad hæc loca pateat via, neque vena aliqua hæc loca subeat, Præterea, cum ligamenta foris articulum stringentia insensibilia quoque sint; vel si aliquem sensum à periositiis quibus adnascuntur, sicuti aliqui putant, sumunt, illeque obtusus admodum sit, quomodo si illic articulus attereretur, tantus dolor, uti in arthritide fit, nasceretur? Vti neque tendinum illic intertorum causa fieri potest, cum & illis vel nullum aut in sensum inelle tactus facile dijudicet: Ad exterioris prominens, & ab articulorum

aliquando ab articulo procul distans, alias ab eo late se extendens, in articuli structura dolorem hunc evenire minime ostendunt: Sicuti & hæc quod gypsea illa materia, nodi tophique, quæ arthriticis quandoque prodeunt, non semper juxta articulos, sed & aliis vicinis in locis se offerant: & licet ipsis in articulis plerumque nascantur, illique spatio temporis ob indurata potissimum ligamenta, nodosi fiant, non tamen dolorem ideo in articulum constituentibus partibus insensibilibus fieri comprobant, cum illic tandem ob causas alias accedentes nata, nisi vicinas partes sensiles afficiant & pungant, dolorem alioquin nullum afferant, sed articuli motum potius figant, illiusque formam vitient, dolorque non possit nisi partis sensilis affectæ causa, quæ in articuli structura, uti dictum, non invenitur, evenire: Ob quam causam dolores arthriticos, non articulorum, sed illis vicinarum partium sensibilibus accidere certum est, quales sunt nervi, simulque partes, ob dispersos per eas nervos, nervorum dictæ, musculi scilicet ipsique connata membranæ.

*Arthriticis, Podagricis.* Quod hæc circa articulorum regionem potius quam alibi patiantur & afficiantur doloresque illic frequentius occurrant, causa est nervorum circa hæc sedes concursus, & quod eo pervenientes, in angustioribus hisce locis coerciti, certis membranæ & ligamenti vinculi retineantur, & ad articulorum motum plicentur, cum alibi liberi circa connexum, & recti per corpus incedant, unde & sic ut cum materia aliqua in hæc loca angustiora & curva defluit, illic facile substat, nervisque attingendo dolores ejusmodi exciter: Qui dolor tamen, si humor defluxus extra articulorum sedem in aliis angustis, vel inæcicris ductibus, per quos nervi feruntur, quoque figatur, & eo in loco tunc concur-

concurrant, uti in Coxendico dolore, qui supra illius articulum plerumque in lumbis, illic ubi quartus nervus ad crus descendens, e cavitate coxendicis extorsum reflexus curvatur, hærente humore evenire solet, posteaque ulterius desfluente eo, sedem mutare, & nunc circa coxæ, nunc circa genu articulum in poplite, ad quem hic nervus pervadit, nunc in pede magis atterere: Quod & si in homoplata sit dolor, hac ratione sæpe contingere conuenit: Vt & si copiosa sit materia, non vno loco, sed diversis hæreere atque affligere, & illis quoque in angustis, ubi nervi per ossium foramina transeunt, ut in spina dorfi, maximeque ubi reticularis nervorum plexus iuxta cervicem in brachia, & iuxta lumbos in crura nervos promit, facile subleat doloresque movet. *Plateri Præceps lib. 2. cap. 16. p. 583.*

*Continua destillatione humoris*) Quæ sit natura humoris Arthritidem patientis variæ sunt sententiæ, quas ad examen revocat Excell. *VVillis Tract. de Animi Brut. parte 2. cap. 14.* Materies morbosica, aut videtur nec Sanguis, nec succum Nervæ per se esse; Nec etiam vaicis aut simplex humor ab eorum alterutro depositus. Sanguinem ab hoc censu merito eximimus, quia dolores illi corpora, ut plurimum exanguia, eaque fere tantum infestat. Nam licet in vicinia ob impedimentum sanguinis cursum tumor sine phlogosi interdum eveniat, tamen ille non morbus sed symptoma est, atque arthritidi plerumque supervenit: Porro tumores podagrici raro aut nunquam suppurantur, quod certe indicio est nequaquam eos à sanguine, ob plenitudinem propriam aut serosam extravasato, sed in circuitu, ob partium nervosarum corrugationes, impedito procedere. Porro succum nervæ, (vicumque acris aut acidus, videlicet pungitivus vel vellicans supponatur, dolores arthriticos per se non excitare constat, quia tunc affectus æque in aliis quibusque partium nervosarum ductibus, ac in ossium internodiis dolores accenseret.

Propter eandem rationem improbabile est humorem, aut materiem quamvis singularem excrementitiam aut superfluum, à sanguine vel succo nerveo depositam, dolores arthriticos inferre; Quippe si talis solummodo per nervos deferretur, non primum in pede aut articulis extremis, verum in toto itinere, nervosum genus irritando, dolorificas molestias seriatim & tractu continuo excitaret. Quod si iuxta *Hollerij, Sennæ* &c. sententias statuatur impuritates quædam à sanguine effervescente deciduas, & ab articulis susceptas, insultus Podagrici causam materialem esse, tunc sequeretur omnes qui arthritidis affectibus sunt maxime obnoxii, etiam in sanguinis effervescentiis febriles maxime proclives esse, atque effervescentiâ febrilem morbi istius quemque insultum præcedere, quorum neutrum verum esse observatio communis testatur. Nam Arthritici, quasi cum privilegio (nempe ob salinas humorum dyscrasias) diathesi febrili immunes habentur: Porro insultus arthritici, absque sanguinis turgescencia immani, aut ebullitione sæpissime improvise exoriantur, & statim ab initio atroces sunt. Quod etiam arguit materiem morbosicam, haud sensim in parte affecta, velut in minera deponi, & dein plenitu-

dine sua excitare dolores: Ita namque si haberet, morbi initia & incrementa semper gradatim facta, & longiora & durabiliora magis essent, neque affectus, (uti crebro assolet) statim vehemens, subinde sedem suam mutaret, atque brevi in vno loco evanescens, mox emergeret in alio.

Cum itaque humor quipiam singularis (qualiscunque supponitur esse) pro insultus arthritici apparatu haud satis efficax videtur, statuamus oportere in morbi huius foco, sive minera, (sive unica sive multiplex fuerit) succos plures fermentativos & non facile miscibiles coire, dein ex eorum lucta & effervescencia fibrarum nervearum vellicationes dolorificas exoriri. Sed siquidem experimento satis vulgari liquet Sales in statu diversimodo positos, alios nampe alkalizatos, aliosque fluorem adeptos, sive acetosos invicem commissos, admodum ebullire & effervesce, eorum humiditate in coagulum album & duriusculum facessente, prope instantia notissima, quando Spiritus Vitrioli oleo tartari affunditur, manifesto liquet; Quidni pariter simile quidpiam in paronylionis arthritidis fieri putemus? Nempe à liquorum quæ sunt diversæ indolis sanæ, pugna & mutuo conflictu fibras nerveas acriter pungi & irritari, & demum à variis virisque succi coagulationibus materiam saphaceam calculosam in locis affectis interdum congeri.

Ut genuinam arthritidis materiem apte designaremus, huc referri oportuit quæ alibi de Partium solidarum nutritu à nobis dicta sunt. Enim vero in munus istud, tum sanguinem tum Liqueorem nerveum tributa sua conferre ostendimus: Nempe cum succus nutritivus e sanguine per arterias ad omnes totius corporis partes deferretur, liquorem alterum à cerebro per nervos eorumque appendices dispositum, priorem istum aduare, & velut spiritu afflato proinde ut fecundus, & quasi fertilis factus, in partis alendæ poros & meatus facilius insinnetur, eiusque substantiæ assimilatur. Quæ super his olim disseruimus, hic non repetemus: quod spectat ad rem præsentem, advertimus humorem nutritivum à sanguine distributum, e spiritu pauxillo, aqua, terra & sulphure copiosis, atque salis aliquatenus volatilifati modico constare: porro dum materias nutritia distribuitur, siquidem particulæ eius cuique parti alendæ proportionari, & iuxta ipsam manere debent, idcirco dum spirituosæ cerebro, & sulphurea carni, patenchymatis & pinguedini destinantur, maxime salinas & fixiores circa ossium internodia deponi, ipsæque dein, liquore nervo fecundante, assimilari oportet.

Quod si ob sanguinis dyscrasiam vitiosam, particulas supra modum salinas & fixas in articulis deponi contingeret, ipsæque ob incongruitatem, sive mineram quandam morbosicam accrescerent: Astamen non propterea paroxysmus arthriticus, sed membri affecti gravitas solum & languor excitari solent, quæ sæpenumero abstinentia, aut exercitio, aut pharmacia tolluntur, particulis extraneis discussis, vel in sanguinem resorptis.

Sin vero liquoris nervei à volatilitate in fluorem acerbiorisve acetositatem degeneris, particulæ fluxionibus subinde exortis & uberi nimis copia in articulos descendunt, quatenus ibidem aliæ cum minera salina, sive laxiviali prius aggesta



effruescant, paroxysmos arthriticos cient.

Itaque materies salina, sive tartarea, à sanguine arterioso circa ossium intercapedines deposita, morbi huius quasi semen foeminium est, quod tamen, uberi licet copia aggestum, per se incundum prorsus (quasi ovum subventaneum) exiit, donec liquor nervos turgescens, recrementa acetosa se decidua in prioris focum dimittit, quæ velut semen masculinum, mox alterum prolificum reddunt: Nam in quantum binæ istæ particulae, quæ diversi status & originis sunt, occurrunt & mutuo congregiuntur, membranarum ac tendinum fibras vellicant, adeoque paroxysmum arthriticum cient, cuius sedatio à particularum utriusque generis acrium mutua subactione & distillatione omnino dependet.

Quoad causas procatacticas, has dicimus esse *Materiam salinam* e sanguine in articulis depositam, atque *recrementa acetosa e liquore nervos* in eundem locum demissa.

Primo itaque mineram eiusmodi salinam circa ossium intercapedines deponi, plane arguitur à subito ac improvise morbi insultu, cuiusque solutione difficili, quippe materies haud simul ac semel tam uberi copia in locum affectum influeret, & paroxysmum ita gravem ac diuturnum excitare posset: præterea siquidem dolores intra assuetum usque focum repetunt, videtur eorum foeteatio ab ovo alicubi prædisposito certissime pendere: Quod autem materies ista non sit mere excrementitia, sed succi nutritii versus salinam fixam degeneris portio, partibus ibidem ossibus destinata, conicere licebit quoniam humor mere excrementitius loco affecto molestiam continuam & tumorem inferret: Insuper hoc plane convincitur ab Arthritidis curatione per torturam aut amputationem adhibita: quippe authores fide digni in scriptis referunt membro, cui ægritudo insidere solebat, amputato, aut graviter vulnerato, morbum sine recidiva cessasse: pariter quidem ac odontalgia gravissima ac diuturna affecto dente evulso sæpissime curatur.

Quod si humor arthriticus (uti vulgo fertur) biliolus, aut pituitosus aliuvè mere excrementitius esset, iste mox ad alium membrum postquam prius affectum amputaretur, affluens, mineram ibi morbificam novam excitaret, hoc autem in articulis quibusdam assuetis solummodo contingit, quatenus pars hæc vel illa debilior facta, portiones quasque sæculentiores facilius in se admittit, calque neque assimilans, nec amandans, in mineram morbificam accrescere finit: Porro in eandem partem, ob debilitatem eius, etiam humoris nervi recrementa acetosa promptius decumbunt.

Cæterum ad morbi huius procatactin salinam salinam in articulis faciendam, haud tantum membri affecti debilitas, sed longe potius sanguinis dyscrasia confert; utriusque rationes & sciendi modos expendamus.

Et 1. Sanguinis culpa est, quod elementares particulae, & præsertim salinæ, in statu idoneo non fuerint: Illæ nimirum iuxta massam sanguineam medix inter fixitatem & volatilitatem constitutionis esse debent: Fixæ dicuntur quandiu sulphuri ac terræ combinatæ, iis pertinaciter adherent, prout observare est in urina recenti ac cruda, e qua per distillationem nec salinam neque spiritum facile prolicies: Atque particulae salinæ volatilizantur, quando sulphure ac terra reli-

dis spirituosissimis adherent, cumque ipsis volant: uti cernitur in spiritu urinae post longam digestionem destillato: Deinde media inter has constitutio est, quando particulae salinæ à particulis sulphureis & terrestribus laxantur adeo & dissociantur, ut data occasione à spirituosissimis facile apprehendi ac una ascendere possint, sicuti habet in urina per digestionem putrefacta, à qua levissimo calore spiritum & salinam urgebis: Pariter in corpore animato particulae salinæ intra chylum in fixitatis gradu esse videntur, e quo tamen per coctionem in visceribus rite peractam paululum evadere incipiunt; in succo nervo istæ volatilizantur, atque in massa sanguinea constitutionis medix sunt, nempe, quæ circulatione diuturna, vel digestionis exaltantur adeo, & quodammodo volatiles sunt, ut partim particulis spirituosissimis associatæ, cumque iis in cerebrum exsillatæ in spiritus animales evadant, partimque in succum nutritium una cum sulphureis aliisque abeuntes, partibus solidis inter alendum accrescant.

Quod spectat ad causas Evidentes, de quibus *Liquor nutritivus* e sanguine articulis allatus, *salinæ* nimis imbuitur, & ob quas hæc partes ad suscipiendum quod iis improporcionatum est nimis promptæ ac faciles evadant, illarum præcipuas, cum variæ ac multiplices fuerint, hic breviter perstringemus.

*Levi ex causa humores commotos suscipiunt*) Dispositio hæreditaria primo utranque labem producere solet; quippe arthritici ut plurimum gignunt arthriticos, atque morbus hic à parentibus in natos descendens, in utrisque non modo pares fructus, & circa easdem ætatis periodos maturatos habere solet, sed plerumque in iisdem membris primas radices agit & similes ubique progressus observat.

2. Cæterum vero Diathesis arthritica, absque labe originali, sæpe ob malam victus rationem & errata in sex non naturalibus insertur: Nam qui crapulæ indulgent, atque imprimis si alimentis falsis vescuntur facile hunc morbum contrahunt; etenim hoc ritu chylus nonnihil indigestus, atque particulis effris & inidoneis præditus, in visceribus paratur; dein à largiori vini potu crassamenta falsa & sæculentia heterogenea, quæ alioquin in primis viis subsisterent, nimis exaltata, in sanguinem deferuntur, quibus in victus enormitatibus si otium & alia accedant, proinde ut nec superfluitates exhalent, nec impuritates salinæ, quo minus circa articulos subsidere possint, ab exercitio dissidentur, certe plus nimis seminis huius alkalizati in uberem morbi Articularis segetem conferetur.

3. *Articulorum debilitas* & dispositio arthritica, non tantum hæreditaria, sed ob varias occasiones crebro excitatur; Materie morbificæ decubitus hanc sæpe inducit, nam si forte contigerit in hac aut illa parte primum arthritidis paroxysmum extitisse, in iisdem postea membrum humor peccans facilius decumbet, & brevi quasi nidum suum, ubi ova continue deponantur, constituet: Præterea item solutio continui, noxa à frigore, madore &c. non raro arthriticæ diathesin cient.

4. At vero ut sanguis mineram salinam pro seminio morbido conferat, & articuli eam promptè suscipiant & recondant, hic tamen apparatus absque semini alterius accessu, instatovi subventanei omnino sterilis & infecundus perstat, quia ad morbum

hanc in actu constituendum, requiritur ut liquor nervosus, forte turgescens, impari vias salinas alterius conditionis, nempe acetosus, effervescentia quadam deciduas, mineræ priori quasi succendiculum instundat: Quare alteram morbi arthritici, procatyxin in humore nerveo, eiusque affluxionibus acetosis itaque re visum est: Et quidem liquoris huius particulas Salinas, à volatilitate in fluxum degeneres, acidas evadere pluribus instantiis & rationibus, tum olim sæpius, tum supra, hoc in tractatu, ostendimus. Attamen ad morbi huius apparatus, non requiritur totam succi nervei massam continue acetosam evadere, Verum sufficit ejus, vel portiones in cerebro, aut alibi in nervoso genere depravatas, vel regementa hic illic deposita ejusmodi indolem contraxisse, à quibus postea turgescendibus, cum particule ad mineram salinam in articulis reconditam accurrunt, modo prædicto paroxysmum arthriticum ciant. Enim vero fluxiones acetosæ, ab humore nerveo profectas, crebro accidere experimento, notabili manifeste liquet, videlicet frequenter adverti, Nervosi generis pathematis obnoxios, quandoque levem in toto corpore rigorem (qui partiu omniu fere nervosorum contragatio est) passos fuisse, & deinde statim affectionem spasmodicam successisse, quo tempore urina valde copiosa & limpida, quæ saporis litivialis aut nitrosi (quem alias semper habuit) expers, valde acetosa, quasi merum acerrum esset, reddebatur: indicio sane luculento humore in partibus nerveis, ad plenitudinem aggestum, & turgescencia oborta commotum, affectiones spasmodicas intulisse, cumque istius portio exundans in glandulis deponeretur, mox illinc venarum, aut lymphæ ductuum commearu in sanguine reducta, urinæ acetosæ profluvium excitabat: Pariter equidem ab eodem humore in minore copia turgescenti, ac utque intra ductus nervosos manente, intraque articulos subsidente, insultus arthriticos exoriri putamus: Profecto materiæ arthritice partem à cerebro & nervis procedere argumentum est, quod plerique huic morbo obnoxii, cum paulo ante paroxysmum de capitis gravitate & habitudine cum vertigine & somnolentia querantur, quamprimum dolores arthriticos pati incipiunt,

velut nubibus à cerebro discussis, ingenio mox liberiori, cum magno & insolito acumine fruuntur: Præterea cum morbi huius inveterati quandoque plures sint mineræ salinæ, in diversis membris dispositæ, observare est dolores, ut plurimum loca superiora primo invadere, & dein gradatim ad reliqua descendere quare cum initio fortan vertebra cervicis laborant, mox brevi postea scapulas, aut alia brachii membra, dein lumbos aut ischiada, ac ultimo ceterum articulos, primo hos, dein illos inferiores morbus occupabit.

*Continua destillatione humoris ampliatæ spatio, veluti arena.* Sic Gutta cava lapidem non vi sed sæpe cadendo: At præter defluxionis assiduitatem & puritatem, humoris illabentis inliquem acrimoniam, ab admixtis salibus pendente iniquitate oportet, quæ sinus in partibus excavet, atque siticis vel xylocampis excelsæ essent: hinc A. Rarus venenatam, malignam & occultam materiæ qualitatem agnoscit, non simplicem humoris intemperiem.

*Spasmi per quæ defluxiones feruntur* [Partis recipientis & deducentis dispositio plurimum facit ut in hanc vel illam partem defluxio potius cadat, sæpeque redeat: Talis est viarum nervis alioquin & reliquis vasis, quæ cum nervis corpus pervadunt, destinatarum, sediumque, quæ circa articulos sunt nimia laxitas: tum ab ortu insitis de causis à parentibus eveniens, causaque una quod hereditarius sit affectus, tum etiam aliis de causis, & à morbis, tum maxime ob continuum defluxum, sæpeque redeuntem, viasque pervadentem & dilatanem contracta, unde fit ut per ejusmodi amplatas vias & laxas, humor licet nō tanta copia, quæ alioquin requiritur, congestus, vel leviter commotus facile defluat & consuevas hæc vias repetat, Et cum ad extrema usque articulorum perferri potius quam in viis intermediis subsistere defluxio, viis sic laxis existentibus, soleat, illique retenta loca hæc non solum relaxare, sed & sensim separando ab invicem veluti excavare, ideo evenit ut podagra & chiragra frequentiores ceteris sint speciebus. Platani l. 6.

## OBSERVATIO II.

*Humor arthritidis parens intra articulorum cavitates non concluditur.*

**I**Lud absurdum humorem Arthritidis de cerebro duci, quia cum insuper credunt in medias artuum cavitates pervahi: Quæ vis hunc agitabit? oppositæ sunt muleæ partes quibus ejusmodi iter penitus obseptum est: Non desunt qui quidem cerebri humorem negant subsidere in subjectas cavitates artuum, ac cum contendunt eo penetrare, quem vasa sanguinis, Arthritide oriente, exudare putantur, Verum illa ad Artuum cavernas haud ita pertingunt ut ille humor in eas demitti queat: Quid multa? Nec in defunctorum articulis illa humoris sedes notari potest. Schneiderus l. de Catarrhis special. p. 548.

## S C H O L I A

**I**N articulis] Humor hic qui est causa continens, non consistit in eo spatio, seu ea cavitate, quæ constituunt duo ossium extrema, quando sibi invicem compinguntur (quemadmodum multi hæcenus somniarunt) sed fere semper in membranis, tendinibus ac vinculis externis, à periostio originem suam habentibus, ossium extrema ac musculorum tendines necessitibus: Idque cognoscitur manifeste sic se habere ex nodosa podagra ac chiragra, in qua tophus, seu humor in calculum concretus, aperta rupturæ cute plenus eruitur è digitorum articulis, ex

terno vinculo, ut scribit Pernelius, integro atque illæso: præterea si materia in cavitate internam articuli fluere, nullus vel admodum obtusus excitaretur dolor, quod hoc vinculum necens interiis ossium duo extrema ex osse oriatur, nullumque sensum habeat, & ideo, quia cum ossis cartilagine connascitur, *χονδρὸν* seu *χόνδρος* nomen apud Græcos accepit: *Adrianus Spigelius lib. de Arthrit.* Arthriticus tumor cubiti sæpe me spectante apertus fuit, Æger cunctum brachium semper movere potuit: quare humor se in medios artus haud fudit. Nonnunquam quoque

quoque unicus tantum musculus in corpore hominis  
arthritici inflammatur, cute integra, nec in ea ullum  
apparet vestigium inflammationis: eo loci si tangi-

tur cutis, dolor fit gravior: nimirum intelligendum  
est humorem haud ipsum intervallum actuum subire  
*Schneiderus l.c.*

*Nova & ingeniosa de Loco affecto in Arthritide eiusque causis Dissertatio, In qua Veterum  
& Neotericorum sententia ad examen revocantur, Viri Clar. I. lac. Harderi, Medicinæ  
Doctoris & in Academia patria Basileensi Philosophiæ Professoris.*

**A** Rthritis ὀστὴν καὶ τὸν ἀρθρὸν, unde etiam nomine ῥῆσις τὰ ἀρθρα πόνος Hippoc. Sect. 4. aph. 44.  
& 45. venit, Dolor est ex intervallis ferè invadens, notante Fernel. l. 6. de part. morbis  
& Sympt. c. xvij. Huius subjectum sunt articuli, patiuntur autem respectu partium quibus in-  
vestiuntur, vel etiam, quæ in illos inferuntur, maxime sensibilibus, quales sunt partes nervosæ,  
periostium, membrana, tendines imo & ligamenta, quibus ipsi Veteres suum facillè largiuntur  
assensum: uti etiam quoad Morbum, quem nomine doloris satis explicatum itidem putant,  
Ast in causis hallucinati esse videntur: Fernel: proximam continentemque omnis Arthritidis ac  
doloris causam esse dicit, non ullam simplicem intemperiem, sed humorem p. n. infixum &  
adherentem, huncque nunquam aut admodum raro in id cavum ac spatium penetrare, quod  
inter ossium extrema intervenit, sed vincula duntaxat, easque membranas quæ extrinsecus  
ossium extrema nectunt & ambiunt: hoc sane argumento, quod in nodosa, tophaceave  
podagrâ atque Chiragrâ, humor in calculum jam concretus, aperta ruptave cute, plerum-  
que eruitur è digitorum articulis, vinculo integro ac illæso: Et in Ischiade si noxius humor in  
coxendicis pyxidem conditus esset, nec tam vehementem, quod vinculum obtusi sit sensus,  
nec tam latè diffusum dolorem inveheret: Neque porro humor hic, continens arthritidis  
causa, tam rarus atque traditur exilit, nec enim sanguineus, nec biliosus nec melancholicus,  
inquâ est, sed omnino vel pituitosus vel serosus, & Sentent. cand. fovet. River. c. de Arthrit. Capi-  
vacc. l. 5. Med. Pract. Pituitâ & sanguinem solum agnoscit, bilem autè nimis mordacem esse ait, &  
Melanch. minori copiâ generari, quod & alii veterum dogmatû sectatores aiunt. In quibus verbis Vir  
hic insignis plura habet, quæ de humoris natura, huic malo producendo idonei, quâ etiam de  
parte specialiter affecta: Et quidem quod ad prius attinet, facile ipso cum consentiunt Recen-  
tiores, humorem p. n. infixum & adherentem arthritidis causam continentem esse: Sed in hoc  
difficultas erit, qualis sit hic humor qui arthritidem efficiat, & annon etiam ossium sese inter-  
ferat intercapedini: Ossium cavo se insinuare humorem arthriticum, & experientia & ratio te-  
statur: Illa quidem, quia in duobus juvenibus quorum alter arthritide scorbuticâ laborabat,  
alter affectu eodem, ex inordinatâ Venere contracto, observavi tophos, non tantum ossium  
superficiebus adherentes, sed ipsissimæ harum cavitati, cum summo dolore, quasi infixos:  
neque etiam hi circa internodia conspicui de alio quàm de materia fixa, ossium cavitati  
inhærente, testari videntur: Hæc verò, quoniam materia, quæ pro ossium nutritione affer-  
tur per arterias, quæque degenerans & aggesta, huius mali causa est, in membranas vel vin-  
cula, non tantum effunditur, vel ossibus leviter extrinsecus apponitur, quin in horum ipso-  
rum substantiam quoquo modo pergit: Imò suppositâ superficiali appositione nutrimenti,  
hæc ne propterea impediet huius ipsius circa ossium articulationes mutuas intinuationem,  
pro horum capitulis nutriendis? Sane vel hoc ἀπορον statuere necesse erit, vel dicendum cau-  
sam continentem in ipso etiam ossium cavo hære, quo tamen periostii vellicationi, ab hac  
effervescente & serociente oriundæ, nihil adimitur.

Ad ipsius autem humoris naturam & genium, quod spectat, varia hic exurgunt incom-  
moda: Etenim dicere humorem p. n. infixum, causam continentem arthritidis, hunc tamen  
vel sanguineum, vel quod magis est, biliosum vel melancholicum non esse, minus facile capi  
potest.

Si humorum naturam lustrare placeat, reperiemus humorem biliosum multo majori jure,  
præ pituitoso & seroso, primas sibi vindicare, ut de melancholico taceam: Sed novi quò tendat  
Vir hic Clariss. Nempe humores excrementitios pro causâ huius mali accusat, à capite præci-  
puè, vel aliis partibus, ad articulos deponi solitos: Ast si, hi humores arthritidis sunt causa  
continens, qui fit quod, membro aliquo amputato, malum hoc in quibusdam planè non  
amplius, in quibusdam rarius ingruit, cum tamen materia morbifica non deficiat, vel  
ullum huic obiiciatur obstaculum, quin viâ ad aliud membrum arrepta, ibi malum idem  
fovere & producere possit, imò quod plus est, talis materia pituitosa, iuxta nervos, notante  
Fernel. à capite ad articulos amandata, & quidem incongrua, per totum suum iter turbas  
dare deberet, neque tantum in articulis dolores cingere: Iam autem constat malum hoc  
subitaneo



subitaneo insultu agrumprehendere: Taceo quod humor pituitosus, adeo effera naturæ, vel secundum ipsos Veteres, non sit ut tantas effervescentias, tamque immanes afflictiones circa articulos producere possit: *Calculosa* quoque, de quâ Fernel. agit *dispositio*, alium planè humorem sibi postulat: Rejeto proin humore *pituitoso*, quid de *seroso* dicendum: Minus in hoc exorbitare videtur: Cum enim certissimum sit serum partibus constare Salinis, à sanguine ipsi incoctis, hocque *ὀξύματ' & τερπνὸς* munere functurum, ad singulas partes pergere necessum habeat, & in ossibus insuper materia Salina, (uti infra dicam) pro horum nutritione deponatur, non adeo à vero abludit, serum hocce partibus Salinis degeneribus impregnatum, copia harum circa ossium internodia deposita, causam arthritidis proximam fieri: Quod aliàs Galenici nomine *seri falsi* interpretantur: Sed nec hæc dixisse sufficit, Atroces arthriticorum dolores adhuc alia efflagitant.

Hollerius in Scholiis ad cap. 23. l. 1. de morb. intern. paulò melius de arthritidis sede, & etiam causis sensisse videtur: Etenim quantum ad illam. *necessum esse ait, ut intra ipsum articulum causa contineatur, antequam verè dicatur arthritidis, neque humorem per c. m.ies, partisque circumiacentes diffusum, sufficere*: Ad has vero, quantum spectat, *Dolorem vehementissimum excitari, inquit, si qua materia illic intercipiatur, siue acrimonia ut bilis, siue frigiditate, ut pituita, siue asperitate, ut gypsea, peccant, &c.* In quibus etiam si ad ipsam veritatem proximè non accesserit, tamen in eo egit optimè, quod hujus mali fomitem *materiam quamdam acrem & irritantem agnovit, bilemque* hanc ad rem valdè idoneam esse exultimavit, non quidem quasi ad stipularemur fallæ ejus hypothèsi, quod in effervescentiis febrilibus eò amandata, hoc peragat, sed quia natura bilis tali affectui producendo aptissima est.

Adhuc magis cardinem controversiæ tangit Celeberr. Sylvius, qui lib. 1. prax. Med. cap. xxx. inquit. *Arthriticas febres quæro in succo pancreatico ita corrupto, ut articulis potissimum sit infestus, siue acrimonia simul, quod frequentissimum, insigni, bilem, cum qua vitiose effervesceat, una secum eo deducat, & dolorem atrocissimum producat, siue minus acer, atque pituitam viscidam, non item bilem acrem offendens ab eadem assumpta, plurimum obtundatur, atque Tumore adematoso, quam dolore acuto affecta partis motum potius impediatur*: Ex quibus verbis haud obscurè colligere licet, Virum hunc ad arthritidem producendam, Salia diversi generis postulasse, unde *Succum pancreaticum*, qui acidus, cum bile, quæ alxali est, conjungit, Neque in hac hypothèsi erravit, revera enim ex acidum cum alkali commixtione & effervescencia oritur, & *precipitatio* subsequitur, quod utrumque in arthritide observare licet: Ast quum *succi pancreatici*, cum bile & pituita ad singulas partes deductio, nondum omnino sit recepta vel probata, neque etiam facile sit concipere, in quo *Succi* hujus corruptio talis consistat, quæ articulis potissimum sit infesta, & non alias, propter corruptione eandè in corpore turbas de vehementes, nec huic sententiæ adhuc dum ad stipulandum, Sed quid alii præterea Viri Sagacissimi sentiant inquirendum, inter quos præcipue emicat Ingeniosiss. Willisius, qui in cap. de arthrit. proximè ad veritatem accessit, dum, *statuere, inquit, oportet in morbi hujus foco siue minera, succos fermentativos, & non facile miscibiles, coire*: Succus hi fermentativi, sunt *Salia diversi generis*, alia quidem *fixa & alkalifata*, alia *acescentia*, in fluorem evecta, ex quibus combinatis *effervescencia* oritur insignis, unde *articuli & internodia* vellicantur, summiq; oboriuntur cruciatus, *precipitatione* post subsequente, unde *tophorum* progenies.

Dico itaque deponi naturaliter, circa articulos & ossium internodia, materiam quandam Salinam, (quam alxalisatam Cl. Willis, bene vocat,) pro horum nutritione, & quidem ipsi Veteres ossibus nutriendis, *materiam terrestrem* aptissimam dixerunt, proptereaque iidem *melancholiano* destinantur: *Materia* hæc, si nimis *fixa*, & inter volatile & fixum medium non fervet, circa ossium internodia deposita, horum cavum, vel difficilè, vel non subintrat, sed aggeritur & cumulat: huic si postmodum accedit *liquor acidus*, mutua oboritur lucta: *Acidum* enim cum *alxali* commistum effervesceat, uti experientia testatur. Illud modo superesse videtur unde *acidum*, quod cum materia hac Salina commiscetur, suppediteatur: Nodus non facilis solutu: Equidem si *Willisii* placeret annuere opinioni, res jam esset decisa, cum in *liquorem nerveum* acescentem, præcipuam ille coniciat culpam: Verum majori lite adhuc conflictandum habet cum turba, quam *Sylvii Succus pancreaticus*: hujus enim existentia tantopere non amplius in dubium vocatur, propter ductum ex pancreate manifestum, illius autem maximè, pauci; sunt quibus aded felicibus esse licuit, ut liquorem nerveum colligere potuerint vel videre: *Succi pancreatici* cum bile ad articulos depositionem, summe dubiam & disputabilè esse supra monuimus: Vnde quid in hac Authorum litigatione sentiendum, ambigui merito hæremus, nihilominus priori sententia quæstionem melius decidi posse autumantes, si nempe, quæ Clariss. hic *Vir de liquore nerveo* degenerare intellexit

xit, nos de spirituum animalium dyscrasia acceſcente intelligamus, quæ ſententia ſua non caret fundamento: neque enim ſpiritibus, ut pote ex ſanguine temperato progenitis temperiẽm attribuerẽ, abſurdum iudico, quicquid demum alii obganniant, Hanc autem eſſe Salem volatilem, vel ipſa ætherea ſpirituum natura, à Veteribus hiſce adſcripta, ſuffi- cienter probat, Si hæc in acceſcentem tranſit, (tranſit autem facile) in ſemen mæſculinum, pro fæminini, circa articulos depoſiti, forẽundatione, maxime congruum: *Dico tranſire facile*, quoniam maſſa ſanguinea ſaliſoſa exiſtente, ſpiritus animales deſtituti volatili, quod ſibi pro ſua natura adſciſcunt, & quo quaſi nutriuntur, à volatilitate in fluorem degene- tare, ſicque acidam naturam induere neceſſe habent: Hanc autem ſpirituum *deſectum* eſſe accuſandam, probatur ex *dolore capitis, vertigine*, aliſque ſymptomatibus, quæ plerumque paroxyſmos arthriticorum præcedere ſolent, quæq; ſymptomata forte Fernel. moverunt, ut omnem arthritidẽ à capite derivarit: Probatur dehinc ex cura, quæ *volatilifantibus* præcipue, *diaphoreticis* & diureticis, iſque quæ *acidi* cum *alkali* vitioſas comixtiones corrigunt & tollunt (Salia nim. prius ab acido ligata, maſſæ ſanguineæ reſtituendo) perficitur.

De *cauſa antecedente* arthritidis prolixiori mihi eſſe non licet, ne in librum excreſcat epiſtola: In *hereditaria* diſpoſitione, cauſa antecedens multa inquiſitione opus non habet, ſemina enim Salina copioſe in utero maſſæ ſanguineæ communicata, de hac ſatis reſtantur: Ad *acquiſitam* autem plurimum contribuunt errores, qui in ſex rebus non naturalibus com- mitti ſolent, de quibus ſingulis videri poſſunt authores: Hoc unicum coronidis loco ſubit- cio, ipſos Veteres per *materiam tophaceam*, ſententiam noſtram inſigniter confirmari, etenim, quam illam naturam aliam, ſi non Salinam, redolet? neque enim pituita, proutcum- que viſcida concipiatur, in tales tophos, calculis omnino ſimiles concreſcere neque quod- nam illud ſit, quod concretionem hanc, (quam nos per *precipitationem* ab acido factam ad ſenſum explicamus) efficiat monſtrari poteſt: gelatinofa facilius fiet pituita, quam calculoſa: Melius adhuc egerunt illi, qui humorem biliolum accuſarunt, quia & choleri- corum diſpo- ſitio & huius ipſius humoris natura, de qua ſuperius, ſemen huic malo fæmineum proxime & remote conferunt: Sunt quidem haud pauci, qui bilem alkali continere negant, ſed per- peram, vidimus ſiquidem hac ipſa ſeptimana, bilem bubulam, affuſo ſpiritu nitri, & ol. Sulph. coagulum in fundo exhibere, quod affuſione Salis urin. Vel ol. Tartari minime habere licuit: Id adhuc mirari ſubit, unde puſ in abſceſſibus arthriticorum vel podagricorum, aëri expoſitum, in calculos concreſcat, hocque Galen. adiumentum aſſerre poſſet, humo- rem vid. quemcunque, etiam abſque acidi comixtione, coagulari poſſe: Alit facile rem ſolvent ii, quicunque ipſum aërem acido conſtare ajunt, à quo hic eſſectus producat, neque enim vel ſpiritus nitri deſtituitur acido, aërem autem nitroſum eſſe quis negabit?

## OBSERVATIO. III.

## Calculi ex articulis eruti.

**M**irum non eſt calculos in Articulis fieri, quorum multos, diſruptis articulorum jun- cturis, meis oculis vidi. *Schneiderus l. de catarrhis ſpecial. p. 608.*

## S C H O L I A.

**M**irum non eſt calculos } Arenulas *Platerius* lib. *Obſerv. in hepate deprehendit: Apud Joh. Maithanum* in conſil. I artarus, ſeu calculus, non ſo- lum in renibus & vefica, ſed partibus etiam principa- libus ſedem figit, quod *Fachſius* etudite monuit: *Maximilianus* ij. Imperator, qui Podagra laborave- rat, in ipſo corde calculos habuit, qui poſt obitum

reperiti fuerunt: Dom. de *Paloveiller* in capite & vefica fellis calculos habuit: In renibus *Alberri* Ducis Bavariæ magni calculi reperti fuerunt: *Straubingia* *Michael Bannr*, calculos ex pulmone per tuſſum eiecit: mirum igitur calculos quo- que in articulis fieri?

Idem.

## OBSERVATIO IV.

## In quodam Arthritico ſumma Renum flacciditas &amp; exilitas reperta.

**I**lluſtr. N. doloribus Arthriticis diu multumque fuit affectus, tandem in Ictericam & Hydropem incidit lethalem.

Deſuncti corpore aperto, Renes flaccidi & adeo parvi inventi, ut magnitudinem nucis juglandis vix æquarent. *B. Timæus Obſervat. lib. 3. cap. xxvij.*

## S C H O L I A.

**H**inc conſilio Arthritidis, juxta & Aſcitæ cauſam in renibus poſſimum fuiſſe, quatenus ob vitioſam conſtitutionem ſerolium humorem minus

ſufficienter attrahere, ſecernere & excernere value- runt: urinas enim reddidit pauciſſimas, etiam largius biberet. *Idem.*

Renes }

*Renes*] Arthritis cum Nephritide necessitudinem adeo conjunctam habet, ut utriusque affectus, quasi ejusdem originis essent, sapissime concurrant: quippe nullus fere isto morbo laborat, quin etiam huic obnoxius reperitur: Porro inveterata Arthritis concrectiones lapideas in articulis, quales Nephritis in renibus excitare solet, hinc verisimillimum existimo Nephritin à simili, seu prorsus eadem causa quam pro arthritide assignavimus, exoriri nempe materiam salino fixam, à sanguine in renibus depositam, cum humore acido per ductus nerveos illic subinde suffuso, effervesce, & ob id dolores nephriticos crebro induci, dein ab utraque materia, post effervescentiam coagulata, calculum formari. *Willis loco citato*

*Tandem in Ictericam & hydropem incidit.*] Interdum accidit ob materiam arthriticæ fluxiones suppressas, aut repercussas, modo ventriculi aut viscerum abdominis Tormina, modo Dyspnoeam, Asthma aliòve pectoris affectus: quandoque etiam Apoplexia, aliòve morbos soporosos aut convulsivos excitari: Ex quibus observatis obvium erit obicere Arthritidis mineram non ejusmodi esse ac modo descripsimus, quia pars ejus salina, cum eadem sit quæ articulis nutriendis destinatur, exinde depelli, aut

alio deferri vel deponi nequit: dein, quoad partem alteram, nempe *Seminum acidum* in loco affluere depositum, videtur illud haud facile repertum posse, atque per se aut in via suppressum, aut alio translatum parti cuiuspiam haud valde nociturum: Verum enim vero, facile erit his referre, materia arthriticæ portionem acetosam, per ductus nerveos affluentem, repelli aut suppressi posse, eamque aliis partibus suffusam mala sæpe gravissima excitare: Profecto *Liquor nervus*, ejusque recrementa, cum partibus valde subtilibus & activis consent, à levi quovis obice, aut repulsi, in *poras* & fluxiones diversimodas adiguntur: Porro cum ista circa partes nobiles, vel intra ductus nerveos turgescunt, vel aliusmodi aliorum humorum particulis occurrunt, cumque iis effervescunt, affectiones varias aut dolorificas, aut ipsamodicas eient, &c. *Idem ibidem.*

*Phthisi*] Arthritici ob sanguinis dyscrasiam Salino fixam, febribus minus obnoxii sunt: Caterum à Phthisi, aliisque viscerum aut capitis pathematis gravioribus non omnino immunes degunt, quatenus tum sanguinis tum licci nervei recrementa in articulis non amplius deponuntur sed vel ad pulmones vel ad cerebrum transtulerunt. *Willis ibidem.*

## OBSERVATIO V.

*Contracturæ digitorum, &c. in Arthriticis causa est Calx, spatia omnia occupans & ossicula secedere cogens.*

**A**Nno Domini 1670. fatis cessit per III. Domin. Capitaneus Ammon, qui vitam suam longo spatio annorum arthritide excruciatu transiegit, ita ut manibus & pedibus contractus remanserit.

Aperto cadavere, causam contracturæ digitorum tam manuum, pedum quam reliquarum iuncturarum indagans, easdem calce vulgo dicta plenas spatia omnia occupantis reperi, tanta quantitate ut ipsa ossicula loco suo naturali cedere necesse fuerit, unde dislocatio ossium digitorum, tam manuum pedum, & juncturarum facile inde colligi potest; cum senim tanta materia ad articulos transmaderet, et mole sua prius nervos, membranas, tendines, obruit, & ad obeundas ritè actiones motui & sensui convenientes suffocet, tandem & ipsa ossa suo dimoveat. *D. Joh. Iacob. Vene. Dobzensky In miscellaneis curiosis anni 1661. Observ. 65.*

## SCHOLIA.

**N**Otanda, historia quæ in *Plateri* observat. lib. 2. p. 1150. reperitur: meminit is mulieris cujusdam Lucernensis in Helveria, è nodoso pollicis pedis sinistri, pugni magnitudinem excedente, calculos

rephaceos, è quibus minimus piso major erat, plulque xx. suppuratione illic facta, cum maximo dolore, succellive reddentis: De causis ejusmodi Tophaceæ materiæ vide eundem *Praxeos* l. 1. & alios.

## OBSERVATIO VI.

*In quodam Podagra diu vexato Lien exsuccus & omni pulpa carens inventus.*

**D**om. à Rapolstein in Alsatia degens cū per multos annos podagra dira vexatus esset, tandem supremum diem clausit: A morte, quum exenteratum fuisset corpus, condituraque mumiata curatum, Lien inventus fuit plane exsuccus & omni pulpa carens, marsupii in modum inanis, sinistris hypochondriis affixos. *Ex observat. Jacobi Moccii Professor. Med. in Academia Friburgensi Brisgoiorum.*

## SCHOLIA.

**A**N quia serum (cujus sedes Lien dicitur *Hippocr.*) ad actus demandatum fuit, quod Lien præ exilitate & debilitate non susepit & attraxit?

## OBSERVATIO VII.

*Ischiadicum & Podagricum dolorem parientes humores circa finem medullæ spinæ congeruntur.*

**S**I impotentia in solo crure oriatur ob læsionem cervicis, id tum demum fieri putandum est quando circa vulnus collectus humor, secundum longitudinem spinæ

AAAAAA 4 descen-



descendit, & in finem medullæ ubi descensus ulterius non datur, impingitur: Solere enim hic humores detineri ex Ischiadicorum & podagricorum sectione demonstrat *Coiter* in observat. *Anat. Henningus Arniseus in Observat. Anat. Observat. 2. §. 10.*

## S C H O L I A.

**H**umer secundum spinæ longitudinem descendit.) Multos videmus aut ischiade laborare, aut alio articulo, cum ne tantillum aut cervicis doluerint, aut collum, aut guttur, aut claviculas, aut occiput: An vero credibile à capite tam effertur humorem, tam serosum, tam indomitum, ut nullos dolores in mediis viis excitet, sed solum cum ad articulos devenierit? Ut idem faciat quod lepus marinus, qui cum perreptet innumeras corporis partes, solos

pulmones vlceret? Hoc non credibile, sic valere jubeamus *Fernelium*: Et non temere innocens caput medicamenti agitemus: Nam sunt qui dolent articulos, & nullus præcessit omnino capitis dolor; nec gravitas, nec aliud simile, *Ballonius Epid. & Ephem. lib. 1. p. 91.* Ejusmodi sane dolor ischiadicus aliunde quam ex capite arcessendus, vitiumque potius malæ sanguinæ inquinatæ arguit.

## OBSERVATIO VIII.

*Anatome Ischiadico laborantis dolore, In cujus coxa inventæ sunt glandulæ induratæ, pus concretum continentes.*

**V**Idua P. *Auberti* patiebatur dolores atrocissimos in Ischio sinistro, qui sese ad extremum pedem porrigebant: Cum dolor in coxa gravior evasisset, & tumor in parte appareret, concolor tamen, tum etiam pars compressa multum doleret, nec non ægra dolores lancinantes in eadem perciperet per vices, vocati fuere Chirurghi qui abscessum profundum latitare asseruerunt: Sicque consilio habito pars aperta est caustico & scalpello, nullum pus effluxit: Post xv. dies ab apertione hydropica facta est, & tandem suffocata interiit.

Aperto cadavere, & secta coxa usque ad os, in loco apertionis inventæ sunt parvæ quædam glandulæ suppuratæ, quæ pus concretum continebant, ita ut non potuerit effluere. *Riverius Observat. 53. cent. 2.*

## S C H O L I A.

**C**Oxa.) Coxa dicitur, & articulus ille omnium maximus quo os femoris coarticulatur, Et os illud magnum cum quo coarticulatur: quod os dicitur, aut coxa, aut os coxæ, est magnum, varias prominentias habens & perforationes, quod quidem cum osse sacro conjungitur per symphium: Hujus suprema pars, quæ à lateribus tendit in partem anteriorem, & est superior pudendis, ea in regione quæ dicitur ile, vocatur os ilium: Pars media, quæ magnam habet excavationem, quæ recipit ossis femoris caput, dicitur Coxa, aut coxæ os peculiariter, quod quidem à regione pudendorum est, & per partem internam & imam habet processum acuminatum, tendentem sub pudendis, quasi utrinque venientes productiones sint in interfemineo congressuræ: propius autem accedunt ad sese in viris quam in feminis, in neutris vero uniuntur: Ab hujus ossis suprema parte produciuntur in anteriorem corporis partem, supra pudenda, os quod in medio unitur cum processu alterius partis, cartilagine, & mox deorsum redit à latere pudendi in imam partem coxæ, & finit ita per forationem satis magnam quam hoc os habet, vocatur hæc ossis productio, os Pubis: Itaque os ilium, & Coxæ, & Pubis, idem os est, verum prægrande, & quod tribus in partibus tria nomina accipere potuit: Hoc os coarticulatur cum Femore, atque ita in eo voluntur crura, coalescentque cum osse sacro, & dictam magnitudinem, figuram & positum habens, simul cum osse coccygis munit, & commodum locum parat pudendis & podici: nam pudenda erumpunt inter os pubis & internos illos processus coxæ, & podex inter hos processus & os coccygis.

*Dolor in coxa.*] Sæpe tematur dolore & articulus ille magnus, & ipsum coxæ os, & illi hærentes carnes: Articulus quidem, quia maximus profundissimique est, & asperitatem etiam quandam habet, &

interius, quasi in centro ligamentum quoddam, quod imbibit fluxionem, quam ob magnitudinem articulus recipit: Os vero ipsum, (ut ossa dolere possunt) & caro, & reliquæ partes, quæ illi hærent, quia posita sunt in ipso sordium confluxu: Nam per id os & urinæ & fecum viæ decurrunt, & genitales, & illi proximæ sunt venæ hæmorrhoidales, præter venas & arterias satis magnas quæ in crura deferuntur: Has ob causas solet hæc pars recipere multas variasque fluxiones, & ab omni fluxionis genere cruciari, nunc in articulo, nunc etiam extra, juxta os, aut ad anteriorem partem, versus inguen; aut ad imam, ad interfemineum; aut ad posticam, ad nates: Sæpeque fluxio ipsa in pus abit, quod nisi tempestive educatur, sponte extra erumpens, fistulas eo loci facit, aut interius manens acerbius cruciat: Sic *Eupolemo*, 5. *Epid.* (cui coxa dextra dolebat, & inguen, & junctura coxæ proxima, quæ est ab inguine & anteriore coxæ parte) factum est pus in coxa, inter os ipsum & periostium: *Vallesius comm. in lib. 5. Epid. p. m. 460.*

*Qui sese ad extremum pedem porrigebant.*) his quibus Coxa dolet, aliquando dolor per totum crus produciuntur, secundum nervi longitudinem, aliquando idem stupet, ob nervos crurum, qui omnes juxta ipsum coxæ os ab ultimis lumborum vertebri decurrunt: præcipue vero ob ordinem quantum qui etiam est postremus, & maximus eorum qui descendunt à lumbis, quia cum tribus sequentibus sacri ossis nervis coalescit: Is enim simul cum arteria & vena magna, penetrat per foramen quod ex ossis ilii & sacri coarticulatione, velut in hunc solum usum formatum est: Evenit igitur propter fluxionem, coxæ dolorem inferentem, aliquid in nervum redundare, aut à venis & arteriis, ac carnibus etiam multitudine tumentibus cum primis, atque ob diversum affectionis modum, modo stupere crus, modo dolore attingi. *Idem com. in sect. 6 lib. 4. Epid.*

*Pars*

*Pars aperta caustico & scalpello &c.]* Ob assiduum dolorem merito Chirurgus suspicabitur corruptionem subesse & pus, parabitque auxilia ad eam affectionem necessaria: Ea porro ex Hippocr. duo sunt, ultio & sectio, nam medicamenta sola in his raro sunt satis, vitio præterea est duplex, aut enim est penetrans usque ad ipsum pus, ut simul sit ultio & scissio, velut si cultello, seu stylo ferreo ignito pun- gas aut feces: Aut est inustio, h. e. ultio vulnerans superpositam cutem, & crustam gignens, non penetrans tamen. Priori unctione, non minus quam sectione educitur assatum pus; Inustione non ita, sed ulcuscula fiunt, ut per ea natura demittat ea quæ ad internam partem colligebantur, Aut etiam quæ collecta erant paulatim intradat, interna expurgans: Profunt etiam inustiones siccando, ut firmando partes quum sunt humida & laxæ, ac intercludendo viam fluxionibus, nimirum cicatrice durantur constringunturque partes: Hinc fit ut cum educere pus, quod in alto est volumus, unctione uti debeamus: Si pus malignum non sit, nec pars putredini oportuna, solo incisorio, Sin autem ut, terro candente: quia ignis cohibet & extirpat putrescentiam: Inustione vero uti tunc solum debeamus, quum fluxio nondum in pus mutata subest, aut mucrescunt adfunt & laxitates partium, velut ligamentorum in dolore coxæ, & aliis articularibus: aut nisi forte quum sectionem non audemus facere,

et si alioquin eam petat morbus. *Idem com. in 5. Epid.*

*Inventa sunt parva quadam Glandula.]* Etli in historia non designetur quæ pars coxa doleat, anterior vel posterior, verisimile tamen est illam circa Inguen doluisse, cum scil. flexuræ locum quo suprema femoris pars adducitur ad pudenda, quæ partes sunt glandulæ copiosæ.

*Ita ut pus non potuerit effluere.]* Tum ob loci profunditatem, tum quia concretum erat; Eo vero læpe perducitur malum, quia ægri non percipientes quid mali habeant, id parvi faciunt, neque se curandos Medicis tradunt, putantes se leviori aliqua de causa dolere, & expectantes auxilium temporis: *Empolemo* (de quo supra) post diuturnum dolorem inulta sunt crustæ valde multæ, & illæ quidem exsiccantibus escharis, ut in combustis fieri solet, factæ sunt magnæ & proximæ invicem: Qua in curatione, (ait *Vallesius* in comm.) duobus modis peccatum est, & quia sero jam est adhibita, quum æger præ debilitate non posset ferre, Et quod major quam pro facultate adeo debili: Non est autem faciendum quantum morbus debili, nisi etiam facultas permittat: Si agentur *Empolemo* non fuisset adhibita curatio tarda, sed opportuna, antequam scil. quam debilitaretur; Et mulieris (de qua historia) priusquam pus concreveret, factum esset quod expediret, verisimile est hanc & illum servari potuisse.

## OBSERVATIO IX.

*Ischiadicus dolor ab abscessu ingenti ad rotatorem musculum femoris dextri exortus:  
Et atheromate sub musculo Psoa sinistro.*

**A** Medeus, Faber lignarius, 40. annos natus, biennio variis morbis, ac postremo etiam dolore Ischiadico laboravit, & tandem extinctus est.

In dissectione, ad rotatorem femoris dextri ingens abscessus, humorem purulentum copiosissimum, supra libræ pondus continens, inventus est: hinc erosio articuli ligamentis, inhibitis etiam musculis, *Luxatio* quam passus erat æger: Deinde sub musculo Psoa sinistro, cui ren incumbit, quique in cruris internam partem infertur, ingens atheroma, ultra libras duas puris crassioris continens. *Fabritius Hildanus Observ. 71. cent. 1.*

## SCHOLIA.

**E** *Resis articuli ligamentis.]* Si in eo articulo, qui est ossis femoris & ischii, humor quidam acris colligatur, inde plerumque Ischiadicus dolor sequitur: Ligamentum si hac de causa laxetur, os à natu-

ræli situ parum recedit, & ægrum claudicare facit: Si os aut cartilago corrodat: & vasa comprimantur, pedis atrophia, & aliquando totius corporis insequitur: *P. Barthez Anat. Pract. lib. 5. cap. 2.*

## OBSERVATIO X.

*Ingens coxarum dolor, ab os coxendicis corruptionem passum & erosionem.*

**A** Ntonii Iaceti filium novimus, qui cum ingenti dolore coxarum vexatus, in maximam primum debilitatem, tum & in mortem, nihil iuvantibus Medicis, nihilque conferentibus præsidiiis, devenisset.

Inciso corpore inventus est pestifer humor in Coxa, quo magna pars ossis erosa, etiam in cinerem versa videbatur. *Benivenius de Abditis cap. 79.*

## SCHOLIA.

**P** *estifer humor &c.]* De virulentis eiusmodi humoribus, ossa erodentibus, & apostematata in iis producentibus egregie differit *Langius*, Epistola 42. lib. 1. Ex pituitoso, ait, sanguinis mucore, intra lacertorum velamenta & ossium panniculos, fungi, Græcis *μύκη*, adnasci solent: Nam ut Hippocr. l. 3. de artic. testatur, circa ossa contusa, fracta, aut quovis modo læsa, mucilaginosæ accrescunt pituita, quæ,

ut ipse ait, os fit morbosius: quæ adeo est tenax & viscosa, ut nec ullis malaginis aut pharmacis maturari, aut ullis fomentationibus in halitum digerî possit: Hæc si sub ossis panniculo computruerit, & in ossium poros penetraverit, ossa sideratione aut sphacelo, quæ illorum caries est, diuturna putrescere, & non ferendo dolore ægros excruciat oportet: quæ nullis emplastris nisi sublata carne, ossa putrida

celis



celle aut terra excisa, aut illorum caries cauterio adusta fuerit, curari poterunt: Vnde qui curam respuunt, gangraena vel herpes esthiomeno tandem pereunt &c. Medicorum autem plerique ignorant ossa quantumvis solida, quasi phlegmone & apostemate quoque corripì posse: Quicquid sane nutritur, crescit, augmentatur, aut influxus recipit, id quoque putrescere, & apostemate aliquando turgere facimur: At ossa, & praecipue dentes, qui quotidiana esculentorum masticatione atteruntur per omne ætatis tempus, quoque nutrirì & refici certum est: Proinde Avicenna & Galenus suo periculo edoctus, dentes proprio dolore attici, apostemate quoque distendi allerunt: Et Hippocr. os iacrum empyemate quoque computrescere novit: Cujus putredine, & incredibili doloris tyrannide duos efflictim & diu maceratos, tandem contabescere & mori hunc oculis vidi: Sed ossa quoque influxus recipere, & abscessibus turgere, Galenus Hippocr. testimonio fretus, 7. aph. 74. probat, solers, inquit, natura, si robusta fuerit, excernendis superfluitatibus, etiamsi crassa fuerint, per angusta foramina meatus parat, quando etiam per ossa abscessus fieri Hippocr. docuerit: Hi certe purulenti & acres rheumatismum ichores, in ossium poris coacervati, quemadmodum Terebo vermis lignum exest, atrodit & perforat, sic hi eorum accedine ossa corrodunt, unde hic vitiati ossis morbus Græcis *τρεπιδω* dicitur: Galeno in lib. Defin. Terebo est à corruptione putrida ossium perforatio, ab ac-

cidente rosionum, quasi terebra vel trepanum dicta: Hanc ulcerosam ossium affectionem, sive mavis dicere putrilaginem, Avicenna ventositatem spinæ appellat, cujus causam ait esse humores acutos, os penetrantes & ipsum corrodentes, doloresque dolori juncturarum similes efficere: & hoc solo differre, quod hujus materia in carne & nervis, illius vero in osse consistit: At si hujus putrilaginis ichores, in ossium cavernis coacervati, confertim intra ossium panniculos exuperint, vel etiam aliunde, ut à cerebro, defluerint, illorum viscositatis pars grossior intra ossium membranas, in tubera & gypseos quasi tophos concreset: altera vero subtilior, sua acrimonia ossa & panniculos, atrodere & distendere, quorum panniculorum rariora ossa dolere, ac veluti terebra perforari videntur: Vnde scite Archigenes, Dolores inquit, à membranarum ossa circumdantibus, quos Græci *ερωμεν*, ob penitiora in lacertis, tendinibus & panniculis, qui ossibus adherent, doloris sensum dixerunt.

*Magna pars ossis erosa.* Si humor accerrimus puris erodat & cariem inducat articulo, Phthisin coxariam inducit, que sensim ducit ad interitum: Si ad exortum magni illius nervi, qui posticas pedis partes perreptat, humor influat, Notha Ischiæ excitatur. Si humor influat in acetabulum, & exorbitans cogat caput femoris, morbus hic in situ curatu difficilis, claudicationem tandem adferet. *Riolanus Enchir. lib. 5. cap. 3.*

## OBSERVATIO XI.

*Humores Ischiagram committentes aliquando in eo spatio, quod faciunt muscoli, continentur.*

**H**umores in eo etiam ipso spatio, quod faciunt muscoli sibi invicem accumbentes, sæpius inventi fuerunt. *C. V. Schneiderus lib. de catarrhis special. p. 908.*

## SCHOLIA.

**H**umores.] Terminum à quo aiunt quidam esse cerebrum & caput: Nos cum terminum, non privatum aliquod membrum, sed ipsam massam sanguineam esse arbitramur, Terminum ad quem edocent Medici esse illam Ischiæ commissuram, ac *Via*, per quas, esse contendunt, vel partes subcutaneas à capite usque ad hanc Ischiæ juncturam, ut *Fernelius*: Vel extremam spinalis medullæ superficiem, ut *Rudius*: vel nervorum & tendinum tunicas, ut *Mercatus* & *Platerus*: Nos eas arterias quæ ad artus perveniunt censemus humores invhere: *hi in eo ipso etiam &c.* Differentia sunt attendendæ: nonnunquam Ischiæ quasi ex priore morbo efflorescit, ut ex colico dolore & vitio intestini: Hipp. 6. Epid. 4. Ex hunc venetæ, ex febre quartana, quotidiana, maligna continua, ut ea qua critica esse videtur: Huic morbo alius sæpe jungitur, stupor, asthma, febris conti-

nua, lenta, icteritia, malum hypochondriacum, femoris luxatio, tabes & claudicatio miseranda, erosio & caries ossis: In consultissimo viro D. Taubmanno I. V. Prof. adeo patente ulcere non musculorum modo carnem & tendines, sed etiam ossa partim consumpta & putrefacta, partim cariola adinvenit: Nunc alia denique Ischiagra est vel magis Humoralis, vel magis labulosa, qua lapidosa corpuscula increverunt: Suppurationem aliquando fieri scribit Hippocr. 5. Epid. Ipsius vero duratæ & calculeæ materiam meminit Galenus. 10. K. T. cap. 2. Negant Rhazis, Capivaccius, Mercurialis, Obstant vero experimenta, cum ipsi lapilli, figura seminis napi, teste Schenckio l. 3. observ. 55. in illa vena tali

externa, cum sanguine terrentissimo uberrimè emissi fuerint.

*Idem.*

## OBSERVATIO XII.

*Ischiadicus dolor sequutus tumorem circa mesenterii exortum genitum.*

**B**enjamin N. ex lapsu ab equo circa regionem lumborum contusionem passus est, hinc dolor Ischiadicus &c. Circa mesenterii exortum ingens apparuit tumor, ab appendicibus diaphragmatis superne, ad os coccygis inferne ad umbilicum usque protensus, vernebris lumborum firmiter adhaerens: in sua mole aortam, venam cavam, plexus nervos &c. continens. *Vide lib. 2. Tit. de Phthisi.*

## SCHOLIA.



## S C H O L I A.

**C**irca Mesenterii exortum ) Per arterias coeliacam & mesentericas potest fieri peccantium humorum metastasis, ut dolor mesenterii & is-

chiadicus se invicem excipiant. *Rolfsuccius Dissert. Anatom. lib. 6. cap.*

## OBSERVATIO XIII.

*Coxendicus dolor ab utero gangrena aff. cto.*

**M**ulier fluxu muliebri vexata, accedente febre, de vehementi alterius coxx dolore conqueritur, qui ad extremum usque calcem porrigitur: His accessit uteri gangrena. *Vide lib. 3. Tit. de Fluxu muliebri.*

## S C H O L I A.

**C**oxendicum dolorem uteri causa accidere pluribus in locis tradit Hippocr. & primo cum is repletus in tumorem se effert, *lib. de locis.* 2. Si is tranversus fuerit, *l. de nat. mul. & 2. de m. m.* 3. Si ad ventrem vergat, *l. de nat. mul.* 4. Si ex partu inflammationem conceperit, *l. de m. m.* 4. Si ad medios lumbos se convolverit, *2. de m. m.* 5. Si ad coxendicem decurrat *ibidem*, 6. Si in sinistram partem inclinarit, *ibid.* 7. Ex foetus corruptione. *6. Epid. 1. 1.* 8. Si genitura continuo cursu defluat, *l. de m. m.* Et 4. *Epidem.* Anui coxx & cruris dolores ab utero oriri videbantur. Ex uteri autem morbis, ait *Vallesius comm. in text. 1. sect. 1.* 6. *Epidem.* in coxam fieri abscessus, non quidem necessarium, consentaneum tamen est, quia is est articulus maximus, & qui plurimarum partium so-

let excrementa recipere, & habet cum utero maximam & viciniam & rectitudinem, adeo ut quum contorquetur soleat in coxam incidere, ut in aphor. dicitur: Cum igitur uteri morbus producit, rationi consonum est in coxam facere abscessum: *Hallenus Vallesius.* Polemarchi quoque uxori, *lib. 5. & 7. Epidem.* vehemens coxendicus dolor contigit, cujus causa fuisse minime profluentes menses: Idem accidisse vidi anno 1670. in uxore Typographi Genevensis, nomine Chayer, cui mense Decembri à partu subsistere lochia, atque ipso, quo enixa est die, gravem Ischiadicum dolorem patiebatur, ad pedes usque protensum qui per gradus ad femora, hinc ad genu, postea ad pedem imum detrusus est, fortibus, cataplasmatibus, & in mallo oleo utroque sanguinis missione intra tres hebdomadas desinens.

## OBSERVATIO XIV.

*Gonagra laborantis Genu dissecctum exhibuit sanguinem crassum, adustum.*

**D**om. de Abbenbrouk (*de quo Tit. de Phthisi lib. 2.*) cadaver priusquam inciderem, palam protestatus sum quod occasio mortis non ex genu tantum, seu arthritide fuerit &c. Pulmonem enim putrefactum deprehendi, Aperto autem genu, quod inflatum erat, nullo tamen pure existente, sanguis crassus biliosus, adustus, cum multa nigredine sub finem effluxit. *Forestus.*

## S C H O L I A.

**S**anguis crassus, biliosus, adustus) Coxendicis morbum Hippocr. *lib. de Aff. & fieri ait* quum bilis & pituita per sanguisquam venam incubuerit, & sanguinem in ea existentem compegerit & morbosum reddiderit: Assentiendum est, ait *Pr. Martianus in comm.* Hippocrati asserenti materiam doloris per venas sanguifluas ferri ad partes in quibus excitatur dolor: quas quidem sanguifluas vocat ad differentiam arteriarum: Quamquidem sententiam verissimam cognovi per ea quae observavi in Commentario quodam hoc morbo laborante; qui dum à vehementia doloris afficiebatur (idque per quosdam paroxysmos continebat) vix omnes per exteriorem partem lateris coxx & cruris disseminatae, mirum in modum intumescabant, remissoque dolore subsidebant statim, nec earum apparebat vestigium: In hoc igitur consistit essentia veri coxendici morbi (nec non podagrici, saltem Gonagrici) quia dolor vagus per crus totum, modo huc modo illuc

consistit, sitque à materia per venam coxariam discurrente: Vnde evenit ut plures partes, & inter se distantes dolor infestet, quia ubicunque sanguis ille morbosus consiterit, ibi dolorem facit: In eaque remedia adhibere jubet Hippocr. quae sanguinem illum coactum emolliendo dissolvant & diffundant: Hinc patet in quanto errore versentur illi, qui doloris extensionem in hoc morbo ad nervos referunt, qui à spinali medulla iuxta coxendicem, à summis natibus per femur & crus totum ac pedes disseminantur: certum enim est hanc doloris extensionem, per solam irradiationem, absque materiae concursu ad partem dolentem minime fieri, alioqui dolores nervosarum partium semper communicarentur omnibus particulis ad quas propagantur nervi: Nec est verisimile materiam doloris per nervos densissimos ferri ad partem adeo remotam, in qua dolor excitatur, quia id absque convulsione non contingeret.

A N A.

## ANATOMIÆ PRACTICÆ

## LIBRI QVARTI.

## SECTIO IX.

## De Lue venerea &amp; Plica Polonica.

## OBSERVATIO I.

Plurimorum Lue venerea laborantium venæ pituita infarctæ, nec non musculosa, quæ doloribus afficiuntur. 1. Infectorum Lue partes internæ ulceribus quandoque & Abscessibus scatent. 2. 3. 4. 5. Vitiosus humor in cerebro repertus. 6. Sepe reperitur in cranio eorum qui graviter laborant dura & concreta crassa illi adherens. 7. Caries cranii reperta 8. 12. Gummata dura matri innata. 9. Exostosis cranii ab humore inter diploas contento 10. 11. Ossa ex cerebro usu medicamentorum mercurialium friabilia reddita 13. Duorum spondylorum caries. 14. Ossium pectoris caries cum abscessibus in vicinia. 15.

§. 1. **P**LVRES homines mortuos in hospitalibus secui qui viventes morbo venereo laborabant, in quibus venæ per universum corpus plenæ erant pituitosa materia alba: quæ pituita in quantitate longe superabat sanguinem: Et loca etiam dolorosa madebant eadem materia pituitosa: Imo in aliquibus omnes lacerti madebant ista jam dicta materia, & veniæ quoque (ut dixi) repletæ erant illa materia. Nicol. Massa Epist. 30. sem. 1.

## S C H O L I A.

QVærent aliqui num hæc lues absque sudore curari possit? quibusdam affirmantibus, quod lues abditæ qualitatis soboles sit quæ alteratione solum dometur: At soli indicationi curatorum hic attendendum non esse, sed & prætervatorum, quæ à causa sumitur, ostendit impunitas illa sanguinis, per musculosum genus quoque

diffusa, quæ vix commodiori via quam hidroticis exhauritur, hæc enim crassos humores fundunt, colliquant, quaquaversum dispellunt & foras per habitum exturbant: Eum in finem congruit salivatio artificialis, quæ excrementitios ejusmodi humores ex toto corpore per arterias & salivales oris ductus facessere jubet.

§. 2. Fuit juvenis qui maximis tenebatur doloribus lateris dextri: Nullum ei remedium proderat: postquam vero mortuus est, animadversa est cicatrix circa genua, unde facta conjectura eum Gallico morbo laborasse.

Aperto corpore invenerunt quod morbo Gallico etiam interius laborasset: in diaphragmate videbantur maximæ pustulæ: ubi autem fuit dolor maximus dum viveret, ibi stomachus habuit cavæ manus instar pustulam, & in superincumbente cavo epatis, similem aliam pustulam, ut una alteram comprimeret. Ex Schedis Gesneri.

§. 3. Annotatione dignissimum est quod monet Fernelius, non in externis tantum & conspicuis partibus figi malum, verum etiam internas corrumpere: visa enim sunt in apertis cadaveribus fœda viscera & pustulæ in ipsis visceribus: haud secus ac exanthemata per morbillos eadem afficiunt: Novi ego plures quibus ex variola magna non solum trachea sed & Pulmo ipse fuit exulceratus, Ioubertus lib. de Variola magna cap. 4.

§. 4. Plerique viri gravissimi, quales sunt Alexan. Benedictus lib. 23. de morbo. Cur. Fernelius, Ioubertus Gesnerus, Bernardinus Tomitanus lib. 2. de morbo Gall. cap. 13. certos nos fecerunt vita Siphylide defunctis confectis, viscera quælibet, nullis exclusis, reperta tum phymatis tum abscessibus, tum ulceribus fœda, non aliter quam extimo corporis habitu

habitu papulæ, collectionum, tubercula: Quæ mihi admirabilia quondam visa, comperi mox omnia quam verissima: Etenim in valetudinario syphiliis decumbentibus, si quod aliud, refertissimo, ex his qui conspecti fuerant illo morbo laborantes, complures offendi quibus exulcerati tum oesophagus tum trachea. Quibus item pustulosus Pulmo, pustulosum Jecur: apostemodes vero prostratæ sunt adverte. Fuit autem & curreptum est sinistrum vas deferens spermatis, quæ super interfemineo ad penem inflectitur, sub ejus loci glandulas interiores aliqua parte demersum atque sepultum: Cum autem eidem homini bubo Syphilicis ulcerosus fuisset adversus, prompta fuit omnium opinio, & ejaculatoria, nedum glandulas syphilis istos abscessus expertas, quod hætenus nemo prodidit eorum qui novas observationes medicas describere. *M. Aur. Severinus de Abscessuum rec. doctrina pag. 278.*

§. 5. Non in externas duntaxat, quæ sub aspectum veniunt, verum etiam in interiores quasque partes, ipsaque viscera penetrat, quæ mortuis comparent pustulis ulceribusque foeda. *Fernelius l. 2. de Abd. c. 14. lib. de Luis curat. cap. 4.* Omnium difficillime curatur quæ confirmata, quæ ossium carie, ac partium cartilaginearum exesione se prodit: quam in interioribus etiam visceribus ulcera & tubercula multa proferre in mortuorum corporibus dissectis notavi. *Idem ibid. c. 7.*

## S C H O L I A.

**H**inc plerumque, addit, in hoc morbo, in aliisq; venenatis, capitiola, eaque admodum inanitione falluntur, quod dum vident symptomata cum humoris cujusdam vitio insultare, nihil præter humorem inesse putant, nihil majus animo concipiunt ne-

que actiore illa animi acie perscrutantur num aliud quippiam in humore subit in quo præcipua affectionis causa consistat: quale proculdubio si sensu non cernimus, oportet cæte ratione & intelligentia comprehendere, &c.

§. 6. Vitiosus humor ex osculis venarum cerebri aliquando exit & exudat, qualem *Alex. Trajanus Petronius* in eorum cerebris reperit qui lue venerea perierunt. *Schneiderus lib. 2. de Catarrh. cap. 10.*

§. 7. Testari possum me in dissecto capite medio, inter duram meningem & totam cranii basin spatio, duram, concretam & siccam crustam, cranii ossibus tenaciter adhærentem, altam tamen, deprehendisse: ac talem sæpius in insigniter lue vexatis venerea nostro sæculo; ex virulenta materia huc protrusam eodem loco concrefcere, experientia habeo comperitissimum. *Falkenburgius apud Magnenum de Tabacco p. m. 129.*

§. 8. Anno 1636. in cranio juvenis, qui paralyti extinctus, undique tempora versus à lue venerea caries, utraque membrana ei tenacissime adhærente: debilitato nempe calore naturali, credibile est nervos ita fuisse relaxatos ut gravissimus inde subortus fuerit affectus. *I. Rhodius centur. 1. Observ. 34.*

## S C H O L I A.

**I**n cranio caries] Quæ si circa suturas contingat periculosior est, notante *Marchetti* in sylloge observat. Med. Chirurg. xvi. Vidi inquit, in laborantibus gummate Gallico supra suturas, corrolis à venefica qualitate pericranio & cranio, atque destillantibus ichoribus in eo genitis, supra duram meningem,

subortam convulsionem & mortem. Imo ab eadem carie enatam Epilepsiam observavit *I. Vdaltricus Rumlus* in Sartore Veneto: morbo Venere extreme laborante, qui ob exesam calvarie partem posticam in epilepsiam sæpius incidebat, à qua tandem interit.

§. 9. Nec miranda cranii caries: in theatro enim anatomico Patavii anno 1651. à V. C. A. Molinetto aperto capite rustici lue venerea inquinati, tria gummata candida inhærebant duræ membranæ, pia illæsa, cujus vestigia in calva corrosa erant conspicua. Talia etiam tradit *Mercatus* de morbo Gall. lib. 2. c. 6. *Rhodius centur. 1. Observ. 33.*

§. 10. Nonnunquam inter duas cranii tabulas transcolatione quadam humor colligitur, qui tractu temporis vitiat, acerbissimos cruciatus inducit, quod sæpius accidit in lue Venerea, inveterata, & cum Exostosi quam cranium protuberat. *Riolanus Enchir. Anat. lib. 5. cap. 7. Rolfinceus Dissert. Anat. lib. 2. cap. 11.*

§. 11. Nuper dum mulierem quandam morbo Gallico interemptam rescaremus, causam morbi perquirendo ossa sub membranæ suis integris tumentia, & ad medullam usque suppurata invenimus: ea duntaxat ratione quoniam & ipsa nutriuntur, & abscessibus ob id afficiuntur. *Al. Benediclus lib. 1. cap. 6. Anat.*

§. 12. Ossa capitis erodi frequenter contingit sub iis tumoribus qui Luis symptomata habentur, quorum plerique ad artheromatium, alii ad meliceridum naturam accedunt: qui si diu incurati permanserint, os quod subest corrumpitur ac cariosum redditur, Imo & aliquando abscessus gignuntur. *Dodmanus annotat. ad caput dictum.*

§. 13. Ex relatione Medici cujusdam habeo Chirurgum quendam, ob crebrum usum medicamentorum mercurialium mortuum, ossa habuisse plane friabilia. *Libavins Tract. de igne Natura. cap. 30.*



§. 15. A me dissectum cadaver in nosodochio incurabilium, hominis lue venerea com-  
mortui, cui reperta sunt ossa pectoris & juguli, & aliquot costarum insignibus tumoribus  
exaltata, quibus subinde ruptis apertisque, puris graviter olentis nonnulla portio manavit,  
quo demum exhausto, patulus & cavus ossis sinus apparuit. *Phil. Ingrafias lib. de Tumoribus.*

## OBSERVATIO II.

*Jecur ratione morbi venerei ulceratum. 1. 2. 3. 4. 5.*

§. 1. **H**Oc vitium Aërius nuncupat colliquamentum, quia emaciatur & velut colliqua-  
tur totum corpus: Est autem ulcus Jecoris nil aliud quam soluta unitas Jecoris, ex  
erosione producta: potissimum succedit inflammationi, qua ad suppurationem perducitur:  
potest autem fieri citra inflammationem prægressam, ex acribus succis: Interdum vidi Je-  
cur ulceratum ratione affectus Morbi gallici, ratione mordacitatis materiz. *Capivaccini  
Pract. lib. 3. cap. 23.*

## S C H O L I A.

**H**inc subjectum ipsius virulentiz Luis in quo  
propria Luis substantia, seu in fomite & prin-  
cipali domicilio reperitur, frequentissime esse Jecur  
statuit, quia hoc malum plerumque oritur ob vene-  
ris usum, in quo ratione motus & caloris, pori illius  
partis recluduntur, ut lues promptum habeat in je-

cur transitum: Hoc autem fomes esse ex eodem co-  
gnoscitur, si malum originem è coitu duxerit: si bu-  
bo sit circa inguen dextrum, si reliqua symptomata  
magis pertinent ad dextram partem, potissimum si  
sanguificatio læsa est.

§. 2. Aliquando Hydropici, ob Lienis enorme vitium, sectioni interfui, cui vultus  
qualis lienosorum: Maximam adolescentie partem in Italia transigerat, ubi Syphil-  
lidis aluminum fuisse fama erat: Jecur quoad substantiam quidem & colorem suam serva-  
verat incolumitatem, tunica autem omnino erat destitutum, ac tota superficies quasi à so-  
ricibus arrosa: Hydropis causam inde licebat arcescere, quasi ob frequentiam hydatidum,  
(quæ disruptæ serum vel lympham in abdomen deposuissent) ambiente tunica sic foret  
spoliatum; atque pro tempore, honoris ægri gratia consensum adhibui, Sed si inde origo  
hydropis (quæ in liene manifestissima erat) deducenda fuisset, vel superstites fuissent aliquæ  
hydatides, vel vitium non in tunica ambiente solum se aperuisset, sed in ipso parenchyma-  
tue, quod illæsum omnino apparuit.

§. 3. Ex morbo Gallico in quodam juvene Romano, totam fere Jecoris tunicam am-  
bientem vidimus erosam, de qua nunquam vivens conquestus fuerat. *Alex. Benedictus Pra-  
ctica lib. 13. cap. 23.*

§. 4. Existimarunt non inferioris classis autores morbum Gallicum consistere in soluta  
unitate Hepatis, quod falsum esse cognoverunt Anatomici, qui Hepata infectorum, ma-  
rium & scæminarum, diligentissime secuere, neque ullam continui solutionem cognoverunt  
in eorum visceribus. Quamquam alii testantur se ex anatome percepisse jecur viri infecti,  
scabie & pustulis veluti quibusdam affectum: Atque ego memini vidisse meretricis insignis  
sectionem Patavii, cujus Hepar altera ex parte scabiosum pene totum erat, cum tamen nil  
aliud intrinsecus aut extrinsecus appareret quod p. n. extaret, Ea dum secatur, extruditur  
Jecur, rei exitus summa cum attentione expectatur (constabat enim eam non semel tantum,  
sed pluries morbo Gallico laborasse) Factum autem est ut intuentibus nobis nulla in visce-  
ribus noxa visa fuerit, præter scabiem in convexa Jecoris parte: Hæc autem etiam vera sunt,  
rarotamen id evenire testatur anatome & experientia, ad quam transmittendi sunt illi qui  
de hac re anticipites esse non desinunt. *Bernardinus Tomitanus lib. 2. c. 13. de morbo Gallico.*

§. 5. Anno 1624. Adr. Spigelio secante puellæ corpus annorum XII. quæ in valetudinario  
D. Francisci non maturefcentibus venereis Bubonibus extincta, Hepar plane integrum, Ex  
quo planum fit non semper viscus hoc lue venerea infectis labefactatum. *Ioannes Rhodius  
centur. 3. Observat. 81.*

## OBSERVATIO III.

*In cadaveribus quorundam qui hydrargyro sin passi, mercurius repertus.*

**Q**uosdam vidit Trajanus ante obitum litu hydrargyrato inunctos, & quorum secto ca-  
davere hydrargyrus copiosus repertus est, in cranio nempe, scapularum & brachio-  
rum juncturis. *Ioh. Renodens Mat. Med. lib. 2. sect. 1. cap. 15.*

Filia XII. annorum lue Gallica ex parentibus contracta laborans, variis multisque ex hy-  
drargyrio præparatis, unctionibus adhibitis, neque ad salivationem, neque ad sudores, neq;  
excretiones pervenit, sed post annum in mense Martio, quo uncta fuit, suas operationes com-  
plevit, spuitione & superveniente diarrhœa virulenta ex hydrargyro contracta moritur.

Dissecto

Dissecto cadavere circa juncturas guttulæ tremulæ hydrargyri à me inventæ sunt. *Nic. Pontanus Respons. & curat. medic. p. 100.*

*P. Castellus Med. Romanus* in Xenodochio incurabilium Romæ, in illis qui post mercuriales inunctiones obierant, capitis tibiarumque osium cavitates argento vivo scaterere deprehendit.

*Idem* in uxore Jurisconsulti, quæ frequenter inunctione ex hydrargyro usa erat, & in maximam capitis gravitatem devenerat, binas ejus uncias invenit.

## OBSERVATIO IV.

*In cadavere cujusdam lue infecti cuncta viscera nutritia sana reperta sunt.*

**Q**uoniam Jecur est omnium libidinum cupiditarumque causa, perhibetur id sedes lue venereæ, Et tamen anno 1632. dissecui in Scholis Medicis Paris. publice cadaver scorti famotissimi, in quo deprehendi cuncta viscera nutritia sana & integra, absque ullo vitio: Cum tamen haberet cranium in diversis locis carie exesum, & Exostosin in tibia sinistra. *Riolanus Anthropol. lib. 2. cap. 21.*

## SCHOLIA.

**H**inc inferre liceret Luem morbum esse habitus corporis, cujus suæ affectiones, citra labem interiorum viscerum.

## OBSERVATIO V.

## De Tricis, Seu Plica Polonica.

*In eorum sanguine qui Plica correpti interiire Pili reperti sunt.*

**N**on sub cute tantum, imo etiam in ipsis venis Crines reperiri genitos, valde pungentes, & acriter vellicantes probat historia à *Slovacio Medico Cracoviensi* allata de Matrona, in cujus sanguine pilos vidit (quique affectum hunc ut curaret rogatus, respondit irrita fore omnia, versari enim matronam in eo affectu jam deplorato, qui sanguinem habeat omni ex parte pilis refertum.) Sed & omnium certissima testis *avro-Isa*, & inspectio sanguinis ocularis eorum qui Plica correpti obierunt, quorum in sanguine pilos acres & stimulantés videbis. *Sculietus Trichiasis admir. p. 52. Saxonia Panthei lib. 10. cap. 25.*

## SCHOLIA.

**P**lica est Pilorum sibi invicem junctorum adeo at-  
ta intricatio atque implicatio ut nulla pacto amplius discerni aut extricari possint à certa causa interna & præter naturam proveniens. Familiaris est hic affectus & quasi Endemius Polonis, præcipue Russis, quorum infantes sæpe cum eo nascuntur: vidi tamen eam etiam Patavii in Germana, in cujus ædibus habitabant? Poloni duplicem statuunt Plicam, alteram masculam, alteram feminam; hæc totum horribili spectaculo involvit caput, ita ut non tam capilli, quam aliquis Pileus congenitus homini videatur. Mascula est quæ propendentes aliquot ad instar funiculorum spiras habet: Hujus mali causæ sunt vitiosi & maligni humores, ob peculiarem loci, præcipue Russiæ, aeris & aquarum genium ad caput ferri & in pilos commutari nati: quemadmodum alicubi aquarum vitio Bronchocelæ incolis adnascuntur. *Joachimi Pastoris Florus Polonicus lib. 2. cap. 14.* narrat tempore Lelei Nigri Poloniarum Principis, in Russia rubra, à transcurrentibus Tartaris immixtis humanis cordibus, quæ veneno imbuerant, infectas aquas, nova morborum genera peperisse, quorum ut diu causa fessit Medicos, ita loboles hodie quoque in inexplicabili Tricatu contrage, quam Plicam vocant, creditur vulgo superesse; *Spondanus* etiam anno 1287. n. 10. ita scribit, Certeum ne Russi quidem quanquam Socii, prorsus expertes malorum à Tartaris fuere: nam excessuri illi è Russia, ut est malignum hominum genus, atque incantationum atque veneficiorum gnarum, aquas omnes infecterant, exfectis captivorum casorum cordibus & præsentissimo veneno imbutis, ac verubus subter aquas defixis: unde plurimi mortales, cum se-

rius mali causa animadversa esset, miserabiliter extincti sunt: Idem ajunt *Brovius, Cromerus, Dlugossius*, alique historici Poloni: Et concors in Russia traditio est Plicam ab illis aquis infectis esse derivatam: cui favere potest ipsius regionis temperamentum seu indoles, nam Plica laboranti caput radere in Polonia, perniciosum: in Tartaria verò, si quis Plica affectus eò deductus captivus fuerit, rasura minime nocet, ob climatis benignitatem.

Desertur ista materia vitiosa & maligna ad Pilos, non per modum fuliginis, ex qua tantum creduntur oriri Pili, sed simul cum sanguine, utpote quo pilos ipsos nutriti hinc manifestum est, quod pili hi intricari abscissi quandoque sanguinem fundant.


Est Plica symptomaticum quid, sed aliquando criticum, ortum ex materie istius vitiosæ expulsionem versus caput: nam Plica nihil periculi ægris adfert, sæpeque sine ullo damno ad mortem usque circumfertur, id vero quod maxime ægrum infestat, est huiusmodi ille malus in corpore hærens, unde pili oriuntur, hic enim est qui gravissima illa symptomata efficit quæ jam enumeratum eò.

Incipiente Trichomate unus & alter citius in capite vel barba excrefcit, cum vicinis sibi crinibus intorsum implicatus & densus, antequam is excrefcit, vel etiam quamvis excreverit, modo tamen materia vitiosa in corpore redundet, ossa infringuntur, laxantur artus, membra conglobantur ac retorquentur, gibbi efficiuntur, pediculi funduntur, quibus caput ita oppletur ut nequaquam purgari possit: sed hoc non est perpetuum ut pediculi in Plica adsint; Narrat mihi *Lovanii Ill. D. Theodorus Skuminovius Episc. Gratiopolitani*, se novisse nobile Polonum

serè sexagenarium in alba Russia, cui pars capitis Plica fœmina ad instar pilosæ pyramidis citrata, nulum unquam habuit pediculum: quin è contrario si vivus pediculus capiti ejus imponeretur, moriebatur: Si cinni hi & citri radantur intempestivè, humor malignus, & virus in corpus relabitur & ægros jam dictis modis torquet: Caput, pedes, manus, omnes artus, omnes juncturæ, omnes corporis partes exagitantur, ideo morbus hic Polonica lingua vocatur *Gordiac*, quasi clavatus, quod corporis, capitis præcipuè, clavis confixi dolorem æquet, ungues aliquando, præcipuè in pedibus & maxime in pollicibus, scabri longi & nigri fiunt instar cornu hircini: Observatum est qui tales falciculos implicatorum inter se crinium derassissent, vel ungues illos præscidissent, oculis capros fuisse, aut defluxionibus ad alias partes gravissimè afflictos. Purgantia usitata si exhibeantur, efferatur malum. Quidam cum aliquot

annis hoc genere mali cruciati essent, nec caput rassissent, sed omnem spurcitiam ac molestiam pertinaciter pertulissent, tandem virulentis illis citris sponte sua decidentibus convaluere: consumpta scilicet tota illa maligna materia in capillos, quod de Mascula Plica intellige, nam fœmina est unmedicabilis: Contrahitur hoc malum etiam per contagium, si quis aliquoties sibi imponat pileum sudore Plica laborantis madidum. *Plempius Tractatu de Pilis cap. vii. Vide Sennesium Pract. lib. 5. part. 3. Sect. 2. cap. ix. Sylvaticum conf. 19. lib. 1. Tardinium disquis. de Pilis cap. 9. & alios.*

Neopolitani, si extremi in occipite capilli puerulis suis citri instar promineant exercebantque, nolunt decurtare: pertualum quippe illis audivi moriturum infantem seu Epilepsia seu febre pestilentiali, si pili illi occipitis abscindantur. *Th. Bartholinus Histor. 94. centur. 2.*



# ANATOMIÆ PRACTICÆ

## LIBRI QVARTI.

### SECTIO X.

#### De Morbis occultis, Chronicis, à Veneno inductis.

##### OBSERVATIO I.

*Morbus occultus & diuturnus ob Ulcus sub altera cordis auricula. 1. Ob callum indurationem in cordis auricula sinistra. 2. Polypi reperti in vena cava diu ob morbum decubitorum. 3. In utroque ventriculo lento morbo extincti. 4. Sanguis coralliformis in venis lenta morte extincti repertus. 5. Languor diuturnus à lapidibus pluribus in Pulmonibus congestis. 6. Languor diuturnus à lapidibus pluribus in Pulmonibus congestis. 6. Diuturno morbo confecti cordis substantia absumpta, solo superflite involucre. 7. Morbus incognitus à lapillo in substantia Cordis contento. 8. Diu valetudinarius ob multiplicem viscerum omnium lesionem. 9. Morbus ignotus à vermibus in cerebro. 10.*

§. 1. **M**EMINI quod Venetiis dum cadaver quoddam secaremus, quod fuerat hominis qui ex diuturno morbo tandem in quodam hospitali mortuus est, invenimus parvum sub altera auricula cordis ulcus, quod videbatur antiquum, aliquantulum profundum, putulentum & sordidum. *Victor Trincavellius de ratione curandi lib. 6. cap. 11.*

##### SCHOLIA.

**L**aborat pletunque cor ex intemperatura ab eo contracta, atque cuicumque tum compositatum tum simplicium differentie obnoxium est, cum materia & citra illam, sed ab ea nequaquam corripitur, quæ sequitur tumorem aliquem p. n. ut sunt inflammationes, scirrhii, &c. Nam ut *Galenus* 2. & 3. de præfagit. ex pulsibus retulit, cum ejusmodi tumores in corde oriuntur, concitantur adeo vehementia animi deliquia, statim inter initia, ut hominem omnino interimant: Quod quidem puto esse intelligen-

dum quando in internis partibus & penitioribus oritur is tumor, alioquin enim memini quod Venetiis &c. (*Vide historiam*) Quodcunque autem fuerit illud ulcus, sive aliqua vomica fuerit, sive ex erosione, sive ex putredine, videretur rationi consonum quod si hæc pertulerit diu, possit etiam scirrhium aliquandiu ferre. Sed externæ, imò extremæ partes, non sunt tanti momenti sicut interior ejus substantia & ventres. *Idem ibidem.*

§. 2. Inciso cujusdam cadavere, & viscera omnia vento plena conspeximus, Et in sinistro cordis ventriculo obduratum callum invenimus, qui nucis magnitudinem æquaret, Quare ut ventum mortis ipsius, Ita callum adversæ hominis valetudinis causam fuisse arbitrati sumus. *Benivenius cap. 81. de Abditis.*

§. 3. Jac.



§. 3. Jac. Knoll. adolescens xvii. annorum laboravit à calculo vesicæ, &c. Ejus venam cavam cum dissecuissem, corpora alba, pituitosa seu fibrosa, cavitatem ejus fere replentia reperi, qualia in diu decubuis, & à morbis chronicis sublatis sæpius vidi *Joh. Jacob. Wepferus Exercit. de Apoplexia p. 124.*

## S C H O L I A.

**E**jusmodi concrementa reperta esse in venis magnis quæ cordi inieruntur, atque etiam in hujus auriculis *ait Idem p. 277.* Quo vero morbo sitex-

rinctus non aperit: De iis pluribus in locis lib. præcedentibus ex eodem & *Willisio.*

§. 4. Vidit N. Polypum utriusque ventriculi cordis in quodam lenta morte extincto, respiratione sensim deficiente. *Vide lib. 2. tit. de Respiratione difficili.*

§. 5. Magna vis est venarum, quæ conceptum sanguinem coire nunquam sinunt, nisi fortasse ex *rara quadam & abdita causa*, Ex qua vidimus quempiam post diuturnum languorem de vita excessisse, cui *sanguis universus in venis concreverat*, adeo ut demum coralli modo fruticans eximeretur. *Fernelius Physiologia lib. 6. cap. 8.*

## S C H O L I A.

**E**x *rara & abdita morbi causa*] Mortem repentinam sæpissime accidere in Britannia Occidentibus regionibus aliisque locis, iis qui eruendo plumbo reliquique metallis operam dant, refert *Malachias Truſton* diatriba de Respirat. ut putentur habitu quodam ab orci faucibus egresso, morte nec opinantes opprimi, Causam putat esse quod vapor terretimus ore haustus; atque pulmonibus exceptus pertransienti sanguini manus injiciat, cursum inhibeat, ejus molem cogat, coerceat, figat, inspillet, contringat: Idque minus mirum videri illis, qui docente Ill. *Boyleo*, norint argentum vivum fusi plumbi halitibus momento fere temporis figi posse, & quidem pertinaciter: Tantis nempe viribus pollere Saturnum illum, ignavum alias ut videtur tiliernium, ut ipsi Mercurio idem faciat quod Vulcanus Marti fecisse dicitur, illi enim quantumvis volucris & fugaci, levissimo negotio vincula format, compedes necit, plumarum denique & alarum renigio spoliatur.

*Sanguis concreverat in venis*] Sanguinis illam concretionem alii observarunt: *Platerus* Observ. lib. 2. pag. 505. ait in quodam febre hectica extincto, venas metataicas sanguine crasso & concreto tumuisse, qui è majoribus venis coralli instar nigricans coherens extrahebatur: *Ballonius* lib. 2. Epidem. p. 242. refert euidam sanguinem nigrum ita concretum in venis, ut carbonem illic impacti crederentur: Cuidam, inquit *Bartholin.* cent. 3. histor. 94. sanguis tam erat à melancholico humore exsiccatus, ut omnes venæ cordis, & ipsum cor à Chirurgo disseccari nequiverint: *Riolanus* in Encheirid. Anatom.

l. 2. c. 27. testatur se aliquoties vidisse in febribus ardentibus malignis, concretum sanguinem intra venas, instar medullæ sambucinae: Cui similem sæpe seprehendisse eductum è venis maligne febricitantium asserit *S. Pauli Digress.* de Febrib. malignis §. 80. Idem adnotavit *Salinus D.* de Affect. partic. cap. 4. Ejusmodi sanguinem ad coagulationem vergentem *Galen.* comin. in 3. Epid. 6. tit. 29. eductum vidit ab extenuatissima muliercula, cui post octo mensium menstruorum suppressionem, secandam curavit venam. *Quia scilicet ipsius vena eminebat sanguine plena, colore livida, cui ex rescisso vasculo liquida pici & colore & crassitudine emanavit.* Ideo pici similem & colore & crassitudine apparuisse dicit *Vander Linden* in Select. medic. p. 644. quia ille sero, sanguinis vehiculo, caruit, comparandus lentescenti & corrupto vino, vel etiam olei strigmentis. *Talem autem, inquit Lindenius, ardore fieri, non subito, sed paulatim depascente quicquid est chymosi in massa: Piceus vero, addit, sanguis non fit, nisi cum igne uritur occulto, quasi cineris dolosi: Tunc vero nigrorem concipit ex ustione biliosi: lentorem vero ex siccatione fibrosi quod est in sanguine: Spigelius* lib. 6. de corp. hum. fabr. c. 2. refert nonnullos à potu frigida, post vehementes corporis motus protinus suffocatos fuisse, *Arteria enim refrigerata valide sanguis coagulatus est, tam is qui in aorta fuit, quam ille qui in corde stabulatur: Videmus enim scella vena sanguinem huius crassum ac frigidum, nec nisi maxima cum difficultate prodire, unde & præsentius remedium non datur iis quæ tenuitate partium sanguinis grumos dissolvunt.*

§. 6. Anno 1624. Paterniaci Aventicorum cadaver mulieris diuturno morbo laborantis incidi, In cujus pulmone lapides quamplurimos, tam albi quam attri coloris reperimus. *Fabritius Hildanus cent. 1. Observ. 29.*

§. 7. Quidam diuturno morbo cum extinctus esset, nullam prorsus in eo portionem cordis, sed ejus tantum tunicam reperimus. *Teleseius rerum natur. lib. 5. cap. 18.*

§. 8. *Hieron. Schreiberus* Martio mense anni 1547. in atrocissimum & incognitum morbum incidit, cujus causam præceptores ex nimia cholera & bilis ebullitione profectam, & in colicos dolores transisse existimabant: Cæterum cum Mayo mense vitam cum morte commutasset, nos abditam morbi causam indagare constituentes, dissectionem cadaveris aggressi sumus: In quo cum substantia Cordis disseccaretur, repertus est & excisus lapillus nucis muscæ instar, durissimus, subnigricans, rotundus, & pondo drachmarum aliquot. *Ex observationibus Abrahami Murgelii, Medici Lindoensis in Miscell. curiosis anni 1670.*

§. 9. In cuiusdam magni nominis viro, post obitum aperto corpore, hæc fuere observata: Scirchi in dextra parte circa Hepar tres, quamvis ipsius tota substantia solito esset durior; In maximo sinu dexter ren jacuit, in quo duo lapides extirere, oblongus unus alter rotundus: In sinistro rene quoque oblongus repertus: Lien æquavit Hepar suo ambitu: Vesicula fellea 143. kapillos continuit, ex quibus duo fuere rotundi, reliqui ovali figura, sed minores: nonnulli adhuc multo minore: in Pulmonum dextra parte magna putredo affuit: Præterea triplex hernia, Omenti, Intestini & Aquosa, quæ caput humanum æquabat: semper fuit valetudinarius: Ex observationibus *Ioachimi Camerarii Noribergensis Archiatri.* in miscell. curiosis anni 1670.

§. 10. Beniventis cum multi ignoto morbo è vita discederent, tandem Medici hoc morbo interemptum inciderunt; & in huius cerebro invenerunt vermem rubeum, brevem, quem cum multis medicamentis vermes occidendi vim habentibus occidere non possent; tandem frustra raphani incisa in vino malvatico ebulliebant, quo vermis occidebatur: atque hoc eodem remedio deinde simili morbo, quasi epidemico, affectos omnes curabant: Hæc in Cornelii Roterodamensis Medici libro inveni, qui apud Gislebertum Horstium in Nosocomio Mariæ consolationis Romæ septem annis ægris ut Medicus assistens inserviebat: *Forestus Scholio ad observat. 2. lib. 9. De vermibus in cerebro. vide alia exempla lib. 1. sect. 1.*

## OBSERVATIO II.

*Ignoto morbo extincti cadaver exhibuit cystin felleam bile vacuum. 1. Pancreatis apostema multos occulte perimit. 2. Lenta mors à Pancreate scirrhus excitata. 3. Valetudinarii pars Iecoris concava fere absumpta reperta est. 4. Morbus incognitus à pulmonibus & hepate vesiculis obfitis. 5. A vesica fellea pluribus calculis obfita. 6. A pulmonum & hepatis putredine. 7. A rene uno, vesica, & cysti fellea sabulo & calculis obsessis. 8. Valetudinarius diu potu glacie refrigerato usus, Hepar habuit prorsus ambum. 9. Morbus incognitus à lecore lapide iuxta vesicam obfesso. 10. A lecore omnino putrefacto. 11. A mesenterii Glandulis duabus tumidis. 12. A vasorum mesaraicorum obstructione, Pulmonum circa dorsum inflammatione, Abscessu in rene. 13. Ab utero ulcerato, carne spongiosa in ejus cavo. 14. Materia serosa per umbilicum stillans, ab hepate scirrhus & ulcerato. 15.*

§. 1. **N**on paucis è vivis erepti sunt, in quibus non alia interitus causa comparuit quam quod folliculus bile omnino esset exhaustus, quasi felle coacervatio sub Hepate ad vitam necessaria foret. *Fernelius Pathol. lib. 6. cap. 5.*

## SCHOLIA.

**V**eteres tamen causam diuturnioris vitæ felleis vacuitatem esse dixerunt, argumento ex folipedum cervorumque genere deducto quæ felle carent & diu vivunt, ex *Aristot. cap. 2. lib. 4. de partib. animal.* Philosophi sententiam sequutus *Plinius* prodidit fel hominum paucis non esse, quorum valetudo firmior & vita longior: Idem testatur non omnibus animalibus fel datum: In Euboeæ Chalcide nullum pecori: carent eo quæ absynthio in Ponto vescuntur: quod verissimum putat *Dioscor. cap. de Absynt.* Ergo felle collectio ad vitam inutilis: Contra *Nemesius*, Author Græcus lib. de nat. Homin. flavam bilem sub hepate per se, atque per aliud reconditam fuisse scribit: Nam ad coctionem conferre, & excrementorum depulsionem movere, simulque calorem quandam præbere corpori instar vitalis facultatis: Nec absurdum est, et si *Vesalius* rideat fel-

lis vesiculam suppositam & immerfam fuisse Jecori, ut bilis contactu & afflatu, id à putredine vindicetur: Bilis collectionem in cysti ad vitam esse necessariam: id apertius convincit quod in hominibus strangularis, qui dum necem suam expectant per duos vel tres dies inedia sese conficiunt, folliculus nunquam felle vacuus apparuit, imo plenus & turgidulus: Neque in bobus quæ per quatuor dies fame macerantur priusquam jugulentur, cystim bile exhaustam invenies: At eo temporis spatio tota bilis vacuari poterat, quum libertas meatuum adfit, intestino jejuno vacuo, sed compressa vesicula ne guttam quidem humoris stillare & effluere semper observavi: adde quod fœtus utero adhuc conclusus vesiculam plenam bile habet. *Riolanus Anthropol. lib. 2. cap. 20.*

§. 2. Vidi plurimos à fato sectos qui perennibus querelis misere vixerant, quibus ingens apostema, faxæ fere duritici Pancreas occupaverat. *1. Heurnius comm. in aph. 41. sect. 6.*

SCHOLIA.

## S C H O L I A.

**P**ancreas Apostematis & puris congectioni obnoxium esse ostendit *Franc. de le Boë Syntus*, Pract. lib. 1. cap. 15. simulque indicia tradit quibus affectum esse dignoscatur, Exemplo mulieris vidue, quæ ex animi dolore in dolorem Lumborum gravem ac diuturnum, hinc & puris vomitum ad dejectionem spontaneam prolapsa est, restitutaq; post septennium eadem ex dolore animi grandi in dolorem Lumborum similem ac vehementem deducta est: Conjectans proinde ex superioris affectus narratione latere in loco affecto pus, ex pravâ inflammatione productum ac collectum, exhibito vomitorio excreta primo die per vomitum puris satis bene cocti plusquam pinta, live uncia viginti, per alvum vero ejus bona quantitas: Uno autem alterove die

interposito, iterari vomitorii beneficio, denuo puris aliqua, minor tamen quam prius, pars solum deorsumque evacuata: atque paucis exhibitis cardiis & putredini resistentibus brevi perfecte restituta. Ex Pancreate autem pus illud vel ideo prodiisse putavit, quod illius situi locus affectus responderet: Quodque non semel post mortem in Pancreate ostenderit pus majore minoreve copia collectum, nunquam verò in ulla alia parte, à qua via pateret ad intestina. Nec mirum facile pus inde effundi, aut apostemata crebro creati, quod, ex ejusdem *Sylvis* sententia, sanguinis vomitus ut plurimum ex Pancreate prodeat, propter vas aliquod in ipso à lucco aciore apertum; qui sanguis nisi supra vel infra eumpat, in abscessum facile transit.

§. 3. In cadavere profratris mei *Nic. ab Hottinga*, 14. annor. pueri, lenta morte extincti, aperti, Hepatis Lienisve constitutio naturalis omnino observatur, cum tamen Pancreas verum, non minus quam illud Asellii in mesenterio, scirrhusum omnino maximæque molis fuerit; accedente & præter alia plurima Intestinorum hinc inde coalitu, necnon Gangrena vera. *G. Blasius ad caput 4. Anatom. Veslingii.*

§. 4. Quidam Jure-consultus multos annos fuit valetudinarius cum malo colore: Mortuo inventa pars Jecoris concava fere absumpta; Lien vero pulcherrimi coloris, ceu Jecoris color. *Vesalius Fabr. corp. 15. lib. 5. cap. 9.*

§. 5. Quidam vir doctus scribit filios omnes *Laurentii Gadii* uno & eodem morbo interemptos, Et uno mortuo & dissecto plures vesiculas tum in pulmone tum etiam & in hepate adjacentes. *Marc. Donatus histor. mirab. lib. 4. cap. 18.*

§. 6. Bilis crassior, ac viscidior plerumque ita evadit ob humorem viscidum solum vel simul subaulsterum illi admixtum, unde non raro in calculos concrevit in folliculo fellis, ductu cystico hepatico, necnon bilario, ut id hyeme nonnunquam contingit bobus: Idem quoque bis observavimus in mulieribus longo morbo extinctis; Harum altera per sex septemve annos continuo laboraverat; In cujus quoque folliculo ultra xxx. calculi variae figuræ diversique coloris fuere reperti, quos inter unus nucem moschatam magnitudine excellebat. *Fridericus Deckers Exercitat. Med. Pract. p. 250.*

§. 7. Dom. N. languit per 45. dies, nec manifestus erat morbus: Hepar totum putre repertum, Pulmones corrupti. *Ballonius Paradigm. 174.*

§. 8. Ill. Comes Arundelius affectu Medicis non satis cognito obiit, In rene sinistro calculus sat magnus repertus, cum minoribus: In vesica parvus: Vesicula fellis sabulo plena. *Vide tit. de Ischuria lib. 3.*

§. 9. *Bertus* in discursu Italico de Frigidæ potu cap. ultimo, nimium frigidæ potum non refrigerare, sed per antiperistaltin magis incendere docet, ex visceribus illorum qui ex nimio frigidæ potu obierunt, quæ plane sunt combusta.

Sicut vidit in cadavere Principis cujusdam in aula Romana, cujus hepar prorsus erat combustum, non aliam ob causam quam propter nimiam potus frigiditatem: Nam cum juvenis esset, nive copiosa utebatur, in mensa sibi apponi curavit maxima glaciei frusta, præterea ex eadem scyphos sibi confecit ex quibus porabat, & pro singulo haustu novum scyphum: unde per universam vitam cum ægitudine conflictabatur, & adeo ardebant æstu interiora, ut sæpe fassus sit mali sui causam esse quod nihil invenerit quo satis refrigeraretur; Hinc fontanam aquam per canales in musæum derivavit, qua neque pro voto refrigerabatur, Et quanquam valetudinarius semper fuerit, minus tamen hyeme quam æstate afficiebatur.

Apparent in quibusdam hominibus res monstrificæ, qualis in *Angustino Barbado*, Patritio Veneto, qui cum dissectus quod ex incerto morbo obiisset, inventus est lapis in jecore juxta fellis vesicam, grandior olivæ nucleo, Et quod magis mirum est, viridis ad nigredinem declinans, qui color durioribus lapidibus solum inesse solet: *Cardanus lib. 8. cap. 44. de rerum variet. Calius Rhodiginus lib. 4. cap. 17. antiq. lectio.*

§. 11. Dissecui cadaver cujusdam Cortigianæ Venetæ, octo mensium gravidæ, jussu Magistratus, ut vere sciretur num veneno aut alio morbo extincta fuerit: ejus enim leno socrum jam à quatuor diebus in utero mortuum matrem enecasse certo affirmabat: Cadavere dissecto utrum plane à corpore liberavi: quo dissecto socrum mortuum omnibus suis involu-



cris denudavi & singula diligenter examinavi, nullam tamen in illo foetu mortis causam reperi: Unde ad reliquum cadaveris rediens, naribus aceto fortissimo & angelica bene munitis, ob incredibilem foetorem, reliqua viscera contemplari volui, & 1°. intestina, deinde ventriculum, mox Jecur, quod plane putridum & foetidissimum offendi, ita ut nullus assistentium ibi manere potuerit, & sic festinanter & quasi per transennam corde viso, reliquisque naturalibus & vitalibus instrumentis, unicum Jecur mortem attulisse certo pronuntiavimus. *Observatio Georgii Garneri Medici Austriaci.*

§. 12. Vir per x. annos de doloribus ventris cōquerebatur, qui cum ad tabem deduxerunt. Ego ad inquirendum ignoti morbi originem admissus, inveni binas mesenterii glandulas insignem molem auctas, quæ renem sinistrum ita compresserant ut totus in pus abiret; Nullum illis in substantia vitium. *Vide tit. de Ventris dolore lib. 3.*

§. 13. Anno 1678. 1. Octob. filia mea *Martha Bonet*, 15. menses nata, obiit, prægresso sex septimanarum languore: commissa fuerat nutrici rusticæ in pago, bihorii spatiq ab urbe diffito: unde redux, quod tertiana febre, tunc temporis epidemica, prehensa esset, cum insigni abdominis tumore: desiit febris, superstitie abdominis intumescencia, cujus causa diu tinctura Rhei, &c. usa est: Comes vero perpetuus fuit languor, inappetentia, solius panis dulciarii, (biscuits vocant) appetens; extenuatio corporis, citra tussim, lotia effundebat foetidissima; algor insignis, adeo ut à solius ignis præsentia incalesceret; Marcida tandem è vivis discessit.

Me annuente & absente corpusculum dissecuit Magister *Lud. Bailly* peritiss. Chirurgus, qui primo adipis omninodam consumptionem observavit, quanquam non omnino excarnes essent muscoli tum trunci tum abdominis: 2. Jecur amplissimum erat, sed citra labem: Cystis fellis maxima, bile referta, quæ se ad circumscritas partes, atra flavedine tinctas diffuderat: 3. Splen omnino naturaliter se habebat, ut & 4. Pancreas, quod magnum, succi plenum. 5. Ventriculus, qui cum intestinis omnibus inanis, ad umbilicum usque exporrectus erat: 6. Mesenterium plurimis glandulis, fabam majorem æquantibus refertum: 7. Omentum pinguedine carebat, mediam duntaxat epigastrii regionem attingens, ad latus sinistrum convolutum: 8. Vena Porta, cum arteria cœliaca ac propaginibus sanguine turgebant. 9. Renes magnitudinem naturalem aliquomodo excedebant, vterque sat ampli, sinistrum materia steatomatosa implebat; catheteris introductionem prohibens: in dextro repertus abscessus cum nigredine versus lumbos, Vesicam urinæ colorata, loturæ carniæ similis, implebat. 10. Pulmonum lobi antici & postici admodum tumidi, Bronchia humore spumoso turgebant: anticis color natus constitit; postici autem ubique fere lividi: Vasa eorum arteriosa & venosa sanguine referta erant: 11. Cor grande: 12. Pericardium humoris omnino expers: 13. Venæ azygos & intercostales admodum distentæ: 14. Cordis auriculæ maximæ, nec non valvulæ triglottides & sigmoides: Paucus adeps cor vestiebat & renes: Ventriculus suas rugas amiserat: Conjectura mea fuit, ex incuria nutricis casum in dorsum præcessisse, unde sequuta sit latens pulmonum posticorum inflammatio, ac Renis dextri abscessus. Ac præterea deficiente lacte, intempestive solidum cibum & uberius porrectum fuisse, unde expansio ventriculi & vasorum mesaraicorum obstructio.

§. 14. Puella post casum de dolore colli conqueritur, hinc dorso, tandem hypogastrii: Uterus ulceribus erat refertus, In cavitate ejus caro spongiosa reperta. *Vide lib. 3. de Gravitate falsa.*

§. 15. Hæc in viro quodam hujus urbis, cujus nomen erat Urbanus Valcker, notavi: Hic ex vitio Hepatis per annos duos maximos dolores perpeffus est, nihil quicquam perficientibus medicamentis: Ex hujus umbilico sæpe materia alba & serosa & distillabat, qui tandem fati concessit.

Post mortem aperto cadavere, hepar induratum, grande, & in gibba parte ultra triginta diversæ magnitudinis ulcuscula habens, inventum est: quæ aperta & dissecta similem, prout ex umbilico fluxerat, materiam, cum foetore tamen aliquali conjunctam, fundebant: In parte autem cava, abscessus, vesicula propria inclusus, magnitudine ovi gallinacei deprehensus est. Lien solito minor; Renes, quoad substantiam carnosam in totum consumpti erant, relictis tantummodo involucris seu impedimentis. *Iob. Frider. Hildenreichius in miscell. cur. ann. 6. & 7. p. 322.*

#### OBSERVATIO III.

*Morbus ignotus ab insigni vermium copia intra Hepatis substantiam. 1. A vermibus juxta orificium superius ventriculi, & in intestinis ab iis perforatis. 2. In canicula à vermibus cucurbitinis in intestinis. 3.*

§. 1. **I**Ntra Hepatis substantiam cujusdam viri post mortem secti insignem vermium foeturam, Incogniti morbi causam fuisse refert *Cornelius Gemma l. de Divina Natura charact.*

## S C H O L I A.

**P**ER experimentorum irrefragabilium demonstrationem stabilitam doctrinam, luculenter patet plerosque abditos, & Medicis incognitos malignantis naturæ morbos, ut plurimum à virulenta quadam & peregrina putredine pendere, quæ cum tempore animata, uti in verminosam quandam atque insensibilem sobolem degenerat, ita peregrinam quoque exoticorum symptomatum, quorum causas difficulter assignant Medici, catastasin causant: quemadmodum enim nullum cibi genus adeo sanum est, quod non subinde hujusmodi verminosæ foeturæ obnoxium fiat, ita in corpore humano vix ulla vitalium operationum officina est quæ non interdum hac corripitur: Et si universam Medicinæ disciplinæ historiam evolvarius, inveniemus non solum inter præcipuas humani corporis officinas, cordis, hepatis, cerebri, renum, splenis, vesicæ, stomachi, hujusmodi foeturam ex spuria putredine pullulasse, sed & in ipsis sanguinis canalibus, intestinorum voluminibus, miris variisque modis prognatam fuisse, ut intercutaneos recessus sileam, quos nullo non tempore, etiam in sanitate integra constitutis hominum corporibus hujusmodi scaterere, acari, cimices, ascarides, pediculi, pulices sat superque testantur: Cum enim unanimi Medicorum sententia, morborum omnium causa sit abdita quædam inter occultos humorum recessus putredo, putredo vero omnis vel ad proximam dispositionem vermes nullis sensibus pervios generet: Pro varia vero humorum dyscrasia putredo pro combinationis humorum malignantium lege varia, virus diversum; diversasque in operando vires acquirat, tales & foeturam inde pullulantem nancisci necesse est, tanto utique perniciosiorem quanto virus animatum inanimi violentius est: hæc siquidem pedetentim disseminata, primo humorum massam inficit, deinde serpendo viscera rodit, vi-

rusque per intimas corporis fibras spargendo, horrendis symptomatum paroxysmis, hominem paulatim ad ultimum vitæ exterminium disponit: Mirantur Medici in exoticis morborum quorundam constitutionibus, effectus pæne prodigiosos & præter naturæ ordinem evenientes, tentantur omnia nulla tamen spe salutis promovendæ relictæ: qui si latentis inimici molimina rite dignoscerent, forsitan in optatum tandem salutis portum per appropriata medicamenta infirmum constituerent: Sed sobolem ex propriis visceribus genitam subinde circumferimus, tantæ contumaciæ, ut ejus auxiliares copias si in uno loco prostraveris, eandem in altero mox sepullulasse comperias: serpit enim cæcis vis insinuata latebris, violenti igne impetu omnia evertit & conficit, cum inexplicabili infirmorum afflictione, nonnisi morte terminanda. *Athanasius Kircherus l. de Peste cap. 8. Idem cap. 7.* Experimenta plurima adducit in dictorum fidem, Aërem, Air, Aquam, Terram, innumeralibus infectis scaterere certum est, ope Smitoscopii animadvertendis, cujus ope omnia putrida innumerabili vermium insensibilium foetura scaterere cognitum fuit: 1. Particula carnis lunari maiori per noctem exposita, in innumerabiles vermiculos, nullo visus acumine deprehendendos abijt. Idem experiri licet in caseo, lacte, aceto, &c. 2. Serpens in minimas partes concissus, pluviali aqua maceratus, Soli ad aliquot dies expositus, deinde terra nyctimeri spatio sepultus & crutus, serpentulorum pullulantium multitudine scatet. 3. Salvia, non lota, foliorum asperitate extrinsecam superficiem totam opertam veluti aranearum textura, intra quam minutissima animalia comparent, ostendit. 4. Cariosus ligni pulvis immensam vermiculorum pullulationem fovet. *Vide ibidem alia experimenta.*

§. 2. Virgo Nobilis annos nata xxxvj. filia Nobiliss. N. *le Fevre*, Domini à *S. Laurentio*, prope Catalaunum in Campania, Galliarum Provincia, per sex menses morbo Medicis incognito laboravit: Febricula tenebatur, cardialgia frequens molesta erat, insignis corporis languor, cum ventris torminibus, tandem corpore nequaquam extenuato subito occubuit.

Dissecto cadavere, vermium in intestinis agmen deprehensum est, à quibus perforata nonnulla reperta sunt: Causa vero subitanæ mortis, & cardialgiæ, in ventriculo se conspicuam dedit, vermium enim agmen conglomeratorum circa orificium superius apparuit. *Ex communicatione Nobiliss. Dom. le Gras, defunctæ affinis.*

§. 3. Canicula educabat tres catellos, qui una cum matre eodem morbo laboraverant: Uno demortuo projectoque, ipsa quoque mater interiit: Nemine causam agnoscente, Anatomicus incidit, interanea dispecturus: Ecce secundum totam intestinorum prolixitatem, series aliquot coherentium candidarum molecularum, cujusmodi cucurbitæ, aut cucumeris grana sunt, unde videtur fuisse unus ex iis latis lumbricis quos cucurbitales nonnulli appellant: Erant vero inferne quidem majusculæ duriusculæque, superne vero ita paulatim in minutulas molliusculasque desinebant, ut in summo tandem nihil nisi confusus albor appareret: Peireskius ergo, cum non placeret quicquid curando illi morbo proferebatur tam à Chirurgis quam à quibusdam Medicis, jussit, nescio quo ductus genio, afferri sibi theriacam à qua cum materiæ illi adhibuisset, observavit magno suo; circumstantiumque stupore, ipsam statim liquefcere, effluereque in declive: Quapropter jussit catellis duobus, qui supererant, exhiberi theriacam, alexipharmacum efferatus: Ac alter quidem animam jam agens inter exhibendum extinctus est: alter vero adhuc robustior, remedio assumpto omnino convaluit *Gassendus in vita Peireskii lib. 2. pag. 189.*

OBSERV.

## OBSERVATIO IV.

Veneno interempta mulieris cor triplo majus naturali inventum est. 1. Ab hydrargyri haustu extincti sanguis coagulatus fuit. 2. Ab inunctione Mercuriali Pulmones lividi redditi sunt, muco obsiti, cor flaccidum evasit. 3. A veneno exhibito ventriculi pars ima excoriata, Iecoris superficies nigrescens. 4. In iis qui assumpti Arsenici vim evasere, ventriculus à morte exhibuit latas & profundas erosiones. 5. Venenum corrosivum ventriculum quasi caustico inussit. 6. Puellula veneno interempta Iecur albicans repertum, Intestina flatibus turgida, Ventriculi os supernum erosum. 7. Orii ejusdem substantia interna erosa. 8. Pueri veneno extincti Iecur pallidum evasit, vesicula fellis aqua limpida plena reperta. 9. Veneni exhibiti falsa suspicio in quodam qui ob retrocedentes morbillos occubuit. 10. Veneni dati puella, opinio ab uteri strangulatione peremptis. 11.

§. 1. **A**Nno 1596. septuagenariam aperui quæ veneficio tacta dicebatur, quod ipsum confirmavit autopsia: Etenim huic cor triplo quam pro consuetudine & proportionem subjecti maius, adeo enim intumuerat parte sui dextra, ut universum thoracis latus dextrum repletet, distentum una pericardium: Ea parte qua auricula cordis dextra venam excipit cavam, ingens aneurysma in cava vena conspiciebatur: *Dissecta auricula dextra, reperta in ea materia concreta coloris flavi, condensata admodum, Aperta vero vena cava, ipsoque corde, magna copia concreti plane sanguinis nigerrimi se effundebat: Nec solum illa cavæ parte qua cordi se jungit, sed & omnes corporis venæ concreto sanguine plenæ erant, Quod nobis suspicionem fecit venenum frigidissimum ei fuisse exhibitum, quod adeo extinxerit calorem ut sanguis congelatus fuerit: præterquam quod cordi adeo fuerit inimicum ut naturalem ejus conformationem perverterit: Aperuit venam cavam in lumborum vertebra, ubi bifurcata petit crura, at qui exibat sanguis, concretus erat: Mirum in vivente corpore sanguinem concrelescere posse: Dissecta fuit hora pomeridiana secunda, cum eodem die hora 7. matutina obiisset: At caput non fuit apertum, licet videremus universam veneni vim in agone mortis ad caput translatam: Etenim facies mirum in modum inturguerat, labia tumida, palpebræ ita distentæ ut bulbi oculorum omni ex parte retracti intra orbitas essent: Tanta autem malignitas ac acrimonia veneni erat ut variis locis cutis faciei exesa esset, emanaretque sanies fulva.* *P. Parvus Observat. Anatom. 31.*

## SCHOLIA.

**D***issecta auricula dextra, reperta in ea materia]* *Adrianus Spigelius, Epist. ad Sophierum, rationem reddens cur corda nonnullorum igne domari non potuerint, quod Sneronius & Plinius de Cæsare Germanico narrant, ait Cor esse in omnibus morbo cardiaco, aut à veneno extinctis, sanguine lento ac coagulato plenissimum: Id probat partim autopsia, quod nimirum in ejusmodi dissectis hominibus, non tantum cordis ventriculi, verum*

*etiam venæ cavæ & arteriæ magnæ trunci, sanguine viscido ac concreto plurimo repleti deprehensi fuerint, ita ut incisis illis partibus, satis oblonga ac unita istius coagulati sanguinis portio extrahi potuerit: partim etiam ex pullu parvo & vermiculante qui in hisce ægris observatur: sicut & denique diversa partium externarum & internarum affectione: nam in talibus ægris partes externas frigere, interiores verò incandescere & uri dicit.*

§. 2. Conciliator in libro de venenis narrat Pharmacopolam æstate, cum sitiret noctu, hausisse urccolum hydrargyrii: Cum mane mortuus esset inventus, dissecto corpore apparuit quod erat, sanguinem quoque in corde coagulatum, tum ipsum cor, ideoque frigidum videtur. Addit Conciliator, Invenereque in stomacho fere libram unam argenti vivi, &c. *Cardanus lib. 1. cap. 20. de Venenis: Palmarius de morb. contag. lib. de Hydrarg. cap. 5.*

§. 3. Helvetius 26. annorum ex militia rediens, plane extenuatus ac defessus Laufaniam venit; ac quia de dolore juncturarum & lassitudine conquerebatur, Chirurgi hospitio est usus; qui nulla neque morbi neque virium ratione habita, statim juncturas omnes, corpore impurgato, unguento ex hydrargyro inunxit, quasi lue venerea graviter infectus fuisset: unde viribus omnino prostratis, in gravissimam lenteriam incidens, paulo post obiit.

Cadavere aperto Pulmones lividos, & humoribus pituitosis instar spongiæ madefactæ repletos; Cor vero molle, flaccidum & exangue deprehendi. *Fabritius Hildanus Centur. 3. Observat. 92.*

SCHOLIA.



## S C H O L I A.

**H**Ydrargyrum in lue ven. præsentaneum esse remedium constat; Sed morbi habenda est ratio, nam genus hoc remedii requirit materiam suam particularem, in qua tanquam in proprio subiecto vim suam exercere possit: habet enim hydrargyrum particularem facultatem qua pituitosos humores, etiam ex infimis corporis partibus ad os & fauces mittit atque expellere tentat: Id quod ego capillime non solum in crudo, sed & in ejus pulvere calcinato experitus sum, dum ipsum ulceribus, quantumvis extremis, veluti tibiis & manuum, præcipue in corporibus delicatioribus inspersi, quandoquidem ægri non sine molestia de dolore dentium & gingivarum conquerebantur: Porro dum humor ille pituitosus vi hydrargyri ex toto, impetu quodam sursum fertur ad os, fieri non potest quin maxima portio in laxos ac porosos Pulmones feratur illisque insidetur: Ab eadem incautè instituta hydrargyrofi,

copiosoque pituitæ ad os confluxu, gangrænam sphacelumque lethalem oris partium coniugille exemplis ostendit *Hildanus loco citato.*

*De dolore juncturarum & lassitudine, &c.* ] Absumpto mucore vel humore qui flexiles & lubricos articulos efficit, vel eo impuro reddito, humore à carnibus defluente illi perimisto: Si purus est humor ille mucilaginosus, articulus recte valet, hujusque beneficio, ceu axungia, ad motum agilior redditur: Juxta *Hippocr.* lib. de loc. Mucus aut, omnibus à natura adest, qui quum purus fuerit, articuli sani sunt & bene moveri possunt, utpote lubrici inter se ipsos: Labor autem & dolor fit, ubi à carne humiditas fluxerit vitiosa: primum enim articulus ad motum ineptus redditur, neque enim lubrica est humiditas quæ à carne influxit: Deinde propter sui copiam late vagata, neque à carne, semper resiccatur, &c.

§. 4. Vir uxori dedit venenum quo facta est Tympanica: Apparuit ventriculi imum quali excoriatum, & Jecoris superficies tota convexa nigerima. *Vide tit. de Febris.*

§. 5. Accidit Leodii cum in convivio multi arsenicum, vice oryzae farinae edulio mixtum, edissent in ultima mensa, mulieres æque & viri qui minimum ederant biberantque, statim à veneno sublati sunt: qui ventriculos patrio more saburrarant, à vomitu curati, cum multis post annis fatis concessissent, eorumque aperirentur cadavera, invenimus in illis latas & profundas erosiones: *Henr. ab Heer Observat. Spadan. 16.*

§. 6. Regi nuper mortuo (Carolo IX.) Claroniontii in Arvernia tunc temporis degenti, à Nobili quodam ex Hispania allatus est lapis Bezahar, quem omnis generis venena debellare assererat: Accersitus à Rege, quaesivit à me Num simplex aliquod & certum reperiretur alexiterium, quodcunque venenum expugnare potens? Negavi ob diversitatem venenorum, è quibus alia intrus assumpta erant adversa, alia admota: Vario præterea modo lædere, nec eadem ad quodvis sequi accidentia; alia enim primis qualitatibus, à quibus conflata sunt, nocere; alia vi specifica, occulta, rationique impervia infesta esse, quorum cuique proprium alexipharmacum esset opponendum: Quod Nobilis acriter tueretur sui lapidis efficaciam, facile esse experiri dixi, propinato veneno cuiquam furcifero: Cum die sequenti Coquus quidam, ob furtum duarum patinarum argentearum, cruci esset adjudicatus, ab eo quaesitum an venenum aliquod assumere vellet, propinata illico antidoto? Sin mortem effugeret delicti veniam sic impetraturum: Annuit Coquus, satius ducens in carceribus veneno necari quam coram populo suspendio vitam finire: Statim à Pharmacopeo propinatum est venenum quoddam dilutum, nec interjecta mora, dictum lapidem Bezahar: Ab utroque in ventriculum ingesto subsequitur vomitus, & paulo post desidendi cum tenesimis cupiditas; de incendio interno conquerebatur, aquam potandam petens, quæ nec denegata: Hora una post adeundi carceres impetrata licentia, Coquum miserum reperi, pedibus & manibus, bruti ritu incedentem, lingua extra os exserta, rubentibus oculis & facie flammea, inani vomendi desiderio semper laceratus, accedentibus multis sudoribus frigidis, sanguinem per os, nares, aures, penem & anum emittens: Exhibui olei circiter semisextarium, fugientem sic animam revocare satagens, sed incassum, serius enim exhibitum, misere enim interiit, exclamans potiore sibi fuisse furcam, supervixit horas circiter septem.

Eo mortuo cadaver aperui coram Dom. de la Trouffe, capitali Tribuno, & quatuor lictoribus, in quo inveni fundum stomachi nigrum: aridum & exsuccum, non secus ac si candente ferro inustum fuisset, unde consequi licuit exhibitum illi mercuriam sublimatum: Eo pacto lapidis Hispani inefficacia deprehensa, quamobrem Rex in ignem conjici jussit. *Paréus Operum lib. 21. cap. 44.*

§. 7. Anno 1594. puellulam annuam aperui quæ fascino laborasse, ex eoque obuisse dicebatur: Huic abdomen admodum intumuerat, maculae purpureæ circa claviculas apparebant: In thorace huic omnia integra: Jecur pallidum, imo albicans ex valida intemperie frigida conspiciebatur: Intestina omnia, præsertim colon, turgidum admodum flatibus: Ventriculo aperto, ejus orificium superius duobus locis erosum apparebat, ita ut venenum ei exhibitum potius videretur. *Petrus Pawius observat. Anatom. 12.*

§. 8. Anno

§. 8. Anno 1594. aperui virile cadaver : hinc curandus à luc venerea traditus fuerat N. jamque sanitati, uti videbatur, restitutus de abitu cogitaret, subito exclamare coepit venenum sibi propinatum fuisse, postmodum phrenitide correptus aliquot post horas obiit.

Jussu magistratus dissectus œsophagus cum ventriculo : vidimus oris ventriculi superioris internam substantiam erosam ac exesam : præterea *universam* internam ventriculi *membranam* ita exesam, erosam ac putridam, ut ligneo cultello, imo digito simul ac tangeretur, facillime disrumperetur : colore tinctus ventriculus intus ex purpureo nigro erat. Proculdubio causticum corrosivum aliquod pharmacum per os hauserat. *Idem ibidem.*

§. 9. Anno 1596. infantem dissecui decimestrem, qui veneno à venefica osculo inflicto interfectus dicebatur : Huic omnia quæ intra thoracem sana ac integra, solum in abdomine Jecur pallidum ac non naturalis coloris : cui appendens vesicula bilis multo quam per naturam major capaciorque, tum & limpidißima aqua repleta, imo distenta, in qua nihil lutei coloris conspiciebatur ; alit diaphana plane apparebat vesicula. *Idem Observat. 18.*

§. 10. Quidam laborabat morbo Medicis incognito : suspicio nonnulla fuit poculi venefici, argumenta aderant : Præscripto Judicis res ad Medicos delata : Aperto cadavere, exanthematis oblitus ventriculus reperitur : Judicarunt toxicum præbitum, sed male quidam : Chirurgus oculatus quæsitum num antequam è vivis excessisset aliquid in cute apparuisset, Cognito quod aliquid tale contigisset, sententiam retractant, ac judicarunt à morbillis occultis, vi naturæ non erumpentibus id tale evenisse : hinc corpus internum contaminatum : Notandum hoc, ut falsa de potione venefica suspicio potius blanda, & placida ratione in simili exemplo fundata elevetur, quam acerba apud Judicis contentione frangatur ac oppugnetur. *Gal. Ballonius Paradigm. 107.*

§. 11. Puella ab uteri suffocatione interiit, cum veneni exhibiti suspicio incidere, dissecta est, & deprehendi testiculum croceo humore infarctum, &c. *Vide lib. 3. tit. de Hystericiis affectibus.*

## OBSERVATIO V.

*Mors Fungorum esum consequuta, à veneno illis commixto.*

**I**llustr. matrona annorum 57. integra alioquin valetudine cum fungos comedisset elixos sub tempus Paschatis sine noxa, ex eorundem repetito usu, & quidem frixorum, sequenti die in prandio, subortus illi fuit Vomitus eadem nocte, à quo tamen convaleuit circa vespertinas horas tertiæ dici, usu theriacæ & confectionis hyacinthinæ, sine ulla prorsus offensa, atque bene habuit duobus sequentibus diebus, ita ut non solum è lecto surrexerit sed & sacra frequentaverit : Paschatis verò festo die gravissimis conflictata symptomatis, 19. vel 20. hora circiter ejusdem dici extincta est.

In cadavere deprehensa ventriculi ad partem dextram erosio & nigredo, veneni erodentis signa, cum livore renum & lumborum : cujus & luculentissimum præbuit indicium pulvisculus coloris cineritii ulceratæ ventriculi parti adhaerescens ; vermis quoque in intestinis deprehensus.

## S C H O L I A.

**Q**uæritur utrum repentinæ hujus mortis causa Fungis venenatis sit imputanda, vel potius corruptis in corpore humoribus veneni æmulis, vel alteri cuiuspiam veneno assumpto, cum potissimum apoplexiæ, aut alterius hujusmodi gravis capitis affectus nulla sese prodant indicia. Quod autem fungorum vius mortis autor fuerit, non levis est suspicio, 1<sup>o</sup>. quod hi non raro venenata qualitate sint infecti, si potissimum locis enascantur ubi ferrum rubigine infectum, vel pannus putrefactus lateat, vel in radicibus arborum & ex arboribus ipsis noxiis, vel quæ innata quadam facultate fungos corrumpunt, quod de olivis & nucibus proditum, vel tandem prope serpentum latebras : qua suspicione non vacant præterites in pratis collecti, vel hoc potissimum nomine quod ab ipsorum vii male habere coepit, prout ipsius ancilla ab ipsorum noxa non fuit immunis eadem nocte : Accedit quod hi fungi primum erumpentes, licet non fuerint deleterii, veneficam tamen qualitatem ducere potuerunt à vase æneo, ru-

bigine forte obfito, nec stanno oblitto, in quo frigi fuere : hoc indicio quod secundo, non primo appositi, fuerunt noxii : Postremo quod fungorum omne genus, licet veneni experts, adeo frigidum humidum & viscidum sit, ut ejus perniciem proximè æmuletur, *Galeni* testimonio 8. de S. Med. fac. Unde facile contingere potuit ut copia assumpti duos dies continuos, nec omnino vomitu rejecti, tridui spatio vires suas exleruerint, & calidum innatum extinguere potuerint, cum venena frigida tardior longe se prodant quam calida : Quæ potissimè sunt rationes quibus evinci videtur mulierem hanc fungorum usu extinctam fuisse : Quæ tamen tanti apud me non sunt ut id mihi suaderi pariar : quod enim Fungi non fuerint venenati, patet 1<sup>o</sup>. ex eorum densitate & colore, quippe albi, rubri, parvi & solidi in fungorum genere minus noxii habentur : Accedit quod ab aliis maxima eorum pars in suæ familiæ usum emptæ fuit, quibus innoxii prorsus fuerunt, prout & quos comedit primo defuncta, & quamplures alii,

res alii, quod circa ullam offensionem, neque à terra emundati ullum exhibere colorem, nec ulla veneni perniciosi panis cum ipsis cocto impressa: cum potissimum nulla evincat ratio quod virulentia in ipsis tamdiu delitescere potuerit, ut duos integros dies bene habuerit patiens à vomitu, & usu bezoarticorum, atque triduo post e vita discesserit: Quanquam enim venenum in corpore aliquandiu sopitum & iners possit latere nec vires exferat, fieri tamen nulla ratione potest ut in actum erumpens, & vomitum ciens, bezoarticorum usu coerceatur adeo & obtundatur, ut exiguum ejus in corpore superstes mortem aliquot post dies inferat, quod à fungorum natura maxime alienum, qui lethales cum sunt, enecant suffocando, cum sopore, epilepsia, paralyti vel repentina syncope, atque dolore in pectine, urinæ difficultatem vel integram suppressionem inferunt: cujus rei causa Galenus curaturus male affectos ab usu fungorum, etiam venenatorum, semper præscripsit attenuantia, incidentia, detergentia & vomitum concitantia, hinc de consensu omnium Græcorum, Arabum & Latinorum, horum remedium usum ægri plerumque sanantur: Non alio referenda itaque causa hujus repentinæ mortis quam vel in humorum corruptionem veneni emulanti, vel in aliquod aliud venenum assumptum: Quod autem in corpore humano in veneni naturam facessant quandoque humores, ex Galeno constat, 3. de loc. aff. atque id experientia compertum in hystericiis passionibus, epilepsia, febribus pestilentibus, invadentibus pestilentia non grassante, aliisque lethalibus affectibus de repente enecantibus absque ulla causa externa: Cujus perniciosæ humorum corruptionis in hac muliere indicium præbere potest vermis in intestinis deprehensus, corruptionis humorum soboles. Ceterum neque hoc pro comperto habendum, hac in primis ratione quod huiusmodi humoribus venenatis, in ventriculo potissimum redundantibus, gravius affecto quam

qualibet alia corporis partium, cum fungis usi est, & symptomata primo se præbuerunt, tamdiu delitescere non potuisset perniciosa hæc qualitas, ut biduo incolumis fuerit absque ulla operationum noxa: quanquam vero inficias non inus quin pura quædam venenata stas temporibus ab humore corrupto elevari possit, semine scilicet aut sanguine menstruo in utero conclusis, parte longius à corde summa, Verum alia plane est ratio materiæ in ventriculo coacervatæ, quæ cordi propior cum sit, ab hac continuo illud ascei est necesse: Neque vermis in intestinis hoc evincit, cum vermes producantur non ope tantum caloris p. n. sed naturalis potissimum, materiam putrescentem foventis, & animal ex ea suscitantis, quo humor venenatus profus caret, nec ab eo fovetur, quin potius illum corrumpit: Quamobrem statuendum censeo, quantum conjectura assequi licet, nullis suppetentibus firmis argumentis, extinctam esse præsentem ægram à veneno assumpto, his potissimum rationibus adductus 1°. quidem quod biduo bene habuerit, ac deinceps novis accidentibus subortis à medio sublata sit. 2°. Quod ex quamplurimis qui fungos illos comederunt nullus præter eam mortuus sit, cum tamen magna copia eos non assumpserit, neque extincta sit cum ventriculo graves esse debuissent, sed iis vomitu rejectis: Quibus accedit unguinum livor, labiorum siccitas & erosio, menti molities & flavus color, veneni symptomata, nativum calorem extinguentis, Et quæ in cadavere reperta: Quod autem hæc mulier à Fungorum usu male habuerit, ut & leviter ipsius ancilla, suspicionem auget illis immixtum fuisse venenum, quod tamen mortem inferre non potuerit quia vomitu rejectum est, & quidem facilius ob cibi copiam, à qua & illud obtundit potuit, quod postmodum cum paucio cibo exhibitum, majori forte dozi, nec vomitu exturbatum, facilius vim suam extere & enecare potuit. *Ben. Silvaticus consil. 79. cent. 4.*

## OBSERVATIO VI.

*Canum, & aliorum animalium, à viperæ morfu enectorum anatome.*

§. 1. **C**anis à viperæ laceffita in labro inferiore commorsus fuit, qui non illico admodum inde commotus, sed non diu post mæstus evasit, cum maxillæ tumore: Vomitus postea subsequutus alimenti ultimo exhibiti, sequuta excretionem paucarum fecum: oblatus insuper panis, caro, aqua, quæ omnia respuit: decumbebat absque planctibus, pars demorsa livida facta est, livore infra collum se diffundente, imo ad pectus usque, non secus ac tumore: Tandem obiit, sed quadragesima à morfu hora: Venter non intumuit, nec exterius quicquam extraordinarii apparuit, præter tumorem & lividitatem partium commorsarum & vicinarum.

Cadaver apertum fuit: In trunco venæ cavæ nonnihil sanguis concreti reperimus; reliquum sanguinem, ibi loci, in corde & ubique, fuscum & obscuri coloris observavimus, vitiosæque consistentiæ, qualis sanguis ex parte dissolutus & corruptus: Ventriculi color quodammodo obscurus fuit, sed manifestius in mesenterio & intestinis: Nulla in corde alteratio fuit conspicua: nulla in hepate, pulmonibus liene, nativus enim & optimus fuit eorum partium color.

§. 2. Alius canis in auricula commorsus fuit, qui illico ululavit, atque ex intervallis ululatus per semihoram renovavit, deinceps sine ullo planctu tacitus: locus commorsus lividus evasit & intumuit cum partibus circumsitis: Vomitus nullus sequutus, sed dejectio paucorum excrementorum, eorumque naturalium: cibum & potum, non secus ac prior canis recusavit, morte post vicesimam quartam à morfu horam subsequente. Nihil exterius insuetum præter livorem & tumorem partis affectæ & vicinarum apparuit.

C C c c c c

Eo



Eo dissecto, omnia eadem quæ in præcedente interius conspicua se exhibuere: nullus hic repertus sanguis coagulatus, neque in corde, neque vena cava aut ullibi, coloris vero erat obscuri viriatæque consistentiæ, cum manifesta ad concretionem propensione.

§. 3. Rostri extremitas alterius canis irritatæ viperæ dentibus objecta fuit: Commorsus canis illico ululavit, sed non diu, locum commorsum lambere satagens, aut ex intervallis pedibus scalpere: nequaquam decubuit, totus in alterno eo exercitio occupatus, cubiculum perambulans: Locus morfu imperitus levi livore correptus fuit: paulo post obiectum cibum & potum accipit, non secus ac si nihil passus esset: livore non diu post evanescente, neque ullo alio damno subsequuto.

§. 4. Catellus septem aut octo dies natus, in tibia commorsus fuit à vipera iratâ: qui illico ululavit, & usque ad obitum: hora una post contingentem: pars livida & tumida sicut in cæteris erat.

Eoque aperto nihil insolens in cadavere repertum præter livoris quandam in ventriculo speciem, & in intestinis, cum fuscædine & prava sanguinis consistentia, sicut in cæteris: omnes enim partes internæ rite constitutæ apparuere.

§. 5. Alterius canis linguam morfu imperiit vipera, qui nobis multum laboris peperit, quo ad exerendam cogeremus, diu enim & strenue obstitit, Ictus tamen altus fuit, vipera quippe admodum irritata: Ululatus illico maximi fuere procul pertingentes, qui ad mortem usque, quæ semihora post contigit cum summa agitatione, continui fuere:

Neque apertionem negleximus, & quanquam cor, hepar, pulmones, splen optime essent constituta, lingua nihilominus admodum livida evaserat, totum mesenterium maculis lividis conspersum, quarum plurimæ lentium magnitudinem excedebant, sub quibus sanguis concretus delitescbat, Ventriculi quoque & intestinorum color, magis quam cæterorum omnium, obscurus erat: sanguis admodum niger, cum coagulationis initio in corde & vena cava, cæterum consistentia dissolutus & corruptus.

§. 6. Alium præterea canem in imo ventre morderi curavimus, ab alia irata vipera: qui illico vehementer, at non diu ululavit: Locus affectus admodum intumuit cum livore; hoc cum tumore circum circa partes naturales se diffundente; Crebro porabat hic canis, sed cibum averfabatur, atque in eo statu diu, citra priora accidentia perstitit: Biduo post, quod de re certius constaret, iterata vice, juxta priorem locum illum morfu imperi curavimus: qui iterum alte ululavit, cum tumoris, per totum pene abdomen expansi, necnon livoris augmento, qui tamen intra eos limites constitit, quia canis vulnera crebro adlambebat, interea potans, ac tandem comedens; adeo ut citra aliud quam à lingua peritum remedium spatio quinque aut sexdierum, omnis intumescencia & lividitas disparuerint, cane ad priorem omnino statum redeunte.

§. 7. Experimenta supra adducta insignis usus fuere ad rectam notitiam effectuum Viperæ, inter quos multa adfuit affinitas: Columbum & pullum Gallinaceum viperæ in iram concitæ exposuimus, successive & pene eodem tempore: Ictus parti maxime carnosæ inflictus fuit, pectoris scilicet parti: In utroque illico observare licuit crebram cordis palpitationem, eamque extraordinariam, amplius semper procedentem, adeo ut ambo semihoræ spatio occubuerint.

Uterque statim ad apertus fuit, ac sanguinis in corde & vena cava concreti nonnihil repertum est, reliquo cruore nigricante, ac ad coagulationem vergente, & dissolutioni & corruptioni proximo: cæterum cor & hepar, sicut & cæteræ partes internæ externæque, coloris floridi riteque constitutæ: exiguum tamen livorem demorsa pars præ se ferebat.

§. 8. Ulterius experiri libuit an eadem vipera, morfu uno eodemque tempore diversa successive animalia interimere valeret, ac num eius venenum exhauriri posset, adeo ut ultimo ictu immunia esse possent, Rem exploraturi, quinque ex ordine columbas uni eidemque viperæ objecimus, quam toties lacessivimus, quoties dentes impressit, quæ omnes paulo post mortuæ sunt, atque omnium prima quæ ultima commorsa fuit: Quoad sanguinem reliquasque partes internas, idem prope status fuit qui primæ columbæ.

SCHOLIA.

## S C H O L I A.

**E**xperimentum quarto loco adductum nobis ar-  
ridet, ex eo enim dilucide effectus veneni viperi-  
ni, morſu infligti elucescunt: id scilicet non primo  
& immediate partes nobiles invadere, quandoqui-  
dem nulla unquam in iis deprehenta alteratio, sed  
præsertim sanguini vim suam imprimere: ejus quippe  
consistentiam destruens, ipsum congelando, vel par-  
tes ejus ab invicem segregando, & circulationem in-  
hibendo, eodem tempore spirituum per universum  
corpus *supplere* impediendo, quibus destruantur partes  
nobiles: puritatem quoque sanguini adimendo qui  
antea eas alluebat, eas indirecte & per accidens de-  
struens, quatenus ejusmodi spirituum dissipationem  
parit, probitatemque succorum à quorum rito tenore  
pendet earum subsistentia.

Animadvertere quoque licuit veneni, per viperæ  
morſum inducti, progressum, præcipue à loci com-  
morſi conditione pendere, ac magnitudine venarum  
& arteriarum quibus dens impressus fuerit: Canis  
enim lingua cum venis & arteriis polleat, nemini mi-  
rum sit, si ad earum occursum, & viam patentem &  
breve, venenum, animal commorſum debellatu-  
rum, effectus prompte exseruit, necemque illo ci-  
tius intulit quod obvios habuit ramos tantum exiles  
& anfractuosis, per quos illi iter angustius, magis  
flexuosum & longius obtrigit: quamvis tandem præ-  
stiterit quod citius obtrigisset liberiore existente via.  
Facile quoque est colligere ab effectibus veneni, mor-  
ſu canibus supradiſtis impressi, præsertim ultimo, vo-  
mitum immanisque dolores, viciniam umbilici oc-

cupantes Nobilis (cujus historia infra adducetur)  
originem duxisse partim à sanguine coagulato, vel ad  
coagulationem in circuitu suo impedito vergente,  
partim quoque quod spiritus, sanguinis circulati co-  
mutes, impedimenta in via nacti, cum ea perturbare  
conantur, vim partibus lateralibus viarum, quas per-  
traneunt, inferunt, iis in locis insignes dolores intu-  
lerunt, ægro adeo molestos, quos quoque augere  
potuit sanguis extra majora vasa concretus, & torte  
macularum specie per mesenterium & alibi sparsus,  
non secus ac in canis corpore: Inferre quoque licet  
frigidos sudores, convulsionem & *καλόν* ægrum dei-  
cientes, non aliam causam agnovisse quam inter-  
ceptionem commercii soliti spirituum cum partibus  
nobilibus, puritatisque & probitatis sanguinis illa-  
rum irrigationi destinati: Canes autem sanatos vul-  
neris, linguæ ope, deterſione, quod spectat, cenſeo op-  
timum fuisse præsidium ad revocandum versus exte-  
riora venenum, illi morſum retrogradum concilian-  
do: Illorumque sententiæ accedo, quibus persua-  
sum, si qui commorſus est, aut quispiam illi intimus,  
diuturno & vehementi ſuctui partis demorſæ incum-  
bat, sanabilem hoc pacto illum esse, dummodo vipe-  
ræ dentes insigne aliquod vas non attigerint, per  
quod veneni progressus ſuctus vi efficacior sit: Illud  
quoque apud me rarum est spiritus illos, ſuctu revo-  
catos, fore innoxios ſugenti, tum quia vires inter  
agendum amiserint, tum quia exuti sunt organis ido-  
neis ad propriam actionem exerendam, dentibus  
scilicet.

## A P P E N D I X

*Seu Historia viri, à vipera commorſi, medicamentorum efficacia liberati.*

**M**ense Junio anni 1668. afferri curavi grandem viperarum viventium, utriusque sexus,  
numerus, scopum mihi propositum consequuturus, accurate sciendi quicquid  
boni vel mali in vipera latitat: Plures tunc temporis, iique docti, in domum meam con-  
fluxerunt, atque in iis periti quidam Medici, mihi amici, arte insignes, experimentorum  
meorum quotidianorum testes, doctrina quoque sua facem mihi preferentes: Primus coe-  
tus infaustus fuit, Nobilis enim extraneus, lugubri & inopinato fato, in se periculum ple-  
roque symptomatum, quæ parere solet vipera, expertus est, nobisque invitis experi-  
menti ansam obtulit, nimis insignis ut silentio involuendum non sit: Dictus Nobilis, annum  
agens xxv. fortuito domum meam pridie intraverat, quo tempore sexaginta circiter viperæ  
mihi allatæ fuerant, videndi illas cupido statim incesſit, cui satisfacturus è vase unam ex il-  
larum numero depromo, cui intueri eam non satis fuit, sed manu quoque apprehendens per  
quartam horæ partem eam continuit, gyros illius & contorsiones circa manum & bra-  
chium permittens, nullo ad speciem viperæ ad mordendum conatu: collum deinceps filo  
cinxit appensamque pelle exuit, intestina eximens ut illa exploraret: Id vero credo mor-  
ſum illi tunc ineluctabilem fuisse si vipera laceſſita fuisset, sed quod durius contrectata  
non esset, atque liberiori aëre fruens, & amico magis quam quem concludebat vas, in quo  
diu, incarcerata fuerat, passam esse vinculum, nec perniciem intulisse, quæ accidisset nisi filo  
constricta fuisset.

Postridie res aliter omnino cessit, cum enim cœtui hora indicta interfuiſſet, unam cor-  
ripuit, diu ante sub tenaculis captivam, maxime inde ira percitam: hanc, quanquam periculi  
admonitus, manu arripit, arrepta hæc statim caput contorquet, alterum dentem magnum,  
aduncum, partem lateralem pollicis dextri, paulo altius quam ubi inferitur unguis, feriens:  
Punctura major non fuit ea quam infligit acicula, parum alte, ut videbatur, impressa, forami-  
ne in superficie minimò apparente, cum levissima rubedine, adeo ut solo colore innotef-  
ceret: Nec supra, neque in vicinia, *conspicius fuit succus ille flavescens quem continent vesiculae*,  
maiores dentes ambientes: qui ut plurimum supra vulnus, cum vipera altum infligit vulnus,

CCCCC 1 effunditur

effunditur: Punctura illico dolorem peperit, citra tamen digiti, eo momento, intumescantiam, post horas demum aliquot conspicuam. Partem scarificare consultum fuit, artisque ligaturis partem morfu superiorem constringere, tum ad inhibendos veneni progressus, tum ad liberandam partem afflictam, sed renuit æger, leve malum ratus, imo ægre scarificationem admittens: passus demum spatulam candentem prope locum demorsum iteratis vicibus admoveri, eum in finem ut pori patentes manerent, revocareturque venenum per eos expiraturum: Interim ægro theriacæ ex dimidio vini cyatho drachmæ duæ exhibentur: Vix horæ octava pars elabitur, cum æger levi debilitate accedente, sedile poscit, eodem momento vultum pallor occupat, pulsus debilis fit, creberrimus & exilis, imo interceptus: Dicta symptomata sequuntur motus spasmodici, toriusque rigiditas, colli præsertim ac musculorum capitis: Simulque de insigni dolore, umbilici regionem vexante conqueritur: artus frigescunt extremi, imo tota facies frigida *epidæmos* suffusa, tumebant labra, præsertim inferius: vexantibusque tunc doloribus circa umbilicum, & ventrem dejectionis cupidum animadvertens, surrexit: sed redditis paucis excrementis, leipothymia successit cum vomitu, non solum assumptæ theriacæ, sed & prandii præcedentis nondum concocti: In auxilium prompti accurrimus, illū adeo debilem nacti, ut repetere cubiculum, è quo descenderat, non licuerit: Permanente autem pulsus parvitate, crebritate, inæqualitate & depressione, cum continuis leipothymiis & sudoribus frigidis, e re visum est ipsi exhibere drachmam unam pulveris viperini ex aquis theriacali & cardui sancti; admoto insuper grandi epichemate supra cor, & ventriculum ex theriaca, sed statim assumpta per os exclusit: Ex consilio cuiusdam data quoque antidotus orvietana cum eodem pulvere viperino, quam quoque ventriculus non continuit, rogante ægro ut lecto imponeretur, ac de aliis præsidiis cogitaretur Interim optime constabat ratio & mens, quanquam insignis adesset totius debilitas: prædictam autem antidotum orvietanum averfabatur, cui parum fidendum credebat; prius assumptam in obsequium eorum qui ejus efficacem vim prædicabant: Porro, quod vomitus remedia ad partes nobiles deferri prohiberet, appositum visum est sale volatili viperino uti, qui quoniā præ subtilitate promptissime partes omnes subit, etiam dissitissimas, judicatum est ægrum citissime ejus vires expertū iri, ac majori certitudine quam aliorum remediorum, ea partium tenuitate non præditorum, quæ cum eliminarentur è corpore illico ac ventriculum subierant, in actum ideo deduci non poterant in stomacho, nec facultatem suam partibus, quibus auxilio esse debuerant, communicare: Dissoluta ergo fuit drachma una salis illius volatibilis in aquis theriacali & cardui s. exhibitaque circiter quarta pars ejus mixtura, quam aliquandiu retinuit, demum partem illius exclusit, remixtam multæ pituitæ admodum viscidæ: Data iterum pars dozis præcedentis mixturæ, quam aliquantisper quoque asservavit, demumque vomitu reddidit quicquid illius in ventriculo superites esse potuit, plurima una eiecta pituita: Ex intervallis præbebatur ejusmodi mixtura prout vomitu reddebatur: crebra quoque fuere enemata, sedanda gratia vehementiæ & contumaciæ dolorum, umbilici regionem afficientium: Labra adhuc dum multum tumebant, pulsus deterrimus cum sudoribus frigidis, animi quoque defectiones pertinaces erant: sed tandem continuato viperini salis volatilis usu, desiit vomitus, octava dozi illius non exclusa, quæ quatuor circiter à morfu horis exhibita fuerat: Inde symptomata remittere, frigus paulatim superari, locum calori nativo cessurum, qui redivivus omnino circa quintam à morfu horam apparuit, redeunte pulsu æquali valido, sed aliquantisper citatiore. Noctis erat decima cum sæviriâ symptomatum deferbuit: fortunatus fuit æger in infortunio, qui citam opem expertus sit & legitimam: à lateribus ejus non discessi priusquam lethalia accidentia desierint: Tunc in ardes proprias delatus fuit, cui comes adstiri, lectoque imposito præbui mixturam ex drachma una confectiois hyacinthinæ, una kermesinæ, uncia syrupi de succo limoniorum, quatuor aquæ cardui sancti, à Medicis illius præscriptam, ternis vicibus exhibitam, interposito trihorio: Crebro naribus obiciebantur citria mala, atque ex intervallis illorum segmina cum sacchari pulvere præbita fuere: Juscula optima sorbebat; potus erat ptisana ex decocto radicis scorzonæ & rasura cornu cervini, addito syrupo limoniorum: nonnunquam aliquid vini concessum: dissolvebaturque confectio alkermes modo in jusculis, modo in prædicta ptisana. Id vero observatione dignum quod per sæviriâ symptomatum digito nulla mutatio accidit, in quo nullus tumor, qui demum desinentibus symptomatis emerit: Dolores interim circa umbilicum molesti erant, et si minores, quæ de causâ à Medicis crebra præscripta enemata: tensio aliqua aderat abdominis citra tamen extuberantiam: albicans erat lingua, nec tamen arida, oculorum demeritorum nitor aberat, cum vultus pallore labiorumque tumore qui digito, inerat



Interat noctu in universam manum diffusus est, quod saepius oleo scorpionum compositum *Matthioli* inunctum est, remixtum aqua Regine Hungariae, tumore nihilominus postridie ad totum brachium propagato, cum dolore, rubore & augmento manifestissimo: Quamobrem praescripti fots ex decocto radicum angelicae, imperatoriae, carlinae & aristolochiae, cum summitatibus scordii, centaurii, absynthii, hyperici, calamintae, facto in vino albo, pergendo in usu lituum ex oleo dicto, precedente fots: Quanquam haec rite peragerentur, successus tamen operatus defuit: *avopart* erat aeger, imo semel ingestum iusculum vomitu exclusit, qui tamen fugax fuit: Non desistebat ab usu medicaminum tum interiorum tum exteriorum, eorundemque alimentorum, sed quamvis quoad interiora recte se habere diceret, pulsusque constaret, sitis molesta non esset, nullus item calor aut dolor ullibi infestaret, qui tamen umbilico infederat, contumax supererat, cum incremento doloris & ruboris in manu & brachio, qui exacta tertia die summum humerum, axillam usque, occupaverant mammam integram circumpositaeque partes, imo jecoris ipsius regionem, nequaquam tamen intermissis foribus & inunctionibus praedictis: Quocirca, perspecta etiamnum anni tempestate calidiore tunc vigente, gangraenae metus incidit: Quod vero remedia exterius admota, quae maxime proficua judicata sunt, successu carerent, ad interiora deveniendum esse sancitum: qua de causa a Medicis sub vespere tertiae diei exhibita est drachma radicis contrayervae, pulveris forina ex aquis cordialibus, & anatico pondere confectiois Kermesinae, perstantibus tamen rubore, tumore & dolore: quin potius tumor latus sinistru impetere videbatur: Quibus omnibus rite expensis, necessarius usus primi remedii interni iudicatus est, à quo, maximum juvamen evenerat, & cuius operatio clare emicuerat, scilicet Salis volatilis viperini: Initium erat quartae diei, morsum sequuta: Data ergo semidrachma salis illius viperini, ex uncis quatuor aquae cardui benedicti, optime cooperto corpore quomanearet sudor: non remedium spem fefellit & vota, nec enim copiosus solum emerfit sudor, sed maximum etiamnum levamen symptomatum omnium urgentium subsequutum est: inde omnino pene sopitus umbilicalis dolor, resedit tumor labiorum, nec non qui hypochondrii regionem invaserat, mammae, & infra axillam summus humerus, brachium & manus, plurimum detumuit, nec non dolor & tumor: Exinde opinio non vana incidit caetera quoque pariter cessura: quamobrem mane postridie similis dozis data pulveris illius viperini, qui novum & uberem excitavit sudorem: hinc dolor umbilici omno desit, humeri tumor disparuit, eo qui manum universumque brachium obsidebat, maxime imminuto, pariter cum rubore: Ac ne quid desideraretur, etsi res aegri multo meliore essent loco, die subsequente iterum parilis dozis eiusdem pulveris data, ac postremo mane sequenti: adeo ut remedium omnino tumorem discusserit, ruborem doloremque brachii, manus, ipsius etiamnum digiti, cui consolidando sat fuit impositio parvi emplastri, & ad cicatrice claudendas factas incisiones, quod intra quattriduum contingit: cum interipm liberum fuerit aegro domo exire negotiisque praesse, non secus ac si cum vipera nullum unquam ipsi fuisset commercium.

## S C H O L I A.

**N**obilis à vipera ictus nobis praebuit ansam inquirendi in causas & effectus veneni illius, qui tunc innouere, quamvis a specie exili causa manarent, quod seminorius tantum adesset, unico dentis ictu inflicto, imo nec admodum profundus, unde vitium impressum augmentum non videbatur suscipere à parte aliqua succi: flavescens gingivis insiti, cujus innocentia necdum plane nobis innouerat: Interim lethifera symptomata acervatim ingruiebant, quoad vomitu continuo remedium efficaciam prohibebatur, quae moram in ventriculo non trahebant, exinde vires affectis partibus impertitura: Ratum tamen erat aliquid eximie subtilis, agile & potentissimum eo in veneno delitescere, quod sine dubio sedem haberet in spiritibus, etsi de ejus indole nondum constaret, nec qua vi aut modo, aut quas partes afficeret: Fatendum tamen in tam praecipiti, periculosa atque insolenti occasione, & indicationum urgentia, non alia via incedendum fuisse quam per exhibitionem salis volatilis viperini: Quandoquidem causa subtilis erat & per spiritus efficax, opus erat remedio ejusmodi indolis, quod illum aggrediretur, cum ea congregaretur, ac ad corporis ambitum extruderet, eliminandam & exterminandam per vias patentes ab eo factas: Porro vomitus continuus exigebat auxilium quod momento effectum depromeret, aut saltem quod iteratis vicibus praestaret quod prima denegatum erat: felix successus consequutus usum salis volatilis viperini, praestantiam eius indicavit, nec non vim eximiam quae vim malignam spirituum illorum infregit: Inde nobis natum desiderium modum indagandi per quem adeo praestantes effectus produceret, ac de iis eo modo ratiocinari, ut cogitationes nostrae ea de re apodicticae essent: Sancitum ergo sit cum Sale qualitate subtili, volatili & penetrante praedictum, aptissimum esse ad sanguinis concretionem dissolvendas, atque partes in eo coagulatas aut fixas ab invicem dilgregandas, à quibus origo interrupti & viriose peracti illius motus: Id praestitisse in sanguine dicti Nobilis constat, quem pristino statui restituit, atque eo pacto ab eo restitutum esse liberum commercium, & spirituum in partes influxum, quibus privatae fuerant: Credimus quoque Salem cum volatili, ob similitudinem cum dictis spiritibus, facile illis cohaesisse, atque ad extrema corporis, foras per poros cutis depulisse, per stratum à se viam prius egredientem: Ligaturae in partibus superioribus affectae institutae: scari-

ationis

fications, spicularum ferrearum candentium admotiones, institutæ erant ad sedandum impetum spirituum illorum ferocientium, illisque per facta emissaria exitum procurandum ne ulterius progredierentur, Theriacq; exhibitio, pulveris viperini, & tuniliæ ethicares erant in iis superandis si moram in ventriculo traxissent, Nec inutilia fuissent epithemata, cordis regioni admotæ, ex theriaca, & ventriculi, nisi spirituum excandescientium actio præceps fuisset, nec jam progressus eorum insignis fuisset: Sed ulus talis illius volatilis, præcellere debebat, ut revera omnibus remediis superior fuit: quæ enim demum & intermedia in usum ducta fuere, satellites, ut sic dicam, tantum fuere, ducem sequuta, qualia fuere confectiones Kermesina & hyacinthina, apertissima ad robur partium principum, sicut & syrupus limonum, scorzonæ & rasuræ eboris decoctum: Mali citrii legmina, quibusdam forte malitiæ suspecta, quod acida vi sanguinis concretionem inducere valerent, tum demum exhibita fuere, cum à Sale volatili fuit dissoluta; eo nomine vtilia quod stomacho, à crebris vomitibus debili reddito, robur afflaverint, appetitum prostratum redderint, alimentorum concoctionem promoverint, distributionemque in partes eo indigas: Adde malo citrio vim inesse specificam veneni viperini domitricem, si fides authoribus habenda qui de eo scripserunt, facultatem cordi aliisque partibus nobilibus amicam assignantes: Inunctio ex oleo scorpionum Matthioli, commixto aquæ Reginæ Hungariæ, partium tumidarum; admotio totum alexiteriorum, magnum, ut videbatur, auxilium esse debuerant, sed eventus comprobavit vni tali volatili vim expugnandi venenum inesse, spiritus irritatos expellendi, illique soli victoriæ palmam deberi: Id vero explicandum superest, cur, & quomodo partes viperæ, intra corpus ingestæ, venenum à vipera morfu communicatum superare & debellare valeant: Statuimus ergo omnibus Viperæ partibus copiosum præsertim inesse sale volatilem, qui in distillatione partium solus apparet, partim spiritus forma, qui revera nihil aliud est quam sal portioni cuiusdam phlegmatis remixtus: partim olei forma, qui iterum idemmet est parti oleosæ viperæ commixtus: Statuimus quoque per concoctionem factam in ventriculo partium corporis viperæ voratarum, eundem quem continent sale volatilem, separari, inde in singulas partes, quæ eo indigent distribui, si præsertim sufficiens sit copia partium ingestarum, quo sufficiens quantitas talis illius suppeditetur; hinc dubium nullum esse debet quin is tal edat effectum illi similem quem produxit dicto Nobili exhibitus: Nisi quis dixerit, sale eundem volatilem partium viperæ ingestarum, quippe qui ejusdem indolis cum spiritibus irritatis, eos ad se trahere: ac mediante ea conjunctione cum alteret, eorum malignam qualitatem adeo domet ut nullam actionem in animal commoriturum edere valeant: quæ sententia parum meo iudicio firma est, debilibusque forsitan innititur fundamentis: Credimus autem inter varia experimenta, id quod factum est in quinque columbis, successive ab una eademque vipera lacessita commoritur, è quibus ultimo ictus, primus obiit, ob irritatam magis viperam, quo tempore minus succo flavo scatebat: Atque in ea columba quæ commoritur à vipera, quæ iteratis ante vigibus, pani, imò usque ad sanguinis effusionem, dentes impresserat, quo succo omnino privaretur, subsequuta nihilominus morte columbe, Ea inquam experimenta ex parte ostendent succum flavum ad veneni naturam nihil conferre, ex altera, spiritus eos irritatos, juvenibus aperiuntur à majoribus

dentibus factis, solam ac legitimam veneni esse causam: Morus à vipera non irritata factus, cujus apprehensæ erant maxilla, & cujus dentes comprimendo corpori columbæ imprimebantur, quem quoque multus comitabatur succus flavus, nullo tamen subsequuto pravo symptomate, non secus ac punctura facta ab iisdem dentibus, è capite vivente exempta, vel adhuc inticis capiti viperæ mortuæ, nullius mali capacibus, ample nimis hanc confirmant veritatem, causam scilicet veneni spiritibus adscribendam esse irritatis, adeo ut universum inde eximi debeant partes omnes corporis, imò ipsos majores dentes, nisi comites sint spiritus irritati.

*Viperam in iram concitatam maxime, &c.* Antiqui, quævis persuasum erat paucas inesse viperæ partes quibus venenum insitum non esset, earum naturam parum accurate indagaverunt: Cum vero judicarent ad veneni vim acuendam non parum conferre iram, rati in felle ejus sedem esse, in eodem quoque venenum constituerunt, credideruntque id fel, acce admodum & amarum, perniciosum ejus esse indicium, venasque & arterias fel illud ambientes, ad maxillas usque deductas, illis similes quæ per totum corpus sparsæ sunt, supra & intra fellis capsulam, canales esse à natura destinatos succo felleo in gingivas deferendo, atque in eo succo vim deleteriam constituerent: At illis peripetum esse debuit iram viperæ in felle sitam non esse, fel item plurimorum animalium gustatū persimile esse viperino, nec tamen venenosa esse: Vasa iuxta fel transcurrentia, quia inde proficisci videntur, ad gingivas usque derivata, necnon ad omnes alias partes corporis, sanguini devehendo solum consecrata esse, quæ à felle originem non ducunt, quæque exportare nequeunt succum in ipsa non delatum: In vasis illis fictitiis nihil contineri quod fel resipiat, non secus ac in gingivarum succo, neque in toto reliquo corpore supra tellis sedem: Totamque cystin felleam unicum possidere vas notatu dignum, idque admodum exile, quod è parte interna partis superioris cystis prodiens, infra descendit, nedum supra vergit, in primum intestinum se exonerans: Nos vero prætermittis ejusmodi principiis tam leviter constitutis, innixi experimentorum numero, statuimus Fel viperæ veneni omnino expertum esse, ac contra polle re vi balsamica, mundificante, pluribus usibus idonea: Nullum adesse vas ejus succum in veliculas maiores dentes ambientes deferens: Succum flavum in iis contentum omnimode à felle diserte, hoc excepto quod utrique decet venefica vis: Succum illum flavum congestu in esse & formatum à glandulis salivaribus: Illum in veliculas deferri in vasa lymphatica, ex glandulis dictis procedentia: Illum nihil aliud esse quam puram salivam, Ac tandem cum nihil conferre quo morsus evadat venenosus, quandoquidem gustatus & deglutitus, (quod sæpe sæpius experti fuimus) neque homini neque ullo animali nocet, imò innoxie vulneribus apertis, atque incisionibus in cute factis, adhibita etiā frictione, & cum sanguine mistus, imponatur.

*Dentem magnum aduncum, &c.* Asserimus etiamnum reliquas omnes corporis partes veneni esse expertas, imò majores Dentes, nisi vivat vipera ac morsum comitetur irritatio spirituum: Malum à dente impressum, cum mordet vipera, in eo præsertim situm, quod viam spiritibus irritatis apperiat, abique qua irritatione, morsus à dente inflictus lethalis non est, neque sub aliam considerationem venit quam ratione profunditatis & angustiae vulneris, à dente adeo acuto, longo & tereti, ab alio quovis animali inflictus: Experimentorum à nobis factorum numerus

hæc nos docuit, quandoquidem a nobis manifestissimum annotatum discrimen circa morsum irritatæ viperæ & cum qui excitatur maxillis viperæ manu dentis, & adactis majoribus ejus dentibus in corpus cujuspiam animalis: Coacta enim ea actio conducit potius ad cohibitionem spirituum, quam eorum commotionem, cui rei animalis libertas necessaria est; si autem spiritus emanare tantum possunt ab imaginatione & ita viperæ, eos immediate præcedente & impellente: Morsum enim ejusmodi, qui fit per compressionem maxillarum, & dentium impressionem in quodpiam animal, quamvis plus effundat succi flavi supra partem demorant, quam cum viperæ sponte mordet lacessita, nullum sequitur molestum symptoma, curationem simplicis vulneris admittens, cum alteram mors excipiat in salutaria desint præidia.

*Cum levissima rubedine, adeo ut solo colore innosceret.* ] Effectus ergo veneni cum spirituosus omnino sit, aliter non agentis quam pro majori aut minori spirituum irritatione & impulsione, proque majori aut minori viarum libertate, merito a nobis spirituum irritationi adscribitur, cum nulla ejus vestigia, neque realia neque apparentia, in partibus quibuscumque oculis obvis nobis innotuerint.

*Partem lateralem pollicis feriens &c.* ] Spiritus ab ira in viperæ concepta irritati, nacti viam adentibus factam, impetum nativum sequuntur, qui cum sit semper progredi & penitus se insinuare, quod id præstet in illico vias vi faciunt; plus aut minus progredientes, pro majori aut minori quæ occurrit facilitate aut difficultate: hinc evenit ut morsus periculosior sit si majora vasa dentes attigerint, quam ubi solæ carnes aut vasa capillaria occurrunt: Adeo ut spiritus viperæ irritati, obvios habentes sanguinem & spiritus in vasis contentos, animalis commoti, eos impellant & virgeant quo commeatui liber sit; atque confusione inducta particulis sanguinem constituentibus, ejus concretionem pariunt aut in circulatione impedimentum, unde impedimentum *supponit* spirituum in partes principes, a qua earum subtilientia & vita: illa destituta necessario succumbunt, aut

quia vim palli suæ in arce sua ab illis spiritibus, ab illique inquinata: aut potius quod iidem spiritus viperæ spirituum vias occupantes, his poriuntur, obstruxeruntque spiritus & sanguis illis communia itinera: Concludimus ergo imaginationem viperæ, ab idea vindictæ sibi propositæ irritatam; motum spiritibus, quem exprimere non liceat, conciliare, eoque vi insigni per nervos illorumque fibras versus cavitatem dentium impellere, tanquam in infundibulum, inde in sanguinem animalis deferri per foramen ab his factum, unde prodeunt recensiti effectus. Ea ergo irritatio in imaginatione aut spiritibus viperæ sita, præcipua causa est energię & penetrationis ejus veneni, abique qua stupendos adeo effectus non ederet: Hinc est quod non sola viperæ inter animalia morsus infert veneficos, ab rabie usque procedens cum ea in iram adiguntur: Canes, lupi, homines ipsi testimonium perhibent; ac ne extra oleas vagemur, serpentum morsus, cujus species est viperæ, magis aut minus maleficus est pro ratione & natura spirituum, ac præsertim prout incitantur ii impelluntur.

*Succus flavens quem continent vesicula.* ] Cum nobis mens esset omnia rite explorare, in experimentis perreximus, & ut amplius innotesceret qualitas succi illius flavi, omnium judicio adeo periculosi, curavimus a sex viperis lacessitis, scorsim & iteratis vicibus, ab una quaque morderi segmentum panis, quousque exhaustisset & imbibisset totum succum flavum delitescentem in gingivis sex dictarum viperarum; quod exhibitum cani famelico, non magis illi noxium fuit quam si panem vulgarem edisset eo succo non imbutum: Deglutienda quoque sæpe præbuimus pullis gallinaceis & columbis fructa panis eodem succo infecta, testamur tamen omnibus innocuum fuisse: Nec detrectavi ipsemet in os proprium ingerere, pluribus testibus, abique sequuta aut præcedente oris collutione: Imo ulceri, vulneri aut excoriationi impositus innocentiam suam semper prodidit: *Moses*

*Char. u Tractatu de vipera edito anno 1670. Parisiis.*

# ANATOMIÆ PRACTICÆ

## LIBRI QVARTI.

### SECTIO XI.

#### De Cutaneis Infectionibus, Doloribus Externarum partium.

##### OBSERVATIO I.

*Lepra infecta Matrona cadaver exhibuit viscera tum vitalia tum naturalia marcore confecta.*



Illustis Matrona, Vasconix Proceribus proxima affinitate conjuncta, Burdegalam venit anno 1660. adiitque Dn. *Dezelis* seniore, Chirurgum, apud quem tunc temporis artis tyrocinia ponebam, Lepre, qua infecta erat, curationem ab illo exposcens: Lepra fuit, eaque confirmata ex judicio Clariss. Medicorum D. D. *Mingelozæu* & *Emery*. Facultati Medicæ Burdegalensi adscriptorum: Magistrorum

CCCCC 4

item



Item *Dezelis & Chover*, Chirurgos peritiss. Illius quippe morbi vix ulla desiderabantur indicia: Capillitium omne deciduum tum sponte tum pectine, quod fursureas sordes foedat, & luridus color violaceo proximus; maxime nasum, & labia: Auribus tamen nativa servata conformatio, nec pone vllæ tumebant glandulæ: quæ in parte colli sinistra, juxta clavículas, iuglandis nucis magnitudine utrinque eminebant mobiles: Lingua tumebat, extrema parte & prope venas raninas pustulis oblita: admodum foetebat anima: Thoracem anticum adhuc candidum nullæ squammæ exasperabant sed macies illic summa ut & totius corporis habitus: Mammarum nulla vestigia: Vox nequaquam rauca nisi sermonem protraxisset, fusca enim illico fiebat & adeo obscura ut aures vix feriret, subsequente mox potus desiderio ad inductam siccitatem leniendam: Pollicibus sua constabat crassities, manus squammas aut fursures nullos dabant, at sensus tactus obtusus erat, ad punctiōnem tantum & fortem vellicationem sentiles: Respiratio qualis phthysicorum anhelas; Abdomen, præsertim circa præcordium dextrum durum, & *αἰνυρον*: Lotia effundebat pauca cruda, sæpius & crebro cum foetore turbida: Alvi fæces, quanquam *σπύδα* & *πρὸ αἰνυλῶν* tantum deliceret, tetro odore nares feriebant: Cutis color ab imo pectore ad pedes usque fuscus erat, nigro proximus, ubique ea arida & scabra: Femora & tibiae, non secus ac Gallorum Indicorum, squammæ vestiebant, omni sensu destituta, acus quippe citra sensum alte adigebatur: Genitalibus ob importunum pruritus manum perpetuo inferēbat: Ea nudata pustulas pisi magnitudine exhibuerunt, è quibus nigricans sanies exsudavit: Tetricis erat moribus, in excandescētiā prona, maxime post scalptum: Narrabat Illustriss. Parentem similem morbum necasse, contagio in legatione ad Lusitanos contractum, imo in matrem, (ante natam Illustrē Aegram) transfusum, paulo post puerperium mortuam: Patrem xij. annos illi superstitem fuisse, sed à foeda illa lue tam male exceptum, ut non Aula solum sed & omni consortio se subducere necessum habuerit, quanquam celeberrimi *Garcia à Lopes* Medici Hebræi, opera usus fuerit toto biennio: *Affectus primordis* quatuor ab obitu Illustr. conjugis annis elucescere cœpisse, Ex eo duos liberos, utriusque sexus suscepisse, non diu superstites: Luis immunem fuisse at non scabiei levis, quem phthisis anno ætatis xlii. sustulerit: Consanguineis cæteris pepercisse: Curam Illustris Matronæ susceperunt supra dicti D. D. Medici & Chirurgi, strenuamque operam toto trimestri navarunt, quorum industria, Deum testor, pene salva & incolumis, castellum suum procul disitum repetiit: pleraque enim recensita Lepre indicia delituerunt: Novo & nativo capillitio ornatum caput, desit foetor, evanuerunt faciei pustulae, nasitamen apice suum servante livorem & crassitiem, imminutum tamen; deposuit & lingua sua tubercula: Sitis non amplius molesta, subsedere quæ circa clavículas glandulæ: Femoribus & tibiis cutis æqualitas restituta, solus pruritus ex intervallis redi-vivus molestus fuit: liberior fuit Respiratio, oculi non ut ante truces: At ab axillis virosus odor manabat: Si de venereis sermo incideret, recurrebat in os saliva: detumuit quoque abdomen, cessitque hypochondriorum durities: Vegetus ubique erat sensus Tactus, punctiōnes vel levissimas impatienter frēns: nec excrementorum alvi tantus foetor comes fuit, liberiusque & liberalius efferebantur: Urinæ color & consistentia naturalibus erant proximæ, aculeato sale exuta qui ad crebriorem mictionem excitabat: Sibi tandem omnino dissimilis facta est, cunctis mirantibus qui in ea tam insignem ad statum naturalem reditum, quo xiv. mensium intervallo frui licuit, à quo in priorem, & sex intra septimanas pejorem relapsa est, cui se febris continua adjunxit, quam sitis inextinguibilis, consequuta est statim lethalis: Lethum præcessit vultus defœdatio horrorem omnibus incutiens: Crura, quæ in priore morbo excarnia, insigni tumore conspicua erant.

Cadaver à dicto D. Dezelis, me præsentis prænominatis Medicis & Chirurgis dissectum fuit, cuius imæ & mediæ partes solum evolutæ: Pulmones scirrhusi omnino & aridi apparuerunt, obsessis illorum bronchiis mucoso, crasso & extreme viscido humore: Sanguis vasis thoracis conceptus crassus erat & adestus, sero omnino destitutus: Trachæa arteria adeo exsucca & arida ac si sub dio plures dies jacuisset. Cor minimum, parvumque serum in pericardio: Pulmonum lobi ab omni connexu liberi. Iecur scirrhusum lividumque apparuit; imo adacta in visceris interiora novacula, strepitus perceptus ab occurſu corporum durorum, quasi lapilli oblari essent: admodum quoque parumerat & aridum, cujus minor lobus vix latitudine duos digitos transversos æquabat, & longitudine tres: Major eam sequebatur proportionem: Cystis fellea magna, bile turgens: Splen summe parvus & durus: Pancreas succo quodam ad nigrum vergente turgebat, & sicco: Mesenterium duris glandulis, magnis & aridis oblitum, succo sebium vnguento basilico

basilico remixtum, referente tumidis: Inania quoque & arida erant intestina quoad utramque tunicam: Renes calculis infarcti, sinapi instar se minis exiguis, duris, solidis, porri semina colore referentibus: quorum plurimi vteretres occupabant. pelvis & carunculae laceratae erant: In vesica plurimi etiam reperti calculi cum phlegmate; tres item lapilli phaseolum aequantes ad instar topi molles vel indurati gypsi: Uteri quoque membranae exsiccatae erant, nec non illius substantia, coarctata etiam & vulva & rugosa, patentibus nihilominus admodum multis vasis spermaticis: Incisuris factis in habitus corporis musculis, praesertim artuum inferiorum, reperta pluribus in locis caro scirrhusa, praeterquam in tibiis, in quibus paulo minus arida: Venam cruralem implebat sanguis niger & adustus, inanibus pene arteriis: absque vi è digitis pedum ungues abscessere, manuum pressus cohaerebant: *Ex communicatione Mag. Ludov. Bailly Chirurgis Genev. peritiss. qui curationi & dissectioni interfuit.*

## S C H O L I A.

**L**epra fuit eaque confirmata. ] Rogat Senatus ut selecti viri judicent num Socrates sit elephanticus, Est enim Artificis absolute respondere vel Elephanticum esse vel non esse, Sed hic nec precipitanter timidos esse oportet, nec temere securos: Ex aequo quippe & bono res est aestimanda, ut ne nimia facilitate res extenuetur vel elevetur, vel praedjudicata opinione aliter ac est judicetur: Quod Pater dicatur fuisse Elephanticus, id quidem ad cautionem majorem valet, ut nihil negligatur, imo ne levissima quidem incicia & argumenta, vel, ut serio magis dicatur, nil curemus quid ante, nec quid post, sed omnino ad hanc hypothesein veniatur. An hic qui nobis sistitur Socrates sit elephanticus, quoniam de eo segregando disceptatur, Hoc uno, judicio tota hominis fortuna disceptat. Ceterum forte aliter se gerere oportet Medice agendo, aliter ex aequo & bono: Nam sunt signa medica, & haec sunt altioris contemulationis, Alia sunt signa vulgaria, ut quae sub obtutum oculorum cadunt: Si medice, id est paulo severius agatur, quoniam antequam signa foris edantur, intus confirmatum & perfectum malum à Medice credatur, potest elephanticus ita judicari nullis signis foras eminentibus: Maxime vero semen mali toveretur ac serpit intus si à patre elephantico quis oriatur: Morbi enim quidam jure hereditatis ad postereros derivantur, maxime vero elephas, & qui morbi partes solidas, quarum vis natura esse dicitur occupare solent: Semini enim nescio quae vis impressa est, quae ut valet ad speciem, ita latenter morbosam diathesein devehit & transfundit: Eaque vix insita est tanquam tradux, ut ex macrocephalis macrocephali generentur, Et ita lustrare oportet internas partes: Contra si ex aequo & bono res aestimetur, relicto paucio exactiore internarum partium examine, ad signa externa tam univoca quam aequivoca deveniendum, ut per haec tanquam manifesta ad rei notitiam delabamur: quanquam id nequit fieri quin & internae partes explorentur &c. *Ballonius consilio 49. lib. 2.*

*Lepra.* ] Communiter Latinorum & Arabum Lepra nihil aliud est quam Graecorum Elephantialis, quam non incommode definimus *Cachexiam fixam, contagiosam admodum, cancerosam, totius corporis habitus ex adustus arrabulariis humoribus, à jecoris & lienis infectione potissimum provenientibus genitam*: Hinc *Paulo Aegineta lib. 4. cap. 1. cancer universi corporis dicitur: Avicenna verò Fen. 3. tract. 3. cap. 1. est morbus*

corrumpens complexionem, & formam, & figuram membrorum, proveniens ex multa asperione cholerae corruptae ad totum corpus: *Cachexiam* ergo *judam* pronuntiamus hunc morbum, quatenus universalis est corruptio nutritionis, à depravata *ajumore* proveniens, quam non tantum calida sicca viscerum *disrupta* gignit, sed specifica venenata qualitas concutit, cujus ratione merito morbus hic occultus & à tota substantia vocatur *Fallopio, Palmario*: Qua ratione diu delitescit priusquam se prodar, nec ejusmodi conjecturam principium ejus exhibet, ut alii morbi, quos intemperies manifesta & putredo communis humorum introducit: Dicitur autem *contagiosa admodum cachexia*, quod non tantum fomite & contactu, more luis venereae, sed etiam halitu alios inficiat, quatenus seminaria ejus in adusta materia consistunt, Causam continentem statuimus *specificam & venenatam spiritum. jecoris & Lienis*, quam aliqui malignam temperaturam huic malo propriam dicunt, cujus ratione talis depravata sanguinis & reliquorum humorum elaboratio: Quanquam vero calidam siccam intemperiem *Avicenna* & alii accusent, sanguinem crassum & tocculentum scilicet adurentem, adeoque causam materiale proximam, producentem, cujus ratione morbus ipse, tanquam principis vitalibus admodum contrarius, frigidus atque siccus dici queat, Non tamen haec sola sufficit, sed necessario simul substantialis occulte corruptiva qualitas, huic malignitati leprosa propria, ponenda venit, quae varia nihilominus symptomata generat, quatenus cum humoribus diversis complicari solet, quod *Avicenna* quoque innuit, dum dicit Lepam magis fixam plus noxiam, & difficiliorum accidentium esse quae fit ab adustione bilis, illa quae fit à faece sanguinis: *Paulus & Medici Graci*, duplicem statuunt ex hoc fundamento Elephantialin: Minus malignam, ex hoc humore maligno adusto: Deteriorem, ex flava bile, per adustionem in atram permutata, His tertia solet addi, *subalbida*, quando cum melancholico humore simul pituita salsa miscetur: Talis causa *Continens* & proxima triplicem originem habere potest, Est enim interdum *hereditaria*, ab impuro parentum vel avorum semine communicata, quatenus hic morbus ex eorum est numero qui firmas obtinent radices, quibus posteritati quoque communicari possunt, Interdum *Contagio* quoque malum contrahitur, ubi maxime locum habet congressus venereus, in quo massae sanguineae quaedam effere



effervescencia fit: Tertio sponte quoque proprio vizio contrahitur Elephas, cum possibile sit ut in corpore humano qualitas venenata generetur: Hic omnia quæ melancholici humoris malignam generationem juvant perpendenda veniunt, ubi primum externæ causæ recensentur, æris scilicet ambientis constitutio sicca, tam caliditate quam frigiditate excedens, quatenus illa sanguinem adurit, hæc incrassat & perspirationes prohibet: Hinc tam in calidissimis regionibus, ut in Alexandria, quam in frigidioribus, ut pote septentrionalibus, frequens est morbus, accedente simul victus ratione, quæ alias secundum locum obtinet inter causas externas: ubi omnia illa quæ adustos humores augere possunt observantur, qua ratione *Forestus* etiam ambiente aëre frequenter humiditate prædito, nihilominus in *Batavia*, propter salisatum carniem, & plurimorum salamentorum corruptorum ac piscium non bene salitorum usum, plurimos Elephanticos fieri statuit: Imo *Fallopium* etiam hodie in Gallia & Germania Lepram potius ratione victus quam ambientis æris causâ fieri statuit: Adde his ex rebus non naturalibus eas quæ quæcunque ratione causam adustioni, & corruptioni humorum præbere possunt, præsertim conluctarum vacuationum, ut sunt fere mensum & hæmorrhoidum suppressiones &c. At sicut externa causâ nunquam morbum producit nisi interna interveniat, ideo dictæ minime sufficiunt, sed requiritur ut internæ antecedentes concurrant: Ubi sese offert omne illud quod efficientis, & collectionem adustæ peccantis materiæ potest augere, tam respiciendæ *Diaporesis* viscerum concoctionis secundæ malignam, quam superabundantes humores ad adustionem atrabilariam promptos: Quid ergo mirum erit, si propter nativam labem hepatis venisque impressam à prima nativitate, pederent sanguis & spiritus simili malignitate præditi conficiantur: Quid mirum si atrabilariis morbis ita debilitentur viscera, ut sponte sua postea proclivia reddantur ad ejusmodi succos malignos producendos, idque eo magis si symbola victus ratio, vel æris ambientis constitutio, vel denegata superfluum solennis evacuatio concurrat? Quid mirum si per contactum impurum, per communia pocula, quippiam malignitatem illam attrahat, ita ut consequenter spiritus atque sanguis, pederentim vero lecur etiam, & alia viscera ita contumpantur, ut exinde totius temperamentum ad naturam leptosam immutetur?

*Vix ulla desiderabantur indicia.*] Quo cognitio morbi (qui non immerito vocatur occultus) appareat, lubet subiicere modum quo in examine Leprosorum ipse uti soleo quando ad magistratus nostri mandatum pronuntiandum est: Primo nomen proprium, cum familia parentum, & ætatem annotamus, eoque ipso inquirimus num forte parentibus vel avis leprosis genitus fuerit: Deinde quo vitæ genere utatur, quoque sodalizio hætenus usus sit, Num forte per contagium aliquid contraxerit: 3°. Quibus morbis alias obnoxius fuerit, simul temperamentum & constitutionem naturalem ante morbum recolligendo, Ubi una etiam conluctarum evacuationum forte suppressarum mentio facienda: Tandem 4°. Lædentiæ & juvantia consideramus, inquirendo in regionem, habitationem, victus rationem præcedentem, & similia quæ adustionibus atrabilariis ansam præbere possunt: Hoc facto,

quoad interna symptomata, functionum naturalium, vitalium & animalium constitutionem perpendimus: Quoad naturales actiones quærimus 1. An *vultus* frequenter adsint ventriculi, 2. An alvus p. n. sicca 3. *Urina* num frequenter subjugalis, varia, quam tamen fallax signum stutuunt multi, licet *Læmmius* 2. de oculis cap. 52. ubi plumbi cineres in eadem natantes pro certo signo ponat, 4. Num impetus in *Venerem*, affligat, 5. *Sudor* & *exspiratio* num fetida: Quoad Vitales 1. Num *Pulsus* frequenter debilis & varius. 2. num *Spiratio* difficilis 3. cum *angustia* pectoris 4. eaque tætiditas Quoad Animales. 1. Num adsit *segnities* totius. 2. Torpor sensuum 3. Externorum refrigeratio 4. *diaporesis* cutis. 5. Motus difficilis 6. Somnus gravis, Incubus, 7. Somnia perturbata, 8. Pusillanimitas. 9. Num *Pruritus* aliquis sub cute instat fornicarum, seu lassitudo ulcerosa: Quibus diligenter inquisitis, denudatis partibus omnibus 1°. caput inspicitur, num pili capitis leviter decidere incipiant, num subtiliores redditi in barba, superciliis ac palpebris cadant, & in radicibus extracti carnis quippiam secum auferant? Num *oculi* rotundi, torvi, aures acuminatæ, labia crassa, nates exterius tumentes, interius occlusæ & ulcerosæ, facies tuberculis inæqualiter tumida, coloreque rubicundæ ex livore tincta? Num sub Lingua *Varicum* instat intumescentes venæ, cum tuberculis grandinum instar, quæ in angulis oculorum sæpius etiam observantur? Num cutis unctuosâ, ut arisam aquam non recipiat? Num sub ea *Tubercula* fere inensibilia, præsertim post aures, circa extremitates etiam & crura? Num eadem instat anserum deplumatorum, vel filluris horrendisque rugis corium elephantis referat, vel verrucis grandinem suillam æmulantibus scateat, vel morphæa, impetigine, scabie sicca & insanabili constet? Num articuli nodos? Num extremitatum partium musculi, præsertim prope pollicem consumpti: Num ungues incurvantur? Num puncturas per Chirurgum acu factas in cute sentiat? Num ulcera fætida & cacoethe habeant? Num digiti pedum & manuum *fissuris* & *ulceribus* fætidis, laborent? Num *vox* rauca & obtusa? Quibus omnibus inquisitis, ubi etiamnum incerti sumus *Vena seltionem* instituiamus, ut in sanguine observari possit num sit crassus, adustus, fæculentus, pinguem quasi superficiem exhibens, qui per pannum colatus arenolum quid post se relinquat, quippe cum sale & aqua parumper mox permixtus, non facile dissolvatur (præsertim cum intendi una cum aqua gelatinæ modo congelari solear, quod *Marc. Donatus Histor. mirab.* lib. 1. cap. 4. observavit) nec etiam additione additi promptè misceatur, sed potius effervesceat: His igitur æquivocis etiam signis ex parte tantum, una cum iis quæ ab essentia morbi sumuntur, præsentibus, Elephanticum morbum iudicabis, eumque tanquam incurabilem, à contagiosa Lepra præditum à consortio sanorum separandum esse statuimus.

At si desint *univoca* morbi signa, etiam si scabies sicca, fæda cutem afficiat, eamque pustulis majoribus exasperet, duriores tumidioremque reddat, exedat, findat, in eaque furfures producat, nondum *Elephantiasin*, sed potius *Psoram Græcorum*, pronuntiamus, Imo si in peius adhuc malum illud progrediat, ut maximo cum pruritu & corporis *ætopia* caro sub cute simul exedatur, cutisque non solum in furfures, sed etiam squamulas resolvatur,

nunc



nunc crassiores nunc tenuiores, maxime circa pilosas etiam capitis & faciei partes, Lepram Græcorum inde colligimus, plurimum adhuc ab ipsa Elephantiasi differentem, ut pote quæ sæpius curationem admittit, nec ita contagiola statuitur, quamquam procedente tempore in Elephantiasin veram mutari possit. *Gregorius Horstius Observat. lib. 7. Observ. 18.*

*Affectus primordia &c.*) Hippocrates morbos distinguit ex Sexu, ex Aetate: Aetate: ante xiv. annum *Leuce*, seu Lepra alba & *Cancer non affligit, nisi sit congenitus affectus*, ac si dicat, se prodit non merito ætatis sed alia ratione: Hic morbus ætate nil

impediente se prodit: A xiv. ad xlii. omnes morbi se produnt, ait Hippocr. à 42. ad 63. (annus autem 42. notat annum climactericum secundum) stuma non adit: *Ralloni loco citato.*

*Capillitium omne.*) Quod ad sexum attinet, *Hippocr.* ait mulieres non laborare Podagra: *Seneca* addit Desluvium capillorum, quo mulieres non laborant (id tamen apud Hippocr. non legitur) Tamen *Aristoteles* ait mulieres non fieri vitiliginosas, & ob menstrua & cutis densitatem, Tamen his morbis laborant mulieres, non quod mulierum natura sic mutata, sed vita, *Idem Ibidem.*

## OBSERVATIO II.

*Pfora laborans in cysti fellea lapidem habuit.*

Oriuntur lapides in animalibus duobus modis, altero quidem à frigore, ut in limace &c. altero à calore, ut in taurorum vesica fellea sæpe, & in hominum etiam aliquando: Nam inventus est annis ab hinc paucis ante lapis in vesica fellea hominis, eo scabiei genere quod Lepra vocatur laborantis. *Cardanus lib. 7. de subtilitate.*

## S C H O L I A.

**A**B obstructione Vesicæ felleæ & ad pororum choledochorum Icterus induci palam est, quia scil. bilem non segregant, quæ sanguini remissa in habitum diffunditur; Atque ut varia est bilis conditio & acrimonia, sic vel Icterus, simplicemque cutis defædationem invehit, vel scabiem aut pforam inducere apta nata est: Quamdiu eadem intra sanitatis limites consistit, excreticem intestinorum promoveret, si insigni acrimonia prædita sit, Dysenteriam etiam num parit.

*Pfora.*) Pfora sive scabie, in variis & crebris totius corporis locis, cutim pustulis sive eruptionibus exiguis, modo siccis & sæpe squamosis, modo humidis & ad ulcerationem dispositis, cum pruritu valde molesto infestat: atque huiusmodi affectio proprii si ne istius partis morbus est, ut pote quæ in ipsa cute propter contagium externum sæpe incipit, & frequenter per remedia quædam tantum cutanea sanatur, saltem utriusque ratio eareus tenet, ut raro aliter perfecte aut suscipiatur aut curetur.

*Pfora*, sive scabies vulgo describitur esse Pustularum in toto corpore sparsim eruptio, ab humore acris & falso, intra poros cutis aggesto procedens, & exinde ut discutiatur, ob pruritum insignem, scalpendi necessitatem inducens.

Ut morbi huius causas & symptomatum rationes rite investigemus, paulo altius de materia *supra*, & causa ejus conjuncta inquiremus, nimirum ut innotescat cujusmodi sit humor iste intra cutim aggestus; quo pacto illic aut generetur, aut aliunde adveniat, dein quibus poris aut loculis contineatur, & quomodo foras erumpere nitens pruritum adeo molestum cieat.

Itaque circa huius morbi ortum, ut non cum veteribus jecori, vel lieni, culpam nimium imputemus, materies ejus non esset quilibet humor singularis, e quatuor vulgo suppositis, videl. non pituita, non bilis flava, vel atra, nec etiam ipse sanguis per se extravasari aptus; porro nec illa è duobus vel pluribus horum simul mixtis constare videtur: Enim vero ut dentur tales humores, ex iis tamen si morbus hic semper constet, non ita facile per iterum & leve contagium suscipi, aut litu solo curari possit: Quamobrem potius opinari fas sit materiam morbificam esse humorem lymphicum, in glandulis cutaneis

constanter residem, attamen ab indole sua gemina, scil. salino volatili in acidam aut alias vitiosam degenerem: Enimvero cum huic ita depravato, & perpetim evaporanti, supplementa continua à sanguine adveniant, latices isti, vetus & recens, non facile congruunt aut uniuntur, ac salium dissimilium ritu mutuo effervescentes, in materiam recrementitiam coagulantur, quæ poros cutis implens ac distendens ubique passim in tumores attollit; insuper sanguinem in transitu nonnihil impedit & extravasari cogit: Hinc Pustulæ crebræ excitantur, & quatenus materies ista in ichorem faciens, à sero & sanguine subsequenter usque prorsum & foras urgetur, in moleculas assurgunt, dein spiritus animales fibras nerveas, ut ichoris istius excretionem promoveant, inordinate subeuntes, molesti Pruritus sensum efficiunt.

Profecto humorem quendam lymphicum in glandulis cutaneis, quæ singulis foraminibus sudatoriis subjacent, propter usus quosdam recondi; quin & juxta copiam, & morum ejus diversimodum, glandulas has plus aut minus turgidas existere inspectio microscopica detegit planissime: Latex iste à sanguine per arterias in glandulis, hinc deponitur, nempe ut sarcinula hac exuta, facilius iste per venas redeat, interim illic repositus suos usus habet, scil. imprimis papillas miliares, quæ cum fibrilis suis nervis substratæ proprium Tactus sensorium sunt, continue madefaciens, ab ariditate, qua sensatio impeditur præservat: Insuper idem effluvia adusta à sanguine accenso perpetim decedentia, juxta cutis transitum humiditate quadam imbuunt & halituosa reddunt: dumque adeo laticis huius pars cum sanguinis effluviis continue evaporat, impendia ista per lympham, usque recentem à sanguine arterioso (uti dictum est) jugi exuram reparantur.

Attamen hæc cutaneæ regionis æconomia non ita regulariter usque servatur, quin humor iste glandulosus, ab indole & functione sua desciscens, non modo in cute, sed interdum in toto corpore affectiones præternaturales diversimode excitabit: Hic lentescens, inque loculis pertinacius hærens, diaphnoon obstruit: Ab eo nimis ubertim foras exudante, sudario immodica: Ab eodem intus restagnante diutius debito copiosior procedunt: Porro ad scabiem & emptiones pustulolas quod spectat, humor iste cum pluribus, ita

potissimum tribus hisce modis depravari, proindeque diarthesin cum sero à sanguine recens affuso coagulationem inire solet, videl. 1°. Ipse sanguis valde impurus, simulque dissolutus, corruptelas & recrementa sua ubertim in glandulis cutaneis relinquit, quæ ibidem fermenti magis corruptivi naturam induentia, cum siccis aliis adventitiis, aut pertransluentibus efferveiscunt, & varie coagulantur, adeque non solum affectus *Scabiei*, verum & leprosos diversimodos pariunt: Hinc piscium cruitatorum, quin etiam aliorum, & quadrupedum salitorum, & sole aut fumo induratorum comestio crebra & assidua, item porus incongrui, & pharmaca venenata assumpta, eruptiones cutaneas passim, & non raro horrendas ciunt.

Secundo humor glandulis cutaneis aggestus, interdum mera stagnatione non tantum *Scabiei*, sed etiam frequenter *Lepra* evadit, quare non tantum diu incarcerati, sed etiam qui vitam sedentariam agentes, squalori insuper & pædori assuefunt, prædictis affectibus obnoxii degunt: quatenus nempe latex cutaneus minime eventilatus, liquorum putrescentium ritu, mera stagnatione corrumpitur, adeoque fermenti *Lepræ* indolem adipiscitur, cui insuper à sanguine, perinde etiam depravato, putredinis complementa accedunt.

Tertio, si forsitan hæ causæ defuerint, ut cutis humor Glandulosus nec à sanguinis vitio, nec propria stagnatione labem ullam contrahat, attamen in auna virulentum ab extra communicatum, cum quoad morbos istos nihilominus prolificum reddi. Ex observatione maxime vulgari hoc liquido constat, in quantum maxime sani, & constitutione optima præditi, vix unquam in eodem lecto, ubi scabiosus simul decumbit, aut nuper decubuit, impune dormiunt, nec ita tantum, quin & scabiosorum ludaria aliis in eodem lavacro lotis, ejusdem sæpe affectus contagium im-

petiunt: Nullius certe morbi labes (peste tantum excepta) facilius aut certius quam Psoræ propagatur. Quod si hujus ratio inquiratur, statim occurrit liquorem miasmatis *Scabiei* susceptivum ad illud maxime exponi & facillime disponi, ad utrumque certe multo promptius quam aut sanguinem aut succum nerveum: Enimvero cutis latex glandulosus, in extrema corporis superficie scatens, atomos quascunque per foramina & meatus ubique patentes intromissus primo imbibit & à sanguine anticipat: Porro quod ite à contagio scabioso tam cito inhiatur, faciunt tum fermenti communicati activitas, tum liquoris glandulosi ad degenerandum eo modo proclivitas. Enimvero effluvia à cutis scabiosæ efflorescentis decidua, satis apte comparantur cerevisiæ floribus, summmitatem ejus quasi pellicula extrema occupantibus: quorum si portio perquam minima inde dempta alteri cerevisiæ novellæ infermentatæ committatur, totam illico massam quantumvis magnam fermentat, ac in liquoris unde adimitur indolem commutat: Magna certe energia est quam particula, utcunque minimæ ac paucæ, ad summam activitatem evectæ præstare valent, præsertim vero si in liquorem (cujusmodi est cutaneus) è particulis subtilibus cujusque generis, tum à sanguine tum à succo nerveo delibatis constatum, proindeque citissime fermentari aptum incidant: Ubique igitur miasmatis prædicti effluvia corporis sani parti cuius externæ impingentur, imprimis humorem cutaneum tantum illic loci constitutum inficiunt: deinde vero hujus ita infecti particulae, à sanguine venoso susceptæ, & mox arterioso traditæ, per totum corporis habitum diffunduntur, adeoque brevi humoris istius totam massam coinquinant, & *Scabiei* efficiunt.

*Willis operis posthumi scilicet.*

3. cap. 6.

### OBSERVATIO. III.

*Pedes Leprosi, vesicis obfiti, ob corruptionem omnium viscerum, solo salvo corde.*

Georgio N. longo cruciatu & morbis detento, ampullæ ac vesicæ ovi columbacei magnitudine in pedibus enatæ sunt, qui tandem magis quam in Leproso squallidi facti sunt. Dissecto corpore, solum cor illæsum fuit, cæteræ partes erant putrefactæ: vesicæ meatus obstructus, adeo ut bilis reciproco gradu spinam dorsû perforando ad pedes deflueret. *Vide lib. 2. tit. de Phthisi.*

### SCHOLIA.

**P***edes leprosi, vesicis obfiti.* Scabiei cum pruritu nonnihil affinis est affectus alius ob pustularum eruptiones, qui communiter *Imperigo*, à quibusdam *Lichen & Vitiligo*, atque ab aliis *Lepra* Græcorum: Hic uti diversa sortitur nomina, ita eadem ab authoribus varie applicantur, & ab his morbi unam speciem, & ab illis aliam designare perhibentur: Quare cum affectus hujus appellationes varie confundantur, & forsitan quoad naturam, & rationem ejus formalem in diversis regionibus diversimode habuerit, neque prorsus idem sit in nostro hoc sæculo ac fuit olim, idcirco non ex libris, sed ex propria ægrotantium observatione morbum hunc describere satagam.

*Imperigo* ad hunc modum exoriri & afficere solet, videlicet imprimis papillæ, sive pustulæ rubræ, modo singulares, modo plures simul congestæ, in variis corporis partibus, præsertim vero in brachiis aut cruribus excitantur, quibus singulis, (morbo incrementum sumente) undique novæ adjunguntur, & brevi ejusmodi molecularum plures velut aggeries,

sive corymbi sunt: Etenim papillæ juxta unamquamque stirpem, primo in dies erumpentes, & latius ulque serpentes, sese in orbem diffundunt, adeoque exanthematum aggeries quasdam ampliari faciunt: Cujusque harum superficies aspera, & nonnihil albida & squamosa apparet, unde, si scalpatur, squamæ decidunt, & ichor sæpe tenuis exudar, qui tamen mox exsiccatus, in squamam rursus crustaceam indurefcit: Hi papillarum corymbi primo exigui & pauciores existunt, in brachio aut cute, aliove membro singulari tres forsitan, aut quatuor ad magnitudinem denarii, aut semidrachmæ apparent: postea vero, si morbus crescere sinatur, crebriores ubique erumpunt, quæ quidem, quoad arcas sensum auctæ, postea coronam argenteam æquant aut superant, verum non semper rotundæ, aut figuræ regularis, sed variiformes existunt: Porro in hoc itatu non sistitur, sed affectus, nisi per medicinam cohibeatur, in pluribus ulque locis ebulliens, & latius ubique serpens, tandem haud solum



Solum membra integra, sed & totum corpus vitilagine leprosa obducat: atque hanc impetiginis speciem, live gradum potius limum, veteres propter efferationem ejus *scabie* appellarunt, & plerumque incurabilem censuerunt.

Hinc morbi hujus differentie precipue immorescunt, & imprimis quoad morem ejus plus aut minus malignum distinguitur, juxta quod propius ad scabiei aut leprae naturam accedit, vel statu medio se habeat: Insuper notare est affectum hunc quandoque membra quaedam singularia, uti brachia forsan, aut crura, corporis partibus reliquis intractis infestare: Interdum vero in iis omnibus simul incipere, & ubique sparsim papillas, aut earum corymbos excitare: Porro hujusmodi eruptiones in quibusdam temporariae, adeoque diversimodae existunt; namque in his fere tantum in hyeme infestant, circa aetatem evanescentes: Item contra in aliis, quasi brumam horreant, hiemini adventum & exitum observare solent: in aliis vero plerisque hic morbus continuus nullas inducias concedit, imò nullam remissionem, vel mediocritatem habet.

Porro Impetiginem à morbis aliis affinis, atque imprimis à scabie & lepra distinguere oportet: A priori differt quoad pustularum formas; namque in psora ubique fere singulares, & sparsim, licet exiguis, ab invicem remotae existunt, hic plures conglomeratae, & quasi per racemos magnis intervallis distinctas, erumpunt: Verum inter hos affectus discrimen maximum inde nascitur, quod scabies per contagium facillime, & vix aliter exoriri aut propagi soleat, Impetiginis vero infectio tam rara aut nulla est, ut miasma à viro in uxorem, aut ab hoc in illum assidue concumbentibus minime transeat. Hic morbus etiam à lepra discriminatur, tum quoad eruptionis formam, tum respectu contagii, quod in hac pariter activum est ac in psora, ipsaque *effratio* multo inmanior & horrenda est, videl. crustacea & squamola; ubique continua & per totum corpus diffusa:

Hinc constat Impetiginis causam materiale non esse humorem mere cutaneum; propter miasma ab extris susceptum, aut ob alias occasiones depravatum & à crasi sua degenerem, quia nimirum non, uti in psora per contagium aliis facile communicatur, neque statim per totum corpus dispergitur: At vero pustulae circa morbi initia primo erumpentes, inde procedere videntur, quod in massa sanguinea concrectiones quaedam acido salinae (instar tartari in vino) contingunt, quae cum subigi, aut rursus dissolvi nequeant, hic in cutim, quemadmodum illic in dolii parietes depelluntur: Hujusmodi concrectiones, donec parvae ac pauciores fuerint, in membro forsan uno aut altero, perque unicum aut alterum forsan arteriae ramum in cutim convehuntur: Dein quatenus natura eundem quem coepit excretionis modum continuare solet, materies per eadem vasa ad eisdem ubique nidos advecta, juxta pustulas primas, aliarum circummelra confitutum aggeries facit: Postea vero cum sanguinis dyscrasia in dies aucta materies ista tartarea intra massam ejus uberius progignitur, plures ejus portiones per arterias alias, & subinde alias exterius convehuntur: & propterea pustulae etiam plures, tum in eisdem, tum in aliis etiam membris erumpunt, quas nova materies per easdem arterias continere accedens, & juxta positionem pustularum aliarum adjectione in dies ampliat,

ac undique dilatat, & demum si hujusmodi sanguinis tartarus in immensum accrescat, per plurimas, aut simul omnes arterias extra delatus in cute defigetur, & processu temporis superficialium ejus omnem incrustatione squamola, aut plane leprosa obducat: atque tunc humor ipse cutaneus per totum corruptus, in morbi partes cedit: namque hoc sanguinem & humores, dum inter circulatorum pertranseunt, magis inquinando, seu potius venenando, materiae morbificae penum augeri facit; quin etiam effluvia *contagiosa*, & corruptiva à se dimittunt, ejusdem morbi contagium aliis tradunt.

Itaque affectus hujusmodi causa tum praeternaturalis tum conjuncta, in eo consistunt, quod imprimis absque ullo tunc vitio; sanguinem particulis salinis diversimodi status ac indolis saturari contingit, (in cuius diatheticos causas *proprie* mox inquireretur) atque salia ista, praesertim ubi fixa ac acida prepollent (uti eorum mos est) se mutuo prehendunt, adeoque in coagula quasi tartarea concreverunt, quae portiones in sanguinem protrusae, papillarum eruptiones, quasi totidem hujus morbi nidos inchoant: Dein illae sensim juxta materiae supplementa, tum numero tum magnitudine, in dies auctae, morbi hujus initium, incrementum & augeo producant.

*Morbi deinceps* Ad causas *proprie* & evidenter quod spectat, duo sunt praecipua occasionum genera, à quibus hic affectus plerumque originem sumit; scilicet mala victus ratio; & morborum aliorum, uti imprimis Scorbuti ac luis Venereae mala aut minime curatorum miasmata in corpore relictas: Quoad prius, praeter communes circa dietam inordinationes, quibus nonnulli carnium salitarum, dein & sole aut fumo induratorum esui; simulque vinorum acidorum potui nimis dediti, hunc morbum facile contrahunt: Insuper vulgaris observatio est plures in eum à carnis porcinae, & piscium praecipue crustaceorum, comestione nimis crebra aut assidua disponi: Hinc opinari subest utrumque cibum, live qua rancidus live alias improporionatus, sanguini nostro particulas non rite miscibiles, aut facile domabiles convehere; quibus ita heterogeneis, & deia longo talis dietae usu in magna copia aggestis, particulae cujusque generis salinae se facile associant, adeoque coagula tartarea in cutim exterminanda, & affectus Impetiginosi aut Leprosi semina constituunt: Attamen ubertima eius origines à Scorbuti, ac luis Venereae miasmatis in corpore relictis, & demum quodam salium ac sulphuris effratorum combinationes ad *proprie* effectus progignitur: Morbi prioris, & speciatim symptomata praedictis, eidem *proprie* rationes alibi explicavimus: Atqui luis venereae inveteratae, imò interdum curatae, ita passim accidit ejusmodi eruptiones pustulosas supervenire, ut nullus fere hic affectus, morbi istius pudendi suspitione careat, saltem Medici, quoties in tali casu consulitur, prima statim quaestio est, an non patienti iste habem veneream aliquando prius contraxerit? Enimvero sanguinis corruptelae, postquam diutina mora heterogeneae prorsus ac indomabiles sunt, tandem particulas salinas sibi consciscunt: quibuscum in coagula ejusmodi tartarea concreverunt, ac in cutim protrusae, exanthemata Impetiginosa prodant. *Willis libro cit. cap. 7.*



nasi extremitate, à visceribus sphacelo tactis. 8. Rubor genarum à Pulmone tumido, exeso, &c. 9. 10. 11. 12. 13. 14. 15. 19. Pactor totius ab ingenti in Pancreate abscessu. 16. Vultus rubor ab abscessu in exteriori Renis parte. 17. 18. Facies albida cum genarum rubore fugaci, à Pulmone sinistro vitiato. 19. Faciei pallor à Pulmonum vitio flaccidorum, lividorum. 20. A viscerum omnium corruptela. 21. Ab hydropse thoracis, Pulmonum syderatione. 22. Facies turgidula, pallida, à vitio Pulmonis sinistri. 23. Pallor vultus à vitio hepatis. 24. Chlorosis in virgine cui testis sinister sero subflavo refertus; &c. 25. Color vultus plumbeus, ob vitium Lienis scirrhusi. 26. A visceribus omnibus simili colore infectis. 27. Livor tergoris in cadavere ab assumpto arsenico. 28.

§. I. **P**Vella uno aut altero anno insigniter Palluerat, Ingens Pulmonum albedo molliciesque reperta. Lib. 3. tit. de Hysteriis affectibus.

## S C H O L I A.

**O**Mnium Discolorationum, tam generalium quam particularium, Commaculationum & Macularum in cute causa proficiscuntur vel ab Humoribus, ut Semine, sanguine Succo nutritivo, Bile, vel à pravis humoribus, aut sordibus, aut aliis commaculationibus; vel à calore, frigore aut siccitate. A Semine sicut Deformationes aliquas in partium numero, magnitudine aut figura contingentes ab ortu proficisci in deformatione ostendimus, ita & ab eodem Discolorationes aliquæ & maculae Hereditariae cum sortu in lucem quandoque prodeunt, &c.

A Sanguine cutem carnemque subiectam possidente atque irrigante (quod naturaliter fieri solet; cumque non solum in venis capillaribus cutaneis colligi, sed & propriæ cutis carnisque substantiam eodem imbui in phlegmone describenda ostendimus) uti genuinus cutis color ad rubedinem non nihil inclinans; & per cuticulam non parens exurgit, vel etiam quædam rubedo in certis locis prodit, ut in labiis & glande; ob fungosam quidem illorum carnem, sanguine copiosius irrigatam, Glandis vero sanguine arteriolo cum tumere debet, perfusam: atque *Malis*, quas in quibusdam naturalis sanguis magis quam alias sedes cutaneas occupat, Sic si plus solito in superficiem corporis feratur, rubicundior adhuc color in illis nascitur; in *Ruboris* generalis specie dicta: In qua tamen rubedo in facie, quæ ob teneritatem & laxitatem sanguinem facilius incipit, magis elucescit.

Quæ uti à Sanguine in superficie corporis consistente eveniunt, sic & ex illius Defectu in huius locis, colore vivido amisso Pallor inducitur: qui illis in locis quæ ex sua natura magis rubere debebant, illis minus rubentibus *Lividus* apparet; ut in *Faciei malis*, Labiis & Glande, uti & in Unguibus, qui cum ob subiectæ carnis ruborem, per illos; cum perlucidi sunt, sanguine illic deficiente, livere dicuntur: Describuntur autem hæ sedes externæ sanguine, si ille per i medias, morbores, hæmorregias, morbos absumatur: Vel si alioquin inde refugiat, tamdiu donec ille rursu redeat, pallent: Sicuti & à frigore externo cum repellente, accidit cutem in frigentibus minus coloratam reddi quam cum caler, atque illis quorum *Malis* rubebant, sanguine ex frigore velut congelato, eas tunc lividas plumbeo vel colore tinctas apparere.

A sanguine quin etiam *Macularum* diversæ generis prodeunt, prout ille diversimode se habet, inprimisque quatenus vel in veram cutem diffunditur, vel potius saltem, aut sub cuticulam se insinuat: In veram cutem sanguis Fervidus & accensus, in febre

synocha diffusus Erysipelas efficit; nonnunquam & Ecthymata: Quod si ab aliis causis internis extenuisve, sanguinem allicientibus aut expellentibus ad cutem se diffundat, rubras alias Maculas procreat. Imprimisque illa rubedo faciei quam *Gurram Rosaceam*, vocant, quæ uti à causis dictis potest procedere, ita à vini frequentiore & immoderato potu contingit, quod inde visceribus sanguificationi destinatis sanguineque ipso plus solito incallescuntibus, ille in tota hæc; ob naturam illorum ad suscipiendum idonea, copiosius & frequentius delatus sanguis, eoque creberrime irrigando tandem ruborem hunc permanentem pustulæque procreat. Fit quoque ut si sanguinis, portio aliqua acrior ad cutis aliquam sedem elabatur, eam exasperando; & nonnihil rodendo; Maculas illas inæquales subrubentes quoque pariat, quas *Impetigines* vocant.

Ad Poros saltem cutis sanguis allicitur; inque totum ambitum exiguo tantum spatio se diffundens, Maculas parvas quandoque gignit: Quod uti à prioribus causis quoque potest accidere, ita in sudoribus, sanguine interdum tum sero ulterius ad poros delato & hærente, ejusmodi maculae post eos remanent: Sub Cuticulam, si sanguis è vera cute, in qua naturaliter etiam consistere dicimus, erumpat, tunc extra suam sedem delatus, cum remeare in eam amplius nequeat, illic subsistens, & per cuticulam transparentem, maculas eas coloris sanguinis à natura derelicti, & proin nigritantis vel concreti repræsentantes, & in *Sugillatione* dicta apparentes, efficit; &c. Hujus autem sanguinis eruptionis sub cuticulam causa frequentior est contusio in vera cute, vel venulis illius facta, per quam soluta illius continuitate intrinsecus, sanguis et ea sub cuticulam fertur: A calore tamen summo extrinsecus intrinsecusve in morbis occurrente; & cutem nimium dilatante, sanguinemque fundente allicienteque, puncta quædam ejusmodi *cruenta* aliquando sub cuticula, sugillationis instar apparuisse vidimus: quod & ob sanguinis tenuitatem ierositatemque accidere potest, si ille ad poros cutis effusus non exsudet, sed illic veluti guttatim sub cuticula effusus persistat.

A Succo nutritivo, ex sanguine partibus assimilato genito, & generali Discoloratio, & *Macula* diversæ oriuntur prout ille transmutatus, vel universum corpus pervadit, vel ad certas saltem partes perfertur.

Universum corpus pervadens & nutrens succus crudus, seu imperfecte coctus, totius corporis vividum colorem destruit, aliumque accersit in Cachexia dicta, cujus diversæ species, prout vel tantum crudus,

duo, aut simul etiam stipes vel vitiosus existit, exsurgens &c. Hæc autem sanguinis cruditas, vel etiam vitiositas, si cacochymia simul adsit, nonnunquam ab alimentis originem trahit, si calidius continuus sit usus, quæ ejusmodi succum crudum, vel vitiosum aut aqueum gignere possunt.

*Viscerum seu Patrum chylosi & sanguificationi* destinatarum affectarum causa, crudus ille succus cachexiam gignens, uti & malus succus cacochymiam procreans, oritur accumulaturve, cujusmodi sunt ventriculus, hepatis, lien, ipsisque adnexa vasa membranæque: Ventriculi enim intemperiei, imbecillitatis, aut alterius affectus causa, si concoctio fiat imperfecta vel viciata, imperfectus quoque & crudus gignitur chylus, qui postea in secunda coctione, cum non sufficienter elaborari possit, similem producit sanguinem, eoque magis si viscera secundæ coctionis labem quoque aliquam patiantur. Hepatis, lienis, venarumque vitio, cum hæc ad sanguinis generationem faciant, sanguis imperfectius elaboratus, crudus, vel vitiosus aut aqueus gignitur: Hepatis quidem, cum instrumentum sit sanguificationis, dein & lienis morborum causa sanguificationem impediri, vel eo solo comprobari posse existimamus, quod hepate penitus sano, tamen lien male affectus, *Sicut Sectio hoc sapienter patefecit*, sanguificationis noxas enarratas, uti & hydropem sæpe procreaverit: Dein & venarum affectarum causa, cum ad sanguinis elaborationem opitulentur, sanguis minus absolute concoquitur, crudiorque remanet: Morbi vero hepatis, lienis, venarumque accidentes, unde imminuta sanguificatione crudus sanguis, indeque cachexia gignitur, vel sola vel vitiosa accedente simul chymo, sunt imbecillitas, intemperies, Obstructio, durities aut alia læsio. &c.

Certis tantum partibus communicatus succus nutrit, Maculas in illis diversas efficit, prout vel poris cutis, vel divisioni alicui ejus se insinuat. Ad poros cutis succus qui pilos illi infixos alere debebat, deveniens maculas, quas *Lenes* vocant, frequenter producit: hic enim illis prius assimilatus, coloreque antequam illorum radicibus apponitur nonnihil correspondens, si ab iis ulterius in pororum ambitum

aliquousque dispergatur, maculas ejusmodi colorem fuscum plus minusve ad pilorum colorem, dum illis assimilatur, adipiscitur, nonnihil inclinantem procreat &c. A succo pilos nutriende, potiusque se insinuante, si vitiosus sit, maculæ, quas *vitiosas*, seu *Alphas* vocant, prodeunt, quando illic ad poros delatus, ob vitium ad pilos alendos inutilis, in ambitu illic pororum, se in cutem exiguo spatio circumfundens, maculas ejusmodi pro succi pravi diversitate gignit: Talis succus vitiosus ex depravata assimilatione illius loci, ubi maculæ hæc sunt, prodit, perquam sanguis ille, qui ad nutritionem eo deferretur, non in succum convenientem, sed pravam locoque depravato similem &c. quo deinceps fovetur, vitioseque nutritur, convertitur, eadem fere ratione ut in Elephantiasi &c.

*Asitis*, quæ colore eximio prædita est, si ad superficiem corporis feratur, hæc simili colore tingitur Ictericæ cujuscunque causa esse potest &c. *Vide de Ictero lib. 3.*

A pravis humoribus in morbis malignis variz maculæ generantur, ut in febribus malignis, pestilentialibus, venenatis, lue venerea &c.

*Calor*, non solum sanguinem alliciendo vividum vel rubrum colorem, friguse eundem reprimendo pallorem corpori conciliat, sed & calor quia cutem dilatando, ut per eam sanguineus color melius elucescat efficit, & frigus eandem constringendo & condensando minus pellucidam reddit: Siccitas nimia cutis colorem etiam immutat, eamque fuscam magis efficit: tum quia exsiccando ipsiorem, vel constituendo rugosiorum reddit, cum crassities illius, ut opaca fiat efficiat, & rugæ umbram facientes obicitatem in ea inducant &c. *Placemus Practica lib. 3. cap. 21.*

*Insignitet palluerat, Pulmonum albedo*] Pulmonum albedo & mollicies, ut penuriz sanguinis in iis index est, sic palloris in vultu causa efficax: In Peripneumoniacis, quorum pulmones sanguine multo & calente turgent, vultus & maxillæ rubent, fervido sanguine ob levitatem ad partes superiores sese effrente, qui consistit ibidem & per cuticulæ tenuitatem, veluti per vitrum colorem suum ostendit.

§. 2. Fœminæ pustulæ rubræ per totum corpus, maxime circa regionem hepatis, obortiebantur: Hepar repertum durum, & cystin fellis exhibebat in sese collapsam: *Vide lib. 3. tit. de Alvo adstricta.*

§. 3. Matronæ per cutim passim tubercula enata sunt: Hepar illi erat decolor & durius: In vesica fellis tres lapides: *Vide lib. 3. tit. de Ictero.*

§. 4. Vesiculam, quod mireris sine felle, tamen cum tribus lapillis interdum conspeximus: Hepar tamen erat rugosum, maculis atris deturpatum, sed ejus succus omnino lividus: Quodque insolitum, Pectus aquæ plenum & ægri facies adeo pallida ut mortuum quis dixerit. *Nic. Fontanus Epitomes Vésalis p. 21.*

§. 5. Puelli cachectici, hydropici cadaver aperitur: Cutis circa regionem ventriculi, umbilici & inguinum, maculis atro purpureis, instar ecchymiomatum picta erat: Ex abdomine puncto humores biliosi, serosi, fœtidi effluunt: Omentum & Pankreas consumpta, Venæ mesaraicæ obstructæ: Lien niger, durus: Hepar cocto similis, In eo & liene foveæ aqua plenæ. *Vide lib. 3. tit. de ventris tumore.*

§. 6. Quidam conquestus est de molesto hypochondrii dextri dolore, cum æstu affatim, & plerumque faciem, manuumque palmas, pedumque post cibum, plantas infadente &c. Inventa est vomica sinistæ partis hepatis connata, satis magna atque aperta. *Vide lib. 3. tit. de hypochondr. tumore.*

§. 7. Ju-

§. 7. Jvenis capite doluit, febris erat vere κεφαλαία, facies illi rubra, sed maxime genæ &c. Aperto capite, venæ quasi varicosæ, tabo & sanguine nigro turgentes repertæ &c. *Videl. 1. tit. de Delirio.*

§. 8. Cuidam febre maligna laboranti nasi extremitatem rubra macula obsedit, symptomatibus benignum quid portendentibus: Omnia viscera nigricantia erant & sphacelata. *Videl. tit. de Febris.*

§. 9. Virum Illustr. adoritur insolita respirandi difficultas, dolor universi thoracis &c. supervenere sopor Genarumque rubor &c. Pulmo insigniter tumidus & quodammodo excus repertus, in iisque unus humor albus & tenax ac purulentus delitescens, *Vide tit. de Febris.*

§. 10. Franciscæ N. cum febre continua, dyspnœa &c, adfuit intensus rubor Genarum, In Pulmonibus reperta vestigia inflammationis, qui tumentes, lividi cum pure. *Vide tit. de Febris.*

§. 11. Caspar N. dolebat pectore cum dyspnœa. Genæ illi rubore suffusæ erant: Pulmo dexter colore erat nigricans, ad jugulum retractus, pleuræ ad claviculam connexus: Sinister subpallidus cum tuberculis. *Vide l. 3. de Hypochondr. tumore.*

§. 12. Cachecticus cum tussi, febre continua, Genas habuit macilentas, perpetuo purpureo rubore suffusas. Pulmonum parenchyma, integra membrana, totum fere erat in pus commutatum. *Lib. 2. tit. de Phthisi.*

§. 13. Agricola plaustrifeno onusti ruinam in se passus, de dolore pectoris conqueritur, cui accedit Febris Genarumque rubor: Pericardium scatebat pure copioso, cui velut immersum cor: Pulmo ejusdem labis particeps. *Lib. 2. de Pectoris dolore.*

§. 14. Adolescenti facies rubebat in levi febre, sed maxime Genæ: Illi Pulmonis partes dextræ lateri adhæsu contumaciore nexu lacerabiles, plenæ vomitis, tabo & pure scatentibus: Peripneumonia anno præterito illum oppresserat. *Lib. 1. tit. de Phrenitide.*

§. 15. Rev. Pater febre prehenditur cum dyspnœa, tussi, pectoris gravitate & Malorum rubore: Inventæ est altera Pulmonum pars aucta in magnitudine, densa, dura, rubra. *Vide tit. de Febris.*

§. 16. Vir Nob. febricitabat cum dolore ad dorsum & lumbos, cum tremore & fœtore totius nulli ferendo: Ex utroque Pulmone serum putre & fœtidum defluebat: In Pancreate ingens erat abscessus, cum multo pure & fœtore intolerabili. *Vide tit. de Febris.*

§. 17. Ill. N. cum febre assidua & fervore in lumbis, horis vespertinis Faciem habebat rubicundiorē: Inventæ est corruptio & abscessus in sinistri Renis exteriorē carne, *Vide tit. de Febris.*

§. 18. Juvenis in febre assidua, ruborem genarum habuit: Inventæ est corruptio gangrenosa in parte interna Renis dextri. *Vide tit. de Febris.*

§. 19. Uxor, N. à partu substiterunt lochia; hinc febris, dolor lateris sinistri &c. Facies tota sæpe erat velut subalbida, alias genarum aderat rubor fugax: Aperto cadavere omnia sana occurrerunt præter pulmonem; pars sinistra fere magna sui parte tabuerat & tabo infecta erat, sana reliqua substantia. *Vide lib. 2. tit. de Phthisi.*

§. 20. Juvenis robustus, sed pallido facie calore, a frusto carnis devorato suffocatus interiit: Pulmones illi à naturali statu defecerant, colore lividiores & flaccidi. *Th. Barthol. cent. 1. hist. 11.*

§. 21. Quidam diu admodum pallidus fuerat, & mali in facie coloris: Huic omnia viscera interiora corrupta & fœtidissima. *Lib. 3. tit. de Inappetentia.*

§. 22. Virgo brevi morbo sublata est: Facies illi totusque habitus pallore albescebat: Thorace aperto, ab utraque ejus cavitate aquæ virosæ effluxit copia: Pulmones syderati inventi sunt &c. *Vide tit. de Phthisi lib. 2.*

§. 23. Uxor D. N. patre sata pulmonico, tota sæpe erat velut subpallida, facie turgidula, pars sinistra pulmonis magna sui parte tabuit: Purulenta materia ea thoracis parte continebatur. *Vide lib. 2. tit. de Phthisi.*

§. 24. Illustr. N. gibba hepatis pars à nativo colore ad pallidum declinans manifeste visæ est: Per sanitatem perpetuo pallente facie omnibus innoruit *Lib. 3. de Ischuria.*

§. 25. In virgine pallidis coloribus divexata, inveni testiculum sinistrum pugno majorem, intus humore seroso & subflavo refertum, foris sanguine suffusum. *Riolanus Anthropogr. lib. 2. c. 30.*

§. 26. Rustico in sinistro hypochondrio renitentia erat, in toto corpore color plumbeus: Lien erat scirrhusus, arcto coalitu sub membrana adiposa renem sinistrum amplexatus, nidorem ferens. *Vide lib. 3. tit. de Lumborum dolore.*



§. 27. D. N. erat *μεγαλόπλυνος* : Omnia interna membra, hepar, pulmones & cor admodum grandia & pallida erant, ac pene plumbei coloris visa, haud aliter colorata ac adhuc viventis facies tincta & plane livida : &c. *Vide lib. 1. tit. de Melancholia.*

§. 28. Quidam subito vomitu & alvi fluxu tentatur, & paulo post interit, cadaver à tergo lividum plane erat, imprimisque pudenda nigra : In ventriculo reperiuntur arsenici albi frustula tunicis affixa. *Vide lib. 3. tit. de vomitu.*

## OBSERVATIO VII.

*Dolor summae scapulae & humeri ab Abscessu in corde in ulcus desinente, Pulmonibus accretis 1. Brachii & Clavicularum à sero corrupto circa periostium, in sphacelum desinens. 2. Sux & dolor intolerabilis à Vomicoso hepate 3. 4. Circa coccygem dolor ab Empyemate ossis sacri 6. 7. Humeri dextri dolor ob hepar tumore cancroso affectum. 8. Dolor circa pubem ab incremento & relaxatione Testiculi feminei. 9. Dolor in infima regione hypochondrij dextri, ob vitium Mesenterij vicini & psoadum Musculorum. 10. Circa regionem ossis sacri ob quatuor lapides in vesica. 11.*

§. 1. **F**ilia D. N. (*Vide lib. 2. Tit. de Hemoptysi*) patiebatur dolorem in summa scapula sinistra, & summitate brachij qua humero committitur : Magna erat suspicio Abscessus in sinistra Pulmonis parte : Pulmo costis undique & diaphragmati adhærebat, tum etiam Pericardio undique, cor media sui parte fere exesum, &c.

## S C H O L I A.

**D**olorem] Dolor à tristitia distinctus, & ad tactum pertinens, definiti solet *Sensu molesta à continui solutione procedens*, Siquidem exoritur iste, quoties & quatenus sensibile incongruum, aut improporionatū, sensorio isti applicatum, fibras ab invicem dividit & divellit, proinde spiritus animales in iis hospitantes, à solita & placida emanatione sua repellens, ab invicem distrahit, & quasi in fugam vertit, dein propterea statim, quatenus iste spirituum exterior repulsi, continuata aliorum serie ad *πρῶτον αἰσθητικόν* communicatur, spiritus illic degentes in parem confusionem ciet, doloris sive molestiae exterius inflictae perceptio efficitur. : Revera tota spirituum animalium quæ dolore afficiuntur series, quasi animæ sensitivæ membrum quoddam singulare, objecti impressione velut anxietatem concipiens, cum molestia corrugari, inque dimensionem minorem sese contrahere cogitur. Cum solutio continui doloris causa statuitur, non ita intelligendum est ac si affectio hæc tantum à vulnere aut plaga corpori inflicta ciceretur, namque eadem à

frigore, calore, flatibus, & sanguinis aliorumque humorum extravasatione, aut alicubi agglutitione, sæpe membri conformatione adhuc integra manente, passim induci solet, in quibus calibus, licet continui partes, ac imprimis fibræ & filamenta nervæ minime præcindantur, ista tamen in omni doloris affectu, aut ab objecti pressione, aut à particulis alienis cuneorum intar adactis, à solita positione divelluntur, inque tensionem nimiam, aut distorsionem, aut divulsionem adiguntur, proindeque spiritus incolæ, à mutuis amplexibus divulsi & dissipati, gravate habent, & molestiae sive doloris passionem iducunt *Willi Operis Posthumj sect. 3. cap. 6.*

*In summa scapula*] Quibus grandius hepar, amplius, tumentius & calidius, cum febribus magnisprehenduntur, maxima ex parte tempore urgentis febris dolores in clavicularibus & secundum homoplasas sentiunt : Sic pleuritici per continuitatem membranarum majores sæpe quam in loco affecto ibi dolores percipiunt : *Hippocr. 4. acut. ascendentem pleuritidem vocat cum dolor ad clavicularas pertingit.*

§. 2. Dumæi filia annos 17, nata febricitavit ; huic dolor nonnullus ad clavicularas & brachium, fere ad olecranon : non putabatur fluxio tam maligna, nec quod subtrunculos ageret : Cœperunt illum morbum quibusdam remediis agitare, anodyna applicare, purgare, oppositæ partis venam secare : 6. die comatosa ac velut resoluta fit : partes quæ dolebant, cœperunt esse indolentes : nil in superficie apparebat, mors.

Brachium erat velut syderatum parte interna ad periostium, ante mortem nigrescebat, circa ipsius periostium *serum & virus* reperitur, quod exusserat ac corruerat partem : Imo jam labes pervaserat ad anteriorem thoracis partem, ac si surda fuisset, ut ita loquar, pleuritis : Admiranda sunt effecta feri venenati. *Ballonius Epid. & Ephem. lib. 2. pag. 150.*

## S C H O L I A.

*Circa periostium serum & virus*] Mirum est quod quædam materia venenata, ut ea est quæ facit exanthemata & variolas, non vertitur in pus, sed in quid simile puri, & in quandam novam speciem putredinis, quam natura non domat facile ; Quod

*Hippocr. in Epidemius* annotavit : Porro in suspitione cautelia adhibere imprimis oportet, licet materia non educatur & magnum dolorem non inferat : Item litus ex hydrargyrio confert. *Jacobus Thevart. annot. 3. in eum locum.*

§. 3. Mirum forte quod nos bis terve annotavimus, dolores suræ intolerabiles in febre, qui neque foru, neque litu, neque cataplasmatibus cesserunt.

Mor-

Mortuis ergo ægris iussimus crura & suras aperiri novacula, invenimusque pus album pallidum, læve, æquale, spatiis inanibus diffusum & majore vena conclusum: Atque ut notaretur locus unde pus ejusmodi prodiret, aperto ventre vomicosum hepatis & putre inventum est: Itaque verisimile est loco sanguinis, pus per majorem venam in crura & suras, quæ admodum venosæ sunt, transmissum: *Yacotius comment. ad Coar. Hipp. p. 349.*

§. 4. Hollerius scribit adolescenti xvj. annorum crus dextrum vehementer doluisse, nullisque cessisse remediis: Acuta febris, urinæ feculentæ, sitis pauca, reliqua mediocria, nisi quod deliravit ex intervallis: Tribus ante mortem diebus obscuratum lumen & splendor oculorum, palpebræ lividæ: postea quoque cœpit & sinistram crus dolere: xiv. obiit.

In mortuo abscessus cum pure albo in apice gibbæ hepatis partis & musculis obliquis: Dissectione cruris anterioris parte facta, in mediis musculis pus album & crassum inventum, quod & in aliis visum fuerat: In corde sanguis veluti mucosa pituita: Eidem abscessus purulentus sub ala dextra, & impotentia brachii dextri. *Idem comment. in Coar. Hipp. p. 846.*

§. 5. Refert etiam Bauhinus Luteriæ virum quendam cum abscessu hepatis laborasset, mortuum esse, & corpore aperto repertas venas usque ad tibiam pure refertas, & sinistram testiculum putridum. *Dan. Sennertus præf. l. 3. p. 6. sect. 1. 4.*

## S C H O L I A.

**C**erte spontanei longique dolores crurum & partium inferiorum, ulcera quoque & color malus vitæcerum latens vitium ostendunt: Hinc intelligitur pus intus suppressum, non solum locum in quo est,

putredine corruptelaque depravare, sed etiam partium circumpositarum, & earum omnium in quas sese insinuare potest, temperiem & naturam evertere: *Idem.*

§. 6. Hipp. os sacrum Empyemate quoque computrescere novit, cujus putredine & incredibili doloris tyrannide duos probitatis spectatæ viros efflicti & diu maceratos tandem contabescere & mori hucce oculis vidi. *Langius Epist. 42. Tomi. 1.*

## S C H O L I A.

**T**ertium addit J. Henr. Brechsfeld in Actis Bartholini annot. 1671. & 1672. Obiit. 107. Fabrum scilicet ætarii, quem tam immanis ossis sacri prehendebat dolor, ut horrendis præ doloris immani-

tate, corripereetur convulsionibus: Causa mihi antecedens fuit lapsus ex alto in trabem, ita ut illi divaticatis cruribus inequicaret, hinc ossis sacri contusio, indeque ortum empyema.

§. 7. Senex Coloniensis per aliquod annos dolore continuo circa regionem ossis sacri, cum ardore urinæ & mingendi difficultate afflictus fuit.

Aperto corpore inventi lapides quatuor præduri ac asperi: Circa regionem vero ossis sacri, eanimirum in parte ubi vena cava bifurcatur, Abscessum magnum in quo materiæ foetida & sanguis coagulatus continebatur offendimus: Os sacrum ea in parte ita erat corrosum & exesum, ut facillime digitis minutatim extrahi atque conterî potuerit. *Fabritius Hildanus cent. 3. Observat. 70.*

§. 8. Vidua N. tumorem habebat in abdomine versus umbilicum, ad dextram partem inclinantem: Hepar tumoribus scirrhis erat refertum: Ejus extremo adnati duo tumores cancræ. *Vide tit. de ventris tumore lib. 3.*

## S C H O L I A.

**T**umorem versus umbilicum] Cavendum monet Sennertus cap. de inflammatione Hepatis ne fallamur, & hepar non inflammatum putemus si tumor in ventre medio apparet, quia quibusdam hepar ad medium ventrem extenditur.

*Humerali dextri dolor*] *Idem* magnæ Hepatis inflammationis signum esse ait si dolor percipitur juguli quasi ad inferiora tracti, præsertim dum vehementer

cuius æger inspirat, Dum enim hepar inflammatum, (aut gravi tumore affectum) pondere suo diaphragma, cui alligatum est, deorsum trahit; tensus diaphragma membranam costas succingentem, culetram obnascitur, tendit: unde dolor tractionis in jugulo sentitur: Galenus hoc fieri putat ob tensionem venæ cavæ sursum ab hepate ascendentis.

§. 9. Uxori N. Testiculus sinister erat fere mali cotonei magnitudine, & prolabebatur in capacitatem ossis sacri, comprimens & vesicam & intestinum rectum, ubi ingens dolor. *Vide tit. de ventris tumore.*

§. 10. Juvenis ictus & in hypochondrii dextri lateris infima regione coxendici proxima, unde dolor in dextrum crus exporrectus, quod ægre movebat: Mesenterium in mortuo circa originem velut contusum vidi, psoasque musculos illi lateri succumbentes similiter affectos. *Vide lib. 3. tit. de Hypochond. dolore.*

§. 11. Senex per aliquot annos dolore continuo circa regionem ossis sacri vexatus fuit: Inventi in vesica lapides quatuor præduri, *Vide tit. de mictione difficili.*

# ANATOMIÆ PRACTICÆ

## LIBRI QVARTI.

### SECTIO VLTIMA.

### MISCELLANEA CONTINENS.

#### OBSERVATIO I.

Ex Tabacifumi abusu lingua, trachæa arteria atra fuligine tinctæ repertæ, Pulmones aridi, hepar inflammatum. 1. Pulmones flaccidi, torridi, costis annexi. 2. 3. Cerebri substantia exsiccata, ad parvam molem redacta. 4. Tabaci sugo papillares processus, Cum nervorum odoratoriorum extremitate defuerunt. 5. Cerebrum nigrum & fuligine tinctum observatum. 6. Crassa fuligine & spissa obductum cranium repertum. 7. Cerebri nigredo observata in quodam Tabaci pulverem per nares crebro attrahente. 8. Spina triplex lapidea reperta inter utramque meningem Tabacisugi. 9. Stomachus flavedine tinctus à fuliginibus Tabaci. 10. Vestigia summi in visceribus notata. 11. Insignis Tabacisugi cerebrum nudum repertum. 12. 13. 14. 15.

§. 1. **I**nvaluit in Europa cacoëthes sugendi fumum herbæ Tabaci per tubos ad id conectos. Quantum sanitati suæ noceant qui roties illi indulgens, oculis subijcio homo quem in Medicorum corona secui: Is supra modum hisce fumosis delitiis addictus, vix ullum obibat negotium quin sibi, ut patuit, fatalem succum hauriret: ubi enim crebris quasi pulsata ictibus natura fatiscere, atque in morbum collabi cœpit, ille nigricantem materiam per anicum, per pollicum, per utrumque gutturem tamdiu ejiceret, donec fuscam simul ejiceret animam:

Hospitium certe, quod illa reliquerat, visitavi & peragravi, fultus cultro anatomico: Quid viderim quæris? domum mihi intrare visus sum vere Plutonium; ecce tibi in foribus atrato colore tincta & quasi venenato succo imbuta intumuerat lingua: Quid trachæa? camino similis, nigra fuligine undique obducta: Pulmones aridi, exsucco & pene friabiles: Hepar, tanquam si præ cæteris traxisset incendium, totum erat inflammatum, à cujus flammis ne bilis quidem in cystide sua immutata erat: colorem enim extraxerat ex purpureo virescentem: Ad intestina vero, ut sunt corporis saburra, confluxerant totius adustionis carbones, plena etenim erant nigricante materia, quæ non mitiorem ipso Averno spirabat odorem. Ecce frequentis hujus suctionis Medicos fructus, *Th. Kerckringius Observ. Anatom. xc.*

§. 2. Quum mense Martio in Theatro Anatomico cadaver virile boni habitus & robusti dissecarem, inter alia singulatia inveni in sinistro cordis ventriculo tria frustula adiposa lenta & candicantia, ex nimio, ut arbitror, cordis calore & sanguine unctuosos efficta: præterea valvulam in vena emulgentem dextra nullam. Et quum omnes partes tam interiores quam exteriores sanæ essent, solos pulmones flaccidos tumidosque costis adherentes: Hepar supramodum magnum, libras civiles tres, Lienem vix uncias duodecim cum dimidia pendentem: Pulmones ideo credidi vitium contraxisse, quod frequentior Nicotianæ usus destillationes ex capite ad hos concitarit: Nec ulla noxa, nigrorisve ullum vestigium in cetero apparuit, quanquam nimia Tabaci suctione hic homo apud plurimos innotuerit. *Th. Bartholinus cent. 1. hist. Anat.*

#### SCHOLIA.

**P**ulmones flaccidos torridosque ] Ideo juvenes monet *Simon Pauli* quadripart. Botan. cl. 2, tit. *Pimpinella*, ne urantur Tabaco, nisi velint molestissimam ducere vitam, ac ærumnosam senectam

ante expectatum accersere, Pulmones data opera ita contumpente, ut hydrops pulmonum eos juget.



§. 3. S. R. M. magnæ Britannię, Regem *Jacobum*, publice in Oxoniensi Academiā disputasse contra hanc fatuitatem (usum Tabaci) ostensis exemplis eorum qui laborassent quidem diu insanabilibus pectoris morbis, deliriis, insomniis, convulsionibus &c. Post mortem autem inventi fuerint pulmones habuisse totos nigros ac retorridos, non secus ac si fumo indurati essent testatur *G. Hofmannus lib. 2. de med. officin. cap. 111. 20. §. 30.*

## S C H O L I A.

**D**isputasse contra hanc fatuitatem ] Nec tamen omni utilitate caret, teste Clariss. *G. Horstio*, in catarrho enim ejus utrum probat sive in pulvere per nares attractum, sive incensi fumum per os sumptum, purgato tamen & jejuno corpore: Quin & fumus ejusdem sitim & famem sistere posse non sine ratione affirmat, siquidem pituitæ copiam insignem ad palatum attrahit, quæ deglutita chyli instar concoquitur: Certum est multa millia militum in Germaniæ bello tam diuturno conservata esse per Tabacum, hoc enim in annonæ penuria miseris cibavit milites: in aëris in temperie eos servavit incolu-

mes, aquas quas non pro libitu, sed pro occasione biberant, sive putidas sive turbidas salubriores reddidit, putredinem arcendo & corruptos jam humores morborum plurimorum causas proximas per superiora & inferiora deturbando: Accedit quod vi sua narcotica suavem somnum inducendo noxiorum ciborum difficilem concoctionem juverit, nec non singulari quadam suavitate etiam invitos ad sui amabilem usum ita traxerit, ut maluerint pane quam Tabaco carere: Taceo quod animi nonnihil ad cordatius pugnandum addiderit.

§. 4. Medicus aulicus Tabaci suffitum tam familiarem habuit, ut non interdium solum, sed & noctu temperare sibi non potuerit quin semper ad lectum lychnum pensilem cum cum cereis candelis & fistulis adjunctis haberet.

Cum ille ante annum defunctus, ejus capite aperto, res stupenda! Tota cerebri substantia adeo exsiccata reperta ut vix nucis magnitudinem æquaret, prout mihi à quodam Medico Augustano relatum. *Augustinus Thonerus Epist. Medic. xv. lib. vj.*

## S C H O L I A.

**C**um Medicus ille sat diu cerebri substantia destitutus, ratione salva & sensibus integris in vita superstes manserit, Et *Zacchus* in *Observat. de puero decenni* referat eum sine cerebro per triennium vixisse, tandem ex hydrocephalo defunctum, cranio aperto nihil cerebri deprehensum: cum actus præsupponat potentiam, & jam constet testimonio hinc dignissimorum Authorum de facto, ergo de possibilitate indubium quantumvis credui arduum: Exin Philosophis Peripateticis insultare Galenistis, & aduersus eos triumphare liceret, prætendentibus illustribus illis exemplis demonstraundum in corde

Animæ rationalis domicilium constituendum; exim omnes vires ac facultates cæteris membris communicari, quod adstruere videntur sacre literæ. *Idem ibidem.*

Quod *Thonerus* aliena fide refert, hoc falsum esse, & venerando Seni impositum fuisse *D. Jacob. de Maphais* & *Dom. Ferd. Ignatius Thiermayr*, Medici Electorales, falsum esse animarunt, ac cerebrum sectione sanissimum repertum fuisse: Quod & confirmat *Schneiderus* de cathart. l. 2. c. 2. autoritate Clariss. *J. D. Horstii*. *J. Jacobus Wepferus in misc. cur. anni 1672. obs. 129.*

§. 5. Impossibile non existimo ut à fumi hujus acrimonia, & siccandi vi, cerebri aut capitis pars aliqua, in quam præcipue salvis adhuc viribus penetrat; atque incursionem faciat, ita exsiccetur, ardeat, tabida fiat, corrugetur atque indurescat, ut exterior ejus superficies, respectu reliquæ substantiæ crustosa veluti appareat: Ira enim in quodam, qui vivus neminem sibi in Tabaci usu parem extare haud, ut socii attestabantur, immerito gloriatus fuerat, post supplicium dissecto, papillares cerebri processus, cum nervorum odoratoriorum extremitate prorsus defuisse, ita ut ne vestigium quidem eorum reliquum esset, hisce oculis una cum multis meorum æqualium conspeximus: *Observat. Hadriani Falckenburgij.*

## S C H O L I A.

**P**orsus defuisse &c. Causa hujus defectus à spectantium Doctoribus, in vim fumi Tabacini, omnia siccandi, exhaustiendi, arefaciendi, extenuandi, corrugandi, ac proinde marcore quodam consumendi, conferebatur: Sic etiam vere, extreme & deploratissime heclicorum cutis, cum sani ac lucco pleni hominis cute comparetur, crustæ potius univerto corpori inductæ quam genuinæ cutis speciem præterterre videbitur, & in ardentissimis febribus membrana linguæ exterius involvens, interdum ita sicca, arida, scabia, rugosa ac dura per sentitur, ut crusta potius linguæ inducta, quam vera membrana esse appareat, & quia ipse fumus Tabaci insigniter nigricat, eundem suo indefinenter recenti con-

tactu atque contagione prædictam cerebri, aut capitis particulam inhiere ac denigrare posse docet, ut alia omittam, eadem febribus ardentissimis laborantium lingua, quam sæpe à fumis & vaporibus febribus, exustis, tæculentis & nigricantibus, è corpore inferiore in eam exhalantibus insigniter nigrescere conspiciamus: Contendo alia de causa prociessus mammillares, & nervos odoratorios defuisse: Ego eos in cerebro pueri, qui hydrope capitis mortuus erat, disruptos, & eos etiam nigricantes, in quando deprehendi. *Idem. Contradicentem Schneiderum vide lib. 2. de catarr. cap. 2.*

*Nervorum odoratoriorum ] Magnenus de abusu Tabaci exerc. 6. §. 15. dicit olfactum ab abusu Tabaci*

bati in multis aboleri, cum qui fumo utuntur, quia nimis exsiccantur processus mammillares, unde cum sicciiores quovis odore reddantur, non possunt ab eis immutari, odor enim est à secco superante humidum ex Aristot. l. 3. de *Animal.* A Tabaci autem pulvere olfactum ideo ladi censet, quod ossis ethmoidis meatus subire, ibique hærere aliquandiu possit, quibus obturatis, cerebrum neque aerem, ut eo ventiletur, neque rerum odorabilium species admittere potest, quia olfactus necessario intercedat: Sed leviculum, ac forsan momentaneum hoc esset malum; est cum Tabacum insigni narcotica vi præ aliquam multis simplicibus ut prædictum, calidum, siccum, unctuosum, penetrantissimum, hæc illius vis, aut specifica facultas, facit ut octavo *Spigelij*, aut primo *Bambini* nervorum cerebri pari olfactui dicato, olfactiendi potentia sensim tandem omnino adimatur; ceu quod in processum mammillarem traducatur, qui interiori cerebri parte ad os ethmoides, dura matre investitur, sibi sunt, ac regionem istam occupant: Cum ergo ad nasi radices usque pulvis Tabaci Narcoticus magna copia violenter attrahatur, & punctum temporis natura otiosa non sit, ac in vivo corpore omnia sint, ex *Hippocr.* permeabilia ac transpirabilia, utique aliter fieri non potest quin partes olfactui destinatae à narcotica Tabaci vi affligantur: Nec tantum permulti olfactu privantur, sed & plurimi capnophili, non exquisito sunt gustu, affectis quarto & leptino nervorum partibus.

Volunt quiddam nonnulli jugi usu pulverati Tabaci visum acui, sed quanto cum periculo conjuncta hæc sit medela ostendit *Adr. Spigelius* Anat. lib. 7. c. 2. Per multi, *ait*, de industria conexas sternutationibus in cecitatem decedente lapsi sunt, vel quia arteriarum caroditum rami, qui nervis opticis sic vicini sunt ut tangerent, repleantur, & repleti hoc comprimant: vel quis copiosius, itque pituitosius humor ex cerebro ad opticos nervos traductus fuit, qui obstruxit, illos quandoque setaceo curatos vidi: hos quibus ab humoribus pituitosis malum hoc enatum fuit, nunquam convaluisse memini. Quin & *Magnenus* Exerc. 8. de Tabaco defendit, sternutatione violentius agitato capite, disruptisque impetu meningibus, laxataque cerebri cōpaginatione, nonnullos interiisse: Firmat *Sirada* exemplo pistoris Suburrani, cui cum xxxiv. sternutasset. continue succedens proxime sternutationum xxv. exitio fuit, disruptis arteriis & membranis cerebrum circumcingentibus: Idem *Magnenus* §. 4. testatur se vidisse quemdam, cui intusus hujus pulveris usus crystallinum corrugaverit humorem, unde & fluctuantia cernebat objecta.

*Papillares cerebri processus*] Censet *Cl. Schneiderus* Lib. de oss. cribri. si processus mammillares, & nervi odoratorii fumo Tabaci tam vehementer vitari possunt, etiam nervos qui ex utraque meninge, ac qui de tertio pari oriuntur, ipsam duram meningem, eos processus cingentem simul affligi: hinc hominem non ideo atci, sed ob tunicam narium, ratione propriorum nervorum male affectam, hoc sensu olfactus orbatur etc.

*Exterior ejus superficies crustosa velut apparet etc.*] *Parsius* & *Falkenburgius* dicunt a nimio fumo usu congeri fulgines atres, probantque exper-

ientia & ratione 1. Dubium non est, quin inter cranium & meningem duriorum congeri possit aliqua pituita viscida, quæ dissipatis subtilioribus tenuioribusque partibus ibi fixa adhæreat: quare si quis interea suffumigio Tabaci intemperanter insitit, cum ad crustam illam recta via indefinenter appellat, nihil implicat quo minus ab oleaginato nigricanteque fumo exsiccior crusta nigrescat: Pituitam ibi congeri, & in crustam concretæ *Falkenburgius* asserit, repertamque air insigniter invenit, è venerea: quod si hujusmodi Tabaco utantur frequentissime, quid facilius quam materiam eandem nigredinem contrahere? Quod autem illuc fumus appellat, nemo anatomie peritus dubitabit. 3. Tabaci fumus habet in se unctuosam & oleaginosam materiam; quæ successu temporis, vel cerebro refrigerato, aut tabaci familiaritate non affucto poterit concretæ, suoque lentore partibus adhærere: quod ex ignis fumo in caminis evenire quotidie videmus, primumque est suspicari in iis qui hypochondriaci aut maniaci sunt, 3. Quedam cerebri partes ita potuerunt exsiccare & calcere, ut reliquis salvis manentibus denigrentur, ergo difficile non est à Tabaco atrem fuliginem in capite generari. *Secunda opinio est Gal. de Menre* qui negat Tabacum ad cerebri substantiam, multo minus ad ejus cavernas seu ventriculos pervenire, ac ibi gigni fulgines, dicit autem ab Tabaco, tanquam ab magnete trahi pituitam: *Verum enim vero* falsa ratione adstruit *Meara* probabiliorē partem, dico enim fumum Tabaci cerebri intimos adire rectius, ceteroqui, qua ratione fierent temulenti aut somnolenti? Ratio vero cur ego assentiar *Mearæ* hæc est, quod non potest fuligo adeo sensibilis generari in cerebro quin gravissima inducat symptomata, quæ tamen nulla in fumifugis deprehenduntur: 2. Tenuior, & minus viscosa Tabaci evaporatio, unde nullo negotio per poros elabatur, & vi expultricis profligatur: quare camini exemplum non valet, cum in camino nulla sit vis expultricis: deinde rationes *Falkenburgii*, nihil de Tabaco probant, sed tantum de fumo in genere, unde furnarii, fullones, fabri, aliiq; opere in fumo perpetuo versantes, deberent illam crustam fuliginosam contrahere, cum etiam seum fuliginosum acquirant ea cubacula in quibus laborant: *Parsius* autem experientia 2. dubia est, deinde potuit à vehementiori melancholia exsudari incrassataque hæc fuligo: In mortis enim violentæ expectatione, ita moventur miseri illi, ut totam humorum æconomiam perturbari non sit dubium: De crusta vero eorum qui gallica luc afficiuntur, non dubito, cum in aliis partibus inexpugnabilis visciditatis pituita sepiissime congeratur, at illam crustam fuliginibus tingi posse nego, tum quia fumus, qui illuc pervadit, jam est tenuior & expugnatus crassioribus partibus, unde ob tenuitatem ab expultrice, suoque nativo impetu facile dissipatur: tum quod concrecioni fumi valde intensa requiratur frigiditas, quæ in nulla viventis parte est. 3. Ratio *Falkenburgii* minus obtinet vitium, etsi aliqua cerebri partis non potest fieri, quin adsint gravissima symptomata: Ergo licet absolute, & metaphysice loquendo, naturæ scilicet otantis torpore aliqua hujusmodi contingere possent, nunquam tamen contingunt, aut secundum ordinarium fumifugorum habitum possunt demonstrari. *Magnenus de Tabaco* Exerc. 6. p. 130.

§. 6. Narrantem olim audiui Dom. *Pauvium*, se dissectuisse cadaver juvenis robusti & sani, cujus cerebrum nigra fuligine tinctum fuit: atque cum in ejus rei causam inquireret, quam diathesin quandam Maniacam statim credidit, vel similem quempiam cerebri morbum, assertum fuisse ab iis, quibus cum intima familiaritate junctus fuerat juvenis, hunc nec morbis unquam obnoxium fuisse, neque cuspium ex iis quos suspicatus esset *Pauvium*, sed Tabaci fumum ipsi adeo fuisse familiarem, ut ne diem unam abstinere ab eo posset: Quod eo adduxit *Pauvium* ut crederet congeriem eam excrementorum non aliunde originem traxisse quam ex abusu fumi Tabaci. *Iulius Raphelinguus Epist. ad Neandrum in huius Tabacologia.*

§. 7. Anno 1667. 12. Julii, obiit Hanoviz Præsidarius miles, *Caspar Schleffus*, annos natus lxxij. Apoplecticus: Ab ipsa pueritia familiaris ipsi fuerat Tabaci fumus, quod quoque perpetuo masticabat: Magister *Johannes*, Urbis Chirurgus, cadaver ad dissectionem impetravit, cui adstiter Illustriss. Comes Hanovienfis, Præside D. Doctore *Krantzius*, adstantiumque corona.

Aperto capite inventa fuligo plurima & densa cranio adhærens, fuligini caminorum tum nigrore tum sapore omnino similis: Causa autem non aliunde quam à creberrimo illo fumi Tabaci usu deducta est, *Ex communicatione D. Petri Regis. Pharmacopæi Genevensis peritissimi, qui dissectioni interfuit.*

## S C H O L I A.

**I**nrogatus à *Neandro Falschburgius*, an Tabaci fumus ad ipsam cerebri substantiam perveniat? Itemque nimio huius suffumigii usu crusta quædam nigra in capite generari queat? Respondet ad utrumque annuendo: Et primum quod spectat, fumum ore & naribus hautum exceptumque, non tantum ad utrumque cerebri omentum seu meningem, verum etiam ventriculorum cavitatem, imo ipsam cerebri substantiam universam, i. e. poros meatusque insensibiliter penetrare posse statuit: modum etiam declarat, exponendo & digito commodas monstrando vias duas: Primam ex ore ad nares & basin cuneiformis ossis. 1. Per foramina palati postica ex ore fumus pervenit ad nares, & supra fauces ad cuneiformis ossis basin. 2. Per foramina palati innumera, majusculum illud anticum, circa incisuram dentium medium, vapor ille ascendit etiam ad nares. Alteram viam ex naribus interioribus ad cribrum designat. 1. Numerosa ossis cribriformis foramina, quæ omnia & singula, tenuissimis partim pie-macris (quæ papillares cristæ galli incumbentes procellus cingit) partim duræ (superiorem cribrum regentis superficiem) involvuntur productionibus seu canaliculis fistulosis & membranaceis: Per hos etiam tempore necessitatis pituitæ, spiritui, fuliginibus egressus, imo etiam fumo Tabaci conceditur. 2. Ex palato autem ossis cunei-

formis ossis foramina decem, vasis in & efferendis dicata, fumum deducere in proclivi esse ait. Alterum argumentum id fieri posse, principia & causæ quæ hunc fumi ad superna motum efficiunt, præbent, Inter illa autem primum locum obtinet respiratio, & cerebri diastole & systole: Secundum locum occupat capitis & cerebri situs in fastigio, ad quos vapores ascendunt naturaliter: Tertium locum tuetur ipsa fumi sursum tendentis proclivitas: Secundum quod attinet quæsitum, crustam etiam ex continuato fumi huius fuliginosi & attritu in cerebro nigram generari posse veritumie judicat & rationibus confirmat 1. In iis quibus magna catarchymiz copia pituitosæ, crassæ, lentæ ac viscidæ colligitur, & tenuibus exhaustis dissipatis ac portio- uibus indurefcit, 2. Fumus ille quidem siccus est, attamen substantiæ tenuitate & consistentia unctuosus est, pinguis, lentus, ut facile adhærescat; eo in quo caminis nostris modo niger etiam est: 3. Impossibile non existimat quod à fumi huius acrimonia & siccandi vi cerebri aliqua pars indurefcit & crustola veluti appareat: Ita testatur in quodam Tabaco bibulo post mortem dissecto papillares cerebri processus cum quadam nervorum odoratorum extremitate defuisse. *Vide Neandrum in Tabacologia.* Anvix hæc sint pervix, vide fuscæ apud *Schneiderum. lib. 2. de catarrh. c. 2.*

§. 8. Narravit Illustriss. Christianissimi Regis Legatus, Eques Terlon, nuper in Gallia observatam esse cerebri nigredinem, collectamque ex pulveris Tabaci usu duritiem, in sectione cujusdam cui hæc narium delitiæ placuerunt. *Bartholinus Act. Medic. Observat. xvi. annor. 1672.*

## S C H O L I A.

**F**orsan vitio præter naturali viâ hic patentiores, erosas vel apertis membranis cerebri, admittere potuerunt raro spectaculo rariorem pulverem: Nam in sano statu nihil tale metuendum, cum nec fumus per fistulam attractus ad cerebrum penetret,

nec illud inficiat, sicut optime in Anatome observavit *Gulielm. de Mera Epist. ad Neandrum*, cum morbi potius non fumi vitium fuerit in homine à *Pauvio* dissecto.

§. 9. *Philippus de Arantio* suspensus in platea pontis Romæ Febr. 9. 1650. qui quotidie Tabaco tum in fumo tumin pulvere utebatur, à me publice sectus, spinam quandam osseam, seu potius lapideam tricipitem, Neptuni fuscinam representantem habebat, inter duram & piam matrem in parte sinistra prope falcem, e directo intersectionis commissurarum coronalis & sagittalis, sed piæ ita fortiter adhærebat, ut sine laceratione ipsius avelli non posset, quin imo acuminibus in cerebri substantiam ingressa conspiciebatur



batur, si suspensus non fuisset, certe brevi mortuus fuisset, apparebant enim circa ipsam spinam inflammationis rudimenta. *Dem. Panarolus pentec. v. observ. 14.*

§. 10. *Helmantius* ex Tabaci fumo stomachum flavedine tinctum à fuliginibus narrat.

§. 11. *Tulpius* in visceribus eorum, qui Tabacum ore trahere consueverant, vestigia ejus notavit. *Schneiderus lib. de Osse cribiformi.*

§. 12. Sunt qui nescio qualem noxam cerebri nigredinem ex usu tabaci frèquente metunt, quasi fumus nigrorem calvariae intus induceret, ut ignis fumans camino: Hoc idem cum suspicaretur Sereniss. Dux Bavariae Maximilianus, cujusdam Consilarii sui tabaco abutentis, (fuit Ferdinandus Sagittarius, Medicus Excell.) & vomitu continuo tandem extincti, caput per Anatomiam explorari mandavit, quod una cum cerebro & membranis factum rectum, sine omni noxa inventum est: Nihilominus pro continuo vomitus & mortis causa potuit statui abusus Tabaci, vi cujus nimium pituita ad ventriculum transit, quae vel copia & frigidity eundem tandem enervavit: vel malam qualitatem & corruptelam per moram inducens, vicina membra, & ipsum adeo ventriculum in commune malum traxit. *Haferus Hercolius Med. Lib. 1. cap. v.*

#### SCHOLIA.

**V**i cujus nimium pituita &c.] *Henningus Arniceus* Archiater Regis Daniae Christiani Quarti, de Tabaci fumo, & omni ore captato, ita decernebat, eum ob acrimoniam esse penetrantem, atque adeo ceu per rectos cuniculos perrepere & alterare universam cerebri massam, utramque meningem cerebri, omnis generis vala & in eis contenta &c. Qui cum semper ipso actu quoque esset salidus, dum ex calice tubulorum ignito & flammante Tabaco ore existeretur, fieri per rerum naturam aliter non posse, eum, cum ex decretis Aristotelicis, caloris esset colligere homogenea & segregare heterogenea, quin funderetur pituita, cujus metropolis ab *Hippocr.* cerebrum statuitur: Neque dubito rem se habere ut *Arnicaus* decrevit: Nam puto prodromos catarrhorum intermurationes, sputationes, salivationes, omnes hos actus (non de generatione materiae, aut materiae, morbificae causa loquor) à calore proficisci, aut illum esse causam sine qua non catarrhorum: Sic *Hofmannus*, lib. 3. Instit. cap. 109. Solum calorem, eumque ut plurimum externum, ut est ignis, solis, ab exercitio, à vino, aromatis, fundere pituitam, aut acre lectum defendit; Quod si ergo quis ethychnio ex munitorio corraso, funis igniarli militaris stupei praefegmine, vel denique terrae bituminosae fossilis frustulo calicem tubuli Tabacarii, loco Tabaci (quibus dolis milites praefidiarii se invicem decipiunt) referferit, utique non minus quis sputabit qui horum incensorum fumum sugat, quam si optime nota Virginiano Tabaco calicem tubuli repleverit? Positis ergo his & concessis, nempe a crem fumum & calorem quemcumque, dicto modo intromissum in cerebrum, fundere pituitam, eamque, qua dantur portae, ut sunt os sphaeroides & ethmoides rueret, ac illac praeter naturae institutum per nares emungi, hac, ac palati caelum eandem percolari, ac oris beneficio naturaliter excerni,

Quid ergo causae sit ut statuarur praeter ceteris Tabacum mira ubertate ore ac naribus pituitam evocare, vel ratione peculiari cerebro esse dicatum, facileque eo viam affectare, ac ab omni inquinamento cluere, causam nullam video. *S. Pauli de abuse Tabaci p. 9.*

*Nescio qualem noxam &c.*] Cum Tabacum praeter aliquam multis simplicibus insigni narcotica vi sit praeditum, hinc ratione sulphuris sui narcotici stupefacit & corrumpit cerebri temperiem, usque adeo ut cum ex aliis simplicibus concitatis fumis, v. g. majoranae, betonicae, rosmarini, succini, malliches & similibus, pituita à cerebro citra noxam eliciatur, moderate usurpata, à Tabaco illius rursus semper dissolvatur: atque haec narcotica Tabaci qualitas in causa est ut capnophili Tabacarii ad usum usque sint sputatores: Non ergo ideo quia ab illius frequentiori usu mira ubertate pituita veluti stillat cerebrum, peculiari ratione illi id ceu specificum aliquod dicatum, sed quia narcoticum, aut narcotico sulphure citra omnem controversiam abundat, tota substantia cerebro ac nervis infensum ac noxium est: Hinc non tantum permulti olfactu privantur, sed quoque capnophilos Tabacarios non exquisito esse gustu, quarto & septimo nervorum paribus affectis, observare est: Quis jam deinceps Tabacum cephalicum esse, aut salubre cerebro defenderet, cum nervos stupefaciat? Ergo recte argumentari licet, Tabacum est calidum, est valde tenuium partium, maxime penetrans, ergo ob haec omnia, quia una narcoticum, tanto est nocentius quanto est penetrantius, cur? quia narcotica vis ex se tarda, beneficio dictarum qualitarum in actum producitur: Nec credas quamvis nares non amplius fument Tabaco, sine ipse non amplius calere, omnemque fumum evanuisse, quum post bidduum aut triduum, ubi sternutas, olidum exspires. *Idem ibidem.*

§. *Pauvius* Delphis apud Batavos diversa cadavera publice secuit, quos inter Rhedarium furem, qui inter alios fumifugos erat celeberrimus, quique hora mortis Tabaci fumo sese munierat: In illo tamen inventi sunt omnes processus, ductus & ventriculi cerebri, capitique meatus purissimi à fuliginibus & nigrore. *Magnenus de Tabaco exerc. 6. p. 130.*

§. 14. Roterodami architabacarius quidam suspensus & dissectus, nulla cerebri corruptela aut fuligine inventa: multos praeterea secuit fumifugos idem Meara, nullam tamen nigredinis notam reperit, quamvis duos disseverit, gibbum, aliumque qui hora mortis Tabaco sese refecerant. *Idem p. 131.*

§. 3. Genevae anno 1638. quidam nomine *de Verrouil*, ob eadem uxoris rotae supplicio condemnatus, vir robustissimus, annos circiter 50. natus, fumifugorum dux, cerebrum quoque & cranium exhibuit omnis nigroris aut vitii expertus.

§. 15. Ego

§. 15. Ego plurimos, nec ego solum, sed alii clarissimi Professores & Anatomici, sectos viderunt, & observarunt studio, præsertim in Anglicis militibus, & aliis celeberrimis Tabacopis, quorum secta cerebra adeo alba & pura erant inventa, ut aliorum cerebra albedine superarent; Quod de Indis foret dicendum, quorum cerebra non nigra sed albissima sunt, qui Indi nihil aliud faciunt quam per totum diem continuoque istum fumum sugere? *Ioh. Nic. Baumannus.*

## OBSERVATIO II.

*In Calvaria cujusdam, qui quovis tempore & loco horas potuit determinare,  
Pulli gallinacei figura reperta expressa.*

**I**N capite *Antonii à Franckenstein* Belgæ, inusitatæ magnitudinis viri, qui anno 1596. in Academia Julia sectus fuit, cujusque ossa adhuc ibi servantur, Gallus gallinaceus expressus fuit: Ne dubitemus, *Henrici Meibomii*, Anatomici *Helmitadiensis* epistolam ad *D. Sim. Pauli* non ita pridem scriptam, hic subnecitare debui: In cranio nullæ suturæ, sed loco lambdoidis duo conspicua foraminula æque distantia, ex quibus nervi duo pericranio annexi prominuerunt; Crassities cranii digiti minimi articulo extremo respondet: Os frontis geminum, exterius non adeo spissum, interius vero perquam tenue & cartilaginis instar: In concava parte mediz calvariz, occurrit figura quædam ossis tenuissima, repræsentans expresse gallum gallinaceum: Cerebri substantia æquavit pondus librarum duarum: Hæc ita à præsentibus Medicis annotata accepimus: Vulgo quidem apud nos quoque fertur illum singulari quadam sagacitate quovis tempore & loco potuisse horas determinare: *Thomas Bartholinus Aëtor. Med. Observ. 3. Annot. 1671. & 1672.*

## OBSERVATIO III.

*Cranium rustici, qui laqueo fauces sibi præclusit, insolite conformationis repertum.*

**A**Nno 1672. rusticus annorum circiter xl. Genevæ fruges in area trituras, à sociis tanquam *Aëtonis* arma gerens traducitur: injuriam ille tacitus concoquit, recedit quasi prandium de more sumpturus: domum vacuum reperiens (uxor enim lepidula extra urbem secesserat nec ad condictam horam redierat) fores præcludit, lacunari funem appendit, ex eo laqueum format; hinc corbem dosuariam scandit, laqueumque collo adaptat, post altero pede suppositam corbem excurit: Uxor momento post redit, præclusasque fores contra solitum reperiens, valide eas ferit; nemine respondente, ope scalæ humilem domum per fenestras subintrat, suspensumque maritum videt; ad ejulatum concurrunt vicini, cultroque funem discindunt, sed strangulatus & rigidus apprehenditur, etsi à reditu ex area vix horæ pars octava effluxisset: Re ad Magistratum delata, pro more crati impositum cadaver, equo trahente, & manucente carnifice, ad patibularium deferretur: postmodum ministrorum Chirurgorum præda fit.

Caput illud, pro staturæ ratione, ad minimum tertia parte naturali minus erat: cranium insignis crassitiei, densum, adeoque coactum ut ex simplici lamina constare videretur: Os frontis vix pollicarem altitudinem possidebat: Occipitii pars sinistra præ dextra ad pollicis crassitiem eminebat, Sutarum arctissima erat commissura: Lambdoidea ad dextrum latus pollicis latitudine justo magis deflectebat.

Vitiosa hæc cranii conformatio cerebri pravam constitutionem arguebat; sed multo magis mentis error, quod à tam levi occasione violentas sibi intulerit manus.

## OBSERVATIO IV.

*Dissecti cordis fragrantia ex diuturno cardiacorum usu. 1. Cutis Dorsi aliarumque partium mobilitas, ob membranam carnosam fibris carneis donatam. 2. Frons depressa in quibusdam ad nasi radicem, ob deficientem cavernam ossis Frontis. 3. Infans xvj. mensium Iecur habuit in sinistro hypochondrio, Lienem, in dextro, Cor ad dextram propendens. 4. In vena cava mulieris, à frigore externo eneclæ, Polypus carneus inventus. 5. A frequentiori Enematum usu intestina stercore vacua. 6. In canis, inter eundem ad latus sinistrum inclinantis, Renis suist. i substantia duo vermes reperti. 7. Quod quidam sunt Scævolæ, aut ambidextri causa in ossibus brachiorum sita. 9.*

§. 1. **S**erenissimus Princeps Christianus, Marchio Brandenburgensis, &c. valde senex smoriebatur anno 1660.

E E e e e e

Ejus

## S C H O L I A.

**F**orsan fibræ illæ in sanguine subito concrevere, ob plus solitam refrigerationem sanguinis, nam sanguinem in nostro subjecto Anatomico fuisse refrigeratum satis constat, tenui enim vestitu hæc pauperula erat amicta, & sub Jove frigido decumberet, sub quo & mortua; nec ab ullo mortalium in domum recepta est: Mirum ergo non est tam intantum frigus sanguinem condensasse, inque fibras concretum, sicq; venam cavam obstruxisse, hinc vitæ jactura: Plures particulæ polypi hujus ex ventriculis & aliis locis extractæ sunt à D. D. Anatomico. *Joh. Lud. Hännemannus in Thoma Bartholini Actis Med. annorum 1674. 75. & 76. p. 50.*

Cordis de Polypo varii varia, videri possunt quæ inter alios scribis exhibent Viri Nobil. *Tulpius & Bartholinus*: Cujus constitutionis in viro 30. ann. cum repererim in Observatis meis Anatomicis de claravi: Placet nunc ejus figuræ cum observave-

rim in muliere 60. annorum, Crassus valde erat durusque, sic ut cartilagineam quasi naturam induisse diceret: Occupabat non solum utriusque ventriculi cavitatem (cujus etiam cavernis extremitates suas, quas plurimas habebat, inferebat, imo cujus columnis filamentisque nerveis firmiter hærebat) verum & vasorum pulmonalium principia cordi unita, sine laceratione, ne quidem ex corde dissecto eum auferre licebat.

Plura hæc de materia addere superfluum censeo, cum certi hic nihil constitui queat, eo quod in subjectis variis variæ magnitudinis figuræque, imo etiam variis qualitatibus prædictus repertus à me fuerit Polypus talis: Quid si in plerisque demortuis Polypum ejusmodi reperiri dicerem; nec ideo quod in cadavere observetur, etiam in vivo cum adfuisse bene inferri? *Ger. Blasius p. 6. Observat. Medic. 1.*

§. 6. Filiolæ infudit Pharmacopolæ uxor, ob intestina à spiritu distenta, tam frequentes clysteres, ut in ventre post obitum dissecto vix pugillus stercoris superfuerit: argumento certe evidenti immoderato clysterum usu non semper subduci superflua, sed interdum quoque necessaria, quæ tandem cederent indigæ naturæ in utile alimentum, sine cujus perenni adminiculo consumitur necessario homo, & exhauritur tandem uberrimus nostræ vitæ fons. *N. Tulpius Observat. lib. 3. cap. 16.*

## S C H O L I A.

**A** Purgatione frequentius, & abs re instituta, simile quid à me animadversum in anniculo puello Domini *Henrici Faxarger* Neocomensis, à phthisi interempto, cui nimis sedula mater pridie

ante obitum purgationem pro ætate validiorem exhibuerat: illi intestina fecibus omnino destituta erant, flatibus ab imo ad summum mire admodum distentis; consistente cum lacrymis matre obitus anticipatione.

§. 7. Quondam in Parisiensi Medicorum Schola inferiore in dissecto cane, quem videremus cundo in sinistrum latus inclinantem, Renis sinistri substantia interior à duobus vermibus consumpta occurrit, quorum unus pedem longus erat; alter vero semipedem longus apparebat. *In Actis med. Th. Bartholini anni 1675. Ex Franc. Deleflans.*

§. 8. Ill. N. filium 4. annos natum habet, qui cum lævam manum dextra ad omnia magis agilem haberet, omnia ea conficit ut sinistri nomine mereatur: Cæterum pater ægre ferens pueri vitium, remedium quærit quo puer dexter evadat: Porro cum multa machinata sint, & per plures dies manum alligarent & vincirent ut dextram exerceret, & ea functiones cunctas obiret, nihilominus tamen puer sinister semper mansit: Sed qua ratione nemo, quod sciam, dixit, cum id ex anatomica diligentia, potius quam ex rationibus philosophicis deprehensum sit: cum igitur superioribus annis plura & varia corpora dissecaremus, anatomix exquisitam cognitionem desiderantes, non tantum corporum sectione, & particularum cognitione contenti evadebamus, sed etiam eorum vascula, syphone impulsio spiritu, primo alicubi dissecta; impellebamus, unde multa & varia nunquam antea scripta, neque fando audita invenimus: Sed non hoc tantum machinabamur, sed ossa ponderabamus, dextra sinistris conferendo: ex qua libratione quæsitam rationem invenimus: nam cum os brachii dextri, & sinistri à cubito ad humerum incedens æqua bilancelibrarem, dextrum in uno latere, sinistrum in altero ponens, dextrum, sive brachii dextri, longe plus gravitate os sinistri osse inveni: quod tunc considerans, ac in dubium trahens, forte id evenire ob dextrum exercitatum brachium, ad quod nutrimentum majori in quantitate confluit, hæsitabam; neque pro hac robora affectione exempla mihi deerant, prout ex Amazonibus desumitur, quibus dextra mamma urebatur, ut omnis vis ac robur in dextrum humerum & brachium deferretur: Cæterum restabat id experiendum in puero parvo, qui nondum brachium exercuerat, cum ejus dissecandi corpusculi occasio daretur: Sed ecce cum periculum facio, id quoque in puellulo evenire prout in homine inveneram, deprehendi: Unde judicium facio eos qui à natura dextrum brachium robustius habent, raro vel difficulter ambidextros evadere: Si tamen contingat brachio dextro non admodum additamentum illud plurimum esse, tunc exercitatione & longa consuetudine, ita bene sinistra manu ac dextra utetur hic, cui hæc evenerint, & tunc ambidexter evadet, ut multis



evenire experimur : Et *Galenus* notat enarrat. 44. lib. aphor. Quibus tu addas *Aod* Hebrorum ducem , ambidextrum , qui 80. supervixit annum , ut lib. Judicum legitur : Porro si ut natura brachio dextro additamentum illud fere semper elargitur , brachio sinistro evenire contingat , tunc vir sinister omnino evadet , & ut dixi , ambidexter quoque erit , modo tamen non magna inter sit ponderis disparitas : est namque brachium dextrum ( si modo *Hippocr.* fides habenda est ) sinistro robustius , quum omnia dextra membra sinistris robustiora lib. 3. de morbis dixerit. *Amatus Lusitanus Observat.* 100. cent. 4.

## S C H O L I A.

**A**mbidextrum] Raros esse qui ex æquo & ad omnia officia utraque manu utantur ostendit exemplum ex S. S. allatum : Producere liceat b. m. Parentem D. D. *Andream Bonetum* , Medicum celeberrimum , primo Lugduni Gallorum , quod ejus patria ; mox Genevæ : brevi statura , sed quadrato corporis habitu ; nonagesimum prope attigit annum , dysenteria epidemica anno 1639. sublatum ; cui alias diuturniore vita ut digno , sic optima corpo-

ris constitutio prolixior spondebat , imo annos Nestoreos : Ne unicus enim deerat dens , omnes integerrimi , candidi , nitidi , quod sobrietati præterea eximie debebat : Id vero mihi observare licuit cum mentis assideret , si culter lævæ manus occurreret , eodem eadem dexteritate in quibuscumque dissilandis vium ac si in dextram venisset : paucis , ad solam scripturam dextra tantum utebatur.

## O B S E R V A T I O V.

*Quidam in summis torturis Frontem nunquam corrugavit. 1. Præ torturæ violentia homoplata disrupta. 2. Quidam frontem elevans nasum simul attollebat , ob peculiarem musculum illi concessum. 3. Latrones ut plurimum carent musculo interiore manus primo.*

§. 1. **M**usculi Frontis alligantur cuti immediate : quibus autem pinguedo intercedit , illis cutis frontis corrugari nequit : quod accidit anno 1623. furi Patavino , qui in summis torturis cutim frontis nunquam corrugavit : Cum autem cadaver in theatri Anatomici usum peteretur , *Adr. Spigelius* ab Ill. Prætoris Julio Contareno causam rogatus , respondit id provenire ab interventu pinguedinis inter cutim & musculos frontis , quem ipsa autopsia post uberrimum confirmavit. *Rolsnickius Diss. Anat. lib. 3. cap. 10.*

§. 2. Anno 1624. Ampliss. meo Magistratui meo , Bernensi pro Bibliotheca sua Scelëton virile obruli , in quo homoplata in tortura adeo contracta fuerunt , ut eas filo æneo connectere necesse mihi fuerit.

Habeo & aliud in Musæo meo , in quo simili modo disruptas & à me connexas homoplatas fuisse ocularis inspectio fidem facit.

At quis quæso hominum tam cordatus esse posset qui in extremis istis angustiis atque tormentis non potius mori mallet falsum fatendo , quam diutius vivere cruciatus hosce ferendo ? *Fabritius Hildanus in Operum Præfatione.*

§. 3. Per spinam nasi musculus extendebatur secundum illius longitudinem , nunquam ante à me visus : Videbatur propago & appendix carnosa musculi Frontalis , hoc enim elevato movebatur ille : Musculus labii superioris longus , ab osse jugali ortus , appendicem quoque mittebat , ad alterum ejusdem labii musculum , cum naso communem. *Th. Bartholinus cent. 1. hist. 38.*

§. 4. Musculi extremæ manus in internos & externos dividuntur : Interni sunt octo , primi verus usus est digitis flectendis auxiliari , & ut acuto sit sensu : Ergo si quid nocuum nobis manum constringentibus occurrat , id dictum ac factum abjicimus priusquam læsio procedat , non autem est usus ut vola depilis fiat , quod aliqui voluerunt : Observavi in quibusdam furibus ac latronibus magni nominis ob præclara ipsorum facinora , eos hoc musculo caruisse , licet tendo adesset , qui exortum ducit à ligamento brachialis interno : Hoc primum Patavii observavi in illustri fure Corola dicto : Idem Pisus animadverti in Tympanista , & superioribus annis Romæ idem vidi , & spectatores admonui in Presbytero Lucensi , qui furum Rex merito dicebatur , & propterea aureo torque , diadema gestans aureum suspensus est. *Columbus de re Anatom. lib. 5. pag. 288.*

## S C H O L I A.

## S C H O L I A.

**H**inc forte Cheiromantes cruci destinatos agnoscunt, quod hujus musculi defectus aliam & diversam in vola manus signaturam efficiat & exhibeat: ulius vero musculo assignatus a Columbo huic musculo, ut si quid notuum manus contrin-

genti occurrat, id protinus eo mediante abjiciatur, dissentit a Gallorum adagio, qui furem designaturi, de ipso inquirunt, *Il ne trouve rien de trop chaud*, calidissima etiam & deventia amplectitur.

## O B S E R V A T I O VI.

*Robustissimorum quorundam cranium suturis destitutum repertum. 1. Vir summe robustus os unum indiscretum habuit à jugulo ad ilia, costarum vicem supplens. 2. Singulare robur capitis, ob crassitiem cranii eximiam, & totius corporis ob ossa crassissima, viscoso humore copioso delibuta. 3. Quidam admodum agilis singulares obtinuit musculos. 4. In Audacissimis quibusdam cor hirsutum repertum. 5. 6. 7. 8. Audacissimus cor habuit hirsutum & partem trunci Aortae osseam. 9.*

§. 1. **H**erodotus, Synesius, qui Herodotum laudat, Theophilus, Pollux, Arrianus, Æthiopum crania produnt & maxime firma esse, & Suturis carere: Aratus.

*Sape ego sic medio tantum de vertice vidi*

*Lincolam junxisse caput: quin plurima cernas*

*Firma hominum capita, & nulla compage revincta.*

§. 2. Quod Herodotus & Aristoteles suo tempore observavit, idem nos quoque in decollati cujusdam, Viri robustissimi cranio deprehendimus: Iessenius.

§. 3. Albertus, Marchio Brandenburgicus, Germanicus Achilles cognominatus, corporis magnitudine & robore insignis erat, Nec morbis adeo maceratus fuit, Cranium vero fuit solidum. Schenckius ex Reinero Reineccio. Vide Observat. 92. lib. 1. sect. 1.

## S C H O L I A.

**Q**uestio existit, plures suturæ an pauciores commodam creent valetudinem? Hippocr. & Celsus inter se dissentiant: Ille, Qui plures suturas habent, hi capite melius valent: Contra Celsus; Raro calvaria solida est sine suturis, locis tamen æstuosis facilius invenitur: & id caput firmissimum, atque à dolore tutissimum est: Ex cæteris quo suturæ pauciores sunt, eo capitis valetudo est commodior: Verum si hujus verba percontamur. hic Hippocr. testifragari non videtur: Sermo enim Celsi tantum de iis qui locis æstuosis degunt, Hippocr. vero de Græcis, & cæterarum nationum hominibus maxime loquitur, qui tam æstuosam non incolunt terram: Iis moris est caput veltibus tegere, maxime si iter faciunt, aut in Sole ambulant: Quare his sunt crania suturis lecta, atque quo plures eorum capita habent suturas, eo magis illi capite valent: E contra homines locis æstuosis degentes caput ab ineunte ætate nudant, radunt, ac Soli de industria subjiciunt, ut suturæ arctius coeant, concresecant, & cranium quoque vehementius indureseat: his itaque quo pauciores sunt suturæ, eo commodior valetudo: nam ejusmodi cranium & externis injuriis illatiquæ plagis fortius resistit, & morbis internis minus patet: Quare Synesius illud cranium appellat *ἀνίσχυτον* & *ἀσπιδώτατον*: atq; Celsus Indos tradit neque ex capite, neque ex oculis laborare: Dicit quilibet, Vapores non possunt exhalare, hinc morbi? Homines illam terram incolentes æstuosam, inquit Galenus, siccioris naturæ durique habitus, cum & Solis ardoribus quasi torrantur, ac multæ sunt viæ quibus hæc & ejusmodi alia excrementa cerebri emittantur: Atque qui in Germania vixerunt, & caput solidum sine suturis habuerunt, hi maxime prospera valetudine fuerunt, & corporis robore insignes: Hæc & ejusmodi alia expendet is qui suturas aut aliquando, non vitio morboque ac senio, sed vi ac robore facultatis ossificæ concresecere, ut illi

longe integerrima commodissimaque sunt valetudine: Sed si Aegyptii detecto rasoque capite, ut eorum fert mos, in Sole vertarentur, ac horum capitis ossa suturis laxius juncta essent, nonne tantus æstus sanguinem ciceret, inflammationem moveret, vix perterendum capitis dolorem concitaret? At, inquires, non omnes Aegyptii, Æthiopes, capita habent suturis vacua, Nec id contendit Celsus, locis tamen, inquit, æstuosis facile invenitur: Facilius vero eo quod caput soleant insolare, quo fit ut cranium illis caloribus mirifice indureseat & suturas perdat: Ac Indorum quoque capita tam dura sunt tamque solida, ut aciem ferri respuant (vide lib. 1. sect. 1. observ. 91. in schol.) Illud etiam hic considerandum est quod ingentem habeat vim consuetudo, atque si ex Hipp. ex macrocephalis macrocephali generantur, heri posse ut ex parentibus, quarum crania suturis paucioribus donata sunt, similes proles gignantur; quarum crania eandem naturam & durtiem quam citissime acquirunt, præsertim cum tantus æstus Solis cranium, nonnisi naturali veste tinctum, mirifice arefacere queat ac indurare; atque credendum est quosdam ibi suturas citius, quosdam tardius amittere: quare haud mirum in Æthiopis cranio Riolanum Parisiis suturas notasse; nam quos etiam Æthiopes in Germania dissecamus, ii admodum pueri Æthiopicæ oras reliquerunt: Et nos in multis Indorum craniis suturas notavimus, quæ nunc conspicuæ erant, nunc obscuræ: Ossa vero cranii densissima, crassissima & maxime solida invenimus. Hacque ratione Hippocr. interpretamur: Alioqui vulgus hanc rem hoc modo expedire videtur. Caput suturis carens, cæli ærisque injuriis minus patet, ac propterea ejus valetudo, ut Celsus docet, est commodior, at internis morbis ejusmodi cranium, ut Hippocr. tradit, magis opportunum est. Schneiderrum lib. 2. de Catarrhis cap. 5.

*Nec morbis maceratus* ] Recentiores authores

EEcccc 3

Suturas

Suturas in admodum plures res usui esse arbitrantur: 1°. credunt cerebrum, molliculam partem, membranis per suturas cranio adnexis providentissime suspendi, quod & docet *Galenus*; Verum cui hoc probari poterit? quam vehementer hæ membranæ cranio, uti ostendit *Berengarius*, adnectuntur, ubi illæ simplices sunt, ubi nullæ apparent suturæ? 2°. Tradunt vapores hic exhalari: Nos non iniciamus futuris naturam abuti: ac negamus hoc primarium futurarum munus esse: multi integerrima valetudine fuerunt ac robore corporis præstiterunt, quorum capita post mortem sine futuris inventa sunt: Quidam senes cranii suturas amittunt, & sunt incolumi

ac firmo capite: 3°. *Galeno* auctore, aiunt ex futuris venas & arterias formas emitti, quæ cranio & pericranio sanguinem subministrant: Verum quæ venæ futuris egredi possunt, quæ tam arctæ sunt? quarum dentes tam sunt acuti, tam asperi, tam coquinode cocunt: pericranium sanguinem ab aliis venis haurit, quo alitur. 4. Caput futuris confectum esse aiunt, ut altero capitis osse fisso, alterum ne findatur: At *Galen.* 6. meth. m. ait, se os syncipitis & temporis una plaga filium curasse, ubi certe tantæ rimæ scissuræ squamiformis obstare haud potuit: Cujus reitantes etiam *Fallopianus*, *Parvius*, *Spigelius*: *Idem*.

§. 2. Apud Magnesium, qui ad Lethæum sunt, quidam fuit *Protophanes*, qui de pancratio & lucta eadem die in Olympia victor est renunciatus: In hujus sepulchrum aliquando latrones prædæ spe ducti penetrarunt, post illos alii multi visuri mortuum, costas non habentem discretas, sed pro illis continens os habuit ab humeris ad eas costas quas Medici nuncupant nothas: *Pansaniæ in Atticis, sive lib. 1. p. 66.*

## S C H O L I A.

**Q**ui robustis costis sunt, fortis animi sunt, & referuntur ad masculos: *Aristot.* in figura iracundi, cum bene costatum facit, Et in figura fortis, ossa & costæ, & extrema corporis fortia & magna

adscribit in Physiogn. In figura fortis *Polemon* & *Adamantius*, articuli & latera fortia & robusta. *Iob. Bapt. Porta lib. 2. Physiogn. cap. 33.*

§. 3. Cum *Patavii* Medicinæ operam daremus, plura cadavera dissectuimus: Cum multa in his rariora observare licuerit, tum istud singulare in bajulo animadvertimus: Cum proceræ staturæ esset, & ossa haberet validissima & crassissima, multum curæ adhibuimus ut illa quoque rite composita evehere possemus: Soli igitur per ætatem integram in lecto planiori exposuimus, sed nunquam ut satis siccarentur obtinere potuimus, quia semper unctuosæ permanebant, Nec juvit denuo coxisse & Soli exposuisse: Hæc causa fuit ut amico relinqueremus omnia cum iter ingrederemur, solo cranio nobiscum deportato, quod etiamnum habemus nullis omnino futuris, ut vocant, prædictum, & densissimum ut digiti fere annularis crassitiem exæquet: Hic Bajulus cum viveret, nulla vi externa facile lædebat in capite, nec unquam à causa interna dolebat. *G. H. Velschius Observat. Phys. med. hecatostea l. §. 77.*

§. 4. Capite truncatum mense Martio 1651. evisceravi: Inter musculos radii, duos illos parvos *Casserii* non inveni, negatos quoque à *Riolano*: Unum tamen vidi triangularem, à summo cubito ortum, & desinentem circa medium ejusdem, carnosæ fine & angusto, qui nullius cogniti musculi fuit portio, quos omnes diligenter ante separavi: In minimo digito pedis Flexorem musculum observavi singularem, longum & teretem, à tibiæ capite exortum, duobusque tendinibus circa insertionem divisum. In Lumbis, juxta musculum *Psoas*, alius musculus comparuit à nullo hæcenus observatus, Ex parte majori musculo *Psoas* subjacebat, sed exterius ad latera magis vergens: Initium idem cum majore *Psoas*, carnosum, inferebaturque carnosus in superiorem ossis *Ilii* marginem posterius, ubi *Iliaci* inferni est ortus: Existimavi usum hujus esse ut pulvinaris Instar majori substerneretur, si quidem os *Ilii* ex se immobile, vel ut os idem sustineret, ne nimium stante homine oneri esset.

Tantam musculorum ubertatem & varietatem non memini in alio unquam me vidisse: Homo vero hic, dum in vivis erat, compacta membra motuum agilitate facile & cum robore versabat. *Th. Bartholinus sent. 1. histor. 38.*

§. 5. *Jacobus* Latro è patibulo quo suspensus fuerat, veluti jam mortuus, sed qui tamen adhuc viveret, depositus atque curatus convaluit: Verum ut erat homo ingenio malo pravoque, ad eadem statim scelera revolutus, quibus antea extremam promeruerat supplicium, iterum capitur atque suspenditur.

Quare hominis admirati nequitiam, mortui cadaver incidendum curavimus, & inventum cor ejus ob eximiam caliditatem undique pilis refertum.

Hoc idem inventum est in corde *Ariltomenis* Græci, qui solus perhibetur integras acies pugnando in fugam vertisse: Est ergo non tantum scelesti ingenii signum, sed quandoque etiam raræ fortitudinis. *Benivenius cap. 83. de Abditis.*

§. 6. Olim *Ferrariz* experti sumus in quodam à nobis confecto, cujus cor pilis circum-

septum



septum erat, audacissimus hic erat grassator & latro insignis: *Amatus centur. 6. curat. 65.*

§. 7. Memini cum Veneriis essem sumptum capitis supplicium esse de quodam nobili latrone, qui cum à carnifice dissecaretur, corde admodum piloso repertus est. *Ant. Muretus lib. 12. cap. 10. Var. Lect.*

§. 8. Hirsuto corde gigni quosdam homines proditur, neque alios fortioris esse industriæ, sicut Aristomenem Messenium, qui 300. occidit Lacædæmonios: Ipse convulseratus & captus, semel per cavernam latomiarum evasit, angustos vulpium aditus sequutus: Iterum captus, sopitis custodibus somno, ad ignem advolutus, lora cum corpore exussit: Tertiò capto, Lacædæmonii pectus dissecuere viventi, causa videndi, hirsutumque cor repertum est: *Plinius lib. 11. cap. 37. nat. histor. Valerius Max. lib. 1. cap. 6.*

§. 9. Nob. Polonus studiorum causa in Italiam ablegatus, & ut Palladem non hastatam, sed togatam potius coleret, Patavium antiquissimam Antenoris civitatem Musarumque delubrum devenit: is neglectis studiis humanioribus, arma pro more ibidem loci inter studiosos detestando, serio tractavit, ut strenuus omnibus digladiationibus & congressibus nocturnis, tanquam miles legionarius, mercede conductus & veluti semper primus aciei interesset, unde post id præmii reportavit ut victus ab hoste suo, globo trajiceretur, vitamque miseram cum miserrima morte in ipsa acie commutaret.

Hujus cadaver in theatrum delatum, anno 1650. more solito apertum, cor in publica Patavinorum Anatomia, præsentibus Rectoribus Civitatis, &c. ut & tota tum Doctorum tum studiosorum cohorte numerosissima exhibebatur, undequaque pilosum: Truncus vero arteriæ magnæ descendens, circa septum transversum, ad minimi digiti longitudinem rotus osseus: Quæ causa fuit ut pugnacissimus hic juvenis per plures annos de ardore cordis, & dolore quodam pungitivo ad dorsum spinam conquereretur, præcipuè ex leviori aliqua facta commotione. *1. Scultetus Trichiasis admiranda pag. 82.*

## S C H O L I A.

**A**udacissimum fuisse nostrum ne mirere, cum ut *Avicenna lib. 3. Fen. 2. Tr. 1. cap. 3.* pilorum in pectore latgiorem proventum, præcipue si incurvantur, calorem cordis præstent: hæc sunt ejus verba, Pili plurimi super pectus, & propriè illi qui sunt ciliis, significant caliditatem, &c. Si id ab externo corporis habitu præsumere licet & dijudicare,

sane æstus ille cordis major, cum sanguine glutinosiore, materiam pilis subministrante, quo iptum cor, cum secaretur, refertum erat, maius calcar addidisse, certo nobis persuasum habemus: quo factum ut incitato quasi spiritu singulari, impetuosior in hostem rueret. *Idem.*

## O B S E R V A T I O VII.

*Hominis ferocissimi cor pusillum ac durissimum. 1. Mulieris ob flagitia decollatæ cor inversum inventum. 2. Latronis ferocissimi cadaver viscerum imi & mediæ ventris, à dextris ad sinistra transpositionem exhibuit. 3. In viri ferocis & nequam cordis vasorum orificiis caruncula reperta. 4. Latro cor bifidum habuit. 5. In Juvenis dissolutissimorum morum cadavere duo Lienes urventi. 6.*

§. 1. **I**N quodam nebulone ferocissimo, qui dum virgis à carnifice caderetur, lictoris subannantis ensẽ arripuit, eumque vulnere perfodit, deprehendi cor pusillum admodum & durissimum instar cartilaginis, ut nullum unquam viderim solidius. *Riolanus Anthropogr. lib. 3. cap. 12.*

§. 2. Mense Januario anni 1671. Halæ Saxonum Collegium Medicum foeminam 20. annorum, ob crimen incendii & furti decollatam, cultello Anatomico subiecit, in qua præter Pulmones diaphragmati & pleuræ firmiter annexos, aliaque, observavimus cor plane inversum, ac sinistrum ejus ventriculum dextram thoracis partem occupantem: Arteriam verò magnam statim supra cor in viam, seu latus sinistrum, erroris sui quasi memorem, redeuntẽ, nullius alterius partis situ mutato. *Valentinus Andr. Mollenbroccius Observat. 76. Miscell. cur. anni 1671. Vide Cardianostrophẽ admirandam Friderici Hofmanni, ubi fusc hæc describitur historia.*

§. 3. Cadaver sicarii cujusdam, dicti Richardi Francœur, qui cum nobilem virum in rheda Illustr. Principis de Beaufort sedentem noctu sclopeto interfecisset, supplicio rotæ fuit addictus anno 1630. dissectum fuit, & sequentia exhibuit.

1. In venæ umbilicalis situ, progressu & insertionẽ immutatio animadversa est, hæc enim quæ consuetudo & à natura instituto ordine versùs hypochondrium dextrum tendit, atque in scissuram Hepatis, dextro illo hypochondrio contenti, inseritur, aliter sic se

habebat, si quidem hæc vena ex hypochondrio sinistro orta in umbilicum desinebat.

2. Diviso peritonæo major admiratio subiit, dum venæ umbilicalis progressum inspectando, Hepar sub hypochondrio sinistro prorsus reconditum, lienis & fundi ventriculi locum occupans animadvertit: cujus pars gibba costas nothas sinistri lateris respiciebat, parsque hepatis, quæ secundum naturam versus sinistram latum protuberat, in hoc versus dextrum protendebatur: proinde venæ cavæ truncus ascendens & descendens in partibus sinistris collocatus erat, parte nempe laterali & sinistra vertebrarum dorsi & lumborum superstratus, qui pro solito naturæ instituto super prædictarum vertebrarum parte interna, eaque dextra & laterali jacent: ex quo factum est necessario ut situs partium omnium internarum, tam in abdomine quam thorace contentarum, immutari atque in verti debuerit, ut deinceps patebit, cumque Hepar sit veluti basis, quo ceteræ partes superstructæ videntur, ejus sedem, dispositionem & collocationem necessario sequi coguntur: Illo namque transposito fieri non potest quin & ceteræ partes internæ transponantur.

3. Uterius progrediendo ventriculus in dextris partibus situs inventus, cujus orificium superius super dextro latere vertebrarum metaphreni collocatum erat; quod insolitum est, nam secundum naturam ad diaphragma accedens sinistrorsum vergit, ejusque fundus dextrorsum inclinat: In hoc cadavere orificium ventriculi inferius, sive pylorus, in latus sinistram reclinabat, qui solet in partem dextram tendere, propterea lienis, intestini duodeni situm inversum fore tunc Chirurgus verisimile visum est, quod postea verissimum comperit.

4. Fundo ventriculi in oppositam partem reclinato, lienem in hypochondrio dextro collocatum adinvenit, cujus pars gibba nothas costas, summa verò ventriculi, prout solet, respiciebat: cui per vas breve, quod trifidum erat, membranasque ordinarias alligabatur. Ex quo lienis positu oritur etiam in venæ splenicæ, proindeque totius venæ portæ situ & distributione immutatio atque inversio: Vena enim porta, quæ naturalem situm in parte dextra obtinet, in sinistra parte erat constituta; & splenica, quæ è sinistris esse debebat, erat è dextris partibus.

5. Ventriculi situm immutatum sequitur identidem situs intestinorum mutatio: cum enim pylorus ad sinistram partem esset propensus, intestinorum principium è partibus sinistris ducebatur, duodenumque in sinistra parte erat collocatum, neque ut solet constitutum: cum enim secundum naturam sub pancreas ducatur, sitque ut convenientem dispositionem situmque obtineat, obliquum & in medio reflexum, ut quod semel egressum est è ventriculo in illum reflueret non possit, hic contra sese habebat, supra enim pancreas quasi recta ferebatur, intestinumque jejunum, cujus initium esse solet in parte sinistra, hic in parte sinistra erat locatum, sicque intestinorum omnium situs erat inversus, quæ enim ad dextram partem pertinebant, sinistro loco continebantur, veluti cæcum quod in sinistra parte erat cum appendice sua, una cum initio coli, cui in dextra secundum naturam sedes convenit, & in dextram terminatur, rectum pariter è sinistro latere initium ducere solet: E contra in hoc cadavere Colon intestinum in dextrum latus desinebat, rectum vero ab eo latere exordium sumebat: proindeque mesocolon in dextra parte situm erat, cui pars dextra dicata est secundum naturam: Sic vena hæmorrhoidalis, quæ è splenica ut plurimum, interdumque è mesenterica sinistrorsum oritur, & per coli intestini & recti longitudinem fertur, & ad extremum recti intestini deducitur, in hoc cadavere è splenica dextrorsum exoriebatur, quo loco lien situs erat, dextrorsumque per longitudinem coli & recti extendebatur.

6. Utque vena cava descendens sinistram versus vertebris lumborum incumberebat, quæ in parte dextra reperiri debebat: sic Aortæ truncus descendens dextram sedem occupabat, quæ cavæ descendenti trunco naturæ lege debetur: inde factum est ut ceteræ venæ transpositæ fuerint, quod potissimum in vena spermatica dextra cernebatur, quæ ab emulgente dextra emergebat, & spermatica sinistra, quæ è trunco venæ cavæ sinistrorsum exiliebat.

7. Renum pariter situs erat inversus: ren enim sinister digiti latitudine sinistro depressior erat: Jecore nempe in sinistro hypochondrio collocato ipsum comprimente: ren vero dexter erat elatior, liene minorem locum in dextro hypochondrio occupante.

8. Insuper *cānalis quidam conspicuus* inventus fuit in abdomine, è cavis jecoris emergens juxta venæ portæ exortum, per medium pancreas transiens & in intestinum duodenum inter duas tunicas desinens, propter meatuum cholidocorum insertionem: is erat substantia nervosa, figura rotunda, pennæ gallinacæ magnitudinem referens, in cujus cavi-

jus cavitatem tubulus introductus fuit, qui Hepar ingrediebatur, & inter duas tunicas duodeni perducebatur, hicque canalis plures ramulos in pancreas diffundebat.

§. 8. Partes thoracicae eundem situm obtinebant: Tres enim Pulmonum lobus ad dextrum latus pertinentes sinistro latere, duo vero dextro continebantur: Cordis conus, qui ad sinistram latus paulo inflectitur, basisque quae ad dextrum paululum vergit, contrario modo hic sese habebant: pericardii enim & cordis mucro latus dextrum, ejus vero basis latus sinistram respiciebat, sicque quatuor vasorum cordis ordo etiam immutatus fuit, ut & ventriculorum cordis situs inversus: dexter enim sinister erat, & contra: sic aorta in dextro latere erat posita, Ostiumque venae cavae, quod in cor dehiscit, in sinistro aspectabile erat cum auricula cordis maiore: Arteria vero venosa, venaque arteriosa, cum minore cordis auricula, in dextro conspiciebantur: Vena sine pari partem sinistram internamque venarum metaphreni perreptabat, ortumque suum ducebat ab initio subclavium ramorum, octo ramulos emittendo, qui tam ad dexteram quam ad sinistram partes deducebantur.

9. His ita constitutis, sequebatur necessario nervorum recurrentium situm quoque immutatum esse: solet enim nervus recurrens sinister reflecti circa descendens aortae incurvationem: dextri vero reflexio circa subclaviam dextram veluti circa trochleam perficitur; Et sane contrarium positum in hoc cadavere nervi recurrentes obtinebant, aorta enim in dextra parte locata, nervus recurrens circa ejus incurvationem reflectebatur, in sinistra vero circa subclaviam reducebatur. *Cattierus Observat. 17.*

## S C H O L I A.

**C**Analys quidam conspicuus] Ignorasse videtur Pancreatis ductum peculiarem, seu canalem à Viriungo inventum, qui venae speciei & structura aliorum oculis ante imposuit: secundum pancreatis longitudinem exporrigitur, breves, sed numerosos ramulos quaquaversum diffundens: Amplitudinem insignem obtinet, ac officio amplo ad

intestinum duodenum, quandoque in meatus biliarium extremum desinens, quandoque peculiari meatu prope porum biliarium, digiti latitudine distanti intervallo intestinum jejunum hians: In prodigiose constituto homine, canalis ille ad cava jecoris exporrectus est.

§. 4. In *Ioanne Dorleans*, malis moribus praedito, audaci & feroci, veluti carunculae reperiuntur sunt, exque oblongae, in orificiis vasorum à corde ad pulmones pertinentium.

## S C H O L I A.

**C**Aruncula, &c.] Credunt in eo sanguinem concrevisse à calore, utpote maxime fibrosum, & id induxisse: atque in audacibus & calidioribus sanguinem per se in aliquid carnosum & pelliculosum cogi posse, ratione fibrarum quae ipsae sunt ejus rei causae effectrices. *Ballon. Epid. & Eph. l. 2. p. 144.*

*Veluti caruncula*] Discernas an sit sanguis solum, an vero carunculae, quoniam hic decipi facile est; Si sanguis est, aqua facile solvitur; Si carunculae, pelliculae adsunt, restant post affusi sanguinis eliquationem. *Idem ibidem.*

§. 5. Christophorus Gioé, vir Nobiliss. narravit mihi in Norvegia pridem à se visum latronem qui poenas scelerum luebat: Quum exenteraretur à carnifice, cor habuisse singularis figurae, mucrone non acuto, ut fieri solet, sed bifido, ut distincti ventriculi manifestius externa facie apparuerint, dexter nempe & sinister, interjecto hiato. *Thomas Bartholinus cent. 1. histor. 68.*

§. 6. Venit ad officinam meam anno 1560. dissolutissimis moribus adolescens, Joh. Aurias: frigus erat tantum quantum ex eo non memini, tum ille ad me; Ecquid, inquit, tempus hoc sectioni aptum? aptissimum inquam, si modo magistratus furem aliquem, quorum hic tanta copia quanta muscarum cum caletur maxime, in crucem ageret: Cum ille, bono animo es, materiam tibi sectionis praebeto; dixit simulque stricto gladio (nox erat) egreditur: Egressum inimicus, qui ex insidiis ad fenestram sermonem ejus hauserat, excipit, gladiumque per ventrem exigit, concidit exanimis Aurias, altera, ut praesagierat, luce, theatro secandus offertur.

Duo illi Lienae erant bellissimi, singulis suae arteriae venaeque, & quidem haemorrhoidalis maxima, è medio liene progrediens, hinc quicquid erat humoris melancholici exercebatur, nec unquam per omnem vitam tristitiae se multum dare visus, Jovis non Saturni pullus: *Cabrollius Observat. Anat. 15.*

## S C H O L I A.

**H**oc exemplo suam firmare de Lienae usu sententiam Clariss. *Witsio* licuisset, qui tract. de

affectione hypochondriaca, vult à sanguine per arterias advecto portionem quandam feculentiore,

*scilicet*



sale fixo constantem, in hoc viscus deponi, quæ illic velut digestionem exaltata, & in fermenti naturam evecta, denuo sanguini per venas refluxo committatur, quæ ipsum ~~fermentum~~ quadam inspiret, atque circa ejus ~~proprietatem~~ idem præstet quod fermentum

vulgare massæ farinaceæ commissum: hinc credit spiritus acutiores in regimine tum vitali tum animali progigni: Id si simplex lien præstare potest, nedum duplex actionum ejusmodi promptitudinem & impetum invehit. *Vide loc. citatum.*

## OBSERVATIO VIII.

*Furis pusillantis cor ulceribus exesum deprehensum. 1. Fur sine cerebello. 2. In Fure insigni vas breve bifurcatum inventum, Abscessus in sinistro cordis ventriculo, Paucissimum cerebrum in occipite. 3.*

§. 1. **P**ueri trimi sinistra cordis auricula variis ulceribus exesa erat, à quorum eructante fœtore defecit proculdubio frequentius ipsi animus; Cujus deliquium etiam aliis ex simili causa vidimus contigisse, sed præcipue cuidam furi, quem propterea ceu pusillanimum vituperaverunt qui cum ipso versabantur nebulones. *Tulpius Observat. lib. 2. cap. 16.*

§. 2. In cerebello, propter duritiem & siccitatem, Arabes memoriam collocant: quibus favere videtur observatio *Benivenii*: In quodam fure cerebellum defuisse vidit, idcirco sæpius in furto deprehensus & admoditus, præcedentis facinoris non meminerat.

## S C H O L I A.

**C**uriose inter Medicos & Philosophos disceptatur utrum animæ facultates distinctis sedibus in cerebro disparentur, elegeritque Imaginatio partem ejus anteriorem ceu molliorem, uti memoria posteriorem, quasi durior ac retinendis spectris accommodatior: qua controversia aliis relicta, proferam hic duo duntaxat exempla, luce clarius demonstrantia læso occipitio potissimum offendi nobilem reminiscendi vim: Famulus N. ob glaciem procidit supinus in occipitium, unde orta rerum omnium oblivione, non meminit deinceps nominis sui, nedum domus è qua venisset: Quem

mentis stuporem brevi eatenus quidem emendavit ars, ut iterum recordaretur longe præterita, at quæ casum hunc immediate præcesserant illorum memoria plane exciderat.

Quam eandem reminiscentiæ labem caelebs quidam mercator nobis similiter obtulit; qui ignarus vulneris quod nec opinanti in occipitio contigerat, Chirurgum obtestabatur, ut indicaret vulneris sui auctorem, locumve in quo id inflictum: quorum notitiam licet vel avidissime expeteret, nequirit tamen vel minimum invenire vestigium. *N. Tulpius Observat. lib. 4. cap. 14.*

§. 3. In inciso Jacobi cujusdam furis cadavere, bifurcatam venam à liene ad ventriculum atram bilem deferentem adnotavimus: Tum & abscessum in sinistro cordis ventre pituita redundantem: Postremo & posteriorem ejus capitis partem, ubi memoriæ sedes est, adeo brevem, ut tantillam cerebri portiunculam obtineret: Quam ob causam cum priorum scelerum, & eorum quæ pro his sæpe passus fuerat, tormenta scil. exilia & carceres minime recordaretur, totiens ad vomitum, tanquam canis impudens reversus est, ut in laqueum tandem inciderit; vitæque ac furti finem fecerit. *Benivenius de abditis observ. 89.*

## OBSERVATIO IX.

*Senex ad iram proclivis post obitum sine felle & cysti inventus est. 1. Iracundus pericardium exsuccum & squallidum habuit. 2. In valde iracundi cysti fellea repertus lapis eam adimplens. 3. In muliere ira & mœrore confecta, carnea cordis substantia plane consumpta fuit. 4.*

§. 1. **D**ecrepitus quidam senex in iram mire propensus, post decessum sine felle ac sine cysti inventus est: In cujus sede ingens calculus concreverat. *Fernelius lib. 6. Patholog. cap.*

## S C H O L I A.

**I**n iram mire propensus] Nam fel commover iras, quod quò uberius massæ sanguinis remiscetur, eò propensio in iram major est: Singularis vero omnino tuit hujus senis constitutio, qui felle & cysti caruit; hac proculdubio à calculo ingenito ingenti dilacerata & absumpta: Alias suapte natura, & quamdiu integra sanitate fruimur, semper moderate plena est, inquit *Clar. Glisson Anat. Hepatis cap. 20. propos. 1.* quod inde liquet, quia in omnibus animalibus (quibus vesicula hæc concessa est) cujus-

cunque demum ætatis aut sexus fuerint, iisdemque vel jejulantibus, dummodo prospera valetudine utantur, eadem semper plena cernitur, quod à nullo Anatomico negatum: quinetiam in fœtu, dum in utero est, repleta conspicitur, & in morborum constitutionibus rarissime felle vacua est: At, inquit (testibus viris doctis quamplurimis) haud raro vacua repleta est? Neque istuc inficior, ait, ex naturæ autem lege id unquam contigisse omnino pernego; atque duas solummodo ejus rei causas comminisci quæ, nescio,

nempe, ut vel à compressione aliqua violenta bilis omnis extra vesiculam propellatur, vel ob insignem fibrosi anuli laxitatem (quà sit ut bilis ulterius retineri nequeat) sponte illinc excidat: quorum posterius sine omnimodo vicinarum partium torpore atque enervatione haud facile contigerit: ideoque verisimile est (quod à nonnullis dicitur observatum) nempe à totali huiusmodi bilis evacuatione repentinam mortem subsequutam esse: utrobique autem talis evacuatio præter naturæ ordinem contingit, neque enim vel à facultate expultrice, vel à spontanea aliqua aut spontanea vesicæ contractione perficitur, quod tamen ut naturæ opera id fieri dicatur, necessario requiritur, ac propter ea naturalem vesicæ huius plenitudinem neutiquam oppugnant: Licet verò, addit *Glisson* ibid. propos. 2. vesicula fellea semper modice intumescat, nunquam tamen naturaliter utque adeo inferatur, quin dimidii saltem cochlearis mensuram porro excipere posse videatur: Neque enim distenti folliculi instar indurefcit, sed mollis

potius tactuique cedens deprehenditur: Quæres autem, Si quidem uberioris humoris est capax, cur non aliquando in corporum dissectionibus summo opere referta inveniatur? Profecto cum de vita res agitur, partes omnes, & præsertim quæ humoribus turgent, ad opus sese itenuè accingunt, ut quod ipsis molestum fuerit, emoveant: Ita canis jam suspensio periturus, vesicam urinariam, si modo plena sit, atque interdum intestina quoque exonerat: Sin vero cervix vesicæ felleæ ab incuneato calculo, aut aliter obturata fuerit, compertum est eandem ultra usitatum repletionis modum dilatare: indicio manifesto illam posse vi adigi ut constrictos distensionis terminos excedat, adeoque humoris plus solito in se complectatur: Constat enim inde de propositionis huius veritate, quod nempe fibrosus anulus haud adeo arcte atque pertinaciter constringitur, quin humori huc illuc fluenti locum cedat, quemadmodum si digitorum compressu periculum feceris, id clare comperies.

§. 2. Venerus quidam cum irasceretur frequenter, in syncopen cadebat ex qua postremum obiit. In eo repertum pericardium omni humore vacuum, squalidum, rugosum cordique adhaerens. *Vide lib. 2. tit. de Syncope.*

§. 3. In quadragenario Ictericam per septem annos patiente defuncto, lapidem magnitudine fellis reperi; Ea autem persona antea maxime iracunda ac violentissima erat. *Ioh. Henen lib. de Morbis Tartareis.*

§. 4. Proma conda Nob. cuiusdam in Misnia, in Tibia sinistra fonticulum, non arte sed natura factum, perpetuo madore scatentem gestabat, à multis retro annis: Anno 1669. à prædicto Nobili irato, altero die Bipalio percussa, nihil inde damni percepit; altero vero die ob inflictam ab eo alapam, excanduit, & sic in fervore abiens, inter abeundum arcæ allisit, & recensitum locum affectum sauciavit, ex quo sanguis tanta effluxit copia, ut medicamentis sanguinem sistentibus destituta, elapsis paucis horis vitam cum morte commutaret, Postero die terræ corpus fuit traditum: Elapsis à die sepulturæ integris septem septimanis, iussu Seren. Electoris Saxoniz sepulta effodiebatur: nullam autem à læsione externa manifestam causam per Bipalium aut alapam inflictam, factam invenire valui.

Quare ad interiora perlustranda ventrem inferiorem adaperui, & deprehendi Hepar magnum & adhuc incorruptum, bovis 4. annorum hepati simillimum, Lienem vero parvum: Erat effossa bene carnosæ, in vita vino dedita, unde effatum solertissimi *Bartholini Anat. lib. 1. cap. 14.* verum offendi, quod ita se habet, *Maius tamen Hepar est in frigidioris temperiei corporibus, & in timidis, & in gulosis, &c.* Ulterius spartam nactam prosequendo, in aperto thorace occurrebat Cor, non flaccidum, quod & multi authores se vidisse annotarunt, sed quoad ipsius substantiam plane consumptum, instar loculi vacui & corrugati: Cor tabidum vidit *Plinius*, exsiccatum instar pyri tostæ: *Jordanus* totum immoderato calore absumptum; Reliqua persequi vetuit odor cadaverosus. *Melchior Fribe in Miscell. curiosis annis 1673. Observ. 65.*

## OBSERVATIO X.

*Obesitas totius insignis ob viscera insolite magnitudinis.*

**A**Nno 1603. 27. Aprilis, Georgius Fridericus, Marchio Brandenburgicus, Onolsbachii in Noricis vivendi finem fecit, obesitatis inusitatæ Princeps, cuius corpore ad pollinaturam exenterato, viscera ad miraculum magna reperta sunt, 1. Hepar librarum quinque communium, 16. uncias pendentium: 2. Lien libræ unius cum quadrante: 3. Cor librarum duarum: 4. Pulmo librarum quatuor: 5. Ventriculus in latitudine per transversum spithamarum duarum, Crassities ejusdem pollicum trium, ventriculi extensi amplitudo mensuras Germanicas, quarum singulæ uncias 64. pendent, septem & decem facile capiebat, h. e. libras Medicas seu Romanas 90. cum unciis Octonis. 6. Omenti crassities sesqui spithamam habebat, plurimarumque erat librarum: quippe ventris aqualiculum latè longeque, protensum lata fascià à cervice appensa, gestare & constringere cogebatur. Proceritas corporis erat pedum septenum, universi autem pondus cccc. atque 26. libras mercales pendebat, Ingentem tamen hanc corporis molem haud incommode ferebat, adeo ut equitare & choreas ducere posset, utpote sensim accrescenti ponderi assuetus. *Smetius Miscellan. lib. 10. p. 579.*

OBSERV.

## OBSERVATIO XI.

*Suffocatio suspensi impedita ob tracheam arteriam osseam.*

**I**S qui dia suspensus Bononiæ jacuit, vivus inventus est, quod asperam arteriam non cartilagineam, sed osseam haberet: Hoc nos & ab aliis accepimus. *Cardanus lib. 2. tr. 2. contradi. 7.* Constat quendam bis suspensum servatum miraculi specie: inde cum tertio Judicis solertia periisset, inventam *osseam asperam arteriam. Idem lib. 14. de rerum variet. cap. 76.*

## SCHOLIA.

**O** *osseam asperam arteriam* ] Columbus lib. 1. cap. 13. Anat. humanam laryngem in perfectioris ætatis corporibus osseam esse, non cartilagineam, ex innumeris propemodum sectionibus se deprehendisse ait: hinc in ossium numero laryngem consti-

tuens, de illa in ossium tractatu agit: Quod autem ossa hæc sint, probat ex colore, duritie, ac medullosa substantia, qua carere cartilaginem omnem certum est.

*Finis Libri Quarti & Ultimi.*



*Errata, quae nobis inuisis irrepsere plurima, sic emenda.*

**P**agina 1. *legale* lecto imposita *ibid.* reparatum in pag. 2. *transfere* p. 3. in *agraz* vasis. *ib.* morbi idea. 4. *celio* *ib.* transferendo. *ib.* Succullione. *ib.* intercostalis. p. 7. substantia similitudine. 8. excrementitia. *ib.* illam tenuitatem. *ib.* olim. 13. Vixit excretioni. 19. etiam capillitium. 17. aquam spongia. 31. maximæ mesenterii. *ib.* sect. 6 pag. 35. per falcem: 45. cum humorem. *ibid.* donata est, qualis. 41. repletionem sinuum. 43. excrementitia. *ib.* horrag. *ibid.* sic nec 46. quoties Nerven 47 effervescunt. 48 iter faciens. *ibid.* coralli ppter an. 53. 49 intra fibras affectas. 53 non quia abfuit. 59 ejus patris ostium. *ib.* emendatur castoreo 60 nutritur. *ibid.* tenuit. 63 à succi nutritii. 64 calculus *ib.* nodulus. *ibid.* conchyliis 76 assignatus ab. 81 lacera & disrupta erant. 81 refertjerant. *ib.* subiectum mediatum cerebri. 84 ut ad gressum. 85 cum fratre in vehiculo. 88 lin. 4. *adde* Wepferus Exercit. de Apopl. observ. 3. 41. Bartholinus cent. iij. 95 mirabile constituentes rere. 96 nullus. 5. cath. 97 illud Celsi l. 5. c. 26. lin. 98 de causis anxietatis vide observ. 11. sect. 11. hujus lib. *ib.* huc pelli 99 non personatorie *ib.* prægressa quadam. *ib.* Apopl. p. 354. 106. In plurimum ab. *ib.* glutinosi Polyptidicti. *ib.* quas vide. *ibid.* valcat, suffocato. *ib.* in dicto dispensat. 107. puerperii. *ib.* copiose serum. 108. seu ad quantum. *ib.* non redit apoplexia, qua 110 omnibus artubus. *ib.* iter pedes. 112 parere possit, vide supra pag. 111. Cephalæa immensis. 115 interiora cranii. 120 quam quod cerebri. 124 exteriores alluente. *ib.* in inane hoc. 130 illigiri. *ib.* spiritum fuliginis. 132 artubus. 133 earum refluxus. 136 ad tactum. 139 interficiunt pueros. 144 ad finem observ. 44. lege. Vide supra observ. 38. 151 *ex* sua. 153 ægrius absolvente. 155 passim occurrunt. *ib.* viscerum inflationes. 156 urgentes plenâque. *ib.* terra aperto. 160 primario Professore. *ibid.* eum innuit. 163 eluibiles. 164 *supra* *ibid.* 165 NB. Scholia 3. 4. observ. 11. pertinent ad observ. 16 *ibid.* obstruuntur. 166 Petrus Notol. *ib.* sed in sinus. 169 palpatet. 170 distensis sanguine. *ib.* qui neque quando definire. 171 licet multo humaniora. 173 quam dum cibi indiga. 180 frequentius produci. 184 alto & lurulento. 186 in acetosam & corrosivam. 189 *Ex* *ibid.* sunt autem afficiendi. 194 aut facile impetiem. 199 ascendens à corde. 200 precepit. 201 pinguedine vacua fuerunt. 202 nec non ab exuto. 206 nimis depresso. 207 tenuis & ærea ut spiritus. *ib.* meatus extensi. 211 in toto stagnans. 215 semel vortice. 216 sunt spiritus animales. 219 abscessu magno. 221 epilepsia defunctorum. 226 *Ex* *ibid.* 227 omni fere providentia. 229 fluxiones inciderint. *ib.* Bennettus. *ib.* Sontico morbo. 242 in primis viis. *ib.* teretium, latorum. 244 contractionibus laxæ. 246 summe acris. 247 licet in ipsis. *ib.* pathologia. 251 gravioribus paroxysmis. 256 heterogeneitas. *ibid.* quasi fomitem. 259 plexuum choroidæon vasis. 261 cum rugis. 263 qui partes ejus posticas occupans extinguit, iis enim. 269 sed ex alto. 270 in cerebro nil fere. 275 ab objecto tangibili. *ib.* exerefcunt. *ib.* jungantur, quales. 278 nitrolo acore prædicit 285 præcordiorum. *ib.* fini observ. *adde* Wepferus de Apoplexia p. 370. 287 alvo oculis. 290 quam tumoribus. 291 *Ex* *ibid.* Sennertus. 294 *Ex* *ibid.* 297 madore substantiæ. *ib.* matrona (de qua. 301 paris vesicæ imperitur, verum. 305 exemplum vide. 310 velur namque. 313 telæ instar. 314 naturali in statu. 316 velur undulatione. *ib.* humoris in gelu. 321 *Ex* *ibid.* hæc. 322 proflicuerunt. *ib.* capitis in humeros. 323 adeunt. 326 *Ex* *ibid.* 327 erant convelli. 328 circumventum. *ib.* oculi cameræ 340 lachrymalia puncta. 344 operam. 345 albicantis canalibus nervi odoratibus. *dele* procellibus illis. 348 inviti ponderi. 353 Illius tunica. *ib.* *Ex* *ibid.* 356 hunc autem. 362 erant repletæ. 363 erysipelatode. *ibid.* pendente. 364 Vlu venit *ibid.* noscitur coloribus. 366 plumis decerpitis. *ibi.* ad finem *ib.* obser. 30. *adde* Schneidetius. 367 copiose cuti. 369 musculis & nervis recurrit. *ib.* *Ex* *ibid.* 373 neurologia. *ib.* distinctæ. 376 distincti. *ib.* *Ex* *ibid.* 379 recluso. 385 propius. 389 transitu officit. *ib.* uere cerebro. 396 præcursores. 407 refert septi. 409 quæ in. 407 quæ scirrhosa. 408 attenuationem accessit. 414 *Ex* *ibid.* insecta 425 in pus. 430 in fine observ. 91. pro idem, lege *Ex* *ibid.* 440 myurus. 441 in ductum. 444 Sylvius. 447 sita habuit. 499 motum impediendi. 461 qui in locationis. 465 Nosocoma. 469 cum distensionis nullus. 470 separabiles. 475 nutriti vitio. 476 tum robore. 479 antimonii. 482 instringen abortu. 487 in alias partes grassatum, morus convulsivos in facie, artubus excitasse. 488 certis horis. 490 in corruptus. *ib.* tanta vehementia ut. 495 cum adfent. 501 *Ex* *ibid.* 505 *Ex* *ibid.* 510 illorum membra. 515 lacteam. 517 hydropicæ liene. 518 passa est. *Ex* *ibid.* 520 am. *ib.* confert confert. 521 Ballonius tract. peritæ, &c. 526 quoad unitatem. 537 quæ quomodo. 569 *Ex* *ibid.* 566 consumptione integra. 589 citrinam, in cho. nec vera, præstentiam. 605 nervi & fibræ. 607 ego oculos 610 avellânæ. 621 scirrhosum. 626 *Ex* *ibid.* 620 hepar 630 us. 636 Theologi obser. 3. 637 spasmodice dispositi. 640 Mammam illum. 669 ab augmento nimio. 675 liquore claudato. 680 rarefens sanguis. 693 enormis dilatio.

710 instar tomentum. 711 carus erit. 724 hinc lienem. 729 animal quoddam. 737 fames. *ib.* à nemine. 741 forte potuerit. 743 oris ariditate. 749 marasmode. 758 vena mar. 761 seu missionem. 770 Viro Nob. *ib.* ad cuius. 776 immunitatem accepit Nob. 779 revomere quæ. 794 ratio curatrix. 806 ob coli valvulam. 807 semipedale. *ibid.* affixus. 810 demonstrantibus. *ibid.* cumque vixit. 821 *Ex* *ibid.* 830 ob quam. 831 antea pressam. 834 accedat à optimam. 836 aperta vena. 840 Obs. 7. 842 externe flaccidi, duri, retortidi. 851 cerco reservari. 862 hepatis sanguificationis. 866 natura cruda. 866 suppeditantes. 876 per semiannum. 883 comedebat & lugebat. 893 infarcto & 895 erant maculatib. lapide, quo. 697 rumpentur. 898 *Ex* *ibid.* 899 tunica ventriculi *ib.* affecta parte. 910 cum esset, in ea *ib.* ad mortum. *ib.* putri intestino nō admittente 911 cadaveribus. *ib.* *Ex* *ibid.* 913 pepererat 918 obstetricis. 920 morte subsequente. 921 ad uriculi. 931 convulsivos inferat. 947 plane mollis. 949 laconico. 974 Anglus *ib.* adnatum diaphragm. 975 tabe à lapillis. 977 confederant. 978 tantopere exuperat. 979 lien ut membrana sensum habeat, & quia. *ib.* confortii. *ib.* audiret ipse. *ib.* non liquit. 980 uræve. *ib.* ac ita. *ib.* vitriolicum. 988 Ilii dexeri. 989 Cæterum in. 990 ei affundatur. 996 desepente interitui. 997 exacerbat. 1001 regionem hepatis. 1019 ille febribus. 1020. est. 1030 pariter vitiosis. *ib.* expectata. 1021 cocto simile 1024 corpora pituitosa in cordis. 1025 culpani. 1026 quandoquidem felle. 1027 nixus. 1030 quamobrem officio. 1033 excedentem jecoris. *ibid.* parvis scrofulis. 1034 reduci nequeat. *ib.* pari ratione. 1035 manifestus prodiit 1036 in umbilico. 1037 aqua liberalius hausta. 1039 quod compositis 1042 Cabilone. *ib.* æstum. *ib.* ab exhaustu. 1050 fuit. 1051. *ibid.* concavum reptantes. 1051 quod ex gland. 1060 aquæ enim. 1061 in Lezna. *ib.* salvia. artemis. 1067 Cordus comm. 1068 *Ex* *ibid.* *Ex* *ibid.* duplici Testina invadente. *ibid.* 1069 delitesceret. colore lurido, friabilitate (cujus parenchyma ex sanguine farcimina referebat) vitii notas prodens. 1170 cyphum. 1171 cuius ventriculus. *ib.* *Ex* *ibid.* 1072 à plurimis medicis pituitæ. *ib.* affectus pettinacis 1078 *Ex* *ibid.* 1091 coluviei copiam. 1101 hanc membr. Omentum. 1107 tot sane. 1126 *Ex* *ibid.* 1127 inde humore. 1130 *Ex* *ibid.* 1154 exacerbat. 1157 Elizabeth. des Bordes. 1160 ab calculum. *ibid.* viscidam. tumido. 1184 perinxum. 1189 vas obstrueretur. 1210 drachmarum. 1211 satis cognito 1212 magistris. *ib.* celebr. mihi narratum. à D. *Ex* *ibid.* transmissos fuisse ducentos. &c. *ibid.* constat gigni in senibus. *ib.* ne genio. 1224 ad hunc modum 1227 Frid. Lossius. *ib.* in quovis corporis habitu. 1231 si à lapide. 1232 affectus erat. quæ fortassis inflammatio tam reus quam. 1231 quidem admiserit. 1235 mensis consumptus. 1236 instar arbori. 1237 Stranguria vesicalis. *ib.* ureteres. *ib.* prostratas. 1240 verendum ne. *ib.* non leviter. 1241 carnem molem. 1246 Mayerne. Brozio adscripta. 1248 plurima materia. *ibid.* amurca ævomine. 1249 Calculo irritata. *ib.* membranarum. *ibid.* dempsit. 251 purgationem eum. 1252 *Ex* *ibid.* *Ex* *ibid.* 1254 efformetur. suo enim. 1259 eum saburavit. 1264 cor rapidius. *Ex* *ibid.* 1271 *Ex* *ibid.* 1272 quasi æqualiter. 1285 ex venis deferuntur. 1282 medicamentum semen extinguunt 1284 communionem habere. *ibid.* mercator eum febre. 1316 quicquid enim. *ibid.* non excerni semen. sed pus ulceris ex. 1320 Sennertus Pract. l. 3. 1325 vitales. *ibid.* Sanguinem. plerisque. 1326 uterus. aut. 1332 vitiosis perfusi. 1345 cordis basis. *ibid.* mortua. 1353 uteri corpus scirrhosum. 1354 mulieres emunctæ. 1357 *Ex* *ibid.* *Ex* *ibid.* feriem affectum. *ib.* utinam. 1358 conceptione tubaria. 1360 interstitium. 1362 idiotis terribilem. 1365 hydrops. *ib.* ad ossu formationem. 1366 fidei ipsorum. 1368 venter tumidior. renitentior. *ib.* molita est natura. *ib.* latere. *ib.* Benoit Suprætoris. &c. 1380 *Ex* *ibid.* *Ex* *ibid.* 1382 abhinc die *ib.* parturit. 1393 vel cum quid. 1394 *ib.* *Ex* *ibid.* 1405 & defluxione. 1407 similem ideam. 1408 ex febre. 1411 & luidi. 1413 phthisicum habitum. 1414 impacti imbiturique. 1416 obstruentium eorum. 1417 Eas quæ. *ib.* particularum juxta os. 1421 possit ipse. 1422 infici & affici. 1424 variisq. 1426 accessiones plerumque. 1428 glandula major. 1429 *Ex* *ibid.* & *Ex* *ibid.* 1430 ex professo. 1431 nec parum ad hoc facit. quod os. *ibid.* Quartanarii cadaver. 1437 omnium quæ. 1439 *Ex* *ibid.* 1441 ob acrem illam. *ibid.* bubonoecele. in quam. *ibid.* evadit. ita ut. *ibid.* *Ex* *ibid.* 1442 par ratio est. *ibid.* concremabili 1443 quare parum aut nihil. *ib.* & de in longa. 1445. 4. vel 5. 1447 præ calore. *ibid.* de spiritu salis. 1457 sententia qui. 1460 nona morbi diei 1461 abortivi. *ibid.* anginosum quid. *ibid.* ad summum gurgur. *ib.* pleuritidis specie. *ib.* fere intractam. *ib.* affecta sede. 1463 quoque clarum. *ibid.* stragulorum. *ib.* & c. *ib.* si quid. *ib.* naturæ motui. 1463 recusat: mihi. *ibid.* Cataphora. Medici dicti reponunt. *ib.* Ego circa sextam *ibid.* obrutus erat. 1467 non sollicitata intestinorum. *ibid.* dejectionibus biliosa. 1468 non satis laudabile. 1469 *Ex* *ibid.* 1468 cujus capac. *ibid.* plurimis funesta. 1480 tantum. 2. Sicis (innuam legantur) 1481 ingestorum diarrhoea. 1490 & tantam cum. 1491 in teneriore ætate. 1495 quod imo conov 1496 inflammataque parti.

AO1 146/107















V. LOFFREDO



